

二十五史補編

二十五史補編第四冊目錄

梁諸王世表

萬斯同 四三四七—四三四八

梁將相大臣年表

萬斯同 四三四九—四三五九

補梁疆域志

洪麟孫 四三六一—四四三一

右梁書之部

陳諸王世表

萬斯同 四四三三—四四三四

陳將相大臣年表

萬斯同 四四三五—四四四一

補陳疆域志

臧勵穌 四四四三—四四七五

右陳書之部

魏諸帝統系圖

萬斯同 四四七七

魏諸王世表

萬斯同 四四七九—四四八四

魏異姓諸王世表

萬斯同 四四八五—四四八六

魏外戚諸王世表

萬斯同 四四八七

魏將相大臣年表

萬斯同 四四八九—四五一九

西魏將相大臣年表

萬斯同 四五二一—四五二八

東魏將相大臣年表

萬斯同 四五二九—四五三二

元魏方鎮年表

吳廷燮 四五三三—四五九七

魏書地形志校錄

溫日鑑 四九九九—四六四〇

魏書禮志校補

盧文昭 四六四一

魏書官氏志疏證

陳毅 四六四三—四六六四

補魏書兵志

谷霽光 四六六五—四六六八

右魏書之部

北齊諸王世表

萬斯同 四六六九—四六七〇

北齊異姓諸王世表

萬斯同 四六七一—四六七二

北齊將相大臣年表

萬斯同 四六七三—四六八〇

右北齊書之部

周諸王世表

萬斯同 四六八一

周公卿年表

萬斯同 四六八三—四六八六

北周公卿表

練恕 四六八七—四六九〇

右周書之部

隋諸王世表

萬斯同 四六九一

隋將相大臣年表

萬斯同 四六九三—四六九七

隋唐之際月表

黃大華 四六九九—四七〇三

隋書地理志考證附補遺

楊守敬 四七〇五—四九二七

隋書經籍志補

張鵬一 四九二九—四九四二

隋書經籍志考證

章宗源 四九四三—五〇三七

隋書經籍志考證

姚振宗 五〇三九—五九〇四

右隋書之部

梁諸王世表

清萬斯同撰

長沙

〔一世〕懿 武帝兄仕齊爲尙書令被殺追封
〔二世〕淵業 懿子始封仕至侍中金紫光祿

大夫

建安王淵明 淵業弟始封貞陽侯兵
敗降魏及侯景伏誅王僧辯迎立爲
帝陳霸先廢爲建安王

〔三世〕長沙王孝儼 淵業子仕至太子舍人

詔 淵業弟淵猷子初封都鄉侯臺城
陷使江陵湘東王繹承制令襲長沙
王仕至鄧州刺史

〔四世〕春 孝儼子

永陽

〔一世〕敷 武帝兄仕齊爲廬陵王諮議參軍
先卒追封

〔二世〕伯游 敷子始封仕至會稽太守

衡陽

〔一世〕暘 武帝弟仕齊爲太常先卒追封

〔二世〕元簡 暘子始封仕至鄧州刺史

〔三世〕獻 元簡子

桂陽

〔一世〕融 武帝弟仕齊爲太子洗馬與兄懿

同被害追封

〔二世〕象 融子始封仕至侍中祕書監

〔三世〕暄 象子仕至信州刺史爲湘東王繹

所殺

臨川

〔始封〕宏 武帝弟仕至太尉揚州刺史

〔二世〕正義 宏次子仕至東揚州刺史

臨賀王正德 正義弟始封西豐侯武
帝養爲子歸宗後進封王叛附侯景
立爲帝旋復本爵爲景所殺

〔三世〕竟陵王賁 正德弟正立子叛附侯景

矯詔封王旋爲景所殺

安成

〔始封〕秀 武帝弟歷南徐江荆鄧雍五州刺

史

〔二世〕機 秀子仕至湘州刺史

〔三世〕操 機子

南平 始封建安

〔始封〕偉 武帝弟仕至大司馬

〔二世〕恪 偉子歷雍鄧二州刺史爲元帝尙

書令司空

鄱陽

〔始封〕恢 武帝弟歷鄧益荆三州刺史開府

儀同三司

〔二世〕範 恢子歷益雍南豫合四州刺史開

府儀同三司

始興

〔始封〕憺 武帝弟仕至開府儀同三司領軍

將軍

〔二世〕亮 憺子

右十三王並宗室

豫章

〔始封〕綜 本齊東昏侯子鎮徐州棄軍奔魏

魏封爲丹陽王

南康

〔始封〕績 歷南徐南兗江三州刺史護軍將

軍

〔二世〕會理 績子歷湘南兗二州刺史謀誅

侯景被殺

廬陵

〔始封〕續 歷雍江荆三州刺史開府儀同三

司

〔二世〕應 續子

邵陵

〔始封〕綸 歷南徐揚鄧三州刺史司空後保

汝南爲魏人所執不屈死

武陵

〔始封〕紀 歷揚益二州刺史侍中太尉後僭

號成都改元天正爲湘東王繹攻沒

右五王並武帝子 武帝八子長昭明太子

統第二簡文帝綱第七孝元帝釋

豫章

〔始封〕歡 仕至江州刺史

〔二世〕棟 歡子侯景廢簡文奉歡為帝景篡

位廢為淮陰王

河東

〔始封〕譽 仕至湘州刺史為湘東王釋攻沒

岳陽

〔始封〕管 為雍州刺史據州稱大號臣于西

魏沒諡中宗宣皇帝

〔二世〕歸 管子襲帝位二十三年卒諡世宗

明皇帝

〔三世〕琮 歸子襲帝位二年入朝于隋國亡

凡三十三年

武昌

〔始封〕警 仕至東揚州刺史

義陽

〔始封〕鑒

右五王並昭明太子子

尋陽

〔始封〕大心 歷鄴江二州刺史為侯景所殺

臨川 始封江夏

〔始封〕大款 為中書侍郎奔江陵終開府儀

同三司

南海

〔始封〕大臨 歷東揚州刺史吳郡太守為侯

景所殺

南郡

〔始封〕大連 歷東揚州刺史為侯景所獲用

為江州刺史被殺

安陸

〔始封〕大春 為寧遠將軍知石頭戍事與侯

景戰敗被獲用為東揚州刺史見殺

桂陽 始封山陽

〔始封〕大成 奔江陵終護軍將軍

汝南 始封宜都

〔始封〕大封 奔江陵城陷遇害

新興

〔始封〕大莊 侯景用為南徐州刺史被殺

西陽

〔始封〕大鈞 侯景用為丹陽尹監揚州事被

殺

武寧

〔始封〕大威 侯景用為丹陽尹被殺

建平

〔始封〕大球 為侯景所殺

義安

〔始封〕大昕 同上

綏建

〔始封〕大摯 同上

樂良

〔始封〕大圖 國亡入周

右十四王並簡文帝子

簡文二十子長哀 太子大器第二十瀏陽公大雅俱為侯景所

害餘早卒未封

永嘉

〔一世〕方等 湘東王世子督兵攻湘州不克

死

〔二世〕莊 方等子父沒封為王出質北齊陳

霸先僭位梁故臣王琳奉莊為帝未

幾兵敗復歸齊卒

始安

〔始封〕方略 江陵陷遇害

右二王並孝元帝子 元帝五子長忠烈世

子方等第二貞惠世子方諸第四愍懷太子

方矩第五敬帝方智惟方略封王

附

汝陰

〔始封〕劉胤

〔二世〕端

〔三世〕哲

〔四世〕叡

巴陵

〔始封〕蕭寶融 即齊和帝

寶義 梁封奉齊後

〔二世〕屏

〔三世〕沈

梁將相大臣年表 清萬斯同撰

武帝天監元年癸未 四月蕭衍篡

位五月江州刺史陳伯之反六月

奔魏益州刺史劉季連反魏宣武

帝景明三年

〔丞相〕

〔太宰〕

〔太傅〕

〔太保〕

〔大司馬〕

〔太尉〕

〔司徒〕

〔司空〕

〔驃騎將軍〕

〔車騎將軍〕夏侯詳 侍中車騎

辭不拜閏四月改右光祿大

夫

〔雜號大將軍〕

〔尚書令〕王亮 四月命兼侍中

中軍將軍

〔左僕射〕

〔右僕射〕（或止置僕射一人）

〔僕射〕沈約 四月命尋兼領軍

加侍中

〔吏部尚書〕范雲 四月命

〔中書監〕王瑩 四月命

〔中書令〕王志 遷丹陽尹

張稷 遷侍中

〔侍中〕王瞻 遷左民尚書

王寯

夏侯竄 出爲宣城太守

蔡搏

謝朓 四月命加左光祿大夫

開府儀同三司

柳惔

張稷 十二月遷護軍

〔領軍將軍〕王茂 五月出爲江

州刺史

沈約 僕射兼

〔護軍將軍〕柳惔 遷太子詹事

張稷 十二月命旋罷

〔資淺者爲中領軍中護軍〕

〔揚州刺史〕臨川王宏 四月命

二年甲申 五月益州平

〔司徒〕謝朓 六月命仍兼侍中

領尚書令

〔尚書令〕亮 正月有罪廢爲庶

人

謝朓 六月司徒兼

〔僕射〕約 正月改左十一月母

喪去職

〔右僕射〕范雲 正月命五月卒

王瑩 六月命

〔吏部尚書〕雲 正月遷僕射

王瞻

宗史 五兵尚書參選事

〔中書監〕瑩 六月遷僕射

〔侍中〕朓 六月還朝拜司徒

竄 遷度支尚書

搏

惔 出爲吳興太守

王暕

袁昂

蕭穎達

〔領軍將軍〕約 丁母憂改丹陽

尹

柳慶遠 正月命

〔揚州刺史〕宏

三年乙酉 魏正始元年二月魏人

陷梁州八月陷司州

〔司徒〕朓

〔車騎將軍〕夏侯詳 車騎湘州

刺史七月命

〔尚書令〕朓

〔右僕射〕瑩 正月遷左

柳惔 正月命

〔吏部尚書〕瞻

史 卒

傅昭 五兵尚書參選事

〔中書令〕王志 領遊擊將軍

〔侍中〕暕

昂 出爲尋陽太守

穎達

〔領軍將軍〕慶遠

〔中護軍〕楊公則 七月命

〔揚州刺史〕宏

四年丙戌 二月交州刺史李凱反

討平之十月大舉伐魏

〔司徒〕朓 十二月母喪去職

〔車騎將軍〕詳

〔尚書令〕朓

〔左僕射〕瑩

〔右僕射〕惔 十月督師北伐

〔吏部尚書〕昭

〔中書令〕志

〔侍中〕長沙王濶業

徐勉

<p>〔領軍將軍〕慶遠 正月出爲雍州刺史 張稷 十一月命 〔中護軍〕公則 曹景宗 二月命 〔揚州刺史〕宏 十月出督北討諸軍事</p>	<p>五年丁亥 九月臨川王宏軍大潰于洛口引還 〔司徒〕肅 正月起復兼中書監 十二月卒 〔車騎將軍〕詳 〔左僕射〕瑩 正月兼護軍 〔右僕射〕懷 〔吏部尙書〕張充 二月命 〔中書監〕謝朓 正月起八月就職十二月卒 〔中書令〕志 安成王秀 〔侍中〕淵業</p>	<p>勉 沈約 加右光祿大夫領太子詹事關尙書八條事 〔領軍將軍〕稷 〔護軍將軍〕王瑩 正月僕射兼 〔揚州刺史〕宏 九月敗歸 六年戊子 四月曹景宗等大破魏軍于邵陽洲</p>	<p>〔司徒〕臨川王宏 十月拜領太子太傅 〔驃騎大將軍〕臨川王宏 驃騎大將軍開府儀同三司四月命十月拜司徒 〔車騎將軍〕詳 六月遷左光祿大夫 〔尙書令〕沈約 十月命領太子少傅仍兼侍中 〔左僕射〕瑩 四月遷中軍將軍 沈約 四月命十月遷令 夏侯詳 十月命十二月卒 〔右僕射〕懷 出爲湘州刺史 王茂 四月命七月遷中衛將軍 袁昂 十月命 〔吏部尙書〕充 遷雲騎將軍 袁昂 五月命十月遷僕射 徐勉 十月命 〔中書令〕秀 四月出爲江州刺史</p>	<p>史 沈約 四月僕射領十月解 〔侍中〕約 四月遷僕射 淵業 遷太子右衛率 勉 遷五兵尙書 蔡撙 王暕 〔領軍將軍〕稷 出爲吳興太守</p>	<p>曹景宗 四月命兼徐州刺史 〔護軍將軍〕瑩 長沙王淵業 五月命 〔揚州刺史〕宏 四月遷驃騎建安王偉 七年己丑 十月大舉伐魏魏永平元年 〔司徒〕宏 〔車騎將軍〕王茂 正月命十月督師北伐 〔尙書令〕約 〔左僕射〕張稷 十月命 〔右僕射〕昂 〔吏部尙書〕勉 〔侍中〕撙 出爲吳興太守 陳 〔領軍將軍〕景宗 正月遷中衛將軍 蕭昂 正月衛尉兼二月解 呂僧珍 二月命 〔護軍將軍〕淵業 二月出爲南兗州刺史 柳慶遠 二月命 始興王憺 五月命十月督師北伐 〔揚州刺史〕偉 八年庚寅 〔司徒〕宏 四月改司空揚州刺</p>	<p>史 南平王偉 侍中中撫軍將軍知司徒事 〔車騎將軍〕茂 四月加開府儀同三司 〔尙書令〕約 〔左僕射〕稷 〔右僕射〕昂 〔吏部尙書〕勉 〔中書令〕始興王憺 出爲南兗州刺史 〔領軍將軍〕僧珍 〔護軍將軍〕憺 長沙王淵業 十月命 臨川王宏 四月再任 九年辛卯 〔司徒〕偉 正月遷護軍將軍 〔司空〕宏 〔車騎將軍〕茂 〔尙書令〕約 正月遷左光祿大夫 王瑩 〔左僕射〕稷 〔右僕射〕昂 〔吏部尙書〕勉 遷散騎遊擊 〔中書監〕王亮 正月命四月卒 〔侍中〕王瑩 遷尙書令</p>
--	--	---	--	---	---	--

〔領軍將軍〕僧珍

〔護軍將軍〕淵業

建安王偉 正月命

〔揚州刺史〕宏

十年壬辰

〔司空〕宏

〔車騎將軍〕茂

〔尙書令〕瑩

〔左僕射〕稷 二月出爲青冀二

州刺史

張充 六月命

〔右僕射〕昂

〔吏部尙書〕王暕 二月命領國

子祭酒

〔侍中〕蕭淵藻

〔領軍將軍〕僧珍 五月卒

柳慶遠 五月命

〔護軍將軍〕偉 六月出爲江州

刺史

鄱陽王恢 二月命

〔揚州刺史〕宏

十一年癸巳 魏延昌元年

〔司空〕宏 正月遷太尉十一月

改驃騎

王茂 正月命

〔驃騎將軍〕臨川王宏 驃騎開

府同三司之儀十二月命仍

領揚州刺史

〔車騎將軍〕茂 正月拜司空

〔尙書令〕瑩

〔左僕射〕充 出爲吳郡太守

〔右僕射〕袁昂 十月復任

〔吏部尙書〕暕

謝覽

〔侍中〕淵藻 出爲雍州刺史

〔領軍將軍〕慶遠

〔護軍將軍〕恢 十二月出爲荆

州刺史

〔揚州刺史〕宏 正月拜太尉刺

史如故

十二年甲午

〔司空〕茂 十月改驃騎

臨川王宏 十月拜仍領揚州

刺史

〔驃騎將軍〕宏 十月拜司空

王茂 驃騎開府同三司之儀

江州刺史十月命

〔尙書令〕瑩

〔右僕射〕昂

〔吏部尙書〕覽 出爲吳興太守

〔侍中〕安成王秀 領宗正兼石

頭戍事

〔領軍將軍〕慶遠

〔護軍將軍〕王珍國 二月命

〔揚州刺史〕宏

十三年乙未

〔司空〕宏

〔驃騎將軍〕茂

〔尙書令〕瑩

〔右僕射〕昂

〔侍中〕秀

謝舉

〔領軍將軍〕慶遠 六月出爲雍

州刺史

蕭曷 六月命

〔護軍將軍〕珍國

〔中護軍〕章叡 五月命

〔揚州刺史〕宏

十四年丙申

〔司空〕宏

〔驃騎將軍〕茂 四月卒

〔尙書令〕瑩

〔右僕射〕昂

〔中書令〕王濤

〔侍中〕秀

舉

〔領軍將軍〕曷

〔護軍將軍〕叡 二月出爲雍州

刺史

長沙王淵業 九月命

〔揚州刺史〕宏

十五年丁酉 交州反十一月刺史

季稷討平之魏孝明帝熙平元年

〔司空〕宏 丁生母憂解職五月

改驃騎大將軍

〔驃騎大將軍〕臨川王宏 五月

命兼中書監仍領揚州刺史

〔尙書令〕瑩 六月遷左光祿大

夫開府儀同三司丹陽尹九

月卒

〔右僕射〕昂 六月遷左

王暕 六月命

〔中書監〕臨川王宏 五月驃騎

領

〔中書令〕蕤 出爲吳興太守

〔領軍將軍〕曷 加侍中

〔護軍將軍〕淵業

豫章王綜 四月命十一月出

爲交州刺史

章叡 十一月命

〔揚州刺史〕宏

十六年戊戌 四月初去宗廟犧牲

改用蔬果

〔驃騎大將軍〕宏

〔左僕射〕昂

〔右僕射〕暕

〔中書監〕宏

〔侍中〕何敬容

〔領軍將軍〕曷

〔護軍將軍〕叡

〔揚州刺史〕宏

十七年己亥 魏神龜元年

〔司徒〕臨川王宏 六月以中軍將軍行司徒事十月實授
〔驃騎大將軍〕宏 五月左遷侍中中軍將軍

〔左僕射〕昂

〔右僕射〕暕

〔吏部尚書〕蔡搏 六月命

〔中書監〕宏 五月免尋復任

〔侍中〕敬容

〔領軍將軍〕昂 五月改監揚州

鄱陽王恢 六月命

〔護軍將軍〕叡

〔揚州刺史〕宏 五月免

蕭昺 五月安右將軍監揚州事

十八年庚子

〔司徒〕宏

〔尚書令〕袁昂 正月命加宣惠將軍

〔左僕射〕昂 正月遷令

〔右僕射〕暕 正月遷左

徐勉 正月命仍兼詹事

〔吏部尚書〕搏

〔中書監〕宏

〔侍中〕謝舉 領步兵校尉

〔領軍將軍〕恢 正月出為荊州

刺史

始興王憺 加開府儀同三司

正月命
〔護軍將軍〕叡
〔揚州刺史〕昂
普通元年辛丑 魏正光元年

〔司徒〕宏 正月遷太尉

〔車騎將軍〕章叡 六月命八月卒

〔尚書令〕昂

〔左僕射〕暕 正月母憂解職

王份 正月命

〔右僕射〕勉

〔吏部尚書〕搏

王峻

〔中書監〕宏 正月解

〔中書令〕蔡搏 兼侍中

〔侍中〕舉

蔡搏 領祕書監遷中書令

〔領軍將軍〕憺

〔護軍將軍〕叡 六月拜驃騎

長沙王淵業

〔揚州刺史〕昂 正月出為鄧州

刺史

臨川王宏 正月太尉領

二年壬寅

〔太尉〕宏

〔尚書令〕昂

〔左僕射〕份

〔右僕射〕勉

〔吏部尚書〕峻
何敬容
〔中書令〕搏 出為吳郡太守

〔侍中〕何敬容

〔領軍將軍〕憺

〔護軍將軍〕淵業

〔揚州刺史〕宏

三年癸卯

〔太尉〕宏

〔尚書令〕昂 正月遷中書監丹

陽尹進中衛將軍

〔左僕射〕份 正月遷右光祿大夫

王暕 正月命

〔右僕射〕勉

〔吏部尚書〕敬容

〔中書監〕袁昂 正月命

〔領軍將軍〕憺 十一月卒

蕭淵藻 十一月命

〔護軍將軍〕昌義之

〔揚州刺史〕宏

四年甲辰

〔太尉〕宏

〔尚書令〕袁昂 十月命加開府

儀同三司領國子祭酒

〔左僕射〕暕 十一月卒

〔右僕射〕勉
〔罷左右止設僕射一人〕

〔吏部尚書〕敬容 出為吳郡太守
謝舉 左民尚書掌尋免
蕭子恪

〔中書監〕昂 十月遷尚書令

〔侍中〕長沙王淵業 加金紫光祿大夫

南康王績

〔領軍將軍〕淵藻

〔護軍將軍〕義之 十月卒

〔揚州刺史〕宏

五年乙巳

〔太尉〕宏

〔鎮衛大將軍〕南平王偉 領右

光祿大夫開府儀同三司正

月命

〔驃騎大將軍〕鄱陽王恢 驃騎

大將軍開府儀同三司正月

命仍領荊州刺史

〔尚書令〕昂

〔僕射〕勉 加中書令

〔吏部尚書〕子恪

〔中書令〕徐勉 僕射兼

〔侍中〕淵業

績 出為江州刺史

〔領軍將軍〕淵藻

〔護軍將軍〕夏侯亶 正月命

〔揚州刺史〕宏

六年丙午 魏孝昌元年

〔太尉〕宏

〔司空〕元法僧 魏宗室為徐州

刺史國亂僭稱帝號據地來

歸正月拜司空

〔鎮衛大將軍〕偉

〔驃騎大將軍〕恢

〔尙書令〕昂

〔僕射〕勉

〔吏部尙書〕子恪 遷太子詹事

謝舉 加侍中

〔中書令〕勉

〔侍中〕淵業 卒

〔領軍將軍〕淵藻 正月督師北

伐

曹仲宗 八月命

〔護軍將軍〕亶 五月督師北伐

〔揚州刺史〕宏

七年丁未

〔太尉〕宏 四月卒

〔司空〕法僧

〔鎮衛大將軍〕偉

〔驃騎大將軍〕恢 九月卒

〔尙書令〕昂

〔僕射〕勉 出為晉陵太守

〔吏部尙書〕舉

〔中書令〕勉

〔侍中〕邵陵王綸

張纘

〔領軍將軍〕仲宗

〔護軍將軍〕亶 十一月遷豫州

刺史

〔揚州刺史〕宏 四月卒

孔休源 宣惠將軍監揚州事

大通元年戊申

〔司空〕法僧

〔鎮衛大將軍〕偉

〔尙書令〕昂 十一月兼中書監

解祭酒

〔僕射〕勉

〔中書監〕袁昂 十一月尙書令

兼

〔中書令〕勉

〔侍中〕綸

纘

蕭琛

〔領軍將軍〕仲宗

〔中護軍〕蕭淵藻 三月命十月

北伐

〔揚州刺史〕休源

二年己酉 四月魏爾朱榮入洛陽

國大亂其北海王顥來奔十月以

顥為魏主遣將軍陳慶之送之魏

孝莊帝永安元年

〔司空〕法僧

〔鎮衛大將軍〕偉

〔尙書令〕昂 正月加中撫大將

軍

〔僕射〕勉

〔吏部尙書〕王泰 未任卒

何敬容

〔中書監〕昂

〔中書令〕何敬容 未任遷吏部

〔侍中〕綸

琛 遷金紫光祿大夫

向

王規

元景仲 兼右衛將軍

〔中領軍〕蕭昂 正月命

〔中護軍〕淵藻

〔揚州刺史〕休源

中大通元年庚戌 五月慶之入洛

陽盡取河南之地閏六月爾朱榮

攻殺顥復據洛陽

〔司空〕法僧 十二月加車騎將

軍

〔鎮衛大將軍〕偉 十二月領太

子少傅

〔尙書令〕昂

〔僕射〕勉

〔吏部尙書〕敬容 加侍中

〔中書監〕昂 十月復命

〔侍中〕綸 遷丹陽尹

規 遷五兵尙書

蕭子雲 遷太府卿

景仲

〔中領軍〕昂 十一月進領軍將

軍

〔中護軍〕淵藻 三月遷中權將

軍十二月復任

南康王纘 四月命十一月卒

〔揚州刺史〕休源

二年辛亥

〔司空〕法僧

〔鎮衛大將軍〕偉

〔驃騎大將軍〕晉安王綱 正月

命領揚州刺史

〔尙書令〕昂

〔僕射〕勉

〔吏部尙書〕敬容

〔中書監〕昂

〔侍中〕謝舉

蕭子顯

景仲

元樹 加鎮右將軍

元願達 加翊左將軍

〔領軍將軍〕昂

〔中護軍〕淵藻

〔揚州刺史〕休願 加金紫光祿

大夫 晉安王綱 正月命

三年壬子 四月太子統卒魏節閔

帝普泰元年

〔司空〕法僧

〔鎮衛大將軍〕偉

〔驃騎大將軍〕綱 七月立為太

子

〔尙書令〕昂

〔僕射〕勉 六月遷特進右光祿

大夫

何敬容 七月命參掌選事

〔吏部尙書〕敬容 七月遷僕射

謝舉 七月命

〔中書監〕昂

〔侍中〕子顯 領祭酒

景仲 出為廣州刺史

樹

願達

徐勉 加特進右光祿大夫

張緬 卒

宣城王大器 加中衛將軍

元景隆 加安右將軍

〔領軍將軍〕昂

〔護軍將軍〕蕭淵猷 六月命

〔中護軍〕淵藻

〔揚州刺史〕綱 七月立為太子

孔休源

四年癸丑 魏孝武帝永熙元年

〔大司馬〕南平王偉 正月拜

〔司空〕法僧 正月遷太尉十一

月改驃騎

袁昂 正月拜九月領尙書令

〔鎮衛大將軍〕偉 正月拜大司

馬

〔驃騎大將軍〕元法僧 驃騎大

將軍鄧州刺史十一月命

〔尙書令〕昂 正月拜司空九月

復領尙書令

〔僕射〕敬容

〔吏部尙書〕舉 加侍中

〔中書令〕南平王偉 正月大司

馬兼

〔侍中〕大器

勉

子顯

景隆 遷度支尙書

樹 督師北伐

願達

羊侃

〔領軍將軍〕昂 二月出為江州

刺史

蕭子恪 九月命

〔護軍將軍〕淵猷

〔揚州刺史〕休源 正月卒

邵陵王綸 正月命二月有罪

廢為庶人

武陵王紀 二月命

五年甲寅

〔大司馬〕偉 三月卒

〔司空〕昂 九月加特進右光祿

大夫

〔驃騎大將軍〕法僧

〔尙書令〕昂

〔僕射〕敬容 十月遷左兼丹陽

尹參選如故

〔右僕射〕謝舉 十月命

〔吏部尙書〕舉 十月遷僕射

蕭子顯 十月命加侍中

〔中書令〕偉 三月卒

〔侍中〕大器

勉

子顯 遷吏部

王承 遷祭酒

願達

侃

〔領軍將軍〕子恪

臧盾 四月中承兼

〔護軍將軍〕淵猷 八月卒

臨賀王正德 九月命

〔揚州刺史〕紀

六年乙卯 八月高歡犯關魏主奔

長安自是國分為二

〔司空〕昂

〔驃騎大將軍〕法僧

〔尙書令〕昂

〔左僕射〕敬容

〔右僕射〕舉

〔吏部尙書〕子顯

〔侍中〕大器

勉

願達

侃 出為晉安太守

〔領軍將軍〕盾

〔護軍將軍〕正德

〔揚州刺史〕紀

大同元年丙辰 西魏文帝大統元

年東魏孝靜帝天平二年

〔司空〕昂

〔驃騎大將軍〕法僧

〔尙書令〕昂

〔左僕射〕敬容

〔右僕射〕舉

〔吏部尙書〕子顯

〔中書令〕邵陵王綸 兼侍中雲

麾將軍

〔侍中〕大器

勉 十一月卒

願達

邵陵王綸 加雲麾將軍

王訓

蕭子雲

〔領軍將軍〕盾

〔護軍將軍〕正德

蕭淵藻 十月命

〔揚州刺史〕紀

二年丁巳

〔太尉〕元法僧 四月拜

〔司空〕昂

〔驃騎大將軍〕法僧 四月拜太

尉

〔尙書令〕昂

〔左僕射〕敬容

〔右僕射〕舉 出爲吳郡太守

〔吏部尙書〕子顯

〔中書令〕綸

〔侍中〕綸

大器

訓 卒

子雲 領祭酒

願達

〔領軍將軍〕盾 正月實授中領

軍

〔護軍將軍〕淵藻

〔揚州刺史〕紀

三年戊午

〔太尉〕法僧 四月卒

〔司空〕昂

〔尙書令〕昂

〔左僕射〕敬容 二月遷中權將

軍

蕭淵藻 二月命加侍中

〔吏部尙書〕子顯 出爲吳興太

守

張纘

〔中書令〕綸 正月出爲江州刺

史

〔侍中〕綸

大器 遷揚州刺史

子雲

願達 卒

〔中領軍〕盾

〔護軍將軍〕淵藻 二月遷僕射

廬陵王績 二月命

〔揚州刺史〕紀 九月出爲益州

刺史

宣城王大器

四年己未 東魏元象元年

〔司空〕昂

〔尙書令〕昂

〔左僕射〕淵藻

〔吏部尙書〕纘

〔侍中〕綸

子雲

〔中領軍〕盾

〔護軍將軍〕纘

〔揚州刺史〕大器

五年庚申 東魏興和元年

〔司空〕昂

〔驃騎將軍〕廬陵王績 驃騎開

府儀同三司七月出爲荊州

刺史

〔尙書令〕何敬容 正月命

〔左僕射〕淵藻 正月遷中書令

〔僕射〕張纘

〔吏部尙書〕纘 正月遷僕射

劉孺 正月命

到溉 九月命

〔中書監〕謝舉 十二月命

〔中書令〕蕭淵藻 正月命加開

府儀同三司

鄱陽王範 遷中領軍

〔侍中〕子雲

〔中領軍〕盾

鄱陽王範 十二月命

〔護軍將軍〕纘 正月遷驃騎

湘東王繹 七月命

〔揚州刺史〕大器

六年辛酉

〔司空〕昂 九月卒

〔驃騎將軍〕纘

〔尙書令〕敬容

〔僕射〕纘

〔吏部尙書〕溉

〔中書監〕舉 遷侍中

〔侍中〕子雲

謝舉 領太子詹事

南康王會理

〔中領軍〕範

〔護軍將軍〕繹 十二月出爲江

州刺史

〔揚州刺史〕大器

七年壬戌 是年交州人李賁反

〔驃騎將軍〕纘

〔尙書令〕敬容

〔僕射〕纘

〔吏部尙書〕劉孺

〔侍中〕會理 五月兼領軍

子雲 出爲東陽太守

舉

劉孺 九月遷吏部

蕭介

當陽公大心 領石頭戍事

〔中領軍〕範 二月出爲雍州刺

史

〔領軍將軍〕臧盾 十一月命

〔揚州刺史〕大器

八年癸亥

〔驃騎將軍〕纘

〔尙書令〕敬容

〔僕射〕纘

〔吏部尙書〕孺 母憂解職

〔侍中〕大心

舉

介

朱异 右衛將軍加

〔領軍將軍〕盾

〔揚州刺史〕大器

九年甲子 東魏武定元年

〔驃騎將軍〕續

〔尙書令〕敬容

〔僕射〕續 出爲湘州刺史

謝舉 三月命侍中如故

〔侍中〕大心

舉 遷僕射

介

異

劉孺

〔領軍將軍〕盾 十二月卒

河東王譽 十二月命

〔揚州刺史〕大器

十年乙丑 正月李賁僭號置百官

〔驃騎將軍〕續

〔尙書令〕敬容 五月免

〔僕射〕舉

〔侍中〕大心

介

異

〔領軍將軍〕譽

〔揚州刺史〕大器

十一年丙寅

〔驃騎將軍〕續

〔征西大將軍〕武陵王紀 散騎

常侍征西大將軍開府儀同

三司仍領益州刺史

〔僕射〕舉

〔侍中〕大心

介

異

寧國公大臨

〔領軍將軍〕譽

〔揚州刺史〕大器

中大同元年丁卯 正月交州平

〔驃騎將軍〕續

〔征西大將軍〕紀

〔僕射〕舉

〔侍中〕大心

異

何敬容 加金紫光祿大夫

臨城公大連

褚翔

〔領軍將軍〕譽

〔揚州刺史〕大器

大清元年戊辰 二月魏司徒侯景

以河南來降八月遣南豫州刺史

蕭淵明督師伐魏十一月敗績

〔大將軍〕侯景 二月拜大將軍

封河南王大行臺承制行事

〔驃騎將軍〕續 五月卒

〔征西大將軍〕紀

〔僕射〕舉

〔吏部尙書〕王克

〔侍中〕大連 出爲東揚州刺史

敬容 領詹事

異 改領左衛

翔

蕭子雲

蕭愷

羊侃

〔領軍將軍〕譽

〔揚州刺史〕大器

二年己巳 八月侯景反十月渡江

十二月圍臺城

〔大將軍〕景 八月舉兵反

〔征西大將軍〕紀

〔尙書令〕謝舉 正月命十二月

卒

〔僕射〕舉 正月遷令

王克 正月命

〔吏部尙書〕克 正月遷僕射

褚翔 侍中守丁母憂卒

張綰

〔中書監〕邵陵王綸 五月遷安

前將軍

〔侍中〕敬容

異 遷中領軍

翔 遷吏部

子雲 十二月出奔

愷 卒

侃 遷都官尙書

陰子春

〔領軍將軍〕譽 四月出爲湘州

刺史

張續 五月命未任改雍州刺

史

〔中領軍〕朱异 八月命

〔揚州刺史〕大器

三年庚午 三月城陷五月帝殂太

子綱即位

〔大丞相〕侯景 三月自稱大丞

相都督中外諸軍錄尙書事

〔司徒〕湘東王繹 四月拜司徒

假黃鉞大都督承制行事荆

州刺史如故

邵陵王綸 三月命兵敗出奔

〔司空〕南康王會理 六月拜

〔征西大將軍〕紀

〔征北大將軍〕鄱陽王範 征北

大將軍開府儀同三司二月

合州刺史加

〔征南大將軍〕蕭淵藻 征南大

將軍開府儀同三司三月南

徐州刺史加八月卒

空兼

〔僕射〕克

〔右僕射〕柳仲禮 二月討賊大

都督加三月降賊

〔吏部尚書〕綰 臺城陷奔江陵

〔侍中〕敬容 卒

子春

〔中領軍〕昇 正月卒

〔領軍將軍〕傅岐 正月命三月

卒

〔護軍將軍〕柳敬禮

〔揚州刺史〕大器 六月立為太

子

南海王大臨 七月命

簡文帝大寶元年辛未 四月雍州

刺史岳陽王詵自稱梁王是月東

魏禪位于齊齊高洋天保元年

〔大丞相〕景 八月自稱相國封

漢王十月加宇宙大將軍都

督六合諸軍事

〔司徒〕釋

〔司空〕會理 十月謀誅侯景被

殺

〔征西大將軍〕紀

〔征北大將軍〕範 五月卒

〔尚書令〕會理 十月被殺

東平王恪 九月湘東王命

〔僕射〕克 二月遷左

〔侍中〕子春

臨川王大款

桂陽王大成

張綰

王質 並湘東王命

〔領軍將軍〕王僧辯 九月湘東

王命

〔護軍將軍〕敬禮 十月謀誅侯

景被殺

尹悅 湘東王命

〔揚州刺史〕大臨

南郡王大連 六月領揚州事

七月遷江州刺史

二年壬申 七月侯景廢帝為晉安

王立豫章王棟為帝十一月景篡

位

〔相國〕景 十一月篡位

湘東王釋 總百揆

〔太尉〕武陵王紀 仍領益州刺

史

〔司徒〕釋

〔司空〕南平王恪 湘東王命八

月領湘州刺史

〔征西大將軍〕紀

〔尚書令〕恪 拜司空

王僧辯 湘東王命加開府儀

同三司征東將軍九月領江

州刺史

〔左僕射〕克 為侯景太宰錄尚

書事

〔侍中〕子春

大款

大成

綰

質

〔領軍將軍〕僧辯 五月遷尚書

令

胡僧祐 湘東王命

〔護軍將軍〕悅 四月兵敗降賊

陸法和 六月湘東王命

元帝永聖元年癸酉 三月王僧辯

克臺城景伏誅四月武陵王紀稱

帝于成都十一月湘東王釋即位

于江陵

〔相國〕釋 十一月即帝位

〔太尉〕紀 四月稱帝于成都

〔司徒〕王僧辯 五月拜

〔司空〕恪 九月卒

〔征北大將軍〕陳霸先 征北大

將軍開府儀同三司江州刺

史五月命

〔驃騎將軍〕蕭循 驃騎開府儀

同三司湘州刺史十一月命

〔尚書令〕僧辯 五月拜司徒仍

兼侍中尚書令

〔吏部尚書〕王褒 正月湘東王

命

〔侍中〕大款

大成

綰 出為湘東內史

質 出為吳州刺史

張希

王顥

〔領軍將軍〕僧祐

〔護軍將軍〕法和

〔揚州刺史〕南平王恪 五月司

空兼九月卒

二年甲戌 八月西魏尉遲迥陷益

州

〔司徒〕僧辯 十月鎮建康

〔征北大將軍〕霸先

〔驃騎將軍〕循

〔車騎將軍〕胡僧祐 開府儀同

三司仍兼領軍

〔尚書令〕僧辯

〔右僕射〕王褒 正月命十一月

遷左

張綰 十一月命

〔吏部尚書〕褒 正月遷僕射

劉勳 正月命

〔侍中〕大款

大成

希

顥

王琛

王勸

〔領軍將軍〕僧祐

〔護軍將軍〕法和 九月領鄂州
刺史

〔揚州刺史〕王僧辯 司徒兼
三年乙亥 十月魏人入寇十一月
陷江陵帝出降被殺西魏恭帝元
年

〔太宰〕晉安王方智 元帝子為

江州刺史江陵陷王僧辯陳
霸先奉為梁王太宰承制行
事

〔司徒〕僧辯 三月遷太尉車騎

將軍

陸法和 三月命鄂州刺史如

故

〔司空〕陳霸先 四月命

〔征北大將軍〕霸先 改南徐州

刺史

〔驃騎將軍〕循

〔車騎將軍〕僧祐 十一月戰沒

〔尚書令〕僧辯

〔左僕射〕褒 十一月降魏

〔右僕射〕綰 十一月卒

〔吏部尚書〕襲

宗懷 七月命

〔侍中〕大款

大成

顛

琛

勳 遷五兵尚書

〔領軍將軍〕僧祐 十一月戰死

〔護軍將軍〕法和 三月拜司徒

徐世譜 十月命

〔揚州刺史〕僧辯

敬帝紹泰元年丙子 三月貞陽侯

淵明自齊來歸七月王僧辯奉以

為帝改元天成以晉安王方智為

皇太子陳霸先襲殺僧辯廢淵明

為建安郡公九月晉安王即位

〔太宰〕方智 二月至建康九月

即帝位

〔太傅〕貞陽侯淵明 七月僭即

帝位十月廢為司徒旋改太

傅

〔太保〕蕭循 十月命仍領湘州

刺史

〔太尉〕僧辯 二月加驃騎大將

軍中書監都督中外諸軍錄

尚書事九月為陳霸先所殺

蕭循 二月湘州刺史加十月

遷太保

〔司徒〕法和 正月以鄂州附于

齊

蕭勃 二月廣州刺史加十月

遷太尉仍領刺史

〔司空〕霸先 十月加尚書令車

騎將軍都督中外諸軍事

〔車騎將軍〕王琳 車騎開府儀

同三司十月命

侯瑱

〔征東大將軍〕張彪 十月東揚

州刺史加

〔征北大將軍〕徐嗣徽 十月譙

秦二州刺史加

〔征南大將軍〕任約 十月南豫

州刺史加是月與嗣徽連兵

反渡江據石頭十二月敗走

〔尚書令〕僧辯

陳霸先 十月司空兼

〔右僕射〕王冲 加左光祿大夫

〔吏部尚書〕王通

〔中書監〕王僧辯 太尉領九月

被殺

〔中書令〕王勳 加侍中

〔侍中〕徐世譜 兼左衛

袁樞 員外散騎常侍兼

王固 不就

沈衆

謝哲

臨川王大款 中衛將軍

〔護軍將軍〕世譜 遷侍中

〔中護軍〕桂陽王大成

〔揚州刺史〕僧辯 九月為陳霸

先所殺

陳霸先 九月命兼南徐州刺

史

太平元年丁丑 五月齊入寇建康

六月敗沒解嚴十二月西魏禪位

于周

〔丞相〕陳霸先 丞相鎮衛大將

軍錄尚書事九月命

〔太傅〕淵明 五月卒

〔太保〕循 八月卒

蕭勃 十二月拜

〔太尉〕勃 十二月遷太保

〔司空〕霸先 七月遷司徒領中

書監九月拜丞相

侯瑱 七月命

〔征東大將軍〕彪 正月反二月

敗伏誅

〔車騎將軍〕琳

瑱 加開府儀同三司

〔尚書令〕霸先 九月改錄尚書

事

〔右僕射〕冲 遷左加開府儀同

三司仍兼侍中中權將軍領

丹陽尹

王通 九月命

〔吏部尚書〕通 九月遷僕射

袁樞 常侍兼出為吳興太守

〔中書監〕陳霸先 九月司徒領

〔中書令〕勳

〔侍中〕大款 加開府儀同三司

世譜

樞 兼吏部

衆 遷左民尙書

哲

王廓

周弘正 遷左戶尙書

〔領軍將軍〕徐度 九月命

〔中護軍〕大成 二月進護軍將

軍

〔揚州刺史〕霸先 九月改揚州

牧

二年戊寅 十月禪位于陳

〔丞相〕霸先 八月進太傅加殊

禮十月封陳王旋篡位

〔太保〕勃 二月舉兵于廣州三

月爲部下所殺

〔司空〕瑱

王琳 正月命三月遷湘鄂二

州刺史

〔車騎將軍〕琳 正月拜司空

〔尙書令〕霸先

〔左僕射〕冲

〔右僕射〕通

〔吏部尙書〕王通 僕射兼

〔中書監〕霸先

〔中書令〕勸

〔侍中〕大款

世譜

哲

廓

〔領軍將軍〕度

〔護軍將軍〕大成

〔揚州牧〕霸先 十月篡位

補梁疆域志

清洪麟孫撰

序

吾常近今言地理之學者推北江洪先生先生所著有乾隆府廳州縣志及補三國東晉十六國疆域諸志刊行已久家有其書今其少子子齡又有補梁疆域志之作洵爲北江才子矣而先生自序補三國疆域志謂有十難其一云晉司馬彪撰續漢書郡國志凡郡縣增省在安順以後者卽不置錄是前無所承唐初修晉書於地理學最不精建置沿革舛錯過半是後無所據然以梁較之爲尤難也何則三國上爲兩漢下爲西晉俱有郡國地理之書初無僑州郡縣之目若梁之前則爲宋齊同時爲北魏其後爲北齊北周與陳耳宋齊北魏雖有志而承東晉十六國以來僑州郡縣朝南莫北旋有旋亡雖巧術不能算焉齊周及陳又各無志南北二史蓋亦缺如先後若斯悉難依據所可幸者梁書本文其建州置郡時見於紀傳兼之齊書魏書南史北史齊周陳隋書亦具在其中扼要之地爭鬪之區彼此互見次第足徵益以隋志注文頗爲詳審其餘今世所存諸地志如元和郡縣志太平寰宇記輿地廣記輿地紀勝及通典通考通鑑地理通釋猶足借爲證佐雖非無可措手而於先生所謂十難者殆又甚焉今子齡以本書紀傳爲主輔以他書略仿宋齊二志之例詳列魏隋二注之文其州郡縣之次序因宋齊舊制而未經

分割者準宋齊州郡志爲多其本爲魏地而終爲梁有與本爲梁地而終爲魏有者則類從魏隋二注其分置不見於本書與魏隋二注而見於他書者歷引書文以爲證據其間若無實土而置虛名與因虛名而成實土或雖一名而實二地與以一地而得二名莫不明是非別同異而復州詳置治之所縣列因革之文名山大川舊關重鎮館殿臺閣宮闕園陵靡不綴輯以廣後學之見聞可無憾矣復有餘力更補北齊北周及陳時之疆域尤易爲功諸史皆具爲求地理者之一大快鼓予望之於此信北江先生之積學深而遺澤遠而子齡亦

可爲克傳其家學也已

分割者準宋齊州郡志爲多其本爲魏地而終爲梁有與本爲梁地而終爲魏有者則類從魏隋二注其分置不見於本書與魏隋二注而見於他書者歷引書文以爲證據其間若無實土而置虛名與因虛名而成實土或雖一名而實二地與以一地而得二名莫不明是非別同異而復州詳置治之所縣列因革之文名山大川舊關重鎮館殿臺閣宮闕園陵靡不綴輯以廣後學之見聞可無憾矣復有餘力更補北齊北周及陳時之疆域尤易爲功諸史皆具爲求地理者之一大快鼓予望之於此信北江先生之積學深而遺澤遠而子齡亦可爲克傳其家學也已

補梁疆域志卷一

陽湖洪麟孫撰

揚州自漢以來皆爲刺史治梁領郡八

州治通鑑元帝承聖元年九月以王僧辯爲揚州刺史二年正月僧辯發建康陳霸先代鎮揚州九月詔僧辯還鎮建康

丹陽尹宋書州郡志漢置郡治宛陵晉太康二年移治建業梁領縣四

〔建康〕本漢秣陵縣地沈志孫權改秣陵爲建業晉武帝平吳還爲秣陵太康三年分秣陵之水北爲建業愍帝卽位避諱改名建康梁武帝時建都於此太平寰宇記引金陵記云梁都之時城中二十八萬餘戶西至石頭城東至倪塘南至石子岡北過蔣山東西南北各四十里自侯景反元帝都江陵冠蓋人物多南徙有臺城〔梁書侯景傳景引玄武湖水灌臺城城外水起數尺又明年景決石闕前水百道攻城遂陷金陵記南北朝時建康無外城臺城以外惟設六雞門而已百官第宅皆在臺城外有警輒恃臺城爲固又名宮城梁書褚翔傳太清二年冬侯景圍宮城又劉潛傳太清三年宮城不守石頭城〔梁書武帝紀移檄京邑曰南中郎諮議參軍軍主蕭偉等三十九軍主彞集石頭又石頭白下諸軍宵潰壬午高祖鎮石頭南史陳武紀

侯景反武帝與諸軍進剋姑熟景登石頭城望官軍之盛不悅乃以舩艘貯石沈塞淮口緣淮作城自石頭迄青溪十餘里雉樓相接帝於石頭城西橫壘築柵直出東北悉力乘之景衆大潰又徐嗣徽等領齊兵還據石頭武帝遣侯安都領水軍襲破之嗣徽等單舩走了已拔石頭南岸柵移度北岸起柵以絕其汲路齊所據城中無水柳達摩請和許之辛酉帝出石頭南門陳兵送齊人歸北者及至齊人殺之）治城（景定建康志梁紹泰元年陳霸先使合州刺史徐度立柵於治城齊徐嗣徽等攻治城柵霸先自西明門出擊之嗣徽大敗南史陳武紀帝命衆軍分部甲卒對治城立航度兵攻其水南二柵）越城（梁書武紀命王茂進據越城）東府城（梁書武紀徐元瑜以東府城降又太清二年十一月辛酉賊攻陷東府城侯景傳景又攻東府城設百尺樓車鉤城堞盡落又名東城蕭穎達傳破東昏將李居士又下東城建康志梁太清三年侯景舉兵毀板女牆以甌壁爲之紹泰末盡羅焚毀）西州城（通鑑簡文帝大寶元年四月丙午侯景請上幸西州又元帝承聖元年三月丁亥景帥衆陳於西州之西）白下城（梁書武紀普通六年三月己酉幸白下城履行六軍頓所又名白石南史臨川王宏傳宏侵魏師次洛口軍潰歸馳乘小船濟江夜至白石壘款城門求入卽此城也）捍國城（一統志引南史梁承聖初

侯景於大航跨水築城名曰捍國）白城（梁書武紀檄京邑曰冠軍將軍襄陽太守王茂率三十軍主斜趣白城通鑑敬帝紹泰二年五月癸卯陳霸先拒徐嗣徽等於白城注白城當在湖熟縣界）宮城門（梁書武紀天監十年初作宮城門三重樓及開二道南史同建康實錄無樓字）六門（梁書武紀命衆軍圍六門又韋黯傳侯景濟江黯屯六門通鑑注六門大司馬門萬春門東華門西華門太陽門承明門）大司馬門（梁書武紀天監七年正月戊戌作神龍仁獸闕於端門大司馬門外）中華門（隋書百官志梁元會廷尉三官與建康三官皆法冠玄衣朝服以監東西中華門）東華門（梁書侯景傳景持火炬燒大司馬東西華諸門）西華門（南史梁武紀太清三年二月侯景遣使求和帝許之盟於西華門外）太陽門（南史邵陵王綸傳長子堅侯景圍城堅屯太陽門）雲龍神獸門（案神獸卽太陽門雲龍在大司馬門內梁書武紀天監元年五月乙亥夜盜入南北掖燒神獸門總章觀敬帝紀太平元年冬十一月起雲龍神獸門）承明門（梁書江子一傳侯景反攻陷歷陽子一請與其弟子四子五帥所領百餘人開承明門挑賊許之）東掖門（梁書侯景傳賊又斫東掖門）西掖門（通鑑敬帝紹泰元年侯安都開東西掖門出戰）南掖門（梁書楊公則傳公則自越城移屯領軍府壘北樓與南掖

門相對）北掖門（梁書張弘策傳東昏餘黨因運荻入南北掖作亂）端門（梁書侯景傳百濟使至見城邑邱墟於端門外號泣行路見者莫不灑淚案上四掖門及此門俱在承明門內）宣陽門（梁書武紀義軍追至宣陽門通鑑武帝太清二年蕭正德帥衆迎景入宣陽門）建陽門（梁書鄧元起傳中興元年大軍進至京邑元起築壘於建陽門呂僧珍傳僧珍宅在建陽門東）西明門（通鑑元帝承聖元年十一月丁亥景衆大潰諸軍逐北至西明門注建康外城西中門）廣陽門（通鑑武帝大同七年吏部尙書蔡搏除交趾并詔爲廣陽門郎詔恥之還鄉里作亂注建康城西面南頭第一門）廣莫門（梁書侯景傳大寶元年十月盜殺武林侯諮於廣莫門）朱雀門（建康志古朱雀門宋大明五年改爲右皋門梁大同三年復改爲朱雀門梁書武紀大同三年正月辛丑是夜朱雀門災王珍國傳義師至使珍國出屯朱雀門）籬門（梁書武紀命陳伯之據籬門一名故籬門敬帝紀太平元年五月癸卯輿駕出頓趙建故籬門）國門（梁書武紀天監七年新作國門於越城南金陵記梁天監七年於朱雀門外沿淮五里樹國門以示觀望）望國門（建康志南史梁侯景犯建康令羊侃率千騎頓望國門其地在越城東南）大通門（南史梁武紀初帝創同泰寺至是開大通門以對寺之南門取反語以協同泰自

是晨夕講義多由此門（鳳莊門）（南史梁武紀太清元年夏四月戊寅百辟詣鳳莊門奉表）石頭南門（南史陳武紀紹泰元年十二月辛酉帝出石頭南門陳兵送齊人歸北者及至齊人殺之）倉門（通鑑敬帝紹泰元年十一月齊人於倉門水南立二柵）神龍仁獸闕（梁書武紀天監七年正月戊戌作神龍仁獸闕於端門大司馬門外）白虎闕（南史陳武紀紹泰二年五月丙申齊兵至秣陵故城己亥帝率宗室王侯及朝臣於大司馬門外白虎闕下刑牲告天以齊人背約）石闕（金陵記梁天監七年於端門外立石闕凡四高五丈廣三丈六尺侯景亂後宮多灰燼而石闕猶存梁書陸倕傳詔爲石闕銘記表之一名雙闕陸倕石闕銘曰乃假雙闕於牛頭邱仲孚傳初起雙闕以仲孚領大匠蓋卽此也）南闕（梁書袁峻傳武帝雅好詞賦獻文於南闕者相望）建康宮（梁書武紀天監元年夏四月景寅高祖卽帝位於南郊禮畢備法駕卽建康宮）東宮（通鑑武帝太清二年十月侯景使宋子仙據東宮又景於東宮置酒作樂太子遣人焚之）金華宮（南史昭明太子傳蔡妃侍侍一同常儀唯別立金華宮爲異梁書陸襄傳中大通三年昭明太子薨官屬罷蔡氏別居金華宮以襄領金華宮家令知金華宮事方輿紀要舊志大同中築）太極殿（梁書武紀天監十一年二月辛巳新作太極殿改

爲十三間至六月庚子殿成）太極前殿（同上天監元年夏四月臨太極前殿太清三年五月辛巳遷大行皇帝梓宮於太極前殿）淨居殿（同上太清三年五月景辰高祖崩於淨居殿）至敬殿（同上高祖又於臺內立至敬等殿）重雲殿（梁書武紀聽覽餘閒卽於重雲殿及同泰寺講說諸經義記建康志重雲殿梁武帝造在華林園）光嚴殿（南史梁武紀大同十一年正月震華林園光嚴殿重雲閣建康志梁於臺城中更起重閣上名重雲殿下名光嚴殿）顯陽殿（梁書簡文紀天監二年十月丁未生於顯陽殿丁貴嬪傳爲貴嬪居於顯陽殿）臨雲殿（同上丁貴嬪傳普通七年十月庚辰薨殯於東宮臨雲殿）壽安殿（同上昭明太子傳天監八年九月於壽安殿講孝經）慧義殿（同上天監十四年於宮內別立慧義殿普通元年四月甘露降於慧義殿）琬琰殿（梁書武紀普通二年五月癸卯琬琰殿火延燒後宮屋三千間）五明殿（南史梁武紀太清元年三月帝以五明殿爲房）華光殿（梁書王亮傳天監四年夏高祖講於華光殿太平御覽引顧野王輿地志華光殿梁武大通中施與草堂寺人以其地起重閣九間建康志輿地紀勝作光華）文德殿（梁書王規傳普通六年高祖於文德殿餞廣州刺史元景隆太平御覽引輿地志文德殿梁武移張衡渾天儀置此殿）武德殿（梁書馮道根

傳天監十六年爲豫州刺史將行高祖引羣臣宴別道根於武德殿召工視道根使圖其形像南史昭明太子傳子歡歡子棟簡文見廢侯景奉以爲主及卽位升武德殿）崇正殿（南史昭明太子傳子歡太子薨遣中書舍人臧歡追歡於崇正殿解髮臨哭）德陽殿（梁書康絢傳高祖幸德陽殿戲馬救絢馬射撫弦貫的觀者悅之）玉衡殿（梁書張齊傳引見玉衡殿）昭陽殿（梁書侯景傳先是丹陽陶弘景隱於華陽山嘗爲詩曰夷甫任散誕平叔坐談空不意昭陽殿化作單于宮大同末人士競談玄理不習武事至是景果居昭陽殿）樂壽殿（通鑑武紀天監十年尙書左僕射張稷自謂功大賞薄嘗侍宴樂壽殿酒酣忽望形於辭色）寶雲殿（建康志在臺城梁武以施佛事）惠輪殿（同上亦供養佛事）元光殿（同上帝又於元光殿坐獅子座講金經文）永福省（梁書簡文紀侯景廢太宗爲晉安王幽於永福省太宗王皇后傳太清三年三月薨於永福省又昭明太子傳東宮官屬文武皆入直永福省太子五日一朝多便留永福省）閱武堂（德陽堂）（梁書武紀高祖入屯閱武堂天監六年九月丁亥改閱武堂爲德陽堂中大通二年秋八月庚戌與駕幸德陽堂）聽訟堂（儀賢堂）（同上天監六年九月丁亥改聽訟堂爲儀賢堂）宣猷堂（同上皇太子宣城王亦於東宮宣猷堂及揚州解開講

五禮)樂賢堂(梁書劉孝綽傳時昭明太子起樂賢堂使畫工先圖孝綽焉)太極東堂(通鑑武帝太清三年三月侯景使于子悅屯太極東堂)太極西堂(同上元帝承聖元年三月王僧辯軍士遣火焚太極殿及東西堂)重雲閣(南史梁武紀白雀一見於重雲閣前連理樹)壽光閣(梁書沈約傳范雲自外來至殿門不得入徘徊壽光閣外)昇元閣(輿地紀勝昇元閣又名瓦官閣乃梁朝所建高二百四十尺)朝日夕月二樓(建康志二樓在華林園內梁武帝所起階道繞樓九轉)觀稼樓(同上梁武帝造)景陽臺(通鑑天監十六年冬十月起至敬殿景陽臺置七廟座)雨花臺(建康志舊傳梁武帝時有雲光法師講經於此感天雨賜花故名)昭明讀書臺(同上舊傳昭明太子著書於此遺地尚存)總章觀(見上雲龍神獸門注)層城觀(建康志梁於臺城中立層城觀歷代修理)青雲觀(輿地紀勝案金陵故事云在臺城內梁武所立)士林館(梁書武紀大同七年十二月景辰於宮城西立士林館延集學者又張綰傳是時城西開士林館聚學者綰與右衛朱異太府卿賀琛遞述制旨禮記中庸義)集雅館(南史梁武紀天監五年五月置集雅館以招遠學)太廟(梁書武紀天監十二年六月癸巳新作太廟增基九尺)小廟(同上天監元年冬十一月己未立小廟十

四年六月景申改作小廟畢隋書禮儀志梁普通七年肅皇太子所生丁貴嬪於小廟)明堂(梁書武紀天監十二年冬十月丁亥詔曰明堂地勢卑溼未稱乃心外可量就埤起以盡誠敬)南郊壇(同上天監元年四月景寅高祖卽位於南郊設壇柴燎普通二年夏四月乙卯改作南北郊三年秋八月辛酉作二郊畢金陵故事梁武時改作四周築土壇宮三重便殿一所兆域數里隋書禮儀志梁南郊壇高二丈七尺上徑十一丈下徑十八丈其外再壇四門運歷圖云梁武中大通五年郊祀異香三至神光五色圓照滿壇(梁書同)北郊壇(南史陳武紀梁紹泰二年六月壬子齊軍至玄武湖北幕府山南將據北郊壇衆軍自覆舟東移頓壇北與齊人相對建康志梁武北郊為方壇上方十丈下方十二丈高一丈四面各有陞其外為壇再重又云梁紹泰中齊蕭軌等渡江屯北郊壇)西靜壇(梁書武紀天監十一年三月築西靜壇於鍾山)社稷壇(隋書禮儀志梁社稷壇在太廟西)耕壇(南史梁武紀普通二年夏四月詔徙耕田於東郊外十五里隋書禮儀志梁普通二年又移籍田於建康北岸築兆域大小列種梨柏便殿及齋宮省如南北郊別有望耕臺在壇東帝親耕畢登此臺以觀公卿之推伐又別有祈年殿云)雩壇(同上梁天監九年有事雩壇移於東郊大同五年又築雩壇於藉田內)武

庫(南史梁武紀太清三年正月戊辰有流星長三十丈墮武庫)酒庫(梁書侯景傳太宗崩斂用法服以薄棺密瘞於城北酒庫)茨庫 荻庫 箬庫(隋書百官志梁司農又管茨庫荻庫箬庫丞)三倉(梁書陳伯之傳伯之與豫章人鄧繕有舊繕說伯之云臺家府庫空竭復無器仗三倉無米東境饑流通鑑注三倉大倉石頭倉常平倉也隋書百官志梁司農又管左右中部三倉丞)三市(建康志通典梁有太市南市北市令太南北三市丞)都街(梁書武紀齊永元二年正月焚東昏淫奢異服六十二種於都街建康志梁自襄陽出師廢東昏侯焚奢淫異服六十二種於御街後人號其所以焚衣街)朱雀街(通鑑元帝承聖元年侯景緣淮作城自石頭至於朱雀街十餘里中樓堞相接)御道(梁書武紀天監六年八月戊戌大風折木京師大水因濤入加御道七尺又中大通五年五月戊子京邑大水御道通船)東道(梁書侯景傳邵陵王綸與臨成公大連等自東道集於南岸)黃城大道(同上邵陵王綸傳侯景反度采石綸討之發自京口將軍趙伯超曰若從黃城大道必與賊遇不如逕路直指鍾山出其不意綸從之衆軍奄至賊徒大駭遂大破之)航南大路(梁書武紀齊東昏遣王珍國胡獸牙等列陣於航南大路)馬糞巷(梁書王志傳志家世居禁中里馬糞巷父僧虔以來門風多寬恕志

尤醇厚兄弟子姪皆篤厚謙和時人號馬羹諸王爲長者）桐下里（梁書武紀齊永元二年建康令羊瞻解稱鳳皇見縣之桐下里）朔陰里（同上天監四年五月辛卯建康縣朔陰里生嘉禾一莖十二穗建康實錄作定陰里）太清里（建康實錄梁天監十一年置解脫寺在縣西南六里武帝爲德皇后造太清里內）牛屯（梁書江杯傳父舊啓捨同夏縣界牛屯里舍爲寺通鑑注去建業城二十一里）馬牧（通鑑梁太平元年齊徐嗣徽等兵至秣陵故治陳霸先遣徐度頓馬牧以禦之一統志引舊志馬牧在縣東南二十五里舊時閒牧之地）東冶西冶（通鑑武紀太清二年十月己酉敕東西冶尙方錢署輿地紀勝六朝時有東西二冶在宮城西）新亭（梁書武紀檄曰南中郎諮議參軍軍主蕭憺等四十二軍主掩據新亭又李居士猶據新亭壘）樂遊苑（梁書武紀天監十一年嘉蓮一莖三花生樂遊苑南史梁武紀天監元年八月癸卯鸞鳥見樂遊苑大同四年九月閱武於樂遊苑）蘭亭苑（同上太清三年二月丁未南兖州刺史南康王會理前青冀二州刺史湘潭侯蕭退帥江州之衆頓於蘭亭苑）芳林苑（同上南平王偉傳齊世青溪宮改爲芳林苑天監初賜偉爲第偉更加穿築增植嘉樹珍果每與賓客遊其中）江潭苑（同上侯景傳敕遣北軍進江潭苑建康志梁大同初立案輿地志武帝從新亭

鑿渠通新林浦又爲池開大道立殿宇亦名王遊苑未成而侯景亂梁書武紀太清元年九月王遊苑成庚戌車駕幸苑）上林苑（建康志引官苑記宋孝武立名西苑梁武改名上林）孤獨園（南史梁武紀普通二年正月詔置孤獨園以恤孤幼）華林園（梁書武紀天監四年四月自甲寅至壬戌甘露連降華林園謝朓傳朓詣雲龍門謝詔見於華林園一統志引南史到溉傳溉齋前山池有奇僵石長一丈六尺帝戲與賭之溉輸石卽迎置華林園寔殿前移石之日都下傾城縱觀所謂到公石也）東田（梁書沈約傳約立宅東田矚望郊居賦）玄圃（同上昭明太子傳性愛山水於玄圃穿築更立亭館與朝士名素者遊其中簡文紀高祖所製五經講疏嘗於玄圃奉述）鍾山（同上武紀於鍾山造大愛敬寺侯景傳邵陵王綸率西豐公大春等發自京口直據鍾山亦名蔣山梁書敬帝紀太平元年六月甲辰齊潛軍至蔣山龍尾元和郡縣志吳大帝時蔣子文發神異於此因名）石頭山（事蹟詳見石頭城下）幕府山（梁書敬帝紀太平元年六月甲辰齊潛軍趨幕府山建康志引三國典略曰齊師伐梁至於鍾山龍尾周文育抽槊上馬殺傷數百人齊軍乃退屯幕府山陳霸先出幕府山南與吳明徹沈泰等首尾擊之齊人大潰陳史載武帝破北軍四十六軍於幕府山下卽此事也）覆舟山（梁書

侯景傳景陳兵覆舟山北邵陵王綸列陣以待之南史陳武紀梁太平元年六月壬子齊軍至玄武湖西北幕府山南將據北郊增衆軍自覆舟東移頓郊壇北與齊人相對）土山（梁書謝朓傳朓年十歲能屬文父莊游土山賦詩使朓命篇朓攬筆便就建康志梁末蕭正德亦修築以爲墅）景陽山（梁書侯景傳景嘗於後堂與其徒共射時僧通道人在座奪景弓射景陽山大呼云得奴矣）方山（南史陳武紀梁紹泰二年五月癸卯齊軍自方山進及兒塘遊騎至臺都下震駭建康志徐嗣徽兵至秣陵故治齊人跨淮立樞度兵夜望方山嗣徽等列艦於青堆至於七磯以斷周文育歸路文育鼓噪而發嗣徽等不能制今方山南有青堆埠卽其地）仙窟山（建康志引六朝記梁武於下建寺名曰仙窟山案卽牛頭山梁書何胤傳胤謂王果曰世傳晉室欲立闕王丞相指牛頭山云此天闕也陸倕石闕銘曰乃假雙闕於牛頭）白土岡（一統志梁紹泰末齊兵進及兒塘周文育侯安都頓白土岡旗鼓相望）赤鼻邏（梁書武紀於是王茂鄧元起呂僧珍進據赤鼻邏）道士墩（同上命鄧元起據道士墩）落星墩（同上侯景傳王僧辯及諸將遂於石頭城西步上連營立柵至於落星墩景大恐通鑑注石頭城有橫壘謂之落星岡亦名落星墩）橫江（梁書武紀檄曰卽日遣竟陵內史曹景宗等二十軍主步出橫

江直指朱雀)秦淮(建康志梁天監中於秦淮又作兩重柵皆施行馬)後渚(梁書武紀天監九年正月庚寅新作綠淮塘南岸起後渚離門迄三橋通鑑武帝太清二年章粲柳仲禮等合軍屯新林景帥步騎萬人於後渚挑戰注據章粲傳後渚在中興寺前方輿紀要秦淮別渚也)石頭津 方山津(通鑑元帝承聖元年三月辛巳侯景召石頭津主張寶塞淮口通典東晉至陳西有石頭津東有方山埭各置津主一人建康志石頭津在城西方山津在石頭津之東)南津(梁書江子一傳出為戎昭將軍南津校尉方輿紀要以督察秦淮南岸而名通志侯景入寇南津校尉江子一與弟子四子五同殉難於此)湖頭(梁書武紀太清二年十一月乙酉邵陵王綸進軍湖頭王瑩傳會護軍崔慧景自京口奉江夏王入伐瑩假節率衆拒慧景於湖頭建康志在今玄武湖東北)玄武湖(同上敬帝紀太平元年六月甲辰齊潛軍至玄武湖西北侯景傳時趙伯超陳於玄武湖北又景引湖水灌臺城)燕雀湖(建康志引輿地志云走馬橋見有燕雀湖窮神祕苑曰梁昭明太子在東宮有一琉璃盤紫玉杯皆武帝賜也既薨詔置梓宮後更葬開墳爲闈人攜入大航乃有燕雀數萬擊之因爲有司所縛乃獲二寶器帝以賜太孫封墳之際復有燕雀數萬啣土以增其上墳側今有湖後人因名燕雀湖)婁湖(方輿紀要

吳張昭所浚以溉田周八十里昭封婁侯故名梁武引婁湖水以藏舟於艦澳)太子東湖(建康志梁昭明太子植蓮於此)青溪(梁書侯景傳鄱陽王世子嗣等結營於青溪水東景遣宋子仙頓南平王第綠水西立柵相拒)東澗(建康志引石邁古蹟編云梁處士劉訐許彥度隱居之所訐尤精釋典嘗聽講鍾山諸寺因卜築宋熙寺東澗有終焉之志)昆明池(南史梁武紀又有五色雲浮於華林園昆明池上)天淵池(梁書陸雲公傳是時天淵池新製鱗魚舟形闊而短高祖暇日常汎此舟雲公時年位尙輕預焉)善泉池(建康志一名九曲池在臺城東東宮城內周迴四百餘步金陵故事梁昭明太子所鑿中有亭榭洲島曲盡幽深之趣太子常泛舟其中)倪塘(梁書敬帝紀太平元年五月癸卯齊軍進據倪塘)青塘(同上韋粲傳粲與柳仲禮等援臺城粲頓青塘青塘當石頭中路粲慮柵壘未立賊必爭之頗以爲憚仲禮曰青塘立柵迫近淮渚欲以糧儲船乘盡就泊之此是事非兄不可若疑兵少當更差軍相助乃使劉叔胤師助粲帥所部水陸俱進時值昏霧軍人迷失道比及青塘夜已過半壘柵未合景率銳卒來攻粲死之)南塘(同上侯景傳建康令庾信率兵屯航北見景至航命徹航始除一船遂乘軍走南塘)臨賀塘(建康志梁臨賀王蕭正德理田於此因以爲名)潮溝(梁書武

紀天監十六年夏四月潮溝獲白雀一南史蕭正德傳潮溝有董當門子暹世謂之董世子者也陳武紀梁紹泰二年六月壬子夜大雨齊軍晝夜坐立泥中而臺中及潮溝北水退路燥)鐵冶溝(建康志梁時作三壩壩淮水以灌壽州一於壽州一於荆山一於盱眙久不能成聚江南之鐵融液載往淮築之一夕崩壞棄所聚之餘鐵於此)破岡瀆(梁書鄱陽王恢傳三吳亂高祖命出頓破岡後以太子諱改名破墩武紀齊南豫州刺史申胄自姑熟奔歸東昏又使屯破墩以爲東北聲援高祖遣使曉諭率衆降乃遣弟恢屯破墩建康志破岡瀆梁改爲破墩瀆遂廢而開上容瀆)張公洲(梁書武紀太清二年十一月丙戌鄱陽王範遣世子嗣表之高等帥衆入援次於張公洲建康志王僧辯陳霸先之破侯景也耀軍於張公洲景登石頭城觀之不悅曰彼軍如是不易敵也)蔡洲(梁書侯景傳鄱陽王世子嗣表之高至後渚結營於蔡洲建康志大寶三年陳霸先討侯景二月大軍進姑熟先鋒次蔡洲即此也)馬昂洲(梁書侯景傳南康嗣王會理湘潭侯退西昌侯世子彘率衆三萬至於馬昂洲)漂洲(同上蕭穎達傳隨高祖平江州高祖進漂州方輿紀要烈山北征記謂之漂洲張舜民曰過三山西上十餘里至溧洲金陵記溧洲周六十里案此漂字疑即溧字之譌)驃騎洲(梁書鄱陽王綸傳太清三年綸復

入援至於驃騎洲)舟子洲(寰宇記引輿地志云梁天監十三年以朱雀門東北淮水紆曲數有水患又舟行旋衝太廟灣乃直通之中央爲舟子洲四方諸郡秀才上計憩止於此)長命洲(同上梁武日市鵝鴨雞豚之屬放於此洲名爲長命洲輿地志又云魏使李恕來聘帝時於此放生問恕曰北主頗知此乎對曰魏國不殺亦不放帝無以對)新林浦(梁書武紀新亭城主江道林出戰衆軍擒之於陣大軍進次新林建康志梁武帝置江酒乃自新亭鑿渠以通新林浦)鄱陽浦(建康志在石城西上通秦淮下入馬昂洲九里達於江乘梁鄱陽王嘗於此置屯田因名)八功德水(寰宇記在鍾山梁胡僧曇隱此)龍天王井(建康志引六朝記梁武郗后性妬忌武帝初立未册命因忿懣乃投殿庭井中衆赴井救之已化毒龍煙焰衝天人莫敢近帝悲歎久之乃册爲龍天王使井上立祠)杜姥宅(通鑑元帝承聖元年三月丁亥王僧辯命裴之橫杜龜屯杜姥宅一統志在臺城南掖門外晉成帝杜后母裴氏立第於此因名)侯景故壘(建康志梁紹泰元年北齊兵至建康陳霸先問計於韋載載曰齊人若分兵據三吳之路略地東境則斯事去矣今可於淮南因侯景故壘築城以通轉輸乃遣載於大航築侯景故壘使杜稜守之)北岸南岸(梁書武紀天監九年新作緣淮塘北岸起石頭迄東冶南岸起

後渚籬門迄三橋)湘子岸(同上侯景傳湘東王遣世子方等兼司馬吳曇天門太守樊文皎下赴京師營於湘子岸)朱雀航(同上武紀東昏將江道林餘衆退屯航南義軍迫之因復散走退保朱爵憑淮自固東昏又遣王珍國等列陣於航南大路又開航背水以絕衆路王茂曹景宗等犄角奔之將士殊死戰珍國之衆一時土崩投淮死者積尸與航等後至者乘之以濟於是朱爵諸軍望之皆潰蕭正德傳侯景至江朝廷遣正德守朱雀航景至正德引軍與景俱進侯景傳景緣淮立柵自石頭至朱雀航北史庾信傳侯景作亂梁簡文帝命信率宮中文武營於朱雀航景至信以衆先退臺城陷建康志侯景兵至航建康令庾信率兵屯航北見景至命徹航始除一舶棄軍走南塘遊兵復閉航度景乘勝至闕下又名大航梁書武紀齊東昏燒南岸邑屋以開戰場自大航以西新亭以北蕩然矣又名南航方輿紀要以在臺城南也)驃騎航(金陵志梁臨川王宏爲驃騎大將軍居東府橋因以名亦謂之小航對大航而言也梁書侯景傳鄱陽王世子嗣營小航南緣淮造柵卽此也)阜茨橋(梁書武紀命曹景宗據阜茨橋)白坂橋(同上呂僧珍傳大軍次江寧高祖令僧珍與王茂率兵先登赤鼻邏其日東昏將李居士來戰僧珍等大破之乃與茂進軍於白坂橋築壘立茂移頓越城僧珍猶守白坂)板橋(通鑑武

帝太清二年七月庚戌侯景至板橋遣徐思玉來求見上上遣賀季郭寶亮隨思玉勞景於板橋)張侯橋(同上侯景度朱雀桁臨賀王正德帥衆於張侯橋迎景)菰首橋(同上太清三年正月侯景退衆軍營於青溪之東李遷仕樊文皎帥銳卒五千獨進深入所向摧靡至菰首橋東注橋在青溪上)新林橋(建康志引揚州記云金陵南沿江有新林橋卽梁武敗齊師之處)高橋(建康志引金陵故事梁亂庾信爲建康令守朱雀門衆潰臺城門已閉信走羈旅於此橋信有哀江南賦云高橋羈旅是也南史齊徐嗣徽等復入丹陽至湖熟陳高祖遣侯安都率馬步拒之於高橋)大橋(建康實錄天監六年武帝於小莊嚴寺造無量佛像長一丈八尺其年九月欲移像過光宅寺未移前淮中估客每夜輒聞大橋上數百人修道路往視不見人俄而像度光彩輝煥觀者莫不歸心)蔣帝廟(寰宇記引梁書武帝時旱甚詔於蔣帝廟求雨十旬不降帝命焚廟并其神影將欲起火當神上忽有雲如繖蓋須臾驟雨帝馳詔追停自此帝誠信遂深自踐阼未曾到廟於是備法駕將朝臣修謁)昭明太子安寧陵(梁書昭明太子傳中大通三年五月庚寅葬安寧陵元和郡縣志梁昭明太子安寧陵在上元縣東北五十四里查礪山建康志梁昭明陵在城東北四十五里賈山前與齊文惠太子同處排陵並葬)

〔秣陵〕本秦縣晉太康元年平吳分淮水南爲秣陵沈志本治去京邑六十里今故治村是也晉安帝義熙九年移治京邑在鬪場恭帝元熙元年省揚州禁防參軍縣移治其處梁書武紀天監七年四月辛未秣陵縣獲靈龜一有秣陵故城〔南史陳武紀梁紹泰二年五月辛丑齊軍於秣陵故城跨淮立橋柵引度兵馬案沈志秦秣陵縣治今故治村是也元和郡縣志故縣在上元縣東南四里本金陵地秦改爲秣陵此故城即指是〕建興苑

〔本名南苑梁書侯景傳裴之高營南苑是也建康志南苑梁改名建興苑梁書武紀天監四年二月立建興苑於秣陵建興里〕建興里〔見上〕

〔同夏〕本秣陵縣地寰宇記引輿地志梁大通三年分建康之同夏里置案梁書南史皆云秣陵縣同夏里此云分建康當屬傳寫之誤而六朝事蹟建康志又作大同元年彼此亦不無抵牾也潘自牧記纂淵海梁大同元年置同夏縣省江乘湖熟二縣案此則更有改置非止割一同夏里矣然江乘一縣梁書寰宇記皆云梁有不當言省有同夏里三橋宅〔梁書武紀宋大明八年生於秣陵縣同夏里三橋宅太祖張皇后傳宋泰始七年殂於秣陵縣同夏里舍〕艦澳〔寰宇記梁武帝所開今在光宅寺東二百五十步其寺即武帝舊宅每從城歸宅儀仗舟車駢戢溢路開以藏船其澳兩岸隈曲一十有一砌石爲之

至今不毀其水源出自婁湖下達秦淮紆迴五里

〔句容〕漢舊縣有茅山〔梁書陶弘景傳止於句容之句曲山恆曰昔漢有咸陽三茅君得道來掌此山故謂之茅山〕華山〔寰宇記梁書云武帝東行至此山因問華山何如蔣山高薛泰答曰華山高九里與蔣山等〕積金東澗〔梁書陶弘景傳天監四年移居積金東澗〕上容澗〔建康志梁廢破岡澗而開上容澗在句容縣東南五里頂上分流一源東南流三十里入延陵界一源西南流二十里注句容界上容澗西流入江寧秦淮〕脊龍池〔輿地紀勝在句容縣天聖觀梁天監中有正白先生脊龍子於池中〕陶隱居井〔建康志陶貞白七次丹成皆中等神人告以定分止合得此中丹於是服之遁景而去又有梁天監三年八月十五日錢塘陳宜懋書井欄字〕仁威壘〔方輿紀要引南史梁承聖二年周弘讓爲仁威將軍城句容居之命曰仁威壘〕南康簡王墓〔建康志姜石山在句容縣西北二十五里有梁南康簡王墓〕

吳郡漢置梁書簡文帝紀太清三年七月戊辰以吳郡爲吳州大寶元年二月省吳州如先爲郡領縣十

空充並葬吳西山〕包山〔寰宇記包山上舊無三班謂蛇虎雉侯景亂後乃有虎蛇爲人之害〕松江〔梁書陸襄傳景將宋子仙與陸黯等戰於松江通鑑元帝承聖元年四月己酉侯瑱追及侯景於松江注在今吳縣一名笠澤在吳縣南四十里〕

〔嘉興〕秦由拳縣吳改名

〔崑山〕本漢婁縣地隋志崑山梁置寰宇記大同初又分信義置崑山縣屬吳郡因縣有崑山故名也輿地廣記陸機陸雲生於此故名其山曰崑山梁置縣

江中蓋此浦是也浦旁頗有遺蹟

〔胥浦〕梁置一統志引松江府志大通六年

〔案大通止二年六字誤〕析海鹽東北境

置地接胥浦因名梁書侯景傳太清三年六

月景分吳郡胥浦屬武原郡

〔富陽〕漢富春縣沈志晉簡文鄭太后諱春孝

武改曰富陽梁書侯景傳太清三年十一月

景以富陽為富春郡南史孫瑒傳以軍功封

富陽侯

〔新城〕水經注縣故富春也孫權置後省并桐

廬晉咸和九年復立有新城戍〔梁書侯景

傳景遣儀同宋子仙等率衆次錢塘新城

戍〕

〔桐廬〕沈志吳分富春立有下淮戍 七里瀨

〔通鑑〕元帝承聖元年二月侯景將謝答仁

攻劉神茂神茂營於下淮或謂神茂曰賊長

於野戰下淮地平四面受敵不如據七里瀨

輿地志七里瀨在東陽江下與嚴陵瀨相

接〕

〔鹽官〕沈志漢舊縣

會稽郡秦置通典宋置東揚州尋罷梁又置梁書

武紀普通五年三月甲戌分揚州江州置東揚州

敬帝紀太平元年三月景子罷東揚州還復會稽

郡領縣十

〔山陰〕漢舊縣有雲門山 天柱山〔梁書王

籍傳會稽郡境有雲門天柱山籍遊之或累

月不出通鑑武帝天監五年選學生往會稽

雲門山從何胤受業〕東山〔梁書何胤傳

胤建武初已築室郊外號曰小山至是遂賣

園宅欲入東山又武帝遣何子朗孔壽等六

人於東山受學〕會稽山〔同上胤以會稽

山多靈異往遊焉〕若耶山〔同上胤居若

邪山雲門寺〕秦望山〔同上胤以若耶處

勢迫隘不容生徒乃遷秦望山山有飛泉西

起學舍〕若耶溪〔同上王籍傳至若耶溪

賦詩其略曰蟬噪林逾靜鳥鳴山更幽當時

以為文外獨絕〕西陵岸〔同上江革傳為

會稽郡丞將還唯乘臺所給一舸舸體偏欹

不得安臥乃於西陵岸取石十餘片以實之

其清貧如此〕都賜埭〔同上何胤傳太守

衡陽王元簡去郡入山與胤別送至都賜埭

去郡三里〕若耶村〔同上敬帝紀二月景

辰若耶村人斬張彪傳首京師〕御史牀〔寰

宇記在州東南四里引梁元帝玄覽賦云御

史之牀猶在都護之門不修〕

〔永興〕沈志漢餘暨縣吳更名梁書陳慶之傳

以功封永興縣侯有夢筆橋〔輿地紀勝即

江公所居處也〕

〔上虞〕漢舊縣

〔餘姚〕漢舊縣梁書武紀天監七年四月戊寅

餘姚縣獲古銅劍二

〔諸暨〕漢舊縣

〔剡〕漢舊縣有剡巖〔梁書敬帝紀太平元年

東揚州刺史張彪圍臨海太守王懷振於剡

巖〕

〔鄞〕漢舊縣梁書武紀天監七年十一月辛巳

鄞縣言甘露降

〔始寧〕漢舊縣

〔句章〕漢舊縣

〔鄞〕漢舊縣

吳興郡沈志孫皓寶鼎元年立通鑑敬帝紹泰元

年王僧辯以吳興為震州梁書敬帝紀太平元年

二月己未罷震州還復吳興郡領縣十

〔烏程〕漢舊縣有毗山〔寰宇記梁吳均有和

柳惲毗山亭詩〕震澤〔元和志梁置震州

蓋取震澤為名〕貴溪浦〔寰宇記梁時烏

程有蘇氏女於此遇一道士曰汝後大貴蘇

氏後適章氏生陳高祖宣皇后因名此曰貴

溪浦〕毗山亭〔同上梁吳興太守柳惲所

創〕項羽廟〔梁書蕭琛傳郡有項羽廟土

民名為憤王甚有靈驗一名楚王廟南史梁

長沙王懿子猷傳為吳興郡守性倜儻與楚

王廟神交飲至一斛每醉祀盡歡極醉神影

亦有酒色〕

〔武康〕吳永安縣沈志晉太康元年更名南史

庾肩吾傳封武康縣侯通鑑武帝太清二年

有永安侯確注是皆以古縣名為侯國有牙

門城〔方輿紀要在縣北五里鳳皇山北相

傳侯景之亂邑人牙門將軍沈子春築此以

拒景〕餘不鄉〔南史沈約傳其先戎字威

卿後漢時徙居餘不鄉遂居焉〕博陸里

餘烏村〔同上延字思長始居縣東鄉之博

陸里餘烏村〕阮公溪〔寰宇記引梁陳故

事云石英寶者會稽上虞人常寓於武康其

女有殊色天監元年選爲采女及生元帝爲修容賜姓阮氏拜其父爲奉朝請時人名所居之溪爲阮公溪英寶以承聖二年追封武康縣侯溪中有大青石俗謂之美人石

〔餘杭〕漢舊縣

〔東遷〕沈志晉太康三年分烏程立南史周文育傳封東遷縣侯

〔長城〕沈志晉太康三年分烏程立陳書武紀梁大寶元年改封長城縣侯有戍山（輿地紀勝梁太守張曠與州人沈俊於此屯戍以禦侯景之難）雒山（寰宇記梁陳故事武帝時童謠云烏山出天子江表以烏名山者悉鑿案陳高祖則長興雒山人也）餘干山

餘豐水 餘魚里（同上梁陳故事梁武時童謠云天子之居在三餘武帝於餘干餘杭餘姚三處爲禳厭之法其時長興有餘干山餘豐水餘魚里蓋陳高祖吳興三餘人也）下若里（南史陳武紀吳興長城下若里人）

〔於營〕漢舊縣

〔臨安〕吳臨水縣沈志晉太康元年更名有天目山（南史鄭灼傳沈德威梁太清末遁於天目山築室以居）郭文舉舊宅（同上陳文紀侯景之亂避地臨安縣郭文舉舊宅）

〔故鄣〕漢舊縣有青山（梁吳均與施從事書故鄣縣東有青山絕壁千尺孤峯入漢）石門山（同上與顧章書梅溪之西有石門山森壁爭霞孤峯限日遂葺其上）梅溪（見上）

〔安吉〕漢舊縣有隱塢（寰宇記梁陶弘景嘗居於此故號曰隱塢）

〔原鄉〕漢舊縣南史沈炯傳侯景平封原鄉侯新安郡吳新都郡沈志晉太康元年更名梁普通五年屬東揚州太平元年復陳書武紀梁大寶二年十一月元帝承制授高祖東揚州刺史都督新安等五郡諸軍事及南史陳武紀太平二年封陳十郡有揚州之新安是也領縣四

〔始新〕沈志吳分歙立有錦沙（梁書謝覽傳天監九年夏山城吳承伯餘黨入新安叛吏鮑敍等與合進兵攻覽覽遣郡丞周興嗣于錦沙立塢拒戰）

〔遂安〕沈志吳新定縣晉太康元年更名

〔梁安〕本歙縣地元和志梁大通元年置梁安縣寰宇記歙之華陽古鎮梁大同元年置爲梁安縣案二書置縣之年不同未詳

〔壽昌〕沈志吳分富春立新昌晉太康元年更名方輿紀要屬新安郡南史周文育傳少居新安壽昌縣有浦口戍（南史周文育傳年十一義興人周蒼爲壽昌浦口戍主見而奇之）

新寧郡本新安郡地梁時分置元和志歙州或隸新安郡或立新寧郡今時地理家皆謂梁改新安爲新寧然考南史陳武帝紀敬帝太平二年封陳武十郡有揚州之新安新寧則屬分置而非改置矣而梁史隋志皆無明文惟一統志云梁未分置新寧郡又引府志云承聖二年置治海寧今從之案郡初屬東揚州敬帝時復領縣四

〔海寧〕沈志吳海陽縣晉太康元年更名有容嶺（寰宇記引梁書曰任昉爲新安守郡界密容嶺採糖昉以所處險遠長吏每遣百姓就採之昉至罷焉）

〔黟〕秦舊縣一統志梁末屬新寧郡

〔歙〕秦舊縣一統志梁末分屬新寧郡有黃墩湖（寰宇記梁末程靈洗助湖中屢射呂湖屢處也）防溪 防村（同上任昉爲太守因行春至此愛其雲溪綠源尋幽累日不返百姓因名其溪爲防溪溪旁村爲防村）

〔黎陽〕方輿紀要孫吳置宋大明中省梁承聖中復置屬新寧郡

臨海郡吳置寰宇記臨海郡梁又爲赤城郡輿地紀勝臨海郡梁武帝置赤城郡尋廢爲臨海縣案郡普通中屬東揚州敬帝時復陳書武紀梁大寶二年十一月元帝承制授高祖東揚州刺史都督臨海等五郡諸軍事及南史陳武紀太平元年十月戊辰以揚州之臨海益封陳國是也領縣五

〔章安〕漢舊縣有蜜巖（梁書傅昭傳天監十七年出爲臨海太守郡有蜜巖前後太守皆自封固專收其利昭教勿封）

〔臨海〕沈志吳分章安立

〔寧海〕沈志漢舊縣通典晉置

〔始豐〕沈志吳始平縣晉太康元年更名梁書武紀天監五年夏四月始豐縣獲八日龜一

〔樂安〕沈志晉康帝分始豐立
建安郡沈志本秦閩中郡孫休永安三年分南部立爲建安郡元和志宋齊梁皆封子弟爲王寰宇

記梁承聖三年封蕭基爲長梁侯於此梁末城池被盜陵夷其後謝謁爲太守於西溪之右編木柵爲理所案郡本屬江州後屬揚州南史陳武帝紀梁太平元年十月戊辰以揚州之建安益封陳國是也領縣六

〔吳興〕沈志漢末立曰漢興吳更名梁書武紀天監九年閏六月宣城盜轉寇吳興縣太平御覽稱邑圖云梁江淹爲吳興令淹自序吳興地在東南嶠外閩越之舊境是也有孤山〔寰宇記〕引蕭子開建安記云梁江淹爲吳興令云此地有碧水丹山珍木靈草爲邑之勝境

〔建安〕通典漢治縣地吳置建安縣沈志無此縣當是南齊時復置梁書臨川王宏傳子正立改封建安侯南康王績傳子通理大同八年封建安縣侯

〔將樂〕寰宇記稱後漢書云吳永安三年析建安之校鄉立

〔邵武〕沈志吳立曰昭武晉武更名又有綏成縣一統志梁省入邵武

〔建陽〕吳建平縣寰宇記晉太元四年改建平爲建陽縣因山之陽爲名

〔沙村〕沈志永初郡國何徐並有何徐不注置立方輿紀要晉延平地太元四年立成於此曰沙成義熙初升爲沙村縣屬建安郡宋後因之

縉州本名婺州通鑑元帝承聖二年王僧辯至姑孰遣婺州刺史侯瑱築壘東關以待齊師注東陽

郡梁置婺州是也〔通典〕以常天文婺女之分爲名〕梁末改名縉州陳書留異傳梁紹泰二年除縉州刺史領東陽太守元和志寰宇記諸書以爲陳始置者非也領郡一州治長山

東陽郡吳置梁時嘗改名金華郡通典梁陳置金華郡寰宇記東陽郡梁武置金華郡於此陳芳績歷代地理沿革表梁大同六年改金華郡尋復案郡梁嘗屬東揚州陳書武紀梁大寶二年十一月元帝承制授高祖東揚州刺史都督東陽等五郡諸軍事後屬領縣十

〔長山〕漢舊縣有金華山〔梁劉孝標金華山栖志序云所居東陽郡金華山〕紫巖山同上金華之首有紫巖山山色紅紫因以爲稱東山〔寰宇記〕梁文士劉峻字孝標棄官居徐公湖東山之上撰類苑一百二十卷

徐公湖〔見上〕玄暢樓〔同上〕沈約造次吟詠於此處

〔太末〕沈志漢舊縣

〔烏傷〕漢舊縣

〔永康〕寰宇記引東陽記赤烏八年分烏傷之上浦置

〔信安〕沈志漢新安縣晉太康元年改名梁書武紀天監二年六月詔以信安縣水潦遣使周履又宗懷傳世祖即位封信安縣侯

〔吳寧〕沈志漢興平二年孫氏分諸暨立南史岑之敬傳父善行梁世以經學聞官吳寧令

武紀天監二年六月詔以豐安縣水潦遣使周履

〔定陽〕沈志漢建安二十三年孫氏分信安立

〔遂昌〕沈志吳平昌縣晉太康元年更名

〔建德〕沈志吳分富春立方輿紀要梁屬東陽郡歷代地理沿革表梁普通十年改屬有東陽江〔通鑑〕元帝承聖元年二月侯景將謝答仁攻剡神茂於東陽疑卽此江也

東嘉州梁置寰宇記瑞安晉安固縣梁屬東嘉州領郡一州治永寧

永嘉郡沈志晉太寧元年分臨海立梁嘗屬東揚州陳書武紀梁大寶二年十一月元帝承制授高祖東揚州刺史都督永嘉等五郡諸軍事後屬南史忠壯世子方等傳世子莊元帝封爲永嘉王領縣五

〔永寧〕漢舊縣南史祖皓傳來嶷與皓舉邵陵王承制封永寧縣侯有吹臺山〔寰宇記〕其山狀如樓臺下有飛泉石池生椅梧及笙簫之竹梁邱遲爲太守常採琴樸寄吳興柳文暢

〔安固〕沈志吳羅陽縣孫皓改曰安陽晉太康元年更名寰宇記梁屬東嘉州

〔松陽〕沈志吳立南史顧野王傳時有蕭濟預平侯景功封松陽縣侯

〔樂成〕沈志晉寧康三年分永寧立寰宇記作元康三年

〔橫陽〕沈志晉太康四年以橫蕘船屯爲始陽

仍復更名

秦州梁置通鑑簡文帝大寶元年九月任約進寇西陽武昌初寧州刺史徐文盛募兵討侯景湘東王繹以為秦州刺史梁書侯景傳太清三年六月景以儀同郭元建為北道行臺鎮新秦大寶元年七月景以秦郡為西兗州尋曰秦州是也領郡一州治尉氏

秦郡晉安帝改堂邑縣置齊永明初罷梁復置梁書武紀大同六年秦郡獻白鹿一領縣四

〔尉氏〕漢舊縣晉屬秦郡齊屬齊郡梁移屬於此有瓜步（梁書武紀初義師之逼東昏遣李叔獻屯瓜步）長蘆（通鑑簡文帝大寶元年十一月安樂侯義理出奔長蘆梁書南康王績子通理傳會祖皓起兵通理奔長蘆）

士林（通鑑元帝承聖元年五月齊兵圍秦郡陳霸先大破齊將郭元建於士林注在六合縣界）胡墅（同上敬帝紹泰元年十一月齊遣兵萬人於胡墅度入石頭癸未使侯安都夜襲胡墅注在大江北岸對石頭城）

〔六合〕六合志梁天監元年置屬秦郡

〔棠邑〕方輿紀要齊增置永明初并入尉氏梁仍置

〔昌國〕齊志屬齊郡梁移屬梁書羊鯤傳封昌國縣公

涇州寰宇記引郡國志（即郡縣志）云梁於石梁置涇州梁書元帝紀承聖三年秦州刺史嚴超達自秦郡圍涇州領郡二

州治通鑑注引北史梁涇州在石梁

涇城郡隋志永福梁置涇城東陽二郡通鑑元帝承聖二年注弘五代志梁置州領涇城東陽二郡領縣一有石梁（梁書元帝紀嚴超達圍涇州侯瑱張彪出石梁為其聲援）

〔沛〕沈志漢舊縣

東陽郡見上隋志及通鑑注領縣可考者一

〔橫山〕方輿紀要梁置

〔義城〕方輿紀要或曰梁時嘗置然不言屬何郡姑附於此

南徐州沈志晉咸和四年僑置徐州宋永初二年加徐州曰南徐元嘉八年更以江北為南兗州江南為南徐州梁領郡九

州治梁書安成王秀傳是時東昏弟晉熙王寶嵩為南徐州刺史鎮京口長史范岫行府州事遣使降高祖以秀為南東海太守鎮京口

蘭陵郡本南東海郡地梁書武紀天監元年改南東海為蘭陵郡土斷南徐州諸僑郡縣隋志延陵舊置南徐州南東海郡梁改曰蘭陵郡咸淳昆陵志引南齊高帝紀高帝封齊公策文有南徐州之

蘭陵等郡州郡志乃無之又宋州郡志南蘭陵郡止有蘭陵與承二縣南齊志乃并載於南琅邪郡下必當更革史有闕誤梁紀云改南東海為蘭陵郡復之也領縣八

〔蘭陵〕本武進縣隋志曲阿有武進縣梁改為蘭陵元和志寰宇記梁武改武進為蘭陵而咸淳昆陵志云梁復南蘭陵武進縣（案梁書武紀在天監元年）又改武進縣為蘭陵縣則當以蘭陵縣為是又元和志以蘭陵入

晉陵輿地廣記武進梁改曰蘭陵屬南蘭陵郡今從輿地廣記梁書武紀大同十年三月甲午與駕幸蘭陵有中都里（梁書武紀南蘭陵中都里人）雀林村（南史梁始興王憺子暉傳出為晉陵太守郡雀林村舊多猛獸為害暉在政六年此暴遂息）南城村（咸淳昆陵志萬歲寺西去蕭梁帝祖宅三十里東城村初名皇基更曰皇業寺後百七十五步即其城也）東山（梁書太祖張皇后傳葬武進東城里山高祖德皇后傳齊永元元年殂歸葬武進縣東城里山建康實錄作東山）

〔承〕漢縣名齊屬南琅邪郡梁改屬

〔丹徒〕漢舊縣即古朱方通鑑元帝承聖元年三月丁亥侯景東走侯子鑒王偉陳慶奔朱

方有京口城（梁書武紀大同十年三月己酉幸京口城）金山（方輿紀要或曰梁天監四年於金山修水陸會則金山蓋古名也）

北顧山（寰宇記舊北顧作固字梁高祖云作鎮作固誠有其語然北望海口實為壯觀以理而推宜為顧望之顧）高驪山（同上

梁武帝輿駕東行記云自覆舟山酒巒山南次高驪山）京峴山（同上梁典云梁帝望京峴山盤紆似龍掘其石為龍目二湖也）

招隱山（同上梁昭明太子曾遊此山讀書因名招隱山今石案古迹猶存一名武窟山

南史梁吳平侯景弟昂傳為琅邪彭城二郡太守時有女子年二十許散髮黃衣在武窟

山石室中無所修行唯不甚食或出人閒時飲少酒鵝卵一兩枚人呼爲聖姑昂呼問無所對以爲媚惑鞭之二十餘即差失所在）謝塘（寰宇記梁普通五年記室參軍謝德威造一統志引府志有莞塘梁大同五年南臺侍御史謝賀之壅水爲塘種莞其下因名即謝塘也）鹿跑泉（輿地紀勝在招隱山昭明太子井也）北顧樓（梁書武紀大同十年三月己酉幸京口城北固樓改名北顧樓）回賓亭（同上庚戌幸回賓亭宴帝鄉故老）瘞鶴銘（金石萃編在丹徒縣焦山西南觀音菴）

〔曲阿〕漢舊縣梁書武紀中大通三年六月癸丑立昭明太子子曲阿公晉爲岳陽郡王有王陵（梁書武紀普通五年六月乙酉龍鬪於曲阿王陵）隧口（同上中大同元年春正月丁未曲阿縣建陵隧口石麒麟動有大蛇鬪隧中其一被傷奔走）梁武帝宅（輿地紀勝基在塘頭村即位幸舊宅觀井上梨棗並兒時所植又有昭明太子宅今爲華陽館）建寧陵（梁書武紀大同十年三月甲午輿駕幸蘭陵謁建寧陵南史作庚子謁建寧陵有紫雲蔭陵上食頃乃散元和志梁文帝順之建陵在丹陽縣缺二十五里）修陵（梁書武紀大同十年三月辛丑至修陵太清三年冬十一月己卯高祖葬於修陵元和志武帝衍修陵在丹陽縣東三十一里）莊陵（梁書簡文帝紀大寶二年四月乙丑葬莊陵太

宗王皇后傳大寶元年九月葬莊陵元和志簡文帝綱莊陵在丹陽縣東二十七里寰宇記梁簡文帝陵有麒麟碑尙存陵有港名曰蕭港直上陵口大河去縣二十五里輿地紀勝莊陵地名三城港有石麟高丈餘）

〔郟〕漢縣名後漢書注故城在今泗州下邳縣東北沈志晉元帝僑立下二縣同

〔祝其〕漢縣名寰宇記故城在懷仁縣南四十二里

〔襄賁〕漢縣名後漢書注故城在今沂州臨沂縣東

〔西隰〕齊志有梁當因之晉陵郡沈志吳時爲毘陵典農校尉晉太康二年立爲毘陵郡後改南史陳武紀梁太平元年十月戊辰以南徐州之晉陵益封陳國領縣三

〔晉陵〕沈志漢毘陵縣後與郡俱改有金牛山（南史梁武紀皇考順之與齊高帝嘗共登金牛山徐陵上庸路碑云山曰金牛孰辨梅湖之路）橫山（咸淳毘陵志梁王八百隱於橫山修煉歲久白日飛昇）鱧瀆（梁書張曠傳太清三年宮城陷賊行臺劉神茂攻破義興曠遣軍主王雄等帥兵於鱧瀆逆擊之破神茂神茂退走寰宇記孝感瀆去州八十五里王祥寓居武進尙義鄉母疾思魚祥解衣將剖冰求之忽有雙鯉躍出即此瀆也

一統志云舊志瀆在縣西南通漏湖案鱧字當即鯉字之誤）新坊橋（咸淳毘陵志梁大同元年建晉陵武進於此分界）

〔延陵〕沈志晉太康二年分曲阿之延陵鄉置有華陽邏（梁書武紀延陵縣華陽邏主載車）

〔無錫〕沈志漢舊縣吳省晉太康元年復立有陽湖（咸淳毘陵志舊傳蕭梁時晉陵無錫二令爲陽湖泛溢親視堤堰遂溺焉邦人爲立吳許二長官祠案寰宇記陽湖在晉陵無錫兩縣界位次入無錫今從之）大同殿（輿地紀勝梁大同六年置）御亭（寰宇記引

梁庾肩吾詩云御亭一回望風塵千里昏即此也）曲水亭（輿地紀勝陸羽云梁大同中有青蓮花育於寺因改爲惠山寺前有曲水亭其水九曲）

信義郡本吳郡地隋志常熟梁置信義郡方輿紀要天監六年置陳書武紀梁太平二年以南徐州之信義益封陳國領縣七

〔南沙〕沈志本吳縣司鹽都尉署吳時名沙中吳平後立暨陽縣割屬之晉咸康七年罷鹽署立爲南沙縣輿地廣記梁分置南沙常熟二縣蓋南沙自晉及齊皆屬晉陵郡梁時移屬於此非別有所置也

〔常熟〕本漢吳縣地元和志寰宇記並云梁大同六年置

〔海虞〕沈志晉太康四年分吳縣虞鄉立

〔海陽〕咸淳毘陵志齊置

〔興國〕一統志在今常熟縣東梁置

〔前京〕輿地紀勝在華亭縣東南舊經云以近京浦因名梁天監七年築方輿紀要梁析婁

縣地置前京縣屬信義郡

〔信義〕寰宇記梁天監六年分婁縣置

江陰郡隋志梁置江陰縣并置江陰郡咸淳昆陵志引陳書高祖紀永定元年以江陰郡奉梁主為江陰王益見梁會置此郡領縣三

〔江陰〕寰宇記梁敬帝太平三年分蘭陵置江

陰縣輿地紀勝云象之謹案晉自太康二年

置暨陽縣之後而晉宋齊三志並有暨陽縣

自梁敬帝置江陰郡縣之後而隋志第有江

陰而無暨陽是梁於暨陽縣置江陰郡因改

暨陽為江陰縣耳隋志元和志諸書初無割

蘭陵縣立江陰縣之文而寰宇記輿地廣記

始言割蘭陵縣為江陰縣然蘭陵與江陰為

鄰或一時割蘭陵以益江陰之地亦未可知

第不可專謂割蘭陵為江陰耳有真山（輿

地紀勝梁時山側民入山見鹿產一女子因

收養之長為女道士號鹿娘梁武帝為建聖

觀謂其得真因以為名）貪山（同上昔梁

大同中有樵夫採薪見金寶現因掘取山頽

壓死因名）梁武堰（同上在東舜鄉七里

村）聖母祠（寰宇記在縣南二百步案劉

遵之神異錄云廣陵縣女杜美有道縣以為

妖桎梏之忽變形莫知所之因以其處立廟

曰東陵號聖母古老相傳云梁普通中有商

人乘舡夜夢婦人曰我是東陵聖母神也隨

形影逐流來此今當君船底水裏若能將形

影上岸立祠當重相報其人覺悟視之果如

所夢將上岸為立祠）蕭天子墓（輿地紀

勝在良信鄉有一大土封素號倉堆相傳為

蕭天子墓案南史梁敬帝為江陰王殂蕭季

卿嗣大建三年陳侍中淳于量就蕭季卿買

梁陵中樹皆坐免即此）

〔利城〕漢縣名寰宇記故利城在懷仁縣西六

十里東晉與僑郡俱立輿地紀勝引輿地志

云晉元帝以海虞北境之土山立利城縣宋

元嘉八年遷於武進之利浦方輿紀要梁末

置屬江陰郡案此蓋至是始屬郡耳非至是

始置縣也置字微誤

〔梁豐〕隋志江陰舊有梁豐縣方輿紀要梁末

置屬江陰郡

義興郡沈志晉永興元年分吳興之陽羨丹陽之

永世立本揚州泰始四年度齊志永明二年割屬

揚州後復舊梁領縣四

〔陽羨〕沈志漢舊縣

〔臨津〕沈志故屬陽羨立郡分立

〔國山〕沈志故屬陽羨立郡分立有國山（通

鑑武帝天監八年正月辛巳上祀南郊時有

請封會稽禪國山者注國山在國山縣）九

斗壇（寰宇記高二丈在國山東梁武為天

早求雨於蔣山神感夢於武帝云九斗山張

水曹神能致雨帝乃遣使立壇祠之響應）

〔義鄉〕沈志故屬長城陽羨立郡分立

南琅邪郡沈志晉咸康元年立齊志本治金城永

明初徙治白下梁領縣三

〔臨沂〕漢縣名晉咸康中僑置有王僧辯城

（元和志在臨沂縣東北五十里梁將王僧

辯屯兵於此）長千里（通鑑武帝大同三

年八月上修長干寺辛卯上幸寺注今上元

縣有長千里去縣五里江東謂山壠之閒曰

干）

〔江乘〕寰宇記秦舊縣有白山（南史韋載傳

有田十餘頃在江乘縣之白山）攝山（建

康志梁紹泰中陳霸先與齊師戰大敗之追

奔至攝山虜蕭軌誅於城下即此也）羅落

橋（通鑑敬帝紹泰元年陳霸先襲王僧辯

使徐度等趨石頭霸先自江乘羅落會之注

即羅落橋）

〔費〕一統志東晉懷德縣宋志南琅邪郡無懷

德永初郡國有費縣治宮城北元嘉十五年

省寰宇記陳亡廢是梁有也南史裴之平傳

以軍功封費縣侯

臨淮郡沈志晉太康元年復分下邳之淮南為臨

淮郡治盱眙江左僑立齊志自臨淮郡以下郡無

實土方輿紀要引志云蕭梁時僑置臨淮郡治東

葛城是也領縣四

〔海西〕漢縣名

〔射陽〕漢縣名方輿紀要劉宋僑置於江南屬

臨淮郡

〔淮陰〕（別見）

〔東陽〕漢縣名梁書武紀天監二年六月詔以

東陽縣水潦遣使周履未知即此縣否

淮陵郡晉志元帝分武進立臨淮淮陵南彭城等

郡屬徐州宋齊因之梁領縣四

〔司吾〕漢縣名

〔武陽〕漢縣名齊志建武三年省泰山郡屬〔甄城〕齊志有梁當因之

〔陽樂〕漢縣名圖經故城在永平府撫寧縣西東晉僑置

南彭城郡沈志江左僑立南史梁吳平侯景弟昂傳爲琅邪彭城二郡太守是梁有是郡也領僑縣七

〔彭城〕〔別見〕齊志有梁當因之

〔武原〕漢舊名梁書到溉傳彭城武原人乃故縣非此也

〔傅陽〕沈志漢舊名

〔蕃〕漢縣名沈志義旗初免軍戶立遂誠縣永初元年改從舊名

〔薛〕漢縣名沈志義旗初免軍戶爲建熙縣永初元年改從舊名

〔汶〕漢縣名齊志有梁當因之

〔僮〕〔別見〕漢縣名齊志有梁當因之南兖州沈志晉成帝立隋志江都郡梁置南兖州南史蕭業傳天監二年都督南兖州刺史是也領郡六

州治齊志南兖州鎮廣陵廣陵郡沈志漢高六年立領縣二

〔廣陵〕漢舊縣有廣陵城〔梁書南康王績傳子會理太清元年時祖皓斬董紹先據廣陵城起義建康實錄梁有翠微寺天晴日暖望見廣陵城在目前水陸之遠蓋二百里〕魏

武廟〔梁書裴邃傳遷廣陵太守邃與廣陵人共入魏武廟因論帝王功業〕

〔江都〕漢舊縣有歐陽戍〔通鑑武帝太清二年封山侯蕭正表於歐陽立柵以斷援軍又元帝承聖元年三月陳霸先至歐陽齊行臺辛術已據廣陵胡三省於前注云水經注邗溝水上承歐陽引江入埭六十里至廣陵城以地望考之此歐陽在今真州案江淮之間地名歐陽見於史者非一處裴邃移長孫稚欲營歐陽在壽春境上吳喜使蕭道成留軍歐陽在淮陰界〕瓜州〔梁書邵陵王綸傳與世祖書曰自於瓜州至於湘雍莫非戰地〕

東府齋〔寰宇記梁宣城王爲揚州刺史顧野王及王褒並爲賓客野王好丹青善圖畫王於東府起齋令野王畫七賢王褒書贊時人稱爲兩絕案梁揚州治建康東府齋當在東府城內寰宇記列於江都縣恐誤〕

江都郡本臨江郡宋大明七年置齊因之通鑑武帝太清三年侯景以前臨江太守董紹先爲江北行臺注引五代志歷陽郡烏江縣梁置臨江郡蓋是時尙因齊舊名也後改隋志烏江梁置江都郡通典同領縣三

〔烏江〕晉太康中置屬淮南東晉及宋屬歷陽後爲臨江郡治齊因之梁改郡仍治焉

〔懷德〕沈志大明五年立方輿紀要齊改廣德梁復舊

〔鄞〕沈志流寓立元嘉八年度屬歷陽齊屬臨江郡

陽平郡隋志安宜梁置陽平郡案齊志亦有陽平郡屬北兖州領泰清等四縣注寄治山陽蓋至梁

時始移郡來治安宜耳通鑑武帝太清三年三月景改陽平爲北滄州梁書侯景傳大寶元年七月侯景以陽平郡爲北兖州一統志其地尋入北齊梁時領縣一

〔安宜〕通典漢平安縣地齊置安宜縣

東莞郡隋志安宜梁又置東莞郡案晉宋齊俱有東莞郡領莒縣三縣乃僑郡在晉陵南境非此也其僑郡縣齊末俱廢

縣無考

神農郡隋志高郵梁置廣業郡尋以有嘉禾爲神農郡領縣三

〔高郵〕漢舊縣

〔竹塘〕隋志梁析高郵置

〔三歸〕隋志梁析高郵置

海陵郡隋志海陵梁置郡案沈志晉安帝分廣陵立海陵郡宋齊二志俱有特海陵縣尙隸廣陵梁時始移郡治於此耳領縣七

〔海陵〕漢舊縣有天目山〔見下太子港注〕

胡豆洲〔梁書羊鯤傳侯景於松江戰敗惟餘三舸下海欲向蒙山會景倦晝寢鷓鴣語海師此中何處有蒙山汝但聽我處分遂直向京口至胡豆洲景覺大驚〕太子港〔輿地紀勝相傳梁大同閒王仙翁上昇昭明太子取道此港通天目山共致禮仙翁〕

〔建陵〕漢縣名圖經在今沭陽縣界晉義熙中僑置於海陵縣一統志晉建陵僑縣在今泰州東北七十里梁書武紀普通五年冬十月戊寅裴邃元樹攻魏建陵城克之卽海州沭

陽縣建陵故城也此亦有建陵城（梁書武

紀普通五年六月乙酉龍鬪於曲阿王陵因

西行至建陵城所經處樹木倒折開地數十

丈案曲阿即今丹陽縣治此建陵縣在今泰

州東北七十里以地形考之中隔一江所距

里亦微遠無緣至此且與西行亦不合惟曲

阿縣有建陵在今丹陽縣東北二十五里此

建陵城或即建陵之誤歟

〔寧海〕沈志晉安帝立

〔如皋〕沈志晉安帝立

〔臨江〕沈志晉安帝立南史劉之亨傳封臨江

子陳書杜僧明傳梁元帝承制授臨江縣子

〔蒲濤〕沈志晉安帝立

〔臨澤〕沈志太豫元年立

淮州本北兖州齊志宋泰始二年立通鑑武帝中

大通元年以陳慶之爲北兖州刺史是也後改地

形志蕭衍置淮州方輿紀要太清二年沒於東魏

未沒時領郡三

州治齊志鎮淮陰建元四年移鎮盱眙通鑑中大

通元年注此北兖州當治淮陰

淮陰郡方輿紀要梁置太清二年沒於東魏未沒

時領縣一

〔淮陰〕通鑑武帝天監三年秋七月癸丑角城

戊主柴慶宗以城降魏魏元鑒遣淮陽太守

吳秦生赴之淮陰援軍斷其路注淮陰梁重

鎮也

〔平陸〕南史明山賓傳天監十五年爲北兖州

刺史在州所部平陸縣不稔啓出倉米以賑

百姓案縣未知屬何郡姑附於此

盱眙郡沈志晉安帝分立寰宇記盱眙郡梁屬兗

州案兗州上當脫北字領縣五

〔考城〕晉志義熙七年立

〔盱眙〕秦置方輿紀要縣東北三里有彭城亦

南北朝時僑置有九山（通鑑武帝天監二

年冬十月魏任城王澄命將分兵寇東關大

峴淮陵九山徐州刺史司馬明素將兵救九

山）焦城（同上寧朔將軍王雙保焦城魏

將黨濃宗等拔焦城）

〔陽城〕沈志晉安帝立

〔直瀆〕沈志晉安帝立通鑑元帝承聖元年三

月辛卯王偉與侯子鑒相失直瀆戍主黃公

喜獲之送建康注孫盛晉陽秋曰直瀆在方

山案侯子鑒王偉已度江此非方山之直瀆

也

〔長樂〕齊志有梁當因之

山陽郡沈志晉義熙中土斷廣陵立通典梁初得

之後入後魏南史梁桂陽王大威傳太清三年簡

文即位封山陽郡王領縣四

〔山陽〕沈志射陽縣境地名山陽與郡俱立梁

書席闡文傳封山陽伯

〔東城〕沈志晉安帝立

〔鹽城〕沈志舊曰鹽瀆晉安帝更名

〔左鄉〕沈志晉安帝立

武州魏東徐州地形志孝昌元年置永熙二年陷

（在梁爲中大通五年）隋志下邳梁置武州梁

紀要太清二年又降於東魏未沒時領郡二

州治下邳

下邳郡沈志宋失淮北僑立案郡梁初地入元魏

後入梁梁書武紀中大通五年六月己卯魏建義

城主蘭寶殺魏東徐州刺史以下邳城降領縣二

〔歸政〕本下邳縣隋志下邳梁曰歸政

〔僮〕漢舊縣有僮城（通鑑武帝普通五年八

月庚寅成景備拔魏僮城注卽下邳僮縣城

也）

武安郡隋志良城梁置武安郡領縣一

〔良城〕漢舊縣

徐州方輿紀要宋泰始三年陷於後魏梁普通六

年魏徐州刺史元法僧以州附梁梁使其子豫章

王綜鎮之綜仍以州叛入魏未沒時領郡一

州治沈志魏晉宋治彭城梁書豫章王綜傳都督

衆軍鎮於彭城

彭城郡梁書武紀普通六年正月庚申魏徐州刺

史元法僧以彭城內附三月乙丑南兖州刺史豫

章王綜權頓彭城總督衆軍并攝徐州府事六月

庚辰豫章王綜奔於魏魏復據彭城侯景傳先是

豫州刺史貞陽侯蕭淵明督衆軍圍彭城兵敗沒

於魏蓋旋得旋失故南北互見也元和志梁初暨

收太清之後尋復入魏案方輿紀要自綜叛入魏

後大同初遣元慶和攻東魏城父高歡分遣侯景

趨彭城禦之中大同二年侯景以河南州鎮來附

詔蕭淵明等攻彭城不克九年因周人滅齊復命

吳明徹攻彭城爲周將王軌所敗是郡自普通六

誤又一統志有南陽平廢郡注引地形志云南陽平郡治沛南界後寄治彭城領襄邑等三縣梁普通六年將軍王希聘拔魏南陽平郡是也彭城郡未沒時領縣二

〔彭城〕秦舊縣有高塚成（通鑑武帝天監四年六月張惠紹與假徐州刺史宋黑水陸俱進趣彭城圍高塚成注引水經注同孝山陰有楚元王家高十許丈廣百許步意者魏立成於此乎方輿紀要或曰周亞夫冢也寰宇記范增墓在州城東宋元嘉二十二年魏主熲南侵至彭城登亞夫山以望城內則高冢成當置於此）磧泉成 呂梁成（同上武帝太清元年武州刺史蕭弄璋攻東魏磧泉呂梁二成拔之）定國山（元和志後魏武定四年慕容紹宗欲擊梁貞陽侯蕭淵明營於此山）寒山堰（梁書武紀大通二年二月築寒山堰又作韓山羊侃傳監作韓山堰事兩句堰立）泗水（通鑑武帝大通元年將軍成景備攻魏彭城魏以崔孝芬為徐州行臺禦之景備欲堰泗水以灌彭城孝芬與都督李叔仁等擊之景備遁還元和志梁蕭淵明伐魏堰泗水以灌彭城亦曰清水梁書武紀天監七年冬十月景子魏陽關主許敬珍以城內附詔大舉北伐以始興王憺為平北將軍率衆入清通鑑武帝天監五年魏邢辯進圍宿預藍懷恭於清南築城辯等攻拔之注清水之南也）潁梁（梁書陳慶之傳普通中送豫章王綜入鎮徐州魏元延明先

遣別將築壘潁梁）安上里（梁書劉暹傳彭城安上里人）戲馬臺（通鑑武帝普通六年豫章王綜遣鹿念還魏成景備送之戲馬臺）

〔呂〕漢舊縣
西徐州梁書武紀大通元年以渦陽置西徐州隋志山桑梁改渦州曰西徐州元和志魏渦州理山桑縣其後地入於梁梁於此置西徐州一統志太清初魏將慕容紹宗敗侯景於渦陽其地遂復入魏（地形志武定七年復）梁書武紀太清二年正月己亥魏陷渦陽通鑑注渦陽魏置譙州梁改為西徐州（案方輿紀要梁尋改為譙州東魏因之此注云梁改魏譙州為西徐州者前後似誤）領南譙汴龍亢斬城潁川臨渙蒙郡今以汴郡入汴州潁川郡入潁州又依隋志補陽夏一郡凡領郡六
州治方輿紀要大通初復遣曹仲宗陳慶之攻渦陽魏十三城悉為慶之所拔渦陽降因置西徐州治焉梁書武紀大通元年十一月丁卯以中護軍蕭深藻為北討都督征北大將軍鎮渦陽南譙郡沈志晉太元中於淮南橋立方輿紀要後魏景明中置渦陽郡孝昌後入梁仍曰南譙郡領縣一
〔渦陽〕方輿紀要後魏改置渦陽縣梁書武紀大通元年十月庚戌魏東豫州刺史元慶和以渦陽內屬有渦陽城（梁書陳慶之傳慶之與諸將連營而進據渦陽城與魏軍相持）馳澗（同上魏常山王元昭等來援前

軍次馳澗去渦陽四十里）渦水（同上慶之攻渦陽斬獲略盡渦水咽流）
龍亢郡地形志蕭衍置一統志梁普通六年趙景悅拔魏龍亢城因置龍亢郡後廢
縣無考

〔蕪〕秦舊縣方輿紀要梁為郡治
臨渙郡地形志蕭衍置元和志梁武帝普通中克鉅城置臨渙郡以臨渙水為名領縣三
〔下邑〕寰宇記普通六年置臨渙郡仍置下邑縣以隸焉有鉅城（通鑑武帝大通二年十月元顥襲魏鉅城而據之）榮城（梁書陳慶之傳發自鉅縣進拔榮城）渙水（同上大通初送魏元顥歸北顥於渙水即魏帝號）
竹邑（梁書武紀大通元年五月景寅成景備剋魏臨渙竹邑）
〔臨渙〕方輿紀要梁置
〔渙北〕方輿紀要梁置
蒙郡地形志蕭衍置隋志山桑梁置北新安郡方輿紀要魏太和七年置縣梁於此置北新安郡又改為蒙郡領縣一
〔蒙〕地形志郡治方輿紀要中大通四年取魏譙城魏將樊于鴿圍譙分兵攻取蒙等五城陽夏郡隋志山桑梁置陽夏郡
縣無考
東徐州隋志下邳郡後魏置南徐州梁改為東徐州一統志後魏太和中置南徐州梁天監八年改置東徐州梁書武紀太清三年四月東徐州刺史

湛海珍舉州附魏未沒時領郡二十一州治宿預

宿預郡梁書蕭景傳天監四年王師北伐景率衆出淮陽進屠宿預武紀天監五年五月辛未太子左衛率張惠紹克魏宿預城八年正月壬辰魏鎮東將軍成景儻斬宿預城主嚴仲寶以城內屬元紀承聖二年十二月宿預土民東方光據城歸北魏江西城郡皆起兵應之領縣一

〔宿預〕本漢汝猶縣晉安帝改置有宿預城〔見上〕宿預堰〔梁書武紀普通六年五月己酉築宿預堰〕

〔平原〕地形志臨泗武定七年改蕭衍平原置案縣在梁未知屬宿預郡否姑附於此

淮陽郡沈志晉義熙中土斷立地形志蕭衍置隋志下邳郡淮陽梁置淮陽郡通鑑武帝天監五年二月將軍蕭昞將兵擊魏徐州圍淮陽注角城在淮水之陽淮陽又在角城北十八里治宿預梁後於角城置淮陽郡梁書武紀天監六年十二月乙丑魏淮陽鎮都督軍主常邕和以城內屬方輿紀要尋復入於魏普通五年遣將攻魏淮陽不克未沒時領縣一

〔臨淮〕寰宇記本甬城縣梁改爲臨淮縣有角

城戊〔通鑑武帝天監三年秋七月癸丑角

城戊主柴慶宗以城降魏〕

朝陽郡隋志宿豫梁置朝陽郡

縣無考

臨沭郡地形志蕭衍置隋志宿豫梁置臨沭郡

縣無考地形志領臨沭招遠縣案招遠疑卽梁

胸縣改者今入青州東莞琅邪二郡內此不列晉寧郡地形志蕭衍置領縣四

〔晉寧〕東晉未置

〔梁興〕地形志魏興武定七年改蕭衍梁興臨

沂興義三縣置

〔臨沂〕見地形志

〔興義〕見地形志

高平郡隋志徐城梁置高平郡元和志梁於徐城

縣置高平郡及縣領縣五

〔高平〕見元和志案地形志襄邑武定七年改

蕭衍高平等四縣置疑卽此也有瀝橋城成

〔寰宇記在徐城西南二十五里梁天監中

築此置成南瀝水橋〕

〔東平〕地形志高平縣武定七年改蕭衍東平

陽平清河歸義四郡置隋志同案郡字疑誤

今據一統志所引改正

〔陽平〕見上

〔清河〕見上

〔歸義〕見上

朱沛郡地形志朱沛武定七年改蕭衍朱沛修儀

安豐三郡置隋志修儀作循義今從之安豐郡梁

屬安豐州詳見下

縣無考

循義郡見上

縣無考

安遠郡隋志徐城梁又有安遠郡有安遠戊〔地

形志安遠郡武定七年改蕭衍安遠戊置〕

縣無考

臨清郡隋志淮陽梁有臨清天水浮陽三郡領縣一

〔臨清〕地形志角城武定七年改蕭衍臨清天

水浮陽三縣置

天水郡見隋志領縣一

〔天水〕見地形志

浮陽郡見隋志領縣一

〔浮陽〕見地形志

綏化郡地形志綏化武定七年改蕭衍綏化呂梁

二郡置隋志同

縣無考

呂梁郡見上

縣無考

恩撫郡地形志招義武定七年改蕭衍恩撫郡二

縣置

縣無考

西淮郡地形志淮陽武定七年改蕭衍西淮郡七

縣置

縣無考

扶風郡地形志富城武定七年改蕭衍下邳扶風

清河三郡置下邳梁屬武州詳見上

縣無考

清河郡見地形志領縣一

〔清河〕地形志臨泗武定七年改蕭衍清河置

蘭陵郡地形志招農武定七年改蕭衍蘭陵郡十

三縣置

縣無考

鉅鹿郡地形志鉅鹿武定七年改蕭衍鉅鹿郡六

縣置

縣無考

太山郡地形志淮浦武定七年改蕭衍太山郡四縣置

縣無考

譙州魏爲南兗州魏書廢帝紀中興元年南兗城民王乞德逼前刺史劉世明以州降蕭衍使其將元樹入據譙城梁書武紀中大通四年正月癸未魏南兗州刺史劉世明以城降改魏南兗州爲譙州元樹傳中大通四年攻魏譙城拔之會魏將獨孤如願來援城陷方輿紀要三年置(案魏中興元年即梁中大通三年)明年沒於魏未沒時領郡一

州治地形志南兗州治譙城

陳留郡沈志晉咸康四年立寄治譙城梁領縣一

(譙)漢舊縣案寰宇記後魏無譙縣有小黃縣

當是入梁後復舊而梁書魏書所言拔魏譙城蓋相沿舊號耳(如壽春稱壽陽汝陰稱合肥六朝時素有此習)有城父城(梁書

陳慶之傳衆軍乘勝前頓城父通鑑武帝普通六年裴邃拔魏鄭城魏元琛等憚邃威名

頓軍城父累月不進太清元年侯景圍譙城不下退攻城父拔之)官竹(通鑑武帝大通四年魏樊子鵠擒元樹以歸羊侃行至官

竹聞樹敗而還)

南譙州寰宇記梁大同二年割北徐州之新昌南豫州之南譙豫州之北譙凡三郡立爲南譙州居

桑根山之西今滁洲西南八十里全椒縣界南譙

故城是也梁末喪亂地沒高齊至大寶三年徙南

譙州於新昌郡今之州城是也亦曰譙州地形志

蕭衍置通鑑武帝太清二年冬十月庚寅侯景揚

聲趣合肥而實襲譙州注此譙州置於新昌城今

滁洲城是也案通鑑武帝大通元年譙州刺史湛

僧智圍魏東豫州注帝置譙州治新昌城領新昌

高塘臨滁南梁郡今以寰宇記所領三郡列之於

前而以此注所云高塘等三郡列之於後凡領郡

六

州治地形志治新昌城

新昌郡沈志元徽元年立隋志清流舊置新昌郡

梁書武紀天監十一年二月戊辰新昌郡野蠶成

繭是也領縣一

(頓邱)寰宇記清流縣本漢全椒縣地梁爲頓

邱縣

南譙郡通典梁屬南譙州領縣一

(斬)晉太元中僑置隋志襄安梁曰斬有踟蹰

山(陳書荀朗傳侯景平後又別破齊將郭

元建於踟蹰山)清溪(通鑑武帝天監二

年十月魏人拔關要潁川大峴三城白塔牽

城清溪皆潰)

北譙郡隋志全椒梁曰北譙置北譙郡(在今滁

州全椒縣西北二十里)案寰宇記梁克壽陽立

北譙郡於故曲陽地北譙蒙城二縣屬焉(在今

鳳陽府定遠縣西北六十五里)與此互異當是

武帝時置於定遠屬豫州(今壽州)其後地沒

高齊移置今全椒界耳今依隋志領縣二

(北譙)初治陰陵(通鑑注梁北譙郡治陰陵

城)後移治於此案寰宇記又有蒙城縣今

不列

(豐樂)方輿紀要梁置屬北譙郡

高塘郡見通鑑注方輿紀要梁置領縣四有白塔

(通鑑武帝天監二年十月魏人拔關要潁川大

峴三城白塔牽城清溪皆潰)

(平阿)方輿紀要梁高塘郡領平阿等縣北齊

因之下三縣同

(盤)地形志作磐(塘)見方輿紀要

(石城)見方輿紀要

(蘭陵)見方輿紀要

臨滁郡輿地紀勝古臨滁郡在清流縣東五十五

里之葛城地形志臨滁郡治葛城恐卽此地也

縣無考地形志有懷德烏江鄆等縣今依齊舊

屬江都郡不敢謂魏所領縣盡因梁舊也

南梁郡通鑑武帝天監二年南梁太守馮道根戊

阜陵方輿紀要引胡氏注曰南梁自宋有之未詳

其實土自是爲郡治有阜陵戊(梁書馮道根傳

以南梁太守領阜陵戊案阜陵漢舊縣也晉後廢

爲戊)

縣無考

晉州隋志同安郡梁置豫州後改云晉州通典梁

置荊河州後改曰晉州寰宇記晉熙郡梁置南豫

州後改爲晉州方輿紀要梁初豫州治此後改爲

西豫州通鑑武帝太清二年十月丙戌鄆陽王遣

西豫州刺史裴之高將兵入援注梁置西豫州案

梁書鄆陽王恢傳世子範引軍至盩城以晉熙爲

晉州遣子嗣爲刺史及範薨嗣猶據晉熙隋志諸

書其說不一皆當以梁書爲正又羊鯤傳平峽中除西晉州刺史破郭元建於東關遷東晉州刺史案梁有緡州在晉州之東或以彼爲東晉州因此此爲西晉州歟通鑑敬帝紹泰元年三月齊將蕭軌南侵皖城晉州刺史蕭惠以州降之未沒時領郡二

州治懷寧

晉熙郡沈志晉安帝立梁書侯景傳任約盧暉略攻晉熙郡殺鄱陽世子嗣領縣三

〔懷寧〕沈志晉安帝立有皖城（漢故城也通鑑敬帝紹泰元年三月齊將蕭軌南侵皖

城）武功城（寰宇記梁天監七年大將武會置遂號武功）

〔新治〕沈志晉安帝立有大雷戍（通鑑簡文帝大寶三年正月王僧辯等東擊侯景二月發尋陽軍於大雷）

〔太湖〕沈志太湖左縣元嘉二十五年立

樞陽郡隋志同安舊曰樞陽并置樞陽郡輿地廣記梁置樞陽郡寰宇記梁天監中改樞陽縣爲樞陽郡領縣二

〔樞陽〕漢舊縣輿地廣記東漢省梁復置有樞陽浦（南史哀太子大器傳侯景西上攜太子同行及敗歸船往往相失所乘船入樞陽浦）

〔陰安〕寰宇記梁以陰安改屬樞陽郡

合州初爲豫州梁書韋叡傳天監四年（通鑑作五年）遷豫州於合肥裴邃傳普通二年遷豫州刺史鎮合肥方輿紀要自晉熙遷豫州治合肥是

也又爲南豫州寰宇記梁置南豫州梁書武紀普通七年十一月改合肥爲南豫州方輿紀要克壽陽因改置豫州而以合肥爲南豫州是也又名合州地形志蕭衍置隋志盧江郡梁置南豫州又改爲合州通典梁置南荊州尋改爲合州爲重鎮梁書武紀太清元年七月甲子改合肥爲合州通鑑武帝太清三年七月東魏大將軍澄遣西兗州刺史李伯穆逼合肥鄱陽王範方謀討侯景藉東魏爲援乃帥戰士二萬出東關以合州輸伯穆以乞師於東魏方輿紀要所謂三年沒於東魏是也未沒時領郡一

州治地形志治合肥城通鑑武帝太清二年正月更以鄱陽王範爲合州刺史鎮合肥

汝陰郡隋志合肥梁置汝陰郡通典寰宇記並同領縣二

〔汝陰〕隋志合肥梁曰汝陰寰宇記合肥梁又改爲汝陰縣有小峴城（梁書韋叡傳天監

四年王師北伐詔叡都督衆軍叡遣長史王超宗梁郡太守馮道根攻魏小峴城未能拔叡巡行圍柵魏城中忽出數百人陳於門外叡進兵擊之魏軍敗走因急攻之中宿而城拔遂進討合肥侯景傳景恐齊人乘釁與西師犄角乃遣郭元建率步軍趨小峴）合肥

城（同上韋叡傳起鬪艦高與合肥城等是也）巢湖（同上軍監潘靈祐勸叡退還

巢湖王僧辯傳父神念以天監初董率徒衆據東關退保合肥巢湖西一名焦湖陳書韋載傳大軍東下討侯景載率兵自焦湖出柵

口與王僧辯會）肥水堰（梁書韋叡傳叡討合肥堰肥水親自夜率頃之堰成水通舟艦繼至又初肥水堰立使軍主王懷靜築城於岸守之魏攻陷懷靜城千餘人皆沒又叡攻具旣成堰水又滿魏救兵無所用城遂潰）

三又（同上諸將又請走保三又通鑑注保三又以利於入船也）

〔慎〕沈志漢屬汝南太康地志屬汝陰有鄭城

（梁書武紀普通六年正月癸酉裴邃克魏鄭城通鑑注水經注潁水過慎縣故城南而東南流逕螭郭東俗謂之鄭城）

湘州隋志盧江梁置湘州通典同領郡一州治廬江

廬江郡沈志漢文六年分淮南國立梁書裴邃傳天監初爲廬江太守時魏將呂頗率衆五萬奄來攻郡邃率麾下拒破之領縣二

〔廬江〕本漢龍舒縣地寰宇記廬江縣梁武帝

置有鼓樂山（輿地紀勝舊傳梁武帝未有嗣寶誌云有高人隱此山中三生前乃伶官作樂可致後生昭明太子以是得名）

〔濶〕漢舊縣梁書武紀天監七年二月乙卯廬

江濶縣獲銅鐘二

霍州地形志蕭衍置隋志霍州梁置霍州梁書武紀天監六年十二月分豫州置霍州寰宇記梁天監四年於濶縣改置霍州兼別築城又云天監二年置年分不同今以梁書爲正領郡三州治水經注梁立霍州治濶縣天柱山岳安郡隋志霍山梁置岳安郡岳安縣領縣一

〔岳安〕見隋志有小霍山（寰宇記梁書霍州刺史田道龍數登小霍山）

北沛郡隋志渾水梁置北沛郡領縣二

〔新蔡〕隋志渾水梁置新蔡縣

〔開化〕隋志梁置

北潁川郡地形志屬霍州領潁川邵陵天水三縣方輿紀要蓋蕭梁置領縣三

〔潁川〕見地形志有潁川城（通鑑武帝天監

二年冬十月魏人拔關要潁川大峴三城方

輿紀要關要諸城戌皆近霍山縣境）

〔邵陵〕見地形志

〔天水〕見地形志

南豫州梁書武紀普通七年十一月以壽陽置豫州太清元年七月甲子以壽春為南豫州寰宇記

案壽陽自晉至宋並屬南朝或為揚州或為豫州

至齊末沒於胡寇梁普通七年重克之太清元年

後魏河南道大行臺侯景率十三州來降魏將慕容紹宗追破景於壽陽梁以景為大都督豫州刺

史仍鎮壽陽二年景作亂舉兵向建業景中軍都

督復以壽陽降魏魏復改為揚州舊唐書地理志

宣城梁置南豫州寰宇記梁承聖元年復江南南

豫州郡不廢歷梁陳之代亦為重鎮領郡十

州治初治壽春後徙宣城詳見上

宣城郡沈志晉太康元年分丹陽立梁時以封子

弟梁書武紀中大通四年春正月庚午立嫡皇孫

大器為宣城郡王是也領縣十

〔宛陵〕漢舊縣

〔廣德〕漢舊縣南史徐度傳侯景平封廣德縣

侯

〔寧國〕沈志吳立梁書南海王大臨傳大同二

年封寧國縣公

〔懷安〕寰宇記引地理志云吳大帝分宛陵地

置屬丹陽郡晉太康二年屬宣城郡梁承聖

年中屬丹陽郡今不從仍屬此郡

〔宣城〕漢舊縣

〔安吳〕沈志吳立通鑑簡文帝大寶元年二月

宣城內史楊白華進據安吳

〔涇〕漢舊縣

〔廣陽〕漢陵陽縣沈志晉咸康四年更名

〔石埭〕寰宇記吳封韓當為石城侯遂置石埭

場晉太康三年廢入宣城縣梁又置縣太平

御覽引輿地志云梁大同二年置石埭因貴

池源有兩小石埭堰溪水遂以為名方輿紀

要屬南陵郡案南陵郡隋志止領五縣無石

埭縣今屬此郡

〔南陽〕方輿紀要梁置屬宣城郡

南陵郡隋志南陵梁置南陵郡管石城臨城定陵

故治南陵五縣元和志南陵縣本漢春穀縣地梁

於此置南陵縣仍於縣理置南陵郡寰宇記南陵

縣故城在貴池縣西南十二里舊置戍梁普通六

年置南陵郡於此領縣五

〔南陵〕隋志梁置舊唐書地理志梁置南陵縣

治赭圻城寰宇記梁武置南陵縣屬南陵郡

通鑑注宋白曰南陵本漢春穀縣地後并於

湖縣又屬繁昌梁武始置南陵縣屬南陵郡

陵戍 鵲頭戍 戰鳥圻（通鑑簡文帝大

寶三年正月湘東王命王僧辯等擊侯景二

月癸卯僧辯使侯瑱襲南陵鵲頭二戍克之

丙辰發鵲頭戍午侯子鑒還至戰鳥）梅根

冶（寰宇記銅陵縣本漢南陵自齊梁之代

為梅根冶以烹銅鐵庚子山枯樹賦云東南

以梅根作冶）

〔石城〕漢舊縣有貴池（元和志梁昭明太子

以其水魚美故封其水為貴池今城西枕此

水）

〔臨城〕沈志吳立梁書武紀天監十年冬十二

月癸酉山車見於臨城縣南郡王大連傳大

同二年封臨城縣公

〔定陵〕漢縣名後漢書注故城在今鄆城西北

東晉僑立於淮南郡沈志後割蕪湖為境圖

經故城在今青陽縣東北

〔故治〕（疑當作冶）宋齊二志俱無當是梁

立

淮南郡沈志晉成帝立梁領縣四

〔于湖〕齊志永明八年省甬城高平下邳三縣

并

〔當塗〕漢縣名西晉屬淮南元和志故城在鍾

離縣西南一百七十里沈志晉分于湖為境

〔浚遄〕漢縣名本作浚遄齊志作浚遄後漢書

注故城在今廬州慎縣南東晉僑立沈志後

分蕪湖為境圖經故城在今宣城縣北六十

里

〔襄垣〕方輿紀要東晉太元中僑置

南丹陽郡隋志江寧梁置丹陽郡及南丹陽郡南史陳武紀梁太平二年封陳十郡有南豫州之南丹陽陳書周文育傳侯景平累遷南丹陽太守程靈洗傳梁紹泰元年除南丹陽太守仍鎮采石領縣四

〔丹陽〕漢舊縣梁書敬帝紀太平元年五月庚寅齊軍水步入丹陽縣有姑熟〔梁書武紀齊中興元年九月齊南豫州刺史申胄棄姑熟走至是大軍進據之侯景傳景分襲姑熟〕牛渚山〔南史梁武紀帝為隨王鎮西諮議參軍行經牛渚一名采石梁書武紀太平二年十月己酉景自橫江濟於采石敬帝紀太平元年二月癸亥徐嗣徽任約襲采石成一名南洲梁書武紀普通七年南州津改置校尉通鑑武帝大同二年有南津校尉孟少卿注南州即今采石又元帝承聖元年王僧辯等至蕪湖侯景將侯子鑒據姑熟南洲以拒之〕梁山〔梁書敬帝紀太平元年三月戊戌齊遣蕭軌出柵口向梁山陳霸先等逆擊破之軌退保蕪湖遣周文育侯安都據梁山拒之夏四月丁巳霸先表詣梁山巡撫將帥〕翰壁山〔寰宇記引梁大同起居注云九年鴻臚卿上表傳詔往姑熟翰壁山探石墨於大石內獲錢四枚〕七磯〔建康志徐嗣徽等列艦於青堆至於七磯〕蕪湖〔梁書武紀齊中興元年九月高祖前軍次蕪湖敬帝紀太平元年三月齊將蕭軌退保蕪湖〕慈湖〔同上侯景傳遂至慈湖元和志在縣

北六十五里侯景之亂兵至慈湖梁人聞之大恐〕昭明太子讀書堂〔輿地紀勝在城東南五十里淨居院昭明太子蕭統嘗讀書於此〕陶正白書堂〔同上在城東六十里橫望山之澄心院陶貞白先生始讀書於此〕

〔溧陽〕漢舊縣沈志吳省晉太康元年復立梁書杜龕傳除溧陽縣侯有東破山〔建康志在溧水縣東南五十五里梁大同二年採銅於此〕馬占山〔同上在溧水縣東南三十里梁大同二年採銅於此〕蘆塘山〔同上在溧水縣東南二十三里梁大同二年嘗採銅錫於此〕

〔永世〕沈志吳分溧陽為永平縣晉太康元年更名

〔江寧〕沈志晉太康元年分秣陵立臨江縣二年更名有通望山〔梁書阮修容傳大同六年十一月歸葬江寧縣通望山〕夏侯山〔建康志在城南二十二里梁夏侯亶居此因名〕江寧浦〔南史王僧辯傳敬帝初僧辯迎貞陽侯明濟江會於江寧浦通鑑敬帝紹泰元年十二月丙辰陳霸先遣兵詣江寧據要險齊徐嗣徽等水步不敢進進頓江寧浦口〕

廣梁郡隋志綏安梁末立大梁郡〔一統志案大梁即廣梁隋志避諱也〕又改名陳留郡一統志引陳書梁紹泰元年割故鄆廣德置廣梁郡永定二年改為陳留郡案此則陳留郡乃陳郡名隋志云又改者或即指陳代言之而南史陳武紀梁太

平二年封陳十郡則云南豫州之陳留蓋記事者從後所改而未追書耳領縣一

〔石封〕隋志綏安舊曰石封輿地廣記梁分廣德置石封縣一統志梁紹泰元年析置

歷陽郡沈志晉永興元年分淮南立梁書武紀太平二年九月丁未侯景進攻歷陽太守莊鐵降之侯景傳景乃得濟江寰宇記梁末侯景亂江北之地盡屬高齊立為和州劉禹錫和州記梁王僧辯迎貞陽侯於齊會於此更名和州未沒時領縣二

〔歷陽〕漢舊縣有梁山〔寰宇記侯景之亂梁將王僧辯軍次蕪湖與景將侯子鑒戰於梁山破之即此〕六合山〔輿地紀勝引郡國志曰梁武帝置此山以望六合因名之通鑑武帝天監元年陳伯之謂僚佐曰奉齊建安王教帥江北義勇已次六合注據宋史六合山在烏江縣界〕橫江〔通鑑齊永元二年豫州刺史裴叔業問蕭衍以自安之計衍曰若意外相逼當勒馬步二萬直出橫江以斷其後天下事一舉可定也〕東關戊〔魏書元澄傳澄表曰蕭衍頻斷東關欲令巢湖汎溢湖周回四百餘里東關合江之際廣不過數十步若賊計得成大湖傾注者則淮南諸戍必同晉陽之事矣至是勒兵攻東關諸

戍通鑑武帝天監三年正月趙祖悅與魏陳伯之戰於東關敗績太清三年七月蕭範帥戰士出東關乞帥於東魏元帝承聖二年十月王僧辯遣侯瑱等築壘東關以待齊師閏十月瑱與齊將郭元建戰於東關齊師大敗

敬帝紹泰元年三月貞陽侯淵明至東關裴之橫禦之齊克東關斬之橫) 歷陽戍(通鑑元帝承聖元年王僧辯留虎丘將軍莊邱慧達鎮姑熟引軍而前歷陽戍迎降) 安樂柵(同上武帝太清三年七月範屯濡須遣世子嗣將千餘人守安樂柵注範所立柵以安樂名之) 柵口(梁書敬帝紀太平元年三月戊戌齊遣將蕭軌出柵口向梁山) 濡須口(同上侯景傳侯子鑒率舟師向濡須) 太子泉(輿地紀勝昭明太子嘗浴湯泉) (龍亢) 沈志江左流寓立有大峴山(通鑑武帝天監二年十月魏元澄分兵寇大峴等城拔之) 三章 安樂柵(同上簡文帝大寶元年鄱陽世子嗣與任約戰於三章約敗走嗣因徙鎮三章謂之安樂柵注去年鄱陽王範西上使嗣守安樂柵今移鎮三章亦以安樂名柵在濡須之東一統志在無爲州東北) 東桑(梁書馮道根傳是時魏分兵於大小峴東桑等連城相持)

陽城有白捺城(魏書楊侃傳蕭衍豫州刺史裴邃治合肥城規相掩襲謬移云如聞欲修白捺舊城若爾便稍相侵逼此亦須營歐陽設交境之備) 魏昌城(通鑑武帝天監十五年魏將李崇築魏昌城於八公山東南以備壽陽) 羅城(梁書武紀普通五年九月壬戌裴邃襲壽陽羅城) 狄城(同上十月辛卯裴邃破狄城) 暨城(同上景申又克暨城) 黎將(同上遂進屯黎將夏侯實傳普通七年魏軍夾肥築城出賣軍後賣與其將淇僧智還襲之進攻黎將) 馬頭戍(梁書武紀太清二年八月戊辰侯景舉兵反攬攻馬頭木柵荆山等戍通鑑注此馬頭在壽陽之西當淮津濟渡之要非當塗之馬頭也) 歐陽戍(見白捺城注) 木柵(通鑑武帝太清二年八月侯景遣其將宋子仙東攻木柵注木柵在荆山西) 東陵(同上天監五年諸軍進至東陵注據梁書時魏守暨城去東陵二十里) 八公山(梁書康絢傳魏壽陽城戍稍徙頓於八公山北南居人散就岡壘) 荆山堰(同上天監十三年魏降人王足陳計堰淮水以灌壽陽足引北方童謠曰荆山爲上格浮山爲下格潼沱爲激溝并灌鉅野澤高祖乃發徐揚人於鍾離南起浮山北抵巉石依岸築土合脊中流十四年堰將合淮水漂疾輒復決潰衆患之或謂江淮多蛟乘風雨壞崖岸性畏鐵因引東西二冶鐵器大則釜鬲小則錏鋤數千萬斤沈於堰所

猶不能合伐樹爲井幹填以巨石加土其上緣淮百里內岡陵木石無巨細必盡十一月魏遣楊大眼揚聲決堰絢斬其將徐方與魏軍小卻十五年四月堰成長九里下闊百四十丈上廣四十五丈高二丈深十九丈五尺夾之以堤并樹杞柳至其秋八月淮水暴長堰悉壞決奔流於海) 蒼陵堰(同上夏侯夔傳大通六年爲豫州刺史率軍人於蒼陵立堰溉田千餘頃歲收穀百餘萬石以充儲備兼贍貧人) 清流澗(同上夏侯實傳普通七年夏淮堰水盛壽陽城將沒賣帥洪僧智魚弘張澄等通清流澗) 八公山廟(同上裴邃傳壽陽有八公山廟齊刺史蕭遙昌爲立碑使邃爲文甚見稱賞)

(梁) 齊志屬梁郡

(城父) 齊志屬梁郡

南梁郡寰宇記引輿地志梁武克壽春立又引宋書志睢陽縣置南梁郡領睢陽蒙穀熟陳義寧新汲崇義寧陵等縣自晉永嘉過江溫嶠立淮北之縣用牧流人至隋末廢而齊志無南梁郡惟梁郡注引永元元年地志南梁郡領睢陽新汲陳蒙崇義五縣與寰宇記微有異同但睢陽縣沈志孝武大明六年改名壽春八年復舊即二漢晉壽春縣梁既立壽春不當復有睢陽寰宇記不無少誤也至領縣之數齊志寰宇記俱不足據今依宋志書之若寧陵縣齊志無之當是齊省也至穀熟縣方輿紀要宋元徽初屬新昌郡齊因之梁末廢一統志齊後廢故亦不列領縣六

〔蒙〕(別見)

〔虞〕沈志漢舊名後漢書注故城在今宋州虞城縣東晉僑立

〔陳〕漢縣名通典故城在宛邱縣西南江左僑立在淮南

〔新汲〕漢縣名後漢書注故城在今許州扶溝縣西東晉僑立

〔義寧〕沈志宋未立

〔崇義〕沈志羌人始立

西汝陰郡寰宇記引輿地志梁武克壽春立沈齊二志亦有是郡案沈志領汝陰安城樓煩宋四縣今以安城爲陳州新興郡治樓煩爲汴郡(方輿紀要梁置)俱見下此領縣二

〔汝陰〕(別見)

〔宋〕(別見) 寰宇記引輿地志梁武克壽春立領縣一

〔良城〕(別見)

北徐州地形志楚州蕭衍置北徐州或作徐州舊唐書地理志鍾離晉宋齊梁置徐州梁書曹景宗傳天監五年魏托跋英寇鍾離圍徐州刺史昌義

之通鑑注南徐治京口故以鍾離爲北徐寰宇記鍾離郡宋明帝失淮北地復立徐州於此後廢帝改號北徐州梁因之後入高齊通鑑武帝太清三年正月封山侯正表以北徐州降東魏未沒時領郡七

州治齊志鎮鍾離梁書昌義之傳天監二年爲北徐州刺史鎮鍾離

鍾離郡沈志晉安帝分立梁書武紀天監五年十一月魏寇鍾離遣右衛將軍曹景宗率衆赴援方輿紀要太清三年蕭正表以鍾離降魏未沒時領縣四有鍾離城(梁書昌義之傳遣土匠修營鍾離城又鍾離城北阻淮水)

〔燕〕(別見)沈志故屬東燕流寓因配有梁城(梁書武紀天監五年五月臨川王宏前軍克梁城昌義之傳天監四年爲臨川王前軍攻魏梁城戍克之呂僧珍傳天監五年夏武帝命僧珍率羽林勁勇出梁城曹景宗傳昌義之逐魏托跋英至洛口英以匹馬入梁城通鑑注其地在壽陽東北鍾離西南)荆山城(同上武紀普通五年九月戊午趙景悅圍荆山十二月戊寅魏荆山城降通鑑武帝天監十四年魏楊大眼督諸軍鎮荆山)趙草城(梁書曹景宗傳每牧人過岸伐芻藁皆爲魏將楊大眼所略景宗募勇敢士渡大眼城南數里築壘壘成使別將趙草守之因謂爲趙草城)浮山堰 嶠石山(同上武紀天監十三年作浮山堰南史梁武紀天監十四年冬十月浮山堰壞通鑑天監十三年魏降人王足陳計求堰淮水以灌壽陽上以爲然發徐揚民率二十戶取五丁以築之南起浮山北抵嶠石)洛口(梁書武紀天監四年二月壬午遣楊公則率宿衛兵塞洛口寰宇記案魏元英將楊大眼敗走至洛口又天監四年與兵伐魏以臨川王宏爲大都督沿江入淮軍次洛口澗是也)淮水(梁書曹

景宗傳魏軍士爭投水死淮水爲之不流)

澱水(同上景宗令軍主馬廣躡楊大眼至澱水上四十餘里伏屍相枕)邵陽洲(同上天監五年魏托跋英寇鍾離景宗固啓先據邵陽洲尾及韋叡至與景宗進頓邵陽洲

昌義之傳鍾離城北阻淮水魏人於邵陽洲西岸作浮橋跨淮通道馮道根傳至徐州建

計據邵陽洲築壘掘塹以逼魏城)道人洲(同上曹景宗傳天監五年魏寇鍾離高祖

詔景宗赴援又詔景宗頓道人洲)

〔朝歌〕漢縣名後漢書注故城在今衛州衛縣西沈志流寓因配

〔虞〕(別見)沈志漢舊名屬梁郡流寓因配

齊志永明元年割馬頭屬

〔零〕沈志晉安帝立齊志永明元年割馬頭屬

淮陵郡沈志晉永寧元年以爲淮陵國方輿紀要齊因之通鑑武帝天監二年冬十月魏元英分兵寇東關大峴淮陵九山注宋志南徐州領淮陵郡是時既置徐州於鍾離則亦置淮陵於鍾離界未可知也

縣無考

馬頭郡沈志故淮南當塗縣地晉安帝立梁書昌義之傳天監五年魏元英乘勢追躡攻沒馬頭郡

武紀普通五年十一月景寅魏馬頭安城並來降

寰宇記梁大通元年刺史劉公茂移居新城方輿

紀要梁末魏復取之未沒時領縣一

〔己吾〕齊志永明元年罷譙郡屬二年刺史戴

僧靜又以濟陽縣并之

遠郡初置臨濠郡隋志定遠梁置臨濠郡寰宇記梁置臨濠郡於廢東城在定遠縣東後爲定遠郡寰宇記梁天監三年土人祭據東城自魏歸梁武帝嘉之改曰豐城立爲定遠郡又改爲廣安郡(案隋志後齊改此云又則似梁改矣又字誤)定遠縣案郡管置安州梁書武紀大同六年九月移安州置定遠郡受北徐州都督定遠郡仍屬安州隋志定遠梁置安州侯景亂廢是也又有西沛郡寰宇記梁普通三年於閩城中置西沛郡至大寶二年廢領縣一

(定遠)漢東城縣地隋志梁改曰定遠有東城(見上)陰陵城(通鑑武帝天監五年七月徐州刺史王伯敷與魏中山王英戰於陰陵梁書韋叡傳叡自合肥逕道由陰陵大澤寰宇記故陰陵城在定遠縣西六十里)菱蒲城(寰宇記古老相傳云梁魏交爭之日魏築爲壘在菱蒲城塘下流水出夾城西注蓋卽綠塘立名案梁典普通七年九月一日胡龍牙虜麥蒲城生擒五千人是也)閩城(寰宇記在縣西北一百五十里故老相傳云後魏太武南征時築餘詳見上)

九江郡隋志定遠又有舊九江郡後齊廢爲曲陽縣方輿紀要梁置有曲陽城(梁書武紀普通五年曹世宗破魏曲陽城水經注洛水北逕西曲陽縣故城東)秦墟(同上甲辰又剋秦墟水經注洛水又北歷秦墟方輿紀要蓋亦是時戍守處也)

鄆 潘溪(同上魏鄆潘溪守悉皆棄城走水經注淮水歷潘城南置潘谿戍戍東側潘谿又東逕

梁城城臨側淮川左有涓城涓卽鄆也)

縣無考

魯郡地形志蕭衍置案一統志有魯城在鳳陽縣西魯山之東(一統志東魯山在鳳陽縣西南十五里又西三里爲西魯山相傳魯肅屯兵於此)今有東西魯城村皆以此城名疑卽魯郡遺址也縣無考地形志領鄒陽魯三縣未知其爲梁置而東魏因之抑入東魏後而別置否今不列

濟陰郡沈志漢景帝立屬兗州流寓徐土因割地爲境一統志後魏改曰濟陽梁初因之梁書武紀天監十一年二月戊辰濟陽郡野蠶成繭是也後復地形志高平郡白水武定七年改蕭衍濟陰郡置方輿紀要太清二年沒於東魏未沒時領縣四

(睢陵)漢舊縣有睢陵城(梁書武紀普通五年九月戊申成景備剋魏睢陵城)董棧(同上八月成景備克魏董棧)曹公堰(同上六年五月己酉又修曹公堰於濟陰)

(樂平)沈志屬鍾離郡前漢曰清屬東郡章帝更名流寓因配齊志屬濟陰郡梁書元願達傳封樂平公

(館陶)地形志襄邑武定七年改蕭衍館陶下邳梁招高平四縣置案館陶宋屬南兗州北濟陰郡則梁亦常屬此郡今從之梁招同至下邳卽歸政縣見上武州下邳郡高平見上東徐州高平郡故不列

(梁招)見地形志

安豐州寰宇記梁大同元年徙舊安豐郡於此置州在霍邱縣南四十里至太清二年侯景破梁僞

中軍大都督王貴顯以壽春降魏此州又入東魏未沒時領郡二

州治安豐

安豐郡隋志安豐梁置安豐郡又霍邱梁置安豐郡通典同皆此郡也領安豐一縣益以方輿紀要所領字婁邊城二縣及松茲縣凡領縣四

(安豐)漢縣名後漢書注故城在今霍山縣西北東晉僑立於尋陽郡梁書武紀天監十年五月癸酉安豐縣獲一角元龜有羊石城

(梁書武紀天監五年五月丁亥裴邃克羊石城通鑑注在廬江西北霍邱東南)霍邱城(同上五月庚寅裴邃克霍邱城亦名霍邱成寰宇記今霍邱縣本梁所置霍邱城是也) 監四年使將軍呂僧珍北伐克虜霍邱城是也

(字婁)案當卽雲婁之譌

(邊城)

(松滋)一統志晉置齊永元中改屬北新蔡郡方輿紀要齊仍屬安豐梁爲郡治案此說非也梁郡治安豐

(臨水)寰宇記梁普通七年於陽泉古城內立決口縣大通三年改爲臨水縣案此亦不言屬何郡姑附於此有決口戍(方輿紀要引志云在霍邱縣西梁普通中於決水東陽泉古城置後改爲臨水縣其旁有臨水山)臨水山(見上)

奏置則是晉置而梁因之也領縣三

〔浚儀〕寰宇記在安豐縣東北二百五十步芍

陂塘下隋開皇三年廢是梁時猶有也雍邱

縣同有芍陂〔梁書裴邃傳普通四年冬始

修芍陂又之橫傳與僮屬數百人於芍陂大

營田墅寰宇記齊梁之代多屯田於此

〔小黃〕寰宇記在安豐縣西北三十里唐武德

七年廢是梁有也

〔雍邱〕寰宇記在安豐縣南六十里餘見浚儀

義州梁置梁書武紀普通四年六月乙丑分霍州

置義州通鑑武帝普通二年六月義州文僧明邊

城太守田守德擁所部降魏七月以裴邃為信武

將軍假節督衆軍討義州破魏義州刺史封壽於

檀公峴遂圍其城壽請降復取義州注此義州當

置於齊安郡木蘭縣界又此時梁境未得至安豐

五代志黃岡縣界舊有邊城郡此正田守德所居

之地案二說非是隋志斬春郡羅田縣梁置義州

義城郡羅田與木蘭相去不遠梁既置義州於此

必不復置一義州於木蘭矣是謂義州置於木蘭

縣者誤也漢安豐故城在今固始縣東梁時為新

蔡郡地是謂梁境未得至安豐者誤也下裴邃破

封壽於檀公峴注引水經注決水出廬江雩婁縣

大別山注云俗謂之檀公峴蓋大別之異名也夫

雩婁與安豐相近故能破之於此若遠在黃岡何

能略地至此乎是謂黃岡縣之邊城郡即守德所

居之地者又誤也惟義州注末云以下文裴邃復

義州觀之恐義州與邊城皆置於安豐界於義合

矣而與置於木蘭之說則又自相矛盾焉是亦終

未有確見也胡氏注於地理最審此獨如是故附

辨於此地形志蕭衍置武定七年內屬〔即梁太

清三年〕未沒時領郡二

州治一統志苞信梁兼置義州

義城郡隋志殷城梁置義城郡領縣一

〔苞信〕地形志蕭衍置隋志殷城舊曰苞信五

代志梁曰苞信置義城郡元和志殷城本漢

期思縣地宋僑立苞信縣於此梁以苞信縣

屬義州一統志宋僑置西苞信縣屬新蔡郡

齊屬北新蔡郡梁改

邊城郡沈志邊城左郡元嘉二十五年以豫部蠻

民立梁領縣二

〔史水〕方輿紀要宋元嘉二十五年置齊屬安

豐郡梁復屬邊城郡

〔開化〕方輿紀要亦宋置齊屬安豐郡梁復故

汴州地形志蕭衍置一統志梁大通中魏亂梁得

下蔡改置汴州及汴郡案地形志又領臨淮郡及

臨淮縣未知因梁舊否抑別置否今不列以隋志

所云淮陽郡益之凡領郡二

州治地形志治汴城

汴郡地形志蕭衍置隋志下蔡梁置汴郡輿地廣

記同領縣一

〔下蔡〕通典梁大同中於碭石山築城拒東魏

即今縣城也案地形志揚州下蔡郡兼領樓

煩縣未知梁因之抑廢之否譙州汴郡領蕭

穎川二縣汴州汴郡又多相一縣未知因梁

舊置抑別置否今俱不列識疑於此有碭石

成〔通鑑武帝天監十四年九月趙祖悅襲

魏西碭石據之以逼壽陽更築外城徒緣淮

之民以實城內魏遣崔亮攻西碭石

淮陽郡隋志下蔡梁置淮陽郡

縣無考

仁州地形志蕭衍置寰宇記梁天監八年置赤坎

成大同二年廢成置仁州有赤坎成〔元和郡縣

志梁天監八年置〕貢城成〔同上漢虹縣梁武

於此置貢城成

州治地形志治赤坎城

郡縣無考地形志領臨淮郡及己吾義城二縣其

己吾縣注云州郡治案此未知因梁舊否抑別置

否今不列

睢州地形志南濟陰郡孝昌中陷蕭衍為睢州隋

志符離梁置睢州亦名潼州地形志睢州蕭衍置

潼州梁書武紀大通元年五月景寅成景儒剋魏

臨潼竹邑方輿紀要因置潼州於此通鑑武帝太

清元年十一月丙午魏慕容紹宗攻潼州刺史郭

鳳營地形志武定五年復即是時也未沒時領郡

二州治頓邱

南濟陰郡魏置地形志治竹邑城孝昌中陷梁領

縣一

〔頓邱〕齊志永明元年罷定陶并

沛郡沈志秦泗水郡漢高更名舊屬豫州江左改

配地形志睢南郡蕭衍置沛郡領縣四

〔淮陽〕地形志斛城武定中改蕭衍淮陽置

〔蕭〕漢舊縣有蕭城〔通鑑武帝大通元年五

月丙寅蘭欽攻魏蕭城拔之案地形志蕭縣

有蕭城

〔相〕漢舊縣有厥固〔通鑑大通元年五月丙寅蘭欽攻魏厥固拔之注引魏收志相縣有厥城〕

〔沛〕漢舊縣

建州地形志南建州蕭衍置隋志殷城梁置建州并所領高平新蔡新城三郡案寰宇記建州北齊置梁末廢州隋志則云開皇初廢蓋北齊所置者北建州隋志固始縣北齊置至建州尋廢是也寰宇記誤以北建州爲建州故曰梁末即廢今依隋志領郡三

州治地形志治高平城

高平郡見隋志

縣無考
新蔡郡見隋志案沈志晉惠帝分汝陰立今帖治汝南南齊改曰北新蔡郡梁復舊領縣一

〔蓼〕隋志固始梁曰蓼縣寰宇記梁新蔡領固始縣誤

新城郡見隋志領縣一

〔新城〕

光州地形志蕭衍置隋志弋陽郡梁置光州元和志梁末於光城縣置光州寰宇記引輿地志同魏書孝靜帝紀天平三年〔梁大同二年〕梁光州刺史郝樹以城內附未沒時領郡六

州治地形志治光城

光城郡隋志光山舊置光城郡又有舊黃川郡梁廢一統志後魏置治定安梁廢入光州寰宇記梁天監元年廢領縣二

〔光城〕一統志宋元嘉二十五年以豫部蠻民

立隋志樂安梁置光城縣有木陵戌〔通鑑武帝天監元年十二月將軍張鷟之侵魏淮南取木陵戌魏任城王澄遣輔國將軍成與擊之鷟之敗走魏復收木陵〕白沙〔同上

二年十一月將軍吳子陽與魏元英戰於白沙子陽敗績〕六坡〔元和志梁武大同六年百姓堰谷水爲六坡以溉稻田〕

〔茹由〕一統志宋元嘉二十五年置北光城郡隋志新息梁置北光城郡又置濱州尋廢領縣一

〔樂安〕沈志新立弋陽郡沈志魏文帝分立寰宇記漢弋陽縣地梁普通八年自後魏徙弋陽郡於此置領縣一

〔弋陽〕漢舊縣一統志引水經注後魏分置南北弋陽縣案梁未知嘗因之否

〔東新蔡〕隋志定城又有梁東新蔡縣然不言屬何郡姑附於此

宋安郡隋志樂安梁置宋安郡及宋安光城二縣又有豐安郡案光城縣自宋以來常爲光城郡治梁當因之今入光城郡其豐安郡據一統志本後魏所置永安郡也治新城縣北齊改曰豐安案此未知梁置而北齊用其名否抑隋志所云又者或即指北齊而言之否今不列姑附於此以俟考此領縣一

〔宋安〕見隋志

梁安郡隋志襄信梁置梁安郡領縣一

〔苞信〕後漢爲襄信宋改苞信地形志長陵郡苞信縣注蕭衍置宜即此也

長陵郡地形志蕭衍置隋志襄信梁又有長陵郡領縣二

〔長陵〕地形志蕭衍置

〔安寧〕地形志蕭衍置
淮州地形志蕭衍置梁書武紀太清元年二月侯景以十三州內屬東豫州亦與焉七月以北廣陵爲淮州夏侯夔傳是時譙州刺史湛僧智圍魏東豫州刺史元慶和於廣陵入其郛魏將元顯伯率軍赴援僧智逆擊破之夔自武陽會僧智斷魏軍歸路慶和於內築柵以自固及夔至遂請降詔以僧智領東豫州刺史鎮廣陵隋志新息梁改西豫州後改淮州領郡一

州治地形志治廣陵城又見上夏侯夔傳北廣陵郡地形志與和中分東豫州置通鑑注此廣陵城在新息縣界非南兗州之廣陵也領縣五

〔宋安〕地形志與和中置下四縣同

〔光城〕見地形志

〔安蠻〕見地形志

〔新蔡〕見地形志

〔汝南〕見地形志案以上五縣入梁後未知因而不廢抑別有所置否今姑仍之下真陽梁與二縣同

西淮州地形志蕭衍置隋志真陽梁置淮州領郡一

州治地形志治豫州界白苟堆
淮川〔地形志作州此據一統志〕郡地形志州治領縣二

〔真陽〕地形志有隋志真陽又有白狗縣一統

志北齊廢州置齊興郡尋又廢爲白苟縣案此則白狗縣乃齊置也有白苟堆戍(寰宇記白狗故城在縣西南七十里梁爲白狗堆戍於此故後魏將堯雄曰白苟梁之北面重鎮卽此)

〔梁興〕地形志有當是梁置也

南朔州地形志蕭衍置

州治地形志治齊坂城

郡縣無考地形志領梁新蔡邊城義陽新城黃川

六郡新息銅陽邊城義陽新城安定六縣其黃川

郡梁廢新城郡入建州餘四郡縣未知梁置抑魏

置否今不列姑識疑於此

南郢州地形志蕭衍置領郡一

州治地形志治赤石關

定城郡一統志梁置領縣一

〔定城〕地形志領宇婁邊城二縣今入安豐郡

又有邊城郡茹由縣邊城郡今入義州茹由

縣今入光城又光城郡光城縣今入光州

湘州地形志蕭衍置領郡二

州治地形志治大治關城

安蠻郡齊安蠻左郡梁書馬仙琕傳授宋安安蠻

二郡太守領縣三

〔新化〕齊置地形志州郡治

〔安蠻〕齊置

〔懷〕齊置

梁寧郡地形志有此郡當是梁置也地形志又有

永安郡新城縣卽豐安郡也詳見上此領縣二

〔中聶陽〕齊置地形志聶陽縣宜卽此也

〔南聶陽〕齊置

豫州梁書武紀太清元年二月侯景以十三州內

屬豫州亦與焉七月甲子以懸瓠爲豫州通鑑注

天監中韋叡克合肥以爲豫州後復壽陽又徙豫

州復舊治今得懸瓠復宋之舊爲豫州一統志魏

豫州梁天監七年降梁尋復爲魏取太清初仍入

於梁尋又沒於東魏未沒時領郡二

州治地形志治懸瓠城梁書羊鴉仁傳爲司豫二

州刺史鎮懸瓠

汝南郡沈志漢高立梁領縣二

〔上蔡〕漢舊縣有懸瓠城(梁書馬仙琕傳魏

豫州人白早生殺其刺史琅邪王司馬慶曾

以懸瓠來降高祖使仙琕赴之仙琕遣副將

齊苟兒以兵二千助守懸瓠魏中山王英率

衆十萬攻懸瓠仙琕遣馬廣武會超等守三

關十二月英破懸瓠執齊苟兒)四望城(寰

宇記梁太清二年豫州刺史羊鴉仁以二魏

交逼糧運斷絕乃棄懸瓠歸於義陽上表曰

臣輒率所部縮還舊鎮留夏紹等停四望城

防備卽此城也)汝水(梁書侯景傳景請

兵於司州刺史羊鴉仁鴉仁遣長史鄧洪率

兵至汝水)溱水(通鑑武帝中大通二年陳

慶之引兵圍懸瓠破魏婁起等於溱水)

〔安陽〕漢舊縣梁書夏侯夔傳夔引軍屯安陽

西汝南郡元和志漢酈縣地梁武置西汝南郡於

此領縣一

〔酈〕漢舊縣

楚州隋志城陽梁置楚州通鑑武帝大同二年冬

十月乙亥詔大舉伐東魏東魏侯景將兵寇楚州

地形志又作西楚州蕭衍置一統志梁置楚州尋

沒於東魏置西楚州案此則西楚州乃東魏置地

形志云然者蓋梁置楚州東魏加西字故仍謂蕭

衍置耳今從隋志未沒時領郡三

州治地形志治楚城

汝陽郡地形志蕭衍置領縣一

〔義陽〕地形志蕭衍置

伍城郡地形志蕭衍置隋志城陽梁置伍城郡領

縣二

〔城陽〕地形志蕭衍置隋志梁置有楚王城

(通鑑武帝天監七年魏三關懸瓠戍主來

降司州馬仙琕進頓楚王城注卽楚王城主李

書武紀天監八年四月丁卯魏楚王城主李

國興以城內附亦曰楚城通鑑武帝大通元

年夏侯夔遣別將屠楚城又中大通二年陳

慶之破魏行臺孫騰等於楚城)

〔淮陰〕地形志蕭衍置

城陽郡地形志蕭衍置領縣三

〔平春〕地形志蕭衍置案地形志此上有淮陰

縣注云衍置疑卽伍城郡淮陰也當是魏收

重出今不列

〔義興〕地形志蕭衍置隋志城陽梁又有義興

縣

〔皎城〕地形志蕭衍置

般州隋志項城東魏置揚州梁改曰般州梁書武

紀太清元年二月侯景以十三州內屬北揚州亦

與焉七月甲子詔以項城爲般州一統志尋還屬

東魏曰北揚州未沒時領郡二案梁書侯景傳與
豫州刺史高成廣州刺史郎椿襄州刺史李密兗
州刺史邢子才南兗州刺史石長宣齊州刺史許
季良東豫州刺史邱元征洛州刺史爾朱渾願揚
州刺史樂恂北荆州刺史梅季昌北揚州刺史元
神和等內附通鑑武帝太清元年景請以豫廣鄆
荆襄兗南兗濟東豫洛陽北荆北揚等十三州內
附考異曰梁書景傳云與廣州刺史暴顯穎州刺
史司馬世雲荆州刺史郎椿據此則今本梁書廣
州刺史下宜脫暴顯以下十四字又梁書齊州通
鑑作濟州揚州通鑑作陽州通鑑鄆州考異據梁
書作穎州未詳孰是其豫東豫北揚三州今見上
餘無考蓋自景亂後仍入魏耳故不列

州治地形志北揚州治項城梁書侯景傳詔以西
陽太守羊思建爲股州刺史鎮項城

丹陽郡隋志項城東魏置丹陽郡梁領縣一

〔秣陵〕隋志項城東魏置秣陵縣有殷城鎮

〔寰宇記〕梁以項城爲殷城鎮以統流人

北陳郡隋志長平梁置北陳郡

縣無考

華州隋志桐柏梁立華州寰宇記漢平氏縣梁大
同元年於此置華州及上川郡又有勞州東荆州
南荆州通鑑武帝中大通五年勞州刺史曹鳳東
荆州刺史雷勝能等舉城降魏注皆蠻左也因其
地授以州刺史方輿紀要勞州城在今唐縣東南
魏所置州以授蠻酋東荆州即今唐縣治魏太和
中置案魏太和常宋齊之際則州爲魏置不知何
時入梁至此仍入魏耳又通鑑武帝天監十一年

魏以桓叔與爲南荆州刺史治安昌城隸東荆州
普通二年五月辛巳魏南荆州刺史桓叔與據所
部來降南史徐嗣徽傳從征巴邱以功監南荆州
是也其郡縣無考姑附於此州領郡三

州治無考

上川郡隋志桐柏梁置上川郡領縣二

〔淮安〕隋志桐柏梁置曰淮安有湖陽城〔梁
書〕紀中大通元年六月魏淮陰太守晉鴻

以湖陽城內屬

〔義鄉〕元和志漢平氏縣之東界也梁於此置

義鄉縣

西義陽郡隋志桐柏梁又置西義陽郡

縣無考

堵陽郡元和志方城本漢堵陽地在堵水之陽故

名梁於此置郡

縣無考

陳州地形志北陳留穎川二郡蕭衍爲陳州武定

七年改置隋志穎陽梁置陳州案地形志穎川武

泰元年陷武定七年復魏武泰元年爲梁中大通

元年武定七年爲梁太清三年則陳州亦當如是

未沒時領郡十二

州治許昌

穎川郡地形志譙州下蔡郡蕭衍穎川郡隋志清

邱梁置穎川郡領縣二

〔許昌〕地形志蕭衍置隋志清邱梁曰許昌方

輿紀要梁大通中僑置爲郡治有黃城戍

〔地形志〕黃城蕭衍黃城戍方輿紀要梁大
通初置縣爲郡治未詳孰是

〔寧陵〕地形志肥陽蕭衍寧陵縣

汝陰弋陽二郡地形志蕭衍置雙頭郡縣領縣四

〔汝陰〕方輿紀要漢縣也

〔宋〕地形志蕭衍置

〔新息〕地形志蕭衍置

〔期思〕地形志蕭衍置

陳留郡隋志穎陽梁置陳留郡方輿紀要梁大通

未置領縣一

〔陳留〕地形志蕭衍置隋志穎陽梁曰陳留

財邱梁興二郡地形志蕭衍置領縣四

〔財邱〕地形志不注置立當是梁置

〔梁興〕地形志蕭衍置南史梁敬帝紀太清二

年封梁興侯

〔梁城〕地形志蕭衍置

〔汝陽〕地形志蕭衍置

西恆農陳南二郡地形志蕭衍置領縣二

〔胡城〕地形志蕭衍置

〔南頓〕地形志蕭衍置

東郡汝南二郡地形志不注置立當是梁置也領

縣一

〔濟陽〕地形志蕭衍置

清河南陽二郡地形志蕭衍置領縣二

〔清河〕地形志蕭衍置

〔汝南〕地形志蕭衍置

東恆農郡地形志蕭衍置領縣一

〔陽武〕地形志蕭衍置

新蔡南陳留二郡地形志蕭衍置領縣一

〔緡陽〕地形志蕭衍置

滎陽北通二郡地形志蕭衍置領縣二

〔臨淮〕地形志蕭衍置

〔汝陰〕地形志蕭衍置

汝南太原二郡地形志蕭衍置領縣二

〔安城〕地形志蕭衍置

〔新息〕地形志蕭衍置

新興郡地形志蕭衍置領縣四

〔安城〕地形志郡治蕭衍置梁書武紀普通五

年十一月壬戌裴邃攻壽陽之安城剋之景

寅魏馬頭安城並來降

〔都立〕地形志蕭衍置

〔新興〕地形志蕭衍置

〔義興〕地形志蕭衍置

青州沈志明帝失淮北於鬱州僑立地形志作劉

子業置誤也梁書張稷傳時魏寇青州詔假節行

州事領郡一

州治齊志治鬱州

北海郡本西海郡宋泰始六年僑置後改齊郡齊

建元中徙瓜步置北海郡地形志東海郡蕭衍改

置北海郡寰宇記梁改東海郡為北海郡領縣四

〔都昌〕宋鬱縣齊更名地形志安流蕭衍置都

昌縣有鬱州（梁書張稷傳鬱州接邊陲民

俗多與魏人交市）

〔贛榆〕漢舊縣有棲雲山（寰宇記州舊記梁

明山賓父僧紹當齊武帝時以國子博士徵

不就遁迹於此此山高渺故號棲雲山）膠

水（梁書武紀天監五年三月輔國將軍劉

思效破魏青州刺史元繫於膠水案在今膠

州姑附於此）

〔廣饒〕地形志蕭蹟置

〔下密〕地形志蕭衍置

南青州隋志東海郡梁置南北二青州一統志齊

建武四年黃曇紛攻魏南青州黃郭成爲成主崔

僧淵所敗梁得其地置南北二青州侯景之亂沒

於東魏未沒時領郡四

州治南史陰子春傳詔授南青州刺史鎮胸山

東莞琅邪二郡齊置梁書武紀天監十年三月盜

殺東莞琅邪二郡太守鄧晰普通五年冬十月辛

巳彭寶孫剋琅邪領縣二

〔招遠〕地形志胸縣蕭衍改爲招遠又東楚州

臨沭郡有招遠縣疑卽此也寰宇記梁於今

胸山縣北二里琅邪故城置招遠縣屬琅邪

郡有胸山城（梁書武紀天監五年六月青

冀二州刺史桓和前軍克胸山城馬仙琕傳

天監十年胸山民殺琅邪太守劉晰以城降

魏詔仙琕討之魏徐州刺史盧昶以衆十萬

赴焉張稷傳時魏寇胸山詔稷權頓六里郡

督衆軍武紀天監十年十二月庚辰馬仙琕

大破魏軍剋復胸山城）盧王城（寰宇記

引梁典云天監十年四月盜殺胸山戍主劉

晰引虜徐州刺史盧昶遣鎮遠將軍馬仙琕

討之盧昶自徐州以兵來援胸山屯兵據此

城權假王號自稱盧王因名盧王城）摩坡

城（同上梁典云天監十年遣鎮遠將軍馬

仙琕來討胸山至十二月克之盧昶挺身走

仙琕遣張惠紹追之斬首十萬造此城）石

鹿山（梁書王神念傳除青冀二州刺史時

州東北有石鹿山臨海先有神廟妖巫欺惑

百姓及神念至使令毀撤風俗遂改）六里

（通鑑武帝天監十年馬仙琕圍胸山張稷

權頓六里以督饋運）

〔海安〕地形志蕭衍置

東彭城郡地形志蕭衍置領縣三

〔龍沮〕地形志蕭衍置

〔彭城〕地形志安樂蕭衍置彭城縣

〔清河〕地形志渤海蕭衍置清河縣

北譙郡地形志山寧蕭衍北譙郡

縣無考

齊郡沈志秦立地形志上鮮改蕭衍齊郡置領縣

一

〔高密〕地形志洛要改蕭衍高密縣置

北青州見隋志梁書武紀太清三年四月北青州

刺史王奉伯舉州附魏

州治及郡縣無考

冀州沈志元嘉九年分青州立齊僑置梁侯景之

亂沒於東魏未沒時領郡二

州治齊僑置襄賁

北東海郡齊志治連口梁書羊侃傳管南還至連

口是也領縣二

〔襄賁〕宋泰始中僑置

〔臨海〕地形志蕭衍置

僑陽郡地形志沭陽郡蕭衍置僑陽郡寰宇記梁

武天監五年復置僑陽郡領縣二

〔僑〕齊置有曲沭戊（梁書武紀普通五年冬

十月辛巳又破曲木通鑑注曲木當作曲沭水經注沭水過建陵縣故城東又南逕陵山西魏立大堰遏水西流兩瀆之會置城防之曰曲沭戍）紅花水（寰宇記天監二年三月土人張高等五百餘人相率開鑿此谿引水溉田二百餘頃俗名紅花水）渣口（梁書羊侃傳侃行一日夜乃出魏境至渣口）〔下城〕梁置寰宇記後魏地形志稱梁武置儻陽郡領下城等縣

補梁疆域志卷二

陽湖洪麟孫撰

江州沈志晉太康元年置案江州梁大寶元年以豫章置豫州又以新吳置南江州臨川置寧州陳書武紀梁大寶元年授高祖豫州刺史領豫章內史梁書敬帝紀太平二年二月蕭勃反南江州刺史余孝頃以兵會之通鑑注蓋就置南江州命爲刺史南史周敷傳侯景平梁元帝授敷豫州刺史方輿紀要元帝置寧州以周敷爲刺史是也又寰宇記引梁書云于慶入洪州進攻新吳縣則疑梁時更置洪州矣然敬帝紀太平二年四月曲赦江廣衡三州是江州未嘗廢也其間改置史無明文蓋皆不久廢省今仍書江州而附錄於此領郡〔五〕州治齊志鎮尋陽元和志江州自晉元帝後或理潁城或理尋陽或理半洲並在潁城近側然梁於尋陽置西江州必當移治一統志太平二年移江州治豫章以潯陽置西江州是也豫章郡沈志漢高帝立梁爲王國梁書豫章王綜是也領縣八

〔南昌〕漢舊縣梁書王規傳天監中襲封南昌縣侯有蹠口城（梁書敬帝紀太平二年蕭勃反三月庚子周文育前軍丁法洪於蹠口生俘傅泰蕭孜）南湖（同上陳伯之傳義師起東昏假伯之節尋轉江州據尋陽衆軍次尋陽伯之退保南湖）苦竹灘（通鑑敬帝太平二年歐陽頔等出南康顧屯豫章之苦竹灘）石頭渚（同上余孝頃遣其弟孝勸守郡城自出豫章據石頭又蕭孜余孝頃猶據石頭爲兩城各據其一）

〔新淦〕漢舊縣亦作新淦南史齊豫章王疑子子廉傳子元琳梁武受禪降新淦侯又梁桂陽王大成傳初封新淦公有泥溪（通鑑敬帝太平二年周文育開道兼行據羊韶歐陽頔退入泥溪）斫山村（南史梁吳平侯景子勵傳遷豫章內史徙廣州刺史去郡至新淦縣斫山村有一老姥以斲擊鱖魚自送舟側奉上之）

〔建城〕漢舊縣梁書王瑩傳封建城縣公

〔望蔡〕漢上蔡縣沈志晉太康元年更名梁書王茂傳義師起封望蔡縣公

〔吳平〕沈志本漢平縣吳更名梁書蕭景傳高祖踐阼封吳平縣侯

〔宜豐〕吳置宋齊俱省然案南史梁鄱陽王恢子修傳封宜豐侯常是梁時復置也

〔康樂〕沈志吳陽樂縣晉太康元年更名

〔鍾陵〕寰宇記漢建安十五年孫權分鍾陵置鄱陽郡則鍾陵亦漢末所立宋齊俱省然案南史郭祖深傳梁武帝擢爲豫章鍾陵令當是梁時復置也

廬陵郡沈志漢興平元年孫策分豫章立梁爲王國梁書廬陵王續是也領縣七

〔石陽〕梁書張惠紹傳高祖踐阼封石陽縣侯寰宇記梁改高昌爲石陽縣案石陽縣後漢永元八年置晉宋齊三志兼有石陽高昌二縣不待梁時方改當是併二縣爲一縣一統志高昌縣梁省入石陽縣是也然梁書武紀天監五年有廬陵高昌之仁山羊侃傳中大

通五年封高昌縣侯蓋是時尚未省耳其省縣之年無考有仁山（梁書武紀天監五年四月景申廬陵高昌之仁山獲銅劍二案寰宇記引天監起居注云五年廬陵太守王希聃於高昌縣仙山獲龍泉光劍二口蓋即此也）虎口石（寰宇記梁侯景亂時交州刺史陳霸先越海赴難至此景將董紹先據虎口石立柵以邀之霸先潛軍出其不意及覺已至柵下遂敗）

〔西昌〕沈志吳立梁書長沙嗣王業傳藻天監元年封西昌縣侯有大皋城（陳書武紀梁大寶元年高州刺史李遷仕據大皋高祖命周文育擊走之遷仕奔寧都寰宇記城在泰和縣北八十三里臨贛水）白口城（陳書武紀梁大寶元年時寧都人劉藹等資李遷仕舟艦兵仗將襲南康高祖遣杜僧明等據白口築城以禦之遷仕亦立城以相對二年三月僧明等攻拔其城寰宇記今兩舊城跡猶存近白下驛）藥山湖（梁書蕭穎達傳弟穎孚自京師出亡廬陵人循景智潛引與南歸至廬陵景智為起兵得數百人屯西昌藥山湖）

〔東昌〕沈志吳立梁書蕭景傳伯父尚之子靈鈞高祖即位追封東昌縣侯

〔吉陽〕沈志吳立

〔巴邱〕沈志吳立南史程靈洗傳梁元帝時封巴邱縣侯

〔陽豐〕沈志吳陽城縣晉太康元年更名

〔遂興〕沈志吳新興縣晉太康元年更名有魚梁城（陳書武紀梁大寶元年李遷仕遣杜平虜率千人入贛石魚梁作城即此）

南康郡沈志晉太康三年以廬陵南部都尉立梁為王國梁書南康王績是也輿地紀勝梁承聖元年復徙南康郡於章貢開領縣九

〔贛〕漢舊縣寰宇記宋昇明初移置贛水東三百步梁承聖初又遷贛水南有贛石 二十四灘（通鑑簡文帝大寶二年陳霸先引兵發南康灘石舊有二十四灘會水暴漲數丈三百里閒巨石皆沒）

〔零都〕漢舊縣

〔南野〕漢舊縣陳書武紀梁大寶元年湘東王承制改封南野縣伯有崎頭城（陳書武紀梁大寶元年正月高祖發自始興次大庾嶺路差出軍頓南野依山山水立四城以拒高祖高祖與戰大破之進頓南康六月修崎頭故城徙居焉）大庾嶺（通鑑簡文帝大寶元年正月陳霸先發始興至大庾嶺注在今南安軍大庾縣西南二十里）

〔平固〕吳平陽縣晉改名梁書呂僧珍傳封平固縣侯

〔寧都〕沈志吳楊都縣晉太康元年更名梁書夏侯詳傳天監元年封寧都縣侯

〔安遠〕元和志梁大同中於今縣南七十里安遠水南置安遠縣寰宇記梁大同十年置

〔陂陽〕沈志吳立後改揭陽晉太康五年復名

〔虔化〕沈志孝武大明五年以虔化屯立

〔南康〕沈志吳安南縣晉太康元年更名晉安郡沈志晉太康三年分建安立元和志晉安郡南朝皆封子弟為王梁簡文帝初封晉安王入為皇太子是也領縣三

〔侯官〕後漢東侯官縣晉更名陳書陳寶應傳晉安侯官人也梁紹泰元年封侯官縣侯方輿紀要梁改原豐曰東侯官并晉宋侯官人未詳孰是

〔原豐〕沈志晉太康三年省建安典船校尉立〔温麻〕一統志晉置梁廢為閩縣地然案陳書始興王伯茂傳光大二年十一月降為温麻侯是陳時尚未省也則梁有是縣明矣

南安郡隋志南安舊置南安郡方輿紀要梁天監中分置治晉安領縣三

〔晉安〕沈志吳立曰東安晉武更名方輿紀要梁為郡治

〔龍溪〕隋志梁置一統志梁分置屬南安郡方輿紀要梁天監中分置元和志陳分晉安縣置誤也

〔蘭水〕一統志梁置屬南安郡西江州梁書敬帝紀太平二年正月分尋陽太原齊昌高塘新蔡五郡置西江州領郡五

州治同上即於尋陽仍充州鎮輿地紀勝引廬山記云梁太清二年蕭大心因侯景之亂欲依險固乃移於湓口城即今城也尋陽郡沈志晉永興元年立梁為王國梁書潯陽王大心是也領縣三有尋陽城（通鑑簡文帝大寶二年八月壬寅朔范希榮亦棄尋陽城走晉熙）

〔汝南〕方輿紀要宋齊郡治梁始立縣亦治焉〔柴桑〕漢舊縣有郭默城（通鑑簡文帝大寶

二年七月于慶自鄱陽還豫章侯瑱閉門拒之慶走江州據郭默城八月壬寅朔王僧辯前軍襲于慶慶棄郭默城走）湓口城（梁書王僧辯傳賊僞儀同范希榮盧暉略尚據

湓城及僧辯軍至希榮等因棄城奔走又先是陳霸先率衆五萬出自南江前軍五千行至湓口）廬山（通鑑武帝天監元年五月程元冲攻陳伯之伯之自出格鬪元冲不勝

逃入廬山一名匡山梁書劉慧斐傳嘗途經尋陽遊匡山南史張孝秀傳遣妻妾入匡山修行學道亦名匡俗山南史張正見傳梁元帝即位爲彭澤令屬喪亂避地匡俗山）尋陽江（通鑑元帝承聖元年湘東王命王僧

辯等東擊侯景諸軍發尋陽舳舻數百里一名九江梁書王僧辯傳即率諸軍進師九水即此）蠡湖（南史阮卓傳父聞道隨岳陽王出鎮江州卒卓時年十五自都奔赴載柩

還都度蠡湖中流遇疾風船幾沒者數四卓仰天悲號俄而風息）宮亭湖（通鑑元帝承聖二年五月豫章太守蕭永將兵討陸納

至宮亭湖軍潰紀要即鄱陽湖也）落星灣（同上王僧辯破侯景於落星灣）白茅灣（梁書王僧辯傳陳霸先與僧辯會於白茅洲通鑑作白茅灣）桑落洲（南史陳武紀

梁太清三年帝帥師討侯景發自豫章二月次桑落洲）白水浦（同上王琳傳練兵於

白水浦侯安都傳琳下至湓城白水浦）稽亭（通鑑簡文帝大寶元年四月鄱陽王範至湓城尋陽王大心使徐嗣徽帥衆二千築

壘稽亭以備範）百花亭（輿地紀勝梁刺史邵陵王綸建梁元帝有詩）離垢園（梁書劉慧斐傳又於匡山北構園一所號曰離垢園）

〔上甲〕晉志元帝渡江置九江上甲二縣安帝時省上甲入彭澤縣後遂廢案梁蕭詔爲上甲侯蓋梁時復置也

太原郡隋志彭澤梁置太原郡領彭澤晉陽和城天水四縣通典同寰宇記古太原郡在縣東北五十里輿地志云梁武帝立屬尋陽領晉陽等三縣又輿地廣記彭澤梁置太康郡然隋志元和志諸書皆不言梁置此郡疑即太原之誤耳領縣四

〔彭澤〕漢舊縣有松門（南史梁鄱陽王恢子範傳範將侯瑱迎範喪往郡於松門遇風）湖口（梁書武紀齊中興元年八月陳伯之收兵退保湖口通鑑注彭蠡湖入江之口也）

〔晉陽〕寰宇記在彭澤縣東北一百九十四里輿地志云梁武立屬太原郡

〔和城〕寰宇記在彭澤縣東北二百二十里輿地志云江左立屬汝南郡齊之廬江南頓亦有和城屬太原郡

〔天水〕寰宇記在彭澤縣東五十里輿地志云梁武置以擬西水縣方輿紀要一云彭澤縣東又有西水廢縣亦梁置隋廢未知所據

齊昌郡齊置齊志永明四年割鄆州屬豫州梁屬西江州領縣四

〔陽塘〕高塘郡隋志宿松梁置高塘郡南史梁武紀大同八年三月於江州新蔡高塘（梁書作康誤）立頌平屯壘作蠻田領縣一

〔高塘〕梁書新興王大莊傳大同九年封高唐縣公

南新蔡郡沈志江左立通鑑元帝承聖元年五月扶風民魯悉達糾合鄉人以保新蔡是也領縣四

〔苞信〕漢縣名屬汝南史記正義故城在豫州鄆城縣南五里東晉僑立

〔慎〕漢縣名屬汝南後漢書注故城在今潁州潁上縣西北東晉僑立

〔宋〕漢縣名本名新鄆後漢書注故城在今潁州汝陰縣西鄆邱城是也東晉僑立

〔陽唐左縣〕沈志大明八年立

吳州隋志鄆陽郡梁置吳州元和志吳鄆陽郡梁承聖二年改爲吳州寰宇記梁天監中置吳州案通鑑元帝承聖二年始有吳州刺史開建侯蕃前此未有寰宇記疑誤當從元和志領郡一

州治鄆陽

鄆陽郡沈志後漢建安十五年孫權分豫章立梁爲王國梁書鄆陽王恢是也領縣六

〔鄆陽〕漢舊縣有金城（通鑑元帝承聖二年

上以侍中王質爲吳州刺史質至鄱陽徐佛受置之金城(羅城)同上佛受自據羅城)柳公樓(寰宇記卽梁柳惲爲鄱陽守所創也)

〔廣晉〕沈志吳立曰廣昌晉太康元年更名梁

書陸襄傳中大通七年爲鄱陽內史郡民鮮于琛殺廣晉令王筠又羊鴉仁傳普通中封

廣晉縣侯南史淳于量傳梁元帝爲荊州刺史父文成令量往事焉以軍功封廣晉縣男

則梁時尙有此縣舊志以爲梁省者非也

〔餘干〕漢舊縣梁書陸襄傳世祖以建義功追封餘干縣侯南史劉峻傳兄孝慶齊末爲兗

州刺史舉兵應梁武封餘干男有清溪觀

(寰宇記梁天監中建白水真人修煉之所)

〔上饒〕沈志吳立

〔葛陽〕沈志吳立有葛仙觀(寰宇記梁大同三年置)

〔樂安〕沈志吳立

高州南史黃法氈傳梁敬帝太平元年割江西四郡置高州通鑑注蓋臨川安城豫寧巴山以其地在南江之西負山面水據高臨深因名高州領郡

四

州治南史黃法氈傳以法氈爲刺史鎮巴山

臨川郡沈志吳太平二年分豫章東都尉立梁

爲王國梁書臨川王宏南史臨川王大款是也領

縣七

〔臨汝〕漢舊縣南史梁汝南王大封傳初封臨

汝公陳書周迪傳梁元帝封迪臨汝縣侯有

工塘城(通鑑敬帝太平二年周迪據上塘注下卷作工塘必有一誤據陳書周迪傳工字爲是)洛城(一統志亦梁末周迪起兵臨川時所築也)上城下城(同上相傳亦迪所築)

〔南豐〕沈志吳立梁書傳岐傳封南豐縣侯

〔永城〕沈志吳立

〔南豐〕沈志吳立梁書傳岐傳封南豐縣侯

〔東興〕沈志吳立梁書鄭紹叔傳改封東興侯

〔安浦〕沈志吳立

〔定川〕寰宇記梁大通二年分臨川北境置定川縣隸臨川郡

安成郡沈志孫皓寶鼎二年分豫章廬陵長沙立

梁爲王國梁書安成王秀是也寰宇記案安成記

云梁武封皇弟秀卽此領縣七

〔平都〕漢舊縣有武功山(寰宇記本名武功山後陳武帝時山神助師平侯景之亂更名武功)

〔新喻〕沈志吳立南史梁始興王憺子映傳改封新喻縣侯

〔永新〕沈志吳立梁書陳伯之傳以爲永新縣侯又豫章王綜傳封其子直爲永新縣侯

〔萍鄉〕沈志吳立

〔宜陽〕沈志漢舊縣本名宜春晉孝武更名梁書王珍國傳改封宜陽縣侯

〔安復〕沈志漢舊縣本名安成晉太康元年更

名

〔廣興〕沈志晉太康地志有此縣梁書何遠傳高祖踐阼以奉迎勳封廣興縣男

豫寧郡寰宇記武寧陳武帝初建昌豫寧艾永

修新吳等五縣立爲豫寧郡而通鑑注列於梁置

高州之下蓋置雖出自陳武而尙在未革梁代以

前猶之梁置西江州而元和志以爲陳武置也今

依通鑑注錄之領縣五

〔豫寧〕沈志漢建安中立吳曰要安晉太康元

年更名南齊曰豫章梁時復舊梁書王亮傳

封豫寧縣公馮道根傳改封豫寧縣伯裴之

橫傳封豫寧侯

〔艾〕漢舊縣

〔建昌〕方輿紀要本漢海昏縣後漢分西南境

置建昌縣宋元嘉中廢海昏移建昌治焉寰

宇記梁沈約封建昌侯

〔新吳〕漢舊縣梁書武紀天監六年六月新吳

縣獲四目龜一有余城(寰宇記引梁書云

于慶入洪州進攻新吳縣余孝頃起兵拒之

因築此城週迴三里一百五十步)

〔永修〕漢舊縣

巴山郡隋志崇仁梁置巴山郡領西豐新安巴山

新建興平豐城西寧七縣寰宇記豐城梁大通二

年分立廣豐新安二縣又分廬陵之興平臨川之

新建等二縣立西寧巴山二縣合其縣立爲巴山

郡又云梁大同二年分新建西寧二縣立巴山縣

更置巴山郡取廬陵之興平南昌之豐城以益之

二說互異詳見下案隋志較寰宇記多西豐一縣

寰宇較隋志多廣豐宜黃二縣今兩從之領縣九

〔巴山〕元和志漢臨汝縣吳分新建縣梁普通

三年改爲巴縣疑卽巴山或誤脫耳記纂淵

海吳置巴邱縣梁改曰巴山南史黃法甌傳

梁元帝承制封巴山縣子有巴山〔寰宇記

巴山縣梁大同二年置以巴山爲名〕羊詔

〔通鑑敬帝太平二年周文育開道兼行據

羊詔注據梁書羊詔在巴山界〕

〔西豐〕沈志吳曰西平晉太康元年更名梁書

臨川王宏傳子正德先封西豐侯安陸王大

春傳大同六年封西豐縣公

〔新安〕寰宇記梁大通二年分豐城立陳書武

紀梁大同中封新安子

〔新建〕沈志吳立南史黃法甌傳敬帝卽位改

封新建縣侯

〔興平〕沈志吳立

〔豐城〕吳富城縣晉太康元年更名梁大通二

年改屬梁書夏侯詳傳改封豐城縣公南史

梁鄱陽王恢傳子泰封豐城侯

〔西寧〕寰宇記梁大通二年分興平新建立

〔廣豐〕寰宇記梁大通二年分豐城立隋諱廣

改豐城縣案豐城吳富城晉改名不待隋時

方改蓋併廣豐入豐城也

〔宜黃〕沈志吳立寰宇記本臨川縣地梁大同

二年置巴山郡因立宜黃縣於宜黃水側以

水爲名輿地紀勝云寰宇記於宜黃縣沿革

則以爲梁大同二年立於撫州沿革則以爲

吳太平二年以南城臨汝二縣置臨川郡而

增置宜黃等八縣則是宜黃非置於梁武矣
今從宋志

廣州沈志吳永安七年分交州立隋志梁陳並置

都督府領郡六

州治齊志鎮南海

南海郡沈志秦立漢武屬交州梁爲王國梁書南

海王大臨是也領縣六

〔番禺〕漢舊縣梁書昭明太子傳有番禺侯軌

有朝亭〔通鑑武帝太清三年元景仲附景

陳霸先馳檄討景仲曰景仲與賊合從朝廷

遣曲陽侯勃爲刺史軍已頓朝亭注鄺道元

曰廣州城東北三十里有朝臺昔尉佗因岡

作臺北面朝漢朔望升拜名曰朝臺〕

〔博羅〕漢舊縣有羅浮山〔陳書傅縡傳時有

吳興章華字仲宗侯景之亂遊嶺南居羅浮

山寺〕

〔新豐〕齊志有南史歐陽頎傳梁元帝承制封

新豐縣伯

〔龍川〕秦舊縣

〔安遠〕齊志有

〔河源〕齊志有

蒼梧郡沈志漢元鼎六年立梁領縣四

〔蒼梧〕沈志廣信漢舊縣方輿紀要梁陳開改

南史梁始興王憺子映傳普通二年封廣信

縣侯蓋是時尚未改也

〔寧新〕沈志當是吳立晉太康元年更名

〔遂城〕沈志永初郡國有隋志戎城梁置曰遂

城元和志戎城本漢廣信縣地梁於此置遂

城一統志引作晉置案此當是晉末宋初所
立故晉志無此縣而沈志有之隋志元和志

云梁置宜誤

〔猛陵〕沈志漢舊縣

新會郡沈志晉元熙二年分南海立又廣州記永

初元年分新寧立治益允案郡宋元嘉二十七年

治宋元齊還治梁領縣十一

〔益允〕一統志東晉元熙二年置

〔新夷〕沈志吳立曰平夷晉太康元年更名

〔封平〕東晉置

〔初寶〕何志新立

〔封樂〕沈志元嘉十二年以益允新夷二縣界

歸化民立

〔義寧〕何志新立

〔化召〕方輿紀要梁陳開於宋末元縣置

〔新建〕沈志元嘉九年割南海新會新寧三郡

界上新民立宋安〔二十七年改曰宋元〕

新熙永昌始成招集五縣齊後廢方輿紀要

梁陳開改新熙曰新建

〔熙潭〕方輿紀要梁陳開改宋始成曰熙潭

〔懷集〕方輿紀要梁陳開改宋招集曰懷集

〔始康〕沈志元嘉中新立

東官郡沈志引廣州記晉成和六年分南海立梁

領縣五

〔增城〕一統志後漢置屬南海郡梁移東官郡

來治梁書馮道根傳高祖卽位封增城縣男

〔寶安〕方輿紀要晉成和六年分番禺縣地置

〔海安〕沈志吳曰海寧晉武更名

〔海豐〕一統志東晉置

〔興寧〕沈志江左立

綏建郡沈志元嘉十三年立梁書蕭景弟昌傳天監九年以昌為持節督廣州之綏建諸軍事案郡又為王國梁書綏建王大掾是也領縣四

〔新招〕沈志本四會之官細鄉元嘉十三年分為縣

〔化蒙〕沈志四會古蒙鄉元嘉十三年分為縣
〔懷集〕沈志本四會之銀屯鄉元嘉十三年分為縣方輿紀要晉懷遠縣宋改屬

〔四會〕沈志漢舊縣屬南海
梁化郡元和志梁置領縣三

〔安懷〕宋置齊改懷安梁復梁書蘭欽傳封安懷縣男一統志案元和志梁化故郡在歸善縣東南八十里輿地紀勝安懷嶺在縣（一作郡）東（或此下有南字）一百餘里與

元和志所云梁化郡相近蓋梁時移東官郡於增城故改懷安置梁化郡

〔歸善〕元和志宋置屬鄒郡梁屬梁化郡
〔欣樂〕沈志本屬南海宋末度一統志梁屬梁化郡

東衡州隋志始興置東衡州元和志梁承聖中蕭勃據嶺南於始興郡置東衡州寰宇記梁元帝於始興郡理置東衡州案陳書歐陽頤傳梁元帝承制以始興郡為東衡州以頤為都督東衡州諸軍事東衡州刺史一統志時有衡州治含涯故謂此為東衡輿地紀勝以為陳始置東衡州者非也領郡二

州治曲江

始興郡沈志吳甘露元年分桂陽南部都尉立宋改廣興齊復舊名梁為王國梁書始興王憺是也輿地紀勝梁武末年陳霸先為始興太守自始興起兵討侯景領縣六

〔曲江〕漢舊縣梁書柳惔傳封曲江縣侯

〔梁化〕隋志樂昌梁置曰梁化元和志梁武分

曲江置梁化縣屬始興郡

〔平石〕隋志樂昌梁分置平石縣

〔仁化〕齊志有

〔瀆陽〕漢舊縣元和志在瀆水之陽因名南史

梁長沙王懿子明（案當作淵明避唐諱去淵字但稱明）傳封貞陽侯案一統志宋泰

始三年改瀆曰貞齊復隋開皇十年改為貞陽此蓋以隋所改者書之也

〔翁源〕隋志梁置元和志梁承聖末蕭勃分瀆陽立因縣界翁水之源為名

安遠郡隋志始興置安遠郡領縣一

〔始興〕沈志吳立梁移治正階縣一統志案齊

志始興郡有令階縣梁書邵陵王綸傳子確

大同二年封正階侯隋志始興齊曰正階梁

改名當是齊置令階尋改正階梁大同後移

始興縣來治也南史歐陽頤傳侯景平進封

始興縣侯

西衡州記纂淵海梁立西衡州領郡一

州治無考

清遠郡元和志梁武於漢中宿縣地置清遠郡領

縣一

〔中宿〕漢舊縣元和志梁武置清遠郡中宿縣屬之方輿紀要梁改曰政賓為東官郡治又

云梁分漢中宿縣地置清遠縣兼置郡未詳孰是

瀛州隋志義安郡梁置東揚州後改瀛州領郡四

州治海陽

義安郡沈志晉義熙九年分東官立梁為王國梁

書義安王大昕是也領縣六

〔海陽〕何志晉初立方輿紀要晉義熙中為郡

治自是州郡皆治此

〔海寧〕何志與郡俱立

〔綏安〕何志與郡俱立方輿紀要齊為郡治梁

復故

〔義招〕沈志晉義熙九年以東官五營立

〔潮陽〕何志與郡俱立

〔程鄉〕

高要郡隋志高要舊置郡元和志梁大同中於高

要縣立高要郡一統志引陳書高祖紀太清中為

西江都護高要太守起兵入援是也領縣一

〔高要〕漢舊縣

樂昌郡一統志宋置治樂昌齊省樂昌移郡治始

昌梁領縣五

〔始昌〕

〔樂山〕

〔宋元〕

〔義立〕

〔安樂〕

陽春郡隋志陽春梁置郡領縣二

領縣二

〔陽春〕一統志梁置

〔甘泉〕宋曰甘東齊更名

新州隋志新興梁置新州元和志梁武改置新州

〔此見輿地紀勝所引下文通鑑同〕寰宇記引

輿地志梁武割廣州新寧一郡立新州爲信安郡

通鑑大同五年（一統志引作八年）有新州刺

史盧子雄陳書杜僧明傳梁大同中與兄天合及

周文育征徭獠有功爲新州助防領郡一

州治新興

新寧郡沈志晉永和七年分蒼梧立梁領縣十四

〔新興〕東晉置齊更名新城梁復舊

〔南興〕沈志永初郡國有

〔博林〕一統志晉末置

〔威平〕

〔銅陵〕方輿紀要劉宋龍潭梁陳間改

〔平鄉〕沈志文帝立

〔城陽〕沈志文帝立

〔威化〕沈志文帝立

〔初興〕沈志文帝立

〔撫納〕

〔歸順〕

〔索盧〕隋志新興有舊索盧縣一統志蓋梁陳

間置

〔流南〕隋志銅陵有舊流南縣一統志云舊志

梁置方輿紀要梁置屬新興郡案新興郡無

考當是新寧之誤下西城同

〔西城〕隋志銅陵舊有西城縣方輿紀要梁置

屬新興郡

高州隋志高涼郡梁置高州寰宇記漢高涼縣梁

大通中爲高州南史吳平侯勵傳勵以南江危險

宜立重鎮乃表臺於高涼郡立州敕仍以爲高州

輿地紀勝宋末爲夷獠所據梁討平獠洞置高州

領郡十二

州治高涼

高涼郡沈志漢高涼縣漢建安二十三年吳分立

梁領縣一

〔高涼〕本安寧縣梁改名有西江〔南史吳平

侯勵傳以西江督護孫固爲高州刺史又廣

州刺史元景仲將謀應侯景西江督護陳霸

先攻景仲案齊志廣州西南二江川源深遠

別置督護專征討之任蓋梁亦沿其制也通

鑑武帝大同十一年命蕭勃會楊曠於西

江〔南江〕方輿紀要彭克仁案是時又有

南江督護陳本紀云梁李賁之亂臺先遣高

州刺史孫罔新州刺史盧子雄將兵擊之二

人不時進皆於廣州伏誅子雄弟子略與罔

子姪共舉兵執南江督護沈顛進寇廣州又

杜僧明傳梁大同中子雄之父盧安興嘗爲

廣州南江督護

電白郡隋志電白梁置郡通典同領縣一

〔電白〕方輿紀要梁置

杜陵郡隋志杜原梁置杜陵郡領縣一

〔杜陵〕隋志杜原舊曰杜陵

宋康郡沈志本高涼西營元嘉九年立隋志杜原

梁有宋康郡領縣十

志平陳廢宋康郡爲縣是宋康乃隋縣名一

統志表恐誤

〔單城〕何志新立

〔石門〕

〔化隆〕何志新立

〔逐度〕何志新立齊志作遂度

〔威覃〕

〔開寧〕何志新立

〔海鄰〕何志新立

〔興定〕齊志有

〔綏定〕何志新立

宋隆郡本宋熙郡沈志元嘉十八年以交州流寓

立二十七年更名宋隆孝建中復名宋熙齊又改

宋隆隋志平興舊置宋隆郡領縣九

〔平興〕徐志新立

〔招興〕徐志新立隋志作召興

〔崇化〕徐志新立

〔建寧〕徐志新立

〔熙穆〕徐志新立

〔崇德〕徐志新立

〔安化〕陳書武紀梁大同初蕭映爲廣州刺史

命高祖監宋隆郡所部安化二縣元不賓高

祖討平之其一未詳何縣

〔初寧〕隋志舊宋隆郡領初寧縣

〔南安〕隋志舊宋隆郡領南安縣

海昌郡沈志元嘉十六年立隋志電白梁又有海

昌郡領縣六

〔海昌〕方輿紀要梁置郡治

〔寧化〕徐志新立

〔招懷〕徐志新立

〔永建〕徐志新立

〔始化〕齊志有

〔新建〕齊志有

晉康郡沈志晉永和七年分蒼梧立隋志端溪舊

置晉康郡領縣十一

〔端溪〕漢舊縣

〔威城〕齊志有

〔都城〕何志晉初分建陵立梁書裴之高傳封

都城縣男

〔晉化〕沈志疑晉末所立

〔永始〕沈志文帝立

〔熙寧〕宋有僑寧縣齊改今名

〔樂城〕

〔武定〕沈志文帝立

〔悅城〕

〔文招〕

〔義立〕

梁秦郡隋志平輿梁置梁秦郡及縣一統志梁分

平輿縣置領縣一

〔梁秦〕見隋志

齊安郡隋志海安舊置齊安郡領縣一

〔齊安〕隋志海安舊曰齊安一統志晉恩平縣

齊改

連江郡隋志連江梁置郡輿地廣記故保寧縣本

連江梁立連江郡領縣二

〔連江〕隋志梁置

〔梁封〕隋志連江梁又置梁封縣

南巴郡隋志連江梁又置南巴郡領縣二

〔南巴〕方輿紀要梁置為郡治

〔涼封〕記纂淵海梁置涼封縣屬南巴郡

梁德郡隋志懷德舊置梁德郡輿地廣記梁置領

縣一

〔梁德〕隋志懷德舊曰梁德輿地廣記梁置

成州梁書武紀普通四年六月分廣州置成州通

典梁置成州領郡二

州治梁信

梁信郡普通四年置隋志封川梁置梁信郡通典

同元和志漢廣信縣地梁於此置梁信郡屬成州

領縣二

〔梁信〕輿地廣記梁置為郡治

〔封興〕記纂淵海梁置梁信郡又置封興縣一

統志晉未置晉康郡宋改屬蒼梧郡

南靜郡隋志開建梁置南靜郡輿地廣記同領縣

一

〔開建〕沈志文帝分封陽立通鑑元帝承聖二

年有吳州刺史開建侯蕃即此

羅州隋志石龍舊置羅州寰宇記宋元嘉三年鎮

南將軍檀道濟巡撫於陵羅江口築造此城因置

羅州（縣名也）以江為名屬高涼郡蓋梁即因

此以置羅州通典陳立羅州因宋羅縣（羅下

疑脫州字）為名是也梁書武紀大同八年三月

遣羅州刺史寧巨征李賁於交州輿地紀勝引高

涼郡夫人洗氏廟記云夫人高涼洗氏之女梁大

同初羅州刺史馮融為其子高州（疑作涼字）

太守馮寶聘焉是梁大同初已有羅州矣領郡二

州治石龍

石龍郡一統志梁置領縣一

〔石龍〕元和郡縣補志梁置屬石龍郡一統志

州郡治

高興郡隋志石龍舊置高興郡通典梁陳置羅州

及高興郡輿地紀勝宋又立高興郡尋省梁復置

案齊志已有此郡不當言梁復置也領縣十

〔宋和〕

〔寧單〕

〔高興〕

〔威成〕

〔夫羅〕

〔南安〕

〔歸安〕

〔陳蓮〕

〔高城〕

〔新建〕

南合州梁書武紀普通四年分廣州置合州太清

元年七月甲子以合州為南合隋志海康梁大通

中割番州合浦立高州尋又分立合州大同末以

合肥為合州此置南合州通典寰宇記並同領郡

五

州治一統志治徐聞

合浦郡沈志漢武立梁領縣十一

〔合浦〕漢舊縣

〔徐聞〕沈志故屬朱崖晉平吳來屬

〔晉始〕沈志晉武立

〔宋豐〕

〔摸落〕隋志海康大業初廢摸落羅阿雷川三

縣入一統志案三縣宋齊二志俱不載疑梁

陳時所置方輿紀要俱梁置

〔羅阿〕見摸落縣

〔雷川〕見摸落縣

〔扇沙〕一統志齊置方輿紀要梁置屬合州樞

縣同

〔樞〕一統志齊置隋志扇沙舊有樞縣

〔北流〕方輿紀要梁陳間置屬合浦郡

〔陸川〕方輿紀要梁陳間置屬合浦郡

宋廣郡隋志內亭舊置宋廣郡案齊止有宋廣縣

而無郡當是梁置領縣一

〔宋廣〕齊置

齊康郡齊置梁領縣一

〔齊康〕隋志隋康舊曰齊康齊志作樂康

梁樂郡隋志宜樂梁置梁樂郡領縣二

〔梁樂〕隋志宜樂梁置曰梁樂

〔游安〕方輿紀要亦梁陳間置

齊樂郡齊置梁領縣三

〔熙平〕方輿紀要孫吳置尙安縣晉改曰熙平

〔武化〕隋志梁置梁書臨川王宏傳子正信先

封武化侯

〔觀寧〕齊置南史梁鄱陽王恢子範傳遺弟觀

寧侯永將兵通南川

建州梁書武紀普通四年六月分廣州置建州隋

志安遂梁置建州尋廢州舊唐書地理志梁置建

州寰宇記梁分廣熙郡置建州又引南越志云梁

大同中分廣熙置建州領郡一

州治安遂

廣熙郡隋志安遂梁置廣熙郡一統志齊置廣熙

郡治龍鄉案此蓋梁時移治安遂也領縣十

〔安遂〕沈志文帝立

〔永業〕隋志永業梁置郡尋改爲縣

〔永熙〕齊置

〔安南〕隋志永熙大業初併安南縣入一統志

蓋梁陳時所置方輿紀要梁置屬建州

〔羅平〕梁書臨川王宏傳子正立先封羅平侯

〔賓化〕

〔寧鄉〕

〔長化〕

〔定昌〕

〔寶寧〕

瀧州隋志永熙郡梁置瀧州通典同舊唐書地理

志寰宇記皆云梁置建州又分建州之雙頭洞置

雙州陳書歐陽頎傳梁末爲廣州刺史都督十九

州中有雙州一統志雙瀧同音疑卽瀧州也領郡

三

州治雙頭洞

平原郡隋志瀧水舊置平原郡一統志齊置廣熙

郡梁改置領縣一

〔平原〕一統志齊龍鄉縣梁改置

羅陽郡隋志瀧水舊置羅陽郡領縣一

〔羅陽〕方輿紀要梁置

開陽郡隋志瀧水舊置開陽郡領縣一

〔開陽〕一統志梁置

崖州隋志珠崖郡梁置崖州通典同領郡一

州治義倫

珠崖郡方輿紀要梁置領縣三

〔義倫〕方輿紀要梁置郡治元和郡縣補志同

〔武德〕一統志隋志珠崖郡領武德縣蓋梁陳

時廢朱盧後置

〔臨振〕方輿紀要劉昫曰隋置或曰梁陳間置

石州通鑑敬帝紹泰元年陳霸先自表東討留石

州刺史杜稜宿衛臺省注引五代志永平郡梁置

石州領郡四

州治夫寧

永平郡沈志晉升平五年分蒼梧立隋志永平舊

置永平郡梁領縣十一

〔夫寧〕晉置

〔暎安〕

〔盧平〕

〔員鄉〕

〔蘇平〕

〔逋寧〕

〔雷鄉〕

〔開城〕

〔毗平〕

〔武林〕沈志文帝立南史梁鄱陽王恢子諮傳

封武林侯

〔豐城〕沈志吳立

建陵郡隋志安其梁置建陵郡元和志吳置建陵

縣梁武立爲郡方輿紀要梁置領縣一

〔安基〕本東晉安沂縣梁更名

〔建陵〕沈志吳立

陰石郡隋志普寧梁置陰石郡領縣一

〔陰石〕隋志普寧舊曰陰石案縣本蕩昌縣梁

更名

桂平郡隋志桂平梁置桂平郡元和志本桂平縣

梁於此置能平郡領縣一

〔桂平〕方輿紀要梁置郡治

東寧州隋志義熙舊置東寧州元和志齊置齊熙

郡梁大同中又於郡置東寧州領郡四

州治無考

齊熙郡隋志義熙舊置齊熙郡領縣一

〔齊熙〕隋志義熙舊曰齊熙

黃水郡隋志義熙舊置黃水郡領縣一

〔黃水〕隋志義熙大業初廢臨祥黃水二縣入

一統志臨祥縣隋初置是梁有黃水縣矣

領方郡隋志領方梁置領方郡輿地廣記梁立領

縣一

〔領方〕

安城郡隋志安成梁置安成郡元和志同領縣一

〔安城〕通典保城縣梁置安城縣於此寰宇記

同

龍州輿地紀勝引張維廣西郡邑志云梁大同三

年八龍見於江乃於江南置龍州及龍城縣領郡

七

州治龍城

馬平郡隋志陽壽有馬平郡領縣十三

〔馬平〕方輿紀要梁置

〔龍城〕隋志梁置輿地廣記柳城本龍城梁置

宋史地理志柳城梁龍城縣一統志案龍城

隋志及宋志皆作梁置而元和志云隋開皇

十年析桂林縣置寰宇記云隋縣不合

〔建安〕宋有建初縣疑齊更名

〔始集〕

〔龍平〕

〔寶平〕

〔新林〕

〔綏寧〕

〔中胄〕

〔懷安〕

〔歸化〕

〔晉平〕沈志吳立曰長平晉太康元年更名

〔威化〕

簡陽郡隋志寧浦梁置簡陽郡輿地廣記分寧浦

郡立領縣一

〔簡陽〕

樂陽郡隋志樂山梁置樂陽郡輿地廣記同領縣

一

〔樂山〕梁書武紀中大通三年冬十月前樂山

縣蕭正則有罪流徙臨川王宏傳子正則先

封樂山侯是也

嶺山郡隋志嶺山梁置郡元和志本漢高涼縣之

地梁於此置嶺山郡領縣二

〔嶺山〕方輿紀要郡治

〔武緣〕方輿紀要梁置

晉興郡沈志晉太興元年分鬱林立梁領縣八

〔晉興〕

〔熙注〕

〔桂林〕

〔增翊〕

〔安廣〕

〔廣鬱〕

〔晉城〕

〔鬱陽〕

定川郡齊置寰宇記宋南流郡齊梁為定川郡又

云宋立南流郡歷齊梁陳不改案齊南流郡領方

度縣梁時廢入定川則謂齊以南流為定川與謂

南流歷齊梁陳不改者皆非也領縣二

〔興昌〕齊置

〔南昌〕齊置

樂昌郡方輿紀要宋置隋廢案此則梁有也領縣

一

〔樂昌〕方輿紀要宋置

靜州隋志龍平梁置靜州輿地紀勝梁武分臨賀

郡於龍平縣置南靜州案寰宇記梁分臨賀置南

靜郡又改為靜州仍改南靜郡為龍平縣屬富州

考元和志梁置南靜郡至開皇十一年廢則以郡

為縣之說既非謂屬富州亦誤今依隋志領郡四

州治龍平

梁壽郡隋志龍平梁置梁壽郡領縣一

〔龍平〕隋志梁置

〔博勞〕方輿紀要梁置然不言屬何郡姑附於

此

靜慰郡隋志龍平梁置靜慰郡

縣無考

武城郡隋志豪靜梁置武城郡領縣一

〔豪靜〕

開江郡隋志豪靜梁置開江郡領縣一

〔開江〕輿地廣記梁置

南定州梁書武紀普通四年六月分廣州置南定

州隋志鬱林郡梁置定州後改爲南定州寰宇記

梁武以鬱林郡置桂州後割桂州之鬱林寧浦二

郡立定州後改爲南定州領郡二

州治鬱林

鬱林郡沈志秦桂林郡屬尉佗漢元鼎六年復更

名梁領縣七

〔鬱林〕方輿紀要梁置郡治

〔布山〕漢舊縣

〔龍山〕梁分布山縣置

〔阿林〕漢舊縣

〔鬱平〕方輿紀要吳陰平晉太康初改

〔懷澤〕方輿紀要梁置

〔馬度〕方輿紀要梁置

寧浦郡沈志引廣州記漢建安二十三年吳分鬱

林立晉太康地志太康七年改合浦屬國都尉立

梁領縣二

〔寧浦〕沈志晉太康地志本名昌平太康元年

更名〔此見一統志所引本文無〕案沈志

寧浦郡領縣六今止有五縣無寧浦縣豈本

或闕之歟然考晉志兼有寧浦昌平二縣則

謂晉改昌平曰寧浦者又非也〔謹案今局

本沈志有寧浦〕

〔輿道〕方輿紀要晉屬

交州沈志漢武元鼎六年開百越交趾獻帝建安

八年改曰交州梁書武紀大同七年交州土民李

賁攻刺史蕭諮諮輸賂得還越州八年遣越州刺

史陳侯等同征李賁於交州中大同元年交州刺

史楊曠剋交趾李賁竄入獠洞交州平方輿紀要

梁設都督府領郡三

州治齊志鎮交趾

交趾郡沈志漢武元鼎六年開梁書武紀大同十

年春正月李賁於交趾竊位號署置百官領縣十

一

〔龍編〕漢舊縣

〔武寧〕沈志吳立

〔望海〕沈志漢光武建武十九年立

〔句漏〕漢舊縣

〔吳興〕沈志吳立

〔西于〕漢舊縣

〔朱雋〕漢舊縣通鑑武帝大同十一年李賁敗

於朱雋

〔南定〕沈志吳立曰武安晉武改

〔曲易〕漢舊縣

〔海平〕沈志吳立曰軍平晉武更名

〔羸樓〕漢舊縣

宋平郡沈志孝武世分日南立宋平縣後爲郡梁

領縣三

〔昌國〕

〔義懷〕

〔綏寧〕

武平郡沈志吳建衡三年討扶嚴夷以其地立梁

領縣四

〔武定〕有蘇歷江〔通鑑武帝大同十一年李

賁敗於蘇歷江口中大同元年李賁奔新昌

獠中諸軍頓於江口〕

〔武興〕案齊志又有封溪縣方輿紀要梁陳間

省又平道縣梁省

〔根寧〕

〔南移〕南史周文育傳侯景平改封南移縣侯

陳書同

興州方輿紀要新昌郡梁兼置興州領郡一

州治無考

新昌郡沈志吳建衡三年分交趾立新興郡晉太

康三年更名通鑑武帝中大同元年春正月癸丑

楊曠等克嘉寧城李賁奔新昌獠中領縣八

〔范信〕有典澈湖〔通鑑武帝中大同元年李

賁復自獠中出屯典澈湖注湖亦當在新昌

郡界〕

〔嘉寧〕沈志吳立通鑑武帝大同十一年李賁

奔嘉寧城中大同元年春正月癸丑楊曠等

克嘉寧城

〔封山〕

〔西道〕

〔臨西〕

〔吳定〕沈志吳立

〔新道〕沈志江左立

〔晉化〕沈志江左立

驩州方輿紀要梁增置

州治及郡縣無考

愛州隋志九真郡梁置愛州通典輿地廣記同元和志梁於交趾郡理置愛州梁書武紀普通四年六月乙丑分交州置愛州大同八年三月遣愛州刺史阮漢征李賁於交州陳書歐陽頎傳梁末爲廣州刺史都督十九州中有愛州領郡一州治九真

九真郡沈志漢武元鼎六年立梁領縣十二

〔九真〕方輿紀要梁分立

〔移風〕漢舊縣沈志故名居風吳更名

〔胥浦〕漢舊縣

〔日南〕方輿紀要梁分置

寧海郡隋志海安梁置寧海郡通典寰宇記同領縣三

〔安平〕隋志海安梁置曰安平元和志寧海縣

本梁安平（案今本作安海字疑誤）

〔海平〕方輿紀要梁置屬黃州

〔玉山〕方輿紀要梁置屬黃州

利州隋志金寧梁置利州陳書歐陽頎傳梁末爲

廣州刺史都督十九州中有利州

州治金寧

郡無考

〔金寧〕方輿紀要梁置

明州隋志交谷梁置明州梁書敬帝紀太平元年

二月癸亥徐嗣徽任約襲采石戍執戍主明州刺

史張懷鈞入於齊通鑑注引五代志日南郡交谷

縣梁置明州懷鈞蓋帶刺史而戍采石也陳書歐

陽頎傳梁末爲廣州刺史都督十九州中有明州

州治交谷

郡無考

〔交谷〕方輿紀要梁置

越州沈志秦始皇七年立梁書武紀大同八年三月

遣越州刺史陳侯征李賁於交州領郡十二其臨

漳郡及縣方輿紀要梁俱廢百梁安昌等郡縣一

統志梁陳時俱廢

州治齊志鎮臨漳郡方輿紀要臨漳郡梁并入合

浦仍爲越州治

永寧郡沈志新立隋志杜原梁有永寧郡方輿紀

要梁置永寧郡未詳孰是領縣五

〔杜羅〕

〔金安〕

〔蒙〕

〔廖簡〕

〔留城〕

龍蘇郡沈志作龍蘇新立梁領縣二

〔龍蘇〕

〔大廉〕方輿紀要梁置屬龍蘇郡

富昌郡沈志新立梁領縣三

〔南立〕

〔義立〕

〔歸明〕

思築郡齊置

縣齊志無

鹽田郡齊置梁領縣一

〔杜同〕

隆川郡齊置梁領縣一

〔良國〕

齊寧郡齊志建元二年置割鬱林之新邑建初二縣并梁領縣四

〔松原〕沈志晉武分建初立

〔高安〕何志晉武立吳錄晉分常樂立

〔建初〕沈志吳立

〔常樂〕沈志吳立

〔津梧〕沈志晉武分移風立

〔軍安〕何志晉武立

〔吉龐〕漢都龐縣南齊改

〔武寧〕沈志吳立何志晉武立

德州隋志日南郡梁置德州元和志梁武於九德

縣置德州輿地廣記梁立德州梁書武紀大同九

年夏四月林邑王破德州攻李賁賁將范修又破

林邑王於九德領郡二

州治九德

九德郡沈志故屬九真吳分立梁領縣八

〔九德〕何志吳立

〔安遠〕方輿紀要引志云梁天監中分九德立

〔咸驩〕漢舊縣

〔浦陽〕沈志晉武分陽遠立

〔南陵〕何志晉武立

〔都浚〕何志晉武分九德立

〔越常〕何志吳立

〔西安〕何志晉武立方輿紀要引志云梁天監

中分九德立未詳孰是

日南郡沈志秦象郡漢武元鼎六年更名吳省晉

武太康三年復立梁領縣六

〔西捲〕漢舊縣

〔象林〕漢舊縣

〔壽冷〕沈志晉武太康十年分西卷立

〔朱吾〕漢舊縣

〔比景〕漢北景縣

〔盧容〕漢舊縣又有無勞縣沈志晉武分北景

立方輿紀要梁陳開廢

安州隋志寧越郡梁置安州梁書武紀大同八年

三月遣安州刺史李智等同征李賁於交州領郡

二

州治無考

宋壽郡沈志先屬交州齊志建元二年割越州屬

交州梁又移屬安州

縣無案宋齊皆有郡而不置縣

安京郡隋志安京舊置郡元和志安京梁武分宋

壽郡於此置安京郡領縣一

〔安京〕方輿紀要梁置郡治

黃州隋志海安梁置黃州通典同元和志本漢交

趾郡地梁大同元年於郡分置黃州寰宇記交趾

郡梁分置黃州陳書歐陽頎傳梁末爲廣州刺史

都督十九州中有黃州領郡一

州治安平

〔開城〕齊志建元二年置

〔延海〕

〔新邑〕

〔建初〕

越中郡齊置

縣齊志無

馬門郡齊置梁領縣四

〔鍾吳〕

〔田羅〕

〔馬陵〕

〔思寧〕

封山郡齊置梁領縣三

〔封山〕方輿紀要梁置南史梁臨川王宏子正

表傳封山侯

〔安金〕

〔廣昌〕方輿紀要梁置

吳春俚郡齊志永明六年立

縣齊志無

齊隆郡齊志先屬交州中改爲□□永泰元年改

爲齊隆還屬越州

縣齊志無考

懷方郡南史張正見傳父修禮魏散騎侍郎歸梁

仍拜本職遷懷方太守案郡未詳建置及屬州姑

附此末

縣無考

補梁疆域志卷三

陽湖洪麟孫撰

荊州隋志南郡舊置荊州西魏以封梁爲蕃國又

置江陵總管府通典梁元帝都之爲西魏所陷遷

後梁居之爲蕃國寰宇記梁初陷于魏後復之梁

元帝爲湘東王荊州刺史居之凡二十年侯景既

平卽位遂都之爲西魏所陷復遷後梁居之位爲

藩國通鑑元帝承聖元年侯景之亂州郡大半入

魏自巴陵以下至建康以長江爲限荊州界北盡

武寧西拒破口嶺南復爲蕭勃所據詔令所行千

里而近注北盡武寧與岳陽王督分界西拒破口

與武陵王分界領郡九

州治齊志治江陵梁書元紀大寶元年前南平王

恪爲荊州刺史鎮武陵案武陵不隸荊州常是遙

領耳

南郡沈志秦立梁爲王國梁書南郡王大連是也

領縣六有南郡城

〔江陵〕漢舊縣梁元帝及後梁宣明二帝皆都

此梁書元紀承聖元年冬十一月丙子世祖

卽位于江陵通鑑地理通釋梁元帝與復卽

位于江陵（帝以建康彫殘江陵全盛從胡

僧祐等議）周書蕭督傳魏恭帝元年江陵

平太祖立督爲梁主居江陵東城資以江陵

一州之地其襄陽所統盡歸于我案後梁疆

域通典寰宇記諸書皆不詳其境通鑑元帝

承聖三年魏立梁王督爲梁主資以荊州之

地延袤三百里仍取其雍州之地注資以江

陵緣江之地延袤三百里廣不及三百里也

案此說恐誤夫既云資以荊州一州必不止

江陵緣江之地況下云仍取雍州明荆州全為梁有不然自江陵一縣外皆為周有何止取其雍州之地乎周書本傳大定四年晉遣其大將軍王操率兵略取王琳之長沙武陵南平等郡五年王琳又遣其將雷又柔襲監利郡太守蔡大有死之又歸傳歸與陳戰長沙巴陵並陷于陳又陳將吳明徹乘勝攻克歸河東郡是以上諸郡皆為梁有也故隋志係梁蕃國于荆州下而不係于江陵此其證矣其後陳湘州刺史戴僧明並附周又以基平都三州歸梁則更不止荆州一州矣輿地紀勝梁末鄧州降北齊已而復歸于梁案既云梁末降北齊疑復歸者為後梁故晉以王操為鄧州刺史封江夏郡公也特以上諸地旋復旋失不能常有惟南郡一郡終始于後梁輿地紀勝引江陵志云陳與後梁分長江為限故置荆州于公安是終陳之世南郡未嘗入其版圖也謝氏啓昆曰以今縣計之梁地為江陵監利枝江當陽四縣之境廣袤僅千里通鑑注後梁置武州巴州于江陵南岸有江陵城（南史梁元紀太清三年武帝命柵江陵城周回七十里又大寶二年十月辛丑朔紫雲如蓋臨江陵城）舊大城（同上承聖三年舊大城上嘗有紫氣至是稍復消歇）南城（同上承聖三年十一月甲申幸津陽門講武置南北兩城主帝親觀閱）東城（周書蕭督傳太祖立督為梁主居江陵東城）西城（同上太祖乃置江

陵防主統兵居于西城名曰助防外示助管備禦內實兼防督也）紀南城（同上歸傳陳將吳明徹寇江陵引江水灌城歸出頓紀南以避其銳）金城（通鑑元帝承聖三年帝與太子王褒謝答仁朱買臣退保金城又魏長孫儉入據金城帝給儉云城中埋金千斤欲以相贈儉乃將帝入城）瓦官門（北周書王操傳蕭歸之十四年卒歸舉哀于朝堂及葬親祖于瓦官門）枇杷門（梁書元紀承聖三年十一月世祖出枇杷門親臨陣督戰）津陽門（通鑑元帝承聖二年帝大閱于津陽門外遇北風輦還宮）東門（同上帝去羽衣文物白馬素車出東門抽劍擊闔曰蕭世誠一至此乎）西門（同上魏悉乘攻柵反者開西門納魏師）南蠻府（水經注稱盛宏之荆州記南蠻府東有三湖案梁書簡文帝紀天監十三年為南蠻校尉荆州刺史此即校尉署也）銅鑄署（六朝事跡本在臺城刻漏署西洛陽之舊物宋平姚秦遷于此魏明帝為太子以玩玉手版刺螭口中因入不出後人常見白蠅蛭在其中梁元帝移之江陵此物遂不復見）武庫（通鑑元帝承聖元年侯景首至江陵煮而漆之以付武庫）主衣庫（同上承聖三年魏將長孫儉留帝于主衣庫）明堂（南史梁元紀承聖元年侯景平以賊平告明堂大社）渚宮（輿地紀勝皇朝郡縣志梁元帝即位取楚渚宮以為名）龍光殿（梁書

元紀承聖三年九月辛卯世祖于龍光殿述老子義尚書左僕射王褒為執經）百福殿（南史梁元紀武帝崩祕喪逾年乃發凶問方刻檀為像置于百福殿內事之甚謹朝夕進蔬食動靜必啓開）東閣竹殿（通鑑元帝承聖三年帝入東閣竹殿命舍人高善寶焚古今圖書十四萬卷）大閣（梁書忠壯世子方等傳世祖忿徐妃因疏其穢行勝于大閣）鳳皇閣（通鑑元帝承聖三年帝夜登鳳皇閣徙倚歎息曰客星入翼軫今必敗矣嬪御皆泣）黃閣（南史梁始興王憺傳為荆州刺史天監元年甘露降于黃閣）竹林堂（寰宇記宋臨川王義慶所作梁元帝因而修之）玄洲苑（南史梁元帝紀承聖三年帝與宮人幸玄洲苑復見大蛇盤屈于前羣小蛇遶之並黑色帝惡之）湘東苑（寰宇記引渚宮故事云湘東王子于城中穿池構山長數百丈植蓮浦中緣岸雜以奇木其上有通波閣跨水為之南有芙蓉堂東有禊飲堂堂後有隱士亭亭北有正武堂前有射棚梁馬埒其西有鄉射堂堂置行柵可得移動東南有連理堂堂前奈生連理太清初生比柯連理當時以為湘東踐阼之瑞北有映月亭修竹堂臨水齋齋前高山山有石洞潛行苑中二百餘步山上有陽雲樓樓極高峻遠近皆見北有臨風亭明月樓顏之推詩云屢陪明月宴並將軍扈義所造）沮水（梁書安成王秀傳沮水暴長頗敗民田秀以穀

二萬斛贍之)防火池(同上夏侯詳傳先是荆府城局參軍吉士瞻役萬人浚仗庫防火池)江堤(同上始興王憺傳爲荆州刺史天監六年州大水江溢堤壞憺親率武將

吏冒雨賦丈尺築治之雨甚水壯衆皆恐或請憺避焉憺曰王尊尙欲身塞河堤我獨何心以免乃刑白馬祭江神俄而水退堤立)邳州(同上邳州在南岸數百家見水長驚走登屋緣樹憺募人救之州民乃免)龍洲

(南史徐世譜傳西魏攻荆門世譜鎮馬頭岸據有龍洲)江津戍(亦曰江津口通鑑元帝承聖三年魏軍濟漢于謹令宇文護楊忠帥精騎先據江津斷東路)馬頭岸(梁書元紀承聖三年十一月庚子信州刺史徐世譜晉安王司馬任約軍次馬頭岸)西門

關(同上六軍敗績反者斬西門關以納魏師)黃華(通鑑元帝承聖三年十一月丙戌夜魏軍至黃華去江陵四十里案是近江陵地)元帝陵(同上帝爲魏人所殺葬于津陽門外輿地紀勝墓在津陽門外今泰山

廟東)宣帝平陵(周書蕭詧傳保定二年二月薨其羣臣等葬之于平陵)明帝顯陵(同上蕭巋傳開皇五年五月薨其羣臣葬之顯陵又子琮傳隋廢梁國梁二主各給守墓十戶寰宇記白碑驛在江陵縣西北四十

八里有梁宣明二帝陵輿地紀勝梁宣明二帝陵在江陵府西北六十里紀山宣帝陵西即明帝陵又云紀山在府北四十里梁宣明

二帝陵林木鬱然)河東王墓(寰宇記在江陵西北三十五里宣帝即位收葬于此諡桓武王)

(枝江)漢舊縣梁書武紀中大通三年六月癸丑立昭明太子子枝江公爲河東郡王又元法僧傳子景仲封枝江縣公有丹陽(周書于謹傳謹伐江陵長孫儉問謹曰爲蕭繹之計將欲如何謹曰耀兵漢沔席卷渡江直據

丹陽是其上策輿地紀勝丹陽者枝江之別名北史以爲潤之丹陽非也徐廣注史記云丹陽在南郡枝江縣)新洲(南史梁元紀江陵先有九十九洲古老相承云洲滿百當

出天子桓玄之爲荆州刺史內懷篡逆之心乃遣鑿破一洲以應百數隨而崩散竟無所成宋文帝爲宜都王在藩一洲自立俄而文帝纂統後遇元凶之禍此洲遠沒太清末枝

江楊子閣浦復生一洲羣公上疏稱慶明年而帝即位承聖末其洲與大岸相通惟九十九云)百里洲(通鑑元帝承聖三年十一月王琳軍至長沙鎮南府長史裴政請開道先報江陵至百里洲爲魏人所獲)

(華容)漢舊縣齊省然案梁書武紀天監十年二月戊申騶虞一見荆州華容縣又中大通三年六月癸丑立昭明太子子南徐州刺史華容公權爲豫章郡王又杜幼安傳封華容

縣侯當是梁時復置也有上津鄉(南史梁始興王憺子映傳荆州上津鄉人張元始年百一十六歲)楚望山(同上梁安成王秀

傳荆州嘗苦旱秀親祈楚望俄而甘雨降)石門山(寰宇記梁邵陵王綸奉道士張京于此山置觀以處之鑿石開徑其狀若門因

名石門山)赤亭湖(元和志在縣南八十里侯景攻巴陵遣將任約等入湖湘東王使胡僧祐陸法和夜以大艦遏湖口因風縱火

鼓譟而前賊窮聚湖中俄然崩潰卽此也案此亦名赤沙亭通鑑簡文帝大寶二年僧祐引兵至赤沙亭)

(當陽)漢舊縣梁書鄧元起傳天監初封當陽縣侯隋志後周置平州領漳川安遠二郡屬梁蕃周書蕭詧傳周以基平都三州歸梁是

也有熨斗洲(南史梁武紀齊建武二年帝爲王廣之偏帥隸廣之行次熨斗洲有人長八尺餘容貌衣冠皓然皆白緣江呼曰蕭王大貴帝既屢有徵祥心益自負)西沮(梁書鄧元起傳少時嘗至其西沮田舍胡僧祐

傳侯景亂西沮蠻反世祖令僧祐討之)臨沮)漢舊縣梁書江淹傳天監元年封臨沮縣開國伯

(安居)隋志當陽梁又置安居縣南平郡沈志晉武太康元年分南郡江南爲南平郡隋志房陵舊置南平郡梁爲王國梁書南平王偉是也領縣四

(房陵)漢舊縣(作唐)漢舊縣隋志房陵舊曰作唐梁書蕭穎達傳改封作唐縣侯(江安)沈志晉武太康元年立梁書張稷傳封

江安縣侯方輿紀要梁改曰公安

〔安南〕沈志晉武分江安立隋志華容舊曰安

南梁置南安郡尋廢方輿紀要引劉陶曰

梁置南安郡于此郡尋廢有赤亭城〔輿地

廣記梁元帝使胡僧祐陸法和等據赤亭擊

破侯景擒其將任約即此

天門郡沈志吳永安六年分武陵立梁領縣四

〔澧陽〕沈志晉武太康四年立有天門山〔南

史梁元紀承聖元年十二月天門山獲野人

出山三日而死

〔零陽〕漢舊縣

〔臨澧〕沈志晉武太康四年立

〔漢中〕沈志疑是吳立

南義陽郡沈志晉末以義陽流民僑立隋志安鄉

舊置義陽郡領縣二

〔厥西〕沈志二漢志無晉太康地志屬義陽江

左僑立

〔平氏〕漢縣名後漢書注故城今唐州平氏縣

河東郡沈志作南河東郡晉咸康三年征西將軍

庾亮以司州僑戶立隋志松滋江左舊置河東郡

梁爲王國梁書武紀中大通三年六月癸丑立昭

明太子枝江公譽爲河東郡王是也領縣四

八里

〔永安〕漢縣名水經注處水又西流逕永安縣

故城南梁書邵陵王綸傳子雄徙封永安

〔松滋〕漢縣名沈志後漢書無晉屬安豐宋書

州郡志疑是流民寓荆土故立案今荊州府

有松滋縣即承晉僑縣名也梁書鄧元起傳

封松滋縣侯

〔譙〕漢縣名沈志流民寓立寰宇記故城在下

邑縣城北三十一里

汝陽郡何志新立先屬梁州元嘉十一年立度隋

志遠安舊置汝陽郡領縣三

〔潼陽〕何志新立

〔沮陽〕何志新立

〔高安〕何志新立隋志遠安舊曰高安

新興郡沈志魏志建安二十年省雲中定襄五原

朔方四郡立一縣合爲此郡屬并州晉江左僑立

梁爲王國梁書新興王大莊是也領縣三

〔定襄〕漢郡名後漢書注故城在今勝州界隋

志安興舊又有定襄縣南史南平王偉子祗

傳天監中封定襄縣侯

〔廣牧〕漢縣名屬朔方隋志安興舊置廣牧縣

梁書庾域傳天監初封廣牧縣子

〔安興〕本新豐寰宇記故城在昭應縣東十八

里沈志流寓立隋志安興舊置廣牧縣開皇

十一年省安興縣入則梁時有此縣也方輿

紀要新豐梁改安興

永寧郡本長寧郡沈志晉安帝僑立宋明帝以名

與文帝陵同改名永寧郡梁書張稷傳明帝時爲

新興永寧二郡太守郡犯私諱〔父永也〕改永

寧爲長寧然案張齊傳普通四年遷新與永寧二

郡太守馮道根傳天監十三年出爲新興永寧二

郡太守王僧辯傳改封永寧郡公皆作永寧蓋稷

文帝大寶元年注永寧郡置于襄陽南漳縣界領

縣一

〔長寧〕沈志晉安帝立齊志新興郡以下郡縣

今本皆闕隋志長林舊曰長寧通鑑元帝承

聖元年五月甲申以王僧辯爲司徒鎮衛將

軍封長寧公注僧辯元功必封長寧郡公案

此說非也梁書本傳正作縣公後始改封永

寧郡公

武寧郡沈志晉隆安五年桓玄以沮漳降蠻立梁

爲王國梁書武寧王大威是也通鑑元帝承聖元

年荊州界北盡武寧西拒峽口又元帝以王琳爲

廣州刺史琳謂人曰緩急恐不得琳力陛下何不

以琳爲武寧太守作田訓兵以固江陵元帝不從

後魏于謹伐江陵如入無人之境以武寧不守故

也領縣三

〔樂鄉〕沈志晉安帝立有澧水〔通鑑武帝太

清三年岳陽王督夜遁棄糧食金帛鎧仗于

澧水不可勝紀注今荆門軍北百里有建水

蓋卽此水也又簡文帝大寶元年魏楊忠停

澧北注澧水之北也梁書張纘傳岳陽王督

執纘舉兵襲江陵常載纘隨後及軍退敗行

至澧南防守纘者害之

〔長林〕沈志晉安帝立隋志長林舊曰長寧開

皇十一年省長林縣入知梁陳有是縣也

〔惠懷〕隋志樂鄉梁置旌陽縣後改名惠懷

鄆州隋志紫陵西魏置華陵縣其城南面梁置鄆

州案周書蕭歸傳周以基平鄆三州歸之于歸蓋

因梁舊名也

州治雲澤
郡無考

〔雲澤〕隋志紫陵梁置郡州又置雲澤縣
宜州隋志夷陵郡梁置宜州通典同寰宇記宜都
郡梁武天監中于此置宜州以舊宜都爲州之名
通鑑簡文帝大寶元年湘東王繹改宜都爲宜州
未詳孰是領郡一

州治一統志治夷陵

宜都郡沈志引張勃吳錄曰劉備立隋志夷道舊
置宜都郡南史梁汝南王大封傳太清三年簡文
卽位封宜都郡王領縣三

〔夷道〕漢舊縣

〔夷陵〕漢舊縣梁書裴邃傳以功封夷陵縣子
有西陵 峽口 七勝城（通鑑元帝承聖
二年五月己丑武陵王紀至西陵陸法和梁
二城于峽口兩岸南史梁武陵王紀傳名七
勝城案元帝于高祖諸子爲第七謂己必勝
紀也）

〔宜都〕方輿紀要本晉末宜昌縣梁改
鄂州沈志孝武孝建元年立隋志竟陵郡舊置鄂
州又江夏郡舊置鄂州通典梁武自襄陽起兵東
下攻圍二百餘日方降梁末北齊得之遺慕容儼
守陳霸先將侯瑱攻圍六月餘不下後三國和通
乃歸梁通鑑敬帝紹泰元年鄂州刺史陸法和以
鄂州降齊齊使慕容儼戍之侯瑱攻鄂州不能克
齊人以城在江外難守因割以還梁輿地紀勝梁
末鄂州降北齊已而復歸于梁領郡十四
州治齊志治夏口梁書貞惠世子方諸傳爲鄂州

刺史鎮江夏

江夏郡沈志漢高帝立南史梁臨川王大款傳太
清三年簡文卽位封江夏郡王領縣四
〔沙陽〕沈志本名沙羨漢舊縣晉武太康元年
更名有郢城（梁書武紀高祖命張惠紹朱
思遠等遊遏江中絕郢魯二城信使南史梁
武紀己未夜郢城有數百毛人踰堞相泣因
投黃鵠磯蓋城之精也）曲水故城（梁書
武紀命王世興頓曲水故城通鑑注蓋郢府
官僚祓禊之地在郢城東）曹公城（元和
志在江夏縣東北二里梁武起義遣將曹景
宗築）夏口城（輿地紀勝梁末陳初孫瑒守
內城周將史寧爲土山長梯攻之不能破）
倉門（通鑑簡文帝大寶元年九月郢陵王
綸與其子威正侯瑨自倉門登舟北出注梁
書倉門郢城北門帶江阻險）正陽殿（同上
郢陵王綸在郢州以聽事爲正陽殿）九里
（梁書武紀命王茂曹景宗帥衆濟岸進頓
九里通鑑注其地去郢城九里因以爲名）
夏首（同上遣冠軍將軍鄧元起軍主王世
興田安等數千人會大軍于夏首又王僧辯
傳侯景燒營夜遁旋軍夏首）烽火山（輿
地紀勝引梁典云武帝征齊頓軍于此舉烽
火相應故名）沔水（梁書武紀中興元年
四月高祖出沔又高祖曰今若併軍圍城又
分兵前進魯山必阻沔路所謂搃喉）長隄
（同上曹景宗傳爲郢州刺史於城南起宅
長隄以東夏口以北開街列門東西數里）

黃鵠磯（同上鮑泉傳侯景陷郢州執泉後
攻巴陵不克敗還乃殺泉于江夏沈其屍于
黃鵠磯）鸚鵡洲（寰宇記引荊州記侯景
令宋子仙夜襲江夏藏船于鸚鵡之湖南史
王僧辯傳元帝命率巴陵諸軍沿流討侯景
攻拔魯山仍攻郢卽入羅城有龍自城出五
色光曜入城前鸚鵡洲水中）西園（通鑑簡
文帝大寶元年九月辛酉郢陵王綸集麾下
于西園注在郢城西偏又有東園在城東東
湖上）曲水池（寰宇記梁太清四年郢陵王
綸爲富水郡太守雅好賓客樂于詩酒每慕
王右軍蘭亭流觴曲水之興故以效之）南
堂 西渚（梁書武紀命鄧元起據南堂西
渚通鑑注在郢城南北蓋射堂西近江渚）
黃鶴樓（南史梁安成王秀傳爲郢州刺史
時夏口常爲戰地多暴露骸骨秀于黃鶴樓
下祭而埋之一夕夢數百人拜謝而去）

〔瀟陽〕沈志晉惠帝時分安陸東界置梁書王
珍國傳天監初封瀟陽縣侯有漁湖城（梁
書武紀高祖乃命軍主梁天惠蔡道祐據漁
湖城）冶城（輿地紀勝在黃陂縣東南三
十五里相傳梁武治兵器于此舊跡尙存）
白楊壘（梁書武紀唐修期等屯白楊壘通
鑑注時築壘于白楊浦）加湖（同上吳子
陽又進據加湖去郢三十里傍山帶水築壘
柵以自固七月高祖命王茂等襲加湖通鑑
注在江夏瀟陽縣界）白楊浦（梁書王僧
辯傳宋子仙行戰行走至于白楊浦通鑑注

白楊浦蓋去郢城未遠

〔汝南〕漢郡名屬豫州寰宇記東晉汝南郡流人寓于夏口因僑立汝南郡又為縣焉荆湘記云金水北岸有汝南舊城是也案齊志別僑汝南郡于義陽屬司州而汝南縣尚僑于此梁書武紀先是汝南人胡文超起義于潁陽通鑑注引沈約云汝南人沙羨地是也又郢陵王綸傳子堅大同元年以例封汝南侯有金城（通鑑簡文帝大寶二年六月辛酉宋子仙退據金城）南浦（南史梁郢陵王綸傳大寶元年綸至郢州數有變怪南浦施安幄帳無何風起飄沒于江張纘傳郢陵王綸作牧郢藩遇纘出之湘鎮路經郢服綸餞之南浦）

〔惠懷〕沈志江左立

案寰宇記梁太清四年郢陵王綸為富水郡太守似梁有富水郡然歷考史傳地志梁未嘗置此郡郢陵王傳亦止言其為郢州刺史寰宇記疑誤故不錄附識于此

沔陽郡隋志沔陽梁置郡輿地廣記漢雲杜縣地梁置沔陽郡通鑑武帝大通五年魏賀拔勝攻沔陽等郡拔之領縣二

〔沔陽〕元和志本漢雲杜縣地梁天監二年分置沔陽縣即今縣東三十里沔陽故城是也

〔沌陽〕沈志江左立元和志晉于安陸縣地臨嶂山下置沌陽縣江夏郡自上昶城移理焉晉後郡又移理夏口沌陽縣屬江夏郡輿地廣記沌陽縣屬沔陽郡梁書元法僧傳子

景隆封沌陽縣公南史周鐵武傳元帝承制

封沌陽縣子案或謂梁改沌陽為沔陽者誤

（元和志梁置沔陽縣于漢雲杜縣此為漢

安陸縣地也）又謂梁于此置梁安郡亦誤

有漢口城 魯山城（梁書武紀高祖築漢

口城以圍魯山又使人絕郢魯二城信使通

鑑注大別山在沔陽東一名魯山）武城（同

上張纘傳太清二年湘東王赴援軍次郢州

武城通鑑注蓋今之沙武口即其地）梁城

（輿地紀勝在漢陽軍治東北五里引方輿

記云梁武築城于此）蕭公城（輿地紀勝

在漢陽軍城西五里梁武所屯處）騎城（梁

書呂僧珍傳義師及郢城僧珍率所領頓偃

月壘俄又進據騎城）偃月壘（見上）武

口（梁書武紀吳子陽等進軍武口通鑑注

武湖水出江之口）漢口（同上王茂等至漢

口輕兵濟江逼郢城高祖曰漢口不闊一里

箭道交至又高祖謂席闡文曰漢口路通荆

雍控引秦梁所以兵壓漢口連結數州）石

橋浦（同上齊郢州刺史張冲置陣據石橋

浦義師與戰不利軍主朱僧起死之通鑑齊

中興元年曹景宗進據石橋浦）

營陽郡隋志沔陽梁置營陽郡

縣無考

州城郡隋志沔陽梁置州城郡方輿紀要梁置州

陵郡與此不合今從隋志而縣則從方輿紀要屬

是郡焉領縣一

〔州陵〕漢舊縣梁書柳恢傳弟忱封州陵伯

武昌郡沈志引晉起居注太康元年改江夏為武昌郡梁書武紀大同三年三月戊戌立昭明太子警為武昌郡王領縣四

〔武昌〕漢舊縣有蘆洲（通鑑簡文帝大寶元

年三月乙卯徐文盛等克武昌進軍蘆洲注

引水經注郟縣故城南對蘆洲）

〔鄂〕漢舊縣

〔陽新〕方輿紀要吳分武昌南境置隋改曰富

川案此則梁時尙有是縣也

〔安昌〕方輿紀要梁置

西陽郡沈志本漢縣名二漢屬江夏魏立弋陽郡

又屬焉晉惠帝又分弋陽為西陽國屬豫州宋孝

建元年度郢州梁為王國梁書西陽王大鈞是也

領縣六

〔西陽〕漢舊縣舊有西陵縣為郡治梁廢然案

南史周昞傳元帝承制封西陵縣伯蓋是時

尙未廢也

〔孝寧〕本漢軹縣沈志晉孝武更名方輿紀要

宋孝武改

〔期思〕

〔義安〕

〔東安〕

〔蘄水〕隋志蘄春舊曰蘄陽梁改曰蘄水又蘄

水舊曰蘄春梁改名焉皆即此也方輿紀要

宋元嘉二十五年置梁初曰蘄春後復

東祥柯郡齊志永明三年戶口簿云新置梁領縣

六

〔宜〕

〔南平陽〕

〔西新市〕

〔南新市〕

〔西平陽〕

〔東新市〕

方城左郡齊置梁領縣二

〔城陽〕

〔歸義〕

北新陽郡齊置梁領縣三

〔西新陽〕

〔安吉〕

義安左郡齊置梁領縣一

〔綏安〕

南新陽左郡齊置梁領縣五

〔南新陽〕

〔新興〕

〔北新陽〕

〔角陵〕

〔新安〕

北遂安左郡齊置梁領縣五

〔東城〕

〔富城〕

〔南城〕

〔綏化〕

〔新安〕

新平左郡齊置梁領縣三

〔平陽〕

〔新市〕

〔安城〕

建安郡記纂淵海南齊分置建安左郡梁改爲建安郡

縣齊志領宵城縣梁于宵城縣置竟陵郡此領縣無考

北郢州隋志安貴梁置北郢州領郡一

州治定陽

上明郡隋志平林梁置上明郡梁書陳慶之傳表置上明郡領縣二

〔定陽〕隋志安貴梁置曰定陽

〔平林〕方輿紀要晉置後廢宋末改置梁置郡隋初郡廢縣屬隨州是梁有也

定州地形志梁置南定州梁書安成王秀傳天監十三年司州蠻田魯生及弟魯賢超秀據蒙籠來

降高祖以魯生爲北司州刺史魯賢北豫州刺史超秀定州刺史方輿紀要天監十四年超秀復以

定州降魏後復入于梁大寶初定州刺史田祖龍欲以州迎邵陵王綸不果魏收志領弋陽汝陰安

定新蔡北建寧諸蠻郡今領郡一

州治地形志南定州治蒙籠城水經注舉水西北

流逕蒙籠戍南梁定州治又西南逕湖陂城東梁

司豫二州治

建寧郡沈志孝武大明八年省建寧左郡爲縣屬

西陽南齊復爲郡改名北建寧屬司州梁又名建

寧郡魏書田益宗傳梁建寧太守黃天賜築城赤

亭是有郡矣領縣二

〔建寧〕

〔陽武〕齊志作陽城地形志作陽武

雋州寰宇記梁置上雋郡至承聖三年改爲雋州

領郡一隋志蒲圻梁又有沙陽縣置沙州尋廢地形志蕭衍置沙州治白關城（通鑑武帝天監二

年將軍吳子陽與魏元英戰于白沙子陽敗績）案此蓋不久即廢或謂即置于上雋郡者非也

州治下雋

下雋郡隋志蒲圻梁置上雋郡寰宇記梁大同五

年于下雋縣置上雋郡領縣三

〔下雋〕漢舊縣

〔蒲圻〕晉太康初置梁屬

〔樂化〕寰宇記荊州記云梁大同五年於巴陵郡下雋縣立樂化縣還屬上雋郡

新州隋志京山舊曰新陽梁置新州通典京山晉

宋以下皆云新陽梁置新州寰宇記晉宋以來爲

新陽梁改新州因舊邑之名元和志郢州本江夏

雲杜縣之地周地圖記曰蠻人會渠田金生代居

此地常爲邊患梁普通末遣郢州刺史元樹討平

之因置新州案梁書元樹傳普通六年爲郢州刺

史討南蠻賊平之即此領郡一

州治一統志治新陽

梁寧郡隋志京山梁置梁寧郡領縣一

〔新陽〕沈志吳立隋志京山舊曰新陽

北新州寰宇記梁武起兵襄陽東下攻圍二百餘

日方降因分置北新州隋志長壽梁又置北新州

及梁寧等八郡又江夏郡梁分置北新州又豐鄉

西魏置基州及章山郡周書蕭管傳周以基平都

三州歸梁今領郡可考者一其梁寧等郡無考

州治無考

竟陵郡沈志晉元康九年分江夏西界立隋志竟陵舊置竟陵郡梁領縣四

〔霄城〕隋志竟陵舊曰霄城梁書范雲傳封霄

城縣侯有橫桑〔梁書張齊傳世居橫桑或

云橫桑人也又張惠紹傳齊明帝時為直閣

後出補竟陵橫桑戍主水經注河水又東謂

之橫桑

〔新市〕隋志富水舊曰南新市梁書胡僧祐傳

封新市縣侯今從梁書又有竟陵縣秦置宋

齊皆為郡治梁宋省梁書曹景宗傳天監元

年改封竟陵縣侯蓋當是時尚未省也有楊

口〔通鑑齊中興元年蕭衍次楊口〕平口

〔同上僧裕由它路西上約謂其畏己急追

之及於平口梁書昌義之傳義師起時竟陵

平口有邸閣高祖遣驅每戰必捷石梵梁

書安成王秀傳天監十七年春行至竟陵之

石梵堯

〔雲杜〕漢舊縣梁書柳慶遠傳天監二年改封

雲杜侯

〔葭壽〕沈志秦始皇六年立有石城〔梁書武紀

高祖曰待至石城當面曉王茂曹景宗也〕

土州隋志土山梁置土州又江夏郡梁分北新州

立土州通典寰宇記並通鑑武帝太清元年三

月甲辰遣竟州刺史桓和趨懸瓠注引梁紀作土

州刺史桓和領郡三

州治龍巢

東永寧郡隋志土山梁置東西二永寧郡領縣一

〔龍巢〕隋志土山梁曰龍巢有土臺山〔梁書

蔡道恭傳中興元年巴西太守魯休烈等寇

上明道恭持節督西討諸軍事次土臺庚承

先傳潁川鄆陵人晚還鄉里居于土臺山

西永寧郡見隋志領縣一

〔阜陵〕隋志土山梁又有阜陵縣方輿紀要作

阜林梁置

真陽郡隋志土山梁置真陽郡領縣一

〔石武〕隋志土山梁置石武縣

富州隋志江夏郡梁分北新州立富州通典寰宇

記並同

州治及郡縣無考

涇州隋志江夏郡梁分北新州立涇州通典寰宇

記並同

州治及郡縣無考

泉州隋志江夏郡梁分北新州立泉州通典寰宇

記並同

州治及郡縣無考

濠州隋志江夏郡梁分北新州立濠州通典寰宇

記並同

州治及郡縣無考

應州隋志應山梁置應州通典同元和志本漢隨

縣地梁大同以隨州北界應濃山戊置應州寰宇

記梁大同二年立領郡一州治永陽

平靖郡隋志應山梁又有平靖郡領縣一

〔永陽〕隋志應山梁置曰永陽元和志梁又分

隨縣置永陽縣寰宇記大同二年分隨縣置

然案齊志隨郡下已有永陽縣恐非梁置

義州隋志羅田梁置義州案此義州在今湖北黃

州府黃岡縣界與安豐之義州異胡三省以安豐

之義州為在木蘭縣界蓋因此而誤也此義州與

木蘭縣相近領郡一

州治一統志治羅田

義城郡隋志羅田梁置義城郡案隋志殷城亦有

梁置義城郡皇輿表案一統志本漢斬春縣地考

隋穀城縣亦有義城郡皆在一時豈名偶相同耶

領縣一

〔羅田〕隋志梁置

巴州隋志巴陵郡梁置巴州通典湘東王遣陸法

和等據赤亭擒侯景將任約於此元和志巴陵郡

梁元帝改為巴州輿地紀勝巴陵郡梁兼置巴州

領郡二

州治巴陵

巴陵郡沈志元嘉十六年分長沙之巴陵蒲圻下

雋江夏之沙陽四縣立梁書安成王秀傳先是巴

陵馬營蠻為緣江侵害後軍司馬高江產以鄧州

軍伐之不克江產死之蠻遂盛秀遣防閤文熾率

衆討之期歲而江路清於是州境盜賊遂絕領縣

二

〔巴陵〕沈志晉武太康元年立有巴邱〔通鑑

簡文帝大寶二年夏四月戊申王僧辯等軍

至巴陵聞鄧州已陷因留戍之湘東王釋遣

僧辯書曰賊既乘勝必將西下不勞遠擊但

守巴邱注即巴陵有巴邱山一白堦〔同上

五月侯景攻巴陵湘東王釋令胡僧祐赴援

至湘浦景遣任約據白堦以待之〕侯景浦

(元和志在巴陵縣東北十二里本名三湘浦景既克建業自統兵西趣荆峽先遣其將宋子仙任約襲郢州湘東王繹令王僧辯拒

之景軍大敗燒營退走天監中寶誌道人為符書云起自汝蔡訖於三湘侯景東起於懸瓠汝水之南而敗於巴陵三湘之浦也) 隱

磯(梁書王僧辯傳於是緣江戍邏望風請服侯景拓邏至於隱磯水經注如湖北對隱磯案如山在巴陵界) 湖口(通鑑武帝太

清三年臺城陷諸王各還州鎮河東王譽自湖口歸湘州注洞庭青草共為一湖湖口在巴陵) 巴口(梁書武紀中興元年五月齊吳子陽進據巴口)

(吳昌)沈志後漢立曰漢昌吳更名案縣本屬長沙郡梁移屬於此梁書蕭穎達傳封吳昌縣侯又江淹傳封子蔦吳昌伯

監利郡方輿紀要梁置周書蕭管傳大定五年王琳遣將雷又柔襲監利郡太守蔡大有死之又蔡大業傳管稱帝歷監利郡守是有郡也領縣一

(監利)沈志引管起居注太康四年復立南郡之監利縣南齊改屬巴陵梁為郡治南史齊武帝子子良傳子昭胄梁受禪降封昭胄子同為監利侯

羅州隋志湘陰梁置羅州輿地紀勝梁元帝又置羅州通鑑簡文帝大寶二年湘東王繹命羅州刺史徐嗣徽自岳陽會王僧辯領郡二

州治岳陽 岳陽郡隋志湘陰梁置岳陽郡通典秦羅縣地梁

置岳陽郡案郡梁置為王國梁書武紀中大通三年六月癸丑立昭明太子子曲阿公嘗為岳陽郡王是也領縣四

(岳陽)方輿紀要梁置屬岳陽郡 (湘陰)元和志宋元徽二年立梁書蕭景弟昂傳中大通二年封湘陰縣侯

(玉山)隋志湘陰平陳廢玉山縣入焉則梁時有此縣也 (湘濱)隋志羅縣開皇九年廢湘濱縣入是梁時亦有此縣也陳書周弘直傳梁元帝承制

行湘濱縣侯 藥山郡隋志沅江梁置曰藥山仍為郡輿地廣記漢益陽縣地梁置藥山郡及藥山縣領縣二

(藥山)見隋志及輿地廣記 (重華)元和志漢益陽縣地梁元帝分置重華縣通典沅江梁置重華縣

沅州隋志武陵郡梁置武州後改曰沅州通典同輿地紀勝引寰宇記湘東王承制割武陵郡置武州元和志漢沅陵縣梁天監十年置廬州蓋不久即廢也領郡三

州治臨沅 武陵郡漢置隋志武陵舊置武陵郡梁為王國梁書武陵王紀是也輿地廣記沅州梁陳屬沅陵郡案此說誤考沅陵郡陳天嘉中置今不錄領縣十

一 (臨沅)漢舊縣 (沅陵)漢舊縣有沅水(武陵記梁普通中沅水大溢)

(零陵)非漢舊縣也齊置屬武陵郡 (辰陽)漢舊縣隋志辰溪舊曰辰陽 (大鄉)隋志梁置案本漢酉陽縣梁改置

(沅南)沈志漢建武二十六年立 (漢壽)漢舊縣梁書蔡道恭傳天監初封漢壽縣公

(龍陽)沈志吳立 (澧陽)本漢無陽沈志作舞陽齊志作澧陽 (鹽泉)隋志梁置 (龍樹)隋志梁置

南陽郡隋志辰溪又梁置南陽郡領縣一 (建昌)隋志辰溪梁置建昌縣 夜郎郡隋志辰溪平陳廢故夜郎郡置靜人縣尋廢方輿紀要梁置郡領縣一

(夜郎)方輿紀要梁置 北江州地形志蕭衍置(今湖北黃州府麻城縣西有梁置北江州故城) 領義陽齊昌新昌梁安齊興五郡今領郡六

州治地形志治鹿城關 南義陽郡隋志木蘭梁置義陽郡通鑑注梁南義陽郡治鹿城關案梁有三義陽郡一為司州義陽郡魏文帝立(今河南汝寧府信陽州界) 一為

荊州南義陽郡晉末僑立(今湖南澧州界) 一即此(今湖北黃州府黃安縣界) 初置司州梁書武紀天監三年八月魏陷司州詔以南義陽置

司州鄭紹叔傳天監三年義陽為魏所陷司州移鎮關南四年以紹叔為司州刺史馬仙琕傳天監四年遷南義陽太守仍遷都督司州諸軍事司州

刺史夏侯夔傳普通七年爲司州刺史大通二年魏郢州刺史元願達降夔留鎮郢州詔改魏郢州爲北司州以夔爲刺史兼督司州皆在此郡及以舊北司州復爲司州而此司州遂廢又案既云移鎮關南則南義陽與義陽相去不遠元和志平靖關在申州武陽黃峴二關在安州亦去申州不遠蓋地本接壤者也領縣三

〔安鄉〕方輿紀要梁置爲郡治

〔信安〕隋志麻城梁置信安縣

〔北西陽〕隋志麻城梁又有北西陽縣

永安郡隋志浠水梁置永安郡領縣二

〔永安〕方輿紀要梁置縣兼置郡

〔浠水〕方輿紀要宋浠水左縣屬西陽郡齊因之梁置永安郡

陰平郡隋志麻城有陰平郡領縣一

〔陰平〕方輿紀要蕭梁時嘗僑陰平縣於陰山下在今麻城縣東北六十三里其上有陰山關焉

關焉

齊昌郡齊置梁書邵陵王綸傳綸收散卒屯於齊昌郡將引魏軍共攻南陽侯景將任約襲之綸走定州後復歸齊昌行至汝南魏汝南城主李素納之通鑑注齊昌當在木蘭郡界又通鑑簡文帝大寶元年初邵陵王綸以衡陽王獻爲齊州刺史鎮齊昌方輿紀要大寶初邵陵王綸置齊州旋廢

縣無考

梁安郡隋志木蘭梁置梁安郡案郡當在今湖北黃州府黃安縣界若光州之梁安郡領包信縣者則在今河南光州息縣界又一梁安也領縣一

〔梁安〕隋志木蘭梁曰梁安

齊興郡齊志永明三年置通鑑齊永泰元年奉朝請鄧學以齊興郡降魏蓋梁時復之也領縣三

〔綏懷〕方輿紀要齊置郡治

〔西平〕

〔錫〕

司州沈志宋明帝於南豫州之義陽僑立隋志義陽郡梁曰北司州後復曰司州梁書武紀天監三年八月魏陷司州詔以南義陽置司州寰宇記魏得司州後改爲郢州武紀大通二年夏四月辛丑魏郢州刺史元願達以義陽內附置北司州後復改爲司州通鑑武帝太清三年東魏使金門公潘樂等將兵五萬襲司州刺史夏侯強降之於是東魏盡有淮南之地案通鑑寰宇記輿地紀勝皆謂梁天監元年改曰北司州後復置司州至三年爲魏將元英所陷則是司州未陷於魏以前已改北司州矣證之梁書紀傳皆有不合而元和志義陽郡入後魏爲郢州入梁爲司州亦微有脫誤今一以梁紀爲主領郡十七

州治齊志鎮義陽梁書鄒叔傳天監三年義陽爲魏所陷司州移鎮關南案此乃南義陽郡所置司州治也自大通三年後至太清二年前當仍治義陽

義陽郡沈志魏文帝立宋後廢帝元徽四年屬司州齊志有南北二義陽郡疑梁時并省領縣十

〔平陽〕漢平春縣沈志晉孝武改革案宋時義陽

治平陽齊置北義陽郡於平陽前南義陽郡

改治孝昌隋志梁置曰平陽又立汝南郡則

義陽當治孝昌而隋志吉陽縣又梁置義陽郡西魏改爲南司州一統志古義陽城在湖北漢陽府孝感縣北一百里黃雲埠上周敷里土名義州城疑梁時徙置則是梁義陽郡亦治平陽矣蓋南北朝名號分裂每有彼此同名者晉有兩平陽縣一屬義陽郡(本漢平春改名)一屬河東郡(晉分立)齊亦有兩平陽縣一屬南義陽一屬北義陽是也則梁立汝南郡者別一平陽此平陽仍爲義陽郡治也隋志不知合爲一處耳梁書武紀大同六年六月丁未平陽縣獻白鹿一案此未知屬汝南郡抑屬此郡否姑附於此有下梁城(通鑑齊建武三年救義陽蕭衍議屯下梁之城)麻陽城 竹墩城(同上武帝天監三年上遣馬仙琕築竹墩麻陽二城於三關南注麻陽即今黃州麻城縣地一統志竹墩城在今湖北黃州府麻城縣西北)毛城(同上大通二年夏侯夔進攻毛城逼新城)曹城(元和志故曹城在義陽東三十八里梁將曹景宗將兵攻魏所築)白藁戍(通鑑武帝天監二年魏取陰山白藁二戍魏書任城王元澄傳仍引攻白藁戍又破之)長薄戍(通鑑武帝天監八年馬仙琕使雲騎將軍馬廣屯長薄魏書世宗紀永平二年中山王英進逼蕭衍長薄戍)平靖關 武陽關 黃峴關(通鑑武帝天監八年魏中山王英至義陽將取三關先策之曰三關相須如左右手若克一關兩關不待攻而破攻難

不如攻易宜先攻東關又恐其并力於東乃使長史李華帥五統向西關以分其兵勢自督諸軍向東關丙申至長薄戊戌長薄潰馬廣遁入武陽英進圍之上遣冠軍將軍彭璽生驃騎將軍徐元季將兵援武陽既而英進攻廣峴太子左衛率李元履棄城走又攻西關馬仙琕亦棄城走注西關即平靖關東關即武陽關廣峴即黃峴關也梁書武紀普通五年十二月乙巳武勇將軍李國興攻平靖關克之辛丑信威長史楊法乾攻武陽關壬寅攻峴關並克之穆陵關 陰山關(梁書夏侯夔傳普通六年救夔出義陽道攻平靖穆陵陰山三關克之又置陰山戍魏書任城王傳澄遣長風戍主奇道顯攻蕭衍陰山戍破之斬其戍主龍驤將軍都亭侯梅興祖) 鑿峴(梁書蔡道恭傳先是朝廷遣郢州刺史曹景宗率衆赴援景宗到鑿峴頓兵不前通鑑武帝天監三年上遣曹景宗王僧炳等帥步騎三萬救義陽僧炳將二萬人據鑿峴景宗將萬人爲後繼) 松峴(通鑑武帝天監八年馬仙琕使胡文超屯松峴) 賢首山(梁書武紀建武二年魏寇司州以高祖隸王廣爲援距義陽百餘里衆以魏軍盛莫敢前高祖便進去魏軍數里逕上賢首山又王茂傳宋建武初魏圍司州茂以郢州之師救焉高祖率衆先登賢首山通鑑武帝天監二年八月魏元英征義陽司州刺史蔡道恭遣將楊由帥城外居民三千餘家保賢首山爲

三柵十月元英勒諸軍圍賢首柵) 士雅山(通鑑武帝天監三年魏元英圍義陽結壘於上雅山注當作士雅山) 金山(魏書世宗紀永平元年鄧州刺史婁敬破蕭衍將馬仙琕於金山輿地紀勝累天監七年魏辛祥堅守義陽梁遣將胡武成陶平虜於州南金山之上連營侵迫祥夜出襲其營)

〔孝昌〕沈志疑是孝武所立

〔安昌〕梁書張齊傳高祖受禪封齊安昌縣侯

〔義昌〕

〔平輿〕

〔南安〕

〔平春〕沈志孝建三年分平陽立

〔義陽〕沈志孝建三年分平陽立

〔保城〕本寶城縣沈志孝建三年分鄆立南史周昞傳父靈起梁保城縣侯

〔鍾武〕漢舊縣

隋郡沈志晉武分南陽義陽立義陽國太康(缺)年又分義陽爲隨國宋改隨郡齊復舊名梁領縣二

〔隨〕漢舊縣宋改隨陽齊復舊有下澁城(通鑑武帝太清三年魏楊忠將至義陽太守馬伯符以下澁城降之) 下澁戍(元和志漢隨縣地梁於此置下澁戍寰宇記下澁戍梁天監中置在棗陽縣東南一百里魏宣武帝正光初南伐破之置爲鎮後梁又收復之卻爲郡即此戍也)

〔安化〕方輿紀要蕭齊置

曲陽郡通典漢隨縣地梁置曲陽郡寰宇記同方輿紀要作梁置曲陽郡未詳孰是領縣一

〔曲陵〕案沈志安陸郡江夏又有曲陵縣本名石陽吳立晉太康元年改曲陽南齊屬永寧

左郡蓋梁因此立郡也

安陸郡沈志孝建元年分江夏立南齊志寄司州治隋志安陸郡梁置南司州尋罷通鑑注梁置南司州於安陸寰宇記梁天監七年於此置南司州

後廢州復爲安陸縣(當作郡字爲是) 梁書陳慶之傳表省南司州復安陸郡章叡傳叡至安陸增築城二丈餘更開大塹起高樓案郡亦爲王國

梁書安陸王大春是也領縣五

〔安陸〕漢舊縣南史梁始興王憺子暉傳初封安陸侯李慶緒傳封安陸縣侯有郢城(方輿紀要梁武攻魯山謂郢城竟陵之粟方舟而下郢城即安陸之別名) 董城(梁書簡文帝紀大寶二年二月郢陵王綸至安陸董城爲西魏所攻軍敗死) 滌頭(通鑑簡文帝大寶元年正月魏楊忠圍安陸柳仲禮方進軍襄陽馳歸救之忠選騎夜進敗仲禮於滌頭注杜佑曰水所衝曰滌)

〔應城〕

〔新市〕

〔新陽〕

〔宣化〕

汝南郡南齊志僑立寄司州治南史梁汝南王大封傳湘東王承制封汝南王領實縣一僑縣七

〔平陽〕方輿紀要梁置僑置汝南郡治焉

〔平輿〕漢縣名後漢書注故城在今豫州汝陽縣東北

〔北新息〕因漢新息縣名後漢書注故城在今豫州新息縣西南元和郡縣志故城在蔡州新息縣西南十里

〔真陽〕漢慎陽縣水經注慎水逕慎陽縣故城南縣取名焉今河南汝寧府正陽縣北四十里有漢慎陽故城

〔安城〕漢縣名後漢書注故城在今豫州吳房縣東南又云在豫州汝陽縣東南

〔南新息〕因漢新息縣名

〔安陽〕漢縣名後漢書注故城在今豫州新息縣西南

〔上蔡〕漢縣名寰宇記故城在蔡州上蔡縣西南十里

齊安郡隋志黃岡齊置齊安郡梁領縣六

〔齊安〕有馬柵〔通鑑簡文帝大寶元年九月〕

邵陵王綸引齊兵未至移營馬柵距西陽八十里

〔始安〕

〔義安〕

〔南安〕隋志黃岡齊曰南安梁書愍懷太子傳初封南安縣侯康絢傳天監元年封南安縣侯有貝磯〔通鑑簡文帝大寶元年十一月〕

丁卯徐文盛軍貝磯水經注江水又東逕貝磯北〔大舉口〕〔同上文盛仍進軍大舉口〕

達城戍〔水經注倒水東南逕梁達城戍西〕

〔義昌〕

〔義安〕淮南郡齊置梁當因之領縣二

〔閣道〕

〔平氏〕

宋安左郡沈志環水縣注宋安縣明帝立為郡方輿紀要齊亦置梁當因之領縣三

〔仰澤〕

〔樂寧〕

〔襄城〕

永寧左郡齊置梁當因之領縣三

〔中曲陵〕

〔孝懷〕

〔安德〕

東義陽左郡案晉志荊州有安帝僑立東義陽郡梁領縣九

〔第五〕

〔南平林〕

〔始平〕

〔始安〕

〔平林〕

〔義昌〕

〔固城〕

〔新化〕

〔西平〕

新城左郡齊置梁當因之領縣四

〔孝懷〕

〔中曲〕

〔南曲陵〕

〔懷昌〕圍山左郡齊置梁當因之領縣六

〔及刺〕

〔章平〕

〔北曲〕

〔洛陽〕

〔圍山〕

〔曲陵〕

北淮安左郡齊置梁當因之領縣一

〔高邑〕

南淮安左郡齊置梁當因之領縣二

〔慕化〕

〔柏源〕

北隨郡隋志順義梁置北隨郡案齊有北隨安左郡梁改置

縣無考

東隨安左郡沈志環水注宋安本縣名大明八年省義陽郡所統東隨安左郡為宋安縣是宋初已有是郡矣領縣三

〔西隨〕

〔高城〕

〔牢山〕

崇義郡隋志清騰梁置崇義郡領縣一

〔梁安〕隋志清騰梁置曰梁安

雍州沈志晉江左立宋孝武始於襄陽僑立雍州并立僑郡縣宋元嘉二十六年割荊州之襄陽南陽新野順陽隨五郡為雍州而僑郡縣猶寄寓在諸郡界大明中又分實土郡縣以為僑郡縣境太

平御覽引梁鮑至南雍州記永嘉之亂三輔豪族流於樊沔僑於漢側立雍州因人所思以安百姓也宋文帝因之置南雍州焉梁領郡十三州治齊志鎮襄陽

襄陽郡沈志魏武帝平荊州分南郡編以北及南陽之山都立輿地紀勝梁武起兵於此通典後梁蕭督附庸於西魏而都於此元和志梁太平二年岳陽王督爲雍州刺史兄河東王譽爲元帝所殺督怒以州北附西魏克江陵以督爲梁王都江陵爲西魏藩國輿地紀勝後梁蕭督都此案周書蕭督傳中大同元年爲雍州刺史督以襄陽形勝之地又是梁武創基之所遂剋己勵節樹恩於百姓後西魏大統十六年命督爲梁王督乃於襄陽置百官承制封拜十七年督留蔡大寶居守乃自襄陽來朝蓋自江陵未滅以前後梁宣帝常都於此及遷都江陵而襄陽所統遂盡歸於周矣在梁時領縣六

(襄陽)沈志漢舊縣屬南郡有襄陽城(梁書武紀高祖發襄陽留弟偉守襄陽城)壘城(同上留弟儋守壘城)鄧城(同上齊建武四年魏寇雍州明帝令高祖赴援十月至襄陽詔遣崔慧景總督諸軍明年三月慧景與高祖進行鄧城)樊城(南史梁武紀先是雍州相傳樊城有王氣至是謠言更甚梁書武紀高祖發襄陽留府司馬莊邱黑守樊城又蕭景傳天監八年魏驅羣蠻來降景乃開樊城受降周書蕭督傳司馬劉方貴據樊城拒命督攻之城陷擒斬之)西城(周書

蕭督傳張纘進至州督遷延不受代乃以西城居之)北門(同上杜岸懼督不振降於江陵岸之降也請以五百騎襲襄陽去城三十里會督至岸奔其兄纘於廣平督遣將攻拔之獲纘岸等於襄陽北門殺之)下廷戍(通鑑武帝中大通五年十二月魏荊州刺史賀拔勝寇雍州拔下廷戍扇動諸蠻)望

楚山(南史梁邵陵王綸傳岳陽王督迎喪葬於襄陽望楚山)柳子山(輿地紀勝在縣北七里又有柳子水梁簡文爲州日泛舟窮柳子之源)南峴(梁書鄭紹叔傳送兄植於南峴相持大哭)潺溝 漢水(梁書蕭景傳天監八年三月魏荊州刺史元志率衆七萬寇潺溝驅迫羣蠻羣悉渡漢水來降景命司馬朱思遠等擊志於潺溝大破之生擒志長史杜景斬首萬級流屍蓋漢水)檀溪(同上武紀高祖至襄陽潛造器械多伐竹木沈於檀溪密爲舟裝之備建牙日出檀溪竹木裝艦呂僧珍傳高祖在雍州時多伐竹木沈於檀溪僧珍獨悟其旨亦私具檣數百張義兵起帝會衆發兵悉取檀溪竹木裝爲艦衆軍將發諸將果爭檣僧珍乃出先所具者每船付二張爭者乃息)樂善堂(輿地紀勝梁簡文爲晉安王鎮襄州日畫前政刺史李陽等十三人形像於樂善堂見襄陽志)文選樓(同上引舊經云梁昭明太子所立撰文選聚才人賢士劉孝威庾肩吾徐防江伯操(操別作標)孔敬通惠子悅徐

陵王囿(囿別作圃)孔燦鮑至等十餘人號曰高齋學士)高齋(南雍州記高齋其泥色鮮淨故此名焉南平世子恪臨州有甘露降此齋前竹林昭明太子於齋宮集道義以時相繼又襄沔記襄陽城內刺史宅有高齋梁簡文爲晉安王鎮襄陽日引劉孝威等於此齋綜覈詩集時號爲高齋學士南又有一齋梁武帝臨州寢臥於此齋嘗有五色雲回轉狀如盤龍屋上恆有紫雲騰走形如繖蓋遠近望者莫不異焉武帝於此龍飛案梁書武紀高祖至襄陽所住齋常有五色回轉狀若蟠龍其上紫氣騰起形如繖蓋即此也)九日臺(南史梁武紀帝至襄陽季秋出九日臺忽暴風起煙塵四合帝所居獨白日清明其上紫雲騰起形如繖蓋望者莫不異焉)

(中廬)沈志漢舊縣屬南郡南史杜龕傳元帝世封中廬縣侯有西山(梁書張纘傳州助防杜岸給纘曰觀岳陽殿下必不容使君若走入往西山以避禍招義衆遠近必當投集通鑑注謂萬山以西中廬縣諸山也)(率道)隋志梁置案本漢郿縣地梁時改置(郿)漢舊縣梁書劉遵傳晉安爲雍州引爲安北諮議參軍帶郿縣令(建昌)(安武)方輿紀要梁置屬襄陽郡(章陵)周書蕭歸傳歸之八年陳遣章昭達來寇江陵又寇章陵之青泥案章陵疑是縣名然未詳建置及所屬何郡姑附於此有青泥

〔見上又陳書章昭達傳大建二年蕭巋於江陵大善舟艦於青泥中〕

廣平郡沈志江左僑立治襄陽今爲實土或謂梁省然考周書蕭管傳杜岸奔其兄巋於廣平管遣將尹正薛暉等攻拔之則梁尙有是郡也圖經廣平廢郡在今光化縣領縣三

〔廣平〕漢縣名徐志南度以朝陽縣境立通典故城在永平縣北有公田渚〔南史張景仁傳廣平人父梁天監初爲同縣章法所殺景仁時年八歲及長志在復讎普通七年遇法於公田渚手斬其首以祭父墓〕

〔比陽〕漢舊縣屬南陽郡

〔陰〕漢舊縣屬南陽晉屬順陽宋屬齊梁因之鄧城郡梁置案隋志陰城西魏置鄧城郡然考通鑑梁中大通五年魏荊州刺史賀拔勝遣軍攻馮翊安定河陽鄧城皆拔之是梁已有此郡矣一統志表梁改置鄧城郡是也領縣一

〔鄧〕漢舊縣屬南陽晉屬順陽

馮翊郡沈志流民出襄陽元嘉六年立或謂梁廢然考通鑑梁天監六年六月馮翊等七郡叛降魏注馮翊等郡江左僑立則梁有是郡沒入後魏也後中大通五年魏賀拔勝拔馮翊等郡蓋入魏後旋復耳領縣三

〔郡〕漢若縣括地志故城在襄州樂鄉縣東北三十三里元和志春秋都國地在襄州樂鄉

縣北三十七里梁書武紀都令杜永兼別駕〔蓮勺〕漢縣名後漢書注故城在同州下邽縣

東北方輿紀要宋元嘉六年以三輔流民僑

立屬馮翊郡齊梁因之

〔高陸〕沈志晉太康地志屬京兆大明元年復立方輿紀要宋元嘉中僑置屬馮翊郡齊梁因之

河南郡沈志僑立始治襄陽大明中分河北爲境齊未入魏通鑑武帝天監五年江州刺史王茂遣所署宛州刺史雷豹狼等取魏河南城後魏遣平南將軍楊大眼進攻河南城茂逃還城沒於魏則梁曾有是郡也圖經河南廢郡在今襄陽縣北領縣五

〔河南〕漢縣名洛陽圖經故城在今洛陽西北

〔新城〕漢縣名後漢書注故城即今伊闕縣

〔河陰〕漢縣名後漢書注故城在今洛陽縣東北

〔棘陽〕漢舊縣沈志屬義陽又屬新野大明初土斷立通鑑注河南郡所領五縣惟棘陽爲實土

〔襄鄉〕漢舊名徐志屬義陽大明初僑立

南天水郡徐志本西戎流寓今治巖州梁領縣二

〔華陰〕漢縣名

〔西〕漢縣名

德廣郡隋志上洪宋僑立略陽縣梁又立德廣郡領縣一

〔略陽〕漢縣名後漢書注故城在今秦州隴城縣西北

義成郡沈志晉孝武立治襄陽今治均隋志穀城舊置義成郡領縣三

〔義成〕沈志晉孝武立隋志穀城舊曰義城有

均均口〔梁書馮道根傳齊建武末魏沒南陽五郡明帝遣陳顯達爭之師入均均口案水經注均水南流注於沔趙一清渠誤云均當作均北史魏孝文南伐詔廣陽王建弟嘉斷均口益驗均均口之誤何焯曰均均口均字讀者所音後人誤以入行〕穀城山〔通鑑武帝中大通五年魏荊州刺史賀拔勝寇雍州雍州刺史盧陵王續遣電威將軍柳仲禮屯穀城以拒之〕

〔筑陽〕方輿紀要漢舊縣晉屬順陽郡宋大明中改屬扶風僑郡齊因之梁仍曰筑陽案扶風郡梁廢縣改屬此郡

〔萬年〕漢縣名屬馮翊元和志漢舊萬年縣在今樸陽縣東北二十五里

建昌郡沈志孝建元年立寄治襄陽梁領縣二

〔永興〕齊置有太子泚〔元和志在江之岸梁武初下建業留丁貴嬪於此生太子因以爲名一統志案劉宋時已有太子泚之名元和志似不足據然宋書桂陽王休範傳作太泚或初本名太泚梁後改稱太子泚歟〕

〔安寧〕

華山郡沈志胡人流寓大明元年立今治大堤梁領縣三又齊志華山郡下有南上洛北河南弘農

順陽西汝南北上洛齊安齊康招義等郡其南上洛郡注建武中此以下郡皆沒虜案齊志云虜者當是北魏梁時不知曾收復否故不列其弘農順陽二郡入宛州

〔華山〕沈志與郡俱立有大堤〔通鑑武帝太

清三年湘東王繹厚資遣張纘使赴鎮纘至大堤

〔藍田〕漢縣名宋敏求長安志故城在藍田縣

西三十里梁書康絢傳華山藍田人也祖穆

宋永初中入襄陽之峴南宋爲置華山郡藍

田縣寄居於襄陽

〔上黃〕沈志本屬襄陽立郡割度寰宇記引南

雍州記晉平吳割臨沮之北鄉立上黃縣南

史梁始興王憺子暉傳改封上黃侯後梁置

郡周書柳洋傳出爲上黃郡守梁國廢以郡

歸隋是也

輿國郡隋志穀城梁置輿國郡

縣無考

秦南郡隋志漢南梁置秦南郡

縣無考

沔東郡方輿紀要蕭梁初所置荒郡也天監四年

雍州蠻沔東太守田青喜叛降魏胡氏曰郡蓋在

襄陽府東竟陵郡西

縣無考

寧蠻府元和志晉安帝時魯宗之爲雍州刺史仍

於州理置寧蠻校尉齊志雍州部領蠻左故別置

蠻府焉梁書柳慶遠傳爲寧蠻校尉雍州刺史領

郡十二

府治

〔新安〕

〔汎陽〕

〔安化〕

〔南安〕
義寧郡齊志有領縣五梁當因之

〔筑〕

〔義寧〕

〔汎陽〕

〔武當〕

〔武昌〕

南襄郡齊志有領縣四梁當因之

〔新安〕

〔武昌〕

〔建武〕

〔武平〕

北建武郡齊志有領縣六梁當因之

〔東葭秋〕

〔霸〕

〔北郡〕

〔高羅〕

〔西葭秋〕

〔平邱〕

蔡陽郡齊志有領縣六方輿紀要梁因之

〔樂安〕

〔東蔡陽〕

〔西蔡陽〕

〔新化〕

〔楊子〕

〔新安〕

永安郡齊志有領縣四梁當因之

〔東安樂〕

〔新安〕

〔西安樂〕

〔勞泉〕

安定郡齊志有領縣六通鑑武帝中大通五年十

二月魏荊州刺史賀拔勝遣軍攻馮翊安定沔陽

鄴城皆拔之案此則未拔前梁有安定郡也

〔思歸〕

〔歸化〕

〔皋亭〕

〔新安〕

〔士漢〕

〔士項〕

〔懷化〕

〔編〕

〔遂城〕

〔精陽〕

〔新化〕

〔遂寧〕

〔新陽〕

〔新安〕

〔武寧〕

〔懷寧〕

〔新城〕

〔永寧〕

新陽郡齊志有領縣八梁當因之

〔東平林〕

〔頭章〕

〔新安〕

〔朗城〕

〔新市〕

〔新陽〕

〔武安〕

〔西林〕

義安郡齊志有領縣九梁當因之

〔郊鄉〕

〔東里〕

〔永明〕

〔山都〕

〔義寧〕

〔西里〕

〔義安〕

〔南錫〕

〔義清〕

高安郡齊志有領縣二梁當因之

〔高安〕

〔新集〕

興州本南雍州宋文帝置梁初因之寰宇記引輿地志梁武以興郡為南始平郡復有武功武陽二縣仍屬南雍州是也後改隋志武當梁置興州寰宇記太清元年於梁州齊興郡置興州通鑑陳永定元年初梁興州刺史席固以州降魏是也未沒時領郡三
州治一統志治鄖鄉
齊興郡本始平郡晉僑立宋齊因之梁為南始平

郡寰宇記引輿地志梁武以興郡為南始平郡輿地紀勝引圖經始平郡梁為南始平郡是也隋志武當又僑置始平郡後改為齊興郡宋白曰齊永平七年置梁領縣七

〔鄖鄉〕宋白曰郡治

〔齊興〕宋白曰縣屬

〔武當〕漢舊縣

〔武功〕漢縣名屬扶風沈志引晉太康地志屬始平蓋僑立齊志無此縣蓋省輿地志梁立

南始平郡復有武功武陽二縣復之也後漢書注故城在今鄖縣東四十五里其武陽後

改為武陵入岐州上庸郡

〔始平〕魏縣名寰宇記魏黃初元年建因始平原為名

〔平陽〕魏郡名屬司州沈志江左平陽民流寓立此又漢舊縣名括地志故城即晉州城西

面今平陽故城東面也

〔均陽〕隋志梁置有石鼓村〔梁書武紀普通二年八月丁亥始平郡中石鼓村地自開成

井方六尺六寸深三十二丈〕

廣福郡隋志安福梁置曰廣福併為郡領縣一

〔廣福〕隋志梁置

新興郡方輿紀要東晉置晉昌郡宋末改齊梁因之領縣一

〔吉陽〕方輿紀要東晉置郡治宋齊梁因之

鄖州梁書杜龕傳太清中歸世祖世祖以為鄖州刺史建置未詳

州治及郡縣無考

宛州通鑑武帝天監五年江州刺史王茂將兵數萬侵魏荊州誘魏邊民及諸蠻更立宛州遣所署宛州刺史雷豹狼等襲取魏河南城注更魏荊州為宛州也案魏荊州地形志太和中治穰城領南陽順陽新野東恆農漢廣襄城北清〔清當作清〕恆農等郡在南朝為雍州所統地其東恆農漢廣北清三郡皆元氏分立襄城一郡南朝皆隸寧蠻校尉今依齊志書之領郡可考者四

州治無考

南陽郡沈志秦立隋志陰城梁又立南陽郡元和志南陽梁普通中暫克還入魏隋開皇七年梁王

歸入隋自穰縣移萬州還江陵於穰縣置鄖州寰宇記開皇七年梁祚既絕改為鄖州則後梁尚有

是郡也領縣七

〔宛〕漢舊縣

〔涅陽〕漢舊縣

〔冠軍〕漢舊縣

〔舞陰〕漢舊縣

〔鄖〕漢舊縣

〔雲陽〕漢舊縣

〔許昌〕漢舊縣

〔上陌〕後魏置南史杜稜傳梁元帝承制授上陌縣侯

新野郡沈志晉惠帝分南陽立案郡自晉及齊皆

未嘗廢而梁書武紀齊永元二年高祖於河南立

新野郡以集新附隋志亦云上洪梁置新野郡豈

齊末暫廢梁時復立耶領縣五

〔新野〕漢舊縣

〔池陽〕漢舊名屬馮翊沈志晉僑立屬京兆大

明中土斷又屬此後漢書注在今涇陽縣北

〔穰〕漢舊名有晉城〔梁書武紀普通六年正

月景午晉安王綱司馬董當門破魏晉城〕

馬圈彫陽二城〔同上庚戌又破馬圈彫陽

二城〕

〔交水〕沈志大明元年立

〔惠懷〕

順陽郡沈志魏分南陽立曰南鄉晉武更名梁領

縣六

〔南鄉〕漢舊縣

〔槐里〕漢縣名沈志晉僑立屬始平大明土斷

屬此寰宇記故城在興平縣東南十里

〔清水〕漢縣名沈志晉僑立屬始平大明土斷

屬此

〔丹水〕漢舊縣

〔鄭〕漢舊縣沈志僑立屬京兆後度此元和志

古鄭城在華州鄭縣西北三里

〔順陽〕漢舊縣

弘農郡沈志明帝末立寄治五壘一統志西魏廢

則梁時有是郡矣領縣三

〔邯鄲〕漢縣名屬趙國寰宇記邯鄲故城一名

桓公城在洺州肥鄉縣西北十里

〔圍〕漢縣名屬淮陽後漢書注故城在今陳留

縣東南

〔盧氏〕漢縣名

湘州沈志晉永嘉元年分荊州之長沙衡陽湘東

邵陵零陵營陽建昌江州之桂陽八郡立梁領郡

八其建昌郡入雍州桂陽郡入衡州

州治齊志治長沙

長沙郡秦置梁為王國梁書長沙王懿是也領縣

五

〔臨湘〕漢舊縣有車輪〔梁書元紀承聖二年

賊將吳藏等帥兵據車輪夏四月景申僧辯

軍次車輪通鑑注車輪蓋據湘江之要去長

沙不遠也〕麓山〔陳書歐陽頎傳盧於麓

山寺傍〕西江〔梁書元紀承聖二年二月

庚寅有兩龍見湘州西江〕青草湖〔通鑑

武帝太清三年湘州刺史河東王譽軍於青

草湖〕橘洲〔梁書河東王譽傳鮑泉進軍

於橘洲譽又盡銳攻之不克〕麻溪〔同上

忠壯世子方等傳至麻溪河東王率軍逆戰

方等擊之軍敗遂溺死〕

〔羅〕漢舊縣

〔醴陵〕後漢立梁書江淹傳改封醴陵侯有淶

口〔梁書元紀承聖元年陸納遣將潘烏黑

等攻破衡州刺史丁道貴於淶口道貴走零

陵〕

〔瀏陽〕沈志吳立梁書瀏陽公大雅傳大同九

年封瀏陽縣公

〔建寧〕

湘東郡沈志吳太平二年分長沙東部都尉立輿

地紀勝梁武封子釋為湘東王領縣六

〔臨丞〕沈志吳屬衡陽晉屬湘東有蒸城〔通

鑑敬帝紹泰元年湘州刺史王琳至蒸城注

蓋漢臨丞縣古城也八月辛巳王琳自蒸城

還長沙〕

〔茶陵〕漢舊縣

〔常寧〕本新寧沈志吳立方輿紀要梁改

〔攸〕漢舊縣

〔重安〕方輿紀要漢鍾武縣後漢改梁書柳慶

遠傳封重安侯

〔陰山〕沈志疑是吳立

〔黃楊〕方輿紀要在衡州府西百四十里或以

為蕭梁所置未詳姑附於此

衡陽郡沈志吳太平二年分長沙西部都尉立梁

為王國梁書衡陽王暢是也領縣六

〔衡山〕沈志吳立曰衡陽晉惠帝更名梁為郡

治梁書南平王偉傳子恭天監八年封衡山

縣侯

〔湘西〕沈志吳立梁書曹景宗傳初封湘西縣

侯又席闡文傳又改封湘西有空雲城 空

雲灘〔梁書元紀承聖元年十二月營州刺

史李洪雅自零陵率衆出空雲灘將下討陸

納納遣將吳藏等襲破洪雅洪雅退守空雲

城案梁紀文空雲城與空雲灘必是兩地故

洪雅敗後退守空雲城若是一地則洪雅敗

後即止空雲城退守二字無著也通鑑以空

雲城謂即空雲灘大誤又王僧辯傳作空靈

灘通鑑注空雲蓋空靈之誤也一統志其地

在三門灘晚洲之下鑿石浦之上〕

〔益陽〕漢舊縣梁書楊華傳封益縣侯

〔湘鄉〕後漢置

〔新康〕沈志吳曰新陽晉武太康元年更名

〔湘潭〕元和志梁武天監中分陰山立湘潭縣
記纂淵海梁廢湘南縣置湘潭案湘南縣南
齊已廢當依元和志爲是梁書武紀太清三
年有湘潭侯退南史梁鄱陽王恢子範傳弟
湘潭侯退

零陵郡沈志漢武元鼎六年立梁領縣七

〔泉陵〕漢侯國後漢置縣

〔洮陽〕漢舊縣梁書張弘策傳天監初封洮陽

縣侯

〔零陵〕漢舊縣

〔祁陽〕沈志吳立

〔觀陽〕沈志吳立

〔永昌〕沈志吳立梁書韋叡傳天監二年改封

永昌子

〔應陽〕沈志晉惠分觀陽立

永陽郡隋志永陽置郡通典梁改營陽郡爲永
陽郡輿地紀勝引寰宇記梁天監十四年改永陽
郡亦爲王國梁書永陽嗣王敷是也案郡後置營
州尋省通鑑元帝承聖元年零陵人李洪雅據其
地上即以爲營州刺史注營陽郡漢零陵郡之地
故因置營州領縣五

〔營浦〕漢舊縣

〔永陽〕隋志永陽舊曰營陽梁改名焉輿地廣

記梁改郡縣皆曰永陽

〔冷道〕漢舊縣

〔春陵〕漢舊縣南史鮑泉傳父幾王亮舉爲春

陵令

〔營道〕漢舊縣梁書鄭紹叔傳封營道縣侯又

昌義之傳天監十五年改封營道縣侯
臨賀郡沈志吳分蒼梧立宋明帝改名臨慶齊復
舊梁爲王國梁書武紀中大通四年春正月立臨
川王宏子正德爲臨賀郡王是也領縣八

〔臨賀〕漢舊縣

〔馮乘〕漢舊縣

〔富川〕漢舊縣南史侯安都傳剋平侯景力戰

有功封富川縣子

〔綏越〕梁分富川縣置

〔封陽〕漢舊縣

〔興安〕沈志吳立曰建興晉武太康元年更名

〔謝沐〕漢舊縣梁書武紀天監元年四月以新

除謝沐縣公蕭寶義爲巴陵王南史淳于景

傳侯景平封謝沐縣侯

〔撫寧〕沈志宋未立

樂梁郡方輿紀要梁置梁書簡文帝紀大寶元年
十月立皇子大圓爲樂梁郡王領縣一

〔蕩山〕元和志賀州蕩山蕭梁於此立縣

邵陵郡沈志吳寶鼎元年分零陵北部都尉立輿

地紀勝宋齊梁皆爲邵陵國案梁書邵陵王綸是

也領縣七

〔邵陵〕沈志二漢無吳錄屬邵陵東晉疆域志

卽漢昭陵縣沈志云無誤梁書武紀中大通

四年二月景辰邵陵縣獲白鹿一

〔都梁〕漢舊縣梁書韋叡傳封梁都子疑卽都

梁誤倒也

〔高平〕沈志吳立

〔武強〕本晉武剛縣沈志晉武分都梁立元和

志梁天監元年以太子諱綱改爲武強案天
監元年昭明太子尙在簡文時爲晉安王不
應避諱當是大通三年立晉安王爲太子時
改元和志誤

〔建興〕沈志晉武分邵陵立

〔邵陽〕沈志吳立曰昭陽晉武改

〔扶本〕漢夫夷縣圖經夫夷東晉改名扶縣

衡州隋志含涇梁置衡州梁書武紀天監六年四

月分湘廣二州置衡州又蕭景弟昌傳天監九年

分湘州置衡州以昌爲衡州刺史輿地紀勝引圖

經云梁天監七年分湘州於此置衡州陽山郡寰

宇記古衡州城在崇善鄉界含涇縣西百步梁天

監七年置案梁書蘭欽傳大通元年假欽節督衡

州三郡兵討桂陽陽山始興叛蠻是衡州所統有

三郡後元帝割始興置東衡州領郡二

州治含涇

陽山郡隋志含涇梁置陽山郡通典梁分桂陽縣

爲陽山郡寰宇記梁天監六年分置領縣四

〔含涇〕漢舊縣梁書馬仙琕傳以功封含涇縣

伯

〔桂陽〕漢舊縣元和志梁陳屬陽山郡有小桂

嶺（通鑑敬帝紹泰元年湘州刺史王琳自

小桂北下注據姚思廉陳書小桂嶺名）羅

溪 長樂洞（梁書蘭欽傳會衡州刺史元

慶和爲桂陽人嚴容所圍欽往應援破容羅

溪於是長樂諸洞一時平蕩）

〔廣惠〕元和志梁武分桂陽置案梁武舊唐書

作晉武廣惠隋志作廣德與此互異皆當以

此爲是

〔陽山〕漢舊縣輿地紀勝梁天監六年置陽山郡以縣屬焉

桂陽郡沈志漢高立輿地紀勝宋齊梁皆封子弟爲桂陽王案梁書有桂陽王大成是也又王僧辯傳有郴州刺史裴之橫一統志梁嘗置郴州尋廢領縣五

〔郴〕漢舊縣

〔臨武〕漢舊縣

〔南平〕漢舊縣

〔晉寧〕沈志漢永和元年立曰漢寧吳改陽安

晉太康元年更名

〔汝城〕沈志江左立

弘化郡通鑑武帝天監十四年冬十月甲午弘化太守杜桂舉郡降魏注弘化地闕蓋亦緣邊蠻郡也案郡未詳屬何州姑附於此
縣無考

補梁疆域志卷四

陽湖洪麟孫撰

北梁州地形志蕭衍梁秦二州隋志漢川郡舊置梁州通典梁爲梁州寰宇記梁大同元年使大將蘭欽克梁州復移在南鄭通鑑武帝大同元年北梁州刺史蘭欽引兵攻南鄭注梁以南鄭爲北梁州蓋以欽爲刺史使之圍南鄭也輿地紀勝案梁書云天監三年刺史夏侯道遷以州叛入魏〔案梁書武紀天監三年二月魏陷梁州〕正始四年立爲梁州〔地形志正始初改置〕梁大同元年魏梁州刺史元羅以地入梁復治南鄭承聖元年尉遲迴下蜀地入西魏在梁時領郡三
州治南鄭
漢中郡地形志秦置梁領縣四

〔南鄭〕沈志漢舊縣梁書鄧元起傳梁州長史夏侯道遷以南鄭叛有龍崗山〔輿地紀勝在縣西十里梁天監中龍崗昇此崗〕

〔城固〕沈志作固城

〔沔陽〕沈志漢舊縣有白馬戍〔通鑑武帝天監四年夏侯道遷降魏白馬戍主尹天寶開之引兵擊道遷敗其將龐樹〕

〔西鄉〕沈志蜀立曰南鄉晉武太康二年更名輿地紀勝引輿地廣記晉宋齊梁皆屬漢中郡南史梁吳平侯景傳子勸封西鄉侯

晉昌郡隋志石泉舊置晉昌郡通典石泉齊置晉昌郡寰宇記梁武立晉昌郡治王水口夏侯道遷以梁州入魏移郡於所領長樂縣東陽村領縣九〔長樂〕一統志引晉志桓温平蜀之後以巴漢流人立晉昌郡領長樂等十縣沈志晉昌郡

晉元立宋末省以長樂屬魏興郡梁時復屬

〔安晉〕

〔宣漢〕

〔吉陽〕

〔葭壽〕

〔東關〕

〔新興〕

〔延壽〕

〔安樂〕齊志有元和補志石泉本漢西城縣地

梁天監中置安樂縣未詳孰是

宋熙郡隋志嘉川舊置宋熙郡領縣四

〔宋安〕

〔陽安〕沈志作歸安

〔元壽〕

〔嘉昌〕

南梁州地形志郡縣缺隋志西城郡梁置梁州尋改南梁州寰宇記梁於魏興郡置北梁州〔通鑑武帝普通六年北涼州刺史錫休儒等自魏興侵魏梁州注梁置北涼州於魏興涼當作梁〕尋改南梁州又引梁州記西魏大統元年梁將蘭欽東伐取南鄭其魏興等諸郡還梁梁罷梁州廢帝元年大將軍達武吞併山南東梁州刺史李遷哲降魏魏於魏興置東梁州輿地紀勝引通鑑承聖元年正月西魏將王雄取上津魏興東梁州刺史李遷哲降又云隋志於安康縣注云西魏置東梁州案通鑑魏興在梁已爲東梁州自李遷哲敗東梁州陷沒於魏仍爲東梁州非魏置也惟一統志云梁天監中於魏興郡置梁州亦曰北梁州尋改南

梁州西魏廢帝元年改東梁州則梁時當以南梁州爲是領郡三州治西城

魏興郡沈志魏文帝以漢中遺民在東垂者立梁領縣七

〔西城〕沈志漢舊縣有趙臺山（輿地紀勝引元和志在縣南二里梁代漢水泛溢人皆走此山上）

〔吉陽〕本齊上庸縣地隋志金川梁初曰上廉後曰吉陽

〔旬陽〕沈志前漢有後漢無晉武太康四年復立

〔興晉〕

〔廣昌〕

〔南廣城〕

〔廣城〕南上洛郡沈志雍州南上洛郡注永初郡國何志雍州並有南上洛郡寄治魏興今梁州之上洛是也梁州南上洛郡注晉太康地志分京兆立上洛郡屬司隸永初郡國何志並屬雍州僑寄即此郡也徐志巴民新立徐志已屬梁州矣隋志豐利梁置南上洛郡領縣六

〔上洛〕

〔商〕

〔流民〕齊志誤作流風民二縣

〔北豐陽〕

〔渠陽〕

安康郡沈志宋末分魏興之安康晉昌之寧都立隋志安康齊置安康郡後蕭管改置州領縣二

〔安康〕

〔寧都〕隋志安康舊曰寧都有梁門山（一統志引元和志在漢陰縣東八十里梁將王神念開拓州境梁門爲之門）

南洛州隋志上洛舊置北上洛郡梁改爲南洛州寰宇記宋置北上洛縣梁改爲南洛州領郡一州治上洛

上洛郡方輿紀要宋置北上洛郡齊因之梁置郡領縣一

〔上洛〕方輿紀要梁始置

岐州隋志光遷梁末置岐州寰宇記梁天監末立元和志侯景之亂地入後魏未沒時領郡二

州治寰宇記與郡同理

新城郡隋志光遷舊曰房陵置新城郡方輿紀要魏置晉宋因之齊爲南新城郡梁仍曰新城郡領縣二

〔房陵〕秦舊縣

〔祁鄉〕方輿紀要晉太康中分房陵立祁鄉縣屬新城郡宋曰祁鄉齊梁因之

上庸郡方輿紀要秦上庸地後漢建安末置郡晉宋齊皆因之梁領縣二

〔安城〕隋志竹山梁曰安城

〔武陵〕本武陽齊置寰宇記梁改武陽立新豐縣（隋志上庸梁曰新豐）又改爲武陵縣而方輿紀要云秦上庸縣梁改曰新豐又云武陵漢縣後廢三國魏置屬上庸郡晉宋齊

梁因之則又以新豐武陵判爲二縣未詳孰是今從寰宇記

綏州方輿紀要梁置州治綏陽

郡無考

〔綏陽〕沈志魏置尋改曰穉歸晉太康二年復故屬新城郡宋齊因之

益州沈志漢武分梁州立隋志蜀郡舊置益州寰宇記引周地圖記云梁大寶三年武陵王蕭紀僭號於蜀西魏廢帝二年平蜀二十一州並入於魏在梁時領郡十一

州治齊志鎮成都

蜀郡沈志秦立晉武太康中改成都國後復舊隋志成都舊置蜀郡領縣五

〔成都〕沈志漢舊縣

〔郫〕沈志漢舊縣梁書蕭藻傳藻爲益州時天下草創邊徼未定州民焦僧護聚衆數萬郫繁作亂通鑑武帝天監元年鄧元起留輜重於郫劉季連將李奉伯等開道襲郫陷之軍備盡沒元起捨郫南史侯瑱傳元帝授瑱郫縣侯有蔣橋（通鑑武帝天監元年鄧元起進屯蔣橋去成都二十里一統志在郫縣東寰宇記引益州記云蔣琬宅於此因以名橋）王家園（寰宇記梁天監起居注云十六年連理竹生益州郫縣王家園外連理並

〔牛鞞〕漢舊縣宋改曰鞞齊時復舊

〔繁〕沈志漢舊縣

〔永昌〕沈志孝建二年以僑戶立

懷寧郡沈志秦雍流民晉安帝立通鑑注宋元嘉十六年寄治成都舊置懷寧郡領縣四

〔萬年〕沈志漢舊名

〔西平〕通鑑武帝天監元年十二月鄧元起進屯西平注宋蓋亦寄治成都城外遂爲實土

〔懷道〕

〔始平〕

晉熙郡隋志成都舊置晉熙郡

縣無考

安興郡本宋興郡沈志元嘉十年免建平營立隋志成都舊置宋興郡齊志作安興梁領縣二

〔南漢〕何志晉穆立故屬漢中流寓來配

〔建昌〕何志新立

永寧郡本宋寧郡沈志元嘉十年免吳營僑立隋志成都舊置宋寧郡齊志作永寧梁領縣三

〔欣平〕沈志與郡俱立下同

〔永安〕

〔宜昌〕

廣漢郡沈志漢高六年立隋志雜舊置廣漢郡梁領縣四

〔廣漢〕隋志雜舊曰廣漢

〔什邡〕沈志漢舊縣

〔伍城〕沈志晉武咸寧四年立太康六年省七年又立何志劉氏立隨志玄武舊曰伍城

〔陽泉〕沈志蜀分綿竹立

始康郡沈志關隴流民晉安帝立隋志成都舊又有新都縣梁置始康郡領縣一

〔新都〕漢舊縣齊志郡領康晉談新城三縣案

沈志有始康晉豐縣則此康晉當是上脫始字下脫豐字而誤併爲一縣者今不列

江原郡隋志晉原舊曰江原及置江原郡案本宋

晉原郡沈志蜀李雄分蜀郡爲漢原晉穆帝更名

晉原南齊又改名晉康梁改名江原領縣二

〔江原〕沈志漢舊縣

〔晉樂〕沈志又有徙陽漢嘉二縣案徙陽本漢

徙縣齊志作縱陽誤又漢嘉本漢青衣縣沈

志陽嘉二年更名劉氏立爲漢嘉郡晉江右

猶爲郡江左省爲縣方輿紀要俱云後廢故

不列

寧蜀郡東晉永和分中分巴郡置隋志雙流舊曰廣

都置寧蜀郡領縣三

〔廣都〕漢舊縣

〔升遷〕

〔廣漢〕

汝山郡沈志晉太康地志漢武立地節三年合蜀

郡劉氏又立梁領縣二

〔郡安〕沈志蜀立

〔溲官〕何志魏平獨立

齊基郡隋志清城舊置齊基郡領縣一

〔齊基〕本齊縣屬汝山郡梁置郡縣屬焉

東益州隋志九隴梁置東益州元和志漢繁縣舊

於此置東益州寰宇記梁天監中置領郡一

州治晉壽

南晉壽郡沈志梁州元有晉壽郡元嘉十二年於劍南以僑流立梁領縣三

〔晉壽〕隋志九隴舊曰晉壽案縣宋曰晉壽齊

曰南晉壽今依隋志

〔泉〕齊志有案此當是白水而誤合爲一者

〔南興〕

沙州本北益州一統志梁初置北益州平興郡大

寶初叛廢通鑑元帝承聖二年初楊法琛求爲黎

州刺史武陵王紀以爲沙州刺史注蓋即以平興

爲沙州也領郡一

州治白水

平興郡隋志景谷舊置平興郡領縣一

〔白水〕隋志景谷舊曰白水有魚石洞戍（一

）統志在昭化縣西北梁置大寶初楊乾運攻

楊法琛於平興法琛退保魚石洞即此）東

洛除口二戍 關城（通鑑武帝天監十四

年魏之伐蜀也軍至晉壽蜀人震恐傳豎眼

擊巴北上遣寧州刺史任太洪自陰平開道

入其州招誘氏蜀絕魏運路會魏大軍北還

太洪襲破魏東洛除口二戍聲言梁兵繼至

氏蜀翕然從之太洪進圍關城豎眼遣統軍

姜喜等擊太洪大破之太洪棄關城走還）

楚州隋志巴郡梁置楚州通典渝州梁於此置領

州寰宇記梁太清四年武陵王肅紀於巴郡置領

郡三

州治墊江

巴郡沈志秦立隋志巴縣舊置巴郡領縣一

〔墊江〕漢舊縣有巴水（通鑑簡文帝大寶元

年益州刺史武陵王紀使世子圓照帥兵三萬受湘東王節度圓照軍至巴水）赤水（梁

書鄧元起傳遣將破劉季連將齊晚盛於赤水

東宕渠郡隋志石鏡舊置宕渠郡元和志及通典並云宋置而沈志無之齊志有郡不領縣係四五郡荒殘之數梁領縣一

〔墊江〕隋志石鏡舊曰墊江輿地紀勝南齊屬寧蜀郡梁時不知所隸通鑑天監五年魏邢

櫛入漢中表稱巴西廣袤千里戶逾四萬若於彼立州鎮則從墊江以還不勞征伐是天監時墊江之名尙未改也

涪陵郡隋志涪陵舊置涪陵郡領縣二

〔枳〕隋志巴縣後周廢枳墊江二縣是梁時猶有矣陳書徐世譜傳從弟世休梁世官枳縣侯

〔漢平〕隋志涪陵舊曰漢平

南梁北巴州梁書武紀天監八年夏四月以北巴西郡置南梁州又張齊傳初南鄭沒於魏乃於益州西置南梁州隋志巴西郡梁置南梁北巴州案此蓋雙頭州郡也一統志作南梁通典作北巴皆舉其半寰宇記梁天監中立東梁州則更誤矣領郡六

州治閬中

北巴西郡隋志閬中梁置北巴郡通典同寰宇記梁天監中立案隋志諸書皆云北巴郡今從梁紀加西字領縣三

〔閬中〕沈志漢舊縣

〔漢昌〕沈志永元中立隋志蒼溪舊曰漢昌一統志引寰宇記彰明本昌隆初在清廉鄉梁

大同四年移於讓水

〔胡原〕隋志臨津舊曰胡原寰宇記案舊圖經云梁天監十八年分閬州置胡源縣屬巴西郡

白馬義陽二郡隋志奉國梁置白馬義陽二郡寰宇記梁武立領縣一

〔義陽〕

南部郡寰宇記充國縣梁於此置南部郡輿地紀勝引隋志云南部梁曰南充郡元和志云梁置南部郡一統志案輿地紀勝所引隋志與今本不同今從元和志及寰宇記領縣一

〔南部〕隋志南部舊曰南充國梁曰南部元和

補志梁天監二年改

木蘭郡隋志晉城梁置木蘭郡領縣一

〔西充國〕隋志晉城舊曰西充國

金遷郡元和補志本漢閬中縣地梁置金匱縣又爲金遷郡領縣一

〔金匱〕見元和補志有金遷戍〔寰宇記案四夷縣道記梁於此置金遷戍輿地紀勝又引作元和志〕

掌天郡隋志西水梁置掌天郡有掌天戍〔寰宇記案大同中於今西水縣西北〔輿地紀勝引此無北字〕三十五里置掌天戍〕

郡治不置縣

黎州隋志義城郡後魏立益州世號小益州梁曰黎州南史武陵王紀傳初楊法深〔深通鑑作琛〕求爲黎州刺史不得紀以爲沙州刺史元和志武陵王蕭紀僭號於蜀以席嶷爲黎州刺史嶷反州

屬魏復改黎州爲西益州正始三年改西益州爲利州寰宇記梁大同二年改西益州爲黎州至西魏復曰西益州梁承聖三年又改西益州爲利州案利州之改隋志通典輿地廣記諸書皆謂西魏正始中而寰宇記獨謂梁承聖中恐不足據輿地紀勝梁武以竺嗣爲晉壽太守嗣叛入後魏魏以晉壽爲西益州梁復克之始通劍路改西益州爲黎州元和志云大通六年寰宇記云大同二年改二說不同象之謹案大通六年晉壽尙屬後魏至大同元年始克之不應預於大通六年改魏之州名也當從寰宇記領郡二

州治興安

東晉壽郡隋志縣谷舊置晉壽郡寰宇記齊永泰元年分晉壽郡之興安縣置東晉於烏奴北一里齊志東晉壽郡注右一郡縣邑事亡梁領縣一

〔興安〕隋志縣谷舊曰興安元和志東晉孝武帝分晉壽縣置寰宇記東晉太安十五年分

晉壽縣置

西晉壽郡沈志晉地記云太元十五年梁州刺史周馥表立梁領縣二

〔晉壽〕沈志晉起居注太康元年改梓潼之漢壽曰晉壽

〔晉安〕沈志晉安帝立

華州隋志緜谷梁置華州領郡一

州治無考

華陽郡隋志緜谷舊有華陽郡梁書鄧陽王恢傳世子範爲益州刺史開通劍道剋復華陽領縣二

〔興樂〕

〔華陽〕宋置有石亭戍（一統志案魏書正始二年邢辯取漢中諸城戍梁晉壽太守王景胤屯據石亭通鑑注引水經注漢水又西逕石亭戍）

巴州隋志清化郡舊置巴州通鑑元帝承聖三年注引五代志清化郡化成縣梁置歸化郡及巴州領郡十三州治梁廣

歸化郡隋志成梁置歸化郡通典同寰宇記引四夷縣道記云李壽時為獠所據宋末於巴嶺南置歸化郡則非梁置也領縣二

〔梁廣〕隋志成梁曰梁廣一統志本後漢漢昌縣梁普通六年於梁大溪西三里置梁大縣屬大谷郡（本寰宇記案縣依隋志當屬歸化）案梁大隋志作梁廣蓋避隋諱也（案此說誤蓋避隋諱當云梁廣隋志作梁大於義乃合今隋志正作梁廣是不避諱也）

〔會口〕隋志梁置輿地紀勝引元和志云梁普通六年於歸化郡置會口縣寰宇記以會口谷為名

哀戎郡寰宇記本漢葭萌縣地梁普通六年於巴州東三十里置哀戎郡以界內哀戎水為名領縣一

〔奇章〕隋志作其章梁置馮集梧元豐九域志校勘云案因學紀聞隋牛弘封奇章公奇章巴州之縣梁普通六年置取縣東八里奇章山為名隋唐志通典九域志輿地廣記皆云其章誤也續通典作奇章（案輿地紀勝引

元和志亦作奇章）

遂寧郡隋志始寧梁置遂寧郡寰宇記本漢宕渠縣地梁普通六年於其章縣東南十五里置遂寧郡領縣二

〔始寧〕隋志梁置寰宇記於郡理置因山為名〔平川〕隋志歸仁梁置曰平州（當是川字之誤）寰宇記梁普通六年於會口縣東八十里置平川縣屬遂寧郡因縣界平川水為名

義陽郡輿地紀勝引元和志云本漢閬中縣地梁普通六年分閬中置義陽郡及義陽縣屬巴州（寰宇記同）一統志引寰宇記因界內山為名縣同領縣一

〔義陽〕隋志恩陽梁置曰義陽木門郡隋志清化梁置木門郡寰宇記清化梁普通六年於縣北二十里置木門郡因山為名領縣二

〔伏疆〕隋志清化梁置曰伏疆寰宇記又於郡置伏疆縣因山為名

〔池川〕寰宇記梁大通六年置屬木門郡

〔符陽〕元和補志案縣本梁置然不言屬何郡姑附於此
北水郡寰宇記宋末於清化縣西南十里置北水郡梁領縣一
〔難江〕隋志盤道梁置曰難江寰宇記梁普通六年於北水郡置難江縣因難江水為名
伏虞郡隋志伏虞梁置伏虞郡輿地紀勝引元和志在大同元年寰宇記屬巴州領縣二
〔伏虞〕梁大同元年置

〔安固〕隋志梁置輿地紀勝引元和志梁大同元年分置寰宇記取安靖永固為名屬伏虞郡

景陽郡隋志宕渠梁置境陽郡通典梁置景陽郡自後境皆作景寰宇記梁太清元年置領縣二

〔宕渠〕隋志梁置寰宇記梁太清元年置因縣界山為名

〔綏安〕隋志成安梁置曰綏安輿地紀勝引寰宇記梁大同中置屬景陽郡

隆城郡隋志儀隴梁置隆城郡通典作崇城寰宇記梁天監元年置因隆城山為名領縣二

〔儀隴〕隋志梁置輿地紀勝引元和志梁天監元年置以山名儀隴故也寰宇記作儀隆

〔大寅〕隋志梁置輿地紀勝引元和志梁天監元年分置輿地廣記屬隆城郡寰宇記取邑西大寅山為名屬蓬州

義安郡寰宇記梁大同中於伏虞縣東三十里分置宜漢縣屬義安郡領縣一

〔宜漢〕隋志伏虞梁置曰宜漢輿地紀勝引元和志梁大同中置

宕渠郡隋志南充舊置宕渠郡領縣一

〔安漢〕隋志南充舊曰安漢輿地紀勝引元和志梁置安漢縣屬北宕渠郡疑誤

新興郡隋志漢初梁置新興郡寰宇記梁大同中置領縣一

〔漢初〕齊置屬宕渠獠郡梁改屬梓潼郡隋志相如梁置梓潼郡元和補志天監六年立領縣一

〔相如〕隋志梁置寰宇記梁天監六年置元和補志本漢安漢縣地梁武天監六年以縣南二十里有司馬相如故宅遂置縣

〔朗池〕寰宇記本漢宕渠縣地梁大同中於此置縣然不言屬何郡姑附於此

東巴州寰宇記梁武帝大同中立以領安寧等三郡

州治寰宇記在木馬案木馬地名在今洋州界無復遺址

安寧郡寰宇記大同中於巴嶺側立

縣無考

敬水郡寰宇記大同中於巴嶺側立

縣無考

平南郡寰宇記大同中於巴嶺側立

縣無考

渠州隋志宕渠郡梁置渠州通典梁置梁州疑本作渠州刻本誤也太平御覽引輿地志云梁大通三年置渠州寰宇記大同三年於北宕渠郡理置渠州案輿地紀勝云元和志在大通三年寰宇記及續通典並在大同三年未詳孰是領郡一

州治無考

北宕渠郡寰宇記梁普通三年又於漢宕渠縣西南七十里置北宕渠郡即今渠州理是也領縣二

〔始安〕隋志寰宇曰始安寰宇記渠江縣北十二里有古廢寰宇曰始安城梁普通三年於此置始安縣取古始安城為名屬北

宕渠郡

〔流江〕寰宇記梁置

鄰州隋志鄰水梁置鄰州通典輿地廣記作隣下鄰水同寰宇記漢宕渠縣地自晉至齊地並為夷獠所據梁大同三年於此置鄰州領縣一

州治鄰水不置郡

〔鄰水〕隋志梁置輿地紀勝引元和志梁大同三年置鄰山縣舊唐志云梁置鄰山縣隋末縣廢不言其置州郡於此邑也寰宇記云梁

大同三年置鄰州及鄰山縣後魏廢帝改為鄰山郡與舊唐志不同象之謹案隋志有鄰水縣而無鄰山縣止於鄰水縣下注云梁置

鄰水縣并置鄰州後魏改鄰山郡開皇初郡廢其於鄰州鄰山郡之廢置盡係之於鄰水

一邑於鄰山初無干預則鄰山乃鄰州之別邑明甚又續通典云梁大同三年置鄰水縣

屬鄰山郡寄理州城案此則似梁有鄰山郡矣與隋志寰宇記所云後魏改者不合宜誤

戎州隋志隄為郡梁置戎州元和志本漢熒道縣也李雄竊據此地空廢梁武大同十年使先鐵討

定夷獠乃立戎州即以鐵為刺史寰宇記梁置戎州以鎮撫戎夷也領郡一

州治熒道

六同郡隋志南溪梁置六同郡寰宇記梁大同十年於熒道縣置六同郡以六合所同為名領縣二

〔棘道〕沈志漢舊縣寰宇記故為熒道〔漢置縣有夷狄曰道〕梁武因加縣字而立郡于此

〔南廣〕隋志南溪梁置曰南廣元和志本漢南廣縣地梁于此立南廣縣屬戎州

信州梁書武紀普通四年六月乙丑分益州置信州隋志巴東郡梁置信州寰宇記梁大同三年于郡理立信州今從梁紀領郡三

州治周書蠻傳信州舊治白帝

巴東郡隋志人復舊置巴東郡領縣七

〔魚復〕隋志人復舊曰魚復南史徐世譜傳侯景之亂以軍功封魚復縣侯有白帝城〔通鑑簡文帝大寶元年武陵王紀世子圓照軍至巴水釋授以信州刺史令屯白帝未許東

下〕西峽口〔同上武帝太清三年信州刺史桂陽王憺軍于西峽口〕瞿唐峽 淫預

石〔南史庾域子與傳天監三年父出守巴西遷寧蜀子與隨父于路父卒奉喪還鄉秋

水猶壯巴東有淫預石高出二十許丈及秋至則纔如見焉次有瞿塘大灘行旅忌之部

伍至此石猶不見子與撫心長叫其夜五更水忽退減安流南下及度水復舊行人為之

語曰淫預如樸本不通瞿塘水退為庾公李肇國史補梁簡文帝淫預歌淫預大如樸瞿

唐不可觸

〔陽口〕寰宇記梁置陽口縣蓋在州西澗水口

〔胸忍〕隋志雲安舊曰胸忍

〔南浦〕梁書武紀太清二年十一月辛酉賊攻陷東府城害南浦侯蕭推

〔漢豐〕隋志盛山梁曰漢豐

〔巴渠〕

〔新浦〕梁書蕭子雲傳齊建武四年封新浦縣

侯

信陵郡隋志巴東梁置信陵郡元和補志歸鄉梁置信陵郡領縣一

〔歸鄉〕隋志巴東舊曰歸鄉方輿紀要東晉置屬建平郡宋齊因之梁置郡

建平郡隋志巫山舊置建平郡梁為王國梁書建平王大球是也領縣三

〔巫〕

〔秦昌〕

〔北井〕

新州隋志新城郡梁末置新州元和志梁武陵王蕭紀于新城郡置新州領郡七

州治北伍城

新城郡何志新分廣漢立梁書郡陽王恢傳成都去新城五百里領縣五

〔北伍城〕隋志鄴舊曰伍城

〔下辨〕

〔略陽〕

〔漢陽〕南史胡穎傳梁承聖初封漢陽縣侯

〔安定〕

始平郡隋志涪城舊置始平郡領縣一

〔涪城〕

西宕渠郡隋志通泉舊置西宕渠郡寰宇記梁天監中廢未知是否領縣一

〔通泉〕

北宕渠郡元和志鹽亭梁於此置北宕渠郡及縣寰宇記本漢廣漢縣地梁于此置北宕渠郡案梁有南北宕渠郡一于漢宕渠縣地置屬渠州者也一于漢廣漢縣地置屬新州者也領縣二

〔北宕渠〕見元和志

〔鹽亭〕寰宇記引周地記梁大同元年于鹽井

亭置縣因井為名

東遂寧郡隋志方義梁置東遂寧郡領縣四

〔小溪〕隋志方義梁曰小溪

〔巴興〕隋志長江舊曰巴興

〔晉興〕隋志青石舊曰晉興

〔德陽〕

西遂寧郡隋志雜舊又有西遂寧郡寰宇記宋泰始五年刺史劉亮表分遂寧為東西二郡

縣無考

普慈郡舊唐志晉李雄亂後為獠所據梁招撫之

置普慈郡寰宇記普州梁置普慈郡于此普通中

益州刺史臨汝侯賜羣獠金券鏤書其文云今為

汝置普慈郡可率屬子弟奉官租以時輸送

郡治不置縣

青州隋志通義舊置青州元和志嘉州梁武陵王

蕭紀開通外徹立青州遙取漢青衣縣以為名也

又眉州梁太清二年武陵王立青州又玉津蕭紀

置青州之地寰宇記眉州梁普通中于此置青州

義取青城山為稱校勘記案今眉州圖經云梁太

清三年武陵王蕭紀立青州其年與元和志合今

記曰普通中未知何據領郡一

州治齊通

齊通郡齊志齊通左郡建武三年置梁去左字隋

志通義舊置齊通郡通典梁置齊通郡寰宇記梁

普通中置校勘記案今眉州圖經云齊建武三年

置齊通郡今記以為梁置郡蓋據通典而言然郡

縣如安漢魏興之類皆係當時國號則齊通恐亦類此案此則郡為齊置而梁因之也領縣一

〔齊通〕一統志梁置

江州隋志隆山舊置江州南史武陵王紀傳有所

署江州刺史王開業領郡一

州治江陽

江陽郡沈志劉璋分犍為立中失本土寄治武陽

舊唐志晉于犍為郡置西江陽郡梁領縣四

〔江陽〕沈志漢舊縣一統志漢縣在今瀘州界

晉宋時僑置于此

〔犍為〕隋志隆山舊曰犍為一統志梁改武陽

曰犍為案元和志又有犍為故城在彭山縣

西北五里謂即漢犍為郡今考漢郡即武陽

在縣東北疑此乃梁時所置縣

〔漢安〕一統志案後漢所置漢安縣在今瀘州

江安縣東大江之南元和志謂內江即後漢

漢安縣水經注亦有牛鞞水逕漢安之文疑

後周之前已嘗僑置漢安縣但非後漢故縣

耳

〔綿水〕

瀘州隋志瀘川郡梁置瀘州元和志梁大通初割

江陽郡置寰宇記梁大同中置遠取瀘川為名案

二書年分不同未詳孰是領郡三

州治江陽

東江陽郡沈志新復隋志瀘川舊置江陽郡一統

志引華陽國志江陽本犍為枝江都尉建安十八

年劉璋置郡晉安帝時失土僑置江陽郡於武陽

縣界宋時始復舊土為東江陽郡梁領縣三

〔江陽〕隋志瀘川舊曰江陽有安樂戍（元和志合江晉穆置安樂縣梁改置安樂戍寰宇記於安樂溪置）

〔漢安〕隋志江安舊曰漢安

〔緜水〕隋志梁置

懷仁郡隋志仁壽梁置懷仁郡寰宇記同郡治不置縣

席郡寰宇記籍縣梁天監中於此立席郡舊唐志籍本梁席郡一名漢陽戍漢縣竹縣地

縣無考

邛州元和志秦蜀郡地宋及齊梁不置郡縣唯豪家能服獠者名為保主總尉益州梁益州刺史蕭範於蒲水口立柵為城以備生獠名為蒲口頓武陵王蕭紀於蒲口頓改置邛州南接邛來山因以為名寰宇記梁置蒲口鎮及邛州一統志引舊唐志依政秦蒲陽縣梁置邛州于蒲陽惟隋志云依政西魏置邛州與諸說不合

州治不置郡縣元和志梁置邛州領依政縣又依政縣後魏于此置依政縣前後必有一誤案隋志依政西魏置舊唐志云不領縣寰宇記亦云未為郡縣元和志前說誤也有蒲口鎮（見寰宇記）

西潼二州寰宇記梁武陵王蕭紀僧號於二郡置西潼二州校勘記案南史本傳紀僧號於蜀以巴西梓潼二郡太守永豐侯為征西大將軍則二郡上疑有巴西梓潼字又云置西潼二州豈增置西潼州為二州乎然無所考案此蓋雙頭州郡也南史武陵王紀傳初楊乾運求為梁州刺史不得紀以為潼州刺史通鑑簡文帝大寶元年武陵王

紀遣潼州刺史楊乾運討楊法琛注引元和志梓潼郡梁置潼州一統志梁置潼州皆舉其半領郡

州治涪

巴西梓潼二郡隋志巴西舊置巴西郡梁書張齊傳天監十四年遷巴西梓潼二郡太守又庾域傳天監初出為巴西梓潼二郡太守領縣六

〔涪〕沈志漢舊縣隋志巴西舊曰涪梁書鄧元起傳有涪令李膺是也有東門 西門（元和志梁天監中張齊為太守更造樓櫓卻敵有東西門東門久塞富樂山氣所衝門開則喪亂）涪水（通鑑元帝承聖二年五月甲戌尉遲迥至涪水）

〔梓潼〕沈志漢舊縣

〔屏亭〕隋志萬安舊曰屏亭寰宇記羅江梁置萬安郡又云後魏恭帝元年又于此置萬安郡前後必有一誤以隋志考之云梁置郡者誤

〔益昌〕隋志金山舊置益昌縣

〔晉興〕隋志金山舊置晉興縣

〔平州〕隋志神泉舊曰西充國寰宇記神泉梁武陵王改為平州

晉熙郡隋志緜竹舊置晉熙郡一統志晉隆安二年分置晉熙郡宋因之齊永元初廢梁復置領縣三

〔晉熙〕一統志東晉置郡治齊廢郡縣屬南新巴郡梁復

〔葭陽〕隋志緜竹舊置長楊南武郡二縣一統

志本漢縣竹縣地晉安帝置葭陽縣屬晉熙郡齊廢後復

〔南武郡〕見隋志

南陰平郡沈志永嘉流寓來屬寄治葭陽隋志雜縣舊又有南陰平郡領縣二

〔陰平〕方輿紀要梁天監十四年魏人伐蜀詔任太洪自陰平入魏晉壽十五年將軍王光昭與魏戰于陰平敗還即此陰平也又大寶末蕭紀將楊乾運攻叛氏楊法琛拔劍關進據南陰平對古陰平而言因謂此為南陰平耳

〔緜竹〕沈志漢舊縣方輿紀要梁天監十三年魏人謀取蜀分遣其將奚康生出緜竹即此也案齊志又有南鄭南長樂二縣梁時因革無考

北陰平郡隋志陰平宋置北陰平郡一統志晉永嘉後陰平沒于氏仍于梁益二州僑置南北二陰平郡共有四陰平此則梁州之北陰平也梁領縣一

〔陰平〕一統志仍置縣為郡治宋齊因之梁亦如是

新巴郡本南新巴郡沈志起居注新巴民流寓元嘉十二於劍南立南新巴郡齊志永元志寄治陰平梁領縣一

〔新巴〕何志晉安帝立梁書鄧元起傳遣將破劉季連將李奉伯于新巴

繩州隋志汶山舊曰廣陽梁改為北部都尉置繩州北部郡寰宇記梁普通三年置取桃關之路以

繩爲橋因作州稱又元和志梁太清中武陵王蕭紀于蠶陵舊縣置龍鐵州尋廢此領郡二

州治廣陽

北部郡見隋志領縣一

〔廣陽〕見隋志

汶山郡元和志梁于汶川縣置汶山郡領縣一

〔汶川〕元和志梁置因縣西汶水爲名

萬州隋志通川郡梁置萬州通典同寰宇記梁大同二年于宜漢縣置萬州以州界內有地萬餘頃因以數名之領開巴新寧(案新寧當作新安新寧乃魏改梁新安名非梁置也)寧巴壽陽巴中五郡南史武陵王紀傳有元帝遣萬州刺史宋筮是也今領郡七

州治石城

東關郡隋志通川梁置東關郡通典同領縣四

〔石城〕隋志通川梁曰石城

〔東鄉〕南史梁吳平侯子勛封東鄉侯

〔石鼓〕元和補志本漢宜漢縣地梁分置石鼓縣一統志引寰宇記在州東六十里以縣東

五十里江次有大石號爲石鼓而名

〔巴渠〕一統志案宋齊志巴渠郡皆領巴渠縣

寰宇記謂梁大同中置誤

關巴郡見上寰宇記

縣無考

新安郡寰宇記兩漢宜漢縣地梁大同二年于此

置新安郡領縣二

〔三岡〕隋志梁置屬新安郡寰宇記梁置新安郡兼置三岡縣因邑界山有三隴爲名

〔新安〕寰宇記案四夷述云梁于今東鄉縣西界置新安縣不詳理所

寧巴郡見上寰宇記

縣無考

壽陽郡見上寰宇記

縣無考

巴中郡見上寰宇記

縣無考

萬榮郡隋志永穆梁有萬榮郡寰宇記梁大同中分宜漢縣置萬榮郡于此兼立永康縣以屬焉與地廣記作南榮領縣二

〔永康〕隋志永穆梁置曰永康

〔下蒲〕宋置

并州一統志案隋志寰宇記皆云西魏置并州而周書李遷哲傳梁時已有此州知爲梁末所置領

郡三

州治東關

南晉郡寰宇記後魏廢帝二年于梁所置南晉郡

西百步置并州梁郡領縣一

〔東關〕

臨江郡隋志臨江梁置臨江郡寰宇記梁大同六年立臨江郡以郡城臨于江也領縣一

〔臨江〕寰宇記本漢臨江縣地自漢至梁皆爲

臨江縣不改

萬川郡謝啓昆西魏書地域考云梁置

縣無考

安州隋志普安郡梁置南梁州後改爲安州元和志梁武陵王紀改南安郡立安州寰宇記梁天監

中立南梁州以在梁州南也梁末改爲安州輿地紀勝案後周書魏廢帝二年平蜀改置州郡改南

梁州曰隆州改安州曰始州則南梁州與安州自

是兩處方西魏改置州郡之時同是年月而同改

南梁州及始州(案始字當作安字)使南梁州

在武陵王紀之時既改爲安州不應至西魏復有

南梁州可改爲安州也蓋南梁州置于梁武之天

監(在今四川保寧府閬中縣西)而武陵王紀

在蜀又分南梁州爲安州(今四川保寧府劍州

治諸云南梁州者蓋南梁州地也元和志所云爲

得其實)故南梁自爲隆州而安州自爲始州庶

不相牴牾耳領郡二

州治南安

南安郡元和志武陵王紀改南安郡爲安州則武

陵未僭號以前有是郡矣領縣四

〔南安〕隋志普安舊曰南安梁書張齊傳天監

四年齊進戍南安通鑑武帝天監四年魯方

達戍南安有寒冢戍(梁書張齊傳天監七

年秋使齊置大劍寒冢二戍)大劍戍小

劍戍(通鑑武帝天監十五年秋七月張齊

軍大敗走還小劍大劍諸戍皆棄城走元和

志梁于普安縣(即南安)東北四十八里置

大劍戍深杭戍(通鑑武帝天監四年魏擊

漢中諸城戍巴西亦附于魏冠軍將軍孔陵

等將兵二萬戍深杭)劍閣(同上天監十

三年十月魏高肇寇益州命撫軍甄琛出劍

閣(石門)同上天監四年任僧襲等戍石同

以拒魏魏將王足擊破之遂入劍閣克梓潼

注或曰石同當作石門又簡文帝大寶□年

正月楊乾運攻拔劍閣楊法昌退保石門

〔梁安〕寰宇記引周地圖梁置安縣屬南梁

州〔案即安州〕

〔白水〕隋志永歸舊曰白水

〔華陽〕隋志黃安舊曰華陽

輔劍郡隋志武連舊置輔劍郡領縣一

〔武功〕隋志武連舊曰武功有治山〔寰宇記

引周地圖武連縣南有治山縣人張逸背梁

附後魏與梁將楊乾運戰于此山下乾運大

敗死者千人〕龍鬚山〔一統志引舊志梁

普通六年益州刺史蕭淵猷遣將樊文熾等

圍魏小劍置柵龍鬚山上以防歸路即此〕

嶺州南史大同三年武陵王紀爲益州刺史紀在

蜀開建寧越嶲嘗置嶺州尋復陷沒

州治及郡縣無考

寧州南史徐文盛傳梁大同末爲寧州刺史州在

僻遠羣蠻劫竊相尋前後刺史莫能制文盛推心

撫慰夷人感之風俗遂改一統志大寶後荒廢爲

蠻蠻所據

州志及郡縣見齊志今不列

補遺

丹陽尹建康縣有果林五城〔陳書武紀梁大寶

三年賊恐西州路斷于東北果林作五城以遏大

路盪主戴晃曹宣等攻拔果林一城衆軍又剋其

四城〕石頭西門〔同上程靈洗傳高祖誅王僧

辯靈洗率所領來援其徒力戰于石頭西門軍不

利〕石頭北門〔同上武紀梁大寶三年侯景儀

同盧輝略開石頭北門來降〕象闕〔同上太平

元年九月丁未王彭稱今月五日平旦于御路見

龍跡自大社至象闕互三四里〕公車府〔通鑑

武帝太清二年侯景據公車府注在臺城門外〕

冶亭〔南史江淹傳嘗宿于冶亭夢郭璞謂淹曰

吾有筆在卿處多年可見還淹乃探懷中得五色

筆以授之爾後爲詩絕無美句時人謂之才盡〕

征虜亭〔南史陸杲傳子暉大同七年以母老求

去公卿以下祖道于征虜亭〕梅崗〔陳書武紀

梁紹泰二年三月自去冬至是甘露頻降于鍾山

梅崗南潤及京口江寧縣境〕南潤〔見上〕後

湖〔同上孔奐傳齊遣將來寇軍至後湖都邑騷

擾〕蟹浦〔同上留異傳梁代爲蟹浦戍主〕

吳郡吳縣有西昌門〔陳書裴忌傳高祖誅王僧

辯僧辯弟僧智舉兵據吳郡高祖遣黃他率衆攻

之僧智出兵于西昌門拒戰〕

附錄

封氏縣〔南史陸子隆傳父俊梁封氏令案縣未

詳建置之由及所屬州郡姑附于此以俟考下二

縣同〕安山縣〔陳書樊猛傳以擒武陵王紀功

封安山縣伯〕永化縣〔同上熊曇朗傳紹泰三

年封永化縣侯〕利亭〔南史張纘傳梁初封利

亭侯〕安東亭〔陳書王冲傳梁大同三年以帝

甥賜爵安東亭侯〕武陽亭〔同上王通傳梁世

以帝甥封武陽亭侯〕甲口亭〔同上王質傳梁

世以武帝甥封甲口亭侯〕莫口亭〔同上王固

傳以梁武帝甥封莫口亭侯〕上牢〔陳書周文

育傳余孝頃有舩艦三百艘艦百餘乘在上牢〕

關頭〔梁書蕭子範傳子確賊平後赴江陵因沒

關頭〕白崖山〔陳書侯瑱傳蜀賊張文萼據白

崖山〕繇水〔梁書忠壯世子方等傳高祖欲見

諸王長子世祖遣方等入侍方等欣然升舟行至

繇水值侯景亂世祖召之〕沙洲〔南史梁武陵

王紀子圓正傳紀既死埋于沙洲不封無榭〕窮

洲〔同上魚弘傳爲湘東王鎮西司馬述職西上

道中乏食于窮洲之上捕得數百獼猴膊以爲脯

以供酒食〕金井〔梁書張齊傳天監十年巴西

郡人姚景和聚合蠻蛋抄斷江路攻破金井齊討

景和于平昌破之〕

吾師芝齡夫子淵源家學少孤自勵年逾二十卽有志於著述茲補梁疆域志四卷皆道光乙酉丙戌所脫藁者也以無力付梓藏之篋衍者十年今歲夏五李大令申耆先生爲之正定付剞劂氏焯等實預校讎之役閱八月工竣因邀同學諸子釀資刷印以廣流傳昔昌黎文出俟李漢以成編廬陵集成命蘇軾而作序焯等從學有年自慚才識譾昧未獲上企薪傳以述著書之緣起祇因讎書之役得列名簡末幸矣若師所著尙有戰國地名備考駢體文古近體詩等若干卷所當先後校刊以公諸同志也時道光乙未十二月受業王焯劉榘費揚等謹跋

陳諸王世表 清萬斯同撰

始興

〔一世〕道談 高祖兄追封子頊嗣

〔二世〕頊 留西魏未還高祖遙封後文帝以

己子伯茂奉道談祀徒頊安成

〔三世〕伯茂 仕至開府儀同三司東揚州刺

史爲宣帝所殺以己子叔陵奉祀

〔四世〕叔陵 仕至侍中中軍大將軍謀逆伏

誅以其弟叔重奉祀

叔重 仕至江州刺史降隋爲大府少

卿

南康

〔一世〕休光 高帝弟追封子曇朗嗣

〔二世〕曇朗 質北齊被殺子方泰嗣

〔三世〕方泰 爲寧遠將軍散騎常侍有罪削

爵尋復爵位遷侍中降隋爲掖令

右二王並宗室

衡陽

〔始封〕昌 高帝時留西魏未還文帝立還未

至都遇害高祖遂無後文帝以己子

伯信奉祀

〔二世〕伯信 仕至西衡州刺史隋師至爲衡

州刺史王勇所殺

右一王高祖子

鄱陽

〔始封〕伯山 仕至鎮衛大將軍開府儀同三

司

新安

〔始封〕伯固 仕至揚州刺史謀逆伏誅

晉安

〔始封〕伯恭 仕至尙書僕射右光祿大夫降

隋爲太常卿

廬陵

〔始封〕伯仁 仕至中領軍侍中國子祭酒降

隋爲長安令

江夏

〔始封〕伯義 仕至侍中金紫光祿大夫降隋

卒

武陵

〔始封〕伯禮 仕至吳興太守雲旂將軍降隋

爲臨洮太守

永陽

〔始封〕伯智 仕至尙書左僕射侍中特進降

隋爲國子司業

桂陽

〔始封〕伯謀 仕至吳興太守散騎常侍子鄴

嗣

〔二世〕鄴 降隋爲番禾令

右八王並文帝子 文帝十三子長廢帝伯

宗第二伯茂出繼始興第七伯信出繼衡陽

餘未封早卒

豫章

〔始封〕叔英 仕至驃騎大將軍開府儀同三

司兼司徒降隋爲涪陵太守

長沙

〔始封〕叔堅 仕至開府儀同三司中軍大將

軍降隋爲遂寧太守

建安

〔始封〕叔卿 仕至侍中中書監降隋爲上黨

通守

宜都

〔始封〕叔明 仕至侍中安右將軍降隋爲鴻

臚少卿

河東

〔始封〕叔獻 仕至南徐州刺史子孝寬嗣

〔二世〕孝寬 降隋爲汶城令

新蔡

〔始封〕叔齊 仕至侍中國子祭酒降隋爲主

客郎

晉熙

〔始封〕叔文 仕至侍中宣毅將軍降隋爲宜

州刺史

淮南

尋陽 (始封) 叔彪 仕至侍中仁威將軍降隋卒

(始封) 叔儼 仕至侍中仁武將軍降隋卒

岳陽 (始封) 叔慎 仕至湘州刺史隋師至堅守不

下被殺

義陽

(始封) 叔達 仕至丹陽尹降隋為絳郡通守 仕唐為宰相

巴山

(始封) 叔雄 降隋卒

武昌

(始封) 叔虞 仕至壯武將軍降隋為高苑令

湘東

(始封) 叔平 降隋為胡蘇令

臨賀

(始封) 叔敖 仕至仁武將軍降隋為儀同三

陽山

(始封) 叔宣 降隋為涇城令

西陽

(始封) 叔穆 降隋卒

南安

(始封) 叔儉 同上

南郡

(始封) 叔澄 降隋為靈武令

沅陵

(始封) 叔興 降隋為給事郎

岳山

(始封) 叔詔 仕至丹陽尹降隋卒

新興

(始封) 叔純 降隋為河北令

巴東

(始封) 叔謨 降隋為峽陽令

臨海

(始封) 叔顯 降隋為鶉觚令

新會

(始封) 叔坦 降隋為涉令

新寧

(始封) 叔隆 降隋卒

新昌

(始封) 叔榮 降隋為內黃令

太原

(始封) 叔匡 降隋為壽光令

右二十八王並宣帝子 宣帝四十二子長

後主叔寶第二叔陵第十四叔重皆出繼始

興餘未封早卒

吳興

(始封) 胤 初立為太子後廢為王降隋卒

南平

(始封) 嶷 仕至鄂州刺史降隋卒

永嘉

(始封) 彥 仕至江州刺史降隋為襄武令

南海

(始封) 虔 仕至南徐州刺史降隋為涿令

信義

(始封) 祇 仕至智武將軍琅邪彭城二郡太守降隋為通議郎

邵陵

(始封) 兢 仕至仁武將軍降隋為國子監丞

會稽

(始封) 莊 仕至揚州刺史降隋為武昌令

東陽

(始封) 恮 降隋為通議郎

吳郡

(始封) 藩 降隋為任城令

錢塘

(始封) 恬 降隋卒

右十王並後主子 後主二十二子第四深

立為太子餘未封國亡

附先代後

江陰

(始封) 蕭方智 即梁末帝在位二年被弒諡

敬皇帝

(二世) 季卿 武林侯諡子在位十四年坐罪

廢

(三世) 彞

陳將相大臣年表 清萬斯同撰

高祖永定元年戊寅 十月陳霸先

即位齊顯祖天保八年周閔帝明
帝元年

〔太傅〕

〔太尉〕

〔司徒〕

〔司空〕

〔開府儀同三司〕王冲 十月加

左光祿大夫

侯瑱 領車騎將軍

周文育 十月戰敗沒于王琳

侯安都 同上

〔尚書令〕

〔左僕射〕

〔右僕射〕 (或止置僕射一人)

〔僕射〕王通 兼侍中

〔吏部尚書〕

〔中書監〕

〔中書令〕沈衆

〔侍中〕臨川王蒨 加安東將軍

陸繕

〔領軍將軍〕徐度 十二月命

〔護軍將軍〕 (資淺者爲中領

軍中護軍)

〔揚州刺史〕

二年己卯 三月王琳立梁永嘉王

蕭莊于郢州

〔司空〕侯瑱 正月拜仍兼車騎

將軍六月出討王琳

〔開府儀同三司〕冲 正月領太

子少傅

文育 八月逃歸復位十月出

討余孝勳

安都 八月逃歸復位

周迪 八月江州刺史加

黃法氈 十月高州刺史加

熊曇朗 十二月北江州刺史

加

〔僕射〕通

〔吏部尚書〕謝哲 出爲晉陵太

守

〔中書令〕衆 七月兼起部尚書

尋賜死

〔侍中〕蒨 出城南皖

繕 遷新安太守

袁樞 掌大選

〔領軍將軍〕度 六月出討王琳

〔中領軍〕杜稜 兼侍中右衛將

軍

〔護軍將軍〕徐世譜 正月命

三年庚辰 六月帝殂兄子臨川王

蒨即位周武成元年

〔司空〕瑱 七月遷太尉

侯安都 七月拜出爲徐州刺

史

〔開府儀同三司〕冲

文育 五月爲熊曇朗所殺

安都 七月拜司空

迪

法氈

曇朗 五月反

歐陽頎 正月廣州刺史加

淳于量 正月桂州刺史加

徐度 七月中撫軍將軍加

〔僕射〕通

〔中書令〕謝哲 遷太子詹事

〔侍中〕蒨 六月入卽帝位

樞 遷都官掌選

到仲舉 參選

沈君理

〔中領軍〕稜 七月進領軍將軍

〔護軍將軍〕世譜

文帝天嘉元年辛巳 二月侯瑱等

大破王琳軍琳及蕭莊奔齊五月

滅熊曇朗齊昭帝皇建元年

〔太尉〕瑱 二月出鎮盩厔城

〔司空〕安都

〔開府儀同三司〕冲

迪

法氈

頎

量

度 出爲吳郡太守

〔僕射〕通

〔吏部尚書〕袁樞 守

〔中書令〕王勣 加侍中

〔侍中〕仲舉 守都官

濟 遷太府卿

周弘正 領國子祭酒

〔領軍將軍〕稜 出爲晉陵太守

〔中領軍〕孫瑒 未任遷吳郡太

守

〔護軍將軍〕世譜

二年壬午 齊武成帝大寧元年周

武帝保定元年

〔太尉〕瑱 二月領湘州刺史
〔司空〕安都 九月領丹

〔開府儀同三司〕沖 九月領丹

陽尹

迪

法氾

頤

量

度 三月改湘州刺史

〔僕射〕通

〔吏部尙書〕樞

〔中書令〕勣 遷太子詹事

〔侍中〕仲舉

弘正 使周

〔領軍將軍〕杜稜 正月命兼侍

中

〔護軍將軍〕世譜

〔中護軍〕孫瑒 十二月命

〔揚州刺史〕始興王伯茂 正月

命

三年癸未 齊河清元年

〔司空〕安都

〔開府儀同三司〕沖

迪 閏二月叛應留異

法氾

頤

量

度

〔僕射〕通

〔右僕射〕到仲舉 九月命兼丹

陽尹參選

〔吏部尙書〕樞 實授尋領右軍

將軍丹陽尹

〔中書監〕安成王瑱 三月自周

還拜中書監侍中中衛將軍

〔中書令〕王固

〔侍中〕仲舉 遷都官

弘正 還朝加金紫光祿大夫

領慈訓太僕

王瑒 領太子中庶子

〔領軍將軍〕稜

〔中護軍〕瑒

〔揚州刺史〕伯茂 六月改東揚

州

安成王瑱 六月命加驃騎將

軍都督揚南徐東揚南豫北

江五州諸軍事

四年甲申

〔司空〕安都 二月鎮江州刺史

六月賜死

〔開府儀同三司〕沖

法氾 正月改南徐州刺史六

月徙江州

頤 九月卒

量

度 三月召爲侍中中軍大將

軍 安成王瑱 四月加

〔僕射〕通

〔右僕射〕仲舉

〔吏部尙書〕樞

〔中書監〕頤

〔中書令〕固 遷國子祭酒

〔侍中〕弘正

瑒

張種 領步兵校尉

〔領軍將軍〕稜

〔中護軍〕瑒 正月遷鎮右將軍

〔護軍將軍〕章昭達 正月命

〔揚州刺史〕頤 四月加開府儀

同三司

五年乙酉 十一月章昭達破擒陳

寶應留異閩中平

〔開府儀同三司〕頤

沖

法氾

量 徵爲中撫大將軍

度 章昭達 十一月鎮軍將軍加

〔僕射〕通

〔右僕射〕仲舉

〔吏部尙書〕樞 歸葬尋復位解

丹陽尹加散騎常侍

〔中書監〕頤

〔侍中〕弘正

〔中書監〕頤

〔侍中〕弘正

瑒

〔領軍將軍〕稜

〔護軍將軍〕昭達 十一月遷鎮

軍將軍開府

〔中護軍〕程靈洗 十一月命

〔揚州刺史〕頤

六年丙戌 五月齊武帝禪位于

其子緯七月周迪伏誅齊天統元

年

〔司空〕安成王瑱 四月拜

〔開府儀同三司〕頤 四月拜司

空

沖

法氾 召爲中衛大將軍

量

度

昭達 十二月遷江州刺史

〔僕射〕通

〔右僕射〕仲舉

〔吏部尙書〕樞

〔中書監〕頤 四月拜司空

〔侍中〕弘正

瑒

謝叡

〔領軍將軍〕稜 正月改丹陽尹

<p>〔中領軍〕沈欽 正月命 吳明徹 十二月命 〔中護軍〕靈洗 出爲郢州刺史 沈恪 十二月命 〔揚州刺史〕頊 天康元年丁亥 四月帝殂太子伯宗即位周天和元年 〔司空〕頊 五月進司徒兼驃騎大將軍都督中外諸軍錄尚書事 徐度 五月拜 〔開府儀同三司〕沖 法氈 免開府侍中將軍如故 量 五月拜司空 昭達 五月加侍中 始興王伯茂 六月東揚州刺史 史加 〔尙書令〕安成王頊 三月命五月改錄尙書事 〔僕射〕通 遷右光祿大夫 〔左僕射〕袁樞 〔右僕射〕仲舉 加侍中五月遷金紫光祿大夫有罪賜死 沈欽 並五月命 〔吏部尙書〕樞 五月遷僕射 徐陵 五月命 〔中書令〕謝哲 遷侍中</p>	<p>〔侍中〕弘正 改領都官尙書總知五禮事 瑒 領左驍騎將軍 瑕 坐事免尋復任 王固 加金紫光祿大夫 謝哲 杜稜 特進鎮右將軍 〔中領軍〕明徹 五月進領軍將軍 〔中護軍〕恪 五月進護軍將軍 〔揚州刺史〕頊 廢帝光大元年戊子 五月湘州刺史華皎反九月淳于量等討平之 〔司徒〕頊 〔司空〕度 〔開府儀同三司〕伯茂 沖 十一月卒 法氈 二月改南徐州刺史 量 九月復授遷南徐州刺史 昭達 〔尙書令〕頊 〔左僕射〕樞 正月卒 〔右僕射〕欽 二月遷僕射加侍中 〔吏部尙書〕陵 〔侍中〕弘正 瑒 十一月丁父憂</p>	<p>固 遷中領軍 〔領軍將軍〕明徹 正月遷丹陽尹 杜稜 五月命 〔護軍將軍〕恪 十一月遷荊州刺史 〔揚州刺史〕頊 二年己丑 十一月安成王頊廢帝而自立 〔太傅〕安成王頊 正月拜領司徒加殊禮劍履上殿十一月篡帝位 〔司徒〕頊 正月拜太傅 〔司空〕度 正月卒 〔開府儀同三司〕伯茂 十一月被殺 法氈 十一月改郢州 量 正月加侍中中軍大將軍 昭達 徵爲中撫大將軍 吳明徹 正月湘州刺史加 〔尙書令〕頊 〔僕射〕欽 〔吏部尙書〕陵 〔中書令〕謝瑒 〔侍中〕弘正 正月領太傅長史 固 免官禁錮</p>	<p>安成世子叔寶 〔領軍將軍〕稜 〔護軍將軍〕沈恪 十一月命 〔揚州刺史〕頊 十二月篡位 宣帝太建元年庚寅 十月廣州刺史歐陽紇反 〔開府儀同三司〕法氈 正月加征西大將軍 量 正月加征伐大將軍 昭達 正月加車騎大將軍 明徹 〔僕射〕欽 正月遷左 〔右僕射〕王勸 正月命 徐陵 正月命加侍中 〔吏部尙書〕陵 五月遷右僕射 沈君理 五月命 〔中書令〕瑕 遷都官尙書 沈君理 不拜 張種 領左驍騎將軍 〔侍中〕叔寶 正月立爲太子 弘正 加特進領國子祭酒 王瑒 復領左驍騎 〔領軍將軍〕稜 出爲吳興太守 〔中領軍〕鄱陽王伯山 〔護軍將軍〕恪 正月遷廣州刺史 〔中護軍〕晉安王伯恭 五月命 九月改中領尋改揚州刺史</p>
---	--	--	---

〔揚州刺史〕晉安王伯恭
二年辛卯 二月章昭達平廣州紇
伏誅齊末帝武平元年

〔司空〕章昭達 六月拜兼車騎
大將軍

〔開府儀同三司〕法氈 正月遷
中權大將軍

量

昭達 六月拜司空

明徹

〔左僕射〕欽 出爲晉陵太守

〔右僕射〕陵

〔吏部尙書〕君理

〔中書令〕種

〔侍中〕弘正

場 遷度支尙書

杜稜 遷護軍

〔中領軍〕伯山

〔護軍將軍〕杜稜 九月命加特
進

〔揚州刺史〕伯恭

三年壬辰

〔司空〕昭達 十二月卒

〔開府儀同三司〕法氈

量

明徹

〔右僕射〕陵 正月改僕射

〔吏部尙書〕君理

〔中書監〕王勸

〔中書令〕種 遷金紫光祿大夫

〔侍中〕弘正

〔中領軍〕伯山

〔護軍將軍〕稜 坐事免

〔揚州刺史〕伯恭

四年癸巳 周建德元年

〔開府儀同三司〕法氈 四月遷

南豫州刺史

量

明徹 徵爲侍中鎮前將軍

〔僕射〕陵 四月遷左

〔右僕射〕王勸 五月命五月卒

〔吏部尙書〕君理 加侍中

〔中書監〕勸 正月遷僕射

〔中書令〕王場

〔侍中〕弘正

新安王伯固 翊前將軍

杜稜 加右光祿大夫

〔中領軍〕伯山

〔領軍將軍〕沈恪 十月命

〔中護軍〕衡陽王伯信 正月命

〔揚州刺史〕鄱陽王伯山

五年甲午 三月大舉伐齊十二月
盡得淮南之地

〔開府儀同三司〕法氈 十月改

合州刺史

量 正月遷中權大將軍

明徹 三月都督征討諸軍事

伐齊七月加征北大將軍十
月改車騎大將軍

〔左僕射〕陵

〔右僕射〕沈君理 正月命九月
卒

周弘正 十月命

〔吏部尙書〕君理 正月遷右僕
射仍領吏部

王場 十月命

〔中書令〕場 遷吏部

〔侍中〕弘正 遷右僕射

袁憲

伯固 遷中領軍

〔領軍將軍〕恪

〔中領軍〕新安王伯固 正月命

〔中護軍〕伯信

〔揚州刺史〕伯山

六年乙未

〔開府儀同三司〕法氈

量 二月遷鄂州刺史

明徹

〔左僕射〕陵 加侍中

〔右僕射〕弘正 六月卒

王場 十二月命加侍中參選

〔吏部尙書〕場 十二月遷右僕
射

孔奐 十二月命

〔侍中〕憲 出爲吳郡太守

〔中領軍〕伯固

〔中護軍〕伯信 六月遷揚刺史

〔揚州刺史〕伯山 六月遷南徐
州刺史

衡陽王伯信 六月命

七年丙申

〔開府儀同三司〕法氈 二月改

豫州刺史

量 十一月遷中軍大將軍

明徹

〔左僕射〕陵 領國子祭酒尋免

〔右僕射〕場 六月改僕射十二
月遷左

陸繕 十二月命

〔吏部尙書〕奐

〔侍中〕徐陵 領國子祭酒

〔中領軍〕伯固 十月遷南徐州
刺史

長沙王叔堅 十月命十二月
遷廣州刺史

〔領軍將軍〕徐陵 十二月命

〔護軍將軍〕淳于量 開府領

〔揚州刺史〕伯信

八年丁酉

〔司空〕吳明徹 二月拜八月領

南兗州刺史

〔開府儀同三司〕法氈 十月卒

〔右僕射〕陵 正月改僕射

〔吏部尙書〕君理

量 正月遷中權大將軍

合州刺史

〔開府儀同三司〕法氈 十月改

量

明徹 二月拜司空

〔左僕射〕場 四月卒

〔右僕射〕繕 六月遷左

王克 六月命

〔吏部尙書〕奐 加侍中

〔領軍將軍〕陵 遷太子詹事

〔中領軍〕廬陵王伯仁 十一月

命

〔護軍將軍〕量

〔揚州刺史〕伯信

九年戊戌 正月周滅齊

〔司空〕明徹

〔開府儀同三司〕量

〔左僕射〕繕

〔右僕射〕克

〔吏部尙書〕奐 遷中書令

袁憲

〔中書令〕孔奐 兼侍中

〔中領軍〕伯仁

〔護軍將軍〕量

〔揚州刺史〕始興王叔陵 正月

命

十年己亥 二月北討衆軍敗績于

呂梁周宣政元年

〔司空〕明徹 二月敗績爲周軍

所獲

都督總水陸諸軍禦周師尋

加車騎將軍領南兗州刺史

〔左僕射〕繕 十月改僕射

〔右僕射〕克

〔吏部尙書〕憲

〔中書令〕奐

〔侍中〕晉熙王叔文 宣衛將軍

散騎常侍

〔中領軍〕伯仁 正月遷南徐州

刺史

樊毅 八月命

〔領軍將軍〕徐陵 正月命尋遷

丹陽尹

〔護軍將軍〕量 三月督師

新安王伯固 四月命

〔揚州刺史〕叔陵

十一年庚子 周宣帝大象元年十

一月周師來伐十二月盡失淮南

之地

〔開府儀同三司〕量 十一月都

督上流水軍

〔僕射〕繕 十月遷左

〔右僕射〕晉安王伯恭 十月命

〔吏部尙書〕憲

〔中書令〕奐 遷太常

〔侍中〕叔文

〔中領軍〕毅 十一月都督北討

〔護軍將軍〕伯固

鄱陽王伯山 六月命

〔揚州刺史〕叔陵 解職尋復任

加中衛大將軍

十二年辛丑

〔司空〕司馬消難 周降將八月

拜車騎將軍司空侍中大都

督總督安隨等九州八鎮諸

軍事

〔開府儀同三司〕量

〔左僕射〕繕 四月卒

〔右僕射〕伯恭 五月改僕射

〔吏部尙書〕憲

〔侍中〕叔文

〔中領軍〕毅

廬陵王伯仁 三月命

〔護軍將軍〕伯山

〔揚州刺史〕叔陵

十三年壬寅 二月周楊堅篡位隋

文帝開皇元年

〔司空〕消難

〔開府儀同三司〕量 加左光祿

大夫

鄱陽王伯山 正月護軍將軍

加

〔僕射〕伯恭 正月遷左

〔右僕射〕袁憲 正月命參選

〔吏部尙書〕憲 正月遷右僕射

宗元饒 卒

毛喜

〔中書監〕徐陵 領太子詹事侍

中右光祿大夫如故

〔侍中〕叔文

始興王叔陵 兼中軍大將軍

江總 免

〔中領軍〕伯仁

〔護軍將軍〕伯山 正月加開府

儀同三司

樊毅 尋遷荊州刺史

沈恪

〔揚州刺史〕叔陵 遷中軍大將

軍

新安王伯固

十四年癸卯 正月帝殂太子叔寶

卽位

〔司空〕消難 遷開府儀同三司

長沙王叔堅 十二月拜

〔開府儀同三司〕量 四月卒

伯山 正月加中權大將軍

司馬消難 領東揚州刺史

長沙王叔堅 正月揚州刺史

加

豫章王叔英 十一月江州刺

史加

蕭摩訶 車騎大將軍

〔左僕射〕伯恭 三月遷湘州刺

史

〔右僕射〕憲

〔僕射〕永陽王伯智 三月命

〔吏部尚書〕喜

〔中書監〕陵 正月遷左光祿大

夫領太子少傅

〔侍中〕叔陵 正月謀逆伏誅

叔文 十二月遷揚州刺史

江夏王伯義 忠武將軍加金

紫光祿大夫

袁憲 領太子詹事

建安王叔卿 鎮右將軍

〔中領軍〕伯仁

〔護軍將軍〕恪 正月遷特進金

紫光祿大夫

〔中護軍〕章大寶 正月命三月

遷豐州刺史

孫瑒 六月命

〔揚州刺史〕伯固 正月助叔陵

為逆伏誅

長沙王叔堅 正月命加開府

儀同三司驃驃將軍十二月

拜司空

晉熙王叔文

後主至德元年甲辰

〔司空〕叔堅 正月遷開府儀同

三司出鎮江州七月復拜司

空十二月有罪免

〔開府儀同三司〕伯山

消難 正月加車騎將軍

叔英 正月入為中衛大將軍

摩訶 改侍中驃騎大將軍左

光祿大夫

〔僕射〕伯智

〔吏部尚書〕喜 出為永嘉太守

江總 正月命

〔中書令〕建安王叔卿

〔侍中〕伯義

憲

晉安王伯恭 中衛將軍光祿

大夫

尋陽王叔儼 仁武將軍

〔領軍將軍〕任忠 正月命加侍

中

〔中護軍〕瑒

〔揚州刺史〕叔文 遷江州刺史

始興王叔重

二年乙巳

〔開府儀同三司〕伯山

消難

叔英

摩訶

〔僕射〕伯智 五月遷東揚州刺

史 江總 五月命

〔吏部尚書〕總 五月遷僕射

陸瓊 守

〔中書令〕叔卿

〔侍中〕伯義

憲

伯恭

叔儼

永陽王伯智 翊左將軍加特

進 新蔡王叔齊 智武將軍

長沙王叔堅 鎮左將軍

〔領軍將軍〕忠

〔中護軍〕瑒

〔揚州刺史〕叔重 五月遷江州

刺史

南平王嶷 五月命

三年丙午

〔開府儀同三司〕伯山

消難

叔英

長沙王叔堅 正月鎮左將軍

加尋遷荊州刺史

摩訶

〔僕射〕總

〔吏部尚書〕瓊 正月實受

謝佖 八月命

〔中書令〕叔卿

〔侍中〕伯義

憲

伯恭 母憂解職

叔儼

伯智

叔齊

宜都王叔明 翊右將軍

叔堅 遷荊州刺史

魯廣達

〔領軍將軍〕忠

〔護軍將軍〕樊毅 正月命

〔揚州刺史〕嶷

四年丁未

〔開府儀同三司〕伯山 九月遷

東揚州刺史

消難

叔英 正月進驃驃大將軍

叔堅 正月進中軍大將軍

摩訶

〔尚書令〕江總 十月命

〔僕射〕總 十月遷令

謝佖 十月命

〔吏部尚書〕佖 十月拜僕射

〔中書令〕叔卿

〔侍中〕憲

伯義

伯智

叔齊

叔明

岳陽王叔慎 智武將軍

叔儼
 廣達
 〔領軍將軍〕忠
 〔護軍將軍〕毅
 〔揚州刺史〕嶷
 禎明元年戊申
 〔司徒〕豫章王叔英 十一月驟
 騎大將軍兼
 〔開府儀同三司〕伯山
 叔英 十一月兼司徒
 叔堅
 蕭儼 梁降將十一月東揚州
 刺史加
 陳慧紀 荊州刺史加
 摩訶
 〔尙書令〕總
 〔僕射〕佺
 〔中書令〕叔卿
 〔侍中〕憲
 伯義
 伯智
 叔齊 遷國子祭酒
 淮南王叔彪 仁威將軍
 叔儼
 廣達
 〔領軍將軍〕忠
 〔護軍將軍〕毅
 〔揚州刺史〕嶷

二年己酉 十月隋師來伐
 〔司徒〕叔英
 〔開府儀同三司〕伯山 十二月
 進鎮衛大將軍
 叔堅 還都
 儼
 慧紀
 摩訶
 〔尙書令〕總
 〔僕射〕佺 六月遷特進寧遠將
 軍
 袁憲 六月命
 〔吏部尙書〕蔡徵 四月命尋遷
 中書令
 姚察 十月命
 〔中書監〕建安王叔卿
 〔中書令〕蔡徵 有罪免
 〔侍中〕憲 六月遷僕射
 伯義
 伯智
 叔明
 叔彪
 晉熙王叔文 宣毅將軍
 叔儼
 〔領軍將軍〕忠 出爲吳興內史
 〔中領軍〕魯廣達 六月命
 〔護軍將軍〕毅
 〔揚州刺史〕嶷

始安王深 四月立爲太子
 會稽王莊 五月命
 三年庚戌 正月隋師克建康帝出
 降陳亡
 〔司徒〕叔英
 〔開府儀同三司〕伯山 正月卒
 叔堅
 儼
 慧紀
 摩訶
 〔尙書令〕總
 〔僕射〕憲
 〔吏部尙書〕察
 〔中書監〕叔卿
 〔侍中〕伯義
 伯智
 叔明
 叔彪
 叔文
 叔儼
 〔中領軍〕廣達
 蔡徵 正月命
 〔護軍將軍〕毅
 〔揚州刺史〕莊

補陳疆域志

臧勵蘇撰

例言

一代之中疆場無常建置靡定故作志必先嚴斷限斷限不嚴則眉目不清而州郡淆亂班孟堅作地理志斷於元始司馬彪作郡國志斷於永和史家之通例也然補陳志則不能不稍變其例焉陳氏承梁之緒版圖彌蹙西不得蜀漢北不得淮肥雖太建時克復淮南周司馬消難又以淮西地來降而未幾復失若斷自禎明則畫江而守不足見全盛之封疆若斷自太建則建置不常不足盡一朝之因革今於州郡廢置悉以禎明為斷而已得旋失之江北州郡亦連類錄之陳氏之全庶乎可見若當世宏遠之士以有背昔賢史例責之僕復何辭

陳前為梁梁既無志同時為北齊北周又各無志南北二史亦復闕然所幸其建州置郡時於陳書紀傳見之而周齊魏隋諸書以及其餘地志各書釐然具在均足借為佐證洪氏子齡汪氏梅村復有梁疆域志南北史志之作可以資其採擇倘非無可措手耳今以本書紀傳為主佐以他書凡州及郡縣皆詳其建立之始載其沿革之文並仿馬彪魏收之例於山川樓閣臺殿園陵皆綴輯於郡縣之下而求故事以實之無則闕焉疑則闕焉

洪北江先生以一代大儒補三國東晉十六國諸疆域志而其中謬誤數見不鮮況以夤陬末學妄補舊志謬誤迭出復何待言亦曰搜輯聞見聊備觀覽云爾刊謬正誤是所望於通人

補陳疆域志卷一

武進臧勵蘇撰

揚州自漢以來皆為刺史治陳領郡三

州治陳書程文季傳世祖嗣位除宣惠始興王府限內中直兵參軍是時王為揚州刺史鎮治城

丹陽尹宋志漢置郡治宛陵晉太康二年移治建業寰宇記晉元帝渡江都建康改丹陽郡為丹陽

尹陳領縣七

建康本漢秣陵縣地三國吳志建安十六年孫權移都秣陵明年改秣陵曰建業晉志武帝

平吳以為秣陵太康三年分秣陵北為建業又改業為鄴愍帝立避諱改建鄴為建康金

陵記云梁都之時城中二十八萬餘戶自侯景反元帝都江陵冠蓋人物多南徙陳時中

外人物不過宋齊之半梁武帝簡文帝及陳氏諸帝皆都焉有宮城

陳書後主紀禎明三年隋賀若弼乘勝進攻宮城又名臺城南康王方泰傳方泰所部

將士離散乃棄船走及臺城陷與後主俱入關石頭城同上禎明二年九月大風至自西北激濤水入石頭城

鄴城南史陳後主紀禎明二年鄴城無故自壞西城陳書世祖紀天嘉五年城西城東府城

建康志城在清溪橋東南臨淮水梁紹泰末焚毀陳天嘉中徙治城東三里

西臨淮水治城陳書高祖紀永定二年詔臨川王禧西討

與駕幸冶城寺親送焉五城同上永定二年嘉禾一穗六

歧生五城雲龍門陳書宣帝紀太建七年四月豫州陳桃

根表上織成羅文錦被委各一聽詔於雲龍門外焚之雲龍神虎門同上太建七年六月改作雲龍神虎門端門

方輿紀要宮城南面次東為闔闔門陳時謂之端門千秋門陳書宣帝紀太建十年六月大雨震千秋門內槐樹

門同上太建十二年六月大風壞皋門中闔朱雀門陳書後主紀禎明三年任忠自吳興入赴仍屯朱雀門北掖

門陳書宣帝紀太建七年四月高宗弗豫於宣福殿大政殿陳書後主紀禎明二年十一月詔曰可克日於大政

宮衛皆散東西掖門陳書侯安都傳賊騎至安都開東西掖門與賊大敗之南掖門陳書後主紀禎明三年韓擒

虎自南掖門而入玄武門陳書南康王方泰傳天嘉十一年八月高宗大閱武登玄武門親宴羣臣以觀之北捷

門李昉宮苑記西面三門稍東曰廣莫陳改曰北捷建陽門南史陳後主紀禎明二年青龍出建陽門

太極前殿陳書高祖紀永定元年受禪禮畢還宮臨太極前殿太極殿同上永定二年七月詔起太極殿十月殿成十二月高

祖於太極殿東宴羣臣設金石之樂以路寢告成也重雲殿同上永定二年四月重雲殿東鳴尾有紫煙屬天聽

訟殿方輿紀要陳永定中有聽訟殿臨政殿方輿紀要陳永定中有臨政殿璿璣殿陳書高祖紀永定三年六月

高祖疾甚崩於璿璣殿有覺殿陳書世祖紀天康元年四月世祖疾甚崩於有覺殿承明殿方輿紀要陳太建末營

承明殿合香殿方輿紀要陳太建末營合香殿宣福殿陳書宣帝紀太建十四年正月高宗弗豫於宣福殿

大政殿陳書後主紀禎明二年十一月詔曰可克日於大政

殿諷歎 紫極殿陳書高祖宣皇后傳太建二年三月崩

於紫極殿柏梁殿陳書皇后傳後主初即位柳太后猶居

柏梁殿皇后之正殿也 求賢殿 同上後主沈皇后素無

寵別居求賢殿 光照殿 同上至德二年於光照殿前起

臨春結綺望仙三閣景陽殿陳書後主紀禎明三年後主

聞兵至從宮人十餘出後堂景陽殿 嘉德殿 陳書侯安

都傅天嘉四年世祖引安都宴於嘉德殿宣明殿 陳書

姚察傳太建初補宣明殿學士德教殿陳書蕭摩訶傳京

城陷賀若弼置後主於德教殿溫文殿 陳書備林傳令張

譏於溫文殿講莊老高宗幸宮臨慈訓宮 陳書高祖宣

皇后傳世祖即位尊后為皇太后宮曰慈訓安德宮 陳書

世祖沈皇后傳廢帝即位尊后為皇太后宮曰安德建康志

安德宮在宣陽門外西即都城西城陳宣帝為文皇后所

築弘範宮 陳書高宗柳皇后傳後主即位尊后為皇太后

宮曰弘範 東宮 陳書宣帝紀太建九年十二月東宮成皇

太子移於新宮 明堂 陳書高祖紀永建二年正月與駕祀

明堂後堂 同上永建二年三月高祖幸後堂聽訟還於橘

上觀山水賦時示羣臣 東堂 同上永建三年六月周文育

之極至自建昌高祖素服哭於東堂 正陽堂 陳書世祖紀

天嘉元年八月上幸正陽堂閱武儀賢堂 同上天嘉六年

七月儀賢堂無故自壞朝堂 陳書侯安都傳天嘉四年帝

集安都部下將帥曾於倫書朝堂又名朝室後主紀禎明三

年遣豫章王叔英屯朝室 西省 陳書侯安都傳天嘉四年

帝於坐收安都囚於西省 重陽閣 陳書宣帝紀太建十年

六月大雨震重陽閣東樓 承香閣 陳書皇后傳後主初即

位以始興王叔陵之亂被傷臥於承香閣下張貴妃侍焉

臨春閣 結綺閣 望仙閣 南史陳張貴妃傳至

德二年後主於光照殿前起臨春結綺望仙三閣後主自居

臨春閣張貴妃居結綺閣龔孔二貴妃居望仙閣並獲道交

相往來張貴妃容色端麗每瞻視盼光彩溢目常於閣上

觀妝臨軒殿宮中遙望飄若神仙 大壇 陳書高祖紀永定

元年十月詔曰今月乙亥升禮大壇方明壇 陳書宣帝

紀太建十年九月立方明壇於婁湖 大壯觀 同上太建

十一年八月與駕幸大壯觀閱武朱雀觀 陳書熊曇朗傳

曇朗走入村中村民斬之傳首京師懸於朱雀觀齊雲觀

南史陳後主紀禎明二年十一月起齊雲觀國人歌曰齊雲

觀寇來無踪華林園 陳書高祖紀永定元年十月與駕

幸華林園觀覽詞訟臨敵囚徒樂遊苑 陳書宣帝紀太建

四年十二月甘露降樂遊苑與駕幸樂遊苑采甘露宴羣臣

甘露亭 同上太建七年九月甘露降樂遊苑詔於苑韻

舟山立甘露亭 靈臺候樓 陳書世祖紀天嘉六年七月

大風至自西南廣百餘步激壞靈臺候樓 大壯觀山 陳

書章載傳太建十一年幸大壯觀山閱武建康志大壯觀山

在上元縣北十八里東接鍾山南臨真武湖北臨蠡湖西有

水下注平陸陳宣帝起大壯觀於此蔣山 陳書陳暉紀傳

禎明三年隋將韓擒虎及賀若弼等濟江據蔣山覆舟山

南史陳後主紀禎明二年覆舟山及蔣山柏林冬月常多采

醴後主以為甘露之瑞鍾山 陳書後主紀禎明三年隋賀

若弼趨建康進據鍾山龍舟山見上甘露亭注莫府山

陳書後主紀禎明二年十月與駕幸莫府山大校獵 烈山

方輿紀要或曰陳侯瑛破王琳於荻港有功烈而名也 白

土岡 陳書後主紀禎明三年賀若弼據鍾山頓白土岡

之南金陵記岡在城東三十里南至淮即鍾山南麓 石子

岡 同上禎明三年韓擒虎率來自新林至於石子岡任忠

出降糞字記石子岡周圍二十里今城南高唐寺後即石子

岡之地玄武湖 陳書南康王方泰傳天嘉十一年高宗命

都督任忠領步騎十萬陳於玄武湖婁湖 陳書宣帝紀太

建十年九月與駕幸婁湖臨誓天淵池建康志宋元嘉三

年墜一名天泉池陳江總有天淵池銘淮渚 陳書後主紀

禎明二年九月淮渚暴溢漂沒舟乘青溪 通鑑陳太建十

四年始與王叔陵作亂據東府斷青溪道 蔡洲 陳書後主

紀禎明二年四月有羣鼠自蔡洲岸入石頭渡淮至於青塘

兩岸數日死隨流出江青塘又名青溪見上落馬澗建康

志一名南澗在縣南五里陳亡竭澗 新林 通鑑陳禎明

三年晉王廣遣總管杜彥與韓擒虎合軍步騎二萬屯新林

石頭津 方山 陳書通典東晉至陳西有石頭津東有方

山埭陶家後渚 南史陳高祖紀永定二年欲營太極殿

獨闕一柱秋七月有樟木大十八圍長四丈五尺流泊陶家

後渚景陽井 陳書後主紀禎明三年後主聞兵至出景陽

殿將自投於井袁憲苦諫不從夏侯公嗣又以身蔽井後主

與爭久之方得入焉及夜為隋軍所執建康志一名胭脂井

又名辱井 東冶 陳書後主紀禎明二年五月東冶鑄鐵有

物赤色如數斗自天墜鎔所有聲隆隆如雷鐵飛出牆外燒

民家輿地紀勝六朝有東西二冶在宮城西西冶見上江

令宅 金陵故事南朝鼎族多夾青溪而居江令宅尤占勝

地王安石時往時江總宅近在青溪曲杜姥宅 陳書高祖

紀永定元年十月詔出佛牙於杜姥宅集四部設無遮大會

高祖親出闕前禮拜朱雀航南史陳宣帝紀太建五年十

月吳明徹剽蓋陽城斬王琳傳首京師梟於朱雀航 大航

陳書世祖紀天嘉六年九月新作大航小航 陳書始興王

叔陵傳叔陵有部下兵先在新林於是率人馬數百自小航

渡欲趨新林以舟艦入白楊路 同上叔陵北行至白楊路

為臺軍所邀蕭摩訶馬客陳智深迎刺叔陵傷斃於地閣登

王飛禽抽刀斫之馬客陳仲華就斬其首送于臺金陵志路

在府城南十里閣道 同上叔陵遺藏譚譚麒麟二人詣蕭摩訶所摩訶執以送塞斬於閣道下 東昌館 陳書新安王伯固傳與叔陵同趣白楊道爲亂兵所殺屍於東昌館門

鴻臚府 陳書宣帝紀太建十年六月大雨震鴻臚府門

蔣帝廟 陳書高祖紀永定元年十月與駕幸鍾山祀蔣帝廟開善寺 同上永定元年十一月甘露降於鍾山松林

彌滿巖谷開善寺沙門採之以獻敷賜羣臣 大莊嚴寺 陳書備林傳永定二年高祖幸大莊嚴寺其夜甘露降顯見

獻甘露頌慧日寺刹 瓦官寺 陳書宣帝紀太建九年七月震慧日寺刹及瓦官寺 大皇佛寺 南史陳後主

紀禎明二年十一月於郭內大皇佛寺起七層塔未畢火從中起飛至石頭燒死者甚衆蒼閣寺 陳書後主紀禎明三

年隋軍南北道進後主遣樂毅屯書閣寺寶田寺同上 禎明三年隋軍南北道進後主使孔範屯寶田寺 新安

寺 陳書韓子高傳天嘉六年徵爲右衛將軍至都鎮領軍府廢帝即位移頓於新安寺與皇寺 陳書孫瑒傳與皇寺

僧朗法師該通釋典每造講筵時有抗論法侶莫不傾心 白馬寺 陳書備林傳賀德基少游學於京邑積年不歸衣

資罄乏常於白馬寺前逢一婦人容服甚盛呼德基入門脫白綸巾以贈之 萬安陵 陳書高祖紀永定三年八月葬萬

安陵元和志在上元縣東三十八里方山西北 永寧陵 陳書世祖紀天康元年六月葬永寧陵元和志在蔣山東北

顯寧陵 陳書宣帝紀太建十四年二月葬顯寧陵元和志在牛頭山西北

秣陵本秦縣後漢建安中孫權改置建鄴而故縣廢晉太康三年分淮南復置秣陵宋志秣

陵秦始皇改本治去京邑六十里今故治邨是也晉安帝義熙九年移治京邑之鬪場恭

帝元熙元年省揚州府禁防參軍移治其處 建康志秦改金陵爲秣陵晉太康初復以建

業爲秣陵三年分淮水南爲秣陵義熙中移於鬪場柏社元熙初又移置揚州參軍廡

丹陽漢舊縣

溧陽漢舊縣宋志吳省爲屯田晉太康元年復置元和志取溧水之北爲名

永世本漢溧陽縣地晉志丹陽郡領永世縣宋志吳分溧陽爲永平縣晉太康元年更名永

世陳書高祖紀永定二年追封長女爲永世公主

江寧本漢秣陵縣地宋志晉太康元年分秣陵立臨江縣二年更名江寧有梅嶺 陳書始興王

叔陵傳母彭氏卒叔陵啓求於梅嶺葬之 句容漢舊縣通典句容有山如句字之曲縣名

取其義 建興郡 陳書宣帝紀太建十年罷義州及琅邪彭城二郡立建興郡屬揚州領縣六

建安陳書宣帝紀太建十年立建興郡領建安縣

同夏本秣陵縣地輿地志梁大通三年分建康之同夏里置洪麟孫曰梁書南史皆云秣陵

縣同夏里此云分建康當屬傳寫之譌而六朝事蹟建康志又作大同元年彼此亦不無

牴牾陳書宣帝紀太建十年立建興郡領同夏縣

烏山陳書宣帝紀太建十年立建興郡領烏山縣

江乘漢舊縣宋志吳省爲典農都尉晉太康元年復立陳書宣帝紀太建十年立建興郡領

江乘縣有白下 陳書宣帝紀太建十一年十二月遣前信州刺史楊寶安鎮白下山 陳書韋載傳天嘉元年

去官有田十餘頃在江乘縣之白山攝山 陳書江總傳總自敘尋商官陳與攝山布上人遊深悟普空

臨沂漢縣名輿地志晉咸康七年分江乘立一統志東晉僑置陳書宣帝紀太建十年立建

興郡領臨沂縣有長干寺 陳書後主紀至德三年十一月與駕幸長干寺

湖熟漢舊縣宋志吳省爲典農都尉晉太康元年復立陳書宣帝紀太建十年立建興郡領

湖熟縣

陳留郡本梁廣郡陳書高祖紀永定二年以廣梁郡爲陳留郡陳詳傳資割故鄆廣德置廣梁郡

以詳爲太守高祖踐祚改廣梁爲陳留又以爲陳留太守隋志綏安梁末立大梁即廣梁避隋諱改也又

改爲陳留領縣四 故鄆漢舊縣

廣德宋志引何志漢舊縣二漢志並無疑是吳立一統志漢故鄆縣地漢末孫吳析置三國

吳志呂蒙傳蒙領廣德長是明係吳立元和志以爲後漢分故鄆立非也陳書高祖宣皇

后傳高祖踐祚追封后父廣德縣侯 石封隋志綏安舊曰石封一統志梁紹泰元年

析廣德置

安吉漢舊縣一統志陳屬陳留郡陳書高祖宣皇后傳高祖踐祚拜后母安吉縣君

吳州本漢吳郡陳書後主紀禎明元年割揚州吳郡置吳州隋志吳郡陳置吳州通典寰宇記蘇州陳置吳州領郡三

州治吳

吳郡漢置陳書後主紀禎明二年立皇子藩為吳郡王領縣六

吳漢舊縣有五湖通鑑地理通釋五湖陳重鎮顧野王墓

吳地記顧野王墳在橫山東平陸地遺言不起墳吳郡志在吳郡楞伽山下越來溪

婁漢舊縣

婁漢舊縣

嘉興本秦由拳縣三國吳志黃龍三年由拳野稻叢生改為禾興縣亦烏五年立子和為太子復改禾興為嘉興陳書張種傳累賜嘉興縣侯

崑山本漢婁縣地隋志崑山梁置寰宇記大同初又分信義置崑山縣屬吳郡因縣有崑山故名也輿地廣記陸機陸雲生於此故名其山曰崑山梁置縣

鹽官漢舊縣陳書高祖紀永定二年割吳郡鹽官海鹽前京三縣置海寧郡屬揚州尋省郡並省海鹽入鹽官其前京縣梁屬信義郡今以還屬

桐廬宋志吳分富春立寰宇記引者舊傳云桐廬有大椅桐樹遠望如廬遂謂為桐廬縣也

錢塘郡本吳郡地元和志陳禎明中置錢塘郡通典寰宇記杭州陳以為錢塘郡陳書後主紀禎明元年割錢塘縣為郡屬吳州又錢塘王恬傳禎明二年立為錢塘王領縣四

錢塘漢舊縣有錢塘江陳書侯安都傳留異據東陽安都奉詔東討異本謂臺軍由錢塘江而上安都乃步由會稽之諸暨出於永康異大恐臨平湖南史陳後主紀禎明二年臨平湖草莽塞忽然自通佳義里陳書徐孝克傳居於錢塘之佳義里與諸暨討論釋典

富陽本漢富春縣宋志孫權黃武四年以為東安郡七年省晉簡文帝太后諱春孝武改曰富陽方輿紀要一統志陳屬錢塘郡陳書高宗柳皇后傳后弟盼太建中尚世祖女富陽公主

於晉漢舊縣吳錄地理云縣西有晉山蓋因山以立名十三州志晉讀為潛方輿紀要一統志陳屬錢塘郡

新城宋志浙江西南名為桐溪吳立為新城縣後并桐廬晉太康地志無張勃云晉末立疑是太康末立尋省晉咸和九年又立方輿紀要一統志陳屬錢塘郡

吳興郡宋志孫皓寶鼎元年立通鑑梁敬帝紹泰元年王僧辯以為震州梁書敬帝紀太平元年罷震州還復吳興郡通典吳分吳丹陽二郡置吳興郡晉宋陳因之梁末改為震州後復置吳興郡陳書後主紀禎明二年廢太子為吳興王領縣七

烏程漢舊縣方輿紀要因為烏氏程氏善釀而名武康宋志吳永安縣晉武帝太康元年更名通典寰宇記吳改餘不為永安縣晉以平陽已有永安縣復改為武康

東遷宋志晉太康三年分烏程立長城宋志晉太康三年分烏程立

臨安宋志吳臨水縣晉太康元年更名寰宇記漢建安十六年分餘杭立臨水縣晉太康中改為臨安一統志梁陳間省按南史陳文帝紀侯景之亂避地臨安縣郭文舉舊宅則梁時有臨安縣也陳當因之有亞父墓臨安志亞父陳時重生有神異壽百餘而終顯靈其地有鸞皆應葬於皋亭山因廟為郭文墓一統志陳郭文墓在臨安縣西四十里

餘杭漢舊縣原鄉漢舊縣方輿紀要一統志以縣在山中高

原而名東揚州隋志會稽郡梁置東揚州陳初省尋復寰宇記越州自晉至陳於此置東揚州梁書武帝紀普通五年分揚州江州置東揚州敬帝紀太平元年罷東揚州陳書世祖紀天嘉三年以會稽東陽臨海永嘉新安新寧晉安建安八郡置東揚州尋省新寧入新安以永嘉屬東嘉州東陽屬縉州建安晉安屬豐州今領郡三

州治山陰會稽郡秦置陳書後主沈皇后傳后母即高祖女會稽穆公主又會稽王莊傳至德四年立為會稽王領縣十

山陰漢舊縣永興宋志漢餘暨縣吳更名有奉公塢方輿紀要西陵塢陳末為奉公塢

上虞漢舊縣方輿紀要因舜後所封而名城邑考縣舊置於江西岸晉中興初移治江北岸餘姚漢舊縣

諸暨漢舊縣寰宇記界有暨浦諸山因以爲稱
刻漢舊縣有松山 陳書韓子高傳張彪奔松山浙東平

孝家里 陳書孝行傳太原王知元僑居會稽刻縣以孝聞
高宗嘉之詔改其所居清苴里爲孝家里

鄞秦舊縣方輿紀要引志云夏有董子國以赤

董山爲名加邑爲鄞秦置縣

始寧漢舊縣

句章秦舊縣十三州志句踐并吳大城之以章

霸功故曰句章秦置縣通鑑晉隆安四年孫

恩作亂劉牢之改築句章城於小溪鎮

鄞漢舊縣

臨海郡宋志孫亮太平二年立寰宇記吳少帝置

臨海郡梁又爲赤城郡輿地紀勝梁武帝置赤城

郡尋廢爲臨海縣陳書高祖紀梁元帝承制授高

祖東揚州刺史都督臨海等五郡諸軍事是梁時

仍有臨海郡也宣帝紀光大二年慈訓太后令廢

帝爲臨海王又臨海王叔顯傳至德四年立爲臨

海王領縣五

章安漢舊縣方輿紀要陳於此置章安郡按隋

志臨海舊曰章安置臨海郡不言有章安郡

今不錄

樂安宋志晉康帝始豐立元和志晉永和三年

年分始豐之南鄉置陳書裴忌傳太建元年

改封樂安縣侯

臨海宋志吳分章安立寰宇記吳大帝時分章

安永寧置

寧海宋志漢舊縣通典晉置寰宇記引臨海記

晉永和二年分會稽郡於臨海郡章安地置

始豐宋志吳立曰始平晉太康元年更名寰宇
記陳隋廢方輿紀要一統志皆云隋省是陳
時有也

新安郡宋志孫權立曰新都晉太康元年更名寰

宇記晉平吳改新都爲新安歷宋齊梁陳並因之

通典睦州梁陳爲新安郡通考嚴州梁陳爲新安

郡方輿紀要梁承聖中析置新寧郡陳復并入新

安徽州府志陳省新寧郡并入新安新安志陳省

新寧郡及黎陽縣而新安復屬東揚州陳書世祖

紀天嘉六年封皇子伯固爲新安郡王領縣七

始新宋志孫權分歙立

遂安宋志孫權分歙爲新定縣晉太康元年更

名

黟秦舊縣寰宇記置在黟川因名一統志梁屬

新寧郡陳復屬新安

歙秦舊縣寰宇記縣有水口名歙因浦以名一

統志梁屬新寧郡陳復屬新安有靈洗宅 寰

宇記靈洗宅在黃墩湖東二里

壽昌宋志吳分富春立新昌晉太康元年更名

新安志梁普通三年割吳郡之壽昌來屬陳

書周文育傳封壽昌縣公

海寧宋志吳分歙爲海陽縣晉太康元年更名

寰宇記晉平吳改海陽爲海寧隸新安郡歷

晉宋齊梁陳不改

新安寰宇記清溪在梁陳之代爲新安縣地

縉州本名婺州陳書留異傳紹泰二年除縉州刺

史蓋梁時所置元和志孫皓分會稽郡置東陽郡

陳武帝置縉州寰宇記婺州陳永定三年於此置

縉州均以陳書高祖紀永定三年詔曰縉州去歲
蝗旱遂誤爲陳始置縉州也領郡二
州治長山

金華郡本吳東陽郡陳芳績歷代地理沿革表梁

大同六年改金華郡尋復通典梁陳置金華郡寰

宇記吳東陽郡梁陳曰金華一統志東陽郡梁末

置縉州陳改置金華郡諸書建置抵牾莫可詳考

蓋梁曾改東陽爲金華尋復舊至陳又改金華也

領縣七

長山漢舊縣寰宇記引名山略記云有長山在

東北縣因之爲名

太末漢舊縣

烏傷漢舊縣寰宇記引異苑云東陽顏烏以孝

聞羣鳥助銜土塊爲墳烏口皆傷因以縣名

永康寰宇記引東陽記云吳赤烏八年分烏傷

之上浦置陳書吳興王胤傳太建十年封爲

永康公

武義寰宇記引東陽記云吳赤烏八年分烏傷

永康置

建德宋志吳分富春立

豐安宋志漢興平二年孫氏分諸暨立

信安郡寰宇記陳改信安縣爲信安郡按一統志

陳有信安縣疑陳於信安縣置郡非改置也領縣

二

信安宋志漢分太末立新安晉太康元年更名

有信安嶺 陳書王質傳質率所部度信安嶺後於留異

盈川 寰宇記盈川縣西有刑溪陳時留異置有刑名故

曰盈川

定陽宋志建安二十三年孫氏分信安立

東嘉州寰宇記瑞安晉安固縣梁陳屬東嘉州蓋梁置陳因之領郡一

州治永寧

永嘉郡宋志晉太寧元年分臨海立寰宇記晉明

帝分永寧等四縣置陳書永嘉王彥傳至德元年

立為永嘉王領縣五

永寧漢舊縣有桃支嶺陳書世祖紀天嘉三年侯安都

破置異於桃支嶺

安固宋志吳立曰羅陽孫皓改曰安陽晉太康

元年更名寰宇記因界內安固山為名

松陽宋志吳立寰宇記漢獻帝八年吳立吳錄

云取松陽木為名吳地記云縣東南臨大溪

有松陽樹取此為名

樂成宋志晉寧康三年分永寧立寰宇記晉元

康三年立未知孰是

橫陽宋志晉太康四年以橫莫船屯為始陽仍

復更名

豐州陳書廢帝紀光大二年割東揚州晉安郡為

豐州隋志建安郡陳置閩州仍廢又置豐州五代

志建安郡陳置豐州通典寰宇記陳置閩州後又

改為豐州領郡三

州治原豐即漢侯官地

建安郡宋志本閩越秦立為閩中郡張勃吳錄云

閩越王治鑄地後分治地為東南二郡都尉吳孫

休永安三年分南部立為建安郡通典吳置建安

郡陳屬閩州後又屬豐州陳書宣帝紀太建四年

立皇子叔卿為建安王領縣四

吳興宋志漢末立曰漢興吳更名寰宇記浦程

縣本漢興縣吳永安三年改曰吳興有湖際

陳書陳寶應傳寶應據建安之湖際逆拒王師

將樂本漢建安縣地宋志晉太康地志有寰宇

記三國吳永安三年析建安之校鄉置又移

於將水口

建陽吳建平縣寰宇記晉太元四年改建平為

建陽縣因山之陽為名

建安通典漢治縣地吳置寰宇記孫策於建安

初分東侯官之地置即以年號為名又曰漢

立郡在覆船山下宋元嘉元年徙於溪北黃

華山梁末被盜侵夷移於溪西陳時又移覆

船山下禎明元年又移今所陳書豫章王叔

英傳天嘉元年封建安侯又袁憲傳封建安

縣伯有安泉嶺 陳書韓子高傳天嘉五年章昭達等

自臨川征晉安子高自安泉嶺會於建安

邵武宋志吳立曰昭武晉武帝更名陳書章昭

遂傳天嘉二年封邵武縣侯

綏成宋志晉永初郡國何徐並有方輿紀要晉

義熙中析昭武縣置

沙村宋志晉永初郡國何徐並有方輿紀要晉

延平縣地太元四年置戍於此謂之沙村戍

義熙中升為縣

晉安郡宋志晉太康三年分建安立元和志晉安

郡南朝皆封子弟為王陳書世祖紀天嘉六年立

皇子伯恭為晉安王領縣三

東侯官本漢侯官縣隋志閩舊置東侯官方輿

紀要梁陳間省侯官入東侯官

原豐宋志晉太康三年省建安典船校尉立一

統志陳置豐州取縣為名又云陳初廢入侯

官因改侯官為原豐按侯官故城在今侯官

縣原豐廢縣在今閩縣蓋陳廢原豐而改侯

官曰原豐也

溫麻宋志晉太康四年以溫麻船屯立陳書始

興王伯茂傳光大二年降為溫麻侯

南安郡隋志南安舊置南安郡方輿紀要梁天監

中分置陳書後主紀至德元年立皇弟叔儉為南

安王領縣五

南安寰宇記吳置東安縣晉置晉安郡於此陳

立南安縣

龍溪元和志陳分晉安縣置按隋志梁置方輿

紀要梁天監中析晉安置一統志梁分晉安

置屬南安郡則龍溪乃陳因梁舊非陳置也

元和志誤寰宇記龍溪因龍溪為名

蘭水方輿紀要引志云梁置屬蘭安郡

綏安寰宇記引建安記云晉隆安三年改將樂

四鄉置方輿紀要晉義熙九年置陳書沈皇

后傳永定元年追封后母綏安縣君

蒲田陳廢帝分南安立陳書虞寄傳寶應夜走

至蒲田顧謂其子曰早從虞公計不至今日

有蒲田 陳書陳寶應傳寶應大敗逃至蒲田通鑑注蒲

口在唐泉州莆田縣界

南徐州宋志晉義熙七年始分淮北為北徐淮南

猶為徐州宋永初三年加徐州曰南徐而淮北但

曰徐元嘉八年更以江北為兗州江南為南徐州

陳領郡五

州治通典宋置南東海郡及南徐州齊梁以後並因之以至於陳京口常爲重鎮

東海郡本南東海郡梁書武帝紀天監元年改南東海爲蘭陵郡隋志延陵舊置徐州南東海郡梁改曰蘭陵陳又改爲東海陳書高祖紀永定二年改南徐州所領南蘭陵郡復爲東海郡領縣四

郟本漢丹徒縣地一統志東晉永和中僑置

丹徒宋志丹徒本古朱方後名谷陽秦改曰丹徒南徐州記曰秦時以其地有天子氣使赭

衣徒三千人鑿京峴南坑以敗其勢故名方輿紀要晉以丹徒屬南東海宋齊梁陳皆因

之一統志陳屬東海郡有遺山陳書高祖紀永定二年梁州刺史表稱乙亥歲八月丹徒蘭陵二縣界遺山側因瀆水浦生沙漲周旋千餘頃並膏腴堪墾種京口隋

書高祖紀開皇九年賀若弼拔陳京口蘭陵本武進縣隋志曲阿有武進縣梁爲蘭陵

一統志陳屬東海郡

曲阿宋志本名雲陽秦始皇改曰曲阿南徐州記秦始皇以其地有天子氣鑿北岡以敗其勢截直道使阿故曰曲阿通鑑隋文帝開皇

九年賀若弼拔京口分兵斷曲阿之衝而入

晉陵郡宋志吳時分吳郡無錫以西爲毗陵典農校尉晉太康二年立爲毗陵郡永嘉五年改爲晉陵寰宇記宋齊陳因之領縣四

晉陵宋志本名延陵漢改曰毗陵後與郡俱改

延陵宋志晉太康二年分曲阿之延鄉立

無錫宋志漢舊縣晉太康元年復立陳書張種

傳累賜無錫縣侯

暨陽宋志晉太康二年分無錫毗陵立一統志

陳屬晉陵郡

義興郡宋志晉永興元年分吳興之陽羨丹陽之永世立通典晉以周玘行義討石冰割吳興之陽羨並長城之北鄉爲義興郡以表玘功陳領縣四

陽羨漢舊縣有蔣有政墓常州府志陳湘陰侯蔣有政墓在宜興白塔村山亭

臨津宋志故屬陽羨立郡分立

義鄉宋志故屬長城陽羨立郡分立

國山宋志故屬陽羨立郡分立寰宇記晉元帝置於白石山成帝移於平地

江陰郡隋志梁置陳書高祖紀永定元年年以江陰郡奉梁主爲江陰王寰宇記陳至德元年年江陰郡守倪啓徙郡縣治長浦領縣四

江陰隋志梁置元和志本漢毗陵縣之暨陽郡

梁敬帝置寰宇記梁太平三年分蘭陵置有

梁陵陳書淳于量傳太建三年坐就江陰王蕭季卿買梁陵中樹免侍中輿地紀勝在瓦信鄉有一大土封素號倉堆相傳爲蕭天子墓常州府志在瓦信鄉陳受梁禪奉敬帝爲江陰王祖葬於此

利城漢縣名宋志晉江左僑立寰宇記東晉與

僑郡俱立輿地紀勝引輿地志云晉元帝以海虞北境之土山立宋元嘉八年遷於武進

之利浦方輿紀要梁末析暨陽置屬江陰郡

陳因之洪麟孫補梁疆域志此蓋至梁始屬郡耳非至梁始置縣也

梁豐隋志江陰舊有梁豐縣方輿紀要梁析暨陽置陳因之屬江陰郡

晉浦松江府志梁大通二年析海鹽東北境置地接胥浦因名

信義郡隋志五代志常熟梁置信義郡方輿紀要天監六年置一統志梁析吳郡置陳書信義王祗傳至德元年立爲信義王領縣七

信義寰宇記梁天監六年分婁縣置通鑑陳臨海王光大元年到仲舉子郁尙世祖妹信義長公主

海陽咸淳昆陵志齊置

前京輿地紀勝在華亭縣東南舊經云以近京浦因名方輿紀要梁析婁縣地置屬信義郡

陳因之海虞宋志晉太康四年分吳縣之虞鄉立元和志以爲梁大同六年置非也

輿國一統志梁置

南沙宋志本吳縣司鹽都尉署吳時名沙中吳平後立以爲暨陽縣割屬之晉咸康七年罷

鹽署立以爲南沙縣輿地廣記梁分置南沙縣洪麟孫補梁疆域志南沙自晉及齊皆屬晉陵郡梁時移屬非別有所置也

常熟元和志本漢吳縣地梁大同六年分置常熟

南豫州梁書武帝紀普通七年以壽陽置豫州太清元年年以壽春爲南豫州舊唐志宣城梁置南豫

州寰宇記梁承聖元年復江南南豫州郡歷梁陳之代亦爲重鎮方輿紀要太平府梁末爲南豫陳因之領郡四

州治通鑑隋文帝開皇九年陳遣南豫州刺史樊

猛帥舟師出白下胡注陳南豫州治宣城時徙鎮姑熟白下城合白石壘

淮南郡宋志晉成帝於江南僑立陳書淮南王叔彪傳太建八年立為淮南王領縣四

于湖宋志晉太康二年分丹楊立

當塗宋志晉成帝立為僑縣晉末分子湖為境

有采石 陳書後主紀顧明三年隋總管韓擒虎趨橫江

濟采石九域志太平州當塗有采石 牛渚磯 南史陳後

主紀顧明二年采木湖洲擬造正觀橋至牛渚磯沒水中既

而漁人見機浮於海上九域志太平州當塗有牛渚山 姑

熟 通鑑隋文帝開皇九年伐陳韓擒虎攻姑熟牛日拔之

襄垣宋志晉末立襄垣縣屬上黨上黨民南過

江立僑郡縣寄治無湖方輿紀要晉太元中

僑置有博望山 陳書世祖紀天嘉元年大尉侯瑄攻

齊兵於博望侯瑄傳天嘉元年齊行臺蓋容恃德子子會領

鐵騎二千在蕪湖西岸博望山南為琳聲勢蕪湖 陳書侯

安都傳王琳下至柵口大軍出頓蕪湖

西鄉

宣城郡宋志晉太康元年分丹陽立通典晉武帝

分置宣城郡宋齊梁陳皆因之陳以為重鎮一統

志陳為宣州治按隋志宣城郡平陳改為宣州是

至隋時始立宣州也一統志誤寰宇記宣州陳為

重鎮蓋據隋改後而言也領縣七

宛陵漢舊縣

廣德漢舊縣

寧國宋志吳立方輿紀要漢宛陵縣地後漢建

安十三年孫吳分置寧國縣

宣城漢舊縣

石埭寰宇記本吳石城縣地吳志云韓當為石

城侯遂置石埭場晉太康二年廢入宣城梁

又置輿地志梁大同二年置石埭縣因貴池

有兩小石埭堰溪水遂以為名

安吳宋志吳立陳書吳明徹傳封安吳縣侯

涇漢舊縣寰宇記涇水出蕪湖蓋因水立名

廣陽宋志漢陵陽縣晉咸康四年更名汪士錄

南北史補志以為即隋志之南陽洪麟孫補

梁疆域志引方輿紀要曰南陽梁置於宣城

郡下並載南陽廣陽誤一為二不足據

歷陽郡宋志晉永興元年分淮南立陳書宣帝紀

太建五年伐齊黃法氈克歷陽城詔南豫州刺史

黃法氈徙鎮歷陽十一年周師南侵自拔還京師

沒於周末沒時領縣二

歷陽漢舊縣寰宇記南有歷水故曰歷陽有橫

江 陳書後主紀顧明三年韓擒虎趨橫江東關通鑑陳宣

帝太建十一年周人侵淮南樊毅將水軍自東關入頓蕪湖

浦口 陳書侯瑄傳王琳入浦治船以荻船塞於浦口 小

峴 陳書黃法氈傳太建五年北伐齊遣其歷陽王步騭五

萬來援於小峴築城默檻洲 陳書侯瑄傳天嘉元年瑛率

軍進默檻洲王琳亦出船列於江西隔洲而泊

龍亢漢縣名宋志引晉太康地志江左流寓立

有大峴城 陳書宣帝太建五年魯廣澤克齊大峴城梁

山 陳書世祖紀天嘉元年太尉侯瑄敗王琳於梁山 柵口

陳書侯安都傳王琳下至柵口通鑑注柵口在濡須口之東

水導巢湖今謂之柵江口宋白曰廬州東南至柵口三百九

十里今謂之新婦口

臨江郡宋書孝武紀大明七年割歷陽秦郡置前

廢帝紀永光元年罷齊志有臨江郡當是齊復置

隋志烏江梁置江都郡後齊改為齊江郡陳又改

為臨江郡陳書宣帝紀太建十二年淳于陵克臨

江郡後主紀至德四年立皇弟叔謨為臨江王領

縣三

烏江方輿紀要晉太康六年置

懷德宋志大明五年立

鄧宋志引晉太康地志流寓立

晉州隋志同安郡梁置豫州後改曰晉州後齊改

曰江州陳又曰晉州寰宇記同通典梁置荊河州

後改為晉州北齊改曰江州陳又曰晉州陳書宣

帝紀太建五年伐齊平固侯侯敬泰克晉州城十

一年周師南侵自拔還京師沒於周末沒時領郡三

州治懷寧

晉熙郡宋志晉安帝分廬江立陳書晉熙王叔文

傳太建七年立為晉熙王領縣二

懷寧宋志晉安帝立有皖口 陳書高祖紀永建三年

徽臨川王禧往皖口置城柵以錢道戡守焉又名南皖世祖

紀高祖命世祖率兵城南皖

新治宋志晉安帝立

高塘郡隋志宿松梁置高塘郡陳領縣一

高塘一統志梁置

南新蔡郡宋志江左立陳領縣四

苞信宋志本作褒信永初郡國作苞信

慎漢縣名一統志劉宋僑置

宋宋志徐志云宋樂後復舊

陽唐左縣宋志大明八年立

北江州隋志南陵陳置北江州通典同領郡三

州治方輿紀要赭圻城陳置北江州於此

南陵郡隋志南陵梁置南陵郡管石城臨城定陵

故治南陵五縣元和志本漢春穀縣地梁於此置

南陵縣仍於縣理置南陵郡寰宇記梁普通六年

置南陵郡方輿紀要陳屬北江州領縣五

南陵隋志梁置舊唐志梁置南陵縣治赭圻城

寰宇記梁武置南陵縣屬南陵郡

臨城宋志吳立寰宇記吳赤烏中置

石城漢舊縣寰宇記後漢至陳不改

定陵宋志漢舊名本屬襄城後割無湖為境寰

宇記南渡初於古丹陽城置即青陽縣地

故治洪齋孫補梁疆域志梁立

大雷郡隋志望江陳置大雷郡通典望江晉大雷

成在此陳置大雷郡寰宇記陳於新治置大雷郡

陳書高祖紀永定二年以王琳軍尋陽遣軍拒之

於大雷領縣無考

樅陽郡隋志同安舊置樅陽郡輿地廣記梁置樅

陽郡寰宇記梁天監中改樅陽為樅陽郡陳領縣

二

樅陽隋志同安舊曰樅陽輿地廣記漢置東漢

省梁復置寰宇記陳太建中亦為樅陽縣

陰安寰宇記梁以陰安屬樅陽郡方輿紀要本

漢魏郡屬縣劉宋時僑置於此

補陳疆域志卷二

南兖州宋志晉成帝立隋志江都郡梁置南兖州

後齊改曰東廣州陳復曰南兖陳書宣帝紀太建

十一年周師南侵南兖州自拔還京師沒於周未

沒時領郡九

州治廣陵

廣陵郡宋志漢高六年立陳領縣二

廣陵寰宇記本漢江都縣地宋武帝析地置之

江都漢舊縣一統志陳屬南兖州有歐陽引埭

繁梁湖 陳書徐敬成傳太建五年隨吳明徹北討出

秦郡別遣敬成爲都督乘金翅自歐陽引埭上泝江由廣陵

齊人皆城守弗敢出自繁梁湖下淮圍淮陰城

海陵郡隋志海陵梁置海陵郡洪齋孫補梁疆域

志宋志晉安帝分廣陵立海陵郡宋齊二志俱有

特海陵縣尙隸廣陵郡梁時始移治於此耳陳領

縣七

海陵漢舊縣輿地紀勝以其地傍海而高故曰

海陵

建陵漢縣名圖經在今沭陽縣界晉義熙中僑

置於海陵縣

寧海宋志晉安帝立

如皋宋志晉安帝立

臨江宋志晉安帝立

蒲濤宋志晉安帝立

臨澤宋志太豫元年立

秦郡一統志晉惠帝永興元年立堂邑郡安帝改

爲秦郡蕭齊永明初罷梁復置秦郡大寶元年侯

景以郡置西兖州尋改曰秦州陳太建五年州廢

陳書宣帝紀太建五年伐齊吳明徹克秦州水柵

秦州城降吳明徹傳初秦郡屬南兖後隸譙州至

是以譙之秦盱眙神農三郡還屬南兖州又宣帝

紀太建十年八月改秦郡爲義州十月罷十一年

周師南侵秦郡自拔還京師沒於周未沒時領縣

三

尉氏漢舊縣有瓜步胡墅二城陳書宣帝紀太建五

年伐齊瓜步胡墅二城降 瓦梁城通鑑陳宣帝太建五

年伐齊瓦梁城降江浦 涂水同上太建五年伐齊齊

人於秦郡置秦州前江浦通涂水齊人以大木爲柵立水

中程文季拔之瓜步江陳書南康王方泰傳太建十一年

都督陳景領樓艦五百出瓜步江六合鎮 桃葉山

通鑑隋文帝開皇九年伐陳管王廣率大軍屯六合鎮桃葉

山

棠邑方輿紀要齊增置永明初並入尉氏梁仍

置

昌國

陽平郡隋志安宜梁置陽平郡五代志劉宋僑置

陽平郡於沛郡陳書宣帝紀太建五年伐齊陽平

城降十一年周師南侵自拔還京師沒於周未沒

時領縣二

安宜通典漢平安縣地齊置安宜縣一統志北

齊改名安平陳復

石甌方輿紀要三國魏鄧艾築以營田南齊書

周山圖傳建元二年表於石甌立陽平郡隋

志安宜開皇初廢石甌入是陳時有此縣也

東莞郡隋志安宜梁又置東莞郡洪齋孫補梁疆

域志晉宋齊俱有東莞郡乃僑郡非此也其僑郡

縣齊末俱廢陳領縣無考

鹽城郡隋志鹽城後齊置射陽郡陳曰鹽城一統志陳置鹽城郡陳書徐敬成傳太建五年隨吳明徽北伐克鹽城郡宣帝紀太建十一年沒於周末沒時領縣一

鹽城宋志舊曰鹽濱三國時廢晉太康二年復立晉安帝更名

盱眙郡宋志晉安帝分立隋志盱眙舊魏置盱眙郡陳置北譙州尋省屬南兗州陳書宣帝紀太建五年伐齊盱眙城降十一年周師南侵自拔還京師沒於周末沒時領縣五

盱眙秦舊縣許慎曰張目爲盱舉目爲眙城居山上可以眺遠故名

陽城宋志晉安帝立

長樂齊志有

直瀆宋志晉安帝立

考城宋志義熙七年立

神農郡隋志高郵梁置廣業郡尋以有嘉禾改名

神農郡陳屬南兗州領縣三

高郵漢舊縣

竹塘隋志高郵梁析置竹塘縣
三歸隋志高郵梁析置三歸縣
沛郡隋志永福梁置涇城東陽二郡陳廢州并二郡置沛郡陳書宣帝紀太建五年伐齊程文季克涇州城十一年周師南侵沛自拔還京師通鑑注梁涇州在石梁程文季所克之城即此入陳後州廢又并涇城東陽二郡爲沛郡沒於周末沒時領縣三

沛漢舊縣有石梁城 陳書宣帝紀太建五年伐齊徐悅

克石梁城

橫山方輿紀要梁置

義城方輿紀要或曰梁時嘗置

北兗州齊志宋泰始二年立地形志蕭衍置淮州陳書吳明徽傳太建八年授都督南北兗等五州

諸軍事是陳時復爲北兗州也方輿紀要陳太建五年北伐克之陳書宣帝紀太建十一年周師南侵北兗州自拔還京師沒於周末沒時領郡三

州治淮陰

淮陰郡方輿紀要梁置陳太建五年伐齊淮陰城降九年沒於後周末沒時領縣一

淮陰秦舊縣

山陽郡宋志晉義熙中斷廣陵立陳書宣帝紀太建五年伐齊山陽城降十一年周師南侵自拔還京師沒於周末沒時領縣三

山陽宋志封陽縣境地名山陽與郡俱立

東城宋志晉安帝立

左鄉宋志晉安帝立

陽平郡陳書宣帝紀太建五年伐齊陽平郡降通鑑注以地形志考之梁置淮州治淮陰城其屬有陽平郡治陽平城其地當在淮陰城西十一年沒於周末沒時領縣一

太清地形志有

南譙州寰宇記梁大同二年割北徐州之新昌南豫州之南譙豫州之北譙凡三郡立爲南譙州方輿紀要梁置南譙州領新昌高塘臨潁南梁等郡

其臨潁郡陳時廢今以寰宇記之新昌南譙北譙列之於前以方輿紀要之高塘南梁列之於後凡

領郡五

州治寰宇記梁南譙州居桑根山之西陳書宣帝紀太建七年移譙州鎮於新昌郡

新昌宋志元徽元年立隋志清流舊置新昌郡陳領縣二

頓邱隋志清流舊曰頓邱元和志本漢建陽縣地寰宇記本漢全椒縣地梁爲頓邱縣

樂鉅隋志清流開皇初廢樂鉅縣入是陳時有此縣也

南譙郡通典梁屬南譙州方輿紀要晉太元中僑置南譙郡治山桑蓋取山爲名齊因之梁又置譙州及南譙郡皆治斬在今巢縣界而以此爲北譙

復別於渦陽之譙謂之南譙陳書宣帝紀太建五年伐齊任忠克譙郡城十一年沒於周末沒時領縣一

斬一統志晉太元中僑置陳書宣帝紀太建五年伐齊任忠克譙郡城有脚蹶山 輿地志陳將荀朗破齊將郭元建於脚蹶山

北譙郡一統志梁置北譙郡兼置譙州魏州徙郡廢陳復置郡陳書宣帝紀太建七年分北譙縣置

北譙郡領陽平所屬北譙西譙二縣十一年周師南侵北譙郡自拔還京師沒於周末沒時領縣二

北譙通鑑注梁北譙郡治陰陵城後移治於此

西譙

高塘郡方輿紀要梁置陳書宣帝紀太建五年伐齊北高塘郡城降十一年沒於周末沒時領縣五

高塘隋志清流開皇初廢高塘縣入是陳時有此縣也

此縣也

平阿方輿紀要梁高塘郡領平阿盤塘石城關

盤塘見上

石城見上

蘭陵見上

南梁郡通鑑注南梁自宋有之未詳其實土梁馮

道根以南梁太守成阜陵自是為郡治陳書宣帝

紀太建七年以合州之南梁郡隸入譙州十一年

周師南侵自拔還京師沒於周末沒時領縣無考

合州地形志蕭衍置隋志盧江郡梁置南豫州又

改為合州通典梁置南荊州尋改為合州為重

鎮陳書宣帝紀太建五年伐齊任忠克合州外城

黃法甃克合州城以黃法甃為合州刺史十一年

沒於周末沒時領郡三

州治地形志治合肥城

汝陰郡本南齊南汝陰郡隋志合肥梁置汝陰郡

陳領縣一

汝陰隋志合肥梁曰汝陰有合肥城 陳書宣帝紀

太建五年伐齊吳明徹攻合肥克之漢書注應劭曰夏水出

城父東南至此與淮合故曰合肥任城 元和志陳將任嬰

奴伐齊於潁水北岸築城以圍汝陰故名 肥口 陳書宣帝

紀太建十一年周遣柱國梁士彥率衆至肥口 潁湖 陳書

侯瑱傳天嘉元年王琳引合肥潁湖之衆相次而下又名雋

湖宣帝紀太建十一年樊毅自東關入雋湖

廬江郡宋志漢文六年分淮南國立陳書宣帝紀

太建五年伐齊徐攄克廬江城十年合州廬江蠻

田伯興出寇魯廣遠討平之十一年沒於周末沒

時領縣二

廬江本漢龍舒縣地寰宇記梁武帝置廬江縣

漢漢舊縣

梁郡隋志慎東魏置平梁郡陳曰梁郡領縣一

慎漢舊縣

安州本梁東徐州魏置東楚州方輿紀要陳太建

五年伐齊克之陳書宣帝紀太建七年改梁東徐

州為安州一統志太建十一年沒於後周末沒時

領郡三

州治陳書陸子隆傳子隆弟子才從吳明徹北伐

監安州鎮於宿豫徐敬成傳為安州刺史鎮宿豫

宿豫郡一統志東魏太和中置陳領縣一

宿豫本漢汝南縣地宋志晉安帝立

高平郡寰宇記吳城亦名高平郡在舊徐城北三

十里東臨通濟渠陳太建六年吳明徹於此置高

平郡領縣三

高平地形志武定七年改蕭衍東平陽平清河

歸義四郡置按郡字蓋縣字之誤

朱沛地形志武定七年改蕭衍朱沛修儀安豐

三郡置

襄邑地形志武定七年改蕭衍館陶下邳梁招

高平四縣置

淮陽郡隋志下邳梁置淮陽郡五代志梁置淮陽

郡於下邳郡之淮陽陳書宣帝紀太建五年伐齊

淮陽郡棄城走十一年沒於周末沒時領縣二

文城隋志淮陽又有梁臨清天水浮陽三郡東

魏并為甬城縣後齊改曰文城

綏化地形志武定七年改蕭衍綏化呂梁二郡

東徐州本梁武州魏改曰東徐方輿紀要陳太建

六年六字疑誤得之十一年為周所取未沒時領郡

一

州治地形志治下邳城

下邳郡宋志宋失淮北僑立陳書宣帝紀太建七

年樊毅克下邳城十一年沒於周末沒時領縣二

下邳隋志下邳梁曰歸政魏改

柵淵地形志武定八年分宿豫置有高柵城 陳

書宣帝紀太建七年樊毅克下邳高柵等六城一統志高柵

即柵淵也其四城無考

青州宋志明帝失淮北於鬱州僑立青州地形志

劉子業置青州武定七年改海州陳書宣帝紀太

建五年伐齊青州東海郡降蓋從梁舊名也十一

年青州義主率所領七百戶內附州尋沒於周末

沒時領郡一

州治齊志治鬱州地形志治龍沮城蓋魏時移治

也其龍沮縣屬東彭城郡北齊時郡縣並廢

東海郡本漢舊郡地形志蕭衍改置北海郡武定

七年復陳領縣三

東海隋志東海後齊分廣饒置東海縣有鬱州

陳書徐敬成傳太建五年隨吳明徹北討攻鬱州克之 鬱

口 陳書魯悉達傳齊遣行臺慕容紹宗以衆三萬來攻鬱

口諸鎮兵甲甚盛悉達與戰敗齊軍紹宗僅以身免

廣饒地形志蕭衍置

下密地形志蕭衍置

冀州宋志元嘉九年分青州立寰宇記漣水軍南

界宋置冀州寄理於此以為邊鎮防扼之所陳書

宣帝紀太建六年赦江右淮北十五州內有冀州

蓋五年伐齊所得十一年沒於周末沒時領郡二
州治襄賁

海西郡本齊北海郡地形志武定七年改置陳
領縣三

襄賁元和志宋明帝置
海西地形志武定七年分襄賁置

臨海地形志蕭衍置

沭陽郡隋志沭陽梁置潼陽郡東魏改曰沭陽郡
陳書宣帝紀太建五年伐齊沭陽郡棄城走十一
年沒於周末沒時領縣一

懷文隋志沭陽梁置縣曰懷文地形志沭陽郡
下城臨潼懷文服武四縣一統志陳太建五
年省三縣入懷文

南青州隋志東海郡梁置南北二青州又懷仁梁
置南北二青州陳書吳明徹傳太建八年都督南
北青州諸軍事蓋亦太建五年伐齊所得十一年
沒於周末沒時領郡一
州治胸山

琅邪郡隋志胸山舊置琅邪郡陳領縣三

胸漢舊縣地形志胸蕭衍改爲招遠武定七年
復有胸山城 陳書宣帝紀太建五年伐齊劉桃枝克胸
山城連口 陳書徐敬成傳太建五年隨吳明徹北討克
連口胸山二處

海安地形志蕭衍置陳書宣帝紀太建五年伐
齊徐敬成克海安城

山寧地形志蕭衍北譙郡武定七年改置

北青州見上
州治郡縣無考

豫州隋志淮南郡舊曰豫州後魏曰揚州梁曰南
豫州東魏曰揚州陳又曰豫州陳書宣帝紀太建
五年詔曰梁未得懸瓠以壽陽爲南豫州今者克
復可還爲豫州十一年周師南侵豫州又陷未陷
時領郡四

州治壽陽
梁郡輿地志宋明帝於淮南立通鑑梁武帝天監
五年梁城注梁郡之城在壽州陳因之領縣三

壽陽即漢壽春梁陳時謂之壽陽陳書宣帝紀
太建五年七月吳明徹克壽陽外城十月壽
陽城降十一年周軍進圍壽陽章孝寬拔之
有相國城 金城 陳書吳明徹傳太建五年伐齊進
逼壽陽齊兵退據相國城金城通鑑注二城皆在壽陽城中
相國城劉裕伐長安所築故名金城壽陽中城也自晉以來
率謂中城爲金城蒼陵城陳書宣帝紀太建五年伐齊齊
遣兵援蒼陵破之地形志壽春故楚有蒼陵城八公山通
鑑陳宣帝太建五年王琳故吏宋瑒廢琳於八公山側 肥
水 同上太建五年吳明徹攻壽陽堰肥水以灌城注水經
注肥水過壽陽城而入淮然引流入城交絡城中吳明徹堰
之以灌城其勢順易頽口 陳書宣帝紀太建五年伐齊齊
兵萬人至頽口樊毅擊走之淮口 陳書吳明徹傳周遣大
將軍王軌自清水入淮口通鑑注清水入淮之口即清口也
峽口 陳書宣帝紀太建五年吳明徹軍次峽口克其北岸
城南岸守者棄城走

梁齊志有
城父齊志有

北譙郡隋志壽春有北譙郡輿地志梁克壽陽立
北譙郡於曲陽故地陳領縣二

北譙輿地志梁北譙郡北譙蒙城二縣屬焉
蒙城見上

陳留郡隋志安豐梁置陳留郡寰宇記晉義熙十
二年劉義奏置陳留郡蓋晉置而梁因之耳陳領
縣三
浚儀寰宇記陳留郡領浚儀小黃雍邱三縣浚
儀廢縣在安豐縣東北二百五十步芍陂塘
下

小黃寰宇記在安豐縣西北三十里
雍邱寰宇記在安豐縣南六十里
安豐郡隋志安豐梁置安豐郡開皇初廢是陳時
有也領縣一

安豐寰宇記在壽州南八十里一統志東晉僑
置

仁州地形志蕭衍置寰宇記梁天監八年立赤坎
成大同二年廢戊置仁州陳書宣帝紀太建五年
伐齊吳明徹師至仁州克其州城十一年沒於周
未沒時領郡二
州治地形志治赤坎城

穎川郡隋志下蔡梁置淮陽郡後齊改曰穎川郡
陳領縣無考

新秦舊縣
新秦舊縣

司州陳書宣帝紀太建五年伐齊九月丁亥魯天
念克黃城小城齊軍退保大城壬辰黃城大城降
十月詔以黃城爲司州通鑑陳宣帝太建十一年
周章孝寬遣杞公亮自安陸攻黃城拔之遂沒於
周末沒時領郡三

周章孝寬遣杞公亮自安陸攻黃城拔之遂沒於
周末沒時領郡三

州治陳書宣帝紀司州治下爲安昌郡

安昌郡本梁縣陳置郡隋志黃陂有安昌郡領縣

一 安昌方輿紀要梁置隋平陳廢是陳時有此縣也

漢陽郡陳書宣帝紀太建五年詔以滢湍爲漢陽郡屬司州領縣二

滢隋志黃陂後齊置滢州蓋陳廢州爲縣也

漢陽郡陳書宣帝紀太建五年詔以三城依梁爲義陽郡屬司州領縣二

三城 依梁

霍州

梁書武帝紀天監六年分豫州置霍州陳書世祖紀天嘉二年霍州西山蠻率部落內屬宣帝紀太建五年伐齊任忠克霍州城十一年周師南侵霍州陷未陷時領郡四

州治水經注治灤縣天柱山

岳安郡地形志梁武置隋志霍山梁置岳安郡陳領縣一

岳安隋志霍山梁置岳安縣

北沛郡隋志沛水梁置北沛郡陳領縣一

新蔡隋志沛水梁置新蔡縣

北潁川郡地形志屬霍州方輿紀要蕭梁置陳領縣三

潁川地形志北潁川郡領潁川郡陵天水三縣 邵陵見上 天水見上

邊城郡隋志期思陳置邊城郡領縣四

臨水寰宇記梁普通七年立決口縣大通三年改爲臨水

開化宋志元嘉二十五年以蠻民立字婁一統志卽零婁之譌

邊城

譙州地形志景明中置渦陽郡孝昌中陷武定七年復置州五代志譙郡山桑縣梁置渦州東魏改曰譙州陳書宣帝紀太建五年伐齊譙城降卽此尋復沒於周末沒時領郡一

州治地形志治渦陽城

南譙郡地形志司馬昌期置陳領縣一

渦陽地形志武定六年置

元州陳書徐敬成傳都督安元潼三州諸軍事蓋太建五年伐齊得之二年沒於周州治郡縣無考

潼州地形志蕭衍置潼州武定元年平改置睢州陳書宣帝紀太建七年樊毅克齊潼州城蓋從梁舊名也十一年沒於周末沒時領郡二

州治五代志夏邱梁後齊置潼州治取慮城其取慮縣齊省

潼郡隋志夏邱東魏置臨潼郡後齊改爲潼郡陳領縣三

晉陵地形志武定六年置

寧陵地形志武定六年置

夏邱漢舊縣方輿紀要相傳堯封禹爲夏伯此其故邑也縣因以名東晉初廢東魏復置有絳城陳書宣帝紀太建五年伐齊淮北絳城誅其渠帥以降方輿紀要絳城卽虹城也

穀陽郡本漢縣名晉省地形志太和中置鎮世宗置平陽郡武定六年改置穀陽郡陳書宣帝紀太建五年伐齊穀陽士民殺其渠帥以降十一年沒於周末沒時領縣一

高昌地形志武定六年置

北徐州寰宇記宋明帝失淮北地復立北徐州於鍾離郡廢帝改號北徐州梁因之地形志蕭衍置

北徐州武定七年改楚州陳書宣帝紀太建五年伐齊魯廣達克北徐州蓋從梁舊名也十一年周師南侵北徐州陷未陷時領郡三

州治鍾離

鍾離郡宋志晉安帝分立陳領縣三

鍾離漢舊縣一統志晉安帝改曰燕縣北齊復曰鍾離

朝歌漢縣名宋志流寓因配

零宋志晉安帝立齊志永明元年割馬頭屬馬頭郡宋志故淮南當塗縣地晉安帝立陳書太建五年伐齊沈善度克馬頭城十一年周師南侵自拔還京師沒於周末沒時領縣無考

齊志有已吾縣一統志云齊廢地形志有斬平預二縣未知陳時因之否今不列

濟陰郡宋志漢景帝立屬兗州流寓徐土因割爲境一統志後魏改曰濟陽梁初因之後復陳書宣帝紀太建五年伐齊樊毅克濟陰城十一年沒於周末沒時領縣二

睢陵隋志化明故曰睢陵後齊改縣曰池南陳復曰睢陵

樂平宋志屬鍾離郡前漢曰清屬東郡章帝更

名流寓因配齊志屬濟陰郡

東豫州隋志新息後魏置東豫州梁改曰西豫州又改曰淮州東魏復曰東豫州陳太建五年伐齊得之十一年沒於周末沒時領郡一

州治地形志治廣陵城

廣陵郡地形志與和中分東豫州置通鑑陳宣帝太建五年伐齊樊毅克廣陵十一年周章孝寬遣梁士彥攻廣陵拔之沒於周末沒時領縣五

宋安地形志與和中置有金城通鑑陳宣帝太建六年廣陵金城降

光城地形志與和中置

安豐地形志與和中置

新蔡地形志與和中置

汝南地形志與和中置

永州本魏西楚州一統志齊更名永州陳太建五年伐齊得之十一年沒於周末沒時領郡三

州治地形志西楚州治楚城齊改州名治所當因其舊

汝陽郡地形志蕭衍置陳領縣一

義陽地形志蕭衍置

作城郡地形志蕭衍置隋志城陽梁置作城郡陳領縣二

城陽郡地形志蕭衍置隋志梁置有楚子城陳書

宣帝紀太建五年代齊樊毅克楚子城

淮陰地形志蕭衍置

城陽郡地形志蕭衍置陳領縣三

平春地形志蕭衍置此上地形志有淮陰縣洪

麟孫補梁疆域志以為即作城郡淮陰魏收

重出今不列

義興地形志蕭衍置

皎城地形志蕭衍置

建州地形志南建州蕭衍置隋志殷城梁置建州陳書吳明徹黃法甌傳都督六州諸軍事內均有建州蓋太建五年伐齊得之十一年沒於周末沒時領郡三

州治地形志治高平城

高平郡隋志梁建州領高平郡陳領縣四

高平

譙

弋陽

義昌

新蔡郡隋志梁建州領新蔡郡又固始後齊置新

蔡郡陳書宣帝紀太建五年伐齊馮佗克新蔡城

十一年沒於周末沒時為王國新蔡王叔齊傳太

建七年立為新蔡王領縣三

固始隋志固始梁曰蓼縣後齊改名

新蔡

安定

新城郡隋志梁建州領新城郡陳領縣一

朔州地形志南朔州蕭衍置陳書吳明徹黃法甌

傳都督六州諸軍事內均有朔州蓋太建五年伐

齊得之十一年沒於周郡縣無考

州治地形志治齊坂城

光州地形志蕭衍置隋志弋陽縣梁置光州元和

志梁末於光城縣置光州陳書吳明徹黃法甌傳

都督六州諸軍事內均有光州蓋太建五年伐齊

得之十一年沒於周末沒時領郡三

州治地形志治光城

光城郡隋志光山舊置光城郡陳領縣一

光城一統志宋元嘉二十五年以豫部蠻民立

隋志樂安梁置邊城縣地形志有二光城疑

魏收重出今不從

南樂安

北光城郡隋志新息梁置北光城郡陳領縣一

樂安宋志新立

弋陽郡宋志魏文帝分立寰宇記漢弋陽縣地梁

普通八年自後魏徙弋陽郡於此陳領縣一

定城本魏南北二弋陽縣隋志定城後齊省北

弋陽入南弋陽改為定城

宋安郡隋志樂安梁置宋安郡陳領縣二

樂寧

宋安隋志樂安梁置宋安縣

梁安郡隋志義信梁置梁安郡陳領縣二

濟陽

陽城

定州隋志麻城有北西陽陳廢北西陽置定州五

代志麻城陳置定州通鑑陳宣帝太建五年定州

刺史田龍升以江北六州七鎮叛入於齊詔周昉

討平之盡復江北之地尋失之未失時領郡二

州治北西陽

永安郡隋志木蘭梁置永安郡陳領縣無考

義陽郡隋志木蘭梁置義陽郡陳領縣二

安鄉方輿紀要梁置為郡治

信安隋志麻城梁置信安有亭川 水陵 陰

山 陳書周良傳太建五年田謂升叛入於齊齊遣歷陽王

高景安帥師應之令吳繹統衆軍以討謂升謂升使田謂瑛

陣於亭川高景安於水陵陰山爲其聲援謂升引軍別營山

谷吳先擊謂升謂升大敗謂瑛望塵而奔並追斬之高景安

遁走

新州隋志新州後齊置羅州後周改州曰新州

陳書周良傳太建五年都督六州諸軍事內有新

州蓋後齊已有新州之名陳伐齊得之因而不改

也十一年沒於周末沒時領郡一

州治齊昌

齊昌郡隋志新州後齊置齊昌郡陳書宣帝紀太

建五年伐齊黃詠克齊昌外城任忠軍次東關克

其東西二城湛佗克齊昌城十一年沒於周末沒

時領縣一

齊昌隋志新州後齊置齊昌郡陳書宣帝紀太

建五年伐齊黃詠克齊昌外城任忠軍次東關克

其東西二城湛佗克齊昌城十一年沒於周末沒

時領縣一

齊昌隋志新州後齊置齊昌郡陳書宣帝紀太

建五年伐齊黃詠克齊昌外城任忠軍次東關克

其東西二城湛佗克齊昌城十一年沒於周末沒

時領縣一

齊昌隋志新州後齊置齊昌郡陳書宣帝紀太

建五年伐齊黃詠克齊昌外城任忠軍次東關克

其東西二城湛佗克齊昌城十一年沒於周末沒

時領縣一

安陸郡宋志孝建孝武元年分江夏立隋志安陸

舊置安陸郡開皇初郡廢是郡至隋始廢陳蓋於

安陸郡置司州非改置也領縣一

安陸漢舊縣水經注安陸縣故城因岡爲墉峻

不假築

涇水郡隋志安貴梁置北鄂州西魏改爲款州又

尋廢爲涇水郡陳領縣一

安貴隋志安貴梁置曰定陽西魏改曰安貴有

涇水鎮 陳書宣帝紀太建十二年周司馬消難以涇水

鎮內附

隨州古隨國隋志西魏置并州後改曰隨州寰宇

記西魏置并州尋廢大統十六年克定隨安陸二

郡改爲隨州陳書宣帝紀太建十二年周司馬消

難以隨州內附通典尋失之方輿紀要周復取之

未失時領郡三

州治隨

隨郡宋志隨陽晉太康年分義陽爲隨國宋明帝

泰始五年改爲隨陽齊志作隨郡隋志隋舊置隋

郡陳領縣一

隨漢舊縣

涿西郡隋志隋西魏析置涿西郡陳領縣一

涿西郡隋志隋西魏析置涿西縣

曲陵郡隋志隋梁又置曲陵郡陳領縣一

曲陵宋志安陸郡江夏又有曲陵縣本名石陽

晉太康元年改曲陽洪麟孫補梁疆域志梁

因此立郡

溫州隋志京山梁置新州西魏改爲溫州陳書宣

帝紀太建十二年周司馬消難以溫州內附通典

尋失之方輿紀要周復取之未失時領郡二

州治角陵

梁寧郡隋志京山梁置梁寧郡陳領縣二

角陵隋志京山舊曰新陽西魏改爲角陵

盤陂隋志京山西魏又置盤陂縣

富人郡隋志富水西魏置富人郡陳領縣一

富水隋志富水舊曰南新市西魏改爲富水寰

宇記因界內富水爲名

應州隋志應山梁置應州通典同元和志本漢隨

縣地梁大同中以隨州北界應濃山戌置應州寰

宇記梁大同二年立陳書宣帝紀太建十二年周

司馬消難以應州內附通典尋失之方輿紀要周

復取之未失時領郡一

州治永陽

平靖郡隋志應山梁又有平靖郡陳領縣二

平靖隋志應山西魏置平靖縣有平靖鎮 陳書

宣帝紀太建十二年周司馬消難以平靖鎮內附 武陽鎮

同上太建十二年周司馬消難以武陽鎮內附

永陽齊志隨郡下有永陽縣蓋是齊置隋志元

和志寰宇記皆以爲梁置非也

順州隋志順義西魏立冀州尋改爲順州陳書宣

帝紀太建十二年周司馬消難以順州內附通典

尋失之方輿紀要周復取之未失時領郡

州治南陽

南陽郡隋志順義梁置北隋郡西魏改爲南陽陳

領縣無考

淮南郡隋志順義西魏析置淮南郡陳領縣三

厲城隋志順義西魏析置厲城縣

順義隋志順義西魏析置順義縣

安化隋志順義西魏又置安化縣

上明郡隋志平林梁置上明郡陳領縣三

平林晉志義陽郡領平林縣宋志作西平林齊志復舊

洛平隋志上明西魏置洛平縣有上明鎮 陳書

宣帝紀太建十二年周司馬消難以上明鎮內附

光化隋志光化舊曰安化西魏改爲新化後周又改焉元和志本漢隨縣地南齊分其地立

安化縣後魏文帝改爲新化廢帝改爲光化

澠州隋志吉陽後周置澠州陳書宣帝紀太建十二年周司馬消難以澠州內附卽此通典尋失之

方輿紀要周復取之未失時領郡二

州治京池

重城郡隋志吉陽梁立汝南郡西魏改郡爲重城

陳領縣一

京池隋志吉陽梁置曰平陽西魏改曰京池

城陽郡隋志應陽西魏置城陽郡陳領縣二

應城隋志應陽西魏置曰應城有應城鎮 陳書

宣帝紀太建十二年周司馬消難以應城鎮內附

雲夢寰宇記本漢安陸縣地後魏大統十二年

於雲夢古城置雲夢縣因以爲名

岳州隋志孝昌西魏置岳州寰宇記後魏置楚州

後周武帝三年改爲岳州陳書宣帝紀太建十二年周司馬消難以岳州內附通典尋失之方輿紀

要周復取之未失時領郡二

州治孝昌

岳山郡隋志孝昌西魏置岳山郡寰宇記後周武

帝三年置岳山郡蓋因西魏之舊也通典尋失之

方輿紀要周復取之未失時爲王國陳書後主紀

至德元年立皇弟叔韶爲岳山王領縣一

孝昌宋志疑是孝武世所立寰宇記本漢安陸

縣地宋於此置孝昌縣輿地紀勝因孝子董

黯立名

澠岳郡隋志孝昌西魏又有澠岳郡陳領縣無考

沔州隋志沔陽郡後周置復州大業初改曰沔州

陳書宣帝紀太建十二年周司馬消難以沔州內

附是周入陳之前已改爲沔州矣通典尋失之方

輿紀要周復取之未失時領郡一

州治無考

汶川郡隋志甌山梁置梁安郡西魏改曰魏安郡

尋改郡曰汶川寰宇記漢安陸縣後魏置汶川郡

汶汶形似傳寫者誤耳陳領縣三

漢陽寰宇記周顯德五年平淮南書江爲界江

南以漢陽汶川二縣居大江之北先進納世

宗

汶川見上

甌山寰宇記梁天監中置隋志甌山後周置甌

山縣蓋因梁舊名也有甌山鎮 陳書宣帝紀太

建十二年周司馬消難以甌山鎮內附

北新州隋志江夏郡梁分置北新州又長壽梁置

北新州寰宇記梁置北新州尋分北新州爲土富

泗泉豪五州梁末北齊得之遣慕容儼守之爲陳

將侯瑱攻圍凡二百日不下後因二國通和復歸

陳州治郡縣無考

土州隋志土山梁置土州又江夏郡梁分北新州

立土州陳書宣帝紀太建十二年周司馬消難以

土州內附通典尋失之方輿紀要周復取之未失

時領郡一

州治左陽

齊郡隋志土山梁置東西二永寧真陽三郡後周

廢三郡爲齊郡陳領縣三

左陽隋志土山梁曰龍巢後周改曰左陽

漳川隋志土山梁又有阜陵縣後周改爲漳川

石武隋志土山梁置石武縣

富州隋志江夏郡梁分北新州立富州州治郡縣

無考

泗州隋志江夏郡梁分北新州立泗州州治郡縣

無考

泉州隋志江夏郡梁分北新州立泉州州治郡縣

無考

豪州隋志江夏郡梁分北新州立豪州州治郡縣

無考

補陳疆域志卷三

武進臧勵蘇撰

吳州隋志鄱陽郡梁置吳州陳廢寰宇記梁天監中置吳州元和志作承聖二年陳初又廢按陳書廢帝紀光大二年罷吳州以鄱陽郡還屬江州宣帝紀太建十三年改鄱陽郡為吳州是陳廢復置也領郡一

州治鄱陽

鄱陽郡宋志後漢建安十五年孫權分豫章立陳書鄱陽王伯山傳天嘉元年封鄱陽郡王領縣六鄱陽漢舊縣

葛陽宋志吳立寰宇記弋陽縣本餘汗縣地後漢建安十五年孫權分置葛陽縣以城在葛水之北故也

銀城隋志鄱陽又有陳銀城縣廢入焉一統志樂平縣陳為銀城縣地有樂安嶺陳書臨山才傳李孝順自新林來寇豫章山才收餘衆依於周迪擒余孽頃李孝欽等遣山才自鄱陽之樂安嶺東道送於京師

餘干漢舊縣上饒宋志吳立陳書陳擬傳高祖踐阼封從子昺上饒縣侯

安仁鄱陽記晉永嘉七年分餘干置興安縣尋廢陳天嘉中復於興安故地置安仁縣

江州宋志晉太康元年置南史陳武帝紀江州有鄱陽臨川二郡又有尋陽豫章安成廬陵四郡通鑑梁敬帝太平元年分江州巴山臨川安成豫章汪梅村曰章當作寧四郡立高州梁書敬帝紀太平二年以潯陽南太原高塘齊昌南新蔡為西江州陳書世祖紀天嘉四年罷高州隸入江州宣帝紀天

嘉初省西江州入江州合觀諸書江州有鄱陽臨川尋陽豫章安成廬陵巴山豫寧南太原高塘齊昌南新蔡十二郡陳太建五年罷齊昌即梁齊昌非陳伐齊所得之齊昌也陳書作南齊昌即此至伐齊所得之齊昌則開皇初始廢八年分高塘新蔡即南新蔡屬晉州十三年割鄱陽屬吳州復增置廣豐安樂二郡又宋齊二志皆有南康郡洪齧孫補梁疆域志亦以南康隸江州陳當因之凡領郡十一一統志天嘉六年罷江州今考南史陳書紀傳皆無此文陳書廢帝紀光大二年以鄱陽郡還屬江州其時在天嘉之後如江州已罷則光大時安得復有江州又陳書晉熙王叔文傳至德元年授江州刺史是江州未嘗廢也

州治齊志鎮尋陽一統志梁太平二年移治豫章豫章郡宋志漢高帝立陳書世祖紀天嘉六年罷豫章郡是豫章已罷然考隋志豫章舊置豫章郡平陳郡廢則終陳之世有豫章郡可知殆天嘉六年罷後復置而史闕之耳陳書豫章王叔英傳太建元年改封豫章王領縣九

南昌漢舊縣方輿紀要引志云陳永定初置按南昌自漢迄陳皆因而不改志云永定初置不知何據有南湖陳書陳詳傳詳讀吳明徹置城取琳家口不克因入南湖自鄱陽步道而歸禽奇洲陳書侯安都傳安都又進軍於禽奇洲

建城漢舊縣陳書陳擬傳高祖踐阼封從子昺建城縣侯望蔡漢上蔡縣宋志晉太康元年更名輿地志汝南上蔡人分徙於此晉武帝以上蔡人思本土改為望蔡陳書沈君理傳高宗以君理

女為皇太子妃賜爵望蔡縣侯吳平宋志漢靈帝中平中立曰漢平吳更名康樂宋志吳黃武中立曰陽樂晉太康元年更名陳書始興王叔陵傳天嘉三年隨後主還朝封康樂縣侯

宜豐輿地志吳置宋齊志俱無洪齧孫補梁疆域志梁時復置鍾陵一統志漢南昌縣東境晉析置鍾陵縣後省梁陳時復置陳書陳擬傳高祖踐阼封從子褒鍾陵縣侯

豫章寰宇記後漢建安分海昏立西安縣晉太康元年改為豫章陳書陳擬傳高祖踐阼封從孫祐豫章縣侯

西昌宋志吳立方輿紀要引志云陳置按西昌自吳置之後晉以下因之志云陳置未知何據

廬陵郡宋志本縣名屬豫章孫策元年分豫章立通典孫策置廬陵郡晉宋齊梁陳皆因之陳書世祖紀天嘉六年立皇子伯仁為廬陵王領縣五石陽輿地志後漢和帝分新淦縣立元和志晉太康中移郡於石陽縣今舊州東北故城是也

吉陽宋志吳立一統志以在吉水之陽而名南史陳宗室諸王傳武帝踐阼吉陽縣侯諡仍前封巴邱宋志吳立一統志吳分石陽縣置方輿紀要由晉宋至陳皆屬廬陵縣高昌宋志吳立寰宇記梁改高昌為石陽縣一

統志梁并高昌入石陽按石陽縣後漢永元八年置晉宋齊志廬陵郡兼有石陽高昌是石陽非梁改高昌置寰宇記誤至梁并高昌入石陽史亦無明文今亦不從陳書任忠傳天嘉二年封高昌縣侯又樊毅傳天嘉二年封高昌縣侯

遂興輿地志後漢獻帝立吳大帝改曰新興晉武帝復以在遂水口為名陳書陳詳傳永定二年封遂興縣侯

南康郡宋志晉太康三年以廬陵南部都尉立通典晉平吳置南康郡宋為南康國齊梁陳皆為南康郡寰宇記東晉永和初年置郡城於章貢二水間義熙七年徙於贛水東梁承聖元年復於章貢間陳書高祖紀永定元年追贈皇弟休先封南康郡王宣帝紀太建七年南康郡獻瑞鐘領縣九

贛漢舊縣通典有章水貢水合流故曰贛寰宇記宋昇明初移置贛水東三百步梁承聖初又遷贛水南

零都漢舊縣寰宇記陳永定初遷於大昌邨

破陽宋志吳立後改揭陽晉太康五年更名

寧都宋志吳立曰陽都晉太康元年更名陳書

陳擬傳高祖踐阼封從孫敬雅為寧都縣侯

南康宋志吳立曰安南縣晉太康元年更名

南野本秦南野縣後漢曰南野

平固宋志吳立曰平陽晉太康元年更名陳書

陳擬傳高祖踐阼封從孫敬泰為平固縣侯

虔化宋志孝明五年以虔化屯立陳書陳擬傳高祖踐阼封從孫諺虔化縣侯

安遠元和志梁大同中於今縣南七十里安遠水南置安遠縣寰宇記梁大同十年置

巴山郡隋志崇仁梁置巴山郡一統志光大初郡廢按隋志開皇九年廢巴山郡是郡至隋時始廢寰宇記光大二年移巴山郡於廣豐縣西二里獨瀘水之南岸一統志殆誤移治為郡廢也陳書巴山王叔雄傳太建十四年立為巴山王領縣五

巴山記纂淵海吳置巴邱縣梁改曰巴山通典縣北有山曲折似巴字因名寰宇記梁大通二年分廬陵之興平臨川之新建等二縣立

西寧巴山二縣陳初廢西寧入巴山郡

豐城宋志吳立曰富城晉太康元年更名輿地志後漢建安中初立富城縣於富水之西晉太康元年改為豐城縣移於豐水之西

新建宋志吳立寰宇記吳太平二年置陳書黃法氾傳封新建縣侯

新淦漢舊縣寰宇記縣南有子淦山因以為名

陳屬巴山郡有象牙江 金口 三陂 陳書

周文官傳文官遣吳明徹為水軍都督運糧自率眾軍入象牙江城於金口余公騰偽降誅執文官事覺文官囚之送於京師始為步進據三陂

興平宋志吳立

豫寧郡寰宇記陳武帝初割建昌豫寧艾永修新豫寧宋志漢建安中立吳曰要安晉太康元年更名南齊曰豫章梁復舊一統志豫寧故城

陳武立豫寧郡

艾漢舊縣

建昌寰宇記引豫章記云後漢永元中分海昏置建昌縣宋元嘉中廢海昏縣移建昌縣治焉陳書到仲舉傳改封建昌縣侯又徐陵傳

封建昌縣侯

永修宋志漢靈帝中平中立寰宇記後漢永元中分海昏建昌立陳書陳擬傳高祖踐阼封擬為永修縣侯

新吳宋志漢靈帝中平中立寰宇記後漢永元中分海昏建昌立陳書周迪傳高祖受禪王琳東下至淦城新吳洞主余孝頃舉兵應琳一統志陳置南江州於此尋廢

臨川郡宋志吳分豫章東部都尉立舊唐志吳置臨川郡歷南朝不改通典吳置臨川郡晉宋齊梁陳皆因之陳書高祖紀永定元年封長城縣侯為臨川王領縣九

臨汝漢舊縣陳書南康王曇朗子方慶傳天嘉中封臨汝縣侯有工塘 臨川故郡陳書周迪傳樊猛等與余孝頃合眾據工塘連八城以逼迪使周敷率眾頓臨川故郡截斷江口

南城漢舊縣一統志陳屬臨川郡陳書陳詳傳天嘉五年詳率水步討迪軍至南城與賊相遇戰敗死之

永城宋志吳立陳書杜稜傳天嘉元年以預建立功封永城縣侯

宜黃宋志吳立寰宇記本臨川縣地梁大同二年置巴山郡因立宜黃縣於宜黃水側以水

為名輿地紀勝云寰宇記於宜黃縣沿革則以為梁大同二年立於撫州沿革則以為吳

太平二年以南城臨汝二縣置臨川郡而增置宜黃等八縣則是宜黃非置於梁武矣陳書陳慧紀傳高祖踐阼封宜黃縣侯

南豐宋志吳立沿革志吳置豐縣尋以徐州有豐縣因曰南豐

東興宋志吳立陳書裴忌傳天嘉五年封東興縣侯有東興嶺陳書章昭遠傳天嘉四年昭遠討周迪至東興嶺而迪退昭遠仍踰嶺於建安

西豐宋志吳立曰西平晉太康元年更名陳書周迪傳天嘉二年封西豐縣侯

定川寰宇記梁大通二年分臨川北境置定川縣隸臨川郡通鑑陳天嘉五年周迪復出臨川為寇周敷自豫章進擊至定川迪誘殺之

東昌宋志吳立陳書毛喜傳高宗即位以定策功封東昌縣侯

安成郡宋志孫皓寶鼎二年分豫章廬陵長沙立寰宇記引地志云吳分豫章之新喻宜春廬陵之平都永新長沙之安成萍鄉六縣為安成郡陳書世祖紀徙封始興嗣王瑒為安成王領縣六

平都漢舊縣

新喻宋志吳立寰宇記吳孫皓分宜春立永新宋志吳立寰宇記吳寶鼎中立

萍鄉宋志吳立寰宇記吳寶鼎二年置

宜陽宋志漢舊縣本名宜春晉孝武更名安復宋志漢舊縣本名安成晉太康元年更名

陳書任忠傳太建五年封安復縣侯有龍川寧朔隄 通鑑陳臨海王光大二年章昭遠決龍川寧朔隄引水灌江陵又名龍坡水經注南城西有赤坂岡岡下

有灑水東北流入城又東北出城南注於龍陵坡在灑漢東江隄內水至淵深有龍見於其中故曰龍陵

尋陽郡宋志尋陽本縣名晉永興元年分廬江武昌立尋陽郡寰宇記尋陽歷宋齊梁陳與州並理自晉以來頗為重鎮陳書尋陽王叔儼傳後主即位立為尋陽王領縣四

汝南隋志溢城梁立汝南縣陳書吳明徹傳兄子超以隨明徹征伐有功封汝南縣侯

柴桑漢舊縣有郭默城陳書宣帝紀太建五年郭默城降又十二年魯廣達克郭默城陳書世祖紀天嘉元年侯瑱鎮溢城宮亭湖陳書侯安都傳安都自宮亭湖出松門廬山 同上安都被曹慶常榮愛等焚其船艦榮愛奔於廬山白水浦同上淋下至溢城白水浦

上甲晉志元帝渡江尋陽郡又置九江上甲二縣尋省九江入尋陽安帝又省上甲入彭澤

梁時有上甲侯蕭韶當是梁復置

龍城方輿紀要引志云本彭澤地陳時移彭澤縣治此改名龍城屬尋陽郡按隋志彭澤隋平陳廢是陳時有彭澤可知蓋陳分彭澤置龍城非改置也

太原郡隋志彭澤梁置太原郡領彭澤晉陽和城天水方輿紀要陳郡縣俱廢按隋志云平陳郡縣並廢輿地志云太原郡梁武帝立屬尋陽領晉陽

天水 and 城三縣陳亡廢是陳時有太原郡及彭澤等縣可知方輿紀要誤陳書太原王叔匡傳禎明二年立為太原王領縣四

彭澤漢舊縣陳書魯悉達傳封彭澤縣侯有松門見柴桑亭亭湖注左里 陳書高祖紀永建三年侯安

郡敗王琳將常榮等於左里彭蠡戍方輿紀要引志云都昌縣西北七十里有彭蠡戍西臨彭蠡湖陳末置戍於此

湖口戍方輿紀要劉宋時置湖口齊梁陳皆為戍守之地

晉陽輿地志梁武立

和城輿地志江左立方輿紀要梁置

天水輿地志梁武置以擬西水縣

廣豐郡隋志作大豐陳為郡領縣一

廣豐寰宇記梁大通二年分豐城立廣豐安樂二縣屬巴山郡陳初廢新安入廣豐郡

安樂郡陳書高祖紀永定二年以安成所部廣興六洞為安樂郡領縣二

廣興宋志晉太康地志有此縣

六洞

鄂州宋志孝武孝建元年立隋志竟陵郡舊置鄂州又江夏郡舊置鄂州五代志江夏郡陳置鄂州

蓋陳因宋舊也陳書宣帝紀太建七年鄂州獻瑞鐘領郡八

州治梁鎮江夏陳當因之

竟陵郡宋志晉元康九年分江夏西界立隋志竟陵舊置竟陵郡梁末王琳并湘鄂據以拒陳後陳平王琳遂復焉太建中沒於周未沒時領縣三

霄城隋志竟陵舊曰霄城又有秦置竟陵縣梁末廢有樊浦陳書淳于量傳光大元年華皎構逆以量為西討大都督自鄧州樊浦拒之

長壽本宋志長壽縣一統志梁改長壽為長壽豐鄉隋志西魏置

西陽郡宋志本縣二漢屬江夏魏立弋陽又屬焉晉惠帝分弋陽為西陽國宋孝武孝建元年屬鄂

州陳書宣帝紀太建七年移西陽郡治保城後主紀至德元年立皇弟叔穆為西陽王領縣五

西陵漢舊縣方輿紀要宋屬西陽郡蕭齊為郡治梁陳因之一統志梁廢按隋志武昌廢西陵縣入是西陵至隋始廢陳時尙有也一統志誤

西陽漢舊縣

孝寧本漢獻縣宋志晉孝武更名

義安

東安

齊安郡隋志黃岡齊置齊安郡通典齊分西陽置齊安郡北齊置衡州陳廢州陳書宣帝紀太建五年伐齊齊安城降十一年沒於周末沒時領縣六又陳書宣帝紀太建五年周吳克巴州按隋志黃岡後齊置巴州陳廢今不列

齊安

始安

義城

南安隋志黃岡齊曰南安

義昌

義安

齊興郡齊志永明三年置隋志漢東齊置齊興郡

陳太建中沒於周末沒時領縣四

上蔡隋志漢東齊置曰上蔡

綏懷方輿紀要齊置郡治

西平

錫

上雋郡隋志蒲圻梁置上雋郡寰宇記陳改上雋

郡為雋州天嘉元年還復本名領縣四

沙陽本漢沙羨縣地宋志晉太康元年更名寰宇記沙陽屬上雋郡梁承聖三年改為沙州

陳初復為縣又屬上雋郡有夏口通鑑陳海王光大元年淳于量軍夏口南浦陳書後主紀禎明二年

鄧州南浦水黑如墨

蒲圻宋志晉太康元年立寰宇記吳黃武三年置在競江口

樂化寰宇記引荊州記云梁大同五年分下雋縣立

下雋漢舊縣元和志因雋水為名寰宇記梁大同五年於下雋縣置上雋郡承聖三年改為雋州陳天嘉三年州廢方輿紀要下雋梁陳間省入巴陵縣按此說未知所據今不從

江夏郡宋志漢高帝立陳書世祖紀天嘉六年立皇子伯義為江夏王領縣三

汝南元和志東晉以汝南流人僑立汝南郡後改為汝南縣寰宇記引荆湘記云金水北岸有汝南舊城蕭梁末常置戍守於此方輿紀要劉宋以汝南為江夏郡治梁陳因之

澠陽宋志晉惠帝時分安陸東界置又有澠陽縣陳廢有澠陽鎮陳書宣帝紀太建十二年周司馬

澠陽鎮內附鴉山城陳書世祖紀天嘉元年齊

軍守魯山城戊午齊軍棄城走又宣帝紀太建十二年周司

馬消難以魯山鎮內附即此楊葉洲陳書世祖紀天嘉

元年侯瑱與破獨孤盛於楊葉洲西江口陳書侯瑱傳

周將賀若敦獨孤盛等寇巴浦以瑱為西討都督與盛戰於

西江口雙林陳書吳明徹傳明徹破周軍於雙林

弁

口陳書侯安都傳王琳將將純隨於城中遙射官軍安都忽進軍圍之未能克而王琳至於身口沌口陳書世祖紀周文會侯安都敗於沌口漢口陳書陳慧紀傳欲趨壘城至漢口為秦王軍所拒不得進

永興隋志永興陳曰陽新按隋志非也元和志

陳永興在永興縣城東五十里方輿紀要永

興城在興國州南閩閩山下本名閩閩城梁

陳間置永興縣治此一統志陳置永興縣隋

改曰富川是永興在陳時並無陽新之名也

隋志蓋以隋改吳陽新為富川并省陳永興

入富川又改富川為永興而誤

武昌郡宋志引晉起居注太康元年改江夏為武

昌陳書周昞傳太建八年卒贈司州刺史封武昌

郡公又後主紀立皇弟叔虞為武昌王領縣三

武昌通典故東鄂也孫權改為武昌有白雉山

寰宇記在縣西北二百三十五里其山有芙蓉峯前有獅子

嶺後有金雞石南出銅鑄自晉宋梁陳以來置爐烹鍊

鄂漢舊縣

陽新三國吳志甘寧傳寧拜西陵太守領陽新

縣曹學佺名勝志吳孫權分武昌置陽新縣

隋改曰富川是陳時尙有也

竟陵郡陳書世祖紀天嘉二年以武昌國川為竟

陵郡以安流民領縣無考

巴州汪士鐸南北史補志巴州陳曰岳州按隋志

巴陵郡梁置巴州平陳改曰岳州通鑑地理通釋

巴陵梁兼置巴州隋改岳州是陳時尙名巴州也

汪說誤五代志巴陵郡陳置巴州是陳因梁舊可

知領郡二

州治巴陵

巴陵郡宋志元嘉十六年分長沙之巴陵蒲圻下雋江夏之沙陽四縣立梁以蒲圻下雋沙陽屬上雋郡陳因之今領縣一

巴陵宋志晉武太康元年立按元和志羿屠巴

蛇於洞庭其骨若陵故曰巴陵吳置巴陵縣

則巴陵乃晉因吳舊非晉置也宋志誤有巴

邱方輿紀要陳天嘉初周將賀若敦等軍阜山侯瑱等屯

巴邱以逼之

監利郡方輿紀要梁置陳領縣一

監利宋志引晉起居注太康四年復立南郡之

監利縣孝武孝建元年度巴陵水經注監利

縣江水北上有小城故監利縣尉治也梁為

郡治陳因之有白螺陳書華皎傳光大元年皎陣於

巴州之白螺與王師相持

湘州宋志晉永嘉元年分荊州江州立隋志長沙

郡舊置湘州通典湘川之與人豐土關南通嶺嶠

唇齒荆雍亦為重鎮梁陳以來因而不改方輿紀

要自宋以後湘州常為重鎮梁陳之間力爭巴湘

巴湘屬陳而江南始可固南史陳文帝紀天嘉二

年周湘州城主殷亮降湘州平領郡十

州治長沙

長沙郡秦置通典有萬里沙洞故曰長沙陳書長

沙王叔堅傳太建元年立為長沙王領縣五

臨湘漢舊縣

醴陵後漢立通鑑陳臨海王光大元年華皎潛

引周兵自歸於梁司徒頊遣巴山太守黃法

慧自宜陽出醴陵即此陳書淳于量傳進封

醴陵縣公

瀏陽宋志吳立元和志本漢長沙縣地吳置瀏

陽因縣南瀏陽水為名

建寧宋志吳立方輿紀要三國吳分醴陵置屬

長沙郡自晉至陳因之

南江陳於新吳立陳書周敷傳南江會帥並顧

戀巢窟私署令長不受召唯敷獨先入朝

湘東郡宋志吳太平二年分長沙東部都尉立水

經注吳湘東郡本治湘水東後乃徙鄱梁陳因之

陳書徐度傳天嘉元年以平王琳功封湘東郡公

又後主紀至德元年立皇弟叔平為湘東王領縣

八

茶陵漢舊縣通鑑陳臨海王光大元年華皎潛

引周兵自歸於梁司徒頊遣冠武將軍從安

成步道出茶陵

沅陽隋志沅陰舊曰沅陽輿地紀勝梁陳間移

治于鷺山口

攸水本漢攸縣方輿紀要以水為名陳改曰攸

水

臨蒸宋志吳屬衡陽晉太康地志屬湘東

新城一統志梁大通元年析臨蒸東鄉置方輿

紀要陳析臨蒸縣置未知孰是

陰山宋志疑是吳立元和志以縣東一百二十

里陰山為名

新寧宋志吳立唐志吳分耒陽立方輿紀要梁

改新寧曰常寧陳復舊

湘潭元和志梁天監中分陰山立陳書江夏王

伯義傳長子元基封湘潭縣侯

衡陽郡宋志吳太平二年分長沙西部都尉立陳

書衡陽王昌傳天嘉元年封衡陽王領縣六

湘西宋志吳立水經注湘水又歷湘西縣南分

湘南置也

益陽漢舊縣應劭曰縣在益水之陽也陳書陸

子隆傳天嘉元年封益陽縣子

湘鄉後漢置

新康宋志吳曰新陽晉太康元年更名

重安方輿紀要漢鍾武縣後漢改陳書程靈洗

傳封重安縣公又華皎傳廢帝即位改封重

安縣侯

衡山宋志吳立曰衡陽晉惠帝更名

邵陵郡宋志吳寶鼎元年分零陵北部都尉立隋

志邵陽舊置邵陵郡通考吳置邵陵郡宋齊梁陳

皆因之陳書章昭達傳天嘉元年改封邵陵郡公

領縣六

都梁漢舊縣水經注都梁縣西有小山上有浮

水其中悉生蘭草俗謂蘭為都梁山因以號

縣受名焉

邵陵宋志何志屬長沙吳錄屬邵陵水經注邵

陵縣治郡下南臨大溪縣故昭陵也陳書吳

明徵傳至德元年追封邵陵縣開國侯

扶夷本漢扶夷縣宋志作扶圖經夫夷東晉改

名扶夷一統志梁改曰扶陽後仍曰扶夷

高平宋志吳立晉太康元年改曰南高平復更

曰高平

邵陽宋志吳立曰昭陽水經注雲泉水逕歸陽

南故昭陽也元和志邵陽在邵水之陽為名

武強宋志本晉武岡縣晉武分郡梁立元和志
梁天監元年以太子諱綱故改爲武強洪麟
孫補梁疆域志當是大通三年立晉安王爲
太子時所改

岳陽郡隋志湘陰梁置岳陽郡及羅州陳廢州通
典秦羅縣地梁置岳陽郡陳書後主紀立皇弟叔
慎爲岳陽王領縣六

岳陽方輿紀要宋爲湘陰縣地梁立岳陽縣屬
岳陽郡

湘陰宋志元徽二年分益陽羅湘西及巴峽流
民立

玉山隋志湘陰平陳廢玉山縣入焉是陳時有
此縣也一統志湘陰又有玉山縣梁置屬岳
陽郡

湘濱隋志湘陰平陳廢玉山縣入焉是陳時有
此縣也方輿紀要湘濱縣梁置屬岳陽郡陳

書慮陵王伯仁傳長子番先封湘濱縣侯

吳昌宋志後漢立曰漢昌吳更名一統志三國
吳改曰吳昌宋齊以後俱因之梁陳屬岳陽
郡

羅漢舊縣

零陵郡宋志漢武元鼎六年立陳書侯瓊傳封零
陵郡公領縣七

泉陵漢侯國後漢置縣

洮陽漢舊縣方輿紀要以洮水經其南故名

零陵漢舊縣

祁陽宋志吳立元和志本泉陵縣地吳置

觀陽宋志吳立方輿紀要後漢建安中孫氏析

置觀陽縣以觀水爲名梁陳間諱曰灌陽
永昌宋志吳立方輿紀要三國吳析泉陵縣置
應陽王隱晉書應陽本泉陵之北部宋志晉惠
帝分觀陽立蓋誤也水經注應水逕應陽縣
南即應水爲名

永陽郡水經注營水徑營浦縣南營陽郡治魏咸
熙二年吳孫皓分零陵置在營水之陽故以名郡
齊梁間改郡曰永陽通典梁改營陽郡爲永陽郡
輿地廣記梁改郡縣皆曰永縣寰宇記梁天監十
四年改永陽郡陳書廢帝紀光大二年立皇弟伯
智爲永陽王領縣五

永陽隋志永陽舊曰營陽梁改名
冷道漢舊縣水經注冷水北流逕冷道縣西南
縣指冷溪爲名

營浦漢舊縣
營道漢舊縣通典有營山因以爲名

春陵漢舊縣
臨賀郡宋志吳分蒼梧立宋明帝改名臨慶齊志
復舊水經注郡對臨賀二水之交會故取名焉隋
志富川舊置臨賀郡陳書後主紀至德元年立皇
弟叔傲爲臨賀王領縣六

臨賀漢舊縣寰宇記以邑內臨水質水爲名
馮乘漢舊縣元和志有馮溪因以爲名
謝沐漢舊縣

富川漢舊縣寰宇記縣有富水因名陳書樊猛
傳封富川縣侯

封陽漢舊縣元和志在封水之陽故名
興安宋志吳立曰建興晉太康元年更名

綏越郡隋志永平郡陳置綏越郡又賀川陳置綏
越郡陳書魯廣達傳改封綏越郡公領縣一
綏越一統志縣之始置疑在陳時

樂梁郡隋志富川舊置樂梁郡方輿紀要梁置陳
因之領縣二
游安本南齊游安縣舊唐志游水漢封陽縣南
齊改爲游安隋志作游安當是梁陳時所改
陳書始興王叔陵傳陳智深封游安縣子
蕩山元和志蕭梁立方輿紀要梁置樂梁郡治
焉

沅州陳書世祖紀天嘉元年分荊州之天門義陽
南平鄂州之武陵四郡置武州其刺史督沅州領
武陵太守治武陵郡宣帝紀太建七年改武州爲
沅州其天門義陽南平三郡廢帝立荊州於公安
以之還屬益以南陽沅陵藥山夜郎四郡凡領郡
五

州治武陵
武陵郡漢置隋志武陵舊置武陵郡陳書世祖紀
天嘉六年立皇子伯禮爲武陵王領縣七
臨沅漢舊縣水經注縣南臨沅水因以爲名
沅南宋志漢建武二十六年立水經注在沅水
之陰因以爲名方輿紀要自晉及陳皆曰沅
南縣

漢壽本漢索縣順帝更名宋志吳曰吳壽晉武
帝復舊

遷陵漢舊縣
龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

龍陽宋志吳立陳書南康王曇朗子方慶傳封
龍陽縣子

西陽方輿紀要漢置屬武陵以在酉水之陽因名

辰陽漢舊縣水經注辰水逕辰陽縣北舊治在辰水之陽故名方輿紀要漢縣在今辰溪縣西北梁陳間移今治

南陽郡隋志辰溪梁置南陽郡建昌縣陳廢縣開皇初廢郡是陳時尙有此郡也領縣一龍欄隋志梁置方輿紀要屬南陽郡

沅陵郡陳書世祖紀天嘉元年以都尉所部六縣爲沅州別置通寧郡以刺史領太守治都尉城方輿紀要陳分武陵置沅陵郡治沅陵縣太建中以武陵爲沅州以沅陵爲沅陵郡一統志陳天嘉元年分置沅州及通寧郡太建七年州廢改置沅陵郡蓋移沅州於臨沅而沅陵之州廢陳書後主紀至德元年立皇弟叔興爲沅陵王領縣四

沅陵漢舊縣
鹽泉隋志梁置
大鄉隋志梁置方輿紀要漢沅陵西陽二縣地梁分置大鄉縣

零陵齊志武陵郡有零陵非漢舊縣也
藥山郡隋志沅江梁置曰藥山仍爲郡輿地廣記漢益陽縣地梁置藥山郡及藥山縣陳領縣二

藥山見上
重華通典沅江梁重華縣有重華城亦謂之虞舜古城元和志本漢益陽縣地梁元帝分置

重華縣
夜郎郡隋志辰溪平陳廢故夜郎郡置靜人縣尋廢方輿紀要梁置陳領縣一

夜郎郡隋志辰溪平陳廢故夜郎郡置靜人縣尋廢方輿紀要梁置陳領縣一

夜郎方輿紀要梁置

荆州陳書陸子隆傳廢帝即位遷都督荆信祐三州諸軍事宣毅將軍荆州刺史是時荆州新置治於公安隋志公安陳置荆州領郡三州治見上

南平郡宋志晉武太康元年分南郡江南爲南平郡隋志屏陵舊置南平郡陳書吳明徹傳太建五年進爵南平郡公又南平王崑傳至德元年立爲南平王領縣五

屏陵漢舊縣
作唐漢舊縣
公安宋志晉武太康元年立通典公安陳爲重鎮一統志三國漢置縣晉改名江安屬南平郡陳復曰公安

安南宋志晉武分江安立隋志華容舊曰安南梁置安南湘郡尋廢元和志華容吳分置安南縣方輿紀要梁置南安郡於此尋廢

永安漢縣名水經注歲水又西逕永安縣故城石門郡宋志吳永安六年分武陵立天門郡方輿紀要吳置天門陳改郡曰石門領縣三

零陽漢舊縣
淩中宋志疑是吳立九溪衛志衛西北界麻寮所東三官臺畔有古城遺址俗呼舊縣世傳卽淩中古城也

石門一統志晉置澧縣陳改曰石門
義陽郡晉志穆帝時以義陽流人在南郡者立義陽郡宋志作南義陽隋志安鄉舊置義陽郡通典安鄉南朝置義陽郡方輿紀要晉析置南義陽郡

宋齊至梁陳皆因之陳書黃法甌傳改封義陽郡公又義陽王叔達傳太建十四年立爲義陽王領縣二

厥西宋志晉太康地志屬義陽江左僑立平氏漢縣名後漢書注故城在今唐州平氏縣南荆州陳書世祖紀天嘉二年分荆州之南平宜郡羅河東四郡置南荆州以吳明徹爲南荆州刺史鎮河東一統志州尋罷考陳書及南史紀傳均無能南荆州之文一統志誤其南平郡廢帝置荆州於公安以之還屬羅郡係陳罷梁羅州置尋罷今領郡二

州治見上

河東郡宋志南河東郡晉咸康三年庾亮以司州僑戶立隋志松滋江左舊置河東郡通鑑陳臨海王光大元年華皎以梁兵周兵侵郢州吳明徹敗之於沌口乘勝攻梁河東拔之陳書宣帝紀太建五年立皇子叔獻爲河東王領縣三

聞喜漢縣名元和志故城在今聞喜縣西南八里
松滋漢縣名宋志疑是流民寓荆土故立舊唐志松滋漢屬廬江晉時松滋人避亂至此僑立因而不改方輿紀要梁陳爲河東郡治

誰漢縣名宋志流民寓立寰宇記故城在下邑縣城北三十一里
宜都郡宋志劉備立隋志夷道舊置宜都郡又巴山梁置宜都郡陳書宣帝紀太建五年立皇子叔明爲宜都王領縣四

夷道漢舊縣水經注漢武帝伐西夷路由此出

夷道漢舊縣水經注漢武帝伐西夷路由此出

故曰夷道方輿紀要梁與陳畫江為界夷道屬陳

夷陵漢舊縣宋志吳改曰西陵晉太康元年復

舊有安蜀城陳書韋昭達傳周兵又於峽下南岸築壘名曰安蜀城通典安蜀城在夷陵縣界峽口陳書後主紀

禎明二年遣周羅暉屯峽口流頭灘狼尾灘通鑑

陳後主禎明二年隋楊素引兵下三峽軍至流頭灘將軍威

斬以青龍百餘艘守狼尾灘地勢險峭隋人患之

宜都隋志巴山梁置宜昌縣寰宇記後周天和

三年江南為陳所并陳文帝天嘉元年于漢

夷道縣城置宜都縣按宜都即梁宜昌陳改

名有荆門城通典峽州陳為重鎮荆門將仲蕭據之宜都縣界

很山漢舊縣宋志晉太康元年改為興山後復

舊

祐州通典梁武帝天監中置宜州後魏改為拓州

陳嘗得之以為重鎮方輿紀要陳光大二年沈恪

為荊州刺史都督武祐二州諸軍事祐即拓之謬

也陳書宣帝紀太建十二年淳于陵克祐州城南

史作祐州城祐拓字均形似蓋光大後沒於周至此

又克也郡縣無考梁宜州有宜都郡陳以宜都屬南荊州則

歸州之郡縣無考矣

州治通鑑注祐州城地闕

信州梁書武帝紀普通四年分益州置信州寰宇

記作大同三年誤隋志巴東郡梁置信州陳書宜

帝紀太建十一年遣前信州刺史楊寶安鎮白下

是陳時有此州也領郡四

州治周書蠻傳治白帝

巴東郡隋志魚復舊置巴東郡陳書後主紀至德

四年立皇弟叔謨為巴東王領縣四

陽口寰宇記梁陽口縣蓋在今州西後魏廢帝

三年移巴東郡理此

人復隋志舊曰魚復西魏改

雲安隋志舊曰胸忍後周改

梁山隋志西魏置

建平郡水經注吳孫休分南郡立隋志巫山舊置

建平郡陳領縣二

巫漢舊縣

大昌輿地志晉太康元年分秭歸巫縣置建縣

後改為大昌

秭歸郡隋志秭歸後周置秭歸郡陳領縣一

長寧隋志秭歸舊曰長寧

萬川郡隋志南浦後周置安鄉郡後改曰萬川郡

陳領縣二

萬川本後魏魚泉縣寰宇記後周改為萬川

樂鄉隋志巴東舊曰歸鄉後周改曰樂鄉有巫

峽 馬鞍山 磨刀澗南史陳宜黃侯慧紀傳顯

明三年隋師濟江慧紀欲越壘城遣南康太守呂肅將兵據

巫峽以五條鐵鎖橫江隋將楊素橫擊之爭馬鞍山及磨刀

澗延洲同上隋軍屢捷呂肅遁保延洲

補陳疆域志卷四 武進臧勵蘇撰

廣州宋志吳永安七年分交州立隋志南海郡舊

置廣州梁陳並置督府通典廣州梁陳並置都督

府領郡十一

州治齊志鎮南海

南海郡宋志秦立漢武屬交州陳書南海王虔傳

至德元年立為南海王領縣七

番禺秦舊縣有天井岡陳書高祖紀永定三年廣州刺

史歐陽纘表稱白龍見於州江南岸歷州城西道入天井岡

龍川秦舊縣裴氏廣州記本博羅縣東鄉有龍

穿池而出即穴流泉因為號

博羅漢舊縣二漢志宋志皆作傳晉太康地志

乃作博寰宇記引南越志云博羅縣去浮山

接壤於羅山故曰博羅有羅浮山陳書高祖紀

永定三年廣州刺史歐陽纘表稱仙人見於羅浮山寺小石

樓衣服麗楚通身潔白

河源齊志有元和志本漢龍川縣地齊置河源

縣以縣東北三百里有三河之源故名

海豐方輿紀要晉未置

陸安方輿紀要蕭齊置

新豐齊志有一統志南齊置陳書蔡景歷傳世

祖即位以定策功封新豐縣子天嘉三年進

爵為侯

東官郡宋志引廣州記晉咸和九年分南海立陳

領縣六

增城元和志本漢番禺縣地後漢於此置增城

縣寰宇記吳黃武中立因增江為名一統志

後漢置屬南海郡梁移東官郡來治

寶安方輿紀要晉咸和六年分番禺縣地置陳

書到仲舉傳天嘉元年封寶安縣侯

海安宋志吳曰海寧晉武更名陳書裴子烈傳

官至海安縣伯

欣樂宋志本屬南海宋末度陳書章昭達傳天

嘉元年論長城之功封欣樂縣侯

齊昌方輿紀要蕭齊置

與寧宋志江左立寰宇記漢龍川縣地晉元興

中置陳書荀朗傳永定元年賜爵與寧縣侯

高要郡隋志高要舊置郡通典通考寰宇記皆曰

陳置高要郡按陳書高祖紀太清中有高要太守

元和志梁大同中於高要縣立高要郡則此郡乃

梁置陳因之也領縣一

高要漢舊縣寰宇記陳置高要郡於此

晉康郡宋志晉永和七年分蒼梧立隋志端谿舊

置晉康郡陳領縣七

端谿漢舊縣

元谿本端谿縣地方輿紀要晉析置元谿縣

樂城一統志晉置

說城一統志晉置

都城宋志引何志晉初分建陵立

晉化宋志疑晉末所立

文招一統志晉置陳書韓子高傳天嘉元年封

文招縣子

宋隆郡本宋熙郡宋志元嘉十八年以交州流寓

立二十七年更名宋隆孝建中復名宋熙齊又改

宋隆隋志平興舊置宋隆郡陳領縣八

平興宋志引徐志新立寰宇記宋元嘉十三年

置

建寧隋志舊宋隆郡領建寧縣

招興宋志引徐志新立隋志舊宋隆郡領招興

縣即此

熙穆宋志引徐志新立隋志舊宋隆郡領熙穆

縣

崇德宋志引徐志新立隋志舊宋隆郡領崇德

縣子

崇化隋志舊宋隆郡領崇化縣

南安隋志舊宋隆郡領南安縣

初寧隋志舊宋隆郡領初寧縣

梁泰郡隋志平興梁置梁泰郡及縣一統志梁分

平興縣置梁泰郡及縣陳領縣一

梁泰見上

清遠郡隋志翁源陳置清遠郡寰宇記同陳書侯

安郡傳天嘉元年封清遠郡公領縣七

清遠元和志本漢中宿縣地梁武帝於此置清

遠郡陳移郡治於翁源故以為縣

中宿漢舊縣水經注溱水逕中宿縣南孫皓分

四會之北鄉立一統志漢末嘗廢入四會吳

復置陳書魯廣達傳封中宿縣侯有湓口陳

書章昭達傳歐陽紇據韶關開昭達奄至恒攝不知所為

乃出頓恒口水經注恒水出桂陽縣盧蒙東南過宜滘縣南

出滘浦關右合溱水謂之滘口

翁源元和志本漢潁陽縣地梁承聖末蕭勃分

安陽立因縣界翁水之源為名

威正隋志清遠舊置威正縣

恩洽隋志清遠舊置恩洽縣

廉平隋志清遠舊置廉平縣陳書蕭摩訶傳太

建五年封廉平縣伯

浮護隋志清遠舊置浮護縣

東陽郡本齊樂昌郡汪士鐸南北史補志陳以為

東陽郡陳書東陽王恽傳禎明二年立為東陽王

領縣五

始昌方輿紀要齊移樂昌郡治始昌以樂昌縣

并入

宋元宋志元嘉九年立宋安二十七年改為宋

元

安樂

樂山

義立一統志齊增置按宋志已有此縣非齊置

也

歸善郡本梁梁化郡輿地紀勝引祥符圖經云歸

善晉欣樂縣地陳禎明三年改為歸善汪士鐸南

北史補志梁化郡陳禎明三年改曰歸善郡歸善

縣領縣二

懷安一統志宋置懷安縣齊改曰懷安

歸善見上

義安郡宋志晉義熙九年分東官立寰宇記梁置

東陽州後改為瀛州及陳而廢領縣六

綏安宋志引何志與郡俱立

海陽宋志引何志晉初立元和志本漢揭陽縣

地晉於此立海陽縣屬義安郡南濱大海故

曰海陽

海寧宋志引何志與郡俱立

潮陽宋志引何志與郡俱立元和志本漢揭陽

縣地晉安帝分東官郡置義安郡仍立潮陽

縣屬焉以在大海北故曰潮陽

義招宋志晉義熙九年以東官五營立

程鄉元和志本漢揭陽縣地齊分海陽立寰宇

記縣在程鄉之口以江為名方輿紀要蕭齊

置程鄉縣時有程收者以信義行於鄉因名

屬義安郡梁陳因之

綏建郡宋志元嘉十三年立隋志四會舊置綏建

郡陳領縣六

新招宋志本四會之官細鄉元嘉十三年分為

縣

化蒙宋志本四會之古蒙鄉元嘉十三年分為

縣

懷集宋志本四會之銀屯鄉元嘉十三年分為

縣

四會漢舊縣

化穆方輿紀要劉宋置

化注方輿紀要劉宋置

新州隋志新興梁置新州元和志梁武改置新州

寰宇記引輿地志云梁武割廣州新寧郡立新州

陳書沈恪傳都督十八州南康王曇朗傳都督十

九州內均有新州領郡四

州治新興

新興郡汪士鐸南北史補志梁省新寧之臨沈立

陳書新興王叔純傳至德元年立為新興王領縣

四 新興一統志東晉置齊更名新城梁為州郡治

復名新興

銅陵本漢臨沅縣地方輿紀要劉宋置龍潭縣

梁陳間改曰銅陵

流南隋志銅陵舊有流南縣方輿紀要梁置屬

新興郡

西城隋志銅陵又有西城縣方輿紀要梁置屬

新興郡

新寧郡宋志晉永和七年分蒼梧立隋志作新興

梁置新寧郡非陳書新甯王叔隆傳至德四年立

為新寧王領縣三

博林一統志晉末所置宋志永初郡國有方輿

紀要作梁置非

索盧隋志新興有舊索盧縣方輿紀要梁初置

屬新寧郡一統志蓋梁陳間置

撫納宋志徐志有蓋係宋置方輿紀要作梁置

非

新會郡宋志晉元熙二年分南海立隋志新會舊

置新會郡通典寰宇記晉末置新會郡宋齊梁陳

並因之陳書後主紀至德四年立皇弟叔坦為新

會王領縣八

益允一統志晉元熙二年置

新夷宋志吳立曰平夷晉太康元年更名陳書

始興王叔陵傳陳仲華封新夷縣子

封樂宋志元嘉十二年分益允新夷二縣界歸

化民立

義寧宋志引何志新立一統志晉元熙元年析

益允置 封平方輿紀要晉未置

初寶宋志引何志新立

永昌

海昌郡宋志元嘉十六年立治寧化城隋志電白

梁又有海昌郡方輿紀要海昌梁置郡治蓋宋郡

本治寧化縣梁立海昌縣移郡治也陳領縣六

海昌見上

寧化宋志新立

新建方輿紀要梁陳間改宋新熙為新建

化召方輿紀要梁陳間於宋宋元縣置

熙潭方輿紀要梁陳間改宋始成曰熙潭

懷集方輿紀要梁陳間改宋招集曰懷集

高州隋志高涼郡梁置高州寰宇記漢高涼縣梁

大通中為高州陳領郡九

州治高涼

高涼郡宋志漢高涼縣後漢建安二十三年吳分

立陳領縣三

高涼一統志漢置屬合浦郡後漢建安末孫權

立高涼郡晉時郡治安寧以高涼屬之劉宋

移郡治恩平領安寧而無高涼梁時復改安

寧為高涼也

務德隋志良德陳置曰務德方輿紀要屬高涼

郡

茂名本漢合浦郡地方輿紀要晉南渡後置茂

名縣屬高興郡後廢梁復置屬高涼郡

杜陵郡隋志杜原梁置杜陵郡陳領縣一

杜陵隋志杜原舊曰杜陵方輿紀要梁置

永寧郡隋志杜原梁有永寧郡陳領縣無考 宋康郡宋志本高涼西營元嘉九年立隋志杜原

梁有宋康郡陳領縣十

廣化吳置一統志表梁陳間更名宋康洪麟孫

補梁疆域志按隋志平陳廢宋康郡為縣是

宋康乃隋縣名一統志表恐誤

單城宋志引何志新立

石門

化隆宋志引何志新立

逐度宋志引何志新立

威單宋志徐志有

開寧宋志引何志新立

海鄰宋志引何志新立

與定齊志有

綏定宋志引何志新立

齊安郡隋志海安舊置齊安郡陳領縣一

齊安隋志海安舊曰齊安

陽春郡隋志陽春梁置陽春郡陳領縣一

陽春方輿紀要本漢高涼縣地梁始置陽春縣

連江郡隋志連江梁置連江郡輿地廣記故保寧

縣本連江梁立連江郡陳領縣一

連江隋志梁置

南巴郡隋志連江梁又置南巴郡陳領縣二

南巴方輿紀要梁置為南巴郡治

涼封紀纂淵海梁置涼封縣屬南巴郡按隋志

連江梁置梁封縣即此涼梁音同字誤耳

電白郡隋志電白梁置電白郡陳領縣一

電白方輿紀要本漢高涼縣地梁置電白郡治

電白縣

南合州梁書武帝紀普通四年分廣州置合州太

清元年以合州為南合隋志梁大通中割番州合

浦立高州尋又分立合州大同末以合肥為合州

此置南合州陳領郡三

州治一統志治徐聞方輿紀要梁陳間廢徐聞入

齊康

合浦郡宋志漢武立陳領縣十三

合浦漢舊縣

摸落方輿紀要梁置一統志疑梁陳時所置

羅阿方輿紀要梁置一統志疑梁陳時所置

雷州方輿紀要梁置一統志疑梁陳時所置

樞隋志扇沙舊有樞縣方輿紀要梁置屬合浦

郡一統志齊置按齊志無樞縣梁置為是

扇沙方輿紀要梁置屬合浦郡一統志齊置按

齊志無扇沙縣梁置為是

奉化本晉蕩昌縣地方輿紀要梁置陰石縣并

置陰石郡陳廢郡改縣曰奉化

封山本齊封山郡方輿紀要梁置縣一統志封

山郡梁陳時廢為封山縣

廉昌方輿紀要梁置

北流方輿紀要梁陳間置屬合浦郡一統志本

齊北流郡梁陳間廢為縣

陸川方輿紀要梁陳間置屬合浦郡一統志本

齊陸川郡梁陳間廢為縣

南昌一統志梁析合浦地置

齊康郡齊志有蓋齊置陳領縣一

齊康隋志隋康舊曰齊康齊志作樂康方輿紀

要齊析徐聞縣為齊康郡治梁陳間并徐聞

縣入焉

定川郡通典宋置南流郡齊梁曰定川郡寰宇記

宋南流郡齊梁為定川郡又云宋立南流郡歷齊

梁陳不改按定川郡見齊志蓋齊舊郡梁陳時因

之齊南流郡一統志云梁陳時廢則謂齊梁以南

流為定川與謂南流歷齊梁陳不改者皆非也領

縣一

興昌齊置

羅州隋志石龍舊置羅州寰宇記宋元嘉三年檀

道濟於陵羅江口築石城因置羅州縣名以江為

名通典梁陳立羅州因宋羅縣羅下脫州字為名蓋

梁陳因宋羅州縣置羅州而羅州縣遂廢也陳書

沈恪傳都督十八州南康王曇朗傳都督十九州

內均有羅州領郡二

州治石龍

石龍郡一統志梁置陳書馮僕傳太建中自陽春

太守轉石龍太守母沈氏為石龍郡太夫人領縣

一

石龍元和郡縣補志梁置屬石龍郡方輿紀要

梁置石龍縣為郡治一統志梁陳時置為石

龍郡治

高興郡隋志石龍舊置高興郡通典梁陳置羅州

及高興郡輿地紀勝宋又立高興郡尋省梁復置

按高興郡已見齊志非梁復置一統志齊復置高

興郡是也陳領縣十

宋和

寧單

高興

威成

夫羅

南安

歸安

陳蓮

高城

新建

越州宋志泰始七年立陳書沈恪傳都督十八州

南康王曇朗傳都督十九州內均有越州領郡二

州治齊志鎮臨漳郡通志梁省臨漳郡入合浦郡

還治合浦仍移越州治焉

龍蘇郡宋志隴蘇郡新立齊志作龍蘇郡隋志龍

蘇舊置龍蘇郡陳領縣二

龍蘇齊志有通志今縣北百里有龍村蘇村或

曰即龍蘇故縣

大廉隋志龍蘇大業初并大廉縣入是陳時有

此縣也方輿紀要梁置屬龍蘇郡

抱并郡隋志抱成舊曰抱并置郡陳領縣一

抱并見上

興州隋志嘉寧舊置興州方輿紀要梁置興州通

典通考寰宇記皆云陳置興州未知孰是領郡五

州治嘉寧

新昌郡三國吳志孫皓傳建衡三年分交趾為新

昌郡晉志新昌郡吳置宋志作吳分交趾立新興

郡晉太康三年更名者誤領縣六

嘉寧宋志吳立

范信

西道

吳定宋志吳立

新道宋志江左立

晉化宋志江左立

寧浦郡宋志引廣州記漢建安二十三年分鬱林

立晉太康地志太康七年改合浦屬國都尉立隋

志寧浦舊置寧浦郡陳領縣一

寧浦宋志引晉太康地志本名昌平晉太康元

年更名

樂陽郡元和志本漢廣鬱縣地陳於此置樂陽郡

按隋志樂山梁置樂陽郡則陳乃因梁之舊也領

縣一

樂山方輿紀要本漢合浦高涼縣地梁置樂陽

郡治焉

嶺山郡隋志嶺山梁置嶺山郡陳領縣二

嶺山方輿紀要梁置

武緣隋志嶺山大業初并武緣縣入是陳時有

此縣也方輿紀要梁置屬嶺山郡

簡陽郡隋志寧浦梁置簡陽郡輿地廣記梁分寧

浦立簡陽郡陳領縣一

簡陽齊置

桂州隋志始安郡梁置桂州元和志天監六年立

桂州於蒼梧鬱林之境因桂江以為名大同六年

移桂州於湘州始安郡方輿紀要梁大同初置桂

州陳因之領郡九

州治始安

始安郡宋志吳孫皓甘露元年分零陵南部都尉

立宋明帝改名始建通典吳置始安郡宋改為始

建齊復為始安郡陳書淳于量傳淮南克定改封

始安郡公領縣四

始安漢舊縣

荔浦漢舊縣元和志因荔水為名

永豐宋志吳立

平樂宋志吳立元和志吳孫皓元年分富川縣

置屬始安郡

齊樂郡方輿紀要齊置梁陳仍舊領縣三

熙平宋志吳立為尚安晉武改

武化隋志梁置

觀寧齊志有

桂林郡宋志本縣名屬鬱林吳孫皓三年分鬱林

治武熙縣不知何時徙隋志陽壽有桂林郡陳領

縣五

武熙宋志本曰武安吳立晉武太康元年更名

方輿紀要本孫吳置屬鬱林齊改屬桂林郡

梁陳仍舊

安化齊志有

潭中漢舊縣方輿紀要孫吳置桂林郡治此齊

移郡治武熙潭中屬焉

西寧隋志桂林大業初并西甯縣入是陳時有

此縣也

常安宋志引晉太康地志桂林郡有常安縣陳

書駱牙傳世祖即位封常安縣侯

馬平郡隋志陽壽有馬平郡陳領縣十一

馬平方輿紀要本漢潭中縣地梁析置馬平縣

并置馬平郡

龍城隋志梁置宋史地理志柳城梁龍城縣輿

地廣記柳城本龍城梁置方輿紀要引志云

梁大同八年八龍見於江乃即江南置龍城

縣

建安

始集

龍平

賓平

新林

綏寧

中冓

威化

象郡隋志陽壽有象郡元和志象縣陳於今縣南四十五里置象郡領縣無考

韶陽郡隋志陽壽有韶陽郡方輿紀要韶陽梁置即此陳領縣二

陽壽方輿紀要梁置郡治

淮陽方輿紀要梁置屬昭陽郡

安成郡隋志安成梁置安成郡元和志保城梁置

安城郡陳領縣一

安城元和志保城梁置安城縣

領方郡隋志領方梁置領方郡陳領縣一

領方漢舊縣一統志梁為郡治

晉輿郡宋志晉太興元年分鬱林立陳領縣八

晉輿

熙注

桂林

增翊

安廣

廣鬱

晉城

鬱陽

東衡州陳書世祖紀天嘉元年改桂陽之汝成縣為盧陽郡分衡州之始興安遠二郡置東衡州侯

安都傳天嘉元年詔改桂陽之汝城縣為盧陽郡

分衡州之始興安遠二郡置東衡州以安都從弟

曉為刺史領郡三

州治始興

始興郡宋志吳孫皓甘露元年分桂陽南部尉立

為始興郡宋泰豫元年改曰廣興齊志作始興蓋

齊時復梁陳因之陳書世祖紀即位封皇子伯茂

為始興王領縣五

曲江漢舊縣元和志江流迴曲因以為名

梁化隋志樂昌梁置曰梁化元和志本漢曲江

縣地梁武帝置梁化縣屬始興郡

瀆陽漢舊縣宋志明帝泰始三年改瀆曰貞齊

志復名瀆陽元和志在瀆水之陽因名

平石隋志樂昌梁又分置平石縣

安遠郡隋志始興有梁置安遠郡寰宇記吳置始

興縣梁於此置安遠郡陳領縣二

始興宋志吳立隋志始興齊曰正階梁改名寰

宇記始興縣西七里蕭齊正階故城一統

志齊志有令階縣當是齊置尋改為正階梁

大同後移始興來治也陳書陸子隆傳子隆

弟弟才封始興縣子

須陽

盧陽郡陳改桂陽之汝城置隋志盧陽陳置盧陽

郡即此領縣一

盧陽本汝城縣一統志陳改名屬盧陽郡

西衡州梁書武帝紀天監六年分湘廣二州置衡

州隋志含涇梁置衡州陳書宣帝紀太建十三年

分衡州始興郡為東衡州衡州為西衡州按宣帝

紀太建五年西衡州獻馬生角是太建十三年之

前已名西衡州蓋天嘉時置東衡州即改衡州為

西衡州耳且以始興郡為東衡州亦在天嘉時非

太建十三年始分也領郡三

州治含涇

陽山郡隋志含涇梁置陽山郡輿地紀勝引圖經

云梁天監七年分湘州於此置衡州及陽山郡陳

書歐陽頎傳世祖嗣位改封陽山郡公又陽山王

叔宣傳至德元年立為陽山王通典梁分桂陽縣

為陽山郡陳郡廢然至德元年尚有陽山王則陳

有此郡也通典誤領縣四

含涇漢舊縣元和志以縣界涇水為名

陽山漢舊縣後漢曰陰山屬桂陽吳始興郡無

此縣當是晉後立水經注涇水南逕陽山縣

故城又逕陽山縣南縣故含涇縣之桃鄉孫

皓分立為縣一統志水經注陰山東北有陽

山故城此漢縣其在涇水南者孫吳所立晉

因之輿地紀勝梁天監六年置陽山郡以縣

屬之

桂陽漢舊縣元和志梁陳屬陽山郡通典以在

桂水之陽而名

廣惠元和志梁武分桂陽置

梁樂郡隋志宜樂梁置梁樂郡陳領縣一

梁樂隋志宜樂梁置曰梁樂

桂陽郡宋志漢高立通典郴州陳為桂陽郡陳書侯安都傳天嘉元年改封桂陽郡公又廢帝紀光大二年立皇弟伯謀為桂陽王領縣五

柳漢舊縣

臨武漢舊縣水經注縣側臨武谿因曰臨武縣一南平漢舊縣

便漢舊縣方輿紀要劉宋省陳復置一統志同

晉寧宋志江左立

東寧州隋志義熙舊置東寧州元和志齊置齊熙郡梁大同中又於郡置東寧州陳領郡三

州治齊熙

齊熙郡隋志義熙舊置齊熙郡陳領縣一

齊熙隋志義熙舊曰齊熙方輿紀要本漢潭中

縣地蕭齊析置

黃水郡隋志義熙舊置黃水郡陳領縣一

黃水隋志義熙大業初廢臨特黃水入焉元和志隋開皇十一年析義熙置是陳時有黃水

縣也

梁化郡方輿紀要梁置興安縣并置梁化郡治焉陳因之領縣二

興安方輿紀要梁置

建陵元和志吳孫氏置

成州梁書武帝紀普通四年分廣州置成州通典

寰宇記梁置成州陳書沈恪傳都督十八州南康

干曇朗傳都督十九州內均有成州領郡二

州治一統志治梁信

梁信郡隋志封川梁置梁信郡通典同元和志漢

廣信縣地梁於此置梁信郡屬成州陳領縣二

梁信隋志封川梁曰梁信輿地廣記梁置為郡

治

封輿紀纂淵海梁置方輿紀要梁屬梁信郡

蒼梧郡宋志漢元鼎六年立隋志賀川陳置蒼梧

郡蓋陳因漢以後之舊而隋志誤以為置也領縣

四

廣信漢舊縣一統志漢置廣信縣為蒼梧郡治

後漢至陳因之

寧新宋志吳立晉太康元年更名方輿紀要蕭

齊置寧新縣屬蒼梧郡蓋析廣信地置梁陳

因之

遂城宋志永初郡國有隋志戎城梁置曰遂城

元和志戎城本漢廣信縣地梁置遂城縣按

方輿紀要晉置遂城縣屬蒼梧郡宋以後因

之則隋志元和志云梁置誤也

猛陵漢舊縣

靜州隋志龍平梁置靜州輿地紀勝梁武分臨賀

郡於龍平縣置南靜州通典陳置靜州蓋陳因梁

舊也領郡六

州治龍平

南靜郡劉胸曰梁置靜州兼置南靜郡尋改郡為

龍平縣寰宇記梁武帝分臨賀置南靜郡陳為靜

尉郡按隋志開建梁置南靜郡平陳郡廢則劉胸

及寰宇記皆非也領縣一

開建宋志文帝分封陽立

靜慰郡隋志龍平梁置靜慰郡陳領縣無考

梁壽郡隋志龍平梁置梁壽郡陳領縣一

龍平隋志梁置一統志梁置為州郡治

開江郡隋志豪靜梁置開江郡陳領縣一

開江輿地廣記梁置方輿紀要梁置屬開江郡

武城郡隋志豪靜梁置武城郡陳領縣一

豪靜一統志梁置

逍遙郡隋志豪靜陳置逍遙郡通典陳改開江武

城二郡為逍遙郡方輿紀要梁置武城開江二郡

陳改置逍遙郡按隋志開江武城二郡皆云平陳

廢是陳時兼有開江武城二郡又析置逍遙郡也

通典方輿紀要皆誤陳書樊毅傳後主即位改封

逍遙郡公領縣無考

博勞方輿紀要梁置此縣未知何屬姑附於此

建州梁書武帝紀普通四年分廣州置建州隋志

安遂梁置建州陳書沈恪傳都督十八州南康王

曇朗傳都督十九州內均有建州領郡一

州治安遂

廣熙郡隋志安遂梁置廣熙郡一統志齊置廣熙

郡治龍鄉方輿紀要梁置廣熙郡於安遂蓋梁移

郡治也陳領縣八

安遂宋志文帝立

永熙齊置

安南方輿紀要梁置屬建州廣熙郡一統志蓋

梁陳時置

羅平

寧鄉

長化

定昌

寶寧

瀧州隋志永熙郡梁置瀧州舊唐志寰宇記皆云

梁置建州又分建州之雙頭洞置雙州一統志雙瀧同音疑卽瀧州也陳書沈恪傳都督十八州內有雙州領郡三

州治雙頭洞

平原郡隋志瀧水舊置平原郡一統志齊置廣熙郡梁改置平原郡按梁有廣熙郡治安遂不當言改蓋梁移齊廣熙郡於安遂而於此置平原郡也陳領縣一

平原一統志梁改龍鄉縣置爲州郡治

開陽郡隋志瀧水舊置開陽郡一統志梁置開陽郡陳領縣一

開陽一統志梁置

羅陽郡隋志瀧水舊置羅陽郡一統志羅陽廢縣梁陳時羅陽郡領縣一

羅陽方輿紀要梁置

石州五代志永平郡梁置石州方輿紀要梁置石州陳因之陳書沈恪傳都督十八州南康王曇朗傳都督十九州內均有石州領郡四

州治夫寧

永平郡宋志晉升平五年分蒼梧立隋志永平舊置永平郡陳領縣十一

夫寧宋志東晉義熙中析安沂縣置一統志梁

爲州郡治

嗶安

盧平

員鄉

蘇平

通寧

雷鄉

開城

毗平

武林宋志文帝立

豐城宋志吳立

梁德郡隋志懷德舊置梁德郡陳領縣一

梁德隋志懷德舊曰梁德一統志梁置梁德縣

爲郡治

建陵郡元和志吳置建陵縣梁武立爲建陵郡隋志安基梁置建陵郡又賀川陳置建陵郡蓋陳因

梁舊也領縣二

安基本東晉安沂縣一統志梁更名安基

建陵宋志吳立寰宇記在建水之中因名

永建郡隋志賀川陳置永建郡領縣無考

南定州梁書武帝紀普通四年分廣州置南定州

隋志鬱林郡梁置定州後改爲南定州寰宇記梁

武以鬱林郡置桂州後割桂州之鬱林寧浦二郡

立定州後改爲南定州今以寧浦屬興州而益以

桂平郡及陳置石南郡凡領郡三

州治鬱林

鬱林郡宋志秦桂林郡屬尉佗漢元鼎六年復更名陳領縣七

鬱林方輿紀要梁置爲州郡治

鬱平方輿紀要吳置陰平晉太康初改曰鬱平

懷澤方輿紀要漢廣鬱縣地三國吳置懷安縣

梁曰懷澤一統志梁陳時置明統志作劉宋

置考宋齊志有懷安而無懷澤隋志無懷安

而鬱林以懷澤并入蓋梁陳間改懷安爲懷

澤耳

馬度方輿紀要梁置屬鬱林郡

布山漢舊縣

龍山隋志鬱林大業初廢龍山縣入一統志疑

梁陳間分布山縣置以近龍山故名也

阿林漢舊縣

石南郡隋志石南陳置石南郡領縣一

石南一統志陳置石南縣爲石南郡治

桂平郡隋志桂平梁置桂平郡一統志本漢鬱林

郡地梁分置桂平縣陳領縣一

建平方輿紀要梁置郡治

安州隋志寧越郡梁置安州陳書沈恪傳都督十

八州南康王曇朗傳都督十九州內均有安州領

郡三

州治宋壽

宋壽郡宋志先屬交州隋志欽江舊置宋壽郡一

統志梁武帝於郡置安州陳領縣無考

宋廣郡隋志內亭舊置宋廣郡按宋齊志俱無此

郡當是梁陳時置領縣一

宋廣齊志有

安京郡隋志安京舊置安京郡元和志梁武分宋

壽於此置安京郡陳領縣一

安京方輿紀要梁置爲郡治

崖州隋志珠崖郡舊置崖州陳書南康王曇朗傳

都督十九州內有崖州領郡一

州治義倫

珠崖郡漢元封間置後罷爲合浦晉志吳赤烏五

年復置平吳後省入合浦一統志宋元嘉八年復

立陳領縣二

義倫元和郡縣補志梁置

武德隋志珠崖郡有武德縣一統志梁陳時廢

朱盧後置

黃州隋志海安梁置黃州元和志本漢交趾郡梁

大同元年於郡分置黃州陳書沈恪傳都督十八

州南康王曇朗傳都督十九州內均有黃州領郡

一 州治安平

寧海郡隋志海安梁置寧海郡陳領縣三

安平隋志海安梁置曰安平一統志梁置為州

郡治

海平方輿紀要梁置屬寧海郡

玉山方輿紀要梁置屬寧海郡

利州隋志金寧梁置利州陳書沈恪傳都督十八

州南康王曇朗傳都督十九州內均有利州領郡

無考

州治安寧

領縣可考者一

金寧方輿紀要梁置

明州隋志交谷梁置明州陳書南康王曇朗傳都

督十九州內有明州領郡一

州治安谷

日南郡宋志秦象郡漢武元鼎六年更名吳省晉

太康三年復立領縣六

交谷方輿紀要梁置

西卷漢舊縣

朱吾漢舊縣

壽冷宋志晉太康十年分西卷立

北景漢舊縣寰宇記以日在表北景在表南也

西安宋志引何志晉武立隋志光安舊曰西安

交州宋志漢武元鼎六年開百越交趾獻帝建安

八年改曰交州隋志交趾郡舊曰交州寰宇記梁

陳於交州置都督府領郡三

州治安交

宋平郡宋志孝武世分日南立宋平縣後為郡隋

志宋平舊置宋平郡元和志本漢日南郡西捲縣

地宋分立宋平縣屬九德郡後改為宋平郡通典

寰宇記宋置宋平郡齊因之亦為交州郡梁陳因

之領縣三

國昌隋志平道舊曰國昌齊志作昌國寰宇記

漢封谿縣地南齊置昌國

臨西隋志安人舊曰臨西

宋平寰宇記漢西捲縣地宋置

交趾郡宋志漢武元鼎六年立隋志龍編舊置交

趾郡陳領縣九

龍編漢舊縣水經注漢建安三年立城之始有

蛟龍盤徧於南北二津因改龍淵曰龍編

句漏漢舊縣

武寧宋志吳立

望海宋志漢光武建武十九年立

吳興宋志吳立

西于漢舊縣

南定宋志吳立曰晉安晉武改

曲易漢舊縣

羸隲漢舊縣元和志作羸棲

武平郡宋志吳建衡三年討扶嚴夷以其地立隋

志朱焉舊置武平郡又隆平舊置武平郡陳領縣

六

朱焉漢舊縣

武定隋志隆平舊曰武定

平道方輿紀要後漢建武十九年馬援平交趾

蠻置封谿縣齊又析置平道縣梁陳間以封

谿省入平道

武興

根寧

南移

愛州梁書武帝紀普通四年分交州置愛州隋志

九真郡梁置愛州元和志秦象郡地梁武帝於郡

理置愛州陳書沈恪傳都督十八州內有愛州領

郡一

州治安真

九真郡宋志漢武元鼎六年立隋志移風舊置九

真郡陳領縣十

九真方輿紀要梁分立

移風本漢居風縣宋志吳更名

胥浦漢舊縣

日南方輿紀要漢居風縣地梁置

松原宋志晉武分建初立

高安宋志引何志晉武立吳錄晉分常樂立隋

志隆安舊曰高安

吉廐本漢都龐縣齊志作吉廐蓋齊改也

常樂宋志吳立隋志安順舊曰常樂

津梧宋志晉武分移風立

武寧宋志吳立何志晉武立

德州隋志日南郡梁置德州元和志古越地越裳氏重九譯者也梁武帝於此置德州陳書沈恪傳都督十八州南康王曇朗傳都督十九州內均有德州領郡一

州治九德

九德郡宋志故屬九真吳分立寰宇記吳分日南置陳領縣七

九德宋志吳立元和志吳歸命侯天紀二年分

九真之咸驩縣置

安遠方輿紀要引志云梁天監中分九德立

咸驩漢舊縣

浦陽宋志晉武分陽遂立方輿紀要吳置陽成

縣晉改陽遂又分置浦陽宋因之大明後陽

遂省入浦陽齊梁因之


南陵宋志引何志晉武立

都浚宋志引何志晉武分九德立

越裳宋志引何志新立

魏諸帝統系圖

清萬斯同撰



孝莊時爾朱氏立長廣王肇節閔時高歡立
渤海太守朗疑疏屬非統緒所承故不列

魏諸王世表

清萬斯同撰

襄城 道武封

〔始封〕題 神元帝力微玄孫

〔二世〕悉 題子孝文帝太和中宗室諸王並

降爲公悉降襄陽郡公

長樂 始封南安太武封

〔始封〕壽樂 章帝悉鹿之後位至太宰大都

督有罪伏誅國除

宜都 孝文封

〔始封〕目辰 桓帝猗迺之後位至司徒有罪

伏誅國除

高涼 道武封

〔始封〕孤 平文帝鬱律之子昭成帝什翼健

之弟以讓國功沒後追封

〔三世〕樂真 孤孫父斤有罪未封卒以樂真

襲祖爵後改平陽

〔四世〕禮 樂真子復封高涼

〔五世〕那 禮子位至中郡大官坐事死國除

〔六世〕紇 那子孝文紹封

華山王鷲 莊帝封 禮弟陵之孫附

爾朱榮獲封位至大司馬

上黨王天穆 莊帝封 孤五世孫附

爾朱榮獲封位至太宰有罪伏誅

〔七世〕高涼王大曹 紇子太和中例降爲公

華山王大器 鷲子謀誅高澄被殺國

除

上黨王儼 天穆子位至都官尙書魏

亡國除

東陽 孝文封

〔始封〕丕 烈帝翳槐之玄孫位至太尉例降

平陽郡公有罪廢爲庶人國除

衛 道武封

〔始封〕儀 昭成帝之孫父翰早卒追封秦王

儀位至左丞相有罪賜死國除

〔二世〕良 儀子明元紹封南陽王

中山王纂 太武封 儀子位至定州

刺史內大將軍

陰平 明元封

〔始封〕烈 儀弟迎立明元功封

〔二世〕求 烈子

豫章 道武封

〔始封〕觚 烈弟質燕被殺追封秦王

〔二世〕夔 觚子以父功封

常山 道武封

〔始封〕遵 昭成帝之孫父壽鳩早卒未封遵

位至左僕射後賜死

〔二世〕素 遵子位至內都大官

〔三世〕陪斤 素子坐事國除

〔四世〕馮翊王季海 孝武封 陪斤弟淑之

子從孝武入關封位至司空

〔五世〕陳郡王玄 孝武封 陪斤孫從孝武

入關封位開府儀同三司

北平王懋 孝武封 陪斤弟忠之孫

從孝武入關封

濮陽王順 孝武封 懋弟從孝武入

關封位至侍中中尉

樂平王最 孝武封 陪斤弟忠之孫

從孝武入關封位至左僕射

魏郡王昆 孝武封 陪斤弟忠之孫

從孝武入關封

馮翊王享 季海子改封平涼魏亡降

爲公

〔六世〕北平王陟 懋子魏亡國除

濮陽王偉 順子改封南平後降封淮

南縣公

魏郡王綽 昆子

陳留 道武封改朱提

〔始封〕虔 昭成帝之孫父紇根早卒未封虔

始封陳留公戰沒追封王

〔二世〕悅 虔子改封朱提謀逆伏誅國除

崇 悅弟太武紹封位并州刺史

〔三世〕建 崇子例降爲公

毘陵 道武封

〔始封〕順 昭成帝之孫父地于早卒未封順
仕至司隸校尉有罪國除

〔二世〕彭城王粟 太武封 昭成帝曾孫父
勃封彭城公粟以公進爵爲王

右宗室諸王 神元之後一章帝之後一桓
帝之後一平文之後三烈帝之後一昭成之
後十三以祖宗世次爲先後

陽平 道武封改淮南

〔始封〕熙

〔二世〕佗 熙子位至司徒改封淮南

〔四世〕顯 佗孫父吐萬早卒未封

〔五世〕世遵 顯子

〔六世〕敬先 世遵子

〔七世〕宣洪 敬先子謀誅高澄被殺國除

河南 道武封改潁川又改武昌

〔始封〕曜

〔二世〕提 曜子改封潁川後改武昌位至統
萬鎮大將

〔三世〕平原 提子位至征南大將軍

〔四世〕和 平原子後出家爲僧讓其弟鑒鑒
死和復襲爵

鑒 和弟代兄

〔五世〕謙 和子

〔六世〕琴 謙子入齊例降爲公

河間 道武封

〔始封〕修 早卒無子以兄曜子羯兒爲後

〔二世〕羯兒 修嗣子改封略陽有罪賜死國
除

長樂 道武封

〔始封〕處文 早卒無子國除

廣平 道武封改南平

〔始封〕連 早卒無子以兄曜子渾爲後

〔二世〕渾 連嗣子改封南平

〔三世〕霄 渾子

〔四世〕纂 霄子

〔五世〕伯和 纂子

京兆 道武封改江陽

〔始封〕黎

〔二世〕根 黎子改封江陽無子以南平王霄
子繼爲後

〔四世〕繼 根嗣孫有罪國除以子义用事復

封京兆王位至太師大將軍

〔五世〕羅 繼次子兄义有罪誅羅嗣爲江陽

王後义子善歸朝讓爵于善

〔六世〕善 父义未封誅善出奔梁後還襲祖
爵入周例降爲公

亮 善弟善入西魏東魏以亮嗣祖爵
入齊例降爲公

清河 道武封

〔始封〕紹 謀逆伏誅國除

右諸王道武帝子 道武十子長即明元帝
餘早卒未封

樂平 明元封

〔始封〕丕 位車騎大將軍坐劉潔事以憂死

〔二世〕拔 丕子坐事賜死國除

安定 明元封

〔始封〕彌 位至衛大將軍早卒無子國除
樂安 明元封

〔始封〕範 位至中軍大將軍

〔二世〕良 範子位至內都大官

永昌 明元封

〔始封〕健 位至撫軍大將軍

〔二世〕仁 健子有罪賜死國除

建寧 明元封

〔始封〕崇 位至輔國大將軍與杜元寶謀反
崇及子麗俱伏誅

〔二世〕麗 崇子別封濟南王坐父罪賜死國
除

新興 明元封

〔始封〕俊 位至鎮軍大將軍有罪賜死國除

右諸王明元帝子

晉 太武封

〔始封〕伏羅 位至車騎大將軍無子國除

東平 太武封

〔始封〕翰 位至侍中中軍大將軍爲宗愛所
殺

〔二世〕道符 位長安鎮都大將謀反伏誅國
除

臨淮 太武封

〔始封〕譚 位至侍中參都曹事

〔二世〕提 譚子位至梁州刺史有罪削爵戍
邊國除

〔三世〕昌 提子宣武紹封未拜卒

扶風王孚 孝武封 昌弟從孝武入

關封位至太傅

〔四世〕臨淮王彧 昌子位至大司馬無子弟

襲

孝友 彧弟魏亡降為公被殺

扶風王端 孚子位至大行臺尙書

廣陽 孝武封

〔始封〕建國

〔二世〕石侯 建閭子

〔三世〕遺興 石侯子無子弟襲

嘉 遺興弟位至司徒

〔四世〕深 嘉子位至中領軍

〔五世〕湛 深子位至太尉子法輪襲入齊例

降為公

南安 太武封

〔始封〕余 宗愛弑太武立余為帝未幾復為

愛所弑國除

右諸王太武帝子

陽平 文成封

〔始封〕新成 位內都大官

〔二世〕頤 新成子位懷朔鎮大將

〔三世〕博陵王暘 孝武封 新成孫從孝武

入關封

魏興王融 孝武封 暘弟從孝武入

關封

義陽王子孝 孝武封 新成孫司空

欽子從孝武入關封位至尙書令魏

亡降為公

〔四世〕陽平王宗胤 頤孫坐弑叔父賜死國

除

博陵王敏 暘子降封南武縣公

京兆 文成封改西河

〔始封〕子推 位至長安鎮大將中都大官

〔二世〕太興 子推子位長安鎮大將有罪削

爵復封西河王後出家為僧

〔三世〕昂 太興子

順陽王昺 孝武封 昂弟從孝武入

關封位至御史中尉僕射後賜死

汝陽王暹 莊帝封 昺弟從高歡至

鄴封位至侍中錄尙書事

〔四世〕京兆王曄 昂子位至太尉

汝陽王沖 暹子無後國除

濟陰 文成封

〔始封〕小新成 位至外都大官

〔二世〕鬱 小新成子位至徐州刺史以貪賜

死國除

〔三世〕誕 鬱弟偃之子鬱孫暉業當襲為誕

所奪位至齊州刺史

〔四世〕撫 誕子後暉業得封撫遂失爵

暉業 鬱孫父弼當襲為誕所奪而死

暉業屢訴得襲位至太尉入齊被殺

汝陰 文成封

〔始封〕天賜 位至內都大官懷朔鎮大將坐

貪殘奪爵

〔三世〕景和 天賜孫

安昌王均 孝武封 天賜孫從孝武

入關封

〔四世〕安昌王則 均子

樂浪 文成封

〔始封〕萬壽 位至征東大將軍

〔二世〕樂平 萬壽子

〔三世〕長命 樂平子坐殺人賜死國除

〔四世〕忠 長命子紹封

廣平 文成封改東平又改濟南

〔始封〕洛侯 無子以陽平王新成子匡為後

〔二世〕匡 洛侯嗣子位至行臺尙書

〔三世〕獻 匡子

〔四世〕祖育 獻子

〔五世〕勒 祖育子魏亡降為公

任城 文成封

〔始封〕雲 位至中都大官長安鎮都大將

〔二世〕澄 雲子位至司徒

〔三世〕彝 澄子

華山王紀 孝武封 澄子從孝武入

關封位至左僕射

南安 獻文封改中山

〔始封〕楨 為雍州刺史坐貪殘削爵後復故

封歷相州刺史有罪賜死再削世封

〔二世〕英 楨子以武功封中山王位至左僕

射

〔三世〕熙 英子為相州刺史起兵討元又不

克被殺國除

東平王略 明帝封 英子遭兄熙難

奔梁山封為中山王使北討後歸國

獲封位至尙書令死于河陰

魯郡王肅 孝莊封 楨孫父怡以爾

朱榮婦翁贈王遂封肅位至太師

長廣王暉 孝莊封 肅弟與爾朱氏

姻婭獲封莊帝殺爾朱榮榮子兆奉

暉為帝改元建明尋廢為東海王被

殺

〔四世〕南安王叔仁 熙子紹封爾朱榮入洛

死于河陰

東平王景式 略子入齊例降

武邑王述 孝莊封 熙弟義興子入

齊例降

魯郡王道興 肅子入齊例降

〔五世〕南安王琳 叔仁子入齊例降

城陽 獻文封

〔始封〕長壽 位至沃野鎮大將

〔二世〕鸞 長壽子位至定州刺史

〔三世〕徽 鸞子位至太保

襄城王旭 孝莊封 徽弟位至司空

入齊例降

〔四世〕城陽王延 徽子魏亡例降

章武 獻文封

〔始封〕太洛 早歿追封以南安王楨子彬為

後

〔二世〕彬 太洛嗣子為夏州刺史坐貪殘削

爵國除

〔三世〕融 彬子宣武紹封位至車騎將軍左

軍都督戰沒

東安王凝 孝莊封 融弟

漁陽王湛 凝弟死于河陰追封

〔四世〕章武王景哲 融子入齊例降

安定王朗 孝武封 融子為勃海太

守高歡舉兵奉為帝改元中興尋廢

為安定王被殺

東安王彥友 凝子入齊例降

漁陽王俊 湛子入齊例降

〔五世〕安定王黃頭 朗子入齊例降

樂陵 獻文封

〔始封〕胡兒 早歿追封以汝陰王天賜子思

譽為後

〔二世〕思譽 胡兒嗣子位至鎮北大將軍

〔三世〕景略 思譽子位至幽州刺史

〔四世〕霸 景略子入齊例降

安定 獻文封改北平

〔始封〕休 位至大司馬

〔二世〕變 休子位至華州刺史

東萊王貴平 孝莊封 變弟

〔三世〕安定王超 變子改北平死于河陰

宋安王琰 文帝封 超弟

〔四世〕安定王孝景 超子入齊例降

南郡王長春 靜帝封 休曾孫入齊

例降

右諸王景穆帝子

安樂 獻文封改潁川

〔始封〕長樂 位至太尉定州刺史坐不軌賜

死

〔二世〕詮 長樂子位至僕射

〔三世〕鑿 詮子位至行臺尚書令謀反伏誅

國除

斌之 鑿弟孝武封為潁川王位至尚

書令

廣川 獻文封

〔始封〕略 位至中都大官

〔二世〕諧 略子

〔三世〕靈道 諧子

齊郡 孝文封

〔始封〕簡 位至太保

〔二世〕祐 簡子位至涇州刺史

河間 孝文封

〔始封〕若 早歿追封以齊郡王簡子琛為後

〔二世〕琛 若嗣子位至行臺都督再創世封

沒後追復

安豐 孝文封

〔始封〕猛 位至營州刺史

〔二世〕延明 猛子位至大司馬

〔四世〕長孺 延明孫

右諸王文成帝子

咸陽 孝文封

〔始封〕禧 位至太保謀逆伏誅國除

〔二世〕坦 禧子明帝紹封位至太師入齊降

封縣公尋謫戍

太原王昶 孝莊封 坦弟

〔三世〕太原王善慧 昶子入齊例降

趙郡 孝文封改平昌

〔始封〕幹 位至大將軍

〔二世〕謚 幹子位至都官尚書

魏郡王謚 孝莊封改趙郡 幹長子

讓國于弟謚後別封魏郡王改趙郡
位至太保大司馬

〔三世〕趙郡王毓 謚子

魏郡王煒 謚子入齊例降

〔四世〕趙郡王寔 毓嗣子後以趙郡封謚改
寔為平昌王入齊例降

廣陵 孝文封

〔始封〕羽 位至司空

〔二世〕恭 羽子為給事黃門侍郎爾朱兆入
洛奉恭即位是為節閔帝

沛郡王欣 節閔封改淮陽又改廣陵

恭兄始封沛郡改淮陽後襲父封

廣陵仕西魏至太師大司馬

高密王永業 節閔封 恭弟

〔三世〕渤海王恕 節閔封改沛郡 節閔帝
子

高陽 孝文封

〔始封〕雍 位至太師丞相沈于河

〔二世〕濟北王叡 雍次子死于河陰

昌樂王誕 叡弟

〔三世〕高陽王斌 雍孫父太未封卒斌位至
左僕射入齊例降被殺

濟北王徽 叡子

昌樂王子亮 誕嗣子

彭城 孝文封

〔始封〕總 位至太師大司馬被殺子子攸即

位追尊肅宗文穆皇帝

〔二世〕劼 總子位至御史中尉劼子攸即位
爾朱榮殺劼稱無上皇改稱孝宣

皇帝

長樂王子攸 明帝封 總子仕至侍

中書監爾朱榮入洛奉子攸即位

是為孝莊帝

始平王子正 孝莊封 總子

〔三世〕彭城王韶 劼子位至太傅入齊降封
公仕至僕射被殺

武安王襲 孝莊封 韶弟入齊例降

永安王寬 孝莊封 總孫劼兄子直
長子

浮陽王剛 孝莊封 寬弟

林慮王質 孝莊封 剛弟

始平王欽 子正子入齊例降

北海 孝文封

〔始封〕詳 位至太傅為高肇所殺

〔二世〕顥 詳子位至行臺僕射奔梁引兵入
洛自立為帝建元建武數月敗滅

東海王頊 孝莊封 詳子位至中書
監顥敗被殺

〔三世〕北海王娒羅 顥子靜帝紹封入齊例
降

東海王衍 頊子入齊例降

右諸王獻文帝子

京兆 宣武封改南陽

〔始封〕愉 為冀州刺史謀反自立為帝改元

建平尋被討滅國除子寶炬即位追

尊為文景皇帝

〔二世〕寶炬 愉子孝莊紹封南陽王位至太
宰從孝武入關宇文泰弒孝武奉以
為帝

臨洮王寶暉 孝莊封 愉子莊帝別

封為臨洮王子釗生數歲明帝殂胡
太后立為帝爾朱榮入洛沈于河

清河 宣武封

〔始封〕懌 位至太尉為元叉所殺

〔二世〕亶 懌子位至大司馬孝武入關高歡
奉亶承制行事旋以亶子善見為帝
亶尋卒

〔三世〕威 亶子

宜陽王景植 威兄

潁川王謙 威弟

廣平 宣武封改范陽

〔始封〕懷 位至太保子修即帝位追尊為武
穆皇帝

〔二世〕誨 懷子改封范陽位至僕射爾朱榮
犯闕被殺

平陽王修 孝莊封 懷子位至左僕
射高歡既立元朗尋以朗屬疏復奉
修即位是為孝武帝

汝南 宣武封

〔始封〕悅 位至太保

〔三世〕琅琊王綽 靜帝封 悅孫

右諸王孝文帝子 宣武帝一子即明帝明

趙

帝無子自是國統屢易魏遂分爲二

〔始封〕寧

燕

〔始封〕儒

吳

〔始封〕公

右諸王西魏文帝子 文帝五子長廢帝欽

第四末帝廓

魏異姓諸王世表

清萬斯同撰

北平 太武封

〔始封〕長孫嵩 仕至太尉柱國大將軍

〔二世〕頽 嵩子仕至侍中征南大將軍有罪

黜為卒尋復

〔三世〕敦 頽子仕至鎮北都將驢貨降為公

尋復

〔四世〕道 敦子孝文太和中詔異姓諸王盡

降為公道仕至左衛將軍

〔五世〕悅 道子莊帝紹封未幾降為公

宜城 太武封改恆農

〔始封〕奚斤 仕至司空伐夏被執降為公尋

改封恆農王

〔二世〕他觀 斤子太武追論斤敗沒事降為

公

平陽 太武封

〔始封〕長孫翰 藍田侯肥子襲父爵進封王

仕至司徒

〔二世〕成 翰子降為公

丹陽 太武封

〔始封〕叔孫建 仕至平原鎮大將征南大將

軍

〔二世〕隣 建子降爵為公仕至尚書令涼州

鎮大將有罪伏誅

宜都 太武封

〔始封〕穆壽 祖崇太尉宜都公父觀襲爵亦

為太尉壽尚公主進封王仕至侍中

中書監

〔二世〕平國 壽子尚公主仕至侍中中書監

〔三世〕伏于 平國子尚公主無子弟熊嗣

熊 尚公主仕至侍中中書監例降為

公坐從弟太謀反爵除

長樂王亮 獻文封 平國子尚公主

封仕至司空例降為公

〔四世〕長樂王紹 亮子尚公主襲公爵莊帝

復封為頓丘王尋降公仕至司空

上黨 太武封

〔始封〕長孫道生 嵩從子仕至司空

〔三世〕觀 道生孫父廆早卒未襲觀仕至征

西大將軍假司空時異姓皆降為公

惟觀不降

〔四世〕稚 觀子降為公仕至太師莊帝時封

馮翊王復降為公從孝武入關封上

黨王

廣陵 太武封

〔始封〕婁伏連 仕至統萬鎮大將

〔二世〕真 伏連子降為公

東平 文成封改建安

〔始封〕陸侯 仕至外都大官封建業公因子

麗定亂功進封王

〔二世〕赦 侯子改封建安仕至太保

〔三世〕琇 赦子仕至祠部尚書例降為公

平原 文成封

〔始封〕陸麗 侯子仕至司徒

〔二世〕叡 麗子仕至尚書令與穆太謀反伏

誅國除

樂陵 文成封

〔始封〕周怵 仕至太尉賜死國除

東安 文成封

〔始封〕劉尼 仕至司徒

〔二世〕社生 尼子

西平 文成封改隴西

〔始封〕源賀 南涼王禿髮儁子仕至太尉

〔二世〕懷 賀子仕至尚書令例降為公

〔三世〕紹景 懷子莊帝紹封

漁陽 文成封

〔始封〕尉眷 仕至太尉

〔二世〕多侯 眷子仕至護羌校尉

太原 文成封

〔始封〕乙渾 仕至丞相謀反伏誅國除

東郡 獻文封

〔始封〕陸定國 侯長子仕至司空坐罪削爵

尋復

〔二世〕昕之 定國子尙公主例降爲公

〔三世〕子彰 昕之子莊帝紹封

濟南 獻文封

〔始封〕慕容白曜 燕帝誅玄孫仕至征南大將軍坐事死國除

襄城 獻文封

〔始封〕韓頴

濟南 孝文封改趙郡

〔始封〕羅拔

淮陽 孝文封

〔始封〕尉元 仕至司徒例降爲公

魏郡 孝文封

〔始封〕陳建 仕至司徒

〔二世〕念生 建子有罪國除

河東 孝文封

〔始封〕苟頴 仕至司空

〔二世〕愷 頴子例降爲公

中山 孝文封

〔始封〕王叡 仕至尙書令

〔二世〕襲 叡子仕至尙書令并州刺史例降爲公

新平 孝文封

〔始封〕張祐 宦者仕至尙書令

〔二世〕慶 祐養子例降爲公

宋 孝文封

〔始封〕劉昶 宋文帝子義陽王來奔封三尙公主仕至中書監大將軍

〔三世〕暉 昶孫父承緒尙公主未襲卒暉復

尙公主

丹陽 宣武封改齊王

〔始封〕蕭寶夤 齊明帝子建安王來奔封尙公主仕至關西行臺大都督舉兵反

被殺

丹陽 明帝封

〔始封〕蕭綜 梁武帝子豫章王來奔封尙公主仕至太尉後爲沙門無後

太原 莊帝封

〔始封〕爾朱榮 仕至大丞相有罪伏誅

梁郡 莊帝封

〔始封〕爾朱文暘 榮子仕至開府刺史謀害高歡被殺

〔始封〕爾朱文殊 榮子改襲父爵

〔始封〕爾朱文暢 榮子仕至開府刺史謀害高歡被殺

〔始封〕爾朱兆 榮從子

〔始封〕爾朱智彪 兆弟

〔始封〕爾朱天光 榮再從子

〔始封〕爾朱律度 榮從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

〔始封〕爾朱彥伯 榮再從弟

彭城 節閔封

〔始封〕爾朱仲遠 彥伯弟

樂平 長廣王曄封

〔始封〕爾朱世隆 仲遠弟

陽平 莊帝封

〔始封〕李延實

渤海 節閔封

〔始封〕高歡

〔二世〕澄

洋

燕郡 孝武封

〔始封〕賀拔允

吳郡 靜帝封

〔始封〕蕭正表 梁宗室中山侯來奔封

魏外戚諸王世表

清萬斯同撰

長樂 明元封

〔始封〕稽敬 祖根父拔並尚公主敬仕至大

司馬

〔二世〕護 敬子仕至外都大官

陽平 太武封

〔始封〕杜超 明元密皇后兄尚公主仕至太

宰

〔二世〕鳳皇 超次子仕至侍中

遼東 太武封

〔始封〕寶瀨頭 太武保母寶太后弟

廣平 文成封

〔始封〕杜遺 超從弟仕至侍中內都大官

京兆 文成封

〔始封〕杜元寶 遺子仕至司空謀反伏誅

濮陽 文成封

〔始封〕閻若文

河間 文成封

〔始封〕閻武皮

遼西 文成封

〔始封〕常英 保太后兄仕至太宰

河東 文成封

〔始封〕閻昆 文成母恭皇后兄仕至侍中征

東將軍

零陵 文成封

〔始封〕閻紇 昆弟仕至侍中中都大官

〔二世〕莊 紇子仕至尚書例降爲公

頓丘 文成封

〔始封〕李峻 文成元皇后兄仕至太宰

丹陽 獻文封

〔始封〕李嶷

昌黎 獻文封

〔始封〕馮熙 文成文明皇后兄仕至太師例

降爲公

〔四世〕問 熙曾孫誕孫父穆襲熙公爵問莊

帝時復封昌黎王降爲公

梁郡 獻文封

〔始封〕李白

南郡 獻文封

〔始封〕李惠 獻文思皇后父仕至開府儀同

三司爲馮太后所殺

〔三世〕侃晞 惠從孫莊帝紹封

安成 獻文封

〔始封〕萬安國 父振尚公主封馮翊公安國

復尚公主仕至大司馬大將軍賜死

〔二世〕翼 安國子

南平 孝文封

〔始封〕馮誕 熙長子尚公主仕至太師例降

爲公

北平 孝文封

〔始封〕馮始興 誕弟仕至太子中庶子降爵

爲侯

西平

〔始封〕乙環 尚公主仕至西道都將

〔二世〕乾歸 環子尚公主仕至侍中

魏將相大臣年表 清萬斯同撰

道武帝皇始元年丙申 七月始建

天子旌旗置百官八月大舉伐燕

- 〔相國〕
- 〔丞相〕
- 〔太宰〕
- 〔太師〕
- 〔太傅〕
- 〔太保〕
- 〔大司馬〕
- 〔大將軍〕
- 〔太尉〕
- 〔司徒〕
- 〔司空〕
- 〔雜號大將軍〕〔他官都督中外諸軍事者並載〕
- 〔撫軍大將軍〕拓跋遵
- 〔征鎮安平大將軍〕
- 〔征東大將軍〕拓跋儀 兼尚書
- 〔尚書令〕〔他官錄尚書事者並載〕
- 拓跋儀
- 〔左僕射〕
- 〔右僕射〕

〔中書監〕

〔中書令〕屈遵

〔侍中〕〔黃門侍郎豫政者附載〕

〔給事黃門侍郎〕燕鳳

張袞

崔宏

〔領軍將軍〕長孫肥

〔護軍將軍〕〔資淺者爲中領軍

中護軍〕

二年丁酉 晉安帝隆安元年 十

月拔中山盡有河北之地

〔丞相〕衛王儀 五月拜驃騎大

將軍都督中外諸軍事兗豫

雍荆徐揚六州牧左丞相

〔撫軍大將軍〕遵

〔征東大將軍〕儀 五月遷左丞

相

〔尚書令〕儀 五月遷左丞相

崔暹 尚書錄三十六曹事尋

遷御史中丞

〔中書令〕遵

〔給事黃門侍郎〕鳳

袞 十月遷幽州刺史

宏

封懿

〔領軍將軍〕肥

天興元年戊戌 正月北還七月遷

都平城十二月稱帝號置八部大

人官

〔丞相〕儀 正月領行臺尚書令

鎮中山三月召還

〔太尉〕穆崇 侍中太尉

〔司徒〕長孫嵩 侍中司徒並五

月拜

〔撫軍大將軍〕遵 正月兼左僕

射鎮渤海三月移中山四月

封常山王

〔尚書令〕崔宏 吏部尚書錄三

十六曹事

〔左僕射〕常山王遵 正月命

〔中書令〕遵 卒

〔給事黃門侍郎〕鳳

宏 遷吏部尚書

懿

〔領軍將軍〕肥

叔孫建

二年己亥 三月分尚書爲三百六

十曹

〔丞相〕儀

〔太尉〕崇 十月出領豫州刺史

〔司徒〕嵩

〔撫軍大將軍〕遵

〔上將軍〕赫連文陳 屈子弟來

歸拜

〔尚書令〕宏

〔給事黃門侍郎〕鳳

懿、

〔領軍將軍〕建

三年庚子

〔丞相〕儀

〔太尉〕崇

〔司徒〕嵩

〔撫軍大將軍〕遵

〔上將軍〕文陳

〔尚書令〕宏

〔給事黃門侍郎〕鳳

〔領軍將軍〕建

四年辛丑 十二月復尚書爲三十

六曹

〔丞相〕儀

〔太尉〕崇

〔司徒〕嵩

〔撫軍大將軍〕遵 改征西

〔上將軍〕文陳

〔征西大將軍〕常山王遵

〔尙書令〕宏

〔給事黃門侍郎〕鳳

〔領軍將軍〕建

五年壬寅 晉元興元年

〔丞相〕儀

〔太尉〕嵩

〔司徒〕嵩

〔司空〕庾岳 十一月拜

〔上將軍〕文陳

〔征西大將軍〕遵

〔鎮西大將軍〕毘陵王順 兼司

隸校尉

〔尙書令〕宏

〔給事黃門侍郎〕鳳

六年癸卯 十一月晉桓玄篡位

〔丞相〕儀

〔相國〕齊王嗣 車騎大將軍十

月拜

〔太尉〕崇

〔司徒〕嵩

〔司空〕岳

〔上將軍〕文陳

〔征西大將軍〕遵

〔鎮西大將軍〕順

〔征南大將軍〕清河王紹

〔尙書令〕宏

天賜元年甲辰 五月桓玄敗滅

九月定王公侯子四等爵罷伯男

之號

〔相國〕嗣

〔丞相〕儀

〔太尉〕崇

〔司徒〕嵩

〔司空〕岳

〔上將軍〕文陳

〔征西大將軍〕遵

〔征南大將軍〕紹

〔尙書令〕宏

二年乙巳 二月罷尙書三十六曹

晉義熙元年

〔相國〕嗣

〔丞相〕儀

〔太尉〕崇

〔司徒〕嵩

〔司空〕岳

〔上將軍〕文陳

〔征西大將軍〕遵

〔征南大將軍〕紹

〔尙書令〕宏 二月罷尙書官賜

爵白馬侯加周兵將軍

三年丙午

〔相國〕嗣

〔丞相〕儀

〔太尉〕崇 七月卒

〔司徒〕嵩

〔司空〕岳

〔上將軍〕文陳

〔征西大將軍〕遵

〔征南大將軍〕紹

四年丁未

〔相國〕嗣

〔丞相〕儀

〔司徒〕嵩

〔司空〕岳 八月被殺

〔上將軍〕文陳

〔征西大將軍〕遵 五月有罪賜

死

〔征南大將軍〕紹

五年戊申

〔相國〕嗣

〔丞相〕儀

〔司徒〕嵩

〔上將軍〕文陳

〔征南大將軍〕紹

六年己酉 十月帝爲子紹所弑長

子嗣卽位改是年爲

永興元年

〔相國〕嗣 十月卽帝位

〔丞相〕儀 八月賜死

〔司徒〕嵩 十月與白馬侯崔宏

山陽侯奚斤北新侯安同等

八人坐止車門聽理萬幾

〔車騎將軍〕荀孤

〔衛將軍〕叔孫俊

〔鄭兵將軍〕奚斤

〔安遠將軍〕安同

〔征南大將軍〕紹 十月弑帝伏

誅

〔中書監〕穆觀 左衛將軍綰門

下中書事

〔侍中〕崔宏 以白馬侯居門下

省

拓跋屈 以元城侯居門下省

出納詔令

王洛兒

車路頭 俱散騎常侍

明元帝永興二年庚戌 二月晉劉

裕滅南燕 五月伐蠕蠕

〔司徒〕嵩

〔車騎將軍〕孤

〔衛將軍〕俊

〔鄭兵將軍〕斤

〔安遠將軍〕同

〔上將軍〕赫連若豆根 文陳子

襲上將軍

〔中書監〕觀

〔侍中〕宏

屈

洛兒 加直意將軍

路頭 加忠意將軍
三年辛亥

〔司徒〕嵩 十月與任城公嵇拔

白馬侯崔宏坐朝堂錄囚

〔車騎將軍〕孤

〔衛將軍〕俊

〔上將軍〕若豆根

〔鄭兵將軍〕斤

〔安遠將軍〕同

〔中書監〕觀

〔侍中〕宏

屈

洛兒

路頭

四年壬子

〔丞相〕奚斤 七月行左丞相事

拓跋屈 七月行右丞相事

〔司徒〕嵩

〔車騎將軍〕孤

〔衛將軍〕俊

〔上將軍〕若豆根

〔鄭兵將軍〕斤 七月行左丞相

事

〔安遠將軍〕同

〔中書監〕觀

〔侍中〕宏

屈 七月行右丞相事

洛兒

路頭
五年癸丑 七月晉劉裕滅蜀

〔司徒〕嵩

〔車騎將軍〕孤

〔衛將軍〕俊

〔上將軍〕若豆根

〔鄭兵將軍〕斤

〔安遠將軍〕同

〔中書監〕觀

〔侍中〕宏

洛兒 卒

路頭

神瑞元年甲寅 十二月伐蠕蠕

〔司徒〕嵩

〔車騎將軍〕孤

〔衛將軍〕俊

〔上將軍〕若豆根

〔鄭兵將軍〕斤

〔安遠將軍〕同

〔中書監〕觀

〔侍中〕宏 兼天部大人

路頭

二年乙卯

〔司徒〕嵩

〔衛將軍〕俊

〔鄭兵將軍〕斤

〔安遠將軍〕同

〔中書監〕觀

〔侍中〕宏
路頭

太常元年丙辰

〔司徒〕嵩 三月出督山東軍事

十月召還

〔衛將軍〕俊 卒

〔鄭兵將軍〕斤

〔安遠將軍〕同

〔中書監〕觀

〔侍中〕宏

路頭

二年丁巳 置天地東西南北六部

大人官 七月晉劉裕滅秦

〔司徒〕嵩

〔鄭兵將軍〕斤

〔安遠將軍〕同

〔中書監〕觀

〔侍中〕宏

路頭

三年戊午

〔司徒〕嵩

〔鄭兵將軍〕斤 兼天部大人

〔安遠將軍〕同

〔中書監〕觀

〔侍中〕宏 六月卒

路頭

四年己未 三月勃勃僭號 晉恭
帝元熙元年

〔司徒〕嵩
〔鄭兵將軍〕斤

〔安遠將軍〕同

〔中書監〕觀

〔侍中〕路頭

五年庚申 六月晉帝禪位于宋宋
武帝永初元年

〔司徒〕嵩

〔鄭兵將軍〕斤

〔安遠將軍〕同

〔中書監〕觀

〔侍中〕路頭

六年辛酉

〔司徒〕嵩

〔太尉〕穆觀

〔鄭兵將軍〕斤

〔安遠將軍〕同

〔中書監〕觀 拜太尉

〔侍中〕路頭 卒

七年壬戌 五月皇太子肅臨朝聽
政九月大舉侵宋

〔相國〕太平王肅 兼驃騎大將

軍四月拜五月立為皇太子

〔大司馬〕奚敬 兼大將軍四月

拜封長樂王

〔太尉〕觀 五月與白馬公崔浩

散騎常侍丘堆並加右弼

〔司徒〕嵩 五月與鄭兵將軍奚

斤安遠將軍安同並加左輔
輔太子聽政

〔司空〕奚斤 九月命加晉兵大

將軍侵宋

〔車騎大將軍〕樂平王丕

〔衛大將軍〕安定王彌

〔中軍大將軍〕樂安王範

〔撫軍大將軍〕永昌王健

〔輔國大將軍〕建寧王崇

〔鎮軍大將軍〕新興王俊 俱四

月命

八年癸亥 十一月帝殂太子熹即

位 宋廢帝景平元年

〔大司馬〕敬

〔太尉〕觀 六月卒

〔司徒〕嵩 十二月進爵北平王

〔司空〕斤 九月召還十二月進

爵宜城王

〔車騎大將軍〕丕

〔衛大將軍〕彌

〔中軍大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔尚書令〕劉潔 十一月命

羅結 侍中總三十六曹事

〔中書監〕盧魯元 十二月命

〔侍中〕羅結 十二月命兼外都

大官總尚書事

〔領軍將軍〕娥清

太武帝始光元年甲子 十二月伐

蠕蠕 宋文帝元嘉元年

〔大司馬〕敬

〔司徒〕嵩

〔司空〕斤

〔車騎大將軍〕丕

〔衛大將軍〕彌 正月卒

〔中軍大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔尚書令〕潔

結

〔中書監〕魯元

〔侍中〕結

古弼 兼吏部尚書典南部奏

事

奚拔

〔領軍將軍〕清

二年乙丑

〔大司馬〕敬

〔司徒〕嵩 三月遷太尉

長孫翰 平陽王三月拜

〔司空〕斤

〔車騎大將軍〕丕

〔中軍大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔尚書令〕潔

〔中書監〕魯元

〔侍中〕結

弼

拔

〔領軍將軍〕清

三年丙寅 十月伐夏

〔大司馬〕敬

〔太尉〕嵩

〔司徒〕翰

〔司空〕斤 九月伐夏

〔車騎大將軍〕丕

〔中軍大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔征東大將軍〕安同 兼青冀二

州刺史

〔尚書令〕潔

〔中書監〕魯元

〔侍中〕結 時年百十歲歸老

弼

拔

張黎

四年丁卯 正月還京五月復親伐

六月克統萬八月還

〔大司馬〕敬

〔太尉〕嵩

〔司徒〕翰

〔司空〕斤

〔車騎大將軍〕丕

〔中軍大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔征東大將軍〕同

〔征西大將軍〕常山王素 鎮統

萬

〔尚書令〕潔

〔中書監〕魯元

〔侍中〕弼

黎

谷渾 加安南將軍領儀曹尚

書

神龜元年戊辰 置左右僕射官

〔大司馬〕敬

〔太尉〕嵩

〔司徒〕翰

〔司空〕斤 三月與夏人戰敗被

擒

〔車騎大將軍〕丕

〔中軍大將軍〕範

〔撫軍大將軍〕健

〔輔國大將軍〕崇
〔鎮軍大將軍〕俊
〔征東大將軍〕同
〔征西大將軍〕素
〔尙書令〕潔

〔左僕射〕安原 加侍中征南大將軍

〔右僕射〕屈恆
〔中書監〕魯元
〔侍中〕弼

黎 渾

二年己巳 四月大舉伐蠕蠕

〔大司馬〕敬

〔太尉〕嵩

〔司徒〕翰

〔車騎大將軍〕丕

〔中軍大將軍〕範

〔撫軍大將軍〕健

崔浩 侍中撫軍特進右光祿大夫

大夫

〔輔國大將軍〕崇

〔鎮軍大將軍〕俊

〔征東大將軍〕同 卒

〔征西大將軍〕素

〔平南大將軍〕婁伏連

〔尙書令〕潔

〔左僕射〕原

〔右僕射〕恆 加侍中

〔中書監〕魯元

〔侍中〕弼

黎

渾

三年庚午 十一月滅夏

〔太宰〕杜超 七月拜太宰都督

冀定相三州軍事征南大將軍

軍進爵陽平王鎮鄴

〔大司馬〕敬

〔太尉〕嵩

〔司徒〕翰 二月卒

〔車騎大將軍〕丕

〔中軍大將軍〕範

〔撫軍大將軍〕健

浩

〔輔國大將軍〕崇

〔鎮軍大將軍〕俊

〔征西大將軍〕素

長孫道生

〔平南大將軍〕伏連 改鎮西鎮

統萬

〔鎮南大將軍〕叔孫建

〔安南大將軍〕司馬楚之

〔平南大將軍〕丹陽王太昆

〔征北大將軍〕來大千 鎮雲中

〔尙書令〕潔

〔左僕射〕原

〔右僕射〕恆

〔中書監〕魯元 加侍中征北大將軍

〔侍中〕弼

黎

渾

四年辛未

〔太宰〕超

〔大司馬〕敬

〔太尉〕嵩 九月加柱國大將軍

〔司徒〕崔浩 侍中

〔司空〕長孫道生 並九月拜

〔車騎大將軍〕丕

〔中軍大將軍〕範

〔撫軍大將軍〕健

浩 拜司徒

〔輔國大將軍〕崇

〔鎮軍大將軍〕俊

〔征西大將軍〕素

道生 九月拜司空

〔鎮西大將軍〕伏連

〔鎮南大將軍〕建

〔安南大將軍〕楚之

〔平南大將軍〕太昆

〔征北大將軍〕大千

〔尙書令〕潔

〔左僕射〕原

〔右僕射〕恆 兼中領軍

〔中書監〕魯元

〔侍中〕弼

黎 遷征西大將軍出鎮關中

渾

羅斤

〔中領軍〕屈恆

建和元年壬申 六月伐北燕九月

還

〔太宰〕超

〔大司馬〕敬

〔太尉〕嵩

〔司徒〕浩

〔司空〕道生 加侍中

〔車騎大將軍〕丕

〔中軍大將軍〕範

〔撫軍大將軍〕健

毛修之

〔輔國大將軍〕崇

〔鎮軍大將軍〕俊

〔征西大將軍〕素

〔鎮西大將軍〕伏連

〔鎮南大將軍〕建

〔征北大將軍〕大千

〔尙書令〕潔

〔左僕射〕原

〔右僕射〕恆 領太子少傅加鎮

軍大將軍

〔中書監〕魯元

〔侍中〕弼
斤

〔中領軍〕恆
二年癸酉

〔太宰〕超

〔大司馬〕敬

〔太尉〕嵩

〔司徒〕浩

〔司空〕道生

〔車騎大將軍〕丕

〔中軍大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔征西大將軍〕素

〔鎮西大將軍〕伏連

〔鎮南大將軍〕建

〔征北大將軍〕大千

〔尚書令〕潔

〔左僕射〕原

〔右僕射〕恆

〔中書監〕魯元

〔侍中〕弼

〔中書監〕魯元

〔侍中〕弼

〔中書監〕魯元

〔侍中〕弼

〔中領軍〕恆
三年甲戌

〔太宰〕超

〔大司馬〕敬

〔太尉〕嵩

〔司徒〕浩

〔司空〕道生

〔車騎大將軍〕丕

〔衛大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔內大將軍〕中山王纂

〔征西大將軍〕素

〔鎮西大將軍〕伏連

〔鎮南大將軍〕建

〔征北大將軍〕大千

〔尚書令〕潔

〔左僕射〕原

〔右僕射〕恆

〔中書監〕魯元

〔侍中〕弼

〔中領軍〕恆

〔中領軍〕恆

〔中領軍〕恆

太延元年乙亥 五月遣使者二十

輩使西域

〔太宰〕超

〔太保〕盧魯元 侍中錄尚書事

〔大司馬〕敬

〔太尉〕嵩

〔司徒〕浩

〔司空〕道生 五月進爵上黨王

〔車騎大將軍〕丕 改驃騎

〔衛大將軍〕範

〔撫軍大將軍〕健

〔輔國大將軍〕崇

〔鎮軍大將軍〕俊

〔內大將軍〕纂

〔征西大將軍〕素

〔鎮西大將軍〕伏連 五月進封

〔鎮南大將軍〕建

〔征北大將軍〕大千

〔征南大將軍〕奚斤 五月封弘

〔尚書令〕潔

〔左僕射〕原 十月謀反伏誅

〔右僕射〕恆

〔中書監〕魯元 拜太保

〔侍中〕弼

〔中書監〕魯元 拜太保

〔中書監〕魯元 拜太保

〔中書監〕魯元 拜太保

〔中書監〕魯元 拜太保

〔侍中〕弼

〔侍中〕弼

〔中領軍〕恆
二年丙子 五月滅北燕

〔太宰〕超

〔太保〕魯元

〔大司馬〕敬

〔太尉〕嵩

〔司徒〕浩

〔司空〕道生

〔驃騎大將軍〕丕

〔衛大將軍〕範

〔撫軍大將軍〕健

〔輔國大將軍〕崇 遷外都大官

〔鎮軍大將軍〕俊

〔內大將軍〕纂 改征東

〔征西大將軍〕素

〔鎮西大將軍〕伏連

〔鎮南大將軍〕建

〔征北大將軍〕大千

〔征南大將軍〕斤

〔征東大將軍〕中山王纂

〔尚書令〕潔

〔右僕射〕恆

〔中書監〕壽

〔侍中〕弼

〔侍中〕弼 五月黜爲門卒尋復

斤

〔中領軍〕恆

〔中領軍〕恆

三年丁丑

〔太宰〕超
 〔太保〕魯元
 〔大司馬〕敬
 〔太尉〕嵩 正月卒
 〔司徒〕浩
 〔司空〕道生
 〔驃騎大將軍〕丕
 〔衛大將軍〕範
 〔撫軍大將軍〕健
 〔輔國大將軍〕崇
 〔鎮軍大將軍〕俊
 〔征北大將軍〕素
 〔鎮西大將軍〕伏連
 〔鎮南大將軍〕建 正月卒
 〔征北大將軍〕大千
 〔征南大將軍〕斤
 長孫頹 侍中
 〔征東大將軍〕纂 正月卒
 〔鎮東大將軍〕南平王渾
 〔尙書令〕潔
 〔右僕射〕恆
 〔中書監〕壽
 〔侍中〕弼 遷安西將軍出鎮關
 中
 斤
 〔中領軍〕恆
 四年戊寅 七月大舉伐蠕蠕
 〔太宰〕超

〔太保〕魯元
 〔大司馬〕敬
 〔司徒〕浩
 〔司空〕道生
 〔驃騎大將軍〕丕
 〔衛大將軍〕範
 〔撫軍大將軍〕健
 〔輔國大將軍〕崇
 〔鎮軍大將軍〕俊
 〔征北大將軍〕素
 〔鎮西大將軍〕伏連
 〔征北大將軍〕大千
 〔征南大將軍〕斤
 頹
 〔鎮東大將軍〕渾
 武昌王提
 〔尙書令〕潔
 〔右僕射〕恆
 〔中書監〕壽
 〔侍中〕斤
 〔中領軍〕恆
 五年己卯 六月伐北涼九月涼州
 平
 〔太宰〕超
 〔太保〕魯元
 〔大司馬〕敬 六月出屯漠南
 〔司徒〕浩
 〔司空〕道生

〔驃騎大將軍〕丕
 〔衛大將軍〕範
 〔撫軍大將軍〕健
 〔輔國大將軍〕崇
 〔鎮軍大將軍〕俊
 〔萬騎大將軍〕奚斤
 〔征北大將軍〕素
 〔鎮西大將軍〕伏連
 莫雲 鎮涼州
 〔征北大將軍〕大千 改萬騎
 〔征南大將軍〕斤
 頹
 〔鎮東大將軍〕渾
 提
 〔尙書令〕潔
 〔右僕射〕恆
 〔中書監〕壽
 〔中書令〕仇洛齊 宦官兼散騎
 常侍加寧南將軍
 〔侍中〕斤 出爲長安大將
 張黎
 〔中領軍〕恆
 太平眞君元年庚辰
 〔太宰〕超
 〔太保〕魯元
 〔司徒〕浩
 〔司空〕道生
 〔驃騎大將軍〕丕

〔衛大將軍〕範
 〔撫軍大將軍〕健
 〔輔國大將軍〕崇
 〔鎮軍大將軍〕俊
 〔萬騎大將軍〕斤
 〔征北大將軍〕素
 〔鎮西大將軍〕伏連
 雲
 〔征北大將軍〕大千
 〔鎮東大將軍〕渾
 提
 〔尙書令〕潔
 〔右僕射〕恆
 〔中書監〕壽
 〔中書令〕洛齊
 〔侍中〕黎
 李蓋
 〔中領軍〕恆
 〔中護軍〕伊劼 兼祕書監
 二年辛巳
 〔太宰〕超
 〔太保〕魯元
 〔司徒〕浩
 〔司空〕道生
 〔驃騎大將軍〕丕
 〔衛大將軍〕範
 〔撫軍大將軍〕健
 〔輔國大將軍〕崇
 九月卒

〔鎮軍大將軍〕俊 三月有罪降
為公尋賜死

〔萬騎大將軍〕斤

〔征西大將軍〕素

〔鎮西大將軍〕伏連

雲

〔征北大將軍〕大千

〔鎮東大將軍〕渾

提

〔尙書令〕潔

〔右僕射〕恆

〔中書監〕壽

〔中書令〕洛齊

〔侍中〕黎

蓋

〔中領軍〕恆

〔中護軍〕馘

三年壬午

〔太宰〕超

〔太保〕魯元 十二月卒

〔司徒〕浩

〔司空〕道生

〔驃騎大將軍〕丕

〔衛大將軍〕範

〔輔國大將軍〕崇

〔萬騎大將軍〕斤

〔車騎大將軍〕晉王伏羅

〔中軍大將軍〕東平王翰

侍中

中軍參部曹事

〔征西大將軍〕素

〔鎮西大將軍〕伏連

雲

李寶 沙州牧

〔征北大將軍〕大千

〔鎮東大將軍〕渾

提

〔征南大將軍〕司馬文思 封譙

王

〔尙書令〕潔

〔右僕射〕恆

〔中書監〕壽

〔中書令〕洛齊

〔侍中〕黎

蓋

臨淮王譚 參都曹事

〔中領軍〕恆

〔中護軍〕馘

四年癸未 九月大舉伐蠕蠕十一月太子晃監國

〔太宰〕超

〔司徒〕浩

〔司空〕道生

〔驃騎大將軍〕丕

〔衛大將軍〕範

〔輔國大將軍〕崇

〔車騎大將軍〕伏羅

〔中軍大將軍〕翰

〔萬騎大將軍〕斤

〔征西大將軍〕素

司馬楚之 封琅邪王朔州刺

史

皮豹子 鎮仇池

〔鎮西大將軍〕伏連

雲

〔征北大將軍〕大千

〔鎮東大將軍〕渾

提

〔征南大將軍〕文思

〔尙書令〕潔

〔右僕射〕恆 卒

〔左僕射〕李蓋

〔中書監〕壽

〔侍中〕古弼 十一月召還

譚

黎

〔中領軍〕恆 卒

〔中護軍〕馘

五年甲申 正月命穆壽崔浩張黎古弼輔太子決庶政

〔太宰〕超 四月為帳下所殺

〔司徒〕浩

〔司空〕道生 三月出鎮統萬加

征西大將軍

〔驃騎大將軍〕丕 二月卒

〔衛大將軍〕範

〔輔國大將軍〕崇

〔車騎大將軍〕伏羅

〔中軍大將軍〕翰

〔萬騎大將軍〕斤

〔征西大將軍〕素 入為內都大

官

楚之

豹子

〔鎮西大將軍〕伏連

寶 入朝

〔征北大將軍〕大千

〔鎮東大將軍〕渾

提

〔鎮南大將軍〕淮南王他

〔尙書令〕潔 二月有罪族誅

古弼

〔左僕射〕蓋

〔中書監〕壽

〔侍中〕弼 二月遷尙書令

譚

黎

杜鳳皇

〔中護軍〕馘

六年乙酉

〔司徒〕浩

〔司空〕道生

〔衛大將軍〕範

〔輔國大將軍〕崇

〔車騎大將軍〕伏羅

〔中軍大將軍〕翰

〔萬騎大將軍〕斤

〔驃騎大將軍〕萬真 儀同三司

〔征西大將軍〕楚之

高涼王那

豹子

〔鎮西大將軍〕伏連

〔征北大將軍〕大千 卒

〔鎮東大將軍〕渾

提

〔鎮南大將軍〕他

〔尙書令〕弼

〔左僕射〕蓋

〔右僕射〕屈道賜 十二月命加

侍中

〔中書監〕壽

〔侍中〕譚

黎

鳳皇

〔中護軍〕段霸 宦官

七年丙戌

〔司徒〕浩

〔司空〕道生

〔衛大將軍〕範

〔輔國大將軍〕崇

〔車騎大將軍〕伏羅

〔中軍大將軍〕翰

〔萬騎大將軍〕斤

〔驃騎大將軍〕真

〔征西大將軍〕楚之

那

豹子

〔鎮西大將軍〕伏連

〔鎮東大將軍〕渾

提

〔鎮南大將軍〕他

〔尙書令〕弼

〔左僕射〕蓋

〔右僕射〕道賜 卒

〔中書監〕壽

〔侍中〕譚

黎

鳳皇

〔中護軍〕霸

八年丁亥

〔司徒〕浩

〔司空〕道生

〔衛大將軍〕範 八月卒

〔輔國大將軍〕崇

〔車騎大將軍〕伏羅 十二月卒

〔中軍大將軍〕翰

〔萬騎大將軍〕斤

〔驃騎大將軍〕真

〔征西大將軍〕楚之

豹子

略陽王羯兒

〔鎮西大將軍〕伏連

〔鎮東大將軍〕渾

提

〔鎮南大將軍〕他

〔尙書令〕弼

〔中書監〕壽 十一月卒

〔侍中〕譚

黎

鳳皇

九年戊子

〔司徒〕浩

〔司空〕道生

〔輔國大將軍〕崇

〔中軍大將軍〕翰

〔車騎大將軍〕武昌王提

〔萬騎大將軍〕斤 十月卒

〔衛大將軍〕樂安王良

〔征西大將軍〕楚之

豹子

羯兒

〔鎮西大將軍〕伏連

〔鎮東大將軍〕渾

提 改車騎

〔尙書令〕弼

〔侍中〕譚

黎

鳳皇

十年己丑 正月大舉伐蠕蠕九月復伐

〔司徒〕浩

〔司空〕道生

〔輔國大將軍〕崇

〔中軍大將軍〕翰

〔車騎大將軍〕提

樂平王拔

〔衛大將軍〕良

〔征西大將軍〕楚之

豹子

羯兒

〔鎮西大將軍〕伏連 卒

〔尙書令〕弼

〔中書監〕穆平國 兼侍中襲宜

都王

〔侍中〕譚

黎

十一年庚寅 二月南侵四月還九月復南侵

〔司徒〕浩 六月伏誅

〔司空〕道生

〔輔國大將軍〕崇

〔中軍大將軍〕翰

臨淮王譚 隨征

〔車騎大將軍〕提

拔

〔衛大將軍〕良

〔征西大將軍〕楚之

豹子

羯兒

永昌王仁

〔鎮西大將軍〕淮南王他

〔尙書令〕弼

〔左僕射〕蘭延

〔中書監〕平國

〔侍中〕譚 加中軍大將軍

黎

正平元年辛卯 二月北還六月太子晃卒

〔司空〕道生 十月卒

〔輔國大將軍〕崇

〔中軍大將軍〕翰

譚

〔車騎大將軍〕提

拔

〔衛大將軍〕良

〔征西大將軍〕楚之

豹子

羯兒 六月有罪賜死

仁

〔鎮西大將軍〕他

〔尙書令〕弼

〔左僕射〕延

〔右僕射〕韓茂 兼侍中

〔中書監〕平國 卒

〔侍中〕譚

黎

薛提

和正

二年壬辰 二月中常侍宗愛弒帝

立皇子余十月皇孫溶即位改是

年爲

興安元年

〔太師〕宗愛 二月自爲太師大

司馬大將軍都督中外諸軍

事十月伏誅

〔太宰〕長樂王壽樂 太宰都督

中外諸軍錄尙書事十月拜

十一月賜死

〔太尉〕張黎 三月拜十一月被

殺

周怩 太尉樂陵王十一月拜

十二月賜死

〔司徒〕古弼 三月拜十一月被

殺

陸麗 侍中司徒撫軍大將軍

平原王十二月拜

〔司空〕兒烏干

杜元寶 京兆王十二月拜

〔輔國大將軍〕崇

〔中軍大將軍〕翰 二月爲宗愛

所殺

譚 十一月卒

〔車騎大將軍〕提

拔

〔衛大將軍〕良

〔驃騎大將軍〕長樂王壽樂 十

月拜太宰

〔上將軍〕車伊洛 焉耆前部王

來歸拜

〔征西大將軍〕楚之

豹子

仁

陸俟 外都大官十二月進爵

東平王

〔鎮西大將軍〕他 改鎮虎牢

〔尙書令〕弼 三月拜司徒

長孫渴侯 十月命十一月賜

死

韓茂 加侍中征南大將軍

〔左僕射〕延 二月被殺

拓跋目辰 加侍中

〔右僕射〕茂 十二月遷令

劉尼 十二月命加侍中進爵

東安王

〔侍中〕譚 十一月卒

黎 三月拜太尉

提 二月被殺

正 二月被殺

伊劼

于洛拔

文成帝興安二年癸巳

〔司徒〕麗

〔司空〕元寶 二月謀反伏誅

〔輔國大將軍〕崇 二月謀逆伏

誅

〔車騎大將軍〕提

拔

〔衛大將軍〕良

〔上將軍〕伊洛 卒

〔中軍大將軍〕東平王道符

〔鎮軍大將軍〕常英 散騎常侍

〔征西大將軍〕楚之

豹子 召爲尙書

仁 閏五月謀逆賜死

侯

〔征北大將軍〕伊劼 都曹尙書

侍中

〔鎮東大將軍〕常喜 祠曹尙書

〔尙書令〕茂

〔左僕射〕目辰

〔右僕射〕尼 出爲定州刺史

和其奴

〔侍中〕劼 加征北大將軍

洛拔

興光元年甲午 宋孝武帝孝建元

〔司徒〕麗

〔司空〕伊馥 侍中司空正月拜

〔車騎大將軍〕提

拔

〔衛大將軍〕良

〔中軍大將軍〕道符

〔鎮軍大將軍〕英

〔征西大將軍〕楚之

俟

〔征北大將軍〕馥 正月拜司空

〔鎮東大將軍〕喜

〔尚書令〕茂

〔左僕射〕目辰

〔右僕射〕其奴

〔侍中〕馥 正月拜司空

洛拔

太安元年乙未

〔太宰〕常英 侍中征東大將軍

十月拜進爵遼西王

〔司徒〕麗

〔司空〕馥

〔車騎大將軍〕提 二月卒

拔 正月有罪賜死

乙渾

〔中軍大將軍〕道符

〔鎮軍大將軍〕英 十月拜太宰

〔征西大將軍〕楚之

俟

〔鎮東大將軍〕喜

〔尚書令〕茂

〔左僕射〕目辰

〔右僕射〕其奴

〔侍中〕洛拔

二年丙申

〔太宰〕英

〔司徒〕麗 領太子太傅

〔司空〕馥 領太子太保

〔車騎大將軍〕渾

〔中軍大將軍〕道符

〔征西大將軍〕楚之

俟

〔鎮東大將軍〕喜 遷右光祿大

夫

〔尚書令〕茂 領太子少師冬卒

于洛拔 兼侍中

閭毘 侍中征東大將軍錄

〔左僕射〕目辰

〔右僕射〕其奴 與常英閭毘共

平尚書事

〔侍中〕洛拔 遷尚書令

閭毘 加征東大將軍平尚書

事進爵河東王

閭紇 加征西大將軍中都大

官進爵零陵王

三年丁酉 宋大明元年

〔太宰〕英 領太師錄尚書事兼

內都大官

〔司徒〕麗 平尚書事

〔司空〕馥 平尚書事

〔太尉〕尉眷 侍中太尉正月拜

平尚書事進爵漁陽王

〔車騎大將軍〕渾

〔中軍大將軍〕道符

〔征西大將軍〕楚之

俟

陽城王新成

〔尚書令〕洛拔

毘

〔左僕射〕目辰

〔右僕射〕其奴

〔中書令〕高允

〔侍中〕紇

四年戊戌 十月大舉伐蠕蠕

〔太宰〕英

〔太尉〕眷

〔司徒〕麗

〔司空〕馥

〔車騎大將軍〕渾

〔中軍大將軍〕道符

〔征西大將軍〕楚之

俟 卒

新成

〔尚書令〕洛拔 卒

〔左僕射〕目辰

〔右僕射〕其奴

〔中書令〕允

〔侍中〕紇

五年己亥

〔太宰〕英

〔太尉〕眷

〔司徒〕麗

〔司空〕馥 二月卒

〔車騎大將軍〕渾

〔中軍大將軍〕道符

〔征西大將軍〕楚之

新成

〔征南大將軍〕京兆王子推 侍

中

〔尚書令〕毘

拓跋石

〔左僕射〕目辰

〔右僕射〕其奴

〔中書令〕允

〔侍中〕紇

和平元年庚子

〔太宰〕英

〔太尉〕眷

〔司徒〕麗

〔車騎大將軍〕渾

〔中軍大將軍〕道符

〔征西大將軍〕楚之

新成

〔征南大將軍〕子推
〔尚書令〕毘

石

〔左僕射〕目辰

〔右僕射〕其奴

〔中書令〕允

〔侍中〕紇

二年辛丑

〔太宰〕英

〔太尉〕眷

〔司徒〕麗

〔車騎大將軍〕渾

〔中軍大將軍〕道符

〔征西大將軍〕楚之

新成

顛免

〔征南大將軍〕子推

汝陰王天賜 鎮虎牢

〔征東大將軍〕濟陰王小新成

鎮平原

〔征北大將軍〕樂浪王萬壽 鎮

和龍

〔尚書令〕毘 四月卒

〔左僕射〕目辰

〔右僕射〕其奴

〔中書令〕允

〔侍中〕紇

三年壬寅

〔太宰〕英

〔太尉〕眷

〔司徒〕麗

〔車騎大將軍〕渾 正月進爵太

原王

〔中軍大將軍〕道符

〔征西大將軍〕楚之

新成

〔征南大將軍〕子推

天賜

〔征東大將軍〕小新成

〔征北大將軍〕萬壽 正月卒

〔左僕射〕目辰

〔右僕射〕其奴

〔中書令〕允

〔侍中〕紇 十二月卒

四年癸卯

〔太宰〕英

〔太尉〕眷 五月卒

〔司徒〕麗

〔車騎大將軍〕渾

〔中軍大將軍〕道符

〔征西大將軍〕楚之

新成

〔征南大將軍〕子推

天賜

〔征東大將軍〕小新成

〔左僕射〕目辰

〔右僕射〕其奴

〔中書令〕允

〔中書監〕李敷

〔侍中〕乙乾歸

劉尼

五年甲辰

〔太宰〕英

〔司徒〕麗

〔車騎大將軍〕渾

〔中軍大將軍〕道符

〔征西大將軍〕楚之 十月卒

新成

〔征南大將軍〕子推

天賜

〔征東大將軍〕小新成

任城王雲 鎮和龍

〔左僕射〕目辰

〔右僕射〕其奴

〔中書監〕敷

〔中書令〕允

〔侍中〕乾歸

尼

六年乙巳 五月帝殂太子弘即位

宋明帝太始元年

〔太宰〕英

〔丞相〕乙渾 七月拜丞相總理

萬幾位諸王上

〔司徒〕麗 五月為乙渾所殺

劉尼 五月拜

〔太尉〕乙渾 錄尚書事

〔司空〕和其奴 五月拜

〔車騎大將軍〕渾 五月拜太尉

〔中軍大將軍〕道符 出鎮關中

〔撫軍大將軍〕陸叡 平原王

〔征西大將軍〕新成 十月召為

內都大官

李惠 秦梁二州刺史

〔征南大將軍〕子推 十月召為

中都大官

天賜 十月召還

〔征東大將軍〕小新成 十月召

為外都大官

雲 十月召還

馮熙 封昌黎王

〔鎮西大將軍〕淮南王他 鎮涼

州

〔尚書令〕叔孫隣

〔左僕射〕目辰

〔右僕射〕其奴 五月拜司空

慕容白曜

〔中書監〕敷

〔中書令〕允

〔侍中〕乾歸 出為秦州刺史

尼 五月拜司徒

拓拔丕

劉昶 宋義陽王來歸改封丹

陽王

獻文帝天安元年丙午 二月太后

馮氏臨朝九月宋司州刺史常珍

奇以懸瓠降徐州刺史薛安都以

彭城降

〔丞相〕渾 二月謀反伏誅

〔太宰〕英 出爲平州刺史

〔司徒〕尼

〔司空〕其奴 加侍中

〔太尉〕源賀 侍中太尉隴西王

三月拜

〔中軍大將軍〕道符

〔撫軍大將軍〕勰

〔都督中外諸軍事〕任城王雲

都督中外諸軍事都坐大官

〔征西大將軍〕惠

〔征東大將軍〕熙

〔鎮西大將軍〕他

拓跋石 侵宋

〔鎮南大將軍〕薛安都 徐州刺

史 尉元 九月侵宋

〔尙書令〕拓跋丕

〔左僕射〕目辰

〔右僕射〕白曜

〔中書監〕敷

〔中書令〕允

〔侍中〕丕 遷尙書令

昶

拓跋孔雀 二月封濮陽王

陸定國 二月封東郡王

陸儁

皇興元年丁未 太后歸政閏正月

宋青州刺史沈文秀冀州刺史崔

道固以州降

〔太宰〕李峻 太宰侍中正月拜

進爵頓丘王

〔太尉〕賀

〔司徒〕尼

〔司空〕其奴

〔中軍大將軍〕道符 正月謀反

伏誅

〔撫軍大將軍〕勰

〔都督中外諸軍事〕雲

〔征東大將軍〕熙

〔征南大將軍〕慕容白曜 二月

侵宋

〔征西大將軍〕惠

〔鎮南大將軍〕安都

元 改鎮東徐州刺史

〔鎮西大將軍〕他

石

〔尙書令〕丕

〔左僕射〕目辰

〔右僕射〕白曜 二月拜征南大

將軍侵宋

〔中書監〕敷

〔中書令〕允

〔侍中〕昶

孔雀

定國

儁

二年戊申

〔太宰〕峻

〔太傅〕馮熙 太傅昌黎王六月

拜尋兼內都大官

〔太尉〕賀

〔司徒〕尼

〔司空〕其奴

〔撫軍大將軍〕勰

〔都督中外諸軍事〕雲

〔征東大將軍〕熙 拜太傅

〔征南大將軍〕白曜 正月進爵

濟南王

南安王楨 中都大官

〔征西大將軍〕惠 改征南雍州

刺史進爵南郡王

陽城王長壽 外都大官

〔征北大將軍〕安定王休 內都

大官

〔鎮東大將軍〕元

〔鎮南大將軍〕安都

〔鎮西大將軍〕他

〔尙書令〕丕

〔左僕射〕目辰

〔中書監〕敷

〔中書令〕允

〔侍中〕昶

定國

儁

三年己酉

〔太宰〕峻 十月卒

〔太傅〕熙

〔太尉〕賀

〔司徒〕尼

〔司空〕其奴 正月卒

〔撫軍大將軍〕勰

〔都督中外諸軍事〕雲

〔征南大將軍〕白曜

惠

楨

〔征西大將軍〕長壽

〔征北大將軍〕休

〔鎮東大將軍〕元

〔鎮南大將軍〕安都 卒

〔鎮西大將軍〕他

〔尙書令〕丕

〔左僕射〕目辰

〔中書監〕敷

〔中書令〕允

〔侍中〕定國

毅

四年庚戌 九月大舉伐蠕蠕

〔太傅〕熙

〔太尉〕賀

〔司徒〕尼 九月免

〔司空〕陸定國 東郡王二月拜

〔撫軍大將軍〕毅

〔都督中外諸軍事〕雲

〔征南大將軍〕白曜 十月被殺

惠

楨

〔征西大將軍〕長壽

安樂王長樂

長孫觀 討吐谷渾

〔征北大將軍〕休

〔鎮東大將軍〕元

〔鎮西大將軍〕他

〔尙書令〕丕

〔左僕射〕目辰

〔中書監〕敷 十月被殺

〔中書令〕允

〔侍中〕定國

儁

趙黑 選部尙書加宦官

五年辛亥 八月帝禪位于太子宏

自稱太上皇改是年爲

延興元年

〔太傅〕熙

〔太保〕陸猷 建安王八月拜

〔太尉〕賀

〔司空〕定國

〔撫軍大將軍〕毅

〔都督中外諸軍事〕雲

〔征南大將軍〕惠

楨 十月改征西鎮涼州

〔征西大將軍〕長壽

長樂

觀 還朝

〔征北大將軍〕休 改征東鎮和

龍

〔鎮東大將軍〕元

〔鎮西大將軍〕他 入爲中都大

官

〔尙書令〕丕

〔左僕射〕目辰

〔中書令〕允 遷監

〔侍中〕儁

黑

穆亮 十二月命加征南大將

軍封長樂王

孝文帝延興二年壬子 宋太豫元

年

〔太傅〕熙

〔太保〕猷

〔大司馬大將軍〕萬安國 二月

拜封安城王

〔太尉〕賀

〔司空〕定國

〔撫軍大將軍〕毅

〔都督中外諸軍事〕雲

〔征東大將軍〕休

〔征南大將軍〕惠

〔征西大將軍〕長壽

長樂

楨

〔鎮東大將軍〕元

〔鎮西大將軍〕章武王彬 鎮統

萬

薛拔 南豫州刺史

〔尙書令〕丕

〔左僕射〕目辰

〔右僕射〕陳建

〔中書監〕允

〔侍中〕儁

黑

亮 出爲秦州刺史

三年癸丑 宋廢帝元徽元年

〔太傅〕熙

〔太保〕猷

〔大司馬大將軍〕安國

〔太尉〕賀

〔司空〕定國

〔撫軍大將軍〕毅

〔都督中外諸軍事〕雲 改征西

討仇池

〔征東大將軍〕休

〔征南大將軍〕惠

〔征西大將軍〕長壽

長樂

楨

任城王雲 討仇池尋改征東

徐州刺史

〔鎮東大將軍〕元

〔鎮西大將軍〕彬

拔

〔尙書令〕丕

〔左僕射〕目辰

〔右僕射〕建

〔中書監〕允

〔侍中〕儁

黑 黜爲門工

淮南王他

四年甲寅

〔太傅〕熙

〔太保〕猷 卒

〔大司馬大將軍〕安國

〔太尉〕賀 病免

〔司空〕定國

〔撫軍大將軍〕毅

〔征東大將軍〕休

雲 母喪還京

〔征南大將軍〕惠
〔征西大將軍〕長壽

長樂
楨

〔鎮東大將軍〕元
〔鎮西大將軍〕彬
拔

〔尙書令〕丕
〔左僕射〕目辰
〔右僕射〕建

〔中書令〕允
〔侍中〕儁
他

王琚 宦官

五年乙卯

〔太傅〕熙

〔大司馬大將軍〕安國

〔司空〕定國

〔撫軍大將軍〕叡

〔征東大將軍〕休

雲 冀州刺史

〔征南大將軍〕惠

〔征西大將軍〕長壽 卒

長樂

楨

穆亮 鎮燉煌

〔鎮東大將軍〕元

〔鎮西大將軍〕彬

拔

〔尙書令〕丕

〔左僕射〕目辰

〔右僕射〕建

〔中書監〕允

〔侍中〕儁 遷吏部

他

琚 出爲冀州刺史

承明元年丙辰 六月太皇太后馮

氏殺太上皇臨朝稱制

〔太傅〕熙 六月遷太師兼侍中

中書監領祕書尋改車騎大

將軍都督洛州刺史太師侍

中如故

〔大司馬大將軍〕安國 六月賜

死

〔太尉〕安樂王長樂 六月拜十

一月出爲定州刺史

〔司徒〕宜都王目辰 六月拜

〔司空〕定國 六月免

李訢 六月拜十一月出爲徐

州刺史

〔撫軍大將軍〕叡

〔征東大將軍〕休

雲 〔征南大將軍〕惠 改青州尋被

殺

〔征西大將軍〕長樂 六月拜太

尉

楨

亮

汝陰王天賜 七月命

東陽王丕 雍州刺史

〔鎮東大將軍〕元

〔鎮南大將軍〕李訢 徐州刺史

〔鎮西大將軍〕彬

拔

〔尙書令〕丕 出爲雍州刺史

陸儁

〔左僕射〕目辰 六月拜司徒

趙黑 兼選部加侍中宦官

〔右僕射〕建 加侍中

〔中書監〕允 出爲懷州刺史

馮熙 六月太師領

〔中書令〕高閭 加給事中

〔侍中〕他

王叡

拓拔思

張祐 宦官兼都曹尙書

太和元年丁巳 宋末帝昇明元年

〔太師〕熙

〔司徒〕目辰 出爲雍州刺史

東陽王丕 侍中司徒三月拜

〔撫軍大將軍〕叡

雲 〔征東大將軍〕休 改征南雍州刺史

〔征西大將軍〕楨

天賜

不 三月拜司徒

〔鎮東大將軍〕元 入爲內都大

官尋改鎮西鎮統萬

〔鎮南大將軍〕訢 十月被殺

〔鎮西大將軍〕彬

拔

〔尙書令〕儁

〔左僕射〕黑

〔右僕射〕建

〔中書令〕閭

〔侍中〕他

叡

忠

祐

荀頹 領都曹尙書

二年戊午

〔太師〕熙

〔司徒〕丕

〔撫軍大將軍〕叡

〔鎮軍大將軍〕高允 領中祕書

事

〔征東大將軍〕休

〔征南大將軍〕雲

穆亮 鎮仇池

〔征西大將軍〕楨 天賜

〔鎮西大將軍〕彬

拔

元

〔鎮北大將軍〕樂陵王思譽

〔尙書令〕儁

〔左僕射〕黑

〔右僕射〕建

〔中書令〕閻

〔中書監〕高允 鎮軍領

〔侍中〕他

叡

忠

祐

頽

三年己未 四月宋帝禪位于齊

高帝建元元年

〔太師〕熙

〔司徒〕丕 九月遷太尉錄尙書

事侍中如故

陳建 征西大將軍魏郡王九

月拜

〔司空〕苟頽 征北大將軍河東

王九月拜

〔撫軍大將軍〕叡

〔鎮軍大將軍〕允

〔征東大將軍〕休

〔征南大將軍〕雲

亮

〔征西大將軍〕楨

天賜

〔鎮南大將軍〕趙黑 定州刺史

河南王

〔鎮西大將軍〕彬

拔

元 改征西封淮陽王

〔鎮北大將軍〕思譽

〔尙書令〕儁

〔左僕射〕黑 九月出爲定州刺

史

張祐 九月命進爵新平王

〔右僕射〕建 九月拜司徒

拓拔忠

〔中書監〕允 遷尙書

〔中書令〕閻 遷監

〔侍中〕他

叡

忠 九月遷僕射

祐 同上

頽 九月拜司空

王琚 復任進爵高平王

四年庚申

〔太師〕熙

〔太尉〕丕

〔司徒〕建

〔司空〕頽

〔撫軍大將軍〕叡

〔鎮軍大將軍〕允

〔征東大將軍〕休

〔征南大將軍〕雲

亮

〔征西大將軍〕楨

天賜

元 入爲侍中都曹尙書

〔鎮南大將軍〕黑

〔鎮西大將軍〕彬

拔

〔鎮北大將軍〕思譽

〔尙書令〕儁

王叡 加鎮東大將軍領吏部

封中山王

〔左僕射〕祐

〔右僕射〕忠 卒

〔中書令〕閻

〔侍中〕他

叡 遷尙書令

琚

尉元 兼都曹尙書

五年辛酉

〔太師〕熙

〔太尉〕丕

〔司徒〕建

〔司空〕頽

〔撫軍大將軍〕叡

〔鎮軍大將軍〕允

〔征東大將軍〕休

〔征南大將軍〕雲 四月卒

亮

〔征西大將軍〕楨 雍州刺史

天賜

〔征北大將軍〕任城王澄

〔鎮南大將軍〕黑

〔鎮西大將軍〕彬

拔

〔鎮北大將軍〕思譽

〔尙書令〕叡 六月卒

王襲 叡子領吏部

〔左僕射〕祐

〔中書監〕閻

〔侍中〕他

元

馮誕 加征東大將軍封南平

王

馮修 加鎮北大將軍

安豐王猛

六年壬戌

〔太師〕熙

〔太尉〕丕

〔司徒〕建

〔司空〕頽

〔撫軍大將軍〕叡

〔鎮軍大將軍〕允

〔征東大將軍〕休

〔征南大將軍〕亮
〔征西大將軍〕楨

天賜

〔征北大將軍〕澄

〔鎮南大將軍〕黑 卒

〔鎮西大將軍〕彬

拔

〔鎮北大將軍〕思譽

〔尙書令〕襲

尉元

〔左僕射〕祐

〔中書監〕閻

〔侍中〕他

元 遷尙書令

誕

修

猛

七年癸亥

〔太師〕熙

〔太尉〕丕

〔司徒〕建

〔司空〕頴

〔撫軍大將軍〕叡

〔鎮軍大將軍〕允

〔征東大將軍〕休

〔征南大將軍〕亮

〔征西大將軍〕楨

天賜

〔征北大將軍〕澄

拔

〔鎮北大將軍〕思譽

〔尙書令〕元

〔左僕射〕祐

〔中書監〕閻

〔侍中〕他 加征西大將軍

誕

修

猛

八年甲子

〔太師〕熙

〔太尉〕丕

〔司徒〕建

〔司空〕頴

〔撫軍大將軍〕叡

〔鎮軍大將軍〕允

〔征東大將軍〕休

陸儁 相州刺史

〔征南大將軍〕亮

〔征西大將軍〕楨

天賜

〔征北大將軍〕澄

〔鎮西大將軍〕彬

拔 卒

〔鎮北大將軍〕思譽

〔尙書令〕元

〔左僕射〕祐

〔中書監〕閻

〔侍中〕他

誕

修

九年乙丑

〔太師〕熙

〔太尉〕丕

〔司徒〕建 十月卒

淮南王他 侍中司徒十二月

拜

〔司空〕頴

〔撫軍大將軍〕叡 遷侍中

〔鎮軍大將軍〕允

〔驃騎大將軍〕咸陽王禧 侍中

中都大官三月命

〔衛大將軍〕趙郡王幹 侍中內

都大官三月命

〔征東大將軍〕休

儁

廣陵王羽 侍中征東外都大

官三月命

〔征南大將軍〕亮

高陽王雍 侍中征南三月命

〔征西大將軍〕楨

天賜

彭城王勰 侍中征西三月命

北海王詳 侍中征北三月命

〔鎮西大將軍〕彬

〔鎮北大將軍〕思譽

〔尙書令〕元

〔左僕射〕祐

〔中書監〕閻

〔中書令〕鄭羲

〔侍中〕他 十二月拜司徒

誕

修

陸叡 兼都曹尙書

十年丙寅

〔太師〕熙

〔太尉〕丕

〔司徒〕他

〔司空〕頴

〔驃騎大將軍〕禧

〔衛大將軍〕幹 改車騎

〔鎮軍大將軍〕允

〔征東大將軍〕休

羽

〔征南大將軍〕亮 入爲僕射

雍

武昌王平原 雍州刺史

〔征西大將軍〕楨

天賜

總

刺史

詳

〔鎮西大將軍〕彬

〔鎮北大將軍〕思譽

〔尙書令〕元

〔左僕射〕祐

穆亮 加侍中

〔中書監〕閻

〔中軍令〕羲 出爲西兗州刺史

李冲 加給事中散騎常侍

〔侍中〕誕

修

劼

十一年丁卯

〔太師〕熙

〔太尉〕丕

〔司徒〕他

〔司空〕頽

〔驃騎大將軍〕禧

〔車騎大將軍〕幹

〔鎮軍大將軍〕允 正月卒

〔征東大將軍〕休

羽

〔征南大將軍〕雍

平原

澄

〔征西大將軍〕楨

天賜

總

〔征北大將軍〕詳

〔鎮西大將軍〕彬

〔鎮北大將軍〕思譽

〔尙書令〕元

〔左僕射〕亮

〔右僕射〕樓敷

〔中書監〕閻

〔中書令〕冲

〔侍中〕誕

修

源懷 參都曹事

劼

〔太師〕熙

〔太尉〕丕

〔司徒〕他 九月卒

〔司空〕頽

〔驃騎大將軍〕禧

〔車騎大將軍〕幹

〔征東大將軍〕休

羽

〔征南大將軍〕雍

澄

〔征西大將軍〕楨

天賜

總

〔征北大將軍〕詳

〔鎮西大將軍〕彬

〔鎮北大將軍〕思譽

〔尙書令〕元

〔左僕射〕亮

〔右僕射〕敷 三月加侍中

〔中書監〕閻

〔中書令〕冲

〔侍中〕誕

修

劼

懷

抱嶷 兼都曹尙書宦官

十三年己巳

〔太師〕熙

〔太尉〕丕

〔司徒〕尉元 十二月拜

〔司空〕頽 十二月卒

穆亮 十二月拜

〔驃騎大將軍〕禧

〔車騎大將軍〕幹

〔征東大將軍〕休

羽

〔征南大將軍〕雍

澄 〔征西大將軍〕楨 六月坐貪殘

廢爲庶人

天賜 同上

總

〔征北大將軍〕詳

〔鎮西大將軍〕彬 三月坐貪殘

廢爲庶人

〔鎮北大將軍〕思譽

〔尙書令〕元 十二月拜司徒

源懷

〔左僕射〕亮 十二月遷司空

陸劼 十二月命領北部尙書

〔右僕射〕敷

〔中書監〕閻

〔中書令〕冲 遷南部尙書

〔侍中〕誕

修

劼 遷僕射

懷 遷尙書令

嶷 符承祖 兼吏部主都曹事宦官

官

十四年庚午 九月太皇太后馮氏

殂

〔太師〕熙

〔太尉〕丕

〔司徒〕元 加侍中

〔司空〕亮 加侍中

〔驃騎大將軍〕禧

〔車騎大將軍〕幹

〔征東大將軍〕休

羽

〔征南大將軍〕雍

澄 改征東徐州刺史

〔征西大將軍〕繆

陽平王頤

〔征北大將軍〕詳

〔鎮北大將軍〕思譽

〔尙書令〕懷

〔左僕射〕叡 加侍中

〔右僕射〕毅

〔中書監〕閻

〔侍中〕誕

修

嶷

承祖

十五年辛未

〔太師〕熙

〔太傅〕安定王休 十二月拜

〔太保〕齊郡王簡 十二月拜

〔太尉〕丕

〔司徒〕元

〔司空〕亮

〔驃騎大將軍〕禧 出領冀州刺

史

〔車騎大將軍〕幹

〔衛大將軍〕廣陵王羽 領大理

尋遷僕射

〔征東大將軍〕休 十二月拜太

傅

羽 遷右僕射

澄

〔征南大將軍〕雍

〔征西大將軍〕繆

頤

城陽王鸞 涼州刺史

〔征北大將軍〕詳

〔鎮北大將軍〕思譽

〔尙書令〕懷

〔左僕射〕叡

〔右僕射〕毅 出爲定州刺史

廣陵王羽

〔中書監〕閻

〔侍中〕誕

修

嶷

承祖

十六年壬申 正月詔諸王非太祖

子孫及異姓者俱降爲公去將軍

之號

〔太師〕熙

〔太傅〕休 十月改大司馬

〔太保〕簡

〔大司馬〕安定王休 十月拜

〔太尉〕丕

〔司徒〕元 七月歸老

馮誕 侍中司徒十月拜

〔司空〕亮 領太子太傅

〔驃騎大將軍〕禧

〔車騎大將軍〕幹

〔中軍將軍〕馮誕 侍中都督中

外諸軍事中軍將軍正月命

十月拜司徒

〔征東大將軍〕羽

澄 入爲中書令

〔征南大將軍〕雍 遷中護軍

〔征西大將軍〕繆

頤

鸞

〔征北大將軍〕詳

〔鎮北大將軍〕思譽 改征北

〔正月諸王在內者盡去大

將軍號〕

〔尙書令〕懷 出爲司州刺史

陸叡 加衛將軍

〔太子太保錄尙書事〕廣陵王羽

〔左僕射〕叡 遷令

拓拔贊

〔右僕射〕羽 遷錄尙書事

〔中書監〕閻 出爲相州刺史

劉昶 改封宋王

〔中書令〕任城王澄

〔侍中〕誕 十月拜司徒

修

嶷 出爲涇州刺史

承祖

彭城王繆

北海王詳

李冲

〔領軍將軍〕解律桓

〔中護軍〕高陽王雍 加鎮北大

將軍

十七年癸酉 八月南侵十月經始

洛京

〔太師〕熙

〔太保〕簡

〔大司馬〕休

〔太尉〕丕

〔司徒〕誕 加車騎大將軍太子

太師

〔司空〕亮

〔驃騎大將軍〕禧

〔車騎大將軍〕幹 改征南

〔撫軍大將軍〕任城王澄

〔征南大將軍〕趙郡王幹 豫州

刺史

〔征北大將軍〕鸞 還朝

〔征北大將軍〕思譽

〔尙書令〕叡 母憂解起領衛尉

〔太子太保錄尙書事〕羽

〔左僕射〕贊

〔右僕射〕任城王澄 加撫軍大

將軍太子少保

〔中書監〕昶

〔中書令〕澄 遷僕射
〔侍中〕修

總
詳
沖

江陽王繼 左衛兼

〔領軍將軍〕桓
〔中護軍〕雍

十八年甲戌 十一月定都洛京十
二月南侵定諸王及公侯伯子男
五等制

〔太師〕熙

〔太保〕簡

〔太傅〕東陽王丕 錄尚書事十
月拜

〔大司馬〕休 七月卒

〔大將軍〕劉昶 都督吳越楚諸
軍事鎮彭城七月命

〔太尉〕丕 十月遷太傅

〔司徒〕誕

〔司空〕亮 十二月錄尚書事

〔驃騎大將軍〕禧 改領司州牧
〔撫軍大將軍〕澄

〔鎮軍大將軍〕高陽王雍 總攝
留務十二月命

中

〔車騎大將軍〕趙郡王幹 督關
〔衛大將軍〕源懷 母憂解

〔征東大將軍〕廣陵王羽 青州
刺史十二月命

〔征南大將軍〕幹 十二月改車
騎鸞 侵齊

〔征北大將軍〕思譽

〔尚書令〕叡
〔太子太保錄尚書事〕羽 九月
解職

〔左僕射〕贊
李沖 十二月命

〔右僕射〕澄

〔中書監〕昶 七月拜大將軍
〔中書令〕彭城王勰 兼侍中
〔侍中〕修 免為庶人

總 遷中書令
詳 遷中護軍

沖 遷僕射兼侍中
繼 兼領軍

〔領軍將軍〕江陽王繼
〔中護軍〕雍

北海王詳 留守洛京
十九年乙亥 還洛 齊廢帝隆昌
元年

〔太師〕熙 二月卒

〔太傅〕丕 二月出領并州刺史
〔太保〕簡

〔大將軍〕昶
〔太尉〕咸陽王禧 長兼太尉十

二月拜
〔司徒〕誕 二月卒

〔司空〕亮
〔驃騎大將軍〕禧 兼太尉

〔撫軍大將軍〕澄
〔鎮軍大將軍〕雍 出領相州刺

〔車騎大將軍〕幹 改征東
〔征東大將軍〕羽

幹 冀州刺史
〔征南大將軍〕鸞 兵敗貶爵

源懷 夏州刺史
〔尚書令〕叡

〔左僕射〕沖
〔右僕射〕澄 解

穆太
〔中書令〕勰

〔侍中〕繼
〔領軍將軍〕繼

〔中護軍〕詳
二十年丙子 正月改國姓為元氏

齊明帝建武二年
〔太傅〕丕 二月有罪廢為庶人

〔太保〕簡

〔大將軍〕昶

〔太尉〕禧
〔司空〕亮
〔撫軍將軍〕澄

〔征東將軍〕羽
幹

〔征北大將軍〕思譽 十二月有
罪削爵

懷
〔鎮北大將軍〕南安王楨 相州
刺史八月卒

〔尚書令〕叡 出為定州刺史十
二月謀叛賜死

〔左僕射〕沖

〔右僕射〕太 出為定州刺史改
恆州十二月謀反伏誅

〔中書令〕勰
〔中書監〕穆熊 兼侍中
〔侍中〕繼

崔光 散騎常侍兼
〔領軍將軍〕繼

于烈

〔中護軍〕詳
二十一年丁丑 八月南侵

〔太保〕簡
〔大將軍〕昶 四月卒

〔太尉〕禧
〔司空〕亮 六月罷

〔中軍大將軍〕彭城王勰 隨征
〔都督中外諸軍事〕趙郡王幹
特進司州牧都督中外諸軍

事留守洛京

〔征東大將軍〕羽

幹 遷司州牧八月帝南伐命

幹都督中外諸軍事

〔征北大將軍〕懷 改征西雍州

刺史

穆亮 七月征北冀州刺史

〔左僕射〕冲

〔右僕射〕任城王澄

〔中書監〕熊 六月有罪斥為民

〔中書令〕總 遷監仍兼侍中加

中軍大將軍

〔侍中〕繼

光

張彝

〔領軍將軍〕烈

〔中護軍〕詳

二十二年戊寅 二月河北平

〔太保〕簡

〔太尉〕禧

〔中軍大將軍〕總

〔都督中外諸軍事〕幹 有罪免

〔車騎大將軍〕廣陵王羽 青州

刺史

〔征東大將軍〕羽 改車騎

〔征北大將軍〕懷

〔征北大將軍〕亮

〔鎮南大將軍〕廣陽王嘉

〔左僕射〕冲 三月卒

北海王詳

〔右僕射〕澄

〔中書監〕總

〔侍中〕光

彝

劉芳

〔領軍將軍〕烈

〔中護軍〕詳

二十三年己卯 四月帝殂太子恪

即位

〔太保〕簡 正月卒

〔太尉〕禧 二月真授加侍中

〔司徒〕彭城王總 二月拜五月

出為定州刺史

〔司空〕北海王詳 三月命

〔車騎大將軍〕羽 遷司州牧

〔中軍大將軍〕總 拜司徒仍領

驃騎

〔征北大將軍〕懷

〔征北大將軍〕亮 遷定州刺史

高陽王雍 冀州刺史

〔鎮南大將軍〕嘉 三月入為僕

射

任城王澄 揚州刺史

〔尚書令〕王肅 三月拜

〔左僕射〕詳 三月拜司空

廣陽王嘉 三月命

〔右僕射〕澄 出為雍州刺史

〔中書監〕總 二月拜司徒

〔侍中〕光 實授侍中

彝

芳

郭祚

李韶 領七兵尚書

清河王懌

元嵩

〔領軍將軍〕烈

〔中護軍〕詳 三月拜司空

〔護軍將軍〕京兆王愉

宣武帝景明元年庚辰 正月齊豫

州刺史表叔業以壽春降 齊廢

帝永元元年

〔大司馬〕彭城王總 六月拜十

月復為司徒

〔太尉〕禧

〔司徒〕總 二月復拜十月錄尚

書事加侍中

〔司空〕詳

〔驃騎大將軍〕穆亮 兼尚書令

〔征北大將軍〕懷

〔征北大將軍〕亮 入為尚書令

雍

〔鎮南大將軍〕澄

〔尚書令〕肅 五月出為豫州刺

史 穆亮

〔左僕射〕嘉

〔中書監〕京兆王愉

〔中書令〕劉芳

〔侍中〕光

彝

芳 遷中書令

詔 出為并州刺史

懌

嵩 楊播 太府卿兼

〔領軍將軍〕烈 出為恆州刺史

不起

〔護軍將軍〕愉 遷中書監

二年辛巳 正月始親政

〔太保〕咸陽王禧 正月拜仍領

太尉五月謀逆伏誅

〔太傅〕北海王詳 十一月拜領

司徒侍中錄尚書事

〔大將軍〕北海王詳 正月拜錄

尚書事十一月遷太傅

〔太尉〕禧 正月遷太保

〔司徒〕總 正月解職

〔司空〕詳 正月遷大將軍

廣陵王羽 正月拜五月卒

穆亮 十一月拜

〔驃騎大將軍〕亮 十一月拜司

空

〔車騎大將軍〕于烈 正月命兼

領軍

源懷 兼左僕射

〔征西大將軍〕懷 入爲左僕射

〔征北大將軍〕雍

〔鎮南大將軍〕澄

〔尙書令〕亮 十一月拜司空

廣陽王嘉 加衛大將軍

〔左僕射〕嘉 遷令

源懷

〔右僕射〕高肇 領吏部

〔中書監〕愉

〔中書令〕芳

〔侍中〕光

彞

彞

甄琛 領中尉

〔領軍將軍〕烈 正月復任加車

騎大將軍八月卒

三年壬午 齊和帝中興元年

〔太傅〕詳

〔司空〕亮 四月卒

〔司徒〕北海王詳 太傅領

〔車騎大將軍〕懷

〔驃騎大將軍〕高陽王雍

〔征北大將軍〕雍 改驃騎

〔鎮南大將軍〕澄

〔尙書令〕嘉

〔左僕射〕懷

〔右僕射〕肇

〔中書監〕愉

〔中書令〕高猛

〔侍中〕光

彞 出爲秦州刺史

彞

琛 免

高顯

〔領軍將軍〕于勁

四年癸未 四月齊帝禪位于梁

武帝天監元年

〔太傅〕詳

〔太師〕彭城王勰 侍中七月拜

〔司徒〕詳

〔驃騎大將軍〕雍

〔車騎大將軍〕懷

〔鎮南大將軍〕澄

〔尙書令〕嘉

〔左僕射〕懷

〔右僕射〕肇

〔中書監〕愉

〔中書令〕猛

〔侍中〕光 遷太常卿

彞

顯

元暉

穆紹

〔領軍將軍〕勁

正始元年甲申 閏十二月梁梁州

刺史夏侯道遷以漢中降

〔太師〕勰

〔太傅〕詳 五月有罪廢爲庶人

施卒

〔司徒〕詳

〔司空〕高陽王雍 十二月拜

〔驃騎大將軍〕雍 十二月拜司

空

〔車騎大將軍〕懷

〔鎮南大將軍〕澄 改鎮北定州

刺史

〔尙書令〕嘉

〔左僕射〕懷

〔右僕射〕肇

〔中書監〕愉

〔侍中〕光

彞

顯 遷護軍

暉

紹

高聰 遷并州刺史

廣平王懷

〔領軍將軍〕勁

〔護軍將軍〕高顯

二年乙酉

〔太師〕勰

〔司空〕雍

〔車騎大將軍〕懷

〔鎮北大將軍〕澄 母喪解

〔尙書令〕嘉

〔左僕射〕懷

〔右僕射〕肇

〔中書監〕愉

〔侍中〕光

彞

暉

懷

盧昶

〔領軍將軍〕勁

三年丙戌

〔太師〕勰

〔司空〕雍

〔車騎大將軍〕懷 六月卒

〔尙書令〕嘉

〔左僕射〕懷 六月卒

清河王彞

〔右僕射〕肇

〔中書監〕愉

〔侍中〕光

彞 邊僕射

暉

懷

昶

〔領軍將軍〕勁

〔中護軍〕李崇

四年丁亥

〔太師〕總

〔司空〕雍 九月遷太尉

廣陽王嘉 九月拜

〔車騎大將軍〕高肇 兼尚書令

〔尚書令〕嘉 九月拜司空

高肇 加車騎大將軍

〔左僕射〕懌

〔右僕射〕肇 遷令

〔中書監〕愉 出為冀州刺史

〔中書令〕崔光 八月命加侍中

〔侍中〕光 遷中書令

暉

懷

昶

〔中護軍〕崇 八月出為揚州刺史

史

永平元年戊子 八月冀州刺史京

兆王愉據州反九月討平之

〔太師〕總 九月被殺

〔太尉〕雍

〔司空〕嘉

〔車騎大將軍〕肇

〔尚書令〕肇

〔左僕射〕懌

〔中書令〕光

〔侍中〕暉

懷

昶

安樂王詮

二年己丑

〔太尉〕雍

〔司空〕嘉 十月遷司徒

〔車騎大將軍〕肇

〔尚書令〕肇

〔左僕射〕懌

〔右僕射〕中山王英

〔中書令〕光

〔侍中〕暉

懷

昶

銓

三年庚寅

〔太尉〕雍

〔司徒〕嘉

〔車騎大將軍〕肇

〔尚書令〕肇

〔左僕射〕懌

〔右僕射〕英 十月卒

元珍

〔中書令〕光

〔侍中〕懷

詮

四年辛卯

〔太尉〕雍

郭祚

〔司徒〕嘉 三月卒

〔車騎大將軍〕肇

〔尚書令〕肇

〔左僕射〕懌

〔右僕射〕珍

安樂王詮

〔中書令〕光

〔侍中〕懷

詮 遷僕射

祚

游肇

延昌元年壬辰

〔太尉〕雍

〔司徒〕高肇 正月命

〔司空〕清河王懌 正月命

〔車騎大將軍〕肇

〔驃騎大將軍〕廣平王懷 正月

司州牧加

〔尚書令〕肇 正月拜司徒

〔左僕射〕懌 正月拜司空

〔右僕射〕銓 三月卒

郭祚 遷監仍兼侍中

李平

〔侍中〕懷

祚 遷僕射

肇

〔領軍將軍〕于忠 兼侍中

二年癸巳 二月梁郁洲民徐玄明

等殺青冀二州刺史張稷以州降

〔太保〕高陽王雍 太保侍中二

月拜仍領太尉

〔太尉〕雍 二月遷太保仍領太

尉

〔司徒〕肇

〔司空〕懌

〔驃騎大將軍〕懷

〔右僕射〕祚 遷左

〔中書監〕光 領太子少傅

〔中書令〕平

〔侍中〕懷

肇

〔領軍將軍〕忠

三年甲午

〔太保〕雍

〔大將軍〕高肇 大將軍大都督

侵梁益州

〔太尉〕雍

〔司徒〕肇 十一月加大將軍

〔司空〕懌

〔驃騎大將軍〕懷

〔左僕射〕祚

〔中書監〕光 加右光祿大夫

〔中書令〕平

〔侍中〕懷

肇

穆紹

〔領軍將軍〕忠

〔護軍將軍〕元遙

四年乙未 正月帝殂太子詡即位

三月出皇太后高氏爲尼八月太

后胡氏臨朝詔胡國珍與高陽清

河廣平三王入居門下同釐庶政

〔太保〕雍 正月入居西柏堂決

庶政百官總己以聽二月進

太傅八月免十二月拜太師

侍中

廣平王懷 八月拜

〔太傅〕清河王懌 八月拜

〔大將軍〕肇 二月召還賜死

〔太尉〕雍 二月太傅領太尉八

月免

〔司徒〕肇 二月賜死

〔司空〕懌 二月遷司徒八月遷

太傅領太尉

廣平王懷 二月拜司空八月

遷太保領司徒

任城王澄 侍中司空八月拜

〔驃騎大將軍〕懷 二月拜司空

任城王澄 八月拜司空

〔車騎大將軍〕于忠 兼領軍

崔光 八月拜

〔征北大將軍〕于忠 冀州刺史

九月命

〔尙書令〕任城王澄 二月命百

官總己以聽八月拜司空九

月仍兼尙書令

于忠 八月命加侍中儀同三

司九月出爲征北大將軍冀

州刺史

〔左僕射〕祚 八月爲于忠所殺

元暉 加侍中

〔中書監〕光 解

胡國珍 十月命仍兼侍中加

儀同三司

〔中書令〕平 遷吏部

游肇

〔侍中〕懷 二月拜司空

肇 遷中書令

紹

胡國珍 九月光祿大夫加

劉騰 中侍中領崇訓太僕八

月命宦官

侯剛 加衛將軍

〔領軍將軍〕忠 八月遷尙書令

仍兼領軍

江陽王繼 兼侍中

〔護軍將軍〕遙

孝明帝熙平元年丙申

〔太師〕雍

〔太傅〕懌

〔太保〕懷

〔太尉〕懌

〔司徒〕懷

〔司空〕澄

〔車騎大將軍〕光

〔征北大將軍〕忠

〔尙書令〕澄

〔左僕射〕暉

〔右僕射〕李平

〔中書監〕國珍

〔中書令〕肇 出爲相州刺史

穆紹

〔侍中〕紹 遷中書令

騰

剛 遷左衛將軍

游肇

〔領軍將軍〕繼

〔護軍將軍〕遙

二年丁酉

〔太師〕雍 八月入居門下參決

尙書奏事

〔太傅〕懌

〔太保〕懷 三月卒

〔太尉〕懌

〔司徒〕懷 卒

胡國珍 侍中司徒四月拜

〔司空〕澄

〔車騎大將軍〕光

〔中軍大將軍〕李韶 吏部尙書

〔驃騎大將軍〕李崇 領中書監

〔征北大將軍〕忠 四月入爲右

僕射

〔尙書令〕澄

〔左僕射〕暉

〔右僕射〕平 卒

于忠 四月拜加侍中儀同三

司

〔中書監〕國珍 四月拜司徒

汝南王悅 四月命七月免

李崇 出爲定州刺史

〔中書令〕紹

元欽

〔侍中〕騰

肇

元乂

〔領軍將軍〕繼

〔護軍將軍〕遙

神龜元年戊戌

〔太師〕雍

〔太傅〕懌

〔太尉〕懌

〔司徒〕國珍 四月卒

〔司空〕澄

〔驃騎大將軍〕崇

江陽王繼

〔車騎大將軍〕光

〔中軍大將軍〕韶

〔尙書令〕澄
〔左僕射〕暉 卒
李崇
〔右僕射〕忠 三月卒
游肇
〔中書令〕欽
〔侍中〕騰 九月加衛將軍儀同
三司
肇 遷僕射
又
〔領軍將軍〕繼
二年己亥 二月羽林軍亂傷征西
將軍張彝焚其第
〔太師〕雍
〔太傅〕懌
〔太尉〕懌
〔司空〕澄 五月遷司徒十一月
卒
京兆王繼 侍中司空五月拜
〔驃騎大將軍〕崇
繼 五月拜司空
汝南王悅
〔車騎大將軍〕光
〔尙書令〕澄 十一月卒
李崇 加侍中
〔左僕射〕崇 十一月遷令
皇甫度
〔右僕射〕肇

〔中書令〕欽
〔侍中〕騰
又 兼領軍
臨淮王彧
〔領軍將軍〕繼 正月拜司空
元 侍中兼
正光元年庚子 七月侍中元又劉
騰幽太后胡氏于北宮九月蠕蠕
主阿那瓌來奔
〔太師〕雍 七月遷丞相
〔太傅〕懌 七月爲元又所殺
〔太尉〕懌 七月被殺
汝南王悅 侍中太尉十月拜
〔司空〕繼 十二月遷司徒侍中
如故
〔驃騎大將軍〕崇
悅 十月拜太尉
〔車騎大將軍〕光
侯剛 兼侍中左衛
〔撫軍大將軍〕奚康生 河南尹
右衛
〔衛大將軍〕穆紹
皇甫集
〔尙書令〕崇
〔左僕射〕度 七月遷右光祿大
夫
崔亮
〔右僕射〕肇 八月卒

元欽
〔中書監〕穆紹 加衛大將軍
〔中書令〕欽 遷僕射
裴粲
〔侍中〕騰
又
彧
侯剛 兼左衛
安豐王延明
〔領軍將軍〕又
二年辛丑 梁普通元年
〔丞相〕雍
〔太保〕京兆王繼 太保侍中四
月拜
〔太尉〕悅
〔司徒〕繼 四月遷太保
崔光 四月拜
〔司空〕劉騰 三月拜宦官
〔驃騎大將軍〕崇
〔車騎大將軍〕光 四月拜司徒
剛 加儀同三司領御史中尉
〔撫軍大將軍〕康生 二月被殺
〔衛大將軍〕紹
〔尙書令〕崇
〔左僕射〕亮 卒
蕭寶夤 加車騎大將軍
〔右僕射〕欽 加車騎大將軍
〔中書監〕紹

〔中書令〕粲
〔侍中〕騰 三月拜司空
又
剛
彧
延明
崔亮 遷僕射
〔領軍將軍〕又
三年壬寅
〔丞相〕雍
〔太保〕繼 十二月遷太傅侍中
如故
崔光 十二月拜
〔太尉〕悅
〔司徒〕光 十二月遷太保
〔司空〕騰
〔驃騎大將軍〕崇
〔車騎大將軍〕剛
李韶 冀州刺史
〔衛大將軍〕紹
〔尙書令〕崇
〔左僕射〕寶夤
〔右僕射〕欽
〔中書監〕紹
〔侍中〕又
剛
彧
延明

王溫 中侍中鎮東將軍宦官
〔領軍將軍〕又
四年癸卯

〔丞相〕雍 九月參決尙書奏事

〔太傅〕繼

〔太保〕光 十一月卒

汝南王悅 十二月拜

〔太尉〕悅 九月參決尙書奏事

十二月遷太保

〔司空〕騰 二月死

〔驃騎大將軍〕崇

〔車騎大將軍〕剛

詔 改定州

〔衛大將軍〕紹

〔尙書令〕崇

〔左僕射〕寶資

〔右僕射〕欽

〔中書監〕紹

〔侍中〕又

彧

剛

延明

溫

甄琛

〔領軍將軍〕又

五年甲辰 三月沃野鎮人破六韓

拔陵反四月高平酋長胡琛反六

月秦州人莫折念生反

〔丞相〕雍
〔太傅〕繼 十二月遷太師大將
軍西討叛胡

〔太保〕悅

〔驃騎大將軍〕崇

谷曇

〔車騎大將軍〕剛

詔 四月卒

蕭寶資 西討大都督

〔衛大將軍〕紹

〔尙書令〕崇 五月遷大都督出

討破六韓拔陵七月免

〔左僕射〕寶資 九月遷西道行

臺大都督

臨淮王彧

〔右僕射〕欽

安豐王延明

〔中書監〕紹 遷侍中

〔中書令〕袁翻

〔侍中〕又

剛

延明 兼僕射

溫 加車騎將軍兼光祿勳

琛 冬卒

穆紹

成軌 中侍中撫軍將軍宦官

〔領軍將軍〕又

孝昌元年乙巳 正月徐州刺史元

法僧反四月太后復臨朝八月杜
洛周反于上谷十二月山胡劉蠡
升反

〔丞相〕雍

〔太師〕繼 正月領太尉四月免

〔太保〕悅

〔太尉〕京兆王繼 正月太師領

四月免

〔司徒〕蕭綜 梁武帝子六月來

歸改名贊封丹陽王

〔司空〕皇甫度

〔驃騎大將軍〕崇 五月卒

元又 驃騎侍中尙書令開府

儀同三司二月拜四月除名

尋伏誅

安豐王延明 徐州刺史

〔車騎大將軍〕剛 四月免

寶資

〔衛大將軍〕紹

〔征南大將軍〕臨淮王彧

〔尙書令〕元又 二月拜四月除

名

〔左僕射〕彧 正月出討元法僧

城陽王徽

〔右僕射〕延明 正月出爲東道

行臺

元麗

〔中書令〕翻 兼黃門侍郎

〔中書監〕胡祥 加侍中
〔侍中〕又 二月遷尙書令
剛 二月遷領軍

溫

紹

軌

元順

楊範 中侍中

封津 中侍中並宦官

〔給事黃門侍郎〕徐紇 給事黃

門侍郎中書舍人總攝中書

門下事

〔領軍將軍〕又 二月解

侯剛 二月命出爲冀州刺史

尋免

皇甫度 拜司空

二年丙午 正月鮮于修禮反于定

州九月盜葛榮僭帝號十一月杜

洛周陷幽州

〔丞相〕雍 五月遷大司馬

〔太保〕悅 正月領太尉

〔大司馬〕高陽王雍 五月拜

〔大將軍〕東平王略 尙書令六

月拜

〔太尉〕汝南王悅 正月太保領

尋出爲刺史

〔司徒〕贊

〔司空〕度

〔驃騎大將軍〕長孫稚 正月討賊四月兵敗免

延明

廣陽王淵 九月命討河北賊

臨淮王彧 東道大行臺

〔車騎大將軍〕寶劼 改驃騎

楊椿 雍州刺史

〔衛大將軍〕紹

〔征南大將軍〕彧 改驃騎

〔尚書令〕東平王略 六月大將軍領

軍領

〔左僕射〕徽 加車騎大將軍

〔右僕射〕麗 卒

元順

〔中書監〕祥

元芝 六月加車騎大將軍

〔中書令〕翻 遷尚書

王瓊 卒

裴延儻

〔侍中〕順 四月遷護軍

東平王略 車騎領左衛六月拜大將軍

長樂王子攸

元宴

紹

溫

軌

範 卒

津 出為濟州刺史

〔給事黃門侍郎〕紇

〔領軍將軍〕廣陽王深

〔護軍將軍〕元順 四月命尋兼僕射

三年丁未 七月相州刺史安樂王

鑒反討平之九月東豫州刺史元

慶和以城降梁十月雍州刺史蕭

寶劼反十一月葛榮陷冀州

〔大司馬〕雍

〔大將軍〕略

〔司空〕度 正月遷司徒又遷太尉

尉

蕭寶劼 正月拜未上除名

元欽

〔驃騎大將軍〕寶劼 正月拜司空兵敗免四月假車騎大將軍雍州刺史十月反

延明

〔車騎大將軍〕椿

爾朱榮 都督并肆汾廣恆雲

六州軍事

北海王顥

〔衛大將軍〕紹 改車騎定州刺史不赴

〔尚書令〕略

〔左僕射〕徽 出為西道行臺不赴

〔右僕射〕順

長孫稚 十月出討蕭寶劼

〔中書監〕芝 遷侍中

長樂王子攸 加衛將軍左光祿大夫十月命

〔中書令〕延儻 遷中尉

鄭徽 加車騎將軍仍兼中書

舍人散騎常侍

〔侍中〕子攸 遷中書監

元芝

紹

溫

軌

〔給事黃門侍郎〕紇

〔領軍將軍〕深

〔護軍將軍〕順

武泰元年戊申 二月帝殂太后矯立臨洮王世子釗為帝四月爾朱榮入洛并太后沈于河立長樂王子攸為帝改元建義六月邢杲反于青州八月太山太守羊侃反九月爾朱榮平葛榮改是年為永安元年

〔大丞相〕爾朱榮 九月拜十月加太師

〔太師〕江陽王繼 四月拜十月

卒

〔太傅〕北海王顥 四月命出奔

梁

〔太保〕李延實 太保侍中四月拜九月遷太傅

楊椿 太保侍中九月拜

〔大司馬〕雍 四月沈于河

臨淮王彧 錄尚書事

〔大將軍〕略 四月沈于河

爾朱榮 四月拜侍中大將軍

都督中外諸軍事兼尚書令

領軍將軍七月加柱國大將軍錄尚書事九月拜大丞相

上黨王天穆 十一月拜

〔太尉〕度 四月出奔被殺

上黨王天穆 四月拜加侍中

領軍錄尚書事

〔司徒〕楊椿 四月拜九月遷太保

城陽王徽 九月拜領司州牧

〔司空〕欽 四月沈于河

穆紹 四月拜兼尚書令加侍中

〔驃騎大將軍〕延明

彧 四月奔梁七月歸國拜尚書令

爾朱菩提 十月拜

〔車騎大將軍〕椿 四月拜司徒

榮 加開府儀同三司四月舉兵入洛

紹 四月拜司空

長孫稚 雍州刺史二月命四月改驃騎

李虔 六月拜

李叔仁 六月拜討邢杲

顯 正月改驃騎相州刺史四月拜太傅

〔尙書令〕略 四月沈于河

穆紹 司空兼

臨淮王彧 七月命尋拜大司馬

安豐王延明

〔左僕射〕趙郡王譔 四月拜

〔右僕射〕順 四月出奔被殺

元羅 五月出爲東道大使

東海王頊

〔中書監〕子攸 四月卽帝位

東海王頊 遷僕射

胡僧洗 加侍中

〔中書令〕儼 四月出奔被殺

李彧 加侍中

〔侍中〕芝 四月沈于河

温 四月沈于河

軌 六月卒

咸陽王坦

元祉

于暉 十月出爲行臺討羊侃

爾朱世承 領御史中尉

平季 中侍中撫軍將軍宦官

〔給事黃門侍郎〕紇 四月出奔

奔梁

〔領軍將軍〕上黨王天穆

爾朱世隆 侍中領

孝莊帝永安二年己酉 梁立北海

王顥爲帝五月入洛帝出奔七月

顥敗還宮 梁大通二年

〔太師〕榮 七月加天柱大將軍

〔太宰〕上黨王天穆 七月拜

〔太傅〕延實 八月遷司徒復爲

太傅青州刺史

〔太保〕椿 八月致仕

城陽王徽 十一月拜錄尙書

事

〔大司馬〕彧 五月降于元顥

安豐王延明 七月奔梁

城陽王徽 大司馬侍中領太

尉七月拜十一月遷太保領

大司馬

〔大將軍〕天穆 七月拜太宰

〔司徒〕儼 七月遷太尉

李延實 八月拜出爲大行臺

蕭贊 十月拜十一月遷太尉

長孫稚 十一月拜

〔司空〕紹 五月爲元顥兗州刺史

楊津 七月拜加侍中

〔驃騎大將軍〕菩提

稚 十一月拜司徒

爾朱天光 雍州刺史

叱列延慶

〔車騎大將軍〕虔 改驃騎

叔仁

爾朱兆 車騎汾州刺史六月

命尋改驃騎

爾朱仲遠 徐州刺史

〔尙書令〕延明 拜大司馬

〔左僕射〕譔 加驃騎大將軍

〔右僕射〕頊 七月兄顥敗被殺

爾朱世隆 兼侍中加車騎大

將軍尋改驃騎

〔中書監〕頊 僕射兼

李神儁 兼吏部尙書

〔中書令〕彧 遷監驃騎大將軍

開府儀同三司

魏蘭根

〔侍中〕坦

世承 五月爲元顥所殺

朱瑞

源子恭

李神

季

封津 中侍中衛將軍宦官

〔領軍將軍〕世隆 遷僕射

楊津 七月拜司空

三年庚戌 三月蕭寶夤平九月爾

朱榮伏誅十月爾朱兆反立長廣

王暉爲帝改元建興十二月入洛

遷帝于晉陽尋被弑 梁中大通

元年

〔太師〕榮 九月伏誅

刺史

魯郡王肅 驃騎大將軍青州

〔太宰〕天穆 九月伏誅

〔太傅〕延實 十二月被殺

〔太保〕徽 十月遷大司馬

〔大司馬〕徽 十月解太保錄尙

書如故十二月出走被殺

〔太尉〕贊 四月改驃騎齊州刺

史

〔司徒〕稚 十一月遷太尉錄尙

書事

臨淮王彧 十一月拜十二月

被殺

〔司空〕津 九月改驃騎督并肆

燕恆雲朔顯汾蔚九州軍事

〔驃騎大將軍〕菩提 九月誅

天光

虔 十月卒

兆 十月舉兵犯闕

延慶

正綽 并州刺史

爾朱彥伯 侍中驃騎

沛郡王欣

〔車騎大將軍〕叔仁 七月除名

仲遠 十月舉兵犯闕

穆建

高歡

樊子鵠

〔尙書令〕臨淮王彧 侍中驃騎

大將軍十一月拜司徒

〔左僕射〕謚

〔右僕射〕世隆 九月出奔

范陽王誨 十二月被殺

元羅

〔中書監〕神僑 遷衛將軍

〔中書令〕蘭根 十月出爲河北

行臺

裴粲

〔侍中〕坦

瑞

子恭

季

津

楊侃 加衛將軍右光祿大夫

十二月出奔

李彧

節閔帝普泰元年辛亥 二月爾朱

世隆廢帝肆立廣陵王恭是爲節

閔帝六月高歡起兵于信都討爾

朱氏十月立渤海太守元朗爲帝

改元中興

〔太宰〕爾朱仲遠 九月拜

〔太師〕魯郡王肅 三月召還

〔太傅〕沛郡王欣 三月拜

〔太保〕爾朱世隆 三月命不就

特置儀同三司官授之

〔丞相〕高歡 侍中丞相都督中

外諸軍事大將軍錄尙書事

大行臺十月帝朗命

〔大將軍〕爾朱兆 天柱大將軍

三月拜仍鎮并州

爾朱仲遠 三月拜仍鎮徐州

六月遷太宰

爾朱天光 三月拜仍鎮雍州

九月遷大司馬

〔太尉〕爾朱度律

〔司徒〕爾朱彥伯 四月拜七月

遜位

〔司空〕嶧郡王謚 三月拜

高乾邕 侍中司空十月帝朗

命

〔驃騎大將軍〕爾朱弼

爾朱智虎 肆州刺史

清河王竇

長孫稚

穆紹 青州刺史九月卒

賀拔岳 岐州刺史

侯莫陳悅 秦州刺史

侯景 行濟州事

侯淵 定州刺史

杜德 汾州刺史

公孫略

延慶

彥伯

孟威

盧義信

高敖曹 帝朗命

高盛 同上

〔車騎大將軍〕歡 改驃騎三月

封渤海王四月加東道大行

臺冀州刺史六月起兵

建 改驃騎

賀拔勝

橋寧

賈顯智

〔衛大將軍〕賈顯度

〔尙書令〕爾朱世隆 仍驃騎大

將軍加儀同三司

〔左僕射〕謚 三月拜司空

南陽王寶炬 加驃騎大將軍

帝朗命

孫騰 侍中車騎大將軍帝朗

命

〔右僕射〕羅 加驃騎大將軍

魏蘭根 帝朗命

〔中書令〕粲

〔侍中〕坦

瑞 七月被殺

子恭

季 加車騎將軍

元孚

平陽王修 加鎮東將軍儀同

三司兼右僕射

元受 加儀同三司

盧同 加驃騎將軍儀同三司

斛斯椿 加驃騎大將軍

樊子鵠 加驃騎大將軍

司馬子如 帝朗命

普泰二年壬子 閏三月高歡大破

爾朱兆等于韓陵四月入洛廢帝

恭并廢帝朗而立安定王修改元

太昌十二月又改

永熙元年

〔丞相〕歡 二月進大丞相柱國

大將軍太師四月改天柱大

將軍不受

〔太宰〕仲遠 四月奔梁

〔太師〕肅 改驃騎大將軍青州

刺史

〔太傅〕欣 五月遷太師

長孫稚 五月拜錄尙書事

〔太保〕趙郡王諶 五月拜
〔大將軍〕兆 閏三月兵敗走并州

州

〔大司馬〕天光 四月伏誅

汝南王悅 大司馬侍中十一月拜十二月被殺

〔太尉〕度律 四月伏誅

南陽王寶炬 侍中太尉五月拜

〔司徒〕清河王竄 侍中司徒五月拜

〔司空〕譙 五月遷太保

乾邕

〔驃騎大將軍〕竄 五月拜司徒

弼 四月為帳下所殺

智虎 四月誅

稚 五月拜太傅

建

岳

悅

景

略

德

淵 濟州刺史

高澄 二月帝崩命加侍中

尉景 閏三月命

庫狄干 同上

高岳

高瑗

高岳

高岳

高瑗

斛斯敦

劉貴

〔車騎大將軍〕彥伯 四月誅

延慶

義信

顯度 改驃騎

顯智 改驃騎滄州刺史

敖曹

盛

李神

刁雙

元世儁

元仲景

任祥

封津

李神儁

崔秉

恭儁

廣平王贊

潘蠻

〔尚書令〕世隆 四月伏誅

元羅

〔左僕射〕實炬 五月拜太尉

騰

〔右僕射〕羅 五月遷令

蘭根

〔中書令〕榮

羊深 兼侍中加車騎大將軍

〔侍中〕修 四月即帝位

坦

季

孚

同 卒

椿

子鵠

子如

高隆之 加驃騎大將軍

封隆之 同上

賀拔勝

李琰之

〔領軍將軍〕賀拔勝 遷侍中

婁昭 加驃騎大將軍

孝武帝永熙二年癸丑

〔丞相〕歡

〔太師〕欣 七月遷大司馬

〔太傅〕稚

〔太保〕譙 三月遷太尉七月拜

太師

南陽王寶炬 三月拜

〔大司馬〕廣陵王欣 七月拜

〔太尉〕寶炬 三月遷太保

趙郡王譙 二月拜

賀拔允 七月拜

〔司徒〕竄

〔司空〕乾邕 二月出為徐州刺

史三月被殺

咸陽王坦 二月拜

〔驃騎大將軍〕澄

岳

悅

景

淵

建

干

景

岳

琛

貴

敦

念賢

高聿

張瓊

寶泰

梁景叡

万俟普

劉厥

裴粲

〔車騎大將軍〕延慶

盛

義信

神

顯度

雙

顯智

祥

敖曹

津

世儁

乘

仲景

儁

神儁

贊

蠻

崔孝芬

祖瑩

東萊王貴平

高慎

辛雄

賈思同

梁企

〔尙書令〕羅 出爲梁州刺史

南陽王寶炬 三月太保領

〔左僕射〕騰

〔右僕射〕蘭根 病免

樊子鶴 六月出爲青膠大使

賈顯度

〔中書令〕深

〔侍中〕坦 二月拜司空

季 進驃騎將軍

椿

隆之

隆之

勝 出督三荆七州諸軍事

琰之 正月卒

〔領軍將軍〕昭

三年甲寅 七月帝謀討高歡不克

遂西奔八月至長安自是國分爲

二在長安者爲西魏在鄴都者爲

東魏

〔丞相〕歡

〔太師〕謹 仕東魏

〔太傅〕稚 從駕入關

〔太保〕寶炬 從入關拜太宰

〔大司馬〕欣 八月從駕入關

〔大將軍〕宇文泰 雍州刺史尙

書令八月拜

〔太尉〕允 十二月爲高歡所殺

〔司徒〕亶 八月高歡推爲大司

馬承制事行

〔司空〕坦 仕東魏

〔驃騎大將軍〕澄

景

岳 正月爲侯莫陳悅所殺

悅 正月兵潰自殺

淵

建

干

景

岳

琛

貴

敦

賢

聿

瓊

泰

景叡

普

粲

歐 八月被殺

元子思

李彧

〔車騎大將軍〕宇文泰 侍中驃

騎關中都督八月拜大將軍

延慶 八月被殺

義僖

盛

顯智

雙 卒

神

祥

敖曹

津

世儁

乘

仲景

儁

神儁

贊

蠻

瑩

孝芬 八月被殺

貴平

慎 遷侍中

雄

思同

企

太原王昶

斛律白沙

〔尙書令〕寶炬 八月從入關

元弼

〔左僕射〕騰 出奔晉陽

任祥 代騰亦奔晉陽

〔右僕射〕顯度 出爲雍州刺史

辛雄 侍中兼

〔中書令〕深 六月兼御史中尉

出爲東道軍司

〔侍中〕椿 八月從入關

隆之 奔晉陽

隆之 同上

季 九月卒

濮陽王順

山偉

辛雄 八月爲高歡所殺

西魏將相大臣年表 清萬斯同撰

孝武帝永熙三年甲寅 八月帝至
長安高歡來犯陷潼關宇文泰拒
退之十二月泰弑帝立南陽王寶
炬

〔大丞相〕宇文泰 十月拜

〔太宰〕南陽王寶炬 十二月即

帝位

〔太師〕長孫稚 錄尚書事

〔太傅〕

〔太保〕賀拔勝 荊州刺史與東

魏兵戰敗奔梁

〔大司馬〕

〔大將軍〕宇文泰 八月拜大將

軍兼雍州刺史尚書令十月

遷大丞相

〔太尉〕

〔司徒〕斛斯椿

〔司空〕万俟普 遷秦州刺史

〔車騎大將軍開府儀同三司〕

念賢 加侍中

王熊 領華州刺史

〔驃騎大將軍開府儀同三司〕

〔尚書令〕斛斯椿 司徒兼

〔左僕射〕万俟洛

〔右僕射〕順陽王暕

〔中書監〕濮陽王順 兼侍中

〔中書令〕馮翊王季海

〔侍中〕楊儉

〔領軍將軍〕

文帝大統元年乙卯 正月東魏將

司馬子如寇潼關掠同州刺史王

熊擊走之

〔大丞相〕泰 正月加都督中外

諸軍事大行臺

〔太師〕稚 十月卒

〔太傅〕廣陵王欣 正月拜錄尚

書事十二月遷太師

念賢 十二月拜

〔太保〕斛斯椿 正月拜

〔太尉〕念賢 七月拜十二月遷

太傅

梁覽 十月拜

〔司徒〕椿 正月遷太保

廣平王贊 正月拜

〔司空〕万俟洛 正月拜七月遷

司徒

越勒躬 七月拜

〔車騎大將軍開府儀同三司〕賢

七月拜太尉

熊

泉企 兼右僕射領洛州刺史

李弼 領雍州刺史

李虎 兼隴右行臺左僕射

于謹

〔尚書令〕椿

〔左僕射〕洛 正月拜司空

扶風王孚

〔右僕射〕暕

〔中書監〕順 遷中尉

乙弗繪 兼侍中

〔中書令〕季海

〔侍中〕儉 出行東秦州事

徐招

〔領軍將軍〕寇洛 加驃騎開府

二年丙辰 五月秦州刺史万俟普

率所部叛入東魏 梁武帝大同

元年

〔大丞相〕泰

〔太師〕欣

〔太傅〕賢

〔太保〕椿

〔太宰〕万俟洛 三月拜五月與

父普奔東魏

〔太尉〕覽

〔司徒〕洛 三月遷太宰

李叔仁 三月拜

〔司空〕躬 五月卒

扶風王孚 七月拜兼尚書令

〔車騎大將軍開府儀同三司〕熊

企

弼

虎

謹

侯莫陳崇

〔尚書令〕椿

〔左僕射〕孚 七月拜司空兼尚

書令

馮翊王季海

〔右僕射〕暕 遷左

梁觀

〔中書監〕繪

〔中書令〕季海 遷左僕射

長孫紹遠

〔侍中〕招

〔領軍將軍〕洛

三年丁巳 正月東魏兵三道入犯

斬其大將竇泰餘引退八月大舉東伐拔弘農斬陝州刺史李徽伯高歡追襲至沙苑十月大敗還遂進軍取蒲坂入洛陽

〔大丞相〕泰 六月加錄尚書事

十月加柱國大將軍

〔太師〕欣 五月遷太宰

賀拔勝 五月拜

〔太傅〕賢 五月遷大將軍

梁覽 六月拜

〔太保〕椿 卒

扶風王孚 六月拜

〔太尉〕覽 六月遷太傅

廣平王贊 六月拜

〔司徒〕叔仁 十二月誅

〔司空〕孚 六月遷太保

王盟 六月拜

〔大將軍〕念賢 都督河涼七州

諸軍事

〔車騎大將軍開府儀同三司〕熊

企 正月城陷被執

弼

虎

謹 領大丞相府長史兼大行

臺尚書

崇

獨孤信 加侍中兼領軍

趙貴 加侍中領雍州刺史

〔驃騎大將軍開府儀同三司〕梁

禦 加侍中領東雍州刺史

若干惠 加侍中

怡峯

劉亮 加侍中

王德 同上

〔尚書令〕孚

〔左僕射〕季海 八月出為行臺

〔右僕射〕禦 出為東雍州刺史

趙善 八月遷左兼侍中

周惠達

〔中書令〕紹遠

周惠達 加衛大將軍

〔領軍將軍〕洛 出為華州刺史

獨孤信 父喪解

宇文導 八月命

四年戊午 七月東魏大舉圍洛陽

宇文泰奉帝東征八月斬其大將

莫多婁貸文進軍戰于河橋又斬

其大將高敖曹左右軍失利引還

洛陽旋陷十二月復克洛陽

〔大丞相〕泰

〔太宰〕欣

〔太師〕勝

〔太傅〕覽 八月謀叛伏誅

〔太保〕孚

〔大將軍〕賢 還朝錄尚書事

〔太尉〕贊

〔司空〕盟 三月遷司徒

馮翊王季海

〔車騎大將軍開府儀同三司〕熊

弼

信

虎

貴

謹

崇

義陽王子孝

〔驃騎大將軍開府儀同三司〕禦

卒

惠

峯

亮

德 出為河州刺史

達奚武 加侍中

宇文貴 同上

〔尚書令〕孚

〔左僕射〕善

〔右僕射〕惠達 遷吏部尚書

〔中書令〕惠達 兼右僕射

〔侍中〕長孫子彥

宇文測 兼大丞相府右長史

〔領軍將軍〕導 七月出領華州

刺史尋還任加侍中驃騎開

府

五年己未

〔大丞相〕泰

〔太宰〕欣

〔太師〕勝

〔太保〕孚 七月遷太傅

〔大將軍〕賢 出督秦渭四州諸

軍事秦州刺史

〔太尉〕贊

〔司徒〕盟

〔司空〕季海

李弼 十一月拜

〔車騎大將軍開府儀同三司〕熊

弼 十一月拜司空

信

虎

貴

謹

崇

子孝

楊寬 領東雍州刺史

〔驃騎大將軍開府儀同三司〕惠

峯 出督東西北三夏州諸軍

事夏州刺史

亮

德

武 出為北雍州刺史

貴

侯莫陳順 出為西夏州刺史

〔尚書令〕孚

〔左僕射〕善
〔右僕射〕華山王紀
〔侍中〕子彥

〔領軍將軍〕導
六年庚申

〔大丞相〕泰
〔太宰〕欣
〔太師〕勝

〔太傅〕孚 正月卒
〔大將軍〕賢 十一月卒
〔太尉〕贊

〔司徒〕盟
〔司空〕弼
〔車騎大將軍開府儀同三司〕熊
信 出爲隴右十州大都督秦州刺史

虎
貴
謹
崇
子孝

寬

宇文測 領汾州刺史
〔驃騎大將軍開府儀同三司〕惠

亮
德

武
順
貴

〔尚書令〕孚
〔左僕射〕善
〔右僕射〕紀

〔侍中〕測 免
〔領軍將軍〕導
七年辛酉

〔大丞相〕泰
〔太宰〕欣
〔太師〕勝

〔太尉〕贊
〔司徒〕盟
〔司空〕弼
〔大將軍〕子謹 都督恆并燕肆雲五州諸軍事恆州刺史
〔車騎大將軍開府儀同三司〕熊

信
虎
貴
謹

遷大將軍

崇 領雍州刺史兼太子詹事

欣
測

楊儉
〔驃騎大將軍開府儀同三司〕惠
遷中領軍

亮
德
武
順
貴

〔太師〕勝
〔太保〕王盟 八月拜
〔大將軍〕謹 召領太子太保
〔太尉〕贊
〔司徒〕盟 八月遷太保
〔司空〕弼

豆盧寧 加侍中
李遠 同上

〔左僕射〕善
〔右僕射〕周惠達
〔領軍將軍〕導
〔中領軍〕若干惠
八年壬戌 十月高歡大舉圍玉壁
宇文泰率師禦之引退
〔大丞相〕泰
〔太宰〕欣

虎

宇文泰率師禦之引退

〔車騎大將軍開府儀同三司〕信

貴
崇
子孝

改綏州刺史

王思政 領并州刺史鎮玉壁
〔驃騎大將軍開府儀同三司〕峯

亮
德
武
順
貴

〔左僕射〕善
〔右僕射〕惠達
〔侍中〕韓襄
〔領軍將軍〕導
〔中領軍〕惠

遠
寧
椿

九年癸亥 二月東魏北豫州刺史高仲密以城降宇文泰率師迎之三月與高歡大戰于邙山敗績洛陽復陷

〔大丞相〕泰

〔太宰〕欣
〔太師〕勝

〔太保〕盟 七月遷太傅

〔大將軍〕謹

〔太尉〕贊 七月改司空

〔司空〕弼 十二月遷太尉

〔司徒〕高仲密 二月拜

〔車騎大將軍開府儀同三司〕信

虎

貴

崇

子孝

寬

測

思政

怡峯

陸通

德

武

順

貴

椿

寧 領左衛將軍

遠 出為行臺尚書

賀蘭祥 加侍中

〔左僕射〕善 從征邙山陷于東

魏

〔右僕射〕惠達

〔侍中〕襄

〔領軍將軍〕導 出鎮華州

〔中領軍〕惠

十年甲子

〔大丞相〕泰

〔太宰〕欣

〔太師〕勝 五月卒

〔太傅〕盟

〔大將軍〕謹

〔太尉〕弼

〔司徒〕仲密

〔司空〕贊

〔車騎大將軍開府儀同三司〕信

虎

貴

崇

子孝

寬

測

思政

峯

通

〔驃騎大將軍開府儀同三司〕亮

出為東雍州刺史

德

武

順

貴

椿

寧

遠

祥

楊忠 加侍中仍領朔州刺史

王雄 加侍中領岐州刺史

〔右僕射〕惠達 卒

〔尙書〕蘇綽 附

〔中書監〕蘇亮

〔侍中〕襄

〔中領軍〕惠

十一年乙丑

〔大丞相〕泰

〔太宰〕欣

〔太傅〕盟 五月卒

〔大將軍〕謹

〔太尉〕弼

〔司徒〕仲密

〔司空〕贊 遷尚書令

若干惠

〔車騎大將軍開府儀同三司〕信

虎

貴

崇

子孝

寬

測

思政

峯

通

〔驃騎大將軍開府儀同三司〕亮

德

武

順

貴

椿

寧

遠

祥

忠

雄

〔尙書令〕廣平王贊

〔右僕射〕長孫儉

〔尙書〕綽

〔中書監〕亮

〔侍中〕襄

〔中領軍〕惠 拜司空

十二年丙寅 春涼州刺史宇文仲

和據州反瓜州民張保殺其刺史

成慶以應五月獨孤信討平之九

月高歡大舉圍玉壁不克還

〔大丞相〕泰

〔太宰〕欣

〔大將軍〕謹 遷左僕射

〔太尉〕弼

〔司徒〕仲密

〔司空〕惠

〔車騎大將軍開府儀同三司〕信

虎

貴 兼御史中尉

崇

子孝

寬

測 十月卒

思政 遷荊州刺史

峯

通

〔驃騎大將軍開府儀同三司〕亮

卒

德

武

順

貴

椿

寧

遠

祥

忠

雄

〔尚書令〕贊

〔左僕射〕于謹

〔右僕射〕儉

〔尚書〕綽 卒

〔中書監〕亮

〔侍中〕襲 出爲西涼州刺史

十三年丁卯 正月高歡卒侯景來

歸七月叛附于梁梁中大同元年

〔大丞相〕秦

〔太宰〕欣

〔太傅〕侯景 東魏降將二月拜

太傅五月改大將軍七月降

梁

〔太尉〕弼

〔司徒〕仲密

〔司空〕惠 七月卒

〔大將軍〕王思政 鎮潁川

〔大司馬〕獨孤信 五月拜

〔車騎大將軍開府儀同三司〕信

拜大司馬

虎

貴

崇

子孝

寬

思政 遷大將軍

峯

通

王德 都督原靈顯三州諸軍

事

寶熾 加侍中領涇州刺史

〔驃騎大將軍開府儀同三司〕武

順

貴

椿

寧

遠

祥

忠

雄

章孝寬 加侍中領晉州刺史

〔尚書令〕贊

左僕射〕謹 復領大丞相府長

史兼大行臺尙書

尉遲迴 兼領軍

〔右僕射〕儉

〔中書監〕亮

〔領軍將軍〕尉遲迴

十四年戊辰 五月始做周禮設三

公三孤六卿官 梁太清元年

〔大丞相〕秦 五月加太師兼大

冢宰

〔太宰〕欣 五月遷太傅兼大司

徒加柱國大將軍

〔太保〕李弼 五月拜兼大宗伯

加柱國大將軍

〔大司馬〕信 加柱國大將軍

〔大將軍〕思政

〔太尉〕弼 五月遷太保

李虎 兼少師加柱國大將軍

〔司空〕趙貴 正月拜五月遷大

司寇

于謹 五月拜大司空

〔車騎大將軍開府儀同三司〕虎

拜太尉

貴 拜司空

崇

子孝

寬

峯

通

德 卒

熾

達奚武

侯莫陳順

〔驃騎大將軍開府儀同三司〕貴

椿

寧

遠

祥

忠

雄

孝寬

尉遲迴 加侍中

叱列伏龜 同上

〔尚書令〕贊

〔左僕射〕迴

〔右僕射〕儉

〔中書監〕亮 遷祕書監

元顏子

〔領軍將軍〕迴
十五年己巳 六月東魏兵陷潁川

七月高澄為帳下所殺

〔大丞相〕泰

〔太傅〕欣

〔太保〕弼

〔大司馬〕信

〔大將軍〕思政 五月潁川陷被

執

〔太尉〕虎

〔司空〕貴 加柱國大將軍

謹 加柱國大將軍

〔少傅〕侯莫陳崇 加柱國大將

軍

〔車騎大將軍開府儀同三司〕子

孝

寬

峯 卒

通

熾

武

順

宇文貴

梁椿

豆盧寧

〔驃騎大將軍開府儀同三司〕遠

祥

忠

雄 孝寬

綱

伏龜 出鎮恆州刺史

耿豪

史寧 加侍中仍領涼州刺史

王勇

蔡祐

李穆

〔尚書令〕贊

〔左僕射〕迴

〔右僕射〕儉

〔中書監〕顏子

〔領軍將軍〕迴

十六年庚午 三月梁侯景陷臺城

五月高洋篡位 九月大舉伐

齊久雨引還是歲以李弼等六柱

國分領十二大將軍每二將軍領

二開府是為二十四軍

〔太師〕宇文泰 大家宰柱國

〔太傅〕廣陵王欣 大司徒柱國

〔少保〕李弼 大宗伯柱國

〔少師〕李虎 柱國

〔少傅〕侯莫陳崇 柱國

〔少保〕廣平王贊

〔大家宰〕宇文泰

〔大司徒〕廣陵王欣

〔大宗伯〕李弼

〔大司馬〕獨孤信 柱國

〔大司寇〕趙貴 柱國

〔大司空〕于謹 柱國

〔大將軍〕廣平王贊 兼少保

淮安王育

齊王廓

宇文導

侯莫陳順

達奚武

李遠

豆盧寧

宇文貴

賀蘭祥

楊忠

王雄

〔以上十二大將軍分隸六

柱國其他方鎮加者不在是

數〕

〔尚書令〕義陽王子孝

〔左僕射〕尉遲迴

〔右僕射〕長孫儉

申徽 加侍中驃騎開府

〔中書監〕元顏子

〔侍中〕蘇亮

十七年辛未 三月帝殂太子欽卽

位 梁簡文帝大寶元年

〔太師〕泰

〔太傅〕欣

〔太保〕弼

〔少師〕虎

〔少傅〕崇

〔少保〕贊

〔大家宰〕泰

〔大司徒〕欣

〔大司空〕貴

〔大司馬〕信

〔大司寇〕貴

〔大將軍〕贊

育

廓

導

順

武

寶熾

遠

寧

貴

祥

忠

〔尚書令〕子孝

〔左僕射〕迴

〔右僕射〕徽

〔中書監〕顏子

〔中書令〕鄭孝穆

〔侍中〕亮

廢帝元年壬申 四月達奚武克南

鄭盡有漢中之地

〔太師〕泰

〔太傅〕欣

〔太保〕弼

〔少師〕虎

〔少傅〕崇 出爲寧州刺史

〔少保〕贊

〔大冢宰〕泰

〔大司徒〕欣

〔大宗伯〕弼

〔大司馬〕信

〔大司寇〕貴

〔大司空〕謹

〔大將軍〕贊

育

廓

導

順

武

熾

尉遲迴

遠

寧

貴

祥

忠 雄

〔尙書令〕子孝

〔左僕射〕迴 遷大將軍

楊寬

〔右僕射〕徽

〔中書令〕孝穆

〔中書監〕盧柔

〔侍中〕元羅

二年癸酉 八月尉遲迴克成都盡

有蜀中之地 梁元帝承聖元年

〔太師〕泰

〔太傅〕欣

〔太保〕弼

〔少師〕虎

〔少傅〕崇

〔少保〕贊

〔大冢宰〕泰

〔大司徒〕欣

〔大宗伯〕弼

〔大司馬〕信

〔大司寇〕貴

〔大司空〕謹

〔大將軍〕贊

育

廓

導

順

武 熾

迴

遠

寧

貴

祥

忠

雄

尉遲綱 兼領軍

〔尙書令〕子孝

〔左僕射〕寬 免

李遠

〔右僕射〕徽 出爲襄州刺史

〔中書監〕柔

〔中書令〕孝穆

〔侍中〕羅

恭帝元年甲戌 正月宇文泰廢帝

立齊王廓

〔太師〕泰

〔太傅〕欣

〔太保〕弼

〔少師〕虎 卒

義陽王子孝 柱國大將軍

〔少傅〕崇

〔少保〕贊

〔大冢宰〕泰

〔大司徒〕欣

〔大宗伯〕弼

〔大司馬〕信

〔大司寇〕貴

〔大司空〕謹 領雍州刺史

〔大將軍〕贊

育 廓 正月卽帝位

導 十二月卒

順

武

熾

迴

遠

寧

貴

祥

忠

雄

綱

宇文護

韋孝寬

〔尙書令〕子孝 遷少師

獨孤信

〔左僕射〕遠 遷左

〔右僕射〕柳慶

〔中書監〕柔

〔中書令〕孝穆

薛寔

〔侍中〕庫狄峙

蕭攜

蕭圓肅

二年乙亥 十一月于謹克江陵梁

主出降

〔太師〕泰

〔太傅〕欣 卒

〔太保〕弼

〔少師〕子孝

〔少傅〕崇

〔少保〕贊

〔大冢宰〕泰

〔大司徒〕欣

〔大宗伯〕弼

〔大司馬〕信

〔大司寇〕貴

〔大司空〕謹

〔大將軍〕贊

育

順

武

熾

迴

李穆

韓果

遠

寧

遷右僕射

貴

祥 兼左僕射

忠

雄

綱

護

孝寬

史寧

〔尙書令〕信

侯莫陳崇

〔左僕射〕慶

賀蘭祥

〔右僕射〕韋孝寬 出守玉壁

豆盧寧

〔中書監〕柔

〔中書令〕寘

〔侍中〕峙

攜

圓肅

盧光

三年丙子 正月盡做周禮設官廢

尙書省以下諸司十二月禪位于

周

〔太師〕泰 十月卒

宇文覺 大冢宰柱國大將軍

代父總萬幾十二月篡位

〔太保〕弼 正月遷太傅兼大司

徒 趙貴 正月命兼大宗伯

〔少師〕子孝

〔少傅〕崇 正月拜司空

〔少保〕贊

〔大冢宰〕泰 十月卒

宇文覺

〔大司徒〕李弼

〔大宗伯〕趙貴

〔大司馬〕信

〔大司空〕謹 正月遷大司寇

侯莫陳崇 正月命

〔大將軍〕贊

育

順

武

熾

迴

穆 遷少冢宰

果

王懋

遠 正月遷少司寇

寧 正月遷少司徒

貴 正月遷少司馬

祥

忠

雄

綱 遷少司馬

護 遷少司空

孝寬 遷少司徒

寧

〔尙書令〕崇 拜大司空

〔左僕射〕祥

〔右僕射〕寧

〔中書監〕柔

〔侍中〕峙

攜

圓肅

光

東魏將相大臣年表

清萬斯同撰

孝靜帝天平元年甲寅 十月清河

王世子善見即位遷都于鄴始爲

東魏

〔丞相〕高歡 大丞相太師柱國

大將軍

〔太師〕

〔太傅〕

〔太保〕

〔大司馬〕趙郡王譙 十月命

〔大將軍〕

〔太尉〕咸陽王坦 十月命

〔司徒〕高盛 司徒侍中十月命

〔司空〕高昂 司空侍中十月命

〔錄尚書事〕

〔尚書令〕元弼 十月遷驃騎大

將軍洛州刺史

元嶷

〔左僕射〕司馬子如

〔右僕射〕高隆之

〔吏部尚書〕封隆之 兼侍中十

二月拜大使巡諭天下

〔御史中尉〕高琛 驃騎大將軍

開府儀同三司

〔中書監〕源子恭

〔中書令〕李元忠 遷太常

〔侍中〕高岳

孫騰

昌樂王誕

于暉

王衍

賈思同 黃門侍郎兼

〔領軍將軍〕婁昭

〔司州牧〕西河王暉

二年乙卯

〔丞相〕歡

〔太傅〕咸陽王坦 二月命加侍

中

〔大司馬〕譙

〔太尉〕坦 二月遷太傅

西河王暉 二月命三月改錄

尚書事

〔司徒〕盛 三月遷太尉

〔司空〕昂 三月遷司徒

濟陰王暉業 三月命

襄城王旭 九月命

〔錄尚書事〕西河王暉 三月命

〔尚書令〕嶷

〔左僕射〕子如

〔右僕射〕隆之

〔吏部尚書〕隆之

〔御史中尉〕琛 卒

寶泰 車騎大將軍

〔中書監〕子恭

〔中書令〕山偉 加衛大將軍

〔侍中〕岳

騰

誕 二月遷司州牧

衍

思同

任延敬

元子思

〔領軍將軍〕昭

〔司州牧〕暉 二月遷太尉

昌樂王誕

三年丙辰 梁武帝大同元年

〔丞相〕歡

〔太傅〕坦 十二月遷太師

〔太保〕尉景 十二月命

〔大司馬〕譙 六月卒

華山王鷲 三月命加侍中

〔太尉〕盛 五月卒

〔司徒〕昂

〔司空〕旭

〔錄尚書事〕暉 五月遷司州牧

〔尚書令〕高澄 二月命兼京畿

大都督仍加散騎常侍左光

祿大夫驃騎大將軍開府儀

同三司

〔左僕射〕子如

〔右僕射〕隆之

〔吏部尚書〕隆之

〔御史中尉〕泰

〔中書監〕子恭 遷魏尹

〔中書令〕偉

〔侍中〕岳

騰

衍 卒

思同

延敬

子思

汝陽王暉

〔領軍將軍〕昭

〔司州牧〕誕 四月卒

西陽王暉 五月命

四年丁巳

〔丞相〕歡

<p>〔太師〕坦 十月錄尚書事 〔太保〕景 〔大司馬〕鷲 〔太尉〕萬俟普 十一月命 〔司徒〕昂 加大都督鎮虎牢 〔司空〕旭 〔錄尚書事〕汝陽王暹 正月命 咸陽王坦 十月命 〔尚書令〕澄 〔左僕射〕子如 〔右僕射〕隆之 〔吏部尚書〕隆之 〔御史中尉〕泰 正月戰沒 劉貴 〔中書令〕偉 〔侍中〕岳 騰 延敬 子思 九月賜死 李神儁 高慎 〔領軍將軍〕昭 〔司州牧〕悰 咸陽王坦 十月命 元象元年戊午 〔丞相〕歡 三月解大丞相 〔太師〕坦 〔太保〕景</p>	<p>〔大司馬〕鷲 〔大將軍〕高澄 攝吏部 〔太尉〕普 〔司徒〕昂 八月戰沒 〔司空〕旭 〔錄尚書事〕暹 坦 〔尚書令〕澄 遷大將軍 孫騰 〔左僕射〕子如 〔右僕射〕隆之 〔吏部尚書〕隆之 出為冀州刺史 史 高澄 攝吏部 〔御史中尉〕貴 〔中書令〕偉 〔侍中〕岳 騰 遷尚書令 延敬 卒 神儁 慎 出為兗州刺史 賈思同</p>	<p>〔太保〕景 〔大司馬〕鷲 〔大將軍〕澄 〔太尉〕普 〔司徒〕孫騰 正月命兼侍中 〔司空〕旭 〔錄尚書事〕暹 六月卒 坦 〔尚書令〕騰 正月遷司徒 西河王暉 〔左僕射〕子如 六月拜山東黜陟大使尋改東北道大行臺 〔右僕射〕隆之 〔吏部尚書〕澄 〔御史中尉〕貴 十一月卒 〔侍中〕岳 出為冀州刺史 神儁 思同 封隆之 〔領軍將軍〕昭 〔司州牧〕坦 二年庚申</p>	<p>〔太尉〕普 〔司徒〕騰 〔司空〕旭 〔錄尚書事〕坦 〔尚書令〕悰 〔左僕射〕子如 〔右僕射〕隆之 〔吏部尚書〕澄 兼中書監 〔中書監〕高澄 兼侍中 〔侍中〕隆之 神儁 思同 卒 〔領軍將軍〕昭 〔司州牧〕坦 三年辛酉 〔丞相〕歡 〔太師〕坦 〔太傅〕景 〔太保〕干 〔大將軍〕澄 〔太尉〕普 彭城王韶 十一月命加侍中 〔司徒〕騰 〔司空〕旭 胡僧敬 十一月命 〔錄尚書事〕坦 〔左僕射〕子如 〔右僕射〕隆之</p>
---	--	--	---

〔吏部尙書〕澄

〔御史中尉〕高慎

〔中書監〕澄

〔侍中〕隆之

廣陽王謙

神儻

〔領軍將軍〕昭

〔司州牧〕坦

四年壬戌

〔丞相〕歡

〔太師〕坦

〔太傅〕景 四月降驃騎將軍

〔太保〕干 四月遷太傅

〔大將軍〕澄

〔大司馬〕婁昭 四月命

〔太尉〕詔 四月遷錄尙書事

廣陽王湛 四月命

〔司徒〕騰 四月免

高隆之 四月命

〔司空〕僧敬

〔錄尙書事〕彭城王詔 四月命

〔左僕射〕子如

〔右僕射〕隆之 四月遷司徒

封隆之 四月命

〔吏部尙書〕澄

〔御史中尉〕慎 出爲北豫州刺

〔中書監〕澄

〔侍中〕湛 四月遷太尉

隆之 四月遷僕射

李元忠

〔領軍將軍〕昭 四月拜大司馬

仍兼領軍

〔司州牧〕坦

武定元年癸亥

〔丞相〕歡

〔太師〕坦

〔太傅〕干 出爲定州刺史

〔大司馬〕昭

斛律金 八月命

〔大將軍〕澄

〔太尉〕湛

〔司徒〕隆之

〔司空〕僧敬 卒

侯景 五月命鎮洛陽

〔錄尙書事〕詔

〔左僕射〕子如

〔右僕射〕隆之

〔吏部尙書〕澄

〔御史中尉〕慕容紹宗

崔暹

〔中書監〕元弼

〔侍中〕元忠

高洋

〔領軍將軍〕昭

〔司州牧〕坦

二年甲子

〔丞相〕歡

〔太師〕坦 六月坐食汙免

〔太傅〕干

〔太保〕孫騰 三月命

〔大司馬〕金

〔大將軍〕澄

〔太尉〕湛 五月卒

濟陰王暉業 九月命

〔司徒〕隆之 十一月遷尙書令

婁昭 十一月命

〔司空〕景

〔錄尙書事〕元弼 三月命

〔尙書令〕司馬子如 三月命八

月免

高隆之 十一月命

〔左僕射〕子如 三月遷令

高洋 三月命

〔右僕射〕隆之

〔吏部尙書〕澄 解

房謨 侍中兼

〔御史中尉〕暹

〔中書監〕弼 三月遷錄尙書事

高澄 三月命

〔侍中〕洋 三月遷僕射

〔司州牧〕坦 六月免

三年乙丑

〔丞相〕歡

〔太傅〕干

〔太保〕騰 十二月錄尙書事

〔大司馬〕金 遷冀州刺史

〔大將軍〕澄

〔太尉〕暉業

〔司徒〕昭 出爲定州刺史

〔司空〕景 十二月遷司徒

韓軌 十二月命

〔錄尙書事〕弼

孫騰 十二月命

〔尙書令〕隆之

〔左僕射〕洋

〔右僕射〕襄城王旭

〔吏部尙書〕謨 正月罷

〔御史中尉〕暹

〔中書監〕澄

〔中書令〕韓軌 十二月遷司空

〔侍中〕高陽王斌

高季式

四年丙寅

〔丞相〕歡

〔太傅〕干

〔太保〕騰

〔大司馬〕金

〔大將軍〕澄

〔太尉〕暉業

〔司徒〕景 六月拜河南大行臺
大將軍司徒如故

〔司空〕軌

〔錄尚書事〕騰

〔尚書令〕隆之

〔左僕射〕洋

〔右僕射〕旭

〔御史中尉〕暹

〔中書監〕澄

〔侍中〕斌

季式

〔領軍將軍〕可朱渾元

五年丁卯 梁中大同元年

〔丞相〕歡 二月卒七月始發喪

高澄 七月拜大將軍大行臺

都督中外諸軍錄尚書事封

渤海王代父秉政

〔太傅〕干 五月遷太師

〔太保〕騰 五月遷太傅

賀拔仁 五月命

〔大司馬〕金 解

尉景 五月命即卒

〔大將軍〕澄

〔太尉〕暉業

襄城王旭 五月命

〔司徒〕景 二月降西魏又降梁

〔司空〕軌 五月遷司徒

可朱渾元 五月命

〔錄尚書事〕騰 五月解

〔尚書令〕隆之 五月改錄

高洋 五月命

〔左僕射〕洋 五月遷令

慕容紹宗 五月命十一月出

討侯景

〔右僕射〕旭 五月遷太尉

高陽王斌 五月命

〔御史中尉〕暹 遷度支尚書

〔中書監〕澄 五月解

高洋

〔侍中〕斌 五月遷僕射

季式

楊愔

陸子彰

〔領軍將軍〕元 五月遷司空

六年戊辰 梁太清元年

〔丞相〕澄

〔太師〕干

〔太傅〕騰 四月卒

〔太保〕仁

〔大司馬〕襄城王旭 三月命

〔太尉〕旭 三月遷大司馬

高岳 三月命兼侍中

〔司徒〕軌

〔司空〕元

〔錄尚書事〕隆之

〔尚書令〕洋

〔左僕射〕紹宗

〔右僕射〕斌

〔吏部尚書〕楊愔

〔御史中尉〕陸操

高淹

〔中書監〕洋

〔中書令〕邢劭

〔侍中〕子彰

七年己巳 八月梁侯景反十一月

圍臺城

〔丞相〕澄 八月為帳下所殺

高洋 都督中外諸軍錄尚書

事大行臺齊郡王

〔太師〕干

〔太保〕仁 出為并州刺史

〔太傅〕咸陽王坦 十月命

〔大司馬〕旭

〔太尉〕岳 八月兼左僕射

〔司徒〕軌 出為殷州刺史

彭樂 十二月命

〔司空〕元 出為瀛州刺史

潘相樂 十月命

〔錄尚書事〕隆之

〔尚書令〕洋 八月代兄秉政

〔左僕射〕紹宗 四月攻潁川沒

高岳 太尉兼

〔右僕射〕斌

〔吏部尚書〕愔

〔御史中尉〕宋游道

〔中書監〕洋 八月解

高浚 兼侍中

濟陰王暉業

〔中書令〕劭

〔侍中〕子彰

高淹

〔領軍將軍〕婁叡

八年庚午 二月梁臺城陷 五月

禪位于齊國亡

〔丞相〕洋 三月進爵齊王五月

拜相國總百揆加九錫篡位

〔太師〕干

〔太傅〕坦

〔太保〕高隆之 二月命

〔大司馬〕旭

〔太尉〕岳

〔司徒〕樂

〔司空〕相樂

〔錄尚書事〕隆之 二月遷太保

濟陰王暉業

〔左僕射〕岳

〔右僕射〕斌

薛琬

〔吏部尚書〕愔

〔中書監〕暉業 遷錄尚書事

陸子彰 二月命三月卒

〔中書令〕劭

〔侍中〕張亮

〔領軍將軍〕叡

元魏方鎮年表

吳廷燮撰

序

後魏太和有州三十八河南二十五河北十三洛陽既遷復有省併（北豫西兗東雍秦懷皆省入司州）開拓南夏首移荊州（得齊南陽六郡）景明正始復拓揚郢（齊南豫州刺史裴叔業以壽陽內附置揚州元英拔義陽置郢州）又建梁益（以夏侯道遷降置梁益二州）元氏之盛極于此矣溯維道武得冀幽并分置相定明元南伐乃有豫洛遂拓兗濟太武平夏雍秦斯奠馮氏沮渠相繼夷滅營平涼沙均入版圖天安之代宋之五州偕來歸附厥境逾淮但較漢晉置州過多其編狹者如漢一郡都督刺史雖仍管制地小兵寡內訌之岬史尙少書即舉兵者翦除亦易孝昌以後權勢漸崇雍督二十荆徐與并亦幾至十高氏晉州宇文夏州發軔之始亦惟方鎮洎乎作相則不領州推究斯作蓋有數難博陵國記既以賈禍平氏中興又無傳本自宋以後魏尹之書亦多殘闕方鎮除代鉤考豈易蓋在帝紀刺史授免本不備列非如沈蕭一一備載惟就諸傳參互考證月日之屬皆如夏五其難一也收傳既闕北史諸傳其於歷官略仿班馬原不備載年分一是更付闕如其難二也皇始之初已分州鎮今檢本書立專傳者至爲簡少其附傳者刺州年載例所不列甚或時代亦未之書其難三也天安以前並邊州鎮

置罷不常多無定治割裂尤夥荆徐之屬所置匪一虎牢之豫滑臺之兗常畢納土州名仍存太和遷洛則又廢之餘似此者不可勝原重疊復難祇增眩瞀不爲明辨除代之類更易訛誤其難四也今可表者河南爲司豫兗徐青齊荆洛東荆揚郢雍涇秦華岐夏涼梁益凡二十河北爲恆（首恆者以舊都）朔并冀定瀛相幽營平凡十間斷時有不可表者別輯題名萬氏補表方鎮一門不列後魏知難而退蓋亦有之將相大臣頗列征鎮意欲包括然實不能今所輯錄正史編年地志諸集類書雜史稗官石刻皆所弗遺絲葛濫觴權輿俶落曰臻完美尙待後賢皇興開建本在得人孝昌淪沒蓋原失選北土故實蒼萃肇斯中原藩翰殿最其見於讀史者非無助也又治此者兼涉方域魏尹之志本屬東魏以概全盛殊曰不宜石州延昌尙未得見梅村補志亦多如舊茲列州郡仍主太和宣武所增按時以錄必難徵者適用魏志後之君子其或諒諸

元魏方鎮年表卷上（河南諸州）

司 豫 兗 徐 青 齊 荆 洛 東 荆 揚 郢 雍 涇 秦 華 岐 夏 涼 梁 益

元魏方鎮年表卷下（河北諸州）

朔 恆

并冀定瀛相幽營平

元魏方鎮年表卷上河南諸州 江寧吳廷燮撰
司州牧領河南河內河東滎陽恆農平陽正平建
興河北東郡南安等郡

太和十七年 地形志洛州太宗置太和十七
年改爲司州

十八年 咸陽王禧 本傳入除司州牧都督
司豫荆郢洛東荆六州諸軍事

十九年 咸陽王禧 本紀十二月辛酉司州
牧咸陽王禧爲長兼太尉

二十年 咸陽王禧 本紀二十一年九月丁
未車駕發南陽留太尉咸陽王禧攻之本

傳入除司州牧尋長兼太尉不言何年去
司州以留攻南陽月日考之知趙郡王幹

代禧
廿一年 咸陽王禧

趙郡王幹 本傳除冀州刺史後轉特進司
州牧本紀太和二十一年七月穆亮爲冀

州此亮代幹之證
廿二年 趙郡王幹 本紀四月薨

北海王詳 本傳趙郡王幹薨以詳行司州
牧

廿三年 廣陵王羽 本傳世宗卽位遷司州
牧

景明元年 廣陵王羽
二年 廣陵王羽 本紀五月壬子薨

廣陽王嘉 本傳高祖遺詔以嘉爲尙書左
僕射與咸陽王禧等輔政遷司州牧請於

京四面築坊三百二十雖有暫勞姦盜永

止從之本紀九月丁酉築京師坊

三年 廣陽王嘉 本傳拜尙書令除儀同三
司本紀正始元年十二月儀同三司

四年 高陽王雍 本傳入爲驃騎大將軍司
州牧遷司空本紀正始元年十二月乙丑

爲司空
正始元年 高陽王雍 袁翻傳正始初討論
律令詔太師彭城王勰司州牧高陽王雍

前青州刺史劉芳預其事本紀景明四年
六月辛未彭城王勰爲太師

二年 高陽王雍
三年 高陽王雍

四年 高陽王雍 本紀九月司空高陽王雍
爲太尉

永平元年
二年 廣平王懷

三年 廣平王懷
四年 廣平王懷

延昌元年 廣平王懷 本紀正月乙巳司州
牧廣平王懷進號驃騎大將軍儀同三司

二年 廣平王懷 甄琛傳子侃夜宿洛水亭
舍毆擊主人爲司州所劾廣平王懷爲牧

欲具案窮推世宗敕懷寬放

三年 廣平王懷
四年 廣平王懷 本紀二月癸未驃騎大將

軍廣平王懷爲司空
熙平元年 高陽王雍 本傳除侍中太師又

加使持節以本官領司州牧本紀延昌四

年十二月辛丑雍為太師

熙平二年 高陽王雍

神龜元年 高陽王雍

二年 高陽王雍 本傳肅宗覽政除使持節

司州牧侍中太師錄尚書如故

正光元年 高陽王雍 本傳進位丞相餘悉

如故

二年 高陽王雍 孝感傳李顯達陽翟人父

喪六年廬於墓側州牧高陽王雍以狀奏

靈太后詔表其閭

三年 高陽王雍

四年 高陽王雍

五年 高陽王雍

孝昌元年 元欽 本傳位尚書右僕射儀同

三司尋除司州牧後除司空公本紀正光

三年十二月以尚書右僕射元欽儀同三

司墓誌加車騎大將軍儀同三司復授宗

師侍中左僕射隴右匪民荆蠻蠢叛以公

為大將軍二道都督秉鉞南麾振旅旋旆

除司州牧仍驃騎儀同三司以疾乞解蒙

授侍中

二年 元欽 河南新出魏故侍中鉅平縣侯

元君墓志君諱欽字思若陽平哀王季子

除尚書右僕射

三年 元欽

汝南王悅 北齊書高隆之傳魏汝南王悅

為司州牧以為戶曹從事建義初釋褐員

外散騎常侍魏書酈道元傳除御史中尉

司州牧汝南王悅壁丘念道元收付獄盡
其命蕭寶寅反狀已露悅等諷朝廷遣為
關右大使

武泰
建義元年 汝南王悅 本傳悅為大劉確于州

永安 門盜者便斬其手聞榮肆毒河陰遂

南奔

江陽王繼 本紀建義元年四月癸卯以前

太尉公江陽王繼為太師司州牧十月壬

子薨

城陽王徽

永安二年

城陽王徽 本傳莊帝踐阼拜司州牧尋除

司徒仍領牧元灝入洛徽從莊帝北巡及

還宮除侍中大司馬太尉餘官如故爾朱

榮死除太保仍大司馬錄尚書事爾朱兆

入走山南

永安三年 城陽王徽

爾朱世隆 洛陽伽藍記永安三年十二月

爾朱兆入洛陽在京宮殿空虛百日惟司

州牧樂平王爾朱世隆鎮京師商旅四通

盜賊不作

建明二年 沛郡王欣 本紀三月癸卯沛郡王

普泰元年 欣為太傅司州牧

中興二年 南陽王寶炬 本紀太昌元年五月

普泰二年 丙申司州牧南陽王寶炬太尉公丁

永熙元年 卯寶炬坐事歸第

趙郡王譙 本傳出帝時轉太保司州牧太

尉

永熙二年 趙郡王譙 本紀三月丁巳以侍

中太保司州牧趙郡王譙為太尉

廣陵王欣 本紀七月壬辰以太師司州牧

廣陵王欣為大司馬

三年 廣陵王欣 本紀四月丙申以使持節

侍中大司馬開府司州牧廣陵王欣為左

軍大都督七月帝出於長安廣陵王欣傳

隨出帝沒于關中按後魏此後分東魏西

魏

豫州刺史領汝南潁川汝陽新蔡襄城下蔡譙陳

南頓汝陰等郡

天安元年 本紀九月劉彧司州刺史掌珍奇

以懸瓠內屬地形志皇興中改豫州

皇興元年 薛初古拔 本傳徐州薛安都歸

順詔詣彭城勞迎除冠軍將軍南豫州刺

史

二年 薛初古拔

三年 薛初古拔 水經注汝水又東逕懸瓠

城北懸瓠今豫州刺史汝南郡治

四年 薛初古拔 本傳皇興三年除冠軍南

豫州刺史

延興元年 薛初古拔

二年 薛初古拔 本傳延興二年除鎮西大

將軍開府三年以治民著稱徵詣京師顯

祖親自勞勉復令還州

三年 薛初古拔

四年 薛初古拔

五年 薛初古拔

承明元年 薛初古拔

太和元年 薛初古拔

二年 薛初古拔

三年 薛初古拔

四年 薛初古拔

五年 薛初古拔

六年 薛初古拔 本傳六年改爵爲河東公

七年 薛初古拔

八年 薛初古拔 本傳太和八年三月詔拔

入朝暴病卒

九年 元禎 册府元龜衛王儀孫沛郡公禎

孝文時拜南豫州刺史山蠻無暴掠

十年 元禎 魏書衛王儀傳子良子禎高

祖初賜爵沛郡公後拜南豫州刺史太胡

山蠻時時鈔掠禎召新蔡襄城蠻魁三十

餘人加慰諭諸蠻大服豫州城豪胡丘生

謀翻城城人石道起以事密告禎曰吾靜

以待之丘生單騎逃走後徵爲都牧尙書

十一年 元禎 通鑑胡丘生來奔在齊永明

五年

十二年 元斤 本紀四月陳顯達等寇邊詔

豫州刺史元斤禦之

十三年 元斤

十四年

十五年 趙郡王幹 本傳拜使持節都督南

豫鄴東荆三州諸軍事征南大將軍開府

豫州刺史車駕南伐以幹爲都督關右諸

軍事

十六年 趙郡王幹

十七年 趙郡王幹

李罔 本傳太和中出爲龍驤將軍南豫州

刺史還除光祿大夫守度支尙書二十一

年幸長安

十八年 李罔

十九年 王肅 通鑑正月魏以王肅爲豫州

刺史本傳進號平南將軍除持節都督豫

□鄆三州豫州刺史

二十年 王肅

廿一年 王肅 本傳以破蕭鸞將裴叔業功

加都督豫南兗東荆東豫四州諸軍事進

鎮南將軍刺史如故

廿二年 王肅 本傳高祖崩爲尙書令本紀

是年三月幸懸瓠二十三年三月崩

廿三年 王肅 水經注汝水篇高祖幸懸瓠

平南王肅起高臺于小城

薛眞度 本傳轉征虜將軍豫州刺史景明

初裴叔業以壽春內附率衆赴之未幾轉

荊州

景明元年 薛眞度 太平御覽飲食部薛眞

度爲豫州刺史景明初豫州大饑眞度別

出倉米爲粥

二年 薛眞度

席法友 本傳景明初拜冠軍將軍豫州刺

史苞信縣開國伯尋轉未拜改并州

三年 席法友

司馬悅 本傳世宗初除鎮遠將軍豫州刺

史與元英攻義陽克之以悅爲鄆州

四年 司馬悅

正始元年 司馬悅 本紀是年八月乙酉元

英攻義陽拔之

二年 夏侯道遷 通鑑天監四年正月以道

遷爲平南豫州刺史

三年 夏侯道遷 本傳歲餘頻表解州世宗

許之

司馬悅 本傳擒薊沛及軍主劉靈秀詔聽

赴闕以本將軍爲豫州刺史

四年 司馬悅

永平元年 司馬悅 本傳封漁陽縣子永平

元年白早生叛逆斬悅首送蕭衍本紀十

月丁巳白早生叛詔尙書邢鬱行豫州事

督將軍崔暹討之十二月己未克懸瓠斬

白早生本傳鬱振旅還京師

二年 崔暹

三年 崔暹

四年 崔暹

延昌元年 崔暹 本傳後行豫州事尋即眞

坐侵盜公私爲御史中尉王顯所彈免

二年

三年 劉桃符 本傳田益宗老耄拜桃符征

虜將軍豫州刺史

四年 劉桃符 本傳桃符善恤蠻左爲民吏

所懷久之徵還病卒

安豐王延明

熙平元年 安豐王延明

二年 元延明 本傳肅宗初爲豫州刺史甚有政績累遷給事黃門侍郎

神龜元年

二年 洛陽伽藍記莊嚴寺北租場里有豫州刺史公孫驥宅

正光元年

二年

皇甫場 本傳以承相高陽王之婿拜冠軍將軍豫州刺史久之除光祿大夫

三年

皇甫場

四年

五年

孝昌元年 杜詢

二年 曹世表 本傳孝昌中青齊頻年反亂詔世表持節慰諭還都轉尚書右丞復加征虜將軍行豫州刺史

三年

曹世表 七月魏以豫州刺史曹世表爲東南道行臺以源子恭爲豫州刺史見通鑑

源子恭 曹世表傳出行豫州刺史朝廷以源子恭代世表爲州

武泰元年

源子恭 本傳正平賊帥范明遠平除平南將軍豫州刺史武泰初郢州元願達降蕭衍詔子恭討之元灝敗進征南將軍徵拜右光祿大夫

永安二年

源子恭

鄭先護 莊帝還京轉征西東雍州刺史未之任又轉豫州刺史

永安三年 元崇禮 本紀十一月行豫州刺史

建明元年

元崇禮 本紀十一月行豫州刺史

元崇禮

元崇禮 本紀十一月行豫州刺史

元崇禮

元崇禮 本紀十一月行豫州刺史

元崇禮殺行州事陰導和擅攝州事陰導和傳孝莊末除右將軍行豫州刺史

建明二年

元崇禮

普泰元年

中興二年

太昌元年

永熙元年

永熙二年

斛斯元壽 斛斯椿傳出帝遣椿弟豫州刺史元壽守滑臺

三年 李思

兖州刺史領泰山魯任城東平東陽平陳留等郡

天安元年 本紀十一月壬子劉彧兖州刺史

畢衆敬內屬

皇興元年 畢衆敬 本傳皇興初就拜寧南將軍兖州刺史二年朝京師

李璨 畢衆敬傳皇興初與中書侍郎李璨對爲刺史

二年 丘堆傳子跋跋子麟襲爵歷位駕部令出爲瑕邱鎮將假平南將軍東海公遷東兖州刺史卒官

三年 游明根

四年 游明根 顯祖初出爲東青州刺史遷平東將軍都督兖州諸軍事就拜兖州刺史高祖初入爲給事中

延興元年 游明根

于洛侯 按太和以前兖州有二一爲滑臺之兖州道武得滑臺後置太和遷洛廢一即瑕邱之兖州本紀劉昱將桓崇祖寇東兖州十一月刺史于洛侯討破之

二年 于洛侯

三年 崔鑿 本傳延興中行兖州事

四年 畢衆敬 本傳後復爲兖州刺史徵還京師太和中以篤老乞還桑梓許之十五年十月卒

五年 畢衆敬

承明元年 畢衆敬

太和元年 畢元賓 本傳以元賓勳重拜使持節平南將軍兖州刺史父子相代爲本州當世榮之

二年 畢元賓 本傳元賓爲政清平善撫民物百姓愛樂之

三年 畢元賓

四年 畢元賓

五年 畢元賓

六年 畢元賓

七年 畢元賓

八年 畢元賓

九年 畢元賓

十年 畢元賓

十一年 畢元賓

十二年 畢元賓

十三年 畢元賓

十四年 畢元賓

十五年 畢元賓 本傳以父憂解任

十六年 李崇

十七年 李崇 本傳除兖州刺史村置一樓樓縣一鼓盜發俄頃聲布百里便爾擒送

後例降為侯改授安東將軍

十八年 李崇

十九年 李崇 本傳車駕南征入為河南尹

王謏 王謏傳例降為侯遷太常卿出除兗

州刺史還除光祿大夫

二十年 李韶 本傳遷太子右詹事出為安

東將軍兗州刺史高祖自鄴還洛言及恂

事曰卿若不出東宮或未至此

廿一年 李韶

廿二年 李韶

廿三年 李韶 本傳世宗初徵拜侍中

景明元年 裴植 本傳叔業卒為征虜將軍

兗州刺史進號平東將軍

二年 裴植

三年 裴植

四年 裴植 本傳入為大鴻臚卿

正始元年 陸昕之 本傳以從叔琇罪免官

尋除散騎常侍遷司徒司馬出為兗州刺

史尋除青州

二年 陸昕之

三年

四年 魏輔國將軍元顯魏墓誌孝昌元年十

月葬於金陵息女仲容適南陽員彥父標

故竟岐涇三州刺史新安子

永平元年

二年 任成王澄傳弟瞻遷平東將軍兗州刺

史貪暴好殺澄絕其往來

三年 李憲 本傳永平三年出為兗州刺史

四年除名

四年 李憲

元匡 本傳與太常劉芳議權量中尉王顯

奏匡降光祿大夫兼宗正卿出為兗州刺

史肅宗初入為中尉

延昌元年 賈思伯 金石萃編賈思伯碑除

持節督兗州諸軍事州土荒饑連歲不登

又境上之民好懷去就君平賦歲稔禮義

用興闔境懷仁外鄰日附民庶欣歌

二年 賈思伯 本傳拜左將軍兗州刺史

三年 賈思伯 本傳徵為黃門侍郎

元匡

四年 元匡 本傳與太常劉芳議權量中尉

王顯奏匡降光祿大夫宗正卿出為兗州

刺史肅宗初入為中尉

熙平元年 王雲 本傳出為冠軍將軍兗州

刺史熙平二年卒官

二年 王雲

神龜元年 王瓊 本傳神龜中除兗州刺史

去州歸京

二年

正光元年 李虔 北史序傳出為安東將軍

兗州刺史追論平冀州功封高平男還遷

領軍將軍

二年 李虔

三年 元法僧

四年 元法僧 本傳出為平東將軍兗州刺

史轉安東徐州刺史孝昌元年反

五年 元法僧

孝昌元年 元端

二年 元端 本傳蕭衍寇偃徐揚除端撫軍

將軍使持節東南道大使處分軍機賊平

拜鎮軍將軍兗州刺史

三年 元端 本傳俄而衍復寇徐兗圍兗州

城端率在州文武拒守得全封安德縣開

國公還除都官尚書

武泰元年 元疑 本傳莊帝初封東安王除安

永安二年 元疑 本傳轉濟州刺史永熙二

一月封前將軍元疑為東安王

永安二年 元疑 本傳轉濟州刺史永熙二

年薨

永安三年 元疑

建明二年 爾朱仲遠 本傳前廢帝立除徐州

晉泰元年 進督東道諸軍兗州刺史自滎陽以

東輸稅悉入其軍不逆京師韓陵戰敗奔

蕭衍

晉泰二年 薛曇虔尙 本傳太昌初加征東將

太昌二年 軍行兗州事按是年三月爾朱仲遠

永熙元年 仍為兗州至四月始奔梁

元疑 北史本傳出帝初授兗州刺史王奉

伯等相煽謀逆疑出走詔齊州刺史尉景

討之疑返復任孝靜時轉尙書令

永熙二年 元疑

樊子鶴 本紀六月壬申子鶴為青膠大使

本傳除使持節侍中青膠大使在軍遇病

詔遣醫給藥仍除兗州刺史

三年 樊子鶴 本傳出帝入關據城天平初遣婁昭等討之

徐州刺史領彭城沛蘭陵北濟陰東泰山瑯邪等郡

天安元年 薛安都 本紀天安元年九月劉

彧徐州刺史薛安都以彭城內附本傳拜安都使持節都督徐南北兗青冀五州諸

軍事鎮南大將軍徐州刺史尉元傳安都出城見元元依朝旨授其徐州刺史

皇興元年 薛安都

尉元 本傳沈攸之遁拜尉元都督徐南北

兗州諸軍事鎮東大將軍開府徐州刺史

二年 薛安都 本傳皇興二年朝京師

尉元 本傳劉彧復遣沈攸之吳熹公領卒

數萬從沂清而進欲援下邳元遣孔伯恭率步騎一萬以拒之大破賊軍攸之等遁

走彧徐州刺史王玄載狼狽夜走宿豫淮陽皆棄城而遁

三年 尉元

四年 尉元 本傳皇興四年詔徵元還京尋

還所鎮

延興元年 尉元 本傳延興元年五月假淮

陽王

二年 尉元 本傳延興三年劉彧將蕭順之

等領衆三萬入寇淮北諸城元分遣諸將逆擊走之元表淮陽郡上黨令韓念祖始

臨之初舊民南叛全無一人令撫綏招集南來民前後歸附戶至二百有餘睢陵縣

人趙憐等辭稱念祖善於綏撫清身潔已請乞爲睢陵令詔可聽如請

三年 尉元

四年 尉元

五年 尉元

承明元年 尉元 本傳太和初徵爲內都大

官

太和元年 元嘉 本傳高祖初拜徐州刺史

甚有威惠後封廣陽王

二年 元嘉 冊府元龜帝王部孝文太和四

年八月以齊角城戍主內屬詔徐州刺史

假梁郡王嘉援之

三年 元嘉

四年 元嘉

薛虎子

五年 薛虎子 通鑑九月薛虎子爲彭城鎮

將遷徐州刺史

六年 薛虎子

七年 薛虎子 本傳太和四年虎子爲南征

都副將以本將軍爲彭城鎮將除至鎮雅

得民和除開府徐州刺史在州十一載太

和十五年卒

八年 薛虎子

九年 薛虎子 本傳時州鎮戍兵資絹自隨

不入公庫任其私用常苦飢寒虎子上表曰竊惟在鎮之兵不減數萬資糧之絹人

十二匹卽自隨身用度無準未及代下不免飢寒論之於公無毫釐之潤語其利私

則橫費不足非所謂納民軌度公私相益也徐州左右水陸壤沃清汴通流足盈激

灌其中良田十萬餘頃若以兵絹市牛分

減戍卒計其牛數足得萬頭與力公田必

當大獲粟稻一歲之中且給官食半兵耕

植餘兵尙衆且耕且守不妨捍邊一年之

收過于十倍之絹暫時之耕足充數載之

食於後兵資惟須內庫五稔之後穀帛充

溢匪直戍士有溫飽之資于國有吞敵之

勢高祖納之

十年 薛虎子

十一年 薛虎子

十二年 薛虎子

十三年 薛虎子

十四年 薛虎子 按薛虎子刺徐至十五年

十五年 元鬱 本傳位開府徐州刺史本紀

十五年六月丁未濟陰王鬱以貪殘賜死

任城王澄

十六年 任城王澄 本傳轉徐州刺史甚有

聲績朝京師引見於皇信堂後徵爲中書

令

十七年 元衍

十八年 元衍 本紀太和十八年十二月遣

徐州刺史元衍出鍾離

十九年 元衍 本傳轉徐州刺史所生母雷

氏卒表請解州詔可大功

二十年 元衍

廿一年 元衍

京兆王愉 本傳太和二十一年封拜都督徐州刺史

廿二年 京兆王愉 盧淵傳為徐州京兆王愉兼長史甚得東南民和

廿三年 京兆王愉 本傳世宗初為護軍將軍

景明元年 元鑿 本傳世宗初轉徐州刺史屬徐兗大水表加賑恤先是京兆王愉為徐州郡縣多不奉法鑿表梁郡太守程靈虬貪虐詔免郡徵還

二年 元鑿

三年 元鑿

四年 元鑿 七月魏徐州刺史鑿取角城本傳克角城詔嘉焉年四十二薨

正始元年 元嵩 本傳轉平東徐州又轉揚州

二年 元嵩

三年 元昞 卽元景昭成子孫傳壽興少聰慧好學世宗初為徐州刺史在官貪虐失人心詔尚書崔亮馳駟檢覈壽興匿遇赦乃出中尉王顯奏壽興誹謗賜死

四年 元昞

永平元年 元昞 崔亮傳徐州刺史元昞撫馭失和詔亮馳駟安撫劾昞處以大辟

二年 盧昶

三年 盧昶 本傳出除鎮東將軍徐州刺史永平四年表琅邪郡民王萬壽等三月二十四攻掩胸山臣遣戍副張天惠卽據城

又曰胸山失利免官

四年 盧昶 册府元龜永平四年四月琅邪郡民王萬壽以胸山來降徐州刺史盧昶遣傳文驥據之本紀十一月胸城陷盧昶大敗而還

延昌元年 李彥 本傳遷平東將軍徐州刺史

二年 李彥 册府元龜李彥宣武時為徐州刺史延昌二年夏大霖雨川瀆溢彥疏通得無淹潰之害本傳入為河南尹

三年 楊鈞 本傳入為司徒左長史又除徐州東荊州刺史

四年 楊鈞

熙平元年 元延明 本傳延明先牧徐方

二年 元延明 太平寰宇記徐州彭祖廟神龜二年刺史延明移於子城北樓下

神龜元年 元延明 按延明刺徐至神龜二年

二年 蕭寶寅 本傳神龜中出為都督徐南

竟二州軍事車騎將軍徐州刺史

正光元年 蕭寶寅

二年 蕭寶寅 本傳正光二年徵為車騎大將軍尚書左僕射

北海王顥

五年 元法僧 本紀孝昌元年正月庚申徐州刺史元法僧據城反本傳法僧殺行臺高諒反于彭城自稱尊號號年天啓大軍致討奔蕭衍

孝昌元年 元法僧 元又傳又舉其親元法僧為徐州刺史法僧據州反

元延明 本傳元法僧反詔為東道大行臺徐州大都督蕭綜既降延明因以軍乘之復東南之境至宿豫而還遷都督徐州刺史頻經師旅延明招攜新故人悉安業百姓咸附莊帝時兼尚書令

二年 元延明

三年 楊昱 本傳除涇州父椿出為雍州徵還蕭寶寅等敗於關中以昱兼七兵尚書防守雍州失利除度支尚書轉撫軍徐州刺史

武泰 建義元年 楊昱

元孚 本紀永安二年五月丁巳以前徐州刺史楊昱鎮滎陽本紀建義元年九月平葛榮大赦改永安又永安二年七月斬元顥

永安二年 元孚 李獎傳宋游道上疏北海未敗之月徐州刺史元孚為其純臣表啓相望本傳葛榮平還除徐州刺史元顥平封萬年鄉男

斛斯椿 本傳元顥敗轉鎮東將軍徐州刺

史又轉征東東徐州

永安三年 爾朱仲遠 本紀十月徐州刺史爾

朱仲遠反本傳遷建州刺史加車騎大將

軍轉徐州刺史兼尚書左僕射三徐州大

行臺進督三徐州諸軍事爾朱榮死仲遠

勒兵向京師前廢帝立除使持節侍中都

督三徐二兗諸軍事驃騎開府東道大都

督大行臺進爵彭城王竟不之州鎮於大

梁復進督東道諸軍兗州刺史

建明二年 爾朱仲遠 本紀三月癸丑驃騎大

將軍開府徐州刺史彭城王爾朱仲

遠為大將軍

杜德 本紀太昌元年四月詔徐州刺史杜

德討元樹

善泰 中興二年 杜德

太昌元年 元祐 本紀三年二月壬午以前徐

州刺史元祐為衛大將軍

永熙二年 華山王鷲 墓誌永熙二年四月

除開府徐州刺史

三年 華山王鷲 墓誌天平二年三月還京

按是年二月高乾邕為徐州未任賜死

青州刺史領齊北海樂安勃海高陽河間樂陵等

郡

天安元年 宋青州刺史沈文秀內附本紀在

皇興元年閏月地形志青州司馬德宗治

東陽魏因之

皇興元年 鄺範

二年 鄺範 本傳慕容白曜表範為青州刺

史還尚書右丞

三年 慕容白曜 本傳三年春克東陽拜使

持節都督青齊東徐州開府青州刺史四

年冬見誅本紀二月己卯為征南開府青

州刺史進爵濟南王本傳乙渾專權白曜

使附追以為責

四年 慕容白曜 本紀十月誅慕容白曜本

傳克東陽獲倉粟八十五萬斛錢十五萬

城內口四萬一千始末三年日日交兵士

卒無怨叛督上士人租絹以為軍資不至

侵苦三齊欣然安堵樂業

延興元年

二年 韓頹 釋老志東萊人王道翼隱居深

山顯祖聞而召焉青州刺史韓頹遣使就

山徵之翼乃赴都

三年 韓頹

四年

五年 李惠

承明元年 李惠 本傳後為開府儀同三司

青州刺史歷政有美績文明太后誣將南

叛誅之

太和元年 李惠

二年 李惠 本紀二年十一月癸巳誅南郡

王李惠

三年 鄺範 水經注巨洋水先公以太和中

作鎮海岱又溜水篇陽水時有通塞魏太

和中此水復竭先公除州即任未幾復通

海岱之士又頌通津焉

四年 鄺範 本傳後除平東將軍青州刺史

假范陽公還朝年六十二卒

五年 鄺範

六年

七年 韓秀 本傳太和初內侍長後為平東

將軍青州刺史在州數年卒

八年 韓秀

九年 陸龍成 傳賜爵永安子出為安南將

軍青州刺史假樂安公愛民恤下百姓稱

之卒

十年 陸龍成 崔玄伯傳崔邪利子恩州主

簿至刺史陸龍成時謀叛聚城北高柳村

將攻州城龍成討斬之本紀太和五年五

月青州主簿崔次恩聚眾謀叛州軍擊之

次恩走郁州

十一年

十二年 元天琚 本傳高祖時征虜將軍青

州刺史從駕南征拜後將軍尋降公為侯

十三年 元天琚

十四年 元天琚 本紀十六年正月制諸遠

屬及異姓王皆降為公公為侯侯為伯

十五年

十六年 公孫達 本傳例降襄平伯出為青

州刺史太和十九年卒又曰加鎮東將軍

東夷校尉刺史如故

十七年 公孫達

十八年 公孫達

十九年 公孫達 本傳時青州佐吏疑為所

服詔準諸境內之民齊衰三月

廣陵王羽 本紀十二月辛酉特進廣陵王

羽為征東大將軍開府儀同三司青州刺史

史本傳都督青齊光南青四州諸軍事

二十年 廣陵王羽

廿一年 廣陵王羽

廿二年 廣陵王羽 本傳世宗即位遷司州

牧

廿三年 廣陵王羽

陽平王頤 本傳世宗景明元年薨於青州

刺史

景明元年 陽平王頤

元鸞

二年 元鸞 本傳世宗初除平東將軍青州

刺史後轉定州

三年 劉芳

四年 劉芳 本傳沈陵外叛徐州大水遣芳

賑恤之尋正侍中遷中書令出除安東將

軍青州刺史廉清寡欲還朝議定律令

郭祚

正始元年 郭祚 本傳太極殿成朝京師轉

鎮東將軍青州刺史值歲不稔多所賑恤

入為侍中金紫光祿大夫

二年 江陽王繼 本傳世宗時除征虜將軍

青州刺史轉恆州

三年 江陽王繼 本傳繼在青州之日取民

女為婦妾為御史所彈免官爵

四年 陸昕之

永平元年 陸昕之 本傳淮號安東仍除青

州刺史轉相州刺史永平四年卒

二年 高植 本傳自中書侍郎為濟州刺史

率州軍討破元愉歷青相朔恆四州刺史

卒

三年 高植 崔孝芬傳高肇子植為青州刺

史啓孝芬為司馬

四年 高植 金石萃編魏故濟青相涼朔恆

六州刺史高植墓誌末題大魏神龜

延昌元年

二年 鄭道昭 本傳出為平東將軍光州刺

史轉青州入為秘書監熙平元年卒

三年 鄭道昭

四年 鄭道昭

熙平元年

二年 元融 本傳除平東將軍青州刺史遷

中護軍領河南尹為中尉糾彈削除官爵

神龜元年 元融 本傳世宗崩營景陵拜宗

正卿未幾除青州

二年 崔休 本傳遷安東將軍青州刺史

正光元年 崔休 本傳青州九郡民單擲等

一千人上書訟德政靈太后善之

二年 崔休 册府元龜牧守部崔休為幽州

刺史遷青州在幽青積五六年皆清白愛

民本傳徵為安南將軍度支尚書

三年 元羅 本傳李暉傳正光中元又以其

弟羅為青州噉為羅平東府長史

四年 元羅

元羅 本傳遷平東將軍青州刺史又當朝

專政羅望傾四海邢子才等從遊青土時

蕭衍遣將寇邊以羅行撫軍將軍都督青

光南青三州諸軍事罷州入為宗正卿

五年 元匡 本傳三公郎中辛雄奏理之特

除平州刺史徙青州刺史尋為關右都督

兼尚書行臺以疾還京孝昌初卒崔祖螭

刺史元羅為兼統軍普泰初叛圍青州

孝昌元年 安樂王鑒 本紀三月廣川民傳

堆執太守劉莽反青州刺史安樂王鑒討

平之

二年 安樂王鑒 陶齋藏石記李謀墓誌孝

昌二年二月十日使持節都督青州諸軍

事平東將軍青州刺史安樂王鑒令尹遺

跡

三年 元劭 本傳起家宗正少卿除平東將

軍青州刺史孝昌末靈太后失德劭遂有

異志為安豐王延明所啓徵入

武泰 元世儁 本傳除鎮東將軍青州刺

武義 永安元年 史邢杲之亂圍信州城拒守遂得保

全孝莊除衛將軍爾朱兆寇京師

永安二年 元世儁

永安三年 李延寔 本傳轉司徒公出為青州

刺史爾朱兆入洛以延寔外戚見害于州

館按蕭贊永安二年十月為司徒延寔以

是月為青州

建明二年 元貴平 本傳前廢帝時以本官行

晉泰元年 青州事屬崔祖螭作逆圍東陽百餘

日貴平率州民固守大軍救至擒斬之遠遷左衛將軍

元肅 本紀普泰元年三月癸酉詔太師青州刺史魯郡王肅還為太師按肅未任

爾朱弼 本傳前廢帝初封河間郡公尋為驃騎開府青州刺史

善泰 中興二年 爾朱弼 本紀中興二年四月乙亥太昌元年 青州刺史爾朱弼為部下馮紹隆所殺傳首京師本傳天光等赴韓陵弼揚聲北渡天光等敗還州

元嶷 本紀太昌元年七月夏州徙民郭遷據青州反刺史元嶷棄城走

元貴平 本傳為出帝所信出為青州刺史加驃騎大將軍開府

永熙二年 元貴平 侯淵傳出帝末淵與兗州刺史樊子鵠青州刺史東萊王貴平密信往來以相連結會承制以淵行青州事淵乃復還而貴平不受代時青州城人餽糧者相繼淵親率騎夜趣青州詐餽糧人曰臺軍已至城人兇懼遂執貴平出降淵遂斬貴平傳首京師

侯淵 孝靜紀天平二年四月侯淵反濟州刺史蔡雋討平之

齊州刺史領濟南太原東魏東平原東清河廣川等郡

皇興三年 盧度世 本傳使劉駿被禁劾除鎮遠將軍齊州刺史二境以寧後坐事囚

繫

四年 盧度世 地形志齊州治歷城劉義隆置冀州皇興三年更名

延興元年 武昌王平原 本紀延興元年十一月妖賊反於平陵齊州刺史武昌王平原討擒之

二年 武昌王平原 本傳顯祖時蠕蠕犯塞從駕擊之功多拜假節都督齊兗二州諸軍事鎮南將軍齊州刺史

三年 武昌王平原 本紀是年妖人劉舉自稱天子齊州刺史武昌王平原討斬之

四年 武昌王平原 本傳妖人劉舉稱天子討斬之時齊民饑饉平原以私米三千餘斛為粥以全民命及還京師每歲率軍屯於漢南

五年 武昌王平原 本傳北州戊卒一千餘人還者皆給路糧百姓咸稱詠之州民韓疑之等千餘人詣闕頌之高祖覽而嘉歎

承明元年 武昌王平原 太和元年 武昌王平原

二年 鄧淵傳子顯顓子靈奇齊州刺史進號冠軍將軍為政清簡有威惠

四年 韓麒麟 太平御覽良刺史韓麒麟除齊州刺史假魏昌侯

五年 韓麒麟 太平御覽良刺史韓麒麟除齊州刺史假魏昌侯

六年 韓麒麟 太平御覽良刺史韓麒麟除齊州刺史假魏昌侯

七年 韓麒麟 太平御覽良刺史韓麒麟除齊州刺史假魏昌侯

八年 韓麒麟 本傳高祖時除冠軍將軍齊州刺史太和十一年表陳時務臣所統齊州租粟纔可給俸略無入倉可減絹帛增益穀租年豐多積歲儉出賑則民無荒年矣十二年春卒于官

九年 韓麒麟 本傳高祖時除冠軍將軍齊州刺史太和十一年表陳時務臣所統齊州租粟纔可給俸略無入倉可減絹帛增益穀租年豐多積歲儉出賑則民無荒年矣十二年春卒于官

十年 韓麒麟 本傳高祖時除冠軍將軍齊州刺史太和十一年表陳時務臣所統齊州租粟纔可給俸略無入倉可減絹帛增益穀租年豐多積歲儉出賑則民無荒年矣十二年春卒于官

十一年 韓麒麟 本傳高祖時除冠軍將軍齊州刺史太和十一年表陳時務臣所統齊州租粟纔可給俸略無入倉可減絹帛增益穀租年豐多積歲儉出賑則民無荒年矣十二年春卒于官

十二年 韓麒麟 本傳高祖時除冠軍將軍齊州刺史太和十一年表陳時務臣所統齊州租粟纔可給俸略無入倉可減絹帛增益穀租年豐多積歲儉出賑則民無荒年矣十二年春卒于官

詠
廿三年 武昌王鑒

薛聰 本傳世宗踐阼除輔國將軍齊州刺史卒於州

景明元年 薛聰

李元護 本傳景明初輔國將軍齊州刺史三年夏卒

二年 李元護 鄧羨傳出為齊州武昌王征虜長史後李元護之為齊州仍長史帶東魏郡太守在治十年以清勤見稱

三年 李元護

四年

正始元年 元脩義 本傳遷左將軍齊州刺史

史移理東城在州四歲不殺一人百姓追思之遷秦州刺史

二年 元脩義

三年 元脩義

四年 元脩義

永平元年 鄭懿

二年 鄭懿 本傳出為征虜將軍齊州刺史

進平東將軍永平三年卒

三年 鄭懿

四年 蕭彥 歷位太尉長史武衛將軍齊州刺史蕭寶寅呼之為尊附張宗之傳

延昌元年

二年

三年

孟表 本傳世宗末降平東將軍齊州刺史延昌四年卒

刺史延昌四年卒

四年 孟表

熙平元年 汝陰王天賜傳子暹卒于齊州刺史諡曰威

二年

神龜元年

二年 元誕

本傳誕既襲爵除齊州刺史在州貪暴為御史中尉元纂所糾會赦免北

史本傳襲爵累遷齊州刺史

正光元年 元誕

二年 元誕

三年

四年

崔勵 崔光傳正光四年十月拜長子勵為齊州刺史十一月薨肅宗每加存慰

按勵以憂未任

五年 元順 本傳轉安東將軍齊州刺史

孝昌元年 元順 本傳又解領軍徵為給事

黃門侍郎本紀孝昌元年二月領軍元又為驃騎

袁翻 本傳加平南將軍光祿大夫以本將軍出為齊州刺史孝昌中除安南將軍中書令

二年 袁翻

三年 元欣 房士達傳孝昌中劉蒼生作亂

刺史元欣欲逼為將本傳為荊州轉征東將軍齊州刺史欣在二州頗得人和又為

征東將軍太僕卿改封淮陽王本紀建義元年九月以齊州刺史元欣為沛郡王崔

光韶傳元顥入洛刺史廣陵王欣議所從

光韶抗言曰元顥受制梁國稱兵本朝未敢仰從欣乃斬顥使

武泰元年 元欣

永安二年 元欣

元子華 本傳孝莊初除齊州刺史邢昺之

亂子華拊輯豪右境內帖然後除濟州刺史本紀建義元年六月邢昺率河北流民

反于青州之北海

永安三年 元子華

建明元年 元子華

蕭贊

房士達 本紀四月丁巳以侍中太尉公丹陽王蕭贊都督齊濟兗三州諸軍事驃騎

開府齊州刺史

元子華 本傳爾朱兆入洛齊州人趙洛周

逐蕭贊表濟南太守房士達攝行州事洛

周子元顯先隨子華在濟州邀路改表請

子華復為齊州刺史尋以母憂還都

建明二年 元子華

中興元年 尉景

本紀永熙元年七月郭遷據

青州反詔侯景率齊州刺史尉景討

之

永熙二年 元弼 崔光韶傳刺史元弼貪悭

不法光韶相非責弼銜之時耽翔反于州

界弼誣光韶子通與賊連結樊子鶴為東

道大使知見其枉理出之本紀永熙二年

四月耽翔據膠州

侯淵 本紀永熙二年五月壬寅以使持節
驃騎大將軍儀同三司齊州刺史侯淵復
爲開府儀同三司本傳永熙初除齊州刺
史

永熙三年 侯淵

汝陽王暹 侯淵傳出帝入關汝陽王暹除

齊州

荊州刺史領南陽魯陽赭陽順陽新野東恆農漢
廣襄城北清恆農等郡

太和十一年 公孫初頭 寇臻傳高祖以恆

農大盜張頰等徵爲都將與荊州刺史公

孫初頭追捕之

十二年 地形志荊州太延中治上洛太和中

治穰城

十三年 李崇 本傳巴氏騷動詔崇爲荊州

刺史鎮上洛在治四年召還除兗州

十四年 李崇 按魏初荊州有三一爲司馬

楚之司馬文思所領之荊州一爲魯軌所

領之荊州一爲宗賧所領之荊州魯氏荆

州治長社見宋書魯爽傳宗賧之荊州即

地形志太延所置之荊州而除代過闕不

可表今自太和中爲表

十五年 李崇

十六年 李崇

十七年 薛真度 本傳隨駕南討假平南將

軍久之除護南蠻校尉荊州刺史

十八年 薛真度 按地形志魯陽郡太和十

八年改爲荊州二十二年罷置此荊州爲

洛州已移上洛南陽未克以前薛真度韋
珍皆治魯陽

韋珍 本傳尋加平南將軍與尚書盧淵征

赭陽爲蕭鸞將垣歷生所敗免歸鄉里本

紀十九年五月己巳赭陽失利

十九年 韋珍

薛真度 本傳征赭陽爲房伯王所敗有司

奏免官爵詔真度淮海來服功頗在茲復

除荊州刺史自餘徽號削奪尋除東荊州

刺史

二十年 薛真度 水經注朝水逕穰縣故城

南魏荊州刺史治

廿一年 薛真度

廿二年 廣陽王嘉 李佐傳河北既平廣陽

王嘉爲荊州刺史佐爲嘉鎮南府長史高

祖崩敕佐行荊州事本紀二月甲子南陽

降

廿三年 廣陽王嘉

李佐 本傳行荊州事尋正刺史世宗初徵

兼都官尙書

景明元年 元嵩 本傳世宗卽位以武衛將

軍兼侍中出爲平南將軍荊州刺史表曰

蕭寶卷雍州刺史蕭衍與寶卷相持臣之

軍威河南可收

二年 元嵩 本傳蕭衍克建業乃止除平北

恆州

三年 薛真度 江陽王次妃夫人慕誌夫人

石氏諱婉勃海南皮人魏故都督荊豫二

州諸軍事平南將軍荊豫青三州刺史汝
陽公馥之季女永平元年十一月葬於西
崗

四年 薛真度 本傳裴叔業以壽春內附詔

真度率衆赴之尋遷華州轉荊州刺史入

爲司農卿正始初除揚州

正始元年 趙怡

二年 趙怡 趙邕傳父怡太和中歷郢州刺

史停家久之以邕寵召拜太常卿尋爲荆

州大中正出除征虜將軍荊州刺史以老

乞解州任還拜光祿大夫

三年 趙怡 本紀正始三年三月詔荊州刺

史趙怡赴淮陽

四年 崔延伯 本傳太和中入國高祖深嘉

之稍進除征虜將軍荊州刺史蠻寇聚結

輒自討之莫不摧殄永平中轉幽州刺史

永平元年 崔延伯

二年 元志 本傳河間公齊孫志宣武時除

荊州刺史通鑑三月魏荊州刺史元志寇

潺溝

三年 元志 册府元龜御史中尉元顯奏前

荊州刺史元志在州日抑買良人爲奴婢

四年 元志

延昌元年 元志

二年 元志

三年 元志 本傳遼朝肅宗初除廷尉卿

四年

熙平元年 楊大眼 本傳世宗崩與蕭寶寅

征淮堰不能克決水而還加平東將軍出

為荊州刺史北涪郡常有虎害大眼搏而

獲之懸于穰市荆蠻遂不敢復為寇盜在

州二年卒楊機傳延昌中行河陰令平東

將軍荊州刺史楊大眼啓為其府長史

二年 楊大眼

神龜元年 元世遵 本傳肅宗時以本將軍

為荊州刺史尋加前將軍初在漢陽復有

聲迹後頗行貨賄散費邊儲由是聲望有

損

二年 元世遵

正光元年 元世遵 本傳沔陽蠻首及襄陽

民望請以襄陽內附詔加世遵都督荊州

及沔南諸軍事平南將軍內應者謀泄為

蕭衍雍州刺史所殺班師自卒凍死十二

三世遵坐免官見崔暹傳在正光二年

元欣

二年 元欣 本傳肅宗初北中郎將出為冠

軍將軍荊州刺史轉征虜齊州

三年 元欣

李神儁 本傳出為前將軍荊州刺史蕭衍

將曹敬宗來寇循撫兵民固守徵拜司農

卿

四年 李神儁

崔孝芬 本傳荊州刺史李神儁為蕭衍將

攻圍加孝芬將軍荊州刺史以元又黨除

名本紀孝昌元年四月元又除名

五年 崔孝芬

孝昌元年 崔孝芬

王鸞 通鑑十二月王鸞為荊州刺史周書

本傳梁將曹義宗圍荊州勅鸞赴救除荆

州刺史本傳進號撫軍將軍梁復遣曹義

宗圍荊州屢經戰陳彌歷三年義宗方退

二年 王鸞 本傳進封霸城縣公

三年 王鸞 本傳遷車騎大將軍涇州刺史

本紀建義元年五月有荊州刺史王鸞

武泰 李琰之 本傳孝莊初北討葛榮還

永安元年 出為衛將軍荊州刺史頃之兼尚書

左僕射三荆二郢大行臺

永安二年 李琰之

建安三年 李琰之 本紀十二月南陽太守趙

修延 執荊州刺史李琰之自行州事

建明二年 李琰之 本傳出帝初徵兼侍中左

光祿大夫本紀五月丙子荊州城民

斬修延送首還推琰之為刺史

普泰二年 李琰之

太昌元年 源子恭 本傳前廢帝初除左光祿

大夫尋授假車騎大將軍行臺僕射荊州

刺史永熙中入為吏部尚書

永熙二年 源子恭

賀拔勝 本傳出帝將謀齊獻武王除勝使

持節侍中都督三荆二郢南襄南雍七州

諸軍事驃騎開府三荊州刺史出帝入關

齊獻武王遣侯景討之勝奔蕭衍

三年 賀拔勝

洛州刺史領上洛上庸魏興始平葭和修陽朱陽

南上洛析陽等郡

太和十六年 賈儁

十七年 賈儁

十八年 賈儁

十九年 賈儁

二十年 賈儁 北史本傳襲爵為荊州刺史

依例降爵為伯地形志洛州大延五年置

荊州太和十一年改治上洛城按一字為

七字之誤按洛州本治洛陽太和十七年

改為司州而改治上洛郡之荊州為洛州

廿一年 賈儁 傳先是上洛置荊州後改為

洛州儁在州五載清靜寡事吏民亦安遷

洛後儁朝京師賞以素帛景明初卒

廿二年 金石萃編始平公造像記父使持節

光祿大夫洛州刺史始平公奄焉薨放為

亡父造石像一區太和二十二年九月十

四日訖按洛陽之洛州太和十七年已改

為司州此造像所云洛州刺史當為上洛

之洛州

廿三年

景明元年

二年 元拔

三年 元拔

四年 元拔 常季賢傳將娶洛州刺史元拔

女按倭倖傳茹皓劉胃常季賢陳掃靜皆

死于北海王詳之獄

正始元年

二年

三年 薛裔 薛辨傳胤太和二十三年卒子
四年 裔襲爵歷尚書左軍將軍遷征虜將軍中
散大夫出爲洛州刺史卒

永平元年 薛裔

三年 石榮
四年 石榮 抱嶷傳中尉王顯奏前洛州刺
史陰平子石榮積射將軍抱老壽恣蕩非

延昌元年 石榮
二年 石榮
三年 刁遵 金石萃編刁遵墓誌正始中徵
爲太尉高諮議參軍俄轉大司農少卿未

基遷使持節都督洛州諸軍事洛州刺史
公之立政惠流兩壇平陽慕化關地二百
方一江河成功告老忽焉降疾熙平元年
七月廿六日薨于位

熙平元年 刁遵 本傳延昌三年遷司農少
卿尋拜洛州刺史熙平元年七月卒

二年 神龜元年
二年 伊瓮生 本傳神龜二年自驍騎將軍
直闔將軍爲持節右將軍洛州刺史與荆
州刺史淮南王世遵討襄陽不克坐免

正光元年 伊瓮生
二年 李暉 本傳未拜卒

宋維 本傳元叉殺清河王懌徵爲散騎侍

郎超遷通直常侍又除冠軍洛州刺史
三年 宋維 本傳後除營州
四年 董紹 本傳肅宗初除龍驤將軍加冠
軍將軍出除右將軍洛州刺史肅衍將軍
曹義宗寇荊州蕭寶寅反於長安紹求擊
之加平西將軍

五年 董紹 本傳紹好行小惠頗得民情
孝昌元年 董紹
二年 董紹

三年 董紹 本傳永安中代還按是年十月
蕭寶寅反于雍州
武泰元年 董紹
建義元年 陸子彰 建義初封濮陽王尋復先
爵除安西將軍洛州刺史還拜光祿大夫

永安二年 陸子彰
元季海 北史常山王遵傳元淑子
普泰二年 元季海
普泰元年 元季海
普泰二年 元季海

季海位洛州刺史妻司空李冲之女爾朱
禍難方始勸季海爲外官及孝莊之難季
海以在藩得免從孝武入關封馮翊王

永熙二年 元季海 賀拔岳傳靈州刺史曹
泥請代岳以前洛州刺史元季海爲州
三年 穆建 本傳出帝末洛州刺史
東荊州刺史領東南陽舞陰襄城周康江夏城陽
等郡

延興二年 桓誕 通鑑延興二年正月太陽
蠻酋桓誕擁沔水以北潢葉以南八萬衆

降魏魏以爲東荊州刺史
三年 桓誕 本傳誕內屬治於朗陵
四年 桓誕
五年 桓誕

承明元年 桓誕
太和元年 桓誕
二年 桓誕
三年 桓誕
四年 桓誕
五年 桓誕

六年 桓誕
七年 桓誕
八年 桓誕
九年 桓誕
十年 桓誕 本傳太和十年移居潁陽
十一年 桓誕
十二年 桓誕
十三年 桓誕
十四年 桓誕
十五年 桓誕
十六年 桓誕
十七年 桓誕 本傳太和十七年加征南將
軍

十八年 桓誕 本傳十八年卒
十九年 桓誕 本傳位東荊州刺史襲爵景
明初卒
二十年 桓暉
廿一年 桓暉

薛真度 本傳尋除假節冠軍將軍東荆州

刺史初遷洛後真度獻計高祖勸先取樊

鄧故為高祖所賞又加持節正號冠軍轉

征虜將軍豫州刺史按自桓誕而後桓氏

世鎮東荆故真度方除即遷

廿二年 桓暉

廿三年 桓暉

景明元年 桓暉

二年 桓暉 按自桓暉卒後東荆始別除人

楊大眼 本傳裴叔業內附大眼先入以功

除直閣將軍出為征虜將軍東荆州刺史

時蠻酋樊秀安等反詔大眼為別將隸李

崇討平之

三年 楊大眼

四年 楊大眼

正始元年 楊大眼 册府元龜楊大眼為東

荆州刺史正始元年大破羣蠻樊季安等

本紀在是年正月丙辰

二年 楊大眼

三年 楊大眼

四年 楊大眼

永平元年 楊鈞

二年 楊鈞 本傳入為司徒左長史又除徐

州東荆州刺史還為廷尉卿恆州刺史

三年 楊鈞

四年 房亮 本傳京兆王愉反遣將攻亮亮

大破之尋遭憂服終除左將軍汲郡太守

遷前將軍東荆州刺史亮留心撫納百姓

安之轉平東滄州刺史

延昌元年 房亮

二年 寇治 魏故七兵尚書寇君墓誌君諱

治授建威將軍魯陽太守父憂服未闋起

前將軍尋遷假節督東荆州事鎮遠將軍

東荆州刺史就拜龍驤將軍復授征虜將

軍世宗晏駕入奔山陵除將作大匠

三年 寇治

四年 寇治

鄺道元 道元水經注余以延昌四年蒙除

東荆州刺史州治比陽縣故城

熙平元年 鄺道元

二年 鄺道元

神龜元年 鄺道元

寇治 本傳以治代道元進征虜將軍坐遣

戍兵送道元免

二年 寇治 墓誌時荆淮慕澤沔北思仁重

除使持節督東荆州諸軍事前將軍東荆

州刺史民相率樹碑著顯德頌於泚陽城

內遭繼母憂解任

正光元年

二年

三年 裴佗 本傳轉前將軍東荆州刺史尋

加平南將軍蠻酋田敬宗等歸附

五年 裴佗 本傳闔境清晏寇盜寢息邊民

懷之襁負而至者千餘家

孝昌元年 裴佗 本傳尋加撫軍將軍又遷

中軍將軍在州數載以疾乞還永安二年

卒

二年 裴佗

三年 裴佗

杜顥 本傳孝昌二年為西征軍司行岐州

事還除東荆州刺史武泰中轉岐州

寇肫之 寇肫之傳建義中出除冠

軍東荆州刺史兼尚書為荆郢行臺

代還

永安二年 張熠 本傳莊帝還宮除東荆州

刺史

永安三年 張熠 本傳加征蠻大都督轉荆州

不行普泰中衛將軍

寇肫之 本傳普泰中襲爵又為東

荆州刺史永熙中金紫光祿大夫

普泰二年

寇肫之

永熙二年 賀拔勝

三年 賀拔勝

揚州刺史領梁郡淮南北譙陳留北陳邊城新蔡

安豐下蔡等郡

景明元年 彭城王勰

元英

王肅 本紀正月丁未蕭寶卷豫州刺史裴

叔業以壽春內附通鑑二月戊戌魏以彭

城王勰領揚州刺史八月詔以元英行揚

州事尋以王肅代本傳肅悉心撫接遠近

歸懷咸得其心清身好施家無餘財

二年 王肅 本傳擒李叔獻開府尋為散騎常侍揚州刺史景明二年薨於壽春本紀七月壬戌王肅薨

任城王澄 三年 任城王澄 本傳除都督淮南諸軍事鎮南大將軍開府揚州刺史加散騎常侍

勒衆進討有司奏軍還失路奪開府轉征北定州

四年 任城王澄 本紀正始元年二月肅衍將姜慶真襲陷壽春外郭州軍擊走之任

城太妃孟氏傳姜慶春襲壽陽據外郭任城太妃孟氏勒兵登陴先守要便激厲文武安慰新舊將士咸有奮志太妃親巡城守不避矢石蕭寶寅引軍至合擊之慶真敗走

正始元年 任城王澄 本傳澄引兵還壽陽奪開府降三階

薛真度 本傳正始初除平南將軍揚州刺史都督揚南徐兗三州諸軍事鎮東將軍蕭衍豫州刺史王超宗率衆圍偃小峴擊破之

二年 薛真度 本紀六月丁卯揚州刺史薛真度破王超宗九月己巳揚州刺史元嵩破楊公則薛真度傳還朝除金紫光祿大夫

元嵩 三年 元嵩 本傳轉安東將軍揚州刺史肅衍將姜慶真據肥汭寇軍曹天寶屯雞口

元嵩 三年 元嵩 本傳轉安東將軍揚州刺史肅衍將姜慶真據肥汭寇軍曹天寶屯雞口

嵩分擊賊敗走

四年 元嵩 本傳後為蒼頭李太伯等謀害永平元年 元融 本傳復梁城于時揚州刺史元嵩為奴所害敕融行揚州事

二年 元融

三年 李崇

四年 李崇 本傳出除征南將軍揚州刺史都督淮南諸軍事詔曰胸山蟻寇久結未殄本紀十一月己亥詔李崇奚康生等治

兵壽春以分胸山之寇 延昌元年 李崇 册府元龜孝明時李崇為車騎將軍揚州刺史在州十年敵人憚之本傳延昌初加侍中車騎將軍都督江西諸軍事

二年 李崇

三年 李崇

四年 李崇

熙平元年 李崇 通鑑三月魏論西破石之功以李崇為驃騎將軍儀同三司本紀在三月辛未

二年 李崇 本傳進號驃騎將軍儀同三司累表解州以元志代本傳崇善御衆在州凡經十年寇賊侵邊所向摧破

神龜元年 李崇 元志

二年 元志 本傳肅宗初兼廷尉卿後除揚州刺史在州威名雖減李崇亦為荆楚所憚

正光元年 元志

二年 元志 本傳尋為雍州

長孫稚 張普惠傳蕭衍義州刺史文僧明舉城歸順揚州刺史長孫稚遣別駕封壽入城固守詔普惠援之未渡淮壽已棄城而退

三年 長孫稚 本傳為元又所厚出為撫軍大將軍領揚州刺史通鑑普通二年七月大匠卿裴邃破魏義州刺史封壽于檀公

四年 長孫稚 峴壽請降 五年 長孫稚 孝昌元年 長孫稚 本傳會鮮于修禮反于中山以稚為大都督北討按稚為元又黨

孝昌元年 胡太后復政後當罷本紀 孝昌二年二月詔左光祿大夫長孫稚北討按不書揚州刺史而書左光祿大夫是已離揚州

李憲 本傳孝昌初蕭衍豫章王綜降徐州平除征東將軍揚州刺史本紀六月蕭綜出降

二年 李憲 本傳二年蕭衍遣元樹等寇壽陽憲以城降本紀閏月蕭衍將元樹寇壽春揚州刺史李憲力屈降之

三年 鄧州刺史領義陽齊安安安陽城陽汝南等郡正始元年 本紀八月乙酉元英攻義陽拔之通鑑八月魏置鄧州於義陽以司馬悅為

刺史按地形志南安郡太和十三年置鄧州十八年改爲南中府此又一鄧州今附誌於此

司馬悅 本傳悅與鎮南將軍元英攻義陽

克之詔改蕭衍司州爲鄧州以悅爲征虜

將軍鄧州刺史蕭衍遣其豫州刺史馬仙

琕率衆一萬于三關南六十里因山起城

名爲竹墩遣其濟陰太守荀沛精卒二千

戍之後于關南四十里麻陽舊柵起城關

南之民多懷觀望悅令西關統軍諸靈鳳

掩擊敗之盡燔其城擒荀沛及軍主劉靈

秀詔曰司馬悅首謀義陽征略有捷且違

京既久屢請入朝可遂此志聽其赴關

二年 司馬悅 本傳尋詔以本將軍爲豫州

刺史

三年 婁悅 本紀九月蕭衍遣將寇義陽丁

酉夜遁走鄧州刺史婁悅追擊破之

四年 婁悅

永平元年 婁悅 本紀九月庚子鄧州司馬

彭珍等謀叛潛引蕭衍衆入義陽鄧州刺

史婁悅擊走之三關戍主侯登等以城南

叛婁悅嬰城固守

二年 韓務 本傳除龍驤將軍鄧州刺史務

獻七寶牀象牙席詔曰晉武帝焚雉頭裘

朕常嘉之今務所獻亦此之類奇麗之物

有乖風素可付其家人邊人李晏等詐殺

蕭衍黃坂戍主率戶來降務信之遣兵迎

接戶既不至而詐表破賊坐免本紀十月

庚午鄧州獻七寶牀不納

三年 韓務

四年

延昌元年 鄧羨 本傳出行荊州事轉征虜

將軍鄧州刺史鎮義陽在州銳于聚斂又

納賄于忠徵爲給事黃門侍郎尋加後將

軍河南尹未拜而靈太后臨朝

二年 鄧羨

三年 鄧羨

四年

熙平元年

二年

神龜元年 陸希道

二年 陸希道

正光元年 陸希道

二年 陸希道 本傳轉北中郎將遷前將軍

鄧州刺史善于馭邊甚有威略轉涇州刺

史正光四年卒

三年 裴詢 本傳肅宗以主摯特除散騎常

侍遷祕書監出爲平南將軍鄧州刺史蕭

衍遣將李國興寇邊乘勝向州詢率厲固

守垂將百日援軍既至賊乃退走加安南

將軍徵爲七兵尚書遇害河陰

四年 裴詢

五年 裴詢

孝昌元年 裴詢

二年 房叔祖 崔光詔傳元顥入洛刺史廣

陵王欣集文武議所從光詔曰元顥亂臣

賊子未敢仰從前鄧州刺史房叔祖曰軍

司議是房法壽傳叔祖永安中鄧州刺史

按崔光詔傳元顥入洛時已書叔祖爲前

鄧州刺史顥于永安二年五月入洛前一

年爲武泰元年元顥達已以鄧州降梁則

叔祖之爲刺史當在顥達前不得在永安

中

三年 元顥達

武泰元年 元顥達 梁書武紀大通二年四月

永安 辛丑魏鄧州刺史元顥達以義陽內

附置北司州

雍州刺史領京兆馮翊扶風咸陽北地等郡

神龜三年 本紀十二月關中平

四年 李順 本傳沮渠蒙遜以河西內附以

順爲太常策拜蒙遜爲太傅涼王使還拜

都督秦雍梁益四州諸軍事長安鎮都大

將軍西將軍開府未幾復徵爲四部尚書

按始光三年九月有雍州刺史延普四年

三月遣高涼王禮鎮長安按其時魏於關

中得失不常雍州亦非長安之雍州今附

于此

延和元年 李順

王斤 本傳關隴平斤徙鎮長安假節鎮西

將軍斤遂驕矜不順法度調役百姓民不

堪之南奔漢川者數千家而委罪于雍州

刺史陽文祖秦州刺史任延明世祖召問

二人各以狀對遣宜陽公伏樹覆按虛實

得數十事斬斤以徇

古弼 本傳與李順使于涼州拜安西將軍

鎮長安

陽文祖

寶瑾

二年 寶瑾 本傳初定三秦拜使持節都督

秦雍二州諸軍事寧西將軍長安鎮將毗

陵公在鎮八年甚著威惠徵為殿中都官

尚書

樂安王範 本紀延和二年二月丙寅以樂

安王範為假節加侍中都督秦雍涇梁益

五州諸軍事儀同三司鎮長安本傳範雅

性沈厚寬和仁恕世祖以長安形勝之地

非範莫可任者乃拜範都督五州長安鎮

都大將高選才能以為僚佐範謙恭惠下

推心撫納百姓稱之時秦土新罹寇賊流

亡者相繼範請崇易簡之治於是遂寬徭

與人休息袁式傳延和三年樂安王範為

雍州刺史詔式與中書侍郎高允俱為從

事中郎張黎傳進號征北大將軍與樂安

王範濟南公崔徽鎮長安代還之日家無

餘財

三年 樂安王範

寶瑾 大延元年 樂安王範

寶瑾

二年 樂安王範

寶瑾

奚眷

三年 樂安王範

寶瑾

奚眷 本傳復鎮虎牢加鎮南將軍開府徙

鎮長安受詔督諸軍共討山胡白龍于西

河破之

四年 樂安王範

寶瑾

葛那

五年 樂安王範

寶瑾

葛那 本紀三月丁卯詔衛大將軍樂安王

範遣雍州刺史葛那取上洛劉義隆上洛

太守鐔長生棄郡走

太平真君元年 樂安王範 按蠕蠕傳真君

四年樂安王範出東道是已離長安

二年 馮朗

娥後延

三年 娥後延 宋書索虜傳元嘉十九年虜

鎮東將軍武昌王宜勒莫提移書徐州曰

散騎常侍安南將軍雍州刺史娥後延出

自駱谷直截漢水冠軍將軍荊州刺史宗

騰出自子午東襲梁漢

馮朗 北史文成文明皇后傳父朗秦雍二

州刺史后生于長安朗坐事誅后入宮太

和十四年崩年四十九按自崩年上溯至

太平真君二年為四十九年

四年 馮朗

六年 馮朗 本紀九月盧水胡蓋吳反于杏

城十月戊子長安鎮將元紇討之為吳所

殺詔將軍叔孫拔乘傳領攝并秦雍兵屯

渭北十一月吳遣兵西掠至長安叔孫拔

與戰于渭北大破之庚午詔殿中尚書乙

拔率五將三萬騎討蓋吳

陸倕 本傳以倕都督秦雍二州諸軍事平

西將軍長安鎮大將與高涼王擊蓋吳于

杏城大破之本紀在七年

七年 寶瑾 本紀五月蓋吳復聚杏城號秦

地王遣永昌王仁高涼王那督諸軍同討

之八月蓋吳傳首京師永昌王仁平其遣

燼寶瑾傳蓋吳平瑾留鎮長安

陸倕 本傳斬吳遷內都大官

八年 寶瑾 本傳還京復為殿中都官典左

右執法

九年 陸倕 本傳安定盧永劉超等聚眾叛

世祖以倕恩威被于關中詔以本官加都

督秦雍諸軍事鎮長安倕單馬之鎮誘納

超女外若姻親將二百騎詣超盡醉而還

後密選精兵五百人遂偽獵詣超于是詐

醉大呼手斬超首士卒縱擊殺傷千數遂

平之世祖大悅徵還京師王建傳孫虔世

祖即位從征赫連昌討蠕蠕並有功與叔

孫建合擊劉義隆兖州刺史竺靈秀于湖

陸大破之後出鎮長安假節都督秦雍涇

梁益五州諸軍事開府卒今未審其年附

十年 永昌王仁

十一年 永昌王仁 本紀十月征西大將軍

永昌王仁自洛陽向壽春

元佗 本傳從征懸瓠拜使持節都督秦雍

二州諸軍事鎮西大將軍開府儀同三司

雍州刺史鎮長安綏撫秦土得民夷之心

時義隆寇南鄙以威信素著復為虎牢鎮

都大將

正平元年 元佗

二年 永昌王仁

興安元年 永昌王仁

二年 永昌王仁 本紀十月征西大將軍永

昌王仁謀反乙丑賜仁死于長安

樂安王良 樂安王範傳長子良高宗時襲

王拜長安鎮都大將雍州刺史為內都大

官薨

興光元年 樂安王良

太安元年 樂安王良

二年 樂安王良

三年 樂安王良

四年 樂安王良 本紀和平元年二月衛將

軍樂安王良督東雍吐京諸軍趣河西是

已解雍州

五年 元石 本傳從世祖南討至瓜步位尚

書令雍州刺史本紀天安元年九月殿中

尚書鎮西大將軍元石都督荊豫南雍州

諸軍事救懸瓠是已解雍州

和平元年 京兆王子推

元石

二年 京兆王子推 本傳太安五年封位侍

中征南大將軍長安鎮都大將子推性沈

雅善于綏接秦雍之人服其威惠

三年 京兆王子推 陸真傳尋遷安西將軍

長安鎮將初置長蛇鎮氏豪仇儻檀反真

擊平之本紀在是年六月

四年 京兆王子推

五年 京兆王子推 本傳入為內都大官

六年 東平王道符 本傳顯祖踐阼拜長安

鎮都大將

張白澤 本傳顯祖納其女為嬪行雍州刺

史清心少欲吏民安之

天安元年 東平王道符

魚玄明

皇興元年 東平王道符

魚玄明 本紀皇興元年正月東平王道符

反於長安殺雍州刺史魚玄明丁未道符

傳首京師

劉逸

李惠 本紀四月辛丑為征南大將軍都督

關右諸軍事雍州刺史進爵為王

陸真

二年 李惠

陸真 按陸真傳東平王道符反以真為長

安鎮將咸陽民趙昌據赤谷以叛真與雍

州刺史劉逸討破之雍州民夷莫不震伏

在鎮數年甚著威稱延興二年卒

三年 李惠

陸真

四年 李惠

陸真 按魏初長安最重有長安鎮都大將

長安鎮將副將雍州刺史略如西晉都督

之外復有刺史而員額較多即如樂安王

範以都大鎮將都督雍秦涇梁益五州寶

瑾又以長安鎮將都督秦雍二州仍有刺

史葛那並有副將崔徽是一州而任統治

權者四人東平王道符之反見本紀被殺

者有副將萬古真李恢雍州刺史魚玄明

是也但史多闕茲書都督都大鎮將刺史

餘不備列

延興元年 李惠

陸真

二年 李惠

陸真

三年 李惠

四年 李惠 本傳後為開府儀同三司青州

刺史

五年 元丕 本紀十月乙丑進征西大將軍

假東陽王丕為王

承明元年 元丕 本紀太和元年三月庚子

徵征西大將軍雍州刺史元丕為司徒

宜都王目辰

太和元年 宜都王目辰 本傳高祖即位遷

司徒封宜都王除雍州刺史

二年 宜都王目辰 本傳好財利政以賄成

有罪伏法

三年 宜都王目辰 本紀太和三年四月雍

州刺史宜都王目辰賜死

任城王雲

四年 任城王雲 本傳自中都大官出為冀

州刺史遷雍州刺史太和五年薨于州又

按本傳遷使持節都督陝西諸軍事征南

大將軍長安鎮都大將雍州刺史

五年 任城王雲 本傳雲廉謹自修留心庶

獄挫抑豪強羣盜止息州民頌之者千有

餘人文明太后嘉之賜帛千匹

六年 京兆王太興 本傳襲拜長安鎮都大

將以贖貨削除官爵

七年 京兆王太興 按本紀十四年京兆王

太興免官削爵與傳異

八年 京兆王太興

九年 武昌王平原 本傳遷都督雍秦梁益

四州諸軍事征南大將軍開府雍州刺史

十一年薨按平原當代任城王雲

十年 武昌王平原

十一年 武昌王平原 薨

十二年 元楨 本傳徵為內都大官出為長

安鎮都大將雍州刺史除封禁錮徵赴講

武高祖戒之曰長安鎮年饑民儉理須綏

撫其勤隱恤

十三年 元楨 本紀太和十三年六月安南

王楨坐賊賄免為庶人

十四年 源懷 源懷傳除殿中尚書出為長

安鎮將雍州刺史歲餘復拜殿中尚書後

例降為公

十五年 源懷 本傳清儉有惠政劫盜止息

流民皆相率來還

十六年

十七年 趙郡王幹 本傳車駕南伐以幹為

使持節都督關右諸軍事按幹是年遷

十八年

十九年

二十年 源懷 太和十九年除征北將軍夏

州刺史轉都督雍岐東秦州諸軍事雍州

刺史景明二年徵為尚書左僕射

廿一年 源懷 北史本傳

廿二年 源懷 本傳懷表曰太和二十年除

臣雍州刺史二十一年車駕幸雍臣復陳

聞

廿三年 源懷

景明元年 任城王澄 世宗初免官出為梁

州相州刺史辭改安西將軍雍州刺史徵

赴季秋講武

二年 任城王澄

元衍 本傳後卒于雍州刺史諡曰康侯歷

牧四州皆有稱績

三年 元衍

四年 元衍

正始元年 高猛 本傳歷位中書令出為雍

州刺史有能名入為殿中尚書卒

二年 高猛

正始三年 元麗 本傳秦州屠各推呂苟兒

為主詔麗為秦州平賊拜雍州刺史本紀

正始三年七月麗降呂苟兒秦涇二州平

四年 元麗 荀齋藏石記魏故涇雍二州別

駕皇甫君墓誌正始四年中還鄉刺史元

王復表為別駕

永平元年 元麗 册府元龜元麗為雍州刺

史為政嚴酷後遷冀州刺史入為左僕射

二年 崔亮 本傳除安西將軍雍州刺史營

渭水橋成名崔公橋世宗嘉之徵為太常

卿

三年 崔亮 本傳性公清敏于斷決三輔伏

其德政

四年 崔亮

延昌元年 崔亮

元萇 册府元龜松滋侯萇宣武時為北中

郎將帶河內太守歷位度支尚書雍州刺

史

二年 元萇 常景傳延昌初東宮建兼太子

屯騎校尉其年尚書元萇出為安西雍州

請景除錄事參軍肅宗時召景還本紀延

昌元年十月立皇子詡為太子

三年 元萇 金石萃編松滋公元萇溫泉頌

魏使持節散騎常侍都督隴州諸軍事安

西將軍隴州刺史松滋公元萇振興溫泉

之頌

四年 元萇 本傳歷位度支尚書侍中雍州

刺史卒

盧昶 本傳拜安西將軍雍州刺史又進號鎮西

熙平元年 盧昶 本傳熙平元年卒官

二年 元昭 鄧羨傳靈太后臨朝以元昭為

河南尹

神龜元年 元昭 冊府元龜元昭孝明時出

為雍州刺史在州貪虐

二年 元昭 本傳靈太后臨朝為尙書河南

尹出為雍州刺史後入為尙書詔事劉騰

正光元年 元昭

二年 元志 本傳除揚州尋為雍州刺史

三年 元志 本傳晚年耽聲伎在雍州逾尙

華修聚斂無極聲名遂損

四年 元志 本傳莫折念生反詔志為西征

都督討之為賊所乘奔還岐州賊遂攻城

刺史裴芬之疑城人與賊潛通將盡出之

志不聽城人果開門賊鎖志及芬之送念

生見害

元志 本紀正光五年六月秦州人莫折太

堤反詔雍州刺史元志討之八月甲午志

大敗於隴東十一月莫折天生執志

五年 李憲 本傳正光五年除安西將軍行

雍州刺史尋除七兵尙書

孝昌元年 元修義 本傳三秦反假修義西

道行臺行秦州事元志敗沒為雍州刺史

卒於州本紀正光五年七月修義為西道

二年 楊椿 本傳加衛將軍出除都督雍南

肅二州諸軍事雍州刺史進車騎將軍儀

三年 楊椿 本傳遇疾乞解許之以蕭寶寅

代

蕭寶寅 本傳孝昌三年四月除都督雍涇

岐南幽四州雍州刺史十月甲寅雍州刺

史蕭寶寅反詔長孫稚討之

武泰 長孫稚 本紀武泰元年二月為雍

永安 州刺史兼尙書僕射西道行臺又曰

正月丙子長孫稚平潼關丁丑寶寅渡渭

而走

永安二年 長孫稚 本紀十月丙午雍州刺

史長孫稚為司徒

爾朱天光 本傳萬俟醜奴僭號除天光使

持節都督雍岐二州諸軍事驃騎大將軍

雍州刺史率賀拔岳侯莫陳悅等討醜奴

永安三年 爾朱天光 四月丁卯雍州刺史爾

朱天光討醜奴寶寅擒之本傳萬俟道洛

不獲降撫軍將軍路陽賊帥王慶雲降坑

之三秦河渭瓜涼鄯善成來款順復天光

官爵尋加儀同三司

建明二年 爾朱天光 本紀普泰元年二月封

中興元年 爾朱天光樂平王三月癸酉雍州刺

史爾朱天光為大將軍二年閏月壬戌齊

獻武王敗爾朱天光等于韓陵四月囚送

天光於齊獻武王又普泰元年十一月庚

辰加使持節大將軍都督關中諸軍事尙

書令西道大行臺隴西王爾朱天光為大

司馬

普泰二年 爾朱天光 本紀四月甲子擒天光

中興二年 于河橋西北

賀拔岳 本傳普泰二年加岳都督三雍三

秦二岐二華十州諸軍事雍州刺史北史

本傳孝武即位加關中大行臺

永熙二年 賀拔岳 本傳永熙二年詔岳都

督雍華北華東雍二岐幽四梁二益巴二

夏蔚寧南益涇二十州諸軍事北史本傳

孝武密令岳圖齊神武

三年 賀拔岳 正月侯莫陳悅應齊獻武王

誘岳入營斬岳見魏書本傳

賈顯度 本傳五月轉雍州刺史歿于關中

梁禦 周書本傳雍州刺史賈顯度持兩端

通使齊神武太祖以禦為大都督雍州刺

史領前軍先行與顯度相見因說出迎太

祖禦遂入鎮雍州按此後雍涇等州方鎮

除罷並歸西魏

涇州刺史領安定隴東新平涼平原等郡

神龜四年

延和元年 狄子玉 本紀延和二年正月征

西將軍金匡安定鎮將延普與涇州刺史

狄子玉爭權構隙舉兵攻普不克退保胡

空谷詔平西將軍安定鎮將陸侯討獲之

二年 狄子玉

三年 陸侯 本傳平涼金匡羌狄子玉等叛

復轉為使持節平西將軍安定鎮大將既

至懷柔羌戎莫不歸附追討匡等皆獲之

太延元年 陸倕 本傳徵還拜散騎常侍

二年

三年

四年

太平真君元年

二年

三年

四年

五年

六年 穆宗傳穆乙九子蒲坂虞曹尚書涇州

刺史贈雍州刺史

七年

八年

九年

十年 陸馥傳弟石跋涇州刺史

正平元年

興安元年

興光元年

太安元年 尉長壽 本傳高宗時除涇州刺

二年

三年

四年 封阿君

五年 封阿君

和平元年 封阿君 皮豹子傳河西諸胡亡

匿避命豹子及前涇州刺史封阿君督河

西諸軍討羣胡無捷而還坐免復擢內都

大官和平五年卒本紀豹子討河西叛胡

在和平元年正月

二年 李峻

三年 李峻

四年 李峻 本紀四年四月癸卯頓丘公李

峻進爵爲王

五年 李峻 本傳高宗遣間使諭之歸京師

拜涇州刺史頓丘公後進峻爵爲王徵爲

太宰薨

六年 李峻

天安元年 李峻

皇興元年 李峻 本紀閏月頓丘王李峻爲

太宰

二年 王樹 王建傳曾孫樹有寵於顯祖遷

尚書賜爵歷陽侯出爲平西將軍涇州刺

史卒

三年 王樹

四年 王樹

延興元年 鄧宗慶 本傳除安南將軍涇州

刺史徙趙郡公宗慶在州爲民所訟雖訊

鞠覆情上下大不相得轉徐州未幾坐妻

巫蠱伏誅

二年 鄧宗慶 按宗慶誅在李訢後太和元

年九月誅李訢

三年 鄧宗慶

四年

五年

承明元年

太和元年

二年

三年

四年

五年 穆崇傳子乙頭乙頭子蒲坂虞曹尚書

涇州刺史

六年

七年

八年

九年

十年 張鸞旗 按鸞旗傳自洛陽男進爲侯

不言降蓋卒在太和十六年前

十一年 張鸞旗

十二年 張鸞旗

十三年 張鸞旗

十四年 張鸞旗

十五年 張鸞旗 張宗之傳兄鸞旗出爲冠

軍涇州刺史宗之納殷孝祖妻蕭氏太和

中初制六宮服蕭被命在內預見採訪

十六年

十七年 抱嶷

十八年 抱嶷 本傳乞外以爲鎮西將軍涇

州刺史十九年被詔赴洛從駕南征軍回

還州後數年卒於州

十九年 抱嶷

二十年 抱嶷

廿一年 抱嶷

廿二年 抱嶷

廿三年 抱嶷

景明元年 陶齋藏石記齊潁川太守乞伏君墓志君諱保達伯父悅涇州刺史遺愛民庶

二年

三年

四年

正始元年 員標

二年 員標 洛陽新出魏故東豫州刺史元顯魏墓志息女仲容適南陽員彥父標故

三年 竟岐涇三州刺史新安子

四年

永平元年

高綽 本傳轉洛陽令參議律令遷長兼國子博士行潁川郡事詔假節行涇州刺史

二年

三年

奚康生 為平西華州轉涇州刺史輒用官炭瓦為御史所劾削除官爵

四年 奚康生

延昌元年 齊王祐 本傳母常氏世宗以母從子貴特拜為齊國太妃祐位涇州刺史

薨

二年 齊王祐 顧氏燮光六朝志銘叢錄涇州刺史齊郡王墓誌正始二年除通直散

騎常侍永平五年除征虜將軍涇州刺史

德禮實宣刑政虛設神龜二年薨于第按

永平五年四月乙酉始改延昌

三年 齊王祐

四年 齊王祐

熙平元年 齊王祐 金石萃編北魏涇州刺史齊郡王祐造像記熙平二年七月建

二年 皇甫集 費穆傳轉涇州平西府長史

時刺史皇甫集靈太后之元舅多為非法

穆匡諫集憚之轉安定太守仍為長史還

朝拜左軍將軍轉河陰令時蠕蠕主婆羅

門降

神龜元年 皇甫集 本紀正光二年十一月

戊申衛大將軍儀同三司皇甫集薨神龜

二年八月左光祿大夫皇甫集為征西將

軍儀同三司

二年 盧道裕 本傳神龜二年除左將軍涇

州刺史其年七月卒官

正光元年 胡寧

二年 胡寧 本傳襲臨涇伯後進為公歷岐

涇二州刺史卒

三年 陸希道 本傳轉平西將軍涇州刺史

正光四年卒官

四年 陸希道

五年

孝昌元年 楊昱 本傳除征虜涇州刺史未

幾昱父椿為雍州徵昱還

二年 楊昱

呂伯虔 蕭寶寅傳天水人呂伯虔背胡琛

東引國軍授撫軍將軍涇州刺史元修義

停軍久不進伯虔終為醜奴所殺

三年 胡虔 本傳靈太后反政徵為吏部郎

中出為涇州刺史

武泰 永安元年 胡虔

永安二年 按爾朱天光傳涇州時為萬俟醜

奴所據有賊涇州刺史侯幾長貴

永安三年 賀拔岳 本傳擒醜奴蕭寶寅王慶

雲加岳車騎將軍詔都督涇北鹵二夏四

州諸軍事涇州刺史

建明二年 賀拔岳 本紀普泰元年三月己丑

普泰元年 賀拔岳 以涇州刺史賀拔岳為儀同三司岐

州刺史

中興二年

永熙二年

三年 寇洛 周書本傳從討侯莫陳悅平之

拜涇州刺史

秦州刺史領天水略陽漢陽等郡

神龜四年

延和元年

二年

三年

太延元年

二年 本紀五月楊難當竊據上邽詔樂平

王丕等督河西高平諸軍討之九月樂平

王丕等至略陽難當奉詔攝上邽守

三年

四年

五年 元勿頭 本紀三月庚寅以故南秦王

世子楊保宗爲秦州牧武都王鎮上邽十
二月楊難當寇上邽鎮將元勿頭擊走之
太平真君元年 楊保宗 氏傳詔保宗鎮上
邽又詔鎮駱谷

二年 楊保宗 本紀七月丙寅詔安西將軍
古弼督隴右諸軍與武都王楊保宗等從

祁山南入會仇池

三年 楊保宗

四年 楊保宗

封敕文 本紀四月武都王楊保宗謀反諸
將擒送京師

將擒送京師

五年 封敕文 本傳始光初爲中散稍遷西
部尙書出爲使持節鎮西將軍開府領護

西夷校尉秦益二州刺史天水公鎮上邽

六年 封敕文 本紀六年四月詔秦州刺史
封敕文擊慕利延兄子什歸於枹罕七年

三月邊岡梁會反秦州刺史封敕文擊之
斬問五月會走漢中

七年 封敕文

八年 封敕文

九年 封敕文

十年 封敕文

十一年 封敕文

正平元年 封敕文

興安元年 封敕文

二年 封敕文

興光元年 封敕文

太安元年 封敕文

二年 封敕文

三年 封敕文

四年 封敕文 本紀十月劉駿將殷孝祖修
城于清水東詔鎮西將軍封敕文等擊之

五年 封敕文

和平元年 李惠

二年 李惠

三年 李惠

四年 李惠 本傳歷位鎮西大將軍秦益二
州刺史進爵爲王轉雍州刺史

五年 李惠

六年 李惠 本傳轉雍州本紀皇興元年四
月辛丑以南郡公李惠爲征南大將軍儀

同三司都督關右諸軍事雍州刺史進爵
爲王

天安元年 李惠

皇興元年 李惠

乙乾歸 本傳顯祖初除征西將軍秦州刺
史有惠政高祖初即位爲征西道都將

二年 乙乾歸

三年 乙乾歸

四年 乙乾歸

延興元年 呂羅漢

二年 呂羅漢

三年 呂羅漢

四年 呂羅漢

五年 呂羅漢 本傳蠕蠕犯塞顯祖討之羅
漢都督中外諸軍出爲鎮西將軍秦益二

州刺史

承明元年 呂羅漢 本傳仇池氏羌叛其帥
蠻廉符祈等皆受劉昱官爵羅漢討破之

秦益阻遠南連仇池西接赤水諸羌恃險
數爲叛逆自羅漢涖州撫以威惠西戎懷

德境土帖然徵拜內都大官

太和元年 于洛侯 本傳爲秦州刺史貪酷
安忍百姓王隴客依律罪死洛侯生拔隴

客舌磔其手足闔州驚震人懷怨憤百姓
王元壽等反叛詔斬洛侯以謝百姓

尉洛侯 本紀正月秦州民王元壽聚衆號
衝天王二月秦益二州刺史尉洛侯討破

元壽通鑑系太和七年恐不合

二年 尉洛侯 于烈傳太和初秦州刺史尉
洛侯雍州刺史宜都王日辰貪殘不法烈

受詔案驗咸獲賊罪本紀目辰賜死在太
和三年四月

三年 尉洛侯

陸定國

四年 陸定國 本傳書復王爵在除秦益二
州後

五年 陸定國 本紀太和元年四月壬申復
前東郡王陸定國官爵

六年 陸定國

七年 陸定國 本傳太和初復除鎮南將軍
秦益二州刺史八年薨於州

八年 陸定國

李洪之 本傳後爲使持節安南將軍秦益

二州刺史至治設禁奸之制有帶刃行者罪與劫同赤葩渴郎光深居山谷雖相羈縻王人罕到洪之芟山爲道廣十餘步示以軍行之勢乃與軍臨其境山人驚駭洪之將數十騎至其里閭撫其妻子問其疾苦因資遣之衆羌喜悅編課調所入十倍于常洪之素非廉清每多受納時高祖始建祿制法禁嚴峻洪之赴京聽自裁本紀太和十年十一月議定州郡縣官依戶給俸

九年 李洪之

十年 李洪之

十一年 李洪之 通鑑列洪之死于太和八年按本紀太和八年詔始班俸祿祿行之後賊滿一匹者死大赦是以前者不治恐不得在是年

十二年 李洪之

十三年 李洪之

薛道次 本傳出爲安西秦州刺史太和十五年卒

十四年 薛道次 册府元龜牧守部薛道次爲秦州刺史帶隴西太守

十五年 薛道次

十六年

十七年 劉藻 本傳藻爲岐州刺史轉秦州刺史秦人恃險率多粗暴或拒課輸或害長吏自前守令率皆依州遙領不入郡縣藻開示恩信誅戮豪橫羌氏懼之於是守

宰始得居其舊所
十八年 劉藻
十九年 劉藻 本傳車駕南伐以藻爲東道都督秦人紛擾詔藻還州人情乃定仍與元英征漢中長驅至南鄭垂平梁州奉詔還軍後車駕南伐以藻督高聰等四軍戰敗徙平州
二十年 劉藻
廿一年 劉藻 南齊書魏虜傳秦州人王度起義攻獲魏刺史劉藻弘遣弟僞河南王幹尙書盧陽烏擊秦雍義軍
廿二年 劉藻 通鑑三月劉藻戰敗徙平州
廿三年 景明元年
二年 張彝
三年 張彝 本傳除安西將軍秦州刺史其年太極殿初就被徵還州進號撫軍將軍
四年 張彝 見代還洛
薛世遵 薛虎子長子附薛野賭傳
正始元年 薛世遵 本傳景明中秦州刺史稍遷左將軍
二年 周書侯植傳家北地之三水爲州郡冠族父欣爲秦州刺史奉義縣公
三年 元麗 本傳位宗正卿右衛將軍時秦州屠各王法智推呂苟兒爲主號建明元年詔以麗爲秦州刺史討之苟兒詣麗請罪

李韶

四年 李韶 本紀正始三年二月戊午詔右衛將軍元麗討呂苟兒七月庚辰元麗大破秦賊降呂苟兒

永平元年 李韶 本傳呂苟兒反除撫軍將軍行秦州事平即真時隴右新經師旅之後百姓多不安業詔善撫納甚得夷夏之心徵還行定州事

二年 李韶

三年 李韶

四年 楊胤 六朝墓誌叢錄魏濟州刺史長寧穆公楊胤墓誌持節平東將軍華荊秦濟四州刺史

延昌元年 元修義 本傳遷秦州刺史肅宗初表庶人禱庶人愉請有累遷吏部尙書

二年 元修義

三年 元修義

四年 元修義 趙叔隆傳爲秦州西府長史加鎮遠將軍秦州殷富去京懸遠叔隆與刺史元修義同心聚斂約貨巨萬

熙平元年 元修義

二年 趙琰傳遷都洛陽子應等乃收葬焉應弟熙位秦州刺史

神龜元年

二年 薛巒 本傳降爲平溫子尙書郎秦州刺史隴西鎮將帶隴西太守遷平北肆州

正光元年

二年 河間王琛 册府元龜河間王琛孝明

時爲秦州刺史時東益南秦二州氏反詔琛爲都督進討各羌大被摧破士卒死者千數率衆走還爲中尉糾彈會赦除名爲民

三年 河間王琛 本傳琛與劉騰爲養息賂

騰金寶巨萬計騰屢爲之言乃得兼都官

尚書出爲秦州刺史在州聚斂百姓吁嗟

四年 李彥 本傳出爲撫軍秦州刺史本紀

正光五年六月秦州城人莫折太提據城

反殺刺史李彥

五年 李彥 北史序傳詔弟彥轉度支尚書

出爲撫軍將軍秦州刺史時破六韓拔陵

反于北鎮二夏幽涼所在蜂起而彥刑政

甚嚴正光五年六月城人薛珍等突入城

門害彥推莫折太提爲帥

孝昌元年 元譚 本傳討杜洛周敗還出爲安西

三年 元譚 將軍秦州刺史卒本紀孝昌二年正月都

督元譚次于軍都爲洛周所敗

永安二年 略超 爾朱天光傳三秦款順秦

州城民謀殺刺史略超走歸天光復與

岳悅等平之

永安二年 略超 爾朱天光傳三秦款順秦

州城民謀殺刺史略超走歸天光復與

岳悅等平之

永安二年 略超 爾朱天光傳三秦款順秦

州城民謀殺刺史略超走歸天光復與

岳悅等平之

史普秦元年改涼州

建明二年 元暹 本紀普泰元年三月己

丑以渭州刺史侯莫陳悅爲儀同三司秦

州刺史

普泰二年 侯莫陳悅

中興二年 侯莫陳悅

永熙二年 侯莫陳悅 本傳永熙初加開府

都督隴右諸軍事仍秦州刺史三年正月

悅誘賀拔岳斬之宇文黑獺至總岳部悅

部衆離散欲向靈州見追騎將及縊死

三年 侯莫陳悅

李弼 周書本傳侯莫陳悅棄秦州南出弼

先據城門擁衆歸太祖太祖仍令弼以本

官鎮原州尋拜秦州刺史

岐州刺史領平秦武功等郡

太和十一年 劉藻 地形志岐州太和十

一年置治雍城鎮

十二年 劉藻 本傳遷雍城鎮將在鎮八年

太和改鎮爲岐州以藻爲岐州刺史轉秦

州

十三年 劉藻

十四年 劉藻

十五年 劉藻

十六年 劉藻

十七年

十八年 皇甫椿齡 魏承祖傳皇甫光兄椿

齡薛安都婿隨安都于彭城內附歷位司

徒諮議岐州刺史光未入朝而椿齡先卒

按景明元年正月裴叔業內附椿齡卒在

先爲岐州在太和末

十九年 皇甫椿齡

二十年 皇甫椿齡

廿一年 北齊書慕容紹宗傳祖郁岐州刺史

廿二年

廿三年 員標 見元顯魏墓誌

景明元年 員標

二年 趙超宗 本傳超宗貨賂太傅北海王

詳詳言之於世宗除征虜將軍岐州刺史

徙河東太守卒官

三年 趙超宗

四年 趙超宗

正始元年 楊津 本傳咸陽王禧謀反拜左

中郎將仍直閣出除征虜將軍岐州刺史

巨細躬親孜孜不倦守令寮佐有贖貨者

未曾公言其罪常以私書切責之官屬咸

厲莫有犯法

二年 楊津

三年 楊津

四年 楊津

永平元年 楊津 本傳以母憂去職延昌末

起爲右將軍華州刺史

二年 楊津

三年 楊津

四年 楊津

延昌元年 趙郡王謐

二年 趙郡王謐

三年 趙郡王謐 本傳遷太子中庶子出為

冠軍將軍岐州刺史肅宗初罷謐州還除
大司農卿

四年 趙郡王謐 本傳為岐州刺史性嚴暴

虐下人肅宗初臺使元延到其州界以驛
邏無兵攝帥檢核隊主高保願列言所有
之兵王皆私役謐大怒鞭保願等五人各
二百又無事而斬六人合城兇懼衆遂大
呼屯門謐懼登樓毀梯以自固靈太后遣
遊擊將軍王靖馳駟諭之城人見靖至開
門謝罪乃罷謐州

熙平元年 趙郡王謐

二年 臨淮王彧

神龜元年 臨淮王彧 河南洛陽新出魏臨

淮王彧墓誌爰屬奉常乃峻戎號周原與
壤華陽令實朱驂再轉皂蓋仍移按華陽

梁州周原岐州彧傳缺略

二年 胡寧 胡僧洗傳子寧襲國珍先爵改

為臨涇伯後進為公歷岐涇二州刺史卒

正光元年

二年 劉道斌

三年 劉道斌 出為恆農太守遷岐州刺史

正光四年卒于州

四年 劉道斌

崔延伯 本傳出為鎮南將軍行岐州刺史

正光五年秋封常利縣男

裴芬之 本紀正光五年十一月戊申莫折
天生攻陷岐州執都督元志及刺史裴芬

之

五年 裴芬之

伊彛生 本傳進號征西將軍行岐州刺史
復為西道都督戰歿

孝昌元年 楊椿 本傳正光五年除南秦州

刺史路阻塞停長安轉授岐州復除撫軍
將軍衛尉卿

魏蘭根 北齊書本傳孝昌中轉岐州刺史

二年 魏蘭根

三年 張燿

魏蘭根 本紀孝昌三年正月虜賊逼岐州

城人執刺史魏蘭根以城應之

杜顥 本傳孝昌二年為西征軍司行岐州

事蕭寶寅起逆顥據州不從還除東荊州

武泰元年 杜顥 本傳武泰中轉岐州刺史永
建安元年 安中除涇州不行乃為都督防守岐
州万俟醜奴攻之不克事寧除征西將軍

光祿大夫

杜顥

永安二年 張燿 本傳永安初除平西將軍

岐州刺史尋加撫軍將軍矜恤貧弱為民
所愛代還

楊侃 未任本傳建義初除東雍州其年州

罷除都督鎮潼關還朝除右將軍岐州刺

史屬元顥內叛為都督鎮大梁

羅鑿 羅結傳從子渥渥子雲雲子蓋宣武

時濟州刺史蓋長子鑿累遷冠軍將軍岐

州刺史入除散騎常侍卒贈司空公以孝

靜外戚

永安三年 賀拔岳 本傳普泰初都督二岐東

建明三年 秦三州諸軍事岐州刺史二年雍州

普泰元年 刺史

中興二年 賀拔岳 本紀普泰元年三月己酉

太昌元年 涇州刺史賀拔岳為儀同三司岐州

永熙元年 刺史二年為雍州

章義遠

永熙二年 章義遠 章閻傳義遠出帝時為

岐州刺史沒關西

楊幼卿 北齊書楊愔傳神武署行臺郎中

轉大行臺右丞韓陵之陣每戰先登表請

解職還葬徵赴晉陽愔從兄幼卿為岐州

刺史以直言忤旨見誅

三年 越特肱 本傳永熙三年七月庚子以
使持節儀同三司岐州刺史越特肱為儀
同三司

華州刺史領華山澄城白水等郡

太和十一年 地形志華州太和十一年分泰

山之華山澄城白水置

十二年

十三年

十四年

十五年 于杲 本傳太和中歷朔華并恆四

州刺史

十六年 于杲

十七年 于杲

十八年 王遇 本傳例降為侯出為安西將

軍華州刺史幽後進幸遣御史免遇官
幽之前廢也遇頗言其過

十九年 王遇

二十年 王遇

廿一年 王遇 按立幽后在二十一年七月

廿二年 裴延儻傳從王父兄宣明位華州刺

史有惠政

廿三年

景明元年 爾朱彥伯傳父買珍世宗時武衛

將軍出為華州刺史

二年 薛真度 本傳景明初豫州大饑詔量

販以聞裴叔業以壽春內附尋遷華州刺

史未幾轉荊州

三年

四年 楊播 本傳景明中使恆州賑恤寒乏

轉左衛將軍出除并州刺史固辭授安西

將軍華州刺史至州借民田為御史王基

所劾削除官爵

正始元年 楊播

二年 楊播

三年 奚康生 本傳蕭衍假宋黑徐州刺史

徑圍高塚戍康生一戰敗之還京宴會召

見賜帛千匹出為平西將軍華州刺史蕭

衍傳奚康生破宋黑在正始三年七月

四年 奚康生

永平元年 奚康生 本紀永平二年正月涇

州沙門劉惠汪聚眾反詔華州刺史奚康

生討之

二年 奚康生

三年 安定王燮 本傳世宗初襲拜太中大

夫除征虜將軍華州刺史燮表曰謹惟州

治李潤堡爰自國初護羌小成及改鎮立

郡依岳立州因藉倉府未刊名實竊見馮

翊古城羌魏兩民之交許洛水陸之際先

漢之左輔皇魏之右翼形勝名都實為西

藩奧府今州之所在居岡飲澗井谷穢雜

升降助勞往還數里未若馮翊而華魏包

澤原井淺池平樵牧饒廣採材華陰陸運

七十伐木龍門順流而下陪削舊雉功省

力易昔宋民無井穿井而忻得人況合城

無水得水而不家慶詔曰一勞永逸便可

聽移後除爾州

四年 安定王燮 金石萃編安定王造像記

皇魏永平四年十月十六日假節督華州

諸軍事征虜將軍華州刺史安定王為亡

祖亡考太傅靜王亡妣蔣妃敬造石窟

延昌元年 安定王燮

二年 夏侯道遷 本傳出為平西將軍華州

刺史轉瀛州

三年 夏侯道遷

四年 楊津 本傳延昌末起為右將軍華州

刺史先是受調絹匹度尺特長津令依公

尺度其輸物尤好者賜以杯酒少劣亦為

受之但無酒以示罰於是官調更勝舊日

楊昱傳神龜二年瀛州民劉宣明謀反事

覺又乃使武昌王和告昱云父定州刺史

椿叔父華州刺史津並送甲仗三百謀圖

不逞

熙平元年 楊津

二年 楊津

神龜元年 楊津

二年 楊津 本傳還拜北中郎將河內太守

正光元年 楊範 靈太后臨朝徵為常侍崇

訓太僕卿賜爵華陰子出為平西將軍華

州刺史父子納貨勞役兵民為御史所糾

範赴京師遂廢于家

二年 穆弼 本傳肅宗初河州羌卻鐵忽反

敕兼黃門尉喻加前將軍尋以本將軍行

揚州事追拜平西將軍華州刺史卒於州

時年五十一

三年 穆弼 太平寰宇記西魏改華州為同

州東城正光五年刺史穆弼築西與大城

通

四年 穆弼

五年 穆弼 北史裴延儻傳從父兄宣明子

景鸞位華州刺史

孝昌元年

二年 崔襲

三年 崔襲 蕭寶寅傳遣張始榮圍華州刺

史崔襲

永安元年 王椿 本傳以預立莊帝勞除使

持節華州刺史轉殷州

二年 孟季 本傳預爾朱榮義舉封鉅鹿縣

公除廷尉卿轉司農卿出為平西將軍華

州刺史卒

永安三年 楊機 本傳出除安西將軍華州刺

史 永熙中衛將軍右光祿大夫

普泰二年 楊機

永熙二年

三年 薛紹宗 北齊書神武紀

王鸞 周書本傳遷涇州未之部屬太祖勳

王遂為大都督鎮華州

怡峯 周書本傳太祖拔回洛復潼關拜安

東將軍華州刺史

夏州刺史領化政關熙金明代名朔方偏城定陽

上郡等郡（先為統萬鎮）

始光元年 常山王素 本紀五月西討赫連

昌六月乙巳入城辛酉班師留常山王素

鎮統萬通鑑素與執金吾桓貸莫雲留鎮

統萬

神龜元年 常山王素

二年 常山王素

三年 常山王素

四年 常山王素

延和元年 常山王素

二年 常山王素

三年 常山王素

太延元年 常山王素

二年 常山王素

三年 常山王素

五年 常山王素 本紀六月西討沮渠牧犍

永昌王健與常山王素二道並進本傳後

拜內都大官

太平真君元年

二年

三年

四年

五年 長孫道生 本紀三月癸丑詔征西大

將軍長孫道生鎮統萬

六年 樓伏連 本傳進爵為王除鎮西大將

軍出鎮統萬

七年 樓伏連 本紀太延元年三月進廣陵

公樓伏連為廣陵王

八年 樓伏連

九年 樓伏連

十年 樓伏連 本傳真君十年薨

十一年 略陽王羯兒

正平元年 南陽王惠壽

正平二年 南陽王惠壽 本紀十一月隴西屠

各王景文叛詔統萬鎮將南陽王惠壽討

平之

二年 南陽王惠壽

興光元年 武昌王提 本傳與淮南王他討

平吐京叛胡遷使持節車騎大將軍統萬

鎮都大將太安元年薨

太安元年 武昌王提

二年

三年

四年

五年

和平元年 陽平王新成 本紀六月甲午詔

征西大將軍陽平王新成等督統萬高平

諸軍出南道討吐谷渾

二年 陽平王新成

三年 陽平王新成

四年 陽平王新成

五年 陽平王新成

六年 陽平王新成 本紀十月徵陽平王新

成入朝

天安元年

皇興元年

二年

三年 長孫觀

四年 長孫觀 本紀二月吐谷渾捨寅不奉

職貢詔使持節征西大將軍長孫觀討之

五年

延興元年 閻虎皮

二年 閻虎皮 本紀正月統萬鎮胡民相率

北叛九月戊申統萬鎮將何間王閻虎皮

坐貪殘賜死

三年

四年

五年

承明元年

太和元年 尉元

二年 尉元 本傳太和初出為使持節鎮西

大將軍開府統萬鎮都將甚得夷民之心

三年進爵淮陽王

三年 尉元

四年 尉元 本傳徵為使持節侍中都督南

征諸軍事征西大將軍大都將餘官如故

元討五固賊桓和等皆平之本紀在四年

十月

五年

六年

七年

八年 元太興

九年 元太興

十年 元太興 按本紀十四年十月京兆王

太興有罪免官削爵

十一年 元太興 本傳拜統萬鎮將改封西

河後改鎮為夏州仍以太興為刺史除守

衛尉卿

十二年 元太興 地形志夏州始光四年為

統萬鎮太和十一年改置

章武王彬 本傳襲爵有武用出為使持節

都督東秦函夏三州諸軍事統萬鎮都大

將夏州刺史以貪憚削封

十三年 章武王彬 本紀三月甲子夏州刺

史章武王彬以貪賊削封

十四年 陸騏驎

十五年 陸騏驎 本傳太和初新平太守以

彭城勳除夏州刺史

十六年

十七年

十八年 穆熊 本傳除燕州刺史遷都督夏

州高平鎮諸軍事鎮統萬夏州刺史又除

侍中中書監穆泰之反削為民元丕傳高

祖還代欲遷都引見留守之官大議燕州

刺史穆熊進曰移都事大臣愚謂為未可

十九年 穆熊

源懷 本傳太和十九年除征北大將軍夏

州刺史轉雍州

二十年 源懷

廿一年

廿二年

廿三年

景明元年

二年 元天琚 本傳除西中郎將世宗時征

虜將軍夏州刺史卒

三年 元天琚

四年 元天琚

正始元年

二年

三年

四年 周書陸騰傳高祖俟東平王祖彌夏州

刺史父旭太和中徵拜中書博士按彌為

夏州當在景明以後

永平元年

二年

三年

四年

延昌元年

二年

三年 封琳 本傳世宗末除後將軍夏州刺

史徵為安東將軍光祿大夫神龜二年卒

四年 封琳

熙平元年 封琳

二年

神龜元年 李肅 本傳熙平初抗辱太傅清

河王憚出為章武內史歲餘遷右將軍夏

州刺史卒

二年 李肅

封軌 本傳司空河清王憚請修明堂詔軌

議以本官行東郡太守尋以前將軍軍行

夏州事好立條教所在有績轉太子僕射

正光元年 李肅

二年 封軌

三年

四年 源子雍 本傳除恆農太守遷夏州刺

史時破落汗拔陵反亂統萬逆胡與相應

接子雍嬰城自守城中糧盡子雍率羸弱

往東州運糧朔方胡帥桑生隨子雍降北

海王顥為大行臺給子雍兵馬時東夏合

境反叛子雍轉戰而前仍平東夏征稅租

粟運於統萬於是二夏漸寧

五年 源子雍

孝昌元年 源子雍

二年 源子雍 本傳及蕭寶寅等為賊所敗

宿勤明達遣息率眾邀路關內騷擾咫尺

不通子雍率夏州募義之民鼓行而南攻

賊帥契官斤於楊氏堡勝之除使持節都督兼行臺尚書

三年 源子雍 本紀正月蕭寶寅大敗于涇州

武泰 建義元年 穆清休 穆壽傳子應國應國子度 孤度孤子清休頗有將略司農少卿

武衛將軍左光祿大夫出為驃騎大將軍 夏州刺史按夏州並非大州太和以後為之者多征虜及左右前後等將軍驃騎位次大將軍魏末授者乃多當在永安後

永安二年 穆清休 永安三年 斛拔彌突

建明二年 斛拔彌突 周書文紀太昌元年賀 中興元年 拔岳為關西大行臺太祖領岳府司

馬既至并州還謂岳曰夏州刺史斛拔彌突常懷異望今若扼其要害收其士馬以實吾軍西輯氏羌北撫沙塞匡輔魏室此桓文舉也

中興二年 斛拔彌突 太昌元年 宇文泰 永熙元年 宇文泰

永熙二年 宇文泰 周書文紀岳表太祖為 武衛將軍夏州刺史太祖至河西流民伊 利望風款附

三年 宇文泰 拔也惡蚝周書文紀永安三 年二月侯莫陳悅害岳太祖赴平涼四月 至水洛以夏州刺史拔也惡蚝鎮南秦州 涼州領武威安臨松建昌番和泉城武興昌松 東涇涼寧張掖一郡

太延五年 樂平王丕 本紀八月丙申車駕 至姑臧九月丙戌牧健面縛軍門十月辛

西留樂平王丕鎮涼州 太平真君元年 永昌王健 本紀四月丙戌

詔撫軍大將軍永昌王健等督諸軍討保 周 尉眷 本傳沮渠保周自殺詔眷留鎮涼州

加都督涼沙河三州諸軍事安西將軍轉 敦煌鎮將本紀是年七月癸丑保周自殺 二年 永昌王健 本紀九月戊戌永昌王健 薨沮渠蒙遜傳真君初沮渠無諱圍酒泉 時永昌王健鎮涼州是年十一月爰眷平 酒泉亦見本紀

張珍 三年 張珍 張纂傳祖珍世祖時拜中書侍 郎真君元年關右慰勞大使二年拜使持節

鎮西將軍涼州刺史卒按地形志涼州太和 中復但檢覈紀傳太和以前稱涼州刺史者 頗多張珍亦其一 四年 高湖傳世祖時除涼州鎮都大將鎮姑 臧有惠政卒年七十

五年 六年 七年 八年 九年 十年

穆顛傳徵拜殿中尚書出鎮涼州所在 著稱還加散騎常侍領太倉尚書高宗時

為征西大將軍 十一年 正平元年 叔孫隣傳襲父爵降丹陽公稍遷 北部尚書轉尚書令出為涼州鎮大將加 鎮西將軍競貪財貨與鎮副將奚牧相糾 發坐誅

興安元年 二年 南平王渾 河南洛陽新出魏敦煌鎮 將元倪墓誌祖使持節都督涼州及西戎 諸軍事領護西域校尉征西大將軍儀同 三司涼州刺史南平康王

興光元年 太安元年 南平王渾 本傳鎮和龍徙涼州 鎮將都督西戎諸軍事領護西域校尉臨 鎮清慎恩著涼土更滿還京父老皆涕泣 追送若違所親

二年 南平王渾 三年 南平王渾 四年 南平王渾 五年 和乎元年

二年 穆顛傳子栗涼州鎮將安南公 三年 四年 五年 六年

淮南王佗 本紀和平六年五月壬子 以淮南王佗為鎮西大將軍儀同三司鎮 涼州

天安元年 淮南王佗 本傳高宗時轉使持

節都督涼州諸軍事鎮西大將軍高祖初

入爲中都大官

皇興元年 淮南王佗

二年 淮南王佗

三年 淮南王佗

四年 淮南王佗

延興元年 南安王楨 本傳高祖即位除涼

州鎮都大將尋以綏撫有能加征西大將

軍領護西域校尉涼州刺史本紀在十月

庚寅

二年 南安王楨

三年 南安王楨

四年 南安王楨

五年 南安王楨 本傳徵爲內都大官

承明元年 南安王楨

汝陰王天賜 本紀七月甲辰以汝陰王天

賜爲征西大將軍

太和元年 汝陰王天賜 葉氏恭綽藏魏元

始和墓誌故使持節侍中征西大將軍儀

同三司領護西域校尉都督涼州諸軍事

汝陰王天賜之孫

南安王楨

二年 汝陰王天賜

三年 汝陰王天賜

四年 汝陰王天賜 刁雍傳子紹汝陰王天

賜涼州征西府司馬

五年 汝陰王天賜

六年

七年

八年

九年 元鸞 地形志涼州神廳中爲鎮太和

中復按志文有誤當曰太延五年爲鎮

十年 元鸞 高祖時外都大官出爲使持節

征西大將軍領護西戎校尉涼州鎮都大

將改鎮爲州以鸞爲涼州刺史姑臧鎮都

大將後朝于京師會車駕南討

十一年 城陽王鸞

十二年 城陽王鸞

十三年 城陽王鸞

十四年 城陽王鸞

十五年 城陽王鸞

十六年 城陽王鸞

十七年 城陽王鸞

十八年 樓毅

十九年 樓毅 本傳轉都督涼河二州諸軍

事涼州刺史太和二十一年卒

二十年 樓毅 本傳車駕南伐毅表諫曰京

邑新遷百姓易業公私草創生途索然兼

往歲弗稔民多饑饉宜遵養時晦以待後

日

廿一年 樓毅

廿二年

廿三年 安樂王詮

景明元年 安樂王詮 魏驃騎將軍安樂王

詮墓誌奉迎七廟頌之敕兼侍中除使持

節都督涼州諸軍事涼州刺史

二年 安樂王詮 册府元龜安樂王長樂子

詮宣武初爲涼州刺史政以賄成

三年 安樂王詮 墓誌進號平西將軍正始

中平南將軍攻圍鍾離

四年 安樂王詮

正始元年 元紹 本傳遷尙書右丞檢趙修

獄卒于涼州刺史

二年 元紹 按趙修之死在景明四年

三年 司馬仲明 本傳出爲征虜將軍涼州

刺史坐貪殘爲御史所彈遇赦免積年不

敘後娶靈太后姊爲繼室除武衛將軍

四年 高雙

永平元年 高雙 本傳北海王詳錄尙書除

司空長史遷太尉長史出爲征虜將軍涼

州刺史以罪免按本紀正始四年九月高

陽王雍爲太尉

二年 高雙

三年 高植 見金石萃編高植墓誌

四年 穆鑣

延昌元年

二年 穆鑣 本傳肅宗時除平北并州

三年 穆鑣

四年 穆鑣

甄琛

元和

熙平元年 元和 本傳肅宗時出爲輔國將

軍涼州刺史坐事免按楊昱傳和以誣告

楊昱藏隱劉宣明免官在神龜二年

二年 元和 本傳停中山久之乃赴洛除鎮

西將軍涼州刺史猶以高氏之泥不欲處

之於內尋徵拜太常卿

崔游 本傳熙平末河東太守遷涼州刺史

母憂解任

神龜元年

二年 袁翻 本傳出為平陽太守神龜末遷

冠軍將軍涼州刺史時蠕蠕主阿那瓌婆

羅門並以國亂來降翻表曰西海郡本屬

涼州今在酒泉直抵張掖西北一千二百

里去高車所住金山一千餘里正是北虜

往來之衝要漢家行軍之要道土地沃衍

大宜耕殖非但今處婆羅門於事為便即

可永為重戍鎮防西北且西海北垂即是

大積野獸所聚千百為羣正是蠕蠕射獵

之處殖田以自供藉獸以自給彼此相資

足以為固朝議是之還拜吏部郎中按婆

羅門降在正光二年五月

正光元年 袁翻

二年 袁翻

石士基 張普惠傳正光二年涼州刺史石

士基行臺元洪超並賊貨被緹

尉聿 本傳元又秉權聿獨長揖不拜出為

平西將軍涼州刺史涼州緋色天下之最

又送白綾二千匹令染聿拒而不許又諷

御史劾之驛徵至京覆驗無狀將還任卒

于州

三年 尉聿 本傳聿字成興洛陽伽藍記洛

陽永和里涼州刺史尉成興等宅皆高門

華屋

四年 宋穎 本傳貨劉騰為冠軍將軍涼州

刺史

五年 宋穎 吐谷渾傳秦州城人莫折念生

反涼州城人萬于菩提等囚刺史宋穎吐

谷渾傳萬于菩提等囚宋穎密求救于

伏連籌親率大衆救之遂獲保全

孝昌元年 宋穎

二年

三年

武泰

永安元年

永安二年

永安三年 劉貴 北齊書本傳永安三年為涼

州刺史山石刻叢編劉懿誌莊帝之

初以勳奏義舉封敷城縣開國伯除左中

郎將左將軍進爵為公拜散騎常侍撫軍

將軍除使持節都督涼州諸軍事本將軍

涼州刺史進鎮西將軍又為征南將軍兼

尚書右僕射西南道行臺按劉懿即劉貴

見山西通志金石記

建明二年 汝陽王暹 本傳普泰元年除涼州

刺史貪暴無極欲規府人及商胡富

人財物詐一臺符詐諸豪云欲加賞一時

屠戮所有資財生口悉沒自入孝靜時位

侍中錄尚書事

普泰二年 李叔仁 北史本傳節閔帝初加散

騎常侍開府後除涼州刺史遣使密

通款于東魏事覺見殺

永熙二年 李叔仁

三年 李叔仁 北史本紀魏文帝大統三年

三月以涼州刺史李叔仁為司徒按後魏

方鎮年表止于永熙三年七月其八月以

後方鎮除罷當分列東魏西魏

梁州刺史領晉昌襲中安康漢中華陽金城魏明

等郡（先治仇池為仇池鎮將領天水武都武階

修武仇池廣業等郡後改治漢中）

太平真君三年 本紀七月丙寅詔安西將軍

建興公古弼督隴右諸軍從祁山南入征

西將軍淮陽公皮豹子與瑯邪王司馬楚

之等督關中諸軍從關中西入具會仇池

皮豹子 本傳真君三年劉義隆遣將裴方

明等陷仇池世祖徵豹子復其爵位尋拜

使持節仇池鎮將

四年 皮豹子 本傳太平真君四年正月豹

子進擊樂鄉大破之進軍下辦義隆使其

秦州刺史胡崇之鎮仇池懼不敢進方明

益其軍而遣之豹子與司馬楚之至于濁

水擊擒崇之盡虜其衆進至高平義隆將

姜道祖降仇池平尋除都督秦雍荆梁益

五州諸軍事進號征西大將軍開府仇池

鎮將持節如故

五年 皮豹子

六年 皮豹子

七年 皮豹子

八年 皮豹子

九年 皮豹子

十年 皮豹子

十一年 皮豹子

正平元年 皮豹子

興安元年 皮豹子

二年 皮豹子 本傳興安二年義隆遣其將

蕭道成王虬等入漢中別令楊文德等率

諸氏羌圍武都豹子表曰義隆增兵運糧

志在送死臣所領之衆本自不多惟仰民

兵專恃防固統萬安定二鎮之衆從戎以

來經三四歲長安之兵役過朞月未有代

期衣糧俱盡形顏枯悴窘切戀家逃亡不

已蕭道成等進圍武都已經積日外寇兵

強臣力寡弱今事已切急若不馳聞損失

城鎮恐招深責願遣高平突騎二千齎糧

一日速赴仇池須上邽安定戎兵至可得

自全糧者民之命也仇池本無儲積今歲

不收若高平騎至不知云何以得供援請

遣秦州之民送軍祁山臣隨迎至詔高平

鎮將苟莫干率騎二千以赴之道成等乃

退徵豹子爲尙書

興光元年

太安元年 新出魏侍中大司馬華山王妃故

公孫氏慕誌祖順字順孫給事中義平子

夫人河南長孫氏父諱壽字敕斤陵散騎

常侍左光祿大夫都督秦雍荊梁益五州

諸軍事征西將軍仇池東陽鎮都大將征

東將軍都督青州諸軍事青州刺史蜀郡

公諡曰莊王按魏書蕭宗紀有益州刺史

長孫壽官位無如此之崇且其時仇池已

改置南秦州此所列長孫壽似當在元魏

高宗顯祖時爲仇池鎮都大將今附于此

二年

三年

四年

五年

和平元年

二年

三年

四年

五年

六年

天安元年

皇興元年

二年

三年

四年

五年 伏阿奴

延興元年 伏阿奴 呂羅漢傳仇池氏羌叛

逆賊帥蠻廉符祈等皆受劉昱官爵略陽

公伏阿奴爲都將與羅漢赴討所在破之

二年 伏阿奴

三年 皮喜 本傳高祖初吐谷渾拾寅部落

飢窘侵掠澆河大爲民患詔假喜平西將

軍領涼州枹罕高平諸軍與上黨王長孫

觀討拾寅又拜使持節侍中都督秦雍荆

梁益五州諸軍事本將軍開府仇池鎮將

喜至申恩布惠夷民大悅曾帥強奴子等

各率衆歸附於是置固道廣業二郡以居

之徵爲南部尙書

四年 皮喜

五年 皮喜

承明元年

太和元年 皮喜 北史皮喜傳太和元年宋

葭蘆戍主楊文度遣弟鼠據仇池詔懷喜

討鼠鼠棄城南走懷喜追奔攻拔葭蘆城

又詔于洛谷築城懷喜表求待來年詔責

之轉豫州

二年 皮喜

三年 皮喜

四年 按皮喜傳有平西將軍楊靈珍穆亮傳

有仇池副將楊靈珍今附于此

五年

六年

七年

八年 穆亮 本傳除都督秦梁益三州諸軍

事征南大將軍領護西戎校尉仇池鎮將

時宕昌王宕彌機死子彌博立爲吐谷渾

所逼來奔仇池亮以彌機兄子彌承戎民

歸樂表請納之高祖從焉於是率騎三萬

次于龍鵠擊走吐谷渾立彌承而還是時

階陵比谷羌董耕奴斯卑等率衆數千人

寇仇池屯于楊遐嶺亮副將楊靈珍率騎

擊走之氏豪卜自延興以來從軍二十一

戰前來鎮將仰而不開亮表卜為廣業太

守豪右咸悅境內大安徵為侍中尚書右

僕射本紀太和九年七月癸未遣使拜宕

昌王梁彌機兄子彌承為其國王

九年 穆亮

十年 穆亮

十一年 臨淮王提 地形志真君七年置仇

池鎮太和十二年為梁州

十二年 臨淮王提 本紀十一月梁州刺史

臨淮王提坐貪縱徙北鎮

任城王澄

十三年 任城王澄 本傳以氏羌反叛除都

督梁益荆三州諸軍事征南大將軍梁州

刺史文明太后引見澄誠厲之後轉征東

大將軍開府徐州刺史

十四年 元衍 本傳字安樂賜爵廣陵侯位

梁州刺史請假王以崇威重詔所請不合

轉徐州

十五年 元英 本傳安南王楨子英高祖時

遷都督梁益寧三州諸軍事安南將軍領

護西戎校尉仇池鎮都大將軍梁州刺史

十六年 元英

十七年 元英

十八年 元英 本傳表求進討遂圍南鄭九

十餘日被救班師英自殿後全軍而還

十九年 元英 本傳以功遷安南大將軍賜

爵廣武伯

二十年 元英 本傳在仇池六載父憂解任

安南王楨傳太和二十年五月薨

廿一年 李崇 本紀八月詔河南尹李崇討

梁州叛羌本傳南討漢陽崇行梁州刺史

克武興以崇為都督梁秦二州諸軍事梁

州刺史

廿二年 李崇

廿三年 李崇

景明元年 李崇 本傳世宗初徵為右軍將

軍

楊椿 本傳降寧朔將軍梁州刺史楊集始

降以母老解還

二年 楊椿

李煥 本紀正始二年十一月戊辰朔楊集

起謀反李煥傳除輔國將軍梁州刺史楊

集起舉兵假煥平西將軍討破之

三年 李煥 本傳會秦州民呂苟兒反煥平

之還朝遇患卒

四年 楊椿 本紀正月乙亥梁州民楊會反

詔行梁州事楊椿討之

正始元年 邢辯 邢辯傳夏侯道遷以漢中

內附詔加辯使持節都督征梁漢諸軍事

假鎮西將軍關城降拜使持節安西將軍

梁秦二州刺史

二年 邢辯 地形志梁州蕭衍梁秦二州正

始初改置

三年 邢辯 本紀正月壬申梁秦二州刺史

邢辯克武興邢辯傳徵受度支尚書傳永

本傳除太中大夫行梁秦二州事代邢辯

鎮漢中後還京師

羊祉

四年 羊祉 金石萃編石門銘皇魏正始元

年漢中獻地襄斜始開梁秦初附朝難其

人三年詔梁秦二州刺史泰山羊祉建旗

幡漾蓋有叔子之風焉天險難并轉輸艱

阻表求自迴車以南開創舊路就方軌之

逸詔遣左校令賈三德領其事起四年十

月十日訖永平二年正月畢功開廣四丈

路廣六丈棧二百餘里連轉並輿而進往

哲所不工前賢所輟思莫不流通焉畜產

鹽鐵之利執錦屬駝之饒充物川內四民

富實

永平元年 羊祉

二年 羊祉

三年 羊祉

四年 羊祉 本傳為御史中尉王顯所彈免

延昌元年 薛懷吉 册府元龜懷吉延昌中

為梁州刺史秦氏攻逼武興擊平之

二年 薛懷吉 本傳延昌中除梁州刺史正

光初除後將軍汾州刺史

三年 薛懷吉

四年 薛懷吉 本紀延昌四年四月梁州刺

史薛懷吉破叛氏於沮水

熙平元年 薛懷吉

二年 薛懷吉

神龜元年 薛懷吉

二年 薛懷吉

臨淮王彧 河南新出魏臨淮王墓誌華陽

令實皂蓋仍移六條克宜萬里載穆宗伯

之任親屬斯典乃捨蕃闌來游卿寺俄居

大理是或由梁州入為宗正廷尉二卿

正光元年 臨淮王彧 食貨志魏漢中舊有

金戶千餘家於漢水沙淘金後臨淮王彧

為梁州刺史奏罷之

二年 元恆 獠傳傳豎眼往撫獠拜迎道路

及元恆元子直相繼為梁州並無德績諸

獠苦之

三年 元恆

四年 元子直 匈奴齋藏石記賈瑾墓誌為皇

宗英彥元恆之所友愛就家引為征東府

參軍入省為散騎侍郎後為帝兄涼州抑

為錄事參軍按涼當作梁

五年 元子直 本傳出為冠軍將軍梁州刺

史未幾遇患優游南鄭無多政績徵還京

師病卒鹿念傳為真定公元子直國中尉

子直出鎮梁州念隨之州州有兵糧和糴

者靡不潤屋念獨不取

傳豎眼

孝昌元年 傳豎眼 本紀孝昌元年三月姜

平洛等寇直城梁州刺史傳豎眼大破之

二年 傳豎眼 本傳益州平轉安西岐州刺

史仍轉梁州刺史假鎮軍將軍督梁益巴

三州

三年 傳豎眼

武泰 傳豎眼 通鑑七月以梁州刺史傅

建安 元年 豎眼為行臺豎眼卒

永安二年 寇僞 周書寇僞傳永安二年出

為左將軍梁州刺史梁將曹瑛之鎮魏興

僞遣長史杜休道攻克其城僞在州清苦

不治產業秩滿還

永安三年 寇僞 本紀永安三年春正月己丑

梁州刺史元僞等討嚴始欣斬之按元僞

當作寇僞

董紹 本傳永安中除安西將軍梁州刺史

前廢帝以元字代之

建明二年 董紹 本傳除梁州假撫軍將軍兼

普泰元年 尚書為山南行臺頗有清稱

元字 按字傳不言為梁州

普泰二年 元字

太昌元年 元羅 本傳出帝時遷尚書令尋除

永熙元年 元羅 本傳出帝時遷尚書令尋除

使持節驃騎大將軍開府儀同三司梁州

刺史

永熙二年 元羅

三年 元羅 本傳出帝時除尚書令尋除開

府梁州刺史孝靜初蕭衍遣將圍偃羅以

州降梁書本紀大同元年十一月壬戌北

梁州刺史蘭欽攻漢中克之魏梁州刺史

元羅降

益州刺史領東西晉壽新巴南白水永熙等郡

正始元年 地形志益州正始中置

二年 羊祉 正始二年王師伐蜀以祉為益

州刺史

三年 羊祉 本傳轉昭武將軍益州刺史進

號冠軍將軍

四年

永平元年 傳豎眼

薛懷吉 本傳永平初分梁州晉壽為益州

除征虜將軍益州刺史以元愉未平中山

王英討之詔為英軍司按懷吉未任

二年 傳豎眼 本傳豎眼清素不營產業衣

食之外俸祿粟帛皆以餉賜夷首賑恤士

卒撫蜀人以恩信為本保境安民不以小

利侵竊檢勒部下守宰肅然遠近雜夷相

率款謁

三年 傳豎眼

四年 傳豎眼 本傳高肇伐蜀假豎眼征虜

將軍領兵先討北巴蕭衍遣寧州刺史任

太洪自陰平入益州乘國諱班師破東洛

除口二戍太洪率氏蜀數千圍逼關城豎

眼遣統軍姜喜季元度從東溪潛入回出

西崗邀賊之後表裏合擊大破之太洪及

關城五柵一時逃散

延昌元年 傳豎眼

二年 傳豎眼

三年 傳豎眼 冊府元龜傳豎眼為益州刺

史屢請解州以元法僧代之本紀十一月

詔平蜀益州刺史傳豎眼出北熙平元

年正月蕭衍遣張齊寇益州刺史傳豎眼

討之齊遁

四年 傅豎眼

元法僧 本傳轉龍驤將軍益州刺史素無

治幹加以貪虐閣境皆反蕭衍遣將張齊

攻信傅豎眼頻破齊法僧由是獲全

熙平元年 元法僧

傅豎眼 本紀四月召鎮南軍司傅豎眼於

淮南為益州刺史本傳張齊進圍州城朝

廷以西南為憂乃驛徵傅豎眼於淮南既

至以為右將軍益州刺史尋加散騎常侍

平西將軍假安西將軍西征都督蕭衍梁

州刺史任太洪等十餘將所在拒塞豎眼

三日之中轉戰二百餘里頻致九捷斬太

洪等首張齊乃阻白水屯寇葭萌豎眼分

遣諸將水陸討之齊奔竄而退小劍大劍

賊亦捐城西走益州平

二年 傅豎眼 本傳靈太后賜驍馬一匹

豎眼表求解州不許

神龜元年 傅豎眼

二年 傅豎眼

正光元年 傅豎眼

二年 傅豎眼

三年 傅豎眼

四年 傅豎眼

五年 傅豎眼

郗虬 按郗虬附見崔延伯傳

孝昌元年 郗虬 本紀孝昌元年四月蕭衍

益州刺史蕭淵猷遣將率衆圍小劍成益

州刺史郗虬遣子子遠行臺魏子建遣別

將淳于誕拒擊之

二年 郗虬

三年

武泰元年 長孫壽

永安二年 長孫壽

本紀三年正月益州刺

史長孫壽討嚴始欣斬之

三年 長孫壽

建明元年 薛懷儁 薛真度傳子懷儁撫軍

將軍出為征南將軍益州刺史天平初代

還至梁州與刺史元羅俱為蕭衍將蘭欽

所擒

建明二年 薛懷儁 册府元龜薛懷儁為益州

中興元年 刺史代還至梁州與刺史元羅俱為

梁將所擒

薛懷儁

永熙二年 薛懷儁

傅敬和 傅豎眼傳長子敬和為益州刺史

至州聚斂無已遠近失望

三年 傅敬和 通鑑大同元年七月益州刺

史鄱陽王範南秦州刺史樊文熾合兵圍

晉壽魏益州刺史傅敬和來降按揚梁益

諸州魏多因蕭齊蕭梁方鎮內附乃得其

地泊魏末大亂梁復取之雖南北得失皆

因時勢而魏用人失選無以保民亦一大

因袁翻傳後議選邊戍事翻議曰自容明

纂御風凝化遠威厲秋霜惠霑春露故能

使淮海輸誠華陽卽序連城請面比屋歸

仁懸車劍閣豈伊曩載鼓譟金陵復在茲

日然荆揚之牧宜盡一時材望梁郢之君

尤須當今秀異自比沿邊州郡官至便登

疆場屯戍階當卽用或值穢德凡人或遇

貪家惡子不識字民温恤之方惟知重役

殘忍之法廣開戍邏多置將領或用其左

右姻親或受人財貨請屬無防寇禦賊之

心有通商聚斂之意其勇力之兵驅令抄

掠若值強敵卽為奴虜如有執獲奪為己

富其羸弱老小之輩微解金鐵之工少開

草木之作無不搜營窮壘苦役百端自餘

或伐木深山或耘草平陸販賣往還相望

道路此等祿既不多資亦有限皆收其實

絹給其虛粟窮其力薄其衣用其工節其

食綿冬歷夏加之疾苦死于溝瀆者常十

七八焉是以吳楚間伺審此虛實皆云糧

匱兵疲易可乘擾故累犯疆場頻年以來

甲冑生蟻十萬在郊千金日費為弊之深

一至于此皆由邊任不得其人故延若斯

之患愚謂自今以後荆揚徐豫梁益諸藩

及所統郡縣府佐統軍至于戍主皆令朝

臣王公以下各舉所知必選其才不拘階

級若能統御有方清高獨著威足臨戎信

能懷遠撫循將士得其忻心不營私利專

營公業者就加爵賞使久於其任以時褒

賚厲其忠款所舉之人亦垂優異獎其得

士嘉其誠節若不能一心奉公才非捍禦

貪憚日富經略無聞人不見德兵屨其勞

者卽加顯戮用彰其罪所舉之人隨事免降責其謬薦罰其僞薄如此則舉人不得挾其私受任不得孤其舉善惡既審沮勸亦明庶邊患永消議攸息矣詳釋此議魏之邊吏不知恤民苦役憚財至于如此邊鎮復失當然之理茲特錄之使後來者知儆戒焉

元魏方鎮年表卷下河北諸州 江寧吳廷燮撰
恆州刺史領代善無梁城繁時高柳靈邱平齊桑乾等郡

太和十八年 陸叡
十九年 陸叡 水經注平城縣司州代尹治

皇都洛陽以爲恆州陸叡傳除使持節都督恆肆朔三州諸軍事恆州刺史行尙書令十九年表曰長江巨防難以力屈豈必茲年競斯尺寸惟願顧存近救納降而旋從之叡表請軍駕還代臨太師馮熙之喪削都督三州諸軍事尋除都督恆朔二州諸軍事進號征北大將軍穆泰請恆州以叡爲定州

二十年 穆泰 任城王澄傳穆泰謀反行恆州事本紀十二月戊辰恆州刺史穆泰在州謀反
任城王澄

廿一年 任城王澄 本傳尋正尙書

于臬 元丕傳十八年大議遷都尙書于臬以爲不可于烈傳弟果守尙書太和中歷朔華并恆四州按卽于臬之誤

廿二年 于臬
廿三年 元纂

景明元年 元纂 元纂傳出爲安北將軍平州刺史景明元年薨于平城按平州當作恆州地形志天興中置司州治代都平城太和中改孝昌中陷
二年 元嵩 本傳按恆州所領善無梁城等

郡地形志皆云天平立實則魏初已有水經注有涼城平齊桑乾諸郡高柳靈邱善無繁時亦見紀傳可信皆非東魏所置又隋書地理志有神武一郡今從闕

三年 元嵩 本傳蕭衍克建業除平北將軍恆州刺史轉徐州

四年 于敦 本傳景明中假節行并州事除征虜將軍恆州刺史卒官

正始元年 于敦
二年 册府元龜陳留王崇孫琛恆朔二州刺史子翌左僕射陸叡傳太和八年有隴西

公元琛
三年 元匡
四年 元匡 本傳除肆州刺史遷恆州刺史

徵爲大宗正卿
永平元年 元匡 任城王澄傳奏曰正始之末詔百司普進一級元匡自征虜恆州入

作宗卿
二年 元繼 本傳轉平北將軍恆州刺史入

爲度支尙書繼在青州家僮取民女爲婦妾坐免

三年 元繼 本紀三年十二月辛巳江陽王繼坐事除名

四年 尉羽 本傳遷洛以山陽在畿內改博

陵郡開國公後爲征虜將軍恆州刺史卒

廣陵王羽傳太和十八年守尙書尉羽降

長兼王師守常侍尙書如故奪常侍祿一周按刺恆州或在景明正始之間今附于

此

延昌元年

二年 封靜 本傳歷位太子左衛率延昌中

三年 封靜 遷平北將軍恆州刺史臨胸都護坐事免

四年 高植 高肇傳子植歷濟青相朔恆五

州皆清能著稱當時號為良刺史

熙平元年 北史慕容紹宗傳父遠恆州刺史

二年 楊鈞 本傳還為廷尉卿拜恆州刺史

轉懷朔鎮將所居以強濟稱

神龜元年 楊鈞 楊昱傳轉太尉兼中書

舍人靈太后謂卿有所聞慎勿諱隱昱於

是奏恆州刺史楊鈞造銀器十具餉領軍

元叉

二年 楊鈞

廣陽王淵 中山王熙傳為相州刺史元叉

殺清河王懌熙乃起兵上表云與并州城

陽王徽恆州廣陽王淵徐州蕭寶寅俱發

正光元年 廣陽王淵 本紀正光元年八月

中山王熙舉兵

二年 廣陽王淵 本傳肅宗初拜肆州後為

三年 元順 本傳領軍元叉威勢尤盛順不

謂叉出除平北將軍恆州刺史順謂叉曰

桑乾舊都根本所繫請假都督又不授

四年 元順 本傳轉安東齊州

司馬仲明

五年 司馬仲明 本傳出為安北將軍恆州

刺史正光五年卒

孝昌元年 元璵

元纂 按廣陽王淵傳破六韓拔陵反叛詔

為北道大都督受李崇節度及崇徵還淵

專總戎政拔陵避蠕蠕南移渡河別將李

叔仁以拔陵來信請求應援淵赴之前後

降附二十萬人淵與行臺元纂表求恆州

北別立郡縣安置降戶隨宜賑賚息其亂

心不從詔遣黃門侍郎楊昱分散之于冀

定瀛三州就食淵謂纂曰此輩復為乞活

矣既而鮮于修禮叛于定州杜洛周反于

幽州按此為魏末河朔治亂一大關鍵今

附列于此

二年 元纂 本紀七月戊申恆州陷行臺元

纂奔冀州

元瑱 本傳歷光祿少卿黃門郎出除平北

將軍恆州刺史為大宗正卿封平樂縣公

莊帝初封東海王

三年

武泰 周書韓褒傳父演征虜將軍恆州刺

武泰元年 永安

永安二年 叱列延慶 本傳永安二年除恆

州刺史普泰初進驃騎開府都督恆雲燕

朔四州諸軍事

永安三年 叱列延慶 本傳劉靈助擒除定州

刺史按斬靈助在普泰元年三月

建明二年 于昕 本傳孝昌中使蠕蠕與阿那

普泰元年 于昕 本傳孝昌中使蠕蠕與阿那

北中郎將遷撫軍將軍衛尉卿出為鎮東

將軍殷恆州刺史按孝昌二年置殷州傳

又曰還拜征東將軍領左右天平中卒

普泰 中興二 太昌元 永熙二 年

永熙二年 庫狄干 神武紀天平元年六月

表曰關隴特遠將有逆圖遣恆州刺史庫

狄干擬兵四萬從來遠津渡

三年 庫狄干 地形志天興中置司州治代

郡平城太和中改按後魏初置司州仍沿

魏晉之舊以司隸校尉領之如毗陵王順

傳太祖進封為王位司隸校尉是也孝文

太和中復置司州則曰司州刺史穆亮傳

高祖曰司州始立未有察吏須立中正及

元贊源懷等傳除司州刺史是也但太和

以前斷續不可表今表自改恆州始

朔州刺史領盛樂雲中建安真興等郡

太平真君五年 司馬楚之 本傳車駕伐蠕

蠕詔楚之等督運尋拜假節侍中鎮西大

將軍開府儀同三司雲中鎮大將朔州刺

史

六年 司馬楚之 地形志雲州舊置朔州後

陷永熙中改

七年 司馬楚之 水經注雲中城東八十里

有成樂城今雲中郡治

八年 司馬楚之 水經注雲中宮在雲中縣

故城東四十里見河水篇

九年 司馬楚之

十年 司馬楚之

十一年 司馬楚之

正平元年 司馬楚之

正平二年 司馬楚之

興安元年 司馬楚之

太安元年 司馬楚之

二年 司馬楚之

三年 司馬楚之

四年 司馬楚之

五年 司馬楚之

和平元年 司馬楚之

二年 司馬楚之

三年 司馬楚之 本傳在邊二十餘年以清儉著聞和平五年薨

四年 司馬楚之 本紀十月琅邪王司馬楚之薨

五年 司馬楚之

司馬金龍

六年 司馬金龍 本傳顯祖在東宮擢為太子侍講後襲爵拜侍中鎮西大將軍開府

雲中鎮大將朔州刺史

天安元年 司馬金龍

皇興元年 司馬金龍

二年 司馬金龍

三年 司馬金龍

四年 司馬金龍

皇興五年 司馬金龍

建安二年 司馬金龍

三年 司馬金龍

四年 司馬金龍

五年 司馬金龍

承明元年 司馬金龍

太和元年 司馬金龍

二年 司馬金龍 本傳徵為吏部尚書太和八年薨

三年

四年 司馬躍 本傳金龍弟躍代兄為雲中鎮將朔州刺史

五年 司馬躍 本傳躍表罷河西苑封與民墾殖有司執奏此麋鹿所聚大官取給今若與民至于奉獻時禽懼有所闕躍固請宜以與民高祖從之

六年 司馬躍

七年 司馬躍

八年 司馬躍

九年 司馬躍

十年 司馬躍

十一年 司馬躍

十二年 司馬躍 本傳還為祠部尚書大鴻臚卿潁川王師太和十九年卒按太和九年封皇弟雍為潁川王十八年徙封高陽

十三年 于染干 富平伯于君慕誌後將軍朔州刺史染干之子太和十三年襲富平伯

十四年

十五年

十六年 于杲 本傳太和中歷朔華并恆四州刺史

十七年 陽平王頤 本傳除朔州刺史及恆州刺史穆泰謀反頤密以狀聞帝甚嘉之

十八年 陽平王頤

十九年 陽平王頤

二十年 陽平王頤 按頤自朔州遷定州

廿一年

廿二年

廿三年 侯莫陳相傳父斛古提朔州刺史白水公相七歲喪父

景明元年

二年

三年

四年

正始元年 樓寔 樓伏連傳子真次弟大拔子寔除城門校尉出為征虜將軍平城鎮將遷朔州刺史入為衛尉少卿卒

二年

三年 册府元龜陳留王崇孫琛恆朔二州刺史魏書北史傳均同

四年

永平元年

二年

三年

四年

楊椿 本傳永平初成景儁叛討之不克久之除平北將軍朔州刺史都督朔州

撫冥武川懷朔三鎮三道諸軍事尋加撫軍將軍入除都官尙書

延昌元年 楊椿

二年 楊椿

三年 楊椿

高植

四年 高植 金石萃編植墓誌魏故濟青相

涼朔恆六州刺史

慕容契

熙平元年 慕容契 本傳轉後將軍朔州刺史

史熙平元年卒

二年 北史暴顯傳祖喟仕魏爲朔州刺史因家焉按當在太和中

神龜元年

二年

正光元年 李叔仁

二年 李叔仁 北史本傳除光祿大夫朔州

刺史

三年 李叔仁

四年 婁寶 北史本傳明帝時仕至朔州刺史時人多流散寶安集之殘壞舊宅皆令葺補歲考爲天下最後隨源子邕討葛榮

王師敗績寶囚于榮軍按自費穆後朔州改雲州婁寶當在費穆前

五年 費穆 本傳六鎮叛穆爲別將隸都督

李崇請爲朔州刺史尋改除雲州

孝昌元年 費穆 本傳穆招離聚散頗得人

心時北境州鎮悉皆淪沒惟穆獨據一城

四面抗拒久之援軍不至兼行路沮塞糧仗俱盡穆乃棄城投爾朱榮于秀容

二年 本紀四月朔州城人鮮于阿胡庫狄豐

樂據城反

三年

武泰 爾朱度律 本傳莊帝初轉安北將軍朔州刺史加散騎常侍右衛將軍

永安二年 爾朱度律

永安三年

建明二年

普泰元年

中興元年

中興二年

太昌元年

永熙二年

三年

并州刺史領太原上黨鄉郡樂平襄垣等郡

皇始元年 元素延 本傳皇始元年爲并州

刺史并州守將爲逆素延殺戮過多坐免

本紀九月并州平

二年 元素延 本紀二月并州守將封眞爲

逆刺史元延討平之

奚牧

天興元年 奚牧 本傳太祖征慕容寶略地

晉川獲慕容寶丹陽王買得于平陶以軍

功拜并州刺史賜爵任城公

二年 奚牧 本傳州與姚興接界牧與興書

稱頓首鈞禮興有言於太祖太祖戮之

三年

四年

五年

六年

天賜元年 叔孫建 本傳爲都水使者中領

軍賜爵安平公加龍驤將軍出爲并州刺

史

二年 叔孫建 本傳後坐公事免守鄴城園

三年

四年

五年

永興元年 元六頭 本紀永興二年正月平

陽民黃苗等依汾自固受姚興官號并州

刺史元六頭討平之

二年 元六頭 本紀賀泥傳太宗卽位詔泥

與安同行并定二州奏并州刺史元六頭

等皆伏罪

三年 元六頭

四年 元六頭

五年 元屈 本紀五月庚戌遣元城侯元屈

鎮并州十月丁巳將軍元屈擊叛胡失利

元屈傳時并州刺史元六頭荒淫恣事乃

赦屈令攝州事屈縱酒頗廢政事太宗積

其前後失檻車徵還斬于市

神瑞元年 樓伏連 正月魏并州刺史樓伏

連襲殺夏所置吐京護軍本紀二月西河

胡曹成攻殺屈子所置吐京護軍

二年 樓伏連 本傳爲晉兵將軍并州刺史

招誘西河胡曹成等襲殺赫連所置吐京
護軍太宗嘉之徵爲內都大官

太常元年 苟孤 本傳太宗即位以定策功

拜車騎將軍後除鎮軍大將軍并州刺史
博陵公死之日家無餘財百姓追思之

二年 苟孤

丘堆 本傳姚泓既滅堆留鎮并州赫連屈

丐寇河西堆自并州擊走之

三年 丘堆

四年 丘堆

五年 丘堆

六年 丘堆 本傳世祖監國臨朝堆與太尉

穆觀爲右弼

七年 伊樓拔 宋書索虜傳三月魏主遣并

州刺史伊樓拔助奚斤攻虎牢

八年

始光元年

二年 陳留王崇傳世祖詔襲桓王爵拜并州

刺史有政績從征蠕蠕別督諸軍出大澤

越涿邪山威震漠北薨蠕蠕傳太延二年

陳留王崇從大澤向涿邪山不見蠕蠕而

還

三年 陳留王崇

四年 陳留王崇

神龜元年 陳留王崇

二年 陳留王崇

三年

四年

延和元年 娥清 本傳後詔清鎮并州討山

胡白龍斬白龍父及其將帥遂屠其城

二年 娥清

三年 娥清 本紀三年七月壬午行幸美稷

遂至隰城命諸軍討山胡白龍于西河九

月戊子克之斬白龍及其將帥屠其城

太延元年 娥清 本傳遷平東將軍與古弼

等東討馮文通本紀太延二年三月平東

將軍娥清討馮文通

二年 周書趙剛傳曾祖蔚魏并州刺史未審

其年附此

三年

四年 尉力斤 尉古真傳尉力斤歷位御史

中尉并州刺史賜爵晉陽侯卒尉諾子

五年

太平真君元年

二年 劉羅辰傳子殊輝并州刺史

三年

四年

五年

六年

七年 李寶 本傳真君五年入朝遂留京師

拜外都大官轉鎮南將軍并州刺史

八年 李寶 本傳還除內都大官高宗初代

司馬文思鎮懷荒

九年 李寶

十年 李寶

十一年

正平元年

正平二年

興安元年

興安二年

太安元年 乞伏成龍

二年 乞伏成龍 册府元龜許宗之爲定州

乞伏成龍爲并州刺史太安二年丁零爲

寇成龍等討平之本紀在是年二月

三年

四年 王憲

五年 王憲

和平元年 王憲 本傳加龍驤將軍出爲并

州刺史加安南將軍進爵北海公境內清

肅及還京師以憲元老特賜錦繡禮膳天

安初卒

二年

三年 薛野賭 本傳和平中除平南將軍并

州刺史進爵河東公轉太州刺史卒年六

十一

四年 薛野賭

五年 薛野賭

六年

天安元年 孫茂翹 郭祚傳太原晉陽人弱

冠州主簿刺史孫小委之書記高祖初舉

秀才孫茂翹傳孫小字茂翹

皇興元年 孫茂翹

二年 孫茂翹 本傳出爲冠軍將軍并州刺

史以郭祚爲主簿按祚以弱冠爲并州主

簿死于延昌四年上距皇興二年四十八年

三年 孫茂翹 本傳進爵中都侯州內四郡四百餘人詣闕頌其政化按四郡謂太原

上黨鄉郡樂平襄垣建義元年置在後

四年 孫茂翹

皇興五年 孫茂翹

延興二年 孫茂翹

三年 孫茂翹

四年 孫茂翹 爾朱彥伯傳祖侯真高祖時

并安二州刺史

五年 孫茂翹

承明元年 孫茂翹

太和元年 孫茂翹

二年 孫茂翹

三年 孫茂翹

四年 孫茂翹

五年 孫茂翹

六年 周書趙剛傳曾祖蔚魏并州刺史

七年

八年

九年 華山王鸞墓誌祖陵征虜將軍并州刺

史

十年

十一年 慕儻傳祖辰并州刺史

十二年

十三年

十四年

十五年 王襲 本傳轉并州十七年與駕詣

洛路幸其治供帳粗辦境內清靜高祖頗嘉之而民庶多有立銘置大路虛相稱美

尚書奏免其官詔降二等二十年以事為

中尉所糾會赦免

十七年 王襲

十八年 王襲

十九年 王襲

二十年 于臬

元丕 本傳馮熙薨于代都表求鑾駕親臨

詔曰豈有以天子之重遠赴國舅之喪又

詔以都督領并州刺史以平陽畿甸改封

新興公丕父子不樂遷洛高祖幸平城推

穆泰等首謀子隆超兄弟以謀逆伏誅丕

應連坐免死仍為太原百姓

廿一年 元丕

城陽王鸞 本傳攻赭陽不克降為定襄縣

王以留守之功還復除冠軍將軍河內太

守轉并州刺史世宗初除平東青州

廿二年 城陽王鸞 本紀十九年五月降為

定襄縣王二十年正月壬辰復封城陽王

廿三年 城陽王鸞

景明元年 李韶 本傳世宗初除撫軍將軍

并州刺史以從弟伯尚同元禧之逆徵還

二年 李韶

席法友 本傳轉華州刺史未拜改授并州

刺史歲餘代還

三年 席法友 本傳楊公則寇揚州假法友

征虜將軍討之未至公則敗蕭衍傳正始

二年九月楊公則寇壽春按在并州還後

四年 王仲興 本傳兄可久以仲興故為徐

州征虜府長史帶彭城太守輕侮司馬梁

郡太守李長壽毆折其脅北海王詳厲色

大言仲興是後漸疏出除平北將軍并州

刺史卒

正始元年 王仲興

二年 高聰 于忠傳正始二年秋詔忠以本

官為西道大使劾并州刺史高聰罪二百

餘條論以大辟

三年 高聰 常景傳正始中考論律令敕景

參議護軍將軍高顯卒其兄肇託景及并

州刺史高聰撰碑

四年 高聰

永平元年 高聰 本傳中尉崔亮面陳聰罪

出為平北將軍并州刺史在并州數歲多

不率法再為大使御史舉奏肇每以宗私

相援事得寢緩世宗末拜散騎常侍

二年 秦松 本傳世宗復其爵起為光祿大

夫領中常侍遷平北將軍領長秋卿出為

安北將軍并州刺史卒

三年 秦松

四年 延昌元年 元融 按融章武王太洛長子見

傳 二年 元融 本傳除假節征虜將軍并州刺

史世宗崩兼司空營景陵

三年 元融
四年 元融

穆鏡 册府元龜牧守部穆鏡為平北將軍

并州刺史在公以威猛稱

熙平元年 穆鏡 本傳肅宗世除平北將軍

并州刺史金紫光祿大夫卒年七十四

二年 崔延伯 本傳趙祖悅見俘拜平南將

軍光祿大夫延伯至自淮陽靈太后幸西

林園引見二年除安北將軍并州刺史在

州貪汙聞於遠近還為光祿大夫

神龜元年 城陽王徽 本傳除後將軍并州

刺史州界夏霜禾稼不熟徽輒開倉賑之

先給後奏加安北將軍

二年 城陽王徽 按中山王熙傳正光元年

八月有并州城陽王徽

正光元年 城陽王徽 明亮傳亮在陽平中

山王熙討元叉并州城陽王徽遣使詣亮

亮詭其使辭徵獲免

高綽 本傳出除豫州刺史流民歸附二千

餘戶遷後將軍并州刺史正光三年冬卒

二年 高綽

三年 高綽

四年 楊津 本傳轉平北將軍肆州刺史仍

轉并州刺史將軍如故徵拜右衛將軍孝

昌初加散騎常侍

五年 范紹 本傳出除安北將軍并州刺史

頗得民和山胡來寇不能擊以此損其聲

望復入為太常卿莊帝初遇害河陰

孝昌元年 范紹

二年 范紹

三年 魏承祖 本傳承祖終并州刺史按本

紀承祖孝昌二年十一月為都督救新野

除并州當在三年

武泰元年 元天穆 本傳天穆為爾朱榮腹心

除并州刺史本紀建義元年四月癸

卯并州刺史元天穆封上黨王傳擒葛榮

天穆增封通前三萬戶尋監國史開府世

襲并州刺史

永安二年 元天穆 本傳邢杲破增天穆邑

萬戶元顥乘虛陷滎陽天穆北渡會車駕

于河內莊帝還宮加太宰爾朱榮以兄禮

事之按天穆被殺後莊帝除楊津都督并

肆燕恆雲朔顯汾蔚九州并州刺史未任

永安三年 元天穆 本紀九月辛卯殺天穆穆

建傳行并州事元暉立兼右僕射

長廣王 本紀十月壬申爾朱世隆爾朱兆

共推行并州刺史長廣王暉為主號年建

明本傳出為太原太守行并州事

王綽 王綽傳元暉立除驃騎大將軍并州

刺史

建明二年 爾朱兆 本紀三月癸酉柱國大將

普泰元年 軍并州刺史頴川王爾朱兆為天柱

大將軍本傳前廢帝立授兆都督中外諸

軍事柱國大將軍領軍將軍領左右并州

刺史加都督十州諸軍事世襲并州刺史

普泰二年 爾朱兆 本紀七月爾朱兆大掠晉

中興二年 陽北走并州平

薛循義 慕容紹宗傳與元天穆平邢杲累

遷并州刺史據北史傳紹宗為并州長史

高隆之 薛循義傳從至晉陽行并州事又

從高祖平爾朱兆

永熙二年 高隆之 本傳太昌初驃騎大將

軍出為北道行臺轉并州刺史北齊書神

武紀天平元年六月表曰遣并州刺史高

隆之擬兵五萬以討荊州按高歡初起兵

遙授李元忠族弟密并州刺史及平兆授

密建州

三年 高隆之 北齊書本傳高祖討斛斯椿

為大行臺尙書清河王賈承制拜隆之侍

中尙書右僕射按隆之為并州在永熙元

年六月後

孫騰 北齊書本傳高祖入討斛斯椿留騰

行并州事

冀州刺史領長樂勃海武邑樂陵等郡

皇始元年

二年 長孫嵩 本傳從征中山除冀州刺史

鉅鹿公歷侍中司徒相州刺史

天興元年 王輔 本紀正月廣川太守賀盧

殺冀州刺史王輔渡河奔慕容德

二年 王建 本傳中山平賜爵濮陽公烏丸

庫佺官鳴聚衆為寇詔建討平之遷太僕

徒真定公加散騎常侍冀青二州刺史卒

三年 王建

四年

五年

六年

天賜元年

常山王遵 本傳中山平拜尚書

左僕射加侍中領渤海之合口及博陵渤海羣盜起遵討平之遷州牧天賜四年坐

醉亂賜死

二年

常山王遵

三年 常山王遵

四年 常山王遵

五年

天賜六年

永興二年

長孫道生 本傳太宗即位除南

統將軍冀州刺史世祖即位進爵汝陰公

遷廷尉卿

三年 長孫道生

四年 長孫道生

五年 長孫道生

神瑞元年 長孫道生

二年 長孫道生 張蒲傳太常初丁零翟猛

雀驅吏民入白巖山詔蒲與冀州刺史長

孫道生往討

太常元年 長孫道生 奚和觀傳太宗賜爵

廣興子進宣陽侯領牧官中郎將出為青

冀二州刺史卒附奚斤傳

二年

三年 本紀泰常三年四月遣征東將軍長孫

道生襲馮跋是已去冀州

四年

五年

六年

七年

八年

始光元年 閻大肥 本傳世祖初復與奚斤

討大檀破之還為內都大官出除使持節

青冀二州刺史尋徵還

二年 閻大肥

三年 閻大肥 本傳復出為青冀二州刺史

尋入為內都大官從討赫連昌

四年 閻大肥 本紀始光四年五月西討赫

連昌

安同 本傳世祖即位除青冀二州刺史神

龜二年卒

神龜元年 安同 本傳在冀州年老頗殖財

貨大興寺塔為百姓所苦

二年 安同

三年

四年 陸倕 本傳與安頡攻虎牢克之拜冀

州刺史治為天下第一轉都督洛豫二州

諸軍事虎牢鎮將

延和元年 陸倕

崔頤 本傳世祖聞劉義隆以誣為冀州刺

史乃以頤為平東將軍冀州刺史又為大

鴻臚拜楊難當為南秦王

二年 定州志邸珍碑七世祖蒙魏青冀二州

刺史中山公

三年

太延元年

二年

三年

穆崇傳子顥顥子泥乾為羽林中郎賜

爵臨安男稍除顯職除冀州刺史假鉅鹿

公卒按魏初拜方州者多假公侯太和始

四年

五年

太平真君元年

二年 仇洛齊 本傳從平涼州遷散騎常侍

又加中書令寧南將軍零陵公拜侍中平

遠將軍冀州刺史為內都大官興安二年

卒

三年 仇洛齊

四年 仇洛齊

五年 仇洛齊

六年 仇洛齊

七年 仇洛齊

八年 仇洛齊

九年

十年 薛提 本傳賜爵歷陽侯加晉兵將軍

出為鎮東大將軍冀州刺史進爵太原公

徵為侍中世祖崩

十一年 薛提

沮渠萬年 本傳以先降拜安西將軍張掖

王後為冀定二州刺史

正平元年 沮渠萬年 本紀正平二年正月

冀州刺史沮渠萬年與降民通謀賜死按
本紀南來降民于中山謀叛定州治中疑
萬年已遷定州

^{正平二年}寶璋 本傳蓋吳平留璋鎮長安還

京復為殿中都官恭宗薨出為冀州刺史

清約冲素憂勤王事著稱當時

興安二年 寶璋 本傳還為內都大官興光

初誅

興光元年 外戚傳閻紇弟染位外都大官冀

州刺史江夏公卒

太安元年

二年 源賀

三年 源賀 本傳出為冀州刺史改封隴西

王本紀太安二年十一月源賀改封隴西

王

四年 源賀 本傳賀之臨州鞠獄以情徭役

簡省

五年 源賀 本傳時考殿最賀治在第一賜

衣服器物班宣天下

和平元年 源賀 本傳賀上表請代朝議以

賀得民情不許在州七年徵為太尉

二年 源賀

三年 源賀

四年 源賀

五年 源賀

六年 源賀 刑罰志和平末冀州刺史源賀

上言自非大逆手殺人者乞原其命從之
本傳賀上書曰坐賊及盜與過誤之愆應

入死者皆可原命謫守邊境

天安元年 源賀 本傳徵拜太尉本紀天安

元年三月庚子賀為太尉

皇興元年

二年 韓均

三年 韓均

四年 韓均 本傳均襲安定公征南大將軍

定州刺史轉青冀二州刺史恤民廉謹甚

有治稱廣阿澤在定冀相三州之界土廣

民稀多有寇盜乃置鎮以靜之以均在冀

州劫盜止息除本將軍廣阿鎮大將加都

督三州諸軍事均清身率下明為耳目廣

設方略禁斷奸邪於是趙郡屠各西山丁

零聚黨山澤者均皆誘慰追捕遠近震踴

^{皇興五年}韓均

延興二年 韓均

三年

四年 穆泥乾 本傳穆栗弟泥乾除冀州刺

史假安南將軍鉅鹿公卒穆翰之子

五年

承明元年 任城王雲 本傳復拜中都大官

出為冀州刺史雲留心政事甚得下情於

是合州請戶輸絹五尺粟五升以報雲恩

高祖嘉之遷雍州

太和元年 任城王雲

二年 任城王雲

三年 任城王雲 王琚 本傳為侍中征南將軍冀州刺史

進爵高平王遣還冀州

四年 王琚 本傳高祖文明太后東巡冀州

親幸其家存問周至以其年老拜散騎常

侍養老子家

五年 王琚 本傳爵河內公進為王轉冀州

刺史太和二十年卒本紀太和五年春正

月車駕幸信都

趙黑

六年 趙黑 本傳轉冀州刺史太和六年秋

薨於官

孫茂翹

七年 孫茂翹 本傳遷冀州刺史聲稱少於

前然所在清約

八年 孫茂翹

九年

十年

十一年

十二年 張宗之 本傳入為內都大官出除

鎮東將軍冀州刺史例降為侯太和二十

年卒

十三年 張宗之

十四年 張宗之

十五年 張宗之

咸陽王禧 本紀十五年六月丁未濟陰王

鬱以貪殘賜死

十六年 咸陽王禧 本傳出為使持節開府

冀州刺史高祖餞於南郊又以濟陰王鬱
枉法賜死之事遣使告禧

十七年 咸陽王禧 本傳禧朝京師加都督

冀相兗東兗南豫東荆六州諸軍事有司

奏冀州人稱禧有惠政請世胙冀州入除

司州牧

十八年 咸陽王禧

趙郡王幹 本傳蕭蹟死班師還洛改封趙

郡王除都督冀定瀛三州諸軍事征東大

將軍冀州刺史

十九年 趙郡王幹 本傳後轉特進司州牧

二十年 華山王鷲墓誌父肱征虜將軍冀州

刺史

廿一年 穆亮 本紀七月戊辰以前司空穆

亮為征北大將軍開府冀州刺史本傳世

宗即位遷定州刺史

廿二年 穆亮 本傳徙封頓邱郡開國公以

紹崇爵

廿三年 穆亮

高陽王雍

景明元年 高陽王雍 本傳世宗初遷使持

節都督冀安瀛三州諸軍事征北大將軍

冀州刺史入拜驃騎大將軍司州牧

二年 高陽王雍 本傳雍在二州微有聲稱

三年 高陽王雍

四年 于勁 北史酈道元傳景明中為冀州

鎮東府長史于勁西討關中不至州道元

行事三年為政嚴酷吏人畏之姦盜逃于

他境

正始元年 于勁

二年 于勁 本紀正始三年五月以秦隴未

平詔征西將軍于勁節度諸軍

三年

四年 京兆王愉 本傳攝愉禁中推案出為

冀州刺史

永平元年 京兆王愉 本紀八月癸亥冀州

刺史京兆王愉據州反乙丑假尚書李平

征北將軍行冀州事以討之九月辛巳朔

李平大破元愉于草橋癸卯李平克信都

統軍叔孫頭執愉詔送京師冀州李平

本傳遣兼給事黃門侍郎元梵慰勞徵還

京師

二年 元麗 本傳遷冀州刺史入為尚書左

僕射帝問曰聞在州殺戮無理又大殺道

人對曰臣在冀州可殺道人二百許人亦

復何多帝曰一物不得其所若納諸隍況

殺道人二百而言不多麗脫冠謝

三年 元麗

四年 元麗

延昌元年 元暉 本傳遷吏部尚書出為冀

州刺史暉檢丁戶聽其歸首出調絹五萬

匹然聚斂無極百姓患之

二年 元暉

三年 元暉 本傳肅宗初拜左僕射

四年 元遙 本傳肅宗初遷冀州刺史遙以

諸胡先無籍貫姦良莫辨悉令造籍又以

設籍欲稅之以充軍用胡人共構遙云取

納金馬御史案驗遙坐除名

蕭寶寅 册府元龜將帥部蕭寶寅延昌四

年遷撫軍將軍冀州刺史大乘賊起寶寅

遣軍討之頗為賊破臺軍至乃滅之靈太

后臨朝還京師本紀九月皇太后覽萬幾

熙平元年 本紀熙平二年十月以幽冀滄瀛

四州大饑遣尚書長孫穉等巡撫百姓開

倉賑恤

于忠 本傳出忠使持節都督冀定瀛三州

諸軍事冀州刺史忠以毀之者多懼不免

禍願還京師欲自營救靈太后不許

二年 于忠 本傳四月除右僕射靈徵志熙

平二年冀瀛滄三州大水

神龜元年 李韶

二年 李韶 本傳肅宗初入為殿中尚書行

雍州事後除吏部尚書出為冀州刺史

正光元年 李韶 本傳清簡愛民就加散騎

常侍遷車騎大將軍賜劍佩貂蟬各一具

二年 李韶 靈徵志正光二年夏定冀瀛相

四州大水崔楷傳為左中郎將於是冀定

數州頻遭水害楷上疏曰頃東北數州頻

年淫雨長河激浪洪波汨流川陸連濤原

隰通望彌漫不已汎濫為灾戶無擔石之

儲家有藜藿之色華壤膏腴變為鳥鹵菽

麥禾黍化作萑蒲斯用痛心徘徊潛然停

立也昔洪水為害四載流于夏書九土既

平攸同紀自虞誥亮由君之勤恤臣用劬

勞自比定冀水潦無歲不饑幽瀛川河頻

年汎溢豈時陽九厄會百六鍾期故以人

事而然非爲運極計水之湊下浸潤無間九河通塞屢有變改不可一循古法皆準舊隄何者河決瓠子梁楚幾危宣防既建水還舊迹十數年間戶口豐衍又決屯氏兩川分流東北數郡之地僅得支存及下通靈鳴水田一路往昔膏腴十分病九邑居彫離墳井毀滅良由水大渠狹更不開瀉衆流壅塞曲直乘之所致也至若量其透迤穿鑿溝澮分立堤塹所在疏通預決其路令無停蹙隨其高下必得地形土木參功務從便省使地有金隄之堅水有非常之備鈎連相注多置水口從河入海遠邇逕過瀉其境壅泄此陂澤九月農罷量役計功十月昏正立匠表度縣道能工靡畫形勢郡發明使籌察可否審地推岸辨其脈流樹板分崖練厥從往別使案檢分部是非瞰睇川原明審通塞當境脩治不勞役遠終春自罷未須久功即以高下營田因於水陸水種稻陸藝桑麻必使室有久儲門豐餘積其實上葉禦災之方亦爲中古井田之利卽之近事有可比倫江淮之南地勢洿下雲雨陰霖動彌旬月遙途遠運惟用舟楫南畝畝畝微事未耜而衆庶未爲饑色黔首罕有飢顏豈天德不均致地偏罰故是地勢異圖有茲豐饒臣鄉居水際日親芟殘每思鄭白屢想王李愚誠丹款實希效力有心螢爝乞暫施行使數州士女無廢耕桑之業聖世洪恩有

賑饑荒之士鄴宰深笑息自一朝臣之至誠申于今日詔曰頻年水旱爲患黎民阻飢言念及之是不遑食鑒此事條深協在慮但計畫功廣非朝夕可合宜付外量聞按魏書無河渠志崔楷此疏可見大概昔人云水利一興水害自去定冀幽瀛川渠縈繞最宜興水利乃崔楷行之於魏而不竟徐貞明行之於明亦不竟設皆能終其事燕趙水利奚讓吳楚錄此以著定幽諸州利病所在

三年 李詔 本傳詔以年及懸車抗表遜位優旨不許轉定州

四年 封回 本傳領御史中尉劾奏尙書右僕射元欽除鎮東將軍冀州刺史肅宗末徵爲殿中尙書

五年 封回

孝昌元年 封回

侯剛 本傳元又解領軍出爲冀州刺史剛行在道詔曰剛與權臣元又婚姻朋黨間隔二宮逼脅內外莫大之罪難從宥原可征虜將軍餘悉削剛剛終于家

二年 元孚 潘永基傳出爲長樂太守葛榮攻信都永基與刺史元孚同心防拒至冬力窮乃陷北史元孚傳後爲冀州刺史勸課農桑境內稱慈父鄰州曰神君先是州人張孟都等八家皆屯保林野不臣王命孚至皆請入城願致死效力

三年 元孚 通鑑葛榮圍信都自春及冬冀

州刺史元孚拒守十一月己丑陷以源子邕爲冀州刺史亦見本紀

源子邕 本傳信都城陷除子邕冀州刺史戰敗被害紀在十二月戊申

武泰元年 楊順

永安二年 楊順 楊椿傳元顥入洛椿弟順爲冀州刺史

永安三年 楊順傳累遷太僕卿預立莊帝出爲平北將軍冀州刺史尋進號撫軍將軍罷州還遇害

元嶷

建明二年 元嶷 本紀普泰元年二月高乾邕及弟赦曹夜襲冀州執刺史元嶷推封隆之行冀州事隆之傳中興初拜吏部尙書

高歡 四月癸丑以齊獻武王爲東道大行臺冀州刺史

高敖曹 本紀中興元年十月壬寅以高敖曹爲驃騎大將軍冀州刺史前刺史元嶷爲儀同三司齊獻武王爲丞相

普泰二年 高敖曹

中興二年 高敖曹

太昌元年 高敖曹

永熙元年 高敖曹

永熙二年 高敖曹 七月奔晉陽

尉景 王椿傳永熙中行冀州事

三年 尉景 北齊書神武紀天平元年六月神武表曰遣冀州刺史尉景擬山東兵七萬以征江左按魏始起代北故以河北諸

州為根本元暉傳肅宗初上書論政要其
二曰安人寧邊觀時而動河北諸州國之
根本饑荒多年戶口流散今境上兵復徵
發即如此日何易舉動愚謂數年以來惟
宜靜邊以息召役安人勸農惠此中夏請
嚴敕邊將自今有賊戍求內附者不宜輒
聽援接皆須表聞三曰國之資儲惟藉河
北饑饉積年戶口逃散生長姦詐因生隱
藏出縮老小妄注死失收人租調割入于
己人困于下官損于上自非更立權制善
加檢括損耗之來方在末已請求其議明
宣條格帝納之附列于此

定州刺史領中山常山鉅鹿博陵北平等郡

皇始元年

二年

天興元年

二年 水經注魏皇始二年破中山立安州天

興二年改曰定州治水南盧奴縣之故城

按澹水在盧奴北

三年 劉羅辰 本傳從平中原賜爵永安公

除征東將軍定州刺史卒

四年 劉羅辰 獨孤及贈祕書監獨孤公墓

表其先劉氏羅辰魏永安公征東將軍定

州刺史

五年

六年

天賜元年

二年

三年

四年

五年

天賜六年

永興元年

永興二年

三年 元磨渾 本傳元紹之逆使帳下二人

隨磨渾往規為逆磨渾便縛帳下詣太宗

斬之太宗得磨渾大喜以勳賜爵長沙公

拜尚書出為定州刺史卒

四年 元磨渾

五年 神瑞元年

二年 太常元年

二年

三年

尉古真 本傳太常三年除定州刺史

卒

四年 尉古真

五年 尉古真

六年

七年

八年

始光元年

二年 元纂 本傳世祖踐阼除定州刺史封

中山公進爵為王拜內大將軍

三年 元纂

四年 元纂

神龜元年 獨孤稽 獨孤及贈祕書監獨孤

公墓表征東生萬齡官廷尉生稽善左右

射魏世祖平滑臺以功授散騎常侍歷守

冀定相三州時新定律令慎選廷尉徵公

拜焉刑罰志神龜中詔司徒崔浩定律令

二年

三年

四年 昭成子孫傳寔君孫勿期位定州刺史

賜爵林慮侯卒

延和元年

二年 北史毛遐傳世為舍帥曾祖天愛太武

時為定州刺史

三年

太延元年 乞文

二年 乞文 太平寰宇記易州滿城縣五迴

山水經注云委折五迴下望層山盛若蟻

蛭下有石碑即後魏所立文云皇帝以太

延元年車駕東巡援弓而射飛矢逾于巖

山三百餘步後鎮軍將軍定州刺史樂良

公乞文于射所造亭立碑中山安喜賈聰

書

三年

四年

五年

太平真君元年

真君二年 段霸 本傳出為安東將軍定州

刺史世祖親考內外大明黜陟前定州治

中張渾屯告霸前在定州濁貨貪穢召霸

定對霸不首引世祖由此益怒欲斬之恭

宗進請遂免霸爲庶人

三年 段霸

四年 段霸

五年 段霸

六年

七年

八年

九年 獨孤及贈祕書監獨孤公墓表稽生冀

安南將軍定州刺史

十年

十一年

正平元年

沮渠萬年 本傳後爲冀定二州刺

興安元年 劉尼 本傳後爲冀定二州刺

出爲征南將軍定州刺史徵爲殿中尚書

興光元年 劉尼 本紀興安二年正月東安

公劉尼進爵爲王

太安元年 許宗之 本紀二年二月丁巳丁

零亡匿井陘山爲寇盜命定州刺史許宗

之并州刺史乞伏成龍討平之

二年 許宗之 本傳丁零平宗之因循郡縣

求取不節深澤人馬超毀謗宗之宗之怒

殿殺超上超謗訕朝政高宗曰此必妄也

按驗果然太安二年遂斬于都街

三年

四年

五年

和平元年 乙瓌 本傳尙世祖之女從駕南

征後除征東將軍儀同三司定州刺史爲

西道都將和平中薨

二年 乙瓌

三年 馮熙 外戚傳出爲定州刺史進爵昌

黎王顯祖卽位爲太傅

四年 馮熙

五年 馮熙 本紀和平六年六月封征東大

將軍馮熙爲昌黎王皇興二年二月爲太

傅

六年 和其奴 本傳和平六年高宗崩出爲

定州刺史皇興元年長安鎮將東平王道

符反詔其奴討之

天安元年 和其奴

皇興元年 和其奴

二年

三年 韓均 本傳襲安定公征南大將軍出

爲使持節散騎常侍本將軍定州刺史轉

青冀二州

四年 韓均

皇興五

延興二年

三年 韓均

四年 韓均 本傳又以五州民戶般多編籍

不實以均忠直不阿詔均檢括出十餘萬

戶復授定州刺史輕徭寬賦百姓安之延

興五年卒

五年 韓均

承明元年 安樂王長樂 本紀承明元年十

一月戊子安樂王長樂爲定州刺史本傳

鞭撻豪右頓辱衣冠百姓詣闕訟其過貪

暴彌甚徵

太和元年 安樂王長樂

二年 安樂王長樂

三年 安樂王長樂 本紀九月己未定州刺

史安樂王長樂有罪徵詣京師賜死

趙默 本紀太和元年十月誅李訢

四年 趙默 本傳李訢誅出爲假節鎮南大

將軍定州刺史稱爵爲王高祖幸中山賜

穀帛轉冀州本紀太和五年正月南巡中

山 趙默

五年 趙默 本傳拜尙書令後除安東將軍定州

刺史

六年 陸儁

七年 陸儁

八年 陸儁 本傳轉征東大將軍相州刺史

萬表列爲征東于是年

胡尼

九年 胡尼 本傳遷定州刺史以刑罰酷濫

受納貨賄徵還戮之將就法也高祖臨太

華殿引見遣侍臣宣詔責之遂就家賜自

盡

十年 胡尼

十一年 胡尼

十二年 新唐書宰相世系表宇文賢後魏定

州刺史又比部尚書直力勳生賢

十三年

十四年

十五年

十六年

樓毅 本傳例降為侯出使持節鎮東將軍定州刺史時太極殿成本紀十月庚戌太極殿成

十七年

樓毅

十八年

穆泰 本傳為尚書右僕射出為使持節鎮北將軍定州刺史進征北將軍泰自陳久病乞為恆州遂轉陸叡為定州以泰代焉

十九年

穆泰

二十年

穆泰

陸叡

本傳泰不願遷都叡未發而泰已至遂潛相扇誘圖為叛乃與叡及安樂侯元隆撫冥鎮將魯郡侯元業驍騎將軍元超陽平侯賀頭射聲校尉元樂平前彭城鎮將元拔代郡太守元珍樂陵王思譽等謀推朔州刺史陽平王頤為主頤偽許以安之密表其事高祖乃遣任城王澄率并肆兵以討之泰攻郭門不克為人擒送高祖幸代親見罪人問狀泰等伏誅

廿一年

陽平王頤

甄琛

傳中山人為高祖知賞出為本州征北府長史後為本州陽平王頤衛軍府長史世宗踐阼琛兼中尉

廿二年

陽平王頤

彭城王勰

本傳孝文既葬以勰為

廿三年

彭城王勰

本傳

孝文既葬以勰為

使持節侍中都督冀定幽瀛營安平七州諸軍事驃騎大將軍開府定州刺史按葬長陵在五月

景明元年 彭城王勰 本傳魏朝京師景明初詔都督南征諸軍事

穆亮 本傳世宗即位遷定州刺史尋除驃騎大將軍尚書令

二年 穆亮 本紀十一月以驃騎大將軍穆亮為司空

三年 城陽王鸞 本傳後轉安北將軍定州刺史鸞愛樂佛道積歲長齋繕起佛寺勸率百姓共為土木之勞公私驚擾頗為民患世宗聞而詔曰鸞親惟宗懿作牧大州民物殷繁綏寧所屬宜克己厲誠崇清樹惠乃驟相徵發編戶嗷嗷家懷嗟怨可遣使者以義督責奪祿一周微示威罰

四年 城陽王鸞 正始元年 城陽王鸞

二年 城陽王鸞 本傳轉定州刺史正始二年 年薨

任城王澄 本傳轉澄鎮北大將軍定州刺史初每有橫調百姓煩苦前後牧守未能蠲除澄多所減汰民以忻賴表減公園之地以給無業貧口禁造布絹不任衣者

三年 任城王澄 本傳母孟太妃薨居喪毀瘠

四年 安樂王詮 慕誌除平北將軍定州刺史歲屬灾饑王乃開公廩捨秩粟數萬斛

以饑飢民本傳京兆王愉之反詐言國變在北州鎮成疑朝廷有舛遣使觀證動靜詮具以狀告州鎮帖然

永平元年 安樂王詮 本傳除定州刺史左僕射本紀九月壬辰定州刺史安樂王詮大破元愉于信都河南新出魏安樂王詮墓志除平北將軍定州刺史元愉滔天王忠誠首告敕都督定瀛二州諸軍事氛霧克清除侍中又以安社稷之勳除尚書左僕射

二年 于勁 本傳後為征北將軍定州刺史

卒

三年 于勁

四年 延昌元年 河間王琛

二年 河間王琛 路特慶傳出為華州安定王征虜長史尋以母憂去職仍轉定州河間王琛長史

三年 河間王琛 本傳世宗時拜定州刺史還朝靈太后詔廢于家又曰琛憑恃內外多所受納

四年 河間王琛 崔亮 本紀延昌四年九月趙祖悅襲據碓石詔定州刺史崔亮討之本傳肅宗初出為撫軍將軍定州刺史

熙平元年 楊椿 本傳復以本將軍為定州刺史椿在州因治黑山道餘功伐木私造佛寺役使兵力為御史所劾除名

二年 楊椿 本傳自太祖平中山多置軍府

以相威攝凡有八軍軍各配兵五千食祿

主帥軍各四十六人自中原稍定八軍之

兵漸割南成一軍兵纔千餘然主帥如故

費祿不少椿表罷四軍減其帥百八十四

人州有宗子稻田屯兵八百戶年發夫三

千草常三百車修補畦堰椿以屯兵惟輸

此田課更無徭役及至閑月即應修治不

容復勞百姓椿亦表罷朝廷從之

神龜元年 楊椿 通鑑武昌王和誣告定州

刺史楊椿謀為不逞亦見魏書北史傳

二年 甄琛 本傳除吏部尚書未幾除

征北將軍定州刺史衣錦晝游大為稱滿

治體嚴細甚無聲譽崔光辭司徒之授琛

與光書徵為車騎將軍按崔光以正光二

年四月為司徒見本紀

二年 甄琛 本傳授右光祿大夫出為使持節侍

中都督定幽燕瀛四州諸軍事定州刺史

三年 李崇 本傳徵拜尚書左僕射驃騎儀

同如故加侍中又曰崇在官和厚明於決

斷受納辭訟必理在可推始為下筆不徒

爾收領也

四年 李韶 本傳為冀州刺史轉定州刺史

正光五年四月卒册府元龜李韶為冀州

刺史復轉定州冀州父老皆送出西境而

泣二州境既連接百姓素聞風德州內大

治

五年 李韶

元世遵 本傳除散騎常侍平北將軍定州

刺史百姓安之孝昌元年薨

孝昌元年 元世遵

元固 楊津傳鮮于修禮起于博陵定州危

急回師南赴刺史元固閉門不納河南新

出魏贈雍州刺史元公墓誌公諱固字全

安征西大將軍汝陰王第六子行河南尹

出為鎮北將軍定州刺史後除太常卿以

孝昌三年九月壬戌薨于位

二年 廣陽王淵 本傳鮮于修禮反于定州

以深為定州刺史賊偏中山召還

元罔 本紀孝昌二年正月鮮于修禮反于

定州甄楷傳定州刺史廣陽王淵被徵還

召楷委以州任刺史元罔至楷乃還家

楊津 北史本傳孝昌中北道大都督加撫

軍將軍除定州刺史北道行臺

三年 楊津 北史本傳鮮于修禮杜洛周殘

掠州境孤城獨立洛周圍州城津盡力捍

守加衛將軍兵民給復八年自受攻圍經

歷三稔

武泰 楊津 本紀正月己丑定州為杜洛

建義元年 周所陷執刺史楊津

薛曇尚 本傳建義初後將軍定州刺史本

紀永安三年十一月戊戌以後將軍定州

刺史薛曇尚為北道行臺

夫

永安三年 高次同 高祐傳從弟次同永安末

定州刺史

侯淵 本紀普泰元年三月丙申劉靈助率

衆次於安國城定州刺史侯淵破斬之本

傳元暉授淵驃騎大將軍儀同三司定州

刺史

建明二年 侯淵 本傳前廢帝立仍加開府於

普泰元年 廣阿降齊獻武王

叱列延慶 本傳劉靈助擒除都督恆雲燕

朔定五州諸軍事定州刺史拒義旗於韓

陵戰敗北降齊獻武王

普泰 叱列延慶

中興二年 段榮 北齊書本傳高祖南討鄴留

永熙元年 榮鎮信都仍授鎮北將軍定州刺史時攻

鄴未克所需軍資榮轉輸無闕高祖入洛

轉授瀛州

永熙二年 高琛 北齊書本傳永熙二年除

定州刺史六州大都督琛推誠撫納拔用

人士甚有稱譽

三年 高琛 本傳及斛斯椿等絆結高祖將

謀內討以晉陽根本召琛留掌後事

瀛州刺史領河間高陽章武浮陽等郡

太和十一年 地形志瀛州太和十一年分定

州河間高陽冀州章武浮陽置

十二年 王質 本傳高陽易人出為鎮遠將

軍瀛州刺史在州十年風化粗行察姦糾

隱究其情狀民庶畏服之

十三年 王質

十四年 王質

十五年 王質

十六年 王質

十七年 王質

十八年 王質

十九年 王質

太平寰宇記瀛州河間縣漳
沱河輿地志云漳沱河在今縣西二十里

按河經武垣北後魏太和中刺史王質掘

直之後刺史楊真改曰清寧河

二十年 王質 本傳高祖念其忠勤宿舊每

行留大故馮司徒亡廢馮后陸叡穆泰等

事皆賜以璽書手筆質皆寶掌以為榮

廿一年 王質 本傳入為大長秋卿卒

廿二年 王質 高聰傳援渦陽敗退徙平州

行屆瀛州刺史王質獲白兔册獻託聰為

表

廿三年 張白澤傳弟庫瀛州刺史宜陽侯

景明元年 郭祚 本傳出為使持節鎮北將

軍瀛州刺史太極殿成朝京師本紀景明

三年十二月太極前殿成

二年 郭祚

三年 郭祚 本傳轉青州刺史

四年 李堅 本傳高陽易人世宗初出為安

東將軍瀛州刺史本州之榮同于王質京

兆王愉反於冀州堅征愉為所破代還

正始元年 李堅

二年 李堅

三年 李堅

四年 李堅

永平元年 李堅 按是年八月京兆王愉反

于冀州

裴植 本傳長子所南叛出為安東將軍瀛

州刺史

二年 裴植

三年 裴植 本傳罷州復除大鴻臚卿

四年 裴植

延昌元年 蕭寶寅

二年 蕭寶寅 本傳延昌初除安東將軍瀛

州刺史復齊王四年遷撫軍冀州靈太后

臨朝還京師

三年 蕭寶寅

四年 蕭寶寅

夏侯道遷 册府元龜牧守部夏侯道遷歷

華州瀛州刺史為政清嚴善禁盜賊

熙平元年 夏侯道遷 本傳轉安東瀛州刺

史熙平年卒

宇文福 本傳熙平初除鎮北將軍瀛州刺

史解任復除太僕卿福性忠清在公殿毅

以信御民甚得聲譽解任復除太僕卿

二年 宇文福 本紀正月大乘餘賊復相聚

結瀛州刺史宇文福討平之

神龜元年 封回 本傳肅宗初授平北將軍

瀛州刺史大乘寇亂之後加以水潦表求

賑恤免其兵調州內賴之又為度支尙書

二年 封回

王温

正光元年 王温 本傳靈太后臨朝徵為中

常侍領崇訓太僕少卿除撫軍將軍瀛州

刺史還除中侍中孝昌二年封欒城縣侯

二年 王温

三年 崔暹 册府元龜崔暹為瀛州刺史武

川鎮反詔暹為都督討之

四年 崔暹 本傳後累遷平北將軍瀛州刺

史貪暴安忍民庶患之嘗出獵州北單至

民村并有汲水婦人暹令飲馬因問曰崔

瀛州如何婦人不知其暹也曰百姓何罪

得如此癩兒刺史暹默然而去以不稱職

被解還京武川鎮反詔暹為都督

五年 崔暹 李崇傳加北討大都督撫軍將

軍崔暹受節度本紀是年七月崔暹失利

于白道又曰五月李崇為大都督北討

孝昌元年 張烈 本傳太后反政授安北將

軍瀛州刺史為政清靜吏民安之更滿還

朝因辭老歸鄉里

二年 畢祖朽 本傳孝昌初除南兖州刺史

尋授度支尙書行定州事未之職改授安

東將軍瀛州刺史

三年 畢祖朽 本傳為賊帥鮮于修禮攻圍

積旬拒守自固病卒于州

元寧 本紀孝昌三年二月詔凡有能輸粟

入瀛定岐雍四州者官斗二百斛賞一階

武泰 元寧 本紀正月瀛州刺史元寧以

城降洛周金石萃編魏孝昌二年正

月甲子榮陽太守元寧造像記當以三年為瀛州

永安二年

永安三年 盧文偉 北齊書本傳除范陽太守

建明元年 與幽州刺史劉靈助同謀起義靈助克瀛

州留文偉行事自率兵赴定州為侯淵所

敗文偉棄州走還本郡

建明二年 刁整 本傳普泰初假鎮東大將軍

普泰元年 滄冀瀛三州刺史

堯傑 北齊書本傳爾朱兆敗于廣阿高祖

留傑行瀛州事尋以雄為車騎大將軍瀛

州刺史以代傑進爵為公時禁網疏闊官

司相與聚斂惟雄義然後取復能接下以

寬甚為吏民所懷附魏武帝入關雄為大

都督神武紀天平元年六月表曰遣前瀛

州刺史堯雄擬討荊州按東魏天平元年

即永熙三年段榮改瀛州未任見傳

普泰二年 堯雄

中興二年 堯雄

永熙二年 堯雄

三年 堯雄

郭瓊 北齊書神武紀天平元年六月表曰

遣瀛州刺史郭瓊擬兵四萬從來遠津渡

相州刺史領魏郡陽平廣平廣宗北廣平林慮頓

丘清河黎陽等郡

天興五年 地形志天興四年置相州

庚岳

六年 庚岳 本傳以岳為鄴行臺及罷行臺

以所統六郡為相州即拜岳為刺史通鑑注魏郡陽平廣平汲郡頓邱清河六郡

天賜元年 庚岳 本傳公廉平當百姓稱之

時果初熟丞吏送之岳不受後遷司空

二年

三年

四年 長孫嵩 本傳歷侍中司徒相州刺史

封南平公所在著稱

五年 長孫嵩

天賜六年 長孫嵩 册府元龜明元初即位以

相州刺史長孫嵩等總萬機

永興二年 尉古真 本傳太宗初為平南將

軍相州刺史

三年

四年 尉古真

五年 尉古真

神瑞元年 尉古真 本紀六月相州刺史尉

古真與劉裕相聞

二年 叔孫建 本傳太宗即位念建前功乃

以為正直將軍相州刺史飢胡劉虎等反

建討虎斬萬餘級本紀太常元年九月叔

孫建等大破山胡劉虎

太常元年 叔孫建

二年 叔孫建 本紀太常元年九月詔將軍

叔孫建等渡河

三年 叔孫建 本傳遷廣阿鎮將本紀三年

五月詔叔孫建鎮廣阿

四年

五年

六年

七年

八年

司馬準 太宗在虎牢授相州刺史

始光元年 張蒲 本傳世祖即位出為相州

刺史扶弱抑強進善黜惡教化大行始光

三年卒

二年 張蒲

三年 張蒲

四年

神龜元年 穆崇傳穆莫提從平中原為中山

太守除寧南將軍相州刺史假陽陵侯卒

二年

三年 杜超 本紀七月庚子詔大鴻卿杜超

假節都督冀定相三州諸軍事行征南大

將軍太宰鎮鄴

四年 杜超 按杜超以太宰督相州其時刺

史當即為許彥

延和元年 杜超

二年 杜超

三年 杜超

太延元年 杜超

二年 杜超

三年 杜超 本紀真君五年四月太宰陽平

王杜超為帳下所殺

許彥 本傳世祖初被徵在左右參與謀議

拜散騎常侍賜爵博陵侯進武昌公拜安

東將軍相州刺史在州多違法度詔書切

讓之真君二年卒

四年 杜超

許彥

五年 杜超

許彥

太平真君元年 杜超

許彥

二年 杜超

許彥

三年 杜超

四年 杜超

五年 杜超 本紀四月乙亥侍中太宰陽平

王杜超為帳下所殺

六年 杜超 本傳超既薨復授超從弟遺侍

中安南將軍開府相州刺史入為內都大

官進爵廣平王

七年 杜遺

八年 杜遺

九年 杜遺

十年 杜遺

十一年 杜遺 本紀興安元年十二月廣平

公杜遺進爵為王

正平元年

興安元年 陸馘 本傳興安初爵聊城侯出為

相州刺史假長廣公徵為散騎常侍乞留

者千餘人

興安二年 陸馘 本傳為政清平抑強扶弱

州中有德宿老名望重者以友禮待之詢

之政事責以方略如此者十人號曰十善

又簡取諸縣強門百餘人以為己子誘接

殷勤賜以衣服令各歸家為耳目於外發

奸摘伏事無不驗百姓以為神明無敢劫

盜者在州七年家至貧約

興光元年 陸馘

太安元年 陸馘

二年 陸馘

三年 陸馘 冊府元龜陸馘為相州刺史假

長廣公徵為散騎常侍吏民乞留獻文不

許本傳馘之還也民大斂布帛以遺之馘

一皆不受民亦不取於是物造佛寺名

曰長廣公寺

四年 陸馘

李訢

五年 李訢 北史本傳文成即位遷儀曹尚

書賜爵扶風公出為安西將軍相州刺史

立學官

和平元年 李訢

二年 李訢 本傳為政清簡明于折獄姦盜

止息百姓稱之

三年 李訢

四年 李訢

五年 李訢

六年 李訢 本傳上疏求立學校曰昔之明

主建庠序于京師立學官于郡邑今重荷

榮遇顯任方岳自到以來訪諸文學舊德

已老後生未進歲首所貢雖依制遺對問

之日懼不克堪臣愚欲仰依先典於州郡

治所略立學官使士望之流冠冕之胄就

而受業庶必有成其經藝通明者貢之王

府則或或之文於是不墜顯祖從之

天安元年 李訢 本傳獻文以訢政為諸州

之最加賜衣服自是遂有驕矜自得之志

皇興元年 李訢 本傳乃受納民財及商胡

珍寶兵民告言顯祖徵訢拷劾抵罪按李

訢傳以告李敷免敷傳以皇興四年被誅

訢解相州當在是年

二年 李訢

三年 李訢

陸儁 本傳轉征東大將軍相州刺史政尚

寬惠民吏安定卒

四年 陸儁

皇興五年 谷闡 本傳稍遷平南將軍相州刺

史入為外都大官延興四年卒

延興二年 谷闡

三年

四年

五年 元忠 按墓誌忠終于僕射本傳太和

四年辭退接為相太二州在僕射前鎮西

將軍太州刺史所加

承明元年 元忠 金石續編隋太僕卿元公

墓誌曾祖忠使持節散騎常侍鎮西大將

軍相太二州刺史侍中尚書左僕射城陽

宣王

太和元年 元忠 魏書本傳累遷右僕射爵

城陽郡公加侍中鎮西將軍有翼贊之勤
太和四年病篤辭退養疾於高柳

二年

三年

四年

五年

六年

七年

八年

九年

十年

十一年

十二年

十三年

十四年

十五年

十六年

賜爵山陽侯尋加安南將軍河內公轉安

東將軍相州刺史車駕南討拜安南將軍
副大司馬咸陽王禧

十七年 李佐

高閭 本傳太和十四年秋閭上表開關弛
禁薄賦賤糴詔閭與太常探雅樂以營金
石領廣陵王師出除鎮南將軍相州刺史

十八年 高閭 本傳高祖遷都洛陽閭表諫
有十損車駕至鄴高祖幸其州館詔曰閭
昔在中禁有定禮正樂之勳作藩于州有
廉清公幹之美自大軍停軫庶事咸豐可
謂國之老成善始令終者也賜帛五百匹
粟一千斛以褒厥功閭每請本州以自効
詔降平北將軍徙幽州刺史禮志太和十
九年六月相州刺史高閭表言太武皇帝
以鄴土舅氏之故鄉為密皇后立廟于城
內蒸嘗刺史親行薦酌今廟殿虧漏門牆
傾毀若以七廟維新備于京邑便應罷壞
輟其常祭詔罷之

十九年 高閭 高祖本紀十七年十月辛卯
幸鄴城十九年九月丙戌幸鄴

南安王楨 本傳高祖遷都出為鎮北將軍
相州刺史太和二十年五月薨

高陽王雍 本傳車駕南伐除使持節鎮北
將軍相州刺史

廿一年 高陽王雍 游肇傳出為本州南安
王楨鎮北府長史帶魏郡太守王薨復為

高陽王雍鎮北府長史太守如故

廿二年 高陽王雍 本傳進號征北將軍又
高祖誠雍曰相州乃是舊都自非朝貧德
望無由居此

廿三年 高陽王雍 本傳世宗初遷冀州
景明元年

二年 李平

三年 李平 本傳車駕將幸鄴詔行相州事
世宗至鄴親幸平第尋正刺史加征虜將
軍勸課農桑修飾太學簡試通儒以充博
士選王郡聰敏者教之圖孔子及七十二
子於堂親為立讚本紀景明三年九月丁
巳車駕幸鄴

四年 李平 本傳加平東將軍

正始元年 李平 本傳前來臺使頗好侵取
平乃畫履虎尾踐薄冰于客館注頌於下
以示誠焉徵拜長兼度支尙書

二年 李平

三年 王顯

四年 王顯 本傳除平北將軍相州刺史元
愉作逆顯討之不利入除太府卿

永平元年 王顯

于忠 正始二年秋為西道大使還除華州
刺史繼母憂服闋授安北將軍相州刺史
為衛尉卿

二年 于忠

陸昕之

三年 陸昕之 本傳轉安北將軍相州刺史

永平四年卒

四年 陸昕之

高植 本傳

延昌元年 高植

二年 李韶 李韶本傳轉相州刺史將軍如

故

三年 李韶

四年 李韶 本傳肅宗初入為殿中尚書

熙平元年 游肇 本傳肅宗即位遷中書令

出為使持節加散騎常侍鎮東將軍相州

刺史有惠政徵為太常卿

二年 奚康王 盧同傳熙平初轉左丞時相

州刺史奚康生徵民歲調皆七八十尺以

邀奉公之譽部內患之同於歲祿官給長

絹同乃舉按康生度外徵調書奏詔科康

生之罪奚康生傳世宗崩班師出為撫軍

將軍相州刺史

神龜元年 奚康生

二年 奚康生 北史本傳除相州刺史徵拜

光祿勳領右衛將軍與元叉廢靈太后

正光元年 中山王熙 本傳進號安西將軍

祕書監尋以本將軍授相州刺史熙以七

月入治本紀正光元年八月甲寅相州刺

史中山王熙欲誅叉騰不克見殺按元叉

劉騰共廢靈后

二年 李世哲 本傳加鎮東將軍出為相州

刺史世哲至州近逐細人遷徙佛寺

三年 李世哲 册府元龜李世哲為相州崇

北征之後徵兼太常卿高謙之傳弟道穆

正光中為御史糾相州刺史李世哲按正

光五年四月李崇北討

四年 李世哲

五年 李世哲

李獎 本傳出為撫軍將軍相州刺史靈太

后反政削除官爵

孝昌元年 李獎 本傳元叉擅朝獎為其親

待

李崇 本傳除開府相州刺史孝昌元年薨

於位

二年 元瑱 本傳出除平北將軍相州刺史

為大宗正卿

元謐 本傳出為散騎常侍中軍將軍相州

刺史罷州除宗正卿都官尚書莊帝初拜

車騎將軍

三年 安樂王鑿 本紀七月相州刺史安樂

王鑿據州反

裴衍 八月都督裴衍攻鄴丁未斬鑿見紀

本傳衍討鑿平之除撫軍相州刺史本紀

十二月與葛榮敗歿

武泰元年 李神 本傳孝昌中行相州事尋正

永安元年

北海王顥 本紀正月癸亥北海王顥為驃

騎開府相州刺史按顥不之任奔梁

永安二年 李神 元顥傳武泰初顥為相州

以爾朱縱害謀遣其舅范遵行相州事代

前刺史李神相州行臺廢還推李神攝

理州事顥奔蕭衍李神傳建議初除衛將

軍時葛榮充斥民多逃散神撫勞兵民小

大用命葛榮攻之久不能克會擒葛榮除

車騎將軍軍駕北巡除殿中尚書仍行相

州事

爾朱世隆 本紀五月戊寅爾朱世隆為相

州刺史鎮鄴城本傳車駕還宮除左僕射

李神 本傳元顥入洛莊帝北巡除殿中尚

書仍行相州事

永安三年 李神 楊津傳爾朱兆等便已克洛

相州刺史李神議欲與津舉城通款按十

二月甲辰爾朱兆入洛

建明二年 劉誕 中興元年十一月庚辰齊獻

武王帥師攻鄴二年正月壬午拔鄴

擒刺史劉誕

李愨 北齊書李元忠傳宗人愨遷樂平太

守擁衆赴高祖除征南將軍相州刺史相

州平命愨還鄴太昌初除太府卿

普泰二年 李愨

太昌元年 尉景 北齊書尉景傳神武入洛留

鎮鄴轉冀州

永熙二年 寶泰 本紀三月甲午以車騎將

軍蔚州刺史寶泰為車騎大將軍開府相

州刺史

三年 寶泰

幽州刺史領燕范陽漁陽等郡

皇始元年 封巨

二年 元素延 本傳中山平拜幽州刺史左

遷上谷太守本紀十月甲申中山平

張袞

天興元年 張袞 本傳拜奮武將軍幽州刺

史袞清儉寡欲勸課農桑百姓安之天興

初徵還京師

二年 封沓干 册府元龜天興二年七月范

陽人盧溥聚眾攻掠殺幽州刺史封沓干

本紀同

三年 奚斤 本傳從征高車出為晉兵將軍

幽州刺史賜爵山陽侯太宗即位為鄭兵

將軍

四年 奚斤

五年 奚斤 本傳進擊侯莫陳部至大峨谷

置戍而還累遷水使者出為晉兵將軍幽

州刺史本紀天興二年三月破侯莫陳部

六年 奚斤

天賜元年 奚斤

二年 奚斤

三年 奚斤

四年 奚斤

五年 奚斤

天賜六年 奚斤

永興二年 尉諾 本傳太宗初為幽州刺史

長孫道生之討馮跋諾帥師次遼西進武

陵公

三年 尉諾 册府元龜尉諾為幽州刺史在

州有惠政薊人張廣達等詣闕請之復除

幽州刺史

四年 尉諾

五年 尉諾

神瑞元年 尉諾

二年 尉諾

太常元年 尉諾

二年 尉諾

三年 尉諾 五月遣征東將軍長孫道生襲

馮跋本紀

四年

五年

六年

七年

八年

始光元年

二年

三年

四年 尉諾 本傳復除安東將軍幽州刺史

改邑遼西公兄弟並為方伯當世榮之

神龜元年 尉諾 册府元龜尉諾為幽州燕

土亂久民戶彫散諾在州前後十數年還

業者萬餘家庭和中卒

二年 尉諾

三年 尉諾

四年 尉諾

延和元年 尉諾

二年 尉諾

張昭

三年 張昭 本傳加平遠將軍延和二年出

為幽州刺史開府加寧東將軍時幽州年

穀不登州廩虛罄民多菜色昭乃使富人

通濟貧乏車馬之家糴運外境勸以農桑

歲乃大熟士女稱頌之在任三年卒

太延元年 張昭

二年

三年

四年

五年 李訢傳父崇馮跋吏部尚書石城太守

延和初率十餘郡歸降世祖甚禮之呼曰

李公以崇為北幽州刺史固安侯卒年八

十一初李靈為高宗博士諮議詔崔浩選

助教高謙子祐等以為浩阿其親戚言于

恭宗聞之於世祖世祖意在訢曰云何

不取幽州刺史李崇老翁兒也似崇至真

君年尚在今附于此

太平真君元年

二年

三年

四年

五年

六年

七年

八年

九年

十年

十一年

正平元年

正平二年

興安二年 陳建 本傳高宗初賜爵阜城侯

加冠軍將軍出爲幽州刺史高祖初徵爲右僕射

興光元年 陳建 本傳高宗以建貪暴懦弱

遣使就州罰杖五十

太安元年 陳建

二年 陳建

三年 陳建

四年 陳建

五年 陳建

和平元年 陳建

孔昭 本傳遷鎮東將軍幽州刺史進爵魯郡公

二年 孔昭 本傳善察獄訟明於政刑和平二年卒按昭見子孔伯恭傳

三年 孔昭 本傳善察獄訟明於政刑和平二年卒按昭見子孔伯恭傳

四年 孔昭 本傳善察獄訟明於政刑和平二年卒按昭見子孔伯恭傳

五年 孔昭 本傳善察獄訟明於政刑和平二年卒按昭見子孔伯恭傳

六年 孔昭 本傳善察獄訟明於政刑和平二年卒按昭見子孔伯恭傳

天安元年 常訢 外戚傳天安中訢爲幽州刺史進爵范陽公

皇興元年 常訢

二年 常訢

三年 常訢

四年 常訢

皇興五年 常訢 外戚傳訢次子員與伯夫子禽可飛書謗訕朝政高祖以訢年老赦免

歸家

延興二年 趙黑傳時尙書李訢有寵于顯祖

與黑對掌銓部訢奏中書侍郎崔鑿爲東

徐州公孫處顯爲荊州選部監公孫遽爲

幽州黑疾其虧亂選體爭於殿庭曰中書

侍郎諸曹監勳能俱立不過列郡今訢皆

用爲方州臣實爲惑顯祖曰公孫遽且止

三年

四年

五年

承明元年

太和元年

二年 胡泥

三年 胡泥

四年 胡泥

五年 胡泥 册府元龜胡泥爲幽州刺史有陽尼少好學博通羣籍泥表薦之徵拜祕書著作郎陽尼傳高祖嘗在苑堂講諸經典詔尼侍聽

六年 胡泥 本傳歷官至司衛監殿中尙書叔孫侯頭應內直闕于一時尼以法繩之高祖嘉焉出爲幽州刺史

七年 胡泥 假范陽公以北平陽尼領學遂薦之遷定州見本傳

八年 張赦提 本傳除冠軍將軍幽州刺史假安喜侯赦提克己厲約遂有清稱後頗縱妻段氏多有受納令僧尼因事通請貪虐流聞中散李真香出使幽州採訪牧守

政績真香案驗其罪赦提懼死欲逃其妻

姑爲太尉東陽王不妻恃不親貴自許詣

不申訴使駕部令趙秦州重往究訊事狀

如前處赦提大辟賜死于第

九年 張赦提

十年 張赦提

十一年 張赦提 邸珍碑祖思散騎常侍幽州刺史

十二年 張赦提

十三年 元篤 陽平王熙傳長子他改封淮南王世子吐萬弟篤字阿成太子右率北

中郎將撫冥鎮將出除平北將軍幽州刺史卒

十四年

十五年

十六年

十七年 劇買奴 劇鵬傳兄買奴歷位幽州刺史

十八年

十九年 高閭 本傳閭每請本州以自効詔曰閭以懸車之年方求衣錦知進退有

虞謙德可降號平北將軍朝之老成宜遂

情願徙授幽州刺史令存勸兩修恩法並

舉

二十年 高閭 本傳歲餘表求致仕徵爲太

常卿又曰閭以諸州罷從事依府置參軍

於治體不便表宜復舊高祖不悅

廿一年 高閭

廿一年 高閭

廿二年 李肅

冊府元龜李肅為幽州刺史

太和二十三年州民王真定聚眾反肅捕

斬之見本紀太和二十三年十一月

景明元年 韋欣宗 韋閔傳從叔道福子欣

宗元衍為徐州刺史請為長史帶彭城內

史世宗初除通直散騎常侍尋轉太中大

夫出行幽州事卒

二年 王秉 本傳世宗初入國拜中書郎遷

司徒諮議出為輔國將軍幽州刺史卒

三年 王秉

四年

正始元年 高雙 本傳後貨高肇復起為幽

州刺史又以貪穢被劾未判遇赦復任未

幾卒

二年 高雙

三年 高雙

四年 穆鑣傳世宗時懷朔鎮將幽幽涼三州

刺史

永平元年

二年 崔延伯 本傳永平中轉後將軍幽州

刺史

三年 崔延伯 本傳蕭衍遣將軍趙祖悅偷

據碭石詔延伯為別將與都督崔亮討之

本紀在延昌四年九月

四年 崔延伯

延昌元年 李宣茂

二年 李宣茂 本傳正始中除太中大夫遷

光祿大夫又遷平東將軍幽州刺史延昌

二年卒

三年 元景略 本傳除冠軍將軍幽州刺史

熙平元年薨

四年 元景略

熙平元年 元景略

二年 趙邕 本傳世宗崩邕兼給事黃門除

平北將軍幽州刺史在州貪縱與范陽盧

氏為婚叔許之而母不從母北平陽氏攜

女至家邕乃拷掠陽叔至死陽氏訴冤臺

遣中散大夫孫景安研檢事狀邕坐處死

會赦免

神龜元年 趙邕 本紀正月乙酉幽州大饑

詔刺史趙邕開倉賑恤

崔休

二年 崔休 本傳行河南尹肅宗初即真加

平東將軍除平北將軍幽州刺史進號安

北將軍遷青州按趙王諱除幽州刺史未

任

正光元年 崔休

裴延儻

二年 裴延儻 本傳肅宗初除廷尉卿轉平

北將軍幽州刺史范陽郡有舊督亢渠徑

五十里漁陽燕郡有故戾陵堰廣袤三十

里皆廢毀多時莫能修復時水旱不調民

多飢餓延儻表求營造遂躬自履行相度

水形未幾而就溉田百餘萬畝為利十倍

禮教大行民歌謠之在州五年考績為天

下最求侍母還京拜太常卿

三年 裴延儻

四年 裴延儻

五年 裴延儻

王誦 河南新出魏王誦墓誌祖奐父融領

散騎常侍正光之末燕薊多虞以本官行

幽州事無待朞月能聲是著仍除左將軍

幽州刺史徵為祕書監

盧同 通鑑九月同為幽州刺史冊府元龜

盧同為撫軍將軍營州民就德與反詔同

為幽州刺史本傳靈太后反政除名

孝昌元年 盧同

常景 本傳蕭綜降詣軍勞問還授幽州刺

史本紀八月丙辰詔左將軍幽州刺史常

景為行臺

王延年 常景傳元譚大敗詔解州任按延

年代景

二年 王延年 本紀十一月戊戌杜洛周攻

陷幽州執刺史王延年

三年

劉靈助 本傳討擒葛榮特除撫軍

將軍幽州刺史

永安二年 劉靈助 九月侯淵討韓樓斬之

幽州平本傳討葛榮餘黨韓婁滅之仍董

州務為幽并營安四州行臺

永安三年 劉靈助 本傳莊帝崩靈助以爾

朱有滅亡之兆為莊帝舉義兵

建明二年 劉靈助 本紀三月丙申劉靈助率
普泰元年 衆次于安國城定州刺史侯淵破斬

之

善泰二年 盧曹
中興二年 盧文偉 北齊書本傳除范陽太守
太昌元年 劉靈助克瀛州留文偉行事靈助敗文偉

走還郡高祖至信都文偉奉啓陳誠高祖
嘉納之中興初除安州刺史仍居帥府行
幽州事加鎮軍將軍正刺史時安州刺史
盧曹據幽州降爾朱兆仍以爲刺史據
城不下文偉不得入州即于郡所爲州治
太昌初遷安州

永熙二年

三年

營州刺史兼護東夷校尉領昌黎建德遼東樂良
冀陽營丘等郡

延和元年

二年

三年

太延元年 水經注白狼水又東北逕龍山西
慕容皝使陽裕築龍城改柳城爲龍城縣
十二年號新宮曰和龍宮白狼水又北逕
黃龍城東魏營州刺史治

二年

本紀五月乙卯馮文通奔高麗按後魏
置州頗多恆州者舊都定州後燕都相州
前燕都營州北燕都夏州赫連夏都涼州
北涼都今特詳之

三年 南平王渾 本紀三月丁丑以南平王

渾爲鎮東大將軍儀同三司鎮和龍按時
未置營州渾以平州刺史鎮和龍

四年 南平王渾 庫草奚傳及開遼海置戍
和龍諸夷恐懼各獻方物

五年 南平王渾 本傳在州綏導有方民夷
悅之徙涼州

太平真君元年 南平王渾

二年 南平王渾

三年 南平王渾

四年 地形志營州治和龍城太延二年爲鎮
真君五年改置

五年 張袞傳次子度平東將軍崎城鎮都大
將又轉和龍鎮都大將所在著稱還朝爲
中都大官卒

六年 于洛拔 本傳恭宗在東宮厚加禮遇
出爲寧東將軍營州刺史以治有能名進
安東將軍又爲外都大官隴西屠各反高
宗詔洛拔討平之

七年 于洛拔

八年 于洛拔

九年 陸高 王褒中都公陸還碑祖營州使
君長於戎馬稱雄朔漠

十年 庚開府集陸還碑祖高冠軍將軍營州
刺史吳人降附者領爲別軍

十一年

正平元年

正平二年 楊難當

興安元年 楊難當

興安二年 楊難當

興光元年 楊難當

天安元年 楊難當

二年 楊難當

三年 楊難當 氏傳高宗時拜難當營州刺
史還爲內都大官卒本紀和平五年十二
月南秦王楊難當薨

四年 張偉 本傳字仲業聘劉義隆還拜給
事中賜爵成臯公出爲安東將軍營州刺
史進爵建安公卒按偉傳頗略偉聘宋本
紀在真君二年爲營州在高宗末

五年 張偉 本傳在州郡以仁德爲先不任
刑罰清身率下守宰不敢爲非

和平元年 張偉 高允傳顯祖居諒闇文明
太后引允禁中參決大政詔議郡國立學
作徵士頌曰仲業淵長雅性清到納衆以
仁訓下以孝化被龍川民歸其教

二年 樂浪王萬壽 本紀七月戊寅封皇弟
萬壽爲樂浪王加征北大將軍鎮和龍性
貪暴徵還道憂薨諡曰厲王

三年 樂浪王萬壽 本紀正月癸未薨契丹
傳顯祖時悉萬丹部等各以其名馬文皮
入獻天府遂求爲常皆得交市于和龍密
雲之間

四年

五年 任城王雲 本傳和平五年封拜使持
節侍中征東大將軍和龍鎮都大將顯祖
時拜都督中外諸軍事中都大官

六年 任城王雲

天安元年 任城王雲
皇興元年 屈拔 本傳顯祖以功臣子拜營州刺史卒

二年

三年 羊規 梁書羊侃傳祖規薛安都降陷

魏魏授衛將軍營州刺史

四年 羊規

皇興五年 安定王休

延興元年 安定王休

三年 安定王休

四年 安定王休

五年 安定王休

承明元年 安定王休 高祖初庫莫奚犯邊

休爲征東大將軍和龍鎮將領護東夷校

尉休撫防有方賊乃款附入爲中都大官

太和元年

二年

三年 高稚 本傳高湖子謚謚弟稚薄骨律

鎮將營州刺史

四年

五年 安豐王猛 本傳太和五年封爲和龍

鎮都大將營州刺史薨于州

六年 安豐王猛 本傳猛寬仁雄毅甚有威

略戎夷畏愛之

七年 安豐王猛

八年 安豐王猛

九年 安豐王猛

十年 安豐王猛

十一年 安豐王猛
十二年 安豐王猛
十三年 安豐王猛 本紀太和十三年十一

月己未猛薨

十四年 元思譽

十五年 元思譽

十六年 元思譽 本傳出爲使持節鎮東大

將軍營州刺史和龍鎮都大將

十七年 元思譽

十八年 元思譽 本傳轉鎮北將軍行鎮北

大將軍高祖謂思譽曰恆代路懸舊都意

重故屈叔父遠臨此任穆泰謀不軌思譽

知而不告削爲庶人

十九年 元思譽

二十年

廿一年

廿二年 元景 庫莫奚傳太和二十二年入

寇安州營燕幽三州兵擊走之後復款附

每求入塞交易詔曰庫莫奚太和二十一

年以前與安營二州邊民參居交易往來

並無疑貳至二十二年叛逆以來遂爾遠

竄今雖款附猶在塞表每請入塞與民交

易若拒而不許乖其向化之心聽而不虞

或有萬一之警交市之日州遣上佐監之

廿三年 元景 奉天義縣新出魏元景造像

大魏太和二十三年平東將軍營州刺史

元景敬造石窟一區有曰景藉蔭洪基同

巖石之固於州城東北右帶龍川臨清流

似漢穢云云紹興周氏肇祥記曰在奉天
義縣西北十三里大凌河濱廣陵王羽傳
太和十八年散騎常侍元景降中大夫守

常侍

景明元年

二年

三年

四年

正始元年 慕容契 本傳正始初除征虜將

軍營州刺史徙沃野鎮將

二年 慕容契

三年 慕容契

四年 慕容契

永平元年

二年 崔敬邕 八代文粹營州刺史崔公墓

誌永平初聖主以遼海戎夷宣化佇賢契

丹肅慎必也綏接除營州刺史

三年 崔敬邕 墓誌君軒鑣始邁聲猷以先

麾蓋踐疆恩膏均被於是殊俗和仁荒岫

識澤惠液達于逋遐德潤覃于邊服

四年 崔敬邕 本傳遷龍驤將軍太府少卿

以本將軍出除營州刺史庫莫奚國有馬

百匹因風入境敬邕悉遣人送還於是夷

人咸附

延昌元年 崔敬邕

二年 崔敬邕

三年 崔敬邕 墓誌延昌四年以君清政懷

仁宣風自遠徵君爲征虜將軍太中大夫

四年 崔敬邕

甄琛

熙平元年 甄琛 本傳世宗崩高肇既死出

為營州刺史加安北將軍歲餘以光祿大

夫李思穆代之

李思穆

二年 李思穆 本傳肅宗初除平北將軍中

山太守未拜遷安北將軍營州刺史卒于

位時年六十一本紀是年九月城和龍

神龜元年 李思穆

二年 李思穆

正光元年 李思穆

二年

三年 李仲遵 本傳京兆王繼西伐請為諮

議參軍尋除左將軍營州刺史時營州城

內咸有異心仲遵與大使盧同以恩信懷

誘咸皆怡悅

四年 李仲遵 本紀五年十月營州城人劉

安定就德興據城反執刺史李仲遵本傳

城人王惡兒斬安定以降德興東走自號

燕王

五年 李仲遵

宋維 本傳後除營州刺史靈太后反政以

又黨除名

孝昌元年 宋維

元汎 汝陰王天賜傳汎字普安自元士稍

遷營州刺史性貪殘人不堪命相率逐之

汎走平州後除光祿大夫宗正卿於河陰

遇害

二年 元汎

三年

武泰
永安元年

永安二年

三年

地形志營州永安末陷天平初復

平州刺史領遼西北平等郡

延和元年

二年 地形志平州治肥如城

三年

太延元年

二年 元嬰 本紀太延二年三月辛未娥清

古弼討馮文通平州刺史元嬰又率遼西

軍會之

三年 南平王渾

四年 南平王渾

五年 南平王渾

太平真君元年 南平王渾

二年 南平王渾

三年 南平王渾

四年 南平王渾

五年

六年

七年

八年

九年

十年

十一年

正平元年

正平二年

興安元年 王賸

興安二年 王賸 外戚傳乳母常氏尊為皇

興光元年 王賸 外戚傳乳母常氏尊為皇

太后興安二年妹夫王賸為平州刺史遼

西公

太安元年 王賸

二年 王賸

三年 王賸

四年 王賸 本紀正月東巡平州庚午至于

遼西黃山宮

五年

和平元年

二年

三年

四年

五年

六年 天安元年 常英 外戚傳天安中英為平州

刺史

皇興元年 常英 外戚傳英黷貨徙敦煌承

明元年徵英復官

二年 常英

三年 常英

四年 常英

皇興五年

延興元年

延興二年

三年 承明元年
 四年 太和元年 周書李弼傳遼東襄平人祖貴醜
 五年 平州刺史
 二年 薛道標 本傳太和初出爲平州刺史
 治有聲稱轉相州
 三年 薛道標
 四年 薛道標
 五年 薛道標
 六年
 七年
 八年
 九年
 十年 薛真度
 十一年 薛真度 本傳太和初賜爵河北侯
 爲鎮遠將軍平州刺史假陽平公後降侯
 爲伯
 十二年 薛真度
 十三年 薛真度
 十四年 薛真度
 十五年 薛真度
 十六年 薛真度 降異姓王爲公公爲侯侯
 爲伯見是年正月本紀
 十七年 薛真度 本傳除冠軍將軍隨駕南
 十八年 討

十九年
 二十年
 廿一年
 廿二年 崔景徽 本傳爲青州廣陵王羽征
 東府司馬大鴻臚少卿出除龍驤將軍平
 州刺史卒
 廿三年 崔景徽 按廣陵王羽傳車駕南伐
 除征東青州刺史本紀十九年十二月爲
 青州
 景明元年 崔景徽
 二年
 三年
 四年
 正始元年
 二年
 三年
 四年
 永平元年 李彥 本傳徵拜河南尹還至汝
 陰復敕行徐州事尋徵拜平北將軍平州
 刺史
 二年 李彥
 三年 李彥
 四年 李彥 本傳遷平東將軍徐州刺史
 延昌元年
 二年
 三年
 四年
 熙平元年

二年 神龜元年
 二年 元匡 本傳削爵除官三公郎中辛雄
 奏理之特除平州刺史徙青州本紀八月
 己未御史中尉東平王匡坐事削除官爵
 正光元年 元匡
 二年 元匡
 三年
 四年
 五年
 孝昌元年 王買奴 按買奴附見崔延伯傳
 二年 王買奴 本紀九月就德興攻陷平州
 殺刺史王買奴
 三年
 武泰元年
 永安元年
 永安二年 崔長文 本傳永安中以老拜征
 虜將軍平州刺史按長文不之任
 三年 曹明元 侯淵本傳韓樓擒詔淵爲平
 州刺史大都督仍鎮范陽
 建明二年
 普泰元年
 中興元年
 普泰二年
 太昌元年
 永熙元年
 永熙二年
 三年

魏書地形志校錄

清溫日鑑撰

魏書地形志校異序

朱琦

史莫難於志而地理爲甚志割據時之地理爲尤甚蓋南北離析犬牙相錯彼此攻奪中多僞置加以文簿散亡動成淆亂固未易確得其指歸也北魏享國百有餘年初都代旋徙盛樂厥後幅員日廣遂跨越天下大半所屬州郡沿革紛如魏收志地形自知闕略且收本齊人專主東魏故序稱錄武定之世武定係東魏孝靜帝年號而西魏大統以還概不之著序又言淪陷諸州戶據永熙籍籍永熙則東西魏未分以前也然即所撰述乖迂亦不一而足儒者論方輿率取前後兩漢志次元和郡縣志元豐九域志太平寰宇記諸書而已魏既偏安收書復蒙穢史之謗咸高閣不觀吳興溫君鐵華獨理而董之旁稽互勘勒就校異一編來問序余公退餘閒披覽甫竟竊意其閒魯魚亥豕原不必盡咎原書如武邑郡灌津當作觀津偏城郡波野當作沃野之類或音近或形似經典皆有故君於波郡治城頭據元和志當作枋頭城東魏郡聊城有管城據漢志管當作管並以爲轉寫致誤是也外此篇譌益漏抉剔幽微實可見收之疏其爲功正史不淺按是書今世傳本蓋出宋劉昫劉恕等所校定但彼時祇校其亡逸不完者二十九篇各疏於逐篇之末志則天象二卷補以張大素書餘未遑詳覈若君之作乃真用心勤而搜事博

矣我朝乾隆中校刊前史卷尾每附考證而魏書地形志署名齊次風侍郎侍郎固夙號淹雅揆君釐訂往往符合至於條舉件繁多逾倍徒顧侍郎所校開亦有君未及者受陽壽陽之別遼陽轅陽之殊大邱犬邱之判更增脫字正舛義約共十餘則君虛懷善下實事求是曾兼采近人全趙錢洪之說豈偶遺齊氏與甄綜斯備請還以資諸君

魏書地形志校異序

張鑑秋水

余友溫君鐵華病魏志地形之譌取兩漢晉宋隋各志參以水經注元和郡縣志太平寰宇記輿地廣記方輿紀要旁采近世全民氏趙氏錢氏洪氏諸說仍本之各史通鑑證其疏舛補其罅漏於是拓跋之幅員近可讀矣粵自典午陵夷中原雲擾魏起朔方豆分瓜剖武定以還始列版章然南司揚楚等二十三州名號遞更疆域紛改或一郡縣割成三四三四之中又復離析流民僑寄南北一轍故魏澹繼譏諸志闕如佛助操觚固由草創官司文簿散棄葦多實則專守王隱太康地道一記穢史貽譏卒亦不刊夫隻手不能障千古之目據鄴善長說別有土地記之名試以讎校如平陽郡治楊章武郡治故建興郡治陽阿多不印證欲以息後人之喙難矣鐵華恬於利祿閉戶著書一塵不染以余之沈疴荒殖尙更迭舉示今見此藁已經三易即起何承天李賢胡三省諸賢訂之能有此勤且精否行將促之剞劂遂書以爲緣起

魏書地形志校錄卷上

烏程温曰鑑鐵華

班固考地理焉彪志郡國(焉爲馬字之譌)繡錯莫能比(汲古閣本錯譌爲錯)今錄武定之世以爲志焉(錢氏大昕曰伯起志州郡不述太

和全盛之規轉錄武定分裂之制至秦雍以西不在東魏疆域之內乃據永熙籍籍以足之未免自亂其例矣)

縣西南二十三里(陽平有陽平城(元和郡縣志莘縣漢爲陽平縣)有崗城(郡國志陽平有岡成城疑此脫成字水經注引作岡成亭)趙簡子陵(史記集解引張華曰趙簡子家在臨水界太平寰宇記邯鄲縣下引隋圖經謂之研子家)武溝水(漢志東郡東武陽縣禹貢潔水東北至千乘入海應劭曰武水之陽也水經注潔水戴延之謂之武水也)

司州治鄴城(元和郡縣志故鄴城在鄴縣東五十步春秋時齊桓公所築也自漢至高齊魏郡鄴縣並理之水經注云今相州刺史及魏郡治)

將廉頗伐魏取繁陽者也)列人後漢屬(郡國志屬鉅鹿郡)易陽天平初屬(錢氏大昕曰北齊書李元忠傳分廣平易陽襄國南趙郡之中丘三縣爲易陽郡此事在永安中志失載)有易陽城(太平寰宇記臨洛縣本漢易陽縣)元城有沙鹿山(春秋注沙鹿山名平陽元城縣東有沙鹿土山)貴鄉天平二年分館陶置治趙城(按

廣平郡治曲梁城(元和郡縣志永年縣本漢曲梁縣左傳注晉地)平恩治平恩城(元和郡縣志平恩縣本漢舊縣水經注引地理風俗記曰縣故館陶之別鄉也)有康臺澤(元和郡縣志康臺澤在平恩縣東五里)曲安治曲安城(元和郡縣志曲周縣本漢舊縣後魏宣武帝改置曲安縣)邯鄲有紫山(隋志武安臨洛縣有紫山太平寰宇記在武安縣東三十里)廣平治廣平城(太平寰宇記廣平故城漢平于國廢城在永年縣北)廣年治廣年城(後漢書注廣年故城在永年縣東北)

魏尹鄴有西門豹祠(太平寰宇記引隋圖經祠在鄴縣東南七里北臨太平渠水經注云祠堂東頭石柱勒銘曰趙建武中所修也)武城(郡國志鄴縣有武城水經注云武城卽期城矣)牖里城(元和郡縣志牖里一名姜里在蕩陰縣北九里

郎將於疆石橋置東中蒲泉置西中濟北置南中洛水置北中今志惟東中見於此)有空陵城(水經注白溝又東北逕空陵城西又北逕雷亭城西東去館陶縣故城十五里)陽平郡治館陶城(水經注館陶縣卽春秋所謂冠氏也魏陽平郡治也)

汲郡治城頭(當作枋頭城轉寫之誤元和郡縣志云後魏孝靜帝移汲郡理此在衛縣界是也水經注云漢建安九年魏武於淇水口下大枋木以成堰遏淇水東入白溝以通漕運故時人號其處爲枋頭)北修武治清陽城(後漢書注濁鹿城一名濁城亦名清陽城在懷州修武東北)有丁公神(水經注永豐塢有丁公泉發於焦泉之右疑卽此所謂丁公也其名未詳全氏祖望曰每縣下皆載有

漢志蕩陰有姜里城韋昭音姜爲牖)蕩城(當卽蕩陰城脫陰字)石寶堰(水經注魏武引漳水入鄴城又東出爲石寶堰)天平中決漳水爲萬金渠今世號天平渠(按北齊書高隆之傳鑿渠引漳水周流城郭造治碾磑並有利於時卽此渠也)臨漳有鼓山(郡國志鄴縣下注引魏都賦注鄴西北有鼓山時自鳴鳴則兵)肥鄉城(元和郡縣志肥鄉故城在今縣西二十二里水

清淵二漢屬郡(齊氏召南曰郡字上當有魏字係從來刊本之脫)有清淵城(水經注淇水逕平恩縣故城東又東過清淵縣故城西又歷縣之西北爲清淵)樂平治樂平城(元和郡縣志樂平故城本漢清縣在堂邑縣東三十里)發干有發干城(史記正義引括地志發干故城在堂邑

縣西南二十三里)陽平有陽平城(元和郡縣志

經注引竹書紀年曰梁惠成王八年伐邯鄲取肥者也)邯鄲城(漢志邯鄲縣趙敬侯自中牟徙此元和郡縣志本衛地也後屬晉七國時爲趙都)斥丘城(元和郡縣志斥丘故城在成安縣南三

列人故城在肥鄉縣東北十五里水經注引竹書紀年曰梁惠成王八年伐邯鄲取列人者也)鷓鷯陂(水經注洹水枝津逕高陵城南又東逕鷓鷯陂元和郡縣志陂在洹水縣西南五里周迴八十里)繁陽治繁陽城(史記正義引括地志繁陽故城在內黃縣東北二十七里水經注史記趙

縣西南二十三里)陽平有陽平城(元和郡縣志

元)和郡縣志肥鄉故城在今縣西二十二里水經注引竹書紀年曰梁惠成王八年伐邯鄲取肥者也)邯鄲城(漢志邯鄲縣趙敬侯自中牟徙此元和郡縣志本衛地也後屬晉七國時爲趙都)斥丘城(元和郡縣志斥丘故城在成安縣南三

志屬鉅鹿郡)易陽天平初屬(錢氏大昕曰北齊書李元忠傳分廣平易陽襄國南趙郡之中丘三縣爲易陽郡此事在永安中志失載)有易陽城(太平寰宇記臨洛縣本漢易陽縣)元城有沙鹿山(春秋注沙鹿山名平陽元城縣東有沙鹿土山)貴鄉天平二年分館陶置治趙城(按

縣西南二十三里)陽平有陽平城(元和郡縣志

漢志蕩陰有姜里城韋昭音姜爲牖)蕩城(當卽蕩陰城脫陰字)石寶堰(水經注魏武引漳水入鄴城又東出爲石寶堰)天平中決漳水爲萬金渠今世號天平渠(按北齊書高隆之傳鑿渠引漳水周流城郭造治碾磑並有利於時卽此渠也)臨漳有鼓山(郡國志鄴縣下注引魏都賦注鄴西北有鼓山時自鳴鳴則兵)肥鄉城(元和郡縣志肥鄉故城在今縣西二十二里水

郎將於疆石橋置東中蒲泉置西中濟北置南中洛水置北中今志惟東中見於此)有空陵城(水經注白溝又東北逕空陵城西又北逕雷亭城西東去館陶縣故城十五里)陽平郡治館陶城(水經注館陶縣卽春秋所謂冠氏也魏陽平郡治也)

縣西南二十三里)陽平有陽平城(元和郡縣志

元)和郡縣志肥鄉故城在今縣西二十二里水經注引竹書紀年曰梁惠成王八年伐邯鄲取肥者也)邯鄲城(漢志邯鄲縣趙敬侯自中牟徙此元和郡縣志本衛地也後屬晉七國時爲趙都)斥丘城(元和郡縣志斥丘故城在成安縣南三

志屬鉅鹿郡)易陽天平初屬(錢氏大昕曰北齊書李元忠傳分廣平易陽襄國南趙郡之中丘三縣爲易陽郡此事在永安中志失載)有易陽城(太平寰宇記臨洛縣本漢易陽縣)元城有沙鹿山(春秋注沙鹿山名平陽元城縣東有沙鹿土山)貴鄉天平二年分館陶置治趙城(按

縣西南二十三里)陽平有陽平城(元和郡縣志

漢志蕩陰有姜里城韋昭音姜爲牖)蕩城(當卽蕩陰城脫陰字)石寶堰(水經注魏武引漳水入鄴城又東出爲石寶堰)天平中決漳水爲萬金渠今世號天平渠(按北齊書高隆之傳鑿渠引漳水周流城郭造治碾磑並有利於時卽此渠也)臨漳有鼓山(郡國志鄴縣下注引魏都賦注鄴西北有鼓山時自鳴鳴則兵)肥鄉城(元和郡縣志肥鄉故城在今縣西二十二里水

郎將於疆石橋置東中蒲泉置西中濟北置南中洛水置北中今志惟東中見於此)有空陵城(水經注白溝又東北逕空陵城西又北逕雷亭城西東去館陶縣故城十五里)陽平郡治館陶城(水經注館陶縣卽春秋所謂冠氏也魏陽平郡治也)

縣西南二十三里)陽平有陽平城(元和郡縣志

元)和郡縣志肥鄉故城在今縣西二十二里水經注引竹書紀年曰梁惠成王八年伐邯鄲取肥者也)邯鄲城(漢志邯鄲縣趙敬侯自中牟徙此元和郡縣志本衛地也後屬晉七國時爲趙都)斥丘城(元和郡縣志斥丘故城在成安縣南三

志屬鉅鹿郡)易陽天平初屬(錢氏大昕曰北齊書李元忠傳分廣平易陽襄國南趙郡之中丘三縣爲易陽郡此事在永安中志失載)有易陽城(太平寰宇記臨洛縣本漢易陽縣)元城有沙鹿山(春秋注沙鹿山名平陽元城縣東有沙鹿土山)貴鄉天平二年分館陶置治趙城(按

縣西南二十三里)陽平有陽平城(元和郡縣志

漢志蕩陰有姜里城韋昭音姜爲牖)蕩城(當卽蕩陰城脫陰字)石寶堰(水經注魏武引漳水入鄴城又東出爲石寶堰)天平中決漳水爲萬金渠今世號天平渠(按北齊書高隆之傳鑿渠引漳水周流城郭造治碾磑並有利於時卽此渠也)臨漳有鼓山(郡國志鄴縣下注引魏都賦注鄴西北有鼓山時自鳴鳴則兵)肥鄉城(元和郡縣志肥鄉故城在今縣西二十二里水

郎將於疆石橋置東中蒲泉置西中濟北置南中洛水置北中今志惟東中見於此)有空陵城(水經注白溝又東北逕空陵城西又北逕雷亭城西東去館陶縣故城十五里)陽平郡治館陶城(水經注館陶縣卽春秋所謂冠氏也魏陽平郡治也)

縣西南二十三里)陽平有陽平城(元和郡縣志

祠但直作神字疑是北人竟以神字當祠字耳

陶河（水經注孟津亦曰盟津又曰富平津又謂之陶河）覆釜山（水經注山陽縣東北二十五里有陸真阜次阜之東北得覆釜堆）五里泉（太平寰宇記修武縣下引水經注云五里泉在修武鄉）馬鳴泉（水經注陸真阜南有皇母馬鳴二泉東南合注于吳陂也）重泉（水經注長泉水源出白鹿山東南伏流逕一十三里重源濬發於鄧城西北東南伏流世亦謂之重泉水也）郡戒安陽城（史記正義引括地志安陽縣七國時魏寧新中邑秦昭王始皇拔魏寧新中更名安陽城即今相州外城是也）南修武二漢屬河內晉屬

（漢晉志作修武以孝昌中分置北修武故此加南字）吳城（水經注蔡溝水又東逕修武縣之吳亭北東入吳陂水）汲汲城（史記正義引括地志汲縣今衛州城即殷牧野之地周武王伐紂築也）有比干墓（水經注朝歌縣有殷大夫比干冢元和郡縣志在汲縣北十里）太公廟（水經注汲縣城東門北側有太公廟城北三十里太公泉上又有太公廟）朝歌有朝歌城（元和郡縣志朝歌故城在衛縣西二十一里漢志紂所都周武王弟康叔所封更名衛水經注引晉書地道記本沫邑也）大方山（水經注方山上在衛縣西）淇水（水經注淇水自元甫城東南逕朝歌縣北竹書紀年晉定公十八年淇絕于舊衛即此也）白溝水（水經注淇水東過內黃縣南為白溝）天井溝（水經注淇水歷枋堰又東與菟水合其上流有五水今并為二一謂之天井溝）苑

城（水經注菟水上承淇水於元甫城西北自石堰東菟城西即此苑城也）山陽有沁陽城（水經注懷縣北有沁陽城）孝景二年置郡初治其城（後漢書注其縣故城在共城縣東故城東北即汲之新中鄉也漢志故國孟康曰共伯為周三公者也）後移治山陽城（史記正義引括地志山陽故城在修武縣西北太行山東南）獲嘉治新洛城（洛當作樂水經注清水又東周新樂城在獲嘉縣故城東北太平寰宇記十六國時燕將樂安王臧所築）有獲嘉城（元和郡縣志獲嘉故城在新鄉縣西南十里漢志故汲之新中鄉武帝行過更名也）

廣宗郡廣宗有廣宗城（元和郡縣志宗城縣本後漢章帝分立廣宗縣）建始城（水經注張甲河左瀆逕廣宗縣故城西又北逕建始縣故城東田融云趙武帝十二年立建始郡治廣宗置建始與德五縣隸焉）建德城（建德與字之誤）東郡治滑臺城（通鑑注滑臺城在白馬縣西水經注城有三重中小城謂之滑臺城舊傳滑臺人自修築此城因以名焉城即故鄭廩延邑也）天與中置兗州（此州亦曰西兗以高祐傳出為西兗州刺史鎮滑臺可證）

東燕二漢屬晉屬濮陽（按二漢晉無東燕縣考宋志前漢曰南燕後漢曰燕並屬東郡太康地志屬濮陽元和郡縣志云漢為南燕縣其後慕容德郡之復號東燕縣）有燕城（史記正義引括地志南燕城昨城縣是也漢志南燕國姓黃帝後錢氏姑曰春秋左傳正義引此無南字郡國志亦

無然則南字衍也）堯祠（太平寰宇記臨河縣西南五十里有堯祠劉盆子所立當即此）伍子胥祠（水經注河水逕涼城縣又東北逕伍子胥廟南祠在北岸頓丘郡界）白馬有朝溝（水經注陽清湖逕桃城南而東注于濮俗謂之朝平溝）涼城有涼城（水經注引者舊傳東郡白馬縣之神馬亭亭上舊置涼城縣治此）酸棗有酸棗城（元和郡縣志酸棗故城在今縣西南十五里六國時韓王所理處舊址猶存水經注云韓國矣）望氣臺（水經注酸棗城西有韓王望氣臺）長垣有平丘城（漢志陳留郡有平丘縣晉省春秋注平丘在陳留長垣縣西南水經注云衛地也）匡城（春秋注匡衛地在陳留長垣縣西南郡國志長垣下注引北征記城周三里）蒲城（春秋注蒲衛地在陳留長垣縣西南史記正義引括地志蒲城在匡城縣北十五里水經注濮渠又東逕蒲城北故衛之蒲邑元和郡縣志在匡城縣北一十五里）子路祠（郡國志長垣下注引陳留志有子路祠）長垣城（通典長垣故城在匡城縣南水經注故首垣矣秦更從今名元和郡縣志匡城縣古衛之匡邑在縣西南十里）衛靈公祠（太平寰宇記衛靈公祠在長垣縣東北二十七里）龍城（太平寰宇記龍城在長垣縣東南二十里昔夏桀臣龍逢所居以為名）

北廣平郡南和晉屬（當作晉屬廣平今郡永安中分置非晉舊也）下任縣襄國誤同）南和城（元和郡縣志南和縣本漢舊縣）任有宛鄉城（太平寰宇記古苑鄉城在任縣東北一十八里後趙

無然則南字衍也）堯祠（太平寰宇記臨河縣西南五十里有堯祠劉盆子所立當即此）伍子胥祠（水經注河水逕涼城縣又東北逕伍子胥廟南祠在北岸頓丘郡界）白馬有朝溝（水經注陽清湖逕桃城南而東注于濮俗謂之朝平溝）涼城有涼城（水經注引者舊傳東郡白馬縣之神馬亭亭上舊置涼城縣治此）酸棗有酸棗城（元和郡縣志酸棗故城在今縣西南十五里六國時韓王所理處舊址猶存水經注云韓國矣）望氣臺（水經注酸棗城西有韓王望氣臺）長垣有平丘城（漢志陳留郡有平丘縣晉省春秋注平丘在陳留長垣縣西南水經注云衛地也）匡城（春秋注匡衛地在陳留長垣縣西南郡國志長垣下注引北征記城周三里）蒲城（春秋注蒲衛地在陳留長垣縣西南史記正義引括地志蒲城在匡城縣北十五里水經注濮渠又東逕蒲城北故衛之蒲邑元和郡縣志在匡城縣北一十五里）子路祠（郡國志長垣下注引陳留志有子路祠）長垣城（通典長垣故城在匡城縣南水經注故首垣矣秦更從今名元和郡縣志匡城縣古衛之匡邑在縣西南十里）衛靈公祠（太平寰宇記衛靈公祠在長垣縣東北二十七里）龍城（太平寰宇記龍城在長垣縣東南二十里昔夏桀臣龍逢所居以為名）

北廣平郡南和晉屬（當作晉屬廣平今郡永安中分置非晉舊也）下任縣襄國誤同）南和城（元和郡縣志南和縣本漢舊縣）任有宛鄉城（太平寰宇記古苑鄉城在任縣東北一十八里後趙

七里周迴六十二里引水經注云派水歷天井澤南流所播爲澤俗名爲天井淀。安喜城（元和郡縣志安喜故城在今安喜縣東三十里）趙堯祠（趙堯漢御史大夫見漢書周昌傳）唐有左人城（郡國志唐縣下注引列子趙襄子使新梓穆子攻翟取左人中人博物記曰左人唐西北四十里）寡婦城（元和郡縣志寡婦城在唐縣北九里水經注云賈復從光武追銅馬五幡於北平所作也世俗音轉故有是名矣）唐水（漢志唐縣下應劭曰唐水在西水經注唐水導源盧奴縣西北東流至唐城西北隅竭而爲河其水南入小溝下注澗水）狼山祠（隋志作郎山水經注狼山在中山城北）

常山郡孝章建初中爲淮陽永元二年復（卷末載宋館閣諸臣考證後漢書章帝建初四年四月徙常山王昺爲淮陽王和帝永元二年五月詔封故淮陽王昺子側爲常山王昺傳云徙淮陽王以汝南之新安西華益淮陽國昺自常山徙封淮陽非改常山爲淮陽蓋魏收之誤）

九門有常山城（史記正義引括地志常山故城在真定縣南八里本漢東垣邑也）有九門城（太平寰宇記九門縣本戰國時趙邑史記趙惠文王二十八年蘭相如城九大城是也）有安樂壘（元和郡縣志恆州下云後魏道武帝登恆山郡城北望安樂壘嘉其美名遂移郡理之卽今州理是也）行唐治唐城（當作行唐城元和郡縣志行唐縣本趙南行唐邑惠文王所置太平寰宇記云後魏太和初移置夫人城孝昌四年復行唐縣於

舊城卽今理是也）蒲吾有嘉陽城（元和郡縣志房山縣城內實外險一名嘉陽城）靈壽有所山（所當作房後漢書章帝紀元和三年幸趙祠房山於靈壽蓋漢人隸書房或作所因譌爲所耳）西王母祠（後漢書注王母祠在房山上）井陘有回星城（方輿紀要井陘縣西南二十五里有靈真城志云韓信伐趙時築卽此回星城矣）石邑有石邑城（元和郡縣志石邑縣本戰國中山邑也史記趙武靈王攻中山取石邑是也）

鉅鹿郡曲陽二漢晉屬趙國曰下曲陽（按漢志下曲陽屬鉅鹿不屬趙國）有臨平城（漢志鉅鹿有臨平縣後漢省太平寰宇記故城在鼓城縣東南）臺城前漢屬真定後漢屬晉罷（按郡國志鉅鹿郡無臺城蓋後漢省也）有肥壘（錢氏大昕曰漢志真定有肥壘縣晉以後蓋省入臺城當云有肥壘城後人轉寫作壘又脫城字誤以爲壘壁之壘矣又按元和郡縣志肥壘故城在臺城縣西南七里漢志故肥子國）鄆二漢晉屬（今晉志屬趙國）有鄆城（太平寰宇記鄆縣廢城在東鹿縣東錢氏大昕曰鄆不成字當作鄆說文鄆鉅鹿縣从邑鼻聲漢志作鄆與鼻文異而晉義同）安定城（漢志鉅鹿有安定縣後漢省元和郡縣志鹿城縣本漢安定縣地）有青丘牛丘黃丘馳丘靈丘（通鑑晉永和七年冉閔遣將孫成拒石琨於黃丘注以爲卽此黃丘也方輿紀要黃丘在東鹿縣南又縣有青丘牛丘馳丘靈丘與黃丘共爲五丘）

博陵郡饒陽有魯口城（元和郡縣志深州理城

晉魯口城也公孫泉叛司馬宣王征之鑿滹池入派水以運糧因築此城蓋滹池有魯池之名因號魯口）博陵城（太平寰宇記博陵故城漢邑名在饒陽縣界水經注卽古陸城）饒陽城（太平寰宇記饒陽故城在今縣東北二十里郡國志故名饒）安平治安平城（元和郡縣志安平縣本漢舊縣）有樓女貴人神（太平寰宇記安平縣下云今城北面有臺俗謂之神女樓）安國有安國城（後漢書注安國故城在義豐縣東南）北平郡治北平城（後漢書注北平故城今永樂縣也）

蒲陰有蒲陰城（太平寰宇記蒲陰故城在北平縣西北四十里）北平有木門城（左傳注木門晉邑元和郡縣志參戶故城一名木門城在長蘆縣西北四十里）望都有高昌城（水經注唐城南如東一十餘里有一城俗謂之高昌縣城或望都之故城也故縣目曰望都縣在高昌南）伊祁山（太平寰宇記望都有伊祁山云堯住此山後因作姓）有堯神（水經注堯山南有堯廟元和郡縣志堯祠在望都縣南四十里）

長樂郡晉改（通鑑注曰考之晉志有安平而無長樂不知何時更名也水經注亦云長樂故信都也晉太康五年改從今名曰鑑按晉書安平王孚傳太康五年改安平爲長樂國）棗強有煮棗城（漢書注引晉灼曰清河有煮棗城功臣表有煮棗侯元和郡縣志故城在信都縣東北五十里）信都有武陽城（水經注引十三州志曰扶柳縣東北有武陽城故縣也）安城（水經

注絳水故瀆左逕安城南故信都之安城鄉也

索盧有索盧城（方輿紀要索盧城在棗強縣東十二里）廣川晉屬廣川（今晉志屬勃海郡）

辟陽城（漢志信都國有辟陽縣後漢省元和郡縣志故城在信都縣東南三十五里）

渤海郡南皮有渤海城（太平寰宇記後魏廢渤海郡城即今東光縣理）脩前漢晉屬（當作前漢屬信都後漢晉屬）號脩後改（錢氏大昕曰脩與漢晉無異文何以云改據列傳高氏封氏皆稱渤海衛人乃知晉以前本作脩上脩字當作脩後魏改從艸耳）有董仲舒祠（水經注桑社溝瀆自觀津縣故城北又東逕董仲舒廟南仲舒廣川人也世猶謂之董府君祠）安陵晉置渤海（晉志作東安陵屬渤海下二字衍當作屬太平寰宇記在今安陵縣東七里後魏省東字）

武邑郡武遂前漢屬河間（漢志遂作隧）阜城前漢屬渤海後漢屬安平（按郡國志阜城故昌城與前漢之阜城明是兩縣全氏祖望曰蓋合二縣而為一非也）有弓高城（漢志河間有弓高縣晉省太平寰宇記故城在阜城縣南二十七里）

灌津前漢屬信都後漢晉屬安平（漢晉志灌作觀）有寶氏冢（郡國志觀津縣下注引決錄注曰孝文竇皇后父隱身漁釣墜淵而卒景帝立后為太后遣使者更填父所墜淵而葬起大墳于縣城南民號曰寶氏青山）武強有武強淵（水經注衛漳右合張平口故溝上承武強淵淵之西南側水有武強縣故治故淵得其名焉）

安德郡平原二漢晉屬（晉屬下當有平原二字）

鬲治臨齊城（水經注始東齊未賓大魏築城以臨之故城得其名也）

并州晉末治臺壁（水經注潞縣北對故臺壁漳水逕其南本潞子所立也）

太原郡晉陽有介子推祠（水經注晉陽城南舊有介子推祠）西南有懸壺山一名龍山晉水所出（漢志太原郡晉陽縣龍山在西北晉水所出山海經云出縣雍山水經作縣驪注引晉書地道記及十三州志並言出龍山一云出結紉山）東入汾（漢志及山海經水經亦云東入汾又漢志太原郡汾陽縣北山汾水所出山海經云出管涔山水經同注引十三州志出武州之燕京山亦管涔之異名也）有晉王祠（水經注晉陽有唐叔虞祠元和郡縣志一名王祠在晉陽縣西南十二里）梗陽城（左傳注在太原晉陽縣南漢志太原郡榆次縣有梗陽鄉魏戌邑水經注引京相璠曰今太原晉陽縣南六十里榆次界有梗陽城）

同過水（水經作洞澗出沾縣北山西過榆次縣南又西到晉陽縣南西入於汾）出木瓜嶺（方輿紀要木瓜嶺在榆次縣東南六十里）一出沾嶺（元和郡縣志沾嶺在樂平縣西三十里）一出原過洞下（水經注洞澗水又西與原過水合近北便水源也水西阜上有原過祠）五水合道故曰同過（顧氏炎武曰案上文止四水或有脫漏）武定初齊獻武王止置晉陽宮（北齊書神武紀武定三年正月請於并州置晉陽宮唐志晉陽宮在北都之西北宮城周二千五百二十步崇四丈八尺）祁有祁城（元和郡縣志故祁城在祁縣東南五里漢志晉大夫賈辛邑左傳注祁奚食邑於祁因為氏）祁奚墓（元和郡縣志祁奚墓在祁縣東南七里）周黨冢（元和郡縣志周黨墓在祁縣東南十四里）太谷水（水經注侯甲水發源祁縣胡甲山又西北歷宜歲郊逕太谷謂之太谷水）趙襄子城（元和郡縣志趙襄子城在祁縣西六里）榆次有鹿臺山祠（元和郡縣志鹿臺山俗名鑿臺山在榆次縣東南三十里麓臺山祠俗名智伯祠在麓臺山上）中都

有榆次城（元和郡縣志榆次縣本漢舊縣水經注謂即春秋之魏榆服虔曰魏晉邑榆州里名也）原過祠（史記正義引括地志三神祠今名原過祠今在霍山側也趙襄子祠三神於百邑使原過主之世謂其處為觀阜）鄆有中都（中都下脫城字郡國志中都縣下注引杜預曰界休縣南中都城是也）鄆城（方輿紀要鄆城在介休縣東北二十七里漢志晉大夫司馬彌牟邑）盧水（水經注侯甲水又西合於嬰侯之水逕鄆縣故城南謂之鄆水俗亦曰盧水盧鄆聲相近故因變焉）太岳山（水經注太岳山禹貢所謂岳陽也即霍太山矣元和郡縣志在霍邑東三十里）

入區夷澤（水經澗水出代郡靈丘縣高是山注云即區夷之水也一作溫夷水又引地理志鄆縣九澤在北并州藪也呂氏春秋謂之大陸又名之曰嘔澆之澤俗謂之鄆城泊）平遙二漢晉為平陶屬後改（錢氏大昕於舊唐志平遙漢平陶縣後魏廟諱改陶為遙下云世祖諱襄與陶同音故改平陶為平遙應陶為應遙魏志不言改名之由

祁縣東南五里漢志晉大夫賈辛邑左傳注祁奚食邑於祁因為氏）祁奚墓（元和郡縣志祁奚墓在祁縣東南七里）周黨冢（元和郡縣志周黨墓在祁縣東南十四里）太谷水（水經注侯甲水發源祁縣胡甲山又西北歷宜歲郊逕太谷謂之太谷水）趙襄子城（元和郡縣志趙襄子城在祁縣西六里）榆次有鹿臺山祠（元和郡縣志鹿臺山俗名鑿臺山在榆次縣東南三十里麓臺山祠俗名智伯祠在麓臺山上）中都

有榆次城（元和郡縣志榆次縣本漢舊縣水經注謂即春秋之魏榆服虔曰魏晉邑榆州里名也）原過祠（史記正義引括地志三神祠今名原過祠今在霍山側也趙襄子祠三神於百邑使原過主之世謂其處為觀阜）鄆有中都（中都下脫城字郡國志中都縣下注引杜預曰界休縣南中都城是也）鄆城（方輿紀要鄆城在介休縣東北二十七里漢志晉大夫司馬彌牟邑）盧水（水經注侯甲水又西合於嬰侯之水逕鄆縣故城南謂之鄆水俗亦曰盧水盧鄆聲相近故因變焉）太岳山（水經注太岳山禹貢所謂岳陽也即霍太山矣元和郡縣志在霍邑東三十里）

入區夷澤（水經澗水出代郡靈丘縣高是山注云即區夷之水也一作溫夷水又引地理志鄆縣九澤在北并州藪也呂氏春秋謂之大陸又名之曰嘔澆之澤俗謂之鄆城泊）平遙二漢晉為平陶屬後改（錢氏大昕於舊唐志平遙漢平陶縣後魏廟諱改陶為遙下云世祖諱襄與陶同音故改平陶為平遙應陶為應遙魏志不言改名之由

改平陶為平遙應陶為應遙魏志不言改名之由

當依此志補之曰鑑按應遙乃永安二年分廩陶置非改應陶爲應遙也志中以陶名縣者亦不止此一縣如陽平東陽平之有館陶濟陰南濟陰之有定陶南安陽之有中陶何以皆不見避諱有京陵城（漢志太原郡有京陵縣晉末廢元和郡縣志故城在平遙縣東七里水經注於春秋爲九原之地漢興增陵於其下故名）平遙城（元和郡縣志平陶城在文水縣西南二十五里後魏改爲平遙後西胡內侵遷居京陵塞在今汾州界）

汧豫水出得車嶺（通鑑注引作昂車嶺其地當在今唐儀州東南界石會關之西）受陽晉屬樂平（晉志作壽陽元和郡縣志本漢榆次縣地西晉置屬樂平郡永嘉後省晉末戎內侵後魏太武遷戎外出徙受陽之戶於大陵城南置受陽縣即今文水縣是也）有大陵城（漢志太原郡有大陵縣後魏省元和郡縣志大陵城在文水縣東北十里）文谷水（水經文水出大陵縣西山文谷東到其縣屈南到平陶縣東北入於汾）長安有三角城（元和郡縣志三角城在晉陽縣西北十九里一名徙人城）陽邑有白壁嶺（元和郡縣志白壁嶺在太谷縣北七十五里）徐水（徐當作涂水經注涂水出陽邑東北大嶺山涂谷）

上黨郡秦置治壺關城（元和郡縣志潞州城漢壺關縣也漢志壺關下應劭曰黎侯國也今黎亭是）前漢治長子城（太平寰宇記長子漢舊縣也漢志周史辛甲所封）慕容備治安民城（通鑑治安民城在襄垣縣蓋永嘉中劉琨遣張倚所

築以安上黨之民因以爲名）上黨關（漢志上黨郡有上黨關水經注引高誘淮南子注云上黨關在河內野王縣西北）石井關（漢志作石研關）天井關（元和郡縣志天井關在晉城縣南四十五里太行山上水經注引蔡邕曰太行山上有天井關在井北遂因名焉）

屯留有屯留城（史記正義引括地志屯留故城在長子縣東北三十里故留吁國也左傳作純留）鳳凰山一名天冢山（通鑑注引作大王山按魏太平真君九年二月詔於壺關東北大王山累石爲三封又斬其北鳳凰山南足以斷之方輿紀要大王山在壺關縣東南二十五里）有關龍逢祠（太平寰宇記潞城縣下引上黨記云王屋山有關龍逢祠）有疑山（方輿紀要疑山在屯留縣南）黃沙嶺（太平寰宇記潞城縣下引冀州圖云潞縣西三十里黃阜山亦名黃沙嶺）絳水自寄氏界來入濁漳因名交漳（按水經注漳水於武安縣東清漳水自涉縣東南來流注之世爲決入之所爲交漳口也）余五城（五當作吾漢志上黨郡有余吾縣後漢蓋省入屯留郡國志屯留下注云在縣西北三十里）長子有廉山濁漳出焉（漢志上黨郡長子縣鹿谷山濁漳水所出東至鄴入清漳說文同山海經及水經並云出發鳩山水經注鹿谷與發鳩連麓而在南淮南子謂之發苞山高誘曰發包一名鹿谷然則發包發鳩鹿谷皆廉山之異名似是一山而所記別也）

應城（方輿紀要應城在長子縣東南四十里）傾城（水經注頃城即銅鞮縣之下鹿聚也）長

灣水東流至梁川北入濁漳（水經注漳水東會於梁水水南出梁山北流逕長子縣故城南又北入漳水）羊頭山下（漢志上黨穀遠縣有羊頭山元和郡縣志云一名謁戾山在長子縣東五十里）神農泉北有穀關即神農得嘉穀處（元和郡縣志長子下引後魏風土記云神農城在羊頭山上下有神農泉即神農得嘉穀之所）有泉北流至陶鄉名陶水（水經注陶水出陶鄉北流逕長子城東西轉逕其城北東注于漳水）有鮑宜墓（宜字子都渤海高城人見漢書列傳）壺關有羊腸坂（漢志壺關有羊腸坂史記正義羊腸阪在太行山南口懷州北口潞州）雞鳴嶺一名火山（元和郡縣志雞鳴山在上黨縣東南七十六里）有赤壤川其地寒而早霜（太平寰宇記潞州下引上黨記曰高平赤壤其地山阻百姓不居）魯般門（水經注倉谷水出林慮縣之倉谷溪東北逕魯般門西闕昂藏石壁霞舉左右結石修防崇基仍存）微子城（太平寰宇記微子城在潞城縣東北二十里）令狐微君墓（郡國志長子下注引上黨記曰令狐微君隱城東山中去郡六十里即壺關三老令狐茂上書訟戾太子者也茂即葬其山）五龍祠（元和郡縣志五龍祠在上黨縣東南二十里五龍山上慕容永所立以祭五方神）寄氏二漢爲猗氏（漢志猗作隋郡國志作猗）有猗氏城（太平寰宇記隋氏故城在冀氏縣北三十五里）三想山北有水源出蒲谷（水經注蒲水出蒲谷北流注於洞渦）有盤秀嶺（太平寰宇記屯留縣下云盤秀山經

灣水東流至梁川北入濁漳（水經注漳水東會於梁水水南出梁山北流逕長子縣故城南又北入漳水）羊頭山下（漢志上黨穀遠縣有羊頭山元和郡縣志云一名謁戾山在長子縣東五十里）神農泉北有穀關即神農得嘉穀處（元和郡縣志長子下引後魏風土記云神農城在羊頭山上下有神農泉即神農得嘉穀之所）有泉北流至陶鄉名陶水（水經注陶水出陶鄉北流逕長子城東西轉逕其城北東注于漳水）有鮑宜墓（宜字子都渤海高城人見漢書列傳）壺關有羊腸坂（漢志壺關有羊腸坂史記正義羊腸阪在太行山南口懷州北口潞州）雞鳴嶺一名火山（元和郡縣志雞鳴山在上黨縣東南七十六里）有赤壤川其地寒而早霜（太平寰宇記潞州下引上黨記曰高平赤壤其地山阻百姓不居）魯般門（水經注倉谷水出林慮縣之倉谷溪東北逕魯般門西闕昂藏石壁霞舉左右結石修防崇基仍存）微子城（太平寰宇記微子城在潞城縣東北二十里）令狐微君墓（郡國志長子下注引上黨記曰令狐微君隱城東山中去郡六十里即壺關三老令狐茂上書訟戾太子者也茂即葬其山）五龍祠（元和郡縣志五龍祠在上黨縣東南二十里五龍山上慕容永所立以祭五方神）寄氏二漢爲猗氏（漢志猗作隋郡國志作猗）有猗氏城（太平寰宇記隋氏故城在冀氏縣北三十五里）三想山北有水源出蒲谷（水經注蒲水出蒲谷北流注於洞渦）有盤秀嶺（太平寰宇記屯留縣下云盤秀山經

邑界)有方山(元和郡縣志方山在屯留縣西南八十四里)伏牛山(方輿紀要伏牛山在潞城縣東南十五里)樂陽有望夫嶺(水經注漳水又東北歷望夫山之南有石人竚於山上狀有懷於雲表因以名焉太平寰宇記黎城縣有望夫山)有堯廟(水經注堯水自西山東北流逕堯廟北又東逕長子縣故城南)

鄉郡陽城二漢晉屬上黨曰涅(漢志曰涅氏)有涅城(太平寰宇記武鄉縣下引冀州圖云涅城在縣西六十里)覆甑山涅水出焉(漢志涅氏涅水也注云涅水出焉水經注出覆甑山入漳元和郡縣志山在縣上縣東南二十四里)東南

合武鄉水(水經注武鄉水源出武鄉山西南逕武鄉縣故城西南注於涅水)鄉郡治晉屬上黨(晉志作武鄉元和郡縣志云晉縣元有武字後草創失其舊名)有武鄉城(元和郡縣志榆社縣城故武鄉城也石勒時築晉縣在縣西北三十五里)榆社城(太平寰宇記武鄉縣下引冀州圖云今理即古榆社故城也)三臺嶺上(太平寰宇記遼山縣下引後魏書云武鄉有三臺廟)有古麻池(元和郡縣志瀋麻池在榆社縣北三十里)銅鞮有銅鞮城(史記正義引括地志銅鞮故城在銅鞮縣東十五里郡國志銅鞮下注引上黨記城去晉宮二十里羊舌所邑)有烏蘇城(太平寰宇記銅鞮縣下闕與城今名烏蘇城引冀州圖云在縣西北二十里)

樂平郡治沾城(元和郡縣志樂平縣城即漢沾縣城也)

遼陽晉屬(晉志遼作轄元和郡縣志云後魏明帝改爲遼陽)有黃澤嶺(方輿紀要黃澤嶺在遼州東北百二十里太行山上)遼陽城(方輿紀要引城邑考遼州北三里)有故轄陽城王翦攻趙轄陽即此)樂平有八賦嶺(元和郡縣志八賦嶺在平城縣西南二十里)石艾前漢屬太原後罷晉屬真君九年罷孝昌六年復故名上艾(按郡國志上艾屬常山國未嘗罷也此誤)有井陘關(元和郡縣志井陘關在廣陽縣東北八十里引述征記曰其山首自河內有八陘井陘第五四面高中央低似井故名)葦澤關(元和郡縣志葦澤關在廣陽縣東北八十里)董卓城(元和郡縣志廣陽縣東北八十里)董卓壘引水經注曰澤發水出董卓壘(宏女泉及祠(宏當爲妒字之譌水經注蘇蔓水出樂平郡之上艾縣北流逕井陘關下注澤發水元和郡縣志廣陽縣下云澤發水一名阜漿水亦名妒女泉源出縣東北董卓壘東泉旁有祠土人祀之婦人袂服靚妝必輿雨電故曰妒女)

襄垣郡治襄垣城(元和郡縣志襄垣縣本漢舊縣趙襄子所築因以爲名)建義有鹿臺山(山海經龍首山西二百里曰鹿臺之山水經注陽泉水出鹿臺山元和郡縣志山在襄垣縣南二十里太平寰宇記云謁戾山一名鹿臺山)刈陵有黎城(郡國志潞縣下注云東北八十里有黎城元和郡縣志黎城縣古黎國春秋晉荀林父滅潞立黎侯而還今縣東十八里黎侯城是也)積布山(隋志上黨黎城縣有積布

山)潞城(元和郡縣志潞城縣本漢潞縣漢志故潞子國)涉城(太平寰宇記潞州涉縣漢舊縣也按兩漢志本作沙縣屬魏郡晉曰涉屬廣平後魏省)有涉水(水經清漳水出上黨沾縣西北少山大壘谷東過涉縣西注云漳水於此有涉河之稱蓋名因地變也)高陽郡高陽有郝神(太平寰宇記高陽縣有聖姑祠引邢子勵記云聖姑姓郝字女君魏青龍時人)高陽城(太平寰宇記高陽縣本漢舊縣)博野(隋志舊曰博陸後魏改爲博野)蠡吾有清涼城(通鑑晉永和六年慕容儁擊鄧恆於魯口軍至清涼注以爲即此清涼也方輿紀要城在蠡縣西二十里石趙所置)蠡吾城(後漢書注蠡吾故城在博野縣西水經注引地理風俗記曰縣故饒陽之下鄉者也)石羊壘(方輿紀要石羊壘在蠡縣東)易後漢晉屬河間(晉志作易城)有易京(後漢書注易京故城在歸義縣南十八里其城三重周回六里今內城中有土京餘詳三國志公孫瓚傳)樂鄉有樂鄉城(水經注白馬湖水上承滹沱東逕樂鄉縣北饒陽縣南)永寧有班姬神(太平寰宇記引郡國志易縣有斜安城東隅上有班姬廟)

章武郡晉置章武國(洪氏亮吉曰杜畿傳子恕嘉平元年免官徙章武郡晉地理志魏武置郡十二其一章武及章武國下復云泰始元年置蓋誤也)成平治京城(太平寰宇記景城縣漢舊縣屬渤海郡後魏延昌二年自今縣南二十里徙成平縣

也)

來理之是京城即景城也）平舒有章武城（水經注澧水逕東平舒縣故城南魏土地記曰章武郡治故世以爲章武故城非也）有城頭神（太平寰宇記清池縣下云城頭將軍在此縣）東州有東州城（太平寰宇記東州故城在東城縣東北十四里）文安有文安（文安下脫城字太平寰宇記古文安縣城在今縣東北三十里）平曲城（史記正義引括地志平曲城在文安縣北七十里）廣陵（方輿紀要文安縣西北二十里有廣陵城疑此脫城字）趙君神（太平寰宇記文安縣有趙君祠引圖經云趙夔漢武帝時爲文安縣令好神仙值文安大旱乃自焚身土人感慕因立祠焉）

河間郡武垣有武垣城（史記正義引括地志武垣故城今瀛州城是也方輿紀要本趙邑史記趙孝成王九年秦圍武垣即此）小陵城（方輿紀要小陵城在河間縣西北亦曰蕭陵蓋石趙所置）樂城治河間城（漢志河間國故趙）有二王陵（後漢書注慎園在樂壽縣東南俗呼爲一皇陵）郭後漢晉屬治陵城（按漢志涿郡有阿陵縣太平寰宇記云故阿陵城在任丘縣東北二十里後魏曹曾徙郭縣理此此脫阿字又後漢上當有前漢屬涿四字）有鄭城（太平寰宇記廢鄭縣城在今縣東北三里邢子顯三郡記云顯所造）趙郡後漢建武中復（齊氏召南曰景帝三年改趙國爲邯鄲郡至五年卽復爲趙國是以前志列趙國豈遲至光武復置乎）平棘有平棘城（太平寰宇記平棘故城漢廢縣

在今縣南）房子有房子城（元和郡縣志房子故城在高邑縣西南十五里太平寰宇記云史記趙惠文王四年城之是也）回車城（方輿紀要回車城在贊皇縣南十里李左車所築）平州城（趙氏一清曰九城志趙州有平州城）元氏有元氏城（元和郡縣志元氏故城在今縣西北十五里漢志元氏縣下闕闕曰趙公子元之封邑太平寰宇記史記趙孝成王十一年城元氏是也）大嶺山（水經注澧水自倒馬關南流與大嶺水合水出山西南大嶺下）高邑有禪亭祠（後漢書肅宗紀元和三年詔高邑令祠光武於卽位壇元和郡縣志漢世祖廟一名壇亭在柏鄉縣北十四里鄆縣故城南七里卽世祖卽位之千秋亭也）漢光武卽位碑（後漢書注引水經注曰亭有石壇壇有圭頭碑其陰云常山相隴西狄道馮龍所造）有高邑城（元和郡縣志高邑故城在柏鄉縣北二十一里太平寰宇記云史記趙武靈王二年城之是也）欒城治關城（漢志常山有關縣後漢省元和郡縣志欒城縣本漢關縣）有欒城（郡國志常山有欒城縣後廢元和郡縣志故城在平棘縣西北十六里春秋晉邑）鉅鹿郡治舊楊城（按舊楊城卽楊氏縣也元和郡縣志寧晉縣本春秋時晉楊氏邑漢以爲縣屬鉅鹿郡晉省）

應陶治應陶城（太平寰宇記應陶故城在寧晉縣南二十九里）有沃州城（趙氏一清曰九城志趙州有沃州城引水經云沃水東至沃州城入於沃湖）宋子治宋子城（後漢書注宋子故城在平棘縣北）應遙治楊城（當作楊氏城元和郡縣志後魏於此置應遙縣）有歷城（漢志鉅鹿有歷鄉縣後漢省方輿紀要云在寧晉縣東二十五里魏收志應遙有歷城是也）南趙郡平鄉治鉅鹿城（史記正義引括地志平鄉縣城本鉅鹿王離圍趙王歇卽此城）平鄉城（太平寰宇記平鄉縣本秦鉅鹿郡後魏景明中移縣於舊城東三十里後自平鄉故城移平鄉以理之）南欒二漢屬鉅鹿（漢志欒作繚續志作蠻）有南欒城（太平寰宇記廢南欒縣在平鄉縣）柏人二漢晉屬（當作一漢晉屬趙國）有柏人城（元和郡縣志堯山縣本曰柏人春秋時晉邑故城在縣西北十二里）柏鄉城（漢志鉅鹿有柏鄉縣後漢廢太平寰宇記故城在堯山縣東北二十二里）廣阿有廣阿城（元和郡縣志昭慶縣本漢廣阿縣）堯臺（太平寰宇記引隋圖經大陸縣有堯臺高與縣城等謂堯禪舜處）大陸（漢志鉅鹿郡鉅鹿禹貢大陸澤在北元和郡縣志在鉅鹿縣西北五里東西二十里南北三十里）銅馬祠（水經注衛漳又逕銅馬祠東漢光武廟太平寰宇記祠在鉅鹿縣北七里）中丘有中丘城（元和郡縣志內丘縣古邢國地在漢爲中丘縣）伯陽城（史記正義引括地志伯陽故城在鄴縣西五十五里七國時魏邑漢邯鄲會城也）鵠山祠（隋志襄國柏仁縣有鵠山元和郡縣志山在內丘縣西三十六里漢志中丘逢山長谷卽此水經注作蓬鵠山）滄州治饒安城（元和郡縣志饒安縣本漢千童

縣即秦千童城)

浮陽郡屬瀛州(汲古閣本脫瀛字)

饒安有無棣溝(水經注清河入南皮縣界無棣

溝出焉流逕高成縣至鹽山東北入海)西鄉(太

平寰宇記漢高樂縣故城在南皮縣東南三十里

今謂之思鄉城亦曰西鄉城)茅焦冢(太平寰

宇記茅焦冢在臨津縣引郡國志云秦時人勸始

皇與母相見者)浮陽西接漳水(漢志上黨沾

漳水出上黨沾縣西北少山大壩谷東過沙縣西

至武安縣南委容邑入於濁漳)衡水入焉今謂

之合口(水經注衡水自渤海建成縣又東左會

庫池別河故瀆又東北合清河謂之合口)有浮

水(水經注浮水首受清河於浮陽縣界流逕柳

縣故城南東北逕漢武帝望海臺東注於海應劭

曰浮陽浮水所出入海)高城治高城(元和郡縣

志鹽山縣本春秋齊無棣邑漢於此置高城縣)

有平津鄉(史記索隱平津高城之鄉名)章武

治章武城(元和郡縣志魯城縣本漢章武縣水

經注云故濊邑也)有漢武帝臺(水經注引魏

土地記曰章武縣東一百里有武帝臺南北有二

臺相去六十里基高六十丈俗云漢武帝東巡海

上所築)有沽水(漢志漁陽郡漁陽沽水出塞

外東南至泉州入海水經沽河從塞外來西南與

溫餘水合為潞河至雍奴縣西入筍溝東南至泉

州城與清河合東入於海)大家姑祠俗云海神

或云麻姑神(水經注作紆姑太平寰宇記清池

縣有麻姑城引郡國志云即漢武帝東巡至此祀

麻姑故有此名)

樂陵郡晉為國(晉志魏武置郡十二其一樂陵)

樂陵有樂陵城(後漢書注樂陵故城在樂陵縣

東元和郡縣志云本燕將樂毅攻齊所築水經注

伏琛晏謨言平原邑今分爲郡)陽信治陽信城

(太平寰宇記陽信故城在無棣縣東南三十里)

有鹽山神祠(隋志渤海鹽山縣有鹽山元和郡

縣志在縣東南八十里)厭次治馬領城(太平

寰宇記馬嶺城在陽信縣東水經注商河又東北

流逕馬嶺城西北南流屈而東注南轉逕城東城

在河曲之中)有蒲臺祠(郡國志高縣下注引

三齊記曰城南有蒲臺高八尺秦始皇所頓處

在臺下縈蒲繫馬今蒲猶縈著水經注云臺高八

丈方二百步東去海三十里)有富城(當作富

平城脫平字)邵續居之號邵城中有鐵柱神(太

平寰宇記漢富平故城在陽信縣東南三十里今

名邵城引十六國春秋內黃人邵續自號冀州刺

史屯富平城爲石季龍所擒即此城也城中有鐵

柱兼有神祠)羊蘭城(按傅豎眼傳拜靈越鎮

遠將軍青州刺史貝丘子鎮羊蘭城即此城也)

濕沃(水經注作濕沃胡氏謂曰濟澤之濕說文

本作濕燥濕之濕說文本作溼隸改日爲田又省

一系遂作溼而濕轉爲溼溼溼二字混而無別漢

千乘郡有濕沃縣溼水之所逕故名而地理志譌

爲溼司馬彪魏收皆承其誤)前漢屬千乘郡後

罷晉復(宋志溼沃令前漢屬千乘後漢無何云

魏立當是魏復立也此云晉復誤)延鄉城(漢志

千乘有延鄉縣後漢省水經注蓋野溝水導源延

鄉城東北平地西北流逕高苑縣北注時水)

安德郡中興初分樂陵置太昌初罷天平初復治

般界(按隋志平原郡平昌縣後魏置東安郡即

此東安下當有德字因冀州有安德郡故加東以

別之)

般治般城(太平寰宇記故般城在德平縣東北

二十五里)有故般河(水經注大河故瀆逕西

平昌縣故城北故渠川派東入般縣爲般河蓋亦

九河之一道也)重合治重合城(元和郡縣志

重合故城在樂陵縣東二百步)有苑康家(康

字仲真渤海重合人見後漢書黨錮傳)重平有

歐陽欽家(欽字正思樂安千乘人見後漢書儒

林傳)平昌治平昌城(太平寰宇記平昌故城

在德平縣西南三十里)

肆州治九原(非漢五原郡之九原縣也元和郡

縣志秀容縣本漢陽曲縣地後漢末於此置九原

縣屬新興郡)

永安郡定襄有聖人祠(太平寰宇記五臺縣下

引水經注曰溇沱水東流經聖人阜阜下有泉泉

側石有十二手跡其西復有二腳跡甚大莫窮所

自在縣西南四十八里)定襄城(史記正義引

括地志定襄故城在善陽縣北三百四十里)陽

曲有羅陰城(水經注洛陰水出新興郡西流逕

洛陰城北當即此)陽曲澤(方輿紀要陽曲縣

東北七十里)有陽曲川)平寇有三會河(太平

寰宇記定襄縣下引水經注云三會水出九原縣

西東流入溇沱水經定襄縣界)驢夷有思陽城

(趙氏一清曰初學記引水經注云思陽水東有

獨山城蓋因水以得名) 驢夷城(太平寰宇記五臺縣本漢慮虜縣) 倉城(方輿紀要倉城在五臺縣西南三十里之白村周三十步)

秀容郡秀容有秀容城(太平寰宇記秀容故城在今縣西北五十里通鑑注曰在漢定襄郡界北秀容也) 原平城(史記正義引括地志原平故城在崞縣南三十五里郡國志原平縣下注引古史考曰趙襄居原今原平縣) 肆盧城(方輿紀要肆盧城在定襄縣西北以西近肆盧水而名)

石鼓山神(太平寰宇記雁門縣下引郡國志云代郡石鼓在山下橫臥高一丈八尺腰細有過繩處) 金山神(太平寰宇記程侯山一名金山在秀容縣北三十五里引水經注曰忻州東歷程侯山北山甚層銳其下舊有采金處俗謂之金山)

肆盧治新會城(方輿紀要三會城在定襄縣西南即新會城也) 大邗城(大邗城見序紀定襄侯衛操樹碑於此) 敷城有車輪泉神(水經注陰館縣西北上平洪源七輪謂之桑乾泉即濬涓水者也)

雁門郡原平有陰館城(漢志雁門有陰館縣故樓煩鄉晉末廢太平寰宇記故城在鄯陽縣) 樓煩城(漢志雁門有樓煩縣應劭曰故樓煩胡地後漢末廢太平寰宇記故城在崞縣東) 廣武城(後漢書注廣武故城在雁門縣) 龍淵神(太平寰宇記雁門縣下引水經注云龍泉出雁門西平地)

幽州治薊城(方輿紀要薊城在順天府治東漢志故燕國召公所封)

燕郡後漢光武併上谷和帝永元六年復為廣陽郡(按後漢書和帝紀永元八年復置廣陽郡此作六年誤也郡國志作永平八年蓋永元之譌) 薊有燕昭王陵燕惠王陵(趙氏一清曰後人因此誤以燕刺王且戾陵當之非戾陵在薊西南此陵在薊東南觀道元所敘高梁河甚明金史世宗本紀大定九年二月詔改葬漢二燕王於城東蔡珪傳初兩燕王墓舊在中都東城外海陵廣京城園基在東城內嘗有盜發其墓大定九年詔改葬於城外俗傳六國時燕王及太子丹之葬及啓墳其東墓之柩題其端曰燕靈王舊舊古柩字通用乃西漢高祖子劉建葬也其西蓋燕康王劉嘉之葬珪作兩燕王墓辨據葬制名物款刻甚詳) 戾陵(水經注高梁水首受灑水於戾陵堰水北有梁山山有燕刺王且之陵故以戾陵名堰) 廣陽有廣陽城(史記正義引括地志廣陽故城在良鄉縣東北三十七里) 良鄉治良鄉城(太平寰宇記良鄉縣在燕為中都) 有大房山神(水經注作大防山在良鄉縣西北太平寰宇記在西北三十五里) 軍都有軍都關(水經灑餘水出上谷居庸關東注云其水歷山南逕軍都縣界又謂之軍都關元和郡縣志河內縣下引述征記曰太行山首始於河內北至幽州有八陁第八軍都陁) 昌平城(漢志上谷有昌平縣後漢屬廣陽屬燕國後魏省後漢書注故城在昌平縣東南) 安城前漢屬渤海後漢屬廣陽晉屬(漢晉志作安次) 有安次城(後漢書注安次故城在安次縣東) 葦道城(按即常道城常葦音同通用水

經注故鄉亭也西去長鄉城四十里) 范陽郡漢高帝置涿郡後漢章帝改(按郡國志涿郡屬幽州未嘗改為范陽志之誤也據晉志乃魏文更名又侯淵傳尋詔淵以本將軍為平州刺史大都督仍鎮范陽平州本治肥如嘗徙鎮於此志亦未及)

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

涿有涿城(方輿紀要涿縣今涿州治本燕之涿邑水經注引應劭曰涿郡故燕) 固安二漢屬涿晉屬(漢晉志固作故) 有固安城(太平寰宇記固安故城在易縣東南百步水經注武陽大城東南小城即故安縣之故城也東西二里南北一里半) 金臺(水經注故安縣有金臺陂陂北十餘步有金臺臺上東西八十許步南北加減高十餘丈太平寰宇記臺在易縣東南三十里燕昭王所造) 三公臺(太平寰宇記三公臺在易縣東南一十八里相去三十六步並高大燕昭王所立樂毅鄒衍劇辛所遊之處故曰三公臺) 范陽有長安城(太平寰宇記長安城在易縣東南二十七里漢書云宣帝時幽州刺史李宜尙范陽公主主思長安乃築此城象長安故以為名) 范陽城(元和郡縣志范陽故城在易縣東南六十二里水經注秦末張耳陳餘為陳勝略地燕趙命蒯通說之范陽先下是也) 梁門陂(水經注易水東分為梁門陂又東梁門陂水注之水上承易水於梁門東入長城東北入陂) 葦鄉晉屬(晉志葦作長) 有葦鄉城(水經注引地理風俗記曰涿縣東五十里有陽鄉亭後分為縣即長鄉縣也太平寰宇記陽鄉故城在固安縣西北二十七里後漢

省晉復置爲長鄉。方城有臨鄉城（漢志涿郡有臨鄉縣後漢省入方城水經注引地理風俗記曰在方城南十里）方城（太平寰宇記引郡國志故方城在固安縣南十五里即六國時燕之舊邑水經注李牧伐燕取方城是也）韓侯城（水經注引鄭玄曰周封韓侯居韓城爲侯伯王肅曰今涿郡方城縣有韓侯城）容城前後漢屬涿（按郡國志涿郡無容城縣後字衍屬涿下當作後漢省也）適有南北二適城（太平寰宇記漢適縣在今涑水縣北一里故適城是也後漢移於故城南即今涑水縣理所）

漁陽郡真君七年併泉州屬（漢志泉州屬漁陽郡晉屬燕國）是年又兩併安樂平谷屬焉（漢志安樂平谷二縣並屬漁陽郡安樂晉屬燕國平谷晉初省後復置也）

雍奴有泉州城（後漢書注泉州故城在雍奴縣南）雍奴城（太平寰宇記武清縣本漢雍奴縣也）潞二漢屬（漢志潞作潞後漢曰潞）無終有無終城（後漢書注無終故城今漁陽縣也水經注引魏土地記在右北平城西北百三十里漢志故無終子國）漁陽有漁陽城（史記正義引括地志漁陽故城在密雲縣南十八里）桃花山（一作桃芝山誤隋志安樂密雲縣有桃花山太平寰宇記密雲縣下引郡國志云山在漁陽縣西北一十五里）土垠有北平城（太平寰宇記引隋圖經漁陽有北平故城水經注引魏土地記在薊城東北三百里）徐無有徐無城（水經注引魏土地記曰右北平城東北一百一十里有徐無

城）

晉州孝昌中置唐州建義元年改（錢氏大昕曰崔挺傳作武泰初改郡爲唐州武泰元年即孝昌四年也其年即改建義則平陽之爲唐州不及一年）治白馬城（水經汾水過平陽縣東注云又南逕白馬城西魏刑白馬而築之故世謂之白馬城）

平陽郡晉分河東置（晉志故屬河東魏分立考三國魏紀正始八年分河東之汾北十縣爲平陽郡此云晉分河東置者誤也）真君四年置東雍州太和十八年罷（錢氏大昕曰楊播傳建義初除冠軍將軍東雍州刺史其年州罷未知誰是）

禽昌有乾城（方輿紀要乾壁城在襄陵縣東南亦曰乾城）郭城（太平寰宇記神山縣城故郭城也後魏書禽昌縣有郭城即此其城東西高四丈南北三面絕崖險固週迴五里）平陽有晉永（永疑水字之譌水經注平水又東逕平陽城南東入汾俗以爲晉水非也）高梁城（左傳注高梁晉地在平陽縣西南水經注引竹書紀年晉出公十三年智伯瑤城高梁）龍子城（元和郡縣志臨汾縣有龍子祠在姑射山東平水之源）堯廟（水經注引魏土地記平陽城東十里汾水東原上有小臺臺上有堯神屋石碑）襄陵治襄陵城（太平寰宇記襄陵故城在臨汾縣東南三十里水經注晉大夫卻離之邑也故其地有離氏鄉亭矣漢志作班氏蓋今本傳刻之誤）秦平有秦平城（元和郡縣志太平故關城在太平縣東北二十七里）

北絳郡北絳二漢晉曰絳（後漢晉志並作絳邑）永安郡治永安城（水經汾水過永安縣西注云故絳縣也霍伯之都也）

永安有霍山祠（漢志河東郡虞縣霍太山在東水經注山有岳廟元和郡縣志廟在趙城縣東南三十里霍山上）趙城（史記集解引徐廣曰趙城在河東永安縣正義引括地志云即造父之邑也）楊治楊城（太平寰宇記故楊城在洪洞縣東南十八里漢志楊縣下應劭曰楊侯國水經注晉大夫僚安之邑也）有岳陽山（即太岳山已見太原郡鄆縣下）

北五城郡（錢氏大昕曰五城之五隋志皆作伍五城定陽本汾州屬郡孝昌中寄治西河并移西河郡於平陽界與和中又析置北五城定陽郡皆在隋之臨汾縣地）

冀氏郡冀氏有冀氏城（方輿紀要冀氏城在岳陽縣東南百二十里）合陽有合陽城（方輿紀要合陽城在岳陽縣南）

南絳郡治會交川（會即澮字水經澮水出河東絳縣東澮交東高山注云澮水又西南與諸水合謂之澮交）小鄉有小鄉城（方輿紀要小鄉城在翼城縣西南）

義寧郡治孤遠城（元和郡縣志沁源縣本漢穀遠縣地舊在今縣南百五十里孤遠故城是也語音譌轉故以穀爲孤耳）

河內郡野王有太行山（漢志河內郡楚王淮南子謂之五行山太行山在西北）華岳神（水經注沁水逕野王縣故城北水北有華岳廟懷州刺

州頓丘李拱之之所經構也。沁水治沁城（當作沁水城水經注蓋藉水以名縣矣京相璠曰晉地矣）有沁水（漢志上黨郡穀遠縣羊頭山世靡谷沁水所出東南至滎陽入河又云出井陘山東水經云出上黨涅縣謁戾山注云即涅水也蓋合二水爲一矣山海經云出謁戾山）濟水（漢志河東郡垣縣禹貢王屋山在東北沁水所出東南至武德入河沈即濟也山海經作潞水水經濟水出河東垣縣東王屋山爲沁水又東至溫縣西北爲濟水）軹治軹城（史記正義引括地志故軹城在濟源縣東南十三里七國時魏邑）有軹關（隋志河內王屋縣有軹關元和郡縣志引述征記曰太行山首始於河內自河內北至幽州有八陁第一曰軹關陁今屬河南府濟源縣在縣理西十一里）

武德郡平泉有平泉陂（元和郡縣志平泉陂在武德縣南二十三里周迴二十五里）平泉城（史記正義引括地志平泉故城本邢丘邑在武德縣東南二十里）安昌城（水經注沙溝水東南逕安昌城西漢成帝河平四年封張禹爲侯國元和郡縣志城在武德縣東十三里）溫有溫城（今本逸城字太平寰宇記古溫城在溫縣西南三十里漢志故國己姓蘇忿生所封）沮水（按春秋注沮水出河內軹縣東南至溫入河則沮當爲沮形近而譌也漢志樂浪郡沮水縣沮水西至增地入海水經沮水出樂浪鏤方東入海說文同一曰出沮水縣與此初不相涉）懷有懷城（元和郡縣志故懷城在武陟縣西十一里左傳注後爲晉邑）州有雍城（左傳注雍國在河內山陽縣西）中都城（水經注光溝水逕成鄉城北又東逕中都亭南）金城（水經注白馬湖水東南流逕金亭西方輿紀要東金城在懷慶府城東四十三里西金城在懷慶府城東北四十里）建州治高都城（史記正義引括地志高都故城今澤州是）長平郡永安中置治茲氏城（汲古閣本脫永安以下八字元和郡縣志高平縣本漢茲氏縣水經注引竹書紀年晉烈公元年趙獻子城茲氏是也）

高平（當作平高隋志高平縣舊曰平高齊末改焉）元氏二漢晉屬上黨（漢晉志元作法元和郡縣志云後魏改爲元氏）有羊頭城（明刻本作羊頭山）汾州延和三年爲鎮太和十二年置州治蒲子城（漢志河東郡有蒲子縣晉屬平陽後省太平寰宇記故城在隰川縣東北一里春秋時曰蒲左傳注蒲今平陽蒲子縣錢氏大昕曰穆麟傳高祖時爲吐京鎮將後改吐京鎮爲州仍以麟爲刺史然則魏初本爲吐京鎮蒲子城即吐京鎮也汾州之治西河自裴良始）西河郡治茲氏城（漢志太原郡有茲氏縣水經注云縣故秦置也魏黃初二年置西河郡元和郡縣志晉改爲國仍改茲氏爲隰城）隰城有虞城（太平寰宇記孝義縣有虞城相傳晉滅虞遷其人於此築城以居之）介休二漢屬太原（漢志介休界）有郭林宗墓（元和郡縣志郭林宗墳在介休縣東三里）介休城（方輿紀要介休城在今介休縣東南十五里）吐京郡（水經注吐京郡治即土軍縣之故城也胡漢譯言皆爲譌變矣）東雍州世祖置太和中罷天平初復（錢氏大昕曰前晉州平陽郡下云真君四年置東雍州太平十八年罷然則世祖所置之東雍州在平陽此天平復置之東雍州乃在郡名雖同而地實異矣曰鑑按通鑑梁紀東魏以東雍州刺史司馬恭鎮正平司空從事中郎聞喜裴遂欲攻之恭棄城走泰以楊樹行正平郡事以周書楊樹傳證之司馬恭懼擲威聲棄城遁走擲遂移據東雍州既而東魏遣太保侯景攻陷正平下文云時東魏以正平爲東雍州遣薛榮祖鎮之是州在正平不在郡郡也隋志絳郡後魏置東雍州垣縣後魏置郡郡亦非一地錢氏蓋誤以首郡爲治矣又考水經注汾水過臨汾縣逕絳縣故城北又西逕正平郡南故東雍州治太和中皇都徙洛罷州立郡矣是州之置本在正平元和郡縣志今絳州即漢河東郡之臨汾縣地魏正始八年分河東汾北置平陽郡又爲平陽郡地後魏太武帝於今西南二十里正平縣界柏壁置東雍州及正平郡其地屬焉云云似爲得之）

郡郡皇興四年置郡上郡（食貨志懷州郡郡上郡之長平白水縣錢氏大昕曰此文當云郡上郡誤多一郡字郡上郡本屬懷州志亦未載）白水有馬頭山（水經注乾棗澗水又南歷好苗北馬頭山亦曰白水原西南逕垣縣故城北元和

郡縣志山在呂香縣南六十里）清廉有清廉山（水經注清水出清廉山之西嶺世亦謂之清營山太平寰宇記古清廉縣在垣縣西北二十二里後魏割開喜安邑東界之人於清廉山北置縣）

白馬山（水經注澮水又南紫谷水東出白馬山白馬川道甲開山圖曰絳山東距白馬山謂是山也）葭平（隋志葭作長水經注同）有王屋山（漢志河東垣縣禹貢王屋山在東北史記正義引括地志在王屋縣北十里古今地名云山方七百里高萬仞）

高涼郡高涼有高涼城（方輿紀要高涼城在稷山縣東南三十里）麗姬冢（元和郡縣志麗姬墓在正平縣南八里）龍門有臨汾城（太平寰宇記臨汾故城在正平縣東北二十五里）

正平郡開喜有周陽城（史記正義引括地志周陽故城在開喜縣東三十九里水經注其城南臨涑水北倚山原竹書紀年晉獻公二十五年翟人伐晉周陽即是邑也）

安州皇興二年置治方城（太平寰宇記故方城在固安縣南十五里即六國時燕之舊邑也）天平中陷元象中寄治幽州北界（錢氏大昕曰通鑑梁普通七年魏安州石離穴城斛鹽三戍兵反應杜洛周衆合二萬洛周自松岍赴之即魏孝昌二年也則安州之陷似當在孝昌中與燕營二州之陷同時矣今考江文遙傳稱文遙爲安州刺史善於綏撫甚得物情時杜洛周葛榮等相繼叛逆幽燕已南悉沒惟文遙孤城獨守百姓皆樂爲用卒官長史許思祖等復推其子果行州事遣使奉

表莊帝嘉之既而賊勢轉盛救援不接乃攜諸弟并率城人東奔高麗天平中詔高麗送果等蓋至是始聞安州之陷故志系之天中也其後招其遺民寄治幽州故地迫近庫莫奚遂爲甌脫矣）密雲郡治提攜城（錢氏大昕曰漢志漁陽郡有庫奚縣孟康讀庫爲題即此提攜也此云郡治提攜城而白檀縣下又云郡治則白檀即提攜城矣漢時白檀庫奚本是兩縣蓋後來省庫奚入白檀又移縣治於故庫奚城也曰鑑按郡國志及水經注並作僞奚）要陽桃花山（方輿紀要曰即今桃山在冀州西南蓋境相接也）

廣陽郡燕樂州郡治（錢氏大昕曰上文云安州治方城而此燕樂爲州郡治則燕樂城亦即方城矣而普泰元年又別置方城縣蓋孝昌淪陷之後僑立此縣非即燕樂故地也）

義州興和二年置寄治汲郡陳城（按隋志汲縣下東魏僑置七郡十八縣今數之乃十九陳即陣字通鑑注引宋白曰衛州城隋已前謂之陣城郡國縣道記武王伐紂於此列陣因名）

五城郡隰城有鳳皇臺（太平御覽引郡國志衛州有鳳皇臺太平寰宇記汲縣下鳳臺因鳳所集爲名）

泰寧郡（通鑑注引作義寧）

南汾州（錢氏大昕曰志不言何時置又不言治何城考隋志文城郡東魏置南汾州其首縣曰吉昌後魏爲定陽縣并置定陽郡則南汾州當治定陽城矣此志有定陽郡而無定陽縣所未詳也孝莊紀永安三年以元顯恭都督晉建南汾三州諸

軍事晉州刺史則南汾之置當亦在永安初矣）南營州孝昌中營州陷永熙二年置寄治英雄城（錢氏大昕曰英雄城未詳所在隋志上谷郡遂城縣舊曰武遂後魏置南營州則英雄城即遂城也但後魏上谷郡無武遂縣惟冀州武邑郡有之本漢縣屬河間後漢晉屬安平後齊廢縣入武彊與上谷之武遂似非一地曰鑑按英雄城見元和郡縣志遂城縣下以韓瓚爲南營州刺史所部三千人並雄武冠時而名）

遼東郡太平（隋志作襄平）

東燕州太和中分恆州東部置燕州（錢氏大昕曰以穆羆傳考之燕州蓋治廣寧也）天平中領流民置寄治幽州宣都城（錢氏大昕曰幽州無宣都城一本作宜都亦誤當是軍都之譌隋志涿郡昌平縣舊置東燕州考兩漢及晉軍都昌平各自爲縣後魏軍都縣有昌平城則已并昌平於軍都隋又改軍都爲昌平也）

平昌郡孝昌中陷天平中置（汲古閣本昌爲禹考京兆王黎傳繼弟羅侯遂家於燕州之昌平郡宋弁傳長子維默爲燕州昌平郡守是燕州所領本名昌平郡水經注昌平郡太和中置是矣至天平中始改爲平昌此云孝昌中陷不書建立之年志之略也而郡名互異亦不著明）

萬言天平中置（言字誤按隋志涿郡昌平縣下開皇初省萬年縣入焉萬與萬同）

營州治和龍城（太平寰宇記引十六國春秋慕容皝傳云柳城之北龍山之南所謂福德之地可營制規模築龍城構宮廟改柳城爲龍城縣遂遷

營州治和龍城（太平寰宇記引十六國春秋慕容皝傳云柳城之北龍山之南所謂福德之地可營制規模築龍城構宮廟改柳城爲龍城縣遂遷

都龍城號新宮曰和龍宮是也水經注引十三州志昌遼道有黃龍亭魏營州刺史治

昌黎郡晉分遼東置(晉志漢屬遼東屬國都尉魏置郡)

龍城有榆頓城(榆頓疑錫頓之誤)狼水(水經注白狼水出白狼縣逕廣成縣南昌黎縣西龍山西黃龍城東又東北出東流分爲二水右水疑

即渝水一水東北出塞爲白狼水東南流至房縣注於遼)廣興有雞鳴山(隋志遼西柳城縣有雞鳴山)石城(方輿紀要石頭故城在營州西南百餘里)大柳城(後漢書注柳城故城在今營州南)定荒有鹿頭山(太平寰宇記柳城縣下引郡國志云白狼山一名鹿首山)松山(隋志遼西柳城縣有松山)

建德郡真君八年置(錢氏大昕曰世祖紀延和元年車駕至和龍馮文通石城太守李崇建德太守王融十餘郡來降則建德郡後燕已有之魏特因其故名耳志無石城郡蓋併入建德矣)治白狼城(漢志右北平有白狼縣後漢省方輿紀要白狼城在營州西南)

石城前漢屬右北平(漢志城作成)有白鹿山祠(水經注白鹿山即白狼山也)

遼東郡襄平有青山(太平寰宇記青山在柳城縣東北九十里)

樂良郡治連城(方輿紀要樂浪城在營州西南即連城是也)

永洛(隋志作永樂)

營丘郡正光末置(錢氏大昕曰世祖紀延和元年徙營丘成周遼東樂浪帶方玄菟六郡民三萬家於幽州開倉以振之是營丘郡後燕所置而志以爲正光末置者世祖滅燕之後營丘成周帶方玄菟諸郡皆已併省正光末又復置耳曰鑑按晉書載慕容廆以青州流人立爲營丘郡則郡前燕已有不始於後燕也)

平州治肥如城(太平寰宇記肥如故城今盧龍縣也漢志肥如縣下應劭曰肥子奔燕燕封於此)

遼西郡肥如孤竹山祠(水經注引晉書地道志曰遼西人見遼水有浮棺欲破之語曰我孤竹君子也汝破我何爲因爲立祠焉祠在山上)碣石(漢志右北平驪成縣大碣石山在縣西南說文云特立之石東海有碣石山水經注今枕海有石如甬道數十里當山頂有大石如柱形世名之曰天橋柱也)令支城(漢志遼西郡有令支縣晉廣太平寰宇記廢城在今盧龍縣界史記作離支)黃山(方輿紀要黃山在遷安縣西五十里)

濡河(漢志遼西郡肥如縣元水東入濡水濡水南入海陽即漁陽白壇之泄水也水經注引作濡水蓋今本漢書傳刻之誤水經濡水從塞外來東南過遼西令支縣北海陽縣西南入於海)陽樂有覆舟山(隋志北平盧龍縣有覆舟山)林榆山(太平寰宇記臨餘山在盧龍縣東一百八十里本名臨榆山音譌爲餘)海陽有橫山(通鑑注橫山蓋即三陘之地)新婦山(太平寰宇記盧龍縣下引九州要記云盧龍柳城南有新婦山)

清水(水經注清水出海陽縣東南流逕海陽城

東又南合新河又南流一十許里西入九過口注海)

北平郡新昌前漢屬涿後漢晉屬遼東(按此縣亦後魏舊置當依朝鮮注爲例且營州遼東郡新昌縣二漢晉屬此復書後漢晉屬遼東而以前漢涿郡之新昌合而爲一抵牾甚矣漢志新昌明是兩縣一屬涿郡後漢省在今固安縣南三十里一屬遼東在今海城縣東)有盧龍山(水經注濡水又東南逕盧龍塞塞道自無終縣東出渡濡水向林蘭陁東至青陘太平寰宇記盧龍縣下塞道在今郡城西北二百里)

恆州天興中置司州治代郡平城(錢氏大昕曰魏初都平城置司州其所領郡縣皆闕而不書今據食貨志司州萬年雁門上谷靈丘廣寧平涼郡知當時六郡皆隸司州矣曰鑑按雁門郡天興中屬司州已見於本志)

代郡秦置孝昌中陷天平二年置(趙氏一清曰李元護傳叔恤爲東代郡太守蓋太和遷洛以後以平城爲代郡故以漢代郡之代縣爲東代地形志代郡秦置孝昌中陷天平二年置而無東代郡且後魏時代郡又屬肆州本紀太和十一年肆州之代郡民饑靈徵志神龜二年白鹿見代郡倒刺山皆故代縣地而志又缺則知所遺者多矣曰鑑按官氏志延和元年三月改代尹爲萬年尹代令爲萬年令後復志亦失書)

武周二漢屬雁門(漢志周作州)

梁城郡桓鴻一本作祇鴻(通鑑注引此作旋鴻考水經注如渾水出涼城旋鴻縣今志作桓及祇

第一五頁

未詳)

朔州本漢五原郡延和二年置為鎮後改為懷朔
(水經注光祿城東北即懷朔鎮城也通鑑注考
其地當在漢五原稠陽塞外杜佑曰在馬邑郡北
三百餘里)

神武郡殊類(此縣本名樹類避高歡父諱改樹
為殊周書楊忠傳高祖元壽魏初為武川鎮司馬
因家於神武樹類焉)

附化郡息澤(趙氏一清曰當作恩澤)廣收(通
鑑注引作廣牧斛斯椿傳廣牧富昌人則又似廣
牧自為一郡也)

蔚州永安中改懷荒禦夷二鎮置(通鑑注懷荒
在柔元鎮之東禦夷鎮之西引宋白曰懷荒禦夷
二鎮皆在蔚州界)

顯州治汾州六壁城(太平寰宇記六壁城在孝
義縣西八里水經注勝水出西狐岐山東逕六壁
城南魏朝舊置六壁於其下)

定戎郡治瓜城(太平寰宇記瓜城在孝義縣北
十里本號城也)
真君郡治東多城(方輿紀要東多城在孝義縣
北二十里)

武昌郡治團城(元和郡縣志團城在孝義縣西
北十八里後魏築以防稽胡其城紆曲故名)

廓州武定元年置治肆州敷城界廓城(汲古閣
本作郭城錢氏大昕曰隋志雁門郡崞縣後魏置
曰石城東魏置廓州有廣安永定建安三郡寄山
城與此志治敷城似不合考敷城石城俱肆州秀
容郡之屬縣蓋隋時并敷城入石城因附書於下

也)

武州武定元年置治雁門川武定三年始立州城
(錢氏大昕曰隋志雁門郡繁峙縣後魏置并置
繁峙郡有東魏武州及吐京齊新安三郡寄在城
中此志之雁門川即繁峙郡且寄治郡城非別立
州城也)

寧州興和中置寄治汾州介伏城(按世祖紀始
光四年以氏王楊元為都督荆梁益寧四州諸軍
事則寧州之置當在始光初矣今志祇據興和中
寄治書之亦其疏也介伏城當是介休之譌)

靈州太延二年置薄骨律鎮(水經注河水又北
逕薄骨律鎮城在河沿上赫連果城也)

魏書地形志校錄卷中

烏程溫曰鑑鐵華

兗州魏晉治廩丘(今本脫廩字)劉義隆治瑕
丘(錢氏大昕曰漢山陽郡有瑕丘縣劉宋元魏
皆以瑕丘為兗州治所而不著瑕丘縣至隋始復
置焉今滋陽縣也)魏因之(高祖紀延興元年劉
瑒將垣崇祖率衆二萬自郁洲寇東兗州錢氏大
昕曰此東兗州治瑕丘即劉宋之兗州魏泰常中
已置兗州於滑臺故此加東字游明根傳由都督
兗州諸軍事瑒丘鎮將就拜東兗州刺史是也)

泰山郡鉅平治平樂城(漢志山陽郡有平樂縣
後漢省方輿紀要在單縣東四十里水經注黃溝
東逕城武縣故城南又東逕郟城北又東逕平樂
縣故城南)有亭亭山祠(漢志鉅平有亭亭山
祠史記索隱引應劭曰在鉅平北十餘里郡國志
謂之亭禪山)陽關城(左傳注陽關在泰山鉅
平縣東)鉅平城(方輿紀要鉅平城在寧陽縣
東北九十里春秋時魯之成邑)祝丘(春秋注
祝丘魯地)奉高有梁父山(水經注梁父縣北
有梁父山史記正義引括地志在泗水縣北八十
里)岱岳祠(漢志博縣有泰山廟岱山在西北
水經注引從征記曰泰山有下中上三廟中廟去
下廟五里上廟在山頂即封禪處也)玉符山(隋
志魯郡博城縣有玉符山水經注琨瑞水西北流
逕玉符山又西北逕獵山東)故明堂基(漢志
奉高有明堂在西南四里武帝元封二年造並詳
孝武紀及郊祀志)博平有博平城(即博縣也
後漢書注博今博城縣)野首山(野首疑社首

之誤史記集解引應劭曰山在博縣) 贏有馬耳山祠(水經注馬耳山高百丈上有二石並舉望齊馬耳故世取名焉東去常山三十里) 汶水出焉(漢志泰山郡汶水出萊蕪西入濟又萊蕪縣原山禹貢汶水出西南入泇水經汶水出太山萊蕪縣西南至安民亭入於濟元和郡縣志引述征記泰山郡水皆名汶又有北汶贏汶柴汶汶汶皆源別而流同) 贏城(史記正義引括地志贏故城在博城縣東北左傳注齊邑) 銅冶山(太平御覽引伏琛齊記萊蕪谷有銅冶峴古鑄銅處) 牟有萊蕪城(漢志泰山郡有萊蕪縣晉末廢元和郡縣志故城在淄川縣東南六十里水經注引應劭十三州記曰魯之萊祚邑) 平州城(春秋注平州齊地在泰山牟縣西) 牟城(方輿紀要牟城在萊蕪縣東二十里漢志故國應劭曰魯附庸也) 梁父(汲古閣本父誤作汶) 有菟裘澤(汲古閣本菟誤作羌左傳注菟裘魯邑在泰山梁父縣南) 徂來山在北(水經注引鄒山記曰徂徠山在梁甫奉高博三縣界亦曰尤萊之山也山高十里) 梁父城(太平寰宇記梁父故城在泗水縣北) 龜山(春秋注泰山博縣北有龜山水經注在博縣北一十五里) 羊續碑(續字與祖太山平陽人見後漢書列傳)

伐鄭取牛首何氏焯曰既取鄭地則非此牛首矣) 五父衢(左傳注五父衢道名在魯國東南) 尼丘山(隋志魯郡泗水縣有尼丘山元和郡縣志在縣南五十里) 房山(隋志魯郡泗水縣有防山元和郡縣志在曲阜縣東二十五里) 魯城(漢志魯縣伯禽所封史記正義引括地志曲阜縣外城即周公旦子伯禽所築古魯城也) 叔梁紇廟(史記正義引括地志叔梁紇廟亦名尼丘山祠在泗水縣五十里尼丘山東趾) 孔子墓廟(史記集解引皇覽曰孔子冢去魯城一里冢塋百畝冢南北廣十步東西十三步高一丈二尺冢前以甌甃爲祠壇方六尺與地平) 沂水(水經注沂水出魯城東南尼丘山西北平地發泉流逕魯縣故城南西逕園丘北又西右注泗水) 泗水(漢志魯國卞縣泗水西南至方輿入泇山海經出魯東北水經出魯卞縣北山注引博物志出陪尾) 季武子臺(水經注曲阜上有季氏宅宅有武子臺今雖崩夷猶高數丈) 顏母祠(水經注尼丘山東一十里有顏母廟又孔廟之西北二里有顏母廟) 魯昭公臺(太平寰宇記魯昭公臺在魯城內高二丈九尺) 伯禽冢(太平寰宇記伯禽墓高四丈四尺在曲阜縣南七里) 魯文公冢(太平寰宇記魯文公冢高五丈五尺在曲阜縣南九里) 魯恭王陵(太平寰宇記魯恭王墓高一丈在曲阜縣南九里) 宰我冢(太平寰宇記宰我墓在曲阜縣西南二十里) 兒寬碑(兒寬千乘人見後漢書列傳) 汶陽有新甫山方輿紀要宮山在新泰縣西北四十里即古新甫山)

汶陽城(元和郡縣志故汶陽城在龔丘縣東北五十四里) 鄒二漢晉國(漢志作驪) 有叔梁紇城(水經注今邾城在鄒山之陽故邾婁之國曹姓也叔梁紇之邑也) 嶧山(漢志驪縣嶧山在北水經注山東西二十里) 鄒山(郡國志驪縣注有驪山高五里太平御覽引鄒山記鄒山古之驪山也山下是鄒縣本是邾國魯穆公改鄒山從邑變故曰鄒山) 陽平劉駿置(宋志作平陽) 有滕城(漢志沛郡公丘縣故滕國周文王子錯叔繡所封今本文作懿蓋傳刻之誤元和郡縣志在滕縣西南十四里滕城是也) 高平郡高平有泇水(水經泗水過高平縣西泇水從西北來流注之注云泇水者泇水也泇泇相入互受通稱矣又引呂忱曰泇水出東平陽) 胡陸城(郡國志山陽有湖陸縣故湖陵章帝更名晉屬高平國後魏省太平寰宇記故城在魚臺縣東南一里) 高平山(水經注泗水過高平縣南逕高平山山東西十里南北五里高四里與衆山相連其山最高頂上方平故謂之高平山) 方輿有方輿城(元和郡縣志魚臺縣理城即漢方輿城也) 金鄉有金鄉山(郡國志金鄉下注引晉地道記縣多山所治名金山鑿而得金故名) 范巨卿冢碑(汲古閣本家誤爲冢水經注金鄉山東南有范巨卿冢石柱猶存巨卿名式山陽之金鄉人) 平陽有平陽城(後漢書注南平陽故城今鄒縣左傳注謂之西平陽) 漆城(郡國志南平陽有漆亭注引杜預曰縣東北有漆鄉水經注引十三州記邾邑也) 白馬溝(方輿紀要白馬

河在鄒縣北三十里源出九龍山

任城郡任城有任城（元和郡縣志本漢縣也漢

志故任國太昊後風姓）亢父有亢父城（史記

正義引括地志亢父故城在任城縣南五十一里

戰國時齊地）女媧家（元和郡縣志女媧陵在

任城縣東南三十九里）鉅野有鉅野城（汲古

閣本野誤為鹿元和郡縣志鉅野縣本漢舊縣）

東平郡無鹽有龍山（水經注汶水自東平陸縣

故城北又西逕危山南世謂之龍山也）無鹽城

（元和郡縣志無鹽故城在須昌縣東三十六里

郡國志本宿國任姓）南章北章城（漢志東平

國有章縣水經注云世本任姓之國也春秋齊人

降章者也故城在無鹽縣東北五十里）須昌治

須昌城（元和郡縣志須昌故城在須昌縣東南

三十二里漢志故須句國太昊後風姓水經注引

京相璠曰須胸一國二城兩名蓋遼都須昌胸是

其本）壽張有郟城（漢志無鹽有郟鄉左傳注

在無鹽縣東南水經注魯叔孫昭伯之故邑也今

其城無南面）富城有富城（水經注汶水過章

縣南泌水注之泌水西南逕富城縣故城西注於

汶）左丘明家（元和郡縣志左丘明墓在平陰

縣東南五十五里）剛治剛城（太平寰宇記故

剛城在龔丘縣東北漢志故剛應劭曰春秋齊取

鄆及剛今剛亭是也）

東陽平郡故東平地劉義隆置壽龍劉駿復（宋

志作陽平郡東字蓋後魏所加以別於司州之陽

平也下齊州之東魏東平原東清河三郡並同）

治平陸城（太平寰宇記中都縣漢為東平陸縣

漢志東平陸下應劭曰古厥國今有厥亭是）

元城有寧陽城（漢志泰山有寧陽縣後漢屬東

平國晉省後漢書注故城在龔丘縣南）樂平有

青山祠（元和郡縣志青山在龔丘縣西三十

里後魏有青山祠）平原有鉅野澤（漢志山

陽郡鉅野縣大壑澤在北元和郡縣志一名鉅野

在鉅野縣東五里水經注引何承天曰鉅野湖澤

廣大南通洙泗北接清濟）

青州（按崔休傳青州九郡民今志領齊北海樂

安渤海高陽河開樂陵祇七郡後讀食貨志青州

北海郡之膠東縣平昌郡之東武平昌縣高密郡

之昌安高密夷安黔陬縣乃知七郡外尚有平昌

高密二郡與所云九郡其數正合惟平昌高密二

郡皆屬膠州膠州置於永安二年不言嘗隸青州

亦志之略也）司馬德宗治東陽（通鑑注引宋

自曰東陽城今青州治益都縣東城水經注晉義

熙中青州刺史羊穆之築此以在陽水之陽即謂

之東陽城）

齊郡臨淄有公孫接家（水經注淄水逕蕩陰里

西水東有冢一基三墳東西八十步是列士公孫

接田開疆古治子之墳也）晏嬰冢（史記集解

引皇覽曰晏嬰冢在臨淄城南淄水南桓公冢西

北營丘（漢志臨淄下臣瓚曰臨淄即營丘也今

齊之城中有丘水經注云在小城內周迴三百步

高九丈北降丈五淄水出其前故有營丘之名）

齊臺（水經注齊城內有故臺）堯山祠（水經

注引從征記曰廣固城北三里有堯山堯祠因巡

狩登此山後人遂以名山廟在山之左麓山之上

頂舊有上祠今也毀廢）昌國有紀信冢（杭氏世

駿曰滎陽郡滎陽又有周苛紀信冢）盤陽有朱

虛城（史記正義引括地志朱虛故城在臨胸縣

東六十里十三州志云丹朱遊故虛故云朱虛）

大峴山（隋志北海臨胸縣有大峴山水經注峴

水所出元和郡縣志山在沂水縣北九十里）鉅

平山（水經注涪水出崑山世謂之巨平山也地

理志靈門縣有高梁山與崑山又云山在小泰

山東）太山祠（漢志琅邪朱虛縣有東泰山史

記公玉帶言黃帝封東泰山乃令祠官禮之是也

水經注謂之小泰山）西安有逢山（水經注逢

山即石膏山也引郭緣生續述征記山在廣固南

三十里漢書郊祀志作蓬山）安平二漢晉曰東

平（按宋志安平令六國時其地曰安平二漢魏

晉曰東安平此脫安字）有覆釜山（方輿紀要胸

山在臨胸縣東南二里一名覆釜山）廣川有牛

山（隋志北海臨淄縣有牛山水經注南郊山即

牛山也元和郡縣志山在臨淄縣南二十五里）

仲父冢（史記正義引括地志管仲冢在臨淄縣

南二十一里牛山之阿）齊桓公冢（史記集解

引皇覽曰冢在臨淄南城十七里所蓄水南水經

注引從征記女水西有桓公冢甚高大一墓二墳

與母同墓）四豪冢（水經注淄水逕臨淄縣故

城南又東逕四豪冢北水南山下有四冢方某員

墳咸高七尺東西直列是田氏四冢也）

北海郡治平壽城（太平寰宇記廢平壽縣在濰

州西南三十里）

都昌有徐偉長冢（太平寰宇記徐幹墳在濰州

東五十一里俗呼爲博士冢按幹字偉長見三國志王粲傳膠東有逢萌冢水經注澠水過都昌縣東北逕逢萌墓萌縣人也太平寰宇記謂之高士冢

渤海郡長樂有王陵冢王陵沛人見漢書列傳高陽郡故樂安地後古開本作安樂誤劉義隆置當作劉駿置宋志高陽郡稱孝武僑立孝武諱駿義隆乃文帝諱也此誤下河閒郡同

河閒郡章武有張釋之冢釋之字季南陽堵陽人史記漢書並有傳南皮有望海臺後漢書注平望縣今青州北海縣西北平望臺是也一名望海臺水經注云伏琛妄謾並以爲平望亭在平壽縣故城西北八十里古縣又或言秦始皇升以望海因曰望海臺

樂陵郡陽信有千乘城元和郡縣志千乘故城在高苑縣北二十五里漢千乘國也水經注故齊地伏琛曰城在齊城西北一百五十里博昌城太平寰宇記博興縣本漢博昌縣樂陵有姑城當作薄姑城脫薄字史記正義引括地志薄姑故城在博昌縣東北六十里濕沃食貨志作濕沃

齊州治歷城元和郡縣志歷城縣古齊歷下城對歷山之下引述征記歷城到營城三十里東魏郡後徙臺城漢志濟南有臺縣晉省太平寰宇記在歷城縣北十三里

肥鄉有巨合城後漢書注巨里聚一名巨合城在全節縣東南水經注三面有城西有深隄聊城有管城管字誤當作管卽漢志濟南郡管鄒

也齊乘云在章丘臨濟鎮北記引晉太康志以管叔之後封於此齊滅管故其子孫仕齊按書稱致辟管叔古史謂管叔鮮罪大無後管夷吾出自周穆王至夷吾始顯豈管叔之後耶鄭州管城乃管叔所封魯有管邑大夫采地惟齊無管城此卽漢之管城而傳寫致誤衛國有雞山隋志齊郡歷城有雞山水經注巨合水南出雞山西北北逕巨合故城西太平寰宇記山在章丘縣西十里博平有土鼓城方輿紀要土鼓城在淄川縣西五十里逢陵城太平寰宇記逢陵故城在淄川縣西北四十里俗謂此卽丑父之城長白山隋志齊郡章丘有長白山元和郡縣志山在縣東南十三里高二千九百丈周迴六十里安陽有魚溝水經注魚子溝水出長白山東柳泉口逕於陵縣故城西北注隴水東魏有蒼狼溝水經注德會水出昌國縣黃山西北流逕昌國縣故城南又西北世謂之滄浪溝又北流注時水時水漢志千乘郡博昌縣時水東北至鉅定入馬車瀆水經注時水出齊城西北二十五里平地出泉卽如水也又云時水於博昌合繩水自下通謂之繩水臨邑有鵠山隋志齊郡歷城有鵠山隰陰城漢志平原郡有隰陰縣水經注以爲春秋之隰也左傳注隰亦名隰濟南有隰陰縣後漢書濟北安王傳亦作隰陰襄楷傳同注云故城在齊州臨邑縣西

東平原郡治梁鄒漢志濟南郡有梁鄒縣晉省齊乘云在鄒平縣東南三十五里平原有黃山方輿紀要黃山在鄒平縣東南

高有高苑城漢志千乘郡有高苑縣後漢作苑屬樂安國晉爲樂安國治後省太平寰宇記故城在長山縣北二十四里平原城史記正義引括地志平原故城在平原縣東南十里臨濟有鄒平城漢志濟南郡有鄒平縣晉曰鄒縣屬樂安國後廢方輿紀要故城在今縣西南二十五里水經注古鄒侯國舜後姚姓也建新城漢志千乘郡莽曰建信錢氏曰後漢書崔駰傳崔駰爲建新大尹新信字通也水經注引應劭曰在臨沂縣西北五十里廣宗有胡山方輿紀要湖山在章丘縣南五十里東清河郡治盤陽城元和郡縣志淄川縣本漢般陽縣也晉省宋於此置貝丘縣隋志淄川縣舊曰貝丘置東清河郡釋幕有隴水水經濟水過梁鄒縣北注云隴水南出長城中卽古袁水也西北逕梁鄒縣故城南又北屈逕其城西北注濟鄒有淳于髡冢太平寰宇記淳于髡墓在淄川縣東六十七里武城有昌國城史記正義昌國故城在淄川縣東北四十里廣川郡中水有長城水經注平陰城南有長城東至海西至濟河道所由名防門去平陰三里長城西接岱山東連琅邪巨海千有餘里蓋田氏之所造也史記正義引括地志西北起平陰縣緣河歷太山北岡上經淄川縣西南博城縣北東至密州琅邪臺入海濟南郡歷城有華不注山左傳注華不注山名元和郡縣志在歷城縣東北十五里華泉水

經注引京相璠春秋土地名曰華泉華不注山下泉水也)舜山祠(隋志齊郡歷城縣有舜山水經注歷城南對山山上有舜祠)娥姜祠(水經注灤水出歷城縣故城西南俗謂之爲娥姜水以泉源有舜妃娥英廟故也)著二漢晉屬(漢志作著方輿紀要著城在臨邑縣東南五十里)平陵有章丘城(水經注楊潯溝水逕土鼓城東又西北逕章丘城東)洛盤城(太平寰宇記洛盤山在章丘縣南二十七里引齊記云山有樂盤城)平陵城(太平寰宇記平陵城在歷城縣東十五里水經注故陵城也後乃加平譚國也)女郎山祠(水經注陽丘縣故城南有女郎山山上有神祠俗謂之女郎祠太平寰宇記章丘縣下引齊記曰章侯有三女溺死葬於此)土鼓有龍盤山(隋志齊郡章丘縣有龍盤山元和郡縣志山在章丘縣東二十五里)逢陵有於陵城(漢志濟南郡有於陵縣後漢末廢太平寰宇記故城在長山縣南二十五里)朝陽有朝陽城(太平寰宇記朝陽城在臨濟縣東四十里)

太原郡劉義隆置魏因之(隋志濟北長清縣有東太原郡即此考列傳韓伯華裴絳許廓俱嘗爲東太原太守水經注云郡治山在)

太原治升城(通鑑注升城在唐濟州長清縣界)有靡溝(水經濟水過盧縣北注云東北與涓溝合水上承涓湖北流注濟即此靡溝也顯祖紀慕容白曜傳並作靡)垣城(錢氏大昕曰當云垣苗城史脫苗字慕容白曜傳既至升城垣苗糜溝

二戍拒守不下是二城距升城不遠曰鑑按水經注濟水又東北逕垣苗城西故洛當城也)祝阿有唐城(疑即高唐城脫高字左傳注高唐在祝阿縣西北)山在格馬山(水經注賓溪谷水出南格馬山賓溪谷元和郡縣志謂之隔馬山在長清縣東南三十五里引左傳夙沙衛殺馬於隘以塞道後因以名山)盧有盧城(太平寰宇記盧城在長清縣南五十里郡國志盧縣下注引杜預曰今縣故城)平陰城(郡國志濟北盧縣有平陰城注引杜預曰在縣東北水經注引京相璠曰齊地也在濟北盧縣故城西南十里)孝子堂(水經注巫山在平陰縣東北山上有石室耆老言郭巨葬母處世謂之孝子堂)

鄭州治長城(當作長社城脫社字元和郡縣志故城在長葛縣西一里漢志長社縣下應劭曰宋人圍長葛是也其社中樹暴長更名長社)治潁陰城(太平寰宇記潁陰城在南頓縣西三十里)許昌郡許昌二漢晉屬潁川(漢志作許三國志魏文帝紀黃初二年改許縣爲許昌縣)治許昌城(史記正義引括地志許故城在許昌縣南三十里漢志故國姜姓四岳後太叔所封)扶溝有白亭城(水經注康溝水又東逕扶溝縣之白亭北陳留風俗傳曰扶溝縣有帛鄉帛亭名在七鄉十二亭中史記正義引括地志白亭在扶溝縣北四十五里)扶溝城(太平寰宇記右扶溝城在今縣東北二十里水經注縣故潁川之穀平鄉也)

康溝水(水經注康溝水首受洧水於長社縣東逕向岡西白亭北少曲亭東南扶溝縣故城東東

南注沙水)龍洲陂(汲古閣本洲作州)刀陵岡(汲古閣本刀作屬)鄆陵二漢晉屬潁川(漢志鄆作僞續志作僞)有鄆陵城(史記正義引括地志隰陵故城在隰陵縣西北十五里李奇云六國時爲安陵也郡國志春秋時曰隰)向城(郡國志長社有向鄉注引杜預曰在縣東北)蔡澤陂(水經注蔡澤陂水出僞陵城西北東西五里南北十里東逕匡城北東南至扶溝城北又東南入沙水)新汲有新汲城(太平寰宇記新汲故城在扶溝縣西漢志新汲下闕闕曰本西鄉也)鴨子陂(水經注洧水逕匡城南又東左池爲鴨子陂謂之大穴口也陂廣一十五里餘波南入甲庚溝西注洧)

潁川郡長社(錢氏大昕曰南史魯爽傳宋武帝定長安魯軌奔魏魏以軌爲荊州刺史鎮長社軌死爽代爲荊州刺史鎮長社是魏初嘗置荊州於此志亦失書)有長葛城(郡國志長社有長葛城春秋注鄭邑在長社縣北)雞鳴城(水經注雞鳴城即長社縣之濁城也太平寰宇記城在尉氏縣西南三十里)鍾皓墓(皓字季明潁川長社人見後漢書列傳)白雁陵(水經注作白雁陂在長社縣東北東西七里南北十里)潁陰有荀爽墓(太平寰宇記荀爽兄弟八家在長社縣東北七里爽本潁川人)東西二武城(水經注灤水逕東西二武亭開兩城相對疑即古之岑門按岑門史記作岸門正義引括地志在長社縣西北二十八里今名西武亭)

陽翟郡黃臺有黃臺岡(水經注作皇臺岡太平

寰宇記黃臺在陽翟縣東北四里。陽翟有陽翟城（方輿紀要陽翟城今禹州治漢志夏禹國周末韓景侯自新鄭徙此郡國志陽翟下注引古史考曰鄭厲公入櫟卽此也）康城（水經注潁水又東出陽關歷康亭城南太平寰宇記陽翟縣下引洛陽記云夏少康故邑也）禹山祠（太平寰宇記陽翟縣下引此志有禹山祠隋志河南陽城縣有禹山）赤沙澗（水經注洧水又東南赤澗水注之水出武定岡東南流逕黃臺岡下又歷岡東東南流注於洧）九山祠（隋志襄城陽翟縣有九山祠水經注潁水逕陽翟縣城北城西側水有九山祠碑叢柏猶茂北枕川流也）呂不韋墓（史記集解引皇覽曰不韋冢在河南洛陽北邙道西大家是也）

濟州治濟北碭城（水經注引述征記曰碭碭津名也其城臨水西南崩於河後更城之魏立濟州治此也河水衝其西南隅又崩於河卽故荏平縣也）

濟北郡臨邑有昌鄉城（水經注河水自鄧里渠東北逕昌鄉亭北逕碭碭城西）臨邑城（太平寰宇記臨邑故城在盧縣東今謂之馬坊城是也）

東阿有東阿城（史記正義引括地志東阿故城在東阿縣西南二十五里秦時齊之阿也）衛城（漢志東阿縣下應劭曰衛邑也）盧有柳舒城（水經注吾山上有柳舒城山西去東阿城四十里）盧子城（水經注引京相璠曰今濟北所治盧子城故齊周首邑也）

平原郡武泰初立南冀州永安中罷州（錢氏大

所曰南冀州分冀州之清河相州之陽平濟州之平原置以路思令爲刺史永安中葛榮滅而州亦省也）

聊城有王城郡縣治（水經注黃溝承聊城郭水又東南逕王城北魏太常七年安平王鎮平原所築世謂之王城太和二十三年罷鎮立平原郡治此城也）有畔城（方輿紀要畔城在東昌府西）博平有博平城（後漢書注博平故城在博平縣東元和郡縣志云本齊之博陵邑也）濕水（濕一作溧漢志東郡東武陽縣禹貢溧水東北至千乘入海又平原郡高唐縣下桑欽言溧水所出水經注溧水上承河水於武陽縣東南至千乘縣二城開東北爲馬常院亂河枝流入於海）在平治鼓城（方輿紀要鼓城在長清縣西戰國時齊邑國策所云齊開此必效鼓是也）有荏平城（元和郡縣志在平故城在聊城縣東五十三里水經注云昔石勒之隸師權屯耕於荏平聞鼓角鞞鐸之聲於是縣也）陽城（水經注河水逕陽虛縣之故城東俗猶謂是城曰陽城矣）西聊治聊城（史記正義引括地志故聊城在聊城縣西二十里春秋時齊之西界聊攝也）

東平郡治秦城（郡國志東郡范縣有秦亭左傳注在縣西北）

壽張有梁山（隋志東平須昌縣有梁山元和郡縣志山在壽張縣南三十五里史記作良山）

南清河郡晉泰寧中分平原置（錢氏大昕曰晉世紀元有太寧而無泰寧考房亮傳普泰中濟州刺史張瓊表所部置南清河郡乃知晉字本普字

之譌又衍一寧字耳）治莒城

郟治郟城（史記正義引括地志故郟城在平原縣西南三十里）零二漢晉屬清河（宋志零令漢舊縣作靈）治零城（太平寰宇記故靈城在高唐縣西二十里）

東濟北郡孝昌三年置（錢氏大昕曰鄭輯之孝靜初除東濟北太守帶肥城戍主則郡治肥城也）

肥城治肥城（太平寰宇記故肥城在平陰縣東南漢志肥城下應劭曰肥子國）

光州治掖城（元和郡縣志掖縣本漢舊縣也）延興五年改爲鎮景明元年復（錢氏大昕曰呂豹子爲東萊鎮將後改鎮爲州行光州事是光州未復之時爲東萊鎮也）

東萊郡掖有斧山（方輿紀要福山在萊州府西北五里俗名斧山）東曲城（汲古閣本曲誤作西）

長廣郡晉武帝置（按三國志何夔傳太祖時遷長廣太守則漢末已有長廣郡非始於晉武帝也而晉宋志皆作咸寧三年置洪氏亮吉曰魏末郡或旋廢至晉咸寧三年復置耳）治膠東城（漢志膠東國故齊太平寰宇記在膠水縣東南六十里卽墨故城是也後漢省國爲縣）

昌陽有挺城（太平寰宇記挺城在萊陽縣南七里）五龍廟（太平寰宇記五龍山在萊陽縣南二十里有水五道於山下合流穿入於南海俗以五龍爲名）長廣有馬山祠（隋志東萊卽墨縣有馬山）卽墨城（元和郡縣志卽墨故城在膠

水縣東南六十里)金泉山(太平寰宇記金泉山在膠水縣東南四十里)不其有牢山(牢當作勞即大勞小勞也元和郡縣志在卽墨縣東南三十八里顧氏炎武曰勞山之名齊乘以爲登之者勞又云一作牢丘長春又改爲菴皆鄙淺可笑按南史明僧紹隱於長廣郡之嶗山本草天麻生太山嶗山諸山則字本作嶗若魏書地形志唐書姜撫傳宋史甄棲真傳並作牢乃傳寫之誤魏書高祖紀釋老志並仍作勞山)挺有樂毅城(太平寰宇記樂毅城在卽墨城北史記樂毅攻田單卽此城)卽墨有三戶山(漢志膠東下密縣有三石山祠水經注引作三戶卽此三戶山也石蓋戶之譌漢郊祀志亦作戶)膠水(漢志琅邪郡郟縣膠水東至平度入海水經膠水出黔陬縣膠山北過夷安縣東當利縣西北入於海)寧戚家(太平寰宇記寧戚家在膠水縣西六十里引齊記云東亭西亭西北七十里有寧戚冢因山爲墳俗呼爲鳴角阜)當利有當利城(太平寰宇記當利故城在萊州西南三十六里)

東萊有東牟縣晉省元和郡縣志故城在文登縣西北一百十里)劉寵墓(寵字榮祖東萊牟平人齊悼惠王之後也見後漢書循吏傳)黃有黃城(元和郡縣志故黃城在今縣東南二十五里古萊子之國)萊山祠(漢志黃縣有萊山松林萊君祠封禪書八神六日月主祠之萊山元和郡縣志山在黃縣東南二十里)愷(愷當作愷)有弦城(太平寰宇記漢愷縣故城在黃縣西南二十五里)觀陽有觀陽城(後漢書注觀陽故城在昌陽縣東)梁州治大梁城(漢志浚儀故大梁魏惠王自安邑徙此水經注本春秋之陽武高陽鄉也於戰國爲大梁周梁伯之居矣)陽夏郡治雍丘城(元和郡縣志雍丘故城今縣城是也北臨汴河漢志故杞國也周武王封禹後東樓公)陽夏治陽夏城(元和郡縣志太康縣理城卽漢陽夏城夏后太康所築)雍丘有高陽城(史記集解引文穎曰高陽聚邑名也屬陳留囿縣瓚曰陳留傳曰在雍丘西南)白楊陂(水經注睢水東逕雍丘縣故城北又東水積成湖俗謂之白羊陂陂方四十里)濟陽延和二年置徐州(按刁雍傳徐州蓋置於外黃)有濟陽城(後漢書注濟陽故城在宛句縣西南水經注故武父城也)外黃城(漢志陳留郡有外黃縣後魏廢元和郡縣志故城在雍丘縣東六十里)東緡城(緡與昏通非山陽之東緡也漢志東昏屬陳留郡晉廢元和郡縣志故城在陳留縣東北九十里水經注

陽武縣之戶牖鄉矣)圍城二漢晉曰圍後罷景明元年復後改(隋志於圍城縣下云舊曰圍後齊廢開皇六年復置曰圍城疏漏甚矣)開封郡治開封城(元和郡縣志開封縣本漢舊縣魏爲秦所敗走保開封此城也)開封有陳留城(漢志陳留縣爲陳留郡治孟康曰留鄭邑也後爲陳所并故曰陳留晉廢後漢書注故城在雍丘縣南)尉氏治尉氏城(元和郡縣志尉氏縣本漢舊縣漢志尉氏下臣瓚曰鄭大夫尉氏之邑水經注圈稱云鄭國之東鄙)陳留郡浚儀有信陵君冢(太平寰宇記信陵君墓在浚儀縣南一十二里)張耳冢(太平寰宇記張耳墓在開封縣東七里)樊於期冢(太平寰宇記樊於期墓在開封縣南一十三里)邊讓冢(讓字文禮陳留浚儀人見後漢書文苑傳)倉垣城(水經注汴水出浚儀縣北東逕倉垣城南卽大梁之倉垣亭也元和郡縣志長垣故城一名倉垣城在開封縣北二十里)灑水在大梁城東分爲蔡渠(灑水當作汴水水經注渠水自中牟至浚儀縣分爲二水續述征記曰汴沙到浚儀而分也汴東至沙南流按沙水卽蔡水孔氏讀沙爲蔡)聖女淵(水經注渠水又東左會淵水其上承聖女陂陂周二百餘步南流注於渠)封丘治封丘城(元和郡縣志封丘縣古之封國水經注燕縣之延鄉也其在春秋爲長丘焉)有封丘臺(太平寰宇記封丘臺在封丘縣東五里)白溝(輿地廣記封丘有白溝河)小黃有昭靈后冢(後漢書注引漢舊儀曰昭靈后高祖母起

兵時死小黃北後爲作園廟於小黃水經注以梓宮招魂幽野於是丹蛇自水濯洗入於梓宮其浴處有遺髮焉故諡曰昭靈夫人）陳冢（太平寰宇記引城冢記大梁城東三十里汴水北五里有黃柏山陳元方祖父墳二十區）蔡邕冢（太平寰宇記蔡伯喈墓在開封縣東北四十五里）小黃城（史記正義引括地志小黃故城在陳留縣東北三十三里水經注縣故陽武之東黃鄉也）

豫州治懸瓠城（元和郡縣志蔡州理城古懸瓠城也水經注城之西北汝水枝別左出西北流又屈西東轉又西南會汝形若垂瓠）

汝南郡臨汝劉裕置（方輿紀要今宋志不載）平輿有平輿城（元和郡縣志平輿故城在汝南縣東北六十里漢志平輿下應劭曰故沈子國今沈亭是也郡國志云姬姓）西平（隋志西平縣後魏置襄城郡）

陽令漢舊縣作濯陽應劭曰濯水出吳房東入颯說文亦同蓋以水氏縣也瀘字譌）有濯陽城（後漢書注濯陽今吳房縣也）

潁川郡邵陵二漢屬汝南（漢志邵作召）有邵陵城（元和郡縣志邵陵故城在鄆城縣東四十五里漢志召陵下注云卽齊桓公伐楚次於召陵者也）鄆城（郡國志召陵縣下注引杜預曰縣西南有鄆城）曲陽有鄆城（漢志潁川有鄆縣東晉廢水經注故魏下邑也史記楚昭陽伐魏取鄆是也正義引括地志故鄆城在鄆城縣南五里）

汝陽郡汝陽有章華臺（通鑑宋紀秦始皇四年劉劭遣申元德斬魏子都公闕于拔於汝陽臺東注

以爲卽此章華臺也此書汝陽臺者蓋以別南郡之章華也 武津有武津城（方輿紀要武津城在上蔡縣東）

義陽郡永安三年置鄆州天平四年罷州置（錢氏大昕曰此義陽非梁之司州蓋孝昌末鄆州刺史元願達以義陽叛入於梁乃僑立鄆州及義陽郡於豫州界卽隋眞陽縣地隋志眞陽縣舊置鄆州東魏廢州置義陽郡卽此）

平陽有馬鄉城（水經注潑水逕北宜春縣故城北又東北逕馬香城北）眞陽有宜春城（漢志汝南有宜春縣後漢晉曰北宜春後省史記正義引括地志故城在汝陽縣西六十七里）安陽二

漢屬汝南晉罷（按晉志汝南有南安陽縣卽此未嘗罷也宋志安陽令漢舊縣晉武太康元年改爲南安陽）有眞陽城（元和郡縣志眞陽縣本漢慎陽縣地屬汝南後魏改爲眞陽）

新蔡郡治石母臺（太平寰宇記石母臺在平輿縣西北五十步）

銅陽有蔡城（太平寰宇記漢上蔡縣迄今不改漢志故蔡國周武王弟叔度所封）

初安郡新懷有樂山（方輿紀要樂山在確山縣西北四十里）懷德有銅山（方輿紀要銅山在泌陽縣東四十里）浮石山（水經注潑水出浮石嶺北青衣山）

城陽郡太和三年置後罷（錢氏大昕曰韋珍傳破崔慧景擁降民七千餘戶內徙表置城陽剛陵義陽三郡以處之卽太和三年置城陽郡事也剛

年所置之義陽與韋珍表置之義陽非一地故志不言復置也）

廣陵郡興和中分東豫州置（錢氏大昕曰魏之東豫州本治廣陵城孝昌三年州沒於梁故興和中別置廣陵郡以招撫流民志云分東豫置不知興和之世東豫已不屬魏矣）

北豫州泰常中復治虎牢（漢志河南郡成皋故虎牢或曰制注引穆天子傳曰七萃之士生捕虎卽獻天子天子蓄之東號號曰虎牢）

廣武郡天平初分滎陽置治中左城（當作中牟城隋志滎陽郡管城縣舊曰中牟東魏置廣武郡）

曲梁有曲梁城（方輿紀要曲梁城在密縣東北）原武有白馬淵（水經注濟水逕陽武縣故城南又東爲白馬淵淵東西二里南北一百五十步）

原武城（後漢書注原武故城在原武縣西北水經注春秋之原圃也）陽武有陽武城（史記正義引括地志陽武故城在陽武縣東北十八里）

黃雀溝（水經注黃水至滎澤南分爲二水一水東北流卽黃雀溝穆天子傳曰壬寅天子東至於雀梁者也）中牟有管城（漢志中牟有筮叔邑史記正義引括地志管城縣外城古管國城也周武王弟叔所封）苑陵晉屬汝陽（今晉志屬滎陽郡）有新鄭城（漢志河南有新鄭縣詩鄭國鄭桓公之子武公所國晉省左傳注鄭在宛陵縣西南水經注引帝王世紀曰或言縣故有熊氏之墟黃帝之所都也）鄭莊公廟（太平寰宇記鄭莊公廟去扶溝縣二十里水經注洧水逕鄭城南

水南有鄭莊公望母臺）苑陵城（太平寰宇記苑陵故城在新鄭縣東北三十里水經注縣故鄭都也）

榮陽郡榮陽有榮陽城（史記正義引括地志榮陽故城在榮澤縣西南十七里周時名北制漢志榮陽下應劭曰故號公國今號亭是也）敖倉（漢志敖倉在榮陽史記集解引臣瓚曰敖地名在榮陽西北山臨河大倉是也）廣武城（郡國志榮陽下注引西征記三皇山上有二城東者曰東廣武西者曰西廣武各在山一頭相去二百餘步元和郡縣志在榮澤縣西二十里）石門城（水經注漢靈帝建寧四年於敖城西北壘石為門以遏渠口謂之石門故世亦謂之石門水北有石門亭戴延之所云新築城城周三百步）管叔冢（水經注引司馬彪郡國志榮陽縣有號亭俗謂之呼眺城城內有大家名管叔冢）周苛紀信冢（水經注索水逕榮陽縣故城南又東逕周苛冢北又云紀信冢在榮陽城西北三里）榮澤（漢志河東郡垣縣沈水東南至武德入河軼出榮陽北地中水經注澤在中牟縣西限長城東極官渡北佩渠水東西四十許里南北二百許里）

京有高陽城（水經注黃水又北逕高陽亭東又北至故市縣）索水（水經注索水出京縣西南嵩渚山即古旃然水也引杜預曰旃然水出榮陽成泉縣東入汲亦謂之鴻溝水）京水（水經注黃水發源京縣黃堆山東南流名祝龍泉世謂之京水也）密治密城（太平寰宇記今密縣東南三十里古密城即漢理所漢志故國水經注春秋謂之

新城）有承雲山（水經注洧水過密縣南又東南流與承雲二水合俱出承雲山）大龜山（大龜疑當作大騶漢志河南郡密縣有大騶山水經注作具茨山）子產墓（史記集解引皇覽曰子產冢在河南新鄭城外大家是也水經注云在陘山上累石為方墳東北向鄭城）卓茂冢祠（水經注密縣城東門南側有漢密令卓茂祠茂字子康南陽宛人）卷有卷城（史記正義引括地志故卷城在原武縣西北七里即衡雍也郡國志卷有垣離城注云今縣所治城）

成皋郡西成皋有厄井（太平寰宇記厄井在汜水縣東北七十里引風俗通謂漢高祖與項羽戰敗於京索遁入蒲井因名厄井）漢高祖壇（水經注引郭緣生述征記劉澄之永初記並言高祖即帝位於汜水之陽今不復知舊壇所在盧諶崔雲亦言是矣余按高皇帝受天命於定陶汜水又不在此也於是求壇故無髣髴矣）汜水（汲古閣本作泥水郡國志成皋有汜水水經注汜水出浮戲山北逕虎牢城東又北流注於河山海經曰浮戲之山汜水出焉）成皋城（水經注成皋故城在任山上高四十許丈史記正義引括地志在汜水縣西南二里）鞏有長羅川（水經注羅水出方山羅川西北流蒲池水注之水出南蒲陵西北流合羅水謂之長羅川）鞏城（漢志鞏縣東周所居元和郡縣志古鞏伯之國也）九山祠（隋志鞏縣有九山水經注白桐澗水北流逕九山東山際有九山廟太平寰宇記在鞏縣西南五十五里）

徐州魏晉治彭城（漢志彭城古彭祖國元和郡縣志即徐州外城是也）

彭城郡彭城有寒山（元和郡縣志寒山在彭城縣東南十八里）黃山（隋志彭城留縣有黃山）九里山（太平寰宇記引元中記曰彭城北有九里山）桓魋冢（郡國志彭城下注引北征記曰城北六里有山臨泗有宋桓魋石槨皆青石隱起龜龍麟鳳之象）亞父冢（史記集解引皇覽曰亞父冢在廬江居巢縣郭東水經注按漢書項羽傳范增未至彭城而發疽死不言之居巢今彭城南有項羽涼馬臺臺之西南山麓上即其冢也）楚元王冢（郡國志彭城下注引北征記城西二十里有山山有楚元王墓水經注彭城同孝山陰有楚元王冢高十許丈廣百許步）龔勝冢（水經注泗水逕彭城縣故城東又逕龔勝墓南墓碣尚存太平寰宇記在彭城縣東南三里）呂有呂梁城（水經泗水過呂縣南注云宋邑也縣對泗水水上有石梁焉故曰呂梁也元和郡縣志呂梁城在彭城縣東五十七里高一百四十尺周迴十七里）茱萸山（太平寰宇記茱萸山在彭城縣東北八十五里）偃陽城（漢志楚國有偃陽縣故偃陽國後漢晉屬彭城國宋省後漢書注故城在承縣西南）薛有奚公山（元和郡縣志奚公山在滕縣東南六十六里奚仲初造車於此處）

奚仲廟（太平寰宇記滕縣下引後魏書薛縣有奚仲廟）薛城（元和郡縣志故薛城在滕縣東南四十三里漢志夏車正奚仲所封後遷於邠湯相仲虺居之）孟嘗君冢（史記集解引皇覽曰

孟嘗君家在魯國薛城中向門東向門出北邊門也。龍城有龍城（太平寰宇記龍城在蕭縣東三十里水經注獲水東逕蕭縣歷龍城是也）留

有微山（隋志留縣有微山元和郡縣志山去沛縣六十五里）留城（元和郡縣志故留城在沛縣東南五十五里水經注宋邑也春秋左傳所謂

侵宋呂留也）微子冢（元和郡縣志微山上有微子冢）張良冢祠（史記正義引括地志張良墓在沛縣東六十五里與留城相近也水經注留

城內有張良廟）廣戚城（漢志沛郡有廣戚縣後漢晉屬彭城宋省後漢書注故城在沛縣東）

戚夫人廟（戚夫人即漢高祖為漢王所得定陶戚姬事具漢書外戚傳）睢陵有睢陵城（太平寰宇記睢陵故城在下邳縣東南）

南陽平郡治沛南界後寄治彭城（錢氏大昕曰薛曼尙熙平二年除徐州穀陽戍主行南陽平郡事則穀陽為南陽平治所即沛南界矣隋志云彭

城郡之穀陽縣後齊置穀陽郡此即舊南陽平郡所治又云彭城縣後周并沛及南陽平二郡入則

據後來寄治而言）蕃郡蕃（後漢書注蕃縣故城在滕縣東南漢志蕃縣下應劭曰邾國也）

沛郡蕭有蕭城（漢志蕭縣故蕭叔國宋別封附庸也郡國志蕭縣下注引北征記城周十四里南

臨汴水）谷水（水經注蕭縣南山有箕谷谷水北流注獲世謂之西流水）華山（方輿紀要華

山在豐縣東南三十里）沛有漢高祖廟（水經注沛縣故城內有漢高祖廟階陛尙存）沛城（元

和郡縣志沛縣理城即秦沛縣城也水經注縣治故城南坨上）呂母冢（呂母見後漢書劉盆子

傳）相有厥城（通鑑梁大通元年東宮直閣蘭欽攻魏蕭城厥固志以為即此厥城也方輿紀要

城在蕭縣北）相城（元和郡縣志故相城在符離縣西北九十里蓋相土舊都也水經注宋共公之所都也）相山廟（隋志蕭縣有相山太平寰宇記廟在符離縣西北九十里相山南）

蘭陵郡治永城（永當作承）昌慮有桃山（太平寰宇記滕縣下云桃山即華萊山也齊乘云在滕州南五十里）孤山（通鑑

梁天監五年桓和屯孤山注以為即此孤山也方輿紀要山在滕縣東南）承有抱犢山（隋志蘭

陵縣有抱犢山元和郡縣志山在承縣北六十里高九里周迴四十五里）承城（太平寰宇記今

承縣西一里漢故城也）蘭陵有蘭陵山（史記正義今沂州承縣有蘭陵山）石孤山有荀卿冢

（太平寰宇記荀卿墓在承縣東六十二里）北濟陰郡治單父城（元和郡縣志單父縣古魯

邑也漢屬山陽郡後漢屬濟陰晉屬濟陽與地廣記云後魏曰離狐）

豐有豐城（元和郡縣志豐縣本漢舊縣漢書注引應劭曰沛縣也豐其鄉也）離狐有單襄公祠

（左傳注單襄公王卿士漢書注單子朝也）平洛城（洛當作樂漢志山陽有平樂縣後漢省水

經注黃溝逕郟城北又東逕平樂縣故城南）城武治郟城（漢志山陽有郟成縣後漢省入成武

春秋注宋邑濟陰成武縣東南有郟城水經注俗謂之北郟者也）

郟郡治下邑城（太平寰宇記今碭山縣即古下邑城也）安陽治麻城（太平寰宇記故麻城漢為麻鄉在碭山縣西北）

西兗州治定陶城（元和郡縣志定陶故城在濟陰縣東北四十七里漢志故曹國周武王弟叔振鐸所封水經注縣故三醜國也）後徙左城（元和郡縣志曹州理中城蓋古之陶丘也一名左城

水經注左城亦名之曰葬城蓋恭王之陵寢也）沛郡興和二年置治孝昌城（孝昌城未詳所在據隋志濟陰郡後魏置西兗州其首縣曰濟陰後

魏置沛郡則沛郡為西兗州治所其治孝昌城亦即左城矣）己氏（隋志梁郡楚丘縣後魏曰己氏置北譙郡）有安陽城（史記索隱引此志己氏有安陽城今宋州楚丘西北四十里安陽故城是也）

濟陰郡離狐（汲古閣本狐譌為孤）有離狐城（太平寰宇記南華縣下前離狐在今縣西北十三里離狐故城是也後魏移於今理）冤句治冤句城（元和郡縣志冤句縣本漢舊縣也）乘氏有大鄉城（太平寰宇記大響城在乘氏縣西北三里古之鄴邑也一作大鄉）梁丘城（漢志

山陽昌邑縣有梁丘鄉春秋注在昌邑縣西南）南兗州正光中置（錢氏大昕曰據范紹傳蓋析徐豫二州置）治譙城（漢志沛郡有譙縣三國魏為譙郡治晉末廢春秋傳曰焦元和郡縣志後魏無譙縣有小黃縣）

謂之北郟者也）碭郡治下邑城（太平寰宇記今碭山縣即古下邑城也）安陽治麻城（太平寰宇記故麻城漢為麻鄉在碭山縣西北）

西兗州治定陶城（元和郡縣志定陶故城在濟陰縣東北四十七里漢志故曹國周武王弟叔振鐸所封水經注縣故三醜國也）後徙左城（元和郡縣志曹州理中城蓋古之陶丘也一名左城

水經注左城亦名之曰葬城蓋恭王之陵寢也）沛郡興和二年置治孝昌城（孝昌城未詳所在據隋志濟陰郡後魏置西兗州其首縣曰濟陰後

魏置沛郡則沛郡為西兗州治所其治孝昌城亦即左城矣）己氏（隋志梁郡楚丘縣後魏曰己氏置北譙郡）有安陽城（史記索隱引此志己氏有安陽城今宋州楚丘西北四十里安陽故城是也）

濟陰郡離狐（汲古閣本狐譌為孤）有離狐城（太平寰宇記南華縣下前離狐在今縣西北十三里離狐故城是也後魏移於今理）冤句治冤句城（元和郡縣志冤句縣本漢舊縣也）乘氏有大鄉城（太平寰宇記大響城在乘氏縣西北三里古之鄴邑也一作大鄉）梁丘城（漢志

山陽昌邑縣有梁丘鄉春秋注在昌邑縣西南）南兗州正光中置（錢氏大昕曰據范紹傳蓋析徐豫二州置）治譙城（漢志沛郡有譙縣三國魏為譙郡治晉末廢春秋傳曰焦元和郡縣志後魏無譙縣有小黃縣）

謂之北郟者也）碭郡治下邑城（太平寰宇記今碭山縣即古下邑城也）安陽治麻城（太平寰宇記故麻城漢為麻鄉在碭山縣西北）

西兗州治定陶城（元和郡縣志定陶故城在濟陰縣東北四十七里漢志故曹國周武王弟叔振鐸所封水經注縣故三醜國也）後徙左城（元和郡縣志曹州理中城蓋古之陶丘也一名左城

水經注左城亦名之曰葬城蓋恭王之陵寢也）沛郡興和二年置治孝昌城（孝昌城未詳所在據隋志濟陰郡後魏置西兗州其首縣曰濟陰後

魏置沛郡則沛郡為西兗州治所其治孝昌城亦即左城矣）己氏（隋志梁郡楚丘縣後魏曰己氏置北譙郡）有安陽城（史記索隱引此志己氏有安陽城今宋州楚丘西北四十里安陽故城是也）

濟陰郡離狐（汲古閣本狐譌為孤）有離狐城（太平寰宇記南華縣下前離狐在今縣西北十三里離狐故城是也後魏移於今理）冤句治冤句城（元和郡縣志冤句縣本漢舊縣也）乘氏有大鄉城（太平寰宇記大響城在乘氏縣西北三里古之鄴邑也一作大鄉）梁丘城（漢志

山陽昌邑縣有梁丘鄉春秋注在昌邑縣西南）南兗州正光中置（錢氏大昕曰據范紹傳蓋析徐豫二州置）治譙城（漢志沛郡有譙縣三國魏為譙郡治晉末廢春秋傳曰焦元和郡縣志後魏無譙縣有小黃縣）

陳留郡小黃有曹騰墓（水經注譙城南曹嵩闕北有圭碑題云漢故中常侍長樂太僕特進費亭侯曹君之碑蓋即騰墓所在）曹嵩墓（水經注

譙城南有曹嵩冢）鄧艾祠（艾字士載義陽棘陽人見三國志列傳）浚儀有城父城（漢志沛郡

有城父縣後漢屬汝南晉屬譙郡春秋傳曰夷元和郡縣志宋志闕而有浚儀縣）谷陽有苦城（漢

志淮陽有苦縣後漢屬陳國晉屬梁國宋志云成帝咸康三年更名谷陽郡國志春秋時曰相）陽

都陂（水經注沙水逕寧平縣故城南又東積而為陂謂之陽都陂）老子廟（漢志苦縣下注云

晉太康地記城東有賴鄉祠郡國志注引北征記及水經注並作老子廟）東燕有馮唐冢（元和

郡縣志馮唐墓在高邑縣東北二十八里趙人也計其道里不合）武平有武平城（郡國志陳國

有武平縣晉屬梁國後省元和郡縣志故城在鹿邑縣東北十八里）賴鄉城（史記作厲鄉水經

注谷水又東逕賴鄉城南其城實中東北隅有臺偏高）

譙郡二漢縣屬沛晉以為郡（晉志魏武置郡十二其一譙郡宋志稱何志故屬沛魏明帝分立又

引王粲詩以證則郡當為魏武所置非明帝也此云晉以為郡誤又考水經注過水逕譙縣故城北

魏立譙郡沅州治）

北梁郡考陽（汲古閣本考誤作孝）治亳城

沛郡治黃楊城（通鑑注引作陽方輿紀要黃楊城或謂之北城城邑考北城方九里南去蕭城二十里）

蕭治虞城（漢志梁國有虞縣水經注古虞國也後魏廢後漢書注故城在虞城縣）

馬頭郡治建平城（錢氏大昕曰漢沛郡有建平縣章懷太子云建平故城在今亳州鄆縣西北一

名馬頭城即此馬頭郡也魏時淮南北皆有馬頭郡此南兖州之馬頭領斬己吾下邑三縣在淮北

又楚州亦有馬頭郡領斬平預二縣在淮南今懷遠縣西南有馬頭城是也）

下邑二漢晉屬梁國（太平寰宇記下邑縣下後魏明帝孝昌二年置碭郡於下邑城移下邑縣於此）

廣州永安中置（錢氏大昕曰高祖紀太和二十年廣州刺史薛法護南叛則廣州之名先已有之

但其時魯陽為荊州治所未知廣州治何城也）治魯陽（漢志南陽有魯陽縣古魯縣御龍氏所

遷元和郡縣志魯山縣本漢魯陽縣後魏太和十一年改為山北縣）徙治襄城（元和郡縣志襄

城縣理廢汝州城即古襄城水經注南對汜城引王隱晉書地道記楚靈王築）

南陽郡南陽有大劉山祠（隋志襄城郟城縣有大留山水經注大劉山扈澗水所出者也）城

有峽城（峽當作郟漢志潁川有郟縣後漢書注今郟城縣也水經注春秋昭公十九年楚令尹子

瑕之所城也）

順陽郡龍山有龍山（水經注汝水又東南與龍山水會水出龍山龍溪元和郡縣志山在龍興縣

東南三十五里）定陵郡雲陽太和十一年置（按劉昫傳太和十

四年除其一子為鄆州雲陽令則雲陽本屬鄆州志亦未見）

魯陽郡山北有應山（隋志襄城雙城縣有應山水經注橋水出魯陽縣北特山東南逕應山北）

應城（漢志潁川父城縣有應鄉故國周武王弟所封史記正義引括地志故城在魯山縣東三十

里）

汝南郡符壘有沙水（水經注養水出魯陽縣北將孤山北長岡下數泉俱發東歷永仁三堆南又

東逕沙川世謂之沙水歷山符壘北又有東逕沙亭南東北入東長湖亂流注汝水）

漢廣郡昆陽有昆陽城（元和郡縣志昆陽故城在葉縣北二十五里方輿紀要戰國時魏邑蘇秦

謂南有昆陽是也）高陽有滏水（漢志南陽郡魯陽縣魯山滏水所出東北至定陵入汝水經滏

水出魯陽縣西堯山東北過定陵縣西鄆縣南東入於汝）東西二蒲城（水經注引京相璠曰昆陽縣北有蒲城）首山祠（隋志潁川汝墳縣有

首山）

襄城郡繁昌有繁昌城（元和郡縣志繁昌故城在臨潁縣西北三十里水經注曲蠡之繁陽亭

也）潁鄉城（水經注潁水又南逕潁鄉城西潁陰縣故城在東北）襄城有潁陽城（後漢書注

潁陽故城在許州西太平寰宇記本夏之綸國竹書紀年楚及秦伐鄭圍綸氏是也）

膠州治東武陵（錢氏大昕曰陵當是城字之譌曰鑑按史記正義引括地志東武縣今諸城縣是也水經注縣因岡為城城周三十里）

東武郡姑幕有公冶長墓（史記集解引張華曰公冶長墓在城陽姑幕城東南五里所墓極高）扶其有常山祠（太平寰宇記常山在密州諸城縣引晏氏齊記云祈雨常應故曰常山）扶其水（水經注濰水過東武縣西北左合扶淇之水水出西南常山東北流注濰）盧水（汲古閣本盧作瀘水經注濰水右合盧水即久台水也地理志曰水出琅邪橫縣故山東南逕東武入濰者也）梁鄉五弩山膠水出焉（水經注引齊記曰膠水出五弩山蓋膠山之殊名也）琅邪臺（山海經琅邪臺在渤海間琅邪之東郭璞注琅邪在海邊有山嶠曉特起狀如高臺）秦始皇碑（此碑始皇二十八年所刻見史記本紀）

高密郡高密有高密城（史記正義引括地志高密故城在高密縣西南四十里）維水（漢志琅邪郡箕縣禹貢濰水北至都昌入海水經濰水出琅邪箕縣濰山注許慎呂忱云出箕屋山淮南子曰出覆舟山蓋廣異名也）鄭玄墓（水經注濰水逕高密縣故城北水西有礪阜阜上有漢司農卿鄭康成冢太平寰宇記在高密縣西北十里）夷安有夷安城（後漢書注夷安故城今高密縣外城漢志夷安縣下應劭曰故萊夷維邑）夷安澤（元和郡縣志夷安澤在高密縣北二十里水經注夷安縣西去濰水四十里有潭潭之澤周四十里亦濰水枝津之所注也）黔陬有黔陬城（太平寰宇記引郡國縣道記黔陬秦所置在高密郡東北一百一十里東陬故城是也漢志故介國也水經注晏謨伏琛並云縣有東西二城相去四十

里）野艾山祠（水經注桓艾水出黔陬縣西南桓艾山即齊記所謂黔艾山也野字誤）平昌治平昌城（太平寰宇記平昌故城在安丘縣南六十里）有龍臺山上有井云與荆水通（水經注平昌城東南角有臺臺下有井與荆水通亦謂之龍臺城也太平寰宇記引三齊略記臺高六丈）平昌郡昌安有巨丘亭（漢志安丘縣下孟康曰今渠丘是水經注宮渠丘城也）昌安城（太平寰宇記昌安故城今安丘縣外城是也）淳于有淳于城（史記正義引括地志淳于故城在安丘縣東北三十里左傳注淳于州國所都水經注故夏后氏之斟灌國也周武王以封淳于公）鐵山（隋志北海下密縣有鐵山）營陵有營陵城史記正義引括地志營陵故城在北海縣南三十里漢志或曰營丘）安丘有石崇墓（太平寰宇記河南縣下引戴延之西征記石崇家在邱上與此地不合）邴原墓（太平御覽引伏琛齊地記邴原墓在朱虛城東北三十里柴阜東頭）朱虛晉屬琅邪（今晉志屬東莞郡）有九山（漢志作凡山史記集解引徐廣曰凡一作凡正義引括地志九山即丹山在臨朐界朱虛故縣西北二十里）丹水所出（漢志琅邪郡朱虛縣凡山丹水所出東北至壽光入海水經注丹水有二源各道一山世謂之東丹西丹水也西丹水自凡山北流逕劇縣東東丹水注之水出方山北逕縣合西丹水）琅邪有管寧墓（太平御覽引伏琛齊地記管寧墓在朱虛城東二十里柴阜西南隅）

讚安遠將軍南雍州刺史軹縣侯治於洛陽立雍州之郡縣以撫之是洛州未置之前嘗置南雍州於此志亦未見）太和十七年改爲司州（按司州所領郡縣亦略而不著其見於靈徵志如太和十九年司州平陽郡獲白狐以獻景明元年司州之潁川汲郡大水又司州之正平平陽頻暴風實霜四年司州之河北河東正平平陽大風拔樹正始元年司州上言河內民席衆家雞雞近尾上復有一頭又司州上言滎陽京縣木連理二年司州上言嶧縣木連理又司州上言潁川陽翟縣木連理四年司州恆農郡蝗蟲永平元年司州上言潁川郡木連理二年司州上言恆農北陝縣木連理延昌三年司州上言軹縣木連理據此則所漏甚多皆可補此志之闕）

和郡縣志山在登封縣北八里高二十里周迴一百三十里漢志潁川有密高縣武帝置以奉太室山是為中岳有太室少室山廟古文以密高為外方山也水經注合而言之為嵩高而分言之為二室西南為少室東北為太室許由墓（水經注陽城縣南對箕山山上有許由冢堯所封也）啓母廟（元和郡縣志啓母祠在登封縣東北七里）康城有陽城關（水經注潁水又東出陽關歷康亭城南）箕山（隋志河南陽城縣有箕山高士傳亦名許由山在陽城縣南十三里）許由隱窟（水經注箕山下有牽牛墟側潁水有犢泉是巢父還牛處也石上犢跡存焉）刑山（元和郡縣志陘山在新鄭縣西南三十里）鄭子產廟（水經注陘山上墳東有廟）

南青州治國城顯祖置為東徐州（錢氏大昕曰國城通鑑作國城注云當在唐沂州沂水縣界國戶困翻按高閭傳以本官領東徐州刺史與張讜對鎮圍城劉休賓傳亦云東徐州刺史張讜所戍圍城領二郡則國城當為圍城之譌或作國城亦誤曰鑑按水經注引東燕錄亦作圍城）東安郡二漢縣晉惠帝置（三國志杜機傳注引傅子曰畿與太僕李恢東安太守郭智有好則東安郡曹魏已有之不始於晉惠帝也通鑑注曰宋志晉惠帝分東莞為東安郡蓋魏既分而又省併既省併而晉又分屬東莞又自東莞分為郡也）蓋有東安城（漢志城陽有東安縣後漢晉屬琅邪後省）新泰有蒙山（漢志泰山蒙陰縣禹貢蒙山在西南太平寰宇記引徐州記曰山高四十

里長六十九里）發于有危山（太平寰宇記沂水縣下引此志作岫山）

東莞郡晉武帝置（晉志作太康中置錢氏大昕曰三國志太祖禽呂布以尹禮為東莞太守黃初中胡質為東莞太守明帝時張緝為東莞太守而司馬晃為東莞太守亦在魏代則漢末至魏已有東莞郡矣晉武帝即位之初封叔父伯為東莞王是晉初本有東莞郡非太康始置也但咸寧三年徙東莞王伯為琅邪王即以東莞益其國自後東莞不為郡者九年至太康四年伯薨而後東莞復為郡耳水經注東莞縣魏文帝黃初中立為東莞郡不知建安中已有之然則此云晉武帝置者亦非也又考通鑑注宋志晉武帝太始元年分琅邪立東莞郡當是魏既分而復屬於琅邪晉又分也）

莒有莒城（元和郡縣志莒縣理在莒國故城中漢志故國盈姓少昊後水經注其城三重惟南開一門內城方十二里郭周四十許里）義塘郡治黃郭城（太平寰宇記懷仁縣東北三十里漢贛榆縣舊城是也梁於此置黃郭戍後魏改置義塘郡）北徐州永安二年置（錢氏大昕曰此州不言治所按隋志琅邪郡舊置北徐州蓋治琅邪之即丘矣）東泰山郡南城前漢屬東海（漢志作成）後漢晉屬泰山（晉志作南武城）有東安城（漢志東海有東安縣後漢省太平寰宇記故城在朐山縣西八十三里）武城（太平寰宇記左傳襄公

十九年城武城注云泰山南武城是也）新泰魏置（宋志亦作魏立晉志故曰平陽考水經注洙水西逕泰山東平陽縣晉武帝元康九年改為新泰縣錢氏大昕曰元康惠帝年號或太康之譌）有岫山（太平寰宇記敖山在新泰縣東十一里引左傳先君獻武廢二山注具敖也）武陽有顯與城（漢志泰山蒙陰縣顯與國在蒙山下左傳注在泰山南武陽縣東北）

琅邪郡即丘有繒城（漢志東海有繒縣故國禹後漢晉屬琅邪後廢太平寰宇記故城在承縣東八十里）臨沂城（元和郡縣志臨沂縣本漢舊縣也）即丘城（太平寰宇記漢即丘縣城在臨沂縣東南五十里漢志即丘縣下孟康曰即古祝丘）王休徵冢（太平寰宇記晉王祥墓在臨沂縣東北五十里祥字休徵臨沂人也）費有費城（太平寰宇記故費城在今縣西北二十里古費伯國也漢志故魯季氏邑）

北揚州天平二年置（按隋志淮陽郡項城縣東魏置揚州及丹陽郡林陵縣梁改曰殷州東魏又改曰北揚州此志無置揚州之文又考梁書侯景傳載景降表云與北揚州刺史元神和歸梁尋詔羊思建為殷州刺史鎮項城是梁時改殷州已名北揚州矣而武帝紀又作西揚未審其故錢氏大昕曰隋志此條東魏字兩見疑上東字當為後字之誤亦無所證據）治項城（太平寰宇記項城在項城縣東北一里漢志故國水經注楚襄王所都以為別都都內西南小城項縣故城也）

陳郡長平有長平城（史記正義引括地志長平

故城在宛丘縣西六十六里（習陽城）（水經注習陽城在西華縣北）西華治西華城（後漢書注西華故城在潑水縣西北）

南頓郡南頓有穎陰城（太平寰宇記穎陰城在南頓縣西三十里）南頓城（漢志南頓故頓子國姬姓後漢書注故城在項城縣西水經注今其城在南頓三十餘里）漢光武廟（太平寰宇記漢光武廟在宛丘縣西南一里）和城有高陽丘（元和郡縣志高陽丘在南頓縣南四十里應陽南頓人兄弟俱有名自比高陽才子故號高陽丘）

汝陰郡晉武帝置（按三國魏紀景初二年分沛國蕭相竹邑符離蕲銍龍亢山桑浚虹十縣爲汝陰郡則郡當置於魏明晉志魏置郡後廢秦始二年復置惟宋志作晉武帝分汝南立與此同）治社亭城（社亭城未詳據水經注汝陰縣城西有一城故陶丘鄉也汝陰郡治隋志汝陰縣亦云舊置汝陰郡）

東楚州司馬德宗置宿豫郡高祖初立東徐州後陷世宗初改爲鎮後陷武定七年復改爲宿豫郡（錢氏大昕曰隋志宿豫郡後魏置南徐州梁改爲東徐州東魏又改曰東楚州與此志異考皇興元年宿豫始入於魏正始三年梁將張惠紹拔宿豫仍不能守永平元年成景薦殺宿豫戍主以城降梁自是不隸魏者四十餘年及侯景之亂始歸東魏乃有東楚州之名又云世宗紀太和二十三年南徐州刺史沈陵南叛按是時沈陵據宿豫以叛則南徐州治宿豫也而志謂宿豫郡高祖初立東徐州似誤太和之世東徐治圍城不應更置於

宿豫也曰鑑按水經注亦云宿預城魏太和中南徐州治）

高平郡治大徐城（史記正義引括地志大徐城在徐城縣北三十里古徐國也城周十一里漢志臨淮郡徐縣故國盈姓後漢屬下邳晉屬臨淮後省）

朱沛武定七年改蕭衍朱沛修儀安豐三郡置（錢氏大昕曰修儀隋志作循儀）有朱沛水（太平寰宇記臨淮縣下古大徐城東北臨朱沛水）徐君墓即延陵季子挂劍處（郡國志徐縣下注引伏滔北征記縣北有大家徐君墓延陵解劍之處）

東徐州治下邳城（元和郡縣志下邳縣理城古邳國城也水經注城有三重）

下邳郡下邳有沂水（漢志泰山郡蓋縣沂水南至下邳入泗水經沂水出泰山蓋縣艾山南過下邳縣西南入於泗注云沂水於下邳縣北分爲二水一水於城北西南入泗一水逕城東南亦注泗謂之小沂水）歸正有陳珪墓（陳珪見三國志袁術傳下邳人球弟子也）

武原郡武原有武原水（水經注武原水出彭城武原縣西北會注陵南逕其城西南合武水謂之御水南逕剛亭城又南至下邳入泗謂之武原水口也）武原城（太平寰宇記武原故城在下邳縣北）徐偃王墓（水經注武原縣東有徐廟山上石室徐廟也）

郟郡治郟城（元和郡縣志故郟城在下邳縣東北一百五十里漢志故國少昊後盈姓）

郟有建陵山（水經注沫水逕建陵縣故城東又南逕建陵山西太平寰宇記山在沭陽縣西北一百五里南北狹長有陵阜緣此名建陵）建陵有馬嶺山（方輿紀要馬嶺山在海州西一百五十里）

臨清郡睢陵有睢水（漢志陳留郡浚儀縣睢水首受狼湯渠東至取慮入泗又沛郡芒縣應劭曰睢水出焉水經睢水出梁郡鄆縣當蕭縣南入於陳注云出陳留縣西蕩蕩渠經言出鄆非矣逕下相縣南東南流入於泗謂之睢口經止蕭縣非也）

海州治龍沮城（元和郡縣志龍且故城在朐山縣南六十里）

東彭城郡龍沮有卽丘城（按卽丘城已見琅邪郡卽丘縣下方輿紀要云魏收志龍且有卽丘城蓋與山東沂州接界）安樂有伊萊山神（太平寰宇記伊盧山一名大伊萊山在朐山縣南七十五里引史記項王亡將鍾離昧家在伊盧是也）聖母祠（太平寰宇記聖母廟在朐山縣引神異傳云秦始皇時人）

東海郡下密有堯廟（太平寰宇記堯廟在東海縣西北三里謝祿山上引舊州記宋泰始七年刺史劉崇智每稱劉氏本承堯後遂造此廟）

海西郡（隋志作海安）蕭鸞置東海郡（南齊志作北東海郡）

沭陽郡蕭衍置僮陽郡（隋志僮作潼）琅邪郡海安有蘆石山（太平寰宇記蘆石山在朐山縣東南六十里引漢書韓信鎮於三蘆蘆石

伊盧等三山石色黑因以為名)胸二漢屬東海
晉曰臨胸屬(按晉志胸縣屬東海郡漢舊縣也
臨胸自屬東莞)有胸城(太平寰宇記故胸城
在胸山縣西南水經注游水歷胸縣又逕胸山西
山側有胸縣故城)胸山(隋志東海胸山縣有
胸山太平寰宇記在縣南二里)

武陵郡洛要有武陵城(太平寰宇記武陵郡城
在懷仁縣南五十九里)

東豫州太和十九年置治廣陵城孝昌三年陷武
定七年復(錢氏大昕曰廣陵城今光州息縣地
考田益宗傳太和十七年奉表歸款十九年拜都
督光城弋陽汝南新蔡宋安五郡諸軍事南司州
刺史後以益宗既渡淮北不可仍為司州乃以新
蔡立東豫州以益宗為刺史是廣陵城即新蔡地
矣梁大通元年譙州刺史湛僧智圍魏東豫州刺
史元慶和於廣陵慶和舉城降以僧智領東豫州
刺史自是廣陵屬梁又改為西豫州太清元年以
北廣陵為淮州即此廣陵也又二年有侯景之亂
而廣陵又入於魏北志所云武定七年復正其時
也曰鑑按水經注淮水又東逕新息縣故城南太
和中蠻田益宗效誠立東豫州以益宗為刺史是
東豫州蓋置於新息也而傳謂乃於新蔡立東豫
州似誤隋志汝南新息縣亦云後魏置東豫州)

弋陽郡弋陽有弋陽城(漢志汝南有弋陽縣應
劭曰故黃國今黃城是史記正義引括地志故城
在定城縣西十里水經注城內有二城西即黃城
也)黃水(水經注黃水出黃武山東逕晉西陽
城南又逕南光城東北逕高城南又逕弋陽郡又

東北入於淮謂之黃口)

長陵郡安寧有期思城(漢志汝南有期思縣注
云故蔣國晉屬弋陽太平寰宇記故城在固始縣
西北七十里)孫叔敖廟(水經注期思縣城之
西北隅有楚相孫叔敖廟)

義州蕭衍置武定七年內屬(錢氏大昕曰此州
不言治所亦無所領郡縣隋志羅田縣梁置義州
義城郡當即此通鑑梁普通二年義州刺史文僧
明擁所部降魏魏以為西豫州刺史胡三省謂此
義州當置於齊安郡木蘭縣界蓋以意度之未及
檢隋志也)

汝陰弋陽二郡蕭衍置雙頭郡縣(錢氏大昕曰
雙頭郡者兩郡同治一人帶兩郡守也此本汝陰
郡地又僑立弋陽郡宋志所謂帖治)

陳留有高塘陂(汲古閣本作高城誤水經注潤
水東南流為高塘陂)宋有荆亭城(水經注潤
水逕汝陰縣東逕荆亭北太平寰宇記荆亭城在
穎上縣西南六十里)弋陽(汲古閣本脫此二
字與所云領縣七亦不合)新息(汲古閣本無
新字)

北陳留穎川二郡蕭衍為陳州武定七年改置
(錢氏大昕曰隋志汝陰郡穎陽縣梁曰陳留并
置陳留郡及陳州東魏廢州即此陳州也本雙頭
郡隋志止舉陳留而不及帖治之郡他皆類此)
西恆農陳南二郡胡城有雉丘雉二陂神廟
(水經注潤水又東積而為陂水東注焦陵陂
水北出為鴈陂)南頓有閏水(水經注潤水首
受富陂逕汝陰縣東荆亭北而東入於淮)東陵

城

譙州景明中置渦陽郡孝昌中陷武定七年復置
州治渦陽城(水經注作渦陽錢氏大昕曰渦陽
隋為山桑縣今之蒙城縣也隋志云後魏置渦州
梁改西徐州東魏改譙州此志無置渦州之文又
孟表為蕭鸞馬頭太守太和十八年據郡歸誠除
南兗於渦陽而志亦未之及也)

南譙郡渦陽有北平城(水經注山桑邑俗謂之
北平城太平寰宇記城在臨渙縣西南五十二
里)

靳城郡廣平有艾平城(太平寰宇記引作艾子
城在靳城縣西十五里)靳城有靳城(漢志沛
郡有靳縣晉屬譙郡水經注故垂鄉也元和郡縣
志後魏改為靳城縣)

臨渙郡白堊治白堊城(隋志作堊在今宿州西
南後譌為百善)丹城治費城(元和郡縣志故
費城在永城縣南二十里郡國志鄴縣下注引帝
王世紀曹騰封費亭侯縣有費亭是也)

蒙郡蕭衍置魏因之(按隋志山桑縣下梁置北
新安郡東魏改置蒙郡)
伊陽郡武定二年置治伏流城(元和郡縣志伏
流城即陸渾縣理城東魏所築以城北焦澗水伏
流地下西有伏流坂為名錢氏大昕曰隋志河南
郡陸渾縣東魏置伊川郡領南陸渾縣開皇初郡
廢改縣曰伏流是伏流城即南陸渾縣也彼志云
伊川郡此云伊陽未審孰是水經注曰陸渾故城
東南八十許里有三塗山伊水逕其下又東北逕

伏流嶺東)後陷寄治州城(錢氏大昕曰州城不知所在據隋志陸渾縣又有東魏北荊州則州城距伏流當亦不遠)

新城郡治孔城(通典孔城坊今伊闕縣東南故城是)

北陸渾(汲古閣本脫渾字)

汝北郡治陽仁城(漢志河南梁縣有陽人聚即此陽仁城也人與仁古字通史記正義引括地志

陽人故城在梁縣西四十里)移治梁雀塢(今本雀塢爲崔史記正義引括地志周承休城一名梁雀塢在梁縣東北二十六里水經注作梁雀鄉)

治楊志塢(水經注大戟北水出廣成澤西南逕楊志塢北與南水合方輿紀要塢在登封縣西北)

南汝原有汝水(漢志汝南郡定陵高陵山汝水出東南至新蔡入淮水經汝水出河南梁縣勉鄉

西天息山至原鹿縣南入於淮注云地理志出高陵山即猛山也亦言出南陽魯陽縣之大孟山又

言出弘農盧氏縣還歸山博物志曰汝出燕泉山並異名也)石澗水(水經注明水出梁縣西狼

翠山俗謂之石澗水也山海經曰放翠之山明水出焉南流注於伊水)東汝南有黃陂(水經注

承休水又南逕梁雀鄉西水積爲陂世謂之黃陂元和郡縣志陂在梁縣東二十五里南北七里東

西十里)梁有廣城澤(水經注廣成澤水出狼翠山北澤中自澤東南流逕溫泉南東南入於汝

水又引河南十二縣簿曰澤在新城縣界黃阜元和郡縣志在梁縣西四十里周迴百里)

陽州天平初置尋陷武定初復(按隋志州治宜陽)

金門郡盧氏(隋志盧氏縣後魏置漢安郡)

南司州劉彥置司州正始元年改爲郢州孝昌三年陷蕭衍又改爲司州武定七年復改置(錢氏

大昕曰此宋齊梁之司州魏正始初始得之改爲郢州其後又入於梁梁末喪亂復爲東魏所得乃

仍司州之名郢中已有司州故此加南字若梁之南司州治安陸與此初不相涉)

齊安郡保城劉駿置(宋志作寶城)有羅山廟(水經注瑟水逕光淹城東而北逕青山東羅山

西元和郡縣志山在羅山縣西南九里)鄆(漢晉宋志皆作鄆)有石城山(水經注瀨水逕鍾

武縣故城南又東逕石城北史記魏攻冥阨或言在鄆指此山也正義引括地志山在鍾山縣東

南二十一里)有霸山廟(元和郡縣志濫水出鍾山縣南霸山去縣七十五里)

義陽郡平陽有師水(水經注瀨水源出大潰山又北逕賢首山西又東逕義陽縣故城北)

宋安郡樂寧有成陽關(成當是武字之譌按義陽三關謂平靖武陽黃峴也元和郡縣志關在應

山縣東北一百三十里)雞頭山(太平寰宇記雞頭山在應山縣東北九十里有二山遠相向如

雞頭欲鬪之狀)東隨有黃峴關(元和郡縣志黃峴關在應山縣界)

楚州治鍾離城(漢志九江有鍾離縣應劭曰鍾離子國晉屬淮南元和郡縣志安帝時因東郡燕

縣流入鍾離者於此置燕縣)

彭沛二郡南陽有曲陽城(漢志九江有曲陽縣後漢曰西曲陽晉屬淮南後省太平寰宇記故城在定遠縣西北九十五里)

沛郡已吾有當塗山(郡國志九江平阿縣有塗山注引應劭云山在當塗通鑑注塗山在鍾離縣

西九十五里)荆山(水經注浪蕩渠出於荆山之左當塗之右奔流二山之間通鑑注荆山在鍾

離縣西八十里)

北譙郡治陰陵城(漢志九江郡有陰陵縣晉屬淮南後廢元和郡縣志故城在定遠縣西北六十

五里)

北譙有苟甫城(汲古閣本作苟甫城)

鍾離陳留二郡燕有白石山(水經注柵水又東左會白石山水水發白石山)朝歌有九山城(太平寰宇記九山在徐城縣西北七十里臨淮)黃

溪水(通鑑注黃溪水即黃水)灌丘有郡陽城(郡當作邵通鑑齊建武二年魏主如邵陽築城於洲上柵斷水路夾築二城注邵陽洲在鍾離城

北淮水中)

合州治合肥城(漢志九江有合肥縣晉屬淮南後省太平寰宇記故城在今縣北水經注城居四

水中)

汝陰郡州治(錢氏大昕曰州治即合肥城也宋志南汝陰郡汝陰縣所治即二漢晉合肥縣)

南梁郡(隋志作平梁)

北梁郡(明刻本闕北字)

故其處有渚猶謂金牛渚)

北陳郡西華有舒水(太平寰宇記龍舒水在舒城縣南三里杜預云廬江西南有龍舒卽此水是也源從三角山東北流)

霍州蕭衍置(水經注梁立霍州治濶縣天柱山)

南陳郡州治(錢氏大昕曰此志以南陳郡爲霍州治而隋志於霍山縣下云梁置霍州及岳安郡岳安縣豈南陳郡後亦併入霍山乎)

南陳治元康城(水經注肥水北注舊瀆之橫塘流爲元康南路又肥水逕元康城西北)

邊城郡治麻步山(方輿紀要麻埠鎮在六安州西南九十里卽故郡也水經注博鄉縣有麻步川)

睢州蕭衍置潼州武定元年平改置(錢氏大昕曰監本作九年考武定紀元止於八年則以爲九年者誤矣據下文淮陽穀陽睢南臨潼諸郡俱云六年置則睢州之置亦當在六年字形相涉誤爲元爾)治取慮城(漢志臨淮有取慮縣後漢晉屬下邳太平寰宇記故城在下邳縣西南)

穀陽郡治穀陽城(漢志沛郡有穀陽縣晉省太平寰宇記故城在蘄縣東七十里)

連城有澱水(通鑑注澱水經臺宿二州開東南至泗州巉石山西南入淮亦謂之澱水丁度集韻曰澱呼外翻一作渙音同水名在亳州)

睢南郡斛城有扶離城(扶當作符漢沛郡有符離縣晉末廢後漢書注故城在符離縣東)

南濟陰郡治竹邑城(漢志沛郡有竹縣後漢曰竹邑晉曰竺邑後廢後漢書注故城今符離縣

也)

臨潼郡治臨潼城(水經注潼水逕夏丘縣故城西又東南逕臨潼戍西通鑑注據水經城臨潼水故名)

也)

夏丘有夏丘城(漢志沛郡有夏丘縣後漢晉屬下邳東晉初廢後漢書注故城卽虹縣城是太平寰宇記虹縣下引輿地志云堯封夏禹爲夏伯邑於此)

南定州蕭衍置魏因之治蒙籠城(錢氏大昕曰南史梁安成王秀傳司州叛蠻田魯生魯賢超秀據蒙籠來降武帝以魯生爲北司州刺史魯賢北豫州刺史超秀定州刺史是梁時但稱定州至魏始加南字以別於中山之定州也今麻城縣西有故蒙籠城州所領郡五而弋陽郡爲州治隋志於麻城縣下云陳置定州不知梁與東魏已有之又不言曾立弋陽郡皆其疏也余按水經注舉水出龜頭山西北流逕蒙籠戍南梁定州治)

汝陰郡治汝陰城(漢志汝陰故胡國郡國志汝陰下注引杜預曰縣西北有胡城)

西楚州蕭衍置魏因之治楚城(錢氏大昕曰隋志汝南郡城陽縣後魏置城陽郡梁置楚州東魏置西楚州州蓋以楚王城得名今息縣西有成陽廢縣一名楚子城孝靜紀天平三年侯景攻克楚州獲刺史桓和卽此州也)

件城郡蕭衍置魏因之(錢氏大昕曰隋志城陽縣有梁置伍城郡卽此件城也五與午古字通)

蔡州治豫州銅陽縣新蔡城(漢志新蔡縣蔡平侯自蔡徙此元和郡縣志古呂國也水經注青陂

東對大呂亭蔡平侯始封也)

新蔡郡治四望城(元和郡縣志四望城在朗山縣東南七十里後魏太和十一年豫州刺史王肅於四望陂南築之以禦梁)

西淮州蕭衍置魏因之治豫州界白苟堆(太平寰宇記白狗城在真陽縣西南七十里錢氏大昕曰隋志真陽縣又有白狗縣梁置淮州後齊廢州以置齊興郡郡尋廢開皇初改縣曰淮川卽此淮州也淮陰有淮州故此加西字州領淮川一郡真陽梁興二縣而淮川爲州治故隋改縣爲淮川而真陽名縣亦因乎此)

淮川郡(汲古閣本川譌爲州)

譙州蕭衍置魏因之治新昌城(錢氏大昕曰此淮南之譙州所謂南譙州也隋志清流縣舊曰頓丘置新昌郡及南譙州開皇初改爲滁州卽此)高塘郡治高塘城(方輿紀要引志云今全椒縣北六十里地名高塘卽是城也)臨徐郡(錢氏大昕曰徐當作滁)治葛城(方輿紀要葛城與江浦縣接界今有西葛城市)梁郡州治(錢氏大昕曰宋志南梁郡睢陽縣所治卽二漢晉壽春縣)蒙有馬頭城(方輿紀要壽州西北二十里有馬頭城梁天監五年取魏合肥魏人守壽陽於馬頭置戍普通五年梁取壽陽亦置戍於此太清二年侯景以壽陽叛西攻馬頭東攻木柵是馬頭在壽陽西也或以爲當塗之馬頭郡誤矣)淮南郡壽春故楚(漢志壽春邑楚考烈王自陳徙此史記楚世家楚東徙都壽春命曰郢是)有

倉陵城（水經注淮水東流與潁口會東南逕倉陵城北又東北流逕壽春縣故城西）汝有楊泉城（楊當作陽漢六安國有陽泉縣後漢晉屬廬江後廢後漢書注故城在安豐縣水經注故陽泉鄉也）

邊城郡期思有豐城（齊氏召南曰此與期思並屬邊城郡監本誤刻豐城二小字於期思注下則邊城郡少一縣矣）

新蔡郡新蔡有大蘇山（隋志弋陽殷城縣有大蘇山太平寰宇記山在固始縣東四十里水經注灌水導源廬江金蘭縣西北東陵鄉大蘇山）

潁川郡許昌有峽石山（水經注淮水逕壽春縣北右合肥水又北逕山峽中謂之峽石元和郡縣志峽石山在下蔡縣西南六十里）

淮州治淮陰城（漢志臨淮有淮陰縣後漢屬下邳晉爲臨淮郡治安帝分立盱眙郡太平寰宇記引阮勝之南兗州記云春秋時本善道地魯襄公五年會吳之處）

盱眙郡治盱眙城（漢志臨淮有盱眙縣後漢屬下邳國晉爲臨淮郡治安帝分立盱眙郡太平寰宇記引阮勝之南兗州記云春秋時本善道地魯襄公五年會吳之處）

山陽郡治山陽城（宋志山陽令射陽縣境地名山陽晉義熙中與郡俱立水經注自廣陵出山陽白馬湖逕山陽城西卽射陽縣之故城也）

淮陰郡懷恩州郡治（按上文淮州治淮陰城而此懷恩爲州郡治則懷恩當卽淮陰縣所改隋志江都郡山陽縣下後齊併魯富陵立懷恩縣亦特因魏之故名耳）

仁州蕭衍置魏因之治赤坎城（錢氏大昕曰此州惟領臨淮一郡志以己吾縣爲州郡治則己吾卽赤坎城矣隋志彭城郡之穀陽縣舊有己吾義城二縣後齊併以爲臨淮縣然則梁所治仁州卽隋穀陽縣也太平寰宇記赤坎故城在虹縣西南一百九十五里梁天監八年置赤坎戊大同二年廢戊置仁州）

北光城郡樂安（汲古閣本作樂城誤）宋安郡治大城（按北史房法壽傳子翼大城戊主帶宗安太守卽此大城也時無宗安郡宗當作宋）

南朔州蕭衍置魏因之治齊坂城（錢氏大昕曰此州未審所在州領梁新蔡邊城義陽新城黃川六郡考隋志光山縣有舊黃川郡蓋卽朔州所領之黃川矣梁無北朔州此南字魏所加）

邊城郡治石頭城（按張普惠傳衍又遣定州刺史田超秀田僧達等竊陷石頭城卽此石頭城也）

南建州蕭衍置魏因之治高平城（錢氏大昕曰隋志殷城縣梁置義城郡及建州并所領平高新蔡新城三郡卽此南建州也梁時本稱建州南字蓋東魏所加以別於高都之建州也據此志新城郡乃南朔州所領不隸於南建蓋隋志之誤然卽此可證建朔二州相距不遠也）

南郢州蕭衍置魏因之（錢氏大昕曰州所領有定城邊城光城三郡隋志定城縣後齊置南郢州武定八年卽齊天保元年故隋志以爲後齊置據此志則南郢之名實始於梁也）

沙州治白沙關城（唐志黃州黃陂縣有白沙關元和郡縣志關西至大關六十里在黃州西二百四十里北至光州界二十五里）

建寧郡（錢氏大昕曰隋志麻城縣有建寧郡蓋卽沙州所領之建寧郡）

北江州治鹿城關（梁南義陽治方輿紀要鹿城關在黃州府西北近木蘭故城）

湘州蕭衍置魏因之治大治關城（方輿紀要大治關在黃州府北二百二十五里錢氏大昕曰隋志木蘭縣梁置梁安郡又有永安義陽二郡後齊置湘州後改爲北江州則湘與北江卽一州而更名據此志北江州領義陽齊昌新昌梁安光城齊興六郡而義陽之義陽縣爲州郡治湘州領安蠻梁寧永安三郡而安蠻之新化縣爲州郡治則明係兩州不可混而爲一蓋梁時本是二州魏末因梁舊亦分湘北江爲二迨後齊并省州郡以北江入湘又移北江之名於湘爾）

汴州蕭衍置魏因之治汴城（錢氏大昕曰此州未審所在州領沛臨淮二郡沛郡臨潁潁川相三縣考隋志梁郡虞城縣後魏曰蕭後齊廢又後魏置沛郡後齊廢疑卽梁時所置汴州也）

沛郡（汲古閣本作沛）

財州治豫州銅縣（當作銅陽）固始城（漢志汝南郡壽縣下應劭曰孫叔敖子所邑之壽丘也世祖更名固始）

汝南郡壽縣下應劭曰孫叔敖子所邑之壽丘也世祖更名固始）

汝南郡壽縣下應劭曰孫叔敖子所邑之壽丘也世祖更名固始）

汝南郡壽縣下應劭曰孫叔敖子所邑之壽丘也世祖更名固始）

汝南郡壽縣下應劭曰孫叔敖子所邑之壽丘也世祖更名固始）

汝南郡壽縣下應劭曰孫叔敖子所邑之壽丘也世祖更名固始）

魏書地形志校錄卷下

烏程温曰鑑鐵華

京兆郡漢高帝爲渭南郡武帝爲京兆尹（齊氏召南曰高帝九年即復爲內史不稱渭南郡矣志似疏）

長安有昆明池（三輔黃圖上林苑有昆明池周匝四十里漢書注引臣瓚曰在長安西南）周靈臺（三輔黃圖周文王靈臺在長安西北四十里高二丈周四百二十步）鎬池（三輔黃圖引廟記云長安城西有鎬池在昆明池北周匠二十二里）彪池水（彪當從水作滌說文作澆水經注水出鄠池西而北流入於鎬）杜二漢曰杜陵

晉曰杜城（晉志作杜陵）鄠豐水出焉（漢志鄠縣鄠水出東南北過上林苑入渭元和郡縣志出鄠縣東南終南山自發源北流經縣東二十八里北流入渭）山北有風涼原（水經注引關中圖曰驪山之西川中有阜名曰風涼原在磈山之陰雍州之福地太平寰宇記原在藍田縣西南四十五里）有苦谷澆水出焉（水經澆水出京兆藍田谷北入於灊此云苦谷大約諸谷相近故各指言之水經注狗枷西川上承磈山之斫磈谷次東有苦谷是也漢志謂之沂水蓋今本傳刻之誤）

有杜城（漢志杜陵故杜伯國後漢書注在萬年縣東南）新豐有驪山（漢志新豐驪山在南史記正義引括地志在南十六里）戲亭（郡國志新豐有戲亭注引蘇林曰縣東南四十里史記集解引作二十里）首谷水（水經注渭水又東首水南出倒虎山西總五水單流注逕秦步高宮東

歷新豐原東而北逕步壽宮西又北入渭）霸城有軹道亭（史記索隱引漢宮殿疏軹道亭東去霸城觀四里觀東去灊水百步集解引蘇林曰在長安東十三里）長門亭（史記正義引括地志長安門故亭在萬年縣東北苑中）霸水（漢志京兆郡南陵霸水出藍田谷北入渭古曰茲水秦穆公更名以章霸功視子孫史記集解引應劭及水經注並作滋水）温泉（水經注温泉水發自長門亭下入荊谿水亂流注於霸）陰槃二漢屬安定晉屬（通鑑注鴻門戲水皆在縣界按漢京兆與馮翊以渭水爲界安定在馮翊之北晉安得割安定之陰槃以屬京兆耶此魏收之誤又云涇州有平原郡治陰槃縣一志之閒兩陰槃並載而不覺其誤以是見史學之難精也劉昫曰唐涇州良原縣隋陰槃縣是即漢安定之陰槃縣宋白曰京兆昭應縣東十三里有漢新豐縣故城亦謂之陰槃城後漢靈帝末移安定陰槃縣寄理於此是即京兆之陰槃也）有鴻門亭（郡國志新豐東有鴻門亭注引孟康曰在縣東七十里舊大道北下阪口名水經注今新豐縣故城東三里有阪長二里餘塹原通道南北洞開有同門狀謂之鴻門）

靈谷水（水經注泥泉水出南山靈谷北流注於渭）戲水（水經注戲水出麗山馮公谷東北流北逕麗戎城東鴻門東戲亭東又北分爲二水並注渭）藍田有白鹿原（水經注引三秦記曰麗山西有白鹿原元和郡縣志在藍田縣西六里）馮翊郡頻陽有廣武城（方輿紀要據一統志廣武城在富平縣南十五里）南鹵原鹽池（汲古

閣本池誤作也）萬年二漢晉屬京兆（漢志屬左馮翊）有漆沮水（水經渭水又東過華陰縣北注云洛水入焉關駟以爲漆沮之水焉孔安國曰漆沮二水名亦曰洛水出馮翊北）蓮芍二漢晉屬（漢志作蓮芍如淳音輦酌水經注引十三州志曰縣以草受名也）下邳城（漢志京兆郡有下邳縣應劭曰秦武公伐邾戎置後魏廢方輿紀要引四夷縣道記故城在唐下邳縣東南二十五里）鄆太和二十二年置（鄆當作鄆太平寰宇記後魏太和中分萬年置鄆縣水經注渭水又東逕鄆縣西蓋隴西郡之鄆徙也）

扶風郡好時有武都城（元和郡縣志魏文帝徙武都於美陽即今好時縣界也）槐里二漢晉屬始平（當作二漢屬右扶風始平郡晉泰始三年置此誤）周曰大丘（齊氏召南曰漢志槐里周曰大丘非大丘也此當係傳寫之誤）咸陽郡（太平寰宇記符堅於今咸陽縣東北長陵城置咸陽郡後魏太和二十年移咸陽郡於涇水北今涇陽縣也）石安秦孝公築渭城（漢志右扶風渭城故咸陽史記索隱引關中記孝公都咸陽今渭城是在渭北正義引括地志在咸陽縣東十五里）名咸陽宮（史記索隱引三輔故事咸陽宮在渭北）有四皓祠（太平寰宇記四皓廟在萬年縣南終南山下去縣五十里史記索隱四皓謂東園公綺里季夏黃公角里先生）安陵城（漢志左扶風有安陵縣注引關駟本周之程邑也晉省史記正義引括地志故城在咸陽縣東二十一里）杜鄆亭

歷新豐原東而北逕步壽宮西又北入渭）霸城有軹道亭（史記索隱引漢宮殿疏軹道亭東去霸城觀四里觀東去灊水百步集解引蘇林曰在長安東十三里）長門亭（史記正義引括地志長安門故亭在萬年縣東北苑中）霸水（漢志京兆郡南陵霸水出藍田谷北入渭古曰茲水秦穆公更名以章霸功視子孫史記集解引應劭及水經注並作滋水）温泉（水經注温泉水發自長門亭下入荊谿水亂流注於霸）陰槃二漢屬安定晉屬（通鑑注鴻門戲水皆在縣界按漢京兆與馮翊以渭水爲界安定在馮翊之北晉安得割安定之陰槃以屬京兆耶此魏收之誤又云涇州有平原郡治陰槃縣一志之閒兩陰槃並載而不覺其誤以是見史學之難精也劉昫曰唐涇州良原縣隋陰槃縣是即漢安定之陰槃縣宋白曰京兆昭應縣東十三里有漢新豐縣故城亦謂之陰槃城後漢靈帝末移安定陰槃縣寄理於此是即京兆之陰槃也）有鴻門亭（郡國志新豐東有鴻門亭注引孟康曰在縣東七十里舊大道北下阪口名水經注今新豐縣故城東三里有阪長二里餘塹原通道南北洞開有同門狀謂之鴻門）

(杜鄴疑杜郵之誤水經注杜郵亭去咸陽十七里史記正義引括地志今咸陽縣古之杜郵) 寶氏泉(水經注成國故渠又東逕平陵縣故城南故渠之南有寶氏泉) 池陽有鄭白渠(鄭渠自中山西抵瓠口鑿涇水爲渠並北山東注洛三百餘里見史記河渠書白渠引涇水首起谷口尾入櫟陽注渭中袤二百里見漢書溝洫志) 寧夷有甘泉(隋志京兆郡醴泉有甘泉水長安志甘河自醴泉縣西北廿北鎮來至縣東北逕甘渡入涇水) 九巖山(漢志左馮翊谷口九巖山在西太平寰宇記醴泉縣下引郡國縣道記東連仲山西當涇水出處)

北地郡(按食貨志北地郡之三原雲陽銅官宜君縣今雲陽銅官宜君俱屬北地而無三原當亦脫漏又北史毛遐傳北地三原人也元和郡縣志三原縣本漢池陽縣巖巖山在縣西北六十里苻秦於此山北置三原護軍後魏太武七年罷改置三原縣) 魏文帝分馮翊之設初置(漢志左馮翊有設初縣三國魏廢元和郡縣志故城在華原縣東南一里)

富平(太平寰宇記富平縣本漢舊縣屬北地郡前漢理在今靈州迴樂縣界後漢移於今寧州彭原縣界晉又移於今縣西南懷德城) 漢武帝祠(水經注頻陽城北有頻山山有漢武帝殿) 泥陽有慈城山(太平御覽引四夷郡國縣道記巖巖山在雲陽縣東北十里一名慈峨山俗云嵯峨山疑城當爲峨字形相涉而誤) 雲陽有雲陽宮(三輔黃圖甘泉宮一曰雲陽宮元和郡縣志在

雲陽縣西北八十里甘泉山上) 銅官有石槃山(太平寰宇記宜君縣下石槃水源自耀州銅官縣大石盤) 土門有土門山(元和郡縣志土門山在華原縣東南四里以頻山有二土阜狀似門故曰土門) 宜君有宜君水(水經注澧水自直路縣西南逕宜君川世又謂之宜君水) 岐州太和十一年置治雍城鎮(元和郡縣志後魏太武於今岐州理東五里置雍城鎮錢氏大昕曰據劉漢傳漢爲雍城鎮將在任八年遷離城鎮將太和中改鎮爲岐州則離城與雍城非一地岐州乃離城鎮所改與志自相矛盾) 平秦郡(隋志作秦平)

雍有周城(史記正義引括地志周公故城在岐山縣北九里周之采邑也) 武都郡平陽有五丈原(水經注引諸葛亮與步騭書曰在武功西十里餘元和郡縣志原在郿縣西南三十五里) 郿塢(後漢書注今按塢舊基高一丈周迴一里一百步元和郡縣志在郿縣東北十六里) 南田(田當作由元和郡縣志南由縣下後魏孝明帝於縣西南由谷置隋志亦作南由)

武功郡美陽二漢晉屬扶風真君七年罷郡屬焉後屬(謝氏啓昆曰通典元和志寰宇記並云魏於美陽縣置武功郡則美陽爲武功郡治不屬扶風志既載美陽於武功郡下又於扶風郡載領美陽必記載之誤) 有岐山(漢志右扶風美陽禹貢岐山在東北元和郡縣志在岐山縣東北十里) 太白山(隋志扶風郡郿縣有太白山水經注山

在武功縣南元和郡縣志在郿縣東南五十里) 美原廟(美原疑卽姜嫄形似而誤水經注釐縣故城東北有姜嫄祠元和郡縣志祠在武功縣西南二十二里) 略谷(元和郡縣志略谷在長安西南南口曰儻谷北口曰略谷) 郿亭(水經注雍水又東逕郿亭南亭故郿公之采邑也京相璠曰在周城南五十里史記正義引括地志在岐山縣西南十里) 漢西(隋志作莫西太平寰宇記莫谷水源出高泉山後魏於水西置縣因名莫西此漢字當是莫字之誤) 有梁山(史記正義引括地志山在好畤縣西北十八里)

秦州治上封城(卽上邽城太平寰宇記今爲清水縣理所漢志上邽縣下應劭曰史記故邽戎邑也) 天水郡(按楊機傳天水冀人今志無冀縣元和郡縣志云後魏以冀爲當亭) 上封有席水(水經注藉水東歷當亭川左則當亭水注之右則曾席水入焉) 顯新後漢屬漢陽(郡國志作顯親)

略陽郡晉武帝分天水置(晉志略陽郡本名廣魏秦始中更名焉宋志云何志故曰漢陽魏分立曰廣魏武帝更名此云晉武帝分天水置誤也) 安戎有董城(水經注涇谷水又東北歷董亭下方輿紀要在南安郡西南董或作董) 隴城前漢屬天水後漢屬漢陽(二漢曰隴) 有隴城(方輿紀要隴城在秦安縣東九十里) 略陽城(漢志天水郡有略陽道後漢屬漢陽晉屬略陽後廢太平寰宇記故城在隴城縣西北)

漢陽郡黃瓜有始昌城（晉志天水郡有始昌縣水經注引晉書地道記天水始昌縣故西城也）陽康（水經注作揚康）

南秦州治洛谷城（方輿紀要略谷城在成縣西八十里）

漢陽郡蘭倉有雷牛山（太平寰宇記栗亭縣下雷牛山在邑界）

武都郡石門有羌道城（漢志隴西郡有羌道縣後漢屬武都晉省）

武階郡（隋志武都郡復津後魏初曰翫當置武階郡今志止領北部南五部赤萬三縣）

脩武郡（隋志作脩城）仇池郡階陵於牛頭山（通鑑注牛頭山蓋在洮水之南以形名山）

南岐州（此州據元和郡縣志孝昌中以固道郡置錢氏大昕曰志不言所治以隋志考之當治固道郡之梁泉縣）

固道郡延興四年置（隋志河池郡梁泉舊曰故道後魏置郡曰固道縣曰涼泉尋改曰梁泉）

廣化郡（隋志河池郡後魏曰廣化并置廣化郡又下文後魏置思安縣亦當屬廣化）

廣業郡（隋志河池郡同谷舊曰白石置廣業郡又下文有泥陽縣亦當屬廣業錢氏大昕曰南岐州領三郡志惟於固道郡云延興四年置餘皆闕之考皮豹子傳子喜高祖初拜都督秦雍荆梁益

五州諸軍事仇池鎮將帥強奴子等各率戶歸附於是置廣業固道二郡以居之則廣業郡亦延興中置矣）

洛聚郡（隋志作落叢元和郡縣志鳴水縣下後魏宣武帝於此置落叢郡因落叢山為名）

益州正始中置（隋志義城郡後魏立益州世號小益州錢氏大昕曰薛安都傳永平初分梁州晉壽為益州永平元年即正始五年也）

東晉壽郡司馬德宗置（太平寰宇記利州下齊明帝永太元年分晉壽郡之興安縣置東晉壽郡於烏奴北一里即今州是也若晉之晉壽郡晉志孝武分梓潼北界立宋志稱晉地記孝武太元十五年梁州刺史周馥表立亦非司馬德宗置）

晉壽晉惠帝置（宋志晉壽令引晉起居注武帝太康元年改梓潼之漢壽曰晉壽漢壽之名疑是蜀立何云惠帝立非也和郡縣志蜀先主改葭萌為漢壽縣屬梓潼郡晉改為晉壽）

新巴郡（隋志義城郡葭萌後魏曰晉安置新巴郡今志止領新巴一縣）

巴州郡縣闕（此州據太平寰宇記正始元年於漢昌縣理所置大谷郡延昌三年置州考獠傳以梁益二州控攝險遠乃立巴州以統諸獠後以巴

會嚴始欣為刺史隋志清化郡舊置巴州）

梁州蕭衍梁秦二州正始初改置（錢氏大昕曰宋齊以後梁秦二州刺史常以一人領之以南鄭

為治所正始二年梁將夏侯道遷據南鄭入魏魏始立梁州其治所蓋仍在南鄭也）

晉昌郡龍亭有鎮勢山（鎮當作興太平寰宇記興勢山在興道縣西北四十三里今郡城所枕自然隴勢形如一盆緣外險而內有大谷為盤道上

數里方及四門因為興勢之名元和郡縣志興勢

山在興道縣北二十里諸葛亮置烽火樓處水經注小成固城北百二十里有興勢坂）灤水（水經注洛谷水自灤城南流右則灤水注之水發西

谿東南流合為一水亂流南出際其城西南注水）

襄中郡武鄉有牛頭山（太平寰宇記襄城縣有牛頭山形如牛頭高百仞）

安康郡安康有直水（水經注直水出子午谷巖嶺下南枝分東注旬水又南逕蕤閣下東南歷直

谷逕直城西南流注漢）

漢中郡漢陰有胡城（水經注漢水逕胡城南南對扁鵲城當是越人舊所逕陟故名耳）

華陽郡華陽有黃牛山（隋志南鄭縣有黃牛山太平寰宇記在南鄭縣西南五十里）

廉水（水經注廉水出巴嶺山北流逕廉川故水得其名矣又北注漢水）

蕭何城（水經注沔水東逕沔陽縣故城南城舊漢祖在漢中言蕭何所築也）

沔陽有白馬城（水經注沔水逕白馬戍南謂之白馬城一名陽平關其城西帶灤水南面沔川城側

二水之交故亦曰灤口城矣）

黃沙城（水經注五丈谿水側有黃沙屯諸葛亮所開也）

諸葛亮廟（三國志諸葛亮傳景耀六年春詔為亮立廟於沔陽水經注定軍山東名高平是亮宿營處有亮廟）

嶓冢有嶓冢山漢水出焉（漢志隴西縣禹貢嶓冢山在西北漢水所出南入廣漢）

南梁州郡縣闕（按獠傳孝昌初魏子建啓以巴州隆城鎮為南梁州通鑑注引西魏典略曰此州舊有隆城故又謂之南隆城治古閬中今之閬中

即其地)

東梁州(隋志西城郡安康縣下後魏置東梁州考淳于誕傳孝昌三年以梁州安康郡分置東梁州)

涇州(此州據元和郡縣志蓋置於神嘉三年)治臨涇城(元和郡縣志臨涇縣本漢舊縣錢氏大昕曰肅宗紀熙平二年城青徐兗涇平營肆七州所治東陽歷城瑕丘平涼肥如和龍九原七城諸州治所具載於志惟涇州治臨涇城而紀作平涼未詳)

安定郡安定有銅城(太平寰宇記渭州潘原縣下引水經注云良源縣有銅城山方輿紀要銅城在崇信縣西四十里)撫夷城(元和郡縣志今臨涇縣兼有撫夷縣地)烏氏二漢晉屬(郡國志作烏枝)石堂(按張祐抱疑傳皆作石唐)

隴東郡涇陽有薄落山涇水出(漢志安定郡涇陽開頭山在西禹貢涇水所出東南至陽陵入渭說文同惟淮南子作薄落山注云一名斧頭山安定臨涇縣西斧頭即開頭也廣雅薄落謂之斧頭)白城(水經注涇谷水又西北合白城溪)

隴山(郡國志漢陽郡成紀有大坂名隴坻注引郭仲產秦州記曰隴山東西百八十里元和郡縣志在汧源縣西六十二里)祖居前漢屬罷後復屬武威(齊氏召南曰祖居即二漢之祖厲縣也前屬安定後屬武威此注前漢屬下似脫安定二字衍罷字又譌後漢漢字爲復字)

新平郡後漢獻帝建安中置(按後漢書獻帝紀興平元年十二月分安定扶風爲新平郡)

白土二漢屬上郡晉屬金城(通鑑注曰後魏新平之白土乃漢上郡之白土晉金城之白土乃左南西之白土各是一處)高平有石門山(元和郡縣志石門山在三水縣東五十里水經注石門水左會三川混濤歷峽峽即隴山之北垂也謂之石門口在高平縣西北八十餘里)

隨平郡(隋志作趙平又考靈徵志趙平郡上言鶉觚縣木連理此隨字誤)鶉觚前漢屬山城後漢晉屬安定(漢志鶉觚作孤後漢晉作鶉觚字譌太平寰宇記引周地圖記云鶉觚縣者秦使太子扶蘇及蒙恬築長城見此平原水淺因欲築城遂以鶉觚(爵奠)祭乃有鶉鳥飛升觚上以爲靈異因以名縣山城當作北地)有臺山(方輿紀要臺山在靈臺縣東北十里)東槃(當作東陰槃)

平涼郡鶉陰後漢屬武威(郡國志作鶉陰)有凡亭(通鑑注杜佑作瓦亭注云瓦亭山在今平涼郡蕭關縣方輿紀要凡亭即瓦亭之譌)涇陽(涇陽下脫城字元和郡縣志涇陽故城在平涼縣西四十里)平涼城(通鑑注引作平梁)

平原郡陰槃有安城(通鑑太元十四年姚崇襲大界苻登邀擊之於安丘注引此志陰槃有安城)安武城(元和郡縣志今臨涇縣兼有安武城)河州有伏乾(錢氏大昕曰諸本乾下闕二字按乞伏國仁嘗自稱河州牧當云乞伏乾歸置有蓋乞之譌曰鑑按河州前涼張駿所置見晉志及張軌傳)治池臺(至當作罕漢志金城郡有

枸罕縣應劭曰故羌侯邑也後漢屬隴西郡水經注引十三州志縣在郡西二百一十里)金城郡後漢建武十三年闕(據元和郡縣志當是省入二字)大夏有白水(太平寰宇記大夏水一名白水出大夏縣西南山谷中水經注洮水左會大夏川水出西山二源合舍而亂流逕金城城南又東北逕大夏縣故城南又東北出山注於洮水)金柳城(水經注引十三州志曰大夏縣西有故金柳城去縣四十里)武始郡晉分隴西置(晉志張駿以狄道縣置)洪和郡葷州(隋志作葷川考水經注洮水又北出門峽歷東歷川葷川水注之蓋縣以水名也一作葷埧川)

渭州(此州據元和郡縣志永安三年於隴西郡置隋志隴西郡舊渭州其治所常在襄武也)南安陽郡(按晉志漢靈帝置南安郡即此錢氏大昕曰此陽字疑衍隋志隴西縣舊曰內陶置南安郡)原州治高平城(元和郡縣志平高縣本漢高平縣屬安定郡後魏太延二年於今縣理置平高縣屬平高郡)高平郡(錢氏大昕曰隋志平高縣後魏置太平郡後改爲平高周書李穆除原州刺史又以賢子爲平高郡守遠子爲平高縣令叔姪三人皆牧宰鄉里然則此郡縣名皆當爲平高而上文原州治高平城亦當爲平高也)臨杜郡杜一作社(通鑑注引作臨松)

武威郡（按賈彞傳本武威姑臧人也又段承根殷仲達傳並稱武威姑臧人王叔傳子孫因居於武威姑臧今志無姑臧縣方輿紀要曰後魏武威郡治林中縣或曰即故姑臧也）

襄城有休屠城（漢志武威郡有休屠縣晉廢元和郡縣志故城在姑臧縣北六十里水經注都野澤水東北流逕馬城東即休屠縣之故城也本匈奴休屠王都）武治澤（水經注都野澤水上承姑臧武始澤澤水二源東北流為一水通鑑注澤在姑臧西）

昌松郡搆次本作撮沙又作搆次（撮沙未詳漢志作搆次晉作搆次錢氏大昕曰漢隸胥耳二字多相亂故譌為搆）

東涇郡台城（通鑑注引作治城）

梁寧郡（通鑑注引作涼灣）

鄯州郡縣闕（隋志西平郡舊置鄯州元和郡縣志後魏以西平郡為鄯善鎮孝昌二年改鎮立）

瓜州郡縣闕（隋志敦煌郡舊置瓜州元和郡縣志後魏武帝於敦煌郡置敦煌鎮明帝罷鎮立）

華州太和十一年分秦州之華山澄城白水置（按隋志州治華陰錢氏大昕曰志不言治所以安定王燮傳考之蓋初治李潤堡世宗時移治古馮翊城也又薛辯傳自徙都洛邑鳳子兄弟移屬華州河西郡焉華州之有河西郡志亦未見刊本華山作山山誤）

漢臨晉縣晉武帝改為大荔後魏改為華陰後以名重改為武鄉是魏時實有兩縣今志替而為一）有華山（漢志華陰太華山在南史記正義引括地志在南八里）集仙館（太平寰宇記華陰縣有集仙宮漢帝宮觀名也）巨靈原（薛綜西京賦注巨靈河神也古語云華嶽本一山當河水過之而曲行河之神以手擘開其上足踞離其下中分為二以通河流手足之跡於今尚在）濕關（濕疑潼字之誤水經注河在關內南流潼激關山因謂之潼關元和郡縣志潼關在華陰縣東北三十九里古桃林塞也）重泉城（漢志左馮翊有重泉縣後魏廢史記正義引括地志故城在蒲城縣東南四十五里）鄭（隋志鄭縣後魏置東雍州并華山郡）有廣鄉原（水經注渭水又東西陽東陽二水並南出廣鄉原北垂）鄭城（元和郡縣志古鄭城在今縣理西北三里漢志周宣王弟鄭桓公邑）赤城（水經注引世本曰契居蕃闕駟曰蕃在鄭西然則今替城是矣俗名之赤城非也）夏陽故少梁（漢志夏陽故少梁史記正義引括地志在韓城縣南二十二里國都城記云梁伯國贏姓之後與秦同祖秦穆公滅之）有梁山（漢志夏陽禹貢梁山在西北史記正義引括地志在韓城縣東南十九里）龍門山（漢志夏陽龍門山在北元和郡縣志在韓城縣北五十里）敷西有武平城（水經注東石橋水逕武平城東按地理志左馮翊有武成縣史記正義引括地志故武城一名武平城在鄭縣東北十三里）澄城郡五泉有濕水（濕亦疑潼字之誤水經注

灃水北流逕通谷世亦謂之通谷水東北注於河述征記所謂潼谷水者也）三門有衙城（漢志左馮翊有衙縣注即春秋所云秦晉戰於彭衙晉省太平寰宇記故城在白水縣東北六十里）白水郡姚谷有黃崖山（方輿紀要黃崖山在白水縣界）白水有五龍山（隋志馮翊郡白水有五龍山）粟邑城（漢志左馮翊有粟邑縣晉末廢元和郡縣志故城在白水縣西北二十八里）北華州治杏城（元和郡縣志杏城在中部縣西南五里相傳漢將韓胡伐杏木為柵以抗北狄因以為名）中部郡狄道有淺石山（太平寰宇記中部縣下引水經注淺石川出翟道山疑即淺石山也山或因川而異名）長城有五郊城（太平寰宇記鄜州下隋大業三年罷州置鄜城郡自杏城移理於五交城）

肅州（按隋志州治趙興之定安縣今志作安定未審孰是）延興二年為三縣疑（疑志誤據元和郡縣志當作三縣鎮）西北地郡秦昭王置（此郡後魏移置秦置亦無西字）富平有神泉（漢志北地郡富平縣北部郡尉治神泉障水經注龍尾水出北地神泉障北山龍尾谿東北流注清水）靈州城（漢志北地郡有靈州縣後漢廢後漢書注故城在馬領縣西北）獵山（淮南墜形訓洛出獵山高誘注獵山在北地西北夷中水經注洛水自獵山枝分東派東南注於河）

趙興郡陽周有橋山（漢志上郡陽周橋山在南元和郡縣志子午山亦曰橋山在真寧縣東八十里）黃帝冢（漢志陽周有黃帝冢史記集解引皇覽曰冢在上郡橋山）泥陽城（史記正義泥陽故城在羅川縣北三十一里）秋水（史記正義正寧縣東北四十里有泥陽湫疑即此）

襄樂郡襄樂前漢屬上郡（漢志樂作洛元和郡縣志後魏孝文帝改洛為樂）膚施有五龍山（漢志膚施有五龍山方輿紀要山在延安府北十里）黃帝祠（漢志膚施有黃帝祠按漢宣帝所立見郊祀志元和郡縣志云在五龍山上）

夏州始光四年平為統萬鎮（水經注奢延水逕奢延縣故城南赫連龍昇七年於奢延水之北黑水之南遣將作大匠梁公叱干阿利改築大城名曰統萬城）大和十一年改置治大夏（水經注龍昇七年并造五兵器銳精利乃成百鍊為龍雀大銀號曰大夏則今夏州治也）

化政郡（汲古閣本作化城誤通鑑注引此亦作化政）
巖綠一本作嚴綠（明刻本汲古閣本並作復綠一本作巖綠按元和郡縣志夏州朔方縣下後魏置巖綠縣隋因之今隋志亦作巖綠當以巖為是）

東夏州延昌二年置（按薛和傳永平四年正月山賊劉龍駒擾亂夏州詔和發汾華東秦夏四州之衆討龍駒平之和因表立東夏州此云延昌二年置誤矣）
徧城郡廣武前漢屬太原後漢晉屬雁門（按此

注已見上卷雁門郡廣武縣下通鑑注曰後周改廣武曰豐林魏收以為太原雁門之廣武誤也）有三城（方輿紀要三城在延安府東南）波野二漢屬朔方晉罷後復屬（波當作沃隋志延安郡豐林縣下大業初併沃野縣入焉即此非漢舊也）

朔方郡政和（隋志作和政）
定陽郡臨真有丹陽山（水經注河水又南得丹水水出丹陽山）白泉（水經注丹水東北會白水口水出丹山東而西北注之）
秦州（錢氏大昕曰此秦州不言治所以水經注考之蓋治蒲坂也考志中州名相同者多加東西南北以別之太和改洛為司因以上洛為洛天平以大梁為梁其時南鄭之梁已失非同時有兩洛州兩梁州也惟光義譙南郡係武定新附之州沿蕭梁舊名未及更正有重複耳獨兩秦州並置者六十餘年何以不議改易且延和元年改雍州為秦州其時赫連定甫平秦州初入版圖豈有復置秦州之理予積疑者數載後讀食貨志稱并肆汾

建晉秦陝東雍南汾九州靈徵志天平四年秦州并溢太和二年秦州獻五色狗薛辯傳贈都督冀定秦三州諸軍事出帝紀秦州刺史方俟普撥又齊書莫多婁貨文傳仍為汾陝東雍晉秦五州大都督周書薛端傳高祖謹秦州刺史侯植傳父欣秦州刺史史言秦州者多矣而地形志無之乃悟蒲坂之秦州當為秦州之譌字形相涉讀史者不能是正非一日矣曰鑑謂北史魏諸宗室傳贊弟淑孝文時為河東太守為之謠曰秦州河東杼柚

代春連下所屬河東郡書之更明）
河東郡蒲坂二漢晉屬（漢志坂作反）有華陽城（水經注華水出北山華谷西南流逕一故城西按故漢上谷長史侯相碑云侯氏出自倉頡之後食采華陽今蒲坂北亭地即是城也）雷首山（漢志河東蒲反縣雷首山在南水經注山臨大河北去蒲坂三十里）南解有桑泉城（左傳注桑泉在河東解縣西水經注引京相璠春秋土地名曰桑泉在解東南）北解有張楊城（水經注涑水逕張陽城東竹書紀年齊師逐鄭太子齒奔張城南鄭者也漢書之所謂東張矣史記正義引括地志城在虞鄉縣西北四十里）猗氏二漢晉屬河東後復屬（河東後復屬五字衍）有介山塘（漢志河東郡汾陰縣介山在南水經注云即汾山也其山特立周七十里高三十里今準此山可高十餘里）

北鄉郡北猗氏有解城（水經注涑水又西南逕解縣故城南春秋晉惠公許秦以河外五城內及解梁是也元和郡縣志城在臨晉縣東南十八里）汾陰有北鄉城（太平寰宇記汾陰北鄉城即采桑津也在寶鼎縣北三十一步）后土祠（漢書注引蘇林曰汾陰縣在睢之上后土祠在縣西元和郡縣志在寶鼎縣西北一十一里）
陝州治陝城（漢志弘農郡陝縣故虢國水經注陝東城即虢邑之上陽也虢仲之所都為南虢）八年罷（錢氏大昕曰當云十八年罷蓋遷洛之後以畿內罷州也）
恆農郡北陝有曲沃城（錢氏大昕曰此非桓叔

始封之曲沃水經注云春秋文公十三年晉侯使詹嘉守桃林之塞處此以備秦時以曲沃之官守之故曲沃之名遂為積久之傳矣）鄧芝廟（芝字伯苗義陽新野人見三國志列傳）嶠有三嶠山（水經注穀水東逕土嶠北所謂三嶠也史記正義引括地志又名嶽岑山在永寧縣西北二十里即古之穀道也）

西恆農郡恆農有桃林（郡國志弘農有桃丘聚故桃林注引博物記在湖縣休與之山山海經夸父之山北有林焉名曰桃林廣員三百里注云今弘農湖縣閿鄉南谷中是也）

灑池郡北灑池有馬頭山（水經注穀水出於嶠東馬頭山穀陽谷）俱利城（水經注穀水東逕秦趙二城間世謂之俱利城元和郡縣志東城在灑池縣西十三里西城在灑池縣西四十里）生耳山（生耳疑當作熊耳水經注洛水之北有熊耳山雙巒競舉狀同熊耳此自別山不與禹貢導洛自熊耳同也和郡縣志山在永寧縣東北四十五里）

河北郡（太平寰宇記姚秦於河北縣置後魏太和十一年移郡於大陽城即此）

南安邑有中條山（史記正義引括地志河東縣雷首山一名中條山太平寰宇記在安邑縣南二十里西連華嶽東接太行）河北有芮城（史記正義引括地志故芮城在河北縣西二十里古芮國也通典古芮國在河北縣西芮伯萬居魏即此）

河）首陽山（史記集解引馬融曰山在河東蒲坂華山之北河曲之中水經注河北縣北去首山一十許里又云首陽山春秋所謂首戴也）伯夷叔齊墓（水經注雷首山南有古冢陵柏蔚然攢茂丘阜俗謂之夷齊墓也）大陽有虞城（漢志河東郡大陽縣吳山在西上有吳城周武王封太伯後於此是為虞公郡國志作虞城史記正義引括地志在河北縣東北五十里）夏陽城（按春秋注下陽號邑在河東大陽縣若夏陽故少梁已見本志此蓋緣公羊傳而誤與水經注所引服虔注同）

洛州太和十一年改（錢氏大昕曰當在太和八年字誤）治上洛城

上洛郡上洛有丹水（漢志弘農丹水縣丹水出上雒冢領山東至析入鈞水經丹水出京兆上雒縣西北冢領山東南過商縣南又東南至丹水縣入於均）四皓祠（水經注楚水源出上洛縣西南楚山昔四皓隱於楚山即此山也其水兩源合舍於四皓廟東）高東祠（當作高車水經注楚水又東逕高車嶺南嶺上有四皓廟又按高士傳高車山上有四皓碑及祠漢惠帝所立）

荆州魏晉治江陵（按魏荆州治襄陽洪亮吉曰宋志魏荆州治江陵今考三國志江陵屬吳為吳荆州治所不得云魏此仍宋志之誤）太延中治上洛太和中治穰城（錢氏大昕曰上卷魯陽郡云太和十八年改為荆州二十二年罷置然則太和十八年以前荆州仍治上洛及遷都洛陽移洛州於上洛而荆州徙治魯陽二十二年克南陽

始遷荆州於穰城則在太和末年矣此云太和治穰城尚脫改治魯陽一節合前後文考之方得其實又按史記正義引括地志穰縣鄧州所理即古穰侯國水經注楚別邑也）

南陽郡宛有清水（太平寰宇記南陽縣下引隋圖經清水經獨山史定伯碑云瓜里津即清水郡國志宛有瓜里津）梅溪水（隋志南陽菊潭縣有梅溪水經注梅溪水出宛縣北紫山又南逕杜衍縣東又南注清水）新城有覆釜山（方輿紀要覆釜山在鄧州西北八十里）赤石山（水經注清水逕新野縣故城西又東朝水出西北赤石山）冠軍有湍水（漢志弘農郡析縣黃水鞠水俱東至鄆入湍水水經湍水出鄆縣北芬山東南至新野縣東入于清注云出弘農界翼望山山海經曰翼望之山湍水出焉）羊角（齊氏召南曰羊角下疑有脫字）西平有精山（郡國志西鄂有精山後漢書注西鄂故城在向城縣南精山在其南也元和郡縣志在南陽縣西北二十七里）

溼陽有溼（齊氏召南曰以縣在溼水之陽故名有溼之下常有水字）西鄂有棘山（水經注溼水出溼陽縣西北岐棘山）張衡碑（水經注溼水逕西鄂縣南水北有張平子墓墓之東側有平子碑）

東恆農郡西城（汲古閣本作西域誤）北鄆有長山（郡國志南陽葉縣有長山曰方城注引杜預曰方城山在縣南即此長山也漢志云有長城號曰方城則長山當作長城似脫一城字水經注引郡國志作長城山）左南鄉（隋志南鄉縣又有

左南鄉縣并置左鄉郡(有凡亭山(水經注朝水枝分爲樊氏陂俗謂之凡亭陂))

漢廣郡有漢廣城(汲古閣本脫城字)

襄城郡方城有賴陽城(錢氏大昕曰襄州之襄城郡云蕭道成置魏因之治賴陽城其所領方城

郟城伏城舞陰翼陽賴城六縣亦與此同疑孝昌中析荊州置襄州其實一地也)七石山(方輿

紀要七峯山在裕州北三十里上有七峯列峙)舞陰有唐山(隋志作西唐山水經注一作唐子

山後漢書注在湖陽縣西南)北清郡(錢氏大昕曰清當作消肅宗紀北清懸

危南陽告急楊大眼傳出爲荊州刺史北清郡嘗有虎害大眼搏而獲之)

武川有鹿鳴山(方輿紀要南陽府北七十里山有百重其最著者曰鹿鳴武陽亂石拓禽鯉魚五

山)北雒有西鄂城(史記正義引括地志向城縣南二十里西鄂故城是楚西鄂)

恆農郡國(錢氏大昕曰國當作圍字之譌也宋志雍州之恆農郡寄治五壘領郟圍盧氏三

縣)襄州孝昌中置(錢氏大昕曰隋志潁川郡之葉縣後齊置襄州據此志則襄州之置不始於後齊

矣)襄城郡治赭陽城(漢志南陽有堵陽縣韋昭讀堵爲赭後漢書注故城在方城縣)

南安郡天平初罷府置(錢氏大昕曰隋志葉縣有東魏置定南郡據此志則東魏所置本名南安

郡領南安舞葉南定四縣初無定南郡也二志

未審誰是魏收仕於東魏其述東魏郡縣當得其實)

南安(汲古閣本作安南)建城郡(隋志消陽方城縣下東魏又置建城郡

及建城縣今志止領賴陽方城二縣)南襄州(錢氏大昕曰此志不言治所隋志春陵

郡之湖陽縣後魏置西淮安郡及南襄州當即此)

西淮郡(隋志作西淮安郡)襄城郡上馬(隋志春陵郡上馬縣後魏置曰石

馬後譌爲上馬因改焉)南廣州(錢氏大昕曰隋志不見南廣州之名孝

莊紀有南廣州刺史鄭先護周本紀魏廢帝三年改南廣爲清州)

郟州(錢氏大昕曰魏以梁之司州爲郟州此州蓋孝昌中義陽淪沒之後僑置者隋志真陽縣舊

置郟州東魏廢州置義陽郡即此郟州也縣又有後魏安陽縣即此州所領之安陽郡也)

南郟州(錢氏大昕曰此州未詳何年建立考韋肅爲荆郟和驪大使南郟州刺史在肅宗朝而孝

武時有南郟州刺史史寧西魏有南郟州刺史耿令貴韋瑱此州之置當在正光孝昌以前矣周本

紀魏廢帝三年改南郟爲歸州周武帝天和二年省歸州入唐州其地當在今隨州西北)

江夏郡(錢氏大昕曰隋志淮安郡慈丘縣後魏曰江夏并置江夏郡蓋即南郟州之江夏郡也)

永安郡(錢氏大昕曰南郟州所領十二郡今刊本殘闕失其二又有兩永安郡所領縣各不同而

不加東西南北以別之六朝郡縣僑置雖多重複然一州領郡若干未有同名者獨南廣州有兩襄城與此兩永安皆可疑也)

析州(錢氏大昕曰隋志浙陽郡西魏置浙州即此後人加水旁耳據此志則後魏已有之不始於

西魏矣西魏所置州郡非魏收史所當書也考周書泉企傳以破蕭寶寅功遷左將軍浙州刺史則

浙州之置當在永安初矣)脩陽郡(錢氏大昕曰孝武帝名脩而此有脩陽

郡脩陽縣蓋此州及所領郡縣皆置於孝武以前魏收仕於東魏以孝武播遷失國不以君禮待之

故不爲諱也宋志順陽郡永初郡國有朝陽武當鄴陰汎陽筑析脩陽八縣則脩陽郡蓋析順陽置也)

蓋陽(水經注作葛陽趙氏清曰蓋葛音同通用)析陽郡(錢氏大昕曰北史韋孝寬傳普泰中從

荊州刺史源子恭鎮穰城以功除浙陽郡守時獨孤信爲新野郡守同隸荊州是普泰之世析陽又

隸荊州蓋魏末分爭州郡之隸屬無常史家不能悉紀也)

魏書地形志集釋跋

陸心源

魏書地形志集釋三卷題烏程溫曰鑑鐵華著案曰鑑字霽華號鐵華烏程監生從楊鳳苞邢典學好蓄書並嗜金石文字收書地形志承兩漢書遺法兼載古述非若後代史志專載沿革曰鑑博考水經注兩漢志晉志宋志隋志元和郡縣志太平寰宇記九域志爲之注釋用力頗勤惟杜氏通典州郡門考訂甚詳足與魏書相證明溫氏失收似近於陋其書初名考異改名考證後乃定今名此本旁行斜上猶其手藁也繆小山太史擬欲梓行曾錄副寄之

右魏書地形志校錄三卷溫曰鑑鐵華撰鐵華又字霽華歸安人監生從楊鳳苞邢典學好蓄書并有金石癖精輿地之學於南北朝疆宇分合郡縣僑置考索尤詳此書於佛助所著實能糾監本之疏漏毛本之舛錯惟拓跋一朝莫甚於太和孝昌以來遂多陷沒而志但錄天平武定之復置其未經收復於西北實多闕略如巴州原闕郡縣而太谷郡其章郡符陽縣北水郡難江縣洋川其章平桑三郡悉見於寰宇記漢興縣見於輿地廣記南梁州原闕郡縣漢昌縣見於隋志始興縣見於通典鄯州原闕郡縣澆河郡見於元和志西郡縣見於隋志廣威縣見於元和志浩聖縣北金城縣廣武郡廣武縣見於隋志瓜州原闕郡縣敦煌郡敦煌縣效穀郡效穀縣壽昌郡龍勒縣見於隋志晉昌郡常樂郡涼興縣廣至縣冥安縣淵泉縣見於隋志會稽郡廣夏郡會稽縣新鄉縣玉門郡酒泉郡福祿縣見於隋志樂涇縣見於元和志此原志所云闕也南汾州定陽郡下據元和志補斤城縣燕州下據魏書穆熊傳補廣寧郡廣寧縣又據水經灤水注補平原僑郡恆州下據魏書靈徵志補桑乾郡靈州下據寰宇記補大興郡五原縣兗州魯郡下據張猛龍碑補下縣陽州宜陽郡下據隋志補甘棠縣雍州下據寰宇記補渭南郡南新豐縣岐州武都郡下據寰宇記補苑川縣（北史魏蘭根傳作宛川）秦州下據隋志補安陽郡安陽烏水二縣東秦州隴東郡下據寰宇記補汧縣又據元和志補長蛇縣南岐州固道郡下據隋志補梁泉縣兩當縣南岐州廣業郡下據隋志寰宇記

補白石縣栗亭縣益州東晉壽郡下據隋志元和志補興安縣益州宋熙郡下據元和志補宋安縣龍州北陰平郡下據隋志補陰平縣龍州下據水經灤水注補平武郡平洛郡南陽僑郡始平僑郡龍州平武郡下據水經灤水注補長松縣龍州建陽郡下據隋志補秦興縣龍州下據隋志補江油郡梁州下據寰宇記補豐寧郡豐寧縣梁州晉昌郡下據寰宇記補長樂縣涼州武威郡下據隋志補顯美縣涼州西郡下據隋志補山丹縣永寧縣涼州西郡下據舊唐志補蘭池萬歲仙提三縣涼州下據隋志補魏安郡又據寰宇記元和志補張掖郡永平縣東夏州朔方郡下據元和志補城中縣東夏州下據元和志補樂川郡安平縣又補義川郡永寧縣西鄯州江夏郡下據元和志補江夏縣又據魏書楊大眼傳補東荊州東荊州下據隋志補陽平縣南荊州據隋志補固州據司馬元興墓志補此原志所遺漏也鐵華此書據潯鎮汪志本名校異多附錄一卷有道光辛卯梁章鉅序張鑑序丙申丁宸跋刊本今已不可得見朱蘭坡序亦云校異陸存齋跋以爲集釋今收得拾香草堂原藁本乃名校錄蘭坡所舉各條鐵華業已補入佛助此志敗闕又無佳刻撲塵掃葉不爲無功老輩讀書不畏煩難何敢因其小疵而遂輕之平定張石洲別撰延昌地形志藁留祁文恪處聞已散逸未能取以相證爲憾耳歲在甲寅同里後學張鈞衡跋

魏書禮志校補

清盧文弨撰

魏書禮志第十四中闕一版其劉芳疏無從考補下尚有十六字見通典恰與下文接筭今并一二字句之訛并校焉(從通典居多)

軒轅桴(疑稭)阮隲之管定十二之律(舊隲作瑜十二作小一今依官校改)商亂則破其臣(舊官今從樂記改)壤正聲(舊訛氣)感人

又有味任離禁之樂(舊作棘味任禁案棘即味也不當復出又闕離字今依周官鞀鞀氏注補正)或撞之(當有而字)不令及諸畏(疑

畏)獸時司樂上書(通典有陳樂二字當補)典章有闕與之廣修(舊倒)器數彌有殘

(二字舊脫依通典補)缺然心喪在躬未忍聞(舊訛闕)此樂府先傳(舊脫)正聲又有文

(舊訛案案皇始在下文)始五行勺舞鐘磬(舊訛聲)管絃登歌聲調湯武所以(下闕一

版今只從通典補下首數句)先是有陳仲儒者自江南歸國頗閑樂事(下接請依京房云云)

問京房準定六十律之(舊倒)後雖有器(舊脫)存但仲儒在江北之日(此下即仲已意)頗授

琴文(通典作頗愛琴又又字屬下)嘗(典作常)覽司馬彪所撰續漢書廣量衡(舊權)曆經

史備存(舊有)若尺寸小(舊小)長如不練此必至(舊有)乖謬是謂(舊爲)十二之律

若依(舊脫)公孫崇止以十二律聲中呂爲十

二之窮(舊竅訛)崇乃以中呂爲宮(舊二字脫)案畫(舊訛盡)以求其聲致令攪者望風拱手(通典作攪者迎前拱手)一分之內乘

爲二千(舊十訛)分使入常準(舊倒)尺分之內然(舊脫)分數既微中絃下依數盡(疑

畫通典無此字)出六十律清濁之節即於中絃案盡(疑畫)一周之聲平調以角(舊訛宮)

爲主出仲儒愚(舊訛所)思才非一足(夔一而足見風俗通)蓋非常人能(舊所)明

博採(舊訛探)古今拊搏(倒)琴瑟磬氏爲磬偃句(舊闕依官校補)之法文舞著(舊訛

者)進賢冠請以韶舞(舊訛武)爲崇德又六代之舞皆(舊訛者)以大爲名至於謠(舊

訛淫)俗四夷至於古雅尤多亡失(舊矣)收其聲伎(舊訛役)

魏書官氏志疏證

清陳毅撰

序

吳子乘之爲壽夢晉寺人披之爲勃鞞楚臣申包胥之爲楚冒勃蘇皆合音也時梵書不入中土字母之說未興而切音成字已肇其端知以切均爲西域獨得之學者誤也然異域字取純音有有音而無字者中夏借音定字故有一音卽有一字純音者累音成文適滋繁重在彼土亦非有樂乎此徒以隔閡華夷各安所習而已後魏起自北荒語音濁重通志稱獻帝定代人南遷者爲復姓多用合音有二合三合四合者皆指一字之音多似梵書孝文革以華語易單字姓而魏書陸叡傳亦言崔鑿恨其姓名重復（時陸尙姓步六孤）則是厭繁喜簡用夏變夷理勢固然今之歐州距中土更遠亦以切音爲字與古胡俗殆同而論者乃謂字音勝於字義轉慕泰西切音之便思稍易中土之舊容亦有不盡然者與氏族入志躬自魏書以當時胡語易中音爲之推溯源流取備參覈然依聲可尋取類斯隱如賀若乃忠貞之誼紇干卽依倚之言恭連賀蘭之名山拓拔賀拔之取瑞皆彼土常談驟難通曉亦如元世命名察罕哈刺爲顏色朵兒刺搭本爲數目你敦赤斤爲形體不花不忽爲物類若以中土之義求外邦之言則附會舛繆必至如宋人我翁鷓巴之類貽笑後來況字形遷貿轉寫失真者未易更僕此考訂之所以愈難

也官氏志載所改各氏舊說無稽異文亦夥讀者曹然吾友湘鄉陳君詒重篤學好古既治晉書復以餘力及此志旁稽諸史兼綜羣書作爲疏證推勘形聲釐訂分合如俟之譌侯朱之誤味步鹿步六爲同氏渴單紇單本一原皆闡前人所未發餘亦詳審精密洵不可少之作也余與君俱師事葵園祭酒從受讀史之法秉質愚惰歷久無成覽君書竊皇然滋媿已是書上卷志官下卷志氏詒重先成此視余而屬序其後光緒二十年歲次甲午春二月平江愚弟蘇輿謹撰

魏書官氏志疏證（毅曰宋鄭樵通志氏族略陳下侯莫陳氏越下越疆氏薛下叱于氏褒下達勃氏縣下余縣氏艾下艾斤氏門下叱門氏奇下奇斤氏乙下乙弗氏莫下邢莫氏蘭下烏蘭氏說詳莫那妻烏石闕狼下叱奴氏柯下柯拔氏副下副呂氏阿下阿伏氏庫下庫僂官氏僕下僕蘭氏兒下賀兒氏碁下碁連氏利下叱利氏樹下樹洛于氏就下就賴氏尉下尉遲氏並引志爲河南官氏志其卷末又云孝文詔南遷者死不得還卽葬洛陽故虜姓皆在河南其書名河南官氏志者蓋優代北之人隨魏南遷因作其書而爲之志案鄭說誤矣氏可爲河南之氏官不可爲河南之官考唐林寶元和姓纂封伊輿如扶朱胡黎陳甄云蘭邗桓山侯婁緱林古扈纂當爲纂詳纂展鮑利費尉茹樹路步庫艾奮賀舊寇宿僕畢乙屈越葛駱蓋諸氏俱另署河南二字卽連引官氏志云云據通鑑齊紀魏薛宗以不預郡姓碎載于地胡三省注云郡姓郡之大姓著姓百氏郡望始此明姓纂河南二字卽今某氏稱某郡之例蓋漁仲撰略多據當時簿錄家文故牽引河南二字爲書名耳）

湘鄉陳毅詒重學

自古天子立德因生以賜姓（毅曰左氏隱八年傳立作建說文姓人所生也禮大傳正義引鄭玄駁五經異義云炎帝姓姜太皞之所賜也黃帝姓

姬炎帝之所賜也故堯賜伯夷姓姜賜禹姓似賜契姓子賜稷姓姬（胙之土而命之氏）（毅曰周語禹氏有夏四嶽氏有呂諸侯則以家與諡）（毅曰家當從左傳作字為是吐谷渾傳葉延自謂曾祖昌黎公吾為公孫之子案禮公孫之子得以王父字為氏說與左傳杜預注義合可證魏時經本自作字也與左傳作為云諸侯以字為諡因為族據禮檀弓鄭玄注尼父因其字以為之諡又史記舜紀裴駟集解引駸五經異義云族者氏之別名是左傳義謂以字為諡即以諡為氏也此言以字與諡係蒙上氏字為文雖與左傳文異其義則同王符潛夫論志氏姓篇伯有孟孫子服叔子所謂字也文武昭景成宣戴桓所謂諡也）官有世功則有官族邑亦如之（毅曰官當為官左傳禮大傳正義史記舜紀集解引駸異義並其證潛夫論亦作官族云司馬司徒中行下軍所謂官也左傳正義邑若韓魏趙氏）姓則表其所由生氏則記族所由出其大略然也（毅曰史記舜紀集解引駸異義云姓者所以統繫百世使不別也氏者所以別子孫之所出）至於或自所居（毅曰潛夫論東門西門南宮東郭北郭所謂居也案魏時如紇干慕連賀蘭賀術諸氏皆是）或以國號（毅曰潛夫論齊魯吳楚秦晉燕趙所謂國也五帝三王之世所謂號也案魏時如若干叱羅素和吐谷渾並以國為氏至獨孤烏丸叱列宇文慕容諸部亦以國氏遺意惟赫連與古以號氏相近）或用官爵（毅曰官詳上潛夫論王氏侯氏王孫公孫所謂爵也案魏時沮渠氏以官）或用事物（毅

曰物猶職也潛夫論巫氏匠氏陶氏所謂事也三鳥五鹿青牛白馬所謂志也御覽人事部三引應劭風俗通志作職左氏哀元年傳不失舊物史記吳世家集解引賈逵云物職也是事物猶事職之證）雖緣時不同俱其義矣魏氏本居朔壤地遠俗殊賜姓命氏其事不一（毅曰魏稱氏猶夏稱夏后氏也）亦如長勺尾氏終葵之屬也（毅曰尾下氏字涉上誤左氏定四年傳般民六族長勺氏尾勺氏無長勺尾氏）初安帝統國諸部有九十九姓（毅曰序紀成帝統國三十六大姓九十九此云安帝徵誤周書文帝紀魏氏之初統國三十六大姓九十九後多絕滅至恭帝元年以諸將功高者為三十六國後次功者為九十九姓後所統軍人亦改從其姓）至獻帝時七分國人使諸兄弟各攝領之乃分其氏（毅曰通志略五云北朝之制雖文采不足而古道猶存觀武王得天下封同姓五十國而兄弟之國十有六今獻帝十姓而七分兄弟其國豈非成周之道乎魏起甚微其後盛彊奄有中原垂百六十載豈無所自而然）自後兼并他國各有本部部中別族為內姓焉年世稍久互以改易興衰存滅間有之矣今舉其可知者

獻帝以兄為紇骨氏後改為胡氏（毅曰唐書宰相世系表長孫氏下稱孝文以獻帝長兄為紇骨氏誤也據志孝文改紇骨為胡是紇骨立氏必在孝文已前姓纂二十二元氏下云魏獻帝與淑長元匹麟為紇骨氏上數字疑文有奪誤又通志略六稱魏獻帝定代北人為復姓或三字或四字其音多似西域梵書有二合三合四合者皆指一字之音孝文用夷變夏革以華俗改為單字姓尤與紇骨改胡義合明紇骨氏不始孝文也宋鄧名世古今姓氏書辯證三十七引志稱紇骨氏改骨氏隋有京兆郡丞骨儀儀見隋書陰壽傳云長安人蓋後從通志略五骨氏望出河南亦引志紇骨改骨及隋骨儀為證與志云改胡異案紇骨胡一聲之轉也唐書回鶻舊唐書作迴紇宋吳曾能改齋漫錄事始篇鶻突鶻骨聲胡聲是紇骨胡聲相轉猶云讀為鶻突鶻骨聲胡聲是紇骨胡聲相轉猶紇鶻胡之例矣夷言紇骨即華言胡孝文改氏為胡即用紇骨之華音猶屋引為房土難為山正漁仲所謂一字二合音者梵書合音若今歐西併音合音至三音四音今併音累至十餘音魏時華夷雜處語無定聲氏亦無定字北音重濁呼胡多為骨音故孝文雖就紇骨合音定氏字為胡而代人猶有稱氏為骨者據通志略稱魏復姓音似梵書又六書略五稱華書重字作二梵書作二與今英吉利法蘭西文二作二正合蓋魏時西人語音文字已入中國其復氏至三四字亦與今美之華盛頓法之拿破崙相同觀今譯外域姓氏無定字可悟紇骨改胡或仍呼胡為骨之理矣姓纂十一模引志亦云氏改為胡通志略二同可證孝文所改是胡非骨又姓纂十一沒云魏太府卿義山公紇骨容生預邱公靜靜生貴又云唐有紇骨大威又二十二元稱唐天授中詔紇骨氏十七代孫紹改姓元氏蓋西魏詔代人復本姓故紇骨氏至唐又改為元耳）

次兄爲普氏後改爲周氏（毅曰普下當奪適字
隋書周搖傳云其先與後魏同源初爲普乃氏及
居洛陽改爲周氏北史同案普乃二字無周音未
由改氏爲周據隸書乃作適繁陽令楊君碑或誤作
適見宗俱碑是隋傳本適譌適後改爲乃遂無從識
爲適字耳說文適从乃因聲讀若攸徐鉉音以周
切普適二音反切爲周 玉篇周語由切蓋音之輕重也
故改氏之廣韻姓纂十八尤十姥宋邵思姓解二
唐書宰相世系表長孫氏下姓氏辯證十八通志
略二並引作普氏是志唐已前本已奪適字猶幸
乃字見隋傳藉存普適一氏也 隋書重譜系又經籍大備
唐隋史必據其祕籍故最可據 太宗紀宋兵將軍周
幾傳云代人宋書索虜傳作普幾普幾本普適幾
蓋南朝譯言之譌略不得反據駁北人所撰之隋
傳通志略六云普周爲周普周即普適也和稽改
緩稱緩稽紇奚改稽稱紇稽故普適改周亦稱普
周姓氏辯證十二稱獻帝次兄改周氏者爲車非
氏據周搖傳周閱受禪賜姓車非隋高受禪復姓
周名世蓋誤以周賜之氏蒙魏初所受之氏也）
次兄爲拓拔氏後改爲長孫氏（毅曰拓拔帝姓
也此當爲拔拔姓氏辯證三十七云獻帝次兄爲
拔拔氏後改爲長孫氏又三十八云孝文改姓元
氏自是拓拔氏降爲庶姓散在夷狄據志太和前
氏及紇骨八氏與帝室爲十姓時帝未改姓元明
氏不得與帝姓同號拓拔通鑑宋紀一云長孫嵩
實姓拔拔齊紀六云魏詔拓拔氏改元氏改拔拔
氏爲長孫氏可證改長孫之拔拔與改元之拓拔
本兩氏宋書朱齡石傳稱長孫嵩爲拓拔嵩長孫

道生爲拔拔道生蓋拓拔本拔轉聲先係一氏
獻帝始因聲分之故諸書或稱其舊舊唐書長孫
無忌傳河南洛陽人其先出自後魏獻文帝第三
兄初爲拓拔氏宣力魏室功最居多世襲大人之
號後更跋氏爲宗室之長改姓長孫氏跋氏即拔
拔氏譯音譌略是獻帝定拓拔爲拔拔之證唐書
宰相世系表示長孫氏出自拓拔鬱律生二子長
沙莫雄次什翼健沙莫雄爲南部大人後改名仁
號爲拓拔氏拓當爲拔生嵩太尉柱國大將軍北平
宣王道武以嵩宗室之長改爲長孫氏案唐表誤
也鬱律即平文什翼健即昭成據嵩傳父仁昭成
時爲南部大人不言爲昭成兄序紀平文長子烈
帝翳槐非大人亦非沙莫雄且平文係獻帝五世
孫志既稱氏爲獻帝次兄尤證此氏不始鬱律之
子明凌迪知萬姓統譜反據表訂傳大謬姓纂三
十六養云獻帝第三兄爲長孫氏與志及舊唐長
孫無忌傳合可刊表誤然姓纂稱氏當獻帝時已
號長孫與表言道武改氏亦異據志拔拔係獻帝
定氏而太和十八年比干墓文碑陰有符璽郎中
河南郡拔拔臻可知氏改長孫必在孝文定代姓
時林寶既誤以新姓蒙舊姓歐陽復不諳收書盡
用新姓不用舊姓之例例見通鑑考異長孫嵩長孫肥諸
傳皆是 故說俱不合周書長孫儉傳云河南洛陽
人五世祖嵩其先魏之氏族姓拓拔氏拓當爲拔孝
文遷洛改爲長孫是其顯證）

玄孫武後周太保據兩書是武爲眷孫眷爲斤孫
也斤眷本書皆有傳止稱奚氏亦不言其爲祖孫
得此可訂兩傳之闕宋書索虜傳稱奚斤正作達
奚斤 宋少帝紀斤作叩誤 北史奚康生傳云河南陽
翟人其先居代本姓達奚康生本書有傳廣韻十二
曷稱達奚氏爲憲帝弟憲獻音譌也唐書宰相世
系表長孫氏下稱爲獻帝次兄又稱孝文以爲達
奚均誤）
次弟爲伊婁氏後改爲伊氏（毅曰唐書宰相世
系表長孫氏下弟作兄誤廣韻十九侯稱伊婁氏
匹婁氏後並改爲婁氏唐表通志略五亦稱伊婁
後改婁氏惟姓纂六脂云獻帝第六弟爲伊婁氏
又引志作改爲伊氏案改伊是也宋書索虜傳有
并州刺史伊樓拔即姓纂所稱後魏之代人伊婁
跋本書列傳止稱伊跋周書伊婁穆傳穆父靈太
祖嘗謂之云昔伊尹保衡于殷致主堯舜卿既姓
伊庶卿不替前緒皆其證魏太和比干墓文碑陰
有宰官令伊婁願隋書伊婁謙傳本鮮卑人其先
代爲酋長隨魏南遷不言與魏同源蓋文略也）
次弟爲丘敦氏後改爲丘氏（毅曰唐書宰相世
系表長孫氏下弟作兄誤又丘敦二字倒姓氏辯
證二十七長孫氏下同通志略前作丘敦後作敦
丘即可訂其倒置之誤姓纂十八尤云丘敦氏今
姓丘氏獻帝以弟豆真折爲丘敦氏封臨淮王孝
文改爲丘氏折生堆堆生跋跋生麟堆跋麟本書
有傳麟傳作麟止稱丘氏云代人又通鑑宋紀云丘
堆姓丘敦案丘敦疊韻也爾雅釋丘丘一成爲敦
丘據周禮司几筵鄭玄注敦讀曰肅肅同燭廣韻

疇丘並入十八尤是丘敦本疊韻而二合)

次弟為侯氏後改為亥氏(毅曰侯為侯形之譌
侯上當補亥字為亥侯氏亥讀如核與墨从黑聲
近廣韻八微侯下云万音墨是亥侯即万侯也唐
書宰相世系表長孫氏下稱後魏十姓有獻帝次
兄侯氏為万侯氏無侯氏亥氏通志略五亦稱獻
帝次兄侯氏改為万侯氏又云万侯氏獻帝季弟
後皆其證案鄭言万侯獻帝弟後是矣又承歐表
以為兄則誤而歐鄭並稱万侯係侯所改尤非檢
本志諸氏皆複改單不應此氏獨單改複考姓纂
六止稱獻帝以次子為侯亥氏後改為侯氏姓氏
辯證二十四引志侯亥氏改亥氏林寶雖誤以弟
為子可證氏稿由複改單通志略五分韻類侯下
稱魏獻帝次弟為侯亥氏後為侯氏亥下引志侯
亥氏改亥氏又略六變夷類稱侯亥為亥下云魏
復姓孝文咸改單姓惟賀若不改及乙旃改叔孫
拓拔改長孫拓當為拔據此是鄭樵亦知氏係由複
改單特未諳亥万聲通因並沿唐表侯為万侯之
譌致自相矛盾以與林鄧岐巽然林言氏改侯較
志及鄧言改亥不同鄭又改侯改亥互出又與林
鄧並以亥侯為侯亥據易明夷箕子釋文引劉向
作芟滋亥聲箕其聲明亥古音同其與廣韻二
十五德万下侯音其之侯正雙聲是亥侯為氏本
二合音或稱改亥或稱改侯猶紇骨改胡又稱改
骨矣惟舊氏侯亥二字雖合音不嫌倒置當仍以
亥侯為正孝莊出靜三帝紀有万侯醜奴万侯普
撥万侯受洛干尔朱天光傳有万侯道洛其氏並
稱万侯不稱侯万即可為侯亥當為亥侯之證北

齊書万侯普傳其先匈奴別種姓纂二十五德通
志略五並引志万侯氏中間失譜)

七族之與自此始也

又命叔父之胤曰乙旃氏後改為叔孫氏(毅曰
唐書宰相世系表長孫氏下姓解三姓氏辯證三
十六通志略五並同又姓解辯證有乙干氏云魏
都督乙干貴通志略亦稱乙干氏代人隨魏南徙
姓纂五賀干作千云魏獻帝弟為乙干氏居武川
魏靈州刺史乙干若生暉暉生達宗達生法通宗
生端威是乙干即乙旃轉音邵鄧鄭誤分為二氏
耳比干墓文碑陰有給事中乙旃恬乙旃免直閣
武衛中乙旃阿各仁乙旃應仁武騎侍郎乙旃侯
莫干晉書乞伏國仁載記乙旃音溼為左相北史
魏紀恭帝元年蠕蠕乙旃達官寇廣武案音溼魏
族達官非魏族也據高車傳有乙旃氏為高車十
二姓之一達官殆其苗裔姓纂一屋乙旃改叔孫
引道武時叔孫建為證宋書朱齡石傳義熙十二
年北伐索虜遣安平公乙旃眷屯河北檀道濟傳
元嘉八年北討值虜安平公乙旃眷眷聲近建乙
旃眷即叔孫建也本書建有傳云賜爵安平公時
事亦合可證也又本書太祖紀登國元年叔孫普
洛為北部大人叔孫普洛叔孫建皆新氏蒙舊)

又命疏屬曰車焜氏後改為車氏(毅曰廣韻九
麻姓解二唐書宰相世系表長孫氏下姓氏辯證
十二通志略五並同又通志略焜作焜)

凡與帝室為十姓(毅曰帝姓拓拔氏也或作托
跋南齊書魏虜傳云虜匈奴種姓托跋氏李陵之
後初匈奴女名托跋妻李陵胡俗以母名為姓本

書序紀云黃帝子昌意少子受封北土黃帝以土
德王北俗謂土為托謂后為跋故以為氏廣韻十
九鐸云或說自云拓天而生拔地而長遂以氏焉
案三說皆誤也虜傳撰自南朝故多貶詞齊史斥
魏姓托跋為母名猶魏史斥夏姓鐵弗為母號也
序紀撰自北朝故多頌詞魏人稱托跋為土后猶
周人稱宇文為天君也其拓天拔地之說亦若慕
容自稱為慕德繼容率夸誕不足據慧琳辯正論
音義七稱拓拔之拓从衣作拓可知拓非拓天之
義拓拔即秃髮也考舊唐書吐蕃傳稱秃髮語謂
謂之吐蕃吐字土聲是秃字北音與托音為土正
同錢大昕晉書考異云秃髮之先與魏同出秃髮
即拓拔之轉無二義也古讀輕唇音如重唇故赫
連勃勃即佛佛髮从女得聲與拔音正相近伯起
書尊魏抑涼故別而二之今據本書秃髮烏孤傳
稱八世祖匹孤子壽闡產被中乃名秃髮其俗謂
被覆之義晉書載略同又源賀傳稱賀為秃髮傳
檀子世祖自謂與賀同源唐書宰相世系表源氏
下亦稱秃髮僭檀為魏聖武帝長子疋孤七世孫
錢氏之說不孤為證矣姓纂二十二元引志云拓
拔氏改為元氏自云黃帝子昌意之後居北土代
為鮮卑君長案本志無此文通鑑齊紀云建武三
年魏主下詔以為北人謂土為拓后為跋魏之先
出于黃帝以土德王故為拓拔氏夫土者中黃之
色萬物之元也宜改姓元氏與姓纂語意同是唐
前諸魏史多載此詔林寶誤引為志文耳又案通
鑑書拓拔改氏于齊建武三年與本書高祖紀稱
太和二十年詔改元氏合然本志稱代人定姓並

稱万侯不稱侯万即可為侯亥當為亥侯之證北

後初匈奴女名托跋妻李陵胡俗以母名為姓本

太和二十年詔改元氏合然本志稱代人定姓並

在十九年不應帝室改氏反後據太和十八年比干墓文碑陰拔伊婁乙旃獨孤若干叱羅賀拔吐難丘目陵万性于侯莫陳諸人並稱舊氏而元禱碑闕喜旁元羽元緄元澄元詳元景元纂元翰元蚪元尉元宜元洛平等十三人已稱新氏顯係拓拔改元氏前代人定姓一年何魏收以魏臣撰魏史至此謬蓋高紀本收書所闕後人取魏澹李延壽史補之 宋王堯臣崇文總目云澹魏史延壽北史與收史相亂陳振孫書錄解題四引中興書目謂收書闕太宗紀以澹書補案御覽皇王部引魏書有西魏孝武文廢恭四帝與隋書澹傳所載澹例合而御覽引高祖改氏正二十年北史同故知高紀係兩家文代遠傳譌故書十八年事于二十年司馬氏遂承其謬南齊書魏虜傳云隆昌元年宏徙都洛陽改姓元氏齊隆昌元年正魏太和十八年齊書撰于梁初梁書蕭子顯傳距魏改氏時近 魏太和十八年至梁天監元年相距八年 最為可據舊唐書党項羌傳其種姓有拓拔氏最為強族與此氏別) 百世不通婚(毅曰鄭樵謂獻帝七分兄弟為成周之道是矣考左隱八年傳正義云黃帝之子兄弟異姓周子孫皆姓姬者欲令子孫相親故不使別姓魏則兄弟叔父胤及疏屬各為氏與帝姓為十是則稍異然禮大傳云庶姓別于上又云繫之以姓而弗別雖百世而昏姻不通者周道然也鄭注姓正姓始祖為正姓高祖為庶姓繫之弗別謂若今宗室屬籍正義周法雖庶姓別于上而繫以本姓而不分別百世不改婚姻不得通正魏分氏而百世不通婚所本案宋書南史王懿傳北土重同姓謂之骨肉宋吳曾能改齋漫錄

十亦稱北土重同姓魏氏遺風遠矣) 太和以前國之喪葬祠禮非十族不得與也高祖革之各以職司從事神元皇帝時餘部諸姓內入者 丘穆陵氏後改為穆氏(毅曰比干墓文碑陰有長樂公丘目陵亮黃平子丘目陵純給事中丘目陵惠穆目擊通段也亮高祖崇曾祖觀祖壽父平國宗人醜善玄孫純本書皆有傳云代人其先世效節于神元桓穆之時而傳止稱穆氏似與志異宋趙明誠金石錄二十一據碑謂本傳但云姓穆為有闕誤其說實非今據志下文高祖改定代北諸氏事在太和十九年而高祖紀車駕經比干墓親為弔文樹碑事在十八年明亮純惠諸人碑陰題名時尚姓丘穆陵至收作魏書其氏改穆已久故用新姓趙駁失之) 步六孤氏後改為陸氏(沈濤曰下文西方有步鹿根氏後改為步氏是步六孤步鹿根非一姓改步改鹿亦各不同姓氏辯證三十云代北步鹿孤氏後為步氏亦作步鹿根又云代北步六根氏後改為步氏亦作步鹿根聲通釋名地篇陸澗也為一誤矣毅曰六或為鹿聲通釋名地篇陸澗也山篇麓陸也澗麓並鹿聲又轉訓陸故氏亦因鹿改陸姓氏辯證三十有步六孤步鹿孤兩氏下云後為步氏亦作步鹿根案據志下文步鹿根改為步氏與此改氏為陸之步六孤迴別名世分步六孤步鹿孤為二合步鹿根步鹿孤為一皆誤通志略五稱改陸氏者為步六孤改鹿氏者為步鹿孤誤亦同又辯證稱魏有長安鎮將步六孤真真見本書列傳止稱陸真真纂一屋云河南陸氏出自

代北步六孤氏魏東平王侯生麗麗生叡侯麗親本書皆有傳叡傳云叡襲平原王麗爵崔鑿謂所親云平原王才度不惡但恨其姓名殊為重複時高祖未改其姓可證改陸氏者必步六孤也周書陸通傳通吳郡人魏大統九年賜步六孤氏通雖與此氏異族亦此氏必不改步之證又北齊書元蠻傳賜姓步六孤與此迴別) 賀賴氏後改為賀氏(毅曰姓氏辯證三十三引唐孔至姓氏雜錄稱改賀氏者為賀敦氏沈濤云今志有賀賴賀蘭二氏改賀氏姓纂同而無賀敦氏鄧不引志而引雜錄當是鄧所見志亦同今本孔至唐時人傳本或有異同也又辯證引志賀魯改周氏今亦無其文毅案賀魯當即賀樓賀敦即賀賴音之變也據志下文賀樓賀葛賀若賀兒賀拔賀蘭并此凡七氏無賀敦其改氏為賀者惟賀蘭與賀賴彼敦字常讀如槃敦之敦即賴字聲近致譌非別有一氏也姓纂三十八箇引志止云賀蘭賀賴改姓賀亦無賀敦即其證晉書慕容儼載記匈奴單于賀賴頭率部落三萬五千降于儼慕容超載記輔國賀賴慮據臨朐此兩事辯證引入賀賴氏下正在賀敦氏後蓋割剛時錯為兩氏耳通志略五有賀遂氏云晉初賜稽胡姓呼延居西夏州夏字從辯證三十三補入魏呼延勤辯證作勤為定州刺史于定陽鎮賜姓賀遂氏音訛為賀悅 姓纂十媿云魏正始年賜姓作城音譌賀悅與此異又三十八箇稱賀遂改房氏誤也又賀術氏下云魏初賀術部居賀術山因氏焉賀術即賀遂也禮月令學記注術音遂可證案賀悅之悅讀如兌免賴疊韻是賀遂賀

悅賀術皆賀賴一氏也廣韻三十八箇姓解三引志有賀遂賀悅兩氏而賀賴氏又別引南燕錄賀賴盧為證非)

獨孤氏後改為劉氏(毅曰通志略獨孤氏本姓劉北蕃右賢王之後其先尚公主因從母姓劉氏

後漢度遼將軍劉進伯擊匈奴兵敗被執囚之孤山下生尸利單于以為谷蠡王號獨孤部唐書宰

相世系表云尸利生烏利二子去卑猛猛生副論副論生路孤路孤生眷眷生羅辰從魏孝文徙洛

陽為河南令初以其部為氏位定州刺史永安公生萬齡萬齡生稽稽生歸歸生冀高祖比干墓文

碑陰有武衛侍郎獨孤遙劉尼傳代人本姓獨孤氏會祖敦父婁子杜生宋書索虜傳有獨孤侯尼

須即獨孤尼譯音之譌誤也北史劉庫仁傳獨孤部人劉武之宗據諸書是獨孤本自劉改後復氏

劉也北齊書獨孤永業傳云永業本姓劉中山人母改適獨孤氏永業幼孤隨母為獨孤家所有養

遂從其姓蓋即此氏時人見其或劉或獨孤遂謬為之辭耳舊唐書劉崇望傳其先代郡人隨元魏

孝文徙洛陽遂為河南人亦此氏後周書高賓傳賜姓獨孤與此氏別)

賀樓氏後改為樓氏(毅曰廣韻三十八箇樓作婁通志略五云賀婁氏代人本居漠北以國為氏

孝文改為婁氏婁樓同聲通用據姓纂三十八箇上樓字亦作婁下樓字與志同蓋氏在未改前多

作婁既改後多作樓也姓解二引志又作樓隋書賀婁子幹傳子幹本人隨魏氏南遷世居關右

姓纂云魏鎮西大將軍廣陵王賀婁伏蓮生大拔

蒙而伏蓮大拔本書皆有傳止稱樓氏北史仍作婁皆其證)

勿忸于氏後改為于氏(毅曰唐書宰相世系表有萬紐于氏案萬勿古聲本通釋名形體篇吻免

也廣韻二十五願云婉古萬字勿聲萬聲皆通免聲是即勿萬古聲相通之證紐與忸亦聲通是唐

表方紐于即志之勿忸于矣萬本或作方廣韻十虞引志作方忸于二十五願稱虜姓有方紐于萬

紐于之為方忸于猶孝莊紀方俛醜奴嚙嚙國傳作萬俛醜奴也方當依廣韻讀如墨與正韻勿讀

為沒之聲亦相近高祖比干墓文碑陰有司衛監方忸于勁給事方忸于黔顯武將軍方忸于吐拔

武騎侍郎方忸于澄上三平字係碑壞處非本作乎也通志略五云勿忸于疑與方紐于同 通志略六以萬紐

于勿忸于並列則誤 皆其顯證姓氏辯證三十二引志稱方忸于改為方氏誤據唐表于氏出自姬姓

周武王第二子邗叔子孫以國為氏後去邑為于氏其後自東海郟縣隨拓拔徙代改為萬紐于

氏萬當作方詳上魏孝文時復為于氏外都大官新安公栗磾生洛拔洛拔六子烈敦果勁泊天恩天

恩生仁下天字原作大誤今據改仁生子安子安生子提子提生謹從西魏孝武入關遂為京兆長安人

栗磾洛拔烈果勁本書有傳勁即比干碑陰之方忸于勁也又周書唐瑾傳賜姓萬紐于氏周天和

二年華嶽頌碑有臨淄縣開國公方紐于瑾係唐瑾從其賜姓與此氏別)

是連氏後改為連氏(毅曰姓氏辯證二十一云北齊文宣有黃門郎是連子暢是連氏隨魏南徙

孝文改為連)

僕闌氏後改為僕氏(毅曰姓纂二沃姓解一引志闌作蘭姓氏辯證三十六同通志略四云宋吳

興有此氏望出河南又姓解稱僕固虜姓亦見本志蓋誤)

若干氏後改為苟氏(毅曰宋邵思姓解二云若音惹予謂當讀如金剛般若之若蓋胡音也宋書

索虜傳有平遠將軍永安侯若干內亦千周書若干惠傳云代郡武川人父樹利周其先與魏氏俱

起以國為姓高祖比干墓文碑陰有直關武衛中若干侯莫仁姓纂十八藥若干氏下云魏荊州刺

史晉陽公勸生猛姓氏辯證三十八稱若干後改為若氏引晉載記後燕步兵校尉若久和為證錢

熙祚校勘云魏始改若干為若氏後燕之若久和在改氏前不應為若干氏之後案錢說是矣然名

世謂氏改為若尤謬通志略四云若干改苟北史苟頽傳云頽代人本姓若干是其證)

拔列氏後改為梁氏(沈濤曰姓氏辯證三十七作拔列蘭蓋今本奪一蘭字通志略五亦作拔列

蘭列于代北三字姓毅曰沈說是姓解一稱拔列蘭魏虜三字姓後改為梁氏廣韻十三末引志亦

有蘭字當據補周書梁椿傳云椿代人殆其裔)撥略氏後改為略氏(毅曰周書賀拔勝傳有都

督拔略昶廣韻十三末亦稱魏有拔略昶案說文鱣鮪鮫鮪韓詩作鱣鱣漢書夏侯嬰傳音灼注鱣

音足跋物之跋据此友發偏旁之字同音通用此拔略即撥略矣略氏蓋蘇氏之譌姓纂十一模十

三末通志略三五引志並云拔略改蘇姓氏辯證

三十七云拔略亦作拔暑引志云拔暑改蘇是名世所見魏志本作拔暑又姓纂拔略改蘇下稱魏恆州刺史蘇強生袁州刺史武安武安生周眉州刺史順順生隋昂州刺史沙羅沙羅見隋書蘇孝慈傳沙羅生唐襄城男康康生守忠守儉案蘇氏爲隋唐世族林寶以唐人記其譜系所見必稿

若口引氏後改爲寇氏毅曰姓纂五十候引志省若字通志略四六同孔至姓氏雜錄云引音辰若口引氏後改爲寇氏毅曰姓纂五十候引志省若字通志略四六同孔至姓氏雜錄云引音辰若口引氏後改爲寇氏毅曰姓纂五十候引志省若字通志略四六同孔至姓氏雜錄云引音辰

藥氏辯證三十八引通志略五寇作冠誤廣韻十八藥氏之周書寇儻傳魏恭帝三年賜姓若口引氏寇洛傳子和世宗二年賜姓若口引氏是若口引之爲寇若紇豆陵之爲竇胡語聲本同也

叱羅氏後改爲羅氏毅曰姓氏辯證十二羅氏下引志叱作吐又二十四吐羅氏下云或作叱羅案吐字譌也高祖比干墓文碑陰有直閣武衛中叱羅吐蓋梁書杜崩傳弟幼安候景儀同叱羅子通周書叱羅協傳魏恭帝三年賜姓宇文周保安二年安當作定復舊姓叱羅又廣韻五質姓纂七歌姓解一引志及通志略二並作叱羅皆其證辯證十二引志云吐羅氏斛瑟羅氏並改羅氏姓纂十二解斛譌解三十五引志斛瑟羅氏改爲羅氏通志略五亦稱魏改羅氏者有斛瑟羅氏斛瑟羅即叱羅聲之變也北朝讀叱如薛詳後叱于叱羅氏即晉書苻堅載記之薛羅國斛瑟二字與叱字翻音相近蓋魏譯此氏音有緩急輕重之殊後譜錄家因歧爲二氏耳

普陋茹氏後改爲茹氏毅曰此中國三字反切

也陋字當以喉舌齶唇音依唐韻正陋音路聲讀爲釋名天篇露慮之慮與廣韻九魚茹切如慮音正相近又陋旁因說文从丙徐鉉謂丙爲內是陋與凡从內字聲通據南齊書傳芮芮隋書高昌傳或作茹茹皆陋得翻茹之證普陋茹雖胡音然孝文改茹實取華音今試先輕讀普次輕讀陋再重讀茹音急仍成一茹字可證氏即取華音三字反切改之無疑考史記伍子胥傳正義鱗普茹反鱗

普聲而反爲普茹與公羊隱元年傳邾婁仍爲邾例合其普茹開微兼陋音與邾婁兼邾音亦同雖此反茹與彼反普似殊然重讀普則陋茹皆助普音重讀茹則普陋皆成茹音亦猶邾婁重呼邾則爲邾重呼婁則爲婁也反切未與已前明古人能累數音爲一音孫炎定反切兩字蓋省其間輕音以立法于簡後人不知古字累數音即反切所生至有訛梵書三四合音西文十餘併音爲中國反切所無者而普陋茹之爲茹遂爲華音三字反切之僅存矣廣韻引志入九魚又十姥引茹作如通志略五云普六茹氏疑與普陋茹同茹或作如姓纂引志入九御下云蠕蠕入中國亦爲茹氏音去聲後譜錄家遂謂讀去聲者爲蠕蠕之茹讀平聲者爲普陋茹之茹不知蠕蠕或稱茹茹即普陋茹方音之變也前廢帝紀有南青州刺史茹懷朗疑此氏後周書楊忠傳魏恭帝初賜姓普六如氏隋書楊尙希傳周太祖賜姓普六茹氏當在西魏大統之間並與此別

賀葛氏後改爲葛氏毅曰廣韻三十八箇姓纂十二曷姓解二引志姓氏辯證三十三通志略二

賀葛氏後改爲葛氏毅曰廣韻三十八箇姓纂十二曷姓解二引志姓氏辯證三十三通志略二

賀葛氏後改爲葛氏毅曰廣韻三十八箇姓纂十二曷姓解二引志姓氏辯證三十三通志略二

五並同）是賁氏後改爲封氏毅曰姓纂三鍾通志略二奪是字又姓纂四紙稱是賁改爲兒氏是奴改爲封氏案姓纂誤也據書大傳注賁訓大詩烈文傳封亦訓大禮王制注封謂聚土爲墳是賁封古音義並通故改氏之也北史封勅文傳云代人本姓是賁廣韻二冬引志亦云是賁改封通志略五同尤其明證

阿伏于氏後改爲阿氏毅曰姓纂七歌于作干通志略五同姓氏辯證十二引志作阿伏氏通志略四六同云改爲于氏又二十六云魏阿地于可地干並改爲可氏又引北史暨陽子可悉陵爲證案鄧書誤也據常山王遵傳可悉陵爲昭成帝玄孫是元氏宗室非餘部內入之氏廣韻七歌引志正作阿伏于改阿氏長孫肥傳擊蠕蠕大檀別帥阿伏于于柞山彼阿伏于疑即此氏記者誤奪其名耳晉書安帝紀義熙十三年夏劉裕斬魏鵝青裨將阿薄干疑亦此氏方音之變

可地延氏後改爲延氏毅曰廣韻三十三弜引同姓纂引奪上延字通志略六遂分爲兩氏誤姓氏辯證二十六可氏下云魏可地干氏改焉案可地干即可地延涉上阿地干而誤也據辯證二十引志亦稱可地延改爲延即可用彼矛攻彼盾矣太宗紀有驍騎將軍延普蓋即此氏伯起以其後改者蒙前耳

阿鹿桓氏後改爲鹿氏沈濤曰姓氏辯證十二引作改爲桓氏通志略五亦云阿鹿桓氏改爲桓氏則今本作鹿者誤又別出阿鹿孤一姓云後魏

阿鹿桓氏後改爲鹿氏沈濤曰姓氏辯證十二引作改爲桓氏通志略五亦云阿鹿桓氏改爲桓氏則今本作鹿者誤又別出阿鹿孤一姓云後魏

改爲鹿氏今志失載蓋將二條誤并爲一耳毅曰鄧鄭謂氏改爲桓誤也廣韻七歌引志亦云改鹿氏可證辯證十二以阿鹿桓阿鹿孤二氏並列又三十五引阿鹿桓阿鹿並改鹿氏阿鹿孤卽上改陸之步六孤與此氏別鄧氏誤爲歧出沈反據以訂志謬矣又姓纂一屋引志作鹿桓阿氏文誤倒)

他駱拔氏後改爲駱氏(毅曰姓纂十九鐸通志略五他譌地廣韻七歌引他作佗姓解一姓氏辯證十一通志略四並同古也从它之字多相通段姓纂六至拔作枝皆形近致誤)

薄奚氏後改爲薄氏(毅曰通志略四五並云改爲奚氏又卷六云改古氏並誤姓氏辯證三十八引志亦作改薄氏可證姓解二薄奚後漢虜姓漢蓋魏諱)

烏九氏後改爲桓氏(毅曰九當從官本作九九桓聲通故氏改爲桓三國志烏九後漢書作烏桓廣韻十一模周上開府烏九泥姓解三作烏桓泥姓解以爲三字姓誤 皆其證姓纂二十桓引志作烏九當據改又姓纂二十五寒引志云烏桓改蓋蓋沙後烏石蘭誤姓解三稱烏氏出鮮卑烏桓氏引唐烏重胤爲證是又涉烏重胤出烏洛俟而誤)

素和氏後改爲和氏(毅曰勿吉國傳云其旁有素和國遣使朝獻北史同此氏蓋其國人留魏者以國爲氏猶烏九氏之出于烏九國也姓氏辯證三十引唐嘉善府左果毅都尉誓狀稱其先出自顯帝王子偁會孫重黎誅共工有功堯命其子和仲居春官和仲孫宗處代清素自守百姓號曰素

和子孫氏焉後有宜陽公素和明卽宗處後姓解三稱後趙錄有素和明通志略五云素和氏鮮卑檀石槐之支裔後魏書云以本白部故號素和姓纂十一暮同案兩說皆非也前說出子孫和氏子孫妄尊其祖後說係涉東部鮮卑大人素利而誤詳三國志鮮卑傳及裴注北齊書和士開傳云其先西域商胡本姓素和氏北史同是其證 素和國在勿吉旁當是東夷傳以爲西域非是 太祖紀材官將軍和突姓纂引作素和突列傳和拔姓纂引作素和拔)

吐谷渾氏依舊吐谷渾氏(毅曰金壺字義吐谷渾音突欲魂吐谷渾傳云本遼東鮮卑徒河涉歸子涉歸有二子庶長曰吐谷渾少曰若洛廐若洛廐統部落別爲慕容氏吐谷渾長子吐延有子葉延自謂禮公孫之子得以王父字爲氏遂以吐谷渾爲氏焉通志略五稱吐谷渾主慕利延又爲慕利氏非是姓纂二十三魂通志略四引志云改渾氏蓋涉下谷吐氏改爲渾氏而誤)

胡古口引氏後改爲侯氏(沈濤曰姓氏辯證十九侯姓引志侯奴氏渴侯氏古引氏皆改焉與今本不同案辯證二十四云古口引後魏虜姓則侯姓奪一口字今本誤衍一胡字耳姓纂十九侯十姥引皆無胡字十九侯亦奪一口字毅曰胡非衍文沈說誤也廣韻十姥亦稱虜三字姓古口引氏姓解一同蓋譯音訛略也詩伐檀箋呂子觀表篇注胡侯並訓何水經汾水注侯甲水發源胡甲山卽劉歆所謂越侯甲而長驅者皆胡侯音通之證氏既改侯明舊氏必有胡字無疑肅宗紀孝昌三年賊帥胡引祖據北華州胡引亦卽胡古口引音之略猶渴燭渾之稱渴燭高阿那之稱阿那然彼既稱其氏爲胡引尤證舊氏常有胡字也通志略四稱古引改侯係涉省文胡引而誤辯證十九引志作口引氏蓋誤奪胡字非省文可比 兵因胡字改侯明胡字不可省 姓解云古口引魏改賜古氏涉下吐奚誤)

賀若氏依舊賀若氏(毅曰廣韻三十八箇云北俗謂忠貞爲賀若魏孝文以其先祖有忠貞之稱遂以賀若爲氏案廣韻謂賀若命氏始孝文徵誤姓氏辯證三十三云孝文時代人皆改單姓唯賀若氏以先祖有忠正稱不改是也孝靜紀有賀若微潁州長史周書賀若敦傳賀若統東魏潁州長史)

谷吐氏後改爲渾氏(毅曰官本吐作渾案姓書無谷吐通志略五谷渾氏下云吐谷渾歸化因氏焉姓氏辯證三十五引雜錄亦稱魏改渾氏者爲谷渾並與官本合此吐字涉上吐谷渾誤又姓氏辯證及通志略引志云谷會氏改爲谷氏後有谷會琨 辯證稱慕容農部將有谷會歸 案會字卽涉谷字而誤也谷讀爲老子釋文谷作浴之浴與玄應大智度論音義七十七所載之會古文給相似蓋谷會現本作谷琨讀者注浴于谷旁後因窺入正文譌浴爲浴用轉譌會譜錄遂沿其譌也本書谷渾谷楷傳並云昌黎人是此氏)

匹婁氏後改爲婁氏(毅曰姓氏辯證三十三引作匠婁改婁氏案婁婁古通匠字譌也廣韻姓纂十九侯引志並作匹可證又通志略六楚婁爲高蓋匹或作疋因譌楚又涉後是樓改高而誤也姓

纂五賢正作正云魏疋妻內千女爲齊神武皇
后北齊書神武后傳止稱婁氏據顯祖紀皇興四
年四月大破吐谷渾拾寅匹婁拔累等率所領降
附是魏有此氏之始)

侯力伐氏後改爲鮑氏(毅曰姓解一同姓纂三
十一巧通志略五引奪伐字通志略六伐作代又
分侯力代侯力伐爲兩氏誤又云改侯氏尤誤)
吐伏盧氏後改爲盧氏(毅曰廣韻十一模引吐
作叱姓解一誤分吐伏盧叱伏盧爲二氏)

牒云氏後改爲云氏(沈濤曰姓氏辯證六引志
悉雲氏牒雲氏並改爲雲氏是兩雲字皆當作雲
又志無悉雲氏改爲雲氏之文蓋奪通志略亦云
悉雲氏改爲雲氏姓纂二十文引牒云云氏改爲
云氏云字誤衍其作云字亦同今本又姓氏急就

篇牒字注後魏改牒云氏爲牒氏又與林鄧諸家
所據不同毅曰雲云古一字也蠕蠕傳肅宗詔牒
云具仁往喻婆羅門又孝昌元年詔牒云具仁齋
物賜阿那環是此氏本自作云也北齊書北史張
保洛傳有牒舍樂即牒云樂涉上文鞠舍樂北齊
書樂作洛范舍樂而誤姓纂三十帖通志略五並稱

北齊有營州刺史漢中公牒云樂官爵悉與史符
即其證悉雲當即牒云氏之歧出者又辯證三十
六引志亦有悉雲氏改爲雲氏)

是云氏後改爲是氏(毅曰姓纂二十二元引隋
元壽狀稱景帝後任城王澄子孫避尔朱榮亂投
匿是云家因從其姓至隋改姓元與此別爲一氏
姓氏辯證二十一云下稱西魏有是云實又是
奴下云後改是氏名世以是云是奴兩氏並列而

是云氏下無改是之文蓋彼有譌奪不足據也是
云實即是云寶之譌周書宇文貴傳有東魏將是
云寶降後累遷涼州刺史姓解一引西魏書有是
云寶通志略五亦稱西魏有是云寶皆其證梁書
陳慶之傳是玄寶北齊書堯雄傳是育寶玄育二
字並云字之譌形非別有是玄是育兩氏也姓纂
四紙云是云改爲高氏蓋涉下是樓改高而誤北
史堯雄傳載是云寶作是寶可證

叱利氏後改爲利氏(毅曰當作叱列氏後改爲
列氏列利形似又涉後叱呂而誤詳叱呂廣韻五
質姓解一並稱志有叱列氏叱列延慶傳云代西
部人世爲酋帥北齊書叱列平傳同周書叱列伏
龜傳代西部人世爲部落大人魏初入附遂世爲
第一領民酋長通志略五云叱利一云叱列西部
大人世爲酋帥與諸傳合是志在唐宋間有作利
作列二本故漁仲知叱列即叱利而不能訂利爲
列譌也廣韻姓解通志略引叱列伏龜爲叱伏列
三字氏誤)

副呂氏後改爲副氏(毅曰呂當爲陵隸隸作陵
副北齊書奪麥成日因譌爲呂又陵與鄰通詳叱呂
氏孫根碑至于東叩衡立碑老彭爲叩叩即鄰字
形與呂近亦易混據姓氏辯證三十四副呂氏富
呂氏富陵氏並引爲本志文副富皆從音聲通用
蓋宋時志本或作富陵故名世並存之而不知呂
爲陵譌也)

那氏依舊那氏(毅曰通志略三引風俗通云朝
那東夷其後單姓那氏後燕錄遼西太守那頡西
魏有揚州刺史那椿廣韻七歌作那椿諸)

如羅氏後改爲如氏(毅曰廣韻九魚引同姓纂
河南如氏下云唐大曆有右羽林將軍如元擢)
乞扶氏後改爲扶氏(毅曰尔朱榮傳有乞扶莫
于案扶當爲伏音之輕重也晉書乞伏國仁載記
云有一小兒乞伏部老父養爲子年十歲號曰乞
伏可汗國仁本書亦有傳又高宗紀有乞佛成龍
乞佛亦乞伏聲之變陸真傳正作乞伏成龍孝威
傳云乞伏保高車部人據彼傳屢稱伏保是乞其
氏伏保其名與此乞扶復氏異又周書獸蠻扶猛
亦非此氏)

阿單氏後改爲單氏(毅曰姓纂七歌同廣韻二
十五寒姓解三通志略六阿並作可姓氏辯證八
引志亦可作又二十六可單氏云魏改單氏單音
單通志略四云單音丹可丹氏阿單氏並改爲單
氏可丹即阿單形聲之變漁仲分二氏非)

侯幾氏後改爲幾氏(毅曰賀拔岳傳有侯機長
貴即周書賀拔勝傳之涇州刺史侯幾長貴姓纂
八徵引志侯幾作侯幾案侯字誤幾字是也廣韻
六止通志略四引志正作侯幾姓解三亦稱侯幾
見後魏書據姓氏辯證二十二侯幾下云後改爲
河南幾氏又姓纂以幾幾兩氏並列惟于幾下引
志云云皆其證侯幾二合音也廣韻六止云侯又
音祈穀梁隱元年傳釋文幾本作圻祈圻並斤聲
是侯幾亦並得斤聲故侯幾改幾或稱改侯一如
亥侯改亥亦稱改侯之例通志略六侯幾爲幾又
云侯幾爲侯以兩氏並列誤

賀兒氏後改爲兒氏(毅曰廣韻三十八箇兒作
兒又五支及姓解二引志姓氏辯證三十三通志

二 二十五史補編 魏書官氏志疏證

略四五並與志同又辯證三河南兒氏下引志以赫連勃勃有鎮東將軍兒眞之爲證案名世誤矣考晉書勃勃載記胡儼據安定降勃勃留鎮東羊苟兒鎮之羊苟兒係人姓名世蓋誤斷兒字下屬而以爲賀兒所改之兒氏耳世祖紀高平公兒烏干殆卽此氏)

吐奚氏後改爲古氏(毅曰宋書索虜傳載元嘉十九年虜武昌王移書稱助楊難當者有安西將軍建興公吐奚愛弼氏胡傳作吐奚弼本書世祖紀眞君三年難當敗奔時有古弼弼本傳同事實官爵並與宋書相合姓纂十姥引志云吐奚改古又云古弼代人本姓吐奚名華後爲司徒賜姓古名弼案華當爲筆之譌據弼傳賜名筆取其直而有用後改名弼卽其證北齊書顏之推傳有古道子)

出連氏後改爲畢氏(毅曰晉書乞伏國仁載記云昔有如弗斯出連吐盧三部自漠北南出大陰山又國仁有右輔將軍出連高胡乾歸有丞相出連乞都熾磐有涼州刺史出連虔蓋出連本以部爲氏猶乞伏沮渠也姓氏辯證三十七引西秦錄丞相乞連出都以爲乞連氏誤又三十六及姓纂五質引志作出連姓解一引西秦錄作出連乞都皆其證)

庚氏依舊庚氏(毅曰庚業延傳代人)

賀拔氏後改爲何氏(毅曰高祖比干墓文碑陰有符節令賀拔舍肅宗紀有賀拔文興孝靜紀有賀拔仁周書賀拔勝傳其先與魏俱出陰山代爲酋長後自武川徙居河南北方謂土爲拔爲其總

有地土時人相賀因爲賀拔氏案賀从加聲與何音近故賀拔改氏爲何猶鴛鴦之鴛說文鳥部本作駟藕茄之茄詩澤陂箋又作荷也玄應金剛般若經音義歌利或言迦利尤譯語加可相通之一證姓解二引志有賀拔干氏蓋略云賀拔具云賀拔干也)

叱呂氏後改爲呂氏(毅曰叱呂卽叱利也志分爲二氏蓋係字譌詳叱利周書楊紹傳賜姓叱利氏北史及隋書觀德王雄傳並稱賜姓叱呂引氏賜氏雖與此異源可藉證呂同聲相假並可證氏本號叱呂引志省引字也叱或誤爲七聲引讀若辰詳若口引七侯辰鄰音各相近姓纂六止侯呂鄰氏卽此氏之變音據高祖紀太和十三年二月有蠕蠕別帥叱呂勤率衆內附又蠕蠕傳有豆崙妻侯呂陵氏候是侯譌說詳侯莫陳鄰陸古通見北海相景君碑是氏本出蠕蠕號侯呂鄰入魏隨方音變爲叱呂引或省稱叱呂後乃改呂也 高車傳有侯呂鄰部蓋氏因部名始入蠕蠕後入魏高祖比干墓文碑陰有直閣武衛中侯呂阿倪侯呂鄰省鄰字與志叱呂引省引字合通志略五稱代北三字侯呂陵氏改爲呂氏 姓纂同 又與志叱呂改呂合卽其證姓氏辯證二十三稱周賜韓襲姓侯呂陵後改呂氏誤考周書襲傳賜姓侯呂陵後當爲侯在魏大統前又傳止稱韓襲傳中亦不言改爲呂氏明與改呂之侯呂陵異矣姓氏辯證二十一引志叱李氏改爲李氏李呂聲轉通志略六叱丘亦爲呂略二叱作比誤丘呂形譌也又姓解一引志通志略五並以叱呂叱利叱李爲三氏誤)

莫那婁氏後改爲莫氏(毅曰通志略六無莫字又云氏爲婁姓氏辯證三十八稱孔至云莫那盧改姓盧並譌據通志略五莫那婁下引魏中山太守高邑公代人莫那婁題與莫題傳爵里悉合可證氏不改盧又通志有莫多婁氏亦云代人隨魏遷洛陽多那同聲卽莫那婁也據爾雅釋詁那多釋文那本作耐又姓氏辯證二十八莫氏下稱河南改莫氏者有魏莫多婁氏蓋志本作耐後因形聲相近遂無定字北齊書莫多婁傳文傳太安狄那人魏時太安一統志今山西壽陽縣西距河南一統志今河南洛陽縣西北不甚懸遠當是題裔南徙者通志謂莫那婁題後無聞由不識那多之韻也姓纂十九鐸有莫多那氏又引莫題爲莫多那題多那相涉而誤尤莫多婁卽莫那婁之證又通志略代北三字姓有莫胡盧莫侯婁莫且婁三氏並代人亦見姓纂案胡卽那聲之轉也左傳宣二年棄甲則那注云那猶何書太甲正義胡何方言之異胡轉爲侯侯或轉且上文胡古口引改爲侯廣雅解獸獾狙獮猴皆其證廣韻十三末稱後燕錄有襄城公末那樓雷姓解三同姓纂引作富末莫樓婁亦以聲轉序紀昭帝四年東部未耐樓大人倍斤入居遼東未係末譌耐由能轉莫那婁氏蓋卽出于末耐樓部也通志略四引志有那莫氏改爲莫氏 姓氏辯證三十八同 蓋莫那婁或省婁字爲莫那省字例詳胡古口引那那形近致譌後又誤倒爲那莫猶羽弗之爲費羽也)

奚斗盧氏後改爲索盧氏(毅曰廣韻十一模云魏有奚計盧氏姓解一引志同計是斗譌非別有

一氏姓氏辯證四引志作計卽其證又通志略引斗作什亦譌隸書斗字或爲升與什形近易混晉書律曆志斗分皆作升分可藉以訂此也索古讀如數詳易說卦釋文玄應四分律音義三十三引通俗文斗數謂之鬻鬻又引難字云斗撒鬻鬻也江南言抖撒北人言鬻鬻音都穀蘇穀二反是胡語斗索本雙聲故奚斗盧改爲索盧也晉書姚萇載記有敦煌索盧曜在魏改氏前疑非此族

莫盧氏後改爲盧氏（毅曰廣韻十九鐸云魏有莫盧氏通志略五六姓氏辯證三十八兩盧字皆省爲盧又廣韻姓纂十一模盧氏下引志並作盧姓纂引志下有或亦爲盧氏五字疑非志文 案盧字是也莫盧改盧猶烏洛蘭之改蘭一那萼之改萼不得以盧爲草名必謂氏當作盧也唐書吐蕃傳有沒盧姓疑亦此氏）

出大汗氏後改爲韓氏（毅曰出當爲步篆書步作出與出形近因致譌也北齊書步大汗薩傳云曾祖榮仕魏歷金門化正二郡太守姓纂十一暮云步大汗氏出自塞北遷中土河南周有南夏州刺史新興侯步大汗提皆北朝有步大汗氏之證汗官本作汗誤考廣韻汗入二十五寒云可汗蕃王稱據左氏襄八年傳寒泥漢書人表作韓泥是汗韓古韻本通也廣陽王建問傳破六韓拔鄰賀拔勝傳作破落汗拔鄰尤證魏時譯語汗韓無定字蓋此氏本改爲汗卽華言之韓若本氏步大汗則改韓爲無因矣姓氏辯證三十謂氏至北齊始改失考）

沒誤爲說又奪路字廣韻十一沒姓解一通志略二可證姓氏辯證三十引志云沒路真改潞氏亦誤又辯證三十七稱魏代北姓有沒鹿真路鹿聲轉卽一氏也 辯證又有沒鹿氏云紇豆陵氏本沒鹿同部大人因氏焉或作沒鹿氏說具後紇豆陵氏 蠕蠕傳稱斛律兄子步鹿真大檀殺之非此氏）

扈地于氏後改爲扈氏（毅曰于當從廣韻十姥作干姓纂姓解姓氏辯證二十四通志略五並同又通志略二扈地于改扈宋有扈瑜河南人蓋其裔）

莫與氏後改爲與氏（毅曰莫當爲慕聲之誤也通志略五分莫與慕與爲二氏非晉書慕容儁載記有領軍慕與根慕容暉載記有左衛慕與干慕容德載記有尙書左僕射慕與拔又有慕與護通志略稱前燕錄有將軍慕與虎通鑑晉紀成帝咸和九年城大慕與壘史灼釋文云慕與代北複姓本慕容氏音訛爲慕與胡三省辯誤云溼爲慕容皝臣豈有君姓慕容臣訛慕與之理予謂慕容慕與同出鮮卑其初各自爲氏猶拓拔之與拔拔非音訛也案胡說非是姓纂十一暮通志略五並云慕容音訛爲慕與晉載記慕容與根御覽七百四十四引燕書正作慕容根容之轉與猶魚容之翻爲嗎蓋氏出遼西本爲慕容容時其支裔有遷居代北者因隨其方音爲慕與其有仕于燕而爲慕與者蓋崔鴻以魏人撰春秋以後蒙前載記遂因之也然卽此益證代北讀容爲與後遂成二氏若乞伏之與乞扶鐵弗之與鐵伐也慕容契傳云慕容破後天賜末不敢復姓以與爲氏雖在此改氏之前然可爲慕與出自慕

容之一證周書賀拔勝傳有與珍北史譚奪與字爲武川豪傑魏正光中襲殺衛可孤）

紇干氏後改爲干氏（毅曰五代史寇彥卿傳謂其左右爲俚語云紇干山頭凍死雀御覽四十五引郡國志載此語作紇真山云山北十里有白登山又引冀州圖經云紇真山在城東北登之望桑乾代郡數百里內宛然是紇干本依山爲部後卽氏之若碁連賀蘭之類姓氏辯證三十七據西秦錄乞伏小兒字紇干謂其後因爲氏非也乞伏小兒卽乞伏國仁祖不得復爲紇干氏據晉載記紇干夏言依倚或山亦以此義得名不必泥爲小兒依人之名也北齊書斛律光傳有周柱國紇干廣略又周書田弘傳大統時賜姓紇干與此別一氏）

侯伏斤氏後改爲伏氏（毅曰余朱天光傳万侯醜奴有太尉侯伏侯元進亦見賀拔勝傳隋書經籍志孝經類云魏氏遷洛未達華語孝文帝命侯伏侯可悉陵以夷言譯孝經之旨又小學類有國語物名四卷國語雜物名三卷並魏侯伏侯可悉陵撰彼兩侯字並當爲侯伏侯卽侯伏斤音之變也廣韻六止云侯又音祈祈音從斤是其證矣通志略五云侯伏斤疑與侯伏斤同未悟侯侯爲形近誤字通志略四引志省斤字又通志略六云侯伏斤亦爲侯蓋涉西魏大統元年賜侯植姓侯伏侯氏而誤 見周書廣韻六止引志云改伏姓解一姓氏辯證二十二並同王建傳有宜陽公伏樹）

是樓氏後改爲高氏（毅曰廣韻四紙樓作婁姓氏辯證二十一通志略五並同又辯證十一作有

婁誤姓纂四紙云南燕有徐州刺史是婁盧

尸突氏後改爲屈氏(毅曰尸當爲屈廣韻八物

稱虜復姓有屈突通志略五同姓纂八物引志作

屈六友氏六友係突隸作交之譌形益證尸係屈

奪其半姓氏辯證三十七引志有屈盧氏姓解三

亦稱屈盧氏出本書突盧聲近疑即屈突方音之

變案屈突鮮卑種也唐書屈突通傳云其先昌黎

徒河人考姓纂屈突氏本居元朔徙昌黎孝文改

爲屈氏西魏復本姓又云魏下蔡子屈突遵生須

須生恆恆曾孫長卿生通遵本書有傳止稱屈氏

亦云昌黎徒河人與慕容氏所出地同又慕容暉

傳稱暉令其帥屈突鐵侯潛告鮮卑明屈突氏本

慕容別部帥也遵傳又云爲慕容永僕射永滅垂

以爲博陵令太祖南伐遂歸太祖據太祖祀登國

九年垂滅永十年十一月帝破垂子寶可知魏有

此氏必始于登國十年

查盧氏後改爲杏氏(毅曰廣韻二十七合姓解

一姓氏辯證四十通志略四引志並同通志略五

六有管盧氏改管氏與杏盧並列誤管盧即杏盧

也姓纂四十八感管盧改爲杏下字不誤即其證

北史杏龍超傳晉壽人疑出此氏)

噓石蘭氏後改爲石氏(沈濤曰姓纂十一模烏

姓注云代北人烏石蘭改姓烏兼御史大夫烏洽

洽從父弟玘玘生重胤今爲河南節度今志有噓

石蘭氏改爲石氏而無烏石蘭改爲烏氏之文周

春代北姓譜云噓石蘭亦曰烏石蘭唐石洪本烏

石蘭氏濤案通志略五云温石蘭改爲石氏烏蘭

改爲石氏温當作噓則噓石蘭與烏石蘭不得混

而爲一竊意噓石蘭之後改爲石洪乃其後烏石

蘭之後改爲烏重胤其後通志弟二石字當爲烏

字傳寫之誤今志無烏石蘭蓋奪毅曰沈說非也

噓讀如鬱聲轉爲烏鮮卑語也古昂聲字多同鬱

易繫詞天地絪縕說文壺部引作天地壹壹廣韻

二十文壹鬱也漢書賈誼傳網縕字逕作壹鬱壹

鬱聲近北音从昂之字兼有壹鬱二音魏與禿髮

同起鮮卑鮮卑今譯音爲西比利亞 鮮西卑比古音

本通何秋濤朔方備乘亦作音白利牙云利字皆語助可

有可無殺案何謂利牙語助是矣謂二字可無則未諳利牙即

利亞急言鮮卑二字卑中自有利亞兩音解音學者自能辨之

居今俄羅斯國東境 彼國東境曹魏時鮮卑已并有其地

今俄人語呼壹如温上聲英語亦同温噓同聲通

用是噓聲爲烏必由鬱聲而轉之證玄應大菩薩

藏經音義十二瑜伽師地論音義四十九並以鬱

瑟尼沙釋烏瑟膩沙又釋爲噓瑟尼沙噓石蘭之

爲烏石蘭猶烏瑟膩沙之爲噓瑟尼沙矣通志略

五于代北三字姓分噓石蘭烏石蘭爲兩氏又略

六云噓石蘭爲石烏石蘭亦爲石又爲烏考廣韻

十一模引志作烏石蘭氏而十一沒載噓石蘭氏

止稱虜三字姓不引爲志文姓解三烏石蘭下云

出魏官氏志而卷一噓石蘭下止云出魏書可知

此志古本噓多作烏廣韻姓解以字形聲分部故

以噓石蘭烏石蘭分隸之通志雜采譜錄家文因

歧一氏爲二氏又見姓纂烏氏下有云烏石蘭改

姓烏復調停爲烏石蘭爲石又爲烏之說後遂無

有知噓石蘭烏石蘭本一氏之歧出者沈承鄭譌

謂石洪爲噓石蘭所改之石氏烏重胤爲烏石蘭

所改之烏氏以附合本志及姓纂之文其說尤誤

今案姓纂十一模烏氏下雖云烏石蘭改姓烏其

烏石蘭下仍云改爲石氏而二十二昔石氏河南

望下引志烏石蘭氏改姓石並云魏司徒蘭陵公

石猛生銓銓生真素初平素生葦葦生備遠詢備

生士濟詢生金剛初平玄孫抱忠唐天官侍郎今

居魏州考舊唐書員半干傳有天官侍郎石抱忠

新書半干傳云抱忠長安人與姓纂言居魏州不合當是後徙

可知石氏搞出于烏石蘭不得強指烏重胤爲烏

石蘭後謂異于改石之噓石蘭也韓愈烏氏廟碑

不言重胤出烏石蘭氏唐書宰相世系表稱烏重

胤烏氏出北方烏洛俟又烏重胤傳云石洪者其

先姓烏石蘭後獨以石爲氏益證烏石蘭即噓石

蘭且其氏改石不改烏也又姓纂十一模通志略

五有烏蘭氏改烏氏烏蘭即烏石蘭誤奪石字其

改烏之說亦誤姓氏辯證三十七引志噓石蘭後

改石氏與今志合)

解玘氏後改爲解氏(毅曰高車傳云其種有解

玘氏後解玘莫弗幡豆建復率其部三十餘落內

附魏有是氏蓋自此始案玘皆譌字當爲毗讀

若毗曇論之毗釋典中如毗嵐毗盧毗舍利毗婆

梨甚夥是胡語嚮多此字也隋書女國傳王姓蘇

毗尤外域以毗爲氏之證姓纂十二蟹引志通志

略五引高車傳並作毗姓纂十五卦引作解北魏)

奇斤氏後改爲奇氏(毅曰通志略五云蠕蠕別

帥奇斤氏歸中國改奇氏案高車傳其種有異奇

斤氏此省異者猶高阿那氏或止稱阿那氏也說

見姓解二漁仲以爲蠕蠕帥疑誤隋書鐵勒傳云鐵

勒之先有俟斤姓舊唐書突厥傳大官謂之俟斤代居其官俟斤即奇斤也據廣韻二十五德云万俟虜復姓俟音其是俟斤之俟當讀如万俟之俟與奇音近因段為奇唐傳稱俟斤為突厥官名是高車原有此官其子孫以官為氏入魏乃改奇氏也姓氏辯證三十二有俟斤氏引唐史云突厥俟斤其先世官者為俟斤氏後改為艾氏蓋名世分俟斤奇斤為兩氏又涉志下文去斤改艾而誤也廣韻五支二十一欣又辯證三引志並云後改為奇

須卜氏後改為卜氏（毅曰漢書匈奴傳云其後有須卜氏貴種也又晉書藝術傳有卜瑒云匈奴後部人案卜瑒即須卜瑒也瑒劉淵時人其氏常尙稱須卜崔鴻前趙錄載瑒事引見御覽六百四十六亦止稱其氏為卜蓋鴻以魏人撰趙事以舊氏蒙新氏實開伯起盡用新氏之例晉傳沿之晉

魏記盡本崔錄知此傳亦必本之遂無從識卜瑒之出于須卜矣姓纂十虞云須卜改為卜氏廣韻及姓解一引志云匈奴貴姓通志略四卜氏望出河南）丘林氏後改為林氏（毅曰姓解三稱丘林丘敦皆魏獻帝次弟姓非廣韻十八尤姓纂二十一侵姓氏辯證十九同通志略六云丘林為林又為丘非是）

大莫干氏後改為邵氏（毅曰姓解三云周末尉回將軍大莫干玄章姓氏辯證三十一尉回作尉遲通玄章止作章無玄字 通志略六奪大字誤又四引志與本文合廣韻二十七合云邵音閣引志同）

余蘇氏後改為蘇氏（毅曰世祖紀真君十年二月蠕蠕渠帥余蘇他拔等率其部落千餘家來降姓纂四紙引蠕蠕帥止作蘇他拔云他拔來降改為蘇氏案世祖紀爾作余蠕蠕傳及廣韻四紙姓氏辯證九引志並作余余古爾字也周書段永傳賜姓余蘇氏在西魏大統時與此別一氏）

蓋樓氏後改為蓋氏（毅曰蓋讀如姦姓纂列此氏于二十八益是也姓氏辯證四十通志略五六云改為婁氏誤又辯證蓋氏下云河南蓋樓氏改即其證皇后傳孝文明高后蓋氏）素黎氏後改為黎氏（毅曰廣韻十一暮姓解三姓氏辯證三十同姓纂十二齊引作業黎三十小作表黎通志略二三引作素稽並誤三國魏志鮮卑傳有東部鮮卑大人素利黎同利聲素黎即素利以名為氏也）

渴單氏後改為單氏（毅曰廣韻十二曷引志姓解一通志略五並同姓纂十一沒云紇單氏改紇氏唐有日者紇單瑤通志略五同姓氏辯證八引志渴作渴又三十七引志及通志略六又云紇單氏改為紇氏案紇單即渴單也穀梁僖九年傳毋訖羅孟子告子章作毋遏羅渴以為紇猶遏之為訖矣源子雍傳有賊帥紇單步胡提是即此族窟咄傳有單烏干係太祖時人在改氏前蓋伯起追改其氏以一史例若紇豆陵賓稱寶寶步六孤真

稱陸真之類不得據林鄧兩書氏改為紇一語疑烏干非渴單所改之單氏也 曠石關改為石姓纂云改烏莫那妻改為莫辯證云改盧與此渴單改為單彼兩書云改紇其誤一也 通志略五渴亦作紇仍云改為單氏即其證惟以紇單渴單為二誤）

壹斗眷氏後改為明氏（毅曰廣韻五質同姓纂姓解三姓氏辯證三十並作一非是通志略六斗作斟古今字案斗讀如奚斗盧之斗音都穀反辯證云斗一作叔即其證眷當為孟景北海碑陰孟作盞與盞字形近盞眷同聲因譌眷也據書禹貢被孟諸史記夏本紀作被明都穀梁傳隱八年注盟津之會釋文亦作孟津是孟明古韻相通故氏改為明崔僧祐傳母明氏又有明同慶明菩薩）

吐門氏後改為門氏（毅曰通志略五吐作吐姓氏辯證二十四云吐門或作吐門廣韻五質引志正作吐又辯證三十引志庫門氏後改為河南門氏庫讀如庫狄之庫姓解三庫作庫云音舍舍入聲與吐讀聲聲近）宿六斤氏後改為宿氏（毅曰宿石傳云石朔方人赫連屈子弟文陳之曾孫祖若豆根太祖時賜姓宿氏在太和改氏前疑非此氏也姓解一宿六斤虜三字姓廣韻一尾與志同姓纂十一暮稱庫六斤氏改為斤氏蓋此氏誤）

秘那氏後改為那氏（毅曰玉篇秘蒲結切那當為那讀如步大汗之汗姓纂二十五寒引志作那音寒可證 那音千與那音通別 通志略六那作那誤廣韻五質引作秘那氏改那氏姓氏辯證三駁之是矣）

土難氏後改為山氏（毅曰土字當從北音讀如托難當讀如牢廣韻二十五寒難那干切闕落干切又闕牢

轉聲林本作益从發聲見說文新增字益之轉托猶托拔轉拔也漢書揚雄傳字即牢騷亦雙聲字 水經河水注稱

第一三頁

釋氏西域記云赫愁晉言山魏時釋老盛行蓋此氏梵言土難即華言之山因用華音改爲山氏也廣韻十姥引土作吐姓氏辯證二十四通志略五並同又高祖比干墓文碑陰有直閩武衛中吐難葭命彼吐字皆與吒通音與讀托之土字無異姓纂十姥云吐難改難氏下難字涉上難字而誤據彼書二十八山引志云改山氏又引魏河東伯山偉傳傳作東阿伯生子深子渾爲證明此氏稿改爲山氏矣本書偉有傳止載子昂深偉足補傳闕)一屋引氏後改爲房氏(毅曰唐書宰相世系表云河南房氏晉初有房乾本出清河使北虜留而不遣虜俗謂房爲屋引因改爲屋引氏乾子孫隨魏南遷復爲房氏而河南猶有屋引氏據表是屋引本由房改後復氏房姓氏辯證三十五引志云改屋氏蓋河南未改爲房之屋引氏後或私去其引字名世誤謂孝文所改遂謬引爲志文耳廣韻一屋引志亦云改房不言改屋北史房謨傳云河南洛陽人其先代人本姓屋引氏又云神武賜其生口多黔面爲房字隋書劉方傳云房兆代人本姓屋引氏皆其證晉書乞伏國仁載記有右相屋引出支姓氏辯證稱乞伏乾歸時有屋引阿洛又有河州牧屋引破光皆在氏未改房已前姓纂一屋稱魏有行臺僕射屋引業生通通生容容生浴皆此氏也又辯證三十七有屈引氏亦稱出本志屋屈同聲相段猶高車傳之屋地鞮太祖紀作屈地鞮方言之步屈玄應大般涅槃經音義作步屋姓纂三十八箇稱孝文改房氏者有賀遂氏即涉屋引而誤非別有賀遂氏改爲房也)

樹洛干氏後改爲樹氏(毅曰吐谷渾傳視熊子樹洛干此殆其子孫以王父字爲氏猶葉延氏吐谷渾也姓纂十遇引志干譌干又奪樹洛二字通志略洛作若音近千作于形譌皆非是姓解二引志樹洛干氏後改賜樹氏廣韻十遇姓氏辯證三十不誤)乙弗氏後改爲乙氏(毅曰高句麗傳位宮玄孫乙弗利利子釗與慕容相攻北史后妃傳文后乙弗氏河南洛陽人其先世爲吐谷渾渠帥居青海號青海王涼州平后高祖莫壞擁部落入附據晉書慕容載記吐谷渾爲慮之庶長兄高句麗爲黠之臣屬國蓋乙弗氏先入前燕其支屬因有分入吐谷渾者後乃歸魏也北史乙弗朗傳亦云其先東部人世爲部落大人本書太祖紀登國元年乙弗部帥代題以部落來降據紀代題叛而復降是其初降時必在登國前)皆其證乙弗繪見北史外戚傳乙弗庫根見賀拔勝傳姓纂五質引魏書太武時乙弗疋之本書作匹知隨魏南遷遂爲河南人孝文改爲乙氏疋之子瓊生乾歸孫瓊生子文瓊本書有傳止稱乙氏御覽百四引後魏書及北史文紀稱乙弗后亦止云乙氏姓氏辯證三十七引志燕弗氏改爲弗氏燕弗即乙弗也爾雅釋鳥燕燕註注云燕齊人呼鷓鴣詩燕燕正義乙字異音義同是乙弗燕弗亦方音之轉惟彼稱氏改爲弗誤耳周書趙貴趙肅傳賜姓乙弗並在西魏大統時非此族)東方字文慕容氏即宣帝時東部此二部最爲彊盛別自有傳(毅曰周書文帝紀帝姓宇文代武

川人其先出自炎帝子孫居朔野鮮卑奉爲主其後普回得玉璽有文皇帝璽普回以爲天授其俗謂天曰宇謂君曰文因號宇文國並以爲氏唐書宰相世系表宇文氏匈奴南單于裔爲鮮卑長世襲大人至普回得璽以爲天授俗謂天子爲宇文因號宇文氏或云神農爲黃帝所滅子孫遁北方鮮卑呼草爲俟汾以神農有嘗草功因自號俟汾氏後音訛爲宇文文字文莫槐宇文福宇文忠之本書有傳周書李和季昶李彥薛善薛端劉雄王傑崔猷申徽柳敏張軌韋瑱韋孝寬令狐整鄭孝穆叱羅協傳賜姓宇文並在魏末韓雄趙昶裴果高賓賜姓宇文並在周初皆非此族晉書慕容廆載記其先有熊裔世居北夷魏時燕代多冠步搖冠莫護跋斂髮襲冠諸部因呼爲步搖後音訛爲慕容或云慕二儀之德繼三光之容遂以慕容爲氏廆本書有傳皇后傳昭成道武后並慕容氏又有慕容白曜傳)南方有茂眷氏後改爲茂氏(沈瀟曰廣韻一東莪字注引作莪眷氏後改爲莪氏姓纂一東引亦同是今本兩茂字皆莪字傳寫之誤姓氏辯證三十四引唐孔至姓氏雜錄云代北茂眷氏改爲茂氏與今志同則其傳譌已久鄧氏既于卷一莪姓辯云茂當爲莪必字畫之誤復于三十四卷出茂與茂眷二姓引雜錄爲證未免進退無據矣姓氏急就篇注後魏改茂眷爲莪氏茂當作莪乃傳寫之誤又姓纂三十三線眷字注云代北莪眷氏改爲眷氏當是傳寫者見一本誤作眷氏遂復歧出非林氏原書互異也毅曰沈校茂爲莪是也據諸

書多稱氏改爲莪何承天姓苑已有莪氏姓纂一東是莪之立氏已舊可證字當爲莪志作莪者後人鈔見莪字妄改爲莪非志舊文也林稱氏改爲眷非是通志略五茂眷氏改爲眷氏蓋承林誤據姓氏辯證三十二引姓纂茂眷氏改眷氏不引爲官氏志文即其證通志略六云莪眷爲莪又爲眷蓋調停之說

宥連氏後改爲雲氏（毅曰通志略四作連宥誤倒姓解一作宥連太祖紀天興二年討破宥連部帥寶羽泥于太渾川奚斤傳破宥連部徒其別部于塞南蓋此氏入魏之始案氏疑赫連支裔也姓纂二十文引志云宥連改雲氏狀稱本姓赫連夏主敖雲太子瓚生袖魏太武改爲雲氏袖孫光祿北齊中書監案太武當作太和蓋太和改袖字爲雲氏耳）

次南有紇豆陵氏後改爲寶氏（毅曰周書寶熾傳漢大鴻臚章十一世孫章子統避寶武難奔匈奴爲部落大人後魏南徙子孫因家于代賜姓紇豆陵氏北史同唐書宰相世系表云寶出奴姓統以寶武難入鮮卑拓拔部使居平城號沒鹿回部大人生寶二子異他他爲魏神元所殺併其部落他生勤穆帝復使領部落命爲紇豆陵氏勤生子真真生朗朗二子滔祐祐三子提拓嚴拓爲魏侍中嚴從孝武徙洛陽孝武當作太武遂爲河南洛陽人三子那敦略略字六頭孝文世復爲寶氏略五子與拔岳善熾據周唐表是紇豆陵本由寶改後復本氏猶獨孤之爲劉屋引之爲房姓纂十一沒稱紇豆陵本沒鹿氏通志略以紇豆陵沒鹿回

爲兩氏並云改寶氏皆誤姓氏辯證三十七云本沒鹿回部大人是也序紀稱寶寶爲沒鹿回部大人皇后傳神元后寶氏沒鹿回部大人寶女皆與唐表合即其證然唐表謂略字六頭亦非六頭或作漏頭世祖紀真君四年遼東王寶漏頭薨不得復生于孝文之世據姓纂五十候云狀稱紇豆陵統六代孫漏頭遼東王孫略是六頭乃略祖祐之字也紇豆陵步藩見孝莊紀紇豆陵伊利見出帝紀高車傳有紇突陵部突豆聲近疑亦此氏支屬周書梁禦傳其先安定人家武川改姓紇豆陵北史同非此族

侯莫陳氏後改爲陳氏（毅曰周書侯莫陳崇傳代武川人其先魏別部居庫斛真水世爲渠帥祖允鎮武川因家焉侯莫陳悅本書有傳侯莫陳升見肅宗紀又高祖比干墓文碑陰有羽林中郎將侯莫陳益據太祖紀天興二年破侯莫陳部蓋魏有此氏之始陳建傳云代人疑卽此氏所改姓纂十九侯云魏侯莫陳白生延京兆公延生提相州刺史提生元武川鎮將北平王元生與羽林監清河公興生順從瓊凱崇又十七真引志侯莫陳改陳又云魏汾州刺史陳紹生弘姓氏辯證十九云侯莫陳廷山碌碌無可稱後改姓陳又周書劉亮傳亮賜姓侯莫陳氏在西魏大統時非此族案侯當爲侯與侯畿侯奴侯力伐侯伏斤各氏均讀如斯廣韻讀其祈二音是音之輕重非有異也北朝姓如侯呂陵侯伏侯諸氏譜錄家或更正爲侯惟侯莫陳至今無知爲侯字之譌者蓋未審北朝譯音多俟字猶今譯英吉利語多斯字也實非斯字譯

則成斯）

庫狄氏後改爲狄氏（毅曰姓解三庫作庫音舍廣韻四十禡亦有庫字音昌舍切能改齋漫錄記事篇辯庫庫二字謂北朝複姓庫狄之庫音赦引庫狄時庫狄伏連及廣韻庫音始夜切因謂本無庫字後人除一點以爲庫別其說是也周書庫狄時傳其先遼東人本姓段氏匹磾之後因避難改徙居代世爲豪右祖凌父貞庫狄豐樂見肅宗紀據劉庫仁傳徙庫狄部落置之桑乾川又太祖紀天興二年討庫狄部帥葉亦于于太渾川庫狄勤支子沓亦于率部落內附魏有是氏蓋自此始姓氏辯證四十亦稱河南狄氏本段匹磾後

太洛稽氏後改爲稽氏（毅曰姓纂十一暮太作大通志略同又引志大利稽氏改爲邵氏卽此氏音誤又涉大莫干改邵而誤也姓解三稱大利稽大俗稽大落稽並見後魏書皆此氏周書蔡祐傳魏大統十三年賜姓大利稽與此別一氏）柯拔氏後改爲柯氏（毅曰拔當爲枝字之譌也儀禮士昏禮注今文阿爲廐左傳襄二十九年正義古音多同祇柯多音近枝廐聲同是柯之爲枝猶阿之爲廢多之爲祇蓋柯枝改柯本二字合音也姓氏辯證十二引志作阿祇錢熙祚校云祇一作枝卽其證廣韻七歌通志略四仍引作拔非）西方尉遲氏後改爲尉氏（毅曰尉讀如尉貼之熨太祖紀天興六年朔方尉遲部別帥率萬餘家內屬入居雲中蓋魏有此氏之始宋書薛安都傳有索虜博陵公尉遲苟人本書安都傳作尉元元傳云字苟仁代人又尉遲菩薩見孝莊紀姓纂八

未引志西方作北方云北方尉遲部如中華諸侯也孝文改為尉氏尉托奇枝即託哥拔之譌為廂汗莫賀弗八物云尉遲氏後有託哥拔五代孫乙紇豆生侯兜祐兜樂生迴綱 案樂即兜譌尉遲迴傳父侯兜即上文侯兜蓋兜上又奪侯字也 綱生運迴綱運周書皆有傳云代人其先魏之別種號尉遲部因而姓焉北史同廣韻八物云尉遲後單姓尉據唐尉遲恭碑會祖本真魏漁陽郡開國公與本書列傳之尉古真尉太真名相類疑即其兄弟也又尉元傳云代人父目斤亦此氏舊唐書西戎傳于闐國王姓尉遲氏疑亦此氏苗裔周書陳忻傳恭帝二年賜姓尉遲與此氏別)

步鹿根氏後改為步氏 (毅曰姓纂十一暮引奪根字通志略六同三國魏志鮮卑傳云步鹿根遣使獻馬帝拜為王後數與軻比能更相攻擊步鹿根部衆稍寡弱將其衆萬餘落保太原雁門郡案謂鈴音云胡子洛度洛聲同六賀拔勝傳破落韓拔鄰廣陽王建閭傳作破六韓拔鄰據姓氏辯證三十載此氏作步六根氏云亦作步鹿根氏明度聲為鹿瑋由洛聲而轉蓋步鹿根先以人名為部後以部名為氏也姓解一鹿亦作六云後賜步氏世祖紀有龍驤將將步堆)

破多羅氏後改為潘氏 (毅曰鐵弗劉虎傳破多羅沒奕干妻屈子以女即太祖紀天興四年所討之破多蘭部帥木易干取紀傳及晉書赫連勃勃載記參校自明 破多羅之為破多蘭猶玄應孟蘭盆經音義稱鉢和羅鉢和蘭為梵言之輕重耳通志略五

以木易別為一氏又有多蘭氏譌奪破字又云破多羅改羅氏皆誤案潘讀如波與破聲近易卦潘如釋文潘荀作波書禹貢榮波釋文波馬作播破之轉潘如播播之轉波矣北齊書破六韓常傳云匈奴右谷蠡王潘六奚沒于魏子孫以潘六奚為氏後訛誤為破六韓尤胡語破潘通段之證廣韻三十九過引破多羅改潘姓纂二十六桓引志亦云破多羅改潘氏又引潘威狀云十四代祖魏尚書僕射子孫因晉亂沒蕃遂居代北後魏潘長懷朔鎮北將生永興龍永生相樂北齊司空案相樂見靜帝紀北齊書傳止作樂字相貴初生名相貴後為字與右僕射生信安齊司空據狀是破多羅本由潘改後復氏潘猶紇豆陵本由竇改復氏竇不得執普陋茹改為茹侯莫陳改為陳之例謂此氏必改為羅蘇與云破多羅為潘係三字合音如囉馱曩之為魯薩縛阿之為些其說是也破波雙聲並與婆字聲通據玄應妙法蓮華經離婆多省作離婆正法念經跋多羅省作支多又稱伊羅鉢多羅或作哩那婆明多羅與破同聲故得合而為潘也序紀昭成帝二年西及破洛那莫不欵附洛多那羅音相近疑破洛那即破多羅譯語之變)

叱干氏後改為薛氏 (毅曰北齊書薛琡傳河南人其先代人本姓叱干氏父彪子北史彪子傳父野賭野賭彪子琡本書皆有傳惟彪作虎野賭傳云代人父達頭自姚萇時率部落歸國案叱薛一聲之轉晉書赫連勃勃載記勃勃奔叱干部太祖紀載此事作薛干部劉虎傳同又稱其時薛干部帥為太悉伏薛干太悉伏即晉載記之叱干佗斗伏

太當作大為佗猶馱為駝悉斗亦擊轉 伏當為伏通鑑晉紀作仗可以藉訂太祖紀作佛非佗斗伏即達頭音之變也阿毗達磨俱舍論音義云尼民達羅舊言尼民陀羅衆經音義廿四文選頭陀寺碑文注云天竺言頭陀此言斗藪可證陀達斗頭音本互譯伏从大聲頭从豆聲音亦相近伏之為頭猶馱之為豆見阿毗達磨俱舍論音義蓋佗一字翻為達斗伏二音合為頭釋典人名此類甚多魏時如吐奚彌作吐奚愛彌亦此類是達頭即佗斗伏無疑高車傳云薛干部屯聚三城及滅衛辰太悉伏望軍歸順屈子奔其郡 即勃

勃大悉伏不遣太祖討之太悉伏奔姚興及平統萬薛干種類皆為編戶據太祖紀登國六年滅衛辰八年姚萇死其年薛干部帥始奔姚興明佗斗伏歸魏正當衛辰初滅姚萇未死之際與野賭傳達頭自姚萇時歸國合尤佗斗伏即達頭之確證廣韻五質引夏錄有將作大匠叱干阿利晉載記稱阿利為佗斗伏兄子勃勃僭王以為梁公其年降薛干部衆萬數千進討姚興今以太祖世祖紀高車傳及晉載記參考之是叱干氏以登國六年歸魏八年叛歸秦尋歸夏至神龜元年復歸魏也平統萬是在年 通志略五稱叱干氏居武川氏為魏獻帝所定失考肅宗紀有比干麒麟比干即叱干之譌北海王顥余朱天光傳並作叱干麒麟姓氏辯證三十八引魏太和族品柳婁薛為河東三姓蓋河東汾陰之薛與此河南洛陽之薛異) 俟奴氏後改為侯氏 (沈濤曰姓纂六止姓氏辯證二十二引同姓氏急就篇注同又云復姓俟分氏高車姓惟十九侯以為侯奴氏改為侯氏兩文

互異案六止又有侯伏侯姓云侯伏侯氏改爲侯氏則十九侯侯奴字乃侯伏侯傳寫之誤侯伏侯一姓今志不載毅曰侯字是也說詳侯莫陳辯證十九侯氏下引兩侯字並作侯誤廣韻姓纂六止作侯是侯奴與侯分侯伏侯兩氏並異侯分當作侯汾即上文之宇文侯伏侯當作侯伏侯即上文之侯伏斤沈合三氏爲一蓋未諳譯音也

輾遲氏後改爲展氏（毅曰廣韻姓纂二十八獮姓氏辯證二十五引志並同又辯證八通志略五稱魏安遲氏改爲安氏案安遲即輾遲也輾從展聲讀如旃見朱駿聲說文通訓定聲乾部旃焉古通詩采峇聲亦通安廣雅釋詁故輾遲或爲安遲也）

費連氏後改爲費氏（毅曰廣韻二仙姓纂八末姓氏辯證二十九引志並同費于傳云代人祖峻仕赫連昌泰常末率衆來降是魏有此氏之始姓解二稱費連漢復姓誤周書李賢傳稱魏永安中萬侯醜奴黨有費連少渾）

其連氏後改爲綦氏（毅曰北齊書綦連猛傳云代人其先姬姓六國末避亂出塞保祁連山因以山爲姓北人語訛故云綦連氏姓解三稱祁連之祁本又音時蕃人語訛故號綦連又姓纂七之稱代北人號綦連部因以爲姓與齊書異據姓氏辯證四云綦連猶中國言天蓋天山也御覽五十引涼州記稱祁連山張掖酒泉界上東西二百里南北百餘里是綦連始以山名部後乃爲氏耳志作其連係綦奪半姓纂二十四緩引志作纂誤然綦纂形似可知唐已前志本作綦也廣韻二仙引志正作綦綦備傳云河南人其先代人即此氏）

去斤氏後改爲艾氏（毅曰廣韻二十一欣姓氏辯證三十通志略五並同又通志略三引作艾斤氏姓纂十四泰引志侯斤去斤並改艾案侯斤即奇斤後改奇氏者說詳前）

渴侯氏後改爲緱氏（沈濤曰廣韻四紙侯作紙通志略四姓氏辯證二十一姓氏急就篇注皆作紙則緱氏乃傳刻之譌辯證三十七又引作改爲侯氏又十九侯姓亦云渴侯氏改是宋時魏志本有作侯字者故鄧氏兩存之今本作緱是又從侯字輾轉傳誤也姓纂十九侯侯姓注引與今本同又六止奴姓注引作改爲奴氏姓纂一書由永樂大典中抄撮歧誤甚多未若廣韻之可據也毅曰

姓解一與志同誤也侯當爲侯說詳侯莫陳下緱字亦當爲侯隸書侯或作綫 高麗碑煥字侯古亦作煥與緱字隸形相似致譌據姓纂王圻續通考並稱氏改爲奴奴旁从以矣頭从已音義並通故得相段廣韻四紙通志略四姓氏辯證二十一引志並云改爲紙氏紙从氏聲與奴聲亦相近又與緱字形近易混）

叱盧氏後改爲祝氏（毅曰姓纂一屋引作比盧氏姓辯證二十四引作吐雷皆誤晉書乞伏國仁載記有建威將軍叱盧烏孤拔又廣韻五質通志略並作叱盧金石錄二十一有後魏叱閣神寶脩關城銘跋云魏官氏志及姓纂有叱門氏後改爲門而無叱閣氏蓋其闕略也毅案趙據關城銘疑志奪叱閣氏誤也叱閣即叱盧聲之變荀子性惡篇辟閭注閭盧聲相近是其證叱盧改祝亦聲轉也盧聲近婁據禮檀弓釋文邾人呼邾聲曰婁御

覽九百十八引風俗通云呼雞朱朱又云說文解州謂讀若祝祝者邾與朱音相似然則叱盧之改爲祝盧祝兩字皆以朱聲而轉矣）

和稽氏後改爲緩氏（毅曰和緩一聲之轉也史記樂書正義緩和也是其音義並通之證水經桓水注引書鄭注云和讀如桓緩从爰聲與桓聲近釋名宮室篇垣援也漢書人表狐爰注云即狐垣集韻垣通爰故改緩氏姓纂九魚引緩作綾誤廣韻二十四緩引志直稱緩稽八戈引作和稽姓氏辯證二十五引作如稽如係和譌姓纂九魚通志略五同云如稽一作緩稽皆其顯證又辯證七云溫稽氏出後魏書 廣韻

二十三魂姓苑有溫稽氏案志無溫稽即和稽之譌和古作盞說文通釋血部與显形近因譌溫也周書耿豪傳十五年天統十五年也賜姓和稽氏與此別）

宛賴氏後改爲就氏（沈濤曰宛當作菟字之誤姓纂姓氏辯證姓氏急就篇注引皆作菟通志略五代北複姓所引亦同去聲就姓注又引作就賴氏改爲就氏上就字乃傳寫之誤辯證又引志有一曰菟賴四字是宋本此志賴字或譌作賴也毅曰宛當讀如菟裘之菟菟就雙聲菟賴改就猶老鷄之爲鷄舊也廣韻十一暮四十九宥引志宛作菟姓纂四十九宥引志就作舊皆可證通志略六分就賴菟賴爲二氏誤菟賴改就亦稱就賴猶和稽改緩亦稱緩稽也廣韻四十九宥引菟賴出後漢書漢是魏訛）

溫同聲也姓纂四十一漾作唱益誤廣韻十一沒作溫益與志合又姓纂二十三魂有溫孤氏云代

溫益氏後改爲溫氏（毅曰通志略五作溫益溫溫同聲也姓纂四十一漾作唱益誤廣韻十一沒作溫益與志合又姓纂二十三魂有溫孤氏云代

人改溫唐垂拱中有溫孤元軌通志略五同案溫孤即囁盆也隸書瓜作爪唐公房碑分作分張納功德敘紛字形近易混故盆或為孤通志略三又引作溫恐氏忿亦譌形也

達勃氏後改爲襄氏(毅曰通志略二引志同廣韻姓纂十二曷云達勃改爲襄姓氏辯證三十七達勃改襄氏一云改襄案襄與古一字也爾雅釋詁釋文袁古作襄姓解一稱獻帝弟又爲達勃氏涉達奚而誤又有達步氏云生齊煬帝)

獨孤渾氏後改爲杜氏(毅曰獨杜聲轉也釋名形體篇頭獨也慧琳大般若經音義三百三杜多古譯云頭陀即其證姓纂十姥姓氏辯證三十五通志略二同)

凡此諸部其渠長皆自統衆而尉遲已下不及賀蘭諸部氏
北方賀蘭氏後改爲賀氏(毅曰周書賀蘭祥傳其先與魏俱起有紇伏者北史紇作乞爲賀蘭莫何非因以爲氏姓氏辯證三十三云北人八族有賀蘭氏自稱李陵後居賀蘭山下因爲氏後改賀氏與周書略異考御覽四十四引涇陽圖經云賀蘭山在縣西九十三里山上多有白草遙望青白如駁北人呼駁馬爲賀蘭鮮卑等類多依山山谷爲異族今賀蘭姓者皆因此名是賀蘭始以山名部後乃爲氏猶棊連也姓纂三十八箇云賀蘭隨魏南遷魏以忠貞爲賀蘭因命氏代人改單姓唯賀蘭不改蓋誤以賀若爲賀蘭耳據序紀太祖紀賀蘭部爲烈帝舅部在陰山北劉顯傳云族人健居賀蘭部又云健自以久託賀訥賀訥傳從弟悅舉賀

蘭部隨太祖又悅子泥舉烽安陽城北賀蘭部人皆赴之是賀蘭確改爲賀之證周書蘇綽傳弟椿賜姓賀蘭梁臺傳賜姓賀蘭並在魏大統初裴文舉傳賜姓賀蘭在魏恭帝二年與此別爲氏)

舉傳賜姓賀蘭在魏恭帝二年與此別爲氏) 郁都甄氏後改爲甄氏(毅曰廣韻一屋引都作原姓解一同云甄音真東夷姓氏辯證三十五亦稱郁原甄姓纂十七眞姓氏辯證三十五通志略五同)

紀奚氏後改爲稽氏(毅曰太祖紀登國五年四月幸意辛山討紇奚部十二月紇奚部大人庫寒舉部內屬亦見高車傳魏有是氏蓋自此始北齊書陳元康傳有紇奚舍樂北史元康傳同又傳伏傳有紇奚永安廣韻十一沒姓解二並稱紇奚舍樂爲紇奚永樂姓氏辯證三十七通志略五有代北姓鶴奚氏與紇奚並列誤紇讀如鶴即紇奚也舊唐書迴紇新唐書作回鶻可證通志略五又有統稽氏改爲稽氏統紇形近致譌志上文紇豆陵姓纂五十候寶氏下作統豆陵亦即紇奚也奚古讀稽字亦通用三國魏志王粲傳注引虞預晉書稽康本姓奚遷譙改稽氏說文新附云奚氏避難特造稽字皆此紇奚改稽之證紇奚改稽或稱紇稽猶和稽改緩或稱緩稽通志略稱氏改爲紇非是姓纂十二齊引志云改稽又萬安國傳云有奚拔者世爲紇奚部帥御覽引紇作訖父根皇始初率衆歸魏生拔拔尙華陰公主生子敬有功授大司馬大將軍長樂王考北史傳奚根作稽根御覽百五十三引傳奚拔作稽拔本書太宗紀永興三年有任城公稽拔泰常七年有獻懷長公主子稽敬封長樂王拜

大司馬大將軍與傳合可證氏不改紇也又本書別有奚拔係奚斤子見斤傳彼蓋達奚所改之奚與此紇奚改稽之稽拔又作奚拔者異)

越勒氏後改爲越氏(毅曰勒當爲勒姓纂十月引志越勒越彊並改姓越通志略二引志亦云越彊改越勒彊古韻相通說文革从土从黃省古文作黃彊同韻勤从革聲故與彊通 故後歧爲二氏 姓氏辯證三十七亦有越彊氏與越勒氏並列即此可證字當作勒北史魏文帝紀大統元年以越勒肱爲司空疑即出帝紀之越肱特猶世祖紀王倍斤王建傳止作王斤靜帝紀潘相樂北齊書止作潘樂也姓氏辯證三十七越勒氏下云其先庫狄越勒部因氏焉奚斤傳破越勒部于鹿那山尉古真閭大肥傳同據太祖紀天興五年十二月越勒莫弗率其部萬餘家內屬居五原北太宗紀永興五年四月詔奚斤先行討越勒部七月破越勒倍泥徙二萬餘家于大寧陽平王熙傳討西部越勒皆勒當爲勒之證)

叱奴氏後改爲狼氏(毅曰太祖紀登國五年九月討破叱奴部于囊曲河皇始二年二月滅紇奚部帥叱奴根疑叱奴本紇奚別部帥猶越勤之于庫狄也通志略五云西魏開府叱奴與

渴燭渾氏後改爲味氏(毅曰廣韻十二曷燭作獨譌世祖紀太延年馮文通遣將渴燭通朝獻渴燭通即渴燭渾通省渾字猶胡口引祖稱胡口祖也姓纂十二蟹云渴燭渾可足渾疑可朱渾音轉通志略五同案林鄭說是矣而姓纂十虞十七薛姓氏辯證二十六三十七分爲三氏又誤玉篇

渴燭渾氏後改爲味氏(毅曰廣韻十二曷燭作獨譌世祖紀太延年馮文通遣將渴燭通朝獻渴燭通即渴燭渾通省渾字猶胡口引祖稱胡口祖也姓纂十二蟹云渴燭渾可足渾疑可朱渾音轉通志略五同案林鄭說是矣而姓纂十虞十七薛姓氏辯證二十六三十七分爲三氏又誤玉篇

云味同嚼左氏昭二十八年傳足厥作屬厥屬从蜀聲是蜀朱足三字古通之證北齊書可朱渾元傳自云遼東人世爲渠帥魏時擁衆內附晉書慕容儁載記儁妻可足渾氏皆是味是味字之誤味朱通作本當爲朱廣韻姓纂姓解氏辯證通志略引志凡六見並云改朱氏其明證也此从口者蓋當時譯語有此字猶今譯泰西諸國書甲乙丙丁作呶呶呶也朱或爲味因轉爲爲味耳）庫擲官氏後改爲庫氏（毅曰擲與儼聲並通太祖紀天興元年三月討漁陽盜庫儼官韜太宗紀泰常元年十月斬徒河部庫儼官斌及馮跋漁陽公庫儼官昌征北庫儼官提擲庫儼官女生晉書慕容垂載記農西招庫儼官偉慕容寶載記庫儼官驥守中山姓纂十一暮引志奪官字又引前燕錄庫儼官泥庫儼官樂庫儼官管統通志略五紀作乾管皆官字聲之誤姓氏辯證三十云燕庫儼官驥爲慕容詳所殺盡滅庫儼官氏其族有先降魏者後有岷山桓公庫儼官泥隋初改爲庫氏據諸書是庫擲官本慕容別部帥其支裔亦有仕馮跋者後並入魏也名世言隋始改庫誤通志略四稱庫儼官改爲庫望出河南亦引魏官氏志文即其證王建傳有烏丸庫儼官鳴儼官即儼官之譌）烏洛蘭氏後改爲蘭氏（毅曰通志略四引志奪洛字廣韻十一模引洛作落通志略五同下蘭字姓纂十一模作闌非又姓纂烏那羅氏下云北齊有烏那羅受案烏那羅即烏洛蘭也那洛一聲之轉北音蘭聲亦近羅詳破多羅下高祖紀有員外郎蘭英崔浩傳有尙書順陽公蘭延）

一那婁氏後改爲婁氏（毅曰那當爲那說文那字也官本作那通志略四引省一字云婁音蕭姓解三稱一那婁魏改賜婁氏婁音閩姓氏辯證三十六云婁亦作婁廣韻十虞引志同姓氏辯證三十七引志並有纈那氏姓解二稱纈那氏出本志疑此氏也）

羽弗氏後改爲羽氏（毅曰廣韻九覽通志略三引志同又通志略五稱改羽氏者有費羽氏蓋弗聲譌費又誤倒也姓氏辯證三十七引志作弗羽可證姓纂九覽引志拂羽氏改禹氏拂弗禹羽形聲之變通志略六分費羽拂羽爲二非是辯證二十三引孔至雜錄云改爲弗氏尤誤案姓氏辯證六引志嘗歷辰氏改爲辰氏二十一引似先氏改爲似氏三十二引吐方氏改爲方氏三十六引黜弗氏改爲弗氏三十七引鐵弗氏改爲弗氏據本書蠕蠕傳斛律東破曆辰部落曆歷形近蓋嘗歷辰本以部爲氏似先本書無考列女傳有涇州貞女兕先氏兕似同聲疑即其氏吐方氏姓纂十姥作吐萬氏云代人代爲部落酋帥通志略五同又二十三問引志云吐萬氏改爲奮氏稱隋有毅成公奮緒隋書吐萬緒傳云代郡鮮卑人封毅成公與姓纂合當從吐萬改奮爲是黜弗氏無考據太祖紀登國六年西討黜弗部大破之天興五年和突破黜弗素古延等諸部是其時黜弗部有內附者因爲氏鐵弗氏見劉虎傳云南單于左賢王去卑孫北人謂胡父鮮卑母爲鐵弗因爲號太祖末屈子恥姓鐵弗改爲赫連氏自云徽赫與天連號其支庶爲鐵伐氏云剛銳如鐵皆堪伐人案伐

弗聲通非有異義蓋屈子改氏赫連支庶依舊爲鐵弗氏然嘗歷辰至鐵弗凡五氏志均不載疑其逸文唐書宰相世系表渾氏出自匈奴渾邪王隨拓拔氏徙河南因爲氏正高祖定氏之時改渾邪爲渾氏志失載也周書豆盧寧傳昌黎徒河人其先本姓慕容氏前燕支庶高祖勝以燕皇始初歸魏賜姓豆盧氏或云避難改北史同隋書豆盧勳傳本慕容後中山敗歸魏北人謂歸義爲豆盧因氏焉唐書宰相世系表亦云北人謂歸義爲豆盧因賜爲氏北史以賜氏與歸義爲二說非是考燕無皇始紀元晉書苻健載記永和七年建元皇始時當魏建國十四年前秦尙未滅燕不得云避難改氏當以歸義賜氏之說爲長是昭成帝改慕容爲豆盧氏也皇后傳景穆恭后郁久閭氏河東王毗妹外戚傳閭毗代人本蠕蠕人世祖時自其國來降蠕蠕傳云東胡苗裔姓郁久閭神元末有奴髮齊眉忘本姓名其王字之曰木骨閭木骨閭者首秃也木骨閭與郁久閭聲相近子孫因爲氏據毗傳止稱閭氏是世祖改郁久閭爲閭氏也源賀傳秃髮儼檀子儼檀滅賀來奔世祖謂賀卿與朕同源可爲源氏唐書宰相世系表亦稱源氏出自魏聖武帝長子疋孤七世孫秃髮儼檀子賀是世祖改秃髮爲源氏也周書高琳傳其先高句麗人六世祖欽仕燕五世祖宗率衆歸魏賜姓羽真氏此疑在魏初王盟傳其先樂浪人魏賜拓王氏北史作拓拔蓋爲拓拔王三字氏也侯植傳上谷人魏賜姓賀屯氏閭慶傳河南河陰人魏賜姓大野氏並在大統間辛威傳隴西人魏大統十三年賜姓普毛氏

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

京兆櫟陽人本姓魚其先仕赫連牛弘傳安定鞫
觚人其先避難改姓遼氏祖熾魏復姓牛氏怡峯
傳遼西人本姓默台因避難改高祖寬魏道武時
歸朝已上各氏或賜或改或魏初或魏末非高祖
改氏時故志不載

侯伏侯氏侯莫陳氏大利稽氏莫胡盧氏皆魏末
賜改之氏詳前各氏下本書余朱榮傳其先居余
朱川因為氏沮渠蒙遜傳出臨松盧水其先為匈
奴左沮渠遂以官為氏仇洛齊傳本姓侯氏王遇
傳馮翊李潤鎮羌自云其先姓王改氏錯耳世宗
時復改為王北齊書破六韓常傳匈奴單于裔右
谷蠡王潘六奚沒于魏其子孫以潘六奚為氏後
人訛誤以為破六韓又斛律金傳朔州勅勒部人
高祖倍俟利道武時率戶內附姓纂一屋云斛律
氏代人代為部落統帥號斛律部因為氏又斛斯
氏其先居廣漢代襲莫弗大人號斛斯部因氏焉
斛斯椿本書有傳又姓纂五質云乙速孤氏代人
隨魏徙河南唐乙速孤神慶碑稱其先王氏太原
人五代祖顯魏驃騎大將軍賜姓乙速孤氏其說
蓋誣北史乙速孤佛保傳云北秀容胡曾從孝武
入關是其證姓纂八物云屈南氏屈原裔孫仕後
魏魏重複姓以自南來乃加南字或作屈男十七
薛云薛孤氏代人隨魏徙河南通志略五又有薩
孤氏亦云代人隨魏南徙據梵書薛字多作薩見
衆經音義一蓋薩孤即薛孤也北齊書有薛孤延傳
云代人周書赫連達傳成樂人勃勃後曾祖庫多
汗避難改杜氏魏詔復姓赫連氏北史虞慶則傳

始同為編民
太和十九年詔曰代人諸胃先無姓族雖功賢之
胤混然未分故官達者(毅曰通鑑齊紀官作宦)
位極公卿其功衰之親(毅曰通鑑注云功衰自
小功大功以上至齊衰)仍居猥任(毅曰官本
仍作任)北欲制定姓族(王先謙曰宋本北作
比是毅曰官本亦作比)事多未就且宜甄擢隨
時漸銓其穆陸賀劉樓于稽尉八姓(毅曰官本
八作入譌)皆太祖已降勳著當世(毅曰通鑑
皆作自)位盡王公灼然可知者(毅曰穆氏即
邱穆林氏也姓纂一屋云邱穆林氏為北人八族
之首陸氏即步六孤氏也亦見姓纂賀氏即賀蘭
氏也姓氏辯證三十三稱賀蘭賀敦二氏並為北
人八族據紀傳賀蘭部為烈帝舅詳賀蘭氏獻明后
為賀蘭氏女賀訥傳訥以元舅見尊重訥弟盧達
西公訥從父弟悅子泥琅瑯公並賀蘭部人取后
傳及訥傳參校自知 與位盡王公語合又訥傳云太
祖北歸訥又云太祖居賀蘭部悅舉部從與太祖
已降勳著當世二語亦合明八族之賀是賀蘭矣
劉氏即獨孤氏所改劉氏也姓纂十八尤稱劉庫
仁為北人八族而庫仁實獨孤部人詳獨孤氏可證
樓氏即賀樓氏也志改氏為樓者惟賀樓辯證稱

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

北人八族有賀敦 敦本頓擊之誤此又漢實樓而誤以為
八族也詳賀蘭 明非匹妻之妻矣姓纂引八族樓
氏凡四見并作婁蓋婁樓古通詳賀樓氏于氏即勿
忸于氏也唐書宰相世系表稱于烈本萬紐于氏
萬當作方本書皇后傳宣武后于氏烈弟勁之女又
烈子忠傳載靈太后令云于氏自曾祖四世貴盛
一皇后四贈三公三開國公與位盡王公語合稽
氏即紇奚氏也姓纂一屋載此氏凡兩見並作奚
奚稽古音通段也說詳紇奚又姓纂十二曷通志
略五並云達奚亦單姓奚後為北人八族其說非
是案志達奚與胡周長孫伊丘亥為七族係帝室
十姓之一百世不通婚據咸陽王禧傳云于時王
國舍人應取八族及清修之門高祖詔婚姻之義
曩葉攸崇云云明八族之稽不得為帝室七族之
奚矣太宗紀稽拔任城公敬長樂王與位盡王公
語亦合即其證尉尉氏即尉遲氏也說見前)且下
司州吏部勿充猥官一同四姓(毅曰四姓盧崔
鄭王也姓纂一屋云魏以穆陸奚于比漢金張許
史其說非是通鑑齊紀建武三年魏主雅重門族
以范陽盧敏清河崔宗伯榮陽鄭義太原王瓊四
姓衣冠所推咸納其女以充後宮詔穆陸賀劉樓
于稽尉八姓一同四姓胡三省注云四姓盧崔鄭
王即其明證)自此以外應班士流者尋續別勅
原出朔土舊為部落大人而自皇始已來(毅曰
通鑑無自字)有三世官在給事已上及州刺史
鎮大將及品登王公者為姓(毅曰通鑑無及州
刺史鎮大將七字)若本非大人而皇始已來職
官三世尚書已上(毅曰通鑑作三世官在尚書

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

北人八族有賀敦 敦本頓擊之誤此又漢實樓而誤以為
八族也詳賀蘭 明非匹妻之妻矣姓纂引八族樓
氏凡四見并作婁蓋婁樓古通詳賀樓氏于氏即勿
忸于氏也唐書宰相世系表稱于烈本萬紐于氏
萬當作方本書皇后傳宣武后于氏烈弟勁之女又
烈子忠傳載靈太后令云于氏自曾祖四世貴盛
一皇后四贈三公三開國公與位盡王公語合稽
氏即紇奚氏也姓纂一屋載此氏凡兩見並作奚
奚稽古音通段也說詳紇奚又姓纂十二曷通志
略五並云達奚亦單姓奚後為北人八族其說非
是案志達奚與胡周長孫伊丘亥為七族係帝室
十姓之一百世不通婚據咸陽王禧傳云于時王
國舍人應取八族及清修之門高祖詔婚姻之義
曩葉攸崇云云明八族之稽不得為帝室七族之
奚矣太宗紀稽拔任城公敬長樂王與位盡王公
語亦合即其證尉尉氏即尉遲氏也說見前)且下
司州吏部勿充猥官一同四姓(毅曰四姓盧崔
鄭王也姓纂一屋云魏以穆陸奚于比漢金張許
史其說非是通鑑齊紀建武三年魏主雅重門族
以范陽盧敏清河崔宗伯榮陽鄭義太原王瓊四
姓衣冠所推咸納其女以充後宮詔穆陸賀劉樓
于稽尉八姓一同四姓胡三省注云四姓盧崔鄭
王即其明證)自此以外應班士流者尋續別勅
原出朔土舊為部落大人而自皇始已來(毅曰
通鑑無自字)有三世官在給事已上及州刺史
鎮大將及品登王公者為姓(毅曰通鑑無及州
刺史鎮大將七字)若本非大人而皇始已來職
官三世尚書已上(毅曰通鑑作三世官在尚書

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

北人八族有賀敦 敦本頓擊之誤此又漢實樓而誤以為
八族也詳賀蘭 明非匹妻之妻矣姓纂引八族樓
氏凡四見并作婁蓋婁樓古通詳賀樓氏于氏即勿
忸于氏也唐書宰相世系表稱于烈本萬紐于氏
萬當作方本書皇后傳宣武后于氏烈弟勁之女又
烈子忠傳載靈太后令云于氏自曾祖四世貴盛
一皇后四贈三公三開國公與位盡王公語合稽
氏即紇奚氏也姓纂一屋載此氏凡兩見並作奚
奚稽古音通段也說詳紇奚又姓纂十二曷通志
略五並云達奚亦單姓奚後為北人八族其說非
是案志達奚與胡周長孫伊丘亥為七族係帝室
十姓之一百世不通婚據咸陽王禧傳云于時王
國舍人應取八族及清修之門高祖詔婚姻之義
曩葉攸崇云云明八族之稽不得為帝室七族之
奚矣太宗紀稽拔任城公敬長樂王與位盡王公
語亦合即其證尉尉氏即尉遲氏也說見前)且下
司州吏部勿充猥官一同四姓(毅曰四姓盧崔
鄭王也姓纂一屋云魏以穆陸奚于比漢金張許
史其說非是通鑑齊紀建武三年魏主雅重門族
以范陽盧敏清河崔宗伯榮陽鄭義太原王瓊四
姓衣冠所推咸納其女以充後宮詔穆陸賀劉樓
于稽尉八姓一同四姓胡三省注云四姓盧崔鄭
王即其明證)自此以外應班士流者尋續別勅
原出朔土舊為部落大人而自皇始已來(毅曰
通鑑無自字)有三世官在給事已上及州刺史
鎮大將及品登王公者為姓(毅曰通鑑無及州
刺史鎮大將七字)若本非大人而皇始已來職
官三世尚書已上(毅曰通鑑作三世官在尚書

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

北人八族有賀敦 敦本頓擊之誤此又漢實樓而誤以為
八族也詳賀蘭 明非匹妻之妻矣姓纂引八族樓
氏凡四見并作婁蓋婁樓古通詳賀樓氏于氏即勿
忸于氏也唐書宰相世系表稱于烈本萬紐于氏
萬當作方本書皇后傳宣武后于氏烈弟勁之女又
烈子忠傳載靈太后令云于氏自曾祖四世貴盛
一皇后四贈三公三開國公與位盡王公語合稽
氏即紇奚氏也姓纂一屋載此氏凡兩見並作奚
奚稽古音通段也說詳紇奚又姓纂十二曷通志
略五並云達奚亦單姓奚後為北人八族其說非
是案志達奚與胡周長孫伊丘亥為七族係帝室
十姓之一百世不通婚據咸陽王禧傳云于時王
國舍人應取八族及清修之門高祖詔婚姻之義
曩葉攸崇云云明八族之稽不得為帝室七族之
奚矣太宗紀稽拔任城公敬長樂王與位盡王公
語亦合即其證尉尉氏即尉遲氏也說見前)且下
司州吏部勿充猥官一同四姓(毅曰四姓盧崔
鄭王也姓纂一屋云魏以穆陸奚于比漢金張許
史其說非是通鑑齊紀建武三年魏主雅重門族
以范陽盧敏清河崔宗伯榮陽鄭義太原王瓊四
姓衣冠所推咸納其女以充後宮詔穆陸賀劉樓
于稽尉八姓一同四姓胡三省注云四姓盧崔鄭
王即其明證)自此以外應班士流者尋續別勅
原出朔土舊為部落大人而自皇始已來(毅曰
通鑑無自字)有三世官在給事已上及州刺史
鎮大將及品登王公者為姓(毅曰通鑑無及州
刺史鎮大將七字)若本非大人而皇始已來職
官三世尚書已上(毅曰通鑑作三世官在尚書

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

北人八族有賀敦 敦本頓擊之誤此又漢實樓而誤以為
八族也詳賀蘭 明非匹妻之妻矣姓纂引八族樓
氏凡四見并作婁蓋婁樓古通詳賀樓氏于氏即勿
忸于氏也唐書宰相世系表稱于烈本萬紐于氏
萬當作方本書皇后傳宣武后于氏烈弟勁之女又
烈子忠傳載靈太后令云于氏自曾祖四世貴盛
一皇后四贈三公三開國公與位盡王公語合稽
氏即紇奚氏也姓纂一屋載此氏凡兩見並作奚
奚稽古音通段也說詳紇奚又姓纂十二曷通志
略五並云達奚亦單姓奚後為北人八族其說非
是案志達奚與胡周長孫伊丘亥為七族係帝室
十姓之一百世不通婚據咸陽王禧傳云于時王
國舍人應取八族及清修之門高祖詔婚姻之義
曩葉攸崇云云明八族之稽不得為帝室七族之
奚矣太宗紀稽拔任城公敬長樂王與位盡王公
語亦合即其證尉尉氏即尉遲氏也說見前)且下
司州吏部勿充猥官一同四姓(毅曰四姓盧崔
鄭王也姓纂一屋云魏以穆陸奚于比漢金張許
史其說非是通鑑齊紀建武三年魏主雅重門族
以范陽盧敏清河崔宗伯榮陽鄭義太原王瓊四
姓衣冠所推咸納其女以充後宮詔穆陸賀劉樓
于稽尉八姓一同四姓胡三省注云四姓盧崔鄭
王即其明證)自此以外應班士流者尋續別勅
原出朔土舊為部落大人而自皇始已來(毅曰
通鑑無自字)有三世官在給事已上及州刺史
鎮大將及品登王公者為姓(毅曰通鑑無及州
刺史鎮大將七字)若本非大人而皇始已來職
官三世尚書已上(毅曰通鑑作三世官在尚書

李弼傳遼東襄平人魏廢帝元年賜姓徒河氏王
雄傳太原人魏恭帝元年賜姓可頻氏王勇傳代
武川人魏恭帝元年賜姓庫汗氏其餘各傳所載
之拓拔氏獨孤氏烏丸氏乙弗氏賀蘭氏宇文氏
紇干氏余綿氏叱羅氏叱利氏和稽氏尉遲氏萬
紐于氏步六孤氏普六茹氏若引氏侯呂陵氏

北人八族有賀敦 敦本頓擊之誤此又漢實樓而誤以為
八族也詳賀蘭 明非匹妻之妻矣姓纂引八族樓
氏凡四見并作婁蓋婁樓古通詳賀樓氏于氏即勿
忸于氏也唐書宰相世系表稱于烈本萬紐于氏
萬當作方本書皇后傳宣武后于氏烈弟勁之女又
烈子忠傳載靈太后令云于氏自曾祖四世貴盛
一皇后四贈三公三開國公與位盡王公語合稽
氏即紇奚氏也姓纂一屋載此氏凡兩見並作奚
奚稽古音通段也說詳紇奚又姓纂十二曷通志
略五並云達奚亦單姓奚後為北人八族其說非
是案志達奚與胡周長孫伊丘亥為七族係帝室
十姓之一百世不通婚據咸陽王禧傳云于時王
國舍人應取八族及清修之門高祖詔婚姻之義
曩葉攸崇云云明八族之稽不得為帝室七族之
奚矣太宗紀稽拔任城公敬長樂王與位盡王公
語亦合即其證尉尉氏即尉遲氏也說見前)且下
司州吏部勿充猥官一同四姓(毅曰四姓盧崔
鄭王也姓纂一屋云魏以穆陸奚于比漢金張許
史其說非是通鑑齊紀建武三年魏主雅重門族
以范陽盧敏清河崔宗伯榮陽鄭義太原王瓊四
姓衣冠所推咸納其女以充後宮詔穆陸賀劉樓
于稽尉八姓一同四姓胡三省注云四姓盧崔鄭
王即其明證)自此以外應班士流者尋續別勅
原出朔土舊為部落大人而自皇始已來(毅曰
通鑑無自字)有三世官在給事已上及州刺史
鎮大將及品登王公者為姓(毅曰通鑑無及州
刺史鎮大將七字)若本非大人而皇始已來職
官三世尚書已上(毅曰通鑑作三世官在尚書

已上)及品登王公而中閒不降官緒亦爲姓(毅曰通鑑無而中閒不降官緒七字有者字)諸部落大人之後而皇始已來官不及前列而有三世爲中散監已上外爲太守子弟品登子男者爲族若本非大人而皇始已來三世有令已上外爲副將子都太守品登侯已上者亦爲族凡此姓族之支親與其身有總麻服已內微有一二世官者雖不全充美例亦入姓族五世已外則各自計之不蒙宗人之蔭也雖總麻而三世官不至姓班有族官則入族官無族官則不入姓族之例也凡此定姓族者皆具列由來直擬姓族以呈聞朕當決姓族之首末其此諸狀皆須問宗族列疑同然後勾其舊籍審其官官有實則奏不得輕信其言虛長僥僞不實者訴人皆加傳旨問而詐不以實之坐選官依職事答問不以實之條令司空公穆亮領軍將軍元儼中護軍廣陽王嘉尙書陸琇等詳定北人姓務令平均隨所了者三月一列簿帳送門下以聞於是升降區別矣(毅曰通鑑齊紀建武三年魏主詔改元氏諸功臣自代來者姓或重

詔當依本傳作紹又忠傳無穆紹有吏部尙書元暉)尙書元長等(毅曰長當依忠傳作長)量定之(毅曰通鑑綱目大統十五年五月詔代人復其舊姓)

複皆改之案司馬誤也齊建武三年係魏太和二十年據高祖紀詔遷洛之民死葬河南不得還北于是代人南遷者悉爲河南洛陽人係十九年事與志所載詔文時事正合而帝姓改元係十八年事前代人定姓一年說詳見前既不得書于二十年更不得書爲一年事也)世宗世代人猶以姓族辭訟又使尙書于忠(毅曰據忠傳時爲衛尉卿延昌初始除都官尙書此二字蓋涉下而誤)尙書元匡侍中穆紹(毅曰

衰周羣彊力正諸姬流離屬籍廢厥後楚漢間處士撰集世本創立氏姓專篇以紀其繁(世本氏姓篇引見左隱十一年傳正義及史記秦紀集解)史識氏姓於是乎始漢興郡縣大定世重土著冠蓋族居故馬班書志氏姓闕如伯起生兩魏之際纂修史志續官以氏蓋魏以大漢行國入居中原拓疆萬里徼外雜胡舉郡競附部各爲氏氏各爲族廁處民間與衰周流離諸裔情實相若且其初文字未與漢胡糅莒語言莫通侏離詰屈之詞非得華文蔑識其蹟(太祖紀天興四年集博士儒生比衆經文字義類相從凡四萬餘字號曰衆文經世祖紀始光元年初造新字千餘可知魏初無字借用華文後乃造字若金史完顏希尹傳所云金人初無文字用契丹字希尹乃依放漢人楷字因契丹字制度合本國語製女直字也)而其氏姓復重譯無定字改革繁蹟推究彌難若潘六奚之爲破六韓木骨閭之爲郁久閭至有子孫不能道其祖父氏所從受者不有斯志原脈曷稽隋書經籍志云魏初軍容號令皆以夷語後染華俗多不能通故錄其本言相傳教習謂之國語然則斯志之作非惟世本之遺實暢國語之旨矣聖清聲教宏通象胥四集高宗御定遼金元三史國語解凡耶律完顏台哈布哈各種名氏釐訂甚詳近數十年來西域文書流布中土學者味其端末輒舉托忒十五字頭拉丁廿六字母詆華音反切未備不知茹一音翻爲普陋茹合仍爲茹蘭一音翻爲烏洛蘭合仍爲蘭載在斯志可勝玩索惟史志之例異乎譜錄家文同姓異稱靡得殫述而且

譯音多門重輕清濁與中土急氣緩氣長言短言之說相同尤非志例所能悉錄是以叱羅緩氣曰斛瑟羅急氣又曰薛羅叱呂長言曰叱呂引短言又曰叱利錯見歧出志舉其一而置其餘後儒雜採爲譜承譌襲謬日益支離端居多暇輒取姓纂姓解姓氏辯證通志氏族略及它史籍金石各書旁徵梵氏婆羅門音切鉤稽參校區異于同爲之疏證錚錚小響無補聖世之同文而於鄭漁仲所稱魏孝文時複姓改單爲用夏變夷之道或不大謬之矣光緒二十年歲次甲午冬十月湘鄉陳毅跋

編者案卷端署名「湘鄉陳毅詒重學」下有細書兩行云「毅初名道亨遵會典例避明名臣名改」今移綴原跋之末

補魏書兵志

谷霽光撰

魏當神元皇帝時控弦之士有二十餘萬平文皇帝時將百萬其軍制不可得而詳序紀太祖登國元年置都統長及幢將其都統長領殿內之兵直王宮幢將員六人主三郎衛士北魏有羽林幢將虎賁幢將內都幢將亦稱三郎幢將後廢直宿禁中者自侍中已下中散已上皆統之官氏志是為有宿衛兵官爵名號之始其後置衛將軍及左右衛前左右後武衛等將軍入則宿衛京師平季傳前將軍中給事中時四方多事太后每令季出使於外于忠傳除衛尉卿左衛將軍恆州大中正密遣中使詔曰朕股肱落心替無寄方任雖重此為輕故職茲外任委以內務豆代田傳加散騎常侍右衛將軍領內都幢將王仲興傳自拜武衛及受封之日車駕每臨響其宅世宗游幸仲興常侍從不離左右侯剛傳稱遷奉車都尉右中郎將領刀劍左右加游擊將軍城門校尉選武衛將軍領御寇猛傳世宗即位復敘用愛其臂力置之左右為千牛備身歷轉遂至武衛將軍出入禁中無所顧忌冊府元龜三四〇左右衛將軍各一人掌左右廂所主朱華閣已外武衛將軍二人二人皆有司馬功曹主簿錄事贊其府事均與宿衛之證參閱隋書百官志唐六典出則專守方面韓顯宗傳車駕南伐為右軍府長史劉季友傳南青州左軍府錄事參軍姜濂傳幽州有左將軍府崔武傳懷州有衛軍府賈智傳武衛將軍鎮徐州是皆開府專征之軍將又置領軍典掌宿衛侍臣兼領者稱中領軍加將軍者去中字品秩高於領軍冊府元龜領軍府將軍一人掌宿衛宮掖朱華閣外輿駕出入督攝杖衛中領軍亦同有長史司馬功曹五

官主簿錄事贊其府事內直禁中之羽林虎賁等兵皆領之于烈傳咸陽王禧為宰輔權重當時會遣家僮傳言于烈曰須舊羽林虎賁執仗出入領軍可為差遺烈曰天子諒闇事歸宰輔領軍但知典掌宿衛有詔不敢違理無私給按宋弁傳云領軍者二衛之假攝領軍品秩本高於二衛太和未定為平列又領軍加號將軍則品秩與權力均高羽林虎賁高陽王雍傳武人本挽上格者為羽林次格者為虎賁下格者為直從是又有直從之名木幢將分統太和二年廢二部內都官氏志都作都誤豆代田傳可證幢將羽林監及虎賁中郎將實掌其職又置殿中尚書統殿中武士及殿中虎賁汝陰王天賜傳殿中尚書胡莫突簡西都勅勅家富兼丁者為殿中武士彭城王勰傳左衛元珍率武士就殺之世祖紀下詔安西將軍建興古弼督隴右諸軍及殿中虎賁其職殆如舊日之都統長主直宿王宮慶都統長年月不詳官氏志已無此名殿中尚書之職掌應與都統長同南齊書魏虜傳殿中尚書知殿內兵馬倉庫劉尼傳拜羽林中郎將時尼與殿中尚書源賀俱典兵宿衛伊魏傳殿中尚書常典宿衛和其奴傳殿中尚書元郁密殿中宿衛士是皆親自統兵羽林虎賁與殿內之兵雖為京城禁旅亦常割配諸軍出任征伐奚康生傳武衛將軍持節假平南將軍為別將領羽林三千人騎步甲士隨便割配傳監眼傳給羽林虎賁三百人進號冠軍將軍崔孝直傳假征虜將軍別將總羽林二千騎宇文福傳領高車羽林五百騎盧昶傳道襄定瀛相四州中品羽林虎賁四千人赴之和其奴傳皇興元年長安鎮將軍平王道符反詔其奴領征西大將

軍率殿中精甲萬騎以討之時當開拓而中軍強勁高祖紀詔過天下勇士十五萬人為羽林虎賁又上引汝陰王天賜傳簡四部勅勅為殿中武士宜其精悍非惟用之征討且以鎮戍邊陲任城王澄傳羽林虎賁有事暫可赴戰常戍宜遣番兵代之又盧昶傳有戍定瀛相四州中品羽林虎賁李獎傳有徐州羽林之名又有五校即射聲越騎屯騎步兵長水是也亦與宿衛禁旅旅斤傳皇始初拜越騎校尉典宿衛禁旅此亦禁中之兵應錄領軍者後漸變為冗職正始四年始制員各二十人官氏志有左右郎將官氏志千牛備身奚康生傳備身左右宣武皇后胡氏傳刀劍左右侯剛傳其制不詳有宗子羽林後改為宗士官氏志亦謂之宗子軍彭城王勰傳車駕南伐以總行撫軍將軍領宗子軍宿衛左右復增置勳府庶子望士騎官等廂名號不一一出帝紀及官氏志又按左右郎將及宗子軍等均應錄殿中尚書為宿衛王宮者可參閱于忠傳及唐六典此外東宮屯衛世祖紀東宮屯衛三分西宮之一太子左右衛率及太子三校統之而均為城內之禁衛軍護軍亦稱中護軍為侍臣兼任洛陽伽藍記護軍府在闕門御道東則領城外之兵四中郎將屬之世宗永平中四中郎將權隸領軍武定七年復舊官氏志四中郎將兵數寡弱任城王澄奏云宜以東中（郎將）帶滎陽郡南中帶魯陽郡西中帶恆農郡北中帶河內郡選二品三品親賢兼稱者居之省非急之作配以彊兵如此則深根固本彊幹

弱枝之義也又奏云固本宜疆防微在豫故雖有文事不忘武功況今南蠻仍橫北妖頻結來事難圖勢同往變脫暴勃忽起震動關畿四府羸卒何以防擬平康之世可以寄安遺之久長恐非善策如臣愚見郎將領兵兼總民職者官實祿於是乎在求還依前增兵益號將位既重則念報亦深軍那相依則表裏俱濟朝廷無四顧之憂茲究絕窺覷之望矣任城王澄傳卒不納然自高祖時宿衛內直者漸已褻狎嬉遊不習弓矢韓顯宗傳諸衛衛內直者宜令武官習弓矢文官讀書傳而今給其蒲博之具以成褻狎之容長矜爭之心恣誼讒之慢徒損朝儀無益事實如此之類一宜禁止可見禁旅已趨於廢化一途迨羽林跋扈張彝傳羽林虎賁將千人相率至尚書省詬罵以瓦石擊打公門道張彝第焚其屋宇投其子始均於燬火中重傷至死又李獎傳徐州羽林及城人害獎 六鎮叛逆京城防衛益寡弱不足恃而方鎮之兵得以挾持皇室逐鹿中原元澄所言固不為無見北魏一代中軍之大略如此 張濟傳楊佺期曰魏國被甲戎馬可有幾匹張濟答曰中軍精騎十有餘萬外軍無數此中外軍之分而亦開國時中軍之概數李孝伯傳中軍四十餘萬則合步騎言之 外軍則大將軍領之而分屬於諸征鎮將軍 大將軍不常置有征鎮等將軍領兵將軍加大者則權位更隆亦證大司馬掌軍事後又置都督神鷹元年始令諸征鎮大將依品開府 官氏志 四年北史作三年又令諸征鎮仗節邊遠者開府辟召世祖紀諸將受命征伐或總方任者詔發州郡之兵隨宜割配歸其統率 世祖紀太平真君十一年發州郡兵五萬分給諸軍高祖紀太和二十一年發冀定瀛相濟五州卒二十萬將以南討又二十二年發州郡兵二十萬人限八月中旬集

懸瓠此均簡選人民之應充兵役者不足則招募以充選孔伯恭傳遺將孔大恆等領募騎一千南討淮陽楊椿傳馳驛詣并肆齋絹三萬匹募召恆朔流民揀充軍士高祖紀詔京師及諸州從戎者賜爵一級應募者加二級主將加三級 更有義從為自願執兵役者應之程哲墓誌銘祖大魏明元皇帝大駕親戎詔訪英彥時應命為望義從西征有功才雅傳別立義軍招募義衆得五千人司馬靈壽傳招引義士得二千餘人平時無事州有都尉郡有都護鎮有鎮都大將以領兵 官氏志 而鎮將戍守沿邊要隘其制度尤為一代宏規廢置得失亦有可得言者軍鎮之制備於北魏北魏以前有屯戍之兵 戰國時齊戍樊丘秦北地有屯戍以防匈奴漢有流陽營至晉孝武太元十一年置朔陝二戍(通鑑綱目)晉末有潞川戍(見張整墓誌銘)後魏立戍亦其遺制而均屬州鎮統轄 性質與鎮不同至晉太元十四年氏王分諸氏羌為二十部都護各為鎮戍不置郡縣 見氏楊難敵傳都護始於漢之西域都護與此略異都護之職掌唐六典云撫慰諸蕃輯寧外寇規候表議討攔離長史司馬武焉諸曹如州府之職後魏則有護軍(秦有護軍都尉漢亦有之梁有鎮蠻護軍安遠護軍)太安三年以諸部護軍各為太守二者恐屬有別 都護殆刺史太守任也始具鎮之雛形時猶未以鎮名皇始中拓殖邊隅以移防為重廣陽王深傳當日北地土廣人稀控攝長遠或徵發中原強宗子弟或國之肺腑寄以爪牙擁麾作鎮 北齊書魏蘭根傳世祖時屢征蠕蠕虜其人民置於漠南高車降民亦分屯邊境及於顯祖高祖均銳意南拓故差割強族分衛方鎮精選良家酋帥規遏北疆 刁雅傳而鎮戍亦遍於淮海北方則六鎮為尤重蓋欲制蠕蠕之南寇而撫慰

入化之新民也時緣邊諸地所在立鎮其後內地亦置之王懸傳拜洛城鎮將配兵三千人鎮金墉 鎮有鎮將都大將都將大將將等級不同如此 統兵備禦與刺史同城隍倉庫皆鎮將主之有副將為之貳又置長史別將軍主城主錄事等分理衆務監軍督察之其員多至八百餘人 源懷傳沃野一鎮自將以下八百餘人籍隸邊鎮者初為國之肺腑或中原強宗子弟後則流進之人 高祖紀 死罪之囚為多 高祖紀及源賀傳謂之兵戶 高祖傳 亦號府戶北齊書魏蘭根傳世執兵役非中旨特許不得請免府籍 肅宗紀詔云鎮改為州依舊立稱此等世習干戈率多勁勇劉侯仁傳有司委其操行請免府籍敘一小縣詔可 高車降民亦隸諸鎮執役江陽王繼傳繼表高車頑黨不識威憲輕相集合背役逃歸計其兇戾事合窮極若悉追戮恐遂擾亂若悔悟從役者即令赴軍詔從之此為軍役無疑殆與營戶收戶相等非如附籍之鎮兵 高祖紀延興元年徙勅勒於莫定相三州為營戶貞君五年以北郡民徙居相莫定三州為營戶孝莊紀詔罷募新免收戶有投効力者授九品官鎮有游軍防戍邊圍高祖紀北鎮游軍大破蠕蠕又有虞候白直規候姦譎 廣陽王深傳平居則督課諸屯築城置戍刁雅傳為薄律鎮將至鎮上表曰臣蒙寵出鎮奉辭西藩總統諸軍戶口殷廣又撻勒戎馬以防不虞督課諸屯以為儲積夙夜惟憂不遑寧處又奏云臣鎮所領河西兗在邊表常懼不虞平地曠野難守護兵人散居無所依恃脫有妖奸必致狼狽雖欲自固無以得全今求造城儲穀置兵鎮守鎮自建立更不煩官袁曠傳凡諸州鎮應徒之兵隨宜割配且田且戍世宗紀詔緣淮南北所在鎮戍皆令及秋播麥春種粟稻隨其土宜水陸兼用必使地無遺利兵無餘力比及來稔公私俱濟也 有事則分番出戍或割配從征

皮豹子傳其統萬安定二鎮之衆從戎以來經三四歲長安之兵役過期日未有代期田益宗傳于時番兵交換不生猜疑盧祖傳其在徐州戍兵疾親自檢值至番兵年滿不歸容充後役從征之兵資絹自隨不入公庫任其私用大抵資糧之絹人十二匹所經州縣及屯戍所在官亦不給衣糧薛虎子傳竊惟在鎮之兵不減數萬資糧之絹人十二匹即自隨身用度無準未及代下不免饑寒論之於公無絲毫之潤謂其私利則橫費不足非謂納民私相益也元平原傳北州戍卒一千餘人遺者皆給路糧百姓感稱詠之是給糧固爲例外然鎮兵且田且戍不閑武藝 咸陽王禧傳州鎮兵人或

賦三年蕭宗紀詔兵士征缺者復租賦一年袁翻奏云自此緣邊州郡官至便登疆場統戎階當即用或值穢德凡人或遇貪家惡子不識字民温恤之方唯知重役殘忍之法廣開成選多置帥領或用其左右姻親或受其貨財請屬皆無防敵禦賊之心唯有通商聚斂之意其勇力之兵驅令抄掠若值強敵即爲奴虜如有執獲奪爲己富其羸弱老小之輩微解金鐵之工少閑草木之作無不搜營窮壘苦役百端自餘或伐木深山或耘草平陸販賣往還相望道路此等祿既不多資亦有限皆收其實絹給其虛粟窮其力薄其衣用其工節其食綿冬歷夏加之疾苦死於溝瀆者常十七八焉 袁翻傳源

法特宜修置以同堂堂之基持盈之體何得而忽居安之辰故應危懼矣且法開清濁而清濁不平申滯理望而卑寒亦免士庶同悲兵徒懷怨中正實望於下里主案舞筆於上蓋僞混清知而不糾得者不欣失者倍怨使門齊身等而涇渭奄殊類應同役而苦樂懸異士人居職不以爲榮兵士役苦心不忘亂故有競業本生飄藏他土或詭名託養散在民間或亡命小數漁獵爲命或投仗強家寄衣食又應遷之戶逐樂諸州應留之徒避寒歸暖 (中略) 今疆敵窺時邊黎何曠內民不不久戍懷怨憤國之勢竊謂危矣必造禍源者北邊鎮戍之人也 正光末李崇奉命討蠕蠕魏蘭根說崇曰緣邊諸鎮控攝長遠昔時初置地廣人稀或徵發中原強宗子弟或國之肺腑寄以爪牙中年以來有司乖實號曰府戶役同斷養宦婚班齒致失清流而本宗舊類各各顯榮願瞻彼此理同憤怨更張琴瑟今也其時靜境寧邊事之大者宜改鎮立州分置郡縣凡是府戶悉免爲民入仕次序一准其舊北齊書魏蘭根傳 崇以奏聞事寢不報及北鎮變起緣邊諸州亦多響應詔廣陽王深爲北道大都督討之深上書曰昔皇始以移防爲重盛簡親賢擁麾作鎮配以高門子弟以死防遏不但不廢仕宦至乃偏得復除當時人物欣慕爲之及太和在曆僕射李冲當官任事涼州土人悉免斷役豐沛舊門仍防邊戍自非得罪當世莫肯與之爲伍征鎮驅使但爲虞候白直一生推遷不過軍主然其往世房分留居京者得上品通官在鎮者便爲清途所隔或投彼有北以禦魍魅多復逃胡鄉乃峻邊兵之格鎮人浮游在外皆聽流外捉之於是少年不得從師長者不得游宦獨爲匪人言者流涕自定鼎伊洛邊任益

輕唯底滯凡才出為鎮將轉相模習專事聚斂或有諸方姦吏犯罪配邊為之指蹤過弄官府政以賄立莫能自改咸言姦吏為此無不切齒憎怒及那瓌背恩縱掠竊奔命師追之十五萬衆度沙漠不日而還邊人見此援師便自意輕中國尚書令臣崇時即申聞求改鎮為州將允其願抑亦先覺朝廷未許而高闕戍主率下失和拔陵殺之為逆命攻城掠地所見必誅王師屢北賊黨日盛此段之舉指望銷平其崔暹隻輪不返臣崇與臣遠巡復路今者相與還次雲中馬首是瞻未便西邁將士之情莫不解體今日所慮非止西北將恐諸鎮尋亦如此天下之事何易可量廣陽王深傳時亦不納由此北鎮之禍蔓延日廣正光五年詔曰諸州鎮城人本充爪牙服勤征旅契闊行間備勞營劇逮顯祖獻文皇帝自北被南淮海思又便差割疆族分衛方鎮高祖孝文皇帝遠遵盤庚將遷嵩洛規遏北疆蕩闢南境選良家會帥增戍朔垂戎捍所寄實惟斯等先帝以其誠效既亮方加酬錫會宛郢馳烽胸泗告警軍旗頻動兵連積歲茲恩仍寢用迄於今怨叛之興頗由於此朕叨承乾曆撫馭宇宙調風布政思廣惠液宜追前恩敷茲後施諸州鎮軍實原非犯配者悉免為民鎮改為州依舊立稱屬宗紀 乃使鄜道元持節兼黃門侍郎與都督李崇籌宜置立裁減去留而北鎮擾亂久乃施行自此以後軍鎮之制名存實廢而鎮戍士卒盡入私門天下混亂徵發不行於是盡為召募孝昌三年詔直寢紀業持節募新免牧戶有投名効力者授九品官又詔諸有私馬仗從戎者職人優

兩大階亦授實官白民出身外優兩階亦授實官同年又召募僑居流民渡河隨便為柵準望臺軍永安三年以高乾為侍中河北大使招集驍勇莊帝紀建明元年詔賀拔勝募伎作及雜戶從征者正入出身皆授實官私馬者優一大階前廢帝紀來源雜濫至不可校常景奏云頃來差兵不盡疆壯今之三長皆是豪門多丁今求權發為兵肅宗從之常景傳三長已不免於兵役復又以奴客任役私竊官勳故楊機奏云諸守帥或非其才多遣親者妄稱入募別倩他人引弓格虛受征官身不赴陣惟遣奴客充數而已 楊機傳 兵役繁興而賦稅之徵取日重 元季友傳略計見管之戶應二萬餘族一歲出實精二十四萬匹十五丁出一番兵計得一萬六千兵是不徵兵而徵精之設民多流亡禍亂益促高歡宇文泰卒以之篡魏而魏以亡

北齊諸王世表

清萬斯同撰

趙

〔始封〕琛 高祖弟追封
〔二世〕劼 琛子以忠諫被殺

清河

〔三世〕整信 劼子齊亡降周例降縣公

〔始封〕岳 高祖從父弟爲文宣所死
〔二世〕勸 岳子

平昌

〔始封〕盛 高祖從叔祖封廣平公卒無子
〔二世〕子瓊 盛兄子始封

修城

〔始封〕永樂 高祖從祖兄子封陽州公無子
〔二世〕孝緒 永樂從兄思宗子始封

廣武

〔始封〕長弼 永樂弟爲南營州刺史叛奔突厥

襄樂

〔始封〕顯國 高祖從祖弟

上洛

〔始封〕思宗 高祖從子
〔二世〕元海 思宗子謀逆伏誅

南安

〔始封〕思好 本浩姓思宗養爲弟爲朔州刺史舉兵反兵敗投水死

平秦

〔始封〕歸彥 高祖族弟謀反伏誅
武興

〔始封〕普 歸彥兄子國亡降周
右十王皆宗室

永安

〔始封〕浚 爲文宣所殺無子以彭城王徽子
準爲後

平陽

〔二世〕準 浚嗣子降周
〔始封〕淹

彭城

〔二世〕德素 淹子降周
〔始封〕澈

上黨

〔二世〕寶德 澈子降周
〔始封〕渙 爲文宣所殺

襄城

〔二世〕寶嚴 渙子齊亡降周
〔始封〕清 無子昭帝子亮爲後

任城

〔二世〕亮 清嗣子齊亡降周
〔始封〕潛 齊亡降周被殺

高陽

〔始封〕湜

〔二世〕士義 湜子降周

博陵

〔始封〕濟 爲後主所殺
〔二世〕智 濟子降周

華山

〔始封〕凝

馮翊

〔始封〕潤

漢陽

〔二世〕茂德 潤子降周
〔始封〕洽 無子任城王潛子建德爲後
〔二世〕建德 洽嗣子降周
右十一王高帝子 高帝十五子長文襄帝
澄次文宣帝洋第六孝昭帝演第九武成帝

河南

〔始封〕孝瑜 爲武成所死
〔二世〕弘節 孝瑜子

廣寧

〔始封〕孝珩 入周例授開府縣侯

河間

〔始封〕孝琬 爲武成所殺
〔二世〕正禮 孝琬子

蘭陵

〔始封〕長恭 爲武成酖死

安德

〔始封〕延宗 周師偪并州自立爲帝兵敗被

執

漁陽

〔始封〕紹信 齊亡降周

右六王文襄帝子

太原

〔始封〕紹德 爲武成所殺無子以范陽王子

辨才爲後

〔二世〕辨才 紹德嗣子

范陽

〔始封〕紹義 齊亡奔突厥自立爲帝後被獲

流蜀中死

西河

〔始封〕紹仁

隴西

〔始封〕紹廣

右四王文宣帝子 文宣五子長廢帝殷

樂陵

〔始封〕百年 始立爲皇太子武成即位降封

王後被殺無子

〔二世〕白澤 襄城王亮子爲百年後

汝南

〔始封〕彥理

始平

〔始封〕彥德

襄陽

〔始封〕彥基

定陽

〔始封〕彥康

汝陽

〔始封〕彥忠

右六王孝昭帝子

南陽

〔始封〕綽 爲後主所殺

琅邪 始封東平

〔始封〕儼 爲後主所殺四子皆被殺

〔二世〕世浚 平陽王淹孫

齊安

〔始封〕廓

北平

〔始封〕貞

高平

〔始封〕仁英

淮南

〔始封〕仁光

西河

〔始封〕仁機

樂平

〔始封〕仁篋

潁川

〔始封〕仁儉

安樂

〔始封〕仁雅

丹陽

〔始封〕仁直

東海

〔始封〕仁謙

右十二王武成帝子 武成十三子長末帝

緯

東平

〔始封〕恪

右一王末帝子 末帝五子長幼主恆餘三

子未封國亡自任城王潛以下大小三十五

王盡徙長安授封爵

北齊異姓諸王世表

清萬斯同撰

章武 天保元年封

〔始封〕庫狄干 仕至太宰配享神武廟

〔二世〕士文 子子仕至領軍將軍

咸陽 天保元年封

〔始封〕斛律金 仕至左丞相

〔二世〕光 仕至左丞相被殺

平原 天保元年封

〔始封〕高隆之 仕至太保爲文宣所殺并殺

其二十子遂無後

〔二世〕子遠 隆之兄子襲封陽夏王

安定 天保元年封

〔始封〕賀拔仁 仕至右丞相

安德 天保元年封

〔始封〕韓軌 仕至大司馬配享文襄廟

〔二世〕晉明 軌子改封東萊仕至左僕射

扶風 天保元年封

〔始封〕可朱渾元 仕至太師配享文襄廟

陳留 天保元年封

〔始封〕彭樂 仕至太尉謀反伏誅

河東 天保元年封

〔始封〕潘相樂 仕至司徒

〔二世〕子晃 相樂子仕至幽州刺史

平原 天保五年封

〔始封〕段韶 仕至太宰

〔二世〕懿 韶子仕至行臺右僕射

白水 天保七年封

〔始封〕侯莫陳相 仕至太傅

〔二世〕晉貴 相子仕至梁州刺史

長樂 天保十年封

〔始封〕尉粲 以父景佐命功封仕至太傅

〔二世〕世辯 粲子

濮陽 天保十年封

〔始封〕婁仲達 父昭以佐命功追封太原王

仲達改封濮陽

開封 天保十年封

〔始封〕楊愔 仕至尙書令被殺

梁郡

〔始封〕爾朱文略 魏朝封齊以外戚仍故爵

有罪伏誅

敷城 乾明元年封

〔始封〕張保洛 仕至滄州刺史坐貪汙奪爵

順陽 皇建元年封

〔始封〕庫狄迴洛 仕至定州刺史

東安 皇建元年封

〔始封〕婁叡 昭兄子仕至大司馬

〔二世〕子彥 叡子仕至開府儀同三司

海昌 大寧元年封

〔始封〕尉標 仕至司徒

〔二世〕相貴

宣陽 河清三年封

〔始封〕趙彥深 仕至司徒

定陽 天統元年封

〔始封〕暴顯 仕至特進

安康 天統中封

〔始封〕麴珍 仕至豫州道行臺尙書令

隴東 天統中封

〔始封〕胡長仁 武成皇后之兄仕至尙書令

被殺

〔二世〕君璧 長仁子

山陽 天統五年封

〔始封〕綦連猛 仕至大將軍

義安 天統五年封

〔始封〕慕容儼 仕至光州刺史

〔二世〕子會 儼子仕至鄆州刺史

荆山 武平元年封

〔始封〕斛律豐樂 金次子仕至行臺尙書令

被殺

淮陽 武平元年封

〔始封〕和士開 以佞倖封仕至錄尙書事

〔二世〕道盛 仕至散騎常侍

淮陰 武平元年封

〔始封〕高阿那肱 以佞倖封仕至大丞相

西陽 武平二年封
〔始封〕徐之才 仕至尙書令

濟北 武平二年封
〔始封〕段深 詔次子尙公主以父恩封仕至侍中

歷陽 武平三年封
〔始封〕元景安 仕至領軍大將軍

晉昌 武平三年封
〔始封〕唐邕 仕至尙書令

文城 武平四年封
〔始封〕皮景和 仕至尙書令

建安 武平四年封
〔二世〕信 仕至武衛將軍

廣漢 武平四年封
〔始封〕張景仁 以侍書恩封仕至侍中

義陽 武平五年封
〔始封〕馬元熙 以父敬德侍講恩封

城陽 武平五年封
〔始封〕鮮于世榮 仕至領軍大將軍殉國難

〔始封〕穆提婆 以佞倖封仕至領軍大將軍

錄尙書事

臨川 武平六年封
〔始封〕獨孤永業 仕至洛州刺史

宜都 武平中封
〔始封〕庫狄伏連 仕至領軍大將軍被殺

臨淮 武平中封
〔始封〕婁定遠 仕至司空昭次子

昌黎 武平中封

〔始封〕韓鳳 以佞倖封仕至領軍大將軍

新寧 武平末封
〔始封〕斛律孝卿 仕至尙書令

義寧 武平末封
〔始封〕叱列長文 仕至侍中開府

新蔡
〔始封〕康德 仕至并省尙書左僕射

齊昌
〔始封〕莫多婁敬顯 仕至開府

沐陽
〔始封〕和阿干子

成皋
〔始封〕高孔雀 阿那肱弟

丹陽
〔始封〕李祖勛

竟陵
〔始封〕李祖欽

燕郡 承光中封
〔始封〕陽休之 仕至右僕射

北海 承光中封
〔始封〕薛道衡

謝陽 武平中封
〔始封〕陳山提 蒼頭仕至開府

同時蓋豐樂劉郁斤趙道德劉桃枝梅勝朗
辛洛周高舍洛等並以蒼頭開府封王又有
韓寶業盧勒又齊紹秦子徵鄧長顯陳德信
輩以宦官開府封王他若曹僧奴及子妙達
何海及子洪珍並以下流小伎亦至開府封

王其國名皆無考

北齊將相大臣年表

清萬斯同撰

顯祖天保元年辛未 五月高洋篡位

位

〔大丞相〕

〔左丞相〕

〔右丞相〕

〔太宰〕庫狄干 六月命

〔太師〕

〔太傅〕

〔太保〕高隆之 七月改錄尚書

事

賀拔仁

〔大司馬〕斛律金 肆州刺史加

〔大將軍〕

〔太尉〕彭樂 六月命

〔司徒〕潘相樂 六月命

〔司空〕司馬子如 六月命

〔錄尚書事〕高隆之

〔尚書令〕平陽王淹

〔左僕射〕平陽王淹 七月遷令

元韶 十月命

〔右僕射〕薛琡 十月卒

段韶 十月命

〔吏部尚書〕楊愔 兼侍中

〔中書監〕邢劭

〔中書令〕杜弼 遷衛尉

魏收

〔侍中〕高德正

崔陵

張亮 遷光祿勳

徐之才

〔領軍大將軍〕

〔領軍將軍〕婁叡

二年壬申 十一月梁侯景篡位

〔太宰〕干

〔太保〕仁

〔大司馬〕金

〔太尉〕樂 二月謀反伏誅

〔司徒〕相樂

〔司空〕子如 三月免六月拜太尉

尉

尉粲 三月命

〔錄尚書事〕隆之

〔尚書令〕淹

〔左僕射〕韶

〔右僕射〕韶

〔吏部尚書〕愔

〔中書監〕劭

〔中書令〕收 遷魏尹

〔侍中〕德正

懷

〔領軍將軍〕叡

三年癸酉

〔太宰〕干

〔太保〕仁

〔太師〕斛律金 肆州刺史

〔大司馬〕金 遷太師

〔太尉〕子如

〔司徒〕相樂

〔司空〕粲

〔錄尚書事〕隆之

〔尚書令〕淹

〔左僕射〕韶

〔右僕射〕韶 出爲冀州刺史

楊愔

〔吏部尚書〕愔 四月遷右僕射

辛術

〔中書監〕劭

〔侍中〕德正

懷

之才

〔領軍將軍〕叡

四年甲戌

〔太宰〕干 六月卒

〔太師〕金 十月解州事

〔太保〕仁

〔太尉〕子如

〔司徒〕相樂

〔司空〕粲

〔錄尚書事〕隆之

〔尚書令〕淹

〔左僕射〕韶

〔右僕射〕愔

〔吏部尚書〕術

〔中書監〕劭

〔中書令〕上黨王渙

〔侍中〕德正

懷

之才

彭城王渙

五年乙亥 十月西魏陷江陵梁主

釋出降

〔太師〕金

〔太保〕仁 三月廢爲庶人

高岳 八月命

〔大司馬〕韓軌 八月命

〔大將軍〕可朱渾元 八月命

〔太尉〕子如 卒

〔司徒〕相樂 卒

〔司空〕粲 八月遷司徒

侯莫陳相 八月命

〔錄尚書事〕隆之 八月卒

〔尚書令〕淹 八月改錄

常山王演 八月命

〔左僕射〕韶

上黨王渙 八月命

〔右僕射〕愔

〔吏部尚書〕術

〔中書監〕劼

〔中書令〕渙 八月遷僕射

〔侍中〕德正

悛 遷東兗州刺史

之才

激

〔領軍將軍〕高歸彥

六年丙子

〔太師〕金

〔太保〕岳 十一月歿死

〔大司馬〕軌 卒

〔大將軍〕元

〔司徒〕粲

〔司空〕相

〔太尉〕陸法和 梁降將二月命

〔錄尚書事〕淹

〔尚書令〕演

〔左僕射〕渙

〔右僕射〕愔

〔吏部尚書〕術

〔中書監〕劼

〔侍中〕德正

之才

激 十一月改司州牧

裴英起 出爲軍司

〔領軍將軍〕歸彥

七年丁丑 七月宇文泰卒十二月

宇文覺篡位

〔太師〕金

〔大將軍〕元

〔太尉〕法和

〔司徒〕粲

〔司空〕相

〔錄尚書事〕淹

〔尚書令〕演

〔左僕射〕渙

〔右僕射〕愔

〔吏部尚書〕術

〔中書監〕劼

〔侍中〕德正

之才

崔暹

〔領軍將軍〕歸彥

八年戊寅 十月梁陳霸先篡位

〔右丞相〕斛律金 四月命

〔太師〕金 四月遷右丞相

〔太傅〕可朱渾元 三月命

〔太保〕賀拔仁 三月復任

〔大將軍〕元 三月遷太傅

〔太尉〕法和

〔司徒〕粲

〔司空〕相

常山王演 三月命仍錄尚書

事

〔錄尚書事〕淹 三月解

演 三月遷司空仍錄尚書事

上黨王渙 三月命尋下地牢

〔尚書令〕長廣王湛 三月命

〔左僕射〕渙 三月遷錄尚書事

〔右僕射〕愔 三月遷左

崔暹 三月命

〔吏部尚書〕術

〔中書監〕劼

〔侍中〕德正

之才

暹 三月兼僕射

〔領軍將軍〕歸彥

九年己卯

〔右丞相〕金

〔太傅〕元 十二月遷太師

〔太保〕仁

〔大司馬〕常山王演 十二月命

仍錄尚書事

〔太尉〕法和 卒

〔司徒〕粲 十二月遷太尉

長廣王湛 十二月命

〔司空〕演 十二月遷大司馬

段韶 十二月命

〔錄尚書事〕演 大司馬錄

〔尚書令〕湛 五月改錄十二月

遷司徒

楊愔 五月命

〔左僕射〕愔 五月遷令

高歸彥 五月命

〔右僕射〕暹

〔吏部尚書〕術

〔中書監〕劼

〔侍中〕德正

之才

燕子獻

崔季舒

趙彥深

李祖勳

趙郡王劼 六月命

〔領軍將軍〕歸彥 五月遷左僕

射仍兼領軍

十年庚辰 十月高洋死其子殷襲

位

〔右丞相〕金 十一月遷左

〔太師〕元

〔太保〕仁

〔太傅〕常山王演 十一月命

〔大司馬〕演 十一月遷 傅

〔大將軍〕侯莫陳相 正月命

〔太尉〕粲

〔司徒〕湛 十一月遷 太尉

〔司空〕詔 十一月遷 司徒

平陽王淹 十一月命

〔錄尚書事〕演 太傅錄

〔尚書令〕愔

〔左僕射〕歸彥

高陽王湜 四月命 八月罷 十

一月復任

〔右僕射〕暹 二月卒

高德正 三月命 尋被殺

高孝琬 四月命 八月遷 左十

一月罷

崔昂 八月命 十一月罷

燕子獻 十一月命

〔吏部尚書〕術 卒

〔中書監〕劼

〔中書令〕趙彥深

〔侍中〕德正 三月兼 僕射 被殺

之才

子獻 十一月遷 右僕射

季舒

彥深 遷 中書令

祖勳

報

宋欽道

魏收 十一月命 遷 太常

〔領軍將軍〕歸彥

可朱渾天和

乾明元年辛巳 八月常山王演廢

其主殷而自立 改是年為

皇建元年

〔大丞相〕常山王演 二月命 八

月篡位

〔左丞相〕金

〔右丞相〕長廣王湛 八月命 鎮

鄴

〔太傅〕演 正月遷 太師 二月遷

大丞相

長廣王湛 二月命 八月遷 右

丞相

平陽王淹 八月命

〔太保〕仁

〔大將軍〕相

段詔 二月命

〔大司馬〕長廣王湛 正月命 二

月遷 太傅

彭城王湊 八月命

〔太尉〕湛 正月遷 大司馬

〔司徒〕詔 二月遷 大將軍

尉標 二月命

〔司空〕淹 二月遷 太尉 八月遷

太傅

高歸彥 二月命 仍知 禁衛

〔錄尚書事〕演 大丞相 錄 八月

篡位

〔尚書令〕愔 二月被殺

彭城王湊 二月命 八月遷 大

司馬 令如故

〔左僕射〕湜 正月卒

趙郡王叡 正月命

〔右僕射〕子獻 二月被殺

劉洪徽 五月命

〔吏部尚書〕尉瑾

〔中書監〕劼 出為 刺史

魏收 尋遷 侍中

任城王湊

〔中書令〕彥深

河南王孝瑜

〔侍中〕之才

祖勳 遷 兗州 刺史

叡 正月遷 左僕射

彥深

欽道 二月被殺

魏收

張保洛

〔領軍將軍〕歸彥

天和 二月被殺

孝昭帝 皇建二年壬午 十一月 演

死 其弟 長廣王 湛 襲 位 改 是 年 為

大寧元年

〔左丞相〕金

〔右丞相〕湛 十一月襲 帝位

〔太宰〕平陽王淹 十一月命

〔太傅〕淹 十一月遷 太宰

高歸彥 十一月命

〔太保〕仁

彭城王湊 十月命 十一月遷

太師 錄 尚書 事

尉粲 十一月命

〔大司馬〕湊 十月遷 太保

〔大將軍〕詔 十一月遷 大司馬

〔司徒〕標 卒

〔司空〕歸彥 十一月遷 太傅 領

司徒

婁叡 十一月命

〔太尉〕尉粲 十月命 十一月遷

太保

博陵王濟 十一月命

〔尚書令〕湊 十月遷 太保 錄 尚

書 事

段詔 十月命 十一月遷 大司

馬

趙郡王叡 十一月命

〔左僕射〕叡 十一月遷 令

任城王湊 十一月命

〔右僕射〕洪徽

斛律光 十一月命

〔吏部尙書〕瑾

〔中書監〕潛 十一月遷僕射

〔中書令〕孝瑜 遷司州牧

河間王孝琬

〔侍中〕之才 遷西兗州刺史

彥深

收 遷太子少傅

高元海

〔領軍將軍〕歸彥

武成帝河清元年癸未

〔左丞相〕金

〔太宰〕淹 二月出爲青州刺史

七月復任

高歸彥 二月命出爲冀州刺史

史七月謀反伏誅

〔太師〕澈

〔太傅〕歸彥 二月遷太宰

段韶 七月命領并州刺史

〔太保〕粲

〔大司馬〕韶 七月遷太傅

〔太尉〕濟 出爲定州刺史

〔司徒〕歸彥 二月解

任城王潛 二月命七月遷太尉

尉

〔司空〕叡 七月遷司徒

斛律光 七月命

〔錄尙書事〕澈

〔尙書令〕叡 五月遷太子太傅

七月復任

斛律光 五月命七月遷司空

〔左僕射〕潛 二月遷司徒

馮翊王潤 正月命

河間王孝琬 七月命

〔右僕射〕光 五月遷令

〔吏部尙書〕瑾

〔中書令〕孝琬 七月遷左僕射

〔侍中〕彥深

元海

元文遙

和士開

〔領軍將軍〕歸彥 二月解

二年甲申

〔左丞相〕金

〔太宰〕淹

〔太師〕澈

〔太傅〕韶

〔太保〕粲

〔太尉〕潛

〔司徒〕叡

〔司空〕光

〔錄尙書事〕澈

〔尙書令〕叡

〔左僕射〕孝琬

〔右僕射〕魏收 正月命數日除

趙彥深 三月命

〔吏部尙書〕瑾

〔侍中〕彥深 遷僕射

元海 遷兗州刺史

文遙

士開

三年乙酉

〔左丞相〕金

〔太宰〕淹 十二月卒

段韶 十二月命仍領并州

〔太師〕澈 三月爲盜所殺

〔太傅〕韶 五月遷太師十二月

遷太宰

〔太保〕粲

〔大將軍〕任城王潛 五月命十

二月遷大司馬

婁叡 十二月命

〔太尉〕潛 五月遷大將軍

〔司徒〕叡 有罪免五月拜太尉

十二月遷大將軍

〔司空〕光 三月遷司徒十二月

遷太尉

馮翊王潤 三月命

〔錄尙書事〕澈 三月被殺

〔尙書令〕叡 五月改錄

蘭陵王長恭 十二月命

〔左僕射〕孝琬

〔右僕射〕彥深

〔吏部尙書〕瑾

〔中書令〕元文遙

〔侍中〕文遙 遷中書令

士開

武興王普

唐邕

四年丙戌 四月湛禪位于其子緯

自稱太上皇帝改是年爲

天統元年

〔左丞相〕金

〔太宰〕韶

〔太師〕賀拔仁 四月命

〔太保〕粲 四月遷太傅

侯莫陳相 四月命

〔大司馬〕潛

〔大將軍〕叡 四月有罪免

斛律光 四月命

〔太尉〕光 四月遷大將軍

婁叡 四月命

〔司空〕潤 四月遷司徒

趙郡王叡 四月命

〔錄尙書事〕叡 四月遷司空

〔尙書令〕長恭

河間王孝琬 四月命

〔左僕射〕孝琬 四月遷令

〔右僕射〕彥深 四月遷左

武興王普

〔吏部尙書〕瑾

〔中書令〕文遙

〔侍中〕士開

普 遷右僕射

邕

末帝天統二年丁亥

〔左丞相〕金

〔太宰〕詔

〔太師〕仁

〔太傅〕粲 十月卒

〔太保〕相 十月遷太傅

任城王潛 十月命領并州刺

史

〔大司馬〕潛 十月遷太保

婁叡 十月命

〔大將軍〕光

〔太尉〕叡 十月遷大司馬

〔司徒〕潤 十月遷太尉

韓祖念 十月命

〔司空〕叡

〔尙書令〕孝琬 被殺

武興王普 五月命

〔左僕射〕彥深

〔右僕射〕普 五月遷令

尉瑾 尋卒

元文遙 兼侍中

〔吏部尙書〕瑾 遷右僕射

〔中書令〕文遙 遷僕射

〔中書監〕徐之才

〔侍中〕士開

邕

皮景和

〔領軍將軍〕東平王儼

三年戊子

〔左丞相〕金 閏六月卒

〔太宰〕詔 八月遷左丞相

侯莫陳相 八月命

〔右丞相〕賀拔仁 八月命

〔太師〕仁 八月遷右丞相

〔太傅〕相 八月遷太宰

婁叡 八月命領并州刺史

〔太保〕潛 八月遷太師領司州

牧

斛律光 八月命

〔大司馬〕叡 八月遷太傅

馮翊王潤 八月命

〔大將軍〕光 八月遷太保

韓祖念 八月命

〔太尉〕潤 八月遷大司馬

〔司徒〕祖念 八月遷大將軍

東平王儼 八月命

〔司空〕叡 八月遷太尉

〔尙書令〕普

東平王儼 五月命六月改錄

八月遷司徒

趙彥深 六月命仍兼侍中

〔左僕射〕彥深 六月遷令

婁定遠 六月命尋改領軍

〔右僕射〕文遙

徐之才 六月命尋改左

胡長仁

〔吏部尙書〕陽休之

〔中書監〕之才 六月遷僕射

和士開

〔侍中〕士開 遷中書監

邕

景和

元文遙

〔領軍將軍〕儼 五月遷尙書令

仍兼領軍

婁定遠

〔中領軍〕綦連猛

四年己丑 十二月湛死

〔左丞相〕詔

〔右丞相〕仁

〔太宰〕相

〔太師〕潛

〔太傅〕叡

〔太保〕光

〔大司馬〕潤

〔大將軍〕祖念

東平王儼 三月命

〔太尉〕叡

〔司徒〕儼 三月遷大將軍

高陽王綽 三月命

〔司空〕徐顯秀 三月命

〔錄尙書事〕儼 大將軍錄

〔尙書令〕彥深 三月改錄

廣寧王孝珩 三月命十月改

錄

胡長仁 十月命

〔左僕射〕之才 四月遷兗州刺

史

〔右僕射〕長仁 五月遷左十月

遷令

和士開 五月命十月遷左

唐邕 十月命崑典外兵

元文遙

〔吏部尙書〕休之

〔中書監〕士開 五月遷僕射

唐邕 十月遷僕射

魏收

〔侍中〕邕 遷趙州刺史

景和

文遙 遷僕射

斛斯文略

胡長粲

〔領軍將軍〕儼

定遠

〔中領軍〕猛

五年庚寅

〔左丞相〕詔

〔右丞相〕仁

〔太師〕潛 出爲冀州刺史

〔太傅〕叡 十一月遷太師
〔太保〕光 十一月遷太傅

馮翊王潤 十一月命

〔大司馬〕潤 十一月遷太保

〔大將軍〕儼 十一月遷大司馬

〔太尉〕叡 二月被殺

〔司徒〕綽

〔司空〕顯秀 二月遷太尉

婁定遠 二月命

〔錄尚書事〕儼

彥深

孝珩

〔尚書令〕長仁 出為齊州刺史

尋賜死

蘭陵王長恭 十二月命

〔左僕射〕士開 兼侍中

〔右僕射〕文遙 二月遷西兗州

刺史

魏收 十一月命

〔吏部尚書〕休之

〔中書監〕收 十一月遷僕射

〔侍中〕景和

長粲 遷趙州刺史

文略

叱列長文

〔領軍將軍〕儼

定遠 二月遷青州刺史

高阿那肱

〔中領軍〕猛
武平元年辛卯

〔左丞相〕韶

〔右丞相〕仁 二月改錄尚書事

斛律光 二月命鎮并州

〔太師〕叡 正月卒

任城王湝 二月命

〔太傅〕光 二月遷右丞相領并

州刺史

華山王凝 七月命領齊州刺

史

〔太保〕潤

〔大司馬〕儼

〔太尉〕顯秀

〔司徒〕綽 出為冀州刺史

〔司空〕定遠

廣寧王孝珩 六月命十月遷

司徒

上洛王思宗 十月命

〔錄尚書事〕儼

孝珩 六月遷司空

賀拔仁 二月命臘月卒

〔尚書令〕長恭 七月改錄

和士開 七月命

〔左僕射〕士開 遷領軍

徐之才 四月命

〔右僕射〕收

唐邕 六月命

〔吏部尚書〕休之 遷中書監

馮子琮 兼侍中

〔中書監〕陽休之

〔侍中〕景和 改領軍

段深

王峻

〔領軍將軍〕儼

阿那肱

皮景和

〔中領軍〕猛 加大將軍

和士開 七月遷尚書令

二年壬辰

〔左丞相〕韶 九月卒

〔右丞相〕光 十一月遷左

〔太宰〕任城王湝 九月命

〔太師〕潛 九月遷太宰

〔太傅〕凝 卒

上洛王思宗 二月命

〔太保〕潤 出為河南道行臺九

月拜太師

琅邪王儼 四月命九月被殺

〔大司馬〕儼 四月遷太保

〔司徒〕孝珩 出為徐州行臺十

一月仍拜司徒

〔司空〕思宗 二月遷太傅

趙彥深 二月命九月出為刺

史 武平王普 九月命

〔太尉〕蘭陵王長恭 二月命

〔錄尚書事〕長恭 二月遷太尉

〔尚書令〕士開 二月改錄七月

被殺

徐之才 二月命

〔左僕射〕之才 二月遷令

〔右僕射〕邕 二月遷左

馮子琮 二月命七月誅

皮景和 七月命

〔吏部尚書〕赫連子悅 十一月

改侍中

〔中書監〕休之

〔侍中〕深

峻

穆提婆

崔季舒

祖珽 九月命

赫連子悅

〔領軍大將軍〕猛 九月出為刺

史

〔領軍將軍〕儼 四月解

景和 七月遷僕射

庫狄伏連 七月被殺

韓長鸞 兼侍中

三年癸巳

〔左丞相〕光 十月被殺

〔太宰〕潛 八月遷右丞相領青

馮翊王潤 八月命

〔太師〕潤 八月遷太宰

〔太傅〕思宗

〔大司馬〕蘭陵王長恭 八月命

〔大將軍〕廣寧王孝珩 八月命

〔太尉〕長恭 八月遷大司馬

衛菩薩 八月命

〔司徒〕孝珩 八月遷大將軍

安德王延宗 八月命

〔司空〕普

〔尙書令〕之才 二月改侍中

唐邕 二月命

北平王貞 八月命

〔左僕射〕邕 二月遷令

祖珽 二月命

許惇 八月命

〔右僕射〕景和

高元海 二月命七月出爲刺

史

彭城王寶德 八月命

〔中書監〕休之

〔中書令〕崔劼

〔侍中〕深

峻

提婆

季舒

珽 二月遷僕射

子悅

徐之才 二月命

張景仁

斛律孝卿

〔領軍大將軍〕鮮于桃枝

〔領軍將軍〕長鸞

賀拔伏恩

尉破胡

封輔相

四年甲午

〔右丞相〕潛 遷左領瀛州刺史

高阿那肱 十二月命仍錄尙

書事

〔太宰〕潤

〔太保〕蘭陵王長恭 四月命五

月醜死

〔大司馬〕長恭 四月遷太保

〔大將軍〕孝珩 四月遷大司馬

衛菩薩 四月命

南陽王綽

〔太尉〕菩薩 四月遷大將軍

〔司徒〕延宗 四月遷太尉

高阿那肱 六月命十二月遷

丞相

〔司空〕普 四月遷司徒

趙彥深 四月命

〔錄尙書事〕高阿那肱 正月命

〔尙書令〕貞 二月改錄

邕

〔左僕射〕珽 五月遷北徐州刺

史

惇

穆提婆 五月命

〔右僕射〕寶德

段孝言 五月命仍典選

〔中書監〕休之

段孝言 五月遷僕射

張景仁

〔中書令〕劼 卒

白建

〔侍中〕峻 卒

提婆 五月遷僕射

季舒 十月被殺

景仁 遷中書監

孝卿

張雕武 十月被殺

胡君瑜

叱列長文

〔領軍將軍〕長鸞 進大將軍

穆提婆

獨孤永業

五年乙未

〔左丞相〕潛

〔右丞相〕阿那肱

〔太宰〕潤

〔大司馬〕孝珩

〔大將軍〕綽 被殺

〔太尉〕延宗

〔司徒〕普

〔司空〕彥深

〔錄尙書事〕阿那肱

貞

穆提婆

〔尙書令〕邕 二月改錄

皮景和

〔左僕射〕提婆 正月遷錄尙書

事

〔右僕射〕孝言 遷左侍中如故

高勸 八月命

〔吏部尙書〕袁聿修

〔中書監〕景仁

陽休之 復任

〔中書令〕建

〔侍中〕孝卿

長文

王紘 卒

陳德信 宦官

高勸 八月遷僕射

薛孤

康買

〔領軍大將軍〕長鸞

〔領軍將軍〕鮮于世榮

庫狄士文

六年丙申

〔左丞相〕潛

〔右丞相〕阿那肱

〔大司馬〕孝珩

〔太尉〕延宗

〔司徒〕普 出爲豫州行臺

〔司空〕彥深 九月遷司徒

斛律阿列羅 九月命

〔錄尚書事〕阿那肱

邕

提婆

〔尚書令〕景和 卒

〔左僕射〕孝言

〔右僕射〕勸 出爲行臺

陽休之 四月命

〔吏部尚書〕聿修

〔中書監〕休之 四月遷僕射仍

領中書監

〔中書令〕建

〔侍中〕孝卿

長文

德信

劉世清

〔領軍大將軍〕長鸞

〔領軍將軍〕世榮

士文

七年丁酉

〔左丞相〕潛 十二月拜大丞相

〔右丞相〕阿那肱

〔太宰〕武平王普

〔相國〕安德王延宗 十二月命

旋僭帝位于晉陽與周師戰

敗降

〔大司馬〕孝珩

〔太尉〕延宗 十二月拜相國

〔司徒〕彥深 六月卒

莫多婁敬顯 十二月命

〔司空〕阿列羅

〔錄尚書事〕阿那肱

邕 十二月爲延宗宰相降周

提婆 十二月奔降于周

〔尚書令〕高元海

〔左僕射〕孝言 除名

韓晉明 未幾免

鮮于世榮 領軍兼

〔右僕射〕休之

〔吏部尚書〕聿修

〔中書監〕休之

〔中書令〕建 卒

〔侍中〕孝卿

長文

德信

世清

〔領軍大將軍〕長鸞 除名

元景安

尉相願

韓建業 十二月降周

〔領軍將軍〕世榮

乞伏令和

承光元年戊戌 正月緯禪位于其

子恆旋爲周所滅國亡凡二十有

八年

〔大丞相〕潛 正月降周

〔右丞相〕阿那肱 正月降周

〔太宰〕普

〔大司馬〕孝珩 正月遷太宰降

周

〔大將軍〕綦連猛

〔司徒〕敬顯 正月降周被殺

〔司空〕阿列羅

〔錄尚書事〕阿那肱

〔尚書令〕元海

〔左僕射〕世榮 周兵入不屈被

殺

〔右僕射〕休之

〔吏部尚書〕聿修

〔中書監〕休之

〔侍中〕孝卿 正月降周

長文

德信

世清

〔領軍大將軍〕景安

〔領軍將軍〕世榮 加大將軍正

月周師入不屈死

令和

周諸王世表

清萬斯同撰

宋

〔始封〕震 封武邑公沒贈宋國公無子以明

帝子實爲後

〔二世〕實 震嗣子進封宋王爲楊堅所殺

齊

〔始封〕憲 爲宣帝所殺諸子皆被害

衛

〔始封〕直 謀逆與子十人並伏誅

趙

〔始封〕招 謀誅楊堅并四子被殺

譙

〔始封〕儉

〔二世〕乾 招子爲楊堅所殺

陳

〔始封〕純 爲楊堅所殺諸子亦被害

越

〔始封〕盛 爲楊堅所殺諸子亦被害

代

〔始封〕達 爲楊堅所殺諸子亦被害

冀

〔始封〕通 封冀國公先卒

〔二世〕絢 通子進封王爲楊堅所殺

滕

〔始封〕道 爲楊堅所殺諸子亦被害

紀

右十王太祖子 太祖十二子第三閔帝覺
長明帝毓第四武帝邕

〔始封〕康 謀逆賜死

〔二世〕湜 康子爲楊堅所殺

右一王閔帝子

畢

〔始封〕賢 爲楊堅所殺諸子亦被害

鄂

〔始封〕貞 爲楊堅所殺諸子亦被害

右二王明帝子

漢

〔始封〕贊 爲楊堅所殺下同

秦

〔始封〕贊

曹

〔始封〕允

道

〔始封〕充

蔡

〔始封〕兌

荆

〔始封〕元 以上並爲楊堅所殺

右六王武帝子 武帝七子長宣帝贊

萊

〔始封〕術 爲楊堅所殺

郢

〔始封〕術 同上

右二王宣帝子 宣帝三子長靜帝衍

周公卿年表

清萬斯同撰

閔帝元年戊寅 正月宇文覺篡魏

自稱天王九月宇文護廢覺立其

兄毓仍稱元年十月梁陳霸先篡

位

〔太師〕李弼 正月命十月卒

〔太傅〕趙貴 正月命二月謀誅

宇文護被殺

于謹 二月命

〔太保〕獨孤信 正月命二月罷

三月被殺

侯莫陳崇 二月命

〔大冢宰〕趙貴 正月命兼太傅

二月被殺

宇文護 二月命

〔大司徒〕李弼 正月命兼太師

十月卒

〔大宗伯〕獨孤信 正月命兼太

保二月罷

于謹 二月命兼太傅

〔大司馬〕宇文護 正月命二月

遷冢宰

賀蘭祥 二月命

〔大司徒〕于謹 二月遷宗伯

達奚武 二月命

〔大司空〕侯莫陳崇 二月兼太

保

明帝二年己卯

〔太師〕宇文護 正月命四月領

雍州牧

〔太傅〕謹

〔太保〕崇

〔大冢宰〕謹 正月兼太師

〔大宗伯〕謹

侯莫陳崇 五月命兼太保

〔大司馬〕祥

〔大司徒〕武

〔大司空〕崇 五月遷宗伯

宇文護 五月命

武成元年庚辰 正月宇文護歸政

八月改稱皇帝

〔太師〕謹

〔太傅〕謹

〔太保〕崇

〔大冢宰〕謹

〔大司徒〕侯莫陳崇 五月命

〔大宗伯〕崇 五月遷司徒

達奚武 五月命

〔大司馬〕祥

〔大司徒〕武 五月遷宗伯

豆盧寧 五月命

〔大司空〕邕

二年辛巳 四月宇文護弑其君毓

立其弟邕

〔太師〕謹

〔太傅〕謹

〔太保〕崇

〔大冢宰〕謹

〔大司徒〕崇

〔大宗伯〕武

〔大司馬〕祥

〔大司徒〕寧

〔大司空〕邕 四月即帝位

高祖保定元年壬午

〔太師〕謹

〔太傅〕謹

〔太保〕崇

〔大冢宰〕謹 正月加都督中外

諸軍事五府統于天官

〔大司徒〕崇

〔大宗伯〕武

〔大司馬〕祥

〔大司徒〕寧

〔大司空〕尉遲綱 四月命

二年癸未

〔太師〕謹

〔太傅〕謹

〔太保〕崇

〔大冢宰〕謹

〔大司徒〕崇

〔大宗伯〕武

〔大司馬〕祥 正月卒

尉遲迴 六月命

〔大司徒〕寧

〔大司空〕綱 出為陝州總管

楊忠 五月命

三年甲申

〔太師〕謹

〔太傅〕謹

〔太保〕崇 正月為宇文護所殺

達奚武 四月命

〔大冢宰〕謹

〔大司徒〕崇 正月被殺

〔大宗伯〕武 四月兼太保

〔大司馬〕迴

〔大司徒〕寧

〔大司空〕忠 九月帥師伐齊

四年乙酉

〔太師〕護

〔太傅〕謹

〔太保〕武 五月出為同州刺史

楊忠 五月命尋出為涇州總

管

〔大家宰〕護

〔大司徒〕宇文貴 八月命

〔大司空〕武 出為同州刺史

竇熾 五月命

〔大司馬〕迴

〔大司寇〕寧 出為岐州刺史

〔大司空〕忠 五月敗還尋出為

涇州總管

衛王直 九月命

五年丙戌

〔太師〕護

〔太傅〕謹

〔太保〕宇文貴

〔大家宰〕護

〔大司徒〕貴 二月迎皇后于突

厥被留不遣

〔大司馬〕迴

〔大司寇〕陸通 二月命

〔大司空〕直 出為襄州總管

李穆 二月命

天和元年丁亥

〔太師〕護

〔太傅〕謹

〔太保〕貴

〔大家宰〕護

〔大司徒〕貴

〔大司馬〕迴

〔大司寇〕通

〔大司空〕穆

二年戊子

〔太師〕護

〔太傅〕謹 七月領雍州牧

〔太保〕貴 十一月卒

達奚武

〔大家宰〕護

〔大司徒〕貴 十一月自突厥還

卒于張掖

〔大司馬〕迴

〔大司寇〕通

〔大司空〕穆

三年己丑

〔太師〕護

〔太傅〕謹 三月卒

達奚武 四月命

〔太保〕武 四月遷太傅

尉遲迴 四月命

〔大家宰〕護

〔大司馬〕迴

〔大司寇〕通 四月遷太保

齊王憲 四月命兼雍州牧

〔大司空〕穆

四年庚寅

〔太師〕護

〔太傅〕武

〔太保〕迴

〔大家宰〕護

〔大司馬〕迴

〔大司寇〕憲

〔大司空〕通

〔大司空〕穆

五年辛卯

〔太師〕護

〔太傅〕武 十月卒

尉遲迴

〔太保〕迴 遷太傅

〔大家宰〕護

〔大司馬〕迴 出為宜州刺史

宇文盛 四月命

〔大司馬〕憲

〔大司寇〕通

〔大司空〕穆

六年壬辰

〔太師〕護

〔太傅〕迴

〔大家宰〕護

〔大司馬〕盛

〔大司寇〕憲

〔大司寇〕通

〔大司空〕穆

建德元年癸巳

〔太師〕護 三月伏誅

尉遲迴 三月命

〔太傅〕迴 三月遷太師

竇熾 三月命

〔太保〕李穆 三月命

〔大家宰〕護 三月伏誅

齊王憲 三月命

〔大司徒〕衛王直 三月命

〔大司馬〕盛

〔大司馬〕憲 三月遷家宰

陸通 三月命十月卒

趙王招

〔大司寇〕通 三月遷司馬

辛威 三月命

〔大司空〕穆 三月遷太保

趙王招 三月命十一月遷司

馬

二年甲午

〔太師〕迴

〔太傅〕熾

〔太保〕穆

〔大家宰〕憲

〔大司徒〕直

〔大宗伯〕盛 遷少師

侯莫陳瓊 五月命

〔大司馬〕招

〔大司徒〕威

司馬消難 五月命

〔大司空〕田弘 正月命

陸騰 五月命

三年乙未

〔太師〕迴

〔太傅〕熾

〔太保〕穆

〔大冢宰〕憲

〔大司徒〕直 七月謀反廢為庶人

〔大宗伯〕瓊 九月遷秦州總管

〔大司馬〕招

〔大司徒〕消難

四年丙申

〔太師〕迴

〔太傅〕熾

〔太保〕穆

〔大冢宰〕憲

〔大司馬〕招 三月遷雍州牧

〔大司徒〕消難

五年丁酉

〔太師〕迴

〔太傅〕熾

〔太保〕穆

〔大冢宰〕憲

〔大司徒〕消難

六年戊戌 正月滅齊

〔太師〕迴

〔太傅〕熾

〔太保〕穆

〔大冢宰〕憲

譙王儉 五月命

〔大司徒〕宇文亮 五月命

〔大宗伯〕達奚震 五月命

〔大司馬〕侯莫陳芮 五月命

〔大司徒〕消難 出為梁州總管

獨孤永業 五月命

〔大司空〕韋孝寬 五月命

即位

〔太師〕迴

趙王招 六月命

〔太傅〕熾 領雍州牧尋遷營作

太監

陳王純 六月命

〔大冢宰〕儉 二月卒

趙王盛 二月命

〔大司徒〕亮 出為安州總管

長孫覽 八月命

〔大宗伯〕震 出為原州總管

斛斯徵 七月命

〔大司馬〕芮

楊堅 七月命

〔大司徒〕永業 出為襄州總管

宇文椿 八月命

〔大司空〕孝寬 出為延州總管

王誼 八月命尋出為總管

畢王賢 十二月命

宣帝大成元年庚子 正月置四輔

官二月贊禪位于其子衍自稱太

上皇改是年為

大象元年

〔太師〕招 五月就國

畢王賢 八月命

〔太傅〕純 五月就國

〔太保〕越王盛 三月命五月就國

〔大前疑〕越王盛 正月命三月

遷太保

尉遲迴 三月命六月據相州

起兵討楊堅兵敗自殺

楊堅 七月命

〔大右弼〕尉遲迴 正月命二月

遷前疑

代王達 二月命五月就國

〔大左輔〕李穆 正月命

韓建業 八月命

〔大後丞〕楊堅 正月命七月遷

前疑

司馬消難 七月命

〔大冢宰〕盛 正月遷前疑

鄆王貞 九月命

〔大司徒〕覽 出為同州刺史

于翼 正月命

〔大宗伯〕徵

宇文善 二月命

〔大司馬〕堅 正月遷後丞

〔大司徒〕椿

〔大司空〕賢 七月遷雍州牧

二年辛丑 五月贊死楊堅受遺輔

政六月相州總管尉遲迴舉兵討

堅不克死

〔太師〕賢 六月為楊堅所殺

漢王贊 五月拜右大丞相六

月遷太師為堅所殺

楊堅 五月拜左大丞相百官

總已以聽九月改大丞相十

二月封隋王

〔太傅〕李穆 并州總管八月加

〔大前疑〕堅

宋王實 八月命為楊堅所殺

〔大右弼〕秦王贊 八月命為楊

堅所殺

〔大左輔〕建業

于實 八月命

〔大後丞〕消難 七月舉兵討楊

堅不克奔陳

〔大冢宰〕貞

秦王贊 六月命八月遷右弼

楊堅 八月丞相兼五府統于

天官

〔大司徒〕翼 出為幽總管

宇文椿 六月命為楊堅所殺

王誼

〔大宗伯〕善

楊慧 九月命

〔大司馬〕竇毅 八月命

楊勇 十二月命

〔大司寇〕元孝矩 十二月命

〔大司空〕于智 八月命

靜帝大定元年壬寅 二月禪位于

隋

〔太師〕堅 二月篡位

〔太傅〕穆

〔大左輔〕實

〔大冢宰〕堅

〔大司徒〕誼

〔大宗伯〕慧

〔大司馬〕勇

〔大司寇〕孝矩

〔大司空〕智

編者案据推此表于支實遞早
一年不知何故

北周公卿表

清練恕撰

孝閔皇帝元年世宗明皇帝元年丁

丑 是年西魏恭帝遜位正月孝

閔帝受禪即天王位國號周九月

爲晉公護所廢尋弑之明帝立

〔太師〕李弼 正月命十月薨

〔太傅〕趙貴 正月命二月被誅

于謹

〔太保〕獨孤信 正月命尋有罪

免

侯莫陳崇 二月命

〔大家宰〕趙貴 以太傅兼尋被

誅

晉公護 二月命

〔大司徒〕李弼 遷太師兼領尋

薨

〔大宗伯〕趙貴 遷太傅大家宰

獨孤信 正月命以太保兼尋

免

于謹 以太傅領

〔大司馬〕獨孤信 遷太保大宗

伯

中山公護 正月命尋遷大家

宰進封晉國公

賀蘭祥 二月命

〔大司徒〕于謹 遷太傅大宗伯

達奚武 二月命

〔大司空〕侯莫陳崇 遷太保兼

領

二年戊寅

〔太師〕晉公護 正月命四月爲

雍州牧

〔太傅〕謹

〔太保〕崇

〔大家宰〕謹

〔大宗伯〕謹

侯莫陳崇 五月命以太保兼

〔大司馬〕祥

〔大司徒〕武

〔大司空〕崇 遷大宗伯

武成元年己卯 八月改元天王改

稱皇帝

〔太師〕謹 正月上表歸政

〔太保〕崇

〔大家宰〕謹

〔大司徒〕侯莫陳崇 五月命

〔大宗伯〕崇 遷大司徒

達奚武 五月命

〔大司馬〕祥 討吐谷渾尋捷

〔大司徒〕武 遷大宗伯

豆盧寧 五月命

〔大司空〕輔城公邕 五月命尋

進封魯國公

二年庚辰 四月帝因食遇毒崩弟

魯公邕立是爲武帝

〔太師〕謹

〔太傅〕謹

〔太保〕崇

〔大家宰〕謹

〔大司徒〕崇

〔大宗伯〕武

〔大司馬〕祥

〔大司徒〕寧

〔大司空〕魯公邕 四月卽皇帝

位

高祖武皇帝保定元年辛巳 正月

改元

〔太師〕謹 加都督中外諸軍事

〔太傅〕謹

〔太保〕崇

〔大家宰〕謹

〔大司徒〕崇

〔大宗伯〕武

〔大司馬〕祥

〔大司徒〕寧

〔大司空〕尉遲綱 四月命

二年壬午

〔太師〕謹

〔太傅〕謹

〔太保〕崇

〔大家宰〕謹

〔大司徒〕崇

〔大宗伯〕武

〔大司馬〕祥 閏正月薨

尉遲迴 六月命

〔大司徒〕寧

〔大司空〕綱 出爲陝州總管

楊忠 五月命

三年癸未

〔太師〕謹

〔太傅〕謹

〔太保〕崇 正月賜死

達奚武 四月命十二月奉命

伐齊

〔大家宰〕謹

〔大司徒〕崇

〔大宗伯〕武 遷太保

〔大司馬〕迴

〔大司寇〕寧

〔大司空〕忠 九月率兵伐齊

字文貴

四年甲申

〔太師〕護 十月奉命伐齊

〔太傅〕謹

〔太保〕武 五月出為同州刺

史尋召還

〔大冢宰〕護

〔大司徒〕楊荐

字文貴 八月命

〔大宗伯〕竇熾 四月命

〔大司馬〕迴

〔大司寇〕寧 出為岐州刺史

〔大司空〕貴 遷大司徒

衛公直 九月命

五年乙酉

〔太師〕護

〔太傅〕謹

〔太保〕武

字文貴

〔大冢宰〕護

〔大司徒〕貴 遷太保

〔大宗伯〕熾

〔大司馬〕迴

〔大司寇〕陸通 二月命

〔大司空〕直 出為襄州總管

李穆 二月命

天和元年丙戌 正月改元

〔太師〕護

〔太傅〕謹

〔太保〕武

貴

〔大冢宰〕護

〔大宗伯〕熾

〔大司馬〕迴

〔大司寇〕通

〔大司空〕穆

二年丁亥

〔太師〕護

〔太傅〕謹 七月為雍州牧

〔太保〕武

貴 十一月薨

〔大冢宰〕護

〔大宗伯〕熾

〔大司馬〕迴

〔大司寇〕通

〔大司空〕穆

三年戊子

〔太師〕護

〔太傅〕謹 三月薨

達奚武 四月命

〔太保〕武 四月遷太傅

尉遲迴 四月命

〔大冢宰〕護

〔大宗伯〕熾

〔大司馬〕迴 遷太保

齊公憲 四月命

〔大司寇〕通

〔大司空〕穆

四年己丑

〔太師〕護

〔太傅〕武

〔太保〕迴

〔大冢宰〕護

〔大宗伯〕熾

〔大司馬〕憲

〔大司寇〕通

〔大司空〕穆

五年庚寅

〔太師〕護

〔太傅〕武 十月薨

尉遲迴

〔太保〕迴 遷太傅

〔大冢宰〕護

〔大宗伯〕熾 出為宜州刺史

字文盛 四月命

〔大司馬〕憲

〔大司寇〕通

〔大司空〕穆

六年辛卯

〔太師〕護

〔太傅〕迴

〔大冢宰〕護

〔大宗伯〕盛

〔大司馬〕憲

〔大司寇〕通

〔大司空〕穆

建德元年壬辰 三月改元

〔太師〕護 三月伏誅

尉遲迴 三月命不知何時出

為相州總管

〔太傅〕迴 遷太師

竇熾 三月命

〔太保〕李穆 三月命尋出為原

州總管

〔大冢宰〕護 伏誅

齊公憲 三月命

〔大司徒〕衛公直 三月命

〔大宗伯〕盛

〔大司馬〕憲 遷大冢宰

陸通 三月命十月薨

趙公招 十一月命

〔大司寇〕通 遷大司馬

辛威 三月命

〔大司空〕穆 遷太保

趙公招 三司命尋遷大司馬

二年癸巳

〔太傅〕熾

〔大冢宰〕憲

〔大司徒〕直

〔太宗伯〕盛 遷少師

侯莫陳瓊 五月命

〔大司馬〕招

〔大司寇〕盛 遷少傅

司馬消難

〔大司空〕田弘 正月授尋遷少

保

陸騰

三年甲午

〔太傅〕熾

〔大冢宰〕憲 進爵爲王

〔大司徒〕直 進爵爲王以謀反

免爲庶人

〔大宗伯〕瓊 出爲秦州總管

〔大司馬〕招 進爵爲王出爲雍

州牧

〔大司寇〕消難

〔大司空〕騰 出爲涇州總管

四年乙未

〔太傅〕熾

〔大冢宰〕憲

〔大司寇〕消難 出爲梁州總管

五年丙申 伐齊

〔太傅〕熾

六年丁酉 滅齊

〔太傅〕熾

〔大冢宰〕謙王儉 五月命

〔大司徒〕杞公亮 五月命

〔大宗伯〕達奚震 五月命

〔大司馬〕侯莫陳芮 五月命不

知何時改

〔大司寇〕獨孤永業 五月命不

知何時改

〔大司空〕章孝寬 三月命尋出

爲延州總管

宣政元年戊戌 三月改元六月帝

崩太子贊立是爲宣帝

〔太師〕趙王招 閏六月命

〔太傅〕陳王純 閏六月命

〔大冢宰〕儉 二月薨

越王盛 二月命

〔大司徒〕亮 出爲安州總管

長孫覽 八月命

〔大宗伯〕震 出爲原州總管

斛斯徵 七月命

〔大司馬〕楊堅 七月命

〔大司寇〕永昌公椿 八月命

〔大司空〕王誼 八月命十月出

爲襄州總管

畢王賢 十二月命

宣皇帝大成元年

靜皇帝大象元年己亥 宣帝立正

月改元二月禪位於太子衍命即

改元太子即位是爲靜帝

〔太師〕趙王招 五月之國

畢王賢 八月命

〔太傅〕陳王純 五月之國

〔太保〕越王盛 二月命五月之

國

〔丞相〕

〔相國〕

〔大前疑〕越王盛 正月命尋遷

太保

尉遲迴 二月命尋復爲相州

總管

楊堅 七月命

〔大右弼〕尉遲迴 正月命尋遷

大前疑

代王達 二月命五月之國

〔大左輔〕李穆 正月命尋免

韓建業 八月命

〔大後丞〕楊堅 正月命尋遷大

前疑

司馬消難 七月命尋出爲交

州總管

〔大冢宰〕越王盛 遷大前疑

鄼王貞 八月命

〔大司徒〕長孫覽 出爲同涇二

州刺史

于翼 正月命尋出爲幽州總

管

〔大宗伯〕斛斯徵 正月免

宇文善 正月命

〔大司馬〕楊堅 遷大後丞

〔大司寇〕永昌公椿

〔大司空〕畢王賢 出爲雍州牧

靜皇帝大象二年庚子 五月宣帝

崩

〔太師〕賢 六月被害

〔右大丞相〕漢王贊 五月命八

月遷太師尋被害

〔左大丞相〕楊堅 五月命加都

督內外諸軍事九月遷大丞

相進爵爲王

〔太傅〕李穆 八月命

〔是年九月丞相去左右號〕

〔大前疑〕堅 五月出爲揚州總

管未赴宣帝崩遷左大丞相

宋王實 八月命尋被害

〔大右弼〕秦王贊 八月命尋破

害

〔大左輔〕建業 是年免

于寔 八月命

〔大冢宰〕貞 是年被害

秦王贊 六月命尋遷大右弼

楊堅 以大丞相兼

〔大司徒〕杞公椿 六月命

〔大宗伯〕楊慧 九月命尋加上

柱國

〔大司馬〕竇毅 八月命尋免

楊勇 十二月命

〔大司寇〕椿 遷大司徒

元孝矩 十二月命

〔大司空〕于智 八月命

大定元年辛丑 正月改元二月禪

位于隋周亡

〔大丞相〕楊堅 二月進相國加

九錫尋受禪

〔太傅〕穆

〔大左輔〕寔

〔大冢宰〕堅 遷相國

〔大司徒〕椿 是年被害

〔大宗伯〕慧

〔大司馬〕勇 正月遷洛州總管

〔大司寇〕孝矩

〔大司空〕智

隋諸王世表

清萬斯同撰

蔡

〔始封〕整 追封

〔二世〕智積 整子

滕

〔始封〕瓚 爲高祖所死

〔二世〕繪 瓚子有罪削爵徙邊郡

誦 繪弟爲宇文文化及所殺

道

〔始封〕嵩 追封無子以滕王瓚子靜爲後

〔二世〕靜 無子以蔡王智積子世澄爲後

〔三世〕世澄

衛

〔始封〕爽

〔二世〕集 爽子初封遂安王後嗣父封有罪

削爵徙邊郡

河間

〔始封〕弘 沒後追封郇王

〔二世〕慶 弘子

右宗室諸王 蔡滕道衛四王高祖弟郇高

祖從祖弟

秦

〔始封〕俊

〔二世〕浩 俊子坐罪廢黜宇文文化及弑逆立

浩爲帝尋爲所殺

越

〔始封〕秀 有罪削爵後爲宇文文化及所殺

漢

〔始封〕諒 爲并州總管舉兵反兵敗削爵幽

死

右三王高祖子 高祖五子皆獨孤后所出

長廢太子勇次煬帝廣

齊

〔始封〕暕 爲宇文文化及所殺

趙

〔始封〕杲 爲宇文文化及所殺

右二王煬帝子 煬帝三子長元德太子昭

燕

〔始封〕暎 爲宇文文化及所殺

越

〔始封〕侗 王世充據東都奉侗爲帝改元皇

泰後爲世充所弑諡恭帝

右二王元德太子之子 太子三子長代王

侑李淵入關中奉侑稱尊號後諡恭帝

長寧

〔始封〕儼

平原

〔始封〕裕

安成

〔始封〕筠

安平

〔始封〕嶷

襄城

〔始封〕恪

高陽

〔始封〕該

建安

〔始封〕詔

潁川

〔始封〕暉 以上並爲煬帝所殺

右八郡王廢太子勇子 勇十子孝實孝範

未封

觀

〔始封〕雄 始封廣平改清漳又改安德最後

改封觀

右一王以同姓有功封

隋將相大臣年表 清萬斯同撰

高祖開皇元年壬寅 二月篡位

〔太師〕李穆 二月拜

〔太傅〕竇熾 二月拜

〔太保〕

〔太尉〕于翼 二月拜

〔司徒〕

〔司空〕

〔尙書令〕

〔左僕射〕高穎 二月拜兼納言

九月督師伐陳

〔右僕射〕趙暉 二月拜尋遷陝

州刺史

趙芬

〔納言〕蘇威 二月拜領太子少

保

柳機

〔內史監〕虞慶則

〔內史令〕李德林

〔吏部尙書〕虞慶則 遷內史監

韋世康 十二月拜

〔禮部尙書〕韋世康 十二月遷

吏部

〔兵部尙書〕元巖

〔都官尙書〕（開皇三年改爲刑

部）

元暉

〔度支尙書〕（開皇三年改爲民

部）

楊尙希

〔工部尙書〕長孫毘

二年癸卯

〔太師〕穆

〔太傅〕熾

〔太尉〕翼

〔左僕射〕頴 二月班師

〔右僕射〕芬

〔納言〕威 兼大理卿京兆尹御

史大夫少保如故

機

〔內史監〕慶則

〔內史令〕德林

〔吏部尙書〕世康

〔禮部尙書〕辛彥之

〔兵部尙書〕巖 正月出爲益州

刺史

元暉

蘇孝慈 六月拜

〔都官尙書〕暉 遷兵部

皇甫績

〔度支尙書〕尙希 出爲行臺尙

書

長孫平 五月拜

〔工部尙書〕毘

賀婁子幹 十月拜

三年甲辰

〔太師〕穆

〔太傅〕熾

〔太尉〕翼 五月卒

〔左僕射〕頴

〔右僕射〕芬

〔納言〕威 兼刑部尙書解少保

御史大夫

機

〔內史監〕慶則

〔內史令〕德林

〔吏部尙書〕世康

〔禮部尙書〕牛弘

〔兵部尙書〕孝慈

〔刑部尙書〕績

蘇威 十二月改民部

袁聿修

〔民部尙書〕平 改工部

蘇威 十二月拜

〔工部尙書〕子幹

長孫平

四年乙巳

〔太師〕穆

〔太傅〕熾 八月卒

〔左僕射〕頴

〔右僕射〕芬 出爲蒲州刺史

虞慶則 四月拜

〔納言〕威

〔內史監〕慶則 四月遷僕射

〔內史令〕德林

〔吏部尙書〕世康

〔禮部尙書〕弘

〔兵部尙書〕孝慈

楊尙希

〔刑部尙書〕聿修

劉仁恩 四月拜

〔民部尙書〕威

〔工部尙書〕平

五年丙午

〔太師〕穆

〔左僕射〕頴 三月兼領軍大將

軍

〔右僕射〕慶則 加上柱國

〔納言〕威

〔內史令〕德林

〔吏部尙書〕世康

〔禮部尙書〕弘

〔兵部尙書〕尙希

〔刑部尙書〕仁恩

〔民部尙書〕威

〔工部尙書〕平

六年丁未

〔太師〕穆 八月卒

〔左僕射〕頰

〔右僕射〕慶則

〔納言〕威

〔內史令〕德林

〔內史監〕晉王廣 雍州牧兼

〔吏部尙書〕世康

〔禮部尙書〕弘 遷太常

楊尙希 十月拜

〔兵部尙書〕尙希 十月遷禮部

〔刑部尙書〕仁恩

〔民部尙書〕威

〔工部尙書〕平

七年戊申

〔左僕射〕頰

〔右僕射〕慶則

〔納言〕威 四月改吏部

衛王爽 七月卒

〔內史監〕廣

〔內史令〕德林

〔吏部尙書〕世康 出爲襄州總

管

蘇威 四月拜兼國子祭酒

〔禮部尙書〕尙希

〔刑部尙書〕仁恩

〔民部尙書〕威 四月遷吏部

張暉

〔工部尙書〕平

八年己酉 十月伐陳

〔左僕射〕頰 十月充元帥府長

史伐陳

〔右僕射〕慶則

〔內史監〕廣 十月拜行軍元帥

伐陳

〔內史令〕德林

〔吏部尙書〕威

〔禮部尙書〕尙希

〔刑部尙書〕仁恩 十月改行軍

總管伐陳

〔民部尙書〕暉

〔工部尙書〕平

九年庚戌 正月陳平

〔太尉〕晉王廣 四月并州總管

加

〔司空〕觀王雄 七月拜

〔左僕射〕頰 四月還朝

〔右僕射〕慶則 正月遷右衛大

將軍

蘇威 閏四月拜

〔納言〕楊素 六月拜

〔內史令〕德林

〔吏部尙書〕威 閏四月遷僕射

〔禮部尙書〕尙希

盧愷 六月拜

〔刑部尙書〕宇文弼 四月拜

〔民部尙書〕暉

〔工部尙書〕平

十年辛亥 楊異 四月命

〔太尉〕廣

〔司空〕雄

〔左僕射〕頰

〔右僕射〕威 巡撫江南

〔納言〕素 七月遷內史令

〔內史令〕德林 四月出爲懷州

刺史

楊素 七月拜

〔禮部尙書〕愷

〔刑部尙書〕弼

〔民部尙書〕暉 出爲揚州司馬

〔工部尙書〕異

十一年壬子

〔太尉〕廣

〔司空〕雄

〔左僕射〕頰

〔右僕射〕威

〔內史令〕素

〔吏部尙書〕盧愷

〔禮部尙書〕愷 攝吏部

〔刑部尙書〕弼

〔工部尙書〕異 出爲吳州總管

蘇孝慈 二月拜

十二年癸丑

〔太尉〕廣

〔司空〕雄

〔左僕射〕頰

〔右僕射〕威 七月免

楊素 十二月拜

〔內史令〕素 十二月遷僕射

蜀王秀

〔吏部尙書〕愷 七月除名

〔禮部尙書〕愷 七月除名

〔刑部尙書〕弼

〔工部尙書〕孝慈

十三年甲寅

〔太尉〕廣

〔司空〕雄

〔左僕射〕頰

〔右僕射〕素

〔內史令〕秀

〔吏部尙書〕章世康 正月拜

〔刑部尙書〕弼 出爲并州刺史

李圓通

〔工部尙書〕孝慈

十四年乙卯

〔太尉〕廣

〔司空〕雄

〔左僕射〕頰

〔右僕射〕素

〔納言〕蘇威 七月拜

〔吏部尙書〕世康

〔刑部尙書〕圓通

〔工部尙書〕孝慈

十五年丙辰

〔太尉〕廣

〔司空〕雄

〔左僕射〕頰

〔右僕射〕素

〔納言〕威

〔吏部尙書〕世康

十月出爲荊

州總管

〔工部尙書〕孝慈

楊逵 四月拜

十六年丁巳

〔太尉〕廣

〔司空〕雄

〔左僕射〕頰

〔右僕射〕素

〔納言〕威

〔工部尙書〕逵

十七年戊午

〔太尉〕廣

〔司空〕雄

〔左僕射〕頰

〔右僕射〕素

〔納言〕威

〔工部尙書〕逵

十八年己未

〔太尉〕廣

〔司空〕雄

〔左僕射〕頰

〔右僕射〕素

〔納言〕威

〔兵部尙書〕柳述 黃門侍郎攝

〔民部尙書〕斛律孝卿

〔工部尙書〕逵

十九年庚申

〔太尉〕廣

〔司空〕雄

〔左僕射〕頰 八月免

〔右僕射〕素

〔納言〕威

〔內史監〕豫章王暕 六月拜

〔吏部尙書〕牛弘 九月拜

〔兵部尙書〕述

〔刑部尙書〕薛冑 八月下獄出

爲刺史

李圓通

〔民部尙書〕孝卿

〔工部尙書〕逵

二十年辛酉 十月廢太子勇

〔太尉〕廣 十月立爲太子

〔司空〕雄

〔右僕射〕素

〔納言〕威

〔內史監〕暕

〔吏部尙書〕弘

〔兵部尙書〕述

〔刑部尙書〕圓通

〔工部尙書〕逵

仁壽元年壬戌

〔司空〕雄

〔右僕射〕素 正月遷左

蘇威 正月拜

〔納言〕威 正月遷僕射

〔內史監〕暕 出爲揚州總管

晉王昭 正月拜

〔吏部尙書〕弘

〔兵部尙書〕述

〔刑部尙書〕圓通

〔工部尙書〕逵

二年癸亥

〔司空〕雄

〔左僕射〕素

〔右僕射〕威

〔納言〕楊逵 十月拜

〔內史監〕昭

〔吏部尙書〕弘

〔兵部尙書〕述

〔刑部尙書〕圓通

〔工部尙書〕逵 十月遷納言

三年甲子

〔司空〕雄

〔左僕射〕素

〔右僕射〕威

〔納言〕逵

〔內史監〕昭

〔吏部尙書〕弘

〔兵部尙書〕述

〔刑部尙書〕圓通

〔民部尙書〕韋沖 九月拜

四年乙丑 七月帝崩太子廣卽位

〔司空〕雄

〔左僕射〕素

〔右僕射〕威

〔納言〕逵

〔內史監〕昭

〔內史令〕楊約

〔吏部尙書〕弘

〔兵部尙書〕述 八月除名徙龍川

李圓通

〔刑部尙書〕圓通 遷兵部
〔民部尙書〕冲
煬帝大業元年丙寅

〔司空〕雄 七月拜太子太傅
〔左僕射〕素 二月遷尙書令七
月加太子太師

〔右僕射〕威
〔納言〕達
〔內史令〕約 免

蕭琮

〔吏部尙書〕弘

〔禮部尙書〕崔仲方 十一月拜

〔兵部尙書〕圓通

〔刑部尙書〕宇文暉 正月拜出

巡河北

〔民部尙書〕冲 五月卒

崔仲方 十一月遷禮部

李子權

二年丁卯

〔司徒〕楊素 六月拜七月卒

〔尙書令〕素 六月拜司徒

〔右僕射〕威

〔納言〕達

〔內史令〕琮

〔吏部尙書〕弘

〔禮部尙書〕仲方

〔兵部尙書〕圓通 五月免

段文振 十月拜

〔刑部尙書〕暉 出爲泉州刺史

梁毘 正月拜

〔民部尙書〕子權

楊文思 四月拜

〔工部尙書〕衛玄

三年戊辰

〔右僕射〕威 七月免

〔納言〕達

楊文思 九月拜

〔內史令〕琮 七月免

〔吏部尙書〕弘

〔禮部尙書〕仲方 免

宇文暉 四月拜七月被殺

〔兵部尙書〕文振

〔刑部尙書〕毘

〔民部尙書〕文思 九月遷納言

〔工部尙書〕玄

四年己巳

〔納言〕達

文思

〔內史令〕元壽

〔吏部尙書〕弘

〔禮部尙書〕楊玄感 正月拜

〔兵部尙書〕文振

〔刑部尙書〕毘

〔民部尙書〕長孫熾 正月拜

〔工部尙書〕玄 正月遷右武侯
大將軍

宇文愷 二月拜

五年庚午

〔納言〕達

文思

〔內史令〕壽

〔吏部尙書〕弘

〔禮部尙書〕玄感

〔兵部尙書〕文振

〔刑部尙書〕毘

〔民部尙書〕熾

〔工部尙書〕愷

六年辛未

〔納言〕達

文思 遷戶部

蘇威

〔內史令〕壽

〔吏部尙書〕弘 十二月卒

〔禮部尙書〕玄感

〔兵部尙書〕文振

〔刑部尙書〕毘 十月卒

〔民部尙書〕熾 十月卒

楊文思

〔工部尙書〕愷

七年壬申

〔納言〕達

威

〔內史令〕壽

〔禮部尙書〕玄感

〔兵部尙書〕文振

〔民部尙書〕文思 卒

樊子蓋 五月拜

〔工部尙書〕愷

八年癸酉

〔納言〕達 五月卒

威

〔內史令〕壽 五月卒

〔禮部尙書〕玄感

〔兵部尙書〕文振 正月遷左候
衛大將軍

〔刑部尙書〕衛玄 正月拜

〔民部尙書〕子蓋

〔工部尙書〕愷 十月卒

九年甲戌

〔納言〕威 十月加開府儀同三
司

〔禮部尙書〕玄感 七月舉兵反

〔刑部尙書〕玄

〔民部尙書〕子蓋

十年乙亥

〔納言〕威

〔刑部尙書〕玄

〔民部尙書〕子蓋

十一年丙子

〔納言〕威

〔禮部尙書〕楊義臣

〔刑部尙書〕玄

〔民部尙書〕子蓋

十二年丁丑

〔納言〕威 五月除名

〔禮部尙書〕義臣

〔刑部尙書〕玄

〔民部尙書〕子蓋 七月卒

章津

十三年戊寅 十一月李淵入京師

遙尊帝爲太上皇立代王侑爲帝

改是年爲

義寧元年

〔刑部尙書〕玄 十一月罷

〔民部尙書〕津

少帝義寧二年己卯 三月字文化

及弑帝于江都五月李淵篡位隋

亡

隋唐之際月表

清黃大華撰

序

昔太史公作秦楚之際月表司馬貞謂擾擾僭篡運數又促故以月記事而名表也讀書至隋唐之際其大勢適與之同秦始皇以東幸而陳涉發難隋煬帝亦以東幸而羣盜蜂起隋之得天下也易於秦其失也若出一致隋之昏暴實甚於秦秦滅六國故趙武臣田儻韓廣魏咎之徒皆假復仇爲名若竇建德李密諸人直以草野細民犯上作亂而史臣猶無貶詞所以惡隋也考史記月表國至多不過二十有一時至久不過八年傳襲既久舛誤實多今隋唐之際盜竊名號稱兵擾民者不下百二十餘人自大業七年王稱竇建德等起兵而後紛紛擾擾十餘年無寧日至貞觀初始次第削平其難易又微判焉爰變太史公之例采隋唐書作直表以便觀覽夫羣雄之起爲王者驅除若漢以亭長唐以上公此君子所以有無土不王之慨也

光緒三十三年長至日武昌黃大華鞠友氏譔

隋唐之際諸僭竊姓氏

姓	氏	地域	起事年月	滅亡年月
竇建德		漳南	辛未十二	辛巳五
張金稱		河曲	辛未十	丙子十二
高士達		清河	辛未十	丙子十二
張青特		濟北	辛巳四	
孟海公		曹州	癸酉二	辛巳二
劉黑闥		洛州	辛巳七	癸未正
徐圓朗		兗州	丁丑正	癸未正
徐師順		任城		
王簿		長白	辛未十	己卯三
孟讓		同上	癸酉十	丁丑三
左才相		同上	乙亥十一	
翟讓		鞏	丙子十	丁丑
李密		鞏	丙子十	戊寅十
張善相		伊汝	己卯正	
王德仁		上黨	甲戌十一	戊寅五
郝孝德		黎陽	癸酉三	丁丑
周法明		永安		辛巳五
元寶藏		武陽		
李文相		黎陽	丁丑七	
張昇		清河		
趙君德		清河		
封民瞻		平原		

李士雄		長平		
劉興祖				
李景		臨渝		
房山基		同上		
崔伯駒		潁川		
方獻伯		譙		
杜伏威		歷陽	癸酉十	己卯九
輔公祐		丹陽	癸酉十	己卯九
沈寬敵		同上	癸酉十	
李子通		海陵	乙亥十一	辛巳十一
林士弘		豫章	丙子十二	壬午十
張善安		豫章	丁丑十二	甲申
楊世略		循潮	丁丑十	壬午正
宇文化及		魏郡	戊寅九	己卯二
格謙		漁陽	癸酉三	丙子十二
高開道		漁陽	丙子十二	甲申正
高曇成		同上	己卯	亡
郭子和		榆林	丁丑三	戊寅
薛舉		金城	丁丑四	戊寅八
薛仁果舉子			戊寅八	戊寅十一
李弘		扶風	甲戌正	丁丑十二
唐弼		同上	甲戌正	丁丑十二
劉武周		馬邑	丁丑二	庚辰四
苑君璋		同上	庚辰四	丁亥五

李軌	武威	丁丑七	己卯五
梁師都	朔方	丁丑二	戊子五
蕭銑	江陵	丁丑十	辛巳十
寧長真	鬱林	戊寅三	壬午四
羅藝	幽州	丙子十二	庚辰十二
盧祖尚	光州	戊寅三	辛巳九
沈法興	毗陵	戊寅三	庚辰十
劉元進	晉陵	癸酉七	壬午正
朱燮	同上	癸酉八	
管崇	同上	癸酉八	
王世充	洛陰	己卯四	辛巳五
朱粲	南陽	乙亥十二	己卯五
楊士林	山南	乙亥十二	己卯正
楊玄感		癸酉六	八七
劉伽論		甲戌五	
劉苗王	離石	甲戌十一	
劉季真	同上		庚辰
劉介成	弘化	丁丑正	辛巳二
王須拔	上谷	乙亥二	戊寅十一
魏刁兒	同上	乙亥二	戊寅十一
甄翟兒	同上	丙子四	十二
王子英	上谷	丁丑二	
杜彥冰	平原	癸酉正	
王潤	同上	癸酉正	
李德逸	山東	癸酉正	
白榆莎	隴右	癸酉正	
李三兒	東陽	癸酉九	
向但子	同上	癸酉九	

陳瑱	信安	癸酉八	
張大彪	懸山	甲戌四	亡
鄭文唯	建安	甲戌六	
林寶護	同上	甲戌六	
郭方預	北海	癸酉三	
宋世謨	瑯琊	甲戌五	
左孝友	齊郡	甲戌十二	亡
盧明月	陳汝	甲戌十二	丁丑十二
孫宣雅	渤海	癸酉三	
張起緒	淮南	乙亥七	
洗瑤徹	高涼	丙子七	
馮盎	高羅	丙子七	
梁慧尙	蒼梧	癸酉九	
曹武徹	桂陽	丁丑十二	
韓進洛	濟北	癸酉二	
甄寶車	濟北	癸酉五	
敬盤陀	絳郡	乙亥十一	
柴保昌	同上	乙亥十一	
向海明	扶風	癸酉十二	亡
操師乞		丙子十二	
吳海流	濟陰	癸酉九	
彭孝才	東海	癸酉九	
呂明星	東郡	癸酉十	亡
楊仲緒	北平	乙亥二	亡
司馬長安	河西	甲戌十一	亡
顏宣政	齊郡	乙亥正	亡
張子路	廬江	丁丑三	亡
李通德	廬江	丁丑三	亡

翟松柏	靈邱	丙子正	
魏騏驎	彭城	乙亥十	
孫華	馮翊	丙子七	丁丑九
盧公暹	蒼山	丙子二	
趙萬海	高陽	丙子八	
荔非世雄	安定	丙子九	
房憲伯	汝陰	丁丑四	
康老和	張掖	丁丑十一	
楊仲達	豫州		庚辰十
賀拔行威			庚辰十二
汪華	新安	癸酉	壬午五
梅知岩	宣城		辛巳九
李善滿	平陵		癸未三
慕容順	青萊		己卯三
淳于難	文登		辛巳九
田留安	章邱		壬午五
蔣善合	鄆州		辛巳六
臧君相	海州		辛巳六
殷恭遜	舒州		壬午正
王要漢	汴州		壬午二
周文舉	淮陽		壬午二
冉安昌	巴東		壬午四
鄧文進	廣州		壬午四
苗海潮	永嘉		癸未三
左難當	涇州		癸未二
邵江海	岐州		
張長慈	五原		戊寅四
周洮	上洛		戊寅正

時德劼 尉氏
 蔣弘度 東海
 何潘仁 蓋屋
 邱師利 鄆
 李仲文 鄆
 王摩沙 鄆
 白玄度 土門

隋唐之際月表

隋大業七年辛未
 十月 鄒平民王簿據長白山起兵 漳南人
 竇建德起兵 鄆人張金稱起兵河曲 蔚
 人高士達起兵清河
 九年癸酉

正月 乙未平原李德逸起劫掠山東 靈武

白榆娑劫掠隴右 杜彥冰王潤陷平原

二月 濟北韓進洛聚衆爲盜 丙子濟陰孟

海公起兵據周橋

三月 庚子北海郭方預起兵自號盧公 平

原郝孝德起兵 王簿孟讓起兵齊郡 河

間格謙起兵 渤海孫宣雅起兵

五月 濟北甄寶車聚衆爲寇

六月 乙巳禮部尙書楊玄感反八月壬寅宇

文述破平之

七月 癸未餘杭劉元進反

八月 癸卯吳人朱燮晉陵人管崇反 乙卯

陳瑱陷信安

九月 濟陰吳海流東海彭孝才反 庚辰梁

慧尙陷蒼梧 東陽李三兒向但子舉兵作

亂

十月 呂明星犯東郡郎將費青奴斬之 壬

辰朱燮管崇推劉元進爲天子 齊人孟讓

王簿據長白山 章邱杜伏威臨濟輔公祐

掠江淮 渤海格謙稱燕王孫宣雅稱齊王

清河賊張金稱衆數萬

十二月 扶風向海明稱皇帝建元白鳥遣太

僕卿楊義臣擊破之

十年甲戌 正月 扶風唐弼自稱唐王推李弘爲天子

四月 彭城張大彪作亂保懸薄山榆林太守

董純擊破斬之

五月 宋世謨陷瑯琊郡 延安劉伽論反稱

皇王建元大世

六月 鄭文唯林寶護陷建安 王德仁擁衆

數萬保林慮山(十一月)

十一月 司馬長安陷長平 乙卯離石胡劉

苗王反自稱天子

十二月 孟讓掠盱眙據都梁宮王世充破之

齊郡左孝友涿郡盧明月反張須陁破之

十一年乙亥

正月 顏宣政犯齊郡高建毗破之

二月 楊仲緒犯北平李景破之 上谷人王

須拔自稱漫天王國號燕 魏刁兒自稱歷

山飛

五月 司馬長安陷河西郡

七月 淮南張起緒反

十月 彭城魏騏聚衆爲盜 盧明月寇陳

汝間

十一月 王須拔陷高陽 左才相兵起 李

子通據海陵自稱吳王建元明政

十二月 譙人朱榮自稱楚帝建元昌達 絳

郡敬盤陀柴保昌作亂

十二年丙子

正月 雁門翟松柏起兵於靈邱

二月 東海盧公暹據蒼山

四月 甄翟兒復號歷山飛寇太原

七月 馮翊孫華舉兵 高涼通守洗瑤徵舉兵

八月 趙萬海寇高陽

九月 東海杜伏威沈覓敵舉兵 安定荔非世雄舉兵

十月 翟讓李密起兵

十二月 鄱陽操師乞稱興王建元始興 鄱陽林士弘稱皇帝國號楚建元太平據江南

太僕楊義臣擊張金稱高士達斬之 王世充擊格謙斬之高開道收其衆掠燕 羅藝起兵涿郡 唐公破甄翟兒於西河王世充破盧明月於南陽

十三年丁丑

正月 壬子杜伏威陷歷陽 丙辰渤海竇建德稱長樂王建元丁丑 辛巳弘化劉介成聚衆爲盜 魯郡徐圓朗舉兵

二月 壬午朔方梁師都據郡反建元永隆

戊子王子英陷上谷 己丑馬邑校尉劉武周稱定楊可汗建元天興 庚寅李密翟讓陷興洛倉稱魏公建元永平

三月 流入蒲城郭子和起兵榆林稱永樂王 戊午盧江張子路反陳稜討平之 丁丑李通德寇盧江張鎮破之 郭子和建元丑平(一作正平)

四月 癸未金城校尉薛舉稱西秦霸王建元秦興 己丑孟讓入東都合于李密 癸巳

李密陷迴洛東倉 丁酉房憲伯陷汝陰

五月 甲子唐公李淵起義師於太原

七月 丙辰武威李軌稱涼王建元安樂 李文相陷黎陽倉

十月 丁亥太原楊世略反 丙申羅令蕭銑以縣反稱梁王建元鳴鳳

十一月 丙辰唐公入京師立代王侑爲皇帝 改元義寧 乙亥張掖康老和反

十二月 癸未薛舉自稱天子 丁亥桂陽曹武徹反建元通聖 乙巳張善安陷廬江

李密殺翟讓 李弘被殺唐弼爲薛舉所滅 隋大業十四年戊寅即唐高祖武德元年 三月丙辰宇文化及弑帝於江都立秦王浩爲皇帝

正月戊午周洸降

四月己卯張長孫降

五月甲寅王德仁降 吳興郡守沈法興據丹陽 樂安盧祖尚據光州 寧長真降于蕭銑 唐王即皇帝位建元武德 庚午隋越王侗立爲皇帝改元皇泰

八月 辛巳薛舉卒子仁果立 甲申巖州刺史王德仁舉兵

九月 辛未宇文化及弑秦王浩自稱皇帝 竇建德改元五鳳國號夏

十月 己卯李密降于唐 宇文化及建元天壽國號許

十一月 竇建德敗王須拔于幽州須拔亡入突厥 己酉薛仁果被執降于唐 高開道陷漁陽稱燕王建元天成 竇建德破魏刁

唐武德二年己卯

正月 丙辰張善相降 己巳楊士林降

二月 宇文化及爲竇建德所殺

三月 甲戌王簿降 丁酉李義滿降

四月 綦公順降 乙巳隋王世充廢越王侗自稱皇帝建元開明國號鄭

五月 庚辰李軌降 朱粲敗降于王世充

七月 壬申徐圓朗降

九月 李子通稱皇帝于江都國號吳 沈法興自稱梁王于毗陵建元延康 丁丑杜伏威降 沙門高曇成稱皇帝改元法輪爲高開道所殺

三年庚辰

四月 劉武周亡入突厥苑君璋有其衆 封劉孝真爲彭城王

十月 楊仲達降 李子通滅沈法興

十二月 賀拔行威反 羅藝以幽州降

四年辛巳

二月 竇建德執孟海公殺之 稽胡劉介成敗亡

四月 張青特降

五月 壬戌執竇建德斬之 戊辰王世充降 庚午周法明降

六月 蔣善合臧君相降

七月 甲戌劉黑闥反于貝州建元天造 徐圓朗反自稱魯王

九月 盧祖尚降 淳于難降 汪華降

十月 蕭銑降

十一月 李子通降

五年壬午

正月 殷恭遂降 楊世略降 劉元進降

王摩沙反建元進通

二月 王要漢降 周文舉被執

四月 冉安昌降 寧長真降 鄧文進降

五月 賀拔行威降 田留安降

七月 馮盎降

十月 林士弘卒其衆遂散

六年癸未

正月 執劉黑闥斬之

二月 執徐圓朗

三月 苗海潮降 梅知岩降 左難當降

八月 輔公祏以淮南反僧元天明

七年甲申

正月 執高開道

二月 執輔公祏

唐太宗貞觀元年丁亥

五月 苑君璋降

八月 馮盎遺子入朝

二年戊子

五月 梁師都爲其下殺之以降

隋書地理志考證附補遺

楊守敬撰

余衰病侵尋不復有所造作乙未春檢理舊稿先

以隋書地理志考證付寫生會遭先母大故宅兆扶輿奔馳兩年不遑躬自校讎而工人遽以入木并印成數十部有知之者索之以去服闋後覆審之乃大疵繆良由原稿塗乙既多而書手又不詳慎并有脫漏本志正文者(第三卷脫鄂縣一事)慚愧無地因復發圖籍比勘之增刪幾萬言其可剷除者更換之不能擠入者別爲補遺于後吁余書本未精密加以草率鐫版貽此班班况曾不如不出之爲藏拙今散布者不可復收遂不能不更事脩飾恐他日仍蹈再誤之悔愛我者其及我之生教我乎戊戌孟春守敬再記

隋書地理志考證卷第一

宜都楊守敬謹啓

【志第二十四】宋本小題在上大題在下【隋書二十九】按史通云初太宗以梁陳及齊周隋氏並未有書乃命學士分修仍使祕書監魏徵總知其務凡有讚論徵多預焉始以貞觀三年創造至十八年方就合爲五代紀傳並目錄凡二百五十二卷書成下於史閣唯有十志斷爲三十卷尋擬續奏未有其文又詔左僕射于志寧太史令李淳風著作郎章安仁符璽郎李延壽同撰其先撰史人唯令狐德棻重預其事太宗崩後刊勒始成其編第雖編入隋書其實別行俗呼爲五代史志隋書後跋云詔修五代史志在貞觀十五年進書在顯慶元年五月今按令狐德棻傳永徽元年監修國史及五代史志李淳風傳云除太史丞預撰五代史其天文律曆五行志皆淳風作李延壽傳云補崇賢館學士受詔同敬播修五代史志而敬播傳但云佐顏師古孔穎達修隋史不言修五代志于志寧傳亦但云預修禮修史等功更不言所修何史章安仁則無傳又隋書後跋云五行志序諸本云褚遂良作本傳未嘗受詔撰述疑祇爲一序然則十志唯天文律曆五行有撰人

名餘皆不知誰作今覈此志體例實不劃一

當是諸人合湊而成然其書本別行即編入隋書亦當殿其後乃效史漢以志編入帝紀列傳之間不得不去五代之名而大題爲隋書第幾自劉子玄所見已然當由宋志已創此例故不以爲嫌後世唯胡身之注通鑑仍引爲五代志則又據唐書列傳所稱爲名非別有單行本至宋時猶存也

【太尉揚州都督監修國史上柱國趙國公臣長孫無忌等奉勅撰】按令狐德棻傳高祖太宗兩詔書無忌並不與修五代史考本傳貞觀二十一年遙領揚州都督高宗即位進拜太尉永徽二年監修國史然則此書表上當在高宗永徽間史通但云太宗崩後刊勒始成隋書跋云顯慶元年五月己卯太尉長孫無忌等詣朝堂上進詔藏祕閣後又編第入隋書此必別有所本當因無忌有監修國史之任故表上時題銜以無忌居首不必其預修此志也

【地理上】志分上中下三卷今分爲九卷原書三卷之目仍依題以存舊式

【自古聖王之受命也莫不體國經野以爲人極上應躔次下裂山河分疆畫界建都錫社是以放助御曆修職貢者九州文命會同執玉帛者萬國

洎乎殷遷夏鼎周黜殷命雖質文之用不同損益之途或革而封建之制率由舊章於是分土惟三列爵惟五千里以制畿甸九服以別要荒十國爲連連有帥倍連爲卒卒有正皆所以式固鴻基蕃屏王室興邦致化康俗庇人者歟周德既衰諸侯力政干戈日用戎馬生郊疆陵弱衆暴寡魯滅於楚鄭滅於韓田氏篡齊六卿分晉其餘弑君亡國不得守其社稷者不可勝數逮于七雄競逐二帝爭疆疆場之事一彼一此秦始皇據百二之巖險奮六世之餘烈力爭天下蠶食諸侯在位二十餘年遂乃削平寓內懲周氏之微弱恃狙詐以爲疆蔑棄經典罷侯置守子弟無立錐之地功臣無尺土之賞身沒而區宇幅裂及子而社稷淪胥漢高祖挺神武之宏圖掃清禍亂矯秦皇之失策封建王侯並跨州連邑有踰古典而郡縣之制無改於秦逮于孝武務勤遠略南兼百越東定三韓通邇管之險途斷匈奴之右臂雖聲教遠洎而人亦勞止昭宣之後罷戰務農戶口既其滋多郡縣亦有增置至于平帝郡國一百有三續漢郡國志縣邑道侯國千五百八十七【戶一千二十三萬】按漢志作千二百二十三萬三千六百二十二晉志同帝王世紀作千三百二十三萬三千六百一十二今據漢志各郡所載戶籍積算之實有一千二百三十七萬一千四百六十四然則各書總數皆有譌誤此志千下脫二百兩字則無疑也【光武中與承王莽之餘弊兵戈不戢飢疫荐臻率土遺黎十纔一二】應劭漢官曰世祖中與海內人民可得而數裁十二三帝王世紀光武中與百姓虛耗

十有二存中元二年民戶四百二十七萬千六百三十四然則較永始戶數尙有十之三十四【乃併省郡縣四百餘所】郡國志并合省郡國十縣邑道侯國四百餘所【明章之後漸至滋繁郡縣之數有加曩日】郡國志明帝置郡一章帝置郡國二和帝置三安帝又命屬國別領比郡者六又所省縣漸復分置至于孝順凡郡國百五縣邑道侯國千一百八十民戶九百六十九萬八千六百三十又按帝王世紀永壽二年戶二千六百七萬九百六據此是更加於平帝時戶一倍晉志永壽三年戶千六十七萬七千九百六十然漢官儀載光武中元至沖帝永嘉民戶無至千萬者則世紀說誤晉志亦未審【逮炎靈數盡三國爭疆兵革屢興戶口減半】帝王世紀景元四年平蜀通計民戶九十四萬三千四百二十三又正始五年揚威將軍朱照日所上吳之所領兵戶九十三萬二千推其民數不能多蜀矣晉志劉備章武元年戶二十萬孫權赤烏五年戶五十二萬三千據此則不止減半【有晉太康之後文軌方同大抵編戶二百六十餘萬】晉志太康元年平吳大凡戶二百四十五萬九千八百四十【尋而五胡逆亂二帝播遷東晉洎于宋齊僻陋江左苻姚之與劉石竊據中原事跡糾紛難可具紀梁武帝除暴寧亂奄有舊吳天監十年有州二十三】錢氏二十二史考異謂揚南徐荆江雍郢南兗湘豫司北兗北徐青梁益交廣南梁寧衡桂越霍也【郡三百五十縣千二十二】通典作千二十五今不能考其實數【其後務恢境宇頻事經略開拓閩越克復淮

浦平俚洞破牂柯又以舊州遐闊多有析置大同年中州一百七】通鑑大同五年分州爲五品上品二十州次品十州次品八州次品二十三州下品二十一州五品之外又有二十餘州不知處所凡一百七州或一人領二三郡太守州郡雖多戶口日耗【郡縣亦稱於此】言其析置之多如二十三州增至一百七幾四五倍其郡縣亦準此也【既而侯景構禍臺城淪陷籍散逸注記無遺郡縣戶口不能詳究】據此則梁書無州郡志蓋亦因注記無徵非必憚而不作【逮于陳氏土宇彌蹙西亡蜀漢北喪淮肥威力所加不出荆揚之域州有四十二】今可考者四十九州蓋太建中盡復淮南之地嘗得安淮義北譙南兗五州也【郡唯一百九縣四百三十八戶六十萬】北史高祖平陳合州四十郡一百縣四百戶五十萬口三百萬皆計成數也【後齊承魏末喪亂】初學記引括地志後魏孝文帝都洛陽開拓土宇明帝熙平元年凡州四十六鎮十二郡國二百八十九天平年凡州六十八至武定年凡州一百一十一郡五百二十九【與周人抗衡雖開拓淮南而郡縣僻小天保之末總加併省】北齊文宣紀天保七年十一月併省三州一百五十三郡五百八十九縣二鎮二十六成【洎乎國滅州九十有七】今可考者八十一州【郡一百六十縣三百六十五戶三百三萬】周書武帝紀建德六年關東平合州五十五郡一百六十二縣三百八十五戶三百三十萬二千五百二十八口二千萬六千六百八十六北史周紀平齊得州五十五郡一百一十

二縣三百八十五戶三萬六千五百八十八口一百萬六千八百八十六按二書所載互異以志較之郡縣稍有盈縮州則差遠太多恐周書北史均有誤【周氏初有關中百度草創】周書廢帝紀三年凡改州四十五置州一改郡一百六改縣二百三十【遂乃訓兵教戰務勸農南清江漢西兼巴蜀卒能以寡擊衆戡定疆鄰及于東夏削平多有省廢大象二年通計州二百一十一】今考得二百二十州蓋有旋置旋廢者【郡五百八縣一千一百二十四高祖受終惟新朝政開皇三年遂廢諸郡】隋書文帝紀開皇三年罷天下諸郡楊尙希傳尙希上表曰今郡縣多於古或地無百里數縣並置或戶不滿千二郡分領民少官多十羊九牧今存要去間並小爲大云帝覽而嘉之於是遂廢天下諸郡【洎于九載廓定江表】通鑑開皇九年平陳得州三十郡一百縣四百胡注按隋志陳境當時有揚東揚南徐閩豐巴武江鄧廣東衡衡高羅新瀧建成桂東宣靜南定越南合崖安交愛凡三十州【尋以戶口滋多析置州縣煬帝嗣位又平林邑更置三州既而併省諸州】煬帝紀大業二年正月【尋卽改州爲郡】大業三年四月【乃置司隸刺史分部巡察五年平定吐谷渾更置四郡大凡郡一百九十】按雍州二十八郡梁州三十四郡豫州十六郡兗州六郡冀州三十一郡青州四郡徐州五郡揚州四十四郡荊州二十二郡共計郡一百九十【縣一千二百五十五】按雍州一百四十六縣梁州二百二十二縣豫州一百三十九縣兗州五十七縣冀州二

百二十一縣青州三十六縣徐州四十縣揚州二百六十九縣荊州二百二十一縣共計縣一千三百五十一與此數多九十五縣【戶八百九十萬七千五百四十六】雍州戶一百萬零一萬八千四百六十六梁州戶六十一萬三千三十四豫州戶一百五十九萬九千五百兗州戶七十八萬五千四百七十二冀州戶二百六十七萬二千四百五十一青州戶三十九萬二千四百四十九徐州戶二十九萬七千六百零二揚州戶九十四萬四千零七十二荊州戶五十七萬九千六百六十一共計九百萬二千六百四十七尙贏九萬五千一百一其中當有傳寫之誤也【口四千六百一萬九千九百五十六墾田五千五百八十五萬四千四十一頃其邑居道路山河溝洫沙磧鹹鹵丘陵阡陌皆不預焉東西九千三百里南北萬四千八百一十五里東南皆至於海西至且末北至五原隋氏之盛極於此也】

【京兆郡】漢置京兆尹

【開皇三年置雍州】按本禹貢雍州之地後漢始置雍州晉以後廢置不常至隋開皇遷都龍首川仍置雍州故志以爲說據遷徙之地言也凡志言置郡縣而非其始者多類此據周書梁士彥傳齊平位上柱國雍州總管則周嘗置總管府按隋書開皇二年以長安故城年代既久宮宇朽蠹謀欲遷都僕射蘇威太師李穆并太史令庾季才等議合於帝旨遂以其年六月十八日詔規建制至三年三月十八日移入新都元和志開皇三年自長安故城遷都龍首川

卽今都城是也初隋氏營都宇文愷以朱雀街南北有六條高坡爲乾卦之象故以九二置宮殿以當帝王之居九三立百司以應君子之數九五貴位不欲常人居之故置元都觀及興善寺以鎮之宋敏求長安志隋文帝開皇三年自故都徙其地在漢故城之東南屬杜縣周之京兆郡萬年縣界南侵終南山子午谷北據渭水東臨灊滻西枕龍首原命左僕射高穎總領其事太子左庶子宇文愷創制規模將作大匠劉龍工部尙書鉅鹿郡公賀樓子幹大府少卿尙龍義並充使營建【城東西十八里一百一十五步】舊唐志作一百五十步【南北十五里一百七十五步東而通化春明延興三門南面啓夏明德安化三門西面延平金光開遠三門北面光化一門】長安志南面三門正中曰明德門東曰啓夏門西曰安化門東面三門北曰通化門中曰春明門南曰延興門西面三門北曰開遠門中曰金光門南曰延平門北面一門曰光化門【里一百六】長安志周六十七里其崇一丈八尺永徽四年更築【市二】長安志當皇城南面朱雀門有南北大街曰朱雀門街東西廣百步萬年長安二縣以此街爲界萬年領街東五十四坊及東市長安領街西五十四坊及西市【大業三年改州爲郡故名焉置尹】

【統縣二十二戶三十萬八千四百九十九】

【大興】今咸寧縣治

【開皇三年置後周于】各本脫于字今據宋

本增【舊郡置縣曰萬年】周明帝紀二年六月分長安為萬年縣並治京城寰宇記引周地圖記云周明帝二年分長安霸城山北等三縣始於長安城中置萬年縣理八角街以東屬京兆尹【高祖龍潛封號大興故至是改焉】寰宇記開皇三年改萬年為大興縣仍移於宣陽坊東南隅置大興縣蓋取文帝初封國號以名城及縣也【有長樂宮】按此四字當在後周廢下史記正義漢長樂宮在長安縣西北十五里長安志云漢書曰高帝五年都長安九月治長樂宮叔孫通傳漢七年長樂宮成關中記曰長樂宮本秦之興樂宮也周回二十餘里有殿十四漢太后常居之長安記曰興樂官秦始皇造漢修飾之王莽改長樂宮曰常樂室【有後魏杜城縣】長安志在縣東南一十五里按地形志京兆郡杜縣注二漢曰杜陵晉曰杜城後改蓋仍秦舊又魏書韋閻傳章欣宗韋肸并封杜侯則魏之杜縣不作杜城審矣【西霸城縣】今咸寧縣東長安志在縣東北二十五里霸水之東又引十三州志霸陵秦襄王所葬芷陽也漢文帝更名霸陵晉改霸城後周建德二年省按地形志無西字魏書始平貞王及王鸞并封霸城縣公韋珍封霸城侯則後魏無西霸城審矣北齊書恭連猛封霸城縣男亦無西字【西魏山北縣】今咸寧縣東南五十里地形志有此縣寰宇記引周地圖記云姚興置則非置於西魏按魏書張安祖周書韋孝寬傳并封山北侯周書趙善封山北伯王子直封山北男皆在

魏時此西魏二字亦衍文【並後周廢】寰宇記引周地圖記云天和三年廢山北縣建德二年省杜城霸城二縣按隋書饒榮定傳扶風平陵人也平陵南漢縣在咸陽縣西晉廢此必魏周開重立而隋復廢者【長安】今縣治秦地名漢縣元和志隋開皇三年遷都長安移至長壽坊西南隅【帶郡有仙都福陽太平等宮】元和志隋太平宮在鄠縣東南三十一里對太平谷因名之仙都福陽二宮三輔黃圖長安志長安圖志雍錄皆不載【有關官】元和志子午關在長安縣南百里王莽通子午道因置此關晉桓温伐秦司馬勳出子午道今洋州東二十里曰龍亭此入子午谷之路梁將軍王神念以舊道緣山避水橋梁多壞乃別開乾路更名子午道即此路是也【有舊長安城】元和志在長安縣西北十三里漢舊都惠帝修築本秦離宮也城南為南斗形城北為北斗形周回六十五里長安志引唐賈耽郡國縣道記曰長安縣故城今謂之宛川城漢京兆府在故城內上冠里其縣治今失其所在長安蓋古鄉聚名南隔渭水北對秦咸陽宮漢於其地築未央宮謂大城曰長安城

十五里周大象二年復移於縣東南一十五里文學城隋大業九年自文學城移於今所【故置扶風郡】漢置右扶風郡元和志魏文帝去右字郡國志引潘岳關中記曰三輔舊治長安城中光武東都之後扶風出治槐里馮翊出治高陵長安志引十道志曰永安元年移扶風郡於文學城【開皇三年郡廢】按槐里故城寰宇記云即犬邱城在今縣東南十里紀要云後周廢入始平縣【武功】今縣西南漢置釐縣後漢移置武功縣後魏廢入美陽縣寰宇記後魏太和十一年改武功為美陽縣周天和四年美陽還舊理建德三年別立武功縣於中亭川即今縣理也輿地廣記周建德中置武功於故釐城今縣是也二說置縣之地稍異長安志以寰宇記說為是【後周置武功郡】地形志太和十一年分扶風置【建德中郡廢】寰宇記建德二年廢【有永豐渠普濟渠】按永豐渠未詳或古有今涸或傳寫有誤長安志載永通渠隋開皇四年開起縣西北渭水與城堰初名富民渠仁壽四年改又載永安渠隋文帝開皇三年開在縣南是二渠未知孰是又長安圖志武功有昇原渠長安志普濟渠在興平縣南十里自武功縣流入縣界凡六十里溉田七十餘頃東流入咸陽今涸按漢美陽縣在今武功縣西南寰宇記後魏太和十一年移廢縣於古釐城中後改武功為美陽縣周天和四年美陽復還舊理建德三年省

今縣餘址殆盡

【整屋】今縣治漢縣後漢省管復置舊在今整屋縣東寰宇記後周天和二年移於今鄠縣西北三十五里建德三年從鄠縣西北移於今所【後周置周南郡及恆州】寰宇記周天和二年割雍州之終南郡於此置恆州領周南郡長安志建德三年徙縣於今治置周南郡按終南郡無考紀要西魏置終南縣亦未詳寰宇記唐武德二年置【又有倉城】隋書長孫覽傳從子熾周建德二年授倉城令【溫湯二縣尋並廢有司竹園】元和志在整屋縣東十五里史記曰渭川千畝竹今按園周迴百里置監丞掌之以供國用義寧元年義師起高祖第三女平陽公主舉兵於司竹園號娘子軍長安志引晉地道記司竹都尉治鄠縣【有宜壽】元和志隋宜壽宮在縣東南三十二里【仙遊】長安志仙遊宮在縣南三十五里舊圖經曰隋文帝避暑處【文山鳳皇】二宮今無考【等宮有關官】按關官未詳寰宇記略谷關在縣西南一百二十里唐武德七年開駱谷道以通梁州在今關北九里貞觀四年徙於今所據此則駱谷關為唐置然駱谷道為漢魏舊道其後廢塞疑本有關也【有太乙山】今整屋縣南三十里即終南山又曰太白山水經注云地理志縣有太壹山古文以為終南杜預以為中南也南去長安二百里不知其高幾何俗云武功太白去天三百山下軍行不得鼓角鼓角則疾風雨至按張衡西京賦潘岳西征賦皆以太乙終南

並列唐六典又以終南太白並列此志載太乙於整屋載終南于鄠縣蓋不從漢志水經注之說互詳下【有溫湯】水經渭水注溫水出太壹山其水沸涌如湯杜彥達曰可治百病世清則疾愈世亂則無驗其水下合溪流北十三里入渭

【醴泉】今縣東北十里

【後魏曰寧夷】長安志後魏武帝於谷口置溫秀寧夷二護軍改池陽為寧夷縣隸咸陽郡【西魏置寧夷郡後周改為秦郡】周紀魏封太祖子直為秦郡公楊荐傳秦郡寧夷人長安志作寧秦郡非【後廢又以新時甘泉二縣入焉】新時在醴泉縣東甘泉近甘泉山紀要皆後魏置後周廢而地形志無之【開皇十八年改縣名醴泉】元和志以縣界有周醴泉宮因為名寰宇記其城即古仲橋城也【有甘泉水】長安志甘河自縣西北北鎮西來至縣東北涇甘渡入涇水【波水】長安志波水谷在縣北七十里【浪水】寰宇記承陽山在縣西北三十里有石泉三輔黃圖所謂浪水是也【有九嶼山】今醴泉縣東北六十里長安志引四夷郡國縣道記九嶼山東連仲山西當涇水出處高六百五十丈周五里【溫秀嶺】紀要溫秀城在永壽縣東南長安志溫宿嶺在縣北漢時溫宿國人令居此田牧因為名又寰宇記永壽縣下云溫修山一名溫秀山開山圖云溫修山實三陽山也謂之溫秀蓋俗訛耳【上宜】今乾州西北三十五里

【開皇十七年置】元和志作十八年【有舊莫西縣】今乾州西北地形志作漢西云太和十一年置考魏書江悅之傳宣武帝時封士孫天與為莫西男則當以作莫西為是蓋因莫或作漢又誤為漢耳【十八年改名好時】按好時縣在今乾州東北十里秦置後漢末省晉元康中復置寰宇記周建德三年併入莫西縣開皇十八年又改名好時【大業三年廢入焉】

【鄠】今縣治漢縣寰宇記自漢至隋皆以鄠城置縣即今縣北二里故鄠城是也其城周四里類垣尚在大業十年移於今所

【有甘泉宮】元和志隋甘泉宮在鄠縣西南二十二里對甘泉谷因名之紀要古以甘泉名宮者三秦甘泉宮在渭南漢甘泉宮在雲陽磨石嶺上隋甘泉宮在鄠縣對甘泉谷或曰甘泉為秦之南宮隋宮疑即秦舊址也【有終南山】今鄠縣南即禹貢之終南惇物詩之終南何有左傳之荆山中南漢書地理志太乙古文以為終南【有澇水】今鄠縣西三里說文澇水出扶風鄠北入渭水經渭水注澇水出南山澇谷北經漢宜春觀又東北經鄠縣故城西北流入於渭寰宇記澇谷水源出鄠縣東南澇谷經縣理西北經賁陽宮

【藍田】今縣治秦縣長安志周武帝建德三年自縣西三十里故城徙曉柳城今治是也

【後周置藍田郡尋廢郡及白鹿玉山二縣入焉】元和志周閔帝長安志云元年割京兆之藍田又置玉山白鹿二縣置藍田郡至武帝長安

志云建德二年省郡復為藍田縣屬京兆紀要白鹿城在藍田縣西十五里玉山廢縣在藍田縣南【有關官】寰宇記藍田關即秦之嶢關也在藍田縣東南九十八里史記子嬰遣將將兵拒嶢關沛公引兵繞嶢關踰黃山擊秦軍大敗之周明帝武成元年自嶢關移置青泥故城側改曰青泥關武帝建德三年改為藍田關長安志煬帝大業元年徙復舊所【有滋水】今藍田縣西漢志云霸水出藍田谷北入渭古曰滋水秦穆公更名以章霸功元和志霸水故滋水也即秦嶺水之下流東南自商州上洛縣界流入又西流合潼水入渭

【新豐】今臨潼縣東北漢縣寰宇記後魏時移理於故城三十里蓋在零水側周閔帝元年又徙於天保廢新豐縣東南七里隋大業六年又徙於天保中廢縣所治

【有溫湯】寰宇記溫泉在驪山之西北按三秦記云入湯須以三牲祭之不爾即爛入肉張衡賦序云余過驪山觀溫泉浴神井嘉洪澤之普施乃為之賦長安志引十道志曰今按泉有三所其一處即皇堂石井周武帝天和四年大冢宰宇文護所造隋文帝開皇三年又修屋宇列樹松柏千餘株

【華原】今耀州治三國魏僑置泥陽縣元和志開皇六年改為華原又云泥陽故城在縣東南十七里

【後魏置北雍州】長安志後魏置北雍州永熙二年自三原縣界永安故城徙北雍州於今

華原縣【西魏改為宜州】周書魏廢帝三年正月改北雍州為宜州【又置北地郡】地形

志云魏文帝分馮翊之祿祿置則非始於後魏按祿祿故城在今耀州東一里【尋改為通川郡】元和志魏廢帝三年改蓋已移北地郡於富平故於此立通川【開皇初郡廢大業初州廢】元和志大業二年【及土門縣入焉】今

西安府富平縣西北七十里長安志引周地圖記曰苻秦時置七門護軍後魏太武太平真君七年罷護軍地入同官縣宣武景明元年省頻陽縣分銅官縣置土門縣屬北地郡因縣界有

土闕狀似門故曰土門元和志大業二年省義寧二年再置新唐志義寧二年以華原宜君同官置宜君郡【有沮水】寰宇記沮水自邠州

入華原縣界合漆水入富平石川河接沮水有二一出中部縣子午嶺逕宜君縣仍在中部入洛者是元一統志所稱之沮也一自中部縣逕

宜君耀州同官富平至臨潼入渭亦曰石川河是水經注所指循鄭渠東入洛之沮也【頻山】寰宇記頻山在美原縣西北十一里秦厲

公於此山之南置頻陽縣秦將王翳即此縣人也按美原在華原東南唐咸亨二年割富平華

原及同州蒲城置美原縣故隋志頻山在華原

【宜君】今縣西南元和志前秦苻堅於祿祿古城北置宜君護軍後魏真君七年改為宜君縣

西魏文帝大統五年移於今華原縣北【舊置宜君郡】一統志西魏置按長安志引十六國春秋有莊帝永安元年以銅官屬宜君郡

之文則非始置於西魏【開皇初郡廢有清水】寰宇記三原縣下云清水谷在縣西北華陽縣界流入一名鬼谷昔蘇張師事鬼谷先生學即此谷也按紀要清水谷即清水

【同官】今縣治長安志同官本漢祿祿縣地晉為頻陽縣十六國春秋苻堅於祿祿城東北銅官川置銅官護軍後魏太武太平真君七年罷

護軍置銅官縣屬北地郡莊帝永安元年屬宜君郡後周武帝建德四年自今縣東南十里銅官故縣徙於今治至是除金止作同字隋開皇

二年改宜君郡為宜州以縣屬焉大業二年省宜州以縣隸雍州按地形志作同官周書王德傳魏孝莊帝永安二年封同官子則據已改名稱之也

【鄭】今華州治秦置縣在今華州北元和志後魏置東雍州縣移於州西七里大業二年州廢移入州城隸雍州三年以州城屋宇壯麗置太

華宮縣即權移城東四年宮廢又移入城寰宇記引郡國縣道記云古城連接今州城齊天保

中官路經其中東西相連有三小城至宇文朝縣移於西南九里故鄭城隋開皇三年又移理於州北故鄭城四年又移於廢華州城

【後魏置東雍州】寰宇記孝昌二年置【并華山郡】寰宇記太平真君元年置孝明帝分置華山郡又置武山郡【西魏改曰華州】周

書魏廢帝三年正月改東雍州為華州按後魏地形志太和十一年置華州領華陰鄭夏陽敷西郃陽五縣即此東雍州之地志以太和之華

州隸於馮翊郡下蓋因彼治李閭鎮此東雍州則在今華州西七里故周書廢帝三年既改東雍州爲華州又改華州爲同州明非一地謝氏啓昆西魏書合爲一條考之未審【開皇初郡廢大業初州廢】元和志大業二年廢舊唐志隋義寧元年割京兆郡之鄭縣華陰置華山郡因後魏郡名【有少華山】元和志少華山在鄭縣東南十里山海經云太華之西八十里曰少華之山其木多荆杞其獸多牝牛其陰多磬石其陽多瓊瑋鳥多赤鷲

【渭南】今縣東南四里元和志本漢新豐縣地苻秦時置渭南縣後魏孝明帝於今縣東南四里置南新豐縣西魏廢帝二年改爲渭南縣寰宇記云開皇十四年自縣東四里明光原移於今理長安志引兩京道里記云隋文帝過縣以原上乏水故徙之括地志縣城大業九年築【後魏置渭南郡】元和志後魏孝明帝於今縣東南四里置渭南郡按隋書達奚長儒傳後周天和中除渭南郡守【西魏分置靈源中源二縣】長安志廢帝二年【後周郡及二縣並廢入焉】寰宇記周建德二年省郡【有步壽宮】三輔黃圖云步壽宮在新豐縣水經注首水經秦步壽宮西

【萬年】今臨潼縣北五十里元和志漢分櫟陽置萬年縣後漢省櫟陽入萬年後魏宣武帝又分置廣陽縣周明帝省萬年入廣陽更於長安城中別置萬年縣廣陽仍屬馮翊郡輿地廣記隋開皇三年改萬年爲大興而復改廣陽爲萬

年按隋宋文彪造灑水石橋碑後言以開皇十六年立附列姓名有翊軍將軍司馬田威馮翊廣陽人然則開皇中尙未改廣陽爲萬年蓋仁壽初改避煬帝諱也

【高陵】今縣治後漢爲左馮翊治元和志魏文帝除左字移郡治臨晉

【後魏曰高陵】元和志本秦高陵縣屬左馮翊魏文帝改爲高陵屬京兆郡寰宇記縣城舊在西南後魏移於今所【大業初改焉】元和志大業二年改寰宇記縣城大業七年築

【三原】今縣東北三十里寰宇記前秦苻堅於鞏擊山北置三原護軍以其地南有鄠原西有孟侯原北有白鹿原是爲三原後魏太平真君七年置縣屬北地郡地形志北地郡無三原縣漏也

【後周置建忠郡】寰宇記永安故城亦名洪賓柵在三原縣北五十五里即後魏北雍州城也周地圖記魏明帝孝昌三年蕭寶寅逆亂關右毛洪賓立義柵以捍賊永安元年於此置北雍州其年又割北地郡之三原縣於此置建忠郡屬北雍州又按後魏書毛遐洪賓兄也亦有功於魏故肅宗詔改三原縣爲建忠郡以旌其兄弟功也孝武帝永熙元年移北雍州於今宜州仍於城中置永安鎮據此則郡爲魏置非後周置又考魏書宗室傳孝明帝時封元志建忠伯北齊書神武紀西魏時方俟普封建忠王益見建忠爲魏郡而地形志無此郡蓋志於永安後多漏闕也【建德初郡廢】長安志周武帝

建德二年郡廢以三原隸馮翊郡寰宇記謂郡廢於隋開皇三年誤蓋隋文帝父名忠不應至開皇三年始廢

【涇陽】今縣治元和志秦舊縣漢屬安定郡惠帝改池陽屬左馮翊在今縣西北二里苻堅於今縣東南二十八里置涇陽縣後魏於縣置咸陽郡後周建德中置池陽縣元和志又云秦置涇陽縣隋文帝移涇陽縣於咸陽按苻秦縣在今涇陽縣東南三十里隋廢石趙所置石安縣移涇陽縣於此

【舊置咸陽郡】晉志苻堅分京兆爲咸陽郡元和志苻堅於漢渭城縣地置寰宇記苻堅於今咸陽縣東北長陵城置咸陽郡【開皇初廢】長安志開皇三年【有茂農渠】長安志白渠堰涇水入焉西自雲陽縣界來東入高陵縣界十道志曰太白中自南白謂之三白渠也渠上斗門四十八按白渠在今涇陽縣西北六十里紀要茂農渠蓋白渠之支渠今湮廢

【雲陽】今涇陽縣北三十里【舊置】本漢縣後漢末省太平真君七年復置【後周置雲陽郡開皇初郡廢有涇水】長安志云涇水在縣西南二十五里引水經注涇水東流歷峽謂之涇峽元和志涇陽縣下云涇水西北自池陽縣界流入涇縣南七里又東南入高陵縣界春秋襄公十四年諸侯伐秦濟涇而次秦人毒涇師人多死【五龍水】長安志五龍谷水引水經注五龍水出雲陽宮西南紀要泉流繞長筠阪下【甘水】長安志引十道

志甘泉水出石鼓西原【走馬水】

【富平】今縣治漢縣長安志前漢縣治在今靈州同樂縣界後漢徙今寧州彭原縣界寰宇記晉移於今富平縣西南懷德城西魏大統五年自懷德城移於今理

【舊置北地郡】長安志後魏自今華原北祿翽故城徙北地郡於華原縣東南【後周改曰中華郡】今縣南寰宇記周閔帝二年於富平縣理置中華郡周書令狐整傳拜御正中大夫出為中華郡守【尋罷】元和志周武帝省郡以縣屬馮翊長安志開皇三年廢郡以縣屬雍州寰宇記亦謂隋廢郡【有荆山】元和志縣西南二十五里按漢志荆山在懷德漢之懷德故城在今朝邑後漢省寰宇記後漢末及三國時因後漢舊名于此立縣晉移富平來治後魏復徙去然則富平之懷德城非漢之懷德荆山不得在此自隋志誤係而元和志遂沿之

【華陰】今縣治秦寧秦縣漢改華陰按古城在縣東南五里元和志隋大業五年移於今理

【有興德宮】元和志興德宮在馮翊縣南三十里義旌將趨京師軍次于忠武園因置亭子名興德宮屬家令寺【有關官】元和志潼關在華陰縣東北三十九里古桃林塞也春秋時晉侯使詹嘉處瑕以守桃林之塞是也關西一里有潼水因以名關【有京輔都尉有白渠】水經渭水注太始二年趙國中大夫白公奏穿渠引涇水首起谷口出於鄭渠南名曰白渠按元和志白渠水起谷口尾入櫟陽然去華陰甚

遠志誤當載入涇陽【有華山】元和志太華山在華陰縣南八里山海經曰其高五千仞削成而四方遠而望之有若華狀

按西魏嘗置南汾州於楊氏壁通鑑梁中大通六年東魏行臺薛修義等度河據楊氏壁西魏司空參軍薛端糾帥村民復取楊氏壁宇文泰遣南汾州刺史蘇景恕鎮之注楊氏壁當在華陰夏陽之間蓋華陰諸楊遇亂築壁以自守因名魏汾州本治蒲子城孝昌中陷移治西河時西河已屬東魏故西魏僑置南汾州於楊氏壁【馮翊郡】漢左馮翊在長安城中後漢出治高陵魏文帝除左字移郡於臨晉晉因之後魏仍治高陵隋復移臨晉

【後魏置華州】地形志太和十一年分秦州之由山澄城白水置【西魏改曰同州】周書魏廢帝三年正月改華州為同州通典以漆沮既從灃水攸同言二水至斯同流入渭以城居其地故曰同州廣韻曰馮翊有龍泉泉有九源同為一流因以名州與通典說異按寰宇記引郡國記云同州所理城即後魏永平三年刺史安定王元燮所築其東城正光五年刺史穆弼築西與大城通其外城大統元年刺史王巖築自今奉先縣東北五十里李潤鎮分秦州置華州理于此廢帝三年又改為同州其城蓋自後魏以後修築非漢之臨晉縣也又元和志謂後魏永平三年為同州然地形志有華州無同州恐未然通鑑梁中大同元年西魏蘇綽歸葬武功宇文泰與羣公步送出同州郭外按梁中大

同元年當西魏大統十二年則同州之名不始於廢帝三年豈史文追錄之與

【統縣八戶九萬一千五百七十二】

【馮翊】今大荔縣治

【後魏曰華陰】元和志本漢臨晉縣晉改為大荔後魏改為華陰【西魏改為武鄉】元和志以名重改為武鄉寰宇記孝昌二年改則非改於西魏然地形志有華陰無武鄉則以西魏改為是【置武鄉郡】通鑑周主克并州遣韋孝寬招齊行臺右僕射傅伏令其子以上將軍武鄉公告身及金馬璫二酒鍾賜伏為信伏不受【開皇初郡廢大業初改名馮翊】元和志大業三年改【置馮翊郡有沙苑】今大荔縣南十二里元和志沙苑一名沙阜在馮翊縣南十二里東西八里南北三十里後魏文帝大統三年周太祖為相國與高歡戰於沙苑大破之其時太祖兵少隱伏於沙草之中以奇勝之後於兵立之處人栽一樹以表其功今樹往往猶存仍於戰處立忠武寺今以其處宜六畜置沙苑監

【韓城】今縣治元和志古韓國及梁國漢為夏梁縣地

【開皇十八年置】元和志隋文帝分郃陽置寰宇記以古韓城為名通典縣為周置恐非【有關官】元和志龍門戍在韓城縣東北極險峻後周於此置龍門關今廢【有梁山】今韓城縣南十九里禹貢治梁及岐詩奕奕梁山爾雅曰梁山晉望也【有鬼谷】按鬼谷之地其說

同元年當西魏大統十二年則同州之名不始於廢帝三年豈史文追錄之與

不一史記甘茂傳自轂塞及至鬼谷索隱曰在關內雲陽裴秀雍州記在池陽長安志引晉太康地記扶風池陽縣有鬼谷先生所居長安志清水谷在華原縣西三十五里石門鄉十道志一名鬼谷此即池陽之鬼谷也司馬彪郡國志云按史記鬼谷在潁川陽城虞喜志長安志引在隴關合此韓城之鬼谷凡五處未知孰是

【郃陽】今縣治漢縣應劭云在郃水之陽後魏屬華山郡元和志周武帝時屬澄城郡寰宇記隋開皇十六年自故城移縣於今理又引郡國縣道志云郃陽城魏文侯築今夏陽縣南三里故城是也

【朝邑】今縣治元和志本漢臨晉縣地

【後魏曰南五泉】地形志太和十五年置【西魏改焉】寰宇記西魏廢帝三年改以北據朝坂爲名【有長春宮】寰宇記長春宮在強梁原上周武帝保定元年宇文護所築初名晉城武帝建德二年置長春宮隋文帝開皇十二年增構殿宇元和志大業十三年高祖起義兵自太原舍於此宮休甲養士而定京邑【有關官】元和志縣西南有蒲津關寰宇記蒲津關因蒲坂又以河津之湊爲名紀要臨晉關在朝邑縣東北黃河岸亦曰蒲津城渡河即蒲州也春秋時謂之蒲關隋末李淵自河東渡河朝邑法曹靳孝謨以蒲津中潭二城降【有朝坂】水經注云洛水東南歷強梁原俗謂之朝坂紀要云在朝邑縣治南漢志懷德縣南有荆山山下有強梁原原即荆山北麓矣

【澄城】今縣治元和志漢徵縣也韋昭云徵音懲徵澄同聲後人誤爲澄春秋文公十年秦取晉北徵在今縣南二十二里太平真君七年分郃陽縣置

【後魏置澄城郡】地形志太平真君七年置【後周併五泉縣入焉】今澄城縣地地形志真君七年置【開皇初郡廢】

按三門縣在今澄城縣西北三十里地形志真君七年置未知廢於何時恐亦與五泉同併入澄城

【蒲城】今縣治

【舊置南北二白水】按地形志白水縣太和二年置南白水縣太和十一年置屬白水郡此南白水也志當云舊置南白水【西魏改爲蒲城】元和志西魏改南白水縣置蒲城縣寰宇記西魏廢帝三年改南白水爲蒲城以縣東故蒲城爲稱其北白水固未廢也詳見下【置白水郡】按地形志太和三年置白水郡寰宇記永平三年移郡於今縣西南三十三里奉先縣界則非置於西魏謝氏啓昆云置當作屬然志例不言屬實志誤也【開皇初郡廢】

【下邳】今渭南縣東北五十里漢縣元和志後魏避道武諱改爲下邳大業二年復舊寰宇記隋開皇三年以下封屬華州十七年屬同州置在雄霸故城大業二年復舊名十一年自此城移入西魏廢延壽郡城即今縣理是也謝氏啓昆曰下邳漢縣至魏廢故地形志馮翊郡蓮勺下云有下邳城大統三年復置兼置延壽郡

【舊置延壽郡】寰宇記後魏太和三年改馮翊爲延壽郡謝氏啓昆曰太和爲大統之誤案謝氏說不云出何書當因地形志無此郡故疑太和爲大統之譌今按周書于謹傳子寔孝閔踐阼進爵延壽郡公而魏書列傳未有爲延壽郡守者是至西魏始立延壽郡至確謝氏說誠是也【開皇初郡廢大業初併蓮勺縣入焉】今渭南縣東北七十里漢置寰宇記大業二年省【有金氏陂】寰宇記金氏陂在下邳縣東南二十里輿地志漢昭帝時車騎將軍金日磾有功賜其地摯虞三輔決錄云金氏本下邳人也金陂久廢即渠西廢陂是也

【白水】今縣南地形志後魏太和二年置屬白水郡元和志開皇三年罷郡屬同州此即志上文所云北白水也志當云舊置北白水

【有五龍山】紀要黃龍山在白水縣東北五十里地形志姚谷縣有黃崖山白水縣有五龍山蓋二山俱在白水縣界因譌曰黃龍山【馬蘭山】蘭明監本同毛本作闕誤

【扶風郡】漢郡名隋移治

【舊置岐州】地形志太和十一年置元和志後魏太武於今州理東五里築雍城鎮文帝改鎮爲岐州隋開皇元年於州城內置岐陽宮岐州移於今理大業三年罷州謝氏啓昆曰元和志與魏志不合文帝當作孝文

按有燕州通典扶風下後周置燕州註周天元於美陽故城置燕州隋開皇十六年置岐山縣以屬燕州隋末廢

【統縣九戶九萬二千二百二十三】

【雍】今鳳翔縣南秦縣

【後魏置秦平郡】地形志作平秦云太延二年置魏書蕭寶寅傳呂伯度封平秦郡公北齊書有平秦王歸彥平秦公薛孤延則當作平秦
【西魏改爲岐山郡】通典作岐陽【開皇三年郡廢大業初置扶風郡有岐陽宮】見前

【岐山】今縣東北八里

【後周曰三龍縣】元和志周天和四年割涇州鶉觚縣之南界置三龍縣寰宇記屬岐州【開皇十六年改名焉】元和志開皇十六年移三龍縣於岐山南十里改爲岐山縣寰宇記因山爲名大業九年移於今岐山縣東北八里【又有後魏周城縣】今岐山縣東北地形志太平真君六年置【後周廢】按周書尉遲迴傳周初進爵周城縣公則周初尙未廢也【有岐山】今岐山縣東北十里寰宇記亦名天柱山禹貢曰導岍及岐河圖括地象曰岐山在崑崙山東南爲地乳土多白金周之興也鸞鷲鳴於岐山時人亦謂此山爲鳳凰堆注水經云天柱山有鳳皇祠或云其峯高峻迴出諸山狀若柱因以爲名

【陳倉】今寶雞縣治

【後魏曰宛川】在寶雞東十五里地形志無此縣齊書魏蘭根傳從行臺蕭寶夤破宛州北史作宛川與此合按西秦錄建義三年秦苻堅封乞伏國仁爲苑川王則在今皋蘭縣非此地
【西魏改曰陳倉】秦置陳倉縣在今寶雞東

二十里寰宇記引周地圖記云陳倉縣晉末廢苻姚時於縣界置宛川縣西魏大統十六年移宛川縣入漢陳倉縣故城復爲陳倉縣即今寶雞縣東二十里古城是也屬武都郡【後周置顯州尋州縣俱廢】寰宇記周天和三年置顯州建德三年廢顯州及陳倉【開皇十八年置曰陳倉】元和志大業九年移於今理在渭水北寰宇記寶雞縣下云大業十年移縣理於渭水北留谷城今縣是也【有陳倉山】元和志陳倉山在寶雞縣南十里南接梁鳳二州界水經渭水注陳倉山上有陳寶雞鳴祠昔秦文公感伯陽之言遊獵於陳倉遇之於北坂得若石焉其色如肝歸而寶祠之故曰陳寶其來也自東南暉暉聲若雷野雞皆鳴故曰雞鳴祠【有關官】元和志散關在寶雞縣西南五十二里蜀志諸葛亮出散關圍陳倉

【號】今寶雞縣東五十里

【後魏置武都郡】地形志太和年置【西魏改縣曰洛邑】寰宇記西魏大統十三年遷同州洛邑縣人於武都城西置洛邑縣遷取舊名元和志謂周改爲洛邑縣誤【後周置朔州】各本州下衍州字今刪【尋廢】寰宇記周天和和中於洛邑置朔州尋廢州移州原郡理之輿地廣記亦作翔當因鳳鳴岐山故後來有鳳翔之號然則朔字誤【開皇初郡】各本郡字在開字上今移【廢大業初改縣爲號】元和志大業三年

【郿】今縣東北

【舊曰平陽縣】地形志真君六年置【西魏改曰郿城】寰宇記西魏廢帝因縣內郿城改爲郿城縣【後周廢入周城縣】寰宇記周天和三年以郿城縣併入周城縣【開皇十八年改周城爲渭濱大業二年改爲郿】舊唐志義寧二年於縣界置郿城郡領郿鳳泉二縣新唐志鳳泉縣義寧二年析郿縣置【又後周置雲州建德中廢】寰宇記斜城在渭水南一里周天和元年築置雲州建德三年廢【有安仁宮】在縣治東隋開皇十三年置行宮十二所自京師以達於仁壽宮此其一也【鳳泉宮有太白山】元和志太白山在郿縣東南五十里寰宇記引周地圖記云太白山上恆積雪無草木半山有橫雲如瀑布則澍雨人常以爲候驗之如離畢焉故語云南山瀑布非朝即莫【五丈原】元和志五丈原在郿縣西南三十五里初諸葛亮與司馬宣王相持亮據渭水南原宣王謂諸將曰亮若出武功依山東轉是其勇也若西上五丈原諸君無事矣亮果屯此原耕者雜於渭濱居人安堵軍無私焉

【普閏】今麟遊縣西一百二十里本漢漆縣

【大業初置】元和志大業元年置馬牧又置普潤屯後廢屯置縣寰宇記大業元年於細川谷置普潤縣以屬岐州蓋以杜漆岐三水溉灌田疇民獲利濟以爲縣名十三年移今理【有仁壽宮】今麟遊縣西五里隋書開皇十三年楊素於岐山北建仁壽宮元和志隋文帝每歲避暑春往冬還義寧元年廢宮置立郡縣【有

漆水」寰宇記源出普潤縣東南漆溪按說文漆水出右扶風杜陽岐山東入渭水經渭水注漆水出杜陽縣之漆溪謂之漆渠南流大澗水注之二川并逝俱爲一水與杜水合「岐水」寰宇記即大澗水也源出普潤縣東南流入漆水即古岐水是也水經渭水注大澗水即岐水出大道川南南流入漆「杜水」寰宇記杜水出普潤縣東南溪澗間水經渭水注杜水出杜陽山南流謂之杜陽川東南流左會漆水按隋有麟遊縣即今麟遊縣治元和志置西麟州營仁壽宮義寧元年高祖輔政廢宮是年獲白麟於宮所因置縣舊唐志義寧元年於仁壽宮置鳳棲郡及麟遊縣其郡領麟遊上宜普潤三縣二年改曰麟遊郡及雲臺縣仍割安定郡之鶉觚來屬

【汧源】今隴州治

【西魏置隴東郡】寰宇記魏初於今汧源縣地置隴東郡按晉書苻秦時有隴東郡地形志隴東郡領涇陽祖居撫夷三縣在今平涼縣非此隴東也據寰宇記所云則魏有兩隴東郡地形志缺其一耳【及汧陰縣後改縣曰杜陽後周又曰汧陰】寰宇記漢置汧縣在縣南西魏廢帝改爲汧陰縣周明帝移於今理【開皇三年郡廢】元和志義寧二年又於汧源縣置隴東郡【五年縣改曰汧源】新唐志義寧二年析扶風郡之汧源汧陽南由安定郡之華亭置隴東郡【又有西魏東秦州後改爲隴州】元和志後魏置東秦州西魏文帝改名隴州寰宇

記後魏正光三年置東秦州於故汧城孝昌三年爲萬俟醜奴所破永熙元年於今隴州東南八里復置東秦州則州非置於西魏而地形志復無東秦州亦漏也寰宇記又云西魏大統十七年改東秦州爲隴州因山爲名周明帝二年置於今理武帝天和五年省入岐州宣帝大象二年復置按周紀魏廢帝三年正月改東秦爲隴州天和四年十二月罷隴州【大業三年州廢】元和志作二年【有關官】寰宇記大震關在汧源縣西六十一里後周天和元年置今爲隴山關漢武帝於此遇雷震因名【有隴山】今隴州西北六十里說文隴山天水大坂也御覽引周地圖記曰其山高處可三四里登山東望秦州可五百里目極泯然墟宇桑梓與雲霞一色其上有懸溜吐于山中爲澄潭名曰萬石潭流溢散下皆注於渭東人西役升此而顧莫不悲思其歌云隴頭泉水流離西下念我行役飄然曠野登高遠望涕零雙墮是此山也【汧山】今隴州西四十里元和志在汧源縣西六十里北與隴山接禹貢導汧及岐是也按水經渭水注吳山三峯霞舉疊秀雲天地理志吳山古文以爲汧山國語所謂虞矣【汧水】今隴州治西南紀要源出汧山東流經汧陽縣界又東南入寶雞縣境注於渭水水經渭水注汧水出汧縣之蒲谷鄉弦中谷東南逕隴縣故城南又東流注於渭

【汧陽】今縣西四十里元和志周武帝置寰宇記周天和五年於今汧陽縣西四十里馬牢故

城置汧陽縣及汧陽郡以在汧山之陽爲名尋廢郡以縣屬隴州建德四年移於今理輿地廣記謂元魏置而地形志不載

【舊置汧陽郡】寰宇記周天和五年置輿地廣記謂郡亦元魏置按志不曰周置汧陽郡尋罷而曰舊置汧陽郡後周罷廣記魏置郡縣之說疑卽據此志然元和志寰宇記言之鑿鑿當是也【後周罷】

【南由】今隴州西南一百二十里通輿地廣記作南田誤

【後魏置】元和志後魏孝明帝於漢汧縣地西南由谷口置縣因谷爲名【西魏改爲鎮後周復置縣又有舊長蛇縣】元和志後魏孝昌二年於長蛇川置長蛇縣屬東秦州長蛇川在南由縣西一百步【開皇末廢】元和志開皇十八年改爲吳山縣寰宇記開皇十三年自長蛇川故地移於今縣十八年置長蛇縣新唐志吳山本長蛇義寧二年置貞觀元年更名則開皇末廢長蛇縣義寧二年復置長蛇縣至唐始改爲吳山元和志寰宇記之說均未詳確元和志又云開皇二年省長蛇入南由亦誤【有關官】元和志安夷關在南由縣西一百四十六里【有盤龍山】寰宇記作龍盤云在吳山縣東南七里紀要亦作龍盤云山蜿蜒曲折爲一州之勝

【安定郡】寰宇記漢郡初治高平後漢徙治美陽永建四年移今所

【舊置涇州】通典後魏太武帝置州按後周

嘗置總管府周明帝紀武成元年正月初改都督諸州軍事為總管十月以柱國吳國公尉遲綱為涇州總管又武帝紀建德六年四月廢涇州總管然考周宣帝紀大象元年三月以上柱國薛國公長孫覽為涇州總管蓋廢後旋復也元和志大業三年改為安定郡

【統縣七戶七萬六千二百八十一】

【安定】今涇州北五里漢縣後漢省東晉復置元和志西魏大統元年自高平城移於今理屬安定郡開皇三年罷郡以縣屬涇州

【帶郡】志於郡治皆書於首縣其無說者則以帶郡二字填之殊無謂也

【鶉觚】今靈臺縣治漢鶉觚縣在今縣東北寰宇記西魏大統中自鶉觚故城移今所又引周地圖記鶉觚縣屬平涼郡按元和志謂周屬趙平郡據志趙平郡廢於周則當作屬平涼郡

【舊置趙平郡】地形志趙平郡領鶉觚東槃二縣【後周廢郡并以宜祿縣入焉】今邠州

長武縣治寰宇記引周地圖記云後魏熙平二年於鶉觚縣置東陰盤縣廢帝元年以縣南臨宜祿川又改為宜祿縣屬趙平郡輿地廣記後周省入鶉觚【大業初分置靈臺縣二年廢】

按陰密縣在今靈臺縣西五十里漢置紀要後周廢又有漢淺水縣屬上郡寰宇記在宜祿縣北五里西魏大統十四年廢按後漢已無淺水縣未知何時復置

【陰盤】今平涼縣東四十里後魏移置地形志作槃

【後魏置平涼郡】按地形志陰槃縣屬平原郡【開皇初郡廢有盧水】

【朝那】今靈臺縣地漢縣後魏徙置寰宇記西魏大統元年自原州百泉縣朝那城徙朝那縣於此

【西魏置安武郡】隋書李穆傳西魏時封安武郡公【及析置安武縣】在今涇州鎮原縣南按地形志有安武縣屬西北地郡又北齊書張保洛傳東魏時封安武縣伯則縣實置於後魏【開皇三年郡縣并廢入焉】

【良原】今靈臺縣西北九十里

【大業初置】元和志大業元年分安定縣之地置良原縣西南三十里有良原因為名寰宇記大業元年分安定鶉觚二縣之地置縣【臨涇】今鎮原縣治

【大業初置初曰秋谷尋改焉】元和志大業元年置湫谷縣取縣內湫谷為名十二年改為臨涇寰宇記輿地廣記亦作湫按漢臨涇縣在今鎮原縣南五十里地形志屬安定郡一統志魏廢考周書蘇亮傳西魏文帝時封臨涇子則縣蓋廢於西魏後

【華亭】今縣治

【大業初置】元和志大業元年置華亭縣以在華亭川口故名寰宇記大業元年置華亭縣在白馬華亭二川口蓋因水為名三年改為亭水縣【有隴水】互詳前汧源隴山下御覽引辛氏三秦記引俗歌云隴頭流水鳴聲幽咽遙望秦川肝腸斷絕又互見後清水縣下【芮水】

今華亭縣東南三里周禮職方氏雍州其川涇納紀要自隴州流入華亭縣境又東北流入崇信縣

【北地郡】秦郡漢因之後漢徙治富平故城後周移今理

【後魏置豳州】地形志皇興二年置華州延興二年為三縣鎮太和十一年改為班州十四年為邠州二十年改為豳州【西魏改為寧州】元和志西魏廢帝三年改豳州為寧州以撫寧戎狄為名周書魏廢帝三年正月改南豳為寧州考西魏南豳州置於白土寰宇記之說最明周書謂改南豳為寧州恐誤按寧州嘗置總管府周書常善傳周初拜大將軍寧州總管又隋書宇文慶傳閻毗傳父慶周時並為寧州總管周武帝紀建德六年四月廢寧州總管又隋紀開皇三年六月以河間王弘為寧州總管蓋隋初復置也北史序傳文帝受禪李諧為寧州刺史隋書竇榮定傳開皇受禪拜寧州刺史元諧傳開皇間為寧州刺史李安傳仁壽元年為寧州刺史

【大業初復曰豳州】元和志後周改寧州為北地郡隋又為寧州大業中又為郡

【統縣六戶七萬六千九百九十】

【定安】今寧州治地形志真君二年置元和志本漢泥陽縣地在今縣東南十里後魏太武帝置定安縣取定俗安人為義在今縣理西北三里定安故關隋開皇三年移縣入廢趙興郡屬寧州按隋安定郡治為安定北地郡治為定安

二文互倒而本地形志元和志寰宇記并作安定唯此志及舊唐志不誤元和志云取定俗安人爲義知本亦作定安傳寫倒耳

【舊置趙興郡】地形志真君二年置郡寰宇記輿地廣記作後周置誤【開皇初郡廢大業初置北地郡】舊唐志隋北地郡義寧元年領定安羅川襄樂彭原新平三水六縣二年分定安置歸義縣以新平三水屬新平郡

【羅川】今正寧縣北

【舊曰陽周】漢縣元和志後魏置宜陽惠涉二護軍太和十一年置陽周縣【開皇中改焉】元和志開皇十八年改以南臨羅水爲名屬寧州【又西魏置顯州後周廢有橋山】元和志子午山亦曰橋山在真寧縣東八十里黃帝陵在山上卽羣臣葬衣冠之處史記曰漢武帝北巡朔方還祭黃帝冢於橋山曰吾聞黃帝不死今有家何也或對曰黃帝已上仙羣臣葬其衣冠故有家

【彭原】今安化縣南

【舊曰彭陽後魏置西北地郡】元和志本漢彭陽縣地在今縣理西南六十里臨涇縣界彭陽故城是也後漢又爲富平縣之地後魏破赫連定後於此復置富平縣廢帝改爲彭陽縣屬西北地郡按地形志有西北地郡領彭陽富平安武三縣則非改富平爲彭陽【有洛蟠城西魏置蔚州】今慶陽府合水縣西南七十里元和志樂蟠縣本漢略畔道地今縣理北五里略畔故城是也後魏文帝於此置蔚州寰宇記西

魏大統六年置蔚州【有豐城西魏置雲州】

元和志本漢彭陽縣地今豐義縣西四十里彭陽故城是也後魏於縣理置雲州【後周二州並廢】按一統志周廢蔚州改置北地郡元和志周武置北地郡寰宇記建德二年隋開皇三年罷郡義寧元年分合水縣置樂蟠縣屬弘化郡取樂蟠城爲名舊唐志寰宇記亦作義寧元年置樂蟠縣惟輿地廣記作二年元和志又云周保定二年廢雲州爲防隋文帝廢防名爲豐義城【開皇初郡廢十八年改縣曰彭原】元和志因彭池爲名原南北八十里東西六十里【有珊瑚水】寰宇記安定縣下云珊瑚谷水經云珊瑚水東南至柁邑入洛按珊瑚水不得入洛洛乃泥之誤

【襄樂】今寧州東北

【後魏置襄樂郡】地形志太和十一年置元和志本漢襄洛縣地屬上郡後魏孝文帝改洛爲樂屬襄樂郡【後周廢】元和志後周縣屬北地郡隋開皇三年改屬寧州【又西魏置燕州】寰宇記襄樂本後魏燕州城也引周地圖記西魏文帝大統十六年置燕州因築此城【後周廢有子午山】元和志秦故道在縣東八十里子午山始皇三十年向九原抵雲陽卽此道也【新平】今邠州治本漢漆縣地寰宇記晉武帝分漆縣置邠邑苻秦時改漆取郡名爲新平姚萇亂郡縣皆廢而地形志云新平郡後漢建安中置郡國志注云興平元年置此志不言新平郡廢置疏矣【舊曰白土】元和志後魏於今

新平縣西南十里陳陽原上置白土縣屬新平郡【西魏置邠州】寰宇記西魏大統十四年

分涇州之新平郡置南豳州以北別有豳此爲南廢帝三年廢北豳州此遂去南字按魏書楊椿傳正光五年都督雍南豳二州諸軍事又蕭寶夤傳孝昌三年都督雍涇岐南豳四州諸軍事據此則南豳亦不始自西魏疑楊蕭兩傳所云卽魏廢帝所改之南豳地形志無南豳或旋廢也【開皇四年改縣爲新平】元和志開皇三年移白土縣於今州城中置豳州四年改白土爲新平【大業初州廢】元和志大業二年省邠州入寧州輿地廣記義寧二年復置豳州舊唐志義寧二年割北地郡之新平三水二縣置新平郡

【三水】今縣治寰宇記後魏初於今三水縣西

二十八里置三水縣屬新平郡西魏大統十四年移縣於今邠州西北十五里白馬堡隋開皇三年移理於今邠州三里新平郡故城大業元年移於今理【西魏置恆州尋廢】地形志三水屬新平郡按周賀毛公墓志云建昌人賀毛公卽侯置周書植傳上谷人高祖恕魏北地郡守子孫因家於北地之三水志又云葬於豳州之三水然則三水魏初屬北地後屬新平而志云建昌人地形志建昌屬涼州當是後又改新平爲建昌西魏置豳州故賀志云云然於西魏置恆州無所見按有永壽縣在今永壽縣南寰宇記西魏大統十四年於今永壽縣北廣壽原上置廣壽縣周

大象元年改永壽隋開皇三年省入新平

【上郡】元和志漢上郡雕陰縣地晉陷于戎羯不置州郡苻姚置杏城鎮

【後魏置東秦州】地形志太和十五年置後改為北華州【寰宇記孝明帝二年改【西魏改為敷州】周書文帝紀魏廢帝三年正月改北華為鄜州元和志廢帝改為鄜州因秦文公夢黃蛇自天降屬於地遂於鄜衍立鄜時為名據地形志敷城郡敷城縣則周書及元和志所云皆當從志作敷此因隋大業改敷作鄜遂蒙西魏之稱云【大業二年改為鄜城郡】寰宇記大業三年罷州置鄜城郡其年自杏城移理於五交城即今鄜州理志二年當作三年案周書楊紹傳大統九年出為鄜城郡守是西魏立敷州即有鄜城郡【後改為上郡】按下文洛交縣下云大業三年置上郡則此不當載

【統縣五戶五萬三千四百八十九】

【洛交】今鄜州治

【開皇三年置】元和志隋開皇十六年分三川洛川二縣置洛交縣屬鄜州取洛水之交故曰洛交【大業三年置上郡】

【內部】今中部縣治元和志中部縣下後秦姚興於今縣南置中部縣寰宇記西魏文帝大統九年縣移理杏城隋開皇元年避廟諱改為內部大業三年自杏城移於今理

【舊置敷州】已見上【及內部郡】地形志有中部郡治中部縣當是開皇初避諱改曰內部【開皇三年郡廢大業初州廢】見上按志

例郡下詳州縣下詳郡唯此郡縣沿革州郡互載亦為例不純者也

【三川】今鄜州南六十里

【舊名長城】元和志苻堅於長城原置長城縣屬長城郡按寰宇記秦長城在洛交縣東南四十里因河為塞洛交與三川毗連則長城郡縣當因秦塞為名【西魏改焉】寰宇記西魏廢帝三年改取古三川郡為名屬中部郡舊唐志以華池水黑水洛水三水會同因名【又有利仁縣尋廢入焉】寰宇記翟故城在中部縣西北四十里周三里猶有餘址後漢省宇文周曾於此城置利人縣尋廢

【鄜城】今雒川縣東南七十里

【後魏曰敷城】地形志屬敷城郡【大業初改焉】寰宇記大業元年改敷為鄜屬鄜州

【洛川】今雒川縣治地形志真君中置屬敷城郡按元和志謂後秦姚萇置縣以縣界有洛水川為名寰宇記隋開皇三年自高槐移於今所通典漢鄜縣地隋置今縣蓋據移治時地也

【有鄜水】無考寰宇記引水經注云蒲川水東南流入坊川豈即鄜水與

【雕陰郡】

【西魏置綏州】元和志廢帝元年置【大業初改為上州】元和志大業二年改綏州為上郡後又改為雕陰郡輿地廣記同按大業三年始改州為郡安得以為二年改綏州為上郡寰宇記煬帝初改綏州為上州尋廢州置雕陰郡最合

【統縣十一戶三萬六千一十八】

【上縣】今綏德州治寰宇記西魏廢帝元年置元和志取上郡為名

【西魏置安寧郡】輿地廣記作安樂按周書王盟傳子懋西魏廢帝二年進爵安寧郡公則志作寧是廣記於龍泉縣下亦作寧不誤【與安寧綏德安人三縣同置】安寧在今綏德州東南【開皇初郡廢改安人為吉萬大業初置雕陰郡】元和志以雕山在西南故名【廢安寧吉萬二縣入又後周置義良縣亦廢入焉】

【大斌】今綏德州西北一百二十里元和志名大斌者取稽胡懷化文武雜半之義

【西魏置】元和志後魏神龜元年於今縣東五里置周隋不改據此則非置於西魏【仍立安政郡】按周書史寧傳西魏廢帝時進爵安政郡公【開皇初廢有平水】水經河水注平水出平溪東南入奢延水

【延福】今綏德州東南

【西魏置曰延陵】寰宇記西魏廢帝元年置延陵縣屬撫寧郡元和志理延陵村【開皇中改為焉】寰宇記開皇十七年改為延福縣此縣城據崖三面巖絕頗為邊防險固之所

按隋有匡州寰宇記故匡州城隋置此州在廢延福縣西北五十里故城尚存

【儒林】今米脂縣西北八十里元和志本漢圖陰縣地

【後周置銀州】周紀保定三年正月於乞銀城置銀州元和志苻秦建元元年自驄馬城巡

撫戎狄其城即今銀州理是也周保定二年置銀州因谷爲名舊有人牧驄馬於此谷虜語驄馬爲乞銀按寰宇記謂周保定二年置銀防三年置銀州稍異【開皇三年改名焉】元和志開皇三年置儒林縣屬銀州【大業初州廢】元和志大業三年廢

【真鄉】今葭州西一百里元和志漢圍陰縣地【西魏置】元和志周保定二年置寰宇記謂周保定二年置中鄉縣隋開皇元年避中字改爲真鄉然則志文與元和志略也【後周置真鄉郡】通典作周置真鄉郡蓋據此志按寰宇記謂後周中鄉縣屬中鄉郡則周之郡亦曰中鄉又隋書李衍傳周平齊以軍功封真鄉郡公則據隋時郡名追改也【開皇初郡廢】

【開光】今葭州北一百里元和志大象二年置開光縣屬撫寧郡寰宇記隋大業中縣廢以其地入真鄉縣

【舊置開光郡】元和志周保定二年置開光郡大象二年廢郡按輿地廣記謂元魏置郡後周因之未知何據【開皇三年郡廢】與元和志周廢郡之說異亦此誤略也【有圍水】今葭州城東紀要一名奢延水亦曰銀水圍音同銀也史記晉文攘戎狄居於河西圍洛之間圍即無定河洛即洛川也按水經河水注圍水與奢延水爲二奢延水出奢延縣西南赤沙阜圍水出上郡白土縣圍谷紀要以爲一水誤

【銀城】今神木縣南四十里
【後周置曰石城後改名焉】元和志後魏時

置石城縣廢帝改爲銀城關周保定二年移於廢石龜鎮城即今縣理也寰宇記後魏時置石城縣廢帝三年改屬歸真郡隸綏州周保定二年移縣於廢石龜鎮隋大業七年改爲銀城縣以隸勝州輿地廣記後魏置石城縣後周改爲銀城隋屬綏州後廢焉三說俱與志異按地形志東夏州上郡有石城縣則自置於後魏志文蓋據移城於石龜鎮爲說也一統志從輿地廣記作魏置石城周改銀城

【城平】今清澗縣西
【西魏置】元和志後魏孝明帝於今縣西三十里庫仁川置城中縣隋改爲城平縣自庫仁川移於今理寰宇記亦云後魏神龜元年置城中縣地形志無城中縣誤志云西魏置亦誤

【開疆】今米脂縣西
【西魏置有後魏撫寧郡】地形志無此郡蓋脫【開皇三年郡廢】

【撫寧】今米脂縣西四十里
【西魏置】元和志西魏廢帝於縣東撫寧故城置撫寧縣屬撫寧郡開皇三年郡廢以縣移於今理據此則先有撫寧郡益見地形志之漏

【綏德】今清澗縣北
【西魏置】寰宇記西魏大統十二年分上郡南界邱尼谷置綏德縣輿地廣記隋屬雕陰郡後廢之按周書陸通傳西魏大統九年進爵綏德郡公則西魏并置綏德郡

【延安郡】
【後魏置東夏州】地形志延昌二年置【西

魏改爲延州】周書魏廢帝三年正月改元和志以界內延水爲名【置總管府】元和志管丹延綏三州按當云後周置總管府周紀建德四年十月有延州總管王慶【開皇中府廢】按隋紀開皇四年五月以汴州刺史呂中泉爲延州總管元和志開皇八年廢總管但爲延州煬帝以爲延安郡則州廢於大業三年

【統縣十一戶五萬三千九百三十九】
【膚施】今縣東秦漢舊縣元和志魏晉陷戎狄【大業三年置】元和志大業二年分豐林金明二縣置寰宇記作三年【及置延安郡】寰宇記大業三年廢昇州於義川縣置延安郡十三年爲胡賊劉步祿所據然則隋之延安郡治當在義川今以膚施爲郡治恐亦未確【有豐林山】按水經河水注有豐林川

【豐林】今膚施縣東
【後魏置曰廣武】元和志後魏孝文帝置通鑑梁承聖三年柔然乙旃達官寇西魏廣武【及偏城郡】地形志太和元年置按寰宇記臨真縣下云黑城在縣東二十五里庫利東流川交口赫連勃勃置周大象二年於此置郡其城緣山坡崎嶇不正遂名黑城疑即指偏城郡也【開皇初郡廢十八年改爲豐林】元和志謂後魏廣武縣在理東四十里周宣帝改爲豐林又寰宇記云周大象元年移於今所改爲豐林隋初廢【大業初又併沃野縣入焉】今膚施縣地形志作沃野

【魏平】今清澗縣西

【後魏置并立朔方郡】地形志朔方郡治魏平縣【後周廢郡】按隋書源雄傳從周武帝伐齊以功封朔方郡公則是時尚未廢也【併朔方和政二縣入焉】地形志朔方郡有政和朔方二縣此作和政未知孰是

【金明】今安塞縣北元和志本漢高奴縣地後魏太武帝置廣洛縣屬金明郡開皇四年屬延州仁壽元年以太子名廣改為金明縣大業十三年省入膚施縣寰宇記作大業十二年省

【有治官有清水】水經河水注云清水出上郡東北流至老人谷又東經高奴縣合豐林水地理志謂之清水清永又南奚谷水注之又東注於河

【臨真】今甘泉縣東一百七十里寰宇記後魏太武置臨真縣屬偏城郡周武天和元年稽胡叛攻破城遂移於流川隋大業十二年賊張諲攻破又移就曷雞城權住義寧元年稽胡首領歸國

【有西魏】當云西魏置【神水郡真川縣後周郡廢】按周書武帝紀建德五年封神水公姬願為原國公【大業初廢真川入焉】不言置臨真始末謬

【延川】今縣治
【西魏置曰文安】寰宇記分安民縣置取稽胡未淳取文德以來之義按周書周惠達傳西魏文帝時封文安縣公【及置文安郡開皇初郡廢改縣為延川】寰宇記開皇十八年改取界內吐延川為名又云大業十二年改為文川

【延安】今延長縣南

【西魏置】通典膚施縣隋置延安縣元和志西魏廢帝元年於邱頭原置廣安縣隋仁壽元年以廣字犯皇太子名改為延安大業末廢寰宇記廢帝元年置廣安縣於邱頭原隋開皇二年移於譚信源改為延安按當以仁壽元年改為是【又置義鄉縣】今延長縣西南按周書梁士彥傳子操周武帝時封義鄉縣公【大業中廢義鄉入焉】義鄉二字當據通例刪

【因城】今安塞縣西南一百二十里
【後魏置】元和志後魏太和初置因城縣地形志因城縣屬上郡【後周廢尋又置】寰宇記隋開皇六年於縣城中置金城鎮

【義川】今宜川縣東北二十九里
【西魏置汾州義川郡後改為丹州】元和志西魏大統三年割鄜延二州地置汾州理三堡鎮廢帝以河東汾州同名改為丹州因丹陽川為名領義川樂川二縣寰宇記作領義川樂川二郡名勝志丹州領義川雲巖門山諸縣周紀魏廢帝三年正月改汾州為丹州【後周改郡為丹陽】隋書豆盧勳傳周閔帝受禪封丹陽郡公是周置丹陽郡之證【開皇初郡廢改縣曰義川】元和志文帝大統三年置義川縣屬義川郡不以為開皇所置【又廢樂川郡入】據寰宇記則郡為西魏置周書赫連達傳周保定中進爵樂川郡公【大業初州廢】元和志大業三年廢丹州義川屬延州寰宇記義寧元年于舊城復置丹州丹陽郡【又廢雲巖縣入

焉】故城在今宜川縣西北七十三里寰宇記雲巖縣下云西魏大統二年於今縣西薛河川置永平縣屬義川郡三年改永平為雲巖縣因邑界雲巖山為名大統九年大水漂蕩移於桑樞原隋開皇三年移就廢樂川縣大業二年隸入義川縣

【汾川】今宜川縣東北
【舊曰安平後周改曰汾川】寰宇記後魏太和八年置安平縣在薛河川 元和志屬樂川郡屬北汾州其州在河西三堡鎮東更有南汾州西魏大統十八年省北汾州乃取丹陽川號立汾川縣初理高樹山南善多村周保定二年移就庫利川北甚寒原隋大業十年胡賊郝仁朗攻陷又移於土壁堡按寰宇記謂西魏改汾川與志不合地形志無安平縣【大業初廢門山縣入焉】故城在今宜川縣東北元和志周大象元年分汾川雲巖二縣於今縣南六里置北有山形似門因為名

【咸寧】今宜川縣東北一百里
【舊曰永寧西魏改為太平】元和志後魏太和十八年置永寧縣屬義川郡在今咸寧縣東二十里文帝改為太平縣移於今所寰宇記西魏大統十三年改為太平按地形志無永寧縣其南汾州定陽郡朔州太平郡有永寧縣非此地【開皇中改為咸寧】元和志開皇十八年改以界內有咸寧鎮為名舊唐志隋咸寧縣治白水川

按有安民縣在膚施縣東北元和志後魏於臨

河故城置安民縣并安民鎮屬東夏州隋文帝廢鎮置安民戍

弘化郡

【西魏置朔州】寰宇記後魏書云大統十一年置朔州按地形志無此州此所稱後魏書當是魏澹所撰又云廢延慶縣柳谷城後魏於此置朔州晉志石勒平朔方置朔州則西魏前已有朔州【後周廢】元和志周保定元年廢朔州爲周武防【開皇十六年置慶州】寰宇記隋文帝改置合州鎮十年廢鎮元和志開皇十六年割寧州歸德縣置慶州立嘉名也大業三年以慶州爲弘化郡按隋書劉昶傳高祖時昶歷慶州總管則慶州嘗置總管府

【統縣七戶五萬二千四百七十三】

【合水】今安化縣治

【開皇十六年置】元和志本漢郁郅縣後漢迄晉戎虜所侵不立州縣後魏及周以爲鎮防開皇十六年於今州城西一里置合水縣在馬領白馬二水口因名寰宇記安化縣下引周地圖云郁郅城今名尉李城在白馬嶺兩川交口今縣是也水經注洛水南經尉李城東北合馬嶺水號曰白馬水合於渭谷北門通鑑隋大業四年庚寅出爲合水令【大業初置弘化郡】

【馬嶺】今環縣東南漢縣後漢省元和志漢末爲虜所侵至後魏爲朔州之地漢志元和志作領兩唐志寰宇記并作嶺

【大業初置】元和志隋大業元年分合水縣置馬領縣復漢縣之舊名也十三年陷賊縣廢

義寧二年於今縣理北四十里百家堡置馬領縣屬弘化郡以縣西一里有馬領坂因名

【華池】今合水縣東北一百二十里

【仁壽初置】元和志隋仁壽二年於今縣東北二里庫多汗故城置華池縣因縣西華池水爲名寰宇記謂西魏爲華池縣以隸蔚州後廢隋仁壽二年于今縣東北二里庫多汗故城又置華池縣大業元年移於今所按輿地廣記作仁壽初置縣俱與志合舊唐志隋華池縣大業十三年爲胡賊所破因廢【又西魏置蔚州後周廢】按華池與彭原地相接此與前彭原下蔚州廢置皆同時其爲一州無疑志乃兩縣復載殊誤

【歸德】今安化縣東北百里漢縣後漢廢元和志西魏大統元年復置歸德縣隋大業元年改爲洛源因洛水所出爲名

【洛源】今安化縣東北二百六十里舊唐志隋洛源縣大業十二年爲胡賊所破因廢

【大業初置】按元和志寰宇記俱謂大業元年改歸德爲洛源縣今志兩縣並列恐亦誤也

【有博水洱水】山海經西山經曰罷父之山洱水出焉而西流注于洛

【弘化】今安化縣北二十里一統志開皇十八年置

【開皇十八年置弘州】寰宇記弘州城周天和四年築置長城鎮後改爲長川鎮開皇十六年廢鎮立弘州輿地廣記亦作十六年【大業

初州廢】

【弘德】今安化縣地

【大業初置】

按有三泉縣在安化縣西八十里新唐志義寧二年析彭原郡之彭原置

【平涼郡】陝西通志東晉時苻秦置平涼郡晉書載記苻登進攻姚萇將吳忠唐匡於平涼克之以苻碩戍平涼登爲尹緯所敗自雍保平涼姚興時亦有平涼太守姚周都

【舊置原州】地形志太延二年置鎮正光五年改置并置郡縣治高平城【後周置總管府】按隋書賀若誼傳周初歷原信二州總管則總管府蓋置於武成元年【大業初府廢】隋紀大業元年正月廢諸州總管府元和志大業三年廢州

【統縣五戶二萬七千九百九十五】

【平高】今固原州治本漢高平縣地至後魏不改當是後周改平高也

【後魏置高平郡】各本并誤作太平今訂按地形志有兩高平一涇州新平郡高平縣注云二漢屬安定晉罷後復屬一原州高平郡領高平里亭二縣注云正光五年置郡治高平城竟似涇州之高平爲漢縣而原州之高平爲新置者不知魏志凡已徙之州郡皆仍蒙漢晉沿革唯注云有某城治某城乃知其實土所在原州之高平云治高平城者卽二漢故城水經注苦水流逕高平縣故城東指此也董祐誠未知其例謂二漢屬安定之文爲誤系不知全書皆如

此也按魏書李順封高平王胡琛自稱高平王又蕭纘元大頭元寧庚路王瑀兒烏于并封高平公【後改爲平高】地形志正光五年置高平郡元和志寰宇記并謂太延二年置平高誤也一統志後周改平高按周書藝術傳謂明帝時有高平公侯伏侯龍恩則改於周初【開皇初郡廢】元和志開皇三年罷郡【大業初置平涼郡】元和志大業三年以原州爲平涼郡

【有關官】元和志蕭關故城在平高縣東南三十里漢書文帝十四年匈奴入蕭關殺北地都尉是也元和志又有木峽關在縣西南四十里又有瓦亭關在縣南七十里即隴山北垂隗囂使牛邯守瓦亭關即此【有笄頭山】元和志一名崆峒山在平高縣西一百里即黃帝謁廣成子學道之處史記曰黃帝東至於海西至崆峒登笄頭是也漢志笄頭山在涇陽西禹貢涇水所出莊子曰廣成子學道崆峒之山又後漢書隗囂使將王孟塞雞頭道即此也

按隋有他樓縣在今固原州北元和志蕭關縣下云本隋他樓縣大業元年置神龍三年廢【百泉】今平涼縣北十里本漢朝那縣地

【後魏置長城郡及黃石縣】元和志魏明帝五年於百泉縣西陽晉川置黃石縣寰宇記云正光五年【西魏改黃石爲長城】寰宇記廢帝二年改【開皇初郡廢大業初縣改爲百泉】寰宇記大業二年改

【平涼】今縣西北按舊唐志云隋平涼縣治陽音川據上文元和志則音爲晉誤張氏宗泰云

唐志所云當在百泉縣下而誤置於平涼其說是也

【後周置】元和志周建德元年割涇州平涼郡置平涼縣屬長城郡隋開皇三年屬原州寰宇記平涼縣下云周建德元年割涇州朝那縣於今縣復置朝那縣大業二年改爲平涼與志不同寰宇記卷後附校勘云按後魏及隋安定郡皆有朝那縣至唐不見廢入何縣而通典臨涇縣有後魏朝那故城疑朝那消入臨涇也隋之平涼乃後周所置與朝那各異郡今記與史志殊不合【有可藍山】今平涼府西南二十里元和志可藍山一名都盧山在百泉縣西南七十里十六國春秋曰赫連定據平涼登可藍山望統萬城泣曰先帝若以朕承大業豈有今日事

【會寧】今靖遠縣東北

【西魏置會州】元和志古西羌地周太祖爲西魏相來巡會師於此土人張信營資饗六軍太祖悅因命置州以會爲名按周書韓褒傳西魏廢帝元年轉會州刺史即此【後周廢】元和志周保定二年廢州改爲會寧防隋開皇元年改防爲鎮【開皇十六年置縣】元和志周太祖置會寧縣屬會州隋大業二年改爲涼川縣寰宇記西魏廢帝元年置會寧縣因立會州尋廢周保定二年移於鳴沙省縣改置會寧防隋改會寧防爲鎮尋又廢鎮卻復縣大業二年改爲涼川縣按今本寰宇記有脫誤此據宋本按舊唐志後周置烏蘭縣在會寧關東南四里

元和志周武帝西巡置烏蘭關又置縣在會寧關東南四里

【默亭】今未詳所在

【朔方郡】漢置漢末省石趙復置後趙錄鮮卑吳延叛勒石虎敗之於朔方晉書石虎建武四年使太子宣率步騎二萬擊朔方地形志有朔方郡屬東夏州在今清澗縣西隋又徙懷遠名

【後魏置夏州】地形志太和十一年置元和志赫連勃勃於朔水之北黑水之南營起都城即今州理是也名曰統萬城至子昌爲魏太武所滅置統萬鎮太和十一年改置夏州地形志延昌二年分置東夏州周書怡峯傳拜東西北三夏州諸軍事夏州刺史此志有東夏州與夏州無西夏北夏之名考異謂西夏即夏州對東夏故云西夏也北夏未知所在今考周書文帝紀魏大統二年東魏襲夏州留其將張瓊許和守之三年冬許和殺張瓊以夏州降長孫儉傳時東魏遣許和爲西夏州刺史儉招之和乃舉州歸附即以儉爲西夏州刺史總統三夏州據此則西夏固即夏州矣【後周置總管府】按周書長孫儉傳周初爲夏州總管則總管府蓋置於武成元年【大業初府廢】元和志大業元年以夏州爲朔方郡按廢州置郡在大業三年則作元年誤

【統縣三戶一萬一千六百七十三】

【巖綠】今懷遠縣西後魏置地志作復綠屬化城郡注云一本作巖綠當以一本爲是寰宇記朔方本漢縣漢末廢後魏真君六年更名巖

元

元

元

元

元

元

元

元

元

元

緣屬化政郡案強獨樂爲周文王造象有化政郡開國公宇文貴考之周書本傳適合又隋書宇文忻唐書宇文穎並封化政郡公則地形志化城爲化政之誤

【西魏置弘化郡】地形志太和十二年置化城郡寰宇記西魏改弘化郡【開皇初廢大業初置朔方郡】

【寧朔】今榆林縣南

【後周置】寰宇記周武帝於此置寧朔縣屬化政郡元和志亦屬化政郡輿地廣記周隸弘化郡按西魏既改弘化郡則周之寧朔當從廣記屬弘化郡

【長澤】今靖邊縣東

【西魏置闡熙郡】按地形志有此郡云太和十二年置則非置於西魏【又有後魏大安郡及置長州】周書文帝紀魏廢帝三年正月改南夏州爲長州周書梁臺傳西魏大統十五年拜南夏州刺史志不言先爲南夏州略也【開皇三年郡廢又廢山鹿新固二縣入焉】二縣後魏置屬闡熙郡因作闡隋書王世積傳闡熙新固人又周書王雅傳闡熙新固人固當是誤字案玉篇固古國字【大業三年州廢】

按有德靜縣元和志漢朔方縣地周武帝於此置彌渾戍南有彌渾水因名隋改爲德靜鎮尋廢鎮爲縣輿地廣記隋末置寰宇記周建德二年置彌渾縣以縣南有彌渾水爲邑名又立六胡州在邑之北隋開皇三年改彌渾縣爲德靜鎮大業九年廢鎮立縣隸朔方按元和志作彌

渾戍寰宇記作彌渾縣未知孰是

【鹽川郡】漢五原郡地晉廢

【西魏置西安州】元和志五原至晉地沒赫連勃勃後魏平之改爲西安州似以立州爲在後魏時【復改爲鹽州】周書魏廢帝三年正月改西安爲鹽州寰宇記東有安州故此加西字廢帝三年以其地北有鹽池改爲鹽州隋開皇初廢之按輿地廣記大業初廢州

【統縣一戶三千七百六十三】

【五原】今靈州東南元和志漢馬領縣地五原謂龍遊原乞地千原青領原可嵐貞原橫槽原也按即漢之五原郡地

【後魏置郡曰大興】地形志無大興郡魏收

凡於關中州郡多略不第西魏所置一概不錄也【西魏改爲五原】周書儒林傳辛彥之武帝時進爵五原郡公【後又爲大興】疑隋文帝封大興公在此周書董純傳從周武帝平齊進爵大興縣侯是周立大興郡並置大興縣【開皇初郡廢大業初置鹽川郡】

【靈武郡】

【後魏置靈州】寰宇記後魏太武帝平赫連昌後置薄骨律鎮孝昌二年置靈州西魏大統六年於果園復築城以爲州即今之州城是也括地志云薄骨律鎮城以在河渚之中隨水上下未嘗陷沒故曰靈州地形志無靈州亦略也【後周置總管府】按周書劉亮傳子昶大象中位至柱國秦靈二州總管【大業元年府廢】元和志大業元年罷府爲靈州三年又改爲靈

武郡

【統縣六戶一萬二千三百三十】

【迴樂】今靈州西南漢富平縣地

【後周置】寰宇記城枕黃河考隋書李穆傳子崇周閔帝元年以父賢勳封迴樂縣侯輿地廣記作元魏置【帶普樂郡】通典周置郡北齊書劉豐傳普樂人以守城功除普樂太守北齊地不至此疑誤【又西魏置臨河郡開皇元年改臨河郡曰新昌三年郡並廢大業初置靈武郡】寰宇記引陸恭之風土記云朔方故城太和十年改爲沃野鎮至後周又置普樂郡隋開皇郡廢煬帝又置靈武郡

【弘靜】今寧夏縣東南

【開皇十一年置】寰宇記引隋圖經集云宏靜縣本漢城居河外三里乃舊薄骨律鎮倉城也後魏立宏靜鎮徙關東漢人以充屯田隋立爲縣【有賀蘭山】元和志在保靜縣西九十三里山有樹木青白望如駁馬北人呼駁爲賀蘭其山向東望雲山形勢相接迤邐向北經靈武縣又西北經保靜西又北經懷遠縣西又北經定遠城西又東北抵河其抵河之處亦名乞伏山在黃河西從首至尾有像月形南北約長五百餘里真邊城之鉅防山之東河之西有平田數千頃可引水溉灌如盡收地利足以贍給軍儲也寰宇記鮮卑之勢多依山谷爲氏族今賀蘭姓者皆以此山名

【懷遠】今寧夏縣治

【後周置仍立懷遠郡】寰宇記本漢富平縣

地周建德三年遷三萬戶於此置郡及縣並名懷遠按元和志云懷遠縣在靈州東北隔河一百二十里今名飲汗城赫連勃勃以此為果子園後魏給百姓立為懷遠縣【開皇三年郡廢】

【靈武】今寧夏縣東南一百六十里本漢富平縣【後周置曰建安】元和志後魏破赫連昌收胡戶徙之因號胡地城周天和中於城東北置建安縣【後又置歷城郡】水經注河水又東逕渾懷障西魏太和初平三齊後徙歷下人居此遂有歷城之名矣【開皇三年郡廢】寰宇記周天和三年廢郡為胡城鎮與志異【十八年改建安為廣閩】元和志作改為大潤按此志凡廣字改作大者避煬帝諱是年煬帝已立為太子當以作大為是【仁壽元年改名焉】

元和志移入胡地城安置陳書南郡王叔澄傳隋大業中為靈武令

【鳴沙】今中衛縣東

【後周置會州尋廢】元和志本漢富平縣地屬安定郡周保定二年置會州建德六年廢州立鳴沙鎮按志于前會寧縣下云西魏置會州據元和志彼會州廢於保定二年此會州即置於是年蓋移置於此耳【開皇十九年置環州及鳴沙縣】元和志開皇十九年置環州以大河環曲為名仍立鳴沙縣屬焉西枕黃河人馬行經此沙隨路有聲異於餘沙故號鳴沙【大業三年州廢】寰宇記以縣屬靈武【有關官】按關名今無考名勝志云賀蘭山雖稱天險然通城隘口甚多自鎮關墩至勝金關九十餘里

俱虜騎出沒之處

【豐安】今中衛縣地

【開皇十年置】舊唐志靈州黃河外有豐安定遠新昌等軍又云神龍中鳴沙為默啜所寇移治故豐安城元和志廢豐安縣在豐州東南四十里開皇六年於此置豐安鎮唐麟德元年改為豐安縣天寶末廢按此別一豐安在今鄂爾多斯境

【榆林郡】

【開皇二十年置勝州】元和志開皇二十年割雲州之榆林景昌金河三縣置勝州立嘉名也大業五年以勝州為榆林郡十五年郡人郭子和以城入突厥按五年當作三年

【統縣三戶二千三百三十】

【榆林】今鄂爾多斯左翼後旗黃河南流處元和志本漢沙南縣地漢末北虜侵擾歷魏晉周此地皆無縣邑

【開皇七】毛本作七宋本監本作六【年置】

元和志開皇七年置榆林縣地北近榆林即漢之榆溪塞因名屬雲州二十年改屬勝州按輿地廣記亦作七年【大業初置郡】

【富昌】今鄂爾多斯左翼前旗

【開皇十年置】

【金河】今歸化城南元和志金河在榆林縣東北二十里周迴十里按縣當因此立名

【開皇三年置曰陽壽及置油雲縣又置榆關總管】元和志榆林關在榆林縣東三十里東北臨河秦御匈奴處隋開皇三年于此置榆林

開隋紀開皇四年四月以上大將軍賀婁子幹為榆關總管是也【五年改置雲州總管】按隋紀開皇四年十一月以賀婁子幹為雲州總管則置雲州總管當在四年然考賀婁子幹傳高祖授榆關總管歲餘拜雲州刺史後數年拜雲州總管與紀所云為榆關總管雲州總管俱在開皇四年者不合當以傳為是【十八年改陽壽曰金河二十年雲州移】蓋移於河東定襄郡【二縣俱廢仁壽二年又置金河縣帶關】

【五原郡】秦上郡北境漢朔方郡地晉後沒于赫連勃勃案五原為九原之誤各本皆然元和志豐州下不言隋置五原郡新唐志懷遠縣下云武德元年改為豐州領九原縣六年廢豐州省九原永豐二縣入焉隋九原郡也乃知隋志本作九原郡故天寶元年於豐州改為九原郡於鹽州改為五原郡蓋漢之五原本鹽州隋時尚有五原縣隸鹽州何得於豐州九原縣置五原郡水經注河水又東逕九原縣故城南西北接對一城五原之故城也然則漢之九原五原本兩城對接後人易混【開皇五年置豐州】元和志周武帝於今永豐縣置永豐鎮隋開皇三年於鎮置豐州寰宇記作五年【仁壽元年置總管府】隋書魚俱羅傳文帝時拜豐州總管【大業元年府廢】寰宇記大業七年罷州以為五原郡七蓋三之誤五為九之誤

【統縣三戶二千三百三十】

【九原】今鄂爾多斯右翼後旗西一百里元和志漢廣牧舊地中部都尉所理其城周隋閒俗

稱謂之甘草城

【開皇五年置】寰宇記漢舊縣隋復置尋廢

【大業初置郡】

【永豐】今鄂爾多斯右翼後旗西二百六十里

元和志漢臨戎舊地後漢末廢北人謂之賀葛真城

【開皇五年置】元和志周保定三年置永豐

鎮隋開皇五年廢鎮置永豐縣

【安化】按當在鄂爾多斯境

【開皇十一年置】

【天水郡】寰宇記引秦州記郡前湖水冬夏無增減天水取此名

【舊秦州】按通例秦上當脫置字寰宇記魏黃初中分隴右為秦州因秦初封也兼立涼州

領郡國十晉志秦州魏始分隴右置中間暫廢

泰始五年又以雍州隴西五郡及臨州之金城

梁之陰平合七郡置秦州鎮冀城太康三年罷

秦州并雍州七年復立鎮上郡【後周置總管

府】周明帝紀武成元年十月以柱國蜀國公

尉遲迥為秦州總管【大業初府廢】按隋書

李景傳天水休官人也天水郡無休官縣當是

大業省又隋書趙煥趙芬傳并云天水西人也

按兩漢西縣故城在今秦州西南百二十里晉

置天水郡於此而西縣廢當是魏周開復立隋

復廢之

【統縣六戶五萬二千一百三十】

【上郡】今秦州西南

【故曰上郡】按郡當作封各本皆誤本秦上

郡縣地形志以犯太祖諱改為上封又周書宗

室傳宇文導魏恭帝元年十二月薨於上郡

亦封之誤又按元和志後魏避道武諱改曰上

封廢縣為鎮然各書無立鎮之說恐元和志之

說未足為據【帶天水郡】漢郡【開皇初郡

廢】寰宇記秦州長道縣下云開皇十八年改

天水郡為漢陽按開皇三年廢天下郡立州改

大業初復置郡不應開皇十八年有改郡事恐

寰宇記誤【大業初復置郡縣改名焉】元和

志大業元年復為上郡縣寰宇記謂開皇初復

為上郡縣【有灤水】水經渭水注灤水出上

郡縣西北郡山翼帶衆流積以成溪東南注藉

水

【冀城】今伏羌縣治漢冀縣後漢廢晉復置永

嘉後廢

【後周曰冀城尋】各本尋誤縣今從宋本訂

【廢入黃瓜縣】元和志後魏以冀為當亭周

為黃瓜按地形志當亭屬天水郡黃瓜屬漢陽

郡並真君八年置當是魏以故冀城置當亭周

改當亭為冀城按隋書賀若弼傳周初封當亭

縣公【大業初改曰冀城】元和志大業二年

改黃瓜為冀城寰宇記大業二年改當亭為

冀城按當亭已廢入黃瓜當從元和志【有石

鼓崖】元和志朱圍山在伏羌縣西南六十里

上有石鼓不擊自鳴鳴則有兵起

【清水】今縣治

【後魏置】地形志清水前漢屬天水後漢罷

晉復屬略陽郡非後魏始置【及置清水郡】寰

宇記引周地圖云成帝和平五年分略陽置清

水郡尋廢至永安三年移於清水城魏志清水

屬略陽不言清水置郡【開皇初郡廢有關官】

紀要大震關在清水縣東五十里即隴關也憑

高據險襟帶華戎自古為關中之襟要【有分

水嶺】今清水縣西南三十五里御覽引三秦

記曰小隴山一名隴坻又名分水嶺寰宇記引

三秦記隴坂謂西關也其關九迴不知高幾許

欲上者七日乃得越絕高處可容百餘家下處

容千萬戶山頂有泉清水四注之

【秦嶺】今清水縣西南一百二十里

【後魏置曰伯陽縣】地形志闕此縣恐亦西

魏所置【開皇中改焉】

【隴城】今秦安縣東北一百里本漢隴縣寰宇

記即略陽道魏黃初改曰隴城

【舊曰略陽】寰宇記漢略陽道廢城在縣西

北晉志略陽縣屬略陽郡地形志隴城縣有略

陽城則知後魏并略陽于隴城【置略陽郡】

地形志晉武帝分天水置【開皇二年郡廢】

元和志作三年是【改曰河陽】地形志阿陽

前漢屬天水後屬漢陽晉罷太和十一年復屬

略陽郡按漢書高帝紀師古曰阿陽天水之縣

也今流俗書本或作河陽者非水經漾水注宋

本亦作河陽志蓋從流俗本元和志河陽縣徙

理於此是也【六年改曰隴城】

【成紀】今秦安縣北三十里

【舊廢】漢縣後魏廢【後周置】元和志周成

紀縣屬略陽郡開皇三年屬秦州按當作西魏

【置隋書帝紀高祖年十五封成紀縣公考文帝生於西魏大統七年年十五為西魏恭帝三年十二月始禪位於周則縣非置於周明矣】有龍馬城【寰宇記馬池水源出清水縣西南嶓冢山開山圖云隴西神馬山有淵池龍馬所生水經注馬池水出上邽西南六十里謂之龍淵水言神馬出水事同徐吾來淵之異故有馬池之號昔刺史張彝得馬頭骨長三尺即此也】
 【仙人硤】水經渭水注成紀水東南入瓦亭水歷僊人硤路側巖上有死人僊尸巒穴疑此仙為僊之誤

【隴西郡】

【舊渭州】按通例舊下亦當有置字地形志渭州領隴西南安陽廣寧三郡元和志後魏永安三年置因渭水為名隋大業三年罷州為隴西郡隋亂陷賊

【統縣五戶一萬九千二百四十七】

【襄武】今隴西縣西南漢縣

【帶郡】漢郡治狄道三國魏移置于襄武地形志隴西郡領襄武首陽二縣又廣寧郡新興縣下真君八年罷中陶祿郡襄武屬焉是襄武當後魏時有省併移徙

【隴西】今縣東北

【舊城內陶】城當作曰各本皆誤本漢獮道縣地輿地廣記後省入中陶隋開皇初改中陶為內陶又據元和志隋開皇初尚有獮道縣則并獮道於內陶在開皇之後【置南安郡】元和志後漢末置寰宇記靈帝中平五年分獮道

立又云後魏改南安為南安陽郡地形志南安陽郡領獮道中陶二縣通典後周置誤【開皇初郡廢改為武陽】元和志開皇元年獮道移武陽縣名於郡理【十年改名焉】元和志開皇八年改武陽為隴西寰宇記謂開皇十八年改為武陽尋為隴西疑寰宇記衍十字
 【渭源】今縣治本漢首陽縣寰宇記西魏大統十七年分隴西置渭源郡因渭水以為名又改首陽為渭源縣元和志開皇三年罷郡縣屬渭州按周書靜帝紀大象二年十二月以渭源公和干子為柱國

【有鳥鼠山】今渭源西二十里元和志鳥鼠山今名青雀山在渭源縣西七十六里渭水所出凡有三源並下其同穴鳥如家雀色小青其鼠如家鼠色小黃近穴洩溺氣甚辛辣使人變逆嘔吐牛馬得此氣多疲臥不起而大汗【有渭水】今渭源縣北二里紀要源出南谷山至鳥鼠轉而東流經縣北入鞏昌府界水經渭水注渭水出首陽縣首陽山渭首亭南谷三源合注東北流逕首陽縣西與別源合水南出鳥鼠山禹貢所謂渭出鳥鼠者也

【障】今漳縣西南五里地形志元和志作彰寰宇記作鄣

【後魏置】本後漢彰縣寰宇記晉永嘉南徙縣遂廢後魏景明三年分武陽復置鄣縣因水名焉案寰宇記既云因水名縣則字當作彰【西魏置廣安郡】按東晉時西秦置廣寧郡地形志廣寧郡領彰新興二縣廣安當是西魏更名

【後周郡廢】

【長川】今秦安縣東北

【後魏置安陽郡領安陽烏水二縣】地形志有南安陽郡領獮道中陶二縣而無安陽郡縣蓋脫【西魏改曰北秦州後又改曰交州】周書魏廢帝三年正月改北秦為交州【開皇三年郡廢十八年改州曰紀州安陽曰長川大業初州廢又廢烏水入焉】

【金城郡】漢昭帝六年置治允吾

【開皇初置蘭州總管府】元和志開皇元年置蘭州取皋蘭山為名隋紀開皇二年六月以上柱國叱列長之為蘭州總管【大業初府廢】元和志大業三年罷州為金城郡

【統縣二戶六千八百一十八】

【金城】今皋蘭縣治

【舊縣】此字衍【日子城】本漢金城縣一統志後魏改置子城縣按地形志金城郡無子城縣輿地廣記苑川城乞伏國仁據此後日子城縣水經注苑川水出勇士縣之子城南山東北流歷此成川世謂之子城川按周書劉權傳臨洮子城人也除子城令是周之子城屬臨洮郡【帶金城郡】漢郡東晉移治金城苻堅廢後魏復置【開皇初郡廢大業初改縣為金城】輿地廣記後改曰五泉舊唐志隋置五泉縣唐復為金城則隋改金城為五泉致確【置金城郡有關官】元和志金城關在蘭州城西周武帝置金城津隋開皇十八年改津為關

【狄道】今縣治漢縣

【後魏置臨洮郡龍城縣】故城在今岷州東北地形志真君六年置臨洮郡太和十年置龍城縣元和志西魏文帝置岷州南有岷山因以爲稱仍領同和郡又改爲臨洮郡後周皆廢】

元 and 志開皇三年罷郡大業三年復爲臨洮郡義寧二年改置岷州【又後魏置武始郡按晉志惠帝置狄道郡領狄道等九縣張駿又以狄道縣立武始郡地形志武始郡晉分隴西置十三州志云降狄道今曰武始按前涼之武始郡治狄道今縣治是也後魏之武始郡治勇田在今蘭州城北七十里隋志蓋即後魏移治言之【開皇初廢】寰宇記開皇元年廢武始郡立爲蘭州【有白石山】漢書地理志狄道白石山在東水經河水注隴水西北歷白石山下

【袍罕郡】

【舊置河州】晉志張駿分興晉金城武始南安永晉大夏武城漢中八郡爲河州元和志後魏平定隴西置袍罕鎮太和十六年改鎮復爲河州大業三年罷州爲袍罕郡按周書李賢傳保定四年置總管府於河州五年廢河州總管改置總管於洮州俄廢仍遷總管府於河州志失書

【統縣四戶一萬三千一百五十七】

【袍罕】今河州治漢縣

【舊置袍罕郡】寰宇記後周置袍罕郡引周地圖記云袍罕即故罕羌侯邑也按周書辛威傳閔帝踐陟進爵袍罕郡公則郡置於周初【開皇初郡廢大業初置郡】通鑑隋義寧元年四

月薛舉以子仁越爲晉王兼河州刺史則隋末又置河州【有關官】按積石關在唐述山西五十里唐置積石軍于此又隋書煬帝紀大業五年帝自將伐吐谷渾出臨津關名也【有鳳林山】水經河水注鳳林山五嶺俱峙者彥云昔有鳳鳥飛遊五峯故山有斯目

按有鳳林縣在今河州西南元和志本漢白石縣地西魏大統十二年刺史楊寬於河南鳳林川置鳳林縣因以爲名

【龍支】今碾伯縣南西魏于此置龍支縣與後漢之碾耆縣相去數百里寰宇記說誤

【後魏曰北金城】寰宇記漢允吾縣地後漢爲龍耆縣郡國志無龍耆縣蓋脫後魏武帝改爲金城縣按地形志有金城郡領榆中大夏二縣無北金城縣元和志亦無北字【西魏改焉】元和志西魏廢帝二年改名龍支西南有龍支谷因取爲名新唐書宰相世系表唐世進隋時封龍支公【有唐述山】寰宇記在縣西龍支谷水經河水注河北有層山山峯之上立石數百支遠望若攢圖之託霄上懸巖之中多石室室中若有積卷因謂之積書巖巖堂之內時見神人往還俗人不悟其仙者乃謂之神鬼彼羌目鬼曰唐述因名爲唐述山指其堂密之居爲唐述窟故秦州記曰河峽崖傍有二窟一曰唐述窟高四十丈西二里有時亮窟高百丈廣二十丈深三十丈藏古書五箒亮南安人也按此即小積石山也括地志小積石山在袍罕西七十里自章懷誤認爲禹貢之積石遂爲後儒口實

【大夏】今河州東南七十里漢縣晉廢地形志

皇興三年改爲郡後復屬金城郡元和志周改屬袍罕郡寰宇記引十六國春秋張駿十八年分武始晉與廣武置大夏郡及縣取縣西大夏水爲名水經河水注大夏川水又東北經大夏故城南知魏縣有移徙也

【有金紐山】寰宇記金紐山在縣西二十里有金紐故城一號金柳城前涼曾爲金紐縣於其中水經河水注大夏川水出西山逕金柳城南十三州志曰大夏縣西有故金柳城去縣四十里本都尉治

【水池】今狄道縣西南

【後魏曰葷川】地形志延興四年置屬洪和郡水經河水注洮水又北出門峽葷川水注之縣蓋因水名【後周改焉】按地形志洪和郡已有水池縣注云真君四年置郡後改

【澆河郡】後涼置詳見下

【後周武帝逐吐谷渾以置廓州總管府】寰宇記引周地圖記周建德五年西逐吐谷渾又得河南地置廓州取廓清之義爲名元和志周建德五年于今州理西南達化縣界澆河故城置廓州蓋以開廓邊境爲義【開皇初府廢】元和志大業二年罷州隋紀開皇元年十二月以柱國元褒爲廓州總管則元年尚未廢也寰宇記開皇初郡廢爲州煬帝廢州以其地屬澆河郡

【統縣二戶二千二百四十】

【河津】今河州西元和志積石軍澆河所理蓋

隋置

【後周置洮河郡】寰宇記引周地圖記云後魏太平真君十六年置洮河郡屬鄯州地形志鄯州郡縣闕據此則所領有洮河郡【領洮河】當爲郡治【廣威】詳下化隆縣【安戎】地形志略陽郡有安戎在今秦州秦安縣東非此地也【三縣開皇初郡廢併三縣入焉大業初置澆河郡有濫水】水經河水注河水又東北濟川水注之水西南出濫瀆東北流入大谷謂之大谷水北逕澆河城西南北流注于河按濟川水出濫瀆則亦可稱濫水故此志直以濫水目之

【達化】今西寧縣南元和志後周置達化郡并達化縣隋開皇三年罷郡移縣入郡廢即今縣是也寰宇記周建德五年置

【後周置達化郡】寰宇記周建德五年置【開皇初郡廢併綏遠縣入焉】紀要後周置【有連雲山】通典在廓州西南二百餘里

【西平郡】元和志獻帝建安中分金城置西平郡前涼張軌分置晉興郡張天錫又分廣遠郡後涼呂光改爲西河南涼禿髮烏孤徙都于此案魏晉之西平在西寧魏廢隋徙湟水下元和志說未析

【舊置鄯州】元和志後魏以西平郡爲鄯善鎮孝昌二年改鎮立鄯州隋大業三年罷州爲西平郡周書柳檜傳大統四年授都督鎮鄯州【統縣二戶三千一百一十八】
【湟水】今碾伯縣治漢破羌縣地

【舊曰西都】元和志本漢破羌縣後魏分置西都屬西平郡案晉志涼州西平郡有西都縣即此地又晉書氾德瑜爲寧遠將軍西都太守則先有西都郡隋書源雄傳西平樂都人也西平無樂都縣或西都之誤與【後周置樂都郡】南涼錄太初二年後涼樂都太守田瑤以郡降北涼錄有樂都太守沮渠安周南水經河水注湟水又東過樂都城南則樂都郡不始於後周【開皇初郡廢十八年改縣曰湟水又有舊浩驪縣】今碾伯縣東漢縣水經注閣門河又東逕浩驪縣故城東【又西魏置龍居路倉二縣並後周廢】按新唐書宰相世系表李明周武帝時封龍居公蓋是時尚未廢也【大業初置西平郡有土樓山】元和志土樓山在湟水縣西百三十里下有土樓神祠水經河水注湟水又東逕土樓南樓北倚山原峯高三百尺有若削成樓下有神祠闕闕曰西平亭北有土樓神祠者也

【化隆】今西寧縣南一百八十里

【舊魏曰廣威】舊當作後元和志前涼張天錫於此置郡川戊後魏孝昌二年於戊城置廣威縣地形志無廣威縣當屬鄯州西平郡【西魏置澆河郡】元和志云南涼禿髮烏孤以河南地置澆河郡南涼錄有後涼澆河太守王穉張猛龍碑祖興宗僞涼時饒河太守饒河即澆河也然則澆河郡始置於後涼禿髮烏孤移於河南至隋復移於河水經注河水又東逕澆河故城北有二城東西角倚東北去西平二百

二十里【後周廢郡仁壽初改爲化隆】寰宇記廣威縣下引周地圖記云後魏景明三年置石城縣西魏廢帝二年因縣內化隆谷改爲化隆縣屬湟河郡今考周書賀蘭祥傳子敬少歷顯職封化隆縣侯則化隆之名不始於隋當從周地圖記【有拔延山】元和志在北城縣東北十里多麋鹿寰宇記隋大業五年煬帝西伐吐谷渾經此山校獵改爲搏獸山【湟水】今西寧縣北元和志湟水名湟河亦謂之樂都水出青海東北亂山中東南流至蘭州西南入黃河水經河水注湟水出塞外東南流注於河【盧水】水經河水注盧溪水出盧川東北流注於湟水

【武威郡】

【舊置涼州】本漢舊名前涼張軌後涼呂光北涼沮渠蒙遜皆都於此魏太武滅北涼改州鎮置四軍戍孝文太和十四年復爲涼州【後周置總管府】周紀天保六年四月以柱國燕國公于寔爲涼州總管【大業初府廢】元和志大業三年改州爲武威郡
【統縣四戶一萬一千七百五】
【姑臧】今武威縣治漢縣一統志後魏改林中周復故名地形志武威郡治林中
【舊置武威郡】漢置【開皇初郡廢大業初復置武威郡又後魏置武安郡襄武縣】按地形志武安郡領宜盛一縣其襄武縣則屬隴西郡非此地元和志武安在縣西北六十里【並西魏廢又舊有顯美縣】今永昌縣東前漢屬

張掖郡後漢晉屬武威地形志涼州無顯美縣據此志亦脫也【後周廢有茅五山】按寰宇記茅五山夏函霜雪有清泉茂林懸崖修竹自古多爲隱士所居尤多窟室又按前涼錄京兆人劉宏挾左道居天梯第五山茅疑第誤

【昌松】今古浪縣西

【後魏置昌松郡】本漢蒼松縣元和志後涼置昌松郡寰宇記本漢蒼松縣屬武威郡十六國春秋云後涼呂光廢嘉四年以郭騰言議改爲昌松兼於此立東張掖郡後周廢郡縣仍舊隸涼州按地形志昌松郡領溫泉縣無昌松縣或改昌松爲溫泉也【後周廢郡以榆次縣入】今古浪縣北漢置曰榆次次讀音晉曰揖次後魏仍曰榆次錢氏考異曰此志榆次當作揖次因并州有榆次縣相涉而誤【開皇初改縣曰永世】元和志開皇二年改昌松爲永平縣【後改曰昌松】元和志以重名改按志揚州宣城郡有永世縣揚州永平郡有永平縣是皆有重名未知孰是【又有後魏魏安郡】寰宇記魏安城在縣東漢魏劉縣後爲魏安隋省晉書張大豫奔禿髮思復驍思復驍送之魏安又有魏安人焦松焦朗則置郡不始後魏【後周改置白山縣尋廢有白山】寰宇記白嶺山在昌松縣西南山頂冬夏積雪望之皓然乃謂之白嶺山寒氣異於餘處深冬人絕行路鳥飛不下水經河水注澗水有二源西水出白嶺下東源發於白岸谷

【番和】今永昌縣西

【後魏置番和郡】元和志本漢番禾縣北涼沮渠蒙遜立爲番禾郡按後涼錄有番和太守呂超又晉書呂纂改封呂弘番禾郡公則置郡不始於後魏【後周郡廢置鎮】元和志謂後魏太武帝平涼罷郡【開皇中爲縣】元和志

開皇三年【又併力乾安寧廣城障燕支五縣之地入焉】按地形志番和郡領彰及燕支二縣彰在今永昌縣地燕支在今永昌縣東九十里前涼置今名高古城力乾安寧廣城三縣無考【有燕支山】漢書霍去病將萬騎出隴西

涉狐水過焉支山御覽引涼州記曰焉支山在西郡界東西百餘里南北二十里有松柏五本其水草茂美宜畜牧與祁連同一名刪丹山

【允吾】今平番縣東南漢縣晉廢在今皋蘭縣西北隋復置於此取漢舊名應劭曰音鉛牙

【後魏置曰廣武】寰宇記前涼張駿於枝陽置廣武縣水經河水注澗水又東逕允吾城西爲鄭伯津逆水又東南逕廣武城西皆不言故城當是晉後允吾廣武並置志似以允吾久廢後魏始置廣武非也【及置廣武郡】按晉志

張寔分金城之令居枝陽二縣立永登縣合三縣立廣武郡通典前涼張寔分隴西置元和志前涼張駿三年分晉興置地形志涼州所領無廣武郡【開皇初郡廢改縣曰邑次尋改爲廣武後又改爲邑次大業初改爲允吾】元和志

大業二年改又云六年改爲會寧縣【有青巖山】寰宇記青巖山下有湫甚廣人觸之立有風雹暴至如代州五台龍池之驗耳

【張掖郡】漢置北涼沮渠蒙遜都此

【西魏置西涼州】寰宇記西魏大統十二年分涼州以西張掖之地爲西涼州按周書韓襄傳西魏大統十二年除都督西涼州刺史【尋改曰甘州】周書魏廢帝三年正月改西涼爲甘州元和志因州東甘峻山爲名或言地多甘草故名隋大業三年罷州爲張掖郡

【統縣三戶六千一百二十六】

【張掖】今縣治漢郡名

【舊曰永平縣】元和志本漢饒得縣晉改爲永平地形志無永平縣【後周置張掖郡】寰宇記後魏太武平涼以爲張掖軍至太和十一年改軍爲郡地形志無張掖郡元和志魏太武平涼以爲張掖軍廢帝二年改軍置甘州與志合按周書王傑傳孝閔帝踐阼進爵張掖郡公

【開皇初郡廢十七年縣改爲酒泉】元和志開皇三年改永平爲酒泉縣輿地廣記大業初改永平爲張掖縣寰宇記仁壽二年置酒泉縣三說不同【大業初改爲張掖】元和志大業二年改取舊郡爲名【置張掖郡又有臨松縣】

今甘州府東南晉志張天錫置臨松郡又載記沮渠蒙遜斬呂光臨松令則臨松縣當與郡同立後魏臨松郡領安和平二縣紀要尋改郡爲臨松縣以二縣併入【後周廢有甘峻山】

元和志在張掖縣東北四十五里寰宇記一名紺峻山水經注云張水歷紺峻山南與張掖河合即鮮水也【臨松山】寰宇記云丹嶺山在張掖縣南一百八十二里十六國春秋晉元嘉元

年

年

年張掖臨松山有石如張掖字後掖字漸減張字分明又有文曰初阡天下四方安萬年【合黎山】元和志俗名要塗山在張掖縣西北二百里禹貢導弱水至於合黎【有玉石澗大柳谷】寰宇記作大樹谷引魏氏春秋云明帝青龍三年張掖郡刪丹縣金山有玄川溢湧寶石焉有石馬魏為晉代之符也

【刪丹】今山丹縣治

【後魏曰山丹】本漢刪丹縣地形志無山丹縣【又有西郡】晉置屬涼州晉書索泮傳張天錫時為西郡太守地形志無西郡【永寧縣】輿地廣記漢日勒縣元魏改曰永寧故城在今永昌縣西百二十里地形志無永寧縣【西魏郡廢縣改為弱水後周省入山丹大業改為刪丹】輿地廣記大業初改志脫初字寰宇記晉分刪丹置蘭池萬歲仙提三縣隋煬帝併三縣之地復改立刪丹縣按晉志有此三縣地形志無之【又後周置金山縣尋廢入焉有祀山有鹽池】元和志鹽池在張掖縣北九百三十里【有弱水】元和志在刪丹縣南山下漢志刪丹縣下桑欽以為禹貢弱水自此西至酒泉合黎

【福祿】今肅州治漢曰祿福後漢曰福祿晉志同案元和志寰宇記並云酒泉為漢福祿縣地魏志陳留王紀傳亦作福祿知今本漢志誤也輿地廣記隋義寧元年改福祿為酒泉

【舊置酒泉郡】漢置晉末為張軌呂光所據西涼李嵩北涼沮渠蒙遜皆都於此元和志後

魏太武帝平沮渠氏以酒泉為軍孝昌中復置酒泉郡地形志無酒泉郡【開皇初郡廢仁壽中以置肅州】元和志仁壽二年以境字遼遠分甘州置肅州隋書柳謩之傳仁壽中出為肅州刺史【大業初州尋廢又後周置樂涇縣】今高臺縣西北元和志本漢縣後魏太武平沮渠茂虔改縣為成隸敦煌鎮孝文改為樂涇縣然則非後周置【尋廢】元和志隋改樂涇縣為鎮【有祁連山】元和志祁連山在張掖縣西南二百里寰宇記祁連山東西二百里南北一百餘里霍去病攻祁連山得胡虜首三百餘級御覽引涼州記云祁連山在張掖酒泉二郡界上東西二百里南北百餘里山中冬溫夏涼宜牧牛乳酪釀好夏瀉酪不用器物刈草著其上不解散作酥特好一斛得斗餘又有仙人樹行人山中飢渴者輒食之飽不得持去平居時亦不可見【崆峒山】元和志山在縣東南六十里黃帝西見廣成子於崆峒漢武帝行幸雍祠五時遂登崆峒並為此山也【崑崙山】元和志山在酒泉縣西南八十里漢志宜禾都尉治昆侖障謂昆侖也非臨羌所謂昆侖山祠者又元和志謂周穆王見西王母於此誤【有石渠】

按志武威張掖郡縣多稱後魏所置考之地形志多不載而涼州所領臨杜泉城武興東涇梁寧諸郡今又皆不得其地當是太武初平北涼所置隋志所錄則太和以後改置也

又按有表氏縣在高臺縣西後漢置周書史寧

傳建康表氏人也建康郡張駿置

【敦煌郡】

【舊置瓜州】按晉書張軌傳張駿分涼州西界置沙州又晉志張祚以敦煌郡置商州後為西涼郡元和志後魏太武帝置敦煌鎮明帝罷鎮立瓜州尋又改為義州莊帝又改為瓜州隋大業三年改為敦煌郡地形志瓜州郡縣闕

【統縣三月七千七百七十九】

【敦煌】今縣治

【舊置敦煌郡】漢置地形志無敦煌郡縣當在瓜州闕下【後周併效穀壽皇二郡入焉】輿地廣記俱元魏置【又併敦煌】漢縣【鳴沙】詳見下【平康】無考【效穀】漢縣今敦煌縣西【東鄉】無考【龍勒】漢縣今敦煌縣西【六縣為鳴沙縣】寰宇記後周保定三年改敦煌為鳴沙縣以縣內鳴沙山為名是以鳴沙立縣始於後周而隋志云周併敦煌鳴沙等六縣為鳴沙是早有鳴沙縣按元和志昔張駿立鳴沙郡因鳴沙山為名迺知張駿郡縣並立後周廢郡又併縣也又按有伊吾郡元和志古戎地至魏立伊吾縣晉立伊吾郡尉並寄理敦煌北界後魏及周又有鄯善人來居之大業六年得其地以為伊吾郡隋亂又為羣胡居焉舊唐志隋於漢伊吾屯城之東築城為伊吾郡【開皇初郡廢大業置敦煌郡】業下當有初字【改鳴沙為敦煌有神沙山】寰宇記鳴沙山一名沙角山亦名神沙山在敦煌縣南七里辛氏三秦記云河西有沙角山峯嶮峻逾

於石山其沙粗麗色黃有如乾糲又山之陽有一泉名曰沙井綿歷古今沙不填之人欲登峯必步下入穴卽有鼓角之音震動人足又河西舊事云沙州天氣晴朗卽沙鳴聞於城內又云人遊沙山結侶小或未會遊卽生怖懼莫敢前其沙或隨人足自頓下經宿卻自還山上【三危山】禹貢導黑水至于三危又竄三苗于三危御覽引西河舊事曰三危山有三峯故曰三危俗亦爲昇雨山在敦煌縣東南二十里【有流沙】禹貢導弱水至于三危餘波入于流沙漢書顏師古注流沙在敦煌西八十里郭義恭廣志流沙在玉關外南北二十里東西數百里寰宇記引西河舊事云流沙積在玉門關外有三斷石極大俗謂三隴

【常樂】今安西州東

【後魏置常樂郡】按元和志本漢廣至縣地魏分置宜禾縣後明帝改置常樂郡地形志無常樂郡縣當在瓜州闕下【後周併涼興大至】大至本漢廣至避諱改今安西州西【冥安】因冥水爲名元和志漢冥安縣晉元康中置晉昌郡周武帝改爲永興郡晉志通典作宜安誤【閩泉】錢氏云卽漢淵泉史家避唐諱改今安西州東一百六十里【合爲涼興縣】元和志周武帝省入涼興縣【開皇初郡廢縣改爲常樂】元和志開皇四年改涼興爲常樂縣屬瓜州寰宇記謂隋初改冥安爲常樂【有關官】漢志龍勒有陽關玉門關皆都尉治後魏改龍勒爲壽昌史記正義引括地志云陽關在壽昌

縣西六里玉門關在縣西北百一十八里是二關皆在今敦煌縣治之西南玉門關唐時移於晉昌縣元和志云玉門關在晉昌縣東二十步【玉門】今縣治元和志本漢舊縣漢罷玉門關屯戍徙其人於此因以名縣後魏孝明帝改爲玉門郡周武帝省入會稽縣

【後魏置會稽郡】晉書初苻堅建元之末徙江漢之人萬餘戶於敦煌中州之人有田疇不闢者亦徙七千餘戶及李嵩東遷皆徙之於酒泉分南人五千戶置會稽郡寰宇記瓜州下云西涼並置廣夏郡又晉昌縣下云宜禾故城在縣西北界後魏正光元年僑立會稽郡於此或後魏有遷徙故志作後魏置歟地形志無會稽郡當在瓜州闕下【後周廢郡】據寰宇記會稽廣夏俱周初廢【併會稽新鄉延興爲會稽縣】按元和志周武帝省玉門入會稽此脫晉志會稽縣惠帝立新鄉在今安西州東南一百八十里晉志惠帝立延興無考【開皇中改爲玉門】元和志開皇十年會稽縣復爲玉門縣【併得後魏玉門郡地】一統志後魏分會稽郡置玉門郡地形志無玉門郡當在瓜州闕下【鄯善郡】隋書宇文弼傳開皇初西羌內附詔敬安集之置鹽澤蒲昌二郡而還是開皇會置二郡【大業五年平吐谷渾】隋書吐谷渾傳煬帝令觀王雄宇文述擊伏允大破其衆其故地皆空自西平至臨羌地以西且末以東祁連以南雪山以北東西四千里南北二千里皆爲隋有置郡縣鎮戍又劉權傳大業五年從征吐谷

渾權率衆出伊吾道逐北青海乘勝至伏俟城帝復令權過曼頭赤水置河源郡積石鎮【置在鄯善城卽古樓蘭城也】漢書西域傳鄯善國本名樓蘭王治扞泥城去陽關千六百里最在東垂近漢當白龍堆乏水草國中有伊循城其地肥美魏書西域傳所都城方一里北卽白龍堆水經注蒲昌海水積鄯善之東北龍城之西南西接鄯善東連三沙唐書地理志自蒲昌海南岸西經七屯城漢伊循城也又西八十里至石城鎮漢樓蘭國也亦名鄯善在蒲昌海南三百里唐釋道宣釋迦方誌云玉門關在南山間又西減四百里至瓜州西南入磧三百里至沙州又西南入磧七百餘里至納縛波故國卽樓蘭地亦名鄯善據此則樓蘭城當在今羅布淖爾之西南大戈壁中又證之法顯佛國記洛陽伽藍宋雲取經記及唐玄奘西域記五代高居誨使于闐記雖道出鄯善而皆稱其逕涉流沙艱險萬狀無怪今日之人烟斷絕也西域圖志移樓蘭於蒲昌海之東小色爾騰海於故書雅記皆不合【并置且末西海河源總四郡有蒲昌海】按蒲昌海今名羅布淖爾在土魯番西南六七百里史記正義引括地志云蒲昌海一名渤海一名鹽澤一名輔昌海亦名牢蘭亦名臨海在沙州西南山海經稱爲渤海史記大宛傳于寘之西則水皆西流注西海其東水東流注鹽澤潛行地下其南則河源出焉漢書西域傳蒲昌海一名鹽澤去玉門陽關千三百餘里廣袤三四百里其水停居冬夏不增減皆

以爲潛行地下南出於積石爲中國河云水經注河水又東注於渤海即經所謂蒲昌海也廣袤三四百里其水澄渟冬夏不減其中洄雷雷轉爲隱淪之脈當其澗流之上飛禽奮翮於霄中者無不墜於淵波矣即河水之所潛而出於積石也按又有蒲類海亦名縻悉厥海在鎮西府城西北八十里本漢蒲類國地唐於此置蒲類縣屬庭州又有西州蒲昌縣本名金滿城車師後王庭也二縣皆去蒲昌海千有餘里而方輿紀要及五邊紀略皆誤以蒲類海即蒲昌海大誤【鄯善水】水經河水注注濱河又東逕鄯善國北此鄯善水當即注濱河

【統縣二】

【顯武】今羅布淖爾南

【濟遠】今羅布淖爾南

【且末郡】

【置在古且末城】漢西域傳且末國去長安六千八百廿里西北至都護所二千二百廿八里北接尉犁南至小宛可三日行西通精絕二千里北史且末在鄯善西去代八千三百二十里隋大業五年初平吐谷渾於古且末城置且末郡新唐書自于闐東關東行入大流沙行千里至故折摩馱那古且末也唐釋道宣釋迦方志玉門關在南北山閒又西減四百里至瓜州西南入磧三百餘里至沙州又西南入磧七百餘里至納波故國即婁蘭地亦名鄯善又西南千餘里至折摩陀那故國即沮沫地按此言鄯善去且末千餘里與漢志微不合【有且末水】

唐志度且末河五百里至播僊鎮古且末城也水經注引釋氏西域記阿耨達山西北有大水北流注牢蘭海者也其水北流逕且末南山又北逕且末城西且末河東北流逕且末北又流而左會南河會流東逝通爲注賓河徐松漢西域志補注云且末河蓋今之克勒底雅河【薩毗澤】

【統縣二】

【肅寧】今羅布淖爾西南

【伏戎】今羅布淖爾西南

【西海郡】

【置在古伏侯城即吐谷渾國都】周書異域傳自吐谷渾至伏連籌十四世伏連子夸呂始自號爲可汗治伏侯城在青海西十五里東西三十里南北千餘里【有西王母石窟】漢志金城郡臨羌縣西北至塞外有西王母石室僊海鹽池北則湟水所出水經注同十六國春秋前涼張駿酒泉守馬岌上言酒泉南山即昆侖邱也周穆王見西王母在此有石室王母堂珠璣樓嚴飾若神宮【青海鹽池】青海在西寧邊外四五百里鹽池又在其西古名西海一曰鮮水海一曰僊海漢志有僊海鹽池已見上趙充國傳鮮海北去闕泉八百里王莽傳羌豪良願等獻鮮水海允谷鹽池莽受所獻地爲西海郡水經注湟水又東南逕卑禾羌海北有鹽池闕駟曰臨羌縣西有卑禾羌海者也世謂之青海東去西平二百五十里魏書隋書吐谷渾傳並云青海周迴千餘里又隋書元諧傳吐谷渾

寇涼州諧率兵出鄯州趣青海邀其歸路

【統縣二】

【宣德】今青海西十五里

【威定】今青海西十五里

【河源郡】

【置在古赤水城】隋書宇文述傳大業三年帝令述以兵屯西平之臨羌城吐谷渾西追之至曼頭城拔之乘勝至赤水城復拔之按臨羌故城在西寧西二百八十里宇文述先至臨羌進拔曼頭赤水則曼頭赤水更在臨羌之西唐書謂在青海南是也自唐儀鳳二年改置河源軍於鄯州西百二十里則在臨羌之東禹貢錐指以隋之河源郡即唐之河源軍誤【有曼頭城】紀要曼讀萬以曼山而名【積石山河所出】此本續漢郡國志文水經注河水重源發於西塞外出於積石山禹貢所謂導河自積石也河水曲而東北流逕析支之地是爲河曲矣隋書劉權傳大業五年帝令權過曼頭赤水置河源郡積石鎮亦指此自唐人於澆河故城置積石軍李吉甫張守節因謂唐述山爲小積石而以此爲大積石至宋蔡沈書集傳又混大小積石爲一尤誤【有七鳥海】紀要在西寧衛西塞外杜佑注吐蕃國出鄯城五百里過烏海暮春之月山有積雪地有冷瘴令人氣急不甚爲害

【統縣二】

【遠化】今青海南謝氏戎幕隨筆云改曼頭城爲遠化

【赤水】今青海南唐書吐谷渾傳有河源故郡在青海南本吐谷渾赤水城

【周禮職方氏正西曰雍州上當天文自東井十度至柳八度爲鶉首】漢書地理志作柳三度此蓋以律曆志參之帝王世紀云自井十六度至柳八度曰鶉首之次此恐脫六字【於辰在未得秦之分野考其舊俗前史言之詳矣化於姬德則閔田而興讓習於嬴敵則相稽而反唇斯豈土壤之殊乎亦政教之移人也京兆王都所在俗具五方人物混淆華戎雜錯去農從商爭朝夕之利游手爲事競錐刀之末貴者崇侈靡賤者薄仁義豪彊者縱橫貧窶者窘蹙桴鼓屢驚盜賊不禁此乃古今之所同焉】漢志是故五方雜厝風俗不純其世家則好禮文富人則商賈爲利豪桀則游俠通姦南山近夏陽多阻險輕薄易爲盜賊常爲天下劇【自京城至於外郡得馮翊扶風是漢之三輔其風大抵與京師不異安定北地上郡隴西天水金城於古爲六郡之地其人性猶質直然尙儉約習仁義勤於稼穡多畜牧無復寇盜矣】漢志六郡良家子選給羽林期門以材力爲官此數郡民俗質木不恥寇盜與此志說異【雕陰延安弘化連接山胡性多木彊皆女淫而婦貞蓋俗然也平涼朔方鹽川靈武榆林九原地接邊荒多尙武節亦習俗然焉河西諸郡其風頗同並有金方之氣矣】春秋說題辭曰秦金精堅故秦俗亦堅

隋書地理志考證補遺 卷一雍州

萬年縣注後○又按龍藏寺碑陰有廣陽令邑正

盧延碑亦開皇六年立也

陳倉縣後周置顯州下○按北地郡羅川縣亦云

西魏置顯州後周廢當是廢彼置此

汧源縣罷隴州下○隋元公夫人姬氏墓志父肇

周驃騎大將軍東秦州刺史據志東秦已廢於

魏不應周時尙有東秦也

朝那縣安武郡公下○隋書于義傳周閔帝受禪

遷安武太守

彭原縣有豐城下○豐下疑脫義字唐之豐義縣

卽置於此

膚施縣恐亦未確下○按寰宇記金明川自蕃來

經安塞縣北五十五里西過南流入膚施縣界

名勝志云孝武置金明郡于延安是也然則大

業三年廢金明郡爲膚施縣別于義川置延安

郡於情事爲合

臨真縣原國公下○隋元公夫人姬氏墓志父肇

神水郡開國公

有祀山下○說文女岍山或曰弱水之所出禹貢

錐指曰祀山疑卽岍山之誤

弘化郡魏澹所撰下○魏澹所撰魏書有紀傳無

志見隋書本傳寰宇記之說未必出于澹書

弘化郡已有朔州下○隋書源雄傳遷朔州總管

是并置總管府

五原郡注下○通鑑大業四年三月乙丑車駕幸

五原因出塞巡長城胡注帝改豐州爲五原郡

按此乃隋鹽川郡之五原縣在今靈州東南在塞內卽漢之五原郡地若豐州則在今鄂爾多斯右翼後旗漢之九原縣也已出塞外胡氏以注煬帝所幸之五原亦因所見隋志誤本而未細核

化隆縣置廣威縣下○水經注河水又東逕廣達城北威遠音近又東逕邯川城南是廣威邯川地雖近而非一城

盧水後提行○按有湟河郡通典鄯州前涼以其地爲湟河郡水經注河水又東北逕黃河城南張猛龍碑有黃河太守卽湟河也寰宇記引周地圖稱西魏化隆縣屬湟河郡則當廢於周隋間

隋書地理志考證卷第二

宜都楊守敬惺吾

【漢川郡】

【舊置梁州】紀勝引王隱晉書云魏咸熙元年寇蜀分廣漢巴涪陵以北七郡為梁州通鑑魏景元四年分益州置梁州梁大同初改北梁州輿地紀勝云梁天監三年刺史夏侯道遷以州叛入魏正始四年立為梁州梁大同元年魏梁州刺史元羅以地入梁復治南鄭承聖元年達奚武下南鄭地入西魏後周建總管府寰宇記梁大同元年使大將蘭欽克梁州復移在南鄭縣通鑑梁大同元年北梁州刺史蘭欽引兵攻南鄭注梁以南鄭為北梁州蓋以欽為刺史使之攻南鄭也然則梁初得漢中亦稱梁州及夏侯道遷以州叛入魏遂以西城為梁州至大同元年復得漢中迺改為北梁州承聖元年蕭循降西魏復為梁州梁書杜崩傳世祖以為持節平北將軍北梁州刺史亦其證也按通典云宋以後更置秦州亦理於此地形志云蕭衍梁秦二州正始初改置梁州則秦州至魏已廢故志不及又按周書明帝紀武成元年九月以大將軍天水公廣為梁州總管又按靜帝紀大象二年八月廢梁州總管志失書

【統縣八戶一萬一千九百一十】

【南鄭】今縣東二里漢縣寰宇記西魏廢帝三年改為光義縣移理州東光義府隋開皇初復為南鄭縣大業八年移理郡南城南臨漢水即今所理元和志開皇七年改光義為南鄭

【舊置漢川郡】秦置漢中郡輿地廣記後周未改曰漢川案此未覈當是隋避諱追改【開皇初郡廢大業初置郡】元和志大業三年罷州置漢川郡又西魏置白雲縣【寰宇記後周天和中立廢城在今南鄭縣東南五十里焉有黃牛山】寰宇記在南鄭縣西南五十里山有石黃色遠望如牛故名山下有黃牛川又引十道記云黃牛川有再熟之稻【龍岡山】紀勝在南鄭縣西十里梁天監中龍門昇此岡

【西】今沔縣西四十里元和志本漢沔陽縣地【舊曰嶓冢】寰宇記云本白馬城又曰盡口城宋於此僑立華陽郡周地圖記云後魏正始中分沔陽縣地置嶓冢縣地形志梁州華陽郡有嶓冢縣【大業初改焉】元和志大業二年寰宇記開皇三年罷郡置白馬鎮於古諸葛城縣理不改大業二年改嶓冢為西縣以縣西南有諸葛亮所立西樂城以名之三年廢白馬鎮置嶓州八年省州自今縣東南五里移西縣理於此【有關官】元和志百牢關在西縣西南三十里隋置白馬關後以黎陽有白馬關改名百牢關自京師趣劍南達淮左皆由此【有定軍山】今沔縣東南十里元和志在西縣東六十里三國志建安三十二年劉備屯陽平關夏侯淵與備相拒淵年自陽平南渡沔水緣山稍前營於定軍山紀勝有武侯墓及八陣圖【百牢山】即百牢關之山按此志所載山水義取簡要今既載百牢關則此不應復載【街亭山】三國志魏張郃與蜀將馬謖戰於街亭謖違諸

葛亮節制軍大敗亮乃戮謖上表自貶【嶓冢山】今沔縣西百二十里即禹貢之嶓冢漢水所出元和志在金牛縣東二十八里【有漢水】華陽國志云漢水有二源東源出武都氐道漾山因名為漾禹貢導漾為漢是也西源出隴西嶓冢山會白水經葭萌入漢始源曰沔故曰漢沔

按漢沔陽縣在今漢中府沔縣東南寰宇記隋開皇三年廢

【褒城】今縣東南十里輿地廣記故褒國周幽王后褒姒生於此

【開皇初曰褒內】漢置褒中縣東晉改為苞中宋省後魏復置曰褒中寰宇記引周地圖云後魏分漢中郡之褒中武鄉二縣立褒中郡後周天和元年改武鄉為白雲縣而褒中郡領褒中白雲二縣元和志開皇元年以避諱改為褒內寰宇記三年罷郡以縣屬梁州【仁壽元年】各本作九年誤今訂【因失印更給改名焉】唐志義寧二年更名褒中【有關官】元和志甘亭關在褒城縣北九十里寰宇記隋開皇元年立通典作甘泉又通典陽平關在褒城縣西北蜀先主破夏侯淵於此【有女郎山】水經沔水注漢南有女郎山山上有女郎家遠望山墳窺窺狀高及即其所裁有墳形山上直路下出不生草木世人謂之女郎道下有女郎廟及澆衣石言張魯女也

【城固】今縣西北十八里漢至晉曰成固宋齊魏志作城固水經注漢水又東逕小城固南州

治大城固移縣北故曰小城固案小城固在今洋縣東寰宇記引四夷縣道記城固今縣東六里故北城是以有南城故謂此為北城又引周地圖記云後魏正始中城固縣移居培鄉川

【輿勢】今洋縣治寰宇記後魏於今理西北二十里輿勢山上置輿勢縣地形志晉昌郡有輿勢縣延昌三年置而輿地廣記云魏正始中置輿縣隋初廢儻城郡置輿勢縣與魏志不合

【舊置儻成郡】案成當作城寰宇記引地記云晉於今西泉縣置晉昌郡魏復移於今縣置晉昌郡因晉舊名也廢帝三年改晉昌郡為儻城郡案北史後齊唐邕傳封晉昌王蓋遙封或別一地【開皇初郡廢】寰宇記開皇三年罷郡大業二年縣自山上移居廢郡廢理

按有龍亭縣在今洋縣東十八里地形志晉昌郡治龍亭紀要後周郡縣俱廢寰宇記龍亭縣開皇三年省入洋州

【西鄉】今縣南寰宇記蜀先主分成都立南鄉縣屬漢中郡晉太康二年改為西鄉即今縣南十五里平陽故城也宋齊志漢中郡並有西鄉縣按南史梁吳平侯景傳子勸封西鄉侯則梁尚有西鄉縣而地形志無之水經注洋水東北流逕平陽城漢中記曰本西鄉縣治也觀鄜氏此語則已無西鄉縣矣

【舊曰豐寧】寰宇記後魏正始中廢西鄉縣仍於今西鄉西五十里豐寧戍置豐寧郡及豐寧縣然地形志亦無豐寧郡縣當屬南梁州地形志闕【置洋州】寰宇記魏廢帝二年于今

西鄉縣置洋州以洋水為名領洋川懷昌洋中豐寧四郡周書李遷哲傳西魏恭帝初洋州人田越為亂【及洋川郡】寰宇記真符縣下云西魏廢帝二年置【開皇初廢郡大業初廢州】

元和志大業二年廢洋州置洋川鎮【改縣曰西鄉】寰宇記移於廢洋州理即今縣也【又舊有懷昌郡】今西鄉縣西寰宇記領懷寧一縣【後周廢為懷昌縣至是入焉】寰宇記後

周天和五年省懷昌郡改懷寧縣為懷昌縣隋開皇三年又罷三郡并省龍亭縣入洋州領豐寧黃金懷昌三縣大業二年廢洋州仍省懷昌縣以豐寧黃金二縣屬漢川郡仍改豐寧為西鄉移於廢州廢理按隋書李通傳周時封懷昌縣男【有洋水】今西鄉縣東二十里寰宇

記出廢洋川縣東巴嶺又注水經云源出巴山經西鄉縣東八里入黃金縣界郡因此水稱名按今本水經河水注洋水導源巴山東北流逕平陽城漢中記曰本西鄉縣治也又東北流入漢謂之城陽水口也與寰宇記所引互異

【黃金】今洋縣東北百三十里寰宇記本漢安陽縣地西魏文帝大統十二年分置黃金縣因縣界有黃金水為名屬直州廢帝二年分直州置洋川郡屬焉隋開皇三年廢郡以縣屬洋州大業二年廢州又以縣屬漢川郡十一年移於縣治北六十里巴嶺鎮

【難江】今南江縣治按難江本梁置在今巴州志系于盤道縣下是也此或西魏改盤道徙置與

【後周置集州及平桑郡開皇初郡廢大業初州廢】周書文帝紀魏廢帝三年正月改東巴州為集州舊唐志亦云魏恭帝改東巴州為集州志不言先為東巴州略也寰宇記梁大同中於巴嶺側立安寧敬水平南三郡仍立東巴州以領三郡州理在木馬木馬地名在今洋州界無復遺址後魏恭帝二年改東巴州為集州以東北集川水為名人戶寡少寄理梁州後周天和五年移集州於巴嶺南即今州理領平桑其

章安寧敬水平南五郡隋開皇三年罷所領郡立集州領難江曲細符陽白石四縣大業三年廢集州以難江屬漢川郡以長池舊名曲細符陽白石三縣屬巴州按當作屬清化郡仍于廢集州城置公山鎮

【西城郡】漢西城縣地建安二十年分漢中之安陽西城為西城郡魏文帝改為魏興郡宋分魏興之安康縣置安康郡齊魏并因之隋蓋併安康金城吉安三郡為西城志不言安康脫也

【梁置梁州尋改曰南梁州西魏改置東梁州】寰宇記按後魏正始元年北此字是據後來追稱梁書天監三年魏陷梁州不云北梁也梁州刺史夏侯遷舉漢中歸魏魏以漢中遺民在東垂者居此由是改為魏興郡此仍宋齊之舊非始置也按梁州記後魏合華陽金城二郡為忠城郡領亭鄉錫城金川三縣即此地也地形志無忠城郡及三縣蓋略也孝昌三年於安康郡置東梁州地形志東梁州領金城安康魏明三郡西魏大統元年梁將蘭欽東伐取南鄭其魏興等諸郡還梁罷梁州按

梁改北梁州非罷也 廢帝元年大將軍達奚武吞

併山南東梁州刺史李遷哲降魏魏於魏興置

東梁州按此說與諸史傳合而又足補史傳之

缺今合而考之梁天監三年夏侯道遷以漢中

入魏而梁失梁州并魏興郡失之魏仍於漢中

置梁州地形志所載梁州云蕭衍梁秦二州正

始初改置是也至孝昌三年於安康置東梁州

地形志所載東梁州領金城等三郡是也至梁

大同元年漢中魏興等郡復為梁有遂改漢中

之梁州為北梁州而改魏興為東梁州又至承

聖元年東梁州刺史李遷哲降魏魏仍以爲東

梁州周書魏廢帝元年春王雄平上津魏興以

其地置東梁州是也徧檢魏梁二書無以魏興

爲南梁州者梁之南梁州在巴西郡以地望準

之巴西在漢中之南故可云南魏興在漢中之

東不得云南也寰宇記又云梁於魏興置北梁

州尋改爲南梁州此大謬也梁旣以南鄭爲北

梁安得復以此爲北梁此證之史傳無一合者

也通鑑武帝普通六年北涼州刺史錫休儒等

自魏興侵魏注梁置北涼州於魏興洪麟孫謂

涼爲梁之誤是然指北梁州爲魏興亦非按普

通六年漢中魏興皆爲魏有梁蓋遙置仍指南

鄭也又周書楊乾連傳太清末遷潼南梁二州

刺史錢氏考異謂南梁指此不知太清末鎮魏

興者乃李遷哲且潼州去此甚遠安能兼除蓋

大象三年八月廢金州總管與志不同紀勝引

續通典大業三年罷州爲西城郡

【統縣六戶一萬四千三百四十一】

【金川】今安康縣治本漢西城縣地

【梁初曰上廉】晉置上廉縣在今興安府平

利縣東宋省齊復置【後曰吉陽】寰宇記引

周地圖記云上廉縣後移還上庸於平利川置

吉陽縣按宋志新興上庸已有吉陽齊志晉昌

郡亦有吉陽縣【西魏改曰吉安後周以西城

入焉】西城漢縣魏文帝以爲魏興郡治寰宇

記後周天和四年省西城縣仍移吉安縣理西

城廢縣解【舊有金城】地形志東梁州領金

城安康魏明疑魏興之誤三郡【吉安】此當是西

魏改魏明置【二郡開皇初並廢十八年改縣

爲吉安】西魏已曰吉安此當有誤字【大業

三年改曰金川】寰宇記作二年改紀要大業

十二年廢舊唐志義寧二年復置西城縣【置

西城郡又後周置洵州】按周書泉企子仲遵

傳初蠻帥杜清河自稱巴州刺史以州入附朝

廷因其所據授之仍隸東梁州都督清河以仲

遵善於撫御請隸仲遵朝議弗許清河舉兵圍

東梁州遣王雄討之改巴州爲洵州隸於仲遵

此第云置洵州不言先爲巴州略也又寇儁傳

子奉位至儀同三司洵州刺史案此當系于下

清化郡巴州下【尋廢有焦陵山】

按齊志晉昌郡有安樂縣無長樂當是改長樂

爲安樂地形志晉昌郡領龍亭縣注有安國城

龍亭在洋縣東與石泉接是魏廢安樂爲龍亭

注安國爲安樂之誤耳然則西魏改永樂稍爲

近之【置晉昌郡】東晉置宋末廢齊復置寰

宇記梁武帝立晉昌郡治王水口夏侯道遷以

梁州入魏移晉昌郡於所領長樂縣東陽村即

今石泉縣理是也【西魏改郡曰魏昌】寰宇

記後值黃衆保反移晉昌郡於梁州理因改曰

魏昌【尋改永樂曰石泉】寰宇記周武成三

年魏昌郡又移於東陽川仍併郡所領諸縣爲

永樂一縣理於今石泉縣南一里舊長樂縣所

理處續改名石泉縣以縣北石泉爲名保定三

年廢魏昌郡移石泉縣理郡城即今縣理是也

按此言周改與志異又按周書王褒傳孝閔帝

踐阼封石泉縣子則周初即有石泉縣疑當從

志作西魏改【析置魏寧縣】今石泉縣西南

按周書獨孤信傳其孫伏陁西魏文帝時封魏

寧縣公【後周省魏昌郡】保定三年省見上

【入中城郡】與寰宇記不合未能詳也【又

省魏寧縣入石泉縣】

按西魏並置魏昌縣周書若干惠傳魏孝武西

遷進爵魏昌縣伯大統初進爵爲公王盟傳魏

孝武至長安封魏昌縣公赫連達傳魏孝武入

關進爵魏昌縣伯尋進爵爲公但一縣而數人

同時封之亦不可解又按舊唐書邱和傳隋時

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

封魏昌公則隋亦有魏昌縣

【洵陽】今縣治前漢置旬陽縣後漢省晉復置

一統志西魏更名洵陽按縣從旬水名旬洵古今字耳未必西魏改

【舊置洵陽郡】一統志西魏置按隋書元孝矩傳周時賜爵洵陽郡公【開皇初郡廢有洵水】今縣治東紀勝引元和志云出洵陽縣北洵山去縣一百五十步水經注洵水又東南逕旬陽縣東南注漢謂之旬口

【安康】今漢陰廳治

【舊曰寧都】本晉縣在今漢陰廳地紀要云西魏廢按周書文帝紀西魏大統十四年改寧都縣爲郡封太祖長子毓爲寧都郡公據此則西魏廢縣改郡審矣又隋書楊異傳周閔帝時爲寧都太守則周尙有此郡晉志桓温平蜀之後以巴漢流人立晉昌郡有寧都縣水經注漢水又東逕晉昌郡之寧都縣南【齊置安康郡】

宋志有安康郡云宋末置齊寧都縣并屬之

【後魏置東梁州】魏書淳于誕傳朝議梁州

安康郡阻帶江山要害之所分置東梁州【後

蕭齊改直州】通鑑梁元帝承聖三年五月西

魏直州人樂熾作亂注引五代志作西魏改東

梁州爲直州按地形志金城郡領直城一縣水

經注漢水又東逕直城南紀要州蓋因直城而

名又按周書崔謙傳西魏時進驍騎大將軍開

府儀同三司直州刺史志言蕭齊改直州當在

中大同元年晉鎮襄陽時【開皇初郡廢大業

初州廢縣改曰安康】宋齊魏志安康郡并領

安康寧都二縣蓋本晉縣未開廢於何時周書

王雄王崙李遷李敬猷傳并封安康公是至

周尙未廢也然則隋并寧都於安康耳志稱改寧都曰安康誤

按漢陽縣在今漢陰廳東三十五里紀要後魏置魏明郡治漢陽城後周廢又直城故城在今漢陰廳後魏置紀要梁普通六年北梁州刺史錫休儒等自魏興侵魏梁州攻直城不克而還一統志隋廢

【黃土】今洵陽縣東一百二十里

【西魏置清陽郡】寰宇記晉置清口戍西魏大統十七年改置清陽郡又於郡西三十三里置黃土縣居漢水南黃土山之西爲名據此則西魏已有黃土縣與志異【後周改郡】當云後周改黃土方晰通典西魏置清陽郡後曰黃土寰宇記保定二年改清陽郡爲長岡郡則與志異【置縣曰長岡後郡省入甲郡】寰宇記保定三年廢長岡郡南史梁宗室傅長沙王蕭詔武帝時封上甲鄉侯周書扶猛傳上甲黃土人也疑志脫上字【置縣曰黃土】寰宇記保定三年移黃土縣於廢清陽郡解爲理【併赤石甲臨江三縣入焉】赤石在今洵陽縣北紀要西魏置【開皇初郡廢】舊唐志義寧二年黃土縣屬上州

【豐利】今白河縣南元和志西魏文帝立輿地廣記西魏分錫縣置按水經注漢水又東逕魏興郡之錫縣故城北似道元時已廢錫縣也地形志無錫縣

【梁置南上洛郡】宋志南上洛晉置僑寄魏興按齊志有南上洛郡即此地則此爲齊徙置非

梁置水經沔水注關耐水出上洛陽亭縣青泥西山則或是梁之上洛蓋齊之陽亭屬北上洛也若魏之南上洛則不在此【西魏改郡曰豐利】元和志文帝改初學記引南雍州記云豐利郡領豐利熊川陽川三縣案周書席固傳西魏并立豐州于此周令狐整始移于武當【後周省郡入上津郡】在今鄖西縣西北一百四十里詳豫州上洛郡上津縣下【以熊川陽川

二縣入豐利】紀要熊川廢縣在今平利縣東與陽川廢縣俱西魏時置又寰宇記引荊州圖副豐利熊川陽川三縣即武當之地按豐州豐利縣置于西魏有明徵而荊州圖副水經注嘗引之則不及西魏然則州郡是西魏置而所領三縣則故縣也【後又廢上津郡】寰宇記開皇三年罷【入甲郡】疑亦當作上甲【有天

心水】

【房陵郡】

【西魏置光遷國】寰宇記廢帝二年改新城郡爲光遷國漢中記云昔傳此地古有三百人於州西南房山中學道得仙因名其地爲廣仙後人語訛爲光遷按魏周之際南雍州東梁州之間羣蠻世爲寇亂周書蠻傳以蔡陽蠻王魯超爲南雍州刺史杜清和爲巴州刺史是也此

光遷國必以授蠻酋爲王者如宕昌國之比而周書略之故無可考【後周國廢】輿地廣記廢爲郡【置遷州】周紀保定三年正月改光遷國爲遷州【大業初改名房州】

【統縣四戶七千一百六】

【光遷】今房縣治

【舊曰房陵】漢置【置新城郡】宋志魏文帝分漢中立齊志改名南新城【梁末置岐州】

寰宇記梁天監未置與郡同理【後周郡縣並改為光遷】寰宇記周武帝三年改房陵為光

遷縣元和志後魏改縣為光遷與此異後魏地不

至此元和志每稱西魏為後魏 按周書元偉傳有房

陵縣公元審西魏時封則西魏仍為房陵【又有舊綏州】紀要梁置一統志魏周時置按周

書扶猛傳保定三年轉綏州刺史【開皇初與郡並廢大業初置房陵郡有房山】元和志在

縣西南四十三里其山西南有石室似房因以為名【霍水】霍上當有有字紀勝霍水導源自房陵至竹山入於堵

【永清】今保康縣西

【舊曰大洪】元和志故城在縣東六里寰宇記引周地圖記云西魏廢帝三年分房陵東境

置大洪縣屬光遷國【後周改焉】元和志周武帝改為永清屬遷州寰宇記周保定二年自

今縣東六十里移於今理改為永清縣【有照珠山百武山】未詳紀勝百丈山在竹山縣微

江對岸【沮水】沮上當有有字水經云沮水出漢中房陵縣淮山東南過臨沮縣界又東南

過枝江縣入於江元和志沮水出縣西南景山東南入於江左傳曰江漢沮漳楚之望也【汎水】水經沔水注汎水自梁州閬陽縣東流注於沔謂之汎口紀要乾汶河在穀城西三里或以為即汎水也

【竹山】今縣治

【梁曰安城】元和志本漢上庸縣古庸國也【西魏改焉】元和志後魏改置竹山縣因黃竹

嶺為名按地形志無竹山縣當以隋志為是元和志每以西魏混稱後魏不止此一事也【置

羅州】按周書扶猛傳魏廢帝元年割上庸新城二郡為羅州以猛為刺史【開皇十八年改

曰房州大業初州廢有花林山懸鼓山】紀勝引作垂鼓寰宇記庸城山在竹山縣西五里舊

名懸鼓山庸人居此置鼓

【上庸】今竹山縣東南漢縣晉宋齊不改

【梁曰新豐】元和志齊武帝分上庸縣地立新豐縣屬上庸郡案齊志上庸郡有新豐縣則

非梁始置【西魏改焉】傳記無西魏改新豐為上庸事【後周改曰孔陽】元和志後魏改新

豐為孔陽因界內孔陽水為名寰宇記梁立新豐縣又改為武陵縣後魏改為京州縣廢帝二

年改為孔陽縣然則非後周始改孔陽也案周書陸騰傳進封上庸公則周時有上庸縣【開

皇十八年復曰上庸】元和志開皇三年罷孔陽縣移上庸縣理於廢孔陽縣理屬羅州合觀

陸騰傳元和志之文是上庸未嘗廢改至隋始徙治於新豐城志誤

【清化郡】

州即此地也志系洵州于金川縣下誤

按巴州梁有太谷郡寰宇記後魏正始元年夏侯道遷以其地內屬于是分其地於漢昌縣理置大谷郡

【統縣十四戶一萬六千五百三十九】

【化成】今巴州治

【梁曰梁廣】本後漢漢昌縣寰宇記梁普通六年於梁大溪西三里置梁大縣屬大谷郡一

統志云隋志梁大作梁廣蓋避隋諱也補梁志駁之謂避隋諱隋志當作梁大今隋志正作梁

廣是不避諱也按志凡廣字避隋諱者皆當時州郡此梁縣無追改之理未能明也【仍置歸

化郡】通典宋末於巴嶺之南置歸化郡紀勝引元和志宋於曾口置歸化郡無屬縣寰宇記

宋於巴嶺南置歸化北水二郡齊因之梁置歸化木門二郡按齊志梁州有歸化郡縣闕與元

和志合【後周改縣曰化成】寰宇記引周地圖記云大象二年改梁大縣為化成縣以縣南

三里化成山為名【開皇初郡廢】寰宇記開皇三年廢【大業初置清化郡】

【曾口】今巴州東南三十里

【梁置】紀勝引元和志云梁普通六年於歸化郡置曾口縣寰宇記以曾口谷為名後魏因而不改開皇三年郡廢以曾口屬巴州舊唐志縣治戴公山

【清化】今巴州西北六十里

【梁置曰伏疆有木門郡】寰宇記梁普通六年於今縣北二十里置木門郡又於郡置伏疆

縣並因山爲名【開皇三年郡廢七年縣改曰清化】寰宇記同紀勝引元和志謂周改伏疆爲清化【有伏疆山】寰宇記在清化縣北一百步【清水】清上脫有字水經漾水注清水出平武郡東北東南注白水紀勝源出難江與字江合寰宇記北自清化縣界來東流入化城縣界

按有池川縣寰宇記梁大通六年置屬木門郡隋開皇三年省入伏疆

【盤道】今巴州北

【梁置曰難江】寰宇記清化縣下云宋末於今清化縣西南十里置北水郡梁置難江縣因難江水爲名梁末其地內屬按齊志無北水郡當因齊郡不載又寰宇記難江縣下云本漢宕渠縣地周天和五年於此置難江縣因江水難涉故以難爲名輿地廣記云後周置平桑郡置難江縣按水經注凡梁所置州郡在大通前者皆載之而難江水但云流逕宕渠縣謂之宕渠水則當以周置爲正【西魏改焉】寰宇記恭帝三年改因龍腹山道路盤曲爲名【有龍腹山】寰宇記在清化縣西九里

【永穆】今連縣西北七十五里

【梁置曰永康】寰宇記梁大同中分宜漢縣置萬榮郡於此兼立永康縣以屬焉後周保定初於此置萬州隋開皇三年廢【又有萬榮郡】見上按周書辛慶之傳保定中巴州萬榮郡民叛【開皇初郡廢十八年縣改名焉】九域志輿地廣記作永睦

【歸仁】今巴州東南一百十里

【梁置曰平州縣】此與後江州縣系以縣字恐誤認爲州也寰宇記梁普通六年於今會口縣東八十里置平州縣屬遂寧郡因縣界平州水爲名按晉志梁州巴西郡有平州縣宋齊志益州巴西郡俱有平州縣然則梁以平州名縣蓋因舊名【後周改曰同昌】案志同昌郡有同昌縣云西魏置紀勝引元和志云宋置平州縣隋改歸仁寰宇記平州後魏不改隋開皇三年罷郡以縣屬巴州中間並無改平州爲同昌事【開皇中改焉】寰宇記開皇九年

【始寧】今巴州東

【梁置并置遂寧郡】寰宇記梁普通六年於今其章縣東南十五里置遂寧郡又於郡理置始寧縣因山爲名【開皇初郡廢有始寧山】寰宇記在其章縣東北七里按有諾水縣寰宇記西魏大統中分始寧縣置屬遂寧郡隋開皇三年省入始寧縣

【其章】今巴州東三十里

【梁置】寰宇記梁普通八年於漢葭萌縣地置哀戎郡以界內哀戎水爲名又置其章縣以縣東八里其章山爲名隋開皇三年罷郡以縣屬巴州紀勝故奇章縣在會口縣東北三十里困學紀聞隋牛弘封奇章公奇章巴州之縣梁普通六年置取縣東八里奇章山爲名今按隋唐志通典九域志輿地廣記皆云其章北史李賢傳周時封奇章公舊唐書牛僧孺傳封奇章公僧孺子蔚襲爵降封奇章侯蔚子徹襲降封

奇章男則又皆作奇章其奇普通故也

【恩陽】今巴州西北四十里寰宇記本漢閬中縣地

【梁置曰義陽】紀勝引元和志梁普通六年分閬中置義陽郡及義陽縣屬巴州縣城置在義陽山上四面懸絕寰宇記後魏以郡屬江州恭帝改江州爲方州後周天和二年廢方州以郡屬巴州案郡爲西魏置寰宇記亦多混西魏爲後魏也【開皇末改】寰宇記開皇三年罷義陽郡十八年改義陽縣爲恩陽縣

【長池】今南江縣南

【後周置曰曲細】屬集州見前【開皇末改焉】

【符陽】今通江縣北七十里寰宇記本漢縣屬巴郡晉宋廢爲宜漢縣

【舊置其章郡開皇初廢】寰宇記後魏正始中於晉宋宜漢縣地置其章郡領符陽縣無人戶寄理渠州後周天和五年開拓此郡移郡及縣於今璧州北七十里隋開皇三年罷郡以縣屬集州大業二年廢集州以縣屬巴州地形志無奇章郡略也

【白石】今通江縣東北一百里寰宇記後魏廢帝於今白石縣西南十五里立白石縣因界內白石川爲名屬其章郡隋開皇三年廢郡以縣屬集州大業三年廢集州以縣屬巴州按周書藝術傳趙文深西魏大統十年封白石縣男

【有文山】

【安固】今營山縣東北八十里

【梁置】紀勝引元和志梁大同元年分宕渠縣置寰宇記取安靜永固為名屬伏虞郡舊唐志謂後周改安固為良山未知何據【後周置

蓬州】寰宇記引周地圖記云天和四年割巴州之伏虞郡隆州之隆城郡置蓬州因蓬山為名紀勝引圖經云大象元年又割渠州之景陽

來屬隋初郡廢為州仍以廢伏虞郡之安固廢龍城郡之大寅儀隴廢義安郡之宜漢廢景陽郡之宕渠綏安來屬通鑑陳光大二年周以趙

文表為蓬州刺史【大業初州廢有大蓬山】今營山縣東北七十里寰宇記在良山縣東南

三十里與小蓬山相去二里紀勝引列仙傳葛由乘木羊上綏山隨者皆得仙綏山在蓬州今

大蓬始號也山上有寺

【伏虞】今儀隴縣東八十里

【梁置曰宜漢】紀勝引元和志梁大同中置寰宇記梁大同中於今伏虞縣東三十里置宜

漢縣屬義安郡按宜漢本漢縣梁徙置于此詳見後【及置伏虞郡】紀勝引元和志在大同

元年寰宇記屬巴州【開皇初郡廢】寰宇記以縣屬蓬州【十八年改焉】寰宇記以界內

伏虞山為名

【通川郡】

【梁置萬州】寰宇記梁大同二年於宜漢縣置萬州以州界內有地萬餘頃因以數名之領

開巴新寧寧巴壽陽巴中五郡南史武陵王紀傳元帝遣萬州刺史宋筵即此按新寧當作新安新寧乃魏改梁新安名非梁置也【西魏曰

通州】寰宇記後魏廢帝二年開拓山南以萬州居四達之路改為通州周天和元年通州領

開巴等五郡不改建德五年又割開州所領東關三岡二郡來屬州領郡七隋開皇三年罷郡

廢開巴郡之石城縣廢新寧郡之三岡縣廢臨清郡之石鼓縣廢三巴郡之東鄉縣並屬通州

五年又以廢并州之宜漢縣來屬大業三年罷州為通川郡領通川等七縣按隋書張衡傳父

光周萬州刺史又西魏已改萬州為通州則衡傳當史文追稱

【統縣七戶一萬二千六百二十四】

【通川】今達縣治

【梁曰石城】本漢宕渠縣地後漢分置宜漢縣晉初省旋復舊唐志後魏改宜漢為石城寰宇記後魏廢帝二年開拓山南改宜漢為石城

縣與志不合輿地廣記云梁立石城縣本此志【置東關郡】輿地廣記宋立巴渠郡梁改為

東關郡【開皇初郡廢】此下當有十八年改縣為通川八字按寰宇記開皇十八年改以地

帶四達故曰通川【大業初置通川郡】按有蛇龍新寧二縣寰宇記西魏廢帝置開州領東關郡郡領蛇龍新寧二縣

【三岡】今達縣西南四十里

【梁置屬新安郡】寰宇記梁大同二年置新安郡兼立三岡縣因邑界山有三隴為名【西魏改郡曰新寧】寰宇記西魏廢帝二年改【開皇初郡廢】寰宇記云故新寧城在新寧縣西

北十里西魏恭帝二年立縣隋開皇三年廢然

則志文此下當有并新寧縣入焉六字

【石鼓】今達縣東六十里

【西魏置遷州】寰宇記本漢宕渠縣地後漢為宜漢縣地後魏恭帝三年於此立遷州領臨

清一郡尋於郡置石鼓縣因石鼓山為名【後周廢州置臨清郡開皇初郡廢】寰宇記隋開皇二年廢州三年罷郡併臨清縣亦歸石鼓縣

以隸通川郡與縣同置於西魏隋始廢州又併臨清縣入石鼓與志不合

【東鄉】今縣東北一統志西魏置然考南史梁吳平侯子劬封東鄉侯則當為梁置

【西魏置石州】寰宇記引四夷述云梁於今東鄉西界置新安縣不詳理所西魏恭帝二年

分新安縣於益遷下蒲兩水間置石州即今東鄉縣是也又於州理置巴渠郡【後周廢州置

三巴郡】寰宇記周天和四年廢石州及巴渠郡仍於故州城置三巴郡領東鄉下蒲二縣

【開皇初郡廢】

按有下蒲縣在今東鄉縣西北宋置屬巴渠郡寰宇記隋開皇三年廢入東鄉紀要後周廢

又有巴渠縣在今東鄉縣東北寰宇記梁大同中析宜漢縣地置以境在巴川宕渠內故為巴渠縣焉隋初廢按宋齊志巴渠郡皆領巴渠縣

寰宇記謂梁置誤

【宜漢】今太平縣東寰宇記本漢宕渠縣地後漢分為宜漢縣梁置南晉郡領東關東關置宜漢二縣理東關後魏廢帝二年移故宜漢縣於南晉郡北二百里今無遺趾周省東關入宜漢

縣隋開皇五年自并州北二百里移宣漢縣理於東關故城案宣漢自宋齊梁以後邊徙分置無常續漢志巴郡有宣漢縣晉志宕渠郡有宣漢縣宋齊巴渠郡並同在今綏定府達縣治又宋魏興郡齊晉昌郡宋齊梁州南宕渠郡益州南宕渠郡並有宣漢縣蓋僑置迺改今皆不能實指其處合之梁置已有四宣漢皆非隋之宣漢也

【西魏置并州】寰宇記後魏廢帝二年於梁所置南晉郡西百步置并州領南晉郡按周書李遷傳傳西魏恭帝三年正月軍次并州梁并州刺史杜滿望風送款則梁時已有此州當為梁末所置【及永昌郡開皇三年郡廢】寰宇記周改南晉郡為永昌郡按周書宇文廣傳初封永昌郡公在魏時周時移郡於大昌似不得至開皇始廢【五年州廢】

【西流】今開縣西北一百五十里

【後魏曰漢興】按地形志巴州郡縣闕故無漢興【西魏改焉又置開州】寰宇記西魏廢帝二年於今達州新寧縣理立開州領東關三岡開江馬鎧四郡後周天和四年自東關郡城移開州於今理今開州西九十里濁水北故州城是也領周安東關三岡開江四郡其年以東關三岡二郡俱屬通州周書陸騰傳有開州【及周安萬安江會三郡】輿地廣記後周置周安郡與志異又志巴東郡新浦下云後周置周安郡開皇初廢據彼文亦云後周置知此云西魏置誤矣寰宇記後周周安郡領西流一縣又寰

宇記周天和元年於漢豐縣理置萬安郡與志異又天和五年改開江郡為江會郡亦與志異【後周省江會入周安】寰宇記建德五年【開皇初郡並廢大業初州廢】寰宇記開皇三年乃以萬安永寧二縣廢周安郡之西流新浦二縣共四縣屬開州大業二年廢州

【萬世】今開縣東北六十五里

【後周置】寰宇記作萬歲云宋武帝置巴渠縣後周天和元年改為萬歲縣取縣北萬歲谷為名舊唐志後周萬縣隋加世字輿地廣記云後周置萬世縣唐貞觀二十三年更名萬歲【及置萬世郡】寰宇記後周天和元年分巴東郡置萬安郡輿地廣記亦作萬安恐誤【開皇初郡廢】輿地廣記義寧二年縣屬開州

【宕渠郡】案晉志惠帝分巴西置宕渠郡宋齊志并有此郡周書扶猛傳梁大同中封宕渠男降周復封然則梁周并有宕渠郡隋因之

【梁置渠州】太平御覽引輿地志云梁大通三年置渠州寰宇記梁大同三年於北宕渠郡理置渠州後魏文帝十三年其地內屬仍舊為渠州領北宕渠郡隋大業三年廢

【統縣六戶一萬四千三十五】

【流江】今渠州治

【後魏置縣及置流江郡】地形志無流江郡流江縣舊唐志流江漢宕渠縣地梁置渠州周因改為北宕渠郡又改為流江郡仍於郡內置流江縣通典亦云流江縣後周置通典謂郡後魏置則流江郡及流江縣皆置於周非置於魏也

寰宇記亦云周武成元年改北宕渠郡為流江郡仍於郡理置流江縣惟謂梁普通三年置北宕渠郡於漢宕渠縣西南七十里則與舊唐志說異案宋齊志并有北宕渠郡是梁亦因宋齊之舊新唐書宰相世系表李充穎周時封流江公【開皇初郡廢大業初置宕渠郡】寰宇記大業三年罷州

【寶】今廣安州北十二里各本並如此據諸書當作寶城

【舊曰始安】寰宇記今渠江縣北十二里有古廢寶城一名始安城梁普通三年於此置始安縣取古始安城為名屬北宕渠郡紀勝引元和志梁普通三年於此置安漢縣開皇十八年改寶城又輿地廣記宋置始安縣屬巴渠郡西魏屬流江郡隋開皇十八年改寶城今考宋齊志梁州巴渠郡俱有始安縣梁取古始安城為名之說是【開皇十八年改焉】舊唐志梁置始安縣隋不改誤寰宇記大業元年自故城移於今渠江縣理南臨渠水東枕大溪

【鄰水】今縣北舊唐志通輿地廣記并作隣下鄰州鄰山郡同

【梁置縣】寰宇記梁大同三年於漢宕渠縣地置鄰水縣屬鄰山郡因彼州水以名之寄理鄰州城紀勝引續通典同隋開皇元年自州城移於岳池溪今縣北九里故城是也【並置鄰州後魏改鄰山郡】通輿地地形志無此郡蓋西魏置【開皇初郡廢】寰宇記梁大同三年置鄰州及鄰山縣後魏廢帝改為鄰山郡而志無

鄰山縣之名考通典潯山梁置紀勝引元和志
梁大同三年置鄰山縣舊唐志梁置潯山縣隋
末縣廢則梁確置此縣紀勝云隋志於鄰州鄰
山郡之廢置盡係之於鄰水一邑於鄰山初無
干預則鄰山乃鄰州之別邑明甚特西魏改鄰
州為鄰山郡郡治雖在於鄰水而郡名則係於
鄰山是魏之鄰山郡實理於鄰水非理鄰山也

至范子長皇朝郡縣志於鄰水鄰山兩縣下各
注云梁大同三年於縣置鄰州同在一時不應
一州分治於兩縣也今以寰宇記續通典證之
而知紀勝之說誤蓋鄰州置於鄰山縣而鄰水
縣寄理州城南縣實同治一城此志不言鄰山
縣以此然亦為脫略又按周書李遷哲傳明帝
初蠻酋蒲微為鄰州刺史舉兵反則周尙有此
州當是大業初廢州志脫此五字舊唐志義寧
元年縣屬潯州蓋復置也

【宕渠】今營山縣東北
【梁置】舊唐志取漢縣名治長樂山寰宇記廢
宕渠縣在蓬州東一百里梁太清元年置【并
置境陽郡】通典梁置景陽郡寰宇記梁太清
元年置景陽郡【開皇初郡廢】

【咸安】今營山縣東
【梁置曰綏安】寰宇記梁大同中於漢宕渠
縣地置綏安縣屬景陽郡【開皇末改名焉】
寰宇記開皇十八年改

【墊江】今縣治
【西魏置縣】寰宇記西魏恭帝三年分漢臨
江縣地置【及容川容山郡】郡上當有二字

輿地廣記作容川容山二縣誤【後周改為魏
安縣】寰宇記周天和二年改周書尉遲迴傳
宣帝即位以迴為相州總管帝崩隋文令迴子
魏安公悼徵迴會葬【開皇初郡廢十八年縣
改名焉】

【漢陽郡】
【後魏曰南秦州】地形志南秦州真君七年
置仇池鎮太和十二年為渠州正始初置治洛
谷城舊唐志作梁置【西魏曰成州】周書魏
廢帝三年正月改南秦為成州元和志魏廢帝
改秦州為成州隋大業三年改為漢陽郡按周
書豆盧寧傳魏廢帝元年出為成州刺史紀傳
各異傳當是追書之失

【統縣三戶一萬九百八十五】
【上祿】今成縣西北
【舊置仇池郡】寰宇記晉孝武時氏豪楊定稱
藩於晉求割天水之西縣武都之上縣置仇池
郡於歷城元和志後魏置仇池鎮後改為郡地
形志南秦州有仇池郡領階陵蒼泉二縣【後
魏置倉泉縣】地形志倉泉太和四年置【後
周廢階陵豐川建平城階四縣入焉】地形志
階陵真君四年置元和志周武帝改階陵為倉
泉縣一統志周省階陵移倉泉於階陵治豐川
建平城階三縣紀要謂後魏析倉泉置按地形
志無此三縣當是西魏析置【開皇初郡廢大
業初置漢陽郡改縣曰上祿】元和志大業三
年改寰宇記復漢舊名也【有百頃雄】雄字
誤當作池殿本作堆今成縣西北百里寰宇記

引辛氏三秦記云仇池山上有百頃池平如砥
其南北有山路東西絕壁萬仞上有數萬家一
人守道萬夫莫向山勢自然有樓櫓卻敵之狀
東西二盤道可七里有岡阜泉源史記謂秦
得百二之固也

【潭水】今禮縣南八十里一統志西魏置
【西魏置潭水郡】周書趙昶傳魏恭帝初潭
水羌叛殺武陵潭水二郡守則西魏又有武陵
郡【後周郡廢并廢甘若相山武定三縣入焉】
【長道】今禮縣東南三十里
【後魏置漢陽郡後周郡廢】此下有脫文不
然郡既廢於周何以又云開皇初郡廢【又省
水南縣入焉開皇初郡廢十八年改曰長道】
上文既無置縣之文何以云改曰長道按地形
志漢陽郡真君五年置領穀泉蘭倉二縣郡治
蘭倉天水郡真君七年置領水南平泉平原三
縣元和志長道縣後魏之天水郡也廢帝改為
長道郡又立漢陽縣屬焉隋開皇三年罷郡又
周書趙昶傳世祖初進爵長道郡公則西魏有
長道郡致確又舊唐志西魏分上祿置長道縣
寰宇記同是西魏并置長道縣亦致確今按蘭
倉故城在今禮縣東南三十里即長道城水南
故城在今西和縣北禮縣與西和接壤是隋之
長道兼有魏漢陽天水二郡地然則此志當云
後魏置蘭倉縣并置漢陽郡西魏改縣曰漢陽
後周郡廢又有後魏天水郡西魏改為長道郡
置長道縣後周又省水南縣入焉開皇初郡廢
十八年併漢陽入長道方合

【西魏置縣】寰宇記西魏恭帝三年分漢臨
江縣地置【及容川容山郡】郡上當有二字

【臨洮郡】

【後周武帝逐吐谷渾以置洮陽郡尋立洮州】
寰宇記云秦漢及魏晉皆諸羌所居後吐谷渾
侵據其地後周明帝元年逐吐谷渾始得其地
因置洮陽防武帝保定初立為洮州其郡城本
名洮陽城在洮水之北及吐谷渾所築南臨洮
水極險今謂之洪和城是也隋煬帝廢州元和
志云周明帝武成中西逐諸戎其地內屬置洮
陽防武帝保定元年立洮州大業三年罷州按
周書帝紀保定元年二月於洮陽置洮州又賀
蘭祥傳武成初吐谷渾侵涼州詔祥與宇文貴
總兵討之拔其洮陽洪和二城以其地為洮州
是武成時得地先置洮陽防置州則在保定初
諸書所說皆合又按周書置洮州總管周書李
賢傳保定五年置洮州總管府遂廢河州總管
改授賢洮州總管俄廢洮州總管遷於河州
【開皇初郡廢】此志於郡之廢置例敘於帶
郡之縣下且美相縣下云周置洮陽郡開皇初
郡廢是此處不當有隋紀開皇三年四月吐谷
渾寇臨洮洮州刺史皮子信死之按元和志大
業三年罷洮州為臨洮郡則當作大業初州廢
【統縣十一戶二萬八千九百七十一】
【美相】今洮州廳西南紀要云即洪和城而此
志以洪和郡載入當夷以洮陽郡載入此縣則
此為洮陽城也

【後周置縣】元和志臨潭縣下云周保定元
年置美相縣【及置洮陽郡開皇初郡廢併洮
陽縣入焉大業初置臨洮郡】蓋移地形志之

臨洮郡於此

【疊川】今洮州廳邊外南二百里
【後周置疊州疊川縣】寰宇記疊州歷代為
羌胡之境後周建德六年西逐諸戎始有其地
因置恆香郡尋改為疊州元和志蓋取山川重
疊為義【開皇四年置總管府】北齊書慕容紹
宗傳子建中隋開皇中大將軍疊州總管【大
業元年府廢】元和志大業元年廢州輿地廣
記大業初州廢入臨洮同昌郡寰宇記大業末
陷入番【有洮水】寰宇記源出西傾山亦曰
強臺山在臨潭縣西南二百三十六里即吐谷
渾界水經注洮水與墊江水俱出強臺山東北
流逕吐谷渾中【流水】今未詳紀要引紀勝
云西傾山綿亙深遠接番族中白水江出其陽
即禹貢之桓水云或流為白字誤
【合川】今西寧縣西北邊外元和志常芳縣下
云天法山東蘇董谷即合川縣理
【後周置】元和志周武成二年置縣有三谷
水至縣東合流因以為名寰宇記後周武成中
置以大江所合為名治吐谷渾馬牧城【仍立
西疆郡】按周書顏之儀傳周末為西疆郡守
【開皇初郡廢】元和志縣屬疊州【有白嶺
山】按元和志寰宇記合川縣下并載有石鏡
山在縣西北四十五里其山石皎徹臨照莫不
備見形體故謂之石鏡山或即此也
【樂川】未詳其地

【後周置】無考寰宇記唐武德二年復置疊
州領合川樂川疊川三縣貞觀二年省疊川樂

川

【歸政】今洮州廳西
【開皇二年置】隋書李穆傳子直封歸政縣
侯【仍立疆澤郡三年廢】又後周立弘州周
紀建德六年六月於廣川防置弘州【及開遠
河濱二郡開皇初州郡並廢】隋書吐谷渾傳
開皇初以兵侵弘州高祖以弘州地曠人梗因
而廢之
【洮源】今洮州廳西南
【後周置曰金城并立旭州】周書武帝紀建
德六年六月於河州雞鳴防置旭州【又置通
義郡開皇初郡廢十八年縣改為美俗大業初
州廢】隋書吐谷渾傳有旭州刺史子信【縣
改名焉】
【洮陽】今洮州廳西一百六十里晉志惠帝分
隴西之狄道臨洮河關又立洮陽遂平武衛始
興第五真仇六縣合九縣置狄道郡然則晉嘗
置縣紀要云後為羣羌所據
【後周置曰廣恩并置廣恩郡開皇初郡廢仁
壽元年改縣為洮河大業初改曰洮陽】
【臨潭】今洮州廳西南紀要臨潭城即古洮陽
城而隋志洮陽臨潭二縣并置當時必有分別
今不可考若唐之臨潭則又置於洮州郭下
【後周曰汎潭開皇十一年改名焉】
【臨洮】今岷州治寰宇記本秦臨洮郡漢魏晉
並為隴西郡地
【西魏置曰溢樂】寰宇記本秦之臨洮縣西
魏大統中改為溢樂縣今考晉志有臨洮縣地

【西魏置曰溢樂】寰宇記本秦之臨洮縣西
魏大統中改為溢樂縣今考晉志有臨洮縣地

形志無之蓋後魏時已廢而西魏置溢樂縣於故城也【并置岷州】寰宇記西魏大統十年

置以南有岷山因以為名按周書宕昌傳大統四年以梁侖定為南洮州刺史後改洮州為岷

州仍以侖定為刺史七年侖定舉兵入寇據此則岷州之先為南洮州其改岷州亦在大統七

年前故周書獨孤信傳云大統七年岷州刺史赤水蕃王梁侖定反詔信討之又按宇文貴傳

有羌酋傍乞鐵忽因梁侖定反後據有渠株川大統十六年貴與豆盧寧擒斬之並於渠株川

置岷州據此則岷州又有遷徙【及同和郡】據寰宇記與州同時置按地形志有臨洮郡真

君六年置一統志謂西魏改臨洮為同和然周書劉雄傳臨洮子城人似周時尚有臨洮郡或

西魏分臨洮置同和實未廢臨洮郡【開皇初郡廢】按隋書劉方傳楊武通歷岷蘭二州總

管則隋嘗置岷州總管府【大業初州廢】元和志大業改州為臨洮郡舊唐志義寧二年復

置州【更名縣曰臨洮】舊唐志義寧二年改名溢樂【又後周置祐川郡其城縣】元和志

周明帝武成元年置基城縣寰宇記屬洮城郡按周既於縣置祐川郡何以縣又屬洮城郡恐

誤【尋郡縣俱廢】一統志開皇初廢郡元和志開皇九年省縣義寧二年重置縣【有岷山】今岷州城北寰宇記山在溢樂縣南一里山黑

崆峒山自山傍洮水而東【當夷】今岷州西【後周置】寰宇記周武成元年更脩置金通

成其城即吐谷渾所築貞觀二年置當夷縣于此尋廢不以為周置縣【又立洪和郡】寰宇

記周明帝武成元年置洪和郡并當夷縣以郡屬岷州新唐書宰相世系表唐毅周時封洪和

公地形志洪河郡屬河州水經河水注洮水又東逕洪和山南城在四山中央按紀要魏鄧艾

攻姜維於侯和涼張駿置侯和屯護軍苻秦王猛討叛羌使別將守侯和洪和侯和即一城也

晉轉耳然則洪和之名始於曹魏而立郡亦始於後魏非後周置也【郡尋廢】寰宇記周武

帝時郡省以縣屬同和郡【又置博陵郡】元和志臨潭縣下謂唐安西府在縣東四十里周

武成元年行軍總管博陵公賀蘭祥討吐谷渾築此城以保據博平後因置博陵郡【及博陵

寧人二縣】元和志周置博陵郡隋又為縣屬洮州以縣為隋置【開皇初併入】元和志博

陵縣至唐貞觀十二年省不云隋廢【和政】今岷州東北舊唐志後周保定元年置

元和志周保定元年省洮城郡置同和縣屬同和郡宣政元年改為和政縣【後周置洮城郡尋廢】元和志保定元年廢

寰宇記隋初廢【宕昌郡】【後周置宕昌國】周書宕昌傳宕昌羌者其先蓋三苗之胤有梁勒者世為酋帥得羌豪心

自稱王西魏大統初梁侖定率其種人入寇魏行臺趙貴等擊破之侖定稱藩請罪四年以侖

定為南洮州刺史要安藩王七年侖定又舉兵入寇侖定尋為其下所殺魏獨孤信破其餘黨

以其弟彌定為宕昌王又按梁書大同七年二月以行宕昌王梁彌泰為平西將軍河梁二州

刺史宕昌王是梁彌泰稱藩於西魏而又通款於梁也【天和元年置宕州總管府】周紀天

和元年正月於宕昌置宕州又宕昌羌傳保定四年彌定引吐谷渾入寇詔大將軍田弘討滅

之以其地為宕州【開皇四年府廢】元和志大業三年罷州為宕昌郡【統縣三戶六千九百九十六】

【良恭】今岷州東南一百三十里【後周置初曰陽宕】寰宇記本漢陽宕縣【置

宕昌郡】元和志周天和五年置郡【開皇初郡廢】寰宇記開皇三年【十八年改名焉大

業初置宕昌郡】【和戎】今岷州東南【後周置有良恭山】元和志良恭山在懷道

縣北四十里出雌黃【懷道】今岷州西南元和志周天和元年置隋書蘇威傳周時封懷道縣公

【後周置甘松郡開皇初郡廢】元和志懷道縣屬甘松郡開皇三年罷郡屬宕州

【武都郡】漢郡後漢因之魏黃初中徙於美陽以此為西部都尉理晉復為郡後為氏羌楊氏所據魏齊梁間或以為南梁州或以為北梁州

或以爲北秦州或以爲東益州并見梁書諸夷傳後魏置武都鎮後爲郡地形志武都郡領石門白水東平孔提四縣

【西魏置武州】元和志西魏廢帝置隋大業三年改州爲武都郡按周書氏傳廢帝二年趙昶時督成武沙三州諸軍事楊法琛等從命乃分其部落更置州郡以處之

【統縣七戶一萬七百八十】

【將利】今階州西北

【舊曰石門】本漢武都縣地形志真君九年置蓋因平仇池羌改【西魏改曰安育後周改曰將利】元和志周閔帝改石門爲將利屬武都郡寰宇記閔帝元年改石門爲將利俱西魏改安育事【置武都郡】寰宇記西魏置武州後周又爲武都郡又周書賀若敦傳進封武都公又賀若弼傳敦子賀若隆襲封武都公然地形志已有武都郡當因叛羌廢故周復置趙昶傳可見【後改曰永都郡開皇初郡廢大業初置武都郡】當云大業初復改爲武都郡【又有東平縣】地形志真君九年置【後周併入焉有河池水】水經注水出河池北谷南逕河池成東南入濁水元和志仇池山本名仇維山上有池似覆壺有瀑布縣因山爲名山在成都州界去縣稍遠今縣所處謂之河池川

【建威】今階州東南

【後魏置白水郡後廢改爲白水縣】地形志真君九年置郡後改縣屬武都郡【西魏復立郡改爲綏戎後周郡廢改爲建威縣】周書梁

士彥傳武帝時封建威縣公隋書賀若誼傳周武帝時封建威縣侯【并廢洪化縣入焉】今階州東紀要西魏置屬白水郡【又西魏有孔提郡及縣】今階州東北二百里地形志武都郡有孔提縣則縣非西魏置【後周並廢】

【覆津】今階州東南

【後魏初曰翫當置武階郡】地形志武階郡領北部南五部赤萬三縣無翫當縣紀要謂似北部尋改翫當也【西魏又置覆津縣】寰宇記大業五年於今福津縣東北三十里故萬郡城置覆津縣屬武階郡【及置萬郡統赤方接難五部三縣】赤方當作赤方即赤萬地形志太和四年置赤萬郡後改縣西魏蓋於縣重置萬郡【後周一郡三縣并翫當縣廢入焉】紀要以武階郡治覆津【開皇初武階郡又廢】元和志開皇三年移福津縣於郡置焉寰宇記唐大福元年改覆爲福字然元和志已作福津或傳鈔者改

【盤堤】今階州東南七十里

【西魏置曰南五部縣後改名焉】地形志南五部太和四年置郡後改縣則縣爲後魏置西魏改爲盤堤寰宇記廢盤堤縣在階州南一百三十五里漢河池地後魏廢帝前二年於此置武陽郡領盤堤縣後恭帝元年於今將利縣東南一百四十二里移盤堤縣於故城以置縣因山名也按寰宇記此說不明晰當是盤堤有移徙恭帝復故也【并立武陽郡】元和志後魏廢帝置領盤堤縣周書豆盧寧傳西魏恭帝二

年封武陽郡公【及茄蘆縣】元和志鄧艾與姜維相持築茄蘆城梁書諸夷傳楊難當兄子文德聚衆茄蘆又作葭蘆水經注羌水又東南逕葭蘆城西【後周郡廢】元和志謂開皇三年始罷郡【縣併入焉】

【長松】今文縣西南按水經漾水注白馬水出長松縣西南白馬溪趙氏以長松始見於隋志疑水經注有隋唐間人附益然地形志遺漏既多隋志亦往往疏舛未足以覈鄭注也

【西魏置初曰建昌】寰宇記在曲水縣西一百里後周武成二年與同和郡同徙於此【置文州】元和志後魏平蜀置理陰平郡按此及下曲水元和志并稱後魏平蜀置足見元和志於西魏百混稱後魏【及盧北郡】舊唐志作盧北是寰宇記盧北故城在曲水縣東北五十二里因段蘆鎮爲名按周書明帝紀二年三月以段蘆郡置文州疑盧北即葭蘆非二郡也【開皇初郡廢十八年縣改曰長松】寰宇記以地多喬松爲名屬文州【大業初州廢】元和志大業二年廢州

【曲水】今文縣西北

【西魏置】元和志後魏平蜀置縣屬陰平郡寰宇記縣在南北二江之曲以爲名隋開皇三年罷郡縣屬文州舊唐志隋武都之曲水縣義寧二年置陰平郡領曲水長松正西三縣

【正西】今文縣西南五十里

【西魏置】

【同昌郡】

【西魏逐吐谷渾置鄧州】元和志後魏討定陰平鄧至羌立寧州後改為鄧州因鄧至羌為名也寰宇記後魏廢帝前元年西逐吐谷渾討定陰平置鄧州後改為寧州取安寧為稱又考元和志帖夷縣下云安昌故城在縣東北三十二里後魏廢帝遣儀同宇文昶平陰平鄧至二蕃立寧州修築故城則寧州置於帖夷縣非置於尚安縣與鄧州異地疑當日陰平既定於尚安置鄧州於帖夷置寧州本二州雙立志失書寧州元和志遂誤以為改寧州為鄧州寰宇記又誤以為改鄧州為寧州也按自西魏於此地置寧州并置總管府最為重鎮此不過羈縻羌戎故周隋名臣不見有為鄧州寧州刺史者凡周隋書列傳所稱為寧州刺史者皆指北地非謂此也良由魏雖置州而夸呂數為邊寇其地或荒廢觀周書吐谷渾傳及史寧傳可見【開皇七年改曰扶州】按扶州本周置在嘉誠縣隋移徙耳寰宇記義取扶持以立州名元和志大業三年改州為同昌郡

【統縣八戶一萬二千二百四十八】

【尚安】今文縣西北

【西魏置縣】元和志西魏恭帝三年置屬武進郡寰宇記廢尚安縣在曲水縣西一百一十里引周地圖記後魏恭帝後二年置武進郡於此地按此因史寧襲擊夸呂大破之因以其地置縣也事在恭帝二年見周書吐谷渾傳及史寧傳則縣當為二年置無疑舊唐志後魏置武進郡又改為上安郡隋廢郡為尚安縣舊治刺

利村【及鄧寧郡】據上諸書則西魏所置為武進郡後改上安郡鄧寧郡在同昌詳下【開皇初郡廢大業初置同昌郡有黑水】今文縣西水經漾水注黑水出羌中西南逕黑水城西又西南入於白水元和志黑水出素嶺山經尚安縣北三十步

案又有安昌郡水經漾水注安昌水東南逕鄧至安昌郡南

【鉗川】今文縣西

【西魏置】元和志廢帝二年置因山為名屬尚安郡案廢帝當恭帝之誤舊唐志鉗川縣後魏置鉗川郡隋罷郡復為縣志失書鉗川郡【有鉗川山有白水】今文縣城東水經注白水西北出臨洮縣東南西傾山水色白濁東南至陰平界民居水上者為白水氏元和志白水經鉗川縣南去縣二十八里

【帖夷】今文縣西

【西魏置】元和志廢帝元年置【又置昌寧郡】當云又置寧州昌寧郡詳見上按元和志魏帖夷縣屬帖夷郡同昌縣下云西魏屬昌寧郡似謂置帖夷郡於帖夷縣置昌寧郡於同昌縣與志異志失書帖夷郡【開皇三年郡廢】按有鄧至縣寰宇記鄧至故城在曲水縣南三里廢帖夷縣東周地圖云後魏廢帝元年置屬帖夷郡水經漾水注白水又東逕鄧至城南

【同昌】今文縣地

【西魏置】元和志西魏廢帝前元年置屬昌寧郡寰宇記魏廢帝前元年置屬封統郡與元

和志異按舊唐志於武進郡治尚安於鄧州鄧寧郡治同昌今以諸書核之其說是也封統郡別無所見【有鄧至山云鄧艾所至故名焉】元和志山在同昌縣東二十五里志例不釋山水此當後人附益余意當因鄧至羌名

【嘉誠】今松潘廳治

【後周置縣】元和志周天和元年置屬龍涸郡舊唐志嘉誠縣白水羌像舒治自稱鄧至王後至舒彭遣使朝貢乃拜龍驤將軍甘松縣子始置甘松縣魏末大亂又絕後周復招慰之於此置龍涸防天和元年改置扶州領龍涸郡隋改甘松為嘉誠縣并龍涸郡及扶州總管府【周紀天和元年五月吐谷渾龍涸王莫昌率部落內附以其地為扶州吐谷渾傳同元和志後周保定五年置龍涸防天和元年改置扶州領龍涸郡周書齊煬王憲傳子乾洽封龍涸公【開皇初府廢三年郡廢七年州廢有雪山】今松潘廳東三十里元和志雪山在嘉誠縣東八十里春夏常有積雪

【封德】今洮州廳西南

【後魏置又立芳州】魏字是周字之誤後魏時此地尚為戎周紀建德六年六月於甘松防置芳州元和志漢晉皆諸羌所居後魏吐谷渾侵據焉周明帝武成中西逐諸戎始有其地乃於三交口築城置甘松防武帝建德中改為芳州領恆香深泉二郡【有深泉郡開皇初郡廢又省理定縣入焉】紀要理定廢縣在封德故城西西魏置【大業初州廢】元和志大業二

年罷州以縣屬扶州

【常芬】今洮州廳西南

【後周置】寰宇記後周武成元年置三川縣以隸恆香郡至建德元年改三川爲常芬取其地多甘松芳草爲名【及立恆香郡】按有恆香縣元和志周武成中置屬芳州郭下【開皇初郡廢有弱水】此非張掖郡之弱水疑山海經海內西經之弱水古有指此者

按有丹嶺縣元和志隋開皇十九年置丹嶺縣屬芳州義寧二年屬甘松郡又云所管百姓皆是黨項諸羌界內雖立縣名無城郭居處

【金崖】未詳當在松潘廳西

【後周置】

【河池郡】

【後魏置南岐州】地形志南岐州領固道郡延興四年置元和志太平真君二年招定仇池氏其年於此立鎮太和元年置固道郡孝昌中置南岐州寰宇記延昌中置【後周改曰鳳州】周書魏廢帝三年正月改南岐州爲鳳州元和志寰宇記並同舊唐志亦云魏廢帝置鳳州然則後周當作西魏元和志又云因州境有鸞鷲山爲名按成州同谷縣本是鳳州西界縣南有鳳凰山因爲州名隋大業三年改爲河池郡

【統縣四戶一萬一千二百一】

【梁泉】今鳳縣治

【舊曰故道】漢縣一統志晉永嘉亂後廢水經漾水注故道水西南逕故道城東魏征仇池以築戍【後魏置郡曰固道】地形志延興四

年置屬南岐州元和志太和元年置按地形志固道郡下無領縣元和志兩當縣下云後魏於此置固道郡領兩當廣鄉二縣足補魏志之闕按廣鄉無所見水經注故道水又西南歷廣香交或香鄉通用【縣曰涼泉尋改曰梁泉】元和志後魏太和元年置梁泉縣取縣西梁泉爲名屬固道郡據此則固道所領不止二縣是則初置即名梁泉或元和志省文隋書酷吏傳田武從周武帝平齊封梁泉縣公【西魏改郡曰歸真】北史魏宗室傳元羅周受禪降封固道郡公則周尙爲固道郡志謂西魏改郡誤【後周廢郡】元和志開皇三年廢固道郡與志異【又廢龍安商樂二縣入】紀要龍安城在鳳縣西【大業初置郡】

【兩當】今縣東三十五里

【後魏置】元和志因縣界內兩當水爲名或云縣西界有兩山相當因取爲名【及立兩當郡】地形志無兩當郡水經注尙婆水歷兩當縣之尙婆城南魏故道郡治也亦無兩當郡然則縣爲後魏置郡爲西魏置【開皇初郡廢】【河池】今徽縣西十五里漢縣又在其西晉永嘉後沒於氏羌水經漾水注鳩溪南逕河池縣故城西是也

【廢】元和志縣屬鳳州【仁壽初縣改名焉】元和志仁壽元年改復漢舊名【又後魏置思安縣】今徽縣東南按地形志無思安縣當亦廣化郡屬隋書賀婁子幹傳周武帝時封思安縣子【大業初省入有河池水】案河池水志已載於武都郡將利縣下此復

【同谷】今成縣治

【舊曰白石】元和志後魏宣武帝置廣業郡并白石縣水經漾水注濁水又東逕白石縣南

【置廣業郡】地形志有兩廣業郡一屬南岐州無屬縣一屬東益州領廣業廣化二縣水經漾水注故道川南入東益州之廣業郡在白石縣東是東益州之廣業郡更有白石縣按魏志郡縣多有重複而實只一地者由州改而郡縣未改郡改而縣未改地形志不爲之詳其先後置立但各據其時籍籍書之又或有先爲本土後陷而復得者稍有改易亦遂以前後州郡并載之如此廣業郡當是先屬岐州後屬東益州本一郡也附記於此以審讀魏志者【西魏改曰同谷】寰宇記恭帝後元年改【後周置康州】周書明帝二年以廣業修城二郡置康州

【開皇初郡廢大業初州廢又有泥陽縣】紀要謂在今成縣東五十里泥陽川水經漾水注濁水又東南逕泥陽水北出泥谷南即此今本並誤作泥陽當據此訂正【西魏廢】趙一清曰此縣當是旋置旋廢故地形志不載地形志北地郡有泥陽縣異地名非此縣也

【順政郡】

【後魏置東益州】地形志東益州領郡七治

武興按元和志楊難當弟伯宜孫胤分王武興

稱藩于魏後謀叛魏魏遂廢武興為藩鎮其年

改鎮為東益州【梁為武興蕃王國】梁書諸

夷傳大同元年尅復漢中楊智慧遣使上表求

率四千戶歸國詔許焉即以爲東益州【西魏

改爲興州】元和志西魏廢帝二年改東益州

爲興州因武興郡爲名大業三年罷州爲順政

郡按周書氏傳西魏大統十一年於武興置東

益州以氏帥楊辟邪爲刺史廢帝二年以宇文

貴爲興州刺史

【統縣四戶四千二百六十一】

【順政】今略陽縣治元和志本漢沮縣地

【舊曰略陽】按此魏之武興也地形志東益

州武興郡治武興水經漾水注漢水又東逕武

興城南是其證也志不載武興郡縣而曰略陽

考地形志秦州有略陽郡在秦安縣東北即漢

縣也非此地寰宇記後魏太武帝於此僑立略

陽郡恐無此事或因此志爲說日不著實土

而以僑立當之亦謬【西魏置郡曰順政改縣

曰漢曲】元和志後魏廢帝置漢曲縣屬順政

郡寰宇記在廢帝二年【又置仇池縣】今略

陽縣西北百六十里按地形志有仇池郡無仇

池縣當是西魏改仇池郡爲仇池縣【後改曰

靈道開皇初郡廢十八年縣改名焉】隋書董

純傳高祖受禪進爵漢曲縣公開皇末改封順

政縣公與志改縣之說合【大業初置郡又省

靈道縣併入】

【鳴水】今略陽縣西

【西魏置曰落叢】按地形志洛聚郡有明水

縣元和志後魏宣武帝置鳴水縣則明水即鳴

水紀要謂西魏改鳴水置落叢縣【并置落叢

郡】地形志叢作聚誤也然足知非西魏置元

和志亦謂後魏宣武帝置落叢部【開皇初郡

廢】隋書酷吏傳燕榮高祖受禪封落叢郡公

【六年縣改爲蔚北八年改曰鳴水】舊唐志

治落蕃水南

【長舉】今略陽縣西北一百二十里地形志長

作長

【西魏置又立盤頭郡】案地形志盤頭郡領

武世葭舉二縣水經漾水注濁水南逕盤頭郡

東則非西魏置元和志盤頭故城在長舉縣南

三里因水盤屈爲名【後周廢郡】元和志周

武帝廢槃頭郡長舉屬落叢郡【有鳳溪水】

水經漾水注鳳溪水上承濁水出鳳凰臺下東

南流左注濁水

【脩城】今略陽縣西北

【舊置脩城郡縣曰廣長】按當作舊曰廣長

置脩城郡地形志南秦州脩武郡治廣長縣太

和四年置水經注漢水東南逕脩城道南又周

書趙昶傳世宗初鳳州人仇周貢魏興等反分

兵圍廣業脩城二郡又杜杲傳世宗初轉脩城

郡守據此則地形志作脩武誤也【後周郡廢】

周紀明帝二年以廣業脩城二郡置康州【又

廢下阪縣入】按下阪無考當是下辨地形志

脩武郡有下辨縣【仁壽初縣改名焉】紀要

隋末廢【又西魏置柏樹縣】按地形志脩武

郡有和樹縣云太和八年置則非置於西魏和

當爲柏之誤【後周廢】按周書氏傳明帝時

興州人及下辨柏樹二縣民反則周初尙未廢

也

【義城郡】

【後魏立益州】地形志正始中置【世號小

益州】元和志梁天監中以竺允爲晉壽太守

隨夏侯道遷入後魏魏改立西益州通鑑梁大

同元年益州刺史鄱陽王範南梁州刺史樊文

熾合兵圍晉壽魏東益州刺史傅敬和來降按

東益州置於順政此不得云東也東當西字誤

【梁曰黎州】元和志梁大通六年尅晉壽始

通劍路改西益州爲黎州寰宇記大同二年改

西益州爲黎州按大通六年晉壽尙屬後魏至

大同元年始尅晉壽周書楊乾運傳梁大同元

年除西益州刺史尋轉黎州刺史據此則梁初

得其地尙曰西益州寰宇記云大同二年改黎

州是也【西魏復曰益州】元和志梁武陵王

蕭紀僭號於蜀以席嶷爲黎州刺史嶷反州屬

魏復改黎州爲西益州【又改曰利州】周書

廢帝三年正月改西益州爲利州元和志魏宣

武正始三年改誤【後周置總管府】周書趙

剛傳周初爲利州總管元和志周大象二年以

豆盧勳爲利州總管至任未幾而王謙據益州

叛益州刺史達奚堪馬步十萬來攻利州於子

城南北起土山城內之人負戶汲援軍既至堪

等敗走今大城內東西南北有大池是達奚堪

取土處也【大業初府廢】寰宇記大業初廢州爲義城郡

【統縣七戶一萬五千九百五十】

【縣谷】今廣元縣治

【舊曰興安】元和志東晉孝武帝分晉壽縣置寰宇記太元十五年置宋志屬晉壽郡【置晉壽郡】寰宇記齊永泰元年分晉壽郡之興安縣置東晉壽於烏奴北一里按齊志東晉壽郡有興安縣地形志有東晉壽郡無興安縣【開皇初郡廢十八年縣改名焉】元和志因縣東南縣谷爲名【大業初置郡又有華陽郡】按宋志有華陽郡寄治梁州齊志同齊志益州南安郡華陽縣始以廣元爲實土地形志又以華陽隸梓潼郡梁書鄱陽王恢傳世子範爲益州刺史開通劍道尅復華陽【梁置華州西魏並廢有龍門山】元和志在縣谷縣東北八十二里出好鍾乳

【益昌】今保寧府昭化縣治宋志益昌屬白水郡齊志同元和志周改晉壽縣爲益昌舊唐志後魏分晉壽縣置京兆縣後周改益昌按廢晉壽縣在今昭化縣東南五十里本漢葭萌縣蜀漢改漢壽晉改晉壽東晉置晉壽郡後魏曰西晉壽郡領陰平一縣而晉壽縣則屬東晉壽郡其南白水郡有京兆縣而無益昌則知改益昌爲京兆也周復改爲益昌又仍宋齊之舊耳

【義城】今廣元縣東南一百五十里

【西魏置】元和志後魏於今胤山縣西南十五里置義城縣隋義寧二年改名義清寰宇記

西魏恭帝二年分晉壽置義城縣周書庾信傳進爵義城縣侯

【葭萌】今昭化縣南漢縣在東南五十里蜀改漢壽晉武帝改晉壽

【後魏曰晉安】宋志晉安帝立屬新巴郡齊志同志云後魏置誤【置新巴郡】按地形志新巴郡惟領新巴一縣晉安縣改屬東晉壽郡而輿地廣記謂元魏新巴郡治晉安縣蓋因志誤【開皇初郡廢十八年縣改名焉】元和志取漢舊縣名也【大業初又併恩金縣入焉】按新巴縣在今劍州西北東晉立梁書鄧元起傳道將破劉季連李春伯於新巴

【岐岬】今蒼溪縣東北一百里紀勝引元和志云宋立宋安縣後魏改岐岬隋開皇末割屬閬州寰宇記宋分晉壽置宋安縣屬宋熙郡西魏廢帝三年改岐岬隋開皇三年屬利州

【景谷】今昭化縣西北三國志鄧艾伐蜀自陰平景谷景谷之名本此

【舊曰白水】漢縣按宋志晉壽郡有白水縣卽漢舊縣又有白水郡云仇池氏流寓立領新巴漢德晉壽益昌與安平周六縣水經注白水又東逕白水縣故城東卽白水郡治也後魏改爲南白水郡屬益州【置平興郡】一統志梁初置北益州平興郡大寶初叛廢西魏復置平興郡按通鑑梁大寶元年黎州民引氏酋北益州刺史楊法琛據黎州注楊法琛治平興則梁置北益州於平興也又元帝承聖二年初楊法琛求爲黎州刺史武陵王紀以爲沙州刺史注蓋

卽以平興爲沙州也又梁書鄱陽王恢傳都督益寧梁南北秦沙七州諸軍事益州刺史又始興忠武王蕭憺碑亦都督此七州軍事又周書任果傳父褒梁沙州刺史果於西魏廢帝元年降魏魏授以沙州刺史周書氏傳魏廢帝時趙昶都督武成沙三州諸軍事又周書豆盧寧傳武成元年遷都督利沙文三州諸軍事利州刺史又周書靜帝紀大象二年八月沙州氏帥開府楊永安聚衆應王謙遣大將軍達奚儒討之十一月達奚儒破楊永安於沙州沙州平則梁周時沙州甚著蓋廢於隋志無之最疏也又周書趙剛傳孝閔帝踐阼出爲利州總管利沙方渠四州諸軍事則相近又有方州【後周省東洛郡入】一統志東洛郡魏置按地形志無之【開皇初郡廢縣改名平興十八年改曰景谷】通典宋曰平興縣隋改之元和志宋元嘉十七年氏人楊難當尅葭萌分白水置平興縣屬沙州隋開皇十八年改爲景谷縣因縣北景谷爲名大業二年屬利州舊唐志宋置平興縣隋改爲景谷寰宇記宋分白水地置平興縣隋開皇十年改爲景谷輿地廣記晉孝武分白水置平州縣宋曰平周後又曰平興置白水郡後改縣爲白水而改郡爲平興隋開皇復改縣爲平興屬利州按宋志白水郡有平周無平興齊志亦無之但諸書皆言然必有所本平周或平興之誤輿地廣記雖以平周當之而云後又曰平興知其說不能自持矣【大業初又省魚盤縣入焉】縣在今昭化縣西北紀要齊梁間置魚石

洞戍於此西魏置魚盤縣【有關官】元和志石門關在縣西南十八里因山爲阻昔諸葛亮鑿石爲門因名之又通鑑注引水經注云白水東南流至葭萌縣謂之葭萌水水有津關所謂白水關今本水經注但云水有津關四字【有木馬山】元和志山在景谷縣西南二十五里諸葛亮之出祁山也於此作木牛流馬以供運因名【良珠山有凍水】無考或清水之誤水經注清水又東南注白水

【嘉川】今廣元縣東一百十里漢葭萌縣地寰宇記宋武帝置興樂縣西魏恭帝元年改爲嘉川取嘉陵江所經爲名按宋志宋熙郡領新樂齊志領興平蓋已改興樂爲興平西魏又改嘉川也

【舊置宋熙郡】宋志何徐志新立寰宇記宋武帝置【開皇初廢】

【平武郡】本晉平武縣地志不言置郡始末水經注清水出于平武郡東北又西歷平洛郡東南屈而南逕南陽僑郡東北又東南逕新巴縣東北又東南逕始平僑郡南案平武平洛南陽始平諸郡地形志皆無之此志亦不載建置始末

【西魏置龍州】元和志西魏禪帝二年平蜀於此立龍州隋大業初廢按周書陸騰傳魏廢帝時拜龍州刺史太祖謂騰曰今欲通江油路直出南秦蓋初置州於此而以騰爲刺史也

【統縣四戶五千四百二十】

【江油】今平武縣東南三國志鄧艾伐蜀自陰

平景谷逕江油出縣竹江油之名始此寰宇記晉始置陰平縣及平武縣西魏廢帝二年置江油取江水爲名據舊唐志則隋始有江油縣恐誤

【後魏置江油郡】地形志無江油郡水經注涪水又東南逕江油戍北是酈道元時尙未置郡寰宇記後魏孝武帝置江油郡當是也【開皇三年郡廢大業初置郡有關官】通鑑天監十四年上遣寧州刺史任大洪自陰平圍關城傅豐眼擊破之大洪棄關城遁還卽此

【馬盤】今平武縣東北一百二十里據寰宇記與郡同時置

【後魏置馬盤郡】元和志後魏馬盤郡領馬盤一縣寰宇記以界內山名郡邑按地形志無馬盤郡當是孝武永熙間始置魏收自云永熙緒籍無者不錄凡此志云後魏置而地形志無者視此【開皇三年郡廢】

【平武】今縣東北

【梁末李文智自立爲藩王】元和志龍州下云秦漢及魏不置郡縣晉於此置平武縣至梁有楊李二姓最豪分據其地各稱藩於梁【西魏廢爲縣】宋志平武蜀立曰廣武晉武帝太康元年更名齊志亦有之然則西魏得其地仍舊縣名也【有涪水】涪江在今龍安府西北二里水經注涪水出廣漢屬剛氏道徼外東南流經涪縣西東南與梓潼合元和志涪江南流經龍州城東又經江油城東其水出金【潺水】水經涪水注潺水出潺山水源有金銀礦洗取

火合之以成金銀潺水歷潺亭而下注涪水【方維】今平武縣東北二百二十里

【舊曰秦興置建陽郡】紀要西魏置【開皇初郡廢縣改名焉】隋書楊義臣傳開皇初封秦興縣公蓋是時尙未改也毛本隋書作秦興誤

【汶山郡】元和志漢武帝破南越冉駹等皆震恐請臣置吏元鼎元年以冉駹爲汶山郡今州卽漢蜀汶江縣也晉移郡於綿虜

【後周置汶州】元和志周保定四年立汶州寰宇記取汶水爲名【開皇初改曰蜀州尋爲會州】寰宇記開皇五年改汶州爲蜀州六年改會州取西夷交會爲名元和志謂開皇五年改汶州爲會州不言改蜀州【置總管府】隋高祖紀開皇八年三月以成州刺史姜須達爲會州總管是也按帝紀開皇三年五月以濟北郡公梁遠爲汶州總管據此則汶州未改之先已置總管【大業初府廢】元和志大業三年罷州爲汶山郡

統縣十一戶二萬四千一百五十九

【汶山】今茂州治

【舊曰廣陽】晉志汶山郡有廣陽縣又有汶山縣元和志本漢汶江縣地晉改爲廣陽縣寰宇記晉置廣陽縣屬汶山郡在西北五百五十里晉末廢考宋齊志汶山郡俱無廣陽汶山二縣則知晉末并廢一統志謂梁復置廣陽【梁改爲北部都尉置繩州北部郡】寰宇記梁普通三年置繩州取桃關之路以繩爲橋因作州

稱【後周改曰汝州】按志於郡下既載周置汝州則此不當復此汝州當作汝川蓋云改郡也自此志誤川爲州校者或記川字於旁寰宇記遂有汝川州之說詳見下【開皇初郡廢仁壽元年縣改名焉】元和志開皇十八年縣改廣陽爲汝山舊唐志寰宇記後周置汝山縣並與志異

【北川】今石泉縣西三十里

【後周置有龍泉水】按此志水皆紮於山後此列山前於例不合寰宇記龍泉山在汝山縣南四十八里山下有湫水號曰清池一曰龍池時或水旱民禱必應若放牝馬於其側多生駿駒【雁門山】雁爲鷹之誤寰宇記鷹門山在汝山縣北二十里山多鷹栖故名【襄陽山】寰宇記引州郡志云汝山郡有襄陽山

【汝川】今茂州汝川縣治志不言縣置於何時當是與郡同時置輿地廣記周置汝川縣寰宇記晉置汝川州於此周保定四年移汝川州於廣陽縣州廢置汝川縣以汝川水爲名校勘記云晉無汝川州事疑作汝山郡而誤也記又云後周移汝川州於廣陽疑是自廣陽移郡治汝川文舛誤耳按此校寰宇記是也而其自爲說則非蓋不知寰宇記沿隋志誤文耳因此知前僑置略陽於順政亦臆說又按元和志梁置汝川縣仍於縣理置汝山郡此當本作後周傳鈔者誤也

【後周置汝山郡】蓋徙舊郡於此【開皇初郡廢】

【交川】今松潘廳南三十四里

【開皇初置】元和志天和中置縣屬龍涸郡開皇三年罷郡屬扶州寰宇記亦云周天和中置縣以領羌夷屬龍涸郡以其地通胡越道路東西相交以名縣與志異【有關官】按紀要松潘衛所載關名有九而皆非古關未知於今誰屬

【通化】今汝川縣西北五十里

【開皇初置曰金川】元和志周武帝時於漢廣柔縣地置石門鎮隋開皇六年以近白狗生羌於金川鎮置金川縣寰宇記周保定四年置石門縣【仁壽初改名焉】元和志寰宇記並謂開皇十八年改

【左封】今疊溪營西二百二十里

【後周置曰廣年】按元和志周天和元年置廣平縣舊唐志恭州下和集縣下并作廣平宋本輿地廣記作年紀要亦作年未知孰是【及置廣年郡左封郡開皇初郡並廢仁壽初縣改名焉】元和志開皇十八年改廣平爲左封與志異【又周置翼州】元和志梁太清中武陵王蕭紀於蠶陵舊縣置鐵州尋廢周天和元年討蠶陵羌又於七頃山下置翼州以翼針溪爲名隋書楊文思傳周天和中治翼州事【大業初廢】元和志大業三年省州改置和山鎮【有汝山】元和志汝山即岷山荀子江出汝山是也漢志作嶧水經注云又謂之汝阜山

【平康】今松潘廳西南

【後周置】案蜀志姜維傳汝山平康夷反維

討定之是縣蓋蜀置晉志汝山郡亦有平康縣宋齊志無之蓋周復置也【有羊腸山】

【翼水】今疊溪營南六十里

【後周置曰龍求】元和志作龍水紀要同輿地廣記作龍求【及置清江郡開皇初郡廢縣改曰清江】元和志開皇三年改爲清江縣罷郡以縣屬翼州【十八年又改名焉】寰宇記取縣西南翼河爲名

【翼針】今疊溪營西

【後周置】元和志本漢蠶陵縣地周武帝置翼針縣以翼針水爲名寰宇記又謂隋爲翼針縣治七頃城【及翼針郡開皇初郡廢有石鏡山】元和志石鏡山在翼水縣東南九里山側有石圓徑二尺明澈如鏡因名

【江源】今松潘廳西

【後周置】

【通軌】今疊溪營西北二百七十里

【後周置縣及覃州并覃川榮鄉二郡】寰宇記後周天和元年雁門郡公紇干略於此討渾胡因置同昌郡尋又改爲覃川郡即唐之當州也今松潘廳西南二十里【開皇初郡廢四年州廢有甘松山】今松潘廳西北三百里元和志甘松嶺在嘉城縣西南十五里通典謂甘松嶺乃江水發源處

按周書魏廢帝紀三年正月改東梁爲金州南梁爲隆州北梁爲靜州北梁無考元和志劍南道靜州本漢蠶陵縣地天授元年於此置靜州當即因於西魏故址其地在今松潘廳西南二

百七十里

【普安郡】

【梁置南梁州後改爲安州】寰宇記梁天監中立南梁州以在梁州南也梁末改爲安州元和志梁武陵王蕭紀改南梁立安州周書楊乾運傳遺其堦樂廣鎮安州卽此輿地紀勝云周書魏廢帝二年平蜀改置州郡改南梁州曰隆州改安州曰始州則南梁州與安州自是兩處蓋南梁州置於梁武之天監在巴西寰宇記誤係于此而武陵王紀在蜀又分南梁州爲安州卽此或誤屬梁武洪麟孫曰諸云南梁州者蓋南梁州地也和志所云爲得其實故南梁州自爲隆州而安州自爲始州庶不相抵牾耳【西魏改爲始州】周書魏廢帝三年正月改安州爲始州又元和志後魏廢帝二年先下安州始通巴蜀故改安州爲始州寰宇記取郡邑更始爲名元和志大業三年罷始州爲普安郡

【統縣七戶三萬一千三百五十一】

【普安】今劍州治

【舊曰南安】元和志輿地紀勝俱謂宋置一統志云齊置按宋志無南安縣齊益州南安郡始有南安縣此爲齊置梁書張齊傳天監四年齊進戍南安通鑑梁天監四年魯方達戍南安【西魏改曰普安】元和志云周改南安縣爲普安【置普安郡】元和志宋於劍州置南安郡按宋齊秦州之南安郡在今漢中南鄭齊志益州之南安郡則在劍州一統志西魏改置普安郡【開皇初郡廢大業初置郡焉】

【永歸】今劍州東南五十里

【舊曰白水】元和志紀勝俱云宋置白水縣一統志齊僑置按宋志梁州晉壽郡之白水縣在昭化縣北南齊益州南安郡之白水縣則在今劍州東地雖近實不同也當從一統志【西魏改焉】寰宇記廢永歸縣在臨清縣南四十里西魏得蜀於此立永歸縣而元和志謂周閔帝改白水爲安歸縣唐志又謂隋分梓潼縣置永歸縣三說互異當以此志爲是

【黃安】今劍州南一百四十里

【舊曰華陽西魏改焉】寰宇記引周地圖梁置梁安縣屬南梁州周天和中改爲萬安縣萬字疑黃字之誤輿地廣記作天和中改爲黃安元和志宋置華陽縣屬南安郡後魏禪帝改爲南安縣周武帝改爲黃安縣又寰宇記廢華陽縣在普成縣南四十里宋大明年置隸南安郡後魏廢按宋志秦州南安郡無華陽縣齊志益州南安郡有華陽縣是華陽爲齊置而元和志寰宇記言之鑿鑿或因置在大明間故宋志未詳與上南安白水二縣亦同此例【又置黃原郡】原或作元按寰宇記廢茂陵縣在普安縣西三十里益州記云宋大明年置隸扶風郡圖經云後魏元年改屬黃元郡隋開皇三年廢據此則西魏黃元郡兼領茂陵縣【開皇初郡廢】

【陰平】今梓潼縣西北一百六十里

【宋置北陰平郡】按宋齊志梁州益州并有北陰平郡此蓋益州之北陰平一統志謂是梁州者誤晉志永嘉中晉人流寓於梁益者仍於

二州立南北二陰平郡寰宇記引輿地志云晉人流寓於蜀者乃於益州立北陰平郡是郡當立於東晉而元和志云宋明帝太始中置【魏置龍州】地形志脫龍州【西魏改郡爲陰平又名縣焉】此誤按宋齊志北陰平郡所領俱有陰平縣非至西魏始以陰平名縣觀下又有改縣曰陰平之文則知陰平先嘗改名考寰宇記引輿地志西魏廢帝二年定蜀改陰平爲龍安輿地廣記同又考周書辛慶之傳族子昂與尉遲迴伐蜀蜀平迴表昂爲龍州刺史領龍安郡事據此則志當云西魏改郡爲龍安又名縣焉【後周從江油】按周爲州之誤從爲徒之誤志於平武郡下云西魏置龍州可見魏末卽徙龍州於江油一統志云周徙州於江油知從爲徒誤不知周爲州誤也紀勝云周改曰江油大謬【郡改曰靜龍】紀要云周改【縣曰陰平】寰宇記隋省龍安縣併爲陰平縣屬始州

【開皇初郡廢】

【梓潼】今縣治漢縣

【舊曰安壽西魏置潼川郡】寰宇記西魏於梓潼縣置潼川郡移縣於郡南三十里改爲安壽縣【開皇初郡廢大業初縣改名焉】寰宇記開皇三年廢郡移縣復舊治猶以安壽爲名大業三年還名梓潼【有五婦山】今梓潼縣北十二里寰宇記引蜀記云秦王遣蜀王美女五人蜀王遣五丁迎女至梓潼五丁踴地大呼驚五女並化爲石因名水經梓潼水注縣有五女蜀王遣五丁迎之至此見大蛇入山五丁引

之山崩壓五丁及五女因氏山爲五婦山

【武連】今劍州西南八十里案晉志梓潼郡有武連縣宋齊志無之西魏因舊名復立常有移徙

【舊曰武功】元和志本漢梓潼縣地宋元嘉中於縣南五里僑立武都郡下辨縣又改下辨

爲武功僑置武功縣寰宇記同【置輔劍郡】一統志梁於武都郡更置輔劍郡又紀勝宋置

武都郡後改爲扶風西魏改爲安都今按宋志益州武都郡云本屬秦州流寓立有下辨縣無

武功縣而秦州西扶風郡北扶風郡並有武功縣亦以流民僑立齊志則并武都郡於新城郡

以下辯屬之又併西北扶風爲扶風而改武功爲武江武江恐即武功之誤是并無改下辨爲武

功之迹而元和志寰宇記並有此說未知所出今以宋齊志說之當云舊曰武功置扶風郡蓋

輔劍郡並無所考也【西魏改郡曰安都縣曰武連】寰宇記云後魏廢帝二年改武功爲武

連元和志謂周明帝改寰宇記又云廢下辨縣城在武連縣南五里臨小潼水引益州記云宋

元嘉二十九年以武都流人於下辨縣安置大明二年改爲武連縣隋大業九年移今理其城

見廢據此則宋即名武連恐誤【開皇初郡廢】

【臨津】今劍州東南一百三十里

【舊曰胡原】元和志南齊置胡原縣紀勝同按齊志無胡原縣又寰宇記引舊圖經云梁天

監十八年分閬州置相源縣屬巴西郡舊唐志又作南齊置相原縣疑相爲胡之誤周書裴俠

傳子肅天和中賜爵胡原縣子【開皇七年改焉】寰宇記作臨清云以其俯臨清水爲名考

紀要劍州西百二十里其地有津曰小潼津又隋書豆盧勳傳開皇七年詔食始州臨津縣邑

千戶則寰宇記誤

【金山郡】晉志孝武分巴西梓潼爲金山郡宋齊志無之蓋廢隋改金山因舊名也

【西魏置潼州】元和志後魏廢帝二年徙梓潼郡理梓潼舊城于此別置潼州周書楊乾運

傳梁大同元年除西益潼刺史蓋謂西益州潼州也梁書武陵王紀傳太清五年西魏將尉遲

迴率衆逼涪水潼州刺史楊乾運以城降之然則潼州爲梁置寰宇記梁武陵王蕭紀於二郡

置西潼二州校勘記按南史本傳紀僭號於蜀以巴西梓潼二郡太守永豐侯爲征西大將

軍則二郡上疑有巴西梓潼字又云置西潼二州豈增置西州潼州爲二州乎余謂校刊記所

云增置西州不見傳志亦臆說隋書源雄傳有東潼州刺史曹孝達則此或爲西潼州州上衍

二字耳又按隋書于義傳破尉遲迴後拜潼州總管則周嘗置潼州總管府志失書【開皇五

年改曰蘇州】元和志因縣水爲名大業三年改州爲金山郡

【統縣七戶三萬六千九百六十三】

【巴西】今縣州治

【舊曰涪】漢縣晉志涪涪城梁書鄧元起傳有涪令李膺【置巴西郡】一統志晉永嘉後移巴西梓潼二郡於涪城紀要宋因之齊梁皆

爲梓潼郡梁末爲巴西郡案齊志益州亦巴西梓潼二郡並置則亦並治涪縣梁書張齊傳天

監十四年遷巴西梓潼二郡太守又庾域傳天監初出爲巴西梓潼二郡太守又周書蕭瑒傳

梁武帝時轉巴西梓潼二郡守則梁代亦始終二郡並置所謂雙頭郡也紀要之說誤【西魏

改縣曰巴西】元和志後魏改涪縣爲巴西中縣開皇元年避廟諱改爲巴西舊唐志隋改涪

巴西寰宇記西魏分涪縣別置巴西中縣隋改涪縣曰巴西而以巴西中縣省入三說各異當以寰

宇記爲是【開皇初郡廢大業初置金山郡】寰宇記引益州記云金山在涪縣東五十步東

臨澗水光照映川【有鹽井】元和志魏城縣下云鹽泉井在縣東南四十五里鹽泉縣理是

也鹽泉縣下云鹽井在縣西一里

【昌隆】今彰明縣治元和志昌明縣下云晉孝武帝自白沙戍移漢昌縣僑理於此仍屬巴西

郡後魏廢帝改漢昌爲昌隆縣寰宇記初在清廉鄉梁大同四年移於讓水魏移於孟津里

【有雲臺山】寰宇記山在彰明縣北一名天柱山即漢張道陵昇仙之所又引郡國志云靈

臺山天柱崖下有一桃樹高五丈外皮似桃內皮似松道陵與王長趙昇試法於此四百餘年

桃迄今未朽

【涪城】今三臺縣西北六十里

【舊置始平郡】寰宇記東晉置一統志齊置按宋志益州無始平郡齊志益州有始平獠郡亦非此地水經漾水注清水又東南逕新巴縣

東北又東南逕始平僑郡南地形志南白水郡

有始平縣無始平郡常是梁置也案此不言置

縣事而下文有改縣曰安城之語則知此本以

涪城縣置始平郡志中如此者甚多發凡於此

【西魏改郡為涪城】周書齊煬王憲傳西魏

時封涪城縣公觀此足知先有涪城縣【後周

又改曰安城】周書齊煬王憲傳魏恭帝元年

封安城郡公則改涪城為安城仍西魏事【開

皇初郡廢改縣曰安城十六年改為涪城】舊

唐志後魏改始平郡為涪城及潼縣隋改潼縣

為涪城與志異

【魏城】今蘇州東北六十里

【西魏置】元和志鹽泉縣下云後魏禪帝元

年割涪縣置魏城縣魏城縣下云隋大業十年

自鹽泉井移魏城縣理此鹽泉井在今縣東南

五十里鹽泉縣理是也寰宇記西魏於涪縣立

潼州故析涪之北部立魏城縣李膺記西漢東

五十里有東西井西為涪縣界井東為梓潼

界隋大業中自鹽泉井移魏城縣於此舊唐志

又作隋置按陳茂傳文帝受禪封魏城縣男

【萬安】今羅江縣治

【舊曰屏亭】寰宇記晉於涪縣梓潼水尾萬安

故城置萬安縣晉末亂移就屏亭紀要梁末移

治潺亭改曰潺亭縣水經涪水注潺水歷潺亭

而下亦不言有縣城或武陵王紀所立也【西

魏改名焉置萬安郡】寰宇記羅江縣下云梁

置萬安郡後又云萬安故城後魏恭帝二年於

此置萬安郡自相違異蓋雜采傳記不能定也

【開皇初郡廢】

【神泉】今安縣南五十里

【舊曰西充國】元和志本漢涪縣地晉孝武

僑置西充國縣【開皇六年改名焉】輿地廣

記作十六年舊唐志以縣西泉能愈疾故也又

寰宇記梁武陵王改西充國為平州縣後魏恭

帝移於今所隋開皇六年改為神泉按晉宋齊

志巴西郡並有平州縣寰宇記之說恐未足據

【金山】今蘇州地

【舊置益昌晉興二縣】益昌今安縣東三十里

晉興今安縣東北九十里宋志并屬巴西郡齊

志同【西魏省晉興入益昌後周別置金山】元

和志周天和六年置【開皇四年省益昌入金

山】元和志開皇三年省益昌縣大業三年廢

金山縣寰宇記亦作開皇三年廢益昌入金山

【新城郡】

【梁末置新州】元和志梁武陵王肅紀置於

新城郡【開皇末改曰梓州】寰宇記開皇十

八年改取梓潼江為名

【統縣五戶三萬七百二十七】

【郡】今三臺縣治漢縣在縣南屬廣漢郡宋齊

不改

【舊曰伍城西魏改曰昌城】案伍城故城在

今中江縣離三臺頗遠元和志後魏置新城縣

後改名昌城寰宇記亦云後魏置新城縣恭帝

三年改為昌城【案後魏之地不至此元和志寰宇記所

云後魏者亦指西魏言也】則伍城為新城之誤無疑

互詳後蜀郡元武縣下周書晉蕩公護傳子昌

城公深【仍置昌城郡開皇初郡廢大業初置

新城郡改縣名焉】元和志大業三年復為郡

縣蓋取舊名

【射洪】今縣治

【西魏置曰射江後周改名焉】元和志西魏

分鄰縣置射洪縣縣有梓潼水與涪江合流急

如箭奔射涪江口蜀人謂水口曰洪因名射洪

寰宇記後魏恭帝置射洪縣又引益州記鄰僊

灘東六里有射江土人語訛以江為洪

【鹽亭】今縣治元和志本漢廣漢縣地梁置北

宕渠縣西魏恭帝改為鹽亭縣以近鹽井因名

寰宇記引周地圖記梁大同元年於鹽井亭置

縣因井為名輿地廣記亦云梁置鹽亭縣

【西魏置鹽亭郡】元和志梁置北宕渠郡一

統志西魏改北宕渠郡為鹽亭郡【開皇初郡

廢有高渠縣大業初併入焉】寰宇記廢高渠

郡城在鹽亭縣西十六里北臨潼水周保定初

置隋開皇三年廢為縣大業三年縣亦廢

【通泉】今射洪縣東南七十里

【舊曰通泉置西宕渠郡】按宋志益州南宕渠

郡領宕渠漢興宜漢三縣齊志改為西宕渠增

東關一縣皆無通泉縣或梁置也【西魏改郡

縣俱曰湧泉】元和志後魏恭帝移西宕渠郡

於涌泉山改名涌泉郡寰宇記通泉山在縣西

北二十里東臨涪江湧泉郡故城在此【開皇

初郡廢縣改名】寰宇記故湧泉縣地名黃澗

川開皇三年於此置通泉縣按元和志周明帝

置通井縣開皇三年改為通泉縣與志異【又

併光漢縣入焉」紀勝引隋圖經云隋開皇光漢縣在通泉縣北三十里輿地廣記本漢廣漢縣元魏改曰廣魏後曰光漢隋省入通泉

【飛鳥】今中江縣東南一百七十里

【開皇中置】元和志本漢郡縣地開皇十年置飛鳥鎮十三年改鎮爲縣並因山爲名寰宇記舊城卽鄜伍城也

【巴西郡】寰宇記宋元嘉八年於此立北巴西郡宋末除北字齊不改按此不見於宋齊志宋齊志益州之巴西郡則治涪城已見金山郡此蓋劉璋改巴郡爲巴西郡自安漢移此者水經漾水注閬中縣巴西郡治也劉璋之分三巴此其一焉晉志梁州巴西郡卽此

【梁置南梁北巴州】此雙頭州郡也梁武紀天監八年夏四月以北巴西郡置南梁州又張魯傳初南鄭沒於魏乃於益州西置南梁州通典作北巴州皆舉其半錢氏考異疑有脫文謂當云梁置南梁州後改爲北巴州說誤【西魏置隆州】周書帝紀云廢帝二年尉遲迥伐蜀尅成都三年改置州郡改南梁州爲隆州寰宇記引魏典略云此州故有城墜隆因置隆州紀勝引元和志治古閬中城按周書陸騰傳保定元年遷隆州總管則周嘗置隆州總管府志失書

【統縣十戶四萬一千六十四】

【閬內】今閬中縣西本漢閬中縣紀勝隋開皇中改爲閬內避文帝父諱也

【梁置北巴郡】寰宇記梁天監中立北巴郡

按諸書俱作北巴梁紀天監八年獨作北巴西蓋衍西字錢氏謂當從之亦誤【後魏平蜀置盤龍郡】寰宇記以郡中有盤龍岡爲名【開皇初郡廢大業初置巴西郡有盤龍山】今閬中縣東三里紀勝其勢如龍故名寰宇記引益州記曰盤龍山南有一石長四十丈高五尺當中

有戶及扇若人之捲戶故老以爲玉女房【天柱山】今蒼溪縣東南三十五里寰宇記雲臺山一名天柱山上有魚池宜五穀無惡毒可度災又引周地圖漢末張道陵在此學道使弟子王長趙昇投身絕壑以取仙桃長等七試已訖九丹遂成隨陵白日昇天【靈山】今閬中縣東十里寰宇記引周地圖靈山峯多雜樹昔蜀王鼈靈帝登此因名靈山山東南隅有五女擣練石山頂有池常清有洞穴懸絕微有一小逕通名靈山

【南部】今縣治

【舊曰南充國】續漢志南充國屬巴郡【梁曰南部】紀勝引元和志梁置南部郡周閔帝天和初改爲南部縣屬盤龍郡寰宇記與地廣記並同志有脫誤【西魏置新安郡後周郡廢】紀勝引隋志舊曰南充國梁曰南充郡西魏置巴西郡後周郡廢屬今本大異據舊唐志後漢分閬中置南充國縣屬巴郡又分置南充國郡梁改爲南充郡隋改爲南部也是則紀勝所引不爲無因

【蒼溪】今縣治

【舊曰漢昌】宋志益州巴西郡漢昌和帝永

元中立齊志同在今巴州治此則齊志梁州北巴西郡之漢昌也而寰宇記云後漢永元中於今縣北巴岳山側置漢昌縣是誤合爲一【開皇末改名焉】紀勝引圖經云隋開皇四年刺史鄭譯以治所狹隘徙於四肘川又引元和志十八年改爲蒼溪縣以蒼溪谷爲名寰宇記作曲肘川

【南充】今縣北

【舊曰安漢】漢曰安漢宋齊曰漢安詳見下【置宕渠郡】按脫南字寰宇記南充本漢安漢縣地屬巴郡宋於安漢城置南宕渠郡隋開皇十八年改安漢爲南充按漢晉之安漢在此是也而宋齊志之安漢則不在此一北巴西之安漢在今保寧府境一巴西郡之安漢在今縣州境皆非此地唯宋齊志南宕渠郡之漢安其故城則在今南充蓋已改安漢爲漢安也志例載其近者當云舊曰漢安置南宕渠郡方合而王象之不能分別自生謬葛反以宋齊南宕渠郡之漢安屬之江安可謂至誤【開皇初郡廢十八年縣改名焉】紀勝引隋志作八年改與今本不同又引元和志作十年亦異寰宇記以古充國縣爲名

【相如】今蓬州治舊唐志漢安漢縣地寰宇記梁天監六年置縣卽漢司馬相如所居之地因以名縣輿地廣記西魏廢梓潼郡置相如縣舊唐志周省梓潼郡立相如縣各不同紀勝引元和志以爲周閔帝省縣又紀勝蓬州管山縣下引元和志周武帝置相如縣屬果州疑縣置於

梁周閔帝省武帝復置

【梁置梓潼郡】寰宇記梁天監六年置【後魏郡廢】輿地廣記西魏廢舊唐志寰宇記並後周廢

按有朗池縣寰宇記本漢宕渠縣地梁大同中於此置縣

【西水】今南部縣西北一百里通典梁置寰宇記梁大同中於今西水縣西北三十五里置掌天戌後魏廢戌後周閔帝元年改為西水縣以界內西水為名大業元年移於今理一作梁置一作周置又紀勝引圖經大業中水泛漲徙治彭定故宅

【梁置掌天郡西魏改曰金遷】寰宇記梁置掌天戌周閔帝改金遷郡理晉安縣【開皇初郡廢】

【晉城】今南部縣西北四十里

【舊曰西充國】此即漢之西充國縣晉改為西充國屬巴西郡寰宇記云李雄之亂巴西荒蕪故孝武別立西充國於今縣州安縣案即宋齊志巴西郡之西充國此志神泉縣下所載西充國是也【梁置木關郡西魏廢郡改縣名焉】寰宇記引四夷縣道記梁置金遷戌周閔帝改為金遷郡置晉安晉城西水三縣屬焉郡理晉安隋開皇三年罷郡省晉安縣自今晉安縣東十四里移晉城縣於晉安舊理紀勝引元和志梁置金遷戌後周置晉安縣隋併入晉城縣【有閬水】今南部縣治東南寰宇記嘉陵水又名西漢水又名閬中水引周地圖云水源出秦州

嘉陵因名之經閬中即為閬中水

【奉國】今蒼溪縣東通典梁置白馬義陽二郡後魏為西縣寰宇記西魏恭帝二年廢義陽郡改為奉國縣屬白馬郡始以此地附於魏故以奉國為名

【梁置白馬義陽二郡】寰宇記梁武帝立【開皇初郡廢】寰宇記後魏恭帝二年廢義陽郡開皇三年廢白馬郡以奉國縣屬閬州【并廢義陽縣入焉】

【儀隴】今縣北

【梁置】紀勝引元和志梁天監元年置以儀隴山名寰宇記作儀隴隋書元壽傳周保定四年封儀隴縣侯【并置隆城郡】寰宇記梁天監元年置因隆城山為名通典云今儀隴縣城在崇城山上馮險為理即梁崇城郡城也元壽傳周武成初封隆城縣侯則周嘗置隆城縣【開皇初郡廢】寰宇記以縣屬蓬州

【大寅】今縣東南六十里

【梁置】紀勝引元和志梁天監元年置因地以為名舊唐志梁置治斗子山寰宇記取邑西大寅山為名輿地廣記梁屬隆城郡隋開皇三年屬蓬州

【遂寧郡】

【後周置遂州】按周書閔帝紀元年正月於遂寧郡置遂州元和志周保定二年置誤【仁壽二年置總管府】按隋紀仁壽元年十一月以資州刺史衛玄為遂州總管疑志二年為元年之誤【大業初府廢】

【統縣三戶一萬二千六百二十二】

【方義】今遂寧縣治本廣漢縣地

【梁曰小溪】元和志晉穆帝永和十一年置屬遂寧郡紀勝云晉宋志並無小溪縣則非置於晉也按宋志遂寧郡領巴興廣漢晉興德陽四縣齊志東遂寧郡亦領縣四三縣之名同惟廣漢更曰小漢意者即小溪之誤【置東遂寧郡】寰宇記宋泰始五年刺史劉亮表分遂寧為東西二郡梁因之案宋志無東字齊志始加東字【西魏改縣名焉】寰宇記恭帝二年改【後周改郡曰石山】寰宇記云周武帝廢郡始置遂州尋又置興西郡與志異【開皇初郡廢大業初置遂寧郡】

按梁有德陽縣在今遂寧縣東南舊唐志後周廢元和志閔帝元年廢

按隋有隆龕縣在今遂寧縣南舊唐志後周隆龕城隋為隆龕縣治整瀨川元和志云開皇三年置隆龕鎮大業十二年於鎮置縣

【青石】今蓬溪縣南一百二十里

【舊曰晉興】元和志本晉之晉興縣宋志屬遂寧郡齊志屬東遂寧【西魏改名焉】通典晉宋曰晉興後魏曰始興隋改青石舊唐志輿地廣記同元和志謂改始興為青石在開皇十八年寰宇記亦云後魏武帝改為始興縣隋改為青石以界內有青石為名據諸書所說志當云西魏改始興開皇十八年改名焉【又置懷化郡開皇初郡廢】

【長江】今蓬溪縣西六十里舊唐志舊治靈鷲

山

【舊曰巴興】宋志徐志不注置立疑是李氏所立齊屬東遂寧【西魏改名焉】元和志恭帝改寰宇記以界內大江為名即涪江也【又置懷化郡開皇初郡廢】

【涪陵郡】

【西魏置合州】元和志魏恭帝置以涪江自梓遂州來至州南與嘉陵江合流因名合州寰宇記西魏恭帝三年置合州【開皇末改曰涪州】紀勝引此志作開皇初是

【統縣三戶九千九百二十一】

【石鏡】今合州治

【舊曰墊江】漢縣晉宋不改字當依說文作墊然沿誤已久輿地紀勝南齊屬寧蜀郡 此誤詳見下

梁時不知所隸按通鑑天監五年魏邢

魯入漢中表稱巴西廣袤千里戶逾四萬若於

彼立州鎮則從墊江以還不勞征伐此梁有墊

江縣之證【置宕渠郡】元和志宋元嘉中於

墊江縣置東宕渠郡寰宇記同案宋志有南宕

渠郡無領縣而墊江屬蜀郡據元和志言周

改墊江為巴縣志於巴縣下亦云周廢墊江入

則地不在此然則齊寧蜀之墊江非晉宋巴郡

之墊江也其巴郡之墊江當在齊東宕渠郡志

缺不載耳【西魏改郡為墊江】寰宇記西魏

恭帝三年改東宕渠為墊江郡【縣為石鏡】

寰宇記西魏恭帝三年更縣名石鏡以涪水北

有圓石似鏡因名【開皇初郡廢大業初置涪

陵郡】

【漢初】今南充縣南元和志本漢墊江地

【梁置新興郡】寰宇記梁大同中置【西魏

改郡曰清居】寰宇記西魏恭帝三年於今漢

初縣西北六十里置清居縣【名縣曰漢初】

按南齊東宕渠獠郡已有漢初縣寰宇記魏恭

帝三年立清居縣以地勢爽塏故曰清居隋初

改為漢初縣屬合州十六年自故清居郡城移

於今理【開皇初郡廢】

【赤水】今合州西一百里

【開皇八年置】元和志本漢墊江縣地云開

皇八年分石鏡縣於今赤水縣西三里置縣因

水為名寰宇記以界內有赤水源為名

【巴郡】

【梁置楚州】通典同寰宇記梁太清四年武

陵王蕭紀於巴郡置楚州西魏大統十七年改

楚州為巴州周閔帝元年改巴州為楚州錢氏

考異云按梁置楚州於淮南之楚城而巴郡又

立楚州是同時有兩楚州矣或因此說據舊唐

志作梁置楚州遂欲改楚為楚不知此孤證何

足為據今按周書辛慶之傳亦有楚州陸騰傳

天和中和涪陵郡守蘭休祖據楚向臨容開信等

州又王謙傳所管十八州中亦有楚州且梁之

青江湘安新華定義興等九州皆並立兩州豈

獨楚州乎【開皇初改曰渝州】元和志開皇

元年改因渝水為名寰宇記大業三年罷州為

巴郡

【統縣三戶一萬四千四百二十三】

按梁有東巴州及安寧敬水平南三郡寰宇記

梁武帝大同中於木馬立東巴州以領安寧等

三郡按三郡大同中立於巴嶺側

【巴】今縣治元和志本漢江州縣南齊改為墊

江縣周武成三年改為巴縣

【舊置巴郡】秦置【後周廢枳墊江二縣入

焉】枳縣在今重慶府涪州西漢縣按宋巴郡

有枳縣齊志無之當是梁復置也陳書徐世譜

傳從弟世休梁時官枳縣令寰宇記周改墊江

為巴縣武成三年省枳縣入巴縣按齊志寧蜀

郡有墊江縣即此漢晉以來之墊江在石鏡已

見上【開皇初郡廢大業初置巴郡】

【江津】今縣西南

【舊曰江州縣】漢縣屬巴郡晉宋同寰宇記

南齊永明五年自巴郡城移理樊溪口【西魏

改為江陽】元和志周改江州為江陽寰宇記

亦云周閔帝元年改與志不合【置七門郡】

寰宇記周閔帝元年置領江州一縣尋改江州

為江陽縣與志不合【開皇初郡廢十八年縣

改名焉】元和志開皇三年改寰宇記以斯地

在江之津為名

【涪陵】今涪州治本漢枳縣地

【舊曰漢平】寰宇記在今涪州東一百二十

里羅浮山之北岷江之南白水入江處側近晉

志屬涪陵郡宋廢齊復立水經注江水又東逕

漢平縣【置涪陵郡】今彭水縣治即隋之黔

安郡也華陽國志涪陵蜀先主改為涪陵郡後

主又立漢平縣晉志有涪陵郡元和志晉永嘉

後地沒蠻夷故宋齊志均無涪陵郡縣水經注江水又東逕涪陵故郡北後乃并巴郡遂罷省是知梁亦未立郡元和志周保定四年涪陵蠻帥田思鶴以地內附因置奉州建德三年改爲黔州是舊涪陵郡即隋之黔安郡也寰宇記周保定四年涪陵首領田思鶴歸化於故枳城又立涪陵鎮周書陸騰傳天和中涪陵郡守蘭休祖【開皇初郡廢十三年縣改名焉】寰宇記開皇三年移漢平縣於鎮城仍改漢平爲涪陵大業三年又爲鎮輿地廣記開皇十八年改後廢爲鎮

【巴東郡】

【梁置信州】梁書武紀普通四年六月乙丑分益州置信州寰宇記梁大同三年於郡理立信州【後周置總管府】隋書賀若誼傳周初歷原信二州總管周書蠻傳信州舊治白帝陸騰更於劉備故宮城南八陣之北臨江岸築城移置信州寰宇記周天和元年自白帝城移理於永安宮南五十步宣政元年州復還白帝城仍置總管府又周紀大象元年九月分潼州管內新遂普合及瀘戎管內瀘戎六州並隸信州總管府【大業元年府廢】三年州廢

按梁又有疊州周書李遷哲傳魏恭帝與田弘周討信州三年正月軍次并州梁并州刺史杜滿望風送款進圍疊州克之是時由并州趨信州則疊州當在并州之東南信州之西北又按周書陸騰傳天和中涪陵郡守蘭休祖據楚向臨容開信等州地方二千里阻兵爲亂是周時

有向臨容三州按向州無考寰宇記維州後唐貞觀五年生羌歸化置向州直長安西南三千八百六十里則在今松潘之西恐非周之向州也

【統縣十四戶二萬一千三百七十】

【八復】今奉節縣東北

【舊置巴東郡】宋志初平六年分巴郡爲永寧郡建安六年劉璋改爲巴東郡寰宇記後漢置涪陵郡蜀先主改涪陵爲巴東後魏廢帝三年移巴東郡於梁置陽口縣理其縣蓋今夔州西陽水口今無餘址周明帝二年又於州理置永安郡以魚復巫山縣屬焉巴東郡惟領雲安一縣舊唐志亦云梁置信州周爲永安郡志失書永安郡【縣曰魚復】漢縣蜀改曰永安晉復故南史徐世譜傳侯景之亂以軍功封魚復縣侯又陳書樊毅傳梁武時封魚復侯【西魏改曰人復開皇初郡廢大業初置巴東郡有鹽井】紀勝雲安監四圍九井歲產二十九萬二千二百一十斤雲安縣二井歲產五萬三千七百零九斤【白鹽山】寰宇記白鹽山在州城潤東山半有龍池鳴鼓其上即雨左思蜀都賦云潛龍蟠於沮澤應鳴鼓而與雨即此也水經江水注白鹽崖高千餘丈俯臨神淵土人見其高白故名天旱然木崖上推其灰燼下穢淵中尋即降雨

【雲安】今雲陽縣東北

【舊曰胸臆】漢志作胸臆師古曰胸音劬後漢書吳漢傳注亦云音劬故城在雲安縣西萬

戶故城是也又引十三州志曰其地下溼多胸臆蟲因以名縣胸音春臆音閏晉書音義引如淳亦音蠶今按漢西嶽華山碑郃陽令曹全碑並作胸忍則胸臆音誤也蓋胸誤作胸音春忍又因胸字從肉誤作臆音閏【後周改焉】紀勝引元和志周武帝改胸臆爲雲安縣屬巴東郡【南浦】今萬縣治宋志南浦劉禪建興八年十月益州牧閻宇表改羊渠立按晉宋齊均不改水經注謂之南浦僑縣未知其由梁書武紀太清二年十一月辛酉賊攻陷東府城害南浦侯蕭推則梁仍爲南浦

【後周置安鄉郡】元和志寰宇記俱謂後魏置安鄉郡紀勝謂梁元帝末年武陵王紀敗地入西魏次年即禪於周當從隋志作後周案此志西魏後周亦錯出不齊【後改縣曰安鄉改郡曰萬川】通典兼置南州煬帝初州廢【開皇初郡廢十八年縣改名焉】寰宇記西魏廢帝元年分胸臆縣地置安鄉郡及魚泉縣後又改安鄉郡爲萬川郡魚泉縣爲萬川縣十八年改萬川爲南浦與志異舊唐志亦云後魏分胸臆置魚泉縣周改爲萬川

【梁山】今縣治

【西魏置】通典後周置元和志周武帝置寰宇記今縣即魚泉縣地周天和二年置因界內高梁山爲名與志異舊唐志梁山後魏分胸臆縣置治後魏萬安郡故城然則西魏有萬安郡旋廢故周於此城置梁山縣【有高梁山】紀勝距梁山軍城四十里尋江源記云蜀中望之

若長雲垂天劍閣銘所謂巖巖梁山積石峨峨是也【有紆溪】按明一統志夔州府有紆溪云在萬縣治西春夏張潦則並舟爲筏以百丈雙棹濟人

【大昌】今巫山縣北一百二十里宋志建平郡秦昌縣晉太康地志有輿地廣記後周避文帝名改曰建昌旋改曰大昌紀勝引曾公類要同寰宇記引輿地志晉太康元年分秭歸巫縣置建昌縣後改爲大昌恐誤水經江水注巫溪水南逕建平郡秦昌縣知鄜亭時尙爲秦昌也

【後周置永昌郡尋廢】前宜漢縣下有魏永昌郡周蓋移郡於此【又廢北井縣入焉】今巫山縣北九十里宋志北井縣晉置紀勝引圖經周於北井縣置始寧郡九域志天和二年廢郡入永昌郡

【巫山】今縣治秦置水經江水注引郭仲產云按地理志巫山在縣西南而今縣東有巫山將郡治無恆故也後漢書李通傳注云漢巫縣故城在巫山縣北舊唐志隋加山字以巫山破爲名

【舊置建平郡】宋志吳置後徙晉復置梁爲王國梁書建平王大球是也【開皇初郡廢】寰宇記云梁武帝廢郡【有巫山】水經江水注新崩灘下十餘里有大巫山非惟三峽所無乃當抗峯岷峨借嶺衡疑其翼附羣山並概青雲更就霄漢辨其優劣耳

【秭歸】今歸州治漢縣晉宋齊不改【後周曰長寧】紀勝引元和志漢置秭歸縣

周武帝改爲長寧縣【置秭歸郡開皇初郡廢改縣曰秭歸】元和志謂大業中改

【巴東】今縣西北

【舊曰歸鄉】宋志歸鄉屬建平郡云太康地志無歸鄉縣水經注引袁山松說但稱歸鄉不云立縣然則東晉後立也【梁置信陵郡後周郡廢縣改曰樂鄉】寰宇記後周天和三年於巴陵故城置樂鄉縣【開皇末又改名焉】寰宇記開皇十八年改樂鄉爲巴東縣在巴之東因以爲名【有巫峽】水經江水注杜宇所鑿以通江水也寰宇記引盛弘之荊州記云沿峽二十里有新崩灘至巫峽因山名也首尾一百六十里舊云自三峽取蜀數千里恆是一山此蓋好大之言也唯三峽七百里兩岸連山略無缺處重崖疊嶂隱天蔽日自非亭午夜分不見日月所謂高山尋雲怒湍流水絕非人境又水經注敘三峽尤詳文多不錄

【新浦】今開縣西南九十里寰宇記宋武帝永初中分漢豐縣西北七里置隋開皇七年移於今理梁書蕭子雲傳齊建武四年封新浦縣侯【後周置周安郡】寰宇記周安郡初領西流一縣又云魏恭帝三年置開江郡領新浦一縣周太和五年改開江郡爲江會郡建德五年郡廢以縣屬周安郡互詳通川郡西流縣下【開皇初郡廢】寰宇記開皇三年罷郡以縣屬開州大業二年廢開州改屬信州

【盛山】今開縣南二里【梁曰漢豐】寰宇記蜀先主建安二十一年

於開江縣南二里置漢豐縣宋志巴東郡有漢豐縣然則非梁置也水經江水注彭水東南流逕漢豐縣東【西魏改爲永寧】按寰宇記云周武帝改舊唐志周改【開皇末曰盛山】寰宇記開皇十八年改永寧爲盛山舊唐志義寧二年於盛山縣置萬州仍割巴東郡之新浦通川郡之萬世西流三縣來屬

【臨江】今忠州治漢縣寰宇記引譙周巴記云後漢初平六年立臨江縣屬永寧郡按前漢志卽有臨江縣爲巴郡治非後漢末始立也晉宋不改齊始廢

【梁置臨江郡】寰宇記梁大同六年立臨江郡以郡城臨江也按舊臨江廢於齊志不言置縣始末水經注江水又東逕臨江縣南故知梁復置縣【後周置臨州】寰宇記西魏廢帝二年爲臨州領臨江萬川二郡周書李遷哲傳明帝初授都督信臨等七州諸軍事又陸騰傳涪陵郡守蘭休祖據楚向臨容開信等州【開皇初郡廢大業初州廢】舊唐志義寧二年又於臨江縣立臨州又分置豐都縣【有平都山】寰宇記平都山在豐都縣北二里神仙傳云後漢延光元年陰長生於馬明生邊求仙法乃將長生入青城山中養黃土爲金以示之立壇啜血取太清神丹經授之乃別出長生後於平都山白日昇天卽此張道陵所化二十四化居其一也【有彭溪】水經江水注彭水出巴渠羣獠中西南流注於江謂之彭溪口

【武寧】今萬縣西一百三十里寰宇記本漢臨

江縣地

【後周置南州】寰宇記周於萬川郡萬川縣置南州通典同然則當係于南浦縣下按周書郭賢傳西魏大統十二年除南州刺史其時魏地尙未至此蓋遙領也【南都郡源陽縣】寰宇記周武帝初分臨江縣地置源陽縣屬南都郡【後改郡曰懷德】寰宇記周建德四年改通鑑陳太建十年周主封吳明徹爲懷德公【縣曰武寧】舊唐志治巴子故城寰宇記周建德四年改取威武以寧斯地爲名【開皇初州郡並廢入焉】寰宇記開皇三年罷郡大業三年廢州

【石城】今黔江縣東南二十里元和志開皇五年置大業二年廢寰宇記大業二年廢以地入彭水縣【開皇初置庸州】按有扶陽縣在今貴州思南府安化縣西八十五里舊唐志隋仁壽四年庸州刺史奏置以扶陽水爲名然則此縣當隸庸州與地廣記云扶陽縣仁壽四年屬巴東郡【大業初州廢】元和志大業二年廢【務川】今貴州思南府務川縣治元和志本漢西陽縣地屬武陵郡自晉至陳並爲黔陽縣地【開皇末置】元和志開皇十九年置因川爲名寰宇記隋朝招慰置務川縣

【蜀郡】
【舊置益州】宋志漢武分梁州立益州治廣漢雒縣元和志劉焉爲益州牧初理旃後移治於成都寰宇記引周地圖記云梁大寶三年武陵王蕭紀僭號於蜀西魏廢帝二年二十一

州並入於魏【開皇初廢後周置總管府】元和志謂置於西魏誤按周紀武成元年八月以大將軍安成公憲爲益州總管【開皇二年】毛本作三年誤【置西南道行臺省】隋紀開皇二年正月置西南道行臺尙書省於益州以蜀王秀爲尙書令【三年復置總管府大業元年府廢】元和志大業三年罷州爲蜀郡

【統縣十三戶十萬五千五百八十六】
【成都】今縣治秦置

【舊置蜀郡】秦置晉改成都國旋復【又有新都縣】今新都縣治漢置通鑑陳太建十二年周梁睿討王謙謙走新都新都令王寶執之

【梁置始康郡】宋志晉安帝置寄治成都非梁置【西魏廢始康郡開皇初廢蜀郡并廢新繁入焉】今新繁縣東北漢置繁縣元和志周改爲新繁開皇三年省【十八年改新都曰興樂大業初置蜀郡省興樂入焉舊置懷寧晉熙宋興宋寧四郡】按宋志懷寧郡晉熙郡並晉安帝立宋興郡宋寧郡並未文帝元嘉十年立齊志宋興作安興宋寧作永寧此當云安興永寧方合【至後周並廢】按通鑑陳永定三年周少保懷寧莊公蔡佑卒則懷寧郡周初尙未廢也【有武擔山】元和志作擔今成都府治北元和志在成都縣北二十步寰宇記一名武

都山引蜀紀云武都山精化爲女子美而豔蜀王納爲妃不習水土欲去王必留之作東平之歌以悅之無幾物故蜀王乃遣五丁於武都山擔土爲冢蓋地數畝高七丈上有一石厚五寸

徑五尺瑩徹號曰石鏡王見悲悼遂作史邪之歌龍歸之曲今都內及毗橋側有一折石長丈許云是五丁擔土擔也
按晉西平縣在今成都縣南通鑑武帝天監元年十二月鄧元起進屯西平注蓋亦寄治成都城外遂爲實土

【雙流】今縣治

【舊曰廣都】在今成都縣東南漢置【置寧蜀郡】宋志永初郡國有【後周郡廢】按北史尉遲迴傳周孝閔帝受禪以迴有平蜀功同霍去病冠軍之義封寧蜀郡公則周初尙未廢也【仁壽元年改縣曰雙流】元和志仁壽元年避煬帝諱改廣都爲雙流縣以縣在二江之間取蜀都賦云帶二江之雙流爲名也【有女伎山】詳補遺

【新津】今縣治

【後周置】寰宇記引李膺益州記云皂里江津之所曰新津市又引周地圖記云閔帝元年於此立新津縣【并置犍爲郡】寰宇記江源縣下云西魏置郡元和志唐興縣下云後魏於此立犍爲郡開皇三年罷郡又徙犍道縣於此周書高琳傳孝閔帝踐阼進爵犍爲郡公【開皇初郡廢大業初又廢犍道縣入焉】在今崇慶州東南三十里寰宇記西魏置隋大業二年省案犍道本漢縣爲犍爲郡治在今宜賓縣西南周移犍爲郡於此故犍道亦並置隋仍犍爲於舊地故犍道亦還治焉
【晉原】今崇慶州治

【舊曰江原】漢置【及置江原郡】宋志李雄分蜀郡爲漢原晉穆帝更名晉原齊志改名晉康一統志梁改名江原當是也寰宇記云李雄立江原郡按水經注云江水又逕江原縣不云江原郡知鄭亭所未及矣【後周郡廢縣改名焉】元和志寰宇記并謂周立多融縣後改爲晉原與志異

【清城】今灌縣西四十里元和志寰宇記并作青城輿地廣記云開元十八年去水作青城

【舊置齊基郡】齊志汶山郡有齊基縣寰宇記引李膺記云齊武帝永明初置齊基縣皆無齊基郡通典蕭齊置誤一統志梁置或然也【後周廢爲清城縣】寰宇記引周地圖記武帝天和四年改齊基爲青城縣因山爲名【有鳴鶴山】今崇慶州西八十里元和志在晉原縣西七十九里絕壁千尋張道陵天師學道於此

【清城山】今灌縣西南五十里案當作青城唐明皇開元十三年書青城山張敬忠勅石刻今存於縣作清城山作青城元和志在青城縣西北三十二里仙經云此是第五洞天上有流泉懸澗一日三時灑落謂之潮泉

【九隴】今彭州治舊唐志漢繁縣地

【舊曰晉壽】按宋曰晉壽齊曰南晉壽舊唐志古城在縣西北三里【梁置東益州】寰宇記梁天監中置【後周州廢】寰宇記周武帝廢【置九隴郡】元和志後魏改東益州爲九隴郡取九隴山爲名舊唐志寰宇記謂西魏爲天水郡仍改爲九隴與志異【并改縣曰九隴

仁壽初置濛州】舊唐志隋初於九隴縣東三里置濛州寰宇記引隋圖經云仁壽三年分九隴縣孝水三縣爲濛州取濛水爲名【開皇初郡廢併隴泉與固】按宋齊志益州安固郡有與固縣隋書宇文忻傳從周齊王憲討突厥有功賜爵與固縣公則周有此縣【青陽三縣入焉大業初州廢有太山道場山】

【蘇竹】今縣治漢縣在德陽縣北三十五里晉宋齊不改水經注蘇水西出蘇竹縣則梁初尙未廢當是開皇十八年移置於雒縣

【舊置晉熙郡】宋志秦州流民晉安帝立齊志無一統志齊永元初廢梁復置【及長陽南武都二縣】長陽今蘇州德陽縣西北宋志晉熙郡領晉熙長陽二縣宋志武都縣屬武都郡縣在今蘇竹縣西北一統志齊廢後改置南武都縣【後周併二縣爲晉熙後又廢晉熙入陽泉】今德陽縣西紀要蜀漢分蘇竹立晉熙後復置【開皇初郡廢十八年改爲孝水】寰宇記開皇三年徙蘇竹縣於晉熙郡城改爲晉熙縣十八年改爲孝水縣以境有姜詩泉也【大業二年改曰蘇竹】元和志舊唐志輿地廣記作三年【有治官有蘇水】今縣北元和志蘇水出縣紫山品山蜀都賦浸以綿洛爲此水也蜀人稱郫繁曰膏腴綿洛爲浸沃【有鹿堂山】元和志在蘇竹縣西二十二里寰宇記作鹿頭山云自蘇州羅江縣界迤邐入德陽縣界古老云昔有張鹿頭於此造宅山因以爲名

【郫】今縣治秦置歷代不改梁書蕭藻傳漢爲

益州時天下草創邊徼未定州民焦僧護聚衆數萬于郫棘作亂通鑑梁武帝天監元年鄧元起留輜重於郫劉季連將李奉伯等間道襲陷之軍備盡沒元起舍郫南史侯瑱傳梁元帝授瑱郫縣侯

【西魏分置溫江縣】寰宇記引周地圖記後魏於此置溫江縣屬蜀郡【開皇初省入】元和志開皇三年【仁壽初復置萬春縣】元和志仁壽三年於郫東境置【大業初又廢入焉有金山】寰宇記導江縣下載有走金山引李膺益州記云堯時洪水民奔於是山而獲金改曰走金【平樂山】元和志平樂山在郫縣西二十五里【天彭門】按水經注江水至白馬嶺而歷天彭關亦謂之爲天彭谷按此天彭關在松潘西去郫縣五六百里而益州記云天彭關卽灌口山故志系於郫縣通典因之與水經注不合

按有都安縣在今成都府灌縣東二十里寰宇記晉屬汶山郡周天和三年廢汶山郡以縣併入益州之郫縣別於灌口置汶山縣卽今灌縣治一統志隋廢入郫縣

【玄武】今中江縣治

【舊曰伍城】按晉宋齊廣漢郡並有伍城在今中江縣東志載於此是也而新城郡郫縣下亦載之足見彼爲誤字【後周置玄武郡】元和志西魏平蜀置郡【開皇初郡廢改縣名焉】元和志開皇三年改因玄武山爲名【仁壽初置凱州】寰宇記引隋圖經云仁壽三年分玄

武縣竹金水飛鳥為凱州【大業初廢有三推山】寰宇記引華陽國志云玄武山一名三峴山其山六屈三起出龍骨當即此山【鄴江】今中江縣東南十五里紀要源出銅官山下赤岸溪東北流會中江水

按有懷歸廢縣在今中江縣西北二十里宋志益州新城郡有懷歸縣齊志無而寰宇記引蜀記云後周明帝初始併入玄武縣當是梁復置也

【雒】今漢州治漢縣晉宋齊不改水經注洛水南逕洛縣故城南是梁廢也

【舊曰廣漢】按漢之廣漢縣在今潼川府遂寧縣東北晉宋不改去今漢州治甚遠宋齊寧蜀郡之廣漢則在今成都縣地而隋之雒縣即漢晉宋齊以來之雒縣志誤【又置廣漢郡水經注漢高帝六年分巴蜀置廣漢郡千乘郡安帝永初二年移治涪城復治雒縣【開皇初郡廢十八年改曰緜竹】蓋取漢舊名【大業初改名雒焉】移縣竹于晉熙此復漢舊名【又有西遂寧郡】一統志齊梁間置案齊志有東遂寧而無西遂寧【南陰平郡】今緜州德陽縣西北宋志永嘉流寓來寄治葭陽【後周廢西遂寧改為懷中南陰平郡曰南陰平縣】紀要梁天監十四年魏人伐蜀詔任太洪自陰平入魏晉壽十五年將軍王光昭與魏戰於陰平敗還即此陰平也又大寶末蕭紀將楊乾運攻畔氏楊法琛拔劍閣進據南陰平【尋並廢】按漢什邡縣即今什邡縣治元和志後周閔帝

改為方亭武帝省輿地廣記周改什邡為方寧隋省之一統志謂後周省入雒縣

【陽安】今簡州東

【舊曰牛鞞】漢縣宋曰鞞縣齊復【西魏改名焉】元和志魏恭帝二年置陽安縣寰宇記以界內山名【并置武康郡】按周孝閔帝元年正月於武康郡置資州後移治資中見後資陽郡下周書崔暹傳保定四年進爵武康郡公又強獨樂為周文王造象有武康郡丞劉延【開皇初郡廢仁壽初置簡州】元和志仁壽三年置因境有賴簡池為名寰宇記仁壽三年以此一方地土曠遠時多寇盜須以郡府理之乃分益州之陽安平泉二縣資州之資陽一縣於此置簡州九州要記云簡州在赤水之地【大業初州廢】元和志大業二年廢【有鹽井】元和志陽明鹽井在陽安縣北十四里又有牛鞞等四井公私仰給

【平泉】今簡州西南五十里元和志本漢牛鞞縣地後為夷獠所居

【西魏置曰婆閭】元和志魏恭帝二年置婆閭縣屬益州故縣在平泉縣南四十六里【開皇十八年改名焉】元和志以縣內有泉源出於平地故名仁壽三年屬簡州寰宇記隋移縣治於賴黎輿地廣記作十一年改名

【金泉】今金堂縣東南五里元和志本新都縣地縣有金堂山水通於巴漢

【西魏置縣】元和志晉義熙末刺史朱齡石帥建平生獠征蜀於東山立金泉戍後魏平蜀

置金泉縣隸金泉郡續通典郡縣俱作金淵紀勝謂避唐諱追書作泉按元和志郡縣雖并作泉而云武德二年以避神堯諱改為金水則本作金淵隋書外戚傳文帝受禪封宇文穆金泉縣公【及金泉郡】寰宇記西魏置金水郡與元和志合又云隋廢郡為縣則非【後周廢郡】元和志隋開皇初廢【并廢白牟縣入焉】今金堂縣東舊唐志西魏置【有昌利山】今金堂縣東北十二里寰宇記昌利山有一石室三門中可容九十人今人呼為三龍門是也【銅官山】元和志銅官山在金水縣北四十九里又于邛都縣下云銅官山在縣南二里鄧通所封後卓王孫買為陶鑄之所是以蜀之銅官有二山也而諸地志皆只載臨邛之銅官山以有史記可據也此志載于金堂而不載于臨邛未知其義所在【石城山】今金堂縣南五十里寰宇記石城山其狀如城在金水縣西一十五里頂上平一十畝有神泉方丈澄清如照雲霞與映

【臨邛郡】

【舊置雅州】按志例凡梁以前舊州郡以舊置二字括之義最善也其置於梁周者即不當以舊置書之雅州置於隋直當書仁壽四年置雅州乃合元和志仁壽四年置因州境雅安山為名舊唐志亦云仁壽四年置仁壽云考大中祥符時張旦遷州治記云自隋仁壽間卜雅安山以為公宇則置雅州在仁壽審矣又志嚴道下云開皇十三年改始陽為蒙山尋置雅州

【舊置雅州】按志例凡梁以前舊州郡以舊置二字括之義最善也其置於梁周者即不當以舊置書之雅州置於隋直當書仁壽四年置雅州乃合元和志仁壽四年置因州境雅安山為名舊唐志亦云仁壽四年置仁壽云考大中祥符時張旦遷州治記云自隋仁壽間卜雅安山以為公宇則置雅州在仁壽審矣又志嚴道下云開皇十三年改始陽為蒙山尋置雅州

【舊置雅州】按志例凡梁以前舊州郡以舊置二字括之義最善也其置於梁周者即不當以舊置書之雅州置於隋直當書仁壽四年置雅州乃合元和志仁壽四年置因州境雅安山為名舊唐志亦云仁壽四年置仁壽云考大中祥符時張旦遷州治記云自隋仁壽間卜雅安山以為公宇則置雅州在仁壽審矣又志嚴道下云開皇十三年改始陽為蒙山尋置雅州

【舊置雅州】按志例凡梁以前舊州郡以舊置二字括之義最善也其置於梁周者即不當以舊置書之雅州置於隋直當書仁壽四年置雅州乃合元和志仁壽四年置因州境雅安山為名舊唐志亦云仁壽四年置仁壽云考大中祥符時張旦遷州治記云自隋仁壽間卜雅安山以為公宇則置雅州在仁壽審矣又志嚴道下云開皇十三年改始陽為蒙山尋置雅州

【舊置雅州】按志例凡梁以前舊州郡以舊置二字括之義最善也其置於梁周者即不當以舊置書之雅州置於隋直當書仁壽四年置雅州乃合元和志仁壽四年置因州境雅安山為名舊唐志亦云仁壽四年置仁壽云考大中祥符時張旦遷州治記云自隋仁壽間卜雅安山以為公宇則置雅州在仁壽審矣又志嚴道下云開皇十三年改始陽為蒙山尋置雅州

【舊置雅州】按志例凡梁以前舊州郡以舊置二字括之義最善也其置於梁周者即不當以舊置書之雅州置於隋直當書仁壽四年置雅州乃合元和志仁壽四年置因州境雅安山為名舊唐志亦云仁壽四年置仁壽云考大中祥符時張旦遷州治記云自隋仁壽間卜雅安山以為公宇則置雅州在仁壽審矣又志嚴道下云開皇十三年改始陽為蒙山尋置雅州

宇記遂謂開皇十三年置誤甚

〔統縣九戶三萬三千三百四十八〕

〔嚴道〕今雅安縣西元和志本漢嚴道縣

〔西魏置〕曰始陽縣置蒙山郡〔寰宇記〕後魏

廢帝二年始招遺民漸墾植因僑立蒙山郡於

此領始陽蒙山二縣〔開皇初〕郡廢十三年改

曰蒙山〔元和志〕置縣并鎮仁壽四年罷鎮〔尋

置雅州〕志例郡下載州名則縣下不復載此

四字衍文且雅州實置於仁壽四年此亦未斷

〔大業初〕置臨邛郡縣改名焉〔元和志〕謂大

業三年改始陽為嚴道〔有邛來山〕今榮經

縣東四十里山海經岷山江水所出郭璞云邛

岷山在漢嘉嚴道縣南江所出漢志邛來山邛

水所出東入青衣

〔名山〕今縣治元和志本嚴道縣地

〔舊曰蒙山〕元和志輿地廣記西魏置〔開

皇十三年改始陽曰蒙山改蒙山曰名山〕元

和志因縣西北名山為名屬邛州仁壽四年屬

雅州

〔盧山〕今縣治元和志本嚴道縣地

〔仁壽末置〕元和志仁壽元年置盧山鎮三

年置盧山縣因山為名屬邛州寰宇記姜維於

此置城隋仁壽元年重開此地遂於姜維古城

置盧山縣屬雅州以界內盧奴山為名

〔依政〕今邛州東南五十五里

〔西魏置〕元和志本秦臨邛縣地後魏於此

置依政縣屬蒲陽郡開皇三年罷郡以縣屬邛

州寰宇記梁置蒲口鎮後魏置蒲陽郡依政縣

隋改為臨邛郡治依然則西魏有蒲陽郡志

失書一及置邛州〕寰宇記引周地圖記云梁

武陵王蕭紀於蒲水口置邛州元和志秦蜀郡

地宋及齊梁不置郡縣惟豪家能服僚者名為

保主總屬益州梁益州刺史蕭範於蒲水口立

柵為城以備生獠名為蒲口頓武陵王蕭紀於

蒲為頓改置邛州南接邛來山因為名舊唐

志依政秦蒲陽縣梁置邛州於蒲陽又寰宇記

前邛州在今西南二里無復其跡周閔帝元年

移於今所〔大業初廢〕元和志大業二年

〔臨邛〕今邛州治秦置舊唐志移魏平蜀自唐

隆移臨邛縣治於漢臨邛縣西立臨邛郡隋罷

郡移臨邛縣於今所寰宇記仁壽元年移

〔舊置臨邛郡〕元和志西魏廢帝二年定蜀

復於舊城置臨邛縣仍置臨邛郡〔開皇初廢

有火井〕元和志火井廣五尺深三丈在臨邛

縣南一百里以家火投之有聲如雷以竹筒盛

之持行終日不滅蜀都賦云火井沈熒於幽泉

舊唐志周置火井鎮隋改鎮為縣

按有火井縣寰宇記周於臨邛縣地置火井鎮

隋大業十二年置火井縣仍帶鎮屬臨邛郡元

和志後魏置火井縣

〔蒲江〕今蒲江縣北一里諸地志皆作蒲

〔西魏置〕曰廣定〕元和志本秦臨邛縣地西

魏恭帝置廣定縣〔及置蒲原郡開皇初郡廢

仁壽初縣改名焉〕元和志仁壽元年改南枕

蒲江水因為名

〔臨溪〕各本作蒲溪誤今訂故城在今蒲江縣

北五十里元和志本秦臨邛縣地

〔西魏置〕元和志西魏恭帝置臨溪縣屬蒲

原郡開皇三年屬邛州縣城三面據險北面平

坦寰宇記西魏恭帝二年分臨邛置臨溪縣又

與地廣記云臨溪鎮本臨邛縣地西魏分置臨

溪縣隋省之舊唐志亦作臨溪據諸書則蒲為

臨誤無疑

〔沈黎〕今清溪東南六十一里

〔後周置黎州〕元和志漢武帝破夷於邛置

沈黎郡周天和三年開越巂於此置黎州按漢

元鼎中置沈黎郡治笮都縣天漢中省晉永嘉

末李雄置沈黎郡永和中廢宋復置治城陽縣

齊曰沈黎郡周改置黎州〔尋并縣廢〕元

和志云隋廢州置沈黎鎮按志例似謂周置黎

州并置沈黎縣故云尋并縣廢然此皆過求簡

略之失當云後周置縣并置黎州尋并廢〔開

皇中置縣〕寰宇記開皇三年置沈黎鎮十三

年改為縣〔仁壽末置登州〕寰宇記臺登縣

下云仁壽四年罷大渡鎮置登州〔大業初州

廢〕寰宇記大業二年廢州立陽山鎮

〔漢源〕今清溪縣南三十里

〔大業初置〕元和志本漢旄牛縣地隋仁壽

二年平夷獠置漢源鎮因漢川水為名四年罷

鎮立縣屬雅州寰宇記仁壽四年置並與志異

〔眉山郡〕

〔西魏曰眉州〕此梁武陵王之青州也詳見

後元和志後魏二年平蜀改青州為眉州因峨

眉山為名也寰宇記後魏道武帝于此立眉州

誤道武時無此地【後周曰青州】紀勝引嘉定志安都王廟碑書曰後周保定二年初置青州【後又曰嘉州】元和志在周宣帝二年州境近漢之漢嘉舊縣因名焉紀勝引嘉定志云後周改曰青州後以九州之名相亂又改曰嘉州象之謹按周宣帝二年青齊之地尙屬高齊不應州名相亂都安王廟碑云周保定二年置青州宣政二年始爲嘉州蓋周天元於建德六年并齊次年改爲宣政是時既有青齊之青州又有蜀中之青州故不得不改元和志宣帝二年當爲宣政二年【大業二年又改曰眉州】按元和志大業二年併嘉州入眉州八年當是三年改爲眉山郡武德二年改爲嘉州割通義洪雅四縣別置眉州據此併嘉州入眉州之說可知西魏之眉州後周之青州皆治通義之地周改嘉州移治平羌即龍遊隋大業併嘉州入眉州因移眉州於嘉州城旋廢州爲眉山郡仍治龍遊至唐武德乃各還嘉眉故治志因嘉眉已合故總敘于此而于通義又複載西魏改眉州事然不言其遷徙之由若非元和志疑眉周于龍遊置眉州又于通義置眉州而武陵之青州與後周之青州兩處分裂竊謂當于龍遊但云後周置嘉州大業二年併入眉州尋廢州置眉山郡而于通義則詳敘青州眉州沿革斯爲分明志如此者亦多發其凡於此讀者其審諸

【統縣八戶一萬三千七百九十九】

【龍遊】今樂山縣治案此卽周之嘉州治也其眉州治在通義隋眉山郡治此

【後周置曰峨眉】元和志本漢南安縣地周保定元年立平羌縣隋開皇四年改爲峨眉縣寰宇記同據此則周之平羌隋改峨眉志作後周置峨眉誤【及置平羌郡】寰宇記周保定元年置【開皇初郡廢九年改縣爲青衣】元和志取青衣水爲名【平陳日龍見水隨軍而進十年改名焉】元和志寰宇記俱作十三年改與志異【大業初置眉山郡】

【平羌】今樂山縣北四十里

【後周置】元和志本漢南安縣地周武帝置平羌縣因境內平羌水爲名隋開皇四年改州理平羌縣爲峨眉縣仍於今縣東六十里別立平羌縣大業十一年夷獠侵沒移於今理據此則縣爲隋置志作後周置誤寰宇記仁壽元年獠叛大業七年移就大江【仍置平羌郡開皇初郡廢】按此二句與上龍遊縣下復據元和志周之平羌縣卽隋之龍遊縣則郡當載於龍遊縣下與隋別立之平羌縣無涉當刪凡如此類謬誤顯然恐非當日執筆原本

【夾江】今縣北八十里

【開皇三年置】元和志本漢南安縣地開皇十三年割平羌龍遊二縣於夾江廢戍置夾江縣屬嘉州大業二年割屬蜀州寰宇記開皇十三年分龍遊平羌二縣置於江上臨江水故號夾江據此則志作三年誤蓋開皇十年始改青衣爲龍遊若三年則尙爲峨眉縣安得云割龍遊平羌二縣地志三上當補十字

按漢南安縣在縣西北二十里至宋齊不改水

經注江水又東逕南安縣西是梁時尙存當亦隋立夾江縣并入也

【峨眉】今縣治

【開皇十三年置】元和志本漢南安縣地開皇九年改州理峨眉縣爲青衣縣又於峨眉山下別置峨眉縣縣枕峨眉山東麓寰宇記亦云開皇九年立峨眉縣以山爲名按開皇九年改州理峨眉爲青衣卽別置峨眉於此情事甚合志作十三年亦誤按隋之龍遊峨眉平羌三縣最易淆混非細心分明不能了貫志皆略誤【有峨眉山】元和志峨眉大山在峨眉縣西七里蜀都賦云抗峨眉之重阻兩山相對望之如峨眉故名【綏山】元和志綏山在綏山縣西南一百一十九里在峨眉山東北其高無極按有綏山縣在今峨眉縣東南四十里元和志大業十一年招慰生獠立以爲縣因山爲名輿地廣記隋於榮樂城置綏山縣

【通義】今眉州治元和志本漢武陽縣之南境【舊置齊通郡】齊志有齊通左郡通典梁置齊通郡寰宇記梁普通中置校勘記按今眉州圖經云齊建武三年置齊通郡今記以爲梁置蓋據通典而言然郡縣如安漢魏興之類皆係當時國號則齊通恐亦類此據此則郡爲齊置而梁因之也【及青州】元和志梁太清二年武陵王蕭紀開通外徼立青州取漢青衣縣爲名也寰宇記云梁普通中置州義取青城山爲稱校勘記按眉州圖經云梁太清二年武陵王蕭紀立青州其年與元和志合今記曰普通中

未知何據【西魏改州曰眉州】周紀魏廢帝二年平蜀三年正月改青州爲眉州此即前眉山郡總敘之眉州也【開皇初郡廢改齊通曰廣通】一統志梁置齊通縣爲齊通郡治按元和志後魏置通義縣屬齊通郡寰宇記亦云魏恭帝二年置通義縣在眉州北二十里屬齊通郡周明帝二年廢齊通郡爲安樂縣仍舊屬其後又改爲齊通縣隋開皇四年改齊通縣爲廣通校勘記云周廢齊通郡爲安樂縣當云周改通義縣爲安樂縣以齊通郡至隋開皇初方廢改也案齊志齊通郡無置縣置縣當在梁周時而或爲通義或爲安樂或爲齊通諸說錯出志但曰改齊通爲廣通太鶻突【仁壽元年改爲通義大業初州廢】

【青神】今縣南二十里

【後周置】元和志本漢南安縣地李雄之後夷獠內侵西魏恭帝遙於此置青衣縣屬眉州之青城郡開皇三年徙縣居郡理屬眉州舊唐志西魏置青衣縣治思蒙水口據此則本是西魏置青衣或後周改青衣爲青神【并置青神郡】元和志作青城寰宇記青神城在今青城縣南二十里青城即所居也周武帝保定二年更於其南五十步別築城移之據此則當作青神【開皇初郡廢】

【丹稜】今縣東一里

【後周置曰齊樂開皇中改名焉】寰宇記廢齊樂故城在丹稜縣東北二十里地圖云昔齊樂郡城周明帝罷以爲齊樂縣脫縣字元和志丹

稜本南齊之齊樂郡周明帝置齊樂縣武帝改爲洪雅縣開皇十二年因縣南有洪雅鎮就立洪雅縣仍改今理爲丹稜縣舊唐志亦云後周改爲洪雅縣按新唐書宰相世系表韓護周時封洪雅公則周有此縣輿地廣記又云南齊置齊通縣後周因之隋開皇初改曰丹稜

【洪雅】今縣西四十五里

【開皇十三年置】元和志本齊樂郡之南境自晉迄宋夷獠有其地周武帝攘却夷獠立洪雅鎮開皇十三年改洪雅爲丹稜縣更于此置洪雅縣兼帶洪雅鎮屬眉州縣西有洪雅川以名縣

【隆山郡】

【西魏置陵州】周書閔帝紀元年正月於劍南陵井置陵州元和志周閔帝元年置陵州因陵井以爲名陵井者本沛國張道陵所開故以陵爲號晉太元中刺史毛璩乃於東西兩山築城置主將防衛之後廢陵井更開狼毒井今之袁井是也居人承舊名猶曰陵井其實非也寰宇記引周地圖晉孝武太元中益州刺史毛璩置西城戍以爲捍防周閔帝元年又於此置陵州因陵井爲名隋大業三年廢志作西魏置誤然考周書陸騰傳魏恭帝三年陵州木籠獠反詔騰討之又裴果傳西魏末轉陵州刺史是魏末已有陵州不知周書紀傳何以違異若此

【統縣五戶一萬一千四十二】

【仁壽】今縣東二里元和志本漢武陽縣之東境

【梁置懷仁郡】紀勝引圖經云梁普通中置懷仁郡按梁並置懷仁縣據李衍傳則先本有懷仁縣可知此亦因縣與郡同名故志不重書也【西魏改縣曰普寧】寰宇記引周地圖云後魏定蜀置普寧縣屬懷仁郡寰宇記又云後魏廢帝元年置輿地廣記晉置西城戍以爲鹽井之防西魏改西城戍置普寧縣隋書李衍傳初封懷仁縣公尋改封普寧縣公則因縣改故也【開皇初郡廢十八年縣故名焉又西魏置蒲縣】案當作蒲亭舊唐志寰宇記并研縣下並作蒲亭紀勝云蒲亭城在仁壽縣南十五里隋開皇七年置仁壽中獠亂百姓走投高城此遂廢【大業初置隆山郡蒲縣併入焉有鹽井】

元和志陵井縱橫三十丈深八十餘丈益部鹽井甚多此井最大以大牛囊盛水引出之役作甚苦以刑徒充役中有祠蓋井神

【貴平】今簡州西南四十里

【西魏置又立仁和郡】元和志本漢廣都縣之東南地後魏於此置仁和郡仍立縣寰宇記恭帝二年置治和仁城按舊唐志亦作和仁據此則西魏置縣非貴平又通典作後周置縣當是新唐書世系表唐文獎隋時封貴平男【後周又廢可疊平井二縣入焉】據寰宇記二縣與貴平同時置【開皇初郡廢大業初又廢籍縣入焉】按籍當作籍唐宋志并作籍元和志本漢武陽縣地周閔帝於此置籍縣因蜀先主籍田地爲名大業二年省又寰宇記云梁天監中立席郡隋廢郡爲縣始曰席後語訛曰籍又

舊唐志籍本梁席郡一名漢陽茂漢縣竹縣地
【井研】今縣治元和志本漢武陽縣地大業五
年因井研鎮立縣取鎮為名屬陵州寰宇記云
魏置蒲亭縣大業元年因井研鎮立井研縣舊
唐志東晉置西陽郡魏置蒲亭縣隋改為井研
輿地廣記同又紀勝引隆山志云後周宣政元
年置井研縣屬陵州按此恐誤當是後周置鎮
也

【始建】今井研縣東北四十里

【開皇十一年置】元和志本漢武陽縣地開
皇十年立始建鎮大業五年改鎮為縣舊唐志
舊治擁思水【有鐵山】寰宇記山在始建縣
東七十里周地圖云蒲亭縣有鐵山諸葛武侯
取為刀器因封宇文度為鐵山侯

【隆山】今彭山縣治

【舊曰犍為】本漢武陽縣一統志梁更名犍
為元和志漢犍為郡故城在彭山縣西北五里
名勝志云武陵王紀嘗改武陽為靈石縣屬靈
石郡【置江州】一統志梁置按南史武陵王
紀傳有所署江州刺史王開業又周書賀若敦
傳魏廢帝二年巴西人譙淹據南梁州與梁西
江州刺史王開業共為表裏則梁亦曰西江州
周書陸騰傳魏恭帝三年轉江州刺史【西魏
改縣曰隆山後周省州置隆山郡】元和志周
武帝置隆山郡以境內有鼎鼻山地形隆起故
為名周書晉蕩公護傳馮遷周時進爵隆山郡
公【開皇初郡廢又併江陽縣入焉】今眉州
彭山縣東十里宋志江陽郡劉璋分犍為立中

失本土寄治武陽領江陽縣水漢安常安四縣
齊因之【有治官有鼎鼻山】元和志鼎鼻山
亦曰打鼻山在彭山縣南十五里宋譙縱據蜀
朱齡石伐之命臧喜外出奇兵譙縱遣將譙小
苟引兵塞打鼻以禦之即此也山形孤起東臨
江水昔周鼎淪於此水或見其鼻遂以名山
【資陽郡】

【西魏置資州】通典西魏恭帝置資州後周
明帝移資州於資陽縣元和志西魏廢帝二年
析武康郡之陽安縣置資州取資水為名寰宇
記西魏恭帝二年置資州周明帝武成二年自
陽安徙州於漢資中故城按此誤當云徙州於資陽

辨見下又云隋開皇七年自資陽縣移於盤石

今考周書閔帝紀元年正月於武康郡置資州
則州以置於周初志作西魏置通典寰宇記作
西魏恭帝置元和志作西魏廢帝置皆與此志
合周書蓋據移置言也況資州閔帝先置於武
康明帝移於資陽隋始移盤石則置州之文當
在資陽寰宇記未悟此志之失遂兩歧其說

【統縣九戶二萬五千七百二十二】

【盤石】今資州北三里

【後周置縣】元和志本漢資中縣地後為夷
獠所居周武帝於漢資中故城置盤石縣舊唐
志後周改資中縣為盤石縣寰宇記周保定五
年於漢資中縣故城置盤石縣屬資中郡兼移
郡就此理【及資中郡】北史尉遲迴傳子誼
開府資中郡公【開皇初郡廢】寰宇記隋初
郡廢其地併於簡州【大業初置資陽郡】按

周先有資陽郡見元和志資陽縣下
按有月山縣在今資州西五十里元和志本漢
資中縣地隋義寧二年分置月山縣

又有牛鞞縣在今內江縣東北八十里元和志
本漢資中縣地自晉訖梁夷獠所居大業十二
年於此置牛鞞縣因牛鞞水為名也

又有龍水縣在今資州西南八十里元和志本
漢資中縣地隋義寧二年招慰夷獠於此分置
龍水縣以縣西北有溪水屈曲繞城如龍因以
為名寰宇記在龍龜溪之左即資陽之西界依
龜山隴為城

【內江】今縣治元和志本漢資中縣地

【後周置】元和志周天和二年於中江水濱
置漢安成其年改為中江縣屬資中郡隋文避
廟諱改為內江縣寰宇記開皇二年徙內江於
漢安故城即今縣也又按元和志義寧二年分
內江縣置銀山縣因縣界銀山為名

【威遠】今縣治

【開皇初置】舊唐志本漢安縣地元和志本
漢資中縣地開皇三年於此置威遠成以招撫
生獠十一年改成為縣屬資州寰宇記開皇二
年於威遠舊成置威遠縣

按有和義縣在今威遠縣東北元和志隋大業
十二年分置和義縣以招和夷獠故以和義為
名寰宇記作大業三年置

【大牢】今榮縣西南一百五十里

【開皇十三年置】元和志本漢南安縣地開
皇十年於此置大牢鎮十三年改鎮為縣縣界

有大牢山因取爲名舊唐志周有公井鎮

【安岳】今縣北

【後周置】元和志周建德四年與州同置【并置普州】元和志周武帝置寰宇記周建德四年於普慈郡立普州【大業初州廢】元和志大業二年罷普州以所領縣屬資州

【普慈】今樂至縣東北三十五里

【後周置郡曰普慈】按通典梁置普慈郡舊唐志晉李雄亂後爲獠所據梁招撫之置普慈郡寰宇記梁置普慈郡於此普通中益州刺史臨汝侯賜羣獠金券鑲書其文云今爲汝置普慈郡可率屬子弟奉官租以時輸送然則志當云梁置普慈郡【縣曰多業】元和志周建德四年置多業縣屬普慈郡寰宇記同【開皇初郡廢十三年縣改名焉】

【安居】今遂寧縣西北

【後周置曰柔剛】元和志因山爲名寰宇記周建德四年置理柔剛山【及置安居郡開皇初郡廢十三年縣改名焉】元和志十二年改因水爲名輿地廣記作十八年改

【隆康】今安岳縣南七十里

【後周置曰永康】元和志周建德四年置周書諸王傳趙僧王子有永康公貫【開皇十八年改焉】寰宇記周建德四年置安康縣屬普安郡隋開皇三年罷郡十九年移居伏疆鎮改爲永康又以縣重名改爲隆康

【資陽】今縣治

【後周置】元和志周明帝於資中縣置資陽

縣屬資陽郡開皇三年罷郡屬資州舊唐志後周分資中縣地置資陽縣寰宇記周武成二年於資中故城置資陽縣開皇七年自此移州於盤石按寰宇記前云周於資中故城置盤石縣此又云置資陽於資中故城又云開皇中移州盤石則非兩縣同置一城據元和志舊唐志所云周之資陽蓋置於資中縣地非置於資中故城也又按元和志於盤石下云屬資中郡開皇三年罷郡於資陽下云屬資陽郡開皇三年罷郡兩言罷郡知非誤字則周有資陽郡周之資州本治資陽隋始移盤石志當云後周置并置資州資陽郡

按有隆龜縣元和志在普州東一百十里隋開皇三年於此置隆龜鎮大業十二年於鎮置縣又舊唐志崇龜後周隆龜城隋隆龜縣舊治整瀨川

【瀨川郡】

【梁置瀨州】寰宇記梁大同置瀨州遠取瀨川爲名紀勝引李墓西山堂記云梁大同中徙治馬湖隋大業中復還於今地按元和志謂魏置瀨州蓋指西魏也然當以志爲正【仁壽中置總管府】隋書張威傳周末平王謙拜瀨州總管則置總管府不始於仁壽中【大業初府廢】元和志大業二年改州爲瀨川郡二當作三【統縣五戶一千八百一】

和志梁大通初割江陽郡當云東江陽郡置瀨川縣與舊唐志合則瀨川自梁已有之審矣

【舊曰江陽】漢置屬犍爲郡【并置江陽郡】

元和志晉穆帝置東江陽郡領江陽縣大業元年改江陽爲瀨川案宋志江陽郡劉璋分犍爲立中失本土寄治武陽領江陽縣水漢安常安四縣又東江陽郡晉安帝初流寓入蜀今新復領漢安縣水二縣齊志江陽郡東江陽郡領縣并同然則宋齊時之江陽郡在武陽而此地之東江陽郡乃無江陽縣蓋并江陽於漢安也志誤以宋齊僑置於武陽者屬之漢代舊土謬也元和志以下皆未分晰【開皇初郡廢大業初置瀨川郡縣改名焉】

【富世】今富順縣地

【後周置】元和志周武帝置舊唐志界有富世鹽井井深二百五十尺以達鹽泉俗呼玉女泉以其井出鹽最多人獲厚利故云富世【及置洛源郡開皇初郡廢】

【江安】今縣東六十里

【舊曰漢安】元和志本漢江陽縣地李雄亂後沒於夷獠晉穆帝於此置漢安縣按宋齊志東江陽郡領漢安縣【開皇十八年改名焉】

【合江】今合江縣西六里

【後周置】元和志本漢符縣地晉穆帝置安樂縣梁改置安樂成周改爲合江縣寰宇記周保定四年改安樂成爲合江縣按紀勝引元和志晉穆帝置安樂縣梁改曰安樂成周保定四年廢成置安樂縣隋開皇十八年改縣曰合江

與今本不同

【絳水】今江安縣西

【梁置】按宋齊志益州東江陽郡俱有絳水縣元和志云晉置按當是穆帝置【有絳溪】

今江安縣西紀要源出連天山北流逕廢縣水縣入於大江謂之絳水口或曰絳水合於涪溪諸水同入大江也水經江水注洛水出洛縣漳山亦言出梓潼縣柏山逕犍為牛鞞縣為牛鞞水又東逕資中縣又逕漢安縣謂之絳水至江陽縣方山下入江謂之絳水口

【犍為郡】

【梁置戎州】元和志本漢犍道縣地李雄竊據此地空廢梁大同十年使先鐵討定夷獠乃立戎州即以鐵為刺史寰宇記梁置戎州以鎮撫夷戎也

案新唐志犍廢劍南道戎州都督府有昆州協州並云隋置隋亂廢隋書史萬歲傳先是南寧夷獠玩來降拜昆州刺史是隋置昆州之證然不過羈縻而已其地在今雲南昆明縣西

案漢漢陽縣在今敘州慶符縣南一統志齊時蠻廢然考南史胡穎傳梁承聖初封漢陽縣侯則梁有此縣

【統縣四戶四千八百五十九】

【犍道】今宜賓縣西南

【後周置曰外江】元和志本漢犍道縣周保定三年改爲外江縣【大業初改曰犍道】元和志大業三年改紀勝引元和志作二年【置犍為郡】案本漢犍為郡後漢徙彭山齊復置

領犍道南安資中治官武陽五縣當是梁周時廢大業復置

按有郡郫縣本漢縣宋廢在今敘州府宜賓縣西北一百六十里輿地廣記隋末置屬戎州

【犍為】今縣東南

【後周置曰武陽】按南齊志犍為郡已有武陽縣通鑑陳永定三年周以武陽公豆盧寧爲大司寇元和志本漢南安縣地周置沈犀郡并立武陽縣隋開皇三年廢郡以縣屬戎州寰宇記又謂後周保定三年於沈犀山下置沈犀州地理志昔有犀牛渡江到此山而沈因名隋開皇三年廢沈犀州【開皇初改焉】寰宇記開皇三年於大鹿山置犍為縣

按有玉津縣在今犍為縣北九十里元和志大業十一年置以江有璧玉津故以爲名紀勝引元和志作十三年

【南溪】今縣治

【梁置曰南廣】元和志梁立南廣縣屬戎州按漢南廣縣在敘州珙縣西南宋并置南廣郡梁移于此【及置六同郡】寰宇記梁大同十六年於犍道縣置六同郡以六合所同爲郡之名【開皇初郡廢仁壽初縣改名焉】元和志

仁壽元年改避煬帝諱也寰宇記漢犍爲縣之南廣縣後廢爲南廣戍隋仁壽元年改爲龍原戍後改爲南溪縣在犍溪之南因爲縣名按寰宇記不云梁徙置亦微誤

【開邊】今宜賓縣西南一百六十里

【開皇六年置】元和志本漢犍道地周爲外

江縣地開皇六年於今開邊縣北一百三十里野容川置開邊縣寰宇記以開拓邊疆爲名在馬湖朱提兩江口置【七年廢訓州】其地未詳案新唐志犍廢江南道宋羈縻夔州路紹慶府均有訓州當因隋舊【入焉大業初廢恭州】今疊溪營西南元和志本漢夜郎國地梁陳以來不復賓屬開皇四年開置南中立爲恭州周武帝紀保定二年分南寧置恭州錢氏考異謂此開邊之恭州即周紀之恭州元和志新唐志俱謂恭州隋置非也【協州】今敘州府珙縣西南【入焉】新唐志恭州隋置隋亂廢又云協州隋置隋亂廢元和志今協州即漢犍爲郡之南廣縣也其後蠻夷內侵郡因荒廢開皇四年中隸附於此置協州大業三年廢入犍爲郡按有東安西安胡津三縣元和志開皇四年同協州置本漢南廣縣之地大業三年廢按有寧州亦稱南寧州在今雲南曲靖此即晉宋以來之寧州建寧郡也水經江水注僕水又逕寧州建寧郡是也通鑑武陵王紀在蜀十七年南開寧州越嶲南史徐文盛傳梁大同末爲寧州刺史州在僻遠羣蠻劫竊相尋前後刺史莫能制文盛推心撫慰夷人感之風俗遂改隋書梁容傳劍南平威震西川夷獠歸附唯南寧會帥蠻震恃遠不賓容上書略曰僞梁南寧州刺史徐文盛被湘東王徵赴荊州士民攀轅遂竊據一方國家遙授刺史其子震相承至今而震臣禮多虧請略定南寧其寧州朱提雲南西爨並置總管州鎮史萬歲傳先是南夷蠻猺來

降拜昆州刺史既而復叛遂以萬歲爲行軍總管率衆擊之又韋世康傳弟冲開皇中爲南寧州總管當是史萬歲平定之後所授又案有治官縣元和志在榮州東南九十里大業十一年置屬隄爲郡隋後誤以治爲咨也按舊唐志寰宇記并云晉置資官縣宋齊志作治官一統志云後齊廢

【越嶲郡】漢元鼎六年置治邛都齊爲越嶲獠郡

【後周置嚴州】按梁於此置嶺州南史大同三年武陵王紀爲益州刺史紀在蜀開建寧越嶲置嶺州尋復陷沒通鑑梁元帝承聖三年有嶺州刺史裴巖注越嶲郡梁置嶺州元和志周天和三年開越嶲地於嶺城置嚴州寰宇記取其嚴敬爲稱【開皇六年改曰西寧州】寰宇記作四年錢氏考異按周書武帝紀天和五年大將軍鄭恪率師平越嶲置西寧州則西寧州乃後周所置非始於隋今考周書揚雄傳遷西寧州總管則周並置總管府又周書司馬裔傳保定五年除西寧州刺史在周末開越嶲之先已有西寧州之名又隋書梁毗傳開皇初出爲西寧州刺史亦在六年之前唯陳書淳于量傳所稱西寧州則在始安之桂林非此地【十八年又改曰嶺州】寰宇記開皇十一年改爲嶺州隋末又改爲越嶲州此地有越水嶺水因名

【統縣六百七千四百四十八】

【越嶲】今廳治元和志本漢邛都縣之地也隋

開皇六年分邛都置越嶲縣

【邛都】今西昌縣東南漢縣齊沒於獠唐志云後周於漢闡縣地置邛都縣

【蘇祇】今西昌縣北八十里漢置蘇示縣晉省宋復置曰蘇祇齊廢元和志周武帝重開越嶲復立蘇祇縣屬嚴州開皇改屬嶺州寰宇記周天和三年開越嶲後於嶺城立蘇祇縣以蘇祇之夷爲邑志作蘇祇與元和志寰宇記異

【舊置亮善郡】輿地廣記後周置【開皇初郡廢有孫水】元和志長江水本名孫水出臺登縣西北寰宇記長河水本名孫水又曰沙水史記曰司馬相如定西夷橋孫水以通邛笮

【可泉】今西昌縣西南二十五里舊唐志隋治姜磨戍元和志本漢邛都縣地周天和三年於此置本可縣本可蓋可泉之誤舊唐志輿地廣記作梁置可泉縣案梁時置嶺州旋沒并未開置郡縣也

【舊置宣化郡】輿地廣記梁置誤一統志周置【開皇初廢】

【臺登】今冕寧縣東本漢縣齊陷於獠夷元和志周武帝重開越嶲於舊理立臺登縣

【舊置白沙郡】白各本皆誤曰今據宋本訂輿地廣記後周置白沙郡【開皇初郡廢】寰宇記引十道志云隋仁壽四年罷大渡鎮置登州大業二年廢登州又立陽山鎮志載登州於沈黎縣按當在此

【邛部】今越嶲廳北七十里元和志本漢闡縣

地周武帝於邛部城置縣仍以舊城爲名屬邛部郡

【舊置邛部郡】寰宇記周天和三年於邛部縣置邛部郡【又有平樂郡開皇初並廢】華陽國志東晉建興元年立平樂郡領新定興遷平樂三沮四縣何得至開皇始廢豈梁周復置歟

【有嶺山】元和志山在邛部縣西南九里嶺水出嶺山下

【牂柯郡】漢郡治故且蘭在今都勻府東南晉分置平蠻郡又分爲夜郎郡齊改爲南牂柯梁府志引夷書曰齊梁之際爨氏世有寧州臺城陷沒爨氏遂自爲刺史東方平夷牂柯諸郡各保境不與通又有昆明蠻亦謂之烏蠻有阿納者徙居南廣之鹿里今鎮雄是帥其部族沿江東侵至營之夾水保焉已而入晉梁即今貴陽也又西南馳至都雲洞阿納之仲兄輪居談樂之郎山是爲郎岱隴氏之祖叔兄台居漏江之濮隈是爲普安龍氏之祖納又使其少子必松居播隈漢曲也於是部族轉盛西南至于竹子嶺世謂之盧鹿部按此則梁之夜郎郡皆爲盧鹿部所據其云牂柯平夷諸郡保境不與爨氏通者謂謝氏也謝恕自李雄時爲牂柯太守不爲所用見華陽國志及晉書載記此後謝氏遂世有牂柯至唐中葉後始滅有東謝西謝牂柯謝之稱見唐書南蠻傳及通鑑注然則隋之郡縣皆大業間招慰所置今見於元和志舊唐書者實不止此一郡二縣而齊志南牂柯郡之且蘭萬壽母

水出嶺山下

【牂柯郡】漢郡治故且蘭在今都勻府東南晉分置平蠻郡又分爲夜郎郡齊改爲南牂柯梁府志引夷書曰齊梁之際爨氏世有寧州臺城陷沒爨氏遂自爲刺史東方平夷牂柯諸郡各保境不與通又有昆明蠻亦謂之烏蠻有阿納者徙居南廣之鹿里今鎮雄是帥其部族沿江東侵至營之夾水保焉已而入晉梁即今貴陽也又西南馳至都雲洞阿納之仲兄輪居談樂之郎山是爲郎岱隴氏之祖叔兄台居漏江之濮隈是爲普安龍氏之祖納又使其少子必松居播隈漢曲也於是部族轉盛西南至于竹子嶺世謂之盧鹿部按此則梁之夜郎郡皆爲盧鹿部所據其云牂柯平夷諸郡保境不與爨氏通者謂謝氏也謝恕自李雄時爲牂柯太守不爲所用見華陽國志及晉書載記此後謝氏遂世有牂柯至唐中葉後始滅有東謝西謝牂柯謝之稱見唐書南蠻傳及通鑑注然則隋之郡縣皆大業間招慰所置今見於元和志舊唐書者實不止此一郡二縣而齊志南牂柯郡之且蘭萬壽母

欽管樂丹南長江綏寧七縣平蠻郡之平蠻營二縣夜郎郡之夜郎廣談談樂談指四縣廢于何代亦絕無證驗竊意唐初必有記載可考作此志者一概置之可惜也

【開皇初置牂州】據寰宇記莊州總序隋平陳常分牂柯郡立南壽州

【統縣二】

【牂柯】今貴州安化縣西

【帶郡】

【賓化】今安化縣西元和志本漢枳縣地周武成三年省入巴縣貞觀十一年分巴縣置隆化縣先天元年以犯廟諱改為賓化不言隋先有賓化縣

按隋有明陽郡元和志大業七年置綏縣屬明陽郡一統志謂郡即大業中置

又有綏陽縣在今貴州石阡府西北元和志本漢牂柯郡地隋大業十二年巴郡丞梁彖招慰所置寰宇記大業四年置

又有都上縣在今貴州石阡府西南元和志本漢牂柯郡地隋大業十二年招慰所置其處是會豪首領都集之所因以為名

又有寧夷縣今石阡縣治元和志隋大業八年置屬明陽郡舊唐志隋置

又有高富縣寰宇記在今貴州東北一百一十里大業七年置屬明陽郡

又有義州義泉縣在今貴州遵義府綏陽縣北元和志隋大業十一年招慰所定以帶山泉為名屬義州武德中于此置牢州貞觀十七年廢

牢州新唐志本隸明陽郡舊唐志謂隋常於縣置牢州恐誤

【黔安郡】通鑑陳天嘉二年周人許歸安成王頊陳遣使報之并賂以黔中地此謂秦漢黔中郡所轄甚廣非僅此地詳見下

【後周置黔州】元和志本漢涪陵縣理後漢置屬國都尉蜀先主改為涪陵郡永嘉後地沒

蠻夷經二百五十六年至周保定四年涪陵蠻帥田思鶴以地內附因置奉州建德三年改為黔州大業三年改為黔安郡因隋州郡之名遂與秦漢黔中郡犬牙難辨其秦黔中郡所理在今辰州西二十里黔中故郡城是漢改黔中為

武陵郡移理義寧即今辰州敘浦縣是後魏移理臨沅即今朗州是秦漢黔中所理今辰錦敘獎溪澧朗施等州實秦漢黔中郡之地而今黔中及夷費思播隔越峻嶺東有沅江水及諸溪並合東注洞庭湖西有巴江水一名涪陵江自

牂柯北歷播費思黔等州北注岷江以山川言之巴郡之涪陵與黔中故地炳然分矣案元和志所云最為精審唯齊書州郡志荆州雖有缺葉而未尚存漢平涪陵漢攷三縣當是齊時復立然不可考矣

【不帶郡】紀勝引作不帶縣輿廣記州治洪杜寨

【統縣二戶一千四百六十】

【彭水】今縣治漢涪陵縣晉後省齊復立

【開皇十三年置】元和志本漢西陽縣地屬武陵郡自吳至梁陳並為黔陽縣地隋開皇十

三年蠻帥內附因置彭水縣按此誤也元和志于黔州總序謂本漢涪陵縣理又于此縣注云郭下則當為涪陵縣屬涪陵郡此雜採地志之失按寰宇記獻帝建安中涪陵謝本以涪陵廣

大白州牧劉璋分理丹興漢葭二縣以為郡璋乃分涪陵立永寧州兼丹興漢葭合四縣置屬國都尉理涪陵蜀先主改為涪陵郡改永寧曰

萬寧又增立漢復縣後主又立漢平縣晉太康地記省丹興縣郡移理漢復領漢葭涪陵漢平萬寧等五縣又言萬寧在郡南水道九百里其

萬寧蓋今費州是蜀後主延熙中涪陵大姓徐巨叛使將軍鄧芝討平之漢涪陵蓋在今涪州東南三百三十里黔州是其故理又言漢葭在

郡東百里澧源出縣界蓋今州東九十里故黔州城是其省丹興縣蓋在今黔州東二百里黔江縣是張孟陽云丹興漢葭二縣並出丹砂今

按漢平縣蓋在今涪州東百二十里羅浮山之北岷江之南白水入江處側近據謝本所論晉志所志今夷費思播及黔南等五州悉是涪陵

故地又隋圖經集記及貞觀地志云黔中是武陵郡西陽地按漢西陽在今溪州大鄉界與黔州約相去千餘里今之三亭縣西北九百餘里

別有西陽城乃劉蜀所置非漢之西陽事已見武陵郡隋圖經及貞觀地志並言劉蜀所置西陽為漢西陽蓋誤認漢涪陵之地也【有伏牛山出鹽井】元和志在縣北一百里左右鹽泉今本道官收其課寰宇記伏牛山左右有鹽泉州人現置竈煮以充軍用

按有信安縣在今彭水縣西北一百四十里元和志隋大業十年置寰宇記大業十二年置

涪川今貴州思南府安化縣東北一百里

開皇五年置元和志取涪水為名寰宇記

置於涪陵江岸輿地廣記後廢舊唐志云涪川

漢牂柯郡地久不臣附周宣政元年信州總管

龍門公裕招慰生獠王元殊多質等歸國乃置

費州以水為名通典寰宇記周置費州以費水

為名輿地廣記後廢隋屬黔安郡據此則周嘗

置費州於此志失書

梁州於天官上應參之宿周時梁州以併雍部

及漢又析置益州在禹貢自漢川以下諸郡皆其

封域漢中之人質朴無文不甚趨利華陽國志

其民質直好義士風樸厚有先民之流性嗜口

腹多事田漁雖蓬室柴門食必兼肉好祀鬼神尤

多忌諱家人有死輒離其故宅崇重道教猶有張

魯之風焉每至五月十五日必以酒食相饋賓旅

聚會有甚於三元傍南山雜有獠戶富室者頗參

夏人為婚衣服居處言語殆與華不別西城房陵

清化通川宕渠地皆連接風俗頗同漢陽臨洮宕

昌武都同昌河池順政義城平武汝山皆連雜氏

羌人尤勁悍性多質直皆務於農事工習獵射於

書計非其長矣蜀郡臨邛眉山隆山資陽瀘川巴

東遂寧巴西新城金山普安犍為越嶲牂柯黔安

得蜀之舊域其地四塞山川重阻水陸所湊貨殖

所萃蓋一都之會也昔劉備資之以成三分之業

自金行喪亂四海沸騰李氏據之於前譙氏依之

於後當梁氏將亡武陵憑險而取敗後周之末王

謙負固而速禍故孟門不祀古人所以誠焉其風俗大抵與漢中不別其人敏慧輕急貌多叢陋頗慕文學時有斐然多溺於逸樂少從宦之士或至者年白首不離鄉邑人多工巧綾錦雕鏤之妙殆伴於上國貧家不務儲蓄富室專於趨利其處家室則女勤作業而士多自閑聚會宴飲尤足意錢之戲小人薄於情禮父子率多異居其邊野富人多規固山澤以財物雄役夷獠故輕為姦藏權傾州縣此亦其舊俗乎又有獠獍蠻蠻其居處風俗衣服飲食頗同於獠而亦與蜀人相類

隋書地理志考證補遺 卷二梁州

覆津縣及置萬郡下○按萬郡疑當作赤萬郡通鑑齊明帝建武四年李崇襲楊靈珍進據赤土

胡注引魏志南秦州武階郡有赤土縣今魏志

及隋志並作赤萬恐胡氏誤也

景谷縣地形志無之下○通鑑梁天監十年任太

洪襲破魏東洛除口二成是後魏但有東洛成

其置郡當是西魏

巴西郡梁置南梁北巴州注後○又按通鑑孝昌

初行臺魏子建奏以隆城鎮為南梁州以嚴愷

為刺史是南梁州魏孝昌中始置故胡身之引

此志云巴西郡舊置南梁州改梁為舊以合於

通鑑然梁書天監八年已有改巴西置南梁之

文則志云梁置不為無據疑巴西本為獠地南

北得失相仍各立州郡如武都郡東益州之比

也

雙流縣有女伎山下○山海經岷山之首曰女几

之山淮南子天文訓曰回於女紀是謂大邊畢

氏沉云即隋書雙流縣之女伎山紀伎几三音

同也

緜竹縣有緜水後○漢志緜竹縣紫巖山緜水所

出東至新都北入雒水經江水注緜水出至江

陽巖山縣之方山下

鄆縣天彭門後○據水經注天彭門在氏道之西

汶山郡之北則其地當在今松潘之西係于鄆

縣誤也寰宇記引李膺益州記云天彭闕即灌

口山志蓋本此然於故書皆不合

健爲縣後周置曰武陽下○漢健爲郡治棘道徒
彭山南齊又移樊道所領之武陽常亦隋徙後
周之武陽必南齊之舊一統志謂南齊武陽仍
在彭山恐非

蟠家山下○此非禹貢之蟠家禹貢之蟠家在西

縣於隋爲天水上郡因漢水輟流後魏遂如此

置蟠家縣隋時更於此置西縣以敷合漢志遂

成聚訟

西魏置潭水郡下○名勝志西和縣下大潭縣故

城在西和縣東一百里西魏之潭水郡也元和

志以濁水從長道縣大潭入階州是矣

宕昌郡注於宕昌置宕州下○寰宇記引隋圖經

集記云周天和元年改蕃爲國置宕州隋爲宕

昌郡按元和志天和五年置宕昌郡與志合

改曰扶州下○隋太僕卿元公墓志開皇授扶州

刺史

左封周置翼州下○按翼州置於七頃山下翼針

縣治七頃城則翼州當系於翼針縣下此誤系

於左封

神泉縣能愈疾故也下○名勝志引郡國志云縣

西三十里有泉十四穴甘香異常痼疾飲之卽

差名曰神泉隋置神泉縣放此

秭歸縣改縣曰姊歸後提行○按有興山縣寰宇

記吳景帝永安三年分秭歸之北界立屬建平

郡隋廢之

陽安縣開皇初郡廢下○隋太僕卿元公墓志開

皇元年出爲益州武康郡太守是開皇元年尙

未廢

仁壽縣有鹽井後提行○按有陵井郡御覽一百

六十六引郡國志曰昔張道陵於此得鹽井祠

玉女於井內因謂之陵井郡因陵井得名又引

益州記曰郡有東嶠三山相對去陵井百里按

此所引當是李膺益州記是梁有陵井郡也

隋書地理志考證卷第三

宜都楊守敬惺吾

【志第二十五】

【隋書三十】

【太尉揚州都督監修國史上柱國趙國公
臣長孫無忌等奉勅撰】

【地理中】

【河南郡】

【舊置洛州】見下洛陽縣【大業元年移都】

元和志仁壽四年煬帝詔楊素營東京大業元

年新都成遂徙居今洛陽宮是也其宮東去故

城一十八里寰宇記仍以洛州移入新都廢州

在宮城南按隋紀大業二年正月東京成寰宇

記云大業二年徙居新都【改曰豫州】隋紀

大業元年正月改洛州爲豫州元和志大業三

年廢州寰宇記大業十四年煬帝崩立越王侗

於洛復置洛州侗尋爲王世充所害充改洛州

爲司州【東面三門北曰上春中曰建陽南曰

永通南面二門東曰長夏正南曰建國里一百

三市三三年改爲郡置尹】

【統縣十八戶二十萬二千二百三十】

【河南】今洛陽縣治見下洛陽

【帶郡有關官】紀要大谷關在洛陽縣東南

大谷口又皋門關在故洛城穀門上亦曰皋門

橋唐志作高門關龍門關卽府城南龍門谷口

【有郊山】紀要郊山在故河南城西或謂

之郊山圖經郊山在郡西南迤邐至城北二里

曰邙山周成王定鼎於郊邙卽此寰宇記芒山

一作邙山在河南縣北十里一名平逢山亦郊

山之別名也【有灑水】今洛陽縣北水經灑水出河南穀城縣北山東與千金渠合又東過洛陽縣南又東過偃師縣南又東入於洛

【洛陽】今縣治秦縣後魏爲郡治寰宇記隋煬帝遷都自今縣東三十里故城移於今德懋防西南隅

【有漢已來舊都】按自東漢都洛陽魏晉相繼都之後魏太和十七年亦自代徙都之【後魏置司州】地形志太宗置洛州太和十七年改爲司州【東魏改曰洛州】地形志天平初復魏書孝靜帝紀天平元年改司州爲洛州以元弼爲洛州刺史寰宇記西魏大統三年收復洛州又改洛陽爲司州仍置司州牧尋陷入高齊司州不改又移河南郡于灑池縣大陽城置尋又改司州爲洛州河南郡唯領宜遷一縣隋書韋世康傳從周武帝平齊授司州總管長史是周初改洛州爲司州之證【後周置東京六府】周書宣帝紀大成元年二月移相州六府於洛陽稱東京六府【洛州總管】周書靜帝紀大定元年正月以楊勇爲洛州總管【開皇元年改六府置東京尚書省其年廢東京尚書省二年廢總管置河南道行臺省】隋紀開皇二年正月置河南道行臺尚書省於洛州以秦王俊爲尚書令【三年廢行臺】隋紀開皇三年十月廢【以洛州刺史領總管】隋書虞慶則傳開皇元年營新都總管【十四年於金墉城別置總監煬帝即位廢省】以上據志例當係於河南郡下【舊河南縣】今洛陽縣西北

九里漢縣【東魏遷鄴改爲宜遷縣】地形志天平二年置爲河南郡治【後周復曰河南】元和志周宣帝復曰河南寰宇記舊理於今苑城東北隅後周大象二年移於故洛城西【大業元年徙入新都】元和志隋仁壽四年遷都移縣於東都城內寬政坊即今縣是也按寰宇記作大業二年移縣是【又東魏置洛陽郡】

地形志天平初置領洛陽緱氏二縣【河陰縣】今河南府孟津縣東地形志晉置太宗省元始二年置元象二年於此置河陰郡【開皇初郡並廢又析置伊川縣大業初河陰伊川二縣併入焉】寰宇記隋開皇三年自故洛城西皇女臺側移河陰縣於壽安縣東北二十五里嚴明城大業元年廢併入洛陽

【閿鄉】今閿鄉縣治

【舊曰湖城】元和志湖城本漢湖縣屬京兆尹後漢改屬弘農至宋加城字案弘農晉後陷於苻秦後屬姚萇宋雖滅姚秦旋棄師而歸弘農地入於魏恐無改湖城事一統志稱後魏更名然地形志西恆農郡無湖城縣亦無湖縣按水經注河水又東逕湖縣故城北湖水又北逕湖縣東知魏時有湖縣然則加城字或魏齊之間【開皇十六年改焉】元和志周明帝二年置閿鄉郡開皇三年廢十六年移湖城於今所改名閿鄉屬陝州寰宇記義寧元年於右太陽宮再立湖城縣按新唐志號州下云隋義寧元年置玉城縣新唐書宰相世系表路堯隋時封閿鄉公【有玉澗】水經河水注玉澗水南出

玉溪北流逕皇天原西又北逕閿鄉城西謂之閿鄉水北流注於河【全鳩澗】各本全誤金今訂水經河水注東與全鳩澗水合水出南山北逕皇天原東述征記曰全節地名也即漢書全鳩里戾太子死處【秦山】秦上脫有字元和志秦山一名秦嶺在閿鄉縣南五十里南入華州西南入華州

【桃林】今陝州靈寶縣治寰宇記引郡國志曰稠桑澤古之桃林也隋析置桃林縣

【開皇十六年置】寰宇記屬陝州取古桃林塞爲名新唐志義寧元年隸號郡【有上陽宮】紀要隋初置於桃林縣【有溜水】水經河水注作溜水云出常烝之山西北逕曲沃城南又曲逕其城西北入河

【陝】今陝州治

【後魏置】本漢縣後魏於東南一百十里置陝中元和志西魏去中宇縣而改陝曰北陝按未知何時復曰陝水經注只作陝縣【及置陝州】地形志太和十三年置治陝城八年罷天平初復後陷元和志西魏大統三年又罷周明帝復置周紀明帝二年正月於弘農置陝州按周書置陝州總管府周武帝紀保定二年五月以吳國公尉遲綱爲陝州總管是也又云建德六年四月廢陝州總管【恆農郡】漢弘農郡治弘農縣符秦移治陝後魏改曰恆農周明帝復改弘農【後周又置嶠郡】元和志周明帝於陝城內置嶠郡以陝嶠二縣屬焉寰宇記謂周武帝改弘農爲嶠郡稍誤【開皇初郡並廢】舊

唐志義寧元年置弘農郡領陝嶠桃林長水四縣【大業初州廢】元和志大業三年廢寰宇記作二年【置弘農宮有常平倉】元和志太原倉在陝縣西南四里隋開皇二年置以其北臨焦水西俯大河地勢高平故謂之太原倉即常平倉【温湯】寰宇記在陝縣南十六里後周太守元楷掘井得泉極熱遂修為浴水【有砥柱】今陝州東四十里黃河中即禹貢之砥柱也水經河水注砥柱山名也昔禹治洪水山陵當水者鑿之故破山以通河河水分流包山而過山見水中若柱然故曰砥柱也

【熊耳】今永寧縣東北通鑑梁太清元年注引五代志稱熊耳分宜陽置

【後周置】元和志永寧縣下云後魏文帝於縣東四十五里置北宜陽縣屬宜陽郡廢帝二年改為熊耳隋義寧二年置永寧縣屬宜陽郡舊唐志永寧縣治永固城【及同軌郡】通鑑注周齊以宜陽為界以同軌名郡者言將自此出兵以混壹東西使天下車同軌也隋書衛玄傳高祖受禪封同軌郡公【開皇初郡廢又有後魏嶠縣】今永寧縣地形志太和十一年置屬恆農郡【大業初廢入】寰宇記隋初改嶠縣為硤石縣大業二年廢入陝縣義寧元年重置嶠縣理硤石塢二年省元和志大業二年廢入陝縣義寧元年重置理硤石舊唐志義寧元年弘農郡所領有嶠縣二年省【有二嶠】今永寧縣北六十里即春秋晉敗秦師處【有天柱山大頭山硤石山】寰宇記硤石水在硤石

縣東二十里水出上嶺西經硤石山因名【穀水】漢志穀水出穀陽山水經穀水出弘農臨池縣南潘家林穀陽谷東北過穀城縣北又東過河南縣北東南入於洛

【灑池】今縣治漢縣後廢地形志太和十一年置北灑池縣屬灑池郡寰宇記西魏大統十一年自蠡城移於縣西十三里故灑池縣為理屬河南郡周改屬同軌郡隋大業元年又移於今縣東二十五里新安驛置屬熊州十二年復移理大塢城按元和志云隋文帝時屬熊州十六年改屬穀州又云大塢城在縣北十五里

【後周置河南郡】一統志後周改後魏灑池郡為河南郡北史韋孝寬傳子總周武帝時追封河南郡公【大象中廢】

【新安】今灑池縣東地形志二漢屬弘農晉屬河南太和十三年改為郡十九年復

【後周置中州】元和志周保定三年置隋書梁睿傳周初出為中州刺史鎮新安周書賀若敦傳保定五年除中州刺史鎮函谷又韓雄傳明帝二年除使持節都督中徐虞洛四州諸軍事中州刺史又梁昉傳保定元年遷中州刺史則中州之置當在明帝初不始於保定三年也【及東垣縣】宋志武帝平關洛置司州河南郡有東垣縣旋沒於魏地形志新安郡有東垣縣而志以為後周置亦誤【州尋廢】元和志周建德六年省中州【開皇十六年置穀州】元和志作六年【仁壽四年州廢又廢新安入東垣】新安在今灑池縣東漢縣後魏為新安

郡治元和志周保定三年省郡建德六年復置當是開皇初廢郡此志遺書新安郡【大業初改名新安】舊唐志義寧二年置新安郡領新安一縣【有治官】按河南北俱有治官水經河水注云穀水歷治官西世人謂之鼓鐘城城之左右猶有遺銅及銅錢也此在北者又云曠川水東逕鐵官東此在南者【有魏山】按當作魏水經河水注正回水出魏山強山東阜也

【強山】今新安縣治西北三里水經河水注青要山今謂之強山【缺門山】今新安縣西三十里紀要一名扼山水經穀水注山阜之不接者里餘故得是名二壁爭高斗聳相亂西瞻雙阜右望如砥【孝水】今洛陽縣西二十里紀要出谷口山本名谷水晉王祥臥冰於此因改為孝水北流入於穀水水經穀水注穀水又東俞隨之水注之山海經曰平蓬山西十里曰廐山俞隨之水出於其陰北流注於穀世謂之孝水【澗水】漢志澗水在新安縣東南入洛水經澗水出新安縣南白石山東南入於洛【金谷水】水經穀水注金谷水出太白原東南流歷金谷謂之金谷水

【偃師】今縣治

【舊廢】漢縣晉廢【開皇十六年置有關官】按紀要延壽關在縣南三十五里【有河陽倉】今縣北紀要隋開皇三年於洛州置河陽倉即此【有都尉府有首陽山】今偃師縣西北二十里通典云夷齊葬於此【鄗山】今偃師縣西胡三省曰偃師西山有漢廣野君鄗食其廟

【乾脯山】寰宇記引九州要記云周敬王於此曝乾脯因名

【鞏】今縣治

【後齊廢】本漢縣【開皇十六年復有興洛倉】在縣東即洛口倉紀要大業二年於鞏東南原上築城周迴二十餘里穿三千窰窰容八千石元和志大業十二年李密襲破洛口倉因據鞏縣仍築城斷洛川包南北山周迴三十餘里【有九山】寰宇記在鞏縣西南五十五里水經洛水注桐澗水北流逕九山東仲長統曰昔密有卜成者身遊九山之上放心不拘之鄉謂是山也【有天陵山】元和志在鞏縣東南六十里【緱山】按當作侯寰宇記云侯山在鞏縣南二十五里又云盧元明嵩山記云漢有王彥者隱於此山景帝累徵不出遂就而封侯山因爲名後學道得成至今指所在爲王彥崖

【東首陽山】

【宜陽】今縣西六十里漢縣

【後魏置宜陽郡】地形志孝昌初置按周書于翼傳建德五年轉陝熊等十六防諸軍事宜陽總管翼以宜陽地非襟帶請移鎮於陝詔從之仍除陝州刺史總管如故考周於陝州置總管府至建德六年四月始廢見前陝縣下蓋建德中移總管府於宜陽旋因翼請仍移於陝此志略之【東魏置陽州】地形志天平初置【後周改曰熊州】周紀明帝二年正月於宜陽置熊州【又復】此字衍【後魏置南澗池縣】今永寧縣西地形志南澗池屬金門郡【後周

改曰昌洛開皇初郡廢十八年改昌洛曰洛水大業初廢熊州省洛水入宜陽】元和志義寧二年置宜陽郡舊唐志領宜陽澗池永寧三縣

【又東魏置金門郡】地形志天平初置屬陽州按郡治金門縣在今永寧縣南【後周廢】蓋與金門縣並廢【有福昌宮】元和志唐武德元年改宜陽縣爲福昌縣取縣西隋宮爲名則宮爲隋置【金門山】今宜陽縣西六十里紀要謂後魏金門亭置於此水經洛水注金門谿水南出金門山又引開山圖曰山多重固後漢建武二年強弩大將軍陳俊轉擊金門白馬賊皆破之卽此【女兒山】今宜陽縣西九十里紀要謂晉張軌少隱於宜陽女隱山卽此水經洛水注渠谷水出宜陽縣南女兒山寰宇記陝縣女几山九州要記云富祿縣有女兒山八十居陳留沽酒得道後飛昇於此山【太陰山】水經洛水注太陰谷水南出太陰谿北流注於洛【嶠山】明一統志嶠山在永寧縣西北三十五里相傳廣成子憩息之所上有河瀆靈源廟

【壽安】今宜陽縣治

【後魏置縣曰甘棠】元和志後魏分新安置甘棠縣按地形志宜陽郡無甘棠縣一統志謂爲東魏置因此志云然耶【仁壽四年改焉】元和志開皇三年以縣屬熊州十六年改屬穀州舊唐志義寧元年移治九回城屬熊州按九回城在今宜陽東三十里【有顯仁宮】紀要在故壽安城內隋置自西京幸東都以此爲中頓亦曰甘棠宮【有慈澗】元和志少水今名

慈澗水出壽安縣北水經穀水注山海經曰虜山西三十里曰瞻諸之山少水出於其陰控引衆溪積以成川東流注於穀世謂之慈澗

【陸渾】今嵩縣東北三十里春秋傳遷陸渾之戎于伊川卽此

【東魏置伊川郡】地形志作伊陽云武定二年置【領南陸渾縣】按陸渾本漢縣在今嵩縣東北五十里宋後廢東魏於故城置北陸渾縣而於此置南陸渾縣地形志南陸渾屬伊陽郡北陸渾屬新城郡一統志隋省北陸渾入南陸渾【開皇初郡廢改縣曰伏流】元和志後魏改陸渾爲伏流按地形志伊陽郡治伏流城魏之州郡治不必有縣也元和志誤又云伏流城卽今縣理城東東魏孝靜帝武定二年所築以城北焦澗水伏流地下西有伏流坂因爲名【大業初改曰陸渾】元和志云大業元年省伏流縣移陸渾於今理【又有東魏北荊州】地形志武定二年置按地形志不言州治卽伏流城也此當載于伊川郡之上不當云又有若別一城者【後周改曰和州】考異云周本紀保定二年四月於伏流城置和州觀此可證後周之和州在陸渾不在襄城也而志於襄城郡又云東魏置北荊州後周改曰和州開皇初改爲伊州未免復而舛矣按周書魏玄傳天和四年轉和州刺史伏流防主亦周直和州於陸渾之證【開皇初又改曰伊州大業初州廢】寰宇記開皇四年自陸渾縣界移伊州於襄城郡不當係於此【又有東魏東亭縣】今嵩縣西

九十里地形志東亭屬宜陽郡【尋廢有方山】

今嵩縣東北四十里史記正義引括地志方山

在汜水縣東南三十二里汜水所出水經汜水

注汜水南出浮戲山世謂之方山【三塗山】

今嵩縣西南十里水經伊水注三塗山在陸渾

故城東南八十許里春秋傳昭公四年司馬侯

曰四巖三塗陽城太室荆山中南九州之險也

【孤山】今嵩縣北四十里紀要即介立山水

經伊水注孤山介立豐上單秀孤特故世謂之

方山即劉澄之所謂縣有孤山者也【陽山】今

嵩縣東三十里水經伊水注陽水出陽山陽谿

【王母澗】水經伊水注瀟瀟之水出陸渾縣之

西南王母澗澗北山有王母祠故世因以名谿

【伊闕】今洛陽縣南

【舊曰新城】漢縣【東魏置新城郡】地形

志天平中置治孔城後陷治州城【開皇初郡

廢十八年縣改名焉】隋紀大業二年四月上

自伊闕陳法駕備千乘萬騎入於東京【有伊

闕山】今洛陽西南三十里水經伊水注昔大

禹疏以通水兩山相對望之若闕伊水歷其間

北流故謂之伊闕陸機曰洛有四闕斯其一焉

【興泰】今宜陽縣西南

【大業初置】紀要大業四年置隋末廢【有

鹿蹄山】今宜陽縣東南五十里水經洛水注

號水北流注于洛其南則鹿蹄之山也世謂之

非山【石墨山】元和志石墨山在壽安縣西

南三里水經洛水注洛水之側有石墨山石

盡黑可以書疏【鍾山】

【緱氏】今偃師縣南

【舊廢東魏置】地形志緱氏二漢晉屬河南

太和十七年併洛陽天平初復屬洛陽郡【開

皇十六年廢大業初又置】寰宇記云東魏天

平元年於洛陽城中置緱氏縣後周建德六年

又自洛陽城移於今縣北七里鉤鎖故壘隋開

皇四年又移於今縣北十里洛陽故城大業元

年復移於今縣東南十里十年又移縣據公路

澗西憑峯為城【有緱氏山】今偃師縣南四

十里元和志在緱氏縣東南二十九里王子晉

得仙處【轘轅山】各本轘誤作軒今訂正元

和志轘轅山志緱氏縣東南四十六里左傳樂

盈過周王使候出諸轘轅注緱氏縣東南有轘

轅關道路險隘凡十二曲將去復還故曰轘轅

【景山】今偃師縣南二十里紀要商頌景員

維河謂此山也

【嵩陽】今登封縣治

【後魏置】志例此字衍【曰潁陽】今登封

縣西南七十里地形志天安二年置【東魏分

置堙陽】今登封縣西南地形志太和十三年

分潁陽置非東魏分置【後周廢潁陽入開皇

六年改曰武林】寰宇記作武陵【十八年改

曰輪氏】漢志作綸續志作輪【大業元年改

曰嵩陽又有東魏中川郡】地形志天平初置

中川郡領堙陽潁陽二縣此即當係於潁陽之

下不得別為起訖【後周廢有嵩高山】今登

封縣北十里即中嶽也【少室山】今登封縣

西十七里有漢少室石闕今存【潁水】今登

封縣三十里水經潁水注潁水有三源右水

出陽乾山之潁谷中水導源少室左水出少室

南溪東合潁水

【陽城】今登封縣東南三十五里漢縣

【後魏置陽城郡】地形志孝昌二年置【開

皇初廢十六年置嵩州仁壽四年廢又後魏置

康城縣】今禹州西北三十里地形志孝昌中

分陽城置周書柳慶傳武帝天和四年封康城

縣男【仁壽四年廢入焉有箕山】今登封縣

東南三十里地形志康城有箕山許由隱窟明

一統志一名嵒嶺【偃月山荆山】今禹州西

北五十里洛陽記齊武帝於此探玉地形志康

城有荆山【禹山】今禹州城北潁山之南明

山無考非晉人敗秦師於崤之山也

【滎陽郡】漢韓勅後碑劉寬碑陰鄧列碑北魏

鄭義碑賈思伯碑等石刻唐盧藏用書紀信碑

並作滎北史王劭傳大象元年夏滎陽汴水北

有龍鬪焚字三火明火德之盛也足徵滎陽字

當從火

【舊】當有置字【鄭州】按此鄭州諸地志

不載隋書王誼傳高祖為丞相轉為鄭州總管

是此鄭州為周置且置總管府蓋因大定元年

改南鄭州為許州故於此置鄭州也【開皇十

六年置管州】寰宇記開皇十六年分鄭州於

管城置管州按汜水下開皇元年置鄭州是此

鄭州已移於虎牢此開皇下當有初廢二字互

年廢鄭州改管州爲鄭州蓋又移汜水之鄭州於此也

【統縣十一戶十六萬九百六十四】

【管城】今鄭州治水經渠水注不家溝水自溪東北流逕管城西故管國也縣蓋以之名

【舊曰中牟】今開封府中牟縣東六里漢置

【東魏置廣武郡】地形志天平初置寰宇記中牟下云後周保定五年郡縣並移於今縣西

三十里圃田城【開皇初郡廢改中牟曰內牟】元和志避諱改屬管州今中牟縣理是也【十

六年析置管城】元和志屬管州【十八年改內牟曰圃田】寰宇記開皇十八年又於圃田

城中爲圃田縣以界內澤爲名【入焉】按當作大業初廢入焉下圃田注可見【後魏置曲

梁縣】今開封府密縣東北地形志孝昌中置【後齊廢有鄭水】今鄭州東二十五里源出

州西南三十五里之梅山

按隋有密縣即今開封府密縣治本漢舊縣後

魏屬滎陽郡元和志隋大業二年廢十二年又

置寰宇記高齊文宣帝自今縣東南三十里移

於今縣東四十里後周屬滎州隋屬鄭州大業十二年又移於今理即古法橋堡城志例以大

業三年爲斷故此縣不載

【汜水】今縣西北

【舊曰成皋】漢縣【即武】唐諱虎改作武

【牢也】輿地廣記周穆王獵於鄭圃獲虎命畜之因名曰虎牟【後魏置東中府】地形志

太和十九年置東中府【東魏置北豫州】地

形志天平初置寰宇記高齊天保七年省北豫州【後周置滎州】寰宇記周宣政元年置滎

州後周初改北豫州爲滎州取滎澤爲州之名

周本紀大象二年二月滎州有黑龍見【開皇初曰鄭州】寰宇記開皇元年改滎州爲鄭州

按志郡下云舊置鄭州開皇十六年置管州是

開皇初尚仍鄭州於管城於此又曰鄭州是同州有兩鄭州矣余疑開皇初於此置鄭州即廢

管城之鄭州也【十八年改成皋曰汜水大業初置武牟都尉府】通鑑大業九年楊玄感作

亂以顧覺爲鄭州刺史鎮虎牢則玄感又置鄭州於此【有周山】今滎陽縣東南二十五里紀

要謂卽水經注之黃堆山【天陵山】志前鞏縣有此山蓋山跨二縣故志又載於此然非志例

【滎澤】今滎澤縣北五里【開皇四年置曰廣武】元和志開皇四年分

滎陽置因山爲名寰宇記屬鄭州【仁壽元年改名焉】避諱改

【原武】今縣治元和志本漢舊縣屬河南郡後

魏屬滎陽郡東魏改置廣武高齊天保七年郡

縣并廢【開皇十六年置】元和志隋重置原武屬鄭州寰宇記開皇十七年於池陽故城置

原陵縣唐初改陵爲武若然是志以唐縣名蒙隋稱也

【陽武】今縣東南二十八里漢縣地形志屬廣

武郡寰宇記高齊省隋開皇六年移理於池陽城卽今原武縣是也按開皇十六年於池陽城

置原武縣不容先有移陽武於池陽城之事寰

宇記又云高齊天保七年自陽武故城移理汴水南一里今無遺址隋開皇五年復理陽武故

城爲得其實又按水經注濟水又東南流入陽

武縣歷長城東南流又東北流逕陽武縣故城南是後魏已有移徙

【圃田】今中牟縣東六里

【開皇十六年置曰郟城大業初改焉】寰宇記開皇十七年於中牟舊城置郟城縣大業二

年廢郟城縣又移圃田縣於中牟城置

【浚儀】今祥符縣西北三十里漢縣舊唐志隋置在今浚儀縣北三十里爲李密所陷縣人王

要漢率豪族置縣於汴州之內要漢自爲縣令義寧元年復於縣置汴州以要漢爲刺史

【東魏置梁州】地形志天平初置【陳留郡】本漢郡後魏孝昌中移置浚儀【後齊廢開封

郡入後周改曰汴州】元和志周宣帝改蓋以城臨汴水故也據隋書樊叔略傳周建德末拜

汴州刺史則州爲武帝改又隋書楊素傳周末爲汴州刺史【開皇初郡廢大業初州廢】元

和志大業二年廢州舊唐志義寧元年於浚儀縣復置汴州【有關官有通濟渠】今祥符城

西南二里通典隋煬帝開引黃河水以通江淮漕運兼引汴水卽浪濬渠也浪濬與葭蕩同寰

宇記隋大業元年以汴水迂曲迴復稍難自大梁城西南鑿渠引汴水入號通濟渠【蔡水】今祥符城東南紀要自汴河分流爲蔡水亦曰

沙水沙孔氏讀爲蔡

【酸棗】今延津縣治

【後齊廢】秦縣在今延津縣北十五里後魏屬東郡寰宇記北齊併入南燕縣即今昨城也
【開皇六年復】寰宇記開皇二年從南燕析置酸棗縣屬汴州又屬滑州【有關官】紀要香臺關在延津縣北地名沙門鎮

【新鄭】今縣治

【後魏廢】今新鄭縣北漢縣按晉志無新鄭故元和志謂晉省水經注洧水又東逕新鄭縣榮陽郡北齊省按宋志無新鄭縣亦無榮陽郡其地晉末已為魏有不意樂氏有此嚙語【開皇十六年復】元和志屬鄭州【大業初併苑陵縣入焉】今新鄭縣東北地形志二漢屬河南晉屬榮陽天平初屬廣武郡按寰宇記云大業末省【有關官有大隗山】今新鄭縣西南四十里水經注作具茨山山海經大隗之山其陰多鐵說文渙水出密縣大隗山入潁

【榮陽】今縣治漢縣在今榮澤縣西南十七里寰宇記後魏太和十七年移於今所
【舊置榮陽郡】三國魏置尋罷晉復置【後齊省卷京二縣入】卷縣在今原武縣西北漢置地形志真君八年省太和十一年復寰宇記高齊天保七年省故城在今原武縣西北七里周迴約十里京縣在今榮陽縣東南二十里地形志京縣屬榮陽郡寰宇記謂後魏省誤【改曰成臯郡】地形志天平元年分榮陽置成臯郡領西成臯鞏二縣在今汜水縣西北或後齊移此也按隋龍藏寺碑陰題銜有城罕郡承崔

充禮與續漢志同古書臯罕互用又武定八年太公邵望表碑陰有故板授城高太守尙道是又以高為臯也【開皇初郡廢有京索水】元和志京水出榮陽縣南平地索水出縣南三十里小徑山按水經濟水注索水出京縣西南嵩渚山別無京水之目蓋以其出京縣故謂之京索【梧桐澗】水經濟水注梧桐澗水出西南梧桐谷東北流注於索水
【開封】今祥符縣南五十里漢縣寰宇記高齊天保七年廢隋開皇六年復置屬鄭州
【東魏置郡】地形志天平元年置開封郡【後齊廢】元和志高齊天保七年廢按北齊書楊愔傳天保十年封開封王則七年廢郡之說恐誤

【梁郡】

【開皇十六年置宋州】輿地廣記元魏為梁郡後周置梁州元和志隋開皇初郡廢十六年置宋州大業三年改宋州為梁郡
【統縣十三戶十五萬五千四百七十七】
【宋城】今商邱縣南

【舊曰睢陽】秦置【置梁郡】秦碭郡漢改

梁國三國魏改國為郡晉改為國宋復為郡通鑑陳太建十二年周尉遲迥舉兵迥所署大將軍檀讓屯兵梁郡【開皇初郡廢十八年縣改名焉大業初又置郡又梁置北新安郡】疑地形志鄆州香山郡之北新安縣即梁之北新安郡也【尋廢】
【雍丘】今杞縣治漢縣

【後魏置陽夏郡】地形志孝昌四年置【開皇初郡廢十六年置杞州】寰宇記作十七年按寰宇記襄邑縣下云隋置杞州於杞縣襄邑復焉詳其文義似謂襄邑復於置杞州之年考此志及元和志俱謂開皇十六年復襄邑縣則寰宇記七字為六字之誤【大業初州廢】寰宇記大業三年廢州

【襄邑】今睢州西一里

【後齊廢】秦置元和志高齊文宣帝省入雍丘【開皇十六年復】

【寧陵】今縣南

【後齊廢】漢置【開皇十六年復】元和志屬亳州十六年割屬宋州輿地廣記作十六年復

【虞城】今縣西南三里

【後魏曰蕭】地形志延昌中置【後齊廢開皇十六年置改名焉】元和志開皇十六年分下邑置虞城縣屬宋州【又後魏置沛郡】地形志延昌中置按有汴州地形志蕭衍置魏因之治汴城考異云此州未省所在州領沛 汲古

閣本作汴臨淮二郡沛郡領蕭穎川相三縣考隋志梁郡虞城縣後魏曰蕭後齊廢又後魏置沛郡後齊廢疑即梁時所置汴州也【後齊廢】

【穀熟】今商邱縣東南四十里

【後魏廢】後漢置屬梁國【開皇十六年復】

元和志屬宋州

【陳留】今縣治

【後魏廢】秦置按晉志已無陳留縣故寰宇記謂晉廢當是也志云後魏廢豈晉志有遺脫

與寰宇記又謂後魏復置則非考地形志有三
陳留縣一屬潁州汝陰弋陽二郡一屬潁州北
陳潁州二郡一屬南建州陳留郡俱非此地唯
梁州有陳留郡在今祥符縣西北與此地相近
然是郡非縣【開皇六年復】元和志云開皇
三年分浚儀縣置陳留縣屬汴州輿地廣記又
作十六年【十六年析置新里縣】在今祥符
縣西南寰宇記在開封縣東三十里開皇十六
年分浚儀縣置因新里爲名【大業初廢入焉】
寰宇記大業二年廢紀要隋末復置【又有小
黃縣】今陳留縣東北漢縣地形志真君八年
省太和中復【後齊廢入有睢水】漢志浚儀
下睢水首受蕘蕘渠東至取慮入泗水經注睢
水出陳留縣西狼湯渠【渙水】水經淮水注
渙水首受蕘蕘渠于開封縣東南流逕陳留北
【下邑】今夏邑縣治按漢晉宋之下邑在今碭
山縣東寰宇記後魏孝昌二年置碭郡于下邑
城移下邑縣于此即古之栗城也而志載魏之
下邑于鄆縣云後齊廢然考之通鑑陳太建十
二年周尉遲迥舉兵席毗羅攻陷昌慮下邑則
此非隋始置然則後齊廢碭山之下邑而徙置
於此也

【後齊廢己吾縣入焉】今寧陵縣西南四十
里後漢縣晉廢後魏復置

【考城】今縣東南

【後魏曰考陽】地形志考陽誤也按本漢
留縣後漢改考城後魏孝昌中復改【置北梁
郡】地形志北梁郡屬南兗州當亦孝昌中置

【後齊郡縣並廢爲城安縣】元和志高齊天
保七年省考城縣仍移成安縣理此按地形志
北梁郡治城安縣孝昌中置【開皇十八年以
重名改曰考城】按冀州魏郡有成安

【楚丘】今曹縣東南蓋取衛地爲名

【後魏曰己氏】本漢縣宋廢魏復置屬沛郡

【置北譙郡】按後魏揚州楚州均有北譙郡

皆在今安徽鳳陽府境非此地唯南兗州之譙

郡在今商邱西北與此頗近然所領蒙寧陵

三縣無己氏縣寰宇記魏改己氏爲譙郡與此

志亦不同【後齊郡縣並廢開皇四年又置己

氏】元和志作五年云屬曹州【六年改曰楚

丘】

【碭山】今縣東秦立碭郡漢改碭縣

【後魏置曰安陽】今碭山縣東北二十五里

地形志孝昌二年置屬碭郡元和志高齊屬彭

城郡【開皇十八年改名焉】元和志大業二

年屬宋州【有碭山】今碭山縣東南七十里

應劭漢志注曰碭縣有碭山山在東出文石明

一統志漢高帝微時嘗隱於山上有雲氣呂后

與人俱求得之即此【魚山】

【圍城】今杞縣南五十里水經渠水注魯溝水

又東南逕圍縣故城北無城字

【舊曰圍】漢縣地形志作圍城屬陽夏郡【後

齊廢開皇六年復置曰圍城有谷水】水經陰

溝水注谷水首受渙水于襄邑縣又東逕賴鄉

城南入過水

【柘城】今縣北

【舊曰柘】漢縣元和志秦爲柘城縣【久廢】
晉廢【開皇十八年置曰柘城】

【譙郡】本漢譙縣屬沛郡晉爲譙郡後魏曰南
譙郡

【後魏置南兗州】地形志正光中置治譙城

紀要云在正始四年作正光誤也梁書武紀中

大通四年正月癸未魏南兗州刺史劉世明以

城降改魏南兗州爲譙州元樹傳中大通四年

攻魏譙城拔之會魏將獨孤如願來援城陷一

統志魏復改爲南兗州【後周置總管府】周紀

建德六年二月平齊於南兗州置總管府【後

改曰亳州】元和志周武帝改考周書宣帝紀

州之改實在宣帝時【開皇元年府廢】元和

志大業三年以亳州爲譙郡

按有永城縣即今永城縣治元和志隋大業六

年於馬甫城東北三里割彭城睢陽置永城縣

屬譙郡寰宇記云大業十二年爲賊房憲伯所

破因廢

【統縣六戶七萬四千八百一十七】

【譙】今亳州治漢縣按水經注渦水又東逕譙

縣故城北魏立譙郡沈州治則山桑下之譙郡

常係於此

【舊曰小黃】地形志劉裕置【置陳留郡】

宋志晉咸康四年置按晉僑置非漢之郡縣也

輿地廣記後周置小黃縣及陳留郡蓋自是爲

實土【開皇初郡廢十六年分置梅城縣】寰宇

記故梅城在譙縣南四十里古梅伯國也【大

業三年改小黃爲譙縣】元和志寰宇記輿地

廣記作二年【併梅城入焉】

【鄴】今永城縣西南

【舊廢】秦縣宋廢梁書馮道根傳廣平鄴人此江左僑立于襄陽者非此地也【開皇十六年復】元和志屬沛郡【舊有馬頭郡】地形志司馬德宗置魏因之正光中陷天平中復置治建平城【後魏又置下邑縣】地形志孝昌元年置臨渙郡縣屬與中罷郡屬馬頭郡按各地志並謂梁郡之下邑即魏所置志又載于此未詳孰是【後齊並廢】輿地廣記後齊廢馬頭郡為鎮

【城父】今亳州東南七十九里前漢縣屬沛郡後漢屬汝南晉屬譙郡

【宋置曰浚儀】宋蓋以浚儀僑置于此屬陳留郡【開皇十八年改焉】元和志以重名改按志榮陽郡下有浚儀新唐志城父王世充置成州按有樂城縣寰宇記藥城在城父縣南七十里梁陳之際以為縣

【谷陽】今鹿邑縣東十里水經注過水又東北至賴鄉西谷水注之縣蓋以水得名

【後齊省】本楚苦縣晉改谷陽元和志高齊省入武平縣【開皇六年復】

【山桑】今蒙城縣治漢縣在蒙城北宋齊徙全椒縣西北

【後魏置渦州】按地形志無渦州據水經注為太和中置後罷州改郡地形志景明中置渦陽郡元和志後魏孝文帝置渦州理山桑城【渦陽縣】地形志渦陽武定六年置元和志亦謂

地復入魏改譙縣為渦陽則渦陽置於東魏考梁書武紀大通元年十月庚戌魏東豫州刺史元慶和以渦陽內附則未入梁之先已為渦陽

地形志但據復置時為說也【又置譙郡】譙郡不在此嘗云後又改州為渦陽郡【梁改渦州曰西徐州】梁紀大通元年以渦陽置西徐州又陳慶之傳渦陽城主王緯先降詔以渦陽之地置西徐州【東魏改曰譙州】地形志武定七年置譙州陳紀太建五年十二月乙未齊譙城降【開皇初郡廢十六年改渦陽為肥水】元和志作淝【大業初州廢改縣曰山桑】元和志寰宇記俱謂唐武德四年始立山桑縣與志異【又梁置北新安郡東魏改置蒙郡】按

地形志蒙郡蕭衍置魏因之方輿紀要則云梁置北新安郡又改為蒙郡【後齊廢郡置蒙縣】故城在今蒙城縣西北三里漢縣一統志東晉僑置於此按地形志蒙縣為蒙郡治則縣非後齊置輿地廣記後廢為鎮【後又置郡開皇初郡廢又梁置陽夏郡】蓋取漢陽夏縣舊名立郡【東魏廢】

【臨渙】今宿州西南九十里寰宇記梁普通六年置臨渙郡仍置下邑縣以隸焉後魏改置渙北縣北齊改渙北為臨渙屬譙郡又云古臨渙縣城在臨渙縣西北三十五里大業十年移縣於此

【後魏置臨渙郡】地形志屬譙州蕭衍置魏因之領白禪丹城渙北三縣元和志梁普通中克銓城置臨渙郡以臨渙水為名志云後魏置

誤【又別置丹城縣】今宿州西南地形志縣治費城【東魏析置白禪縣】地形志作禪是今宿州西南七十里【後齊郡廢開皇元年丹城省大業初白禪又省並入焉有稽山】按當作稽元和志稽山在臨渙縣西三十里晉嵇康家於銓嵇山之下因改姓嵇氏【龍岡】按寰宇記云廢龍山城在臨渙縣西四十五里北齊武平四年置隋開皇九年廢入臨渙縣名勝志龍山城即龍岡

【濟陰郡】漢郡治在定陶縣西北

【後魏置西兗州】地形志孝昌三年置治定陶城後徙左城按左城在今曹縣西北六十里通鑑陳太建元年齊以元文遙為西兗州刺史錢氏考異云按魏初置兗州於滑臺其後齊竟內附因稱滑臺為西兗太和中始罷此西兗乃孝昌中所置也【後周改曰曹州】元和志周武帝改西兗州為曹州取曹國為名也大業三年改為濟陰郡按周書竇熾傳子恭從高祖平齊除西兗州總管則西兗州未改之先周嘗置總管府

【統縣九戶十四萬九百四十八】

【濟陰】今曹縣西北六十里元和志開皇六年置縣屬曹州寰宇記作十六年恐誤輿地廣記謂後魏分定陶置濟陰縣按後魏無濟陰縣此為濟陰郡治耳水經注濟水東北逕定陶恭皇陵南濱南魏郡治也世謂之左城然則魏州郡同治左城

【後魏置沛郡】地形志與和二年置治孝昌

城按在曹縣西四十里【後齊廢又開皇六年分置黃縣】今曹縣西十里【十八年改爲蒙澤大業初廢入焉】按後魏濟陰郡治左城即隋之濟陰縣此當云後魏置濟陰郡開皇初廢六年置濟陰縣大業三年復置郡又有後魏沛郡云云方合志不言置濟陰郡縣但云開皇六年分置黃縣若濟陰與沛郡同置者此廣記所由致誤況濟陰本非沛郡治也

【外黃】今杞縣東六十里秦縣後魏廢一統志後齊復置

【後齊廢成安縣入】按西漢成安縣在今杞縣東後漢即廢地形志無成安縣【又開皇十八年置首城縣大業初廢入焉】

【濟陽】今曹縣西南五十里漢縣後魏屬陽夏郡

【成武】今縣治漢縣即今治後魏移治郟城隋還舊治通鑑陳太建十二年檀讓以餘衆屯成武周于仲文擊破之遂拔成武

【後齊置永昌郡】隋書于仲文傳尉遲迥所署曹州刺史李仲康屯城武別將高士儒屯永昌蓋是時成武猶治郟城而永昌郡治故成武城也【開皇初郡廢十六年置戴州】北史隋文帝紀開皇十八年宋陳毫曹戴穎等州水【大業初州廢】元和志成武縣隋於此置戴州大業二年廢州

【冤句】今荷澤縣西南寰宇記漢初屬梁國景帝時屬濟陰後漢及晉同宋無冤句縣後魏復置屬郡不改開皇三年罷郡以縣屬曹州

【乘氏】今荷澤縣治漢縣在鉅野西南五十七里寰宇記荷澤縣下後魏太和十二年於今理置乘氏縣取漢縣爲名地形志屬濟陰郡北齊書皮景和傳鄭子饒破乘氏縣元和志大業末年廢

【定陶】今縣西北四里漢縣自漢至後魏並屬濟陰郡寰宇記大業十三年大亂爲賊帥孟海公所陷遂廢按開皇三年所置濟陰縣即析定陶地也

【單父】今單縣治漢縣宋廢

【後魏曰離狐】寰宇記漢離狐縣在單縣西北三十里後魏移於南華縣理按南華在東明東南是以隋廢後魏離狐晉亂置郡治然則東晉移【置北濟陰郡】宋志孝建元年昇立地形志北濟陰郡治單父城【後齊郡縣並廢開皇六年更置名單父】寰宇記開皇十六年屬戴州大業二年屬曹州舊唐志單父隋於縣置戴州大業廢按戴州置於成武非單父也

【金鄉】今縣治元和志本漢東緡縣後漢於今兗州任城縣西南七十五里置金鄉縣蓋因穿山得金故曰金鄉屬山陽郡按宋及後魏屬高平郡通鑑陳太建十二年周于仲文擊尉遲迥將席毗羅取金鄉

【開皇十六年分置昌邑縣】今金鄉縣西北四十里本漢縣宋廢寰宇記高齊天保七年廢按宋志魏志均無昌邑非齊省也【大業初併入】

【襄城郡】

【東魏置北荊州】地形志武定二年置按東魏北荊州在陸渾不得在此志已載入【後周改曰和州】此亦誤見陸渾縣下【開皇初改爲伊州】寰宇記開皇四年自陸渾縣界移伊州置於此以伊水所經爲名尋又移於今陸渾縣東北置【大業初改曰汝州】元和志大業二年改寰宇記煬帝初改爲汝州以汝水爲名三年廢以其地入襄城潁川二郡

【統縣八戶十萬五千九百一十七】

【承休】今汝州治

【舊曰汝原】地形志作南汝原【置汝北郡】地形志孝昌三年立治陽仁城天平二年罷武定元年復移治梁雀塢【後改曰汝陰郡】一統志後齊改汝北郡曰汝陰按元和志梁縣下云高齊於此置汝北郡以備周寇故城在今縣南亦名王塢城據此則齊仍曰汝北改汝陰或在齊末【後周郡廢大業初改縣曰承休】漢縣曰周承休後漢廢在汝州東二十六里寰宇記取漢舊承休爲名【置襄城郡有黃水】元和志黃陂在梁縣東二十五里南北七里東西十里隋朝修築有灌溉之利隋末廢壞水經汝水注黃水出梁山東南逕周承休縣故城東爲承休水又東南逕白茅臺東又南逕梁雀鄉西水積爲陂謂之黃陂東轉逕其城南東流右合汝水

【梁】今汝州西四十里漢縣寰宇記漢舊縣理在汝水之南俗謂之治城後魏於此置治城縣高齊省入梁縣隋大業二年改爲承休屬汝州

按此志承休梁二縣並立當是治城并入梁而承休自爲汝原所改非以梁改也水經汝水注霍陽山水又逕梁城西俗謂之治城非也以北有注城故也今置治城縣治霍陽山

【舊置汝北郡後齊廢】已見上承休縣下據元和志則當移上文於此【有濫泉】寰宇記梁縣下載有温湯云在縣西四十里紀要梁縣西南六十里有温湯可以熟米一名黃女湯隋煬帝於此置温泉頓又水經汝水注廣城澤水東南流逕温泉南與温泉水合以地望準之亦在梁縣境也此濫字或温字之誤
按後魏治城縣在今汝州西十五里寰宇記高齊省入梁縣

【郟城】今郟縣治

【舊曰龍山】今郟縣東南地形志太和十七年置屬睢陽郡水經汝水注白溝水又南逕龍城西魏青龍元有龍見于郟之摩陂【東魏置順陽郡】地形志順陽郡太和中立則非東魏置【及南陽郡】錢氏曰此廣州僑置之順陽南陽非荊州之順陽南陽也【南陽縣】今郟縣西北【開皇初改龍山曰汝南三年二郡並廢十八年改汝南曰輔城】按漢潁川郡有父城縣晉屬襄城郡此輔城即因父城名音相近【南陽曰期城】水經汝水注承休水又南逕梁雀鄉西世謂之期城非也此期城當因舊名【大業初改輔城曰郟城】按漢郟縣即今郟縣治後魏曰郟城寰宇記北齊省隋移輔城縣西北五里隸汝州大業四年改輔城爲郟城

縣移就今理元和志云大業二年移城父縣於今郟城縣西北五里四年改城父縣爲郟城縣據此則輔城即父城而元和志作城父者後漢書馮異傳章懷注郟城縣有父城亦或謂之城父左傳楚大城城父以居太子建是也【廢期城入焉有關官有大留山】水經汝水注扈澗水北出大劉山蓋傳刻之異

【陽翟】今禹州治漢縣

【東魏置陽翟郡】地形志陽翟郡興和元年立領黃臺陽翟二縣【開皇初郡廢有鈞臺】今禹州城北門外左傳夏啓有鈞臺之享寰宇記引晉地道記鈞臺下有陂俗謂之鈞臺陂水經潁水注陽翟縣南有鈞臺其水又東南流積爲陂陂方十里俗謂之鈞臺陂【有九山祠】地形志陽翟有九山祠水經潁水注陽翟城西水側有九山祠碑

按有康城縣在今禹州西北三十里地形志孝昌中置爲陽城郡治一統志仁壽中廢入陽翟

【汝源】無考當在今汝寧府境

【汝南】今寶豐縣北二十里地形志太和十八年置元和志北齊天保七年廢隋開皇十八年復置大業末廢按董穆墓志大業六年襄城郡有汝南縣

【有後魏汝南郡】地形志廣州汝南郡永安元年置治符壘城錢氏考異此僑置之汝南【及符壘縣】今寶豐縣西北地形志太和中置【並後齊廢】

【魯】今魯山縣治本漢魯陽縣元和志後魏太

和二十二年改爲北山縣周改爲魯山縣按地形志作山北云太和十一年置興元和志異水經汝水注桓水出魯陽北山則作北山是

【後魏置荊州尋廢立魯陽郡】地形志太和十一年置魯陽鎮十八年改爲荊州二十二年罷荊州置魯陽郡按此于魏書無可考孝文紀太和十八年二十二年所云荊州皆指穰城言也地形志荊州初治上洛太和中移穰城不云中間有治魯陽事亦可疑【後置魯州】此誤也魯陽爲魏齊重鎮史亦不見魯州之名按周嘗於東平郡置魯州洪頤煊云兩地相近不應同時同名錢氏考異以此爲廣州之誤是也地形志廣州永安中置治魯陽武定中陷徙治襄城按魏書太和二十年廣州刺史薛法護南叛時州治魯陽是廣州已置于太和以前至永安中復置也今按廣州魏齊間爲最著之州志不應失之然亦當分載於襄城縣下蓋東魏州已徙也余疑後周所置之汝州在此志當云後置廣州周改汝州方合互詳襄城下

【開皇初郡廢大業初州廢】寰宇記隋末王世充據有鞏洛於魯山縣立魯州【有關官】紀要魯陽關在魯山縣西南九十里一名鴉路鎮自昔戍守要地也【有和山】紀要太和山在伊陽縣西南汝水經其下山有太和谷【大義山】疑即大孟山之誤

按有滎陽縣北史樂運傳遂左遷運爲廣州滎陽令考異云廣州治魯陽而隋志無滎陽之名

【雙城】今寶豐縣南三十里本漢雙縣

【舊曰雒陽】紀要雙縣後魏改爲翼陽縣西魏爲雒陽縣一統志後魏末置【開皇十八年改曰湛水】水經注湛水出雙縣北又東于汝水九曲北東入汝此縣蓋因水名也【大業初改名焉又有後周武山郡】隋書郭衍傳周時封武山郡公【開皇初廢後魏置南陽縣】今郟縣西北地形志南陽縣屬廣州南陽郡【河山縣】今南陽府葉縣西北十里地形志太和二十一年置屬廣州魯陽郡【大業初並廢入焉有應山】水經潢水注橋水出魯陽縣北恃山東南逕應山北

【潁川郡】漢郡在今禹州治晉郡南齊郡在許州東北宋豫州郡北魏豫州郡在鄆城縣東北魏鄭州郡也

【舊置潁州東魏改曰鄭州】地形志天平初置潁州治長葛城武定七年改鄭州治潁陰城元和志東魏高澄就古潁陰城改置南鄭州【後周改曰許州】寰宇記周大定元年改南鄭州爲許州治長社隋初不改大業初州廢元和志隋仁壽元年改南鄭州爲許州與志異按周書盧光傳隋開皇三年卒贈許州刺史則元和志誤

【統縣十四戶十九萬五千六百四十】

【潁川】今許州治

【舊曰長社】漢縣在今長葛縣西一里武定七年徙治潁陰城【置潁川郡】漢郡地形志武定七年移治潁陰縣【後齊廢潁陰縣入】漢縣一統志後齊改潁陰爲長社【開皇初廢

郡改縣焉】元和志隋文帝廢郡以縣屬汴州大業三年改爲潁川縣與志異寰宇記亦云大業三年改長社爲潁川【又東魏置黃臺縣】今禹州東北寰宇記陽翟下云黃臺在縣東北四里東魏天平二年置縣屬陽翟郡按地形志云興和元年置【大業初廢入焉】一統志大業初以黃臺入陽翟與志異【置郡】

【襄城】今縣治秦縣

【舊置襄城郡】地形志豫州襄城郡晉武帝置治襄城廣州襄城郡亦云晉置知亦寄治襄城也【後周置汝州開皇初郡廢大業初州廢】按魏之廣州武定中自魯陽徙此魏志有明文周書郭賢傳東魏以韋默兒爲義州刺史鎮父城郭賢攻默兒據之轉廣州刺史是西魏有廣州也又周書閻慶傳隋開皇二年薨贈司空荆譙等七州諸軍事荊州刺史中有廣州是隋初未廢也不應周有置汝州於此事因知此汝州常係於魯縣下互詳前魯縣後西平縣下【有澗水】紀要小澗水在臨潁縣西南以鄆城南有大澗水也水經潁水注潁水自臨潁縣西注小澗水出焉

【汝墳】今葉縣治本漢昆陽縣一統志後齊改置汝墳縣

【後齊置漢廣郡】按地形志廣州漢廣郡永安中置非後齊始置也周書郭賢傳東魏遺蠻會魯和爲漢廣郡守【尋廢】紀要云隋廢【有首山】

【葉】今縣南三十里漢縣即今葉縣治宋省後

魏徙置屬南安郡

【後齊置襄州】地形志襄州孝昌中置則非置於後齊然不云治何所所領襄城郡治緒陽城在今裕州東六里一統志齊移襄州置葉縣【後周廢襄州置南襄城郡開皇初郡廢又東魏置定南郡】按地形志無此郡錢氏考異云疑卽地形志襄州之南安郡【後周廢爲定南縣】今葉縣東南按地形志南安郡所領有南定縣當卽此但未知誰爲倒文耳【大業初省入】

【北舞】今舞陽縣北十五里後魏曰北舞陽皇興元年置一統志隋更名

【舊置定陵郡】地形志永安中置【開皇初廢有百尺溝】今舞陽縣東北水經汝水注汝水逕定陵城北右則潢水入左則百尺溝出焉溝水夾岸層崇亦謂之爲百尺隄也

【鄆城】今縣南

【開皇初置】元和志開皇五年於臨潁廢郡城中置縣屬許州按漢鄆縣廢於東晉水經注汝水東南流逕鄆縣故城北是也寰宇記謂開皇三年與臨潁郡同廢五年又于郡城中置縣【十六年置道州大業初州廢又後魏置潁川郡】此後魏豫州之潁川郡太和六年置【後齊改爲臨潁郡】寰宇記鄆城下云北齊天保七年於今縣置臨潁郡志不當別出隋紀周大象二年以二十郡爲隋國中有豫州之臨潁【開皇初郡廢又有邵陵縣】今鄆城縣東三十里按南漢志作召屬汝南郡晉宋齊志及地形志

作邵屬潁川郡【大業初廢有澗水】水經汝水注汝水東南逕奇頴城西北澗水出焉世亦謂之大澗水紀要大澗水在郟城南以潁潁有小澗水也自裕州葉縣境流入至陳州商水縣而入於潁

【繁昌】今臨潁縣西北三十里元和志魏文帝行至繁陽亭築壇受禪因置繁昌縣晉屬襄城郡後魏因之

【臨潁】今縣治漢縣漢以後並屬潁川郡舊在縣西北十五里元和志隋開皇三年屬許州大業四年自故城移於今理隋書劉曠傳開皇中遷為臨潁令清名善政為天下第一

【尉氏】今縣治

【後齊省】地形志尉氏二漢屬陳留與安初併宛陵太安二年復天平元年屬開封郡元和志高齊省以地入開封【開皇六年復】元和志屬汴州寰宇記開皇三年縣屬汴州不書高齊廢縣事又云開皇十六年屬洧州

【長葛】今縣治本春秋鄭之長葛邑漢為長社縣地水經注魏潁川郡治

【開皇六年置】元和志長箱城東魏武定五年清河王高岳率衆圍西魏將王思政於潁川因築此城初以車箱為樓因名長箱城開皇六年於此立長葛縣屬許州按蓋取鄭長葛邑為名

【許昌】今許州東北本漢許縣魏文帝改即許都東魏為許昌郡治元和志隋文帝時屬洧州大業二年屬許州案志下鄆陵縣東魏置許昌

郡開皇初郡廢當係於此

【灑強】今臨潁縣東本二漢縣屬汝南晉志地形志無此縣水經潁水經注皆載灑強縣不云故城未知晉魏果廢否

【開皇十六年置曰陶城】水經注潁水又西南流逕陶城西隋蓋因舊名也【大業初改焉】上文不云久廢若自隋大業始改置者誤也

【扶溝】今縣治地形志前漢屬淮陽後漢屬陳留真君七年併長平後屬許昌郡元和志高齊文宣帝自今扶溝縣北移於今理又寰宇記云古扶溝城在扶溝縣東北二十里

【臨潁】今縣治按漢志作偽續漢志晉志與志同地形志作鄆

【東魏置許昌郡】地形志天平元年分潁川置按此當係於許昌縣下【後齊廢縣】漢置偽陵縣元和志高齊文宣帝廢鄆陵以其地入許昌縣【開皇初郡廢七年復臨潁縣】元和志開皇三年復置屬許州【十六年置洧州】蓋開皇初廢西平之洧州故復置于此水經注洧水又東逕鄆陵縣故城南州亦因水名【大業初州廢】元和志大業二年州廢縣屬許州

【又開皇十六年置蔡陵縣】寰宇記廢蔡陵縣城在尉氏縣西南三十里隋開皇十六年分長葛許昌鄆陵三縣置【至是省入焉】志例云至是者指大業初言寰宇記大業二年復蔡陵恐誤

【汝南郡】

【後魏置豫州】地形志劉義隆置司州治懸瓠

城皇興中改豫州通鑑梁太清元年七月庚申羊鴉仁入懸瓠城甲子詔以懸瓠為豫州【東魏置行臺】梁書侯景傳魏以為司徒南道行臺專制河南通鑑中大同元年六月庚子東魏以司徒侯景為河南大將軍大行臺【後周置總管府】周紀建德六年二月平齊於豫州置總管府【後改曰舒州】元和志周大象二年改寰宇記以地勢平舒為名【尋復曰豫州】元和志隋文帝改舒州為豫州移入懸瓠城今蔡州理是也【及改洛州為豫州此為濇州】按隋紀大業元年正月改豫州為濇州元和志隋仁壽四年改舒州為濇州寰宇記取城南濇水為名【又改曰蔡州】元和志隋大業二年改蔡州三年罷州為汝南郡寰宇記以古國名之也

【統縣十一戶十五萬二千七百八十五】

【汝陽】今縣治

【舊曰上蔡】漢縣在今上蔡縣西十里一統志後魏徙置於此【置汝南郡】地形志豫州汝南郡上蔡州郡治隋書文帝紀周大象二年以二十郡為隋國中有豫州之汝南【開皇初郡廢大業初置郡改縣曰汝陽】寰宇記開皇十七年於上蔡縣東北置汝陽縣與志先後不同【并廢保城縣入焉】今汝陽縣南三十里地形志保城縣劉駿置而宋志無保城縣【有鴻鄆陂】今汝陽東十里元和志漢成帝時陂

盜為害翟方進為丞相以為決去陂水其地肥美省隄防之費遂奏罷之王莽時嘗枯旱郡人

追怨方進建武中太守鄧晨使許陽令復鴻
郟陂因高下形勢起塘四百餘里數年乃立今
廢

按梁有平春縣地形志屬城陽郡云蕭衍置又
有皎城縣地形志蕭衍置又有淮陰縣地形志
蕭衍置並在今汝寧府境

【城陽】今信陽州東北

【舊廢】西漢縣東漢廢【梁置】地形志屬

作城郡【又有義興縣】地形志城陽郡義興
縣蕭衍置魏因之【後魏置城陽郡】地形志

蕭衍置魏因之非後魏置也【梁置楚州】地形

志西楚州蕭衍置治楚城梁書羊鴉仁傳都督
南北司豫楚四州諸軍事南北史補志謂梁武

立西楚州增西字非是【東魏置】當作曰【西
楚州】北齊書文宣紀武定八年正月梁楚州

刺史宋安顧以州內屬蓋梁時本無西字至東
魏始加西字以其時於鍾離置楚州也【後齊

曰永州】周書權景宣傳保定四年別討河南
齊永州刺史蕭世怡以城降卽此永州也隋書

韓擒虎傳周武帝時拜永州刺史亦卽此【開
皇九年廢入純州十八年改義興爲純義大業

初州縣并廢入焉又梁置伍城郡】地形志作
作城云蕭衍置魏因之錢氏考異云伍與午古

字通【後齊廢有十丈山大木山】今信陽州
南七里水經淮水注山卽晉車騎將軍祖逖自

陳留將家避亂所居也紀要後人以逖字名曰
士雅山

【真陽】今正陽縣北四十里本漢慎陽縣

【舊曰郟州】地形志郟州永安三年置錢氏
考異云魏以梁之司州爲郟州治義陽孝昌末
郟州復入於梁乃僑立郟州於此【東魏廢州

置義陽郡】地形志天平四年罷州置義陽郡
【後齊廢郡入保城縣】元和志後魏改漢慎陽

縣爲真陽高齊改爲保城縣按後魏城陽郡有
真陽縣汝南郡有保城縣非以真陽改也【開

皇十一年廢縣】蓋廢魏之真陽縣也【十六
年置縣曰真丘大業初改曰真陽】元和志大

業二年【又有白狗縣】紀要云北齊縣寰宇
記白狗城在真陽縣西南七十里【梁置淮州】

地形志西淮州蕭衍置魏因之治豫州界白苟
堆錢氏考異云淮陰有淮州故此加西字【後

齊廢州以置齊興郡郡尋廢開皇初改縣曰淮
川至是亦省入焉又有後魏安陽縣】今正陽

縣西南漢縣東魏屬義陽郡【後廢】一統志
隋廢【有汝水】今正陽縣北三十里

【新息】今息縣治漢縣一統志宋改曰南新息
後齊復故

【後魏置東豫州】地形志太和十九年置魏書
田益宗傳太和十九年於新蔡立東豫州以益

宗爲刺史又張普惠傳亦除東豫州刺史【梁
改曰西豫州又改曰淮州】南北史補志大通

元年立西豫州太清元年改曰淮州治白狗堆
此因梁之西豫州在新息而改淮州則移治白

苟堆故志兩書之與【東魏復曰東豫州後州
改曰息州大業初州廢】寰宇記周宣政元年
置息州隋大業二年廢按周息州所領有建安

郡隋書文帝紀周大象二年以二十郡爲隋國
中有息州之建安志不載又二十郡中有息州
之新蔡今考志後新蔡縣下後魏之新蔡郡已

廢於後齊而志揚州弋陽郡定城縣下殷城縣
下固始縣下俱有新蔡郡未知所指何屬【又

後魏置汝南郡】漢郡後魏移置【開皇初郡廢
又梁置濱州】漢志慎陽下師古注曰慎字本

作慎音真後誤爲慎耳闕闕曰永平五年失印
更刻遂誤以水爲心然則梁蓋從闕闕說【尋

廢又梁置北光城郡東魏廢又有北新息縣】
今息縣東南宋置【後齊廢】

【褒信】今息縣東北七十里郡國志褒信屬汝
南元和志本漢之鄆縣以西漢言也

【宋改曰包信】宋志作苞信地形志亦作苞
信周書王勇傳進封苞信公【大業初改復舊

焉】元和志大業二年【又梁置梁安郡】南
北史補志載此郡領黎縣未知何據【開皇初

廢又有長陵郡】地形志蕭衍置【後齊廢爲
縣】按地形志長陵郡所領有長陵縣在今息

縣東八十里云蕭衍置又有安陵縣在今固始
縣西北地形志蕭衍置屬長陵郡【大業初又

省縣焉】

【上蔡】今縣治漢縣在縣西十里

【後魏置曰臨汝】今上蔡縣西十里屬汝南
郡按魏汝南郡亦有上蔡縣今汝陽縣治【後
齊廢開皇中置曰武津大業初改名焉】按元
和志云後齊廢臨汝縣隋開皇十二年移於今
理爲上蔡縣似隋初置卽名上蔡與志異

【平輿】今汝陽縣東南六十里

【舊廢】漢縣元和志高齊廢「大業初改新蔡」此蓋改魏新蔡郡之新蔡也一統志謂漢魏之新蔡皆在新蔡縣治據水經經注新蔡有故城則當以志為正見下「置焉」元和志大業二年重置十三年隋王世充置輿州管平輿

一縣寰宇記今新蔡縣西九十里有故城即隋之縣也【有葛陂】今新蔡縣西北元和志葛陂周迴三十里在平輿縣東北四十里水經汝水注陂方數十里水物含靈多所苞育昔費長房投杖于陂而龍變所在也

【新蔡】今縣治漢縣水經汝水注瀘水自葛陂東南逕新蔡縣故城東則縣有移徙

【齊置北新蔡郡】南齊志有北新蔡郡陳書魯廣達傳梁末除北新蔡太守是梁亦稱北新蔡也【魏曰新蔡郡】地形志豫州新蔡郡晉立孝昌中陷後復治石母臺領新蔡嗣陽固始三縣【東魏置終蔡州】錢氏考異終字衍文是也南北史補志終改東按地形志蔡州治嗣陽新蔡城即此地蓋東魏於新蔡郡增置蔡州不復屬豫州非別有蔡州而以此稱東也【後齊廢州置廣寧郡】隋文帝紀周大象二年以二十郡為隋國中有豫州之廣寧是周屬豫州也【開皇初郡廢十六年置舒州】元和志領廣陵縣【及舒縣】今新蔡縣東【廣寧縣】

一統志開皇十六年改新蔡縣置廣寧縣【仁壽元年改廣寧曰汝北】元和志寰宇記俱作二年【大業初州廢改汝北曰新蔡】元和志

大業二年改【又後齊置永康縣】今新蔡縣東南【後改名曰瀘水】一統志後周改說文瀘水出汝南上蔡黑間澗入汝水經汝水又東南左會瀘水云云縣蓋因水名【至是及舒縣並廢入焉】

【朗山】今確山縣治

【舊曰安昌】今確山縣西三十五里元和志後魏真君二年於朗陵故城置【置初安郡】地形志延興二年置孝昌中陷隋書文帝紀周大象二年以二十郡為隋國中有豫州之初安【開皇初郡】各本俱脫此四字今補【廢十八年縣改名焉】元和志朗山下云隋開皇三年移安昌縣於今理十六年改為朗山寰宇記亦作十六年【又梁置陳州】補梁疆域志南北史補志並失此州按梁于潁陽置陳州此復有陳州梁時兩州並立者甚多也【後魏廢又齊置荊州尋廢後周又置威州後又廢】蓋省入豫州也

【吳房】今遂平縣西四十里

【故曰遂寧】地形志屬襄城郡【後齊省綏義縣入焉】今遂平縣北地形志作綏綏屬襄城郡【大業初改曰吳房】元和志隋改遂寧為灑陽縣大業二年改為吳房縣

【西平】今縣西四十五里漢縣寰宇記大業末廢

【後魏置襄城郡】按此誤也地形志豫州襄城郡晉置治襄城廣州之襄城亦云晉置知寄治襄城無移徙西平之說西平後魏屬豫州之

汝南地形志有明文而後齊之西平又屬臨潁此條之為誤係審矣又按北魏襄城郡有七豫州一廣州一南廣州二荊州一襄州一南襄州一豫廣南廣皆治襄城縣唯荊州之襄城治方城在今裕州襄州之襄城治赭城今裕州東南襄州之襄城治陳陽今唐縣治皆不在西平元和志寰宇記均無西平置襄城郡之說一統志謂魏豫州之襄城在西平西五十里因此志為說也【後齊改郡曰文城】當云置郡寰宇記西平高齊屬臨潁郡則知齊初尚未置文城郡也北齊書皮景和傳封文城郡王【開皇初郡廢】寰宇記西平隋初屬道州【又有故武陽縣】今西平縣西南後魏縣屬襄城郡【十八年改曰吳房大業初省】蓋移吳房於遂平西遂省此【又有故洧州】亦以洧水得名南北史補志洧州齊置領文城郡【潯州】南北史補志謂潯州為周置治武陽未知何據【並後齊置開皇初皆廢】

【淮陽郡】

【開皇十六年置陳州】寰宇記開皇十六年於宛丘縣立陳州州城枕蔡水周迴三十里

【統縣十戶十二萬七千一百四】

【宛丘】今淮寧縣治

【後魏曰項】按漢項縣在今項城縣東北元和志高齊文宣帝移理於此【置陳郡】地形志陳郡漢為淮陽國後漢更名陳國晉初併梁國後復改【開皇初縣改名宛丘】蓋取陳宛丘以為名【尋廢郡】元和志高齊文宣帝省

陳郡與志異【後析置臨蔡縣】今淮寧縣東北二十五里寰宇記隋開皇十六年分亳州武平縣於此置臨蔡縣一統志謂後魏置而地形志無之【大業初置淮陽郡并臨蔡縣入焉】寰宇記大業二年【又後魏置南陽郡】按地形志丹陽郡所領有南陽縣在今淮寧縣東志郡爲縣之誤【東魏廢】一統志南陽縣高齊廢

【西華】今縣治

【舊曰長平】本漢西華縣元和志高齊省據志下云舊長平縣後齊廢則此長平卽高齊省西華時所置【開皇十八年改曰鴻溝】水經渠水注謂楚漢分王之鴻溝在尉氏此蓋以相近爲名【大業初改焉】復漢舊名【有舊長平縣】今西華縣東北十八里漢縣【後齊廢】

按隋有柳城縣寰宇記柳城在西華縣西二十里古老傳云女媧氏之都本名媧城魏鄧艾營稻陂時柳舒爲陂長後人因爲柳城隋開皇元年於此置柳城縣隋末廢

【澗水】今商水縣治

【開皇十六年置又有後魏汝陽郡】宋志江左分汝南立非後魏始置也【及縣】今商水縣西北漢縣【後齊郡廢大業初縣廢】元和志開皇十六年改汝陽爲澗水縣與志異按寰宇記扶蘇城在商水縣西南三十五里史記云陳涉起兵自稱公子扶蘇從人望也蓋涉築此城隋越王侗皇泰元年於此城置扶蘇縣紀要在商水縣東南十二里

【扶樂】今太康縣西北三十五里

【開皇十六年置】寰宇記云扶樂古城在太康縣西北四十里地理志扶樂屬陳國隋開皇六年分太康置大扶縣卽扶樂故城也與志置縣之年既殊縣名亦異【有渦水】今太康縣北五里水經注渦水首受蔡東流經陽夏縣北下流入於淮

【太康】今縣治

【舊曰陽夏】漢縣【并置淮陽郡】一統志高齊置【開皇初郡廢七年更名太康】寰宇記開皇七年改陽夏爲太康縣取古太康之名十八年改爲岸城縣大業十三年李密舉兵於此遂廢【有注水】水經渠水注魯溝水又南至陽夏縣故城西又南入渦注或卽渦水也

【鹿邑】今縣西六十里左傳成十六年諸侯侵陳鳴鹿杜預曰陳國武平西南有鹿邑亭

【舊曰武平】後漢縣晉省後魏復置屬陳留郡【開皇十八年改焉】元和志開皇三年縣屬亳州寰宇記十八年改爲鹿邑取故鹿邑城爲名新唐志大業十三年縣民田黑社盜據號溝州

【項城】今縣東北本漢項縣宋分立項城北魏移於淮寧隋復舊

【東魏置揚州】地形志北揚州天平二年置治項城此脫北字按梁書侯景傳有北揚州刺史元神和【及丹陽郡】地形志丹陽郡屬北揚州元和志作北丹陽郡【秣陵縣】本漢項縣地形志屬丹陽郡【梁改曰般州】梁紀太清

元年二月侯景以十三州內屬北揚州與焉七月詔以項城爲般州又侯景傳詔以西陽太守

羊思建通鑑作達爲般州刺史鎮項城又羊鴉仁傳都督般州等七州諸軍事【東魏又改曰北揚州】錢氏考異此條東魏字兩見疑上東字爲後字之誤按錢說非也太清元年侯景以北揚州內附故梁改爲般州及二年春侯景爲東魏所破羊鴉仁棄懸瓠羊思達棄項城走東魏皆據之故又改般州爲北揚州【後齊改曰信州】元和志高齊文宣帝以百姓守信不附侯

景改北揚州爲信州寰宇記天保二年改北齊書袁聿修傳出除信州刺史卽其本鄉也【後周改曰陳州】元和志周武帝改【開皇初改秣陵爲項縣】當作項城元和志隋文帝改項縣加城字屬陳州【十六年分置沈州】輿地廣記隋開皇十六年置沈州領沈丘宛丘二縣

新唐志沈丘下云本沈州領沈丘宛丘唐初州廢以沈丘隸陳州沈丘屬潁州則隋確有沈丘縣其地在今沈三縣東南三十里【大業初州廢又有項城郡】隋書王韶傳高祖受禪進爵項城郡公當是周置【開皇初分立陳郡三年並廢】

【南頓】今項城北五十里漢縣

【舊置南頓郡】地形志晉惠帝置而晉志無之南頓縣屬汝南郡【後齊廢郡及平鄉縣入】今項城縣西北七十里後魏縣【改曰和城】元和志東魏置和城縣後齊廢南頓入和城輿地廣記謂隋開皇六年改和城【大業初又改

爲南頓】

【鄆】今鹿邑縣西南六十里漢縣漢書周縹傳蘇林音多寒反漢志注孟康曰音多蓋脫寒反二字

【開皇六年置】按兩漢縣在今永城縣界水經淮水注渙水又東逕鄆縣故城南蓋晉廢

【銅陽】今新蔡縣東北七十里漢縣應劭曰縣在銅水之陽孟康曰音紂水經注稱銅水逕銅陽縣故城南則縣有移徙按地形志潁州新蔡南陳留二郡領銅陽一縣注蕭衍置魏因之則知爲梁徙也【後齊廢開皇十一年復又東魏置財州】地形志武定八年置治豫州銅陽縣固始城名勝志卽潁州南百十里才城也有二土城東西相去二三里【後齊廢以置包信縣】元和志高齊文宣廢州改置包信縣【開皇初廢】

【汝陰郡】

【舊置潁州】地形志孝昌四年置元和志高齊罷又云開皇三年以汝陰縣屬潁州殆開皇三年復置州至大業三年廢也

【統縣五戶六萬五千九百二十六】

【汝陰】今阜陽縣治漢縣

【舊置汝陰郡】宋志晉武帝分汝南立按地形志汝陰弋陽二郡下云蕭衍置雙頭郡魏因之未識何時復單作汝陰【開皇初郡廢大業初復置】

【潁陽】今太和縣東北三里

【梁曰陳留】地形志蕭衍置【并置陳留郡】

紀要太清末置【及陳州】地形志北陳留潁川二郡蕭衍爲陳州武定七年改置【東魏廢州】見上地形志【開皇初廢郡十八年縣改名焉有鄭縣後齊廢】宋齊順陽郡北魏襄城郡有鄭縣不在此唯南齊南汝陰郡有鄭縣頗與相近又按有鄭城在今潁上縣南水經注潁水過慎縣故城南而東南流逕螭郭俗謂之鄭城而不言鄭縣或東魏以鄭城立縣與

按梁有宋縣地形志蕭衍置屬汝陰弋陽二郡在今太和北七十里

【清丘】今阜陽縣東五十六里

【梁曰許昌】地形志蕭衍置紀要梁大通中僑置【及置潁川郡開皇初廢郡十八年縣改名焉】寰宇記清丘城在汝陰縣東五十六里隋大業九年築置清丘縣

【潁上】今縣南

【梁置下蔡郡】按地形志譙州下蔡郡下云蕭衍潁川郡武定六年改置則在梁爲潁川郡在東魏爲下蔡郡志上清丘下云梁置潁川郡此又云梁置下蔡郡各異【後齊廢郡大業初縣改名焉】寰宇記隋大業二年於今潁上縣南故鄭城置潁上縣以地枕潁水上游爲名隸潁州按前不云置何縣此但云大業初改名疏矣

按梁有寧陵縣在今潁州府境地形志肥陽蕭衍寧陵縣

【下蔡】今壽州北漢下蔡縣宋廢後魏復置通典梁大同中於碭石山築城拒東魏卽今下蔡

縣城也【梁置汴郡】按并置州地形志汴州蕭衍置汴郡蕭衍置一統志梁大通中魏亂梁得下蔡改置汴州及汴郡【後齊郡廢】州當同廢【大業初縣改名焉又梁置淮陽郡後齊改曰潁川郡開皇初郡廢】

【上洛郡】

【舊置洛州】寰宇記後魏太和十一年置【後周改爲商州】宋本寰宇記後周宣政元年改取古商於之地爲名大業三年改爲上洛郡

【統縣五戶一萬五百一十六】

【上洛】今商州治漢縣

【舊置上洛郡】晉置【開皇初郡廢大業初復置有秦嶺山】今商州西八十里史記秦嶺天下之大阻也紀要謂卽終南山【熊耳山】今商州東五十里寰宇記引盛弘之荊州記云熊耳東西各一峯南北望之狀似熊耳水經注洛水又東逕熊耳山北禹貢所謂導洛自熊耳博物志曰洛出熊耳蓋開其源者是也【洛水】今商州東漢地理志洛出冢嶺山水經洛水出上洛縣謹舉山卽冢嶺山東北過盧氏縣南【丹水】今商州城南一里呂氏春秋堯有丹水之戰以服南蠻史記漢高入秦王陵起兵丹水以應之水經丹水出上洛西北冢嶺山東過其縣南又東南過商縣南

【商洛】今商州東八十五里本漢商縣後魏屬上庸郡寰宇記隋開皇四年改爲商洛縣舊唐志亦云隋文加洛字紀要謂後周改未知何據【有關官】寰宇記武關在商洛縣東南九十

里春秋時少習地

【洛南】今雒南縣東南

【舊曰拒陽】寰宇記晉太始三年置尋省後魏真君二年再置屬上洛郡【置拒陽郡】一

統志周置輿地廣記謂元魏置【開皇初郡廢】寰宇記開皇三年以拒陽屬商州【縣改名焉】

寰宇記開皇五年改取洛水之南爲名大業十一年自今縣東四十里武谷川移於今理俗謂

之清池川舊唐志治拒陽川【有玄扈山】今雒南縣西北百里相傳黃帝受圖處水經洛水

注元扈之水出於元扈之山【陽靈山】山海經曰陽虛之山臨於玄扈之水水經洛水注洛

水又東至陽虛山合玄扈之水此靈爲虛誤

【豐陽】今山陽縣治

【後周置】寰宇記晉泰始三年置尋廢後魏太安二年置按南齊志梁州北上洛郡地形志

洛州上庸郡均有豐陽縣則志云後周置誤寰宇記後魏置亦誤也一統志西魏廢後周復按

周書泉企傳企上洛豐陽人也子仲遵年十四爲本縣令及長以功封豐陽縣伯後襲父爵上

洛郡公舊封聽迴授一子以其武成初卒官年四十五計之則封豐陽縣伯正西魏時事又仲

遵之子嘏亦起家本縣令足見豐陽縣西魏時未廢又周書梁椿傳子明西魏恭帝二年以椿

功襲爵豐陽縣公亦西魏有此縣之證【開皇初併南陽縣入有洵水】水經沔水注洵水北出向山東南流逕平陽戍又東南逕旬陽縣南東南注漢謂之旬口【申水】按甲河在今山

陽縣南百二十里水經沔水注甲水出秦嶺東南流與關柵水合又東南逕魏興郡之興晉縣南又東右入漢水志申當爲甲之誤

【上津】今鄖西縣西北一百四十里寰宇記後魏廢帝三年置上津郡並置上津縣紀要梁置上津縣一統志謂爲隋縣

【舊置北上洛郡】宋志北上洛太守新立【梁改爲南洛州】按周書扶猛傳仕梁位至南洛北司二州刺史又周書泉企傳子仲遵從大將軍王雄平上津魏興遂於上津置南洛州以仲

遵爲刺史則又似西魏始置南洛州未能詳也【西魏又改爲上州】周書魏廢帝三年改南洛爲上州寰宇記以晉時於此置上津戍爲名

【後周併漫川開化二縣入】寰宇記廢漫川縣在上津縣北四十五里廢開化縣在上津縣東七十里俱魏前廢帝二年置後周保定三年廢新唐志義寧二年以上津豐利廣土置上津郡并置長利縣【大業初州廢】寰宇記大業

二年廢州【有天柱山】今山陽縣南八十里寰宇記在上津縣北一百五十里引殷武名山記云上津天柱山絕巖壁立秀出衆嶺有穴名遊仙洞洞口有竹數莖寒風凜然人不敢入【詔及山女思山】寰宇記武當縣下云漢武當長

來郡女嫁爲河內張德子婦隨夫遠至此山南望其父思慕而死即葬此山女即來歙曾孫也【弘農郡】

【大業三年置】此處例不當敘郡廢置且弘農縣下明云大業初置弘農郡尤不應復按西

魏立東義州於盧氏此何不云西魏置東義州如下析州本在內鄉亦敘于浙陽郡下是其例也

【統縣四戶二萬七千四百六十六】

【弘農】今靈寶縣南四十里漢縣元和志大業二年省三年復於今湖城縣西南一里置尋移就郡理其年移郡於鴻臚川縣亦隨徙即今縣是也按後魏避諱作恆農後周明帝復舊

【舊置西恆農郡】本漢弘農郡苻秦移治陝縣寰宇記後魏永熙三年分恆農西界爲西恆農郡【後周廢】寰宇記周明帝廢西恆農郡併入恆農郡【大業初置弘農郡】元和志義寧元年改爲鳳林郡新唐志領弘農閩鄉湖城三縣【又有石城郡】地形志正始二年置石城縣後改郡與元和志寰宇記說不合詳下【王

城縣】按元和志後魏正始二年立石城縣廢帝改爲玉城縣周武帝天和元年廢義寧元年重置寰宇記玉城縣下云後魏正始二年於今縣東南十五里置石城縣屬安樂郡廢帝元年改石城爲玉城縣以隸虢州因荆山之石有玉而美故以名之據此則當作玉志作王蓋誤且

西魏始改石城爲玉城志作西魏廢亦誤按地形志無安樂郡其石城郡領北堤一縣當是魏志有遺略寰宇記又云後周天和六年廢石城縣隋義寧元年於今玉城縣西北一百五十步再置因西魏舊名元和志作周天和元年廢稍

異周書楊雄傳進爵玉城縣公【西魏並廢有石隄山】寰宇記山在恆農縣西南十七里水

經河水注柏谷水出弘農縣南石隄山下

【盧氏】今縣治漢縣

【後魏置漢安郡】地形志盧氏屬陽州金門郡無漢安郡按金門郡東魏天平初置或後魏本為漢安郡也【西魏置義川郡】按當云置義州義川郡寰宇記西魏大統中於盧氏縣立東義州錢氏考異周書權景宣傳郭賢傳西魏大統中從王思政鎮弘農授使持節行義州事常州大都督即此州也又周書史寧傳西魏大統中轉通直散騎常侍東義州刺史東魏亦以胡梨苟為東義州刺史寧僅得入州梨苟亦至寧迎擊破之斬其洛安郡守馮善道錢氏云此東義州未知所在今考周書魏玄傳西魏大統十六年洛安民雍方雋據郡外叛玄時為河南郡守率弘農九曲孔城伏流四城士馬討平之則洛安去洛陽不遠此東義州亦即盧氏之義州也志之漢安或即洛安之誤【開皇初郡廢州改為虢州】此云州改而上文未云何州故知有脫文非原書之漏也寰宇記開皇三年改東義州為虢州隋書崔仲方傳開皇中為虢州刺史【大業初州廢】元和志大業三年廢州寰宇記義寧元年置虢郡新唐志義寧元年析隋弘農郡三縣置虢郡治盧氏【有關官】按白華關在今盧氏縣西社管鎮關在縣北六十里纒川鎮關在縣東朱陽關在縣西南五十里紀要縣有朱陽山後魏置朱陽關於此唐初廢疑志指此【有石扇山】名勝志嵩縣下云伏牛山在縣南三百里又其地有石扇山山上有

石如扇故名宋之間遊陸渾山詩石扇橫閃條然則當在嵩陽縣南志誤系也

【長泉】今永寧縣西南

【後魏曰南陝】屬金門郡【西魏改焉】元和志長水縣後魏宣武帝分盧氏東境置南陝縣西魏廢帝改為長淵隋義寧元年以犯高祖廟諱改為長水此作長泉亦避諱改【有松陽山】水經洛水注松陽溪水出松陽山【檀山】水經洛水注檀山四絕孤峙山上有塢聚俗謂之檀山塢

【朱陽】今靈寶縣西南一百里元和志後魏太和十四年蠻人樊磨背梁歸魏魏立朱陽郡並朱陽縣令樊磨為太守周大象元年割盧氏西界以益朱陽縣隋開皇四年屬陝州大象三年屬虢州寰宇記周大象二年自今盧氏縣南一百五十里移於今盧氏縣西南臨渠谷中隋開皇四年移理洛水北大業二年移於芹池川即今縣也

【舊置朱陽郡】太和十四年置見上地形志析州朱陽郡領黃水朱陽二縣寰宇記孝昌二年省西魏大統二年又立屬東義州【後周郡廢】元和志周保定二年省【有邑陽縣】在函谷關南七里紀要後周置【開皇末改為邑川大業初併入有肺山】今靈寶縣西南百里紀要謂即枯樅山【有湖水】水經河水注湖水出桃林塞之夸父山北逕湖東而北流入於河按湖城在今閩鄉縣東四十里

【浙陽郡】本漢析縣地南齊有析陽郡寧蠻府

後魏有析陽郡在內鄉縣西

【西魏置浙州】地形志有析州即此浙州也不始於西魏案周書泉企傳以破蕭寶寅功遷左將軍浙州刺史則浙州之置當在永安初矣

通鑑陳永定元年有浙州刺史李基北齊書尉景傳子粲隋開皇中卒於浙州刺史隋書蘇孝慈傳開皇十八年出為浙州刺史

【統縣七戶三萬七千二百五十】

【南鄉】今浙川廳東南東漢縣

【舊置南鄉郡】錢氏考異謂宋齊二志俱無

南鄉郡而有南鄉縣為順陽郡治所梁時避武帝父諱改順陽郡為南鄉按晉志魏武盡得荊州之地分南陽西界立南鄉郡及武帝平吳改南鄉為順陽郡水經丹水注晉封宣帝孫暢為順陽王因立為順陽郡而南鄉為縣與宋齊二志合梁書武帝紀普通六年長史柳津破魏南鄉郡則魏末復改順陽為南鄉非因避梁諱或史臣追改之歟【後周併龍泉湖里白亭三縣入】並無考【又有左南鄉縣】今浙川縣東南後魏縣【并置左鄉郡】一統志後魏置按地形志左南鄉縣屬東恆農郡無左鄉郡【西魏改郡為秀山改縣為安山後周秀山郡廢開皇初南鄉郡廢大業初置浙陽郡併安山縣入焉有石墨山】今內鄉縣北五十里寰宇記引荊州記云內鄉縣有墨山一謂玄山水經丹水注山石悉黑續彩奮發黝焉若墨故謂之墨山今河南新安縣有石墨山斯其類也

【內鄉】今縣西北一百二十里一統志云今縣

今縣西北一百二十里一統志云今縣

治誤

【舊曰西浙陽郡】地形志浙陽郡領西浙陽東浙陽二縣志當云舊曰西浙陽並置浙陽郡【西魏改爲內鄉】元和志後魏置浙陽郡廢帝改爲中鄉縣隋開皇三年以避廟諱改爲內鄉屬鄧州寰宇記同按此知李吉甫所見隋志已脫誤故亦云改郡爲縣【後周廢】廢下脫郡字若非廢郡則下文并二縣入何縣耶【併浙川石人二縣入焉】紀要西魏改東浙陽曰浙川石人無考【有浙水】今內鄉縣西南百三十里源出商州南山流經縣南與丹水會水經丹水注浙水出盧氏縣大蒿山南流注於丹水

【丹水】今浙川縣西秦縣前漢屬弘農後漢屬南陽晉宋齊後魏屬順陽寰宇記內鄉縣下云大業十三年省

【舊置丹川郡】未詳當是西魏置【後周郡廢併茅城倉陵許昌】並未詳【三縣入有胡保山】寰宇記內鄉縣下云石勒時立黃攀神祠於此山號胡保山

【武當】今均州北漢縣

【舊置武當郡】元和志西魏改始平郡爲武當郡【又僑置始平郡】宋志晉分京北扶風僑立治襄陽今治武當【後改爲齊興郡】按南齊志有齊興郡寰宇記引輿地志梁武以齊興郡爲南始平郡輿地紀勝引圖經始平郡梁爲南始平郡志當云梁改南始平並置興州【梁置興州】周書席固傳梁大同中爲齊興郡守

梁元帝嗣位江陵遷興州刺史寰宇記梁太清

元年於梁州齊興郡置興州通鑑陳永定元年

梁興州刺史席固以州降魏【後周改爲豐州】

寰宇記西魏廢帝元年改興州爲豐州因豐城

爲名後周武成元年自今鄖鄉城移於延岑城

即今均州理是也按周書席固傳西魏大統十

六年以地來附乃遣使就拜豐州刺史則州之

改在西魏時又周書令狐整傳豐州舊治不居

人民賦役參集勞逸不均整請移治武當詔可

其奏按豐州舊治當是置于豐利領豐利郡在

今白河縣南後周始移于此【開皇初二郡並

廢改爲均州】寰宇記開皇五年改因界內均

水爲名按此即後周併入唐州之均州也隋蓋

復立【大業初州廢】新唐志隋義寧二年割

浙陽之武當均陽二縣置武當郡又置平陵縣

【有石階山】紀要謂爲武當山旁之小山寰

宇記引隋圖經云石階山一名華岳地肺一名

肺山又引福地記曰西北角有大松樹樹下生

草名救窮冬夏不枯日食三寸絕穀不饑登之

度世陶先生謂之西岳佐命是也【武當山】

今均州南一百二十里水經沔水注武當山亦

曰太和山亦曰參上山又曰仙室荊州圖副云

山形特秀異於衆嶽峯首狀博爐亭亭遠出衆

食延年者萃焉晉咸和中歷陽謝允舍羅邑宰

隱遁西山故亦曰謝羅山寰宇記引武當山記

云中央有一峯名曰參嶺望之秀絕出於雲表

清朗之日然後見峯一月之中不過四五輕霄

蓋其上白雲帶其前且必西行夕而東返則惟

其常謂之朝山蓋以衆山朝揖之主

【均陽】今均州東北以在均水之陽故名

【梁置】

【安福】今均州西

【梁置曰廣福併爲郡】周紀大象元年五月

以豐州武當安富二郡爲越國令越王盛之國

通鑑注謂安富當作安福引五代志安福縣置

安福郡今以志校之當爲廣福郡又按北史唐

邕傳降周封安福郡公則又與胡氏說合【開

皇初郡廢仁壽初改焉】

【鄖鄉】今鄖縣治元和志漢錫縣晉改爲鄖縣

隋初屬均州後隸房州

【有防山】今房縣西南三十里寰宇記其山

四面有石室似房因爲名據此則當作房

【南陽郡】

【舊置荊州】地形志太延中治上洛太和中

移置穰城通鑑梁天監五年江州刺史王茂將

兵數萬侵魏荊州誘魏邊民諸蠻更立宛州遣

所署宛州雷豹狼等襲取魏河南城按王茂旋

爲楊大眼所敗宛州仍廢通鑑梁中大通六年

閏十二月東魏既取荊州魏以獨孤信爲都督

三荊州諸軍事尙書右僕射東南道大行臺大

都督荊州刺史是東魏嘗置行臺于此又蠻酋

樊五能攻破析陽郡以應魏東魏西荊州刺史

辛纂欲討之注西荊州即荊州以穰城在東荊

州之西故云又梁書杜龕傳龕叔幼安世祖以

爲西荊州刺史蓋遙領按周書置總管府周書

武帝紀保定二年置荊州總管府靜帝紀大象

二年八月廢荊州總管【開皇初改為鄧州】

元和志開皇七年梁王歸入隋自穰縣移荊州

還江陵於穰縣置鄧州大業三年改為南陽郡

【統縣八戶七萬七千五百二十】

【穰】今鄧州東南漢縣本秦穰信邑地形志二

漢屬南陽晉屬義陽後屬新野

【帶郡】當云舊縣有白水水經白水出

朝陽縣西東流過其縣南又東至新野縣南東

入于清

【新野】今縣南本漢縣

【舊曰棘陽】一統志後周更新野名棘陽【置

新野郡】晉太康中徙義陽郡治新野縣惠帝

時改為新野郡周為王國周紀大象元年五月

以荊州新野郡為滕國令滕王迺之國【又有

漢廣郡】地形志荊州有漢廣郡【西魏改為

黃岡郡又有南棘陽縣】今新野縣東北本漢

棘陽縣魏改地形志南棘陽屬漢廣郡【改為

百寧縣】一統志西魏改【後周二郡並廢併

南棘縣入焉】南棘當作百寧【開皇初更名

新野】

【南陽】今縣治

【舊曰上陌】今南陽縣地後魏縣陳書杜稜

傳梁元帝初封上陌侯【置南陽郡】秦置治

宛縣【後周併宛縣入】今縣治秦縣【更名

上苑】輿地廣記作上苑是【開皇初郡廢又

改為南陽】

【課陽】今鎮平縣南

【舊曰涅陽】漢縣【開皇初改為有課水涅

水】今鄧州東北水經湍水注涅水出涅陽縣

西北岐棘山東南逕涅陽縣故城西又東南流

注於湍水

【順陽】今浙川廳東西漢置博山縣東漢改

【舊置順陽郡】地形志魏分南陽置曰南鄉

司馬衍更名魏因之詳見上南鄉縣下宋齊魏

志有南鄉縣屬順陽無南鄉郡【西魏析置鄭

縣】今浙川廳東紀要云劉宋僑立案宋志雍

州順陽有鄭縣齊因之地形志無此縣當梁魏

廢也【尋改為清鄉後周又併順陽】地形志

順陽縣屬順陽郡【入清鄉】隋書樊叔略傳

周建德五年從周武帝伐齊以功封清鄉縣公

【開皇初又改為順陽】

【冠軍】今鄧州西北四十里漢縣周書晉蕩公

傳叱羅協西魏文帝大統中封冠軍縣男裴果

傳西魏廢帝二年封冠軍縣侯隋書李禮成傳

周武帝時封冠軍縣公

【菊潭】今內鄉縣北十里

【舊曰鄴】漢縣【開皇初改為】元和志後

魏廢帝因武陶戌置郡隋開皇二年罷郡以為

菊潭縣因界內菊水為名屬鄧州【有東弘農

郡】地形志東恆農郡太和中置【西魏改為

武關至是廢入有梅溪】今南陽縣西二十里

寰宇記南陽縣下引南雍州記云南陽縣西七

里有梅溪源發紫山南經百里奚故宅【湍水】

今內鄉縣東出熊耳山槍竿嶺水經湍水注水

出弘農界翼望山東南至新野縣東入於清

【新城】今鄧州西北七十里地形志新城屬南

陽郡太和二十二年置

【西魏改為臨湍】元和志西魏廢帝以近湍

水改新城為臨湍周書楊樹傳韓盛明帝二年

封臨湍縣公【開皇初復名焉有朝水】今鄧

州西南水經清水注源出赤石山晉杜預修六

門陂諸陂散流成入朝水東逕朝陽縣故城北

而東南注於清水

【清陽郡】西魏立清陽郡于黃土在今洵陽縣

東後周廢隋復舊名以均在清水之陽也

【西魏置蒙州】周書楊敷傳孝閔帝踐阼授

使持節蒙州諸軍事蒙州刺史又隋書李孝貞

傳開皇中遷蒙州刺史【仁壽中改曰清州】

周書廢帝三年改南廣為清州是西魏已有清

州之名當去蒙州不遠也

【統縣三戶一萬七千九百】

【武川】今南陽縣北地形志武川屬北清郡隋

書賀婁子幹傳周時封武川縣公

【帶郡】當云後魏置【有雒衡山】今南陽縣

北七十里紀要云本名衡山馬融廣成頌所謂

而據衡陰者也以在故雒縣境因名雒衡寰宇

記謂以光武射雒於此而名誤水經汝水注醴

水導源雒衡山又云關水歷雒衡山西南【有

清水】今南陽縣城東三里南都賦曰清水蕩

其胸是也水經注清水導源弘農東流逕鄆縣

故城北東南流歷雒縣之雒衡山【濁水】寰宇

記穰縣下引郡國志云濁水出南陽穰縣【澧

水】漢志雒縣注澧水所出東至鄆入汝

水經注灑水又東北澧水注之而汝水注醴水

出南陽雒縣明是一水又作醴志作澧誤

【向城】今南召縣南左傳襄十年諸侯師于向注在長社縣東北續漢志長社有向鄉縣蓋因鄉立名【西魏置】元和志後魏孝文帝於古向城置向城縣屬清陽郡按孝字衍【又立雒陽郡】漢志南陽郡有雒縣【開皇初郡廢】

【方城】今裕州治郡國志葉縣有方城即屈完答齊桓云楚國方城以爲城也

【西魏置】地形志有方城縣屬襄城郡而水經無水注引方城不云置縣則知爲東魏置也舊唐志謂改順陽爲方城蓋誤元和志又云梁置堵陽郡隋置方城縣取方城山爲名周書庫狄昌傳西魏廢帝元年封方城郡公則西魏有方城郡【又置襄邑郡】當是改襄城爲襄邑

【開皇初廢東魏又置建城郡】地形志建城郡太和十八年置景明末罷郡置成永熙二年復屬襄州其地在今葉縣西南【及建城縣】地形志建城郡所領無此縣水經灊水注澧水出雒衡山東南逕建城東建當爲卷字讀誤耳郡國志葉縣有卷城【後齊郡縣並廢又有葉縣】即漢之葉縣故城亦即今葉縣治此志穎川之葉縣則後魏徙置【開皇末改爲澧水】當作澧詳見上【大業初併入】各本脫初字今補【有西唐山】水經注澧水東流歷唐山下即高鳳所隱之山也

【淮安郡】

【後魏置東荊州】地形志無東荊州寰宇記引周地圖記云後魏太和中置東荊州於比陽

故城魏書楊大眼傳世宗初爲東荊州刺史水經比水注余以延昌四年蒙除東荊州刺史治比陽縣故城章閔傳弟珍又被崔慧景擁降民七千餘戶內徙表置城陽剛陵義陽三郡以處之高祖詔珍移鎮比陽據此則東荊州所屬有此三郡【西魏改爲淮州】周書魏廢帝三年改東荊州爲淮州寰宇記恭帝元年改爲淮州因水爲名按廢帝三年即恭帝元年隋紀開皇元年十二月以興勢郡公衛玄爲淮州總管則淮州嘗置總管府【開皇五年又改爲顯州】隋書豆盧毓傳漢王諒反毓兄顯州刺史賢言於帝云云知廢州在大業三年

【統縣七戶四萬六千八百四十】

【比陽】今泌陽縣治

【帶郡】大業三年置郡此志凡郡治無說者則以帶郡二字填之此有沿革乃加此二字尤不解也【後魏曰陽平】地形志無此縣【開皇七年改爲饒良】隋書長孫覽傳從子熾周時初封陽平縣子高祖時改封饒良縣子與志悉合【大業初又改焉又有後魏城陽縣】今汝陽縣南地形志無城陽縣【置殷州】錢氏考異地形志無殷州惟郢州領安陽城陽汝南三郡疑即此殷州然志下云又有比陽故縣置西郢州則郢州與殷州又似各別地形志有南郢而無西郢是一是二不可考矣【城陽郡】

地形志太和三年置後罷武定初復【開皇初郡並廢其縣尋省又有昭越縣】今汝陽縣東地形志屬豫州初安郡【大業初改爲同光

尋廢又有東南陽郡】按地形志襄州南襄州俱有北南陽郡而無東南陽郡疑南襄州之北南陽即東南陽也【西魏改爲南郭郡後周廢又有比陽故縣】今泌陽縣西漢縣元和志後魏屬江夏郡按地形志江夏郡領屈陽鄧陽二縣無比陽縣也【置西郢州】地形志無西郢州江夏郡屬南郢州南當西字之訛緣地形志別有南郢州治赤石【西魏改爲鴻州】周書魏廢帝三年正月改西郢爲鴻州【後周廢爲眞昌郡】周紀天和二年四月省鴻州入淮州

【開皇初郡廢大業初縣廢】

【平氏】今桐柏縣西漢縣宋省齊復置地形志無此縣元和志晉後爲北人侵掠縣皆圯墟後魏于平氏故城重置屬淮州水經比水注澧水西北流逕平氏縣故城東北又云澧水西流北屈逕平氏城西然則魏時有平氏縣但徒而東北耳

【舊置漢廣郡】地形志漢廣郡永安中置領昆陽高陽二縣【開皇初郡廢有淮水】水經注淮水出南陽平氏縣胎簪山東北過桐柏山

【眞昌】今裕州東南

【舊曰北平】地形志荊州襄城郡襄州北南陽郡均有北平縣皆即此也【開皇九年改焉】

【顯岡】今泌陽縣西北六十里本漢舞陰縣一統志隋開皇初更名水經比水注又西南歷長岡舊月城北當即此

【舊置舞陰郡】地形志舞陰郡孝昌中置舞陰安陽二縣水經比水注作灑陰梁書范雲傳

引周地圖記云後魏太和中置東荊州於比陽

南鄉舞陰人則梁時以舞陰度南鄉【開皇初郡廢】

【臨舞】今泌陽縣

【東魏置】地形志無臨舞縣有南舞縣屬南安郡當即此【及置期城郡】地形志云孝昌中置【開皇初郡廢又有東舞陽縣】今南陽府境地形志屬期城郡【開皇十八年改爲昆水大業初廢】

【慈丘】今泌陽縣北五十里元和志本漢比陽地

【後魏曰江夏并置江夏郡】元和志郡縣並後魏孝文帝置考異魏志南鄆州有江夏郡領屈陽鄆陽二縣而無江夏縣【開皇初郡廢】

元和志開皇三年廢郡縣屬淮州【更置慈丘於其北境】元和志開皇十八年改江夏縣爲慈丘取慈丘山爲名【後魏有鄆州】地形志無【潘州】地形志無隋書薛道衡傳煬帝嗣位轉潘州刺史當是南海番州之誤【溱州】

地形志無當以溱水得名【及襄城】地形志南襄州有襄城郡即今唐縣治地與泌陽相接元和志泌陽縣後魏于此置襄城郡領襄城上馬二縣【周康】地形志無【二郡上蔡】地

形志鄆州汝南郡有上蔡縣或即此【青山震山】二縣地形志並無【三縣並開皇初廢有比水】今泌陽縣南漢志比陽應劭曰比水所出東入蔡水經注比水出比陽東北大湖昔漢光武破甄阜梁丘賜于比水西斬之于斯水也

【桐柏】今桐柏縣東六十里元和志漢平氏縣

之東界也

【梁置曰淮安并立華州又立上川郡】寰宇記漢平氏縣梁大同元年於此置華州及上川郡【西魏改州爲淮州】寰宇記西魏廢帝元年改周書蠻傳魏廢帝初蠻酋樊舍舉部落內附以爲淮州刺史即此【後改爲純州】周書

魏廢帝三年正月改淮州爲純州【尋廢】按前城陽縣下開皇九年廢永州入純州則隋初尙未廢也【開皇初郡廢更名縣曰桐柏】元和志梁置義鄉縣開皇十八年改爲桐柏因桐柏山爲名寰宇記後周建德三年置義鄉開皇十八年改爲桐柏俱與志異【又梁置西義陽郡西魏置淮陽郡及輔州】周書文帝紀魏廢帝三年正月改北應爲輔州志不言嘗爲北應

州漏也錢氏考異云此州疑是梁所置梁置應州於應山縣故此有北應之稱【後周州郡並廢又置淮南縣開皇末改爲油水】周書武帝紀天和二年省油州入純州錢氏考異云純州即隋桐柏縣縣有舊置淮南縣開皇末爲油水蓋即舊油州矣【大業初廢又有大業郡後周置】北齊書元景安傳周封大義郡公【開皇初廢有桐柏山】今桐柏縣東一里禹貢導淮自桐柏

按梁有勞州東荊州通鑑梁武帝中大通五年勞州刺史曹鳳東荊州刺史雷勝能等舉城降魏注皆蠻左也因其地授以州刺史紀要勞州城在今唐縣東南魏所置州以授蠻酋東荊州即今唐縣治魏太和中置按太和所置東荊州

在比陽非此東荊州也
又有南荊州通鑑梁武帝天監十一年魏以桓叔與爲南荊州刺史治安昌城隸東荊州普通二年五月辛巳魏南荊州刺史桓叔與據所部來降南史徐嗣徽傳從征巴邱以功監南荊州又按梁有堵陽郡元和志方城本漢堵陽地在堵水之陽故名梁於此置郡
梁有汝陰弋陽二郡今潁州府境地形志蕭衍置雙頭郡
梁有新息今弋陽縣在潁州府境地形志蕭衍置
梁有期思縣今固始縣西北地形志蕭衍置
梁有財邱梁與二郡今潁州府境地形志蕭衍置
梁有梁興縣今阜陽縣西一百十里地形志蕭衍置南史梁敬帝紀太清二年封梁興侯
梁有梁城縣在潁州府境地形志蕭衍置
梁有汝陽縣今阜陽縣地地形志蕭衍置
梁有西恆農陳南二郡地形志蕭衍置
梁有胡城縣今阜陽縣西地形志蕭衍置
梁有南頓縣今潁州府境地形志蕭衍置
梁有濟陽縣今安徽境地形志蕭衍置
梁有清河縣今安徽境地形志蕭衍置
梁有汝南縣今安徽境地形志蕭衍置
梁有東恆農郡今安徽境地形志蕭衍置此潁州之東恆農其荊州之東恆農已見菊潭縣下
梁有陽武縣今安徽境地形志蕭衍置

梁有新蔡南陳留二郡今新蔡縣東北地形志蕭衍置

梁有滎陽北通二郡今安徽境地地形志蕭衍置

梁有臨淮縣今安徽境地地形志蕭衍置

梁有汝陰縣今安徽境地地形志蕭衍置

梁有汝南太原二郡今潁州府境地地形志蕭衍置

梁有安城縣屬汝南太原二郡今阜陽縣地地形志蕭衍置

梁有新息縣今潁州府境地地形志蕭衍置

梁有新興郡今安徽境地地形志蕭衍置

梁有安城縣屬新興郡今安徽境地地形志西汝南郡治蕭衍置梁書武紀普通五年十一月壬戌裴邃攻壽陽之安城尅之景寅魏馬頭安城並來降

梁有郡立縣今安徽境地地形志蕭衍置

梁有新興縣今安徽境地地形志蕭衍置

梁有義興縣今安徽境地地形志蕭衍置

【豫州於禹貢爲荊州之地其在天官自氏五度至尾九度爲大火於辰在卯宋之分野屬豫州】

史記天官書房心豫州漢志宋地房心之分野也

【自柳九度至張十六度爲鶉火於辰在午周之分野】漢志自柳三度至張十一度謂之鶉火之次周之分也

【屬三河則河南淮之星次亦豫州之域】

通典其在天官柳七星張則周之分野房心則宋之分野

鶉參則魏之分野角亢氏則韓之分野兼得秦楚之交

【豫之言舒也言稟平和之氣性理安舒也】晉書地理志語同【洛陽得

土之中賦貢所均故周公作洛此焉攸在其俗尚商賈機巧成俗故漢志云周人之失巧僞趨利賤義貴財此亦自古然矣滎陽古之鄭地梁郡梁孝故都邪僻傲蕩舊傳其俗今則好尙稼穡重於禮文其風皆變於古譙郡濟陰襄城潁川汝南淮陽汝陰其風頗同南陽古帝鄉摺紳所出自三方鼎立地處邊疆戎馬所萃失其舊俗上洛弘農本與三輔同俗自漢高發巴蜀之人定三秦遷巴之渠率七姓居於商洛之地由是風俗不改其壤其入自巴來者風俗猶同巴郡浙陽清陽亦頗同其俗云】

隋書地理志考證補遺

卷三豫州

移都注下○煬帝紀大業五年改東京爲東都

建國下○按玉海載隋東都城門有建國上春上

東建陽永通長夏定鼎厚載徽安九門隋志只

載東南二面以六典所載唐東都城門推之當

是西面二門東曰上東中曰定鼎北面二門中

曰徽安西曰厚載

市三下○通鑑大業六年諸蕃請入豐都市交易

胡注東都東市曰豐都南市曰大同北市曰通

遠

顯仁宮下○通鑑大業九年勅宇文愷與內史舍

人封德彝等營顯仁宮南接阜澗北跨洛濱

陽城縣置嵩州下○隋書樊子蓋傳轉嵩州刺史

母憂去職未幾授齊州刺史其年轉循州總管

據本紀子蓋爲循州刺史在開皇十四年則嵩

州之置當更在前

滎陽郡注下○隋龍藏寺碑陰有滎陽縣令鄭世

隆尤隋志當作榮之證

按有密縣條屬滎陽郡後○周書文帝紀魏大統

三年東魏潁川長史賀若統與密縣張檢執刺

史田迅舉城降此西魏時有密縣之證

有蔡水後提行○按隋有恤宜縣隋美人董氏墓

志有汴州恤宜縣

陳留縣是郡非縣下○水經渠沙水注魯溝水又

逕陳留縣故城南知廢之已久

楚丘縣志亦不同下○水經注獲水又東逕長樂

固北己氏縣南亦不言北譙郡

山桑縣山桑城下○肥水出山桑縣西北澤藪則山桑在渦陽東北亦非渦州治此志及元和志並誤

山桑縣元和志作灑下○水經注過水又東左合北肥水縣蓋以此名

則縣非後齊置下○水經注汜水又東逕蒙縣故城北則縣有移徙

濟陰縣改為蒙澤下○水經注引十三州志曰蒙澤在己氏縣東春秋莊公十二年宋萬與公爭薄殺閔公子斯澤縣蓋以此名

有大留山後提行○按有輔城郡周書文帝紀魏恭帝元年詔封太祖子邕為輔城公武帝紀魏

大統九年生於同州年十二封輔城郡公

新息縣後魏置東豫州下○按北史田益宗傳亦云於新蔡立東豫州水經注淮水又東逕新息

縣故城南魏太和中蠻田益宗効誠立東豫州以益宗為刺史則新蔡並新息之誤當以志為是

真陽縣改縣曰淮川下○地形志西淮州領淮川郡縣因舊郡名

內鄉縣有浙水下後提行○按後魏有修陽郡領修陽蓋陽二縣在內鄉縣西北隋書李禮成傳

周時封修陽縣侯一統志周廢

後周廢郡下○周書宣帝陳皇后傳周平齊后父山提封浙陽郡公則武帝時郡尚未廢

武當縣始移于此下○隋書元孝矩傳西魏時拜南豐州刺史南豐州無考當亦指此

武當縣並置興州下○通鑑齊和帝中興元年齊

與太守顏僧都不受命胡注引五代志武當舊僑置始平郡又置齊興郡與今本異又引宋白曰齊永明七年置齊興郡於均州鄖鄉縣

隋書地理志考證卷之四

宜都楊守敬惺吾

【東郡】

【開皇九年置杞州】寰宇記宋武帝平河南置兗州後魏廢後周建德六年改為杞州與此異【十六年改為滑州】元和志取滑臺為名

【大業二年為兗州】寰宇記煬帝初為兗州據隋書李密傳隋末密以王軌為滑州總管則密又於此置滑州

【統縣九戶十二萬一千九百五】

【白馬】今滑縣東二十里漢置

【舊置東郡】地形志秦置治滑臺城晉改為濮陽後復天興中置兗州太和十四年改【後齊併涼城縣入焉】今滑縣東北後魏置屬東郡按周書武帝紀建德五年有涼城公辛韶似齊尚未廢【開皇初郡廢】各本脫此五字今補【大業初復置郡】通鑑陳太建十二年周尉遲迥舉兵東郡守于仲文不從

【靈昌】今滑縣西南

【開皇十六年置】元和志開皇十六年分東

燕酸棗二縣置取靈昌津為名

【衛南】今滑縣東六十里即古楚邱縣

【開皇十六年置】元和志開皇十六年於濮陽縣地置楚邱縣後以曹州有楚邱縣故曰

衛南寰宇記在衛之南垂故以名縣【大業初廢西濮陽入焉】未詳置立當是漢濮陽故城至魏徙而東此遂稱西【又有後魏平昌】地形志孝昌四年分白馬置今滑縣地【長樂】

地形志武泰初分涼城置今安陽縣東四十里

【二縣後齊並廢】

【濮陽】今開州南漢縣在西南

【開皇十六年分置昆吾縣大業初入焉】寰

宇記本漢縣地屬濟陰魏天興三年移濮陽縣

于此開皇十六年於顛項城內置昆吾縣大業

二年改爲濮陽縣

【封丘】今縣治本漢縣地形志真君九年併入

酸棗景明二年復置

【後齊廢開皇十六年復】

【匡城】今長垣縣西南

【後齊曰長垣】今長垣縣東北十里本秦置

地形志二漢屬陳留後屬真君八年併入外黃

景明五年復置屬東郡隋書酷吏傳趙仲鄉周

時封長垣縣公【開皇十六年改焉】寰宇記

開皇十六年於婦姑城置匡城縣隸滑州以縣

南有古匡城爲名孔子所畏之所又春秋遂次

於匡卽此地也

【胙城】今延津縣北三十里水經濟水注濮水

又東逕胙亭東注故胙國也然則縣以古國名

【舊曰東燕】漢置南燕縣古爲燕縣元和志

其後慕容得之號東燕【開皇十八年改焉】

元和志開皇十八年文帝因覽奏狀見東燕縣

名因曰今天下一統何東燕之有遂改爲胙城

寰宇記屬滑州

【韋城】今滑縣東南

【開皇六年置】各本作十六年今據宋本訂

元和志開皇六年分白馬縣南境置屬汴州九

年屬杞州十六年屬滑州輿地廣記亦作六年

置寰宇記隋置縣於韋氏之國故曰韋城【十

六年分置長垣縣大業初省入焉】

【離狐】今東明縣東南水經濟水注濮水又東

逕濮陽城南又東逕濟陰離狐縣故城北按此

漢離狐也東晉移單父附復置於此寰宇記謂

此卽魏所徙之離狐誤也

【東平郡】

【後周置魯州】通典周宣帝置寰宇記周大

象二年置【尋廢】按隋書薛胄傳隋受禪拜

魯州刺史又柳旦傳開皇中歷羅魯浙三州刺

史則隋初未廢也【開皇十年置鄆州】寰宇

記開皇十六年分兗州萬安縣置鄆州大業初

年廢州爲東平郡理古須句城

【統縣六戶八萬六千九百九十】

【鄆城】今縣東十六里

【後周置曰清澤又置高平郡】寰宇記云後

周置高平郡葉圭綬曰按齊周高平郡皆治任

城而後魏有兩東平郡一治漢東平國城齊移

于博一治范縣齊廢周復於此置非高平郡也

【開皇初郡廢改縣曰萬安】元和志鄆城後

漢及魏皆爲壽張縣地開皇四年改爲萬安縣

而不言改清澤爲萬安略也【十八年改曰鄆

城】元和志作十六年蓋傳寫之誤【大業初

置郡併廩丘入焉】廩丘今范縣東南七十里

漢置

【鄆城】今濮州東二十里漢置宋省後魏復置

【舊置濮陽郡】地形志晉置天興中屬兗州

太和十二年屬齊州孝昌末又屬西兗州天平

初屬司州【開皇初郡廢十六年置濮州大業

初州廢】元和志大業三年廢入東平郡寰宇

記作二年【有關官】水經注河水又東逕鄆

城縣北北岸有新臺爲盧關津臺東有小城崎

嶇頽側臺址枕河俗謂之底閣城疑卽故關津

都尉治也

【須昌】今東平州西北十五里漢縣屬東郡後

漢屬東平國宋屬東平郡齊徙

【開皇十六年置】元和志屬鄆州州南四十

五步輿地廣記開皇十六年改須昌爲宿城而

於宿城西北三十二里別置須昌按卽漢故城

也【有梁山】今東平州西南五十里元和志

曰漢梁孝王北獵梁山卽此

【宿城】今東平州地

【後齊曰須昌】本漢縣後齊徙此元和志東

平縣古宿國兩漢爲無鹽地後齊于此置須昌

縣屬東平郡縣理無鹽城【開皇十六年改焉】

元和志隋別置須昌縣因改須昌爲宿城寰宇

記廢東平縣漢縣故城在今鄆州東南三十二

里隋於故城置宿城縣通鑑隋煬帝卽位祖君

念選東平書佐檢校宿城令【舊置東平郡】

漢國宋改郡【後齊並廢】葉氏曰郡字下當

有及無鹽縣四字按元和志後齊須昌治無鹽

城則無鹽爲齊廢審矣無鹽故城在今東平州

東二十里漢置

按有富城縣漢置至魏不改今東平州地當亦

齊省也

【雷澤】今濮州東南寰宇記晉南遷之後濟陰郡移理于此

【舊曰城陽】漢至晉作成陽魏志作城陽水經注瓠河又左逕雷澤北其澤藪在大成陽故城西一十餘里即舜所治也澤之東南即成陽縣【後齊廢開皇十六年置曰雷澤】元和志

雷澤縣本漢成陽縣開皇十六年置縣因縣北雷澤為名屬濮州【又分置臨濮縣】今濮州南六十五里元和志開皇十六年分鄆城南界雷澤西界屬濮州南臨濮水為名【大業初併入焉】元和志大業二年寰宇記謂廢其地

入雷澤鄆城二縣【有歷山】今濮州東南七十里史記舜耕歷山耕者讓畔水經注雷澤西南十許里有小山謂之歷山【雷澤】史記舜漁雷澤漁者讓澤元和志雷夏澤在雷澤縣北郭外按水經注在成陽西十餘里

【鉅野】今縣南漢縣在東北宋徙城南【舊廢】自漢至後魏俱有鉅野蓋廢於齊周間也【開皇十六年復】寰宇記隋於此置麟州尋廢縣屬戴州舊唐志亦云隋升縣為州元和志唐武德四年置麟州五年廢【又置乘丘縣】今鉅野縣東南五十里當即漢乘氏城【大業初廢入焉】

【濟北郡】

【舊置濟州】地形志濟州治碣磔城水經注魏立濟州故在平縣也

【統縣九戶十萬五千六百六十】

【盧】今在平縣西南後魏置按地形志濟州太

原郡有盧縣在今長清縣西三十里此漢之盧縣也一統志後齊齊濟州濟北郡有盧縣即漢之在平縣也隋之盧縣蓋濟北郡之盧縣

【舊置郡】漢郡後魏徙置治縣之盧子城【開皇初廢六年分置濟北縣大業初省入焉】改長清之時平為濟北故廢此濟北縣寰宇記長清縣下云故濟北縣城在縣西三十里者舊相傳云移於今縣故為長清按志云長清開皇十四年置而濟北至大業初始廢安得云改濟北為長清考隋盧縣與長清相接或大業初廢濟北之地入二縣也【尋置郡有關官】元和志

碣磔軍在盧縣北一里後魏於此置關名濟州關隋未廢【有成迴倉有魚山】今東阿縣西北八里元和志一名吾山瓠子歌曰吾山平兮巨野溢即此山也曹子建每登此山有終焉之志【遊仙山】

【范】今縣東南二十里漢縣在今壽張之范城橋魏徙治此即古秦邑也

【後齊廢】按地形志濟州東平郡太常中置太和末罷建義中復治秦城其范縣有秦城是後魏范縣置東平郡志當云後魏置東平郡後齊郡縣並廢開皇十六年復置縣方合【開皇十六年置】元和志開皇十六年置屬濟州十六年改屬濮州寰宇記亦作六年置

【陽穀】今縣東北三十里俗曰水沒城

【開皇十六年置】元和志隋於漢須昌縣地置陽穀縣取東阿縣界陽穀亭為名屬濟州按後漢志須昌有陽穀亭今在東平北東阿南然

則隋之陽穀當兼有漢東阿須昌兩縣地

【東阿】今陽穀縣東北五十里漢縣屬東郡晉屬濟北宋省魏復置於故城東二十里

【有浮山】寰宇記相傳堯時大水此山浮於水上時有人纜船於巖石間今猶有斷鐵鎖存焉【嶮山】今東阿縣東南三十里水經注謂之大嶮山紀要嶮山一名浮山果爾則此志並載兩山為復【狼水】紀要源出今東阿縣東南二十八里狼山水經濟水注狼水出大嶮山狼溪西北入清水

【平陰】今肥城縣南

【開皇十四年置曰榆山大業初改焉】元和志開皇十四年於今平陰縣西北二十八里置榆山縣大業二年移於今理改名平陰屬濟州寰宇記取界內平陰故城為名山東通志今平陰西北無城以當之惟肥城縣有榆城鄉縣南有紫榆山肥城本由平陰析置即隋縣之故址也

【長清】今縣東南三十里

【開皇十四年置】元和志開皇五年於漢盧縣地置鎮十四年廢鎮置長清縣屬濟州因清水為名寰宇記開皇十四年屬齊州大業六年割隸濟州【又有東太原郡】寰宇記長清縣下後魏孝昌二年自山在故城移東太原郡於此宋志元嘉十年立無東字地形志同水經濟濟水注半水流逕東太原郡南魏書許彥傳許廓除頓邱東太原二郡太守又韓麒麟傳韓伯華為東太原太守則有東字而崔長文傳稱齊州

太原太守復無東字疑東字是史官追加【後齊廢】寰宇記廢在城在長清縣東四十里漢之舊縣也屬太山郡隋廢按即魏之山莊縣也按有太原縣在今長清縣東北宋志晉安帝義熙中土斷立魏因之一統志後齊省

【濟北】今長清縣西南四十里

【開皇十四年置曰時平大業初改焉】大業初廢盧縣之濟北故以此改

【壽張】今東平州西南漢置曰壽良後漢改元和志隋開皇三年罷東平郡縣屬濟州十六年割屬鄆州按地形志有兩壽張一屬濟州東平郡故城在東平東南五十里一屬兗州東平郡在東平西南葉氏圭綬謂齊省兗州壽張入須昌而存屬濟州者周書張執傳魏孝武西遷封壽張縣子新唐書宰相世系表宇文璟周時封壽張縣公

【肥城】今縣治漢置地形志前漢屬泰山後漢屬濟北晉罷後復屬而續漢志無肥城或章帝後省安順復置與

【宋置濟北郡】治蛇邱後魏孝昌三年改置東濟北郡治肥城【後齊廢後周置肥城郡】

周書侯植傳西魏文帝時封肥城縣公孝閔帝踐阼進爵肥城郡公則郡置於周初按周初疆域不至此當亦遙封然必先有肥城郡或齊已置郡也【尋廢又復】寰宇記濟州總序云周建德七年置肥城郡蓋復置也【開皇初又廢】

【武陽郡】

【後周置魏州】周紀大象二年八月分相州

昌黎郡 按相州不聞有昌黎郡當是昌樂之誤然魏志昌樂永安元年置郡天平中罷且相州魏已改司州豈周平齊後仍爲相州復置昌樂郡耶置魏州元和志後魏於今州理置貴鄉郡周大象二年於貴鄉郡東界置魏州隋大業三年罷州爲武陽郡通鑑隋義寧元年武陽郡承元寶藏以郡降李密且請改武陽爲魏州密以寶藏爲魏州總管

【統縣十四戶二十一萬三千三十五】

【貴鄉】今元城縣東

【東魏置】地形志天平二年分館陶置治趙城舊唐志後魏天平二年分館陶西界於魏西北三十里古趙城置貴鄉縣後周建德七年以趙城卑濕西南移三十里就孔思集寺爲縣治【又有平邑縣】今南樂縣東北地形志天平二年分元城置【後齊廢開皇十六年又置大業初置武陽郡】據元和志是改貴鄉郡爲武陽【并省平邑】各本誤作玄邑今訂【縣入焉有恆山】元和志古恆今名恆山在縣西九里漢成帝時河決金堤使者王延世募人塞之蓋運土塞河之處以其恆當人情故謂之恆山

【元城】今縣東

【後齊廢】本漢縣元和志後齊省入貴鄉【開皇六年復】舊唐志隋廢治古殷城【又置馬陵縣】今元城縣東南【大業初廢入焉有沙麓山】今縣東四十五里元和志即春秋所書沙麓崩漢書以爲元后興之祥也

【繁水】今南樂縣西北三十五里

【舊曰昌樂】今南樂縣西北漢曰樂昌後漢省地形志昌樂太和十一年分魏置【置昌樂郡東魏郡廢】地形志永安元年置郡天平中罷郡【後周又置】按元和志寰宇記俱謂昌樂縣周武帝改屬魏郡不言復置郡事與此異【舊有魏城縣後齊廢】即魏縣此不當載入【開皇初廢郡六年置縣曰繁水大業初廢昌樂縣入焉】

【魏】今元城縣西少南四十里漢縣

【後齊廢】元和志後齊省魏縣入昌樂【開皇六年復】元和志開皇六年分昌樂置魏縣【十六年析置漳陰縣】紀要在魏縣西南【大業初省入焉】

【莘】今縣治

【舊曰陽平後齊改曰樂平】按漢東郡有陽平又有樂平魏晉以下亦兩縣並立後齊蓋省樂平入陽平又改陽平爲樂平也【開皇六年復曰陽平】元和志開皇六年於樂平故城置陽平縣屬魏州【八年改曰清邑十六年置莘州】通典陽平縣隋新置莘州舊唐志隋置新州武德五年改爲莘州按寰宇記亦云開皇十六年於縣置莘州舊唐志似誤【大業初州廢】元和志大業二年廢州【改縣名莘】元和志大業二年改因縣北古莘亭爲名隋書鄭譯傳大業初追封莘公【又廢莘亭縣入焉】今莘縣北寰宇記開皇十八年改樂平縣爲莘亭與志云開皇六年改樂平爲陽平者異又一統志莘亭縣周置康熙莘縣志周爲武陽郡莘亭縣

【後周置武陽郡焉】焉字衍文寰宇記周建德七年置在武水之陽因名又云武陽故城在今莘縣之南後周置即此【開皇初廢】

【頓丘】今清豐縣西南二十五里漢縣

【後齊省】按晉有頓丘郡武帝置後魏頓丘縣仍屬頓丘郡志當云舊置頓丘郡後齊並縣廢【開皇六年置又有舊陰安縣】今清豐縣北二十里漢置地形志真君三年併衛國太和十九年復【後齊廢】

【觀城】今縣西南五十里元和志稱觀城縣西至澶州頓丘二十四里即今清豐縣南五里之古城

【舊曰衛國】前漢置觀縣後漢改地形志屬頓丘隋書李德林傳奏取逆人高阿那肱衛國縣市店八十堰【開皇六年改】元和志屬魏州

【臨黃】今觀城縣東南

【後魏置】地形志臨黃屬頓丘真君三年併衛國太和十九年復不言是魏始立據頓丘郡晉武帝置則亦晉置也【後齊省開皇六年復十六年分置河上縣】紀要置於漢河牧城【大業初省入焉】

【武陽】今朝城縣西四十里

【後齊省】本漢東武陽縣後魏去東字屬司州魏尹【後周置】元和志開皇十六年屬莘州

【武水】今聊城縣西南四十里沙鎮

【開皇十六年置】元和志開皇十六年分清

邑縣置屬莘州在武水溝之南因名通典武水漢陽平縣地隋改今縣按漢陽平治今莘縣是武水分清邑陽平兩縣立也

【館陶】今縣西南漢置

【舊置毛州】周書靜帝紀大象二年八月分相州陽平郡置毛州據周紀是年六月尉遲迴舉兵八月庚午破迴後始置毛州而迴傳云迴所管有毛州當是史官追書之也元和志云周大象二年置屯州以近屯河為名又云屯氏河俗名毛河在館陶西漢書溝洫志河北決於館陶分為屯氏河顏師古曰屯音大門反而隋室分析州縣誤以為毛氏河乃置毛州失之甚矣

【大業初州廢】元和志大業二年廢毛州以縣屬魏州【又有舊陽平郡】三國志黃初二年以魏郡東部為陽平郡地形志水經注并云治館陶元和志館陶魏陽平郡石趙移陽平郡理此按唐書劉黑闥傳皇太子齊王悉兵戰館陶黑闥大敗引軍走臨北至毛州是毛州與館陶非一城豈所指之館陶為古館陶故城隋志所云則石趙移徙乎【開皇初廢】

【堂邑】今縣西十里千戶營漢志臨淮郡有堂邑縣在今治西北三十餘里元和志故城在堂邑之西北二十七里

【開皇六年置】舊唐志分清陽縣置輿地廣記分館陶東界置元和志因縣西堂邑故城為名屬毛州大業二年改屬魏州寰宇記作十六年置

【冠氏】今冠縣北

【開皇六年置】元和志分館陶東界置因古冠氏邑為名屬毛州大業二年屬魏州

【聊城】漢縣在今縣西北十五里後魏縣在今縣東北二十許里又名王城水經注黃溝逕王城北魏太常七年安平王鎮平原所築世謂之王城太和二十三年罷鎮立平原郡治此也元和志屬濟州隋開皇三年改屬冀州十六年置博州縣屬焉

【舊置南冀州及平原郡】地形志平原郡下後魏武泰初立南冀州永安中罷魏書辛紹先傳子魏孝昌初除南冀州防城鎮將又魏書路特慶傳路思令拜陽平太守又割冀州之清河相州之陽平濟州之平原以為南冀州以思令為刺史然則南冀州統此三郡也【未幾州廢開皇初郡廢十六年置博州大業初州廢】元和志大業三年廢

【渤海郡】漢郡在今滄州後漢晉郡在今南皮北魏郡在今高苑隋始移此

【開皇六年置棣州】元和志作十六年寰宇記亦作十六年【大業二年為滄州】寰宇記大業二年自饒安縣移滄州於此元和志大業二二當作三年罷州為渤海郡

【統縣十戶十二萬二千九百九】

【陽信】今縣南七里本漢置寰宇記高齊天保七年自今無棣縣東南三十里移於今陽信縣東馬嶺城置按即漢魏厭次縣城也魏志厭次治馬嶺城

【帶郡】元和志開皇三年罷郡屬滄州十六

年於縣置棣州

【樂陵】今縣西南三十里漢置寰宇記永平二年又徙縣於今縣東五十里樂陵故城據此知漢以後有遷徙魏治還故治元和志開皇三年屬滄州

【舊置樂陵郡】按後漢建安中置樂陵郡晉改國後改郡魏因之【開皇初郡廢十六年分置鬲津縣】今樂陵縣西南寰宇記鬲津枯河在縣西三里東北流入饒安界入海【大業初廢入焉】

按漢重合縣在今樂陵縣西寰宇記在樂陵縣東二百步高齊天保七年省

【瀟河】今商河縣治錢氏考異瀟當作瀟讀如商余按集韻瀟尸羊切水名水經注商河亦曰小漳河商漳聲近故字與瀟移耳通典作商音瀟謬又按宋改瀟河為商河以音同耳又元和志漢武帝鴻嘉四年河水泛溢為害河堤都尉許商鑿此河通海故以商字為名後人加水焉然按漢書溝洫志無此說蓋許商開屯氏河未成而罷又嘗塞決河因附會為此與

【開皇十六年置】元和志本漢初縣後漢省隋開皇十六年於此置瀟河縣因北有瀟河以名之屬滄州寰宇記於漢初縣故城置【又有後魏濕沃縣】按地形志有兩濕沃一滄州樂陵郡之濕沃治亂城即漢千乘郡之樂陵稍有移徙耳一青州樂陵郡之濕沃即劉宋僑置冀州樂陵之濕沃此所云是也其故城今不可考【後齊廢】當廢於天保七年【有關官】

【厭次】今惠民縣東南四十里北舊城又名陷棣州城史記高祖功臣侯表高帝六年封元項為厭次侯東方朔傳平原厭次人而漢地志無厭次縣水經河水注引應劭闕駟說并稱厭次本富平漢明帝更名蓋移封張延壽改厭次為富平明帝又復故耳顏魯公東方朔像贊碑陰記稱厭次城在安德縣東北二十二里殊誤豈因漢厭次屬平原遂以隋唐平原郡之安德當之耶

【後齊廢】寰宇記高齊天保七年省【開皇十六年復】寰宇記作十七年【蒲臺】今縣北去大清河五里

【開皇十六年置】元和志本漢濕沃縣地屬千乘國宋屬樂陵郡治隋開皇三年改屬滄州十六年改為蒲臺縣北有蒲臺因為名也隋末廢寰宇記同然則志當云舊曰濕沃開皇十六年改方合又按北齊書彭城景思王湊傳有濕沃縣主簿張達可知瀟河所廢者是青州之濕沃此滄州之濕沃固未廢也

【饒安】今南皮縣東南八十里前漢曰千童後漢改

【舊置滄州】地形志滄州熙平二年分瀛冀二州置治饒安【浮陽郡】地形志浮陽郡太和十一年分渤海章武置治浮陽寰宇記高齊後周不改周書獨孤信傳魏孝武西遷進爵浮陽郡公又隋書李衍傳周平齊以軍功賜子仲威浮陽郡公【開皇初郡廢大業初州廢】按大業二年移治陽信

【無棣】今慶雲縣東南五里【開皇六年置】元和志割陽信饒安置以南臨無棣溝為名

【鹽山】今縣東南

【舊曰高成】漢置寰宇記高齊天保七年自今鹽山縣南四十里移於今理【開皇十六年又置浮水縣】紀要浮水在今鹽山縣北百里【十八年改高成曰鹽山大業初省浮水入焉有鹽山】今鹽山縣東南八十里寰宇記山低小無峯巒樹木【峽山】今鹽山縣東南四十里寰宇記篋山一名峽山

【南皮】今縣治漢置

【清池】各本誤作地今訂正在滄州東南四十里

【舊曰浮陽】漢置通典以在浮水之陽後魏置浮陽郡當載於此以浮陽郡理浮陽也【開皇十八年改】元和志縣東有作清池因為名寰宇記作清池在縣東南十九里

【平原郡】

【開皇九年置德州】元和志開皇三年改安德為德州大業三年罷州為平原郡寰宇記開皇三年罷郡九年於今安德復置德州北齊書文宣帝紀武定七年梁德州刺史劉領隊以州內附按梁境不至德州恐誤字也

【統縣九戶十三萬五千八百二十二】

【安樂】今陵縣治按當作安德本漢縣舊唐志安德漢至隋不改諸書並無隋改安德為安樂之說知此樂字為德字之誤無疑按北齊書劉

叔宗傳樂陵安德人然則齊安德屬樂陵元和志開皇三年屬冀州九年屬德州

【舊置平原郡】按平原當作安德地形志安德郡中興初分樂陵置太昌初罷天平初復治般界元和志後魏孝文於今德州置安德郡寰宇記後魏太和中於今州東南三十里安德故城置安德郡且此志於聊城下云舊置平原郡此何以複載故知訛誤無疑【開皇初郡廢】

元和志在開皇三年【大業初復】當作大業初置平原郡元和志大業三年罷州置平原郡寰宇記同據此知是誤即原於作志之人或因安德已誤作平原後人見其不可通也故改爲復字歟【又開皇十六年置繹幕縣】按德州志州東南四十里篤馬河東岸有廢城疑即隋繹幕縣也【至是廢入焉又有後魏高縣】括地志高縣在安德西北五十里寰宇記亦云在西北按魏志高縣治臨濟城水經注屯別南濱

逕安德故城西又東北逕臨濟城南是高縣在安德東北而葉圭綬謂隋之安德即徙此城尤謬【後齊廢】寰宇記天保七年【有關官】元和志鹿角故關在安德縣東南七十五里

【平原】今縣治漢縣在今縣南二十里後魏徙置屬安德郡元和志開皇三年屬冀州九年改屬德州舊唐志今縣治城北齊所築

【後齊併歙縣入焉】諸志俱作鄒此誤在今平原縣西南五十里漢置寰宇記謂後魏省按地形志南清河郡有鄒縣則非魏省【有關官】又後魏置東青州置未久而廢【宋書明帝紀

泰始四年八月分青州置東青州尋朝議罷之魏書韓茂傳先是河外未賓民多去就故權立東青州爲招懷之本

按有繹幕縣城在今平原縣西北二十里寰宇記高齊省入平原

【將陵】元和志寰宇記並云在德州北五十里然則在今陵縣北而一統志云今霑化縣地誤也

【開皇十六年置】元和志於漢安德地置取安德縣界將陵故城爲名屬德州寰宇記同舊唐志亦云置於將陵故城輿地廣記於漢重邱故城城置按水經注引應劭曰安德北五十里有重邱城今按德在德州東南三十里則重邱在德州西北二十里耳若謂將陵置此與元和志寰宇記皆不合廣記說誤元和志所云故城蓋漢書外戚恩澤侯表有將陵哀侯史曾封於此也

【平昌】今德平縣治地形志云平昌二漢晉屬平原後漢晉曰西平昌後罷太和二十二年復屬渤海熙平中屬樂陵復屬安德治平昌城寰宇記漢平昌故城在德平縣西北三十里後魏永熙中移於今縣東南廢平昌城高齊天保七年自今德平縣東南廢平昌城移於今德平縣

理隋開皇三年屬滄州十六年改屬德州葉氏曰按水經注商河所逕曰平昌縣城屯別河所逕曰西平昌縣城然則前漢治縣之東南城後漢治縣之西北城故加西字後魏復治前漢城故除西字

【後魏置東安郡】地形志南青州有東安郡領蓋新泰發于三縣在今沂州沂水西北八十里去此甚遠按地形志有兩安德郡一冀州之安德領平原安德繹幕兩四縣即隋改平原郡之地也一滄州之安德郡領般重合重平昌四縣即此郡也然則東安下脫德字其加東字者以別於冀州之安德也【後齊廢并以重平縣入焉】今德平縣西北三十里漢縣魏復置寰宇記高齊天保七年省入平昌縣

【般】今德平縣西南三十里漢縣在德平縣東北二十五里

【後齊省】寰宇記天保七年【開皇十六年復】寰宇記置於今平昌縣西南三十里漢平昌城內按即後魏之西平昌也

【長河】今德州東十里方山店寰宇記云在德州西北五十里

【舊曰廣川】在今棗強縣東三十里漢縣關駟曰縣中有長河爲流故曰廣川【後齊省開皇六年復置】元和志屬冀州九年改屬德州舊唐志隋於舊廣川縣東八十里置廣川縣今治是也【仁壽初改名焉】元和志仁壽元年顏師古曰隋仁壽元年爲皇太子諱故改長河

【弓高】今東光縣西四十里

【舊廢】寰宇記漢縣晉廢按故城在阜城縣西南二十七里【開皇十六年置】寰宇記移置於今理

【東光】今縣治本漢縣寰宇記漢縣在今縣東二十里東光故城高齊天保七年移於今縣東

【後魏置東安郡】地形志南青州有東安郡領蓋新泰發于三縣在今沂州沂水西北八十里去此甚遠按地形志有兩安德郡一冀州之安德領平原安德繹幕兩四縣即隋改平原郡之地也一滄州之安德郡領般重合重平昌四縣即此郡也然則東安下脫德字其加東字者以別於冀州之安德也【後齊廢并以重平縣入焉】今德平縣西北三十里漢縣魏復置寰宇記高齊天保七年省入平昌縣

【般】今德平縣西南三十里漢縣在德平縣東北二十五里

【後齊省】寰宇記天保七年【開皇十六年復】寰宇記置於今平昌縣西南三十里漢平昌城內按即後魏之西平昌也

【長河】今德州東十里方山店寰宇記云在德州西北五十里

【舊曰廣川】在今棗強縣東三十里漢縣關駟曰縣中有長河爲流故曰廣川【後齊省開皇六年復置】元和志屬冀州九年改屬德州舊唐志隋於舊廣川縣東八十里置廣川縣今治是也【仁壽初改名焉】元和志仁壽元年顏師古曰隋仁壽元年爲皇太子諱故改長河

【弓高】今東光縣西四十里

【舊廢】寰宇記漢縣晉廢按故城在阜城縣西南二十七里【開皇十六年置】寰宇記移置於今理

【東光】今縣治本漢縣寰宇記漢縣在今縣東二十里東光故城高齊天保七年移於今縣東

【後魏置東安郡】地形志南青州有東安郡領蓋新泰發于三縣在今沂州沂水西北八十里去此甚遠按地形志有兩安德郡一冀州之安德領平原安德繹幕兩四縣即隋改平原郡之地也一滄州之安德郡領般重合重平昌四縣即此郡也然則東安下脫德字其加東字者以別於冀州之安德也【後齊廢并以重平縣入焉】今德平縣西北三十里漢縣魏復置寰宇記高齊天保七年省入平昌縣

【般】今德平縣西南三十里漢縣在德平縣東北二十五里

南三十里陶氏故城隋開皇三年又移於今治

【舊置渤海郡】漢郡名後魏徙今東光縣東二十里地形志世祖初改為滄水郡太和二十一年復【開皇初郡廢九年置觀州】隋書酷吏傳田孔嗣開皇十四年除觀州總管長史則

隋常置總管府志失書【大業初州廢又併安陵入焉】今吳橋縣西北二十五里寰宇記晉於漢安縣故城置東安陵縣後魏省東字高齊

天保七年省隋開皇六年又分東光縣於今縣東二十二里新郭城再置今安陵故縣是也大業二年廢元和志隋開皇六年重置屬冀州九年屬觀州【有天胎山】今東光縣南十里紀

要土阜隆起南臨新河一名天臺山

【胡蘇】今寧津縣西南二十里

【舊廢】隋以前無胡蘇縣不得云舊廢按漢重平縣在今寧津縣南後漢廢又漢新樂縣在今寧津縣北後漢廢晉改置新樂後魏省或即志之所指歟【開皇十六年置】舊唐志隋於故胡蘇亭置胡蘇縣陳書湘東王叔平傳隋大業中為胡蘇令

【兗州於禹貢為濟河之地其於天官自軫十二度至氏四度為壽星於辰在鄭之分野】史記天官書角亢氏兗州通典其在天文營室東壁則衛之分野兼得魏宋齊趙之交【兗州蓋取沈水為名亦曰兗兗之為言端也言陽精端端故其氣纖殺也】春秋元命包說【東郡東平濟北武陽平原等郡得其地焉兼得鄒魯齊衛之交舊傳太公唐叔之教亦有周孔遺風今此數郡其人尙多好

儒學性質直懷義有古之風烈矣】通典兗州舊疆界於河濟地非險固風雜數國秦漢以降政理混同人情樸厚俗有儒學

隋書地理志考證補遺

卷四兗州

肥城縣開皇初又廢後提行○隋書樊子蓋傳齊時封富陽縣侯按漢富陽縣屬泰山郡在肥城縣南後漢廢或齊時重置於故城與

安樂縣九年屬德州下○又按開皇六年所立龍藏寺碑陰有安樂縣開國公石元□此石刻之最足據者

安樂縣開皇三年下○隋書觀德王雄傳仁壽初改封安樂王是時郡已廢蓋據舊圖封之與

安樂縣舊置平原郡下○按延陵顯仲造象記滄州安樂郡平昌縣人東魏武定七年造景東魏仍為安樂郡

仍為安樂郡

隋書地理志考證卷第五

宜都楊守敬惺吾

【信都郡】

【舊置冀州】元和志後漢末韓馥為冀州牧魏文帝以鄴為五郡之一始移冀州理信都後遷徙無定治寰宇記後魏於信都置冀州北齊北周皆因之元和志大業三年改為信都郡按隋紀開皇四年六月以鴻臚卿乙弗寔為冀州總管則隋嘗置總管府志失書

【統縣十二戶十六萬八千七百一十八】

【長樂】今冀州治

【舊曰信都】漢縣【帶長樂郡】地形志漢高置為信都郡景帝二年為廣川國明帝更名樂成安帝改曰安平晉改長樂郡【後齊廢扶柳縣入焉】今冀州西南六十里漢縣【開皇初郡廢】元和志縣屬冀州【分信都置長樂縣】寰宇記開皇六年於冀州理置【十六年又分長樂置澤城縣】今冀州東寰宇記故澤城西晉末劉石之亂人相率與築此城於柳澤畔【大業初廢信都及澤城入焉】寰宇記大業二年省信都入長樂十二年又改長樂為信都【置信都郡】

【堂陽】今新河縣西

【舊縣】漢置【後齊廢開皇十六年復】元和志屬冀州

【衡水】今縣西南十五里元和志本漢桃縣之地

【開皇十六年置】舊唐志古無此名開皇十

七年河北大使郎蔚之分信都北界武邑西界下博南界置衡水縣特築此城元和志縣在長蘆河西長蘆河則衡水故瀆也因以為名

【棗疆】今縣東南三十里

【舊縣】地形志前漢屬清河後漢罷晉復屬廣川神瑞二年併廣川太和二十二年復寰宇記高齊天保七年自今縣西南十五里棗疆故城移於今縣東北十八里廣川城置屬長樂郡隋開皇二年移於今理元和志開皇三年屬冀州【後齊廢索盧廣川二縣入焉】索盧地形志作索盧云晉屬廣川神瑞二年併廣川太和二十二年復屬長樂郡在今棗疆縣東十五里按晉志無廣川郡無索盧縣脫也廣川在今棗疆縣東三十里漢置屬信都後漢屬清河晉屬渤海後魏屬長樂寰宇記俱天保七年省

【武邑】今縣治

【舊縣】漢置【後齊廢】寰宇記天保中省【開皇六年置】元和志屬冀州【并得後齊觀津縣地】縣在今武邑縣東南二十五里漢置寰宇記高齊天保七年廢【十六年分武疆置昌亭縣】今武邑縣東北【大業初廢入焉】

【武疆】今縣治晉置水經注衡水側有武疆縣故治東觀漢記曰光武拜王梁為大司空以為侯國然則自後漢已為國矣寰宇記高齊自西南二十五里移於今理元和志高齊屬長樂郡隋開皇三年屬冀州

【舊置武邑郡後齊郡廢】今縣東北寰宇記晉太康十年於武邑縣置武邑郡後魏皇始三

年移郡武疆高齊省水經注漳水又東北逕武邑郡南魏所置也又東逕武疆縣北是魏之武邑郡亦不治武疆縣【又廢武遂縣入焉】今武疆縣東北漢縣史記秦破趙將扈輒於武遂即此水經注漳水又東北逕武遂縣故城南是中間有移徙寰宇記高齊天保七年省隋書史祥傳仕周襲爵武遂縣公是周時尚有武遂縣

【南宮】今縣西北

【舊縣】漢置【後齊廢】寰宇記天保七年【開皇六年復】輿地廣記屬冀州

【斌疆】按寰宇記清河縣下故斌疆城後魏太和七年於其城置斌疆縣屬廣宗郡隋廢而地形志廣宗郡無斌疆縣

【鹿城】今東鹿縣北三十五里

【舊曰鄆】各本皆誤作郡今訂正漢志鹿鹿郡有鄆縣說文作鄆續志及晉志同段玉裁曰作鄆者是今本說文淺人所改如嶷首之改為嶷首也漢鉅鹿郡鄆縣豫章郡鄆陽縣字不同玉篇廣韻皆鄆與鄆陽字別按段說是也地形志作鄆亦字形之誤【後齊改曰安國】本漢縣在祁州南齊徙此【開皇六年改為安定】元和志開皇三年置安定縣取漢舊名屬定州寰宇記亦作三年寰宇記蒲陰縣下開皇六年移安國縣於鄭德堡改為義豐則安國之廢在六年所改者為義豐非安定也然則志當云開皇三年分置安定六年廢安國方合又見後博陵郡義豐縣下【十八年改】元和志取縣東故鹿城為名改屬冀州【開皇十六年又置晏

城】今東鹿縣西【大業初廢入】紀要隋末復置

【下博】今冀州北一百里漢置寰宇記後魏自今縣南二十里移於衡水北去今縣二十里俗謂之故縣城後周建德六年又移於今理元和志開皇三年屬冀州十六年屬深州

【舊】今景州南

【舊曰脩】元和志本漢條縣即條侯國也景帝封周亞夫爲條侯漢條縣屬信都國後漢屬渤海郡晉改條爲脩隋開皇三年廢渤海郡屬冀州五年改脩爲舊縣屬觀州寰宇記本漢舊縣即條國也晉改舊爲條開皇五年改條縣爲舊縣按脩舊條本一字古通用服虔云舊音條師古云脩音條兩漢晉北魏水經注作脩南宋僑縣隋唐以下作舊元和志謂漢條縣而兩漢志實不作條寰宇記謂晉改舊爲條而晉志實作脩良由古本參差今見北魏金石亦脩舊錯出李吉甫樂史各據所見本爲說故今皆不相應也【開皇五年改】寰宇記屬觀州【十六年分置觀津縣大業初廢】

【阜城】今縣治按前漢渤海郡有阜城縣非此地此後漢安平國之阜城即前漢信都國之昌城地形志武邑郡阜城下云前漢屬渤海後漢屬安平蓋誤寰宇記引晉書地道記云改阜邑爲阜城高齊天保七年自今縣東二十二里故城移於今理按阜城不聞有置阜邑事未知地道記何據也元和志開皇九年屬觀州大業二年改屬冀州

【清河郡】漢郡治清陽後漢治甘陵晉治清河

【後周置貝州】元和志建德六年平齊置大業三年改爲清河郡宋白曰蓋因貝丘而名按周紀宣政元年分相州清河郡置貝州隋書楊善會傳隋末爲竇建德所執用爲貝州刺史則建德又置此州

【統縣十四戶三十萬六千五百四十四】

【清河】今縣北十里本漢信成縣

【舊曰武城置清河郡】漢郡在今縣東後魏徙縣西北詳見下寰宇記高齊自厝城移清河郡及武城縣於今貝州西北十里故州城其城即漢信成縣理【開皇初郡廢改名焉】改上脫縣字寰宇記開皇三年縣屬貝州六年自厝城移清河縣於州郭【仍別置武城縣】寰宇記遺舊理見下武城【十六年置夏津縣】今夏津北三十里新縣店又名孫生鎮寰宇記清陽縣下故夏津縣城在縣東南四十里隋開皇六年以縣東有王莽河又有古夏津城相連因以爲名【大業初廢入置清河郡】

【清陽】今清河縣東漢清河郡治清陽縣在今縣西北此漢之厝城也

【舊曰清河縣】漢縣在今縣東水經注謂之鵠城即厝城也寰宇記晉於厝城西南十七里置清河縣魏又移清河縣并清河郡於故厝城中水經河水注屯氏別河東逕信成縣故城南又東逕清陽縣故城南清河郡北魏自清陽徙置也是則魏之清河郡有移徙審矣然水經注又云屯氏別河又東北逕清河郡南又東北逕

清河故城西則不得謂魏之清河郡即厝城也

【後齊省貝丘入焉】今清平縣西南漢置【改爲貝丘】改上當有又字【開皇六年改爲清陽】移貝丘於清平故改此【又有後魏候城縣】今武城縣西南地形志作侯【後齊省以入武城亦入焉】

【武城】今縣西北十里舊唐志武城舊治古夏城

【舊曰東武城】漢縣水經注清河又東北逕東武城故城西定襄有武城故此加東地形志去東字據水經注稱東武城爲故城知魏已移徙【開皇初改武城爲清河縣】蓋改齊之武城也見清河縣下【於此置武城】寰宇記高齊天保七年移理漢信城隋開皇六年復還舊理

【歷亭】今恩縣西四十里

【開皇十六年分武城置焉】舊唐志隋分鄆縣置歷亭縣輿地廣記隋分武城鄆置歷亭縣蓋據此志及舊唐志爲說按古鄆縣已廢於齊代隋之鄆縣則與歷亭同時置安得云分舊唐志誤當以此志爲正寰宇記開皇十六年於今縣東永濟渠南置屬貝州遙取漢歷縣爲名

【漳南】今恩縣西北六十里

【開皇六年置曰東陽】寰宇記分棗疆於今縣東北二十二里置舊唐志輿地廣記分棗疆清平二縣復置於古東陽城元和志取漢東陽之名屬德州十六年改屬貝州按東陽故城水經注在屯別枝津之北今俗曰高黎郭在恩縣

西六十里【十八年改爲漳南】元和志以漳水居縣北故名【有後魏故素】地形志作索見上棗疆【盧城後齊以入棗疆至是入】

【鄆】今夏津縣治

【舊廢】按鄆本漢縣在平原縣西南五十里後齊廢詳見平原郡平原縣下【開皇十六年置】元和志大業二年屬貝州

【臨清】今州西三十五里倉集元和志本漢清泉縣地水經淇水注田融言趙立建興郡于廣宗城內置臨清縣于清水東自趙石始也地形志屬陽平郡太和二十一年置當是中廢復置也

【後齊廢】當是天保七年【開皇六年復】寰宇記屬毛州十八年屬貝州【又十六年置沙丘縣】今臨清州西【大業初廢入焉】按漢清淵縣在今臨清州西南四十里一統志後齊徙廢

【清泉】今冠縣清水堡本漢清淵縣地後齊徙置按唐爲高祖諱故晉志隋志作泉

【後齊廢千童縣入】按前漢千童縣屬渤海郡後漢省在今南皮縣東南八十里去清泉甚遠安能併入葉圭綬云千童是發干之誤按漢發干故城在今堂邑縣西南三十三里與清泉境相接葉說是【開皇十六年置貝丘縣】因六年所徙之貝丘又改爲清平故以貝丘移此【大業二年廢入】

【清平】今縣西四十里平晉城

【開皇六年置曰貝丘】元和志開皇六年自

今貝州清河縣界移貝丘縣於今理屬貝州按因改齊之貝丘爲清陽故移貝丘於此【十六年改曰清平】元和志屬博州大業二年屬貝州隋亂廢

【高唐】今州治漢縣在今禹城縣西南四十里元和志章邱縣高齊天保七年自高唐故城移高唐縣理於此是齊始徙於章邱至隋又移於莒城即魏之零縣地也而葉氏謂章邱之高唐是宋所僞置齊蓋徙禹城之高唐於莒城即此高唐也互詳齊郡章丘縣下又按此不言高唐建置年月余疑在開皇十六年以隋初高唐在章邱故也

【後魏置南清河郡】地形志晉泰寧中分平原置治莒城按魏書房亮傳普泰中濟州刺史張瓊表所部置南清河郡仍請房悅爲太守則魏志晉泰寧是普泰之誤【後齊郡廢】北齊書循吏傳蘇瓊爲南清河太守

【經城】今威縣北

【後齊廢】按後漢冀州安平國有經縣晉因之在今廣宗縣東二十里後魏始移於此寰宇記後魏置經縣續於縣理置廣宗郡高齊天保七年省郡及縣移武彊縣於此後周建德七年復於此置廣宗郡隋開皇三年罷郡志當云舊置經縣并置廣宗郡後齊郡縣并廢周復置郡開皇三年罷郡六年置經城縣方合隋書李崇傳進爵廣宗郡公則隋初有廣宗郡審矣【開皇六年置】寰宇記六年移武彊縣於武彊城南置復於此置經城縣屬貝州隋書李敏傳開

皇中封經城縣公【十六年分置府城縣】今廣宗縣東南【大業初省入焉】

【宗城】今威縣東三里

【舊曰廣宗】後漢置後魏屬廣宗郡元和志隋開皇三年屬貝州隋書李崇傳周平齊後封廣宗縣公【仁壽元年改】按隋書劉權傳開皇十二年封宗城縣公則縣當改於開皇中志作仁壽元年恐誤

【博平】今縣西北三十里漢置屬東郡晉屬平原國元和志開皇三年屬毛州十六年改屬博州

【開皇六年置靈縣】按本漢縣屬清河郡後魏尙有此縣惟靈作零耳水經河水注仍作靈寰宇記高齊天保七年省隋蓋復置也又按靈縣故城在高唐州南三十里今南鎮【大業初省入】

【莊平】今縣西三十里

【後齊廢】漢縣在縣南五十里劉宋於此置礪礪城後魏徙治鼓城水經注謂之時平城即此縣所治也【開皇初復】

【魏郡】

【後魏置相州】地形志太祖天興四年置寰宇記亦云道武立元和志孝文帝立誤【東魏改曰司州牧】地形志天平元年遷都改寰宇記東魏靜帝遷都於此改置魏尹及司州牧北齊武帝又都焉改魏尹爲清都尹【後周又改曰相州】元和志周武帝平齊復改爲相州大象二年自故鄴城移相州於安陽城即今理也

【置六府】周武帝紀建德六年二月平齊置相州及六府官【宣政初府移洛以置總管府】按周紀建德六年正月以上柱國越王盛爲相州總管則總管之置實在宣政以前又按移府於洛在大成元年二月見志豫州河南郡洛陽縣下此作宣政初亦誤【未幾府廢】周紀大象二年八月廢相州總管元和志大業三年改相州爲魏郡

【統縣十一戶十二萬二千二十七】

【安陽】今縣治晉置

【周大象初置相州】見上元和志【及魏郡】郡本漢置治鄴【因改名鄴】地形志鄴縣二漢晉屬魏郡天平初併蕩陰安陽屬之是安陽已併入鄴縣周蓋以安陽故城置鄴城耳觀下鄴縣注可見元和志晉於今理西南三里置安陽縣屬魏郡後魏併入蕩陰按魏志是蕩陰安陽併入鄴縣非併安陽入蕩陰也【開皇初郡廢十年復名安陽】元和志屬相州【分置相縣】今安陽縣西十五里【鄴還復舊】詳見下【大業初廢相入焉置魏郡有韓陵山】今安陽縣東北十七里劉公幹詩曰朝發白馬暮宿韓陵元和志東魏丞相高歡破爾朱兆衆於此寰宇記陳徐陵嘗北使鄴讀韓陵碑愛其才麗歸陳人問北朝人物曰惟韓陵片石耳

【鄴】今臨漳縣西南四十里漢縣

【東魏都】詳見上元和志石季龍徙都鄴冉閔及慕容儁泊東魏高齊並都於此【後周平齊置相州】見上【大象初縣隨州徙安陽】

周書靜帝紀大象二年六月相州總管尉遲迥舉兵不受代詔以章孝寬爲行軍元帥討之八月章孝寬破尉遲迥於鄴城迥自殺相州平移相州於安陽其鄴城及邑居皆毀廢之舊唐志周大象二年焚燒鄴城徙其居人南遷四十五里以安陽城爲相州理所仍爲鄴【此改爲靈芝縣】此於他書無考據周書云已毀廢舊唐志亦云焚燒不容當時有置縣事或隋初所置也【開皇十年又改焉】舊唐志煬帝初於鄴故都大慈寺置鄴縣

【臨漳】今縣西南十八里

【東魏置】地形志天平初分鄴併內黃斥丘肥鄉置元和志孝靜帝分鄴縣之地於鄴城中置周武帝平齊自鄴城移於今理屬魏郡隋開皇三年屬相州舊唐志謂周建德六年分鄴縣置蓋據移縣之時爲言

【成安】北齊書路去病傳擢爲成安令京城下有鄴臨漳成安三縣輦轂之下舊號難治隋書百官志齊制鄴臨漳成安三縣令並置丞則成安當亦在鄴縣左右

【後齊置】元和志文宣帝分鄴縣置屬清河尹周平齊屬魏郡隋開皇三年屬相州楊素傳周武帝平齊以功封成安縣公又達奚長孺傳從周武帝平齊進爵成安郡公又元和志周武帝置滏陽屬成安郡則周有成安郡當是齊與縣同置志失書

【林慮】今林縣治漢曰隆慮後漢改地形志真君六年併鄴太和二十一年復

【後周置】通鑑陳天嘉二年齊有林慮令潘子密【有龍山】今安陽縣西四十里

【堯城】今安陽縣東四十里

【開皇十年置名長樂】元和志堯城本漢內黃縣地晉於此置長樂縣高齊省入臨漳隋開皇十年分臨漳洹水二縣於此重置長樂縣輿地廣記作十四年【十八年改焉】元和志因所理堯城爲名

【洹水】今大名縣西六十里

【後周置】寰宇記周武帝分臨漳置因洹水流入卽以爲名屬魏郡隋開皇三年屬相州舊唐志周建德六年分臨漳東北界置洹水縣隋書藝術傳來和文帝受禪封洹水縣子

【滏陽】今磁州治元和志本漢武安縣地以在滏水之陽名

【後周置】元和志周武帝置屬成安郡隋開皇三年屬相州【開皇十年置慈州】寰宇記以昭義縣界有磁石山因取爲名【大業初州廢】寰宇記磁州城在滏陽縣東北六里周建德六年置隋開皇三年廢隋書元冑傳煬帝初有慈州割州上官政則非開皇時廢

【臨水】今磁州西北四十里魏黃初三年置晉屬廣平郡後魏屬司州魏尹寰宇記後齊天保元年移理松谷周建德六年移理故涉城卽今涉縣是也隋開皇七年移於西戊十年移於今理隋書蘇慈傳周時封臨水縣公陸彥師傳周宣帝時賜爵臨水縣男

【有慈石山】今武安縣西南三十里寰宇記

山出磁石【鼓山】今武安縣西南二十里寰宇記亦名溢山引宋永初山川記云山有石鼓形二所南北相當俗語云南鼓北鼓相去十五又引冀州圖經云鄴城西有石鼓鼓自鳴即有兵高齊末此鼓鳴未幾齊滅隋文季年又鳴聲聞數百里【溢山】寰宇記引隋圖經作溢口山又引魏土記溢口山即魏帝邀擊袁尙之所八陘第四曰溢口陘山嶺高深實爲險阨

【靈泉】今安陽縣西南本漢隆慮縣地名勝志縣東南有七泉泉出平地七泉並涌其地名七泉社西南有玉泉泉潔如玉又有滴乳泉出天平山又有珍珠泉見柳開遊天平山記隋立靈泉縣於此

【後魏置林慮郡】地形志永安元年置屬司州【後齊郡廢後又置】元和志云周置郡寰宇記後周平齊復置【開皇初郡廢】元和志縣屬相州【又分置淇陽縣】今林縣南三十里【十六年置巖州】周書廢帝紀三年改義州爲巖州隋書許善心傳出除巖州刺史志以義州書汲郡下別出巖州於此謂隋始置亦誤

【大業初州廢】寰宇記大業二年【又廢淇陽縣入焉有林慮嶽】林慮山在今林縣西北二十五里寰宇記山下有黃花谷北巖出瀑布水下注成池【仙人臺】寰宇記林慮山有三峯南第一峯名仙人樓第二峯名玉女臺北第三峯名魯般門【洹水】今林縣南寰宇記洹水源出林慮山東水經注水出長子縣恒山東逕般墟北又東逕長樂縣故城南又逕內黃縣

北東流注於白溝
【臨淇】今林縣東南七十里
【東魏置】地形志天平初分朝歌林慮共縣置【尋廢】當北齊廢【開皇十六年復有淇水】今林縣南水經淇水出隆慮縣西大號山東過內黃縣南爲白溝屈從縣東北與洹水合又東北過館陶縣北又東北過清淵縣西又東北過廣宗縣爲清河

【汲郡】
【東魏置義州】地形志興和二年置寄治汲郡陳城元和志置以處歸附之人【後周爲衛州】按周紀宣政元年分相州汲郡置衛州元和志周武帝改義州爲衛州大業三年改爲汲郡通鑑大業九年楊玄感作亂以趙懷義爲衛州刺史則玄感又改汲郡爲衛州據周書廢帝紀改義州爲巖州此云衛州當是廢義州分置巖衛二州也

【統縣八戶十一萬一千七百二十一】
【衛】今濬縣西南五十里
【舊曰朝歌】今淇縣東北漢置寰宇記朝歌故城在衛縣西二十二里紂之所都漢以爲縣後魏移朝歌於衛縣東一里【置汲郡】地形志晉武帝置治城頭【後周又分置修武郡】此即地形志之北脩武縣也孝昌中分南脩武置然當載於後脩武縣下【開皇初郡並廢】元和志屬衛州【十六年又置清淇縣】在廢衛縣東【大業初置汲郡改朝歌縣曰衛】一統志隋移朝歌縣治此改名元和志在大業

三年舊唐志云大業二年改朝歌爲衛縣【廢清淇入焉】紀昀隋末復置【有朝陽山】今淇縣西四十五里寰宇記在衛縣西南四十里【同山】今濬縣西南四十五里寰宇記在衛縣東十九里紀昀要相傳武王伐紂會同諸侯於此因名亦曰童山水經淇水注淇水東北逕同山東【有紂朝歌城】元和志在衛縣西二十里詳見上【比干墓】元和志在汲縣北十里魏孝文有弔比干墓文今在汲縣比干廟按有永昌縣寰宇記隋初置永昌縣大業中廢故城在今淇縣之西

【汲】今縣治漢縣在今縣西南二十五里一統志後齊省

【東魏僑置七郡十八縣】地形志興和二年置義州寄治汲郡陳城領五城領縣三泰寧領縣三新安領縣三灑地領縣三恆農領縣三宜陽領縣三金門領縣一七郡共十九縣志云十八誤也

【後齊省以置伍城郡】伍城即五城齊蓋省餘六郡入伍城也【後周廢爲伍城縣】地形志五城永安中置元和志後周縣屬衛州【開皇六年改焉】寰宇記作三年誤

【隋興】今汲縣北二十里
【開皇六年置後析置陽源縣大業初併入焉有倉巖山】今汲縣西北四十里水經清水注方山有倉谷有倉玉岷石故名

【黎陽】今濬縣東北漢置隋書于瓌傳後周武帝平齊封黎陽縣公

【後魏置黎陽郡】地形志孝昌中分汲郡置

治黎陽城【後置黎州】寰宇記後魏置而地
形志無黎州按周紀宣政元年分相州黎陽郡
置黎州志後字下當有周字樂史所見本已脫

【開皇初州郡並廢】元和志縣屬衛州【十
六年又置黎州大業初罷】元和志大業二年

州廢縣屬衛州通鑑大業九年楊玄感作亂以
東光尉元務本爲黎州刺史則玄感又置此州

【有倉】寰宇記引冀州圖經倉城在黎陽縣
西南隅袁紹聚粟之所紀要隋開皇三年置黎

陽倉漕河北之粟以輸京師大業九年楊元感
督運黎陽起兵攻東都十三年李密攻東都使

徐世勣襲破黎陽倉據之【有關官】元和志
白馬故關在黎陽縣東一里五步高齊文襄征

潁城移石濟關於此即造橋焉因名白馬關周
又改名黎陽關【有大伾山】今濬縣東二里

按鄭康成云大伾在脩武武德之界張揖云成
皋山也是漢魏人未有指黎山爲大伾者惟臣

瓚漢書音義謂在黎陽此志及括地志孔穎達
書正義并附之按水經注河水又東逕成皋大

伾山下不從臣瓚說有特識矣【枉人山】元
和志在黎陽縣西北四十二里或言紂殺比干

於此水經注淇水東北逕枉人山東
【內黃】今縣治漢縣

【舊廢】地形志天平初併入臨漳【開皇六
年置】志例置上當有復字寰宇記於故城東

南十九里重置屬相州輿地廣記作十六年當
衍十字陳書新昌王升榮傳隋大業中爲內黃

令【十六年分置繁陽縣】今內黃縣東北二

十七里本漢縣後魏屬司州魏尹一統志後齊
廢【大業初廢入】

【湯陰】今縣治漢置曰蕩陰水經注亦作蕩廣
韻作蕩從竹

【舊廢】北齊書神武紀普泰九年十一月攻鄴
麻祥時爲湯陰令地形志天平初併入鄴【開

皇六年又置】寰宇記六年於今縣東十七里
再置湯陰縣十年廢入安陽縣志不言十年廢

入安陽事【有博望山】今內黃縣西南十三
里寰宇記上有石墳云是張騫冢非也

【臨河】今開州西六十里
【開皇六年置】舊唐志分黎陽置元和志屬

衛州其城本春秋時衛新築城十六年改屬黎
州大業二年又改屬衛州寰宇記以南臨黃河

爲名
【澶水】今開州西二十里
【開皇十六年置】寰宇記隋開皇十六年割

臨河內黃頓邱三縣置澶淵縣南臨澶淵唐武
德四年以國諱改名澶水則此志作水亦唐人

追改也
河內部
【舊置懷州】地形志天安二年置太和十八

年罷天平初復按周書司馬裔傳西魏大統三
年於溫縣起義遣使送款六年授河內郡守尋

加使持節平東將軍北徐州刺史則西魏嘗置
此徐州於河內通鑑梁太清三年東魏河內民

四千餘家以西魏北徐州刺史司馬裔其鄉里
也相帥歸之又似州治不在河內又周書韓雄

傳除北徐州刺史東魏東雍州刺史郭叔略與
雄接壤云云則去今絳州不遠又鄭偉段永西

魏時并除北徐州刺史又隋書李禮成傳周武
帝時拜北徐州刺史

【統縣十戶十三萬三千六百六】
【河內】今縣治

【舊曰野王】漢置【置河內郡】漢郡在武
陽縣西晉移置於此【開皇初郡廢十六年縣

改焉】元和志寰宇記俱作十三年【有軹縣】
今濟源縣南十五里漢置【大業初廢入】寰

宇記大業二年【尋置郡】通鑑開皇九年楊
玄感作亂以河內郡主簿唐禕爲懷州刺史則

玄感又改河內郡爲懷州【有太行】脫山字
今河內縣北二十里元和志禹貢太行恆山至

于碣石注二山連延東北接碣石水經沁水注
引淮南子五行山高誘注今太行山也在河內

野王縣西北上黨關【有丹水】今河內縣東
北水經沁水注丹水出上黨高都縣故城東北

阜下元和志丹水北去河內縣七里分溝灌漑
百姓資其利焉【有絺城】今河內縣西南三

十二里紀要謂左傳王與鄭絺晉語襄王賜文
公以州陘絺阻之田卽此絺也

【溫】今縣治
【舊廢】今縣西南三十里漢置屬河內郡後

魏屬武德郡一統志北齊廢北史司馬子如傳
司馬子瑞北齊後主時追封溫縣伯蓋是時尙

未廢也【開皇十六年置古溫城】古上當有
有字元和志大業十三年自故溫移於今理寰

宇記古温城在今温縣西南三十里周司寇蘇忿生邑漢爲縣東魏天平中移縣於古城東北七十里隋大業十三年又移於今理

【濟源】今縣治

【開皇十六年置】元和志分軹縣置屬懷州以濟水所出因名寰宇記作屬鄭州【舊有沁水縣】今濟源縣東北漢置【後齊廢入有孔山】寰宇記在濟源縣東北四十里水經注山上石穴洞開穴內石上有車轍馬跡自然成者非人功所就【母山】寰宇記太行山相傳謂皇母山也或名女媧山其山起於邑界【有濟水】今濟源縣西北三里禹貢導沈水東流爲濟水經注今濟水重源出軹縣西北平地水有二源

東源出原城東北俗以濟水重源所發因謂之濟源城元和志水在濟源縣西北三里平地而出有二源其東源周迴七百步深不測西源周迴六百八十五步深一丈源出王屋山【淇水】按淇乃濊字之誤濊水見水經河水注【古原城】今濟源縣西北十五里史記正義引括地志在濟源縣北二里左傳晉文公伐原以示信又以趙衰爲原大夫卽此也

【河陽】今孟縣西三十五里

【舊廢】漢縣元和志高齊省入温軹二縣寰宇記後魏莊帝時梁陳慶之來伐克河陽渡河守北中府城卽今河陽城也按城本太和中築至北齊得其地天保七年省邑額賦升入温軹二縣以城卽爲軍戍故北齊書云神武使潘樂鎮北城又使高永樂守南城以備西魏其中潭

城卽東魏所築仍置河陽關自後將帥有河陽三城使之名按周紀建德六年二月平齊於河陽置總管府大象二年九月廢河陽總管爲鎮隸洛州周書于翼傳除洛懷等九州諸軍事河陽總管【開皇十六年置】元和志分温軹二縣重置屬懷州【有盟津】在今孟縣西南三十里寰宇記夏禹將與神龜負圖出洛及周武王觀兵皆此津也【有古河陽城治】寰宇記古城在河陽縣西三十里卽天王所狩之地名勝志引冀州圖高齊嘗於河陽置行臺卽隋文帝之河陽宮

【安昌】今河內縣東南四十里

【舊曰州縣】漢置屬河內郡【置武德郡】地形志天平分河內置【開皇初郡廢十八年縣改爲邢丘】元和志作十六年云遙取古邢丘爲名也邢丘見左傳宣六年【大業初改名安昌】元和志大業二年改取安昌侯張禹國城爲名也【又廢懷縣入焉】今武陟縣西南漢置屬河內後魏屬武德【舊有平高縣】高爲泉字之誤漢晉後魏志均作平泉今温縣東二十里【後齊廢】

【王屋】今濟源縣西八十里

【舊曰長平】地形志作葦平屬東雍州郡郡寰宇記漢爲垣縣地後魏皇興四年分置長平縣【後周改焉】寰宇記周武成元年改因縣北十里山爲名【後又置懷州】通典北齊置懷州寰宇記北齊置懷州後周武成元年廢天和元年又立西懷州據此則改縣之後乃置西懷

州志脫西字元和志天和元年爲西懷州【及平齊廢州】寰宇記建德六年【置王屋郡】元和志周明帝置王屋郡寰宇記亦云武成元年置志云平齊始置則在武帝時【開皇初郡廢】寰宇記以縣屬邵州【有王屋山】今濟源縣西八十里禹貢底柱析城至于王屋【齊子嶺】今濟源縣西六十里北齊書潘樂傳周行臺侯莫陳崇自齊子嶺趣軹關通典周齊分界處也【有軹關】今濟源縣西北十五里寰宇記北齊拒周使斛律光築關於此以屯戍卒而地形志已云有軹關又北齊書潘樂傳樂以軹關要害必須防固乃更脩理增置兵將而還紀要當軹道之險故曰軹關

【獲嘉】今縣治

今縣治漢縣在新鄉縣西南十二里元和志後齊移於今衛州其城寰宇記隋開皇四年自共城移獲嘉縣於今理蓋本漢脩武縣也【後周置脩武郡開皇初郡廢】此卽地形志之南脩武縣也本漢脩武縣因孝昌中分置北脩武故此加南北史侯莫陳崇傳周時封脩武郡公【十六年置殷州大業初州廢】

【新鄉】今縣治

【開皇六年置】元和志開皇六年於漢獲嘉汲縣二縣地新樂城中置屬衛州寰宇記取新中鄉以爲名【有關官】寰宇記臨清關在新鄉縣東北四十八里自河內入汲郡大驛路紀要在今縣東黃河北岸隋仁壽四年煬帝發民掘塹自龍門抵臨清關大業九年楊玄感作亂自黎陽引兵向洛陽脩武民相率守臨清關玄

感不得渡又延津關在縣東南三十五里大河北岸寰宇記云魏志太祖使于禁守延津以拒袁紹卽此【舊有獲嘉縣後齊廢】詳見獲嘉縣下

【脩武】今縣東南漢脩武在獲嘉後魏曰南脩武寰宇記東魏置西脩武縣尋省據地形志當作北脩武高齊天保七年自今獲嘉縣移脩武縣於西脩武故城隋大業十年又移於永橋卽今武陟縣其城又空復移於今縣東北二十三里獨漉故城置卽魏帝受禪所也元和志周武帝以爲脩武郡脩武縣隋開皇三年罷郡屬懷州

【後魏置脩武】地形志汲郡有南北脩武縣南脩武卽獲嘉縣治北脩武在今脩武縣北疑志當有南北二字【後齊併入焉】蓋併南脩武於北脩武【開皇十六年析置武陟】元和志理武德故城今武陟縣東二十里武德故城是也屬殷州【大業初併入焉又有東魏廣寧郡】地形志廣寧郡有二皆不在此寰宇記作太寧云東魏置太寧郡後周廢故城在脩武縣東南二十八里舊名西邵開城【後周廢】

【共城】今衛縣治
【舊曰共】漢置屬河內晉屬汲郡後屬魏林慮【後齊廢開皇六年復置曰共城】寰宇記高齊天保七年省共縣仍移就獲嘉縣古城以處之復爲獲嘉縣隋開皇四年移獲嘉縣於脩武故城於此又置共城縣屬衛州元和志亦作四年俱與志異【有共山】今共城縣北七里寰宇記在共城縣北十里引闕翻十三州記云

昔其伯復歸於國道蓋得志於共山之首【白鹿山】寰宇記在共城縣西北五十三里引盧思道西征記云孤巖秀出上有石自然爲鹿形遠視皎然獨立厥狀明淨有類人工故以白鹿爲稱

【長平郡】

【舊曰建州】地形志永安中置治高都城北齊末嘗置行臺以雷顯和爲之見傅伏傳【開皇初改爲澤州】元和志云周改取濩澤爲名先後不同考通鑑陳太建十二年七月尉遲迥使其所署大將軍石遜攻建州則周大象二年尙曰建州

【統縣六戶五萬四千九百一十三】

【丹川】今鳳臺縣東北三十里
【舊曰高都】漢置屬上黨後魏屬高都郡【後齊置長平高都二郡】地形志有此二郡并云永安中置則非後齊置【後周併爲高平郡】按地形志長平郡領高平法氏二縣此志高平下云後齊廢法氏縣入焉元和志高平下云後齊屬高都郡則長平郡無所領故一統志謂後齊廢長平郡今志謂置於後齊併於後周恐亦誤【開皇初郡廢十八年改爲丹川】元和志因縣東丹水爲名【大業初置長平郡有太行山】今鳳臺縣南三十里已見前河內縣下

【沁水】今縣西三十里漢縣在今濟源縣東北水經注沁水又逕沁水縣故城北是後魏有移徙也
【舊置】當云後魏置東永安【廣寧郡】地

形志建州秦寧郡孝昌中置元和志寰宇記並云後魏莊帝於沁水置秦寧郡此云廣寧當是字誤紀要云後改曲爲之說也故城在沁水縣西【後齊郡廢縣改爲永寧】元和志寰宇記並云後魏東永安縣高齊省郡而縣存開皇十八年改沁水不云改永寧事【開皇十八年改焉】寰宇記仍屬澤州【有輔山】東輔山在今沁水縣西南九十里其西爲西輔山水經沁水注上澗水導源西北輔山寰宇記與析山相連有若相輔之勢

【端氏】今沁水縣東北六十里漢置屬河東晉屬平陽後魏屬安平郡眞君七年省太和二十三年復寰宇記故城在今縣西北三十里隋開皇三年移於今理元和志開皇三年屬澤州

【後魏置安平郡】地形志屬建州領端氏濩澤二縣【開皇初郡廢有巨峻山秦川水】水經沁水注秦川水出巨峻山帶引衆溪積以成川西南經端氏故城東又南入於沁水紀要在沁水縣東今湮

【濩澤】今陽城縣治漢縣屬河東在今陽城縣西後魏移置屬安平郡元和志隋改屬澤州按周書寇儒傳子顓濩澤郡公疑周嘗置郡於此【有嶠山】今濩澤縣東三十里水經沁水注濩澤水歷嶠山東【濩澤山】濩澤在今濩澤縣西北十里墨子曰舜漁於濩澤山字疑衍又按水經注濩澤水出白澗嶺豈卽所謂濩澤山歟紀要白澗山在今陽城縣西北十六里

【高平】今縣治

【舊曰平高】地形志高平永安中置治高平城不作平高或今本魏志誤也在今高平縣西北二十里【齊末改焉又併泚氏縣入焉】漢

置元和志後魏改曰玄氏屬建興郡高齊文宣帝省玄氏縣自長平高城移高平縣理之仍改

高平縣屬高都郡隋開皇三年屬澤州寰宇記高齊天保元年省玄氏縣按漢志本作泚氏應

劭曰泚水所出則字本應作泚水經沁水注并作泚地形志作玄者壞文此志仍作泚是也元和志云魏改泚為玄知所見魏志已誤【有關

官】元和志長平關在長平縣北五十一里寰宇記引冀州圖云在北五十里紀要在西北四

十五里隋置

【陵川】今縣治元和志本漢泚氏縣地

【開皇十六年置】元和志因川為名屬澤州

【上黨郡】

【後周置潞州】周紀宣政元年分并州上黨郡置潞州元和志周建德七年於襄垣縣置潞

州開皇三年自襄垣縣移於壺關即今州是也州得名因潞子之國寰宇記略同然則周置潞

州在襄垣隋始移壺關志當云開皇三年置潞州方合又詳見下按州當廢於大業三年

【統縣十戶十二萬五千五十七】

【上黨】今長治縣治元和志隋開皇中分壺關置上黨縣屬潞州寰宇記開皇十六年置

【舊置上黨郡】秦置治壺關城漢治長子城厥後不常所治後魏復治壺關周為王國周紀

大象元年五月以潞州上黨郡為代國令代王

達之國【開皇初郡廢有壺關縣】今壺關縣治地形志二漢晉屬上黨後罷太和十一年復

【大業初復置郡廢壺關入焉】元和志大業二年寰宇記作三年是也【有羊頭山】今長子

縣東南五十六里元和志云後漢安帝時羌寇河東以任尚為御史擊破於羊頭山即此【抱

犢山】寰宇記壺關縣下引道書福地記山在上黨東南

【長子】今縣治

【後齊廢】本漢縣魏書儒林傳李興業子遵祖齊受禪例降長子縣伯隋書王積傳在周有

軍功封長子縣公似周尚有此縣【開皇九年置曰寄氏縣】元和志移寄氏縣理此屬潞州

按後魏有寄氏廢於齊則此乃重置也【十八年改為長子舊有屯留樂陽二縣】屯留見下

樂陽今長子縣西南後魏置【後齊廢有濁漳水】今長子縣南五里元和志發鳩山在縣西

南六十里濁漳水出焉水經濁漳水注漳水出鹿谷山與發鳩連麓而在南【堯水】寰宇記

在上黨縣界水經濁漳水注堯水自西山東北流逕堯廟北東北流入漳水

【潞城】今縣治

【開皇十六年置】元和志屬潞州【有黃阜山】在縣西三十里寰宇記引冀州圖云亦名

黃沙嶺劉聰將基母劇敗晉將崔恕於黃阜斬之

【屯留】今縣南漢置

【後齊廢】元和志同【開皇十六年復】元

和志屬潞州按後魏寄氏縣在今屯留縣西南六十里紀要後齊廢

【襄垣】今縣北漢置

【舊置襄垣郡】地形志建義元年置治襄垣城【後齊郡廢後周置韓州】寰宇記周建德

六年置按元和志寰宇記並云周建德七年於襄垣置潞州至開皇三年移於壺關寰宇記於

此韓州云建德六年置是兩州並立於襄垣必無之事元和志又云隋開皇十六年於襄垣城

置韓州是也志當云後周置潞州開皇三年移上黨十六年置韓州方合【大業初州廢有鹿

臺山】今襄垣縣南二十里紀要下臨濁漳水高聳如臺因名

【黎城】今縣西北

【後魏以潞縣被誅遣】當作遣【人置】置下脫刈陵二字地形志刈陵二漢晉曰潞屬上

黨真君十一年改後屬襄垣郡【十八年改名黎城】元和志開皇十八年改割陵為黎城此

志脫開皇二字刻字誤舊唐志寰宇記並作刈【有積布山】今黎陽縣西北六十里紀要形

如積布【松門嶺】寰宇記引冀州圖云在襄垣縣北一百三十里道通太原驛路

【涉】今縣西北二里

【後魏廢】本漢縣屬魏郡今本兩漢志作涉誤也三國志有涉長梁岐水經注并作涉【開皇十八年復】寰宇記周武帝自今洛州界移

臨水縣理涉城屬魏郡隋開皇十年於故涉城

重置涉縣屬慈州十六年改隸韓州元和志亦作開皇十年重置涉縣與志異陳書新會王升坦傳隋大業中爲涉令【有崇山】今涉縣東南三十里紀要山頭青翠形如螺髻亦名青頭山

【鄉】今武鄉縣治晉置武鄉縣尋廢故城在今榆社縣西北三十里後魏復置曰鄉

【石勒置武鄉郡】晉書太興元年石勒分上黨樂平郡置地形志後罷【後魏去武字】地形志延和二年置鄉郡【開皇初郡廢】元和志縣屬潞州【十六年分置榆社縣】寰宇記屬韓州今潞州之襄垣是也因今榆社縣北榆社故城爲名按地形志鄉縣下有榆社城【大業初廢】元和志大業二年省義寧元年又置

【又有後魏南垣州】地形志無此州【尋改豐州後周廢】寰宇記引冀州圖云涅城在武鄉縣西六十里後魏初於此立豐州北齊改曰戎州後周廢之按北齊書武成紀大寧元年以豐州刺史婁叡爲司空

【銅鞮】今沁州西南四十里漢置後魏屬鄉郡元和志開皇十六年屬沁州北齊書神武紀孝莊帝立以定策勳封銅鞮伯

【有舊涅縣】今武鄉縣西五十里前漢涅氏縣後漢改【後魏改爲陽城】今武鄉縣西地形志永安中改【開皇十八年改爲甲水】寰宇記甲水故城在今銅鞮縣北七十里【大業初省入有銅鞮水】水經注水出銅鞮縣西北石障山

【沁源】今縣治元和志本漢穀遠縣地【後魏置縣】地形志建義元年置郡治元和志因沁水爲名隋書虞慶則傳周武帝時封沁源縣公【及義寧郡】地形志建義元年置治孤遠城元和志在今縣南百五十里【開皇初廢】廢字上脫郡字元和志開皇三年罷郡縣屬晉州【十六年置沁州又義寧縣】今岳陽縣東北九十里地形志建義元年分禽昌置屬義寧郡元和志在和川縣南九里【十八年改爲和川】元和志屬沁州【大業初州廢】元和志大業二年廢【又廢和川縣入】元和志大業三年省舊唐志義寧元年於沁源縣置義寧郡領沁源銅鞮綿上仍分沁源置和州凡四縣又云義寧元年分沁源置綿上又云介休之南境置綿上縣

【河東郡】【後魏曰秦州】地形志神龜元年置雍州延和元年改秦州太和中罷天平初復後陷【後周改曰蒲州】元和志周明帝改因蒲坂以爲大業三年廢州周紀明帝二年正月於河東置蒲州按周書置總管府周紀保定二年六月以邵國公會爲蒲州總管是也又云建德六年四月廢蒲州總管志失書又周紀西魏大統十四年太祖奉魏太子巡撫西境將東趣五原至蒲川通鑑作蒲州蓋川字之誤考其地不在此

【統縣十戶十五萬七千七十六】

【河東】今永濟縣治

【舊曰蒲坂縣】今永濟縣東南漢置曰蒲反後漢晉北魏曰蒲坂【置河東郡】漢郡在夏縣北後魏徙此【開皇初郡廢】元和志縣屬蒲州【十六年析置河東縣】元和志十六年移蒲坂縣於城東仍於今理別置河東縣【大業初置河東郡併蒲坂入】元和志寰宇記俱作大業二年省【有酒官有首山】雷首山在今永濟縣東南十五里即中條山紀要謂春秋桓二年傳趙宣子田於首山即此又首陽山在今永濟縣東南三十里寰宇記即雷首山南阜也昔夷齊守節於首陽【有媯水】今永濟縣南百里水經河水注河東郡南有歷山媯水二水出歷山南曰媯水北曰洎水尙書所謂釐降二女于媯水也異源同歸渾流西注入于河

【桑泉】今臨晉縣治

【開皇十六年置】元和志分猗氏縣置因縣東桑泉故城爲名地形志南解縣有桑泉城按桑泉見竹書水經涑水注引春秋土地名桑泉在解東南【有三疑山】今臨晉縣東北三十里寰宇記三山鼎足因名

按有北解縣在今臨晉縣東南十八里漢置解縣後魏改地形志太和十一年置寰宇記周省

【汾陰】今榮河縣北漢置晉志譌作汾陽寰宇記劉元海省汾陰入蒲坂縣後魏太和十一年復置于后土城周武帝又移于殷湯故城

【舊置汾陰郡】地形志汾陰縣有北鄉城即後魏北鄉郡也寰宇記後周武帝置汾陰郡【開皇初郡廢】元和志縣屬蒲州新唐志義寧元

年以汾陰龍門置汾陰郡【有龍門山】今萬泉縣西北三十里即大禹所鑿處

【龍門】今河津縣西二里秦置曰皮氏後魏改按地形志龍門縣有二一屬北鄉郡一屬高涼郡此則北鄉郡之龍門也元和志寰宇記俱謂龍門縣後魏屬北鄉郡周書郭彥傳西魏文帝大統中賜爵龍門縣子隋書辛彥之傳周武帝時賜爵龍門縣公

【後魏置龍門郡】地形志南汾州龍門郡領西太平汾陽二縣互詳稷山縣下【開皇初郡廢】

【芮城】今縣治

【舊置曰安戎】紀要謂西魏置【後周改焉】寰宇記後周明帝二年自縣東十里移安戎縣於此置尋改爲芮城縣因古芮城爲名【又置永樂郡後省入焉】永樂故城在今蒲州東南一百二十里寰宇記永樂縣本漢河北縣地後周武成二年改爲永樂縣保定二年省以地屬芮城據此則志郡字當作縣紀要云後周置永樂縣爲永樂郡治蓋參合二書云非也【有關官】按芮城古關無考而蒲州之蒲津關爲自古險要齊周之際尤爲重鎮志不載於河東縣下於此出無考之關不可解也

【安邑】今縣治漢縣在今夏縣北後魏析置南安邑於縣西一里屬河北郡隋去南字寰宇記義寧元年置安邑郡新唐志義寧元年以安邑虞鄉夏置安邑郡

【開皇十六年置虞州】寰宇記書蓋降二女

于媯納嬪于虞即此周書明帝二年於河北置虞州然則隋徙此耳【大業初州廢有鹽池】今安邑縣西南二十里元和志即左轉郇瑒氏之地沃饒近鹽是也池東西四十里南北七里【銀冶】元和志雷首山有銀谷在安邑縣西南三十五里隋置銀冶監寰宇記銀谷在安邑縣西南三十五里中條山下隋開皇九年於此置鹽冶

【夏】今縣治元和志本漢安邑縣地後魏太和十一年別置安邑縣十八年改爲夏縣按地形志陝州河北郡北安邑下云二漢晉曰安邑屬河東後改太和十一年置爲郡十八年復屬河北郡無改夏縣事寰宇記後周建德七年移於此地

【舊置安邑郡】紀要作周置按亦因後魏舊名詳上【開皇初郡廢】寰宇記義寧初縣屬虞州【有巫咸山】今夏縣南五里漢志安邑巫咸山在南山經涑水注鹽水流經巫咸山北即此【稷山】水經注汾水又逕稷山北山東西二十里南北三十里高三里去介山十五里山上有稷祠山下有稷亭山海經云其山多錫舊名玉山后稷播時百穀於此遂以名山【虞坂】今平陸縣東北五十里即吳山亦曰吳坂水經河水注戴延之曰自上及下七山相重戰國策曰若騏驥駕鹽車上於虞坂遷延負轅而不能進此即其處

【河北】今平陸縣東北本漢大陽縣寰宇記周天保二年省大陽縣自故魏城移河北縣於此

按河北本漢縣在今解州芮城縣東北一里【舊置河北郡】晉書載記姚泓有河北太守薛昂北史薛辯傳仕姚興歷河北太守然則東晉時姚秦置也寰宇記後魏太和十一年自今芮城縣界故魏城移於此據周書明帝紀二年正月於河北置虞州又周書韓雄傳出使持節都督中徐虞洛四州諸軍事則周於此置虞州致確志失書【開皇初郡廢】寰宇記縣屬陝州舊唐志義寧元年置安邑郡縣屬焉【有關官有砥柱山】今平陸縣東南五十里亦曰三門山禹貢導河至于砥柱水經注昔禹治洪水山陵當水者鑿之故破山以通河河水分流包山而過山見水中若柱然故曰砥柱也三穿既決水流疏分指狀表目亦謂之三門矣【有傅巖】今平陸縣東三十五里水經河水注沙澗水北出虞山東南逕傅巖歷傅隱室前

【猗氏】今縣治漢縣在今縣南二十里【西魏改曰桑泉】元和志西魏恭帝二年改猗氏爲桑泉【後周復焉】元和志周明帝復改爲猗氏屬汾陰郡隋開皇三年屬蒲州

【虞鄉】今縣西十三里【後魏曰安定西魏改曰南解】按地形志秦州河東郡有安定云太和元年置又有南解即漢晉之解縣然則西魏或併安定於南解非西魏始改爲南解也【又改曰綏化又改曰虞鄉】寰宇記虞鄉縣下云後魏太和十一年於今縣西十三里置南解縣屬河東郡周明帝廢南解別置綏化縣今縣西北三十里綏化故城是也

【開皇十六年置虞州】寰宇記書蓋降二女

至保定元年改綏化爲虞鄉復屬河東郡周末置解縣於虞鄉城東於解縣西五十里別置虞鄉卽此邑也然則改南解爲綏化又改虞鄉並在周時非西魏也又解縣下云隋開皇十六年於此置解縣屬蒲州大業二年省解縣大業九年自綏化故城移虞鄉縣於廢解縣理卽今解縣理也按此卽今解州治隋書張昞傳父羨周時賜爵虞鄉縣男【有石錐山】今解州西南五里紀要云卽中條山之支峯也【百梯山】今解州南五里卽鹽道山與中條山相連水經涑水注奇峯霞舉孤標秀出連木乃陟百梯乃降故曰百梯山【百徑山】今解州東南十五里中條山之別嶺也卽元和志作白恐非

【絳郡】

【後魏置東雍州】地形志世祖置太平中能天平初復元和志太武帝於今絳州理西南二十里正平縣界柏壁置孝文帝廢東魏靜帝復置通鑑陳太建九年周滅齊東雍州行臺傳伏不下是後齊嘗置行臺志失書【後周改曰絳州】周明帝紀二年正月於正平置絳州元和志周武帝改置絳州建德六年又自此移絳州於今稷山縣西南二十里玉壁寰宇記周明帝武成二年改東雍州爲絳州仍移於開喜縣東北二十里龍頭城武帝又移於柏壁建德六年又移於今稷山縣西南二十里玉壁隋開皇三年自玉壁移於東雍州城卽今絳州理是也元和志大業三年廢州爲絳郡

【統縣八戶七萬一千八百七十六】

【正平】今絳州治

【舊曰臨汾】漢縣在今絳州東北二十五里地形志屬晉州平陽郡一統志後齊移置於此【置正平郡】地形志故南太平神龜元年改爲征平太和十八年復水經汾水注太和和中皇都徙洛罷州立郡按寰宇記後魏太武帝與東雍州同置是太和中特改征平爲正平非罷州始置郡也【開皇初郡廢】元和志屬絳州【十八年縣改名焉】元和志因正平故郡城爲名也【大業初置絳郡又有後魏南絳郡】地形志建義初置治會交川屬晉州【後周廢郡】按西魏去南字耳後周並未廢郡卽後絳縣下之絳郡也【又併南絳縣入小鄉縣】南絳在今絳縣東南地形志太初十八年置屬南絳郡據元和志云西魏恭帝去南字則併入小鄉詳見下小鄉在今冀城縣西二里地形志建義元年罷或後復置故仍載入南絳郡【開皇十八年改曰汾東大業初省入焉】新唐書隋義寧元年復置小鄉縣屬冀城郡

【冀城】今縣東南三十五里

【後魏置曰北絳縣】地形志二漢屬河東晉屬平陽後罷太和十二年復改屬北絳郡【并置北絳郡】地形志孝昌三年置治絳【後齊廢新安縣】今冀城縣地地形志二漢屬恆農晉屬河南後罷孝昌二年復【并南絳郡入焉】按上正平下云後周廢南絳郡此又云北齊并入北絳下絳縣下又云舊置絳郡一統志謂南絳郡是也且志例亦無廢郡入縣之文此必有

脫誤【開皇初郡廢】寰宇記縣屬晉州藝術傳姚僧垣開皇初進爵北絳郡公【十八年改爲冀城】元和志屬絳州因縣東古冀城爲名也寰宇記作十六年新唐志義寧元年以冀城絳置冀城郡【有烏嶺山】今冀城縣東三十里亦曰黑山寰宇記山南北有長嶺嶺上東西有通道穆天子傳鈔鑿卽此也【東涇山】當作涇水經汾水注天井水出東涇山西南【有澮水】今冀城南說文澮水出霍山西南入汾水經注澮水東出詳高山西經冀城南

【絳】今縣東南元和志後魏孝文帝置南絳縣屬正平郡恭帝去南字直爲絳縣隋開皇三年屬絳州義寧元年屬冀城郡按漢河東郡絳縣在曲沃西南非此地隋書李禮成傳封絳縣公【舊置絳郡】一統志西魏恭帝改南絳郡按元和志於絳縣云西魏恭帝去南字則郡亦同去可知志於正平縣下云周廢南絳郡於此又出絳郡竟似南絳與絳郡爲兩地兩事其實因小鄉屬南絳郡而小鄉至隋併入正平遂以南絳郡牽連書之而於此又不言絳郡絳縣建置之由遂令讀者迷惑若於正平下但云有後魏小鄉縣云云而於此云後魏置南絳郡并置南絳縣西魏郡縣并去南字則無不合矣【開皇初郡廢後周置晉州】按地形志有晉州在臨汾後周置總管府詳見後臨汾郡下此是未平齊時僑置周書韋孝寬傳西魏大統八年轉晉州刺史則晉州實置於西魏【建德五年廢】六年平齊仍置晉州於臨汾

【曲沃】今縣治

【後周置建德六年廢】此處有脫誤果廢於周志當著復置年月地形志正平郡曲沃縣太和十一年置元和志後魏孝文帝於今縣南十里置曲沃縣屬正平郡因晉曲沃為名寰宇記周明帝移樂昌城今縣南七里樂昌堡隋開皇三年屬絳州十年又移於絳邑故城北即今治也然則後周但有移徙並無置廢事【有絳山】今曲沃縣南十三里元和志出銅鑄水經澮水注絳縣南對絳山【橋山】今曲沃縣西北四十五里明一統志山形陡峻西麓有夢感泉

【稷山】今縣治

【後魏曰高涼開皇十八年改焉】寰宇記後魏孝文帝於今稷山縣東南三十里置高涼縣屬高涼郡周武帝移高涼縣於玉壁屬郡不改其玉壁在縣西南一十二里隋開皇三年罷郡以縣屬絳州十八年改稷山以縣南稷山為名

【有後魏高涼郡開皇初廢】高涼各本俱誤作龍門今訂按龍門郡已見前龍門縣下此不當復考地形志高涼縣屬高涼郡今稷山縣有周保定元年大將軍延壽公碑陰龍門高涼二郡並載又有隋開皇九年覺城寺碑陰屢稱高涼郡則寰宇記謂高涼郡罷於開皇三年至確此龍門郡的為高涼郡之誤然元和志云後魏高涼縣屬龍門郡則所見本已誤一統志西魏改高涼郡為龍門郡因此誤而調停之亦非【又有後周勳州】通典後周勳州故城在今稷山縣西南十二里即王思政所築玉壁城為周氏

重鎮齊神武再攻圍皆不尅周書韋孝寬傳魏

大統中以晉州刺史移鎮玉壁兼攝南汾州事保定初以孝寬立勳玉壁遂於玉壁置勳州與此志似合然考周書文帝紀魏廢帝三年正月改南汾為勳州郭賢傳明帝初出為勳州刺史于實傳孝閔帝踐阼進爵延壽郡公又進位大將軍除勳州刺史又延壽公碑實為勳州刺史及其去民為立頌足知實為勳州不始保定又隋書元亨傳歷勳州刺史為西魏時則勳州立於西魏甚審此志稱後周勳州當因韋孝寬傳實指為保定初立致誤【置總管】按隋元公夫人姬氏墓志父肇為勳州總管周書長孫紹遠傳周初為玉壁總管則總管蓋置於武成元年【後改曰絳州開皇初移】見前

【開喜】今縣治西漢縣東漢徙置後魏屬正平郡寰宇記周武帝移於柏壁在今正平縣西南二十里隋開皇三年屬絳州十年自柏壁移於甘谷口

【有景山】今開喜縣東南十八里山海經景山草多藎萐葦蒨秦柳其陰多赭其陽多玉【有董澤陂】今開喜縣東北三十五里左傳宣十二年廚武子曰董澤之蒲可勝既乎杜注河東開喜縣北有董澤陂中產楊柳可以為箭

【垣】今垣曲縣治按西魏嘗於垣縣界置建州通鑑梁大同元年西魏建州刺史楊樹鎮車廂注先是擿取建州已而退還郡郡西魏因授以建州刺史車廂當在隋唐之絳州垣縣界【後魏置邵郡】地形志皇興四年置邵上郡

太和中併河內孝昌中改復【及白水縣】今垣縣後魏置【後周置邵州】周書明帝紀二年正月於邵郡置邵州又楊樹傳於邵郡置邵州以擿為刺史寰宇記西魏大統二年置與志異【改白水為亳城】元和志周武成元年【開皇初郡廢大業初州廢】元和志大業三年廢

州【縣改為垣縣】寰宇記大業置垣縣以其地近故垣城因以名縣元和志大業三年改亳城為垣縣屬絳郡【又省後魏所置】志例二字當刪下同【清廉縣】今垣曲縣西四十里後魏屬邵郡寰宇記大業二年廢新唐志義寧元年以垣王屋置邵原郡復置清廉亳城二縣【及後周所置蒲原縣入焉】今垣曲縣東【有黑山】一統志墨山一名黑山在今垣曲縣西五十里

【太平】今縣北三十里【後魏置】地形志太平真君七年置元和志後魏太武於今縣東北二十七里太平故關城置秦平縣屬平陽郡周改秦平為太平縣因關名隋開皇三年屬晉州十年改屬絳州寰宇記隋開皇七年自太平故關城移太平縣於今理北三十里太平故城隋書史萬歲傳周武帝時襲爵太平縣公【後齊省臨汾縣入焉】今絳州東北二十五里漢置蓋後齊移徙於汾西【有關官】太平關在今襄陵縣南三十五里寰宇記大業三年置太平關隋末廢按元和志寰宇記俱謂周太平縣因關名蓋廢而復置也

【文城郡】

【東魏置南汾州】寰宇記天平元年以州南界汾水所經故置南汾州【後周改爲汾州】周書魏廢帝三年正月改陽郡爲汾州陽郡未詳當即指此也【後齊爲西汾州】寰宇記慈州總序後周建德六年改南汾州爲西汾州校勘記云按汾州有三後魏於西河郡置汾州今汾州是也魏於定陽郡置南汾州今慈州是也北齊於懷政郡置西汾州今石州是也後魏已有汾州故東魏於今慈州置南汾州北齊既改今汾州之汾州爲南朔州但存今慈州之南汾州故於今石州更置西汾州後周滅齊既改今石州之西汾州爲石州故今慈州之南汾州但名汾州隋亦因之原注隋志汾州無南字至唐而北齊之南朔州已再更爲涇州武德初改涇州復爲汾州故今慈州始又改爲南汾州貞觀中改爲慈州詳此則慈州固在石州之南不應云西隋書地理志文城郡原注今慈州後齊爲西汾州離石郡原注今石州注云後齊置西汾州不應兩州同名西汾考南汾州之名自魏歷齊當不改之後周滅齊改西汾州爲石州而南汾州但爲汾州此爲得實隋志文城郡云後齊改爲西汾州蓋衍文今記云後周建德六年改南汾州爲西汾州又承其誤耳況凡言東西南北者皆以別其同建德六年乃周滅齊之歲是歲既改西汾爲石州又改南汾爲西汾州將以何別此必不然今慈州總序當云東魏天平元年置南汾州後周建德六年改爲汾州此說甚辨余按北齊書斛律光傳武平元年冬進圍定陽仍築南

汾城置州以逼之則齊仍曰南汾州然則諛南爲西耳非衍文也通鑑陳太建三年五月齊取周汾州皆建德未平齊以前事寰宇記屬之平齊後誠誤【後周平齊置總管府開皇四年府廢十六年改爲耿州】寰宇記以州南舊祖乙城爲名【後復爲汾州】寰宇記開皇十六年改爲汾州元和志大業二年改汾州爲文城郡二當作三

【統縣四戶二萬二千三百】

【吉昌】今吉州治

【後魏曰定陽縣并置定陽郡】地形志并延興四年置孝昌中陷寄治西河元和志會有定陽胡人渡河居此因以爲名【開皇初郡廢十八年縣改名焉大業初置文城郡有風山】今吉州北十里水經河水注風山上有穴如輪風氣蕭瑟習嘗不止當其衝飄也而略無生草蓋常不定泉風之門故也

【文城】今吉州西北六十里

【後魏置】元和志魏孝文帝置斤城縣屬定陽郡隋開皇十六年改爲文城寰宇記屬耿州十八年屬汾州按地形志汾州定陽郡南汾州定陽郡并無文城縣亦無斤城縣未知孰誤【有石門山】寰宇記在文城縣北六十里其山石壁夾道如門因以爲名

【伍城】今吉州東北六十里

【後魏置曰刑軍縣後改爲伍城】地形志世祖名京軍太和二十一年改五城水經河水注亦作京軍【後又置伍城郡】地形志汾州五

城郡云正平二年置孝昌中陷寄治西河元和志後魏於此置作城郡領京軍縣孝文改京軍爲作城縣開皇三年廢作城郡伍作作寰宇記亦作作【開皇初郡廢又廢後魏平昌縣入焉】今鄉寧縣東北八十里地形志世祖名刑軍太和二十一年改寰宇記開皇十六年省入作城縣義寧元年於今鄉寧縣東二十里又置平昌縣因後魏舊名按後魏汾州五城郡南汾州五城郡北吐京郡西五城郡所屬均有平昌縣皆卽此一地【大業初又廢大寧縣入焉】元和

志周武帝於作城廢縣西三里置大寧縣屬南汾州大業二年省寰宇記周保定元年置開皇二十年移就廢浮圖鎮大業二年省入作城

【昌寧】今鄉寧縣西四十里

【後魏置】地形志延興四年置【并】并下脫置字【內陽郡】按地形志昌寧縣有三一屬南汾州中陽郡一屬汾州定陽郡一屬南汾州西五城郡皆一地此云內陽郡則隋時避諱改寰宇記云昌寧後魏屬定陽郡隋開皇元年改定陽郡爲吉陽郡縣仍屬之十六年屬耿州十八年又屬汾州志不云置吉陽郡事【開皇初郡廢有壺口山】今吉州西七十里漢志壺口在北屈縣西南禹貢之壺口卽此【崞山】水經河水注河水南至崞谷旁東北窮谷崞谷水源所導也

【臨汾郡】

【後魏置唐州改曰晉州】地形志孝昌中置唐州建義元年改晉州治白馬城寰宇記歷東

魏北齊後周皆爲重鎮【後周置總管府】元
和志周武帝平齊置【開皇初府廢】按周紀
大象二年八月廢晉州總管與志不合

【統縣七戶七萬一千八百七十四】

【臨汾】今縣治

【後魏曰平陽】本漢縣地形志真君六年併
禽昌太和二十一年復【并置平陽郡】地形
志晉分河東置真君四年置東雍州太和十八
年罷改置按魏書三少帝紀齊王芳正始八年
夏五月分河東之汾北十縣爲平陽郡則非晉
始置也【開皇初改郡爲平河改縣爲臨汾】
元和志開皇元年改平陽縣爲平河三年又改
爲臨汾與志異【尋郡廢】元和志屬晉州
按大業初復置臨汾郡新唐志義寧二年更名
平陽寰宇記領臨汾襄陵岳陽冀氏楊五縣其
年改縣爲洪洞【又有東魏西河】地形志孝
昌二年置【敷城】地形志天平四年置【伍
城】地形志天平中置伍作五下同【北伍城】
地形志興和二年置【定陽】地形志興和四
年置【等五郡後周廢爲西河定陽二郡開皇
初郡並廢又有後魏永安縣】今臨汾縣地地
形志孝昌中置治白坑城屬西河郡別有永安
郡永安縣治仇池壁在霍邑非此地【開皇初
改爲西河大業初省又有舊襄城縣】按地形
志平陽郡無襄城縣或是襄陵之誤然志又見
下文【後齊省有姑射山】今臨汾縣西五十
里元和志平山一名壺口山今名姑射山在臨
汾縣西八里平水出焉水經注汾水與平水合

平水出平陽縣西壺口山尙書所謂壺口治梁
及岐也按禹貢壺口在吉州西南非此壺口元
和志亦沿其誤

【襄陵】今縣治漢縣地形志平陽郡襄陵縣治
襄陵城是魏城即漢城而水經注汾水南歷襄
陵縣故城西又似中間有移徙也

【後魏太武禽赫連昌乃分置禽昌縣】今洪
洞縣東南地形志神龜元年禽赫連昌置禽昌
郡真君二年改縣七年併永安屬平陽郡【齊
併襄陵入禽昌縣】寰宇記周平齊自臨汾縣
東北二十里白馬故城移禽昌縣於今襄陵縣
理焉亦隸平陽郡【大業初又改爲襄陵】元
和志大業二年改取漢舊名

【冀氏】今岳陽縣東南一百二十里

【後魏置冀氏郡】地形志建義元年割平陽
置【領冀氏】即隋縣城地形志建義元年割
禽昌襄陵置【合陽】今岳陽縣東北地形志
建義元年置【二縣後齊郡廢】寰宇記文宣
帝省郡以冀氏縣屬義寧郡隋開皇三年屬晉
州【又廢合陽入焉】

【楊】今洪洞縣治漢縣在洪洞縣東南水經汾
水注澗水又西逕楊縣故城北晉大夫僚安之
邑也地形志二漢屬河東晉屬平陽後罷太和
二十一年復後屬永安郡元和志開皇三年屬
晉州舊唐志義寧元年改爲洪洞取縣北嶺名
新唐志義寧二年改爲洪洞輿地廣記亦作二
年

【霍邑】今霍州治

【後魏曰永安】地形志二漢屬河東晉屬平
陽前漢曰堯順帝改真君七年併禽昌正始二
年復屬永安郡通鑑陳太建八年周伐齊軍屯
霍邑疑齊時已改置霍邑【并置永安郡】地
形志建義元年置【開皇初郡廢十六年置汾
州十八年改爲呂州縣曰霍邑】寰宇記云屬

呂州與志合元和志因霍山爲名屬晉州恐誤
【大業初州廢】新唐志義寧元年以霍邑趙
城汾西靈石置霍山郡又云析霍邑置趙城縣
【有霍山】今霍州東南三十里元和志一名
太岳禹貢壺口雷首至于太岳鄭注今河東虞
縣霍太山是也【有堯水】今霍州南一里水
經汾水注堯水出霍太山西南流注于汾水
【汾西】今縣治

【後魏曰臨汾并置汾西郡】地形志無汾西郡
其臨汾縣屬晉州平陽郡即漢舊縣志於太平
縣下云後齊廢臨汾是也元和志汾西縣下云
高齊於此置臨汾郡及臨汾縣寰宇記同然則
志文後魏當後齊之誤汾西亦臨汾之誤【開
皇初郡廢十八年縣改爲汾西】元和志寰宇
記俱謂開皇三年改臨汾爲汾西十六年屬汾
州十八年改屬呂州大業二年改屬晉州義寧
初屬霍山郡【又有後周新城縣】今汾西縣
西北地形志新城世祖名嶺東二十二年改非
周置【開皇十年省入】紀要義寧初復置
【岳陽】今縣東
【後魏置曰安澤】今岳陽縣西北地形志建
義元年置屬義寧郡【大業初改焉】元和志

開皇十六年屬池州大業二年改爲岳陽因山爲名寰宇記赤壁城在岳陽縣西一里隋岳陽縣理此

【龍泉郡】

【後周置汾州】地形志汾州延和三年爲鎮太和十二年置州治蒲子城孝昌中陷移治西河一統志周復置於此按志於文城郡下周改南汾州爲汾州此復置是有兩汾州矣通鑑梁大同七年西魏以宇文測爲大都督行汾州事注謂卽此地之汾州則汾州實復置於西魏疑寰宇記所云建德六年改西汾州事當屬此【開皇四年置西汾州總管】隋紀開皇四年五月以柱國馮昱爲汾州總管則仍作汾州亦卽此西汾州也蓋周之汾州已爲南汾此不必加西故也【五年改爲隰州總管】隋紀開皇六年九月以上柱國李詢爲隰州總管【大業初府廢】元和志大業三年改隰州爲龍泉郡

【隰川】今隰州治

【後周置縣初曰長壽】元和志本漢蒲子縣地魏孝文改蒲子爲長壽縣又云周宣帝置長壽縣寰宇記大象元年置蓋孝文改蒲子爲長壽孝昌中陷於賊至周宣帝始復置也周書藝術傳姚僧垣宣帝卽位封長壽縣公隋書張威傳在周封長壽縣公【又置龍泉郡】元和志周宣帝大象元年於今隰州東百步置龍泉郡【開皇初郡廢縣改曰隰川】元和志開皇十八年改縣南有龍泉下隰因以爲名屬隰州【大

業初置郡】

按今吳縣蔣氏藏造象一區題祇州開化郡太守張始孫等造大魏元年歲次丁丑後魏元年無丁丑當是太延三年祇州開化郡不見於魏志亦不見於他書其石得之山右宋保淳故附記於此

【永和】今縣西南三十五里元和志本漢狐讞縣地後漢省魏初復置後魏廢

【後周置曰臨河縣及臨河郡】元和志高齊後主於狐讞城置永和鎮周宣帝廢鎮置臨河郡及臨河縣屬汾州隋開皇五年屬隰州又寰宇記高齊武平元年於魏狐讞城置臨河郡并臨河縣與志異【開皇初郡廢】寰宇記開皇三年【十八年縣改名焉】元和志以縣西永和關爲名【有關官】永和關在今永和縣西六十里寰宇記在永和縣西南九十五里

【樓山】今永和縣南

【後周置曰歸化開皇十八年改名焉】紀要大業初廢一統志大業末廢【有北石樓山】元和志在永和縣東南六十里無北字水經河水注蒲水出石樓山下【有孔山】元和志在大寧縣西北二十五里水經河水注山上有穴如車輪三所東西相去各二丈南北直通故謂之孔山

【石樓】今縣治元和志本漢土軍縣晉省

【舊置吐京郡】地形志真君九年置孝昌中陷寄治西河【及吐京縣】地形志世祖名嶺西太和二十一年改【開皇初郡廢】元和志

開皇五年以吐京縣屬隰州【十八年縣改名】元和志因縣東石樓山爲名也

【蒲】今縣西十五里元和志本漢蒲子縣地

【後周置】寰宇記蒲縣下云後魏孝武帝據地形志當作孝靜帝於東南五十里置石城縣尋廢後周大象元年於石城故縣置蒲子縣取古蒲子縣爲名隋開皇元年又移縣於今縣東北三十里故箕城置大業二年又移於今縣西有二里改爲蒲縣元和志後周屬定陽郡開皇三年改屬隰州【有伍城郡】此後魏晉州北五城郡也地形志與和二年置【及石城郡】一統志後魏置卽據此志意度也按地形志無石城郡陝州有石城郡在靈寶縣東非此地此四字必誤衍【及石城縣】地形志與和二年置屬北五城郡【周末並廢】寰宇記作城故郡城在蒲縣東南六十五里後魏石城縣周廢【又有後魏平昌縣】地形志與和二年置屬北五城郡【開皇中改曰蒲川大業初廢入焉】

【西河郡】

【後魏置汾州】州本治蒲子城孝昌中移治於此見前龍泉郡下【後齊置南朔州後周改曰介州】元和志周武帝廢南朔州宣帝置汾州隋大業三年廢汾州置西河郡與志異按隋書豆盧勳傳煬帝嗣位漢王諒在并州反出城將往介州又楊素傳諒遣所署介州刺史梁脩羅屯介休又李衍傳開皇初拜介州刺史然則當以志爲正元和志誤

按有靈州通鑑陳太建九年周滅齊齊定州刺

史范陽王紹義與靈州刺史袁洪猛引兵南出欲取并州注地形志魏孝昌二年置靈州東西分治其地屬西魏天平中東魏復置靈州寄治汾州隰城縣界

【統縣六戶六萬七千三百五十一】

【隰城】今汾陽縣治元和志本漢茲氏縣晉改爲隰城地形志太延中改爲什星軍太和八年復

【舊置西河郡】元和志魏黃初二年置郡晉爲劉元海所攻破郡遂廢後魏太和八年復於茲氏舊城置郡【開皇初郡廢大業初復有隰泉山】括地志謁泉山一名隰泉山在隰城縣北四十里水經河水注崖畔有石室去地五十餘丈頂上平地十許頃隨國集記云此爲子夏石室退老西河居此有卜商神祠今見在案子夏石室不在此

【介休】今縣治

【後魏置定陽郡平昌縣】地形志郡縣并興和四年置【後周改郡曰介休以介休縣入焉】漢志作界休在今縣東南十五里地形志晉亂罷太和八年復有介休城是魏已徙今治故水經注云汾水又西南逕界休縣故城西知魏時非漢治一統志以魏仍治漢縣非也和志高昌與志異疑當以志爲是【開皇初郡廢十八年縣改曰介休】元和志義寧元年於縣置介休郡新唐志義寧元年以介休平遙置介休郡【永安】今孝義縣東南地形志太和十七年分

隰城置屬西河郡元和志漢茲氏縣地魏移西河郡中陽縣於今理永嘉後省入隰城後魏又分隰城於今靈石縣東三十里置永安縣

【有雀鼠谷】寰宇記引冀州圖云在孝義縣南二十里長一百十里南至臨汾郡霍邑縣界汾水出於谷內南流入河即周書調鑿谷水經注汾水又南過冠爵津汾津名也在界休縣之西南俗謂之雀鼠谷

【平遙】今縣治元和志漢平陶縣城在文水縣西南二十五里魏以太武名肅改爲平遙屬太原郡後西胡內侵遷居京陵塞義寧元年屬介休郡按地形志鉅鹿郡有平遙又有平陶與元和志不相應【開皇十六年析置清世縣】今平遙縣南【大業初廢入焉又後魏置蔚州】今平遙縣西北二十五里地形志永安中改懷荒禦夷二鎮寄治并州鄆縣界按鄆縣在介休東北二十里與平遙相接紀要後魏僑置蔚州遷蔚州民居此【後周廢有鹿臺山】今平遙縣南四十里寰宇記謁戾山一名麓臺山山海經云謁戾之山嬰侯之水出焉元和志亦作麓臺云俗名鑿臺山在榆次縣東南三十里即水經注洞過水之鑿臺也

【靈石】今縣治元和志本漢介休縣地【開皇十年置】元和志開皇十年因巡幸開道得瑞石遂於谷口置縣因名靈石【有介山】在今靈石縣東三十里寰宇記引郡國志云上有子推冢并祠存【靖巖山】今靈石縣東北二十里寰宇記作靜巖山太嶽下有五龍泉晉

文公封子推綿上之田是此【綿上】今沁源縣東北七十里元和志本漢穀遠縣地【開皇十六年置】寰宇記分介休縣南界置屬沁州取晉封介之推地爲縣名即綿上之地也【有沁水】水經注沁水出穀遠縣羊頭山世靡谷三源齊注逕瀉一隍元和志沁水亦名少水出綿上縣東南二十四里覆瓶山左傳曰齊侯伐晉封少水爲京觀也

【離石郡】【後齊置西汾州】寰宇記天保三年置【後周改爲石州】寰宇記建德六年改隋書虞慶則傳周末拜石州總管則周嘗置總管府志失書元和志大業三年改離石郡【統縣五戶二萬四千八十一】

【離石】今永寧州治元和志本漢舊縣縣東北有離石水因名漢末荒廢魏黃初復置後陷劉元海石勒改爲永石郡後魏明帝改爲離石鎮【後齊曰昌化縣】元和志文宣帝置寰宇記天保三年改離石鎮爲昌化縣【置懷政郡】寰宇記尋復爲離石鎮【後周改曰離石郡及縣】寰宇記建德六年改昌化縣爲離石縣又置寧鄉縣【今寧鄉縣東】開皇初郡廢大業初置郡併寧鄉入焉【寰宇記寧鄉水在平夷縣西南五十步縣蓋因水名

【脩化】今寧鄉縣西北【後周置曰窟胡並置窟胡郡開皇初郡廢後縣改爲脩化】輿地廣記舊史言方山隋縣隋

志石州無方山有脩化豈隋末更名而史官失紀歟按隋方山縣在今永寧州北一百四十里元和志方山下云本漢離石縣地高齊文宣帝於此縣北六十八里置良泉縣屬離石郡大業三年移就今縣南三十五里方山置故名方山寰宇記唐武德二年移良泉就隋廢方山縣城并置方州然則隋改良泉爲方山又旋改方山爲良泉志均不著何其疏也【又後周置盧山縣】今臨縣東南寰宇記盧城在離石縣東二十里晉并州刺史劉琨所築以攻劉曜縣蓋因此立【大業初併入焉有伏盧山】

【定胡】今永寧州西一百二十里元和志本漢離石縣地

【後周置及置定胡郡】寰宇記周大象元年置定胡縣及定胡郡通典云郡在定胡縣西【開皇初郡廢有關官】孟門關在今永寧州西四十里寰宇記在定胡縣西百步周大象元年於此置孟門津隋開皇六年改曰孟門關在黃河岸

【平夷】今寧鄉縣治元和志本漢離石縣地

【後周置】元和志周宣帝割離石縣西五十里置屬石州隋氏不改寰宇記大象元年置【太和】今臨縣西元和志本漢離石縣地

【後周置曰烏突及置烏突郡】元和志周大象元年置【開皇初郡廢縣尋改焉】元和志開皇元年改烏突郡爲太和郡烏突縣爲太和縣三年廢郡以縣屬石州寰宇記同則改縣在未廢郡之先與志不合【有湫水】明一統志

湫水在臨縣南三里西南流入黃河

【雁門郡】

【後周置肆州】按後魏有肆州治九原元和志周大象元年自九原城移肆州於今代州理【開皇五年改爲代州】寰宇記取古代郡爲名【置總管府】隋紀開皇十九年十月以朔州總管宇文弼爲代州總管【大業初府廢】元和志大業三年改代州爲雁門郡

【統縣五戶四萬二千五百二】

【雁門】今代州治

【舊曰廣武】

漢置在今代州西後魏移此【置雁門郡】秦郡寰宇記後漢匈奴侵邊其地荒廢魏文帝移雁門郡南度句注置廣武城即今州西故城是也【開皇初郡廢十八年改曰雁門】元和志蓋避太子之諱【大業初置雁門郡有關官】寰宇記西陲關在雁門縣西北五十里東陲關地甚險固在代州南二十里【有長城】在代州北三十里西自雁門關東至馬關口【有壘頭山】寰宇記壘頭山在雁門縣西北六十里即句注陲西北三十五里山也水經灤水注灤水出於累頭山壘壘並通用【有夏屋山】今代州東北三十里史記趙襄子北登夏屋誘代王使廚人操銅料音主擊殺之遂有代地水經灤水注夏屋山水出夏屋山之東漢【繁峙】今縣東本漢縣在渾源州西

【後魏置并置繁峙郡】

地形志天平二年置元和志漢末匈奴侵寇舊縣荒廢晉又置繁峙縣寰宇記同然則晉置縣後魏始置郡也【後

周郡縣並廢開皇十八年復置縣】元和志置於今縣東六十里大堡戍大業十二年移於武州城【有東魏武州】地形志武定元年置治雁門川武定三年始立州城寰宇記武州城在雁門縣西六十里【及吐京】地形志武定八年置【齊】地形志武定元年置州治【新安】

地形志武定元年置【三郡寄在城中後齊改爲北靈州】隰城有靈州故此加北【尋廢有長城】在縣北十里【渾沱水】渾沱水上有有字今繁峙縣南元和志秦戲山一名武夫山在繁峙東南九十里渾沱水出焉水經注渾沱水篇亡趙氏據諸書所引補之【派水】說文派水出雁門後人戍夫山東北入海水經注派水篇亡趙氏據初學記寰宇記引得二條【唐山】唐上脫有字志例山在水前此倒

【嶧】今縣治元和志本漢舊縣因山爲名

【後魏置曰石城縣】地形志永興二年置屬秀容郡【東魏置廓州】地形志武定元年置治肆州敷城界郭城【有廣安永定建安三郡】地形志俱武定元年置【寄山城】寄下常脫治字山字恐係嶧字之壞文即地形志之郭城也【後齊廢郡改爲北顯州】通鑑陳太建九年周滅齊遣兵擊顯州注即此州按地形志有顯州治汾州六壁城故此加北【後周廢開皇十年改縣曰平寇】地形志肆州永安郡有平寇縣在忻州東十五里元和志開皇十年移平寇縣於此屬代州輿地廣記作十六年【大業初改爲嶧縣】元和志大業二年寰宇記嶧音

廓【又有雲中城】寰宇記雲中城在崞縣西一百里即管涔之異名也【東魏僑置恆州】地形志天平二年置寄治肆州秀容郡城【尋廢有無京山崞山】今崞縣西南四十里水經灤水注崞山縣南面元岳右臂崞山【有土城】

【五臺】今縣治

【舊曰盧虎】漢置屬太原郡【久廢】晉廢

【後魏置曰驢夷】地形志太和十年復改屬永安郡元和志謂屬新興郡高齊改屬雁門郡蓋魏之永安郡本新興郡永安中改【大業初改焉】元和志大業二年改因山為名【有五臺山】今五臺縣東北四十里寰宇記引水經注五臺山五巒巍然故謂之五臺山

【靈丘】今縣治漢置在縣東後漢省元和志東魏孝靜帝重置舊唐志隋末陷城寄治陽曲

【後魏置靈丘郡】地形志天平二年置【後齊省莎泉縣入焉】今靈丘縣西後魏置屬北靈丘郡紀要謂北史魏主濂太延二年遣將張黎發定州兵通莎泉道即此一統志謂齊置莎泉縣屬北靈丘郡誤【後周置蔚州】元和志

周宣帝置【又立大昌縣】今靈丘縣南一統志謂周改莎泉為大昌恐誤【開皇初郡廢縣併入焉大業初州廢】元和志大業二年省蔚州屬代州

【馬邑郡】本漢馬邑縣晉永嘉後廢隋郡因漢縣名

【舊置朔州】地形志本漢五原郡延和二年置為鎮後改為懷朔孝昌中改為州後陷寄治并

州界寰宇記後魏孝文遷洛之後於今朔州北三百八十里置朔州葛榮之亂州廢高齊天保六年又於今州西南四十七里新城置朔州八年仍移於馬邑城即今城也紀要齊亦謂之北朔州武平七年周師克平陽齊主敗奔晉陽欲向北朔州是也通鑑注後魏太和中置朔州於定襄故城高齊天保於馬邑西南置朔州相去三百八十里故定襄古城之朔州有北朔州之稱按北齊書趙郡王叔傳除北朔州刺史【開皇初置總管府】周紀建德六年平齊於北朔州置總管府元和志武成帝置北道行臺周武帝置朔州總管又北齊書范陽王紹義傳周武帝克并州以封輔相為北朔州總管是則北周并置總管府信矣此云置於開皇中誤【大業初府廢】元和志隋開皇罷總管府大業三年罷州為馬邑郡按隋紀開皇五年十月以朔州總管吐萬緒為徐州總管則開皇間未廢府當以志為正

【統縣四戶四千六百七十四】

【善陽】今朔州治

【後齊置縣曰招遠】元和志謂縣屬雁門郡

【郡曰廣安開皇初郡廢】元和志縣屬朔州

【大業初縣改曰善陽】元和志作郡云大業元年改【置代郡曰馬邑又有後魏桑乾郡】

今朔州東按地形志無桑乾郡而魏書靈徵志有恆州之桑乾郡又北齊張纂傳父烈桑乾太守則地形志失此郡也【後齊以置朔州】因此置朔州而改馬邑城之朔州為北朔州也【及

廣寧郡】地形志朔州有此郡【後周郡廢大業初州廢】

【神武】今神池縣東北地形志神武郡領尖山殊頽二縣一統志謂周併二縣為神武縣紀要謂齊廢殊頽隋改尖山曰神武

【後魏置神武郡】地形志屬朔州一統志孝昌後置蓋謂與州同置也【後齊改曰太平後周罷郡】周書寶熾傳元子毅孝閔帝踐阼進爵神武郡公是周初仍曰神武豈齊改太平周仍改神武歟不然則志誤也又毅子賢隋開皇中襲爵神武公疑郡隋時始廢【有桑乾水】源出馬邑縣洪濤山水經灤水注灤水東北流左會桑乾水陰館縣西北上平洪源七輪謂之桑乾泉即溱涓水也

【雲內】今大同縣西三十里

【後魏立平齊郡】一統志皇興三年置按平齊郡地形志不載魏書慕容白曜傳崔道固及兖州刺史梁州守將劉休賓並面縛而降白曜送道固休賓及其僚屬于京師後乃徙二城民望於下館朝廷置平齊郡懷寧歸安二縣以居之又劉休賓傳及立平齊郡乃以梁鄆民為懷寧縣崔崇台傳立平齊郡以歷城民為歸安縣崔念遠傳慕容白曜送崔道固赴都詔徙青齊士望與道固守城者數百家於桑乾立平齊郡於平城西北北新城尋徙治京城西南二百餘里舊陰館之西【尋廢】錢氏考異其廢當在遷洛之後【後齊改曰太平縣】一統志後齊於平齊城置太平縣【後周改曰雲中開皇初

置朔州而改馬邑城之朔州為北朔州也】及

置朔州而改馬邑城之朔州為北朔州也】及

改曰雲內】避諱改【有後魏都置司州】地形志恆州天興中置司州治代郡平城太和中國改孝昌中陷元和志後魏道武帝於此建都東至上谷軍都關西至河南至中山隘門塞北至五原地方千里以爲甸服孝文帝改爲司州牧置代尹孝文遷都洛邑故置恆州孝昌之際恆代之北盡爲坵墟【又有後齊安遠臨塞威遠臨陽等郡屬北恆州】元和志高齊天保七年置恆安鎮徙豪傑三千家以實之今名東州城其年廢鎮又置恆州【後周並廢】元和志周武平齊廢【有紇真山】紇各本誤作純今訂在大同縣東北五十里元和志虜語紇真漢言三十里其山夏積雪霜三十里寰宇記作十里紀要又作千里【白登山】今大同縣北七里有白登山漢初冒頓縱騎三十萬圍高帝於白登七日即此水經灤水注今平城東十七里有臺臺南對岡阜即白登山【武周山】今大同縣西二十里水經灤水注魏土地記曰平城西三十里有武周塞口紀要謂即此山也【有濕水】水經注濕水出雁門陰館縣東北至代郡桑乾縣南與桑乾水合

按漢善無縣在今朔平府右玉縣南地形志天平二年置善無郡寰宇記雲中縣後云善無城後魏善無縣隋廢今故城存

【開陽】未詳當在大同府境

【舊曰長寧】無考地形志無此縣當亦後齊置【後齊置齊德長寧二郡後周廢齊德郡開皇初郡廢十九年縣改曰開陽】

【定襄郡】西漢郡在今歸化城土默特南東漢郡在右玉縣南晉廢

【開皇五年置雲州總管府】按志雍州榆林郡金河縣下云開皇五年置雲州總管二十年雲州移則此處五年當作二十年方合【大業元年府廢】

【統縣一戶三百七十四】

【大和】今平魯縣西北

【大業初置】元和志大和利城即隋文帝所築以處突厥啓明可汗者【帶郡有長城】寰宇記引冀州圖云大同以西紫河以東橫互而東至碣石綿互千里【有陰山】寰宇記引冀州圖云雲中周迴六十里北去陰山八十里【有紫河】寰宇記引郡國志雲中郡有紫河鎮界內有金河水其泥色紫故曰金河

【樓煩郡】隋書衛玄傳高祖受禪拜嵐州刺史李景傳有嵐州刺史喬鍾葵然則隋于此曾置嵐州

【大業四年置】隋紀大業四年四月景午以離石之汾源臨泉雁門之秀容爲樓煩郡元和志伏戎城在靜樂縣北八十里隋樓煩郡所理

【統縣三戶二萬四千四百二十七】

【靜樂】今縣治

【舊曰岢嵐】元和志宜芳縣下云後魏於此置岢嵐縣靜樂縣下云本漢汾陽地城內有堆阜三俗名三堆城開皇三年省自今宜芳縣北移岢嵐縣於三堆城按地形志無岢嵐縣【開皇十八年改爲汾源大業四年改焉】寰宇記

作三年改誤據隋紀大業四年四月尙曰汾源見上則改靜樂在四月後【有長城】寰宇記引隋圖經云因古跡脩築長城起合河縣北四十里東經幽州延袤千里【有汾陽宮】隋紀大業四年四月起汾陽宮元和志在靜樂縣北一百二十里【有關官】元和志樓煩關在靜樂縣北一百五十里【有管涔山】今靜樂縣北一百四十里山海經管涔之山汾水出焉西流注于河郭注今太原郡故汾陽縣北秀容山水經注劉淵族子曜嘗隱避于管涔之山【天池】

元和志在靜樂縣北燕京山上周迴八里陽旱不耗陰霖下溢故老言嘗有人乘車風飄墮池有人獲車輪于桑乾泉後魏孝文帝以金珠穿魚七頭放此池後亦于桑乾泉得之隋煬帝嘗于池南置宮每夜風雨吹破竟不成今池側有祠謂之天池祠【汾水】今靜樂縣城西南漢志汾水出汾陽縣北山西南至汾陰入河水經注汾水出太原汾陽縣北管涔山

按有嵐城縣在今嵐縣北元和志大業八年分靜樂縣置嵐城縣屬樓煩郡

【臨泉】今與縣西北五十里

【後齊置曰蔚汾】元和志後魏於蔚汾谷置蔚汾縣屬神武郡寰宇記同按地形志無蔚汾縣通典云北齊置與志合【大業四年改焉】

元和志開皇三年縣屬石州大業二年改爲臨泉縣四年屬樓煩郡寰宇記臨泉水在縣北一百步縣因此水爲名水經注河水又南陵水注之水出陵川北溪南逕其川西轉入河即臨泉

水也

【秀容】今忻州治元和志秀容故城在宜芳縣南三十里劉元海感神而生姿容秀美因以為名地形志永興二年置屬秀容郡元和志隋開皇十八年於今縣西北五十里秀容故城移於今理按輿地廣記開皇十年廢平寇縣而自今宜芳秀容故城移縣治此則廢平寇置秀容俱十年事疑當從之

【舊置肆州】各本誤作泗今訂地形志肆州治九原天賜二年為鎮真君七年置州【後齊又置平寇縣】今定襄縣治元和志秀容縣下云後魏莊帝於今縣東十里置平寇縣又定襄縣下云魏末置定襄高齊省武帝移平寇縣於此是魏莊帝於秀容置平寇縣齊武帝移于定襄故城志當云後魏置平寇縣又有定襄縣後齊省旋移置平寇縣方合【後周州徙雁門】寰宇記後周武帝徙據元和志為大象元年則在宣帝時【開皇初置新興郡】地形志肆州永安郡後漢末置新興郡永安中改晉志新興郡治九原即今忻州治隋蓋因舊名【銅川縣】今忻州西據文中子父曰銅川府君困學紀聞引龔氏注謂即此銅川【郡尋廢】舊唐志義旗初置新興郡於秀容縣領秀容一縣則義寧元年復置此郡【十年廢平寇縣】元和志開皇十年移平寇於崞城今代州縣是也寰宇記作十八年移蓋平寇自齊武成已移定襄城此又移崞城而以其地併入秀容也【十八年置忻州】元和志因州界忻州口為名也【大業

初州廢】元和志大業二年州廢唐志義寧元年復分秀容置忻州【又廢銅川】依志例當有入焉二字【有程侯山】今忻州西北三十五里水經注忻水東歷程侯山北山甚層銳其下舊有採金穴俗謂之金山【繫舟山】今秀容縣南四十里寰宇記堯遭洪水繫舟於此【有嵐水】寰宇記藍水經秀容縣界一統志嵐水在忻州西南一名藍水亦稱石代溝東流入牧馬河

【太原郡】秦郡歷代不改

【後齊并州置省】地形志并州漢晉治晉陽晉末治臺壁後治晉陽皇始元年平仍置北齊書神武紀普泰元年并州平神武以晉陽四塞乃建大丞相府而定居焉此後世置行省之濫觴至隋遂置尚書省於并州【立別宮】北齊書武定三年神武請於并州置晉陽宮以處配口至後北齊諸帝嘗幸晉陽後主大統三年十一月晉陽大明殿成又按北齊於此置行臺魏孝武授神武大行臺是也【後周置并州六府】周武帝紀建德六年二月平齊置并州宮及六府宮【後置總管廢六府】周紀建德五年十二月以上柱國陳王純為并州總管則未置六府之先即置總管矣按周紀建德六年十二月廢并州宮及六府【開皇二年置河北道行臺】元和志廢總管置隋文帝紀開皇二年正月置河北道行臺尚書省於并州以晉王廣為尚書令按北齊書文襄紀天平元年加使持節尚書令大行臺并州刺史似行臺已置於東魏初【九

年改為總管府大業初府廢】元和志大業二年罷州為太原郡

【統縣十五戶十七萬五千三】

【晉陽】今太原縣治本漢縣地

【後齊置曰龍山】元和志高齊清河清四年移晉陽縣於汾水東今太原縣理是也武平六年於今晉陽縣理置龍山縣因縣西龍山為名也【帶太原郡開皇初郡廢十年改縣曰晉陽】元和志開皇三年罷郡置并州十年廢龍山縣移晉陽縣理之通鑑隋義寧元年李世民出私錢數百萬使龍山令高賦廉與裴寂博注蓋開皇中賦廉嘗為龍山令也【十六年又置清源縣】今縣治元和志開皇十六年於梗陽故城置清源縣屬并州因縣西清源水為名通鑑仁壽四年漢王諒舉兵退守清源【大業初省入焉】元和志大業二年【有龍山】今太原縣西八里元和志懸壘山一名龍山山海經曰懸壘之山晉水出焉其上多玉其下多銅漢志晉陽龍山在西北【蒙山】今太原縣西北五里元和志引十六國春秋曰前趙劉聰征劉琨不克略晉陽之人踰蒙山而歸即謂此也今山上有楊忠碑為周將討齊戰勝隋開皇二年追紀功烈始建此碑

【太原】今縣東北

【舊曰晉陽】本漢縣元和志高齊清河四年自今并州城中移晉陽縣於汾水東隋開皇十年移晉陽縣於州城中仍於其處置太原縣屬并州大業三年屬太原郡隋末移入州城【帶

郡】本秦郡【開皇十年分置陽真縣】按當云開皇十年改縣曰太原又分置陽真縣方合

【大業初省入焉有晉陽宮】元和志東魏孝靜帝置晉陽宮隋文帝更名新城煬帝更置晉陽宮城高四丈周迴七里【有晉水】今太原

縣西南漢志晉陽縣龍山晉水所出東入汾水經晉水出晉陽縣西懸壘山又東過其縣南又東入于汾水元和志曰晉水初泉出處砌石爲塘自塘東分爲三派其北一派名智伯渠東北

流入并州城中出城入汾水其次派東流經晉澤南又東流入汾水其南派隋開皇四年開東南流入汾水

【交城】今縣北七十里

【開皇十六年置】寰宇記本漢晉陽縣地齊於此置牧隋開皇十六年析晉陽置交城縣屬并州因縣西北古交城爲名

【汾陽】今陽曲縣東北

【舊曰陽曲】元和志漢舊縣今忻州定襄縣是也後漢末移於太原縣北四十五里陽曲故城是也後魏又移於今縣南陽直故城【開皇

六年改爲陽直十六年又改名焉】元和志開皇六年改爲陽直縣十年又移於今縣東北四十里汾陽故縣十六年改陽直縣爲汾陽縣因

漢舊名也煬帝又改爲陽直縣移理木井城即今縣理是也按煬帝改汾陽爲陽直當在末年故志不書【復分置孟縣】孟宋本毛本俱作

孟今從明監本【大業初廢】元和志本漢舊縣在今陽曲縣東北八十里後魏省地屬石艾

縣開皇十六年分石艾置原仇縣因原仇故城爲名大業二年改原仇爲孟縣不云開皇置孟

縣事據志云云當是開皇十六年置於漢縣故城至大業初廢移孟縣于原仇也互詳後孟縣下【有磨笄山】此無考若趙簡子姊自殺之

磨笄山史記正義引括地志在飛狐縣東北百十里又引魏土地記在代郡東南二十五里馬頭山去陽曲甚遠

【文水】今縣東十里

【舊曰受陽】地形志晉屬樂平真君九年罷樂平屬太原郡按晉志作壽陽水經注引太康地記作受陽盧諶征艱賦歷壽陽而總轡古書

壽受錯出音同通用耳【開皇十年改焉】元和志寰宇記并同按石壁寺鐵彌勒頌云石壁谷隨隸西壽陽唐改壽陽爲文水與各書異蓋

碑誤【有文水】水經文水出大陵縣西山文谷東到其縣屈南到平陶縣東北入于汾【泌水】各本誤作沁今訂正文水縣北八里水

經文水注泌水出大陵縣西南山下武氏穿井給養井至幽深後一朝水溢平地東南注于文水若出上黨之沁水去此甚遠必非也

【祈】今縣治當作祁二漢晉魏志并作祁

【後齊廢】本漢縣在今祁縣東南七里元和志高齊天保七年省【開皇中復】元和志開皇十年重置屬并州

【壽陽】今縣治

【開皇十年改州南受陽縣爲文水】見上【分州東故壽陽置壽陽】周書宇文神舉傳所部

東壽陽縣土人相聚爲盜錢氏考異云隋志之故壽陽當即此傳之東壽陽未審置於何代隋初併省此縣因有故壽陽之目耳按元和志壽

陽本漢榆次縣地西晉於此置受陽縣屬樂平郡永嘉後省晉末山戎內侵後魏太武遷戎外

出徙受陽之戶於太陵城南置受陽縣屬太原郡受陽縣即今文水縣是也開皇十年改受陽爲文水縣又於受陽故城別置受陽縣屬并州

即今縣是也貞觀十一年更名壽陽壽受二字本互稱已見文水縣下元和志故爲分別非是據此知州南故文水之受陽即後魏之太陵城也州東之

故壽陽即晉所置之壽陽故城也錢氏云東壽陽未審置於何代未詳考元和志耳【有鸞巖】寰宇記作燕嶺引隋圖經云嶺多鸞燕以名之在縣西三十里

【榆次】今縣治

【後齊曰中都】本漢榆次縣元和志高齊文宣帝省自今榆次縣東十里移中都縣理之屬太原郡【開皇中改焉】元和志開皇十年改

中都縣又爲榆次縣寰宇記作開皇十六年置榆社縣恐誤又云大業二年省義寧元年又置

【太谷】今縣治

【舊曰陽邑】漢置在今太谷縣東十五里地形志真君九年罷景明二年復屬太原郡即今太谷縣治元和志高齊及周同開皇三年屬并州【開皇十八年改焉】元和志因縣西太谷

爲名

【樂平】今平定州南八十里本漢沾縣地元和

志高齊移樂平縣理沾城即今縣是也又云縣城隋文帝更加修築

【舊置樂平郡】地形志後漢獻帝置真君九年治太原孝昌二年復治沾城通鑑陳太建十三年隋文受禪女楊后改封樂平公主【開皇初廢十六年分置遼州及東山縣】今平定州東南【大業初廢州】元和志大業三年廢州【及東山縣】志例當云并東山縣入焉【有皋洛山】今平定州東南九十里左傳閔二年晉侯使太子申生伐東山皋洛氏紀要蓋邑於此山之下【有清漳水】今平定州西南水經清漳水注清漳水出沾縣故城東北俗謂之漳山

【和順】今縣東北

【舊曰梁榆】今和順縣西一統志後齊置【開皇十年改】寰宇記和順縣下云後魏孝昌二年於沾城置樂平郡及樂平縣隋開皇五年復移於今所屬并州十年又移於沾城仍於今所置和順縣因縣界內古和順城為名【有九京山】今和順縣北五里寰宇記在和順縣西十一里國語趙孟與叔向游於九原即此按水經汾水注侯甲水又西逕京陵縣故城北於春秋為九原之地京陵即平遙也日知錄辨其非而以平縣西南二十五里九原山當之

【遼山】今遼州治

【後魏曰遼陽】後漢末置轄河縣晉改轄陽地形志遼陽云真君九年併鄉孝昌二年復【後齊省開皇十年置改名焉】寰宇記屬并

州因縣西北轄山為名【十六年屬遼州並置交漳縣】今遼州東南七十里【大業初廢州并罷交漳入焉有莒轄水】今遼州西北水經清漳水注轄水出轄河縣西北轄山南流逕轄河縣故城西南東流至粟城注于清漳寰宇記遼陽水從平城西北八賦水東南流經古遼陽城南謂之遼陽水又東過合清漳水

【平城】今和順縣西一百里

【開皇十六年置】元和志開皇十六年於趙襄子所立平都故城置平城縣屬遼州大業二年改屬并州【有徐水】按常涂水之誤水經洞過水注涂水出陽邑東北大嶽山涂谷地形志陽邑有徐水亦涂水之誤

【石艾】今平定州東南漢置上艾縣後罷晉復真君九年罷孝昌六年復改名屬樂平郡

【有蒙山】今平定州東北十五里紀要孤峯聳秀高出衆山

【孟】今縣治漢縣在陽曲縣東北八十里互詳前汾陽縣下後漢書注謂隋縣即漢縣誤

【開皇十六年置】曰原仇大業初改焉【元和志開皇十六年分石艾縣置原仇縣屬遼州因原仇故城為名即今縣是也大業二年改原仇為孟縣因漢舊名屬并州【有白鹿山】紀要引孔穎達曰孟縣西有白鹿泓出自西北鹿山南渚

【襄國郡】本漢襄國縣後齊初置郡于臨洛周置郡于此隋初廢詳見後

【開皇十六年置邢州】寰宇記開皇十六年

割洛州龍岡南和平鄉三縣及置青山沙河任三縣置邢州取古邢國為名大業三年改為襄國郡

【統縣七戶十萬五千八百七十三】

【龍岡】今邢臺縣西南

【舊曰襄國】地形志秦為信都項羽更名二漢屬趙晉屬廣平後併任縣太和二十年復屬北廣平郡元和志周宣帝置襄國郡開皇三年罷郡縣屬洛州【開皇九年改名焉】元和志西北有龍岡因名之隋書段文振傳周時賜爵襄國縣公開皇中改封龍岡縣公與志合【十六年又置青山縣】寰宇記云廢青山縣在邢州北五十里本中邱縣地屬常山郡開皇十八年置青山縣屬邢州以縣界青山為名【大業初省入焉】寰宇記大業二年省縣為龍騰府【有黑山】今內丘縣西二十里元和志在沙河縣西四十里出鐵【有澆水】今邢臺縣東南五里寰宇記澆水一名澆水一名鴛鴦水俗謂之百泉源出龍岡縣東南平地紀要謂即澆水

【南和】今縣治地形志前漢屬廣平後漢屬鉅鹿晉屬廣平後併任縣太和二十年復隋書李諤傳文帝受禪賜爵南和伯

【舊置北廣平郡】地形志永安中分廣平置

【後齊省入廣平郡後周分置南和郡開皇初郡廢】元和志開皇三年縣屬洛州十六年改屬邢州【十六年置任縣】今任縣西南按任本漢縣後魏尙有此縣屬北廣平當是後齊省

隋復置元和志屬邢州【大業初廢入】元和志大業三年

【平鄉】今縣治元和志本秦鉅鹿縣後魏移平鄉縣理之屬廣平郡開皇三年屬洺州十六年改屬邢州輿地廣記作隋置平鄉縣誤隋書劉曠傳開皇初為平鄉令按漢至晉平鄉在今縣西北地形志晉後能景明三年復治鉅鹿城屬南趙郡元和志云屬廣平郡誤也

【沙河】今縣東

【開皇十六年置】元和志分龍岡縣置以沙河在縣南五里因為名【有磬山】今沙河縣西南九十八里元和志作磬口山云漢魏時舊鐵官也寰宇記作磬石山云在沙河縣西南九十里

【鉅鹿】今縣北本漢置南緣縣地形志二漢屬鉅鹿晉罷後復石道所復真君六年併柏人太和二十年復有南樂城舊唐志隋於漢之南緣置鉅鹿縣寰宇記鉅鹿下云為漢南緣縣地引隋圖經集記云開皇六年於此置鉅鹿縣屬趙州遙取漢縣鉅鹿以名也按漢鉅鹿縣至後魏為平鄉縣後魏之鉅鹿則在平鄉縣東三十里屬南趙郡

【後齊廢開皇六年置南蠻縣】錢氏考異蠻當作緜復漢舊名也【後廢入焉】紀要大業初廢

【內丘】今縣治漢置中丘縣在縣西十里晉後廢地形志太和二十一年復即今治也屬南趙郡元和志隋室諱忠改為內丘開皇三年屬趙

州大業二年改屬邢州

【有干言山】今唐山縣西北五里寰宇記謂詩出宿于干飲餞于言即此山也斜要山延袤數十里西接內丘縣界

【柏仁】今唐山縣治漢置一統志柏人縣在西十二里後魏移治屬南趙郡按地形志柏人有柏人城故知後魏徙也元和志後魏改人為仁開皇三年屬趙州今本地地形志仍作人

【有鵲山】寰宇記蓬鵲山亦名龍騰山在內丘縣西六十三里又引郡縣志云昔扁鵲同毓太子遊此採藥因名按此山距今之唐山甚遠

【武安郡】

【後周置洺州】周紀宣政元年分相州廣平郡置洺州元和志周建德六年置洺州以水為名大業三年罷

【統縣八戶十一萬八千五百九十五】

【永年】今縣治

【舊曰廣平】當云廣年按廣平廣年並漢縣晉永嘉後并廢後魏太和二十年并復廣平今永年縣西北廣年今雞澤縣東二十里【置廣平郡】西漢廣平國東漢廢三國魏復置郡後魏移治曲梁【後齊廢北廣平郡】地形志永安中分廣平置今南和縣治【及曲梁】今永年縣治元和志高齊文宣帝省曲梁置廣年縣蓋移廣年治曲梁也寰宇記高齊天保七年併曲梁入廣平當作併入廣年【廣平二縣入】蓋併二縣入廣年也若上文作廣平是廢廣平入廣平矣【開皇初郡廢復置廣平】蓋分廣

年置廣平【後改曰雞澤】元和志開皇十六年於廣平城置雞澤縣今縣南【仁壽元年改廣平為永年】元和志開皇三年廣年縣屬洺州仁壽元年改廣年為永年避煬帝諱也據此則志改廣平實改廣年之誤蓋上既云改廣平為雞澤則廣平已廢而通典舊唐志寰宇記輿地廣記又皆作改廣平為永年則其誤已久【大業初置武安郡又併雞澤縣入】元和志大業二年省

【肥鄉】今縣治

【東魏省】水經漳水注引晉書地道記太康中立以隸廣平寰宇記魏黃初二年置肥鄉縣在今縣西二十二里地形志天平初省入臨漳

【開皇十年復】元和志屬磁州十六年割屬洺州輿地廣記作開皇十六年復置

按有列入縣漢置在今肥鄉縣東北十五里紀要高齊省

【清漳】今肥鄉縣東三十里

【開皇十六年置】元和志南濱漳水因為名屬洺州

【平恩】今丘縣西南四里西漢侯國東漢為縣晉屬廣平郡地形志平恩治平恩城似仍漢舊而水經注衡漳水又東北逕平恩故城西則魏晉開常有移徙寰宇記高齊天保七年移於斥漳城今洺水縣是也隋開皇六年又自斥漳移於平恩即今理元和志隋開皇三年屬洺州

【洺水】今曲周縣東南元和志開皇六年以縣西近洺河故為洺水屬洺州

【舊曰斥漳】漢縣兩漢志及地形志俱作章水經注晉志作漳【後齊省入平恩開皇六年分置曲周】按當作開皇六年置洛水又分置

曲周不然是平恩分置曲周又廢入平恩而洛水之置竟不見是為疏也寰宇記隋開皇六年以平恩移入舊地又於此立洛水縣即今

縣曲周今縣東北四十里元和志本漢舊縣後魏宣武帝改置曲安縣屬廣平郡高齊省開皇六年復置曲周縣屬洛州【大業初廢入焉】

元和志大業二年

【武安】今縣治地形志二漢屬魏郡晉屬廣平天平初屬魏郡元和志開皇三年屬相州十年割屬磁州大業二年磁州廢割屬洛州

【開皇十年分置陽邑縣】今武安縣南三里【大業初廢入焉有榆溪】水經注清漳水又得梁榆水口水出梁榆城西大嶽山疑志文脫

梁字【有關與山】今武安縣西南五十里水經清漳水注南水又東北逕梁榆城南即關與故城也秦伐趙關與惠文王使趙奢救之【有滹水】說文澗水出趙國襄國之西北東北入

滹趙氏水經注釋謂滹即漳也

【邯鄲】今縣治

【東魏廢】漢縣今縣西南十里一統志東魏天平初省入臨漳按地形志邯鄲真君六年屬廣平郡而魏郡臨漳下有邯鄲城臨漳天平初

置故一統志以為併入臨漳也隋開皇十年復移邯鄲縣於陟鄉城見下臨洛縣元和志開皇十年屬磁州大業二年屬洛州【開皇十六年

復置陟鄉】今邯鄲縣地【大業初省入焉】元和志邯鄲縣即治陟鄉城與志異

【臨洛】今永年縣西十五里【舊曰易陽】漢縣在臨洛縣西地形志天平初屬魏尹有易陽城故知已徙元和志漢易陽

後魏省入邯鄲寰宇記孝文于北中府城復置易陽縣【後齊廢入襄國縣置襄國郡】按齊書李元忠傳分廣平之易陽襄國南趙郡之中

丘三縣為易陽郡據此則齊有易陽郡易陽縣當是郡縣並廢入襄國【後周改為易陽縣別置襄國縣】按並置襄國郡見上此蓋仍遺襄國舊治即隋之龍岡也【開皇六年改易陽為

邯鄲十年改邯鄲為臨洛】元和志開皇十年移邯鄲縣理陟鄉城在今邯鄲縣界仍於北中府城別置臨洛縣北濱洛水因為名屬磁州大業二年割屬洛州【開皇初郡廢有紫山】

今邯鄲縣西北三十里寰宇記引隋圖經云臨洛紫山春夏有紫氣蒼鬱山下有石石上菖蒲一寸九節巖間有紫石英【狗山】今永年縣西七里元和志山頂石上有狗跡因名【塔山】

【趙郡】

【開皇十六年置樂州】元和志後魏明帝於廣阿城置殷州高齊改殷州為趙州隋開皇十六年於樂城縣置樂州寰宇記隋以廢趙郡之

平棘廩陶二縣併廢鉅鹿郡之廣阿安國柏人內丘等四縣改置樂州取柏鄉縣漢高樂故城以為之名也【大業三年改為趙州】元和志

大業二年廢樂州以縣并屬趙州三年以趙州

為趙郡舊唐志隋自象城即廣阿移趙州治所於平棘縣理據此二說則隋開皇十六年以後樂趙二州並立至大業二年始併樂州于趙州志未分析三年亦二年之誤

【統縣十一戶十四萬八千一百五十六】

【平棘】今趙州治漢置屬常山郡晉屬趙國後魏屬趙郡

【舊置趙郡】漢趙國在邯鄲縣治晉趙國在高邑縣西南後魏改郡治平棘屬殷州【開皇初省】元和志縣屬趙州十六年屬樂州大業二年屬趙郡【有宋子縣】今趙州北二十五里西漢置後漢廢地形志永安二年復屬鉅鹿郡【後齊廢】一統志開皇初復置按志常有此五字【大業初置趙郡廢宋子縣入焉】

【高邑】今縣治本漢房子縣地形志二漢屬常山前漢曰鄗後漢光武改元和志高齊天保七年移高邑縣於其縣城東北十五里今縣是也隋開皇三年屬趙州按後漢晉北魏之高邑在趙州柏鄉縣北

【贊皇】今縣治元和志本漢鄗邑縣地屬常山郡

【開皇十六年置】元和志作六年置云縣南有贊皇山因為名屬樂州大業二年改屬趙州寰宇記亦作六年【有孔子嶺】今贊皇縣東南寰宇記引隋圖經云贊皇縣孔子嶺有石室寬博其下有石相拒若楹柱時人謂之三梁九柱之室室內石人象類執卷故號曰孔子嶺

【有白溝】

【元氏】今縣西北

【舊縣】漢置元和志元氏故城在今縣西北

十五里兩漢常山太守皆理於此城【後齊廢】

魏書李順傳季子寧齊受禪例降元氏縣子蓋

齊初尚未廢也又按新唐書宰相世系表裴舒

周時封元氏公似周尙有此縣【開皇十六年置】

元和志屬趙州隋末爲劉黑闥所破其後移於

今所【十六年分置靈山縣】今元氏縣西北

【大業初廢入焉有靈山】今元氏縣西三十

里紀要與無極山並峙

【慶陶】今寧晉縣治

【舊曰慶遙】地形志永安二年置治揚城爲

鉅鹿郡治按漢慶陶縣在今寧晉縣西二十九

里一統志北齊省入慶遙地形志鉅鹿郡有慶

陶復有慶遙故一統志以爲齊省慶陶也【開

皇六年改爲慶陶】元和志復漢舊名大業二

年屬趙州

【欒城】今縣北

【舊縣】元和志本漢關縣後漢省後魏太和

十一年於此置欒城縣取平棘縣舊欒城爲名

地形志太和十一年分平棘置治關城按後漢

常山國有欒城縣蓋改關縣置欒城晉廢魏復

置也【後齊廢開皇十六年復】元和志隋屬

欒州又改屬趙州按隋之欒州當係于此

【大陸】今隆平縣東十二里

【舊曰廣阿】地形志前漢屬鉅鹿後漢罷太

和十三年復有廣阿城【置股州】地形志孝

昌二年分定相二州置治廣阿【及南鉅鹿郡

後改爲南趙郡】地形志太和十一年爲南鉅

鹿屬定州十八年屬相州後改南趙郡孝昌中

屬殷州【改州爲趙州】寰宇記高齊天保二

年改殷州爲趙州七年州廢然則改州上脫後

齊二字【開皇十六年分置欒州】據此亦足

見前郡下云云爲鶴突也【仁壽元年改爲象

城】寰宇記縣西有古象城因以爲名【大業

初州廢】此指趙州言也【縣改爲大陸】元

和志大業二年改大陸屬趙州爾雅曰晉有大

陸廣阿卽大陸別名淮南子曰鉅鹿大陸廣阿

咸一澤也寰宇記作大業末改【又開皇十六

年所置大陸縣】其城今不可考蓋分廣阿置

也【亦廢入焉】

【柏鄉】今縣西南按漢縣在唐山東北二十一

里後漢廢

【開皇十六年置】元和志於漢鄗城南十八

里改置遙取古柏鄉縣以爲名屬欒州大業二

年改屬趙州舊唐志隋於彭水之陽復置【有

嶺嶗山】寰宇記堯山縣下云宜嶗山一名虛

無山在縣西北四里城家記云堯登此山東瞻

洪水務訪賢人其山西四里出文石五色錦章

山上有堯祠元納新河朔訪古記云嶗山原

注音編在柏鄉縣南乃土山也今屬順德路唐

山縣境卽古柏人也嶗山出五色石全唐詩

話載馬或贈韓定辭詩云燧林芳草綿綿思盡

日相攜陟麗譙別後嶗山上望羨君時復見

王喬按字書齊晉務顏氏家訓云柏人城東山

有孤山闕關九州志以爲舜納于大麓卽此山

世俗或呼爲宣務山余嘗爲趙州佐共太原王

邵讀柏人城西門內碑是漢桓時縣人爲令

徐整所立銘云上有嶗務山王喬所化方知此

嶗務山也嶗字遂無所出務字依諸字書卽旄

丘之旄旄字字林一音忘付反今依附俗名當

音權務耳入鄴爲魏收道之收大嘉歎其作趙

州莊嚴寺碑銘云權務之精卽謂此也今按字

書無嶗字尤誤中誤耳

【房子】今臨城縣西南

【舊縣】元和志本戰國時趙房子邑漢以爲

縣一統志今高邑縣西南【後齊省】一統志

天保七年【開皇六年復】自高邑徙此【有

贊皇山】今贊皇縣西南二十里穆天子傳云

至房子登贊皇山【有彭水】山海經敦與之

山泚水出於其陰而東流注于彭水紀要沙水

自贊皇縣流經臨城縣境合于泚水又東北入

高邑縣界謂之泚水或以爲卽彭水也

【臺城】今縣治地形志前漢屬眞定後漢屬鉅

鹿晉罷太和十二年復

【後齊廢下曲陽入焉】今晉州西漢縣地形

志作曲陽無下字按北齊書魏蘭根傳鉅鹿下

曲陽人也是齊初仍增下字【改爲臺城縣】

元和志作高城是也地形志本作臺城齊改臺

爲高耳觀下文復改臺城可見【置鉅鹿郡】

此後魏定州之鉅鹿郡也本秦郡在不鄉晉徒

寧晉西南魏徙寧晉縣治齊復徙此通典臺城

下云後周置鉅鹿郡當別有據【開皇初郡廢】

新唐志義寧元年復置鉅鹿郡【十年置廉州

十八年縣改爲臺城】蓋改高城爲臺城寰宇記開皇十八年改爲臺城縣兼立廉州以臺城鼓城二縣屬廉州通典作瀛州誤【大業初州廢】寰宇記州廢移臺城入廢州城今縣是也【又開皇十六年置柏鄉縣】今臺城縣北三十里【亦廢入焉】新唐志義寧元年復置屬鉅鹿郡按新豐城在今臺城東北新唐志隋義寧元年析臺城縣置新豐縣屬鉅鹿郡並置宜安縣

【鼓城】今晉州治

【舊曰曲陽後齊廢】按此即臺城縣下之下曲陽也蓋曲陽併入臺城而隋之鼓城實曲陽故地故復書之然古縣廢置如此者甚多志獨於此詳著又省下字幾疑爲兩縣兩地亦爲例不純者也【開皇十六年分置昔陽縣】各本昔誤作晉今訂【十八年改爲鼓城】元和志開皇六年置昔陽縣十八年改爲鼓城屬廉州大業九年改屬高陽郡寰宇記亦云開皇六年分臺城地于下曲陽故城東五里置昔陽縣屬定州即今縣是也十年改屬廉州十八年改昔陽爲鼓城蓋取古鼓國以爲名左傳昭公二十二年鼓叛晉荀吳略東陽使師僞繹者負甲以息於昔陽之門外遂襲克之水經濁漳水注昔陽城世謂之直陽城非也本鼓聚矣又引十三州志曰今其城昔陽亭是矣舊唐志亦作昔陽【十六年又置廉平縣】今晉州西南【大業初併入】

【恆山郡】

【後周置恆州】周紀宣政元年分定州常山郡置恆州元和志周武帝置恆州隋煬帝大業三年罷州以管縣屬高陽郡寰宇記云建德六年置恆州隋大業初廢

【統縣八戶十七萬七千五百七十一】

【真定】今正定縣治本秦東垣縣漢改

【舊置常山郡】元和志漢三年置恆山郡因恆山爲名後避文帝諱改曰常山兩漢郡理元氏晉理真定即今常山故城是也後魏道武帝登恆山城北望安樂壘嘉其美名遂移郡理之即今州理是也周武帝於此置恆州按元和志常山郡九門縣有安樂壘是魏之常山郡在九門周之恆州亦不理此蓋至大業置恆山郡始復以真定爲郡治志蓋據晉郡治書之若魏郡則當書九門縣下【開皇初郡廢十六年分置常山縣】今真定縣西南十八里【大業初置恆山郡省常山入焉】

【滋陽】今行唐縣西

【開皇六年置十六年又置王亭縣大業初省入焉有大茂山】即恆山之嶺一名神尖寰宇記大茂山恆山之異名也山南俗謂之太白山

【歲山】毛本作歲

【行唐】今縣治後漢置南行唐縣在今縣北屬常山郡後魏去南字移今治

【石邑】今獲鹿縣東南

【舊縣】西漢置後漢罷晉復置【後齊改曰井陘】按當云併井陘入改曰井陘詳見下元和志漢至隋不改與志異隋書韋師傳高祖受

禪賜爵井陘侯【開皇六年改焉】寰宇記開皇三年移定州之石邑縣於萬夏村置屬恆州然則石邑已移徙非故治互見後恆陽縣下【十六年析置鹿泉縣】今獲鹿縣治元和志以鹿泉在縣南因以爲名屬并州【大業初併入】元和志大業二年省義寧初重置還屬并州【有封龍山】元和志作飛龍山云在獲鹿縣南四十五里又引前趙錄曰王浚遣將祁宏率鮮卑討石勒於飛龍山下勒大敗按漢封龍山碑今存【抱犢山】今獲鹿縣西八里元和志草山今名抱犢山韓信伐趙使輕騎二千人持一赤幟從間道葦山而望後遂改爲葦山御覽引隋圖經卑山今名抱犢山四面危絕山頂有二泉後魏葛榮亂百姓抱犢上山因以名之也

【九門】今臺城西北二十五里本漢縣後漢晉因之後魏徙常山郡治此水經漳水注長蘆水又東逕九門城北故縣西中間當有移徙

【後齊廢開皇六年復】新唐志義寧元年置九門郡並析置新市信義二縣【大業初又併新市縣入焉】今新樂縣西南四十五里本漢置後魏屬中山郡隋書郎茂傳恆山新市人【有許春壘】

【井陘】今縣北

【後齊廢石邑以置井陘開皇六年復石邑縣分置井陘】按石邑井陘并漢縣至後魏仍并屬常山據元和志寰宇記亦不言後齊石邑井陘有分併事如志所云是以後齊置井陘于石邑城中而漢魏以來之井陘不言廢置何所殊

【後齊廢石邑以置井陘開皇六年復石邑縣分置井陘】按石邑井陘并漢縣至後魏仍并屬常山據元和志寰宇記亦不言後齊石邑井陘有分併事如志所云是以後齊置井陘于石邑城中而漢魏以來之井陘不言廢置何所殊

【後齊廢石邑以置井陘開皇六年復石邑縣分置井陘】按石邑井陘并漢縣至後魏仍并屬常山據元和志寰宇記亦不言後齊石邑井陘有分併事如志所云是以後齊置井陘于石邑城中而漢魏以來之井陘不言廢置何所殊

為疏漏即如志說亦當云舊縣後齊併入石邑又改石邑為井陘開皇六年復石邑縣井陘還故治方無不合【十六年於井陘置井州】宋本毛本作井州誤明監本作井州元和志亦作井州是【及置葦澤縣】今井陘縣西北三十五里【大業初廢州】元和志大業二年廢井州以所領縣屬恆州舊唐志義寧元年置井陘郡【并廢葦澤縣】舊唐志義寧元年置葦澤縣蓋復置也【及蒲吾縣入焉】今平山縣東南漢縣以後并屬常山郡新唐志義寧元年復置

【房山】今平山縣治元和志本漢蒲吾縣地【開皇十六年置】元和志因縣北房山為名屬并州寰宇記其城內實外險一名陽嘉城義寧元年屬房山郡

【靈壽】今縣治漢置在今縣西北十里晉移今治【後周置蒲吾郡開皇初郡廢】舊唐志義寧元年置燕州

【博陵郡】漢郡在安平隋徙此【舊置定州】地形志皇始二年置安州天興三年改定州元和志後燕慕容垂建都於此後魏道武平慕容垂子寶置安州又改為定州以安定天下為名也梁書侯景傳生擒葛榮以功擢為定州刺史大行臺又按北齊書魏蘭根傳魏莊帝時以蘭根為河北行臺是定州舊置行臺也【後周置總管府】周紀建德六年二月平齊於定州置總管府【尋罷】謂罷府也元

和志大業三年改定州為博陵郡大業九年改博陵郡為高陽郡

【統縣十戶十萬二千八百一十七】

【鮮虞】今定州治

【舊曰盧奴】漢縣元和志慕容垂改為弗達後魏平燕又改為盧奴舊唐志弗達作不連【置鮮虞郡】本漢中山國後魏曰中山郡元和志

隋開皇元年以中字犯廟諱改中山郡為鮮虞郡又元和志於安喜北平曲陽母極并云後齊屬中山郡北齊書陽休之傳除中山太守又後周宇文護封中山郡公則隋以前無鮮虞郡審矣此鮮虞二字當中山之誤輿地廣記謂後周置鮮虞郡紀要高齊改中山郡曰鮮虞皆未見所出恐只是因此志意為之說【後齊廢盧奴入安喜】在今定州東三十里水經瀛水注作

安喜縣故安險也後漢章帝改曰安喜按魏疑禪寺三級浮圖碑有安戲令趙道安後魏無安戲縣疑戲喜通用也【開皇初廢郡以置鮮虞縣】當是開皇元年置鮮虞郡三年廢郡改盧奴為鮮虞縣蓋遙取春秋鮮虞國為名隋書田仁恭傳有鮮虞縣公謝慶恩【大業初置博陵郡】元和志遙取漢博陵郡為名也大業九年

又改為高陽郡按煬帝紀大業九年十月詔曰博陵昔為定州地居衝要先皇歷試所基王化斯遠故以道冠爾風義高姚邑朕巡撫庶爰屬茲邦瞻望郊廬緬懷敬止思所以宣播德澤覃被下人崇紀顯號式光令緒可改博陵為高陽郡【又廢安喜入焉】據志所云是隋初仍

以盧奴故地置鮮虞而安喜鮮虞為二縣至大業初安喜始廢元和志則謂高齊省盧奴移舊安喜於此屬中山郡隋改為鮮虞縣與志異未知孰是【有盧水】水經瀛水注盧奴城內西北隅有水淵而不流南北一百步東西百餘步水色正黑俗名曰黑水池或云水黑曰盧不流曰奴故此城藉水以取名矣

【北平】今完縣東南本漢曲逆縣地後漢章帝改為蒲陰後魏孝明帝改為北平一統志後齊改蒲陰置北平縣屬中山郡

【舊置北平郡】地形志孝昌中分中山置治北平城元和志後魏孝明帝於今縣東北三十里置北平郡【後齊郡廢】元和志同【又併望都】今保定府望都縣西北三十里漢縣【蒲陰】今完縣東南前漢曰曲逆後漢改【二縣入】元和志以北平縣屬中山郡【開皇六年又置望都大業初又廢有都山】今唐縣東北十五里水經瀛水注望都城之東有山孤峙世以山不連陵名之曰孤山孤都聲相近疑所謂都山也帝王世紀曰堯母慶都所居故縣目曰望都張晏曰堯山在北堯母慶都山在南登堯山見都山故望都縣以為名也【伊祁山】今完縣西三十里地形志望都有伊祁山寰宇記堯住此山後因作姓【有漂水】無考恐是誤字元和志濡水在北平縣西五里即水經注東北至河開入易水之濡水也

【唐】今縣南八里【舊縣】今唐縣東北漢縣【後齊廢】元和

志高齊省入安喜縣【開皇十六年復】元和

志屬定州【有堯山】今唐縣北八里一名唐

山水經澆水注皇甫謐曰堯山一名豆山今山

於唐城北而如東嶺絕孤峙虎牙架立南有堯

廟是即堯所登之山也【郎山】水經澆水注

中山城之西北泉源所導西逕郎山北郎唐音

讀近則郎山即唐山按地形志唐縣有狼山祠

【中山】水經澆水注唐水出中山城之西如

北城內有小山在城西側而銳上俗以山在邑

中故亦謂之中山城

【恆陽】今曲陽縣治

【舊曰上曲陽】西漢縣在今曲陽縣西後魏

移今治【後齊去上字】元和志天保七年除

上字但為曲陽縣屬中山郡蓋齊已廢下曲陽

入高城故也【開皇六年改為石邑七年改為

恆陽】元和志開皇六年改曲陽為石邑縣其

年移石邑於井陘縣屬恆州七年於此置恆陽

縣屬定州以在恆山之南因為名【有恆山】

今曲陽縣西北四十里爾雅恆山為北嶽周

官職方氏并州山鎮曰恆山元和志漢以避文

帝諱改曰常山周武帝平齊復曰恆山【有恆

陽溪】今曲陽縣西恆水原也禹貢恆衛既從

鄭玄曰恆水出恆山北谷漢志上曲陽縣恆山

禹貢恆水所出東入澆【有范水】水經易水

注淀水東南流出長城注易謂之范水易水自

下有范水通目又東逕范陽縣故城南即應劭

所謂范水之陽也

【新樂】今縣治元和志本春秋鮮虞國漢為新

市縣地

【開皇十六年置】元和志屬定州取新樂故

城為名新樂者漢成帝時中山孝王母馮昭儀

隨王就國王建宮於樂里在西鄉呼為西樂城

時人語訛呼西為新故為新樂【有黃山】明

一統志新樂縣黃山出細軟白石可為器

【隋昌】今無極縣東北

【後魏曰魏昌】地形志前漢曰苦陘後漢章

帝改為漢昌魏文帝改魏昌【後齊廢開皇十

六年復仍改焉】寰宇記隋文帝仍於魏昌城

置隋昌縣屬定州

【毋極】今縣治漢縣地形志晉罷太和十二年

復屬中山郡元和志寰宇記并云後魏太武省

高齊重置屬中山郡開皇三年改屬定州

【義豐】今祁州治元和志本漢安國縣地隋開

皇六年改為義豐

【開皇六年置】寰宇記開皇六年自鄆城鄆

當作鄆見前信都郡鹿城下 移安國縣於鄭德堡屬

定州其年仍改安國為義豐考志信都郡鹿城

下開皇六年改安國為安定與寰宇記不合按

隋書韋世康傳弟冲高祖踐阼賜爵安固 蓋安

國之誤 縣侯後改封義豐縣侯足徵寰宇記云

移安國於鄭德堡改為義豐者為有據也【舊

有安國縣】今祁州南漢縣【後齊廢】移徙

於鹿城見前信都郡鹿城下

【深澤】今縣治元和志本漢南深澤縣地形志

去南字屬博陵郡以涿郡有深澤縣故此加南

以別之在今縣東南三十五里

【後齊廢開皇六年復】元和志開皇六年分

安平縣於滹沱河北重置深澤縣屬定州

【安平】今縣治漢縣

【後齊置博陵郡】水經澆水注漢桓帝本初

元年繼孝冲為帝追尊父翼陵曰博陵因為

縣又置郡焉漢末罷還安平晉泰始中復為郡

地形志博陵郡漢桓帝立寰宇記自晉及高齊

並理安平志云後齊置誤也【開皇初廢】元

和志開皇三年縣屬定州【十六年置深州大

業初廢】元和志大業二年廢寰宇記以縣還

涿郡

【河間郡】

【舊置瀛州】瀛當作瀛魏齊書紀傳並作瀛

然考魏靈禪寺三級浮圖碑有瀛州主簿董景

和又隋蘇孝慈墓志發西山制勝之衆東瀛乞

活之軍則當時固通用地形志瀛州太和十一

年分定州河間高陽冀州章武浮陽置治趙軍

都城按寰宇記後漢和帝二年於文安置瀛州

然則魏亦因舊名

【統縣十三戶十七萬三千八百八十三】

【河間】今縣治寰宇記隋開皇三年移武垣縣

理州城十六年移武垣縣居其舊城乃於此置

河間縣

【舊置河間郡】西漢國在今獻縣治後漢改

郡晉為國後魏復為郡移治武垣寰宇記歷高

齊後周郡不改【開皇初郡廢大業初復置郡

併武垣縣入焉】今河間縣西南三十五里秦

縣寰宇記魏武自今河間郡西南三十八里西

武垣城移於今郡南二十五里東武垣城開皇三年移理州城十六年改武垣爲何開縣仍於東武垣故城再置武垣縣大業二年省

【文安】今縣東漢縣後魏屬章武郡寰宇記漢

文安縣屬渤海郡後漢屬河間國至和帝二年置瀛州縣屬焉晉分瀛州置章武國縣在古文安城後魏太和十一年置瀛州以統章武縣遂歸瀛州北齊廢章武入文安隋大業七年征遼途經於河口當三河合流之處割文安平舒二邑戶於河口置豐利縣隋末亂離百姓常移就文安城按今文安治即故豐利城

【有狐狸淀】各本誤作液今訂寰宇記任丘縣下引水經注鄭縣東南隅水有狐狸淀俗亦謂之掘鯉淀非也蓋漳沱水篇文今佚又博縣下云掘鯉淀在鄭縣西二十里俗名掘柳淀左太沖魏都賦云掘鯉之淀蓋節之淵

【樂壽】今獻縣治寰宇記本漢樂成縣地故城在今縣東南六十五里後漢桓帝改爲樂陵水經漳水注作樂成陵是也曹魏改爲樂成按即河間郡治也

【舊曰樂城】寰宇記後魏太和十一年自故郡移河間郡及縣西南一里樂壽亭故城其降郡又移理武垣城【開皇十八年改爲廣城仁壽初改焉】寰宇記開皇三年屬瀛州十八年改爲廣成縣仁壽元年又改爲樂壽取其理城爲名大業十三年自樂壽亭故城移於今理按漢中水縣在今獻縣西北三十里寰宇記其城南枕漳沱北背高阿高齊天保七年省

【東城】今河間縣東北六十里

【舊曰東州】今河間縣東北四十六里寰宇記漢縣在東城東北十四里晉移於城南三十五里魏明帝孝昌二年復移於漢故城【後齊廢】寰宇記高齊天保七年省併文安【開皇十六年置後改名焉】

【景城】今交河縣東北六十里

【舊曰成平】今交河縣東前漢曰景城後漢改成平寰宇記後魏延昌二年自今景城縣南二十里徙成平縣來理之地形志成平治京城即隋之景城京蓋景之壞字也【開皇十八年改焉】寰宇記復漢舊名也

【高陽】今縣東二十五里漢縣

【舊置高陽郡】寰宇記後漢置高陽郡領高陽縣晉志泰始元年置高陽國治博陸後魏改郡還治高陽城【開皇初郡廢十六年置蒲州大業初州廢并任丘縣入焉】今任丘縣治一統志齊置任丘縣寰宇記隋初廢至開皇十六年又置大業末又廢按任丘古城在今任丘縣南二十六里寰宇記引三郡記漢元和二年巡檢海使中郎任丘築此城以防海寇水經注瀧水又東南逕任丘城南

【鄭】今任丘縣北三十五里漢縣屬涿郡後魏屬河間郡地形志鄭治陵城陵上脫阿字本漢縣在任丘縣東北二十里寰宇記後魏孝昌二年移理阿陵城周宣政元年復還今理

【有易城縣】今雄縣西北十五里按漢置易縣晉改易城後魏復曰易縣水經注易水又東

逕易縣故城南【後齊廢】寰宇記天保七年省入鄭縣自周及隋其地並屬鄭【開皇中置永寧縣大業初廢入焉

按寰宇記莫州長豐縣下云本秦漢之利豐縣也高齊天保中廢至唐開元十年復立利豐又改長豐漢晉後魏志無利豐縣未知寰宇記何據又一統志云大業未置利豐縣亦未詳疑即前文安縣寰宇記所云豐利也

【博野】今蠡縣治

【舊曰博陸】一統志前漢置陸成縣後漢省桓帝復置改曰博陵兼置郡晉改博陸按晉志博陸屬高陽郡【後魏改爲博野】寰宇記景明元年改地形志高陽郡博野有博陸城水經注博水又東北逕博陵縣故城南則有移徙【後齊廢蠡吾縣入焉】今蠡野縣西南漢縣地形志蠡吾有蠡吾城水經注博水東北逕蠡吾故城南知有移徙【有君子淀】寰宇記君子淀在博野

【清苑】今縣治

【舊曰樂鄉】漢縣在深州東南三十里後漢省後魏復徙置在清苑縣東南三十里【後齊省樊輿】與當作輿今清苑縣東南二十五里地形志作扶輿云前漢晉曰樊輿後魏太和中和復改水經注易水又東逕樊輿故城北知已廢徙志仍作樊輿恐誤【北新城】今安肅縣西南地形志作新城云二漢晉曰北新城以別於司州河南郡之新城加北字水經注易水又東流南逕武隆縣南新城縣北又澹水注曹水又東南逕

北新城縣故城南知此志仍稱北新城為謬矣

【清苑】今清苑縣東北七十里地形志太和元年分新成置【樂鄉】見上【入永寧】今滿城縣地後魏置屬高陽郡【改名焉】寰宇記高齊天保七年省樂鄉縣仍自易州滿城界移永寧縣理此城輿地廣記北齊改永寧為樂鄉按志此文不明晰故寰宇記輿地廣記二說不同當以寰宇記為是蓋改名焉三字贗文下文云開皇改清苑知齊未改也【開皇十八年改為清苑】寰宇記作十六年輿地廣記仍作十八年按隋蓋廢永寧立清苑於此

【長蘆】今滄州治元和志本漢蒼戶縣地引水經注云長蘆水名也水傍多蘆葦因以為名今本水經注脫此文

【開皇初置】元和志周大象二年於此置長蘆縣屬章武郡寰宇記作大象三年於參戶故城東南置長蘆縣舊唐志亦謂漢參戶縣後周改為長蘆縣志作開皇初置誤【並立漳河郡尋廢】寰宇記云隋初於今縣西北三里置漳河郡以縣屬焉三年罷郡仍移縣於郡界屬瀛州【十六年置景州大業初州廢】元和志大業二年廢

【平舒】今大城縣治本漢東平舒縣後魏去東字

【舊置章武郡】地形志晉置章武國後改郡【開皇初廢】寰宇記謂北齊廢郡為平舒縣開皇十六年縣屬景州與志異

【魯城】今滄州東北七十里本漢章武縣元和

志高齊省

【開皇十六年置】元和志隋開皇十六年於此置魯城縣寰宇記遙取長蘆鄉北平虜城為名仍改虜為魯者蓋惡胡虜之字也屬景州

【饒陽】今縣治漢縣在今縣東北二十里後魏徙置縣南寰宇記高齊天保五年移於今理即後魏虜渠口置虜口鎮於此後為縣隸深州隋開皇三年改屬定州十六年屬深州大業三年改屬瀛州

【開皇十六年分置安平】按上博陵郡有安平縣與饒陽縣接界此不應復分置安平縣當有誤字【蕪蕪】今饒陽縣東北四十五里寰宇記蓋因東北蕪蕪亭為名【二縣大業初省入焉】

【涿郡】漢郡今涿州治曹魏改范陽隋復徙此【舊置幽州】後漢永元八年置通典幽州范陽郡治薊【後齊置東北道行臺】按北齊書斛律豐樂獨孤永業武平閒並為幽州行臺又潘子晃武平末為幽州道行臺獨孤永業傳無東字是也【後周平齊改置總管府】周紀建德六年二月平齊於幽州置總管府【大業初府廢】寰宇記大業三年罷州據通鑑大業十三年虎賁郎將羅藝作亂自稱幽州總管則藝又置幽州矣

【統縣九戶八萬四千五十九】

【薊】今大興縣西南秦置縣漢晉志及地形志俱作薊宋本作薊明監本作薊按玉篇薊同薊【舊置燕郡】地形志故燕漢高為燕國昭帝

改為廣陽郡宣帝又為國後漢光武併上谷和帝永元六年復為廣陽郡晉改為國後改【開皇初廢大業初置涿郡】

按有廣陽縣寰宇記廣陽故城在今良鄉縣東北三十七里漢為縣高齊天保七年省入薊縣

【良鄉】今房山縣東漢縣後魏屬燕郡寰宇記北齊天保七年省入薊縣武平六年復置

【安次】今東安縣西北四十里漢縣後魏作安城地形志安城有安次城是也按水經巨馬水注有安次城又有安次故城而不稱安城縣又周書閻慶傳魏大統中封安次縣子蓋遙封然則當西魏時亦作安次疑地形志之安城即安次之誤故志不言舊曰安城一統志隋復故名恐未的也

按有通澤縣寰宇記永清縣下云隋大業七年於今縣西五里置通澤縣隋末廢

【涿】今涿州治漢縣晉魏不改

【舊置范陽郡】寰宇記漢為涿郡魏黃初七年改范陽郡晉為范陽國後魏又為郡【開皇初廢】

按有晉長鄉縣在今固安縣西北後魏改長鄉寰宇記高齊天保七年省併入涿縣

【固安】今縣治

【舊曰故安開皇六年改焉】寰宇記固安縣本漢方城縣地屬廣陽國開皇九年自今易州涑水縣移固安縣於此屬幽州取漢固安縣以為名漢志作故安蓋故固通用按此則志誤漢魏之故安在昌州已廢於高齊此本方城縣亦

後齊廢自開皇九年始移涑水之固安於此從前本無故安若據此六年改爲固安是與涑水同年置兩故安矣隋世郡縣避重名必無此按有方城縣在今固安縣南十五里漢置寰宇記高齊天保七年省入涿縣此城尙存

【雍奴】今武清縣東八里漢縣後魏徙地形志真君七年併泉州屬漁陽郡有泉州城雍奴城故知後魏有移徙也

【昌平】今州西十七里本漢軍都縣後魏省昌平入軍都屬幽州燕郡地形志軍都有昌平城是也天中改置昌平縣屬東燕州平昌郡

【舊置東燕州及平昌郡】地形志太和分恆州東部置燕州孝昌中陷天中領流民寄治幽州宜都城【後周州郡並廢後又置平昌郡開皇初郡廢又省萬年縣入焉】今昌平州西南按地形志作萬言云天中置【有關官】

按居庸關在今昌平州西北三十里寰宇記北齊改爲納款關淮南子云天下九塞居庸是其一也【有長城】今昌平州北四十里

【懷戎】今保安州西南七十里漢置潘縣後魏廢寰宇記高齊天保六年於此置懷戎縣

【後齊置北燕州】紀要在懷來衛陞北【領長寧】紀要今延慶州地【永豐二郡後周去北字開皇初郡廢大業初州廢有喬山】寰宇

記作川喬山云山有祠黃帝葬於此山海經大荒內經有軒轅臺射者不敢西向畏軒轅故也水經灤水注史記正義作橋山【歷陽山】寰宇

字記作歷山引後魏輿地圖風土記潘城西北

三十里有歷山形如覆釜故以名之下有舜祠瞽瞍祠存【大小翻山】水經灤水注上谷郡人王次仲少有異志年及弱冠變蒼顏舊文爲今隸書秦始皇時官務煩多以次仲所易文簡便於事要奇而召之三徵而輒不至始皇怒其

不恭令檻車送之次仲首發於道化爲大鳥出在車外翻飛而去落二翻于斯山故其峯巒有大翻小翻之名矣【有灑水】毛本作郭【灑

水涿水】水經灤水注涿水出涿鹿山世謂之張公泉東北流入灤水【阪泉水】水經灤水注阪泉水導源涿鹿縣之東泉東北入涿水

【路】今通州東八里西漢置路縣東漢曰潞地形志真君七年併安樂中谷屬漁陽郡

【舊置漁陽郡】漢郡在密雲縣西南三十里後魏徙此地地形志真君七年併北平郡屬焉【開皇初廢】

【上谷郡】漢郡在懷來縣南北魏郡在廣靈縣西

【開皇元年置易州】寰宇記開皇九年自今遼城所理英雄城移南營州居燕之候臺改名爲易州取州南易水爲名大業初州廢復爲上

谷郡則州廢於大業三年

【統縣六戶三萬八千七百】

【易】今州治元和志本漢故安縣

安也後魏改爲固安有移徙地形志固安有固安城水經注濡水出故安縣西北窮獨山此魏之故安也易水又東逕西故安城南即閭鄉城此漢之故安也寰宇記高齊天保七年省又見前固安下【有駝牛山】今易州西北百里寰宇記引郡國志云山色黑白斑駁形如牛故以爲名易水出其東【五迴嶺】今易州西南百

二十里水經灤水注廣昌縣東南有大嶺世謂之廣昌嶺高四十餘里二十里中委折五迴方能達其上頂故嶺有五迴之名【有易水】今

易州南三十里水經注易水出涿郡故安縣閭鄉西山注云西山寬中谷【徐水】水經易水注徐水出廣昌縣東南大嶺下三源奇發齊瀉

一澗

【涑水】今縣治

【舊曰涑縣】今涑水縣北漢縣【後周廢】寰宇記大象二年省入涿縣【開皇元年以范陽爲涑】見下涑縣【更置范陽於此】寰宇

記隋初自伏圖城移范陽郡於此按郡當作縣【六年改爲固安】蓋廢易州之固安而取名焉【八年廢】寰宇記九年移故安於涿縣東

界今涿州故安也按故當作固八與九未知誰誤【十年又置爲永陽】元和志屬幽州十六

年改屬易州【十八年改爲涑水】元和志以重名改涑水縣因近涑水爲名

【涑】今定興縣南四十里

易至涿郡范陽縣會北濡此魏之范陽也【俗號小范陽開皇初改爲灑】寰宇記伏圖城一名小范陽是也西北去易州四十五里隋初自伏圖城移范陽縣於今涑水縣又於伏圖城別置灑縣北屬昌黎郡大業十年又移灑縣於伏圖城西南即今州東南三十四里故灑城是十二年陷於寇二城俱廢元和志開皇元年置灑縣

按有容城縣在今容城縣西北漢置後漢省晉復置尋罷後魏太和中復置屬范陽郡寰宇記高齊天保七年省併入范陽

【遂城】今安肅縣西二十五里

【舊曰武遂】按漢武遂縣在今武彊縣東北非此地元和志云遂城縣即戰國時武遂城水經注易水又東流南逕武遂縣南新城縣北史記曰趙將李牧伐燕取武遂方城是也然則魏時此地本置武遂縣至永熙二年始改爲新昌志當云舊曰新昌然因此爲水經注得一證【後魏置南營州】地形志永熙二年置寄治英雄城【淮營州】此誤衍地形志無此州【置五郡】地形志南營州領昌黎遼東建德營丘樂良五郡【十郡】錢氏考異云考魏志當云置南營州及五郡十一縣龍城廣興定荒屬昌黎郡石城廣都屬建德郡此志蓋脫十五字又譌四字襄平以下與魏志同但魏志襄平作太平似當從此志【屬建德郡】地形志永熙中置

【襄平】地形志作太平誤永熙中置按在今安肅縣西地形志營州遼東郡仍作襄平【新

昌】今安肅縣西二十五里地形志永熙中置

【屬遼東郡】地形志永熙中置【永樂】今安肅縣西地形志興和二年置【屬樂浪郡】地形志作樂良恐誤云天平四年置【富平】

今安肅縣西地形志天平四年置【帶方】今安肅縣西地形志元象中置【永安】今安肅縣西地形志元象中置【屬營丘郡】地形志

天平四年置【後齊唯留昌黎】各本脫昌字今補【一郡領永樂新昌二縣餘並省開皇元年州移】見上【三年郡廢十八年改爲遂城】

元和志遂城縣下云隋開皇三年移後魏新昌縣於此屬易州十六年改新昌爲遂城寰宇記亦作十六年改惟元和志謂開皇三年始移新昌縣於此似誤【有龍山】今安肅縣西五十里寰宇記引括地圖云其山往往有仙人游龍翔集

【永樂】今滿城縣西二里

【舊曰北平】漢置後魏屬北平郡地形志二漢晉屬中山云有北平城是後魏有移徙【後周改名焉】元和志滿城縣下云本漢北平縣後魏於此置永樂縣寰宇記後魏永熙二年置永樂縣屬易州按地形志北平郡無永樂亦無易州而南營州樂良郡有永樂云興和二年置在今安肅縣西舊唐志云後魏於漢北平縣地置永樂縣然則後魏北平永樂兩縣並立未即改名至後周移永樂治北平始改名與【有郎山】今清苑縣北五十里水經瀛水注徐水東北屈逕郎山又屈逕其山南衆岑競舉若豎鳥

翹立石巖巖亦如劍杪極地險之崇峭漢武之世戾太子以巫蠱出奔其子遠遁斯山故世有郎山之名

【飛狐】今廣昌縣治

【後周置曰廣昌】漢縣在今廣昌縣北後魏省寰宇記周大象二年於五龍城復置廣昌縣

【仁壽初改焉】元和志開皇三年屬蔚州仁壽元年改爲飛狐縣因縣北飛狐口爲名【有梁山有巨馬河】水經巨馬河出代郡廣昌縣

涑山注即涑水也

【漁陽郡】漢郡在今密雲縣西南三十里後魏郡在今通州東八里隋移于此

【開皇六年徙玄州於此】即後魏安州後周改玄州見下舊唐志隋開皇初置玄州處契丹李去閭部落【并立總管府大業初府廢】

【統縣一戶三千九百二十五】

【無終】今薊州治

【後齊置】按無終本秦縣後魏屬漁陽郡地形志無終有無終城是後魏有移徙也志云後齊置或後齊復有遷徙歟然無可考又志無漁陽縣舊唐志漁陽縣下隋爲漁陽縣輿地廣記隋末置漁陽縣一統志謂大業末改無終爲漁陽【後周又廢徐無縣入焉】今遵化州西漢縣後魏屬漁陽郡【大業初置漁陽郡有長城】

在縣北三十里【有燕山】寰宇記在漁陽縣東南七十里懸巖側有石鼓去地百餘丈望之若數百石困困左右石梁貫之鼓東南有石人援桴狀同擊勢者舊言燕山石鼓鳴則有兵【無

桴狀同擊勢者舊言燕山石鼓鳴則有兵【無

終山】寰宇記無終山一名翁同山又名陰山在漁陽縣西北四里紀要無終子國於此春秋昭元年晉中行穆子敗無終於太原蓋無終本在太原之境後爲晉所滅因徙於此也【有洵河】水經鮑丘水注洵河云出無終縣西山白楊谷東南流入鮑丘水【如河】水經鮑丘水注洵河云出北山在洵奚縣故城東南流注于洵渠河【庚水】水經鮑丘水注庚水出徐無縣北塞中西南流入鮑丘水謂之柘口【灑水】水經鮑丘水注灑水出右北平後驪縣東南流入于庚水【灑水】水經鮑丘水注灑水云出北山東屈而南流逕無終縣故城東又南入灑【有海】無終去海頗遠其轄地縱能至海然隋時沿海之縣甚多或著或不著亦率也

【北平郡】

【舊置平州】地形志晉置治肥如城

【統縣一戶二千二百六十九】

【盧龍】今縣治

【舊置北平郡】前漢右北平在縣東北四百里後漢在豐潤縣東十里晉廢後魏移此置【領新昌】今盧龍縣治【朝鮮】今盧龍縣東地形志延和元年徙朝鮮民於肥如置屬北平郡【二縣後齊省朝鮮入新昌又省遼西郡】秦漢郡在縣東後魏移於肥如【并所領海陽縣】今灤州西南漢縣按遼西郡所領尚有陽樂縣在今撫寧縣西亦漢縣當亦同時省【入肥如】今盧龍縣北三十里漢縣【開皇六年又省肥

如入新昌十八年改名盧龍大業初置北平郡有長城】今盧龍縣北七十里寰宇記盧龍縣下云秦使蒙恬輔其子扶蘇之所築東南長萬里【有關官】按紀要盧龍遼安撫寧三縣關甚多未知志何所指【有臨渝宮】漢臨渝縣城在今撫寧縣東北紀要大業中置臨渝宮於此十年復議伐高麗自涿郡幸臨渝是也【有覆舟山有碣石】漢志大碣石山在右北平驪成縣西南文穎曰碣石在遼西綏縣并屬臨渝蓋小碣石也郭璞山海經注云碣石在臨渝或云在驪成兩存之水經注亦并引班文兩說又晉太康地志秦築長城起自碣石則主班氏志蓋宗文穎【有玄水】水經濡水注玄水出肥如縣東北元溪西南流逕縣東又西南流右會盧水又西入濡水【盧水】水經濡水注盧水出肥如縣東北沮溪南流謂之大沮水又西南小沮水注之合而爲盧水以入于玄【涅水】水經濡水注溫水云出肥如城北西流注于玄水【閿水】閿當作潤水經濡水注敖水出盧龍塞西南流注濡水又合屈而注左得潤水右會敖水二水並自盧龍而注于濡【龍鮮水】水經濡水注龍鮮水出新安平縣西北謂之馬頭水二源俱導南合一川東流注封大水地理志龍鮮水東入封大水者也亂流南會新河南注于海【巨梁水】各本巨誤臣今訂按水經鮑邱水注巨梁水出土垠縣北陳宮山西南流右合區落水左會寒渡水又東南右合五里水亂流入于鮑邱水【有海】今盧龍縣南百六

十里

【安樂郡】地形志安州有安樂郡在密雲縣東五十里隋蓋因舊名

【舊置安州】地形志皇興二年置治方城元象中寄治幽州北界【後周改爲玄州開皇十六年州徙尋置檀州】寰宇記引隋圖經云開皇初徙玄州於漁陽今漁陽郡是也至十八年又割幽州燕樂密雲二縣於舊玄州置檀州取漢白檀縣爲名大業三年罷州爲安樂郡按上漁陽郡下作六年徙州此作十六年必有一誤據隋圖經作開皇初徙州則當依前作六年

【統縣二戶七千五百九十九】

【燕樂】今密雲縣東北七十里

【後魏置廣陽郡】地形志延和元年置益州眞君二年改爲郡【領大興】今密雲縣地形志作廣興云延興二年置眞君九年併恆山蓋隋避煬帝諱改【方城】今密雲縣地形志普泰元年置【燕樂】地形志延和九年置眞君九年併永樂【三縣後齊廢郡】寰宇記隋改廣陽郡爲長陽郡似後齊無廢郡之事【以大興方城入焉大業初置安樂郡有長城】在縣北【有沽河】水經沽水注沽河出禦夷鎮西北九十里丹花嶺下

【密雲】今縣治

【後魏置密雲郡】地形志皇始二年置治提攜城【領白檀】地形志郡治一統志後齊改白檀爲燕樂【要陽】今密雲縣東南六十里地形志前漢屬漁陽後漢晉罷後復屬【密雲】

地形志真君九年併方城屬焉【三縣後齊廢郡及二縣入密雲又有舊安樂郡】地形志延和二年置交州真君二年罷州置郡北齊書有安樂王仁雅【領安市】今密雲縣東北五十里地形志二漢晉屬遼東真君九年併當平屬焉按漢安市在蓋平縣東北七十里【土垠】今密雲縣東北一百八十里地形志真君九年置【二縣後齊廢土垠入安市後周廢安市入密雲縣】此字衍【開皇初郡廢有長城】在縣西北二十里【有桃花山】地形志要陽有桃花山寰宇記引郡國志云桃花山在漁陽西北一十五里【螺山】水經沽水注引魏土地記曰漁陽城南五里有螺山【有漁水】水經沽水注漁水出漁陽縣東南平地泉流西逕漁陽縣故城南又西南入沽水

【遼西郡】漢郡在今盧龍縣東後漢晉郡在今撫寧縣西後魏郡在盧龍縣北三十里新唐志隋於營州之境汝羅故城置遼西郡紀要古順州隋置以處粟末靺鞨降人尋改為遼西郡據此是隋於此置順州

【舊置營州】詳見下通鑑陳太建九年周滅齊惟東雍州行臺傅伏及營州刺史高寶寧不下寰宇記開皇三年討平寶寧復以其地置營州【開皇初置總管府】按隋紀開皇十五年三月營州總管韋藝卒【大業初府廢】

【統縣一戶七百五十一】

【柳城】今土默特右翼西

【後魏置營州於和龍城】地形志太延二年為

鎮真君五年改置永安末陷天平初復【領建德】地形志真君八年置治白狼城【冀陽】地形志真君八年併昌黎武定五年復【昌黎】地形志晉分遼東置真君八年併冀陽屬焉【遼東】地形志秦置後廢能正光中復治固都城【樂浪】地形志作樂良前漢武帝置二漢晉曰樂浪後改能正光末復治連城【營丘】地形志正光末置【等郡龍城】今錦州府境地

形志真君八年併柳城昌黎棘城屬焉【大興】地形志作廣興真君八年併徒河永樂燕昌屬焉按在今錦縣地此二縣及下定荒縣屬昌黎郡【永樂】地形志作永洛正光末置在今朝鮮平安道境【帶方】今朝鮮平安道平壤府南地形志二漢晉屬樂浪後能正光末復置以上二縣屬樂良郡天平四年復置郡帶方縣屬營丘【定荒】今錦州府境地地形志正光末置

【石城】今奉天府承德縣西北地形志前漢屬右北平後魏真君八年併遼陽路大樂屬焉

【廣都】今廣寧縣地地形志真君八年併白狼建德望平屬焉【陽武】今錦州府境地地形志正光末置以上三縣地形志屬建德郡永熙中復置郡無陽武縣【襄平】今遼陽州北七十里地形志二漢晉屬遼東後罷正光中復永熙中復置作太平【親昌】在今海城縣東地形志作新昌是二漢晉屬遼東後罷正光中復以上二縣屬遼東郡【平剛】今盧龍縣東北四百里西漢縣後省後魏復置【柳城】後魏縣以上二縣地形志屬冀陽郡【富平等縣】

富平在今直隸境地地形志正光末置按尚有永安縣當在今直隸境地地形志正光末置富平永安二縣屬營丘郡【後齊唯留建德冀陽二郡永樂帶方龍城大興等縣其餘并廢開皇元年唯留建德一郡龍城一縣其餘並廢】輿地廣記隋末復置石城縣【尋又廢郡改縣為龍山十八年改為柳城大業初置遼西郡】寰宇記煬帝初廢營州置柳城郡與此異按寰宇記燕州下引隋北番風俗記云初開皇中粟末靺鞨與高麗戰不勝有厥稽部渠長突地稽者率忽使一本作忽賜來部窟突始部悅稽蒙部越羽部步護賴部破奚部步步括利部凡八部今數之只七部勝兵數千人自扶餘城西北舉部落向關因附處之柳城柳城乃燕郡之北煬帝大業八年為置遼西郡並遼西懷遠瀘河三縣以統之取秦漢遼西郡為名也又遼西縣下云隋大業八年置屬遼西郡縣與郡同在汝羅故城至十一年寄理柳城舊唐志隋遼西郡寄理於營州通鑑大業十三年虎賁郎將羅藝作亂黜柳城太守楊林甫改郡為營州以襄平太守鄧島為總管據此則大業時置襄平郡此志不載【有帶方山秃黎山雞鳴山松山】紀要大松山在龍門衛西上有古松盤曲因名【有渝水】漢志遼西郡臨渝縣渝水首受白狼東入塞外水經濡水注濡水出禦夷鎮東南其水二源雙引夾山汪士鐸謂即渝水【白狼水】地形志龍城有狼水寰宇記引魏氏風土記云黃龍城西南有白狼河東北流附城東北下即此水也水

經大遼水注白狼水出右北平白狼縣東

【冀州於古堯之都也舜分州爲十二冀州析置幽并其於天文自胃七度至畢十一度爲大梁屬冀州】史記天官書胃昂畢冀州漢志趙地昂畢之分壘【自尾十度至南斗十一度爲析木屬幽州】史記天官書尾箕幽州漢志燕地尾箕分野也又云自尾四度至斗六度謂之析木之次燕之分也【自危十六度至奎四度爲娵訾屬并州自柳九度至張十六度爲鶉火屬三河則河內河東也準之星次本皆冀州之城帝居所在故其界尤大至夏廢幽并入焉得唐之舊矣信都清河河間博陵恆山趙郡武安襄國其俗頗同人性多敦厚務在農桑好尚儒學而傷於運重前代稱冀幽之士鈍如椎蓋取此焉俗重氣俠好結朋黨其相赴死生亦出於仁義故班志述其土風悲歌忼慨椎】漢志作雄【剽掘冢亦自古之所患焉前諺云仕官】當作宦漢志申子韓非刻害餘烈高仕宦好文法【不偶遇冀部實弊此也魏郡鄴都所在浮巧成俗雕刻之工特云精妙士女被服咸以奢麗相高其性所尚習得京洛之風矣語曰魏郡清河天公無奈何斯皆輕狡所致汲郡河內得殷之故壤考之舊說有紂之餘教汲又衛地習仲由之勇故漢之官人得以便宜從事其多行殺戮本以此焉今風俗頗移皆向於禮矣長平上黨人多重農桑性尤樸直蓋少輕詐河東絳郡文城臨汾龍泉西河土地沃少瘠多以是傷於儉嗇其俗剛強亦風氣然乎太原山川重複實一都之會本雖後齊別都人物殷阜然不甚機巧俗與上黨頗同

人性勁悍習於戎馬離石雁門馬邑定襄樓煩涿郡上谷漁陽北平安樂遼西皆連接邊郡習尚與太原同俗故自古言勇俠者皆推幽并云然涿郡太原自前代以來皆多文雅之士雖俱曰邊郡然風教不爲比也】

隋書地理志考證補遺

卷五冀州

黎陽縣有大伾山後○御覽引隋圖經曰大伾山按書云至于大伾又名青檀山今名黎陽東山然則志本隋圖經

黎陽縣枉人山後○御覽引隋圖經曰枉人山谷名上陽山或云紂殺比干於此山因得名古凡伯國之地也

沁水縣後改曲爲之說也下○通鑑梁中大通六年有廣寧太守任祥胡注謂卽此廣寧又似非誤字

襄垣縣置韓州方合下○隋書李景傳授韓州刺史在開皇十七年後

沁源縣在今縣南百五十里下○通鑑中大海六年有義寧太守王基

鄉縣後魏去武字下○東魏元象二年三級浮圖碑陰有鄉郡太守賈寧

夏縣播時百穀於此遂以名山山下○御覽引隋圖經稷山在絳郡后稷播百穀於此山亦左氏傳謂晉侯治兵於稷以脍烝是此也

安邑縣後提行○按張始生造象記稱始生除爲祇州開化郡太守未署大魏元年歲次丁丑二月庚午朔按祇州開化郡並無考吳縣蔣氏考魏元年卽魏恭帝之四年北周明帝之元年然則此郡蓋西魏置也以其石得自安邑故附于此

虞鄉縣有石錐山支峯也下○通鑑梁大通二年長孫稚使其子子彥與楊侃帥騎兵自恆農北

渡據石錐壁

置總管下○隋元公夫人姬氏墓志父肇為勳州總管

垣縣所置蒲原縣入焉下○按原當作源隋龍藏寺碑陰有邵州蒲源縣開國伯李平

伍城縣又廢大寧縣入焉下○周書武帝紀建德四年閏十月齊將尉相貴寇大寧延州總管王慶擊走之

樓山縣故謂之孔山下○御覽引隋圖經孔山有孔表裏通徹故名耳

雁門郡為代州總管下○又韓僧壽開皇中拜代州總管

繁時縣寄在城中下○隋書宇文述傳代郡武川人案代郡不見於此志亦無武川縣而東魏有武川寄在繁時縣城中代郡武川或即其所屬然則周有代郡並有武川縣

雲內縣後注題行○按有永固縣地形志太和中西北齊薛孤延封永固縣侯後周王勇封永固縣伯隋龍藏寺碑陰有永固公劉達是隋初尙有此縣也

雲內縣又置恆州下○隋書郭衍傳開皇中授朔州總管所部有恆安鎮是廢北恆州仍為鎮也雲內縣臺南對岡阜即白登山下○御覽引冀州圖經白登山在定襄縣東北漢高所困之處上有臺因山為名

龍岡縣紀要謂即瀉水下○說文瀉水出趙國襄國東入涓

柏仁縣地形志仁作人下○按北齊李清報德象

頌正作柏仁足證元和志之說為有據

永年縣後改曰雞澤下○左傳襄三年諸侯會雞澤杜注在廣平西南

井陘縣分置井陘注下○按隋龍藏寺碑立於開皇六年碑陰有石邑令任誼井陘令曹明

九門縣開皇六年復注下○按隋龍藏寺碑陰有九門縣令李廉九門縣尉富昶呂儉

北新城注後○隋書許善心傳高陽北新城人也按高陽郡廢于開皇北新城改於後魏史文郡縣皆追書之不足為此志證也

安樂郡改為玄州下○當因玄水得名

密雲縣領白檀下○白檀漢縣屬漁陽後漢省魏復置在今密雲縣東北七十里

舊置營州高寶寧不下後○按營州亦稱北營州周書武帝紀建德六年十二月北營州刺史高寶寧據州反

柳城縣併冀陽屬焉下○隋書豆盧勣傳昌黎徒河人也此舉慕容氏舊貫非隋有徒河縣也

隋書地理志考證卷第六

【北海郡】漢郡在今昌樂縣南五十里後漢郡在今壽光縣東南三十里南宋後魏郡在濰縣西南

宜都楊守敬惺吾

【舊置青州】前漢治廣縣後漢治臨淄晉移治廣固城東晉又移治東陽城【後周置總管府】周紀建德六年二月平齊於青州置總管府【開皇十四年府廢】周紀大象二年八月廢青州總管隋紀開皇三年六月以晉州刺史

燕榮為青州總管蓋周廢而隋初復置也元和志大業三年罷州為北海郡

【統縣十戶十四萬七千八百四十五】

【益都】今縣治舊唐志魏於今壽光南十里置益都縣北齊移入青州城北門外為治所寰宇記北齊天保七年移益都縣於齊郡城之北門外今縣理也

【舊置齊郡】秦置治臨淄後齊治高陽後周治益都通典北海郡下後周置齊郡蓋至是州郡始同治一城【開皇初廢大業初置北海郡】

按北史段文振傳北海期原人也志北海無期原縣當是隋初廢【有堯山】今益都縣西北八里寰宇記引三齊志堯巡狩所登水經淄水注引述征記曰廣固城北三里有堯山祠堯因巡狩登此山後人因以為名廟在山之左麓【岳山】今臨淄縣南十五里詩云遭我乎禊之間

今

【臨淄】今縣治秦置

今

今

今

【及東安平】在今臨淄縣東十九里漢置宋改安平【西安】今臨淄縣西三十里漢置【並後齊廢】臨淄本齊都漢以下不改此云及者蓋云齊廢臨淄並廢東安平西安三縣按齊廢臨淄當在置高陽郡于下密時【開皇十六年又置臨淄】元和志隋開皇十六年移高陽縣于臨淄城改爲臨淄縣與志異【及時水縣】今臨淄縣西北三十里即宋之高陽城也【大業初廢高陽時水二縣入焉】高陽今臨淄縣西北三十里宋僑置紀要謂高齊廢隋復置按寰宇記廢高陽縣在高密縣西北四十三里齊天保七年置開皇十六年於東界置時水縣是高陽齊有徙置並未廢然云在高密則去臨淄甚遠余疑齊之高陽縣即置于下密改北海郡爲高陽郡時在今濰縣去臨淄差近故可爲其屬縣也【有社山】今臨淄縣西北二十五里元和志一名愚公山愚公谷在此山之陰水經淄水注作社山云山有愚公谷齊桓公時公隱於谿鄰有認其駒者公以與之山即社山之通阜以其人狀愚故謂之愚公山【葵丘】元和志在臨淄縣西北二十里齊侯使連稱管至父成葵丘即此也【牛山】今臨淄縣南十里齊景公登山流涕處【稷山】今臨淄縣西南十三里紀要上有稷祠

【千乘】今樂安縣治漢縣在今高苑縣北晉省宋復置治巨淀故城寰宇記隋移縣於今所即漢廣饒縣地按寰宇記誤今治即巨淀城【舊置樂安郡】後漢改千乘郡爲樂安國宋

改郡徙治千乘【開皇初郡廢】

【博昌】今博興縣北本漢縣在博興縣南宋北魏徙壽光縣東寰宇記高齊省

【舊曰樂安】漢縣【開皇十六年改焉】元和志高齊自今博昌縣北十二里樂陵故縣移樂安縣理於此屬樂安郡隋罷郡樂安縣屬青州十六年改爲博昌【又十八年析置新河縣大業初廢入焉】

【壽光】今縣治本漢縣在縣東宋省元和志開皇六年於縣北一里博昌故城置壽光縣屬青州陳書太原王叔匡傳隋大業中爲壽光令

【開皇十六年置開丘縣大業初廢入焉】按漢劇縣在今壽光縣東南三十一里一統志齊省

【臨朐】今縣治本漢縣

【舊曰昌國】漢置在淄川縣東北宋志齊郡有昌國無臨朐蓋移昌國於臨朐也魏因之【開皇六年改爲逢山】元和志取縣西逢山爲名

【又置般陽縣】漢縣今淄川縣治宋志青州齊郡有般陽縣在縣東南二十五里今般陽店魏因之當是齊省隋蓋因魏之舊復置也紀要云開皇十六年置【大業初改曰臨朐】元和志大業二年【並廢般陽入焉有逢山】今臨朐縣西二十五里水經巨洋水注洋水又東南

歷逢山下即石膏山山麓三成壁立直上山上有石鼓鳴則年凶郭緣生續述征記曰逢山在廣固南三十里有祠并石鼓齊地將亂石人輒打石鼓聲聞數十里【汗山穆陵山】元和志

在沂水縣北百九十里管仲曰賜我先君履南至于穆陵是也【大峴山】今臨朐縣東南百有五里即破車峴元和志道經險惡因名破車峴魏志載于般陽縣下【有汶水】今臨朐縣東南六十里水經汶水注源出小泰山東嶧山

【涪水】涪水當是涪水之誤水經濰水注有涪水

【都昌】今臨朐縣東北二十里都昌集漢縣在今昌邑縣西二里宋縣寄治青州下在臨淄魏縣即隋縣也志例當云後魏置

【有箕山】水經濰水注有箕屋山葉氏續山東考古錄云堯水所出嶼山也在縣西南臨朐東北【阜山】寰宇記載於北海縣下引齊記云此山是地肺可以免三災葉氏疑即程符山今在濰縣【白狼山】葉氏曰在縣南白狼山所出丹山

【北海】今濰縣治

【舊曰下密】漢縣至後魏不改在今昌邑縣東此誤詳下【置北海郡】本漢郡宋徙治平壽在濰縣西南三十里後魏因之【後齊改郡曰高陽】寰宇記高密縣下云天保七年置高陽縣則郡亦當置於此時通典北海縣下云北齊置北海然則北齊高陽郡治北海【開皇初郡廢十六年分置維州】按古書濰或作維詳見日知錄元和志取界內濰水爲名【大業初州廢】元和志大業三年【縣改名焉】元和志開皇三年置下密縣於廢北海郡城中大業二年改爲北海縣寰宇記西下密縣在濰縣西

第一三七頁

四八二

二里隋開皇十八年於北海置濰州移下密於此大業二年州廢併入北海二說皆與志異按下密自後魏以前皆在昌邑後人見隋志載于北海縣又置於北齊改郡之前遂謂北齊徙此據元和志寰宇記皆云隋始徙置唯一云開皇三年一云開皇十六年耳據通典北齊改平壽為北海則高陽郡當治北海下密仍在昌邑志當云舊曰平壽置北海郡後齊改郡曰高陽縣曰北海開皇初郡廢改縣曰下密十六年置濰州大業初州廢復改縣曰北海方合

【營丘】今昌樂縣南五十里營丘集寰宇記本夏商以前故國太公前封之處按漢志臨淄下云師尚父所封營陵下或曰營丘兩存其說應劭則于營陵云師尚父封于營丘陵亦丘也于臨淄下則云齊獻公自營丘徙此按之史營丘邊萊故萊人與之爭國應說良是且獻公自營丘徙臨淄明見史記而臣瓚黨附班氏謂齊城中小丘當營丘鄙道元顏師古杜君卿又附之臨淄之營丘遂成不刊幸隋時故城尚存隋代因以置縣古迹不至全湮云

【後齊廢】漢置營陵縣輿地廣記後改為營丘後齊廢考地形志尚作營陵余疑後齊所廢者本是營陵廣記因隋置縣於營丘故城故云然未詳檢魏志名營陵不名營丘【開皇十六年復】寰宇記隋開皇六年於營丘故城置營丘縣屬濰州大業八年因賊陷遂廢【有叢角山】寰宇記在濰州東五十里山有三峯山岌如叢角【女節山】寰宇記作節女云山在北

海縣西北三十五里又引郡國志云北海縣節女當齊潛王伐楚蘇渾死焉有五女終身不嫁呼父魂葬於此山因名

【下密】今濰縣東五十里寰宇記作東下密云廢縣在濰州東四十五里

【後魏曰膠東】地形志屬北海郡寰宇記皇興二年置【後齊廢】寰宇記天保七年廢【開皇六年復】寰宇記開皇七年分下密東界為膠東縣【改為濰水大業初改名焉有鐵山】寰宇記在北海縣南五十八里古老相傳其山出霹靂鐵【有溉水】水經巨洋水注溉水出塔山

【齊郡】漢郡在今臨淄縣治晉宋北魏不改後齊治高陽後周治益都

【舊曰齊州】地形志劉義隆置冀州皇興三年更名房彥謙碑宋元嘉中以齊郡之西部置東冀州寰宇記宋元嘉七年割青州西界僑立冀州後魏改齊州取齊之故地以為名元和志大業三年罷州為齊郡

【統縣十戶十五萬二千三百二十三】

【歷城】今縣治漢置晉省宋曰廣城後魏仍改歷城

【舊置濟南郡】漢置周為王國周紀大象元年五月以齊州濟南郡為陳國令陳王純之國

【開皇初廢大業初置齊郡廢山在縣入焉】今長清縣東南三十里張夏鎮漢置在縣三國

魏加山字元和志大業二年省【有舜山】按歷山在今歷城縣南五里水經注山上有舜祠

又廟山在今歷城縣南十里寰宇記引晏謨三齊記後人思舜之德置廟於此【雞山】寰宇記山在章丘縣西十里引晏謨三齊記云昔有神雞晨鳴於此有人候之獲一石潔白如玉因為名水經濟水注巨合水出雞山西北【盧山】今長清縣西南二十五里有盧城春秋隱三年注盧齊地今濟北盧縣故城是也按山當即在此【鵠山】紀要鵠山湖在今歷陽縣北二十里山在湖之北岸【華山】今歷城縣東北十五里元和志華不注山一名華山春秋成二年齊晉戰于鞏齊敗績晉逐之三周華不注

【鮑山】寰宇記鮑城在歷城縣東三十四里紀要傍有鮑山俗傳為管鮑分金處按有東平陵縣在今歷城縣東七十五里漢置晉改平陵寰宇記後周省

【祝阿】今長清縣東北三十五里漢縣在東北三十五里北魏縣在齊河縣西北二十餘里

【臨邑】今縣北三十五里漢縣在今東阿縣北宋僑置於此是蓋漢之濼陰縣地也

【臨濟】今章丘縣西北六十里今臨濟鎮

【開皇六年置曰朝陽】元和志本漢管縣開皇六年移朝陽縣理於此屬濟州按管縣宋時已廢蓋置朝陽縣於管城耳【十六年改曰臨濟別置朝陽】在今章丘縣西北漢置後漢曰東朝陽宋復故後齊省寰宇記引應劭云在朝水之陽今臨濟縣東四十里【大業初廢入焉】

【鄒平】今縣北四十里孫家鎮漢置

【舊曰平原】今鄒平縣東十二里宋僑置寰

宇記高齊天保七年自今長山縣界濟南故城移平原縣於今鄒平縣東南三十五里漢梁鄒故城隸廣川郡周不改隋開皇三年自梁鄒城移平原縣入鄒平城屬齊州今理是也十六年改屬淄州【開皇十八年改名焉】寰宇記復漢舊名也大業二年罷淄州縣屬齊郡

【章丘】今縣治

【舊曰高唐】元和志章丘縣下云齊天保七年自高唐故城徙此寰宇記高齊天保七年移高唐縣於此即古黃巾城也而伏琛三齊記高唐縣西南四十里有臺城按臺城即漢之臺縣在今歷城東北三十里是所謂高唐者即指章丘地宋志冀州平原郡高唐縣葉氏謂宋縣即

治黃巾固則非高齊時始徙此或自宋後已廢至齊復徙耶互詳高唐縣下【開皇十六年改焉】元和志寰宇記俱作十八年云以博州亦有高唐縣改此爲章丘縣取縣南章丘山爲名

【又置營城縣】寰宇記引三齊記歷城縣東四十里有營城又引括地志隋開皇十六年改置營城縣元和志引述征曰歷城到營城三十里按宋志南兗州總敘稱何志平原郡徐志

南東平郡并有營城縣是營城之名不起於隋但宋之南兗州僑置於廣陵非此地然其名必有所因漢書功臣侯表趙充國封營平侯下有濟南字又王子侯表齊悼惠王子營平侯信史記表無平字當即此營城葉圭說顧亭林山東考古錄謂營城即漢之營縣營當作菅非是

【大業初廢入焉】寰宇記大業二年【又宋

置東魏郡】今歷城縣東北三十里按宋志冀州僑置魏郡後魏改東魏屬齊州【後齊廢】

一統志謂開皇三年廢【有東陵山】今章丘縣西南二十八里元和志謂莊子盜跖死於東陵之上即此【長白山】今章丘縣東三十里

元和志引齊記云於陵城西三里有長白山陳仲子夫婦所隱也水經濟水注魚子溝水出長白山東柳泉口山【龍盤山】今章丘縣南二十八里寰宇記引晏謨三齊記云殷末周初有神龍潛於此山故名又引皇覽云上有神迹祠是姜姬所履處

【長山】今縣治
【舊曰武彊】宋志江左立在縣東十五里今故縣村房彥謙碑云宋於東廣川郡別立武彊縣【置廣川郡】宋志江左立地形志劉裕置魏因之據房彥謙碑當有東字【併東清河】併上當有後齊二字宋志清河郡屬冀州後魏加東字治般陽城【平原】宋志平原郡屬冀州後魏加東字治梁鄒城此亦當有東字【二郡入改曰東平原郡】寰宇記高齊天保七年改廣川郡爲平原郡無東字非也齊書崔劭傳作南平原郡按魏之平原在聊城此不得云南

劭傳誤【開皇初郡廢】寰宇記開皇三年廢平原郡移武彊縣入廢城中屬冀州【又十六年置濟南縣】元和志隋文於後漢梁鄒縣地置濟南縣【十八年改武彊曰長山】寰宇記取縣西南二十五里長白山爲名屬淄州【大業初省濟南縣入焉】元和志大業二年省

【高苑】今縣治本漢縣在新城縣東宋廢

【後齊曰長樂】宋志冀州渤海郡有長樂縣地形志屬青州寰宇記高齊自如狄故城移於被陽故城今高苑縣西二里又寰宇記齊廢渤海郡長樂屬長樂郡似齊並置長樂郡然此志冀州信都郡長樂舊曰信都帶長樂郡開皇初分置長樂縣是齊之長樂郡在信都去此甚遠

【開皇十八年改爲會城大業初改焉】元和志大業三年改取縣東南高苑故城爲名【亭山】今章丘縣西南

【舊曰衛國】宋志冀州頓丘郡有衛國縣元和志亭山縣西北九十里宋于此置衛國縣按在今章丘西南四十里【後齊併土鼓肥鄉入焉】土鼓今淄川縣西漢置晉省宋復置肥鄉宋儒置故城無考【開皇六年改名亭山】元和志因縣東南亭山爲名屬齊州【有龍舟山儒山】在今鼓城村南五里

【淄川】今縣治

【舊曰貝丘】漢貝丘在清平縣西南宋志冀州清河郡貝丘縣始僑置於此寰宇記縣置於元嘉二十五年【置東清河郡】宋僑置清河郡於漢般陽城後魏加東字【後齊郡廢】寰宇記高齊廢郡縣屬齊州齊書崔劭傳南平原郡貝丘人知齊時貝丘屬南平原郡【開皇十六年置淄州十八年縣改名焉】元和志屬淄州【大業初州廢】寰宇記大業二年廢淄州縣屬齊州

【東萊郡】

【舊置光州】地形志光州治掖城後魏皇興四年分青州置延興五年改為鎮景明元年復寰宇記取界內光水為名按掖縣雲峯山有鄭道昭鄭述祖石刻魏齊間父子并為光州刺史

【開皇五年改曰萊州】元和志作二年

【統縣九戶九萬三百五十一】

【掖】今縣治漢置

【舊置東萊郡】漢置後漢移治黃縣晉復故

【後齊併曲城當利二縣入焉】曲城今掖縣東北六十里漢曰曲成晉曰曲城後魏曰西曲

城寰宇記隋大業二年廢與此異當利今掖縣西南三十六里漢置寰宇記高齊天保七年廢

【開皇初郡廢大業初復置郡有岳山】按岳山即斧山見魏書崔挺傳【有掖水】今掖縣東南十五里寰宇記掖水出縣東南三十五里

塞同山【光水】按光水今無可考左傳姑尤以西杜注姑大沾水也尤小沾水也汪士鐸水經注圖說云掖縣有尤水光疑尤之誤與屯氏河為毛州同也

按有東曲成縣在今招遠縣地一統志後魏置北齊省

【膠水】今平度州治寰宇記本漢膠東國之地漢膠東國在今縣東南六十里即墨故城是也後漢省膠東為縣屬北海國後魏屬北海郡高齊及周不改開皇三年罷郡屬萊州仁壽元年改為膠水

【舊曰長廣】按漢長廣縣在萊陽縣東五十里至魏不改寰宇記高齊天保七年因長廣郡

自膠東城入中郎城復移長廣縣於膠東城漢膠東治即墨魏志長廣郡即墨下云郡治而長廣縣下復有即墨城蓋以長廣之即墨為漢城也然魏之即墨亦即在平度州東皆不出隋膠水縣地故志係於此寰宇記所稱膠東即即墨城即墨城即長廣【仁壽元年改名焉】寰宇記取縣西膠水為名舊唐志漢膠東國地隋置縣於古光州按光州在掖縣非此改名膠水【有明堂山】今平度州東北四十里寰宇記引齊記山與巨青山相連出烏頭天雄

按有即墨縣在今平度州東南漢置元和志高齊文宣帝併入膠水

【盧鄉】今平度州西北五十里後漢書章懷注謂在昌陽縣西北蓋誤以鄒盧為盧鄉也

【後齊盧鄉及挺城】城字當作縣字下同【並廢】盧鄉在平度州西北五十里漢置寰宇記天保七年省入膠東按膠東亦於是年改長廣當云省入長廣挺縣在今萊陽縣南七里漢置魏志長廣郡有挺縣而昌陽縣下復有挺城然則中間有移徙其地當并入昌陽【開皇十六年復置盧鄉并廢挺城入焉】按挺縣已廢於北齊則此六字似衍據下即墨亦同此文當是開皇十六年兩縣並復尋并挺縣入盧鄉方合

【即墨】今縣治

【後齊及不其縣并廢】即墨漢至北魏縣在平度州東南漢為膠東國治魏為長廣郡治元和志高齊併入膠水按此據隋縣云爾齊時有長廣無膠水當云併入長廣不其在今即墨縣

西南漢置寰宇記晉於此置長廣郡高齊天保七年省【開皇十六年復】寰宇記開皇十六年於古不其城東北三十七里置今所理城復古即墨為名元和志屬萊州據輿地廣記則即墨與不其并復【并】當作尋【廢不其入焉】輿地廣記不其晉置長廣郡其後郡廢北齊省之隋開皇十六年復置尋省入即墨按此說於情事頗合不然不其已廢於北齊何以至隋又云并入即墨耶【有大勞山】元和志大勞山小勞山在即墨縣東南三十八里又引晏謨齊記云泰山雖言高不如東海勞昔鄭康成領徒於此紀要勞山今即墨縣東南六十里【馬山】今即墨縣東南八十里有陰山寰宇記上有石池池東石上有馬蹏迹相傳秦始皇幸琅邪嘗立馬於此馬山當因此名【有田橫島】今即墨縣東北百里寰宇記島四面環海去岸二十五里可居千餘家橫乘五百餘人皆死於此按紀要引孔氏曰田橫所保在海州東海縣之高山去岸八十里非此山也今江南海州東小高山是矣

【觀陽】今萊陽縣東七十里西漢縣屬膠東國東漢屬北海國晉省北魏復置屬光州東牟郡

【後周廢開皇十六年復又分置牟州】元和志開皇三年改東牟置牟州寰宇記同非分置也【大業初州廢】元和志大業三年廢州

【昌陽】今萊陽縣東南二十五里漢置晉初省後復置元和志在昌水之陽故名寰宇記前昌陽理在文登縣西南三十里昌陽故城是也顧

野王曰晉惠帝元康八年復立昌陽縣屬長廣郡今理是宋後魏同高齊天保七年廢長廣郡復以昌陽屬東萊郡開皇三年罷郡屬萊州

【有巨神山】

【黃】今縣治秦置寰宇記高齊天保七年自今縣東南二十五里故黃城移於今理紀要一統志俱謂唐始移於今理誤

【舊置東牟長廣二郡】地形志東牟郡孝昌四年置治牟平元和志寰宇記後魏孝靜帝分東萊於黃縣東一百步中郎故城置東牟郡地形志長廣郡晉武帝置治膠東城魏治即壘今萊陽縣西南七十里有長廣故城即郡城也【後齊廢東牟郡入長廣郡】寰宇記高齊天保七年廢東牟郡自今昌陽縣東五十三里長廣故城移長廣郡理中郎城按故長廣城即膠東城已見上【開皇初郡廢】

按有嶽縣漢置寰宇記今黃縣西南二十五里有嶽故城存高齊天保七年省入黃

【牟平】今福山縣東南十五里漢縣在福山西北三十里地形志晉罷後復寰宇記高齊天保七年自牟平故城移於今黃縣東七十三里馬嶺山南置一統志自漢至隋俱謂在今福山縣東南十五里誤

【有牟山】當在漢縣之北俗傳今寧海州北七里非也元和志山之陽其地夷坦故縣曰牟平【龍山】明一統志在登州府城西四十里上有龍洞山產鐵舊有場【金山】又名金果山今縣東南五十里【九目山】今蓬萊縣東

南九十里寰宇記引晏謨齊記山有九竅因名九目

【文登】今縣治本漢昌陽縣地故城在今文登西南三十里元和志寰宇記皆云漢牟平縣地按永初山川記昌陽縣有昌山今文登有昌山又云昌陽湯在昌陽縣西南四十里九城志文登有昌水然則隋之文登北境爲牟平南境爲昌陽審矣

【後齊置】寰宇記高齊天統四年分牟平縣置取縣界文登山爲名元和志屬長廣郡【有石橋】寰宇記文登縣東北海中有秦始皇石橋引伏琛齊記云始皇造橋欲度海觀日出處海神爲之驅石豎柱又有石橋柱二所乍出牟入俗云漢武帝所作也【有文登山】元和志在縣西北九十里縣所取名恐不若是之遠寰宇記在縣東二里古老相傳秦始皇東巡召集文人登此山論功頌德因名【斥山】今文登縣東南六十里寰宇記爾雅東北之美有斥山之文皮焉【之罘山】今福山縣東北三十五里連文登縣界史記秦始皇二十九年登之罘刊石紀功三十七年登之罘射巨魚封禪書曰齊有八祀之罘爲陽主漢書武帝太始三年登之罘浮大海而還

【高密郡】

【舊置膠州】地形志永安二年置治東武陵寰宇記分青州置以膠水爲名【開皇五年改爲密州】元和志取境內密水爲名寰宇記大業三年罷密州爲高密郡

【諸城】今縣治漢諸縣在今諸城縣西南三十里寰宇記高齊天保七年省

【舊曰東武】漢縣在今縣治東南水經注濰水北逕東武縣城西因固爲城周三十里于欽齊乘曰密州理有中外二城外城漢東武城中城後魏築【置高密郡】漢國在今高密縣西南晉宋郡皆理此北魏膠州治東武而首書之東武郡領姑幕扶其梁鄉三縣其東武縣則屬次書之高密郡然則魏已移高密郡于東武城中而首書之高密縣不爲郡治一統志以魏志東武爲膠州首郡而東武又屬高密遂謂魏置東武郡北齊改高密以合於隋志不知魏築中城已移高密郡與州同治東武其東武郡治不可考當與高密同治舊唐志諸城下謂隋移入廢高密郡城可知魏之東武爲高密郡治【開皇初郡廢十八年縣改名焉】元和志取縣西三十里漢故諸城縣爲名【大業初復置郡有烽火山】

按有扶其縣在今諸城縣西北後魏永安二年置一統志高齊省

【東莞】今沂水縣東北四十里漢縣北魏徙圍城一統志隋於鄆城置

【後齊併姑幕縣入焉】今諸城縣西北五十里漢置宋省後魏復置按水經沂水注引京相璠曰琅邪姑幕縣南四十里員亭故魯鄆邑今在圍城東北四十里猶謂之東莞故城是則隋亦因漢城置縣【有箕山】今莒州西北九十里一作箕屋山亦曰濰山【濰水】上脫有字

今莒州北說文水出琅邪箕屋山水經注濰水導源濰山東北入于海

【郿城】今安丘縣西南本漢之梧成縣在郿山上後漢省

【舊置平昌郡】地形志膠州平昌郡魏文帝置後廢晉惠帝復而晉志無平昌郡有平昌縣屬城陽郡即此地宋始立平昌郡于此【後齊廢郡置琅邪縣】寰宇記高齊天保七年廢郡改為琅邪縣按宋志青州平昌郡地形志膠州平昌郡並有琅邪縣其地即齊之琅邪縣也然則齊特廢平昌郡非始置縣【廢朱虛入焉】故城在臨朐縣東六十里漢置寰宇記高齊天保七年省【大業初改名郿城】寰宇記大業二年改末年廢

【安丘】今縣南六十里漢志北海郡有安丘孟康曰今渠丘琅邪郡亦有安丘續漢志琅邪郡無安丘北海郡安丘亦有渠丘亭是知後漢並兩安丘爲一而以琅邪之安丘屬北海其北海之安丘降爲渠丘亭孟康時目見如此故水經注亦合兩安丘爲一其言城對牟山蓋亦指琅邪故城今按渠丘亭在今安丘城南一里牟山在西南十餘里後漢以下皆牟山之安丘至隋又徙于平昌城中至唐始還渠丘故治

【開皇十六年置曰牟山】按開皇上當有後齊廢三字元和志輔唐縣下安丘高齊天保七

業初改名【寰宇記大業二年改取漢舊名三年移于漢平昌城內【并省安昌入焉】在今安丘東少南二十里按當作昌安漢至後魏俱曰昌安通典古昌安城即今安丘縣外城寰宇記同
按有平昌縣在今安丘縣南六十里一名龍臺城漢置寰宇記高齊省
【高密】今縣東南二十里龍且城一曰城陰城漢縣元和志高齊文宣帝省隋開皇中復置屬密州寰宇記隋於今縣東南二十里復置高密縣屬密州舊唐志隋末大亂廢之
【後齊廢淳于縣入焉】在安丘縣東北三十里今杞城漢置
按有夷安縣漢置通典夷安故城即今高密縣外城紀要後齊廢
【膠西】今高密縣西南
【舊曰黔陬】今膠州西南八十里漢置水經膠水注引晏謨伏琛並云黔陬有東西二城相去四十里鄆氏疑西黔陬即漢郿縣然則後魏時縣治東城可知【置平昌郡】紀要後齊置
【開皇初郡廢十六年置縣曰膠西】寰宇記廢膠西縣在高密縣東二十里隋開皇十六年置大業九年因賊廢【大業初又以黔陬入焉】
【琅邪】今諸城縣東一百五十里漢置後漢廢
【開皇十六年置曰豐泉大業初改焉】以宋魏齊之琅邪改名郿城故此仍復漢舊【有徐山】寰宇記引三齊記秦始皇令術士徐福入海求不死藥於蓬萊方火山而福將童男童女

二千人於此山集會而去因曰徐山【盧山】今諸城縣東南四十五里紀要以秦博士盧敖隱處而名【鄆日山】今諸城縣東三十里水經濰水注鄆日山山勢高峻隔絕陽曦【膠水】水經注膠水出五弩山東北迺達于膠東城北百里流注入于海

【周禮職方氏正東曰青州其在天官自須女八度至危十五度爲玄枵於辰在于齊之分野】史記天官書虛危青州漢志齊地虛危之分野也【吳札觀樂聞齊之歌曰泱泱乎大風也哉國未可量也在漢之時俗彌侈泰織作冰紈綺繡純麗之物號爲冠帶衣履天下】說苑引墨子云錦繡絺紵亂君之所造其本皆興於齊景公云云【始太公以尊賢尚智爲教故士庶傳習其風莫不矜于功名依於經術闊達多智志度舒緩其爲失也夸奢朋黨言與行謬】漢志作繆此段采漢志文【齊郡舊曰濟南其俗好教飾子女淫哇之音能使骨騰肉飛傾詭人目俗云齊倡本出此也祝阿縣俗賓婚大會餽饌雖豐至於蒸膾嘗之而已多則謂之不敬共相誚責此其異也大抵數郡風俗與古不殊男子多務農桑崇尚學業其歸于儉約則頗變舊風東萊人尤樸魯故特少文義】

隋書地理志考證補遺

卷六青州

沂山下○沂山當是沂山之誤水經沂水注有沂山

淄川縣置東清河郡加東字下○此即上長山東

清河郡也因後齊廣川東清河平原三郡併為

東平原郡故并敘之而此又出東清河者魏之

清河治般陽城實在貝邱也通鑑梁大通元年

魏房景伯為東清河太守胡身之謂即此東清

河是也又謂此志長山之東清河平原為雙頭

郡截去東字則非是地形志有東清河郡無清

河平原雙頭郡是其證

高密郡改為密州後提行○統縣七戶七萬一千

九百二十

隋書地理志考證卷第七

宜都楊守敬惺吾

【志第二十六】

【隋書三十一】

【太尉揚州都督監修國史上柱國趙國公

臣長孫無忌等奉勅議】

【地理下】

【彭城郡】

【舊置徐州】續漢志州治東海郟縣宋志魏

晉宋治彭城晉咸和四年於淮南僑立徐州義

熙七年始分淮北為北徐州宋永初二年加淮

南徐州曰南徐州改北徐州曰徐州按明帝時

淮北入魏梁時復取太清之後尋復入魏徐州

復理彭城【後齊置東南道行臺】北齊書趙

彥深天保中出為東南道行臺徐州刺史又段

深武平末為徐州行臺又盧潛亦為行臺尚書

通典謂後魏即立東南道行臺【後周立總管

府】周紀建德六年二月平齊於徐州置總管

府元和志開皇二年於此置總管府誤【開皇

七年行臺廢大業四年府廢】按隋書煬帝紀

大業元年廢諸州總管府則此大業四年為元

年之誤元和志開皇十四年廢徐州總管為彭

城郡亦誤以大業三年方置彭城郡也

【統縣十一戶一十三萬二千三百三十二】

【彭城】今銅山縣治按史記秦始皇過彭城使

千人於泗水求九鼎疑縣為秦置

【舊置郡】漢志高帝置楚國宣帝地節元年

更為彭城郡黃龍元年復魏晉以後仍為郡梁

書武帝紀普通六年正月庚申魏徐州刺史元

法僧以彭城內附【後周併沛】見下蕭縣【南

陽平】北魏置地形志寄治彭城【二郡入開

皇初郡廢大業初復置郡有呂梁山】元和志

呂梁在縣東南五十七里莊子呂梁擊水三十

仞魚鱉所不能過今則不然陳書將軍吳明徹

北伐以舟師破下邳進屯呂梁堰泗水以灌徐

州周烏丸軌達奚長儒率兵來援軌取車輪數

百連鎖貫之橫斷水路然後募壯士夜決堰至

明陳兵始覺潰亂爭歸至連鎖之處生擒明徹

【徐山】明一統志山在徐州城南六十里周

時徐偃王作亂穆王命楚伐之偃王戰敗走彭

城山下百姓隨之者以萬數偃王死民因鑿山

為龜祀之故名

【斬】今宿州南元和志秦縣宋於此置譙郡齊

以為北譙郡後魏改曰斬城隋開皇三年去城

字屬仁州斬水北去縣三十里地形志斬城武

定六年置

【梁置斬郡】地形志斬城郡蕭衍置魏因之

領廣平斬州二縣【後齊置仁州】地形志蕭

衍置治亦坎城梁書羊鴉仁傳有仁州刺史湛

海珍然則仁州亦梁置梁書帝紀大同四年太

清元年詔皆有仁州元和志亦坎故城在虹縣

西南九十里梁天監八年置亦坎成後齊仁州

之名實因梁舊隋書王長述傳周時歷襄仁二

州總管則周嘗置仁州總管府志失書陳書世

祖紀太建五年六月吳明徹師次仁州甲子克

其州城【又析置龍亢郡】地形志譙州龍亢

郡蕭衍置魏因之領葛山龍亢二縣寰宇記龍

亢城在靳縣南八十里開皇六年廢龍亢縣隸靳縣又葛城在靳縣南九十里北齊天保七年廢葛山縣入龍亢縣隋開皇六年為戊十六年廢然則龍亢郡縣並後魏置【開皇初郡廢大業初州廢】

【穀陽】今靈璧縣西南七十五里漢縣晉廢

【後齊置穀陽郡】地形志穀陽郡治穀陽城太和中置鎮世宗置平陽郡孝昌中陷武定六年改然則非後齊置按平陽當作陽平在今靈璧縣南晉元帝僑置宋因之魏世宗之置陽平常因舊名【開皇初郡廢】志不言置縣始末一統志開皇初廢穀陽郡為縣蓋以意說之地形志穀陽郡治高昌縣是改高昌為穀陽而蒙以郡名也志失之過略【又有己吾】今靈璧縣東南地形志仁州臨淮郡有己吾縣州郡治南齊有己吾縣在今懷遠縣北三十里當是後魏徙置【義城】今懷遠縣東北十五里漢縣東晉後省後魏復置屬臨淮郡漢晉志作義成地形志作義城【二縣後齊併以為臨淮縣大業初併入焉】

按梁有平原縣地形志臨泗武定七年改蕭衍平原清河置有東西二竹城

【沛】今縣東元和志本秦舊縣泗水郡理此漢改沛郡理相城以此為小沛魏分立譙郡又以沛為王國晉不改宋為沛縣改屬徐州隋文帝罷郡縣屬仍舊舊唐志謂隋廢誤也

【留】今沛縣東南漢縣各本誤合沛留為一縣今訂

【後齊廢開皇十六年復有微山】元和志山上有微子冢去沛縣六十五里寰宇記在沛縣東南【黃山】

【豐】今縣治漢縣舊唐志北齊置永昌縣尋省為豐縣

【蕭】今縣西北一統志秦置地形志二漢晉屬沛郡

【舊置沛郡】漢志秦泗水郡高帝更名按漢治相東晉後徙治蕭【後齊廢為承高縣】元和志輿地廣記並云北齊改蕭縣為承高寰宇記在天保七年按志當云舊置縣及沛郡後齊廢郡改縣曰承高方合如志所云似承高以前無縣矣【開皇六年改為龍城】在縣東三十里本後魏縣當是省龍城入蕭縣即名龍城【十八年改為臨沛大業初改曰蕭有相山】寰宇記相山碑在符離縣西北九十里相山南晉太康中令諸侯祀界內山川時相山屬沛國沛國令郭卿云相山主應房心之星能興雲雨乃建廟刻石按符離即今宿州則山當在今蕭縣西南

【滕】今縣治

【舊曰蕃】漢縣【置蕃郡】地形志孝昌三年置元象二年併彭城武定五年復【後齊廢】輿地廣記北齊郡廢元和志謂郡縣並廢恐非按通鑑陳太建十二年周尉遲迥舉兵席毗羅衆號八萬軍於蕃城【開皇十六年】寰宇記作六年【改曰滕縣】各本誤作郡今訂于欽齊乘云隋以其為滕舊都故改蕃為滕縣按蕃

非滕都故城在滕縣西南十四里

【蘭陵】今嶧縣東四十里蘭陵店

【舊曰承】今嶧縣西北一里漢縣按承縣以承水得名廣韻承一曰縣名今地志作承者誤

【置蘭陵郡】宋志晉元康元年分東海立地形志後罷武定五年復【開皇初郡廢十六年分承置鄆州】按當云分承置鄆城并置鄆州寰宇記開皇十六年分承立鄆城縣是其證今嶧縣治左傳作鄆國漢晉志有繒縣即此【及蘭陵縣】史記荀卿適楚春申君以為蘭陵令

因家焉則舊蘭陵為楚縣漢晉志屬東海後魏屬蘭陵元和志故城在承縣東六十里【大業初州廢】寰宇記在大業二年【又併蘭陵鄆城】隋以前無鄆城縣是知上文脫也【二縣入焉尋改承為蘭陵】寰宇記大業二年移蘭陵於廢鄆州城中屬徐州據寰宇記是改承為蘭陵與併鄆城為一時事與志稍異【有抱犢山】元和志在承縣北六十里壁立千仞頂寬而有水此山去海三百餘里天氣澄清宛然在目昔有遁隱者抱一犢於其上墾種故以為名山高九里周迴四十五里

【符離】今宿州地秦縣宋省寰宇記高齊天保七年移斛城縣於古符離城內復曰符離大業二年移於朝斛城按斛城在今宿州東北武定中改梁淮陽置

【後齊置睢南郡】地形志蕭衍置沛郡武定六年改睢南寰宇記新城在縣西北三十里北齊武平七年復置睢南郡於此西北百步置符

齊武平七年復置睢南郡於此西北百步置符

離縣蓋齊初廢而後復改置也【開皇初郡廢有竹邑縣】今宿州北二十里漢竹縣後漢改

晉曰竺邑宋省按梁紀大通元年成景雋克魏臨潼竹邑疑魏復置竹邑然地形志無之而南

濟陰郡云治竹邑城則知魏初有竹邑縣至武定復南濟陰郡時廢縣但爲郡治【梁置睢州】

地形志南濟陰郡孝昌中陷蕭衍爲睢州武定五年復據此則梁之睢州及竹邑縣已改於東

魏志不當跳魏言梁也魏亦有睢州治取慮城非此地【開皇三年州廢又廢竹邑入焉】地

形志但有竹邑城實未立縣豈齊復置與恐不然也【有女山定陶山】寰宇記在縣北四十

里錢氏考異晉宋之際僑置南濟陰郡及定陶縣於此蓋以縣得名

按梁有淮陽縣在今宿州東北地形志斛城武定中改蕭衍淮陽置一統志爲淮南郡治

【方輿】今魚臺縣北漢縣漢志方輿晉灼注音旁豫續漢志晉志宋志地形志俱作與魏志

方輿有方輿城則嘗徙治元和志稱魚臺理所即漢方輿城

【後齊廢】寰宇記在天保七年【開皇十六年復】元和志屬戴州十七年屬兗州

【魯郡】

【舊】當有曰字【兗州】宋志後漢州治山陽昌邑魏晉治廩丘宋武帝平河南治滑臺元

嘉十三年治鄒山又寄治彭城二十年省三十年復立治瑕丘【大業二年改爲魯郡】元和志大業元年於兗州置都督府二年改魯州三

年改魯郡然則志有脫文當云大業二年改魯州三年州廢改魯郡

【統縣十戶十二萬四千一十九】

【瑕丘】今滋陽縣西二十五里

【舊廢】漢置瑕丘縣輿地廣記晉省入南平縣【開皇十三年復】元和志隋文帝割鄒縣

汶陽平原三縣界立瑕丘縣屬兗州【帶郡】

【任城】今濟寧州治漢縣在州東南四十里今仲家淺宋省地形志任城國晉永嘉後罷神龜

元年復蓋郡縣並復置於此至齊又移郡於魯縣而以任城縣爲高平郡治

【舊置高平郡】地形志高平郡故梁國漢景帝分爲山陽國武帝改爲郡晉武更名元和志

後齊天保七年移高平郡於此【開皇初廢】元和志縣屬兗州

【鄒】今縣治漢縣兩漢志作騶按今鄒縣石裏村新出之造橋碑前題云大隋開皇六年歲次

丙午二月壬午八日己丑兗州高平縣石裏村仲思那等册人造橋之碑此志但云任城縣舊

置高平郡開皇初廢至鄒縣之嘗爲高平縣則無其文知志之漏脫非渺矣高平置縣始於晉

至魏不改今據碑知開皇六年其縣尚存故城在今縣東南二十五里俗曰紀王城今縣即漢

南平陽縣治後漢書章懷注南平陽城今兗州鄒縣是也後齊省平陽入鄒縣

作釋詩保有鳧繹左傳文十三年邾遷于釋郭璞曰釋山純石積構連屬如繹絲然【承匡山】

【曲阜】今縣治漢魯縣至後魏不改

【舊曰魯郡】當云舊曰魯置魯郡此亦郡縣同名遂不書縣之例然全書卻不盡然按漢志

秦薛郡高后元年爲魯國晉改國爲郡宋因之地形志皇興三年改郡恐誤【後齊改郡爲任

城】元和志齊文宣帝省魯郡仍於魯城置任城郡【開皇三年郡廢四年改縣曰汶陽】汶

陽漢縣故城在縣東北四十里紀要謂後齊廢元和志隋開皇三年罷郡仍移汶陽縣理此是

未廢也【十六年改名曲阜】

【泗水】今縣治

【開皇十六年置】元和志分汶陽縣置舊唐志隋於卞縣古城置泗水縣按卞魯邑漢爲縣

後魏省紀要謂卞城在縣東五十里恐非【有陪尾山】今縣東南五十里水經注引博物志

曰泗出陪尾說禹貢者多宗此而漢志云在安陸當是誤系說詳于漢志考證中【尼丘山】

按元和志在縣南五十里叔梁紇禱尼丘山而生孔子【防山】元和志在曲阜縣東二十五

里禮記孔子既得合葬于防即此【有洙泗水】水經注泗水出卞縣東南桃墟西北洙水出泰山蓋縣臨樂山北西南流至卞縣西南入泗水

至魯縣東北分爲二流北爲洙濱南爲泗水孔子設教於洙泗之間闕里是也

陸當卽中都城魏因之又有東平郡平陸縣寄治郡城魏因之在今汶上縣北元和志高齊改平陸爲樂平是併平陸於樂平非改置也【開皇十六年改焉】

【龔丘】今寧陽縣治

【後齊曰平原縣】縣字衍元和志齊文宣帝移置平原縣於漢寧陽故城北十七里寰宇記作後魏置然考宋志陽平郡平原孝武大明中立則實爲宋置故城在今汶上縣境齊始移此

【開皇十六年改焉】元和志以此縣與德州平原縣同名遂改爲龔丘因縣東南二十里有龔丘城也按是時齊郡鄒平之平原尙未改十八年始改爲鄒平不獨與德州之平原同名

【梁父】今泰安縣東南六十里小汶南寰宇記泗水縣下云漢梁父縣在今縣北乾封縣下云隋開皇二年移梁父縣于縣東南五十九里周書王盟傳王勵西魏文帝時封梁父縣公

【有龜山】元和志在泗水縣東北七十五里詩曰奄有龜蒙春秋定公十年齊人來歸龜陰之田是也又琴操昔孔子望龜山作歌喻季氏之蔽魯又按齊乘稱龜蒙本二山在蒙陰

【博城】今泰安縣東南

【舊曰博】地形志博平二漢晉曰博後改然則博下當有平字【置泰山郡】漢志高帝置治奉高輿地廣記後魏治博平考地形志泰山郡以鉅平居首博平次第三後魏之州郡不必以先書者爲郡之也【後齊改郡曰東平又併博平】上文之博卽博平也此又云并博平入

不可通矣按地形志泰山郡有鉅平縣在泰安西南此博平當鉅平之誤【牟】今萊蕪縣東二十里漢縣輿地廣記謂隋省牟縣入博城【入焉開皇初郡廢十六年改縣曰汶陽尋改曰博城】元和志開皇十七年改博平曰博城不云有改汶陽事蓋十六年改汶陽十七年改博城也【有奉高縣】今泰安縣東北十七里漢置

【開皇六年改曰岱山】寰宇記廢岱山縣在乾封縣東南四十里依徂萊山北齊於此置隋開皇三年廢爲常作廢入奉高縣五年又改爲岱山大業二年廢入博城據此是岱山本北齊舊縣開皇三年廢六年復置也【大業初州廢】錢氏考異志云州廢不云何時置州蓋有脫文以王劭舍利感應記證之當置秦州於此余按王劭舍利感應記載廣弘明集中仁壽元年有秦州岱嶽寺起塔云云【又廢岱山縣入焉有岱山】今泰安縣北五里卽東嶽泰山虞書至於秦中【玉符山】水經注爲玉符水所經卽縣南三錦川

【有淄水】水經注水出泰山萊蕪縣原山又東北過臨淄縣東又東過利縣東又東北入于海

【琅邪郡】漢志秦置按漢晉爲國後爲郡

【舊置北徐州】地形志永安二年置【後周改曰沂州】寰宇記武帝宣政元年改以城東臨沂水爲名大業三年改爲琅邪郡通鑑陳太建十二年周尉遲迥舉兵遣莒州刺史烏丸尼等帥青齊之衆圍沂州

【統縣七百六萬三千四百二十三】

【臨沂】今蘭山縣治

【舊曰卽丘】漢縣在今蘭山縣東南五十里俗曰禹王城北魏卽丘城在縣西二十里【帶郡】漢郡治琅邪後漢晉郡治開陽宋北魏并治卽丘【開皇初郡廢十六年分置臨沂】按本漢縣今蘭山縣北五十里寰宇記高齊省隋開皇十六年於今縣東三十六里故郿城復置臨沂縣屬沂州大業二年移於沂州理【大業初】此下當有復置郡三字【併卽丘入焉】

按寰宇記謂高齊省蓋誤【有大祠山】

【費】今縣治漢縣寰宇記宋自漢費縣移理昉城後魏太和二十年又自昉城移於今縣北四十里陽口山隋開皇三年復還昉城卽今治寰宇記又云魏太和二十年築城置費縣周迴二十里外城卽故昉城也周移陽口山南隋又移入昉城不知何以互異

【顯夷】今費縣西北七十里故魯附庸

【舊曰南武陽】漢縣宋改曰武陽【開皇十

八年改名焉又有南城縣今費縣西南九十里漢縣志作南成續漢志作南城晉志作南武城宋志地形志復作南城後齊廢有開明山葉氏圭綬曰今費縣西北聽山

【新泰】今縣治漢東平陽縣在縣西北後漢省水經洙水注洙水又西逕泰山東平陽縣晉武帝太康九年改爲新泰寰宇記引東安郡記云舊名平陽泰始中鎮南將軍羊祜表改爲新泰縣晉志泰山郡有新泰縣是也元和志開皇四年屬莒州大業二年屬沂州

【後齊廢蒙陰縣入焉】今縣西南十五里漢縣後漢省晉復置宋省紀要東魏復置蓋因此志有後齊廢蒙陰語而地形志無蒙陰故以爲東魏復置也按地形志新泰有二一屬徐州東泰山郡卽此晉所置舊縣一屬南青州東安郡卽元和志所稱魏孝文所置縣見下在蒙陰東十五里余疑東魏並未置蒙陰後齊但併蒙陰之新泰入舊新泰志嫌廢新泰入新泰爲不辭故以蒙陰代之蓋魏志雖有缺略如此等又當詳審者也

【沂水】今縣治
【舊】當云舊曰東莞【置南青州】地形志南青州治團城顯祖置爲東徐州太和二十二年改蓋因孝文置東徐于下邳故此改爲南青水經注沂水又東南逕東莞縣故城西故字當衍魏文帝黃初中立爲東莞郡東燕錄謂之團城魏南青州治【及東安郡】宋志晉惠帝分東莞立治蓋縣地形志蓋縣有東安城一統志後

齊移治東莞蓋以齊廢蓋縣入東莞故也北齊書婁昭傳兄子叡皇建初封東安王後周改州爲莒州按周書尉遲迴傳大象二年起兵弟子勤時爲青州總管亦從迴其所統州有莒州開皇初郡廢改縣上文無縣名所改者何縣故知舊下脫東莞也【日東安十六年又改日沂水】元和志沂水本漢東莞縣後魏孝文帝於此置新泰縣開皇四年改爲東安縣十六年又於古蓋城別立東安縣而此改名沂水寰宇記團城鎮去東安郡三十里城隍圓因名團城隋開皇十六年於此置沂水縣按水經注謂東莞城卽南燕之團城魏孝文所置之新泰在蒙陰東十里去團城甚遠然則開皇乃改東莞爲東安非改新泰爲東安也元和志說誤【大業初州廢】寰宇記大業二年

【東安】今沂水縣西北二十里蓋邑莊
【後齊廢】按漢東安縣在今沂水縣南三十里東安社晉廢入蓋縣蓋爲漢縣地形志尙有然則志云後齊廢者乃蓋縣非東安也【開皇十六年復】置於古蓋城見上沂水下按此當云舊曰蓋置東安郡後齊廢縣開皇初廢郡十六年置縣曰東安方合【有松山】

【莒】今州治漢縣
【舊置東莞郡】宋志晉太和元年分琅邪立咸寧三年復以合琅邪太康十年復立按三國志臧霸傳尹禮爲東莞太守是後漢已置郡水經注云魏黃初中立寰宇記惠帝自東莞移郡理莒城【後齊廢】寰宇記文宣帝廢東莞郡

以莒東莞二縣屬東安郡後置義唐郡義唐郡見下東海郡懷仁縣下且東魏置非齊置也按寰宇記懷仁武定七年置屬義唐郡縣俱移就高密郡莒縣界內置在古辟陽城所以復見於此【開皇初廢】

【東海郡】漢晉郡在今郟城縣西南三十里宋郡在今安東縣北後魏郡在今海州東北
【梁置南北二青州】梁書武帝紀大同四年八月甲辰詔曲赦南北青州等州逋租通鑑梁大同二年北青州刺史元世儁舉州來降胡身之謂魏之北青州治東陽去梁境甚遠意是此北青州又通鑑齊建武四年王曇首攻魏南青州爲黃郭戍主崔僧淵所敗然則南北二青州皆因魏舊【東魏改爲海州】地形志劉子業置青州武定七年改海州治龍沮城元和志梁武帝末年長江以北悉附後魏武定七年改青冀二州爲海州齊文宣帝移州理琅邪郡寰宇記魏罷青冀二州爲海州移於龍沮故城隋開皇三年自琅邪城移於今理按寰宇記宋明帝失淮北地於鬱州更置冀州龍沮縣城在今海州南六十里通鑑陳太建元年齊除祖挺海州刺史

【統縣五戶二萬七千八百五十八】
【胸山】今海州治名勝志引志云海州城梁天監中馬仙琕築
【舊曰胸】今海州西九十里漢縣地形志晉曰臨胸蕭衍改爲招遠武定七年復今考晉志只作胸宋志無則已省於宋矣寰宇記胸山下

梁於今縣北二里琅邪故城置招遠縣【置琅邪郡】齊置齊志東莞琅邪二郡治胸山梁紀天監十年三月盜殺東莞琅邪二郡太守鄧暉據此則二郡並置所謂雙頭郡也後魏始以東莞治莒此只稱琅邪郡【後周改縣曰胸山郡曰胸山】寰宇記周建德六年改胸縣為胸山縣改琅邪為胸山郡取界內胸山為名又引輿地記宋秦豫元年移胸山縣於廢沂州地形志琅邪郡胸山縣存以俟考陳紀太建五年十一月庚辰威虜將軍劉桃枝克胸山城【開皇初郡廢大業初復帶郡】志例當無此二字當有置東海郡四字【有胸山】寰宇記山在胸山縣南二里按舊經云秦始皇東巡至胸山界此時已有胸山之名【羽山】元和志山在胸山縣西北一百里書曰殤緜于羽山即此也按梁有東彭城郡地形志蕭衍置梁又有龍沮縣在今海州南六十里地形志蕭衍置梁又有清河縣在今海州境地地形志蕭衍置梁又有北譙郡在今海州境地地形志蕭衍置

【東海】今海州東北元和志本漢贛榆縣地俗謂之鬱州

【舊置廣饒縣】地形志蕭贛置【及東海郡】宋志泰始中割贛榆縣置鬱縣立西海郡齊志鬱州後為齊郡治建元初徙齊郡治瓜步以北海治齊郡故治則是齊初改西海為齊郡旋又改齊郡為北海地形志東海郡蕭衍改置北海

郡武定七年復【後齊分廣饒置東海縣】元和志周武帝置寰宇記周武帝建德四年置與志異齊當周誤輿地廣記作後魏置尤誤【開皇初廢郡及東海縣】寰宇記廢郡及縣因移廣饒於廢郡界【仁壽元年改廣饒曰東海有謝祿山】寰宇記山在縣城西一里按漢書云王莽時東海徐宣謝祿等擊王莽將田況大破之曾屯兵於山為名【鬱林山】水經注胸縣東北海中有大洲曰郁洲其山自蒼梧徙來今猶有南方草木生焉故崔瑛述初賦云郁洲者故蒼梧山也寰宇記郁即鬱

按漢贛榆縣在今海州贛榆縣東北寰宇記廢艾不城在東海縣北二十四里相傳漢艾不追田橫而築後晉移贛榆縣於此北齊天保元年省寰宇記又云贛榆故城在東海縣東北五十里青山之陰故城猶存隋大業末臧君相竊據海州以先有贛榆縣遂築此城因取舊名更置贛榆縣

【漣水】今安東縣北元和志本漢沔猶之地後漢為徐縣地晉為宿遷地

【舊曰襄賁置東海郡】元和志宋明帝置東海郡又於城北置襄賁縣寰宇記於城北三十里東海王城別置縣按漢有襄賁縣在蘭山西南宋移此【東魏改曰海安】元和志通典與此同按地形志無海安郡而有海西郡云蕭贛置東海郡武定七年改置所領有海西縣即漢縣又有海安縣屬琅邪郡其地亦與此相接云蕭衍置陳紀太建五年八月壬子戎昭將軍徐

敬辯克海安城是也名勝志謂三國魏曰海安未詳所出【開皇初郡廢縣又改焉】元和志開皇五年改因界內有漣水為名

按梁有臨海縣在今安東縣地形志蕭衍置【沭陽】今縣治元和志本漢厚丘縣地宋文帝元嘉四年於此置縣屬南彭城郡按宋志南彭城郡所領無沭陽有傳陽地志書不載傳陽之地據元和志乃知為今沭陽也

【梁置潼陽郡東魏改曰沭陽郡】地形志蕭衍置潼陽郡武定七年改為沭陽寰宇記梁天監五年置潼陽郡領潼陽名勝志謂僅當作潼水名源出虹縣羊城白鹿二湖按僅本漢縣宋齊移此梁仍舊耳虹縣之潼水即水經淮水注之潼水去此頗遠然則志文潼仍當作僅陳宣帝紀太建五年六月齊沭陽郡守棄城走【置縣曰懷仁】地形志武定七年置元和志置於郡東【後周改縣曰沭陽】寰宇記周建德七年改【開皇初郡廢】寰宇記移沭陽縣入廢郡城中屬海州即今理大業十三年土人臧君相反於沭陽縣置疎州

【懷仁】今德平縣東南二十里寰宇記舊理今密州莒縣界隋開皇三年移縣理於此名勝志懷仁山在縣北四十里其山童不生草木懷仁縣以此名

【梁置南北二青州】見上郡下【東魏廢州立義唐郡】元和志梁置北海郡後魏改置義唐郡地形志武定七年置義唐郡治黃郭城屬南青州唐地形志作塘【及懷仁縣】今贛榆

縣西二十里地形志武定七年置【開皇初郡廢】名勝志隋開皇初曾移懷仁于贛榆城內理大業末臧君相據海州築此城取古贛榆爲名

按梁有齊郡地形志上鮮縣蕭衍齊郡武定七年改置屬武陵郡寰宇記武陵郡城在懷仁縣五十九里後魏武定七年置隋初廢一統志上鮮齊廢又有高密縣在今贛榆縣東南六十里地形志洛要蕭衍高密縣武定七年改一統志齊廢又有歸義縣在今贛榆縣北寰宇記歸義城在懷仁縣北二十里後魏武定七年置縣屬義塘郡隋廢地形志義塘郡所領有義塘縣一統志隋與歸義同廢

【下邳郡】

【後魏置南徐州】地形志無南徐州其東楚州下云高祖初立東徐州後隋詳下元和志亦云後魏置東徐州是後魏本名東徐州而通典云後魏下邳郡兼置南徐州輿地廣記云後魏太和中南徐州治宿豫按魏徐州治彭城宿豫當其東不得云南蓋孝文置東徐州於此宣帝改爲鎮明帝因于下邳城復置東徐州稍移而北於情事頗合通典當沿隋志而誤【梁改爲東徐州】梁紀太清三年四月東徐州刺史湛海珍舉州附魏【東魏又改曰東楚州】地形志世宗初改爲鎮武定七年復通鑑梁大寶元年齊東徐州刺史行臺辛術鎮下邳是齊天保初仍爲東徐州北齊書徐遠傳清河二年除東楚州刺史是齊後又稱爲東楚州未知孰是【陳

改爲安州】陳書宣帝紀太建七年三月改梁東徐州爲安州又陸子隆傳弟子才從吳明徹北伐監安州鎮於宿豫又徐敬成傳尋復爲持節都督安元潼三州諸軍事安州刺史鎮宿豫【後周改爲泗州】元和志周宣帝大象二年改爲泗州大業三年改泗州爲下邳郡寰宇記建德五年又改東楚州大象二年改泗州通鑑陳至德二年隋有泗州刺史馬幼之按周書尉遲迴傳大象二年東楚州刺史費也利進據州應迴則周先仍曰東楚州改泗州當在是年迴平之後寰宇記之說是也

【統縣七戶五萬二千七十】

【宿豫】今宿遷縣東南宋志豫作預云晉安帝立地形志武定七年置當有移徙

【舊置宿豫郡】地形志司馬德宗置宿豫郡高祖立東徐州後隋世宗初改爲鎮後隋武定七年復改爲宿豫郡輿地廣記云晉元帝置而宋志無宿豫郡未詳孰誤梁書蕭景傳天監四年王師北伐費率衆出淮陽進屠宿豫亦指縣言也【開皇初郡廢大業初置下邳郡又梁置朝陽】不見於地形志【臨沭】今沭陽縣地地形志蕭衍置魏因之領沭陽招遠二縣【二郡後齊置晉寧郡】今宿遷縣東南按地形志晉寧郡蕭衍置魏因之則非置於後齊【尋並廢】

按梁有梁與臨沂與義三縣地形志魏與武定七年改蕭衍梁與臨沂與義三縣置按魏與在今宿遷縣東

【夏丘】今泗州治漢縣在今泗州東一里東晉初廢

【後齊置】地形志武定六年置則爲東魏置【并置夏丘郡尋立潼州】按陳書宣帝紀太建七年正月將軍樊毅克齊潼州城【後周改州爲宋州】按周書尉遲迴傳大象二年東潼州刺史曹孝遠據州應迴則是時尙曰潼州改宋州當在迴平之後【縣曰晉陵】寰宇記後周大象中改縣名【開皇初郡廢十八年州廢縣復曰夏丘】寰宇記開皇三年復爲夏丘縣與志先後不同【又東魏置臨潼郡】地形志武定六年置治臨潼城【睢陵縣】今靈璧縣東北七十里地形志武定六年置【後齊改郡爲潼郡又梁置潼州】梁書武帝紀大通元年五月景寅成景備克魏臨潼竹邑紀要云因置潼州陳書周鐵虎傳梁元帝承制授潼州刺史

【後齊改曰睢州】地形志蕭衍置潼州武定六年平改置睢州治取慮城則志後齊當作東魏又按通鑑太清元年十一月魏慕容紹宗攻潼州刺史郭鳳管即武定六年魏得潼州事也【尋廢亦】此字衍【入潼郡開皇初郡縣並廢】

按有潯陽縣寰宇記虹縣下云潯陽故城隋置潯陽後廢

按梁有恩撫郡地形志招義武定七年改蕭衍恩撫郡二縣置又梁有西淮郡地形志淮陽武定七年改蕭衍西淮郡七縣置又梁有扶風郡清河郡地形志富城武定七年改蕭衍下邳扶

風清河三郡置又梁有蘭陵郡地形志招農武定七年改蕭衍蘭陵郡十三縣置又梁有鉅鹿郡地形志鉅鹿武定七年改蕭衍鉅鹿郡六縣置又梁有泰山郡地形志淮浦武定七年改蕭衍泰山郡四縣置皆在今淮安府境并附於此

【徐城】今盱眙縣西五十里元和志本徐子國楚漢爲徐縣

【梁置高平郡】元和志梁於徐城縣置高平郡及高平縣寰宇記臨淮縣下云吳城亦名高平郡城在舊徐城北三十里東臨廢通濟渠舊經云陳太建六年吳明徹於此置高平郡按陳蓋因梁之舊地形志高平郡治大徐城【東魏又併梁東平陽清河歸義四郡爲高平縣】地形志高平武定七年改蕭衍東平等四郡置與志合按一統志引作四縣據元和志梁置郡時卽置高平縣【又併梁朱沛循儀安豐三郡置朱沛縣】今盱眙縣西北地形志朱沛武定七年改蕭衍朱沛循儀安豐三郡置【又有安遠郡】地形志武定七年改蕭衍安遠戍置【後齊廢後周又併朱沛入高平開皇初郡廢十八年更名徐城】元和志屬泗州理大徐城大業四年理於今理寰宇記故徐城在縣北三十里一名大徐城卽古徐國

【淮陽】今清河縣西南

【梁置淮陽郡】地形志蕭衍置按宋志淮陽郡晉義熙中土斷立梁紀天監六年十二月魏淮陽鎮都督軍主常邕和以城內屬當復置郡於此時陳紀太建五年六月齊淮陽郡棄城走

【東魏併綏化呂梁二郡置綏化縣】地形志綏化武定七年改蕭衍綏化呂梁二郡置【後周改縣爲淮陽開皇初郡廢又有梁臨清天水浮陽三郡東魏併爲甬城縣】今清河縣東南地形志作角城云武定七年改蕭衍臨清天水浮陽三縣立則志文郡字誤也汪氏南北史補志從魏志洪氏補梁志兩從之宋志甬城晉義熙土斷立齊志無按通鑑齊高帝紀建元三年魏人寇淮陽圍軍主成買於甬城胡注甬城當作角城引水經注角城在下邳睢陵縣南臨淮水其地據泗水入淮之口後梁武帝置淮陽郡角城爲縣屬焉高閏曰角城去淮陽十八里今按角城甬城史志互出南史周盤龍傳作角城齊書李安民周盤龍傳作甬城通典作角城未知孰是據齊書及水經注則是齊後廢而梁再置又按今本水經注泗水篇缺此三十五字【後齊改曰文城縣後周又改爲臨清開皇三年省入焉】志不言罷淮陽郡名勝志引縣道記云晉安帝置淮陽郡仍置角城縣及隋罷淮陽郡而角城遂廢據此則廢郡亦當在開皇三年也按梁有臨淮縣寰宇記本甬城縣梁改爲臨淮縣

【下邳】今邳州東三里元和志秦縣

【梁曰歸政】秦置下邳縣梁改【置武州】

梁紀中大通五年七月改下邳爲武州通鑑梁太清二年有武州刺史蕭弄璋【下邳郡】後漢志注武帝置臨淮郡永平十五年改下邳國宋改郡按漢臨淮治徐縣非下邳地梁書武帝

中大通五年六月己卯魏建義城主蘭寶殺魏東徐州刺史以下邳城降【魏改縣爲下邳】復舊名【置郡不改改州曰東徐】地形志東徐州孝昌元年置永熙二年陷武定八年復治下邳城考永熙二年當梁中大通五年蓋魏置東徐州梁改武州東魏復改東徐也通鑑梁大寶元年齊東徐州刺史行臺辛術鎮下邳【後周改州爲邳州開皇初郡廢大業初州廢有嶧山】今州西北六里漢志下邳葛嶧山古文以爲嶧陽紀要謂古文似誤蓋以禹貢之嶧陽在今鄆縣也【磬石山】今州西南八十里禹貢泗濱浮磬孔注水中見石可以爲磬寰宇記山在泗水南六十里出石可以爲磬恐禹治水時水至此山矣

【良城】今邳州西北八十里漢縣在邳州北六十里寰宇記後齊省

【梁置武安郡】按當作魏置武原郡地形志武原郡武定八年分下邳置而不言梁有武安郡又輿地廣記作梁置武原郡【開皇初郡廢十一年縣更名曰良城】按隋之良城卽漢之武原縣宋廢魏復置地形志武原郡治武原縣故知隋改武原爲良城也志例當云舊曰武原置武原郡方合今脫此四字則所云縣更名者何縣耶陳書劉仲舉傳彭城武原人也【有徐山】寰宇記周穆王末徐偃王有德好仁義東夷歸之者四十餘國穆王西巡聞徐君威德日遠乘八駿之馬使造父御之更遣楚師襲其不備大破之殺偃王其子遂北徙彭城武原東山

之下百姓赴之者萬數因名其所依山曰徐山

【郟】今郟城縣西南三十里漢縣後漢爲徐州

刺史治寰宇記高齊省後周大象元年復置

【舊置郡】宋志秦郟郡漢高更名東海地形

志郟郡武定八年置治郟城【開皇初廢】

【禹貢海岱及淮惟徐州彭城魯郡琅邪東海下

郟得其地焉在於天文自奎五度至胃六度爲降

婁於辰在戌】史記天官書奎婁胃徐州【其在

列國則楚宋及魯之交考其舊俗人頗勁悍輕剽

其士子則挾任節氣好尚賓游此蓋楚之風焉大

抵徐竟同俗故其餘諸郡皆得齊魯之所尚莫不

賤商賈務稼穡尊儒慕學得洙泗之俗焉】

隋書地理志考證補遺

卷七徐州

舊置兗州治瑕丘下○按兗州亦稱東兗州周書

宣帝陳皇后傳后父山提仕齊官至東兗州刺

史殆因後魏置西兗州於濟陰而以此爲東兗

州也

泗水縣有陪尾山下○此非禹貢之陪尾禹貢陪

尾漢志水經鄭康成並以爲在江夏安陸

泗水縣闕里是也下○隋書薛胃傳先是兗州城

東沂泗二水合而南流汎濫大澤中胃遂積石

堰之使決令西注陂澤盡爲良田又通轉運利

盡淮海百姓賴之號爲薛公豐兗渠

新泰縣後齊廢蒙陰縣入焉下○按水經沂水注

桑泉水又東南逕蒙陰縣故城北據鄆氏則其

時無蒙陰縣審矣

東安縣有松山下○沂水縣志閔公山即隋志之

松山春秋隱公八年公及莒人盟於浮來即此

山也

梁改爲東徐州下○梁書武帝紀天監八年魏鎮

東將軍成景儻斬宿預城主嚴仲寶以城內屬

是梁改東徐州當在天監八年

隋書地理志考證卷第八

宜都楊守敬惺吾

【江都郡】水經注廣陵城楚漢之際爲東陽郡

漢志廣陵國高帝六年屬荆十一年更屬吳景

帝四年更名江都元狩三年更名廣陵後漢改

郡宋志晉太康三年治淮陰故城後又治射陽

江左治廣陵齊因之

【梁置南兗州】宋志晉成帝立南兗州寄治

京口元嘉八年始割江淮間爲境治廣陵則非

始梁置南史蕭業傳天監二年都督南兗州刺

史【後齊改爲東廣州】陳書高祖紀梁紹泰

二年三月齊遣東廣州刺史獨孤辟惡等率衆

十萬出柵口向梁山北齊書王則傳弟敬寶爲

東廣州刺史攻建業不克沒焉【陳復曰南兗】

通鑑梁太平二年五月齊廣陵南城主張顯和

長史張僧那各帥所部來降按是年十月陳受

禪遂爲陳地陳書高祖紀永定二年南兗州刺

史吳明徹進號安南將軍【後周改爲吳州】周

書宣帝紀大象二年梁士彥拔廣陵地復入周

按隋書于顛傳周大象中拜東廣州刺史周書

趙文表傳云大象中拜吳州總管時于顛爲吳

州刺史及尉遲迴舉兵顛手刃文表隋文以諸

方未定恐顛爲變遂授顛吳州總管據此則周

大象中改東廣爲吳州即置總管矣又按隋初

亦置吳州總管隋書文帝紀開皇元年以上開

府當亭縣公賀若弼爲楚州總管考弼傳作吳

州隋紀開皇八年伐陳若弼出吳州則前楚字

爲吳之誤【開皇九年改爲揚州置總管府】隋

煬帝紀陳平後徙上為揚州總管鎮江都【大業初府廢】帝紀廢府在大業元年州蓋廢於三年通鑑隋義寧元年朱粲遣使李密密以為揚州總管則隋末李密又置按密粲地皆不至此蓋遙領也

【統縣十六戶十一萬五千五百二十四】

【江陽】今江都縣北十八里

【舊曰廣陵】史記表楚懷王十年城廣陵則初為楚地漢書項羽傳廣陵召平為陳勝徇廣陵是秦時已置縣寰宇記宋武帝析江都縣置按漢志廣陵江都兼置宋志廣陵但云漢舊縣不言析置事寰宇記誤【後齊置廣陵江陽】當是合二郡為雙頭郡【二郡開皇初郡廢十八年改縣為邗江大業初更名江陽】寰宇記隋末併入江都縣【有江都宮】寰宇記煬帝於江都郡置宮號江都宮隋書大業元年詔修江都宮治龍舟鳳舸黃龍赤艦樓船萬艘以幸江都為錦帆艫帳作泛龍舟春花月夜等曲以幸之因而都焉【楊子宮】紀勝引隋書志云大業十三年二月大駕出楊子幸臨江宮大會賜食并百寮亦饒於凝暉殿庭酺戲為樂數日時羽葆初成霜戈花鬣羽旄旌旛橫街塞陌二十餘里暉翳雲日前代羽衛無盛斯時疑臨江宮即楊子宮【有陵湖】今江都縣東北四十五里寰宇記邵伯埭有斗門臨合瀆渠有小渠闊六步五尺東去七里入艾臨湖寰宇記又引阮昇之記云齊建武五年遏艾陵湖水立裘塘屯按水經淮水注有陸陽湖當即此

【江都】今縣治漢縣寰宇記景帝立江都國遂因國以建縣宋志三國時廢晉太康六年復立江左又省併與縣宋元嘉十三年復立以併江都輿地廣記隋為江都郡治按故城在今縣西南四十六里隋徙

【自梁及隋或廢或置】按史傳及諸地志梁隋間不見江都廢置之迹

【海陵】今泰州治漢置宋志三國時廢晉太康元年復立按後漢志無海陵則非三國時始廢也

【梁置海陵郡】宋志海陵郡晉安帝分廣陵立齊亦有此郡當云舊置【開皇初郡廢又併建陵縣入】今泰州東北七十里宋志晉安帝立梁書武紀普通五年冬十月戊寅裴邃元樹攻魏建陵城克之【尋析置江浦縣大業初省入】

【寧海】今泰州東南一百里宋志晉安帝立【開皇初併如皋縣入】今如皋縣治宋志晉安帝立寰宇記如皋港在縣西一百五十步港側有如皋村縣因以為名

按晉志有臨江縣在今如皋縣南南史劉之亨傳封臨江縣子陳書杜僧明傳廣陵臨澤人梁元帝承制授臨江縣子

【高郵】今州治漢縣宋志三國時廢晉太康元年復立寰宇記大業中移於樊梁鎮

【梁析置竹塘三歸二縣及置廣業郡尋以有嘉禾為神農郡】陳紀太建七年三月移譙州鎮於新昌郡神農郡還隸南兗州【開皇初郡

廢又併竹塘三歸臨澤三縣入焉】竹塘三歸二縣輿地廣記俱梁置臨澤今高郵州東北九十里宋志太康元年立隋書元諧傳有臨澤侯田鸞文帝封

【安宜】今寶應縣西南通典本漢平安縣地齊志安宜縣屬陽平郡

【梁置陽平郡】齊志陽平郡寄治山陽蓋梁移治安宜也梁書裴邃傳裴之中除陽平太守通鑑梁武帝太清三年三月侯景改陽平為北滄州梁書侯景傳大寶元年七月侯景以陽平郡為北兗州陳紀太建五年五月齊陽平郡城降【及東莞郡】按晉宋齊俱有東莞郡乃僑郡在晉陵南境非此也【開皇初郡廢又廢石龍縣入焉】輿地廣記魏郡艾築石龍城在寶應西八十里未知何時置縣按北齊書潘樂傳樂討侯景發石龍疑其時已置縣【有白馬湖】紀要在寶應縣西北十五里東西十五里南北三里水經淮水東過淮陰縣北中瀆水出自白馬湖東北注之

【山陽】今縣治宋志山陽射陽縣境地名山陽與郡俱立梁書席闡文傳封山陽伯

【舊置山陽郡】宋志晉義熙中土斷分廣陵立南史梁桂陽王大成傳太清三年簡文即位封山陽郡王陳紀太建五年八月齊山陽城降

【開皇初郡廢十二年置楚州】當是自淮陰徙置【大業初州廢】輿地廣記隋末臧君相竊據之號東楚州【有後魏淮陰郡東魏改為淮州】地形志淮州蕭衍置魏因之治淮陰城

【開皇初郡廢十二年置楚州】當是自淮陰徙置【大業初州廢】輿地廣記隋末臧君相竊據之號東楚州【有後魏淮陰郡東魏改為淮州】地形志淮州蕭衍置魏因之治淮陰城

【開皇初郡廢十二年置楚州】當是自淮陰徙置【大業初州廢】輿地廣記隋末臧君相竊據之號東楚州【有後魏淮陰郡東魏改為淮州】地形志淮州蕭衍置魏因之治淮陰城

【開皇初郡廢十二年置楚州】當是自淮陰徙置【大業初州廢】輿地廣記隋末臧君相竊據之號東楚州【有後魏淮陰郡東魏改為淮州】地形志淮州蕭衍置魏因之治淮陰城

按宋志晉末僑立兗州寄治淮陰齊志作北兗州通鑑梁中大通元年以陳廢之爲北兗州刺史注州治淮陰又通鑑梁太清元年有北兗州刺史胡孫貴三年侯景以蕭弄璋爲北兗州刺史州民發兵拒之景遣直閣將軍羊海將兵助之海以其地降東魏東魏遂據淮陰則太清時仍曰北兗州是終梁代皆爲北兗州然則魏之淮州云蕭衍置不可考但地形志有淮陰郡屬淮州觀下文隋改東平郡爲淮陰則此淮陰當廢於齊周時志言東魏改淮陰郡爲淮州尤誤又按陳紀太建十一年十二月南北兗晉三州及盱眙等九郡並自拔還京師據此則陳仍以爲北兗州【後齊併魯】今盱眙縣南後魏僑縣屬淮陰寰宇記隋初廢與志不合【富陵】今盱眙縣東北六十里漢縣後漢省後魏復置【立懷恩縣】今清河縣東南五里地形志淮陰郡領懷恩富陵魯三縣或後齊併魯富陵入懷恩非齊始立也按寰宇記淮陰本漢縣後廢今考漢晉宋齊志俱有淮陰地形志雖有四淮陰皆不在此地則魏末實改淮陰爲懷恩也【後周改曰壽張】按齊志壽張割山陽官瀆以西三百戶置當是後廢而周復置【又僑立東平郡】按齊志已僑立東平郡於北兗州當是後廢而周復置【開皇元年改郡曰淮陰併立楚州尋廢郡更改縣曰淮陰】寰宇記在開皇三年【大業初州廢縣併入焉】按梁有平陸縣南史胡山賓傳梁天監十五年爲北兗州刺史在州所部平陸縣不稔啓出倉

米以振百姓但未知屬何郡

【盱眙】今縣東北漢縣宋廢齊復置

【舊魏】此字衍輿地紀勝引已作魏置盱眙郡則誤衍已久【置盱眙郡】宋志晉安帝分立

晉志盱眙郡統考城直瀆陽城三縣【陳置北

譙州尋省】陳紀太建五年九月割南兗州之

盱眙郡屬譙州七年九月還隸南兗州【開皇

初郡廢又併考城】今盱眙縣西南六十里晉

志義熙七年立按地形志盱眙郡領盱眙陽城

直瀆三縣是考城于東魏時已併入盱眙【直

瀆】今盱眙縣東北宋志晉安帝立通鑑梁元

帝承聖元年三月辛卯王偉與侯子鑿相失直

瀆戊主黃公喜獲之送建康【陽城】今盱眙

縣東北宋志晉安帝立【三縣入有都梁山】

寰宇記在盱眙縣南十六里伏滔北征記云有

都梁香草因名又云都梁驛宮在縣東南十五

里開皇六年煬帝在都梁山避暑回向揚州因

此路置

【鹽城】今縣治漢曰鹽瀆宋志三國時廢晉太

康二年復立晉安帝更名舊唐志久無城邑隋

末於此置射州立射陽安樂新安三縣輿地廣

記隋末盜章徹據其地置州及三縣

【後齊置射陽郡】紀勝引隋志云後齊置射州

及射陽新城安樂三縣則今本有脫誤【陳改

曰鹽城】紀勝云武德四年來歸七年州廢省

射陽安樂新城三縣置鹽城縣與此大異【開

皇初郡廢】

【清流】今滁州治

【舊曰頓丘】宋志頓丘屬平昌郡江左流寓

立齊志屬新昌郡而元和志云秦建陽邑宋改

新昌開皇中改清流誤考建陽在今滁州東四

十里廢於後漢非至宋始改也又寰宇記梁置

頓丘縣輿地廣記後魏置頓丘縣俱未得其實

【置新昌郡】宋志平昌郡元徽元年立齊志

改新昌梁書武紀天監十一年二月戊辰新昌

郡野蠶成繭【及南譙州】寰宇記梁大同二年

割北徐州之新昌南譙州之南譙豫州之北譙

凡三郡立爲南譙州居桑根山之西今滁州西

南八十里全椒縣界南譙故城是也梁末喪亂

地沒高齊至天保三年徙南譙州於新昌郡今

之州城是也按南譙州亦曰譙州地形志譙州

蕭衍置魏因之治新昌城通鑑梁武帝大通元

年譙州刺史湛僧智罔魏東豫州注帝置譙州

治新昌城領新昌高塘臨滁南梁郡通鑑梁武

帝太清二年冬十月庚寅侯景揚聲趣合肥而

實襲譙州注此譙州置於新昌城今滁州城是

也又陳紀太建七年三月移譙州鎮於新昌城

【開皇初改爲滁州】寰宇記在開皇九年因

水爲名據隋書崔仲方傳開皇六年上書論取

陳之策已有滁州則滁州之改不始於開皇九

年寰宇記九當元字之誤【郡廢又廢樂鉅高

塘】寰宇記後齊南譙郡所領有高塘郡紀要

周改郡爲縣【二縣入頓丘改曰新昌十八年

又改爲清流大業初州廢有白禪山】紀勝五

湖山在全椒縣東北十八里下有五湖因名最

爲險要控扼南北山北屬白禪村疑卽白禪山

也【曲亭山】今潞州西六十里紀要俗呼皇甫山

按有臨潞郡紀勝在清流縣東五十里之葛城俗呼為羅城地形志梁置臨潞郡治葛城當即此地

【全椒】今縣治漢縣屬九江郡

【梁曰北譙置北譙郡】寰宇記梁克壽陽立北譙郡於故曲陽地按在今定遠縣西北六十五里通鑑注則云梁北譙郡治陰陵城蓋後徙置今全椒界也【後齊改郡為臨潞後周又曰北譙】按陳紀太建七年五月分北譙縣置北譙郡領陽平所屬北譙西譙二縣太建十一年十二月北譙等九郡並自拔還京師據此則陳復為北譙郡又有西譙縣志亦失書【開皇初郡廢改縣為滁水】寰宇記謂隋初為滁縣【大業初改名焉有銅官山】寰宇記在清流縣北三里又云銅井山在全椒縣西七十里有銅井紀要謂銅井一名銅官【九鬮山】一名陰陵山元和志在全椒縣南九十餘里昔項羽兵敗欲東渡烏江塗經此山與漢兵一日九鬮因名寰宇記今山石磨刀礪鏃之迹尚存

按有豐樂縣紀要梁置屬北譙郡

【六合】今縣治秦棠邑縣地

【舊曰尉氏】漢舊縣名晉末僑立於此宋志屬秦郡齊屬北徐州新昌郡【置秦郡】宋志晉永興元年分臨淮立棠邑郡晉安帝改秦郡齊志永明元年罷按梁紀大同六年秦郡獻白鹿一則梁復置此郡陳紀太建七年三月以秦

郡屬譙州即志之南譙州五月還隸南兗州【後齊置秦州】通鑑陳太建五年齊人於秦郡置秦州按陳書太建五年吳明徹克秦州水柵而吳明徹傳作秦郡降還屬南兗州是陳又廢秦州也又北齊書文宣紀天保六年十一月梁秦州刺史徐嗣徽以州內附是地未入齊之先已有秦州又梁書徐文盛傳太清二年世祖以為秦州刺史授以東討之略又杜尉傳齊將郭元建攻秦州刺史嚴超達於秦郡則秦州實置於梁末又侯景傳太清三年六月景以儀同郭元建為北道行臺鎮新秦大寶元年七月景以秦郡為西兗州據此則秦州為梁置侯景又改西兗州北齊仍為秦州也【後周改州曰方州】按陳書高祖紀太建十年八月乙丑朔改秦郡為義州十月戊寅罷義州志失書【改郡曰六合】寰宇記因山為名【開皇初郡廢四年改尉氏曰六合】補梁志引六合志梁天監元年置六合縣屬秦州與志不合【省棠邑】按漢棠邑縣在今六合縣北宋志揚州下江左省入高陽此殆齊後復置【方山】紀勝方山隋朝六宅會居之黃龍池鳳凰橋王子石並在方山謂之方山府疑周改方州時置縣【二縣入焉大業初州廢】舊唐志謂隋嘗改方州為兗州據隋書崔仲方傳上取陳之策在開皇六年尚作方州【又後齊置瓦梁郡】陳紀太建五年五月己巳齊瓦梁城降毛本誤作石梁【陳廢有瓜步山】通鑑地理通釋引元和志山在縣東南二十里臨大江輿地廣記後魏太武南伐

起行宮於瓜步諸軍同日皆臨江即此宋鮑昭瓜步山揭文云瓜步山者亦江中之渺小山徒以因迥為高據絕作雄而凌清瞰遠擅奇含秀是居勢使之然也【六合山】寰宇記山在縣西北七十五里開皇三年於此置六合鎮九年晉王平陳於此臨江觀渡兵馬元和志六合山在六合縣東北八十里桃葉山在西南七十五里隋開皇三年於此山置六合鎮然則寰宇記誤以桃葉山為六合山與

按有昌國縣在今江寧府境齊志屬齊郡梁書羊鯤傳封昌國縣公

【永福】今天長縣西北紀勝引圖經云本漢廣陵縣之石梁

【舊曰沛】宋置屬南沛郡【梁置涇城】按涇城上脫涇州及三字寰宇記引郡國志梁於石梁置涇州梁紀承聖三年秦州刺史嚴超達自秦郡圍涇州北齊書段韶傳會梁將嚴超達等軍逼涇州通鑑元帝承聖二年注引五代志

正作梁置涇州領涇城東陽二郡又北史潘樂傳梁涇州舊在石梁侯景改為淮州北齊書作州樂獲其地仍立涇州此梁置涇州之確證也

【東陽】此因秦縣為名按故縣在今天長縣西北七十里東晉後廢【二郡陳廢州】上文不言置州此不得云廢州故知必脫也陳書世祖紀太建五年六月豫章內史程文季克涇州城【併二郡為沛郡】按宋齊志先有南沛郡陳去南字陳紀太建十一年十二月南北兗三州及盱眙等九州並自拔還京師中有沛郡【後

周改沛郡爲石梁郡改沛縣曰石梁縣省橫山縣入焉【紀要橫山城今天長縣南三十里梁縣【開皇初郡廢大業初改縣曰永福】新唐書宰相世系表裴世節隋時封永福縣公【有香山永福山】

【句容】今縣治漢縣

【有茅山】今縣東南四十五里方輿勝覽云漢時有三茅君各乘一鶴來此故名秦始皇聞民間先有謠曰神仙得者茅初成駕龍上昇入太清時下三洲戲赤城繼世而往在我盈於是尋仙之意後有茅盈茅固茅衷即三茅君也九域志云卽三十六洞天之第八洞【浮山】紀勝烈山在江寧城西七十里傍烈湖臨江中流晁無咎詩云山如浮土一峯立江似海門千頃開我欲此中成小隱莫教山脚有船來疑卽浮山【四平山】陶弘景真誥曰大茅山西南有四平山俗曰方山

【延陵】今丹徒縣治按晉延陵縣在今丹陽縣南三十五里寰宇記隋移治丹徒一統志謂故延陵廢於南齊末考梁書武紀有延陵縣華陽遷主載車則齊未廢也

【舊置南徐州】宋志晉咸和四年僑置徐州宋永初二年加徐州曰南徐元嘉八年更以江北爲南兖州江南爲南徐州治京口【南東海郡】宋志南東海郡晉元帝初割吳郡海虞縣之北境爲東海郡永和中移郡治京口齊因之梁書安成王秀傳是時東昏弟督熙王寶嵩爲南徐州刺史鎮京口長史范岫行府州事遣使

降高祖以秀爲南東海太守鎮京口【梁改曰

蘭陵郡】梁紀天監元年改南東海爲蘭陵郡

土斷南徐州諸僑郡縣按梁書張縉傳仍遷北

中郎長史南蘭陵太守褚球傳孔休源傳皆作

南蘭陵則梁紀並此志皆脫南字按宋志有東

海郡又有南蘭陵郡齊志無南蘭陵郡蓋併入

南琅邪郡故梁又改立也【陳又改爲東海】

陳紀永定二年八月改南徐州所領南蘭陵郡

復爲東海郡【開皇九年州郡並廢又廢丹徒

縣入焉】今丹徒縣東南十八里秦縣宋志吳

嘉禾三年改武進晉太康三年復故【十五年

置潤州大業初州廢】寰宇記隋平陳廢南徐

州爲延陵鎮移於京口爲延陵縣屬蔣州開皇

十五年罷延陵鎮以蔣州之延陵永年常州之

曲阿三縣置潤州於鎮城取縣東潤浦爲名大

業三年廢爲江都郡之延陵縣【有句驪山】

今丹徒縣西南七十里一曰高驪山寰宇記梁

武輿駕東行記云南次高驪山傳云昔高驪國

女來東海神乘船致酒醴聘之女不肯海神撥

船覆酒流入曲阿河故曲阿酒美也【黃鶴山】

一名黃鶴山今丹徒縣西南三里寰宇記宋武

帝潛龍時每息此山有黃鶴飛舞因名【蒜山】

字當作蒜今丹徒縣西三里元和志山臨江絕

壁晉安帝時海賊孫恩率衆十萬鼓噪登山宋

武帝衆無一旅橫擊大破之山多澤蒜因以爲

名紀勝或謂諸葛亮與周瑜議拒曹操於此故

號算山然晉宋以來詩篇多曰蒜山惟陸龜蒙

三十里

【曲阿】今丹陽縣治漢志故雲陽元和志秦時

望氣者云有王氣故鑿之以敗其勢截其直道

使之阿曲故曰曲阿宋志吳嘉禾三年復曰雲

陽晉太康二年復改曲阿梁書武紀大通三年

六月癸丑立昭明太子子曲阿公督爲岳陽郡

王

【有武進縣】今武進縣西北七十里宋志晉

太康二年分丹徒曲阿立【梁改爲蘭陵開皇

九年併入】元和志寰宇記俱謂梁武帝改武

進爲蘭陵元和志又云梁以蘭陵入晉陵按宋

志南蘭陵郡有蘭陵縣齊志南琅邪郡亦有之

在今武進縣西北九十里與武進相距不遠當

是梁時省武進入蘭陵因移蘭陵治武進非梁

始有蘭陵縣也

按曲阿縣地隋末嘗置金山縣新唐志隋末土

人保聚因爲金山縣隋亡沈法興又置琅邪縣

李子通以琅邪置茅州以金山隸之

【鍾離郡】

【後齊曰西楚州】宋志明帝失淮北僑立徐

州治鍾離元和志宋後廢帝改北徐州地形志

蕭衍置北徐州武定七年改楚州治鍾離城又

地形志別有西楚州亦蕭衍置治楚城此志載

入汝南郡城陽縣云東魏置西楚州後齊曰永

州又地形志有東楚州此志載於下邳郡云梁

東徐州東魏改東楚州是東魏時三楚州並立

此但爲楚州下邳爲東楚州城陽爲西楚州至

以與東楚州對也元和志濠州下亦云高齊文宣帝為西楚州【開皇二年改曰濠州】元和志開皇三年改濠州因水為名濠字中間誤去水唐元和三年又加水則此濠當作濠舊唐志作濠元和志大業三年改濠州為鍾離郡

【統縣四戶三萬五千一十五】

【鍾離】今鳳陽縣東少北二十里漢縣後漢為國宋志晉太康二年復置鍾離縣未詳前此所省元和志晉安帝時因東郡燕縣流人入鍾離者於此置燕縣至高齊復為鍾離縣

【舊置郡】宋志晉安帝分立漢晉有鍾離縣即此地據此則晉末廢鍾離縣為郡也梁書武紀天監五年十一月魏寇鍾離遣右衛將軍曹景宗率衆赴援紀要太清三年蕭正表以鍾離降魏【開皇初郡廢大業中復置郡】

按梁有淮陵郡今盱眙縣北八十五里通鑑武帝天監二年冬十月魏元英分兵寇東關大峴淮陵九山注宋志南徐州領淮陵郡是時既置徐州於鍾離又置淮陵於鍾離界

【定遠】今縣東南

【舊曰東城】漢縣宋廢宋山陽郡之東城非此地【梁改曰】當作置【定遠】寰宇記梁天監三年土人祭豐據東城自魏歸武帝嘉之改曰豐城又改為定遠縣據此似梁初有東城縣元和志云定遠梁天監初置不言改東城為定遠知祭豐所據者故東城地也【置臨濠郡】寰宇記梁置臨濠郡於廢東城在定遠縣東又云梁武帝改東城為豐城立定遠郡按梁紀大

同六年九月移安州置定遠郡授北徐州都督定遠郡改屬安州元和志亦云梁定遠縣屬定遠郡蓋先為臨濠郡後改定遠郡又改屬安州志不言略也【後齊改曰廣安】元和志改為大安郡【開皇初郡廢】元和志仁壽元年廢郡改定遠縣為臨濠與此異又寰宇記大業十一年賊帥孟讓燒劫縣廢【又有舊九江郡】按九江漢郡後漢移治陰陵在今定遠縣西北六十五里據晉志晉武帝已改為淮南郡宋齊志及地形志並無此郡紀要引此志作梁置九江郡意以梁復置也【後齊廢為曲陽縣】按曲陽漢國後漢為西曲陽縣晉後廢在今壽州東北紀要謂後齊曲陽即此城也【縣尋廢又有梁置安州】見上【侯景亂廢】按北齊書潘樂傳討侯景克安州

按有樂平縣在今鳳陽府東少北二十里之東南六十里宋縣梁書元願達傳封樂平縣公又梁有館陶縣梁招縣高平縣地形志襄邑武定七年改蕭衍館陶下邳梁招高平四縣置又梁有西沛郡寰宇記定遠縣下云梁普通三年於閭城中置西沛郡至大寶二年廢

又梁有魯郡地形志蕭衍置一統志魯城在鳳陽縣西魯山之東

【化明】今盱眙縣西五十里

【故】當作舊以歸一律【曰睢陵】宋志高平郡下泰始五年僑置睢陵縣元和志宋孝武自淮北徙睢陵縣改為池南縣然宋志無池南縣地形志濟陽郡有睢陽蓋改睢陵為睢陽也

【置濟陰郡】宋志漢景帝立屬兗州流寓徐士因割地為境寰宇記宋泰始三年分徐州東界置地形志楚州下有濟陽郡又高平郡白水武定七年改蕭衍濟陰郡置蓋魏置濟陽郡而廢濟陰郡【後齊改縣曰池南陳復曰睢陵】元和志陳為招義縣【後周改為昭義開皇初郡廢】寰宇記後齊河清二年水溢淹倒緣淮州郡多徙濟陰郡遂廢與志異【大業初縣改名焉】元和志大業元年改化明屬豫州寰宇記隋開皇二年以光德太子名昭故改先後不同輿地廣記隋末縣民馬簿盜據號化南

【塗山】今懷遠縣東南

【舊曰當塗】漢國後漢縣寰宇記引輿地志三國時荒廢按宋志晉太康元年復立晉成帝世僑立於江南又馬頭郡下云故當塗縣地晉安帝立是晉成帝後之當塗不在此地此地乃晉以後之馬頭郡也【後齊改曰馬頭】當是改馬頭郡為縣按晉僑置馬頭郡寰宇記馬頭城在鍾離縣西一百一十七里梁大通元年刺史劉公茂移居新城此城遂廢梁書昌義之傳天監五年魏元英乘勢追躡攻沒馬頭郡武紀普通五年十一月景寅魏馬頭安城並來降陳紀太建五年九月克齊馬頭城【置郡曰荆山】今懷遠縣北三里紀要梁天監十四年魏人以梁堰淮水命楊大眼鎮荆山築城置戍於此後齊置荆山郡治焉北齊書斛律金傳子羨武平元年進爵荆山郡王【開皇初改縣曰塗山廢郡有當塗山】今懷遠縣東南八里即禹會諸

侯之所寰宇記引太康地志塗山古常塗國夏禹所娶也紀要今山南有禹墟及禹會村

【淮南郡】漢淮南國御覽引壽春記曰三國時江淮爲戰爭之地其間數百里無復人居平吳其民乃還本土復立爲淮南郡

【舊曰豫州】晉咸和四年立治無恆所自割義慶鎮壽春常爲州治本漢魏揚州刺史治所也【後魏曰揚州】地形志晉亂置豫州劉裕

蕭道成並同之魏景明中改揚州【梁曰南豫州】梁紀普通七年十一月克壽陽城以壽陽

置豫州太清元年七月以壽春爲南豫州以侯景內屬移豫州於懸瓠故以此爲南豫按宋志

永初二年已置南豫州而非此地【東魏曰揚州】寰宇記太清二年侯景中軍都督復以壽陽降魏北齊書文宣紀武定七年梁南豫州刺史皇甫慎以州內屬地形志揚州武定中復魏

書李順傳蕭寶卷豫州刺史裴叔業以壽春歸附詔煥率衆迎接入城撫慰仍行揚州事通鑑

陳天嘉二年齊以王琳爲揚州刺史鎮壽陽則齊仍曰揚州案北齊書于此置行臺盧潛傳以潛爲揚州道行臺尙書是也【陳又曰豫州】

陳紀太建五年十月詔曰梁末得懸瓠以壽陽爲南豫州今者克復可還爲豫州【後周曰揚州】周書宣帝紀大象二年章孝寬拔壽陽【開

皇九年曰壽州置總管府】按周紀大象二年隋文帝爲揚州總管則周書置揚州總管府隋紀開皇十一年三月以幽州總管周搖爲壽州總管【大業元年府廢】按隋書置淮南道行

臺省隋紀開皇八年十月置淮南道行臺省於壽春以晉王廣爲尙書令九年三月廢

【統縣四戶三萬四千二百七十八】【壽春】今壽州治漢縣通典東晉以鄭皇后諱改壽春爲壽陽按宋志睢陽大明六年改名壽

春八年復曰睢陽蓋宋初改壽陽爲睢陽也地形志有壽春無睢陽則魏已復漢舊名寰宇記

隋復置誤梁書武紀普通七年十一月辛巳夏侯亶等衆軍尅壽陽城

【舊有淮南】晉志秦置九江郡漢以爲淮南國漢武帝置九江郡晉武帝改爲淮南郡宋志

晉太元中僑立南梁郡於淮南宋大明六年廢南梁郡改名淮南八年復曰南梁按寰宇記引

輿地志梁武克壽春置豫州立梁南梁西汝陰武安四郡於城中置淮南州城也則梁時縣境

第有梁南梁西汝陰武安四郡無淮南郡地形志淮南郡治壽春而以梁郡徙治崇義蓋魏復

置淮南也【梁郡】南齊志豫州梁郡注云永元元年地志南梁郡領睢陽新汲陳崇崇義五

縣蓋南齊改南梁爲梁郡梁又分爲梁南梁二郡也【北譙】地形志永平元年置寰宇記引輿地志梁克壽陽後立北譙郡於故曲陽城北譙蒙城二縣屬焉【汝陰】按宋齊志有西汝陰郡非此地梁始置西汝陰郡於此見上輿地志【等郡開皇初並廢并廢蒙縣入焉】今壽州南二百里寰宇記自晉永嘉過江温嶠立淮北之鄉用牧流人【大業初置淮南】各本南上脫淮字今據宋本補【郡有八公山】今壽

州東北五里寰宇記一名肥陵山昔淮南王與八公登山理金於此白日昇天餘藥在器雞犬舐之皆仙其石皆現人馬之跡其山以八公爲名水經淮水注八公山上有老子廟【門溪】按有崇義縣在今壽州東南三里寰宇記引宋略云太初元年遷金墉人於壽陽號爲崇義縣一統志北齊廢

【安豐】今壽州西南六十里漢縣在今固始縣東宋縣在今霍邱縣西南一百三十里寰宇記

梁天監元年置於霍邱城東北大同元年改置安豐州在霍邱縣南四十里射鵠村並徙舊

安豐郡於此北齊天保七年廢州爲縣遂於無期村置安豐縣開皇三年移就芍陂下梁書武

紀天監十年五月癸酉安豐縣獲一角元龜按宋志南豫州有弋陽之安豐縣又有安豐郡縣

齊志豫州有安豐郡縣地形志霍州揚州俱有安豐郡縣今考宋志弋陽郡安豐下云舊郡晉

安帝併爲縣安豐郡下云晉安帝省爲縣宋末復立郡其安豐縣下云卽兩漢縣是宋只一安

豐縣未立安豐郡以前屬弋陽旣立安豐郡以後屬安豐而宋志遂兩載之齊志只一安豐縣屬安豐郡由此推之地形志之安豐先屬揚州後沒於梁武定中復有其地轉屬霍州因兩存之非有二也然則南北諸志郡縣之同名者非必兩縣並立蓋得失不常遂前後復書此讀諸地志者所當知也南末壽陽郡之安豐則在今九江府德化縣地

【梁置陳留】寰宇記在安豐縣東北五里晉

義熙十二年劉義奏置則是晉置而梁因之也
 寰宇記領浚儀小黃雍邱三縣【安豐】宋志
 魏文帝分盧江立梁始移置於縣境見上【二
 郡開皇初並廢有芍陂】寰宇記在縣東一百
 步淮南子云楚相作期思之陂灌雲婁之野輿
 地志期思即此意林孫叔敖作期思陂而荆之
 土田膽水經注灑水東北逕白芍亭東積而為
 湖謂之芍陂周百二十里在壽春縣南八十里
 陂有五門吐納川流西北為香門陂水北逕孫
 叔敖祠下謂之芍陂梁書裴邃傳普通四年冬
 始修芍陂
 按有浚儀縣在今壽州西南舊僑置寰宇記在
 安豐縣東北二百五十步芍陂塘下隋開皇三
 年廢
 又有小黃縣今潁州府亳州治舊僑置寰宇記
 在安豐縣西北三十里隋開皇三年廢
 又有雍邱縣今壽州南五十里舊僑置寰宇記
 在安豐縣南六十里隋開皇三年廢
 【霍丘】今縣治御覽引十道志霍丘本漢松滋
 縣也
 【梁置安豐郡】見上蓋梁時未有霍丘縣而郡
 實置於霍丘地故追敘之非別一安豐郡【東
 魏廢】蓋言徙也【開皇十九年置縣名焉】
 寰宇記梁置霍丘戌天監四年便將軍呂僧珍
 北伐克虜霍丘城是也隋開皇中改為縣
 按梁有臨水縣寰宇記梁普通七年於陽泉古
 城內立決口縣大通三年改為臨水縣紀要決
 口戌在霍丘縣西

又有松滋縣在今霍丘縣東十五里晉置寰宇
 記開皇三年廢
 【長平】當在今鳳陽府境按漢宋並有長平縣
 皆即此地地形志揚州北陳郡有長平縣當即
 此也
 【梁置北陳郡】地形志合州揚州之北陳郡
 即此或梁置而魏因之隋書樊于蓋傳後齊時
 為東汝北陳二郡太守地形志無東汝郡而淮
 南郡有汝縣在霍邱縣西或齊時以汝縣為東
 汝郡又與北陳相近為雙頭郡與【開皇初廢】
 隋書劉方傳陳永貴文帝時封北陳郡公【又
 併西華縣入】漢縣在今河南西華縣南齊志
 南豫州廬江郡及地形志合州北陳郡揚州潁
 川郡之西華皆疑即此也
 【弋陽郡】
 【梁置光州】地形志蕭衍置治光城元和志
 梁末於光城縣置光州魏紀天平三年梁光州
 刺史郝樹以城內附按亦稱南光州隋書爾朱
 敬傳從周武帝東征除南光州刺史
 【統縣六戶四萬一千四百三十三】
 【光山】今縣治
 【舊置光城郡】宋志光城左郡大明中分弋陽
 所立八年省後復立地形志光州有南北二光
 城郡皆即此【開皇初郡廢十八年置縣焉】寰
 宇記光山縣一名弋山縣按宋嘗於此置光城
 縣即志樂安下所云開皇廢入之光城也【大
 業初置光陽郡】光陽弋陽通稱下山名可見
 【又有舊黃川郡梁廢】地形志光州有黃川

郡寰宇記作黃州云在光山縣南四十里相傳
 即古黃國別城宋昇明中置郡州帶黃水因名
 黃州梁天監元年廢水經注柴水屈曲流百一
 十里同黃川水入淮
 按梁有朔州地形志南朔州蕭衍置魏因之治
 齊坂城考異云此州未審所在領梁新蔡邊城
 義陽新城黃川六郡考隋志光川縣有舊黃川
 郡蓋即朔州所領之黃川矣梁無北朔州此南
 字魏所加余按陳書吳明徹傳太建五年詔都
 督豫合建光朔北徐六州諸軍事即此朔州也
 陳宣帝紀太建六年正月赦江右淮北諸州郡
 中亦有朔州
 【樂安】今光山縣西五十里宋縣
 【梁置宋安郡】按宋志武帝立宋安縣明帝
 立為郡後省地形志光州有宋安郡及宋安縣
 蓋梁復置而魏因之【及宋安】見上【光城】
 宋置【二縣又有豐安郡】一統志後魏置永
 安郡治新城縣北齊改曰豐安【開皇三年並
 廢入焉有弋陽山】即浮光山志兩載之誤【浮
 光山】今光山縣北八十里水經淮水注浮光
 即弋陽山也出名玉及黑石堪為碁子其山俯
 映長淮每有光輝寰宇記一名浮陽山在光山
 縣西北八里紀要一名濮山相傳舊有濮公者
 隱於此【金山】水經淮水注谷河水南出鮮
 金山蓋即此明一統志金山在信陽縣南五十
 里連環二十餘里通鑑魏辛祥夜襲梁將胡武
 成於金山【錫山】
 按有茹田縣在今光山縣南六十里宋志元嘉

二十五年置寰宇記開皇三年省入樂安

【定城】今光州治

【後齊置南郢州】地形志南郢州蕭衍置魏因之治赤石關按梁淮南諸州郡因侯景陷臺城地入於魏皆在武定六七年間齊旋受禪故志以為後齊也【後廢入】下云開皇初廢郢州則此時不得云廢此三字當為及字之誤【南北

二弋陽縣】南弋陽今光州西北弋陽今光州地按弋陽漢國後漢改縣地形志光州有南北二弋陽蓋東魏分弋陽置也而寰宇記引輿地志云高齊改平輿縣為南弋陽【後又省北弋

陽入南弋陽改為定遠焉】寰宇記引輿地志云後齊天保元年改南弋陽縣為定城輿地廣記亦作定城則志定遠實為定城之誤紀要謂後齊為定遠隋改定城非其實也又寰宇記引

十三州志定城置在古黃子國南十二里【又後魏置弋陽郡】宋志弋陽郡魏文帝分汝南立按地形志東豫州南定州光州俱有弋陽郡或謂皆即此寰宇記定城下梁普通八年自後魏徙弋陽郡於此考地形志東豫州弋陽郡下

孝昌三年陷即梁普通八年【及有梁東新蔡縣後周改為淮南郡又後齊置齊安新蔡二郡及廢舊義州】地形志義州蕭衍置武定七年

內屬梁武紀普通四年六月分霍州置義州按梁之義州領義城郡此志於下殷城縣云梁置義城郡則此為梁之義州無疑而此志於靳春羅田縣下云梁置義城郡遂於此不云梁置不知梁之義州實置於今光州之境故梁書裴邃

傳有深入魏境圍義州之文互詳靳春郡羅田縣及荊州永安郡黃岡縣下【立東光城郡開皇初五郡及郢州並廢】

【殷城】今商城縣西

【舊曰包信】宋志西苞信僑立齊志北新蔡郡作苞信苞古通用【開皇初改名焉】元和志開皇四年改寰宇記以與豫州苞信重名改為殷城取古殷城為名至煬帝又立義州於此通典梁以項城為殷城與志異【梁置義城郡】詳後羅田縣下【及建州】地形志南建州蕭衍置治高平城即此錢氏考異云梁時本稱建州南字東魏所加以別於高都之建州也通鑑大寶元年尋陽王大心戰敗戰士勸大心走保建州即此【并所領平高】今商城縣東地形志南建州有此郡作高平蓋梁置而魏因之【新蔡】今固始縣東地形志南建州亦有此郡【新城】今光州地地形志南朔州有此郡蓋亦因梁之舊【三郡開皇初並廢有太蘇山】寰宇記太作大云山在固始縣東四十里陶弘景山圖云霍山及牛山出藥草其山東南角有伏石似牛復與霍山相接水經決水注灌水導源金蘭縣西北東陵鄉大蘇山【南松山】

【固始】今縣治

【梁曰蓼縣】漢縣在今固始縣東北七十里東晉徙廢地形志東新蔡郡固始下云孝昌中陷武定七年復蓋入梁為蓼縣入魏仍為固始地形志不言改梁蓼縣為固始略也【後齊改名焉】當在魏末見上【置北建州尋廢州置

新蔡郡】寰宇記梁末廢州為新蔡郡領固始一縣按宋志南豫州有新蔡郡然則梁蓋因宋舊後齊又因梁舊也【後周改置滄州】寰宇記以水名隋書宇文弼傳周時除滄州刺史通典作漕誤【開皇初州郡並廢入又改縣為固始】此句衍文上已云後齊改名此何得復云改【有安陽山】各本誤作郡今據宋本訂寰宇記安陽山在固始縣東六十里山頂與霍縣分界紀要一名大山勢甚高聳有白龍池在其上

【期思】今商城縣東

【陳置邊城郡】宋志有邊城左郡齊志有邊城郡在今六安州西一百九十八里與今商城相接地形志揚州有邊城郡治期思縣則即此邊城郡然則邊城郡初置於宋而徙於魏非陳始置也此志所載於荊州永安郡黃岡縣下之邊城郡亦即此郡寰宇記云梁書天監四年於期思城置期思州【開皇初郡廢改縣名焉】寰宇記開皇三年郡廢為期思縣大業十三年狂賊方獻伯攻破縣因此遂廢【有後齊光化郡亦廢入焉有大別山】山在今霍丘縣西南八十里漢志在安豐縣西南以為即禹貢之大別水經注大別山俗謂之檀公峴巴水出焉一名巴山又名下靈山決水亦出於此又名分水山紀勝大別山一名安陽山以漢安豐縣在山東北陽泉縣在山西北也

【靳春郡】吳志魏使盧江謝寄為靳春郡典農呂蒙襲破之又賀齊傳初晉宗為滯口將以衆

第一五九頁

叛如魏還爲斬春太守詔齊督麋芳鮮于丹等襲斬春生虜宗吳復置斬春郡則郡初置於三國時也

【後齊置羅州】按羅爲雍誤通典北齊置雍州寰宇記梁侯景之亂高齊盡有淮南之地因置雍州輿地廣記亦作雍州【後周改曰斬州】元和志高齊立齊昌郡陳改曰江州周改爲斬州而寰宇記云隋初曰斬州【開皇初置總管府】隋書王世積傳隋初授斬州總管【九年府廢】紀勝煬帝廢州爲斬春郡隋書史祥傳平陳後拜斬州總管考平陳在開皇九年正月則廢府在祥去任之後

【統縣五戶三萬四千六百九十】
【斬春】今斬州西北
【舊曰斬陽】本漢斬春縣晉書孝武以宣太后諱改曰斬陽斬水志今縣東四十里有斬陽坪即故縣治【梁改曰斬水】此五字衍文見下斬水【後齊改曰齊昌置齊昌郡】按南齊志豫州已有齊昌郡齊昌縣地形志北江州亦有之一統志故城在今斬州西北元和志第云北齊於此立齊昌郡而不言改縣爲齊昌通鑑注齊昌當在木蘭縣界按陳書宣帝紀太建五年四月南齊昌太守黃詠克齊昌外城八月罷南齊昌郡十月克齊昌城此志無南齊昌之名而陳紀有南齊昌又有齊昌則當時實有二郡志遺其一後來地志乃以在今斬州西北者指爲齊志地形志之齊昌余謂通鑑注所云在木蘭縣界者因梁魏之齊昌屬北江州以此志載

北江州于木蘭則知邵陵王綸所屯又置齊州者當亦在木蘭此則爲南齊昌以木蘭在北故此加南陳書所云先罷南齊昌而後克齊昌者於情事頗合互詳荊州永安郡木蘭縣後【開皇十八年改爲斬春開皇初郡廢】當作開皇初郡廢十八年改縣爲斬春大業初置斬春郡【有安山】
【浞水】今斬水縣西四十里宋志浞水元嘉二十五年立齊志作浞水左縣元和志謂北齊改爲蘭溪鎮是縣已廢於齊而隋復置與名勝志蘭溪乃宋之浞水縣也
【舊置永安郡】齊志寧蠻府有永安郡領東安樂新安西安樂勞泉四縣地形志湖州有永安郡領新城一縣按魏湖州治大活關齊寧蠻府皆在今黃陂境則此永安郡爲魏齊所置無疑至隋始移治黃岡縣志既載于木蘭下此爲複出【開皇初郡廢有石鼓山】
【斬水】今縣東三十里
【舊曰斬春梁改名焉】按漢斬春已改於晉以後並無置斬春縣事不應有一斬春爲梁所改且上云梁改斬陽爲斬水此又云梁改斬春爲斬水以今斬州斬水計之相距只百里不應有兩斬水縣考宋志斬水與浞水同置南齊志俱爲左縣意梁時只此斬水上改斬陽爲斬水五字爲衍文此八字更爲駁文紀要遷就其詞謂梁初曰斬春後復曰斬水亦爲此志所誤【有鼓吹山】山在今斬州東百五十里一名鼓角山寰宇記天欲雨必聞鼓角之聲按斬水在斬

州之西此山復在斬州之東則志當著於上斬春縣下而何以錄於此考隋斬水在今斬水縣東三十里斬春在今斬州西北是兩縣一北一南相去甚近而斬水所轄可以東至鼓吹山則斬春舊壤實在其境內故以斬春隸此縣耶然謂梁改斬春爲斬水實無典據【有斬水】今斬州北三十里水經斬水出江夏斬春縣北山南至斬口南入於江元和志斬水西南經斬春縣三里源出東北大浮山一名斬山

【黃梅】今縣西北
【舊曰永興】南齊縣【開皇初改曰新蔡】元和志開皇九年置新蔡縣晉志孝武置新蔡郡又于漢九江王黥布舊城置南新蔡郡宋齊志江州並有南新蔡郡在今黃梅縣西陳書華皎傳天嘉三年詔督尋陽太原高唐南北新蔡五郡諸軍事尋陽太守陳書太建五年四月司馬湛隨克新蔡城以地望準之當在此蓋謂新蔡郡也則梁陳時尙有此二郡志當云舊曰未與置新蔡郡開皇初廢郡改縣曰新蔡【十八年改名焉】元和志仁壽元年改爲黃梅縣縣城晉驃騎將軍郭默所築【有黃梅山】今縣西十里寰宇記縣有黃梅水出黃梅山南流入威湖紀要山多黃梅

【羅田】今縣東六十里志不言何代置地志諸書多謂梁置以志例凡不言置縣之始者即是與州郡同置故也
【梁置義州義城郡開皇初並廢】按此誤也梁書武紀普通四年六月乙丑分霍州置義州

又裴邃傳普通二年義州刺史文僧明以州叛入於魏邃深入魏境從邊城道出其不意破魏義州刺史于檀公峴遂圍義州城按水經注決水出廬江零婁縣大別山俗謂之檀公峴則梁之義州當去零婁縣不遠若在羅田境何以云深入魏境乎志於弋陽郡定城縣下有廢舊義州又於殷城縣云梁置義城郡蓋即此義州義城郡也與史傳亦合今迺復載於此遂似梁時有兩義州兩義城郡而又相去不甚遠大謬互詳豫州弋陽郡定城下及荊州永安郡黃岡下

【廬江郡】

【梁置南豫州】按初為豫州梁書韋叡傳天監四年遷豫州於合肥裴邃傳普通二年遷豫州刺史鎮合肥紀要自晉熙遷豫州治合肥後改南豫州梁紀普通七年十一月改合肥為南豫州通鑑梁武帝大通元年魏揚州刺史李憲以壽陽降復以壽陽為豫州改合肥為南豫州是也又按魏紀孝昌二年十一月揚州刺史李憲以壽陽降梁正當梁之普通七年十一月通鑑作大通元年誤【又改為合州】通典梁置南荊河州尋改為合州為重鎮梁紀太清元年七月改合肥為合州而元和志云太清二年改通鑑亦云太清二年以鄱陽王範為合州刺史鎮合肥地理通釋亦云太清二年改合州【開皇初改為廬州】按帝紀開皇元年以韓擒虎為廬州總管又薛胄傳高祖受禪檢校廬州總管事則隋置廬州總管府寰宇記煬帝初州廢為廬江郡

【統縣七戶四萬一千六百三十二】

【合肥】今縣治漢縣

【梁曰汝陰置汝陰郡】宋志南汝陰郡江左立汝陰縣所治即二漢晉合肥縣後省齊志亦有南汝陰郡汝陰縣蓋因之【後齊分置北陳郡】地形志合州揚州霍州并有此郡當以屬揚州者為近即合州之北陳郡也齊蓋改北梁為北陳以魏北梁有北陳縣知之至合州之北陳治西華在鳳陽霍州之北陳治陽夏在河南紀勝云南齊志有北陳郡或置於南齊而後人誤以為高齊按南齊之北陳在今河南陳州府境非此地而南齊有北陳郡領北蒙北陳二縣即魏之合州北梁郡也當即北齊之北陳郡【開皇初郡廢縣改名焉】

按通鑑宋齊梁三朝多書合肥縣而不書汝陰又陳太建五年北齊黃法氈以合肥來降則陳亦稱合肥據此則古人史法亦有書前代地名者

【廬江】今縣治按齊志舒縣建元二年為廬江郡治寰宇記梁武帝置廬江縣隋義寧二年移於石梁東南

【齊置廬江郡】見上按廬江本漢郡梁書裴邃傳天監初為廬江太守【梁置湘州】通典作相輿地廣記作湖按湘州是也陳書世祖紀天嘉三年以華皎為南湘州刺史以此有湘州故彼加南字【後齊州廢開皇初郡廢有治甫山】今縣東北二十里寰宇記謂左傳桓公十三年楚使莫敖伐羅楚師大敗莫敖縊於荒谷羣帥

因於治父即此地也今考桓二年杜注楚國今南郡江陵北紀南城也十二年注羅國在宜城縣西山中後徙南郡枝江縣是在今荊州襄陽地楚師無緣至此紀要云相傳歐冶子鑄劍處峯巖峻峭林櫟深密盤互凡數十里【上薄山三公山】寰宇記在縣東南一百五十六里出有三峯相去一里俗傳頭皆東向似有瞻顧江東宣城郡界有九子峯俗云是三公子【聖山藍家山】寰宇記廬江縣下載有藍家山

【襄安】今巢縣治本秦居巢縣地東晉後廢

【梁曰蕲】宋志南譙太守晉孝武太元中於淮南僑立郡縣東晉後廢有蕲令南齊北魏南譙郡均有蕲縣而水經注澗水又東南逕蕲縣故城南是道元時已廢故志以為梁復置陳宣帝紀太建五年五月進克蕲城【開皇初改焉有龜山紫微山亞父山】寰宇記在巢縣東十里漢居巢人范增楚王立為亞父死於山傍故名【半陽山】今巢縣東北十五里寰宇記山下有泉半冷半熱因名【白石山】今無為州西北四十里紀要高崖白石有泉出焉又有龍湫雖旱不涸水經沔水注柵水又東會白石山水發白石山【四鼎山】寰宇記即白狗山人得道處又魏伯陽以犬試丹處

【慎】今合肥縣東北七十里漢縣在今穎上縣西北四十里宋僑置於此

【東魏置平梁郡】地形志無平梁郡慎縣屬合州南梁郡合州下云蕭衍置魏因之即東魏武定間事也旋即為後齊知東魏無置平梁事若

以平梁為南梁之誤則又非東魏始置此之訛誤殊不可解通鑑注南梁郡自宋志有之不知其實土所在 案宋南梁在今壽州 梁天監二年馮道根以南梁太守戍陵蓋自是為實土【陳曰梁郡】按陳紀太建七年五月以合州之南梁郡隸入譙州又陳紀太建十一年十二月南梁等九郡並自拔還京師據此則陳仍曰南梁

【開皇初郡廢有浮閣山】今合肥縣東八十里寰宇記亦名浮槎山紀勝亦作浮槎云俗傳自海上浮來梁公主視髮於此山

【霍山】今縣治

【梁置霍州】地形志蕭衍置梁紀天監六年十二月分豫州置霍州寰宇記梁天監四年于潯縣改置霍州兼築別城又云天監二年置按梁書臨川王宏傳天監四年高祖詔北伐以宏為都督南北兗北徐青冀豫同霍八州北討軍事則霍州不始於天監六年寰宇記之說不為無據水經注梁立霍州治潯縣天柱山【及岳安郡岳安縣】地形志霍州有岳安郡無岳安縣【後齊州廢】寰宇記周大象元年廢州按陳書宣帝紀太建五年十二月克齊霍州城十一年十一月霍州陷於周考陳太建十一年當周大象元年齊已先二年亡則當依寰宇記作周廢州【開皇初郡廢縣改名焉】

【淖水】今霍山縣東北

【梁置北沛郡及新蔡縣】地形志新蔡為北沛郡治蓋因梁之舊【開皇初郡廢又廢新蔡縣入焉】志意似以淖水為梁置據地形志則

當云改新蔡為淖水【有墜星山】

【開化】今霍山縣北

【梁置】宋志開化元嘉二十五年以豫部蠻民立寰宇記大業十三年廢【有衡山】今霍山縣南五里寰宇記霍山一名衡山一名天柱山爾雅霍山為南岳注云即天柱也漢武以衡山遼遠皆以霍山為南岳故祭其神於此隋開皇九年以江南衡山為南岳而廢霍山為名山

【九公山】寰宇記山在六安縣西北三十五里有九石柱似人形因號為九公山【踢鼓山】紀勝響山在舒城縣南二十五里相傳過其下者常聞山中有聲如鼓是以得名其地與今霍山縣相接未知即此山否水經泚水注有踢鼓川【天山多智山】今舒城縣西南百二十里寰宇記三角山一名多智山以其水清潤飲之使人聰明博敏紀要峯有三角高百里許

【同安郡】

【梁置豫州後改曰晉州】通典梁置荊河州後改曰晉州寰宇記晉熙郡梁置南豫州後改為晉州紀要梁初豫州治此後改為西豫州通鑑武帝太清二年十月鄱陽王遣西豫州刺史裴之高將兵入援諸說不同按梁書鄱陽王恢傳世子範引軍至潁城以晉熙為晉州遣子嗣為刺史晉州之置實在太清大寶間又羊鯤傳平峽中除西晉州刺史破郭元建於東關遷東晉州刺史按梁有縉州在晉州之東或以彼為東晉州因此為西晉州歟【後齊改曰江州】北齊紀天保六年四月克梁晉熙城以為江州

【陳又曰晉州】按陳紀太建五年八月克晉州城又太建八年十一月分江州晉熙高唐新蔡三郡為晉州【開皇初曰熙州】隋紀開皇二十年三月熙州人李英林反寰宇記煬帝三年廢州為同安郡

【統縣五戶二萬一千七百六十六】

【懷寧】今潛山縣治寰宇記本漢皖縣晉永嘉亂後廢晉安帝改置懷寧縣按故皖城在縣西北

【舊置晉熙郡】宋志晉安帝分廬江立梁書侯景傳任約盧暉略攻晉熙郡殺鄱陽世子嗣錢氏考異謂陳書魯悉達梁元帝授北江州刺史當在晉熙郡按梁北江州在木蘭縣通鑑注可證錢氏說誤【開皇初郡廢大業三年置同安郡】

【宿松】今縣治

【梁置高塘郡】南史梁武紀大同八年三月於江州新蔡高塘立頌平屯墾作蠻田按陳書宣帝紀太建五年五月北高唐郡城降此志無北高唐之名未審置於何所【開皇初郡廢改縣曰高塘】紀要謂晉末僑置松滋縣隋改為高塘今按惟漢松滋縣在今宿松縣北五十里晉宋齊北魏松滋在霍邱隋安得改松滋為高塘紀要誤又寰宇記晉平吳以荊州有松滋縣遂改為宿松縣尤誤按宿松之名不見於晉宋諸志是晉未置是縣審矣梁書新興王大莊傳大同九年封高塘縣公則知梁置高塘郡並置高塘縣志例凡郡縣並置者多書郡不書縣此

【統縣五戶二萬一千七百六十六】

【懷寧】今潛山縣治寰宇記本漢皖縣晉永嘉亂後廢晉安帝改置懷寧縣按故皖城在縣西北

【舊置晉熙郡】宋志晉安帝分廬江立梁書侯景傳任約盧暉略攻晉熙郡殺鄱陽世子嗣錢氏考異謂陳書魯悉達梁元帝授北江州刺史當在晉熙郡按梁北江州在木蘭縣通鑑注可證錢氏說誤【開皇初郡廢大業三年置同安郡】

【宿松】今縣治

【梁置高塘郡】南史梁武紀大同八年三月於江州新蔡高塘立頌平屯墾作蠻田按陳書宣帝紀太建五年五月北高唐郡城降此志無北高唐之名未審置於何所【開皇初郡廢改縣曰高塘】紀要謂晉末僑置松滋縣隋改為高塘今按惟漢松滋縣在今宿松縣北五十里晉宋齊北魏松滋在霍邱隋安得改松滋為高塘紀要誤又寰宇記晉平吳以荊州有松滋縣遂改為宿松縣尤誤按宿松之名不見於晉宋諸志是晉未置是縣審矣梁書新興王大莊傳大同九年封高塘縣公則知梁置高塘郡並置高塘縣志例凡郡縣並置者多書郡不書縣此

【統縣五戶二萬一千七百六十六】

【懷寧】今潛山縣治寰宇記本漢皖縣晉永嘉亂後廢晉安帝改置懷寧縣按故皖城在縣西北

【舊置晉熙郡】宋志晉安帝分廬江立梁書侯景傳任約盧暉略攻晉熙郡殺鄱陽世子嗣錢氏考異謂陳書魯悉達梁元帝授北江州刺史當在晉熙郡按梁北江州在木蘭縣通鑑注可證錢氏說誤【開皇初郡廢大業三年置同安郡】

【宿松】今縣治

【梁置高塘郡】南史梁武紀大同八年三月於江州新蔡高塘立頌平屯墾作蠻田按陳書宣帝紀太建五年五月北高唐郡城降此志無北高唐之名未審置於何所【開皇初郡廢改縣曰高塘】紀要謂晉末僑置松滋縣隋改為高塘今按惟漢松滋縣在今宿松縣北五十里晉宋齊北魏松滋在霍邱隋安得改松滋為高塘紀要誤又寰宇記晉平吳以荊州有松滋縣遂改為宿松縣尤誤按宿松之名不見於晉宋諸志是晉未置是縣審矣梁書新興王大莊傳大同九年封高塘縣公則知梁置高塘郡並置高塘縣志例凡郡縣並置者多書郡不書縣此

【統縣五戶二萬一千七百六十六】

其證也然謂開皇廢郡改縣曰高塘又似縣名先不為高塘而為宿松者【十八年又改名焉有雷水】寰宇記大雷池水自宿松縣界流入望江縣界東南積而為池謂之雷池又東入於江行百里為大雷口又有小雷口御覽引水經注雷水南迆大雷戍西注大江謂之大雷口一派東南流入江謂之小雷口也寰宇記引水經注敘雷水尤詳紀要三國時有雷池監孟宗嘗為雷池漁官是也宋鮑明遠登大雷岸與妹書即此

【太湖】今縣治宋志太湖左縣元嘉二十五年以豫部蠻民立後省太始二年復立齊仍為左縣按宋齊志太湖縣屬晉熙郡寰宇記齊建元二年行臺左丞盧潛更修太湖故城立為龍安郡以太湖東陳二縣屬焉陳太建五年廢郡

【開皇初改為晉熙十八年復改名焉】

按東陳縣寰宇記在太湖縣東四十里高齊建元二年行臺左丞盧潛置陳太建五年廢

【望江】今縣治紀勝引元和志本漢皖縣地晉安帝立新治縣寰宇記亦為大雷戍

【陳置大雷郡】陳書高祖紀永定二年八月西討衆軍至自大雷世祖紀永定三年十一月王琳寇大雷【開皇十一年改曰義鄉十八年改名焉】

【同安】今桐城縣治

【舊曰縱陽】漢縣在今桐城縣東南一百二十里後漢省輿地廣記梁復置紀勝云後漢志晉宋齊志並無縱陽而陶侃曾領縱陽縣令【并

置縱陽郡】寰宇記漢元封五年置縱陽縣梁

天監中改縣為縱陽郡通鑑梁太清三年七月郡陽王範沂流西上軍於縱陽陳書宣帝紀太建十年十二月合州廬江蠻田伯興出寇縱陽刺史魯廣達討平之【開皇初郡廢十八年縣改名焉】寰宇記同安故城在桐城縣郭東門外隋大業九年築十三年被賊李子通攻陷因廢此城【有浮度山】今桐城縣東九十里紀要山有三百五十巖七十二峯巖之最著者三十有六皆可居可游其中泉石參差種種奇勝西南有獨峯直上千仞大江環繞望之若浮寰宇記謂之符渡山符與浮音同也

按有陰女縣在今桐城縣東南一百八十里宋僑置屬晉熙郡寰宇記梁改屬縱陽郡隋開皇三年罷郡縣遂廢

【歷陽郡】

【後齊立和州】元和志齊以二國協和故謂之和州通鑑梁敬帝紹泰元年北齊文宣送貞陽侯淵明至歷陽與齊盟於江北而後濟江按陳書宣帝紀太建五年五月辛巳詔南豫州刺史黃法蕤徙鎮歷陽則陳嘗移南豫州於此

按有雍邱縣在今和州南九十里東晉僑置一統志梁廢有穀熟縣在今和州西北東晉僑置南東晉僑置寰宇記周大象元年拓定江淮併入歷陽有蒙縣寰宇記合山縣下云晉建元初立周天和元年併入歷陽【統縣二戶八千二百五十四】

【歷陽】今和州治漢縣

【舊置歷陽郡】宋志晉永興元年分淮南立梁武紀太清二年九月丁未侯景進攻歷陽太守莊鐵降之陳紀太建十一年十二月歷陽等九郡並自拔還京師【開皇初郡廢大業初復置郡】

【烏江】今和州東北寰宇記晉太康六年置縣【梁置江都郡】本宋臨江郡齊志建元二年罷後復置通鑑梁武帝太清三年侯景以前臨江太守董紹先為江北行臺則梁仍為臨江郡未改江都也輿地廣記作魏置江都郡亦誤【後齊改為齊江郡】通典舊唐志作密江【陳又為臨江郡】按陳書宣帝紀太建六年正月赦

江右淮北諸州郡士民罪無輕重悉皆原有南豫州之臨江郡【周改為同江郡】通典作烏江疑當從之舊唐志作問江恐誤【開皇初郡廢大業初置歷陽郡】此句衍文蓋既置歷陽郡於歷陽必不復置于烏江也寰宇記又謂隋為烏江郡【有六合山】今和州西北七十里紀勝一名方山郡國志梁武帝登此山以望六合因之名

【丹楊郡】

【自東晉已後置】各本有郡曰二字衍文今刪【楊州】宋志楊州後漢治歷陽魏晉治壽春晉平吳治建業則志作東晉稍誤【平陳】帝紀在開皇九年【詔并平蕩耕墾更於石頭城置蔣州】通鑑開皇九年陳國皆平詔建康城邑宮室並平蕩耕墾更於石頭城置蔣州

【統縣三戶二萬四千一百二十五】

【江寧】今縣治宋志晉太康元年立臨江縣二年更名寰宇記引輿地志晉永嘉中江外寧靜因置江寧縣又云元帝過江始置各異按晉縣在今縣西南七十里寰宇記開皇十年移治治城

【梁置丹陽郡】宋志丹陽郡漢治宛陵晉太康二年移治建業則非梁置【及南丹陽郡】

南史陳武紀梁太平二年封陳十郡有南豫州之南丹陽陳書周文育傳侯景平累遷南丹陽太守程靈洗傳梁紹泰元年除南丹陽太守仍鎮采石【陳省南丹陽郡】陳紀天嘉五年五月罷南丹陽郡【平陳又廢丹陽郡并以秣陵】

今江寧縣東南宋志其地本名金陵秦始皇改本治去京邑六十里今故治邨是也晉義熙九年移治京邑在鬪場元熙元年省楊州府禁防參軍縣移治其處梁紀天監七年四月辛未秣陵縣獲靈龜一【建康】今上元縣南三里晉志

孫氏改秣陵為建業武帝平吳以為秣陵太康三年分秣陵北為建鄴改業為鄴宋志晉愍帝即位避諱改建康寰宇記引金陵記云梁都之時城中二十八萬餘戶西至石頭城東至倪塘南至石子岡北過蔣山東南西北各四十里自

侯景亂及元帝都江陵冠蓋人物多南徙【同夏】今上元縣東十五里寰宇記引輿地志梁大通三年分建康之同夏里置六朝事績建康志作大同元年置【三縣入焉大業初置丹陽郡有蔣山】今上元縣北十五里方輿勝覽引

輿地志古曰金陵山縣名因此又名鍾山漢末秣陵尉蔣子文討賊死事於此吳大帝為立廟子文祖諱鍾因改曰蔣山元和志宋復名鍾山梁武帝於西麓置愛敬寺江表上已常遊於此為衆山之傑

按陳有義州又有建興郡陳紀太建十年八月改秦郡為義州十月罷義州及琅邪彭城二郡立建興鎮建安同夏烏山江乘臨沂湖熟等六縣屬揚州建安烏山無考江乘本漢縣在今句容縣北六十里湖熟亦漢縣在上元縣東南五十里臨沂本晉縣在今上元縣西北三十里寰宇記在臨沂山西北臨大江又寰宇記琅邪郡城本晉元帝初過江為琅邪國人立地在江乘縣界齊武帝永明六年移琅邪郡于白下置本名白石壘

【當塗】今縣治元和志晉成帝以江北當塗流入過江在于湖者僑立按故城在今南陵縣北今治隋所移徙

【舊置淮南郡】宋志晉成帝時於江南僑立淮南郡晉末割丹陽之于湖縣為境宋大明六年併入宣城郡八年復立淮南郡陳為王國陳書有淮南王叔彪【平陳廢郡并襄垣】今蕪湖縣西南宋志晉末僑立【于湖】各本于誤

平今據宋本訂在當塗縣南三十八里宋志晉太康二年分丹陽立元和志大業十年廢【樊昌】錢氏考異當作繁昌在今縣東北東晉僑立宋志繁昌割于湖為境齊志亦作繁【西鄉】宋齊志無當是梁陳所置【入焉有天門山】

各本門誤開今據宋本訂元和志博望山在縣西三十五里與和州對岸江西岸曰梁山兩山相望如門俗謂之天門山寰宇記天門山在縣西南三十里郡國志天門山亦曰峨眉山楚獲吳餘煌於此【楚山】今當塗縣東五里寰宇記白紵山本名楚山桓溫領妓遊山奏樂好為白紵歌因改名

【溧水】今縣治

【舊曰溧陽】今溧陽縣西北四十五里漢縣梁書杜龕傳封溧陽縣侯【開皇九年廢丹陽郡入】郡當作縣志於江寧縣下云平陳廢丹陽郡故知此為縣也按丹陽漢縣在今當塗縣東五十里梁書敬帝紀太平元年五月庚寅齊軍水步入丹陽縣【十八年改焉】元和志開皇十一年宇文述割溧陽之西丹陽之東置則是十一年分溧陽置溧水縣至十八年又廢溧陽入溧水【有赭山】今蕪湖縣東北五里紀勝引江南地志漢丹陽郡北有赭山丹亦以為郡名【廬山】今溧水縣東二十里寰宇記俗傳嚴子陵結廬於此或云山形似廬水因名紀勝作東廬山蓋對九江之廬山言也【楚山】當塗縣已載此山或界在二縣間然例不應復

【宣城郡】

【舊置南豫州】舊唐志宣城梁置南豫州寰宇記梁承聖元年復江南南豫州郡不廢歷梁陳之代亦為重鎮按梁初治壽春後徙宣城陳書後主紀禎明三年正月遣散騎常侍皋文奏將兵鎮南豫州辛未韓擒虎陷南豫州【平陳

改爲宣州。寰宇記取郡以爲名。煬帝初改州爲宣城郡。

【統縣六戶一萬九千九百七十九】

【宣城】今縣治漢縣

【舊曰宛陵】漢縣按漢晉宋齊志宛陵宣城並立此但云宛陵者當是隋平陳併宛陵於宣城

又以宣城治宛陵非必梁陳有廢宣城事也觀寰宇記有陳併懷安人宣城可見通鑑梁太清三年五月侯景遣儀同三司來亮入宛陵【置宣城郡】宋志晉太康元年分丹陽立元和志

漢順帝立紀勝云恐宣城雖置於順帝而旋廢於武帝時故後漢志晉志不載梁爲王國梁書

武紀中大通四年春正月庚午立嫡皇孫大器爲宣城郡王【平陳郡廢仍併懷安】今寧國

縣東南宋志吳立初屬丹陽郡旋屬故鄣郡晉屬宣城郡寰宇記云梁承聖中屬丹陽郡陳天

嘉五年廢人宣城縣今爲寧國界與志云隋廢者不合【寧國】今寧國縣南十三里水經注

晉太康元年分宛陵立元和志後漢末分宛陵南鄉置梁書南海王大臨傳大同二年封寧國

縣公寰宇記大業十四年復置寧國縣【當塗】今南陵縣北宋志晉成帝時僑立晉末分子湖

爲境【浚澗】漢縣今宣城縣北六十里宋志云晉成帝時僑立後分蕪湖爲境晉宋志作浚

道齊志仍作浚澗【四縣入焉大業初置郡有敬亭山】今縣北十里寰宇記引永初山川記

卽謝眺賽神賦詩之所紀勝山有萬松亭虎窺泉紀要一名昭亭山

【涇】今縣治漢縣通鑑陳天嘉元年高州刺史紀機據郡應王琳涇令賀當遷討平之又陳書山陽王叔宣傳隋大業中爲涇城令志無涇城縣名當卽指此

【平陳省安吳】今涇縣西南五十里宋志吳立水經注晉太康元年分宛陵立通鑑梁簡文帝大寶元年二月宣城內史楊白華進據安吳

【南陽】按宋齊志宣城郡并有廣陽無南陽水經注亦有廣陽當是隋避諱改則南陽卽廣

陽紀要云梁置恐臆度也【一縣入焉有蓋山】元和志在涇縣西南二百八十里下有舒姑泉

昔舒氏女化爲魚於此泉聞絃歌聲則有雙鯉湧出【陵陽山】今太平縣西六十里列仙傳

陵陽子明釣得白龍放之後五年龍來迎子明上丹陽陵陽山久得仙去山高一千餘丈按紀

要宣城城內亦有陵陽山水經河水注桐水出陵陽山下

【南陵】今繁昌縣西北一百二十里

【梁置】舊唐志梁置南陵縣治赭圻城寰宇記梁武置按赭圻城在今繁昌西南十里【并

置南陵郡】寰宇記南陵故城在貴池縣西南十二里舊置戍梁普通六年置南陵郡【陳置

北江州】陳書高祖紀永定二年有北江州刺史熊曇朗三年殺周文育舉兵反卽此州也若

魯悉達傳於梁元帝時所授北江州則在永安郡木蘭縣以曇朗反時悉達尙鎮北江州知之

至悉達後爲齊軍所逼濟江而歸授北江州刺史則當在此【平陳州郡并廢并所管石城】

今貴池縣漢縣元和志吳置誤寰宇記開皇九年廢入南陵【臨城】今青陽縣南五里宋志

吳立梁書武紀天監十年冬十二月癸酉山車見於臨城縣南郡王大連傳大同二年封臨城

縣公【定陵】今青陽縣東北東晉僑立宋志割蕪湖爲境【故治】宋齊志無此縣按寰宇

記銅陵縣下云本漢南陵縣齊梁之代爲梅根治以烹銅鐵地原管法門石埭兩場隋升法門

爲義安縣又廢入銅官治據此則治爲治誤以本有治縣因中間改爲義安又廢故志稱故治

與【南陵】卽梁所置縣寰宇記廢南陵縣在貴池縣西南八十里隋開皇十九年刺史楊榮

奏南陵五鄉偏遠乃遷在石埭置按元和志云隋開皇十九年置秋浦縣於石埭故城不應又

遷南陵縣於石埭然志云隋廢南陵入南陵則寰宇記隋遷縣之說又極合當是置於石埭縣

境非必石埭城也【五縣入焉】按有石埭縣卽今縣治寰宇記本吳石埭縣地

引輿地志梁大同二年置石埭縣因貴池有兩小石埭堰溪水遂以爲名陳滅廢

【秋浦】今貴池縣西

【舊曰石埭平陳廢】見上【開皇十九年置改名焉】元和志開皇十九年於石埭故城置

屬宣州寰宇記蓋以秋浦之水爲名紀勝宋之貴池卽隋之秋浦

按有南太原郡紀勝在貴池縣西九十里輿地志云梁大同年置隋開皇九年廢

【永世】今溧陽縣南十五里宋志吳分溧陽置

永平縣晉太康元年改

【平陳廢開皇十二年又置有靈光山】

【綏安】今廣德州治

【舊曰石封】輿地廣記梁分廣德置一統志梁紹泰元年析置【平陳改名焉】各本脫平

陳二字今據宋本訂紀勝平陳改名【梁末立大梁郡又改爲陳留】陳書陳詳傳割故鄆廣

德置廣梁郡錢氏考異云蓋在梁敬帝之世高祖紀

永定二年八月以廣梁郡爲陳留郡則郡爲陳所改然考南史陳武紀梁太平二年封陳十郡

有南豫州之陳留則陳留當爲梁郡按大梁即廣梁隋避諱改【平陳郡廢】紀要云陳廢【省

大德】即廣德今廣德州東宋志吳立水經注晉太康中立元和志仁壽三年屬湖州大業二

年移今理不言隋有併入綏安事南史徐度傳侯景平封廣德縣侯陳書后妃傳永定三年追

封景明爲廣德縣侯【故鄆】今安吉縣西北漢縣續漢志秦鄆郡所治【安吉】今安吉縣

西南續漢志注吳興記漢中平初分故鄆縣南置光和末張角亂此鄉守險助國漢嘉之故立

縣新唐志義寧二年沈法興復置縣【原鄉】今孝豐縣北續漢志中平二年分故鄆立南史

沈炯傳侯景平封原鄉侯【四縣入焉】

【毗陵郡】

【平陳置常州】元和志隋平陳於常熟縣置常州因縣爲名後割常熟縣屬蘇州移常州理於晉陵縣寰宇記煬帝初州廢爲毗陵郡

【統縣四戶一萬七千五百九十九】

【晉陵】今武進縣治漢爲毘陵縣宋志晉與郡俱改晉陵

【舊置晉陵郡】宋志晉太康二年立毗陵郡治丹徒後復置毗陵永嘉五年以東海王越世子名毗改爲晉陵又徙治丹徒義熙九年還晉

陵南史陳武紀梁太平元年十月戊辰以南徐之晉陵益封陳國【平陳郡廢大業初置郡有

橫山】今武進縣東北三十五里紀要引縣志云橫山岡阜相屬延袤二十餘里本名芳茂晉

右將軍曹橫葬此因改今名

【江陰】今縣治

【梁置】舊唐志梁分蘭陵縣置寰宇記梁敬帝太平二年分蘭陵置江陰縣元和志又謂開

皇九年罷江陰郡爲縣與志異【及置江陰郡】元和志梁敬帝置郡陳書高祖紀永定元年以

江陰郡奉梁主爲江陰王又陳書武帝紀武林侯子蕭季卿永定二年封江陰王奉梁敬帝後

又宣帝紀太建三年封蕭彝爲江陰王【平陳廢郡及利城】今江陰縣西五十里宋志江左

僑立齊志作利成【梁豐】今江陰縣西南紀要梁末置按縣命名之意梁置無疑【縣入焉

有毗陵山】

【無錫】今縣治漢縣宋志吳省晉太康元年復立寰宇記隋開皇九年廢縣入晉陵十三年復

舊大業三年改爲毗陵志蓋據開皇十三年後之籍著之

【有九龍山】今無錫縣西五里紀要慧山一名九龍山陸羽云山陽有九龍若龍偃臥然南

北延袤數十里亦名冠龍山吳地記古名華山一名西神山又名鬪龍山山之東麓出泉曰慧山泉陸羽品爲天下第二泉

【義興】今宜興縣南五里

【舊曰陽羨】漢縣至齊不改晉志無陽羨脫也元和志故城在荆溪南陳書蕭濟傳歷守關

陵陽羨臨津臨安等郡是陳管置陽羨郡【置義興郡】宋志晉永興元年立元和志晉惠帝

時妖賊石冰寇亂揚土縣人周玘創義討冰因割吳興之陽羨并長城縣之北鄉爲義興郡以

表玘功陳書世祖諸王傳陳道談梁紹泰二年追封義興郡公武帝紀梁敬帝太平元年封義

興郡公【平陳郡廢改縣名焉又廢義鄉】今宜興縣東南八十里宋志晉分長城陽羨二

縣立【國山】今宜興縣西南五十里宋志晉分陽羨立【臨澤】澤當作津今宜興縣西北

五十里宋志作臨津晉分陽羨立齊志亦作津陳書蕭濟守臨津郡是陳管置臨津郡【三縣

入焉有計山】今宜興縣東北二十五里寰宇記引郡國志山之西峯曰金鵝峯昔有金鵝飛

集此峯因名【洞庭山】在今宜興縣東北四十五里元和志太湖中有山名洞庭山紀勝洞

庭在吳縣西南一百二十里太湖中與社下山對峙周回四十里

【吳郡】

【陳置吳州】梁紀大清三年七月以吳郡爲吳州大寶元年二月省吳州陳後主紀禎明元年割吳郡置吳州【平陳改曰蘇州】舊唐志

取州西姑蘇山爲名隋紀開皇十年十一月蘇州人沈玄燿舉兵反【大業初復曰吳州】三年復改郡

【統縣五戶一萬八千三百七十七】

【吳】今縣治秦置

【舊置吳郡】漢志秦置會稽郡高帝六年爲

荆國十二年改吳國景帝四年復爲會稽郡元和志後漢永建四年割湖江以東爲會稽湖江以西爲吳郡陳爲王國陳書後主諸子傳陳蕃

禎明二年封吳郡王【平陳廢郡大業初復置有首山】首疑皆之誤寰宇記首山在吳縣西

四十里吳錄云吳王殺子胥投之於江吳人立祠於江上因名胥山【橫山】今吳縣西南二

十里紀要一名踞湖山以水臨太湖若箕踞也十道志山四面皆橫因名橫山圖經山臨湖控

越實爲要地【華山】寰宇記在吳縣西六十三里父老云山頂有池生千葉蓮華服之令人

羽化因曰華山長林森天荒楚蔽日【黃山】今吳縣西南十五里紀要引志云在胥塘之北

羣山高下相連俗稱筆格山舊有黃亭澗長數里深闊數丈明一統志隋末王世充破劉元進

坑其衆於黃亭澗卽此【姑蘇山】今吳縣西三十里淮南子亦謂姑餘寰宇記一名姑胥越絕

書闔閭起姑蘇臺三年聚材五年乃成高見三百里太史公云嘗登姑蘇之臺以望五湖【太湖】今吳縣西南三十里寰宇記周圍三萬六

千頃爾雅謂吳越之間有具區注云吳縣南太湖卽震澤也按太湖中五湖有莫湖游湖胥湖

員湖是謂五湖一云周五百里曰五湖

按有嘉興縣在嘉興縣南宋志秦由拳縣吳改爲禾興又改嘉興陳書高祖紀梁太平二年正月追封高祖祖母許吳郡嘉興縣君舊唐志隋廢一統志廢入吳縣

【崑山】今崑山縣治

【梁置】寰宇記云梁大同初分信義縣置崑山縣因縣有崑山故名輿地廣記陸機陸雲生於此故名其山曰崑山按志文各本作昆唐以下志並作崑【平陳廢開皇十八年復】

【常熟】今縣治元和志梁大同六年置寰宇記今崑山縣東一百三十里常熟故縣是也舊唐志隋治南沙城

【舊曰南沙】今常熟縣西北五十里宋志晉咸康七年立【梁置信義郡】陳書武紀梁太平二年以南徐州之信義益封陳國此梁置信義郡之證紀要云天監六年置陳書後主諸子

傳陳祇至德元年立爲信義王按陳書世祖紀天嘉四年十二月詔信威將軍益州刺史余孝頃督會稽東陽臨海永嘉諸軍以討陳寶應據

陳寶應傳余孝頃時領信義太守益州別無所見則非於此置益州也通鑑載此事注謂陳命

余孝頃遙領蜀之益州刺史或然與【平陳廢并所領海陽】今常熟縣北南齊志晉陵郡有

海陽縣【前京】今松江府東南八十五里紀勝稱舊經云前京城以近京浦因名梁天監七

年築紀要梁析婁縣地置縣按陳初割屬海寧郡見志餘杭郡鹽官縣後【信義】今崑山縣

西二十里寰宇記梁天監六年分婁縣置【海

虞】今常熟縣東宋志晉太康四年分吳縣之虞鄉立【興國】今常熟縣東一統志梁置【南沙入焉有虞山】今常熟縣治西北城之西北

隅環其上越絕書虞山巫咸所居紀勝作海虞山紀要一名烏山相傳虞仲葬此因曰虞山名

山記山長十八里周四十里高百六十丈

【烏程】今縣治紀勝稱吳興志引郡國志楚春申君立菰城縣吳土地記秦始皇二十六年改爲烏程縣漢至隋不改

【舊置吳興郡】紀勝引吳興記吳景帝封孫皓爲烏程侯及卽位改葬父和於此遂立吳興郡歷晉宋齊不改元和志梁紹泰初改吳興郡

爲震州蓋取震澤爲名陳初罷州復爲吳興郡按梁紀太平元年二月罷震州還復吳興郡則

州實罷於梁之末年陳書高祖紀梁紹泰元年震州刺史杜龕據吳興舉兵反【平陳郡廢并

東遷縣入焉】今烏程縣東宋志東遷晉太康三年分烏程立宋元徽四年更名東順昇明元

年復舊南史周文育傳封東遷縣侯【仁壽中置湖州】元和志在仁壽二年舊唐志取州東

太湖爲名【大業初州廢有雉山】寰宇記在長興縣北五里山墟名云以形類雉梁陳故事

云梁武時有童謠曰鳥山出天子江表以鳥名山者悉鑿陳書高祖紀長興雉山人也

【長城】今長興縣東宋志晉太康三年分烏程立長城縣

【平陳廢】陳書武紀梁大寶元年封長城縣

侯按寰宇記開皇九年封陳後主為長城縣公以陳高祖即長城人也【仁壽二年復】寰宇記晉初置縣富陵村咸康元年徙箸溪北今之重光即故地隋大業十一年徙於夫栗王故城新唐志大業末沈法興置長州【有卞山】今湖州府北十八里寰宇記卞山郡國志以為卞和採玉之處非也周處風土記云當作冠弁之弁徐陵孝義寺碑云高卞蒼蒼遙聞人語按宋書蕭惠明為吳興太守郡界有卞山則作卞由來已久紀要云山有石似玉因名

【會稽郡】

【梁置東揚州】宋志孝建元年分揚州置東揚州永光元年省梁蓋復置梁紀普通五年三月分揚州江州置東揚州【陳初省】梁紀太平元年三月罷東揚州還復會稽郡【尋復】陳紀天嘉三年六月以會稽東陽臨海永嘉新安新寧晉安建安八郡置東揚州【平陳改曰吳州】蓋因改吳郡之吳州為蘇州故以此為吳州通典謂隋平陳改東揚州為越州置總管府當是據大業所再改為說然誤也置越州時總管府已廢【置總管府】隋紀開皇十二年九月以工部尚書楊異為吳州總管【大業初府廢置越州】元和志大業元年置越州寰宇記以地名之尋廢為會稽郡

【統縣四戶二萬二百七十一】

【會稽】今縣治元和志隋改山陰為會稽

【舊置會稽郡】通鑑秦始皇二十五年王翦定江南地降百越之君置會稽郡宋志會稽郡

治吳漢順帝分會稽為吳郡移治山陰陳為王國陳書後主諸子傳陳莊後主至德四年封會稽王【平陳郡廢又廢山陰】今山陰縣治寰宇記本秦舊縣置在會稽山北龜山西隋未廢併入會稽隋書周法尚傳陳時封山陰縣侯儒林傳蕭詠文帝受禪封山陰縣公【永興】今蕭山縣西宋志漢餘暨縣吳改永興元和志謂吳大帝改餘暨為蕭山誤梁書陳慶之傳以功封永興縣侯陳書留異傳梁紹泰二年封永興縣侯【上虞】今上虞縣西北漢縣元和志故城西枕上虞江【始寧】今上虞縣西南五十里宋志後漢永建四年分上虞南鄉立【四縣入大業初置郡有稷山】今會稽縣東五十里越絕書句踐濟戎臺也寰宇記穢山一名稷山越王種菜於此【重山】重當作種寰宇記種山在山陰縣北三里餘吳越春秋云大夫種所葬處隋開皇十一年越國公楊素築為州城水經漸江水注種山大夫文種之所葬也山上有白樓亭【會稽山】今會稽縣東南十二里吳越春秋山本名苗山禹更名會稽山海經會稽之山四方上多金玉下多磬石左傳哀元年吳入越越子以甲楯五千保於會稽即此

【句章】今鄞縣南漢縣至隋不改

【平陳併餘姚】今餘姚縣治漢縣梁書武紀天監七年四月戊寅餘姚縣獲古銅劍【鄞】今奉化縣東五十里漢縣梁書武紀天監七年十一月辛巳鄞縣言甘露降【鄞】今鄞縣東漢縣【三縣入有太白山】今鄞縣東六十里

紀勝其峯視諸山為最高其上有龍池雲氣霧勃生於水而不絕【方山】

【鄞】漢志作刻續漢志晉志作鄞宋齊志作刻今嵎縣治元和志漢縣故城在西南一十二里吳賀高為令移理今所陳書錢道戡傳天嘉元年領刻令鎮於縣之南巖按賀高紀勝引作賀齊寰宇記亦作齊是也吳志有賀齊傳

【有桐柏山】今嵎縣東七十二里寰宇記稱靈寶經云上有桐柏含生下有丹池赤水紀要亦名金庭山道家以為第二十七洞天高萬五千丈周四十里天臺華頂之東門也裴通曰鄞中山水金庭洞天為最

【諸暨】今縣治元和志秦舊縣漢屬會稽郡至隋不改

【有泄溪】今諸暨縣西五十里有五泄山紀要泄亦作洩山中有泉沿歷迴繞分為五潭即五泄也水經漸江水注浦陽江東逕諸暨與洩溪合圖經山泉沿歷五級下注溪壑土人謂瀑布為泄也【大農湖】各本大誤太今據宋本訂紀要三湖在諸暨縣城中近郭長山以西諸溪澗及浣江之水自城南溢入城中瀦為上下三湖自城北出為白水河流入三里復東合於浣江或曰即古大農湖也

【餘杭郡】

【平陳置杭州】寰宇記隋平陳割吳郡之鹽官吳興之餘杭合錢塘綏安四縣置杭州在餘杭縣蓋因縣以立州名十年移州居錢塘城十一年復移州於柳浦西依山築城即今郡是也

【仁壽中置總管府大業初廢】

【統縣六戶一萬五千三百八十】

【錢唐】今縣西秦縣後漢省隋以前地志俱作

唐唐以後作塘

【舊置錢唐郡】陳紀禎明二年十一月割錢

唐縣爲郡屬吳州又後主諸子傳陳恬禎明二

年立爲錢唐王按梁書侯景傳太清三年十一

月宋子仙攻錢唐戴僧易降景以錢唐爲臨江

郡陳書蕭濟傳世祖初歷臨安郡守則知侯景

傳臨江爲臨安之誤又駱牙傳吳與臨安人爲

臨安令則并有臨安縣【平陳郡廢并所領新

城縣入】今新城縣治宋志吳立後并桐廬晉

咸和元年復立【大業三年置餘杭郡有粟山】

寰宇記在錢塘縣西十七里輿地志山下有飛

泉二里有吳大帝刻石【石甌山】寰宇記引

郡國志石甌山一名天姥山有危石如甌三石

支在下一人搖之甌動千人搖之亦不落【臨

平湖】今海寧州地元和志在鹽官縣西五十

七里漑田三百餘頃寰宇記在臨平山南水經

注浙江東合臨平湖

【富陽】今縣治宋志漢舊縣本曰富春孫權黃

武四年以爲東安郡七年省晉考武以鄭太后

諱春改曰富陽梁書侯景傳太清三年十一月

景以富陽爲富春郡一統志陳廢郡陳書孫瑒

傳梁時封富陽侯

【有石頭山】今富陽縣治東寰宇記山有觀濤

所紀要觀山孤峯高聳橫截大江三國時吳建

道觀於山上因名亦曰鶴山亦曰石頭山【雞

籠山】今富陽縣東九里紀勝赤松山一名雞

籠山赤松子駕鶴嘗停此其形孤圓秀翠羣山

環拱望之如華蓋故又名華蓋山

【餘杭】今縣治續漢志引顧夷曰秦始皇至會

稽經此立爲縣自漢至隋不改

【有由拳山】今餘杭縣南二十六里寰宇記

本餘杭山一名大辟山吳興記云晉隱士郭文

舉所居傍有由拳村出藤紙又紀要稱志云三

國吳有暨猷者自由拳來隱此故名【金鵝山】

紀勝引郡國志上古防風氏嘗居此山即古鄭

瞞國也

【於潛】今於潛縣治元和志本漢舊縣舊晉字

無水至隋加水今按漢志作潛餘俱作潛潛潛

古今字

【有天目山】今於潛縣北四十五里元和志山

有兩峯峯頂各一池左右相對名曰天目水經

漸江水注天目山極高峻崖嶺竦疊西臨浚澗

山上有霜木皆是數百年樹謂之翔鳳林【石

鏡山】今臨安縣南寰宇記引永初山川記臨

安縣有石鏡在山之東峯郡國志徑二尺七寸

其光照如鏡之照物分毫不差【有桐溪】水

經漸江水注桐谿水出於潛縣北天目山東南

與紫谿合又東北入浙江

【鹽官】今海寧州治按漢志海鹽縣下故武原

鄉有鹽官尚未置縣也宋志乃謂鹽官漢舊縣

以吳記吳改海昌郡尉爲鹽官縣爲非豈兩漢

志不足據耶

按有海鹽縣武原郡即今縣治漢縣晉移置於

此梁書侯景傳太清三年六月景分吳郡海鹽

縣置武原郡一統志陳廢仍屬吳郡永定初屬

海寧郡元和志隋開皇九年廢一統志云省入

鹽官紀勝又引武原志作陳廢

又有海寧郡陳書高祖紀永定二年十二月割

吳郡鹽官海鹽前京三縣置海寧郡屬揚州考

此志常熟縣下云梁置信義郡平陳廢并所領

海陽前京信義海虞與國南沙入焉似梁時前

京屬信義郡不屬吳郡

又梁有胥浦縣一統志引松江府志大通六年

大通止二年六字誤 析海鹽東北境置地接胥浦

因名梁書侯景傳太清三年六月景分吳胥浦

屬武原郡

【武康】今縣治

【平陳廢】宋志吳分烏程餘杭立永安縣晉

太康元年改武康南史庾肩吾傳梁承聖中封

武康縣侯新唐書楊瑒傳楊緡陳時封武康縣

公【仁壽二年復】新唐志李子通置安州又

曰武州【有封嵎山】封山今武康縣東十八

里封山東南二里爲嵎山寰宇記封山者以其

禁樵採漁獵也紀勝引輿地志嵎山禹十二代

孫帝禹所居也家語仲尼曰汪芒氏之君守封

嵎之山即此【青山】寰宇記在長興縣西北

二十六里山有石竇通洞庭【白鶴山】紀勝

在烏程縣西北三十六里吳興記云昔烏程人

姚珍化爲白鶴游此山因名隋志武康縣下有

白鶴山據此則王象之所見隋志作白鶴山

【新安郡】舊新安郡在雒山隋移此

【平陳置欽州】元和志在開皇十二年紀勝引元和志作九年寰宇記以漢舊縣為名

【統縣三戶六千一百六十四】

【休寧】今縣治

【舊曰海寧】宋志孫權分欽置休陽縣晉太康元年更名海寧按寰宇記引吳圖中有吳避孫休之諱改休陽為海陽一事宋志略之又按梁置新寧郡元和志欽州或隸新安郡或立新寧郡南史陳武帝紀梁太平二年封陳武十郡有揚州之新安新寧則梁有此二郡審矣一統志云梁承聖二年置新寧郡治海寧陳廢按陳紀天嘉三年以八郡置東揚州尙有新寧【開皇十八年改名焉】元和志開皇九年改名屬婺州十二年屬欽州【大業初置郡】

按梁有黎陽縣在今休寧縣東南紀要吳置宋省梁承聖中復置屬新寧郡

【欽】今縣治秦置一統志梁末屬新寧郡

【平陳廢十一年復】

按梁有梁安縣本欽縣地元和志梁大通元年置梁安縣寰宇記同紀勝引方輿志云本欽之華陽鎮梁大同元年置為梁安縣唐武德中廢按此志無梁安縣或誤脫或方輿志誤一統志云陳廢未知其審

【黟】今縣治寰宇記秦縣元和志在黟川因以為名按兩漢志及唐志作黟說文作黟漢書韋昭音義黟音伊或從幼一統志梁末屬新寧郡

【平陳廢】元和志省入休寧【十一年復】

元和志屬宣州十二年隸欽州

【東陽郡】宋志本會稽西部都尉吳寶鼎元年立東陽郡齊志因之梁改金華旋復

【平陳置婺州】元和志陳武帝置縉州隋開皇九年置婺州蓋取其地於天文為婺女之分

野寰宇記陳永定三年置縉州隋開皇十三年置婺州煬帝初廢州為東陽郡按陳書高祖紀永定三年詔曰吳州縉州去歲蝗旱通鑑梁元帝承聖二年王僧辯至姑熟遣婺州刺史侯瑱築壘東關以待齊師注東陽郡梁置婺州又陳書留異傳梁紹泰二年除縉州刺史領東陽太守至陳文帝時授都督縉州諸軍事安南將軍縉州刺史據此則婺州之名不始於隋縉州之名亦不始於陳也蓋梁置婺州旋改縉州隋仍還梁之初名耳

【統縣四戶一萬九千八百五】

【金華】今縣治

【舊曰長山】宋志後漢初平二年分烏傷立

【置金華郡】寰宇記梁武置金華郡於此通典梁陳置金華郡按陳書沈君理傳父巡梁太清中為東陽太守則梁太清中已復金華為東陽矣又陳書武紀梁大寶二年十一月元帝承制授高祖東揚州刺史都督東陽等五郡是梁末仍為東陽郡陳芳積沿革表亦謂梁大同六年改東陽為金華尋廢又考陳後主子有東陽王怪可證陳時仍為東陽郡也【平陳郡廢】寰宇記隋開皇九年省東陽郡而不言省金華郡益見金華郡之仍為東陽郡【又廢建德】

今縣治宋志吳分富春立元和志大業末改為鎮【太末】今龍游縣治漢縣按漢志及宋志

作大漢志孟康注大音如關續漢志晉志齊志作太【豐安】今浦江縣西南宋志後漢興平

二年孫氏分諸暨立梁書武紀天監二年六月

詔以豐安縣水潦遣使周履【三縣入改為吳

寧縣】在今東陽縣東南宋志吳寧後漢興平

二年孫氏分諸暨立南史岑之敬傳父善行梁

世官吳寧令則梁時尙有此縣志當云廢三縣

入吳寧方合【十二年改曰東陽十八年改名

焉】元和志縣境長山一名金華故取名焉【大

業初置東陽郡有長山】今金華縣北十里即

金華山元和志赤松子得道處出龍鬚草寰宇

記引輿地志金華山連互三百餘里【龍山】

按龍下脫丘字今龍游縣東四十里有龍丘山

續漢志太末縣下引東陽記龍丘山有九石特

秀林表色丹白遠望盡如蓮花龍丘葺隱居於

此因以為名其峯際復有巖穴外如窗牖中有

石林巖前有一桃樹其實甚甘非山中自有莫

知誰植寰宇記引略同【樓山】明一統志石

樓山在義烏縣東二十八里一名樓山四面孤

絕兩山相峙遠望如浮屠狀西巖層級高下類

重樓復閣蓋絕勝之地也【丘山】考方志金

華所屬無丘山蓋即龍丘山傳寫者誤脫遂兩

分之【有赤松澗】寰宇記赤松子遊金華山

以火自燒而化故山上有赤松子之祠澗自山

而出故曰赤松澗

按有龍丘縣元和志晉改太末為龍丘因縣東

龍丘山爲名隋末廢貞觀八年又置舊唐志亦云晉置龍丘縣至隋廢然宋齊志仍曰太末無龍丘縣未詳也

【永康】今縣治宋志吳赤烏八年分烏傷上浦立元和志隋廢寰宇記云隋平陳廢之按志凡平陳廢者卽不立縣名而載入注中此當是隋末因亂始廢也酷吏傳開皇十七年擊突厥有永康公李藥王則隋初未廢審矣

【烏傷】今義烏縣治元和志秦縣至隋不改

【有香山】續漢志引越絕曰有常山古聖所采藥高且神常卽此山也【歌山】今東陽縣東南七十里寰宇記稱郡國志山下水通臨海昔有人乘船從下望見女子於山下汲水登峯而歌姿態端美船人疑視之神怒因墜三大石塞水源遂不通舟山側有石步廟臨流虛構可容百人

【信安】今西安縣地宋志信安後漢初平三年分太末立曰新安晉太康元年改梁書武紀天監二年六月詔以信安縣水潦遣使周履又宗懷傳世祖卽位封信安縣侯隋書陳稜傳煬帝賜爵信安侯

【有江山】今江山縣南五十里寰宇記引郡國志作江郎山有三峯峯上各有巨石高數十丈昔有江家居山下兄弟三人神化於此故有三石峯【悲思嶺有定陽溪】今衢州府東十五里紀要一名東溪源出遂昌縣周公嶺入府境東北流至雞鳴山下合於衢江昔人於此橫溪築堰分派導流迤邐而北灌田五萬六千餘頃

【永嘉郡】宋志晉明帝太寧元年分臨海立元和志梁陳因之

【開皇九年置處州】元和志同【十二年改曰括州】元和志大業三年改爲永嘉郡

【統縣四戶一萬五百四十二】

【括倉】今麗水縣治

【平陳置縣】元和志本後漢松陽縣地隋平陳分松陽縣之東鄉立括蒼縣取山爲名倉作蒼【大業初置永嘉郡】元和志大業三年【有縉雲山】今處州府縉雲縣東二十三里元和志黃帝煉丹於此寰宇記引郡國志縉雲山有瀑布日照如晴虹風吹如細雨【括倉山】今縉雲縣東南百里唐六典江南道名山也紀要亦曰蒼嶺亦曰天鼻山寰宇記山在台州西四十里神仙傳王方平居崑崙往來羅浮括倉山相連石壁上有刊字蝌蚪形高不可識春日樵者聞鼓吹簫箏之聲聒耳元嘉中遣名手畫寫狀如團扇卽此山

【永嘉】今縣治

【舊曰永寧】宋志漢順帝永建四年分章安東甌鄉立或曰永和三年立南史祖皓傳來嶷與皓舉義邵陵王承制封永寧縣侯【置永嘉郡】

宋志晉明帝太寧元年分臨海立陳書武紀梁大寶二年十一月元帝承制授高祖東揚州刺史都督永嘉等五郡諸軍事南史忠壯世子方傳世子莊梁元帝封爲永嘉郡王陳書後主諸子傳陳彥後主至德元年封永嘉郡王【平陳郡廢縣改名焉】元和志謂晉立永嘉縣誤【有

芙蓉山】今温州府樂清縣東六十里寰宇記西南三峯有石聳立森然如芙蓉赤紅相映因名

按寰宇記瑞安晉安固縣梁屬東嘉州補梁志謂梁置東嘉州治永寧舊唐志安固隋廢一統志省入永嘉

按有橫陽縣今温州府平陽縣治晉置元和志隋平陳廢入安固

按有樂成縣卽今樂清縣治晉置元和志隋廢【松陽】今縣西二十里宋志吳立南史顧野王傳時有蕭濟預平侯景功封松陽縣侯陳書毛喜傳有松陽令周礪元和志開皇九年廢十三年復置

【臨海】今縣治

【舊曰章安】今臨海縣東南一百十五里續漢志故治閩中地光武更名按有寧海縣晉置元和志開皇九年廢入章安在今臨海縣境【置臨海郡】宋志吳孫亮太平二年立寰宇記臨海郡梁又爲赤城郡紀勝梁武帝改臨海郡爲赤城郡尋廢爲臨海縣按梁書傳昭傳天監十七年出爲臨海太守陳書武紀梁大寶二年十一月元帝承制授高祖東揚州刺史都督臨海等五郡諸軍事南史陳武紀梁太平元年十月以揚州之臨海益封陳國則改赤城在天監後至梁末仍改爲臨海陳書廢帝紀光大二年宣帝以太后詔廢帝封臨海王又后妃傳廢帝子至澤太建元年襲封臨海嗣王則陳仍爲臨海郡【平陳郡廢縣改名焉】按宋志臨海吳分

章安立紀勝隋開皇九年徙縣於舊始豐縣置十一年於大固山置臨海鎮尋移縣於鎮所據此則知志所謂改名者乃省章安入臨海也紀勝引赤城新志大業四年沈法興竊據其地擅立海州【有赤山】今臨海縣東南百三十里紀勝絕頂有古塔塔之下有石函盛小銅塔銅塔之內有銀壺盛舍利俗傳梁主晉所施【天台山】今天台縣北三里唐六典江南道名山也寰宇記天台山超然秀出有八重視之如一帆紀勝亦名桐柏山

按陳有章安郡紀勝陳以章安縣置章安郡紀要亦云章安陳爲章安郡治志失書

又按有樂安縣今仙居縣西東晉置縣元和志

隋開皇九年廢一統志廢入臨海

又按有始豐縣即今天台縣治吳置曰始平晉改梁書武紀天監五年夏四月始豐縣獲八目龜一舊唐志隋末廢紀勝隋併入臨海

【建安郡】

【陳置閩州】按陳書陳寶應傳武帝受禪授閩州刺史紀勝永定元年置州【仍廢】陳書世祖紀天嘉四年正月周迪棄城走閩州刺史陳寶應納之則是時尙有此州蓋廢於五年滅寶應之後【後又置豐州】陳紀大光二年四月割東揚州晉安郡爲豐州陳書南康愍王曇朗傳陳末有豐州刺史鄭萬頃【平陳改曰泉州】元和志因泉山爲名隋書文帝開皇十年十一月泉州王國慶等自稱大都督攻陷郡縣【大業初改曰閩州】元和志大業二年改閩

州三年廢州爲建安郡

【統縣四戶一萬二千四百二十】

【閩】今縣東北

【舊曰東侯官】後漢曰東侯官晉以下曰侯官陳書陳寶應傳晉安侯官人也梁紹泰元年封侯官縣侯則梁陳仍曰侯官紀要謂梁改原豐曰東侯官并晉宋侯官入恐是意定【置晉安郡】宋志晉武帝太康三年分建安立元和志晉安郡南朝以封子弟爲王國梁書簡文帝紀天監五年封晉安王入爲皇太子敬帝紀承聖中封晉安立爲帝陳書世祖九王傳文帝子伯恭天嘉六年封晉安王【平陳郡廢縣改曰原豐】宋志原豐晉太康三年立齊志有然則併侯官入原豐也一統志陳初廢故城在今閩縣境【十二年改曰閩】寰宇記謂閩爲漢縣誤按宋志本閩越地秦立爲閩中郡漢爲治縣地【大業初置建安郡】紀勝隋末羣盜割據改建安郡爲泉州【有岱山飛山】今閩縣北十五里寰宇記越王句踐時一夜從會稽飛來按有溫麻縣在今霞浦縣西晉置一統志梁廢爲閩縣地考陳書始興王伯茂傳光大二年十一月降爲溫麻侯是梁陳有是縣紀勝引綱經云開皇中省入閩縣

又有長樂縣今長樂縣治舊唐志隋縣後省

【建安】今縣治寰宇記孫策於建安初分東侯官立此邑屬會稽南部都尉吳立建安郡於此按宋志無齊復立梁書臨川王宏傳子正立改封建安侯南康王績傳子通理大同八年封建

安縣侯陳書高宗二十九王傳宣帝子叔英天嘉元年封建安侯

【舊置建安郡】宋志吳孫休永安三年分南部都尉立元和志宋齊梁皆封子弟爲王國寰宇記梁承聖三年封蕭基爲長樂侯於此梁末城池被盜陵夷其後謝謁爲太守於西溪之右編木柵爲理所陳太建四年郡守駱文廣復徙於覆船山陳禎明元年又移於今所隋開皇十年郡廢爲鎮梁書太祖五王傳蕭偉天監元年封建安王南史陳武紀梁太平元年十月以揚州之建安益封陳國陳書高祖二十九王傳宣帝子叔卿太建四年封建安王隋書文四王傳文帝孫詔開皇六年封建安王【平陳廢】

按有吳興縣今浦城縣治宋志漢末立曰漢興吳改梁書武紀天監九年閏六月宣城盜轉寇吳興縣太平御覽引邑圖云梁江淹爲吳興令淹自序吳興地在東南嶠外閩越之舊境元和志隋平陳省入建安興地廣記隋末復置

又有建陽縣今建陽縣治元和志吳置建平縣晉太元四年改開皇十年省入建安寰宇記作九年省

【南安】今縣治

【舊曰晉安】宋志吳立曰東安晉武更名【置南安郡】紀要梁天監中分置治晉安興地廣記陳文帝置陳書高宗二十九王傳宣帝子叔儉後主至德元年封南安王【平陳郡廢縣改名焉】元和志陳立爲南安縣因縣南安江爲名與此異寰宇記亦作陳立縣【又置莆田縣】

元和志陳廢帝分南安縣置【尋廢入焉】元和志開皇十年省

按有沙村縣今沙縣治晉置元和志隋開皇十年廢

【龍溪】今縣治

【梁置】紀要梁天監中置元和志陳分晉安縣置屬南故郡【開皇十二年併蘭水】今龍溪縣南一統志梁置屬南安郡【綏安】今漳浦縣西南宋志晉安帝義熙九年立義安郡綏安與郡並立【二縣入焉】

【遂安郡】

【仁壽三年置陸州】寰宇記仁壽三年割杭州桐廬并復立遂安仍改新安為雉山以三縣置陸州取俗阜人和內外輯睦為義煬帝廢州為遂安郡輿地廣記作仁壽二年置州

【統縣三百七千三百四十三】

【雉山】今淳安縣西南

【舊置新安郡】宋志建安十三年孫權分丹陽立曰新都晉武帝太康元年更名新安按陳書

武紀梁大寶二年十一月元帝承制授高祖東揚州刺史都督新安等五郡諸軍事南史陳武紀梁太平二年封陳十郡有揚州之新安【平陳廢為新安縣】本吳始新縣廢郡時改始新縣為新安縣也按寰宇記清溪縣下梁陳之間為新安縣地則又似新安立縣非始於隋輿地廣記梁置新安縣【大業初縣改名焉】元和志謂晉改始新為雉山未知所出又謂開皇九年併為新安縣仁壽中復為雉山亦與志異寰

宇記仁壽三年改新安為雉山【置遂安郡有仙壇山】

按有壽昌縣在今壽昌縣西吳置新昌縣晉改紀勝梁屬新安郡隋併入新安南史周文育傳少居新安壽昌縣

【遂安】今縣西宋志孫權分歙為新定縣晉武帝太康元年更名遂安

【平陳廢】陳書程靈洗傳梁紹泰元年封遂安縣侯【仁壽中復】

【桐廬】今縣西宋志屬吳郡吳分富春立齊志同

【平陳廢仁壽中復有白石山】元和志在遂安縣北七十里其山出白石英水經漸江水注白石山甚峻極北臨紫谿東南連山夾水兩峯交峙反項對石往往相捍十餘里中積石磊砢相挾而上澗下白沙細石狀若霜雪水木相映泉石爭輝名曰樓林

【鄱陽郡】

【梁置吳州】元和志鄱陽郡梁承聖二年改為吳州通鑑梁元帝承聖二年有吳州刺史開建侯蕃寰宇記云梁天監中置吳州稍異【陳廢】元和志陳光大元年省吳州依舊置郡考陳書廢帝紀光大二年正月罷吳州以鄱陽郡還屬江州又宣帝紀太建十三年改鄱陽為吳州按陳後主禎明元年割吳郡置吳州不應同時有兩吳州蓋鄱陽復置吳州之後未幾即罷也【平陳置饒州】寰宇記從江州總管千金公權璋所請也以山川蘊物珍奇故名饒隋大

業三年州廢元和志其城即吳芮為番令所居隋紀開皇十年十一月饒州吳代華等自稱大都督攻陷郡縣

【統縣三百一萬一百二】

【鄱陽】今縣治秦置元和志晉武帝改曰廣晉隋開皇九年改廣晉為鄱陽以在鄱水之北故曰鄱陽

【舊置鄱陽郡】宋志建安十五年孫權分豫章立按梁陳為王國梁書鄱陽王恢陳書鄱陽王伯山是也【平陳郡廢又有陳銀城縣】寰宇記樂平縣下引豫章記漢永元中置樂安縣

在銀城即今邑之東水路三百二十里顧野王輿地志陳天嘉元年廢然則陳蓋改樂安為銀城在今德興縣東【廢入焉大業初復置郡】

按有廣晉縣在今鄱陽縣北宋志吳立曰廣晉晉太康元年更名梁書陸襄傳中大通七年為鄱陽內史郡民鮮于琛殺廣晉令王鴛羊鴉仁傳普通中封廣晉縣侯南史淳于量傳以軍功封廣晉縣侯一統志陳省

【餘干】今縣治漢縣梁書陸襄傳世祖以建義

功追封餘干縣侯南史劉峻傳兄孝慶齊末為兗州刺史舉兵應梁梁武封餘干男元和志漢餘汗縣隋開皇九年去水存干名曰餘干然考宋齊志已均作干當是後人追改

按有上饒縣即今上饒縣治宋志吳立元和志隋平陳省

又有安仁縣寰宇記安仁故城在餘干縣東一百五十里晉永嘉七年分餘干置興安縣尋廢

陳天嘉中復於興安故地置安仁縣隋開皇九年廢入餘干今故城猶存

【弋陽】今縣治

【舊曰葛陽】今弋陽縣西宋志吳立【開皇十二年改】寰宇記開皇九年廢上饒入葛陽逾年縣失印風俗以爲不便表請移於弋陽縣以地居弋江之北爲名【有弋水】弋陽江在今縣東二十里寰宇記水口有大石面如鑄爲弋字

【臨川郡】

【平陳置撫州】寰宇記時總管楊武通奉使安撫卽以撫爲名按梁末嘗於臨川郡置寧州陳書周敷傳侯景之亂敷鎮臨川故郡景平梁元帝授敷寧州刺史又按通鑑陳永定二年注時蓋卽臨川故郡置寧州以敷爲刺史則州蓋隋廢

【統縣四戶一萬九百】

【臨川】今縣西元和志後漢和帝永元八年析南城爲臨汝縣開皇九年改臨汝爲臨川寰宇記梁大通二年分臨川北境置定川縣隋開皇九年併西豐定川二縣入臨川縣南史梁汝南王大封傳初封臨汝公陳書周迪傳梁元帝封臨汝縣侯又南康愨王傳陳方慶天嘉中封臨汝縣侯

【舊置臨川郡】宋志臨川內史吳孫亮太平二年分豫章東部都尉立齊因之寰宇記梁大同二年分巴山郡之新建西寧二縣立臨川郡蓋宋齊之臨川領九縣梁分立巴山臨川二郡

其臨川郡僅領新建西寧定川三縣梁陳爲王國梁書有臨川王宏南史臨川王大款陳書文帝紀武帝受禪封臨川王【平陳郡廢大業三年復置郡有銅山】今縣西四十六里寰宇記出銅因號銅山【黃山】今宜黃縣南四十里紀要其山四面黃茅無際宜黃縣之鎮山也【有夢水】寰宇記夢水在袁州東八十五里源出袁水昔鍾儀欲於此村立縣遇夜乞夢果符所祝及寤名爲思縣古迹見存其水因爲名明一統志夢江水在撫州府城南三十里源出佛容山下注汝水

按有西豐縣在今臨川縣西南五十里宋志吳置曰西平晉大康元年更名梁書臨川王宏傳子正德先封西豐侯安陸王大春傳大同六年封西豐縣公陳書周敷傳以平侯景功封西豐縣侯寰宇記隋開皇九年併入臨川縣

又按梁有定川縣寰宇記梁大通二年分臨川北境置定川縣隸臨川郡隋開皇九年併入臨川縣名勝志其治在今之雷坊去崇仁縣北五十里明一統志毋城卽其地也陳書周敷傳天嘉五年世祖遣章昭遂征周迪敷從軍至定川縣

【南城】今縣治漢縣御覽高帝六年命大將軍灌嬰立洪州其年分洪州南境立南城以其在郡城之南故名南城寰宇記吳太平二年更分置臨汝改爲臨川縣至隋開皇廢南豐永城二縣併入南城梁書王神念傳封南城縣侯

【有五章山】

按有東興縣在今新城縣東北宋志吳置一統志隋省入南城
又有永城縣在今新城縣北宋志吳置寰宇記隋開皇中廢入南城
又有南豐縣在今廣昌縣東寰宇記吳太平二年置隋開皇九年廢入南城梁書傳岐傳封南豐縣侯

【崇仁】今縣治

【梁置巴山郡】寰宇記豐城下梁大通二年立巴山郡其郡古跡在撫州崇仁縣巴山之北陳光大二年移於廣豐縣西二里獨瀦水南岸築立城郭居焉舊唐志吳分臨汝爲新建縣梁置巴山郡又寰宇記撫州下梁分新建西寧二縣立巴山縣更置巴山郡取廬陵之興平南昌之豐城以益之陳書高宗二十九王傳宣帝子叔雄後主卽位封巴山王按梁嘗於巴山郡置高州陳書黃法氾傳梁太平元年割江州四郡置高州以法氾爲高州刺史鎮巴山陳書世祖紀天嘉四年罷高州隸入江州通鑑注謂四郡爲巴山臨川安成豫寧錢氏考異前此周迪據有臨川之地梁元帝授以高州刺史則高州之名又不始於太平時矣【領大豐】寰宇記梁大通二年分豐城立廣豐又云陳初廢新安入廣豐郡然則廣豐陳時并立郡本作廣豐隋避諱改【新安】寰宇記梁大通二年分豐城立陳書武紀梁大同中封新安子【巴山】元和志漢臨汝縣吳分置新建縣梁普通三年改爲巴山縣寰宇記在崇仁縣西南三十一里梁大

同二年置以巴山爲名隋開皇九年併入崇仁縣置縣年月不同南史黃法氈傳梁元帝承制封巴山縣子【新建】今崇仁縣西南九十五里宋志吳置南史黃法氈傳梁敬帝即位封新建縣侯寰宇記隋開皇九年廢併入崇仁縣【興平】今樂安縣西宋志吳置屬廬陵郡寰宇記隋開皇十年廢【豐城】宋志吳曰富平晉太康元年更名屬豫章郡寰宇記開皇九年併入廣豐梁書夏侯詳傳改封豐城縣公梁鄱陽王恢傳子泰封豐城侯陳書二十九王傳文帝子叔堅天嘉中封豐城縣侯【西寧】今崇仁縣南六十三里寰宇記吳太平二年置以寧水爲名隋開皇九年廢併入崇仁縣【七縣平陳郡縣並廢以置縣焉】寰宇記開皇九年廢郡按有宜黃縣在今宜黃縣東宋志吳立齊因之寰宇記謂梁大同二年置巴山郡因立宜黃縣於宜黃水側以水爲名恐誤又云隋開皇九年廢縣入崇仁

又有巴陵縣寰宇記廢巴陵縣在崇仁縣西南十三里隋大業九年置十四年廢又有安浦縣在今樂安縣西南六十里宋志吳置寰宇記隋開皇九年併入崇仁

【邵武】今縣治

【開皇十二年置】宋志吳曰昭武晉武帝更名屬建安郡齊因之紀勝隋平陳廢尋復立按有將樂縣今將樂縣治宋志晉太康地志有齊因之屬建安郡元和志開皇九年省寰宇記省入邵武之南鄉

又有綏城縣在今建寧縣西南宋志永初郡國有齊因之屬建安郡寰宇記隋開皇九年併入邵武之南鄉一統志梁省入邵武

【廬陵郡】

【平陳置吉州】寰宇記隋平陳置吉州於今郡城西南築小城即舊州城是也以界內吉陽水爲名大業三年改爲廬陵郡按陳書周昞傳父靈起梁時廬桂二州刺史則梁有廬州未知卽置於廬陵郡否

【統縣四戶二萬三千七百一十四】

【廬陵】今吉水縣東北三十里元和志本漢石陽縣晉移郡於此寰宇記隋開皇十年改石陽爲廬陵據此則廬陵爲石陽審矣此志不云舊曰石陽何耶

【舊置廬陵郡】宋志廬陵本縣名漢獻帝興平二年孫策分豫章立寰宇記晉太康中移郡於石陽縣今舊州東北故城是也在廬陵縣南一里晉咸康末太守孔倫築梁陳爲王國梁書廬陵王續陳書廬陵王伯仁是也【平陳廢大業初復置】寰宇記大業末分廬陵縣東十一鄉置吉水縣

按有高昌縣在今廬陵縣西宋志吳立齊因之寰宇記廬陵縣下云梁改高昌爲石陽梁書張惠紹傳高祖踐阼封石陽縣侯又梁紀天監五年有廬陵高昌之仁山羊侃傳中大通五年封高昌縣侯蓋是時尙未廢也寰宇記吉州總序云隋平陳廢高昌入廬陵又有陽豐縣在今永豐縣西六十里宋志吳曰

陽城晉改齊因之寰宇記作永豐誤隋平陳省入廬陵

又有吉陽縣在今吉水縣東北一百二十里宋志吳置齊因之寰宇記隋開皇十年廢入廬陵

【泰和】今縣治

【平陳置曰西昌】宋志西昌吳立梁書長沙嗣王業傳天封元年封西昌縣侯陳書杜僧明傳陳高祖下南康留僧明頓西昌是梁未尙有西昌縣元和志云隋平陳分廬陵縣置西昌縣豈故西昌已廢於陳故復置與【十一年省東昌入】寰宇記東昌故縣在泰和縣西北六十里宋志吳立寰宇記引輿地志云吳後立置隋平陳廢按梁書蕭景傳伯父尙之子靈鈞高祖卽位追封東昌縣侯陳書毛喜傳宣帝卽位封東昌縣侯【更名焉】元和志謂開皇十八年改西昌爲泰和寰宇記引輿地志謂開皇十年廢西昌置泰和俱與此異又寰宇記泰和縣下云漢爲廬陵縣地隋平陳改爲安豐尋改爲泰和按縣記云隋拓定江表大使章洸廢安豐泰和二縣大業八年以舊安豐非水路之要遂移就故西昌縣西三里古城寰宇記校勘記疑西昌嘗改安豐後改泰和

按有永新縣在今永新縣西五十里宋志吳置齊因之梁書陳伯之傳以爲永新縣侯又豫章王綜傳封其子直爲永新縣侯寰宇記隋省入泰和又寰宇記隋平陳廢東昌安豐西昌廣遂永新合五縣置泰和縣則梁陳嘗於此置安豐廣遂二縣廣遂疑卽遂興之誤

又有遂興縣在今吉安府萬安縣西北十五里宋志吳置曰新興晉改寰宇記隋平陳廢紀勝廢入秦和

【安復】今安福縣東南宋志漢舊縣本名安成晉武帝太康元年更名故城在今縣西六十里陳時尚在陳書任忠傳太建五年封安復縣侯是也

【舊置安成郡】宋志安城孫皓寶鼎二年分豫章廬陵長沙立齊志作安成梁陳爲王國梁書有安成王秀陳書世祖九王傳有安成王頊

【平陳郡廢】寰宇記宜春縣下云開皇十一年廢郡【縣改曰安成】按志凡先不書縣名而後云改縣名者其例有二一則郡同名舉郡即不舉縣一縣與隋縣同名即亦不復舉此蓋謂改晉以後之安復也然考隋之安復實前漢之安平後漢以下之平都隋初蓋并安復平都于安成志復不言平都尤無例之可言也【十八年又曰安復】蓋又移安復于平都故城中

【有更生山】寰宇記更生山在安福縣南百五十里相傳山有豫章樹伐而更生【長嶺】寰宇記長嶺山在安福縣南山有石墨可以種火是爲不灰石

按有廣興縣在今永新縣西北八十里晉置屬安成郡梁書何遠傳高祖踐阼以奉迎勳封廣興男陳書高祖紀永定二年十二月以安成所部廣興六洞置安樂郡一統志隋省縣按郡當亦隋初省

【新淦】今縣治漢縣在今清江縣東北六十里

寰宇記開皇十年縣令李子樂以縣去州遠請移市南村置即今理寰宇記漢以後屬豫章郡陳屬巴山郡南史齊豫章王嶷子子廉傳子元琳梁武受禪降新塗侯梁書桂陽王大威傳初封新塗公通鑑陳永定三年熊曇朗據新塗城據此則梁陳之代并作新塗案漢晉宋齊諸地志皆作新淦而漢志應劭注淦水所出西入湖漢顏曰淦音紺然則縣以水名淦淦本一字

【有玉筍山】寰宇記在新淦縣南六十里道書云福地山也陶弘景玉簪書云山今屬巴山在縣西四十里有廢清居觀即梁公社被流於南迴而隱於此山因置觀焉梁蕭子雲爲作銘按有巴邱縣在今峽江縣北宋志吳立南史程靈洗傳梁元帝時封巴邱縣侯陳書胡穎傳梁時爲巴邱縣令

按有吳平縣宋志後漢靈帝中平中立曰漢平吳更名宋齊志並有之在今清江西三十里

【南康郡】

【開皇九年置虔州】寰宇記以虔化水爲名元和志大業三年罷州爲南康郡

【統縣四戶一萬一千一百六十八】

【贛】今縣西南五里漢置

【舊曰南康】此與下南康舊曰贛并誤按寰宇記引晉太康地志贛縣因水以爲名又引虔州圖經章貢二水合流爲贛其間置邑因爲贛縣晉太康末徙居葛姥故城宋昇明初移置贛水東三百步梁承聖初又遷贛水南考葛姥城在今縣北五里然則晉以後雖屢有遷徙皆不

甚相遠其不在今縣西八十里之南康審矣按水經贛水注贛縣即南康郡治元和志晉南康郡先理零都永和五年移理贛寰宇記晉永和五年太守高珪置郡城於章貢二水間是南康郡治贛非治南康也輿地廣記則謂隋改贛縣爲南康大業初復改爲贛然廣記於南康下云宋改南康曰贛縣隋大業初復曰南康既云宋改南康爲贛縣而此贛縣又至隋始改爲南康是宋齊梁陳俱有兩贛縣矣蓋爲此志所昧而強爲之說【置南康郡】宋志晉武帝太康三年以廬陵南部都尉立寰宇記東晉置郡城於章貢二水間旋徙於贛水東梁承聖元年復徙於章貢間即今城也梁爲王國梁書南康王績是也【平陳郡廢大業初縣改名焉尋置郡有儲山】紀勝儲潭山在贛縣北二十里寰宇記引南康記晉刺史朱偉立儲潭君廟於山下【有贛水】即豫章水劉證之謂縣東南有章水西有貢水縣治二水間合贛字因以爲名而水經注非之按有平固縣宋志吳立曰平陽晉改平固在今興國縣北二十里梁書呂僧珍傳封平固縣侯陳書胡穎傳梁時歷平固縣令一統志隋省

【虔化】今寧都州治宋志孝武帝大明五年以虔化屯立在州西

【舊曰寧都】宋志吳立曰陽都晉太康元年更名今寧都州北梁書夏侯詳傳天監元年封寧都縣侯陳書陳擬傳武帝受禪封陳敬雅寧都縣侯【開皇十八年改名焉】按宋齊志寧

甚相遠其不在今縣西八十里之南康審矣按水經贛水注贛縣即南康郡治元和志晉南康郡先理零都永和五年移理贛寰宇記晉永和五年太守高珪置郡城於章貢二水間是南康郡治贛非治南康也輿地廣記則謂隋改贛縣爲南康大業初復改爲贛然廣記於南康下云宋改南康曰贛縣隋大業初復曰南康既云宋改南康爲贛縣而此贛縣又至隋始改爲南康是宋齊梁陳俱有兩贛縣矣蓋爲此志所昧而強爲之說【置南康郡】宋志晉武帝太康三年以廬陵南部都尉立寰宇記東晉置郡城於章貢二水間旋徙於贛水東梁承聖元年復徙於章貢間即今城也梁爲王國梁書南康王績是也【平陳郡廢大業初縣改名焉尋置郡有儲山】紀勝儲潭山在贛縣北二十里寰宇記引南康記晉刺史朱偉立儲潭君廟於山下【有贛水】即豫章水劉證之謂縣東南有章水西有貢水縣治二水間合贛字因以爲名而水經注非之按有平固縣宋志吳立曰平陽晉改平固在今興國縣北二十里梁書呂僧珍傳封平固縣侯陳書胡穎傳梁時歷平固縣令一統志隋省

都虔化並立其虔化縣至陳尙未廢陳書陳擬傳武帝受禪封陳諺虔化縣侯是也志不言虔化并省之由亦疎一統志隋平陳省虔化入寧都十八年改寧都爲虔化當是也【有石鼓山】今寧都州西北十里寰宇記其山兩面懸崖一百餘丈圓如鼓形

【零都】今縣東北

【舊廢】漢縣晉宋齊不改按寰宇記陳永定初遷於大昌村則縣至陳尙未廢【平陳置】寰宇記隋大業中復還故城亦非平陳時遷置

【有金雞山】寰宇記在零都縣西北十六里山臨貢水石色如霞其傍有穴南康記云有金雞出入水經贛水注湖漢水流逕金雞石其石孤

疎臨水耆老云時見金雞出於石上故名【君山】紀要在今龍南縣南七十里寰宇記在零都縣東南三百八十五里又引南康記云其山奇麗鮮明遠若臺榭

按有安遠縣在今安遠縣南元和志梁大同中於今縣南七十里安遠水南置安遠縣隋開皇中廢寰宇記梁大同十年置

按有陂陽縣宋齊志并有之屬南康郡在今石城縣西

【南康】今縣治宋志吳立曰南安晉武帝太康元年更名輿地廣記云宋改南康爲贛縣隋大業初復曰南康屬南康郡案宋齊志南康郡贛與南康并立安得有改南康爲贛縣事蓋爲此志所誤

【舊曰贛大業初改名焉】見上贛縣下【有

廩山】今縣東南六十五里紀要有石高圓如廩【上洛山】寰宇記在贛縣南九十里山中有石墨可書【贛山】案贛水既因章貢合流稱名則安得復有贛山諸地志並無贛山之名此當誤也

按有南野縣在今南康縣西南漢置陳書武紀梁大寶元年湘東王承制改封南野縣伯一統志隋省入南康

【宜春郡】

【平陳置袁州】寰宇記隋平陳後土人文盛擁衆自守開皇十年洪州都督楊武通平之一年置袁州因袁山爲名大業三年改爲宜春郡

【統縣三戶一萬一百一十六】

【宜春】今縣治漢縣在城西

【舊曰宜陽】宋志宜陽漢名宜春晉孝武改梁書王珍國傳改封宜陽縣侯【開皇十一年廢吳平縣入】今清江縣西三十里宋志漢靈帝中平中立曰漢平吳更名梁書蕭景傳高祖踐阼封吳平縣侯寰宇記開皇十三年廢入新喻縣【十八年改名焉】元和志開皇十一年

移縣於漢縣城東五里改爲宜春寰宇記十七年改宜陽爲宜春俱與志異又寰宇記云縣側有暖泉從地湧出夏冷冬暖清激若鏡瑩媚如春飲之宜人故名宜春縣【大業初置郡有廬溪】今宜春縣南紀要發源蕭山東流與王江合【渝水】今宜春縣城北紀要發源萍鄉縣羅霄山東流經縣十五里爲稠江至城下爲秀

江

【萍鄉】今縣治寰宇記吳寶鼎二年立在縣東四十里隋徙元和志先隸吉州開皇十年屬袁州

【有宜春江】寰宇記宜春水出宜春縣東四里其水甘美堪作酒

【新喻】今縣治宋志吳立寰宇記吳孫皓分宜春立隋平陳廢爲吳平縣至大業中廢吳平再立新喻縣在龍池之暨元和志新喻縣因渝水爲名今曰新喻因聲變也南史梁始興王憺子映傳改封新渝縣侯

【豫章郡】

【平陳置洪州總管府】按梁大寶元年以豫章置豫州後又以新吳置南江州陳書武紀梁大寶元年授高祖豫州刺史領豫章內史尋授使持節都督六郡諸軍事軍師將軍南江州刺史梁書敬帝紀太平二年二月蕭勃反南江州刺史余孝頃以兵會之通鑑注孝頃據新吳蓋就置南江州以爲刺史按陳書周文育傳新吳洞主余孝頃起兵應勃故知南江州治新吳元和志隋開皇九年置洪州因洪崖井爲名然考寰宇記引梁書云于慶入洪州進攻新吳縣則梁時嘗置洪州不知何時廢隋紀開皇十一年七月以柱國杜彥爲洪州總管【大業初府廢】

【統縣四戶一萬二千二十一】

【豫章】今南昌縣治本漢南昌縣梁書王規傳天監中襲封南昌縣侯

【舊置豫章郡】漢置梁陳爲王國梁書豫章

王綜陳書豫章王叔英是也元和志隋平陳改爲豫章縣【平陳郡廢】按陳書紀天嘉六年九月罷豫章郡與志異【太業初復置郡】

按有鍾陵縣在今進賢縣西北三十里寰宇記建安十五年孫權分鍾陵置鄱陽郡晉志鍾陵屬豫章郡宋齊志省考南史郭祖深傳梁武帝擢爲豫章鍾陵令當是梁時復置也又陳書陳擬傳武帝受禪封陳褒鍾陵侯則陳尙有此縣

【豐城】今縣西南

【平陳廢】見上臨川郡崇仁縣下【十二年置曰廣豐仁壽初改名焉】寰宇記云隋開皇九年併豐城入廣豐隋諱廣又改爲豐城大業十三年林士弘等毀城邑遂廢按廣豐與豐城俱廢於隋平陳時見前崇仁縣下至十二年復置廣豐寰宇記未分析

【建昌】今縣治宋志漢和帝永元十六年分海昏立紀要宋元嘉中廢海昏移建昌治焉寰宇記云陳武帝割建昌豫寧艾永修新吳五縣立爲豫寧郡屬江州隋平陳廢郡又云梁沈約陳徐陵并封建昌侯紀勝隋大業十年移於縣西太史慈古城即今縣也寰宇記建昌縣下又引顧野王輿地志作陳武帝割建昌豫寧永修艾四縣爲豫寧郡

【開皇九年省并】當是艾字之誤蓋合艾方有四縣也艾在今義寧州西漢置名勝志亦云艾縣隋省入建昌【永修】今安義縣西南宋志漢靈帝中平中立陳書陳擬傳武帝受禪封

永修縣侯【豫章】今武寧縣西宋志漢建安中吳立曰西安晉太康元年更名豫寧齊志改豫章按梁書王亮傳封豫寧縣公馮道根傳改封豫寧縣伯裴之橫傳封豫寧侯則梁仍改豫寧矣此曰豫章或又改於陳歟考陳書陳擬傳武帝受禪封陳褒豫章縣侯與志正合然南史陳宗室傳則作豫寧【新吳】今奉新縣西三十里宋志漢靈帝中平中立梁書于慶入洪州進攻新吳縣又武紀天監六年六月新吳縣獲四目龜一【四縣入焉】

【建城】今高安縣治漢置梁書王瑩傳封建城縣公陳書陳擬傳武帝受禪封陳冕建城縣侯又后妃傳文帝即位封沈法深建城縣侯

【有然石】寰宇記引永初山川記云縣西有然石黃白而理釴以水灌之則熟置鼎其上烹煮可熟

按有康樂縣在今萬載縣東二十里宋志吳孫權黃武中立曰陽樂晉太康元年更名陳書侯瑱傳承聖間改封康樂縣公寰宇記開皇九年廢入建城

又有望蔡縣在今上高縣西宋志靈帝中平中汝南上蔡民分徙此地立縣名曰上蔡晉武帝太康元年更名按此僑置郡縣之始梁書王茂傳義帥起封望蔡縣公陳書沈君理傳太建二年賜爵望蔡縣侯寰宇記開皇九年廢入建城又有宜豐縣在今新昌縣北三十里晉志宜豐屬豫章宋齊志無之南史梁鄱陽王恢子修傳封宜豐侯當是梁復置也寰宇記開皇九年廢

入建城

【南海郡】

【舊置廣州】晉志吳黃武五年分交州立廣州俄復舊永安六年復置宋志永安七年分交州立【梁陳並置都督府】各本脫都字據宋本增按陳書歐陽頌傳梁末爲廣州刺史都督十九州中有宜州又沈恪傳高宗即位都督十八州中亦有宜州未知所在附記於此【平陳置總管府】隋紀開皇十二年正月以宜州刺史席代雅爲廣州總管【仁壽元年置番禺】紀勝避太子廣之諱也詳見下始興縣隋書譙國夫人傳有番禺州總管趙訥隋書陸讓母傳讓仁壽中爲番禺刺史【大業初府廢】元和志大業三年罷州爲南海郡

【統縣十五戶三萬七千四百八十二】

【南海】今縣治本秦番禺縣梁書昭明太子傳有番禺侯軌

【舊置南海郡】秦置梁陳爲王國梁書南海王大臨陳書南海王度是也【平陳郡廢又分置番禺縣尋廢入焉】元和志隋開皇十年分番禺縣置南海縣屬廣州按番禺爲舊縣此當云分番禺置南海縣尋廢番禺入焉方合【大業初置郡】

按志不言置縣之始蓋以舊置南海郡即有南海縣故云平陳分置番禺縣然自漢至齊無南海縣梁陳書中亦無此縣則爲開皇十年立無疑

疑

【曲江】今縣治漢置梁書柳恢傳封曲江縣侯

【舊置始興郡】宋志吳孫皓甘露元年分桂陽南部郡尉立爲始興郡宋明帝太豫元年改曰廣興齊志復曰始興梁陳爲王國梁書始興王憺陳書始興王伯茂始興王叔重【平陳廢十六年又廢瀨】各本皆誤須今訂正【陽縣入焉】今英德縣東宋志漢縣名瀨陽宋泰始三年改瀨爲貞陽復舊按南史梁長沙王懿子淵明傳封貞陽侯似又改作貞而元和志云開皇十年改爲貞陽屬循州又謂十九年改屬廣州寰宇記亦云隋爲貞陽輿地廣記隋省瀨陽入曲江後復曰貞陽則隋末復置貞陽縣【有玉山】元和志在縣東南十里有探玉處【銀山】元和志在縣西二十二里出銀

【始興】今縣西七里

【齊曰正階】齊志作令階寰宇記始興縣西七里蕭齊正階故縣城紀勝亦引齊志作正階則今本齊志令爲正之誤【梁改名焉】按始興本吳置在今始興縣西北梁書郡陵王綸傳子確大同二年封正階侯蓋至大同後始廢正階而移始興來治南史歐陽頔傳侯景平進封始興縣侯陳書陸子隆傳陸子才文帝時封始興縣子【又置安遠郡】安遠郡當領安遠縣齊志廣州南海郡有安遠縣屬桂林郡在今贛州安遠縣南【置】當作及【東衡州】元和志梁承聖中蕭勃據嶺南於始興郡置東衡州陳書歐陽頔傳梁元帝承制以始興郡爲東衡州以頔爲都督東衡州諸軍事東衡州刺史陳書世祖紀天嘉元年五月改桂陽之汝成縣

爲廬陽郡分衡州之始興安遠二郡合三郡置東衡州蓋陳初廢旋復也又按宣帝紀云太建十三年四月分衡州始興郡爲東衡州豈天嘉後又嘗廢與當是史駁文陳紀無合三郡三字今據侯安都傳增【平陳郡廢置大庾縣】今南雄州北【又於此置廣州總管】元和志隋平陳改東衡州爲韶州取州北韶石爲名十一年廢入廣州十二年自今南海縣移廣州理曲江之廢韶州城即今韶州理是也據此則東衡州及此廣州皆當系于曲江紀勝云考通鑑開皇十年番禺夷王仲宣反引兵圍廣州仲宣又遣別將圍東衡州則是此時廣之與韶尙分治也已而仲宣衆潰廣州獲全則是移廣州於韶常在開皇十六年王仲宣寇平之後【開皇末移向南海】元和志仁壽元年改廣州爲番州大業三年罷番州爲南海郡隋末陷賊紀勝云開皇末年廣州還治南海仁壽初改爲番州因番禺山得名【又十六年廢大庾入焉】

【翁源】今縣東六十里

【梁置】元和志梁承聖末蕭勃分瀨陽立因縣界翁水之源爲名寰宇記同舊唐志謂爲隋縣誤【陳又置清遠郡】陳書侯安都傳天嘉初進爵清遠郡公則郡置於陳初按後清遠縣下云梁置清遠郡亦平陳廢是陳時廣州有兩清遠郡當是陳徙梁郡於翁源爲得其實【平陳郡廢】

【增城】今縣東北五十里續漢志南海郡有增城縣寰宇記謂吳黃武中立誤梁書馮道根傳

封增城縣男

【舊置東官郡平陳廢】通典吳於增城置東官郡舊唐志同寰宇記吳黃武中置東官郡而立增城縣然則吳之東官本治增城縣而宋志之東官郡領寶安等六縣齊志之東官郡領懷安等八縣俱無增城縣其增城則屬南海郡是宋齊之東官不在增城審矣此當是吳置旋廢東晉咸和六年又於司監都尉立東官郡志於此乃云平陳郡廢是隋以前廣州有兩東官郡矣最爲巨謬且此郡廢已久此亦不常載入互詳後政寶縣下【有羅浮山】今增城縣東百三十里元和志在博羅縣西北二十八里羅山之西有浮山蓋蓬萊之一阜浮海而至與羅山並體故曰羅浮續漢志注羅浮山自會稽浮往博羅山故置博羅縣

【寶安】今新安縣南元和志晉成帝咸和六年置宋志屬東官郡陳書到仲舉傳天嘉元年封寶安縣侯

【樂昌】今縣西南二里元和志本漢曲江縣地宋志樂昌縣爲樂昌郡治

【梁置曰梁化】元和志梁武分曲江置梁化縣屬始興郡隋開皇十年改屬廣州按元和志歸善縣下又云梁置梁化郡故城在歸善縣東八十里郡當治梁化縣【又分置平石縣】在樂昌縣南【開皇十二年省平石入十八年改名焉】

【四會】今縣治秦置

【舊置綏建郡】宋志文帝元嘉十三年立梁

書蕭景弟昌傳天監九年以昌為持節督廣州之綏建諸軍事又梁書有綏建王大摯陳書蕭摩訶傳後主即位封綏建郡公【又有樂昌郡】宋齊志廣州俱有樂昌郡【平陳二郡並廢】元和志開皇十年廢【大業初又併始昌縣入焉】今四會縣北宋志始昌縣屬樂昌郡

【化蒙】今廣寧縣東南宋志本四會古蒙郡元嘉十三年分為縣屬綏建郡元和志開皇十年廢郡以縣屬廣州

【大業初廢威城縣入焉】今西寧縣北齊志威城縣屬晉康郡

按有新招縣宋志屬綏建郡故城在今廣寧縣西南一統志隋廢

【清遠】今縣治

【舊置清遠郡】元和志梁武於漢中宿縣地置清遠郡按記纂淵海梁嘗立西衡州【又分置威正廉平】陳書蕭摩訶傳宣帝太建五年

封廉平縣伯【恩洽浮護等四縣平陳并廢】此所云并廢者廢此四縣也其郡已為陳徙於

翁源而廢入翁源縣【以置清遠縣】元和志開皇十年廢清遠郡置清遠縣屬廣州紀要又

謂梁析中宿縣置清遠縣寰宇記漢中宿縣地隋開皇十九年改為清遠【又齊置齊康郡至

是亦廢入焉】齊志齊康郡領樂康一縣

按漢中宿縣在今清遠縣西北六十里元和志梁武置清遠郡中宿縣屬之一統志隋廢縣

【含滙】今英德縣西七十五里漢置梁書馬仙琕傳以功封滙縣伯

【梁置衡州】梁書武紀天監六年四月分湘廣二州置衡州又蕭景弟昌傳天監九年分湘州置衡州以昌為衡州刺史又紀勝引圖經梁天監七年分湘州置衡州寰宇記古衡州城在崇善鄉界滄滙縣西百步梁天監七年置按梁書蘭欽傳大通元年假欽節督衡州三郡兵討桂陽陽山始興叛蠻是衡州初統三郡後元帝始割始興置東衡州按陳曰西衡州陳紀太建十三年四月分衡州始興郡為東衡州衡州為

西衡州是也又按陳紀太建五年三月西衡州獻馬生角則西衡之名不始於太建十三年又

錢道戡傳天嘉中部督東西二衡州諸軍事衡州刺史則西衡之名又不始於太建時【陽山郡】通典梁分桂陽縣為陽山郡寰宇記梁天

監六年分置紀勝陽山郡城在含滙縣西二里

梁天監七年置城基周二里陳書歐陽頔傳文帝即位封陽山郡公又高宗二十九王傳宣帝

子叔宣後主至德元年封陽山王【平陳州改曰滙州】寰宇記開皇十年廢衡州紀勝十

一年廢按元和志開皇十年於滄滙縣置滙州則紀勝作十一年廢衡州誤【廢郡二十年州廢

有堯山】今英德縣西四十里寰宇記四面瀑布懸流瀉萬丈引王韶之始興記云堯山下

有平陵陵上有基云是堯故亭父老相傳堯巡狩登此山又引盛弘之荊州記云堯山嵒巖迭

起冠以青林

【政賓】今清遠縣西北舊唐志作故賓誤新唐志作政賓紀要謂梁置

【舊置東官郡】此蓋晉宋以來之東官郡也宋志引廣州記晉成帝咸和六年分南海立領寶安縣即唐宋以來之東莞縣也志當載入寶安縣下【平陳郡廢】

【懷集】今縣治宋志本四會縣之銀屯鄉元嘉十三年分為懷集縣屬綏建郡齊志省元和志

開皇十年改屬滙州二十年屬廣州舊唐志晉懷化縣隋為懷集寰宇記同按宋志懷化懷集

並立齊有懷化無懷集舊唐志說當有據也

【新會】今縣治元和志本漢四會之地開皇十年置屬岡州輿地廣記謂與郡並置於晉恭帝

考宋齊志無此縣其說誤也

【舊置新會郡】宋志晉恭帝元熙二年分南海立陳書高宗二十九王傳宣帝子叔坦後主

至德四年封新會王【平陳郡廢又併益允】今新會縣北二十里宋置【永昌】宋置【新

建】紀要梁陳間改宋新熙曰新建【熙潭】紀要梁陳間改宋始成曰熙潭【化召】紀要

紀要梁陳間改宋招集曰懷集陳書侯安都傳追封陳集縣侯陳集當懷集之誤以弟曉封懷

化縣侯知之【六縣入為封州十一年改為允州】舊唐志作允誤寰宇記亦作允州【後又

改為岡州】元和志岡州即今之廣州義寧縣理是也寰宇記信安縣下本宋元嘉二十七年

置岡州縣又為義寧縣然則隋因舊縣名而改為州也寰宇記又引廣州記四會有金岡新會即岡州左側岡為州名也此州最近大海晴

少雨多時遇大風則林木悉拔隋書譙國夫人傳開皇中夫人從表矩巡撫諸州其首領岡州馮岑翁等皆來參謁【大業初州廢並廢封樂縣人】今新會縣西北宋志元嘉十八年置【有社山】寰宇記社山在信安縣傾巖蔽景峯巒彌高

【義寧】今開平縣東一百里元和志宋元嘉十八年置屬新會郡

【開皇十年廢新夷】今新會縣西十五里宋志吳立曰平夷晉太康元年更名紀要云縣西四十五里【初賓】今開平縣境宋置【二縣入又有始康縣】今新會縣西南宋置【廢入封平】今開平縣東宋志何徐有然則東晉置【大業初又廢封平入焉有茂山】

【龍川郡】案當因龍川縣得名

【平陳置循州總管府】元和志開皇十年置循州取循江爲名隋紀開皇十四年九月以齊州刺史樊子蓋爲循州刺史【大業初府廢】元和志大業三年罷州爲龍川郡

【統縣五戶六千四百二十】

【歸善】今縣東北五里元和志舊唐志寰宇記俱謂宋置然宋齊志無此縣紀勝引祥符圖經云本晉欣樂縣地陳禎明三年改爲歸善按陳禎明三年即隋開皇九年也

【帶郡】元和志大業二年置郡【有歸化山】

今歸善縣東南百里俗呼雞籠山【懷安山】

按有安懷縣在今歸善縣東南八十里宋置齊志誤作懷安梁書蘭欽傳封安懷縣男

【河源】今縣治齊置屬南海郡元和志縣東北三百里有三河之源故也

【開皇十一年省龍川縣入焉】今龍川縣西北秦置輿地廣記趙佗爲尉於此【又有新豐縣】今長寧縣東南齊置南史歐陽頔傳梁元帝承制封新豐縣伯陳書蔡景歷傳文帝即位封新豐縣子【十八年改曰休吉大業初省入焉有龍山】今河源縣東北二百餘里紀要有龍湫【元山】今河源縣北二百餘里紀要有兩峯相亢亦名了髻山【有脩江】今河源縣北三百五十里紀要一名新豐江紀勝新豐江在河源縣北湍噴峻峻通灌田一千一百二十頃流五百五十里入縣界號新豐江

【博羅】今縣治漢縣宋志云二漢皆曰博羅晉太康地志始作博羅通典亦曰博羅然今本兩漢志皆作博

【興寧】今縣東北二十里宋志興寧江左立寰宇記本漢龍川縣地晉元興中置元和志晉於今縣西三里置屬東莞郡開皇十年以縣屬循州

按有齊昌縣在今興寧縣東一百五十里南齊置屬東莞郡紀勝隋省

【海豐】今縣治宋志海豐永初郡國有何徐不注置立元和志東晉置河豐縣屬東官郡而通

典寰宇紀並云漢舊縣誤

【有黑龍山】今海豐縣東二里寰宇記龍山在海豐縣南大海之上嘗有黑龍藏於山穴時與雲雨騰翔海水故曰龍山毛本作黑石誤【有

漲海】今海豐縣南即南海也

義安郡

【梁置東揚州】輿地廣記無東字非也寰宇記有東字【後改曰羸州】通典寰宇記輿地廣記紀勝俱作羸【及陳州廢】當作陳廢州

【平陳置潮州】元和志開皇十一年置以潮流往復因以爲名大業三年罷州爲義安郡

【統縣五戶二千六十六】

【海陽】今縣治宋志晉初立故屬東官元和志晉義熙九年置本漢揭陽縣地

【舊置義安郡】宋志晉義熙九年立梁爲王國梁書有義安王大昕【平陳郡廢】元和志開皇十年省郡廢海陽入循州十一年又立海陽縣屬潮州【大業初置郡有鳳凰山】元和志在縣北四十里寰宇記一名翔鳳山昔有爰居來集此因名之山多相思樹樹中有神形如人被髮迅走

【程鄉】今嘉應州治元和志本漢揭陽縣地齊於此置程鄉蓋分海陽縣立焉屬義安郡開皇十年省十一年復立寰宇記程鄉隋縣在程江之口以江爲名按南齊志義安郡有程鄉縣寰宇記云隋縣誤豈據隋復立之程鄉爲言歟名勝志是時有程政者素以忠信結人人服其行誼有不平者不往訴官輒質成於政至望其廬而改過者有之因名其里曰程鄉至是亦以名

縣

【潮陽】今縣西北三十五里名勝志晉義熙初析揭陽縣建縣在今治西十五里臨崑山寰宇

記稱南越志云以在大海之北故曰潮陽隋廢縣他地志無此說或是廢於義寧中也唐志云永徽初省先天復置

【海寧】今惠來縣西宋志云何志與義安郡俱立

【有龍溪山】元和志龍溪山今名海寧嶺在潮陽縣西南一百七十里

【萬川】今大埔縣南七十里

【舊曰昭義】宋志義招晉安帝義熙九年立齊志亦作義招寰宇記引南越志義安郡有義昭縣昔流人營也義熙元年立為縣並不改改昭義則為此誤無疑【大業初改名焉】

【高涼郡】舊唐志郡縣並作高涼

【梁置高州】寰宇記恩州下梁大通中為高州南史吳平侯勵傳勵以南江危險宜立重鎮乃表臺於高涼郡立州敕仍以高州紀勝宋後為夷獠所據梁討平狸洞置高州按是時馮寶為郡守李遷仕為州刺史據大皋口叛梁而寶妻洗氏夫人擊走之自是其地世屬馮氏通鑑梁大同七年有高州刺史孫問 陳書高祖紀作孫問 又通鑑隋開皇十年拜馮盎為高州刺史

【統縣九戶九千九百一十七】

【高涼】今陽江縣西三十里本吳安寧縣晉宋齊不改當是梁置郡時所改

【舊置高涼郡】宋志漢有高涼縣建安二十三年吳分立按晉郡治安寧宋治恩平齊還治安寧隋書譙國夫人傳梁大同初羅州刺史馮融聞洗夫人有志行為其子高涼太守寶娉以

為妻【平陳廢大業初復置】

按有陽江縣今陽江縣治舊唐志隋舊置寰宇記隋置因邑界陽江為名輿地廣記隋末置今志無此縣一統志隋末蕭銑分高涼置當是也【連江】今電白縣東紀勝引元和志云隋置然梁既置連江郡當即置縣

【梁置連江郡】輿地廣記故保寧縣本連江梁立連江郡【平陳郡廢梁又置梁封縣開皇十八年改為義封梁又置南巴郡平陳郡廢為南巴縣】寰宇記廢南巴縣在茂名縣東一百里隋廢紀要云梁置為南巴郡治【大業初二縣並廢入】

【電白】今茂名縣東北四十里寰宇記梁置電白郡隋為縣紀要云梁置縣

【梁置電白郡】名勝志梁析高涼縣地置【平陳郡廢又有海昌郡廢入焉】宋志海昌郡文帝元嘉十六年立紀要梁置海昌縣為海昌郡治

【杜原】今陽江縣西一百二十里

【舊曰杜陵】按宋齊志無杜陵則舊字當指梁言也【梁置杜陵郡】紀要梁置杜原郡當是也【又有永寧宋康二郡】宋志永寧郡新立屬越州又云宋康郡文帝元嘉九年立并今陽江縣地隋書譙國夫人傳陳亡隋册夫人為宋康郡夫人【平陳並廢為縣十八年改杜陵曰杜原宋康曰義康大業二年二縣並廢入杜原】

【海安】今恩平縣北二十里宋志東官郡海安

吳曰海寧晉武帝改名屬高興郡而舊唐志寰宇記並云恩平隋置海安縣則隋之海安非晉宋齊之故縣

【舊曰齊安置齊安郡】輿地廣記齊立齊安郡齊安縣紀勝引隋志同按齊志無齊安郡齊安縣紀要云齊末置齊興郡改海安曰齊安說與舊唐志異【平陳郡廢開皇十八年改縣名焉】陳書吳明徹傳有海安伯裴子烈則宋齊之海安陳時尚未廢隋當仍舊名

【陽春】今縣治紀勝引元和志梁置陽春郡無屬縣陳置陽春縣以隸之寰宇記晉分高涼置恩平縣隋為陽春縣

【梁置陽春郡】隋書譙國夫人傳陳永定二年其子僕年九歲遣師諸首領朝於丹楊起家拜陽春郡守通鑑太建二年歐陽紇召陽春太守馮僕至南海誘與同反【平陳郡廢】

【石龍】今化州東北三里紀勝引元和志開皇十一年置一統志梁置并置石龍郡通鑑陳太建二年馮僕遷石龍太守注梁陳於石龍縣置石龍郡

【舊置羅州】按舊唐志宋檀道濟於陵羅二江口築石城因置羅州縣通典梁陳立羅州因宋羅州縣為名梁書武紀大同八年三月遣羅州刺史寧巨征李賁於交州通鑑燕馮業奔宋因留新會自業至孫融世為羅州刺史則梁初已有羅州又隋書開皇中孫暄拜羅州刺史【高興郡】齊志高興郡屬越州【平陳郡廢大業初州廢】

【吳川】今縣治寰宇記隋置元和志謂宋置誤
【茂名】今縣治名勝志引圖經本西甌駱越地
晉鎮南大將軍馮游請築城置縣於東西二山
間先是有道士潘茂名者功成上昇因以名縣
今城東門外有潘仙亭石船丹竈俱存

【信安郡】

【平陳置端州】元和志開皇十一年置大業
三年罷州爲信安郡寰宇記取界內端溪爲名
【統縣七戶一萬七千七百八十七】

【高要】今縣治漢縣屬蒼梧郡宋志屬南海郡
文帝廢復立縣當在梁立郡時

【舊置高要郡】元和志梁大同中立又陳書
高祖紀梁時監西江都護高要郡守則郡爲梁
置審矣寰宇記輿地廣記俱謂陳置誤也【平
陳郡廢大業初置信安郡有定山】

【端溪】今德慶州治漢縣

【舊置晉康郡】宋志晉穆帝永和七年分蒼
梧立【平陳郡廢】元和志開皇十二年省郡
以所領縣屬端州【有端水】今德慶州東十
里

【樂城】今德慶州東八十里宋志樂城屬晉康
郡紀勝宋元嘉十三年置

【開皇十二年廢文招】今德慶州地宋志屬
晉康郡陳書陳子高傳天嘉元年封文招縣子
司馬申傳後主即位封文招縣伯【悅城】今
德慶州東宋志屬晉康郡作說城齊志作悅城

【二縣入】

【平興】今高明縣西三十里宋志宋熙郡治平

興縣寰宇記元嘉十二年置

【舊置宋隆郡】宋志文帝元嘉十八年立宋
熙郡二十七年更名宋隆孝武孝建中復改爲
宋熙齊志又爲宋隆【領初寧】宋志宋熙郡
有初寧在今高明縣地齊志齊建郡之初寧非
此地或梁陳間復置於此歟【建寧】今高明
縣地宋置南史王淮之傳梁武帝時封建寧縣
公又王琳傳梁元帝封建寧縣侯【熙穆】今
高明縣地宋置【崇德】今高明縣地宋置陳

書文學傳陳天嘉初封庾持崇德縣子【召興】
今高明縣地宋置按宋齊志作招興【崇化】
今高明縣地宋置【南安】齊志越州高興郡
有南安縣當即此【等縣平陳郡廢并所領縣
入焉】紀勝開皇十一年廢郡【又梁置梁泰
郡及縣平陳郡廢縣改曰清泰】按紀勝肇慶
府古迹云廢清泰縣在府東七十里宋元嘉十
三年置隋開皇十一年廢考宋志無清泰縣未
知紀勝何據但其地與隋之平興相接【大業
初廢入焉】

【新興】今縣治本漢臨允縣地宋置新興縣屬
新寧郡齊改新城梁復

【梁置新州】寰宇記引輿地志梁武帝割廣
州新寧一郡立新州陳書杜僧明傳梁大同中
與兄天合及周文育征徭獠有功爲新州助防
通鑑梁大同五年有新州刺史盧子雄陳書世
祖紀天嘉四年正月仁武將軍新州刺史華皎
進平南將軍【新寧郡】宋志晉穆帝永和七
年分蒼梧郡立晉康新寧二郡此志當云舊置

新寧郡梁置新州方合【平陳郡廢大業初州
廢又廢案盧縣入焉】今新興縣南三十里紀
要梁初置

按有臨允縣在今新興縣七十里漢置紀勝梁
廢

【博林】今高要縣南宋志永初郡國有何志不
注置立屬新寧郡蓋東晉置也齊爲新寧郡治
【大業初廢撫納縣入】今高要縣南宋志撫
納徐志有亦東晉置

【銅陵】今陽春縣北八十里寰宇記宋立龍潭
縣隋改爲銅陵以界內有銅山

【有流南縣】今陽春縣西北三十五里紀要
梁置名勝志開皇中析陽春縣置【開皇十八
年改曰南流又有西城縣】今陽春縣西南七
十里紀要梁置名勝志隋開皇中置【大業初
廢入】

【永熙郡】

【梁置瀧州】舊唐志寰宇記俱謂梁置建州
又分建州之雙頭洞立雙州陳書歐陽頎傳梁
末爲廣州刺史都督十九州中有雙州陳書沈
恪傳宣帝即位爲廣州刺史都督十八州中亦
有雙州一統志雙瀧同音疑即瀧州也據舊唐
志云瀧州隋永熙郡之瀧水縣武德四年平蕭
銑置然則梁自名雙州唐武德始改爲瀧州

【統縣六戶一萬四千三百一十九】

【瀧水】今羅定州南一百里

【舊置開陽縣】今羅定州南紀要梁置【置
開陽】輿地廣記梁置【平原】輿地廣記梁

置【羅陽】輿地廣記梁置【等郡平陳郡並廢以名縣】蓋名開陽縣也舊唐志開陽隋廢

縣【開皇十八年改平原】舊唐志晉分端溪立龍鄉隋改龍鄉為平原一統志齊龍鄉縣梁

改置平原按齊志廣熙郡治龍鄉縣晉宋志無舊唐志晉字當齊字誤【曰瀧水羅陽縣】縣

字當衍今羅定州西南【為正義大業初置永熙郡開陽正義俱廢入焉】

【懷德】今信宜縣東北五十里寰宇記漢端溪縣地在信宜縣東六十里

【舊曰梁德】輿地廣記梁置【置梁德郡】輿地廣記梁置【平陳郡廢十八年改名懷德】

【良德】今茂名縣東北七十里寰宇記廢良德縣在舊州西北三十七里漢合浦縣地

【陳置曰務德後改名焉】

【安遂】今東安縣西北宋志文帝立屬晉康郡

【梁置建州】梁書武紀普通四年六月分廣州置建州寰宇記引南越志云梁大同中分廣

熙置建州【廣熙郡】齊置廣熙郡治龍鄉蓋梁移於此【尋廢州大業初廢郡】各本脫郡

字據宋本補

【永業】今岑溪縣東寰宇記永業縣在岑溪東北一百里

【梁置永業郡尋改為縣】紀勝引元和志作陳置永業郡隋開皇十年罷郡為永業縣【後

省開皇十六年又置】

【永熙】今羅定州東齊置屬廣熙郡

【大業初併安南縣入】今羅定州北紀要梁

置屬建州一統志梁陳時所置

按有羅平縣在今羅定州境齊置屬廣熙郡梁書臨川王宏傳子正立先封羅平侯

【蒼梧郡】

【梁置成州】梁書武紀普通四年六月分廣州置成州陳書陳寶應傳文帝時有成州刺史

甘他【開皇初改為封州】元和志開皇十年改大業三年罷

【封川】今縣治

【梁曰梁信】元和志謂開皇十年始改梁信郡為梁信縣紀勝云梁信之名當從梁之國號

必非改於隋也當從隋志作梁置【置梁信郡】元和志梁於漢廣信縣地置梁信郡【平陳郡廢十八年改為封川】寰宇記隋末廢封州為

封川縣移理封川口【大業初又廢封興縣入焉】今封川縣東北宋志晉置記纂淵海梁置

梁信郡又置封興縣誤此下當云大業初置蒼梧郡

【郡城】今西寧縣北五十里宋志晉立屬晉康郡梁書裴之高傳封都城縣男

【開皇十二年省威成】齊為晉康郡治威成城【晉化】今西寧縣北宋志晉末立屬晉康郡【二縣入焉】

【蒼梧】今縣治本漢廣信縣南史梁始興王憺子映傳普通二年封廣信縣男元和志隋開皇

十年罷蒼梧郡於此立蒼梧縣屬靜州輿地廣記隋平陳改廣信為蒼梧縣

【舊置蒼梧郡】漢郡至宋不改隋始徙封川

隋書譙國夫人傳開皇中從裴矩巡撫諸州其蒼梧首領陳垣等皆來參謁【平陳郡廢】

【封陽】今賀縣南一百里漢縣屬蒼梧郡晉屬廣州臨賀郡宋屬湘州臨慶郡齊屬湘州臨賀郡

【始安郡】

【梁置桂州】御覽引十道志梁天監六年立桂州於蒼梧鬱林之境無定理處元和志因桂

江為名大同六年移於今理按梁書帝紀大同六年置桂州於始安郡授湘州都督省南桂林

等二十四郡悉改屬桂州通鑑隋開皇九年陳桂州刺史錢季鄉降【平陳置總管府】元和

志開皇十年隋紀開皇十年十月以永州總管周法尚為桂州總管【大業元年府廢】元和

志大業三年罷州為始安郡

【統縣十五戶五萬四千五百一十七】

【始安】今臨桂縣治漢置

【舊置始安】宋志吳甘露元年分零陵南部都尉立始安郡宋明帝改名始建寰宇記始安

郡東晉孝武帝改為始建郡宋不改蕭齊復為始安郡與宋志稍異【梁化二郡】寰宇記晉

太康元年分吳所置武豐縣置常安縣蕭齊又于縣理置常安成梁大同八年於縣置梁化郡

改常安縣為梁化縣開皇十八年改梁化縣為純化縣大業二年省按常安縣在今桂林府永

寧州西南一統志梁置隋書譙國夫人傳開皇中夫人從裴矩巡撫諸州其首領梁化鄧馬頭

等皆來參謁【平陳郡並廢大業初廢與安縣

入焉】今永福縣西南寰宇記隋仁壽初分始安縣置志當云大業初廢梁化郡又廢興安縣入焉

按有永福縣即今永福縣治寰宇記永福縣本漢始安縣地隋開皇十一年割始安永福二縣於廢龍口戌置按新舊唐志及元和志俱云武德四年析始安置永福縣此云開皇十一年置未知何據

【平樂】今縣西南宋志平樂吳立屬始建郡元和志吳甘露元年分蒼梧郡富川立取平樂溪爲名寰宇記云漢荔浦縣地晉置平樂縣誤又寰宇記梁嘗置樂州洪氏補梁疆域志失載

【有目山】目下當脫巖字元和志目巖山在平樂縣北三十八里寰宇記引盛弘之荆州記云平樂縣西南數十里有山其巖間有兩目如人眼極大瞳子黑白分明因名爲目巖山御覽引同

按有恭城縣在今恭城縣東新唐志蕭銑置隋爲平樂縣地

【荔浦】今縣西漢縣屬蒼梧晉屬始安宋屬始建齊屬始安梁書劉坦傳天監元年封荔浦縣男

【建陵】今修仁縣南宋志吳置屬蒼梧宋末度始建元和志本漢荔浦縣地吳置縣梁武帝立爲郡開皇十年廢爲縣

【陽朔】今縣治元和志本漢始安縣地開皇十年置取陽朔山爲名
按有永豐縣在今荔浦縣西北五十里宋志吳

立元和志吳甘露元年析荔浦縣之永豐鄉置開皇十年省入陽朔縣

【象】今雒容縣南元和志陳於今縣南四十五里置象郡隋開皇九年廢郡爲縣
【隋化】今永安州南二十里元和志開皇十年分荔浦置

【義熙】今容縣西南

【舊曰齊熙置齊熙黃水二郡】按齊志齊熙郡無領縣據此則郡治爲齊熙縣無疑黃水紀要梁置【及東寧州】元和志梁大同中於齊熙郡治置東寧州梁書張瓊傳改爲使持節都督湘桂東寧三州諸軍事湘州刺史【平陳郡並廢十八年改州曰融州】元和志作十一年桂州總管令狐熙奏改見後寧越郡下【縣曰義熙】元和志開皇十一年改齊熙郡爲義熙縣【大業初州廢】元和志大業二年【并廢臨祥黃水二縣入焉】臨祥在今融縣西北紀要梁置元和志隋開皇十一年析義熙縣置黃水在今融縣西紀要梁置

【龍城】今柳城縣西南

【梁置】紀勝引張維廣西郡邑志云梁大同三年八月龍見於江乃於江南置龍州及龍城縣隋開皇初徙州於江北尋廢按元和志云隋開皇十一年析桂林縣置龍城縣蓋據隋徙置之縣爲言也

【馬平】今縣治元和志隋開皇十一年析桂林縣置屬象州舊唐志亦作隋置按輿地廣記馬平本漢潭中縣地後置馬平縣及郡隋廢郡入

象州據此則縣又似置於梁陳之間紀要云梁置按潭中在今馬平縣東南漢置宋省齊復置屬桂林郡

【開皇十二年置象州】元和志開皇十二年以桂林置象州取界內象山爲名按輿地廣記云陳置象州因象山爲名隋平陳因之御覽引十道志云隋平陳置象郡字誤又紀勝引張維廣西郡邑志以爲梁置象州【大業初州廢】元和志大業二年廢州

【桂林】今象州東南元和志開皇十二年廢中溜潭中二縣以潭中縣爲桂林縣寰宇記開皇十八年改潭中爲桂林縣按中溜在今武宣縣西南漢置晉初省後復置

【大業初併西寧縣入】按陳書淳于量傳梁承聖中出爲持節都督桂定東西寧四州諸軍事桂州刺史若謂是越巂之西寧則相去太遠且越巂之西寧始置於周天和五年不應梁承聖有之故知梁未曾置西寧州於此但未知何時改爲縣耳

【陽壽】今象州治元和志漢中溜縣地隋開皇十一年廢中溜入桂林又析桂林縣置陽壽紀要謂梁置

【有馬平】紀要梁置【桂林】宋志吳鳳皇三年分鬱林置【象】陳置見前象縣下【韶陽】紀要梁置治壽陽【等四郡平陳並廢又有淮陽縣】今象州西南紀要梁置【開皇十八年改曰陽寧大業初省入焉】

【富川】今縣西南七十里寰宇記引輿地志漢

舊縣屬蒼梧郡吳黃武五年改屬臨賀郡縣有富水因為縣名隋史侯安都傳冠平侯景力戰有功封富川縣子

【舊置臨賀】宋志吳黃武二年分蒼梧置宋改臨慶國齊復梁陳為王國梁書有臨賀王正德陳書有臨賀王叔敖【樂梁】梁置梁書簡文帝紀大寶元年十月立皇子大圓為樂梁郡王【二郡平陳並廢置賀州】元和志開皇九年置州【大業初州廢】元和志大業二年【又廢】各本作置誤【臨賀】今賀縣治漢置元和志大業十二年重置【綏越】紀要引舊志在蕩山縣南百里梁置【蕩山】今賀縣西元和志梁置大業二年省又寰宇記廢蕩山縣在賀州西一百七十里隋大業二年置綏越縣續又改綏越縣為蕩山縣因界內蕩山為名與志異【三縣入焉】

【龍平】今昭平縣治元和志本漢臨賀縣地梁于此立南靜郡開皇十一年廢以龍平縣屬桂州

【梁置靜州】寰宇記梁置南靜郡又改為靜州仍改南靜郡為龍平縣紀勝梁武於龍平縣置南靜州通典陳置靜州誤【梁壽靜慮】寰宇記陳為靜尉郡與志異【二郡平陳並廢又置歸化縣】寰宇記廢歸化縣在龍平縣北三十五里【大業初州廢】紀要云開皇十一年廢南靜州元和志大業三年罷靜州【又廢歸化安樂】寰宇記廢安樂縣在龍平縣東北五里紀要梁置【博勞】寰宇記廢博勞縣在龍

平縣北三十二里紀要梁置【三縣入焉】寰宇記云三縣唐武德九年廢與志異

【豪靜】今昭平縣南一百里一統志梁置【梁置開江】元和志亦云梁置【武城二郡】御覽引十道志同【陳置逍遙郡】通典陳置靜州改開江武城二郡為逍遙郡陳書樊毅傳後主即位封逍遙郡公【平陳郡並廢】元和志開皇十年罷開江郡為開江縣【又有猛陵】今蒼梧縣西北宋志漢舊縣寰宇記云蕭勃僭號於此改置孟陵縣【開江】寰宇記開江在龍平縣南一百里今昭平縣南輿地廣記梁置【二縣大業初並廢入焉】志不著豪靜置立於例皆不合蓋不知于開江武城二郡誰屬也

【永平郡】

【平陳置藤州】按通鑑梁敬帝紹泰元年陳霸先自表東討留石州刺史杜稜宿衛臺省注引五代志永平郡梁置石州然則志平陳上原有梁置石州四字胡身之所見本尚不誤陳書歐陽頔傳梁末為廣州刺史都督十九州中有石州又沈恪傳宣帝即位為廣州刺史都督十八州中亦有石州則陳亦因梁之舊又紀勝引元和志隋開皇十年置石州十二年改為藤州大業三年罷州為永平郡按石州置于梁代有明據元和志謂開皇十年始置誤也隋書譙國夫人傳開皇中夫人從裴矩巡撫諸州其首領藤州李光略等皆參謁

【統縣十一戶三萬四千四十九】

中改

【舊置永平郡】宋志晉穆帝升平五年分蒼梧立【平陳郡廢大業初置郡】紀勝引元和志大業三年置郡隋末陷賊

【武林】今平南縣東南元和志本漢猛陵縣地宋元嘉二年置南史梁鄱陽王恢于諮傳封武林侯

【有燕石山】今武林縣東南十二里紀要有石巖每春夏則羣燕巢於石頂又引通志山出石燕故名

【隋建】今平南縣東北

【開皇十九年置】元和志分武林縣置屬藤州

【安基】今藤縣南百二十里一統志本東晉安沂縣梁改

【梁置建陵郡】元和志吳置建陵縣梁武立為郡【平陳郡廢】

【隋安】今藤縣南

【開皇十九年置】

【普寧】今容縣治

【舊曰陰石】一統志本晉蕩昌縣梁改【梁置陰石郡平陳郡廢改縣為奉化】元和志謂開皇十七年改蕩昌縣為奉化不言梁置陰石恐誤【開皇十九年又改名焉】

【戎成】今蒼梧縣西南二十里元和志作城

【梁曰遂成】元和志亦云梁置遂城縣按宋志蒼梧郡有遂成縣齊志作城【開皇十一年改名焉】元和志作十年云虞慶則南征頓兵

於此改爲戎城縣寰宇記作十一年云屯軍於縣南歌羅洞改爲戎成縣屬威義郡按隋書虞慶則傳慶則南征李世賢在開皇十七年與諸書皆不合【有農山】

【寧人】今容縣東北

【開皇十五年置】曰安人十八年改名焉有壽原山

【淳人】今藤縣西寰宇記淳民縣在義江口人當作民唐避太宗諱改爲人

【開皇十九年置】

【大賓】今桂平縣東南

【開皇十五年置】元和志開皇十五年分桂平縣置以縣西北賓水爲名

【賀川】今藤縣東南

【開皇十九年置】又陳置建陵綏越【陳書魯廣達傳後主至德二年封綏越郡公】蒼梧永建等四郡平陳並廢

【鬱林郡】

【梁置定州】隋寧贛碑祖達梁武皇帝除定州刺史【後改爲南定州】寰宇記梁武割桂州之鬱林寧浦二郡立定州後改爲南定州梁書武紀普通四年六月分廣州置南定州隋書周法尚傳有陳定州刺史呂子廓【平陳改爲

尹州】周法尚傳桂州人李光仕作亂法尚與王世積討之兵會尹州又劉方傳長史敬德亮從軍至尹州又列女有尹州寡婦封密陵郡君

密陵不見于志附記於此【大業初改爲鬱州】元和志大業二年

【統縣十二戶五萬九千二百】

【鬱林】今貴縣南元和志開皇十年置紀要梁置爲鬱林郡治

【舊置鬱林郡】漢置【平陳郡廢大業初又置郡又廢武平龍山】一統志梁陳間分布山置

按今貴縣北五十里有龍山縣故城是也【懷澤】今貴縣南百五十里輿地廣記宋置紀要

梁置【布山】今貴縣後漢置宋爲郡治【四縣入】

【鬱平】今興業縣西北四十里宋志吳立曰陰平晉武帝太康元年更名

【領方】今賓州西二十里宋志漢舊縣吳改曰臨浦晉武復舊

【梁置領方郡平陳郡廢】

【阿林】今桂平縣後漢置寰宇記阿林縣在密州東北五十里

【石南】今興業縣東北十五里紀勝引元和志開皇十年改石南郡爲縣寰宇記陳改石南郡

爲縣二說不同按一統志云陳置蓋以陳置石南郡故也新唐志蕭銑析石南置興德縣尋廢又云蕭銑分興德縣置安樂縣

【陳置石南郡】紀勝引元和志陳天嘉二年置輿地廣記作梁置據舊唐志寰宇記梁定州

置于此地【平陳郡廢】

【桂平】今縣治元和志隋開皇十年罷桂平郡爲縣紀要云梁置桂平縣爲桂平郡治

【梁置桂平郡】元和志梁於桂平縣置桂平郡【平陳郡廢大業初又廢皇化縣入】今桂

平縣西南元和志開皇十一年置因縣東一里皇化水爲名大業二年廢

【馬度】今貴縣西北元和志本漢廣鬱縣地開皇十年置因縣南三十里馬度山爲名紀要梁

置

【安成】今賓州東元和志隋廢安成郡爲縣通典保城懸梁置安成縣於此舊唐志亦作梁置

【梁置安成郡】元和志同【平陳】隋書王世積傳有陳安成太守任瓊【郡廢】

【寧浦】今橫州西南宋志引晉太康地記寧浦本名昌平武帝太康元年更名吳錄有此縣未詳寰宇記以爲隋始置誤也

【舊置寧浦郡】宋志晉太康地志武帝太康七年改合浦屬國都尉立廣州記漢獻帝建安二十三年吳分鬱林立治平山縣【梁分立簡

陽郡】按晉置簡陽縣在今橫州西南六十里宋志作潤陽爲郡治云永初郡國作簡陽齊志

作簡陽蓋因縣立郡也【平陳郡廢置簡州】寰宇記開皇十年【十八年改爲緣州】御覽

引十道志同【大業二年州廢】元和志作三年

【樂山】今橫州東南五十里

【梁置樂陽郡】元和志作陳置【平陳改爲樂陽縣】元和志開皇十年【十八年改名焉】

補梁志引梁書武紀中大通三年冬十月前樂山縣侯蕭正則有罪流徙臨川王宏傳子正則

先封樂山侯謂樂陽郡有樂山縣然考元和志寰宇記輿地廣記及紀勝皆無此說按宋齊

志廣州樂昌郡有樂山縣在今廣東四會縣地梁紀傳之樂山蓋即廣昌之樂山也補梁志之說誤

【嶺山】今橫州西

【梁置嶺山郡】元和志本漢高涼縣之地梁於此置嶺山郡【平陳改為嶺縣】元和志開皇十年廢郡為縣【十八年改為嶺山大業初併武緣縣入】武緣今宣化縣東一百里元和志開皇十一年置屬綠州大業三年廢紀要梁置【有武緣山】

【宣化】今縣治

【舊置晉興郡】宋志元帝大興元年分鬱林置【平陳廢為縣】宋志晉興郡治晉興縣則縣當亦晉置元和志晉興縣下云開皇十四年省晉興縣宣化縣下云開皇十四年於此置晉興縣則隋亦有廢置遷徙也【開皇十八年改名焉】

【合浦郡】據後文海康下言梁大通中割潘州合浦立高州似梁嘗於合浦置高州

【舊置越州】宋志泰始七年立越州齊志越州臨漳郡本合浦北界也夷獠叢居略無編戶宋泰始中西江督護陳伯紹啓立梁書武紀大同八年三月遣越州刺史陳侯征李賁於交州【大業初改為嶺州尋改為合州】紀勝引元和志大業三年罷州為合浦郡

【統縣十一戶二萬八千六百九十】

【合浦】今縣東北七十里漢置南北史補志稱陳曰務德屬高涼郡未知所出按陳務德即隋

之良德已見上

【舊置合浦郡】漢置【平陳郡廢大業初置郡】

按御覽引方輿志容州宋太始七年分合浦縣於此立南流郡齊梁陳不改隋廢齊志有南流郡領方慶一縣則合浦當有南流郡志失書

【南昌】今博昌縣南十五里一統志云梁置

【北流】今縣治齊志永明六年立北流郡紀勝引元和志蕭齊分南流郡置南流縣廢北流郡置北流縣尋又省南流無屬縣舊唐志寰宇記俱作隋置縣紀要梁陳間置

【大業初廢陸川縣入】今陸川縣治齊志有陸川郡即陸川之誤一統志後廢為縣紀勝引

皇朝郡縣志作隋置縣紀要梁陳間置

【封山】今合浦縣西北齊志有封山郡領安金一縣一統志梁陳間廢為縣紀勝引元和志齊於此置封山郡開皇中罷郡為縣南史梁臨川王宏子正表傳封山侯

【大業初廢廉昌縣入】今合浦縣西南百二十里紀要梁置

【定川】今鬱林州西南三十里寰宇記隋置

【舊立定川郡】齊志定川郡領興昌一縣屬越州【平陳郡廢】

【龍蘇】今合浦縣東北紀要謂宋置龍蘇郡領龍蘇縣按宋志無龍蘇縣齊志龍蘇郡領龍蘇一縣蓋齊置也

【舊置龍蘇郡】宋置宋志作龍蘇云新立齊志作龍蘇【平陳郡廢大業初又併大廉縣入】

今合浦縣南六十里紀要梁置

【海康】今縣治元和志本漢徐聞縣地

【梁大通中割番】紀勝引作潘未詳當作越

【州合浦立高州尋又分立合州大同末以合肥為合州此置南合州】梁書武紀普通四年分廣州置合州太清元年以合州為南合此書例不書前代建置年月此獨詳言之【平陳以此為合州置海康縣大業初州廢又廢模洛羅阿雷川三縣入】一統志三縣疑梁陳時所置紀要俱梁置

【抱成】今未詳所在當在雷州府境

【舊曰抱并置郡】宋齊志均無抱縣抱郡當是梁陳間置洪氏補梁志不載此郡縣汪氏南北史補志則云抱并齊舊郡是讀并字絕句誤也且齊亦無抱并郡【平陳郡廢十八年改曰抱城】

【隋康】今徐聞縣南

【舊曰齊康】紀勝引元和志開皇十八年置齊康縣十九年改為海康與志不合案齊志齊康郡有樂康縣即齊康之誤文非開皇所置元和志誤也【置齊康郡】齊置【平陳郡廢廢改名焉】

【扇沙】今遂溪縣西北一統志齊置紀要梁置案齊志無扇沙縣

【舊有榭縣】今遂溪縣東南五十里一統志齊置紀要梁置案齊志無榭縣【開皇十八年改為榭川大業初廢入】

【鐵杷】今遂溪縣東南七十里

【開皇十年置】紀勝引元和志開皇十一年置鐵杷縣因縣西鐵杷水爲名

【珠崖郡】漢武帝置元帝罷紀勝據元和志梁於徐聞縣立珠崖郡竟不有其地隋大業六年更開置珠崖郡立十縣

【梁置崖州】御覽引方輿志亦云梁置崖州按隋書譙國夫人傳高祖贈夫人子僕爲崖州總管平原郡公疑隋嘗置崖州總管府志失書

【統縣十戶一萬九千五百】

【義倫】今儋州治寰宇記漢儋耳縣隋爲義倫縣因義倫水爲名紀要梁置

【帶郡】紀勝引元和志煬帝又置儋耳臨振二郡一統志大業六年置儋耳郡然則煬帝時珠崖儋耳臨振三郡並立義倫爲儋耳郡治也

【毗善昌化吉安感恩】

【感恩】今縣治紀勝引元和志本漢九龍縣隋大業六年改名感恩取感恩水以爲名

【顏盧】紀要在故舍城縣西南隋置新舊唐志作顏羅寰宇記作顏盧與志合

【毗善】今臨高縣北紀勝引元和志本漢儋耳縣大業六年於此置毗善縣

【昌化】今縣東南十五里紀勝引元和志本漢至來縣大業六年置昌化縣紀勝又引皇朝郡縣志云本漢儋耳縣地

【有藤山】

【吉安】今昌化縣北紀要隋置

【延德】今崖州西北一百里寰宇記隋置紀勝

引元和志本漢臨振縣地大業六年分置延德縣寰宇記隋臨振郡又曰延德郡然則延德縣先爲郡也紀勝又引高州誠敬夫人廟碑隋高祖賜夫人臨振縣湯沐邑一千五百戶然則隋文帝時尙名臨振縣也

【寧遠】今崖州南紀勝引元和志大業六年置寰宇記隋臨振郡治寧遠

【澄邁】今縣治寰宇記漢苟中縣地隋置澄邁縣以界內澄邁山爲名

【武德】今瓊山縣東紀要隋置一統志梁陳時廢朱盧置

【有扶山】今瓊山縣東南五十里紀要山之東有五嶺遞相擁護故名扶山

按隋有舍城縣在今瓊山縣東南四十里紀勝引元和志大業六年置舊唐志舍城隋舊縣爲珠崖郡治又有臨機縣寰宇記在崖州東南八

十里漢臨振縣地隋置元和志武德五年分平昌縣置按通鑑開皇十年賜譙國夫人臨振縣

爲湯沐邑疑改振爲機是唐代事又隋有陵水縣今陵水縣東北紀勝引元和志大業六年置

又有瓊山縣在今瓊山縣南六十里輿地廣記隋末置屬崖州寰宇記瓊州下云本隋珠崖郡

之瓊山縣則隋有瓊山審矣又有平昌縣在今文昌縣北寰宇記漢紫貝縣地隋改爲平昌按

新唐志作唐武德五年置平昌縣後改文昌

【寧越郡】

【梁置安州】元和志梁武帝於今欽江縣南三里置安州梁書武紀大同八年遣安州刺史

李魯等同征李賁於交州寧贇碑祖逵陳宣武皇帝除授安州刺史父猛力陳文皇帝除安州刺史「開皇十八年改曰欽州」通鑑作開皇十七年改欽州元和志取欽江爲名也大業三年改爲寧越郡隋書令狐熙傳開皇中拜桂州總管以州縣多有同名者於是奏改安州爲欽州黃州爲峯州利州爲智州德州爲驩州寧州爲融州寧贇碑兄長眞爲欽州刺史

【統縣六戶一萬二千六百七十】

【欽江】今欽州東北五十里

【舊置宋壽郡】宋志越州宋壽郡云先屬交州寧贇碑父猛力安州刺史宋壽縣開國侯則宋壽郡治宋壽縣志常云舊置宋壽並置郡【平

陳郡廢開皇十八年改曰欽江】元和志開皇十九年罷郡爲欽江縣案此似以郡改縣不有寧贇碑不知其誤矣【大業初置寧越郡】元和志大業三年

【安京】今欽州治元和志開皇十年罷安京郡爲縣紀要云梁置爲安京郡治寰宇記隋置安京縣

【舊置安京郡】元和志梁武帝分宋壽郡置

【平陳郡廢有羅浮山】今欽州西北八十里元和志俗傳似循州羅浮山因名之【有武郎

江】寰宇記武郎江經保安縣界

【內亭】今靈山縣西九十里

【舊置宋廣郡】紀要云梁置【平陳郡廢十七年改曰新化縣】按齊志越州合浦郡有宋廣縣紀要隋改宋廣曰新化元和志謂開皇十

七年置縣名新化【十八年改名焉】寰宇記因水爲名

【南賓】今靈山縣治

【開皇十八年置】元和志開皇十八年於欽州北八十里置南賓縣

【遵化】今靈山縣東南十里

【開皇二十年置】元和志本合浦縣地

【海安】今欽州西南一統志大業初改安平曰海安

【梁置曰安平】按元和志作安海未知孰是

【置黃州】元和志本漢交趾郡地梁大同元年分置黃州陳書歐陽頌傳梁末爲廣州刺史都督十九州中有黃州【及寧海郡平陳郡廢

十八年改州曰玉州】按令狐熙傳奏改黃州爲峯州而此云改爲玉州後嘉寧縣下云改興

州爲峯州據元和志寰宇記則熙傳誤也又元和志開皇十八年改黃州曰陸州以在海南有

陸路通海北因以爲名與志亦不同御覽引方輿志陸州玉山郡梁置黃州及寧海郡隋平陳

郡廢改黃州爲玉州煬帝初州廢則與志昭合

【大業初州廢其年又省海平玉山二縣入】海平在今欽州南紀要梁置玉山在今欽州西南紀要梁置

【交趾郡】

【舊曰交州】宋志漢獻帝建安八年置初治廣信後治龍編梁書武紀大同七年交州土民

李賁攻刺史蕭諮誘輸賂得還越州八年遣越州刺史陳侯等同征李賁于交州中大通元年

交州刺史楊暕寇交趾李賁竄入獠洞交州平元和志大業三年罷爲交趾郡

【統縣九戶三萬五十六】

【宋平】今越南河內省城南元和志本漢日南郡西捲縣地宋分立宋平縣屬九德郡後改爲宋平郡

【舊置宋平郡】宋志孝武世分日南立宋平縣後爲郡無領縣齊志宋平郡領昌國義懷綏

寧三縣【平陳郡廢大業初置交趾郡】

【龍編】今越南河內省東元和志本漢縣也屬交趾郡立縣之始蛟龍盤編于江津之間因以爲瑞而名縣也

【舊置交趾郡】漢元鼎六年開梁書武紀大同十年春正月李賁於交趾竊位號署百官【平陳郡廢】

【朱戡】今越南南省東南漢置通鑑梁武帝大同十一年李賁敗於朱戡

【舊置武平郡】宋志吳孫皓建衡二年討扶嚴夷以其地立武平郡陳書高祖紀梁大同時

領武平太守【平陳郡廢】

【隆平】今越南河內省境

【舊曰武定置武平郡】按武平郡縣宋置宋志武平郡領吳定新道晉化三縣齊志武平郡

領武定封溪平道武興根寧南移六縣無一與宋志同者疑宋之吳定卽齊之武定也輿地廣

記武平本東漢封溪縣地吳置武寧縣及立武平郡晉以後因之後改縣曰武定按宋志武寧

屬九真郡不屬武平廣記說誤【平陳郡廢開

皇十八年縣改名焉】

【平道】今越南河內省境元和志本扶嚴夷地吳時開爲武平郡立平道縣屬之而宋志武平

郡無平道縣齊志武平郡始有平道縣或宋志之新道卽平道與

【舊曰國昌】通典齊置寰宇記輿地廣記並作齊置昌國縣按齊志昌國屬宋平郡【開皇

十三年改名焉】

【交趾】今越南河內省元和志交趾本龍編地開皇十年分置交趾縣輿地廣記本漢羸陳縣

地

【嘉寧】今越南北圻宣光道境元和志本漢蒼冷縣地吳分其地立嘉寧縣通鑑梁武帝大同

十一年李賁奔嘉寧城據輿地廣記縣嘗中廢隋末復置

【舊置興州】紀要梁置通典元和志陳置御覽引方輿志云陳置興州【新昌郡】按孫皓

傳建衡三年分交趾置新興郡御覽引十道志峯州下吳置新興郡晉改爲新昌輿地廣記同

通鑑梁中大同元年春正月楊暕等克嘉寧城李賁奔新昌【平陳郡廢十八年改曰峯州】

元和志同【大業初州廢】元和志大業二年廢州以縣屬交州

【新昌】今越南宣光道境輿地廣記舊屬新昌郡隋屬交趾郡

【安人】今越南宜光道境

【舊曰臨西開皇十八年改名焉】元和志懷驩縣下云本漢成驩縣也武德五年分置安人

縣爲濱州是以安人爲唐初所置也當誤

【九真郡】

【梁置愛州】元和志梁武帝於九真郡理置愛州梁書武紀普通四年六月分交州置愛州大同八年三月遣交州刺史阮漢征李賁於交州陳書歐陽頎傳梁末爲廣州刺史都督十九州中有愛州又黎尉安南志略楊晉陳交愛二州都督封武康郡公

【統縣七戶一萬六千一百三十五】

【九真】今越南左圻廣治道元和志本漢居風縣地吳改居風爲移風開皇十七年分移風縣置寰宇記同紀要梁置爲九真郡治

【帶郡】元和志大業三年改愛州爲九真郡

【有陽山堯山】寰宇記軍寧縣堯山清風靜夜時聞伐鼓之聲

按有南移縣齊置屬武平郡南史周文育傳侯景平改封南移縣侯

【移風】今越南清化道西宋志漢名居風吳更名

【舊置九真郡】漢元鼎六年立【平陳郡廢】

【晉浦】今越南清化道西漢志晉浦屬九真郡

【隆安】今越南清化道南元和志北至愛州三十里

【舊曰高安】宋志晉武帝分常樂立元和志屬九真開皇十年改屬愛州【開皇十八年改名焉】

【軍安】今越南清化道西北元和志東南至愛州二十里本漢都龐縣地晉分爲軍安縣宋志

晉武帝立屬九真郡

【安順】今越南清化道東南元和志西北至愛州九里本漢居風縣地吳改爲移風又分置常樂縣

【舊曰常樂】宋志常樂吳立屬九真元和志開皇十年改屬愛州【開皇十六年改名焉】元和志同

【日南】元和志北至愛州三十里誤寰宇記愛州東北二百二十里元和志本漢居風縣地晉分置津梧縣開皇十年析津梧縣置寰宇記漢居風縣地隋改爲日南縣紀要云梁置

【日南郡】寰宇記漢元鼎六年開交趾以南置日南郡治朱吾吳分日南置九德郡晉宋齊因之

【梁置德州】元和志梁武帝於九德縣置德州梁書武紀大同九年夏四月林邑王破德州攻李賁賁將范修又破林邑王於九德通鑑陳永定元年有德州刺史陳法武【開皇十八年改曰驩州】隋桂州總管令狐熙奏改見前寧

越郡下元和志取咸驩縣爲名也大業三年改爲日南郡又安南志略煬帝大業初授劉方驩州道行軍總管

【統縣八戶九千九百一十五】

【九德】今越南左圻廣治縣元和志西至驩州五里宋志吳立元和志吳天紀二年分九真之咸驩置九德縣

【帶郡】宋志九德太守故屬九真吳分立元和志大業三年改爲日南郡

【咸驩】今越南廣平道東南漢志咸驩屬九真郡據元和志即唐之濱州

【浦陽】寰宇記驩州東南五里宋志晉武帝分陽遠立

【越常】元和志西至驩州七十里寰宇記驩州東北七十里

【金寧】今越南河內省境紀要梁置

【梁置利州】陳書歐陽頎傳梁末爲廣州刺史都督十九州中有利州【開皇十八年改爲智州】桂州總管令狐熙奏改見前寧越郡下

【大業初州廢】

【交谷】今越南北圻境紀要梁置

【梁置明州】梁書敬帝紀太平元年二月癸亥徐嗣徽任納襲采石戍執戍主明州刺史張懷鈞入於齊通鑑注引此志日南郡梁置明州懷鈞蓋帶刺史而戍采石也陳書歐陽頎傳梁末爲廣州刺史都督十九州中有明州【大業初州廢】

【安遠】今越南北圻山西道境唐之福祿州柔遠縣也紀要引志云梁天監中分九德立按志例不書前代年月紀要所引非此志也

【光安】今越南北圻山西道境

【舊曰西安】宋志晉武帝立紀要引志云梁天監中分九德置誤【開皇十八年改名焉】

【比景郡】

【大業元年平林邑置蕩州尋改爲郡】隋書林邑傳仁壽末上遣大將軍劉方爲驩州道行軍總管率欽州刺史寧長真驩州刺史李暉開

府秦雄步騎萬餘及犯罪者數千人擊之其王梵志率其徒乘巨象而戰方縱兵擊之大破之入其都方班師梵志復其地然則林邑之地隋雖置郡縣仍爲梵志有也安南志略所載略同

【統縣四戶一千八百一十五】

【比景】今越南南圻北境漢置屬日南郡宋志作北景通鑑大業元年劉方經略林邑帥大將軍張懸等以舟師出比景

【朱吾】今越南南圻北境漢置爲日南郡治宋書元和中檀和之自朱吾戍進園林邑將范扶龍於區粟城

【壽冷】今越南南圻北境宋志晉武帝太康十年分西卷立

【西捲】今越南南圻東北地漢志屬日南郡宋志作卷

【海陰郡】

【大業元年平林邑置農州尋改爲郡】

【統縣四戶一千一百】

【新容】今越南南圻境

【真龍】今越南南圻境舊唐志作金龍云隋文帝時遣大將劉方率兵萬人自交趾南伐林邑國敗之其王梵志遁走方收其廟主一十八人皆鑄金爲之方盡虜其人空其地乃班師因方得其龍乃爲縣名寰宇記亦作金龍

【多農】今越南南圻境

【安樂】今越南南圻境

【林邑郡】寰宇記林邑卽漢日南郡之象林縣

【大業元年平林邑置沖州尋改爲郡】

【統縣四戶一千二百二十】

【象浦】今越南南圻廣和道境

【金山】今越南南圻境

【交江】今越南南圻境

【南極】今越南南圻境

【揚州於禹貢爲淮海之地在天官自斗十二度至須女七度爲星紀於辰在丑吳越得其分野】史記牽牛婺女揚州通典斗則吳之分野兼得楚及南越之交「江南之俗火耕水耨食魚與稻以漁獵爲業」數語蓋約漢志文「雖無蓄積之資然而亦無饑餓其俗信鬼神好淫祀父子或異居此大抵然也江都弋陽淮南鍾離斬春同安廬江歷陽人性並躁勁風氣果決包藏禍害視死如歸戰而貴詐此則其舊風也自平陳之後其俗頗變尙淳質好儉約喪紀婚姻率漸於禮其俗之敝者稍愈於古焉丹楊舊京所在人物本盛小人率多商販君子資於官祿市廛列肆埒於二京人雜五邑亦一都會也其人本並習戰號爲天下精兵俗以五月五日爲鬪力之戲各料彊弱相敵事類講武宣城毗陵吳郡會稽餘杭東陽其俗亦同然數郡川澤沃衍有海陸之饒珍異所聚故商賈並湊其人君子尙禮庸庶敦龐故風俗澄清而道教隆洽亦其風氣所尙也豫章之俗頗同吳中其君子善居室小人勤耕稼衣冠之人多有數婦暴而市廛競分銖以給其夫及舉孝廉更娶富者前妻雖有積年之勤子女盈室猶見放逐以避後人俗少

爭訟而尙歌舞一年蠶四五熟勤於紡績亦有夜浣紗而旦成布者俗呼爲雞鳴布新安永嘉建安遂安鄱陽九江臨川廬陵南康宜春其俗又頗同豫章而廬陵人龐淳罕多壽考然此數郡往往畜蠶而宜春偏甚其法以五月五日聚百種蠶大者至蛇小者至蝨合置器中令自相啖餘一種存者留之蛇則曰蛇蠶蝨則曰蝨蠶行以殺人因食入人腹內食其五臟死則其產移入蠶主之家三年不殺他人則畜者自鍾其斃累世子孫相傳不絕亦有隨女子嫁焉干寶謂之爲鬼其實非也自侯景亂後蠶家多絕既無主人故飛遊道路之中則殞焉自嶺已南二十餘郡大率土地下濕皆多瘴癘人尤天折南海交趾各一都會也並所處近海多犀象瑇瑁珠璣奇異珍瑋故商賈至者多取富焉其人性並輕悍易與逆節椎結踞踞乃其舊風其俚人則質直尙信諸蠻則勇敢自立皆重賄輕死唯富爲雉巢居崖處盡力農事刻木以爲符契言誓則至死不改父子別業父貧乃有質身於子諸獠皆然並鑄銅爲大鼓初成懸於庭中置酒以招同類來者有豪富子女則以金銀爲大釵執以叩鼓竟乃留遺主人名爲銅鼓釵俗好相殺多構讎怨欲相攻則鳴此鼓到者如雲有鼓者號爲都老羣情推服本之舊事尉陀於漢自稱蠻夷大會長老夫臣故俚人猶呼其所尊爲倒老也言訛故又稱都老云】

隋書地理志考證補遺

卷八揚州

新春縣改曰新陽下○水經斬水注斬陽縣徙江

州置大陽戍是縣有移徙

斬春縣木蘭縣後下○水經斬水注斬陽縣徙

江州置太陽戍後齊安郡移治于此按齊安郡

在黃岡移此故道元云云

同安縣開皇初郡廢下○隋書樊子蓋傳開皇受

禪以儀同領鄉兵後除樅陽太守疑廢郡在平

陳後

建安郡攻陷郡縣下○又宇文弼傳煬帝即位巡

省河北還除泉州刺史

新淦縣有玉笥山後提行○按有石陽縣名勝志

後漢分新淦立隋省入新淦廢城在玉笥卿之

仙居里西北去新淦五十里

新喻縣下○名勝志引城塚記云廢吳平縣在新

喻縣東百里漢曰安平隋改吳平開皇中省入

新喻與寰宇記說異

建昌縣豫章下○通鑑梁普通元年豫寧威伯馮

道根卒注引五代志建昌縣舊有豫寧縣是胡

身之所見隋志不作豫章

始興縣王仲宣寇平之後下○按隋書裴矩傳平

陳後俚帥王仲宣逼廣州遣其將周師舉圍東

衡州矩斬師舉進軍自南海援廣州仲宣懼而

潰散據元和志則是時東衡已改韶州或史文

追書之與

增城縣故置博羅縣下○藝文類聚引羅浮山記

羅浮者蓋總稱焉羅羅山也浮浮山也二山合

體謂之羅浮

尋廢州下○隨書周稠傳開皇未遣建州開府梁

昵討叛逆羅壽平之是開皇未尙有建州則廢

州在大業初

蒼梧郡改爲封州後提行○統縣四戶四千五百

七十八

隋書地理志考證卷第九

宜都楊守敬謹吾

【南郡】漢志秦置

治江夏又云晉遷徙無常自王忱還江陵後遂

治江陵【西魏】以封梁爲蕃國【周書】蕭督傳魏

恭帝元年平江陵封督爲梁主資以江陵一州

之地按後梁疆域此志惟當陽下稱後周置平

州領漳川遠安二郡屬梁蕃而通鑑云魏立梁

王督爲梁主資以荆州之地延袤三百里胡三

省注資以江陵緣江之地延袤三百里廣不及

三百里也謝氏啓昆曰以今縣計之梁地爲江

陵監利枝江當陽四縣之地廣袤僅千里今按

蕭督傳督之四年遣大將軍王操略取王琳之

長沙武陵南平等郡五年王琳遣其將雷又柔

襲陷監利郡蕭歸傳五年長沙巴陵並陷於陳

吳明徹乘勝攻克歸河東郡河東監利皆梁所

自有然按陳天嘉二年於河東置南荆州則河

東初不屬梁當亦後所略取惟蔡大業傳云督

稱帝歷監利郡守是督初卽有監利郡爲魏所

封無疑然則後梁始封之疆域可知者爲今江

陵監利二縣地又許孝敬傳蕭歸追封建興縣

公蕭歸傳十年周以基平都三州歸之於歸柳

洋傳出爲上黃郡守梁國廢以郡歸隋考建興

縣在今沔陽州西北二里基州在今鍾祥縣南

平州爲今當陽縣都州在今荊門州北九十里

上黃郡在今荊門州東南一百四十里則後梁

後來之疆域可知者爲今江陵縣及沔陽州荆

門州當陽縣鍾祥縣境至蕭管以王操爲鄧州刺史蕭歸封華皎爲江夏郡公當是遙領考通鑑梁敬帝元年鄧州刺史陸法和以鄧州降齊齊使慕容儼戍之侯瑱攻鄧州不能克齊人以城在江外難守因割以還梁此確是還之梁敬帝洪氏麟孫謂復歸後梁誤也且蕭歸封華皎在沌口既敗之後斯時江南皆陳境歸安得有江夏郡乎又隋書蕭歸傳管都江陵有荆郡以西平州延袤三百里之地考周書蕭歸傳歸之十年周始以平州歸之於歸且平州置於周武成中後梁初封尙無平州之名蓋隋書誤【又置江陵總管府】周紀在保定二年當作後周置江陵總管府周書蕭管傳管居東城江陵總管居西城又周書田弘傳天和二年爲江陵總管時陳將吳明徹來寇弘與梁主蕭歸退保紀南令副總管高琳拒守北史高琳傳天和三年爲江陵副總管與田弘傳合而周書作保定三年遷江陵總管無副字【開皇初府廢】周書蕭歸傳開皇二年罷江陵總管【七年併梁又置江陵總管】按周書蕭琮傳琮嗣位隋文帝復置江陵總管以監之琮之二年隋徵琮入朝因廢梁國據此則置總管在開皇六年未併梁之先志未分晰【二十年改爲荆州總管】按帝紀開皇九年以楊素爲荆州總管十年以王世積爲荆州總管十五年以韋世康爲荆州總管是荆州總管非二十年改寰宇記隋初改荆州爲江陵鎮隸襄州至七年改爲荆州又鄧州下云開皇七年梁祚旣絕改荆州爲鄧州荆州

之稱復歸江陵疑改荆州總管即在開皇七年又考隋書達奚長儒傳轉荆州總管高祖謂之曰江陵要害國之南門今以委公朕無慮也此已改江陵總管爲荆州總管時事當在開皇十餘年【大業初廢】寰宇記義寧二年爲蕭銑所據

統縣十戶五萬八千八百三十六

【江陵】今縣治按史記漢高紀項羽立共敖爲臨江王都江陵則江陵爲秦縣無疑而水經注云漢景帝二年改臨江爲江陵縣元和志景帝三年改江陽爲江陵皆誤全氏祖望亦謂秦南郡卽治江陵漢初郡名有更易縣無改移

【帶南郡】梁陳爲王國梁書太宗十一王傳蕭大連簡文帝大寶元年封南郡王陳書高宗二十九王傳陳叔澄後主至德元年封南郡王

【開皇初郡廢大業初復置郡】

【長楊】今縣治宋志亦作楊新唐志及元和志寰宇記輿地紀勝明志俱作陽按水經夷水注有長楊溪是也長陽義無所取當以楊爲是

【開皇八年置】本漢俱山縣地寰宇記開皇八年李伯禽據縣背陳入隋卽改俱山縣爲長陽以南崖長陽溪得名【並立睦州】寰宇記睦州故城在長楊縣東三百步隋開皇九年置

【十七年州廢有宜陽山】寰宇記宜陽山有風井穴大如甕夏出冬入有樵人置笠穴口風喻之後於長楊溪口得笠則知潛通也惟載之遠安縣下則誤

【宜昌】宋志晉置宜昌何志晉武帝立按太康

永寧地志並無疑是此後立水經注江水逕宜昌縣北分夷道俱山立也縣治江之南岸宜都記曰渡流頭灘十里便得宜昌縣江水又東逕狼尾灘而歷人灘又東逕黃牛山下據此則晉之宜昌在黃牛峽狼尾灘之上去今東湖且百餘里志巴山下云梁置宜都郡宜昌縣寰宇記巴山廢縣在長陽縣南當作縣西七十里然則晉宋以來之宜昌已徙於梁代惟隋無遷治明文唐志云宜都本宜昌武德二年更名宜都及峽州之夷道置江州又似隋之宜昌實置於陳宜都故城中然隋乃有夷道縣其時省併州縣不應一地同時置兩縣據後文有丹山黃牛山隋之宜昌似仍梁舊說詳下然有甚難解者隋南郡之於宜昌在江北則隔夷陵郡在江南則隔夷陵之夷道不知何以能越而隸之又長楊亦在夷道西隋以隸南郡亦隔越夷道余疑隋之宜昌長楊并隸夷陵而誤係之南郡也

【開皇九年置松州】按唐志武德六年於宜都置東松州因隋有宜昌之松州在西故也然則隋之宜昌仍梁舊藩矣【又省歸化受陵二縣入十一年州廢又省宜都縣入】紀勝陳置宜都屬南信州寰宇記後周天和三年江南爲陳所併陳天嘉元年於漢夷道縣城東置宜都縣按周天和三年當陳光大二年在天嘉之後元和志陳改夷道爲宜都按此志誤也陳天嘉旣於夷道縣城東一里置宜都縣其時已廢夷道至隋復省宜都置夷道當併入夷道安得併入宜昌平竊謂此文當在下夷道縣下而作志者誤入

於此故唐武德仍置宜都唐志據志此文遂謂宜都本宜昌展轉膠葛不復能分析矣〔有丹山〕寰宇記引郡國志山有石鶴在仙室山西復連丹山又引袁山松宜都記時有赤氣籠井如丹故名〔黃牛山〕寰宇記引盛弘之荊州記南岸重嶺疊起最大高崖間有石色如人負刀牽牛人黑牛黃成就分明此巖最高加以江湍紆迴雖途經信宿猶望見之故行者歌曰朝發黃牛暮宿黃牛三朝三暮黃牛如故水經江水注亦引之

〔枝江〕水經注江沱枝分東入大江縣治洲上故以枝江爲稱又引盛弘之曰縣舊治沮中後移出百里洲西去郡一百六十里梁書蕭譽傳普通二年封枝江縣公杜嗣傳元帝承制封枝江縣侯

〔當陽〕今縣治漢縣梁書鄧元起傳天監元年封當陽縣侯又太宗十一王傳大通四年封蕭大心當陽縣公

〔後周置平州〕元和志周武成二年置周書陽雄傳蠻帥文子榮竊據荊州之汝陽郡又侵陷南郡之當陽臨沮等數縣詔遣開府賀若敦等討平之卽以其地置平州〔領漳川遠安二郡〕周書蔡大業傳除漳川太守〔屬梁蕃〕見上〔開皇七年改爲玉州九年州郡並廢梁又置安居縣開皇十八年改曰昭丘〕王粲登樓賦西接昭丘文選注引荊州圖記當陽東南七十里有楚昭王墓〔大業初改曰荆臺〕孔子家語楚王游荆臺司馬子謀諫王怒令尹子

西賀紀勝謂其地在監利縣西土洲之南則去當陽甚遠〔尋廢入有清溪山〕水經沮水注青谿水出臨沮縣西青山山之東有濫泉卽青谿之源也

按有臨沮縣漢置在今當陽縣西北梁書江淹傳天監元年封臨沮縣開國伯

〔松滋〕今縣西寰宇記引太康地志咸康三年以松滋流戶在荆土者立梁書鄧元起傳封松滋縣侯

〔江左舊置河東郡〕今松滋縣西宋志晉咸康三年征西將軍庾亮以司州僑戶立按宋志

作南河東齊志作河東法苑珠林三十九引周訪地圖云此荆楚舊爲王都欲於硤州置之嫌逼山遂止便有宜都之號下至松滋地有面勢都邑之像乃掘坑秤土嫌其太輕覆瀉本坑土又不滿便止曰昔金陵王氣於今不絕固當今

三百年矣使都建業仍於此置河東改遷裴薛柳杜四姓居之地在江曲之閒類蒲州河曲故有河東之目也梁爲王國梁書武紀中大通三年六月癸丑立昭明太子子枝江公譽爲河東郡王南史沈林子傳加建威將軍河東太守陳書有河東王叔獻〔平陳郡廢有潒水〕說文

潒陽渚在郢楚辭九歌望潒陽兮極浦王逸注潒陽江碕名附近郢寰宇記潒港在公安縣西六十里紀要潒陽鎮在公安縣西南百里

〔長林〕今荊門州西北紀勝引荊州記當陽縣東有櫟林長坂昔時武寧至樂鄉八十里中拱木修林隱天蔽日長林蓋取名於此

〔舊曰長寧縣〕宋志晉安帝立紀勝引皇朝郡縣志在漢爲郡編之地晉分江陵置長寧〔開皇十一年省長林縣入〕按在今荊門州北宋志晉安帝立寰宇記隆安五年分編縣立〔十八年改曰長林〕按通鑑注綏安郡治長寧隋省長寧入長林據志木長林入長寧後改長林通鑑注微未審

〔公安〕今縣東北寰宇記引荊州記云先主敗於襄陽奔荊州吳大帝推先主爲左將軍荊州牧鎮油口卽居此城時號先主爲公太平御覽引公字上有左字是故名其城公安也據此則公安之名始於劉先主又郡國志房陵注引魏氏春秋曰劉備在荊州所都改曰公安然第名其城爲公安如松滋之上明城江夏之夏口城之類實未置縣晉宋齊三地志皆無公安至水經注

江水又東合油水東逕公安縣北油水自房陵縣之東北逕公安縣西始兩見縣治紀要遂謂梁改江安爲公安按梁書張稷傳天監元年封江安侯又武帝紀永元二年東昏侯使劉山陽屯江安陳書周寶安傳寶安子碧征歐陽紇平

定淮南並有功封江安縣伯是江安至陳時尚未廢也至公安之名梁書章愛傳西上襲劉季連行至公安道病卒又周書蕭巖傳擊敗陳吳明徹徹退保公安陳書陸子隆傳時荊州新置

治於公安城池未固子隆修建城郭綏集夷夏甚得民心又孫瑒傳太建四年出鎮公安瑒增修城池懷服遠邊爲鄰境所憚是梁陳之公安屢見紀傳恐未得據上明夏口之暫置城而不

置縣例之細核諸書當以梁置公安縣為近之
鄴道元卒於魏孝昌二年水經注中載梁之郡
縣甚多但不得如紀要謂梁改江安為公安也
輿地廣記云宋江安為郡治後改為公安尤無
據

【陳置荊州】見上陸子隆傳又紀勝引江夏
志云陳與後梁分長江為界置荊州於公安又
引元和志隋平陳廢陳南荊州為公安鎮按陳
紀天嘉二年四月分荊州之南平宜郡羅河東
四郡置南荊州鎮河東郡據諸書則陳之荊州
實鎮公安非河東羅郡當在今枝江古羅國也

【開皇九年省房陵】漢置今公安縣南【永
安】今松滋縣地東晉僑置梁書即陵王綸傳
子確封永安侯【二縣入有黃山】寰宇記黃
山字或作皇昔或呼為睢山今鄉人或呼為王
山云宋大將軍謝晦被誅於此山立廟因呼此
神為王山祠壇基址猶在互見後澧陽郡安鄉
縣下【有靈溪水】水經注江水又東逕燕尾
洲北合靈溪水水無泉源上承散水合成大溪
南流注江江溪之會有靈溪成背阿而江西帶
靈溪又云江陵地東南傾故緣以金堤自靈溪
始紀勝在縣南二里紀要在荊州府東二十里
據此則靈溪在江北應係之江陵今係於公安
誤也

按陳有雍州陳書宗饒傳宣帝時詔加散騎常
侍荆雍湘巴武五州大中正是陳有雍州未知
治所又按陳有荊州沈恪傳光大二年都督荆
武祜三州諸軍事荊州刺史又陸子隆傳子隆

以功遷都督荆祜信三州諸軍事荊州刺史又
通鑑陳太建十二年淳于陵克祜州

又按陳有信州樊毅傳弟猛太建中遷使持節
都督荆信二州諸軍事荊州刺史宣帝紀太建
十一年前信州刺史楊寶安鎮白下又孫場傳
太建四年授都督荆信二州諸軍事荊州刺史
通鑑隋開皇九年陳信州刺史顧覺屯安蜀城
註謂巴東之信州按紀勝陳置宜都縣屬南信
州據此則陳之信州當置於夷陵夷道之間江
南岸通鑑注謂巴東之信州則在江北是周地

【安興】今江陵縣東

【舊置廣牧縣】廣牧漢縣屬朔方東晉僑立於
此按並立新興郡宋志新興郡江左僑立梁陳
為王國梁書新興王大莊陳書新興王叔純是
也梁書庾域傳天監初封廣牧縣子【開皇十
一年省安興縣入】安興縣於宋齊志無徵志
不言建置之始志中如此甚多【仁壽初改曰
安興又有定襄縣】定襄漢郡在并州東晉僑
立於此南史南平王偉子祇傳天監中封定襄
縣侯陳書孫瑒傳天嘉元年封定襄縣侯【大
業初廢入】按宋志新興郡領定襄廣牧新豐
三縣定襄廣牧既併入安興而新豐未之及紀
要課梁改新豐為安興理當然也又新興郡亦
當廢於隋

【紫陵】今江陵縣東

【西魏置華陵縣後周改名焉其城南面梁置
荊州】按此荊州當是蕭督時僑置至蕭歸十
年周以基平都三州歸之則舊荊州也【又置

雲澤縣大業初州縣俱廢入焉有破石山】
【夷陵郡】紀勝引元和志大業三年改破州為
夷陵郡

【梁置宜州西魏改曰拓州】寰宇記梁武帝
天監中於此置宜州以舊宜都為州之名西魏
改為拓州蓋取開拓之義通鑑梁簡文帝大寶
元年湘東王繹改宜都為宜州以王琳為刺史
與寰宇記異北史裴俠傳出為郢州刺史尋轉
拓州刺史【後周改曰破州】隋書李雄傳周
武帝時拜破州刺史破從石與志合紀勝引元
和志周武帝以州居三峽之口因改為峽州則
字當從山而又云夷陵志唐武德三年改峽從
山方輿勝覽亦云唐改峽州始從山然舊唐志
仍作破括地志破峽並見新唐志寰宇記作破
輿地廣記於周唐之州作破於宋改峽考廣韻
集韻破峽音並同集韻峽本作陝或作陝但諸
地志無作陝者陸游入蜀記峽州在唐為破州
後改峽而印文則作陝州元豐中郎官洵直
建言陝與陝相亂請改鑄印文從山下少府監
而監丞歐陽發言湖北之陝州從阜從夾夾從
兩人陝西之陝州從阜從爽爽從兩入偏旁不
同本不相亂恐四方謂少府監官皆不識字當
時朝士之議皆是發而卒從洵直言改鑄云通
鑑地理通釋引元和志下牢鎮在夷陵縣西二
十八里隋於此置峽州則隋初州有遷徙據通
例此下當有大業初廢四字

【統縣三戶五千一百七十九】
【夷陵】今東湖縣東北漢縣梁書裴邃傳以功

【夷陵】今東湖縣東北漢縣梁書裴邃傳以功

封夷陵縣子舊唐志隋縣治石皋城方輿勝覽引夷陵志後周移峽州治石鼻城

【帶郡有馬穴】寰宇記引宜都記云西陵北崖有石穴遠望常有白馬出入其間尋之莫覩水經江水注夷陵北三十里有石穴名馬穿常有白馬出穴人逐之穴潛行出漢中漢中人失馬亦出此穴相去數千里北堂書鈔引此作盛弘之荊州記云在佷山縣北三十里則非夷陵北也

【夷道】今宜都縣治漢置故城在縣西一里陳書樊毅傳梁元帝時封夷道縣伯

【舊置宜都郡】宋志引習鑿齒云魏武平荊州分南郡枝江以西爲臨江郡建安十五年劉備改爲宜都則宜都郡爲先主立無疑惟郡治則無定所寰宇記引吳錄云蜀昭烈皇帝立宜都郡於西陵卽夷陵也在吳蜀之界吳得之頗爲重鎮此以爲治夷陵水經江水注劉備改臨江郡爲宜都郡治在夷道縣東四百步故城吳丞相陸遜所築也此以爲治夷道夫西陵爲吳重鎮不應郡守反在夷道且陸遜爲宜都守鎮西陵見於本傳又水經江水注陸抗城卽山爲壙四面天險江南岸有山孤秀袁山松爲郡守嘗登矚望焉亦以郡守爲治夷陵晉志宜都郡仍夷陵居首則知蜀至晉當治夷陵至宋志齊志宜都郡皆以夷道居首必其時已徙治夷道酈道元所說乃以當時之郡治爲據未遑深考遂以劉先主事牽合於此余得宋文帝妃吳氏墓磚于宜都城南知宋時郡治在夷道又巴山

下云梁置宜都郡宜昌縣此當是梁徙宜昌於巴山之時自夷道徙宜都郡治之不久仍復夷

道故治與按梁書湘東王改宜都爲宜州志載宜州于夷陵又似梁時郡治仍在夷陵未能明也梁陳爲王國南史梁汝南王大封傳太清三年簡文帝即位封宜都郡王陳書二十九王傳宣帝子叔明太建中封宜都王【開皇七年廢】此當云又省宜都縣入焉【有女觀山】水經江水注縣北有女觀山厥處高顯回眺極目古老傳言昔有思婦夫官於蜀屢愆秋期登此山絕望憂感而死山木枯悴鞠爲童帖鄉人哀之因名此山爲女觀焉葬之山頂今孤墳尙存矣

【遠安】今縣北十五里

【舊曰高安】宋志新立紀勝引元和志東晉義熙中置寰宇記亦云晉安帝立【置汝陽郡】宋志荊州有汝陽郡齊因之周書李賢傳荊州羣蠻反賢與賀若敦大破之遂於平州北築汝陽城以鎮之似汝陽在梁時有荒廢也【又周改縣曰安遠】又字當作後安遠當互倒元和志周明帝武成元年改爲遠安【開皇七年郡廢】

【竟陵郡】水經注晉惠帝元康九年分江夏西部置竟陵郡

【舊置郢州】元和志西魏文帝大統十七年置通典寰宇記後周置按隋書崔仲方傳開皇六年上取陳之策有郢州卽此州也按三國志魏文帝紀黃初三年以江北諸郡立郢州尋復以郢州爲荊州後周之置郢州蓋因魏文之舊

名

統縣八戶五萬三千三百八十五

【長壽】今鍾祥縣東南郭內宋志明帝泰始六年立長壽齊志亦作長壽寰宇記晉武帝置蓋誤紀勝引圖經西魏改長壽曰長壽

【後周置石城郡】寰宇記周武帝置通鑑梁大寶元年二月魏楊忠乘勝至石城卽此【開皇初郡廢大業初置竟陵郡又梁置北新州】按梁之北新州實置於此以元樹曾以新陽置新州故此加北也志於江夏郡云梁分置北新州誤互見後江夏郡下【及梁寧等八郡後周保定中州及八郡總管廢入焉有敖山】

【藍水】今鍾祥縣西北

【宋僑立馮翊郡通勺縣】按宋志元嘉六年以三輔流民出襄陽僑立馮翊郡然只領都高陸二縣無通勺縣而齊志馮翊郡有之或宋志失載歟【西魏改郡爲漢東】通鑑梁簡文帝大寶元年魏將楊忠執柳仲禮降安陸取漢東乘勝至石城郡蓋改於此時周屬郢州隋書文帝紀大象二年以二十郡爲隋國中有郢州之漢東【縣爲藍水又宋置高陸縣】宋志大明元年僑置【西魏改曰澗水】今安陸府西寰宇記澗水在長壽縣北二十里【開皇初郡廢大業初省澗水入焉有唐水】按紀勝郢州有唐山水經注無唐水而有敖水

【潯川】今鍾祥縣北

【後周置及置澗川郡又置清縣】清縣當是梁置志脫梁字文遂不順【西魏改曰澗水開

皇初郡廢大業初省澈陂入焉

【漢東】今鍾祥縣北

【齊置曰上蔡及置齊興郡】南齊志郢州齊興郡領綏懷齊康葑波綏平齊寧上蔡六縣【後周郡廢開皇十八年縣改名焉有東温山】

【清騰】今隨州西南

【梁置曰梁安又立崇義郡後周廢郡後周又有遂安郡開皇初廢七年改名焉有清騰山】

【樂鄉】今荆門州北九十里本漢若縣地宋志晉安帝立

【舊置武寧郡】宋志晉安帝隆安五年桓玄以沮漳降蠻立寰宇記立於故編縣城按梁為

王國梁書武寧王大威是也通鑑梁元帝承聖元年荆州界北盡武寧西拒硤口又通鑑梁元

帝以王琳為廣州刺史琳謂人曰緩急恐不得琳力陛下何不以琳為武寧太守作田訓兵以

固江陵謂此郡也後西魏于謹伐江陵克武寧獲太守宗均【西魏置郡州】周書高賓傳天

和二年除郡州諸軍事都州刺史按周書蕭歸傳歸之十年周以基平都三州歸之於歸【又

梁置旌陽縣】按宋志南郡有旌陽縣文帝十八年省併枝江二漢無旌陽見晉太康地志疑

是吳所立然則梁因晉舊名【後改名惠懷西魏又改曰武山開皇七年郡廢大業初州廢】

周書蕭琮之二年隋遣崔弘度戍江陵軍至都州即此【又廢武山入焉有武陵山】寰宇記

引郡國志左傳謂楚武王卒於櫛木之下即此山也紀勝在長林縣利陽西三十里今日武陵

大谷

【豐鄉】今鍾祥縣南

【西魏置】新唐書宰相世系表杜徽隋時封豐鄉縣侯【又置基州】紀勝引圖經云西魏

平漢東立基州統章山郡在漢水之東周書薛端傳基州地接梁陳周書蕭督傳周以基平都

三州歸梁【及章山郡開皇七年郡廢大業初州廢】

【章山】今荆門州東南一百四十里

【西魏置曰祿麻及立上黃郡】周書柳洋傳洋為上黃郡守梁國廢以郡歸隋【開皇七年郡廢大業初縣改名焉】

【沔陽郡】

【後周置復州】元和志周武帝置取州界復湖池為名周書裴寬傳天和二年行復州事按志下文開皇初州移仁壽三年復置州十二字

當在此下【大業初改曰沔州】

【統縣五戶四萬一千七百一十四】

【沔陽】今州治

【梁置沔陽】通鑑梁大通五年魏賀拔勝攻沔陽等郡拔之【營陽州城三郡西魏省州陵】

今沔陽東南漢縣梁書柳惔傳天監元年封柳忱為州陵縣伯【惠懷】今沔陽州西宋志惠

懷相江左立屬江夏【二縣置縣曰建興】今州北二里元和志今沔陽縣即後魏所置建興縣周書蕭督傳李廣追封建興縣公【後周置復州】已見郡下則此不當復【後又省營陽州城二郡入建興】陳宣帝紀尋改復州為沔州

按此志云大業初始改沔州與陳書不合【開皇初州移】移於竟陵【郡廢】廢沔陽郡也

【仁壽三年復置州大業初改建興曰沔陽】按元和志梁天監二年於漢雲杜縣地置沔陽

縣即今縣東三十里沔陽故城是也據此則梁初即有沔陽縣寰宇記引劉澄之永初山川記

沔陽縣東有魯山據此則宋初亦有沔陽縣又太平御覽一百七十一引宋書州郡志晉初立

沔陽縣為江夏郡治又於臨嶂山置沔陽縣為郡治尋移治安陸按此所引者何承天之宋書

志據此則晉初沔陽沔陽二縣並立故宋志云陶侃前治沔陽後治武昌必晉時有沔陽之名

故沈氏稱之至宋時又廢故沈氏不著至梁時又復立故水經注江水沔水二篇沔陽沔陽互

見或謂沔陽不見晉志指沔陽為沔陽者非也水經注江水沔水兩見沔陽皆先敘沔陽而後

及沔陽明沔陽與沔陽為二縣沔陽在沔陽之西非復臨嶂山下之沔陽也至寰宇記稱沔陽

本漢沔陽縣地宋白曰復州沔陽漢縣也按南漢志漢中郡有沔陽縣在今陝西漢中府與此

境地懸絕樂史宋白竟贖贖至此酈道元死於蕭保寅之亂當北魏之孝昌三年正梁武帝之

大通元年於梁初之事得聞其詳故敘述明晰如此元和志縣東之說適與之合惟西魏建興

縣城在今州北二里隋雖更名而遷徙無聞梁縣在唐沔陽縣東三十里而元和志亦以故城

目之其廢於魏周時無疑也【州廢復置沔陽郡焉】

按有雲杜縣在今沔陽州西北一統志齊後廢
梁書柳慶遠傳天監二年改封雲杜侯蓋是時
尚未廢也

【監利】今縣北寰宇記引荆州圖副晉太康五
年立屬南郡元和志太康五年分華容立宋志
引晉起居注太康四年復立南郡之監利縣尋
復省南史齊武帝子良傳子昭胄梁受禪降
封昭胄子同爲監利侯

按後梁置監利郡周書蕭詧傳大定五年王琳
遣將雷又柔襲監利郡太守蔡大有死之又蔡
大業傳詧稱帝歷監利郡守通鑑陳永定三年
注後梁置監利郡

又按漢華容縣在今監利縣西北宋齊志并有
之梁書武帝紀天監十年二月戊申驕虞一見
荆州華容縣又中大通三年六月癸丑立昭明
太子子南荆州刺史華容公權爲豫章郡王又
杜幼安傳封華容縣侯當是梁時尙有華容縣
但未詳此志巴陵郡之華容是梁徒否也互詳
後巴陵郡華容下

【竟陵】今天門縣治

【舊曰霄城】今天門東宋志作霄城齊志作
霄城梁書范雲傳天監元年封霄城縣侯水經
注洧水又東南流注霄城縣南大湖霄亦作霄
【置竟陵郡】水經注謂晉之竟陵郡治石城
在鍾祥此宋齊移徙【後周改縣】各本脫此
字今據宋本增【曰竟陵】漢水有竟陵縣在
今天門縣西北一統志梁末廢入霄城紀要云
西魏廢竟陵入霄城【開皇初置復州仁壽三

年州復徙建興又有京山縣】今天門縣北紀
要齊梁置按後安陸郡有京山縣其壤地與此
亦相疑彼大業所改角陵之京山即沿此舊
名或地略有遷徙故志分著之【齊置建安郡】
紀要云後齊置按齊志鄧州有建安左郡領霄
城縣即此紀要失檢遂意爲之說【西魏改曰
光川後周郡廢大業初京山縣又廢入焉】

【甌山】今漢川縣東南十里陳書太建十二年
周司馬消難以魯山甌山二鎮來降十四年隋
將元景山出漢口遣別將鄧孝儒攻甌山鎮是
陳隋之間甌山縣膏廢爲鎮當是開皇初復置
【梁置梁安郡西魏改曰魏安郡置江州】通

鑑注辯正周書魏廢帝三年改江州曰沔州即
隋沔陽郡之甌山縣又陳太建十二年八月周
司馬消難以鄧隨等九州降陳中尙有沔州是
周改沔州已二十八年此志不言周改沔州漏
誤無疑周書裴寬傳天和中爲沔州刺史即此
又陳書程靈洗傳爲郢州刺史進攻周沔州克
之擒其刺史裴寬【尋改郡曰汶川】名勝志
以縣南一里汶水爲名即左傳之澧水也【後

周置甌山縣】周書李賢傳乃遷江夏民二千
餘戶以實安州并築甌山城寰宇記梁天監中
置周大象三年廢恐誤隋書宇文愷傳文帝受
禪封甌山縣公【建德二年州廢開皇初郡廢】
紀要大業末縣廢【有陽臺山】紀勝陽臺山
在漢川縣紀要在縣治南一里俗訛曰羊蹄山
陳光大初周沔州刺史裴寬請遷城於羊蹄山
以避水即此下有陽臺渡寰宇記陽臺廟在漢

川縣南二十五里有陽臺山在漢水之陽山
形如臺宋玉高唐賦云楚襄王遊雲夢之澤夢
神女曰妾在巫山之陽高丘之阻朝朝暮暮陽
臺之下遂有廟焉今誤傳在巫峽中縣令裴敬
爲碑以正之

【漢陽】今縣治

【開皇十七年置曰漢津】通典隋初置漢津
縣元和志晉置沔陽縣入陳廢隋開皇九年置
成十七年廢成改置漢津縣屬沔陽郡【大業
初改焉】寰宇記大業二年改以在漢水之南
居嶂山之陽爲名【有沌水】水經江水注沌
水上承沔陽縣之太白湖東南流爲沌水逕沌
陽縣南注於江謂之沌口

按有沌陽縣宋志江左立在今漢陽縣西一統
志梁廢考梁書元法僧傳子景隆封沌陽縣公
南史周鐵武傳梁元帝承制封沌陽縣子又周
書李遷哲傳降周封沌陽縣伯則周初尙有此
縣元和志所云隋入陳廢者當得其實或謂梁
改沌陽爲沔陽亦誤

【沅陵郡】

【開皇九年置辰州】元和志取辰溪爲名辰
溪蠻戎所居也其人皆盤瓠子孫或曰巴子兄
弟八人爲五溪之豪按州當廢於大業三年又
此上當云舊置沅州開皇九年改辰州詳見武
陵郡下

按有廬州在今辰州府盧溪縣西南元和志梁
天監十年置廬州隋末蕭銑於此置盧溪縣以
南溪爲名

【統縣五戶四千一百四十】

【沅陵】今縣治漢置舊唐志沅陵漢辰陽縣地隋改辰陽為辰溪仍分置沅陵縣然則縣治非漢縣之舊

【舊置沅陵郡】元和志陳文帝置按陳書在天嘉元年詳見下武陵郡下陳為王國陳書高宗二十九王傳宣帝子叔興後主至德元年封沅陵王【平陳郡廢大業初復】

【大鄉】今永順縣南一百七十里即唐溪州治也

【梁置】元和志漢沅陵遷陵二縣地梁置大鄉縣舊唐志同

【鹽泉】未詳所在按元和志彭永縣下有左右鹽泉今本道官收其利寰宇記有鹽井一在彭水縣東九十里今煎據此二說則縣當在今彭水縣界也

【梁置】

【龍欄】紀勝今鎮江寒南三十五里元和志本漢無陽縣地輿地志縣本在舞水之陰後漢省入辰陽隋初於此置辰州

【梁置】名勝志龍標山在黔陽東其山翠嶽危聳如標梁置龍標縣以此【有武山】水經沅水注武溪源出武山元和志引武陵記云溪山高可十萬仞山中有盤瓠石窟中有石似狗形蠻俗相傳即盤瓠也又有巴蛇四眼大十圍不知長幾里按宋本寰宇記武山在盧溪縣西一百八十里當是與龍欄接界處按有澧陽縣本漢無陽宋為舞陽齊改澧紀要

云隋廢

【辰溪】今縣治

【舊曰辰陽】今辰溪縣西漢縣水經沅水注舊治在辰水之陽故即名焉楚辭所謂夕宿辰陽者也【平陳改名】舊唐志漢辰陽縣地隋分置辰溪縣【并廢故夜郎郡】宋志寧州夜郎太守晉懷帝永嘉五年立蓋本漢夜郎縣也寰宇記詳州建安縣有古夜郎城在今石阡府西葛彰司西六十里去辰陽甚遠蓋辰陽之西土宇遼廓與古夜郎相接隋廢夜郎故附麗于此又按安順府志引貴州紀事曰梁太清二年寧州刺史徐文盛勤王寧州空虛諸郡多為蠻氏所據惟惟柯平夷南陽三郡為梁守夜郎荒廢東徙于辰陽然則梁陳之夜郎非古夜郎之地或因此志為之說與【置靜人縣尋廢又梁置南陽郡建昌縣】宋本寰宇記建昌廢縣在縣西北【陳廢縣開皇初廢郡置壽州十八年改為充州】宋本寰宇記充州廢城在縣西北按唐志充州武德三年以祥柯蠻別部置不云因隋之舊通典充州在龍標西南四百里今貴州松桃廳之西南然則與寰宇記云在縣西北不相應或先置于此至唐始移而南與【大業初州廢有郎溪】按圖志無郎溪名元和志明溪縣漢鐔城縣之地晉安帝省貞觀八年析龍標縣置在朗溪之側又按今銅仁府西北界曰順溪其山北有朗溪土司此水東入麻陽縣界謂之麻陽河又北至辰溪縣入沅蓋即漢志水經注之辰水又即元和志之朗溪也郎朗字通

【武陵郡】

【梁置武州】宋本寰宇記梁太清四年湘東王承制割武陵郡置武州通鑑梁大寶元年湘東王釋南平王恪為武州刺史鎮武陵梁書王僧辯傳世祖命武州刺史杜則會僧辯【後改曰沅州】陳書宣帝紀太建七年三月改梁武州為沅州與志合然考陳書世祖紀天嘉元年三月分荊州之天門義陽南平鄖州之武陵四郡置武州其刺史督沅州領武陵太守治武陵郡其都尉所部六縣為沅州別置通寧郡以刺史領太守治都尉城據此則陳之沅州不始於太建沅州之置當在沅陵與武州非一地通寧郡之名志亦未見水經注沅水又東逕沅陵縣故治北都尉蓋即陳通寧郡也且陳書侯瑱傳天嘉元年授使持節都督湘桂鄧巴武沅六州諸軍事徐度傳太尉侯瑱薨以度代瑱為都督湘沅武巴鄧桂六州諸軍事又吳明徹傳世祖即位授都督武沅二州諸軍事章昭達傳天嘉二年除使持節都督鄧巴武沅四州諸軍事鄧州刺史則武沅二州不得混而為一明矣又考陳書紀傳自太建以後不見沅州之名而岳陽王叔慎傳禎明元年出為使持節都督湘衡桂武四州諸軍事湘州刺史則陳末尚有武州叔慎傳並云禎明三年隋師略地至湘州武州刺史即居業來赴難是武州至隋滅陳始廢然則陳書太建七年當是并沅州入武州而誤為改武州為沅州隋志承其誤也【平陳為朗州】紀勝引元和志開皇九年改武州為辰州又云

其年改嵩州宋本寰宇記開皇十六年改嵩州為朗州舊唐志梁分武陵郡置武州陳改武州為沅陵郡隋平陳改為嵩州尋又改為朗州按此足證平陳先置嵩州後改朗州然云陳改武州為沅陵郡亦誤

【統縣二百三千四百一十六】

【武陵】今縣治

【舊置武陵郡】漢置梁陳為王國梁書武陵王紀陳書武陵王伯禮是也【平陳郡廢并臨沅】在縣西漢置【沅南】在縣西南七十里後漢置【漢壽】在縣東北六十里今漢壽鄉前漢索縣後漢改梁書蔡道恭傳天監中封漢壽縣公【三縣置武陵縣大業初復置武陵郡有望夷山】水經沅水注沅南縣西有望夷山孤棟東流浮險四絕昔有蠻民避寇居之故謂之夷望此作望夷未知孰是【龍山】寰宇記在縣北

【龍陽】今縣治元和志本漢索縣地吳分立龍陽縣隋平陳屬辰州開皇十六年改屬朗州舊唐志隋縣取洲名也

【有白查湖】按縣境有赤沙湖太白湖皆通洞庭白查當即太白湖

【清江郡】

【後周置亭州】方輿勝覽取都亭山為名紀要在施州衛東北二百里【大業初改為庸州】名勝志隋併亭州入庸州徙治鹽水

【統縣五戶二千六百五十八】

【鹽水】今恩施縣東四十里紀要吳沙渠縣地

【後周置縣并置資田郡】今長陽縣西八十里資邱當即此【開皇初郡廢大業初置清江郡】輿地廣記後郡徙而縣省

【巴山】今長陽縣西寰宇記隋開皇五年分假山置巴山縣今長陽縣北有山曲折似巴字因以為名

【梁置宜都郡】見上夷道縣注【宜昌縣】見上宜昌縣注隋書藝術傳梁元帝時封庾季才宜昌縣伯【後周置江州開皇初置清江縣十八年改江州為津州大業初廢州省清江入焉】

【清江】今恩施縣治名勝志在施州衛東十里【後周置施州】元和志周建德三年置方輿勝覽東晉末桓元誕竄太陽蠻中築城臨施水號施王城子孫襲王至後周保定初平之以其地置施州【及清江郡】名勝志以清江水為名開皇初郡廢五年置清江縣蓋移巴山之清江於此按元和志吳分巫縣立沙渠縣至梁陳不改又水經江水注烏飛水北流逕建平郡沙渠縣南是梁尚未改之證紀要謂隋改沙渠縣為清江是也志不言沙渠始末而今本齊志缺此一葉一統志遂謂周置州不立縣誤矣【大業初州廢】元和志義寧二年復置施州

【有陽瞿水】

【開夷】今恩施縣北六十里

【後周置曰烏飛開皇初改焉】新唐志謂義寧元年置開夷縣與志不合

【建始】今縣治

【後周置業州】元和志周建德三年置【及軍屯郡開皇初郡廢五年置縣】元和志周建德三年置建始縣後周以前無縣邑按宋志建始縣晉初立永初郡國尚有建始縣則建始乃省於宋永初之後謂周以前無縣邑誤也舊唐志云周分巫縣置建始縣與元和志合當是復置縣為州郡治志并不及周置縣亦誤【大業初州廢】舊唐志義寧二年復置業州方輿勝覽州基山在建始縣東三十五里隋建業州於此

【襄陽郡】太平御覽引荊州圖副建安十三年魏武平荊州始置襄陽郡以地在襄山之陽為名然應劭以為在襄水之陽互詳後義清縣下【江左並僑置雍州】宋志晉孝武帝置御覽引雍州記曰永嘉之亂三輔豪族流於樊沔僑於漢側立雍州因人所思以安百姓也宋文帝因之置南雍州焉【西魏改曰襄州】元和志西魏恭帝改雍州為襄州按恭帝二年平江陵襄陽始歸西魏【置總管府】按當日後周置總管府考周紀武成元年始改都督諸州軍事為總管西魏無置總管事也襄州總管置於保定二年亦見周紀【大業初府廢】按隋紀開皇六年十月置山南道行臺尚書省於襄州以秦王俊為尚書令

【統縣十一戶九萬九千五百七十七】

【襄陽】今縣治漢置

【帶襄陽郡】紀勝梁武起兵於此通典後梁蕭詧附庸於西魏而都於此元和志梁太清二

年岳陽王晉為雍州刺史兄河東王譽為元帝所殺晉怒以州北附西魏西魏克江陵以晉為梁王都江陵為西魏藩國【開皇初郡廢大業初復置有鍾山峴山】元和志在縣東南九里即晉羊祜與鄒潤甫共登之山也【鳳林山】紀勝在襄陽縣東南十里梁韋叡於山立寺唐孟浩然傳云楚澤為刻碑鳳林山南即此按漢中盧縣在今襄陽縣西南南史杜龕傳元帝世封中盧縣侯則梁未尚廢

【安養】今襄陽縣北元和志西魏置

【西魏置河南郡】元和志謂西魏縣屬鄧州郡周天和五年改屬襄州宋志河南郡始治襄陽大明中分河北為境非西魏始置也齊末入魏通鑑梁天監五年江州刺史王茂遣所署宛州刺史雷豹狼等取魏河南城後魏遣平南將軍楊大眼進攻河南城茂逃還城沒於魏【後周廢樊城】今襄陽縣北未知何時置縣按周書賀拔勝傳子仲華西魏大統三年賜爵樊城公疑縣為西魏置【山都】今襄陽縣西北八十里秦置【二縣入開皇初郡廢焉】

【穀城】今縣治

【舊曰義城】宋志晉孝武立元和志寰宇記並云穀城漢為筑陽縣按漢至宋筑陽今穀城縣東四里齊筑陽今穀城縣東宋義成今光化縣西北齊義城今穀城縣東四里蓋齊徙義城於筑陽而筑陽又徙矣元和志寰宇記據在前之筑陽為說此據在後之義城為說至隋立穀城縣先廢筑陽後廢義城故元和志寰宇記

謂開皇七年改筑陽為穀城此又云開皇十八年改義城為穀城也【置義城郡】宋志晉孝武立按宋志齊志郡縣俱作義成周書李弼傳子輝西魏大統中進爵義城郡公【後周郡廢】周書李和傳保定二年進爵義城郡公蓋是時尚未廢也【開皇十八年改縣名焉又梁有筑陽開皇初廢】見上【又梁有與國義城二郡】據此則今穀城地梁有兩義城郡恐誤【並西魏廢有穀城山】水經沔水注城在山上春秋穀伯綏之邑也寰宇記在縣西十里有石城號曰穀城山【闕林山】水經沔水注闕林山東有二碑其一記闕林山文曰君國者不躋高墀下先時或斷崗以通平道民多病守長冠軍張仲瑜乃與邦人築斷故山道作此銘其一郭先生碑

【上洪】今宜城縣東

【宋僑立略陽縣】宋志南天水郡有略陽縣【梁又立德廣郡】周書李和傳保定二年進爵義城郡公尋又改封德廣郡公【西魏改縣曰上洪開皇初郡廢】隋書李徹傳開皇十年後封德廣郡公按開皇三年罷郡見於此志總序而徹之封在十年後可疑【又梁置新野郡】按新野晉郡在今新野縣南宋齊志皆有之而梁書武紀云齊永元二年高祖於沔南立新野郡以集新附與志合蓋齊末廢而梁移置於此【西魏改曰威寧後周廢有亞山】

【率道】今宜城縣北二十里

【梁置】元和志宋置華山郡後魏改為宜城

郡周改宜城郡為率道縣屬武泉郡開皇三年罷郡屬襄州似以率道為周置然寰宇記後魏分新野郡之池陽縣地立率道縣屬威寧郡與地廣記後魏分華山置率道縣按地形志無威寧郡率道縣亦無華山郡縣當是西魏所改隋書循吏傳文帝受禪封柳儉為率道縣男按漢郢縣在今宜城縣東北梁書劉遵傳晉安為雍州引為安北諮議參軍帶郢縣令則梁尚

有是縣

【漢南】今宜城縣治

【宋曰華山置華山郡】宋志胡人流寓孝武大明元年立治大隄村寰宇記即今宜城縣也【西魏改縣為漢南屬宜城郡】按元和志寰宇記後魏改華山郡為宜城郡然地形志無宜城郡後魏之地亦不至此元和志每稱西魏為後魏此當亦西魏所改蓋魏之華山郡在大荔西魏得漢南地嫌復故改之於情事亦合【後周廢武建郡及惠懷石梁歸仁郡等四縣入】按宋齊志及魏志並無武建郡及此四縣蓋梁置也【後省宜城郡入武泉】寰宇記周保定四年省宜城郡入率道縣【又梁置奉南郡後周并武泉縣俱廢有石梁山】紀勝引南雍州記云石梁山形似橋梁白雲起即崇朝而雨按梁有華州梁書盧陵王續傳又出為使持節都督荆郢司雍西北秦梁巴華九州諸軍事錢氏考異巴華二州建立年月梁本紀失書據杜嗣傳父懷寶官至梁州刺史大同初魏梁州刺史元羅舉州內附懷寶復進督華州則華州蓋

置於大同初矣

【陰城】今光化縣西漢置陰縣一統志西魏改紀勝隋改陰曰陰城

【西魏置鄴郡後周廢】按通鑑梁中大通五年魏荆州刺史賀拔勝遣軍攻馮翊安定河陽鄴城皆拔之則梁已置鄴城郡矣【又梁置南陽郡西魏改爲山都郡後周省】

【義清】今南漳縣東北六十里

【梁置曰穰縣】按漢穰縣在今鄧州東南此梁僑置【西魏改爲義清屬歸義郡】按齊志寧蠻府義安郡有義清縣在南漳縣境當是梁改爲穰縣西魏改義清仍北齊之舊【後周廢郡及左安開南歸仁三縣入焉】宋齊魏志無此三縣當亦梁置【又有武泉郡】元和志云周率道縣屬武泉郡則郡當是周置【開皇初廢有祖山】寰宇記引習鑿齒襄陽記吳時朱然諸葛瑾萬彘從沮中尋山險道出祖中祖音

如榆祖之祖其地在上黃西界去襄陽城一百五十里按此是地名非山稱也蓋以地去山密邇因名舊傳云司馬宣王鑿八疊山開路於此

【靈山】紀勝又名奇峯在洪山【有檀溪水】水經注沔水又東合檀溪水水出縣西南柳子山東爲鳴湖溪水自湖兩分北渠即溪水所導也北逕漢陰臺西又北逕檀溪謂之檀溪水溪水傍城北注昔劉備爲景升所謀乘的顯馬西走墜於斯溪【襄水】水經沔水注一水東南出應劭曰城在襄水之陽故曰襄陽是水當即襄水也寰宇記荆楚之地水駕山而上

者皆呼爲襄其名無定故陸澄之地記曰襄陽無襄水也按此說得之今人呼漢水下流曰襄河是其證也

【南漳】今縣治

【西魏并新安武昌平武安武建五縣置】按齊志南襄郡領新安武昌建武武平四縣紀要周主邕封李穆爲安武公即此城則本有安武疑此志平武當作武平建下又脫武字【初曰重陽】元和志云後魏置誤也【又立南襄陽郡】按即改南襄郡爲南襄陽郡【後周置沮州尋廢】周書武帝紀天和二年四月省睢州入襄州沮與睢古字通用【復改重陽縣曰思安開皇初郡廢十八年改縣曰南漳】寰宇記隋文帝三年改【有荆山】元和志在縣西北八十里三面險絕惟東南一隅纔通人徑紀勝云禹貢荆及衡陽惟荆州注北據荆山即此其旁有石室云是卞和宅

按有永寧郡梁書張稷傳普通四年遷新興永寧二郡太守馮道根傳天監十三年出爲新興永寧二郡太守又梁書王僧辯傳改封永寧郡公通鑑簡文帝大寶元年湘東王釋以裴之高爲新興永寧二郡太守注新興郡置於江陵縣界永寧郡置於襄陽南漳縣界

按有上黃縣在南漳縣東南五十里晉宋齊志并有之南史梁宗室傳蕭曄封上黃侯西魏置上黃郡縣當屬之

按齊志寧蠻府所領郡有安定郡在南漳縣西北通鑑梁中大通五年十二月魏荆州刺史賀

拔勝遣軍攻安定拔之則梁尙有此郡也

【常平】今襄陽縣西南

【西魏置曰義安】按齊寧蠻府有義安郡義安縣在今襄陽縣西則非始置於西魏【置長湖郡】周書元定傳周初封長湖郡公【後改縣曰常平開皇初郡廢又後魏置阜停縣】地形志無此縣【大業初廢】

【郡】今宜城縣東南九十里秦置縣元和志春秋都國之城漢爲若縣按宋齊志并有都縣梁書武紀都令杜永兼別駕則梁亦有都縣水經注沔水又逕都縣故城南是縣有移徙余謂西魏置都州當係於此而志乃係之樂鄉樂鄉雖亦漢若縣地未必卽爲都州治況西魏至隋時代不遠都縣樂鄉皆非新置亦不得大有割隸凡志中如此者甚多是在讀者審之

按有廣平郡通鑑梁太清三年杜岸奔廣平依其兄南陽太守熾又云岳陽王嘗使將軍薛暉攻廣平拔之獲杜岸送襄陽注晉渡江南僑立廣平郡於襄陽宋以漢南陽郡之湖陽縣爲實土

【春陵郡】

【後魏置南荆州】北史蠻傳云延昌元年拜桓叔與南荆州刺史治安昌據此則魏之南荆州當係之春陵縣按高湛墓志除使持節都督南荆州諸軍事鎮軍將軍南荆州刺史墓志鑄於元象二年是東魏仍有南荆州魏志漏也隋書周搖傳父恕延周時歷南荆州總管則周時仍有南荆州【西魏改曰昌州】周書魏廢帝

三年改南荆爲昌州與志合按梁書周弘直傳歷雲麾將軍昌州刺史周書楊忠傳攻梁齊興郡及昌州皆克之是昌州不始西魏非以南荆州改蓋梁魏間南荆州治安昌州治廣昌二州雙立非一地志誤又按周書武帝天和二年以憲州入昌州席固傳西魏末拜昌歸憲三州諸軍事昌州刺史憲州即南司州也互詳安陸郡吉陽縣下又陳書袁憲傳京城陷入於隋隋授昌州刺史

【統縣六戶四萬二千八百四十七】

【棗陽】今縣治

【舊曰廣昌】元和志後漢分蔡陽立襄鄉縣周改爲廣昌按寰宇記漢縣城在棗陽縣東北【置廣昌郡】齊志雍州有廣昌郡周書王士良傳降周賜爵廣昌郡公隋書文帝紀周大象二年以二十郡爲隋國中有昌州之廣昌【開皇初郡廢仁壽元年縣改名焉】元和志因棗陽村爲名紀勝避太子諱也【大業初置春陵郡又西魏置東荆州尋廢有霸山】紀勝霸山舊屬隨州新撥隸棗陽據此志則本屬棗陽【有洩水】紀勝南搜河在棗陽東北一百里北流入唐州界疑搜即洩之誤

【春陵】今棗陽縣東漢置春陵縣晉廢水經注謂光武改春陵爲章陵魏黃初改爲安昌誤也詳趙一清水經注釋一統志周復置春陵縣【舊置安昌郡】一統志周置周書李昶傳武成二年以昶及安昌公元則爲納言隋書文帝紀周大象二年以二十郡爲隋國中有昌州之

安昌【開皇初郡廢又後魏置豐良縣】地形志無此縣【大業初廢有石鼓山有四望水】紀勝四望山在棗陽縣東北一百里四望遠近皆見按水當與山近

按漢安昌縣在今棗陽縣東宋初廢故水經白水注白水出安昌縣故城東北然考梁書張齊傳高祖受禪封齊安昌縣侯蓋梁復置也

【清潭】今棗陽縣南九十里紀要西魏置

【有大洪山】紀勝大洪山慈靈尊者道場在隨州西南隅以峯巒奇絕舊爲奇峯寺後改爲靈峯寺今爲崇寧保壽禪院山崛起一方巉然雲間四面斗險山絕頂峯巒崖石中有大湖

寺人經行數常見雲氣在下勝覽亦云山在隨州西南隅【有清水】志已載清水於豫州清陽郡武川縣下其經流亦不近清潭必字誤

【湖陽】今唐縣南八十里漢置輿地廣記晉省入棘陽後魏復焉

【後魏置西淮安郡及南襄州】按地形志南襄州西淮安郡無安字而後魏有西淮州則此安字衍無疑【後郡廢州改爲南平州】按下州字衍地形志不言改南平州事【西魏改曰昇州後又改曰湖州】周書文帝紀魏廢帝三年正月改南襄爲湖州改南平爲昇州錢氏云據此紀則南襄南平實是兩州志混而爲一非也今按周書楊忠傳西魏時授忠都督三荆等十五州諸軍事中有南襄州及平州益見南襄南平爲二州又賀蘭祥傳西魏大統十四年除都督三荆等十二州諸軍事中亦有南襄州及平

州又泉企傳子仲遵西魏時復爲三荆等十三州諸軍事中亦有南襄州及平州元和志後魏孝莊帝於湖陽縣立湖州【後周改置昇平郡開皇初郡廢仁壽初改曰昇州大業初州廢又後魏置順陽郡】地形志廣州順陽郡太和中置縣後改【西魏改爲柘林郡後周省郡改縣曰柘林大業初縣廢入焉】紀要柘林廢縣在湖陽城東北【有蓼山】左傳桓十一年杜注蓼國今棘陽縣東南湖陽城按晉時縣廢故云城也寰宇記蓼山在縣東北二里

【上馬】今唐縣治

【後魏置曰石馬】寰宇記引周地圖記以縣南石馬爲名【後訛爲上馬因改焉】地形志南襄州襄城郡有上馬縣寰宇記隋廢蓋廢於隋末【有鍾離縣】按地形志西淮郡領鍾離襄城二縣【置涇州涇川郡】地形志無此州郡當是西魏置【後周州廢】周紀天和二年四月省涇州入湖州【開皇初郡廢十八年改鍾離曰涇川縣大業初廢入焉】

【蔡陽】今棗陽縣西南漢置宋省齊復置東蔡陽西蔡陽二縣或是齊後併爲一梁及東魏當並有此縣屬蔡陽郡地形志失載也隋書李徹傳周武帝時封蔡陽縣公

【梁置蔡陽郡】按齊志寧蠻府有蔡陽郡此當云齊置又魏武定八年修太公呂望表碑陰有故板受蔡陽太守尙蘭椿周書蕭瑄傳建德元年封蔡陽郡公隋紀周大象二年以二十郡爲隋國中有蔡州之蔡陽【後魏置南雍州】

地形志無此州【西魏改曰蔡州】周紀西魏廢帝三年正月改南雍爲蔡州周書薛端傳孝閔帝踐阼出爲蔡州刺史【分置南陽縣】紀要南陽城在棗陽縣東南三十二里【後改曰雙泉】隋書宇文愷傳周初賜爵雙泉伯【又置千金郡】周書權景宣傳天和初進爵千金郡公【灤源縣】紀勝灤源山在棗陽縣南七十里亦名石虎山【開皇初郡並廢大業初州廢雙泉灤源二縣並廢入焉有唐子山】紀勝今唐城鎮之南地名唐里按春秋之唐國在今隨州西北與蔡陽相接【大鼓山有灤水】紀勝引襄沔記灤水源出棗陽縣石鼓山經襄陽縣界一百五十里西流入漢不通船運

【漢東郡】

【西魏置并州後改曰隋州】通典同寰宇記西魏置并州尋廢大統十六年改隋郡爲隋州今考周文帝紀西魏廢帝三年正月改并州爲隋州則置并州後未廢改隋州亦不在大統十六年寰宇記之說誤又周書權景宣傳與楊忠取梁將柳仲禮拔安陸隨郡久之隨州城民吳士英等殺刺史黃道玉景宣以計執而戮之朝議以景宣威行南服乃授并安等六州諸軍事并州刺史則并州之先已有隨州之名

【統縣八戶四萬七千一百九十三】

【隋】今隨州治元和志寰宇記漢置縣

【舊置隋郡】水經澗水注晉武帝太康中立爲郡元和志晉太康九年分義陽置隨郡又晉書隨穆王敬傳太康九年以義陽之平林益王子

邁爲隨郡王是隨郡置於晉太康中至魏紀勝

因晉志不書遂以元和志之說爲非亦未知晉志之疏漏也宋改隨陽復隋書高祖紀周時襲爵隋公進封隋王受禪爲帝【西魏又析置灤西郡及灤西縣】蓋因楊忠克義陽地入西魏改灤西爲下澆故于此置灤西郡縣詳見後唐城縣下【梁又置曲陵】通典作曲陽【郡開皇初郡並廢大業初廢灤西縣尋置漢東郡】通典煬帝分隨州地置漢東春陵二郡

按周隋州所領有崇業郡周書晉蕩公護傳明帝二年封子至爲崇業郡儒林傳樂遜大象初進爵崇業郡公隋書文帝紀周大象二年以二十郡爲隋國中尚有隋州之崇業則郡蓋隋初始廢

【土山】今隨州東北五十里

【梁曰龍巢置土州】梁書羊鴉仁傳詔鴉仁督土州刺史桓和之等趣懸瓠又周書司馬消難以所管九州八鎮降陳中有土州【東西二永寧真陽三郡及置石武縣】紀要在土山東【後周廢三郡爲齊郡改龍巢曰左陽又有阜陵縣】紀要在土山東南梁置【改爲漳川縣】改上當有脫字【開皇初郡廢十八年改左陽爲真陽石武爲宜人大業初又置】當作改【真陽爲土山州及宜人漳川並廢入焉】

按周土隋紀作土州所領有永川郡隋書文帝紀周大象二年以二十郡爲隋國中有土州之永川則郡蓋隋初廢志失書又二十郡中有溫州之宜入志亦不載隋開皇中改石武縣爲宜人

蓋因舊郡得名

【唐城】今隨州西北元和志本漢隨縣城

【後魏曰灤西置義陽郡西魏改灤西爲下澆】晉志荊州義陽郡有厥西縣宋屬司州隨陽郡齊屬司州隨郡字又作闕即此灤西縣也厥灤闕音通水經澗水注澆水出隨縣西北黃山南逕灤西縣西又東南灤水入焉灤水出桐柏山之陽呂忱曰水在義陽澆水東南逕澆西縣西又東南注于澆寰宇記下澆戍梁天監中置在棗陽縣東北一百里後魏正光初南伐破之置爲鎮後梁又收復之卻爲郡周書楊忠傳侯景渡江梁武喪敗其西義陽太守馬伯符以下澆城降自是其地始入西魏其後又改下澆戍爲郡屬唐州北史序傳李行之開皇初除唐州下澆太守是其證也若元魏時改戍爲鎮旋即失之並無置郡縣事志文後魏爲舊置之誤無疑【又立肆州】周書權景宣傳授并安肆郡新應六州諸軍事【尋曰唐州】周紀西魏廢帝三年正月改肆州爲塘州按唐作塘非【後周省均】周書文帝紀魏廢帝三年正月改恆州爲均州志不言先爲恆州略也按此均州即隋于武當復立之均州也【款】周書作穎見下【灤】梁書杜龔傳世祖以爲持節忠武將軍鄆州刺史按鄆州置於後周至隋不改詳見安陸郡下杜龔之鄆州疑即此澗州澗鄆字誤耳【歸】通鑑梁大同九年魏南鄆州刺史耿令貴通鑑注辨正考周書本紀魏廢三年改南鄆爲歸州其地在今隨州西北則歸州之先爲南

鄧州志不言略也按地形志有南鄧州所領皆僑縣不言治所當即此鄧州也【四州入】周書武帝紀天和二年省東南諸州以潁州歸州潁州均州入唐州【改曰唐州又有東魏南豫州】地形志無【至是改爲潏川郡又置清嘉縣開皇初郡並廢十六年改下澆曰唐城】按元和志梁置下澆戍魏改爲下澆鎮開皇三年改鎮爲唐城縣與此不同又云大業三年廢【大業初州及諸縣並廢入焉有清臺山有潏水】水經注潏水出桐柏之陽東南逕潏西縣又東南流入於澆

【安貴】今隨州西北

【梁置曰定陽又置北鄧州西魏改定陽曰安貴改北鄧州爲款州】此亦作款疑周書作穎誤【又尋廢爲潏水郡別置戟城郡及戟城縣後廢戟城郡改戟城縣曰橫山】名勝志橫山在應山縣南二里山橫縣治前故名【開皇初潏水郡廢大業初又廢橫山縣入焉】

【順義】今隨州北八十里

【梁置北隋郡】按齊有北隨安左郡當是梁改【西魏改爲南陽析置淮南郡】隋書文帝紀周大象二年以二十郡爲隋國中有順州之淮南【以厲城】各本脫以字今據宋本訂元和志厲山在隨縣北百里厲山氏起於厲山按縣當以山得名【順義二縣立冀州尋改爲順州】周紀魏廢帝三年正月改冀州爲順州陳紀太建十一年周法尙奔周周以爲順州刺史【又置安化縣】紀要在順義縣西北【開皇

初郡並廢十八年改安化曰寧化大業初州廢改厲城爲順義其舊順義及寧化並廢入焉有浮山】紀勝浮山在棗陽縣北九十里

【平林】元和志在隨州東北八十八里王莽末關東起兵陳牧廖堪起兵號平林兵按晉置縣屬義陽郡宋屬隨陽郡齊屬東新安左郡

【梁置上明郡】梁書陳慶之傳表置上明郡周屬應州隋書文帝紀周大象二年以二十郡爲隋國中有應州之上明隋書楊素傳楊文紀封上明郡公【開皇初廢有漂水】

【上明】今隨州東北按周書司馬消難以九州八鎮降陳上明爲八鎮之一隋蓋因鎮置縣也

【西魏置曰洛平縣開皇十八年改名焉有鸚鵡山】寰宇記山在隨縣東北百十五里石狀如鸚鵡

【光化】今隨州東南三十里

【舊曰安化】齊志隨郡安化縣【西魏改爲新化後周又改焉】元和志西魏文帝改安化爲新化廢帝又改爲光化與志異又寰宇記南齊立安化縣西魏文帝改爲光化縣

【安陸郡】

【梁置南司州】寰宇記梁天監七年置南司州按梁書夏侯亶張惠紹康絢夏侯夔並爲司州刺史領安陸太守【尋罷】梁書陳慶之傳表省南司州復安陸郡錢氏考異云按慶之卒於大同五年而羊鴉仁傳大同七年除都督南北司豫楚四州諸軍事北司州刺史則其時尚有南司州至太清元年鴉仁始爲司豫二州刺史

鎮懸瓠南司之省蓋在太清初今按柳仲禮爲司州刺史亦在此蓋自西魏取安陸始罷【西魏置安州】元和志在大統十六年【總管府】通典同按周書武帝紀保定二年置安州總管府此云西魏誤也寰宇記後周改鄧州及安陸郡通典亦云後周置潁州潁當作鄧而志不書按隋紀周靜帝時以隨鄧諸州之郡爲隋國又周書大象二年鄧州總管司馬消難舉兵又隋書元景山傳周宣帝時有鄧州總管宇文亮則周有鄧州致確然按開皇元年又以元景山爲安州總管是安鄧二州並置通鑑注辯正疑鄧州卽置於安陸是也至梁書杜龔傳之鄧州刺史則當是唐城下之潁州互詳上一開皇十四年府廢】寰宇記煬帝初廢州按陳紀太建十一年九月改安陸郡爲南司州蓋因司馬消難以其地降陳也志亦失書

【統縣八戶六萬八千四十二】

【安陸】今縣治漢置南史梁始興王憺子暉傳初封安陸侯

【舊置安陸郡】宋志宋孝武孝建元年分江夏立梁書韋叡傳叡至安陸增築城二丈餘更開大塹起高樓按梁爲王國梁書有安陸王大春【開皇初郡廢大業初復置郡有舊永陽縣】今應山縣北五十里宋置屬隨陽郡【西魏改曰吉陽】名勝志有南吉北吉二山縣在山之南故名宋謝述封吉陽侯於此【至是廢入】【孝昌】今孝感縣北宋志孝昌侯相永初郡國何志並無徐志有疑是孝武世所立舊唐志宋

分安陸縣置

【西魏置岳州及岳山郡後周州郡並廢】寰宇記後魏置楚州後周武帝三年改為岳州及岳山郡隋廢之與此異隋書有岳山王叔韶至德元年立按周書司馬消難傳隋文帝輔政消難以所管九州八鎮降陳中有岳州則周末尚未廢也豈廢於是年平消難之後歟疑寰宇記所云隋廢者是【又有潁岳郡】紀要在孝感縣東西魏置【開皇初廢有鳳皇岡】寰宇記引任譽荊州記安陸縣東南四十里有鳳皇岡晉時有風產乳其上又晉永和四年鳳皇將九子棲集其上山下有黃瓊宅即魏郡太守黃香子父香亦慕焉

【吉陽】今孝感縣北

【梁置曰平陽】蓋因置義陽郡于此故亦僑置平陽縣【及立汝南郡】南史邵陵王綸傳復歸齊昌行收兵至汝南即此又南史梁汝南王大封傳湘東王承制封汝南王【西魏改郡為重城】按當作董城紀勝吉陽縣城本名董城因孝子董黯得名寰宇記魏大統十六年改郡梁書簡文帝紀大寶二年二月邵陵王綸至安陸董城為西魏所攻軍敗死【改縣曰京池後周置潁州】寰宇記在保定元年周書作環宋齊志潁水亦作環【尋州郡並廢】按周書司馬消難傳以所管九州八鎮降陳中有環州則周末尚未廢也【大業初改縣曰吉陽】元和志在大業二年因縣北吉陽山為名寰宇記在大業三年【又梁置義陽郡】紀勝在孝感

縣北百里按齊志有南義陽郡治孝昌則非梁始置也【西魏改為南司州尋廢】梁書武紀天監三年八月魏陷司州詔以南義陽置司州鄭紹叔傳亦云司州移鎮關南則亦非西魏所改周紀魏廢帝三年正月改司州為憲州周武帝天和二年以憲州入昌州蓋併入春陵之昌州也志亦失書

【應陽】今應城縣治

【西魏置曰應城】按宋書恩倖傳明帝封壽寂之為應城侯元和志舊唐書寰宇記亦謂宋置應城縣則應城置於宋無疑而宋志無之或偶漏歟此言西魏置誤【又置城陽郡】按周末屬鄖州隋書文帝紀周大象二年以二十郡為隋國中有鄖州之城陽名勝志云西魏以縣置城陽郡在今縣北三里有古城寺號妙高臺即蒲騷城【開皇初郡廢大業初縣改名焉】寰宇記在大業二年按周書司馬消難傳以九州八鎮降陳應城為八鎮之一是隋時改鎮為縣也【有潼水】紀勝潼水在安陸縣西五十里隋志應陽有潼水即此也勝覽潼水在安陸縣西五十里沈括筆談清濁相揉者為潼水也別有雲夢之漳與潁合流色理如蠅蝨數十里方混是以潼為漳之誤按水經潁水注潼水出江夏郡之曲陵縣西北潼山東南流逕其縣南縣治石潼故城東入安陸注於潁水則潼字非誤【溫水】元和志溫湯水在京山縣南十五里壅以溉稻田其收數倍寰宇記溫泉在應城縣西南三百二十里人靜則泉清人鬧則泉沸

水經潁水注溫水出竟陵之新陽縣東澤中口徑二丈五尺根岸重沙端淨可愛靖以察之則淵泉如鏡聞人聲則揚湯奮發無所復見其熱可以燂雞洪濶百餘步冷若寒泉東南流注於潁水

按晉曲陵縣在今應城縣東南宋省齊復置通典漢隨縣地梁置曲陽郡紀要作梁置曲陵郡

【雲夢】今縣治

【西魏置】元和志大統末於雲夢古城置雲夢縣寰宇記西魏大統十六年於雲夢古城置雲夢縣因以為名屬城陽郡

【京山】今縣治

【舊曰新陽】宋志竟陵郡新陽永初郡國有何徐不注置立疑宋置通典京山晉宋以下皆云新陽寰宇記同水經沔水注洩水出竟陵郡新陽縣西南池河山東流逕新陽縣南縣治雲杜故城分雲杜立則晉宋皆有新陽【梁置新州梁寧郡】元和志引周地圖記曰蠻人曾渠田金生代居此地常為邊患梁普通末遣鄧州刺史元樹討平之因置新州梁書尋陽王大心傳出為使持節都督鄧南北司定新五州諸軍事【西魏改州為溫州】元和志在廢帝二年因溫水為名按周紀魏廢帝三年正月改新州為溫州又按陳書周文育傳高祖以侯瑱擁據溫州命文育討之又陳書南康愍王曇朗傳鄭萬頃周武帝時出為溫州刺史【改縣為角陵又置盤陂縣】名勝志作盤陀下同紀要在京山縣西或云置於鍾祥縣盤石嶺下【開皇初

郡廢大業初州廢改角陵曰京山【寰宇記因界內京山爲名】廢盤陂入焉有角陵山【名勝志角陵者以皂角鎮有數丘陵多生皂角樹故名在縣東七十里入竟陵界】京山【紀勝京源山在京山縣東十里

【富水】今京山縣北六十里水經澗水注富水出竟陵新市縣東北大陽山東入于澗

【舊曰南新市】今京山縣東北六十里後漢置縣水經注中山有新市故此加南分安陸縣立宋改爲新市梁書胡僧祐傳封新市縣侯則梁亦曰新市【西魏改爲富水】元和志後魏改新市爲富水取縣界富水爲名按後魏地不至此當以志爲正寰宇記隋置富水縣亦誤【又置富水郡】南北監本毛本誤作富人今據宋本訂紀勝引志亦作水按寰宇記梁太清四年邵陵王綸爲富水郡太守是梁已有富水郡【開皇初郡廢】

【應山】今縣治元和志開皇十八年改永陽爲應山輿地廣記大業初改名勝志應山在縣西南三十里縣以此名

【梁置曰永陽】元和志梁大同分隨縣置寰宇記梁大同二年置按宋齊志之永陽在應山北此蓋梁所徙置【仍置應州】元和志梁大同以隨州北界應濃山戍置應州寰宇記梁大同二年立紀勝古應州城在應山縣東一百步周書司馬消難傳以所管九州八鎮降陳中有應州【又有平靖郡】隋書文帝紀周大象二年以二十郡爲隋國中有應州之平靖【西魏又

置平靖縣】元和志平靖關在縣北六十五里因古平靖縣爲名魏大統十七年置紀勝縣城在應山縣北麻陽市今爲平靖村【開皇初郡廢大業初州廢又省平靖縣入焉有大龜山】寰宇記大龜山在縣北六十里荊州記云有石自然若龜形【安居山】紀勝在隨州東北一百十五里

【永安郡】

【後齊置衡州】寰宇記郟城去齊安郡東南百三十里臨江與武昌相對晉爲西陽國宋爲西陽郡齊分置齊安郡北齊天保六年於郟城西南面別築小城置衡州領齊安郡是以衡州在今黃岡縣治齊紀天保十年正月詔於麻城置衡州則衡州又當在麻城縣界【陳廢】寰宇記陳武帝廢陳書周旻傳太建五年授安州刺史都督安斬江衡司定六州諸軍事則陳宣帝時尙有衡州又按周書靜帝紀大象二年詔南定北光衡巴四州民爲宇文亮抑爲奴婢者並復其本業蓋因元年宇文亮拔黃城此四州復入于周也然則陳實未廢衡州也【後周又置開皇五年改曰黃州】輿地廣記開皇初移州治黃岡縣元和志開皇二年置黃州因古黃國爲名按黃國故城在光州定城縣西二十里則黃州非黃國之地甚明而後來地皆沿此說輿地紀勝以非黃國之都特黃國之地爲解不知黃國爲楚附庸其國境安能南至於江據元和志於黃陂縣下云黃祖於此築城因名黃城鎮周大象元年改鎮爲南司州志於黃陂縣

下齊置南司州後周改曰黃州然則後周之黃州因黃祖黃城鎮爲名隋之黃州特移周之黃州治於黃岡耳與春秋之黃國全不相涉【統縣四戶二萬八千三百九十八】

【黃岡】今縣西北百二十里

【齊曰南安】按寰宇記黃岡齊南安縣地輿地廣記亦以黃岡爲齊南安縣所改而元和志則謂隋改齊安爲黃岡考齊志齊安南安俱屬齊安郡大抵本相近之縣至隋置黃岡二縣並廢故或以爲改齊安或以爲改南安也梁書懷太子傳初封南安縣侯康絢傳天監元年封南安縣侯【又置齊安郡】水經注舉水又西南逕齊安郡西陳紀太建五年九月甲戌齊安城降【開皇初郡廢十八年改縣曰黃岡】元和志因縣東黃岡爲名【又後齊置巴州】名勝志巴州者以縣東巴水爲名水經注江水左則巴水注之水出雲婁縣之下靈山即大別山南歷蠻中又南逕巴水戍南流注于江謂之巴口【陳廢】陳紀太建五年七月西陽太守周旻克齊巴州城按陳實未廢巴州詳見上【後周置曰弋州統西陽】宋志晉惠帝分弋陽爲西陽國屬豫州按宋改郡屬郢州齊因之梁陳爲王國梁書有西陽王大鈞陳書有西陽王叔穆是也又陳書宣帝紀太建七年八月移西陽郡治保城水經注江水又左逕赤鼻山南山臨側江川又東逕西陽郡南郡治即西陽縣也晉書地道記以爲弦子國也今黃岡東弦鄉有西陽河【弋陽邊城三郡】按此志誤也弋州之

置自因弋陽得名考漢魏弋陽郡縣皆在今光州西漢之西陽縣亦在光山縣晉宋之西陽始在黃岡縣東邊城郡本始於宋志之邊城左郡以豫部蠻民立齊志有邊城郡地形志揚州南朔州南鄂州俱有邊城郡皆在今光山左右通鑑普通二年義州刺史文僧明邊城太守田守德擁所部降魏裴邃破魏義州刺史于檀公峴梁書裴邃傳邃深入魏境從邊城道出不意破魏義州刺史于檀公峴是因邊城在光山故云深入魏境若在黃岡安得云深入乎通鑑胡注既據此志謂邊城在黃岡而又疑義州與邊城皆置於安豐縣界者以考之史傳皆不合也竊謂周之弋州即改梁之義州此志弋陽郡定城有廢義州即梁之義州也其載入後魏有弋陽郡者即此弋陽郡也期思縣下有陳置邊城郡即此邊城郡也乃志因弋州所統西陽郡在黃岡遂并弋州亦牽連載入又載弋陽邊城二郡於此殊為大謬此處直當書曰又有西陽郡則合互詳揚州弋陽郡定城下斬春郡羅田縣下

【開皇初州郡並廢大業初置永安郡】寰宇記永安城即楚相黃歇所都隋郡取此為名今有永安鄉在縣北約十里紀勝引齊安志云初春申君相楚受淮北十二縣之封以其地介於斬春申息之間故曰春申今之女王城蓋昔楚王城之訛耳

按有西陽縣在縣東宋齊志并有屬西陽郡當是開皇廢郡時并廢

【黃陂】今縣治寰宇記周大象元年開拓江淮

於古黃州西四十里獨家村置黃陂縣屬齊安郡

【後齊置南司州】寰宇記北齊武帝置元和志三國時劉表為荊州刺史以其地當江漢之口懼吳侵軼使黃祖築城鎮遏因名黃城鎮周大象元年改鎮為南司州按周書大象元年伐陳杞國公亮拔黃城江北盡平此元和志所以云周改鎮為南司州也然陳已先置司州陳紀太建五年九月丁亥魯天念克黃城十月以黃城為司州治下為安昌郡滄湍為漢陽郡三城依梁為義陽郡並屬司州【後周改曰黃州置總管府】寰宇記在今縣東四十里隋書源雄傳平尉迥之後有黃州總管元景山又宇文弼傳除黃州刺史在司馬消難奔陳之時是周改黃州置總管之證【又有安昌郡】元和志安昌故城在縣西南七十里高齊築捍陳寇然則郡即為齊所置【開皇初府廢】隋書文帝紀開皇六年十月以壘州刺史衡州總管周法尚為黃州總管周法尚傳從柱國王諲擊走陳寇遷衡州總管歲餘轉黃州總管至伐陳時為行軍總管仍給黃州兵為賑內是開皇初未廢府也【又後齊置產州陳廢之】按產當作滌陳書宣帝紀太建五年十月以滌湍漢陽郡屬司州據此則陳廢滌州改置為漢陽郡按晉滌陽縣在今黃陂縣南梁書王珍國傳天監初封滌陽縣侯

【木蘭】今黃安縣南

【梁曰梁安】按齊志安蠻左郡有木蘭縣是原

有木蘭縣梁改之耳地形志作梁輿【置梁安郡】地形志梁安郡治建昌城屬北江州【又有永安義陽二郡】通鑑梁天監三年詔於南義陽置司州移鎮關南以鄭紹叔為刺史胡注南義陽治鹿城關隋為木蘭縣蓋因司州為魏所陷故復於此立司州後又改為北江州也【後齊置湘州後改為北江州】按地形志湘州蕭衍置魏因之治鹿城關領義陽齊昌新昌梁安齊興光城六郡元和志大活關在黃陂縣北二百里紀要鹿城關在黃州西北近木蘭故城然則湘州北江州明係兩地此志既誤梁為後齊又合二州為一又僅載湘州之永安江州之義陽其餘并略之皆其疏漏錢氏考異謂後齊并省州郡以北江入湘又移北江之名於湘耳理或然歟互詳揚州斬春郡泝水下【開皇初別置廉城縣】按廉當是鹿之誤【尋州及二郡相次並廢十八年改縣曰木蘭】寰宇記木蘭山在黃岡縣西一百二十里舊廢縣取此名為名

按梁有齊昌郡邵陵王綸傳綸收散卒屯於齊昌郡通鑑注齊昌在木蘭縣界又有齊州通鑑大寶元年初邵陵王綸以衡陽王獻為齊州刺史鎮齊昌又陳書侯瑱傳都督江晉吳齊四州諸軍事

【麻城】今縣東

【梁置信安又有北西陽縣】黃岡有西陽縣故此加北紀要在縣西北【陳廢北西陽置定

【州】按陳字誤當是尋字地形志南定州蕭衍置魏因之治蒙籠城梁書安成王秀傳天監十三年司州變田魯生及弟魯賢超秀據蒙籠來降高祖以魯生為北司州刺史魯賢北豫州刺史超秀定州刺史又夏侯寬傳都督豫州綠淮南豫霍義定五州諸軍事通鑑梁大寶元年定州刺史田龍祖迎邵陵王綸二年侯景將任約分兵襲破定州刺史田龍祖於齊安又是年湘東王繹討侯景有定州刺史杜合水經注舉水西北流逕蒙籠戍南梁定州治周書權景宣傳西魏時轉安州刺史梁定州刺史李洪遠初款後叛景宣密襲破之陳書周昉傳初梁定州刺史田龍升以城降詔以為定州刺史太建中龍升以江北六州七鎮叛入於齊令昉率衆討平之進號平北將軍定州刺史據此諸證則定州為梁所置無疑【後周改州曰亭州】寰宇記岐亭河在縣西南八十里周昉傳曰龍升使弋陽太守曰龍琰陣于亭川即此唐武德三年於縣置亭州蓋因周之舊【又有建寧】紀要在麻城西地形志建寧郡領建寧縣屬沙州魏書田益宗傳梁建寧太守黃天賜築城赤亭【陰平】紀要梁時嘗僑置陰平縣於陰山下在今麻城縣東北六十三里【定城三郡開皇初州郡並廢十八年縣改名焉】寰宇記周大象元年置麻城縣與此異御覽引十道志麻城本漢西陵縣地【有陰山】元和志陰山關在縣東北一百一里周昉傳高景安於木陵陰山為其聲援

按梁嘗於此置沙州地形志蕭衍置沙州治白沙關寰宇記白沙關在黃岡縣西北二十里通鑑大寶二年有沙州刺史丁道貴注其地當在黃州黃岡縣界今考黃岡縣界實無白沙關黃州志白沙關在麻城縣北九十里錢氏考異云此州未審所在今英山縣西南有白沙關與麻城縣接壤疑即梁所置沙州也隋志麻城縣有建寧郡蓋即沙州所領之建寧郡

【義陽郡】宋志魏文帝立後省晉武帝又立地形志同水經淮水注稱關關言晉太始中置義陽郡于安昌城通典寰宇記晉於石城山上置義陽郡舊唐志晉自石城徙居仁順按水經注又云城在山上因倚陵嶺不云名石城又載石城山即春秋之冥阨不言是義陽城今考安昌城在棗陽縣東石城山在信陽州東北本非一地水經注但言城在山上要非石城山也通典以下說皆誤

【齊置司州】按當云舊置宋志云元嘉末僑立司州於汝南尋廢明帝復立於義陽郡齊志云宋泰始中立司州於義陽地形志亦云劉彧置而通鑑云元嘉二十八年以魯爽為司州刺史鎮義陽據魯爽傳爽為司州刺史本鎮汝南加督義陽領義陽內更其時並未移司州于義陽通鑑誤耳當以宋齊志為是【梁曰北司州後復曰司州後魏改曰鄧州】梁武紀天監三年八月魏陷司州詔以南義陽置司州大通二年夏四月辛丑魏鄧州刺史元順達以義陽內附置北司州後復改為司州通鑑天監三年魏

人攻義陽蔡靈恩勢窮降于魏魏置鄧州于義陽又太清三年司州刺史夏侯強降於東魏然則梁天監三年初失義陽之司州梁始以南義陽置司州魏得義陽改為鄧州大通二年梁復得義陽始置北司州後廢南義陽之司州此遂去北字復稱司州至太清三年夏侯強降東魏魏復改為南司州地形志南司州劉瓛置正始元年改為鄧州孝昌三年陷蕭衍又改為司州武定七年復改置南司州其說與史傳皆合志謂齊置司州又以魏改鄧州在梁改司州之後皆誤【後周改曰中州】元和志周武帝平齊改御覽引十道志春秋申國之地周書靜帝紀大象二年七月申州刺史李慧起兵又杜果傳大象二年除申州刺史又按隋書宇文弼傳周武帝時拜司州總管則周時有司州並置總管府當是初平齊時所授也【大業二年為義州】

【統縣五戶四萬五千九百三十】
【義陽】今信陽州南四十里
【舊曰平陽】魏志文帝黃初中分平氏立義陽縣元和志江左省入平春孝武又改平春曰平陽寰宇記魏縣在石城舊唐志晉自石城徙居仁順今申州是也【置宋安郡】宋置宋志義陽郡治平陽又環水縣下云明帝泰始三年度屬宋安郡後省宋安還此宋安本縣名孝武大明八年省義陽郡所統東二左郡立為宋安縣屬義陽明帝立為郡是宋之宋安領環水縣非置於平陽也魏之宋安領樂寧宋安二縣在今光山縣西乃知宋安郡置於近平陽之地非

置於平陽也紀要謂周改義陽郡曰宋安【開皇初郡廢縣改名焉】元和志開皇三年改平陽爲義陽屬申州大業二年屬義州【大業初置義陽郡有犬龜山】按水經淮水注云瀨水源南出大潰山又北逕賢首山西又北出東南屈逕仁順城南疑大龜山卽此【金山】紀勝在信陽軍南一十里水經淮水注瀨水東南流歷金山北山無樹木峻峭層峙

【鍾山】今信陽州東南十八里

【舊曰鄆】今羅山縣西南九里漢置按漢晉宋齊志俱作鄆惟地形志作鄆紀要鄆與鄆通

【後齊改曰齊安仍置郡】按錢氏考異云地形志南司州齊安郡齊安縣俱正始元年置是齊安之名不始於後齊也【開皇初郡廢縣改曰鍾山】元和志高齊於鄆縣置齊安郡後改爲萬歲郡隋開皇三年罷郡爲齊安縣四年以近鍾山改曰鍾山縣寰宇記亦云高齊後改爲萬歲郡按北史薛辨傳薛邁初封齊安縣子隋文帝受禪改封鍾山縣子與志合【有鍾山】紀要今信陽州東南十八里

【羅山】今縣東北元和志本漢鄆縣地

【後齊置曰高安】紀要在縣西南二十里【開皇初廢十六年置曰羅山】元和志十六年析鍾山置羅山縣紀勝羅山縣下引元和志梁武置汝南郡於此隋開皇三年析入鍾山今元和志無此文

【禮山】今應山縣東

【舊曰東隨】地形志南司州永安郡有東隨

縣【開皇九年改焉有關官】地形志東隨有黃峴關【有禮山】元和志禮山關在應山縣東北一百三十里因古禮山縣爲關卽齊志所謂武陽關也按義陽有三關曰平靖曰黃峴曰武陽元和志禮作禮誤

【淮源】今信陽州西北

【後齊置曰慕化置淮安郡】按周屬申州隋書文帝紀周大象二年以二十郡爲隋國中有申州之淮安【開皇初郡廢大業初縣改名焉有油水】水經淮水注油水出平春縣西南油溪東北流逕平春故城南又東曲岸北有一土穴徑尺泉流下注沿波三丈入于油水亂流南屈又東北注于淮

【九江郡】

【舊置江州】宋志晉惠帝元康元年置水經注惠帝永平時置元和志晉武帝太康十年置因江水爲名三說互異未詳也初理豫章宋志成帝咸康六年移治尋陽梁末改西江州梁書敬帝紀太平二年正月分尋陽太原齊昌高塘新蔡五郡置西江州卽於潯陽仍充州鎮元和志謂陳武帝於潯陽郡置西江州江州復理豫章文帝天嘉元年省西江州江州還理潯陽隋文帝平陳置江州總管理潯城大業三年罷州爲九江郡又按北史韋洸傳及陳平拜江州總管則志江州下當有平陳置總管府六字又按隋書楊處綱傳遷尋州總管則隋初改尋州並置總管府

陳書華皎傳天嘉三年除仁武將軍新州刺史

資監江州尋詔督尋陽太原高唐南北新蔡五郡諸軍事尋陽太守假節將軍州資監如故是陳嘗於江州僑置新州按梁置新州於京山周廢帝已改爲溫州故知此新州無實土

【統縣二戶七千六百一十七】

【溢城】今德化縣治

【舊曰柴桑】今德化縣西南二十里漢置【置尋陽郡】宋志晉惠帝永興元年置紀勝引廬山記晉咸和九年溫嶠自江北移於溢城之南梁太清二年蕭大心因侯景之亂欲依險固乃移於溢口城卽今城也梁陳爲王國梁書有潯陽王大心陳書有尋陽王叔儼【梁又立汝南縣平陳郡廢又廢汝南柴桑二縣立尋陽縣】按尋陽本漢縣在江北潯水之陽因名晉溫嶠移於江南晉志安帝義熙八年省入柴桑【十八年改曰彭蠡大業初置郡縣改名焉】元和志大業二年改彭蠡爲溢城【有巢湖】元和志巢湖故城在潯陽縣東四十二里楚有二巢一在廬江六縣其南巢築所奔處蓋此地也【彭蠡湖】元和志在都昌縣西六十里與潯陽縣分湖爲界寰宇記湖周迴四百五十里內有石高數十丈大禹刻其石以紀功焉【有廬山】

元和志廬山在潯陽縣東三十二里本名嶂山昔匡俗字子孝隱淪潯景廬於此山漢武帝拜爲大明公俗號廬君故山取號周環五百餘里寰宇記周武王時匡俗有道術結廬於此山仙去空廬尚在故曰廬山其山九疊川亦九派水經注山四方周四百餘里疊鄴之巖萬仞懷靈

抱異苞諸仙迹其山川明淨風澤清曠爽氣節和土沃民逸嘉遯之士繼響窟巖龍潛鳳采之賢往者忘歸矣秦始皇漢武帝及太史公司馬遷咸升其巖望九江而眺鍾彭焉【望夫山】紀勝在德化縣西北一百五里又引方輿記夫行役未回其妻登山而望每登山輒以藤箱盛土積日累功漸益高峻故名

【彭澤】今縣東南四十里

【梁置太原郡】寰宇記在彭澤縣東北五十里顧野王輿地志云梁武帝置按輿地廣記梁置太康郡康即原之誤陳爲王國陳書有太原王叔匡【領彭澤】今湖口縣東三十里漢置陳書魯悉達傳永定中封彭澤縣侯【晉陽】寰宇記在彭澤縣東北一百九十四里顧野王輿地志云梁武帝立屬太原郡【和城】寰宇記在彭澤東北二百二十里顧野王輿地志云江左立屬汝南郡齊志廬江汝南有和城屬太原郡【天水】寰宇記在彭澤縣東五十里顧野王輿地志云梁武帝置以擬西水縣又紀要一云彭澤縣東又有西水廢縣亦梁置隋廢【平陳郡縣並廢置龍城縣】寰宇記在縣西二里名勝志今縣北龍城驛沿其名【開皇十八年改名焉有鈞磯】元和志在都昌縣南一百二十里昔陶侃嘗釣於此釣得一梭化爲龍而去按晉志元帝置上甲縣安帝時省上甲入彭城城字誤當作彭澤今考梁長沙王蕭昭武帝時封上甲侯蓋梁復置又有樂城縣寰宇記廢樂城縣在彭澤縣南三十九里縣城傍山爲之南北

高嶮東西平下隋大業十三年賊帥張善安據險唐武德五年縣平至八年併入彭澤則隋有此縣矣

【江夏郡】漢置

【舊置郢州】宋志孝武孝建元年置宋書何尙之傳云時欲立郢州尙之議宜治夏口上從之通典梁武自襄陽東下攻圍二百餘日方降通鑑梁敬帝承聖元年郢州刺史陸法和以郢州降齊侯瑒攻郢州齊以慕容儼戍之瑒不能拔齊人以城在江外難守因割以還梁梁書貞惠世子方諸傳爲郢州刺史鎮江夏【梁分置北新州】寰宇記梁武帝起兵襄陽東下攻圍二百餘日方降因分置北新州按此誤也梁之北新州在竟陵此志長壽縣下有梁置北新州是也蓋梁之新州在京山則江夏郡在南安得有北新之名考之史傳地志並不在此唯寰宇記有之蓋因此志誤也互見長壽縣下【尋又分北新州立土】見土山下【富】當在富水縣【涇泉濠】今無考【五州平陳改置鄂州】元和志州城本夏口城吳黃武二年城江夏以安屯戍地也西臨大江寰宇記取鄂渚爲名隋書周法尚傳伐陳之後轉鄂州刺史

【統縣四戶一萬三千七百七十一】

【江夏】今江夏縣治寰宇記云隋平陳後以江夏郡爲縣居舊汝南縣界開皇十年使人韋焜就州東南焦度樓下置大業十三年州賊董道冲陷沒其縣遂廢紀勝焦度樓在州治東南子城上卽今縣也則縣爲隋置審矣志當云開皇

十年置乃不置一辭竟似舊有江夏縣者此爲疏也

【舊置江夏郡】漢置水經注郡舊治安陸吳乃徙此城中元和志謂前漢治安陸後漢移理沙羨魏移上昶在安陸西北五十五里吳移魯山宋志云江夏郡永初郡國及何志並治安陸此後治夏口余按漢志應劭曰夏水過郡入江故曰江夏若在安陸則去江甚遠不得取二水爲名前漢之江夏固應治沙羨至後漢不改及周瑜破黃祖程普爲郡守後陸渙移治魯山見水經注而魏王基亦表于上昶城立江夏郡見王基傳至晉始併魯山之郡而移于安陸當卽上昶城也至元和志所云涇水之北有江夏古城周所理蓋謂北周也其時夏口屬陳故周又于涇北立郡而李吉甫以爲近夏水疑是漢郡所理不悟其不近江水也互詳武昌縣下梁陳爲王國南史梁臨川王大款傳太清三年簡文卽位封江夏郡王陳書有江夏王伯義天嘉六年封【平陳郡廢大業初復置有烽火山】紀勝在江夏東北四十里高十五丈梁典云武帝征齊頓軍於此舉烽火相應故名【塗水】水經江水注塗水出江州武昌縣金山西北流逕汝南僑郡故城南紀勝塗口在江夏南九十里一名金口陶潛有塗口詩

按有汝南縣元和志東晉以汝南流人僑立汝南郡後改爲汝南縣開皇九年改爲江夏縣寰宇記引荆湘記金水北岸有舊汝南城水經注咸和中寇難南逼戶口南渡因置斯郡治于塗

口

【武昌】今縣治漢置鄂縣宋志魏黃初二年孫權改為武昌晉太康元年復立鄂縣而武昌如故

【舊置武昌郡】宋志魏黃初二年權自公安都鄂改名武昌立武昌郡以武昌下雒尋陽柴桑陽新沙羨六縣為武昌郡而宋志引晉起居注太康元年改江夏為武昌郡按晉平吳後江夏武昌二郡並立不得云改江夏為武昌吳志建安十三年孫權擒江夏太守黃祖於沙羨以程普為江夏太守治沙羨是時孫權已得江夏郡及二十五年分置武昌郡而江夏郡如故此後陸渙孫興孫承蔡遺刁嘉並為江夏太守據陸渙治魯山則常皆因之蓋吳時已省沙羨見宋志故知不復還故治魏既失江南故於上起立江夏郡晉因之及晉平吳乃併吳之江夏于武昌此于情事為合晉起居注記之不審耳而輿地紀勝遂多設疑難仍不能明也按梁陳為王國梁書武紀大同三年三月戊戌立昭明太子子警為武昌郡王陳書高宗二十九王傳宣帝子叔虞後主即位封武昌王又陳書世祖紀天嘉二年十一月以武昌國川為竟陵郡以安流民則陳嘗僑置竟陵郡又有國川縣志不書【平陳郡廢又廢西陵鄂二縣入焉】按西陵漢至南齊諸志并有之括地志西陵故城在黃州黃山西二里元和志西陵故城在黃岡縣西二里因縣東黃岡為名是俱謂西陵在江北黃山之西也吳志甘寧傳拜西陵太守領下雒陽

新二縣考二縣在今與國州地寧為西陵守而

所領無西陵縣此暫置西陵郡於江南而西陵縣仍在江北之明證也惟水經注江水逕西陵縣故城南紱於郟城之後似在今黃岡縣東南稍有差異然其城仍在江北其云故城則已廢可知齊志西陽郡無西陵縣是已廢於齊時何以至隋復有西陵縣且在江北何以云廢入武昌水經注又云江水東歷孟嘉澁江之右岸有黃石山即黃石磯有西陵縣治此則在江南當是齊梁之間移置於此故水經注兩載之乃悟在江北者漢以後之西陵也在江南者梁陳之西陵也此志所省之西陵在江南故入武昌也輿地廣記故西陵縣陳省入武昌南史周昉傳梁元帝承制封西陵縣伯鄂縣見上【有樊山】水經注袁山即樊山也北背大江元和志在縣西南三里謝玄暉詩樊山開廣宴是也寰宇記山東十步有岡岡下有寒溪溪中有蟠龍石干寶搜神記云若天大旱以火燒山即致大雨今往往有驗勝覽一名西山【白紵山】按有城塘縣寰宇記武昌縣下云廢城塘縣在鄂州西北一百十三里隋末縣令義士暄置西有小城塘以為名大業九年廢

【永興】今與國州東二百五十步

【陳曰陽新】元和志云吳大帝分鄂縣置陽新縣吳書呂蒙傳云以尋陽陽新為奉邑水經注陽新屬豫章按晉志陽新屬武昌郡宋齊志并有之何以云陳置耶名勝志引輿地記陽新故城在州西南今陽新里沿其名【平陳改曰

富川】宋本寰宇記故富川縣在永興縣西南

五十里平川隋開皇九年戶部侍郎韋焜立十一年併入永興縣【開皇十一年廢永興縣入】元和志陳永興故城在永興縣東五十里東臨江水俗云子胥所築宋本寰宇記故永興縣在今永興縣北八十里武昌記云隋開皇元年黃普授桂州刺史不得到任領五百戶住闔閭城使人韋焜取東界江州廢永興縣別置永興縣十一年使人牛弘併永興縣入富川縣又寰宇記故安昌縣在今永興縣西北九十里平川雖有縣名今無基址梁普通七年置隋開皇九年廢併入富川縣又宋本寰宇記故奉新縣在今永興縣西南一百八十三里吳立隋開皇九年廢入富川縣【十八年改名焉】寰宇記居高陵故城【有五龍山】寰宇記在鄂州西三百一十五里山有五嶺狀如龍按當云東南紀要在今與國州西北八十里

【蒲圻】今縣治水經江水注晉太康元年置宋

志同而元和志云吳大帝置因蒲圻湖為名寰宇記亦云吳黃武二年於沙羨地置按吳志呂岱傳赤烏九年分武昌為兩部自武昌以上至蒲圻為右部則吳置審矣寰宇記開皇十二年洪水泛溢縣遂漂流乃移於鮑口

【梁置上雋郡】寰宇記大同五年於上雋縣

置上雋郡陳改為雋州天嘉元年復故寰宇記崇陽縣下又云梁承聖三年置雋州陳天嘉四年廢州按陳書始興王叔陵傳後主以誅叔陵之功以陳仲華為下雋太守則陳改上雋為下

雋仰別置下雋郡與【又有沙陽縣】宋志晉太康元年改沙羨曰沙陽又立沙羨而沙陽徙今所水經注江中有沙陽洲沙陽縣治也按在今嘉魚縣北【置沙州尋廢】寰宇記梁承聖三年改沙陽為沙州陳初復還縣今考陳書

陳寶應傳天嘉時有沙州刺史俞文問則沙州至陳文帝時未廢按地形志蕭衍置沙州治白沙關城則在今黃安地是梁時江北江南各有沙州互詳前麻城縣後【平陳郡廢】寰宇記隋開皇九年使人韋焜省上雋郡廢沙陽入蒲圻輿地廣記隋省沙陽入蒲圻【有石頭山】紀要蒲圻縣之北有白石山居衆山中獨翠嶽寰宇記石頭山在江夏縣東七十里山巔有白石白色【魚嶽山】水經江水注山在大江中

楊子洲南孤峙中洲按紀要山在嘉魚縣西北二里一名江島山【鮑山】無考據寰宇記言縣治鮑口則常與縣治近

按有樂化縣寰宇記云梁大同五年於巴陵郡下雋縣立樂化縣還屬上雋郡又云開皇元年使人韋焜又立樂化縣開皇十二年使人牛弘省樂化入蒲圻則梁置旋廢隋初復置後廢入蒲圻也

按有下雋縣漢晉屬長沙郡宋齊屬巴陵郡梁屬上雋郡在今通城縣西寰宇記隋開皇九年省入蒲圻

【澧陽郡】

【平陳置松州】紀勝古松州城在澧陽縣東南大和南村【尋改爲澧州】紀勝以州在澧

水之北故以爲名水經澧水出武陵充縣西歷山

【統縣六百八千九百六】

【澧陽】今澧州治按澧陽本晉置在今石門縣隋徙置於此詳下石門

【平陳置縣大業初置郡有樂山】紀勝山在縣南八十里昔多芍藥故名勝志山頂有長嘯峯唐僧惟儼夜嘯處【有油水】水經注油水出武陵孱陵縣西東過其縣北又東北入於江

【石門】今縣治宋志澧陽晉太康四年立水經澧水注澧陽天門郡治也考元和志石門縣卽吳之天門郡則晉之澧陽當治今之石門縣與隋置之澧陽相隔九十里而輿地廣記紀勝俱攸於澧陽下云晉置縣宋因之後省誤矣舊唐志寰宇記隋廢天門郡爲石門縣是也

【舊置天門郡】各本作石門誤今訂宋志吳永安六年以其地有松梁山其上名天門因置天門郡水經注舊唐志寰宇記並作天門晉陳顓王裕之檀道濟梁胡僧祐並爲天門太守紀要陳改石門郡按陳書世祖紀天嘉二年七月周將賀若敦自拔遁歸天門等郡悉平則陳亦爲天門紀要因此誤本爲說耳【平陳郡廢】

【孱陵】今安鄉縣北

【舊曰作塘】塘當作唐後漢置【置南平郡】宋志晉太康元年分南郡江南置治作唐後治江安按齊志南平郡以孱陵居首當是齊自江安移於孱陵後又自孱陵移於作唐也梁陳爲

王國梁書有南平王偉陳書有南平王崑是也

【平陳郡廢縣改名焉】按志南郡有孱陵隋廢入公安故移於此

【安鄉】今縣治元和志隋置紀要云梁置名勝志陳析作唐置安鄉縣爲義陽郡治當是也

【舊置義陽郡】今安鄉縣西南宋志南義陽晉末以義陽流民僑立齊志亦作南義陽錢氏考異云宋志所說之義陽郡領厥西平氏二縣其地在漢東郡唐城縣志稱唐城後魏曰灑西置義陽郡者是也此安鄉之義陽郡宋齊二志俱無之未詳何代所置按陳書世祖紀天嘉二年七月周將賀若敦自拔遁歸武陵天門南平義陽河東宜都諸郡悉平通鑑載此事注引宋白曰澧陽郡安鄉縣晉曾立義陽郡今考宋志

隋陽郡闕西縣云宋末新立而於南義陽郡厥西縣則云晉太康地志義陽是以屬南義陽之厥西在前而以屬隋陽者在後然厥西以灑水得名灑水在唐城水經注引呂忱曰水在義陽則晉之義陽當在唐城而此南義陽則又晉末所僑立者宋志說南義陽不誤而說闕西則兩文錯互【平陳郡廢有皇山】已見南郡公安縣下此不當復

【崇義】今安福縣西寰宇記本漢充縣地

【後周置衡州】或疑周地不至此按通鑑陳天嘉二年周人許歸安成王頊陳遣使報之并賂以黔中地隋之崇義本漢充縣地充縣於漢屬武陵郡卽秦之黔中郡也陳人既賂于周故周于其地置衡黔等州於情事爲合詳見黔安

郡下【開皇中置縣改名焉】寰宇記開皇中

分臨澧立【十八年改州曰崇州大業初州廢

有澧水】水經澧水出武陵充縣西歷山東過

其縣南又東過零陽縣之北又東過作唐縣北

又東過白沙下雋縣至長西北東入於江

按有澧中縣晉宋齊志并屬天門郡水經江水

注烏飛水出天門郡澧中縣界則梁時尙存

【慈利】今縣西名勝志本漢零陽充二縣地孫

吳析置澧中縣晉又析置臨澧縣隋改今名

【開皇中置曰零陵】按漢零陽縣在今慈利

縣東宋齊志猶有之此志不言當是梁陳已廢

【十八年改名焉有始零山】

【巴陵郡】

【梁置巴州】元和志梁元帝改巴陵郡爲巴

州宋本寰宇記元帝都荆別立巴州領巴陵郡

【平陳改曰岳州】元和志開皇九年【大業

郡】

【華容】今縣治按漢華容縣在南郡監利縣界

宋齊志並有之梁時亦有華容但未知徙此否

也互詳前南郡監利縣下

【舊曰安南】今華容縣東北宋志晉武帝分

江安立舊唐志漢房陵縣地劉表改爲南安水

經注太康元年分房陵立而元和志云吳置諸

說不同未知孰是按水經注晉志元和志並作

南安唯宋志作安南與此志同恐誤【梁置南

安湘郡】紀要引劉昫曰梁置南安郡按舊唐

志無此說然湘字恐是衍文【尋廢開皇十八

年縣改名焉】宋本寰宇記吳於今縣東北二

里置安南縣隋平陳改爲華容大業十年以縣

移於今理

【沅江】今縣治

【梁置曰藥山】元和志梁元帝分益陽縣置

【湘陰】今縣西北五十里元和志宋元徽二年

分益陽羅湘西三縣置南齊書王僧虔傳大明

八年巴峽流民多在湘土僧虔表割益陽羅湘

西三縣緣江民立湘陰縣從之宋志誤作湘陵

梁書蕭景弟昂傳中大通二年封湘陰縣侯

【梁置岳陽郡】按梁陳爲王國梁紀中大通

三年六月立昭明太子子曲阿公嘗爲岳陽郡

王陳書高宗二十九王傳宣帝子叔慎後主即

位封岳陽王【及羅州】輿地紀勝梁元帝置

通鑑梁大寶二年湘東王釋命羅州刺史徐嗣

徽自岳陽會王僧辨【陳廢州平陳廢郡及湘

陰入岳陽縣】紀要岳陽縣梁置【置玉州尋改

岳陽爲湘陰廢玉山縣入焉十二年廢玉州】

輿地廣記及紀勝俱云在開皇十一年

【羅】今湘陰縣東北六十里元和志秦縣隋紀

大業十三年十月羅令蕭銑以縣反通鑑作羅

州令似誤【開皇九年廢吳昌湘濱二縣入】

吳昌今平江縣東宋志後漢置曰漢昌吳改水

經湘水注汨水西南逕吳昌縣北梁書蕭穎達

傳封吳昌縣侯江淹傳封子爲吳昌伯陳周弘

直傳梁元帝承制封湘濱縣侯則湘濱縣當爲

梁置又陳世祖九王傳陳蕃封湘濱侯【有澗

水】各本作渭水誤今訂水經澗水出豫章艾

縣西過長沙羅縣西又西至累石山入于湘水

【汨水】水經湘水注汨水東出豫章艾縣桓

山又西逕羅縣北亦謂之羅水又西逕玉笥山

又西爲屈潭即汨羅淵也屈原懷沙自沈于此

又西逕汨羅戍南流注于湘

【長沙郡】

【舊置湘州】宋志晉永嘉元年分荊州長沙等八郡置晉志云九郡治臨湘咸和三年省義熙八年復置十二年又省宋永初三年復置元嘉八年省十七年復置二十九年又省孝建元年復置陳書世祖紀天嘉四年以平南將軍華皎為南湘州刺史是陳嘗加南字較本傳無南字【平陳置潭州總管府】元和志開皇九年改湘州為潭州取昭潭為名按隋紀開皇十二年十一月以豫州刺史權武為潭州總管【大業初府廢】元和志大業中罷牧置都尉府三年罷州置長沙郡

【統縣四戶一萬四千二百七十五】

【長沙】今縣治

【舊曰臨湘】漢置以地臨湘水為名水經注湘水又北過臨湘縣西梁書宗室傳蕭懿初封臨湘縣侯【置長沙郡】秦郡漢為國後漢改郡宋為國齊又改郡按梁陳為王國梁書有長沙王懿陳書有長沙王叔堅【平陳郡廢縣改名焉有銅山】元和志在縣北百里楚鑄銅處水經湘水注作銅官山云西臨湘水山土紫色內含雲母亦謂之雲母山【錫山】

按有醴陵縣後漢置即今醴陵縣治梁書江淹傳改封醴陵侯元和志隋平陳省入長沙又有吳瀏陽縣即今瀏陽縣治梁書瀏陽公大雅傳大同九年封瀏陽縣公元和志隋平陳廢【衡山】今湘潭縣南宋志吳立曰衡陽晉惠帝改衡山宋齊因之而此志有併入衡山之衡山

又有衡山郡之衡山今考元和志潭州湘潭下云天寶八年改衡山為湘潭衡州衡山下云天寶八年改湘潭為衡山是二縣名互易然則唐天寶後之衡山始屬衡州前之衡山自屬潭州

故新唐志衡山本隸潭州唯云神龍三年來屬衡州稍異耳可知隋惟長沙郡有衡山縣衡山郡不得有衡山縣其併入之衡山即晉以來之衡山縣也此志之衡山則本晉宋之湘西縣也梁書南平王偉傳子恭天監八年封衡山縣侯

【舊置衡陽郡】吳志太平二年分長沙西部立水經注衡陽郡治湘南晉湘南太守何承天徙治湘西隋改湘西為衡山故直云衡山舊置衡陽郡也梁陳為王國梁書有衡陽王暢陳書有衡陽王伯信【平陳郡廢併衡山】見上【湘鄉】今縣治後漢置【湘西】明監本毛本皆誤作湘東今據宋本訂正宋本寰宇記廢湘西縣在今潭州西宋齊並為衡陽郡治梁書曹景宗傳初封湘西縣侯又席闡文傳又改封湘西伯【三縣入焉】

【益陽】今縣東八十里漢縣水經注云資水又東北過益陽縣北應劭曰縣在益水之陽今無此水或亦資水之殊日矣梁書楊華傳封益陽縣侯

【平陳併新康縣入焉】今益陽縣西二十里宋志新康吳曰新陽晉太康元年改周書蕭管傳後梁宣帝時封康節公王操新康公【有浮梁山】新唐志益陽下云永泰元年都督翟灌自望浮驛開新道經浮邱至湘鄉則浮梁當即

浮邱名勝志浮邱山在縣西一百里峯巒亞於南嶽巔有石亭劉宋時浮邱子居此

【邵陽】今縣治漢置昭陵縣屬長沙國元和志後漢改為昭陽按此說誤也續漢志零陵郡有昭陽據漢表蓋元始五年分昭陵置長沙郡仍有昭陵則昭陵昭陽本二縣並立宋志邵陽郡邵陵縣云二漢無吳錄屬邵陽又有邵陽縣云吳立曰昭陽晉武改邵陽是吳晉並有邵陽邵陽二縣齊志邵陽郡亦並有之唯宋志云邵陽二漢無則不以昭陽為邵陽三國志皆書邵陽郡史官追改又云昭陽吳立則與續漢志不照皆誤也邵陽邵陽是皆因晉避諱改舊唐志隨平陳移邵陽於今地理要隋廢邵陽入邵陽因改邵陵曰邵陽蓋至隋始併為一按昭陽故城在縣東南五十里梁書武紀中大通四年二月景辰邵陵縣獲白虎

【舊置邵陵郡】宋志吳寶鼎元年立按梁陳為王國梁書有邵陵王綸陳書有邵陵王兢【平陳郡廢併扶夷】今新寧縣東北宋志扶夷漢至晉曰夫夷今云扶者疑是避桓溫父諱去夷夫不可為縣故為扶云齊志亦作扶此云扶夷或齊後復改宋本寰宇記隋平陳以地入邵陽又按水經資水注夫水東北流逕扶陽縣南戴趙刪陽以合於宋志按今新寧縣東十五里有扶陽山新寧又舊號扶陽鄉則扶陽或為梁置

【都梁】今武岡州東北漢縣按晉武剛縣今武岡州治元和志漢都梁屬零陵郡吳寶鼎元年改為武岡縣因武岡為名一云晉武帝分都梁

置按晉志有都梁而無武岡宋齊志則都梁武岡二縣並屬邵陵宋志云晉武帝分都梁立則元和志前說非也元和志又云梁天監元年以太子諱綱改爲武強補梁志云天監元年昭明太子尙在簡文時爲晉安王不應避諱當是大通三年立晉安王爲太子時改舊唐志隋廢宋本寰宇記隋平陳省武岡入邵陽縣大業末改爲武強梁書韋叡傳封梁都子當是都梁之誤然則志當云併扶夷都梁武強三縣入焉【二縣入焉】

按宋本寰宇記隋開皇十年嘗於邵陽縣立建州十一年廢後又云開皇九年改邵州爲建州明一統志建州城在寶慶府城北二里晉邵陵郡治此按隋有高平縣寰宇記古高平縣城在邵陽縣北七十里隋開皇九年以其地併入邵陽縣其城廢按宋志吳分昭陵置高平齊志亦有之

又有建興縣宋志分邵陵立齊志亦有之水經注資水又東逕建興城則梁時亦有之或隋廢也舊唐志武德七年分建興入武岡當是蕭銑復置

【衡山郡】大業初廢衡州改

【平陳置衡州】通典隋省湘東衡陽二郡置衡州元和志以衡山爲名寰宇記大業三年廢通鑑梁承聖元年陸納襲擊衡州刺史丁道貴於淥口破之注衡州治衡陽縣案梁之衡州在含渢置于天監六年至元帝又于始興置東衡州陳亦分置東西衡州隋平陳廢東西衡州始

移置於衡陽丁道貴蓋爲西衡州刺史與陸納戰於淥口其時衡州治含渢非治衡陽也通鑑注誤

【統縣四戶五千六十八】

【衡陽】各本皆誤作衡山今訂正今衡陽縣治按志長沙郡既有衡山縣此不得復有衡山蓋其地境相接也舊唐志輿地廣記並云隋改臨蒸爲衡陽蓋并臨蒸新城重安三縣立而縣治則本臨蒸也互詳上長沙郡衡山下

【舊置湘東郡】

水經注郡舊治在湘水東故以名郡魏正元二年吳王孫亮分長沙東部立吳書孫亮傳太平二年立宋志同則當在魏甘露二年梁陳爲王國梁湘東王釋陳湘東王叔平是也【平陳郡廢并省臨蒸】今衡陽縣治宋志吳立水經注臨承即故鄒縣縣即湘東郡治陳書周鐵虎傳梁時爲臨蒸令隋書周羅暉傳梁時封周法鬻臨蒸縣侯【新城】紀要在衡州府東百二十里陳析臨蒸縣置【重安】今衡陽縣西南八十里漢置鍾武縣續漢志永建三年改梁書柳慶遠傳封重安侯陳書華皎傳廢帝即位封重安縣侯又程靈洗傳封重安縣公子文季文季子響並封重安縣侯宋本寰宇記隋平陳省重安入臨蒸則先省重安後省臨蒸也【三縣入焉】舊唐志湘潭縣下吳分湘南立衡陽縣屬衡陽郡宋志晉惠帝更名衡山然則此雖非其地其名則仍吳舊也【有衡山】山在衡山縣西三十里郡國志注郭璞曰山名岫嶺湘中記曰衡山有玉牒禹按其文以

治水遙望衡山如陣雲沿湘千里九向九背迺不復見元和志南嶽記曰以其宿當軫翼度應機衡故爲名又曰上如車蓋及衡阨之形山高四千一十丈【有武水】各本脫有字今據宋本增水經湘水注武水出鍾武縣西南表山東流至鍾武縣故城南而東北流至重安縣注於承水【連水】連當作漣水經漣水出連道縣西過湘南縣南又東北至臨湘縣西南東入于湘

【涿陰】

今未陽縣東北四十里【舊曰涿陽】今縣治元和志秦縣因未水爲名各地志俱作未陽紀勝舊在未水之陽梁陳間移縣治在鷺山口【平陳改名焉有肥水】水經未水注未陽縣有溪水東出侯計山其水清澈冬溫夏冷西流謂之肥川【鄒水】寰宇記引郭仲產湘州記衡陽縣東有鄒湖周二十里深八尺湛然綠色取水釀酒其味醇美所謂鄒酒晉武帝平吳薦鄒酒於太廟是也

【湘潭】今攸縣西北元和志梁武天監中分陰山縣立南史梁鄱陽王恢子範傳範弟湘潭侯退陳書世祖九王傳江夏王伯義子元基封湘潭侯

【平陳廢茶陵】

今茶陵州東漢縣漢志作茶陵【攸水】今攸縣東本漢攸縣水經注攸水北流逕攸縣北隋書儒林傳梁時封蕭該攸縣侯則梁時尙作攸紀要陳改攸水【陰山】今攸縣西北六十里宋志漢縣屬桂陽吳湘東郡有此疑是吳所立按後漢之陰山卽前漢之陽

山在桂陽元和志東漢省入含渚是也此湘東陰山自是吳立水經注亦誤【建寧】今湘潭縣北宋志吳置水經注湘水又北逕建寧縣北

又北逕建寧縣故城下晉太始中立然則建寧吳置晉徙宋仍吳舊也【四縣入焉有武陽山】

水經涿水注陰山縣東山有武陽龍尾山並仙者羽化之處上有仙人及龍馬迹【有歷水】

水經涿水注陰山縣有歷水下注涿水謂之歷口輿地紀勝引郡國志云未陽有歷水一名池

水中有大歷可容百斛其字應作鑿鼎鑊類也【新寧】今常寧縣西北三里元和志本秦末縣

地吳分未陽置新平縣宋元徽中三洞蠻抄掠州縣遷移就江東因蠻寇止息遂號新寧按晉

志有新平又有新寧宋志新寧吳立又云孝武太元二十年省新平然則省入新寧也元和志

所云宋置新寧者未審【有宜溪水】水經湘水注宜溪水出新寧縣

西南新平故縣東衆川瀉浪共成一津西北流東岸山下有龍穴宜水逕其下天旱則壅水注

之便有雨降宜水又西北注於湘紀要宜水在常寧縣東源出塔山亦曰宜溪經縣東三十里

亦曰宜江【春江】按春當作春漢志未陽下作春水郡國志零陵下引羅含湘中記亦作春

水皆誤也水經湘水注春水上承營陽春陵縣西北潭山又北逕新寧縣東又西北流注於湘

紀要春陵水在常寧縣東源出道州之春陵山東流經藍山縣界又東北經桂陽州北又北至

縣界流注於湘

【桂陽郡】

【平陳置郴州】宋本寰宇記隋平陳廢桂陽廬州二郡立郴州因漢縣名元和志大業中為

桂陽郡一統志謂梁管置郴州尋廢【統縣三戶四千六百六十六】

【郴】今州治漢縣

【舊置桂陽郡】漢高帝置紀勝宋齊梁皆封子弟為桂陽王按梁書有桂陽王大成陳書有

桂陽王伯謀【平陳郡廢大業初復置有萬歲山】紀勝山在郴縣有靈壽杖漢平帝賜孔光

靈壽杖出此山水經未水注萬歲山有石室室中有鍾乳山上悉生靈壽水溪下即千秋水也

水側民居號萬歲村【有漆水】水經漆水出桂陽臨武縣南繞城西北屈東流東至曲江縣

安轟邑東屈西南流過瀆陽縣出漚浦關與桂水合按有平陽郡平陽縣即今桂陽州治宋本

寰宇記漢郴縣地東晉於今縣理南九里置平陽郡及縣陳太建十二年郡縣俱廢隋末蕭銑

析郴縣於平陽故郡北置平陽縣又按有晉興縣在今郴州興寧縣西南元和志

後漢置漢寧縣吳改陽安晉改晉寧隋省開皇十一年又置改為晉興

又按有義章縣今郴州宜章縣治宋本寰宇記隋末蕭銑分郴縣於今義章縣北三十里立此

縣又按有便縣今郴州永興縣治元和志漢縣晉省陳復置隋省入郴縣

【臨武】今縣治元和志本漢舊縣以南臨武溪

水因以為名歷代屬桂陽郡九域志云故城在縣東五十里

按有南平縣寰宇記藍山縣下云本漢南平縣今縣東七里有南平故城存隋平陳廢此縣移

臨武縣焉【有華陰山】紀勝山在藍山縣東南十五里

名勝志山跨臨武界紀要作五十里【盧陽】今桂陽縣西南宋志汝城江左立元和

志本漢郴縣地東晉分置汝城縣隋改為扈陽縣舊唐志晉分郴縣置汝城晉寧二縣陳廢二

縣立盧陽郡領盧陽縣寰宇記引輿地志陳盧陽郡領盧陽一縣與舊唐志合輿地廣記亦作

盧陽按稱爲盧陽者當在盧水之陽據水經涿水注引盧溪水則正與志合元和志作扈陽誤

【陳置盧陽郡】宋本寰宇記引輿地志太建五年置其郴州總敘作梁元帝置今按陳世祖

紀天嘉元年五月改桂陽之汝成縣爲盧陽郡隸東衡州【平陳郡廢有淥水】明南北監本

毛本並作淥今從宋本水經未水注桂陽郴縣有淥水出縣東俠公山西北流而南屈注於未

謂之程鄉溪郡置酒官醞於山下名程酒獻同鄣也元和志郴縣淥水自郴侯山注來輿地廣

記淥水出郴縣西北流而南注於未曰程鄉溪

【零陵郡】

【平陳初置永州總管府】元和志因永水爲名大業三年復爲零陵郡宋本寰宇記隋平陳大將軍周法尚巡撫江南改零陵郡爲永州隋

紀開皇九年十二月以黃州總管周法尙爲永州總管則總管即置於九年【尋廢府】

【統縣五戶六千八百四十五】

【零陵】今縣治

【舊曰泉陵】明南北監本毛本並誤作泉陽

今從宋本今零陵縣北二里漢縣紀勝云歷晉

宋齊梁陳並無所改【置零陵郡】漢置歷代

無改陳書侯瑱傳文帝天嘉元年封零陵郡公

【平陳郡廢】元和志改縣爲零陵宋本寰宇

記隋平陳廢泉陵縣爲零陵縣仍移於州城南

三里即今縣城是也【又廢應陽】今東安縣

東北宋志晉惠帝分觀陽立水經湘水注應水

東南流逕應陽縣南蓋即應水爲名也南史王

淮之傳陳宣帝太建中封王猛應陽縣子【永

昌】今祁陽縣西八十里宋志吳立水經湘水

注托口水出永昌縣北梁書韋叡傳天監二年

改封永昌子【祁陽】明南北監本毛本並誤

初陽今從宋本今祁陽縣東北九十里宋志吳

立輿地廣記歷晉宋齊梁陳並無改梁書蕭子

恪傳蕭子範梁受禪例降祁陽縣侯【三縣入

焉大業初復置郡】

【湘源】今全州西七里

【平陳廢洮陽】今全州北三十五里漢縣梁

書張弘策傳天監初封洮陽縣侯【灌陽】今

灌陽縣治宋志吳立按晉宋齊志水經注俱作

觀唐以後志俱作灌按元和志大業末蕭銑復

析湘源置灌陽縣【零陵】監本毛本並作小

零陵今從宋本今全州西南七十八里漢書藝

文志有秦零陵令信一篇難秦相李斯又劉達吳都賦注亦引秦零陵令上書云云則零陵縣爲秦置漢至晉宋齊並不改【三縣置縣】寰宇記晉太康末立湘源縣按晉宋齊志俱無湘源縣寰宇記誤【有黃華山有觀水】水經湘水注觀水出臨賀郡之謝沐縣界西北逕觀陽縣西又西北流注於湘川謂之觀口【湘水】水經湘水出零陵始安縣陽海山東北過零陵縣東又東過洮陽縣東【洮水】水經注洮水出洮陽縣西南大山東北逕其縣南東流注於湘水紀勝水在清湘縣北五十里出文山南流入湘江

【永陽】今道州北

【舊曰營陽梁改名焉置永陽郡平陳郡廢】

元和志吳分零陵置營陽郡水經注魏咸熙二

年吳孫皓分零陵置在營水之陽宋志江左分

零陵置晉志云穆帝分零陵立營陽郡然宋志

又載晉懷帝永嘉元年分荆州之長沙零陽營

陽等八郡置湘州則非東晉始有營陽郡水經

注營水又東北逕營浦縣南營陽郡治也宋本

寰宇記吳寶鼎元年分零陵北部爲營陽郡理

營浦梁天監十四年改郡爲永陽是郡改而縣

未改也又元和志寰宇記漢營浦縣隋改爲永

陽是梁陳尙爲營浦縣隋始爲永陽也然則志

當作舊曰營浦置營陽郡梁改郡曰永陽平陳

郡廢縣改名焉始合而輿地廣記曰晉置營陽

郡宋齊因之而析置營陽縣爲郡治梁改郡縣

皆曰永陽按宋齊志營陽郡有營浦無營陽縣

當因此志臆斷也梁爲王國梁書有永陽嗣王數陳書有永陽王伯智是也【併營浦謝沐二縣入焉】營浦見上此當云併謝沐入焉方合舊唐志寰宇記並云隋平陳改營浦爲永陽是也謝沐今永明縣西南四十里漢縣又紀要謝沐廢縣在今廣東肇慶府開建縣北梁書武紀天監元年四月以新除謝沐縣公蕭寶義爲巴陵王南史淳于量傳侯景平封謝沐縣侯按梁嘗於郡置營州通鑑元帝承聖元年零陵人李洪雅據其郡上即以爲營州刺史注營陽郡漢零陵郡地故因置營州

又按隋嘗於永陽置道州舊唐志隋改漢營浦縣爲永陽置道州後州郭內置營道縣乃移永陽之南一百一十里置

【營道】今寧遠縣東四十里冷道故城漢縣本

在今寧遠縣西隋徙梁書鄭紹叔傳封營道縣

侯又昌義之傳天監十五年改封營道縣侯新

唐志蕭銑析營道縣置梁興縣

【平陳併冷道】漢縣舊唐志隋廢冷道縣於

故城內置營道縣宋本寰宇記梁陳冷道屬永

陽郡隋平陳廢入營道自奔集二水口移漢營

道縣於此【春陵】今寧遠縣北五十里寰宇

記謂不詳建置今考晉志零陵郡有春陽縣蓋

春陵之誤宋志營陽郡春陵縣云前漢舊縣春

陵侯徒國南陽省吳復立屬零陵齊志營陽郡

亦有春陵又南史鮑泉傳父幾王亮舉爲春陵

令皆即此寰宇記偶失檢也惟宋齊志春陵春

又按漢志南陽郡春陵縣下顏師古注曰漢記

云元朔五年以零陵冷道之春陵村長沙王子

買為春陵侯至戴侯仁以春陵地形下溼上書

徒南陽元帝許之【二縣入有九疑山】今寧

遠縣南六十里郡國志注舜之所葬郭璞山海

經注其山九谿皆相似改曰九疑湘州營陽郡

記曰山下有舜祠故老相傳舜登九疑湘中記

曰有峯參差互相隱映九山相似行者疑惑故

云九疑水經湘水注山盤蒼梧之野峯秀數

郡之間羅巖九舉各導一谿岫整負岨異嶺同

勢遊者疑焉改曰九疑山大舜窆其陽商均葬

其陰【營山】今道州西四十五里水經注營

水出營陽冷道縣營山

【馮乘】今富川縣東北按元和志馮乘故城

在江華縣南七十里今馮乘市在賀州之富川

縣地至隋不改按二漢屬蒼梧吳置臨賀郡縣

隸焉晉宋齊因之大業三年改屬零陵郡

【有馮水】水經湘水注馮水出馮乘縣東北

馮岡其水導源馮谿西北流谿以託名焉帶約

衆流渾成一川謂之北渚歷縣北至關下又逕

營道縣而右會營水

【熙平郡】

【平陳置連州】元和志開皇十年置因黃連

嶺為名大業初改為熙平郡黃連山此志載入

連山縣下而名勝志謂隋志陽山縣下有黃連

嶺當誤記

【統縣九戶一萬二百六十五】

【桂陽】今連州治通典云在桂水之陽元和志

本漢舊縣屬桂陽郡晉宋齊並屬始興郡陳屬

陽山郡隋屬連州

【梁置陽山郡】元和志梁天監六年置寰宇

記梁天監六年於今含涇縣西二里置陽山郡

【平陳郡廢大業初置熙平郡有貞女山】寰

宇記貞女峽在縣南十五里引郡國志云貞女

峽有石臨水狀若婦人云秦時女子採蠶於此

遇暴風雨忽化為石【方山】寰宇記引郡國

志方山對九疑山高下相類【有盧水】紀要

盧溪水在連州西北二十里源出藍山縣盧龍

水流合焉亦名上下盧水經州西二十五里匯

為龍潭東流歷柳柳峽注於涇水【涇水】與

地廣記涇水一名涇水一名匯水漢志匯水南

至四會入鬱過郡一行九百里按說文作涇水

水經注涇水出桂陽縣西北上驛山為盧溪水

東南流逕桂陽縣故城為涇水東南過合涇縣

南出涇浦關為桂水據此則盧水即涇水不知

志何以分為二按南北監本毛本涇皆誤作淮

【陽山】今縣東按漢志有陰山陽山續漢志有

陰山無陽山應劭曰陽山今陰山也是東漢併

陽山入陰山矣考水經湘水涑水俱過陰山鄺

注陰山東北有陽山故城其地在今攸縣與此

無涉此陽山據涇水注吳立元和志陽山在涇

水南梁天監六年置陽山郡以縣屬焉隋開皇

十年屬連州

【有涇水】水經涇水注涇水導源近出東巖

下穴口若井一日之中十溢十竭信若潮流而

注涇水紀要今縣東二里其地有東巖水源出

焉南流四里為潮泉湧消長與潮汐同候也

俗亦謂之桃江

【連山】今廳西北

【梁置曰廣惠】按各本皆誤作廣德今訂正

元和志梁武帝分桂陽置廣惠縣宋本寰宇記

梁武帝分桂陽縣西北置廣惠縣舊唐志梁武

作晉武誤也又輿地廣記晉武帝立廣惠縣梁

改曰廣德考晉宋齊志俱無廣惠縣蓋即因此

志及舊唐志誤文巧為之說未足據也【隋改

曰廣澤】元和志開皇十年改廣惠為廣澤屬

連州【仁壽元年改名焉】寰宇記避太子廣

之諱也【有黃連山】紀要山在縣西四百五

十里峯巒連結多草木

【宣樂】今陽山縣南百里

【梁置曰梁樂并置梁樂郡平陳郡廢十八年

改為宣樂】

【游安】今懷集縣西元和志作游安云蕭齊置

寰宇記同然齊志無之按紀要游安梁陳間置

【熙平】今連山廳西北宋志吳立為尚安晉武

帝改在今陽朔縣東北四十里一統志齊後移

此

【舊置齊樂郡】齊志齊樂郡領西平觀寧臻

安宋平綏南封陵六縣【平陳郡廢】

【武化】今象州東北

【梁置】按宋志開建縣下云文帝分封陽立

武化等七縣孝武大明元年省然則梁蓋因舊

縣復置梁書臨川王宏傳子正信先封武化侯

按有觀寧縣今廣西境齊置南史梁鄱陽王恢

子範傳遣弟觀寧侯永將兵通南川

【桂嶺】今賀縣東北一百里

【舊曰興安】宋志吳立曰建興晉太康元年改元和志謂晉改爲晉安誤【開皇十八年改名焉】按通典開皇九年東萊公王景分興安爲二縣西爲桂嶺與此異豈九年分興安置桂嶺十八年併興安入桂嶺歟元和志因界內桂嶺爲名

【開建】今縣治宋志文帝分封陽置屬臨賀寰宇記云晉永嘉三年立通鑑梁元帝承聖二年有吳州刺史開建侯蕃寰宇記隋大業十一年因賊廢

【梁置南靜郡平陳郡廢】

【尚書荆及衡陽惟荊州上當天文自張十七度至軫十一度爲鶉首於辰在巳楚之分野其風俗物產頗同揚州其人率多勁悍決烈蓋亦天性然也南郡】按南郡有南蠻府屯東晉時毛寶鎮永安陷於蠻【夷陵竟陵沔陽沔陵清江襄陽春陵漢東安陸永安義陽九江江夏諸郡多雜蠻左】按地形志齊有安蠻左郡未有希水左縣斬水左縣齊有建寧左郡未有建寧左縣齊有北隨安左郡【其與夏人雜居者則與諸華不別其僻處山谷者則言語不通嗜好居處全異頗與巴渝同俗諸蠻本其所出承盤瓠之後故服章多以班布爲飾其相呼以蠻則爲深忌自晉氏南遷之後南郡】通鑑宋孝武孝建元年初晉氏南遷爲京畿穀帛所資者皆出焉以荆江爲重鎮甲兵之所聚者在焉故常使大將居之【襄陽皆爲重鎮四方湊會故益多衣冠之緒稍尙禮義經籍焉九江襟

帶所在江夏竟陵安陸各置名州爲藩鎮重寄人物乃與諸郡不同大抵荊州率敬鬼尤重祠祀之事昔屈原爲制九歌蓋由此也屈原以五月望日赴汨羅土人追至洞庭不見湖大舡小莫得濟者乃歌曰何由得渡湖因而鼓櫂爭歸競會亭上習以相傳爲競渡之戲其迅楫齊馳櫂歌亂響喧振水陸觀者如雲諸郡率然而南郡襄陽尤甚【御覽引荆楚歲時記五月五日競渡俗謂屈原沒汨羅日傷其死邪並命舟楫以拯之舡舟取其輕利謂之飛鳧一自以爲水車一自以爲水馬州將及土人悉臨水而觀之【二郡又有牽鉤之戲云從講武所出楚將伐吳以爲教戰流遷不改習以相傳鉤初發動皆有鼓節羣譟歌謠振驚遠近俗云以此厭勝用致豐穰其事亦傳於他郡梁簡文之臨雍部發教禁之由是頗息其死喪之紀雖無被髮袒踊亦知號叫哭泣始死卽出屍於中庭不留室內斂畢送至山中以十三年爲限先擇吉日改入小棺謂之拾骨拾骨必須女壻重女壻故以委之拾骨者除肉取骨葉小取大當葬之夕女壻或三數十人集會於宗長之宅著芒心接籬名曰茅綬各執竹竿長一丈許上三四尺許猶帶枝葉其行伍前卻皆有節奏歌吟叫呼亦有章曲傳云盤瓠初死置之於樹乃以竹木刺而下之故相承至今以爲風俗隱諱其事謂之刺北斗既葬設祭則親疎咸哭哭畢家人既至但歡飲而歸無復祭哭也其左人則又不同無衰服不復魄始死置屍館舍鄰里少年各持弓箭遠屍而歌以箭扣弓爲節其歌詞說平生樂事以至終卒大抵亦猶今之

挽歌歌數十闕乃衣衾棺斂送往山林別爲廬舍安置棺柩亦有於村側瘞之待二三十喪總葬石窟長沙郡又雜有夷蜒名曰莫徭自云其先祖有功常免徭役故以爲名其男子但著白布禪衫更無巾袴其女子青布衫班布裙通無鞋屨婚嫁用鐵鈞鐙爲聘財武陵巴陵零陵桂陽澧陽衡山熙平皆同焉其喪葬之節頗同於諸左云【蠻荆之稱唯三代爲然秦漢而下已漸開置郡縣同於諸夏至晉室南遷衣冠文物移於江左僑置郡縣楚中爲多雖有蠻左漸就習化至隋時已浸浸與江楊同風而此志連篇唯紀蠻俗江漢大郡紀載寥寥亦其失也

隋書地理志考證補遺

卷九荊州

長壽縣寰宇記周武帝置下○水經注馮水又南逕石城西城因山爲固晉太傅羊祜鎮荊州立竟陵郡治此

沔陽縣復置沔陽郡焉下○按有沔東郡通鑑梁天監四年雍州蠻沔東太守田喜青叛降魏注郡蓋在襄陽府東竟陵郡西

甌山縣擒其刺史裴寬下○又隋書韋世康傳仕周爲沔破二州刺史

穀城縣義城郡恐誤下○隋書吐萬緒傳高祖受禪拜襄州總管進封穀城郡公是隋初有穀城郡此義城疑穀城之誤然云西魏廢亦不合

鄆縣下○紀要宜城縣郡城云後漢爲鄆縣宋僑置馮翊郡齊因之後周郡縣并廢

鄆縣後提行○按又有鄆縣梁書馮道根傳廣平鄆人

湖陽縣安字衍無疑下○通鑑梁中大同元年魏淮陰太守晉鴻以湖陽來降胡身之引此志謂淮陰當淮安之誤而未考魏志只有西淮也

湖陽縣湖州下○周書武帝紀保定二年四月湖州上言見二白鹿從三角獸而行

土山下○水經澗水注均水出大洪山東北流逕土山

土山下○隋書杜彥博擊陳吳明徹於土州破之順義縣又置安北縣下○隋龍藏寺碑陰有安化縣開國侯有邑縣令任誼沈濤常山貞石志謂

隋五原郡之安化縣置於開皇十一年此碑立

於開皇六年已有開國公之封史志之誤顯然蓋未考開皇六年之安化在順義也

吉陽注三年下○蓋徙西魏之吉陽于此應山縣仍置應州下○周書武帝紀建德六年七月應州獻芝草

黃岡縣未廢巴州詳見上下○隋書周法尙傳高祖受禪拜巴州刺史是隋初尙有巴州

木蘭縣義陽二郡下○通鑑梁天監三年詔於南義陽置司州移鎮關南以鄭紹叔爲刺史胡注南義陽治鹿城關隋爲木蘭縣蓋因司州爲魏所陷故復於此立司州後又改爲北湘州也

麻城縣改州曰亭州下○當是大象二年定州爲周杞國公亮所拔故改然隋書宇文弼傳司馬

消難之奔陳也除敬黃州刺史尋轉南定州刺史是周初未改亭州

梁置沙州下○水經注倒水出黃武關南流逕白沙城西當即梁沙州治也

武昌縣白紵山後提行○按隋書周法尙傳伐陳法尙率舟師出樊口陳城州刺史熊門超出師拒戰法尙擒之陳州未詳所在疑即以城塘爲州治也

陽山注非改也下○名勝志後漢省入含滙縣

右隋書地理志三卷承南北豆分之濫觴綜州郡瓦合之禁緒千移百變巧算難明貞觀修文六史並作而隨源甄委彈射備極於房喬曲聽真吹索未加於無忌予嘗三復是書見其枝梧叢生衡之晉志略無高下竊怪文皇勅撰皆一代魁儒縱體要未嫻豈方隅猶昧及讀劉知幾史通乃知當時監之者專司書諸修之者第事苟完官課之書古今一轍且夫李唐之距典午猶日時代遷移大業之逮永徽豈云耳目不近故老之傳說上計之簿書何難定厥是非勒成實錄若謂江都蕩覆典籍散亡則周地圖記大隋區宇諸書見於經籍志者猶數百卷元和郡縣之記既綴遺文太平寰宇之書亦搜墜簡況五代新成之史即此志比附之編情惟合符理無鑿柄乃彼此鉤者竟多虎池將徒宅之健忘抑束閣之不照豈非舛操率爾業謝專家者乎今覈其辭厥有數端夫休文之志州郡雖上括當塗而偏安江左猶復遠溯太永博綜徐何彙其異同以爲因革斯志之作朝更五代字維混一拓跋兼并之土分建如林南朝朝嶠負之區僑置無算而三夏遺其一四荆亡其二刊廣州於魯陽削郢國於安陸使分茆大封杳然墮沒建節重鎮坐致俄空甚至改博陵爲高陽詔書昭然亦從截棄由斯以推豈但永熙縮籍之失蒐亦於開皇圖經之或漏其蔽一也班掾志漢唯載名山大川爰及馬彪並甄古蹟亦逮蝮蝶廣列城防各有取裁不相因襲故宋志惟詳建置識者不以爲譏斯志之紀山水也河池則兩分梁部白渠則誤係華陰東西暴骨之場惟見沙苑南北扼吭之路不錄

三鴉仙若洛口蒲津硤石河橋舉諸要害之區盡
寘芟除之數稽之鄙亭則不合考之括地而多遺
其蔽二也原此志之分九州蓋仍任土於夏書非
若剖符於漢氏自僑置紛起刺史權輕都督之任
實惟方岳於是行臺設於鄴下總管置於關中如
賀拔岳侯景輩之專制一方是豈小州邊郡所能
絜長度大者乎斯志則行臺存其二三總管遺其
四五竟似三軍漫無司命列郡自爲屏藩其蔽三
也江南有汝南河東淮北有西荆南廣本晉宋之
流寓假漢魏之虛稱徒事張皇遂迷觀覽此志樓
櫓旣移郭隍不列例嚴斷限無取刻舟然亦有名
都大郡形據要衝得失攸關理無遷徙而兖州移
於劉宋乃屬之蕭梁秦州置於太清又指爲天保
婺州不溯其始金華不究其終擬斷脰以無殊况
贖足而奚別其蔽四也雒水出家嶺大別在安豐
孟堅偶存異聞後賢猶多疵議而斯志則目比陽
爲西鄆指宿豫爲南徐移五原於永豐易平原爲
安德西汾在離石而加之文城北新在竟陵而冒
以江夏他如山陽無西兗平昌有東安非唯理異
犬牙固亦事同風馬其蔽五也蠻獠左郡邊陲下
邑旣無徵於載籍卽不煩乎蕪辭而乃廬陵不本
石陽文安遂無豐利東莞沒於沂水鄒縣失乎高
平更有三輔畿縣關南望郡如萬年之爲廣陽恆
農之在盧氏亦復概刪舊號徒著新稱只期著墨
之無多不顧吞舟之已漏其蔽六也至於淮南別
風地志尤甚況朝南暮北彼合此分苟非味別淄
澠何能洞見癥結而斯志則冒臨溪爲蒲溪誤定
城爲定遠衡山衡陽之代錯廣平永年之雜糅秦

平互移歸彥之封無著邽封不易道武之諱誰知
然此皆後世傳鈔之譌不關當時筆削之陋嗟乎
孝武實翼捷之緒而西魏不入地形南朝亦正朔
相承而梁陳弗詳土宇欲考幅員於諸代僅存崖
略於茲書旣無完璧之可珍亦覺披沙之見寶所
以洪氏齟齬孫補思廉之志汪氏十鏗又補延壽之
書權彼二家工用匪尠而洪氏度屬自我割隸從
心惟務補亡不思闕殆梅村所作專學高簡荆璞
未剖燕石誰分會不悟斯志之作延壽秉筆其閒
以之包五代卽以之縮二史其書單行無事再作
今不循軌轍而自闢歧旁果能集狐腋以成裘斷
鼈足以立極乎余少壯之年有志斯學文昌潘先
生孺初歸善鄧君鐵香實憇愆之情好不專論思
間作暨歸自海外迺以舊稿付門人熊生固之屬
爲董理粗有端緒猶復補苴罅漏至於再三篇幅
凡五易時閱卅年日月不居精力已竭舊學凋謝
商榷寡儔懼溝壑之先填將草木之同盡鐫勒此
篇以質學者聊等衣衾之室水敢矜鐵案之如山
光緒二十有一年七月宜都楊守敬自記于鄰蘇
園

本編刊例初定原文大字用五號細書用六
號但六號字體太細展覽披誦仍費目力因
自晉以後各部一律改爲五號（先已發排
諸本及體例上須前後一貫者除外）而於
細書首尾加圓括號以別之若東晉疆域志
十六國疆域志等卽準此例繼見圓括號眉
目不甚晰朗而原文細書又頗嫌混淆因於
發排本書時又改變方法僅在原文上下加
用黑括號庶條理分明一覽了然雖前後體
例未免參差然隨事改進要亦爲讀者所深
諒也編者謹記

隋書經籍志補

張鵬一撰

序

隋經籍志聚梁陳齊周隋五代諸人著作爲志二卷爲書八萬九千六百六十六卷而兩漢魏晉之書並列其中至後魏齊周諸人所著見於各傳暨北史唐志者隋志類多逸漏夫後魏諸朝立國北土雖修短不同其時人物若劉芳徐遵明熊安生樂遜之經學宋顯劉昶楊休之辛彥之之史志張淵信都芳劉焯何妥之曆算其文辭一門若後魏之高閻李彪袁麟常景祖登楊謙之北齊之樊遜李廣盧詢祖北周之柳弘薛慎隋之王貞杜臺柳辛德源皆才擅專長名高當世唐初修史時諸家之書或副本未傳或公論未彰貴遠賤近收錄遂寡抑知大戴作注景裕始發其凡七曜推步劉焯咸悉其奧遵明爲北學大宗安生乃三禮專家六藝嫻習延明學著於敦煌緯候博通業與名高于上黨杜輔玄善談名理蘇景順才抗山東治道一集見重蜀王正藏百篇爲世文軌其人皆當時無兩其書深慨乎不傳今據諸人本傳所載得經說九十二部史錄六十部子類五十五部專集七十二家雜文三十篇編目既錄姓字益彰爰依隋志分類補入有論證者悉爲寫錄佚文搜輯請俟異日光緒甲辰冬月張鵬一識

隋書經籍志補卷一

富平張鵬一編

經部

周易注 後魏敦煌劉昶 本傳云著三史略記

百三十篇八十四卷敦煌實錄二十卷 志已錄

方言三卷靖恭堂銘一卷注周易韓子人物志

黃石公三路行於世北史同

玉函山房輯遺周易劉氏注曰魏書本傳云昶

字延明敦煌人隱居酒泉不應州郡之命弟子

受業者五百餘人李昂署爲儒林祭酒從事中

郎注周易行於世蒙遜平酒泉拜秘書郎築陸

沈館於西苑躬往禮焉號元處先生月致羊酒

牧健尊爲國師親自致拜命官屬以下皆北面

受學焉世祖平涼州拜樂平王從事中郎然則

其人蓋北方之彥以著作名世者史於注易不

言卷數隋唐志皆不著錄幸於陸德明釋文得

其一節斷珪殘璧少而益珍與盧氏注考爲景

裕撰者比次以存北學昶易注外尚有敦煌實

錄二十卷今亦佚別爲蒐輯入雜傳焉

易集解 後魏廣平游肇 本傳肇耽好經傳手

不釋書治周易毛詩尤精三禮爲易集解撰冠

昏儀白圭論詩賦表啓凡七十五篇北史同

周易注 後魏范陽盧景裕 北史本傳景裕注

周易尚書孝經論語禮記老子其毛詩春秋左

氏未訖 魏書本傳齊文襄入朝於第開講招

延時雋令景裕解所注易景裕理義精微吐發

閑雅又云景裕雖不聚徒教授所注易大行於

世

王朗易注 後魏敦煌闕翽 本傳云注王朗易

傳撰十三州志 志已錄 沮渠蒙遜甚重之

易注 北齊河間權會 本傳少受鄭易探賾索

隱妙盡幽微詩書三禮文義該洽兼明風角妙

識玄象注易一部行於世 又云會每占筮大

小必中但用爻辭象象以辨吉凶易占之屬都

不經口

周易上下繫注 北齊中山杜弼 本傳云本京

兆杜陵人臺卿其次子也 北史本傳云注莊

子惠施篇并周易上下繫辭曰新注義苑行於

世

周易義記 梁蕭歸 隋書本傳

周易講疏三卷 隋西城何妥 北史本傳妥撰

周易講疏三卷孝經義疏二卷莊子義疏四卷

與沈重等撰三十六科鬼神感應等大義九卷

封禪書一卷樂要一卷 志已錄 文集十卷 志已

錄 並行於世

周易義例 隋渤海李鉉 北史本傳鉉字寶鼎

從浮陽李周仁受毛詩尚書章武劉子猛受禮

記常山房蚪受周官儀禮漁陽鮮于靈馥受左

氏春秋又以鄉里無可師遂詣大儒徐遵明受業居徐闕下五年稱高第撰定孝經論語毛詩三禮義疏及三傳異同周易義例合三十餘卷

以上易

尚書王肅注音 後魏彭城劉芳 北史本傳芳撰鄭玄所注周官儀禮音干寶所注周官音何休所注公羊音范寧所注穀梁音章昭所注國語音范曄後漢書音各一卷辨類三卷徐州人

地錄二十卷急就篇續注音義證三卷毛詩箋音義證十卷志已錄禮記義證十卷志已錄周官儀禮義證各五卷

尚書注 盧景裕 詳上

尚書義疏 後周蕭瑛

尚書注 隋河南宇文弼

古文尚書疏二十卷 隋餘杭顧彪

以上書

毛詩拾遺 後魏渤海高允

毛詩序義注一卷章句疏三卷 後魏博陵劉獻之 本傳云魏承喪亂之後五經大義雖有師說而海內諸生多有疑滯咸決於獻之六藝之文雖不悉注然所標宗旨頗異舊義撰三禮大義四卷 隋志有不著姓名 三傳略注三卷毛詩序義注一卷行於世並立章句疏二卷注涅槃經未就而卒又云獻之善春秋毛詩

毛詩音二卷 後周吳郡沈重 本傳云重學業該博為當世儒宗至於陰陽圖緯道經釋典靡不博綜又多所撰述咸得指要著周禮義三十一卷 志已錄作四十儀禮義三十五卷禮記義三

十卷 志已錄作四十 毛詩義二十八卷 志已錄作義疏 喪服經義五卷周禮音一卷儀禮音一卷禮記音二卷毛詩音二卷

毛詩義疏 隋李敏 詳上

按隋志有毛詩義疏七種內四種不著撰者姓名其卷數有二十卷十卷不等疑敏書即在其內

以上詩

鄭玄注周官儀禮音 劉芳 詳上

干寶注周官音一卷 同上

周禮音一卷 沈重 詳上

儀禮音二卷 同上

禮記音二卷 同上

周官儀禮義證各五卷 劉芳 詳上

周官義疏二十卷 後周長樂熊安生 本傳安生初從陳達受三傳又從房蚪受周禮並通大義後事徐遵明服膺歷年東魏天平中受禮於李寶鼎遂通五經然專以三禮教授弟子自遠方至者千餘人乃討論圖緯摭異聞先儒所未悟者皆發明之撰周禮義疏二十卷禮記義疏三十卷孝經義一卷並行於世其受業擅名於後者有馬榮伯張黑 北史作買 奴寶士榮孔

禮記義疏四十卷 同上

玉函山房輯遺熊氏禮記義疏序云戴記自分門王鄭晉宇迄於周隋傳禮業者江左尤盛北人有徐遵明李業與李寶鼎侯聰之徒皆為義疏而惟熊氏見於世北史云義疏三十卷隋志

不著錄唐書藝文志云四十卷今輯遺為四卷孔氏正義與皇侃並論謂熊遠背本經多引外義猶之楚向北行馬雖疾而去愈遠矣又欲釋經文惟聚難義猶治絲而棼之手雖繁而絲益亂也又謂以熊比皇皇氏勝然正義以皇氏為本其有不備以熊氏補焉則既經翦繁摘要佚說之存固皆文證詳悉義理精審者矣

三禮大義四卷 劉獻之 詳上

按隋志有三禮大義四卷不著撰人姓名疑即獻之著也

三禮義疏 李鉉 詳上

禮疏一百卷 隋吳郡褚輝

喪服要記 後魏敦煌索敞 本傳敞為劉昫助教以喪服散在衆篇遂撰比為喪服要記北史同

喪服論 後魏河東柳玄達 魏書表叔業傳云玄達曾著大夫論備陳叔業背逆歸順契闊危難之旨又著喪服論約而易尋文多不錄

難王儉喪服集記七十餘條 後魏范陽盧道虔 見北史盧玄傳

喪服經義五卷 沈重 詳上

喪服章句一卷 後周趙郡李公緒 見李渾傳

喪服義三卷 隋張冲

以上三禮

大戴禮注 後周范陽盧辯 本傳辯以大戴禮未有解詁辯乃注之其兄景裕為當時碩儒謂辯曰昔侍中注小戴今爾注大戴庶纂前修矣

北史同

鄭玄六藝論曰戴德傳記八十五篇則大戴禮是也鄭注小戴不注大戴故小戴禮合周禮儀禮至今稱爲三禮而大戴禮漸至亡佚八十五篇隋志所錄已佚其四十七篇盧辯注亦僅存八卷四庫提要司馬貞曰大戴禮合八十五篇其四十七篇存亡三十八篇蓋夏小正一篇多別行隋唐間錄大戴禮者或闕其篇是以司馬貞云然原書不別出夏小正篇實闕四十六篇存者宜爲三十九篇中與書目乃言存四十篇則竄入明堂篇題自宋人始矣書中夏小正篇最古其諸侯遷廟諸侯費廟投壺公冠皆禮古經遺文又藝文志曾子十八篇久逸是書猶存其十篇自立事至天圓篇題中悉冠以曾子者是也皮錫瑞三禮通論曰大戴禮記合十三經爲十四經見於史繩祖學齋佔畢是宋時常立學以注者爲北周盧辯見王應麟困學紀聞近人注此書者乃有孔廣森王聘珍二家阮文達皆以用力勤爲功鉅許之序王聘珍書以爲孔搗約所未及其稱許又在孔書之上

明堂圖說二卷 後魏渤海封偉伯 封軌傳時將經始明堂廣集儒學議其制度九五之論久而不定偉伯乃披揀經緯上明堂圖說六卷 明堂圖議二卷釋疑一卷 隋河南宇文愷 本傳有明議表一首 按魏初代都已建明堂其後遷洛復營明堂以李冲領將作大匠監其事裴延儻傳世宗時詔立明堂羣臣博議延儻獨著一堂之論太傅清

河王懌時典禮志世宗永平延昌中欲建明堂而議者或云五室李謐袁讓賈思伯議見本傳或云九室屬年飢遂寢熙平二年復議詔從五室及元議執政遂改營九室值世亂不成宗配之禮迄無所成北齊邢昺傳亦有請置學及立明堂奏隋書牛弘傳又詳論其制而未之行也皮錫瑞三禮通論古禮有聚訟千年至今日而始明者明堂辟雍封禪是也阮元曰辟雍與封禪是洪荒以前之大典禮最古不可廢者竊以上古未有衣冠惟用物遮膝前後有衣冠之制不肯廢古制仍留此以爲鞅與冕並重此即明堂辟雍之例也上古未有宮室聖人制爲棟宇以蔽風雨帝王有之民間未必卽有故其制如今之蒙古包帳房而又周以外水如今邨居之必溝繞宅也古人無多宮室故祭天祭祖軍禮學禮布月令行政朝諸侯望星象皆在乎是故明堂太廟太學靈臺靈沼皆同一地就事殊名三代後制度大備王居在城內有前朝後市左祖右社之分又有大學等皆在城內而別建明堂於郊外以存古制如衣冠之有鞅也鄭康成解爲太學太廟等各異處而不知城外原有明堂泰山下亦有之蔡伯暗知明堂太廟等同處而不知此不過城外別建之處其實祭祀等事仍在城中此雖憑虛臆斷然博綜羣書究其實之如此也此明堂之說也

樂書二卷 後魏公孫崇 魏書樂志正始元年詔曰大樂令公孫崇更調金石變理音準其書

二卷並表悉付尙書 樂書七卷 後魏河間信都芳 魏書樂志正光中侍中安豐王延明受詔監修金石博採古今樂事令其門生河間信都芳考算之屬天下多難終無制造芳後乃撰延明所集樂說并諸器準圖說二十餘事而注之 器準圖三卷志已錄不得在樂署考正聲律也

樂書百卷 北齊趙郡李神威 見李義深傳 樂典十卷 後周河南斛斯徵 本傳徵精三禮兼解音律 樂志十五篇 隋武功蘇夔 北史本傳與鄭譯何妥議樂得罪議寢不行著樂志十五篇以見志

以上樂 春秋義章三十卷 後魏華陰徐遵明 本傳陽平館陶趙世業家有服氏春秋是晉世永嘉舊本遵明乃往讀之復經數載因手撰春秋義章三十卷 春秋序義 後周河東樂遜 本傳魏正光中從徐遵明受孝經喪服論語詩書禮易左氏春秋大義又云周太祖召遜教授諸王子在館六年遜講論語毛詩及服虔所注春秋左氏傳著孝經論語毛詩左氏春秋序論十餘篇又著春秋序義通賈服說發杜氏遠辭理並可觀北史同春秋攻昧十卷 隋河間劉炫 北史本傳內史送炫詣吏部尙書韋世康問其所能炫自爲狀曰周禮禮記毛詩尙書公羊左傳孝經論語孔鄭王何服杜等注凡十三家雖義有精粗並堪

講授周易儀禮穀梁用功差少史子文集嘉言故事咸誦於心天文律曆窮微妙至於公私文翰未嘗假手吏部竟不詳試又云炫著論語述義十卷志已錄春秋攻味十卷五經正名十二卷志已錄孝經述義五卷志已錄春秋述義四十卷志已錄尚書述義二十卷志已錄毛詩述義四十卷志已錄注詩序隋志作毛詩集小序一卷算術一卷並文集行於世炫又有毛詩譜二卷隋志太叔求及劉炫注本傳遺玉函山房輯遺序云炫著春秋規過以攻杜氏杜注外衆說有不合者作此以駁難之攻味取尚書仲虺文也北史本傳載十卷隋志不著錄唐志十二卷今佚孔氏正義引炫難賈逵何休服虔及或說反覆揅擊攻味之佚文也輯錄九節史稱炫強記默識莫與爲儔又謂多自矜伐好輕侮當世書適肖其人矣

春秋規過三卷 同上

玉函山房輯佚云炫既作春秋左氏傳述義又摘杜義中之失以正之自居乎杜氏之諍友故書名規過北史炫本傳及隋志並無此書之目唐志有三卷攷北史述議隋志作述義並四十卷唐志述議三十七卷規過三卷知北史隋志皆以規過附於四十卷內唐始分著之也今佚孔氏正義序謂規杜氏之失凡一百五十餘條而正義所引乃有一百七十餘條或有一條內連及數事正義分載各經傳注下者然其佚說固散見正義中矣輯爲二卷夫劉好非毀索垢求癡固不免煩碎錯亂之處亦有顯爲杜失而

孔疏必委曲護之左杜右劉前人固有定論已春秋義略 張冲 詳上 本傳云異於杜氏七十餘事 公羊何休注音 劉芳 詳上 穀梁范寧注音 同上

公羊釋 後魏渤海高允 北史本傳允所製詩賦詠頌箴論贊誄左氏釋公羊釋毛氏拾遺雜解議何鄭膏肓事凡百餘篇別有集志已錄行世又云允明算法爲算術三卷

左氏釋 同上 駁杜氏春秋難十卷 賈思同 本傳云國子博士遼西衛冀隆爲服氏之學上書難杜氏春秋六十三事思同復駁冀隆乖錯者十一條互相是非積成十卷詔下國學集諸儒考之事未竟而思同卒

左傳服注釋謬 北齊上黨李崇祖 北史本傳姚文安難服虔左傳解七十七條名曰駁妄崇祖申明服氏名曰釋謬

皮錫瑞春秋通論曰南北分立時代江南左傳則杜元凱河洛則服子慎當時有寧道孔孟誤諱言鄭服非之語則服注盛行可知據世說新語云鄭君作左氏傳注未成以與子慎則鄭服之學本是一家北方諸儒徐遵明傳服注傳其業者有張買奴馬敬德邢峙諸人衛冀隆申服難杜劉炫作春秋述義攻味規過以規杜氏惟姚文安排斥服注南方則崔靈思申服難杜虞僧誕又申杜難服以答靈思秦道靜亦申杜以答衛冀隆杜預元孫坦與弟驥爲青州刺史故

齊地多習杜義蓋服杜之爭二百餘年至唐始專宗杜杜作集解別異先儒自成一家之學唐作正義掃蕩異說如駁劉炫以申杜又專用杜氏一家之學自是之後治春秋者既非孔子之學亦非左氏之學又非賈服諸儒之學止是杜預一家

春秋三傳述十卷 後魏頓邱李彪 三傳略例三卷 劉獻之 北史同 三傳經說同異比較 後魏隴西辛馥 見辛紹先傳云書未就北史同

三傳異同 李鉉 春秋三傳注三十卷 隋隴西辛德源 左氏傳刊例十卷 北齊河間張思伯 北史本傳云善說左氏傳爲馬敬德之次撰刊例十卷行於世

以上春秋三傳 孝經注 盧景裕 詳上 孝經注 後魏河北陳奇 本傳奇常非馬融鄭玄解經失旨志在著述五經始注孝經論語頗傳于世爲搢紳所稱

孝經解詁難例 封偉伯 詳上 本傳太尉清河王愉爲孝經解詁命偉伯爲難例九條皆發揮隱漏偉伯又討論禮傳詩易疑事數十條儒者咸稱之

孝經問疑一卷 樊深 孝經義疏一卷 熊安生 孝經序論 樂遜 孝經注 宇文敞

孝經義三卷 張冲

孝經義記 宇文敬

孝經義疏 李鉉

孝經義疏一部 隋平原明克讓 北史本傳著

孝經義疏一部古今帝代記一卷文類四卷續名僧記一卷集二十卷

以上孝經

論語注 盧景裕

論語注 陳奇 本傳奇所注論語外生常矯之傳掌未能行於世其義多異鄭玄往往與司徒

崔浩同北史同

論語序論 樂遜

論語章句二十卷 新舊唐書志作十二卷 劉炫

論語義疏 張冲

論語義疏 李鉉

詩禮別義 信都芳

五經異同評一卷 後魏敦煌張通 本傳云為儒者所稱北史同

五經異義 辛彥之

五經注 崔浩 本傳云著作令史闕湛趙郡鄆標素諂事浩乃請立石銘刊載國書并勸所注

五經浩贊成之恭宗善焉遂營於天郊東三里方百三十步用功三百萬乃訖又高允傳云著作令史闕湛鄆標性巧佞為浩信待見浩所注

詩論語尚書易遂上疏言馬鄭王賈雖述六經並多疏謬不如浩之精微乞收境內諸書藏之

祕府班浩所注命天下習業並求勅浩經禮傳令後生得觀正義浩亦薦湛有著述才既而勸

浩刊所撰國史于石用垂不朽欲以彰浩直筆之跡允聞之謂著作郎宗欽曰闕湛所營分寸之間恐為崔門萬世之禍吾徒無類矣未幾而難作

五經辨疑十卷 後魏清河房景先 本傳云景先作五經疑問百餘篇其言該典今行於世文多略舉其切於世教者又云符璽郎王神貴答

之名為辨疑合成十卷亦有可觀節閔帝時奏上之帝親自執卷與神貴往復嘉其用心

五經述義 隋信都劉焯 本傳云焯字士元與河間劉炫結盟為友同受詩於同鄉劉軌思受

左傳於廣平郭懋常問禮於熊安生皆不卒業而去又賈馬王鄭所傳章句多所是非九章算術莫不覈其根本窮其秘奧撰稽極十卷曆書

十卷五經述義並行於世劉炫聰明博學名亞於焯時人稱二劉焉

七經異同說三卷 樊深 按玉函山房輯七經義綱一卷自序云七經異同即隋志之七經論北史儒林傳稱深撰七經

異同三卷隋志載有五經大義十卷七經義綱二十九卷七經論三卷質疑五卷七經論即七

經異同唐志惟載義綱質疑二書而作七經義綱略論三十卷本傳云子義綱與書名正同今

其書佚輯錄三節附本傳為卷云云考七經論卷數雖與七經異同相符而他無可證姑存之

七經論 後周武功蘇綽 以上五經總義

急就篇續注音義證三卷 劉芳

悟蒙章 後魏代人陸暉 陸侯傳暉擬急就篇為悟蒙章及七誘七醉章表數十篇

字略五卷 北齊廣平宋世良 刊定六體書 後周南陽趙文深等 本傳云太祖以隸書紕繆命文深與黎季明沈遐等依說

文及字林刊定六體成一萬餘言行於世

字辯 李鉉 北史本傳鉉以去聖久遠文字多有乖謬於講授之暇遂覽說文蒼雅刪正六藝

經注中謬字名曰字辯

韻纂三十卷 隋吳郡潘徽 本傳云陳滅為州博士秦孝王俊聞其名召為學士嘗從俊朝京

師在塗令徽於馬上為賦行一驛而成名曰述思賦俊覽而善之復令為萬字文並遣撰集字

書名為韻纂徽為序曰文字之來向矣初則羲皇出震觀象緯以法天次則史頡佐軒察蹄迹

而取地於是八卦爰始爻文斯作繩用既息墳籍生焉至如龍策授河龜威出洛綠緜白檢述

助華之運金繩玉字表殷夏之符卸甲示於姬壇吐卷徵於孔室莫不理包遠邇迹會幽明仰

協神功俯照人事其制作也如彼其祥瑞也如此故能宣流萬代正名百物為生民之耳目作

後王之模範頌美形容垂芬篆素暨大隋之受命也追蹤三五並曜星辰外振武功內修文德

飛英聲而勒嵩岱彰大定而銘鐘鼎春秋羽盛禮樂於膠庠省俗觀風採歌謠於唐衢我秦王殿下降靈霄極稟秀天機質潤圭璋文兼黼黻楚詩早習頗屬懷於言志沛易先通每留神於索隱尊儒好古三雍之對已適博物多能百

(中)

家之工彌洽遨遊必名教漁獵唯圖史加以降

情引汲擇善芻微築館招賢攀枝佇異剖連城

於井里賁東帛於丘園薄技無遺片言便賞所

以人加脂粉物競琢磨俱報稻梁各施鳴吠于

時歲次鶉火月躔夷則騁駕務隙靈光意靜前

臨竹沼卻倚桂巖泉石瑩仁智之心煙霞發文

彩之致賓僚霧集致義風靡乃討論羣藝商略

衆書以爲小學之家尤多舛雜雖復周禮漢律

務在貫通而巧說邪辭遞生同異且文訛篆隸

音謬楚夏三蒼急就之流微存章句說文字林

之屬唯別體形至於尋聲推韻良爲疑混酌古

會今未臻功要未有李登聲類呂靜韻集始判

清濁纔分宮羽而全無引據過傷淺局詩賦所

須卒難爲用遂躬紆睿旨標摘是非撮舉宏綱

裁斷篇部總會舊轍創立新意聲別相從即隨

注釋詳之詰訓證以經史備包騷雅博牽子集

汗簡云畢題爲韻纂凡三十卷勒成一家方可

藏彼名山副諸石室見羣玉之爲淺鄙懸金之

不定爰命末學製其都序微業術已寡思理彌

殫心若死灰文慙生氣徒以犬馬識養飛走懷

仁敢執顛沛之辭遂操狂簡之筆而齊魯富經

學楚鄒多良士西河之彥幸不謂於索居東里

之才請能加於潤色

以上小學

隋書經籍志補卷二

富平張鵬一編

史部

三史略記百三十篇八十四卷 後魏劉昫 本

傳云以三史文繁著略記

隋志有張溫三史略二十九卷錢大昕養新錄

曰三史謂史記漢書及東觀記也吳志晉書屢

引之自唐以來東觀記失傳乃以范蔚宗書當

三史之一

帝王世紀注 後魏元延明

帝錄二十卷 後魏任城王順

帝王略注百篇 燕國平恆 本傳自周以降暨

于魏世帝王傳代之由貴臣升降之緒皆撰錄

品第商略是非號曰略注合百餘篇好事者覽

之咸以爲善北史同

科錄二百七十卷 後魏元暉 魏書昭成子孫

傳元暉愛文學招集儒士崔鴻等撰錄百家要

事以類相從名爲科錄凡二百七十卷上起伏

羲迄于晉宋凡十九代暉疾篤表上之神龜元

年卒

歷帝圖五卷 後魏清河張彜 本傳云起庖犧

終于晉末凡十六代百二十八帝歷三千二百

七十年雜事五百八十九合成五卷名曰歷帝

圖亦謗木諫鼓虞人盤孟之類宣武善之北史

同

前漢功臣序贊 後魏李師尚 北史作李仲尚

年二十著前漢功臣序贊及季父司空沖誄

前漢書義十二卷 張冲

漢書刊繁三十卷 隋于仲文

魏志三十卷 後魏清河張始均 張彜傳云改

陳壽魏志爲編年之體廣益異聞爲三十卷又

著冠帶錄諸詩賦數十篇並亡矣北史同

王隱晉書注 隋敦煌宋繪 見宋顯傳云魏時

張緬晉書未入國繪依準裴松之注國志體注

王隱晉書及中興書又撰中朝多士傳十卷姓

系譜五十篇以諸家年歷不同多有紕繆乃刊

正異同撰年譜錄未成河清五年並遭水濕

燕記 後魏崔逞 本傳云慕容暉時郡舉上計

掾補著作郎撰燕記

燕書 後魏勃海封懿

國統 後魏北地梁祚 本傳云撰并陳壽三國

志名曰國統

國書三十卷 崔浩等 本傳云初太祖詔鄧淵

撰國記十餘卷 淵傳云惟次年起居行事而已未有

體例 逮于太宗廢而不述神龜二年詔諸文人

撰錄國書浩及弟覽高謙鄧穎晁繼范耳黃輔

等共參著作敘成國書三十卷 又云眞君十

一年誅浩初鄧攔等立石銘刊國記浩盡述國

事備而不典石銘顯在衢路往來行者咸以爲

言事遂聞發有司按驗浩取祕書郎吏及長歷

生數百人意狀結伏受賊其祕書郎吏已下盡

死

梁史百卷 後周蘭陵蕭欣

齊記二十卷 隋博陵杜臺卿 本傳云有集十

五卷齊記二十卷行於世

齊書五十卷 梁高陽許亨 隋書許善心傳云

父亨昔在前代早懷述作凡撰齊書五十卷
齊書紀傳一百卷 隋太原王劭 本傳初撰齊

志為編年體二十卷復為齊書紀傳一百卷及
平賊記三卷北史同

按北史劭本傳論以為劭久在史官既撰齊書
兼修隋典好詭怪之說當委曲之譚文詞鄙穢

體統頹雜而劉知幾史通載言篇則云王劭撰
齊隋二史其所取也文皆詣實理多可信至于

悠悠飾詞皆不之取於言語篇云宋王孝王著
書敘元高時事抗詞正筆務存直道方言世語

由此舉彰當時論史各持意見如此見錢大昕
養新錄

北齊未修書二十四卷 隋博陵李德林
以上正雜史

皇誥十八篇 魏書皇后列傳文明皇后馮氏承
明元年尊為太皇太后太和時太后以高祖富

於春秋作勸誡歌三百餘章又作皇誥十八篇
南齊書魏虜傳太后馮氏

皇誥十八篇 偽左僕射李思冲稱史臣注解
國典十八篇 後魏太原王慧龍 本傳云撰帝

王制度十八篇號曰國典
皇誥宗制並訓詁一卷 後魏任城王澄

門下詔書四十卷 後魏河內常爽
太和後朝儀五十餘卷

魏方司格一卷
冠昏儀 後魏游肇 詳上

北齊五禮 北齊趙郡李繪等 李淳傳魏收傳
並云繪徵至洛時勅侍中西河王祕書監常景

選儒學十人緝撰五禮繪與太原王又同掌軍
禮

北齊吉禮七十二卷
北齊王太子喪禮十卷 北齊南陽趙彥深

按以上二禮當即五禮中之一也
隋新禮一部 隋辛彥之 本傳有六官墳典各

一部
隋禮要一部 同上

隋祝文一部 同上
以上刑法儀注

古今明妃賢后四卷 後魏元孚 見臨淮王傳
馮氏燕志孝友錄 北史作傳 各十卷 後魏昌黎

韓憲宗
徐州人地錄二十卷 劉芳 詳上

韓子人物志 劉昉 舊唐書藝文志作人物志
三卷劉劭撰劉昉注

顯忠錄二十卷 後魏中山李孫皎 北史李先
傳先子孫皎為清河王懌撰輿地圖及顯忠錄

魏書孝文五王傳清河王懌以忠而獲謗乃
鳩集古昔忠烈之士為顯忠錄二十卷以見意

焉 又韓麒麟傳子子熙與劉定傳靈標張子
慎伏闕上書曰清河王之忠誠款篤節義純貞

非但蘊藏胸襟實乃形於文翰搜括史傳撰顯
忠錄區目十篇分二十卷既欲彰忠心於萬代

豈可為逆亂於一朝云云
中朝多士傳十卷 宋繪

幽州人物志 北齊右北平陽休之 新唐書志
作三十卷舊書志作十二卷

關東風俗傳三十卷 北齊廣平宋孝王 見宋
世軌傳云孝王求入文林館不遂因非毀朝士

撰別錄二十卷會平齊改為關東風俗傳更廣
見開勒成三十卷上之言多謬妄篇第冗雜無

著述體
按史通書志篇云宋孝王關東風俗傳亦有墳

籍志其所錄皆鄴下文儒之士讎校之司所列
書名唯取當時撰者習茲楷則庶免譏嫌語曰

雖有絲麻無棄菅蒯於宋生得之矣然則齊書
之譏孝王未可信矣

中表實錄二十卷 北齊范陽盧懷仁 見盧潛
傳北史同

封氏本錄六卷 封偉伯
諫苑四十一卷 後周南陽樂運 本傳錄夏殷

以來諫諍事集而部之凡六百三十九條合四
十一卷名曰諫苑隋文帝覽而嘉焉

以上雜傳
三晉記十卷 後魏太原王遵業 見北史王慧

龍傳
輿地記 後魏李先

西京記三卷 後周河東薛真 本傳云引據該
洽世稱其博聞焉北史同

寓記三卷 後周蘭陵蕭大圓
東都圖記二十卷 隋河南宇文愷

鑾輿北巡記三卷 隋丹陽諸葛穎
幸江都道里一卷 同上

洛陽古今記一卷 同上
晉王北伐記十五卷 隋襄陽柳賢

東征記 隋博陵崔頤 本傳遼東之役授鷹揚長史置遼東郡縣名皆頤之議也奉詔作東征記北史同

以上地理

親表譜錄四十餘卷 後魏渤海高諒 本傳云自五世已下內外曲盡鑿者服其博記

代譜四百八十卷

姓系譜錄五十卷 宋繪

周皇室譜三篇 隋東海鮑宏 本傳初周武帝

勅宏修皇室譜一部分帝緒疎屬賜姓三篇

世譜 後周蘭陵蕭攜等 本傳武成中世宗令

諸文儒於麟趾殿校定經史仍撰世譜攜亦與焉

諸劉譜三十卷 隋河間劉善經 見本傳

以上譜系

甲乙新錄 後魏范陽盧昶 孫惠蔚傳云既入

東觀見典籍末周上疏曰臣聞聖皇之御世也

必幽贊人經參天貳地憲章典故述遵鴻猷故

易曰觀乎天文以察時變觀乎人文以化成天下

然則六經百氏圖書祕籍乃承天之正術治

人之貞範是以溫柔疏遠詩書之教恭儉易良

禮樂之道爰象以精微為神春秋以屬辭為化

故大訓炳於東序藝文光於麟閣斯實太平之

樞宗勝殘之要道有國之靈基帝王之盛業安

上靖民敦風美俗其在茲乎及秦棄學術禮經

泯絕漢興求訪典文載舉先王遺訓燦然復存

暨光武撥亂日不暇給而入洛之書二千餘兩

魏晉之世尤重典墳收亡集逸九流咸備觀其

鳩閱史篇訪購經論紙竹所載略盡無遺臣學

闕通儒思不及遠徒循章句片義無立而慈造

曲覃廁班祕省忝官承乏唯書是司而觀開舊

典先無定目新故雜糅首尾不全有者累帙數

十無者曠年不寫或篇第號落始末淪殘或文

壞字誤謬爛相屬篇目雖多全定者少臣請依

前丞臣盧昶所撰甲乙新錄欲裨殘補闕損併

有無校練句讀以為定本次第均寫永為常式

其省先無本者廣加推尋搜求令足然經記浩

博諸子紛綸部帙既多章篇紕繆當非一二校

書歲月可了今求令四門博士及在京儒生四

十人在祕書省專精校考參定字義如蒙聽許

則典文允正羣書大集詔許之

七林 隋高陽許善心 本傳開皇十七年除祕

書丞於時祕藏圖籍尚多淆亂善心放阮孝緒

七錄更製七林各為總序冠於篇首又於部錄

之下明作者之意區分其類例焉又奏追李文

博陸法典等學者十許人正定經史錯謬

以上簿錄

子部

家誠 後魏清河張烈 本傳烈先為家誠千餘

言并自敘志行及所歷之官臨終勅子姪不聽

求贈但勒家誠立碣而已其子賢奉行焉

家誨二十篇 後魏中山甄琛 本傳甄所著文

章鄙碎無大體時有理詣磔四聲姓族廢與會

通緇素三論 以上語有訛奪 及家誨二十篇篇

學文一卷 詳上

揚子法言注二十三卷 隋隴西辛德源

石子十卷 北齊中山石曜 本傳云亦以儒學

進居官至清儉著石子十卷甚淺俗

行孝論 後魏勃海刁雍

刁冲傳曾祖雍作行孝論以誠子孫稱古之葬

者衣之以薪不封不樹後世聖人易之棺槨其

有生則不能致養死則厚葬過度及於末世蓬

蔭裹尸俛而葬者確而為論並非折衷既知二

者之失豈宜同之當今所存者棺厚不過三寸

高不過三尺弗用繒綵斂以時服輻車止用白

布為幔不加畫飾名為清素車又去挽歌方相

并明器雜物

以上儒家

道德經章句 後周涿郡盧光 本傳范陽公辯

之弟精三禮善陰陽解鍾律又好玄言

老子道德經注二卷 北齊中山杜弼 本傳弼

性好名理探味玄宗注老子道德經二卷上表

言曰竊維道德二經闡明幽極旨冥動寂用周

凡聖論行也清淨柔弱語迹也成功致治實衆

流之江海乃羣藝之本根臣少覽經書偏所篤

好雖從役軍府而不捨遊息鑽味既久斐文聲

如有所見比之前注微謂異於舊說情發於中

而彰諸外輕以管窺遂成穿鑿無取於遊刃有

慚於運斤不足破秋毫之論何以解連環之結

本欲止於門內貽厥童蒙兼以近資愚鄙私備

忘闕不悟姑射疑神汾陽流照蓋高之聽卑邇

言在察春末奉旨猥蒙垂誘今上所注老子謹

冒封呈并序如別又嘗與邢劭共論名理劭理

貫

貫

貫

貫

貫

貫

貫

貫

貫

貫

貫

屈而止北史本傳無注道德經事

莊子惠施篇注 同上

刪正博物志 後魏常景

家祭法 後魏崔浩 本傳云次序五宗蒸嘗之

禮豐儉之節義理可觀

酒訓 後魏高允

忠誥一篇 後魏趙郡李籍之 見李靈傳

物祖十五卷 後魏彭城劉懋 劉芳傳從子懋

撰諸品物造作之始

典言十卷 北齊趙郡李公緒 本傳云著典言

質疑古今略記玄子趙語俱行于世

按隋志已錄玄子五卷入道家類不著撰人姓

名即公緒書也又雜家類錄後魏人李穆叔典

言四卷

質疑五卷 古今略記二十卷 趙語十三卷

同上

鑒誠二十四篇 北齊太安王紘

讀書記三十卷 隋王劭 本傳云摘錄經史謬

誤為讀書記三十卷時人服其精博

神中錄圖新經 後魏上谷寇謙之

維摩十地二經義疏六卷 後魏東清河崔光

本傳每為沙門朝貴請講二經聽者常數百人

教戒二十餘篇 後魏刁雍 本傳云雍汎施愛

士恬靜寡欲篤信佛道著教戒二十餘篇以訓

導子孫北史同

祇洹精舍圖偈注六卷 後魏源賀撰金城趙柔

注 本傳云隴西王源賀采佛經幽旨作祇洹

精舍圖偈六卷柔為之注解為當時俊僧所賞

味

突厥語涅槃經 北齊代人劉世清 斛律光舉

傳世清能通四夷語為當時第一後主命作突

厥語翻涅槃經以遺突厥飭中書侍郎李德林

為其序

佛性論 後周蘇綽北齊僧明藏

按北史杜弼傳奉便詣闕魏帝問經中佛性法

性同異弼曰正是一理又問曰說者妄皆言法

性寬佛性狹如何弼曰在寬成寬在狹成狹若

論性體非狹非寬詔曰既言成寬成狹何得非

狹非寬弼曰若定是寬則不能為狹若定是狹

亦不能為寬以非寬非狹故能成寬成狹所成

雖異能成恆一上稱善明藏蘇綽二家之論今

不傳當亦不出杜氏所云杜又有與邢昺論生

死神形載北史本傳

華嚴義疏般若法華金光明義疏四十二卷 後

周梁王蕭譽 見本傳

三教序 後周京兆韋夔 北史本傳周武帝以

佛道儒三教不同詔夔辨其優劣夔以三教雖

殊同歸於善其跡似有深淺其致理殆無等級

乃著三教序奏之帝覽而稱善

大小乘幽微十四卷 隋蕭歸

法華玄經二十卷 隋柳晉 本傳仁壽初為東

宮洗馬以其好內典合撰法華玄經為二十卷

奏之太子覽而大悅

三十六科鬼神感應等大義九卷 隋何安

以上雜家

黃石公三略 後魏劉昞 詳上

兵法十二陣圖 後魏源賀 本傳賀依古今

兵法及先儒耆舊之說略採至要為十二陣圖

上之顯祖覽而嘉焉北史同

以上兵家

四術周髀宗二篇 後魏信都芳 北史本傳芳

著樂書道甲經 志已錄 四序周髀宗其序曰漢

成帝時學者問蓋天揚雄曰蓋哉未幾也問渾

天曰洛下閎為之鮮於安人度之耿中丞象之

幾乎莫之息矣此言蓋差而渾密也蓋器測影

而造用之日久不同於祖故云未幾也渾器量

天而作乾坤大象隱見難變故云幾乎是時太

史令尹咸窮研蓋易古周法雄乃見之以為

難也自昔周公定影王城至漢蓋器一改焉渾

天覆觀以靈憲為文蓋天仰觀以周髀為法覆

仰雖殊大歸是一古之人制者所表天効玄象

芳以渾算精微術機萬首故約本為之省要凡

述二篇合六法名曰四術周髀宗

北史崔靈恩傳先是儒者論天互執渾蓋二義

論蓋不合渾論渾不合蓋靈恩立義以渾蓋為

一焉

五星要決 後魏代人陸通 北史陸侯傳云通

珍好易緯候之學撰五星要決及兩儀真圖頗

得其要指

兩儀真圖 見上

諸家雜占七十五卷 後魏張深 魏書作淵 北

史本傳永熙中詔孫僧化校比天文書集廿石

二家星經及漢魏以來二十三家經占集五十

五卷後集諸家撮要前後所上雜占以類相從

日月五星二十八宿中外官及天文圖合為七十五卷

以上天文

黃帝辛卯曆術一卷 後魏李業興 北史本傳業興以殷曆甲寅黃帝辛卯徒有積元術數亡缺又修之各為一卷傳于世

殷甲寅曆術一卷 見上

九宮行棊曆 同上 本傳九宮行棊曆以五百為章四千四十為部九百八十七為斗分還以己未為元始終相維不復移轉與今曆法術不同至於氣序交分景度盈縮不異也

按北史業興傳有戊子元曆上之朝隋志有業興壬子元曆一卷甲子元曆一卷七曜曆疏一卷七曜義疏一卷又云業興晚乃師事徐遵明於趙魏之間然博涉百家圖緯風角天文占候無不討練尤長曆算後業興使梁與朱異論南郊圓丘明堂喪禮諸事明悉典禮湛深經術漢世諸儒未能多讓固當時一大經師也

五寅元曆 後魏崔浩 律曆志真君中司徒崔浩為五寅元曆未及施行浩誅遂寢本傳浩上五寅元曆表曰太宗即位元年勅臣解急就章孝經論語詩尚書春秋禮記周易三年成訖復詔臣學天文星曆易式九宮無不盡看至今三十九年晝夜無廢臣稟性弱劣力不及健婦人更無餘能是以專心思書忘寢與食至乃夢共鬼爭義遂得周公孔子之要術始知古人有虛有實妄語者多真正者少自秦始皇燒書之後經典絕滅漢高祖以來世人妄造曆術者有十

餘家皆不得天道之正大誤四千小誤甚多不可言盡臣愍其如此今遭陛下太平之世除偽從真宜改誤曆以從天道是以臣前奏造曆今始成訖謹以奏呈唯恩者察以臣曆術宣示中書博士然後施用非但時人天地鬼神知臣得正可以益國家萬世之名過於三皇五帝矣高允傳云神廟後詔允與司徒崔浩述成國記以本官侍郎領著作郎時浩集諸術士考校漢元以來日月薄蝕五星行度并譏前史之失別為魏曆以示允允曰天文曆數不可空論夫善言遠者必先驗於近且漢元年冬十月五星聚於東井此乃曆術之淺今譏漢史而不覺此謬恐後人譏今猶今之譏古浩曰所謬云何允曰案星傳金水二星常附日而行冬十月日在尾箕昏沒於申南而東井方出於寅北二星何因背日而行是史官欲神其事不復推之於理浩曰欲為變者何所不可君獨不疑三星之聚而怪二星之來允曰此不可以空言爭宜更審之時坐者咸怪唯東宮少傅游雅曰高君長於曆數當不虛也後歲餘浩謂允曰先所論者本不注心及更考究果如君語以前三月聚於東井非十月也

甲寅曆 後魏公孫崇 律曆志世宗景明中詔

太樂令公孫崇趙燮生共同考驗 崔浩五寅元曆趙燮始曆正始四年冬崇表曰世祖應期輯寧諸夏仍命故司徒東郡公崔浩錯綜其數浩博涉淵通更修曆術著五行論是時故司空咸陽公高允該覽羣籍贊明五緯并述洪範然浩等

考察未及周密高宗踐阼乃用敦煌趙歐甲寅之曆然其星度稍為差遠臣輒鳩集異同研其損益更造新曆以甲寅為元考其盈縮晷象周密又從約省起自景明因名景明曆然天道盈虛豈曰必協要須參候是非乃可施用太史令辛寶貴職司玄象頗閑祕數祕書監鄧道昭才學優贍識覽該密長兼國子博士高僧裕乃故司空允之孫世綜文業尚書祠部郎中宗景博涉經史前兼尚書郎中崔彬微曉法術請此數人在祕省參候而伺察晷度要在冬夏二至前後各五日然後乃可取驗臣區區之誠冀效萬分之一

曆書 隋劉焯

本傳焯優游鄉里專以教授著述為務孜孜不倦賈馬王鄭所傳章句多所是非九章算術周髀七曜曆書十餘部推步日月之經量度山海之術莫不覈其根本窮其祕奧著稽極十卷曆書十卷五經述義並行於世稽極十卷 同上

算術三卷 後魏高允

重差勾股注 後魏信都芳 北史本傳芳後亦注重差勾股復撰史宗 魏書僧化傳云合數十卷算述一卷 隋劉焯

以上曆數

天文災異八篇 後魏勃海高允 本傳允表曰往年被勅令臣集天文災異使事類相從約而可觀臣聞箕子陳謨而洪範作宣尼述史而春秋著皆所以章明列辟景測皇天者也故先其善惡而驗以災異隨其失得而效以禍福天人

誠遠而報速如響甚可懼也自古帝王莫不尊崇其道而稽其法數以自修飭厥後史官並載其事以為鑒誠漢成時光祿大夫劉向見漢祚將危權歸外戚屢陳妖告而不見納遂因洪範春秋災異報應者而為其傳以感悟人主而終不聽察卒以危亡豈不哀哉伏惟陛下神武則天叡鑒自遠欽若稽古率由舊章前言往行靡不究鑒前皇所不逮也臣學不洽聞識見寡薄懼無裨廣聖德仰酬明旨今謹依洪範傳天文志撮其事要略其文辭凡八篇世祖覽而善之曰高允之明災異亦豈減崔浩乎

宅經八卷 隋蘭陵蕭吉 見北史藝術傳
葬經六卷 同上
相經一十卷 隋京兆來和 同上

以上五行類
藥方三十五卷 後魏陽平王顯 術藝傳云世宗詔顯撰藥方三十五卷班布天下以療諸疾藥方百餘卷 後魏陽平李修等 術藝傳云太和時集諸學士及工書者百餘人在東宮撰諸藥方百餘卷皆行於世
淮南王食經一百二十卷又食經晉十三卷 隋諸葛穎 見唐書志
馬名錄二卷 同上
以上醫家
後魏明帝集一卷 隋志無舊唐書志有
任城王集 後魏任城王順 本傳撰帝錄詩賦表頌數十篇多亡失 今本傳有魏頌文多不載有蠅賦一篇

李黃門集 後魏趙郡李騫 見李順傳云所著詩賦碑誄別有集錄 今本傳有釋情賦贈盧元明魏收詩
刁特進集 後魏刁雍 本傳云所為詩賦頌論并雜文百餘篇 今本傳有請鑿薄骨律鎮富平河渠表造船運穀沃野鎮表積穀表修禮樂表

邢光祿集 後魏河間邢虬 本傳云少為三禮鄭氏學明經有文思清河崔亮頓邱李平並與親善所作碑頌雜筆三十餘篇
陸恭之集 後魏代郡陸恭之 陸侯傳恭之為詩賦文千餘篇北史同
盧太常集 後魏范陽盧道將 見盧玄傳云涉獵經史頗有文才為文筆數十篇北史同
趙寧朔集 後魏天水趙逸 北史本傳云著詩賦銘頌五十餘篇

高刺史集三卷 後魏漁陽高閭 本傳云閭好為文章軍國書檄詔令碑頌銘贊百有餘篇集三十卷 北史作四十卷 其文亦高允之流後稱二高為當時所服又本傳有至德頌文一首表三首列女傳有魏溥妻房氏頌
游僕射集 後魏游肇 本傳云有詩賦啓七十五篇皆傳於世又云肇謙廉不競撰儒基以表其志有白圭論
崔吏部集 後魏博陵崔孝芬 崔挺傳云子孝芬著文章數十篇
程兗州集 後魏廣平程駿 本傳云所集文筆自有集錄駁師事劉暉有表三首慶國頌十六

章得一頌十篇北史同
楊博士集 後魏天水楊謙之 本傳謙之與袁翻常景鄴道元温子昇之徒咸申款舊撰沮渠涼書十卷見隋志又所著文章百餘篇別有集錄謙之妻中山張勸諸子從師受業常誠之曰自我為汝家婦未見汝父一日不讀書汝等宜各修勸勿替先業
李中尉集 後魏李彪 本傳云所著詩頌賦誄章奏雜筆百餘篇別有集
李僕射集 後魏頓丘李平 本傳云所製詩賦箴諫頌詠別有集錄北史同
崔太保集五十餘卷 後魏東清河崔光 本傳云所為詩賦銘贊誄頌表啓數百篇五十餘卷別有集北史同 今本傳有表七首
高光祿集 後魏勃海高聰 本傳云所作文筆二十卷別有集
裴參軍集 後魏河東裴景融 見裴延儒傳云景融雖才不稱學而緝綴無倦文詞汎濫理會處寡所作文章別有集錄又造鄴都督都賦云袁尚書集 後魏陳郡袁翻 本傳云文筆百餘篇行於世有修明堂辟雍箴成邊議思歸賦安置蠕蠕二王表轉都官謝表
祖祕書集 後魏范陽祖瑩 本傳云瑩以文章見重常語人云文章須自出機杼成一家風骨何能共人同生活也文集行於世今本傳有悲彭城一首

馮光祿集 後魏魏郡馮元興 本傳云隨父僧集在平原就中山張吾貴常山房此學通禮傳

頗有文才文集百餘篇

常祕書集 後魏河內常景 本傳云撰高顯碑

銘崔光奏曰常景名位在諸人之下文出諸人

之上遂以景文刊石著述數百篇行於世北史

本傳云刪正晉張華博物志及撰儒林列女傳

各數十篇 今本傳有公主人令持服議有司

馬相如王褒嚴君平揚子雲四賢贊高允遺德

頌洛汭銘鑿象贊

封郎中集 後魏勃海封肅 本傳云所製文章

多亡失存者十餘卷

邢常侍集 後魏河間邢昺 本傳云所著文章

自有集錄北史同

邢太守集 後魏河間邢臧 北史本傳撰古來

文章並敍作者氏族號曰文譜未就病卒其文

章凡百餘篇

蔣都水集 後魏黎安蔣少游

柳晉州集 後周解縣柳弘 本傳云弘卒楊素

誅之曰山陽王弼風流長逝潁川荀粲零落無

時修竹夾池永絕梁園之賦長楊映沼無復洛

川之文其為士友痛惜如此有文集行於世北

史同

盧開府集 後周范陽盧柔 本傳云作詩頌碑

銘檄表啓行于世數十篇北史同

唐內史集 後周北海唐瑾 北史本傳云撰賦

頌碑誄二十餘萬言新儀十篇

薛刺史集 後周河東薛慎 本傳云文集為世

所傳又云太祖於諸生中簡德行淳懿者侍讀

書慎與李璨及隴西李伯良辛詔武功蘇衡譙

郡夏侯裕安定梁曠梁禮河南長孫璋河東裴

舉薛同榮陽鄭朝等十二人並應其選北史同

呂思禮集 後周東平呂思禮 本傳云沙苑之

捷命為露布食頃便成太祖歎其工而速所為

碑誄表頌并傳于世又云年十四受學于徐遵

明長於論難北史同

薛刺史集 後周河東薛實 本傳云文筆二十

餘卷行于世北史同

蘇侍中集 後周武功蘇亮 本傳云亮初舉秀

才至洛陽遇河內常景景深器之退而語人曰

秦中之學可以抗山東者將此人乎與從弟綽

俱知名世稱二蘇

柳祕書集 後周河東柳蚪 本傳云文筆數十

篇行于世有論史事疏又云時人論文體有古

今之異蚪以為時有今古非文有今古乃為文

質論北史同

顏刺史集十卷 後周琅邪顏之儀 本傳云有

文集十卷行于世又云嘗獻神州頌於梁元帝

蕭將軍集十卷 後周蕭圓肅 本傳云有文集

十卷今有少傳箴一首北史同

蕭太守集二十卷 後周蘭陵蕭太圖 見本傳

劉司錄集二十卷 後周沛國劉瑤 本傳云著

梁典三十卷 志有有集二十卷行于世北史同

梁王蕭督集十五卷 見本傳

蕭中丞文集三十卷 後周蘭陵蕭徽

蕭特進集三十卷 後周蕭大寶 見北史

傅太常集二十卷 後周北地傅淮 傳云有文

才善詞賦仕于蕭督

蔡司空集 後周濟陽蔡大寶 仕于蕭督

甄吏部集二十卷 後周中山甄玄成 仕于蕭

督北史同

岑尚書集十卷 後周南陽岑善方 仕于蕭歸

北史同

蕭僕射集三十卷 後周蕭欣 仕于蕭歸

范常侍集十卷 後周順陽范迪 仕于蕭歸

王尚書集二十卷 北齊華山王昕 本傳云王

猛六世孫家于華山之鄆城有文集二十卷北

史同

樊散騎集 北齊河東樊遜 本傳有清德頌十

首升中紀號對求才客飲對釋道兩教對刑罰

寬猛對禍福報應對刊定祕府書籍議

楊驃騎愔集 北齊弘農楊愔 本傳云所著詩

賦表奏書甚多誅後散失門生鳩集所得者萬

餘言北史同

陸吏部印集十四卷 北齊陸印 本傳云文章

十四卷行于世齊之郊廟諸歌多印所製

盧記室集 北齊盧懷仁 盧潛傳從祖兄懷仁

卜居陳留界所著有詩賦銘頌二萬餘言又撰

中表實錄二十卷北史同

陽刺史集三十卷 唐志作二十卷 北齊陽休之

本傳云文集行于世按祖鴻勳傳有致休之

書一篇

李記室集十卷 北齊范陽李廣 見文苑傳畢

義雲集其文筆十卷 北史作七卷 託魏收為之

敍

盧司徒記室集十卷 北齊范陽盧詢祖 見盧

文偉傳北史本傳詢祖為破蠕蠕賀表有句云昔十萬橫行樊將軍請而受屈五千深入李都尉降而不歸時重其工又有築長城賦魏書本傳有文集十卷

盧侍郎集 北齊范陽盧思道 本傳云有文宣帝挽歌八篇孤鴻賦一篇有集二十卷行于世北史同

顏黃門集三十卷 北齊琅邪顏之推 本傳云之推集子思魯自為序錄 今本傳有觀我賦一篇

杜著作郎集十五卷 隋博陵杜臺卿 見本傳按臺卿為杜弼次子本京兆杜陵人

劉儀同集 隋沛國劉臻 本傳臻精于兩漢書時人稱漢聖

王參軍集十卷 隋王頰 本傳撰五經大義三十卷有集十卷并兵亂無存

辛諮議集二十卷 隋辛德源 本傳蜀王秀孫其名奏以為掾轉諮議參軍卒官有集二十卷孫司直集十卷 隋信都 北史作武邑武遂人聞萬壽 本傳有贈京邑知友詩就熊安生受五經略通大義

王主簿集三十三卷 隋梁郡王貞 本傳齊王陳有書召之又索文集貞有謝啓一首 北史本傳貞後上江都賦王賜錢十萬貫良馬二匹庚舍人集十卷 隋穎川庚自直 本傳云能屬文於五言詩尤善

杜秀才文百篇 隋鄴郡杜正藏 見本傳本京兆人八世祖曼為石趙從事郎中因家於鄴與

允正玄以文名著正藏著碑誄銘頌詩賦百餘篇又著文章體裁大為後進所寶時人號為文軌乃至海外高麗百濟亦共傳習稱為杜家新書

魏司農集 北齊鉅鹿魏季景 北史本傳著文筆二百餘篇

李司馬治道集十卷 隋博陵李文博 本傳文博本為經學後讀史書於諸子及論尤所賅洽性長議論亦善屬文著治道集十卷大行于世隋書柳彧傳彧嘗得博陵李文博所撰治道集十卷蜀王秀遣人求之彧送之於秀秀復賜彧奴婢十口

崔著作集 隋博陵崔績

李黃冠文集十卷 隋中山李昭徽 北史李先傳昭徽中山盧奴人善談論有宏辨屬文任氣不拘常則大業中將妻子隱于嵩山號黃冠子有文集十卷為學者所稱

鮑刺史集 隋鮑宏 本傳有集十卷行于世字文尚書集 隋河南宇文弼 本傳著辭賦二十餘萬言

劉博士集 隋劉炫 北史本傳有擬屈原卜居為筮塗駁牛弘大夫降傍親期議撫夷論九品妻無再醮論自贊各文

明常侍集二十卷 隋平原明克讓 詳上靖恭堂銘一卷 後魏劉昉

北史自序西涼李暠立靖恭堂以議朝政閱武事焉圖贊自古聖帝明王忠臣孝子烈士貞女親為序頌以明鑒誠之義當時文武羣公寮佐

亦皆圖贊所志庚子五年改元建初自敦煌徙都酒泉勒銘酒泉使儒林祭酒劉彥明為文刻石頌德彥明即延明昉之字也 又按周書庾信傳論云朔漢胡義周之頌國都足稱宏麗河右劉延明之銘酒泉可謂清典其云國都頌即統萬城銘酒泉銘即靖恭堂銘也

西游詩 安定胡叟 魏書本傳

統萬城銘 安定胡方回撰 文見晉書赫連勃勃載記

蛇祠碑 同上

司空李冲誄 李師尚撰 見李寶傳贈敦煌公李寶詩七首 武威段承根沮渠東宮侍臣箴 金城宗欽 見本傳與高允詩十二首 同上

弔比干文注 劉芳撰 本傳高祖弔殷比干文芳為注解表上詔付之集書揚雄蜀都賦注 北齊河內司馬膺之 見司馬子如傳

庚信集注 隋魏澹

高祖頌 甄楷撰 見甄琛傳朋友論 後魏趙郡陸夸 本傳云少與崔浩為莫逆之交浩奏徵為司徒郎中不受及浩誅為之素服受鄉人弔唁經一時乃止歎曰崔公既死誰能更容陸夸遂作朋友篇辭義為時人所稱

知命論 同上 本傳云或人謂夸曰吾聞有大才者必居貴仕子何獨在桑榆乎遂著知命論以釋之

文筆駁論數十卷 後魏徐紇 本傳云孝莊初
奔蕭衍文筆駁論多有遺落時或存于世焉
風賦 後魏中山甄密 本傳密疾世俗貪競乾

沒榮寵曾作風賦以見意

代都賦 梁祚

觀象賦 張淵 後魏淵傳云不知何許人明占

候曉內外星分賦載本傳

平西策一卷 北齊盧思武 見本傳

文林館御覽 北齊封隆之等

續文章流別 北齊顏之推 見本傳

詞林集 隋魏澹

七聘 後魏范陽酈道元 本傳云歷覽奇書注

水經四十卷本志十三篇又爲七聘及諸文皆

行于世

七諫 代郡陸暉

七醉 同上

文軌二十卷 杜正藏 北史本傳爲文軌二十

卷論爲文體則甚有條貫後生寶而行之多資

以解褐大行于世謂之杜家新書

以上別集總集

隋書經籍志考證

清章宗源撰

嘉慶戊寅吾兄衍石自京師歸篋中攜此書謂鈔

自何夢華元錫藏書家未有也余乃囑表兄懷豫堂鈔錄副本以期迫金岱峯囑其友相助騰寫逾月而畢惜僅有史部三十年來訪求全書無知之者道光丁未冬日朱述之明府假鈔一本乃從述翁假孫氏五松園文集錄章君傳於册首此書名與王氏漢書藝文志同而編次則異然纂輯古書實昉於王氏也戊申三月既望嘉禾甘泉鄉人錢泰吉識於海昌學舍

章宗源傳陽湖孫星衍五松園文集

章宗源字逢之浙江山陰人以兄編修宗灝官京師遂以大輿籍中式乾隆丙午科舉人少聰穎不喜爲時文以對策博瞻發科益好學積十餘年采獲經史羣籍傳注輯錄唐宋以來亡佚古書盈數笈自言欲撰隋書經籍志考證書成後此皆糟粕可嚮之然編次成帙悉枕中祕本也又言輯書雖不由性靈而學問日以進吾爲此事久之亦能爲古文爲駢體文矣又以今世所存古書版本多經宋明人刪改嘗恨曩時輯錄已佚之書不錄見存諸書訂正異同文字常補成之其已輯各書編次成帙皆爲之敘通知作者體例曲折詞旨明暢古書多亡於北宋故輯書始於王應麟近代惠徵君棟踵爲之四庫全書用其法多從永樂大典寫錄編次刊布甚夥至於宗源則無書不具焉時都門廣慧寺有妖僧明心者誑人以符籙降鬼挾仙凡言禍福又賄客僕從刺探隱事面發之示神驗京朝官之佞佛者大爲扇惑爭饋貽之僧益豪橫或占人墳塋作廟基或權子母取重利事敗僧以罪遣歸南中宗源等以事佛與牽連罪斥不能復與會試僧人潛出游齊魯間就大吏之不潔者網賄遺易姓名捐職丞倅出入詭祕甚而宗源等猶信之持長齋且寓書屬子去所爲三教論者予著三教論時京朝官惑於妖僧日甚因以曉譬之大吏

某會倚上官勢屬予去其文不得及得宗源書戲云君以生平輯錄書付我我即去此文君必祕愛不忍割是色空之說不足恃也然宗源好學之志終不衰性恬澹不肯干謁亦異乎世之所謂禪鑽者以嘉慶五年月日疾卒於京邸撰隋書經籍志及雜文若干卷

舊史氏曰惜哉章君之好學而惑於釋氏也既輯錄三代先秦古書豈不知佛書出東漢六朝之不足貴并非西域浮屠之所乘筆耶及爲妖僧誣誤猶以素食終身年未五十而溘逝釋氏之效安在或言章君死時神清明無所苦此何益且反常也孔子大聖寢疾七日曾子大賢反簣未安徂歿之痛達人諱儒者身備四氣哀樂反常豈發皆中節之學乎傳曰未知生焉知死又曰大哉死乎君子息焉小人休焉儒通天人勿可尙已

隋書經籍志考證卷一

會稽章宗源撰

史部

正史

史記一百三十卷目錄一卷漢中書令司馬遷撰

今存

史記八十卷宋南中郎外兵參軍裴駰注

今本一百三十卷非裴氏之舊陳振孫所見已

然

史記音義一卷後漢延篤撰 不著錄

史記章隱五卷不著錄

司馬貞索隱後序曰後漢有延篤音義一卷又

別有章隱五卷不記作者何人近代鮮有二家

之本愚按裴駰集解引有史記音隱章乃音字

之訛小司馬未見二書自是亡於隋代非隋志

之闕著也

史記音義十二卷宋中散大夫徐野民撰

徐廣字野民裴駰集解序曰廣研核衆本爲作

音義張守節正義曰十三卷唐志同十三駰爲注

散入百三十篇索隱後序曰廣作音義一十卷

惟記諸家本異同於義少有解釋

史記音義宋裴駰撰 不著錄

索隱後序曰裴駰亦有音義前代久已散亡

史記音三卷梁輕車錄事參軍鄒誕生撰

索隱後序曰鄒誕生撰音義三卷音則尙奇義

則罕說釋玄應一切經音義引誕生史記音舊

唐志訛作鄒鄒生

古史考二十五卷晉義陽亭侯譙周撰

蜀志譙周傳周所著有古史考劉知幾史通模

擬篇曰譙周撰古史考其書李斯之棄市也云

秦殺其大夫李斯以諸侯之大夫名天子之丞

相以此擬春秋所謂貌同而心異也又外篇論

古今正史曰周以遷書周秦以上或采諸子不

專據正經於是作古史考二十五篇皆憑舊典

以糾其繆今與史記並行於代焉愚按文選王

元長曲水詩序注引公孫述竊位蜀人任永託

目官一事其書兼及東京不徒糾遷史之謬而

毛詩正義引伏羲作瑟杜佑通典注引無句作

聲諸語既與世本作篇相類至史記索隱所引

周紀不啻秦紀處父等事詞意多主辯駁體裁

實異正史唐志列諸雜史類得之

漢書一百一十五卷漢護軍班固撰太山太守應劭集解

今存顏師古注本較應劭本多五卷唐志兩本

並存而脫應劭集解四字

漢書集解音義二十四卷應劭撰

唐志同

漢書音訓一卷服虔撰

唐志同

漢書音義七卷章昭撰

章昭舊唐志訛作韓章

漢書音二卷夏侯詠撰

唐志同愚按應劭已下四書劭與服虔章昭漢

書師古注皆引其語惟夏侯詠未見

漢書音義十二卷國子博士蕭該撰

隋書蕭該傳該撰漢書音義爲當時所貴章懷

後漢書隗囂傳劉伯升傳注引之唐志同

漢書音十二卷廢太子勇命包愷等撰

唐志同

漢書集注十三卷晉灼撰

釋慧遠華嚴經音義引有漢書集注而不題灼

名未知卽灼書否唐志十四卷又音義十七卷

隋志不著錄

漢書注一卷齊金紫光祿大夫陸澄撰

唐志作新注

漢書注一百二卷陸澄撰梁有隋亡

史通補注篇曰陸澄注班史多引遷書此缺一

言彼增半句採摘成注標爲異說有昏耳目難

爲披覽

漢書續訓三卷梁北平諸議參軍章稜撰 錢宮詹隋書考

異曰北平常作平北

南史隋章稜傳稜著漢書續訓二卷唐志同二

卷

漢書訓纂三十卷陳吏部尚書姚察撰

陳書姚察傳察著漢書訓纂三十卷華嚴經音

義引瑱謂珠玉壓座爲飾也釋玄應一切經音

義引鱣蛇魚也杜佑通典州郡門引戶扈鄧三

字一也史記正義亦引之 又蕭何封沛之鄜夫人

封南陽之鄧太平寰宇記河南道引函道地形

如函也

論前漢事一卷蜀丞相諸葛亮撰

唐志又音一卷

漢書駁議二卷晉安北將軍劉寶撰

唐志議作義

漢書敘傳五卷項詹撰

劉昭續漢祭祀志注引項威漢書注威倍相似
易訛舊唐志五卷新唐志八卷

漢書音九卷孟康撰梁有隋亡

唐志作音義

漢書注一百一十五卷梁元帝撰梁有隋亡

梁書元帝紀帝注漢書一百一十五卷金樓子

著書篇曰注前漢書十二表

漢書決疑十二卷顏延年撰 不著錄

兩唐志皆載之新唐志題顏游秦据顏師古傳
則舊志非是

漢書音義二卷崔浩撰 不著錄

見新唐志

漢書後序十二卷後漢司隸校尉應奉撰

後漢書應奉傳奉著漢書後序多所述載隋志

子部儒家注云梁有後序十二卷應奉撰亡當

即范史所稱漢書後序尋其名義似宜列諸史

部

漢事十七卷應奉撰 不著錄

章懷惠奉傳注袁山松書曰奉又刪史記漢書

及漢紀三百六十餘年自漢興至其時凡十七

卷史記案隱匈奴傳引應奉曰秦築長城徒役

之士亡出塞外依鮮卑山因為號通典職官

門注應奉曰高帝承秦禮儀多闕灌嬰服事七

年號大謁者後人掌之以姓灌章列於漢書也

章懷惠奉傳注亦引之

東觀漢記一百四十三卷 起光武記注至靈帝長水校尉劉珍等撰

唐志一百二十六卷書錄解題八卷宋志十卷

其書以新市平林諸人列為載記房喬修晉書
劉淵等載記蓋仿其例今四庫輯本二十四卷
有天文志地理志

後漢書一百三十卷無帝紀吳武陵太守謝承撰

新唐志同又錄一卷舊唐志三十三卷史無帝

紀惟開此書北堂書鈔設官部引承書有風教

傳亦創見也史通論贊篇謝承曰諍愚按文選

顏延年北使洛詩注引承書徐淑戎車首路永

明九年策秀才文注陰修敷化二都威教克平

阮嗣宗勸進表注黃他求沒將投骸邊廷又王

襲幹事遂陟鼎司後漢二十八將論注申屠蟠

英姿磊落張景陽六命注士庶流宕他州異境

俱稱序曰蓋承書敘傳中語今存姚之駟輯本

四卷

後漢記六十五卷 本一百卷梁有隋殘缺晉散騎常侍薛

靈撰

唐志一百卷今存姚氏緝本一卷太平御覽皇

王部引光武明帝章帝安帝桓帝靈帝六贊

續漢書八十三卷晉秘書監司馬彪撰

晉書司馬彪傳彪討論衆書綴其所聞起於世

祖終於孝獻為紀志傳凡八十篇號曰續漢書

唐志八十三卷又錄一卷今存姚氏緝本一卷

魏志武紀注司馬朗傳注引有司馬彪序傳當

是續漢書分篇

漢後書十七卷本九十七卷今殘缺晉少府卿華嶠撰

晉書華嶠傳初嶠以漢紀煩穢有改作之志會

為臺郎徧觀祕籍遂就其緒起於光武終於孝

獻一百九十五年為帝紀十二卷皇后紀二卷

十典十卷傳七十卷及三譜序傳目錄凡九十

七卷嶠以皇后配天作合前史作外戚傳以繼

末編非其義也故易為皇后紀以次帝紀又改

志為典以有堯典故也而改名漢後書隋唐志作

後漢書刊訛奏之嶠所撰十典未成而終何劭奏

嶠中子微使踵成之未竟而卒繆播又奏嶠少

子暢為佐著作郎克成十典史通書志贊華嶠曰典

永嘉喪亂經籍遺沒嶠書存者五十原注一作三

十餘卷魏收上後魏書十志啓曰叔駿嶠字 刪

緝後劉紹統司馬彪字 削撰季漢十志實範選

固表蓋闕焉史通內篇曰班固華嶠子長之流

也又曰創紀傳者五家推其所長華氏居最又

外篇曰嶠刪定東觀記為漢後書愚按蔚宗撰

史實本華嶠故亦易外戚為后紀而肅宗紀論

二十八將論桓譚馮衍傳論袁安傳論劉趙淳

于江劉周趙傳序 史通序例篇曰華嶠後漢多同班氏

如劉平江革等傳其序先言孝道次述毛義義親此則前漢

王貢傳體其篇以四皓為始也嶠言辭簡質敘致溫雅味其

宗旨亦孟堅之亞歟 班彪傳論通鑑亦引之章懷並

注為華嶠之辭王允傳論章懷漏注以魏志董

卓傳注參校知亦嶠辭若袁安傳言湯長子成

早卒嶠書作長子平平弟成見魏志袁紹傳注 此

可考范史之異至魏志華歆傳注世說德行篇

方正篇注並引嶠譜敘史通外篇晉書曰譜 其言

皆華氏事 世說注引孫策略有揚州盛兵衛豫章官屬請

出郊迎華歆不聽一事通鑑考異謂其說不近人情 蓋

即班馬自敘之例唐志三十一卷

後漢書八十五卷本一百二十二卷晉祠部郎謝沈撰

唐志一百二卷今存姚氏緝本一卷

後漢書外傳十卷謝沈撰 不著錄

晉書謝沈傳沈先著後漢書百卷及漢書外傳皆行於世愚按沈之外傳無逸篇可引舊唐志稱後漢書外傳新唐志祇稱外傳以隋志注云本

一百二十二卷合唐志卷數計之或外傳二十卷梁七錄所載之本外傳固附本書至隋而外傳軼唐時外傳出而闕十卷

後漢南記四十五卷 本五十五卷今殘缺晉江州從事張瑩撰

世說言語篇注引荀勗典籍文章無不涉徵聘無所就文學篇注服虔明左氏傳作訓解初學記地部郭丹從武關出謁更始人事部和帝四

歲與兄慶出同車入其室又陰慶以園田錢財分與二弟武功部魏應明魯詩帝賜以劍珖居處部馬援奏銅馬法詔名金馬門文選干寶晉

紀總論注蜀有陽平江關白水此為三關北堂書鈔后妃部居危能重政術部序曰赤精漸微

太平御覽地部樊重家素富閉門城市職官部陳寵為太守任功曹王渙兵部陳蕃欲誅諸黃

門謀泄被害宗親部北海靖王興為光武撫育恩愛如子珍寶部安帝見銅人張陵對以秦始

皇時所鑄共十五事並題張瑩漢南記續漢郡國志注史記集解並引張瑩曰勾賈今江陵也

唐志五十八卷

後漢書九十五卷本一百卷晉祕書監袁山松撰

晉書袁山松傳山松著後漢書百篇舊唐志一百二卷新唐志一百一卷又錄一卷今存姚氏

緝本一卷愚按沈約宋書禮志引山松漢百官志水經注引山松郡國志史通書志篇言山松

有天文志通志校讐略言有藝文志宏簡錄載梁七錄內有後漢書藝文志若干卷不著名山

松證以通志當即袁氏之志

後漢書五十八卷劉義慶撰 不著錄

見唐志

後漢書九十七卷宋太子詹事范蔚宗撰

唐志九十二卷今本帝后紀十一卷列傳八十

八卷共九十九卷蔚宗所撰十志沈約言宋時已闕其篇名可見者百官志見后妃禮樂輿服

志見東平王蒼傳天文五行志見蔡邕傳

後漢書一百二十五卷范蔚宗本梁劉昭注

梁書劉昭傳昭集後漢同異以注范蔚宗書世稱博悉愚按今本范史紀傳九十九卷外附劉

昭補注續漢志三十卷志乃司馬彪撰非蔚宗本史通補注篇曰范氏刪後漢簡而且周疎而

不漏亦云備矣而劉昭採其所捐以為補注言

盡非要事皆不急此與梁書隋志皆言昭注范史惟梁書作一百八十卷與隋志卷數不合新

唐志有劉熙注蔚宗書一百二十二卷熙乃昭

字之訛以唐志卷數計之紀傳九十二卷合續志三十卷

見唐志愚按此稱補注或即馬彪之志然卷數與今本不合

後漢書音一卷後魏太常劉芳撰

後魏書劉芳傳芳撰蔚宗後漢書音一卷唐志同

范漢音訓三卷陳宗道先生臧兢撰

唐志無訓字

范漢音三卷蕭該撰

唐志同

後漢書讚論四卷范蔚宗撰

唐志作論贊五卷

漢書續十八卷范蔚宗撰

唐志雜史類有蔚宗後漢書續十三卷

後漢書一百卷蕭子顯撰梁有隋亡

梁書蕭子顯傳子顯著後漢書一百卷据衆家

後漢考正同異為一家之言

魏略三十八卷魏京兆魚豢撰 不著錄

見舊唐志正史類新唐志五十八卷入雜史類

史通題目篇曰魚豢姚察察宜作最 著魏梁二

史巨細畢載蕪累甚多而俱勝之以略稱謂篇

曰魚豢孫盛等沒吳蜀號謚呼權備姓名又外

篇論古今正史曰魏時京兆魚豢私撰魏略事

止明帝愚按魏略有紀志列傳自是正史之體

文選景福殿賦注引魏略文紀曰靈龜出於神

池初學記天部引五行志曰延康元年大霖雨

五十餘日魏有天下乃霽將受大祚之應也太

平御覽天部同裴松之魏志注言魏略以秦則與

孔桂俱在佞倖篇明帝紀注東里袁見游說傳三

少帝紀注 以董遇賈洪邯鄲淳薛夏隗禧蘇林

樂詳等為儒宗王肅傳注其傳有序以脂習王脩

龐清文聘成公英郭憲單固七人為純固傳王

脩傳注王思薛悌郗嘉見苻吏傳梁習傳注以蘇

林吉茂沐並時苗四人為清介傳劉劭傳注以孫

賓碩祝公道楊阿若鮑出等四人在勇俠傳賓

碩雖漢人而篆編之魏書蓋以其人接魏事義

相類故也閻溫傳注列傳以賈逵李孚楊沛三

人為一卷溫恢傳注以徐福嚴幹李義張既游

楚梁習趙儼裴潛韓宜黃朗十人共卷趙儼傳

注陳壽志韓宜名都不見惟魏略有傳同上梁

書止足傳序曰魚豢魏略知足傳方田徐於管

胡則其道本異世說文學篇注引天竺城中有

臨兒國通典邊防門注西夜並屬疏勒二事皆

題魏略西戎傳魏志東夷傳注引魏略西戎傳七事太

平御覽人事部引短人國事實字記引莎車國

事則皆作西域傳案之論贊實稱曰議表注多

引其詞而西戎傳議尤可考見史通雜說篇注

引案敘遼東公孫之敗議為天意數語是知王

隱之稱本於魚豢史通王隱曰

魏書四十八卷晉司空王沈撰

晉書王沈傳沈與荀顛阮籍共撰魏書多為時

諱未若陳壽之實錄也史通曲筆篇曰王沈魏

錄濫述貶甄之詔書事篇曰若王沈孫盛之伍

論王業則黨悖逆而誣忠義殺國家則抑正順

而褒篡奪述風俗則於夷狄而陋華夏又外篇

曰魏史黃初太和中始命衛顛繆襲草創紀傳

又命韋誕應璩王沈阮籍孫該傳玄等復共撰

定其後王沈獨就其業勒成四十卷宋書五行

志曰王沈魏書志篇闕凡厥災異但編帝紀而

已律志曰自楊偉改創景初而魏書闕志愚按

水經渠水遼水淮水注並引魏書國志類水注

宣王軍次邱頭王凌面縛水次故號武邱一事

復題魏書郡國志疑沈書固有志篇特闕五行

律曆也裴松之魏志武紀注所引多述操令若

庚申庚戌丙戌丁亥令皆以日記又有褒賞令

載祀橋玄文表注不言魏書以類推之當亦是

耳鄧哀王傳注譏其容貌姿美一類言之而分

以為三史通敘事篇亦云蜀諸葛傳注臣松之以

為亮在涪濱魏人躡跡而云嘔血蓋因亮亡而

自誇大也夫以孔明之略豈為仲達嘔血乎魏

后妃傳注引卞太后二事又甄后表讓建長秋

宮三公奏文昭后諡法郭后立謝表青龍二年

哀策太平御覽皇親部引卞后甄后毛后郭后

各一事而貶甄銘未見

吳書二十五卷章昭撰本五十五卷梁有今殘缺

吳志章昭昭通晉論稱囉傳諸葛恪表囉為太史

令撰吳書華嚴薛瑩皆與參同孫皓欲為父和

作紀囉執以和不登帝位宜名為傳史通內篇曰

宏嗣吳史不紀孫和步騭傳周昭與章囉華嚴並

述吳書薛綜傳華嚴上書曰大皇帝命丁孚項

峻始撰吳書字峻俱非史才其所撰作不足紀

錄至少帝時更差章囉周昭薛瑩梁廣及臣五

人訪求往事所共撰立備有本末昭廣先亡囉

負恩蹈罪瑩出為將復以過徙其書遂委滯未

撰瑩涉學既博文章尤妙實欲使卒垂成之功

編於前史之末皓遂召瑩為左國史史通外篇

曰並作之中囉瑩為首又曰華嚴表請召瑩續

成前史其後囉獨終其書定為五十五卷愚按

昭書名吳自以吳為主然裴松之注所引稱魏

為帝堅策權皓稱名文選注後漢書注皆然惟

陸遜破曹休上脫翠帽賜之通典禮門注稱權

為上藝文類聚服飾部又言上脫金帶賜遜太

平御覽服章部同又布帛部上賜遜丹縵人事部馮熙使魏

不屬上嘉之賜驪米諸葛恪伐蜀謝上賜蜀馬皆稱吳主為

上竊疑稱名之法非昭原本通鑑考異辨張松

先見劉備事為昭之誤而蜀先主傳注載鄭泉

使蜀謂昭烈自名未合天下之議備甚慚惡意

在揚吳抑蜀則備之稱名自其史例唐志卷數

及玉海引中興書目並與史通合但舊唐志誤

入編年類新志依隋志吳志言孫和為傳自是正史

之體

吳紀九卷晉太學博士環濟撰

宋書禮志引環氏吳紀孫權追尊父堅為吳始

祖吳志張紘傳注引張尚對孫皓問詩御覽羽族

部亦引嗣主問張尚為之中大者鶴小者雀平數語世說

政事篇注賀邵祖父並歷美官雅量篇注顧劭

為豫章太守風化大行品藻篇注全琮有德行

義概為大司馬規箴篇注孫休夢乘龍上天顧

不見尾排調篇注張昭有才義仕為輔吳將軍

初學紀地部孫權詔步騭說北人欲以布囊盛

土塞江又赤烏八年夏雷擊宮門柱居處部天

紀二年衛尉岑昏表修百府太平御覽兵部大

帝合肥之圍谷利助渡津北人事部上為太子

登選置師傅又孟仁母爲仁作大被以致學者布帛部蜀遣使獻重錦千端果部黃初三年魏來求荳蔻並題環濟吳紀孫權和休皓皆稱名惟御覽所引稱大帝皇太子嗣主唐志十卷入編年類通志藝文略從唐志校釋略曰吳紀九卷唐志類於編年是隋志類於正史非

吳錄三十卷張勃撰梁有隋亡

史記索隱伍子胥傳 張勃晉人吳鴻臚儼之子也作吳錄裴駙注引之是矣唐志入雜史類通志略入編年類史通書志篇張勃曰錄愚按水經浪水注引鮪魚子朝索食暮還入母腹左傳宣公正義武陵沅南縣以南皆有犀文選笙賦注湘東鄴以爲酒有名謝靈運登臨海嶠詩注刻縣有天姥峯張衡七命注吳興烏程縣酒有名初學記獸部九真郡都龐多象生山中郡內及日南饒之並題吳錄地理志藝文類聚太平御覽寰宇記所引其題地理志者尤夥是知史通之言誤以吳錄總名相混不知錄內分篇實仍名志也世說賞譽篇注引吳錄士林曰吳郡有顧陸朱張三國之間四姓盛焉士林二字未詳或其列傳標目如魏略儒宗之稱有志有傳其體不似編年類

三國志六十五卷 敘錄一卷晉太子中庶子陳壽撰宋中大夫裴松之注

舊唐志分著魏三十卷蜀十五卷吳二十一卷惟魏志入正史蜀吳二志入編年甚不可解也今存

論三國志九卷何常侍撰

晉書何琦傳公車再徵琦散騎常侍不行恆以著作爲事著三國評論

三國志評三卷徐爰撰

裴松之注臧洪傳程昱傳黃權傳顧雍傳全琮傳周紡傳鍾離牧傳是儀傳並引徐衆三國評唐志雜史類有徐衆三國評三卷爰疑衆字之訛

三國志序評三卷晉著作佐郎王濬撰梁有隋亡

唐志入雜史類

晉書八十六卷本九十三卷今殘缺晉著作郎王隱撰

王隱傳父銓歷陽令少好學有述作之志每私錄晉事及功臣行狀未就而卒隱博學多聞受父遺業西都舊事多所諳究太興初召隱爲著作郎令撰晉史時虞預私撰晉書而生長東南不知中朝事數訪於隱並借隱所著書竊寫之所聞漸廣是後疾隱形於顏色隱竟以謗免黜歸於家貧無資用書遂不就乃依庾亮於武昌供其紙筆書乃得成詣闕上之隱雖好著述而文辭蕪拙不倫其書次第可觀者皆其父所撰文體混漫義不可解者隱之作也 史通外篇隱爲晉書八十九卷咸康六年始詣闕奏上 史通論贊篇曰王隱曰議書志篇曰王隱後來加以瑞異稱謂篇曰時采新名列成篇題若王晉之十士寒儻沈宋之二凶索虜卽其事也浮詞篇曰隱稱諸葛亮挑戰冀獲曹咎之利其事相符言之謬矣曲筆篇曰其有舞詞弄札飾非文過若王隱虞預毀辱相凌書事篇曰王隱何法盛之徒專訪州閭細事委瑣瑣言聚而編之以爲鬼神傳錄

人物篇曰當兩晉殊宅若何楨許詢文雅高於揚豫王隱廣列諸傳而遺此不編網漏吞舟史記索隱曰外戚紀后妃也后族亦代有封爵故也漢書編之列傳之中王隱則謂之爲紀而在列傳之首也愚按世說方正篇注引王隱孫盛不與故君相聞議其體不似史中論贊文選謝修卞忠貞墓啓注引徵士翟湯數語則不稱議而稱述北堂書鈔設官部引有石瑞記 書鈔引此雖未明稱王隱而藝文部補注引賈逵墓碑生金事則題王隱石瑞記補注乃明陳禹謨所撰明人言固多不可信而此似有所本 當卽史通所謂瑞異其時張掖玄石圖指爲晉受魏祚之祥故因以題篇 史通以王隱瑞異與魏收瑞老並言文取相配故改石瑞而稱瑞異也沈約州郡志鄭氏水經注復引隱書地道記劉昭續漢郡國志注引晉書地道記尤多然不題名王隱惟沈隱稱隱名故專舉之 是知易志爲記王隱所撰非何氏所題 史通題目篇曰何氏中興易志爲記 太平御覽人事部劉叔龍赤色大唇少言語有大志自縣小吏至雍州刺史一事題名寒儻傳文學部王褒讀詩流涕一事題名處士傳處士與十士異史通以二凶對言取數相配非處士之訛藝文類聚靈異部王矩至長沙見一人自稱天上京兆社靈之太平廣記載蘇韶夏侯愷亡後見鬼神御覽人事部亦引蘇韶事而庶記似全篇 自是鬼神傳中之詞其他逸篇徵引衆家晉史以王隱爲最多唐志八十九卷 又按北齊書宋顯傳顯從祖弟繪依準裴松之注國志體注王隱及中興書二注皆不見前志

著錄

晉書二十六卷本四十四卷訖明帝今殘缺晉散騎常侍虞預撰

虞預傳預雅好經史憎疾玄虛其論阮籍裸袒比之伊川被髮著書四十餘卷史通外篇曰若中朝之華嶠陳壽陸機束皙江左之王隱虞預干寶孫盛宋之徐爰蘇寶生梁之沈約裴子野斯並史官之尤美著作之妙選也魏志王粲傳注引預書曰嵇康家本姓奚先自會稽遷於譙之銓縣改為嵇氏取稽字之上山以為姓蓋以志其本也一曰銓有嵇山家於其側遂氏焉今晉書康傳祇載銓有嵇山一說太平御覽皇王部上雖服膺文藝而雅有雄霸之量數語乃預宣帝紀論其論阮籍裸袒則籍傳論也今晉書皆不取初學記設官部引何植為弘農郡守貢縣吏楊翥於朝北堂書鈔設官部何植為尚書郎參祕書右丞右丞之置自植始也是知王隱所不編預固有傳唐志五十八卷

晉書十卷 未成本十四卷今殘缺晉中書郎朱鳳撰訖元帝北堂書鈔設官部何法盛中興書曰華譚為祕書監時晉陵朱鳳吳郡吳震二人並有史才譚薦補著作佐郎今晉書華譚傳同 唐志載鳳書十四卷世說德行篇注引宣帝張夫人生梁孝王柏夫人生趙王倫言語篇注文王諱昭宣帝次子又元帝諡法始建國都曰元汰侈篇注彭城穆王權太始元年封文選關中詩注趙王倫請三萬人平齊萬年朝議不許安陸王碑注前後徙河北諸郡縣居山間謂之羯胡北堂書鈔車

部咸寧中詔賜齊王攸之朝車設旗太平御覽職官部詔以陳騫之子為通置常侍又文帝立度支尚書以司馬孚為之共引鳳書九事

晉中興書七十八卷起東晉宋湘東太守何法盛撰

宋書沈約自敘曰沈伯玉與謝超宗何法盛校書東宮陳書何之元梁典序曰法盛晉書變帝紀為帝典既云師古在理為優史通論贊篇法盛曰述書志篇法盛曰說又曰縣象出於天文題目篇何氏中興易志為記訛乃說字之訛表曆篇法盛改表為注名目雖巧蕪累亦多因習篇曰中興書劉隗錄稱其議獄事具刑法志依檢志內了無其說鑿識篇曰法盛中興荒莊 原注一作拙 少氣又外篇曰晉江左史自鄧粲孫盛檀道鸞王韶之已下相次繼作遠則偏記兩帝近則惟敘八朝至宋湘東太守何法盛始勒成一家首尾該備又云東晉之史作者多門何氏中興實居其最愚按藝文類聚初學記諸書多引法盛徵祥說其載麟鳳鸞虞甘露嘉禾等瑞乃符瑞志體其陰霖雷震天鳴山崩豹尾忘設鷗集太極等異乃五行志體開元占經晉咸和二年五月甲申朔日有蝕之在東井女主之象明年皇太后以憂崩見占經卷十井女主之象句又見卷六十二並題懸象說題法盛懸象說是則天文志體史通所稱刑法志當作刑法說北堂書鈔設官部齊王攸為司空行太子太傅事題百官公卿表注又太子中舍人咸寧加名治文書三語題百官公卿志注此易表為注之證文選殷仲文桓公九井詩注引桓玄錄謝靈運述祖德詩

玄暉八公山詩任彥昇奏彈王源注並引陳郡謝錄阮嗣宗勸進表注引劉聰錄庾元規讓中書表注引穎川庾錄謝修卞忠貞墓啓注引濟陰卞錄北堂書鈔設官部所引有會稽賀錄瑯琊王錄濟陽江錄陳郡袁錄太原王錄順陽范錄太原瑯琊二錄再見共書鈔引八事明陳萬謨注所引尚不止此今俱不取 合史通所稱劉隗錄鬼神錄

書事篇王隱何法盛為鬼神傳錄此又改傳為錄之證書鈔政術部庚冰一事題庚冰傳設官部謝沈一事題謝沈傳傳字俱宜作錄 蓋典注說錄四體以易紀表志

傳也南史徐廣傳曰時高平郡紹亦作中興書數以示法盛法盛曰卿名位貴達不復俟此延譽我寒士無聞於時宜以為惠紹不與至書成在齋內廚中法盛詣紹紹不在直入竊書紹還失之無復兼本於是遂行何書唐志八十卷

晉書三十六卷宋臨川內史謝靈運撰

宋書謝靈運傳太祖登降徵為祕書監使整理祕閣書補足闕文以晉氏一代竟無一家之史令靈運撰晉書粗立條貫書竟不就梁書止足傳序曰靈運晉書止足傳凡論晉世文士之避亂者殆非其人惟阮思曠遺榮好遁殆遠辱矣史通論贊篇曰靈運之虛張高論玉卮無當會何足云唐志三十五卷又錄一卷愚按文選蕭揚州薦士表注引序曰上品無寒門下品無貴族于寶論武帝革命注引禪位表曰夫唐虞內禪無兵戈之事故曰文德漢晉外禪有翦伐之事故曰順名以名而言安得不僭稱以為禪代耶禪位表未詳其義初學記職官部引志曰總

掌禁中書記謂之中書又云漢成帝以後無復中書之職又云秦有太尉掌兵漢仍修之或置或省是古司馬之官掌九伐之職又云古者重武事貴射御取其捷御如僕各置一人尚書六人謂之八座又云漢官尚書為中臺御史為憲臺謁者為外臺是謂三臺杜佑通典亦引三臺之說器物部孝武節奢飾禁扇扇木部元康二年巴西界竹生花紫色結實如麥太平御覽皇王部引世祖論人事部引愍懷妃義不受辱事

晉書一百一十卷齊徐州主簿臧榮緒撰

南齊書文學傳臧榮緒括東西晉為一書記錄志傳百一十卷司徒褚淵啓太祖曰榮緒深沈典素追古著書撰晉史十表贊論雖無逸才亦足彌綸一代庶得補錄渠閣採異甄善陳書何之元傳曰榮緒稱史無論斷猶起居注耳史通論贊篇曰必擇其善者臧榮緒亦其次也書志篇曰司馬彪臧榮緒相承載筆競志五行愚按太平寰宇記山南西道引榮緒地理志曰漢陰縣屬魏興郡北堂書鈔刑法部引榮緒刑德志曰刑以正刑此其志篇之可見者又按今晉書李重傳稱重議官階見百官志司馬彪傳稱彪議南郊見郊祀志張亢傳亢述曆贊見律曆志摯虞傳表論封禪見禮志議王輅兩社見輿服志依檢志內俱無其文錢宮詹晉書考異嘗辨之然据唐會要言貞觀修晉書以臧榮緒為本則百官郊祀諸志當是臧氏之志也書鈔設官部引興寧二年省司農職孝武寧康復置乃百官志語文選籍田賦注引大駕鹵簿有大輦又

鹵簿曰青立車青安車北山移文注騶六人太平御覽皇親部帝之姊妹皆為長公主加綠綬乃輿服志語初學記歲時部能遠議履端元日御覽時序部元會設白虎樽事乃禮志語紀傳之體其詞易見惟錄體未詳唐志卷同

晉書十一卷本一百二卷梁有今殘缺蕭子雲撰

梁書蕭子雲傳子雲以晉代竟無全書弱冠便留心撰著至年二十六書成表奏之詔付祕閣又云著晉史至二王列傳欲作論語草隸言不盡意遂不能成略指論飛白一勢而已所著一百一十卷南史同唐貞觀修書詔曰子雲學壘涸流愚按顏氏家訓雜藝篇曰蕭子雲每嘆曰吾著晉書刊本齊書誤勒成一典文章宏義自謂可觀惟以筆跡得名亦異事也太平御覽人事部明帝以太常桓榮為五更躬軾其間親行養老之禮乃後漢事而題蕭子雲晉書唐志九卷

晉史草三十卷梁蕭子顯撰

唐志編年類有蕭景暢晉史草三十卷子顯字景陽暢乃陽字之訛太平御覽兵部引晉史草曰姚略時有賀僧者不知何人自云游歷五郡時人號為賀五郡齋戒奉道為百姓說吉凶略死泓立僧謂泓曰宜潔掃一馬廐開屋設大柳有異馬其大非常自遠所來矣題稱蕭子雲與隋志不合

晉書一百一十卷梁沈約撰梁有隋亡

宋書自敘曰約嘗以晉氏一代竟無全書年二十許便有撰述之意泰始初征西將軍蔡興宗

為啓明帝有勅賜許所撰之書凡一百二十卷南史曰一百餘卷條流雖舉而采掇未周永明初遇盜失第五卷梁書約傳曰約撰晉書一百一十卷史通斷限篇曰沈錄金行上羈劉主探撰篇曰沈氏著書好誣先代於晉則故造奇說在宋則多出謗言又外篇曰近者沈約晉書喜造奇說稱元帝牛金之子以應牛繼馬後之徵世說文學篇注康僧淵氏族所出未詳尚書令沈約撰晉書稱其有義學品藻篇注引約書王敦憚周顛見輒面熱初學記器物部引王羲之在會稽山為老姥書竹扇北堂書鈔設官部裴潛風神高邁見者改容藝文類聚職官部同太平御覽皇親部引夏殷以上內職無聞姬氏之隆婦官為盛前漢列級十四世祖受命又有美人以比職焉數語

東晉新書七卷梁沈約撰梁有隋亡

南齊書王智深傳先是陳郡袁炳有文學著晉書未成卒穎川庾詵善屬文見賞豫章王引至大司馬記室參軍卒

宋書六十五卷宋中散大夫徐爰撰

徐爰傳先是元嘉中使何承天草創國史世祖初又詔山謙之蘇寶生踵成之六年又以爰領著作郎使終其業爰雖因前作而專為一家之書上表曰皇宋剝定鯨鯢天人佇屬而恭服勤於三分讓德邁於不嗣宜依衡書改文登舟變號起元義熙為王業之始戰序宜力為功臣之斷其偽玄篡竊同於新莽雖靈武克殄自詳之晉錄及犯命千紀受戮霸朝雖揖禪讓之前皆

著之宋策典請外詳議伏須遵承 表語南史不載
於是江夏王義恭等三十五人同爰議宜以義
熙元年為斷王休若檀道鸞二人諡宜以元興
二年為始虞蘇謂宜以開國為宋公元年詔曰
項籍聖公編錄二漢前史已有成例桓玄傳宜
在宋典餘如爰議沈約自敘曰何承天始撰宋
書草立紀傳止於武帝功臣其所撰志惟天文
律曆自此外悉委山謙之謙之病亡蘇寶生續
造諸傳元嘉名臣皆其所撰大明中徐爰因何
蘇所述勒為一史起自義熙初迄大明末至於
臧質魯爽王僧達諸傳又皆孝武所造自永光
以來至於禪讓十餘年內缺而不續且事屬當
時多非實錄又立傳之方取捨乖衷垂之方來
難以取信唐志四十二卷愚按開元占經引爰
書元嘉十三年詔太史令錢樂之鑄渾天銅儀
十七年又被勅作小渾天一事今見沈約天文
志而州郡志所稱何志徐志甚多律曆志序曰
天文五行徐志肇義熙之元南齊書百官志引
何徐宋志州牧督軍起於魏武語太平御覽服
章部引志曰武弁世謂之龍冠也偏霸部載宋
武帝始末似屬武紀全篇少帝則僅節引數十
語人事部武帝登阼加顏延之金章紫綬 初學
記人事部劉元景少使弓馬夙以勇稱治道部申
恬拜殿中將軍禁省八載不休藝文類聚帝王
部符命部並引武帝符瑞生有神光北堂書鈔
帝王部引一世之雄句
宋書六十五卷齊冠軍錄事參軍孫殿撰
唐志五十八卷文選袁陽源做白馬篇詩注引

袁淑一事題作孫殿宋書初學記地部高祖平
關洛致鐘虞舊器南還一大鐘落水又漢中城
固縣漢水崩岸有銅鐘十二枚出自潛壤二事
並同選注作孫殿又高祖表沙門什法義於嵩
廟壇下得玉璧黃金宗炳結宇衡山欲懷向平
之志高祖北伐沈由子姚泓率衆奄至青泥關
又禮部袁淑願上封禪書太平御覽兵部柳元
景北討軍副柳元怙合戰人事部桓彥宗儻
不拘小節少帝烏喙嘶聲宗愨任氣好勇不為
鄉曲所知劉宣曉天文夢丸土服之徐湛之室
宇田園貴游莫及宋越父為蠻所殺越曰日於
市口刺之宗親部許照先諸父肇繫獄照先饋
餉七年已上共引十三事同隋志作孫殿
宋書一百卷梁尚書儀射沈約撰
沈約進書表稱紀傳合表志七十卷史通及唐
志並稱一百卷是此書自隋已改七十卷之舊
今存
齊書六十卷 梁吏部尚書蕭子顯撰
今本五十九卷
齊紀十卷 劉陟撰
新唐志作齊書十三卷舊唐志八卷史通外篇
曰齊梁二代置修史學士陳氏因循無所變革
若劉陟謝吳顧野王許善心之類是也
齊紀二十卷 沈約撰
梁書沈約傳約著齊紀二十卷曾鞏南齊書序
曰始江淹為十志沈約又為齊紀唐志入編年
類文選奏彈劉整注引約紀曰劉整宋吳興太
守兄子歷位持節都督交廣越三州也通鑑考

異昇明元年十二月沈攸之至夏口事謂約紀
誤又引桓崇擊魏大破之詔李安民往迎桓標
之衆魏使李道固至齊孔顛上言鑄錢張稷等
議立湘東共五事又黃蠻文勉德約紀作文施
德樊諸城作樊階城太平御覽學部引顧歡悲
讀蓼莪之篇榮茹部引韓靈敏與兄靈珍種瓜
事
齊史十三卷 梁江淹撰梁有今亡
南齊書檀超傳建元二年初置史官超與江淹
掌史職上表立條例開元紀號不取宋年封爵
各詳本傳無假年表立十志律曆禮樂天文五
行郊祀刑法藝文依班固朝會與服依蔡邕司
馬彪州郡依徐爰百官依范蔚宗合州郡班固
五星載天文日蝕載五行改日蝕入天文志以
建元為始帝女體自皇宗立傳以備甥舅之重
又立處士列女傳詔內外詳議王儉議金粟之
重八政所先食貨通則國富民實宜加編錄以
崇務本朝會志前史不書乃蔡邕一家之言宜
立食貨省朝會五行之本先乎水火之精是為
日月五行之宗也宜憲章前軌無所改革又立
帝女傳亦非所安若有高德異行自當載在列
女若止於常美則仍舊不書詔日月災隸天文
餘如儉議梁書江淹傳淹撰齊書十志史通外
篇曰齊史江淹受詔撰述以為史之所難無出
於志故先著十志以見其才
梁書四十九卷 梁中書令謝吳撰本一百卷
史通外篇曰梁書武帝時沈約與周興嗣鮑行
卿謝吳隋志作吳相承撰錄已有百篇值承聖淪

沒並從焚蕩唐志有謝昊姚察梁書三十四卷
吳與姚察合著恐唐志有誤通志藝文略訛謝
作林

梁史五十三卷陳領軍大著作郎許亨撰

陳史許亨撰梁史成者五十八卷 南史同

隋書許善心傳初善心父亨撰著梁史未就而

歿善心述成父志修續家書其序傳末述著作

之意曰先君昔在前代早懷著作梁書紀傳隨

事勒成及闕而未就者目錄注為一百八卷梁

室交喪所撰之書一時散亡有陳初建詔為史

官依舊目錄更加修撰且成百卷已有六帙五

十八卷上祕閣訖善心早嬰荼蓼弗荷薪構大

建之末頻抗表聞至德之初蒙授史任丞職郎

署兼撰陳書致此書延時未即成續禎明二年

以臺郎入聘值本邑淪覆一作流覆 家史舊書

在後焚蕩今止有六十八卷在 北史作止有六卷

獲存 又並缺失次自入京以來隨見補葺略

成七十卷四帝紀八卷后妃八卷 后妃次帝紀下

太子錄上序不言其名未知是紀是錄 三太子錄一卷

太子稱錄亦許氏之標新 為一帙十卷宗室王侯列

傳一帙十卷具臣列傳二帙二十卷外戚傳一

卷孝德傳一卷誠臣傳一卷文苑傳一卷 北史

二卷 儒林傳二卷逸民傳一卷數術傳一卷藩

臣傳一卷合一帙十卷止足傳一卷列女傳一

卷權倖傳一卷羯賊傳二卷逆臣傳二卷 逆臣

下北史有叛臣傳二卷 敍傳論述一卷合一帙十卷

凡稱史臣者皆先君所言下稱名案者並善心

補闕別為敍論一篇託於敍傳之末 北史善心傳

亦載此序

梁書帝紀七卷姚察撰

陳書姚察傳察所撰梁陳二史雖未畢功隋開

皇時遺虞世基索本具進上今在內殿梁陳二

史本多是察之所撰

通史四百八十卷梁武帝撰起三皇訖梁

梁書武帝紀帝造通史躬製贊序凡六百卷吳

均傳勅使撰通史均草本紀世家功已畢惟列

傳未就卒史通內篇曰梁武勅其羣臣上自太

初下終齊室撰成通史六百二十卷其書自秦

以上皆以史記為本而別採他說以廣異聞至

兩漢以還則全錄當時紀傳而上下通達臭味

相依又吳蜀二主皆入世家五胡及拓拔氏列

於夷狄傳大抵其體皆如史記其所為異者惟

無表而已又曰魏有中夏揚益不賓終亦受屈

中朝見稱僞主為史者必題之以紀則上通帝

王勝之以傳則下同臣妾梁武通史定為吳蜀

世家持彼僭君比諸列國去太去甚其得折衷

之規乎因習篇曰何法盛劉魏錄稱其議獄事

具刑法志依檢志內了無其說既而臧氏晉書

梁朝通史於大連之傳並有斯言志亦無文傳

仍虛述愚按後漢書禰衡傳注引通史志曰岑

牟鼓角士胃也史記五帝紀正義引通史曰瞽

瞍使舜滌廩舜告堯二女二女曰時其焚汝鵲

汝衣裳鳥工往舜既登廩得免去也舜穿井又

告二女二女曰去汝裳衣龍工往入井瞽瞍與

象下土實井舜從他井出也金樓子興王篇亦

載堯二女鳥工往龍工往語當即襲用通史唐

志一百七卷

後魏書一百三十卷後齊僕射魏收撰

今本一百十四卷

後魏書一百卷著作郎魏彥深撰

北齊書魏蘭根傳彥卿弟澹撰後魏書九十二

卷甚得史體隋書魏澹傳澹字彥深高祖以魏

收所撰書褒貶失實平繪為中興書事不倫序

詔澹別成魏史澹自道武下及恭帝為十二紀

七十八傳別為史論及例一卷并目錄合九十

二卷澹之義例與魏收多所不同其一曰諱皇

帝名書太子字其二曰昭成道武獻文三世稱

諡其三曰太武獻明並皆非命分明直書不敢

迴避其四曰諸國凡處華夏之地者皆書曰卒

其五曰紀傳之體出自尙書不學春秋澹又以

為邱明發揚聖旨言君子曰者無非甚泰其間

尋常直書而已今所撰史竊有慕焉可為勸戒

者論其得失其無損益者所不論也澹書甚簡

要大矯收繪之失史通內篇曰魏著作撰魏史

於諸帝篇或雜載臣下或直言他事全為傳體

有異紀文本注云如彥淵帝紀載沙苑之捷是

也外篇曰隋開皇勅魏澹與顏之推辛德源更

撰魏書矯正收失澹以西魏為真東魏為僞故

文恭列紀孝靜稱傳合紀傳論例總九十篇又

曰如彥淵之改魏收也以非易非彌見其失矣

彥淵唐澹諱作深 愚按今魏收書太宗紀宋人稱

此卷是魏澹史唐志一百七卷宋志僅存紀一

卷注曰本七卷本七卷語未詳澹帝紀十二卷

陳書三卷顧野王撰 不著錄

陳書三卷 傅統撰 不著錄

陸瓊傳瓊領大著作撰國史史通外篇曰陳史

初有吳郡顧野王北地傅縡各為撰史學士其
文武二帝紀即顧傳所修太建初中書郎陸瓊
續撰諸篇事傷頗雜唐志載顧傳書各三卷
周史十八卷 未成吏部尚書牛弘撰

史通浮詞篇曰心挾愛憎詞多出沒若魏收牛
弘是也又外篇曰宇文周史大統有祕書丞柳
虬兼領著作直辭正色事有可稱至隋開皇中
祕書監牛弘追撰周紀十有八篇略敘紀綱仍
皆抵牾又曰牛弘王劼並掌策書載齊言則淺
俗如彼載周言則文雅若此非兩邦有夷雅
之殊由二史有虛實之異也
齊書一百卷 王劼撰 不著錄

隋書王劼傳劼初撰齊誌為編年體二十卷復
為齊書紀傳一百卷或文辭鄙野或不軌不物
駭人視聽大為有識所嗤鄙据此則劼所著紀
傳名齊書編年名齊誌隋志闕載其齊書唐志
則正史古史兩類俱題齊志無言旁 自是重出
史通惟稱齊誌

隋經籍志考證卷二

會稽章宗源撰

古史 唐志作編年

紀年十二卷 汲冢書並竹書同異一卷
唐志十四卷 今存本二卷
漢紀三十卷 魏祕書監荀悅撰
今存

荀悅漢紀注三十卷 應劭等注 不著錄
見新唐志

漢紀音義三卷 崔浩撰 不著錄

見兩唐志

後漢紀三十卷 張璠撰

魏志三少帝紀注云張璠晉之令史撰後漢紀
雖似未成辭藻可觀史通內篇曰如張璠孫盛
干寶徐廣裴子野吳均何之元王劼等或謂之
春秋或謂之紀或謂之略或謂之典或謂之志
大抵皆依左傳以為的準焉又曰荀悅張璠邱
明之黨也世說注後漢書注俱引璠紀郡齋讀
書志曰東京史籍惟璠紀差詳唐志卷同
獻帝春秋十卷 袁暉撰

吳志陸瑁傳注云袁迪孫暉字思光作獻帝春
秋續漢五行志注引建安七年五色大鳥集魏
郡衆鳥數千隨之百官志注孫權以步騭行交
州刺史水經濁漳水注司空園鄴引漳水以注
之遂拔鄴文選西征賦注與平二年車駕東行
又與陳伯之書注引臧洪報袁紹書三國志注
後漢書注太平御覽共引數十事通鑑考異引
劉表上諸葛玄領豫章太守一句作袁暉獻帝

春秋

魏氏春秋二十卷 孫盛撰

晉書孫盛傳盛著魏氏春秋史通題目篇曰孫
盛有魏氏春秋孔衍有漢魏尚書陳壽王劼曰
志何之元劉璠曰典此又好奇厭俗習舊捐新
雖得稽古之宜未達從時之義模擬篇曰孫盛
魏晉二陽秋每書年首必云某年春帝正月夫
年既編帝紀而月又編帝名以此擬春秋所謂
貌同心異也魏志武紀注引劉備人傑也將生
憂寡人臣松之以為孫盛著書多用左氏以易
舊文後之學者將何取信且魏武方以天下勵
志而用夫差分死之言尤非其類又臧洪傳注
臣松之案酸棗之盟止有劉岱等五人而已魏
氏春秋橫內劉表等數人皆非事實陳泰傳注
臣松之案孫盛言諸所改易非別有異聞自以
意製多不如舊凡紀言之體當使若出其口辭
勝而違實固君子所不取況復不勝而徒長虛
妄哉愚按袁紹傳注引紹檄州郡文與文選後
漢書所載詞句互有不同宋書禮志載景初元
年有司奏以明帝為烈祖論通鑑亦取之太平
御覽皇親部明帝天姿秀出立髮委地數語乃
明帝紀論唐志作魏武春秋武字誤
魏紀十二卷 左將軍陰濬撰
魏志陳思王傳注引植銅雀臺賦題陰濬魏紀
愚按北堂書鈔設官部王隱晉書曰陰濬弱冠
州請為治中從事又今晉書張軌傳軌於永寧
初為涼州刺史以陰濬為股肱謀主隱逸傳索
襲不應州郡之命太守陰濬奇而造焉濬晉代

人故所撰史見引於裴松之兩唐志訛作隋魏澹通志藝文略同誤然隋志題左將軍官晉書亦未詳

漢魏春秋九卷 孔舒元撰

晉書孔衍傳衍字舒元新唐志雜史類有孔衍漢春秋十卷後漢春秋六卷舊唐志六卷外又有後

漢春秋十四卷 後魏春秋九卷漢書明帝紀注引帝時升廟立羣臣中庭北面皆再拜帝進爵而後坐太平御覽兵部大駕公卿奉引太僕執轡

大將軍陪乘光武東京郊祀法駕則河南尹奉引奉車都尉執轡侍中參乘二事並題漢春秋魏志武紀注天子命公得承制置諸侯守相詔

三少帝紀注詔王肅册命太傅為丞相上書辭讓又加九錫禮復辭不受楚王彪傳注賜彪璽書蜀志先主傳注劉琮乞降黃權傳注權答文

帝語劉璋傳注許負明雖亭侯文選三國名臣贊注魏帝討司馬昭北堂書鈔武功部孫權以妹妻先主御覽人事部許褚勇力絕人號曰癡

虎又龐涓母娥為父報讎飲食部明帝殯郭后如甄后共十一事題漢魏春秋孔衍或作演

晉紀四卷 陸機撰

唐志作陸機晉帝紀文心雕龍史傳篇曰晉代之書陸機肇始而未備史通內篇曰陸機晉書列紀三祖直敘其事竟不編年年既不編何紀

之有曲筆篇曰陸機晉史虛張拒葛之鋒又外篇曰晉史洛京時著作郎陸機始撰三祖紀太平御覽職官部人事部兵部並引武紀曰王濬

在巴郡夢懸四刀於壁上問主簿李毅毅賀曰

三刀為州而見四為益明府其臨益州乎後果為益州刺史藝文類聚軍器部鐵部北堂書鈔武功部皆引之 初學記帝王部云文帝勢崇乎三分而

身終乎北面雖曰未暇王業固已固矣四語及文紀論又文部云三祖實終為臣故書為臣之事不可不知傳此實錄之謂也而名同帝王故

自帝王之籍不可以不稱紀則追王之義數語題陸機限斷議

晉紀二十三卷 干寶撰 晉紀自宣帝訖於愍帝五十二年凡二十卷其書簡略直而能婉成稱良史文心雕龍史傳篇曰干寶述紀以審正得序孫盛陽秋以約舉為能史通內篇論二體曰晉史有王虞副以干紀又曰干寶著書盛譽邱明而深抑子長其義云能以三十卷之約囊括二百四十年之事靡有遺也又載言曰干寶

議撰晉史以為宜準邱明其臣下委曲仍為譜注又論贊篇曰必擇其善者干寶范蔚宗裴子野是其最也序例篇曰惟令升先覺遠述邱明重立凡例勒成晉紀鄧孫已下遂躡其蹤必定其臧否徵其善惡干寶蔚宗理切而多功鄧粲道鸞詞煩而寡要補注篇曰掇衆史之所長補前書之所闕若裴松之國志注陸澄劉昭兩漢書劉彤晉紀之類是也模擬篇曰春秋書他邦

皆顯其號至於魯國則云我而已干寶撰晉紀至天子既葬必云葬我某皇帝且無二君何我之有以此擬春秋所謂貌同心異也左傳曰邢遷如歸衛國忘亡言上下安堵不失舊物也如

孫皓暴虐晉師是討而干寶晉紀云吳國既滅江外忘亡豈江外被典午之善政同歸命之未滅乎以此擬左氏所謂貌同心異也君父見害義當略說不忍斥言左傳敘桓公遇害云彭生乘公薨於車如干寶敘愍帝歿於平陽而云晉人見者多哭賊懼帝崩以此擬左氏又所謂貌異心同也書事篇曰干寶之釋五志也體國經野之言則書之用兵征伐之權則書之忠臣烈士孝子貞婦之節則書之文誥專對之辭則書之才力技藝殊異則書之又外篇申左曰杜預

申以注釋干寶籍為師範 原注云事具于寶晉紀中愚按干寶論武帝革命及晉紀總論昭明列於文選房喬修晉書全取總論而微有刪節魏志三少帝紀注引成濟問賈充曰事急矣若之何曹爽傳注宣王謂蔣濟曰智囊往矣陳泰傳注文王謂曰元伯卿何以處我世說賢媛篇注王經正直不忠於我故誅之文選晉紀總論注諸葛誕貳於我皆其模擬左氏之辭 今晉書景紀曰

誅王經為其貳於我也高貴鄉公之弑通鑑從干寶而著於考異世說方正篇注亦引之選注所引有武紀惠紀懷紀愍紀惟北堂書鈔設官部傳咸兼司隸數日三奏免官一事題晉總記唐志編年類有干寶晉紀四十卷正史類又有干寶晉書二十二卷自是重出

干寶晉紀注六十卷劉協撰 不著錄

見唐志愚按梁書劉昭傳昭伯父彤集衆家晉書注干寶晉紀四十卷史通亦作劉彤太平御覽設官部引李允母喪拜金紫光祿大夫給吏

卒門施行馬一事題劉彤注唐志作劉協恐誤
晉紀十卷晉前將軍諱曹嘉之撰

魏志楚王彪傳注王隱晉書曰吏部郎中李重
啓東莞太守曹嘉無之字北堂書鈔設官部亦引此事
作曹嘉之良素修潔先代之後可以爲員外散

騎侍郎世說方正篇注引曹嘉之晉紀和嶠爲
中書令荀勗爲監嶠專車而坐事賞譽篇注劉
疇避亂塢壁吹笳而羣胡散去又蔡謨稱劉王
喬爲司徒美選文選思舊賦注嵇康刑於東市
顧日影彈琴顏延年五君詠注山濤舉阮咸爲

吏部郎三上武帝不能用阮嗣宗勸進表注劉
琨封印表畢對使者流涕遣之張華女史箴注
華懼后族之盛作女史箴初學記職官部荀勗
遷尚書令志曰奪我鳳凰池北堂書鈔天部諸

葛誕霹靂震柱讀書自若設官部詔荀勗守尚
書令藝文類聚職官部汝南史矚爲山濤所知
太平御覽職官部王戎再至司徒見者不知是
台司又羊暨爲刺史牛產憤及遷官遺之而去

人事部夏侯玄爲征西賈充送玄執手曰賈侯
共十一事並作曹嘉之唐志卷同

漢晉陽秋四十七卷說熙帝晉梁陽太守曹鑿撰

晉書曹鑿傳是時桓溫覬覦非望鑿齒著漢
晉春秋以裁正之起漢光武終晉愍帝於三國
之時蜀以宗室爲正魏武雖受漢禪晉尚爲篡
逆至文帝平蜀乃爲漢亡而晉始興焉引世祖
諱炎興而爲禪受明天心不可以智力強也凡
五十四卷唐志卷同晉書世說文學篇曰鑿齒史
才不常爲衡陽郡於病中作漢晉春秋品評卓

逸注引檀道鸞續晉陽秋曰鑿齒著漢晉春秋
斥桓溫覬覦之心也史通論贊篇曰孫安國都
無足採習鑿齒時有可觀稱謂篇曰習談漢主
則謂昭烈爲玄德原注云晉氏編目錄事皆謂蜀先主
爲昭烈皇帝至於論中語則呼爲玄德直書篇曰當宜

景開基曹馬搆紛或列營渭曲見屈武侯或發
仗雲臺取傷成濟陳壽王隱咸杜口而無言陸
機虞預各極毫而靡述至鑿齒乃申以死葛走
達之說抽戈犯蹕之言歷代厚誣一朝始雪考
斯人之書事蓋古之遺直歟探賸篇曰鑿齒以

魏爲僞國者蓋定邪正之途明順逆之理耳而
檀道鸞稱其當桓氏執政故撰此書欲以絕彼
瞻烏防茲逐鹿歷觀古之學士爲文諷上若豪
士作賦女史獻箴斯皆短篇小什可率爾而就
安有變三國之體統改五行之正朔勒成一史

傳諸千載而藉以權濟物議取誠當時求之人
情理不當爾恐按魏志三少帝紀注引成濟犯
蹕事臣松之以爲鑿齒書雖最後出然述此事
頗有次第惟高貴鄉公之葬松之以爲若但下
車數乘何以爲王禮葬乎斯蓋惡之過言不如

是之甚者蜀志諸葛亮傳注引亮圍祁山司馬
畏獨如虎太平御覽兵部同引之亮據武丈原至數
挑戰賊不復出與死諸葛走生仲達御覽人事部
亦引之皆鑿齒直筆先主傳注云先主雖頗沛

險難信義愈明二主妃子傳注云先主無權事
之逼而引前失以爲譬先主從之過矣二事皆
鑿齒論並稱先主而通鑑引頗沛險難數語則
稱玄德魏劉表傳注太祖征柳城劉備說表襲

許通鑑建安十三年劉備屯樊是其敘事亦稱
備名劉璋傳注曹操暫自矜伐天下三分君子
知曹操之不能遂兼天下藝文類聚祥瑞部青
龍三年曹叡崇華殿災太平御覽兵部曹芳謁
曹叡慕於大石山皆稱名至曹髦見威權日去
自討司馬昭世說方正篇賢媛篇注所引稱名
魏志注語同而於髦稱帝於昭稱文王此昔人
微引互有改易不盡鑿齒原本御覽人事部引
有削周魯通諸葛論通鑑未取春秋又作陽秋
晉避簡文太后諱也

晉紀十一卷說明帝晉荆州別駕鄧粲撰

晉書鄧粲傳粲以父竊有忠信言而世無知者
乃著元明紀十篇文心雕龍史傳篇曰按春秋
經傳舉例發凡自史漢以下莫有準的至鄧粲
晉紀始立條例又撮略漢魏憲章殷周雖湘州
曲學亦有心典謨及安國立例乃鄧氏之規焉
世說注引粲紀二十餘事任誕篇注劉伶裸袒
事今晉書不載太平御覽人事部演陽令羊嗣
貪而不治縣功曹吏共逐嗣以嗣饒鬚內羊闌
中始與太守尹虞手劍功曹原注尹虞字王卿
長沙人也此注未審撰人羊嗣事今晉書亦無
考又世說賞譽篇注咸和中貴游子弟慕王平
子謝幼輿爲達卞壺欲奏治之按咸和成帝年
號是粲所紀不止於於明帝御覽人事部張華
多鬚以帛纏之陸雲見之笑不能止華雲皆卒
於惠帝時元明紀中不宜載之唐志粲紀十一
卷外又有粲晉陽秋三十二卷舊唐志二十二卷
粲不聞撰晉陽秋當是誤增朱氏經義考踵唐志之

誤

晉陽秋三十二卷詔皇帝孫盛撰

晉書孫盛傳盛字安國著晉陽秋詞直而理正成稱良史既而桓溫見之怒謂盛子曰枋頭誠為失利何至乃如尊君所說若此書遂行自是關君門戶事其子請刪改之盛大怒諸子遂私改之盛寫兩定本寄於慕容儼太原中孝武帝博求異聞始於遼東得之以相考校多有不同書遂兩存錢宮詹考異曰枋頭之役在慕容暉時儼已先死久矣文心雕龍才略篇曰孫盛干寶文盛為

史準的所擬志乎典訓戶牖雖異而筆彩略同史通採撰篇曰安國之述陽秋梁益舊事訪諸故老夫以芻蕘鄙說列為竹帛正言而欲與五經方駕三志競爽斯亦難矣直書篇曰孫盛不平竊撰遼東之本愚按蜀志譙周傳注引桓溫平蜀薦譙秀表與文選同吳志孫皓傳注王濬收其圖籍戶口米穀二百八十萬斛舟船五千餘艘今晉書闕載米穀舟船世說方正篇注諸葛亮遺高祖巾幘欲以激怒冀獲曹咎之利史通浮詞篇止稱王隱讜言而不及孫盛自是所考未精水經河水注杜預造河橋於富平津元和郡縣志亦引之通典禮門傳玄議正朔服色依前代庾純奏父老不歸養二事並取晉陽秋論太平御覽皇王部懷帝天姿清劭少有聲名乃懷帝論明帝初在東宮敬禮賢士乃明帝論今晉書惟取懷帝論又玄石圖有牛繼馬後恭妃道小吏牛金而生元帝孫盛先有此言史通獨譏沈約誤也唐志二十二卷文選求為諸孫

置守冢表注引謝詢張俊事題晉陽春秋春字誤增初學記職官部引中興書稱盛著三國陽秋三國二字未詳

晉記二十三卷宋中散大夫劉謙之撰

宋書劉康祖傳康祖弟謙之好學撰晉紀二十卷世說政事篇注許柳從祖約為逆後以逆誅文學篇注謝安議簡文諡法方正篇注王敦欲廢明帝溫嶠正言賞譽篇注蕭掄有才學善三禮歷常侍國子博士次侈篇注王獻之性甚整峻不交非類言語篇注桓玄欲復虎賁中郎將劉簡之以秋興賦序對文選秋興賦注引同 文選干寶晉紀總論注應詹表曰元康以來以儒術清儉為羣俗以容放為夷達望白署空顯以台衡之量尋文謹案日以蘭薰之器北堂書鈔藝文部王恭每讀左氏傳至奉王命討不庭輟卷而歎設官部中書令王獻之卒以侍中王珣代之太平御覽飲食部王恭誅有昔食麥屑今食萱豆童謠共十事並引謙之晉紀唐志卷同

晉紀十卷宋吳興太守王韶之撰

宋書王韶之傳父偉之少有志尚當世詔命表奏輒自書寫泰元隆安時事小大悉撰錄之詔之因此私撰晉安帝陽秋既成時人謂宜居史職即除著作佐郎使續後事訖義熙九年善敘事辭論可觀為後代嘉史又云韶之為晉史序王珣貨殖王廙作亂文心雕龍史傳篇曰王韶之末而不終南史蕭韶傳曰昔王韶之為隆安紀十卷說晉末之亂史通雜述篇曰若王韶之安陸記此之謂偏記者也愚按世說注初學記

所引並題韶之晉安帝紀新舊唐志則稱韶之崇安記新志入雜史舊志入編年皆十卷今以初學記天部義熙二年彩虹出西方蔽月事合他書徵引大抵皆安帝事故題晉安帝紀義熙改元隆安唐志諱隆故作崇史通安陸當是隆安之訛世說德行篇注引孫恩反臨海太守辛昺斬首送之今晉書息傳作恩窮蹙赴海自沈此足考異藝文類聚人部司馬休之敗奔淮泗從者作歌太平御覽職官部李暹徵時為姜顯所陵獸部司馬休之加驩馬號揚武竹部司馬尚之將士多飢指笥曰且噉此足解三日香部王鎮惡亡郭宣之畫見來絃舊此四事又題續晉安帝紀驩馬一事吳淑事類賦獸部注亦引之題續書林晉安帝紀書林二字未詳

崇安記二卷周賦撰 不著錄

見兩唐志舊志入編年新志入雜史世說德行篇注楊廣弘農人楊震後也王恭祖濛風流標望父蘊亦得世譽文學篇注殷仲堪好學有理思桓玄善言理與仲堪終日談論不輟任誕篇注王廙叛劉牢之討廙廙敗排調篇注破冢洲名在華容縣尤梅篇注殷仲堪遣人齎寶物遺相王寵幸共七事並引周祇隆安記

續晉陽秋二十卷宋永嘉太守檀道鸞撰

南史檀超傳超叔父道鸞有文學撰續晉陽秋二十卷史通外篇雜說曰王檀著書是晉史之尤劣者方諸前史其陸賈褚先生之流歟道鸞不揆淺才好出奇語所謂欲益反損求妍更媿者矣又云劉遺民曹續皆於檀氏春秋有傳至

於今晉書則了無其名愚按道鸞編年書不宜
言有傳劉遺民即劉驎之今晉書列隱逸傳晉
書驎之傳字子驎世說任誕篇注太平御覽逸民部中與書
曰驎之一字遺民 史通誤也世說德行篇注陳仲
弓造荀淑太史奏德星聚事在炎漢而稱道鸞
晉史未詳其義開元占經所引則皆日蝕星移
之徵舊唐志注晉陽春秋注當作續春字誤
增新志作晉陽秋脫續字卷同

晉紀四十五卷宋中散大夫徐廣撰

晉書徐廣傳廣字行思勅成晉紀凡四十六卷
宋書廣傳義熙十二年晉紀成凡四十二卷唐
志四十五卷貞觀修書詔曰榮緒煩而寡要行
思勞而少功世說政事篇注王導阿衡三世數
語題徐廣歷記歷乃晉字之訛雅量篇注春元
二十年有蓬星如粉絮劉孝標謂秦元末惟有
此妖以證華林園杯勸長星之說爲不足信後
魏書載劉淵南移蒲子通鑑考異譏魏書夸誕
据水經河水注引廣紀固云劉淵自離石南移
蒲子温公失考初學記服食部建興元年京城
糧盡屑麴爲粥以供帝食一事題徐廣晉志太
平御覽飲食部引作紀

晉紀卷七裴松之撰 不著錄

宋書裴松之傳松之著有晉紀貞觀修書詔曰
干陸曹鄧略紀帝王鸞盛廣松纔編載紀其文
既野其事罕有北堂書鈔設官部江彪三爲選
官少有薦舉題松之晉紀

續晉紀五卷宋新興太守郭季產撰

舊唐志作郭秀彥晉續紀新志作季產

晉錄五卷不著錄

見唐志北堂書鈔設官部魯芝清約儉嗇上賜
絹三百匹袁與行誼優異可從九卿崇重楊泉
清操自然詔拜郎中魯芝素無華宅使軍兵作
屋五十間藝文類聚粟部咸寧中嘉瓜同蒂生
於成都白帖卷十六咸寧二年制改太保王祥
司空王基各賜絹五百匹共引晉錄六事無撰
名

宋略二十卷梁通直郎裴子野撰

梁書裴子野傳初子野曾祖松之宋元嘉中受
詔續何承天宋史未及成而卒子野常欲繼成
先業及齊永明末沈約所撰宋書既行子野更
刪撰爲宋略二十卷約見而歎曰吾弗逮也史
通論贊篇曰袁宏裴子野自顯姓名載文篇曰
歷選衆作求其穢累裴子野何之元抑其次也
構擬篇曰夫當時所記或未盡則先舉其次後
詳其末前後相會隔越取同若左氏成七年鄭
獲鍾儀獻晉九年晉歸鍾儀於楚求平是也至
裴子野宋略敘索虜臨江太子劭使力士排徐
湛江湛僞仆於是始與劭有隙其後三年有徐
江爲元凶所殺凡列姓名罕兼其字前後互舉
觀者自知如左傳上言羊斟則下曰臧前稱子
產則次是國僑是也至裴子野宋略上書桓玄
則下有敬道後敘殷鐵則先著景仁以此擬左
氏所謂貌異心同也左氏與論語敘人酬對非
煩辭積句但往復唯諾則連續而說去其對曰
問曰等字如裴子野宋略云李孝伯問張暢卿
何姓曰姓張張長史乎以此擬左氏論語又所

謂貌異心同也人物篇曰裴幾原子野字 刪略

宋史時稱簡要至如張禧陰受君命戕賊零陵
乃守道不移飲鴆而死雖古之鉅鹿何以加諸
鮑昭文學宗府馳名海內方於漢代褒朔之流
事皆闕如何以申其褒獎又外篇曰裴刪宋史
爲二十篇芟煩撮要實有其力而所錄文章頗
傷蕪穢如文帝除徐傳官詔顏延年元后哀册
文顏峻討二凶檄孝武擬李夫人賦裴松之上
注國志表孔熙先罪許曜詞凡此諸文是尤不
宜載者愚按通典選舉門引鴻臚卿裴子野論
是其論贊既自顯姓名並書官爵所言宋明帝
聰博好文史才思朗捷一篇文苑英華稱爲雕
蟲論又有總論究詳宋代始終至二千四百餘
言亦載於文苑英華其體蓋仿干寶晉紀總論
太平御覽樂部引先王作樂崇德以格神人論
與通典樂門所載同資治通鑑取子野論十一
事考異中亦多取宋略史通所譏不宜載之文
今逸篇中皆未之見唐志卷同

宋紀三十卷齊竟陵王司徒參軍王智深撰 不著錄

南齊書文學傳世祖勅王智深撰宋紀智深以
貧告於豫章王曰須卿書成當相論以祿書
成三十卷世祖召見令拜表奏上表未奏而世
祖崩隆昌元年勅索其書初智深爲司徒袁粲
所接及撰宋紀意常依依粲幼孤祖母名其爲
愍孫後慕荀粲自改名會稽賀喬讓之智深於
是著論愚按水經泗水注劉義恭遺楮元敬覘
候魏軍汝水注汝南太守周於起義於懸瓠初
學記人部詔徵士周勳立學於東陵又宋明帝

姿貌與珪璧等質孔淳之與釋法崇為得意之交居處部氏人楊難當居仇池器物部劉彥範舉兵潛作艦艦寶器部江湛舉汪微為吏部郎不受太平御覽禮儀部齊宣帝墳塋有雲氣服章部明帝用冕服詔兵部孝武使沈攸之伐劉誕龍驤將軍卜天生推車塞塹人事部高祖召謝景仁須至乃殮共引智深宋紀十二事

宋春秋二十卷梁吳與令王瑛撰

初學記器物部明帝性多忌諱亦惡白字古來名文有白字輒加改易太平御覽兵部龍驤將軍陳伯紹討劉思道會紹髻解兜鍪墜退走見禽木部義熙八年太社櫺樹生於壇側此三事並引王瑛宋春秋唐志卷同

宋春秋二十卷鮑衡編撰 不著錄

見唐志

齊春秋三十卷梁奉朝請吳均撰

梁書吳均傳均表求撰齊春秋書成三十卷奏之高祖以其書不實使劉之遴詰問數條竟支離無對勅付省焚之史通外篇曰梁時奉朝請吳均請撰齊史乞給起居注並羣臣行狀有詔齊氏故事布在流俗聞見既多可自搜訪也均遂撰齊春秋三十篇其書稱梁帝為齊明佐命帝惡其實詔燔之然其私本竟能與蕭氏所撰並傳於後又編次篇曰春秋嗣子諒闇未逾年而廢者既不成君故不別加篇目而吳均齊春秋乃以鬱林為紀事不師古何滋章之甚歟故事篇曰魏收代史稱劉氏納貢則曰來獻百牢吳均齊錄敘元日臨軒必云朝會萬國夫以吳

徵魯賦禹計塗山持彼往事用為今說置於文章則可施於簡冊則否矣模擬篇曰春秋三傳各釋經義如公羊傳屢云何以書記其事也此則先引經語繼以釋辭非史體也如吳均齊春秋每書災變亦曰何以書記異也夫事無他議言從己出輒自問而自答豈敘事之理邪以此擬公羊所謂貌同心異也初學記引宜都王鏗屏風壓背言談不輟一事北堂書鈔設官部引柳世隆門三台不絕一事文選注十二事太平御覽二十四事唐志卷同

齊典五卷王瑛撰

唐志四卷入儀注類

齊典十卷

隋志無撰人名思按南齊書檀超傳時豫章熊襄著齊典上起十代其序云尚書堯典謂之虞書則附所述故通謂之齊名為河洛金匱未知隋志所載即襄所撰否 唐志雜史類有熊襄十代記十卷

三十國春秋三十一卷梁湘東世子蕭方等撰

梁書忠壯世子方等傳方等撰三十國春秋史通稱謂篇曰蕭方等存三十國名諡僭帝者皆稱之以王變通其理事在合宜小道可觀見於蕭氏矣模擬篇曰左傳楚武王欲伐隨熊率且比曰季梁在何益至蕭方等三十國春秋說朝廷聞慕容雋死曰中原可圖矣桓温曰慕容恪在其憂方大以此擬左氏所謂貌異心同也外篇雜說曰劉敬叔異苑稱晉武庫失火高祖斬蛇劍穿屋而飛其言不經故梁武帝令殷芸編

諸小說及蕭方等撰三十國春秋乃刊為正言郡齋讀書附志杜延業云方等探削羣史以晉為主附列二十九國思按太平御覽時序部燕王慕容熙后苻氏季夏思凍魚膾兵部蜀王李雄攻譙登於涪城又秦王堅下書曰朕將巡狩會稽又夏王勃勃自號真興元年又吳王皓使劉恪守牛渚人事部秦王苻堅懸珠簾以朝羣臣其稱謂可與史通相證若慕容垂遣其子寶伐魏戰於參合陂姚襄至滎陽與李歷戰於麻田石勒遣石虎率精騎掩李矩 三事皆見御覽兵部此皆直稱其名乃徵引所削非方等原本故通鑑問疑亦曰今欲將諸國偏據者皆依三十國春秋書為某主也初學記文部王隱始成晉書家貧無紙遂南投陶侃於荊州又江州投庾亮書始就焉今晉書隱逸傳闕載其投陶侃居處部張華望氣見氣起斗牛間雷孔章曰其寶劍乎其語與武庫火劍穿屋相類新唐志入偽史類方等名誤削等字隋志刊本又或誤作萬等宋志編年籍史兩類重出

戰國春秋二十卷 字誤撰

北齊書李公緒傳公緒弟傑字季節撰戰國春秋思按元和姓纂曰木端木之後避仇改為木氏有木槩著戰國策春秋策字誤增通志同誤 見七錄通志氏族略依姓纂稱為木氏然他書皆稱季季節廣韻序有季季節音諸兩唐志並作李槩新志列偽史類

梁典三十卷 劉瑤撰

周書劉瑤傳瑤著梁典三十卷子祥字休徵以

字行璠所撰梁典未及刊定卒臨終謂休徵曰能成我志其此書乎休徵治定繕寫勒成一家行於世北史璠等傳論曰梁氏据有江東五十餘載挾策紀事蓋亦多人劉璠學思通博有著述之譽雖傳信疑頗有詳略而屬辭比事為一家之言通典邊防門注引劉璠梁典云滑國姓嘑噠後裔以姓為國號轉訛又謂之挹怛焉太平御覽兵部引韋叡將兵仁愛被服必於儒者人事部周捨舉徐摛為晉安王侍讀宗親部張充少不尚細行一朝易操鬱為名士三事皆題劉璠梁典文選注引二十八事唐志卷同

梁典三十卷陳始興王諮議何之元撰

陳書何之元傳之元以為梁氏肇自武皇終於敬帝其盛衰之跡足以垂鑒戒定褒貶究其始終起齊永元元年迄於王琳遇獲七十五年行事草創為三十卷號曰梁典其序曰案三皇之簡為三墳五帝之策為五典此典義所由矣至乃尚書述唐帝為堯典虞帝為舜典斯又經文明据若夫馬史班漢述帝稱紀自茲厥後因相祖習惟何法盛晉書變帝紀為帝典既云師古在理為優故今之所作稱為梁典梁有天下自中大同以前區寓寧晏太清以後寇盜交侵首尾而言未為盡美故開此一書分為六意以前祖創基因乎齊末尋宗討本起自永元今以前如干卷為追述高祖生自布衣長於弊俗爰逮君臨宏載政術四紀之內實云殷阜今以如干卷為太平世不常夷時無恆治今以如干卷為絳亂高祖晏駕太宗幽辱撥亂反正厥庸斯在

今以如干卷為世祖至於四海困窮五德升替敬皇紹立仍以禪陳今以如干卷為敬帝驃騎王琳崇立後嗣雖不達天命然是其忠節今以

如干卷為後嗣主至在太宗雖加美諡而太寶之號世所不遵蓋以拘於賊景故也承聖繼曆自接太清神筆詔書豈宜輒改詳之後論蓋有理焉夫事有終始人有業行本末之間資詳悉又編年而舉其歲次者蓋以分明而易尋也若夫獫狁孔熾鯁我中原始自一君終為二主事有相涉言成混漫今以未分之前為北魏既分之後高氏所輔為東魏宇文所挾為西魏所以相分別也重以蓋彰殊體繁省異文其間損益頗有凡例南史何之元傳所載序言甚略 史通雜說注曰何之元梁典稱議納侯景高祖曰文叔得尹遵之降而魄囂滅安世用羊祜之言而孫皓平夫漢晉之君事殊僭盜梁主必不捨其諡號呼以字名此由須對語儻詞故也愚按文選宣德皇后令注高祖起家齊巴陵王法曹百僚勸進今上賤注高祖本蘭陵郡縣中都里人也石闕銘注齊明遣詔授高祖雍州刺史永元二年高祖擁南康王寶融以主號令三年義旗發自襄陽以西檄京師此皆追述篇之語太平御覽人事部引劉訐與阮籍李緒築室鍾阜之旁共聽內義鑽尋經典一事地部宗親部樂部亦引梁典四事而脫去撰名未知為劉為何文苑英華載何之元高祖事論一篇文近二千言目錄稱為高祖革命論唐志卷同

梁典二十九卷謝景撰 不著錄

見新唐志

梁撮要三十卷陳征南諮議陰僧仁撰

唐志入雜史類

梁後略十卷姚最撰

周書儒林傳姚最撰梁後略十卷唐志作梁昭後略史通題目篇曰魚豢姚察著魏梁二史巨細畢載蕪累甚多而俱榜之以略姚察當作姚最又外篇曰若姚最梁昭後略此之謂偏記又曰姚最梁後略稱高祖曰得既在我失亦在予不及子孫知復何恨夫變我稱予互文成句求諸人語理必不然此由避平頭上尾故也太平御覽兵部陸納襲巴陵乘水攻城驃騎方食甘蔗會無遽色又太寶元年與西魏結盟送質相約為兄弟之親又河東王譽禦蕭方等兵方等溺於江中又自上長沙寺移住天居寺北兵射書城內又褚羅率其下五百人乘大艦水戰人事部賀革因江革言夢湘東王必當璧遂往荆州共引梁後略七事又兵部君子曰普通之末邊疆告警寇虜烽燧擊柝相聞皇上乃運籌帷中邁曹王之遠略決勝千里超光武之懸謀故能師不疲勞獻捷相繼此乃姚最論贊

梁太清紀十卷梁長沙藩王蕭詧撰

南史蕭詧傳詧初封上甲縣都鄉侯太清初為舍人城陷奉詔西奔及至江陵人士多往尋覓令詧說城內事詧不能人人為說乃疏為一卷客問者便示之湘東王聞而取看謂曰昔王詔之為隆安記十卷說晉末之亂離今之蕭詧亦可為太清紀十卷矣詔乃更為太清紀其諸議

論多謝吳爲之詔既承旨撰著多非實錄湘東王德之史通雜說注曰王褒庾信等事多見於蕭韶太清紀蕭大圓淮海亂離志裴政太清實錄杜臺卿齊記而令狐德棻了不兼採蓋以其中有鄙言故致遺略通鑑考異多引太清記太平御覽宗親部引劉孝儀諸妹文采豔質甚於神人三句唐志卷同宋志入傳記類

淮海亂離志四卷蕭世怡撰梁末侯景之亂

周書蕭世怡傳不載其著書惟蕭圓肅傳北史

蕭圓肅傳同 稱圓肅撰淮海亂離志四卷新唐志

同四卷入雜史類而題名蕭大圓劉知幾史通同

然大圓本傳亦不載通志校讎略曰海宇亂離

志唐志類於雜史是隋志類於編年非舊唐志

入編年亦作淮海惟通志作海宇

齊紀三十卷紀後齊事崔子發撰

史通外篇曰高齊史自武平後史官陽休之杜

臺卿祖崇儒崔子發等相繼注記逮於齊滅文

苑英華蕭穎士贈章司業書曰僕南邊士族有

梁支孫隋代山陰第十一第常侍君才標清俊

見崔子發齊紀通鑑隋高祖曰朕近覽齊書胡

三省晉注曰是時李百藥所撰齊書未出帝所

覽者乃崔子發齊紀也

齊紀二十卷杜臺卿撰 不著錄

北史杜臺卿傳臺卿著齊紀二十卷隋書臺卿傳

同史通敘事篇曰齊邱之續彰於載識原注云

臺卿齊紀載識云首牛入西谷逆續上齊邱也

唐志編年類有北齊紀二十卷無撰名列於王

劭志前當即臺卿之書脫載其名

齊志十卷後齊事王劭撰

北史王劭傳劭字君懋撰齊志爲編年體二十

卷唐志十七卷史通論贊篇曰王劭意在簡直

言兼鄙野題目篇曰王劭曰志載文篇曰劭撰

齊隋二史其所取也文皆詣實理多可信至於

悠悠飾詞皆不之取補注篇曰有躬爲史臣手

自刊補雖志存該博而才闕倫敘除煩則意有

所悛畢載則言有所妨遂乃定彼棊格列爲子

注若蕭大圓淮海亂離志羊銜之洛陽伽藍記

宋孝王關東風俗傳王邵齊志之類是也又云

若蕭羊之鎖雜王宋之鄙碎言殊鍊金事同雞

肋言語篇曰惟王宋著書敘元高時事統詞直

筆務存直道方言世語由此畢彰敘事篇曰近

有裴子野宋略王邵齊志並長於敘事無愧古

人而世人譏者皆雷同譽裴共詆王氏夫江左

事雅裴筆所以專工中原跡穢王文由其屢鄙

且幾原務飾虛詞君懋志存實錄此美惡所以

爲異也曲筆篇曰王邵抗辭不撓可以方駕古

人模擬篇曰左傳稱叔軛聞日蝕而哭昭子曰

叔其將死乎秋八月叔軛卒至王邵齊志稱張

伯德夢山上挂絲占者曰其爲幽州乎秋七月

拜爲幽州刺史以此擬左氏所謂貌異心同也

邱明敘晉敗於邲先濟者賞而云上軍下軍爭

舟舟中之指可掬夫不言攀舟亂以刀斷指而

但曰舟指可掬則讀者自觀其事矣至王邵齊

志述高季式破敵於韓陵追奔逐北而云夜半

方歸槩血滿袖夫不言奮槩深入擊刺甚多而

但稱槩血滿袖則聞者亦知其義以此擬左氏

又所謂貌異心同也又外篇曰隋王邵李德林

並少仕鄴中多識故事王乃憑述起居注廣以

異聞造編年書號曰齊志十有六卷原其序云二

十卷今注世傳者惟十六卷又雜說曰王邵國史至

於論戰爭述紛擾買其餘勇彌見所長至如敘

文宣逼孝靖以受魏禪二王殺楊燕以廢乾明

雖左氏載季氏逐昭公秦伯納重耳欒益起於

曲沃楚靈敗於乾谿殆可連類也又敘高祖破

宇文於邙山周武自晉陽而平鄴雖左氏書城

濮之役鄆陵之戰不是過也或問曰王邵齊志

多記當時鄙言是乎非乎對曰古往今來名目

各異區分壤隔稱謂不同如今之所謂者若中

州名漢關右稱羌易臣以奴呼母云姊主上有

大家之號師人致兒郎之說凡如此例其流甚

多必尋其本源莫詳所出閱諸齊志則了然可

知由斯而言邵之所錄宏益多矣又曰如梁武

居江陵齊宜在晉陽或文出荊州假言宣德之

令或書成并部虛云孝靜之勅凡此文誥本不

施行必載之起居編之國史豈所謂撮其機要

剪裁浮詞者哉二蕭陳隋諸史通多此失惟王

邵齊志獨無是焉又曰如王邵宋孝王之徒喜

論人帷薄不修言貌鄙事許以爲直吾無取焉

忤時篇曰王邵直書見讐貴族劭惟史通從邑他

多從力困學紀聞謂王劭直書二語据唐文粹

劭當作韶然以曲筆篇稱劭爲抗辭不撓正與

直書見讐相類則亦不得謂作劭者誤

隋經籍志考證卷三

會稽章宗源撰

周書十卷汲冢書似仲尼刪書之餘

逸周書稱汲冢書其誤始於隋志今存

古文瓊語四卷汲冢書

晉書東晉傳汲郡人得竹書其瓊語十一篇諸國卜夢妖怪相書也史通內篇曰汲冢瓊語記太丁時事目爲夏殷春秋又云瓊語有晉春秋記獻公十七年事水經澮水注晉平公夢赤熊闕扉而病御覽獸部引之尤詳 藝文類聚后妃部周宣王晏起姜后脫簪珥待罪人部師曠鼓瑟知齊侯戲而傷臂菓部邢史子臣自知死期並吳亡末景之薨北堂書鈔后妃部政術部楚矢箕服是喪王國太平御覽皇王部宣王元妃生子不恆其月而生人事部齊景伐宋夢見盤庚又夢見伊尹遂不果伐刑法部晉治氏女徒夢乘水如河汾三馬當舞服章部范獻子卜獵遺其豹冠獸部周太子宜曰叱虎弭耳而服羽族部有鳥飛從西方來白質五色皆備集平公之庭共引瓊語十三事唐志卷同

春秋時國語十卷孔衍撰 不著錄

見新唐志

春秋後國語十卷孔衍撰 不著錄

見新唐志史通內篇曰孔衍以戰國策所書未爲盡善乃引太史公所記參其異同刪彼二家聚爲一錄號爲春秋後語除二周及宋衛中山其所留者七國秦齊燕楚三晉而已始自秦孝公終於楚漢之際比於春秋亦盡二百三十餘年

行事始衍撰春秋時國語復撰春秋後語勒成

二書各爲十卷今行於世者惟後語存焉其書

序云雖左氏莫能加世人皆尤其不量力不度

德尋衍之此義自比於邱明者謂國語非春秋

傳也必方以類聚豈多嗟乎愚按元和郡縣志

河東道引春秋後語智伯決水灌晉陽城中懸

釜而炊初學記政理部秦穆公將兄三人囚於

內宮州郡部董安子之治晉陽公宮之垣皆以

荻蒿御覽州郡部百濟部漢李記河東道引之尤詳白帖

卷十田嬰嬖妾五月五日生子文卷十四秦師

臨周以求九鼎顏率請救於齊皆記戰國時事

秦穆公當是秦襄王之訛他書徵引亦無一語涉及

劉項史記索隱燕系家鹿毛壽作屠毛壽魏系

家中尉馮榮作伏榮田敬仲系家大弦濁以溫

作以春蘇秦列傳合轉作合相滑稽列傳冠纓

索絕作盡絕太平御覽州郡部蘇秦說魏襄王

曰西有長蛇之城原注曰史記作長城之地學部蘇

秦夜發書得周書陰符 原注戰國策云得太公陰符

之謀木部夫樹楊橫之則生折而樹之又生原

注戰國策云夫楊橫樹之亦生則樹之亦生說不同故存之

也此其字句可考國策史記之異御覽共引六

十餘事其注文既微同異復釋詞義如州郡部

般般鞫鞫注車馬聲也鞫火龍切服章部魏太

子擊逢田子方於朝歌注朝歌紂之所都今衛

州地疾病部君有疾在腠理注腠理皮膚也珍

寶部醮而出不意注醮謂祭盟誓之類也未知

此注爲衍本注抑李昉等所增說文繫傳引牽

受推鞠儀不如秦二語通鑑外紀亦引此書宋

志入別史類

春秋前傳十卷何承天撰

唐志同

春秋前雜傳九卷何承天撰

唐志作春秋前傳雜語十卷

春秋後傳三十一卷晉著作郎樂資撰

史通內篇曰晉著作郎魯國樂資追採左傳太

史公書二史撰爲春秋後傳其書始以周貞王

續前傳魯哀公後至赧王入秦又以秦文王之

繼周終於二世之滅合成三十卷唐志同 水經

渭水注後漢書襄楷傳注並引秦使者鄭容見

華山君使託以一牘致高池君事史記田敬仲

世家索隱田午弑田侯及其孺子喜而兼齊是

爲桓侯初學記天部魏唐睢對秦王曰專諸之

刺王僚彗星襲月地部赧王三十八年秦始作

浮橋於河又趙襄子游於圃至於梁馬卻不肯

進青筭進視梁下豫讓卻寢太平御覽地部作

宮阿旁故天下謂之阿旁宮兵部魏武厲衆五

年秦師臨西河魏士不待介冑擊殺秦人數萬

又魯仲連曰齊閔王將之魯夷維子執策而從

人事部梁相張儀齊楚攻梁雍沮說齊楚解兵

又魏嘉問春申君願以射譬共引春秋後傳十

事宋氏經義考引秦穆公囚兄三人及張孟談謂趙襄子語

地誤以孔衍後語入後傳

戰國策二十一卷高誘撰注

今本三十三卷

戰國策論一卷漢京兆尹延篤撰

史記索隱高祖紀商君告歸告歸今之歸寧也

魯鄒列傳富比陶衛陶陶朱公衛衛公子荆何
 奴傳胡革帶鉤也文選求立太宰碑注爲王先
 用填黃泉爲王作蔣以御螻蟻曹公與孫權書
 注尸雞中主也從牛子也 史記索隱蘇秦列傳亦引
 之檄吳將校部曲注係緝獸糾也阮籍詠懷詩
 注因是已復有是也茹谿谿流所沃者美好也
 並引延篤戰國策注顏氏家訓書證篇引雞尸
 牛從謂雞口牛後俗寫之誤題稱延篤戰國策
 音義唐志作論卷同

楚漢春秋九卷 陸賈撰

後漢書班彪傳漢興大中天陸賈記錄時功
 作楚漢春秋九篇文心雕龍史傳篇曰漢滅嬴
 項武功積年陸賈稽古作楚漢春秋史通內篇
 曰晏子虞卿呂氏陸賈其書篇第本無年月而
 亦謂之春秋又曰呂陸二氏乃子書雜記而皆
 號曰春秋又外篇曰劉氏初與書惟陸賈而已
 子長述楚漢之事專據此書譬夫行不由徑出
 不由戶未之聞也然觀遷之所載往往與舊不
 同如酈生之初謁沛公高祖之長歌鴻鵠非惟
 文句有別遂乃事理皆殊又韓王名信都而輒
 去都留信用使稱其姓名全與淮陰不別史記
 序索隱云楚漢春秋陸賈撰記項氏與漢高祖
 及說惠文間事又云高祖功臣侯者年表楚漢
 春秋與史記漢書不同者陸賈記事高祖惠帝
 時漢書是後定功臣等列及陳平受呂后命而
 定或已改邑號故人名亦別愚按水經渭水注
 項王在鴻門亞父曰吾使人望沛公其氣衝天
 五色采相謬或似龍或似雲非人臣之氣可誅

之藝文類聚地部沛公遣將軍閉函谷關亞父
 至關不得入怒曰沛公欲反耶即令家發薪一
 束燒燒關門關門乃開史記劉敬叔孫通傳索
 隱蕭何云臣三諫不從請以身當之撫劍將自
 殺上離席云吾定計不易太子太平御覽兵部
 人事部上過陳留酈生求見使者入通公方洗
 足問何如人曰狀類大儒上曰吾方以天下爲
 事未暇見大儒也使者出告酈生瞋目按劍曰
 入言高陽酒徒非儒者也又兵部高祖向咸陽
 南趣宛匿其旌旗人銜枚馬東口龍舉而翼奮
 雞未鳴圍宛城三匝宛城降史記高祖紀索隱語較
 略人事部薛人丁固追上上被髮願曰丁公何
 相急之甚乃罵而去上即位欲陳功上曰使項
 王失天下是子也爲人臣兩心非忠也下吏管
 之又曰項梁陰養士最高者多力拔樹以擊地
 又云淮陰武王反上自擊之張良居守上體不
 安臥輜車中行三四里留侯走東追上簪墮被
 髮及輜車排戶曰陛下即棄天下欲以王葬乎
 以布衣葬乎罵曰若翁天子也何故以王及布
 衣葬乎良曰淮南反於東淮陰害於西恐陛下
 倚溝壑而終也刑法部正疆數言事而當上使
 參乘解玉劍以佩之天下定以爲守有告之者
 上曰天下方急汝何在曰亡上曰正疆沐浴霜
 露與我從事而汝亡告之何也下廷尉劓服章
 部北郭先生獻帶於淮陰侯曰牛爲人任用力
 盡猶不置其革資產部項梁陰養十九人參
 木者所與計謀者也木佯疾於室中鑄大錢以
 具甲兵此十一事並引楚漢春秋多班馬所不

載亞父酈生丁公事詞義相殊困學紀聞所引
 四事項羽美人和歌見史記羽紀正義高祖封
 侯賜丹書鐵券詞見御覽治道部東陽侯諫呂
 太后爲惠帝高墳見藝文類聚人部 御覽人事部
 同下蔡亭長冒淮南王見文選五等論注惟史
 通所稱高祖鴻鵠歌未見徵引漢書注引韓申
 都作信都 高祖高侯文功臣表注史記韓彭傳索隱曰楚
 漢春秋韓王信都恐謬也諸書不言有韓信都擊項籍孔
 將軍居左同上表注 高祖之臣別有絳灌禮樂志
 注陳平傳注舍人謝公得罪韓信韓彭列傳注史記索
 隱引晉灼言亦同 齊人田生字子春荆燕吳傳注丁
 公薛人名固季布傳注 鮑生鮑姓也張良傳注史記
 集解索隱並同 封縵爲憑城侯周縵傳注 叔孫通名
 何叔孫通傳注史記索隱同會稽假守通姓殷項籍傳
 注史記集解同 史記索隱樊噲請殺秦王 高祖紀解
 先生云遣守函谷無內項王同上 項燕爲王翦
 所殺項羽本紀定侯王吸作清陽侯王隆陽陵景
 侯作陰陵漢興諸侯王表 南宮侯張耳 高祖功臣表
 高祖封許負爲鳴雌亭侯絳侯周勃乘家 幾是乎
 作豈是乎 蘇布傳 南昌亭長作新昌亭長淮陰侯
 傳 箕山作阜山同上 蒯成侯作憑成侯傳 斬成
 列傳吳太子名賢字德明吳王濞傳 又韓生說項
 王居關中裴駟集解案楚漢春秋云說者是蔡
 生皆足考異文選移書讓太常博士注引云漢
 定天下論羣臣破敵禽將活死不衰絳灌樊噲
 是也功成名立臣爲爪牙百世無邪世世相屬
 絳侯周勃是也此可作漢書注高祖臣別有絳
 灌之證唐志卷同

漢語卷亡後漢荀爽撰 不著錄

後漢書荀爽傳爽集漢事成敗可為鑒戒者謂之漢語史記文帝遺詔臨者無踐裴駟注晉灼曰漢語作跌索隱曰漢語書名荀爽所作漢書昭帝紀注外人字少君宣帝紀注馮般字子都霍光傳注光嫡妻東閭氏生上官安夫人昭后之母又云東閭氏亡霍光妻顯以婢代立素與馮般姦也四事皆晉灼引漢語

古今注八卷伏無忌撰

後漢書伏馮傳子無忌自採集古今刪著事要號曰伏侯注章懷注云其書上自黃帝下盡漢質帝為八卷見行於今愚按劉昭續漢志注多引伏侯古今注禮儀志載光武明章和鳩安順沖質諸帝山陵祭祀志載後漢災異郡國志載戶口墾田之數亦自光武訖質帝又記後漢官制數事前代採集惟引武帝元封六年五月早女及巫丈夫不入市禮儀志注天漢四年令諸侯王大國朱輪畫特虎居前左咒右麋小國朱輪畫特熊居前寢廩居左右輿服志注二事皆記西漢太平御覽各徵部引漢武帝元朔四年兩土昭帝始元二年兩土畫昏元帝建昭四年兩土三事後漢書注引光武諸帝諱秀之字曰茂莊之字曰嚴烜之字曰著隆之字曰盛祐之字曰福保之字曰守炳之字曰明續之字曰繼志之字曰意宏之字曰大協之字曰合至章帝肇之字曰始音兆臣賢按許慎說文肇音大可反上諱也伏侯許慎並漢時人而上諱不同蓋應別有所據初學記服食部鳥部曾參鋤瓜有

三足鳥來萃其冠御覽器物部同 後漢蔡邕傳注黃帝與蚩尤戰於涿鹿之野常有五色雲氣金芝玉葉因而作華蓋此則遠稽上古故有古今注名唐志三卷入子部雜家

越絕記十六卷子貢撰
今存十五卷四庫目錄曰漢袁康撰其友吳平同定舊稱子貢作誤

吳越春秋十二卷趙擘撰
今存十卷

吳越春秋削繁五卷楊方撰
晉書楊方傳方更撰吳越春秋唐志五卷

吳越春秋十卷皇甫遵撰
唐志作吳越春秋傳崇文總目曰遵合趙擘楊方二家之書考定而注之宋志入別史類

吳越記六卷
無撰名唐志同

南越志八卷沈氏撰

宋書沈懷文傳懷文弟懷遠撰南越志玉海引中興書目曰沈懷遠載三代至晉南越疆域事跡唐志五卷入地理類愚按水經浪水注文選西京賦吳都賦注所引南越志如鰓魚鵝鵠潛牛江豚瓊瑤石蚌蜺蠙珠鼈諸類多記異物太平御覽羽族部鱗介部木部竹部菜茹部百卉部所引亦同若地部州郡部及太平寰宇記則惟徵引疆域事跡其言趙佗朝臺始皇鑿馬鞍山吳衡毅拒步騭於高安峽毅投水死晉陸允開菖蒲澗孫權鑿趙佗及佗子嬰齊墓馬援鑄銅船於朱葛水此類皆足與正史相證又寰宇

記嶺南道引有續南越志言唐天后時增城縣何氏女服雲母粉得道於羅浮山一事乃唐人續撰

漢靈獻二帝紀三卷漢侍中劉艾撰殘缺梁有六卷

唐志六卷入編年類魏志董卓傳注引靈帝紀中平五年徵卓為少府卓上書辭六年以卓為并州牧卓再違詔勅范史為少府亦在六年與艾紀異張楊傳注引西園置八校尉與山陽公載記相合蜀志劉焉傳注吳志孫堅傳注各引靈帝紀一事後漢書靈紀注巴郡張修為五斗米師中牟令落皓主簿潘業臨陣被害洛陽上西門外劉蒼生男兩頭共身三事並稱劉艾紀以靈紀注中所引故省靈帝二字魏志武紀注引獻帝紀建安元年又領司隸校尉董卓傳注載卓謀立陳留王欲稱尚父數事其言楊彪議天子不宜浮河東下劉艾亦謂臣前為陝令知其危險是艾之自紀也賈翊傳注引李惟郭汜事與後漢獻紀注董卓傳注所引互有詳略文選登孫權故城詩注引太史丞許芝奏當塗高代漢一事

獻帝傳卷亡 不著錄

魏志武紀注引建安二十一年詔詞延安元年禪代衆儀文紀注秦朗父宜祿明紀注青龍二年山陽公薨袁紹傳注沮授為紹所辟授說紹迎天子諫紹攻許數事續漢禮儀志注與平元年正月帝加元服水經渭水注董卓發卒築郿塢後漢書董卓傳注馬平取羌女生騰藝文類聚服飾部尚書令王允與大史令王立日為帝

誦孝經並引獻帝傳無撰人名惟初學記鳥部引興平元年益州蠻夷獻嬰鵬詔付安西將軍楊定令歸本土一事題劉艾漢帝傳愚按漢志有高祖傳孝文傳艾既為獻作紀又更為傳其名蓋仿於此太平御覽車部引獻帝傳董卓以地動問蔡邕邕言公乘青蓋車遠近以為非宜與魏志注所引獻帝紀同

山陽公載記十卷樂實撰

史通雜述篇曰若陸賈楚漢春秋樂資山陽公載記此之謂偏記者也新唐志十卷入編年類舊唐志作山陽義紀無卷數魏志袁紹傳注引審配戰敗逃於井獲之與獻帝春秋同蜀志馬超傳注超與劉備言嘗呼備字張飛請示之以禮超遂不復呼備字臣松之按袁曄樂資等諸所記載穢雜虛謬愚按後漢書靈紀注載西園八校尉獻紀注郭汜攻李傕弓弩並發失及御所止殿前帷簾其言可與劉艾靈獻紀互證又侍中臺崇作壺崇馮異傳注關顛王作確王董卓傳注段珪作殷珪可考范史之異太平御覽儀飾部袁術聞孫堅得傳國璽拘堅夫人而奪之文選藉田賦恨賦注賈翊鳴鼓雷震黃塵蔽天並稱山陽公載記

漢末英雄記八卷王粲撰殘缺梁有十卷

新唐志漢書英雄記十卷

九州春秋十卷司馬彪撰記漢末事

晉書司馬彪傳彪作九州春秋史通內篇曰當漢氏失馭英雄角力司馬彪錄其行事為九州春秋州為一篇合為九卷尋其體統亦近代之

國語也書錄解題曰漢末州部之亂司冀徐亮青荆揚涼益幽凡盜賊僭叛皆書之以陳氏言則不備九州司即續漢志首載之司謀不在九州之數魏志董卓傳注卓夜遣兵出西城門明日陳旌鼓而入宣言云西兵復入袁紹傳注紹勸何進誅黃門常侍賈翊傳注閻忠說皇甫嵩文選辯命論注引將軍威德震本朝風聲馳海外二句證以范蔚宗書皆取九州春秋惟彪言孔融但能張磔網羅其自理甚疎諸語魏志崔琰傳注過為貶議故蔚宗不取若章懷注所載平漢大計作大洪司隸掾哉作綠城固苦晒作苦蟾朱偽傳注孔佃作孔胄田儀作田景董卓傳注通鑑考異耿武作耿或嚴綱作劉綱皆與蔚宗異白帖卷二十九引劉表攻西鄂事題魏九州春秋魏字誤增唐志九卷宋志霸史類九卷別史類十卷自是重出而十卷之本與隋志合

九州春秋抄一卷劉孝標注不著錄

見通志略按太平御覽兵部引九州春秋袁紹遣朱靈攻李雅注曰靈字文專又公孫瓚曰今吾諸營樓櫓千里注曰櫓即櫓字見說文釋名曰櫓露也上無覆屋也此注未知即孝標撰否魏武本紀四卷梁蕭曆五卷

藝文類聚服飾部上儉率茵緝取温無有緣飾太平御覽學部吾讀介推之避晉封申包胥之逃楚賞未嘗不廢書而歎二事並引魏武本紀唐志雜史類魏武本紀年曆五卷編年類又有魏武本紀四卷舊唐志三卷自是重出然紀並曆為五卷與梁七錄合

魏陽秋異同八卷孫壽撰不著錄

見唐志按魏志武紀注太祖私入中常侍張讓室一事題孫盛異同雜語北堂書鈔武功部亦作孫盛夏侯玄傳注玄在囹圄鍾會欲狎而友玄玄正色曰鍾君何相逼如此也呂虔傳注王祥孝後母事蜀志姜維傳注維得母書令求當歸世說識鑿篇注太祖問許子將我何如人假請篇注武王少好俠放蕩不修行業常私入張讓宅三事並題孫盛雜語省異同二字然入張讓宅事與武紀注同自是一書又武紀注引我無人無人我語作孫盛雜記記乃語字之訛又魏志武紀注引孫盛異同評言劉備先破公軍孫權後攻合肥謂吳志為是又孫盛評曰夏侯惇恥為漢官求受魏印桓階方惇有義直之節郭頒世語階勸王正位之語安也太平寰宇記河北道五郡孝子事亦引孫盛雜語御覽兵部公孫瓚為遼東屬國長史事又稱三國異同傳唐志孫壽當是孫盛之訛通志略入編年類

吳歷六卷胡沖撰不著錄

見唐志三國志注引三十餘事後漢書袁術傳注引孫堅執張咨斬之一事吳志孫堅傳注同文選奏彈曹景宗注引諸葛恪作東關丁奉等破北軍辨亡論注曹公出濡須孫權以水軍圍取太平御覽偏霸部亦引濡須事通鑑考異諸葛恪以張約朱恩等密書示滕胤事從吳歷又引太平元年正月立太祖廟吳志三嗣主傳注亦引之通志略入編年類

刪補蜀記七卷王隱撰不著錄

刪補蜀記七卷王隱撰不著錄

見唐志按魏志注龐德傳蜀志注後主傳諸葛亮傳關羽傳許靖傳秦宓傳譙周傳黃權傳姜維傳楊戲傳並引王隱蜀記郭沖五事即此書所載

蜀世譜卷七孫盛撰 不著錄

蜀志注二主妃子傳費詩張嶷呂凱傳並引盛蜀世譜 後漢書變夷傳注引不章縣一事與呂凱傳注同

魏世譜卷七 不著錄

文選陸士衡答賈長淵詩注太平御覽皇王部

引魏世譜無撰名

晉世譜卷七 不著錄

世說注言語篇政事篇引晉世譜無撰名

漢尚書十卷孔衍撰 不著錄

見唐志

後漢尚書六卷孔衍撰 不著錄

見唐志

魏尚書八卷孔衍撰十卷

唐志作後魏尚書十四卷後字誤增史通內篇

曰晉廣陵相魯國孔衍以為國史所以表言行昭法式至於人理常事不足備列乃刪漢魏諸事取其美行典言足為龜鏡者定以篇第纂成一家由是有漢尚書後漢尚書魏尚書凡為二十六卷愚按隋志注云魏尚書梁十卷合兩漢十六卷與史通正符新唐志十四卷四字亦誤

增

後漢尚書十四卷張溫撰 不著錄

見舊唐志按新唐志載後魏尚書十四卷與孔衍卷數不符而與張溫合或後魏乃後漢之訛

而脫著溫名

魏晉世語十卷晉襄陽令郭頌撰

魏志三少帝紀注引正元二年大將軍奉天子征卅邱儉至項儉既破天子先還臣松之檢諸書都無此事郭頌撰魏晉世語蹇乏全無宮商最為鄙劣以時有異事故頗行於世千寶孫盛等多採其言以為晉書其中虛錯如此者往往有之劉放傳注引放與孫資勸帝召宣王至京師事通鑑考異曰依郭頌世語諸葛誕傳注黃初末吳人發長沙王芮冢事水經湘水注亦引之世說方正篇注夏侯玄至廷尉事孝標按郭頌西晉人時世相近為魏晉世語事多詳覈賢媛篇注王經正直不出因沈業申意孝標按傳暢干寶所記經實忠貞於魏而世語既謂其正直復云因沈業申意何其相反乎 魏志三少帝紀注通鑑考異並引經因沈業申意句 舊唐志作魏晉代語避唐世字諱新唐志作代說說字誤

漢末傳卷七 不著錄

北堂書鈔武功部蜀丞相亮出軍圍祁山糧盡引去張郃追之伏弩射郃死衣冠部先主取成都大會作樂取劉璋所藏金玉寶玦賜功臣二事並引漢末傳無撰名愚按太平御覽兵部引

袁希之漢表傳三事郭典為鉅鹿太守與董卓攻黃巾賊又費穆持節誘納降附賊首行酒被刺斃又丞相亮圍祁山事其載丞相圍祁山與書鈔同疑漢表傳即

漢末傳唐志袁希之漢表十卷脫傳字

魏末傳二卷梁又有魏末傳並魏氏大事六卷亡

無撰名魏志明紀注引明帝從文帝獵詔使射

鹿子事 藝文類聚獸部御覽皇王部皇親部資產部世說言語篇注俱引之大同小異 曹爽傳注何晏婦金鄉公主即晏同母妹臣松之按魏末傳此摺紳所不忍言雖楚王之妻嫂不是過也設令此言出於舊史猶將莫之或信況底下之書乎案諸王公傳沛王出自杜夫人所生晏母姓尹公主若與沛王同生焉得與晏同母初學記帝戚部藝文類聚儲官部御覽皇親部皆引金鄉公主事 諸葛誕傳注誕殺樂綝表曰聖朝明臣臣即魏臣不明臣臣即吳臣諸語臣松之以為魏末傳所言率皆鄙陋

晉諸公讚二十一卷晉秘書監傅暢撰

晉書傅暢傳暢作晉諸公讚魏志三少帝紀

注王沈王業將出呼王經經不從曰吾子行矣世說賢媛篇注謂傅暢干寶二家所記深得之

千寶曾記王經正直不忠於我故誅之通典職官門注

汝南王亮為大司馬且大會乘車入殿又陳

騫為大司馬賜衰冕之服二事皆今晉書所闕

水經穀水注都水使者陳狼鑿運渠事題傅暢

晉書左傳莊公正義司隸傅祗於王愷家得鳩

鳥奏燒於都街題晉語諸公讚語字誤增他書

徵引或稱傅暢晉讚省諸公二字唐志二十二

卷

晉後略記五卷晉下邳太守荀綽撰

晉書荀綽傳綽撰晉後書十五篇舊唐志作晉

後略記新唐志作晉後略皆五卷世說賞譽篇

注劉漢以清識為名術解篇注杜夔荀勗定鍾

律水經穀水注陸機為都督敗於鹿苑太平御

覽地部張方圍京邑決千金堰皇親部賈后詣金墉城食金屑而死又賈后殺楊庶人信妖巫殯之施諸厭勝又張后於武帝受禪追尊為太后職官部武舍以母誨辭常侍為吏部郎服用部張方兵入洛割御室流蘇帳為馬鞞布帛部同資產部成都王圍京邑城中賣死驢馬肉雜人肉賣之菜茹部成都王圍京邑城中以陳非菜為御膳共引晉後略十一事宋志史鈔類荀綽晉略九卷

王閔本事卷七 不著錄

太平御覽人事部閔為瑯琊太守張步欲誅之閔墮車折齒移病歸遂得免

徐江州本事卷七 不著錄

世說賞譽篇注徐寧字安期初為輿縣令桓彝與結交謂庾亮曰為卿得一佳吏部郎累遷江州刺史

石崇本事卷七 不著錄

藝文類聚服飾部崇有珊瑚如意長三尺二寸晉書鈔三十卷梁豫章內史張縉撰

梁書張縉傳縉鈔晉書衆家異同為晉鈔三十卷北齊書宋顯傳曰後魏時張縉晉書未入國

史史通雜說曰臧氏晉書稱苻堅之僭號也雖疆宇狹於石虎至於人物則過之張勳勳字疑誤抄撮晉史不求異同而備揭此言不從沙汰

唐志卷同

宋中興伐逆事二卷

無撰名唐志入故事類

宋拾遺十卷梁少府卿謝綽撰

史通書事篇曰謝綽拾沈約之遺忤時篇曰休文所缺荀綽裁其拾遺荀綽乃謝綽之訛又書志篇百官與服謝拾孟堅之遺乃言謝承謝沈後漢書志非言謝綽也唐志作宋拾遺錄初學記地部引張永開玄武湖得新威斗職官部太祖稱王華王曇首殷景仁劉湛一時之秀同管喉舌禮部桓溫葬姑孰青山平墳不為封域器物部戴明寶兒為五色珠簾服食部王悅為吏部郎鄰省有會同者潰悅餅一甌不受北堂書鈔武功部檀道濟白服在軍為虜所憚太平御覽人事部何尚之顏延年並短小似猴禮儀部太祖召顏延年訪覓在酒肆病疾部宗慤表言貧賤時疾病夢見童子青衣與王母符服之共引九事作宋拾遺記唐六典注千牛刀一事作宋拾遺錄

左史六卷李榮撰

唐志同

魏國統二十卷梁薛暉撰

後魏書儒林傳梁祚撰并陳壽三國志名曰國統世說容止篇注劉伶肆意放蕩以宇宙為狹初學記人部曹公敗於張繡典章力戰大罵而死又山濤在總角中耆老見者箕踞斂衽文部孫權夢北面頓首於天帝見人以筆點其額太平御覽兵部孫權賜甘寧酒米寧以米賜帳下酌酒飲其都督銜枚出斫敵人事部顧雍諫孫權以公孫淵未可信又黃權對文帝曰臣降吳不可歸蜀無路是以歸命又太祖過故人伯奢道逢二人笑曰觀君有奔懼之色又崔州平兄元平為議曹以忠直稱又王昶戒兄子曰救寒

無如重裘止謗莫若自修四夷部西夷有異靡三角以為簪消除凶逆又西南夷有大湖名禁水水中物噴噴作聲名曰鬼彈又西南有夷名曰濮重譯乃通共引梁祚魏國統十三事新唐志作魏書國紀書字誤增紀宜作統舊唐志作國紀僅魏字皆十卷入編年類通志略作魏國紀誤認為後魏遂與盧彥卿後魏紀元行沖魏典並列

梁帝紀七卷

無撰名按正史類有姚察梁帝紀七卷此恐重出

梁太清錄八卷

史通雜說注曰王褒庾信等事多見於表政梁太清實錄太平御覽人事部梁太清實錄曰中宗諱釋字世誠聲若撞鐘辯如河瀉舊唐志梁太清實錄八卷新唐志十卷並入實錄類無撰名

梁末代記一卷

無撰名唐志入編年類

梁皇帝實錄三卷周興嗣撰記武帝事

梁書周興嗣傳興嗣撰皇帝實錄唐志二卷入實錄類

實錄類

梁皇帝實錄五卷梁中書郎謝吳撰記武帝事

唐志入實錄類

棲鳳春秋五卷臧嚴撰

唐志入編年類

史要十卷漢桂陽太守魏鳳撰約史記要言以類相從

唐志作史記要傳魏作衛

典略八十九卷魏郎中魚豢撰

舊唐志五十卷愚按魚豢魏略祇記曹魏故以

魏名若典略所載惟裴松之國志注章懷後漢書注專引漢末及三國事至史記索隱蘇秦傳

言蘇氏兄弟有蘇辟蘇鵠初學記地部湯東觀

洛黃魚躍於壇文部端木賜對齊景公曰師仲

尼獸部神馬河之精代馬陰之精藝文類聚禮

部孔子習禮樹下桓魋使人拔其樹職官部契

為司徒百姓親和夔主賓客遠人畢至雜文部

張儀為檄告楚相曰吾不盜汝璧我且盜汝城

鳥部鸞鳥者神靈之精北堂書鈔帝王部子陵

俱臥耳又帝堯駕白馬政術部西門豹治鄴董

安于治晉陽設官部禹為司空定九州文選魏

都賦注浪井者弗鑿而成別賦注衛夫人南子

在錦帷中太平御覽地部蘇秦下在窟中說鬼

谷泣下兵部蘇秦說韓王曰韓強弓勁弩皆射

六百步外人事部蘇秦說秦王書十上而說不

行禮儀部建武二十年有司奏封禪詔曰汚七

十二代編錄又秦襄王母別葬杜東漢有天下

宣帝於旁起陵邑樂部百里奚妻鼓瑟為楹伏

雞之歌服章部項羽與沛公飲范增舉佩玉示

羽工藝部荆軻與魯句踐博爭道布帛部孔子

至衛見南子資產部荆軻與高漸離為友獸部

兔者明月之精藥部白丹者山陵之精此類紀

載既廣體裁亦雜與魏略斷代為書者一為正

史一為雜史隋志闕著魏略新唐志闕著典略

惟舊唐志兼載之明人續太平廣記誤以唐邱

悅三國典略邱悅三國乃關中郡江南非魏蜀吳三

國也合之魚豢近杭大宗諸史然疑又誤以魏

略典略為一書史漢一本作史記要集二卷晉祠部郎王茂撰抄史記入

春秋者不錄唐志同

三史略二十九卷吳太子太傅張溫撰

唐志作三史要略三十卷

史記正傳九卷張盤撰

唐志同

後漢略二十五卷張綱撰

唐志作後漢書略二十五卷編年類又有綱後

漢略二十七卷自是重出太平御覽州郡部閩

州古有隆城堅險因置隆州尋又立盤龍郡以

郡中盤龍山為名此題後漢要略一作後魏魏字

疑誤人事部馬騰扶風馬援後也長八尺餘身

體洪大而性質厚人多敬之此題後漢典略皆

不著張綱名

漢皇德記三十卷漢有遺徵士侯瑾撰起光武至沖帝

後漢書文苑傳侯瑾案漢記撰中興以後行事

為皇德傳三十篇宋書大且渠傳元嘉十四年

茂虔表獻漢皇德傳二十五卷太平御覽皇王

部安帝崩北鄉侯即尊位十月北鄉薨未即帝

位不成君故以王禮葬人事部蓋晉熒煌人天

性皎潔自小不過人飯傭書得錢足供而已不

取其餘禮儀部章帝遣使者奉太牢祠唐堯於

陽城雲臺獸部世祖遣鄧禹西征送之於道既

返因於野田獵路見二老翁即禽並西指言此

中多虎大王勿往也四事引漢皇德傳又資產

部侯瑾字子瑜熒煌人少孤貧恆傭作為資暮

輒爇薪讀書此稱漢皇德頌唐志入編年類

洞記四卷章昭撰記商義以來至漢建安二十七年

吳志章昭傳上辭曰昔見世間有古曆注其

所紀載既多虛無在書籍者亦復錯謬因尋按

傳記考合異同探摭耳目所及以作洞紀起於

庖義至於秦漢凡為三卷當起黃武以來別作

一卷事尚未成史通內篇曰若諸子小說編年

雜記如章昭洞紀陶弘景帝王年曆皆因表而

作用成其書陸德明莊子說劍篇釋文周赧王

十七年趙惠王之元年初學記樂部北堂書鈔

樂部紂無道比干極諫知必死作秣馬金闕之

歌太平御覽皇王部自天地剖判君人宰世可

得而言者惟庖犧畫卦神農作稼黃帝與服最

為昭顯其餘非書記所述難可紀焉又天皇十

二頭一姓十二人古人質以頭為數猶鳥獸以

頭計也地皇十二頭並引章昭洞記又作洞紀

開元占經引十八事皆紀周漢日蝕星變事唐

志卷同

帝王年曆五卷陶弘景撰不著錄

見唐志

帝王世紀十卷皇甫謐撰起三皇盡漢魏

晉書皇甫謐傳撰帝王世紀尚書堯典正義

曰晉書皇甫謐傳云姑子外弟梁柳得古文尚

書故作帝王世紀往往載孔傳五十八篇之書

今晉書謐傳無此語當是逸晉書玉海書目曰晉正始

初安定皇甫謐以漢紀殘缺博案經傳旁觀百

漢獻帝史通論贊篇曰皇甫謐葛洪列具所號
續漢志注云蔡邕分星次與皇甫謐不同謐所
列在郡國志史紀索隱五帝紀云皇甫謐號玄
晏先生今所引者是其所作帝王代紀也又云
補三皇紀 按神農之後凡八代事見帝王代記
及古史然古典亡矣謐謂周 皇二氏皆前代

博聞君子考按古書而為此說豈至今鑿空乎
愚按周易繫辭正義引謐紀太皞神農黃帝少
皞帝堯舜事禮記正義初學記帝王部藝文
類聚帝王部並引之而太平御覽皇王部所引
尤詳左傳昭公正義引窮桑少皞之號神農本起烈山其
言放勳重華文命為堯舜禹名尙書正義從之
惟取易卦以制象九事謐皆以為黃帝之功易

正義云若如所論則堯舜無事易繫何須連言
則皇甫之言未可用也藝文類聚職官部穆王
命伯樂與古罔字 為太僕今尙書君牙伯罔二
篇是也此與書序不同 書序命君牙為大司徒作君
牙命伯罔為周大僕正作罔命 後漢書野王二老傳
注鳴條之地謐謂孔安國書注之說為近御覽

州郡部載謐所記都邑其書徵引春秋傳世本
戰國策國語秦本紀漢地理志體裁主於考證
若仲丁徒囂河宣甲居相祖乙圮於耿謐皆用
書序至葛伯仇餉初征自葛則稱古文仲虺之
誥又謐言封帝摯於高辛氏本於東海衛宏所
傳二語見御覽皇親部 衛宏從杜林受古文尙書
謐得其傳則不徒資諸梁柳爽篇終論贊稱玄
晏先生曰羈勒英雄鞭驅天下乃漢高論贊平
暴反正遂建中興乃光武論贊 二事見御覽皇主

部列玄晏號是可與史通相證初學記帝王部引
魏武進爵魏文受禪御覽皇王部引高貴鄉公
為成濟所害陳留王就國治鄴正符隋志盡漢
魏之語宋人書目謂訖漢獻帝誤也唐志卷同
宋志九卷入編年類考御覽諸書所引似謐記乃分類
為篇體裁惟在博考故隋唐志並入雜史宋志恐誤 後魏
書元延明傳稱延明注帝王世紀前志未見著

錄
年曆六卷皇甫謐撰 不著錄
見唐志藝文類聚天部日者衆陽之宗陽精外
發故日以晝明名曰曜靈月羣陰之宗光內日
影以宵曜名曰夜光二事引皇甫謐年曆 太平
御覽天部同
帝王本紀十卷 梁吳撰

唐志同按玉海引沈約論例序曰吳興人乘輿
撰帝王世紀其一篇是證法今代所異者又曰
采乘輿帝王世紀論法篇之異者以為書隋唐
志皆作來與本紀未識孰是與書有證法篇則亦分
類為篇也
續帝王世紀十卷 何茂材撰

舊唐志作何集新唐志作何茂林太平御覽兵
部慕容超與晉人戰於臨洛大敗其將封融奔
晉人事部張天錫疾篤二姬自殺錫葬以夫人
禮二事引何集續帝王世紀
帝王要略十二卷 張濟撰紀帝王及天官地理服服
唐志同按文選別賦注問色有五紺紅縹紫流
黃也 御覽布帛部引此二句上又有正色有五青赤黃白
黑也潘安仁為賈謐贈陸機詩注釋以象裳色

御覽服章部云凡載以章為之以象裳色增以畫文夏山取
仁可依殷火取其光明周龍章取其變化陳太邱碑注
侍中古官風后為黃帝侍中周時號曰常伯秦
復古左傳昭公正義自營為人八公為公言正
無私也大夫者夫之言扶也人能扶成人也士
者事也言能理庶事也並引環濟要略 無帝王
二字 初學記職官部武功部北堂書鈔封爵部
設官部諸書徵引皆記官爵服章至帝王地理
所紀未見逸句又按隋志經部禮類有環濟喪
服要略一卷雖此書分篇必別有單行本故入
經部非重出也

周載八卷 東晉臨賀太守孟儀增略記前代下至秦本三十
卷今亡
唐志作孟儀注周載三十卷陸游南唐書曰後
主嘗得周載江東初無此書人無知者以訪徐
鏞一一條對無所遺忘初學記人事部衛靈公
與夫人夜坐有車當闕無聲夫人曰必蓬伯玉
也公使問之果是太平御覽人事部薄疑者衛
之居士也衛嗣君延之以為相辭曰疑之母與
疑議家事既定又決之所幸蔡姬故事多不就
今人主皆有蔡姬安得不敗君曰寡人聞命遂
相之委以政事又悼公時晉智伯欲謀襲衛乃
遣衛君野馬四白璧一以結好共引孟儀周載
三事

漢書鈔三十卷 晉散騎常侍葛洪撰
唐志同西京雜記序曰洪家世有劉子駿漢書
一百卷無首尾題目但以甲乙丙丁紀其卷數
史記鈔十四卷 葛洪撰 不著錄

漢書鈔三十卷 晉散騎常侍葛洪撰
唐志同西京雜記序曰洪家世有劉子駿漢書
一百卷無首尾題目但以甲乙丙丁紀其卷數
史記鈔十四卷 葛洪撰 不著錄

見唐志

後漢書鈔三十卷葛洪撰 不著錄

見唐志

拾遺錄三卷 偽秦姚萇方士王子午撰

唐志同

王子午拾遺記十卷蕭綺撰

唐志作蕭綺錄今存

華夷帝王世紀三十卷楊暉撰

唐志三十七卷

正史削繁九十四卷阮孝緒撰

顏氏家訓書證篇曰正史削繁晉義音蒜類為

苦戈反唐志惟十四卷

童悟十二卷

無撰名唐志十三卷入儀注類

合史二十卷蕭蕭撰 不著錄

見新唐志又錄一卷舊唐志脫撰名

關東風俗傳六十三卷宋孝王撰 不著錄

見唐志北齊書循吏傳宋世良從子孝王求入

文林館不遂因非毀朝士撰別錄二十卷會齊

平改為關東風俗傳更廣見開勒成三十卷上

之言多妄謬篇第冗雜無著述體史通書志篇

曰宋孝王關東風俗傳有墳籍志其所錄皆鄴

下文儒之士讎校之司所列書名惟取當時撰

著通典食貨門載北齊時授田無法宋世良天

保中獻書請以富家牛地先給貧人又豪族種

類不同心意亦異宋世良獻書請令散配郡國

無士族之處二事唐六典注宋孝王問先達司

馬膺之後魏北齊敕曰建金雞事並引關東風

俗傳

先聖本紀十卷劉縉撰

南史劉昭傳昭子縉著先聖本紀十卷太平御

覽人事部伊尹耕於有莘之野王馳往見之彭

氏子諫曰君無辱車乘王黜彭氏子又木部許

由欲觀帝意曰余坐華堂森然有松生於戶雲

生於牖藝文類聚木部亦見 並引先聖本紀文選

王文憲集序馬汧督誅竟陵王行狀注引子產

治鄭三十年卒國人哭於巷婦人哭於機一事

作劉縉聖賢本紀

年曆帝紀三十卷姚恭撰

唐志二十六卷

帝錄十卷 諸葛撰 不著錄

見新唐志舊志作諸葛忱

乘輿飛龍記二卷鮑衡編撰 不著錄

見唐志南史梁鮑泉傳時有鮑行卿以博學大

才稱撰乘輿飛龍記二卷舊唐志入編年類新

唐志入雜史類並作鮑衡卿

歷代記三十二卷

無撰名唐志作庾和之撰三十卷北堂書鈔天

部石遵襲位鄴中暴風震雷雨雹如斗金石皆

消御覽天部告徵部同 太平御覽地部吳建衡二

年有神人乘白鹿從山出因名神人山二事並

引歷代記

隋書六十卷 未成祕書監王劭撰

北史王劭傳劭在著作將二十年專典國史撰

隋書八十卷多錄口勅又採迂怪不經之語及

委巷之言以類相從為其題目詞義繁雜無足

稱者遂使隋代文武名臣列將善惡之迹湮沒
無聞隋書王劭傳同 史通內篇曰劭錄開皇仁壽
時事編而次之以類相從各為其目勒成隋書
八十卷尋其義例皆準尚書又曰君懋隋書雖
欲祖述商周憲章虞夏觀其體制乃似孔氏家
語臨川世說可謂畫虎不成反類犬也宋天聖
二年校隋書序曰隋書自王劭以類為篇至於
編年紀傳並闕其傳

隋經籍志考證卷四

會稽章宗源撰

霸史 唐志作偽史 史通因習篇曰當晉宅江淮寶齊
正朔城彼羣雄稱爲晉盜故阮氏七錄以田范裴段諸史
劉石苻姚等書別創一名題爲偽史及隋氏受命海內爲
家國靡愛情人無彼我而世有撰隋書經籍志者其流別
羣書選同阮錄按國之有偽其來尙矣如杜宇作帝勾踐
稱王孫權建鼎峙之業蕭譽爲附庸之主而揚雄撰蜀記
子貢著越絕越裁江表傳蔡邕後梁史斯崇作成是偽
書自可類聚相從合成一部何止取東晉十有六家而已
乎

趙書十卷 一曰二石集記石勒事偽燕太傅長史田融撰

史通外篇曰後趙石勒命其臣徐光宗歷傳暢
鄭愔等撰上黨國記起居注晉書石勒載記曰命記
室佐明楷程機撰上黨國記中大夫傅彪貫蒲江軌撰大將
軍起居注石泰石同石謙孔隆撰大單于志 趙書其後
又令王蘭陳晏程陰徐機等相次撰述至石虎
並令刊削使勒功業不傳其後燕太傅長史田
融宋尙書庫部郎郭仲產北中郎參軍王度追
撰二石事集爲鄴都記趙記等書又雜說注曰
田融趙史謂勒爲前石虎爲後石愚按開元占
經載前石時有星隕魏郡鄴縣又前石時臨涇
縣馬生角又前石時安定太守上言蛇與鼠鬪
於郡門北堂書鈔禮儀部前石有佛圖澄號曰
大和尚道法大行太平御覽人事部前石數游
獵每亟馳騁主簿程琅諫前石馳逐自若草間
有瓦木馳馬逐之馬卽死前石亦危殆又云石
肇前石之昆弟也前石旣貴肇在軍中人送詣

前石前石哀之拜建威將軍刑法部後石率精
騎五千襲趙續一戰擒績又車部後石遠獵車
千乘輅長三尺布帛部前石死大臣子弟六十
人爲挽郎引錦一疋咎徵部前石時有婦人震
死瘞之三日霹靂重出之虫豸部前石時白羌
婦產卵大如孟並引趙書皆稱前石後石 其稱
石勒石虎者當是徵引所改今不採一切經音義曰麥
麩諸書所無惟趙書有人姓姚名麩作此字也
唐志作田融趙石記二十卷又二石記二十卷
舊唐志入編年類

二石傳二卷 晉北中郎參軍王度撰

新唐志王度隨翻二石僞事六卷二石書十卷

二石僞治時事二卷 王度撰

開元占經石混說建武時有馬四目錄著殿中
十餘日哭去不知所在太平御覽兵部郭權降
石虎虎曰卿健將也因與共言事又劉曜攻金
墉城石勒軍卒至交戰擒曜又石虎攻中山得
鄭略之妹爲妾鄭讜崔氏虎射崔中腰而覆禮
儀部佛圖澄死終年再閱開棺視之惟杖鉢存
焉服用部器物部同 羽族部石混降說鄴中有鳳
凰將九雛在延明門外右西道共六事作二石
僞事 晉治時二字北堂書鈔儀飾部石虎二年遷
都鄴宮照一大鏡不見頭又佛圖澄死後開棺
惟見金杖二事作二石遺事
漢之書十卷 常璩撰

顏氏家訓書證篇曰蜀李書一名漢之書史通
外篇曰蜀初號曰成後改稱漢李勢散騎常侍
常璩撰漢書十卷後入晉祕閣改爲蜀李書陸

氏經典釋文序錄蜀才姓范名長生一名賢隱
居青城山自號蜀才李雄以爲丞相藝文類聚
鳥部武皇帝雄泰成三年白鳥赤足來翔范賢
曰必有遠人懷惠果關中流民請降太平御覽
人事部賈夷字景叔梓潼人少仕晉中原喪亂
歸國武帝素聞夷名重皇子雅生因名賈夷又
武帝雄字仲雋相工相之曰位必過三公不疑
有劉化者道術士也每語鄉里李仲雋有大貴
之表終爲人主也又武帝母方娠夢雙蛇自門
升天一蛇斷珍寶部武帝諸將進金銀或以得
官楊褒諫帝謝之咎徵部哀帝卽位有白氣一
道帶天望氣者言宮中有伏兵共七事皆稱蜀
李書新唐志有蜀李書九卷 舊志入編年類 又有
漢之書十卷重出
華陽國志十二卷 常璩撰

今存

燕書二十卷 記慕容儁事僞燕尙書范亨撰

史通外篇曰前燕有起居注杜輔全錄以爲燕
紀後燕建興元年董統受詔草創後書著本紀
並佐命功臣王公列傳合三十卷慕容垂稱其
敘事富贍足成一家之言但襲述過美有慚董
史之直其後申秀范亨各取前後二燕合成一
史水經河水注引燕書太子寶自河西還師參
合三軍奔潰濁漳水注王猛與慕容評相遇於
潞川評障固山泉鬻水軍人絹匹水一石灑水
注建興十年慕容垂自河西還築燕昌城共三
事通鑑考異所引燕書有武宣記文明記征虜
仁傳慕容翰傳太平御覽天部所引有烈祖後

記此其分篇之可見者其不題組傳者不取 又御覽人事部云烈祖崩晉人喜曰中原可圖矣桓溫曰慕容恪尚在其愛方重耳史通稱三十國春秋載此言不知燕書同載之唐志宋志皆二十卷舊唐志入編年類誤

南燕錄五卷記慕容德事僞燕尚書郎張隆撰

北堂書鈔地理部慕容德時王瓚得古銅鐘四枚獻之賜爵關內侯太平寰宇記河南道慕容德以潘聰為徐州刺史鎮莒城又以桓遵為徐州刺史亦理此宋武北伐遵舉城降二事並引南燕錄初學記職官部慕容德以封嵩韓諱為僕射以嵩弟融諱弟軌為中郎將御覽人事部慕容納沈靜深遂外訥內敏二事並作張詮南燕書唐志作張銓南燕書十卷舊唐志入編年類

南燕錄六卷記慕容德事僞燕中書郎王景暉撰

初學記地部王景暉南燕書曰姚秦皇初三年歲在丁酉於長安渭濱得赤墮上有文字曰天命燕德新唐志作景暉南燕錄舊唐志作景暉入編年類史通外篇曰南燕有趙郡王景暉嘗事德超撰二燕起居注超亡事於馮氏官至中書令乃撰南燕錄六卷

燕志十卷記馮跋事魏侍中高闡撰

初學記居處部慕容熙造遙宮太平御覽天部太平十五年自春不雨至於五月有司奏右部王荀妻產妖乃暴荀妻於社大雨普洽兵部光始五年慕容熙與苻后征高麗為衝車馳道以攻之人事部李陵君長谷之東先生與高雲

遊讎往來每憩其家陵與妻王氏每夜自齋酒饌而至三事引高闡燕志新唐志同舊唐志編年類有燕志十卷無撰名

秦記十一卷 宋殿中將軍裴景仁撰梁雍州主簿席嘉明注

宋書沈曇慶傳裴景仁助成彭城本僧人多悉戎荒事曇慶使撰秦記十卷敘苻氏本末其書傳於世史通敘事篇曰按裴景仁秦記稱苻堅方食撫盤而詬王劭齊志述受紇洛干感恩脫帽而謝及彥鑾撰以新史重規刪其舊錄乃易撫盤以推案變脫帽為免冠夫近世通無案食羌俗不施冠冕直以事不類古改從雅言欲學者何以考時俗之不同察古今之有異又外篇曰河東裴景仁正車類秦書訛僻刪為秦記十篇世說排調篇注苻朗降謝玄用為散騎侍郎善識味著苻子數十篇蓋老莊之流也太平御覽人事部姚萇圍苻堅遣僕射尹緯詣關陳事堅曰卿宰相才也二事題裴景仁秦書初學記地部苻健至長安賈元等上尊號設壇城南渭水之陽又苻健皇始四年山雞來入人家栖宿養子而去御覽地部皇始五年鳳凰降渭濱三事題裴景仁苻書御覽人事部苻堅幸太學博士盧壺曰韋逞母傳其父業得周官音義可授後生於是就宋立講室隔紗幔而授業焉初學紀入部同 此作景仁前秦記藝文類聚入部苻堅祖洪見堅狀貌欲令頭堅腹軟字之曰堅頭草部苻洪之先居武都家生蒲長五丈狀如竹成異之謂之蒲家因以氏焉洪後以識文改姓苻氏木部初長安謠云鳳凰止阿房至慕容

沖入阿房而居焉沖小字鳳凰服飾部韋逞母授經事並題秦記不著景仁名御覽人事部邵宏言稱名稱字之法又司馬勳殺趙琨而棄其尸琨子瓊求父尸不得有羣鳥悲鳴尋鳥向山而得父尸又姚萇大破苻登置酒高會曰吾不如王兄者四又桓溫問楊亮曰姚襄何如人答曰天下傑也服章部皇始四年新平縣有長人見工藝部呂光破龜茲獲鳩摩羅什飲食部苻朗善別味共七事亦引秦記不著撰名 姚和都亦撰秦紀字從系景仁記從言諸書徵引不著景仁名者皆作記自係景仁之書且韋逞母授經苻朗別味二事與著景仁名所紀正同舊唐志席惠明作杜惠明入編年類新唐志亦作杜入僞史類

秦紀十卷記姚萇事魏左長尚書姚和都撰 史通外篇曰後秦扶風馬僧虔度河東衛隆景並著秦史及姚氏之滅殘缺者多泓從弟和都仕魏為左民尚書又追撰秦紀十卷

涼記八卷記張軌事僞燕右僕射張謏撰 唐志十卷舊志張謏作張證史通外篇曰前涼張駿十五年命其西曹邊劄集內外事以付秀才案綏作涼國春秋五十卷又張重華護軍參軍劉慶在東莞專修國史二十餘年著涼記十卷世說言語篇注引張天錫二事作張資涼州記愚按涼國春秋隋唐志皆不著錄張謏涼州記史通亦闕載

涼書十卷記張軌事僞涼大將軍從事中郎劉景耀撰 後魏書劉昞傳昞著涼書十卷 昞隋志作景耀唐嫌名 史通外篇曰建康太守索暉從事中郎劉

兩各著涼書

西河記二卷記張重華事晉侍御史喻歸撰

元和姓纂曰東晉有喻歸撰西河記三卷 廣韻

作二卷喻作論 唐志闕撰名初學記州郡部姑臧

匈奴故曰蓋臧城也城不方有頭尾兩翅名蓋

烏城太平御覽州郡部洪洞縣地固重複控據

要險故曰洪洞焉羽族部涼州罪人將刑有白

雉鳩飛於人邊長鳴伏地刺史張義免其坐鱗

介部張駿立謙光殿成後池水中有五龍見水

通變綠色布帛部西河無蠶桑婦女著碧纈裙

上加細布裳北堂書鈔衣冠部亦引之

秦書三卷秦馮翊車類 不著錄

史通外篇曰前秦史官初有趙淵車敬梁熙章

譚相繼著述苻堅嘗取而觀之見苟太后幸孝

威事怒而焚之滅其本後著作郎董誼追錄舊

語十不一存及宋武帝入關曾訪秦國事又命

梁州刺史吉翰訪諸仇池並無所獲先是秦祕

書郎趙整參撰國史值秦滅隱於商洛山著書

不輟有馮翊車類助其經費整卒翰乃啓類纂

成其書以元嘉九年起至二十八年方罷定為

三卷而年月失次首尾不倫世說識鑿篇注引

苻堅本姓蒲祖父洪許稱讖文改曰苻與裴景

仁秦記同而增詐稱書法苻堅背赤色隱起若

篆文御覽人事部亦引之 堅六歲戲於路司隸徐

正見而異焉御覽人事部作徐統 賞譽篇注釋道

安為慕容晉所掠竺法汰渡江至揚土水經渭

水注苻堅建元十四年高陸縣民穿井得龜大

二尺六寸濟水注苻堅時沙門築僧朗從隱士

張巨和遊北堂書鈔武功部苻登刻兜鍪作死

休字示士必死為度故戰所向無前又苻萇圍

襄陽作飛雲車攻城克之二事御覽兵部引同 苻

堅立有黃雲五色迴繞臺觀時以為景雲 御覽

天部曰時以為瑞賜民醴五日 初學記武功部苻堅

使能造金銀細縷鏡金為縷以縷之藝文類

聚山部容慕評拒王猛恆賣水與軍人衆思為

亂猛因敗之人部苻堅時民歌曰長安大街兩

邊種槐開元占經載苻生壽光三年苻堅建元

八年九年星變並引車類秦書類或作類 太平

御覽引十九事

涼記十卷記呂光事偽涼著作佐郎段龜龍撰

史通外篇曰段龜龍記呂氏唐志十卷初學記

人部呂纂遊獵侍御史王回控馬諫政理部呂

光時燉煌太守獻同心梨武部咸寧三年發張

駿陵得鞭飾以珊瑚引段龜龍涼記三事 或作

西涼記或作涼州記 藝文類聚諸書所引亦或作

涼州記

涼書十卷高道讓撰

後魏書高謙之傳謙之字道讓以父舅氏沮渠

蒙遜曾據涼土國書漏闕謙之乃修涼書十卷

涼書十卷沮渠國史

宋書大且渠傳元嘉十四年茂虔表獻涼書十

卷史通外篇曰宗欽記沮渠氏

拓拔涼錄十卷

無撰名舊唐志入編年類史通外篇曰失名記

秃髮氏

燉煌實錄十卷劉景撰

宋書大且渠傳元嘉十四年茂虔表獻燉煌實

錄十卷後魏書劉昉傳昉著燉煌實錄二十卷

史通論贊篇曰劉昉曰奏雜述篇曰郡書如常

璩之詳審劉昉之該博能傳不朽見美來裔又

外篇曰燉煌僻處西域求諸人物自古闕載既

而劉昉裁書則磊落英才粲然盈闕續漢五行

志注張衡對策曰水者五行之首滯而逆流者

君恩不下逮而教逆也又嘉平元年蛇長六尺

夜於御前當軒而坐白帖卷三十一有盜發王

禁冢見禁與人檮蒲賜盜者飲太平寰宇記涼

州牧李暹微服出城逢一虎在道邊遙呼暹為

西涼君太平御覽兵部宋質直破虜有威名兒

啼恐之即止人事部汎游博學善屬文弱冠屢

陳損益又董巽有才太守京兆諫舉巽功曹諒

卒巽送喪遇寇叩頭求救又索苞征伐克敵勇

冠三軍宗親部汜固推家財百萬與寡弟婦二

百萬與兄子樂部索承宗伯夷成善鼓瑟悲歌

時人號曰雍門周資產部張存善針存有奴好

逃亡存宿行針縮奴腳欲使則針解之羽族部

侯瑾字子瑜解烏語太平廣記夢類載張駿夢

一人鬢眉皓白自稱子瑜索充夢一虜脫上衣

來詣充宋桶夢一人著衣桶一手把兩杖極打

之共引燉煌實錄十六事唐志二十卷舊唐志

入雜傳類

十六國春秋一百卷魏暹撰

今存明八輯本卷數同

戰國春秋二十卷李暹撰

古史類已見此重出

漢趙記十卷和苞撰

史通外篇曰前趙劉聰時領左國史公師淵撰

高祖本紀及功臣傳二十人甚得良史之體凌

修譖其訛謗先帝聰怒而誅之劉曜時平與子

和苞撰漢趙記十篇事止當年不終曜滅又忤

時篇曰劉石僭號方策委於和張張名未詳初學

記居處部劉聰嘉平三年陳元達極諫聰怒將

斬之元達叫曰臣所言者社稷之計聰免之於

是易李中堂為槐賢堂太平御覽兵部麟嘉三

年太子粲討趙同郭默於洛陽光初二年石勒

造攻車飛梯攻平陽小城今上擊之勒師潰人

事部今上殺梁緯緯妻辛氏乞就辟有司以事

地下舅姑上曰貞婦也又王廣女為父報讎自

殺又隴上語曰隴上壯士有陳安禮儀部盜發

上洛男子張盧冢盧得蘇共引和苞漢趙記七

事愚按苞稱劉聰名稱曜為今上粲為太子是

其史例唐志十四卷舊唐志入編年類

天啓紀十卷記梁元帝子譚據湘州事

唐志作守節先生天啓記舊唐志入編年類

鄴洛鼎峙記十卷不著錄

見唐志無撰名舊唐志入編年類太平御覽宗

親部盧道虔後妻元氏升堂講老子道德經度

弟元明隔紗帷以聽之此引鄴洛鼎峙記

符朝雜記一卷田融撰不著錄

見新唐志

隋經籍志考證卷五

會稽章宗源撰

起居注

穆天子傳六卷汲冢書郭璞注

今存

漢獻帝起居注五卷

無撰名魏志武紀注文紀注董卓傳邴原傳注

蜀志先生傳注續漢禮儀祭祀五行百官輿服

志注後漢書獻紀董卓傳注初學記職官部並

引獻帝起居注共數十事王允奏侍中黃門比

尚書不得出入不通賓客一事太平御覽職官

部亦引之通典禮門注舊典市長執雁建安八

年始執雉一事與續漢注合唐志卷同

晉泰始起居注二十卷李軌撰

蜀志諸葛瞻傳注詔曰諸葛亮在蜀盡其心力

其子瞻臨難死義天下之善一也其孫京隨才

署吏後為郾令藝文類聚東部太平御覽果部

泰始二年六月嘉柰一蒂十五實或七實生於

酒泉並引晉泰始起居注唐志同

晉咸寧起居注十卷李軌撰

藝文類聚服飾部鳥部太醫司馬程據上雉頭

裘一領詔曰此裘非常衣服消費功用其於殿

前燒之勅內外有造異服依律治罪此題晉咸

寧起居注初學記服食部北堂書鈔衣冠部太

平御覽服章部並引之太醫司馬脫醫字唐志

二十二卷

晉泰康起居注二十一卷李軌撰

南齊書州郡志北徐州鎮鍾離晉太康二年起

居注置淮南鍾離初學記職官部祕書丞桓石

綏啓校定四部書目詔遣郎中四人各掌一部

藝文類聚食物部詔曰尚書令荀勗既久疾羸

毀可賜乳酪太官隨日給之北堂書鈔飲食部賜石

蟹五升太平御覽職官部詔故司空王基夙為

先帝授任基子冲尚書郎雖在清途猶未免楚

撻其以冲為治書侍御史兵部詔曰諸王中尉

及諸軍皆典兵以備不虞乃有著甲戰衣木履

持長矛者此為兒戲而無相彈憚也車部齊王

歸藩詔賜衣香輦一乘齊王出鎮詔賜青油雲

母犢車器物部齊王出藩詔賜榼椀杯盤各有

差飲食部尚書郭奕有疾日賜酒米猪羊肉石

崇母疾日賜清酒粳米猪羊肉並引太康起居

注泰俱作太唐志二十二卷

永平元康永寧起居注六卷梁有今亡

唐志有永平起居注一卷

晉惠帝起居注二卷梁有今亡

宋書蔡廓傳式乾殿集諸皇子悉在三司上魏

志張燕傳注門下令史張林飛與趙王倫為亂

位至尚書令封郡公尋為倫所殺並題陸機晉

惠帝起居注魏志趙儼傳注裴頠雅有遠量當

朝名士民之望也世說言語篇注裴頠字逸民

河東聞喜人司空秀之少子也文學篇注頠著

二論以規虛誕之弊文詞精富為世名論賞譽

篇注頠理甚淵博贍於論難北堂書鈔儀飾部

愍懷太子賜典兵中郎將綰紵襪編武功部

王浚乘勝追石超軍於邱超持重不與戰以

鹿角為營一云以鹿角步要為營太平御覽皇親部

拜皇孫臧為臨淮王尚為襄陽王又詔臧為太孫臧廢到銅甌街宮人皆哽咽路人投淚焉桑復生於兩廂長丈餘太孫廢乃枯又惠帝詔以太常成榮為太孫太傅前城門校尉梁柳為太孫少傅又惠帝使使持節策命愷懷太子前妃為皇太孫太妃是日也告於太廟服章部愷懷以體上白絹單衣一領因士寄與妃又帝至溫

謁陵无履取左右履著下拜服用部有雲母幌廣韻亦引此句又帝至朝歌無被中黃門以兩幅布被寄帝共引惠帝起居注十三事不著撰名

晉武帝起居注卷七 不著錄
北堂書鈔設官部司馬璞貞固和祥有識見才幹以為冗從僕射太平御覽皇親部詔曰今出掖庭才人妓女保林已下二百七十餘人職官部豫州刺史胡威忠素質直思謀深沈其以威為監軍刺史如故又東安王世子瑾貞固和祥有識見才幹以為冗從僕射此事與書鈔當是一事書鈔作名璞須考並引晉武帝起居注

晉康帝起居注卷七 不著錄
北堂書鈔設官部太平御覽職官部晉康帝起居注曰尚書萬事之本朕所責成也而廩秩儉薄甚非治體今雖軍國多費不為元凱惜祿其依令僕給尚書各親信五十人廩賜

晉孝武起居注卷七 不著錄
藝文類聚儲官部上臨軒設懸而不樂遣司空謝琰納太子妃王氏御覽皇親部引有詔賜賜文武布絹百官詣上東門上禮太平御覽皇親部納采聘太子妃百官會於新安公主第祕書監王

操之為主人並引晉孝武起居注
晉永安起居注卷七 不著錄
初學記服食部晉永安起居注曰太康四年有司奏鄴善國遣子允英入侍以英為騎都尉佩假歸義侯印青紫綬各一具愚按隋唐志無晉永安起居注所記又太康事恐誤

晉建武大興永昌起居注九卷梁有二十卷
唐志二十二卷太平御覽服用部晉建武起居注曰立敬后廟薦席不用綠緣職官部晉太興起居注曰元年置通直散騎侍郎四人又元帝依故事召陳郡王隱待詔著作單衣介幘翽望朝著作之省儀飾部晉永昌起居注曰元帝使司空王導拒王敦詔曰吾征東時節給司空

晉咸和起居注十六卷李勣撰
唐志十八卷藝文類聚東部六年寧州上言甘露降城北園柰桃樹等太平御覽器物部有司奏魏氏故事正旦賀公卿上殿虎賁六人隨上以斧柄柱衣裾上令宜依舊為儀注謂曰此非前代善制其除之羽族部二年正旦饗萬國有五鷗集太極殿前並引晉咸和起居注
晉咸康起居注二十二卷
唐志同藝文類聚歲時部十二月庚子詔曰正會日百僚增祿賜醪酒人二升布帛部詔臨邑王范柳所貢絳綾是其所珍可籌量增賜器物部詔賜遼東使段遼等琉璃盤御覽器物部又曰詔賜鸚鵡杯木部侍御史秦武秦平陵前道東杉樹一株萎死請收陵令推劾並引晉咸康起居注

晉建元起居注四卷
唐志同

晉永和起居注十七卷梁有二十四卷
唐志二十四卷初學記樂部詔太史解士非祠典可給琵琶箏篥也白帖同寶器部廬江太守路永表言於穀城北見水岸紫赤光得金一枚狀如印齒御覽珍寶部同並引晉永和起居注

晉升平起居注十卷
新唐志同舊唐志闕著錄

晉隆和興寧起居注五卷
唐志同

晉咸安起居注三卷
唐志同

晉泰和起居注六卷梁十卷
唐志同

晉寧康起居注六卷
唐志同

晉泰元起居注二十五卷梁五十四卷
唐志五十二卷世說賞譽篇注法汰卒烈宗詔曰法汰師喪逝哀痛傷懷可贈錢十萬太平御覽車部司隸校尉劉毅奏護軍羊琇私用四宏文乘羊車請免官治罪詔如所奏並引晉泰元起居注
晉隆安起居注十卷
太平御覽果部晉隆安起居注曰武陵臨沅縣安石榴子大如碗其味不酸一蒂六實
晉元興起居注九卷
唐志同

晉義熙起居注十七卷梁三十四卷

唐志三十四卷藝文類聚舟車部北堂書鈔舟部盧循新作八槽艦九枚起四層高十餘丈太平御覽天部十四年相國表曰問者平長安獲張衡所作渾儀土圭歷代寶器謹遣奉送歸之天府服章部安帝自荊州至新亭詔曰諸侍官戎行之時不備朱服悉令袴褶從也器物部詔林邑王范明達獻金盤一副蓋百副果部二年正月吳令顧修期上言西鄉有柿樹殊本合條依舊集賀詔停之菜茹部十年有司奏太常謝澹遣四人還家種蔥菜免官香部倭國獻貂皮人參等詔賜細笙麝香並引晉義熙起居注書鈔衣冠部百官衣袴禮事在義熙元年又藝文部何無忌在祕閣求賜祕書詔與一十卷儀飾部兼黃門郎徐植出爲散騎著履出省閣有司奏免官

晉元熙起居注二卷

唐志同

晉起居注三百一十七卷宋北徐州主簿劉道會撰梁有三百二十二卷

唐志道會作道蒼三百二十卷愚按昔人徵引晉代起居注其不著年號而統稱晉者逸篇最多證以隋唐志所載蓋原本卷數至三百餘卷宜徵引之多也北堂書鈔太平御覽尤多引之其書自武帝至安帝總記兩晉當是合諸家而成一書如太醫司馬上雉頭裘事白帖卷十一與咸寧起居注同荀勗羸毀賜乳酪事白帖卷十六王沖爲治書御史書鈔設官部桓石綏啓校定四部書書鈔同上 與太康起居注同正日饗萬國

有鷓鴣五集殿御覽時序部寧州上言甘露降藝文類聚東部與成和起居注同相國表獲張衡彈議土圭歸之天府書鈔儀飾部與義熙起居注同若泰始元年太常諸葛緒博士祭劉熹議郊祀御覽察親部晉書禮志闕載泰始三年拜崇陽園妾李瑛爲修華王宜爲修容徐瑛爲修儀吳淑爲婕妤趙瑛爲充華御覽皇親部晉書后妃傳關載太康元年以廬陵縣都尉之陽都縣來入太平寰宇記江南西道晉書地理志不載成和元年詔曰作瑯邪王大車斧六十枚侍臣劍八枚將軍手擊四枚御覽兵部 晉書諸王傳不載成和八年有司奏庭燎舊在端門內依舊門內施藝文類聚火部御覽火部晉書成帝紀及禮志俱不載

永和中廷尉王彪之與揚州刺史殷浩書論元日合朔不可廢御覽時序部較晉書禮志爲詳殿中將軍孝武太元中募選名家以參顧問始用瑯邪王茂之奏也書鈔設官部晉書職官志無殿中將軍孝武紀亦不載廷尉監陸燾上表求增築訊堂圖先賢像詔許之 通典職官門注御覽職官部晉書刑法志不載至於命官詔詞房喬史例多從刪削而荀顛爲司徒曹志闡宏胄子 書鈔設官部 鄭袤爲司空皇甫謐爲中庶子御覽職官部本傳所載詔詞當即資於此書惟泰始八年詔曰議郎山濤志爲簡靜凌虛篤素立身行己足以勵俗其以濤爲吏部尚書書鈔設官部晉書濤傳與此詔不同元和姓纂有尚書令浦選此人名晉書未見

流別起居注三十七卷

唐志四十七卷

晉崇寧起居注十卷不著錄

見唐志

晉宋起居注鈔五十一卷梁有隋亡

唐志有何始真晉起居無注字 鈔五十一卷晉起居注鈔二十四卷二書俱不言宋

宋永初起居注三卷

唐志六卷

宋景平起居注三卷

唐志同

宋元嘉起居注五十五卷梁六十卷

文苑英華裴子野宋略總論曰曾祖宋中大夫西鄉侯以文帝之十二年受詔撰元嘉起居注初學記職官部尚書左丞袁瑒啓領曹郎中荀萬秋每設事緣私遊肆其所之請免萬秋官武部御史中丞劉楨奏前廣州刺史韋朗於所部作牛皮鎧六領請免朗官器物部以日出入定晝夜今減夜限日出前日入後各二刻半以益晝又劉楨奏韋朗作銀塗漆屏風二十三牀綠沈屏風一牀新白莞席三百二十二領銅鏡臺一具請免朗官藝文類聚舟車部有司奏餘姚令何玢之造作平牀一乘舩一艘精麗過常請免玢之官內典部師子國遣使奉獻詔答曰此小乘經甚少彼國所有皆可悉爲寫送之御覽四夷部又云聞彼國多有師子此獻未觀可悉致之 又

阿羅單國王遣使云雪山雪水流注百川一切衆生咸得受用祥瑞部元年七月有白鸞集於齊郡九月乃去北堂書鈔天部盱眙王彭兄弟

三人欲葬二親天旱穿井無水彭號天無計竈前忽然生水歲時部尚書郎樂詢以為治曆之官常覈暑度政術部王韶之奏彈著作郎王夔御史中丞劉武之奏彈強弩將軍陶文朗太平御覽兵部載謝靈運自理表服章部治書侍御史朱興啓彈朝請向騰之四夷部天竺國毗迦梨國王遣使上表阿羅單國王遣使奉獻並引宋元嘉起居注人事部汝陽太守王道標作木人二枚高八尺著郡門有犯事者使拳擊木人倒者免罪此題文帝元嘉起居注服用部御史中丞荀伯子奏左衛將軍何尚之公事每置筮有虧體制此題宋元嘉十年起居注又阿羅單國奉孔雀蓋一具題元嘉二十九年起居注書鈔儀部亦引之無二十九年字唐志七十一卷

宋孝建起居注十二卷

通典樂門皇帝出入奏永至送神奏肆夏並引

孝建起居注唐志十七卷

宋大明起居注十五卷梁三十四卷

唐志十五卷

宋景和起居注四卷梁有隋亡

唐志有宋景平起居注三卷

宋泰始起居注十九卷梁二十三卷

初學記職官部太平御覽職官部宋泰始起居注二年詔曰王言之職總司清要中將軍丹陽

尹王景文風尚宏前情度淹粹忠規茂績實宣

國道宜兼管內樞以重其任可中書令

宋起居注不著錄

初學記禮部云今太廟太極既以隨時明堂之

制國學之南地實京邑爽壇平暢足以營建服

食部泰始二年御史中丞羊希奏山陰令謝沈

親憂未除常著青絳襜褕請免沈官寶器部泰

始二年嘉蓮一雙駢花并實合樹同莖鳥部元

嘉十三年陽羨縣民送白鳥皓質潔映有若輝

璧太平御覽職官部元嘉中以散騎常侍荀伯

子為太子僕永初中以徐珮為太子後衛率兵

部劉道符露布曰七月二十五日部率衆軍虎

士攻城逆賊程天祚等窮迫乞降又泰始二年

有司奏賊帥劉胡等從南城蘭道來攻營服用

部河西王沮渠蒙遜獻青頭黛百斤四夷部孝

建二年七月二十日盤盤國王遣使奉獻金銀

琉璃諸香藥等物八月二十日陞利國王遣使

表獻方物果部元嘉十八年有司奏揚州刺史

王濬州治後池有兩蓮駢生十六年華林有雙

蓮同幹並引宋起居注愚按此書不著年號總

記宋事似仿劉道會督起居注之例然隋唐志

皆不著錄無從考其卷數御覽服用部又引劉

楨奏章朗事與元嘉起居注同

齊永明起居注二十五卷梁有三十四卷

南齊書文學傳王遂之兼著作撰永明起居注

唐志二十五卷

梁大同起居注十卷

太平御覽休徵部九年金芝二十八莖生平水

署少府卿蕭介以聞寰宇記江南西道九年鴻

臚脚上表傳詔往姑熟翰辟山採石墨於大石

之內獲錢四枚並引梁大同起居注皆紀九年

事唐志有大同七年起居注十卷

梁天監起居注卷亡不著錄

太平御覽地部廬陵太守王希聘於玉筍山獲

劍二口寰宇記劍南西道十六年連理竹生益

州郭縣王家園外江南西道五年王希聘於高

昌縣獲龍泉光劍二口嶺南道交州刺史表言

林邑王范纘云晝觀望天風知中國有聖主乞

內附為臣兼獻白猴一頭並引梁天監起居注

梁起居注卷亡不著錄

太平御覽休徵部梁起居注曰大同六年九月

始平獻嘉禾一莖七穗

別起居注六百卷梁徐勉撰不著錄

梁書徐勉傳勉常以起居注煩雜乃加刪為別

起居注六百卷南史勉傳勉作流別起居注六

百六十卷隋志流別起居注三十七卷列於宋起居注前

且卷數懸殊自與勉撰各為一書但梁書去流字當是脫落

金樓子聚書篇曰為揚州刺史時就吳中諸士

大夫寫得起居注又得徐勉起居注

後魏起居注三百三十六卷

後魏書高祖紀太和十四年二月戊寅初詔定

起居注王遵業傳遵業與崔鴻同撰起居注李

伯尚傳伯尚撰太和起居注房景先傳景先撰

世宗起居注周道和傳道和修起居注北齊書

魏收傳陽休之父固為北平太守以貪虐為李

平所彈獲罪載在魏起居注唐志二百七十六

卷

陳永定起居注八卷

陳書劉師知傳初世祖勅師知撰起居注自永

寧寧南史作定二年秋至天嘉元年冬為十卷

陳起居注四十一卷不著錄

見唐志

後周太祖號令三卷

周書文帝紀大統七年太祖奉行十二條制恐百官不勉於職事又下令申明之愚按張軌柳蚪薛寘列傳並言修起居注而隋唐志皆不著錄此號令三卷似宜列諸律令而入起居注類未詳其義

隋開皇起居注六十卷

唐六典注曰漢獻帝及西晉以後諸帝皆有起居注並史官所錄自隋置爲職員列爲侍臣專掌其事每季爲卷送付史官唐志隋開皇元年起居注六卷

南燕起居注一卷

隋志曰僞國起居惟南燕一卷不可別出故附之於此史通外篇曰南燕有趙郡王景暉嘗事德超撰二燕起居注

漢武帝有禁中起居注

西京雜記序曰葛洪家有漢武帝禁中起居注一卷

後漢明德馬后撰明帝起居注

文選赭白馬賦注案漢明帝起居注云帝向太山至滎陽有鳥鳴輒中郎將王吉引弓射殺之將以示帝曰鳥鳴輒彎弓射洞胸腋陛下壽萬歲臣受二千石乃賜帛二百匹

漢時起居注似在宮中爲女史之職

通典職官門曰王莽時又置柱下五史秩如御史聽事侍傍記其言行此又起居之職

今存者有漢獻帝及晉代已來起居注皆近侍之臣所錄

通典曰自魏至晉起居注則著作掌之其後起居皆近侍之臣錄記也錄其言行與其勳伐有其職而無其官唐六典引魏起居注青龍中議祕書丞

郎官居三臺上

近代以來別有其職

通典曰後魏始置起居令史每行幸宴會則在御左右記錄帝言及宴賓客訓答後又別置修起居注二人以他官領之北齊有起居省後周有外史掌書王言及動作之事以爲國志即起居之職又有著作二人掌綴國錄則起居注著作之任自此而分也

隋經籍志考證卷六

會稽章宗源撰

地理

山海經二十三卷郭璞撰

今存

水經三卷郭璞撰

舊唐志郭璞撰新唐志作桑欽

黃圖一卷記三輔宮觀陵廟明堂辟雍郊時等事

今本六卷

地理風俗記卷亡應劭撰不著錄

水經河水注燉大也煌盛也酒泉其水甘若酒味故也張掖言張國臂掖以威羌狄溫水注鬱芳草也鬱人所貢因氏郡矣御覽香部同太平寰宇記河北道中人城西北有左人亭鮮虞故邑並引應劭地理風俗記

洛陽記四卷

無撰名水經穀水注千金場魏時更修文選東京賦注太谷舊名通谷後漢書堅鐔傳注建始殿東有太倉倉東有武庫通典職官門注千金堤陳總所置初學記地部漢洛陽四關東城阜關南伊闕關西函谷關北孟津關北堂書鈔酒食部乾脯山於上曝脯因以爲名太平御覽地部關塞在河南縣並引洛陽記不著撰名

洛陽記一卷陸機撰

機唐志作璣水經穀水注九江直作圓水水中作圓壇三破之夾水得相逕通文選閒居賦注洛陽三市大市馬市縣市後漢書光武紀注太學在開陽門外講堂長十丈廣三丈藝文類聚

居處部洛陽城周公所制東西十里南北十三里太平御覽居處部洛陽南宮有承風觀北宮有會喜觀城外有宣陽千秋鴻地等觀寰宇記河南道宮牆西有二銅井並引陸機洛陽記

洛陽宮殿簿一卷

唐志三卷世說巧藝篇注陵雲臺上墜方十三丈高九尺文選東京賦注北宮有雲龍門神虎門藝文類聚居處部明光徽音式乾暉章含章建始仁壽宣光嘉福百福芙蓉九華流圃華光崇光並殿名初學記居處部有魏太極九龍芙蓉九華承光諸殿後漢書劉寬傳注華光殿在華林園內寰宇記河南道西宮臨章殿有瓊華池並引洛陽宮殿簿此書徵引尚多今約舉各書一事以從大略後做此

洛陽宮舍記卷七 不著錄

文選東都賦注洛陽有雲龍門有端門藉田賦注有閭闔門初學記居處部有萬春千秋門並引洛陽宮舍記太平御覽珍寶部宮中有林同等觀皆雲母置窗裏日照之煒煒有光此稱洛陽宮殿記

洛陽故宮名卷七 不著錄

水經穀水注有朱雀闕白虎闕蒼龍闕北闕南宮闕又南宮有謬臺臨照臺文選求為諸孫置守家人注馬市在城東吳蜀二王館與相連劉公幹贈徐幹詩注洛陽宮有東掖門西掖門初學記居處部洛陽南宮有玉堂前殿黃龍殿翔平殿竹殿藝文類聚居處部侍中廬在南宮中太平御覽居處部有卻非殿銅馬殿敬法殿清

涼殿有飛兔門合章門建禮門廣懷門並引洛陽故宮名續漢禮儀志注洛陽宮陽殿南行七丈東西行三十七丈四尺此稱洛陽宮閣傳百官志注為蒼龍闕門引洛陽宮門名後漢書光武紀注有卻非殿初學記居處部洛陽宮有嘉德殿藝文類聚居處部洛陽有望舒涼室並稱洛陽宮殿名後漢書安帝紀注南宮有東觀引洛陽宮閣名

洛陽圖一卷晉懷州刺史楊佺期撰 錢氏考異曰按晉無懷州當是雍州之譌

新唐志作洛城圖舊唐志作洛陽圖文選開居賦注城南七里名洛水洛水之南名曰伊水續漢郡國志注鹽池水氣紫色有別御驪四面刻如印齒文章字妙不可述寰宇記河南道北山連嶺修亙四百餘里實古今東洛九原之地也並引楊佺期洛陽記後漢書儒林傳序注石經碑高一丈許廣四尺駢羅相接藝文類聚居處部凌雲臺登之見孟津並稱楊龍驤洛陽記據晉書佺期嘗為龍驤將軍故有此稱又文選東京賦注濯龍池名應貞華林園集詩注華林園魏明帝起名此引洛陽圖經太平御覽居處部鞏在洛水之間寰宇記河南道金鋪城內有百尺樓此引洛陽地圖皆不著撰名 張彥遠歷代名畫記曰楊佺期撰洛陽圖一名楊宮圖狀

洛陽記卷七 華延儁撰 不著錄

北堂書鈔樂部端門內有大鍾正朝大會擊之聲聞二十里初學記橋部城西車馬橋去城三十里後漢書皇后紀注城內有奉常亭太平御

覽服用部城十八觀皆龍雲母幌寰宇記河南道諺門即漢之東門並引華延儁洛陽記洛陽記一卷戴延之撰 不著錄

見唐志

後魏洛陽記五卷 不著錄

見唐志

漢宮閣簿三卷 不著錄

見唐志文選上林賦注長安有東陂池西陂池引漢宮殿簿

漢宮殿名卷七 不著錄

後漢書鍾離意傳注北宮中有德陽殿逢萌傳注東都城今名青門也太平御覽居處部長安有宣平覆盎萬秋宣德元城青綺仁壽等門藝文類聚初學記居處部並引之 洛陽有泰夏閭闔西華萬春蒼龍長秋景福丙舍鴻都濯龍等門又神明臺高五十丈上有九室並引漢宮殿名文選西都賦注長安有合歡殿披香殿鸞殿飛翔殿後漢書班固傳注作漢宮閣名 藝文類聚居處部洛陽故北宮有九子坊並稱漢宮閣名初學記居處部長安有馭婆宮宜春宮有玉堂殿銅柱殿並稱漢宮閣名三輔黃圖未央宮有宣明長年溫室昆德四殿又溫室殿在未央宮並引漢宮閣記

漢宮閣疏卷七 不著錄

文選西都賦注長安立九市其六市在道西三市在道東三輔黃圖長安城第二門名城東門史記呂太后紀索隱四年築城東面五年築北面並引漢宮閣疏漢書郊祀志注神明臺高五

十丈上有九室史記孝武紀索隱作漢宮闕疏後漢書光武紀注靈臺高三丈十二門並稱漢宮闕疏史記高祖紀索隱枳道亭東去霸城觀四里稱漢宮殿疏藝文類聚初學記居處部所引亦稱漢宮殿疏北堂書鈔舟部武帝昆明池作豫章大船稱漢宮室疏

晉宮闕名卷亡 不著錄

水經穀水注金鏞有崇天堂開陽門故建陽門也詩函風正義華林園中有車下李三百一十四株奠李一株文選靈光殿賦注華林園萬年樹十四株謝玄暉直中書省詩注同按此書多記華林園樹木藝文類聚集部木部御覽木部葉部所引多類此初

學記居處部有堯母堂永光堂長壽堂洛陽有承明門崇禮門御覽居處部所引多類此並引晉宮闕名闕或作闕又選注名或作銘乃字誤北堂書鈔舟

部靈芝池內有鳴鶴舟指南舟藝文類聚舟車部天淵池中有紫宮升進躍陽飛龍等舟初學

記器物部御覽舟部同並引晉宮闕記太平寰宇記河南道宣武觀在大夏門內東北上此稱晉宮闕簿

河南十二縣境簿卷亡 不著錄

水經穀水注河南縣城東十五里有千金竭又九曲瀆在河南鞏縣西至洛陽伊水注廣成澤在新城縣界黃阜西北初學記居處部晉有平樂鹿子桑梓苑原注晉宮闕名並列又曰洛陽城西有桑梓苑御覽居處部上有曰河南縣有鹿子苑一旬太平寰宇記河南道蘭觀在廣陽門並引河南十二縣境簿文選開居賦注城南五

里浴水浮橋阮嗣宗懷詩注城東首陽山上有首陽祠宋孝武宣貴妃誅注洛陽縣東城第一建春門並引河南郡縣境界簿

三輔宮殿名卷亡 不著錄

藝文類聚居處部太平御覽居處部未央宮有麒麟殿椒房殿又長樂宮前殿宣德殿通光殿高明殿並引三輔宮殿名又長樂宮有臨華臺神仙臺並引三輔宮殿簿

建康宮殿簿卷亡 不著錄

史通雜述篇曰若潘岳關中陸機洛陽三輔黃圖建康宮殿此之謂都邑簿者也太平御覽居處部引建康宮殿簿十餘事其言陳永初中於臺城中起昭德嘉德壽安等殿是此書當撰自陳隋間

述征記二卷郭緣生撰

唐志同水經注引郭緣生述征記渭水注稱郭著他書所引或稱郭氏或稱緣生其記中有漢建寧五年管遵立堯碑晉永興中立伍員碑水經瓠子河注華岳三廟前張昶所造碑文北堂書鈔藝文部曹植祠堂刊石同上齊谷中稽櫛先生碑書鈔衣冠部青門外魏車騎將軍郭淮碑太平御覽

居處部落索門裏有司馬京兆碑同上漢太尉陳

球墓三碑一碑記弟子盧植鄭玄管寧華歆等六十人一碑及陳登碑文並蔡邕所作御覽文部又曰崆峒山有堯碑禹碣皆籀文焉同上漢陽嘉元年太學贊碑太尉龐參司徒劉琦太常孔扶將作大匠胡廣等記御覽禮儀部續述征記卷亡郭緣生撰 不著錄

水經渠水注大梁城續述征記為師曠城郭緣生曾遊此邑踐夷門升吹臺終古之迹緬面盡在巨洋水注逢山石鼓初學記地部東萊溫泉州郡部彭城五溝並稱郭緣生續述征記他書所引多不著緣生名

述征記卷亡裴松之撰 不著錄

魏志三少帝紀注裴松之西征記曰臣松之昔從征西至洛陽歷觀舊物見典論石在大學者尚存而廟門外無之太平寰宇記河南道老子宮前有雙松柏左階之柏久枯此稱裴松之述

征記

西征記二卷戴延之撰

水經河水注多引戴延之西征記其言天津橋東故城謂之遼明壘廣韻注曰有遼明壘云是石勒十八騎中人按此一作地名一作人名同引一書而互異史記高祖紀正義函谷道形如函也其山壁立數仞谷中容一車太平御覽州郡部函谷道形如函也孫卿子曰秦有松柏之塞是也亦一事而語異函道地形如函姚察訓纂語當本此後漢書班固傳注端門東有崇賢門次外有雲龍門祇稱戴延之記楊賜傳注太極殿西有金商門稱延之西征記水經洛水注偃人穴僮尸稱延之從劉武王西征記他書皆省從劉武王四字

西征記卷亡盧思道撰 不著錄

太平寰宇記河北道盧思道西征記曰白鹿山孤峯秀出上有石自然為鹿形故山以白鹿為稱

婁地記一卷 吳顧啓撰

文選謝靈運遊赤石詩注浪山海中南極之觀
嶺窮髮之人舉帆揚越以爲標的藝文類聚草
部婁門東南有華墩陂中生千葉蓮花太平御
覽地部太湖東小山名洞庭山東頭北面一穴
西頭南面一穴西北一穴僂乃得入並引顧啓
期婁地記

風土記三卷 晉平西將軍周處撰

晉書周處傳處著風土記唐志十卷史通補注
篇曰若摯虞三輔決錄陳壽季漢輔臣周處陽
羨風土常璩華陽士女文言美詞列於章句委
曲敘事存於細書愚按初學記歲時部正月元
日食五辛鍊形 注曰辛菜所以助發五臟也莊子曰春
日飲酒茹葱以通五臟 仲夏長風扇暑注曰此節東南
常有風至俗名黃雀長風 仲夏濯枝盪川注曰此節常
多大雨名濯枝 太平御覽時序部榆莢雨注曰春雨
黃鶴風濯枝雨注曰六月之雨也 此引周處風土
記皆分晰正文及注他如鯨鯢海中大魚也俗
說出入穴卽爲潮水 春秋左傳宣公正義 舜耕於
歷山山多柞樹吳越名柞爲歷故曰歷山 水經
河水注蕊香菜根似荊根蜀人所謂種香 文選南
都賦泝石髮水苔也青綠色皆生於石 文選江賦
注笈謂學士所以負書箱如冠箱面卑者也 一
切經音義卷一 大水有小口別通口浦廣韻卷三 菜
莢楛也九月九日熟色赤可採時也 藝文類聚木
部 璿衡卽今之渾儀也古者以玉爲之轉運者
爲機持正者爲衡 御覽天部又北堂書鈔儀部作轉
運者爲衡制持正句 此皆注文若月正元日百禮

兼崇初學記歲時部 舡舸單乘載數百斛 北堂書鈔
舟部 載爲五兵雄 史記司馬相如傳索隱書鈔武功部
曰載長一丈三尺奮揚俯仰能兼五兵當卽此句注文 此
皆正文又北堂書鈔舟部曰若乃越騰百川濟
江泛海其舟則溫麻五會東甄晨冕青桐梧樟
航疾乘風輕帆電驅此類賦體所謂文言美詞
也至御覽服章部美朱爽之輕屨蔑尤鳥之文
章書鈔衣冠部亦引此二句爽屨也赤色以爲屨行
山草便於用靴故越人重之又羽族部鳴鶴戒
露此鳥警至八月白露流於草上適適有聲因
卽高鳴相警移徙所宿處藝文類聚鳥部同 此皆
正文及注同引而脫去注曰二字然分別觀之
自可考見

吳興記三卷 山謙之撰

宋王象之輿地碑記目曰吳興記山謙之撰續
漢書郡國志注中平年分故障縣置安吉縣興
平二年分烏程縣爲永縣世說言語篇注於潛
縣東有印渚並引吳興記初學記地理部烏程
縣車蓋山於潛舊縣天目山臨安縣東石鏡山
藝文類聚烏程縣西温山出御苻並稱山謙之
吳興記太平寰宇記江南東道所引尤多

吳興山墟名卷亡 張充之撰 不著錄

太平寰宇記江南東道引張充之 又作元之吳
興山墟名有三山金山石城山杼山金鵝山几
山七里橋山餘英溪夏駕山白鶴山青山藝香
山西顧山雉山西噎山南嶼山吳城湖荆山紫
花澗顧渚亭溪二十二事金山二事 輿地碑記
目吳興山墟名張元之作又云晉吳興太守王

韶之撰

吳郡記一卷 顧夷撰

後漢書楚王英傳注橫山北有小山俗謂姑蘇
臺引顧夷吳地記史記高祖紀集解顧夷曰餘
杭者秦始皇至會稽經此立爲縣漢書伍被傳
注吳闔閭十一年起臺於姑蘇山 藝文類聚居處
部同 後漢書彭修傳注延陵漢改曰毗陵北堂
書鈔酒食部長城若下出美酒初學記地部山
東兩嶺相趨名曰銅嶺並引吳地記不著顧夷
名

吳縣記卷亡 顧微撰 不著錄

文選頭陀寺碑文注顧微吳縣記曰佛法詳其
始而典籍亦無聞焉魯莊七年夜明佛生之日
也

吳地記卷亡 董覽撰 不著錄

初學記地部伍子胥廟太平御覽富春陽城山
姑蘇山硯石山香山定山曲阿南武城袁山松
城並引董覽吳地記

分吳會丹陽三郡記二卷 不著錄

見新唐志舊唐志三卷太平御覽人事部土城者
句踐時得西施鄭且作土城貯之兵部下山者
句踐於此山鑄銅禮儀部種山大夫種所葬也
並引吳會分地記

三吳土地記卷亡 顧長生撰 不著錄

太平寰宇記江南東道顧長生三吳土地記曰
有書溪水至深者又曰掩浦者昔項羽觀秦皇
輿曰可取而代也項梁掩其口之處因名之王
象之輿地碑記目曰三吳土地記顧長生作

三吳郡國志卷七章昭撰 不著錄

寰宇記江南東道章昭三吳郡國志曰孔姥墩

昔有孔氏婦少寡有子八人訓以義方漢哀平

間俱爲郡守因名之亦曰八子墩輿地碑記曰

曰吳興錄章昭作

吳郡地理記卷七王僧虔撰 不著錄

太平御覽逸民部王僧虔吳郡地理記曰處士

陸著漢桓靈間州府交辟不就臨卒誠諸子弟

云勿苟仕濁世子弟遵訓終身不仕並有盛名

吳地記一卷張勃撰 不著錄

見唐志

吳郡綠海四縣記卷七 不著錄

文選謝靈運富春詩注錢塘西南五十里有定

山太平御覽地部葉海有會骸山傳云山有金

牛昔有兄弟三人共鑿求之坎崩同死因以爲

名並引吳郡綠海四縣記

吳郡臨海記卷七 不著錄

太平御覽地部吳郡臨海記曰虞縣有穿山下

有洞穴昔有在海中行者舉帆從穴中過

京口記二卷宋太常卿劉損撰

唐志作劉損之藝文類聚地部城北四十餘里

有小岡名下鼻山部石門二山頭相對又蒜山

無峯嶺北臨中江文選顏延年遊蒜山詩注同 水部

縣城東南大路得屠兒浦居處部唐顏山南隅

得邳鑿故宅菓部南國多林檎北堂書鈔地理

部有龍目湖秦始皇改名爲丹徒 初學記地理部

同又曰去城九里有白石峴御覽地部作自在峴太

平御覽地部黃鶴山北顧山馬蹄山嘉子洲並

稱劉顧京口記輿地碑記曰京口舊記山謙之

劉損之皆作山謙之記未見逸籍

南徐州記二卷山謙之撰

唐志同文選七發注京江禹貢北江春秋朔望

輒有太濤求自試表注初學記地理部並同藝文類聚

山部蒜山北江中有伏牛山太平御覽地部丹

徒縣女山暨陽縣秦履山暨陽北馬鞍山南沙

縣中州山刻縣三白山並引山謙之南徐州記

世說捷悟篇注徐州人多勁悍號精兵排調篇

注徐州都督北府之號自晉王舒起史記絳侯

周勃世家正義丹徒峴龍目湖並引南徐州記

不著山謙之名

徐地錄一卷劉芳撰 不著錄

見唐志北堂書鈔藝文部徐州有秦始皇碑地

理部延陵縣南有茅君山太平寰宇記河南道

合鄉故城古之互鄉又云後漢承宮躬稼於蒙

山並引劉芳徐州記

南兖州記一卷阮昇之撰 不著錄

新唐志阮敘之南兖州記一卷太平御覽地部

瓜步山東五里有赤岸山州郡部南兖州地有

鹽亭一百二十三所寰宇記淮南道同 盱眙春秋

時善道地震宇記淮南道江都臺釣臺吳王濞

之釣臺又海陵縣孤山有神祠悉生大竹有高

郵縣有土山上有石井石白並引阮昇之南兖

州記 河南道都梁山東陽山盱眙山又淮南道故齊靈縣

江都孝義里廣陵榮黃溝六事御覽地部引都梁宮殿隋大

業元年所立並稱阮昇之記似此書撰在隋唐間

世說文學篇注袁準有俊才太始中位給事中

北堂書鈔設官部藝文類聚職官部御覽職官部並同 此

引荀綽兖州記

會稽記一卷賀循撰

史記越世家正義少康其少子號曰於越越國

之稱始此太平御覽地部石簣山其形似簣在

宛委山上並引賀循會稽記

會稽記卷七孔靈符撰 不著錄

宋書孔季恭傳季恭會稽山陰人子靈符爲會

稽太守文選遊天台山賦注赤城山瀑布冬夏

不竭天臺山舊名五縣之餘地赤城山上有石

橋石屏風顏延年和靈運詩注秦望山在州城

正南江文通雜體詩注始寧縣有嶧山刻縣有

嶧山後漢書鄭宏傳注若耶溪風呼爲鄭公風

藝文類聚山部赤城山南有天台靈嶽玉石瑤

臺又餘姚縣南百里有太平山又會稽山南有

宛委山又射的山西南水中有白鶴太平御覽

地部諸暨縣西北有烏帶山上虞有龍頭山並

引孔靈符會稽記初學記地理部四明山高峯

軼雲連岫蔽日稱孔靈會稽記 御覽地部始寧縣

壇嶽山刻縣白石山麗山大夫稱臺諸暨縣羅山陳音山銅

牛山赤城山亭山永興縣洛恩山城西門怪山居處部重山

南白樓亭並稱孔靈會稽記 愚按寰宇記江南東道

引射的白斛一百射的元斛一千之語稱孔靈

記御覽地部同引之則稱孔靈符疑靈乃靈符

名而以字行故宋書本傳祇稱靈符也藝文類

聚山部引塗山土城山秦望山三事稱孔靈會

會稽土地記一卷朱育撰

世說言語篇注東陽長山靡迤而長縣因山得名又山陰邑在山陰故以名焉此引會稽土地志不著朱育名

會稽舊記卷亡 不著錄

史記五帝紀正義會稽舊記曰舜上虞人去虞三十里有姚邱即舜所生也

會稽郡十城地志卷亡 不著錄

太平御覽禮儀部上虞縣東南古塚碑題文曰居在本土厥姓黃卜葬於此大富強易卦吉龜卦凶此引會稽郡十城地志

隋王入汭記六卷宋侍中沈懷文撰

唐志十卷

荆州記三卷宋臨川侍郎盛宏之撰

通典州郡門凡言地理者在辨區域徵因革知要害察風土如誕而不經偏記雜說何暇偏舉注曰謂辛氏三秦記常璩華陽國志羅合湘中記盛宏之荆州記之類皆自述鄉國靈怪人賢物盛參以他書則多紕繆既非通論不暇取之矣愚按宏之書見引最多其記靈異如始興機山石室藝文類聚地部鄴縣菊谿類聚水部夷道勾將山下三泉同上新陽縣惠澤中溫泉同上宜都佷山風穴御覽天部佷山石穴陰陽石同上湘東雨母山采陽縣雨瀨同上臨賀郡雷磨石御覽地部臨賀縣門石人同上宮亭湖廟神同上又初學記地部同魚復縣神洲同上此類其衆史記越世家正義引華容縣西陶朱公冢碑文選登樓賦注江陵縣西有陶朱公冢碑北堂書鈔武功部有河東

郡石鼓銘藝文類聚居處部有穀城門石人腹銘曰摩兜韃慎莫言太平御覽文部冠軍縣張唐墓碑背曰白楸之棺易朽之裳銅錢不入瓦器不藏嗟矣後人幸勿見傷並出宏之荆州記

荆州記卷亡庾仲雍撰 不著錄

文選郭景純遊仙詩注大城西有靈谿水臨沮縣有青溪山張景陽雜詩注有北有四關魯陽伊關之屬也藝文類聚居處部秭歸縣有屈原宅女須廟擣衣石猶存太平御覽居處部同地部巴楚有明月峽廣德峽東突峽今謂之巫峽秭歸峽歸鄉峽並引庾仲雍荆州記

荆州記卷亡范汪撰 不著錄

史記五帝紀正義丹水縣在丹川堯子朱所封也藝文類聚居處部宛有三女樓伍子胥宅又云安昌里有光武宅枕白水所謂龍飛白水也太平御覽服用部安成郡今屬江州出桃枝席獸部夷陵縣峽口猿鳴至清遠並引范汪荆州記

荆州土地志卷亡 不著錄

藝文類聚舟車部桓宣穆遣人尋廬山上有一湖中有敗編菓部宜都出枇杷並引荆州土地志不著撰名

荆州記卷亡劉澄之撰 不著錄

初學記地部劉澄之荆州記曰華容縣東南有雲夢澤一名巴邱湖荆州之藪也

豫章記一卷雷次宗撰

唐志同宋志稱豫章古今記三卷王象之輿地碑目言豫章古今志見隋志然古今二字非隋志本有藝文

類聚軍器部載雷孔章為豐城令得龍淵太阿二劍御覽兵部同晉書張華傳即取資此記然水經贛水注引次宗言鸞岡鶴嶺以舊說為鸞風捕影之論文選別賦注亦引舊說而不載次宗辨論是次宗亦不專尚奇異也太平寰宇記江南西道

洪井風雨池洪州城大湖龍沙堆王喬壇椒邱城昌邑城許子將墓建城縣樂平縣吉州陶侃母墓建昌縣共十二事引次宗豫章記其不著次宗名者不錄

豫章記卷亡張僧鑒撰 不著錄

文選別賦注張僧鑒豫章記曰洪井有鸞岡舊說洪崖先生乘鸞所憩處也鸞岡西有鶴嶺王子喬控鶴所經過處江文通廬山詩注同

蜀王本紀一卷楊雄撰

唐志同史通因習篇曰國之有偽其來尚矣如杜宇作帝勾踐稱王而揚雄撰蜀紀子貢著越絕考斯衆作咸是偽書又外篇雜記曰揚雄晒子長愛奇多雜然觀其蜀王本紀稱杜魄化而為鵲荆屍變而為鰲其言如是何其鄙哉愚按杜宇作帝死化子規見文選蜀都賦注荆尸鰲令御覽作鰲此乃人名隨江水至津後漢書張衡傳注作至成都與望帝相見望帝以為相以德薄不及鰲令乃委國授之而去此見文選思玄賦注御覽妖異部獸部羽族部鱗部並引之所謂誠涉怪異然雄言荆地有一死人名鰲令非變而為鰲也至如武都山精化為女子後漢書任文公傳注北堂書鈔儀飾部朱提男子從天而下自稱望帝史記三代世表素隱五丁迎秦女山崩化為石藝文類

秦山部御覽地部郡部並引之秦襄王時宕渠郡獻
長人二十五丈六尺御覽人事部此類亦杜宇繁
令之流

蜀記卷亡李膺撰 不著錄

太平寰宇記劍南東道犂刀山廢懷歸縣五城
縣靈江東鹽亭井宕渠郡銅官山劍閣石新婦
並引李膺蜀記

蜀記卷亡段氏撰 不著錄

寰宇記劍南西道戎人進獠獠皇褐碧三色
相間江南西道涪州出扇山南西道渝出花竹
簾巴川以竹根爲酒注子太平御覽布帛部邛
州鎮南蕉葛上者一疋直十千並引段氏蜀記
又寰宇記山南東道忠州墊江縣以蘇薰爲席
絲爲經其色深碧此稱段氏遊蜀記

三巴記一卷 譙周撰

玉篇巴部閬白水東南邊如巴字 通典州郡門御
覽地部州郡部並見 藝文類聚樂部閬中有渝水
寶民銳氣善舞高祖使樂人習之故樂府中有
巴渝舞太平御覽人事部禮儀部並引巴國將
軍曼子事俱見譙周三巴記續漢郡國志注引
有巴漢志

珠崖傳一卷 僞燕聘晉使蓋泓撰

太平御覽果部珠崖傳曰果有龍眼又珠崖故
事曰珠崖果有餘甘

巴蜀志卷亡袁休明撰 不著錄

水經若水注袁休明巴蜀志曰堂琅縣西高山
嵯峨嶺石磊落傾側縈迴下臨峭壑行者攀緣
牽援繩索三蜀之人及南中諸郡以爲至險

陳留風俗傳三卷 園稱撰

元和姓纂後漢末有園稱字幼舉撰陳留風俗
傳 廣韻注同 匡謬正俗引園稱自序爲園公之
後園公秦博士避地南山惠太子卽位以園公
爲司徒師古按班書述四皓但有園公非園公
也公避地入商洛深山不爲博士又漢初不置
司徒且呼惠帝爲惠太子無意義孟舉之說實
爲鄙野愚按水經注史記索隱諸書所引陳留
風俗傳皆無園公一事羣輔錄園公注祇引陳
留志乃江敞所撰十五卷見雜傳類 非園稱之書
然阮簡爲開封令有劫賊外白甚急簡方圍棋
長嘯曰局上有劫亦甚急此事水經渠水注作
陳留志而御覽州郡部寰宇記河南道並作陳
留風俗傳蓋園稱江敞同紀陳留事故各互見
也但稱字幼舉師古書爲孟舉誤唐志卷同

鄴中記三卷 晉國子助教陸暹撰

今本一卷

春秋土地名三卷 晉裴秀京相璠撰
隋志經部春秋類已見此係重出

衡山記一卷 宋居士撰

南齊書高逸傳宗測字敬微宋徵士炳孫也測
少靜退辟徵不就嘗遊衡山著衡山記 隋志宋
當作宗 文選江文通雜體詩注空青崗有天津
玉池藝文類聚地部衡山有會青崗出會青可
合仙藥有靈壽崗多靈壽木御覽地部又云週道數
十里芝草崗有神芝靈草並引衡山記

南嶽記卷亡徐靈期撰 不著錄

藝文類聚居處部南嶽有飛流壇曲水壇 御覽

居處部同 服飾部衡山之岡有石室有刀鉅銅
銑及瓦香爐太平御覽地部常翼軫度機衡謂
之衡山並引徐靈期南嶽記

廬山紀略一卷 陸慧遠撰 不著錄

今存

廬山記卷亡張野撰 不著錄

藝文類聚山部張野廬山記曰廬山天將雨則
有白雲或冠峯岫或互中嶺俗謂之山帶不出
三日必雨

廬山記卷亡周景式撰 不著錄

藝文類聚山部周景式廬山記曰匡俗周威王
時生而神靈廬於此山世稱廬君故山取號焉
勾將山記卷亡袁山松撰 不著錄

太平寰宇記山南東道登勾將山北見高篋山
巖然半天御覽地部堯時大水此山不沒如篋
因名焉並引袁山松勾將山記

太山記卷亡 不著錄

史記趙世家正義太山西北有長城緣河經太
山千餘里瑯琊入海 又楚世家正義引作太山邪記
藝文類聚木部山南有太山廟柏樹千株長老
傳云漢武所種並引太山記太平御覽地部引
太山天門日觀秦觀吳觀周觀諸岫語與漢官
儀同

嵩山記卷亡盧元明撰 不著錄

太平寰宇記河南道盧元明嵩山記曰漢有王
彥者隱於侯山後學道得成至今指所住爲王
彥嶺水經注禹貢山水釋地嵩山石室有自然
經書自然飲食又山有玉女臺文選洛神賦注

山上神芝並引嵩高山記不著撰名
羅浮山記卷七袁彥伯撰 不著錄

元和郡縣志嶺南道袁彥伯羅浮山記曰羅浮山在博羅縣西北羅山之西有浮山蓋蓬萊之一阜浮海而至與羅山並體故曰羅浮 水經河水注文選謝靈運初發石首城注並引羅浮山記不著袁彥伯名 太平御覽居處部袁彥伯羅山疏曰仰望石橋渺然在雲中

登羅山疏卷七竺法真撰 不著錄

太平御覽香部旃檀沈香羽族部越王烏五距鳥獸部增城縣牛潭蟲豸部金花蟲竹部筋竹並引竺法真登羅山疏

中山記卷七張曜撰 不著錄

水經澆水注多引中山記其言城中有山故曰中山通典州郡門注取之太平御覽州郡部寰宇記河北道並稱張曜中山記
鄒山記卷七 不著錄

水經汶水注徂徠山有美松亦曰尤徠之山史記夏本紀正義鄒山古之嶧山言絡驛相連屬也今猶多桐樹並引鄒山記

天台山銘序卷七支遁撰 不著錄

文選遊天台賦注支遁天台山銘序曰余覽內經山記云剡縣東南有天台山又云往天台嘗由赤城爲道徑又引天台山圖

名山略記卷七 不著錄

文選遊天台賦注名山略記曰天台山即是定光寺諸佛所降葛仙公山也 藝文類聚山部天台山在剡縣即是衆聖所降 太平寰宇記山南西道

引上津縣天柱山事稱殷武名山記
遊天竺記卷七釋法顯撰 不著錄

水經河水注引釋法顯遊天竺記
山圖卷七陶弘景撰 不著錄
太平寰宇記淮南道陶弘景山圖曰霍山牛山出藥草其山東南角有伏石似牛山中出石斛今入貢

遊名山志一卷謝靈運撰

文選謝靈運遊赤石詩石壁精舍詩登石門詩斤竹岡詩登臨海嶠詩南樓詩注並引靈運遊名山志藝文類聚山部引石門事與選注語異 聖賢家墓記一卷李彤撰

唐志同文選邱希範與陳伯之書注聖賢家墓記曰東平思王家在東平無鹽人傳云思王歸國京師後葬其冢上松柏西靡寰宇記淮南道廉頗葬肥陵引古今家墓記又亞夫葬於巢縣引古今葬地記

佛國記一卷沙門釋法顯撰

今存

遊行外國傳一卷沙門釋智猛撰

唐志同

交州以南外國傳一卷

唐志南訛作來

十洲記一卷東方朔撰

今存

神異經一卷東方朔撰張華注

今存

異物志一卷後漢儀郎楊孚撰

後漢書賈琮傳注翠鳥形似鸞翡翠而翠青其羽可以爲飾馬融傳注鷓不生卵而孕雛於池澤間既胎而又吐生北堂書鈔酒食部文章作酒其味甚美土人以金買草不言貴也並引楊孚異物志續漢志注文選注諸書多引異物志不著撰名今採其著楊孚者他做此

南裔異物志卷七楊氏撰 不著錄

水經葉榆河注髯惟大蛇既洪且長采色駁皴其文錦章食豕鹿腴成養創賓享嘉燕是豆是觴溫水注僮耳朱崖俱在海中分爲東落並引楊氏南裔異物志

南方異物記卷七 不著錄

文選七啓注南方異物記曰採珠人以珠肉作鮮一切經音義翡翠飛即羽鳴翠翠翡翠因以名焉藝文類聚寶玉部玳瑁如龜生南方海中大者如蘆蔭並引南方異物志
異物志卷七譙周撰 不著錄

文選蜀都賦注譙周異物志曰涪陵多大龜其甲可以卜俗名曰靈又滇池水乍深廣乍淺狹有如倒流故俗云滇池

南州異物志一卷吳丹陽太守萬震撰

唐志同世說汰修篇注珊瑚生大秦國左傳定公正義象身倍數牛目則如豕鼻長七八尺漢書武紀注能言鳥有三種白及五色者性尤慧

文選江賦注鸚鵡螺狀如覆杯並引萬震南州

異物志史記大宛傳正義大月氏天竺事祇稱

萬震南州志

巴蜀異物志卷七 不著錄

文選鵬鳥賦注有小鳥如雞體有文色土俗因形名之曰鵬不能遠飛行不出域 漢書賈誼傳注史記風實列傳索隱同 史記周勃世家集解頭上巾為冒絮漢書周勃傳注同並引巴蜀異物志

荆揚已南異物志卷亡薛瑛撰 不著錄

文選吳都賦注餘甘如梅李核有刺初食之味苦後口中更甘太平御覽果部樑子樹產山中實似李冬熟味酸丹陽諸郡育之並引薛瑛荆揚已南異物志

異物志卷亡薛瑛撰 不著錄

一切經音義鑿錯鉅錯引薛瑛異物志

異物志一卷陳那暢撰 不著錄

見唐志太平御覽果部甘蔗益智梔子餘甘三廉百卉部葭蒲並引陳那暢異物志

異物志卷亡曹叔雅撰 不著錄

藝文類聚水部廬陵城中有一井水灰汁取作粥皆作金色土人名灰汁為金故名為金井此引曹叔雅異物志太平寰宇記江南西道亦引金井事又山都木客二事並稱叔雅廬陵異物志

扶南異物志一卷朱應鑠撰

唐志同作朱應通典邊防門注大宛馬解人語知音舞大月氏牛尾重十斤割之供食尋生如故史記大宛傳正義大秦國北附庸小邑有羊羔自然生於土中又大秦金二枚皆大如瓜櫛之滋息無極並稱宋膺異物志省扶南二字朱作宋應作膺未知孰是

涼州異物志二卷

唐志二卷太平御覽天部涼州異物志曰有一大人生於北邊原注在丁零北千五百里偃臥於野其高如山頓脚成谷橫身塞川 原注長萬餘里頓脚之間乃是天谷 近之有災寰宇記隴右道引龍勒山貳師將軍祠又葱嶺水東流為河源二事 水經河水注引葱嶺水事作涼州異物志

臨海水土物志一卷沈瑩撰

唐志作臨海水土異物志後漢書東南夷傳注夷洲在臨海東南去郡二千里引沈瑩臨海水土志 省物字太平御覽四夷部引此事尤詳亦稱臨海水土志 文選江賦注海豨豕頭身長九尺稱臨海水土記御覽鱗介部多稱臨海水土記 廣韻注鱈魚腹背皆有刺如三角菱稱臨海風土記 御覽鱗介部作水土 文選江賦注鹿魚長二尺餘有角腹下有脚如人足思玄賦注鷓鴣一名杜鵑至三月鳴晝夜不止稱臨海異物志 省水土二字初學記歲時部同藝文類聚歲時部同 又江賦注蠃鱗魚龜龜鼉鼉海月土肉石華蚶蠃並稱臨海水土物志 御覽鱗介部亦多同此稱又三蠃似蛤廣韻注作臨海異物志御覽作水土物志 江文通雜體詩注白石下有金潭金光煥然一切經音義烏賊以其懷板含墨故號小史魚藝文類聚木部石山望之如雪山有湖傳云金鵝所集八桂所植並稱臨海記御覽地部時序部寰宇記江南東道亦多引臨海記

交州異物志一卷楊孚撰

藝文類聚鳥部孔雀人拍其尾則舞稱楊孝元交州異物志又翠鳥先高作巢生子恐墮稍下作巢生子毛羽復益愛之又更下巢此稱楊孝

先交趾異物志

蜀志一卷東京武平太守常寬撰
常璩大同志曰族祖武平府君漢嘉杜府君並作蜀後志書其大同及其喪亂西州後賢志曰武平府君撰簡授翰拾其遺闕然但言三蜀巴漢未列又務在舉善不必珍異
發蒙記一卷東晉撰載物產之異

隋志經部小學類有束皙發蒙記一卷此疑重出然注特言記物產之異小學類注無此語或名同而書殊也史記匈奴傳索隱駢列其母腹而生般本紀正義鼈三足曰熊初學記獸部西域有火鼠之布東海有不灰之木太平御覽兵部師子五色而食虎於巨木之岫一噬則百人仆惟畏鉤戟並引束皙發蒙記此類與諸異物志相仿故亦入地理類

地理書一百四十九卷錄一卷陸澄合山海經已來一百六十家以為此書澄本之外其舊事並多零失見存別部自行者惟二十四家今列之於上

南齊書陸澄傳澄撰地理書史通書志篇曰地理為書陸澄集而難盡唐志一百五十卷 隋志有錄一卷唐志百五十卷乃合目錄言之 水經濟水注呂尚封於齊郡薄姑故城在臨淄縣西北五十里近濟水文選赭白馬賦注洛陽故宮曰廣望觀臨金市左太冲詠史詩注崑崙東南地方五千里名曰神州江文通雜體詩覽陸王行狀注同曹子建贈徐幹詩注迎風觀在鄴子建七啓注同藝文類聚水部滎陽有浪蕩渠北堂書鈔禮儀部衛青尚平陽公主後與主合葬家在華山葬時發

士得銅槲一枚並引地理書不著撰名 任昉劉澄並有地理書鈔此所引不著撰名則未能定為陸澄之書 附此存考 又按隋志注言陸澄合山海經已來諸家見存別部自行者二十四家今志中所列

山海經水經黃圖洛陽記陸機洛陽宮殿簿洛陽圖述征記西征記襄陽地記風土記吳興記吳郡記京口記南徐州記會稽土地記會稽記隋王入河記荊州記神農記豫章記蜀王本紀三巴記珠崖傳陳留風俗傳鄭中記春秋土地名衡山記遊名山志聖賢家墓記佛國記遊行外國傳交州以南外國傳十州記神異經異物志蜀志南州異物志發蒙

記共三十九家自是於陸澄所合外增著十五家交州異物志扶南異物志臨海水土物志涼州異物志四家志本著在陸澄書下故計增著者惟十五家也

三輔故事二卷晉世撰

唐志地理類有三輔舊事三卷不著撰名故事類又有韋氏三輔舊事一卷愚按漢書郊祀志注建章宮承露盤仙人掌續漢祭祀志注長安城東靈星祠史記始皇紀索隱聚天下兵器鑄銅人後漢書盆子傳注長安城中有藁街或稱

三輔故事或稱舊事初學記藝文類聚諸書亦故事舊事互引 疑同一書而唐志重出也北堂書鈔藝文部引婁敬為高車使者持節至匈奴與分地界作丹書鐵券曰海以南冠蓋之士處焉海以北控弦之士處焉御覽奉使部同 又云衛太子大鼻御覽作鼻武帝病太子入省江充曰上惡大鼻當持紙塞其鼻而入帝怒御覽人事部疾病部又

江充語武帝曰太子不欲聞陛下驥吳 考漢書婁敬傳匈奴傳衛太子傳江充傳並可補闕太平御覽

資產部引更始遣將軍李松攻王莽屠兒賣餅者皆從之屠兒杜虞手殺莽漢書莽傳稱商人杜吳殺莽吳虞通用字隋志稱此書撰自晉世故梁劉昭已引其詞唐志題為韋氏据後漢書韋彪傳帝數召彪入問以三輔舊事禮儀風俗羣輔錄載順豹義為韋氏三君又韋孟達為扶風三達之一是韋氏固三輔間人也文選西京賦注建章宮北作清淵海陶徵士誄注四皓秦時為博士辟於上洛熊耳山二事稱三輔三代舊事撰注所引他事祇稱故事舊事無三代二字 二代 三字未詳

湘洲記二卷庾仲雍撰 初學記天部零陵山有石鸞遇風雨則飛雨止還化為石地理部應陽縣蔡子池南有石曰云是蔡倫舂紙曰御覽天部地部同 並引庾仲雍湘州記太平御覽地部君山昔秦皇欲入湘觀衡山遇風浪至此山而免因號君山此稱庚穆之湘州記

吳郡記二卷晉本州主簿顧夷撰 前已著顧夷吳郡記一卷此疑重出 日南傳一卷 太平御覽兵部引日南傳南越王尉佗攻安陽王遣太子始降安陽與安陽王女眉珠通入庫鉅截神弩亡歸報佗佗復攻安陽王弩折兵挫浮海奔竄

江記五卷庾仲雍撰 水經江水注若城至武城口三十里又谷里袁口江津南入歷樊山上下三百里通新興馬頭

二治並引庾仲雍江水記文選殷仲文南州桓公九井詩注姑熟至直瀆十里東通丹陽湖南有銅山山一名九井山井與江通鮑明遠還都道中詩注蘆州至樊口二十里伍子胥初所渡處也樊口至武昌十里此題庾仲雍江圖唐志作江記卷同 漢水記五卷庾仲雍撰 唐志同初學記地部漢水出廣漢漾水出嶓冢東流至武都與漢水合沔水出武都沮縣亦與漢水相合藝文類聚水部漢水有泉方圓數十步夏長沸湧望見白氣衝天能瘥百病常有數百人飲浴之史記夏本紀正義武當縣西十里漢水中有洲名滄浪洲並引庾仲雍漢水記水經河水注滄浪洲謂之千齡洲稱仲雍漢中記寰宇記山南西道興道七女池事亦稱漢中記不著仲雍名 居名山志一卷謝靈運撰 水經漸江水注引謝康樂山居記 西征記一卷戴祚撰 唐志二卷封氏聞見記載祚西征記曰開封縣二佛寺余至此見鴿大小如鳩戲時兩兩相對御覽羽族部云祚至雍邱始見鴿大小如鳩色似鸚鵡戲時兩兩相對 祚江東人晉末從劉裕西征姚泓至開封縣始識鴿則江東舊亦無鴿愚按隋志有戴延之西征記二卷此又著戴祚西征記一卷唐志惟有戴祚無延之他書所引多稱延之惟開封見鴿事御覽同作戴祚据封氏言祚晉末從劉裕西征姚泓水經洛水注言延之從劉武王西征是祚與延之本一人祚乃其名而以字

行隋志兩見當係重出

永初山川古今記一卷齊郡官尙書劉澄之撰

唐志同初學記文漸興平石穴深二百丈石青色堪爲硯太平御覽地部鼓山如石鼓形二所南北相當二鼓相去十里並引劉澄之宋永初山川古今記水經夏水注夏水古文以爲滄浪水漁父所歌也文選苦熱行注寧州障氣蔭露四時不絕茵草名有毒其上露觸之肉即潰爛初學記天部宜都郡有二大石一爲陽一爲陰鞭陰石則雨鞭陽石則晴並稱宋永初山川記

省古今字御覽寰宇記亦多從省又御覽州郡部黎陽國居處部魏武殿前聽政門稱澄之古今山川記省永初二字水經河水注高祖卽帝位於汜水之陽今不復知舊壇所在獲水注彭城之西南有彌黎城汾水注介山子推所逃隱於是山穀水注洛城西面有陽渠周公制之並稱劉澄之永初記省山川古今字又澄之鄆氏注或稱劉中書

元康三年地記六卷

續漢郡國志注雒陽城王城崩鄉營城坎陷聚汲銅關安邑梁城堯城等並引晉元康地記文選謝靈運斤竹澗詩注猿與獼猴不共山宿臨且相呼藝文類聚地部荊州古蠻服地秦滅楚置郡縣漢武分爲交州至魏晉而荊州所部郡國三十並稱元康地記元康惠帝年號與太康地記自各爲一書續漢志注所引稱元康者甚多固非太康之

太康地記卷亡 不著錄

今有緝本亦從續漢志諸書抄撮爲之

地記二百五十二卷梁任昉陸澄之書八十四家以爲此記其所增舊書亦多零失見存別部行者惟十二家今列之於上

梁書任昉傳昉撰地記二百五十二卷唐志同水經洛水注穀水注並引有地記不著任昉名又按隋志注昉所增諸家舊書別部存者惟十二家今志所列自三輔故事已下湘州記吳郡記日南傳江記漢水記居名山志四征記廬山南陵雲精舍記永初山川古今記元康三年地記并帖省置諸郡舊事司州記共十三家志增一家

山海經圖讚二卷郭璞撰

唐志同張彥遠歷代名畫記曰山海經圖六又抄圖一大荒經圖二十六

山海經音二卷

唐志同

水經四十卷酈善長注

今存

廟記一卷

無撰名唐志同漢書郊祀志注五帝廟在長安東北外戚傳注趙父家在雍門西上官桀安家並在霍光冢東文選注卷二十二 祈年宮在城外秦穆公造望年宮在華陰漢武帝造後漢書和帝紀注曹參家在長陵道旁北近蕭何家史記秦本紀正義襄泉宮秦孝公造祈年觀德公起蓋在雍州城南通典禮門五帝廟在長安東北初學記居處部飛羽殿或云飛雨殿又長安有披香殿駕鸞殿並引廟記太平寰宇記亦引十餘事不著撰名按梁書吳均傳均著廟記十卷

地理書抄二十卷陸澄撰

太平寰宇記江南東道陽義縣前長橋袁府君造山南東道襄陽無襄水又築水會沔水之處謂之築口並引陸澄地理書抄

地理書抄十卷劉黃門撰

文選西征賦注劉澄之地理書曰看有純石或謂石看後漢書獻帝紀注劉澄之地記曰禪陵以漢禪位故以名焉水經河水獲水穀水伊水沭水夏水漾水沅水未水賴水注並引劉澄之語不著書名

洛陽伽藍記五卷後魏楊街之撰

今存

荆南地志二卷蕭世誠撰

太平御覽地部華容方臺山山出雪母土人候雲所出處於下掘取無不大獲此引蕭世誠荆南志又高沙湖在枚迴洲上徵士宗炳昔常家焉又枝江縣界內洲大小凡三十七寰宇記山南東道枚迴洲北江呼爲蓄微江又五葉湖側昔有人張被五葉同居因以爲名又巴山有巴復村在巴山因曰巴山又荆潭以上爲建水以下爲漕水並引荆南志又石首縣陽岐山一事御覽

益州記三卷李氏撰

南史梁李膺傳膺字公允爲益州主簿使至都武帝悅之以爲益州別駕著益州記三卷唐志作李允誤後漢書公孫述傳注冲星橋舊市橋也在今成都縣西南四里南蠻西南夷傳注平都縣蛇爲老嫗報讎地陷爲河事御覽四夷部實

宇記劍南西道同 元和郡縣志劍南道成都文翁學堂寰宇記劍南西道同 並引李膺益州記水經

江水青衣水若水注引益州記不著撰名

益州記卷七任豫撰 不著錄

續漢郡國志注廣都縣有望川源武陽縣有王喬祠彭祖祠文選蜀都賦注嘉魚鱗似鱒魚藝

文類聚禮部文翁學堂在大城南昔經火災蜀郡太守高勝修復繕立圖書聖賢古人之象及

禮器瑞物 此事可與李膺益州記互證御覽禮儀部同引

之初學記地部鄆江大江之枝也亦曰涪江亦

曰渝水太平御覽地部廣平有石紐林禹生處

也並引任豫益州記史記河渠書正義二江者

鄆江流江也北堂書鈔酒食部益州有卓王孫

井舊常於此井取水煮鹽並引杜預益州記杜

預任豫字形相近易訛自是一書

益州志卷七譙周撰 不著錄

文選蜀都賦注譙周益州志曰成都織錦既成

濯於江水其文分明勝於初成他水濯之不如

江水也

廣州記卷七裴淵撰 不著錄

水經浪水注尉佗墓後有大岡謂之馬鞍岡藝

文類聚地部亦引之 又東海蝦蟇長丈四尺鮠魚

長二丈大數圍文選陸士衡贈顧交趾詩注五

嶺大庾始賀臨賀桂陽揭陽 史記張耳傳案隸前漢

書張耳傳注御覽地部同 漢書地理志注龍川本博

羅縣之東鄉也 史記南越尉佗傳正義同 北堂書鈔

儀飾部南海豪富女子以金銀爲大釵執以叩

銅鼓故號爲銅鼓釵初學記道釋部桂父常食

桂葉一旦與鄉曲別飄然入雲並引裴淵廣州

記或稱裴氏

廣州記卷七顧微撰 不著錄

藝文類聚山部白水山牛鼻山夫廬山金岡山

參里山鬱林郡太山自帖同多引顧微廣州記

廣州記卷七劉澄之撰 不著錄

太平御覽地部劉澄之廣州記曰新城縣東俱

山山上有湖湖中有白鵝一隻時時飛來不可

常見

湘州記一卷郭仲彥撰

太平御覽飲食部衡陽縣東南有鄴湖土人取

此水以釀酒其味醇美寰宇記嶺南道平樂縣

山多曲竹有木客形似小兒歌哭行坐衣服不

異於人言語亦可解精別木理並作郭仲彥湘

州記

湘州記卷七甄烈撰 不著錄

太平御覽地部石鸞山石形似鸞大小如一山

明雲淨即翩翩飛翔州郡部荆大明中望氣者

云湘東有天子氣遣日者巡視斬岡以厭之並

引甄烈湘州記

湘州榮陽郡記卷七 不著錄

續漢郡國志注九疑山下有舜祠故老相傳舜

登九疑又營浦縣南三里餘有舜南巡止宿處

今立廟並引湘州榮陽郡記水經溱水注林水

源石室有銀餅晉太元中民封驅之家僕密竊

三枚驅之夢神語曰君奴不謹即日顯戮覺視

則奴死矣此引湘州記不著撰名

冀州記卷七荀綽撰 不著錄

世說言語篇注滿奮字武秋高平人文選奏彈王

源注同 性清平有識又裴頠稽古善言名理賞

譽篇注楊淮見王綱不振遂縱酒不以官事規

意品藻篇注楊喬清朗有遠意楊髦清平有貴

識並爲後出之備又閻邱冲清平有鑒識博學

有文義並引荀綽冀州記 按此書所記似非地理類

前志皆不著錄無從考定今姑依名編之 北堂書鈔說

官部裴康字仲預楷字叔則並爲名士此稱喬

潭冀州記

冀州記卷七裴秀撰 不著錄

史記封禪書索隱顧氏按裴秀冀州記曰緱山

仙人廟者昔有王喬雋爲武陽人爲柏人令於

此得仙非王子喬也

秦州記卷七郭仲彥撰 不著錄

後漢書隗囂傳注隴山在隴州汧源縣西太平

御覽州郡部仇池山一名仇維山上有池似覆

壺前志云是縣以山得名 寰宇記山南西道云山有

池似覆壺有瀑布望之如舒布 並引郭仲彥秦州記

續漢郡國志注中平五年分置南安郡水經河

水注河峽崖旁唐述窟文選四愁詩注隴坂九

曲不知高幾里並引秦州記不著撰名

沙州記卷七段國撰 不著錄

藝文類聚地部龍涸北四十里有白馬關初學

記地部吐谷渾於河上作橋謂之河厲太平御

覽地部羊鶴山多石少樹木甚似魯國鄒山人

事部國人年五十以上齒皆落將因地寒多障

氣也寰宇記隴右道三危山有鳥鼠同穴並引

段國沙州記水經河水注洮水與熱江水俱出

嶺臺山山南即墊江源山東則洮水源 初學記州郡部同 又從東洮至西洮百二十里後漢書馬防傳注同此引沙州記不著撰名

交州記卷七劉欣期撰 不著錄

水經葉榆河注龍編縣功曹左飛曾化爲虎數月還作吏左傳宣公正義犀其毛如豕蹠有甲頭如馬文選吳都賦注金華出珠崖謂金有光采者七啓七命注同 又一歲八繭蠶出日南藝文類聚山部浮石山在海中時高數十丈浮在水上太平御覽刑法部居風山去郡四里山有金牛夜出光耀數十里廣韻注鸚鵡水鳥黃喙喙長尺餘南人以爲酒器並引劉欣期交州記

交州外域記卷七 不著錄

水經葉榆河注後漢伏波將軍路博德討越王越王令二使者齎郡民戶口簿詣路將軍乃拜二使者爲交趾九真太守温水注從日南郡南去到林邑國四百餘里並引交州外域記

交州記卷七姚文感撰 不著錄

太平寰宇記嶺南道姚文感交州記曰尉佗作朝殿以朝天子

揚州記卷七劉澄之撰 不著錄

初學記地部吳縣有松江自吳入海今蘇州又新城縣東有俱山山上有湖湖中有白鵝一隻時時飛來不可常見 熱城縣事御覽地部作劉澄之廣州記須考 太平御覽天部襄縣有馬鞍山天將雨輒有雲來映此山出雲應之乃大雨並引劉澄之揚州記

江州記卷七劉澄之撰 不著錄

初學記地部劉澄之江州記曰興平縣蔡子池南有石穴深一百許丈石色青堪爲書研 御覽地部同

豫州記卷七劉澄之撰 不著錄

初學記地部劉澄之豫州記曰陳縣北有芍陂湖魏將王淩與吳張休交戰處也又云城父縣有巢湖湖周五里中有三山南有四鼎山 御覽地部同

梁州記卷七劉澄之撰 不著錄

初學記地部劉澄之梁州記曰關地西南百八十里有白水關昔李固解印綬處 後漢書公孫述傳注李固傳注並引之祇稱梁州記不著劉澄之名 北堂書鈔地理部仙人唐公房祠碑 藝文類聚獸部同 又南鄭城沂漢上水邊有漢武堆藝文類聚水部明月池南二里有七女池並引梁州記不著撰名

甘州記卷七 不著錄

文選謝靈運七里瀨注甘州記曰桐廬縣有七里瀨瀨下數里至嚴陵瀨

洛州記卷七 不著錄

初學記州郡部龍崗縣西北有百峯山太平寰宇記河北道于將城榆溪山風門山封爵觀並引洛州記

蘇州記卷七 不著錄

太平御覽居處部周文學科孔子弟子言偃宅在常熟縣西人事部通賢橋東有吳丞相顧雍宅寰宇記江南東道淹梅澳昔有梅樹吳國採爲姑蘇臺梁後忽於此沈至今河側猶有梅溪

並引蘇州記 湘州圖副記一卷 唐志同 四海百川水源記一卷釋道安撰

唐志同

三秦記卷七辛氏撰 不著錄 通典州郡門注謂辛氏三秦之類皆自述鄉國靈怪今考諸書所引三秦記如驪山始皇祠不齋戒往即疾風暴雨壞漢郡國志注 陳倉城石鼓山將有兵此山則鳴同上 桃林塞有軍馬經過好行則休息林下惡行則決河漫近不得過 水經河水注元和郡縣志河南道 狗枷堡秦襄公時有天狗來下有賊狗吠之一堡無患 水經渭水注藝文類聚獸部驪山西北有温水祭則得入不祭則爛人肉 同上又初學記地部云以三牲祭之乃得人可以去疾消病陳倉山有石雞晨鳴山頭聲聞三里 史記封禪書正義 河西沙角山山頭頽沙則鼓角鳴 北堂書鈔武功部 太白山下軍行鳴鼓角則疾風暴雨兼至御覽地部 昆明池釣魚絕綸夢于武帝求去其釣藝文類聚寶玉部御覽人事部鱗介部此類並涉語怪至如龍門暴鱖點類 史記夏本紀正義終南又名地肺陸氏尙書釋文 藏鉤因鉤弋夫人法殷敬順列子釋文詞人承用皆本此書

丹陽記卷七山謙之撰 不著錄

文選簫賦注江寧縣慈母山臨江生簫管竹園綴異於衆處藝文類聚北堂書鈔樂部並同 謝玄暉登三山詩江寧縣北二十里濱江有三山相接名爲三山舊時津濟道也石闕銘注牛頭山兩

丹陽記卷七山謙之撰 不著錄

文選簫賦注江寧縣慈母山臨江生簫管竹園綴異於衆處藝文類聚北堂書鈔樂部並同 謝玄暉登三山詩江寧縣北二十里濱江有三山相接名爲三山舊時津濟道也石闕銘注牛頭山兩

丹陽記卷七山謙之撰 不著錄

文選簫賦注江寧縣慈母山臨江生簫管竹園綴異於衆處藝文類聚北堂書鈔樂部並同 謝玄暉登三山詩江寧縣北二十里濱江有三山相接名爲三山舊時津濟道也石闕銘注牛頭山兩

丹陽記卷七山謙之撰 不著錄

文選簫賦注江寧縣慈母山臨江生簫管竹園綴異於衆處藝文類聚北堂書鈔樂部並同 謝玄暉登三山詩江寧縣北二十里濱江有三山相接名爲三山舊時津濟道也石闕銘注牛頭山兩

峯似天關藝文類聚居處部同 祭古冢文注東府

孝文王道子府初學記地部大長安道西張子布橋者本張子布宅處也並引山謙之丹陽記

愚按謙之劉宋人故世說注已引其書 言謂篇注引東府事與選注同雖不著名謙之然可知為謙之 若

太平御覽地部所引丹陽記如烈州句下載輿地志張公洲下載梁書加子洲載三十國春秋

其書皆在山謙之後不宜入於丹陽記恐非謙之本文

三齊略記卷七 不著錄

續漢郡國志注鬲城東蒲臺水經河水注同 平車轍侯國南有犬蹲山又南山康成書帶草 御覽

地部同 水經濡水注始皇於海中作石橋海神為之豎柱藝文類聚異部 初學記地理部始皇

作石橋有神人驅石下海鞭石流血 御覽天部同後漢書蔡邕傳注寧戚扣牛角歌詞 北堂書鈔樂

齊地記二卷 晏謨撰 不著錄

見唐志水經濟水注臨濟縣有南北二城元和郡縣志河南道太白自言高不如東海勞初學

記州郡部石塞堰武帝時造並引晏謨齊記 寰宇記亦多引之 史記晏子傳正義齊城三百里有

夷安即晏平仲邑誤稱晏子齊記愚按晉書慕容德載記德如齊城望嬰家曰平仲死葬近

城豈有意青州刺史晏謨對曰臣先人儉以矯世豈擇地而葬乎德問謨以齊之山川邱陵賢

哲舊事謨歷對詳辯畫地成圖德深嘉之据此則謨為晉人故水經注已引之

齊記卷七 伏琛撰 不著錄

水經濟水注博昌城西有南北二城後漢書耿弇傳注小城內有漢景王祠初學記天部安邱

城南電都泉出電太平御覽禮儀部朱虎城東有魏獨行君子管寧墓碑魏徵士郟原墓碑寰

宇記河南道堯山南有二水名東西丹水並引伏琛齊記御覽居處部瑯琊臺始皇碑稱伏滔

地記

齊地記卷七 解道康撰 不著錄

太平御覽天部解道康齊地記曰齊有不夜城蓋古者有日夜中燃於東境故萊子立此城以

不夜為名 史記封禪書案臨淄天齊五泉稱解道康齊地記

職貢圖一卷 梁元帝撰 不著錄

見唐志藝文類聚雜文部引梁元帝職貢圖序巧藝部引職貢圖贊張彥遠歷代名畫記曰職

貢圖一卷梁元帝畫外國會渠諸蕃土俗本末仍各圖其來貢者之狀

交廣二州記一卷 王範撰 不著錄

見唐志按吳志孫策傳注臣松之按太康八年廣州大中正王範上交廣二州春秋續漢郡國

志注交州治羸陵縣元封五年移治蒼梧廣信縣建安十五年治番禺縣引王範交廣春秋水

經溫水注朱注朱崖儋耳二郡帝所置浪水注步騭殺吳巨區景合兵取南海並稱王氏交廣

春秋藝文類聚地部建安二年拜張津交州牧錫彤弓彤矢與中州方伯齊同此稱苗恭交廣

記太平御覽州郡部秦改附庸為郡都職官部

秦改州牧為刺史朱明之月出巡行部元英之月還詣天府表奏此稱黃恭交廣記又職官部合浦士尹牙為郡主簿事作黃義仲交廣二州記

十三州記卷七 黃義仲撰 不著錄

水經河水注郡之言君也郡守專權君臣之禮彌崇今郡字君在其左邑在其右君為元首邑

以載名故謂之郡又縣弦也弦以貞直言鄰民之位不輕其誓施繩用法不曲如弦弦聲近縣

故以取名今系字在半也此引黃義仲十三州記愚按藝文類聚地部苗恭交廣記建安二年

交阯太守士燮表言伏見十二州皆稱曰州而交獨為交阯刺史何天恩不平乎若普天之下

可為十二州者獨不可為十三州詔報聽許拜南陽張津交州牧錫弓矢與中州方伯同自津

始也

十三州記卷七 應劭撰 不著錄

水經淄水注泰山萊蕪縣魯之萊柞邑泗水注漆鄉邾邑也並引應劭十三州記

九州記卷七 樂資撰 不著錄

水經沔水注鹽官縣有秦延山秦始皇還此美人死葬於山上下有美人廟此引樂資九州志

江水注鄂今武昌也 史記外戚世家集解同引九州記太平御覽寰宇記多引九州要記

西河舊事一卷 不著錄

見唐志世說言語篇注河西牛羊肥酪過精好但瀉酪置草上都不解散也後漢書明帝紀注

白山冬夏有雪故曰白山匈奴謂之天山過之

皆下馬拜焉去蒲類百里之內並引西河舊事

薄陽記卷亡張儉撰 不著錄

文選謝靈運入彭蠡湖詩注石鏡山東有一圓石懸崖明淨照人見形初學記地部雞籠山下澗中有數十處累石若有人功朝夕有湧泉溢出號爲潮泉太平廣記讖應類溢口城井中銘孫權以爲己瑞並引張僧鑿薄陽記水經廬江水注廬山上有三石梁吳猛將弟子登山過此梁見一翁坐桂樹下以玉杯盛甘露漿與猛世說棲逸篇注庾亮薦翟湯徵國子博士不赴尤悔篇注庾亮拔周邵爲西陽太守並稱薄陽記不著撰名尚書禹貢正義一曰烏白江二曰蚌江又見本篇一曰烏江二曰烏白江三曰烏土江四曰嘉靡江五曰畎江六曰源江七曰廩江八曰提江九曰箇江 初學記地部同史記索隱夏本紀九江者烏江蚌江烏白江嘉靡江沙江畎江廩江提江箇江 此稱薄陽地記初學記史記索隱省地字

南康記卷亡鄧德明撰 不著錄

水經浪水注州治中盧耽少棲仙術善解雲飛藝文類聚歲時部同 漢書張耳傳注大庾領一也桂陽騎田二也九真都龐領三也臨賀萌渚領四也始安越城領五也 又見後漢書吳祐傳劉表傳注初學記政理部零都縣土壤肥沃偏宜甘蔗郡以獻御並引鄧德明南康記太平寰宇記江南西道聶都山三石形似人居中者爲君左曰夫人右曰女郎此稱劉德明南康記又同卷引平亭橫亭橫浦廢關二事稱劉嗣之南康記通典州郡門注亦稱劉嗣之

南康記卷亡王韶之撰 不著錄

初學記地理部零都縣有君山大風雨後聞絃管聲其山謂之仙宮藝文類聚地部湘源有長瀨其傍石或像人形土人名爲令史山部寧都溪西有一山狀如鼓相傳謂之石鼓太平御覽地部歸美山山石紅丹赫若采繪名曰女媧石並引王韶之南康記御覽地部赤石山峽山官山三事皆語涉唐天寶則鄧王所記外別有一南康記關中記一卷潘岳撰 不著錄

見唐志宋志葛洪關中記一卷史記司馬相如傳索隱涇渭瀾澹豐鎬漆澆文選西都賦注未央宮殿皆疏龍首北堂書鈔禮儀部漢諸陵皆高十二丈惟茂陵高十四丈樂部秦始皇在驪山運石於渭南諸山故其歌曰運石渭南嶺渭水爲不流並引潘岳關中記水經渭水注漆水注續漢郡國志注引關中記不著撰名

湘中記卷亡羅含撰 不著錄

水經湘水注湘水之出於陽朔則觴爲之舟至洞庭日月若出入於其中也續漢郡國志注營洮雍祁宜春烝表來遼連倒偽泊資水皆注湘藝文類聚山部南陽劉遺民嘗遊衡山行數十里有絕谷不得前遙望見三石困二困閉一困開初學記地理部衡山九疑皆有舜廟太守至官常遣戶曹致敬修祀則如有絃歌之聲並引羅含湘中記含字君章 史記屈賈列傳正義賈誼宅中有一井傍有石牀相承云誼所坐此稱湘水記不著撰名 湘中記卷亡庚仲雍撰 不著錄

藝文類聚山部庚仲雍湘中記曰桂楊柳縣東北有馬嶺山蘇耽所栖遊處因而得仙後見耽乘白馬還此山因名馬嶺

始興記卷亡王歆之撰 不著錄 水經滙水注白鹿城南有白鹿岡咸康中張魴爲縣有善政白鹿來遊故城及岡並名焉初學記地部靈水源有溫涌泉溜如沸湯有細赤魚出游莫有獲之者文選善熱行注同 藝文類聚地部有貞女峽峽西岸有石狀如女子是曰貞女又芙蓉岡高若玉山鄰枕郊郭周四十餘里二事又見御覽地部並引王歆之始興記歆又作韶

錢塘記卷亡劉道真撰 不著錄 後漢書朱雋傳注郡議曹華信立塘以防海水縣境蒙利水經漸江水注御覽人事部同 藝文類聚水部明聖湖在縣南去縣三里父老相傳湖有金牛初學記地部去邑十里有詔息湖相傳秦始皇巡狩經塗暫憩因以詔息爲名太平御覽

石姥山有一石甑大數十圍器物部同 靈隱山有方穴昔有人探鐘乳見龍跡樂部同 珍寶部縣東南有岷山相傳採金子於此木部靈隱山四布似蓮花中央生穀樹甚高大寰宇記江南東道石膏山出石膏若雪一名稽留山並引劉道真錢塘記

東陽記卷亡鄧耕之撰 不著錄 藝文類聚水部北山有湖爲徐公湖北堂書鈔武功部岑山每至雲雨冥晦輒聞鼓音太平御覽居處部石步廊去歌山十里臨流虛構可容百人坐樂部晉中朝有王質者入山伐木至石

室見童子四人彈琴而歌質聽俄頃所坐斧柯爛盡水經漸江水注同並引鄭緝之東陽記

宣城記卷七紀義撰 不著錄

文選重答劉秣陵書注臨城縣南四十里蓋山有舒姑泉藝文類聚水部御覽地部同又文苑英華沿虛舟舒姑泉賦以記云舒氏女化為泉為韻 藝文類聚鳥

部侍中紀昌陸初生有白燕一雙出屋既表素質宜途亦通御覽羽族部同 北堂書鈔洪矩吳時為廬江太守清儉徵還船輕皆以載土 御覽地部禮儀部同寰宇記江南西道周黃為寧國長後遷丞相並引紀義宣城記

安成記卷七王烈之撰 不著錄

初學記天部縣人謝廩行田路遇神人曰汝無仙骨人事部縣有孝子符表母死慟殞葬於四望岡太守王府君表其墓太平寰宇記江南西道廬陵縣落亭石安福縣安福城並引王烈之安成記又萍鄉縣羅霄山澤水所出天旱祀之即雨稱王孚安成記御覽地部亦作王孚

神境記卷七王詔之撰 不著錄

太平御覽地部榮陽縣蘭巖山有雙鶴傳云昔有夫婦隱此山化成鶴羽族部同 又九嶷有青澗中有黃色蓮花芳氣竟谷人事部榮陽有靈源山有石髓紫芝百卉部同 並引王詔之神境記

武昌記卷七史鑿撰 不著錄

水經江水注樊口南有大姥廟孫權嘗獵於山下得一豹見一姥問是何不豎豹尾太平御覽天部武城東有金牛崗西有石鼓山上有三石

鼓鳴必天雨時序部樊山東有小溪盛夏常有寒氣故謂之寒溪並引武昌記不著撰名北堂書鈔武功部武昌有岷山欲陰雨上有聲如吹角此稱史答武昌記御覽兵部岷山作龍山稱史岑武昌記

武陵記卷七黃閔撰 不著錄

後漢書南蠻西南夷傳注武陵山高萬仞山半有槃瓠石室中有石牀槃瓠行迹太平御覽地部周陂週迴數百頃清波澄映洲嶼相望樂部有綠蘿山側明月池碧石潭澄徹百尺 北堂書鈔樂部並引並引黃閔武陵記

宜都記卷七袁山松撰 不著錄

藝文類聚地部自西陵泝江西北行三十里入峽口其山週迴隱映如絕復通高山重嶂非日中夜半不見日月也初學記地部對西陵南岸有山其峯孤秀自山南上至頂俯臨大江如繫帶視舟船如鳧雁並引袁山松宜都記初學記地部郡西北陸行三十里有丹口天晴山嶺忽有霧起不過崇朝雨必降此稱宜都山川記 北堂書鈔天部郡西北有丹山天晴山嶺有霧忽起此即初學記所引而稱宜都郡會山川二字藝文類聚賦部亦引宜都山川記

古今地名三卷 不著錄

見唐志文選劉越石答盧諶詩注冥陵阪在吳城北今謂之吳阪史記夏本紀正義王屋山方七百里高萬仞本冀州之河陽山也藝文類聚居處部河南有鼎門九鼎所定初學記州郡部韓武子食采於韓原太平寰宇記河南道王屋

山狀如垣故以名縣並引古今地名 汝南記卷七杜預撰 不著錄

初學記人事部李充妻謂充分異獨居充告母叱遣事引杜預汝南記御覽人事部同 後漢書應奉傳注華仲妻本汝南鄧元義前妻更嫁華仲事此稱汝南記不著撰名

永嘉記卷七鄭緝之撰 不著錄

初學記地部鄭緝之永嘉記曰懷化縣有蔣公湖父老傳云先代有祭祀所請者湖輒下大魚與之文部硯溪一源中多石硯 北堂書鈔藝文部同藝文類聚山部有柘林水有梧桐水有桃枝水並引永嘉郡記不著撰名

南中八郡志 不著錄

後漢書南蠻西南夷傳注貊大如驢狀頗似熊多力食鐵所觸無不崩又云邛河縱橫廣岸二十里深百餘丈多大魚長一二丈頭特大遙視如戴鐵釜狀藝文類聚東部檳榔土人以爲貴款客必先進若邈迤不設用相嫌恨並引南中八郡志 文選謝玄暉夜發新林詩注交阯郡治龍編縣自興古烏道四百里此稱南中八志疑脫郡字 續漢郡國志注引有南中志省八郡二字漢書吳漢傳注亦引之文選蜀都賦注貊獸出建寧郡食毒鹿出雲南郡稱魏完南中志

臨川記卷七荀伯子撰 不著錄

太平寰宇記江南西道臨川莫巨山嶺內有石人體有塵則興風潤則致雨民以爲準 御覽地部同 王右軍故宅其地爽塏山川如畫每至重陽日郡守從事多游於斯御覽州郡部同 並引荀

伯子臨川記不著撰名

隴西記卷七 不著錄

太平御覽地部襄武有錦鏡峽即黑水所經其峽四望花木明媚照影其中因以稱之 寰宇記

隴右道同 此引隴西記又地部云武都紫水有泥其色赤紫而黏貢之用封璽書故詔誥有紫泥之美寰宇記同此稱隴右記

江陵記卷七伍端休記 不著錄

太平御覽地部州城北有楚平王家枝江斑竹崗又有平王家未知孰是又云城西北有大林春秋魯文公六年楚大飢戎師於大林即此地也又云州城東有曹公林建安十三年曹操師頓此林因謂曹公林並引伍端休江陵記

瀨鄉記卷七崔元山撰 不著錄

文選新刻漏注老子母碑老子把持仙籙玉簡金字編以白銀紀綴善惡北堂書鈔藝文部同 此引崔元山瀨鄉記藝文類聚諸書所引皆記老子事其母碑文稱孝文聖母李夫人碑 類聚獻部又御覽人事部

建安記卷七蕭子附撰 不著錄

太平寰宇記江南東道將樂縣金泉山南枕溪有細泉出沙彼人以夏中水小披沙淘之得金山之西有金泉祠焉此引蕭子開建安記又止馬亭當飛猿嶺口馬之登降於此止息故名此稱洪氏建安記

征齊道里記卷七邱淵之撰 不著錄

太平御覽時序部邱淵之征齊道里記曰城北十五里有柳泉符朗常以爲解禳處北堂書鈔歲

時部同 地部太山有延陵兒冢稱邱淵之齊記

又黃邱有鸞鸞峴稱淵之齊道記皆省文可通史記高祖紀正義王莽河枯事作深邱道里記

蓋邱淵字誤 壽陽記卷七宋王元謨撰 不著錄

御覽時序部明義樓南有明義井引宋王元謨壽陽記寰宇記淮南道引有後漢朱陽九江壽壽記

春記 上黨記卷七 不著錄

續漢郡國志注令狐微君隱城東山中即壺關三老令狐茂上書訟戾太子者也水經沁水注長平城在郡之南秦壘在城西元和郡縣志河東道曹公之圍壺關起土山於城西北角穿地道於城西內築界城以遮之史記趙世家集解馮亭家在壺關城西五里並引上黨記

入東記卷七吳均撰 不著錄

寰宇記江南西道吳均入東記曰王羲之常游昇鳥山謂賓客曰百年之後誰知王逸少與諸卿游此乎因有昇山之號立鳥亭於山上

江乘地記卷七 不著錄

初學記地部縣東南四十里有湯泉半冷半溫共同一壑謂之半湯泉藝文類聚草部樵探者常於山上得空青此山朝出雲零雨必降民以爲常占北堂書鈔地理部城東四十五里竹里山塗所經甚傾險行者號爲轆車峴並引江乘地記

仇池記卷七 不著錄

後漢書南蠻西南夷傳注仇池百頃天形四方

壁立千仞自然樓櫓御敵分置調均有踰人功仇池凡二十一道可攀援而上此引仇池記無撰名太平御覽居處部城東有苜蓿園此稱郭仲產仇池記

冀州風土記卷七 盧植撰 不著錄

寰宇記河北道盧植冀州風土記曰黃帝以前未可備開唐虞以來冀州乃聖賢之泉藪帝王之舊地

華山精舍記一卷 張光祿撰

太平御覽地部華山精舍記曰老子枕中記云吳西界有華山可以度難父老云山頂有池上生千葉花服之羽化因曰華山長林森天翹楚蔽曰

張騫出關志一卷

崔豹古今注曰酒杯藤出西域國人寶之不傳中土張騫出大宛得之使出張騫出關志洪遵泉志外國品亦引騫出關志

南雍州記六卷 鮑至撰

通典州郡門注鮑至南雍州記曰城內有蕭相國廟相傳謂爲城隍神唐志作鮑堅三卷

南雍州記卷七郭仲產撰 不著錄

太平寰宇記山南東道穰縣石橋水汚爲池出靈龜如金縷又云武當山廣三四百里干霄出霧學道者常百數相繼不絕並引郭仲產南雍州記史記韓世家正義穰楚之別邑秦初侵楚封公子惲爲穰侯後屬韓秦昭王取之此稱郭仲產記穰當作產

川瀆記卷七虞仲翔撰 不著錄

川瀆記卷七虞仲翔撰 不著錄

寰宇記江南東道虞仲翔川瀆記曰太湖東通長洲松江水南通烏程霅溪水西通義興荆溪水北通晉陵瀉湖水東連嘉興非溪水凡五通謂之五湖

尋江源記一卷

唐志五卷太平寰宇記山南東道南浦郡高粱山東西數千里其峯崔嵬於蜀市望之若長雲垂天一日行之乃極其頂又云景穴有嘉魚其味甚美景穴出柏枝山並引尋江源記

始安郡記卷七 不著錄

續漢郡國志注始安郡記曰縣東有駁樂山東有遼山

歷國傳二卷釋法盛撰

唐志同

西京記三卷

脫撰名按後周書薛寶真撰西京記三卷引

據該治世稱其博聞焉唐志作薛冥

江表行記一卷

寰宇記江西南道江表記曰江中有鰲洲長三里與蕪湖相接

淮南記一卷

寰宇記江西南道淮南記曰吳初以周輪屯牛渚晉謝尚亦鎮此城

十三州志十卷闕駟撰

後魏書闕駟傳撰十三州志行於世史通雜述篇曰地理書者若朱贛所探浹於九州闕駟所書殫於四國斯則言皆雅正事無偏黨尙書禹貢正義漆水出漆縣西北岐山東入渭沮則

不知所出初學記州郡部輾轅道凡十二曲也並引闕駟十三州志文選注作記水經注漢書注寰宇記引此書甚多

林邑國記一卷

唐志同水經葉榆注自交阯南行都官寨浦出焉溫水注馬援樹兩銅柱於象林南界與西屠國分漢之南疆通典邊防門注同並引林邑記

宋武北征記一卷戴氏撰

元和郡縣志河南道少室山西有袁術固可容十萬衆一夫守隘萬人莫當又云敖山秦時築倉於山上漢高祖亦因敖倉傍山築甬道下泝水即此山也後漢書呂布傳注下邳城有三重大城之門周四里呂布所守也魏武帝禽布於白門白門大城之內並引宋武北征記

北征記卷七裴松之撰 不著錄

後漢書獻帝紀注裴松之北征記曰中牟臺下臨泚水是爲官渡曹操袁紹壘尙存焉

北征記卷七徐齊民撰 不著錄

續漢郡國志注徐齊民北征記曰斐林縣東有大隧澗鄭莊公所闕又云雍邱有呂祿臺高七丈有酈生祠

北征記卷七孟輿撰 不著錄

初學記天部凌雲臺東南有白石室名爲避雷室太平御覽天部臨賀有方二丈石有磨刀斧迹春夏常明淨其迹甚新秋冬則苔穢故爲雷公磨石居處部鄴城避雷室西南石溝北有華林牆牆高九丈方圓一里又云許昌有三重城城門有鐵鑊並引孟輿北征記

北征記卷七伏滔撰 不著錄

續漢郡國志注瀨鄉有老子廟廟中有九井水相通又云彭城北有山臨泗有宋桓魋石椁皆青石隱龜龍麟鳳之象水經濟濟水注濟水與清河合流至洛也文選謝靈運初發石首城詩注石頭城建康西界臨江城也是曰京師又靈運擬劉楨詩注黎陽津名也並引伏滔北征記

從征記卷七伍緝之撰 不著錄

漢書東平憲王傳注魯人藏孔子所乘車於廟中是顏路所請者也獻帝時廟遇火燒之初學記文部夫子牀前有石硯一枚蓋夫子平生時物也並引伍緝之從征記水經注多引從征記不著伍緝之名

東征記卷七 不著錄

文選西征賦注東征記曰全節地名其西名桃原古之桃林也

司州山川古今記三卷劉澄之撰

太平御覽州郡部黎陽國也詩曰黎侯寓於衛是也居處部永康縣縉雲堂黃帝煉丹處又魏武聽政殿前有聽政門並引劉澄之古今山川記無司州二字

江圖一卷張氏撰

江圖二卷劉氏撰

尚書禹貢正義張須元緣江圖云一曰三里江二曰五州江三曰嘉靡江四曰烏土江五曰白蚌江六曰白鳥江七曰菌江八曰沙提江九曰廩江陸氏釋文亦稱張須元緣江圖通典州郡門注稱張須九江圖 據書疏似須元乃雙名通典注則須爲

單名 一曰烏江二曰白蚌江三曰烏土江四曰

嘉靡江五曰剛江六曰三里江七曰茵州江八

曰沙提江九曰廩江九江次序所引五畢 史記夏

本紀索隱稱張濱九江圖濱與須字似相似而訛所

載有五里五畝烏土白蚌之名 五畝乃因五曰剛

江而訛也 按此當即隋志所稱張氏江圖又文

選簫賦注慈母山竹作簫笛有妙聲陶淵明夜

行塗口詩注自沙陽縣下流至赤圻赤圻二十

里至塗口寰宇記劍南西道江水經鼎鼻並引

江圖不著撰名唐志有江圖二卷亦無撰名張

彥遠歷代名畫記曰江圖劉氏三張氏一

北荒風俗記二卷

太平寰宇記河北道有隋北蕃風俗記曰厥稽

部渠長突地稽率八部衆內附處之柳城

諸蕃風俗記二卷

通典邊防門注金姓相承三十餘葉稱隋東蕃

風俗記洪遵泉志外國品有三佛齊國錢佛泥

國錢並引諸蕃風俗記刊本脫去記字

突厥所出風俗事一卷

通典邊防門注引有突厥本末記

輿地志三十卷陳顧野王撰

陳書顧野王傳野王撰輿地志三十卷王象之

輿地碑記目曰寶雲寺南高基顧野王曾於此

修輿地志並建屋立像曰顧侍郎祠通典州郡

門注孔安國云黑水自北而南經三危過梁州

入南海顧野王撰輿地志以為自焚道入江其

言與禹貢不同未為實錄太平御覽寰宇記引

輿地志甚多唐志卷同

輿地圖卷七 不著錄

史記淮南衡山列傳索隱虞喜志林曰輿地圖

漢家所畫非出遠古也文選徐敬業登琅瑯城

詩注輿地圖曰梁武改南琅邪為琅邪郡在潤

州

序行記十卷姚焜撰

周書儒林傳姚焜撰行記三卷子最傳不載

撰序行記唐志有姚焜述行記三卷元和郡縣

志河東道周建德五年從行討齊師次洪洞百

雉相臨四周重複控據要險城主張元靜率其

所部肉袒軍門又云晉陽宮西南有小城內有

殿號大明宮又云高齊天保中大起樓觀穿築

池塘自洋以下皆游集焉至今為北都之勝概

並引姚焜序行記三事又見寰宇記河東道

魏永安記三卷溫子昇撰

後魏書溫子昇傳子昇撰永安記三卷史通敘

事篇曰子昇取譏於君懋原注王邵齊志曰溫

子昇撰永安記率是支言

國都城記二卷

元和郡縣志河南道考城縣西南有戴水今名

戴陂太平御覽州郡部周穆王末楚襲破徐殺

偃王其子遂北徙彭城今徐城是也寰宇記河

南道自復通汴渠已來舊濟遂絕今濟陰定陶

城南惟有濟隄及枯河而已皆無水並引國都

城記又寰宇記河南道封邱衛地之延鄉漢高

祖與項籍戰敗翟母免難之處又云古城凡七

門東西有三門最北者名萊門並稱魯國都記

御覽州郡部引延鄉一事祇稱國都記無魯字皆無撰名

史記正義唐國帝堯之裔子所封五帝本紀 又

城中高邱即古之陶邱夏本紀 並稱徐才宗國

都城記又周封召公於燕地在燕山之野故國

取名焉周本紀 稱宗國都城記晉世家正義唐虞

徙居晉水孔子世家正義鉅野有獲麟堆俱稱宗國都城記

唐志有顧野王十國都城記十卷周明帝國都

城記九卷

周地圖記一百九卷

文選為曹洪與魏文書注襄谷西有古陽平關

其地在今梁州襄城縣西北 後漢書劉焉傳注同

元和郡縣志山南道郢州地梁普通末置新州

後魏改為溫州因溫水為名也並引周地圖記

太平御覽寰宇記尤多引之唐志周地圖 會記

字一百三十卷

冀州圖經一卷

太平御覽地部冀州圖經曰紇真山在城之東

北望山乾代那如數百里內然 寰宇記多引冀州

圖會經字

齊州記一卷李叔布撰

唐志四卷

外國圖卷七 不著錄

水經河水注從大晉國正西七萬里得崑崙之

墟諸仙居之通典邊防門注從隅巨北有國名

大秦其種長大身長五六丈文選郭景純游仙

詩注圓邱有不死樹食之乃壽藝文類聚木部

君子國多木槿之華人民食之去琅邪三萬里

並引外國圖史記秦本紀正義置州去琅邪萬

里稱吳人外國圖

括地圖卷七 不著錄

水經河水注馮夷恆乘雲車駕二龍文選東都賦注夏德盛二龍降之禹使范氏御之以行經

南方史記大宛傳索隱崑崙弱水非乘龍不至有三足神鳥為王母取食初學記天部谷山有

叢雲甘雨藝文類聚水部負邱之山上有赤泉飲之不老神宮有英泉飲之眠三百歲乃覺不

知死並引括地圖此與括地志各為一書括地志唐魏王泰所撰史記正義引之最多此圖水經注已引之則唐以前所撰

秦地圖卷七 不著錄

漢書地理志秦地圖曰劇清地幽州藪有鹽官又曰書班氏

雍州圖經卷七 不著錄

文選西征賦注全節閩鄉縣東十里鳩澗西澗水在華陰縣界温湯在新豐縣界温泉在藍田

縣界徐敬業登琅邪城詩注金谷水出藍田縣西終南山西入瀾水並引雍州圖經

宣城郡圖經卷七 不著錄

文選鮑明遠還都道中詩注南陵縣西南水路一百三十里謝玄暉敬亭山詩注敬亭山宣城

縣北十里並引宣城郡圖經御覽地部引十餘事上谷郡圖經卷七 不著錄

文選放歌行注上谷郡圖經曰黃金臺易水東南十八里燕昭王置千金於臺上以延天下之士

四海圖卷七 不著錄

文選思玄賦注四海圖曰交廣南有邛州其處

極熱

江都圖經卷七 不著錄

文選為曹公與孫權書注江都圖經曰江西壽春屬魏魏揚州刺史鎮壽春

東郡圖經卷七 不著錄

文選陽給事誅注東郡圖經曰滑臺城即鄭之廩延

洛陽圖經卷七 不著錄

文選東京賦注濯龍池名故歌曰濯龍望如海河橋渡似雷應吉甫華林園集詩注華林園在城內東北隅魏明帝起名芳林園齊王芳改為華林並引洛陽圖經 御覽州郡部寰宇記河南道引有洛陽地圖

廣陵郡圖經卷七 王逸撰 不著錄

文選蕪城賦注王逸廣陵郡圖經曰郡城吳王

漢所築

丹陽郡圖經卷七 不著錄

文選范蔚宗樂游苑詩注樂游苑宮城北三里晉時樂園也謝靈運送方山詩注方山在江寧縣東下有湖水舊揚州有四津方山為東石頭

為西顏延年觀北湖田收詩注樂游苑晉時樂園元嘉中築堤壅水名為北湖並引丹陽郡圖經

蜀郡圖經卷七 不著錄

文選南都賦注蜀郡圖經曰太湖山山故縣縣南十里

長安圖卷七 不著錄

文選西征賦注周氏曲成陽縣東南三十里今

名周氏陵陂南一里漢有蘭池宮又云漢時七里渠有飲馬橋夏侯嬰冢在橋南三里太平御覽地部高望堆在延興門南八里並引長安圖

弘農郡圖經卷七 不著錄

文選西征賦注弘農郡圖經曰曹陽桃林縣東十二里

歷陽縣郡圖經卷七 不著錄

文選奏彈曹景宗注歷陽縣郡圖經曰東關歷陽縣西南一百里御覽地部雜籠山梁山二事引歷陽圖經者郡縣二字

河南郡圖經卷七 不著錄

文選西征賦注潘岳父家鞏縣西南三十五里懷舊賦注嵩邱在縣西南十五里洛神賦注景山緱氏縣南七里嗣宗詠懷詩注東有三門最北頭曰上東門並引河南郡圖經

荆州圖副記卷七 不著錄

水經沔水注武當山形特秀異於衆岳亭亭遠出藥食延年萃焉此引荆州圖副記 文選注後漢書注諸書所引或稱荆州圖副記或稱荆州圖

聘北道里記二卷 江德藻撰

太平寰宇記淮南道江德藻聘北道里記曰江淮間有露筋驛今有祠存一名鹿筋驛云昔有

孝女為蚊蚋所食惟存筋骸而已陳書江德操傳德操字德藻天嘉四年與中書郎劉師知使

齊著北征道里記三卷 隋志別有劉師知聘游記三卷 西陽雜俎續集貶誤篇引聘北道里記北方婚

禮用青廬交拜催妝並以竹杖打婿事謂德藻所記為異南朝無此禮也

魏聘使行記六卷

唐志五卷

封君義行記一卷 李繪撰

西陽雜俎續集貶誤篇引李繪封君義聘梁記

梁主客賀季指馬上立射二事

輿駕東行記一卷 薛泰撰

唐志作東幸記太平御覽地部梁武輿駕東行

記曰有覆船山酒罌山南次高驪山傳云昔高

驪國女來東海神乘船致酒禮聘之女不肯海

神撥船覆酒流入曲阿故曲阿酒美也

巡撫揚州記七卷 諸葛類撰

唐志卷同巡撫舊唐志作巡總

大魏諸州記二十一卷

太平御覽木部都安縣有交讓木兩兩相對此

稱大魏諸州記寰宇記河北道潞縣城西三十

里有潞河源出北山南流此稱後魏諸州記水

經注多引魏土地記 中記趙世家正義趙襄子姊廢

等自殺事亦引魏土地記元和郡縣志河東道神農

城在羊頭山引後魏風土記寰宇記亦引後魏風土

記數事 太平御覽地部潘城西北有歷山其下

有舜祠晉陵祠存焉 寰宇記河北道同 並稱後魏

輿地風土記

趙記十卷 脫撰名

北齊書李公緒傳公緒字穆叔撰趙語 語當作

記十三卷 太平御覽州郡部李公緒趙記曰趙

孝成王造壇臺之名爲趙郡朝諸侯故曰信都

寰宇記河東道李穆叔趙記曰轅陽東北有五

指數俱全又史記趙世家正義龍山有四麓各
有一穴大如車輪春風出東秋風出西夏風出
南冬風出北不相奪倫此稱邢子勵趙記

隋區宇圖志一百二十九卷

唐志虞茂區宇圖無志字 一百二十八卷隋書

崔廓傳大業五年受詔與諸儒撰區宇圖志二

百五十卷帝不善之更令虞世基許善心行爲

六百卷太平御覽文部隋大業拾遺曰大業之

初勅內史舍人豆威起居舍人崔祖濬等撰區

宇圖志一部五百餘卷屬辭比事全失修撰之

意帝不悅勅秘書學士十八人修十郡志內史

侍郎虞世基總檢世基先命學士各序一郡風

俗奏擬請體式學士虞綽序京兆郡風俗陸敬

序河南郡風俗袁郎序蜀郡風俗杜寶序吳郡

風俗四人先成世基奏聞勅付世基擇善用之

世基乃鈔吳郡序以爲體式及圖志第一副本

新成八百卷奏之帝以部秩太少更遣重修成

一千二百卷卷頭有圖別造新樣紙卷長二尺

敝山川則卷首有山川圖敝郡國則卷首有郭

邑圖其圖上有山川城邑題書字並用歐陽肅

書卽率更令詢之長子工於草隸爲時所重太

平寰宇記河北道故武城夏禹七代孫芸封公

子武於此建國後漢光武封濟南王爲武城侯

前秦苻堅封長子清河王移居武城御覽地部

龍崗縣石井光武營軍所鑿傍有叢荆棘生皆

蟠螫如人手結云是光武繫馬處並引隋區宇

圖志 張彥遠歷代名畫記敝古之圖畫有虞茂氏區宇記

隋書表矩傳時西域諸番多至張掖與中國交
市帝令矩掌其事諸商至者矩誘令言其國俗
山川險易撰西域圖記丹青模寫共成三卷合

四十四國仍別造地圖窮其要害太平寰宇記

四夷引隋西域圖記曰白山一名阿羯山常有

火及烟卽是山烟沙處又云大宛馬其烏馬駟

馬多白耳驄馬多赤耳黃馬赤馬多黑耳惟耳

色別自餘色與常馬不異

隋諸州圖經集一百卷 郎蔚之撰

隋書郎蔚傳撰州郡圖經一百卷唐志郎蔚

之隋圖經集記一百卷太平御覽州郡部隋圖

經集記曰義川蓋春秋時白翟也其俗語云丹

州白室卽白翟語訛耳地部居處部多引隋圖

經省集記二字寰宇記亦引甚多又引有舊圖經

隋諸郡土俗物產一百五十一卷

唐志諸郡土俗物產記十九卷

方物志二十卷 許善心撰

隋書許善心傳大業四年撰方物志奏之

隋經籍志考證卷七

會稽章宗源撰

譜系唐志作譜牒

世本王侯大夫譜二卷

世本二卷劉向撰

世本四卷宋衷撰

周禮小史掌邦國之志定世繫辨昭穆注曰帝

繫世本之屬疏曰天子謂之帝繫諸侯謂之世

本漢書司馬遷傳贊曰左邱明有世本錄黃帝

以來至春秋時帝王公侯卿大夫祖世所出據

此則周禮疏所云天子謂帝繫諸侯謂世本其說未審漢

藝文志春秋家有世本十五篇愚按其篇名可

見者有帝繫篇一切經音義曰世本有帝繫篇謂子孫

相繼續也 有姓氏篇左傳正義世本姓氏篇曰任姓謝

韋薛舒呂祝終舉畢過有作篇禮記鄭注世本作曰重作

鐘無句作擊女媧作窰篋疏曰世本作曰者世本書名有作

篇其篇記諸作事周禮注世本作曰相土作乘馬又注曰智

者創物謂始開端造器物若世本作者也疏曰引世本作者

無句作擊儀狄造酒之類論衡對作篇曰言苟有益雖作何

害倉頡之書世以紀事矣仲之車世以自載伯余之衣以辟

寒暑焚之瓦屋以辟風雨夫不論其利害而徒譏其造作則

倉頡之徒有非世本十五家皆受責也 有居篇史記索隱

系本居篇曰吳執戡居藩離又居篇曰魏武子居魏又居篇

曰昭子居安邑通鑑音注曰系本即世本司馬遷唐譜改世

為系 有論法篇玉海書目流約論法序曰大戴禮及世

本傳並有論法而二書傳至約時已亡其篇 史記序索

隱劉向曰世本古史官明於古事者之所記也

錄黃帝已來帝王諸侯及卿大夫系論名號凡

十五篇漢志本注云訖春秋時顏氏家訓書證篇曰

世本左邱明所書本注此說出皇甫謚帝王世紀而

有燕王喜漢高祖左傳宣公正義曰世本傳寫

多誤其本未必然於趙夙為袁祖穿為夙曾孫為艾獵

是叔敖之兄馮是艾獵之子魏綽乃樂孫正義皆云多誤昭

公正義又曰司馬遷采世本為史記而今之世

本與遷言不同世本多誤不足依憑世本曰吳夷

昧及傑夷昧生光 史通書志篇曰周撰世本式辨

諸宗雜述篇曰世本辨姓著自周室趙岐孟子

注引古紀世本錄諸侯之世滕有考公元公疑

所謂古紀者當即周左邱明原本史通外篇曰

楚漢之際有好事者錄自古帝王公侯卿大夫

之世終乎秦末號曰世本十五篇此言楚漢之

際所錄與劉向言古史官所記不合且事終秦

末不宜有燕王喜漢高祖據隋志載世本王侯

大夫譜二卷無撰人名又世本二卷劉向撰是

自有兩本一在周代一在楚漢之際皆十五篇

故同為二卷劉向之撰當是注文宋衷撰四卷

亦注也諸書多徵引宋衷世本注衷又作忠或

稱宋仲子注唐志宋衷四卷又按史記吳系家

徐廣引系本曰夷昧及僚昧夷光生此與左傳疏

異索隱曰檢系本今無此語燕系家索隱譙周

曰系本謂燕自宣侯已下皆父子相傳無及按

今系本無燕代系宋忠依太史公書以補其闕

尋徐廣作音尚引系本蓋近始散佚耳據司馬

貞此言譙周徐廣所見世本乃古本貞所見乃

宋忠撰本

世本別錄一卷不著錄

見唐志

帝譜世本七卷宋均注 不著錄

見唐志文選西京賦注隸首黃帝史也史記五

帝紀索隱伏羲神農黃帝為三皇少昊高陽高

辛唐虞為五帝始皇紀索隱言如魚之爛自內

而出太平御覽服章部黃帝作旃冕通帛為旃

冕魯昭公作弁制素弁也並引宋均世本注

系本卷亡孫氏注 不著錄

史記五帝紀索隱曰孫氏注系本以伏羲神農

黃帝為三皇少昊高陽高辛唐虞為五帝 張守

節正義同引孫氏系本注愚按隋唐二志皆不載孫

氏系本注然司馬貞張守節並引之則非字誤

但其言三皇五帝與宋均注同

世本譜二卷不著錄

見舊唐志無撰人名新唐志題王氏注

漢氏帝王譜三卷

唐志二卷

百家譜二卷劉濞撰梁有隋亡

通典食貨門宋劉濞為選曹始撰百家譜以助

詮序傷於寡略後漢書李固傳注何臨字子陵

熙之子為平原太守見百家譜也

百家集譜十卷王儉撰

通典食貨門宋劉濞撰百家譜齊王儉復加得

繁省之東南齊書賈淵傳永明中王儉抄次百

家譜與淵參懷撰定唐志卷同

齊梁帝譜四卷梁有隋亡

唐志有齊梁宗簿二卷似別一書

齊永元中表簿五卷

唐志六卷

梁大同四年表簿三卷 不著錄

見唐志

梁親表簿五卷 不著錄

見唐志

百家譜三十卷 王僧孺撰

梁書劉杳傳王僧孺被勅撰譜訪杳血脈所因杳云太史三世表旁行斜上並效周譜以此而推當起周代通典食貨門梁武帝時以沈約上言詔王僧孺改定百家譜僧孺爲八十卷東南諸族別爲一部不在百家之數 唐書柳沖傳僧孺撰益爲十八篇 唐志三十卷

百家譜集抄十五卷 王僧孺撰

梁書王僧孺傳僧孺有百家譜集十五卷 元和姓纂皮姓間姓引僧孺百家譜

百家譜二十卷 賈執撰

唐書柳沖傳稱賈執著百家譜廣兩王所記唐志五卷

百官譜二十卷 徐勉撰 不著錄

見唐志

姓氏英賢譜一百卷 賈執撰

唐書柳沖傳賈執作姓氏英賢無譜字 一百篇文選頭陀寺碑注王中字簡栖爲頭陀寺碑文詞巧麗太平御覽宗親部宋顏峻有令名其父延之對太宗曰峻得臣筆二事並稱姓氏英賢錄廣韻注今高密有東鄉姓又路中大夫後以路中爲氏又安期生今琅邪人又凡閭氏今東莞有之又東莞有五王氏此稱賈執英賢傳省

姓氏二字陸法言序稱賈執姓氏英賢傳 殷敬順列子釋文引吳郡有庚桑姓稱爲士族二語稱賈逵

姓氏英賢訛執爲逵訛賢爲覽脫去譜字元和姓纂梁賈執撰姓氏英賢傳唐志卷同

梁武帝總書境內十八州譜六百九十卷 梁有隋

七

元和姓纂梁天監十八州譜路氏一卷東陽鉅鹿譜舊望唐書柳沖傳晉太元中河東賈弼撰姓氏簿狀十八州百十六郡合七百一十二卷

唐志王僧孺十八州譜七百一十二卷

氏族要狀十五卷

脫撰名唐志賈希鏡撰按唐書柳沖傳言賈弼傳子匪之匪之傳子希鏡希鏡撰氏族要狀十五篇 元和姓纂齊外兵郎賈希鏡撰永明氏族狀

後魏皇帝宗族譜四卷

新唐志同

後魏辯宗錄二卷 元暉業撰

後魏書元暉業傳暉業撰魏藩王世家號爲辯宗室錄北齊書暉業傳作辯宗錄 四十卷唐志二卷

按此卷數隋唐二志與後魏北齊本傳過相懸絕必有訛誤

魏孝文列姓族牒一卷

唐志有後魏譜二卷

後魏方司格一卷 不著錄

見唐志史通書志篇曰譜牒之作中原有方司殿格

後齊宗譜一卷

唐志有齊高氏譜六卷

周宇文氏譜一卷 不著錄

見唐志

冀州姓族譜二卷

唐志七卷舊唐志無姓族二字

洪州諸姓譜九卷

唐志同舊唐志無諸姓二字

袁州諸姓譜八卷

唐志七卷舊唐志無諸姓二字

司馬氏系本卷亡晉譙國司馬無忌撰 不著錄

史記序傳索隱蒯聃生昭豫昭豫生憲憲生印正義在趙者名凱並引晉譙國正義作譙王司馬無忌作司馬氏系本唐志有司馬氏世家二卷無撰名

擊氏世本卷亡 不著錄

世說言語篇注引擊氏世本載擊虞兄子瞻二事

姓苑一卷 何氏撰

廣韻引何氏姓苑最多元和姓纂亦引之唐志何承天姓苑十卷

京兆韋氏譜二卷

舊唐志十卷新唐志同韋鼎等撰新志脫等字省京兆二字南史隋章鼎傳鼎自楚太傅以下二十餘世並考論昭穆作韋氏譜七卷

謝氏譜一十卷

世說德行篇注謝安娶沛國劉耽女文學篇注謝據娶太原王韜女名綏言語篇注謝重女月鏡適王愔之方正篇注謝石娶諸葛恢小女名文熊又謝奉祖端散騎常侍父鳳吏部尙書品

藻篇注謝聘歷侍中廷尉卿簡傲篇注謝萬娶太原王述女名荃輕詆篇注謝尚長女僧要適庾蘇次女僧韶適般歆並引謝氏譜此書為劉孝標所引自是晉宋間人所撰唐志謝氏家譜一卷卷數既不合且列次於唐人諸譜間乃別是一書撰在唐時

楊氏譜一卷

世說識量篇注楊氏譜曰楊朗祖囂典軍校尉父淮冀州刺史

北地傅氏譜一卷

世說識量篇注傅氏譜曰傅瑗北地靈川人歷安城太守

蘇氏譜一卷

史記蘇秦傳索隱蘇氏譜曰蘇氏兄弟五人更有蘇辟蘇鶴

嵇氏譜卷亡 不著錄

魏志沛穆王林傳注嵇康妻林子之女也文選幽憤詩注嵇康兄喜歷徐揚州刺史水經淮水注譙有嵇山家於其側遂以為氏並引嵇氏譜

魏志王粲傳注嵇康父昭督軍糧治書侍御史

兄喜晉揚州刺史宗正此稱嵇康譜

庾氏譜卷亡 不著錄

魏志管寧傳注庾遁支嗣克昌為世盛門世說方正篇注庾會娶諸葛恢女名文虎雅量篇注

會年十九歲和六年遇害又庾翼娶高平劉綏

女字靜女識量篇注庾爰之翼第二子棲逸篇

注庾友司空冰第三子友長子宣娶桓豁之女

字女幼排調篇注庾鴻仕至輔國內史輕詆篇

注庾恆仕至尚書僕射並引庾氏譜

孫氏譜卷亡 不著錄

魏志孫資傳注孫氏譜曰宏為南陽太守宏子楚字子荆

阮氏譜卷亡 不著錄

魏志杜畿傳注阮謚徵辟無所就造三禮圖傳於世世說尤悔篇注阮厲仕至州主簿並引阮氏譜

孔氏譜卷亡 不著錄

魏志倉慈傳注孔疇為陳相立孔子碑世說言語篇注孔忱至琅邪王文學並引孔氏譜漢書孔光傳孔子生伯魚鯉師古曰伯魚先言其字者孔氏自為譜牒示尊其先也

劉氏譜卷亡 不著錄

魏志劉廙傳注劉阜陳留太守世說方正篇注劉簡仕至大司馬參軍雅量篇注劉綏妻陳留

阮蕃女字幼娥賞譽篇注劉邈妻武周女品藻

篇注劉昶沛國人並引劉氏譜文選劉先生夫

人墓誌注引劉獻妻王法施女事題王僧孺劉

氏譜

陳氏譜卷亡 不著錄

魏志陳泰傳注陳羣之後名位並徵謚孫並至大位世說德行篇注陳忠州辟不就術解篇注

陳述有美容並引陳氏譜

王氏譜卷亡 不著錄

魏志崔林傳注王雄字元伯王昶傳注昶伯父

柔父澤世說德行篇注王導娶曹淑王獻之娶

邳道茂言語篇注王微祖父父澄又王羲之子疑之文學篇注王訥之祖彪之父臨之雅量篇

注王逸少妻鄒璿方正篇注王愷娶桓伯子王

坦之娶范蓋賞譽篇注王訥娶糜三壽又王羲之是敦從父兄子又王者之廙第三子品藻篇

注王頽年二十卒敵年二十有二卒又王操之

義之第六子王楨之徽之子規箴篇注王緒祖延父父容止篇注王翊夷甫弟也又王訥祖默

父祐賢媛篇注鍾夫人名琰之太傅繇孫司徒

夫人黃門郎鍾琰女任誕篇注王獻父蒼排調篇注王混恬子王肅之義之第四子輕詆篇注

王彭之祖正父彬王彪之小字虎犢汰修篇注

王胡之是恬從祖後漢書獻帝紀注劉表傳注王璿晉太保祥伯父也並引王氏譜又世說排

調篇注引王渾弟淪事文選王文憲集序注引

郭璞筮王氏事並稱王氏家譜

郭氏譜卷亡 不著錄

魏志郭淮傳注郭氏譜曰淮祖全大司農父蘊

雁門太守

崔氏譜卷亡 不著錄

蜀志諸葛亮傳注崔氏譜曰崔州太尉烈子均之弟也羣輔錄引商山四皓事

諸葛氏譜卷亡 不著錄

蜀志諸葛瞻傳注諸葛氏譜曰京字行宗世說方正篇注恢子衡娶河南鄧攸女

周氏譜卷亡 不著錄

世說德行篇注周翼歷青州刺史六十四而卒賢媛篇注周浚娶同郡李伯宗羣輔錄周氏五

龍並引周氏譜

吳氏譜卷亡 不著錄

世說德行篇注吳氏譜曰坦之仕至西中郎將

功曹

羊氏譜卷亡 不著錄

世說言語篇注羊權仕至尚書左丞羊孚歷太

學博士文學篇注羊輔仕至衛軍功曹羊楷仕

至尚書郎方正篇注羊綏仕至中書侍郎傷逝

篇注羊孚即欣從祖賞譽篇注羊繇歷車騎掾

並引羊氏譜

許氏譜卷亡 不著錄

世說政事篇注許柳字季祖許永字思妣雅量

篇注許璩仕至吏部侍郎賞譽篇注許元度母

華軼女也並引許氏譜

桓氏譜卷亡 不著錄

世說政事篇注桓歆仕至尚書規箴篇注桓道

恭歷淮南太守賢媛篇注桓冲娶王恬女字女

宗仇隙篇注桓冲後娶庾茂女字姚並引桓氏

譜

馮氏譜卷亡 不著錄

世說文學篇注馮氏譜曰馮懷歷太常護國將

軍

殷氏譜卷亡 不著錄

世說文學篇注殷仲堪娶王臨之女字英彥紕

漏篇注殷師仕至驃騎咨議任誕篇注殷羨仕

至豫章守並引殷氏譜

陸氏譜卷亡 不著錄

世說文學篇注陸退仕至光祿大夫史記鄴生

陸賈傳索隱齊宣公支子達食采於陸達生發

發生皋適楚並引陸氏譜

顧氏譜卷亡 不著錄

世說文學篇注顧夷辟州主簿不就簡傲篇注

顧辟疆歷平北參軍文選陸士衡贈顧交阨詩

注顧祕為吳王郎中令並引顧氏譜又文選陸

韓卿答內兄希叔詩注顧盼字希叔邵陵王國

常侍此稱顧氏家譜

虞氏譜卷亡 不著錄

世說賞譽篇注虞球會稽餘姚人仕至黃門侍

郎此引虞氏譜

衛氏譜卷亡 不著錄

世說賞譽篇注衛氏譜曰衛永成陽人位至左

軍長史

魏氏譜卷亡 不著錄

世說賞譽篇注衛隱歷義興太守排調篇注衛

顛仕至山陰令並引魏氏譜

溫氏譜卷亡 不著錄

世說品藻篇注引序曰晉大夫郤至封溫子孫

因氏居太原祁縣為郡著姓假譎篇注溫嶠初

娶李恆女中娶王詡女後娶何邃女尤悔篇注

溫儋娶清河崔參女並引溫氏譜

曹氏譜卷亡 不著錄

世說品藻篇注曹氏譜曰茂之彭城人仕至尚

書郎

李氏譜卷亡 不著錄

世說品藻篇注李氏譜曰李志仕至員外常侍

南康相元和姓纂引李叡娶同郡管襲女句

袁氏譜卷亡 不著錄

世說品藻篇注袁恪之義熙守為侍中任誕篇

注袁耽大妹名女皇適殷浩小妹名女正適謝

尚讒險篇注袁悅有寵於會稽王王頗納其言

並引袁氏譜

索氏譜卷亡 不著錄

世說傷逝篇注索氏譜曰索元歷征虜將軍歷

陽太守

戴氏譜卷亡 不著錄

世說棲逸篇注戴氏譜曰戴逵以武勇顯有功

封廣陵侯仕至大司農

賈氏譜卷亡 不著錄

世說賢媛篇注賈氏譜曰郭氏名玉璜即廣宣

君也

郝氏譜卷亡 不著錄

世說賢媛篇注郝氏譜曰普字道匡仕至洛陽

太守

郝氏譜卷亡 不著錄

世說棲逸篇注郝超娶周閔女名馬頭排調篇

注郝融字景山惜第二子並引郝氏譜

韓氏譜卷亡 不著錄

世說棲逸篇注韓氏譜曰韓繪之父康伯太常

卿繪之仕至衡陽太守

張氏譜卷亡 不著錄

世說任誕篇注張氏譜曰張湛仕至中書郎

荀氏譜卷亡 不著錄

世說排調篇注荀寓字景伯父保御史中丞羣

輔錄荀氏八龍並引荀氏譜

祖氏譜卷亡 不著錄

世說排調篇注祖氏譜曰祖廣仕至護軍長史

司馬氏譜卷亡 不著錄

世說仇隙篇注司馬氏譜曰承娶南陽趙氏女

路氏譜卷亡 不著錄

史記齊悼惠王世家索隱路氏譜曰中大夫名

印

范氏譜卷亡王僧孺撰 不著錄

文選爲范尚書讓吏部封侯表注王僧孺范氏

譜曰汪生少連又曰少連太子舍人餘杭令

杜氏譜卷亡 不著錄

史記酷吏傳正義杜氏譜曰周字長孺

陽氏譜敘卷亡 不著錄

水經鮑邱水注陽氏譜敘曰翁伯是周景王之

孫食采陽樊春秋之末爰宅無終而易氏焉愛

仁博施天祚玉田

蔡氏譜卷亡 不著錄

文選王仲宣贈蔡子篤詩注蔡氏譜曰陸濟陽

人

應世譜卷亡 不著錄

後漢書應劭傳注應世譜曰劭字仲遠

吳氏譜卷亡 不著錄

漢書眭孟傳注近代學者旁引吳氏譜以相附

著私譜之文出於閭巷家自爲說事非經典苟

引先賢妄相假借無所取信寧足據乎

復姓苑一卷

無撰名元和姓纂曰晉有傅餘頌著復姓錄有

向方氏

竹譜一卷

無撰名今存戴凱之竹譜一卷

錢譜一卷顧烜撰

唐志入子部農家洪遵泉志多引烜譜

晉世摯虞作族姓昭穆記十卷

晉書摯虞傳虞以漢末喪亂譜傳多亡失雖其

子孫不能言其先祖撰族姓昭穆無記字十卷

上疏進之

隋經籍志考證卷八

會稽章宗源撰

簿錄

七略別錄二十卷劉向撰

漢藝文志曰成帝詔劉向校經傳諸子詩賦任

宏校兵書尹咸校數術李柱國校方技每一書

已向輒條其篇目撮其指意錄而奏之本志師

古注引劉向別錄 禮記正義鄭目錄自由禮至喪

服四制載別錄所屬篇目有通論 禮弓禮運玉藻

大傳經解孔子問居中庸表記繡衣儒行大學 制度曲禮

王制禮器少儀明堂陰陽記月令明堂位喪服曾子問

喪服小記雜記服問喪大記三年問喪服四制世子法文

王世子祭祀郊特牲祭法祭義祭統子法內則通錄學

記樂記第十九喪服之禮奔喪吉禮投壺吉事冠義

昏義鄉飲酒義射義燕義聘義 儀禮疏自冠禮第一

至少牢下篇第十七皆引別錄次第相同詩大

雅疏師尚父尚書疏武帝未民得秦誓又堯典

作虞夏書周禮疏路寢在北堂之西社稷宗廟

在路寢之西左傳疏左邱明授曾申及荀卿授

張蒼並稱劉向別錄無七略二字史記集解索隱

兩漢注諸書所引皆無七略二字唐志題同隋

志

七略七卷劉歆撰

漢志曰劉向卒哀帝使向子歆卒父業歆於是

總羣書而奏其七略故有緝略師古曰緝與集同

謂諸書之總要 有六藝略有諸子略有詩賦略有

兵書略有術數略有方技略劉向傳河中歆

受詔與父向領校祕書講六藝傳記諸子術數

方技無所不究向死哀帝即位復領五經卒父前業歆乃集六藝羣書種別爲七略愚按班固

因七略而志藝文其與歆異者特注其出入書入劉向籍疑禮入司馬法樂出淮南劉向等琴頌春秋省太史公小學入揚雄杜林儒入揚雄雜出兵法諸子出聲韻兵權謀省伊尹太公管子孫卿子鶡冠子蘇子訓通陸賈淮南王出司馬法入禮兵技巧省墨子重入楚辭使後人可考劉氏原本今以諸書所引七略如詩以言情

情者信之符也書以決斷者心之證也初學記文部御覽學部漢志作詩以正言義之用也春秋以斷事信之符也史記集解魏公子兵法二十一篇圖一卷信陵侯傳逢門射法龜策傳風后孤虛二十卷同上與漢志合史記正義管子十八篇在法家晏子春秋七篇在儒家管晏傳新語二卷陸賈撰陸賈傳考漢志法家無管子惟兵家注云省管子儒家晏子八篇又削春秋二字史記論曰余讀晏子春秋是知春秋二字非漢以後所加陸賈二十三篇不言新語俱異七略之舊文選注鄒子有終始五德從所不勝木德繼之金德次之火德次之土德次之魏都賦應吉甫集華林園詩注乃鄒子終始解題又雅琴琴之言禁也雅之言正也君子守正以自禁也長門賦注乃雅

琴趙氏等解題太平御覽職官部孝宣帝重申不害君臣篇使黃門郎張子喬正其字乃申子解題此類漢志皆未取馮商班固奇杜參史朱子師古注皆依七略補漢志至如曲臺記易九師道訓文漢竟陵王行狀注娟子曹子建七略注談天衍龍赫宣德皇帝令注鶡冠子辯命論注盤玉書新刻補錄注

班固本注雖依七略而語多從簡唐志卷同晉中經十四卷荀勗撰晉書荀勗傳勗領祕書監與張華依劉向別錄整理記籍又得汲冢中古文竹書勗撰次之以爲中經列在祕書隋志序曰魏祕書郎鄭默始制中經晉書鄭默傳默考覈舊文刪省浮穢中書令虞松謂曰而今而後朱紫別矣荀勗又因中經更著新簿分爲四部總括羣書一曰甲部紀六藝及小學等書二曰乙部有古諸子家近世子家三曰丙部有史記舊事皇覽簿雜事四曰丁部有詩賦圖讚汲冢書大凡四部合二萬九千九百四十五卷但錄題及言至於作者之意無所論辯魏志王肅傳燉煌周生烈注臣松之案此人姓周生名烈所著述見晉武帝中經簿蜀志秦宓傳注臣松之案中經簿有孔子三朝八卷目錄一卷餘者所謂七篇周禮天官正義中經簿子儀本草經一卷經典釋文序錄中經簿子夏易傳丁寬所作又云劉表注易十卷又云鄭氏孝經注案中經簿錄無漢書貨殖傳注計然者濮上人其書有萬物錄著五方所出皆直述之事見晉中經簿北堂書鈔儀飾部盛書用卓縹囊布裏書函中皆有香囊太平御覽文部盛書有縹囊布囊縹囊隋志序曰盛以縹囊書用縹素並引晉中經簿唐志卷同

晉中經十四卷荀勗撰

晉書荀勗傳勗領祕書監與張華依劉向別錄整理記籍又得汲冢中古文竹書勗撰次之以爲中經列在祕書隋志序曰魏祕書郎鄭默始制中經晉書鄭默傳默考覈舊文刪省浮穢中書令虞松謂曰而今而後朱紫別矣荀勗又因中經更著新簿分爲四部總括羣書一曰甲部紀六藝及小學等書二曰乙部有古諸子家近世子家三曰丙部有史記舊事皇覽簿雜事四曰丁部有詩賦圖讚汲冢書大凡四部合二萬九千九百四十五卷但錄題及言至於作者之意無所論辯魏志王肅傳燉煌周生烈注臣松之案此人姓周生名烈所著述見晉武帝中經簿蜀志秦宓傳注臣松之案中經簿有孔子三朝八卷目錄一卷餘者所謂七篇周禮天官正義中經簿子儀本草經一卷經典釋文序錄中經簿子夏易傳丁寬所作又云劉表注易十卷又云鄭氏孝經注案中經簿錄無漢書貨殖傳注計然者濮上人其書有萬物錄著五方所出皆直述之事見晉中經簿北堂書鈔儀飾部盛書用卓縹囊布裏書函中皆有香囊太平御覽文部盛書有縹囊布囊縹囊隋志序曰盛以縹囊書用縹素並引晉中經簿唐志卷同

晉義熙已來新集目錄三卷

新唐志同舊唐志作雜集目錄並題邱深之撰宋元徽元年四部書目錄四卷王儉撰南齊書王儉傳儉撰定元徽四部書目唐志卷

同隋志序曰宋元徽元年王儉造目錄大凡一萬五千七百四卷今書七志七十卷王儉撰南齊書王儉傳儉上表求校填籍依七略撰七志四十卷上表獻之文選任彥昇王文憲集序曰依劉歆七略更撰七志宋書後廢帝紀元徽元年八月王儉表上所撰七志三十卷唐志七十卷賀縱補注隋志序曰儉撰七志一曰經典志紀六藝小學史記雜傳二曰諸子志紀古今諸子三曰文翰志紀詩賦四曰軍書志紀兵書五曰陰陽志紀陰陽圖緯六曰術藝志紀方技七曰圖譜志紀地域及圖書其道佛附見後魏書釋老志曰劉歆著七略釋氏之學所未會紀合九條然亦不述作者之意但於書名之下每立一傳而又作九篇條例編乎首卷之中文義淺近未爲典則後漢書方術傳注云有遁甲經有武王須臾一卷有師曠六篇文選注木華字玄虛爲楊駿府主簿海賦注應璩以百言爲一篇謂之百一詩百一詩注東漢字道彥弱冠辟大將軍府東道彥雜詩注張翰字季鷹文藻新麗張季鷹雜詩注高祖遊張良廟命僚佐賦詩謝瞻所造冠於一時謝宣遠張子房詩注又九日遊戲馬臺詩注引此事作高祖游戲馬臺並引今書七志經典序錄宋衷易注十卷陸績述十三卷錄一卷王弼易注十卷王真注十卷荀焯注十卷張璠集解十卷蜀才是王弼後人並引七志省今書二字又云尚書大禹謨本虞書總爲一卷凡十二卷今依七志七錄爲十三卷通志圖譜略曰劉氏七略收書不收圖惟任

同隋志序曰宋元徽元年王儉造目錄大凡一萬五千七百四卷

今書七志七十卷王儉撰南齊書王儉傳儉上表求校填籍依七略撰七志四十卷上表獻之文選任彥昇王文憲集序曰依劉歆七略更撰七志宋書後廢帝紀元徽元年八月王儉表上所撰七志三十卷唐志七十卷賀縱補注隋志序曰儉撰七志一曰經典志紀六藝小學史記雜傳二曰諸子志紀古今諸子三曰文翰志紀詩賦四曰軍書志紀兵書五曰陰陽志紀陰陽圖緯六曰術藝志紀方技七曰圖譜志紀地域及圖書其道佛附見後魏書釋老志曰劉歆著七略釋氏之學所未會紀合九條然亦不述作者之意但於書名之下每立一傳而又作九篇條例編乎首卷之中文義淺近未爲典則後漢書方術傳注云有遁甲經有武王須臾一卷有師曠六篇文選注木華字玄虛爲楊駿府主簿海賦注應璩以百言爲一篇謂之百一詩百一詩注東漢字道彥弱冠辟大將軍府東道彥雜詩注張翰字季鷹文藻新麗張季鷹雜詩注高祖遊張良廟命僚佐賦詩謝瞻所造冠於一時謝宣遠張子房詩注又九日遊戲馬臺詩注引此事作高祖游戲馬臺並引今書七志經典序錄宋衷易注十卷陸績述十三卷錄一卷王弼易注十卷王真注十卷荀焯注十卷張璠集解十卷蜀才是王弼後人並引七志省今書二字又云尚書大禹謨本虞書總爲一卷凡十二卷今依七志七錄爲十三卷通志圖譜略曰劉氏七略收書不收圖惟任

同隋志序曰宋元徽元年王儉造目錄大凡一萬五千七百四卷

今書七志七十卷王儉撰南齊書王儉傳儉上表求校填籍依七略撰七志四十卷上表獻之文選任彥昇王文憲集序曰依劉歆七略更撰七志宋書後廢帝紀元徽元年八月王儉表上所撰七志三十卷唐志七十卷賀縱補注隋志序曰儉撰七志一曰經典志紀六藝小學史記雜傳二曰諸子志紀古今諸子三曰文翰志紀詩賦四曰軍書志紀兵書五曰陰陽志紀陰陽圖緯六曰術藝志紀方技七曰圖譜志紀地域及圖書其道佛附見後魏書釋老志曰劉歆著七略釋氏之學所未會紀合九條然亦不述作者之意但於書名之下每立一傳而又作九篇條例編乎首卷之中文義淺近未爲典則後漢書方術傳注云有遁甲經有武王須臾一卷有師曠六篇文選注木華字玄虛爲楊駿府主簿海賦注應璩以百言爲一篇謂之百一詩百一詩注東漢字道彥弱冠辟大將軍府東道彥雜詩注張翰字季鷹文藻新麗張季鷹雜詩注高祖遊張良廟命僚佐賦詩謝瞻所造冠於一時謝宣遠張子房詩注又九日遊戲馬臺詩注引此事作高祖游戲馬臺並引今書七志經典序錄宋衷易注十卷陸績述十三卷錄一卷王弼易注十卷王真注十卷荀焯注十卷張璠集解十卷蜀才是王弼後人並引七志省今書二字又云尚書大禹謨本虞書總爲一卷凡十二卷今依七志七錄爲十三卷通志圖譜略曰劉氏七略收書不收圖惟任

同隋志序曰宋元徽元年王儉造目錄大凡一萬五千七百四卷

宏校兵書一類有書有圖宋齊之間王儉作七志六志收書一志專收圖譜不意末學而有此作也

梁天監六年四部書目錄四卷殷鈞撰

梁書殷鈞傳天監初鈞啓校定祕閣四部書目

唐志邱賓卿梁天監四年書目四部

梁東宮四部目錄四卷劉遵撰

唐志同

梁文德殿四部目錄四卷劉孝標撰

梁書劉孝標傳不載校定四部隋志序曰梁初祕閣經籍任昉躬加部集又於文德殿列藏衆書大凡二萬三千一百六卷而釋氏不與焉又曰文德殿目錄其術數之書更爲一部使奉朝請祖暉撰其名故梁有五部目錄

七錄十二卷阮孝緒撰

梁書阮孝緒傳孝緒著七錄行於世隋志序曰普通中有處士阮孝緒博採宋齊以來王公之家凡有書記參校官簿更爲七錄一曰經典錄紀六藝二曰記傳錄紀史傳三曰子兵錄紀子書兵書四曰文集錄紀詩賦五曰技術錄紀數術六曰佛錄七曰道錄其分部題目頗有次序割析辭義淺薄不經隋志依七錄凡注中稱梁有今亡者皆阮氏舊有書彙典正義云曰若稽古帝舜曰重華協於帝此十二字是姚方輿所上孔氏傳本無

經典釋文同又云尚書十二卷今依七志七錄爲十三卷 孝經序正義穀梁名俶字元始 本經典序錄論語序正義周生烈字文逸本姓唐魏博士侍中本經典序錄史記正義甘公楚人戰國時作天文星占八卷石申魏人戰國時作天文八卷 天官書 太公兵法一表三卷太公姜子牙周文王師封齊侯也留侯世家 申子三卷韓子二十卷 中韓列傳 經典序錄費直易章句四卷殘缺孟喜章句下經無旅至節無上繫京房章句十卷錄一卷馬融傳九卷荀爽注十一卷鄭玄注十二卷劉表章句九卷錄一卷宋衷注十卷董遇章句十卷姚信注十二卷信字元直吳興人吳太常卿王虞注十卷張璠集解集二十八家蜀才不詳何人劉瓛作繫辭義疏王肅撰禮記音並引阮孝緒七錄史通因習篇曰阮氏七錄以田范裴段諸記劉石符姚等書別創一名題爲僞史而撰隋書經籍志者其流別羣書還依阮錄唐志卷同今存廣弘明集內阮氏七錄一卷 通志圖譜略曰王儉七志一志專收圖譜阮孝緒不能續之 散圖而歸部錄雜譜而歸記注

重華協於帝此十二字是姚方輿所上孔氏傳本無 經典釋文同又云尚書十二卷今依七志七錄爲十三卷 孝經序正義穀梁名俶字元始 本經典序錄論語序正義周生烈字文逸本姓唐魏博士侍中本經典序錄史記正義甘公楚人戰國時作天

文星占八卷石申魏人戰國時作天文八卷 天官書 太公兵法一表三卷太公姜子牙周文王師封齊侯也留侯世家 申子三卷韓子二十卷 中韓列傳 經典序錄費直易章句四卷殘缺孟喜章句下經無旅至節無上繫京房章句十卷錄一卷馬融傳九卷荀爽注十一卷鄭玄注十二卷劉表章句九卷錄一卷宋衷注十卷董遇章句十卷姚信注十二卷信字元直吳興人吳太常卿王虞注十卷張璠集解集二十八家蜀才不詳何人劉瓛作繫辭義疏王肅撰禮記音並引阮孝緒七錄史通因習篇曰阮氏七錄以田范裴段諸記劉石符姚等書別創一名題爲僞史而撰隋書經籍志者其流別羣書還依阮錄唐志卷同今存廣弘明集內阮氏七錄一卷 通志圖譜略曰王儉七志一志專收圖譜阮孝緒不能續之 散圖而歸部錄雜譜而歸記注

陳天嘉六年壽安殿四部目錄四卷

唐志卷同隋志序曰梁元帝收文德之書公私經籍歸於江陵大凡七萬餘卷周師入郢成自焚之陳天嘉中又更鳩集考其篇目遺闕尙多四部書目序錄三十九卷殷淳撰 不著錄

見唐志宋書殷淳傳淳在祕書閣撰四部書目凡四十卷行於世 開皇四年四部目錄四卷又開皇八年四部目錄四卷八年目錄唐志不載

唐志題牛弘撰隋志序曰開皇三年牛弘表請遣使搜訪異本民間異書往往間出及平陳後經籍漸備其所得多太建時書總集編次存爲

古本召韋霈杜預等於祕書內補續殘缺爲正 副二本凡三萬餘卷 開皇二十年書目四卷王劭撰 不著錄 見唐志

隋大業正御書目錄九卷

北史隋西京嘉則殿有書三十七萬卷煬帝命柳顧言等詮次除其重複猥雜得正御本三萬七千餘卷納於東都修文殿又寫五十副本簡爲三品 隋志序曰上品紅琉璃軸中品紺琉璃軸下品漆軸於東都觀文殿東西廂構屋貯之東屋藏甲乙西屋藏丙丁分置西京東都宮省其正御書皆裝翦華綺寶軸錦標於觀天殿前爲書室四十間窗戶褥幔咸極珍麗

法書目錄六卷

唐志庾和撰 史目二卷楊松珍撰 不著錄

見唐志又宋志楊松珍歷代史目十五卷 史目卷七裴松之撰 不著錄

史記五帝紀正義引裴松之史目

雜撰文章家集敘十卷 荀勗撰

唐志作新撰五卷

文章志四卷 梁虞撰

晉書摯虞傳虞撰文章志四卷魏志陳思王傳注劉季緒名修著詩賦頌六篇 文選與楊德祖書注同 世說文學篇注崔烈靈帝時官至司徒太尉後漢書桓彬傳注桓麟文見在者十八篇有碑九首誄七首說一首沛相郭府君書一首並引摯虞文章志唐志卷同

唐志卷同

唐志卷同

唐志卷同

續文章志二卷 傅亮撰

唐志卷同文選海賦注廣川木玄虛爲海賦文甚雋麗北堂書鈔設官部陸雲才藻並引傅亮文章志無續字 世說文學篇注潘岳選言簡章清綺絕倫容止篇注左思貌醜頓不持儀飾汰侈篇注石崇資產累巨萬金宅室與馬僭擬王者並引續文章志不著傅亮名

晉江左文章志三卷 宋明帝撰

宋書明帝紀帝在藩時撰江左以來文章志唐志二卷世說言語篇注孝武帝諱昌明年三十五崩又顧愷之爲桓溫參軍甚被親暱文學篇注張憑學尙所得敏而有文又顧長康三絕畫絕文絕癡絕方正篇注太元中新宮成欲屈王獻之題榜賞譽篇注王胡性簡好達玄言又劉恢識局明濟有文武才識察篇注劉惔言桓溫必能西楚然恐不能復制又謝安縱心事外疎略常節品藻篇注孫綽博涉經史長於屬文又王獻之善隸書字畫秀媚規箴篇注庾翼名輩豈應狂狷容止篇注桓溫爲溫嶠所賞故名溫雅量篇注謝安能作洛下書生詠任誕篇注謝尚性輕率不拘細行又王忱嗜酒自號上頓並引宋明帝文章志晉江左三字

宋世文章志二卷 沈約撰

梁書沈約傳約著宋文章志三十卷唐志二卷晉文章紀卷亡顧愷之撰 不著錄

世說文學篇注顧愷之晉文章紀曰阮籍勸進落落有宏致

文章志卷亡無撰名

魏志王粲傳注太祖嘆仲宣無後衛覬傳注潘勗初名芝劉劭傳注繆襲事魏四世世說文學篇注陸機善屬文賞譽篇注王羲之高爽有風氣文選長笛賦注劉元作箏賦傳毅作琴賦應貞華林園集詩注應貞少以才能談論應璩百一詩注應璩汝南人也潘尼贈陸機詩注潘尼少有清才繆襲挽歌詩注繆襲字熙伯潘勗册魏九錫文注魏錫勗所作繁欽與魏文箋注繁欽少以文辨知名陳琳答東阿王箋注陳琳字孔璋阮瑀爲曹公與孫權書注阮瑀陳留人魏文帝與吳質書注徐幹以道德見稱太平御覽職官部顧愷之博學有文章並引文章志不著撰名

文章錄卷亡邱淵之撰 不著錄
世說識鑿篇注傅亮字季友龍禮篇注伏系字敬魯卞範之字敬祖言語篇注嵇康遷拜中散大夫並引邱淵之文章錄又文學篇注袁豹字士蔚一事作邱淵之文章錄又言語篇注謝靈運一事作邱淵之新集敍文選百一詩注應璩博學好屬文錦繡萬花谷續集應璩詩曰問我何功德三入承明廬並題文章錄不著淵之名又世說德行篇注嵇康拜中散大夫文學篇注何晏能清言士多宗之又云晏著論與聖人同巧藝篇注章誕有文學善屬辭北堂書鈔藝文部應璩善爲書記藝文類聚八部杜摯與卞邱儉鄉里相親職官部應貞爲中庶子並題文章錄錄亦不著撰名

名手畫錄一卷

唐志同

正流論一卷 儀吉補
集部總集類又有正流論一卷蓋一書也

隋經籍志考證卷九

會稽章宗源撰

舊事唐志作故事

漢武帝故事二卷

今存

西京雜記二卷

今存

漢魏吳蜀舊事八卷

北堂書鈔設官部漢故事曰太傅少傅稱臣並不朝朔望衣冠部魏舊事曰楊平善裁袴以官絹百匹作小袴百枚太平御覽職官部魏故事曰太傅於太子不稱臣少傅稱臣初學記中宮部后親蠶禮皇后著十二笄步搖乘雲母安車駕驪馬三夫人九嬪世婦各載筐鉤從皇后蠶於嘉桑書鈔設官部夫遣將出征授鉞於朝堂又太傅於太子不稱臣朔望不朝御覽兵部與外國節皆二赤旄一黑旄一異於朝節並引漢魏故事唐志同晉書禮志引有漢魏故事

江東舊事卷七 不著錄

水經溫水注范文本揚州人隨林邑賈人度海遠去沒入於王經十餘年王死文害王二子自立爲王此引江東舊事

魏武故事卷七 不著錄

魏志武紀注載建安十五年十二月己亥公令上遼陽夏柘苦三縣戶二萬但食武平萬戶二十三年公令教辟領長史王必統事如故御覽職官部亦引之劉表傳注載公令青州刺史琮賤求還州秩祿未優今表爲諫議大夫參同軍事

棗祗傳注公令陳留太守棗祗破黃巾定許與立屯田不幸早歿祗子處中宜加封爵以祀祗陳思王傳注公令曰始者謂子建兒中最可定大事又令曰自植私出司馬門至金門令吾異目視此兒矣又令曰諸侯長吏及帳下吏知吾出輒將諸侯行意否並引魏武故事藝文類聚人部曰辭爵逃祿不以利累名不以位虧德之謂讓引魏武雜事

晉朝雜事二卷

唐志二卷同無撰名

北堂書鈔天部太康七年十二月河陰赤雪降又泰始七年冬上隴雪五尺又光康七年霹靂破高禱石乃賈后將誅之應御覽天部高禱中宮求子象也歲時部永寧二年十二月大寒凌破河橋初學記政理部齊王問舉義兵因趙王倫父子五人於金墉城太平御覽時序部大興四年大寒傷民冰厚時王敦肆亂殺戮忠良人事部明帝入幘不正元帝自爲正之明帝大喜又羊琇驕豪擣炭爲屑以物和之作獸形諸豪皆效之刑法部泰始四年歲在戊子正月二十日晉律成又太傅趙王至太極殿前召收張華裴頡解結杜斌等斬之於東鐘下舟部太康七年八月大雨殿前地陷方五尺深數丈中有破船獸部太康九年三月幽州上言塞北有死牛頭語並引晉朝雜事

晉宋舊事一百三十五卷

初學記歲時部魏帝遜位祖以酉日臘以丑日服食部太后皇后雀鈕白玉珮又崇進皇太后

爲太皇太后有絳碧絹雙裙絳絹裙湘絳紗複裙白絹裙御覽時序部服章部同並引晉宋舊事唐志一百三十卷

西京故事卷七 不著錄

史記孝景紀正義西京故事曰景帝廟爲德陽宮

晉要事三卷

初學記中宮部安帝九年右丞張項監議瑯琊及湖熟界有皇后脂澤田四十頃參詳以借貧人北堂書鈔設官部咸康七年諸葛恢奏恭皇后今當山陵依舊公卿六品清官子弟爲挽郎非古也豈有牽曳國士爲之役夫請悉罷之儀飾部泰始四年有司奏先帝廟存舊物麻繩爲細拂以明儉約太平御覽服章部隆和元年太學博士曹宏之等議立秋應讀令不應著細幘改爲素並引晉氏要事唐志卷同

晉故事四十三卷

初學記寶器部凡民丁課田五十畝收租四斛絹三尺綿三斤太平御覽珍寶部咸康元年有司奏上元給賜衆官銀檢金部見銀一萬五千兩充給並引晉故事唐志卷同

晉建武故事一卷

初學記武部王敦死祕不發喪賊於水南北渡攻官壘柵皆重鎧浴鐵都督應詹等出精銳拒之御覽兵部同藝文類聚葉部咸和六年平西將軍庾亮送橘十二實共同一蒂御覽果部同獸部咸和六年計貢合集於朝堂有野麕走至堂前逐獲之太平御覽獸部咸和七年左右啓以米

飴熊上曰此無益而費穀且惡獸不宜畜遣使

打殺以肉賜左右直人並引晉建武故事愚按

王敦死在太寧二年餘三事皆在咸和而入建

武故事未審其義唐志三卷無晉字

晉咸和咸康故事四卷晉孔愉撰

唐志孔愉晉建武咸和咸康故事四卷

晉建武以來故事三卷不著錄

見唐志

永平故事三卷不著錄

見唐志

晉泰始太康故事八卷不著錄

見唐志

晉氏故事三卷不著錄

見唐志

晉諸雜故事二十二卷不著錄

見唐志

晉雜議十卷不著錄

見唐志

晉修復山陵故事五卷車灌撰

初學記服食部梓宮衣物有湘絳雙裙六腰練

單衫五領練複衫五領白紗衫六領白紗縠衫

五領太平御覽文部元宮中用墨五丸服用部

元宮中用絹團扇六枚武悼皇后元宮貯衣蝦

蟆籠二又梓宮中有象牙火籠用象牙梳五枚

后梓宮象牙梳六枚瑇瑁梳六枚又梓宮用鐵

鏤鑷五枚用嚴器五具馬齒嚴器五具后服用

瑇瑁釵三十隻器物部武帝悼后元宮有漆烏

九槃一枚布帛部帝改服著白綾帽資產部后

梓宮用剪六枚並引修復出陵故事唐志卷同

交州雜事九卷記士燮及陶璜事

藝文類聚雜器物部太康四年刺史陶璜表送

林邑王范熊所獻銀鉢一口水精鉢一口初學

記政理部太康四年林邑王范熊獻水精唾壺

一口青白水精唾壺二口太平御覽器物部太

康四年刺史陶璜表送林邑王范熊所獻縹紺

水精槃各一枚青白石盃一口白水精盃二口

並引交州雜事唐志作雜故事卷同

晉八王故事十卷

世說方正篇注楊濟有才識累遷太子太保與

楊駿同誅蕭艾少好功名不修士檢齊王起義

用領右將軍王敗見誅最篇注司馬越少尚

布衣之操為中外所歸言語篇注司馬穎世祖

第十九子司馬又世祖第十七子賞譽篇注石

勒見王夷甫曰吾行天下多矣未嘗見如此人

夜使推牆殺之馮藻蚤歷清職為長沙王所害

劉輿潘滔裴邈皆為東海王所暱時人稱曰輿

長才滔大才邈清才也庾元為陳留太守或勸

投瑯琊王元曰王處仲得志於彼豈能容我楊

淮有六子曰喬髦朗琳俊仲論者謂悉有台輔

之望品藻篇注胡母輔之與王澄庾徵王夷甫

為四友容止篇注潘岳與夏侯湛最契故好同

遊賢媛篇注周浚少有才名自御史中丞出為

揚州刺史加安東將軍輕詆篇注王夷甫雖居

台輔不以事物自嬰當世化之羞言名教識者

知其將亂尤悔篇注華亭有清泉茂林陸機兄

弟共遊於此十餘年水經河水注東海王越治

鄆城無故自壞七十餘丈越惡之移治濮陽城

史記項羽紀索隱王浚伐鄆前至梁湛文選舞

鶴賦注陸機歎曰欲聞華亭鶴唳不可復得北

堂書鈔藝文部張方逼上出謁宗廟上以青筒

詔勅中書曰朕體中不佳不堪出也設官部太

康七年正旦日蝕詔公卿大臣各上封事汝南

王亮司徒舒司空璠上所假章綬元和郡縣志

河南道范陽王保於鄂坂後於其上置關 寰宇

記亦引之 太平御覽服章部趙王倫將篡位童

謠曰屠蘇障日覆兩耳當有瞎兒作天子羽族

部張方將移惠帝於長安自領五千騎兜鞬皆

用涼州白鷄毛並引晉八王故事唐志十二卷

題盧琳撰

晉四王起事四卷晉廷尉盧琳撰

水經蕩水注惠帝征成都王穎戰敗百僚奔散

惟侍中稽紹扶帝乘斬之血汚帝袂帝曰稽侍

中血勿洗也北堂書鈔衣冠部惠帝與成都王

自鄴還洛陽既至賜盧志雲鶴綾袍一領 帝王

部云賜鶴綾袍 酒食部惠帝還洛陽道中於客舍

作飲食宮人有持升餘秬米飯者燒以供至尊

帝王部云樓茶煮飲客舍作食 太平御覽兵部張方

逼帝幸長安河間王率參佐到霸水迎上銜枚

屯列服章部惠帝自洛陽得鹿車一乘以單帛

裙為幃服用部惠帝征成都軍敗帝渴就民家

取水以銅灌飲之器物部惠帝還洛陽道中有

老公蒸雞素木槃中盛以奉獻黃門以瓦盃盛

茶上至尊珍寶部張方劫帝西遷國家有寶物

方軍人八千三日輦之有大珠璫百餘斛布帛

部張方移帝於長安兵入內殿取物人持御絹二疋自魏晉之積將百餘萬疋三日輦之尚不
 缺用帝於成都還洛陽道中有驅羊二百餘口
 者勒使至洛得以爲糧至洛盧志啓以右藏絹
 倍還羊主飲食部惠帝還洛陽河間王遣使上
 甘菓甘舖果部惠帝征成都軍敗日已向中而
 太官未進食左右有齋秋桃十枚以獻帝帝食
 三枚石超使人擊手奪三枚並引晉四王起事
 御覽兵部又引張方劫啟移都領五千騎皆捉
 鐵纏狗兜鑿用涼州白鷄毛其事與八王故事
 同唐志卷同

桓玄僞事三卷

唐志二卷入僞史類初學記文部古无紙故用
 簡非主於敬也今諸用簡者皆以黃紙代之又
 玄詔令平淮作青赤縹綠桃花紙使極精令速
 作之御覽文部同並引桓玄僞事

晉東宮舊事十卷

唐志題張敞撰舊志十一卷顏氏家訓書證篇
 或問曰東宮舊事何以呼鷓尾爲祠尾答曰張
 敞者吳人不堪稽古隨宜記注遂鄉俗訛謬造
 作書字耳吳人呼祠祀爲鷓尾故以祠代鷓呼
 紉爲禁故以系旁作禁代紉字呼蓋爲竹簡反
 故以木旁作展代蓋字呼鑊字爲霍字故以金
 旁作霍代鑊字又金旁作患爲鑊字木旁作鬼
 爲槐字火旁作庶爲炙字既下作毛爲髻字金
 花則金旁作華窗扇則木旁作扇諸如此類專
 輒不少又問東宮舊事六色屬纁是何等物當
 作何音答曰著牛藻也又寸斷五色絲橫著線

股間繩之以象蒼草用以飾物即名爲著於時
 當紉六色屬作此著以飾纁帶張敞因造絲旁
 畏耳宜作隈愚按初學記諸書引東宮舊事多
 載皇太子初拜太子納妃所用器物其文甚瑣
 不足具錄顏氏所記諸字今逸篇中俱未見北
 堂書鈔儀飾部引太子納妃有金鑲釵初學記
 器物部太子納妃有織成地屏風十四牒銅鑲
 鈕鑲皆從異未有金旁作患之字惟髻字既下
 作毛書鈔儀飾部云有龍頭髻髻藝文類聚禮部云
 正會儀太子著遠遊冠絳紗襪登輿至承華門
 設位拜二傅交禮畢不復登車太傅訓導在前
 少傅訓從在後太子入崇賢門樂作太子登殿
 西向坐太平御覽皇親部司徒會稽王道子等
 啓云皇太子繼體宸極年德並茂宜簡國媛緝
 宣內教故中書令太常王獻之新安公主息女
 六行聿修四德光備慶深積善僉曰宜作配儲
 宮正位中饋太元二十八年皇太子納妃瑯琊
 臨沂王氏時年十四有詔以太子納妃賜帛各
 有差使持節司空謝琰副護軍車允詹事王珣
 率東宮官屬迎於主第此二事引東宮舊事可
 與晉書禮志補闕後漢書劉盆子傳注太子有
 空頂幘一枚卽半頭幘之製也引作東宮故事
 秦漢已來舊事十卷

唐志八卷

唐書大事二十卷

范汪撰

唐志二十一卷北堂書鈔儀飾部納后禮文云
 既皓且白既潔且清美人玩好以飾姿容太平
 御覽禮儀部尚書符太常曰釋奠祀先聖於辟

雍未有言太學者今廢辟雍而立二學中興以
 來相違太常王彪之答釋奠於太學行饗於辟
 雍宰相從太常

大司馬陶公故事三卷

唐志同北堂書鈔酒食部蘇峻平後侃上成帝
 鱧十斛白帖云蘇峻上成帝十斛鱧脫平後侃三字
 平御覽兵部臣侃言郭默狂狡肆行凶虐負阻
 城險用稽天誅臣上山陵其城樓櫓攻具備設
 臣侃奏獻金鑄白眊四枚金華大羌楯五十幡
 青綾金華楯五十幡器物部侃上雜物疏有上
 成帝螺杯一枚藝文類聚雜器物部侃上成帝水
 精盤一枚漆復篋五十枚並引陶公故事 書鈔
 類聚作陶侃

郗太尉爲尚書令故事三卷

唐志同

華林故事名一卷 不著錄

見唐志

咸寧三年武皇帝故事卷亡 不著錄

晉書禮志引云王公大臣薨三朝發哀踰月不

舉樂其一朝發哀三日不舉樂

宋先朝故事二十卷劉道潛撰 不著錄

見唐志太平御覽兵部宋先朝故事曰慕容超

大將垣遵踰城歸順高祖使遵守治攻城掃車

築長圍高三丈外三重塹

天正舊事三卷 釋撰亡名

唐志同

沔南故事三卷 應思遠撰

唐志有應詹江南故事三卷通志略兩載之江

南作征南

永安故事三卷溫子昇撰 不著錄

見唐志史通敘事篇曰子昇取譏於君懋原注王邵齊志曰時議恨邢子才不得掌與魏之書悵快溫子昇亦若此而撰永安記率是支言又外篇雜說注曰溫子昇永安故事言爾朱世隆之攻沒建業也怨痛之響上徹天關酸苦之極下傷人理此皆語非簡要而徒積字成文並由趨聲對之為患也

梁舊事三十卷 內史侍郎蕭大圖撰 闕原本作張錢氏

考異曰當作圖

唐志作梁魏舊事太平寰宇記江南東道石英寶賜姓阮氏時人名所居之溪為阮公溪又梁武時童謠曰鳥山出天子又曰天子之居在三餘並作梁陳舊事

京兆舊事卷七 不著錄

羣輔錄韋氏三君順豹義北堂書鈔服飾部藝文類聚服飾部杜陵蕭彪為巴郡太守以父老歸供養父有客嘗立屏風後自應使命又書鈔政術部長安孫晨家貧為郡功曹十月無被有蒿一束暮臥其中旦收之 儀飾部云夜臥蒿一束晝收之 並引京兆舊事

東宮典記七十卷左庶子宇文愷撰

隋書陸爽傳爽與宇文愷撰東宮典記七十卷開業平陳記二十卷

唐志十二卷入雜史類通鑑隋紀考異引平陳記曰張貴妃等八人夾坐江總等十人預宴先令八婦人襲采牋製五言詩十客一時繼和稽

緩則罰酒

鄴都故事卷七北齊楊柳伽撰 不著錄

通典職官門鄴都故事曰御史臺在宮闕西南其門北開取冬殺之義太平御覽職官部同

鄴城故事卷七 不著錄

太平御覽兵部載石季龍凌霄觀涼馬臺紫陌浮橋三事寰宇記河北道西門約為令造十二渠今名安澤陂御覽地部同並引鄴城故事白起故事卷七 何晏撰 不著錄

文選報任少卿書注何晏白起故事白起雖坑趙卒向使預知必死則前驅空捲猶可畏也況三十萬被堅執銳乎

諸葛故事卷七 不著錄

藝文類聚軍器部諸葛故事曰成都作匕首五百枚以給騎士

王朗秦故事卷七 不著錄

初學記器物部王朗秦故事曰百華燈樹正月朔朝賀於殿下設於三階之間端門外設三尺五尺燈月照星明雖夜猶畫白帖卷十四同

漢雜事卷七 不著錄

文選東京賦注諸侯屬車九乘秦滅九國兼其車服故大駕屬車八十一乘藝文類聚舟車部曰尚書御史乘之最後一車懸豹尾以前皆似省中後漢書杜詩傳注漢制假柴戟以代斧鉞胡廣傳注凡羣臣之書通於天子者四品藝文類聚歲時部正月朝賀三公奉壁上殿帝王部秦為漢驅除自以德兼三皇五帝故并為號職官部諸侯功德優盛朝廷所敬異者賜位特進在三公下北堂

書鈔儀飾部鼓以動衆夜漏鼓鳴則起晝漏堂

乾鐘鳴則息此所引漢雜事皆記儀制至通典

職官門蔣滿與其子同詔徵見宣帝藝文類聚治政部王鳳薦辛慶忌為執金吾北堂書鈔衣冠部張蒼高祖時有罪當斬身體肥白如玉帝

一見而美之與衣冠甚鮮遂赦政術部何武上封事云辛慶忌宜在爪牙設官部薛宜為少府

谷永上書薦宜曰才茂行潔達於從政又趙堯以刀筆至侍御史太平御覽職官部田蚡為丞相汲黯見蚡揖之而已又金敞世名忠孝太后使侍成帝又石慶為太僕上問車中幾馬慶以策數馬曰六馬初學記職官部同 又鄭當時為太子舍人交知皆天下名士人事部吳楚七國反

齊王使路中大夫告於天子秦使部同 又于定國謙遜下士雖徒步過者與均禮又公孫弘為丞相開關延賢人又倪寬卑體下士不求名譽

又匡衡貢禹以經術議廟祀禮儀部翟方進為丞相遭後母喪行服三十六日起視事服章部

高祖時大謁者臣章受詔長樂宮令羣臣議舉天子所服衣服北堂書鈔衣冠部同 此類所引漢雜事皆西漢人物可與漢書相證 其記東漢事不具錄 又書鈔儀飾部詔賜蔡邕金龜紫綬作漢末雜事刑法部博士申威以怒增刑作漢雜事

篇初學記禮部封諸侯受茅土 藝文類聚禮部同

作漢舊事書鈔封爵部作雜事 又廟者所以藏主列昭穆作漢書舊事職官部諸上書者皆為二封魏相為御史大夫奏去副封作漢雜記事 書鈔職官部無記字

隋經籍志考證卷十

會稽章宗源撰

職官

漢官解詁三篇漢新汲令王隆撰胡廣注

後漢書文苑傳王隆字文山建武中爲新汲令能文章續漢祭祀志注王隆漢官篇曰是古者清廟茅屋胡廣曰以茅蓋屋示儉也百官志曰

故新汲令王隆作小學漢官篇諸文調說較略不究劉昭注案胡廣注曰王文山小學爲漢官篇略道公卿內外之職旁及四夷博物條暢多所發明足以知舊制儀品蓋法有成易而道有因革是以聊集所宜爲作詁解各隨其下綴續

後事令世施行庶明厥旨焉唐志三卷 周禮天官疏引王氏漢官解

漢官五卷應劭注

後漢書應劭傳時始遷郡於許舊章湮沒書記罕存劭慨然嘆息乃綴集所聞著漢禮儀故事南齊書百官志序云胡廣舊儀事惟簡撮應劭官典殆無遺恨禮志序曰太尉胡廣撰舊儀應劭蔡質咸綴識時事而司馬彪之書不取

漢官儀十卷應劭撰

續漢禮儀志注引應劭漢官儀所載馬第伯封禪儀記通典禮門水經汝水注同引之 宋書禮志應

劭漢官鹵簿圖乘輿大駕則御鳳凰車金根爲副織漢與服志注通典禮門注同 唐六典注卷十四十

六十八 並引漢官儀鹵簿篇太常駕衛尉駕鴻臚駕此其分篇可見者北堂書鈔設官部引侍

中方存年老口臭上出雞舌香使舍之 御覽職

官部同 通志草木略稱應劭爲漢侍中年老口臭蓋誤以應劭所記爲劭本事劭未嘗官侍中

唐志同十卷宋志一卷入儀注類

漢官目錄卷亡 不著錄

續漢百官志注引之

漢官名秩卷亡 不著錄

續漢禮儀志百官志注引之百官志注作應劭漢官名秩 漢書百官公卿表注斗食月奉十一斛佐

史月奉八斛引漢官名秩簿

漢官典職儀式選用二卷漢衛尉蔡質撰

後漢書蔡邕傳注邕叔父衛尉質著漢職儀玉海書目曰漢官典儀一卷唐志同 蔡質撰記漢

官位序職掌及上書謁見儀式本二卷缺一卷續漢志禮儀志百官志注引稱蔡質漢儀漢書

百官公卿表注稱漢官典職儀 刺史班宣六條續漢百官志引之亦作漢官典職儀水經穀水注文選西

京賦責躬詩注作漢官典職後漢書光武紀注鍾離意周景朱雋傳注作漢典職儀安帝紀注

作漢官典儀北堂書鈔初學記或作蔡質漢官儀或作漢官皆省文可通惟作漢書典職書字

誤宋志入儀注類

官儀職訓一卷章昭撰梁有隋亡

吳志韋曜傳曜上辭曰愚以官爵今之所急不宜乖舛自忘至微作官職訓一卷

晉公卿禮秩故事四卷傅暢撰

晉書傅暢傳暢爲公卿故事九卷魏志傅撮傳注傅暢著晉公卿禮秩故事唐志同 宋書禮志

曰傅暢故事三公安車駕三特進駕二卿一續漢輿服志注太傅司空司徒著進賢三梁冠大

司馬將軍著武冠文選褚淵碑文注諸公給虎賁三十人持班劍焉竟陵王行狀注汝南王亮

秦王東吳王晏梁王彤皆劍履上殿入朝不趨並引晉公卿禮秩 省故事二字藝文類聚北堂書鈔同

省

晉新定儀注十四卷

無撰名本志儀注類有傅瑗晉新定儀注四十卷

晉官品一卷徐宣撰梁有隋亡

文選竟陵王行狀注相國丞相綠綬綬白帖卷七十五中郎將冠如將軍並引魏晉官品

百官表注十六卷 荀綽撰梁有隋亡

續漢百官志輿服志注北堂書鈔設官部多引之

司徒儀一卷千寶撰梁有隋亡

南齊書百官志云三公舊爲通官司徒府領天下州郡名數戶口簿籍雖無常置置左右長史

掾屬主簿祭酒令史以下晉世王導爲司徒右長史千寶撰立官府職儀已具北堂書鈔設官

部從事中郎之職分曹網紀維正大體掾屬之

並引魏官儀

魏志衛顛傳詔典著作又爲魏官儀唐志作荀攸

等撰 南齊書百官志云今有衛氏官儀魚豢中

外官魚氏書未見著錄 初學記文部尚書郎缺試

諸郎故孝廉能文案者先試一日宿召會都坐

給筆墨以奏太平御覽服章部皂緣領袖中單

並引魏官儀

職敦明教義肅厲清風以訓郡吏以重朝望左長史之職掌差次九品銜人倫佐公修文政掌察郡吏司馬之職佐公修武政簡其軍旅飭其器械錄事之職掌總錄衆曹管其文案錄事參軍掌舉直錯枉記室之職凡有表章雜記之書掌創其草 又云掌文書表章啓奏用賀之禮照署也中兵參軍掌督帳內牙門將及軍器給其軍事凡在軍者以時科其器械綜其人數罰姦詐均勞逸太平御覽職官部右長史之職掌檢其法憲明其分職行參軍之職掌凡使命及督察覆行之事彈劾違獻納聞見以達視聽並引干寶司徒儀兩唐志作司徒儀注舊志入儀注類漢官儀式選用一卷丁字撰 不著錄

續漢禮儀志注引耐金律 通典禮門同皇后出桑於蠶宮儀又拜諸侯王公儀太常住蓋下東向讀文通典同 元初六年夏勸策文永平七年陰太后晏駕詔祭祀志注桓帝祠恭懷皇后祝文百官志注引中宮藏府令比御府令給事中宮侍郎比尚書郎衛尉丞六百石三事又太僕大 中大夫襄言乘輿綬諸王綬公主綬墨綬黃綬式通典同 並引丁孚漢儀漢書官紀注內謁者令秩二千石引丁孚漢官後漢書章紀注耐金九真交趾日南用犀角若瑋瑁甲鬱林用象牙若翠羽以當金引丁孚漢儀式初學記禮部孝靈皇帝葬事續漢禮儀志注亦引之引丁孚漢官儀百官階次一卷

唐志題范蔚宗撰 齊職儀五十卷齊長水校尉王珪之撰

南齊書王遂之傳從弟珪之有史學撰齊職儀永明九年其子顯上啓曰臣亡父故長水校尉珪之籍素爲基依儒習性以宋元徽二年被勅使纂集古設官歷代分職凡在墳策必盡詳究是以等級掌司咸加編錄黜陟遷補該研記述章服之差兼冠佩之飾屬值啓運軌度維新故大宰臣淵奉宣勅旨使速洗正刊定未畢臣私門凶禍不揆庸微謹啓上凡五十卷謂之齊職儀百官志注云諸臺府郎令史職以下具見王珪之職儀又志云刺史督州王珪之職儀云起光武非也陳書袁樞傳曰齊職儀曰凡尚公主必拜駙馬都尉魏晉以來因爲瞻準唐六典注太平御覽職官部皆引齊職儀 初學記藝文類聚所引俱見御覽唐志作齊職官儀

梁選部三卷 徐勉撰 梁書徐勉傳勉在選曹撰選部五卷南史勉傳撰選部三卷 唐六典注太祝令衛尉寺太市令東宮食官丞嗣王府行參軍並引梁選簿 簿刊本或作部訛 太平御覽職官部梁選簿曰中書自宋以來比尚書令特進之流而無事任清貴華重大位多領之南史徐勉傳天監中官名互有省置勉撰立選簿奏之有詔施用其制開九品爲十八班自是貪冒苟進者以財貨取通守道淪退者以貧寒見沒矣唐志三卷 職官要錄三十卷陶藻撰

唐志作陶彥藻三十六卷宋志七卷通典職官門曰自梁陶藻職官要錄以漢三署郎故事通爲尚書郎循名失實疑誤後代太平御覽職官

部三台擬三公中書監視僕射中書舍人視給事中通直之號自東平王楸始也漢初有散騎常侍張釋之爲常侍郎蓋此官也著作是通直郎史才富博者爲之屯騎越騎步兵長水射聲五校尉晉承漢置以爲宿衛官並引陶氏職官要錄 百官階次三卷 無撰名唐志有荀欽明宋百官階次三卷南齊書百官志云蔚宗選簿梗概欽明階次詳悉唐六典注員外郎美遷爲尚書郎又特進江左皆兼官晉傅咸奏特進品第二執皮帛坐侍臣之下二事並引宋百階次 百官春秋五十卷 王秀道撰 唐志作王道秀十三卷唐六典注初晉中書置主書用武官宋改用文吏此引王道秀百官春秋初學記職官部周封建宗盟選宗中之長而董正之謂之宗正成王時彤伯爲宗正漢平帝更爲宗伯王莽改爲秩宗東漢復爲宗正晉曰大宗正自帖同 又云昔唐虞伯夷行秩宗典三禮周則春官掌禮樂並其任也唐六典注著作佐郎太常丞並引宋百官春秋不著撰名 隋志又有百官春秋二十卷唐志有宋百官春秋六卷俱無撰名 又初學記武部百官春秋云大駕公卿奉引大僕執轡大將軍陪乘光武東京郊祀法駕則河南尹奉引奉車都尉執轡侍中參乘此語與太平御覽兵部所引漢春秋同 官族傳十四卷 何晏撰 唐志十五卷入譜牒類

唐志十五卷入譜牒類

魏晉百官名五卷

太平御覽兵部三公拜賜鵝尾鶴尾箭十二枚初學記武部同 三公拜賜魚皮步叉一獲皮鞬一琢取金校步叉一金校豹皮鞬一又紫書題頭高橋鞍一具初學記武部同 又黃地織成金縷萬歲障泥一具初學記武部北堂書鈔武部並同 赤蒼珂石鞞尾一具駝馬鞭二枚初學記武部同 服章部三公朝賜青林文綺綉袴褶一方並引魏百官名

咸熙元年百官名卷亡 不著錄

魏志鍾會傳注咸熙元年百官名邵悌字元伯陽平人又唐六典注宋百官春秋云常道鄉公咸熙百官名有著作佐郎三人

晉百官名三十卷

新唐志十四卷舊唐志四十卷魏志蘇則傳注蘇愉字休豫歷位太常光祿大夫任城王彰傳注彰子楷泰始初為崇化少府鍾會傳注諸葛緒入晉為太常崇禮衛尉志諸葛亮傳注董厥字襲襲義陽人樊建字長元世說德行篇注劉寔字道真高平人言語篇注司馬又字士度封長沙王崔豹字正熊官至太傅承孫潛字齊由太原人雅量篇注許瑛字思文義興陽羨人謝奉字宏道會稽山陰人王徽之字子由識鑿篇注楊朗字世彥弘農人賞譽篇注蕭輪字祖周樂安人品藻篇注裴康字仲豫徽之子蘇愉字休豫則之子李志字溫祖江夏鍾武人孫騰字伯海太原人規箴篇注李陽字景祖高尙人武帝時為幽州刺史排調篇注劉許字文生涿

鹿郡人惠帝時為宗正卿荀隱字鳴鶴潁川人簡傲篇注嵇喜字公穆歷揚州刺史康兄也紕繆篇注任瞻字育長樂安人歷天門太守文選贈蔡子篤詩注蔡陸字子篤為尙書贈馮文熊詩注外兵郎馮文熊贈顧交趾詩注交州刺史顧祕字公真謝平原內史表注曹武字道淵勸進表注榮劭字茂世北平人為清河太守郭穆字最通為吳令謝詢表注張俊為太子庶子竟陵王行狀注尙書令尙書僕射六尙書古為八座尙書並引晉百官名選注省百字

晉武帝百官名卷亡 不著錄

魏志臧霸傳注霸子舜晉散騎常侍見武帝百官名此官名不知誰所撰也皆有題目稱舜才穎條暢識贊時宜也

晉惠帝百官名三卷陸機撰 不著錄

見唐志

晉武帝太始官名卷亡 不著錄

太平御覽職官部晉武帝太始官名曰大司馬石苞開通爽悟秉意不羣

晉懷帝永嘉官名卷亡 不著錄

太平御覽職官部晉懷帝永嘉官名曰吏部郎溫畿字元輔世論以其為人夷曠似玉

元康百官名卷亡 不著錄

通典職官門元康百官名曰陳慎戴能俱以都水使者領水衡都尉唐六典亦引之

明帝東宮寮屬名卷亡 不著錄

世說雅量篇注明帝東宮寮屬名曰羊固字道安太山人

晉東宮官名卷亡 不著錄

世說任誕篇注張湛字處度高平人排調篇注庚鴻字伯鸞潁川人並引晉東宮官名

征西寮屬名卷亡 不著錄

世說言語篇毛元字伯成潁川人仕至征西行軍參軍排調篇注郝隆字佐治汲郡人仕吳至征西參軍並引征西寮屬名

庚亮寮屬名卷亡 不著錄

世說文學篇注按庚亮寮屬名殷浩為亮司馬非為長史也

庚亮參佐名卷亡 不著錄

世說雅量篇注按庚亮啓參佐名褚裒時直為參軍不掌記室也

齊王官屬名卷亡 不著錄

世說方正篇注齊王官屬名曰葛旛字虛旛齊王從事中郎

大司馬寮屬名卷亡 伏滔撰 不著錄

世說賞譽篇注伏滔大司馬寮屬名曰趙悅字悅子下邳人歷大司馬參軍左衛參軍 黜免篇注郭遐字應元陳郡人勇力絕人為桓溫參軍枋頭之彷彿既懷恥然且懼遐因免遐官病卒此引大司馬寮屬名品藻篇注劉瓛字文時彭城人引大司馬官屬名

晉官屬名四卷

唐志同

晉過江人士目一卷 不著錄

見唐志

晉永嘉流士十三卷衛瓘撰 不著錄

見舊唐志新唐志二卷

永嘉流人名卷七 不著錄

世說德行篇注胡母輔之字彥國泰山奉高人
湘州刺史周鎮字康時陳留尉氏人文學篇注
裴徽字文季河東聞喜人仕至冀州刺史王衍
字夷甫第四女適裴遐方正篇注謝裒字幼儒
陳郡人歷吳國內史梅陶字叔真賞譽篇注王
澄第四子微規篇注王澄父義第三娶樂安
任氏女生澄容止篇注衛玠以永嘉六年五月
至豫章六月二十日卒傷逝篇注衛玠亡葬南
昌許徵慕東賢媛篇注李康字元胄江夏人魏
秦州刺史儉齋篇注衛展字道舒河南安邑人
除江州刺史並引永嘉流人名

王朝目錄卷七 不著錄

世說品藻篇注王朝目錄曰裴綽字仲舒楷弟
也名亞於楷歷中書黃門侍郎愚按吳志宗室
孫匡傳注曰朗之名位見三朝錄疑與世說注
所引當是一書然王朝三朝未審孰是

登城三戰簿三卷 不著錄

見唐志

魏官品令一卷 不著錄

見唐志

晉官品令卷七 不著錄

初學記職官部三公綠綬綬北堂書鈔設官部
司馬官祕書郎給事黃門尚書僕射五校尉太
子太師皇子爲郡王舉秀才明經傳者入學宮
舉秀才五策皆通爲郎中與秀才行義爲一州
之後並引晉官品令或作晉品令省官字

陳百官簿狀二卷

唐志作太建十一年百官簿狀

陳將軍簿一卷

唐志同

新定官品二十卷梁沈約撰

唐志十六卷

梁百官人名十五卷 不著錄

見唐志

梁尚書職制儀注四十一卷無撰名

酉陽雜俎續集貶誤篇梁職儀曰八座尚書以

紫紗褰手版垂白絲於首如筆

職令古今百官注十卷郭演撰

唐志同

隋經籍志考證卷十一

會稽章宗源撰

儀注

漢舊儀刊本或作漢書儀誤四卷衛敬仲撰

後漢書儒林傳衛宏字敬仲作漢舊儀四篇以

載西京雜事唐志四卷宋志三卷今存一卷題

漢官舊儀蓋輾轉傳寫與應劭漢官儀混淆爲

一遂增官字於書名中非其舊也

晉新定儀注四十卷晉安成太守傅瑗撰

左傳襄公正義魏晉儀注曰寫章表別起行頭

者謂之跳出北堂書鈔車部晉儀注曰皇后乘

油畫雲母安車駕六馬油畫雲母兩轅也

晉尚書儀十卷

唐志有晉尚書儀曹事九卷

晉尚書儀曹新定儀注四十一卷徐廣撰 不著錄

見唐志

甲辰儀五卷江左撰

藝文類聚儲宮部皇太子妃公主夫人逢持節

使者高車使者任車相揖北堂書鈔禮儀部太

平御覽皇親部語同並引甲辰儀唐志作甲辰

儀注唐六典注祕書令史品第八引魏甲辰儀

輔國將軍品第三游擊將軍品第四引魏甲辰

令

封禪儀六卷

唐志有令狐德棻皇帝封禪儀六卷

宋儀注十卷又二十卷

唐志二卷南齊書輿服志云宋明帝泰始四年

更制五輅儀修五冕朝會饗獵各有所服事見

宋注無儀字

宋尚書儀注十八卷本二十卷

唐志三十六卷

宋廢帝元徽儀注卷亡 不著錄

通典樂門牲出入奏昭夏引宋廢帝元徽二年儀注薦毛血奏嘉薦降神及迎送奏昭夏飲福酒奏嘉酢就燎位奏昭遠衆官出入奏肅成並引元徽三年儀注

宋東宮儀記二十三卷宋新安太守張鏡撰

南齊書輿服志宋元嘉東宮儀記云中宮僕御重翟金根車通典禮門亦稱元嘉中東宮儀記初學記服食部宋東宮儀記云掌侍臣常食飯二人太平御覽服章部張鏡宋東宮儀無記字 云皇太子遠遊冠翠綬唐志卷同

徐爰家儀一卷

唐志同太平御覽時序部蜡本施祭故不賀其明日爲小歲賀稱初歲福起馨無不宜正旦賀稱元正守慶百福維新小歲之賀既非大慶禮止門內服用部婚迎車前用銅香爐二枚並引徐爰家儀

東宮新記二十卷蕭子雲撰

梁書蕭子雲傳子雲著東宮新記二十卷唐志作東宮雜事文選新漏刻銘注天監六年上造新漏以臺舊漏給官漏銘云咸和七年會稽山陰令魏丕造即會稽內史王舒所獻漏也此作蕭子雲東宮雜記又梁書王僧孺傳尚書僕射王晏使僧孺撰東宮新記 齊永明儀注卷亡 不著錄

通典樂門就埋位齊永明六年儀注奏隸幽

梁東宮元會儀注卷亡 不著錄

通典樂門梁天監六年東宮新成太子於崇正殿宴會司馬駸議舊東宮元會儀注宮臣先入入時無樂至上宮客入方奏樂又議上宮元會奏大壯武舞大觀文舞舊東宮儀注既不奏問樂府有綴是舊儀注闕

陳元會儀注卷亡 不著錄

通典樂門陳太建六年徐陵沈罕奏來年元會儀注

宋太廟丞嘗儀注卷亡 不著錄

宋書禮志元嘉六年七月太學博士徐道媿上議曰伏見太廟丞嘗儀注 宋藉田儀注卷亡 不著錄

宋書禮志大明四年尚書右丞荀萬秋奏藉田儀注

梁五禮藉田儀注卷亡 不著錄

藝文類聚禮部初學記禮部梁五禮藉田儀注曰其田東去宮八里遠十六里爲千畝天子耒耜一具九卿耒耜九具立方壇以祠先農

晉先蠶儀注卷亡 不著錄

宋書禮志皇后安車駕六以兩轅安車駕五爲副又曰皇后乘油畫雲母安車駕六驄馬 後魏書禮志制油畫二字 又曰皇后十二鑣步搖大手髻衣純青之衣帶綬佩通典樂門云車駕住吹小菰發吹大菰菰即茄也初學記樂部同 太平御覽樂部云茄者卷蘆葉吹之以作樂也資產部云親蠶前二日太祝令質明以牢祀所謂先蠶

也並引晉先蠶儀注

晉元康儀卷亡 不著錄

藝文類聚禮部初學記中宮部禮部晉元康儀曰皇后採桑壇在蠶宮西南 皇后親蠶儀注卷亡 不著錄

太平御覽資產部皇后親蠶儀注曰皇后躬桑始將一條執筐受桑藝文類聚禮部初學記禮部亦引此三句 將三條女尚書跪白曰可止執筐者以桑授蠶母蠶母以桑適金室也

梁五禮先蠶儀注卷亡 不著錄

藝文類聚禮部初學記禮部梁五禮先蠶儀注曰親桑前二日太祝令質明以太牢祀先蠶此與御覽資產部所引晉先蠶儀注同

宋南郊親奉儀注卷亡 不著錄

宋書禮志大明四年正月有司奏南郊親奉儀注

陳南北郊明堂儀注卷亡 不著錄

通典樂門陳宣帝太建五年詔定南北郊及明堂儀注

梁吉禮儀注十卷明山賓撰

唐志明山賓等梁吉禮十八卷梁吉禮儀注四卷又十卷

梁寶禮儀注九卷賀瑒撰 梁書賀瑒傳瑒撰寶禮儀注一百四十五卷唐志賀瑒等梁寶禮一卷梁寶禮儀注十三卷案梁明山賓撰吉禮注二百六卷錄二卷隋亡 梁書明山賓傳山賓著吉禮儀注二百二十四卷

嚴植之撰凶儀注四百七十九卷錄四十九卷隋亡

梁書嚴植之傳植之撰凶禮儀注四百七十九卷唐志嚴植之梁皇帝崩凶儀十一卷梁皇太子喪禮五卷梁王侯以下凶禮九卷士喪禮儀注十四卷

陸璣撰軍儀注一百九十卷錄二卷隋亡

唐志陸璣軍禮四卷

司馬駿撰嘉儀注一百一十二卷錄三卷隋亡

梁書司馬駿撰嘉禮儀注一百一十二卷

唐志司馬駿撰嘉禮三十五卷又嘉禮儀注四十五卷舊唐志二十一卷

存者惟士吉及賓合十九卷

愚按隋志所記梁五禮卷數與梁書不盡合又

梁徐勉傳普通六年上修五禮表曰嘉禮儀注

以天監六年五月七日上尚書合十有二秩百

一十六卷五百四十六條賓禮儀注以天監六

年五月二十日上尚書合十有七秩一百三十

卷五百四十五條軍禮儀注以天監九年十月

二十九日上尚書合十有八秩一百八十九卷

二百四十條吉禮儀注以天監十一年十一月

十日上尚書合二十有六秩二百二十四卷一

千五條凶禮儀注以天監十一年十一月十七

日上尚書合四十有七秩五百一十四卷五千

六百九十三條大凡一百二十秩一千一百七

十六卷八千一十九條

梁儀注十卷沈約撰 不著錄

見唐志

梁祭地祇陰陽儀注二卷沈約撰 不著錄

見唐志

梁尚書儀曹儀注十八卷又二十卷不著錄

見唐志

梁天子喪禮七卷又五卷不著錄

見唐志

梁大行皇帝皇后崩儀注一卷不著錄

見唐志

梁太子妃薨凶儀注九卷不著錄

見唐志

梁諸侯世子卒凶儀注九卷不著錄

見唐志

梁陳大行皇帝崩儀注八卷不著錄

見唐志

皇典二十卷梁豫章太守邱仲孚撰

梁書邱仲孚傳仲孚爲左丞撰皇典二十卷唐

志五卷

政典十卷何允撰

唐志有何點理禮儀注九卷

十喪儀注九卷何允撰梁有隋亡

唐志有何允喪服治禮儀注九卷

雜儀注一百八十卷

舊唐志一百一卷新志一百卷

陳吉禮一百七十一卷

唐志陳吉禮儀注五十卷陳雜吉儀注三十卷

陳雜儀注六卷不著錄

見唐志

陳諸帝后崩儀注五卷不著錄

見唐志

陳雜儀注凶儀十三卷不著錄

見唐志

陳皇太后崩儀注四卷儀曹撰 不著錄

見唐志

陳皇太子妃薨儀注五卷儀曹撰 不著錄

見唐志

陳寶禮六十五卷

唐志有張彥陳寶禮六卷

後魏儀注五十卷

唐志題常景撰

北齊吉禮七十二卷趙彥深撰 不著錄

見新唐志舊唐志作趙彥深

北齊皇太后喪禮十卷不著錄

國親皇太子序親簿一卷

唐書柳沖傳賈執作姓氏英賢又著百家譜傳

其孫冠撰梁國親皇太子序親簿四篇

隋朝儀禮一百卷牛弘撰

隋書禮儀志高祖命牛弘辛彥之等採梁及北

齊儀注以爲五禮又曰開皇初因牛弘奏徵學

者撰儀禮百卷悉用東齊儀注以爲准亦徵採

王儉禮又牛弘傳曰奏勅修撰五禮勒成百卷

隋吉禮五十四卷高彥撰 不著錄

見唐志

大漢輿服志一卷魏博士董巴撰

左傳桓公正義冕廣七寸長二寸文選射雉賦

秋與賦思玄賦注太冲詠史詩傅長虞贈何劭

王濟詩注後漢書光武紀明帝紀注臧宮傳宦

者傳注並引董巴與服志宣者傳注禁門曰黃圖初學記職官部同太平御覽儀飾部引巴志佩綬采組之制最為詳悉有注文徵引漢宮儀初學記服食部同巴以魏人及見胡廣應劭之書故秦御史服楚冠一事已稱太傅胡公說見御覽服章部則知注文乃巴自撰至所言后謁廟服皆深衣製注引徐廣曰深衣卽單衣亦見御覽服章部

徐廣晉人此注當是御覽所增否則胡廣之訛又御覽服章部爵弁所謂夏收殷冔者也注曰冔兕羽反初學記服食部作虛宇反注各不同

唐志卷同

魏晉論議十三卷 何晏撰

唐志有何晏魏明帝論議二卷又晉論議八卷晉簡文論議四卷

汝南君諱議二卷

通志校讎略曰隋志所類無不當理然亦有錯收者論法三部已見經解類矣而汝南君論議又見儀注何也愚案隋志作諱議不作論議錢氏考異曰三國志張昭傳注云汝南主簿應劭諱宜爲君論論者互有異同張昭著論非之漢人以郡守爲君也

決疑要注一卷 李虞撰

南齊書禮志曰晉初荀顛因魏代前事撰爲晉禮參考今古更其節文羊祜任愷庾峻應貞共刪集成百六十五篇後摯虞傅咸續續此製未及成功今虞之決疑注是遺事也文選西京賦注引左城右平語

車服雜注一卷 徐廣撰

宋書徐廣傳義熙初奉詔撰車服雜注 晉書廣

傳作車服儀注 左傳桓公正義古者貴賤皆執笏卽今手版也引廣車服儀制初學記職官部尚書令軺車墨耳後戶北堂書鈔武功部角前世書記所不載羌吹以驚中國之馬設官部三公安車駕三特進駕二並作廣車服儀制後漢書明帝紀注漢明帝案古禮天子郊廟衣畫而裳繡作廣車服注宋書禮志亦稱徐廣車服注無雜字儒林傳序注天子朝冠通天冠作廣輿服雜注書鈔衣冠部公卿祭服天子釋奠衣皆引雜注 文選東京賦注輕車置弩於軾上載以屬車北堂書鈔車部軾車前隱膝也並作廣車服志

漢禮器制度卷亡 不著錄

儀禮士喪禮疏引鄭注凌人曰漢禮器制度大槩廣八尺長一丈二尺深三尺漆赤中續漢禮儀志注同周禮天官疏曰叔孫通前漢時作漢禮器制度多得古之周制故鄭君依而用之也夏官疏曰冕體周禮無文叔孫通作漢禮器制度取法於周今還取彼以釋之案彼文凡冕以版廣八寸長尺六寸儀禮冠儀疏左傳桓公正義同引

之續漢禮儀志曰太傅胡廣博綜舊儀立漢制度後漢書儒林傳序注天子出有大駕法駕小駕續漢百官志注列侯功德優盛賜特進並引胡廣漢制度

古今輿服雜事二十卷 梁周選撰

文選閒居賦注步輿方四尺素木爲之士衡挽歌注禮葬有魂車初學記武部晉元皇制五牛之旗設青左黃在中並作周選輿服雜事記藝文類聚禮部蠶始生后食之三灑而止作古今

輿服雜事初學記禮部太平御覽實產部同餘書引多省古今二字唐志十卷

晉鹵簿圖一卷

唐志有大駕鹵簿一卷史記司馬相如傳索隱引中朝鹵簿圖曰雲罕駕駟隋書禮儀志四望車駕牛中道太平御覽車部象平鼓吹一部十三人獸部豹尾車駕蘭臺符令史載自豹尾後並引晉中朝大駕鹵簿又隋禮儀志曰晉氏鹵簿御史軺車行中道

諸王國雜儀注十卷 不著錄

見唐志

雜府州郡儀十卷 范汪撰 不著錄

見唐志

喪服治禮儀注九卷 何允撰 不著錄

見唐志

冠婚儀四卷 不著錄

見唐志

婚儀祭儀二卷 崔暗撰 不著錄

見唐志

魏氏郊丘三卷 不著錄

見唐志

晉明堂郊社議三卷 孔晃等撰 不著錄

見唐志

晉七廟議三卷 蔡謨撰 不著錄

見唐志

晉雜議十卷 荀顛等撰 不著錄

見唐志 隋志刑法類有晉雜議當是此書

要典三十九卷 王景之撰 不著錄

見唐志

祀典五卷 虞翻撰 不著錄

見唐志

內外書儀四卷 謝元撰

唐志有謝允書儀二卷

書儀二卷 蔡超撰

書儀十卷 王宏撰

太平御覽時序部引書儀曰昔賈誼在湘東六月三庚日有鵠鳥來南方毒惡太陽銷鑠萬物人因避之

書筆儀二十一卷 謝朓撰

唐志二十卷

弔答儀十卷 王儉撰

唐志作弔答書儀

皇室儀十三卷 鮑行卿撰

唐志作鮑衡卿皇室書儀南史鮑泉傳時有鮑

行卿以博學大才稱撰皇室儀十三卷

皇室書儀七卷 不著錄

見唐志

吉書儀二卷 王儉撰

唐志作吉儀

女儀卷亡 魏北京司徒崔浩撰 不著錄

太平御覽時序部服章部崔浩女儀曰近古婦

以冬至日進履鞮於舅姑

書儀十卷 唐瑾撰

周書唐瑾傳瑾撰新儀十篇唐志有唐瑾婦人

書儀八卷 案隋志別有無名氏婦人書儀八卷疑唐志誤

合

饋餉儀卷亡 盧公範撰 不著錄

太平御覽時序部八月旦上柏露囊重陽日上

五色糕佩茱萸囊臙臙日上頭膏面脂口脂並引

盧公範饋餉儀又作盧公家範則範字非人名

隋經籍志考證卷十二

會稽章宗源撰

刑法

律本二十一卷 杜預撰

晉書杜預傳預與賈充等定律令既定預爲之注解乃奏之通典刑門司馬文王秉魏政命賈充鄭冲荀顛荀勗羊祜王業杜友杜元凱裴楷周雄郭頤成公綏柳軌榮邵等定律令就漢九章增十一篇仍其族類正其體號改舊律爲刑名法例辦因律爲告劾繫訊斷獄分盜律爲請賊詐僞水火毀亡因事類爲衛宮違制撰周官爲諸侯律合二十篇六百三十條二萬七千六百五十七言唐六典曰晉氏受命命賈充等增損漢魏律爲一十篇一刑名二法例三盜律四賊律五詐僞六請賊七告劾八捕律九繫訊十斷獄十一雜律十二戶律十三擅興律十四毀亡十五衛宮十六水火十七廐律十八關市十九違制二十諸侯凡一千五百三十條北堂書鈔刑法部藝文類聚刑法部杜預律序曰律以正罪名令以序事制二者相須爲用也唐志賈充杜預刑法律本二十一卷

漢晉律序注一卷 晉儀長張斐撰

史記平準書索隱欽狀如跟著足下以代贖至魏武改以代別也北堂書鈔刑法部贖罰誤者之試又曰鄭鑄刑書晉作執秩 藝文類聚刑法部又云趙制國律楚造僕區並述法律之名申韓之徒各自立制又曰政事之經萬機之緯藝文類聚同太平御覽刑法部張湯制越官律趙禹作朝會正見律

又曰情者心也心戚則情動於中而形於外故
 姦人則必心愧而面赤內悼而色奪又曰徒加
 不過六囚加不過五累答不過千二百又曰髡
 者刑之威秋凋落之象並引張斐律序又書鈔
 刑法部贖死金二斤贖囚金四兩諸侯不敬皆
 贖論八議得減皆收贖御覽刑法部鈔重二斤
 翹長一尺五寸廣韻同 又曰諸有所督罰五十
 以上鞭如令平心無私而以事死者二歲刑又
 曰吏犯不孝雖遇赦皆除名為民又曰除名比
 三歲刑又曰其當除名而所取飲食所用之物
 非以為財利者應罰金四兩以下勿除名又曰
 其年老小篤癱病及女徒皆收贖又曰諸應收
 贖者皆月入中絹一匹老小女人半之並引晉
 律又書鈔曰梟斬者令上不及天下不及地也
 作晉律注又御覽曰髡鉗五歲刑答二百若詐
 為將吏越武庫垣兵守逃歸家兄弟保人之屬
 并五歲刑也四歲刑若闕上殿間上變事露泄
 選舉事訐發密事毆兄姊之屬並四歲刑也三
 歲刑若偽造官印戲殺人之屬並三歲刑也二
 歲刑若挾天文圖讖之屬並二歲刑也此引晉
 律每句下皆為注文而不著張斐注未知是斐
 本注否

雜律解二十一卷 張斐撰

唐志張斐律解二十卷舊唐志二十一卷 一切經
 音義小曰鐘大曰鎧二語引張斐解晉律

魏晉律令卷亡 不著錄

唐六典魏氏受命乃命陳羣等採漢律為魏律
 十八篇增漢蕭何律劫掠詐偽毀亡告劾繫訊

斷獄請賊驚事債贓等九篇也通典刑門魏文
 詔陳羣劉劭等定魏新律十八篇州郡令四十
 五篇尚書官令軍中令合百八十餘篇顏師古
 匡謬正俗問曰今官曹文案於紙縫上署記謂
 之款縫者何也答曰此語言元出魏晉律令太
 平御覽刑法部劉劭律略曰刪舊科採漢律為
 魏律懸之象魏時序部引魏武明罰令兵部引
 魏武船戰令步戰令軍策令內戎令職官部引
 魏武選令初學記職官部北堂書鈔設官部引
 晉官品令御覽皇親部引晉服制令又時序部
 引有祠令言季夏土王日祀黃帝迎氣日祀中
 雷立秋祀白帝立秋後祀星季冬藏冰祭司
 寒之神又車部引鹵簿令言天子玉輅金輅象
 輅皇太子金輅王公象輅及指南車記里車辟
 惡安車羊車玉鉞車十餘事皆不著明魏晉附
 此存考唐志有劉邵律略論五卷

齊永明律八卷宗躬撰 不著錄

見唐志通典曰齊武帝令刪定郎王植之集注
 張杜舊律合為一書凡千五百三十條事未施
 行其文殆滅唐六典曰宋及南齊律之篇目及
 刑名之制略同晉氏南齊書東昏侯紀永泰元
 年冬詔刪省科律

晉宋齊梁律二十卷蔡法度撰

唐志作條鈔晉宋齊梁律二十卷
 梁律二十卷 梁義興太守蔡法度撰

梁書武帝紀天監二年夏尚書刪定郎蔡法度
 上梁律二十卷通典曰梁武時蔡法度能言齊
 王植之律於是使損益舊本以為梁律天監初

又令王亮等定為二十篇凡定罪二千五百二
 十九條唐六典曰梁命蔡法度沈約等十人增
 損晉律為二十篇一刑名二法例三盜劫四賊
 叛五詐偽六受贓七告劾八討捕九繫囚十斷
 獄十一雜獄十二戶獄十三擅興十四毀亡十
 五衛宮十六水火十七倉庫十八廐律十九關
 市二十違制其刑名之制加晉律陳書沈洙傳
 曰梁代舊律測囚之法日一上起自晡鼓盡於
 二更唐志同卷 西陽雜俎續集屬引梁朝雜律凡囚
 未斷先刻面作劫字

後魏律二十卷

通典曰後魏正平初胡方回游雅改定律制
 唐六典曰太武帝命崔浩定刑名於漢魏以來律 凡三百
 七十條文成帝太安中人增律七十九章孝文
 太和初又令高閭修改舊文隨例增減凡八百
 三十二章唐六典曰後魏初命崔浩定令後命
 游雅等成之史失篇目

北齊律十二卷 日一卷

唐志趙郡王叡北齊律二十卷通典曰北齊文
 宣受禪後議造齊律積年不成其決獄猶依魏
 舊式武成河清三年尚書令趙郡王叡等奏上
 齊律十二篇唐六典曰凡定罪九百四十九條
 大抵採魏晉故事至武帝又造刑書要制與律
 兼行宣帝廣刑書要制為刑經聖制謂之法經

麟趾格四卷 文襄帝時撰 不著錄

見唐志北齊書王渾傳渾刪定麟趾格崔暹傳
 暹主議麟趾格封述傳天平中增損舊事為麟
 趾新格其名法科條皆述刪定

陳律九卷范泉撰

陳書高祖紀永定元年立制定郎詔定律令王
沖傳沖參撰律令沈洙傳梁代舊律測囚之法
日一上起自舖鼓盡於二更及比部郎范泉刪
定律令以舊法測立時久非人所堪通典曰陳
武令刪定郎范泉參定律令又令徐陵等知其
事制律三十卷 唐六典范泉徐陵定律三十卷唐志范
泉九卷

周律二十五卷

周書武帝紀保定三年二月初頒新律通典曰
周文秉西魏政令有司斟酌今古變通修撰新
律革命後武帝保定三年司憲大夫拓拔迪奏
新律謂之大律 舊唐志稱周大律 凡二十五篇唐
六典曰後周命趙肅拓拔迪定令史失篇目新
唐志趙肅等周律二十五卷

周太統式三卷

周書文帝紀魏大統元年太祖以戎役屢興民
吏勞弊乃命所司斟酌今古參考變通可以益
國利民便時適治者為二十四條新制奏魏帝
行之七年太祖奏行十二條制恐百官不勉於
職事又下令申明之十年魏帝以太祖前後所
上二十四條及十二條新制方為中興永式乃
命蘇綽更損益之總為五卷頒於天下於是搜
簡賢才以為收守令長皆依新制而遺焉唐六
典注曰綽損益為五卷謂之大統式 唐志蘇綽三
卷

隋律十二卷

通典隋文帝初令高頴等更定新律後又勅蘇

威牛弘等更定新律凡十二卷唐六典唐志卷同

隋大業律十一卷
通典曰煬帝勅修律令三年新律成凡五百條
為十八篇謂之大業律唐志十八卷
晉令四十卷

唐六典曰晉命賈充等撰令四十篇一戶二學
三貢士四官品五吏員六俸廩七服制八祠九
戶調十佃十一復除十二關市十三捕亡十四
獄官十五鞭杖十六醫藥疾病十七喪葬十八
雜上十九雜中二十雜下二十一門下散騎中
書二十二尙書二十三臺祕書二十四王公
侯二十五軍吏員二十六選吏二十七選將二
十八選雜士二十九官衛三十十贖三十一軍
戰三十二軍水戰三十三至三十八皆軍法三
十九四十皆雜法愚按南齊書與服志云晉服
制令冠十三品通典禮門云晉喪葬令長吏卒
官吏皆以喪服理事若代者至皆除之唐六典
云晉官品令游擊將軍四品初學記北堂書鈔引晉
官品令御覽引晉服制令 此晉令分篇之可見者餘
所引多統稱晉令御覽又引有祠令或即八祠分篇

唐志卷同

梁令三十卷錄一卷

唐六典曰梁初命蔡法度撰梁令三十篇一戶
二學三貢士贈官四官品五吏員六服制七祠
八戶調九公田十醫藥疾病十一復除十二關
市十三劫賊水火十四捕亡十五獄官十六鞭
杖十七喪葬十八雜上十九雜中二十雜下二
十一宮衛二十二門下散騎中書二十三尙書

二十四三臺祕書二十五王公侯二十六選吏

二十七選將二十八選雜士二十九軍吏三十
軍賞梁書武帝紀天監二年蔡法度上梁令三
十卷唐志卷同 唐六典雜號將軍寧遠將軍並
引梁官品令

梁科三十卷

梁書武帝紀天監二年蔡法度上梁科四十卷
南史同 唐六典曰梁易故事為梁科三十卷唐
志二卷

北齊令五十卷

唐六典曰北齊趙郡王叡等撰令五十卷取尙
書二十八曹為其篇唐志八卷

北齊權令二卷

通典曰北齊河清中有司奏上齊律其不可為
定法者別為權令二卷與之並行

陳令三十卷范泉撰

唐志同

陳科三十卷范泉撰

通典曰陳武帝令徐陵等制科三十卷唐志卷
同

隋開皇令三十卷日一卷

唐六典曰隋開皇命高頴等撰令三十卷一官
品上二官品下三諸省臺職員四諸寺職員五
諸衛職員六東宮職員七行臺諸監職員八諸
州郡縣鎮戍職員九命婦品員十祠十一戶十
二學十三選舉十四封爵俸廩十五考課十六
宮衛軍防十七衣服十八鹵簿上十九鹵簿下
二十儀制二十一公式上二十二公式下二十

三田二十四賦役二十五倉庫廩牧二十六關市二十七假寧二十八獄官二十九喪葬三十雜太平御覽車部引函簿令唐志牛弘等隋開皇令三十卷舊唐志作斐正等

漢建武律令故事二卷梁有隋亡

唐六典曰編錄當時制勅永為法則以為故事漢建武有律令故事上中下三篇皆刑法制度也唐志三卷

晉故事三十卷賈充等撰 不著錄

唐六典曰晉賈充等撰律令兼刪定當時制詔之條為故事三十卷通典卷同與律令並行

集定張杜律注二十卷齊孔稚圭等撰 不著錄

南齊書孔稚圭傳江左相承用晉世張杜律二十卷世祖留心法令詔獄官詳正舊注先是七年刪定郎王植撰定律章表奏之曰臣尋晉律文簡辭約旨通大綱事之所質取斷難釋張斐杜預同注一章而生殺永除自晉泰始以來惟斟酌參用是則吏挾威福之勢民懷不懟之怨陛下發德音刪正刑律勅臣集定張杜二注謹削其煩害錄其尤衷取張注七百三十一條杜注七百九十一條或二家兩釋於義乃備者又取一百七條其注相同者取一百三條集為一書凡一千五百三十二條為二十卷請付外詳校至九年稚圭上表曰臣與公卿八座共刪注律司徒臣子良創立條緒臣宋躬臣王植等抄撰同異其中洪疑大議聖照玄覽斷自天筆就成律文二十卷錄序一卷

漢朝議駁三十卷應劭撰

後漢書應劭傳初安帝時河間人尹次穎川人史玉皆坐殺人當死次兄初及玉母軍並詣官曹求代其命因縊而物故尚書陳忠以罪疑從輕議活次玉劭後追駁之據正典刑有可存者劭凡為駁議三十篇皆此類也文心雕龍議對篇曰漢世善駁則應劭為首唐志卷同又故事類有劭漢朝駁無議字三十卷自是重出律略論五卷應劭撰梁有隋亡

唐志作劉邵太平御覽刑法部引劭律略

晉雜議十卷

唐志入故事類

晉彈事十卷

唐志九卷

南臺奏事二十二卷

唐志重出刑法類二十二卷故事類九卷玉海曰順帝永建元年初令尚書三公入奏事通志較讐略曰按漢朝駁議諸王奏事魏臣奏事魏臺訪議南臺奏事之類隋人編入刑法者以隋人見其書也若不見其書即其名以求之安得有刑法意乎唐志見其名為奏事直以為故事也編入故事類是之謂見名不見書愚按唐志諸王奏事魏臣奏事魏臺訪議入故事類漢朝駁議南臺奏事則兩類重出又諸王奏事非隋志所載

漢名臣奏事三十卷

唐志二十九卷又有陳壽漢名臣奏事三十卷史記惠景侯者年表集解引杜業奏漢書揚雄傳注張衡奏初學記天部蔡邕奏政禮部唐林

奏服食部大司空朱游奏藝文類聚祥瑞部丞相薛宣對北堂書鈔設官部張禹奏翟方進奏後漢書張衡傳注蔡邕言渾天蔡邕傳注張文上疏文選晉紀總論注陳風對問太平御覽皇親部杜業奏職官部丞相薛宣奏又曹襲上書又張禹奏禮儀部黃瓊上言百穀部丞相薛宣奏資產部太尉屬應劭司農屬孫嵩司空掾孔佃等議唐武后臣軌上引並稱漢名臣奏隋志總集類重出 玉海引中興書目言孔光奏一卷唐林奏一卷今孔光奏未見

魏王奏事十卷

文選古詩十九首注出不由里門面大道者名曰第太平御覽居處部云侯食邑不滿萬戶不得作第其舍在里中不稱宅並引魏王奏事史記韓信盧縮傳集解魏武帝奏事云今邊有小警輒露檄插羽飛羽檄之意也 漢書高帝紀注後漢書光武紀西羌傳注文選關中詩注並引之

漢諸王奏事十卷 不著錄

見唐志故事類

魏武制度卷亡 不著錄

太平御覽居處部魏武制度奏曰三公列侯門施外內塾方三十畝

魏名臣奏事四十卷目一卷 陳壽撰

唐志入故事類三十卷脫陳壽名魏志明紀注引散騎常侍何曾表三少帝紀注太尉華歆表公孫度傳注中領軍夏侯獻表張魯傳注董昭表王朗傳注朗節省奏蘇則傳注文帝令問雍州刺史張既並既答崔林傳注安定太守孟達

薦王雄表又侍中辛毗奏高柔傳注柔上殺鹿
疏徐邈傳注黃門侍郎杜恕表卅邱儉傳注雍
州刺史張既表初學記歲時部大司農董遇議
藝文類聚禮部蔣濟奏樂部王朗表北堂書鈔
儀飾部中書監劉放奏太平御覽時序部太尉
司馬懿奏地部執金吾龐延奏職官部黃門杜
恕奏禮儀部奏靜議高堂隆議服用部高堂隆
奏獸部郎中黃觀上疏並引魏名臣奏隋志總
集類又有陳長壽魏名臣奏三十卷當是重出
長字誤增

魏臺雜訪議三卷 高堂隆撰

唐志儀注故事兩類重出宋書禮志曰前後但
見讀春夏秋冬四時令至於服黃之時獨闕不
讀不解其故文選謝惠連擣衣詩注玉簪以玉
爲笄也後漢書牟長傳注物故之義高堂隆答
曰物無也故事也史記匈奴傳索隱同 藝文類聚
歲時部王肅對用未社丑臘義初學記歲時部
高堂隆對用未祖丑臘義御覽時序部同 服食部
弁柝有弁無纓太平御覽時序部華歆常以臆
日宴子弟王朗慕之其法由來漸矣並引魏臺
訪議

魏廷尉決事十卷

唐志二十卷又故事類重出北堂書鈔酒食部
張柱私賣胡餅御覽飲食部亦引之 太平御覽文
部廷尉上廣平趙禮冒名渡津議一歲半刑刑
法部河內太守上民張大有狂病發殺母弟應
梟首遇赦不除梟首如故器物部廷尉上民傅
晦詣民籍牛場上盜黍爲牛所覺斧擲斫晦脚

物故監議晦既夜盜牛本無殺意宜減死一等
並引廷尉決事

晉取事四卷

唐志同

廷尉駁事十一卷 不著錄

見唐志

後魏職令卷七 不著錄

太平御覽職官部光祿少卿第四品用肅勤明
敏兼識古典者廷尉少卿第四品用懿清冲和
識參教典者廷尉少卿第四品用思理平斷明
刑識法者鴻臚少卿第四品用雅學詳明當樞
達理者司徒少卿第三品用勤有能幹者太府
少卿第四品用勤篤有幹細務無滯者並引後
魏職令

隋經籍志考證卷十三

會稽章宗源撰

雜傳

三輔決錄七卷 漢太僕趙岐撰 擊虞注

後漢書趙岐傳岐著三輔決錄傳於時章懷注
引決錄序曰三輔者本雍州之地世世徙公卿
吏二千石及高貴者以陪諸陵五方之俗雜會
非一國之風不但繫於詩秦函也其爲士好高
尚義貴於名行其俗失則趨勢進權唯利是視
余以不才生於西土耳聞故老之言目見衣冠
之疇心識其賢愚嘗以元冬夢黃髮之士姓元
名明字子真與余寤言言必有中善否之間無
所依違命操筆者書之近從建武以來暨於斯
其人既亡行乃可書玉石朱紫由此定矣故謂
之決錄矣晉書擊虞傳虞注解三輔決錄史通
書志篇曰譜牒之作盛於中古漢有趙岐三輔
決錄晉有擊虞族姓記江左有兩王百家譜中
原有方司殿格蓋氏族之事盡在是矣補注篇
曰若擊虞之三輔決錄陳壽之季漢輔臣周處
之陽羨風土常璩之華陽士女文言美詞列於
章句委曲敘事存於細書愚按岐撰決錄據其
自序並昔人徵引逸篇其書不類譜牒至擊虞
之注與陳壽等三書亦不相侔史通所考未精
也文選王文憲集序注引決錄曰長安劉氏惟
有孟公談者取則後漢書蘇竟傳注引擊虞注
曰惟有孟公論可觀者班叔皮與郭季通書言
劉孟公藏器於身用心篤固實瑚璉之器宗廟
之寶也曹世叔妻傳注引決錄曰齊相子穀頗

隨時俗摯虞注曰曹成壽之子也司徒掾察孝廉為長母為太后師徵拜中散大夫子毅即成之子也此岐錄與虞注大抵簡者為錄詳者為注又岐錄多取韻語如顏氏家訓勸學篇所引堂堂乎張京兆田郎及書證篇前隊大夫范仲公鹽鼓蒜果共一箭後漢書隗囂傳注平陵之王惠孟鏘鏘激昂囂逃困於東平北堂書鈔藝文部五經紛綸井大春太平御覽人事部道德彬彬馮仲文此即史通所謂文言美句也但諸書徵引錄與注不盡分晰惟初學記獸部引五門子孫凡民之伍注曰門今在河南四十里馬氏兄弟五人共居此作客舍主養豬賣豚民為語曰苑中三公鉅下二卿五門嘍嘍但聞豚聲此於虞注別作細書最為分明御覽實產部人事部並引之而俱作大字又不增注曰二字即易混讀但初學記以民為語曰五句

並入細書亦恐有誤至如文選蕭揚州薦士表注引竇攸知龜鼠事與竇氏家傳同太平廣記神部引何比于天賜策事與何氏家傳同舊唐志七卷新唐志十卷

海內先賢傳四卷魏明帝時撰舊唐志四卷新唐志五卷世說德行篇注穎川先輩為海內所師者定陵陳釋叔穎川荀淑長社鍾皓北堂書鈔政術部陳寔為海內高名在位之臣歸以公相位並引海內先賢傳其書所紀多東漢先賢太平御覽職官部引董卓議廢帝盧植正色不順事稱魏明帝先賢傳省海內二字

海內先賢傳四卷

海內先賢傳一卷

無撰名唐志魏文帝三卷藝文類聚服飾部北堂書鈔儀飾部太平御覽服用部並引海內士品曰徐孺子嘗事江夏黃公卒孺子往會葬無行資齋磨鏡具賃磨取資然後得達祭畢而還

四海耆舊傳一卷

新唐志著題韋氏舊唐志作李氏羣輔錄注公沙孚事引北海耆舊傳北字疑誤

海內先賢行狀三卷

唐志著題李氏世說德行篇注引荀淑鍾皓陳紀三事稱先賢行狀他書所引亦多省海內二字惟太平御覽人事部引王烈戴良徐孺子仇覽四事稱海內先賢行狀職官部引故宗正南陽劉奉先為督郵事稱漢魏先賢行狀

徐州先賢傳一卷

金樓子說蕃篇曰劉義慶為荊州刺史在州八年撰徐州先賢傳奏上之新唐志王義慶徐州先賢傳九卷又一卷愚按唐志王義慶乃臨川王劉義慶誤刪臨川劉三字又訛慶作度隋志舊唐志並脫落撰名初學記地部范蠡扁舟浮五湖文選謝靈運廬陵王墓詩注云楚老者彭城之隱人也並引徐州先賢傳

徐州先賢傳贊九卷

唐志八卷太平御覽人事部徐盛瑯琊宮人也客居吳以敦直勇氣聞孫權每選出戰者盛常在前に引劉義慶徐州先賢贊

兗州先賢傳一卷

舊唐志有仲長統兗州山陽先賢讚一卷新唐志作山陽先賢傳無兗州二字据元和姓纂稱

晉太宰參軍長仲毅著山陽先賢傳則唐志仲長統誤

海岱志二十卷

齊前將軍記室崔慰祖撰

南齊書文學傳崔慰祖著海岱志起太公迄西晉人物為四十卷半未成臨卒與從弟緯書云常欲更注遷固二史採史漢所泥南史作漏二百餘事在廚簾可檢寫之以存大意海岱志良未周悉可寫數本付護軍諸從事人一通及友人任昉徐寅劉洋裴揆句下南史有令後世知晉徵有素業也句唐志十卷

交州先賢傳三卷

晉范瑗撰

唐志四卷

益部耆舊傳十四卷陳長壽撰

晉書陳壽傳壽撰益部耆舊傳十篇唐志亦作陳壽隋志誤作長壽常璩西州後賢志曰益部自建武後蜀郡鄭伯邑太尉趙彥信及漢中陳申伯祝元靈廣漢王文表皆以博學洽聞作巴蜀耆舊傳陳壽以為不足經遠乃並巴漢撰為益部耆舊傳十篇散騎常侍文立表呈其傳武帝善之又序志後語曰陳君承祚別為耆舊始漢及魏煥乎可觀漢中士女志曰有陳術字申伯作者舊傳陳壽蜀志李譔傳亦云陳術字申伯博學多聞者益部耆舊傳及志梓潼士女志曰依漢書國志陳君所載凡士女二百四十八人愚案裴松之顏師古注史皆引陳壽益部耆舊傳他書所引多不著名無引陳術者其書所載列女水經江水注棘道張真妻黃氏女初學記服食部揚子拒妻劉懿公女太平御覽地部韃為苻和氏女名光

雄人事部蜀郡史賢妻張昭儀廣漢德陽王上妻袁氏女嬀爲王鳳珪妻陳氏女嬀爲南安周繡紀妻曹氏女廣漢新都使敬妻王氏女蜀郡廣都公乘士會妻張氏女廣漢廖伯妻殷氏女及閩中三貞共引十二事餘所載多漢魏舊舊不能具錄

益州舊傳雜記二卷不著錄

見新唐志無撰人名蜀志劉焉傳注先主傳注楊洪傳注楊戲傳注並引益州舊雜記初學記人部張松爲人短小而放蕩不理節操二語稱益部雜記省者舊二字

續益部者舊傳二卷

梓潼士女志常寬續陳壽者舊作梁益篇

諸國清賢傳一卷

唐志清作先

魯國先賢傳二卷晉大司農白雲撰

通志氏族略曰晉有白雲兩唐志十四卷舊唐志雜傳類總目稱喪先賢者舊三十九家乃因白雲而誤割裂爲書名也藝文類聚職官部申公爲詩號魯詩雜文部孔翊爲洛陽令得屬託書皆投水中初學記人事部魯有恭士名汜行年七十其恭益甚北堂書鈔帝王部帝思舊恩同席書封陽都侯設官部孔仲淵爲司空以地震免太平御覽封建部桓帝詔曰鮑吉與朕有龍潛之舊其封西鄉侯職官部二世問諸臣盜賊賜叔孫通衣帛拜爲博士兵部黃伯仁龍馬頰人事部東門免貪濁謠曰東門免取吳半珍寶部叔孫通爲奉常賜金五百斤並引魯國先

賢傳傳或作志太平寰宇記河南道鹿門有兩井引白雲魯記

楚國先賢傳贊十二卷晉張方撰

新唐志無贊字舊唐志作先賢志題揚方撰恩按文選應璩百一詩注引應休璩作百篇詩設切時事藝文類聚禮部引先王日祭月享時類歲祀語並稱張方楚國先賢傳 楚國類聚作魯國乃刊誤 無稱揚方者世說德行篇注百里奚字井伯楚人仕虞晉欲假道奚諫不聽乃去初學記居處部能宜僚隱居市南不屈於時太平御覽鱗介部宋玉對楚王曰神龍朝發崑崙之墟暮宿於孟諸據此所記乃上及春秋戰國表松之章懷注史所引則皆漢魏晉時事

汝南先賢傳五卷魏周斐撰

唐志同史通外篇注作汝南先賢行狀世說注諸書所引皆稱傳惟太平御覽人事部引胡定

在喪雪覆其屋事作行狀

陳留者舊傳二卷漢議郎陶稱撰

唐志陶稱陳留風俗傳三卷地理類又見無者舊之目隋志則地理類作風俗傳此作者舊傳據元和姓纂祇言陶稱著風俗傳然風俗宜入地理唐志雜傳類係重出隋志者舊名疑有誤史通雜述篇曰若陶稱陳留者舊周斐汝南先賢陳壽益部者舊虞預會稽典錄此之謂郡書者也四語配詞則陳留風俗乃不與益部者舊犯複

陳留者舊傳一卷魏散騎侍郎蘇林撰

唐志三卷魏志高柔傳注引高靖高祖父固

子慎慎子式事後漢書吳祐傳注太守冷宏舉祐孝廉又祐處同僚無私書之間上司無賤傲之敬初學記居處部范丹學通三經嘗自賃灌園並引陳留者舊傳不著蘇林名惟太平御覽職官部引仇香年四十召爲縣主簿稱蘇林廣舊傳廣當是書舊之訛而不著陳留地名

陳留先賢像贊一卷陳英宗撰

唐志作先賢傳像讚

陳留志十五卷東晉劉令江敏撰

舊唐志作江敏新唐志作陳留人物志續漢郡國志注所引皆記地理世說嘗舉篇注清河太守阮武賢媛篇注衛尉卿阮共水經渠注開封令阮簡文選求立太宰碑注齊國內史阮略史記留侯世家商山四皓並引陳留志多記人物初學記人部引雍邱婁望平邱李銓事皆著江微名太平御覽人事部同引之

濟北先賢傳一卷

唐志同後漢書吳祐傳注戴宏爲郡督郵府君異其對教署主簿此引濟北先賢傳羣輔錄曰盧范昭戴新剛徐晏盧夏隱劉夏隱右濟北五龍見濟北英賢傳

廬江七賢傳二卷

唐志一卷藝文類聚寶玉部陳翼爲魯陽尉號魯陽金尉獸部陳乘辟州從事號白馬從事太平御覽兵部陳翼對漢武鄉名不覽佩刀生毛學部文黨投斧高木至長安受經並引廬江七賢傳七賢二字未詳

東萊者舊傳一卷王基撰

唐志同

襄陽耆舊記五卷 晉 習鑿齒撰

唐志作者舊傳宋志作記郡齋讀書後志日記五卷前載襄漢人物中載山川城邑後載牧守觀其記錄叢雜非傳體也名當從隋志愚案續漢郡國志注蔡陽有松子亭下有神陂引襄陽耆舊傳文選南都賦注同引之則稱耆舊記劉昭生處梁代其所見在隋志前則知稱傳之名其來已久三國志注多省文稱襄陽記水經注後漢書注亦同省文 其載董恢教費禕對孫權語臣松之案漢晉春秋所載不云董恢所教辭亦小異二書俱出習氏而不同若此

會稽先賢傳七卷 謝承撰

初學記人事部陳業送郡守蕭府君喪揚波出尸業兄渡海傾命骨爛不辨業割血洒骨設官部沈勳拜尚書令名冠百僚太平御覽職官部茅開為督郵平決厭衆心人事部關澤夢見名字炳照在月中又淳于長通年十七鄉黨號曰聖童服用部董昆為大農孥坐無完席並引會稽先賢傳唐志卷同

會稽先賢傳唐志卷同

舊唐志入集部作先賢讚四卷新唐志雜傳記類作先賢傳像讚四卷並題賀氏撰北堂書鈔設官部三引會稽先賢讚皆言董昆清貧守約署上計吏一事

會稽後賢傳記二卷 鍾離岫撰

元和郡縣志鍾離岫撰會稽後賢傳 無記字唐志同通志氏族略曰鍾離岫楚人世說方正篇注

孔羣有智局仕至御史中丞品藻篇注丁潭與孔愉齊名仕至光祿大夫初學記職官部孔坦遷廷尉卿躬執辭狀小大以情藝文類聚鱗介部孔愉封餘不亭侯鑄印龜首迴屈太平御覽人事部吳求謝貞女充後宮女炙面服醇醴取黃瘦得免服用部丁潭以光祿大夫還第詔賜牀帳席褥並引會稽後賢傳

廣州先賢傳七卷 陸允撰 不著錄

見舊唐志允名新唐志作允志初學記人事部引羅威事母至孝異果珍味隨時進前事稱陸徹廣州先賢傳徹與允字以相似易訛 允避廟諱作允原字與徹近似太平御覽人事部引太守終寵下車尹牙以德進幹任喉舌又徐徵為人短小果敢二事稱陸允廣州先賢傳他所引多不著名

廣州先賢傳七卷 劉芳撰 不著錄

見新唐志

青州先賢傳 卷亡 不著錄

後漢書史弼傳注陶邱洪文冠當代舉孝廉不行辟太尉府藝文類聚人部陳仲舉昂昂如千里驥周孟玉瀏瀏如松下風並引青州先賢傳會稽典錄二十四卷 虞豫撰

晉書虞預傳預著會稽典錄二十篇史通採撰篇曰郡國之記譜牒之書務欲矜其州里誇其

士族如江東五僑始自會稽典錄穎川八龍出於荀氏家傳苟不別加研覆何以詳其是非雜述篇曰若罔稱陳留者舊周斐汝南先賢陳壽益部耆舊虞預會稽典錄此之謂郡書者也愚

按吳志虞翻傳注引山陰朱育對太守濮陽興述初平末年王府君問士於虞仲翔仲翔具答其言會稽人士最詳至江東五僑逸篇中未見徵引

吳先賢傳四卷 吳左丞相陸凱撰

新唐志陸凱吳國先賢傳五卷

吳國先賢讚三卷 不著錄

見舊唐志新志作像讚俱無撰名

吳都錢塘先賢傳五卷 梁吳均撰 不著錄

見唐志梁書吳均傳均著錢塘先賢傳五卷

南海先賢傳 卷亡 不著錄

北堂書鈔政術部劉盛作令布被菜食州郡表

列授九真太守設官部董政字伯和南海人有

令委舉孝廉並引南海先賢傳

武昌先賢志三卷 郭緣生撰

兩唐志皆作先賢傳太平御覽人事部郭緣生

武昌先賢傳曰郭翻字長翔為人非已耕不食

非妻織不衣

武陵先賢傳 卷亡 不著錄

水經延江水注潘京為郡主簿答太守趙偉續

漢郡國志注作趙厥 郡本名義陵光武時改名武

陵焉北堂書鈔設官部王坦為中庶子有鸞來

翔坦被令為賦藝文類聚歲時部潘京為州辟

進謁舉板答曰今為忠臣不得復為孝子並引

武陵先賢傳

東陽朝堂像讚一卷 晉南平太守留叔先撰

唐志作畫讚

豫章烈士傳二卷 徐整撰

初學記人事部舒令施陽爲人沈重謚靜清白

絕俗北堂書鈔政術部孔恂爲別駕從事言車

屏星不可去通典職官門注同 羊茂爲功曹病被

不覆軀設官部周騰爲侍御史桓帝當郊騰曰

中宿及策馬星悉不動上明不出太平御覽資

產部施陽經江夏遇賊劫陽物賊聞知陽悉還

其物並引豫章烈士傳

豫章舊志三卷晉會稽太守熊默撰

唐志有徐整撰八卷無熊默續漢郡國志注引

新吳上蔡永修縣江淮南昌縣建城縣葛鄉昌

邑城慨口四事又匡俗事以世說規箴篇注水

經廬江注所引爲詳後漢書馮衍傳注周生豐

爲豫章太守清約儉惠藝文類聚祥瑞部太守

孔竺臨郡三月白雀出南宮夏侯嵩臨郡六年

白雀見女羅鳥部太守李儀臨郡二年白鳥見

南昌並引豫章舊志王象之輿地碑記目一卷

豫章舊傳卷七 不著錄

北堂書鈔歲時部龍頌字顯先大皇幸尋陽遊

獵諸郡頌作章陳理候駕於道叩頭流血成冰

引豫章舊志太平御覽天部太守陳蕃臨郡

二年甘露降引豫章舊傳案書鈔作志疑係豫章

舊志誤增書字御覽雖稱傳然陳蕃事正與孔竺夏侯嵩事

相類恐係一書

零陵先賢傳一卷

唐志同三國志注所引零陵先賢傳皆記劉曹

時事藝文類聚祥瑞部引周不疑作白雀頌亦

係魏人惟水經湘水注鄭產爲白土嵩夫上言

除民口錢事乃漢末先賢

長沙舊傳讀三卷晉臨川王郎中劉瓛撰

水經洛水注祝良爲洛陽令祈雨感應 北堂書

鈔禮儀部太平御覽天部同 桓楷爲趙郡太守路有

遺囊行人莫取初學記天部藝文類聚天部文

虔補戶曹掾零雨廢民業虔在社齋戒夢見白

頭翁事並引長沙舊傳隋志脫去蒼字新唐

志四卷舊唐志三卷並訛作舊邦傳讀劉瓛舊

唐志作劉成

會稽太守像讀二卷賀氏撰 不著錄

見兩唐志舊志入集部

荆州先賢傳三卷高鑑撰 不著錄

北堂書鈔政術部周瑜以龐統有重名召爲功

曹又呂又爲尙書令節儉自守又費禕使吳應

機輒對太平御覽地部羅獻守巴東對吳人曰

城中土一撮不可得並作荆州先德傳書鈔政

術部董正舉孝廉負笈單步上還舉板藝文部

龐士元師事司馬德操與其談移日忘殮樂部

羅獻守巴東賦詩使人歌以慰城中人藝文類

聚儀飾部羅獻以泰始三年假節增鼓吹棨戟

御覽人事部馬氏五常白眉最良俱並引荆州

先賢傳

廣陵烈士傳一卷華隔撰 不著錄

見唐志北堂書鈔設官部劉儁爲郡主簿郡將

爲賊所得僞乞代之御覽職官部同 太平御覽人

事部劉瑜舉方正人呼爲長鬚方正又吳篤

學好古師事陳仲弓並引廣陵烈士傳

蜀文翁學堂像題記二卷

元和郡縣志劍南道成都文翁學堂李膺記曰

堂構制雖古而巧異特奇壁上悉圖古之聖賢

梁上則刻文宣及七十弟子齊永明劉瑱更圖

焉朱齡石平譙縱勒宋武敬文於石壁之上代

王更以丹青增飾古畫仍加豆盧辨蘇綽之像

藝文類聚禮部太平御覽禮儀部任豫益州記

曰文翁學堂在大城南昔經火災蜀郡太守高

勝脩復繕立皆圖畫聖賢古人之像王象之輿

地碑記曰漢文翁學生題名可見者凡一百

十二人碑在益州唐志益州文翁學堂圖一卷

歐陽修集古錄跋文翁學生題名凡一百有八人文學祭酒

典學從事各一人司儀主事各二人左生七十三人右生三

十人董道廣川書跋周公禮殿記跋曰文翁講堂石室左溫

故右時習又曰太守陳留高朕(原注誤釋作朕)修正立增二

石室昔人疑朕非臣下制名可稱流俗謂爲高勝余嘗至其

處求字畫得之實爲朕字

漢末名士錄卷七 不著錄

魏志袁紹傳注胡母班八人世謂之八廚 後漢

書袁紹傳注同 劉表傳注表與汝南陳翔等爲八

友荀攸傳注袁術數何顯三罪並引漢末名士

錄

逸人高士傳八卷晉鑿齒撰 不著錄

見唐志太平御覽禮儀部習鑿齒逸民高士傳

曰董威輦不知何許人忽見於洛陽白社中

江表傳二卷虞溥撰 不著錄

見唐志又雜史類重出五卷晉書虞溥傳溥撰

江表傳子勃上於元帝詔藏於祕書魏志三少

帝紀注云鄱陽內史虞溥著江表傳粗有條貫

邵博聞見後錄曰子官長安時或云鄆杜民家

有江表傳因為外臺言之亟委官以取民驚懼焚之世今無此書矣愚按此書逸篇裴松之徵引最多皆述魏蜀吳事而吳事尤詳

聖賢高士傳贊三卷唐虞周禮之注

晉書嵇康傳康撰上古以來高士為之傳贊欲友其人於千載也宋書周續之傳續之常以嵇康高士傳得出處之美因為之注南史同唐志

作上古以來聖賢高士傳

高士傳六卷皇甫謐撰

今存本三卷

逸士傳一卷皇甫謐撰

晉書皇甫謐傳謐撰逸士傳魏志武紀注引汝南王儁事荀彧傳注許子將言慈明外朗叔慈內潤世說品藻篇注允評 文選反招隱詩注演連珠注七啓注陶徵士誄注郭有道碑文注並引

逸士傳集父一事世說排調篇注同唐志卷同

桂陽先賢畫讚一卷吳左中郎張勝撰

唐志五卷水經汝水注張熹為平輿令天旱禱零感舊北堂書鈔酒食部程曾七歲母亡鄰人哺之知有肉吐不食藝文類聚百穀部成武丁為郡主簿能達鳥鳴太平御覽兵部成武丁疾終其友從臨武縣來道與相逢人事部朱陽羅陵果而好義藥部蘇耽種藥後園梅樹下可治百病並引桂陽先賢傳蘇耽種藥事類作先賢記

張熹禱零事書鈔作先賢傳朱陽羅陵事御覽再見作傳

逸民傳七卷張顯撰

水經潁水注卞隨投洞水而死太平御覽逸民部曹子臧以國致成公為君周黨徵議郎以病

辭並引張顯逸民傳唐志作逸人三卷

逸人傳卷亡孫盛撰 不著錄

初學記人事部引孫盛逸人傳丁蘭刻木事御覽人事部同

高士傳二卷虞槃佐撰

唐志同通志校讎略曰虞槃佐作孝子傳又作高士傳高士與孝子自殊如何唐志因所作之人而合為一太平御覽逸民部皇甫士安朱沖劉兆伍朝郭文舉共五事伍朝事原注曰王隱晉書

同引虞槃佐高士傳人事部宗少文清心簡務宋高祖聽其高談曰不知體倦乃覺心明此稱虞敬叔高士傳文選蕭公行狀注何點當躡草屨時乘柴車此作虞孝敬高士傳

至人高士傳讚二卷晉廷尉卿孫綽撰

水經潁水注稱孫綽之敘高士傳文選太沖詠史詩注引孫綽稽中散傳

續高士傳七卷周弘讓撰

新唐志八卷

高隱傳十卷阮孝緒撰

梁書阮孝緒傳孝緒著高隱傳上自炎黃終於天監之末斟酌分為三品凡若干卷南史孝緒傳曰言行超逸名氏勿傳為上篇始終不耗姓名可錄為中篇掛冠人世栖心塵表為下篇

高士傳卷亡魏隸錄 不著錄

藝文類聚人事部引魏隸高士傳廣成子黃帝小童善卷伯成子高魯連閭邱先生田生鄭仲虞韓福班嗣向子平巢父許由壤父子支伯披裘公段干木莊周十八事

真隱傳二卷袁淑撰 不著錄

宋書隱逸傳序曰陳郡袁淑集古來無名高士以為真隱傳藝文類聚人事部鵬冠子鬼谷先生太平御覽逸民部蘇門先生鄭長者南公六國時野老獻魚楚人河上丈人狐邱先生客有候孔子者孔子曰宵分泛兮吾不測也共引真隱傳十事唐志二卷

高僧傳六卷虞孝敬撰

唐志入子部道家

止足傳十卷

唐志有宗躬止足傳又齊竟陵文宣王子良止足傳皆十卷

孝子傳讚三卷王韶之撰

唐志傳十五卷讚三卷藝文類聚鳥部李陶母終羣鳥銜塊助成墳初學記天部竺彌父生時畏雷每天陰輒至慕悲哭北堂書鈔衣冠部竺彌父母亡冬不衣襦袴太平御覽人事部刑法部周青女姑誣青害殺公姑縣刑青於市血緣幡竿上天並引王韶之孝子傳韶初學記作訣

孝子傳十卷晉輔國將軍蕭廣濟撰

世說德行篇注王祥初學記人事部閔損鄧展勤殷揮杜孝藝文類聚人事部嬌皓產業部郭原平默部蕭固鳥部蕭芝鱗介部陳元太平御覽地部三州人兵部魏陽人事部五郡孝子邢渠隗通辛繕文讓申屠君遊宿倉舒王驚伏恭朱百年郭世道何子平施延並引蕭廣濟孝子傳唐志十五卷

孝子傳十卷宋員外郎鄒籍之撰

世說德行篇注吳隱之遭母喪每哭韓康伯母輒輟事流涕法苑珠林忠孝篇丁蘭妻誤燒木母面即夢見母痛鄰人用刀斫木母流血蘭造服行喪又吳達兄弟嫂從十有三喪達畫傭書夜作碑基年辦七墓十三棺又蕭固遭喪六年雉鳴遊狎麋鹿入其門牆並引鄭緝之孝子傳唐志作傳讚

孝子傳八卷師覺撰

南史孝義傳宋師覺授南陽涅陽人也以琴書自娛於路忽見一人持書一函題曰至孝師君苦前俄而不見捨車奔家聞家哭聲一叫而絕良久乃蘇後撰孝子傳八卷元和姓纂言覺授宋書孝義傳蓋誤以南史爲宋書 初學記八事部趙徇年五六歲時得甘美物先以哺父父歿思慕不異成人藝文類聚人部程會年七歲喪母祖母嚼肉食之覺有味便吐去鳥部吳叔和母歿負土成墳有赤鳥巢門災異部魏連事父至孝拜昌邑令大蝗連熟太平御覽時序部王祥兵部仲由子子崔人事部老萊子閔損北宮女嬰兒子並引師覺授孝子傳唐志卷同愚按元和姓纂覺授一名曷姓帥在入聲質部据此則師乃帥字之誤然諸書皆作師

孝子傳三卷宋躬撰

法苑珠林忠孝篇吳中書郎盛冲廬陵王虛之吳郡陳遺初學記服食部太平廣記感應類並引陳遺事藝文類聚人部吳坦之張景允華寶何子平太平御覽地部宗承人事部邱傑韓靈珍夏侯訢韋俊伍襲繆裴紀邁王靈芝賈恩孫棘郭巨桑

虞並引宋躬孝子傳舊唐志十卷新唐志二十卷宋作宗

孝子傳三卷徐廣撰 不著錄

見唐志史通雜述篇曰若劉向列女梁鴻逸人趙采忠臣徐廣孝子此之謂別傳者也

孝子傳略二卷無撰名

唐志有亡名雜孝子傳二卷按初學記諸書所引孝子傳有不著名者疑是省文未必即此二卷之句

孝子傳卷七 周景式撰 不著錄

藝文類聚山部管寧避地遼東過海遇風船人皆叩頭悔過寧自思咎失言管入廁不冠而已即便悔言風尋息 御覽地部居處部同 木部古有兄弟意欲分異出見三荆同株接葉連陰嘆曰木猶欣聚况兄弟哉遂還相爲雍和矣 初學記人事部御覽人事部木部同 太平御覽獸部余嘗至綏安縣逢途逐猴猴負子沒水水雖深而清乃以戟刺之自脇以下斷脊尚連抄著船中子隨其旁以手捫子而死三事並引周景式孝子傳初學記獸部蛟寓屬也或黃或黑通臂好吟雖爲人所得終不徒生此稱周索氏孝子傳 御覽獸部亦引此事祇稱孝子傳不著撰名

孝子圖卷七劉向撰 不著錄

文苑英華許南容李令琛對策並言梁鴻作逸人傳劉向修孝子圖法苑珠林忠孝篇郭巨河內溫人父歿供養母妻生男慮妨供養乃抱兒掘地欲埋之於土中得一釜黃金有券云賜孝子郭巨又丁蘭刻木作母供養如生鄰人所假借母顏和即與不和則不與又董永父終自賣

於富公以供喪事道逢一女願爲永妻助償債又大舜至孝父目失明在家貧厄近市而居舜父夜臥夢見一鳳凰自名爲雞口銜米以哺已視黃帝夢書言子孫當有貴者舜前抵之目霍然開見 舜父一事珠林原本似有訛舛文句多有不可通今約略其易明者錄之 四事並稱劉向孝子傳太平御覽人事部引郭巨董永二事作劉向孝子圖洪氏隸續載武梁祠畫像記中有董永事 孝子傳三十卷梁武帝撰 不著錄

見新唐志

孝德傳三十卷梁元帝撰

梁書元帝紀帝著孝德傳三十卷藝文類聚人部引梁元帝孝德傳有皇王篇贊天性篇贊 初學記人事部引天性篇贊又引傳序曰天經地義聖人不加原始要終莫踰孝道金樓子著書篇曰孝德傳三表金樓合衆家孝子傳成此太平御覽逸民部繆斐避地海濱不以遜世爲悶浣衣濯冠以候導氣學部張楷喪親哀毀每讀詩至素冠棘人未嘗不淹泣焉太平廣記神類魏陽雍種菜得白璧共引孝德傳三事

孝友傳八卷無撰名

唐志題申秀孝友傳八卷後魏書韓顯宗傳顯宗撰孝友傳十卷

忠臣傳三十卷梁元帝撰

梁書元帝紀帝著忠臣傳三十卷金樓子著書篇曰忠臣傳三秩金樓自爲序藝文類聚人部引忠臣傳有記託篇贊 初學記人事部作受託篇諫爭篇贊 初學記同 執法篇贊死節篇序又諫爭

篇序又傳總序曰孝子烈女逸民咸有別傳至於忠臣曾無述製今將發篋陳書備加論討又元帝上忠臣傳表王筠答湘東王示忠臣傳牋初學記文部劉宏與晉武帝同年少同視書引忠臣傳一事

顯忠錄二十卷 梁元帝撰

後魏書清河王懌傳懌以忠而獲謗乃鳩集古昔忠烈之士為顯忠錄二十卷以見意焉韓子熙傳清河之忠誠款篤形於文翰搜括史傳撰顯忠錄區目之篇分卷二十唐志題元懌顯忠錄隋志作梁元帝誤

英藩可錄二卷 張萬賢撰

唐志題殷系英藩可錄事原注一云張萬賢撰高才不遇傳四卷 後齊劉晝撰

北齊書劉晝傳晝撰高才不遇傳三篇北史曰晝求秀才十年不得發憤著高才不遇傳後漢書鄭玄傳注引晝論鄭玄曰辰為龍巳為蛇歲至龍蛇賢人嗟玄以識合之蓋謂此也唐志卷同

丹陽尹傳十卷 梁元帝撰

梁書元帝紀帝著丹陽尹傳十卷金樓子著書篇曰丹陽尹傳一表金樓為尹京時自撰藝文類聚職官部丹陽尹傳序曰左氏云大夫受郡漢書云尹者正也廣漢和顏接下子高自輔經術孫寶行嚴霜之誅袁安留冬日之愛每念忝位京河茲焉四載入安石之門思勤王之政坐真長之室想清談之風求瘼餘晨頗多暇景今綴采英賢為丹陽尹傳唐志卷同

良吏傳十卷 鍾嶸撰

梁書鍾嶸傳嶸兄阮字長岳官至府參軍建康令著良吏傳十卷元和郡縣志亦言鍾嶸著良吏傳唐志卷同太平御覽職官部王堂為汝南太守桓虞為南陽郡守高玩除南陽令司馬備補洛陽令陳登為東陽長袁彭為南陽太守吳隱之轉廣州刺史鄭純為永昌太守並引鍾嶸良吏傳

正始名士傳三卷 袁宏撰

世說文學篇曰袁宏伯作名士傳成見謝公謝公笑曰我嘗與諸人道江北事特作狡獪耳彥伯遂以著書注曰宏以夏侯太初何平叔王輔嗣為正始名士阮嗣宗嵇叔夜山巨源向子期劉伯倫阮仲容王濬沖為竹林名士裴叔則樂彥輔王夷甫庾子嵩王安期阮千里衛叔寶謝幼輿為中朝名士方正篇注引夏侯玄被收鍾毓為廷尉執玄手曰太初何至於此玄正色曰雖復刑餘之人不可得交孝標按郭頌為魏晉世語事多詳覈孫盛之徒皆采以著書並云玄距鍾會而袁宏名士傳最後出不依前史以為鍾毓可為謬矣玉海中輿書目曰正始名士傳三卷其中卷竹林名士三逸上卷增荀粲下卷增阮修宋志二卷愚按水經清水注引共伯山仙一事文選顏延年五君詠注阮籍為步兵校尉劉伶為建威參軍阮咸官止始平太守又阮咸哀樂至到過絕於人沈休文遊沈道士館詩注王烈服食養性褚淵碑文注山濤淳深慎默莫見其際並稱袁彥伯竹林名士傳世說注所

引祇稱名士傳 宏字彥伯隋志作敬仲蓋誤以袁宏為衛宏

江左名士傳一卷 劉義慶撰

世說賞譽篇注杜又清標令上謝鯤通簡有識品藻篇注王承言理比南陽樂廣又劉真長曰杜宏治膚清衛叔寶神清容止篇注杜宏治可方衛玠共引江左名士傳五事

竹林七賢論二卷 戴逵撰

羣輔錄曰竹林七賢袁宏戴逵為傳孫統為贊世說注引竹林七賢論二十餘事 藝文類聚諸書亦引之或作七賢傳 任誕篇注引阮籍劉伶共飲步兵廚中並醉而死孝標謂此好事者為之言籍景元中卒而劉伶太始中尚在太平御覽人事部袁宏七賢序曰阮公瓌傑之量不移於俗然獲免者豈不以虛中榮節動無過則乎中散遺外之情最為高絕不免世禍將舉體秀異直致自高故傷之者至也山中懷體默易可因任平施不撓在衆樂同遊刃一世不亦宜乎唐志卷同 史通雜述篇稱戴逵竹林名士宜作七賢

七賢傳五卷 孟氏撰

唐志作孟仲暉七卷

文士傳五十卷 張隱撰

新唐志作張鷟舊唐志作張隱文林傳鍾嶸詩品曰張鷟文士逢文即書玉海中輿書目五卷載六國文人起楚華原終魏阮瑀崇文目十卷終謝靈運文選注後漢書注諸所徵引文士傳或作張鷟或又作隱魏志王粲傳注曰張鷟假偽之辭不覺其虛之自露也凡鷟虛偽妄作不

可覆疏

列士傳二卷劉向撰

後漢書申屠剛傳注羊角哀左伯桃文選盧子

諒覽古詩注朱亥鄒陽獄中上書注徐衍鮑焦

藝文類聚天部荆軻人部田光服飾部魏公子

無忌鳥部同木部延陵季子北堂書鈔武功部

專諸衣冠部馮諼太平御覽居處部慶忌兵部

莫耶人事部干將子孔融並引列士傳或作烈

士唐志卷同

陰德傳二卷宋光祿大夫范晏撰

太平御覽禮儀部引范晏陰德傳陳翼殯長安

魏少公事與廬江七賢傳所載同而語較詳唐

志卷同

悼善傳十一卷

唐志有悼善列傳四卷

雜傳三十六卷任昉撰本百四十七卷亡

梁書任昉傳昉撰雜傳二百四十七卷唐志一

百二十卷文選王文憲集序注任昉雜傳魏德

公謂郭林宗曰經師易獲人師難遭

東方朔傳八卷

漢書東方朔傳曰凡劉向所錄朔書俱是矣世

所傳他事皆非也注曰謂如朔別傳皆非實事

愚按藝文類聚諸書引朔別傳類皆奇言諛語

惟文選報任少卿書注引朔對武帝刑不上大

夫之言最為莊論太平御覽兵部引朔上書人

事部朔形容公孫丞相倪大夫等語與漢書本

傳同世說規箴篇注引朔南陽步廣里人本傳

稱平原厭次人此可考異唐志卷同

卅邱儉記三卷

魏志明帝紀注卅邱儉志記云時以儉為宣王

副也唐志卷同

管輅傳三卷管辰撰

魏志管輅傳注弟辰撰輅別傳有辰序言臣松

之取闔續伯纘所補綴遺脫數事又云前長廣

太守陳承祐口授城門校尉華長駿語云昔其

父為清河太守時召輅作小吏駿常與同載周

旋具知其事云諸要驗三倍於傳辰既短才又

年眇小又多在田舍故益不祥世說注諸書皆

引輅別傳唐志一卷

李固別傳七卷不著錄

見唐志太平御覽職官部益州及司隸辟固皆

不就人事部固被誅弟子郭亮詣闕上書乞收

固屍禮儀部梁冀誅固露屍四衢並引固別傳

梁冀傳二卷不著錄

見唐志通典職官門元嘉二年加冀禮儀引梁

冀別傳

何顛傳一卷不著錄

見唐志太平御覽人事部疾病部引何顛別傳

顯有人倫鑒謂張仲景將為名醫卒如其言

曹瞞傳一卷不著錄

見唐志魏志武紀注稱吳人作曹瞞傳愚案傳

名曹瞞又係吳人所作其言操少好飛鷹走狗

游蕩無度又佻易無威重好音樂及遣華歆入

宮收伏后事語皆實直不為魏諱故世說注文

選注為袁紹檄豫州注引操破梁孝王棺事所引皆稱

操名藝文類聚太平御覽所引亦或稱操惟魏志注多

稱太祖自係裴松之所改他書亦有稱曹公稱太祖

然不盡改其舊非吳人原本

荀彧別傳 荀勗別傳 鄭玄別傳 鄒原別傳

程曉別傳 孫資別傳 嵇喜為康傳 吳質

別傳 潘尼別傳 潘岳別傳 劉廙別傳 郭

泰別傳 盧諶別傳 謝鯤為樂廣傳 任嘏別

傳 鍾會為其母傳 又生母傳 何劭為王弼

傳 華佗別傳 趙雲別傳 費禕別傳 孫惠

別傳 陸機顧譚傳 虞翻別傳 陸機雲別傳

已上見三國志注

楊孚董卓傳 鍾離意別傳

已上見續漢志補注

郝鑿別傳 王又別傳 桓彝別傳 王丞相別

傳 阮光祿別傳 劉尹別傳 范宣別傳 王

獻之別傳 王恭別傳 司馬徽別傳 向秀別

傳 衛玠別傳 顧和別傳 王含別傳 孫放

別傳 庾翼別傳 桓溫別傳 顧凱之別傳

王長史別傳 王中郎傳 鄒超別傳 王胡之

別傳 王司徒傳 鍾雅別傳 陸玩別傳 江

惇別傳 殷浩別傳 王珉別傳 王敦別傳 謝

鯤別傳 王述別傳 謝玄別傳 樊英別傳

左思別傳 郭璞別傳 諸葛恢別傳 周顛別

傳 孔愉別傳 蔡司徒別傳 王彪之別傳

羅府君別傳 祖約別傳 阮孚別傳 羊曼別

傳 王劭王蒼別傳 石勒傳 王彬別傳 王

舒傳 王澄別傳 王遂別傳 卞壺別傳

虞光祿傳 鄒惜別傳 陳遠別傳 賀循別傳

桓沖別傳 桓豁別傳 周處別傳 賈充別

傳 邵曼別傳 范泓別傳 蔡充別傳 司馬
晞傳 王雅別傳 荀彖別傳 司馬無忌傳
高坐別傳 佛圖澄別傳 支遁傳

已上見世說注
明先生別傳 陳寔別傳

已上見文選注

李邵傳 夏仲御別傳 孟嘉別傳 葛仙公別
傳 劉根別傳 陳武別傳 孫登別傳 王廙

別傳 許遜別傳 郭翻別傳 諸葛恪別傳
許邁別傳 曹肇曹毗傳 蔡琰別傳 王蘊別

傳 王濛別傳 張載別傳 禰衡別傳 張華
別傳 蒲元傳 羅含別傳 裴楷別傳 婁

承先傳 馬融別傳 胡綜別傳 衝波傳 杜
蘭香別傳 孔融別傳 荀采傳 魯女生別傳

陶侃傳 董正別傳 王威別傳
已上見藝文類聚

王徽別傳 桓階別傳 傅宣別傳 孟宗別傳
許肅別傳 庾袞別傳 袁宏山濤別傳 趙

穆別傳
已上見初學記

庾亮別傳 顏含別傳 王湛別傳 傅咸別傳
王允別傳 盧植別傳 葛洪別傳 鄒衍別

傳 蔡邕別傳 孫略別傳 邊讓別傳 杜祭
酒別傳 吳猛別傳

已上見北堂書鈔
石虎別傳 雷煥別傳 徐邈別傳 羊祜別傳

張純別傳 桓石秀別傳 祖逖別傳 江祚
別傳 陸績別傳 管寧別傳 何晏別傳 傅

徽別傳 何禎別傳 趙至別傳 智瓊傳 潘
勛別傳 諸葛亮別傳 張衡別傳 曹植別傳
李陵別傳 王祥別傳 江濛別傳 趙岐別
傳 李燮別傳 潘京別傳 曹肇傳 楊彪別
傳 張蕪別傳 馬鈞別傳 賈逵別傳 桓譚
別傳 徐延年別傳

已上見太平御覽凡別傳一百八十四家隋唐
志皆不著錄無從考其卷數據昔人徵引撰名
可見者稽喜為康鍾會為母謝鯤為樂廣何劭
為王弼楊孚為董卓曹毗為杜蘭香袁宏為山
濤其逸篇多者華陀趙雲虞翻鍾離意鄭玄邴
原荀彧孫資蔡邕三國志注諸書所見篇目太
平御覽備彙其全初學記等亦或各互見又如
蔡邕郭泰鍾離意鄭玄董卓別傳後漢書注亦
引之今錄從簡略故不重載水經清水注稱孫
綽別作登傳此他書所未見藝文類聚舟車部

孔子使子貢久而不來占之遇鼎顏回曰鼎無
足乘舟而來矣御覽禮儀部宰我謂三年之喪
日月既周星辰既更於期可矣顏淵曰子雖美
辨豈能破堯舜之法除周公之禮哉二事並引
衝波傳衝波二字未詳其義後漢書注引蔡邕
別傳言邕作漢記十意有律曆意禮意樂意郊
祀意天文意車服意是史志之新名可補史通
書志篇之闕

雜傳四十卷 賈逵撰本七十卷亡
雜傳十一卷 無撰名

唐志有雜傳六十九卷 舊唐志六十五卷 又四十
卷又九卷俱無撰名

雜傳十九卷 陸澄撰
南齊書陸澄傳澄所撰有雜傳
桓玄傳二卷 不著錄
見唐志

元晏春秋三卷 皇甫謐撰

晉書皇甫謐傳謐撰元晏春秋重於世唐志二
卷史記匈奴傳索隱引士安讀漢書不詳撐犁
孤塗之言北堂書鈔武功部謐年十七未通經
史經史編荆為盾執枝為戈藝文類聚葉部初
學記服食部謐與衛倫言及於味太平御覽人
事部云十二月乙丑夕夢至京師學部云十七
年長七尺四寸疾病部夏四月余瘡於河南
並引元晏春秋觀此書體例似用編年法如後
世年譜之類

孔子弟子先儒傳十卷
唐志孔子弟子傳五卷 別有先儒傳五卷列次鍾旽
良吏傳下當即一書而誤分為二

諸葛亮隱沒五事一卷 郭沖撰 不著錄
見唐志魏志注引郭沖五事

李氏家傳一卷

世說賞譽篇注李氏家傳云膺岳峙淵清峻貌
貴重華夏稱曰穎川李府君穎穎如玉山太平
廣記名賢類又引有李膺家錄

揚雄家牒卷亡 不著錄

藝文類聚禮部太平御覽禮儀部揚雄家牒曰
子雲以天鳳五年卒弟子侯芭負土作墳號曰
玄塚史通雜述篇曰若揚雄家牒殷敬世傳孫
氏譜記陸宗系歷此之謂家史者也

桓氏家傳一卷

北堂書鈔設官部延康元年初置散騎之官遷桓範為散騎侍郎及魏太子始立桓範以文學舉為舍人太平御覽職官部桓範為交州刺史謝表並引桓氏家傳

王朗王肅家傳一卷

魏志王朗傳注朗除會稽秦始皇舊祀又朗與沛國名士劉陽交二事引朗家傳

太原王氏家傳二十三卷

唐志二十一卷無太原二字世說品藻篇注王樟之少知名仕至中書郎未三十而卒贈散騎常侍此作王氏世家據晉書碑之固太原王氏

褚氏家傳一卷褚觀著撰

唐志褚結撰褚陶注舊唐志入譜牒類世說賞譽篇注褚氏家傳曰陶聰惠絕倫年十三作鷗鳥水碓二賦仕至中尉史記孝武紀索隱韋稜之云褚少孫宣帝代為博士號為先生續太史公書此作褚觀家傳

薛常侍家傳一卷

唐志二卷

江氏家傳七卷江祚等撰

舊唐志江統撰新唐志江饒撰愚按藝文類聚職官部北堂書鈔設官部並引江氏家傳言江統庾子嵩雅敬君德東海王越請君為別駕與君書稱統為君則傳非統所撰太平御覽人事部引江蕤年十三棄五木之戲方術部江統諫懲懷禁土之令工藝部江偉善書人得其手疏莫不藏之飲食部江蕤年七歲葬父有酒肉斂

容不食又江統上疏諫西園賣醯菜共引家傳

五事

庾氏家傳一卷庾斐撰

唐志漢南庾氏家傳三卷庾守業撰

裴氏家傳四卷裴松之撰

世說文學篇注裴榮有風姿才氣撰語林數卷號曰裴子任誕篇注裴穎娶王戎長女並引裴氏家傳梁書裴子野傳子野續裴氏家傳三卷唐志松之裴氏家記三卷

裴氏家記卷七傳暢撰 不著錄

蜀志孟光傳注傳暢裴氏家記載裴潛弟僞僞

子越事

虞氏家記五卷虞覽撰

藝文類聚居處部虞潭為右衛將軍起堂養親作詩言志北堂書鈔政術部虞潭為南康內史年荒出私米賑敵太平御覽禮儀部虞潭母大夫人薨給徘徊車謁者送喪禮儀光備並引虞氏家記唐志作家傳

曹氏家傳一卷曹毗撰

唐志同太平御覽職官部曹氏傳曰左擁起於碎吏武帝以為殿中侍御史

王氏江左世家傳二十卷王褒撰

世說品藻篇注引王氏世家王緯之事乃太原王氏其稱世家又與此相合

崔氏五門家傳二卷崔氏撰

北堂書鈔設官部崔瑗上疏曰察舉孝廉限年三十恐失賢才之士也太平御覽職官部崔實除五原太守民號曰神惠又崔瑗為汲令開溝

滄造稻田民賴其利人事部座右銘並引崔氏家傳無五門二字唐志作崔氏世傳七卷題崔鴻撰愚按崔瑗為汲令事御覽人事部又載之題崔鴻崔氏家傳則隋志注崔氏撰當改崔鴻

明氏世錄六卷梁信武記室明榮撰

舊唐志五卷新唐志六卷

陸史十五卷

失撰名唐志題陸煦撰

諸王傳一卷不著錄

見唐志

暨氏家傳一卷

唐志同

爾朱家傳二卷王氏撰

唐志王劼爾朱氏家傳二卷

令狐氏家傳一卷

失撰名唐志令狐德棻撰

新舊傳四卷

子部雜家亦載之

何氏家傳三卷

後漢書何敞傳注引何氏家傳載何比干為丹陽都尉獄無冤囚正和三年三月天大陰雨有老嫗求寄避雨雨止出門謂比干曰公有陰德天賜君策子孫佩印綬當如此算本始元年自汝陰徙平陵世為名族三輔決錄亦載此事魏志

劉劭傳注引何禎識胡康性質不端必有負敗

後果以過見譴臣松之案魏朝自微而顯者不聞胡康

疑是孟康此題廬江何氏家傳唐志有何安家傳

二卷

袁氏家傳卷亡 不著錄

世說文學篇注袁喬有文才言語篇注喬父環光祿大夫喬歷尚書郎益州刺史任誕篇注袁耽魁梧爽朗仕至司徒從事中郎北堂書鈔設官部袁勛為參軍督刑獄多所赦免並引袁氏家傳

袁氏世紀卷亡 不著錄

魏志袁渙傳注引袁氏世紀載袁渙為太祖所嚴憚及渙四子侃寓與準事世說文學篇注亦引袁準事

荀氏家傳十卷荀伯子撰 不著錄

見唐志舊唐志入譜牒類 魏志荀攸傳荀彧傳注引荀氏家傳世說德行篇注荀巨伯排調篇注荀隱亦引之而云世有此書尋之未得然文選與鍾大理書注荀宏元長曲水詩序注荀勗安陸王碑注荀彧通典職官門注荀爽白衣登三公藝文類聚禮部荀爽對策之言太平御覽禮儀部引之尤詳是知此書至宋尚存

嚴氏家傳卷亡 不著錄

北堂書鈔設官部嚴氏家傳曰嚴奏為大皇車騎掾委以書記 按此與御覽職官部嚴氏家傳所載嚴泰相類必有一誤

殷氏家傳三卷殷敬撰 不著錄

見新唐志舊唐志作殷敬等撰 藝文類聚人事部殷哀為滎陽令廣築學館民知禮讓北堂書鈔政術部殷哀穿渠入河民賴其利 御覽地部職官部同 太平御覽職官部殷亮講學勝賜重席至八九又殷泰為大皇車騎掾委以書記人事部

資產部殷哀見鄭廉拜其父於市廉由是顯名百穀部殷讓遭世喪亂埋穀數百石後為賊所執具以穀告之並引殷氏家傳又殷亮到陽城遇兩虎爭一羊亮按劍斬羊腹虎各得其半去一事御覽人事部再引之或稱商氏世傳殷亮作商亮蓋宋人避宣祖諱如殷芸小說改稱商芸之類特御覽體例未及畫一故殷商並稱

燉煌張氏家傳二十卷張太素撰 不著錄

見唐志藝文類聚葉部扶風孟佗以葡萄酒遺張讓即擢涼州刺史太平御覽人事部張禱除燉煌令有鶴負矢禱留養瘡愈飛去月餘啣赤玉珠樹二枝置禱廳前並引燉煌張氏家傳

邵氏家傳十卷 不著錄

見唐志北堂書鈔設官部邵疇為郡功曹詔圖形明堂太平御覽職官部邵訓為陳留太守詔賜刀劍衣物人事部虞都尉邵夫人義姬少而寡獨處一室非祭祀墳墓不出又邵孝信為執法都尉露板諫吳主遊獵文部邵仲金好賑施臨卒取其貨錢書券焚之方術部邵信臣東向漱酒滅南陽之火雨中酒香火部邵貞性詳審或落生旅於君履君不迴顧並引邵氏家傳吳志孫皓傳注引稱會稽邵氏家傳

陶氏家傳卷亡 不著錄

藝文類聚地部陶汪為宣城內史廣開學舍百姓歌之北堂書鈔設官部陶覆之為太常丞凡宗廟疑議多所決定又陶侃遷太子中庶子善談論尤明詩易又陶遠為龍陽長杜絕請謁計日受俸又陶清為荊州刺史旌顯所知三十餘

人皆當世異行太平御覽職官部陶猷為右軍長吏每當朝日宿輿就路輒先衆僚陶覆之陶侃事並同書鈔並引陶氏家傳

稽氏世家卷亡 不著錄

北堂書鈔設官部稽氏世家曰稽倉為中書郎書檄雲集初不立草太平御覽職官部文部同

陳氏家傳卷亡 不著錄

太平寰宇記河南道陳氏家傳曰紀謚以下八十六墓三十六碑並在長葛縣陘山之陽又有廟存

竇氏家傳卷亡 不著錄

藝文類聚獸部竇氏家傳曰竇攸治爾雅舉孝廉為郎世祖大會鸞臺得鼠身如豹文羣臣莫知唯攸對曰名誕鼠見爾雅詔諸侯子弟從攸受爾雅三輔決錄同

沈氏家傳卷亡 不著錄

太平寰宇記江東南道沈氏家傳曰後漢沈戎居郡烏程縣餘不鄉

祖氏家傳卷亡 不著錄

元和姓纂祖氏家傳曰祖崇之娶東陽无旋女孫氏世錄卷亡 不著錄

文選為蕭揚州薦士表注孫氏世錄曰孫康家貧常映雪讀書清介交遊不雜

孔氏家傳五卷

世說言語篇注後漢書孔融傳注太平御覽人事部並引孔融家傳皆記融事藝文類聚雜器物部引融坐上客常滿樽中酒不空語北堂書鈔酒食部融每旦以饅一盛魚一首以祭並作

孔融別傳

謝車騎家傳卷七 不著錄

世說言語篇注謝車騎家傳曰玄理明俊善微言叔父太傅嘗問武帝任人至於賜予不過斤合當有旨不玄答有辭致也

顛愷之家傳卷七 不著錄

世說風悟篇注張敷滔然有六成之量仕至著作郎二十三卒藝文類聚人部顛愷之見謝萬謂曰仙者之乘或羊或鹿使君當乘何物使君曰卿輩即轅中客也並引顛愷之家傳

顏延之家傳卷七 不著錄

藝文類聚雜文部顏延之家傳銘曰曠彼琅邪實惟海宇誰其來遷時惟遠祖青州隱秀爰始真居內辭鼎府外秉邦閭建節中平分竹黃初刑清齊石政優營區葛嶧明懿平陽聽理式薦公庭或登宰士列美霸朝雙風千里華萼之茂於昭不已

琅邪王氏錄卷七 不著錄

文選王文憲集序注琅邪王氏錄曰其先出自周王子晉秦有王翦王離世為名將

童子傳二卷 王璜之撰

金樓子聚書篇曰隱士王璜之經餉書如童子傳之例是也初學記人事部近代有樂安任暇者十二就師學不再問一年通三經太平御覽人事部魯國孔林十歲詣臺魯相劉公稱其辯並引王璜之童子傳

幼童傳十卷 劉昭撰

梁書劉昭傳昭著幼童傳十卷初學記天部晉

明帝年數歲對元帝問長安近日近語人事部

梁國楊氏子九歲答孔君平楊梅孔雀語北堂

書鈔天部穎川庾天祐三歲在牕下戲霹靂擊

簷樹此兒晏然後漢書蔡琰傳注邕夜鼓琴絃

絕琰曰第二絃邕故斷一絃問之琰曰第四絃

並不差繆太平御覽人事部漢昭帝年五六歲

壯大武帝云類我其奇之又魏太祖年十歲浴

於譙水有蛟來逼擊蛟退畢浴而還又秦舞陽

年十二人犯必殺之莫敢忤視又張元年八歲

虧齒答狗竇戲語又謝瞻五歲能屬文通玄理

並引劉昭幼童傳

懷舊志九卷 梁元帝撰

梁書元帝紀帝著懷舊志周書顏之儀傳父協為湘東王府記室參軍梁元帝後著懷舊志稱贊其美南史齊蕭賁傳賁讀湘東王檄至偃師南望無復儲胥露寒河陽北臨或有穹廬氈帳迺曰聖制此句非為逼似如體目朝廷非關序賊王聞之大怒收付獄以餓終又著懷舊傳傳字疑以謗之極言詆毀藝文類聚人部元帝懷舊志序曰中年承乏攝牧神州蔭真長之弱柳觀茂宏之舞鶴長安羣公為其延譽扶風長者刷其羽毛日月不居零露相半獨軫魂交情深宿草故備書爵里陳懷舊焉唐志卷同

知已傳一卷 盧思道撰

唐志同胡應麟甲乙剩言曰余從都下得隋盧思道知已傳二卷上自伊尹下至六代由君相父子妻子友朋以及鬼神禽畜涉於知已者皆錄第諸葛孔明與先主最相知以為有君自取

之一語為大不知己不錄蓋有激乎其言之也

按此則是書明時尙存宋史志不載自屬闕漏

但應麟謂此書惟志有之自唐以下不復有也

亦失考

全德志一卷 梁元帝撰

梁書元帝紀帝著全德志金樓子著書篇曰全德志一表一卷金樓自撰藝文類聚人部元帝全德志序曰老子言全德歸厚莊子言全德不刑呂覽稱全德之人故以全德創其名也此志陸大夫為首伊人有學有辯不天不貧既令公侯距掌復使要荒躡角入室生光豈非盛矣若乃河宗九策事等神鉤陽雍雙壁歸元感南陽樊重高閣連雲北海公沙門人成市咨此八龍各傳一藝夾河兩郡家有萬石人生行樂止足為先寧與孟嘗聞琴承睫淚下中山聽樂悲不自禁同年而語也又論曰物我俱忘無貶廊廟之器動寂同遣何累經綸之才或出或處並以全身為貴優之游之咸以忘懷自適若此眾君子可謂得之矣唐志卷同

同姓名錄一卷 梁元帝撰

今存

列女傳十五卷 劉向撰 曹大家注

今存七卷 續傳一卷

列女傳七卷 趙母注

唐志同

列女傳頌一卷 曹植撰

唐志同文選新刻漏銘注曹植列女傳頌曰尚

卑貴禮來世作程

唐志同

唐志同

列女傳序讚一卷孫夫人撰 不著錄

見唐志舊唐志集部重出

列女後傳十卷項原撰

唐志作項宗後漢書曹娥傳注曰娥投衣於水祝曰父屍所在衣當沈衣隨流至一處而沈娥隨衣而沒衣字或作瓜見項原列女傳無後字

藝文類聚食物部吳光祿勳孟宗母太平御覽

地部吳郡許昇妻呂縈人事部劉仲敬妻桓氏

曹文叔妻夏侯氏吳沈伯陽妻顧照君丹陽華

穆妻劉桃樹吳孫奇妻范姬珠崖二義酒泉龐

孝婦趙娥潁川孫氏女河會稽翟氏女素百穀

部東平衡農妻共十二事引列女後傳皆不著

項原名

列女傳六卷皇甫謐撰

晉書皇甫謐傳謐撰列女傳藝文類聚人部會稽翟索及婢青遭賊害事初學記人部亦引之 太平御覽人事部衛義姬邵陽任延壽妻長安大

昌里人妻共引皇甫謐列女後傳初學記無後字

又御覽人事部漢中趙嵩妻張氏丹陽羅勤女

靜蜀景奇妻羅氏隄為相登妻周氏廣漢馮季

宰妻李氏廣漢王輔妻彭氏沛國劉長卿妻桓

氏沛國公孫去病妻戴氏梁夏文生妻劉娥天

水姜敘母楊氏下邳陳慳妻歷陽留子直妻戎

士陳南妻並引謐列女傳無後字 唐志卷同

列女傳八卷劉熙撰 不著錄

見新唐志

列女傳七卷葉母選撰

唐志同元和姓纂云江左有恭母選為邵陽太

守

女記十卷杜預撰

晉書杜預傳預撰女記讚史通外篇曰杜元凱撰列女記博採經籍前史顯錄古老明言而事

有可疑猶闕而不載斯豈非理存雅正心嫉邪

僻者乎太平御覽人事部漢安國侯王陵母淑

曷二寡婦陳侯氏女緜玉光武帝姊新野公主

共引杜預女記四事新唐志作列女記舊志無

列字

后妃記四卷虞通之撰 不著錄

見唐志

妒記二卷虞通之撰

宋書后妃傳宋世諸主莫不嚴妒太宗每疾之湖熟令袁愔妻以妒忌賜死使近世虞通之撰

妒婦記南史王藻傳亦載此言世說賢媛篇注桓溫

妻南郡主輕詆篇注王丞相曹夫人藝文類聚

人部謝太傅劉夫人京邑士人婦泰元中荀婦

庾氏諸葛元直妻劉氏東部武陰女嫁阮宣並

引妒記太平御覽所引略同 唐志卷同郡齋讀書

志曰古有妒記久已亡之

名僧傳三十卷釋寶唱撰

唐志入子部道家

衆僧傳二十卷裴子野撰

梁書裴子野傳子野撰衆僧傳二十卷隋志子部雜家重出唐志子部道家有子野名僧錄十五

卷

高僧傳十四卷僧惠皎撰 不著錄

見大藏目錄唐志同

續高僧三十二卷僧道宗撰 不著錄

見新唐志舊唐志三十卷作道宣大藏目錄亦作道宣

薩婆多部傳五卷釋僧祐撰

唐志道家有薩婆多部師資傳四卷

梁故草堂法師傳一卷

無撰名唐志道家有陶弘景草堂法師傳一卷

蕭同理草堂法師傳一卷文選北山移文注梁

簡文帝草堂傳曰汝南周顒以蜀草堂寺林壑

可懷乃於鍾嶺雷次宗學館立寺因名草堂亦

號山茨

尼傳二卷皎法師撰

大藏目錄有比邱尼傳四卷僧寶唱撰唐同志

列仙傳讀三卷劉向撰劉向撰孫綽撰

今存二卷

神仙傳十卷葛洪撰

今存

養性傳二卷

唐志入子部道家

漢武內傳三卷

今存

王喬傳一卷

唐志同太平御覽時序部漢永和元年十二月

夜王喬墓上探薪者見人冠衣曰我王喬也汝

莫取我墓樹忽不見此稱蔡邕王喬錄

太元真人東鄉司命茅君內傳一卷

唐志李遵撰藝文類聚太平御覽引之或稱茅

君或稱茅盈亦著李尊撰名

清虛真人王君內傳一卷弟子華存撰

唐志同太平御覽地部有太素真人王君內傳
清虛真人裴君內傳一卷

舊唐志題鄭子雲撰新唐志作鄭雲千十卷御
覽道部引之

正一真人三天法師張君內傳一卷
唐志題王萇撰

太極左仙公葛君內傳一卷

唐志題呂先生撰靈佑宮道藏目錄有太極葛
仙公傳一卷

仙人馬君陰君內傳一卷

唐志題趙昇等撰御覽地部引陰君內傳
紫陽真人周君傳一卷華嶠撰 不著錄

見唐志藝文類聚靈異部太平御覽道部引真
人周君傳

關令內傳一卷

唐志題鬼谷先生撰四皓注藝文類聚太平御
覽多引之或稱尹喜內傳

南岳夫人內傳一卷

唐志作紫虛元君南岳夫人題范邈撰藝文類
聚菓部引之

紫虛元君魏夫人內傳一卷項宗撰 不著錄

見唐志

仙人許遠遊傳一卷

唐志有王羲之許先生傳一卷 已上自王喬傳新
唐志並入子部道家

李先生傳卷亡 不著錄

太平御覽天部李先生名廣字祖和南陽人劉
備遣軍欲取先生先生起霧半天備騎自相殺

又菜部郭翻於羊渚遇神人付書一牒曰問李
先生當知我並引李先生傳

顏脩內傳卷亡 不著錄

太平御覽地部顏修內傳曰橋順字仲產有二
子曰璋曰琮師事仙人盧子基於棲霞谷

靈人辛元子自序一卷

唐志入子部道家

集仙傳十卷

太平廣記引之

洞仙傳十卷

唐志題見素子撰子部道家太平廣記引之
蘇君記一卷周季通撰

唐志入子部道家

嵩高寇天師傳一卷

唐志宋都能嵩高少室寇天師傳三卷入子部
道家

華陽子自序一卷

唐志茅處元撰入子部道家

道學傳二十卷

舊唐志作學道傳新唐志作馬樞學傳脫落道
字入子部道家太平御覽人事部道部引道學
傳共數十事文選江文通雜體詩注夏禹撰真
靈之元要集天官之寶書封以金英之函檢以
元都之印與御覽道部所引同初學記道釋部
茅山南洞有崇元觀金陵觀元曜觀元明觀此
事御覽所無

宣驗記十二卷劉善慶撰

太平御覽廣記並引宣驗記宣又作冥
初學記

鳥部藝文類聚鳥部引鸚鵡救火天神嘉感一
事與御覽羽族部同

冥祥記十卷王琰撰

唐志入子部小說太平廣記多引冥祥記御覽
兵部引何敬叔奉佛製旃檀像蟲豸沙門安
能門蜈蚣三尺自屋墮地旋迴而去二事

感應傳八卷王延秀撰

唐志入子部小說

古異傳三卷宋永嘉太守王嘉撰

唐志入子部小說

甄異傳三卷晉西戎主簿甄祥撰

唐志入子部小說太平御覽地部歷陽謝允服
用部沛郡秦拊疾病部吳興張安器服部吳縣
張君才木部沛國張伯遠果部吳縣張牧太平
廣記夢類劉沙門並引甄異傳藝文類聚樂部
吳郡陳緒家有神寄住菓部譙郡夏侯規亡後
見形還家御覽服用部樂安章沈病死將殯而
蘇妖異部徐州人吳清殺雞置雞頭在柩中忽
然而鳴並作甄異記

述異記十卷祖沖之撰

唐志入子部小說初學記人部苻健皇始四年
有長人見身長五丈武功部豫章人漆澄乘船
釣魚有物出水鱗鱗黑色長十丈太平御覽人
事部晉元興末魏郡陳氏女名琬值盧循之亂
被害又陳留周氏婢名興入山取樵見獨體目
中生草拔之並引祖沖之述異記任昉亦有述異
記故諸書所引其不著名祖沖之者不採入

異苑十卷宋給事劉敬叔撰

太平御覽廣記並引宣驗記宣又作冥
初學記

今存

搜神記三十卷千寶撰

今存

搜神後記十卷陶潛撰

今存

列異傳三卷魏文帝撰

隋志序曰魏文帝作列異以序鬼物奇怪之事後漢書光武紀注秦文公置旄頭騎初學記服食部吳選曹令史劉卓病夢人以白越單衫與之並引魏文帝列異傳他書所引多不著魏文名魏志華歆傳注引歆為諸生寄宿事臣松之案晉陽秋魏舒少時寄宿事亦如之

錄異傳卷七 不著錄

初學記禮部會稽賀瑀會得疾死三日蘇

禮儀部語小異 北堂書鈔儀飾部吳郡吳泰筮會

稽盧氏失傅山香爐又嘉興倪彥思忽見鬼魅

入其家衣冠部馬成病死一日半復得生酒食

部周時尹氏貴盛會食數千人藝文類聚天部

大雪積地洛陽令案行至袁安門見安僵臥初

學記天部亦引之 寶玉部陳昭善易臨終書板授

其妻御覽方術部珍寶部並同 並引錄異傳太平御

覽所引亦皆敘鬼物事惟尹氏袁安二事與錄

異似不相涉袁安事汝南先賢傳亦載之陳昭

事晉書藝術傳取之史記秦本紀正義引秦置

旄頭騎事稱錄異傳御覽時序部同 藝文類聚獸

部作列異傳初學記人部廬陵商人過彭澤湖

見青洪君乞如願事稱錄異傳 御覽人事部同作

傳御覽時序部作錄異記

靈鬼志三卷荀氏撰

世說方正篇注明帝初謠歌容止篇注明帝末謠歌傷逝篇注文康鎮武昌民謠忿狷篇注桓石民為荊州鎮民謠並引靈鬼志謠徵似謠徵乃志中分篇太平御覽兵部泰元中有道人從外國來多術法嘗行見一人擔小籠子語擔人欲寄君擔方術部亦引之 人事部濡須口有大船覆在水中漁人夜宿其傍聞絃管之音方術部石虎時有道人驅驢於深山中為鬼所奪疾病部榮陽郡有廖姓累世為蠱雜物部有鄒姓坐齋中忽有人通刺詣之題云舒甄仲獸部陳安嘗乘一駿馬死雙赤蛇出其鼻此所引靈鬼志皆記怪異惟兵部引關中歌陳安曰隴上健兒字陳安面狹頭細腹中寬丈八蛇矛左右盤

藝文類聚軍器部北堂書鈔武功部並同 此與志鬼不類

志怪二卷祖台之撰

晉書祖台之傳台之撰志怪書行於世唐志四

卷入子部小說史通雜述篇曰若祖台志怪干

寶搜神劉義慶幽明錄劉敬叔異苑此之謂雜

記者也

志怪四卷孔氏撰

文苑英華顧況戴氏廣異記序稱孔慎言神怪

志世說方正篇注盧充與崔少府女幽婚巧藝

篇注荀勗以寶劍付妻又荀勗畫巧妙之極排

調篇注干寶母葬寶父推婢藏中經十年開墓

而蘇初學記州郡郡義與白額獸溪渚蒼蛟並

周處為三害世說自新篇白額獸作邪足虎 鳥部楚

文王好田有一人獻一鷹能制大鵬鵠藝文類

聚木部會稽盛逸晨與見柳樹上有人長二尺餘以舌舐葉露太平御覽鱗介部會稽史謝宗赴吳中有女子來船欲市佳絲因求寄載船人掩之得一物大如枕又沙門竺僧瑤得神符治廣陵王家女病邪並引孔氏志怪不著慎言名唐志亦稱孔氏入子部小說

志怪卷七曹毗撰 不著錄

初學記地部太平御覽地部並引曹毗志怪言

漢武鑿昆明池極深悉是灰墨無復土東方朔

曰可問西域人至後漢明帝時外國道人入洛

試問之答曰經云天地大劫將盡則劫燒此劫

燒之餘

神錄五卷胡之遷撰

唐志入子部小說

齊諧記七卷宋散騎侍郎東陽無疑撰

今存

續齊諧記一卷吳均撰

今存

幽明錄二十卷劉義慶撰

此書見引甚多幽明或作幽冥史通言唐修晉

書多取幽明錄今考太平御覽所引如人事部

石勒問佛圖澄擒劉曜兆謝安石夢乘桓溫與

行見白雞而止魏武帝夢三馬食一槽王茂宏

夢人以百萬錢買大兒長豫此類皆晉書所取

資唐志三十卷入子部小說

補續冥祥記一卷王曼穎撰

唐志十一卷入子部小說

漢武洞冥記一卷郭氏撰

今存

今存

嘉瑞記三卷 陸瓊撰

陳書陸瓊傳初瓊父雲公奉梁武帝勅撰嘉瑞記瓊述其旨而續之自永定迄於至德勒成一

家之言

祥瑞記十卷

無撰名唐志子部雜家有顧野王祥瑞圖十卷

別有符瑞圖十卷祥作符字訛

符瑞記十卷 許善心撰

靈異記十卷

隋書許善心傳煬帝嘗言及高祖受命之符因問鬼神之事勸善心與崔祖璿撰靈異記十卷按此與志相符志脫撰名

研神記十卷 蕭繹撰

唐志同

旌異記十五卷 侯君素撰

北史李文博傳同郡侯白字君素著旌異記十

五卷 隋書附陸爽傳 太平御覽釋證部引侯君素

旌異記高齊初沙門寶公從林慮山向白鹿山

因迷失道趨見石趙時佛圖澄法師所造靈隱

寺事 太平廣記釋證類同唐志入子部小說

近異錄二卷 劉質撰

唐志入子部小說

鬼神列傳一卷 謝氏撰

太平御覽兵部引謝氏鬼神列傳下邳陳超為

鬼君弼所逐唐志入子部小說

志怪記三卷 植氏撰

北堂書鈔帝王部客星通座又宗正卿會稽謝

謨夜飲忽見人被髮求飲二事並引志怪記而

不著植氏又衣冠部建康小吏曹著為廬山使

君所迎配以文婉事稱志怪錄太平御覽人事

部石季倫母喪王戎入臨殯見鬼攘臂行搥鑿

禮儀部陶侃微時遭喪逢老公指牛眠處作墓

二事並稱志怪集

周氏冥通記一卷

靈佑宮道藏目錄洞真部周氏冥通記四卷

集靈記二十卷 顏之推撰

唐志十卷入子部小說太平御覽服用部引集

靈記琅邪王諱亡後數年見形於妻事

冤魂志三卷 顏之推撰

今存本稱還冤志

皇隋靈感志十卷 王劭撰 不著錄

唐志入子部小說北史王劭傳劭採民間歌謠

引圖書識緯依約符命据撫佛經撰為皇隋靈

感志 隋書劭傳作開皇隋靈感志三十卷

漢時阮倉作列仙圖

後漢光武詔南陽撰作風俗故沛三輔有著舊節

士之序

文苑英華策問京兆耆舊之篇起於何代陳留

神仙之傳創自何人許南容對京兆耆舊光武

創其篇陳留神仙阮倉述其事李令琛對京兆

耆舊之篇創於光武陳留神仙之傳起自阮倉

隋書經籍志考證

清姚振宗撰

目錄

卷首敍錄

敍四部源流第一

敍本志譌入第二

敍本志體製第三

敍諸家評論第四

敍章氏考證第五附新譌略例

第一卷經部一

易類

第二卷經部二

書類

第三卷經部三

詩類

第四卷經部四

禮類

第五卷經部五

樂類

第六卷經部六

春秋類

第七卷經部七

孝經類

第八卷經部八

論語類

第九卷經部九

異說類

第十卷經部十

小學類

第十一卷史部一

正史類

第十二卷史部二

古史類

第十三卷史部三

雜史類

第十四卷史部四

霸史類

第十五卷史部五

起居注類

第十六卷史部六

舊事類

第十七卷史部七

職官類

第十八卷史部八

儀注類

第十九卷史部九

刑法類

第二十卷史部十

雜傳類

第二十一卷史部十一

地理類

第二十二卷史部十二

譜系類

第二十三卷史部十三

簿錄類

第二十四卷子部一

儒家類

第二十五卷子部二

道家類

第二十六卷子部三

法家類

第二十七卷子部四

名家類

第二十八卷子部五

墨家類

第二十九卷子部六

從橫家類

第三十卷子部七

雜家類

第三十一卷子部八

農家類

第三十二卷子部九

小說家類

第三十三卷子部十

兵法類

第三十四卷 子部十一

天文家類

第三十五卷 子部十二

曆數家類

第三十六卷 子部十三

五行家類

第三十七卷 子部十四

醫方家類

第三十八卷 集部一

楚辭類

第三十九卷 集部二之一

別集類一 楚漢人文

第四十卷 集部二之二

別集類二 後漢人文

第四十一卷 集部二之三

別集類三 三國人文

第四十二卷 集部二之四

別集類四 晉中朝人文

第四十三卷 集部二之五

別集類五 晉江左人文

第四十四卷 集部二之六

別集類六 宋代人文

第四十五卷 集部二之七

別集類七 齊代人文

第四十六卷 集部二之八

別集類八 梁代人文

第四十七卷 集部二之九

別集類九 北魏人文

第四十八卷 集部二之十

別集類十 北齊人文

第四十九卷 集部二之十一

別集類十一 後周人文

第五十卷 集部二之十二

別集類十二 陳代人文

第五十一卷 集部二之十三

別集類十三 隋朝人文

第五十二卷 集部三

總集類

後序

隋書經籍志考證

王隱晉書曰鄭默字思元為祕書郎刪省舊文除其浮穢著魏中經簿中書令虞松謂默曰而今而後朱紫別矣初學記職官部

梁阮孝緒七錄敘目曰魏晉之世文籍逾廣皆藏在祕書中外三閣祕書郎鄭默刪定舊文時之論者謂為朱紫有別晉領祕書監荀勗因魏中經更著新簿雖分為十有餘卷而總以四部別之

本志序曰魏氏代漢采掇遺亡藏在祕書中外三閣魏祕書郎鄭默始制中經祕書監荀勗又因中經更著新簿分為四部總括羣書一曰甲部紀六藝及小學等書二曰乙部有古諸子家近世子家兵書兵家術數三曰丙部有史記舊事皇覽簿雜事四曰丁部有詩賦圖贊汲冢書

按鄭默撰魏中經荀勗因之著新簿名之曰中經新簿蓋沿用鄭默舊名也然則四部之體發端於鄭而論定於荀荀鄭同時人二人所撰先後相去十餘年其時唯以甲乙丙丁為部尚未有經史子集之名鄭默見晉書鄭袤傳荀勗中經簿別詳史部簿錄篇

齊臧榮緒晉書曰李充字弘度為著作郎時典籍混亂充刪除煩重以類相從分為四部甚有條貫祕閣以為永制五經為甲部史記為乙部諸子為丙部詩賦為丁部文選王文憲集序注唐修晉書文苑李充傳刪去後四語

七錄敘目又曰江左草創十不一存後雖鳩集淆亂已甚及著作佐郎李充始加刪正因荀勗舊簿

四部之法而換其乙丙之書沒略衆篇之名總以甲乙為次自是厥後世相祖述又古今書最曰晉元帝書目四部三百五卷三千一十四卷本志序又曰東晉之初著作郎李充以勗舊簿校之其見存者但有三千一十四卷充遂總沒衆篇之名但以甲乙為次自爾因循無所變革

按七錄敘目所載晉元帝書目即李充所編充以典籍無多不能分別門類故但以經史子集提其綱

宋晁公武郡齋讀書志序曰劉歆始著七略至荀勗更著新簿其後歷代所編書目如王儉阮孝緒之徒咸從歆例謝靈運任昉之徒咸從勗例唐之分經史子集藏於四庫是亦祖述勗而加詳焉歐陽公謂其始於開元誤矣

按唐書藝文志序云至唐始分為四類曰經史子集此說非是晁志稱歐陽公云云者即指此事

嘉定錢大昕元史藝文志序曰晉荀勗撰中經簿始分甲乙丙丁四部而子猶先於史至李充為著作郎重分四部而經史子集之次始定厥後王亮謝朓任昉殷鈞撰書目皆循四部之名雖王儉阮孝緒分而為七祖暉別而為五然隋唐以來志經籍藝文者大率用李充部署而已

按晁志言四部本末固善矣而錢氏發前人所未發尤為精覈四部之體不始於本志而四部之書之存於世者則唯本志為最古矣以上敘四部源流第一

唐李延壽南北史敘傳曰貞觀十七年尙書右僕

射褚遂良時以諫議大夫奉勅修隋書十志復準勅召延壽撰錄

又李延壽上南北史表曰梁陳齊周隋五書是貞觀中勅撰以十志未奏本猶未出然其書及志始末是臣所修

舊唐書令狐德棻附傳李延壽者本隴西著姓世居相州貞觀中累補太子典膳丞崇賢館學士嘗受詔與著作佐郎敬播同修五代史志

唐劉知幾史通正史篇初太宗以梁陳及齊周隋氏並未有書乃命學士分修書成下於史閣唯有十志斷為三十卷尋擬續奏未有其文又詔左僕射于志寧太史令李淳風著作郎韋安仁符璽郎李延壽同撰其先撰史人唯令狐德棻預其事太宗崩後刊勒始成其篇第雖編入隋書其實別行俗呼為五代史志

按此以成書在後故有似乎別行其實不盡然他不具論第觀本志於隋人書皆不著隋字與前朝分別時代各冠以漢魏吳晉等字者其例迥殊是當屬稿之初已議定編入隋書矣若意在別行不與紀傳相屬則亦當一律冠以隋字也此亦一明證焉

唐書藝文志姚思廉梁書五十六卷陳書三十六卷皆魏徵等同撰李百藥北齊書五十卷令狐德棻後周書五十卷隋書八十五卷志三十卷顏師古孔穎達于志寧李淳風韋安仁李延壽與德棻敬播趙弘志魏徵等撰

四庫提要曰貞觀十五年又詔脩梁陳齊周隋五

代史志顯慶元年長孫無忌上進案宋刻隋書之後有天聖中校正舊跋稱舊本每卷分題十志內惟經籍志題侍中鄭國公魏徵撰今從衆本所載紀傳題以徵志題無忌云云是此書每卷所題撰人姓名至天聖中重刊始定以領修者爲主分題徵及無忌也

按本志天聖以前本題唐侍中鄭國公臣魏徵等撰今本題唐太尉揚州都督監修國史上柱國趙國公長孫無忌等撰按李延壽上表言十志是臣所修此斷非虛語舊唐書言延壽受詔與敬播同修亦斷非虛事史通云太宗使魏徵總知其務凡有贊論徵多預焉此言五史紀傳之論贊與本志或不相涉至唐經籍志言開元三年整比內庫書籍所用書序咸取魏文貞所分書類皆據隋經籍志斯則明言魏文貞撰書序矣書序者即本志大小序四十八篇猶紀傳之有論贊也大抵是志初修於李延壽敬播有網羅彙聚之功刪訂於魏鄭公有披荆剪棘之實撰人可考見者凡三人舊本題魏徵等撰徵實可信也以

上敘本志撰人第二
本志總序曰今考見存分爲四部合條爲一萬四千四百六十六部有八萬九千六百六十六卷其舊錄所取文義淺俗無益教理者並刪去之其舊錄所遺辭義可采有所弘益者咸附入之遠覽馬史班書近觀王阮志錄揭其風流體制削其浮雜鄙俚離其疏遠合其近密約文緒義凡五十五篇

各列本條之下以備經籍志雖未能研幾探蹟窮極幽隱庶乎弘道設教可以無遺闕焉

按此言五十五篇者凡經部十篇史部十三篇子部十四篇集部三篇合四十四篇附以道經四篇佛經十一篇綜凡五十五篇也

又按五十五篇各列本條之下者謂所作篇序也今考道佛二錄但條舉大綱而繫以序各一篇實無所謂五十五篇者以意推尋殆先朝舊錄道佛十五篇篇各有序初意欲附存其目刪存其序與四十篇之例一律庶幾與七錄之例亦略從同既而四部正文已滿四卷不欲再加卷裝以此二錄本在四部之外可以從省故但附總最以畢其事不及追改總序之文歟今所存卷首總序一篇四部後序四篇分類小序四十篇道佛序二篇又後序一篇實止於四十八篇

本志經部敘曰班固列六藝爲九種或以緯書解經合爲十種

按唐六典曰祕書郎掌四部之圖籍分庫以藏之以甲乙景丁爲之部甲部爲經其類有十一曰易以紀陰陽變化二曰書以紀帝王遺範三曰詩以紀興衰誦歎四曰禮以紀文物體制五曰樂以紀聲容律度六曰春秋以紀行事褒貶七曰孝經以紀天經地義八曰論語以紀先聖微言九曰圖緯以紀六經讖候十曰小學以紀字體

聲韻

本志史部敘曰班固以史記附春秋今開其事凡三十種別爲史部按三十種爲十三種之寫誤

按唐六典曰乙部爲史其類一十有三一曰正史以紀紀傳表志二曰古史以紀編年繫事三曰雜史以紀異體雜記四曰霸史以紀僞朝國史五曰起居注以紀人君動止六曰舊事以紀朝廷政令七曰職官以紀班序品秩八曰儀注以紀吉凶行事九曰刑法以紀律令格式十曰雜傳以紀先賢人物十一曰地理以紀山川郡國十二曰譜系以紀氏族繼序十三曰略錄以紀史策條目

本志子部敘曰漢書有諸子兵書數術方伎之略今合而敘之爲十四種謂之子部

按唐六典曰景部爲子其類一十有四一曰儒家以紀仁義教化二曰道家以紀清淨無爲三曰法家以紀刑法典制四曰名家以紀循名責實五曰墨家以紀強本節用六曰從橫家以紀辯說譎詐七曰雜家以紀兼衆說八曰農家以紀播植種藝九曰小說家以紀芻蕘輿誦十曰兵法以紀權謀制變十一曰天文以紀星辰象緯十二曰曆數以紀推步氣朔十三曰五行以紀卜筮占候十四曰醫方以紀藥餌鍼灸

本志集部敘曰班固有詩賦略凡五種今引而伸之合爲三種謂之集部

按唐六典曰丁部爲集其類有三一曰楚辭以紀騷人怨刺二曰別集以紀辭賦雜論三曰總集以紀類分文章凡六典所載四部門類並與本志篇目相同惟經部第九圖緯本志作異說史部第十三略錄本志作簿錄爲小異耳唐人諱丙故改丙部爲景部

本志道佛篇敍曰道佛者方外之教聖人之遠致也俗士爲之不通其指多難以迂怪假託變幻亂於世斯所以爲弊也故中庸之教是所罕言然亦不可誣也故錄其大綱附於四部之末

按道經大綱分類凡四曰經戒曰餌服曰房中曰符籙佛經大綱分類十有一曰大乘經曰小乘經曰雜經曰雜疑經曰大乘律曰小乘律曰雜律曰大乘論曰小乘論曰雜論曰記大業中有寶臺法藏目錄及玄門寶海別詳子部雜家即此道佛二錄之所由來也

唐書經籍志序曰毋啖等撰集羣書四錄依班固漢書藝文志體例諸書隨部皆有小序發明其指近史官撰隋書經籍志其例亦然又曰開元三年詔左散騎常侍褚无量馬懷素整比內庫經籍所用書序或取魏文貞所分書類皆據隋經籍志

按晉宋以來爲四部書目者多矣至唐初而總覈會歸定爲四十篇名之曰經籍志以七錄敍目校之唯史部之正史古史雜史起居注四篇不用阮例餘或合并篇目或移易次第大略相同當時極重其書至

著於今爲祕書省所有事祕書郎職掌之并取其事類著之於六典雖爲前代志經籍亦即爲當代立法程蓋亦唐一代之故事也毋啖既與脩六典又與脩羣書四部錄皆悉遵是志而無所遠越羣書四錄不可見見於唐經籍志其於經部分出經解訓詁二類又於子部分出藝術類事經脈三類其餘雖分合或不

同大致略無所異是唐之官師法守由來久矣縱後世遞有變通亦範圍不過也以上敍本志體製第三

隋書牛弘傳開皇初授祕書監弘以典籍遺逸上表請開獻書之路於是下詔獻書一卷賚縑一匹一二年間篇籍稍備

按弘上表言秦火以來書遭五厄爲考古者所依據後之論者稱其有功典籍不讓王儉阮孝緒有開皇四年四部書目四卷詳見簿錄篇即其爲祕書監時之職業也亦即爲本志藍本之一弘有文集詳別集類

北史儒林劉炫傳炫除殿內將軍時牛弘奏請購求天下遺逸之書炫遂僞造書百餘卷題爲連山易魯史記等錄上送官取賞而去後有人訟之經赦免死坐除名

三部者易類蕭子政周易義疏一書既別出繫辭義疏三卷又別有繫辭義疏二卷禮類徐廣禮論答問一書既著錄八卷又別出十三卷樂類蕭吉樂譜集一書又別出樂論一卷春秋類干寶崔靈恩劉炫三家之書皆與序分別著錄若此者雖或由本志從諸家書目節節抄入亦未始非常

時離析篇目之所致傳氏之言或有所受劉氏僞造之書又有孝經孔氏傳詳見本條

史通書志篇曰漢書之志藝文也蓋欲廣列篇名示存書體而已文字既少披閱易周故雖乖節文而未甚穢累既而後來繼述其流日廣四部七錄中經祕閣之輩莫不各踰三篋自成一家而近世倍前修非惟循覆車而重軌亦復加闊眉以半額者矣但自史之立志非復一門其理有不安多從沿革唯藝文一體古今是同詳求厥義未見其可愚謂凡撰志者宜除此篇

按劉氏於藝文一志未嘗詳究其體用故其言如此經義考及四庫提要皆糾之詳見後方

又因習篇曰當晉宅江淮實膺正朔嫉彼羣雄稱爲僭盜故阮氏七錄以田范裴段諸記劉石苻姚等書別類一名題爲僞史及隋氏受命海內爲家國靡愛憎人無彼我而世有撰隋書經籍志者其流別羣書還依阮錄案國之有僞其來尙矣如杜宇作帝句踐稱王孫權建鼎峙之業蕭管爲附庸

之主而揚雄撰蜀記子貢著越絕虞傳江表蔡述後梁考斯衆作咸是偽書自可類聚相從何止取東晉一世十有六家而已乎

按本志史部霸史篇所載有吐谷渾記宋人撰又有天啓記梁陳時人撰又附載梁有翟遼書皆在十六國之外實不止東晉一代十六家之書

宋鄭樵通志校讎略曰隋志於禮類有喪服一種雖不別出而於儀禮之後自成一類以喪服者儀禮之一篇也後之議禮者因而講究遂成一家之書尤多於三禮故爲之別異可以見先後之次可以見因革之宜而無所紊濫

又曰隋志每於一書而有數種學者雖不標別然亦有次第如春秋三傳雖不分爲三家而有先後之列先左氏次公羊次穀梁次國語可以次類求按本志於此等處皆據七錄而取則班書遠有所受者也

又曰隋志於他類祇注人姓名不注義說可以觀類而知義也如史家一類正史編年各隨朝代朝代易明不言自顯至於雜史容有錯雜其間故爲之注釋其易知者則否惟霸史一類紛紛如也故一一具注蓋有應釋者有不應釋者不可執一概之論

按本志正史古史二類亦略有所釋非如此所云云也

又曰隋志所類無不當理然亦有錯收者諡法三部已見經解類矣而汝南君諡議又見儀注何也按本志何嘗有經解一類唯論語篇敘云

并五經總義附於此篇雖後人改爲經解而本書實無經解之目當云論語或五經又儀注篇所載爲汝南君諡議非諡議當是魏晉諡議之誤爾

又曰隋志分類不考故亦有重複者嘉瑞記祥瑞記二書既出雜傳又出五行諸葛武侯集誠衆賢誠曹大家女誠正順志娣奴訓女誠女訓凡數種書既出儒家又出總集衆僧傳高僧傳梁王大捨記法藏目錄玄門寶海等書既出雜傳又出雜家如此三種實由分類不明是致錯誤若乃陶宏景天儀說要天文類中兩出趙敷甲寅元曆序曆數類中兩出黃帝飛鳥曆與海中仙人占災祥書五行類中兩出庚季才地形志地理類中兩出凡此五書是不校勘之過也

按本志五行家無嘉瑞記儒家亦無女訓法藏目錄玄門寶海亦雜傳篇所無地形志乃兩見於五行非地理

又曰古之編書以人類書何嘗以書類人哉人則於書之下注姓名耳唐志一例削注一例大書遂以書類人大有相妨若用隋志例以其人之姓名著注於其下無有不安之理

按是說切中新唐書之病以書類人則書之部居亂三禮三傳最易部署本志倫貫有緒新志則琴如亂絲矣

宋高似孫子略曰隋代羣書始開皇三年牛宏表請搜訪於是異書間出平陳後經籍稍備隋志之作盡出瀛洲學士之手可謂極一時史筆之妙而志甚淆雜乏證彙之工

明焦竑隋經籍志糾繆曰夏小正入禮非改時令五經正名等二十九種入論語非改經解洞紀等十一種入雜史非改通史後周太祖號令入起居注非改制詔竹譜錢譜入譜系非改食貨書品畫錄入簿錄非改藝術皇覽類苑華林遍略入雜非改類家衆僧傳高僧傳入雜非改釋家

按此附所作國史經籍志之後者所云時令經解通史制詔食貨藝術類家釋家八名目皆非本志所有以後來雜出之目例之前史未見其然夏小正本志次大戴記之後猶喪服之次儀禮而以爲非是不足與辯五經正名等書本志篇敘已明言并五經總義附於此篇矣洞紀等書篇敘亦明言抄撮舊史備而存之矣是皆類中分類無所爲非也章氏校讎通義謂焦某不知古人類例稿中其病其所條甚多大抵以通志藝文略爲不傳之祕皆虛浮無當故不具

秀水朱彝尊經義考著錄篇曰班固漢書依七略作藝文志誠良史用心而史家體例之不可少者也其後唯袁山松撰後漢書有藝文志顧不傳自晉以下國史皆無述焉至隋書始勒成經籍志附著七錄之目於下經典藉是略存而劉知幾史通反誦之謂騁其饒富凡撰志者宜除此篇抑何見之褊乎

四庫提要曰周禮太史掌國之六典小史掌邦國之志則史官兼司掌故古之制也子元之意惟以褒貶爲宗餘事皆視爲枝贅故表曆書志兩篇於

之志則史官兼司掌故古之制也子元之意惟以褒貶爲宗餘事皆視爲枝贅故表曆書志兩篇於

班馬以來之舊例一一排斥多欲刪除尤乖古法
史部史評類史通條

又曰經籍志編次無法述經學源流每多乖誤如以尙書二十八篇爲伏生口傳而不知伏生自有書教齊魯間以詩序爲衛宏潤益而不知傳自毛亨以小戴記有月令明堂位樂記三篇爲馬融所增益而不知劉向別錄禮記已載此三篇在十志中爲最下然後漢以來之藝文惟藉是以考見源流辨別真僞亦不以小疵爲病矣 史部正史類隋書條

謹按提要所指三事皆書類詩類禮類篇敍中之文其禮類篇敍有云戴聖刪大戴之書爲四十六篇謂之小戴記漢末馬融遂傳小戴之學融又足月令一篇明堂位一篇樂記一篇合四十九篇按通典禮類序引此文足字實定字之誤謂馬氏於小戴所定四十六篇則仍其舊唯此三篇不從小戴所取故又重定其本仍合爲四十九篇推其意似欲分別言之然總不當云四十六篇也至其編次無法類皆有之詳見諸篇

又曰漢書藝文志本劉歆七略而作班固已有自注隋書經籍志參考七錄互注存佚亦沿其例唐書於作者姓名不見紀傳者尙間有注文以資考核後來得見古書之崖略實緣於此 史部目錄類崇文總目條
又曰隋志著錄凡於全經之內專說一篇者如易類之繫辭注乾坤義書類之洪範五行傳古文舜

典禮類之夏小正月令章句中庸傳等皆與說全經者通敍先後俾條貫易明 前類經義考條

謹按此亦據七錄皆漢藝文舊例班氏本之七略者也

又曰漢藝文志無史名戰國策史記均附見於春秋厥後著作漸繁隋志乃分正史古史霸史諸目然梁武帝元帝實錄列諸雜史義未安也 史部別史類小序

又曰雜史之目肇於隋書蓋載籍既繁難於條析義取乎兼包衆體宏括殊名故汲冢璣語王嘉拾遺記得與魏尙書梁實錄並列不爲嫌也 史部雜史類小序

又曰史鈔至宋志始自立門然隋志雜史類中有史要十卷漢桂陽太守衛颯撰約史記要言以類相從又有三史略吳張溫撰自後專鈔一史者有葛洪漢書抄張緬晉書抄合抄衆史者有阮孝緒正史削繁各若干卷則其來已古矣 史部史鈔類小序

謹按本志雜史類自衛颯史要以下二十九種書皆抄撮舊史之屬篇敍言之甚明詳見本篇是卽後史之史鈔提要已顯揭之矣

又曰五馬南浮中原雲擾偏方割據各設史官其事蹟亦不容泯滅故阮孝緒作七錄僞史立焉隋志改稱霸史 史部載記類小序
又曰古書無以數人之書合爲一編而別題以總名者惟隋志載地理書一百四十九卷錄一卷注云陸澄合山海經以來一百六十家以爲此書又

載地記二百五十二卷注曰梁任昉增陸澄之書八十四家以爲此記是爲叢書之祖然猶一家言也 子部雜家類雜編案語

謹按本志地理類之前已有陸任二家雜傳各若干卷皆不注所集家數與地理類例不畫一此二類編次無法實拘泥二家之書之故也詳見本條

又曰隋志以秦會稽刻石及諸石經皆入小學又曰隋志以法書名畫列入目錄又曰隋志歌器圖猶附小說象經基勢猶附兵家又曰譜系本陳族姓而未載竹譜錢圖是皆明知其不安而限於無類可歸又復窮而不變故支離顛舛遂至於斯史部目錄類案語子部雜家案語譜錄類小序

又曰隋志集部以楚辭別爲一類歷代因之蓋漢魏以下賦體既變無全集皆作此體者他集不與楚辭類楚辭亦不與他集類體例既異理不得不分著也 集部楚辭類小序

又曰集始於東漢荀況諸集後人追題也其自製名者始於張融玉海集其區分部帙則江淹有前集有後集梁武帝有詩賦集有文集有別集梁元帝有集有小集謝朓有集有逸集與王筠之一官一集沈約之正集百卷又別選集略三十卷者其體例均始於齊梁蓋集之盛自是始也然隋唐志所著錄宋志已十不存一 集部別集類小序

又曰梁阮孝緒作七錄以二氏之文別錄於末隋書遵用其例亦附於志末有部數卷數而無書名字部釋家類小序

嘉定錢大昕隋書考異曰經籍志經部孔穎達詩

正義序稱全綏劉軌思劉醜劉焯俱有義疏春秋正義引衛冀隆難杜秦道靜釋蘇寬義疏劉炫規過賈公彥儀禮疏稱黃慶李孟愨二家章疏陸德明經典釋文有周宏正周禮音已上諸書唐初儒者皆見之而隋志不載并不在亡書之數何也又沈重毛詩音二卷周禮音一卷儀禮音一卷禮記音二卷儀禮義三十五卷喪服經義五卷樊深孝經問疑一卷熊安生周禮義疏廿卷禮記義疏四十卷孝經義疏一卷見於周書明克讓孝經義疏劉焯五經述議劉炫春秋攻昧十卷何妥孝經義疏三卷辛德源集注春秋三傳三十卷張冲孝經義三卷劉善經四聲指歸一卷見於隋書而志皆遺之或謂志所錄者僅唐初所收東都圖籍湮沒之餘固宜漏落然史臣自言於舊錄之外更有附入則有附有否難辭掛漏之咎矣

按劉善經四聲指歸一卷本志小學家著錄於沈約四聲之前錢氏蓋偶未見也唐初所收圖籍在唐經籍志不在本志本志所錄據隋人見存書目非一一見其書而著之也詳見後序

又曰史部之見於列傳者如于仲文漢書刊繇三十卷張冲前漢書音義十二卷許善心梁書七十卷榮建緒齊紀三十卷杜臺卿齊紀廿卷王仰齊書紀傳百卷平賊記三卷皇隋靈感志三十卷柳晉晉王北伐記十五卷明克讓古今帝代記一卷續名僧記一卷宇文愷東都圖記廿卷明堂圖議二卷劉善經酬德傳三十卷諸劉譜三十卷諸葛穎洛陽古今記一卷志皆遺之

又曰子部之見於列傳者如何安莊子義疏三卷辛德源注揚子法言廿三卷張暎道言五十二篇王仰讀書記三十卷柳晉法華元宗廿卷劉焯稽極十卷曆書十卷諸葛穎馬名錄二卷來和相經四十卷耿詢鳥情占一卷蕭吉宅宅經八卷葬經六卷相手法要決一卷太一立成一卷臨孝恭敬器圖三卷九宮五墓一卷遯甲月令十卷元辰經十卷元辰厄一百九卷百怪書十八卷祿命書二十卷九宮龜經一百十卷太一式經三十卷孔子馬頭易卜書一卷劉祐觀臺飛候六卷元象要記五卷律曆術文一卷婚姻志三卷式經四卷四時立成法一卷安曆志十二卷歸正易十卷志皆遺之按張暎父羨周太祖賜姓叱羅氏故亦稱叱羅羨所著道言五十二篇本志著錄子部雜家詳見本條羨之事蹟隋書附見其子暎傳首故錢氏以為張暎其實非也

又曰集部之見於列傳者如李文博治道集十卷明克讓集廿卷劉臻集十卷庾自直集十卷孫萬壽集十卷志皆遺之

按本志總集類有政道集十卷不著撰人蓋即李文博之治道集詳見本條又按本志總序篇序每云今據見存所謂見存者據隋人見存官私書目或亦據唐初人見存書目觀其載及陸德明周易并注音周易大義江灌爾雅音曹憲廣雅音皇甫遵吳越春秋傳參解楚辭表矩開業平陳記蔡元恭并州入朝道里記虞世南北堂書鈔孫思邈龜上五兆動搖決五兆

算經甄權甄立言兄弟醫書本草宋使經心錄則并及唐初近時人或亦見隋人書目或由史官別自采入猶班氏錄及東漢杜林之倉頡訓故也錢氏所舉四部遺漏但就周隋二史約略言之耳若合五史紀傳之所載則所遺不知凡幾

又曰志中一書而重出者如京相璠春秋土地名三卷一見春秋類一見地理類李概戰國春秋二十卷一見古史一見霸史裴子野衆僧傳一見雜傳一見雜家諸葛武侯集誠等七書俱一見雜家一見總集又如服虔春秋漢議駁兩收於春秋類趙歐甲寅元曆序兩收於曆數類庾季才地形志兩收於五行類皆史臣舛疏之失唐宋而後志藝文者重複益甚矣

按重出之書鄭氏錢氏所舉之外又有無名氏周易玄品既見易家又見五行無名氏新舊傳王延秀感應傳既見雜傳又見雜家無名氏正流論既見簿錄又見總集又如鄭氏駁何氏漢議春秋類中兩見顧夷吳郡記載祚西征記地理類中兩見至於五行家遁甲一類之書分前後兩起類皆重複醫家後半篇自全元起素問注本之後重複尤夥悉數之不能盡又所注梁有亡書往往見於他類著錄亡而不亡並詳見於各條

又曰阮孝緒七錄撰於梁普通中志所云梁者阮氏書也按七錄序目題普通四年別詳史部簿錄

篇志中所注稱梁武帝簡文帝梁元帝之
諡必非七錄本文自是後人追改他如朱
異蕭子顯陶宏景何胤劉鼓劉潛諸家皆
並時之人或卒於阮氏之後而志皆附載
其書亦曰梁有以七錄序目從橫家驗之
知其采宋齊梁陳四代書目而亦注梁有
春秋三傳類中尙存有一條以五代史志託
始於梁也不盡是七錄也詳見子部從橫
家類末 大抵宋齊書目所有者梁代諸家書目無
不有之故概以梁有括之也

又曰漢魏至宋齊九卿官名皆不繫以卿字至梁
乃有司農卿少府卿之稱此志載魏司農卿董遇
吳太常卿徐整晉少府卿華嶠魏衛尉卿應璩晉
衛尉卿石崇晉太常卿潘尼晉太僕卿王嶠宋太
常卿蔡廓之類皆史臣不諳官制以意增之

按梁武帝按四時置十二卿始於天監七
年見隋書百官志錢氏之意謂南朝人是
年之後方可繫以卿字雖世俗或有是稱
未可形之於史文也

又十駕齋養新錄曰隋書經籍志遺漏晉灼漢書
集解十四卷宋孝王關東風俗傳 又曰晉灼集
解十四卷不載於隋志顏師古所謂東晉迄於梁
陳南方學者皆未之見王阮既未著錄故隋志遺
之也

按本志正史類漢書集注十三卷晉灼撰
錢氏一再言遺漏非也宋孝王關東風俗
傳六十三卷志實遺之
又按本志所遺如任孝恭古文尙書大義

二十卷王儉尙書音義四卷公羊音二卷
陸德明經典釋文三十卷張揖三倉訓詁
三卷諸葛穎桂苑珠叢一百卷葛洪要字
苑一卷王愔文字志三卷崔浩漢書音義
二卷顏游秦漢書決疑十二卷孔衍漢尙
書十卷後漢尙書六卷魏尙書十四卷漢
春秋十卷後漢春秋六卷後魏春秋九卷
春秋時國語十卷春秋後國語十卷 本志
唯有魏尙書八卷漢魏春秋九卷似非其原編 鄧

蔡晉陽秋三十二卷蔡允恭後梁春秋十
卷鮑衡卿宋春秋二十卷胡沖吳朝人士
品秩狀八卷吳曆六卷虞溥江表傳五卷
裴矩鄴都故事十卷吳均吳郡錢塘先賢
傳五卷陽休之幽州古今人物志三十卷
梁武帝孝子傳三十卷袁淑算隱傳二卷
宗躬止足傳十卷齊竟陵王子良止足傳
十卷 似即宗躬書其官屬也 宗躬齊永明律
八卷北齊麟趾格四卷晉太康土地記十
卷州郡縣名五卷梁元帝職貢圖一卷王
範交廣二州記一卷邱賓卿梁天監四年
書目四卷殷淳四部書敍錄三十九卷劉
杳古今四部書目五卷王劭隋開皇二十
年四部書目四卷顏之推家訓七卷范望
注太玄經十二卷衛元嵩齊三教論七卷
陸士衡要覽三卷范子計然十五卷尹都
尉書三卷稽含南方草木狀三卷宗懷荆
楚歲時記一卷杜公瞻荆楚歲時記二卷
諸葛穎種植法七十七卷又相馬經六十

卷侯白啓顏錄十卷裴子野類林三卷張
華列異傳一卷虞勃鼎錄一卷陶宏景刀
劍錄一卷任昉述異記二卷顏協晉仙傳
五卷魏武兵書十三卷 亦稱新書 杜公瞻
編珠一卷宋祖沖之大明術梁虞胤大同
曆北魏孫僧化永安曆隋張胃元開皇曆
大業曆隋劉焯皇極曆崔象易林十六卷
管輅周易林四卷伏曼容周易集林十二
卷蕭吉五行大義五卷柳彥詢龜經三卷
柳世隆龜經祕要二卷梁文帝集十八卷
武帝之交見梁書南史本紀 傅昭集十卷袁昂
集二十卷周興嗣集十卷後魏薛孝通集
六卷魏孝景集一卷 當是孝景之誤 北齊陽
休之集二卷新唐志三十卷 後周王衡集三
卷陳沈不害集十卷顧越集二卷顧覽集
五卷姚察集二十卷隋殷英童集三十卷
尹式集五卷虞茂世集五卷劉興宗集三
卷李播集三卷道士江旻集三十卷庾自
直類文三百七十七卷虞綽等類集一百
十三卷凡此皆見於唐宋志玉海藝文及
諸書所引近時相傳最著聞者其他小錄
短書尙不盡於此此豈盡梁隋書目所遺
者乎以史部簿錄篇數之知草率絀漏在
所不免以上敍諸家評論第四

陽湖孫星衍五松園文稿章宗源傳宗源字逢之
浙江山陰人以兄編修宗瀛官京師遂以大興籍
中式乾隆丙午科舉人少聰穎不喜爲時文以對
策博瞻發科益好學積十餘年采獲經史羣籍傳

注輯錄唐宋已來亡佚古書盈數笈自言欲撰隋書經籍志考證書成後此皆精粕可鬻之然編次成帙悉枕中祕本也又言輯書雖不由性靈而學問日以進吾爲此事久之亦能爲古文爲駢體文矣其已輯各書皆爲之敘通知作者體例曲折詞旨明暢古書多亡於北宋故輯書始於王應麟近代惠徵君棟踵爲之四庫全書用其法多從永樂大典寫錄編次刊布甚夥至於宗源則無書不具焉時都門廣慧寺有妖僧明心者誑人以符錄降鬼僊挾而書凡言禍福又賄客僕從刺探隱事而發之示神驗京朝官之佞佛者大爲扇惑爭饋賂之僧益豪橫或占人墳塋作廟基或權子母取重利事敗僧以罪遣歸南中宗源等以事佛與牽連罷斥不能復與會試僧又潛出游齊魯間就大吏之不潔者網賄遺易姓名捐職丞倅出入詭秘甚而宗源等猶信之持長齋且寓書屬予去所爲三教論者予著三教論時京朝官惑於妖僧日甚因以曉譬之大吏某曾倚上官勢屬予去其文不得及得宗源書戲云君以生平輯錄書付我我即去此文君必祕愛不忍割是色空之說不足恃也然宗源好學之志終不衰性恬澹不肯干謁亦異乎世之所謂禪鑽者以嘉慶五年月日疾卒於京邸撰隋書經籍志及雜文若干卷舊史氏曰惜哉章君之好學而惑於釋氏也既輯錄三代先秦古書豈不知佛書出東漢六朝之不足貴并非西域浮屠之所乘筆耶及爲妖僧誑猶以素食終身年未五十而溘逝釋氏之效安在

又平津館叢書章氏古史考輯本序曰故友章孝

廉輯古史考一冊略爲整理付之剗削俾考古者有所資焉孝廉名宗源字逢之以對策博瞻中乾隆丙午科舉人好輯佚書欲依隋書經籍志目爲之考證所輯書滿十餘笈始欲售之畢督部會楚中有兵事而止余時官山東兗沂曹濟道欲購之未果君旋感於廣慧寺僧素食誦經予告以素食爲喪節誦經非先王法言不悔也已而僧以賄敗牽連及君故事斥革科甲應上請故相擅權變亂舊章曰我吏部也去一舉人名易耳君既不得與禮部試意境寥落所館居停厭薄之焚其所授書嘗言吾教學令學徒集十三經中夏殷二代軼禮惜爲主人燬之矣其篤好古學猶類此卒於嘉慶某年月日遺書遂爲中書葉君繼雯所得其波及予者十之一二亦無經史要帙此其手定稿之一也嗚呼惜哉時爲嘉慶十一年

道光九年烏程嚴可均鐵橋漫稿書北堂書鈔原本後有曰嘉慶時漢魏晉佚書輯本及章鳳枝佚書輯本彙聚淵如所者不下七八百種假余兩年之力庶可蕺事而限於齋斧未獲竣功今余老且病諸輯本皆不在手難復爲力沈思往事爲之太息又曰淵如棄世金陵祠屋藏書聞頗散失

按章氏輯本後皆歸於葉氏孫氏葉氏未見傳刻孫氏則有譙周古史考在平津館叢書華嶠後漢書張瑤漢紀見孫祠書目或謂歷城馬國翰玉函山房所刻經史子三部輯本皆章氏之書或以爲章氏學說殆非也其即得葉氏歟其經子兩部所得頗多史部唯有八種并孫氏所刻可見者止十

一種而據其史部考證所載則爲所輯錄者奚啻數十倍今皆未見傳本星散零落殆不可問而集部則終於不見或未嘗措手今嚴氏集其成焉嚴氏之書後序詳之上元朱緒曾述之開有益齋讀書志曰余於孫淵如觀察文集知會稽章孝廉宗源編輯勤苦思求其書既幸孝豐章廣文炳奎其族裔也廣文云孝廉著述甚富沒後多零落有隋書經籍志考證最詳核余好爲目錄之學常以王伯厚漢書藝文志考證極博且精惟增入二十六種屬雜賸鼎至漢人著作仍有出於伯厚所載之外者若隋書經籍志則余素所措意者也屢欲爲之考證恨見書少又不能專心從事聞孝廉有是作爲之躍然廣文許案諸其家不可得余收海昌錢警石學博云全書未見若史部考證則有之隋志所載今佚者必詳載體例及諸家評論如于寶晉紀則列劉彥和文心雕龍劉子元史通之議又如司徒儀則列北堂書鈔設官部從事中郎之職太平御覽職官部右長史之職以備其說至史部爲太平御覽目錄所引隋以前書凡經籍志未載者悉取以補之御覽雖修於宋初然以修文殿御覽爲藍本故可據也此外如初學記北堂書鈔藝文類聚通典通考玉海白帖之類皆旁摭其佚文隋以前乙部殆無遺珠矣余假鈔副本至經子集考證未知有收藏者否

章氏隋書經籍志考證十三卷道光二十八年嘉興錢泰吉題識曰嘉慶戊寅吾兄衍石自京師歸篋中攜此書謂鈔自何夢華元錫藏書家未有也

余乃鈔錄副本僅有史部三十年來訪求全書無知之者道光丁未冬日朱述之明府假鈔一本乃從述翁假孫氏五松園文集錄章君傳於冊首此書名與王氏漢書藝文志同而編次則異

按章氏是書光緒三年湖北崇文書局始刊入叢書卷首有孫氏傳錢氏識知即從錢本傳錄書凡十三篇其目曰正史曰古史曰雜史曰霸史曰起居注曰地理曰譜系曰簿錄曰舊事曰職官曰儀注曰刑法曰雜傳其先後次第自起居注以下皆不從本志篇中部居亦復有所移易又本志所有而失載者自劉顯漢書音以下凡一百七十九部分見史部十三篇篇本志所無標不著錄者自延篤史記音義以下雜出六百一十一部蓋極意規仿王氏漢書藝文志其於著錄之書不求甚備而篇敘之文反有所考於撰人始末不必甚悉而傳注類書所引諸佚文則獨致其詳皆王氏書之例而所謂不著錄者亦王氏之例四庫提要詆為蛇足是也其本意因輯書而為是志皆從輯本中約略錄出故其書如此名為經籍志考證實與經籍志在離合之間其族後學有章小雅者嘗謂此書本名史籍考今題經籍志考證好事者為之也豈信然耶莫得而詳已上敘章氏考證第五

附新編序例

新編隋書經籍志考證五十二卷予始為

後漢三國藝文志各四卷僑錢氏侯氏之所未備繼為漢志拾補六卷漢志條理八卷演王深寧氏之所未盡今又為是志所以補苴章氏之殘缺不完也名與章氏書同而體裁則區以別矣因略述大旨而序之曰目錄之學自劉光祿父子始班書傳贊曰七略剖判藝文總百家之緒有意其推本之也顏師古曰言其究極根本深有意也宋書志序曰漢興接秦之後典墳殘缺者生碩老咸以亡逸為慮歆之七略固之藝文蓋為此也七略奏上而值王莽之篡日不暇給代不傳習後二十餘年光武中興明章繼軌始於東觀仁壽園依七略為書部校書郎班固傳毅典其事吳孫休時亦命中書郎韋昭依劉向故事校定衆書蜀漢則王崇補東觀邵正為秘書當時官司皆各有簿籍而皆不傳厥後專門名家著書傳世如魏鄭默撰中經晉荀勗撰新簿代不乏人本志史部簿錄篇及唐宋經籍藝文志所載雖不能備亦略可觀矣自班氏以七略為一志於是亦為史學之一體故簿錄一類列之史部本志取資於七錄師資於七略漢藝文之後袁山松之書既亡存於世者唯是志為最古其所收錄亦最為宏富自周秦六國漢魏六朝迄於隋唐之際上下千餘年網羅十幾代古人制作之遺存在乎是其文略非考證不明夫目錄之學固貴乎有所考證而考證

尤必得其體要近時為目錄考證者往往以搜緝佚文為事餘皆不甚措意不知佚文特考證中之一端不於一書之本末源流推尋端緒徒沾沾于佚文之有無以究心焉則直以輯書之法為目錄之學殊不然也又輯書自有別行之本無俟輾轉傳寫以佚文雜於目錄之中累牘連篇或至數版數十版使目錄亦變而為輯本矣離之則雙美合之則兩傷果何為者耶今所編錄凡撰入爵里著書指歸但有可以考見之處靡不條舉而疏通證明之務使一書源委大概可見而佚文有無多寡之數亦約略可稽方之集注實事求是譬彼錄具體而微其大要如此未盡之例別有四端并疏於左

其一曰本志總序篇序及道佛二錄凡四十八篇其切要者皆已采入篇中自餘無關宏旨而其文實繁具在本書不復寫錄其二曰四十八篇之外皆書目也書目則一字不遺其為隋代著錄之書所注撰人官位姓名從劉昭補注續漢百官志例一律以本注為大字提其綱其附注亡書亦依次以大字臚列醒其目凡卷中低一字寫錄悉冠以梁有云云者皆七錄及梁代書目所有之書也同條共貫一目了然所采史傳及諸家考證之文皆低二字自為附案者低三字以此為別 原注或省文如禮

類云梁有鄭玄王肅射慈射真孫毓經炳音各一卷

藝文志尹毅李軌范宣音各二卷皆承上文禮記音而言今既分條考證自當補完其書名斯則例固宜然非關改竄且亦有所本并非臆增釋文云王肅有三禮音七錄唯云撰禮記音則七錄本文固云禮記音也餘亦可以類推也

其三曰本志類中分類遠有師承不知其例則動多誤會前世家有以次序先後論撰人時代而致疑武斷聚訟紛紛終於隔閡難通者職是故也 略見經部小學類服虔通俗文條 往緝漢志條理皆於三十八篇篇末發之是志著錄較夥頭緒益繁今推尋章法各舉於類中分類之後子部五行一類尤繁雜無頭緒至分為三十三類而始有眉目四部之中唯此類最難措手與漢志五行家同焉

其四曰本志分類四十其中多寡懸殊今不欲亂其部次各從其類為卷惟集部別集一類總包漢魏兩晉南北朝卷帙過重不能不有所分析今以楚漢為一卷後漢為一卷三國一卷西晉一卷東晉一卷宋一卷齊一卷梁一卷後魏北齊後周陳隋各一卷凡分十三子卷大凡五十二卷敍錄一卷後序一篇釐訂為二十三册 經部史部各五册子部七册集部六册餘與漢志條理同例已詳於彼故不具光緒二十一年正月初四日山陰姚振宗

王氏漢書藝文志考證侯氏補後漢三國藝文志其書皆未成之書其例亦未

定之例且二家之書皆無自序凡例本不自以為例又何有例之可言侯氏屬稿尚未完頭角略不具南海伍氏強分為四卷刊入嶺南遺書其刻書跋云凡諸書見本傳及隋唐宋志釋文敍錄皆不著所出其采自他書或附傳者則著之而他書復有可考證者亦備錄焉此伍氏據其書之大致言之非侯氏有是言也假使侯氏實有是言其例亦挂一漏萬未為精善況本無成例者耶後之人不察其所以然輒以此兩家非例之例以為例是何異鑿空捕景踵譌襲謬余因是發凡起例別自為學非苟焉而已也世有知者或不河漢斯言後二年二月十八日又記

隋書經籍志考證卷一 經部一

易類類中分類凡七

歸藏十三卷晉太尉參軍薛貞注

周禮太卜掌三易之法一曰連山二曰歸藏

三曰周易其經卦皆八其別皆六十有四又

曰籀人掌三易以辨九筮之名一曰連山二

曰歸藏三曰周易

禮記禮運篇孔子曰吾欲觀般道是故之宋

而不足徵也吾得坤乾焉鄭氏注曰殷陰陽

之書存者有歸藏

後漢桓譚新論曰連山八萬言歸藏四千三

百言夏易煩而殷易簡又曰連山藏於蘭臺

歸藏藏於太卜

唐賈公彥周禮疏曰般人因黃帝曰歸藏歸

藏易以純坤為首坤為地萬物莫不歸而藏

於其中殷十二月為正地統故以坤為首又

擇建立卜筮人三人占從二人之言蓋筮時

連山歸藏周易三易並用夏殷以不變為占

周易以變者為占三人各占一易

本志篇敍曰歸藏漢初已亡案晉中經有之

唯載卜筮不似聖人之旨以本卦尚存故取

貫於周易之首以備殷易之缺

唐日本國人佐世見在書目歸藏四卷晉太

尉參軍薛貞注

唐書經籍志歸藏十三卷殷易司馬膺撰按

司馬膺未詳或是膺所撰錄

唐書藝文志歸藏十三卷不著注家姓名

宋史藝文志薛貞注歸藏三卷

崇文總目歸藏三卷晉太尉參軍薛正注隋世有十三篇今但存初經齊母本著三篇文多闕亂不可詳解

宋鄭樵通志藝文略連山亡矣歸藏隋有薛貞注十三卷今所存者初經齊母本著三篇而已言占筮事其辭質其義古後學謂爲不文疑而棄之獨不知後之人能爲此文乎

秀水朱彝尊經義考曰按歸藏隋時尙存至宋猶有初經齊母本著三篇其見於傳注所引者辭皆古奧而孔氏正義謂歸藏僞妄之書亦未盡然又曰歸藏之書有本著篇亦有啓筮篇有齊母經亦有鄭母經見於郭景純山海經注隋志謂歸藏漢初已亡故班固藝文志不載又謂晉中經簿有之斯景純得援之以釋山經也

歷城馬國翰玉函山房輯本序曰今玩其遺文類皆韻語奇古可誦與左氏傳所載諸繇辭相類焦氏易林源出於此雖畢日奔月頗涉荒怪然龍戰於野載鬼一車大易以之取象亦無所嫌也但殷易而載武王枚占穆王筮卦蓋周太卜掌其法者推記占驗之事附入篇中其文非漢以後人所能作也今並未宋時三篇亦佚朱太史經義考搜輯甚詳據以爲本間有遺漏爲補綴之並附諸家論說爲一卷

金谿王謨漢魏遺書鈔曰今共鈔出周禮疏二條爾雅疏一條山海經注十條穆天子傳

注一條莊子釋文一條楚辭補注一條文選

注三條類聚四條初學記二條書鈔一條御覽十條路史注二條經義考五條附錄連山易二條

烏程嚴可均全上古三代文編輯本序曰新論稱歸藏四千三百言是西漢末實有此書

漢志本七略偶失載耳崇文總目云今但存三篇玉海引中與書目同文淵閣書目不著錄蓋三篇又亡於元明之際今蒐輯羣書得八百四十六字視桓譚所見本略存什二焉諸書引見不著篇名者凡二十五條又歸藏

啓筮十五條歸藏鄭母經三條歸藏齊母經歸藏初經歸藏本著篇各一條附錄一條又附筮辭五條卜頌十五條

陽湖孫星衍祠堂書目歸藏一卷洪頤煊集本

按劉歆與揚雄從取方言書云三代之書蘊藏於家顧弗多耶今有一周易而無連山歸藏則劉中壘家無此二書新論言連山歸藏在蘭臺太卜則在中祕書溫室天祿閣之外當時未及彙聚故七略遺之也

薛貞始末未詳

周易二卷魏文侯師卜子夏傳殘缺梁六卷

史記仲尼弟子列傳卜商字子夏少孔子四十四歲孔子既沒子夏居西河教授爲魏文侯師其子死哭之失明唐司馬貞索隱曰子夏文學著於四科序詩傳易又孔子以春秋屬商又傳禮著在禮志而此史並不論空記

論語小事亦其疏也

漢劉向別錄曰易傅子夏韓氏嬰也漢劉歆七略曰子夏易傳漢興韓嬰傳唐孔穎達周易正義曰初卜商爲易傳至西漢傳之

唐陸德明釋文敍錄子夏易傳三卷卜商字

子夏衛人孔子弟子魏文侯師七略云漢興韓嬰傳中經簿錄云丁寬所作張璠云或駢臂子弓所作薛虞記虞不詳何許人

本志篇敍曰孔子爲象象繫辭文言序卦說卦雜卦而子夏爲之傳

唐書經籍志周易二卷卜商傳唐書藝文志周易卜商傳二卷宋王應麟漢書藝文志考證曰唐司馬貞曰七略有子夏傳七錄六卷或云韓嬰或云丁寬中經簿四卷

武威張澍二酉堂叢書輯本序曰嘗案家語云孔子讀易至損益卦喟然而歎子夏避席而問知卜氏子好精義不讓商子木也審矣澍溺苦儒先從事粹菴敢怯瑣煩冀延絕學是用展翫敷言省循立意實孟京之嚆矢亦馬王之濫觴

武進張惠言易義別錄輯本序曰漢書藝文志易有韓氏二篇丁氏八篇而無駢臂子弓則張璠之言不足信丁寬受易田何上及駢臂子弓受之商瞿非自子夏則荀爽言丁寬亦非劉向父子博學近古以爲韓嬰當必有據儒林傳稱韓生亦以易授人推易意而爲

據儒林傳稱韓生亦以易授人推易意而爲

之傳不聞其所受意者出於子夏與商瞿之傳異耶

平湖孫堂漢魏廿一家易注輯本序曰子夏易傳隋志已云殘缺後人展轉依託益為十一卷是為今本舊本之散見者自唐人所引外惟朱氏震晁氏說之趙氏汝棣王氏應麟四家之書間取之茲特輯其與今本異者凡七十條

馬國翰玉函山房輯本敘曰周易子夏傳漢志不著錄唐會要云開元七年三月十七日詔子夏易傳近無習者令儒官詳定劉知幾司馬貞議皆以為不可五月五日詔子夏傳佚篇令帖易者停孫坦周易析繇以為杜鄴趙汝棣周易輯問以為鄧彭祖二人皆字子夏懸空臆度迄非定論獨洪邁信之武威張太史澍輯此篇刻入張氏叢書今據校錄仍隋唐志舊目分為二卷薛虞字里無考大抵為漢魏間儒生今就釋文正義二書所引得十一節次子夏傳後

孫祠書日子夏易傳一卷孫馮纂集本

按韓嬰傳易史不言其所受張氏惠言謂

出於子夏與商瞿別為一派可謂定論然則漢人傳子夏易者嬰之後有嬰孫博士商商之後有待詔韓生司隸校尉蓋寬饒而韓氏則家世傳業者也

又按經義考引宋程迥曰子夏易傳京房為之箋未詳所據

周易十卷漢魏郡太守京房章句

漢書本傳房字君明東郡頓邱人也治易事梁人焦延壽延壽字贛為小黃令常曰得我道以亡身者京生也其說長於災變分六十四卦更直日用事以風雨寒溫為候各有占驗房用之尤精初元四年以孝廉為郎數召見問得失建昭時出為魏郡太守去月餘徵下獄棄市房本姓李推律自定為京氏死時年四十一

又元帝本紀建昭二年冬十一月淮陽王舅張博魏郡太守京房坐窺道諸侯王以邪意漏泄省中語博要斬房棄市

又儒林傳京房受易梁人焦延壽延壽云嘗從孟喜問易會喜死房以為延壽即孟氏學翟牧白生不肯皆曰非也至成帝時劉向校書考易說以為諸易家說皆祖田何楊叔丁將軍大誼略同唯京氏為異句黨焦延壽獨得隱士之說師古曰黨讀曰黨託之孟氏不相與同房以明災異得幸為石顯所譖誅自有傳房授東海殷嘉河東姚平河南乘弘皆為郎博士繇是易有京氏之學又傳贊曰至元帝世復立京氏易

本志篇敘曰又有東郡京房自云受易於梁國焦延壽別為京氏學嘗立後罷後漢施孟梁邱京氏凡四家並立而傳者甚衆又曰梁邱施氏亡於西晉孟氏京氏有書無師按此言嘗立後罷者蓋房被誅之後并罷其學至平帝時王莽秉政諸儒皆立京氏亦復立如故至後漢因之

釋文敘錄京房章句十二卷七錄云十卷錄

一卷目 按此似有重說

唐書經籍志周易又十卷京房章句

唐書藝文志周易京房章句十卷

嚴氏鐵橋漫稿京氏易輯本序曰按漢志著錄孟氏京房十一篇災異孟氏京房六十六

篇京氏段嘉十二篇不先言孟氏說若干篇者漢時孟氏易說無專行本僅京氏易中之至梁陳而孟喜章句京房章句各著於錄不知何時何人從京氏易中取出分編之蓋在魏晉之後矣 按此說非是漢志本有孟氏章句二篇

又曰許叔重稱易孟氏為古文京氏將毋同京氏章句十卷錄一卷或作十二卷或作十

卷亡於唐末假令遺文散見尚多異義異字亦古文矣今輯章句僅寥寥五十五事余生也晚所為望古而慨然者也 孫氏祠堂書目京氏易章句災異八卷王保訓集本即此嚴氏本也

按元和庶棟易漢學武進張惠言易義別錄平湖孫堂漢魏廿一家易注金谿王謨

漢魏遺書鈔歷城馬國翰玉函山房並有京氏易章句輯本

周易八卷漢曲臺長孟喜章句殘缺梁十卷

漢書儒林傳孟喜字長卿東海蘭陵人也從田王孫受易喜好自稱譽得易家候陰陽災

變書詐言師田生且死時枕喜獨傳喜諸儒以此耀之同門梁邱賀疏通證明之曰田生絕於施讎手中時喜歸東海安得此事喜

舉孝廉為郎曲臺署長病免為丞相掾博士

缺衆人薦喜上聞喜改師法遂不用喜喜授同郡白光少子沛翟牧子兄師古曰兄讀曰況皆爲博士繇是翟孟白之學錢氏大昕三史拾遺曰當云孟家有自魏之學文有脫誤爾又傳贊曰

初唯有易楊至孝宣世復立施孟梁邱易又藝文志易家章句施孟梁邱氏各二篇又曰漢興田何傳之訖於宣元有施孟梁邱京氏列於學官

本志篇敘曰漢初傳易者有田何何授丁寬寬授田王孫王孫授沛人施讎東海孟喜琅邪梁邱賀由是有施孟梁邱之學又曰後漢施孟梁邱京氏凡四家並立而傳者甚衆釋文敘錄喜爲易章句授同郡白光及沛翟牧又曰孟喜章句十卷無上經七錄云又下經無旅至節無上繫

唐書經籍志周易十卷孟喜章句唐書藝文志周易孟喜章句十卷王氏漢志考證曰許氏說文稱易孟氏其文多異

馬氏玉函山房輯本序曰孟氏章句惟釋文及正義集解間引之唐大衍歷議云十二月卦出於孟氏章句其說易本於氣而後以人事明之亦引孟說震坎離兌四卦義及六十卦用事配七十二候圖又說文序易用孟氏而所著五經異義引孟京說又虞翻自言五世傳孟氏易則許虞二家所引與今易異者皆佚說也並據輯錄釐爲二卷

王氏漢魏遺書鈔敘錄曰今抄出說文二十五條釋文十一條集解二條詩正義一條禮記疏二條按惠氏張氏孫氏亦各有輯本漢志三家章句各二篇皆不連經文此十卷後人合經傳爲一帙也嚴氏謂漢時孟氏易說無專行本僅見京氏易中後人從京易中取出編爲章句是說也蓋偶未檢漢志本有孟氏章句之一證

梁又有漢單父長費直注周易四卷亡漢書儒林傳費直字長翁東萊人也治易爲郎至單父令長於卦筮亡章句徒以象象系辭十篇文言解說上下經按宋馮椅厚齋易學引作十篇之言此文字似之字寫誤

琅邪王璜平中能傳之又曰高相沛人也治易與費公同時其學亦亡章句專說陰陽災異自言出於丁將軍繇是易有高氏學高費皆未嘗立於學官

又藝文志曰民間有費高二家之說劉向以中古文易經校施孟梁邱經或脫去無咎悔亡唯費氏經與古文同

本志篇敘曰漢初又有東萊費直傳易其本皆古字號曰古文易以授琅邪王璜璜授沛人高相相以授子康及蘭陵毋將永故有費氏之學行於人間而未得立按漢書言高氏與費公同時自言其學出於丁將軍此所云則爲費氏再傳弟子釋文敘錄無是說此似有傳譌

後漢陳元鄭衆皆傳費氏之學馬融又爲其傳以授鄭玄玄作易注荀爽又作易傳魏代王肅王弼並爲之注自是費氏大興高氏遂衰

釋文敘錄七錄云費直易章句四卷殘缺唐書經籍志周易又四卷費直章句唐書藝文志周易費直章句四卷宋晁公武郡齋讀書志曰費氏惟以象象文言等十篇解上下經凡以象象文言參入卦中者皆祖費氏

王氏漢志考證呂氏曰漢興言易者六家獨費氏傳古文易而不立於學官費氏易在漢諸家中最近古最見排擯千載之後歸然獨存豈非天哉

明朱睦㮮授經圖曰費直自爲易以相授受原無師傳經義考明錢一本曰周易漢費直本畫一全卦繫以象辭再畫本卦繫以爻辭又畫覆卦繫以用九用六之辭後以一傳字加象傳之首鄭康成本省去費本六爻之畫又省用九用六覆卦之畫云

張氏易義別錄曰費氏古文易無章句七錄有費氏章句四卷蓋僞託不足信然陸德明以爲永嘉之亂鄭注行世而費氏之易無人傳者豈以僞託之章句爲費氏邪或者費氏本無訓說諸儒斟酌各家以通之

文最為明晰茲據輯錄

又費氏周易分野輯本序曰案羅泌路史云

費直易十二篇以易卦配地域今其書佚唯

晉書天文志引其十二次所起度數稱費直

周易分野唐開元占經亦引之稱名同考隋

志有易林二卷易內神筮二卷梁有周易筮

占林五卷俱費直撰悉佚不傳此未知當屬

何書姑以晉志所引題分野至其配卦之例

莫可稽考唐書曆志載一行論兩戒間及易

卦或其遺法乎

按孔子繫易有在天成象在地成形語故

費氏得援分野之說晉志及占經所引即

費氏易傳佚文章句為易傳而非有他

異馬氏謂分野不知當何屬別編為一帙

實則當并合為卷故彙錄於此

周易九卷後漢大司農鄭玄注

後漢書本傳玄字康成北海高密人也八世

祖崇哀帝時尚書僕射玄少為鄉嗇夫不樂

為吏遂造太學受業師事京兆第五元先始

通京氏易公羊春秋三統曆九章算術又從

東郡張恭祖受周官禮記左氏春秋韓詩古

文尚書以山東無足問者乃西入關因涿郡

盧植事扶風馬融游學十餘年乃歸鄉里家

貧客耕東萊學徒相隨已數百千人及黨事

起乃與同郡孫嵩等四十餘人俱被禁錮遂

隱脩經業杜門不出初中興之後范升陳元

李育賈逵之徒爭論古今學後馬融答北地

太守劉瓌及玄答何休義據通深由是古學

遂明靈帝末黨禁解時年六十弟子河內趙

商等自遠方至者數千後嘗疾篤自慮以書

戒子益恩曰吾坐黨禁錮十有四年而蒙赦

令舉賢良方正有道辟大將軍三司府公車

再召比牒併名早為宰相惟彼數公懿德大

雅克堪王臣故宜式序吾自忖度無任於此

但念述先聖之元意思整百家之不齊亦庶

幾以竭吾才時大將軍袁紹總兵冀州舉玄

茂才表為左中郎將皆不就公車徵為大司

農給安車一乘玄適以病自乞還家建安五

年春寢疾時袁曹相距於官渡紹令其子譚

遣使逼玄隨軍不得已載病到元城縣疾篤

不進其年六月卒年七十四所注周易尚書

毛詩儀禮禮記論語孝經尚書大傳中候乾

象歷又著天文七政論魯禮禘祫義六藝論

毛詩譜駁許慎五經異義答臨孝存周禮難

凡百餘萬言玄經傳治熟稱為純儒齊魯間

宗之注案謝承書載玄所注與此略同不言注孝經唯

此書獨有也案按史傳所載總有遺漏此書亦不載周禮

注七經緯注孟子注及集二卷又有三禮目錄三禮圖駁

何氏漢議春秋十二公名他如喪服經傳注喪服譜注三

禮音九宮經注日月交會圖注或後人從諸經注析出別

行

鄭氏自序佚文曰遭黨錮之事逃難注禮黨

錮事解注古文尚書毛詩論語為袁譚所逼

來至元城乃注周易

後漢書儒林傳曰陳元鄭眾皆傳費氏易其

後馬融亦為其傳融授鄭玄玄作易注

魏志高貴鄉公紀帝幸太學問諸儒曰孔子

作象象鄭玄注今象象不與經文相連而

注連之何也易博士淳于俊對曰鄭玄合象

象於經欲使學者尋省易了也

釋文鈔錄周易鄭玄注十卷錄一卷七錄云

十二卷

唐書經籍志周易九卷鄭玄注

唐書藝文志鄭玄注周易十卷

宋史藝文志鄭玄周易文言注義一卷

崇文總目周易一卷鄭康成注今惟文言說

卦序卦雜卦合四篇餘皆逸指趣淵確本去

聖之未遠

張惠言易義別錄曰鄭易之於馬猶詩之於

毛今馬傳既亡所見僅訓詁碎義就其一隅

而返之大抵以乾坤十二爻論消息以人道

政治議卦爻此鄭所本於馬也馬於象疏鄭

合之以爻辰馬於人事雜鄭約之以周禮此

鄭所以精於馬也

遵義鄭珍鄭學錄曰康成自鉞為袁譚所逼

來至元城乃著周易珍案著即注也康成是

年春已寢疾至季夏遂卒其在元城多不過

四五月而九卷易注成於病中以知精力過

人臨死不衰如此

又新編年譜曰建安五年至元城注周易畢

知病不起作自序

孫桐書目周易鄭注十二卷孔廣林集本

按鄭氏易今存宋王應麟輯本一卷明姚

士恭補輯二十五條國朝惠棟補輯本三

卷四庫全書並著於錄此外又有孫堂輯

本一卷臧輔堂輯本九卷還隋志之舊丁

杰張惠言合輯十二卷復七錄之舊云

梁又有漢南郡太守馬融注周易一卷亡

後漢書本傳融字季長扶風茂陵人也將作

大匠嚴之子注嚴探兄余之子從京兆摯恂游

學博通經籍大將軍鄧騭召為舍人永初四

年拜校書郎中詣東觀校祕書十年不得

調因兄子喪自劾歸鄧太后怒令禁錮之安

帝親政召還郎署復在講部出為河間王廐

長史召拜郎中及北鄉侯即位移病去為郡

功曹陽嘉二年詔舉敦樸徵詣公車對策拜

議郎大將軍梁商表為從事中郎轉武都太

守三遷桓帝時為南郡太守忤梁冀旨免官

髡徙朔方自刺不殊得赦還復拜議郎重在

東觀著述以病去官融才高博洽為世通儒

教養諸生嘗有千數涿郡盧植北海鄭玄皆

其徒也嘗欲訓左氏春秋及見賈逵鄭衆注

乃曰賈君精而不博鄭君博而不精既精既

博吾何加焉但著三傳異同說注孝經論語

詩易三禮尚書列女傳老子淮南子離騷年

八十八延熹九年卒於家

又儒林傳曰陳元鄭衆皆傳費氏易其後馬

融亦為其傳

後漢荀悅漢紀曰孝桓帝時故南郡太守馬

融著易解頗生異說頗行於世

釋文敘錄扶風馬融為易傳又曰馬融傳十

七錄乃云一卷似本志誤也

唐書經籍志周易十卷馬融章句

唐書藝文志周易馬融章句十卷

馬氏玉函山房輯本序曰周易馬氏傳宋元

以來無傳茲就釋文正義集解三書所引并

他書間見者輯錄為三卷

按馬融之外又有張氏易義別錄孫氏漢

魏易注輯本各一卷孫祠書目有馬王易

義一卷孫馮翼輯本

周易五卷漢荊州牧劉表章句

後漢書本傳表字景升山陽高平人魯恭王

之後也黨禁解辟大將軍何進掾初平元年

長沙太守孫堅殺荊州刺史王叡詔以表為

荊州刺史表遂理兵襄陽以觀時變及李傕

入長安表遣使奉貢催以表為鎮南將軍荆

州牧封成武侯釋文云南城侯建安十三年曹

操自將征表未至表疽發背卒

魏志本傳注謝承書曰表受學於同郡王暢

漢末英雄記曰州界羣寇既盡乃開立學官

博求儒士使碁毋闕宋忠等撰立五經章句

謂之後定

釋文敘錄劉表章句五卷中經簿錄云注易

十卷七錄云九卷錄一卷

唐書經籍志周易五卷劉表注

唐書藝文志周易劉表注五卷

張氏易義別錄輯本序曰景升章句缺略難

考案其義於鄭為近大要費氏易也

隋唐時已非完帙今更散佚無傳惟就釋文

及正義李氏集解晁氏呂氏古易所引錄為

一卷

按張馬二輯之外又有孫氏漢魏易注輯

本一卷

梁有漢荊州五業從事宋忠注周易十卷亡

陸氏經典釋文曰宋衷字仲子南陽章陵人

後漢荊州五等從事按五等似五業之僞五業者

五經業也

宋蕭常續後漢書曰宋忠者字仲子南陽人

其子與魏諷謀誅曹操不克父子俱遇害

吳志虞翻傳注翻又上奏曰若乃北海鄭玄

南陽宋忠雖各立注忠小差玄而皆未得其

門難以示世

釋文敘錄周易宋衷注九卷七志七錄云十

卷

唐書經籍志周易十卷宋衷注

唐書藝文志周易宋忠注十卷

惠氏易漢學曰忠注見羣龍一節獨勝諸儒

張氏易義別錄輯本序曰宋氏注李鼎祚史

徵皆詳引之則唐初未嘗亡者今以殘文推

之仲子言乾升坤降卦氣動靜大抵出入荀

氏虞君以為差勝康成者或以此大要費氏

易也

馬氏玉函山房輯本序曰周易宋氏注唐時

尚有傳本今久亡猶幸釋文集解引有四十

餘節輯為一卷

按宋衷范書陳志皆無傳蜀志先主傳注

引孔衍漢魏春秋曰劉琮乞降不敢告備備亦不知久之乃覺遣所親問琮琮令宋衷詣備宣旨是時曹公在宛備乃大驚駭謂忠曰卿諸人作事如此不早相語今禍至方告我不亦太劇乎引刀向忠曰今斷卿頭不足以解忿亦恥大丈夫臨別復殺卿輩遣忠去又尹默傳注云宋仲子後在魏魏略曰其子與魏諷謀反伏誅魏太子答王朗書曰嗟乎宋忠無石子先識之明老羅此禍今雖欲願行滅親之誅立純臣之節尚可得耶按其時建安二十四年也梓潼李仁尹默並從衷受古學王肅從衷讀太玄所注五經章句七緯注世本注太玄法言注並見本志衷之事蹟略可考見者如此孫氏漢魏易注亦輯存此注一卷

周易十一卷漢司空荀爽注

後漢書荀淑傳淑穎川穎陰人荀卿十一世孫也有子八人儉緝靖熹汪爽肅專並有名稱時人謂之八龍爽字慈明一名謂幼而好學耽思經書慶弔不行徵命不應穎川為之語曰荀氏八龍慈明無雙延熹九年太常趙典舉爽至孝拜郎中對策陳便宜奏聞即棄官去後遭黨錮隱於海上又南遁漢濱積十餘年以著述為事遂稱為碩儒黨禁解五府並辟司空袁逢舉有道不應獻帝即位董卓復徵之爽欲遁命吏持之急不得去因復就拜平原相行至宛陵復追為光祿勳視事三日進拜司空爽自被徵命及登臺司九十五

日因從遷都長安爽見董卓忍暴滋甚必危社稷其所辟舉皆取才略之士將共圖之亦與司徒王允及卓長史何顛等為內謀會病薨年六十三著禮易傳詩傳尚書正經春秋條例又集漢事成敗可為鑒戒者謂之漢語又獻帝本紀初平元年二月丁亥遷都長安三月乙巳車駕入長安幸未央宮夏五月司空荀爽薨

又儒林傳建武中陳元鄭衆皆傳費氏易其後馬融亦為其傳融授鄭玄玄作易注荀爽又作易傳自是費氏興而京氏遂衰荀悅漢紀曰臣悅叔父故司空爽著易傳據爻象承應陰陽變化之義以十篇之文解說經意由是竟豫之言易者咸傳荀氏學

吳志虞翻傳注翻上奏曰經之大者莫過於易自漢初以來海內英才其讀易者解之率少至孝靈之際穎川荀謂號為知易臣得其注有愈俗儒至於說西南得朋東北喪朋顛倒反逆了不可知孔子歎易曰知變化之道者其知神之所為乎以美大衍四象之作而上為章首尤可恠笑又南郡太守馬融名有俊才其所解說復不及謂

釋文敘錄穎川荀爽字慈明官至司空為易言又曰荀爽注十卷七錄云十一卷唐書經籍志周易十卷荀爽章句

唐書藝文志周易荀爽章句十卷王氏漢志考證曰秦漢之際易亡說卦宣帝時河內女子發老屋得之後漢荀爽集解又

得八卦逸象三十有一張氏易義別錄曰荀爽亦注費氏易者其義又特異

馬氏玉函山房輯本敘曰惠氏棟易漢學列荀慈明一家而佚文不具載張氏惠言輯荀氏九家佚文具載而雜入九家中今特別出為三卷鄒湛曰易筮子之明夷荀爽訓筮為蒺蛄子為滋漫衍無經不可致詰程迥曰荀爽於說卦添物象以足卦爻查元章謂不須添添亦不盡不知筮子之義取蜀趙賓傳孟喜之說也八卦逸象費氏古文有之三家奪佚耳荀傳費學參用孟氏正其篇古之深非有所失況陰陽升降洞見本原虞仲翔謂馬融解釋復不及之亦何可詆訾耶

按孫氏漢魏易注又有輯本一卷趙賓說易見漢書儒林孟喜傳說卦物象三十後人亦輯入九家易解中見後

周易十卷魏衛將軍王肅注

魏志王朗傳朗東海郡人也 錢大昕廿二史考異曰郡當為鄆明帝時司徒封蘭陵侯子肅嗣字子雍黃初中為散騎黃門侍郎太和三年拜散騎常侍領秘書監崇文館祭酒正始元年出為廣平太守徵拜議郎累遷侍中太常光祿勳河南尹中領軍甘露元年薨贈衛將軍諡曰景侯初肅善賈馬之學而不好鄭氏采會同異為尚書詩論語三禮左氏解及撰定父朗所作易傳皆列於學官魏志齊王紀正始六年十二月辛亥詔故司

徒王朗所作易傳令學者得以課試

釋文敘錄周易王肅注十卷字子邕東海蘭陵人魏衛將軍太常蘭陵景侯

唐書經籍志周易十卷王肅注

唐書藝文志周易王肅注十卷

宋史藝文志周易王肅傳十一卷

崇文總目周易傳十一卷王肅傳後人纂陸

德明釋文所取者附益之非肅本書

張氏易義別錄輯本序曰肅著書務排鄭氏

其託於賈馬以抑鄭而已故於易義馬鄭不

同者則從馬馬與鄭同則并背馬然其訓詁

大義則出於馬鄭十七易注本其父朗所為

肅更撰定疑其出於馬鄭者朗之學也其措

擊馬鄭者肅之學也自馬鄭注行而費氏易

與諸家皆廢荀宋雖費氏而宗之者不及馬

鄭以馬鄭主於人事而不及易家動變之說

也王朗父子竊取馬鄭而棄其言禮言卦氣

交神之精切者

馬氏玉函山房輯本序曰肅注在魏立學頗

著盛名文字解說雖與康成殊異要皆有據

朱子本義每稱王肅本蓋深有取也今就正

義釋文集解文選注御覽諸書所引輯為二

卷

周易十卷魏尚書郎王弼注六十四卦六卷韓康

伯注繫辭以下三卷王弼又撰易略例一卷

魏志鍾會附傳初會弱冠與山陽王弼並知

名弼好論儒道辭才逸辯注易及老子為尚

書郎年二十餘卒裴松之曰弼字輔嗣何劭

為其傳曰弼少為裴徽傳暇所知於時曹爽

專朝政何晏為吏部尚書正始中黃門侍郎

累缺晏議用弼而爽用王黎王沈以弼補臺

郎遂不得在門下晏為之歎恨弼通備不治

名高在臺既淺事功亦雅非所長益不留意

其注易往往有高麗言太原王濟好談易老

莊嘗云見弼易注所悟者多然弼為人淺而

不識物情初與王黎荀融善後恨黎奪其黃

門郎與融亦不終正始十年曹爽廢以公事

免其秋遇癘疾亡時年二十四無子絕嗣弼

之卒也晉景王聞之嗟歎者累日其為高識

所惜如此裴注又引博物記云王黎族兄凱凱子業業

子宏宏弼之兄也是弼為王黎之族孫

裴注又引孫盛曰易之為書窮神知化非天

下之至精其孰能與此世之注解殆皆妄也

況弼以附會之辨而欲籠統玄旨者乎故其

敘浮義則麗辭溢日造陰陽則妙蹟無間至

於六爻變化羣象所效日時歲月五氣相推

弼皆摺落多所不關雖有可觀者焉恐將泥

夫大道

南齊書陸澄澄傳澄與王儉書曰弼於注經中

已舉繫辭故不復別注

釋文敘錄王弼注七卷字輔嗣山陽高平人

魏尚書郎年二十四卒注易上下經六卷作

易略例一卷又曰永嘉之亂唯鄭康成王輔

嗣所注行於世而王氏為世所重其繫辭已

下王不注相承以韓康伯注續之七志云注

易十卷按七志作十卷者已并合韓氏繫辭注及略例

為一表者也

唐書經籍志周易七卷王弼注又十卷王弼

韓康伯注

唐書藝文志周易王弼注七卷又曰王弼韓

康伯注十卷

宋史藝文志周易上下經六卷繫辭說卦序

卦雜卦三卷韓康伯注又曰王弼略例一卷

宋陳振孫直齋書錄解題曰魏尚書郎山陽

王弼輔嗣注上下經六卷撰略例一卷晉太

常穎川韓康伯注繫辭說序雜卦三卷

四庫提要曰弼之說易源出費直直易今不

可見然荀爽易即費氏學李鼎祚書尚頗載

其遺說大抵究爻位之上下辨卦德之剛柔

已與弼注略近但弼全廢象數又變本加厲

耳平心而論闡明義理使易不雜於術數者

弼深為有功祖尚虛無使易竟入於老莊者

弼亦不能無過瑕瑜不掩是其定評諸儒偏

好偏惡皆門戶之見不足據也又曰易本卜

筮之書未派遼流於讖緯王弼乘其極敝而

攻之遂能排擊漢儒自標新學

按韓康伯繫辭注別有單行本詳見於後

梁有魏大司農卿董遇注周易十卷亡

魏志王肅附傳明帝時大司農弘農董遇等

亦歷注經傳頗傳於世注引魏略儒宗傳曰

遇字季直性質訥而好學建安初郡舉孝廉

稍遷黃門侍郎是時漢帝委政太祖遇旦夕

侍講為天子所愛信至二十二年許中百官

矯制遇雖不與謀猶被錄詣鄴轉為冗散按

其事詳見魏志武紀建安二十三年及注 黃初中出為郡守明帝時入為侍中大司農數年病亡釋文敘錄董遇章句十二卷字季直弘農華陰人魏侍中大司農七志七錄並云十卷

唐書經籍志周易十卷董遇注

唐書藝文志周易董遇注十卷

張氏易義別錄輯本序曰考集解不引董遇則遇書亡於唐初蓋可知遇著書在王肅前故無與肅合者其於鄭荀則多同義雖不可考要之為費氏易也

馬氏玉函山房輯本序曰七志七錄並十卷陸德明敘錄云十二卷後之卷數反增於前或篇有分合故歟今其章句伏矣正義引二節釋文引二十餘節輯為一卷

按又有孫氏漢魏易注輯本一卷裴注稱魏略儒宗傳七人附見一人以董氏為之首云

梁有魏散騎常侍荀暉注周易十卷亡

魏志荀彧傳注零陵先賢傳曰彧第四兄謚

謚子閔閔從孫暉 按當為暉 字景文太子中

庶子亦知名與賈充共定音律又作易集解

釋文敘錄張瑤集解序云荀暉字景文潁川

潁陰人晉太子中庶子為易義七志云注易

十卷

唐書經籍志周易十卷荀暉注

唐書藝文志周易荀暉注十卷

番禺侯康補三國藝文志曰釋文敘錄引張

瑤集解序稱暉為晉太子中庶子而隋志稱

魏散騎常侍豈注易在仕魏時耶今仍從隋志著錄

按經義考引魏志暉官至虎賁中郎將乃彧子暉非此暉也暉與暉暉並同

周易十卷吳太常姚信注

唐書宰相世系表至田豐王莽封為代陸侯以奉舜後子恢避莽亂過江居吳郡改姓為媯五世孫敷復改姓姚居吳興武康敷生信吳選曹尚書

釋文敘錄周易姚信注十卷字德祐七錄云十二卷字元直吳興人吳太常卿 按晉虞喜安天論曰近見姚元道造所天論元道元直字形相近未詳孰是

唐書經籍志周易十卷姚信注

唐書藝文志周易姚信注十卷

經義考曰阮孝緒云姚信字元直陸德明云信字德祐按吳志陸績傳注引姚信集有表請賜續女鬱生以義姑之號又陸遜傳姚信

以親附太子枉見流徙又孫和傳寶鼎二年十二月遣守丞相孟仁太常姚信等備官僚

中軍步騎二千人以靈輿法駕東迎神於明陵又晉書范平傳平研覽墳索遍該百氏姚

信賀邵之徒皆從受業又南史姚察傳察讓選部書曰臣九世祖信名高往代云云 按陸

遜傳云遜外生顧譚顧承姚信並以親附太子枉見流徙蓋孫機時嘗為太子和官屬孫時即位論父和為文皇帝

改葬明陵時信以太常奉使連神云

張氏易義別錄輯本序曰吳興志有德祐文

集輯易注一卷明人為之甚疏略今補而正之其言乾坤致用卦變旁通九六上下則與虞氏之注若應規矩元直豈仲翔之徒與抑孟氏之傳在吳元直亦得有舊聞歟

馬氏玉函山房輯本序曰其說易與荀虞相似故九家集解有之今伏釋文正義及李氏

集解引四十餘節輯為一卷

按孫氏漢魏易注亦有輯本一卷

周易四卷晉儒林從事黃穎注梁有十卷今殘缺

釋文敘錄黃穎注十卷南海人晉廣州儒林

從事

唐書經籍志周易十卷黃穎注

唐書藝文志周易黃穎注十卷

馬氏玉函山房輯本序曰黃穎晉書無傳隋志題儒林從事釋文云南海人廣州儒林從

事此其可考者隋志載易注四卷梁十卷唐志及釋文並十卷今佚無傳他書亦不見徵

引唯釋文引其說九節而已輯錄為一卷與晉人易注類列焉

周易九卷吳侍御史虞翻注

吳志本傳翻字仲翔會稽餘姚人也太守王

朗及孫策並命為功曹出為富春長策薨後州舉茂才漢召為侍御史曹公為司空辟皆

不就翻與少府孔融書并示以所著易注融

答書曰聞延陵之理樂觀吾子之治易乃知東南之美者非徒會稽之竹箭也又觀象雲

物察應寒溫原其禍福與神合契可謂探賾窮通者也孫權以為騎都尉翻數犯顏諫爭

權不能悅又性不協俗多見謗毀坐徒丹陽涇縣後得釋又以性疎直數有酒失權積怒非一遂徙翻交州雖處罪放而講學不倦門徒常數百人在南十餘年年七十卒歸葬舊墓妻子得還按傳注引翻別傳孫權稱號翻上書言全宥九載則被放在魏文帝黃初二年又言臣年耳順至年七十當卒於吳赤烏二年在南凡十九年

裴注引翻別傳曰翻初立易注奏上曰臣高祖父故零陵太守光少治孟氏易曾祖父故平輿令成續述其業至臣祖父鳳爲之最密臣先考故日南太守歆受本於鳳最有舊書世傳其業至臣五世前人通講多玩章句雖有祕說於經疏闕臣生遇亂世長於軍旅習經於枹鼓之間講論於戎馬之上蒙先師之說依經立注又臣所覽諸家解不離流俗義有不當實輒悉改定以就其正孔子曰乾元用九而天下治聖人南面蓋取諸離斯誠天子所宜協陰陽致麟鳳之道矣謹正書副上惟不罪戾按此奏引聖人稱天子蓋上之漢朝或卽於斯時并示孔融考孔融被殺在獻帝建安十三年則奏上此書及奏論荷譖馬融鄭玄宋忠易注得失又奏鄭玄解尚書遺失事因及玄注五經達義諸章奏皆在建安十三年之前歟

釋文敍錄周易虞翻注十卷字仲翔會稽餘姚人後漢侍御史按本志別集類亦題後漢侍御史與陸氏同其曰吳侍御史者本傳不載爲是官蓋非其實也

唐書藝文志周易虞翻注十卷

張氏易義別錄曰虞氏之學既世又具見馬鄭荀宋氏書考其是否故其義爲精又古書亡而漢魏師說可見者十餘家惟鄭荀虞三家略有梗概可指說而虞又較備然則求七卜子之微言田何楊叔丁將軍之所傳者舍虞氏之注其何所自焉故求其條貫明其統例釋其疑滯信其亡缺爲虞氏義九卷孫堂漢魏易注輯本序曰三國志本傳載其五世傳易獻帝時作易注奏上之其書久佚集解所錄以經文準之殆不能半然虞之大義至今未泯者不可謂非李氏之功今以集解爲主而更采他書附益之釐爲十卷

周易十五卷吳鬱林太守陸績注

後漢書陸康傳康吳郡吳人也少子績仕吳爲鬱林太守博學善政見稱當時幼年曾謁袁術懷橘墮地者也有名稱吳志本傳績字公紀博學多識星曆算數無不該覽虞翻舊齒名盛龐統荊州令士年亦差長皆與績友善孫權統事辟奏曹掾以直道見憚出爲鬱林太守加偏將軍給兵二千人績既有蹙疾又意在儒雅非其志也雖有軍事著述不廢作渾天圖注易釋玄皆傳於世豫自知亡日乃爲辭曰有漢志士吳郡陸績幼敦詩書長玩禮易受命南征遭疾遇厄遭命不幸嗚呼悲隔年三十二卒

釋文敍錄陸績述十三卷七志云錄一卷後漢偏將軍鬱林太守按陸氏自稱有漢志士其卒

時當在建安中孫權稱帝稱號之前故亦稱後漢

唐書經籍志周易十三卷陸績注

唐書藝文志周易陸績注十三卷四庫提要曰陸氏易解一卷吳陸績撰原本散佚明姚士粦采釋文集解及續京氏易傳注輯爲此本凡一百五十條昔宋王應麟輯鄭氏易注爲學者所重士粦此本雖不及應麟蒐討之勤博而掇拾殘剩存什一於千百亦可以見陸氏易注之大略矣

張氏易義別錄輯本序曰明姚士粦采釋文集解合以京氏易傳之注爲陸氏易解一卷今四庫本是也易傳注世有其書又不宜入易注其所采闕謬甚多今正而補之因論其義爲一卷公紀注京氏易傳則其易京氏也余嘗以爲京氏既爲易章句又別爲易傳飛候之書以謂易含萬象不可執一隅然則積算之法殆不用之章句以易傳飛候求易者爲京氏者之未矢也今觀公紀所述凡納甲六親九族四氣刑德生尅未嘗一言及之至言六爻發揮旁通卦爻之變有與孟氏相出入者京氏自言其易卽孟氏學公紀儻得之耶京氏章句既亡由公紀之說京氏之大旨庶幾見之公紀以少年與仲翔爲友觀其書亦幾欲與荀虞頡頏矣又曰余嘗善陸績治易京氏而其言純粹與干寶絕不相類按本傳云注易釋玄謂其注周易釋大玄也全氏祖望讀易別錄云吳鬱林太守吳郡陸績易釋玄注云見吳志此誤讀傳文

也孫氏漢魏易注輯本一卷馬氏玉函山房輯本三卷

周易十卷晉散騎常侍干寶注

晉書本傳寶字令升新蔡人也少以才器召爲著作郎平杜弢有功賜爵關內侯領國史補山陰令遷始安太守王導請爲司徒右長史遷散騎常侍性好陰陽術數留思京房夏侯勝等傳又爲春秋左氏義外傳注周易官凡數十篇

釋文敍錄周易干寶注十卷字令升新蔡人東晉散騎常侍領著作

唐書經籍志周易十卷干寶注

唐書藝文志周易干寶注十卷

宋史藝文志干寶易傳十卷

經義考胡一桂曰干寶周易傳十卷宣和四年蔡攸上其書曰其學以卦爻配月或以配日時傳諸人事而以前世已然之迹證之訓義頗有所據

又曰干氏易已無傳唯散見於陸氏釋文李氏集解近海鹽胡氏編鹽邑志林乃鈔撮其僅存者刊行之

張氏易義別錄輯本序曰明姚士粦輯干常侍易解三卷但取李氏集解之文而又時有疏謬丁教授杰補而正之頗詳具今依而錄之因論其例爲二卷史稱寶好陰陽術數留心京房夏侯勝之傳故其注易盡用京氏占候之法以爲象而援文武周公遭遇之期運一一比附之易道猥雜自此始矣

按史言留思京房夏侯勝等傳京房有易傳即漢志載災異六十六篇是夏侯勝從夏侯始昌受尚書洪範五行傳說災異漢書五行志序云是以摯仲舒別向歆傳載眭孟夏侯勝京房谷永李尋之徒所陳行事則東漢時有其書干氏猶得見之歟馬氏玉函山房所輯據張氏易義別錄本孫氏漢魏易注據雅雨堂輯錄本

周易三卷晉驃騎將軍王廙注殘缺梁有十卷

晉書本傳廙字世將丞相導從弟而元帝姨弟也辟太傅掾轉參軍豫迎大駕封武陵縣侯拜尚書郎出爲濮陽太守元帝作鎮江左廙乘郡過江帝見之大悅以爲司馬數遷至左衛將軍及王敦構禍帝遣廙喻敦既不能諫其悖逆乃爲敦所留受任助亂敦得志以廙爲平南將軍荊州刺史尋病卒帝猶以親故深痛愍之贈侍中驃騎將軍諡曰康

釋文敍錄王廙注十二卷琅邪臨沂人七志七錄云十卷

唐書經籍志周易十卷王廙注

唐書藝文志周易王廙注十卷

張氏易義別錄輯本序曰東晉以後言易者大率以王弼爲本而附之以元言其用鄭宋諸家小有去取而已非能通其說如王廙者是也

馬氏玉函山房輯本序曰王儉七志阮孝緒七錄並云王廙周易注十卷隋志三卷殘闕唐志十卷釋文十二卷今其書不傳茲從正

義釋文集解世說注御覽等書采輯爲一卷按孫氏漢魏易注亦輯存一卷

周易八卷晉著作郎張璠注殘缺梁有十卷

釋文敍錄張璠集解十二卷安定人東晉祕書郎參著作集二十二家解序云依向秀本鍾會字士季穎川人魏鎮西將軍爲易無互體論

向秀字子期河內人晉散騎常侍爲易義

庾連字玄度新野人官至尚書爲易義一云易注

應貞字吉甫汝南人晉散騎常侍爲明易論

荀輝字景文潁川潁陰人晉太子中庶子爲易義七志云注易十卷

張輝字義元梁國人晉侍中平陵亭侯爲易義

王宏字正宗弼之兄晉大司農贈太常爲易義

阮咸字仲容籍之兄子晉散騎常侍始平太守爲易義

阮渾字長成籍之子晉太子中庶子馮翊太守爲易義

楊父字玄舒汝南人晉司徒左長史爲易卦序論

王濟字武子太原人晉河南尹爲易義

衛瓘字伯玉河東人晉太保蘭陵成侯爲易義

樂肇字水初太山人晉太保掾尚書郎爲易論

鄒湛字潤甫南陽新野人晉國子祭酒爲易統略

杜育字方叔襄城人國子祭酒爲易義

楊瓚不知何許人晉司徒右長史爲易義

張軌字士彥安定人涼州刺史諡武公爲易

宣舒字幼驥陳郡人晉宜城令爲通知來藏

往論

邢融裴藻許適楊藻四人不詳何人並爲易

義七錄云集二十八家七志云十卷

唐日本國見在書目周易十二卷東晉祕書

郎張播集廿二家解播當爲瑤

唐書經籍志周易十卷張璠集解周易略論

一卷張璠撰

唐書藝文志周易張璠集解十卷又略論一

卷

馬氏玉函山房輯本序曰古來集合諸家之

易以成一家者荀爽九家集解李鼎祚集解

及此書號爲大作今惟李書尙存九家易與

此罕有傳本茲取釋文所引及正義集解文

選注輯爲一卷又序稱依向秀爲本故凡向

氏說悉采入其楊又鄒湛張軌佚說並附著

之惜他家派絕無從徵述耳

按釋文敍錄引張璠云子夏易傳或駢臂

子弓所作似出是書孫氏漢魏易注亦輯

存一本

周易馬鄭二王四家集解十卷

不著撰人

唐書經籍志周易十卷馬鄭二王集解

唐書藝文志周易馬鄭二王集解十卷

按此不知何人集馬融鄭康成王弼王肅

四家之說爲一書其後又云梁有集馬鄭

二王解十卷亡蓋卽是書

不著撰人

釋文敍錄荀爽九家集注十卷不知何人所

集稱荀爽者以爲主故也其序有荀爽京房

馬融鄭玄宋衷虞翻陸績姚信翟子玄子玄

不詳何人爲易義注內又有張氏朱氏並不

詳何人

又音義說卦傳末曰荀爽九家集解本乾後

更有四爲龍爲直爲衣爲言後有八爲牝

爲迷爲方爲囊爲裳爲黃爲帛爲漿震後有

三爲王爲鵠爲鼓巽後有二爲楊爲鶴坎後

有八爲宮爲律爲可爲棟爲叢棘爲狐爲羨

藜爲桎梏離後有一爲牝牛艮後有三爲鼻

爲虎爲狐兌後有二爲常爲輔頰注云常西

方神也

唐書經籍志周易十卷荀氏九家集解

唐書藝文志荀氏九家集解十卷

孫堂漢魏易注輯本序曰九家易注乃後人

集荀爽等九家之說陳振孫書錄解題謂荀

爽所集非也釋文序錄列九家姓名皆漢魏

人則此書當出自魏晉人手至八卦逸象三

十一查元章疑爲後人所增但秦漢之際易

亡說卦孝宣時河內女子得說卦安知此三

十一象非卽古經佚文歟

按王氏謨漢魏遺書鈔亦輯存一本其敍

錄云九家易解恐當如陳氏書錄之說漢

淮南王所聘明易者九人荀爽爲之集解

非如陸氏釋文云卽京房九家也其說謬

矣陸氏目見其書又引其序反以爲不足

據耶

周易楊氏集二王注五卷

楊氏始末未詳

唐書經籍志周易十卷二王集注

唐書藝文志周易二王集解十卷

梁有集馬鄭二王解十卷亡

不著撰人

按此卽前之十卷實未亡也本志類此者

甚多也

周易十卷蜀才注

晉常璩華陽國志李雄克成都迎范賢爲丞

相尊爲天地太師封西山侯賢名長生一名

延久又名九重一曰友字元壽涪陵丹輿人

十六國春秋長生善天文有術數民奉之如

神

隋顏之推家訓書證篇易有蜀才注江南學

士遂不知爲何人王儉四部目錄不言姓名

題曰王弼後人謝昉夏侯該並讀數千卷書

皆疑是譙周而李蜀書一名漢之書云姓范

名長生自稱蜀才南方以晉家渡江後北間

傳記皆名爲僞書不貴省讀故不見也

釋文敍錄蜀才注十卷七錄云不詳何人七

志云是王弼後人案蜀李書云姓范名長生一名賢隱居青城山自號蜀才李雄以為承相

唐書經籍志周易十卷蜀才注十卷
唐書藝文志周易蜀才注十卷

張氏易義別錄輯本序曰長生隱居青城山李雄即成都王位長生乘素輿詣雄即日拜為丞相尊之曰范賢故又名賢釋文隋唐志皆云蜀才易注十卷蜀才之易大約用鄭虞之義為多卦變全取虞氏

馬氏玉函山房輯本序曰武威張太史澍嘗從釋文及集解所引輯為一卷載入蜀典今據校錄偶有遺漏悉為補之

按孫氏漢魏易注中亦輯錄一本
梁有齊安參軍費元珪注周易九卷亡

釋文敍錄費元珪注九卷蜀人齊安西參軍按陸氏敍錄本志此條安下敍西字為南齊安西將軍府參軍者也

梁有謝氏注周易八卷亡

謝氏始末未詳

梁有尹濤注周易六卷亡

釋文敍錄周易尹濤注六卷不詳何人

周易十卷後魏司徒崔浩注

北史崔宏傳宏清河東武城人也仕至天部大人進爵白馬公子浩襲浩字伯深 魏書本傳作伯淵 明元初拜博士祭酒賜爵武城子常授帝經書明元好陰陽術數聞浩說易及洪範五行善之浩上五畜元曆表有曰太宗

即位元年敕臣解孝經論語詩尚書春秋禮記周易三年成訖 按此似所作講疏成於太宗明元帝永興三年時為南朝晉安帝義熙七年也 始光中進爵東郡公歷太常卿侍中特進撫軍大將軍左光祿大夫司徒太武帝真君十一年六月誅浩清河崔氏無遠近及范陽盧氏太原郭氏河東柳氏皆浩之姻親盡夷其族其祕書郎史以下盡死自宰司之被戮辱未有如浩者

魏書高允傳是時著作令史閔湛鄒擲性巧佞為浩信待見浩所注詩論語尚書易遂上疏言馬鄭王賈雖注述六經並多疏謬不如浩之精微乞收境內諸書藏之祕府班浩所注命天下習業并求敕浩注禮傳令後生得觀正義浩亦表薦湛有著述之才既而勸浩刊所撰國史於石用垂不朽以彰浩直筆之跡允聞之謂著作郎宗欽曰閔湛所營分寸之間恐為崔門萬世之禍吾徒無賴矣未幾而難作

史通正史篇元魏史道武時始令鄧淵著國記為十卷而條例未成暨乎明元廢而不述太武神璽二年又詔集諸文士崔浩浩弟覽高謙鄧穎晁繼范亨黃輔等撰國書為三十卷又特命浩總監史任務從實錄復以中書郎高允散騎侍郎張偉並參著作續成前書敍述國事無隱所惡而刊石寫之以示行路浩坐此夷三族同作死者百二十八人

魏書張湛傳浩注易序曰國家西平河右涼

州沮渠氏也敦煌張湛金城宗欽武威段承根三人皆儒者並有儒才見稱於西州每與余論易余以左氏傳卦解之遂相勸為注故因退朝之餘暇而為之解焉按此序所云蓋作於魏太武帝平北涼之後在太平真君之時為南朝宋文帝元嘉中與前明元初敕撰之易解合孝經論語等七經三年成訖者已將三十年是崔氏易有前後兩本而魏書載其序文則此十卷其後一本也

顏氏家訓勉學篇洛陽亦聞崔浩張偉劉芳鄴下又見邢子才此四儒者雖好經術亦以才博擅名

唐書經籍志周易十卷崔浩注
唐書藝文志周易崔浩注十卷
周易十卷梁處士何胤注

梁書處士傳何胤字子季師事沛國劉歊受易及禮記毛詩起家齊祕書郎遷太子舍人建安太守司徒主簿注易又解禮記於卷背書之謂為隱義累遷左民尚書領驍騎中書令領臨海巴陵王師建武初拜表辭職居會稽若耶山雲門寺初胤二兄求點並棲遁求先卒至是胤又隱世號點為大山胤為小山亦曰東山永元中徵太常詹事並不就高祖竊府建引為軍謀祭酒不至及踐阼詔為特進右光祿大夫敕給白衣尚書祿不受又敕遣何子朗孔壽等六人於東山受學中大通三年卒年八十六注周易十卷

又儒林傳序高祖有天下詔求碩學招內後

進又選遺學生如會稽雲門山受業於廬江何胤

唐書經籍志周易十卷何胤注

唐書藝文志周易何胤注十卷

梁有臨海令伏曼容注周易八卷亡

梁書儒林傳伏曼容字公儀平昌安邱人曾祖滔晉著作郎曼容少篤學善老易偶儻好大言常云何晏疑易中九事以吾觀之晏了不學也故知平叔有所短聚徒教授以自業仕宋至輔國長史南海太守入齊爲武昌太守中散大夫梁臺建召拜司馬出爲臨海太守天監元年卒官年八十二爲周易毛詩喪服集解老莊論語義

馬氏玉函山房輯本序曰曼容官至臨海太守見南史梁書儒林傳其撰述周易毛詩喪服史並稱集解老子論語並稱義隋志梁有臨海令伏曼容注周易八卷亡太守云令集解云注皆與舊史不合當依本傳今惟釋文及集解各引一則此外別無徵述其說盡卦一節引尚書大傳今本無之知當日引喻鴻通不同叩寂其他論說當更有精義微言出人意表者惜無從考證之矣

梁有侍中朱异集注周易一百卷又周易集注三十卷亡

梁書本傳异字彥和吳郡錢唐人也折節從師遍治五經尤明禮易五經博士明山賓表薦高祖召見使說孝經周易義甚悅之召直西省俄兼太學博士皇太子召异於玄圃講

易畧爲鴻臚卿散騎常侍左右衛將軍侍中中領軍自周捨卒後异代掌機謀居權要三十餘年特被寵任侯景以壽春反討异爲名初景謀反合州司州刺史累有啓聞异以景孤立寄命必不應爾並抑而不奏故朝廷不爲之備及寇至城內文武咸尤之皇太子又製圍城賦其末章云蓋以指异异慙憤發病卒年六十七所撰禮易講疏及儀注文集百餘篇亂中多亡逸

按梁書儒林孔子祛傳續朱异集注周易一百卷似此即孔子祛所續子祛卒於中大同元年時朱异爲右衛侍中及見其書而後三十卷似朱氏原書本志編次之例往往以後出撰錄之本冠本書之前也

周易七卷姚規撰

馬氏玉函山房輯本序曰姚規不詳何人隋志有周易七卷姚規注不著何代蓋隋時已無考但系於梁何胤伏曼容朱异之下當是齊梁間人唐志不著錄亡佚已久李鼎祚集解引一節說言互體蓋亦治鄭虞學者

周易十三卷崔觀注

北史儒林傳序自魏末大儒徐遵明門下講鄭玄所注周易遵明以傳盧景裕及清河崔瑾

唐書經籍志周易十三卷崔瑾注

唐書藝文志周易崔瑾注十三卷

周易十三卷傅氏注

唐書經籍志周易十四卷傅氏注

唐書藝文志周易傅氏注十四卷

經義考曰按雙湖胡氏易啓蒙翼傳作十四卷釋文泰初九賁卦辭萃初六並引傅氏注馬氏玉函山房輯本序曰隋志有周易十三卷傅氏注唐志十四卷胡氏啓蒙翼傳亦云十四卷皆言傅氏不知何代人隋志在盧氏上唐志在何胤盧氏下殆亦齊梁間作者今佚釋文引三節音訓皆與今易異錄存之備一解云

按姚氏規及傅氏馬竹吾皆以爲齊梁間人竊以謂姚氏以下四家次梁人之後皆後魏北齊人也本志編次別集一類亦以梁後次北魏北齊後周以迄陳隋又每於北朝人書多不著其時代爵里此其例之略可尋究者

周易一帙十卷盧氏注

唐書經籍志周易十卷盧氏注

唐書藝文志周易盧氏注十卷

後魏楊銜之洛陽伽藍記曰盧白頭一字景裕范陽人也性愛恬靜邱園放教學極六經疏通百氏普泰初起家爲國子博士雖在朱門以注述爲事注周易行之於世也

馬氏玉函山房輯本序曰隋唐志均有盧氏注周易十卷不載其名今惟正義及集解引之凡二十節考後魏書盧景裕傳景裕字仲孺小字白頭范陽涿人也專精爲學又云先是景裕注周易注尚書孝經論語禮記老子其毛詩左氏傳未訖齊文襄王入相於第開

講招延時傳令景裕解所注易景裕義理精微吐發閑雅時有問難或相詆訶大聲厲色

言至不遜而景裕神采儼然風誦如一從容往復無隙可尋由是士君子嗟美之普泰初

復除國子博士興和中補齊王開府屬卒於晉陽景裕雖不聚徒教授所注易大行於世

由此觀之則盧氏注易審為景裕矣隋唐志佚其名者蓋由蕭梁之代南北分疆故七錄

所記詳南而略北隋志本七錄唐志因之故多缺亡耳今仍題盧氏闕疑也其說易爻用

升降與蜀才略相似大抵宗荀氏之學者按先載帙數後記卷數此七錄例也本志

削帙數存卷數得事要矣此題云一帙蓋沿阮氏舊例而刪除不盡者

又按本志依漢藝文之體一篇之中各分以類自歸藏至此為第一類皆傳注之屬舊本當有限斷乙於其間傳久失之歟

周易繫辭二卷晉桓玄注晉書叛逆傳桓玄字敬道一名靈寶大司馬

溫之孽子也晉安帝元興元年十一月壬午篡位改元永始後敗逃益州督護馮遷斬之

枚回洲年三十六自篡盜至敗時凡八旬釋文敍錄桓玄字敬道譙國龍亢人僞楚皇帝注繫辭

唐書經籍志周易繫辭二卷桓玄注唐書藝文志桓玄注繫辭二卷

馬氏玉函山房輯本序曰陸德明采注繫辭者十人尚引有桓元三節夫僭竊之徒何足

稱述然其所本亦有可資考訂者不以人廢言也

周易繫辭二卷晉西中郎將謝萬等注按等字似近晉書謝安附傳安弟萬字萬石簡文帝作相

召為撫軍從事中郎再遷豫州刺史領淮南太守監司豫冀并四州軍事假節軍潰狼狽

單歸廢為庶人後復以為散騎常侍會卒年四十二

釋文敍錄謝萬字万石陳郡人東晉豫州刺史注繫辭

唐書經籍志周易繫辭二卷謝萬注唐書藝文志謝萬注繫辭二卷

周易繫辭二卷晉太常韓康伯注晉書列傳韓伯字康伯潁川長社人也舉秀

才徵佐著作郎並不就簡文帝居藩引為談客自司徒左西屬轉撫軍掾中書郎散騎常

侍豫章太守侍中丹陽尹吏部尚書領軍將軍改授太常未拜卒年四十九

釋文敍錄韓伯字康伯潁川人東晉太常卿注繫辭

經義考曰按陸氏釋文序錄注繫辭者十人今之存者惟韓氏而已

常熟丁國鈞補晉書藝文志曰繫辭正義以康伯為王弼門人晁公武讀書志亦沿其說

不知弼魏末人康伯東晉人時代固遠不相及也誤不足據按韓康伯注繫辭說卦序卦雜卦三卷前已合王弼注為一書此但二卷其單行本

兩唐志不別出周易繫辭二卷梁太中大夫宋襄注

宋襄始末未詳唐書經籍志周易繫辭二卷宋襄注

唐書藝文志宋襄注繫辭二卷册府元龜學校部注釋門宋襄為太中大夫

注繫辭二卷梁又有宋東陽太守卞伯玉注繫辭二卷

釋文敍錄卞伯玉濟陰人宋東陽太守黃門郎注繫辭

烏程嚴可均全宋文編曰卞伯玉濟陰人仕晉官爵未詳入宋為東陽太守黃門郎有繫辭注二卷

周易繫辭二卷荀柔之注釋文敍錄荀柔之潁川潁陰人宋奉朝請注

繫辭唐書藝文志荀柔之注繫辭二卷册府元龜注釋門荀柔之注周易繫辭并為

易音經義考曰按釋文議之而後動荀本作儀之

馬氏玉函山房輯本序曰南史宋書皆無荀柔之傳其字亦佚隋唐志並有柔之繫辭注

二卷今佚唯釋文引三節如議之而後動作儀之與鄭康成姚信同較王弼本作儀之者

理實深長有味按舊唐志有荀彥注繫辭二卷無荀柔之

新唐志荀彥荀柔之並出疑荀彥即荀柔之册府元龜云柔之并為易音未詳所據

周易集注繫辭二卷

不著撰人 按經義考以徐爰注即為此集注似未然

梁有宋太中大夫徐爰注繫辭二卷

宋書南史恩倖傳徐爰字長玉南琅邪開陽

人也本名瑗初為晉琅邪王大司馬府中典

軍為宋武帝所知文帝又見親任至殿中侍

御史孝武時數遷明帝即位除太中大夫奉

始三年徙交州久之聽還除南康郡丞明帝

崩還都以為南濟陰太守復除中散大夫元

徽三年卒年八十三

釋文敘錄徐爰字季玉琅邪人宋太中大夫

注繫辭

按自桓玄至此皆注繫辭自為一編者別

為第二類

周易音一卷東晉太子前率徐邈撰

晉書儒林傳徐邈東莞姑幕人也祖澄之永

嘉之亂南渡江家於京口邈姿性端雅孝武

帝時補中書舍人遷散騎常侍祠部郎中書

侍郎太子前衛率授太子經安帝即位拜驍

騎將軍隆安元年遭父憂哀毀而卒年五十

四

宋書徐廣傳廣兄邈太子前衛率家世好學

釋文敘錄徐邈字仙民東莞人東晉中書侍

郎太子前衛率為易音

唐日本國見在書目周易音一卷徐仙民撰

經義考曰徐氏於諸經皆有音顏氏家訓書

證音辭篇屢引之

馬氏玉函山房輯本序曰徐氏周易音唐志

不著錄佚已久釋文云為易音者三人王肅

徐邈李軌而引徐音尚百餘條采為一卷

按此即後論語類所載五經音十卷之一

周易音一卷東晉尚書郎李軌弘範撰

釋文敘錄李軌字弘範江夏人東晉祠部郎

中都亭侯

馬氏玉函山房輯本序曰晉書無李軌傳唐

釋元應一切經音義引李洪範弘又作洪未

知孰是 按此似無可疑隋志載其周易音一卷

唐志不著錄蓋在唐時已佚故釋文引止七

節不及徐音十之一並輯合存之

周易音一卷范氏撰

范氏始末未詳

南康謝啓昆小學考音義類范氏周易音隋

志一卷佚

周易并注音七卷祕書學士陸德明撰

唐書儒學傳陸德明蘇州吳人初受學於周

弘正仕陳為國子助教陳亡歸鄉里隋煬帝

嗣位以為祕書學士授國子助教太宗徵為

秦府文學館學士貞觀初拜國子博士封吳

縣男尋卒撰老子疏十五卷易疏二十卷並

行於世

新唐書儒學傳陸元朗字德明以字行又徐

曠傳云世稱左氏有徐文遠禮有褚徵詩有

魯達易有陸德明皆一時冠

釋文敘錄王氏為世所重今以王為主其繫

辭以下王不注相承以韓康伯注續之今亦

用韓本

陳氏書錄解題曰周易釋文一卷唐國子博

士吳郡陸德明撰多援漢魏以前諸家說蓋

唐初諸書皆在也卦首注某宮某世用京房

說

四庫兩數類京房易傳提要曰陸德明經典

釋文於周易六十四卦之下悉注某宮一世

二世三世四世游魂歸魂諸名引而附合於

經義誤之甚矣

按此七卷當是合經注音義為一帙兩唐

志不載陸氏有經典釋文三十卷唯周易

音義一卷本志著錄於此餘皆不見又本

志凡隋人書皆不著朝代此其初哉首基

也

又按自徐邈周易音至此皆音義之屬別

為第三類

周易盡神論一卷魏司空鍾會撰梁有周易無互

體論三卷鍾會撰亡

魏志本傳會字士季穎川長社人太傅繇小

子也少敏惠夙成及壯有才數技藝而博學

精練名理以夜續晝由是獲聲譽正始中以

為祕書郎遷尚書中書侍郎高貴鄉公即尊

位賜爵關內侯司馬文王為大將軍輔政封

東武亭侯以中郎在大將軍府管記室事為

腹心之任文王欲大舉圖蜀景元三年冬以

會為鎮西將軍假節都督關中諸軍事及蜀

平五年正月十八日以謀反為胡烈等所殺

時年四十會嘗論易無互體初會弱冠與山

陽王弼並知名

晉書荀顛傳顛理思周密難鍾會易無互體見稱於世

釋文敍錄張璠集解序云鍾會字士季穎川人魏鎮西將軍為易無互體論

唐書經籍志周易四卷鍾會撰按易下敍論字

唐書藝文志鍾會周易論四卷

周易象論三卷晉尚書郎欒肇撰

釋文敍錄張璠易解序云欒肇字永初太山人晉太保掾尚書郎為易論

唐書經籍志通易象論一卷欒永初撰按此作永初經義考又作太初

唐書藝文志欒肇通易象論一卷

周易卦序論一卷晉司徒右長史楊乂撰

釋文敍錄張璠集解序曰楊乂字玄舒汝南人晉司徒左長史為易卦序論

唐書經籍志周易卦序論一卷楊乂撰

唐書藝文志楊乂卦序論一卷

經義考王應麟曰楊乂周易卦序論御覽常引之按徐堅初學記亦引乂易卦序論

嚴氏全晉文編曰楊乂字玄舒汝南人為給事中遷司徒左長史有易卦序論一卷

周易統略五卷晉少府鄒湛撰

晉書文苑傳鄒湛字潤甫南陽新野人也仕魏歷通事郎太學博士泰康中累遷散騎常侍渤海太守國子祭酒轉少府元康末卒

釋文敍錄張璠集解敍云鄒湛字潤甫晉國子祭酒為易統略

唐書經籍志周易統略論三卷鄒湛撰

唐書藝文志鄒湛統略論三卷

周易論二卷晉馮翊太守阮渾撰

晉書阮籍傳籍陳留尉氏人也子渾字長成有父風少慕通達不飾小節籍謂曰仲容已

豫吾此流汝不得復爾太康中為太子庶子魏志王粲附傳注籍子渾字長成世語曰渾

以閑澹寡欲知名京邑為太子庶子早卒

釋文敍錄張璠集解序曰阮咸字仲容籍之兄子晉散騎常侍始平太守為易義阮渾字

長成籍之子晉太子中庶子馮翊太守為易義

唐日本國見在書目周易論二卷晉馮翊太守阮渾撰

唐書經籍志周易論二卷暨長成難暨仲容答暨當為阮

唐書藝文志阮長成阮仲容難答論二卷

通志藝文略二阮難答論二卷阮長成阮仲容

按經義考別出阮咸周易難答論二卷其實二阮難答止一書也

周易論一卷晉荊州刺史宋岱撰

晉書惠帝本紀太安二年三月李特攻陷益州荊州刺史宋岱擊特斬之傳首京師又華

陽國志大同志荊州刺史宋岱水軍三萬助尙次墊江時襄陽羅倫為益州刺史也又曰太安

二年五月宋岱病卒墊江

宋晁載之續談助鈔殷芸小說曰雜記云宋岱為青州刺史禁淫祀著無鬼論人莫能屈

鄰州化之

梁劉勰文心雕龍論說篇宋岱郭象銳思於幾神之區北平黃叔琳注曰通志晉荊州刺史宋岱通易論一卷

唐書經籍志易論一卷宋容宗撰

唐書藝文志宋處宗通易論一卷

按金樓子雜記篇殘文有云宋岱之難猶解談說似即此宋岱晉書無傳或作宗

岱當趙王倫篡位齊王冏起義之時宗岱為襄陽太守見晉書孫旂傳又本志總集

類明真論一卷晉兗州刺史宗岱撰是岱嘗為襄陽太守青州兗州荊州刺史自將

荊州軍府兵助羅尚討李特等卒於軍宋岱始末如此處宗其字也別有文集若干

卷見集部別集類中

梁有擬周易說八卷范氏撰亡

嚴氏全晉文編曰范宣字宣子陳留人徙居豫章咸和初太尉郗鑒引為主簿詔徵太學

博士員外郎並不就太元中卒有擬周易說八卷

常熟丁國鈞補晉書藝文志曰七錄但題范氏撰次于寶書上蓋范宣書也

按晉書儒林傳宣家於豫章雖閑居屢空常以讀誦為業譙國戴逵等皆聞風宗仰

太元中順陽范寧為豫章太守在郡立鄉校教授恆數百人由是江州人士並好經

學化二范之風也宣年五十四卒著禮易論難皆行於世子輯歷郡守國子博士大

將軍從事中郎自免歸亦以講授爲事義熙中連徵不至此擬周易說在禮易論難之內者歟抑或有范寧范縝之說在內非一人之作故七錄總題范氏也

梁有周易宗塗四卷于寶撰亡

于寶有易注見前

經義考曰于氏寶周易宗塗隋志四卷佚

梁有周易問難二卷王氏撰亡

王氏始末未詳

按册府元龜云晉于寶爲散騎常侍領著作撰周易問難二卷此誤讀本志此一條注文也明項暉跋于氏易輯本云于令升有周易宗塗四卷爻義一卷問難二卷亦誤讀本志經義考曰于氏寶周易問難二卷又按隋志有王氏周易問難二卷疑訛于爲王也則又因册府項氏兩說而誤著於錄誤致其疑也本志注文牽連上下文易致誤會然如此一條前後皆有可證明尙不甚難辯

此實王氏書非于氏書

梁有周易問答一卷揚州從事徐伯珍撰亡

南齊書高逸傳徐伯珍字文楚東陽太末人究尋經史游學者多依之太守琅邪王曇生吳郡張淹並加禮辟伯珍應召便退如此者凡十二焉永明二年刺史豫章王辟議曹從事不就家甚貧寔兄弟四人皆白首相對時人呼爲四皓建武四年卒年八十四受業生凡千餘人

梁有周易難王輔嗣義一卷晉揚州刺史顧夷

等撰亡

梁劉峻世說文學篇注顧氏譜曰夷字君齊吳郡人祖歐孝廉父霸少府卿夷辟州主簿不就按本志子部儒家梁有顧子十卷晉揚州主簿顧夷撰與顧氏譜系合此稱揚州刺史當爲主簿

宋書隱逸傳關康之字伯愉河東楊人

世居京口少而篤學晉陵顧悅之難王弼易義四十餘條康之申王難顧遠有情理又齊書高隱滅榮緒傳云康之與榮緒俱隱在京口世號二隱

按關康之傳則是書亦有顧悅之難義及關氏難顧義並錄在其中故題曰顧夷等

明非一人之作也顧悅之字君叔晉陵無錫人初爲揚州刺史殷浩故吏後爲州別駕歷尚書右丞顧愷之父也晉書附見殷浩傳後

梁有周易難論十四卷亡

不著撰人

周易義一卷宋陳令范欽撰

范欽始末未詳

册府元龜注釋門宋范欽爲陳令撰周易義二卷

周易玄品二撰

不著撰人

册府元龜注釋門于寶又撰周易玄品二卷

經義考于氏寶周易玄品二卷佚

又曰項暉跋云于令升周易注十卷周易宗塗四卷爻義一卷問難二卷玄品二卷有

其名無其書按項氏跋爲于氏易輯本作也

又曰按隋志周易玄品二卷不注撰人姓名當即于氏之書

鄞縣全祖望讀易別錄曰周易玄品二卷隋志誤入經部

按册府元龜以爲于氏豈宋初傳本此條下有撰人今本佚敍耶本志子部五行家亦有周易玄品二卷亦不著撰人疑即一書故全氏謂誤入經部

周易論十卷齊中書郎周顒撰梁有三十卷亡

南齊書本傳顒字彥倫汝南安成人晉左光祿大夫顒七世孫也宋元徽中仕歷鄞陵王南中郎三府參軍太祖輔政轉齊臺殿中郎建元中爲山陰令歷太子僕中書郎國子博士兼著作卒官顒兼善老易與張融相遇輒以玄言相滯彌日不解子捨

周易論四卷范氏撰

唐書經籍志周易論四卷范氏撰

唐書藝文志范氏周易論四卷

常熟丁國鈞補晉書藝文志曰隋志但題范氏按本書范宣傳言宣著禮易論難皆行於世此書隋志既次在晉代其爲宣撰無疑按范宥有擬周易說八卷見前

周易統例十卷崔觀撰

崔觀有易注十三卷見前

馬氏玉函山房輯本序曰崔觀不詳何人時代爵字里居並佚隋志有周易十三卷崔觀注又有周易統例十卷崔觀撰亦僅題崔觀

而已考北史儒林傳有清河崔瑾與范陽盧景裕同為徐遵明弟子觀瑾音同或一人而傳寫各異歟今其書并不傳孔氏正義李鼎祚集解各引一節錄出存隋志一家云

按自鍾會周易盡神論至此皆論難之屬別為第四類

周易爻義一卷干寶撰

干寶有易注見前

唐書經籍志周易文義一卷干寶撰 按文當為爻

唐書藝文志干寶注十卷又爻義一卷

經義考胡一桂曰干寶周易十卷復別出

爻義一卷宣和四年蔡攸上其書

周易乾坤義一卷齊步兵校尉劉瓛撰

南齊書本傳瓛字子珪沛國相人晉丹陽尹

恢六世孫也少篤學博通五經聚徒教授常有數十人仕宋除郡陵王郡主簿安陸王國

常侍安成王撫軍行參軍公事免瓛素無宦

情自此不復仕太祖踐祚欲以為中書郎不

就後以母老闕養重拜彭城郡丞武陵王暉

為會稽太守上欲令瓛為暉講除會稽郡丞

學徒從之轉衆除步兵校尉不拜卒年五十

六今上天監元年下詔為瓛立碑諡曰貞簡

先生史臣曰江左儒門參差互出雖於時不

絕而罕復專家晉世以玄言方道宋氏以文

章間業二代以來為教衰矣劉瓛承馬鄭之

後一時學徒以為師範

南史本傳瓛儒業冠於當時都下士子貴游

莫不下席受業當世推為大儒以比古曹鄭性謙率不以高明自居

梁元帝金樓子與王篇沛國劉瓛當時馬鄭上每析疑義雅相推揖

唐書經籍志周易乾坤義疏一卷劉瓛撰

唐書藝文志劉瓛乾坤義疏一卷按兩唐書義下加以疏字似非是

梁又有齊臨沂令李玉之梁釋法通等乾坤義各一卷亡

南齊書崔慧景傳東昏侯時慧景奉江夏王

寶玄向京師臨沂令李玉之發橋斷路慧景

收殺之慧景敗死追贈玉之給事中

梁釋慧皎高僧傳釋法通本姓褚氏河南陽

翟人晉安東將軍碧之八世孫也家世衣冠

禮義相襲年十二出家後踐述京師止定林

上寺晦迹鍾阜三十餘載天監十一年九月

卒春秋七十

周易大義二十一卷梁武帝撰

梁書本紀高祖武皇帝諱衍字叔達南蘭陵

中都里人文思欽明能事畢究少而篤學洞

達儒玄雖萬機多務猶卷不輟手燃燭側光

常至戊夜造制旨孝經義周易講疏及六十

四卦二繫文言序卦等義樂社義毛詩答問

春秋答問尚書大義中庸講疏孔子正言老

子講疏凡二百餘卷並正先儒之迷開古聖

之旨王侯朝臣皆奉表質疑高祖皆為解釋

立五館置五經博士天監初則何佟之賀瑒

嚴植之明山賓等覆述制旨四方郡國趨學

向風雲集京師

藝文類聚雜文部梁簡文帝表曰臣以庸蔽

竊尚名理鑽仰幾深伏惟舞蹈冒欲請侍中

右衛將軍臣朱异於玄圃宣猷堂奉述制旨

易義弘闡聖作垂裕蒙求南史朱异傳皇太子又

召异於玄圃講易

南史儒林顧越傳及武帝撰制旨新義選諸

儒在所流通遺越還吳敷揚講說

唐書經籍志周易大義二十卷梁武帝撰一

本作文義

唐書藝文志梁武帝大義二十卷

按梁書賀瑒傳天監四年以瑒兼五經博

士別詔為皇太子定禮撰五經義似武帝

撰五經義瑒得與其事

周易幾義一卷梁南平王撰

梁書太祖五王傳南平元襄王偉字文達太

祖第八子也天監元年封建安郡王七年改

封南平郡王位侍中中書令大司馬中大通

五年薨時年五十八諡曰元襄偉少好學篤

誠通恕趨賢重士常如不及由是四方游士

當世知名者莫不畢至晚年崇信佛理尤精

玄學著二旨義別為新通又製性情幾神等

論其義僧寵及周捨殷鈞陸倕並名精解而

不能屈按南史本傳云著二旨義製性情幾神等論義

二旨似二論之誤幾神義即此幾義一卷

唐書經籍志周易發題義一卷周易幾義一

卷蕭偉撰

唐書藝文志蕭偉發義一卷又幾義一卷

梁有周易疑通五卷宋中散大夫何誼之撰亡

嚴氏全齊文編曰何誼之永明中爲太常丞

按何誼之宋齊書皆無傳唯南齊書輿服

志有永明六年太常丞何誼之議服章事

又禮志有籍田議祭用鮮犒魚議功臣配

饗議並云太常丞嚴氏所據本此然則何

仕宋爲中散大夫入齊至武帝時爲太常丞餘並未詳

梁有周易四德例一卷劉勳撰亡

劉勳有乾坤義見前

周易大義一卷

不著撰人

梁有周易錯八卷京房撰亡

京房有周易章句見前

按本志子部五行家著錄周易錯卦七卷

蓋卽是書

梁有周易日月變例六卷虞翻陸績撰亡

虞翻陸績有易注並見前

張氏易義別錄曰隋經籍志陸績又與虞翻

撰日月變例六卷亡

全氏讀易別錄曰虞翻周易日月變例六卷

隋志誤入經部

梁有周易卦象數旨六卷東晉樂安亭侯李顥

撰亡

晉書文苑李充傳充字弘度江夏人注尙書

及周易旨六篇行於世子顥亦有文義多所

述作郡舉孝廉

釋文敍錄李顥字長林江夏人東晉本郡太

守

按晉書言李充撰尙書周易旨本志易書

兩類唯有李顥無李充而此卦象數旨六

卷與史所載篇數合疑皆屬顥書非充書

或顥緒成父作如王肅重定王朗易傳歟

梁有周易爻一卷馬楷撰亡

馬楷始末未詳

周易大義二卷陸德明撰

陸德明有周易并注音見前

唐書經籍志周易文外大義二卷陸德明撰

唐書藝文志陸德明文外大義二卷

周易釋序義三卷

不著撰人

唐書經籍志周易釋序義三卷梁蕃撰

唐書藝文志梁蕃釋序義三卷

周易開題義十卷梁蕃撰

梁蕃始末未詳 疑卽梁代諸王如南平湘東之類

唐書經籍志周易開題論序十卷

唐書藝文志梁蕃開題論序疏十卷

周易問二十卷

不著撰人

唐書經籍志周易大義疑問二十卷梁武帝

撰 一本大義作本義

唐書藝文志梁武帝大義二十卷又大義疑

問二十卷

按梁武帝本紀云王侯朝臣皆奉表贊疑

高祖皆爲解釋故有此類問答之書陳書

周弘正傳弘正啓武帝周易疑義五十條

詔答曰近縉紳之學咸有稽疑隨答所問

已具別解似卽是書中之一事或當時臣

下所錄不名一家故本志不注姓名

又按經義攷云周易問隋志二十卷唐志

十卷今攷兩唐志易家別無周易問十卷

之目全氏讀易別錄云周易問二十卷隋

志誤入經部唐志入五行家今攷新唐志

五行有周易問十卷通志略作周易問十

蓋攷一卜字別爲術數家之書此二十卷

卽兩唐志大義疑問題梁武帝撰者則唐

人續考得之朱氏全氏皆誤會也本志與

兩唐志對勘其書名撰人互有異同者不

一而足多賴以攷見本末此書其一也

又按自干寶爻義至此皆雜義之屬別爲

第五類雜義與義疏疏不同義疏疏皆根據經

注節次而下雜義則不循章句各抒所見而已其體亦

近雜論故次於論難一類之後

周易義疏十九卷宋明帝集羣臣講

宋書本紀太宗明皇帝諱彧字休炳文帝第

十一子也好讀書愛文藝嘗於華林園芳堂

講周易常自臨聽

又袁粲傳泰始六年上於華林園茅堂講周

易粲爲執經 按茅堂當是芳堂之誤

梁書儒林伏曼容傳宋明帝好周易集朝臣

於清暑殿講詔曼容執經

唐書經籍志周易義疏二十卷宋明帝注

唐書藝文志宋明帝注義疏二十卷 按兩唐

志稱宋明帝注皆非也

梁又有國子講易議六卷亡

不著撰人

按此似宋國學所講也與下齊國學講相類

梁又有宋明帝集羣臣講易義疏二十卷亡

唐書經籍志宋羣臣講易疏二十卷張該等

注

唐書藝文志張該等羣臣講易疏二十卷

按張該始末未詳宋齊梁張氏惟吳人張裕及裕弟邵兩家為盛南史据其家傳勒

成兩卷該其裕邵之後歟

梁又有齊永明國學講周易講疏二十六卷亡

南齊書武帝本紀永明三年春正月詔曰春

秋國語云生民之有學數猶樹木之有枝葉

果行育德咸必由茲宜高選學官廣延胄子

又禮志永明三年正月詔立學創立堂宇召

公卿子弟下及員外郎之胤凡置生二百人

其年秋中悉集

按永明中先後遞為國子祭酒者為張緒

王儉儉長禮學多所論述緒則長於周易

言精理與見宗一時常云何平叔所不解

易中七事諸卦中所有時義是其一也緒

於高帝建元四年初立國學領祭酒武帝

永明三年王儉代之及七年儉卒緒復領

祭酒此永明國學講儉與緒當職必預其

事也

梁又有周易義三卷沈林撰亡

沈林始末未詳 疑沈洙之誤洙見南史儒林傳

周易講疏三十五卷梁武帝撰

梁武帝有周易大義見前

南史儒林孔子祛傳梁武帝撰五經講疏專

使子祛檢閱羣書以為義證

又沈洙傳朱异賀琛於士林館講制旨義常

使洙為都講

梁書簡文帝本紀高祖所製五經講疏嘗於

玄圃奉聽者傾朝野

唐書經籍志周易講疏三十五卷梁武帝撰

新志不著錄

馬氏玉函山房輯本序曰隋志有周易大義

二十一卷周易講疏三十五卷唐藝文志又

有大義疑問二十卷今並亡佚釋文引梁武

帝凡四節不言何書今并采武帝集引易附

之以攷異同

按梁元帝金樓子著書篇周易義疏三秩

三十卷金樓奉述制義私小小措意也則

又因此疏觸類而長者

周易講疏十六卷梁五經博士褚仲都撰

梁書孝行傳褚脩吳郡錢唐人也父仲都善

周易為當時最天監中歷官五經博士脩少

傳父業

陳書儒林全綏傳綏初受易於褚仲都篤志

研翫得其精微

唐書經籍志周易講疏十六卷褚仲都撰

唐書藝文志褚仲都講疏十六卷

經義考曰按褚氏易錢塘全綏受之正義每

引其說其云雷資風而益遠風假雷而增威

頗與子夏傳地得水而柔水得地而流辭義相近

馬氏玉函山房輯本序曰褚仲都講疏隋唐

志俱十六卷其書佚矣孔穎達正義序稱江

南義疏有十餘家辭尚虛誕皆所不取褚氏

故亡散之餘而見正義者猶得十五節釋文

亦間稱引茲並輯錄

周易義疏十四卷梁都官尚書蕭子政撰

周易繫辭義疏三卷蕭子政撰

顏氏家訓勉學篇梁朝冠冕則有何胄 按即

何胤 劉瓛明山賓周捨朱异周弘正賀琛賀

革蕭子政劉縉等兼通文史不徒講說也

唐書經籍志周易義疏十四卷蕭子政撰

唐書藝文志蕭子政義疏十四卷又繫辭義

二卷

按蕭子政始末未詳齊梁陳三史中亦無

述焉其遺文軼事湮沒不傳顏氏勉學而

外亦罕見記載南史蕭子恪傳云子恪兄

弟十六人並入梁有文學者子恪子質子

顯子雲子暉意子政其羣從歟

周易講疏三十卷陳諮議參軍張機撰 機當為機

陳書儒林傳張機字直言清河武城人也受

學於汝南周弘正梁大同中召補國子正言

生梁武帝嘗於文德殿釋乾坤文言論與陳

郡袁憲預焉遷士林館學士陳天嘉中為國

子助教後主嗣位領南平王諮議參軍東宮

學士尋遷國子博士禎明三年入隋終於長

安時年七十六譏性恬靜不求榮利嘗慕開

逸所居宅營山池植花果講周易老莊而教授焉吳郡陸元朗朱孟博等皆傳其業所撰周易義三十卷尙書義十五卷毛詩義二十卷孝經義八卷論語義二十卷後主嘗敕人就其家寫入祕閣

唐日本國見在書目周易講疏十卷陳諮議參軍張機撰

唐書經籍志周易講疏三十卷張譏注

唐書藝文志張譏講疏三十卷

馬氏玉函山房輯本序曰正義引張氏每與何氏褚氏並稱又陸德明釋文每稱師讀師說經義考謂當卽九師臧氏鏞謂陸氏之師也本傳云陸元朗朱孟博等皆傳其業然則陸氏之師卽譏也茲並取釋文所引合輯一卷

周易文句義二十卷

不著撰人

唐書經籍志周易開題論序十卷周易文句義疏二十卷注云已上卷梁武撰按新志武當爲著

唐書藝文志梁蕃文句義疏二十卷又開題論序疏十卷釋序義三卷按開題論序疏亦曰開題義見前釋序義三卷亦見前

經義考曰周易文句義隋志二十卷按此疑卽梁蕃書按朱氏亦證以兩唐志故疑爲梁蕃書也

梁有擬周易義疏十三卷

不著撰人

按七錄有擬周易說八卷范氏撰嚴鐵橋

先生謂卽范宣見前此擬周易義疏似卽疏范氏之義歟又疑是太玄經義疏之異名

周易義疏十六卷陳尙書左僕射周弘正撰

陳書本傳弘正字思行汝南安成人祖顯齊中書侍郎領著作按顯有周易論見前弘正幼孤及弟弘讓弘直俱爲叔父侍中護軍捨所養年十歲通老子周易十五召補國子生仍於國學講周易諸生傳習其義起家梁太學博士累遷國子博士時於城西立士林館弘

正居以講授聽者傾朝野焉陳太建五年授尙書右僕射領國子祭酒六年卒官年七十九贈侍中書監諡曰簡子所著周易講疏

十六卷論語疏莊子疏老子疏孝經疏各若干卷行於世

顏氏家訓勉學篇梁世莊老周易總謂三玄武帝簡文躬自講論周弘正奉贊大猷化行郡邑學徒千餘實爲盛美

釋文敘錄近代梁褚仲都陳周弘正並作易義此其知名者

馬氏玉函山房輯本序曰本傳云講疏十六卷隋志作義疏唐志不著錄今佚釋文引止四節孔穎達正義亟引周氏不標其名以序稱簡子斷之知爲弘正說茲并合輯爲一卷

周易私記二十卷

不著撰人

唐日本國見在書目周易私記十四卷无名先生撰

按本志有孝經私記四卷無名先生撰據日本書目則撰是書者卽其人也後周武帝時有沙門釋亡名者本姓宋名關南郡人逮事梁

武帝時有沙門釋亡名者本姓宋名關南郡人逮事梁元帝梁亡出家多所著述有集十卷見本志別集類疑卽其人本曰亡名蓋欲與名俱亡也後轉寫爲無名歟

又按册府元龜云何晏撰周易私記二十卷周易講疏十三卷何晏爲何安之誤蓋以本志私記在何安講疏之前又以不注撰人遂皆以爲何氏之書馬竹吾已言之

見後

周易講疏十卷國子祭酒何晏撰

隋書儒林傳何晏字樓鳳西城人也父細胡通商入蜀遂家郫縣安年十七以技巧事梁湘東王後知其聰明召爲誦書左右江陵陷

周武帝尤重之授太學博士宣帝封爲襄城縣伯高祖受禪除國子博士加通直散騎常侍進爵爲公出爲龍州刺史時有負笈游學者晏皆爲講說教授之爲刺史三年以疾請還詔許之復知學事按學似當爲樂尋爲國子祭酒卒官諡曰肅撰周易講疏十三卷及孝經莊子義疏並行於代

北史藝術楊伯醜傳國子祭酒何晏嘗詣之論易聞晏之言悠爾而笑曰何用鄭玄王弼之言乎久之微有辯答所說辭義皆異先儒之旨而思理玄妙故論者以爲天然獨得非常人所及也

唐書經籍志周易講疏十三卷何晏注按晏爲安之寫誤

爲安之寫誤

唐書藝文志何安講疏十三卷 按安亦為晏之寫誤

馬氏玉函山房輯本序曰宋國史志尙有何氏講疏十三卷今佚正義集解引之尙數十節集解明標何安正義稱何氏其說每與張氏周氏褚氏並引周為周弘正張為張譏褚為褚仲都何即何妥皆唐近代為講疏者也又隋志有周易私記二十卷不著撰人下次周易講疏十卷注云國子祭酒何妥撰志偶誤妥為晏而冊府元龜遂云何妥撰周易私記二十卷周易講疏十三卷朱太史信之載入經義考又玉海稱何襄城為六象論云云襄城安在周時所封男爵也經義考於何妥講疏外別出正義之何氏又出何氏六象論云失名一人凡三見皆失於深考

周易繫辭義疏二卷劉歙撰

劉歙有乾坤義四德例並見前
釋文敍錄曰劉歙字子珪沛國人齊步兵校尉不拜諡貞簡先生七錄云作繫辭義疏
唐書經籍志周易繫辭義二卷劉向撰 按向當為歙

唐書藝文志劉歙繫辭義疏二卷

張氏易義別錄輯本序曰隋志有劉歙繫辭義疏二卷又周易乾坤義一卷又云梁有周易四德例一卷亡文選注所引或云易注即其疏義之文非別有注也而冊府元龜有劉歙義九卷董真卿周易會通引劉歙同人之注皆不足信齊代鄭義甚行史稱子珪承馬

鄭之後一時學徒以為師範其於易或宜宗鄭黜王殘缺之餘無聞焉耳

馬氏玉函山房輯本序曰釋文及一切經音義文選注引數節皆繫辭疏正義及集解亦引其說乾坤二卦則乾坤義之佚文也合輯一卷至四德例泯不可見孫堂漢魏廿一家易注中亦輯存一本

周易繫辭義疏一卷梁武帝撰

梁武帝有周易大義及大義疑問講疏三書並見前

陳書周弘正傳弘正啓梁武帝周易疑義五十條又請乾坤二繫曰自制旨降談按藝文類聚此下有衆文二字 裁成易道析至微于秋毫渙曾冰于幽谷臣親承音旨職司宣授後進說說不無傳業但乾坤之蘊未剖繫表之妙莫詮使一經深致尚多所惑臣謹與受業諸生清河張譏等三百一十二人於乾坤二繫象爻未啓伏願聽覽之間曲垂提訓詔答曰近縉紳之學咸有稽疑隨答所問已具別解知與張譏等三百一十二人須釋乾坤文言及二繫萬機小暇試當討論

陳書儒林張譏傳譏受學於汝南周弘正梁大同中召補國子正言生梁武帝嘗於文德殿釋乾坤文言譏與陳郡袁憲等預焉

周易繫辭義疏二卷蕭子政撰

蕭子政有周易義疏十四卷繫辭義疏三卷並見前

按前三卷或連說序雜卦等傳此二卷但

上下繫然既見於前實重複也簿錄家舊有分篇著錄之例不嫌一再互見故又取此書入繫辭義疏類中七錄舊例或亦如此

又按自宋明帝至此皆義疏講疏之屬為第六類

梁有周易乾坤三象周易新圖各一卷不著撰人

全氏讀易別錄曰周易新圖一卷隋志誤入經部案新圖序入五行家則新圖不當為章句之書

按本志五行家有易新圖序一卷亦不著撰人全氏以為即此新圖之序故其言如此 唐書藝文志五行家作周易雜圖序又疑類為雜之誤

梁又有周易普玄圖八卷薛景和撰薛景和始末未詳

全氏讀易別錄曰薛景和周易普玄圖八卷隋志誤入經部

梁又有周易大演通統一卷顏氏撰顏氏不知何人

全氏讀易別錄曰顏氏周易大衍通統一卷隋志誤入經部

按易緯中有通統圖本志五行家有易通統卦驗玄圖一卷易通統圖二卷又一卷蓋起於讖緯流為術數之書故全氏云爾 五行家有顏氏周易立成占三卷疑是北魏顏黑頭詳見子部此顏氏或即其人

周易譜一卷

不著撰人

按唐經籍志有周易略譜一卷沈能撰又周易譜一卷袁宏撰藝文志云袁宏略譜一卷沈熊周易譜一卷書名與舊志互易此大抵非沈氏書即袁氏書沈見梁書儒林沈峻傳袁見晉書文苑傳

又按自乾坤三象至此皆圖譜之屬別為第七類終焉

右六十九部五百五十一卷通計亡書合九十四部八百二十九卷 實著錄七十部附注亡書三十五部通計一百五部卷數不計

按顏監注漢書藝文志曰其每略所條家及篇數有與總凡不同者轉寫脫誤年代久遠無以詳知漢志如是本志亦如是也然其所載部居則條分縷析有數可稽尚不難於釐訂今附注如右其卷數則脫誤彌甚無從覈實置不復論焉

隋書經籍志考證卷二

經部二

書類類中分類凡五

古文尚書十三卷漢臨淮太守孔安國傳今字尚書十四卷孔安國傳

史記孔子世家安國為今皇帝博士至臨淮太守蚤卒

漢書儒林傳安國為諫大夫又孔光傳安國以治尚書為武帝博士至臨淮太守

釋文敘錄曰江左中興元帝時豫章內史枚賾奏上孔傳古文尚書亡舜典一篇購不能得乃取王肅注堯典從存徽五典以下分為舜典篇以續之學徒遂盛齊明帝建武中吳興姚方與采馬王之注造孔傳舜典一篇云於大筋頭買得上之時不行用

又音義曰舜典曰若稽古帝舜曰重華協於帝此十二字是姚方與所上孔氏傳本無阮孝緒七錄亦云然方與本或此下更有澹哲文明溫恭允塞玄德升聞乃命以位凡二十八字異聊出之於王注無施也又曰傳即注也以傳述為義舊說漢以前稱傳

敘錄又曰孔安國古文尚書傳十三卷又曰尚書之字本為隸古既是隸寫古文則不全為古字今宋齊舊本及徐李等音所有古字蓋亦無幾穿鑿之徒務欲立異依傍字部改變經文疑惑後生不可承用

本志篇敘曰至東晉豫章內史梅賾始得安國之傳奏之時又闕舜典一篇齊建武中吳

姚方與於大桁市得其書奏上比馬鄭所注多二十八字於是始立國學

唐書經籍志古文尚書十三卷孔安國撰唐書藝文志古文尚書孔安國傳十三卷宋史藝文志尚書十二卷漢孔安國傳

晁氏讀書志古文尚書十三卷漢孔安國以隸古定五十九篇之書蓋以隸寫籀故謂之隸古皇朝呂大防得本於宋次道王仲至家以校陸氏釋文雖小有異同而大體相類觀其作字奇古非字書傳會穿鑿者所能到學者考之可以知制字之本也 按此又宋時古文之偽本非傳自梅賾者阮文達校勘記言之詳矣

陳氏書錄曰皇甫謐得古文尚書於外弟梁柳作帝王世紀往往載之蓋自太保鄭冲授蘇愉愉授梁柳柳授臧曹曹授梅賾賾為豫章內史奏上其書夫以孔注歷漢末無傳晉初猶得存者雖不列學官而散在民間故耶然終有可疑者余嘗辨之按此言孔傳授受蓋據孔疏序引晉書皇甫謐傳今本晉書無其文四庫提要謂臧榮緒晉書中語

四庫提要曰史記漢書但有安國上古文尚書之說並無受詔作傳之事此偽本鑿空之顯證

又曰古文尚書東晉初始出乃增多二十五篇初猶與今文並自立陸德明據以作釋文孔穎達據以作正義遂與伏生二十九篇混

合為一唐以來雖疑經惑古如劉知幾之流亦以尚書一家列之史通未言古文之偽自

吳械始有異議朱子亦稍稍疑之吳澄諸人本朱子之說相繼抉摘其偽益彰然亦未能條分縷析以抉其罅漏明梅鷟始參考諸書證其剽剗而見聞較狹蒐采未周至國朝閣若璩乃引經據古一陳其矛盾之故凡一百二十八條古文之偽乃大明

又曰梅賾之書行世已久其文本采掇逸經排比聯貫故其旨不悖於聖人斷無可廢之理而確非孔氏之原本則證驗多端近惠棟王懋竑等續加考證其說益明

儀徵阮元尚書注疏校勘記曰自梅賾獻孔傳而漢之真古文與今文皆亡乃梅本又有今文古文之別隋志有古文尚書十三卷今字尚書十四卷蓋變古文為今文實自范寧始寧自為集注成一家言後之傳寫孔傳者從而效之此所以有今文也

按此即今本尚書傳也自隋劉炫合以姚方興舜典篇文唐代正義用以為本今遂與姚本混合為一或以姚本舜典二十八字為孔穎達所增入似不然也孔安國所上真古文經見漢書藝文志

尚書十一卷馬融注

馬融有周易注見前易類後漢書儒林傳扶風杜林傳古文尚書林同郡賈逵為之作訓馬融作傳釋文敘錄古文尚書馬融注十一卷唐書經籍志古文尚書十卷馬融注唐書藝文志古文尚書馬融傳十卷

經義考曰馬氏尚書注本於杜林漆書故多與今文異其書唐初尚存陸氏釋文采之馬氏玉函山房輯本序曰尚書馬氏傳今佚茲從釋文正義史記集解等采輯分為三卷正義謂馬鄭之徒百篇之序為一篇隋志較唐志多一卷者即書序也更別輯錄合為四卷

侯氏補後漢藝文志曰馬氏傳金谿王謨有輯本 卷然尚多遺漏孫祠書目古文尚書馬鄭注十卷附表及逸文三篇星衍集刊本

尚書九卷鄭玄注

鄭玄有易注見前易類後漢書本傳又從張恭祖受古文尚書又儒林傳扶風杜林傳古文尚書林同郡賈逵為之作訓馬融作傳鄭玄注解由是古文尚書遂顯於世

釋文敘錄古文尚書鄭玄注九卷唐書經籍志古文尚書九卷鄭玄注唐書藝文志鄭玄注古文尚書九卷鄭學錄曰唐陸元朗撰釋文孔冲遠撰正義皆以偽孔傳為主鄭注由是浸亡宋王應麟采輯為一卷

侯氏補後漢藝文志曰書堯典正義云鄭氏於伏生二十九篇之內分出盤庚二篇康王之誥又泰誓三篇為三十四篇更增偽書二十四篇為五十八按鄭所增益者乃真古文非張霸偽書孔疏誤鄭雖增此二十四篇而

作注則仍止三十四篇馬季長所謂逸十六篇絕無師說故馬鄭諸儒皆不注之也

又曰虞翻奏鄭注尚書違失四事近王鳴盛江聲孫星衍汪家禧方觀旭方廷瑚趙坦皆申鄭難虞按虞氏奏見吳志本傳注引翻別傳

又曰經義考有康成書贊考書序正義云鄭玄避序名故謂之贊則書贊非別一書書疏又引康成書論蓋皆在書注九卷之中又王氏鄭注輯本孫頤谷疑惠定宇託名非深寧氏所輯

曲阜孔廣林輯本序錄曰王氏所采遺漏因用其本為主而別取經疏史注水經注諸書蒐羅補綴依鄭氏所訂三十四篇舊第并書序為九卷而以書贊數條別為一卷附於後孫祠書目尚書鄭注十一卷宋王應麟集本又十卷孔廣林集本

尚書十一卷王肅注

王肅有易注見前易類魏志高貴鄉公紀甘露元年夏四月丙辰帝幸太學講尚書帝問曰鄭玄云稽古同天言堯同於天也王肅云堯順考古道而行之二義不同何者為是博士庾峻對曰賈馬及肅皆以為順考古道肅義為長錢大昕考異曰按肅卒於是年而其說已為博士所習進講人主之前蓋肅兼通諸經強辯求勝又以三公之子早登顯要易為人所信從也釋文敘錄肅又注尚書又曰王肅亦注今文而解大與古文相類或肅私見孔傳而祕之

乎又曰王肅注十卷

唐日本國見在書目今文尙書十卷王肅注

唐書經籍志古文尙書又十卷王肅注

唐書藝文志古文尙書王肅注十卷

馬氏玉函山房輯本序曰肅之學專與鄭爲

難鄭贊謂孔子撰書乃尊而命之尙書尙者

上也肅序謂上所言史所書故曰尙書也開

卷已自立異王氏鳴盛尙書後案云王注之

存於今者按之皆與馬融及僞孔合僞孔之

出於肅乃情事之所有者今輯錄二卷所注

亦今文二十九篇與馬鄭本同百篇之序亦

有注別輯一篇附後

侯氏補後漢志曰陸德明云王肅解大與古

文相類或肅私見孔傳而祕之惠棟江聲皆

疑僞孔即王肅撰

尙書十五卷晉祠部郎謝沈撰

晉書本傳沈字行思會稽山陰人也博學多

識明練經史郡命爲主簿功曹察孝廉太尉

辟並不就會稽內史何充引爲參軍以母老

去職閒居養母不受人事耕耘之暇研精墳

籍康帝卽位徵爲太學博士除尙書度支郎

遷著作郎卒年五十二

釋文敍錄謝沈注十五卷錄一卷字行思會

稽人東晉尙書敎文部郎領著作

唐書經籍志尙書十三卷謝沈注

唐書藝文志尙書謝沈注十三卷

集解尙書十一卷李暉注

李暉有周易卦象數旨見前易類

釋文敍錄尙書李暉注十卷

唐書經籍志尙書十卷李暉集注

唐書藝文志尙書李暉集注十卷

經義考孔穎達曰李暉集注尙書於僞秦誓

篇每引孔安國曰計安國必不爲彼僞書作

傳不知暉何由爲此言

集釋尙書十一卷宋給事中姜道盛注

宋書劉懷肅傳元嘉十八年氏賊楊難當侵

寇漢中十九年龍驤將軍裴方明大破之於

濁水詔曰故晉壽太守姜道盛前討仇池志

輸誠力卽戎著效臨財能清近先登濁水殞

身鋒鏑可贈給事中賜錢千萬道盛著古文

尙書行於世

釋文敍錄尙書姜道盛集解十卷天水人宋

給事中姜道盛

唐書經籍志尙書十卷姜道盛集注

唐書藝文志尙書姜道盛集注十卷

古文尙書彞典一卷晉豫章太守范寧注梁有尙

書十卷范寧注亡

晉書本傳寧字武子南陽順陽人少篤學多

所通覽孝武帝時始爲餘杭令遷臨淮太守

封陽遂鄉侯徵拜中書侍郎卽補豫章太守

免官家於丹陽猶勤經學經年不輟年六十

三卒於家

釋文敍錄枚賾奏上孔傳古文尙書亡彞典

一篇乃取王肅注堯典從容徵五典以下分

爲彞典篇以續之後范寧變爲今文集注俗

間或取彞典篇以續孔氏按或取之下當有靈注

二字又曰范寧集解十卷

唐書經籍志古文尙書又十卷孔安國傳范

寧注

唐書藝文志古文尙書范寧注十卷

經義考曰范氏尙書注經典敍錄作集解七

錄十卷隋志止古文尙書彞典注一卷

餘姚盧文昭釋文考證曰隋志古文尙書彞

典一卷范寧注梁有尙書十卷范寧注亡蓋

范書本十卷因孔傳闕彞典故取范所注彞

典以補孔傳之闕後范所注本皆亡而彞典

一篇獨以傳合孔傳得存也

馬氏玉函山房輯本序曰隋志有范注彞典

一卷唐復得其十卷之全故彞典注不復著

目今並佚從劉昭後漢志注元應一切經音

義太平御覽等書輯得十二節大抵用馬鄭

舊文

尙書亡篇序一卷梁五經博士劉叔嗣注梁有尙

書二十一卷劉叔嗣注又有尙書新集序一卷亡

劉叔嗣始末未詳

册府元龜學校部注釋門梁劉叔嗣爲五經

博士注尙書亡篇序又注尙書二十一卷

經義考劉氏叔嗣尙書新集序七錄一卷佚

尙書逸篇二卷

本志篇敍曰又有尙書逸篇出於齊梁之間

考其篇目似孔壁中書之殘缺者故附尙書

之末

唐書藝文志徐邈注逸篇三卷

宋王應麟困學紀聞曰書大傳虞傳有九共

篇殷傳有帝告篇豈伏生亦見古文逸篇耶
大傳之序有嘉禾有揜誥今本闕焉隋志有
逸篇二卷出齊梁之間唐有三卷徐邈注
又漢書藝文志考證曰左傳孟子史記漢書
白虎通孔叢子皆引逸書文吳氏曰自漢而
下書之逸者已不復見雖問出既所未讀必
不能知其為書如漢書所謂先其算命孔叢
子所謂高宗報上甲微孟子所謂不及貢以
政接於有庠之類先儒指以為逸書世方知
之不然孰知其為書也

經義考尚書逸篇新唐志三卷孫奭曰尚書
逸篇唐有三卷徐邈為之注焉按徐邈晉宋間
人而為之注則是書東晉時已有之非出於齊梁可知

按此疑是伏周書之佚出者南史劉顯傳
云任昉嘗得一篇缺簡文字零落示諸人
莫能識顯見云是古文尚書所刪逸篇昉
檢周書果如其說疑昉所得之一篇并入
徐注二卷中故本志云出齊梁間而唐志
云三卷也徐邈於五經皆有音義見前易
類孫氏星衍有輯本二卷見岱南閣叢書以為劉叔
嗣注非也

又按自偽孔傳至此皆傳注之屬為第一
類志序言逸篇附尚書之末蓋附於諸家
傳注之末其類中分類之意不言可知

古文尚書音一卷徐邈撰

徐邈有周易音見前易類

陸氏尚書音義曰相承云梅頤上孔氏傳古
文尚書云按當為亡舜典一篇時以王肅注

類孔氏故取王注從慎微五典以下為舜
典以續孔傳徐仙民亦音此本按敘錄作枚
此作梅頤盧氏考證引段玉裁云當從後作頤字是古人
名頤則字真此枚頤字仲真後莊子注李頤字景真按梅
頤梅陶之兄梅陶有新論見子部儒家
唐日本國見在書目尚書音一卷徐仙民撰
梁有尚書音五卷孔安國鄭玄李軌徐邈等撰
釋文敘錄曰為尚書音者四人孔安國鄭玄
李軌徐邈案漢人不作音後人所託

今文尚書音一卷祕書學士顧彪撰
北史儒林傳顧彪字仲文餘杭人明尚書春
秋煬帝時為祕書學士
唐書經籍志古文尚書音義五卷顧彪撰

唐書藝文志顧彪古文音義五卷
按以上音義之屬為第二類

尚書大傳三卷鄭玄注
鄭玄有易注見前易類

漢書藝文志傳四十一篇鄭康成序曰蓋自
伏生也伏生為秦博士至孝文時年且百歲
張生歐陽生從其學而受之音聲猶有譌誤
先後猶有差舛重以篆隸之殊不能無失生
終後數子各論所聞以己意彌縫其闕而又
特撰其大義因經屬指名之曰傳劉向校書
得而卜之凡四十一篇至康成始詮次為八
十三篇按此據玉海藝文所載蓋即中興書目摘錄
舊序之文而後人移而為今本之序
晉書五行志序漢文帝時伏生創紀大傳其
言五行庶證備矣

釋文敘錄尚書大傳三卷伏生作
唐書經籍志尚書暢訓三卷伏勝注
唐書藝文志伏勝注大傳三卷又暢訓一卷
宋史藝文志伏勝大傳三卷鄭玄注
崇文總目尚書大傳三卷漢濟南伏勝撰後
漢大司農鄭玄注伏生本秦博士以章句授
諸儒故博引異言授受援經而申證云
晁氏讀書志曰今本四卷首尾不倫
陳氏書錄解題曰凡八十三篇未必當時本
書也

四庫提要曰尚書大傳四卷補遺一卷舊本
題漢伏勝撰實則張生歐陽生等所述特源
出於勝爾非勝自撰也其文或說尚書或不
說尚書大抵如詩外傳春秋繁露與經義在
離合之間而古訓舊典往往而在第三卷為
洪範五行傳首尾完具漢代緯候之說實由
是起第四卷題曰略說王應麟玉海別為一
書然如周禮大行人疏引孟侯一條玉藻疏
引祀上帝於南郊一條今皆在卷中是大傳
為大名略說為小目應麟析而二之非也惟
所傳二十八篇無秦誓而此有秦誓傳又九
共帝告歸禾揜誥皆逸書而此書亦皆有傳
蓋伏生畢世業書不容二十八篇之外全不
記憶特舉其完篇者傳於世其零章斷句則
偶然附記於傳中亦事理所有固不足以為
異矣
王謨漢魏遺書鈔曰近德州盧氏雅雨堂叢
書有大傳四卷仁和盧學士文弼為撰考異

一卷補遺二卷於後今惟就盧本更加蒐采凡鈔出注疏八條白虎通二條風俗通二條羣輔錄一條山海經注二條水經注一條史記注二條後漢書傳一條文選注二條通典一條書鈔五條御覽二條廣韻一條路史一條困學紀聞一條

孫祠書目尚書大傳四卷孔廣林集本

光緒元年四川學政南皮張之洞書目答問

尚書大傳定本八卷陳壽祺校注廣州原刻

本古經解彙函重刻陳本

大傳音二卷顧彪撰

顧彪有今文尚書音見前

尚書洪範五行傳論十一卷漢光祿大夫劉向撰

漢書楚元王附傳向字子政本名更生年十二以父德任爲輦郎弱冠擢爲諫大夫給事

元帝即位爲散騎宗正給事中中廢十餘年

成帝即位更生乃復進用更名向以故九卿

召拜爲中郎使領護三輔都水遷光祿大夫

上方進於詩書觀古文詔向領校中五經祕

書向見尚書洪範箕子爲武王陳五行陰陽

休咎之應向乃集合上古以來歷春秋六國

至秦漢符瑞災異之記推述行事連傳 按似

傳字之譌禍福著其占驗比類相從各有條目

凡十一篇號曰洪範五行傳論奏之天子心

知向忠精故爲王鳳兄弟起此論也然終不

能奪王氏權以向爲中壘校尉上數欲用向

爲九卿輒不爲王氏居位者及丞相御史所

持故終不遷居列大夫官前後三十餘年年

七十二卒後十三歲而王氏代漢又傳贊曰仲尼稱才難不其然歟自孔子後綴文之士衆矣惟孟軻孫況董仲舒司馬遷劉向揚雄此數公者皆博物洽聞通達古今其言有補於世傳曰聖人不出其間必有命世者焉豈近是乎劉氏洪範論發明大傳著天人之應

又五行志曰孝武時夏侯始昌通五經善推

五行傳以傳族子夏侯勝下及許商皆以教

所賢弟子其傳與劉同

又藝文志劉向五行傳記十一卷又篇末班

氏自注曰入劉向稽疑一篇 按班氏所入稽疑

一篇篇中不見著錄疑五行傳十卷其一卷即稽疑論也

宋書五行志序曰九疇陳其義於前春秋列

其效於後逮至伏生厥紀大傳五行之體始

詳劉向廣演洪範休咎之文益備

晉書五行志序曰班固據大傳采仲舒劉向

劉歆著五行志綜而爲言凡有三術其一曰

君治以道臣輔克忠萬物咸遂其性則和氣

應休徵效國以安二曰君違其道小人在位

衆庶失常則乖氣應咎徵效國以亡三曰人

君大臣見災異退而自省責躬修德共禦補

過則消禍而福至此其大略也

隋書五行志曰漢時有伏生董仲舒京房劉

向之倫能言災異願盼六經有足觀者劉向

曰君道得前和氣應休徵生君道違則乖氣

應咎徵發夫天有七曜地有五行五事愆違

則天地見異況於日月星辰乎況於水火金

木土乎

又本志篇敘曰濟南伏生之傳唯劉向父子

所著五行傳是其本法而又多乖戾

唐日本國見在書目尚書鴻範五行傳論十

二卷漢光祿大夫劉向傳按此十二卷或別出稽

疑論一卷在內

唐書經籍志尚書洪範五行傳十一卷劉向

撰

唐書藝文志劉向洪範五行傳論十一卷

經義考葉適曰劉向爲王氏考災異著五行

傳歸於切劇當世而學者以是爲格王正事

又趙樞生曰自大小夏侯明五行之後劉向

遂著爲洪範五行傳論其書不可見而見於

班固漢書五行志

王氏漢魏遺書鈔曰漢書五行志原本伏生

尚書大傳兼采董仲舒劉向子歆及眭孟

夏侯勝京房谷永李尋諸家之說今從本志

抄出向說百四十一條益以類聚初學記書

鈔御覽凡若干條分爲上下二卷

按玉海卷五引唐志云向爲五行傳取五

事皇極庶徵附於五行以爲八事皆屬五

行則八政五紀三德稽疑福極之類又不

能附俾洪範之書失其倫理然自漢以來

未有非之者宗按劉氏此書專取五行比

附以爲之說故曰洪範五行傳論伏生已

先有其書劉氏推而廣之欲以感動人主

耳其書本不爲洪範全經而作後世又何

從而非之乎 其他如五紀稽疑各有所論見漢書

歷志藝文志與八政三德福極諸篇亦不相涉皆非為全經作也

又按大傳五行傳皆漢儒自為一家之學別為第三類

尚書駁義五卷王肅撰

王肅有易注見前易類

唐書經籍志尚書釋駁五卷王肅撰

唐書藝文志尚書王肅注十卷又釋駁五卷

梁有尚書義問三卷鄭玄王肅及晉五經博士孔晁撰亡

鄭玄王肅並見易類

嚴氏全晉文編曰孔晁泰始初為五經博士

唐書經籍志尚書答問三卷王肅注

唐書藝文志王肅孔安國問答三卷孔安國當為孔晁

經義考曰按唐志有尚書問答三卷當即隋志之義問孔晁采鄭康成及肅參以己見者也

侯氏補後漢志曰唐志又有王肅孔安國問答三卷經義考謂當即隋志義問是也蓋孔晁詛為孔安國耳

按王肅聖證論中附馬昭駁孔晁答張融評晁朋於王蓋王之及門弟子也王之弟子有孔猛者孔子二十二世孫晁不知其世系孔繼汾闕里文獻考亦不載其所撰有逸周書注見唐志雜史類

梁有尚書釋問四卷魏侍中王粲撰

魏志本傳粲字仲宣山陽高平人也曾祖父

襲祖父暢皆為漢三公父謙為大將軍何進長史獻帝西遷粲徙長安年十七司徒辟詔除黃門侍郎以西京擾亂皆不就乃之荊州依劉表表以粲貌寢而體弱通侑不甚重也表卒粲勸表子琮令歸太祖太祖辟為丞相掾賜爵關內侯遷軍謀祭酒魏國既建拜侍中建安二十一年從征吳二十二年春道病卒時年四十一 文選王仲宣誄云建安二十二年正月二十四日戊申魏故侍中關內侯王君卒

舊唐書元行沖傳行沖著釋義論曰王粲稱伊雜以東淮海以北康成一入而已莫不宗焉咸云先儒多闕鄭氏道備粲竊歎怪因求其學得尚書注退而思之以盡其意意皆盡矣所疑之者猶未諭焉凡有二卷列於其集

唐書經籍志尚書釋問四卷王粲問田瓊韓益正鄭玄注

唐書藝文志鄭玄又注釋問四卷王粲問田瓊韓益正

嚴氏全三國文編曰田瓊鄭康成弟子建安黃初間為博士韓益或作韓蓋建安末博士侯氏補後漢藝文志曰按王粲尚書問二篇載粲集中後田瓊韓益答其義因成釋問四卷隋志但稱王粲撰似未合田瓊者康成弟子見鄭志韓益魏大長秋見隋志春秋類

梁有尚書王氏傳問二卷尚書義二卷范順問吳太尉劉毅答亡

吳志孫登傳黃龍元年權稱尊號立登為皇太子以范慎為賓客吳錄曰慎字孝敬廣陵

人後為侍中出補武昌左都督孫皓移都武昌以為太尉鳳皇三年卒

侯氏補後漢志曰隋志當云吳太尉范順問劉毅答吳志孫皓傳有太尉范慎又見孫登傳注即其人也順慎古通

按册府元龜云劉毅為太尉諱尚書蓋亦据隋志之誤以太尉屬劉毅也劉毅始末未詳

尚書新釋二卷李顥撰

李顥有卦象數旨見前易類

唐書經籍志尚書新釋二卷李顥撰

唐書藝文志李顥集注十卷又新釋二卷尚書百問一卷齊太學博士顧歡撰

南史隱逸傳顧歡字景怡一字玄平吳興鹽官人也父祖並為農夫歡獨好學篤志不倦從吳興邵玄之受五經更從豫章雷次宗諸玄儒諸義母亡廬於墓次遂隱不仕於剡天台山開館聚徒受業者常近百人齊高帝輔政徵為揚州主簿永明中詔徵為太學博士不就卒於剡山年六十

又徐伯珍傳吳郡顧歡摘出尚書滯義伯珍訓答甚有條理儒者宗之

唐書經籍志尚書百問一卷顧歡撰

唐書藝文志顧歡百問一卷

尚書大義二十卷梁武帝撰

梁武帝有周易大義見前易類

南史劉之遴傳是時周易尚書並有武帝義疏

玉海藝文類隋志尙書大義二十卷梁武帝撰注云梁主言本有兩泰誓兼而存之古文伐紂今文觀兵時事

按釋文敍錄云齊明帝建武中吳興姚方與采馬王之注造孔傳舜典一篇云於大

船頭買得上之梁武時為博士議曰孔序稱伏生誤合五篇皆文相承接所以致誤舜典首有曰若稽古伏生雖昏耄何容合之遂不行用是梁武於舜典篇不取姚方與本可知

尙書百釋三卷梁國子助教巢猗撰

巢猗始末未詳

唐書經籍志尙書百釋三卷巢猗撰

唐書藝文志巢猗百釋三卷

按此百釋新唐志類從於顧氏百問之次似即釋顧氏之書當時所釋不止徐伯珍一家歟

又按自尙書駁議至此皆駁難問答雜義之屬為第四類

尙書義三卷巢猗撰

巢猗見前

唐書經籍志尙書義疏十卷巢猗撰

唐書藝文志巢猗百釋三卷又義疏十卷

尙書義疏十卷梁國子助教費昶撰

北史儒林傳序齊時儒士罕傳尙書之業下里諸生略不見孔氏注解武平末劉光伯劉士元始得費昶義疏乃留意焉

釋文敍錄曰梁國子助教江夏費昶作義疏

行於世

唐書經籍志尙書義疏十卷費昶撰

唐書藝文志費昶義疏十卷

梁有尙書義疏四卷晉樂安王友伊說撰亡

唐書經籍志尙書釋義四卷伊說撰

唐書藝文志伊說釋義四卷

按伊說始末未詳晉書文六王傳樂安平王鑒武帝踐祚封樂安王帝為鑒及燕王機高選師友下詔曰樂安王鑒燕王機並以長大宜得輔導師友取明經儒學有行義節儉使足嚴憚昔韓起與田蘇游而好善宜必得其人蓋晉初與燕王師王懋約撰周官禮記寧朔新書者同時為二王師友者也說所撰又有周官禮注十二卷見後三禮類据開元姓纂伊氏大抵是山陽郡人與蜀伊籍同族

尙書義疏三十卷蕭管司徒蔡大寶撰

周書蕭管附傳蔡大寶字敬位濟陽考城人博覽羣書學無不綜管於江陵稱帝為侍中尙書令封安豐縣侯歸嗣位册授司空中書監中權大將軍領吏部尙書固讓司空許之加特進歸之三年按後梁明帝天保三年為南朝陳文帝天嘉五年卒贈司徒進爵為公諡曰文凱

大寶有智謀管推心委任以為謀主時人以管之有大寶猶劉先主之有孔明焉所著尙書義疏行於世

唐書經籍志尙書義疏三十卷蔡大寶撰

唐書藝文志蔡大寶義疏三十卷

尙書義注三卷呂文優撰

呂文優始末未詳

唐書經籍志尙書義注三卷呂文優撰

唐書藝文志呂文優義注三卷

尙書義疏七卷

不著撰人

按兩唐志蔡大寶之後劉炫之前有劉焯義疏二十卷此七卷似即劉焯之殘本北史儒林傳劉炫字光伯河間景城人也少聰敏與信都劉焯閉戶讀書十年不出炫強記默識莫與為儔隋開皇中奉敕與著作郎王邵同修國史俄直門下省待顧問又詔諸術者修天文律曆兼於內史省考定羣言除殿內將軍坐事除名歸家教授後召至京師與諸儒修定五禮授旅騎尉煬帝時除太學博士歲餘以品卑去任還河間時盜賊蜂起教授不行炫為賊所將未幾賊為官軍所破炫飢餓無所依時夜冰寒因此凍餒而死隋書儒林傳云年六十八其後門人諡曰宣德先生

著尙書述議二十卷論語孝經毛詩春秋諸述議各若干卷算術一卷并文集並行於世又劉焯傳云劉炫聰明博學名亞於焯時人稱二劉焉

隋書儒林傳序曰煬帝即位復開庠序於時舊儒多已凋亡二劉拔萃出類學通南北博極古今後生鑽仰莫之能測所製諸經義疏搢紳咸師宗之

隋書經籍志尙書義疏三十卷蔡大寶撰

史通古今正史篇齊建武中吳興人姚方輿

采馬王之義以造孔傳舜典云大筋購得詣

闕以獻舉朝集議咸以為非及江陵板蕩其

文入北中原學者得而異之隋學士劉炫遂

取此一篇列諸本第故今人所習尙書舜典

元出於姚氏者焉

唐孔穎達尙書正義序曰古文經傳晚始得

行其辭富而備其義弘而雅故復而不厭久

而愈亮江左學者咸悉祖焉近至隋初始流

河朔其為正義者蔡大寶巢猗費昶顧彪劉

焯劉炫等其諸公旨趣多或因循帖釋注文

義皆淺略惟劉焯劉炫最為詳雅又曰炫嫌

焯之煩雜就而刪焉

唐書經籍志尙書述義二十卷劉炫撰

唐書藝文志劉炫述義二十卷

馬氏玉函山房輯本序曰炫本傳敍其著作

有尙書述義二十卷隋唐志並作述義卷同

今佚孔氏正義引之或稱二劉或稱小劉或

稱劉君今以稱大劉者歸焯稱小劉及劉君

者歸炫稱二劉者各著之按北史儒林傳劉焯亦

著五經述議二劉書名相同

尙書疏二十卷顧彪撰

顧彪有今文尙書音見前

馬氏玉函山房輯本序曰隋志有尙書疏二

十卷唐志不著錄今佚從正義輯錄為帙疏

衍孔傳而時參用鄭康成說蓋顧嘗為今文

尙書音大傳音留心舊學不墨守一家也

王氏漢魏遺書鈔曰從正義鈔出四十二條

尙書閏義一卷

不著撰人

尙書義三卷劉先生撰

經義考曰隋志載劉先生尙書義三卷不詳

其名度非劉光伯即劉士元所著也

按劉炫字光伯劉焯字士元經義考曰通

志藝文略載劉炫尙書百篇義一卷尙書

孔傳目一卷尙書略義三卷此三書紹興

四庫續到闕書目俱有之宗按尙書略義

或即此尙書義以其卷數相同爾別無確

證而劉士元義疏二十卷本志不見疑此

與前七卷皆士元書之散佚者

尙書釋問一卷虞氏撰

虞氏不詳何人

尙書文外義一卷顧彪撰

顧彪有尙書音大傳音尙書疏並見前

唐書經籍志尙書文外義三十卷顧彪撰

唐書藝文志顧彪文外義一卷一本作五卷

冊府元龜學校部注釋門顧彪為祕書學士

為古文尙書疏二十卷今文尙書音一卷尙

書大傳音一卷尙書文外義一卷

按顧氏音義兩唐志並作五卷見前文外

義或云一卷或作五卷舊唐志作三十卷

似并合疏義音義文外義為一帙也

又按自巢猗義疏至此皆講義疏義之屬

閏義以下四家亦其支流是為第五類終

焉
右三十二部二百四十七卷通計亡書合四十

部共二百九十六卷 實著錄三十二部附注亡書八部通計四十部

隋書經籍志考證卷三

經部三

詩類類中分類凡六

韓詩二十二卷漢常山太傅韓嬰薛氏章句

漢書儒林傳韓嬰燕人也孝文時為博士景

帝時至常山太傅嬰推詩人之意而作內外

傳數萬言其語頗與齊魯間殊然歸一也淮

南賁生受之師古曰賁音肥燕趙間言詩者由

韓生

又藝文志詩經二十八卷魯齊韓三家又曰

三家皆立於學官又曰韓故三十六卷韓內

傳四卷韓說四十一卷

後漢書儒林傳薛漢字公子淮陽人也世習

韓詩父子以章句著名漢少傅父業教授常

數百人建武初為博士當世言詩者推漢為

長永平中為千乘太守後坐楚事辭相連下

獄死弟子健為杜撫會稽臺敬伯鉅鹿韓

伯高最知名

唐書宰相世系表薛廣德字廣德御史大夫

生饒長沙太守饒生願為淮陽太守因徙居

焉生方邱字夫子方邱生漢字公子後漢千

乘太守

釋文敘錄齊詩久亡魯詩不過江東韓詩雖

在人無傳者

唐書經籍志韓詩二十卷卜商序韓嬰撰

唐書藝文志韓詩卜商序韓嬰注二十二卷

惠氏後漢書補注唐世系薛廣德生饒饒生

愿愿生方邱字夫子方邱生漢經籍志曰韓

詩二十二卷薛氏章句棟案唐人所引韓詩

其稱薛君者漢也稱薛夫子者乃方邱也故

馮衍傳注有薛夫子章句是也傳不載漢父

名字後人以章句專屬諸漢失之侯氏補志曰

馮衍傳注引薛夫子章句亦見明帝本紀注而引作薛君

則凡稱薛君者亦有薛夫子說矣

王氏漢魏遺書鈔曰韓詩內傳至宋已亡朱

子嘗欲寫出文選注中韓詩章句未果王應

麟因更為韓詩考猶多遺漏謨已別撰韓拾

遺十六卷以網羅內外傳放失茲不具錄祇

仍據毛詩篇目略為詮次凡鈔出釋文一百

五十八條詩正義九條周禮正義五條禮記

正義七條公羊傳注二條孟子音義一條爾

雅注疏四條史記注五條漢書注五條後漢

書注十六條文選注九十三條水經注一條

說文一條玉篇三條廣韻一條白虎通二條

類聚二條初學記六條書鈔一條御覽十一

條玉海四條朱子詩傳一條董氏詩故六條

馬氏玉函山房輯存韓詩故二卷韓內傳一

卷序曰薛君章句久佚宋王應麟詩考輯附

韓詩而尚多漏略茲更補輯別為二卷

孫祠書曰韓詩內傳徵四卷宋蘇初撰

張氏書目答問嚴可均輯韓詩二十一卷附

魯詩齊詩漢人詩說未刊

按漢書薛廣德以魯詩教授為博士論石

渠至御史大夫儒林傳亦載廣德事王式

受魯詩明區大任百越先賢志云澹臺敬

伯受韋氏詩於淮陽薛漢韋氏詩者丞相

韋賢治魯詩為韋氏學是薛氏家世魯詩

而兼習韓詩至方邱父子乃以韓詩名其

家范書謂世習韓詩似未詳盡

又按范書儒林杜撫傳云撫少有高才受

業於薛漢定韓詩章句則當時薛氏之書

又有杜氏重定之本馬竹吾謂薛氏章句

為杜撫所定似未然

韓詩翼要十卷漢侯芭傳一本作苞

漢書揚雄傳雄家素貧者酒人希至其門時

有好事者載酒看從游學而鉅鹿侯芭常從

雄居受其太玄法言焉天鳳五年卒侯芭為

起墳喪之三年服處曰芭音苞

藝文類聚冢墓門揚雄家諫曰子雲以天鳳

五年卒葬安陵阪上所厚沛郡桓君山平陵

如子禮弟子鉅鹿侯芭共為治喪諸公遣世

子朝臣郎吏行事者會送桓君山為斂購起

祠塋侯芭負土作墳號曰玄冢

唐書經籍志韓詩翼要十卷卜商撰

唐書藝文志韓詩卜商集序二卷又翼要十

卷按兩志所載如此甚謬

王應麟困學紀聞曰董氏舉侯包言衛武公

作抑詩使人日誦於其側朱子謂不知出在

何處愚考侯包之說見於詩正義隋經籍志

韓詩翼要十卷侯包撰然則包學韓詩者也

王謨漢魏遺書鈔曰隋志韓詩翼要十卷漢

侯包傳唐志卷同不言何人撰謨案包當屬

後漢人出處無考今本隋志誤作侯芭揚雄

弟子載酒問奇字者也若詩正義本作侯包

今並鈔出詩正義三條隋書樂志一條

馬國翰玉函山房輯本序曰侯苞不詳何人

今惟從正義及陳陽樂書輯錄四節其說衣

楊弄瓦與毛傳合意其以毛通韓摘論節訓

故以翼要為名歟

侯康補後漢藝文志曰侯氏說見於正義者

斯干詩白華詩江漢詩抑詩又隋書樂志牛

弘修皇后樂引一事

按苞芭字形相近義亦相通故自來傳寫

不一其稱侯包者則又因苞之誤也論衡

案書篇有云子雲作太玄侯鋪子隨而宣

之則其字鋪子唐王涯說玄稱鉅鹿侯芭

子常則又字子常由是知揚雄傳芭下跋

子字其原文則云而鉅鹿侯芭子常從雄

居下文王邑嚴尤謂桓譚曰子常稱揚雄

書豈能傳於後世乎此稱子常即謂侯芭

非稱桓譚芭不知卒於何時或亦與桓君

山至光武世所著又有注言注見本志子

部儒家又有太玄注見王涯說玄今所傳

太玄釋文出自侯芭云

韓詩外傳十卷

漢書藝文志韓外傳六卷又曰漢興魯申公

為詩訓故而齊轅固燕韓生皆為之傳或取

春秋采雜說咸非其本義

唐書經籍志韓詩外傳十卷韓嬰撰

唐書藝文志韓詩二十二卷又外傳十卷

宋史藝文志韓詩外傳十卷漢韓嬰傳

宋洪邁容齋隨筆曰韓外傳第二章載孔子

南遊適楚見處子佩璜而澆乃令子貢以微
詞挑之以是說詩漢廣游女之章其謬戾甚
矣他亦無足言

晁氏讀書志曰此書稱外傳雖非其解經之

深者然文辭清婉有先秦風

陳氏書錄曰今所存惟外傳而卷多於舊舊

六卷今十卷蓋多雜說不專解詩不知果當

時本書否也

經義考王應麟曰申毛之詩皆荀卿子而韓

詩外傳多引荀書又曰荀卿非十二子韓詩

外傳引之止云十子而無子思孟子愚謂荀

卿非子思孟子蓋其門人如韓非李斯之流

托其師以毀聖賢當以韓詩為正

又王世貞曰韓詩外傳雜記夫子之緒言與

諸春秋戰國之說大抵引詩以證事而非引

事以明詩故多浮泛不切牽合可笑之語蓋

馳騁勝而說詩之旨微矣

又董斯張曰世所傳韓詩外傳亦非全書文

選注藝文類聚太平御覽佛典引外傳文今

本皆無之

四庫提要曰自隋志以後即較漢志多四卷

蓋後人所分也其書雜引古事古語證以詩

詞與經義不相比附故曰外傳所采多與周

秦諸子相出入中間阿谷處女之類皆非事

實又先後重見失於簡汰然其引荀卿非十

二子刪去子思孟子惟存十子其去取特為

有識又繭絲難卵之喻董仲舒取之為繁露

君羣王往之訓班固取之為白虎通精理名

言往往而有不必盡以訓詁繩也是書之例
每條必引詩詞而未引詩者二十八條又吾
語汝一條起無所因均疑有闕文文選注二
事今本皆無之并疑有脫簡

嚴氏鐵橋漫稿曰韓詩外傳引荀子以說詩

者四十餘事是韓嬰亦荀子私淑弟子也

孫祠書目韓詩外傳十卷趙懷玉校本又

補逸一卷盧文弼輯趙懷玉刊

按阿谷處女一事後人多以為口實困學

紀聞云江漢之女不可犯以非禮可以見

周俗之美是說也即毛傳鄭箋亦無不相

同者也韓引舊文載此事其意亦如此而

必托之孔子子貢此其所以為外傳歟

梁有韓詩譜二卷詩神泉一卷漢有道徵士趙

曄撰亡

後漢書儒林傳趙曄字長君會稽山陰人也

少嘗為縣吏奉檄迎督郵曄恥於廝役遂棄

車馬去到犍為資中詣杜撫受韓詩究竟其

術積二十年絕問不還家為發喪制服撫卒

乃歸州召補從事不就舉有道卒於家曄著

詩細歷神淵蔡邕至會稽讀詩細而歎息以

為長於論衡邕返京師傳之學者咸誦習焉

按王充論衡亦蔡中郎至會稽所得傳之京師故其言如

此

惠氏後漢書補注會稽典錄曰撫嘉其精力

盡以其道授之撫卒曄經營葬之然後歸

册府元龜學校部趙曄撰詩道微十一篇按

其書又名詩道微凡十一篇惟見於此不詳其所據册府

寫刊之誤觸目皆是此甚可疑也

經義考趙氏曄詩細七錄作詩譜二卷佚

惠氏後漢書補注經籍志曰梁有詩神泉一

卷本傳作歷神淵以歷言詩猶詩緯之汎歷
樞也

錢氏隋書考異曰詩神泉本名神淵見後漢
書趙長君傳唐人避諱改

嘉興沈濤銅熨斗齋隨筆曰趙曄著詩細歷
神淵此與杜撫之詩題約義通皆五字書名

也隋經籍志梁有詩神泉一卷漢有道徵士
趙曄撰即此書避唐諱改爲泉耳或疑詩細

爲一書歷神淵爲一書非傳又云蔡邕至會
稽讀詩細而歎息細下疑脫歷字

按本志引七錄有韓詩譜詩神泉二書似
當如朱氏惠氏之說爲是沈氏云云似未

可從
以上韓詩爲第一類

毛詩二十卷漢河間太守毛萇傳鄭氏箋

漢書景十三王傳河間獻王德修學好古實

事求是其學舉六藝立毛氏詩博士

又藝文志魯齊韓三家皆立於學官又有毛
公之學自謂子夏所傳而河間獻王好之未

得立又曰毛詩二十九卷毛詩故訓傳三十
卷

又儒林傳毛公趙人也治詩爲河間獻王博

士又傳贊曰平帝時又立左氏春秋毛詩逸
禮古文尙書 按孔安國傳云王莽時諸學皆立是也

時爲平帝元始五年亦見平帝本紀王莽傳蓋至是漢朝

始立毛詩博士也

鄭氏六藝論曰河間獻王好學其博士毛公

善說詩獻王號之曰毛詩

又詩譜曰魯人大毛公爲詁訓傳於其家河
間獻王得而獻之以小毛公爲博士

吳陸璣詩疏曰孔子刪詩授卜商商爲之序
以授魯人曾申申授魏人李克授魯人孟

仲子仲子授根牟子根牟子授趙人荀卿荀
卿授魯國毛亨亨作詁訓傳以授趙國毛萇

時人謂亨爲大毛公萇爲小毛公以其所傳
故名其詩曰毛詩萇爲河間獻王博士 按釋

文敘錄引吳徐整云子夏授高行子云云與此異同是矣
人而所言各不同蓋各有所據今莫得而詳矣

後漢書儒林傳中興後鄭衆賈逵傳毛詩後
馬融作毛詩傳鄭玄作毛詩箋

釋文敘錄毛詩故訓傳二十卷鄭氏箋又曰
鄭玄作毛詩箋申明毛義難三家於是三家

遂廢矣

唐日本國見在書目毛詩二十卷漢河間太

傅毛萇傳鄭氏箋按此稱太傅足訂本志河間太守之

誤
唐書經籍志毛詩十卷毛萇撰毛詩詁訓二
十卷鄭玄箋

唐書藝文志毛萇傳十卷鄭玄箋毛詩詁訓
二十卷

宋史藝文志毛詩二十卷毛萇爲詁訓傳鄭

玄箋
四庫提要曰今參稽衆說定作傳者爲毛亨

隋志題毛萇誤也漢志毛詩二十九卷隋志

附以鄭箋作二十卷疑爲康成所併康成發

明毛義自命曰箋按說文箋表識書也六藝

論云注詩宗毛爲主毛義若隱略則更表明
如有不同卽下己意便可識別然則康成特

因毛傳而表識其傍如今人之簽記積而成
帙故謂之箋無庸別曲說也

鄭珍鄭學錄曰釋文隋唐志二十卷唐孔冲
遠撰傳箋正義分爲四十卷今列於學官

梁有毛詩十卷馬融注亡
馬融有周易注見前易類

後漢書儒林傳中興後鄭衆賈逵傳毛詩後
馬融作毛詩傳

釋文敘錄毛詩馬融注十卷無下帙
餘姚盧文昭釋文考證曰隋志云梁有毛詩

十卷亡蓋馬所注本二十卷至六朝時殘缺
止存十卷陸氏尙見及之故標其目至唐人

修隋書并十卷亦亡也故唐志不著錄

馬氏玉函山房輯本序曰毛詩馬氏傳唐志

以下不復著錄唯正義及釋文引十一節水

經溼水注引一節佚說之存者僅此按鄭康
成受業於融箋詩應本師說正義及釋文所

引特著其與鄭義異者耳
毛詩二十卷王肅注

王肅有易注見前易類

釋文敘錄鄭玄作毛詩箋申明毛義難三家
於是三家遂廢魏太常王肅更述毛非鄭又

曰王肅注二十卷

唐書經籍志毛詩二十卷王肅注

唐書藝文志毛詩王肅注二十卷

侯康補三國藝文志曰釋文敘錄云魏太常王肅述毛非鄭按肅雖述毛然亦有不得毛旨者如正義摘出召南采蘋邠風擊鼓諸條亦有改毛以濟其私者如經義雜記摘出以慰我心古之人無數維此文王每懷靡及諸條

馬氏玉函山房輯本序曰毛詩王肅注隋唐志並二十卷今佚輯錄四卷其說申述毛旨往往與鄭不同按鄭箋毛詩而時參三家舊說故傳箋互異者多正義於毛鄭皆分釋之凡毛之所略而不可以鄭通之者即取王注以爲傳意間有申非其旨而什得六七歐陽修本義引其釋邠風擊鼓五章謂鄭不如王亦持平之論也

梁有毛詩二十卷鄭玄王肅合注亡

不著撰錄人姓名

馬國翰王注輯本序曰隋志云梁有毛詩二十卷鄭玄王肅合注蓋魏晉人取肅注次鄭箋後以便觀覽非肅別有注也今併亡

梁有毛詩二十卷謝沈注亡

謝沈有尙書注見前書類

釋文敘錄毛詩謝沈注二十卷

梁有毛詩二十卷晉兖州別駕江熙注亡

釋文敘錄江熙字太和濟陽人東晉兖州別

駕注二十卷

集注毛詩二十四卷梁桂州刺史崔靈恩注

梁書儒林傳崔靈恩清河東武城人也少篤學從師徧通五經先在北仕爲太常博士天監十三年歸國高祖以其儒術擢拜員外散

騎侍郎遷步兵校尉兼國子博士靈恩聚徒講授聽者常數百人解經析理甚有精致京師舊儒咸稱重之助教孔僉尤好其學出爲長沙內史還除國子博士講衆尤盛又出爲明威將軍桂州刺史卒官集注毛詩二十二卷

卷

釋文敘錄曰梁有桂州刺史清河崔靈恩集衆解爲毛詩集注二十四卷又玉海引釋文云靈恩集注采三家之本

唐書經籍志集注毛詩二十四卷崔靈恩集注

唐書藝文志崔靈恩集注二十四卷

馬氏玉函山房輯本序曰其引鄭箋多與今本不同而往往勝於今本則知由俗儒訛傳猶賴此以存其舊又其書雖以毛爲主間取三家蓋其時韓詩尙在魯齊之義則從古籍中引述得之尤足以資學者考訂云

梁有毛詩序一卷梁隱居先生陶宏景注亡

南史隱逸傳陶宏景字通明丹陽秣陵人也

幼有異操年十歲得葛洪神仙傳晝夜研求便有養生之志父爲妾所害遂終身不娶讀

書萬餘卷一事不知以爲深恥齊高帝作相引爲諸王侍讀除奉朝請永明十年上表辭祿止於句容之句曲山自號華陽陶隱居人間書札卽以隱居代名性好著述老而彌篤

梁武帝既早與之游及卽位後恩禮愈篤書問不絕大同二年卒年八十五詔贈太中大夫諡曰貞白先生所著學苑百卷

陶翊華陽隱居陶先生本起錄曰注尙書毛詩序共一卷左傳已有劉實質道義注易略例卽是易序不假復注翊字木羽隱居先生從子也見宋張君房雲笈七籤中其左傳以下云云似卽隱居序文中語

以上毛詩家傳注之屬爲第二類

毛詩箋音證十卷後魏太常卿劉芳撰

魏書本傳芳字伯文北史作伯支彭城人漢楚元王之後也始爲主客郎拜中書博士中書侍郎太子庶子員外散騎常侍國子祭酒侍

中太常卿芳才思深敏特精經義博聞強記兼覽倉雅尤長音訓辯析無疑又曰芳音義明辯疑者皆往詢訪時人號爲劉石經高祖

尤器敬之動相顧訪延昌二年卒年六十一

諡文貞按魏宣武帝延昌二年當南朝梁武帝天監十

二年芳撰鄭玄所注周官儀禮音干寶所注

周官音王肅所注尙書音何休所注公羊音

范寧所注穀梁音各一卷辯類三卷毛詩箋

音義證十卷

經義考曰按劉氏詩箋音證其證辨字義一

條詮蟋蟀一條見太平御覽

馬氏玉函山房輯本序曰隋志載劉芳毛詩

箋音證十卷唐志不著錄佚已久考文選注

引一節標題義詩太平御覽引六節或題劉

芳詩義疏劉芳詩義笞意劉氏書本名詩義

證別有義疏義笈之稱故引者隨意舉之耳
茲並輯錄

梁有毛詩音十六卷徐邈等撰毛詩音二卷徐邈撰亡

徐邈有周易音見前易類

釋文敍錄為詩音者九人鄭玄徐邈蔡氏孔氏阮侃王肅江惇于寶李軌又曰俗間又有徐爰詩音

唐日本國見在書目毛詩音義一卷徐仙民撰

唐書經籍志毛詩諸家音十五卷鄭玄等注唐書藝文志鄭玄諸家音十五卷

馬氏玉函山房輯本序曰隋志云梁有毛詩音十六卷徐邈等撰毛詩音二卷徐邈撰唐志不著目而有鄭玄等諸家音十五卷則邈音固統在十五卷中矣今佚從顏氏家訓經典釋文匡謬正俗六經正誤類篇集韻所引合輯為卷

王氏漢魏遺書鈔曰今鈔出顏氏家訓書證篇二條匡謬正俗一條文選注二條太平御覽三條

梁有毛詩音隱一卷于氏撰亡

于氏不詳何人

按釋文敍錄載詩音九家中有于寶此殆于氏之誤

毛詩并注音八卷祕書學士魯世達撰

北史儒林劉炫附傳時儒學之士又有褚暉顧彪魯世達張冲王孝籍並知名又曰魯世

達餘杭人煬帝時為國子助教撰毛詩章句義疏四十二卷行於世

隋書許善心傳大業元年轉禮部尚書奏薦儒者徐文遠為國子博士包愷陸德明褚徽魯世達之輩並加品秩授為學官

唐書經籍志毛詩音義二卷魯世達撰按此因唐人舊文避諱削去世字也

唐書藝文志魯世達音義二卷

以上音義之屬為第三類

毛詩譜三卷吳太常卿徐整撰

釋文敍錄徐整字文操豫章人吳太常卿又曰鄭玄詩譜二卷徐整暢

馬融翰曰吳射慈喪服變除鬪與徐整答問為多整當是慈之門人

侯康補三國藝文志釋文敍錄引徐整云子夏授高行子高行子授薛倉子薛倉子授帛妙子帛妙子授河間人大毛公大毛公為故訓傳於家以授趙人小毛公即此書中語也

孫祠書目鄭氏詩譜一卷孔廣林集本

按鄭氏詩譜宋時有歐陽公重訂本盧氏文弼鍾山札記云休寧戴氏震海寧吳氏

騫皆有鄭氏詩譜校本版行

毛詩譜二卷太叔求及劉炫注

太叔求始末未詳劉炫有尚書述義見前書類

釋文敍錄鄭玄詩譜二卷徐整暢太叔求撰唐日本國見在書目毛詩譜序一卷鄭玄撰太叔求撰

玉海藝文類國史志詩譜世傳太叔求注不在祕府經典釋文敍錄所稱徐整暢太叔求隱蓋整既暢演而襄隱括之求字譌也歐陽修補注一卷

盧氏釋文考證曰暢謂暢明鄭旨隱謂證發隱義

按徐整取鄭氏詩譜而暢言之太叔求更發其所隱而劉炫又為之注然則此本出自劉氏太叔求不知何代人西晉有太叔

廣東平人見晉書摯虞傳裝或其族歟

謝氏毛詩譜鈔一卷

謝氏不詳何人

以上詩譜之屬為第四類

梁有毛詩雜議難十卷漢侍中賈逵撰亡

後漢書本傳逵字景伯扶風平陵人也九世祖誼文帝時為梁王太傅父徽從劉歆受左氏春秋兼習國語周官又受古文尚書於塗惲學毛詩於謝曼卿逵悉傳父業以大夏侯尚書教授自為兒童常在太學不通人間事

永平中顯宗使作神雀頌拜為郎與班固並校祕書應對左右肅宗立降意儒術特好古文尚書左氏傳建初元年詔逵入講北宮白

虎觀南宮雲臺帝善逵說使出左氏傳大義長於二傳者逵於是具條奏三十事帝嘉之

令逵自選公羊嚴顏諸生高才者二十人教以左氏與簡紙經傳各一通逵數為帝言古文尚書與經傳爾雅詁訓相應詔令撰歐陽

大小夏侯尚書古文同異逵集為三卷帝善

之復令撰齊魯韓詩與毛氏異同并作周官解故遷爲衛士令八年乃詔諸儒各選高才生受左氏穀梁春秋古文尙書毛詩由是四經遂行於世和帝即位永元三年以遠爲左中郎將八年復爲侍中領騎都尉內備帷幄兼領祕書近署甚見信用所著經傳義詁及論難百餘萬言學者宗之後世稱爲通儒永元十三年卒時年七十二

唐書經籍志毛詩雜義難十卷

唐書藝文志雜義難十卷按兩唐志皆不著撰人列之魏晉人之間或非賈氏一家之書

按范書本傳言所著經傳義詁及論難百餘萬言此卽論難之一歟

毛詩義問十卷魏太子文學劉楨撰楨當爲楨

後漢書文苑劉梁傳梁東平寧陽人宗室子孫爲野王令光和中卒孫楨亦以文才知名注魏志云楨字公幹爲司空軍謀祭酒五官郎將文學與徐幹陳琳阮瑀應瑒俱以文章知名轉爲平原侯庶子按魏志王粲附傳引文士傳云楨父梁終於野王令與范書稱孫者不合未詳孰是又章懷太子此注引魏志云云似誤讀王粲傳文據王粲傳爲軍謀祭酒及五官將文學者乃徐幹非劉楨轉爲平原侯庶子者乃應瑒亦非劉楨或所引是魏略非魏志魏志王粲傳始文帝爲五官將及平原侯楨皆好文學粲與北海徐幹廣陵陳琳陳留阮瑀汝南應瑒東平劉楨並見友善瑒楨各被太祖辟爲丞相掾屬楨以不敬被刑刑竟署吏瑀以十七年卒幹琳瑒楨二十二年卒按

並在漢建安時也文帝書與元城令吳質曰昔年疾疫親故多離其災徐陳應劉一時俱逝注引典略曰楨辭旨巧妙特爲諸公子所親愛其後太子嘗請語文學酒酣坐歎命夫人甄氏出拜坐中衆人咸伏而楨獨平視太祖聞之乃收楨滅死輪作按所謂不敬被刑者其事如此輪作輪作尙方輪作左校徒刑也又按魏志武帝本紀建安二十二年冬十月以五官中郎將不爲魏太子而劉楨卽於是年染疫而死本志顯魏太子文學或終於是官或從後追題

唐書經籍志毛詩義問十卷劉楨撰

唐書藝文志劉楨義問十卷

馬氏玉函山房輯本序曰劉楨毛詩義問隋唐志並十卷今佚從水經注北堂書鈔初學記藝文類聚太平御覽輯得十二節訓釋名物與陸璣疏相似

王氏漢魏遺書鈔曰凡鈔出詩正義一條水經注一條類聚二條初學記四條書鈔二條御覽五條

毛詩義駁八卷王肅撰

王肅有易注見易類

唐書經籍志毛詩雜義駁王肅撰

唐書藝文志王肅雜義駁八卷

馬氏玉函山房輯本序曰肅注毛詩以鄭箋有不合於毛者因復爲此書曰義駁者駁鄭氏義也今輯錄凡十二節鄭氏訓義優洽未易顛撲自有此駁而王基孫毓陳統之徒反覆辯難門戶各爭則景侯爲之倡也

毛詩奏事一卷王肅撰

馬氏玉函山房輯本序曰肅既撰毛詩義駁專攻鄭氏此則取鄭氏之違失條奏於朝故題奏事也隋志以一卷著錄唐志不載佚已久矣今從正義輯得四節康成大儒先通魯韓二家後箋毛詩其與毛不盡同者意在兩存其是肅必欲盡廢鄭說駁之不已復陳諸奏何見疾之深乎

梁有毛詩問難二卷王肅撰亡

唐書經籍志毛詩問難二卷王肅撰

唐書藝文志王肅問難二卷

四庫提要曰自鄭箋既行齊魯韓三家遂廢然箋與傳義時有異同魏王肅作毛詩注毛詩義駁毛詩奏事毛詩問難諸書以申毛難鄭

馬氏玉函山房輯本序曰肅於毛詩注外有議駁有奏事皆攻擊鄭氏此之間難大抵亦申毛以難鄭也隋志云梁有二卷亡唐志復著錄二卷今佚從正義輯錄七節與注及駁奏相比次王氏一家之學萃於茲矣

毛詩駁一卷魏司空王基撰殘缺梁五卷

後漢書鄭玄傳其門人山陽郗慮至御史大夫東萊王基清河崔瑗著名於世注基字伯與魏鎮南將軍安樂鄉侯

魏志本傳基字伯與東萊曲城人也年十七入琅邪界游學黃初中察孝廉除郎中大夫將軍司馬宣王辟基擢爲中書侍郎王肅著諸經傳解及論定朝儀改易鄭玄舊說基據持玄義常與抗衡數遷爲荊州刺史賜爵關內

侯高貴鄉公卽尊位進封常樂亭侯母邱儉
文欽等平遷鎮南將軍都督豫州領刺史進
封安樂鄉侯平諸葛誕進封東武侯甘露四
年轉爲征南將軍都督荊州諸軍事景元二
年薨追贈司空諡曰景侯

釋文敍錄鄭玄作毛詩箋王肅更述毛非鄭
荊州刺史王基駁王肅申鄭義

唐書經籍志毛詩駁五卷王伯輿撰

唐書藝文志王基毛詩駁五卷

四庫提要曰王肅作毛詩問難諸書以申毛
難鄭王基又作毛詩駁以申鄭難王

馬氏玉函山房輯本序曰基以策敵立功掌

統方任而善爲撰述常據持鄭義與王肅抗
衡其書唐初尙有完帙今佚從正義釋文輯

錄十五節其說依鄭駁王具有根柢

侯氏補三國藝文志曰按基說之載於孔疏
者如采采芣苢一條駁王肅出於西戎之說

充耳以素一條駁王肅玄纁無五色之說侵
鎬及方一條駁王肅鎬京之說不自爲政一

條駁王肅人臣不顯諫之說皆極精當惜全
書久佚可考見者無多也王氏漢魏遺書鈔從正

義鈔出十條

梁又有毛詩答問駁譜合八卷亡
不著撰人

按此似亦王司空書

又毛詩釋義十卷謝沈撰亡

謝沈有尙書注毛詩注並見前

唐書經籍志毛詩釋義十卷謝沈撰

唐書藝文志謝沈釋義十卷

又毛詩義四卷毛詩箋傳是非二卷並魏祕書

郎劉璠撰亡

劉璠始末未詳

又毛詩答雜問七卷吳侍中韋昭侍中朱育等
撰亡

吳志韋曜字弘嗣吳郡雲陽人也注曜本名昭
史爲晉諱改之少好學能屬文從丞相掾陸西

安令還爲尙書郎遷太子中庶子太子和廢

後爲黃門侍郎孫亮卽位爲太史令孫休踐
阼爲中書郎博士祭酒孫皓卽位封高陵亭

侯遷中書僕射職省爲侍中常領左國史漸

見責怒遂積前後嫌忿收曜付獄是歲鳳皇
二年也華駁連上疏救曜有曰曜年已七十

餘數無幾乞赦其一等之罪爲終身徒使成

吳書傳示百世皓不許遂誅曜徙其家零陵

吳志虞翻傳注會稽典錄曰孫亮時有山陰

朱育仕郡門下書佐後仕朝常在臺閣爲東
觀令遙拜清河太守加位侍中推刺占射文

苑多通按育字嗣卿有異字苑幼學篤詳見後小學類

推刺占射謂推選刺占災異及射覆之術詳見子部五行

家
唐書經籍藝文志毛詩雜答問五卷 並不著
撰人蓋卽是書之殘本

馬氏玉函山房輯本序曰茲從正義及藝文
類聚初學記太平御覽等書輯錄十三節內

有御覽引韋輝光毛詩問一節正義引薛綜

答韋昭一節與書名答雜問合故並采入云

侯氏補三國藝文志曰御覽八百十六引韋

輝光毛詩問一條考韋昭字弘嗣不字輝光

然輝光與昭字義合書名又同或弘嗣有兩

字乎

又毛詩義注四卷亡

不著撰人

按兩唐志有毛詩義注五卷不著撰人似
卽是書

毛詩異同評十卷晉長沙太守孫毓撰

難孫氏毛詩評四卷晉徐州從事陳統撰梁有毛
詩表隱二卷陳統撰亡

釋文敍錄魏太常王肅述毛非鄭荊州刺史

王基駁王肅申鄭義晉豫州刺史孫毓字休
朗北海平昌人長沙太守爲詩評評毛鄭王

肅三家同異朋於王徐州從事陳統字元方

難孫申鄭又曰孫毓詩同異評十卷
唐書經籍志毛詩異同評十卷孫毓撰難孫

氏詩評四卷陳統撰毛詩表隱二卷 失注撰
人

唐書藝文志孫毓異同評十卷陳統難孫氏
詩評四卷又表隱二卷

經義考曰隋志孫毓晉長沙太守陸德明曰
晉豫州刺史又隋志別集類有晉汝南太守

孫毓集六卷一孫毓也一以爲長沙守一以
爲汝南守一以爲豫州刺史未審孰是

嚴可均全晉文編曰孫毓字仲泰山人魏時
嗣父觀爵呂都亭侯仕至青州刺史一云字

休朗北海平昌人入晉爲太常博士歷長沙

汝南太守有毛詩異同評十卷 按魏志臧霸傳

及注孫觀字仲奮泰山人與霸俱起討黃巾從征呂布以

功封呂都亭侯至青州刺史從討孫權被創斃子毓嗣亦

至青州刺史嚴氏以為即此孫毓也別有孫氏成敗志見

子部儒家

四庫提要曰王肅作毛詩義駁諸書以申毛

難鄭王基又作毛詩駁以申鄭難王晉孫毓

作毛詩異同評復申王說陳統作難孫氏毛

詩評又明鄭義祖分左右垂數百年至唐貞

觀十六年命孔穎達等因鄭箋為正義乃論

歸一定無復歧塗

馬氏玉函山房輯本序曰馬總意林云孫毓

字仲其書評毛鄭王肅之異同於箋義不沒

其長而朋於王者亦復不少所以有陳統之

難也今從正義釋文采輯釐為三卷武威張

太史澍二酉堂叢書載異同評尚未付梓無

從取校也并輯陳氏難義一卷 王氏漢魏遺書

鈔從正義鈔出六十七條

毛詩拾遺一卷郭璞撰梁又有毛詩略四卷亡

晉書本傳璞字景純河東聞喜人也好經術

博學有高才惠懷之際河東先擾璞結姻昵

交游數十家避地東南王導引為參軍元帝

即位以為著作郎頃之遷尚書郎母憂去職

末期王敦起璞為記室參軍敦之謀逆也溫

嶠庾亮使璞占吉凶璞曰大吉於是勸帝討

敦敦將舉兵又使璞筮璞曰無成敦固疑璞

之勸嶠亮又聞卦凶乃曰卿更筮吾壽幾何

答曰明公起事必禍不久若往武昌壽不可

測敦大怒曰卿壽幾何曰命盡今日日中敦

怒收璞斬之時年四十九及王敦平追贈弘

農太守

馬氏玉函山房輯本序曰隋志載郭璞毛詩

拾遺一卷梁又有毛詩略四卷唐志不著錄

佚已久北堂書鈔初學記藝文類聚各引一

節釋文引三節正義引一節或稱郭璞或止

稱郭亦是此書佚文並據輯補至釋文正義

引郭璞為爾雅音注者皆不敢攔入也

毛詩辯異三卷晉給事郎楊又撰

楊又有周易卦序論見易類

唐書經籍志毛詩辨三卷楊又撰

唐書藝文志楊又毛詩辨三卷

梁有毛詩背隱義二卷宋中散大夫徐廣撰亡

晉書本傳廣字野民東莞姑幕人侍中勳之

弟也世好學至廣尤為精純百家術數無不

研覽孝武世除祕書郎典校祕書省數遷至

義熙初封樂成侯歷大司農祕書監及劉裕

受禪恭帝遜位廣獨哀感因辭衰老乞歸桑

梓性好讀書老猶不倦年七十四卒於家

宋書本傳義熙初高祖除鎮軍咨議參軍領

記室封樂成縣五等侯高祖受禪永初元年

詔曰祕書監徐廣學優行謹歷位恭肅可中

散大夫廣上表乞歸桑梓許之元嘉二年卒

時年七十四

南史本傳永初元年詔除中散大夫廣言墳

墓在晉陵丹徒又生長京口息道玄忝宰此

邑乞相隨之官歸終桑梓許之贈賜甚厚性

好讀書年過八十猶歲讀五經一遍元嘉二

年卒 按南史謂廣年過八十不取宋晉書卒年七十四

之說蓋別有所據也

按齊梁時隱士何胤注書於卷背書之謂

為隱義背隱義之義蓋如此由是推尋則

凡稱背隱義之類大抵皆從卷背錄

出皆是前人隱而未發之義當時別無書

名故即就本書加隱字以名之又按此并以

悟漢人經注各自為書之所以然

梁有毛詩引辯一卷宋奉朝請孫暢之撰亡

孫暢之始末未詳宋郭若虛圖畫見聞誌載後魏孫

暢之撰畫記疑即其人

梁有毛詩釋一卷宋金紫光祿大夫何偃撰亡

宋書本傳偃字仲弘廬江灑人司徒尚之中

子也舉秀才除中軍參軍世祖時歷吏部尚

書侍中顏竣與偃俱在門下以文義賞會相

得甚歡素好談玄莊子消搖篇傳於世大

明二年卒官年四十六贈散騎常侍金紫光

祿大夫諡曰靖

梁有毛詩檢漏義二卷梁給事郎謝曇濟撰亡

南齊書周顒傳顒卒官時會王儉講孝經未

畢舉曇濟自代學者榮之官為給事中 按齊

書本附謝曇濟於周顒傳後今本缺去其前數語故不見

其姓字里籍南史更不載此事今遂無從考見按南史文

惠太子傳永明三年講孝經少傅王儉以摘句令太子儉

周顒撰為義疏據此則顒舉以自代者代其所撰孝經義

疏得與於太子講席故儒者榮之也

嚴可均全齊文編曰謝曇濟永明末為國子

助教 按此見南齊書禮志有鬱林王隆昌元年國子助教謝靈濟講明堂配饗事又有明帝建武二年給事中領國子助教謝靈濟議泄哀之儀靈濟即靈濟之誤

梁有毛詩總集六卷毛詩隱義十卷並梁處士何胤撰亡

何胤有周易注見前易類

梁書處士傳胤注易解禮記於卷背書之謂為隱義注毛詩總集六卷毛詩隱義十卷

馬氏玉函山房從釋文輯存隱義二十餘條毛詩異義二卷楊又撰梁有毛詩雜義五卷楊又撰亡

楊又有卦序論及毛詩辯異並見前

梁有毛詩義疏十卷謝沈撰亡

謝沈有尚書注見前書類又有毛詩注二十卷見前

梁有毛詩雜義四卷晉江州刺史殷仲堪撰亡

晉書本傳殷仲堪陳郡人也能清言談理與韓康伯齊名補佐著作郎謝玄鎮京口以為長史孝武帝召為太子中庶子甚相親愛復領黃門郎龍任轉隆以會稽王非社稷之巨

擢所親幸以為藩捍乃授為都督荆益寧三州軍事振威將軍荆州刺史假節鎮江陵安帝初與桓玄等結盟舉兵後互相疑阻為玄所獲逼令自殺死於柞溪

按晉書仲堪但由荆州黜為廣州旋即敗死實未嘗為江州此引七錄題江州刺史誤別集類則題荆州刺史殷仲堪集十二卷也

梁有毛詩義疏五卷張氏撰

張氏不詳何人

唐書經籍志毛詩義疏五卷張氏撰

唐書藝文志張氏義疏五卷

毛詩集解敘義一卷顧歡等撰

顧歡有尚書問見前書類

毛詩序義二卷宋通直郎雷次宗撰梁有毛詩義一卷雷次宗撰亡

南史隱逸傳雷次宗字仲倫豫章南昌人也

少入廬山事沙門釋慧遠篤志好學尤明三禮毛詩隱退不受徵辟宋元嘉十五年徵至都開館於雞籠山聚徒教授置生百餘人會稽朱膺之穎川庾蔚之並以儒學總監諸生

時國子學未立上留意藝文使丹陽尹何尚之立玄學太子率更令何承天立史學司徒參軍謝元立文學凡四學並建車駕數至次宗館資給甚厚久之還廬山後又徵詣都為

築室於鍾山謂之招隱館二十五年卒於鍾山 釋文敘錄豫章雷次宗字仲倫宋通直郎徵不起為詩序義

梁有毛詩序注一卷宋交州刺史阮珍之撰

阮珍之始末未詳

梁有毛詩序義七卷孫暢之撰亡

孫暢之有毛詩引辯見前

毛詩集小序一卷劉炫注

劉炫有尚書述義見前書類

隋書北史儒林傳炫注詩序一卷

毛詩序義疏一卷劉勳等撰殘缺梁三卷梁有毛詩篇次義一卷劉勳撰亡

劉勳有周易乾坤義見前易類

釋文敘錄宋徵士鴈門周續之豫章雷次宗齊沛國劉勳並為詩敘義按本志題劉勳等者或合周雷二家之書在內為陸氏所見者歟

唐書經籍志毛詩序義一卷劉氏志撰 按志當是等字之誤

唐書藝文志劉氏序義一卷

馬氏玉函山房輯本序曰隋志載毛詩序義疏一卷劉勳撰殘闕梁三卷唐志有劉氏序義一卷即隋志之序義疏也今佚從正義釋文所引得二節梁又有篇次義一卷今併佚

梁有毛詩雜義注三卷亡 不著撰人

毛詩發題序義一卷梁武帝撰

梁武帝有易大義見前易類

馬國翰曰毛詩題綱隋唐志皆不載太平御覽引蠡斯葛藟南山有臺白華凡四節皆即篇義參合序說發明比與之旨考隋志有毛詩發題序義一卷梁武帝撰疑即是書也

按南北朝講書有發題開題名目蓋首發其端此與下大義實為一書而相承分著其目也

毛詩大義十一卷梁武帝撰

南史劉之遴傳時周易尚書毛詩並有武帝

義疏

藝文類聚雜文部梁簡文帝請尚書左丞賀

琛奉述制旨毛詩義表曰臣聞樂由陽來性情之本詩以言志政教之基故能使天地咸亨人倫敦序故東魯夢周窮茲刪采西河邵魏著彼續述叶星辰而建詩觀斗儀而命禮以爲陳徐雅頌膏肓匪一燕韓篇什痼疾多端北海鄭君徒逢箋釋南郡太守空爲異序庶令中和永播碩學知宗大胥負師國子咸紹孝敬之德化洽天下多識之風道行比屋

梁有毛詩十五國風義二十卷梁簡文撰

按類書引文多刪節不完庶令上有放文
梁書南史本紀太宗簡文皇帝諱綱字世續高祖第三子昭明太子母弟也天監五年封晉安王中大通三年四月昭明太子薨五月立爲皇太子太清三年五月丙辰武帝崩辛巳卽皇帝位明年改元大寶大寶二年八月侯景廢帝爲晉安王禪位於豫章王棟幽帝於永福省王偉苦勸行弑冬十月壬寅崩時年四十九所著昭明太子傳五卷諸王傳三十卷禮大義二十卷法寶連璧三百卷謝客文涇渭三卷玉簡五十卷易林十七卷沐浴經三卷碁品五卷彈碁譜一卷新增白澤圖五卷及長春義記光明符竈經馬槳譜如意方老子義莊子義文集各若干卷並行於世
長春義記以下等書並見本志
馬氏玉函山房輯本序曰唐成伯璵毛詩指說引梁簡文帝毛詩十五國風陳風義一條按梁簡文是書及春秋孝經諸義不著於本紀者大抵皆編入長春殿義記一百卷

中見後論語五經總義類中

毛詩大義十三卷

不著撰人

毛詩草木蟲魚疏二卷烏程令吳郡陸璣撰

釋文敘錄陸璣毛詩草木鳥獸蟲魚疏二卷

字元恪吳郡人吳太子中庶子烏程令

唐書經籍志毛詩草木鳥獸蟲魚疏二卷陸璣撰

唐書藝文志陸璣草木鳥獸蟲魚疏二卷宋

志同

崇文總目毛詩草木鳥獸蟲魚疏二卷吳太

子中庶子烏程令陸璣撰世或以璣爲機非

也機自爲晉人本不治詩今應以璣爲正然

書但附詩釋詁寤於采獲似非通儒所爲者

將後世失傳不得其真歟

陳氏書錄解題曰其名從玉固非晉之士衡

而其書引郭璞注爾雅則當在郭之後亦未

必爲吳時人也孔疏呂記多引之

四庫提要曰毛晉津逮秘書所刻援陳振孫

之言謂其書引爾雅郭璞注當在郭後未必

吳人因而題曰唐陸璣夫唐代之書隋志烏

能著錄且書中所引爾雅注僅及漢隸爲文

學樊光實無一字涉郭璞不知陳氏何以云

然原本久佚此本不知何人所輯大抵從詩

正義中錄出未附四家詩源流四篇而毛詩

特詳蟲魚草木今昔異名年代迢遙傳疑彌

甚璣去古未遠所言猶不甚失真詩正義全

用其說陳啓源作毛詩稽古編其駁正諸家

亦多以璣說爲據講多識之學者固當以此爲最古焉

又簡明目錄曰璣生於三國去古未遠於詩

人所咏諸物今昔異名者尙能得其梗概故

孔穎達詩正義全據此書陳啓源毛詩稽古

編亦多據以考正諸說

以上問難評論雜義雜疏之屬爲第五類

毛詩義疏二十卷舒援撰

舒援始末未詳

唐孔穎達正義序曰近代爲義疏者有全緩

何胤舒瑗

馬氏玉函山房輯本序曰隋志有毛詩義疏

二十卷僅題舒援撰不著時代唐志不著錄

佚已久惟正義及禮記正義引凡三節一作

舒瑗一作舒援一作舒緩疑不能定

毛詩誼府三卷後魏安豐王元延明撰

魏書文成五王傳安豐王猛太和五年封薨

子延明襲累遷給事黃門侍郎侍中延明既

博極羣書兼有文藻與中山王熙及弟臨淮

王彧等並以才學令望有名於世莊帝時爲

尚書令大司馬及元顥入洛延明受顥委寄

顥敗遂將妻子奔蕭衍死於江南莊帝末喪

還出帝初贈太保王如故諡曰文宣所著詩

賦贊頌銘誄三百餘篇又撰五經宗略詩禮

別義注帝王世紀及列仙傳按元顥奔梁在武

帝中大通二三年間亦見梁武本紀而延明之事不具

唐書經籍志毛詩誼府三卷元延明撰

唐書藝文志元延明誼府三卷

毛詩義疏二十八卷蕭歸散騎常侍沈重撰

北史儒林傳沈重字子厚吳興武康人也性聰悟專心儒學尤明詩及左氏春秋梁武帝中大通四年補國子助教後除五經博士梁元帝即位迎重西上魏平江陵重乃留事蕭警周武帝以重經明行修聘至京師令討論五經并校定鍾律授驃騎大將軍開府儀同三司露門博士仍於露門館爲皇太子講論語建德末表請還梁主蕭歸拜重散騎常侍太常卿隋開皇三年卒年八十四重學業該博爲當世儒宗陰陽圖緯道經釋典無不通涉著毛詩義二十八卷毛詩音二卷按隋文帝開皇三年爲後梁明帝歸天保二十二年陳後主至德元年

釋文敘錄曰近吳興沈重亦撰詩音義

馬氏玉函山房輯本序曰北史本傳載其著毛詩音二卷隋志不載而有毛詩義疏二十八卷似二卷之音亦併入義疏二十八卷之內唐志義疏不著錄而有鄭元等諸家音十五卷似沈音亦在其中故陸氏釋文及引之今佚采音釋合訂二卷
王氏漢魏遺書鈔曰今鈔出釋文四十九條有音無義者不錄初學記十三條史記正義一條

毛詩義疏二十卷
毛詩義疏二十九卷
毛詩義疏十卷
毛詩義疏十一卷

毛詩義疏二十八卷

並不著撰人
馬國翰曰藝文類聚諸書有引毛詩義疏而不著名氏者朱氏經義考併以爲沈重考隋志於舒援沈重義疏外題毛詩義疏者凡五部皆不著名氏諸家引述當在五部故未敢采入沈氏書

按此五家大抵皆北朝人北史儒林傳云通毛詩者多出於魏朝劉獻之獻之傳李周仁周仁傳董令度程歸則歸則傳劉敬和張思伯劉軌思其後能言詩者多出二劉之門孔氏正義序有曰近代爲義疏者有全緩何胤舒瑗劉軌思劉醜劉焯劉炫等本志惟有何胤舒瑗劉炫三家餘皆不見

毛詩述義四十卷國子助教劉炫撰

劉炫有尙書述義見前書類
北史儒林劉焯傳焯少與河間劉炫結盟爲友同受詩於同郡劉軌思又劉炫傳云炫著毛詩述義四十卷
唐日本國見在書目毛詩述義三十卷劉炫撰

唐書經籍志毛詩述義三十卷劉炫撰
唐書藝文志劉炫述義三十卷
孔穎達正義序曰近代爲義疏者有劉焯劉炫等然焯炫並聰穎特達文而又儒擢秀幹於一時聘絕轡於千里因諸儒之揖讓日下之無雙於其所作疏內特爲殊絕今奉敕刪

定故據以爲本然焯炫等負恃才氣輕鄙先達同其所異異其所同或應略而反詳或宜詳而更略準其繩墨差忒未免勤其會同時有顛躓

馬氏玉函山房輯本序曰北史稱述義隋唐志並作述義隋四十卷唐三十卷今佚正義引二節二劉並稱蓋與兄焯說義同也鄭樵六經輿論引一節並據錄之正義序謂奉敕刪定據以爲本云云然則劉氏之說其醇者固皆具於正義特晦其名末由區別耳按劉焯信都昌亭人劉炫河間景城人焯少與炫結盟爲友但同姓非弟馬氏以焯爲炫之兄意度之詞耳

毛詩章句義疏四十卷魯世達撰

魯世達有毛詩並注音見前
北史儒林傳世達撰毛詩章句義疏四十二卷行於世

按兩唐志唯有魯世達毛詩音義二卷並此義疏四十卷正合本傳四十二卷之數
毛詩釋疑一卷
不著撰人

梁有毛詩圖三卷毛詩孔子經圖十二卷毛詩古聖賢圖二卷亡
並不著撰人

通志藝文略曰毛詩圖三卷毛詩孔子圖經十二卷毛詩古聖賢圖二卷三書並蕭梁人作已亡

按困學紀聞云晉明帝朝衛協畫毛詩圖草木鳥獸古賢君臣之像張彥遠名畫記

載古來祕畫珍圖有韓詩圖十四卷彥遠曾見晉明帝毛詩圖二卷子敬題字又有

幽詩七月圖一卷又曰漢桓帝時劉褒畫雲漢圖北風圖詩之有圖由來久矣鄭氏以本志題梁有遂以為蕭梁人不足据也

業詩二十卷宋奉朝請業遵注

釋文敍錄業遵字長儒燕人宋奉朝請注禮記十二卷

本志篇敍曰又有業詩奉朝請業遵所注立義多異世所不行

唐書經籍志業詩二十卷業遵注一本並作業唐書藝文志業遵注二十卷號業詩一本又並作業

按業葉傳寫不一考廣韻及氏族略有鄴姓無業姓唯宋鄧名世古今姓氏書辨證載業姓援釋文敍錄此一條以為之證蓋率爾記載非真得古氏族世系者不足為据似當從葉為是以上皆義疏之屬附以詩圖業詩為第六類

右三十九部四百四十二卷通計亡書合七十六部六百八十三卷 實著錄四十部附注亡書三十一部通計七十一部

隋書經籍志考證卷四

經部四

禮類 類中分類一十八

周官禮十二卷馬融注

馬融有周易注見前易類

漢書王莽傳元始四年是歲徵天下通一藝及有逸禮古書毛詩周官爾雅通知其意者皆詣公車又藝文志周官經六篇王莽時劉歆置博士

荀悅漢紀劉歆以周官十六篇為周禮王莽時歆奏以為經置博士

馬融周官傳序曰秦自孝公已下用商君之法其政酷烈與周官相反故始皇禁挾書特疾惡欲絕滅之搜求焚燒之獨悉是以隱藏百年孝武帝始除挾書之律開獻書之路既出於山巖屋壁復入於祕府五家之儒莫得見焉至孝成皇帝達才通人劉向子歆校理祕書始得列序著於錄略然亡其冬官一篇以考工記足之時衆儒並出其排以為非是唯歆獨識其年尚幼務在廣覽博觀又多銳精於春秋末年乃知其周公致太平之迹述具在斯奈遭天下倉卒兵革並起疾疫荒喪弟子死喪徒有里人河南緱氏杜子春尚在永平之初年且九十家於南山能通其讀頗識其說鄭衆賈逵往受業焉衆逵洪雅博聞又以經書記傳相證明為解達解行於世衆解不行兼攬二家為備多所遺闕然衆時所解說近得其實獨以書序言成王既黜殷命

還歸在豐作周官則此周官也失之矣遂以為六鄉大夫則冢宰以下及六遂為十五萬家緱千里之地其謬焉此比多多吾甚閔之久矣至六十為武都守郡小少事乃述平生之志著易尚書詩禮傳皆訖惟念前業未舉者唯周官年六十有六目瞑意倦自力補之謂之周官傳也 惠氏後漢書補注商芸小說曰融在

武都七年南郡四年後漢書儒林傳周官經六篇前世傳其書未有名家中興之後鄭衆傳周官經後馬融作周官傳

孔穎達毛詩正義曰漢初為傳訓者皆與經別行及馬融為周禮之注乃云欲省學者兩讀故具載本文然則後漢以來始就經為注

本志篇敍曰漢時有李氏得周官周官蓋周公所制官政之法上於河間獻王獨闕冬官一篇獻王購以千金不得遂取考工記以補其處合成六篇奏之至王莽時劉歆始置博士以行於世河南緱氏及杜子春受業於歆因以教授是後馬融作周官傳

釋文敍錄馬融注周官十二卷 唐書經籍志周官十二卷馬融傳 唐書藝文志馬融周官傳十二卷

馬國翰輯本序曰融為鄭康成之師而康成注用杜子春及鄭大夫父子三家疏引融說又往往為鄭君所不取則馬傳未能精醇而鄭之不阿所好均可見已今輯錄一卷 王氏輯存五十五條

周官禮十二卷鄭玄注

鄭玄有易注見前易類

序曰世祖以來通人達士大中大夫鄭少贛名興及子大司農仲師名衆故議郎衛次仲侍中賈君景伯南郡太守馬季長皆作周禮

解詁玄竊觀二三君子之文章顧省竹帛之浮辭其所變易灼然如晦之見明其所彌縫奄然如合符復析斯可謂雅達廣攬者也然猶有參錯同事相違則就其原文字之聲類考訓詁摭秘逸謂二鄭者同宗之大儒明理於典籍物識皇祖大經周官之義存古字發疑正讀亦信多善者徒寡且約用不顯傳於世今讚而辨之庶成此家世所訓也

後漢書本傳又從東郡張恭祖受周官禮記又儒林傳曰馬融作周官傳授鄭玄玄作周官注

唐賈公彥序周禮廢對曰周禮起於劉歆而成於鄭玄附離之者大半故林孝存以為武帝知周官末世瀆亂不驗之書故作十論七難以排棄之何休亦以為六國陰謀之書唯有鄭玄徧覽羣經知周禮者乃周公致太平之迹故能答林碩之論難使周禮義得條通

釋文敍錄鄭玄注周官十二卷

唐書經籍志周官禮十三卷鄭玄注

唐書藝文志鄭玄注周官十三卷

宋史藝文志鄭玄周禮注十二卷

四庫提要曰元於三禮之學本為專門故所釋特精惟好引緯書是其一短歐陽修集有

請校正五經劄子欲刪削其書然緯書不盡可據亦非盡不可據在審別其是非而已不必竄易古書也又好改經字亦其一失然所注但曰當作某耳尚不似北宋以後連篇累牘動稱錯簡則亦不必苛責於元矣

鄭學錄曰周官禮注唐賈公彥撰疏五十卷今列於學官

張氏書曰答問重刻嘉靖本周禮鄭注十二卷附札記一卷顧廣圻校黃丕烈刻士禮居叢書本又曰福禮堂周禮注十二卷鄭注附釋文周氏刻本張青選清芬閣重刻本

周官禮十二卷王肅注

王肅有周易注見前易類

釋文敍錄王肅注周官十二卷

唐書經籍志周官禮又十二卷王肅注

唐書藝文志王肅注周官十二卷

吳縣余蕭客古經解鈎沉曰通典五十五引王肅注二條

按肅父朗亦有周官傳行於世此殆因父書而增損成編亦如易注之例者魏志本傳肅上疏陳政本曰六卿亦典事者也周官則備矣五日視朝公卿大夫並進而司士辨其位焉其記曰坐而論道謂之三公作而行之謂之士大夫此肅引記以釋經

亦其遺說之僅見者

周官禮十二卷伊說注

伊說有尚書義疏見前書類

唐書經籍志周官禮十卷伊說撰

唐書藝文志伊說注周官十卷

周官禮十二卷干寶注

干寶有易注見前易類

釋文敍錄干寶注周官十三卷

唐書經籍志周官禮又十二卷干寶注

唐書藝文志干寶注周官十二卷

王氏漢魏遺書鈔經典釋文曰宮正以下鄭總列六十職序干注則各於其職前列之如所言則陸氏必猶見干注全書而賈疏絕不稱引今鈔出周禮釋文二十六條毛詩釋文一條禮記疏一條後漢書注十五條通典二條初學記一條隋書音樂志一條

馬氏玉函山房輯本序曰隋唐志有干氏周官禮注十二卷今佚據釋文正義後漢禮儀百官祭祀輿服志初學記御覽等書輯錄注

本字如挾日作𠄎自有握作有幄冒鳴作骨鳴之類與鄭本異蓋參用賈馬之本也後周平蜀得錚于斛斯徵依干注以繩懸之去地尺餘又以芒筒撝之其聲極振史載其事云

按此見周書及北史斛斯徵傳

梁又有周官寧朔新書八卷晉燕王師王懋約撰亡

唐書經籍志周官寧朔新書八卷司馬伯序

王懋約注

唐書藝文志司馬伯序周官寧朔新書八卷王懋約注

懋約注

晉書宣五王傳琅瑯武王伯序子將正始初

魏明帝年號封南安亭侯早有才望起家為寧

朔將軍武帝踐祚封東莞郡王改封琅琊王平吳之役率衆數萬出涂中孫皓奉箋送屬綬詣伯降太康四年薨年五十七傳又云子恭王親立太熙元年薨子睿立是爲元帝

經義考曰按隋志梁有周官寧朔新書八卷晉燕王師王懋約撰唐志作司馬伯撰王懋約注案晉書伯起家爲寧朔將軍書以寧朔名當從唐志

按王懋約始末未詳其爲燕王師者蓋燕王機文帝子也懋約與安樂王友伊說同時略見伊氏尙書義疏條下又晉書儒林陳邵傳云劭於泰始中爲燕王師則又與邵同時同官陳邵有周官禮異同評見後集注周官禮二十卷崔靈恩注

崔靈恩有集注毛詩見前詩類
梁書北史儒林傳靈恩尤精三禮集注周禮四十卷

唐書藝文志崔靈恩周官集注二十卷
禮音三卷劉昌宗撰

劉昌宗始末未詳
顏氏家訓音辭篇古今言語時俗不同著述之人楚夏各異劉昌宗周官音讀乘若承此例甚廣必須考校

釋文敘錄劉昌宗周禮儀禮音各一卷禮記音五卷

馬國翰輯本序曰劉昌宗不詳何人顏之推家訓稱之當是齊梁間儒者隋志載禮音三卷唐志不著錄而陸德明釋文引述獨多知

唐有其書志偶失載也今佚從釋文集韻輯爲二卷

周官禮異同評十二卷晉司空長史陳劭撰

晉書儒林傳陳邵字節良東海襄贛人也郡察孝廉不就以儒學徵爲陳留內史累遷燕王師撰周禮評甚有條貫行於世泰始中詔曰燕王師陳邵清貞潔靜行著邦族篤志好古博通六籍耽悅典誥老而不倦宜在左右以篤儒教可爲給事中卒於官

釋文敘錄陳劭字節良下邵人晉司空長史唐書經籍志周官論評十二卷陳邵劭傳玄評

唐書藝文志傅玄周官論評十二卷陳邵劭按晉書劭作邵不著司空長史官釋文敘錄引邵周禮論序但節取其言大小戴記一事無一語涉及是書者據兩唐志則是書似與傅玄同撰傅仕魏入晉卒於泰始五年則與邵同時

周官禮駁難四卷孫略撰梁有周官駁難三卷孫琦問于寶駁晉散騎常侍虞喜撰

太平御覽逸民部晉中興書曰孫略字文度吳人少佃於野人有刈其稻者略避之旣而刈一擔自送與之鄉人感愧終日履空怡然自足辟命皆不就妻虞預女也少稟伯喜風共安儉約

晉書儒林傳虞喜字仲寧會稽餘姚人光祿潭之族也按吳志虞翻傳注翻子思思子潭少博學好古郡察孝廉州舉秀才司徒辟泰寧咸康

間詔以博士散騎常侍徵並不起專心經傳釋毛詩略注孝經凡所著述數十萬言行於世年七十六卒無子弟豫別有傳按豫當爲預撰晉書者彼豫豫陽外黃人元敬皇后父見外戚傳

唐書經籍志周官駁難五卷孫略問于寶答唐書藝文志于寶答周官駁難五卷孫略問嚴氏全晉文編曰孫略符里未詳通典九十一引孫略大功降服議一儀又九十八引生不及祖父母不稅服議一條

章氏隋書經籍志考證曰北堂書鈔引孫略別傳

按于寶有周禮注見前孫略爲虞預之婿與預兄喜同志隱居不仕者孫琦始末未詳殆亦同志友善者是書蓋于寶孫略孫琦虞喜四家問難合爲一編本志及七錄所載共七卷至唐存五卷或虞喜所撰定也

周官禮義疏四十卷沈重撰

沈重有毛詩義疏見前詩類

北史儒林傳魏平江陵重乃留事梁主蕭管累遷都官尙書領羽林監督又令重於合歡殿講周禮又曰著周禮義三十一卷周禮音一卷

釋文敘錄曰近有沈重撰問禮禮記音按問禮蓋周禮之誤

唐日本國書目周官禮義疏四十卷沈重撰唐書經籍志周禮義疏四十卷沈重撰唐書藝文志沈重周禮義疏四十卷

馬氏玉函山房輯本序曰沈重義疏隋唐志並四十卷今佚從陸德明釋文參集韻輯爲一帙董道謂賈公彥疏據陳御異同評及沈重義爲之則其疏義固散見賈疏特無從區別爲可憾也

周官禮義疏十卷

周官禮義疏十卷

周官禮義疏九卷

並不著撰人

唐日本國書目周官禮義疏十卷周官禮義疏十九卷周官禮義疏九卷

按北朝自沈重外無以周禮名家者南朝

梁陳間則吳興沈峻父子爲最著南史儒

林傳吏部尙書陸倕與僕射徐勉書薦峻

曰凡聖賢所講之書必以周官立義則周

官一書實爲羣經源本此學不傳多歷年

世北人孫詳蔣顯亦經聽習而音隔楚夏

故學徒不至唯助教沈峻特精此書比日

時開講肆羣儒劉岳沈宏沈熊之徒並執

經下坐北面受業莫不歎服人無間言弟

謂宜卽用此人令其專此一學周而復始

使聖人正典廢而更興勉從之奏峻兼五

經博士於館講授聽者常數百人傳峻業

者又有吳郡張及會稽孔子雲官皆至五

經博士峻子文阿少習父業研精章句又

博采先儒異同自爲義疏云云按沈重與

峻同族皆吳興武康人梁武帝時亦與峻

同爲五經博士此義疏三家大抵出沈氏

之門爲多

周官分職四卷

不著撰人

周官禮圖十四卷梁有郊祀圖二卷亡

唐張彥遠歷代名畫記曰古之祕畫珍圖則

有周禮圖十四卷

唐日本國書目周禮圖十五卷又十卷

以上周禮之屬通志藝文略曰漢曰周官

江左曰周官禮唐曰周禮推本而言周官

則是

儀禮十七卷鄭玄注

鄭玄有周易注見前易類

漢書儒林傳漢興言禮則魯高堂生又曰漢

與魯高堂生傳士禮十七篇

又藝文志禮古經五十六卷經七十篇后氏

戴氏劉敞曰此七十與後七十皆當作十七又曰漢

與魯高堂生傳士禮十七篇訖孝宣世后倉

最明戴德戴聖慶普皆其弟子三家立於學

官禮古經者出於魯淹中及孔氏蘇林曰淹中

里名也學七十篇文相似多三十九篇劉敞

曰學七十篇當作與十七篇文相似五十六卷除十七

多三十九也

鄭氏六藝論曰漢興高堂生得禮十七篇後

得孔氏壁中古文禮凡五十六篇其十七篇

與高堂生所傳同而字多異其十七篇外則

逸禮是也

又三禮目錄曰特性少牢有司徹於五禮屬

吉禮喪服士喪既夕士虞屬凶禮士相見聘

禮覲禮屬賓禮冠昏鄉飲鄉射燕禮公食大夫大射屬嘉禮

後漢書儒林傳玄本習小戴禮後以古經校

之取其義長者故爲鄭氏學釋文敘錄引云云

取其於義長者順者故爲鄭氏學

唐賈公彥疏序曰周禮爲末儀禮爲本本則

難明未便易曉是以周禮注者則有多門儀

禮所注後鄭而已

釋文敘錄鄭玄注儀禮十七卷

唐書經籍志儀禮十七卷鄭玄注

唐書藝文志鄭玄注儀禮十七卷

宋史藝文志鄭玄古禮注十七卷

四庫提要曰儀禮出殘闕之餘漢代所傳凡

有三本一曰戴德本一曰戴聖本一曰劉向

別錄本即鄭氏所注賈疏謂別錄尊卑吉凶

次第倫序故鄭用之二戴尊卑吉凶雜亂故

鄭不從之也其經文亦有二本高堂生所傳

者謂之今文魯恭王壞孔子宅得古儀禮五

十六篇謂之古文元經參用二本其從今文

而不從古文者則今文大書古文附注從古

文而不從今文者則古文大書今文附注其

書自元以前絕無注本

又簡明目錄曰儀禮注疏十七卷漢鄭元注

唐賈公彥疏三禮以鄭氏爲宗儀禮尤以鄭

氏爲絕學注文古奧得疏乃明數百年來議

禮者鑽研不盡後來著述皆此書之支流而

已

鄭學錄曰儀禮注十七卷唐賈公彥撰疏五

十卷今列於學官

張氏書目答問影宋嚴州單注本儀禮十七卷附校錄一卷十禮居校本武昌局繙黃本

儀禮十七卷王肅注

王肅有周易注見前易類

唐書經籍志儀禮又十七卷王肅注

唐書藝文志王肅注儀禮十七卷

四庫提要曰儀禮自鄭元以前絕無注本元

後有王肅注十七卷見於隋志然賈公彥序

稱周禮注者多門儀禮所注後鄭而已則唐

初肅書已佚也

按釋文敘錄及賈疏皆不言王肅有是書

知是書為陸氏賈氏所未見迨二家成書

之後其本復出故舊新唐志復著於錄

梁有李軌劉昌宗音各一卷亡

李軌有周易音劉昌宗有禮音並見前

釋文敘錄李軌周禮儀禮音各一卷劉昌宗

周禮儀禮音各一卷

梁有鄭玄音二卷亡

釋文敘錄鄭玄三禮音各一卷

按魏書劉芳傳芳尤長音訓撰鄭玄所注

周官儀禮音各一卷此二卷或即出於劉

芳未可知也

儀禮義疏見二卷

儀禮義疏六卷

並不著撰人

四庫提要曰儀禮為之義疏者有吳興沈重

見於北史又有無名氏二家見於隋志然皆

不傳故賈公彥僅據齊黃慶隋李孟愨二家之疏定為今本

按自鄭氏注至此皆為儀禮全書而作者

以下喪服一類多於此且十倍亦統屬於

儀禮

喪服經傳一卷馬融注

馬融有周易注見前易類

晉書禮志曰喪服本文省略必待注解事義

迺彰其傳說差詳世稱子夏所作

本志篇敘曰其喪服一篇子夏先傳之諸儒

多為注解今又別行

儀禮疏曰其傳內更云傳者是子夏引他舊

傳以證己義儀禮見在一十七篇餘不為傳

獨為喪服作傳者但喪服一篇總包天子已

下五服差降六術精蠲變除之數既繁出入

正殤交互忍讀者不能悉解其義是以特為

傳解

王應麟漢志考證曰喪服傳子夏所為白虎

通謂之禮服傳

釋文敘錄曰喪服一篇又別行於世又曰馬

融注喪服

唐書經籍志喪服紀一卷馬融注

唐書藝文志馬融注喪服紀一卷

馬國翰輯本序曰喪服經傳馬氏注一卷儀

禮疏引數條杜佑通典所引最多缺者無幾

矣

侯康補後漢藝文志曰王謨孫馮翼俱有輯

本一卷

喪服經傳一卷鄭玄注

鄭玄見前

唐書經籍志喪服紀一卷鄭玄注

唐書藝文志鄭玄注喪服紀一卷

馬國翰輯鄭氏喪服變除序曰隋志復有喪

服經傳注即注儀禮喪服篇也晉宋諸儒好

治喪禮於是鄭注喪服別有單行之本故隋

唐志亦別著於錄

鄭珍鄭學錄曰釋文敘錄云鄭注周禮儀禮

禮記並列學官而喪服一篇又別行於世即

謂此也

喪服經傳一卷王肅注

王肅有周易注見前易類

晉書禮志太康初尚書郎摯虞表新禮所宜

損增曰喪服一卷卷不盈握而爭說紛然三

年之喪鄭云二十七月王云二十五日改葬

之服鄭云服總三月王云葬訖而除繼母出

嫁鄭云皆服王云從乎繼寄育乃為之服無

服之殤鄭云子生一月哭之一日王云以哭

之日易服之月如此者甚衆鄭王祖經宗傳

而各有異同天下並疑莫知所定臣以為今

宜依準王景侯所撰喪服變除使類統明正

以斷疑爭

宋書王准之傳永初二年奏曰鄭玄注禮三

年之喪二十七月而古今學者多謂得禮

之宜晉初用王肅議禘禘共月故二十五日

而除遂以為制江左以來唯晉朝施用縉紳

之家多遵玄義夫先王制禮以大順人心今

大宋開泰品物遂理愚謂宜同卽物情以玄義爲制朝野一體則家無殊俗從之

釋文敍錄曰肅又注禮容服又曰馬融王肅並注喪服

唐書藝文志王肅注喪服紀一卷

馬國翰輯本序曰肅有儀禮注隋志別出喪服經傳一卷唐志作喪服紀今久佚從賈公彥疏陸德明釋文杜佑通典所引輯錄一卷

賈疏於馬鄭所不言者依王義以釋經

孫祠書目喪服傳馬王注一卷孫馮翼輯本喪服經傳一卷晉給事中袁準注

魏志袁渙傳渙字曜卿陳郡扶樂人魏國初建爲郎中令行御史大夫事卒官注引袁氏世紀曰渙第四子準字孝尼爲易周官詩傳

及論五經滯義聖人之微言以傳於世荀綽九州記曰準有儻才泰始中爲給事中

晉書袁瓌附傳從祖準字孝尼以儒學知名注喪服經官至給事中

唐書經籍志喪服紀又一卷袁準注

唐書藝文志袁準注儀禮一卷

嚴氏全晉文編曰袁準有儀禮喪服經注一卷又袁子正論輯本序曰其所注喪服經隋志作喪服經傳舊唐志作喪服紀新唐志作

儀禮注皆一卷今僅存一條見通典卷十九馬氏玉函山房輯本序曰禮記檀弓正義引

其說父卒爲嫁母服一事通典亦載之而互有詳略通典又引其說長中下殤及乳母服

二事皆此注之佚文又引解說喪服凡六事

或稱袁準正論或稱袁準論準別著袁子正論在儒家雖非本注之文而發明喪服義實

出一人之手並據輯錄

集注喪服經傳一卷晉廬陵太守孔倫撰

晉書孔倫傳倫會稽山陰人也其先世居梁國曾祖潛太子少傅漢末避地會稽因家焉

倫從子嚴嚴父倫黃門郎

釋文敍錄孔倫字敬序會稽人東晉廬陵太守集衆家注喪服

唐書經籍志喪服紀又一卷失注撰人

唐書藝文志孔倫注儀禮一卷

曲阜孔繼汾闕里文獻考子孫著聞者晉全椒令奕先聖二十四代孫奕子倫羣倫官黃

門郎嘗注儀禮羣別有傳又孔氏著述類云二十五代孫晉黃門郎倫集注喪服經傳一卷今亡不可見

馬氏玉函山房輯本序曰孔氏集注隋唐志並著錄一卷今佚杜佑通典引四事釋文引一事而已

喪服經傳一卷陳銓注

釋文敍錄曰陳銓不詳何人注喪服

唐書經籍志喪服紀又一卷陳銓注

唐書藝文志陳銓注儀禮一卷

集注喪服經傳一卷宋太中大夫裴松之撰

宋書本傳松之字世期河東聞喜人也晉義熙中至尙書祠部郎高祖北伐領司州以爲

州主簿治中從事史世子洗馬歷零陵內史

國子博士中書侍郎永嘉太守通直常侍南

琅琊太守元嘉十四年致仕拜中散大夫尋

領國子博士進太中大夫二十八年卒年八十所著文論並行於世子駟

釋文敍錄裴松之字士期河東人宋太中大夫西鄉侯注喪服按宋書南史皆不言封西鄉侯

馬氏玉函山房輯本序曰此書唐志不著錄

佚已久杜佑通典引裴松之二節一爲答宋

江氏問一爲答何承天書皆言喪服故輯以備一家

略注喪服經傳一卷雷次宗注

雷次宗有毛詩序義見前詩類

宋書隱逸傳元嘉中次宗還廬山後又徵詣

京邑爲築室於鍾山謂之招隱館使爲皇太子諸王講喪服經次宗不入公門乃使自華林東門入延賢堂就業

梁釋慧皎高僧傳慧遠內通佛理外善羣書

時講喪服經雷次宗宗炳等並執卷承旨次

宗後別著義疏首稱雷氏宗炳因寄書嘲之

曰昔與足下共於釋和尙間面受此義今便

卷首稱雷氏乎

釋文敍錄曰雷次宗注喪服

王氏漢魏遺書鈔曰新舊書志俱不載雷氏

此書則唐時已散佚矣今共鈔出儀禮疏七

條通典二十四條

馬氏玉函山房輯本序曰喪服雷次宗注佚已久賈疏通典引之茲據輯錄注於經傳書法以及名義極多發明文筆亦雋逸據高僧傳次宗此注受於慧遠而遠法師以象教之徒能研窮乎儒經之義不涉元虛力扶微奧宜乎名高蓮社而為淵明所欽企也

集注喪服經傳二卷宋丞相諮議參軍蔡超宗注按當為蔡超衍宗字

宋書南郡王義宣傳蔡超濟陽考城人父茂之始興太守超少有才學初為兗州主簿時令百官舉才超與前始寧令同郡江淳之前征南參軍會稽賀道養並為興安侯義賓所表薦義宣為都督丞相荆湘二州刺史超為諮議參軍專掌書記並參謀世祖即位除尚書吏部郎仍為丞相諮議參軍南郡內史封汝南縣侯食邑千戶後義宣與江州刺史臧質起兵反為朱修之所殺超等並伏誅又張暢傳云義宣既有異圖蔡超等以暢民望勸義宣留之

釋文敘錄蔡超字希遠濟陽人宋丞相諮議參軍注喪服

唐書經籍志喪服紀又二卷蔡超宗注唐書藝文志蔡超宗注儀禮二卷

梁又有喪服經傳一卷宋徵士劉道拔注亡釋文敘錄劉道拔彭城人宋海豐令注喪服

集解喪服經傳二卷齊東平太守田僧紹解釋文敘錄田儒之字僧紹馮翊人齊東平太守注喪服

唐書經籍志喪服紀又二卷田僧紹注

唐書藝文志田僧紹注儀禮二卷

按自馬融至此凡十一家皆喪服經傳之注解集解者也自為一類

喪服義疏二卷梁步兵校尉五經博士賀瑒撰

梁書儒林傳賀瑒字德璉會稽山陰人也祖道力善三禮仕宋為尚書三公郎建康令瑒少傳家業齊時沛國劉瓛為會稽府丞見瑒

深器之瓛還薦為國子生舉明經揚州祭酒俄兼國子助教歷奉朝請太學博士太常丞

天監初有司舉治賓禮召見說禮義高祖異之詔朔朔望預華林講四年初開五館以瑒

兼五經博士七年拜步兵校尉領五經博士九年卒於館年五十九所著禮易老莊講疏

朝廷博議數百篇賓禮儀注一百四十五卷瑒於禮尤精館中生徒常百數弟子明經對策至數十人

南史本傳又云晉司空循之玄孫也伯祖道養工卜筮祖道力善三禮有盛名父損亦傳

家業瑒二子革季弟子琛並傳瑒業

梁又有喪服經傳義疏五卷齊散騎郎司馬瓛撰亡瓛當為憲因下文劉瓛而寫誤也

南史文學邱巨源附傳司馬憲字景思河內溫人待詔東觀為學士至殿中郎口辯有才

地使魏見稱於北按東觀即魏明觀也

梁書儒林伏曼容傳齊永明初衛將軍王儉令與河內司馬憲吳郡陸澄共撰喪服義既

成又欲與之定禮樂會儉薨

按王儉有喪服古今集記三卷為其少時所撰詳見於後此五卷名義疏乃永明初

令伏曼容陸澄及憲三人所撰定者也

梁又有喪服經傳義疏二卷齊給事中樓幼瑜撰亡

齊書高逸徐伯珍傳伯珍東陽人同郡樓幼瑜亦儒學著禮摺遺三十卷官至給事中南

史劉瓛附傳云又東陽樓幼瑜字季玉著禮摺拾三十卷

南史隱逸徐伯珍附傳伯珍同郡妻幼瑜字季亦聚徒教授不應徵辟彌為臨川王暕所

賞異著禮摺拾三十卷

梁又有喪服經傳義疏一卷劉瓛撰亡

劉瓛有周易乾坤義見前易類

梁又有喪服經傳義疏一卷齊徵士沈麟士撰亡

南史隱逸沈麟士字雲禎吳興武康人也幼而俊敏及長博通經史有高尚之心隱居

餘干吳差山講經教授從學士數十百人各營屋宇依止其側時為之語云吳差山中有賢士開門教授居成市著周易兩繫莊子內

篇訓注易經禮記春秋尚書論語孝經喪服老子要略數十卷永明中中書郎沈約表薦

之梁天監元年與何點同徵皆不就二年卒於家年八十五

喪服經傳義疏一卷梁尚書左丞何修之撰亡按此亡字衍

南史儒林傳何修之字士威廬江灑人少好三禮師心獨學強力專精手不輟卷太尉王

儉雅相推重起家揚州從事爲總明館學士齊初爲國子助教爲諸王講喪服結草爲經屈手巾爲冠諸生有未曉者委曲誘誨建武中爲鎮北記室參軍侍皇太子講時劉歊吳苞皆已卒都下碩儒唯修之而已東昏卽位謝病不涉其流梁武帝踐阼以爲尙書左丞天監二年卒官所著文章禮議百許篇

喪服傳一卷梁通直郎裴子野撰

梁書本傳子野字幾原河東聞喜人兄黎弟楷綽並有盛名所謂四裴也曾祖松之祖駟父昭明子野少好學仕齊入梁歷鴻臚卿領步兵校尉知著作郎兼中書通事舍人中大通二年卒官年六十二諡曰貞子子野少時集注喪服續裴氏家傳各二卷鈔合後漢事四十餘卷又敕撰附益證法一卷方國使圖一卷並行於世

喪服文句義疏十卷陳國子助教皇侃撰 按陳當爲梁

梁書儒林傳皇侃吳郡人青州刺史皇象九世孫也侃少好學師事賀瑒精力專門盡通其業起家兼國子助教於學講說聽者數百人高祖拜員外散騎侍郎兼助教如故丁母憂解職還鄉里平西郡陵王厚禮之既至因感心疾大同十一年卒於夏首年五十八釋文敘錄梁國子助教皇侃撰禮記義疏又傳喪服義疏並行於世
唐書經籍志喪服文句義十卷皇侃撰
唐書藝文志皇侃喪服文句義十卷

喪服義十卷陳國子祭酒謝嶠撰

陳書謝岐傳岐曾稽山陰人也仕梁入陳至天嘉二年爲給事黃門侍郎中書舍人卒岐弟嶠篤學爲世通儒
喪服義鈔三卷梁有喪服經傳隱義一卷亡並不著撰人
按自賀場至此凡十一家皆喪服經傳之義疏講疏者也又別爲一類

喪服要記一卷王肅注

王肅有喪服經傳注見前
唐書經籍志喪服要記一卷王肅注
唐書藝文志王肅喪服要記一卷
經義考曰王氏喪服要記孔氏正義杜氏通典多引之其魯哀公葬父一篇鄭善長水經注謂肅此證近於誣
馬氏玉函山房輯本序曰肅注喪服經傳又引伸喪服之義作要記隋唐志並以一卷著錄今佚水經注藝文類聚太平御覽諸書皆引魯哀公祖載其父孔子問以設表門菰廬等釋史刪合爲一節又通典引十三節合錄一卷

喪服要記一卷蜀丞相蔣琬撰

按魏志本傳有云其所論駁朝廷典制以及喪紀輕重凡百餘篇此一卷其卽百餘篇中之一類者歟
蜀志本傳琬字公琰零陵湘鄉人也以州書佐隨先主入蜀除廣都長免爲什邡令先主爲漢中王琬入爲尙書郎後主建興元年丞

相亮開府辟爲東曹掾舉茂才遷參軍長史加撫軍將軍統留府事亮卒爲尙書令俄而加行都護假節領益州刺史遷大將軍錄尙書事封安陽亭侯開府加大司馬延熙九年卒諡曰恭
梁有喪服變除圖五卷吳齊王傅射慈撰亡
吳志吳主孫休傳休年十三從中書郎射慈受學

又齊王孫奮傳及諸葛恪誅奮下住蕪湖欲至建業觀變傅相謝慈等諫奮奮殺之坐廢爲庶人裴松之曰慈字孝宗彭城人見禮論撰喪服圖及變除行於世按裴注稱見禮論者卽何承天禮論詳見於後 廣韻射字注射又姓三輔決錄曰漢末大鴻臚射成本姓謝名服天子以爲將軍出征姓謝名服不詳改之爲射氏名成今按吳志一作射慈一作謝慈自來傳寫莫衷一是而射出於謝從可知矣
唐書經籍志喪服天子諸侯圖二卷謝慈撰
唐書藝文志射慈喪服天子諸侯圖一卷
嚴氏全三國文編曰射慈字孝宗彭城人一作謝慈爲中書郎領齊王奮傳以諫被殺有喪服圖及變除五卷又曰喪服變除今見於通典者凡二十條
王氏漢魏遺書鈔曰書中載徐整與慈問答整蓋亦爲禮服之學者凡共鈔出通典三十一條內一條見御覽
馬氏玉函山房輯本序曰裴松之注云撰喪服圖及變除行於世蓋二書也七錄合之云喪服變除圖五卷唐書藝文志有喪服天子諸

侯圖一卷已非梁時之舊本今佚從杜佑通典采得二十七節又從御覽南史禮記正義各采一節合而錄之與徐整答問為多整當是慈之門人其書體例亦似鄭志之類

按喪服變除之書始於西漢大戴氏禮記檀弓雜記開傳正義稱戴德喪服變除禮文兩唐志有戴德喪服變除一卷本志不載疑在戴氏五家圖譜中見後

喪服要集二卷晉征南將軍杜預撰征當爲鎮

晉書本傳預字元凱京兆杜陵人也祖畿魏尚書僕射父恕幽州刺史文帝嗣立預尙帝妹高陸公主起家拜尙書郎襲祖爵豐樂亭侯太康初代羊祜爲鎮南大將軍都督荊州諸軍事孫皓既平以功進爵當陽縣侯增邑並前九千六百戶其後徵爲司隸校尉加位特進行次鄧縣而卒年六十三諡曰成又武帝本紀太康五年閏十二月鎮南大將軍當陽侯杜預卒

唐書經籍志喪服要集議三卷杜預撰

唐書藝文志杜預喪服要集議三卷馬氏玉函山房輯本序曰秦始皇十年武元楊皇后崩朝議皇太子釋服月日預主二十五月除服於時外內怪其違禮以合時預使博士段暢采典籍爲之證據此喪服要集之所繇作乎隋志二卷唐志作要集議三卷今佚從北堂書鈔初學記通典輯得宗譜一篇佚文十二節合錄爲帙史臣於短喪之議謂之徇以苟合不求其正又謂禮已習於變禮微詞以譏之

梁又有喪服要記二卷晉侍中劉逵撰亡

晉書文苑左思傳陳留衛瓘又爲思賦作略解序曰著作郎安平張載中書郎濟南劉逵並以經學治博才章義茂咸皆悅玩爲之訓詁

錢氏十駕齋養新餘錄曰左思三都賦爲之注者劉逵張載也趙王倫傳有黃門侍郎劉逵未審卽其人否

嚴氏全晉文編曰劉逵字淵林濟南人元康中爲尙書郎歷黃門侍郎累遷侍中有喪服要記二卷

喪服儀一卷晉太保衛瓘撰

晉書本傳瓘字伯玉河東安邑人也父魏尙書瓘襲父爵閭鄉侯爲魏尙書郎至侍中持節監鄧艾鍾會軍蜀既平增封蕃陽侯泰始初進爵爲公太康時累遷司空侍中尙書令告老遜位進太保以公就第惠帝卽位以瓘錄尙書事與汝南王亮共輔朝政賈后素怨瓘且忌其方直不得逞已淫虐遂誘瓘與亮欲行伊霍之事啓帝作手詔免瓘官使楚王瑋清河王遐收瓘與子恆嶽裔及孫等九人同被害時年七十二恆二子璩玠時在豎家得免後以瓘舉門無辜受禍追封蘭陵郡公諡曰成又惠帝本紀元康元年三月徵大司馬汝南王亮爲太宰與太保衛瓘輔政六月賈后矯詔使楚王瑋殺太宰汝南王亮太保衛瓘公衛璩乙丑以瑋擅害亮瓘殺之曲救洛陽

梁有喪服要六卷晉司空賀循撰亡 要下缺記

字 晉書本傳循字彥先會稽山陰人也其先處

普漢世傳禮世所謂慶氏學族高祖純博學有重名漢安帝時爲侍中避安帝父諱改爲賀氏曾祖齊仕吳爲名將父卽中書令爲孫皓所殺徙家屬邊郡循少嬰家難流放海隅吳平乃還本郡舉秀才爲陽羨武康令久之召補太子舍人元帝建武初拜太常行太子太傅以疾改授左光祿大夫開府儀同三司大興二年卒年六十贈司空諡曰穆

吳志賀卽傳注虞預晉書曰循好學博聞尤善三禮元皇帝時朝廷初建勳有疑議宗廟制度皆循所定朝野諮詢爲一時儒宗諸所著論並傳於世

唐書經籍志喪服要紀五卷賀循撰謝微注唐書藝文志賀循喪服要紀五卷謝微注

馬氏玉函山房謝氏注輯本序曰謝微不詳何人注賀循喪服要記隋志不載新舊唐書志皆五卷今佚杜佑通典引之據輯注博引經傳並卽賀與人答問之語反覆推究亦留心典故者矣

按此六卷似卽唐志之謝微注五卷馬氏以爲謝微或所見唐志及通典皆作微字歟

梁有喪服要問六卷劉德明撰亡

劉德明始末未詳按南史劉勰傳勰一字德明不知卽此劉德明否也有集二十四卷見後集部

梁有喪服三十一卷宋員外郎散騎庾蔚之撰

亡 散騎下殿常侍二字

宋書隱逸雷次宗傳元嘉十五年徵次宗至京師開館於雞籠山聚徒教授置生百餘人會稽朱膺之穎川庾蔚之並以儒學監總諸生

又臧濟徐廣傳隆傳論曰穎川庾蔚之雁門周野王汝南周王子河內向瑒會稽賀道養皆託志經書見稱於後學

嚴氏全宋文編曰庾蔚之字季隨穎川人孝建中為太常丞歷員外郎散騎常侍有喪服三十一卷喪服世要一卷喪服要記注十卷禮記略解十卷禮論抄二十卷又曰庾亮之孝建中為太常丞官位時代與庾蔚之相值未知是一人是二人也

梁有喪服要問二卷張耀撰亡

張耀始末未詳

梁有喪服難問六卷崔凱撰亡

崔凱始末未詳

嚴氏全宋文編曰崔凱一作崔元凱有喪服難問六卷通典引見凡一十二條

馬氏玉函山房輯本序曰崔凱不詳何人隋志載此書六卷於庾蔚之下當後於庾通典引或作宋凱當是宋崔凱偶脫崔字以此定為宋人唐志不著錄佚已久從通典所引輯十七節或作喪服駁或作喪儀或作喪服儀節或僅題崔凱要是一書佚文不同者當是篇目也其書委曲發明與劉智釋疑相伯仲云

梁有喪服雜記二十卷伊氏撰亡

伊氏不詳何人

梁有喪服釋疑二十卷孔智撰亡孔當為劉

晉書劉實傳實字子真平原高唐人也弟智字子房貞素有兄風讀誦不輟竟以儒行稱歷中書黃門吏部郎出為穎川太守平原管輅嘗謂人曰吾與劉穎川兄弟語使人神思清發昏不假寐自此外殆白日欲寢矣入為祕書監領南陽王師加散騎常侍遷侍中尚書太常著喪服釋疑論多所辯明太康末卒諡曰成

嚴氏全晉文編曰劉智有喪服釋疑論二十卷今見於通典者凡十五條

王氏漢魏遺書鈔曰隋志孔智撰喪服釋疑二十卷亡唐志不載謾案此本劉智撰乃晉

太保劉實之弟見晉書實本傳後通典引作

劉智是也隋志誤作孔智今從通典鈔出一十六條

馬氏玉函山房輯本序曰余氏蕭客云通典引數處並云晉劉智無孔智按禮記正義亦引劉智以此合本傳證之知隋志誤劉為孔也茲從孔疏通典輯錄凡十七節又曰通典卷九十五九十八引虞喜通疑五節皆論劉智喪服釋疑故以通疑名意其因劉書而作也
按自王肅至此凡一十三家皆喪服雜記故事及問難論辨之屬非為經傳而作猶詩之有外傳也又別為一類

漢荊州刺史劉表新定禮一卷

劉表有周易章句見前易類

通志藝文略禮類喪服儀注門新定喪禮一卷漢劉表撰

嚴氏全後漢文編曰表與蔡母闔宋忠等撰五經章句謂之後定此即其一通典八十三八十四八十九引凡四條

馬氏玉函山房輯本序曰隋志有劉表新定禮一卷新定即後定題小異耳唐志不著佚已久杜佑通典引六節或僅題劉表或稱後定喪服

喪服要略一卷晉太學博士環濟撰

唐林寶元和姓纂曰環氏楚有環列之尹子孫氏焉楚有環泉按本作淵譚諱改漢有太守

環饒晉環濟撰要略

嚴氏全晉文編曰環濟太興中為太學博士有喪服要略一卷

按環氏著書似總名要略此名喪服要略其後雜史類名帝王要略當時或合為一編此亦見帝王要略中

喪服要略二卷

不著撰人

按此似環氏別本又南史隱逸沈麟士傳麟士著喪服老子要略亦近似之

喪服制要一卷徐氏撰

徐氏不詳何人

按此大抵言喪服制度之要者又按自劉表至此四家又似別為一類

喪服譜一卷鄭玄注

鄭氏有喪服經傳注見前

馬氏玉函山房輯鄭氏變除序曰隋志復有喪服譜一卷唐藝文志無喪服譜而有喪服變除一卷隋志之譜疑即唐志之變除蓋因大戴之書而申明之或其書中衍為圖譜故隋志取以標目歟

孫氏書曰鄭氏喪服變除一卷孔廣林集本

喪服譜一卷晉開府儀同三司蔡謨撰

晉書本傳謨字道明陳留考城人也避亂渡江康帝時歷左光祿大夫領司徒揚州刺史錄尚書事遷侍中司徒累年不拜穆帝臨軒遣侍中黃門郎徵謨不至於是公卿奏謨無復人臣之禮免為庶人謨既被廢杜門不出終日講誦教授子弟數年皇太后詔以為光祿大夫開府儀同三司十二年卒年七十六贈侍中空諡曰文穆謨博學於禮儀宗廟制度多所議定

唐書經籍志喪服譜一卷蔡謨撰

唐書藝文志蔡謨喪服譜一卷

馬氏玉函山房輯本序曰蔡氏喪服譜隋唐志並以一卷著錄今佚晉書禮志引其說凶門一節通典亦載之又引蔡說喪服凡十二節皆問難禮中疑義書以譜名宜有圖格今不可見佚說皆引經斷制間有駁斥鄭義者亦言之成理云

喪服譜一卷賀循撰

賀循有喪服要記見前

唐書經籍志喪服譜一卷賀循撰

唐書藝文志賀循喪服譜一卷

馬氏玉函山房輯本序曰賀氏喪服譜隋唐志並一卷今佚杜佑通典引賀循宗義二節給祭圖一節服必以宗起例以圖表明均為譜之佚文據以輯錄

喪服變除一卷晉散騎常侍葛洪撰

晉書本傳洪字稚川丹陽句容人也少好學以儒學知名究覽典籍凡所著撰皆精覈是非而才章富贍太安中石冰作亂吳興太守顧祕為義軍都督檄洪為將兵都尉元帝時以平賊功賜爵關內侯干寶薦洪才堪國史選為散騎常侍領大著作洪固辭不就以年老欲煉丹以祈遐壽聞交阯出丹求為句漏令許之遂將子姪俱行至廣州刺史鄧嶽留不聽去洪乃止羅浮山煉丹在山積年優游閒養著述不輟卒年八十一

馬氏玉函山房輯本序曰葛氏喪服變除隋志載一卷今佚陸德明釋文引一事杜佑通典引二節而已其說虛楣制度甚詳洪以博淹擅名引述古法必有依据也

凶禮一卷晉廣陵相孔衍撰

晉書儒林傳孔衍字舒元魯國人孔子二十二世孫也少好學避地江東元帝引為安東參軍專掌記室中興初與庾亮俱補中書舍人明帝在東宮領太子中庶子時庶事草創衍經學深博又練識舊典朝儀執制多取正焉由是元明二帝並親愛之王敦專權出行

為廣陵郡視職期月以太興三年卒於官年五十三衍雖不以文才著稱而博覽過於賀循凡所撰述百餘萬言

曲阜孔繼汾闕里文獻考先聖二十二代孫晉廣陵太守衍有凶禮一卷今亡不可見

馬氏玉函山房輯本序曰隋志載凶禮一卷唐志不著錄佚已久通典引宗廟藏主室議乖離論禁招魂葬論凡三篇皆言喪葬事凶禮之遺文也據而錄之

喪服要記十卷賀循撰梁有喪服要記宋員外常侍庾蔚之注

賀循有喪服要記六卷喪服譜一卷庾蔚之有喪服三十一卷並見前

宋書臧燾徐廣傳隆傳論曰穎川庾蔚之略解禮記并注賀循喪服行於世

唐書經籍志喪服要記十卷賀循撰庾蔚之注

唐書藝文志庾蔚之又注喪服要記五卷

馬氏玉函山房輯本序曰鄭康成作喪服譜賀循亦作譜王肅作喪服要記循亦作要記其書似參用鄭王而酌其中隋志十卷唐志五卷今佚從禮記正義通典太平御覽所引輯錄史稱朝廷疑滯皆諮之於循循輒依經禮而對為當世儒宗觀庾蔚之謝徽於要記皆有注史冊言禮者多引之則當日皆奉為圭臬矣又通典御覽引賀循要記外又引賀循葬禮隋唐志無葬禮之目今別輯排比於後

按此著錄十卷據唐經籍志卽七錄所載
庾蔚之注本修隋志者以隋時舊目不著
庾蔚之注故復引七錄注於其下卷數相
同故不復注

梁又有喪服世要一卷庾蔚之撰亡
庾蔚之見前

按喪服世要者殆卽所謂世行要記爲世
俗行用之要者

梁又有喪服集議十卷宋撫軍司馬費沈撰亡
宋書孝武帝本紀元嘉三十年元凶弑逆上
率衆入討四月己巳卽皇帝位八月丁亥以
撫軍司馬費沈爲梁南秦二州刺史

又南夷林邑國傳廣州諸山並俚獠種類
熾前後屢爲侵暴歷世患苦之世祖大明中
合浦大帥陳檀歸順拜龍驤將軍四年檀表
乞官軍征討未附乃以檀爲高興太守將軍
如故遣前朱提太守費沈龍驤將軍武期率
衆南伐並通朱崖道並無功輒殺檀而反沈
下獄死

喪服古今集記三卷齊太尉王儉撰

齊書南史本傳儉字仲寶琅琊臨沂人也數
歲襲父僧綽豫章侯爵專心篤學手不釋卷
尙宋陽羨公主拜駙馬都尉解褐祕書郎太
子舍人歷黃門吏部郎齊太祖爲太尉引爲
右長史爲齊佐命建元元年改封南昌縣公
先是宋孝武好文章天下悉以文采相尙莫
以專經爲業儉弱年便留意三禮尤善春秋
發言吐論造次必於儒教由是衣冠翕然並

尙經學累遷侍中中書令太子少傅國子祭
酒衛軍將軍開府儀同三司永明七年以疾
薨年三十八贈太尉諡文憲少撰古今喪服
集記行於世 又齊武帝本紀永明七年五月乙巳尚
書令衛將軍開府儀同三司王儉薨

唐書經籍志喪服古今集記三卷王儉撰

唐書藝文志王儉喪服古今集記三卷

馬氏玉函山房輯本序曰南齊王儉撰喪服

古今集記隋唐志並三卷今佚齊書禮志引

儉議喪服七篇文惠太子傳載一篇隋書禮

儀志引二節春秋釋文亦引儉說苦由一事

皆集記之遺文並據輯補

按文選任彥昇王文憲集序末云所撰古

今集記今書七志爲一家言不列於集是

文憲諸所撰述總名古今集記本志所載

禮答問禮義答問禮論抄弔答儀吉書儀

百家集譜之類多不見於本傳者兩唐志又

有尙書音義四卷公羊音二卷 或皆編入集記

中是書亦其一歟

喪服世行要記十卷齊光祿大夫王逸撰王逸當是

王逸轉寫之說

齊書文學傳王逸之字宣約琅琊臨沂人也

少禮學博聞仕宋至著作郎兼尙書左丞初

右僕射王儉撰古今喪服集記逸之難儉十

一條更撰世行五卷轉國子博士歷太中光

祿大夫加侍中建武二年卒

唐書經籍志喪服五代行要記十卷王逸之

志

唐書藝文志王逸之注喪服五代行要記十
卷

經義考曰王氏逸喪服世行要記隋志十卷

舊唐書逸作遂之

馬氏玉函山房輯本序曰隋志有喪服世行

要記十卷齊光祿大夫王逸撰舊唐書逸作

遂之與南齊書合則作逸者傳寫誤也南齊

禮志載其與王儉問答一篇禮志稱王逸脫

之字誤遂爲逸有由然矣

按此書次王儉之後以齊書文學傳考之

實是王逸之撰兩唐志題名不誤其云五

代行要記五或衍文或五下脫服字仍唐

人舊文以世爲代舊唐志每以注爲志似

音聲之譌六朝人名或連之字或不連之

字類是者甚多馬氏謂誤遂爲逸得其實

矣本傳云五卷此作十卷者或并王文憲

原書及難義十一條合爲一帙歟

喪服答要難一卷袁祈撰

袁祈始末未詳

唐書經籍志喪服要難一卷趙成問仇祈答

唐書藝文志喪服要難一卷趙成問袁祈答

喪服記十卷王氏撰

喪服五要一卷嚴氏撰

駁喪服經傳一卷卜氏撰

王氏嚴氏卜氏皆不詳何人

按此三家次北周樊文深之前則會似北

朝人

喪服疑問一卷樊氏撰

錢氏隋書考異曰按周書樊深傳喪服問疑一卷蓋即此書

按樊深有五經大義詳見後論語類

又按自鄭氏喪服譜至此凡一十五家又似別為一類

喪服圖一卷王儉撰

王儉有喪服古今集記見前

喪服圖一卷賀遊撰

賀遊始末未詳

按此似晉崔遊書也晉書儒林傳崔遊字子相上黨人少好儒術魏末察孝廉除相府舍人出為氏池長以病免泰始初武帝

錄敘文帝故府僚屬就家拜郎中年七十餘猶敦學不倦撰喪服圖行於世及劉元

海僧位命為御史大夫固辭不就卒於家

喪服圖一卷崔逸撰

按魏有崔逸博陵安平人好古博涉以經

明行修徵為中書博士數遷至廷尉少卿

孝文帝太和十六年受敕接齊使蕭琛范

雲時為齊武帝永明十年不知即此崔逸否也

梁有喪服祥禫雜議二十九卷喪服雜議故事二十一卷亡

並不著撰人 又戴氏喪服五家要記圖譜五卷喪服君臣圖儀一卷亡

按此稱戴氏喪服五家者漢書儒林傳云后倉說禮數萬言號曰后氏曲臺記授沛

聞人通漢子方梁戴德延君戴聖次君沛

慶普孝公也此或出於戴德舊新唐志有

戴德喪服變除一卷即是書之佚存者孫祠書自有戴德喪服變除一卷洪頤煊集本

五服圖一卷

五服圖儀一卷

喪服禮圖一卷

五服略例一卷

喪服要問一卷

並不著撰人

喪服問答目十三卷皇侃撰

皇侃有喪服文句義疏見前

喪服假寧制三卷

不著撰人

按此言假寧制者史記漢高祖本紀高祖為亭長時嘗告歸之田御覽治道部急假

篇引李斐注曰告請也言請休謁也寧安也吉曰告凶曰寧也又引後漢書曰光武

皇帝紀告寧之典又引晉假寧令四條南齊書文學邱巨源傳云寧喪還家唐六典

吏部云內外官吏則有假寧之節注謂給假五服內親齊衰周給假三十日葬三日

除服二日小功五月給假十五日葬二日除服一日總麻三月給假七日葬及除服

皆一日云云是書蓋彙次朝廷令典焉

喪禮五服七卷大將軍袁憲撰

陳書本傳憲字德章陳郡陽夏人也幼聰敏好學梁武帝開五館其一館在憲宅西憲常

招諸生談論每有新議出入意表同輩咸嗟

服焉大同八年十四被召為國子正言生

祭酒到溉博士周宏正愛其神采授以塵尾

令樹義論辨尋舉高第選尚簡文女南沙公

主歷太子舍人尚書殿中郎高祖永定元年

授中書侍郎兼散騎常侍累遷後主時封建

安縣伯為尚書僕射陳亡入隋授使持節昌

州諸軍事開府儀同三司昌州刺史開皇十

四年詔授晉王府長史十八年卒年七十贈

大將軍安城郡公諡曰簡

論喪服決一卷

喪禮鈔三卷王隆伯撰

不著撰人

按宋書盧江王禕傳禕文帝第八子也泰始五年河東柳欣慰謀反欲立禕禕與相

訓和欣慰要結征北諮議參軍杜幼文左

軍參軍宋祖珍前都令王隆伯等禕以金

合一枚餉幼文銅鉢二枚餉祖珍隆伯幼

文具奏其事似即此王隆伯宋季時人嘗為郡令不知其所終

又按自王儉喪服圖至此凡一十七家又似別為一類大凡喪服一門分為六類七十一家

以上儀禮之屬 大戴禮記十三卷漢信都王太傅戴德撰 漢書藝文志漢興魯高堂生傳士禮十七篇

訖孝宜世后倉最明戴德戴聖慶普皆其弟子又儒林傳云后倉授梁戴德延君德號大戴爲信都太傅又曰大戴授瑯琊徐良旂卿爲博士州牧郡守家世傳業由是大戴有徐氏之學按漢書諸侯王表信都王景宣帝子楚孝王嗣之孫也成帝綏和元年立爲定陶王哀帝建平二年徙封信都王莽篡位貶爲公明年廢是景在哀平之世王信都凡十三年戴氏爲傳即在其時戴氏卒年不可考其爲太傅之時已在劉向卒後數年矣

鄭氏六藝論曰今禮行於世者戴德戴聖之學也戴德傳記八十五篇則大戴禮是也釋文敘錄陳邵周禮論序云戴德刪古禮二百四篇爲八十五篇謂之大戴禮

本志篇敘曰漢初河間獻王得仲尼弟子及後學者所記一百三十一篇獻之時亦無傳之者至劉向考校經籍檢得一百三十篇按仍當云百三十一篇向因第而敘之而又得明

堂陰陽記三十三篇孔子三朝記七篇王氏史氏記二十一一篇樂記二十三篇凡五種合二百十四篇按此五種並見漢書藝文志禮樂類論語類實有二百十五篇戴德刪其煩重合而記之爲八十五篇謂之大戴記

唐書經籍志大戴禮記十三卷戴德撰唐書藝文志大戴禮記十三卷宋史藝文志大戴禮記十三卷戴德纂崇文總目大戴禮記十卷三十五篇又一本三十三篇

晁氏讀書志曰大戴禮記今書止四十篇其

篇目自三十九篇始無四十三四四四十五六十一四篇有兩七十四蓋因舊闕錄之每卷稱今卷第幾題曰九江太守戴德撰按九江太守聖也蓋後人誤題

陳氏書錄曰大戴之書自隋唐志所載卷數皆與今本同而篇第乃自三十九而下止於八十一其前缺三十八篇末缺四篇所存當四十三而於中又缺四篇第七十二復出一篇實存四十篇

王氏困學紀聞曰大戴禮哀公問投壺二篇與小戴無甚異禮察篇首與經解同曾子大孝篇與祭義相似而曾子書十篇皆在焉勸學禮三本見於荀子保傅篇則賈誼書之保傅傳弟子職胎教容經四篇也漢書謂之保傅傳又曰易本命篇與家語同疑此篇子夏

所著而大戴取以爲記又曰公冠篇載孝昭冠辭其后氏曲臺所記歎迎日辭亦見尙書大傳

四庫提要曰大戴禮記十三卷漢戴德撰原書八十五篇今缺四十六篇存三十九篇書中夏小正篇最古其諸侯選廟諸侯釁廟投壺公冠皆禮古經遺文又藝文志曾子十八篇久逸是書猶存其十篇自立事至天圓篇題上悉冠以曾子者是也史繩祖學齋估畢

言大戴記列之十四經中其說今不可考然先王舊制時有徵焉固亦禮經之羽翼爾梁有諡法三卷後漢安南太守劉熙注亡

明區大任百越先賢志劉熙字成國交州人

先北海人也博覽多識名重一時薦辟不就避地交州人謂之徵士往來蒼梧南海客授生徒數百人著諡法三卷行於世建安末卒於交州崇山下有劉熙墓云注云據交廣春秋

文獻通考參修嚴氏全後漢文編曰劉熙字成國北海人官位未詳又曰今所見釋名舊刻本或題安南太守或題徵士隋志注梁有諡法三卷後漢安南太守劉熙注則舊刻本亦有所據然恐不確唐調露元年始改交州總管府爲安南

都護府前此交阯並無安南之稱考劉熙久居交州陳壽言之再四蜀志許慈傳師事劉熙建安中自交州入蜀吳志韋曜傳見劉熙所作釋名信多佳者程秉傳避亂交州與劉熙考論大義遂博通五經薛綜傳少避地交州從劉熙學計熙在交州值獻帝初年或先

士變爲太守殆未可知然不當稱安南其爲徵士亦不見於史故皆不從又鐵橋漫稿有云世說言語篇注引伏滔論青楚人物稱劉成國爲青士有才德者

陽湖洪亮吉曉讀書齋初錄曰釋名舊本題安南太守劉熙撰考據家並云漢無安南郡今考晉書循吏傳魯芝當魏時行安南太守又吳志薛綜傳避地交州從劉熙學安南郡正屬交州則舊本所言不誤

唐書經籍志經緯家七經雜解類諡法三卷荀顛演劉熙注唐書藝文志經解類諡法三卷荀顛演劉熙

注觀當為顛

唐六典卷十四注舊有周官謚法大戴禮謚法又漢劉熙注謚法一卷按周官謚法似即周書謚法亦稱周公謚法

玉海藝文承詔撰述篇沈約謚例序曰劉熙注謚法唯有七十六名所闕甚多或有異名殊號近世所不用耶又曰劉熙既有注解時或有所發明今以熙所撰為本云

常熟丁國鈞補晉書藝文志曰謚法三卷荀顛演劉熙注兩唐志隋志作劉熙撰當有脫誤本書禮志載太尉荀顛上謚法事當即此書

按沈休文言劉熙注本止有七十六名唐六典注云一卷近得其實此三卷據兩唐志乃荀顛增演劉注本也顛為或之子晉書有傳亦見魏志 孫福書目有謚法三卷注云星衍集本今未見

夏小正一卷戴德撰

史記夏本紀太史公曰孔子正夏時學者多傳夏小正云裴駰集解曰禮運稱孔子曰我欲觀夏道是故之杞而不足徵也吾得夏時焉鄭玄曰得夏四時之書其存者有小正戴德夏小正傳曰何以謂之小正以小著名也曷以小之掌故失其傳太史遺其籍宗國墜其徵儒宿荒其訓小之云者弗詳之云爾非其微之云也按此猶義疏家之開題義發題義也宋傅崧卿校注序曰崧卿少時讀禮記著孔子得夏時於杞鄭氏注曰夏四時之書也其

存者有小正而鄭注月令引小正者其辭大抵約嚴不類秦漢以來文章信其為有夏氏之遺書而王政民事繁焉蓋夏之月令也四庫提要曰夏小正本大戴記之一篇隋志始於大戴禮記外別出夏小正一卷注云戴德撰傅崧卿謂隋懸重賞以求逸書進書者遂多以激賞帛故離析篇目而為此有司受此又不加辨而作志者亦不復考是於理亦或然然吳陸璣詩疏曰大戴禮夏小正傳云藥游湖游湖旁勃也則三國時已有傳名疑大戴禮記舊本但有夏小正之文而無其傳戴德為之作傳別行遂自為一卷故隋志分著於錄後盧辯作大戴禮注始采其傳編入書中故唐志遂不著錄耳又隋志根據七錄最為精核不容不知夏小正為三代之書漫題戴德撰疑夏小正下有傳字或戴德撰字當作戴德傳字今本譌脫一字亦未可定觀小爾雅亦孔叢之一篇因有李軌之注遂別著錄是亦旁證矣崧卿以為隋代誤分似不然也

鎮洋畢沅夏小正考注序曰夏小正本在大戴禮記內為第四十七篇其書古亦專行故隋志別題其目沅所見各家自今所行大戴禮記外其專本有宋朱子本有關澮本有傅崧卿本有王應麟本有元金履祥本本朝有故尚書大興黃叔琳本有故尚書無錫秦蕙田本有今學士錢塘盧文弨本有故編修休寧戴震本有今主事曲阜孔繼涵本皆分經傳亦並有異同

張氏書目答問夏小正考注一卷畢沅校經訓堂本夏小正傳二卷孫星衍校傍南閣別刻巾箱本夏小正疏義四卷附釋音異字記洪震煊撰傳經堂本夏小正四卷校錄一卷集解四卷顧鳳藻撰士禮居本又王筠夏小正正義一卷鄂宰四種本又孔廣森大戴記補注本王聘珍大戴記解詁本按又有武進莊述祖以夏小正經傳考釋十卷珍藝室遺書本

以上大戴禮記之屬

禮記十卷漢北中郎將盧植注

後漢書本傳植字子幹涿郡涿人也少與鄭玄俱事馬融能通古今學好研精而不守章句學終辭歸闔門教授建寧中徵為博士熹平四年九江蠻反四府選植才兼文武拜九江太守蠻寇賓服以疾去官作尚書章句三禮解詁時始立太學石經以正五經文字植乃上書曰臣少從通儒故南郡太守馬融受古學頗知今之禮記特多回穴臣前以周禮諸經發起批謬敢率愚淺為之解詁而家乏無力供繕寫上願得將能書生二人共詣東觀就官財糧專心研精合尚書章句考禮記失得庶裁定聖典刊正碑文會南夷反叛拜為廬江太守歲餘復徵拜議郎與諫議大夫馬日磾議郎蔡邕楊彪韓說等並在東觀校中書五經記傳補續漢記轉侍中遷尚書中平元年黃巾賊起四府舉植拜北中郎將持節將北軍五校士發天下諸郡兵征之連戰

破賊帥張角斬獲萬餘人以小黃門左豐言
遂檻車徵植減死罪一等及軍騎將軍皇甫
嵩討平黃巾盛稱植行師方略嵩皆資用規
謀濟成其功以其年復為尙書後董卓議廢
立植獨抗議不同卓怒免植官遂隱於上谷
不交人事冀州牧袁紹請為軍師初平三年
卒子毓知名

司馬彪續漢書曰植以老病去位隱於上谷
軍都山少事馬融與鄭玄同門相友作尙書
章句禮記解詁

釋文敍錄盧植注禮記二十卷

唐書經籍志禮記二十卷盧植注

唐書藝文志盧植注小戴禮記二十卷

舊唐書元行沖傳行沖著釋疑論曰小戴之
禮行於漢末馬融注之時所未覩盧植分合
二十九篇而為說解代不傳習

馬氏玉函山房輯本序曰禮記正義謂鄭亦
依盧馬之本而為之注本傳載刊正碑文之
奏未經允行而植所自為禮注推本師說訂
改紕繆當必獨成善本故鄭氏用之也今就
羣書所引輯錄一卷

王氏漢魏遺書鈔曰今鈔出正義三十三條
詩正義一條釋文四條詩釋文一條後漢書
注十三條北史五條隋書一條又鈔出周禮
疏通典魏書南齊書舊唐書為補遺四十九
條

孫桐書目盧植禮記解詁一卷臧鏞堂集本
按元行沖言盧植分合二十九篇而為說

解是盧氏於四十九篇之中又分合重定
二十九篇如馬氏重定明堂位月令樂記
三篇師弟傳習各有所得故各有其本不
盡從小戴一家之錄也本志作十卷釋文
唐志皆二十卷疑本志脫二字

禮記二十卷漢九江太守戴聖撰鄭玄注

漢書儒林傳后倉授梁戴德延君戴聖次君
聖號小戴以博士論石渠至九江太守由是
禮有大戴小戴之學小戴授梁人橋仁季卿
楊榮子孫仁為大鴻臚家世傳業榮琅琊太
守由是小戴有橋楊氏之學 正義云聖德從子
又漢書何武傳載戴聖事

鄭氏六藝論曰戴聖傳禮四十九篇則此禮
記是也

後漢書儒林傳馬融作周官傳授鄭玄玄作
周官注玄本習小戴禮後以古經校之取其
義長者故為鄭氏學玄又注小戴所傳禮記
四十九篇通為三禮焉

釋文敍錄陳邵周禮論序云戴聖刪大戴禮
為四十九篇是為小戴禮後漢馬融盧植考
諸家同異附戴聖篇章去其繁重及所敘略
而行於世即今之禮記是也鄭玄亦依盧馬
之本而注焉又曰今大戴無傳學者唯鄭注
周禮儀禮禮記並列學官又曰鄭玄注禮記
二十卷

唐書經籍志小戴禮記二十卷戴勝撰鄭玄
注按是志聖皆作勝

唐書藝文志鄭玄注小戴聖禮記二十卷

宋史藝文志鄭玄禮記注二十卷
鄭珍鄭學錄曰禮記注二十卷唐孔沖遠撰
正義七十卷今列於學官
張氏書目答問影宋撫州單注本禮記二十
卷附考異二卷張敦仁校刻本武昌局繙張
本

禮記三十卷王肅注

王肅有周易注見易類
釋文敍錄王肅注禮記三十卷
唐日本國見在書目禮記二十卷魏衛軍王
肅注

唐書經籍志禮記又三十卷王肅注

唐書藝文志王肅注小戴禮記三十卷

經義考曰朱子謂王肅議禮必反鄭玄按肅
注禮以月令為周公所作
馬氏玉函山房輯本序曰肅說詩好與鄭異
注禮亦然而其所用之禮本又往往與鄭本
不同不知所據何本隋唐志並三十卷今輯
為二卷

梁有禮記十二卷業遵注亡
業遵有業詩見詩類
舊唐書元行沖釋疑論曰鄭學之徒有孫炎
者雖扶鄭義乃易前編自後條例支分箴石
間起馬伯增革向踰百篇業遵刪修僅全十
二

釋文敍錄業遵注禮記十二卷

唐書經籍志禮記又十二卷業遵注

唐書藝文志業遵注禮記十二卷

禮記寧朔新書八卷王懋約注梁有二十卷

王懋約有周官寧朔新書注見前

唐書經籍志禮記寧朔新書二十卷司馬他

序王懋約注

唐書藝文志司馬他禮記寧朔新書二十卷

王懋約注

按唐元行沖釋疑論云馬他增革向隸百

篇則其書猶在百篇以上不從大小戴篇

數與孫炎葉遵同為禮記之別本 古書往

往以尙為向以尙為尙此尙字亦尙字也向子平人姓

名而亦有作尙子平者

月令章句十二卷漢左中郎將蔡邕撰

後漢書本傳邕字伯喈陳留圉人也性篤孝

與叔父從弟同居三世不分財鄉黨高其義

少博學師事太傅胡廣好辭章數術天文妙

操音律閒居翫古不交當世建寧三年辟司

徒橋玄府出補河平長召拜郎中校書東觀

禮議郎下洛陽獄與家屬髡鉗徙朔方居五

原安陽縣邕前在東觀與盧植韓說等撰補

後漢記會遭事流離不及得成因上書自陳

奏其所著十意分別首目連置章左帝嘉其

才高會明年大赦乃宥邕還本郡邕慮卒不

免乃亡命江海遠跡吳會往來依太山羊氏

積十二年平六年靈帝崩董卓為司空辟

之不得已到署祭酒甚見敬重舉高弟補侍

御史又轉侍書御史遷尙書三日之間周歷

三臺遷巴郡太守復留為侍中初平元年拜

左中郎將從獻帝遷都長安封高陽鄉侯及

卓被誅司徒王允收付廷尉治罪邕陳辭謝

乞諒首則足繼成漢史士大夫多矜救之不

能得遂死獄中時年六十一摺紳諸儒莫不

流涕北海鄭玄聞而歎曰漢世之事誰與正

之其撰集漢事未見錄以繼後史適作靈紀

及十意又補列傳四十二篇因李惟之亂湮

沒多不存按桓帝諱志故邕稱十志曰十意

鄭氏三禮目錄曰禮記月令第六名曰月令

者以其紀十二月政之所行也本呂氏春秋

十二月紀之首章以禮家好事抄合後人因

題之名曰禮記言周公所作其中官名時事

多不合周法此於別錄屬明堂陰陽 按漢書

藝文志禮家明堂陰陽三十三篇古明堂之遺事即本於

七略別錄也月令舊在三十三篇中故亦稱明堂月令

蔡邕月令問答問者曰子何為著月令說也

曰幼讀記以為月令體大經同不宜與記書

雜錄並行而記家記之又略及前儒特為章

句者皆用其意傳非其本旨又不知月令徵

驗布在諸經周官左傳皆實與禮記通他議

橫生紛紛久矣光和元年予被謗章罹重罪

徙朔方危險凍凍死亡無日過被學者聞家

就而考之亦自有所覺悟庶幾頗得事情而

訖未有記著於文字也竊誠思之書有陰陽

升降天文曆數事物制度可假以為本敦辭

託說審求曆象其要者莫大於月令故遂於

憂怖之中晝夜密勿昧死成之勞貫五注參

互羣書至及國家律令制度遂定曆數盡天

地三光之情辭繁多而曼衍非所謂理約而

達也道長日短危殆兢惕取其心盡而已故

不復加刪省蓋所以探蹟辨物庶幾多識前

言往行之流也苟使學者以為可覽則余死

而不朽也

又月令篇名曰因天時制人事天子發號施

令祀神受職每月異禮故謂之月令所以順

陰陽奉四時效氣物行王政也成法具備各

從時月藏之明堂故以明堂冠月令以名其

篇聖帝明君世有紹襲以裁成大業非一代

之事也大戴禮夏小正則夏之月令也殷人

無文及周而備文義所說博衍深遠宜周公

之所著也官號職司與周官合周書七十二

篇而月令第五十三秦相呂不韋著書取月

令為紀號淮南王安亦取以為第四篇改名

時則故偏見之徒或云月令呂不韋作或云

淮南皆非也

唐書經籍志月令章句十二卷戴顓撰

唐書藝文志戴顓月令章句十二卷 按舊志

四後一條有戴顓中庸傳二卷遂以擊近而誤新志沿謬

失於刊正此實蔡氏書也

宋史藝文志子部農家蔡邕月令章句一卷

嚴氏全後漢文編曰蔡邕本集及說郭有月

令問答明堂論月令篇名等三篇皆月令章

句之文

侯氏補後漢藝文志曰此書王謨有輯本不

及蔡雲輯本之詳按今新影古澆叢書中有玉燭寶

典原本玉篇及外藩傳來大藏音義百卷引此書特多皆

諸家所未載

孫祠書目蔡邕月令章句一卷陸堯春集本
張氏書目答問蔡邕月令章句二卷馬瑞辰
輯注本

按自盧植至此凡六家別爲一類考唐經
籍志於此數家之書首爲小戴氏鄭注本
次盧植次王肅次孫炎次葉遵次司馬佃
寧朔新書又次則月令章句中庸傳其中
惟葉遵遠在司馬佃王懋約之後而列於
其前爲失當餘皆部署井井本志既冠小
戴名位於鄭注本之上則當首列其目而
次於盧植之下業遵王懋約兩家既前後
失次又不與下孫炎相類從月令章句亦
不與下中庸傳相比附不及毋甕等所條
之善斯則四庫提要所謂編次無法之一
端歟

禮記音義隱一卷謝氏撰

王氏困學紀聞曰曲禮禮器內則疏引隱義
云云按隋志禮記音義隱一卷射氏撰閻若
璩箋云今本隋志射作謝
侯氏補三國藝文志曰謝氏音義隱困學紀
聞引作射氏通志略及經義考皆以音義隱
爲謝慈書其果爲一書與否則無以證之矣
禮記音二卷宋中散大夫徐爰撰

徐爰有集注繫辭見易類

釋文敍錄徐爰禮記音三卷

唐書經籍志禮記音又二卷徐爰撰

唐書藝文志徐爰小戴禮記音二卷

梁有鄭玄禮記音一卷亡

鄭玄見前
釋文敍錄鄭玄三禮音各一卷又曰漢人不
作音後人所託

按此與後曹耽所撰者似別爲一本

梁有王肅禮記音一卷亡

王肅亦見前

釋文敍錄王肅三禮音各一卷七錄唯云撰
禮記音

梁有射慈禮記音一卷亡

射慈即謝慈有喪服變除圖見前

釋文敍錄射慈禮記音一卷

唐書經籍志禮記音又二卷謝慈撰

唐書藝文志射慈小戴禮記音二卷

王氏漢魏遺書鈔曰經典敍錄禮記音十三
家內有射慈禮記音無義隱字隋志有謝氏
禮記音義隱一卷又梁有射慈音一卷則謝
氏與射慈當爲二人其爲禮記音與音義隱
亦當爲二書也經義考竟作射慈音義隱今
從之而以正義釋文所引隱義並鈔入焉凡
二十八條

馬氏玉函山房輯本序曰唐時射音尙在故
正義及引之然引稱謝茲謝茲即射慈其所
說下室之饋音兼乎義此又謝氏即射慈之
一證也唐志二卷之音即隋志一卷之音義
隱唐志標題書目多與隋志不合幸存射慈
之名猶可尋繹而參考之也今從釋文正義
輯錄爲卷

梁有射貞禮記音一卷亡

釋文敍錄謝禎不詳何人禮記音一卷
盧氏釋文考證曰隋志梁有射貞禮記音一
卷蓋即謝禎也

按吳志妃嬪傳吳主權謝夫人會稽山陰
人也父暎漢尙書郎徐令裴松之曰暎子
承撰後漢書稱暎幼以仁孝爲行明達有
令才暎弟貞履蹈法度篤學尙義舉孝廉
建昌長卒官疑即此射貞謝承之叔父也

梁有孫毓禮記音一卷亡

孫毓有毛詩異同評見前詩類

釋文敍錄孫毓禮記音一卷

梁有繆炳禮記音一卷亡

繆炳始末未詳

釋文敍錄繆炳禮記音一卷

梁有蔡謨禮記音二卷亡

蔡謨有喪服譜見前

釋文敍錄蔡謨禮記音二卷

梁有東晉安北諮議參軍曹耽禮記音二卷亡
釋文敍錄曹耽字愛道譙國人東晉安人諮
議參軍禮記音二卷 盧文昭考證曰安北舊誤作
安人今據隋志正

唐書經籍志禮記音二卷鄭玄注曹耽解

唐書藝文志鄭玄注小戴禮記二十卷又禮

記音三卷曹耽解

嚴氏全晉文編曰曹耽永和中爲太學博士

升平中遷尙書郎後爲安北諮議參軍有禮

記音二卷

梁有國子助教尹毅禮記音二卷亡

釋文敍錄尹毅天水人東晉國子助教禮記音一卷

唐書經籍志禮記音又二卷尹毅撰
唐書藝文志尹毅小戴禮記音二卷

梁有李軌禮記音二卷亡

李軌有周易尚書毛詩周禮儀禮音並見前

釋文敍錄李軌禮記音二卷

唐書經籍志禮記音又二卷李軌撰

唐書藝文志李軌小戴禮記音二卷

梁有員外郎范宜禮記音二卷亡

范宜有擬周易說見易類

釋文敍錄范宜字宣子濟陽人東晉員外郎

不就禮記音二卷按晉書儒林傳云陳留人博綜衆

書尤善三禮

馬氏玉函山房輯本序曰范氏禮記音隋志

注云二卷唐志不著錄陸氏釋文及集韻引

之據輯爲卷

梁有徐邈禮記音三卷亡

徐邈有周易尚書毛詩音並見前

釋文敍錄徐邈周禮音一卷七錄無句禮記

音三卷

唐書經籍志禮記音又三卷徐邈撰一本誤作

徐遜

唐書藝文志徐遜小戴禮記音三卷

馬氏玉函山房輯本序曰徐氏禮記音釋文

引之較諸家爲多據以輯錄仍釐爲三卷

梁有劉昌宗禮記音五卷亡

劉昌宗有禮音見前周禮類

釋文敍錄劉昌宗禮記音五卷

馬氏玉函山房輯本序曰劉氏禮記音隋唐

時書已佚矣陸氏釋文及集韻引之蓋從前

儒所承用者轉相稱述也據以輯錄

禮記音義隱七卷

不著撰人

王應麟因學紀聞曰曲禮禮器內則疏引隱

義云按隋志禮記音義隱一卷射氏撰又音

義隱七卷方樸山箋云古有五經隱義一書

按自謝氏禮記音義隱至此凡十六家皆

音義之屬別爲一類

禮記三十卷魏秘書監孫炎注

魏志王肅附傳樂安孫叔然授學鄭玄之門

人稱東州大儒徵爲秘書監不就作周易春

秋例毛詩禮記春秋三傳國語爾雅諸注又

著書十餘篇臣松之案叔然與晉武帝同名

故稱其字 經義考曰案訪碑錄載淄州長山縣西南

三十里長白山東有孫炎碑碑陰有門徒姓名孫甘露五

年立惜今不可得見矣

釋文敍錄孫炎注禮記二十九卷

唐書經籍志禮記三十卷孫炎注

唐書藝文志孫炎注禮記三十卷

舊唐書元行沖傳尚書左丞相張說奏曰禮

記是前漢戴德戴聖所編錄至魏孫炎始改

舊本以類相比有同抄書先儒所非竟不行

用貞觀中魏徵因孫炎所修更加整比兼爲

之注又行沖撰釋疑論曰鄭學之徒有孫炎

者雖挾玄義乃易前編

經義考曰按唐張燕公駁魏鄭公類禮云禮

記傳習已向千載至魏孫炎始改舊本以類

相比則炎所注禮記不用小戴原本可知

馬氏玉函山房輯本序曰禮記孫氏注佚說

寥寥僅從釋文正義大戴禮注史記樂書集

解索隱通典諸書采得三十餘節錄爲一卷

禮略二卷

不著撰人

經義考曰景氏鸞禮略隋志二卷不著姓名

侯氏補後漢藝文志曰隋志有禮略二卷不

著名氏以景鸞傳考之則鸞撰也

按范書儒林傳詩家景鸞字漢伯廣漢梓

潼人也少隨師學經涉七州之地能理齊

詩施氏易兼受河洛圖緯作易說及詩解

文句兼取河洛以類相從名爲交集又撰

禮內外記號曰禮略又抄風角雜書列其

占驗作輿道一篇及作月令章句凡所著

述五十餘萬言數上書陳救災變之術州

郡辟命不就以壽終亦見華陽國志似東

漢初人其云撰禮內外記者東漢以識緯

爲內學取禮緯合文嘉稽命徵斗威儀及

禮記獸房之類相比附也

禮記要鈔十卷緱氏撰

唐書經籍志禮記要鈔六卷緱氏撰

唐書藝文志緱氏要鈔六卷

按賈公彥序周禮廢興引馬融傳云劉歆

末年天下倉卒兵革並起疾疫喪荒弟子

死喪徒有里人河南緱氏杜子春尚在本

志篇敘曰周官至王莽時劉歆始置博士以行於世河南繆氏及杜子春受業於歆因以教授蓋馬序敘及字知繆氏與杜子春爲兩人考兩漢禮家別無繆氏此繆氏其卽劉歆弟子與杜子春同門東漢初尙存佚其名字者歆氏姓諸書有陳留繆氏河南繆氏二族此繆氏則河南人也繆氏亦西漢縣屬河南郡或以爲河南繆氏是杜子春籍隸郡縣今考廣韻杜字注云漢有御史大夫杜周以南陽豪族徙茂陵始居京兆是漢之杜氏武帝之前爲南陽人其後爲京兆茂陵人皆非河南人也 又馬傳云徒有里人者里居不仕之人猶言下里諸生與杜子春俱家於南山者歆

梁有禮義四卷魏侍中鄭小同撰亡

後漢書鄭玄傳玄惟一子益恩孔融在北海舉孝廉及融爲黃巾所圍益恩赴難隕身有遺腹子玄以其手文似己名之曰小同魏氏春秋曰小同高貴鄉公時爲侍中嘗詣司馬文王文王有密疏末之屏也如廁還問之曰卿見吾疏乎答曰不見文王曰寧我負卿卿無負我遂醜之

魏志高貴鄉公紀正元二年九月庚子講尙書業終賜經親授者司空鄭冲侍中鄭小同等各有差甘露三年秋八月丙寅詔曰關內侯王祥履仁秉義雅志淳固關內侯鄭小同温恭孝友帥禮不忒其以祥爲三老小同爲五更車駕親率羣司躬行古禮焉 按蔡中

卽以五更爲五更之誤疑足深長思也

裴松之曰小同鄭玄孫也玄別傳曰玄有子爲孔融吏舉孝廉融之被圍往赴爲賊所害有遺腹子以丁卯日生而玄以丁卯歲生故名曰小同魏名臣奏載太尉華歆表曰臣伏見故漢大司農北海鄭玄當時之學名冠華夏爲世儒宗文皇帝旌錄先賢拜玄嫡孫小同以爲郎中長假在家小同年踰二十少有令質學綜六經行著鄉邑海岱之人莫不嘉其自然美其氣量迹其所履有質直不渝之性然而恪恭靜默色養其親不治可見之美不競人間之名斯誠清時所宜式敘前後明詔所斟酌而求也臣老病委頓無益視聽謹具以聞

唐書經籍志禮記義記四卷鄭小同撰

唐書藝文志鄭小同禮記義記四卷

梁有撫遺別記一卷樓幼瑜撰亡

樓幼瑜有喪服經傳義疏見前

按南齊書徐伯珍附傳幼瑜著禮摺遺三十卷此一卷名撫遺別記蓋其三十卷之餘

又按自孫炎至此五家又別爲一類繆氏孫炎兩家當與前王懋約葉遵爲類餘三家亦可移後梁武帝大義之前

禮記新義疏二十卷賀瑒撰

賀瑒有喪服義疏見前
馬氏玉函山房輯本序曰唐志無新義疏佚已久矣從正義釋文輯爲一卷

梁有禮記義疏三卷宋豫章郡承雷肅之撰亡宋書隱逸雷次宗傳次宗篤志好學尤明三禮毛詩子肅之頗傳其業官至豫章郡丞禮記義疏九十九卷皇侃撰 義當爲講禮記講疏四十八卷皇侃撰 講當爲義

皇侃有喪服文句義疏見前

梁書武帝本紀大同四年冬十二月丁亥兼國子助教皇侃表上所撰禮記義疏五十卷梁書南史儒林傳侃尤明三禮撰禮記講疏五十卷 按當從本紀作義疏 書成奏上詔付祕閣頃之召入壽光殿說禮記義武帝善之又曰所撰禮記義見重於世學者傳焉

釋文敘錄曰梁國子助教皇侃撰禮記義疏五十卷又傳喪服義疏並行於世

唐書經籍志禮記講疏一百卷皇侃撰禮記義疏五十卷皇侃撰

唐書藝文志皇侃禮記講疏一百卷又義疏五十卷

孔穎達正義序曰皇氏雖章句詳正微稍齷廣又既違鄭氏乃時乖鄭義此是木落不歸其本狐死不首其邱未爲得也

經義考曰按隋唐志二書卷數懸殊蓋隋志以義爲講以講爲義也

馬氏玉函山房輯本序曰皇氏義疏孔氏正義據以爲本故正義多引之今就所引輯錄四卷

禮記義疏四十卷沈重撰

沈重有毛詩周官義疏並見前

北史儒林傳重著儀禮義三十五卷儀禮音一卷禮記義三十卷禮記音二卷

唐書經籍志禮記義疏四十卷沈重撰一本作皇侃誤

唐書藝文志沈重禮記義疏四十卷

馬氏玉函山房輯本序曰沈氏義疏久佚今從釋文正義采輯為一卷

按沈氏儀禮疏本志不著錄周官疏禮記疏本志皆四十卷周書北史儒林傳則三十一卷三十卷志傳不合錢氏考異已舉之類此者甚多也

禮記義十卷何氏撰

唐書經籍志禮記義十卷何修之撰

唐書藝文志何修之禮記義十卷

經義考曰隋志何氏禮記義十卷案孔氏禮記疏每引何胤之說疑即胤書

按何修之有喪服經傳義疏見前朱氏以為何胤按梁書處士傳胤解禮記於卷背書之謂為隱義又云注禮記隱義二十卷

是其書名隱義本志不載此見舊唐志書名卷數相同實何修之書也

禮記義疏三十八卷

禮記疏十一卷

並不著撰人

按孔穎達正義序曰爰從晉宋逮於周隋其傳禮業者江左尤盛其為義疏南人有賀循賀場庾蔚靈恩沈重宣皇甫侃等

按庾蔚即庾蔚之沈重宣阮氏校勘記云即沈重范宣

皇侃即皇侃北人有徐道明李業與李寶鼎侯聰熊安等按徐道明當為徐道明李寶鼎李

銘字熊安即熊安生並見北史儒林傳唯侯聰未詳其見於世者惟皇侃二家而已按庾蔚之有略解崔靈恩有三禮義宗並見後范宣

唯見音二卷賀場皇侃沈重三家義疏並見前熊安生義疏四十卷本志不載兩唐志有之此二家大抵是北朝人為多

又按自賀場至此七家皆禮記義疏講疏之屬別為一類

禮記大義十卷梁武帝撰

梁武帝有周易大義見易類

梁書劉之遴傳是時周易尚書禮記毛詩並有高祖義疏

梁書張綰傳綰出為豫章內史在那述制旨禮記正言義四姓衣冠士子聽者常數百人

正言即孔子正言見後論語類

唐書經籍志禮大義十卷梁武帝撰

唐書藝文志梁武帝禮大義十卷

禮記文外大義二卷祕書學士褚暉撰

隋書儒林傳吳郡褚暉北史作暉字高明以三禮學稱於江南煬帝時徵天下儒術之士悉集內史省相次講論輝博辨無能屈者由是擢為太學博士撰禮疏一百卷

錢氏隋書考異曰經籍志禮記文外大義二卷按儒林傳撰禮疏一百卷與此互異

禮大義十卷 不著撰人

按梁書簡文帝本紀有禮大義二十卷疑此其佚存者

禮記義證十卷劉芳撰

劉芳有毛詩箋音證見前詩類

北史本傳芳撰周官儀禮義證各五卷禮記義證十卷

唐書經籍志禮記義證十卷劉芳撰一本誤作劉芳

唐書藝文志劉芳義證十卷

馬氏玉函山房輯本序曰後魏劉芳禮記義證十卷唐志不著錄佚已久正義引劉氏者凡六節據而錄之按此謂唐志不著錄非也

禮大義章七卷

不著撰人

按北史儒林傳華陰徐遵明撰春秋義章三十卷蓋講疏之類也此或當云大義義章鼓義字或是大義章句為梁武簡文而作鼓句字

喪禮雜義三卷 不著撰人

按此或雜論禮記中之言喪禮者故不列於前喪服類中而次之于此

宋書隱逸傳戴顓字仲若誰郡鉅人也父達兄勃並隱遁有高名以會稽剡縣多名山故世居剡下顓又隨兄共遊桐廬因留居止兄勃卒乃出居吳下吳下士人共為築室聚石引水植林開澗少時繁密有若自然乃述莊

周大旨著逍遙論注禮記中庸篇元嘉十五年累以太子中庶子散騎常侍徵不就十八年卒年六十四

鄭氏三禮目錄曰禮記中庸第三十一名曰中庸者以其記中和之爲用也庸用也孔子之孫子思作之以昭明聖祖之德也此於別錄屬通論

唐書經籍志禮記中庸傳二卷戴顓撰

唐書藝文志戴顓中庸傳二卷

中庸講疏一卷梁武帝撰

梁武帝有禮大義見前

梁書張綰傳大同十年是時城西開士林館聚學者綰與右衛朱异太府卿賀琛遞述制旨禮記中庸義

南史朱异傳時城西又開士林館以延學士

异與左丞賀琛遞日述武帝禮記中庸義經義考陸深曰中庸雜出戴記至二程始尊信而表章之今獨行與六經並然晉戴顓嘗傳中庸梁武帝爲中庸講疏已知重中庸矣非但始於宋也

四庫四書類提要曰中庸說二篇見漢書藝文志戴顓中庸傳二卷梁武帝中庸講疏一卷見隋書經籍志均不自洛閩諸儒始爲表章特其論說之詳自二程始定著四書之名則自朱子始耳

私記制旨中庸義五卷

不著撰人

按梁簡文帝有謝敕賚中庸講疏啓見嚴

氏全梁文編又南史孝義謝蘭傳蘭奉詔令製宣城王奉述中庸頌知當時奉述制旨諸義者不一其人此不知何人所作蓋講疏之屬也宣城王者即哀太子大器武帝孫簡文帝嫡長子初封宣城郡王簡文帝即位立爲皇太子後爲侯景所害

禮記略解十卷庾氏撰

釋文敍錄庾蔚之略解十卷字季隨穎川人宋員外常侍

唐書經籍志禮記略解十卷庾蔚之撰

唐書藝文志庾蔚之禮記略解十卷

馬氏玉函山房輯本序曰蔚之字季隨官至員外散騎常侍宋書無傳見册府元龜其注禮記名略解隋志題庾氏唐志題庾蔚之孔氏正義序又稱庾蔚並是一人言者互異耳今其書佚從正義釋文史記樂書正義輯錄爲卷

按庾蔚之有喪服三十一卷見前儀禮類中孔氏正義序稱爲義疏蓋卽是書

禮記評十一卷劉雋撰

劉雋始末未詳

唐書經籍志禮記評十卷劉雋撰

唐書藝文志劉雋禮記評十卷

按自梁武帝至此十一家皆略述大義不循章句者及篇義雜義評論之屬別爲一類

以上小戴禮記之屬此類編次雜亂與易書詩周禮儀禮章法不同

石渠禮論四卷戴聖撰

戴聖見前禮記類漢書宣帝本紀甘露三年三月詔諸儒講五經同異太子太傅蕭望之等平奏其議上親稱制臨決焉迺立梁丘易大小夏侯書穀梁春秋博士

又儒林傳易家梁丘賀傳子臨爲黃門郎甘露中奉使問諸儒於石渠師古曰三輔故事云石渠閣在未央殿北以藏祕書也

又儒林傳詩家韋賢治詩又治禮至丞相傳子玄成以淮陽中尉論石渠後亦至丞相又列傳云玄成受詔與太子太傅蕭望之及五經諸儒雜論同異於石渠閣條奏其對

又儒林傳禮家后倉授沛聞人通漢子方梁戴聖次君聖號小戴以博士論石渠通漢以太子舍人論石渠

又藝文志禮類議奏三十八篇注云石渠按石渠下做論字

經義考曰案孔氏詩禮正義及後漢書志注每引石渠禮儀然多係節文惟杜氏通典差具本末又曰后氏之禮分爲四家聞人通漢雖未立於學官而石渠禮論其議奏獨多

王謨漢魏遺書鈔曰隋志漢戴聖撰石渠禮論四卷今鈔出通典十三條詩禮正義三條漢志注一條按王氏輯本第二條宣帝甘露三年三月黃門侍郎臨注云失其名按此卽梁邱臨奉使問諸儒于石渠者也臨卽其名非姓也

馬氏玉函山房輯本序曰漢藝文志議奏三

十八篇隋志載石渠禮論四卷戴聖撰者即漢志之議奏蓋論出諸儒而近君當云次君一人所手定也唐志不著錄時已散佚詩禮正義及後漢書補志注引之多係節文杜佑通典引十九節差其本末排次於前其他佚句附後

孫祠書目石渠禮論一卷洪頤煊集本

按當時論石渠可考見者凡二十三人別

詳後劉向五經雜義條而禮家唯有韋玄

成間人通漢戴聖三人與奉使問難之梁

邱臨條奏對狀之蕭望之五人而已故唯

載此五人如右他家不概列焉此四卷是

否即漢志之三十八篇則無從而知之矣

梁有羣儒疑義十二卷戴聖撰

唐書經籍志禮義二十卷戴勝等撰 按是志

聖皆作勝

唐書藝文志鄭玄注小戴聖禮記二十卷又

禮義二十卷

經義考戴氏聖禮記羣儒疑義七錄十二卷

佚

馬國翰石渠禮論輯本序曰隋志此書下注

云梁有羣儒疑義十二卷戴聖撰亡唐以前

書傳無引述者固無從采輯之也

按兩唐志皆二十卷似本志此條轉寫誤

倒其文舊志云戴勝等撰似其中附有鄭

氏注文新志類從於鄭注禮記之後所以

矯舊志之略歟

禮論三百卷宋御史中丞何承天撰

宋書本傳何承天東海郟人也五歲喪父母

徐氏廣之姊也聰明博學故承天幼漸訓義

儒史百家莫不該覽時殷仲堪桓玄等互舉

兵向朝廷義族初高祖以為太尉行參軍宋

臺建召為尚書祠部郎累遷至元嘉十九年

為御史中丞二十四年坐免官卒于家年七

十八先是禮論有八百卷承天刪減并合以

類相從凡為三百卷傳於世

唐書經籍志禮論三百七卷何承天撰

唐書藝文志何承天禮論三百七卷

經義考王方慶曰晉末禮樂掃地無復舊章

軍國所資臨事議定宋何承天纂集其文為

禮論

馬氏玉函山房輯本序曰唐志云三百七卷

者或并目言之禮記疏及初學記御覽等書

顯引禮論者十節通典引何承天駁難問答

五篇文皆完具雖不標書名亦禮論之佚篇

也合錄一卷

禮論條牒十卷宋太尉參軍任預撰

禮論帖三卷任預撰梁四卷

任預始末未詳

文心雕龍書記篇牒者葉也短簡編牒如葉

在枝溫舒蔽蒲即其事也議政未定故短牒

咨謀

唐日本國見在書目禮論條牒二卷第四第

七任預撰

唐書經籍志禮論條牒十卷任預撰禮論帖

三卷任預撰

唐書藝文志任預禮論條牒十卷又禮論帖

三卷

馬氏玉函山房輯本序曰任預字里無考所

撰禮論條牒隋唐志並十卷今佚禮疏引兩

節一論帝王之改樂一論稷壇預別有禮論

帖三卷或即因條牒而刪取要義故卷數較

少諸書無引及者固無從采錄矣

按慧皎高僧釋慧嚴傳云東海何承天問

嚴佛國將用何曆嚴言其法甚詳承天無

所厝難後婆利國人來果同嚴說帝敕任

預受焉是任預與承天並善曆事者所撰

別有益州記疑是蜀人其為太尉參軍或

當在晉義熙中宋武帝為太尉時時何承

天亦為宋武太尉行參軍與之同官

又按南史傳隆傳元嘉十四年文帝以新

撰禮論付隆使下意隆表上五十二事是

書蓋亦其類梁書徐勉上五禮表有云若

有疑義各言同異條牒啓聞決之制旨其

例亦猶是也

禮論鈔二十卷庾蔚之撰

庾蔚之有喪服三十一卷見前

唐書經籍志禮論鈔二十卷庾蔚之撰

唐書藝文志庾蔚之禮論鈔二十卷

張氏書目答問禮論鈔三卷宋庾蔚之撰玉

函山房輯本

禮論要鈔十卷王儉撰梁三卷

王儉有喪服古今集記喪服圖並見前

南史本傳何承天禮論三百卷儉鈔為八帙

又別鈔條目爲十三卷朝儀舊典晉末來施行故事撰次諸憶無遺漏者所以當朝理事斷決如流每博議引證先儒罕有其例

王氏困學紀聞曰宋何承天刪減禮論爲三百卷王儉別鈔條目爲十三卷梁孔子祛續一百五十卷隋江都集禮亦撮禮論爲之朱文公謂六朝人多精於禮當時專門名家有此學朝廷有禮事用此等人議之唐時猶有此意又曰杜之松從王無功借王儉禮論則謂往於處士程融處曾見此書觀其制作動多自我周孔規模十不存一

按本傳云鈔爲八帙當爲八十卷 六朝人多以十卷爲一帙其不盈十卷自爲一書者亦稱一帙見金樓子著書篇 本志不載此云十卷梁三卷者當是十三卷之誤舊新唐志有禮論要鈔十三卷不著撰人似即此書南史所謂條目十三卷者歟

禮論要鈔一百卷賀瑒撰
賀瑒有喪服義疏見前
唐書經籍志禮論要鈔一百卷
唐書藝文志賀瑒禮論要鈔一百卷

禮論鈔六十九卷
不著撰人
唐書經籍志禮論鈔六十六卷任預撰
唐書藝文志任預禮論條牒十卷又禮論帖三卷禮論鈔六十六卷

按唐志任預所鈔六十六卷此殆即任氏書卅云六十九卷者疑有禮論帖三卷在

內
禮論要鈔十卷
不著撰人

梁有齊御史中丞荀萬秋鈔略二卷亡
宋書荀伯子傳伯子頴川頴陰人也族弟昶元嘉初以文義至中書郎昶子萬秋字元寶亦用才學自顯世祖初爲晉陵太守坐於郡立華林閣置主書主衣下獄免前廢帝末爲御史中丞卒官

唐書經籍志禮雜鈔略二卷荀萬秋撰
唐書藝文志荀萬秋禮雜鈔略二卷
馬氏玉函山房輯本序曰荀氏禮雜鈔略今佚杜佑通典引其在宋孝武時爲殿中曹郎議郊廟樂制二篇

梁有齊尚書儀曹郎丘季彬論五十八卷議一百三十卷統六卷亡
丘季彬始末未詳
按石渠禮論羣儒疑義皆漢儒說禮之文是禮論之最古者故以冠禮論之首任預以下大抵皆因何承天之書而轉輾鈔錄者別爲一類

禮論答問八卷宋中散大夫徐廣撰
禮論答問十三卷徐廣撰
禮論答問二卷徐廣撰殘缺梁十一卷
徐廣有毛詩背隱義見前詩類

晉書本傳廣答禮問行於世
宋書本傳答禮問百餘條用於今世
南史本傳廣所撰又有答禮問百餘條行於

世
唐書經籍志禮論問答九卷徐廣撰 一本不著卷數

唐書藝文志徐廣禮論問答九卷
馬氏玉函山房輯本序曰徐野民禮論問答隋唐志傳本不同標題互異實一書也今佚杜佑通典引八節輯錄爲卷

按本傳所撰問止於百餘條本志乃出三部其後引七錄又有答問四卷徐廣撰并此爲四部皆別本也又三史皆云答禮問無論字與其甥何承天禮論不相涉此與唐志題禮論字誤衍七錄題曰禮答問亦無論字

禮答問六卷庾蔚之撰
庾蔚之有喪服見前
禮答問三卷王儉撰
王儉有喪服古今集記見前
按王儉又有禮義答問八卷別詳於後

梁有晉益壽令吳商禮難十二卷雜義十二卷又禮議雜記故事十三卷喪雜事二十卷亡
錢氏隋書考異曰經籍志禮類晉益壽令吳商禮難十二卷別集類益陽令吳商集五卷益陽縣名屬衡陽郡作益壽者誤也

嚴氏全晉文編曰吳商仕魏入晉爲國子博士惠帝初遷助教出爲益壽令有禮難十二卷雜議十二卷禮議雜記故事十三卷喪雜事二十卷通典引禮議禮論答問凡六篇續漢祭祀志注引禮祀六宗說一篇

唐書經籍志雜禮義十一卷吳商等撰禮義雜記故事十一卷不注撰人

唐書藝文志吳商雜禮義十一卷禮儀雜記故事十一卷不著撰人按新志第二部次六朝人之末無名氏類中不以爲吳商書因舊志不注撰人也其他兩書俱不著錄

馬氏玉函山房輯本序曰吳商字里未詳據隋志知爲晉益壽令晉書禮志稱博士吳商通典八十八稱國子博士吳商答劉寶議蓋又嘗爲此官也今從通典輯得議六篇

梁有宋光祿大夫傅隆議二卷祭法五卷亡

宋書南史本傳隆字伯祚北地靈州人也高祖成晉司隸校尉隆家在上虞單貧有學行義熙初年四十始爲孟昶建威參軍坐事免東歸元嘉中累遷御史中丞義興太守左民尚書轉太常十四年文帝以新撰禮論付隆使更下意隆表上管穴所見五十二事後致仕拜光祿大夫歸老於家手不釋卷博學多通特精三禮年八十三卒

唐書經籍志禮議一卷傅伯祚撰一本作禮儀誤

唐書藝文志傅隆禮議一卷

按祭法五卷與移引七錄王肅所撰者卷數相同似卽一書然以前條吳商之例例之亦頗似傅隆書

禮答問十二卷

不著撰人

禮雜問十卷范寧撰

范寧有古文尙書注見前書類

晉書本傳寧崇儒抑俗始解褐爲餘杭令在縣興學校養生徒絜已修禮志行之士莫不宗之期年之後風化大行自中興已來崇學敦教未有如寧者也徵拜中書侍郎在職多所獻替時更營新廟博求辟雍明堂之制寧據經傳奏上皆有典證孝武帝雅好文學甚被親愛朝廷疑議輒諮訪之

唐書經籍志禮問九卷范寧撰禮論答問九卷范寧撰

唐書藝文志范寧禮問九卷又禮論答問九卷按此亦與何氏禮論不涉

馬氏玉函山房輯本序曰此記其與當代名流問答禮制之語也隋志十卷唐志九卷又一部九卷今佚從通典輯錄九節別有答徐邈書三篇答謝安戴逵書各一篇亦論禮禮論皆稟經協理不愧儒家

禮答問十卷何休之撰梁二十卷

何休之有喪服經傳義疏見前

南史儒林傳修之少好三禮讀禮論三百餘篇略皆上口建武中都下碩儒唯修之國家吉凶禮則皆取決永元末兵亂修之常集諸生孜孜不怠梁武踐阼百度草創修之依禮定議多所裨益所著文章禮議百許篇

唐書經籍志禮答問十卷何休之撰

禮雜問十卷

禮雜問十卷

並不著撰人

禮雜問答鈔一卷何休之撰

何休之見前

按此及前三書似皆是何氏答問之別本問禮俗十卷董勛撰

嚴氏全晉文編曰董勛仕魏入晉爲議郎北齊書魏收傳魏帝宴百僚問何故名人日皆莫能知收對曰晉議郎董勛答問禮俗云正月一日爲雞二日爲狗三日爲豬四日爲羊五日爲牛六日爲馬七日爲人

唐書經籍志問禮俗十卷董勛撰

唐書藝文志董勛問禮俗十卷

王氏漢魏遺書鈔曰今鈔出荆楚歲時記一條歲華紀麗二條史記索隱一條初學記一條御覽六條通典一條匡謬正俗一條馬氏玉函山房亦輯存一本凡十五條

問禮俗九卷董子弘撰

董子弘始末未詳

按此似卽董勛之別本子弘亦頗似其字答問雜儀二卷任預撰

任預有禮論條牒禮論帖禮論鈔並見前

冊府元龜學校部注釋門任預撰禮條牒十卷答問雜儀二卷

禮義答問八卷王儉撰

王儉有禮答問三卷見前

唐書經籍志禮儀問答十卷王儉撰禮儀問答十卷王儉撰

唐書藝文志王儉禮儀答問十卷又禮雜答問十卷

馬氏玉函山房輯本序曰隋志載王儉禮儀答問三卷又禮義答問八卷唐志作禮儀答問禮雜答問並十卷今佚從南齊書禮志與服志輯錄六篇

按此與前禮答問三卷同為一家一類之書不知何以分為兩處而於宋齊人之中雜出魏晉時之吳商董勳東晉時之范寧此等處本志編次實為無法似皆從諸家書目節節抄入者

禮疑義五十二卷梁護軍周捨撰

梁書本傳捨字昇逸汝南安成人父顯齊中書侍郎有名於時周顯有周易論見前易類捨博學多通尤精義理起家太學博士至太常丞高祖即位召拜尚書祠部郎時天下草創禮儀損益多自捨出歷侍中護軍將軍散騎常侍太子詹事普通五年卒年五十六諡曰簡子

又孔休源傳休源遷尚書左丞彈肅禮闈雅允朝望時太子詹事周捨撰禮疑義自漢魏至於齊梁並皆搜采休源所有奏議咸預編錄

唐書經籍志禮疑義五十卷周捨撰

唐書藝文志周捨禮疑義五十卷

馬氏玉函山房輯本序曰此書記禮之疑義亦禮論之類也隋志五十三卷唐志五十卷今佚輯錄四條史稱武帝禮儀損益多自捨

出則其說之隱於梁書禮志者固不少也制旨革牲大義三卷梁武帝撰

梁武帝有周易大義見前易類
梁書武帝本紀天監十六年夏四月甲子初去宗廟牲冬十月去宗廟薦脩始用蔬果
隋書禮志天監十六年四月詔曰夫神無常響饗於克誠所以西鄰酌祭實受其福宗廟祭祀猶有牲牢無益至誠有累冥道自今四時烝嘗外可量代八座議以大脯代一元大武八座又奏既停宰殺無復省牲之事請立省饌儀其衆官陪列並同省牲從之十月詔曰今雖無復牲腥猶有脯脩之類即之幽明義為未盡可更詳定悉薦時蔬左丞司馬筠等參議大餅代大脯餘悉用蔬菜帝從之於是起至敬殿景陽臺立七廟座月中再設淨饌自是訖於臺城破諸廟遂不血食

梁書文學劉總傳時七廟饗薦已用蔬果而二郊農社猶有犧牲總乃表言二郊宜與七廟同改詔付尚書議依總所陳

又蕭子雲傳大同二年子雲為國子祭酒梁初郊廟未革牲醴樂辭皆沈約撰至是承用子雲始建言宜改啓云臣比兼職齊官見俗人所歌猶用未革牲前之曲園丘既燎尙言式備牲牲北郊誠雅亦奏牲云孔備清廟登歌而稱我牲以潔三朝食舉猶詠朱尾碧鱗聲被鼓鐘未符盛制敕答曰此是主者守株宜急改也仍使子雲撰定

禮樂義十卷

禮祕義三卷

並不著撰人

按自徐廣禮論答問至此皆晉以來諸儒論議問答之屬革牲義以下三家附之又別為一類

三禮目錄一卷鄭玄撰

鄭玄有周禮儀禮禮記注並見前
唐書經籍志三禮目錄一卷鄭玄注
唐書藝文志鄭玄三禮目錄一卷

曲阜孔廣林輯本序曰目錄及禮序正義並引之隋經籍志唐藝文志皆云三禮目錄一卷而不著禮序竊思錄者錄經題之義例序者序經旨之指歸錄在目下序則弁端史記自序前漢書敘傳其前篇序也本紀已下敘傳即錄也釋文首卷名為序錄知三禮目錄七十二篇前冠禮序以總會之序與錄固毗連焉特以目錄為題耳釋文序錄引禮序亦稱目錄尤其明證茲依前人成式錄為一卷雖未知鄭君之舊其然與否以意揆之或不爽云

武進臧鏞堂輯本序曰據陸德明孔穎達賈公彥三家參之單注兼義宋明舊板及李如圭儀禮集釋朱子儀禮經傳通解黃氏幹通解續錄定此本就實吳縣袁又禮凡一字之去取莫不有本云

餘姚盧文弨山札記曰康成有三禮目錄唐人作疏引之各冠當篇之首於題下系以鄭目錄四字今本集為一編理無不可

梁有陶弘景注三禮目錄一卷亡

陶弘景有毛詩序注見前詩類

陶翊撰華陽隱居本起錄云三禮序共一卷

并自注

三禮義宗三十卷崔靈恩撰

崔靈恩有集注毛詩周官禮並見前

梁書儒林傳靈恩徧通五經尤精三禮制三

禮義宗四十七卷南史儒林傳云三十卷

唐書經籍志三禮義宗三十卷崔靈恩撰

唐書藝文志崔靈恩三禮義宗三十卷 宋史

志同

崇文總目三禮義宗三十卷梁明威將軍崔

靈恩撰其書合周禮儀禮二載之學敷述貫

串該悉其義合一百五十六篇推演闕深有

名前世云

晁氏讀書志此書在唐一百五十篇今存者

一百二十七篇凡兩戴王鄭異同皆援引古

誼商略其可否為禮學之最又袁州本讀書

志云三禮義宗凡一百五十二篇今此本頗

殘缺

陳氏書錄解題曰凡一百四十九條其說推

本三禮參取諸儒之論博而核矣本傳四十

七卷中與書目一百五十六篇皆與今篇卷

數不同

玉海藝文類三禮義宗始於明天地以下歲

祭終於周禮儀禮禮記與廢義慶曆中高陽

許聞誨為之序 賈疏首載周禮廢與齊本於此

王謨漢魏遺書鈔曰此書在宋元之際尙未

散佚至朱氏經義考則已佚之矣今從禮記

正義鈔出四十條通典三條御覽二十條玉

海四十二條尙書毛詩疏各一條後漢書注

三禮圖因學紀聞各一條

馬國翰輯本序曰禮記正義多引其說周禮

儀禮二疏不見徵引茲從羣書采輯釐為周

禮一卷儀禮一卷禮記二卷

三禮宗略二十卷元延明撰

元延明有毛詩誼府見前詩類

唐書經籍志三禮宗略二十卷元延明撰

唐書藝文志元延明三禮宗略二十卷

按安豐王所撰有五經宗略見後論語類

中此殆其中之一編

三禮大義十三卷

不著撰人

按唐日本國書目有三禮大義三十卷梁

武帝撰疑此即梁武帝書十三卷當為三

十卷誤倒其文歟

三禮大義四卷

不著撰人

經義考曰劉氏獻之三禮大義隋志四卷不

著姓名

按朱氏以是書為劉獻之撰北史儒林傳

獻之博陵饒陽人與中山張吾貴齊名四

海稱儒宗焉本郡逼舉孝廉孝文詔徵典

內校書固以疾辭魏承喪亂之後五經大

義雖有師說而海內諸生多有疑滯咸決

於獻之六藝之文雖不悉注所標宗旨頗

異舊義撰三禮大義四卷三傳略例三卷

注毛詩序義一卷行於世朱氏所據本此

三禮雜大義三卷

不著撰人

梁有司馬法三卷亡

司馬法別見子部兵家

按漢書藝文志班氏以司馬法為五禮之

一從七略兵家移入禮類此三卷本志著

錄兵家實未亡也

梁有李氏訓記三卷亡

李氏不詳何人

按此似與集部總集類李氏家書八卷同

出漢中李氏之家又似西涼武昭王李暹

訓誡諸子之書

梁又有郊丘議三卷魏太尉蔣濟撰亡

魏志本傳濟字子通楚國平阿人也建安中

仕郡計吏州別駕太祖辟為丞相主簿西曹

屬文帝踐阼至尙書明帝即位賜爵關內侯

齊王時進爵昌陵亭侯遷太尉以隨太傅司

馬宣王屯洛水浮橋誅曹爽進封都鄉侯是

歲薨諡曰景侯初侍中高堂隆論郊祀事以

魏為舜後推舜配天濟以為舜本姓媯其苗

曰田非曹之先著文以追詰隆臣松之案蔣

濟立郊議稱曹騰碑文云曹氏族出自邾魏

武作家傳自云曹叔振鐸之後及至景初明

帝從高堂隆議謂魏為舜後尋濟難隆及與

尙書繆襲往反並有理據文多不載

唐書經籍志史部儀注類魏氏郊丘三卷不

注撰入新志同

侯康補三國藝文志曰本傳又引濟難鄭康成祭法注似出此書又齊書禮志云魏高堂隆議以舜配天蔣濟云漢時奏議謂堯已禪舜不得為漢祖舜亦已禪禹不得為魏之祖今宜以武皇帝配天此即濟難隆之語也

梁有祭法五卷又明堂議三卷王肅撰亡

王肅有周易注見易類

侯氏補三國藝文志曰肅議明堂不以祖宗為配食之祭不以上帝為五精帝皆與鄭殊

按肅注家語序有曰是以撰經禮申明其義及朝論制度皆據所見而言朝論制度即謂是類之書本傳云其所論駁朝廷典制郊祀宗廟百餘篇此兩書當在其中太平御覽經史圖書綱目有王肅議禮亦是類之書

又按南唐志史部儀注類晉明堂郊社議三卷孔晁等撰晁為王氏學嘗答馬昭詰問聖證論者也入晉為五經博士有逸周書注見史部雜史類隋代亡書唐時復出往往見於舊新二志此題王肅撰實則為其徒孔晁等所哀錄耳

梁又有雜祭法六卷晉司空中郎盧諶撰亡

晉書盧欽傳欽字子若范陽涿人也祖植漢侍中父毓魏司空欽子志志子諶字子諒州舉秀才辟太尉掾洛陽沒隨志北依劉琨父母兄弟在平陽者悉為劉聰所害琨以諶為主簿轉從事中郎諶流離世故且二十載後

為石季龍中書侍郎國子祭酒中書監屬再閱誅石氏諶隨閔軍於襄國遇害年六十七是歲永和六年也諶名家子早有聲譽才高行潔為一時所推值中原喪亂與清河崔悅穎川荀綽河東裴憲北地傅暢並淪陷非所雖俱顯於石氏恆以為辱諶每謂諸子曰吾身沒之後但稱晉司空從事中郎爾撰祭法行於世

唐書藝文志儀注類盧諶雜祭法六卷一本法作注

嚴氏全晉文編曰盧諶有雜祭法六卷今見於北堂書鈔太平御覽者凡六條

馬氏玉函山房輯本序曰盧氏雜祭法隋志禮類注云亡唐志儀注類復以六卷著目今佚唯藝文類聚北堂書鈔初學記御覽等書引之

梁又有祭典三卷晉安北將軍范汪撰亡

晉書本傳汪字玄平南陽順陽人博學多通善談名理解褐參護軍事蘇峻平賜爵都鄉侯為庾亮平西參軍從討郭默進爵亭侯後為桓溫安西長史溫西平蜀委以留府進爵武興縣侯還京頻遷中領軍安北將軍徐兗二州刺史桓溫北伐令汪率文武出梁國以失期免為庶人汪屏居吳郡從容講肄年六十五卒於家贈散騎常侍諡曰穆長子康嗣康弟寧最知名

唐書藝文志儀注類范汪雜州郡儀十卷又祭典三卷

馬氏玉函山房輯本序曰范氏祭典隋志禮類注云亡唐志復著錄移入史部儀注類今佚從北堂書鈔初學記通典御覽諸書輯為一卷引或作范汪祀制蓋篇目也論小宗可廢大宗不可廢內有與子寧辨難一節引經決斷析理極精家學淵源媿美乎炎漢向歆父子矣

梁有七廟議一卷又後養議五卷干寶撰

干寶有周易注見易類

唐書經籍志儀注類雜議五卷干寶撰

唐書藝文志儀注類干寶雜議五卷

馬氏玉函山房輯本序曰隋志七廟議一卷又後養議五卷並以爲亡唐志不著錄後養

議者論列爲人後者養親喪祭之禮集諸儒之議以成書也晉書禮志載其論王昌父歆與前妻隔絕更娶昌母喪服歷敍謝衡等十餘人之議而終以干寶論爲斷五卷中佚篇之一也據錄爲卷

按舊新唐志史部儀注類有晉七廟議三卷蔡謨撰疑此一卷即蔡本三卷之佚存者

梁有雜鄉射等議三卷晉太尉庾亮撰亡

晉書本傳亮字元規潁川鄆陵人明穆皇后之兄也元帝時爲丞相參軍預討華軼功封都亭侯王敦事平封永昌縣開國公歷征西將軍都督六州領江荆豫三州刺史咸康六年薨年五十二贈太尉諡曰文康

宋書禮志學校篇征西將軍庾亮在武昌開

置學校繕造禮器俎豆之屬將行大射之禮
亮尋薨遂廢

梁有逆降義三卷宋特進顏延之撰亡

宋書本傳延之字延年琅邪臨沂人也少孤
貧居負郭室好讀書無所不覽飲酒不護細
行高祖受命補太子舍人元嘉中為祕書監
光祿勳太常世祖登阼以為金紫光祿大夫
孝建三年卒年七十三贈散騎常侍特進諡
曰憲子子竣

唐書經籍志禮論降議三卷顏延之撰
唐書藝文志顏延之禮逆降議三卷
馬氏玉函山房輯本序曰書名逆降義者蓋
明禮制升降之義通典引顏延之問答一節
辨姪甥之名義亦關禮服當是此書佚文

梁有逆降義一卷田僧紹撰亡
田僧紹即田儻之有集解喪服經傳見前儀
禮門

梁有分明土制三卷何承天撰亡
何承天有禮論三百卷見前

按此不知何書疑是說周禮地官司徒之
義前人無說莫能詳也

梁有釋疑二卷郭鴻撰亡
郭鴻始末未詳

梁有答問四卷徐廣撰亡
徐廣有禮答問三部見前

梁有答問五十卷何胤撰又答問十卷亡
何胤有周易注見前易類

梁書處士傳胤著禮記隱義二十卷禮答問

五十五卷

以上三禮之屬司馬法以下與三禮離

合之間者故附著於其後歟又其前有答
問疑義一類此復出郭鴻釋疑徐廣何胤
答問不附於前而附於此是所未喻也

三禮圖九卷鄭玄及後漢侍中阮譙等撰
鄭玄有三禮注及目錄並見前
魏志杜恕傳注阮氏譜曰譙字士信徵辟無
所就造三禮圖傳於世

宋史儒林聶崇義傳隋梁正三禮圖題識曰
陳留阮士信受禮學於穎川綦毋君取其說
為圖三卷多不按禮文而引漢事與鄭君之
文違錯

後魏書禮志與服篇太學博士王延業曰阮
譙禮圖并載秦漢以來輿服

唐日本國見在書目周禮圖十卷鄭玄阮譙
等撰按三禮圖首周禮故佐世遂以為周禮圖

唐張彥遠歷代名畫記古之祕畫珍圖有三
禮圖十卷阮譙等撰

宋史聶崇義傳吏部尚書張昭等奏曰四部
書目內有三禮圖十三卷是隋開皇中敕禮
部修撰其圖第一第二題曰梁氏第十後題
曰鄭氏

宋竇儼序聶氏三禮圖曰崇義博采舊圖凡
得六本其一本是鄭圖

四庫全書聶氏三禮圖提要曰隋志列鄭元
及阮譙等三禮圖九卷然勸驗鄭志元實未
嘗為圖考書中宮室車服等圖與鄭注多相

違異殆習鄭氏學者作圖歸之鄭氏歟

王謨漢魏遺書鈔曰經義考云阮氏三禮圖
祇有牛鼎一條見初學記今檢諸書及聶注
多引阮圖故推為此書主名以聶氏篇目為
次凡從聶注鈔出七十條又鈔出注疏九條
後漢書注六條隋志六條後魏志二條通典
文選注各一條初學記五條書鈔六條類聚
二條御覽五十七條玉海六條

馬國翰玉函山房輯本序曰隋志三禮圖九
卷鄭玄及後漢侍中阮譙等撰蓋鄭注三禮
遂為之圖阮復因鄭圖而修之故世只稱阮
譙三禮圖而隋志推本題之也今佚考聶崇
義三禮圖引鄭氏圖阮氏圖又引舊圖皆一
書之文復從他書蒐采輯為一卷即就聶圖
次第編之

周室王城明堂宗廟圖一卷祁譙撰祁當為阮

隋書宇文愷傳愷奏明堂圖儀表曰自古明
堂圖惟有二本一是宗周劉熙阮譙劉昌宗
等作三圖略同一是後漢建武三十年作禮
圖有本不詳撰人按劉熙有證法注劉昌宗有周禮
音義見前

張彥遠歷代名畫記曰古之祕畫珍圖有周
室王城明堂宗廟圖一卷

按張氏名畫記及日本書目並載鄭阮等
三禮圖十卷似此一卷在其內

梁又有冠服圖一卷五宗圖一卷月令圖一卷
並不著撰人

按吳志薛綜傳綜又定五宗圖傳於世通典七十三引薛綜述鄭氏禮五宗圖蓋亦本鄭氏之說以爲圖綜少避地交州從劉

熙學問者也此一卷或即其書歟又按自三禮圖至此又自爲一類

右一百三十六部一千六百二十二卷通計亡書合二百一十一部二千一百八十六卷實著錄一百三十七部附注亡書七十一部通計二百八部

隋書經籍志考證卷五

經部五

樂類類中分類凡六

樂社大義十卷梁武帝撰

樂論三卷梁武帝撰

梁武帝有周易大義見前易類

隋書音樂志梁武帝本自諸生博通前載未及下車意先風雅爰詔凡百各陳所聞帝又自糾擗前違裁成一代

又曰帝既素善鍾律詳悉舊事遂自制定禮樂又立爲四器名之爲通每通皆施三絃一

曰玄英通應鍾黃鍾大呂二曰青陽通太簇夾鍾姑洗三曰朱明通中呂蕤賓林鍾四曰

白藏通夷則南呂無射因以通聲轉推月氣悉無差遠而還得相中又制爲十二笛用笛

以寫通聲飲古鍾玉律并周代古鍾並皆不差於是被以八音施以七聲莫不和韻其樂

歌詩辭並沈約所製普通中薦蔬之後改諸雅歌敕蕭子雲製辭

唐書經籍志樂社大義十卷梁武帝撰樂論三卷梁武帝撰

唐書藝文志梁武帝樂社大義十卷又樂論十卷

馬氏玉函山房輯本序曰此書名樂社者案周禮夏官大司馬先凱樂於社帝以武功得

天下功成作樂觀其樂舞先武後文樂社之義或取諸此也隋唐志並十卷今佚考梁書

樂志云帝素善音律自製四器名之爲通以

定雅樂備載所定郊禋宗廟三朝之樂二舞十二雅各著沿革及取名之義又隋書音樂

志沈約奏言帝所作四通十二笛尺寸詳悉皆引述本書之文也據以輯錄按馬氏周捨禮

樂義輯本序稱梁書禮志以爲偶附筆誤毋庸致詰今觀此序乃以梁書樂志與隋書音樂志並相稱引則斷非筆

誤矣梁書有志巴爲眩惑并有禮志樂志且引其文更駭聽聞隋志載四通十二笛尺寸亦非沈約奏言以其支離

大甚恐不免疑誤後學故附糾於此

梁有樂義十一卷武帝集朝臣撰亡

隋書音樂志梁氏之初樂緣齊舊武帝思弘古樂天監元年遂下詔訪百寮陳其所見於

是尙書僕射沈約奏答曰竊以秦代滅樂樂經殘亡劉向別錄所載已復亡逸晉中經簿

無復樂書宜選諸生分令尋討經史百家凡樂事無大小皆別纂錄乃委一舊學撰爲樂

書是時對樂者七十八家咸多引流略浩蕩其詞皆言樂之宜改不言改樂之法

又曰天監四年賀瑒明山賓嚴植之及徐勉等議定皇太子樂爲元貞奏大壯大觀二舞

是時禮樂制度粲然有序梁書賀瑒傳天監四年以瑒兼五經博士時武帝方制定禮樂瑒所建議多見施

樂論一卷衛尉少卿蕭吉撰

北史藝術傳蕭吉字文休梁武帝兄長沙宣王懿之孫也博學多通尤精陰陽算術江陵

覆亡歸於魏爲儀同周宣帝時爲太常隋受禪進上儀同每被顧問煬帝嗣位拜太府少

卿加位開府後歲餘卒官著宅經八卷葬經六卷樂譜二十卷相手法要訣一卷太一立成一卷

古今樂錄十二卷陳沙門智匠撰

唐書經籍志古今樂錄十三卷釋智匠撰

唐書藝文志釋智匠古今樂錄十三卷

宋史藝文志陳僧智匠古今樂錄十三卷

玉海藝文類中興書目曰陳光大二年僧智匠撰古今樂錄起漢訖陳

王謨漢魏遺書鈔曰此書宋時尚存宋人郭茂倩所編樂府詩集大率據此書及吳兢樂府解題為多而此書又多引張永王僧虔二家技錄今並鈔出郭氏樂府百三十二條御覽十三條初學記七條書鈔白帖各一條事類賦注六條後漢書注一條

馬國翰玉函山房輯本序曰太平御覽引作智象以聲近轉訛也隋志十二卷唐志十三卷今佚采輯遺說以類排次為卷其書頗見重於當時

樂書七卷後魏丞相士曹行參軍信都芳撰

北史藝術傳信都芳字玉琳河間人也少明算術兼有巧思每精研究或墜坑坎常語人云算曆玄妙機巧精緻我每一沈思不聞雷霆聲也其用心如此後為安豐王延明召入賓館延明家有羣書欲鈔集古今樂事為樂書令芳算之會延明南奔芳乃自撰注後隱於樂平之東山齊神武召為館客授中外府田曹參軍後又撰靈憲曆書未成而卒

魏書

云武定中卒

魏書安豐王延明傳又以河間人信都芳工算術引之在館共撰古今樂事

魏書樂志正光中侍中安豐王延明受詔監修金石博探古今樂事令其門生河間信都芳考算之屬天下多難終無制造芳乃撰延明所集樂說而注之不得在樂署考正聲律也

北齊書方技傳芳以術數干高祖為館客授參軍丞相倉曹著樂書

唐書經籍志樂書九卷信都芳刪注

唐書藝文志信都芳刪注樂書九卷

馬氏玉函山房輯本序曰信都芳樂書隋志七卷唐志云刪注樂書九卷今佚從御覽輯得十節說古樂器形製最詳

樂雜書三卷

不著撰人

樂元一卷魏僧撰

按兩唐志有桓譚樂元起二卷又琴操二卷此樂雜書二卷樂元一卷似即唐志之樂元起及琴操也本志此篇分合不一推尋唐志約略可知桓譚兩漢間人有新論見子部儒家唐志載此兩書莫詳其所自觀於此乃知魏僧所傳錄也魏僧其名不傳亦不知為曹魏元魏後文有當管七聲二卷魏僧撰殆即其人

管絃記十卷凌秀撰

唐書經籍志管絃記十二卷留進錄凌秀注

唐書藝文志留進管絃記十二卷凌秀管絃志十卷

按留進凌秀始末並未詳據新唐志二人各有其本

樂要一卷何妥撰

何妥有周易講疏見易類

北史儒林傳隋文帝命妥考定鍾律安上表言梁代所行樂事猶皆傳古三雍四始實稱大盛及侯景篡逆樂師分散臣少好音律留意管絃年雖耆老願皆記憶及東土克定樂人悉反問其逗留果云是梁人所教今三調四舞並皆有手雖不能精熟亦頗具雅聲謹具錄三調四舞曲名又製歌辭如別其有聲曲流蕩不可以陳於殿庭者亦悉附之於後書奏別敕太常取安節度於是作清平瑟三調聲又作八佾鞀鐸巾拂四舞先是太常所傳宗廟雅樂歷數十年唯作大呂廢黃鍾安又以深乖古意乃奏請用黃鍾詔下公卿議從之又曰撰樂要一卷行於世

樂部一卷

不著撰人

馬國翰輯本序曰樂部一卷撰人闕隋志著錄唐志不載佚已久惟太平御覽引之記龜茲天竺唐國疏勒安國高麗等樂甚詳書中或言唐制當是隋季人所作及見唐初制作故能言之歟

春官樂部五卷

不著撰人

春官樂部五卷

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

不著撰人

按宇文氏仿周禮建六官此曰春官樂部
或後周之樂書

梁有宋元嘉正聲伎錄一卷張解撰亡

張解始末未詳

宋書隱逸戴顓傳文帝以其好音長給正聲
伎一部

齊書武帝本紀永明十一年七月上不豫力
疾召樂府奏正聲伎

唐張彥遠歷代名畫記宋袁倩畫正聲伎圖

按此似宋張永撰也樂府詩集載古今樂
錄數引張永元嘉正聲伎錄或省文作張
永元嘉伎錄張永伎錄此曰張解疑下有

鼓文永有集見集部別集類

又按樂府詩集云凡諸調歌辭並以一章
爲一解王僧虔啓云古曰章今曰解解有

多少當時先詩而後聲詩敘事聲成文是

以作詩有豐約制解有多少猶詩君子陽
陽兩解南山有臺五解之類也則此又甚

似張永撰解之誤也

樂府聲調六卷岐州刺史沛國公鄭譯撰

樂府聲調三卷鄭譯撰

北史鄭義附傳譯字文義滎陽開封人幼聰

敏涉獵羣書工騎射尤善音樂有名於世少

爲周文所親周宣帝時至開府儀同大將軍
內史中大夫封歸昌縣公委以朝政遷內史

上大進封沛國公隋文爲大冢宰進上柱

國帝受禪以上柱國歸第未幾詔譯參撰律

令又詔參議樂事譯以周代七聲廢缺自大

隋受命禮樂宜新更修七始之議名曰樂府
聲調凡八篇奏之帝嘉美焉俄拜岐州刺史
歲餘復奉詔定樂於太常帝勞之曰律令則
公定之音樂則公正之禮樂律令公居其三
良足美也尋還岐州開皇十一年卒年五十
二諡曰達

又藝術萬寶常傳開皇初沛國公鄭譯等定
樂初爲黃鍾調寶常雖爲伶人譯等每召與
議然言多不用後譯樂成奏之上召寶常問

其可不寶常曰此亡國之音豈陛下所宜聞
上不悅寶常因極言樂聲哀怨淫放非雅正

之音請以水尺爲律以調樂器其聲率下鄭
譯調二律

唐書經籍志樂府聲調六卷鄭譯撰

唐書藝文志鄭譯樂府歌辭八卷又樂府聲

調六卷
按其後三卷或從岐州召遠定樂太常時
所作

樂經四卷

不著撰人

漢書王莽傳元始四年立樂經益博士員經

各五人按樂經博士亦五人也揚雄劇秦美新曰制成
六經洪業也李善曰漢書莽奏立樂經經有五而又立樂

故云六經也三輔黃圖曰五博士領弟子員三百六十六
經三十博士弟子萬八百人

桓譚新論曰陽城子張名衡蜀郡人王翁時
與吾俱爲講學祭酒及寢疾預買棺槨多下

錦繡立被發冢又一引云陽城子姓張名衡似不然

又云與吾俱爲典樂大夫似兼官也王翁者即王莽也
王充論衡超奇篇陽城子長作樂經極有冥
之深非庶幾之才不能成也又對作篇云陽
城子張作樂經卓絕驚耳

應邵風俗通氏姓篇漢有諫議大夫陽成公
衡武威張澍輯注曰陽成一作陽城桓譚新

論陽城子張名衡爲講學祭酒蜀人即陽成
公衡也

王應麟困學紀聞曰考工記磬氏疏引樂云
云朱文公問蔡季通不知所謂樂云者是何

書今考三禮圖以爲樂經尙書大傳亦引樂
曰云云漢元始四年立樂經續漢志鮑鄴引

樂經今其書無傳

全祖望困學紀聞箋曰樂經王莽所立作尙
書大傳者豈及見之其即河間獻王所輯之

雅樂伏生爲博士時嘗見而引之耳河間之
樂存肆樂官而不御成帝時王禹宋暉等世

傳其學能說其義則必有其書矣王莽時乃
遂輯以爲經按伏生爲秦博士孝文時年九十餘亦

不及見河間雅樂全氏之意蓋謂先河間見而引之耳

四庫提要樂類小序曰沈約稱樂經亡於秦
考諸書均不云有樂經隋志樂經四卷蓋王

莽元始三年所立賈公彥考工記磬氏疏所
稱樂曰當即莽書非古樂經也

王謨漢魏遺書鈔曰隋志樂經四卷不著撰
人姓名今姑據論衡作陽城子長撰鈔出書

大傳一條周禮疏二條續漢書志二條白虎
通二條

馬國翰玉函山房輯本序曰莽時所立即陽城衡所著之樂經周官考工記疏引樂與三禮圖引樂經同又尚書大傳引樂一節補漢志注引樂經一節王應麟玉海述之並據輯補

按武威張澍蜀典著作類亦輯存陽城衡樂經七條衡在漢末嘗與揚雄劉歆褚少孫史孝山諸人續太史公書綴集太初已後時事見後漢書班彪傳注史通外篇作衡衡似有鼓誤漢志儒家揚雄所序三十八篇太玄十九法言十三樂四箴二樂四疑即是書

又按唐初史官或以此為王莽之書不足比數故附於諸家樂書之後自樂社大義至此為一類

琴操三卷晉廣陵相孔衍撰

孔衍有凶禮一卷見前禮類儀禮門

唐書經籍志琴操三卷孔衍撰

唐書藝文志孔衍琴操一卷

宋史藝文志孔衍琴操引三卷

崇文總目琴操三卷晉廣陵相孔衍撰述詩

曲之所從總五十九章

陳氏書錄曰琴操一卷不著名氏中興書曰

云晉廣陵守孔衍以琴調周詩五篇古操引

共五十篇述所以命題之意今周詩篇同而

操引財二十一篇似非全書也

王謨漢魏遺書鈔曰此書宋世猶存今未見

傳本惟初學記載有詩歌五曲十二操九引

與陳氏周詩五篇操引二十一篇篇數悉合今一據以為本而以他書所引琴操事辭逐條編次許由以下二十九條亦當在古操引五十篇中此於孔氏原書體例雖不必合然其大概亦有可采今並鈔出凡五十七條

琴操鈔二卷

琴操鈔一卷

並不著撰人

琴譜一卷戴氏撰

宋書南史隱逸戴顓傳顓父達允勃並隱遁有高名以父不仕復修其業父善琴書顓並傳之凡諸音律皆能揮手又曰顓及兄勃並受琴於父父沒所傳之聲不忍復奏各造新

弄勃製五部顓製十五部又製長弄一部並傳於世勃卒顓後游止黃鶴山為衡陽王義

季鼓琴並新聲變曲其三調游弦廣陵止息

之流皆與世異文帝以其好音長給正聲伎

一部顓合何常白鶴二聲以為一調號為清

曠南史柳惲傳宋時有嵇元榮羊蓋者並善琴云傳戴安道法惲從之學特窮其妙常以今聲轉乘古法乃著清調論具有條流

按晉宋齊梁傳琴學者惟戴氏父子為最

著故知此戴氏即其人也舊新唐志有劉

氏周氏琴譜四卷似即此書為此二人所

撰錄者

琴經一卷

並不著撰人

按唐日本國書目有琴經一卷蔡伯喈撰

似即此書阮文達琴經室外集曰琴操二

卷蔡邕撰從徵士惠棟手鈔本過錄上卷

詩歌五曲一十二操九引下卷雜歌二十

一章文選演連珠歸田賦注引蔡邕琴操

云云其詩歌操引篇數與王氏所輯孔衍

琴操同特惠氏歸之蔡伯喈耳又書錄解

題云琴經一卷托名諸葛淺俚之甚似非

此書孫祠書目琴操三卷蔡邕撰一讀畫齊刊本一星衍校本

琴說一卷

不著撰人

琴曆頭簿一卷

不著撰人

唐書經籍志琴集曆頭拍簿一卷新志同

馬國翰玉函山房輯本序曰隋志有琴曆頭

簿一卷唐志作琴集曆頭拍簿均不著撰人

姓名初學記太平御覽引琴曆即此書也所

引互有同異參校訂輯凡琴曲三十有八如

中揮清暢志清蟹行清看客清便僻清婉轉

清六目他書所未見足資該聞焉

以上琴操琴譜之屬別為一類

新雜漆調絃譜一卷

不著撰人

按隋書音樂志高祖既受命定令宮懸篳

篋金五博山飾以旒蘇樹羽其樂器應漆

者天地之神皆朱宗廟加五色漆畫又曰

皇帝宮懸應漆者皆五色漆畫云云似即

此書之大略然則此譜乃隋時太樂署典

守樂器之程式也

樂譜四卷

不著撰人

按隋書北史藝術傳萬寶常不知何許人也北齊時以父罪被配爲樂戶妙鍾律遍工八音開皇初鄭譯樂成上召寶常問其可不寶常言樂聲哀怨非雅正之音請以水尺爲律以調樂音上從之寶常奉詔遂造諸樂器并撰樂譜六十四卷且論八音旋相爲宮之法改絃移柱之變爲八十四調一百四十律變化終於一千八百聲時人以周禮有旋宮之義自漢魏以來知音者皆不能通見寶常特創其事皆晒之至是試令爲之應手成曲無所疑滯見者莫不嗟異於是損益樂器不可勝紀其聲雅淡不爲時人所好太常善聲者多排毀之又爲蘇夔蘇威所忌其事竟寢寶常貧而無子其妻因其臥病竊資物而逃寶常竟餓死將死取其所著書焚之曰何用此爲見者於火中探得數卷見行於世按所謂見行於世者隋唐時所有也此四卷實近似之

樂譜集二十卷蕭吉撰

蕭吉有樂論一卷見前

隋書藝術傳吉著樂譜十二卷北史云二十卷

隋書北史萬寶常傳開皇中鄭譯何妥盧賁蘇夔蕭吉並討論墳籍撰著樂書皆爲當時

所用至於天然識樂不及寶常遠矣

唐書經籍志樂譜集解二十卷蕭吉撰

唐書藝文志蕭吉樂譜集解二十卷

按其前樂論一卷本傳不載似卽此書之序論或亦在此二十卷中馬氏據隋書律曆志輯存四條

樂略四卷

不著撰人

唐書經籍志樂略四卷聲律指歸一卷元愬撰

唐書藝文志元愬樂略四卷又聲律指歸一卷

按兩唐志別有聲律指歸一卷皆以爲元愬撰元愬始末未詳大抵是元魏時人

樂律義四卷沈重撰

鍾律義一卷

沈重有毛詩義疏見前詩類

北史儒林傳重事梁主蕭督尉武帝以重經明行修乃遣使致書禮聘保定末至於京師詔令討論五經并校定鍾律

隋書律曆志宋錢樂之衍京房六十律更增爲三百六十梁博士沈重述其名數

周書儒林傳贊曰史臣每聞故老稱沈重所學非止六經而已至於天官律曆陰陽緯候

流略所載釋老之典靡不博綜窮其幽蹟故能馳聲海內爲一代儒宗雖前世徐廣何承天之儔不足過也

唐書經籍志鍾律五卷沈重撰

唐書藝文志沈重鍾律五卷

馬國翰輯本序曰隋志樂律義四卷唐志作鍾律五卷原書久逸隋律曆志載其鍾律義

一篇及三百六十律名目

按本志樂律鍾律分別著錄兩唐志合并爲一知本志鍾律義一卷下失著撰人也

樂簿十卷

不著撰人

按唐經籍志有樂志十卷蘇夔撰藝文志作樂府志疑卽是書蘇夔見後

齊朝曲簿一卷

不著撰人

大隋總典簿一卷

不著撰人

按通志藝文略云齊朝曲簿一卷隋總典簿一卷則此典字爲曲字之誤未詳孰是

推七音二卷并尺法

不著撰人

唐書經籍志推七音一卷新志同

按隋書音樂志鄭譯曰周有七音之律黃鍾林鍾太簇爲天地人是爲三姑始洗蕤

賓南呂應鍾爲春夏秋冬是爲四時四時三始是以爲七先是周武帝時有龜茲人

蘇祇婆從突厥皇后入國善胡琵琶聽其所奏一均之中間有七聲因而問之答父

在西域稱爲知音代相傳習調有七種以其七調勘校七聲冥若合符一曰娑陁力華言平聲卽宮聲也二曰雞識華言長聲

即南呂聲也三曰沙識華言質直聲即角

聲也四曰沙侯加濫華言應聲即變徵聲

也五曰沙獵華言應和聲即徵聲也六曰

般贍華言五聲即羽聲也七曰俟利蓬華

言斛牛聲即變宮聲也譯因習而彈之始

得七聲之正譯因作書二十餘篇以明其

指按二十餘篇者或即此及前之樂府聲

調諸篇歟

樂論事一卷

並不著撰人

唐書經籍志論樂事二卷 新志同

按隋書蘇威傳威子夔少有盛名於天下

引致賓客士大夫多歸之尤以鍾律自命

後議樂事夔與國子博士何妥各有所持

於是夔妥俱爲一議使百僚署其所同朝

廷多附威同夔者十八九妥恚曰吾席間

函丈四十餘年反爲昨暮兒之所屈也遂

奏威等朋黨威坐免官爵知名之士坐是

得罪者百餘人爲當時一大公案此二卷

本志分別著錄唐志合并爲一似即蘇何

二人與夫鄭譯牛弘諸家之議見於隋書

樂志者或皆出於是書自新雜漆調絃譜

至此又似別爲一類

正聲伎雜等曲簿一卷

並不著撰人

按此似即前所注梁有宋元嘉正聲伎錄

一卷也又似其別本其名雜等曲簿則又

似張永原書所有而佚出者

太常寺曲名一卷

太常寺曲簿十一卷

並不著撰人

按魏書樂志云初侍中崔光臨淮王彧並

爲郊廟歌詞而迄不施用樂人傳習舊曲

加以訛失了無章句後太樂令崔九龍言

於太常卿祖瑩曰聲有七聲調有七調以

今七調合之七律起於黃鍾終於中呂今

古雜曲隨調舉之將五百曲恐諸曲名後

致亡失今輒條記存之於樂府瑩依而上

之九龍所錄或雅或鄭至於淫俗四夷雜

歌但記其聲折而已不能知其本意又名

多謬舛莫識所由隨其淫正而取之樂署

今見傳習其中復有所遺至於古雅尤多

亡矣按魏志此一條所言頗與此二書相

會似即爲崔九龍所錄祖瑩所上者祖瑩

爲太常在東魏之初其言樂府今見傳習

謂高齊時也其後歷周至隋皆爲太常所

職掌故本志著於錄太常稱寺亦始於高

齊而隋因之其曲名一卷即曲簿之總最

歌曲名五卷

歷代樂名一卷

並不著撰人

按舊新唐志有外國伎曲三卷外國伎曲

名二卷亦不著撰人列在隋代諸書中似

即此歌曲名五卷又有歷代曲名一卷似

即此歷代樂名隋書音樂志云始開皇初

定令置七部樂一曰國伎二曰清商伎三

曰高麗伎四曰天竺伎五曰安國伎六曰

龜茲伎七曰文康伎又雜有疏勒扶南康

國百濟突厥新羅倭國等伎大業中煬帝

乃定九部樂又有魚龍爛漫俳優朱儒山

車巨象拔井種瓜殺馬剝驢等奇怪異端

百有餘物名爲百戲千變萬化皆於太常

教習云云此兩書大抵亦隋時太常所掌

自正聲伎雜等曲簿至此又似區爲一類

鍾磬志二卷公孫崇撰

魏書劉芳傳先是高祖於代都詔中書監高

閎太常少卿陸琇並公孫崇等十餘人修理

金石及八音之器後崇爲太樂令乃上請尙

書僕射高肇更其管理世宗詔芳共主之

又樂志曰先是中書監高閎引給事中公孫

崇共考音律景明中崇乃上言樂事正始元

年秋詔曰太樂令公孫崇更調金石變理音

準其書二卷并表悉付尙書可依其請八座

已下四門博士集太樂署考論同異博采古

今以成一代之典 按此則是書作於宣武帝景明

正始之際當南朝梁武帝天監之初正始元年則天監二

年也

又曰普泰中前廢帝詔錄尙書長孫稚太常

卿祖瑩營理金石永熙二年春稚瑩表曰太

和中命故中書監高閎草創古樂閎尋去世

未就其功閎亡之後故太樂令公孫崇續修

遺事十有餘載崇敷奏其功時太常卿劉芳

以崇所作體制差舛不合古義請更修營被旨聽許亦見濟南王匡傳

唐書經籍志鍾磬志二卷公孫崇撰

唐書藝文志公孫崇鍾磬志二卷

樂懸一卷何晏等撰議

樂懸圖一卷

周禮春官小胥注樂懸謂鍾磬之屬懸於筓簾者

按藝文略樂類鍾磬門樂懸一卷注云隋藝文志以經籍志為藝文志自是誤記其

不注何晏等撰議字豈所見本無此注耶何晏曹魏時人其撰此書無可考疑是何

安庶或近之隋書樂志云高祖時宮懸樂器唯有一部殿庭饗宴用之平陳所獲又

有二部宗廟郊丘分用之何安本以太學博士知樂事或與諸人撰為是書隋志又

云開皇雅樂合二十器今列之如左金之屬二曰鐃鐘曰編鐘石之屬一曰磬絲之

屬四曰琴曰瑟曰筑曰箏竹之屬三曰簫曰篪曰笛匏之屬二曰笙曰竽土之屬一

曰塤革之屬五曰建鼓曰靈鼓靈鼓曰雷鼓雷鼓曰路鼓路鼓曰節鼓木之屬二曰

祝曰敔各約略言其名數又載籥簫懸鐘磬之制及宮懸陳布之法或即取資於是

書自鍾磬志至此又似分為一類

鍾律緯辨宗見一卷

不著撰人

按梁武帝有鍾律緯六卷見後此似辨梁

武書 當管七聲二卷魏僧撰 魏僧有樂元見前

黃鍾律一卷

不著撰人

隋書律志和聲篇開皇九年平陳後牛弘辛

彥之鄭譯何妥等參考古律度各依時代制其黃鍾之管俱經三分長九寸度有損益故

聲有高下圓徑長短與度而差故容黍不同今列其數云

按志所載有晉前尺梁法尺梁表尺漢官尺古銀錯題宋氏尺後魏前尺後周玉尺

後魏中尺後魏後尺東魏尺萬寶常水尺梁表鐵尺凡十三條大抵取於是書而是

書作於開皇九年之後為牛弘諸人同撰者歟

梁有鍾律緯六卷梁武帝撰亡

梁武帝有樂社大義樂論樂義並見前隋書律志和聲篇梁初因晉宋及齊無所改

制其後武帝作鍾律緯論前代得失其略云案京房六十準依法推迺自無差但律呂所

得或五或六房妙盡陰陽其當有以若非深理難求便是傳者不習比較詳求莫能辨正

聊以餘日試推其旨又曰夫驗聲改政則五音六律非可差舛工守其音儒執其文歷年

永久隔而不通無論樂奏求之多缺假使具存亦不可用周頌漢歌各敍功德豈復施後

王以濫名實今率詳論以言所見并詔百司

以求厥中又審度篇梁武鍾律緯云宋武平中原送渾天儀土圭云是張衡所作驗渾儀

銘題是光初四年鑄土圭是光初八年作並是劉曜所制非張衡也 太平御覽天部渾儀類義

照起居注曰十四年相國表曰問者平長安獲張衡所作渾儀土圭歷代寶器講遺奉送歸之天府晉書安帝本紀

宋書武帝本紀及天文志並載其事

梁書蕭子雲傳敕使子雲改撰沈約郊廟歌辭子雲答敕曰沈約所撰了不序皇朝制作

事伏以聖旨所定樂論鍾律緯緒文思深微命世一出方懸日月不刊之典禮樂之教致

治所成謹一二采綴各隨事顯義以明制作之美 按此言鍾律緯緒或當時有此名或衍文一采

綴似一一采綴之誤

宋史藝文志梁武帝鍾律緯一卷

嚴可均全梁文 曰武帝鍾律緯隋書律曆志上引凡四條

馬國翰玉函山房輯本序曰隋書律志引四節較驗古尺律最為明悉梁時表律猶存崖

略焉

按自鍾律緯辨宗見至此似皆言律呂者又分為一類

右四十二部一百四十二卷通計亡書合四十六部二百六十三卷 實著錄四十四部附注亡書三部通計

四十七部

按七錄序目經典錄樂部五種五秩二十五卷所載僅此本志廣收博采并取太常

寺樂署所有簿籍以充數多且十倍蓋據

隋代書目所載也其間雖不著撰人而證以北朝諸史志及唐書經籍藝文志類皆可考今一一分疏如右未敢信以為必是也

隋書經籍志考證卷六

經部六

春秋類類中分類一十二

春秋經十三卷吳衛將軍士燮注

吳志本傳燮字威彥蒼梧廣信人也少游學京師事穎川劉子奇治左氏春秋察孝廉補

尚書郎公事免官後舉茂才除巫令遷交趾太守燮謙虛下士中國士人往依避難者以

百數耽玩春秋為之注解陳國袁徽與尚書

令荀彧書曰交趾士府君既學問優博又達於從政處大亂之中保全一郡二十餘年疆

場無事民不失業羈旅之徒皆蒙其慶雖寶融保河西葛以加之官事小闕輒玩習書傳

春秋左氏傳尤簡練精微吾數以咨問傳中諸疑皆有師說意思甚密又尚書兼通古今

大義詳備聞京師古今之學是非忿爭今欲條左氏尚書長義上之其見稱如此燮兄弟

並為列郡雄長一州威尊無上當時貴重震服百蠻尉他不足踰也漢以燮為綏南中郎

將董督七郡領交趾太守如故後以燮不廢賈職復下詔拜安遠將軍封龍度亭侯建安

十五年孫權加燮為左將軍建安末年遷衛將軍封龍編侯燮在郡四十餘歲黃武五年

年九十卒

釋文敍錄左氏家士燮注春秋經十一卷

唐書經籍志春秋經十一卷士燮撰

唐書藝文志士燮注春秋經十一卷

侯康補三國藝文志曰按漢志春秋古經十

二篇左氏經也經十一卷公穀經也士燮集左氏春秋注經何以同公穀卷數豈一字誤耶然文獻通考引眉山李氏古經後序云十卷者本公羊穀梁二家所傳吳士燮始為之注隋志載焉則所見隋志已作十一卷矣疑不能明闕之以俟知者

按眉山李氏之序勘驗其文類皆誤會武

斷不足為據今條舉於後非敢自以為知

者特就尋繹所至釋其疑滯耳序云漢藝

文志有春秋古經十二篇經十一卷隋唐

志同今考隋唐志所載皆經注非經本實

無此二條與漢志相同者其誤會一也

序又曰古經十二篇十一卷者本公羊穀

梁二家所傳按此謂十二篇即是十一卷

皆公穀二家所傳則誤讀漢志兩條為一

條又不知古經十二篇者為左氏古文經

十一卷者為公穀今文經是於春秋古今

之學未嘗詳考其誤會二也 序又云吳

士燮始為之注隋氏載焉按此既誤以左

氏經為公穀所傳并以士燮所注亦是公

穀所傳之本其說無據誤會三也 其隋

氏載焉一語但泛言隋志載士燮之書耳

於十三卷十一卷未嘗辨說及之而其文

一似所見隋志亦十一卷者是則疑誤後

學使後之人亦不免於誤會者矣 序又

云士燮書今不存則其非目見可知又云

公羊立學官最先穀梁次之左氏最後故

士燮但注二家不及左氏斯言也一若目

見其書確有可憑申明士變所以注二家不及左氏之故則武斷實甚矣按士變於桓靈時師劉陶治左氏春秋本傳言之甚詳釋文亦載是書於左氏學家其事本甚分明毋庸疑惑其書本志十三卷釋文唐志通志略皆十一卷篇卷分合不一故著錄亦互有不同斯常有之事亦毋庸深究特不必拘擊漢志疑此十一卷爲公穀之經也

春秋左氏長經二十卷漢侍中賈逵章句

賈逵有毛詩雜議難見前詩類

唐書經籍志春秋左氏長經章句三十卷賈逵撰

卷

唐書藝文志賈逵春秋左氏長經章句二十卷

侯康補後漢書藝文志曰南齊書陸澄澄傳與王儉書曰左氏泰元晉孝武帝年號取服虔而兼取賈逵經服傳無經雖在注中而傳又有無經者故也今留服而去賈則經有所闕按此知服虔注傳不注經賈逵則兼注經傳左傳襄三十一年疏亦云賈逵注經今考賈本經文有與杜異者如莊九年公伐齊納子糾賈本無子字宣十二年宋師伐陳賈無此句昭十一年齊國弱賈本作國酌是也

按賈侍中於章帝建初元年奉詔擲出左氏大義三十事以抵公羊穀梁又建初四年博士李育以公羊義四十一事難賈逵達於是又作左氏長義四十一事云公羊

理短左氏理長此截然兩書而三輔決錄釋文敘錄左傳序疏公羊序疏類皆以大義爲長義以三十條爲四十條侯氏補志亦誤以大義長義爲一書往輯後漢藝文志已分別著錄證明其事而其書本志不載唯有此長經章句侯氏以爲卽是長義未有確證馬氏取本傳大義奏及本傳注文公羊疏所引大義佚文共九條題爲長經章句亦似是而非長經二字之義與夫此書源委竟不得而詳

春秋左氏解詁三十卷賈逵撰

三傳撰人別詳於漢志條理此不具載唯以注解傳述人爲主

後漢書本傳逵父微從劉歆受左氏春秋兼習國語作左氏條例二十一篇達悉傳父業

弱冠能誦左氏傳及五經本文雖爲古學兼通五家穀梁之說五家謂尹更始劉向周慶丁姓王彥等皆爲穀梁見前書也按見前書儒林傳王彥作王亥

尤明左氏傳國語爲之解詁五十一篇永平中上疏獻之顯宗重其書寫藏祕館章懷太子注曰左氏三十篇國語二十一篇也

又曰肅宗特好古文尙書左氏傳建初元年詔逵入講帝善達說使出左氏傳大義長於二傳者達於是具條奏之曰建平中侍中劉歆欲立左氏不先暴論大義而輕移太常特其義長詆挫諸儒儒內懷不服相與排之孝哀皇帝重逆衆心故出歆爲河內太守從是攻擊左氏遂爲重讎至光武皇帝奮獨見之明興立左氏穀梁會二家先師不曉圖讖

故令中道而廢臣以永平中上言左氏與圖讖合者先帝不遺芻蕘省納臣言寫其傳詁藏之祕書

釋文敘錄左邱明作傳以授曾申申傳衛人吳起起傳其子期期傳楚人鐸椒椒傳趙人虞卿卿傳同郡荀卿名況況傳武威張倉倉傳洛陽賈誼誼傳至其孫嘉嘉傳趙人賈公漢書云賈誼授賈公爲河間獻王博士賈公傳其少

子長卿長卿傳京兆尹張敞及侍御史張禹禹傳尹更始更始傳其子咸及翟方進胡常常授黎陽賈護護授蒼梧陳欽欽以左氏授王莽至將軍始劉歆從尹咸及翟方進受左氏由是言左氏者本之賈護劉歆授扶風賈徽徽傳子達達受詔列公羊穀梁不如左氏四十事奏之名曰左氏長義章帝善之按此言四十事當爲三十事長義當爲大義 達又作左氏訓詁又曰賈逵左氏解詁三十事

唐書經籍志春秋左氏傳解詁三十卷唐書藝文志賈逵春秋左氏長經章句二十卷又解詁三十卷

王謨漢魏遺書鈔曰文獻通考已不著錄故經義考入佚書今鈔出左氏釋文二條左傳疏一百三十條尙書疏一條毛詩疏五條周禮疏二條禮記疏一條史記注一百八十八條都爲一卷 馬國翰玉函山房輯本序曰宋王應麟輯古文春秋左傳十二卷中載賈逵佚說而疏漏者尚三之一茲更補綴合舊輯爲二卷正義

病其雜取公羊穀梁以釋左氏謂之以冠雙履將絲綜麻然長經固別標殊旨茲取三傳之同者通釋之亦何有鑿柄之不相入耶

春秋左氏傳解詁三十一卷漢九江太守服虔注

後漢書儒林傳虔字子慎初名重又名祇後改爲虔河南滎陽人也少以清苦建志入太學受業有雅才作春秋左氏傳解行之至今舉孝廉稍遷中平末拜九江太守免遭亂行客病卒

世說文學篇鄭玄欲注春秋傳尙未成時行與服子慎遇宿客舍先未相識服在外車上與人說已注傳意玄聽之良久多與己同玄就車與語曰吾久欲注尙未了聽君向言多與吾同今當盡以所注與君遂爲服氏注惠氏後漢書補注曰棟案服氏解詁傳十五年過歸妹之變文十二年在師之臨皆以互體說易與鄭氏合世說所稱爲不謬矣

北史儒林傳序曰河北諸儒能通春秋者並服子慎所注亦出魏末大儒徐遵明之門張買奴馬敬德邢峙張思伯張奉禮張彫劉晝鮑長宣王元則並得服氏之精微

本志敘曰諸儒傳左氏者甚衆永平中能爲左氏者擢高第爲講郎賈逵服虔並爲訓解至魏遂行於世晉時服虔杜預注俱立國學後唯傳服義至隋杜氏盛行服義浸微釋文敘錄九江太守服虔注解左氏傳江左中興立左氏傳杜氏服氏博士又曰服虔解詁三十卷

唐書經籍志春秋左氏傳解詁三十卷服虔注

唐書藝文志服虔左氏解詁三十卷

王謨漢魏遺書鈔曰今從諸經正義史記集解鈔出七百八十餘條分爲四卷

馬國翰玉函山房輯本序曰今從王應麟所輯古文春秋左傳所引服說更補缺漏釐爲四卷

春秋左氏傳三十卷王肅注

王肅有易注見前易類

釋文敘錄左氏家王肅注三十卷

唐書經籍志春秋左氏傳三十卷王肅注

唐書藝文志王肅注左氏經傳三十卷

馬國翰玉函山房輯本序曰肅於易書詩禮皆有注其注春秋左氏傳隋唐志並三十卷

今佚輯錄一帙肅父朗有傳注十二卷隋志別載之似肅因父書增多十八卷故兩注並行於代其本字往往與杜氏殊異杜集解非一家則異字或繇杜而改哀六年引夏書惟彼陶唐六句以爲太康時與孔傳合正義疑肅見古文匿之而不言良是也

春秋左氏傳三十卷董遇章句

董遇有周易注見前易類

魏志王肅附傳注魏略儒宗傳曰初遇善治老子爲老子作訓注又善左氏傳更爲作朱墨別異人有從學者遇不肯教而云必當先讀百篇言讀書百篇而義自見從學者云苦渴無日遇言當以三餘或問三餘之義遇言

冬者歲之餘夜者日之餘陰雨者時之餘也由是諸生少從遇學無傳其朱墨者

釋文敘錄魏大司農董遇注解左氏傳又曰董遇章句三十卷

唐書經籍志春秋左氏經傳章句三十卷董遇注

唐書藝文志董遇左氏經傳章句三十卷

馬氏玉函山房輯本序曰魏董遇左氏經傳章句隋唐志並三十卷今佚輯得十節其本字多與杜異而同於賈服王肅

春秋左氏傳義注十八卷孫毓注

孫毓有毛詩異同評見前詩類

釋文敘錄孫毓左氏注二十八卷

唐書經籍志春秋左氏傳義注三十卷孫毓注

唐書藝文志孫毓左氏傳義注三十卷

馬氏玉函山房輯本序曰隋唐志有孫氏左氏傳義注又有賈服異同略今皆佚輯錄八節如周之宗盟據宗伯盟詛之辭以服氏同宗解爲不然王室之不壞服本作懷孫依賈作壞亦不取服氏似義注及異同略二書大旨申賈而駁服蓋服虔注受於鄭康成而王肅說多主賈逵孫朋於王猶評詩之見也

按此十八卷據釋文似敘二字

春秋左氏傳十二卷魏司徒王朗撰

魏志本傳朗字景興東海郡人也錢大昕廿二史考異曰郡當爲鄒師太尉楊賜以通經拜郎中除當丘長時漢帝在長安拜朗會稽太守

中除當丘長時漢帝在長安拜朗會稽太守

孫策渡江略地朗與戰敗績乃詣策策以儒雅詰讓而不害太祖表徵之積年乃至拜諫議大夫參司空軍事魏國初建以軍祭酒領魏郡太守遷少府奉常大理文帝即位由御史大夫安陵亭侯爲司空進封樂平鄉侯明帝即位進封蘭陵侯轉爲司徒太和二年薨諡曰成侯子肅嗣朗著易春秋孝經周官傳咸傳於世注引魏略曰朗本名嚴

釋文敍錄司徒王朗字景興肅之父注解左氏傳

唐書經籍志春秋傳十卷王朗撰

唐書藝文志王朗注左氏十卷

春秋左氏經傳集解三十卷杜預撰

杜預有喪服要集二卷見前禮類

預自序有曰古今言左氏春秋者多矣今其遺文可見者十數家大體轉相祖述進不成

爲錯綜經文以盡其變退不守丘明之傳於丘明之傳有所不通皆沒而不說而更庸引

公羊穀梁適足自亂預今所以爲異專修丘明之傳以釋經經之條貫必出於傳傳之義

例總歸諸凡推變例以正褒貶簡二傳而去異端蓋丘明之志也其有疑錯則備論而闕

之以俟後賢然劉子駿創通大義賈京伯父子許惠卿皆先儒之美者也未有穎子嚴者

雖淺近亦復名家故特舉劉賈許穎之遠以見同異分經之年與傳之年相附比其義類

各隨而解之名曰經傳集解

晉書本傳預既立功之後從容無事乃耽思

經籍爲春秋左氏經傳集解 北史儒林傳序云

晉世杜預注左氏預玄孫坦弟驥於宋朝並爲青州刺史傳其家業故齊地多習之按二杜宋書有傳南史列之循吏傳皆不言此事

孔穎達正義序曰前漢傳左氏者有張倉賈誼尹咸劉歆後漢有鄭衆賈逵服虔許惠卿

之等各爲詁訓然雜取公羊穀梁以釋左氏此乃以冠雙屨將絲綜麻方鑿圓柄其可入

乎晉世杜元凱又爲左氏集解專取丘明之傳以釋孔氏之經所謂子應乎母以膠投漆

雖欲勿合其可離乎今校先儒優劣杜爲甲矣故晉宋傳授以至於今今奉敕刪定據以爲本

釋文敍錄杜預經傳集解三十卷又音義曰舊夫子之經與丘明之傳各異杜氏合而釋之故曰經傳集解

唐書經籍志春秋左氏傳三十卷杜預注唐書藝文志杜預左氏經傳集解三十卷

宋史藝文志杜預春秋左氏傳經傳集解三十卷

四庫提要曰言左傳者孔奇孔嘉之說久佚不傳賈逵服虔之說亦僅偶見他書今世所傳唯杜注孔疏爲最古杜注多強經以就傳

是篤信專門之過不能不謂之一失

春秋杜氏服氏注春秋左傳十卷殘缺

不著撰人

按春秋二字一條再見史駁文自士變至此皆左氏經注傳注之屬是爲一類

春秋左氏傳音三卷魏中散大夫嵇康撰

魏志王粲附傳時又有譙郡嵇康文辭壯麗好言老莊而尚奇任俠至景元中坐事誅

晉書本傳康字叔夜譙國鉅人也其先姓奚會稽上虞人以避怨徙焉鉅有嵇山家於其

側因而命氏康學不師受博覽無不通與魏宗室婚拜中散大夫東平呂安服康高致康

友而善之後安爲兄所枉訴繫獄辭相證引遂復收康初康居貧與向秀共鍛於大樹之下以自贍給穎川鍾會往造焉康不爲之禮

會憾之及是言於文帝遂并害之時年四十一

釋文敍錄嵇康音三卷字叔夜譙國人晉中散大夫 按稱晉非也

馬國翰玉函山房輯本序曰嵇氏音唐志有著錄佚已久陸德明釋文引五節史記索隱

引一節并據采輯如鸞音留鸞音權從公羊作鶴今雖不用而古調獨彈比於廣陵散云

梁有服虔杜預音三卷亡

服虔杜預並見前

釋文敍錄服虔音一卷唐書經籍志春秋左氏音隱一卷服虔撰唐書藝文志服虔音隱

一卷

釋文敍錄杜預音三卷唐書經籍志春秋左氏傳音三卷杜預注唐書藝文志杜預音三

卷

按七錄合服杜兩家音爲一帙三卷釋文

唐志各爲一本

梁有魏高貴鄉公春秋左氏傳音三卷亡

魏志本紀高貴鄉公諱髦字彥士文帝孫東

海定王霖子也正始五年封郟縣高貴鄉公

少好學夙成齊王廢公卿議迎立永嘉平六

年十月庚寅即皇帝位改元正元正元三年

夏六月丙午改元甘露五年夏五月己

丑卒年二十

裴注引漢晉春秋晉紀魏氏春秋魏末傳諸

書略曰帝見威權日去不勝其忿乃自出討

司馬昭中護軍賈充逆帝戰於南闕下令帳

下督成濟成梓抽戈犯蹕刃出於背帝倒車

下崩文王聞大驚自投於地曰天下其謂我

何

釋文敘錄高貴鄉公音三卷注云曹髦字士

彥魏廢帝

唐書經籍志春秋左氏傳音三卷高貴鄉公

撰

唐書藝文志高貴鄉公左氏音三卷

梁有曹髦音尚書左人郎荀訥等音四卷亡

曹髦有禮記音見前禮類

釋文敘錄荀訥音四卷字世言新蔡人東晉

尚書左民郎

嚴可均全晉文編曰荀訥為庾亮征西掾穆

帝時為太常博士領國子祭酒

唐書經籍志春秋左氏音四卷曹耽荀訥撰

唐書藝文志曹耽荀訥左氏音四卷

按此合兩家音為一帙四卷與唐志同釋

文不及曹耽者似有所略也兩人同在穆

帝時

春秋左氏傳音三卷李軌撰

李軌有周易音見前易類

釋文敘錄李軌音三卷

唐書經籍志春秋左氏傳音又三卷李弘範

撰

唐書藝文志李軌左氏音三卷

春秋左氏傳音三卷徐邈撰

徐邈有周易音見前易類

釋文敘錄徐邈音三卷

唐書經籍志春秋左氏傳音又三卷徐邈撰

一本徐邈作孫有杜預注三字

唐書藝文志孫邈左氏音三卷孫邈沿舊志之

誤

馬氏玉函山房輯本序曰徐氏春秋音隋志

三卷今佚從釋文參集韻輯為一卷

按自嵇康至此皆左氏音義之屬又為一

類

春秋釋訓一卷賈逵撰

賈逵有左氏長經章句及解詁並見前此釋

訓疑釋例之誤

春秋左氏經傳朱墨列一卷賈逵撰

按弘農董遇善左氏傳為作朱墨別異似

本之賈氏

春秋釋例十卷漢公車徵士穎容撰

後漢書儒林傳穎容字子嚴陳國長平人也

博學多通善春秋左氏師事太尉楊賜郡舉

孝廉州辟公車徵皆不就初中避亂荊州

聚徒千餘人劉表以為武陵太守不肯起著

左氏條例五萬餘言建安中卒

杜預集解序曰劉子駿創通大義賈景伯父

子許惠卿皆先儒之美者也未有穎子嚴者

雖淺近亦復名家故特舉劉賈許穎之遠以

見同異疏曰杜以為先儒之內四家差長故

特舉其遠以見同異自餘棄而不論也

釋文敘錄陳郡穎容字子嚴後漢公車徵不

就作春秋條例

唐書經籍志春秋左氏傳例七卷先注撰人

唐書藝文志穎容釋例七卷

侯康補後漢書藝文志曰按穎氏之例多與

劉子駿賈景伯同其書王謨有輯本然杜預

釋例所載蕭吉五行大義所引者尚未采也

馬國翰玉函山房輯本序曰後漢儒林傳稱

左氏條例隋唐志作釋例書名與杜氏同今

佚輯錄二十七節其全書體例不能詳考

梁有春秋左氏傳條例九卷漢大司農鄭衆撰

後漢書鄭興傳興字少贛河南開封人少學

公羊春秋晚喜左氏傳積精深思通達其旨

同學者皆師之天鳳中將門人從劉歆講正

大義歆美興才使撰條例章句訓詁及校三

統曆子衆字仲師年十二從父受左氏春秋

精力於學明三統曆作春秋難記條例兼通

易詩知名於世永平初辟司空府以明經給

事中再遷越騎司馬持節使匈奴後召為軍

司馬拜中郎將使護西域遷武威太守左馮

翊建初六年代鄧彪為大司農其後受詔作

春秋刪十九篇八年卒官子安世亦傳家業

荀悅漢紀論曰中興之後大司農鄭衆侍中賈逵各爲春秋左氏傳作解注

釋文敘錄大司農鄭衆作左氏條例章句

唐書經籍志春秋左氏傳條例章句九卷鄭衆撰一本誤作音句

唐書藝文志鄭衆牒例章句九卷

按本傳云作難記條例難記問難之事別爲一書條例即是書也又有春秋刪十

九篇見本傳左氏長義十九條見公羊序疏本志皆不載

春秋左氏膏肓釋痾十卷服虔撰

服虔有左氏解誼左氏音並見前

唐書經籍志春秋左氏膏肓釋痾五卷一本作三卷不注撰人

唐書藝文志服虔膏肓釋痾五卷

馬國翰曰又考服氏有春秋左氏膏肓釋痾隋志十卷唐志五卷今惟於後漢續志注得一條附著解誼後

侯康補後漢書藝文志曰劉昭注續漢書禮儀志上引春秋釋痾初學記二十六引春秋釋痾

按任城何休作膏肓以短左氏別詳於後故服氏有是釋猶鄭氏之箴也

梁有春秋漢議駁二卷服虔撰亡

後漢書儒林傳又以左傳駁何休之所駁漢事六十條

唐書經籍志何氏春秋漢記十一卷服虔撰記當爲議

唐書藝文志服虔駁何氏春秋漢議十一卷馬國翰曰又考服氏有春秋漢議駁隋志梁有二卷唐志十一卷今散亡

按何氏漢議十三卷別見後公羊家駁何氏漢議二卷鄭玄撰

鄭玄有周易注見前易類

唐日本國見在書目駁何氏漢議九卷鄭玄撰

唐書經籍志何氏春秋漢議十一卷何休撰鄭玄駁糜信注

唐書藝文志何休春秋漢議十卷糜信注鄭玄駁按此誤倒其文

鄭珍鄭學錄曰按漢議卽後漢書儒林傳何休以春秋駁漢事六百餘條妙得公羊本意者也康成之駁久亡唐已前書亦無一稱引者

按本志二卷或是鄭氏本書唐日本書目及舊新唐志九卷十卷十一卷者或連何氏本文又附以糜信之注卽糜氏本也糜信別見於後

春秋成長說九卷服虔撰

服虔見前

唐書經籍志春秋成長說七卷服虔撰

唐書藝文志服虔春秋成長說七卷

馬國翰曰服氏又有春秋成長說隋志九卷唐志七卷今惟於正義得一條附著解誼後

侯康補後漢書藝文志曰公羊昭三十一年疏引服虔成長義云邾婁本附庸三十里耳

而言五分之爲六里國也

按周禮占夢疏引服氏左傳說末云成長以爲誤也似成長人姓名有春秋說服氏集而論之其書撰集於服氏故此題云服虔撰歟

梁有春秋左氏達義一卷漢司徒掾王玠撰亡

王玠始末未詳洪亮吉通經表曰玠或作珍按通志藝文略又作玠

唐書經籍志春秋達義一卷王玠撰一本作王盼

唐書藝文志王玠達義一卷

按唐志所載則所謂達義者達長義未達之義也玠之前有鄭司農長義十九條賈侍中長義四十一條皆左氏學也

春秋塞難三卷服虔撰

服虔有解誼左氏音膏肓釋痾漢議駁成長說並見前

唐書經籍志春秋塞難三卷服虔撰

唐書藝文志服虔春秋塞難三卷

馬國翰曰又考服氏有春秋塞難隋志三卷今散亡

梁有春秋雜議難五卷少府孔融撰亡

後漢書本傳融字文舉魯國人孔子二十世孫也父仙太山都尉融幼有異才好學博涉多覽辟司徒楊賜府大將軍何進辟舉高第

爲侍御史數遷爲虎賁中郎將忤董卓旨轉議郎爲北海相及獻帝都許徵爲將作大匠遷少府忤曹操免官歲餘復拜太中大夫下

獄棄市時年五十六又獻帝本紀建安十三年八月壬子曹操殺太中大夫孔融夷其族

按舊新唐志有春秋雜義五卷不著撰人疑即是書

梁有春秋左氏釋駁一卷王朗撰亡

王朗有左氏傳見前

春秋說要十卷魏樂平太守糜信撰

釋文敍錄糜信字南山東海人魏樂平太守

唐書經籍志春秋左氏傳說要十卷糜信撰

唐書藝文志糜信左氏傳說要十卷

按糜信不見於史似即糜竺糜芳之同族

東海朐人也所撰又有何氏漢議注穀梁

傳注蓋深於三傳之學者册府元龜云康

信撰春秋要一卷舛誤彌甚

春秋釋例十五卷杜預撰

杜預有經傳集解左氏音並見前

預集解自序有曰又別集諸例及地名譜第

曆數相與爲部凡四十部十五卷皆顯其異

同從而釋之名曰釋例將令學者觀其所聚

異同之說釋例詳之也

晉書本傳又參考衆家譜第謂之釋例又作

盟會圖春秋長曆備成一家之學比老乃成

當時論者謂預文義質直世人未之重唯祕

書監摯虞賞之曰左丘明本爲春秋作傳而

左傳遂自孤行釋例本爲傳說而所發明何

但左傳故亦孤行 按文而左傳下當有發明何但

春秋之語觀下文可知也

釋文敍錄杜預春秋釋例十五卷四十篇

唐書經籍志春秋左氏傳例又十五卷杜預撰

唐書藝文志杜預左氏經傳集解三十卷又

釋例十五卷

宋史藝文志杜預春秋釋例十五卷

崇文總目春秋釋例十五卷杜預撰凡五十

三例

四庫提要曰盟會圖長曆皆書中之一篇非

別爲一書觀預所作集解序可見其書自隋

志而後並著於錄自明以來久佚惟永樂大

典中尙存三十篇並有唐劉蕡序其六篇有

釋例而無經傳餘亦多有脫文謹隨篇掇拾

取正義及諸書所引釋例之文補之校其謬

謬釐爲四十七篇仍分十五卷以還其舊考

預書雖有曲從左氏之失而用心周密後人

無以復加其例亦皆參考經文得其體要非

公穀二家穿鑿日月者比摯虞謂所發明者

何但左傳良非虛美

孫祠書曰春秋釋例十五卷四庫全書所錄

莊述祖同星行校本

梁有春秋釋例引序一卷齊正員郎杜乾光撰

亡

杜乾光始末未詳 似即杜鎮南玄孫坦及驥之後

北史儒林傳序所謂傳其家業齊地多習之者也

春秋左氏傳評二卷杜預撰

唐書經籍志左氏杜預評二卷藝文志同

按通志藝文略據本志唐志兩列其目恐祇是一書也

春秋條例十一卷晉太尉劉實撰梁有春秋公羊

達義三卷劉實撰亡

晉書本傳實字子真平原高唐人漢濟北惠

王壽之後也少好學博通古今以計吏入洛

調爲河南尹丞尙書郎廷尉正吏部郎參文

帝相國軍事封循陽子泰始初進爵爲伯咸

寧中爲太常尙書杜預之伐吳也實以本官

行鎮南軍司元康初進爵爲侯累遷九年拜

司空遷太保轉太傅太安初遜位以侯就第

懷帝即位授太尉歲餘薨年九十一諡曰元

實少及老篤學不倦尤精三傳辨正公羊以

爲衛輒不應辭以王父命祭仲失爲臣之節

舉此二端以明臣子之體遂行於世又撰春

秋條例二十卷

唐書經籍志春秋左氏條例十卷劉實撰春

秋公羊達義三卷劉實撰劉晏注又別出一部

亦三卷注云劉晏注

唐書藝文志劉實條例十卷又曰劉實左氏

牒例二十卷又公羊達義三卷劉晏注

按此公羊達義或當從唐志作達義爲是

劉晏或唐人

春秋經例十二卷晉方範撰

方範始末未詳

唐書經籍志春秋左氏經例十卷方範撰

唐書藝文志方範經例六卷

梁有春秋釋滯十卷晉尙書左丞殷興撰亡嚴可均全晉文編曰殷興一作殷基雲陽人吳零陵太守殷禮子仕吳爲無難督入晉遷

尚書左丞有春秋釋滯十卷通語十卷

唐書經籍志春秋左氏釋滯十卷殷興撰

唐書藝文志殷興左氏釋滯十卷

梁有春秋釋難三卷晉護軍范堅撰亡

晉書范汪附傳汪南陽順陽人汪叔堅字子

常博學善屬文永嘉中避亂江東拜佐著作

郎撫軍參軍討蘇峻賜爵都亭侯累遷尚書

右丞護軍長史卒官

春秋左氏傳條例二十五卷

春秋義例十卷

並不著撰人

春秋左傳例苑十九卷

不著撰人

唐書經籍志春秋左氏傳例苑十八卷梁簡

文帝撰

唐書藝文志梁簡文帝左氏傳例苑十八卷

按是書本志不著名氏舊新唐志皆云梁

簡文帝撰通志藝文略亦同考梁書南史

本紀俱不載帝有是書唯齊書武十七王

傳晉安王子懋字雲昌世祖第七子永明

八年為鎮南將軍撰春秋例苑三十卷奏

之世祖嘉之敕付祕閣又考梁簡文帝初

亦封晉安王後以昭明太子薨立為皇太

子此書實為齊晉安王子懋所撰至隋僅

存十九卷唐開元時又闕其一卷毋暉等

修四部書目殆以首署晉安王遂以為梁

簡文帝其後修志者更不及考仍其舊而

錄之經義考兩存其目恐止是一書也子

懋後鎮尋陽海陵王時明帝輔政鄱陽隨

郡二王見殺起兵赴難事敗被殺時年二

十三又文惠太子傳初高帝好左氏春秋太子承旨

諷誦以為口實子懋其六弟也

梁有春秋經傳說例疑隱一卷吳略撰亡

吳略始末未詳

唐書經籍志春秋經傳說例疑隱一卷吳略

撰

唐書藝文志吳略春秋經傳說例疑隱一卷

通志藝文略春秋經傳說例疑隱一卷梁吳

略撰按此稱梁吳略者是梁人歟抑以其見於梁七

錄也

梁有春秋左氏分野一卷

不著撰人

按錢氏大昕三史拾遺曰劉歆說春秋日

食三十七各占其分野之國蓋本左氏去

魯地如衛地之旨而推衍之則分野亦左

氏學家之一例也此與十二公名相類從

或亦是鄭氏遺書

梁有春秋十二公名一卷鄭玄撰亡

鄭玄有駁何氏漢議二卷見前

春秋左氏經傳通解四卷王述之撰

王述之始末未詳

按王述之別有春秋旨通十卷兩唐志並

題王述之撰經義考兩書皆題王氏延之

延之字希季琅邪臨沂人仕宋入齊至尚

書左僕射領竟陵王師特進右光祿大夫

永明二年卒諡簡子齊書南史本傳皆不

言其有著述不能無疑而此書與後春秋

旨通十卷亦似一書兩出 竟陵王即蕭子良

春秋左氏傳賈服異同略五卷孫毓撰

孫毓有左氏傳義注見前

唐書經籍志春秋左氏傳賈服異同略五卷

孫毓撰

唐書藝文志孫毓賈服異同略五卷

春秋左氏函傳義十五卷干寶撰

干寶有周易注見前易類

唐書經籍志春秋義函傳十六卷干寶撰

唐書藝文志干寶春秋義函傳十六卷

馬氏玉函山房輯本序曰干氏是書今惟孔

氏正義引一節杜氏通典引一節晉書禮志

謂寶留思京房夏侯勝等傳其說伐鼓於社

以為厭勝蓋二子緒論也

按晉書本傳云寶又為春秋左氏義外傳

與隋唐志題函傳者異未詳孰是

春秋左氏區別三十卷宋尚書功論郎何賀真撰

賀真當為始真

宋書蔡興宗傳泰始三年春興宗出為使持

節都督鄧州諸軍事安西將軍鄧州刺史坐

詣尚書切論以何始真為謬議參軍初不被

許後又重陳上怒貶號平西將軍按此詣尚書

切論以六字當是請尚書功論郎之誤

又沈文秀傳泰始五年正月青州為虜所陷

文秀被執送桑乾其餘為亂兵所殺死者甚

衆太宗先遣尚書功論郎何如真選青州文

武亦為虜所殺按此作何如真亦當是問始真之誤

唐書經籍志春秋左氏區分十二卷何始真撰

唐書藝文志何始真春秋左氏區別十二卷

按何始真宋書無傳唯蔡興宗沈文秀兩

傳中略及之蓋明帝時人所撰又有晉起

居注抄五十一卷見史部

春秋文苑六卷

唐書經籍志春秋經解六卷沈宏撰春秋文

苑六卷沈宏撰

唐書藝文志沈宏經傳解六卷又文苑六卷

嚴可均全梁文編曰沈宏吳興武康人天監

初五經博士有春秋經解六卷春秋文苑六

卷春秋嘉語六卷春秋五辯二卷

按梁書南史儒林傳沈峻吳興武康人博

通五經尤長三禮吏部郎陸倕與僕射徐

勉書曰助教沈峻特精周官比日時開講

肆羣儒劉岳沈宏沈熊之徒並執經下坐

北面受業則沈宏爲沈峻弟子從峻受周

官而又同鄉里同族者也唐志別有春秋

經解亦云經傳解本志不著錄嘉語及五

辯二書別見於後

春秋叢林十二卷

魏書逸士傳李謐字永和涿郡人相州刺史

安世之子少好學博通諸經周覽百氏初師

事小學博士孔璠數年後璠還就謐請業同

門生爲之語曰青成藍藍謝青師何常在明

經謐以公子徵拜著作郎辭以授弟郁詔許

之州再舉秀才公府二辟並不就惟以琴書

爲業有絕世之心延昌四年卒年三十二遐

邇悼惜之其年四門小學博士孔璠等學官

四十五人上書曰竊見故處士趙郡李謐通

孝經論語毛詩尙書曆數之術尤盡其長年

十八詣學受業時博士卽孔璠也覽始要終

論端究緒授者無不欣其言矣於是鳩集諸

經廣校同異比三傳事例名春秋叢林十有

二卷爲璠等判析隱伏垂盈百條滯無常滯

纖毫必舉通不長通有枉斯屈不苟言以違

經弗飾辭而背理辭氣磊落觀者忘疲云云

事奏詔賜謚曰貞靜處士遣謁者奉册表其

門曰文德里曰孝義云

唐書經籍志春秋叢林十二卷李謐撰

唐書藝文志李謐叢林十二卷

春秋叢林一卷

不著撰人

春秋大夫辭三卷

不著撰人

按兩唐志有春秋辭苑五卷疑卽是書殆

以天子諸侯卿士大夫分篇纂錄此僅存

三卷則大夫之辭也

春秋嘉語六卷

唐書經籍志春秋嘉語六卷沈宏撰

唐書藝文志沈宏經傳解六卷又文苑六卷

嘉語六卷

按沈宏有春秋文苑見前

春秋左氏諸大夫世譜十三卷

唐書經籍志春秋大夫譜十一卷顧啓期撰

唐書藝文志顧啓期大夫譜十一卷

崇文編目春秋世譜七卷不著撰人名氏起

黃帝至周見於春秋諸國世系傳久稍失其

次矣按隋唐書春秋大夫世族譜十三卷顧

啓期撰而杜預釋例自有世族譜一卷今書

與釋例所載不同而本或題云杜預撰者非

也

晁氏讀書志春秋世譜一卷不著撰人姓名

譜左氏諸國君臣世系獨秦無世臣

通志校讎略曰有杜預春秋公子譜無顧啓

期大夫譜可也

經義考曰顧氏啓期大夫譜唐志十一卷隋

志有春秋左氏諸大夫世譜十三卷疑卽是

書

按顧啓期始末未詳本志地理類有所撰

婁地記一卷注云吳顧啓期撰則孫吳時

人也

春秋五辯二卷梁五經博士沈宏撰

沈宏有春秋文苑春秋嘉語並見前

按本志於文苑嘉語兩書皆不著撰人至

是始題沈氏官位姓名蓋當時不知爲一

家之書也唐志不著錄

春秋辯證六卷

不著撰人

唐書經籍志春秋辯證明經論六卷藝文志同

春秋旨通十卷王述之撰

唐書經籍志春秋旨通十卷王延之撰

唐書藝文志王延之旨通十卷

按王述之唐志作王延之別有經傳通解
四卷見前疑此即通解之別本

春秋經傳解六卷崔靈恩撰

春秋申先儒傳論十卷崔靈恩撰

春秋左氏傳立義十卷崔靈恩撰

崔靈恩有集注毛詩見前詩類

梁書南史儒林傳靈恩遍通五經尤精三禮

三傳先在北習左傳服解不為江東所行及

改說杜義每申服以難杜遂著左氏條義以

明之時有助教虞僧誕又精杜學因作申杜

難服以報靈恩世並行焉靈恩制左氏經傳

義二十二卷左氏條例十卷公羊穀梁文句

義十卷

唐書經籍志春秋立義十卷崔靈恩撰春秋

申先儒傳例十卷崔靈恩撰

唐書藝文志崔靈恩立義十卷申先儒傳例

十卷

按自賈逵釋訓至此皆左氏條例難義雜

說評論抄撮譌系之屬別為一類

劉實等集解春秋序一卷

劉實有春秋條例公羊達義並見前

按此不知何人集劉實等諸家所解為是

書亦或取其條例達義之序而集解之

春秋序論二卷干寶撰

干寶有左氏函傳見前

唐書經籍志春秋序論一卷干寶撰

唐書藝文志干寶春秋義函傳十六卷序論

一卷

按此似即春秋義函傳之序論
春秋序一卷賀道養注

宋書列傳第十五論曰臧熾徐廣傅隆裴松

之何承天雷次宗並服膺聖哲不為雅俗推

移立名于世宜矣穎川庾蔚之雁門周野王

汝南周王子河內向球會稽賀道養皆託志

經書見稱於後學

宋書南郡王義宣傳義宣記室蔡超濟陽考

城人與前始寧令同郡江淳之前征南參軍

會稽賀道養並為興安侯義賓所表薦

南史賀瑒傳瑒會稽山陰人晉司空循之玄

孫也世以儒術顯伯祖道養工卜筮經遇工

歌女人病死為筮之曰此非死也天帝召之

歌耳乃以土塊加其心上俄頃而蘇按道養

事蹟豈竟埋沒無聞歟此既附見其人何以不載其字及

仕履撰著而乃記此一事如小說家言耶

嚴可均全宋文編曰賀道期會稽山陰人晉

司空循孫元嘉初太學博士弟道養亦為太

學博士

按賀道養有賀子述言十卷見子部道家

又有集十卷見集部別集類嘗為太學博

士征南參軍

春秋序一卷崔靈恩撰

崔靈恩有經傳解等三書見前

春秋序一卷田元休注

田元休始末未詳按北史儒林傳徐遵明弟子有田

元鳳或其昆季行

春秋左傳杜預序集解一卷劉炫撰

劉炫有尚書述義見前書類

按自劉實等至此皆左氏序論注解之屬

似多從本書析出以充數舊有此例遂類

從為一門

春秋左氏經傳義略二十五卷陳國子博士沈文

阿撰

梁書儒林沈峻傳峻吳興武康人博通五經

尤長三禮峻子文阿傳父業尤明左氏傳太

清中自國子助教為五經博士

陳書南史儒林沈峻傳峻子文阿字國衛少

習父業研精章句祖舅太史叔明舅王慧興

並通經術而文阿頗傳之又博采先儒異同

自為義疏通三禮三傳位五經博士梁簡文

引為東宮學士入陳累遷通直散騎常侍兼

國子博士領羽林監天嘉四年卒年六十一

所撰儀禮八十餘條春秋禮記孝經論語義

記七十餘卷並行於時諸儒多傳其學

孔穎達正義序曰其為義疏者則有沈文阿

劉炫然沈於義例蘊可於經傳極疎今以劉

為本其疏漏以沈氏補焉

唐書經籍志春秋義略二十七卷沈文阿撰

唐書藝文志沈文阿義略二十七卷

馬氏玉函山房輯本序曰唐志卷數多於隋

志或合王元規所續歟今並佚唯正義及釋

文集韻引之輯錄六十一節至襄公而止

王元規續沈文阿春秋左氏傳義略十卷

南史儒林傳王元規字正範太原晉陽人也

少從吳興沈文阿受業十八通春秋左氏孝

經論語喪服仕梁位中軍宣城王記室參軍

陳天嘉中爲國子助教後主在東宮引爲學

士就受禮記左傳喪服等義俄除尙書祠部

郎自梁代諸儒相傳爲左氏學者皆以賈逵

服虔之義難杜預凡一百八十條元規引證

通析無復疑滯陳亡入隋卒於秦王府東閣

祭酒著春秋發題辭及義記十一卷續經典

大義十四卷按此亦續沈文阿之書沈書見後論語

類孝經義記兩卷左傳音三卷禮記音兩卷

釋文敍錄梁東宮學士沈文阿撰春秋義疏

闕下秩陳東宮學士王元規續成之元規又

撰春秋音

馬氏玉函山房輯本序曰陳書本傳云著發

題辭及義記隋志作義略釋文作義疏似義

記義疏卽義略也今佚釋文引三節其一辨

十句名字其二皆音也

春秋義略三十卷陳右軍將軍張沖撰

隋書北史儒林傳張沖字叔玄吳郡人仕陳

爲左中郎將非其好也乃覃思經典撰春秋

義略異於杜氏七十餘事喪服義三卷孝經

義三卷前漢音義十二卷官至漢王侍讀

唐書經籍志春秋左氏義略三十卷張沖撰

唐書藝文志張沖左氏義略三十卷

按隋書北史儒林傳皆不載其仕陳爲右

軍將軍史略之也

春秋左氏義略八卷

不著撰人

春秋五十凡義疏二卷

不著撰人

王應麟困學紀聞曰釋例終篇云左傳稱凡

者五十其別四十有九蓋以母弟二凡其義

不異故也隋志有春秋五十凡義疏二卷

春秋左氏傳述義四十卷東京太學博士劉炫撰

劉炫有左傳杜預序集解一卷見前

北史儒林劉焯傳焯少與劉炫結盟爲友同

受左傳於廣平郭懋又劉炫傳云著春秋攻

昧十卷春秋述議四十卷

孔穎達正義序曰其爲義疏者則有沈文阿

蘇寬劉炫炫于數君之內實爲翹楚然聰慧

辨博固亦罕儔而探賾鉤深未能致遠其經

注易者必具飾以文辭其理致難者乃不入

其根節又意在矜伐性好非毀規杜之失凡

一百五十餘條習杜義而攻杜氏猶蠱生於

木而還食其木非其理也雖規杜過義又淺

近所謂捕鳴蟬於前不知黃雀在其後然比

諸義疏猶有可觀今奉敕刪定據以爲本

唐書經籍志春秋攻昧十二卷劉炫撰春秋

規過三卷劉炫撰春秋述議三十七卷劉炫

撰

唐書藝文志劉炫攻昧十二卷又規過三卷

述議三十七卷

宋史藝文志劉炫春秋述議略一卷又春秋

義囊二卷

崇文總目春秋述義一卷隋東京太學博士

劉炫撰本四十篇唐孔穎達正義蓋據以爲

說而增損之今三十九篇亡

王謨漢魏遺書鈔曰唐志載劉炫攻昧十二

卷規過三卷述議三十七卷今其鈔出述議

一卷一百三十四條規過乃規杜注之失攻

昧文無可考未詳所指今各散見正義其中

有旁攻賈服及何休語疑卽屬攻昧文非規

過也凡共鈔出一百七十二條

馬國翰玉函山房輯本序曰北史隋志述議

並四十卷唐志述議三十七卷規過三卷知

北史隋志皆以規過附四十卷內唐始分之

也今從正義采錄述議二卷規過二卷規過

一百五十餘條而正義所引乃有百七十餘

條或有一條內連及數事正義分載各注下

歟

又曰正義引炫難賈逵何休服虔及或說反

覆掎擊攻昧之佚文輯錄九節史稱炫強記

默識莫與爲儔又謂多自矜伐好輕侮當世

書適肖其人矣

按本傳載攻昧不載規過是規過卽在攻

昧十卷中乃其中之一篇非別爲一書唐

日本國書目載述議止三十卷近得其實

疑本志四十卷并攻昧在其間也

春秋序義疏一卷

不著撰人

梁有春秋發題一卷

不著撰人

唐日本國見在書目春秋發題二卷亦不著撰

人

按隋王元規著春秋發題辭見陳書南史

儒林傳卽此之類然此見載七錄猶在其前也

梁簡文帝撰春秋左氏圖十卷

梁簡文帝有毛詩十五國風義見前詩類

通志藝文略春秋左氏圖十卷梁簡文帝撰

按梁簡文帝是圖梁書南史本紀皆不見

或亦編入長春義記一百卷中自沈文阿

至此皆左氏義疏之屬而附以圖別爲一

類

以上左氏學

梁有漢太子太傅嚴彭祖撰古今春秋盟會地

圖一卷亡

嚴彭祖別見後公羊傳

唐張彥遠歷代名畫記曰古之祕畫珍圖則

有春秋圖一卷

唐書經籍志春秋圖七卷嚴彭祖撰

唐書藝文志嚴彭祖春秋圖七卷

通志藝文略春秋圖七卷漢嚴彭祖撰春秋

盟會地圖一卷漢嚴彭祖撰 按此兩載其目一

在圖類一在地理類蓋一據唐志一據隋志

朱彝尊曝書亭集春秋地名考序曰如嚴彭

祖之圖專紀會盟則圍伐滅取土地之見遺

者多矣

王謨漢魏遺書鈔曰羅泌路史國名紀引盟

會圖十五引盟會圖疏八引春秋圖四內惟

平邱與清二條涉盟會餘皆地名國名又多

唐以後州名或卽嚴氏本書而唐以後人疏

之也今仍其目鈔出二十七條 按此輯於嚴氏

書不過存其名目耳

春秋公羊傳十二卷嚴彭祖撰

漢書儒林傳漢興言春秋於齊則胡毋生於

趙則董仲舒又曰胡毋生治公羊春秋與董

仲舒同業弟子唯東平嬴公守學不失師法

授東海孟卿魯陸孟又曰嚴彭祖字公子東

海下邳人也與顏安樂伊事陸孟孟弟子百

餘人惟彭祖安樂爲明質問疑誼各恃所見

孟曰春秋之意在二子矣孟死彭祖安樂各

顯門教授由是公羊春秋有顏嚴之學彭祖

爲宣帝博士至河南東郡太守以高第入爲

左馮翊遷太子太傅廉直不事權貴或說曰

天時不勝人事君以不修小禮曲意亡貴人

左右之助經誼雖高不至宰相願少自勉彊

彭祖曰凡通經術固當修行先王之道何可

委曲從俗苟求富貴乎彭祖竟以太傅官終

授琅邪王中家世傳業

又曰甘露元年迺召五經名儒太子太傅蕭

望之等大議殿中平公羊穀梁同異各以經

處是非時公羊博士嚴彭祖侍郎申輓伊推

宋顯許廣並論

荀悅漢紀宣帝神雀四年十有一月河南太

守嚴延年有罪棄市延年兄弟五人皆有吏

才至二千石大官次弟彭祖有才藝學春秋

明傳經注記卽名嚴氏春秋也官至太子太

傅不求當世爲儒者宗

鄭氏六藝論曰治公羊者胡毋生董仲舒董

仲舒弟子嬴公嬴公弟子陸孟陸孟弟子莊

彭祖及顏安樂

本志篇敘曰初齊人胡毋子都傳公羊春秋

授東平嬴公嬴公授東海孟卿孟卿授魯人

陸孟陸孟授東海嚴彭祖魯人顏安樂故後

漢公羊有嚴氏顏氏之學 按此本范書儒林傳

其言授受與漢書及六藝論異陸孟傳云從嬴公受春秋

則非受之孟卿蓋陸孟與孟卿同師嬴公者也又嬴公爲

董仲舒弟子陸孟傳自言先師董仲舒而嬴公爲胡毋生

弟子漢書亦無明文當從六藝論

唐日本國見在書目春秋公羊傳十二卷嚴

彭祖注

唐書經籍志春秋公羊傳五卷公羊高撰嚴

彭祖述

唐書藝文志春秋公羊傳五卷嚴彭祖述

馬氏玉函山房輯本序曰公羊嚴氏春秋唯

孔穎達左傳正義徐彥公羊疏各引一節杜

佑通典兼引馮君嚴氏春秋章句合輯并附

錄本傳爲卷 按洪氏諱釋漢嚴新碑政和中出於下

邳云許字少通治嚴氏春秋馮君章句蓋後漢安順時人

或卽嚴太傅之後歟

按嚴顏同時以公羊名家而顏家有冷任

之學又有筦冥之學藝文志亦載公羊顏

氏記十一篇嚴惟授琅邪王中中授同郡

公孫文東門雲皆未名家當時傳業弟子

不及顏氏之盛藝文志亦不載其書至後

漢嚴氏顏氏並立博士而嚴氏尤盛行於

世范書儒林傳經義考承師篇洪氏傳經

表載之詳矣

又按公羊序疏引六藝論言顏安樂弟子有劉向為漢書所未言嘗以為疑今觀七略載顏氏書不及嚴氏可以知其故矣似初事顏氏為公羊學後以宣帝詔受穀梁議石渠遂以穀梁名家史略其前事歟

棟九經古義云劉子政封事多用公羊說

春秋公羊解詁十一卷漢諫大夫何休注

後漢書儒林傳何休字卻公任城樊人也父豹少府休為人質朴訥口而雅有心思精研六經世儒無及者以列卿子詔拜郎中非其好也辭病而去不仕州郡進退必以禮太傅陳蕃辟之與參政事蕃敗休坐廢錮乃作春秋公羊解詁覃思不闕門十有七年又注訓孝經論語風角七分當經緯典謨不與守文同說黨禁解又辟司徒羣公表休道術深明宜侍幃幄倖臣不悅之乃拜議郎屢陳忠言再遷諫議大夫年五十四光和五年卒按何氏與鄭氏同被禁錮亦同志杜門著書年少於鄭氏二歲先鄭氏十八年而卒

又傳注博物志曰何休注公羊云何氏學有不解者或答曰休謙辭受學於師乃宣此義不出於己此言為允也

釋文敘錄何休注公羊十二卷

唐日本國書目春秋公羊集詁十二卷漢諫議大夫何休學

唐書經籍志春秋公羊經傳十三卷何休注

唐書藝文志何休公羊解詁十三卷

宋史藝文志何休公羊傳十二卷

晁氏讀書志春秋公羊傳十二卷戴宏序云子夏傳之公羊高高傳其子平平傳其子地地傳其子敢敢傳其子壽至漢景帝時壽乃與弟子胡毋子都著以竹帛其後傳董仲舒以公羊顯於朝又四傳至何休為經傳集詁其書遂大傳鄭玄曰公羊善於識休之注引讖最多按董仲舒一傳為公再傳陸孟三傳嚴彭祖四傳王中五傳公孫文東門雲其後傳授無可考此云董仲舒四傳至何休不知何謂阮文達公羊傳校勘記序亦用其說所未喻也又何休注傳不注經此云經傳集詁亦非是

陳氏書錄解題曰其書多引讖緯其所謂黜周王魯變周文從殷質之類公羊皆無明文蓋為其學者相承有此說也三科九旨詳其疏中

四庫提要曰三傳與經文漢志皆各為卷帙左傳附經始於杜預公羊傳附經則不知始自何人觀何休解詁但釋傳而不釋經與杜異例知漢末猶自別行今所傳蔡邕石經殘字公羊傳亦無經文足以互證今本以傳附經或徐彥作疏之時所合併歟

惠棟九經古義曰公羊有嚴顏二家何卻公所注者顏氏春秋也顏氏說經以襄公廿一年之後孔子生即為所見之世又以為十四日日食周王為天囚之類倍經違戾者皆何卻公所不取

阮元公羊注疏校勘記序曰漢武帝好公羊治其學者胡毋子都董膠西為最著何休為

膠西四傳弟子本于都條例以作注著公羊墨守公羊文謚例公羊傳條例尤遂於陰陽五行之學間以緯說釋傳疏不詳其所據漢志有公羊外傳五十篇徵引或出此也張氏書目答問影宋單注本公羊傳十一卷汪士鐘刻本

春秋公羊經傳十三卷晉散騎常侍王愷期注

晉書王愷傳接河東騎氏人特精禮傳常謂左氏辭義贍富自是一家書不主為經發公羊附經立傳經所不書傳不妄起于文為儉通經為長任城何休訓釋甚詳而黜周王魯大體乖疎且志通公羊而往往遠為公羊疾病接乃更注公羊春秋多有新義又撰列女後傳七十二人喪亂盡失長子愷期流寓江南緣父本意更注公羊又集列女後傳云晉書陶侃傳咸和七年六月疾篤上表遜位以後事付右司馬王愷期加督護統領文武宋書良吏傳王歆之河東人也曾祖愷期有名晉世官至南蠻校尉亦見南史循吏阮長之附傳

嚴可均全晉文編曰王愷期字門于王接子咸和初為溫嶠江州督護咸康初為庾亮征西司馬補南郡太守封辰陽伯入為散騎常侍

釋文敘錄王愷期注公羊十二卷字門子河東人東晉散騎常侍辰陽伯

唐書經籍志春秋公羊十二卷王愷期撰

唐書藝文志王愷期公羊十二卷

梁有春秋公羊傳十二卷晉河南太守高龍注
釋文敍錄高龍注公羊十二卷宇文范陽人
東晉河南太守

唐書經籍志春秋公羊傳記十二卷高襲注
唐書藝文志高襲傳記十二卷

經義考曰高氏龍公羊傳注新舊唐志龍作
襲傳注作傳記

梁有春秋公羊傳十四卷孔衍行集解
孔衍有凶禮一卷見前禮類

釋文敍錄孔衍公羊集解十四卷
唐書經籍志春秋公羊經傳集解十四卷孔
氏注

唐書藝文志孔氏公羊集解十四卷
梁有春秋公羊音一卷李軌撰

李軌有左氏傳音三卷見前
釋文敍錄李軌公羊音一卷

梁有春秋公羊音一卷晉徵士汪淳撰 汪淳當
爲江淳

晉書江統傳統陳留圉人也字淳字思悛性
好學儒玄並綜徵拜博士著作郎皆不就養

志二十餘年永和九年卒年四十九
世說識鑿篇注徐廣晉紀曰悛僕射影弟也

性篤學手不釋書博覽墳典儒道兼綜徵聘
無所就年四十九而卒

釋文敍錄江淳公羊音一卷又曰江淳爲詩
音字思俊河內人東晉徵士

按自嚴彭祖至此皆公羊家傳注及音義
之類

春秋繁露十七卷漢膠西相董仲舒撰

史記儒林傳董仲舒廣川人也以治春秋孝
景時爲博士今上即位爲江都相中廢爲中

大夫居舍著災異之記下吏當死詔赦之子
是董仲舒竟不敢復言災異使相膠西王恐

久獲罪疾免居家至卒以修學著書爲事故
漢興至于五世之間唯董仲舒名爲明于春

秋其傳公羊氏也弟子通者至于命大夫爲
郎謁者掌故者以百數而董仲舒子及孫皆

以學至大官 後漢書班彪傳彪論前史得失曰遷書
至廣博也一人之精文重思煩多不齊一若序司馬相如

蕭曹陳平之屬及董仲舒並時之人不記其字或縣而不
郡者蓋不暇也

漢書本傳武帝即位舉賢良文學之士前後
百數而仲舒以賢良對策推明孔氏抑黜百

家立學校之官州郡舉茂材孝廉皆自仲舒
發之年老以壽終於家家徒茂陵所著皆明

經術之意及上疏條教凡百二十三篇而說
春秋事得失聞 按此疑開字之誤 舉玉杯蕃露

清明竹林之屬復數十篇十餘萬言皆傳於
後世

唐書經籍志春秋繁露十七卷董仲舒撰
唐書藝文志董仲舒春秋繁露十七卷 宋史

藝文志同
崇文總目春秋繁露十七卷董仲舒撰其盡

八十二篇義引宏博非出近世然其間篇第
亡舛無以是正又即用玉栢竹林題篇疑後

人取而附著云

晁氏讀書志史稱舉玉杯繁露清明之屬數
十篇今溢而爲八十二篇又通名繁露皆未
詳隋唐卷目與今同但多舛

陳氏書錄解題曰今乃樓攻媿得潘景憲本
篇卷皆與前志合然亦非當時本書也先儒

疑辨詳矣其最可疑者總名曰繁露而玉杯
竹林則皆其篇名此決非其本真況通典御

覽所引皆今書所無者尤可疑也又曰雖八
十二篇而闕文者三實七十九篇也

四庫提要曰繁或作蕃古字相通其立名之
義不可解其書發揮春秋之旨多主公羊而

往往及陰陽五行考本傳蕃露玉杯竹林皆
所著書名而今本玉杯竹林乃在此書之中

故崇文總目頗疑之而程大昌攻之尤力今
觀其文雖未必全出仲舒然中多根極理要

之言非後人所能依託也是書宋代已有四
本多寡不同至樓鑰所校乃爲定本鑰本原

缺三篇明人重刻又缺誤不可讀今以永樂
大典所存鑰本詳爲勘訂又案語曰春秋繁

露雖頗本春秋以立論而無關經義者多實
尙書大傳詩外傳之類

嘉慶二十年江都凌曙注書序曰董子著述
甚夥今不概見唯春秋繁露十有七卷原書

亦皆失次然就其完善者讀之識禮義之宗
達經權之用行仁爲本正名爲先測陰陽五

行之變明制禮作樂之原體大思精推見至
隱可謂善發微言大義者矣今其書流傳既

久魚魯雜揉篇第褻落致難卒讀淺嘗之夫

橫生營義經心聖符不絕如線心竊傷之遂乃構求善本重加釐正又復采列代之舊聞集先儒之成說爲之注釋及隋唐以後諸書之引繁露者莫不考其異同校其詳略又新安洪梧爲之序曰繁露一書未有箋釋不熟公羊者則不能讀繁露而妄臆爲贗作業幾廢矣盧抱經先生僅以公羊釋繁露已令讀者稍見眉目凌子曉樓從游阮侍郎之門佐集經籍乃能以諸書疏證俾無疑義可謂有功於董子者

按本傳言所著百二十三篇者見漢志儒家本志不著錄此書漢志不載而春秋家有公羊外傳五十篇公羊雜記八十三篇以其非一人之作故皆不著撰人疑劉中壘典校經籍取此書編入其中未可知也春秋決事十卷董仲舒撰

史記儒林傳董仲舒弟子遂者蘭陵褚大廣川殷忠溫呂步舒步舒至長史持節使決淮南獄於諸侯擅專斷不報以春秋之義正之天子皆以爲是
漢書本傳仲舒在家朝廷如有大議使使者及廷尉張湯就其家而問之其對皆有明法又藝文志曰公羊董仲舒治獄十六篇
後漢書應劭傳刪定律令爲漢儀建安元年乃奏之曰故膠東相董仲舒老病致仕朝廷每有政議數遣廷尉張湯親至陋巷問其得失于是作春秋決獄二百三十二事動以經對言之詳矣

唐日本國見在書目春秋斷獄事十卷
唐書經籍志法家春秋決獄十卷董仲舒撰
唐書藝文志法家董仲舒春秋決獄十卷黃氏正

崇文總目春秋決事比十卷漢董仲舒撰丁氏平黃氏正初仲舒既老病致仕朝廷每有政議武帝數遣廷尉張湯問其得失于是作春秋決疑二百三十二事動以經對至吳太史令吳按此下似疑一字或是範字汝南丁季按季或是李之誤江夏黃復平正得失頗殘缺止有七十八事

宋史藝文志法家董仲舒春秋決事作獄十卷丁氏主黃氏正按此注作獄二字者校語也注爲平字之誤此即崇文總目七十八事之本也

經義考曰漢志公羊治獄隋志作春秋決事七錄作春秋斷獄新舊唐書作春秋決獄崇文總目作春秋決事比漢志十六篇七錄五卷隋唐志崇文目十卷王充曰仲舒表春秋之義稽合於律無乖異者桓寬曰春秋治獄論心定罪志善而違於法者免志惡而合於法者誅王應麟曰仲舒春秋決獄今不可見太平御覽載二事其一引春秋許止進藥其一引夫人歸於齊通典載一事引春秋之義父爲子隱應劭謂二百三十二事今僅見三事而已按藝文類聚有引決獄君獵得麇一事
王謨漢魏遺書鈔曰經義考云藝文類聚引決獄君獵得麇一事今徧檢全書未見此條

而別有白帖一條野客叢書二條其一即通典所載父爲子隱一事因並鈔錄凡六條云馬國翰玉函山房輯本序曰董氏傳春秋公羊學既撰繁露悉究天人之奧復撰此書引經斷獄當代取式焉今佚從禮記正義通典白帖藝文類聚御覽諸書輯得八節其論衡情準理頗持其平妻甲見夫乙毆母而殺乙比於武王誅紂雖康成議其過大誼要自可通也

孫祠書目春秋決獄一卷洪頤煊集本春秋決疑論一卷

不著撰人
按此似即吳太史令吳某丁氏黃氏平正得失之序論

春秋左氏膏肓十卷何休撰
何休有公羊解詁見前

後漢書儒林傳休與其師博士羊弼追述李育意以難二傳作公羊墨守左氏膏肓穀梁廢疾按此言追述李育意者儒林李育傳作難左氏義四十一事建初四年詔與諸儒論五經子曰虎觀育以公羊義難實遠在返皆有理證即其事也

後漢書鄭玄傳及黨事起被禁錮遂隱修經業杜門不出時任城何休好公羊學遂著公羊墨守左氏膏肓穀梁廢疾玄乃發墨守鍼膏肓起廢疾休見而歎曰康成入吾室操吾矛以伐我乎注說文曰肓隔也心下爲膏喻左氏之疾不可爲也按左氏傳本文有是語何氏即取以名書

釋文敘錄又何休作左氏膏肓公羊墨守穀
梁廢疾鄭康成鍼膏肓發墨守起廢疾自是
左氏大興

公羊序疏曰何氏爲膏肓以短左氏及作墨
守廢疾蓋在注傳之前猶鄭君先作六藝論
訖然後注書

唐書經籍志春秋左氏膏肓十卷何休撰鄭
玄箴

唐書藝文志何休左氏膏肓十卷鄭玄箴

宋史藝文志何休公羊傳十二卷又左氏膏
肓十卷

崇文總目左氏膏肓九卷漢司空掾何休始
撰答賈逵事因記左氏所短遂頗流布學者
稱之後更刪補爲定今每事左方輒附鄭康
成之學因引鄭說竄寄何書云今殘逸第七
卷亡 按此謂始撰答賈逵事者即所作公羊墨守也別
見于後

晁氏讀書志左氏膏肓九卷漢何休撰休始
答賈逵事因記左氏之短鄭康成嘗著箴膏
肓後人附之逐章之下

陳氏書錄左氏膏肓十卷解題曰何休著公
羊墨守等三書鄭康成作鍼膏肓起廢疾發
墨守以排之今其書多不存此書並存二家
之言意亦後人所錄館閣書目闕第七卷今
本亦正闕宣公而於第六卷分文十六年以
後爲第七卷當并合之其十卷止於昭公亦
闕定哀固非全書也而錯誤殆未可讀未有
他本可正

按此三書四庫提要著錄輯本各一卷此
外如問經堂藝海珠塵高密遺書漢魏遺
書鈔諸叢書亦各有輯本本志著錄三書
先後隔越不相比附今綜其大要於此

春秋穀梁廢疾三卷何休撰

公羊序疏曰何氏爲廢疾以難穀梁

按三傳類中又有一本別見於後

春秋漢議十三卷何休撰

後漢書儒林傳又以春秋駁漢事六百餘條
妙得公羊本意

唐書經籍志何氏春秋漢議十一卷何休撰

鄭玄駁廉信注

唐書藝文志何休春秋漢議十卷廉信注鄭
玄駁

侯康補後漢書藝文志曰通典卷八十漢安
帝崩立北鄉侯未踰年薨以王禮葬于春秋
何義也何休答曰春秋未踰年魯君子野卒
降君稱子從大夫禮可也當卽出此書

按范書蘇不韋傳載何休一事亦似此書
中語何氏墨守等三書及漢議唐時行本
多附以鄭氏駁義此據唐志則又是廉信
注本廉信有春秋說要見前左氏學家

駁何氏漢議二卷鄭玄撰梁有漢議駁二卷服虔
撰亡

按此兩書已見於前此復出 又俱梁時合兩
書爲一表者至隋亡其後二卷歟

駁何氏漢議序一卷
不著撰人

春秋公羊墨守十四卷何休撰

何休有左氏膏肓穀梁廢疾及漢議解詁並
見前

後漢書儒林傳注言公羊之義不可攻如墨
翟之守城也又鄭玄傳注言公羊義理深遠
不可駁難如墨翟之守城也

公羊序疏曰何氏作墨守以距敵長義阮氏
校勘記曰龔麗正云此言距敵長義言與賈
逵長義相距敵也

唐書經籍志春秋公羊墨守二本何休撰鄭
玄發 按此云二本不著卷數亦甚有法蓋謂何氏一本
鄭氏一本也今本從新志改爲二卷

唐書藝文志何休公羊墨守二卷鄭玄發

按三書本末已詳於前左氏膏肓條下此
十四卷或何氏本書唐志二卷則鄭氏駁
義本

春秋公羊例序五卷刁氏撰

刁氏始末未詳
按北史儒林傳徐遵明傳業弟子有渤海
李鉉鉉傳刁柔東魏末爲國子博士不知
卽此刁氏否也

春秋公羊論例一卷何休撰

何休始末見前

徐彥公羊疏曰文論例春秋有五始三科九
旨七等六輔二類七缺之義

侯康補後漢書藝文志曰公羊疏作文論例
隋志無文字疏稱此書有春秋五始三科九
旨等義其目具載解中

馬國翰玉函山房輯本序曰此書翼公羊解
詰而作隋志一卷唐志不載佚已久徐彥疏
引其略茲據錄補晁說之謂何休特負於公
羊之學五始三科九旨七等六輔二類七缺
之設何其紛紛耶

梁有春秋公羊傳條例一卷何休撰亡

休解詰自序有曰往者略依胡母生條例多
得其正徐彥解云胡母生本雖以公羊經傳
傳授董氏猶自別作條例故何氏取之以通
公羊也

唐書經籍志春秋公羊條傳一卷何休注

唐書藝文志何休公羊條傳一卷按兩志皆作
條傳或條例之誤或別有義

梁有春秋公羊傳問答五卷荀爽問魏安平太
守徐欽答亡

荀爽有周易傳見前易類徐欽始末未詳

後漢書荀淑附傳爽又作公羊問及辯識并
它所論敍題為新書凡百餘篇今多所亡缺

按公羊問及辯識當時編入荀氏新書百餘篇中六藝論
云公羊善於讖鬼志云何休之注引讖最多此辯識殆亦
因公羊而作與公羊問相輔而行者荀悅申鑿嫌篇言

辯識即此
唐書經籍志春秋公羊答問五卷荀爽問徐
欽答

唐書藝文志荀爽徐欽答問五卷

按魏志徐宣傳宣廣陵海西人見器於太
守陳登與登並心於太祖太祖辟為司空
掾屬歷仕至明帝時為尚書左僕射侍中

光祿大夫封津陽亭侯青龍四年卒諡曰
貞侯子欽嗣疑即此徐欽以嗣侯為安平
太守歟大抵後荀氏三四十冊府元龜
作徐凱誤又以下文庾王問答之二卷為
徐氏書尤誤

梁有春秋公羊論二卷晉車騎將軍庾翼問王
愨期答亡

王愨期有公羊傳注見前

晉書庾亮傳亮弟翼字稚恭少有經綸大略
始辟太尉陶侃府參軍累遷南蠻校尉領南
郡太守輔國將軍賜爵都亭侯及亮卒授都
督江荆司雍梁益六州諸軍事安西將軍荆
州刺史代亮鎮武昌永和元年疽發背卒年
四十一贈車騎將軍諡曰肅

唐書經籍志春秋公羊論二卷翼康難王彥
期答翼康為翼之誤彥期又愨期之誤一本作愨不
誤

唐書藝文志王愨期注公羊十二卷又難答
論二卷庾翼難

按陶侃鎮荊州庾翼為參軍從事中郎鄱
陽西陽太守王愨期為右司馬加督護付
以後事及庾亮代侃遷鎮武昌翼以南蠻
校尉領南郡太守鎮江陵愨期為亮征西
府司馬至翼代亮鎮武昌愨期亦代翼為
南蠻校尉南郡太守二人蓋相處最久者
此問難之作當在其時

春秋公羊解序一卷鮮于公撰
鮮于公始末未詳

按北史儒林傳序曰服虔左氏春秋何休
公羊傳人行于河北人或大字之為誤或盛字
之音誤又李鉉傳鉉從漁陽鮮于靈馥受
左氏春秋以鄉里無可師者遂詣大儒徐
遵明受業又李業與傳云業與師事徐遵
明于趙魏之間時有漁陽鮮于靈馥亦聚
徒教授而遵明聲譽未高著錄尚寡業與
乃詣靈馥費舍類受業者靈馥乃謂曰李
生久逐荒博士何所得也業與默爾不言
及靈馥說左傳業與問其大義數條靈馥
不能對於是振衣而起曰羌弟子正如此
耳遂便徑還自此靈馥生徒傾學而就遵
明學徒大盛業與之為也似即此鮮于公
先徐遵明而得名亦魏末大儒也後儒尊
之故稱公此一卷亦似下文公羊疏十二
卷之序

春秋公羊疏十二卷
不著撰人

北史儒林傳徐遵明字子判華陰人也幼孤
好學年十七師屯留王聰受毛詩尚書禮記
又師中山張吾貴范陽孫買德最後詣平原
唐遷居於蠶舍讀考經論語毛詩尚書三禮
不出門院凡六年時彈箏吹笛以自娛慰又
知陽平館陶趙世家有服氏春秋是晉世
永嘉舊寫遵明乃往讀之復經載因手撰
春秋義章為三十卷是後教授門徒每臨講
坐先持經執疏然後敷陳其學徒至今浸以
成俗遵明講學於外二十餘年海內莫不宗

仰頗好聚斂與劉獻之張吾貴皆河北聚徒教授縣納絲粟留衣物以待之名曰影質有損儒者之風元顥入洛任城太守李湛將舉義兵遵明同其事夜至人間爲亂兵所害永熙二年遵明弟子通直散騎侍郎李業興求加策命卒無贈諡 魏書云年五十五業興表有云信以稱大儒于海內東修受業編錄將論萬人

又儒林傳序曰自魏末大儒徐遵明門下講鄭玄所注周易遵明以傳盧景裕及清河崔瑾又曰齊時儒士罕傳尙書之業徐遵明兼通之遵明受業於屯留王聰傳授浮陽李周仁及渤海張文敬李鉉河間權會並鄭康成所注非古文也又曰三禮並出遵明之門徐傳業於李鉉祖備田元鳳馮偉紀顯敬呂黃龍夏懷敬又曰河北諸儒能通春秋者並服子慎所注亦出徐生之門張買奴馬敬德邢峙張思伯張奉禮張彫劉畫鮑長宣王元則並得服氏之精微 又李業興傳亦載徐氏事見前一條

崇文總目春秋公羊疏三十卷不著撰人名氏援證淺局出於近世或云徐彥撰皇朝邢昺等奉詔是正始令太學傳授以備春秋三家之旨

晁氏讀書志春秋公羊傳疏三十卷不著撰人李獻民云徐彥撰亦不詳何代人也崇文總目謂其援證淺局出于近世以何氏三科九旨爲宗本其說曰何氏之意三科九旨正是一事耳總而言之謂之三科析而言之謂

之九旨新周故宋以春秋當新王此一科三旨也所見異辭所聞異辭所傳聞異辭此二科六旨也內其國而外諸夏內諸夏而外夷狄此三科九旨也

陳氏書錄解題春秋公羊傳疏三十卷不著撰者名氏唐志亦不載廣川藏書志云世傳徐彥撰不知何據然亦不能知其定出何代意其在貞元長慶後也景德中侍講邢昺校定傳之

宋史藝文志公羊疏三十卷又曰徐彥公羊疏三十卷

四庫提要曰徐彥疏文獻通考作三十卷今本乃止二十八卷或彥本以經文併爲二卷別冠于前後人又散入傳中故少此二卷亦未可知彥疏唐志不載崇文總目始著錄稱不著撰人名氏或云徐彥董道廣川藏書志亦稱世傳徐彥不知時代意其在貞元長慶之後考疏中郊之戰一條猶及見孫炎爾雅注完本知在宋以前又葬桓王一條全襲用楊士助穀梁傳疏 按此疑是楊疏襲徐疏故其文亦五異 知在貞觀以後中多自設問答文辭語複與邱光庭兼明書相近亦唐末之文體董道所云不爲無理故今從道之說定爲唐人焉

烏程嚴可均鐵橋漫稿書公羊疏後曰公羊疏無撰人名崇文總目或云徐彥郡齋讀書志引李獻民說同不知何據即徐彥亦不知何代人東晉有徐彥與徐衆同時見通典九

十五又九十九有武昌太守徐彥與征西將軍桓溫牋而疏中引及劉宋庾蔚之則非東晉人今世皆云唐徐彥尤無所據蓋涉徐彥伯而訛耳疏先設問答與蔡邕月令章句相似唐疏無此體例所引書百三十許種最晚者郭璞庾蔚之餘皆先秦漢魏開卷疏司空掾云若今三府掾是也齊梁陳隋唐無此官制惟北齊有之則此疏北齊人撰也隋志有失名疏十二卷唐不著錄北宋復出以卷太

大分爲三十卷又分爲二十八卷即今本也儀徵阮元公羊傳注疏校勘記序曰徐彥疏唐志不載崇文總目始著錄亦無撰人名氏宋董道云世傳徐彥所作其時代里居不可得而詳矣光祿寺卿王鳴盛云即北史之徐遵明不爲無見也蓋其文章似六朝人不像唐人所爲者郡齋讀書志書錄解題並作三十卷世所傳本乃止二十八卷其參差之由亦無可考也

按北齊書儒林傳序云凡是經學諸生多出自魏末大儒徐遵明門下傳稱撰義章三十卷臨講持經執疏則亦名之爲疏矣義章亦即義疏之謂也傳又云其學至今浸以成俗則北齊時其書盛行於河北其本流傳甚夥講學者莫不家置一編故自東魏歷北齊後周隋唐五代迄於北宋猶行於民間亦三十卷與本傳合此十二卷或合併或佚存無以詳知本志列在鮮于公之後部居次第亦頗近似宋人稱徐彥

爾雅釋訓曰美士為彥說文彥美士有文人所言也蓋猶靈覆之稱鮮于公皆其徒尊之之辭既嚴氏謂今本即隋志之十二卷王光祿阮太傅皆以為徐遵明因即從而證明之

又按自董仲舒春秋絳露至此皆公羊家雜說論議序例間難義疏之類以上公羊學

春秋穀梁傳十三卷吳僕射唐固注

吳志闕澤附傳澤州里先輩丹陽唐固亦修身積學稱為儒者著國語公羊穀梁傳注講授常數十人權為吳王拜固議郎自陸遜張溫駱統等皆拜之黃武四年為尚書僕射卒吳錄曰固字子正卒時年七十餘矣唐書宰相世系表唐雒七世至漢中郎將蒙蒙生臨邛令都都孫尚書令林王莽時封建德侯林六世至翔為丹陽太守因家焉翔二子固滂固吳尚書僕射按固弟滂著子書曰唐子見子部道家

釋文敍錄唐固穀梁注十二卷

唐書經籍志春秋穀梁傳十二卷唐固注

唐書藝文志唐固注穀梁十二卷

梁有春秋穀梁傳十五卷漢諫議大夫尹更始撰亡

漢書儒林傳瑕邱江公授穀梁春秋及詩於魯申公按授當為受傳子至孫為博士武帝時

江公與董仲舒並仲舒通五經能持論善屬文江公呐於口上使與仲舒議不如仲舒而

丞相公孫弘本為公羊學比輯其議卒用董生于是上因尊公羊家詔太子受公羊春秋由是公羊大興太子既通復私問穀梁而善之其後浸微唯魯榮廣皓星公二人受焉廣盡能傳其詩春秋高才捷敏與公羊大師賈孟等論數困之故好學者頗復受穀梁沛蔡千秋梁周慶丁姓皆從廣受宣帝即位聞衛太子好穀梁春秋以問丞相韋賢長信少府夏侯勝及侍中樂陵侯史高皆魯人也言穀梁子本魯學公羊氏迺齊學也宜與穀梁時千秋為郎召見與公羊家並說上善穀梁說愍其學且絕選郎十人從受汝南尹更始翁君本自事千秋能說矣劉向以故諫大夫通達待詔受穀梁欲令助之積十餘歲至甘露元年迺召五經名儒蕭望之等大議殿中平公羊穀梁同異各以經處是非時公羊博士嚴彭祖侍郎申輓伊推宋顯許廣穀梁議郎尹更始待詔劉向周慶丁姓中郎王亥各五人議三十餘事按此即藝文志春秋家所載之議奏三十九篇石渠論也

多從穀梁由是穀梁之學大盛慶姓皆為博士姓授楚申章昌尹更始為諫大夫長樂戶將按蓋寬饒傳注師古曰百官公卿表郎中令屬官有郎中車戶騎三將蓋各以所主為名也戶將者主戶衛也又受左氏傳取其變理合者以為章句傳子咸及翟方進琅邪房鳳按此稱以為章句者即穀梁章句言取左氏相合者傳著于其中玉海四十二引儒林傳云尹更始左氏章句非也又曰始江博士授胡常由是穀梁春秋有尹

胡申章房氏之學按江博士者即上文瑕邱江公傳子至孫為博士是也宣帝時徵為博士祖孫名字不傳故但云江公江博士

又曰漢興北平侯張蒼及梁太傅賈誼京兆尹張敞大中大夫劉公子皆修春秋左氏傳誼為左氏傳訓故授趙人貫公為河間獻王博士子長卿授清河張禹禹授尹更始更始傳子咸及翟方進胡常而劉歆從尹咸及翟方進受按尹氏兼通左氏故於左氏學家亦載其授受如此

玉海藝文曰漢儒兼通穀梁左氏者胡常尹更始按尚有尹咸翟方進房鳳皆受之尹更始

釋文敍錄尹更始字翁君汝南邵陵人議郎諫大夫長樂戶將又曰漢更始穀梁章句十五卷漢當為尹

唐書經籍志春秋穀梁傳章句十五卷穀梁傲解尹更始注

唐書藝文志春秋穀梁傳十五卷尹更始注馬氏玉函山房輯本序曰尹更始穀梁章句楊士勛引一節禮記正義周禮疏文選注各引一節又注疏引穀梁說一節案漢儒傳穀梁

學者惟尹及劉向有書范注於劉說皆明標劉向隕石於宋五注引劉說疏引舊說云與劉向合明非劉氏說矣且尹在漢為穀梁博士按史不言為博士名在周慶丁姓之上又獨有著書則凡引穀梁說及舊說者皆尹氏章句無疑也並據合輯漢穀梁學自榮廣皓星

公開之尹得其宗鳴於當代存此殘佚少而彌珍已

按漢初傳穀梁者始於魯申公穀梁有章句見於漢書者唯尹氏此書而藝文志亦有穀梁章句三十三篇不著名氏據穀梁序疏云景帝好公羊胡毋之學與仲舒之義立按景帝當為武帝宣帝善穀梁而千秋之道起劉向之意存此數語當有所受千秋事榮廣皓星公為學最篤當時莫及宣帝善其說選郎十人從受卒於甘露之前亦為劉向前輩是漢志之章句出於蔡千秋劉向兩人為多尹氏此書兼取左氏不為穀梁顯門之業與所謂尹胡申章房氏之學別自行世者歟

春秋穀梁傳十二卷魏平樂太守糜信注平樂當為樂平

糜信有春秋說要見前左氏學家南齊書陸澄傳永明元年澄領國子博士時國學置鄭王易杜服春秋何氏公羊糜氏穀梁澄謂尚書令王儉曰晉泰元舊有糜信注逮顏延之為祭酒益以范寧糜猶如故恐不足兩立必謂范善便當除糜儉答曰穀梁小書無俟兩注存糜略范率由舊式釋文敍錄糜信注穀梁十二卷唐書經籍志春秋穀梁傳十二卷糜信注唐書藝文志糜信注穀梁十二卷王謨漢魏遺書鈔曰糜信於禮記並無注而月令正義於反舌無聲注下引糜信說太平

御覽又引作糜信難曰文亦互異不知其何所據也今並無考唯從穀梁傳疏鈔出糜氏注本二十二條釋文七條史記注一條馬國翰玉函山房輯本序曰楊士勛疏引或作糜信禮記正義引其說反舌事又作糜信常依釋文隋志作糜信册府元龜糜信外復出康信太平御覽引穀梁注作庚信並誤也從楊疏釋文及御覽輯錄為卷如討作糾蒐作搜射作亦鍾作童宮作官本多異字五糜五兵五鼓說同徐邈皆必有所承受惜不可考已

侯氏補三國藝文志曰按穀梁疏於范注之略者每引糜信補之其文當較范為詳故晉泰元立穀梁博士用糜注至齊猶然今考其書之異於范氏者凡四條經傳文之異於范氏者凡五條余蕭客古經解鈎沈錄曰糜信穀梁音見釋文引按此音陸氏不明著于錄似附入本注不別為編穀梁傳十卷晉堂邑太守張靖注梁沈約謚例序有曰今謚法二篇卷後有靖案云云約按靖應是張靖晉江左人也嚴可均全晉文編曰張靖泰始末太常博士又曰通典八十二泰始十年武元楊皇后崩博士張靖議皇太子服一事又九十三咸寧二年安平穆王薨嗣子上繼獻王後移問太常應何服博士張靖答一事按此二事皆在太康混一之前是張靖為晉初人非江左人也

唐書經籍志春秋穀梁傳十一卷張靖集解唐書藝文志張靖集解十一卷

梁有春秋穀梁傳十三卷晉給事郎徐乾注亡釋文敍錄徐乾穀梁注十三卷字文祚東莞人東晉給事中

唐書經籍志春秋穀梁傳又十三卷徐乾注唐書藝文志徐乾注十三卷嚴可均全晉文編曰徐乾太元中太學博士安帝時進給事中有穀梁傳注十二卷馬國翰玉函山房輯本序曰范注引六節楊疏引一節據輯研究書法日與不日之例全書之旨概可知矣

梁有春秋穀梁傳十卷胡訥集解亡嚴可均全晉文編曰胡訥永和末太學博士又曰通典五十九升平元年八月符問迎皇后大駕應作樂不博士胡訥議婚不舉樂又七十四升平元年議陳留王廢疾求立後事按晉穆帝永和之末改元升平符問者尙書符太常符其長官以公廩詢問也釋文敍錄胡訥穀梁集解十卷不著字里官位按胡訥別有三傳評等書三部詳見於後是書釋文載之穀梁家之末唐志不著錄其人蓋與徐邈徐乾范寧同時

春秋穀梁傳十六卷程闡撰程闡始末未詳唐書經籍志春秋穀梁經傳十六卷程闡集注唐書藝文志程闡經傳集注十六卷

春秋穀梁傳十四卷孔衍注

孔衍有公羊集解見前

釋文敍錄穀梁家孔衍集解十四卷

唐書經籍志春秋穀梁傳十三卷孔衍訓注

唐書藝文志孔衍訓註十三卷

孔繼汾闕里文獻考先聖二十二代孫晉廣

陵太守衍有左氏訓注十三卷公羊集解十

四卷穀梁訓注十四卷唐志十三卷 按此云

左氏訓注十三卷本志及釋文唐志皆不載或其家傳中

有之

春秋穀梁傳十二卷徐邈撰

徐邈有左氏音見前

晉書儒林傳邈所注穀梁傳見重於時

又范寧傳初寧為穀梁集解為世所重既而

徐邈復為之注世亦稱之

釋文敍錄穀梁家徐邈注十二卷

唐書經籍志春秋穀梁十二卷徐邈注

唐書藝文志徐邈注十二卷

四庫著錄穀梁注疏提要曰晉書范寧傳稱

寧此書為世所重既而徐邈復為之注世亦

稱之今考書中乃多引邈注未詳其故

阮元穀梁注疏校勘記序曰晉書范傳云徐

邈復為之注世亦稱之似徐在范後而書中

乃引邈注一十有七可知邈成書於前范寧

得以摺拾也讀釋文注解傳述人亦可得其

後先矣

春秋穀梁傳十四卷段肅注疑漢人

釋文敍錄穀梁家段肅注十二卷不詳何人

唐書經籍志春秋穀梁傳十三卷段氏注

唐書藝文志春秋穀梁傳段肅注十三卷

惠棟九經古義曰經典序錄云穀梁有段肅

注不詳何人隋志云疑漢人棟案後漢班固

傳固奏記東平王云弘農功曹史殷肅達學

洽聞才能絕倫誦詩三百奉使專對章懷注

云固集殷作段然則殷肅即段肅也劉氏史

通言肅與京兆祭酒晉馮管撰史記以續史

遷之書

按史通正史篇云史記所書年止漢武太

初已後闕而不錄其後劉向子歆及諸

好事者若馮商衛衡揚雄史岑梁審肆仁

晉馮段肅金丹馮衍韋融蕭奮劉恂等相

次撰續迄于哀平間肅蓋兩漢間人當哀

平王莽之世嘗居史職續太史公書時劉

歆為國師領五經典儒林史卜之官肅從

事於其間歆班氏奏記稱弘農功曹史則

明帝初所居郡職似即弘農人

春秋穀梁傳五卷孔君指訓殘缺梁十四卷 一本

作指訓又作指訓

嚴可均全宋文編曰孔默之魯國魯人元嘉

初為尚書右丞兼散騎常侍轉左丞尋出為

廣州刺史以賊免有春秋穀梁傳注隋志有

孔君指訓穀梁傳五卷殘闕梁十四卷未知

即此否 按孔默之附見宋書隱逸孔潛之傳

吳縣余肅客古經解鈎沉鈎錄曰孔晁穀梁

傳指訓五卷隋書通志俱作孔君不言名而

程端學春秋本義十四卷引孔晁指訓 按孔

晁有尚書義問見前書類

常熟丁國鈞補晉書藝文志曰孔君不詳何

人余肅客古經解鈎沉二十三引孔晁指訓

言陽氣伏於陰下見迫於陰故不升以至地

動云出春秋本義是則孔君為晁無疑

春秋穀梁傳十二卷范寧集解

范寧有古文尚書注見前書類

寧自序略曰升平之末歲次大梁先君北蕃

迴軫頓駕於吳乃帥門生故吏我兄弟子姪

研講六籍次及三傳左氏則有服杜之注公

羊則有何嚴之訓釋穀梁者雖近十家皆膚

淺末學不經師匠辭理典據既無可觀又引

左氏公羊以解此傳文義違反斯害也已於

是乃商略名例敷陳疑滯博示諸儒同異之

說昊天不弔大山其頽匍匐莫次死亡無日

日月逾邁跂及視息乃與二三學士及諸子

弟各記所識并言其意業未及終嚴霜夏墜

從弟彫落二子泯沒天實喪予何痛如之今

撰諸子之言各記其姓名曰春秋穀梁傳集

解

晉書范汪傳汪為安北將軍徐兗二州刺史

桓溫北伐以失期免為庶人屏居吳郡從容

講肆子寧最知名初寧以春秋穀梁氏未有

善釋遂沉思積年為之集解其義精審為世

所重

釋文敍錄穀梁家范寧集注十二卷

唐書經籍志春秋穀梁傳又十二卷范寧集

唐書藝文志范寧集注十二卷

宋史藝文志范寧穀梁傳十二卷

晁氏讀書志穀梁自漢魏以來爲之注解者

有尹更始唐固糜信孔演按卽孔衍

數家而范寧以爲膚淺於是帥其長子參按

常爲泰中子雍小子凱從弟卽及門生故吏

商略名例博采諸儒同異之說成其父汪之

志嘗謂三傳之學穀梁所得最多諸家之解

范寧之論最善

陳氏書錄解題曰寧序云升平之末先君稅

駕於吳云云者蓋寧父汪爲徐兗二州北伐

失利屏居吳郡時也汪沒之後始成此書所

集諸家之說皆記姓名其稱何休曰及鄭君

釋之者卽所謂發墨守起廢疾也稱卽曰者

寧從弟也稱泰曰雍曰凱曰者其諸子也汪

范晷之孫晷在良吏傳自晷之泰五世皆顯

於時寧父子祖孫同訓釋經傳行於後世可

謂盛矣泰之子蔚宗亦著後漢書以不軌誅

死其家始亡

四庫提要曰漢書藝文志載公羊穀梁二家

經十一卷傳亦各十一卷則經傳初亦別編

范寧集解乃併經傳注之疑卽寧之所合又

簡明目錄曰穀梁與公羊同師而傳義之精

者公羊或弗能及寧注矜慎亦密於何休

光緒十年日本使者遵義黎庶昌刻古逸叢

書敍錄曰影宋紹熙本穀梁傳十二卷范寧

集解此與揚州汪氏問禮堂繙刻公羊傳同

爲建安余氏家塾本有余氏萬卷堂藏書記

此次樞刻俱精云

梁有穀梁音一卷

不著撰人

按魏書劉芳傳芳著何休所注公羊音范

寧所注穀梁音各一卷卽此書

春秋穀梁傳四卷殘缺張程孫劉四家集解

經義考曰按四家集解當是張靖程闡孫毓

劉瑤按公羊序疏作劉瑤或作劉瑤似皆是劉兆之誤

按舊新唐志徐邈之後有沈仲義穀梁集

解十卷卽此書沈仲義不知何人自唐

固尹更始至此皆穀梁傳注之屬音義止

一家故附於范注之次尹更始附注於唐

固書後編次實爲無法

糜信理何氏漢議二卷魏人撰

糜信有春秋說要穀梁傳注並見前

按唐經籍志有何氏春秋漢議十一卷何

休撰鄭玄駁糜信注唐藝文志十卷亦云

糜信注本志唯載鄭氏駁二卷見前左氏

學家此大抵魏人所編糜注之別本假糜

氏之說以申理何氏者然列之穀梁家中

所未喻也

春秋穀梁傳義十卷徐邈撰

徐邈有左氏傳音穀梁傳注並見前

唐書經籍志春秋穀梁傳義十二卷徐邈注

春秋穀梁音一卷徐邈撰按新志此傳義十二

卷似因傳注而講音一卷本志及釋文敍錄皆不載

唐書藝文志徐邈注十二卷又傳義十卷音

一卷

馬氏輯本序曰隋志有春秋穀梁傳十二卷

穀梁傳義十卷並題徐邈撰又別有徐邈答

穀梁義三卷唐志又有音一卷今並佚注疏

引九十一節北堂書鈔引二節初學記引一

節並據輯錄注義二書不能區分總以注義

題之本傳稱所注穀梁傳見重於時范爲集

解引述獨多則以其書辭理典據實有可觀

亦以爲豫章時采求風教選與寧書極論其

事心折有素序所謂二三學士者徐當其選

乃楊疏於范氏門生故吏指謂江徐又以所

譏近十家膚淺末學列徐仙民名於七失於

深考矣按邈與寧書見晉書儒林傳又云初范寧與邈

皆爲孝武帝所任使共補朝廷之闕蓋徐范本同官范所

謂近十家者意固不在徐仙民也楊疏稱爲江徐者江卽

江熙有公穀二傳詳見後江在門生故吏之列亦非在十

家膚淺之中也馬氏所考良是

按傳義似義疏講疏之類後又有徐邈答

穀梁義蓋答蕭邕之間唐志亦作傳義疑

卽在此十卷中也

春秋議十卷何休撰

何休有公羊解詁及謚例條例墨守等書並

見前公羊家

唐日本國見在書目春秋漢議十卷何休撰

按何氏春秋漢議十三卷本志已著錄於

前此十卷殆其別本漢議爲公羊之學不

知何以列在穀梁家之內又不與前糜信

理何氏漢議之書爲伍而雜廁於徐氏諸

書之中豈轉寫之失耶何雜出不倫至於

如此也

徐邈答春秋穀梁義三卷

按唐藝文志有蕭邕問傳義三卷似卽此
書唐經籍志云穀梁傳義三卷蕭邕注與
徐邈傳義相類從則又甚似此書矣然則
此書爲蕭邕所譔錄邕不知何人

薄叔玄問穀梁義二卷梁四卷

馬國翰曰薄叔元問穀梁義晉范寧撰范作
集解叔元有所駁問范隨問逐條答之仿鄭
氏釋廢疾之體例也今佚楊士助疏引十二
節全載問答者四節內有一節明載薄氏駁
隱括范答其八節皆載范答薄氏語大指論
辯義例叔元未詳何人與范同時治穀梁之
學者也 王氏漢魏遺書鈔亦輯存一本

春秋穀梁傳例一卷范寧撰

范寧有穀梁傳注見前
寧穀梁集解序有曰於是乃商略名例敷陳
疑滯博示諸儒同異之說楊士助釋曰商略
名例者卽范氏別爲略例百餘條是也
四庫著錄穀梁注疏提要曰又寧自序有商
略名例之句疏稱寧別有略例百餘條此本
不載然注中時有傳例曰字或士助割裂其
文散入注疏中歟
王謨漢魏遺書鈔曰謨按范氏傳例凡已見
集解者無容贅錄今唯鈔出楊氏疏中所引
略例別例共二十四條

按自糜信至此六部爲穀梁家雜義問答
條例之類其雜入何氏漢議兩部最無倫

類

以上穀梁學

春秋公羊穀梁傳十二卷晉博士劉兆撰

晉書儒林傳劉兆字延世濟南東平人漢廣
川惠王之後也博學洽聞溫篤善誘從受業
者數千人武帝時五辟公府三徵博士皆不
就安貧樂道潛心著述不出門庭數十年以
春秋一經三家殊塗諸儒是非之議紛然互
爲讎敵乃思三家之異合而通之周禮有調
人之官作春秋調人七萬餘言皆論其首尾
使大義無乖時有不合者舉其長短以通之
又爲春秋左氏解名曰全綜公羊穀梁解詁
皆納經傳中朱書以別之又撰周易訓注以
正動二體互通其文凡所讚述百餘萬言年
六十六卒

唐書經籍志春秋公羊穀梁左氏集解十一

卷劉兆撰

唐書藝文志劉兆三家集解十一卷

王氏漢魏遺書鈔曰經義考並載劉兆公穀
解詁三家集解左氏全綜春秋調人四書均
佚亦別無考證今僅從經典釋文鈔出集解
五條又文選注二條

馬國翰曰本傳載兆所著有春秋調人春秋

全綜唐志作三傳集解十一卷蓋合全綜爲
一書而復少一卷也今佚輯錄十節皆訓公
穀之義與今本文異者足資考證其調人則
泯絕不可復覩矣

春秋穀梁廢疾三卷何休撰鄭玄釋張靖箋

何休鄭玄張靖及穀梁廢疾並見前

唐書經籍志春秋穀梁廢疾三卷何休作鄭

玄釋張靖箋

唐書藝文志何休穀梁廢疾三卷鄭玄釋張

靖成

按此爲張靖箋釋本不知何以列之於此
豈以此書亦關涉公穀二家歟本志作箋
舊唐志作箋新志作成三志不同未詳孰
是似成爲箋字之誤箋又爲箋字之誤也

春秋公羊穀梁二傳評三卷

不著撰人

唐書經籍志春秋公羊穀梁二傳評三卷江

熙撰

唐書藝文志江熙公羊穀梁二傳評三卷

馬國翰曰隋志此書不著名氏唐志題江熙
今佚范寧注引十九節據輯按范序云先君
北蕃迴軫頓駕於吳乃率門生故吏我兄弟
子姪研講六籍次及三傳又云釋穀梁者近
十家皆膚淺末學不經師匠楊士助疏門生
同門後生故吏謂昔日君臣江徐之屬是也
又解十家有江熙評二傳非專釋穀梁且
范解亟取其說而無所斥駁所謂與二三學
士及諸子弟各記所識并言其意當不在十
家之內也 按徐疏以徐邈爲故吏則不然以江熙爲
故吏則誠有之蓋范汪爲徐兗二州刺史江爲兗州別駕
是故吏也

按江熙有毛詩注見前詩類自劉兆至此
三家似又以言二傳者爲一類然以劉兆

書爲二傳實非也

春秋三家經本訓詁十二卷賈逵撰

賈逵有左氏長經章句左氏解詁釋訓朱墨列並見前

漢書藝文志春秋古經十二篇經十一卷公羊穀梁二家 按此即三家經本左氏經十二篇公穀二家經各十一卷也古經者古文經也下文但言經不言古者爲今文可知也

毛詩正義曰漢初爲傳訓者皆與經別行三傳之文不與經連故石經書公羊傳皆無經文

陸氏春秋左氏音義曰舊夫子之經與邱明之傳各卷又曰孔子作春秋終於獲麟之一句公羊穀梁經是也弟子欲記聖師之卒故采魯史記以續夫子之經而終於魯哀十六年又曰左氏經五千二百三字公羊經五千六百三字穀梁經五千三百八十三字

唐書經籍志春秋三家經訓詁十二卷賈逵撰
唐書藝文志賈逵春秋三家訓詁十二卷侯康補後漢書藝文志曰康按公羊莊十二年宋萬弒其君接疏引賈氏云公羊穀梁曰接按左氏經作捷昭四年大雨雹疏引賈氏云穀梁作大雨雪 按左氏經亦作雹五年疏引賈氏云秦伯營穀梁傳云秦伯偃 按賈氏此條本在文十八年秦伯營卒之下徐疏取證於此 定十年宋樂世心出奔趙疏云世字亦有作泄字者故賈氏言焉 按左氏經作樂大心哀四年亳社

炎疏引賈氏云公羊曰薄社 按左氏經作亳社

皆此書中語也又定十年叔孫州仇仲孫何忌帥師圍費疏云左氏穀梁此費字皆爲邱

賈氏不云公羊曰費者蓋文不備或所見異也齊侯衛侯鄭游邀會於鞏疏云左氏穀梁作安甫賈氏不云公羊曰鞏者亦是文不備十五年齊侯衛侯次於籧條疏云左氏作籧

挈按今本左氏經作籧條字賈氏無說文不備也據此數條知此書體例於左氏經文之異公穀者必釋之曰公穀作某故偶有未言徐彥即以爲不備也 按不備謂有所略也

按范書本傳云雖爲古學兼通五家穀梁之說此言其通春秋古今之學也又云肅宗詔令撰歐陽大小夏侯尚書古文同異

達集爲三卷帝善之復令撰齊魯韓詩與毛氏異同云云此與書詩異同相類或亦承詔撰述史略其事歟五家穀梁說即宣帝時大議殿中之尹更始等五人

宋有三家經二卷亡 按此言宋有者謂王儉七志也本志引七志唯見此條亦疑仍是梁字之誤然所見諸本皆云宋有知非傳譌矣三家經本唯漢藝文志著錄凡左氏經十二卷公穀二家十一卷此二卷大都左氏一卷公穀一卷莫詳其所由來

春秋三傳論十卷魏大長秋韓益撰 韓益與田瓊同撰尚書釋問見前書類

唐書經籍志春秋三傳論十卷韓益撰一本

作楊益誤

唐書藝文志韓益三傳論十卷

春秋經合三傳十卷潘叔度撰 春秋成奪十卷潘叔度撰

北齊書儒林傳河北諸儒能通春秋者並服子慎所注亦出徐生之門謂徐遵明也張買奴等八人並得服氏之精微又有衛覬陳達潘叔度雖不傳徐氏之門亦爲通解

錢大昕北史儒林傳考異曰又有衛覬陳達潘叔度此三人皆傳服氏春秋者按北史作叔慶隋唐三志皆作叔度

唐書經籍志春秋合三傳通論十卷潘叔度注春秋成集十卷潘叔度注

唐書藝文志潘叔度春秋成集十卷又合三傳通論十卷 按唐志作成集通志藝文略引作成奪與本志同

春秋三傳評十卷胡訥撰梁有春秋集三師難三卷春秋集三傳經解十卷胡訥撰今亡三傳評一本

胡訥有穀梁集解見前 唐書經籍志春秋三傳經解十一卷胡訥集解春秋三傳評十卷胡訥撰

唐書藝文志胡訥集撰三傳經解十一卷又三傳評十卷 按集三師難三卷兩唐志不載

春秋土地名三卷晉裴秀客京相璠等撰 通志氏族略京相氏不知其詳本見英賢傳

望出濟南晉京相璠作春秋土地名三卷

水經穀水注京相璠與裴司空季修晉輿

地圖作春秋土地名 按晉書裴秀傳秀為司空作

禹貢地域圖十八篇奏之璠等是書蓋作於其時晉武帝

泰始中也

唐書經籍志春秋土地名三卷不著撰人

唐書藝文志京相璠春秋土地名三卷

通志校讎略曰書有名亡而實不亡者京相

璠春秋土地名可見於杜預地名譜桑欽水

經

王謨漢魏遺書鈔曰左傳正義所引土地名

乃杜預釋例中篇目與京相璠土地名自有

詳略非一書也今故分別注釋凡鈔出水經

注共九十條史記注二條路史國名紀二條

馬國翰輯本序曰隋志云京相璠等則非出

一人之手水經注引百餘則初學記亦引之

哀錄為佚

孫祠書目京相璠春秋土地名一卷洪頤煊

集本

按自賈逵至此九部皆三傳之屬附以土

地名為一類

以上二傳三傳總義

春秋外傳國語二十卷賈逵注

賈逵有三家經本訓詁等書凡五部並見前

後漢書本傳逵父徽從劉歆受左氏春秋兼

習國語逵悉傳父業尤明左氏傳國語為之

解詁五十一篇永平中上疏獻之顯宗重其

書寫藏祕館章懷太子曰左氏三十篇國語

二十一篇也

漢書司馬遷傳贊曰及孔子因魯史記而作

春秋而左邱明論輯其本事以為之傳又纂

異同為國語故司馬遷據左氏國語

又藝文志春秋家國語二十一篇左邱明著

吳韋昭國語解序曰昔孔子發憤於舊史垂

法於素王左邱明因聖言以據意託王義以

流漢其淵原深大沈懿雅麗可謂命世之才

博物善作者也其明識高遠雅思未盡故復

采錄前世穆王以來下訖魯焯智伯之誅邦

國成敗嘉言善語陰陽律呂天時人事逆順

之數以為國語其文不主於經故號曰外傳

所以包羅天地探測禍福發起幽微章表善

惡者昭然甚明實與經藝並陳非特諸子之

倫也遭秦之亂幽而復光賈生史遷頗綜述

焉及劉光祿於漢成世始更考校是正疑謬

至於章帝鄭大司農為之訓注解疑釋滯昭

晰可觀至於細碎有所闕略侍中賈君敷而

衍之其所發明大義略舉為已憭矣然於文

間時有遺忘

史通六家篇國語家者其先亦出於左邱明

既為春秋內傳又稽其佚文纂其別說分周

魯齊晉鄭楚吳越八國事起自周穆王終於

魯悼公別為春秋外傳國語合為二十一篇

其文以方內傳或重出而小異然自古名儒

賈逵王肅虞翻韋曜之徒並申以注釋治其

章句此亦六經之流三傳之亞也

唐書經籍志春秋外傳國語二十卷左邱明

撰 按木志載國語注釋者凡六家兩唐志並著於錄此

卷數與本志同蓋即賈氏解詁漏未注明者新志因之宋

庠補音序謂賈注唐已亡由此而誤

唐書藝文志左邱明春秋外傳國語二十卷

四庫提要曰國語出自何人說者不一然終

以漢人所說左邱明為近所記之事與左傳

俱迄智伯之亡時代亦復相合中有與左傳

未符者猶新序說苑同出劉向而時復牴牾

蓋古人著書各據所見之舊文疑以存疑不

似後人輕改也漢志二十一一篇其諸家注本

隋志賈逵本二十卷今韋昭注中引賈唐二

家援據駁正者為多

又曰案國語二十一一篇漢志雖載春秋後然

無春秋外傳之名也漢書律歷志始稱春秋

外傳王充論衡云國語左氏之外傳也左氏

傳經詞語尚略故復選錄國語之詞以實之

劉熙釋名亦云國語亦曰外傳春秋以魯為

內以諸國為外外國所傳之事也考國語上

包周穆王下暨魯悼公與春秋時代首尾皆

不相應其事亦多與春秋無關係之春秋殊

為不類至書中明有魯語而劉熙以為外國

所傳尤為舛迕附之於經於義未允史通六

家國語居一實古左史之遺今改隸之難史

類焉

王謨漢魏遺書鈔曰謨案宋庠國語補注序

錄云今惟韋氏解傳於世諸家章句遂無存

者然當唐世賈書實自別行故李善注文選

每並引賈逵韋昭國語注而韋解多即賈注

其稱賈唐二君蓋兼唐固或稱三君則兼虞翻也今從韋解內鈔出八十一條又文選注九十條史記集解十二條後漢書注三條經典釋文三條藝文類聚一條書鈔七條初學記二條馬氏玉函山房輯存二卷二百五十九條又輯存鄭氏章句五條

張氏書目答問國語三君注輯存四卷汪遠孫自刻本

按近時有人從東洋傳來唐釋慧琳大藏音義一百卷元釋希麟續音義十卷唐本玉篇三卷半此三書引賈氏國語注至多皆諸家輯錄所未見必有人起而增續之也

春秋外傳國語二十一卷虞翻注

虞翻有周易注見前易類

吳志本傳翻徙交州雖處罪放而講學不倦門徒常數百人又爲老子國語訓注皆傳於世

唐書經籍志春秋外傳國語二十一卷虞翻撰

唐書藝文志虞翻注國語二十一卷

侯康補三國藝文志曰按韋昭解內時稱賈唐二君或稱三君則兼虞仲翔也

馬國翰曰按韋昭國語解序云因賈君之精實采唐虞之信善則凡稱三君者賈唐虞也從韋解左傳正義史記集解水經注後漢書注初學記輯錄凡三十七節

春秋外傳章句一卷王肅撰梁二十一卷

王肅有左傳注見前

唐書經籍志春秋外傳國語章句二十二卷王肅注

唐書藝文志王肅注國語章句二十二卷

宋庠國語補音序曰王肅國語章句梁有二十二卷唐志亦云按此則今本作梁有二十一卷者後人所改也四庫提要亦云隋志王肅本二十二卷

按韋宏嗣注書與王子雍同時而稍稍在其後今考韋序但述鄭賈虞唐四家知其時王氏章句尙不傳於江表

春秋外傳國語二十二卷章昭注

章昭有毛詩答雜問見前詩類

昭自序略曰鄭大司農有所闕略待中賈君時有遺忘會稽虞君丹陽唐君猶有異同昭以末學階數君之成訓思事義之是非愚心頗有所覺今諸家並行是非相質雖聰明疏達識機之士知所去就然淺聞初學猶或未能祛過切不自料復爲之解因賈君之精實采虞唐之信善亦以所覺增潤補綴參之以五經檢之以內傳以世本考其流以爾雅齊其訓去非要存事實凡所發正三百七事又諸家紛錯載述爲煩是以時有所見庶幾頗近事情裁有補益猶恐人之多言未詳其故欲世覽者必察之也

唐書經籍志春秋外傳國語又二十一卷章昭注

唐書藝文志章昭注國語二十一卷

宋史藝文志左邱明春秋外傳國語二十一

卷章昭注

崇文總目春秋外傳國語二十一卷吳侍中領左國史亭陵侯章昭解昭參引鄭衆賈逵虞翻唐固合凡五家爲注自所發正者三十事按自序云三百七事

宋庠國語補音序曰當漢出左傳不立學官故此書亦勿顯逮東漢左傳漸布國語亦從而大行先儒自鄭衆賈逵王肅虞翻唐固章昭之徒並治其章句申之以注釋今惟章氏所解傳於世章氏以鄭賈虞唐爲主而增損之故其注備而有體可謂一家之名學

宋黃震日鈔曰國語宏衍精潔章昭注文亦簡切稱之

四庫史部雜史類提要曰國語漢志作二十一篇其諸家所注隋志虞翻唐固本皆二十一卷王肅本二十二卷賈逵本二十卷互有增減蓋偶然分併非有異同惟昭所注本隋志作二十二卷而此本首尾完具實二十一卷諸家所傳南北宋版無不相同知隋志誤也昭自序稱凡所發正三百七事今考注文之中昭自立義者不過六十七事合以所正譌字衍文錯簡亦不足三百七事之數其傳寫有誤以六十爲三百歟崇文總目作三百十事又七事轉譌也自鄭衆解詁以下諸書並亡國語注存於今者惟昭爲最古黃震日鈔嘗稱其簡潔而先儒舊訓亦往往散見其中

春秋外傳國語二十卷晉五經博士孔晁注

孔晁有尚書義問見前書類

唐書經籍志春秋外傳國語又二十一卷不

著注解人姓名知為孔氏是書

唐書藝文志孔暈解國語二十一卷

馬氏玉函山房從左傳正義宋庠補注輯存

周語五條魯語六條晉語十九條鄭語三條

楚語吳語越語各一條

春秋外傳國語二十一卷唐固注

唐固有穀梁傳注見前

韋昭國語注序曰建安黃武之間故侍御史

會稽虞君尚書僕射丹陽唐君皆英才碩儒

洽聞之士也采摭所見因賈為主而損益之

觀其辭義信多善者然所解釋猶有異同

唐書經籍志春秋外傳國語又二十一卷唐

固注

唐書藝文志唐固注國語二十一卷

侯康補三國藝文志經義考曰固注國語農

祥晨正云農祥房星也晨正晨見南方謂三

春之日初學記引之餘見章注者多按史記

集解亦屢引唐注按近傳唐本玉燭寶典引唐固注

甚多皆諸家所未及見

王謨輯賈氏解詁序錄曰內附唐固注三十

餘條不別為卷

馬國翰玉函山房輯存周禮二十二條魯語

十三條齊語六條晉語二十六條鄭語七條

楚語六條吳語八條越語四條

梁有春秋古今盟會地圖一卷亡

不著撰人

常熟丁國鈞補晉書藝文志曰七錄是書不

載撰人名實即杜氏書也本在釋例中蓋當

時別出單行者觀預傳言又作盟會圖云云

知是篇孤行久矣

以上外傳

右九十七部九百八十三卷通計亡書合一百三

十部一千一百九十卷

實著錄一百四部附注亡書三

十二部通計一百三十六部

隋書經籍志考證卷七

經部七

孝經類類中分類凡二

古文孝經一卷孔安國傳梁末亡逸今疑非古本

孔安國有古文尚書傳見前書類

漢書藝文志孝經經文唯孔氏壁中古文為

異父母生之續莫大焉故親生之膝下諸家

說不安處古文字讀皆異臣瓚曰孝經云續

莫大焉而諸家之說各不安處之也師古曰

桓譚新論云古孝經千八百七十二字今異

者四百餘字

又曰孝經古孔氏一篇二十二章師古曰劉

向云古文字也庶人章分為二也曾子敢問

章為三又多一章凡二十二章

釋文敘錄曰孝經古文出於孔氏壁中別有

閨門一章分析十八章總為二十二章孔安

國作傳又曰孔安國注孝經

本志篇敘曰又有古文孝經與古文尚書同

出而長孫氏有閨門一章其餘經文大較相

似篇簡缺解又有衍出三章并前合為二十

二章孔安國為之傳梁代安國及鄭氏二家

並立國學而安國之本亡於梁亂至隋秘書

監王邵於京師訪得孔傳送至河間劉炫炫

因講於人間漸開朝廷後遂著令與鄭氏並

立儒者誼誼皆云炫自作之非孔舊本而祕

府又先無其書

唐書經籍志古文孝經一卷孔子說曾參受

孔安國傳

唐書藝文志古文孝經孔安國傳一卷

宋史藝文志古文孝經一卷凡二十二章

崇文總目古文孝經一卷漢侍中孔安國注

班固藝文志有孝經古文孔氏一篇二十二

章本出犀壁中前世與鄭康成注並行今孔

注不存而隸古文與章數存焉按此則隋時所

得孔氏傳又亡

陳氏書錄解題古文孝經一卷凡二十二章

比今文多闕門一章餘三章分出本亦出孔

壁中又曰古文有孔安國傳不行於世劉炫

爲作稽疑一篇序所謂劉炫明安國之本者

也又曰孔傳不可復見按此則南北宋但存古文

經本無孔氏傳甚明

四庫提要古文孝經孔氏傳一卷附宋本古

文孝經一卷舊本題漢孔安國傳日本信陽

太宰純音卷末乾隆丙申歙縣鮑廷博新刊

跋稱其友汪翼滄附市舶至日本得於彼國

之長崎澳核其紀歲干支乃康熙十一年所

刊前有太宰純序稱古書亡於中夏存於日

本者頗多而孔傳古文孝經全然尚存云云

考世傳海外之本別有所謂七經孟子考文

者亦日本人所刊稱西條掌書記山井鼎輯

東都講官物觀補遺中有古文孝經一卷亦

云古文孔傳中華所不傳而其邦獨存又云

其真僞不可辨末學微淺不敢輒議云云則

日本相傳原有是書此本核其文句與山井

鼎等所考大抵相應惟山井鼎稱每章題下

有劉炫直解又有引及邢昺正義者爲後人

附錄此本無之爲少異耳其傳文雖證以論

衡經典釋文唐會要所引亦頗相合然淺陋

冗漫不類漢儒釋經之體并不類唐宋元以

前人語殆出自宋元以後觀山井鼎亦疑之

則其事固可知矣特以海外祕文人所樂觀

使不實見其書終不知所謂古文孝經孔傳

不過如此轉爲好古者之所惜故特錄存之

而其列其始末如右

阮元孝經注疏校勘記序曰孝經有古文有

今文有鄭注有孔注今不傳近出於日本國

者誕妄不可據要之孔注即存不過如尙書

之僞傳決非真也

按鮑氏知不足齋叢書所刊附宋本古文

孝經一卷即崇文總目陳氏書錄宋藝文

志所載者是也雖非漢志之舊猶是唐以

來相傳較孔傳爲近實

孝經一卷鄭氏注

鄭氏有周易注見前易類

漢書藝文志孝經一篇十八章

後漢書鄭玄傳凡玄所注周易尙書毛詩儀

禮禮記論語孝經章懷太子曰案謝承書載

玄所注與此略同不言注孝經唯此書獨有

也

釋文敍錄世所行鄭注相承以爲鄭玄案鄭

志及中經簿無唯中朝穆帝集講孝經云以

鄭玄爲主檢孝經注與康成注五經不同未

詳是非江左中興孝經論語共立鄭氏博士

一人古文孝經世既不行今隨俗用鄭注十

八章本

本志篇敍曰又有鄭氏注相傳或云鄭玄其

立義與玄所注餘書不同故疑之

唐日本國見在書曰孝經一卷鄭玄注

唐書經籍志孝經又一卷鄭玄注

唐書藝文志孝經鄭玄注一卷

宋史藝文志鄭氏注孝經一卷

崇文總目孝經一卷鄭康成注先儒多疑其

書唯晉孫景集解以此注爲優請與孔注並

行奏可按孫景即荀視見後集解即集議今太學所

立陸德明釋文與此相應五代兵興中原久

逸其書咸平中日本僧以此書來獻議藏祕

府

陳氏書錄解題曰孝經注一卷漢鄭康成撰

世傳秦火之後河間人顏芝得孝經藏之以

獻河間王今十八章是也相承云康成作注

而鄭志目錄不載故先儒並疑之及唐開元

中詔議孔鄭二家劉知幾以爲宜行孔廢鄭

諸儒非之卒行鄭學按三朝志五代以來孔

鄭注皆亡周顯德中新羅獻別序孝經即鄭

注者而崇文總目以爲咸平中日本國僧裔

然所獻未詳孰是世少有其本乾道中熊克

子復從袁樞機仲得之刻於京口

嚴氏鐵橋漫稿孝經鄭氏注敍曰鄭氏注孝

經始見晉中經簿嘉慶初我鄭鄭氏於海舶

得日本所刊魏徵羣書治要其中有孝經十

七章則鄭氏注也兼得彼國所刊鄭氏注專

行本與治要同治要於經注有刪節又無喪

親章非全本余觀陸德明經典釋文孝經用鄭氏注本明皇御注亦用鄭氏注甚多元行冲等正義逐條舉出云此依鄭注又徧觀孔穎達詩禮記正義賈公彥儀禮周禮疏失名公羊疏裴駟史記集解劉昭續漢志注補沈約宋書蕭子顯齊書劉肅大唐新語王溥唐會要甄鸞五經算術虞世南原本北堂書鈔李善文選注徐堅初學記釋慧苑華嚴音義白孔六帖李昉太平御覽樂史太平寰宇記王應麟玉海都引孝經鄭氏注彙而錄之以補治要之闕注明出處以備覆查考覈異同酌加按語不敢臆定尙闕數十百字無從據補蓋至是而孝經鄭氏注亡而復存非劉炫古文所可同日而道矣宜登之祕府頒學官刊行以傳百世或問曰陸澄與王儉書云孝經題爲鄭玄注觀其用詞不與注書相類玄自序所注衆書亦無孝經陸德明亦云檢孝經注與注五經不同如二陸說注或可疑答曰不然鄭氏著書百餘萬言非旦夕可就先後不類非所致疑卽如五經注亦或不類坊記正義引鄭志答吳模云爲記注時就盧君先師亦然後乃得毛公傳記古書義又且然記注已行不復改之禮器正義亦引鄭志云後得毛詩傳故與記不同若然詞不相類詩禮亦有之何至孝經至謂自序所注衆書無孝經尤爲偏據劉炫述義引鄭六藝論云孔子以六藝題目不同指意殊別恐道離散後世莫知根源故作孝經以總會之宋均孝經

緯注引鄭六藝論敘孝經云玄又爲之注此二事並見孝經正義明是自序遺漏鄭氏又別爲孝經序禮記緇衣正義大唐新語寰宇記玉海各引一事余既采列本經注篇端茲故不載就余所聞鄭志及謝承薛瑄司馬彪袁山松等書載鄭氏所注無孝經范書有孝經無周禮皆是遺漏正義云晉中經簿稱鄭氏解經典序錄云中經簿無則所據本異也按中經簿有鄭氏無鄭玄故後儒疑之蓋不以鄭氏爲鄭玄也或又問曰近人疑孝經鄭小同注何據乎答曰此說始於太平寰宇記謂今孝經序蓋康成徹孫所作蓋者疑詞徹孫必誤近刻改爲胤孫近似矣然而舊無此說經典序錄云世所行鄭注相承以爲鄭玄引晉穆帝集講孝經云以鄭玄爲主陸澄所見宋齊本題鄭玄注舊唐志新唐志稱鄭玄注未有題鄭小同者也又全後漢文編曰孝經注或言鄭小同作今據唐會要七十七引鄭玄六藝論敘孝經云玄又爲之注明非小同作也孫祠書目孝經鄭注一卷一陳鱣集本一孔廣林集本又一卷日本國傳本洪頤煊補證鮑氏知不足齋刊本張氏書目答問孝經鄭氏解輯一卷臧庸輯知不足齋本孝經鄭氏注一卷嚴可均輯自著四錄堂類集本按鄭氏注孝經自南齊書陸澄傳釋文敘錄王制疏困學紀聞諸書皆疑鄭氏非鄭

玄唐會要載劉知幾奏議設十二驗請廢鄭立孔其言甚辨然皆嚴鐵橋先生所謂偏據非會通之說也其他諸說紛然有謂此鄭氏爲小同者又有謂是鄭僞者諸所記載雖千萬言不能盡要以嚴氏之說爲定嚴氏彙聚羣言悉心考訂最爲詳審非他家單文孤證莫衷壹是者所能奪今故詳錄其序及文編附記之文如右餘皆從略焉又按阮文達孝經注疏校勘記序云近日本國又撰鄭注一本流入中國此僞中之僞尤不可據侯氏康補後漢藝文志亦沿其說云日本國僞本不足信不知其本卽魏鄭公羣書治要所載猶是唐初相傳魏晉六朝以來之舊笈與陸氏釋文所用之本同時不相上下最可憑信亦唯嚴氏能別白而表出之故余以爲嚴氏之說不易之論也梁有馬融注孝經一卷亡馬融有周易注見前易類釋文敘錄曰後漢馬融亦作古文孝經傳而世不傳又曰孔安國馬融並注孝經黃震日鈔曰孝經鄭康成諸儒主今文孔安國馬融主古文侯康補後漢書藝文志通鑑漢平帝元始四年宗祀孝文以配上帝胡三省注引馬融曰上帝泰一之神在紫微宮天之最尊者康按隋志已列馬注於亡書內胡身之無緣得見

據書釋文則此乃肆類於上帝注或注孝經亦與之同而胡身之從他書轉引耶 按余氏古經解劉沈采此條入孝經故侯氏有此言謂當從釋文入尚書注也

梁有鄭衆注孝經一卷亡

鄭衆有左氏傳條例見前春秋類

釋文敘錄馬融鄭衆鄭玄並注孝經

本志篇敘曰鄭衆馬融並爲之注

孝經一卷王肅解

王肅有易注見前易類

釋文敘錄孔安國馬融鄭衆鄭玄王肅並注

孝經

唐會要開元七年左庶子劉知幾議曰王肅

孝經傳首有司馬宣王之奏云奉詔令諸儒

注述孝經以肅說爲長

唐書經籍志孝經一卷王肅注

唐書藝文志孝經王肅注一卷

馬國翰輯本序曰王肅注孝經一卷今佚從

注疏釋文史記集解通鑑注輯錄二十二節

子雍好攻鄭氏學此解不見有駁難之語蓋

唐明皇帝作注時悉汰去之 按侯氏補後漢藝

文志云劉知幾十二驗中謂王肅好發揚鄭短而無言攻

擊孝經注然考郊特牲疏引王肅難鄭孝經注社后土也

之文是肅未嘗無言此一事亦不足疑也

梁有魏散騎常侍蘇林注孝經一卷亡

魏志劉劭傳劭同時東海繆襲襲友人山陽

仲長統散騎常侍蘇林等亦有才學多所述

敘頗傳於世魏略曰林字孝友博學多通古

今字指凡諸書傳文間危疑林皆釋之建安中爲五官將文學甚見禮待黃初中爲博士給事中文帝作典論所稱蘇林者是也以老歸第國家每遣人就問之數加賜遺年八十餘卒

又高堂隆傳始景初中帝以蘇林秦靜等並

老恐無能傳業者乃詔科郎吏高才解經義

者三十人從光祿勳隆散騎常侍林博士靜

分受四經三禮主者具爲設科試之法數年

隆等皆卒學者遂廢

顏師古漢書敘例曰蘇林字孝友一云彥友

陳留外黃人魏給事中領祕書監散騎常侍

永安衛尉太中大夫黃初中遷博士封安成

亭侯

釋文敘錄王肅蘇林並註孝經

唐書經籍志孝經又一卷蘇林注

唐書藝文志孝經蘇林注一卷

梁有魏吏部尚書何晏注孝經一卷亡

魏志曹爽附傳南陽何晏有聲名進趨於時

明帝以其浮華抑黜之及爽秉政乃復進敘

任爲腹心以晏爲尚書典選舉正始十年太

傅司馬宣王收爽晏等皆伏誅晏何進孫也

母尹氏爲太祖夫人晏長於宮省又尚公主

以才秀知名好老莊言

又曹爽傳注魏略曰太祖爲司空時納晏母

并收養晏而晏尚主又好色故黃初時無所

事任及明帝立頗爲尤官至正始初曲合於

曹爽亦以才能故爽用爲散騎侍郎遷侍中

尚書又前以尚主得賜爵爲列侯按論語集解上奏嬰尚書駙馬都尉關內侯蓋終於昆官也

世說言語篇注魏略曰何晏字平叔南陽宛

人漢大將軍進孫也或曰何苗孫也爲司馬

宣王所誅 按何苗何進弟也見後漢書何進傳又邢

序疏曰何進之孫咸之子也

釋文敘錄蘇林何晏並注孝經

梁有光祿大夫劉劭注孝經一卷亡

魏志本傳劭字孔才廣平邯鄲人也建安中

爲計吏詣許拜太子舍人遷祕書郎黃初中

爲尚書郎散騎侍郎明帝即位出爲陳留太

守徵拜騎都尉遷散騎常侍正始中執經講

學賜爵關內侯凡所撰述法論人物志之類

百餘篇卒追贈光祿勳

唐元宗御注序曰韋昭王肅先儒之領袖虞

翻劉劭抑又次焉

釋文敘錄劉劭字孔才廣平人魏光祿勳注

孝經一云劉熙

唐書經籍志古文孝經一卷劉劭注

唐書藝文志古文孝經劉劭注一卷

按劉劭所注爲古文惟兩唐志別出之

梁有孫氏注孝經一卷亡

釋文敘錄孫氏不詳何人注孝經

唐書經籍志孝經一卷孫熙注

唐書藝文志孝經孫熙注一卷

經義考曰按七錄有孫氏注孝經一卷釋文

敘錄云不詳何人當即熙也

侯康補三國藝文志曰孫氏朝代不可考隋

志列於蘇林何晏劉邵之後唐志列於韋昭之後蘇林之前當為三國時人

按吳志宗室孫靜傳靜堅季弟也次子瑜

好樂墳典雖在戎旅誦聲不絕瑜次子熙

附見孫賁傳後云歷列位而不著為何官

蓋孫堅之孫孫權之從子不知即此孫熙

否也

孝經解讚一卷韋昭解

韋昭有毛詩答難問見前詩類

釋文敍錄劉邵韋昭並注孝經

唐書經籍志孝經一卷韋昭注

唐書藝文志孝經韋昭注一卷

馬國翰輯本序曰韋氏解讚隋唐志著錄今

佚從正義所引得十節又儀禮經傳通解引

一節正義脫文也並據輯錄其說衣美不安

食旨不甘訓義切實與鄭康成箋詩相似至

郊祀后稷以配天全用鄭義然則書名解讚

或讚鄭解也歟

孝經嘿注一卷徐整注

徐整有詩譜見前詩類

釋文敍錄韋昭徐整並注孝經

唐書經籍志孝經默注二卷徐整撰

唐書藝文志孝經徐整默注二卷

集解孝經一卷謝萬集

謝萬有周易繫辭注見前易類

唐日本國見在書目孝經一卷謝萬集解

唐書經籍志孝經一卷謝萬注

唐書藝文志孝經謝萬注一卷

馬國翰輯本序曰萬為安之弟其書久佚今

從邢昺正義輯錄四節又得謝安說五刑之

屬一節亦併附錄

集議孝經一卷晉中書郎荀勗撰亡晉當為宋勗當

為勗亡字衍

宋書荀伯子傳伯子穎川穎陰人也族弟昶

字茂祖與伯子絕服五世元嘉初以文義至

中書郎昶子萬秋亦用才學顯

釋文敍錄荀昶字茂祖穎川人宋中書郎注

孝經

唐會要左庶子劉知幾議曰晉穆帝永和十

一年及孝武帝太元元年再聚羣臣共論經

義有荀茂祖者撰集孝經諸說始以鄭氏為

宗

又國子祭酒司馬貞議曰荀昶集解孝經具

載鄭注而其序以鄭為主義曰荀昶集解之

時尚有孔傳

唐日本國見在書目孝經集議二卷荀茂祖

撰

唐書經籍志講孝經集議一卷荀勗撰

唐書藝文志荀勗講孝經集議一卷按兩志

皆誤為荀勗

按荀茂祖是書前一卷為集議及自序後

一卷為集解集議者集晉永和太元兩朝

之議此所著錄一卷是也劉知幾司馬貞

所言即本諸此集解則集孔傳以下諸家

之解以鄭氏為宗隋時亡矣而七錄及日本國書目皆有之本志下文注云梁有荀

勗注孝經二卷即其全書日本書目云集

議二卷則據前一卷之名以統之也

集議孝經一卷晉東陽太守袁敬仲集袁敬仲當

為袁彥伯此殆因漢衛宏字敬仲而誤

晉書文苑傳袁宏字彥伯陳留陽夏人謝尚

為豫州刺史引宏參軍事累遷大司馬桓溫

府記室與伏滔同在溫府府中呼為袁伏後

自吏部郎出為東陽郡太元初卒於東陽時

年四十九

釋文敍錄袁宏字彥伯陳郡人東晉東陽太

守注孝經

按經義考袁敬仲袁宏兩出其目蓋失之

不考

梁有孝經皇義一卷宋均撰亡

本志識緯篇注曰魏博士宋均

唐會要左庶子劉知幾議曰宋均於詩緯序

云我先師北海鄭司農則均是玄之傳業弟

子也

册府元龜學較部注釋門宋均撰孝經皇義

一卷後為河內太守按後漢明帝時南陽宋均為

河內太守范滂有傳非此宋均册府誤也

按此孝經皇義舊在孝經緯中經義考亦

互見於志緯類

梁又存晉給事中楊泓注孝經一卷亡存當為

有字之誤別本皆作有

釋文敍錄楊泓天水人東晉給事中注孝經

嚴可均全晉文編曰楊泓爵里未詳宋書樂志一有泓拂舞序

梁又有處士虞槃佐注孝經一卷亡

釋文敘錄虞槃佑字弘猷高平人東晉處士注孝經

唐書經籍志孝經又一卷虞槃佐注

唐書藝文志孝經虞槃佐注一卷

按陸氏敘錄作槃佑未詳孰是

梁又有孫氏注孝經一卷亡

侯康補三國藝文志曰隋志又別有晉孫氏

孝經注一卷未知是重出抑別爲一人邢疏

序述注孝經諸人以孫氏列於東晉時蓋據

隋志後一人而言

按釋文敘錄列於謝萬楊泓之間亦似指

後一人

梁又有東陽太守殷仲文注孝經一卷亡

晉書叛逆傳殷仲文南蠻校尉凱之弟也少

有才藻從兄仲堪薦之於會稽王道子桓玄

之姊仲文之妻及玄篡位以佐命親貴玄爲

劉裕所敗隨玄西走至巴陵因奉二后投義

軍爲鎮軍長史轉尚書帝初反正爲東陽太

守義熙三年以謀反伏誅

釋文敘錄殷仲文陳郡人東晉東陽太守注

孝經

唐書經籍志孝經又一卷殷仲文注

唐書藝文志孝經殷仲文注一卷

馬氏玉函山房輯本序曰孝經殷仲文註今

惟邢昺正義引三節文選注引檀道鸞晉書

云仲文字仲文陳郡人

梁又有晉陵太守殷叔道注孝經一卷亡

晉書安帝本紀義熙三年春二月己酉車騎

將軍劉裕來朝誅東陽太守殷仲文南蠻校

尉殷叔文晉陵太守殷道叔永嘉太守略球

按此作殷道叔未詳孰是

宋書武帝本紀義熙三年二月高祖還京師

初桓玄之敗以桓冲忠貞署其孫胤至是府

將略冰謀以胤爲主與東陽太守殷仲文潛

相連結乃誅仲文及仲文二弟冰父永嘉太

守球凡桓玄餘黨至是皆誅夷

唐書經籍志孝經又一卷殷叔道注

唐書藝文志孝經殷叔道注一卷

梁又有丹陽尹車胤注孝經一卷亡

晉書本傳胤字武子南平人也恭勤不倦博

學多通桓温在荊州辟爲從事累遷主簿別

駕征西長史遂顯於朝廷寧康初爲中書侍

郎關内侯孝武帝嘗講孝經僕射謝安侍坐

尚書陸納侍講侍中卞耽執讀黃門侍郎謝

石吏部郎袁宏執經胤與丹陽尹王混摘句

時論榮之累遷侍中國子博士太常進爵臨

湘侯隆安中加輔國將軍丹陽尹遷吏部尚

書卒

釋文敘錄車胤字武子南平人東晉丹陽尹

注孝經

梁又有孔光注孝經一卷亡

釋文敘錄孔光字文泰東莞人注孝經

唐書經籍志孝經又一卷孔光注

唐書藝文志孝經孔光注一卷

按此孔光據釋文及兩唐志敘次蓋晉宋

閩人册府元龜云孔光注孝經一卷至太

傅卒闕里文獻考云十四代孫漢太師博

山侯光作孝經注一卷皆以爲漢之孔光

誤也

梁又有荀勗注孝經二卷亡 勗當爲勗

荀昶有集議孝經一卷見前

按此二卷卽荀茂祖原書前一卷爲集議

後一卷爲集解亦詳具於前

梁又有宋何承天注孝經一卷亡

何承天有禮論見前禮類

宋書本傳元嘉十九年立國子學以本官領

國子博士皇太子講孝經承天與中庶子顏

延之同爲執經

釋文敘錄何承天東海人宋廷尉卿注孝經

按宋書禮志文帝元嘉二十二年四月皇

太子講孝經通釋奠國子學如晉故事按

此皇太子卽元凶劼也南史周弘正傳梁

大通中稍遷國子博士學中有宋元凶講

孝經碑歷代不改弘正始到官卽表刊除

此一卷蓋何氏自爲之注故得傳至唐初

猶存若爲元凶講義亦必早經刊除與碑

文滅迹矣

梁又有費沈注孝經一卷亡

費沈有喪服集議見前禮類

梁又有齊光祿大夫王玄載注孝經一卷亡

南齊書本傳玄載字彥休下邳人也仕宋至

益州刺史後軍將軍封郛縣子入齊爲左民

尚書光祿大夫兗州刺史永明六年卒時年

七十六諡烈子

釋文敍錄王玄戴字彥運大口人齊光祿大夫注孝經

盧文弼釋文考證曰王玄戴下邳人舊下字誤為大邳字空闕今補正隋志戴作載老子有王玄載注釋文亦作載此戴字誤也

梁又有國子博士明僧紹注孝經一卷亡

南齊書高逸傳明僧紹字承烈平原高人也

明經有儒術永明元年世祖敕召稱疾不肯見詔徵國子博士不就卒

梁書明山賓傳山賓父僧紹隱居不仕宋末

徵國子博士不就南史列傳云僧紹子元琳仲璋

山賓並傳家業山賓最知名

釋文敍錄明僧紹字承烈平原人國子博士徵不起注繫辭注孝經

梁又有梁五經博士嚴植之注孝經一卷亡

梁書儒林傳嚴植之字孝源建平秭歸人也少善莊老能玄言精解喪服孝經論語及長

徧習鄭氏禮周易毛詩左氏春秋仕齊為廣

漢王國右常侍梁天監四年初置五經博士各開館教授以植之為五經博士植之館在

潮溝生徒常百數講說有區段次第析理分

明每當登講五館生畢至聽者千餘人遷中

撫記室參軍猶兼博士卒於館

馬氏玉函山房輯本序曰嚴植之孝經注唐

志不著錄佚已久邢昺正義引三節又引先

儒之說二條則嚴亦在內合輯錄之史稱植

之習鄭氏禮則注孝經亦必以康成為宗

梁又有尚書功論郎曹思文注孝經一卷亡

嚴可均全梁文編曰曹思文齊永泰時領國

子助教梁受禪為尚書論功郎有孝經注一

卷

梁又有羽林監江系之注孝經一卷亡

江系之始末未詳

梁又有江遜注孝經一卷亡

江遜始末未詳

按梁書文學何遜傳濟陽江避為南平王

大司馬府記室避博學有思理更注論語

孝經此江遜疑即江避之譌

梁又有釋慧始注孝經一卷亡

梁釋慧皎高僧傳偽秦蒲坂釋法羽十五出家為慧始弟子始立行精苦修頭陀之業羽

深達其道云

梁又有陶弘景集注孝經一卷亡

陶弘景有毛詩序注見前詩類

南史隱逸傳弘景所著有孝經論語集注

陶翊撰華陽隱居本起錄曰孝經論語集注

并自立意共一帙十二卷按十二卷者當是論

語十卷孝經二卷也

梁又有諸葛循孝經序一卷亡

諸葛循始末未詳

孝經一卷釋慧琳注

宋書天竺迦毗黎國附傳沙門慧琳者秦郡

秦縣人姓劉氏少出家住治城寺有才章兼

外內之學為廬陵王義真所知嘗著均善論

行於世舊僧謂其貶黜釋氏欲加擯斥太祖

見論賞之元嘉中遂參權要朝廷大事皆與

議焉賓客輻輳門車常有數十兩四方贈賂

相係勢傾一時注孝經及莊子逍遙篇文論

傳於世

南史顏延之傳延之為太常時沙門釋慧琳

以才學為文帝所賞朝廷政事多與之謀遂

士庶歸仰上每引見常升獨榻延之甚疾焉

因醉白上曰昔同子驂乘袁絲正色此三台

之座豈可使刑餘居之上變色

釋文敍錄釋慧琳秦郡人宋世沙門注孝經

以上為傳注之屬

梁有晉穆帝時晉孝經一卷武帝時送總明館

孝經講議各一卷亡

晉書本紀穆帝永和十二年二月辛丑帝講

孝經升平元年三月帝講孝經按此下當有通

字或單字親釋奠於中堂又孝武帝寧康三年

九月帝講孝經十二月癸巳帝釋奠於中堂

祠孔子以顏回配

又禮志穆帝升平元年三月帝講孝經通孝

武寧康三年七月帝講孝經通並釋奠如故

事穆帝孝武並權以中堂為太學云

釋文敍錄曰中朝穆帝集講孝經以鄭玄為

主

世說言語篇孝武將講孝經謝公兄弟與諸

人私庭講習車武子難苦問謝謂袁羊曰不

問則德音有遺多問則重勞二謝袁曰必無

此嫌車曰何以知爾袁曰何嘗見明鏡疲於

屢照清流憚於惠風注續晉陽秋曰寧康三

年九月九日帝講孝經僕射謝安侍坐吏部尚書陸納兼侍中下耽讀晉書作下耽讀黃門侍郎謝石吏部袁宏兼執經中書郎車胤丹陽尹王混摘句按此引續晉陽秋與晉書車胤傳詳略互見二謝謂謝安謝石袁宏袁喬小字也

按總明館始於宋明帝泰始六年至齊武帝永明三年省就王儉宅開學士館以總明四部書充之見宋書本紀齊書王儉傳此條攷誤殆不可曉以下文之例推之當是晉穆帝時講晉孝武帝時講孝經講議各一卷或宋明帝齊武帝敕送總明館者歟

梁有宋大明中東宮講孝經義疏一卷亡

宋書前廢帝本紀帝諱子業孝武帝長子也孝武帝踐阼立爲皇太子大明二年出東宮四年講孝經於崇正殿

唐書經籍志大明中皇太子講孝經義疏一卷何約之執經

唐書藝文志何約之大明中皇太子講孝經義疏一卷何約之始末未詳是書或卽所編定者

梁有齊永明三年東宮講孝經義疏一卷亡

南齊書本紀武帝永明三年八月戊午以尚書令王儉領太子少傅冬十月壬戌詔曰皇太子長懋講畢當釋奠王公以下可悉往觀禮

南史豫章文獻王嶷傳永明元年領太子太傅三年文惠太子講孝經學處求解太傅不許豫章王高帝第二子武帝弟文惠太子叔父也講孝經時處爲太傅王儉爲少傅云

又禮志永明三年冬皇太子講孝經親臨釋奠車駕幸聽

齊書南史列傳文惠皇太子長懋字雲喬武帝長子也引接朝士會稽虞炎濟陽范岫汝南周顒陳郡袁廓並以學行才能應對左右永明三年於崇正殿講孝經少傅王儉以適句令太子僕周顒撰爲義疏齊書周顒傳顒卒官時會王儉講孝經未畢舉曇濟自代學者榮之

按周顒傳云舉曇濟自代者代其所撰未畢之義疏也然則是書始作於周顒成於謝曇濟謝有毛詩檢漏義見前詩類

梁有齊永明中諸王講孝經義疏一卷亡

馬國翰輯本序曰隋志載齊永明中諸王講孝經義疏一卷唐志不著目佚已久考南齊書文惠太子傳永明五年冬太子臨國學親臨策試諸生下載太子問王儉張緒及竟陵王子良臨川王暕問答凡十四節傳言永明五年與隋志所稱永明中諸王講正合茲據輯補太子以長年臨學與諸王一堂諮論皆前代所未有錄列一家東宮講義大旨亦於此見其略云

按馬氏以文惠太子傳所載問答謂卽諸王講不知是否也又齊書本紀云永明四年三月辛亥國子講孝經車駕幸學賜國子祭酒博士助教絹各有差此題諸王講不云國學講亦不知是否卽此事

梁有賀瑒講義孝經義疏各一卷亡

賀瑒有喪服義疏見前禮類
梁有齊臨沂令李玉之爲始興王講孝經義疏二卷亡

李玉之有周易乾坤義見前易類
南史齊高帝諸子傳始興簡王鑑字宣徹高帝第十子也年十四爲益州刺史好學善屬文不重華飾器服清素有高士風王儉常歎云始興王雖尊貴而行履都是素士

孝經義疏十八卷梁武帝撰

梁武帝有易書詩禮大義並見前
梁書朱异傳武帝召見使說孝經周易義甚悅之其年帝自講孝經使异執讀

又武帝本紀中大通四年三月庚午侍中領國子博士蕭子顯上表置制旨孝經助教一

人生十人專通高祖所釋孝經義陳書文學掌之敬傳之敬年十六值春秋左丘制旨孝經義擢爲高第

唐書經籍志孝經疏十八卷梁武帝撰

唐書藝文志梁武帝孝經疏十八卷

馬氏玉函山房輯本序曰隋唐志並載梁武帝義疏十八卷今佚邢昺正義引三節又從武帝集得說明堂一節合輯爲帙其訓仲尼云邱爲聚尼爲和說太迂曲宜爲邢氏所不取其說天子士二章之義辨化辨情固自入理也

按魏書儒林李業興傳天平四年與李諧盧元明使蕭衍衍散騎常侍朱异曰明堂圓方之說經典無文業興曰圓方之言出處甚明卿自不見見卿所錄梁主孝經義

亦云上圓下方則是書為朱昇所錄昇有集注周易見易類

梁有皇太子講孝經義三卷天監八年皇太子講孝經義一卷亡

梁書南史梁武帝諸子傳昭明太子統字德施小字維摩武帝長子也天監元年十一月立為皇太子時年幼依舊於內拜東宮官屬文武皆入直永福省五年五月出居東宮太子生而聰敏三歲受孝經論語五歲徧讀五經悉通諷誦八年九月於壽安殿講孝經盡通大義講畢親臨釋奠於國學

又徐勉傳天監六年領太子中庶子侍東宮昭明太子尚幼敕知宮事太子嘗於殿內講孝經臨川靜惠王尚書令沈約備二傅勉與國子祭酒張充為執經王瑩張稷柳愷王暕為侍講時選極親賢妙盡時譽

按前三卷是三歲時保傅所進之講章其後一卷則天監八年壽安殿所講之大義也

梁有梁簡文孝經義疏五卷亡

梁簡文帝有毛詩十五國風義見前詩類

陳書儒林張譏傳譏遷士林館學士簡文在東宮出士林館發孝經題譏論議往復甚見嗟賞自是每有講集必遣使召譏張譏有周易講疏見易類疑此為譏所撰錄陳書載譏有孝經義八卷此五卷疑在其中

按梁書南史本紀皆不載帝有此書或亦編入長春義記一百卷中

梁有蕭子顯孝經義疏一卷亡

孝經敬愛義一卷梁吏部尚書蕭子顯撰

梁書蕭子恪傳子恪蘭陵人齊豫章文獻王嶷第二子也子恪兄弟十六人子顯字景陽子恪第八弟七歲封寧都縣侯天監初降爵為子大通三年領國子博士高祖所製經義按本紀當云孝經義 未列學官子顯在職表置助教一人生十人其年遷國子祭酒加侍中於學遞述高祖五經義五年遷吏部尚書子顯性凝簡頗負其才氣及掌選見九流賓客不與交言但舉扇一搗而已衣冠竊恨之大同三年出為仁威將軍吳興太守至郡未幾卒時年四十九及葬請諡手詔才傲物宜諡曰驕

按七錄所有義疏一卷當作於為博士祭酒之時敬愛義邢昺云愛之與敬解者衆多此乃專為一書以明其義金樓子與王篇云武帝於鍾山起大愛敬寺以奉太祖又立言篇云竊尋孝經所說必稱先王蓋是先王之行不敢以不行也伏見臺內別造至敬殿甘旨百品月祭日祀又為寢室畀定晨省如平生焉此敬愛義所由作歟

孝經私記四卷無名先生撰

按此無名先生似即撰周易私記者詳見易類

孝經義一卷 不著撰人

孝經義疏一卷趙景詔撰

趙景詔始末未詳

孝經義疏三卷皇侃撰

皇侃有喪服文句義見前禮類

南史儒林傳侃尤明三禮孝經又曰侃性至孝常日限誦孝經二十遍以擬觀世音經釋文敘錄曰皇侃撰孝經義疏按釋文載注孝經者自孔安國以下凡二十四家為義疏者唯皇氏一家

唐書經籍志孝經義疏三卷皇侃撰

唐書藝文志孝經皇侃義疏三卷

馬氏玉函山房輯本序曰皇氏義疏隋唐志並三卷今佚從邢昺正義輯錄一十八節孫奭序譏其義疏辭多紕繆理味精研然就邢氏所引固皆摭拾菁華矣

孝經私記二卷周弘正撰

周弘正有周易義疏見前易類

陳書本傳太建五年授尚書右僕射祭酒中正如故尋敕侍東宮講論語孝經太子以弘正朝廷舊臣德望素重於是降情屈禮橫經請益有師資之敬焉又曰所著論語疏十一卷孝經疏兩卷行於代

唐日本國見在書目孝經私記二卷周弘正撰

千文孝經述義五卷劉炫撰 千文當是古文之誤

劉炫有尚書述義見前書類

北史儒林傳炫著孝經述義五卷 本志篇敘曰至隋秘書監王劭於京師訪得孔傳送至河間劉炫炫因序其得喪述其義疏講於人間漸聞朝廷後遂著令與鄭氏並

立

唐會要劉知幾議曰隋開皇十四年祕書學士王孝逸於京市陳人處買得一本送與著作郎王劭劭以示河間劉炫仍令校定而此書更無兼本難可依憑炫輒以所見率意刊改因著古文孝經稽疑一篇

唐日本書目孝經述義五卷劉炫撰又有孝經去惑一卷按去惑似即劉知幾所謂稽疑一篇也

唐書經籍志孝經述義五卷劉炫撰

唐書藝文志劉炫孝經述義五卷

王謨漢魏遺書鈔曰邢昺孝經疏中引劉炫

義獨有本末今鈔出凡十一條

馬國翰輯本序曰隋唐志並載述義五卷今佚邢昺正義引之其稽疑一篇附著孝經序

正義據輯為卷至閨門一章世儒或疑炫偽

作然漢初長孫氏傳今文即有之豈後人所

偽為孫本固嘗辨論之矣

孝經講疏六卷徐克撰

陳書徐陵傳陵字孝穆東海郟人孝克陵之

第三弟也少為周易生有口辯能談玄理既

長遍通五經梁太清初起家為太學博士陳

太建中為通直散騎常侍國子祭酒至德中

皇太子入學釋奠百司陪列孝克發孝經題

後主詔皇太子北面致敬陳亡隨例入關開

皇十年隋文帝授國子博士侍東宮講禮傳

十九年以疾卒年七十三

又後主本紀至德三年十二月皇太子出太

學講孝經講畢釋奠於先師禮畢設金石之

樂會宴王公卿士

又後主十一子傳吳與王胤後主長子也後

主即位立為皇太子胤性聰敏好學執經肄

業終日不倦博通大義兼善屬文至德二年

躬出太學講孝經講畢又釋奠于先聖先師

其日設金石之樂於太學王公卿士及太樂

生並預宴禎明二年廢為吳興王仍加侍中

中衛將軍三年入關卒於長安

册府元龜學校部注釋門徐孝克為散騎常

侍入隋為國子博士撰孝經講疏六卷

孝經義一卷梁揚州文學從事太史叔明撰

梁書南史儒林沈峻傳峻好學與舅太史叔

明師事宗人沈麟士叔明與烏程人吳太

史慈後也少善莊老兼通孝經論語禮記尤

精三玄為國子助教邵陵王綸好其學及出

為江州攜叔明之鎮王遷鄧州又隨府所至

輒講授故江州人士皆傳其學大同十三年

卒年七十三按梁書邵陵王綸高祖第六子也晉

通元年為江州刺史中大通四年為揚州刺史此顯揚州

文學從事或其書作於吳時

唐書經籍志孝經發題四卷太史叔明撰

唐書藝文志太史叔明孝經發題四卷

梁有孝經玄一卷亡

不著撰人

唐日本國見在書目孝經玄一卷

按此殆以玄義解釋孝經者

梁有孝經圖一卷亡

不著撰人

按唐張彥遠歷代名畫記引貞觀公私畫

史曰謝稚陳郡陽夏人初為晉司徒主簿

入宋為寧朔將軍西陽太守有孝經圖一

卷似即此書又兩唐志有孝經瑞應圖一

卷亦似此書

梁有孝經孔子圖二卷亡

不著撰人

按本志識緯類云梁有孝經內事星宿講

堂七十二弟子圖一卷又口授圖一卷似

即此書

國語孝經一卷

本志敘曰魏氏遷洛未達華語孝文帝命侯

伏侯可悉陵以夷言譯孝經之旨教於國人

謂之國語孝經今取以附此篇之末

按本志小學家有國語物名四卷國語雜

物名三卷亦云後魏侯伏侯可悉陵撰似

與此書同時所作其人始末不可考周書

武帝建德元年紀及宇文護傳有柱國侯

伏侯龍恩疑侯伏侯為封爵名又似北魏

三字姓然魏書官氏志及民姓諸書皆不

載此爵亦無此氏魏太武帝時有可悉陵

見魏書常山王遵傳遵之孫官都幢將封

暨陽子不云侯伏侯亦遠在孝文之前蓋

別是一人鄧名世古今姓氏書辨證據以

為可悉氏若是則侯伏侯其官爵可悉其

氏陵其名孝文帝太和時人然亦不知是

否也

自晉穆帝至此為講疏義疏之屬附以圖

及國語孝經別爲一類

右十八部合六十三卷通計亡書合五十九部一百一十四卷實著錄二十部附注亡書四十部通計六十部

隋書經籍志考證卷八

經部八

論語類 類中分類凡七

論語十卷鄭玄注

鄭玄有易注見前易類

魏何晏論語集解敘曰漢中壘校尉劉向言魯論語二十篇皆孔子弟子記諸善言也齊論語二十二篇有問王知道多於魯論二篇古論有兩子張凡二十一篇篇次不與齊魯論同安昌侯張禹本受魯論兼講齊說善者從之號曰張侯論爲世所重包氏周氏章句出焉古論惟博士孔安國爲之訓解而世不傳至順帝時南郡太守馬融亦爲之訓釋漢末大司農鄭玄就魯論篇章考之齊古爲之注

釋文敘錄曰論語者鄭康成云仲弓子夏等所撰定漢興傳者有三家魯論語者魯人所傳卽今所行篇次是也齊論語者齊人所傳別有問王知道二篇凡二十二篇古論語者出自孔氏壁中凡二十一篇有兩子張安昌侯張禹受魯論齊論擇善而從號曰張侯論最後而行於漢世後漢包咸周氏並爲章句列於學官鄭玄就魯論張包周之篇章考之齊古爲之注焉又曰鄭玄注十卷又音義曰鄭校周之本以齊古讀正凡五十事
本志篇序曰漢末鄭玄以張侯論爲本參考齊論古論而爲之注梁陳之時唯鄭玄何晏立於國學而鄭氏甚微周齊鄭學獨立至隋

何鄭並行鄭氏盛於人間

唐書經籍志論語十卷鄭玄注

唐書藝文志論語鄭玄注十卷

王謨漢魏遺書鈔曰鄭注論語至趙宋始不入志意五代之際其書已亡頃得元和惠定宇先生輯本二卷據盧抱經序言原本亦深寧所輯但以愚所鈔輯羣書校之猶多遺漏因就惠本更加補訂凡共鈔出三百四十一條

馬國翰輯本序曰近有集鄭注論語二卷託名王應麟者所收有未盡海寧陳鱣論語古訓搜采詳備茲據錄之仍其十卷之舊云
鄭珍鄭學錄曰論語注釋文隋唐志皆十卷後亡宋王應麟掇拾羣書輯爲一卷嘉慶初宋教授翔鳳復補輯爲二卷

德清俞樾論語鄭義錄要曰鄭康成注論語不傳何晏集解所采外散佚多矣余讀詩箋禮注往往有及論語者始知何氏所采鄭注如盡徹乎則非其全文吾未見好德如好色章則實是鄭注而不言鄭至季氏富於周公章則與今本并有異同故一一蒐輯以存鄭學

孫祠書目論語鄭注二卷宋王應麟撰又十卷孔廣林集本

張氏書目答問論語鄭注十卷宋翔鳳輯浮溪精舍本

梁有古文論語十卷鄭玄注亡
侯康補後漢書藝文志曰康按諸書皆但言

康成以齊古校正魯論未開別撰古文注且古文與魯論不同者亦不過兩子張及四百餘字之異 按桓譚新論曰古論語二十篇文異者四百餘字 既注魯論亦無容別注古文也然七錄所有姑存疑

按舊唐志有論語釋義十卷鄭玄注新志云論語鄭玄注十卷又注論語釋義一卷論語篇目弟子一卷釋義本志不載疑即是書不知釋何人之義考馬氏嘗注古文論語或為馬氏而作原本一卷篇目弟子在其後後人編為十卷至隋僅存篇目弟子故下文有論語孔子弟子目錄一卷也

梁又有王肅注論語十卷亡

王肅有易注見前易類

釋文敍錄論語王肅注十卷

唐書經籍志論語十卷王肅注

唐書藝文志王肅注論語十卷

馬國翰輯本序曰王肅論語注今佚不可見惟何晏集解引凡三十九節皇侃義疏邢昺疏韓愈筆解引肅說而非何氏所采者又得七節哀輯一卷肅好攻駁康成往往強詞求勝前儒多非之然其說管仲不死子糾之難以爲君臣之義未正成實有特識又皇疏引王朗說四節考魏志本傳不言朗著論語七錄隋唐志亦均不載或者肅傳父業如續易傳之類朗說見肅書侃及見而稱之歟

梁又有虞翻注論語十卷亡

虞翻有周易注見前易類

吳志本傳翻又爲老子論語國語訓注皆傳於世

釋文敍錄論語虞翻注十卷

梁又有譙周注論語十卷亡

蜀志本傳周字允南巴西西充國人也耽古

篤學誦讀典籍研精六經建興中丞相亮領

益州牧命周爲講學從事亮卒大將軍蔣琬

領刺史徙爲典學從事總州之學者後主立

太子以周爲僕轉家令徙中散大夫遷光祿

大夫景耀六年冬魏鄧艾克江由長驅而前

後主從周策降時晉文王爲魏相國以周有

全國之功封陽城亭侯又下書辟周周發至

漢中困疾不進晉室踐阼累下詔所在發遣

周周遂與疾詣洛泰始三年至以疾不起就

拜騎都尉周乃自陳無功而封求還爵土皆

不聽許六年秋爲散騎常侍疾篤不拜至冬

卒時年七十一

釋文敍錄論語譙周注十卷字允南巴西人

晉散騎常侍不拜陽城亭侯

錢大昕十駕齋養新錄曰譙周論語注十卷

梁時尙存劉昭注續漢書曾一引之鄉人讎

注讎卻之也以葦矢射之

馬國翰玉函山房輯本序曰七錄有譙周論

語注十卷唐志不著錄而釋文敍錄有之今

佚惟釋文引一節續漢書禮儀志劉昭注引

一節

論語九卷鄭玄注晉散騎常侍虞喜讚

虞喜有周官駁難見前禮類

唐書經籍志論語又十卷鄭玄注虞喜讚

唐書藝文志虞喜讚鄭玄論語注十卷

馬氏玉函山房輯本序曰虞氏贊注久佚猶

幸皇侃義疏載其二節亟錄存之考鄭注子

桑伯子爲秦大夫王肅曰伯子書傳無見焉

茲取說苑孔子見伯子事隱規鄭說且以補

子雍之缺也使得觀其全書當必有蒐羅古

今而折衷微妙者

按下文注云梁又有新書對張論十卷虞

喜撰疑卽是書

集解論語十卷何晏集

何晏有考經注見前

敍曰前世傳授師說雖有異同不爲訓解中

間爲之訓解至於今多矣所見不同互有得

失今集諸家之善記其姓名有不安者頗爲

改易名曰論語集解光祿大夫關內侯臣孫

邕光祿大夫臣鄭冲散騎常侍中領軍安鄉

亭侯臣曹羲侍中臣荀顛尙書駙馬都尉關

內侯臣何晏等上邢昺疏曰正始中此五人

共上此論語集解也

晉書鄭冲傳初冲與孫邕曹羲荀顛何晏其

集論語諸家訓注之善者記其姓名因從其

義有不安者輒改易之名曰論語集解成奏

之魏朝於今傳焉

釋文敍錄魏吏部尙書何晏集孔安國包咸

周氏馬融鄭玄陳羣王肅周生烈之說并下

己意爲集解十卷正始中上之盛行於世今

唐書經籍志論語十卷何晏集解

唐書藝文志論語何晏集解十卷

宋史藝文志論語十卷何晏等集解

四庫提要曰皇侃義疏書前有奏進論語集

解序題孫邕等五人之名晉書亦兼稱五人

今本乃獨稱何晏者殆晏以親貴總領其事

歟晏何進之孫何咸之子也

遵義黎庶昌古逸叢書敍目曰覆正平本論

語集解十卷此書根源隋唐舊鈔字句與今

本異同甚夥往往合於陸氏釋文字畫亦奇

古卷末題塚浦道祐居士重新命工鏤梓正

平甲辰五月吉日謹誌正平甲辰當元順帝

至正二十四年其云重新鏤梓則以前有刻

本可知然時代無考矣

集注論語六卷晉八卷晉太保衛瓘注梁有論語

補闕二卷宋明帝補衛瓘闕亡

衛瓘有喪服儀見前禮類宋明帝有周易講

疏見前易類

宋書明帝本紀帝好讀書愛文義在藩時續

衛瓘所注論語二卷行於世

釋文敍錄論語衛瓘八卷少二卷宋明帝補

闕

唐書經籍志論語又十卷宋明帝撰衛瓘注

按撰當爲補

唐書藝文志宋明帝補衛瓘論語注十卷

經義考曰按釋文必有忠信如丘者焉引衛

氏集注焉於虔反爲下句首

馬國翰輯本序曰張璠周易集解二十八家

有衛瓘易義其書泯絕不可見其論語集注

今亦無傳釋文正義間引一二茲采皇侃義

疏及裴駟史記集解共得十五節合爲一卷

其說焉不如丘之好學也訓焉爲安句屬下

讀頗得神吻昔宋明補綴遺編蓋必有心折

於其論說者惜乎全豹之無從得窺也

論語集義八卷晉尚書左中兵郎崔豹集梁十卷

世說言語篇注晉百官名曰崔豹字正熊燕

國人惠帝時官至太府丞陳氏書錄載古今注解

題云大傳丞

釋文敍錄論語崔豹注十卷字正熊燕國人

晉尚書左中兵郎或引作正熊未詳孰是

唐書經籍志論語大義解十卷崔豹撰

唐書藝文志論語崔豹大義解十卷

論語十卷晉著作郎李充注

晉書文苑傳李充字弘度江夏人辟丞相王

導掾轉記室參軍征北將軍褚裒又引爲參

軍除剡縣令爲大著作郎于時典籍混亂充

刪除煩重以類相從分作四部甚有條貫祕

閣以爲永制累遷中書侍郎卒官充注尚書

及周易旨六篇釋莊論上下二篇行於世子

顯多所述作

釋文敍錄論語李充集注十卷東晉人

唐書經籍志論語又十卷李充注

唐書藝文志李充注論語十卷

馬氏玉函山房輯本序曰阮孝緒七錄載李

充論語釋一卷至隋已亡隋志別有充注論

語十卷宋藝文志不及載則全書已佚猶幸

皇侃義疏引有五十節正義釋文所引皆本

皇疏又裴駟史記集解引一節輯爲二卷按

李充別有論語釋一卷見後

集解論語十卷晉廷尉孫綽解

晉書孫楚傳楚太原中都人也楚子纂纂子

統幼與弟綽及從弟盛過江綽字與公博學

善屬文少與高陽許詢俱有高尙之志居於

會稽游放山水十有餘年除著作佐郎襲爵

長樂侯征西將軍庾亮請爲參軍補章安令

徵拜太學博士遷尚書郎揚州刺史殷浩以

爲建威長史會稽內史王羲之引爲右軍長

史累遷廷尉卿領著作年五十八

釋文敍錄論語孫綽集注十卷字與公太原

人東晉廷尉卿長樂亭侯

唐書經籍志論語十卷孫綽集解

唐書藝文志論語孫綽集解十卷

馬國翰輯本序曰釋文引不至於穀一事茲

采皇侃義疏尚得三十一節合爲一卷綽以

文章鳴於典午此注蘊味宏深而詞饒清麗

晉人吐屬別有一種風韻

梁有盈氏注論語十卷亡

釋文敍錄論語盈氏注十卷不詳何人

唐書經籍志論語集義十卷盈氏注

唐書藝文志論語盈氏集義十卷

通志氏族略以名爲氏者有盈氏姬姓晉欒

盈之後

梁有孟釐注論語十卷 孟釐爲孟整之誤孟整亦即

孟釐亡

晉書隱逸傳孟陋字少孤武昌人吳司空宗

之曾孫也兄嘉桓溫征西長史陋少而貞立

清操絕倫布衣蔬食以文籍自娛簡文帝輔

政命為參軍稱疾不起桓溫躬往造焉博學

多通長於三禮注論語行於世卒以壽終

釋文敍錄論語孟整注十卷一云孟陋陋字

少孤江夏人東晉撫軍參軍不就

唐書經籍志論語九卷孟釐注

唐書藝文志論語孟釐注九卷

集解論語十卷晉兗州別駕江熙解

江熙有毛詩注見前詩類

釋文敍錄論語江熙集解十二卷

唐書經籍志論語十卷江熙集解

唐書藝文志論語江熙集解十卷

玉海藝文類中與書目曰梁國子助教皇侃

列晉衛瓘繆播樂肇郭象蔡謨袁宏江淳蔡

系李充孫綽周懷范寧王琨等十三人爵里

於前云此十三家是江熙所集 按袁宏當是袁

喬之誤

馬氏玉函山房輯本序曰皇侃義疏序列論

語十三家為晉江熙字太和所集取衆說以

成書故以集解名也今邢昺疏引二節皇疏

所引頗多其明標江熙者尙得九十餘節侃

言若江集中諸人有可采者亦附而申之則

衛繆郭等說侃皆從江集采之既已輯錄

別自為書故不復載此編雖殘缺不完全合

衛繆諸家以參觀之有晉一代之說論語者

論語七卷盧氏注

盧氏不詳何人

按此亦似盧景裕注也北史本傳言景裕

注周易尚書孝經論語禮記老子別見易

類本志著錄論語諸家之注至此已畢下

文論語難鄭別分為類與易家所條章注

略同故知此盧氏似即易家之盧氏

梁有晉國子博士梁觀注論語十卷亡

釋文敍錄論語梁觀注十卷天水人東晉國

子博士

唐書經籍志論語十卷梁觀注一本誤作韻

唐書藝文志論語梁觀注十卷

馬國翰輯本序曰其書絕少徵引皇侃義疏

于子禽問于子貢章引其二說而已原標梁

冀案冀與觀音相同義亦相近故通用之非

漢之跋扈將軍也

梁有晉益州刺史袁喬注論語十卷亡

晉書袁瓌傳瓌字山甫陳郡陽夏人以平蘇

峻功封長合鄉侯子喬嗣字彥叔初拜佐著

作郎桓溫引為司馬尋為建武將軍江夏相

與溫平蜀進號龍驤將軍封湘西伯卒年三

十六贈益州刺史諡曰簡喬博學有文才注

論語行於世子方平方子山松

釋文敍錄袁喬論語注十卷字彥叔陳國人

東晉益州刺史湘西簡侯

唐書經籍志論語十卷袁喬注

唐書藝文志論語袁喬注十卷

疏引凡一十九節皇疏序稱江熙集論語十

三家有晉江夏太守袁宏字叔度蓋即袁喬

輾轉傳譌也

梁有尹毅注論語十卷亡

尹毅有禮記音見前禮類

釋文敍錄論語尹毅注十卷

唐書經籍志論語又十卷尹毅注

唐書藝文志論語尹毅注十卷

梁有司徒左長史張馮注論語十卷亡

晉書劉惔附傳張馮字長宗吳郡人舉孝廉

丹陽尹劉惔薦之於簡文帝帝召與語歎曰

張憑勃率為理窟官至吏部郎御史中丞

釋文敍錄論語張馮注十卷字長宗吳人東

晉司徒左長史

唐書藝文志論語張氏注十卷 按舊唐志有論

語十卷孫氏注似即此張氏而譌為孫也

馬國翰輯本序曰皇侃義疏引十二節輯為

一卷其說民可使由之不可使知之以經詰

經能得聖人言外之旨其他粹義多類是史

稱憑為理窟即此斷簡殘編猶想見研覃力

索時也

梁有陽惠明注論語十卷亡 陽當為暢

通志氏族略陳留風俗傳有暢氏不詳所出

齊有暢惠明撰論語義十卷

鄧名世古今姓氏書辯證風俗通云暢氏出

姜姓齊之後有暢惠明著論語義注十卷

唐書經籍志論語義注十卷暢惠明撰

梁有宋新安太守孔澄之注論語十卷亡

釋文敍錄論語孔澄之注十卷字仲淵會稽人宋新安太守

梁有齊員外郎虞遐注論語十卷亡

釋文敍錄論語虞遐注十卷會稽人齊員外郎

梁有許容注論語十卷亡

許容始末未詳

梁有曹思文注論語十卷亡

曹思文有孝經注見前孝經類

梁有釋僧智略解論語十卷亡

梁釋慧皎高僧傳慧次大明中出都止於謝寺齊永明八年坐化時謝寺又有僧寶僧智等並一代英哲為時論所宗

按經義考題釋智略論語解以僧智為智略蓋誤讀本志注文也

梁有太史叔明集解論語十卷亡

太史叔明有孝經義見前孝經類

梁書儒林沈峻附傳少善莊老兼通孝經論語禮記

馬國翰輯本序曰太史氏集解隋經籍志云梁有十卷亡今其佚說諸書罕引惟皇侃義疏引二節語涉沖虛出入釋氏與王弼郭象二家相近聽從者衆亦當代風趨然也

梁有陶弘景集注論語十卷亡

陶弘景有毛詩序注見前詩類

南史隱逸傳弘景所著有孝經論語集注梁又有論語音二卷徐邈等撰亡

徐邈有周易音見前易類

釋文敍錄論語徐邈音一卷

唐書經籍志論語音二卷徐邈撰

唐書藝文志論語徐邈音二卷按以上皆自漢魏以來諸家注釋及音義之屬為一類

論語難鄭一卷

不著撰人

梁有古論語義注譜一卷徐氏撰亡

徐氏不詳何人

唐書經籍志古論語義注譜一卷徐氏撰

唐書藝文志徐氏古論語義注譜一卷

常熟丁國鈞補晉書藝文志曰舊唐志次是書於徐邈論語音之下蓋徐氏即邈也

梁有論語隱義注三卷亡

不著撰人

唐書經籍志論語義注隱三卷唐藝文志同經義考曰亡名氏論語隱義隋志不載但有其注載七錄未審即是郭象論語隱否太平御覽載隱義文一條隱義注一條按郭象有論語隱一卷見後

馬國翰輯本序曰隋志有論語隱一卷郭象撰朱太史經義考於論語隱論語隱義注外別出隱義云未審即郭象論語隱否案郭書以隱名茲云隱義注者疑是後人衍象義而注之唐藝文志稱義注隱誤倒其文也注疏不見稱述惟白帖太平御覽引凡三節或題隱義或題隱義注其語鄙俚似小說與郭氏

體略不類應皆是注者以異聞附益之也按

體略亦見後

梁有論語義注三卷亡

不著撰人

按前已有論語難鄭一卷此蓋別為一家

論語標指一卷司馬氏撰

司馬氏不詳何人

論語雜問一卷

不著撰人

論語孔子弟子目錄一卷鄭玄撰

鄭玄有論語注見前

唐日本國見在書目論語弟子錄名一卷失注撰人

唐書經籍志論語篇目弟子一卷鄭玄注

唐書藝文志論語鄭玄注十卷又注論語釋義一卷論語篇目弟子一卷

經義考孔子徒人圖法漢志二卷佚案徒人圖法藝文志在論語部殆即家語所云弟子解史記所云弟子籍也又承師篇云藝文志有孔子徒人圖法隋志有鄭康成論語孔子弟子目錄唐志作論語篇目弟子惜俱失傳

嘉定王鳴盛十七史商榷曰仲尼弟子列傳

裴駟注引鄭元注如月季字子產鄭元曰魯人秦祖字子南鄭元曰秦人之類既非論語注鄭又不注史記家語王肅私定鄭亦不見

竟不知此爲鄭何書之注太史公曰弟子籍出孔氏古文然則亦是孔安國所得魯共王壞宅壁中取出者也蓋鄭康成曾注之壁中書如逸書逸禮康成皆不注而弟子籍則有注按王氏言鄭氏注弟子籍是矣猶未參考隋唐志果有弟子籍注明著於錄也

王謨漢魏遺書鈔曰是書之亡已久故其名次無得而考獨賴裴駮集解於列傳下時引目錄證諸弟子籍里如魯人衛人可考見者三十有八人竊意裴氏必見原書與史記大略相同故采其異者注本傳下其同者不復注也今仍依史記列傳名次采錄而以家語別出三人附載於後凡七十九人

馬國翰輯本序曰是書久佚海寧陳氏鱣從史記弟子傳集解輯出附刊古訓後凡弟子四十八人顏淵曾參子路子貢子游公冶長南容子賤澹臺滅明諸見論語之賢書中自宜詳紀而裴駮引不之及意其與史傳不殊也茲依陳錄稽古者合史記家語參證七十子之名數灼然可考固無煩於補綴也按陳仲漁有論語古注集本十卷孫祠書目載之

孫祠書目論語篇目弟子一卷孔廣林集本按史記仲尼弟子列傳贊曰弟子籍出孔氏古文近是余以弟子名姓文字悉取論語弟子問并次爲篇其書自漢以來附於孔氏古文論語篇目之後故唐志云論語篇目弟子鄭氏此注據唐藝文志似附釋義之後釋義又似七錄所載鄭注古文論

語十卷也至隋釋義亡僅存此帙故別出其目

論語體略二卷晉太傅主簿郭象撰晉書本傳象字子玄少有才理好老莊能清言辟司徒掾稍至黃門侍郎東海王越引爲太傅主簿永嘉末病卒

又庾徵傳曰豫州牧長史河南郭象善老莊時人以爲王弼之亞徵甚知之每曰郭子玄何必減庾子嵩象後爲太傅主簿任事專勢徵謂象曰卿自是當世大才我疇昔之意都已盡矣

唐書經籍志論語體略二卷郭象撰唐書藝文志論語郭象體略二卷

馬國翰輯本序曰皇侃義疏引凡九節輯爲一卷其佚說不離元宗而尙自暢達

論語旨序三卷晉衛尉繆播撰

魏志劉劭傳劭同時東海繆襲官至尙書光祿勳文章志曰襲子悅晉光祿大夫襲孫紹播徵胤等並皆顯達

晉書本傳播字宜則蘭陵人也才思清辯有意義惠帝時爲司空祭酒懷帝以爲給事黃門侍郎侍中中書令爲東海王越所害及越薨贈衛尉

又懷帝本紀永嘉三年三月丁巳東海王越歸京師乙丑勒兵入宮於帝側收近臣中書

令繆播帝舅王延等十餘人並害之唐書經籍志論語旨序二卷繆播撰唐書藝文志論語繆播旨序二卷

馬國翰輯本序曰繆播論語旨序隋志三卷唐志云二卷宋志不著錄佚已久陸德明經典釋文引一則皇侃義疏引尙有一十四節合訂一卷皇疏又引繆協說凡二十七節協不詳何人隋唐志及經典釋文皆不載江熙集解十三家中亦有繆播無繆協茲別錄一卷附繆播之後按本志三卷其後一卷或附繆協說未可知也

按自論語難鄭至此皆難義雜義雜注序目之屬又別爲一類

論語釋疑三卷王弼撰

王弼有周易注見前易類

釋文敘錄論語王弼釋疑三卷

唐書經籍志論語釋疑二卷王弼撰

唐書藝文志論語王弼釋疑二卷

余蕭客古經解鈎沈敘錄曰釋文引王弼論語音

馬國翰輯本序曰王弼釋疑今聞見於釋文正義茲更從皇侃義疏采輯共得四十節合爲一卷其說志於道性相近浮虛愴悅老莊緒言與注易等然如釋老彭爲老耽彭祖廐焚爲公廐賜不受命爲不受爵作者七人爲伯夷叔齊虞仲夷逸朱張柳下惠少連皆與諸家殊別雖非確訓頗廣異聞考古之儒或不所廢也

論語釋一卷張憑撰

張憑有論語注見前

馬國翰曰論語張氏注隋經籍志注梁有十

卷亡而志別有論語釋一卷云張憑撰或者哀輯散佚什存其一歟

按馬氏以此為哀輯散佚亦或近似然考李充於注本十卷之外又有論語釋一卷見於七錄則又似不盡然

論語釋疑十卷晉尚書郎樂肇撰

樂肇有周易象論見前易類

釋文敘錄論語樂肇釋疑十卷

唐書經籍志論語釋十卷樂肇撰

唐書藝文志樂肇論語釋十卷

馬國翰輯本序曰江熙所集十三家有樂肇今已佚亡就皇疏及史記集解所引尚輯得一十六節

梁有論語釋駁三卷王肅撰亡

王肅有論語注見前

按舊唐志有論語釋義十卷鄭玄注新志云鄭玄又注論語釋義一卷此或駁鄭氏

釋義之書或當時馬昭諸儒駁其論語注者肅從而釋之

梁有論語駁序二卷樂肇撰亡

樂肇有論語釋疑見前

唐書經籍志論語駁二卷樂肇撰

唐書藝文志樂肇論語釋十卷又駁二卷

馬國翰曰隋志載樂肇釋疑十卷又云梁有論語駁序二卷亡唐志作論語駁皇疏所引君子無所爭瑯璅也子路請禱三條辯論鋒起似駁序之文至如文莫吾猶人也一節楊慎丹鉛總錄引樂肇論語駁云燕齋謂勉強

為文莫則顯稱樂氏駁矣

梁有論語隱一卷郭象撰亡

郭象有論語體略見前

梁有論語藏集解一卷應琛撰亡

應琛始末未詳

按論語藏之名不可解似有敝文疑是行藏集解落行字集用之則行舍之則藏之解說歟

梁有論語釋一卷曹毗撰亡

晉書文苑傳曹毗字輔佐譙國人也高祖休

魏大司馬毗少好文籍郡察孝廉除郎中佐著作郎句章令徵為太學博士累遷尚書郎鎮軍從事中郎下邳太守至光祿勳卒所著文筆十五卷傳於世

梁有論語君子無所爭一卷庾亮撰亡

庾亮有雜鄉射等議三卷見前禮類

按此似即從鄉射雜議三卷中析出又按

晉書本傳云中興初拜中書侍郎領著作侍講東宮其所論釋多見稱述則又似侍東宮時講義

李充有論語注見前

梁有論語釋一卷李充撰亡

李充有論語注見前

梁有論語釋一卷庾翼撰亡

庾翼有春秋公羊論見前春秋類

馬國翰輯本序曰阮孝緒七錄有庾翼論語釋一卷皇侃義疏引其釋子畏於匡一節文筆秀整大似論體豈其摘取發揮似後世制義耶

梁有論語義一卷王濛撰亡

晉書外戚傳王濛字仲祖哀靖皇后父也克己勵行有風流美譽與沛國劉惔齊名友善凡稱風流者舉濛惔為宗焉司徒王導辟為

核補長山令徙中書郎濛性和暢能言理辭簡而有會簡文帝輔政與惔號為入室之賓轉司徒左長史年三十九卒謝安常云王長

史語甚不多可謂有令音

梁又有蔡系論語釋一卷亡

晉書蔡謨傳謨陳留考城人也穆帝時司徒謚文穆長子劭永嘉太守少子系有才學位至撫軍長史時簡文帝輔政為撫軍將軍也

皇侃義疏序江熙所集十三家有晉撫軍長史濟陽蔡系字子叔

世說雅量篇注蔡系字子叔濟陽人司徒謨

第二子有文理仕至撫軍長史

梁有張隱論語釋一卷亡

張隱始末未詳

按晉書陶侃傳侃命廬江太守張夔子隱為參軍不知即此張隱否也

梁有鄒原通鄭一卷亡

鄒原始末未詳

按鄭氏弟子有山陽鄒慮建安中至御史大夫或即其後歟今本後漢書鄭玄傳有作鄒慮者誤也晉有鄒鑒慮之玄孫其同族也

梁有王氏修鄭錯一卷亡

王氏不詳何人

按江熙集解十三家其最後一家為晉中

書令瑯琊王珉字季瑛疑卽此王氏也珉王導之孫字季瑛非季瑛嘗以著作郎國子博士代王獻之爲長兼中書令二人齊名世謂獻之爲大令珉爲小令見晉書王導附傳

梁有姜處道論釋一卷亡 按論下似敘語字姜處道始未詳

按唐經籍志郭象論語體略之後有論語雜義十三卷不著撰人新志亦載之十三卷者似卽前張憑郭象應琛曹毗庾亮李充庾翼王濛蔡系張隱郝原王氏姜處道十三家隋時唯存張憑一家餘十二家見於七錄唐代合并爲帙題曰雜義以綜括之疑梁時亦如此阮氏特分別著錄耳又雜義十三卷本志不見而此十三家亦不見於唐志故知此十三家卽唐志之雜義也

又按自王弼釋疑至此皆雜釋雜義之屬又別爲一類

論語別義十卷范虞撰

余蕭客古經解鈎沈紱錄曰晁公武讀書後志曰皇侃論語疏引范寧說則隋志范虞論語別義十卷或是范寧之誤
馬國翰曰江熙集解十三家有范寧釋文引止二節皇侃義疏亟引之裴駙史記集解亦間稱引茲並采錄共得四十八節合爲一卷考隋志有論語別義十卷范虞撰或是范寧之誤云

按兩唐志於論語雜義十三卷之後又有論語別義十卷皆不著撰人本志亦載是書於雜義之後敘次相同 自姜處道以上十三家卽是雜義十三卷詳見於前知別義卽別義特未詳別與別爲孰是耳

梁有論語疏八卷宋司空法曹張略等撰亡張略始未詳

按陳書張種傳種字士苗吳郡人祖辯宋司空右長史廣州刺史父略梁太子中庶子臨海太守不知卽此張略否也其稱張略等則非一人之作

梁有新書對張論十卷虞喜撰亡

虞喜有論語鄭注贊九卷見前册府元龜學校部注釋類晉虞喜畧徵博士不就釋毛詩略注孝經撰周官駁難又注論語九卷新書討張論語十卷

按本志子部儒家志林新書三十卷虞喜撰梁有廣林二十四卷後林十卷虞喜撰唐志稱後林新書則廣林亦稱新書可知三書凡六十四卷此蓋從六十四卷析出故冠以新書之名對張論册府元龜作討張論語册府所據亦隋志似此論下敘語字對張討張未詳孰是其名義亦莫得而詳已

論語義疏十卷褚仲都撰

褚仲都有周易講疏見前易類
唐日本國見在書目論語疏十卷褚仲都撰
唐書經籍志論語講疏十卷褚仲都撰

唐書藝文志論語褚仲都講疏十卷馬國翰曰考蕭梁之代作義疏者褚皇二家皇疏今得日本人傳之晦而復顯褚疏則渾絕無聞猶幸皇疏引其一節吉光片羽益以罕而見珍倘有搜自遐方探諸石室使全書繼皇本而復出也是所望於世之好古者

論語義疏十卷皇侃撰

皇侃有喪服文句義疏見前三禮類侃自序略曰魏吏部尚書何晏因魯論集馬季長等七家又采古論孔注又自下己意卽世所重者今日所講卽是魯論爲張侯所學何晏所集者也又有江熙所集十三家侃今之講先通何集若江集中諸人有可采者亦附而申之其又別有通儒解釋於何集無妨者亦引取爲說以示廣聞也然論語之書包於五代二帝三王自堯至周凡一百四十八人孔子弟子不在其數孔子弟子有二十七人見於論語也而古史考則云三十人謂林放澹臺滅明陽虎亦是弟子數也
南史儒林傳侃尤明三禮孝經論語又曰所撰論語義禮記見重於世學者傳焉
釋文敘錄論語類皇侃撰義疏行於世
唐日本國見在書目論語義疏十卷皇侃撰
唐書經籍志論語疏十卷皇侃撰
唐書藝文志論語皇侃疏十卷
宋史藝文志皇侃論語疏十卷
晁氏讀書志曰古今論語之注多矣何晏集八家復采古論語注爲集解行於世侃又引

江熙所集十三家之說成此書世謂其引事雖時近詭異而援證精博為後學所宗云

玉海藝文類國史志曰皇侃疏雖時有鄙近然博極羣書補諸家之未至為後學所宗咸

平中詔邢昺刊定正義

四庫簡明目錄曰論語集解義疏十卷魏何晏等注梁皇侃疏自南宋後其書久佚此本

得於東洋市舶猶唐以來相傳舊笈經文注文多與今本不同雖長短互見而頗足以資

考證侃疏即邢疏之藍本然多存古義實勝邢疏

按皇疏所引為七錄隋志所不載者除范寧本志誤為范廩外餘則有漢孔安國說

後漢包咸說周氏說馬融說魏陳羣說王

朝說周生烈說晉繆協說蔡謨說殷仲堪

說宋顏延之說釋慧琳說齊沈麟士說顧

歡說梁武帝說沈肅說即沈峻熊理說凡

一十七家馬氏玉函山房皆輯存之

論語述義十卷劉炫撰

劉炫有尚書述義見前書類

北史儒林傳炫自為狀曰周禮禮記毛詩尚

書公羊左傳孝經論語孔鄭王何服杜等注

凡十三家雖義有精粗並堪講授又曰著論

語述義十卷行於世

唐書經籍志論語章句二十卷劉炫撰

唐書藝文志論語劉炫章句二十卷

論語義疏八卷

不著撰人

按此八卷合以後張沖義疏二卷正符隋書北史儒林傳所載十卷之數疑即張沖書也

論語講疏文句義五卷徐孝克撰殘缺

徐孝克有孝經講疏見前孝經類

册府元龜學較部注釋類徐孝克撰論語注

義五卷按五卷者本志注云殘缺非其全也册府從本

志采錄故亦云五卷

論語義疏二卷張沖撰

張沖有春秋義略見前春秋類

隋書北史儒林傳沖撰論語義十卷

按前八卷不著撰人疑即此二卷之佚出者

梁有論語義注圖十二卷亡

不著撰人

張彥遠歷代名畫記曰古之祕畫珍圖則有

論語圖二卷按義注十卷圖二卷其數相合疑即張

氏所見者

按崇文總目有論語井田義圖一卷云不

著撰人名氏疑即是圖之遺

又按自范寧別義至此皆義疏講疏之屬

而附以圖又區為一類

孔叢七卷陳勝博士孔鮒撰

史記孔子世家子慎年五十七嘗為魏相生

鮒年五十七為陳王涉博士死於陳下

又儒林傳曰陳涉之王也魯諸儒持孔氏之

禮器往歸之於是孔甲為陳涉博士卒與涉

俱死徐廣曰孔子八世孫名鮒字甲也

孔繼汾闕里文獻考鮒一名鮒甲字子魚或謂之子鮒或稱孔甲為博士凡六句言既不用託目疾老於陳年五十七卒

唐書經籍志孔叢子七卷孔鮒撰

唐書藝文志孔叢七卷

宋史藝文志子部儒家孔叢子七卷漢孔鮒撰朱熹曰偽書也

又經部小學類別出孔鮒小爾雅一卷

朱子語類曰家語雖記得不純都是當時書

孔叢子是後來自撰出又曰孔叢子乃其所

注之人偽作讀其首幾章皆法左傳句已疑

之及讀其後序乃謂渠好左傳便可見又曰

孔叢子鄙陋之甚理既無足取而詞亦不足

觀有一處載其君曰必然云云是何言語

陳氏書錄儒家孔叢子七卷孔氏子孫雜記

其先世系言之書也小爾雅一篇亦出於

此中與書目稱漢孔鮒撰案孔光傳夫子八

世孫鮒魏相順之子為陳涉博士死陳下則

固不得為漢人而其書記鮒之沒第七卷號

連叢子者又記太常臧而下數世迄於延光

三年季彥之卒則又安得以為鮒撰耶

四庫子部儒家孔叢子舊題孔鮒撰所載仲

尼而下子高子順之言行凡二十一篇

又以孔臧所著賦與書上下二篇附綴於末

別名曰連叢臧漢高祖功臣孔聚之子武帝

時官太常朱子語類謂孔叢子文氣軟弱不

似西漢文字蓋其後人集先世遺文而成之

者今按其書說舜典六宗與偽孔傳偽家語

並同是亦晚出之明證也朱子所疑蓋非無見

又簡明目錄孔叢子三卷舊本題陳勝博士孔鮒撰凡二十一篇末為連叢子上下二篇題漢孔臧撰皆依託也然隋志著錄其來已久且亦綴合孔氏之遺文故相沿莫之廢也張氏書目答問周秦諸子類孔叢子七卷浙江新刻影宋巾箱本漢魏叢書三卷本有依託不盡偽

梁有孔志十卷梁太尉參軍劉被撰亡劉被始末未詳

册府元龜學較部注釋類漢孔鮒為陳勝博士撰論語義疏三卷又曰劉被為太尉參軍撰論語孔志十卷述孔鮒義疏

按孔鮒論語義疏三卷前史不載册府此兩條云云不知所据何書楚漢之際未有義疏名目大抵劉被從孔叢及他書編為孔鮒義疏又引而申之為此十卷名曰論語孔志歟故七錄次孔叢之後也

孔子家語二十一卷王肅解

王肅有論語注十卷論語釋駁三卷並見前漢志論語家孔子家語二十七卷顏氏集注曰非今所有家語按今所有家語即此二十一卷四十四篇也漢志二十七卷之篇數亦無從而知之矣

王肅自序略曰鄭氏學行五十載矣尋文責實考其上下義理不安違錯者多是以奪而易之孔子二十二世孫有孔猛者家有其先人之書昔相從學頃還家方取以來與予所

論有若重規疊矩而恐其將絕故特為解以貽好事之君子

禮樂記正義魏博士馬昭曰家語王肅所增加非鄭所見又曰肅私定以難鄭玄釋文敘錄曰肅又注尚書禮容服論語孔子家語

唐日本國見在書目孔子家語廿一卷王肅撰

唐書經籍志孔子家語十卷王肅撰一本操作注

唐書藝文志王肅注論語十卷又注孔子家語十卷

宋史藝文志孔子家語十卷魏王肅注晁氏讀書志孔子家語十卷魏王肅序注凡四十四篇劉向校錄止二十七篇後肅得此於孔子二十四世孫猛家

陳氏書錄儒家孔子家語十卷孔子二十二世孫猛所傳魏散騎常侍王肅為之注肅關鄭學猛嘗受學於肅肅從猛得此書與肅所論多合從而證之遂行於世云博士安國所得壁中書也亦未必然其間所載多已見左氏傳大戴禮諸書云

經義考孔子家語漢志二十七卷佚別本存郎瑛曰王文憲公柏家語考一編以四十四篇之家語乃王肅自取左傳國語荀孟二戴記割裂織成之孔衍之序亦王肅自為也按孔安國家語後序亦後人僞撰

四庫子部儒家簡明目錄曰孔子家語十卷

魏王肅注家語雖名見漢志而書則久佚今本蓋即王肅所依託以攻駁鄭學馬昭諸儒已論之詳矣然肅雖作偽實亦割裂諸書所載孔子逸事綴輯成篇大義微言亦往往而在故編儒家之書者終以為首焉

梁有當家語二卷魏博士張融撰亡張融始末未詳

經義考擬經篇張氏融當家語七錄二卷佚阮孝緒曰魏博士張融撰

按唐元行沖釋疑論曰子雍規玄數十百件守鄭學者時有中郎馬昭上書以為肅

謬詔王學之輩占答以聞又遣博士張融案經論詰融登召集分別推處理之是非

具聖證論按聖證論今輯本有馬昭駁孔晁答張融評評者平其得失也融蓋與馬昭同時為博士此其事蹟之可見者此當

家語或亦為王肅家語而作日本書目有家語鈔一卷不著撰人次王肅家語之後似即此書或亦如聖證論平議家語之是非者

孔子正言二十卷梁武帝撰

梁武帝有周易大義見前易類

蕭梁文苑帝撰孔子正言竟述懷詩曰志學恥傳習弱冠闕師友愛悅夫子道正言思善

誘刪次起實沈殺青在建西孤陋之多聞獨學少擊叩仲冬寒氣嚴霜風折細柳白水凝

澗谿黃落散堆阜康哉信股肱惟聖歸元首獨歎予一人端然無四友

獨歎予一人端然無四友

南史江總傳總仕梁為尚書殿中郎武帝撰正言始畢製述懷詩總預同此作帝覽總詩深見嗟賞

又儒林孔子祛傳梁武帝撰五經講疏及孔子正言專使子祛檢閱羣書以為義證事竟敕子祛與右衛朱异左丞賀琛于士林館遞日執經

隋書百官志舊國子學生限以貴賤帝欲招來後進五館生皆引寒門儻才不限人數大同七年國子祭酒到溉等又表立正言博士一人位視國子博士置助教二人

南史到溉傳溉為侍中國子祭酒表求列武帝所撰正言於學請置正言助教二人學生二十人尚書左丞賀琛又請加置博士一人陳書袁憲傳大同八年武帝撰孔子正言章句詔下國學宣制旨義憲時年十四被召為國子正言生

梁書張綰傳大同中出為豫章內史綰在郡述制旨禮記正言義四姓衣冠士子聽者常數百人

南史儒林張譏傳大同中召補國子正言生又戚衰傳年十九梁武敕策孔子正言并周禮禮記義衰對高第除揚州祭酒從事史

唐日本國見在書目孔子正言廿卷梁武帝撰

唐書經籍志經解類孔子正言二十卷梁武帝撰

唐書藝文志經解類梁武帝孔子正言二十

卷

按梁武述懷詩云刪次起實沈殺青在建酉考天官書正義背三星參三星外四星為實沈於辰在申是刪次起於大同六年庚申之歲至明年辛酉殺青遂有到溉賀琛表立博士至八年又為章句下國學宣講當時與制旨孝經義並重皆立學置博士生徒終武帝之世為是學得選舉因而起家者不知若干人張譏袁憲戚衰其最著也

又史通雜記篇云劉敬叔異苑稱晉武庫火漢高祖斬蛇劍穿屋而飛其言不經故梁武帝令殷芸編諸小說及蕭方等撰三十國史乃刊為正言按此謂三十國春秋以斯事列為正文也經義考擬經篇載之孔子正言條下別無他證以此正言謂為孔子正言謬誤實甚竹垞先生何至於此其門弟子所為歟

自孔叢子至此又別為一類本志篇敍曰其孔叢家語並孔氏所傳仲尼之旨附於此篇

爾雅三卷漢中散大夫樊光注

釋文敍錄爾雅樊光注六卷京兆人後漢中散大夫沈旋疑非光注

唐書經籍志小學類爾雅六卷樊光注

唐書藝文志小學類爾雅樊光注六卷

馬氏玉函山房輯本序曰孔氏正義釋文邢疏所引樊光又或引作某氏臧庸拜經日記

云唐人義疏引某氏爾雅注即樊光也其言確不可易茲據合輯為卷其引詩臧氏謂與毛韓不同蓋本魯詩云

按臧拜經輯爾雅漢注三卷孫氏問經堂叢書刻之又甘泉黃奭輯爾雅古義十二卷自刻漢學堂叢書本又書目答問云嚴可均輯爾雅一切注音十卷未刊凡此皆爾雅輯本之善者也

梁有漢劉歆爾雅注三卷亡

漢書楚元王附傳劉向少子歆字子駿少以通詩書能屬文召見成帝待詔宦者署為黃門郎河平中受詔與父向領校祕書向死後歆復為中壘校尉哀帝初即位為侍中太中大夫遷騎都尉奉車光祿大夫貴幸復領五經卒父前業歆乃集六藝羣書種別為七略歆欲建立左氏春秋及毛詩逸禮古文尚書皆列於學官哀帝令歆與五經博士講論其義諸博士或不肯置對歆因移書太常博士責讓之其言甚切由是忤執政大臣為衆儒所訕懼誅求出補吏徙守五原轉涿郡歷三郡守數年以病免官起家復為安定屬國都尉會哀帝崩王莽持政莽少與歆俱為黃門郎重之白太后留歆為右曹太中大夫遷中壘校尉義和京兆尹使治明堂辟雍封紅休侯與儒林史卜之官考定律曆著三統曆譜初歆以建平元年改名秀字穎叔及王莽篡位歆為國師又翟義傳居攝二年九月義和紅休侯劉歆為揚武將軍屯宛三年正月歸

故官又王莽傳始建國元年莽案金匱輔臣皆封拜以少阿義和京兆尹紅休侯劉歆爲國師嘉新公後改爲心又改爲信與王舜平晏哀章爲四輔地皇四年七月時漢兵起王邑嚴尤等已敗於昆陽衛將軍王涉大司馬董忠與歆謀共劫持莽東降南陽天子歆亦怨莽殺其三子又畏大禍且至遂與涉忠謀欲發事泄格殺忠歆涉皆自殺按漢書王子侯表休侯富楚元王子孝景元年封三年以兄子楚王戊反免更封紅侯傳國至曾孫亡後絕又楚元王附傳富子辟彌辟疆子德德子向向子歆歆當爲富之玄孫封紅休侯者蓋取其先世初封休侯更封紅侯而一之又歆怨莽殺其三子者歆仲葵葵弟泳始建國二年十二月以甄豐子尋事被殺歆女愔爲莽太子臨妻地皇二年正月莽殺臨事連愔愔自殺並見莽傳

西京雜記劉歆曰郭威字文偉茂陵人也好讀書以謂爾雅周公所制而爾雅有張仲孝友張仲宣王時人非周公之制明矣余嘗以問揚子雲子雲曰孔子門徒游夏之儔所記以解釋六藝者也家君以爲外戚傳史佚教其子以爾雅爾雅小學也又記言孔子教魯哀公學爾雅則爾雅之出遠矣舊傳學者皆云周公所記也張仲孝友之類後人所足耳按此稱家君謂劉向也向言外戚傳非史記外戚世家蓋別爲一書今不可考

釋文敘錄劉歆爾雅三卷與李巡注正同疑非歆注

馬氏玉函山房輯本序曰爾雅劉氏注唐志

不著目佚已久惟陸氏釋文及唐徐景安樂書陸璣詩疏許慎說文各引其說輯錄爲卷釋文敘錄云與李巡注同疑非歆注考李氏本劉爲注大指不殊其間亦不無少異臧氏黃氏亦各有輯本

按漢書王莽傳平帝元始四年莽奏徵天下通一藝教授十一人以上及有逸禮古書毛詩周官爾雅天文圖讖鍾律月令兵法史篇文字通知其意者皆詣公車網羅天下異能之士至者千數皆令記說廷中將令正乖謬壹異說云論衡效力篇曰王莽之時省五經章句皆爲二十萬言按其時劉歆爲義和典領其事爾雅爲五經之支流歆之注當在其時時所徵通小學者以百數揚雄取其有用者以作訓纂篇通鍾律者亦百餘劉歆條奏以爲鍾律書並見藝文律曆志其通知爾雅者不知若干人歆又用以爲是書之注雖無明文其事固可想見也西京雜記所載其卽注是書時之所記茂陵郭威豈亦以知爾雅徵來者歟近刻古佚叢書有玉燭寶典原本玉篇及高麗傳來大藏音義並引劉歆爾雅注爲輯錄家所未見可補者頗多也

梁有漢隄爲文學爾雅注三卷亡

史記滑稽列傳褚先生曰武帝時有所幸倡郭舍人者發言陳辭雖不合大道然令人主和說

漢書東方朔傳時有幸倡郭舍人滑稽不窮

常侍左右又曰朔後嘗爲郎與枚臯郭舍人俱在左右談調而已

西京雜記曰武帝時郭舍人善投壺以竹爲矢不用棘也古之投壺取中而不求還故實小豆於中惡其矢躍而出也郭舍人則激矢令還一矢百餘反謂之爲曉言如博之擊梟於掌中爲曉傑也每爲武帝投壺輒賜金帛釋文敘錄爾雅隄爲文學注三卷一云隄爲郡文學卒史臣舍人漢武帝時待詔

經義考曰按舍人待詔在漢武時此釋經之最古者其書雖不傳間采於邢氏之疏疏所未載字義可考者猶若干條見之陸氏釋文錢大昕隋書考異曰隄爲文學卽舍人也陸德明云隄爲郡文學卒史臣舍人漢武帝時待詔蓋其人姓名人

張澍蜀典輯本序曰按隄爲文學卽與東方朔同時待詔詔爲隱語被榜呼譽之郭舍人也按見東方朔傳西京雜記言其善投壺隄爲郡文學卒史臣舍人當是初爲郡文學後補太守卒史以能談諧善投壺入爲待詔舍人也陸德明言所注爾雅闕中卷故自釋訓以下釋草以上並無一語見釋文及諸疏惟齊民要術引釋器一條水經注引釋水二條賈鄴二人著書在前必見全本也

馬氏玉函山房輯本序曰七錄有隄爲文學爾雅注三卷釋文云闕中卷故自釋官至釋水不及引舍人注而齊民要術水經注太平御覽諸書所引猶足撫拾成卷今仍釐爲三

卷以補陸氏之闕舍人在漢武時釋經之最古者本多異字尤可與後改者參校而得爾雅之初義焉

王謨漢魏遺書鈔曰文選羽獵賦注一引爾雅犍爲舍人注一引釋詁郭舍人注舍人姓郭亦惟見此別無考證今並鈔出邢疏八十四條釋文四十三條毛詩釋文二條尙書疏五條毛詩疏十六條禮記疏一條左傳疏七條公羊疏一條齊民要術二條水經注三條陸璣詩疏二條文選注二條又補遺四十七條臧氏黃氏亦各有輯本

按藝文類聚雜文部載漢武帝柏梁臺詩末二人曰郭舍人東方朔蓋在當時亦能爲七言詩者大藏音義唐本玉篇玉燭寶典亦皆引之舍人姓郭此又一證也

梁有漢中黃門李巡爾雅注三卷亡

後漢書宦者呂強傳時宦者汝陽李巡北海趙祐等五人稱爲清忠皆在里巷不爭威權巡以爲諸博士試甲乙科爭第高下更相告言至有行賂定蘭臺漆書經字以合其私文者迺白帝與諸儒共刻五經文於石於是詔蔡邕等正其文字自後五經一定爭者用息趙祐博學多覽著作校書諸儒稱之

黃門

釋文敘錄爾雅李巡注三卷汝南人後漢中
唐書經籍志小學類爾雅三卷李巡注
唐書藝文志小學類爾雅李巡注三卷
馬國翰輯本序曰爾雅李氏注隋志云亡唐

志復出今佚從諸書哀輯仍釐爲三卷經典敘錄於劉歆注下云與李巡正同然則巡蓋師宗劉氏者也據范史云云知熹平立石巡實發端倡議則其有功於五經獨大固不知天地山川草木蟲魚之淹博已也

爾雅七卷孫炎注

孫炎有禮記注見前禮類

釋文敘錄爾雅孫炎注三卷

唐書經籍志小學類爾雅又六卷孫炎注

唐書藝文志小學類爾雅孫炎注六卷

邢昺疏序曰其爲注者則有犍爲文學劉歆

樊光李巡孫炎雖各名家猶未詳備其爲義

疏者則俗間有孫炎高連皆淺近俗儒不經

師匠

馬氏玉函山房輯本序曰爾雅孫炎注隋志

七卷唐志六卷釋文敘錄三卷今佚輯爲上

中下三卷叔然受學鄭元之門人稱東州大

儒其訓義之優洽可知郭景純注多用孫氏

其改舊說者往往遜之亦以所取法者上也

邢疏序於魏孫炎外又云俗間有孫炎義疏

則宋志稱孫炎疏十卷者是也蓋唐宋間人

與叔然同名 黃氏漢學堂亦輯存一卷

按本志七卷者有音一卷在其內而又引

七錄別出音一卷見後

爾雅五卷郭璞注

郭璞有毛詩拾遺見前詩類

璞自序略曰爾雅蓋興於中古隆於漢氏豹

鼠既辯其業亦顯英儒瞻聞之士洪筆麗藻

之客靡不欽玩就味爲之義訓璞不揆臆昧少而習焉沈研鑽極二九載矣雖注者十餘然猶未詳備並多紛謬有所漏略是以復綴集異聞會萃舊說考方國之語采謠俗之志錯綜樊孫博關羣言劉其瑕礫舉其蕭稂事有隱滯援據徵之於其易了闕而不論

釋文敘錄曰前漢終軍始受豹鼠之賜自茲

迄今斯文盛矣先儒多爲億必之說乖蓋闕

之義唯郭景純洽聞強識詳悉古今作爾雅

注爲世所重今依郭本爲正又曰郭璞注二

卷字景純河東人東晉弘農太守著作郎

唐書經籍志小學類爾雅三卷郭璞注

唐書藝文志小學類爾雅郭璞注三卷

宋史藝文志小學類爾雅三卷郭璞注

陳氏書錄解題曰爾雅舊有劉歆樊光李巡

孫炎之學今惟郭氏行於世

四庫小學類提要曰璞時去漢未遠所見尙

多古本故所注多可據後人雖迭爲補正然

宏綱大旨終不出其範圍

王鳴盛蛾術編說錄曰漢書藝文志爾雅三

卷二十篇三卷者分爲上中下二十篇者自

釋詁至釋畜凡十九篇別有序篇一篇顧廣

圻云毛詩疏引爾雅序篇云釋詁釋言通古

今之字古與今異言也釋詁言形貌也郭璞

既作注則序篇亦當有注而今亡之

日本國森立之經籍訪古志爾雅三卷晉郭

璞注首載璞序每半板八行行十六字注雙

行二十一字文字豐肥楷法端勁卷末有經

凡一萬八百九言注凡一萬七千六百二十八言及將仕郎守國子四門博士臣李鶚書三行按五代會要云後唐長興三年中書門下奏請依石經文字刻九經印板召能書人端楷寫出旋付匠人雕刻每日五紙宋王明清揮塵錄云後唐平蜀明宗命太學博士李鶚書五經仿其製作刊板於國子監中印書之始按當云是爲刊板印書之始今則盛行於天下蜀中爲最明清家有鶚書五經印本存焉後題長興二年也據此則是本卷末題李鶚名銜者蓋卽後唐蜀本面目之僅存者

集注爾雅十卷梁黃門郎沈琬注

梁書沈約傳約子旋及約時已歷中書侍郎永嘉太守司徒從事中郎司徒右長史免約喪爲太子僕復以母憂去官服除爲給事黃門侍郎中撫軍長史出爲招遠將軍南康內史卒官諡曰恭侯

南史沈約傳約子旋字士規襲爵位司徒右長史太子僕終於南康內史集注邇言行於世按旋父約著邇言十卷然此似爾雅之傳譌黃氏已言之

釋文敘錄爾雅梁有沈旋約之子集衆家之

注

唐書經籍志小學類集注爾雅十卷沈琬注唐書藝文志小學類爾雅沈琬注十卷馬國翰輯本序曰今從釋文及邢疏集韻一切經音義所引輯錄注不多見惟略存字音甘泉黃奭漢學堂輯本序曰梁書不言有所著述南史云集注邇言行於世亦不言有集注爾雅謝氏小學考誤以南史爲梁書並誤以邇言爲爾雅自必謂雅言兩字傳譌邇與爾亦近似邇言無可集之注耳既云集注所集無非二郭與夫劉李樊孫何以今爲邢疏釋文詩釋文類篇所引者其說往往與六家不類當是所集衆家有出於六家外者

爾雅音八卷祕書學士江灌撰

陳書江總傳總濟陽考城人也仕梁入陳至尙書令入隋爲上開府開皇十四年卒於江都長子溢字深源陳太子中庶子入隋爲秦王文學第七子灌駙馬都尉祕書郎隋給事郎直祕書省學士

張彥遠歷代名畫記曰爾雅圖上下兩卷陳尙書令江灌字德源至武德中爲隨州司馬并著爾雅贊二卷音六卷按此云尙書令者或因其父官而傳譌或江下敘總子二字

唐書經籍志爾雅圖贊二卷江灌注爾雅音六卷江灌注

唐書藝文志爾雅江灌圖贊一卷又音六卷按本志作江灌不誤經義考及翁氏方綱補正引丁杰說皆据名畫記駁文作江灌

非是由未得陳書江總傳之一證故也

梁有爾雅音一卷孫炎撰亡孫炎有爾雅注七卷見前

顏氏家訓音辭篇逮鄭玄注六經高誘解呂覽淮南許慎造說文劉熹製釋名始有譬況假借以證音字而古語與今殊別其間輕重清濁猶未可曉加以內言外言急言徐言讀若之類益使人疑孫叔然創爾雅音義是漢末人獨知反語至於魏世此事大行高貴鄉公不解反語以爲怪異自茲厥後音韻錄出各有土風遞相非笑指馬之論未知孰是

釋文敘錄曰古人音書止爲譬況之說孫炎始爲翻語魏朝以降漸繁又曰爾雅孫炎注三卷音一卷

唐張守節史記正義序曰先儒音字比方爲音魏祕書孫炎始作翻音

玉海藝文小學類曰世謂倉頡制字孫炎作音沈約撰韻同爲椎輪之始

馬國翰輯本序曰炎既注爾雅又爲之音隋有音二卷孫炎郭璞撰亡唐志有郭氏音一卷孫音不著錄佚已久茲既輯錄孫注別輯其音爲卷

梁有爾雅音一卷郭璞撰亡

郭璞有爾雅注五卷見前

釋文敘錄爾雅郭璞注三卷音一卷

唐書經籍志爾雅音義一卷郭璞注

唐書藝文志爾雅郭璞注一卷又音義一卷

馬氏玉函山房輯本序曰釋文引述郭音獨

多又邢疏詩正義公羊疏等引郭音為釋文所不載者並據合輯其音有兩讀三讀者並收兼采以備參考陸氏釋文循其例自毋昭裔刪存一音古法浸失茲編雖殘缺猶存先儒之舊範焉

黃氏漢學堂輯本序曰御覽載爾雅音極多外此如邢疏釋文詩釋文詩書儀禮禮記公羊各疏說文繫傳匡謬正俗埤雅集韻史記索隱後漢書注水經注寰宇記齊民要術續博物志初學記藝文類聚一切經音義華嚴音義文選注皆引及郭音並山海經注即出景純之手亦自引其音更堪互證

爾雅圖十卷郭璞撰

璞注爾雅序有曰別為音圖用祛未寤邢昺曰謂注解之外別為音一卷圖贊二卷字形難識者則審音以知之物狀難辯者則披圖以別之用此音圖以祛除未曉寤者

晉書本傳注釋爾雅別為音義圖譜傳於世唐日本國見在書目爾雅圖十卷郭璞撰唐書經籍志爾雅圖一卷郭璞撰

唐書藝文志爾雅郭璞注一卷又圖一卷梁有爾雅圖讚二卷郭璞撰亡

文心雕龍頌贊篇曰景純注雅動植必贊義兼美惡亦猶頌之變耳釋文敘錄爾雅郭璞注三卷音一卷圖贊二卷

嚴可均輯本序曰隋志注梁有爾雅圖贊二卷郭璞撰亡舊唐志復有之按舊唐志所載為

江灌撰新志同非郭氏圖贊也宋已後不著錄近

惟余蕭客古經解鈎沈邵晉涵爾雅正義略采數事漏落者十八九張溥本則與山海經圖贊間雜絕不區分今從藝文類聚初學記御覽寫出四十八篇依爾雅經文先後編次之凡釋器四條釋天二條釋地四條釋山釋水各一條釋草八條釋木四條釋蟲六條釋魚五條釋鳥三條釋獸八條釋畜二條馬國翰輯本序曰袁輯諸書得贊五十有三外有稱圖者二則其贊皆韻語古奧詞寓箴規雜誦一過猶想見江魚吞墨二九載鑽極之功力焉王氏黃氏亦各有輯本

廣雅三卷魏博士張揖撰梁有四卷

顏師古漢書敘例曰張揖字稚讓清河人一云河間人魏太和中為博士解司馬相如傳一卷

嚴可均全三國文編曰張揖字稚讓清河人一云河間人魏初博士一云太和中為博士有廣雅四卷

揖進表曰昔在周公繼述唐虞宗翼文武克定四海勤相成王六年制禮以導天下著爾雅一篇以釋其意義傳於後學今俗所傳三篇或言仲尼所增或言子夏所益或言叔孫通所補或言沛郡梁文所考皆解家所說先師口傳疑莫能明也夫爾雅之為書也文約而義固其微道也精研而無誤真七經之檢度學問之階路儒林之楮素也若其包羅天地綱紀人事權揆制度發百家之訓詰未能

悉備也臣揖竊以所識擇擷羣藝文同義異音轉失讀八方殊語庶物易名不在爾雅者

詳錄品數以著於篇凡萬八千一百五十分為上中下以頤方徠俊哲洪秀偉彥之倫扣其兩端摘其過謬令得用謂亦所企想也唐書經籍志小學類廣雅四卷張揖撰唐書藝文志小學類張揖廣雅四卷四庫小學類提要曰廣雅十卷魏張揖撰其書因爾雅舊目博采漢儒箋注及三倉說文諸書以增廣之於揚雄方言亦備載無遺前有揖進表稱分為上中下隋志三卷與表所言合七錄作四卷由後來傳寫析其篇目後人又析為十卷

廣雅音四卷祕書學士曹憲撰

唐書儒學傳曹憲揚州江都人也仕隋為祕書學士每聚徒教授諸生數百人當時公卿已下亦多從之受業憲又精諸家文字之書自漢代杜林衛宏之後古文泯絕由憲此學復興憲訓注張揖所撰博雅分為十卷煬帝令藏於祕閣貞觀中徵為宏文館學士以年老不仕乃遣使就家拜朝散大夫年一百五歲卒

唐日本國見在書目廣雅三卷張揖撰博雅十卷曹憲撰唐書經籍志廣雅四卷張揖撰博雅十卷曹憲撰

唐書藝文志張揖廣雅四卷曹憲博雅十卷宋史藝文志張揖廣雅音三卷曹憲博雅十

卷 此以音爲攝所撰非也

晁氏讀書志博雅十卷隋曹憲撰魏張揖嘗采倉雅遺文爲書名曰廣雅憲因揖之說附以音解避煬帝諱更之爲博云後有張揖表憲後事唐太宗嘗讀書有難奇字輒遣使問憲憲具爲音注援驗詳復帝歎賞之

陳氏書錄解題曰廣雅十卷魏博士張揖撰凡不在爾雅者著於篇仍用爾雅舊目館閣書目云今佚但存音三卷今書十卷而音附逐篇句下不別行隋志稱博雅避煬名也又隨齋批注博雅乃隋曹憲撰憲因揖之說附以音解避煬帝名更之以爲博焉

四庫提要曰廣雅十卷魏張揖撰隋曹憲爲之音釋避煬帝諱改名博雅故至今二名並稱實一書也揖書三卷館閣書目云今佚但存音三卷憲所注本隋志作四卷唐志作十卷卷數參錯不同蓋揖書本三卷七錄作四卷者由後來傳寫析其篇目憲注四卷即因梁代之本後以文句稍繁析爲十卷又嫌十卷煩碎復併爲三卷觀諸家所引廣雅之文皆具在今本無所佚脫知卷數異而書不異矣然則館閣書目所謂佚者乃逸其無注之本所謂存音三卷者即憲所注之本揖原文實附注以存未嘗佚亦未嘗缺惟今本仍爲十卷者則又後人析之以合唐志耳考唐元度九經字樣序稱音字改反爲切實始於唐開成間憲雖自隋入唐至貞觀時尙在然遠在開成以前今本乃往往云某字某切頗爲

疑竇殆傳刻臆改又非憲本之舊歟

張氏書目答問博雅音十卷魏張揖撰隋曹憲音高郵王氏刻本明畢效欽原刻本小學彙函校本即廣雅又廣雅疏證十卷王念孫疏證家刻本學海堂本

小爾雅一卷李軌略解

李軌有周易音見前易類

漢書藝文志小雅一篇宋祁曰小字下邵本有爾字

唐書經籍志小學類小爾雅一卷李軌撰

唐書藝文志李軌解小爾雅一卷

宋史藝文志小學類孔鮒小爾雅一卷

晁氏讀書志小爾雅一卷孔氏古文也見於孔鮒書

陳氏書錄解題曰漢志有此書亦不著名氏唐志有李軌解一卷今館閣書目云孔鮒撰

蓋即孔叢子第十一篇也曰廣詁廣言廣訓廣義廣名廣服廣器廣物廣鳥廣獸凡十章

又度量衡爲十三章當是好事者鈔出別行

王應麟漢志考證曰小爾雅一篇孔鮒撰十三章申衍詁訓見孔叢子李軌解一卷

又困學紀聞曰大戴記之夏小正管子之弟子職孔叢子之小爾雅古書之存者三子之力也

四庫存目提要曰漢書藝文志有小雅一篇

無撰人名氏隋唐志並載李軌注小爾雅一卷其書久佚今所傳本則孔叢子第十一篇鈔出別行者也分十三章頗可以資考據然

亦時有舛迂非漢志所稱之舊本

錢大昕三史拾遺曰李善文選注引小爾雅皆作小雅此書依附爾雅而作本名小雅後人僞造孔叢子以此篇竄入因有小爾雅之名失其舊矣宋景文所引邵本亦俗儒增入不可據按此謂小爾雅後人竄入孔叢子最爲切理厥心之論猶夏小正三朝記大戴篇入八十五篇中也特是否爲孔鮒所撰則無由考見矣

謝啓昆小學考曰小爾雅非漢志之小雅戴氏震論之詳矣錢君東垣頗信其書爲校證

之其所校乃宋成注本也

上虞王煦小爾雅疏曰謂之小者蓋廣爾雅之未備附爾雅以行故稱名小也漢書藝文志小爾雅一篇不著撰人名氏館閣書目云

孔鮒撰蓋即孔叢子第十一篇也

又曰小爾雅爲先秦古書漢成哀間劉向劉歆編入錄略後漢班固列於藝文志自漢迄唐傳注家皆取以訓釋經義罔有異詞而近

世東原戴震從而訾之曰小爾雅乃後人皮傳掇拾而成非古小學遺書今按小爾雅本文證以漢魏諸儒傳注之義知東原之說非

也今悉爲辯正大旨瞭然其有餘義各詳本疏庶後之讀是書者不誣誤於不根之說也

又曰漢唐諸儒釋經凡引小爾雅之文多通稱爾雅亦有稱小雅者一見於陸氏周頌潛

釋文至李善注文選則統稱小雅蓋省文也

亦有小爾雅所無而見引於他書者如易釋文考工記莊子釋文元應一切經音義鄺道

元水經注或本書佚文或傳寫之誤

張氏書目答問小爾雅疏八卷舊題漢孔鮒撰

李軌解王熙疏鑿山房本非漢藝文志元書又曰小爾雅訓纂六卷宋翔鳳撰

浮溪精舍本又曰小爾雅義證十三卷胡承珙撰

撰墨莊遺書本錢東垣小爾雅校證二卷未刊

方言十三卷漢揚雄撰郭璞注

郭璞有爾雅注爾雅音及圖贊等凡四部並見前

漢書列傳揚雄字子雲蜀郡成都人也年四十餘來游京師大司馬王音奇其文雅召為門下史薦雄待詔歲餘奏羽獵賦除為郎給事黃門與王莽劉歆並哀帝之初又與董賢同官當成哀平間莽賢皆為三公而雄三世不徙官及莽篡位談說之士用符命稱功德獲封爵者甚衆雄復不侯以耆老久次轉為大夫恬於執利迺如是實好古而樂道其意欲求文章成名於後世用心於內不求於外於時人皆習之唯劉歆及范滂敬焉而相諱以為絕倫鉅鹿侯芭常從雄居按此芭下鉅字字子常芭字也別詳前韓詩翼要條受其太玄法言焉年七十一天鳳五年卒侯芭為起墳喪之三年

劉歆與揚雄從取方言書略曰屬聞子雲獨採集先代絕言異國殊語以為十五卷其所解略多矣而不知其目非子雲澹雅之才沉鬱之思不能經年銳積以成此書良為勤矣

今聖朝留心典誥適子雲懷意之秋也今謹使密人奉手書願頗與其最目得使入錄云云按此云得使入錄者欲以錄上於朝並欲以錄入七略也其事因略可考見也

西京雜記劉歆曰揚子雲好事常懷鉛提槧從諸計吏訪殊方絕域四方之語以為裨補輜軒所載亦洪意也

後漢應劭風俗通義序曰周秦常以歲八月遣輜軒之使求異代方言還奏籍之藏於祕室及嬴氏之亡遺脫漏棄無見之者蜀人嚴君平有千餘言林閭翁儒才有梗概之法揚雄好之天下孝廉衛卒交會周章質問以次注續二十七年爾乃治正凡九千字其所發明猶未若爾雅之闋麗也張竦以為縣諸日月不刊之書按應氏此序本劉歆揚雄往還書見方言卷末張竦字伯松茂陵張敞之孫張吉之子深於小學同縣杜林師之亦林之中表父友也王莽時至丹陽太守封淑德侯免官以列侯歸長安莽敗客於池陽為賊兵所殺見漢書張敞杜鄴傳及游俠陳遵傳陳遵博雅文學過於敞親見方言之書而稱之如此

華陽國志曰雄以典莫正於爾雅故作方言又曰林閭字公孺臨邛人也休寧戴震方言校語云案廣韻林閭氏出自自姪姓華陽國志乃云林閭字公孺誤也按常璩誤以為姓林名閭字公孺也善古學者天子有輜車之使自漢興以來劉向之徒但聞其官不詳其職職惟閭與嚴君平知之曰此使考八方之風雅通九州之異同主海內之音韻使人主居高堂知天下風俗也揚

雄聞而師之因此作方言又梁益寧三州士女目錄云高尙逸民林閭字公孺臨邛人揚雄師之見方言又蜀志云林公孺詔詰玄還其即謂方言梗概之法歟

唐日本國見在書目論語家方言十卷漢揚雄撰郭璞注

唐書經籍志小學類別國方言十三卷不著撰人

唐書藝文志小學類揚雄別國方言十三卷宋史藝文志小學類揚雄方言十四卷

崇文總目方言十三卷漢揚雄子雲撰晉郭璞注今世所傳文或繆缺與先儒所引時有差云

晁氏讀書志方言十三卷漢揚雄撰晉郭璞注雄齋油素問上計孝廉異語悉集之題其首日輜軒使者絕代語釋別國方言

陳氏書錄方言十四卷漢黃門郎成都揚雄子雲撰晉郭璞注首題輜軒使者絕代語末載答劉歆書具詳著書本末其略云天下上計孝廉及內郡衛卒會者雄常抱三寸弱翰齋油素四尺以問其異語歸即以鉛摘次之於槩葛洪西京雜記言子雲好事云云蓋本雄書所述也

四庫提要曰漢書揚雄傳備列所著之書不及方言藝文志亦無方言東漢一百九十年中亦無稱雄作方言者至漢末應劭風俗通序始稱雄作方言勸注漢書亦引揚雄方言一條按見司馬遷傳魏孫炎注爾雅晉杜預注左傳遞相徵引沿及東晉郭璞遂注其書然

揚雄作方言之書而稱之如此

休寧戴震方言校語云案廣韻林閭氏出自自姪姓華陽國志乃云林閭字公孺誤也按常璩誤以為姓林名閭字公孺也善古學者天子有輜車之使自漢興以來劉向之徒但聞其官不詳其職職惟閭與嚴君平知之曰此使考八方之風雅通九州之異同主海內之音韻使人主居高堂知天下風俗也揚

雄聞而師之因此作方言又梁益寧三州士女目錄云高尙逸民林閭字公孺臨邛人揚雄師之見方言又蜀志云林公孺詔詰玄還其即謂方言梗概之法歟

唐日本國見在書目論語家方言十卷漢揚雄撰郭璞注

唐書經籍志小學類別國方言十三卷不著撰人

唐書藝文志小學類揚雄別國方言十三卷宋史藝文志小學類揚雄方言十四卷

崇文總目方言十三卷漢揚雄子雲撰晉郭璞注今世所傳文或繆缺與先儒所引時有差云

晁氏讀書志方言十三卷漢揚雄撰晉郭璞注雄齋油素問上計孝廉異語悉集之題其首日輜軒使者絕代語釋別國方言

陳氏書錄方言十四卷漢黃門郎成都揚雄子雲撰晉郭璞注首題輜軒使者絕代語末載答劉歆書具詳著書本末其略云天下上計孝廉及內郡衛卒會者雄常抱三寸弱翰齋油素四尺以問其異語歸即以鉛摘次之於槩葛洪西京雜記言子雲好事云云蓋本雄書所述也

四庫提要曰漢書揚雄傳備列所著之書不及方言藝文志亦無方言東漢一百九十年中亦無稱雄作方言者至漢末應劭風俗通序始稱雄作方言勸注漢書亦引揚雄方言一條按見司馬遷傳魏孫炎注爾雅晉杜預注左傳遞相徵引沿及東晉郭璞遂注其書然

揚雄作方言之書而稱之如此

休寧戴震方言校語云案廣韻林閭氏出自自姪姓華陽國志乃云林閭字公孺誤也按常璩誤以為姓林名閭字公孺也善古學者天子有輜車之使自漢興以來劉向之徒但聞其官不詳其職職惟閭與嚴君平知之曰此使考八方之風雅通九州之異同主海內之音韻使人主居高堂知天下風俗也揚

雄聞而師之因此作方言又梁益寧三州士女目錄云高尙逸民林閭字公孺臨邛人揚雄師之見方言又蜀志云林公孺詔詰玄還其即謂方言梗概之法歟

唐日本國見在書目論語家方言十卷漢揚雄撰郭璞注

唐書經籍志小學類別國方言十三卷不著撰人

唐書藝文志小學類揚雄別國方言十三卷宋史藝文志小學類揚雄方言十四卷

崇文總目方言十三卷漢揚雄子雲撰晉郭璞注今世所傳文或繆缺與先儒所引時有差云

晁氏讀書志方言十三卷漢揚雄撰晉郭璞注雄齋油素問上計孝廉異語悉集之題其首日輜軒使者絕代語釋別國方言

劭序稱方言九千字而今本乃一萬一千九百餘字字數較原本幾溢三千雄與劉歆往返書皆稱方言十五卷郭璞序亦稱三五之篇而隋唐志乃並載十三卷與今本同則卷數較原本闕其二或傳其學者輾轉附益故字多於前又并爲十三卷故卷減於昔歟雄及劉歆二書據李善文選注引懸諸日月不刊之書句已稱方言則自隋唐以來原附卷末

張氏書目答問方言注十三卷漢揚雄撰晉郭璞注丁杰校抱經堂本聚珍本福本小學彙函本又曰方言疏證注十三卷戴震撰戴氏遺書本又錢繹方言箋疏十三卷錢侗方言義證六卷未刊 又有杭世駿續方言二卷程際盛補正一卷

釋名八卷劉熙撰

劉熙有諡法注見前禮類

熙自序略曰夫名之於實各有義類百姓日用而不知其所以之意故撰天地陰陽四時邦國都鄙車服喪紀下及民庶應用之器論彼指歸謂之釋名凡二十七篇至於事類未能究備凡所不載亦欲智者以類求之博物君子
明區大任百越先賢志熙博覽多識乃即名物以釋義推揆事源致意精微作釋名二十七篇自爲之序又著諡法三卷皆行於世
唐書經籍志小學類釋名八卷劉熙撰
唐書藝文志小學類劉熙釋名八卷宋史志同

崇文總目釋名八卷劉熙卽物名以釋義凡二十七目

四庫提要曰其書二十篇以同聲相諧推論稱名辯物之意中間頗傷於穿鑿然可因以考見古音又去古未遠所釋器物亦可以因以推求古人制度之遺其有資考證不一而足別本或題曰逸雅蓋明郎奎金取是書與爾雅小爾雅廣雅埤雅合刻名曰五雅以四書皆有雅名遂改題逸雅以從類非其本日今不從之又後漢書劉珍傳稱珍撰釋名五十篇以辨萬物之稱號 講按五十篇當爲三十篇劉珍有東觀漢記詳見史部正史類其書名相同姓又相同鄭明選作批言頗以爲疑然歷代相傳無引劉珍釋名者則珍書久佚不得以此書當之也明選又稱此書爲二十七篇與今本不合明選萬曆中人不應別見古本殆一時失記誤以二十爲二十七歟 講按今本實有二十七篇與自序所言合提要所據二十篇不知何本又簡明目錄曰釋名八卷凡二十篇從音求義多以同聲相諧不免牽合然可以推見古音所釋器物亦可以推見古制嚴均可全後漢文編曰劉熙有釋名八卷吳志韋曜傳見劉熙所作釋名信多佳者文苑劉珍傳撰釋名三十篇蓋別有一書或珍創始而劉熙踵成之也
張氏書目答問釋名疏證八卷補遺一卷漢劉熙撰江聲疏補經訓堂篆書正書兩本又續釋名一卷江聲撰經訓堂本

按湖廣舊志云劉珍撰釋名三十篇以辨萬物之稱號劉熙序之然考熙自序止二十七篇亦絕不言前人有是作豈今本劉序非全文佚其本末歟序末有云其於答難解惑王父幼孫朝夕侍問以塞可謂之士聊可省諸其語不甚明白豈劉熙爲劉珍之孫幼時嘗質問其義後踵成其王父之書如嚴氏所說歟疑不能明也

辨釋名一卷韋昭撰

韋昭有毛詩答難問見前詩類
吳志本傳鳳皇二年曜因獄吏上辭曰又見劉熙所作釋名信多佳者然物類衆多難得詳究故時有得失而爵位之事又有非是愚以官爵今之所急不宜乖誤因自忘至微又作官職訓及辯釋名各一卷欲表上之新寫始畢會以無狀幽囚待命泯沒之日恨不上聞謹以先死列狀乞上言祕府於外料取呈內以進懼淺蔽不合天聽抱怖雀息乞垂哀省曜冀以此求免而暗更怪其書之垢故又以詰曜曜對曰囚撰此書實欲表上懼有誤謬數數省讀不覺點污被問寒戰形氣訥吃謹追辭叩頭五百下兩手自搏
唐書藝文志小學類韋昭辯釋名一卷
崇文總目小學類辨釋名一卷韋昭撰
宋史藝文志小學類韋昭辯釋名一卷
鎮洋畢沅辯釋名補遺序曰韋昭官職訓及辯釋名據昭自序言各一卷則粹然成帙今雖亡失其引見唐宋人書者當不止於是而

予之所見僅此而已

馬氏玉函山房輯本序曰韋昭辨釋名今輯錄二十五節其二十三節皆論辨官制先列釋名原文後加辨曰以別之其無者引文脫也今釋名內無釋官篇當是後人緣昭辨而刪之而劉熙之說亦借此以存其缺佚與化任大椿小學鈞沈中亦輯存一本官職訓一卷別見史部職官類中

按自爾雅至此又別為一類本志篇敘又云爾雅諸書解古今之意附於此篇

五經音十卷徐邈撰

徐邈有周易音見前易類

晉書儒林傳孝武帝時邈在西省侍帝雖不口傳章句然開釋文義標明指趣撰五經音訓學者宗之

按徐氏五經音本志分著於錄者有周易一卷古文尚書音一卷毛詩音二卷三禮音三卷左氏音三卷論語音二卷凡十二卷並見於前此其合并為帙者

五經正名十二卷劉炫撰

劉炫有尚書論語述義並見前

隋書北史儒林劉焯傳 皇六年運洛陽石經至京師文字磨滅莫能知者奉敕與劉炫二人考定論義深挫諸儒咸懷妬恨遂為飛章所謗除名為民又劉炫傳云著五經正名十二卷 按此則是書即隋皇六年奉敕考定石經而作劉炫傳不載其事而見於劉焯傳非參稽互考不得其詳也

唐書經籍志經解類五經正名十五卷劉炫撰 當是十二卷之寫誤

唐書藝文志經解類劉炫五經正名十二卷 按周官外史掌達書名於四方注古曰名今日字又本志小學類敘曰孔子曰必也正名乎名謂書字此曰正名即正字之謂也錢氏考異言之甚詳

白虎通六卷

不著撰人

後漢書章帝本紀建初四年冬十一月壬戌詔曰蓋三代導人教學為本漢承暴秦褒顯儒術建立五經為置博士其後學者精進雖曰承師亦別名家孝宣皇帝以為去聖久遠學不厭博故遂立大小夏侯尚書後又立京氏易至建武中復置顏氏嚴氏春秋大小戴禮博士此皆所以扶進微學尊廣道藝也中元元年詔書五經章句煩多議欲減省至永平元年長水校尉儵 樂儵也奏言先帝大業當以時行欲使諸儒共正經義頗令學者得以自助孔子曰學之不講是吾憂也又曰博學而篤志切問而近思仁在其中矣於戲其勉之哉於是下太常將大夫博士議郎郎官及諸生諸儒會白虎觀講議五經同異使五官中郎將魏應承制問侍中淳于恭奏帝親稱制臨決如孝宣甘露石渠故事作白虎議奏章懷太子注曰今白虎通 按白虎議奏非白虎通章懷此注誤也班氏述祖考之甚詳見抱經堂校刊本卷首

又儒林傳序曰建初中大會諸儒於白虎觀考詳同異連月乃罷肅宗親臨稱制如石渠故事顧命史臣著為通義章懷注曰即白虎通義是 按章懷此注是也

又楊終傳終又言宣帝博徵羣儒論定五經於石渠閣方今天下少事學者得成其業而章句之徒破壞大體宜如石渠故事永為後世則於是詔諸儒於白虎觀論者同異焉會終坐事繫獄博士趙博校書郎班固賈逵等以終深曉春秋學多異聞表請之即日貫出乃得與於白虎觀焉

又丁鴻傳建初四年肅宗詔鴻與廣平王羨及諸儒樓望成封桓郁賈逵等論定五經同異於北宮白虎觀使五官中郎將魏應主承制問難侍中淳于恭奏上帝親稱制臨決鴻以才高論難最明諸儒稱之帝數嗟美焉章懷注曰廣平王羨明帝子也白虎門名於門立觀因以名之焉

又班固傳固遷玄武司馬天子會諸儒講論五經作白虎通德論令固撰集其事 唐書經籍志經解類白虎通六卷漢章帝撰 唐書藝文志經解類班固等白虎通義六卷 宋史藝文志經解類班固白虎通十卷

崇文總目白虎通德論十卷後漢班固等撰 章帝建初四年詔諸儒會白虎觀講議五經同異詔集其事凡十四篇 按當是四十四篇之誤此始稱白虎通德論似是而非周氏廣業嘗辨之見抱經堂校刊本卷首

詳也

本卷首

經堂校刊本卷首

晁氏讀書志白虎通德論十卷後漢章帝會
羣臣於白虎殿講論五經同異班固奉詔纂
修

陳氏書錄白虎通十卷漢尚書郎班固撰章
帝建初四年作白虎議奏蓋用宣帝石渠故
事也石渠議奏今不傳矣班固傳稱作白虎
通德論令固撰集其事云凡四十四門
玉海藝文類今本自爵號至嫁娶凡四十三
篇

四庫雜家類考提要曰白虎通義四卷漢
班固撰白虎觀諸儒可考者十有餘人其議
奏統名白虎通德論固撰集後乃名其書曰
通義唐志所載蓋其本名崇文總目稱白虎
通德論失其實矣隋志刪去義字蓋流俗省
略有此一名故唐劉知幾史通序引白虎通
風俗通爲說實則遞相祖襲忘其本始者也
書中徵引六經傳記而外涉及緯讖乃東漢
習尙使然又有王度記三正記別名記親屬
記則禮之逸篇方漢時尙經學成兢兢守
其師承古義舊聞多存乎是洵治經者所宜
從事也 按此以白虎通德論謂即議奏周氏廣業以
爲別是一篇如功德論之類皆近似其能詳

陽湖莊述祖白虎通義考曰議奏隋唐時亡
佚非今之通義今本四十四篇自爵號以至
嫁娶皆後人編類非其本真

按白虎觀會議諸儒提要云可考者十餘
人今按范書所載有廣平王羨魏應淳于
恭班固賈逵桓郁李育魯恭樓望成封丁

鴻張補召馴趙博其發端者長水校尉樊
儵校書郎楊終也儵前卒不與其事
五經異義十卷後漢太尉祭酒許慎撰

後漢書儒林傳許慎字叔重汝南召陵人也
性淳篤少博學經籍馬融常推敬之時人爲
之語曰五經無雙許叔重爲郡功曹舉孝廉
再遷除汝南卒於家初慎以五經傳說臧否
不同於是撰爲五經異義傳於世唐張懷瓘書
斷曰官至太尉南開祭酒安帝末年卒

嚴可均全後漢文編曰許慎字叔重汝南召
陵人爲郡功曹永元中舉孝廉爲太尉南開
祭酒後除汝南有孝經古文說一卷五經異
義十卷說文十五卷淮南子注二十一卷
唐日本國見在書目五經異義十卷後漢太
尉祭酒許慎撰

唐書經籍志五經異義十卷許慎撰鄭玄
唐書藝文志許慎五經異義十卷鄭玄駁
經義考曰許氏異義唐以後無傳僅散見於
初學記通典御覽諸書所引至於鄭康成駁
義三禮正義而外僅存數條
惠棟後漢書補注曰其書所載有易孟京說
施讎說下邳傳甘容說古尙書說賈逵說今
尙書歐陽夏侯說古毛詩說今詩齊魯韓說
治魯詩丞相章玄成說匡衡說古春秋左氏
說奉德侯陳欽說侍中騎都尉賈逵說今春
秋公羊穀梁說公羊董仲舒說大鴻臚時註
說古周禮說今戴禮說今大戴禮說禮王度
記盛德記明堂月令講學大夫淳于登說古

孝經說今論語說魯郊禮叔孫通禮古山海
經鄭書 按原引云謹案古山海經鄭書云騶虞賦說
與毛詩同此鄭書疑騶虞之騶 公議郎尹更始待
詔劉更生議石渠博存衆說蔽以己意或從
古或從今
四庫提要曰駁五經異義一卷山西巡撫采
進本此本從諸書采綴而成或題宋王應麟
編然無確據其間有單詞隻句駁存而義闕
者原本錯雜相參頗失條理今詳加釐正以
義駁兩全者彙列於前其僅存駁義者則附
錄以備參考又近時朱彝尊經義考內亦嘗
旁引鄭駁數條而長洲惠氏所輯則蒐羅益
爲廣備往往多此本所未及今以二家所采
參互考證除其重複定著五十七條別爲補
遺一卷附之於後

鄭珍鄭學錄曰駁許慎五經異義隋唐志十
卷至宋亡不知何人輯爲一卷乾隆間有王
復武億莊葆琛孔廣林錢大昭諸本皆因原
輯增補以意分合唯孔本仍作十卷嘉慶間
陳編修壽祺取諸本參訂以類相從分爲三
卷作疏證以明之雖非康成完書典禮名物
大端駁舉
孫祠書目駁五經異義一卷補遺一卷漢許
慎撰鄭元駁一武億校刊本一莊述祖集本
一錢大昭集本一孔廣林集本
張氏書目答問五經異義並駁義一卷補遺
一卷漢許慎撰鄭元駁王復輯問經堂本藝
海珠塵本又疏證三卷陳壽祺撰家刻本學

海堂本

按本志及附注七錄皆無鄭氏駁義之目

知此十卷即附鄭氏駁義於其中與兩唐

志同特漏注鄭玄駁三字耳諸家所輯又

有王氏漢魏遺書鈔二卷

五經然否論五卷晉散騎常侍譙周撰

譙周有論語注見前

蜀志本傳周誦讀典籍研精六經諸子文章

非心所存不悉徧視凡所著述撰定五經論

又秦宓傳初宓見帝系之文五帝皆同一族

宓辯其不然之本又論皇帝王霸養龍之說

甚有通理譙允南少時數往諮訪記錄其言

於春秋然否論文多故不載 按春秋然否論即

五經然否論之一

唐書經籍志五經然否論五卷譙周撰

唐書藝文志譙周五經然否論五卷

王氏漢魏遺書鈔曰周書已久亡羣書稱引

絕少御覽亦不載其目經義考鈔出後漢書

注通典三條今從穀梁傳注鈔出一條詩正

義一條禮記正義二條其他引譙周說俱當

屬五經然否論悉附錄之

馬氏玉函山房輯本序曰此書隋唐志皆五

卷今佚穀梁傳疏引一節通典引二十餘節

內有明標五經然否論者三節參以後漢補

志注劉恕通鑑外紀所引並同又引譙周禮

祭集志二節縷服圖集圖各一節說祭禮喪

服似是論之篇目錄只標蜀譙周省文也合

輯一帙以明言書名者列前其標集志集圖

及止稱名者附後周經說長於禮服宜陳壽
以潛識內敏稱之也

五經拘沈十卷晉高涼太守楊方撰 拘讀爲鈞

晉書賀循傳循曾稽山陰人也雅有知人之

鑒拔同郡楊方於卑陋卒成名於世方字公

回少好學有異才初爲郡鈴下威儀公事之

暇輒讀五經邕邑未之知內史諸葛恢見而

奇之待以門人之禮由是始得周旋貴人間

賀循稱方於京師司徒王導辟爲掾轉東安

太守遷司徒參軍事方在都邑搢紳之士咸

厚遇之自以地寒不願久留京華求補遠郡

欲閒居著述導從之上補高涼太守在郡積

年著五經鈞沈行於世以年老棄郡歸導將

進之臺閣固辭還鄉里終於家

唐書經籍志五經鈞深十卷楊方撰

唐書藝文志楊方五經鈞沈十卷

宋史藝文志晉楊方五經鈞沈五卷

崇文總目五經鈞沈五卷晉楊芳撰答難申

暢自爲鈞取五經之沈義篇第亡缺今缺五

篇

玉海藝文類中與書目五經鈞沈十卷晉高

涼一作梁太守楊方撰自序云晉太寧元年

撰鈞經傳之沈義著論難以起滯

經義考曰楊氏方五經鈞沈隋志十卷崇文

總目方作芳舊唐志鈞沈作鈞深

馬氏玉函山房輯本序曰隋志作拘沈唐志

作鈞沈並十卷今佚從初學記太平御覽所

引輯得五節其說生知元照稍涉道家談而

文筆議論與葛洪抱樸子相近
五經大義三卷戴逵撰

晉書隱逸傳戴逵字安道譙國人也少博學

性不樂當世常以琴書白娛師事術士范宣

於豫章宣異之以兄女妻焉後徙居會稽之

剡縣性高潔常以禮度自處孝武帝時累以

國子博士祭酒加散騎常侍徵不起太元中

卒

馬氏玉函山房輯本序曰戴逵撰五經大義

隋志三卷唐志不著錄佚已久通典引其說

喪服二篇北堂書鈔引雜義一條並據輯錄

梁有通五經五卷王氏撰亡

王氏不詳何人

梁有五經咨疑八卷周楊撰亡

唐書經籍志五經咨疑八卷楊思撰

唐書藝文志楊思五經咨疑八卷

經義考曰周氏楊五經咨疑七錄八卷唐志

周楊作楊思

按日本書目有五經問答八卷不著撰人

似卽此書本志引七錄作周楊疑是周氏

楊氏二人相問答楊名思兩唐志有明文

周不知其名

梁有五經異同評一卷賀瑒撰亡

賀瑒有喪服義疏見前禮類

南史本傳天監四年初開五館以瑒兼五經

博士別詔爲皇太子定禮撰五經義 梁書

林傳同

按史言撰五經義者或爲梁武帝及皇太

子所作講義此異同評一卷其僅存者晉書儒林徐苗傅苗就博士濟南宋鈞受業遂爲儒者宗作五經同異評則自魏晉以來評五經同異者不止一家矣玉海又載北史張鳳著五經異同評十卷

梁有五經祕表要三卷亡

不著撰人

按五經祕或是識緯家之說此表明其要歟又或是祕義要之誤錄祕義之要者爲是書識緯類有書易詩孝經春秋河洛緯祕要一卷

五經大義十卷後周縣伯中大夫樊文深撰

北史儒林傳樊深字文深河東猗氏人弱冠好學負書從師於河西講習五經晝夜不倦魏永安中隨軍征討以功累遷中散大夫孝武西遷樊王二姓舉義爲東魏所誅深避難遁去及周文平河東于謹引爲府參軍周文置學東觀教諸將子弟以深爲博士深經學通膽每解書多引漢魏以來諸家義而說之儒者推其博物後除國子博士賜姓萬鈺於氏天平二年遷縣伯中大夫加開府儀同三司建德元年表乞骸骨許之朝廷有疑議常召問焉後以疾卒

經典大義十二卷沈文阿撰

沈文阿有春秋左氏經傳義略見前春秋類南史儒林傳文阿撰經典大義十八卷行於世唐日本國見在書目經典大義十二卷沈文阿撰

唐書經籍志經典大義十卷沈文阿撰唐書藝文志沈文阿經典玄儒大義序錄十卷

按此與後經典玄儒大義序錄二卷本爲一書其原本當是十八卷至隋存十四卷而分爲兩書至唐開元時存十卷又南史儒林王元規傳元規少從沈文阿受業續經典大義十四卷本志不著錄

五經大義五卷何妥撰

何妥有周易講疏見前易類

五經通義八卷梁九卷

不著撰人

唐書經籍志五經通義九卷劉向撰唐書藝文志劉向五經通義九卷

王應麟擬序曰劉向辨章舊聞則有五經通義通義者漢五經課試之學也雖漢以文立治以經選士鴻生傳業支繁葉滋闡釋道真探索聖蘊決科射策則有通義之目以孟子明事則有博文之名趙岐題辭循述大概謹稽合史傳而爲之說曰聖人作經載道學者因經明道學博而不詳說無以發羣獻之眇旨說詳而不反約無以折衆言之殺亂故必泝正學之源而後能通乎聖人之海粵自木鐸聲寢經典道榛塞孟子闢邪詎詖羽翼孔道七篇垂訓法嚴義精知性知天易之奧也以意逆志詩之綱也言稱堯舜書之要也井田爵祿之制可以知禮王霸義利之辯可以知春秋儒者稱之曰通五經噫若孟氏斯謂

之通矣噉哉漢之尊經乎儒五十三家莫非賢傳也而孟子首置博士九流百八十三家莫非諸子也而通義得述孟子斯文之統紀以一多士之趨向以純非徒緝訓故誦佔畢而已若稽前載建元五年春五經始立博士元朔五經通一藝者試之孝元好儒通一經者復之博士十四防於建武選受四經俶於建初科有甲乙試有家法或試經於太常或試誦說於博士永元十四年司空徐防建言開五十難解釋多者爲上第演文明者爲高說所謂博文明事雖軼不傳然建武中太子諸王欲爲通義而聘鄭衆建初四年會諸儒白虎觀命史臣著通義曹褒傳慶氏禮亦纂通義十二篇觀其名可求其略矣遠觀有漢之盛鉅儒碩師開門授徒著錄至萬六千人經數家家說章句多者百餘萬言歷禋祿邈湮沒居多嘗卽詩禮訓注考之小弁述親親之言王制述貢助徹之法爵德齒釋於太宰經界釋於小司徒圭田市廛關譏釋於載師廛人司關助有公田國中什一及函矢之說又詳列於考工記珠貫絲組上下洽通蓋傳得其宗無越鄒孟求觀聖道必自茲始否則續以華藻汨以緯候茲茲詭辯稽古曼辭燕說郢書吾道秀矣焉得而通諸雖然經學至於通而止漢儒之說何其紛紛也五經通義劉向輯之五經通論沛獻著之程會通難注丹易通專己黨同轍殊隔異君子已不能無憾況課試之學以明經爲祿利之塗則通

義乃諸經之筌蹄也其不傳於今有以夫吁師異道人異論漢儒之說猶得以考同異折是非也暨唐貞觀十二年會粹章句為正義百七十卷由是舉天下宗一說而無深造自得之功若明經又變為帖誦而口義墨義與焉君子又惜通義之不傳於今也

經義考曰五經通義唐志尚存觀王伯厚擬序宋季已無傳矣今就羣書所引者次於後餘見正義者不具錄

王氏漢魏遺書鈔曰隋志五經通義不言何人所撰諸書俱引作劉向唐志因之經義考云見正義者不具錄實則正義中並未嘗引通義也今共鈔出後漢書注三條北史一條隋志一條文選注二條類聚十條初學記六條書鈔八條通典七條白帖二條御覽十三條事類賦注一條玉海二條說郛一條

馬氏玉函山房輯本序曰朱氏經義考以前漢無緯說因取諸書引通義載緯說者屬之曹褒餘皆屬之劉向固其特識然隋唐志不言曹褒未若依唐志並入劉向書為有據也按曹褒所撰通義十二篇見范書本傳其書似為慶氏禮記而作朱氏以為五經通義似未然

孫祠書目五經通義一卷洪頤煊集本

不著撰人

漢書劉向傳講論五經於石渠又藝文志孝經類五經雜議十八篇石渠論 按漢志孝經居六藝之末故凡六藝流亞如五經雜議爾雅之類皆附於

其後

唐書經籍志五經雜義七卷劉向撰唐書藝文志劉向五經雜義七卷

按此證以兩唐志所載卷數與七錄同蓋即漢志之五經雜議本志敍雜字議義本相通特不知此七卷猶是漢志之十八篇否也

又按漢書藝文志書議奏四十二篇注云宣帝時石渠論又禮議奏三十八篇春秋議奏三十九篇論語議奏十八篇亦皆注云石渠論唯五經不曰議奏曰雜議亦注云石渠論豈其體製與議奏微有不同者歟又易詩孝經無議奏殆以所議不多彙於五經雜議中

又按石渠羣儒經義考據西漢會要載十五人玉海載十六人皆各有所遺今詳考儒林傳列傳綜彙於此易家有施讎梁邱臨尚書家有歐陽地餘林尊周堪張山拊假倉詩家有韋玄成張長安薛廣德禮家則戴聖聞人通漢春秋公羊家則嚴彭祖申輓伊推宋顯許廣穀梁家則尹更始劉向周慶丁姓王亥而蕭望之以五經名家與韋玄成條奏其議梁邱臨奉使問難可考見者凡二十有三人玉海以蕭望之專屬穀梁家非是會要有戴德朱氏以謂誤讀孟卿傳又有孔霸朱氏不言今參考孔光傳不言霸論石渠亦似誤讀儒林周堪傳也王亥鄭氏六藝論作王彥

梁又有五經義略一卷亡

不著撰人

按此似即五經雜義之節略本

五經要義五卷

不著撰人

唐書經籍志五經雜義七卷劉向撰五經通義九卷劉向撰五經要義五卷劉向撰唐書藝文志劉向五經雜義七卷又五經通義九卷五經要義五卷

玉海藝文曰文選注引五經要義北史劉芳引要義世說注隋禮儀志引要義

經義考曰按藝文類聚初學記杜氏通典太平御覽並引要義文

孫祠書目五經要義一卷洪頤煊集本

按本志不知雜義通義要義為劉氏書故皆不著撰人類從於陳隋人之後三書之中雜義見於漢志自當居首而本志敍去雜字列通義後編次亦失當兩唐志則著錄甚分明也又本志此條云五經要義五卷梁十七卷雷氏撰一似此五卷即雷氏佚存者唐志則分析甚明知五卷者為劉氏書十七卷者雷氏書也

梁有五經要義十七卷雷氏撰亡

雷氏不詳何人

王氏漢魏遺書鈔曰諸書引要義皆不著撰人姓名如蓮社高賢傳云次宗著書自稱雷氏則此要義之雷氏為次宗無疑今故定為雷次宗撰並鈔出後漢書注一條北史一條

隋志一條世說新語注一條文選注二條類聚六條初學記七條書鈔二條通典一條御覽三條

馬氏玉函山房輯本序曰雷氏不詳何人今其書佚采輯二十餘節說楊襲形管皆詳晰有古致蓋承漢人遺說也

五經析疑二十八卷 鄆綽撰

元和姓纂鄆氏晉趙襄側室子趙穿食采鄆因氏焉漢有陳留人綽魏有涼州刺史鄆鄆商支孫鄆鄆淳為平原侯植文學 按鄆鄆始末未詳據姓纂則猶為漢人所未喻也

唐日本國見在書目論語家五經析疑三十卷 鄆綽撰

唐書經籍志子部法家五經析疑三十卷 鄆綽撰

唐書藝文志法家鄆綽五經析疑三十卷 玉海藝文類唐志法家鄆綽五經析疑三十卷初學記引之

經義考鄆氏綽五經析疑隋志二十八卷唐志三十卷入法家按析疑文見於初學記所引者凡四條

王謨漢魏遺書鈔曰唐志以此書入法家今其書已亡前人亦未有論說故無可考但如書鈔所引一條云甲女子欲入門為乙門所竿死以為當坐殺人棄市意此書亦當如春秋決事設為甲乙以科罪耳故宜入法家今僅鈔出初學記四條書鈔御覽各一條

五經宗略二十三卷 元延明撰

元延明有毛詩誼府見前詩類魏書本傳又撰五經宗略又術藝孫僧化傳

時有河間信都芳好學善天文算數甚為安豐王延明所知延明家有羣書欲鈔集五經算事為五經宗及鈔集古今樂事令芳算之會延明南奔芳乃自撰注 按考算注樂書見前樂類此五經宗略或亦芳法而傳之也

唐書經籍志五經宗略四十卷 元延明撰

唐書藝文志元延明五經宗略四十卷

五經雜義六卷 孫暢之撰

孫暢之有毛詩引辯見前詩類

長春義記一百卷 梁簡文帝撰

梁簡文帝有毛詩十五國風義見前詩類

梁書本紀帝博綜儒書善言玄理高祖所製五經講疏嘗於玄圃奉述聽者傾朝野所著長春義記一百卷行於世

南史儒林沈文阿傳梁簡文引為東宮學士深相禮遇及撰長春義記多使文阿撮異聞以廣之

又許懋列傳懋為天門太守中大通三年皇太子召與諸儒錄長春義記

又徐陵列傳梁簡文在東宮撰長春殿義記使陵為序

唐書經籍志長春秋義記一百卷 梁簡文撰 按秋當為殿字之誤

唐書藝文志梁簡文帝長春義記一百卷

大義九卷

不著撰人

按此次長春義記之後或即義記之節錄本或其上敍五經字

遊玄桂林九卷 張機撰 機當為譏

張譏有周易講疏見前易類南史儒林傳譏篤好玄言所撰玄部通義十二卷遊玄桂林二十四卷陳後主敕就其家寫入祕閣

唐書經籍志遊玄桂林二十卷 張譏撰

唐書藝文志張譏遊玄桂林二十卷

按本志子部道家有遊玄桂林二十一卷目一卷此九卷或節錄其中之關涉五經者

六經通數十卷 梁舍人鮑泉撰

南史列傳鮑泉字潤岳東海人也性警悟博涉史傳兼有文筆少事元帝為國常侍通直侍郎及元帝承制累遷至信州刺史後元帝以世子方諸為郢州刺史泉為長史侯景遣將宋子仙任約襲之執方諸及泉景殺泉於江夏沈其屍於黃鶴磯

七經義綱二十九卷 樊文深撰

七經論三卷 樊文深撰

質疑五卷 樊文深撰

樊文深有五經大義見前周書儒林傳深所撰孝經喪服問疑各一卷撰七經異同說三卷義經略論并目錄三十一卷並行於世 按義經册府元龜引作義綱北史儒林傳云撰孝經喪服問疑各一卷又撰七經異同三卷子義綱按周書不附見其子義綱乃其書名此必有敍誤

唐書經籍志七經義網略論三十卷樊文深撰質疑五卷樊文深撰

唐書藝文志樊文深七經義網略論三十卷又質疑五卷

經義考曰樊氏義網見於類書所引者凡三條

錢大昕隋志考異曰按周書儒林傳所載與此志名目互異

馬國翰輯本序曰太平御覽之三十九引樊文深七經義網格論格論者書中篇目之一也徐堅初學記卷九又二十七亦各引樊文深七經義輯錄三節

按周書北史本傳皆不載文深有質疑考北齊書李公緒傳公緒雅好著書撰質疑五卷北史作禮質疑禮或誤衍書名卷數並相同似此五卷為李公緒書本志因上文而寫誤兩唐志遞相沿襲歟李公緒有趙記十卷別見史部地理類

經典玄儒大義序錄二卷沈文阿撰

沈文阿有經典大義見前

册府元龜學校部目錄類陳沈文阿為散騎常侍兼國子博士撰經典玄儒大義序錄二卷

按宋書隱佚雷次宗傳元嘉十五年徵次宗至京師聚徒教授與朱膺之庾蔚之並以儒學總監諸生使何尚之立玄學何承天立史學謝元立文學凡四學並建又南史王儉傳宋明帝泰始六年置總明館以

集學士或謂之東觀置儒玄文史四科科置學士十人又儒林咸衰傳云簡文在東宮嘗集玄儒之士互相質難令中庶子徐摛馳騁大義所謂玄儒大義者如此金樓子聚書篇云還石城為戍軍時寫得玄儒衆家義疏即是類之書此與前經典大義十卷本合為一書志誤分為二

玄義問答二卷 不著撰人

顏氏家訓勉學篇曰梁世莊老周易總謂三玄武帝簡文躬自講論周弘正奉贊大猷化行都邑學徒千餘實為盛美元帝在江荆間復所愛習召置學生親為教授廢寢忘食以夜繼朝至乃倦劇悲憤輒以講自釋吾時頗預末筵親承音旨性既頑魯亦所不好云

按以玄義釋經者自魏王弼注易始歷晉宋齊梁是類之書不知凡幾至隋唐之際五經家猶存此及張譏沈文阿三家他如周易玄品周易普玄圖孝經玄大抵亦其類也

六藝論一卷鄭玄撰 鄭玄有周易注見前易類 徐彥公羊序疏曰鄭君先作六藝論訖然後注書 唐日本國人見在書目六藝論一卷鄭玄撰方叔機注 唐書經籍志六藝論一卷鄭玄注 唐書藝文志鄭玄六藝論一卷

經義考曰孔穎達疏引方叔機注六藝論叔機未詳何時人

馬氏玉函山房輯本序曰今從諸經疏及北堂書鈔御覽路史等書輯得二十三節禮正義引方叔機注一則并附著之 王氏漢魏遺書鈔輯存二十條方氏注一條 嚴氏後漢文編輯存三十八條

孫祠書目六藝論一卷一孔廣林集本一洪頤煊集本一臧鏞堂集本

張氏書目答問六藝論一卷陳鱣輯別下齋刻本又黃奭刻漢學堂高密遺書本

聖證論十二卷王肅撰

王肅有周易注見前易類

魏志本傳初肅善賈馬之學而不好鄭氏時樂安孫叔然受學鄭玄之門人稱東州大儒肅集聖證論以譏短玄叔然駁而釋之

舊唐書元行沖傳行沖著釋疑論曰子雍規玄數十百件守鄭學者時有中郎馬昭上書以為肅謬詔王學之輩占答以聞又遣博士張融案經論詰融等 一作登 召集分別推處理之是非具聖證論王肅酬對疲於歲時又曰王肅改鄭六十八條張融駁之將定臧否融稱玄注泉深 唐諺淵故改為泉廣博西漢四百餘年未有偉於玄者然二郊之祭殊天之祀此玄誤也其如皇天祖所自出之帝亦玄慮之失也

釋文鈔錄曰肅又作聖證論難鄭玄

唐日本國人見在書目五經家聖證論十二卷

王肅撰又小學家別出聖證論十一卷

唐書經籍志聖證論十一卷 不注撰人

唐書藝文志王肅聖證論十一卷

王應麟困學紀聞曰王肅聖證論譏短鄭康

成謂天體無二郊丘爲一禘是五年大祭先

祖非園丘及郊祖功宗德是不毀之名非配

食明堂皆有功於禮學先儒陸之聖證論今

不傳正義僅見一二

錢大昕三國志考異曰高貴鄉公紀有博士

馬昭按毛詩正義往往載馬昭說即其人也

昭說經主鄭氏與王肅多異

侯康三國藝文志曰諸經疏引聖證論者往

往兼引馬昭張融說高貴鄉公紀有博士馬

昭錢氏考異謂即馬昭也張融亦魏博士見

隋志論語類

又曰王肅經解平易近人故晉宋以下多從

之近世崇尚鄭學攻肅者幾於身無完膚平

心而論肅經解豈無一得其立異於鄭猶鄭

之立異於賈馬此得彼失本可並存特其專

事掎擊且偽造家語以自實其言此則誠不

免爲小人儒耳

馬國翰輯本序曰聖證論一卷魏王肅撰馬

昭駁孔晁答張融評舊唐書元行沖傳云詔

王學之輩占答以聞今以諸引馬昭張融多

參以孔晁說而黨於王則晁固王學輩之首

選也隋志十二卷唐志十一卷今佚采輯四

十餘條依經編次爲卷

張氏書目答問聖證論一卷馬國翰輯玉函

山房本王謨輯漢魏遺書鈔本

按王氏之論大抵如元行沖所說凡六十

八條其本書篇卷無考隋唐志十二卷十

一卷者皆附馬張等駁義答義平議在內

乃後人重編也

鄭志十一卷魏侍中鄭小同撰

鄭小同有禮義四卷見前

後漢書鄭玄傳建安五年六月卒年七十四

遺令薄葬自郡守以下嘗受業者縷經赴會

千餘人門生相與撰玄答諸弟子問五經依

論語作鄭志八篇

舊唐書元行沖傳行沖作釋疑論曰鄭因子

幹師於季長屬鞮獄起師門道喪康成於

竄伏之中理紛拏之典志存探究靡所咨謀

而猶緝述忘疲聞義能徙具於鄭志向有百

科章句之徒曾不窺覽猶覆轍頗類刻舟

王肅因之重茲開釋或多改駁仍按本篇

唐會要左庶子劉知幾議曰鄭玄卒後其弟

子追論師所著述及應對時人謂之鄭志

唐書經籍志鄭志九卷 不注撰人藝文志同

經義考曰鄭志載於正義及通典者大抵張

逸趙商冷剛田瓊吳模問而康成答之又有

焦喬王權鮑遺陳鏗崇精弟子互相問答之

辭

四庫提要曰案鄭元本傳稱門人依論語作

鄭志八篇隋經籍志作十一卷鄭小同撰則

非諸弟子之舊本也新舊唐書作九卷已佚

其二至崇文總目始不著錄則全佚於北宋

初矣此本三卷莫考其出自誰氏觀書中博

采羣籍有今日所不盡見者知爲舊人所輯

非近時新編也間有蒐采未盡如諸經正義

及魏書禮志南齊書禮志續漢書郡國志注

藝文類聚諸書所引尙有三十六條爲補遺

一卷

侯康補三國藝文志錢東垣曰鄭志當是鄭

君晚年定論何以知之本傳言趙商等自遠

方來就學在何進辟召之後時年六十茲則

商所問者十居其四是在六十歲以後也又

諸弟子所問引易注者二是在易注已成之

後也引書贊者一書注者四是在書贊書注

已成之後也引詩箋者十二是在詩箋已成

之後也引周禮注者十七禮記注者七儀禮

注者一是在三禮注已成之後也引論語注

者一禘祫志者一駁五經異義者三是在論

語禘祫志駁異義已成之後也答劉炎問關

雎則云論語注人間行已久答吳模問匪革

其猶則辨詩箋與禮注不同之故可知晚年

定論猶足模楷百世矣

鄭珍鄭學錄曰鄭志本傳云八篇隋志十一

卷唐志九卷後亡國朝祕府有一本分上中

下三卷不知何人輯錄乾隆間王復武億爲

注明原書出處更加訂正又輯補遺一卷按

本傳此書明是鄭門弟子所記而隋志獨云

鄭小同撰考康成卒時小同僅四五歲安能

記述祖時師弟問答必是康成歿未久諸弟

子即各出所記分五經類而萃之爲志八卷

後來小同更有所得增編爲十一卷自題己名故隋志歸之小同撰耳

孫祠書目鄭志三卷魏鄭小同撰一孔廣林集本一武億校本補遺一卷一錢東垣集本附錄一卷

張氏書目答問鄭志三卷附錄一卷錢東垣等校秦鑿刻汗筠齋叢書本粵雅堂本又聚珍本福本問經堂本古經解彙函重刻孫本漢學堂本

鄭記六卷鄭玄弟子撰

唐會要左庶子劉知幾議曰鄭之弟子分授門徒各述師言更相問答編錄其語謂之鄭記

唐書經籍志鄭記六卷 不著撰人藝文志同

四庫提要曰通典所引鄭志皆元與門人問答之詞所引鄭記皆其門人互相問答之詞知志與記其別在此曲禮正義引鄭志有崇精之問焦氏之答月令正義引鄭志有王權之問焦喬之答焦氏之問張逸之答疑本鄭記之文校刊者誤爲鄭志歟又曰鄭記一書亦久散佚今可以考見者尚有初學記通典太平御覽所引三條併附錄於鄭志之後張氏書目答問鄭志鄭記黃奭輯高密遺書十四種本

論法三卷劉熙撰

劉熙有釋名見前爾雅類中

按本志禮類大戴禮記條下注云梁有論法三卷後漢安南太守劉熙注亡既云亡

矣而此類復著於錄蓋前注因七錄所有此又據隋代書目所載前後不復對勘也

論法十卷特進中軍將軍沈約撰 按特進上當看梁字

梁書本傳約字休文吳興武康人也宋時爲尚書度支郎仕齊歷南清河太守高祖受禪爲尚書僕射封建昌縣侯邑千戶累遷侍中中書令尚書令太子少傅左光祿大夫加特進天監十二年卒官年七十三諡曰隱所著論例十卷

玉海藝文類沈約論例序云周書論法一篇五十六論法二第五十七約案論法上篇卷前云禮大戴記後云周書論法第四十二又云凡有一百四十五論案大戴禮及世本舊

並有論法今檢十許本皆無周書論法一第五十六論法二第五十七上篇有十餘論下篇唯有第目無論名與前所云第四十二又不同矣今論法二篇有一百四十八名卷後又云靖案論有一百九十四又云高光明章和順沖七論論法無也而漢家用之約又檢

二篇唯無光耳其餘並有而又多不同約又案靖應是張靖晉江左人也劉熙注論法唯有七十六名所闕甚多或有異名殊號近世所不用耶又有廣論一篇七十八論與舊文多同時有異耳約以爲同時一論而互出諸篇不相比次難爲尋覽劉熙既有注解時或有所發明今以熙所撰爲本文又舊文二篇廣論一卷悉少拔次第名相隨各以其下注

本文所出又自周以來迄於宋末帝王名臣凡有論者並列其人名號於所論之左方吳興人乘與撰帝王世紀其一篇是論法今代所異者 按此文不完未有別本校

唐書經籍志論例十卷沈約撰

唐書藝文志沈約論例十卷

宋史藝文志沈約論法十卷

崇文總目禮類論例十卷宋沈約撰上采周秦下至晉宋君臣論號而以周公論法爲本按此言周公者即周書亦即劉熙所注者是也

晁氏讀書志禮類梁沈約撰論法凡七百九十四條

玉海藝文類唐六典注舊有周書論法大戴禮論法又漢劉熙注一卷張靖撰兩卷又有廣論一卷至梁沈約總集凡有一百六十五條南史裴子野附益論法一卷 按裴沈同時其書不傳或已在沈書十卷中矣

又曰中興書目沈約論法十卷案約序大戴禮及世本舊並有論法而二書傳至約時已亡其篇唯取周書及劉熙論法廣論舊文仍采乘與論法篇之異者以爲此書首列周書二篇後即以熙爲本敘次舊文廣論及乘與論法各於其下注本文所出自周迄宋帝王名臣有論者各列其名號於左方今本卷數存文多舛

又曰蘇洵編定六家論法總論曰論法有周公春秋廣論沈約賀琛扈蒙六家之書六書之中稍近古而可據者莫如沈約然亦非古

之諡法約言之詳矣又曰沈約爲諡例記周以來帝王公卿之諡至宋而止 李肇曰名周公者即周書諡法篇名春秋者即杜預釋例諡法篇廣諡不著名氏

諡法五卷梁太府賀瑒撰 按太府下鼓鞀字賀瑒當作賀琛

南史賀瑒附傳琛字國寶幼孤伯父瑒授其經業一聞便通義理尤精三禮初瑒於鄉里聚徒教授四方受業者三千餘人瑒天監中亡至是復集琛築室講授既世習禮學究其精微普通中太尉臨川王宏召補祭酒從事武帝聞其有學術召見文德殿與語悅之累遷尚書左丞詔琛撰新諡法使即施用太清二年爲中軍宣城王長史侯景陷城以爲金紫光祿大夫卒所撰三禮講疏五經滯義及諸儀注凡百餘篇

梁書本傳詔琛撰新諡法至今施用後遷太府卿 按云至今謂唐時也

唐書經籍志諡法三卷賀琛撰

唐書藝文志賀琛諡法三卷 宋史藝文志同

崇文總目諡法四卷梁賀琛撰初沈約本周公之諡法至琛又分君臣美惡婦人之諡各以其類標其目曰舊諡者周公之諡法曰廣諡者約所撰也曰新諡者琛所增也 按周公之諡法下當有曰春秋者杜預之諡法篇曰廣諡者不著撰人曰諡例者約所撰也或賀氏曰沈書亦曰廣諡歟 晁氏讀書志曰沈賀諡法四卷梁沈約撰凡七百九十四條賀琛又加婦人諡二百三十

八條

玉海藝文中與書目曰梁賀琛諡法三卷采舊諡法及廣諡又益以己所撰新諡分君臣婦人三卷各分美平惡三等其條比沈約諡例頗多亦有約載而琛不取者 玉海又曰賀琛之法有君諡臣諡婦人諡離而爲三婦人有諡自周景王之穆后始匹夫有諡自東漢之隱者始宦者有諡自東漢之孫程始蠻夷有諡自東漢之莎車始 江都集禮一百二十六卷

不著撰人

隋書文學傳潘徽字伯彥吳郡人也晉王廣引爲揚州博士令與諸儒撰江都集禮一部復令徽作序凡十二帙一百二十卷 唐日本國見在書目禮家江都集禮百廿六卷

卷

唐書經籍志禮類江都集禮一百二十卷潘徽等撰

唐書藝文志儀注類牛弘潘徽隋江都集禮一百二十卷 按本志史部儀注類別有隋朝儀禮一百卷牛弘撰其書成於文帝開皇五年此書作於煬帝爲晉王鎮江都時在開皇八年平陳之後牛弘傳無隨晉王

至江都撰是書事潘徽序此書亦絕不及牛弘疑此牛弘下鼓鞀朝儀禮一百卷七字

崇文總目禮類江都集禮一百四卷隋諸儒撰初煬帝以晉王爲揚州總管鎮江都令諸儒集周漢以來禮制因襲下逮江左先儒論議命潘徽爲之序凡一百二十卷今亡缺僅

存一百四卷

王應麟困學紀聞曰宋何承天刪減禮論爲三百卷梁孔子祛續一百五十卷隋江都集禮亦撮禮論爲之朱文公謂六朝人多精於禮當時專門名家有此學朝廷有禮事用此等人議之唐時猶有此意

錢大昕隋書考異曰按潘徽序此書云凡十二帙一百二十卷此衍六字凡此書本爲議禮而作乃不入禮家又不入儀注而附於論語之末亦失其倫

按宋史藝文志禮類江都集禮圖五十卷注云不知作者似即此書之佚存本

又按自五經晉至此又別爲一類本志篇敍云孔叢家語爾雅諸書并五經總義附於此篇蓋本漢藝文志附此類之書於論語孝經之例而小變之者也四庫提要立五經總義一類取證於此

右七十三部七百八十一卷通計亡書合一百一十六部一千二十七卷 實著錄七十四部附注亡書五十四部通計一百二十三部

隋書經籍志考證卷九

經部九

異說類

河圖二十卷梁河圖洛書二十四卷目錄一卷亡

本志篇敘曰說者又云孔子既敘六經以明天人之道知後世不能稽同其意故別立緯及讖以遺來世其書出於前漢有河圖九篇洛書六篇云自黃帝至周文王所受本文又別有三十篇云自初起至於孔子九聖之所增演以廣其意

桓譚新論曰讖出河圖洛書但有兆朕而不可知後人妄復加增依托稱是孔丘誤之甚也

水經河水注春秋命曆序曰河圖帝王之階圖載江河山川州界之分野

唐張彥遠歷代名畫記曰古之祕畫珍圖則有河圖十三卷又八卷河圖持地象圖十一卷

唐日本國見在書目河圖一卷

明孫穀古微書曰緯候之與其生於河出圖一語乎自前漢世有河圖九篇洛書六篇蓋七緯之祖本也顧漢志馬鄭皆不道及惟隋經籍志有二十卷今讀其文淵且豔焉其錄則曰括地象曰絳象曰始開圖皆以鉤山河之蹟曰帝覽嬉曰稽耀鉤皆以扶星象之玄曰挺佐輔曰握矩紀皆以闡運曆之要而又

有帝通紀真紀鉤著命祕徵要元篇考靈耀殘篇半牘錯海希珍殆視諸緯爲審云

經義考慈緯篇蔡邕曰洛書皆言存亡之事覽之以驗禍福也又曰諸書所引有洛書甄曜度洛書靈準聽洛書寶號命洛書錄運期洛書稽命曜洛書摘六辟有鄭玄注

按經義考慈緯篇輯河圖篇目之散見諸書者凡三十有二曰括地象曰錄運法曰赤伏符曰挺佐輔曰帝覽嬉曰握矩起曰稽命曜或作稽命徵曰稽耀鉤曰會昌符曰記命符曰說徵示曰帝視萌曰期運授曰帝紀通或作帝通紀曰皇參持曰闔苞受曰

考曜文曰內元經曰龍魚河圖曰河圖龍文曰河圖八文曰河圖提劉曰河圖真鉤或作真紀鉤曰河圖著命曰河圖天靈曰河圖緯象或作緯象曰河圖玉版曰河圖叶

光圖曰祕微圖或一作微曰合古篇曰始開篇曰要元篇似已略具於斯矣而開元占經又有河圖舍占篇汪氏文選注引書

目又有河圖考鉤

河圖龍文一卷

水經河水注春秋命曆序曰河圖帝王之階圖載江河山川州界之分野後堯壇於河受龍圖作握河紀逮虞舜夏商亦咸受焉李尤孟津銘洋洋河水朝宗於海徑自中州龍圖所在按所云云則河圖龍文亦名握河紀然尚書中候中亦有握河紀篇名不知是一是二

唐張彥遠歷代名畫記曰古之祕畫珍圖則有龍魚河圖

唐日本國見在書目河圖龍文一卷

經義考慈緯類河圖龍文隋志一卷王應麟曰文選注引之

錢塘汪師韓文選理學權輿曰選注所引羣書有河圖龍文

易緯八卷鄭玄注梁有九卷

按此一卷似即梁有河圖洛書二十四卷之佚存者

鄭玄有周易注見前易類

本志篇敘曰又有七經緯三十六篇並云孔子所作

後漢書樊英傳注曰七經緯者易稽覽圖乾鑿度坤靈圖通卦驗是類謀辯終備也

後漢書鄭玄傳玄以書戒子益恩有曰吾去

斯役之吏游學周秦之都往來幽并兗豫之域獲覲乎在位通人處逸大儒得意者咸從

捧手有所授焉遂博稽六藝粗覽傳記時觀

祕書緯術之奧

唐日本國見在書目易緯十卷鄭玄注

宋史藝文志易類易乾鑿度三卷易緯七卷

易緯稽覽圖一卷易通卦驗二卷並鄭玄注

宋馮椅厚齋易學曰崇文總目云周易緯九

卷漢鄭康成注

玉海藝文類易緯鄭玄注梁九卷今篇次具存李淑書目云凡乾鑿度稽覽圖通卦驗各二辨終備是類謀坤靈圖各一今三館所藏止有鄭氏注七卷

四庫提要曰七經緯皆佚於唐存者獨易逮宋末而盡失其傳今永樂大典所載易緯具

存多宋以後諸儒所未見又曰隋志鄭康成注易緯八卷唐志宋均注易緯九卷皆不詳其篇目今永樂大典有乾坤鑿度二卷周易乾鑿度二卷易緯稽覽圖二卷易緯辨終備一卷易緯通卦驗二卷易緯乾元序制記一卷易緯是類謀一卷

按經義考按緯篇所載易緯篇目又有垂皇策萬形經乾文緯考靈緯制靈圖合文嘉稽命圖含靈孕八墳文九厄讖通統圖卦氣圖元命苞萌氣樞易歷易運期易內戒易狀圖太初篇其中蓋亦有識文不盡是緯文也下並同

尚書緯三卷鄭玄注

後漢書樊英傳注書緯璇璣鈴考靈曜刑德做帝命驗運期授也

唐書經籍志書緯三卷鄭玄注

唐書藝文志鄭玄注書緯三卷鄭珍鄭學錄曰經疏諸書唯引考靈曜最夥朱彝尊曰考靈曜之文大都推步之說其言無悖於理隋燔緯書若此與括地象雖置不燔可也禮記爾雅疏引鄭注言天體特詳侯康補後漢書藝文志曰趙在翰纂七緯無運期授注今考其所引詩文王序正義一條亦出鄭注無疑

按經義考按緯類載書緯篇目又有帝驗期驗或作命鈞命決洛罪級三篇孫氏古微書馬氏玉函山房並輯存五篇書目答問曰七緯三十八卷趙在翰輯福州小積

石山房刻本今未見

尚書中候五卷鄭玄注梁有八卷今殘缺書緯璇璣鈴曰孔子求書得黃帝玄孫帝魁之書迄於秦穆公凡三千二百四十篇斷遠取近定可以爲世法者百二十篇以百二篇爲尚書十八篇爲中候

後漢書方術傳序曰緯候之部注云緯七經緯也候尚書中候也

經義考曰按中候專言符命當是新莽時所出之書

曲阜孔廣林輯本序曰中候者緯之流也凡十八篇今亡賴詩禮正義猶得備識其篇名而中候文及鄭君注散見羣籍亦尙可闕其大略唯是篇次先後不可復考每篇之中文亦不能次第聊取殘文臚句萃錄之以未書符瑞志參校略爲比次其文蓋宋志說堯舜禹湯文武符命皆取諸中候也其篇次則以時代序焉曰敕省圖曰握河紀曰運衡曰考河命曰題期曰立象曰義明曰苗興曰契握曰洛子命曰稷起曰我應曰雒師謀曰合符后曰摘雒戒曰霸免曰準纖哲曰覬期書目答問尚書中候鄭注五卷學津輯本即此也

按經義考按緯類又有中候儀明篇云南齊書符瑞志引之按當爲祥瑞志北史李業興傳引中候運行篇蓋儀明即義明運行即運衡十八篇之外佚出者竟無所見也孫氏古微書輯存五篇馬氏玉函山房輯存十八篇王氏漢魏遺書鈔輯存一卷

詩緯十八卷魏博士宋均注梁十卷

宋均有孝經皇義注詳見孝經類

後漢書樊英傳注詩緯推度災記曆樞含神霧也

張彥遠歷代名畫記曰古之祕書珍圖則有詩緯圖一卷

唐日本國見在書目詩緯十卷魏博士宋均注

唐書經籍志詩緯十卷宋均注

唐書藝文志宋均詩緯注十卷侯康補三國藝文志曰趙在翰七緯中有宋注詩緯推度災氾歷樞含神霧三種

按孫氏古微書馬氏玉函山房亦各輯三篇本志篇敘云又有尚書中候詩推度災氾歷樞含神霧蓋緯書之外又有此三篇之識書也

禮緯三卷鄭玄注亡按此亡字衍

後漢書樊英傳注曰禮緯含文嘉稽命徵斗威儀也

唐日本國見在書目禮緯三卷鄭玄注

經義考按緯篇曰禮緯含文嘉今所見凡二本一本畫雲氣星輝之象而附以占詞一本分天鏡地鏡人鏡皆非原書

侯康補後漢書藝文志曰趙在翰纂七緯祇載含文嘉斗威儀二注然所采詩烈祖序正義一條以正義下文考之即鄭注稽命徵也

按經義考按緯篇又有禮稽命曜禮元命包禮瑞命記三篇稽命曜似即稽命徵元

命包瑞命記似皆識記非緯書故章懷太子於七經緯不數及之孫氏古微書馬氏玉函山房亦各有輯本朱氏所見含文嘉詳見四庫提要子部術數類五行家存目非古緯書也

禮記默房二卷宋均注

按此似即禮緯中佚出者梁代有鄭氏注三卷此二卷似非其全舊新唐志有宋均禮緯注三卷似即此書

梁有禮記默房三卷鄭玄注亡

按本志篇敘云七經緯三十六篇張衡上事亦云六藝四九謂四九三十六篇也而范書方術傳注言七緯篇目止於三十有五尚缺一疑即此默房也蓋七緯之中禮緯實有四種故鄭宋兩家並有注又按舊新唐志有鄭注詩緯三卷諸書引見又有鄭氏洛書注樂緯注春秋緯注孝經緯注本志皆不載

樂緯三卷宋均注

後漢書樊英傳注樂緯動聲儀稽耀嘉叶圖徵也

唐書經籍志樂緯三卷宋均注

唐書藝文志宋均樂緯注三卷

侯康補三國藝文志曰趙在翰七緯中有宋均注樂緯動聲儀稽耀嘉叶圖徵三種

按孫氏馬氏亦各有輯本三篇

梁有樂五鳥圖一卷亡

經義考志緯篇曰續漢五行志引叶圖徵文曰五鳳皆五色爲瑞者一爲孽者四一曰鷓

鷓至則旱疫之感也二曰發明至則喪之感也三曰焦明至則水之感也四曰幽昌至則旱之感也考樂緯別有五鳥圖此一條疑即五鳥圖文

按汪氏師韓文選注引書目云選注所引有樂錄圖似即樂緯五鳥圖之類

春秋災異十五卷郝萌撰

本志篇敘曰漢末郎中郝萌集圖緯讖雜占爲五十篇謂之春秋災異又子部五行家云梁有秦災異一卷後漢中郎郝萌撰

隋書天文志曰漢祕書郎郝萌記先師相傳宣夜之說

阮元疇人傳曰郝萌祕書郎也記先師相傳宣夜之說謂七曜不綴附天體夫既不附天體則七曜各自有其高下可知今西人言日月五星各居一天俱在恆星天之下即不綴附天體之謂意其說或出於宣夜歟劉昭注補續漢天文志引郝萌占甚多萌蓋天文家也

按文選班孟堅典引序云永平十七年臣與賈逵傅毅杜矩展隆郝萌等名詣雲龍門是萌在明帝時與賈景伯諸人同官開元占經引郝萌占尤多而書爲郝郡與郝傳寫不一鄭氏弟子山陽郝慮爲晉郡鑿之高祖鑿高平金鄉人是確爲郝氏矣而范書鄭玄傳亦誤作郝廣韻六脂郝字注郝邑名又姓出高平又二十陌郝字注郝姓出濟陰河南二望左傳晉有大夫郝獻

子俗從忝是郤與郟同高平東漢侯國屬山陽郡則郝郟二姓亦同出山陽之高平無所區別此不知爲郝爲郟也

梁有春秋緯三十卷宋均注

後漢書樊英傳注春秋緯演孔圖元命包文耀鉤運斗樞感精符合誠圖考異郵保乾圖漢含華佑助期握誠圖潛潭巴說題辭

唐日本國見在書目春秋緯四十卷宋均注

唐書經籍志春秋緯三十八卷宋均注

唐書藝文志宋均注春秋緯三十八卷

侯康補三國藝文志曰樊英傳注載春秋緯十三篇有握誠圖而無命曆序宋注可考見者亦適十三篇有命曆序而無握誠圖朱彝尊疑握誠圖即合誠圖然則正宜以命曆序補其缺趙氏七緯無命曆序今按蕭吉五行大義論諸神篇後漢書楊厚傳記初學記卷九御覽七十八並引宋均命曆序注確有明文

按經義考又有孔錄法考曜文玉版讖句命決含文嘉括地象春秋文義春秋錄圖春秋少陽篇撰命篇凡十目大抵皆讖文非緯文孫氏古微書馬氏玉函山房各輯存十四篇汪氏文選注引書目有春秋河圖撰命篇蓋即朱氏所記之撰命篇

梁有春秋內事四卷亡

孫穀古微書曰春秋考經各有內事俱有宋均注

經義考志緯類春秋內事七錄四卷通志六

卷按枚乘七發歸神日母李善注引內事文云日者陽德之母又天有十二次日月之所躡也地有十二分王侯之所居也亦內事文按後漢書方術傳注內學謂圖讖之書也其事秘密故稱內按內事即內學之一事也

梁有春秋包命二卷亡

經義考慈緯篇曰春秋包命七錄二卷疑即元命包

梁有春秋祕事十一卷亡

經義考慈緯篇曰春秋祕事七錄十一卷佚梁有書易詩孝經春秋河洛緯祕要一卷亡

按此不知何人雜錄識緯家言爲一書前論語家有五經祕表要三卷似與此相類

梁有五帝鉤命決圖一卷亡

張彥遠歷代名畫記曰古之祕畫珍圖則有五帝鉤命決圖一卷

經義考慈緯類張彥遠名畫記有句命決圖一卷不知何經之緯

孝經句命決六卷宋均注

唐日本國見在書目孝經句命決六卷宋均注

孫穀古微書輯本序曰參其奧以示人故以決名

經義考慈緯篇曰按尙書春秋孝經俱有句命決白虎通引其文續漢天文志注引宋均

句命決注

按趙氏七緯及馬氏玉函山房各有輯本

孝經援神契七卷宋均注

後漢書樊英傳注孝經緯援神契鉤命決也唐日本國見在書目孝經緯援神契七卷宋均注又有孝經援神契音隱一卷不著撰人

孫穀古微書輯本序曰此言孝道之至行乎陰陽通乎鬼神上下古今若合符契也

按本志篇敘云又有尙書中候詩推度災沆曆樞合神務孝經句命決援神契等書

是七經緯三十六篇之外別有此兩篇似識記之文與詩緯別本同先宋均爲之注

者有廣漢翟酺後漢順帝時人著援神鉤命解詁十二篇見范書本傳

孝經內事一卷

唐日本國見在書目孝經內事一卷

孫穀古微書曰春秋孝經各有內事雖不繫識緯名目而其文詞殊甚龐雜又俱有宋均之注

經義考慈緯篇孝經內事隋志一卷佚按此係借經說災祥之書

侯康補三國藝文志曰太平御覽八百七十二引宋均孝經內事注

按孝經內事疑即在孝經雜緯十卷中故有宋均注隋時所存唯此一卷耳此條梁

有之上似敝宋均注三字

梁有孝經雜緯十卷宋均注

唐書經籍志六經緯五卷宋均注 按六經當爲孝經

爲孝經

唐書藝文志宋均注孝經緯五卷

經義考慈緯篇孝經雜緯七錄宋均注十卷唐志五卷佚按應劭風俗通引孝經云聖不獨立智不獨治王制正義引孝經云德不倍者不異其爵功不倍者不異其土今孝經無此文當亦緯書中語也又風俗通禮記正義廣弘明集及公羊疏並引孝經說云云

梁有孝經元命包一卷亡

經義考慈緯篇孝經元命包七錄一卷佚按本志子部五行家有孝經元辰二卷似

與此書略同蓋元辰祿命之言也禮緯春秋緯亦各有元命包

梁有孝經古祕援神二卷孝經古祕圖一卷亡

張彥遠歷代名畫記曰古之祕畫珍圖則有孝經祕圖

經義考慈緯篇孝經古祕援神七錄二卷佚

孝經古祕圖七錄一卷佚馬國翰輯本序曰隋志注有古祕援神二卷

孝經古祕圖一卷今從開元占經所引輯錄十一節附孝經河圖一節孝經識三節合爲

一卷考後漢書傳注稱孝經緯只援神契鉤命訣二種此題古祕援神或亦緯之類而其目不見稱述者當時蓋別行也

梁有孝經左右握二卷亡

經義考慈緯篇孝經左右握七錄二卷佚

梁有孝經左右契圖一卷亡

張彥遠歷代名畫記曰古之祕畫珍圖有孝經左契圖

經義考慈緯篇曰按孝經緯有左右契亦有

中契其曰元氣混沌孝在其中天序日月星辰以自光人序孝悌忠信以自彰務一德也此左契之文也其曰內深藏不足為神外博觀不足為明惟孝者為能法天之神麗日之明此右契之文也其曰孝經文成玄雲涌北極紫宮開北門此中契之文也

按馬氏玉函山房從廣韻開元占經初學記藝文類聚太平御覽諸書輯錄中契左契右契殘文各一篇並宋均注

梁有孝經雌雄圖三卷孝經異本雌雄圖二卷

張彥遠歷代名畫記曰古之祕畫珍圖有孝經雌雄圖

唐瞿曇悉達開元占經妖星占曰孝經雌雄圖三十五妖星天垣至天社

唐日本國見在書目孝經雄圖三卷孝經雌圖三卷上中下孝經雌雄圖一卷 按此則雌雄圖各有上中下三卷與七錄所載異其後一卷似即異本二卷

五代會要周顯德六年八月高麗遣使進孝經雌雄圖三卷皇靈孝經一卷雌圖者止說月之環暈星之彗孛災異之應乃讖緯之書也

高麗史光宗光德十年秋遣使如周進皇靈孝經一卷孝經雌雄圖三卷

宋洪邁容齋三筆曰予家有故書一種曰孝經雌雄圖云出京房易傳亦日星占相書也

馬氏玉函山房輯本序曰龐元英文昌雜錄

周顯德六年高麗遣使獻別敍孝經一卷越王孝經新義八卷皇靈孝經一卷孝經雌雄圖三卷又云雌圖者止說日之環暈星之彗孛亦非奇書案古人每以雌雄代陰陽字圖究陰陽故以為號高麗本只稱雌圖當是傳者據上卷題稱也今佚從開元占經所引輯錄占經每稱雌雄圖三光占蓋圖中篇名據錄於卷首圖中記載如龐錄所言云

梁有孝經分野圖一卷亡

經義考卷七緯篇孝經分野圖七錄一卷佚

梁有孝經內事圖二卷亡

孫穀古微書曰緯書之有圖惟易次則春秋蓋皆有儀物可記列耳孝經無儀物安得有圖蓋天象玄隱非圖莫著而終以其言隱也名之內事云

又曰緯之亡佚多矣惟左契右契內事圖一二見焉

馬氏玉函山房輯本曰孝經內事圖魏宋均注今從太平御覽開元占經輯錄八十餘節或稱內記或稱內記圖

梁有孝經內事星宿講堂七十二弟子圖一卷又口授圖一卷亡

馬國翰曰開元占經引孝經章句三十餘節其書大指言五星及列宿占驗事亦讖緯之屬也案隋唐志均無孝經章句之目惟云梁有孝經內事星宿講堂七十二弟子圖一卷又口授圖一卷亡意者即此二書之佚文歟

按廣漢楊統善圖讖學作家法章句及內

識二卷解說見范書楊厚傳又惠棟後漢書張衡傳補注云郊祀志曰上使梁松等案河洛讖文以章句細微相況八十一卷明者為驗又其十卷皆不昭暫是當日河洛讖文八十一卷皆有章句云云占經所引孝經章句蓋本諸此楊統所作內讖二卷解說今不可考意即春秋內事孝經內事之類

又按孝經援神契云孔子作春秋制孝經既成使七十二弟子向北辰磬折而立使曾子抱河洛事北向孔子齋戒簪縹筆衣絳單衣向北辰而拜告備於天曰孝經四卷河洛凡八十一卷謹已備云云此所圖殆即此事歟

又按歷代名畫記有孝經讖圖十二卷今按七錄所載有古祕圖一卷左右契圖一卷雌雄圖三卷異本雌雄圖二卷分野圖一卷內事圖二卷內事星宿講堂七十二弟子圖一卷口授圖一卷亦正一十二卷如其數似即張氏所載者是也

又按經義考卷七緯篇所載篇目又有孝經威禧拒孝經中契皇靈孝經孝經應瑞圖孝經河圖孝經內記星圖 似即孝經內事圖孝經元辰孝經中黃讖凡八目開元占經霧占篇又引孝經洞寶丹

梁有論語讖八卷宋均注亡

後漢書張純傳注七經讖詩書禮樂易春秋及論語也 按章懷太子言七經緯有孝經無論語言

七經識反是而七錄及諸書引孝經識者獨多似孝經論語並合而爲七經也

唐書經籍志論語緯十卷宋均注
唐書藝文志宋均注論語緯十卷

陳氏書錄解題曰唐志有論語緯十卷七緯無之太平御覽有論語摘輔象撰考識者意其是也

孫毀古微書曰論語摘輔象陶淵明聖賢羣輔錄本之

侯康補三國藝文志曰宋注論語識有摘輔象摘聖聖比考識陰嬉識撰考識五種古微書並載之

汪師韓文選理學權輿曰選注引羣書有論語比考識撰考識陰嬉識紉滑識摘輔象識素王受命識崇爵識摘聖聖承進識凡八種

馬國翰輯本序曰七錄有論語識八卷隋志云亡唐志有論語緯十卷卷多於前復題識曰緯似非舊本宋元以來不著錄明華容孫穀搜輯逸文載入古微書僅有五篇其中復有舛錯遺漏茲詳加補訂各著所出又從文選注采得素王受命識糾滑識崇爵識三篇

雖佚文散句寥寥無多而八卷之目於斯可考又諸書引論語識不著篇目者錄之卷末書中言五老人化爲流星上入昂又言孔子欲居夷從風嬉頗近荒怪然如燧人四佐伏羲六佐陶潛取之黃帝九牧周禮禮記序並取之古之通儒於此書未嘗廢置其醇其駁分別觀之可已

梁有孔老識十二卷亡

嘉興沈濤銅笈斗齋隨筆曰隋書經籍志梁有孔老識十二卷濤案孔老識當作孔子識下文另有老子河洛識一卷不應并爲一談也南齊書祥瑞志引孔氏世錄魏書高祖紀稱孔子閉房記蓋卽其類又曰孔老識蓋卽桓譚所謂矯稱孔某爲識記 又曰濤案閉房記當作祕記李匡文資暇錄引孔氏祕記史記留侯世家索隱作孔安國祕記一本作孔父祕記蓋古祕字作闕後乃誤爲閉字又妄增房字耳閉房二字見毛詩巷伯傳男子不六十不閉房非此之用又曰今本毛詩閉房作閉居誤宗按閉房記亦有引作閉房記者孔安國祕記抱樸子內篇亦引之蓋識記家既托孔子又托孔安國不可究詰也

按宋書符瑞志引孔子有雜識言晉當禪宋其文則七言歌訣四句南史齊高帝紀未數引孔子河雒識知有雜乃河雒之誤其皆出於是書與孔子閉房記孔氏世錄孔安國祕記孔父祕記皆是書之篇目歟

梁有老子河洛識一卷亡

經義考悉緯篇老子河洛識蕭子顯南齊書符瑞志引之類皆韻語

按隸釋載後漢邊韶老子銘序有云老子二篇之書有浴神不死是謂玄牝之言由是世之好道者觸類而長之以老子離合於混沌之氣與三光爲終始觀天作識云云是卽此老子河洛識之所由來後漢桓靈時已有之

梁有尹公識四卷亡

梁有尹公識四卷亡

尹公不詳何人

按此次於老子識之後大抵托之關令尹喜又宋張君房雲笈七籤云太和真人尹軌字公度太原人也乃文始先生之從弟少學天文兼通識緯來事先生云云文始先生者關令尹喜也此又似其從弟尹軌所作 又尹敏爲光武校圖識見范書

梁有劉向識二卷亡

劉向有洪範五行傳論見前尚書家後漢書張衡傳衡以圖緯虛妄乃上疏曰劉向父子領校祕書閱定九流並無識錄

文選于令升晉紀總論曰劉向之識云滅亡之後有少如水名者得之起事者據秦川西南乃得其朋案愍帝蓋秦王之子也得位於長安長安固秦地也而西以南陽王爲右丞相東以琅邪王爲左丞相上諱業故改爲鄴臨漳漳水名也由此推之亦有徵祥

宋書符瑞志晉既禪宋太史令駱達奏陳天文符識劉向識曰上五盡寄致太平草付合成集羣英前句則陛下小諱後句則太子諱也 按宋武帝小字寄奴少帝諱義符與存同然少帝不得其死不知所謂集羣英者果何在平此與干寶所引言愍帝事有驗有不驗被所謂得朋者亦渺不可憑也

按本志篇敘言河洛七經緯八十一篇之外又有尚書中候洛罪級五行傳此殆識記家以劉氏有五行傳論因並附託以爲

劉向識

梁有雜識書二十九卷亡

梁有雜識書二十九卷亡

本志篇敘曰河洛七經緯合爲八十一篇又有尚書中候洛罪級五行傳詩推度災沴曆樞合神務孝經鈞命決援神契雜識等書漢代有郗氏袁氏說宋均鄭玄並爲讖律之注按讖律似讖緯之譌郗氏似卽郗萌之先世袁氏無可考汪師韓文選理學權輿曰選注所引羣書有宋均雜識注

按圖讖盛於漢哀平之際此雜識書大抵哀錄諸家讖記之文考范書張純傳純議建辟雍案七經識具奏其事又儒林尹敏傳光武令校圖讖使蠲去崔發爲王莽著錄者比次其文又續漢書祭祀志載光武東封刻石記言別有河洛讖文不昭晰者十卷又華陽國志楊統贊傳言建武時求通內讖二卷者不得凡此皆在河洛四十五篇之外本志七錄皆不載其殆蒼萃於此書歟

又按文選注引宋均雜識注蓋卽此書宋氏注讖緯甚多大抵兩漢相傳者無不有注唐志有易緯注九卷諸書所引有河圖注洛書注春秋孝經內事注孝經中契左右契注及此雜識書注本志七錄皆不載

梁有堯戒舜禹一卷亡

梁有孔子王明經一卷亡

按此二書古微書經義考皆不載
梁有郭文金雄記一卷亡
晉書隱逸傳郭文文字舉河內軹人也少愛山水尙嘉遯辭家游名山歷華陰之崖以觀

石室之石函洛陽陷乃步擔入吳興餘杭大滌山中餘杭令顧颺與葛洪共造之王導聞其名遣人迎置西園中七年未嘗出入一旦求還山結廬舍於臨安山中以病終臨安令萬龍葬之於所居之處而祭哭之葛洪庚闡並爲作傳贊頌其美云

太平廣記神仙類郭文後歸隱鰲亭山得道而去後人於其臥牀席下得蒹葉書金雄詩金雄記其言皆當時讖詞

按宋書符瑞志太史令賂達奏陳符讖兩引金雌詩皆七言歌訣言宋武滅桓玄膺天命之意南齊書符瑞志引金雄記亦七言歌訣言齊世事南史齊高帝紀末亦引郭文舉金雄記

梁有王子年歌一卷亡

晉書藝術傳王嘉字子年隴西安陽人也清虛服氣不與世人交游隱於東陽谷弟子受業者數百人苻堅累徵不起公侯已下咸躬往參詣言未來之事辭如讖記當時尠能曉之後爲姚興所殺苻登聞嘉死設壇哭之贈太師諡曰文其所造牽三歌讖事過皆驗累世猶傳之

按南齊書祥瑞志引王子年歌三條皆七言韻語南史齊高帝紀末引王子年歌二條

梁有嵩高道士歌一卷亡

按嵩高道士不知是否卽魏嵩山道士寇謙之也謙之事迹詳見魏書釋老志本志

道經錄亦載之又金樓子志怪篇稱前嵩高道士多遊名山云云殆卽其人
右十三部合九十二卷通計亡書合三十二部共一百三十二卷

按本志篇敘有曰宋大明中始禁圖讖梁天監以後又重其制及高祖受禪禁之踰切煬帝卽位乃發使四出搜天下書籍與讖緯相涉者皆焚之爲吏所糾者至死自是無復其學祕府之內亦多散亡今錄其見存列於六經之下以備異說然異說名篇不若七錄緯讖二字之明顯該括故唐以來多不承用唐六典注曰圖緯唐經籍志曰經緯藝文志曰讖緯惟日本書目遵用其例謂之異說家自宋懸禁令以迄於隋僅存十三部而選注所引有宋衷易緯樂緯春秋緯孝經緯注知宋仲子亦有七經緯注本志及七錄皆不載亡佚多矣今惟著錄十三部梁有三十二部止於四十五部而已
又按南史隱佚阮孝緒傳梁武帝禁畜讖緯孝緒兼有其書乃焚之按七錄序目錄部三十二種四十七帙二百五十四卷在第五篇術伎錄中其第一篇經典錄唯載易書詩禮樂春秋論語孝經小學與七略六藝篇目同其編入經部則以緯書解經本志從別家書目之例也

隋書經籍志考證卷十

經部十

小學類 類中分類凡七

三倉三卷郭璞注秦相李斯作倉頡篇漢揚雄作訓纂篇後漢郎中賈魴作滂喜篇故曰三倉一本魴作訪

漢書藝文志倉頡七章者秦丞相李斯所作也爰歷六章者車府令趙高所作也博學七章者太史令胡毋敬所作也文字多取史籀篇而篆體復頗異所謂秦篆者也漢興閭里書師合倉頡爰歷博學三篇斷六十字以爲一章凡五十五章并爲倉頡篇至元始中徵天下通小學者以百數各令記字於庭中揚雄取其有用者以作訓纂篇順續倉頡又易倉頡中重複之字凡八十九章臣復續揚雄作十三章凡一百三章無復字韋昭曰臣班固自謂也

又揚雄本傳曰傳莫大於論語作法言史篇莫善於倉頡作訓纂又藝文志曰訓纂一篇揚雄作

唐張懷瓘書斷曰揚雄作訓纂篇二十四章按二當爲三以纂續倉頡孟堅乃復續十三章和帝永初中賈魴又撰異字取固所續章而廣之爲三十四章用訓纂之末字以爲篇目故曰滂熹篇言滂沱大盛凡百二十三章文字備矣

又曰和帝時賈魴撰滂熹篇以倉頡爲上篇訓纂爲中篇滂熹爲下篇所爲三倉也皆用

隸字寫之隸法由茲而廣

梁庾元威論書曰李斯破大篆爲小傳造倉頡七章趙高造爰歷六章胡毋敬造博學七章後人分五十五章爲三倉上卷至哀帝元嘉中當是平帝元始中之譌揚子雲作訓纂記滂熹爲中卷記當爲訖下同和帝永元中賈升郎更續記彥均爲下卷彥盤音故人稱爲三倉也夫倉雅之學儒博所宗自景純注解轉加敦尙侯康曰魴和帝時郎中事迹無考法書要錄引王愔文字志中卷有魴名庾元威論書稱賈升卿或即魴之字宗按升卿或作升郎又作叔郎未詳孰是疑賈景伯之子姪又班固卒於永元四年六十一賈蓋與班氏同時

晉書郭璞傳璞好古文奇字注釋爾雅又著三倉方言皆傳於世
唐書經籍志三倉三卷李軌等撰郭璞解李軌乃李斯寫誤一本又作李期

唐書藝文志李斯等三倉三卷郭璞解宋徐鉉說文韻譜序曰賈訪以三倉之書皆爲隸字隸字始廣而篆籀轉微

謝啓昆小學考曰按郭璞注三倉亦稱解詁原書已亡於宋其見於傳注字部類書內典所引者近孫氏星衍輯爲一書凡三卷所采張揖訓詁郭璞解詁皆存揖璞之名惜無可別尙多

馬國翰輯本序曰隋志有郭璞三倉解詁唐志有張揖三倉訓詁並三卷今佚既據諸書所引輯錄倉頡訓纂二篇其有渾引三倉而不能區分者別輯爲卷注亦不能區分故總

題張揖郭璞於前其有引稱姓氏書名者詳書各字之下張著廣雅埤倉字詁郭注爾雅方言小學之書皆爲專門則許叔重說文之後二家其最著也

孫祠書目倉頡篇三卷星衍集刊本又倉頡篇三倉任大椿集小學鈎沈本

按三倉之名據張懷瓘徐鉉二家之說實自賈魴隸寫始孫氏輯倉頡篇序謂三倉晉張軌所合晉書軌傳無其事未詳所据考陸璣詩疏數引三倉說遠在張軌之前以是知三倉實始於賈魴

梁有倉頡二卷後漢司空杜林注亡

漢書杜鄴傳鄴少孤其母張敞女鄴壯從敞子吉學得其家書吉子棟又幼孤從鄴學問亦著於世尤長小學鄴子林清靜好古亦有雅材建武中歷位列卿至大司空其正文字過於鄴棟故世言小學者由杜公

又藝文志杜林倉頡訓纂一篇杜林倉頡故一篇又曰倉頡多古字俗師失其讀宣帝時徵齊人能正讀者張敞從受之傳至外孫之子杜林爲作訓故並列焉言并此二篇列入藝文志也

後漢書本傳林字伯山扶風茂陵人也父鄴成哀間涼州刺史林少好學沈深家既多書又外氏張棟父子喜文采林從棟受學博洽多聞時稱通儒初爲郡吏王莽敗盜賊起林與弟成及同郡范遂孟冀等將細弱俱客河西建武六年還三輔光武徵拜侍御史京師

士大夫咸推其博洽河南鄭興東海衛宏等皆長於古學興嘗師事劉歆林既遇之欣然

言曰林得興等固諧矣使宏得林且有以益之及宏見林闌然而服濟南徐巡始師事宏後皆更受林學林前於西州得漆書古文尙書一卷常寶愛之雖遭艱困握持不離身出

以示宏等曰林流離兵亂常恐斯經將絕何意東海衛子濟南徐生復能傳之是道竟不墜於地也古文雖不合時務然願諸生無悔所學宏巡益重之於是古文遂行後爲大司徒司直光祿勳東海王傅少府二十二年代

朱浮爲大司空博雅多通稱爲任職相明年薨
唐書經籍志倉頡訓詁二卷杜林撰
唐書藝文志杜林倉頡訓詁二卷

謝啓昆小學考曰按說文解字草部巢部而部水部耳部女部由部隄部斗部引杜林說史記索隱引杜林云豺似貂白色皆倉頡訓故之文也

馬國翰輯本序曰杜伯山倉頡訓詁今惟許氏說文引其說他書亦兼有引者合輯爲帙按漢志載揚雄杜林各有倉頡訓纂一篇

訓纂者似取倉頡之字別爲纂次成文而附以舊時之訓文字同而章句不同如後人重編千字文之類歟杜氏既爲訓纂又別爲解故漢志分別著錄七錄合之通謂

之注唐志亦合而爲一曰訓詁 又光武詔二府去大在建武二十七年杜氏卒於二十三年七錄

題司空去大字非也
埤倉三卷張揖撰

張揖有廣雅見前論語類
北魏江式論書表曰魏博士清河張揖著埤倉廣雅綴拾遺漏增長事類抑亦於文爲益者也

唐書經籍志埤倉三卷張揖撰
唐書藝文志張揖埤倉三卷
唐日本國見在書目埤倉二卷張揖撰册府元龜學較部張揖埤倉二卷

通志藝文略埤倉三卷張揖撰注云隋志二卷
卷
玉海藝文類隋志埤倉二卷
謝氏小學考張氏揖埤倉隋志二卷

馬國翰輯本序曰張氏埤倉隋唐志並三卷今佚從諸書所引蒐采成帙不能考原書體例依許氏說文部居編次
海寧陳鱣輯本敘錄曰揖與陳留邯鄲淳齊名所著別有廣雅三卷古今字詁三卷雜字一卷又三倉解詁三卷解司馬相如傳一卷

而陳壽三國志不爲立傳良可惜也揖之書隋唐志並載其目今惟廣雅獨存餘皆亡佚隋唐志並載其目今惟廣雅獨存餘皆亡佚

鱣少時從羣書中集爲二卷用說文部分編次使讀者易於尋求三倉之字具在說文此所謂埤蓋雜取漢魏間俗字方之許書或得或失云按方之許篇或得或失此江式謂其古今字詁之書非謂其埤倉也 任氏小學鈎沈中亦有輯本上下

二卷

按日本書目册府元龜通志略玉海皆云埤倉二卷知舊本隋志實二卷今本作三

卷者乃宋以後人据唐志所改也其譌二卷爲三卷自舊唐志始又玉海藝文引隋志云三倉訓詁三卷埤倉二卷魏博士張揖撰似今本隋志此條之上敍三倉訓詁三卷六字惜無宋槧而勘定之

又按唐本玉篇言部說字注引曰埤倉韻大藏音義五十三韻石字下亦引云埤倉韻又七十八滿船字下引曰埤倉篇埤或作鞞或作鞞又作鞞按說文鞞接益也玉篇鞞附也助也補也增也詩云政事一埤

益我埤厚也詩瞻洛釋文鞞鞞之鞞又作鞞禮月令疏引釋名鞞助也蓋並與埤通倉蒼古今字漢碑及六朝人皆書作倉知倉其本字作蒼者後人爲之也諸書引埤倉佚文今可考見者凡六百餘條皆訓詁

之言無一條引埤倉章句如倉頡篇之考妣延年漢兼天下云云者而其中所詁之字同倉頡急就篇百十有餘同三倉者二十有餘或曰雅讓別有三倉訓詁三卷則凡三倉所有之字已盡詁之矣今復見於

埤倉何也曰埤倉所采異體之字不無與三倉相同故所注不無互見之處此百數十條或其注文中語歟其書大抵無章句與古今字詁相似梁唐人稱埤倉頡或其

篇目

梁有廣倉一卷樊恭撰亡

樊恭始末詳

本志篇敘曰其字義訓讀有倉頡篇三倉埠倉廣倉等諸篇章訓詁

唐書經籍志廣倉一卷樊恭撰

唐書藝文志樊恭廣倉一卷

海寧陳鱣輯本敘錄曰樊恭撰廣倉一卷魏

江式論書表所謂埤廣綴拾遺漏增長事類

封演聞見記所謂埤倉廣倉之類互相祖述

名目漸多者也魏徵等稱其書已亡然唐初

著述家往往引之大約與廣雅相似暇日輯

爲一編次之埤倉之後按江式云究諸埤廣者謂

張揖之埤倉廣雅非謂樊恭廣倉也仲漁氏此引又誤

馬國翰輯本序曰樊恭不詳何人今輯得一

十八節如餘憚歛欵之類皆非習見則當日

搜羅於九千字外亦大費苦心矣任氏小學鉤

沈中亦輯存十九條按說文九千餘字埤倉已盡收之矣

此蓋搜羅於九千字之外者故馬氏云爾

按樊恭不知何時人其書亦極少徵引任

氏陳氏馬氏所輯皆不足二十條昔年陶

孝邈學使從新出唐本玉篇大藏音義增

輯合爲四十七條亦皆訓詁之文其所詁

之字見於倉頡三倉埠倉者凡十餘大藏

音義卷十種字注引作廣倉頡唐本玉篇

欠部歛字注引埤倉歛歛意也廣倉氣

越息也又歌字注引埤倉張口也廣倉大

笑也同此三字而兩書詁訓各不相同是

廣倉者廣埤倉未盡之訓詁亦廣埤倉未

收之文字歟

急就章一卷漢黃門史游撰

漢書藝文志急就一篇元帝時黃門令史游

作又曰元帝時黃門令史游作急就篇皆倉

頡中正字也

後漢書官者列傳敘曰至元帝之世史游爲

黃門令勤心納忠有所補益注前書曰急就

一篇元帝黃門令史游作董巴輿服志曰禁

門曰黃闔中人主之故曰黃門也

唐張懷瓘書斷曰章草者漢黃門令史游所

作也王愔云史游作急就章解散隸體羸書

之漢俗簡惰漸以行之是也此乃存字之梗

概損隸之規矩縱任奔逸赴俗急就因草創

之義謂之草書惟君長告令臣下則可

顏師古注本序曰司馬相如作凡將篇史游

景慕擬而廣之元成之間列於祕府雖復文

非清麗義關經綸至於包括品類錯綜古今

詳其意趣實有可觀者也

宋黃伯思跋曰倉頡爰歷博學凡將不可復

見特急就存焉者以昔賢多喜書之故也其

文雖出小學家而亦西京文氣未衰之際詞

致雅馴故顏籀賞其清靡

唐日本國見在書曰急就篇一卷史游撰

唐書經籍志急就章一卷史游傳

唐書藝文志史游急就章一卷宋史志同

晁氏讀書志急就章一卷漢史游撰唐顏師

古注書凡三十二章雜記姓名諸物五官等

字以教童蒙急就者謂字之難知者緩急可

就而求焉自昔善小學者多書此故有皇象

鍾繇衛夫人王羲之所書傳於世

陳氏書錄解題曰其文多古語古字古韻有

足觀者

王應麟漢志考證曰隋唐志謂之急就章國

朝太宗皇帝嘗書此篇又於顏本外多齊國

山陽兩章凡爲章三十有四此兩章蓋起於

東漢按急就篇末說長安中涇渭街術故此

篇亦言洛陽人物之盛以相當而鄠縣以世

祖卽位之地升其名爲高邑與先漢所改真

定常山並列此爲後漢人所續不疑四庫提

要曰其說此二章起於東漢最爲精確

四庫提要曰史游始末不可考其書自始之

終無一複字文詞與雅亦非蒙求諸書所可

及舊有曹壽崔浩劉芳顏之推注今皆不傳

惟顏師古注一卷存王應麟又補注之釐爲

四卷

孫星衍急就篇考異序曰歷代傳摹急就漢

有張芝崔瑗魏有鍾繇吳有皇象晉有衛夫

人王羲之索靖後魏有崔浩唐有陸柬之時

人又多臨本宋有太宗御書黃庭堅李仁甫

朱文公皆有刻本元有鄧文原明有仲溫俞

和注之者後漢有曹壽魏劉芳周豆盧氏齊

顏之推今所見法帖有紹聖三年勒石本所

存注解惟顏師古及王應麟本餘無存焉或

疑史游以元帝時爲急就章而史稱元帝善

史書卽爲見其書而善之是以帝能爲章草

亦或然也按小學考又有元戴表元注釋補遺明李孝

謙解國朝萬光泰補注三家又乾嘉時江都陳本禮有急

就篇探奇四卷訂爲姓名八章諸物十八章五官六章續編二章

急就章二卷崔浩撰

崔浩有周易注見易類

魏書北史本傳浩上五卷元曆表曰太宗即位元年敕臣解急就章孝經論語詩尙書春秋禮記周易三年成訖又曰浩既工書人多託寫急就章從少至老初不憚勞所書蓋以百數必稱馮代彊疑以示不敢犯國諱其謹也如此浩書體勢及其先人而巧妙不如也世寶其迹多裁割綴連以爲摹楷

又曰浩父宏宏祖悅與范陽盧諶並以博藝著名諶法鍾繇悅法衛瓘而俱習索靖之草皆盡其妙諶傳子偃偃傳子逸悅傳子潛潛傳子宏世不替業故魏初重崔盧之書尤善草隸爲世模楷行押特盡精巧而不見遺迹崑山顧炎武日知錄曰史於馮代彊下注曰疑按急就篇有馮漢彊魏起漠北以漢彊爲諱故改曰代彊魏初國號曰代故也顏師古急就篇序曰避諱改易漸就蕪舛正指此鄙道元水經注以廣漢並作廣魏卽其例也按此則休寧戴氏以廣魏二字定水經撰人爲三國時人之矣

急就章三卷豆盧氏撰

豆盧氏不詳何人隋有內史舍人豆盧威勳與崔祖潛等撰區宇圖志見大業拾遺疑卽其人

小學考北史豆盧寧傳曰寧昌黎徒河人其先本姓慕容氏燕北地王精之後也高祖勝

以燕王始初歸魏授長樂郡守賜姓豆盧氏或云北人謂歸義爲豆盧因氏焉又云避難改焉未詳孰是按豆盧氏急就章隋志不載其名今述北史以著其得姓之由云

按後魏官氏志無豆盧氏氏族略云代北複姓有豆盧氏本姓慕容燕主廆弟西平王慕容運孫北地王精之後入後魏北人謂歸義爲豆盧道武因賜姓豆盧氏其得姓蓋始於此爲晉孝武太元時也注是書者當在斯時之後

吳章二卷陸機撰

晉書本傳機字士衡吳郡人也祖遜吳丞相父抗吳大司馬機少有異才文章冠世伏膺儒術非禮不動抗卒領父兵爲牙門將年二十而吳滅退居舊里閉門勤學積十年太康末與弟雲俱入洛太常張華薦之諸公太傅楊駿辟爲祭酒累遷太子洗馬吳王晏出鎮淮南以機爲郎中令遷尙書中兵部轉殿中郎趙王倫輔政引爲相國參軍豫誅賈謐功賜爵關中侯倫將篡位以爲中書郎倫誅齊王冏收機付廷尉滅死徒邊遇赦而止時成都王穎以機參大將軍軍事表爲平原內史太安初穎與河間王顥起兵討長沙王又假機後將軍河北大都督兵敗或言其有異志穎大怒使牽秀害於軍中時年四十三子蔚夏亦同被害機既死非其罪士卒痛之莫不流涕

唐日本國見在書目吳章一卷陸機撰

按惠帝本紀太安二年八月河間王顥成都王穎舉兵討長沙王又帝以又爲大都督率軍禦之顥遣其將張方穎遣其將陸機牽秀石超等來備京師冬十月丁未破石超走斬其大將賈崇等十六人懸首銅駝街卽其事也是書本傳不載或在文集中七錄有與他家書合編爲一帙八卷者別詳於後

小學篇一卷晉下邳內史王義撰

顏氏家訓書證篇曰太公六韜有天陳地陳人陳雲鳥之陳論語衛靈公問陳於孔子左傳爲魚麗之陳俗本皆作阜傍車乘之車倉雅及近世字書皆無惟王義小學章獨阜傍作車縱復俗行不宜追改六韜論語左傳也唐日本國見在書目小學篇一卷王義之撰唐書經籍志小學篇一卷王義之作一本云懋唐書藝文志王義之小學篇一卷

小學考曰按王義唐志作王義之誤也考晉書王義之傳載義之爲右軍將軍會稽內史此云下邳內史知其別爲一人非王義之矣顏氏家訓所謂王義小學章者卽小學篇而郭忠恕佩觿序云軍陳爲陣始於逸少竟作王義之則承誤已久蓋義之工書遂以小學篇屬之又一切經音義引小學篇云篋刷也篋作據同大抵皆俗字正與陳作陣相合又七錄有王義文字要記益可知義不當作義之矣

仁和孫志祖讀書歷錄曰顏氏家訓書證篇云陳字唯王羲之小學章獨卓旁作車近江陰趙曦明注本王羲之改作王羲云隋志小學篇一卷晉下邳內史王羲撰諸本皆作王羲之乃妄人謬改而佩臚及唐志皆從之失考之甚志祖案王羲之爲會稽內史非下邳故注以爲誤然王羲之小學篇亦見北史任城王雲傳安知非隋志誤邪恐當仍以舊本爲是按北史任城王雲子澄澄子順年九歲初書王羲之小學篇數千言晝夜誦之旬有五日一皆通徹是北朝人亦稱爲王羲之小學篇或嘗爲右軍所書因而傳譌歟孫氏以此證隋志之誤然王羲別有文字要記之書當以謝氏之言爲得

任大椿小學鉤沈曰顏氏家訓北戶錄一切經音義引小學篇字凡五條少學九卷楊方撰楊方有五經鉤沈見前論語家唐書經籍志小學集十卷楊方撰唐書藝文志楊方少學集十卷

始學一卷不著撰人按七錄有吳郎中項峻始學篇十二卷太平御覽引作始學篇注蓋別有注本十二卷此其無注本歟

勸學一卷蔡邕撰

蔡邕有月令章句見前禮類後漢書本傳所著詩賦論議獨斷勸學並傳於世

世說紕漏篇注大戴禮勸學篇蟹二螯八足非蛇蟪之穴無所寄託者用心躁也故蔡邕爲勸學章取義焉

唐書經籍志勸學篇一卷蔡邕撰唐書藝文志蔡邕勸學篇一卷

嚴可均全後漢文編曰文選注御覽北史劉芳傳書斷墨池編諸書引勸學篇文凡十三條又爾雅釋獸釋文一切經音義引勸學篇注馬國翰輯本序曰勸學篇皆勸學之言編爲韻語取便誦誦人無貴賤道在則尊實篇中名言也

按此據范書本傳亦編入本集一百四篇中任氏小學鉤沈輯存十一條梁有司馬相如凡將篇一卷亡

史漢列傳司馬相如字長卿蜀郡成都人也以訾爲郎事孝景帝爲武騎常侍非其好也病免客游梁數歲歸久之得召問奏上林賦天子以爲郎奉使巴蜀拜中郎將後失官居歲餘復召爲郎拜爲孝文園令病免家居茂陵死又曰相如它所著遺平陵侯書與五公子相難草木書篇不采其尤著公卿者云按史不言有凡將篇草木書篇前人罕見徵引疑卽是書

漢書藝文志凡將一篇司馬相如作又曰武帝時司馬相如作凡將篇無復字元帝時黃門令史游作急就篇成帝時將作大匠李長元尙篇皆倉頡中正字也宋祁曰李長下當有作

字凡將則頗有出矣謂凡將篇之字有出於倉頡五十五章三千三百字之外者

唐書經籍志凡將篇 卷司馬相如撰唐書藝文志司馬相如凡將篇一卷宋程大昌演繁露曰漢小學家司馬相如作凡將篇其後史游又作急就篇凡將今不可見藝文類聚載凡將篇一語曰鍾磬竿笙筑坎侯與急就記樂之言所謂竿瑟笙篪琴筑筆者其語度規制全同率皆立語總事以便小學急就也者正規模凡將也

王應麟漢志考證曰文選蜀都賦注藝文類聚並引司馬相如凡將篇文說文引相如說唐志猶有此書張澍蜀典曰王愔文字志云司馬相如采日蟲之禽屈伸其體升降其勢以象四時之氣爲氣候值時書按書史云相如作凡將篇妙辨六律測尋二氣采日蟲之禽屈伸其體升伏其勢象四時之氣爲之興降曰氣候值時書西陽雜俎云南中有蟲名避役一日十二辰蟲狀似蛇翳脚長色青赤肉鬣暑月常見於籬壁間俗云見者多稱意其首倏忽更變爲十二辰狀是相如之氣候值時書卽取十二辰蟲之善變也許慎說文於干支諸字必有曲說陰陽之氣可見當時好立此義久矣

梁庾元威論書云鼠書牛書虎書兔書龍草書蛇草書馬書羊書猴書雞書犬書豕書此十二時書小學考曰按說文口部文選蜀都賦注藝文類聚樂部陸羽茶經並引凡將篇文皆以六

字或七字爲句體同急就惟茶經所云白斂白芷與班志云凡將篇無復字不合至說文禾部彙字引司馬相如曰彙一莖六穗乃其封禪書文也

馬國翰輯本序曰凡將篇文選注藝文類聚陸羽茶經段公路北戶錄皆引之許氏說文亦引其說並據輯錄詳載說文及集韻於各字之下以備參考且代訓釋焉凡十五條張氏蜀典任氏小學鉤沈並輯存凡將篇佚文四條

梁有班固太甲篇一卷在昔篇一卷亡

後漢書本傳固字孟堅扶風安陵人也顯宗召詣校書部除蘭臺令史遷爲郎肅宗以爲玄武司馬永元初大將軍竇憲出征匈奴以爲中護軍行中郎將事及憲敗固先坐免官及竇氏賓客皆逮考洛陽令种兢心衝固因此捕繫固遂死獄中時年六十一按其時永元四年也詔以謹責兢抵主者吏罪

漢書藝文志曰漢興閭里書師合倉頡爰歷博學三篇斷六十字以爲一章凡五十五章并爲倉頡篇至元始中揚雄作訓纂篇順續倉頡又易倉頡中重復之字凡八十九章臣復續揚雄作十三章章昭曰臣班固自謂也作十三章後人不別疑在倉頡下篇三十四章中按倉頡下篇當爲三倉下篇張懷瓘書斷曰賈勳取固所續章而廣之爲三十四章曰滂彙篇又曰固工篆字李斯曹喜之法悉能究之

唐書經籍志在昔篇一卷班固撰太甲篇一卷班固撰

唐書藝文志班固在昔篇一卷太甲篇一卷

按此二篇似卽班氏續揚雄訓纂十三章之篇名每章六十字凡七百八十字也與班氏同時有郎中賈勳者廣爲滂彙篇遂并入三倉下篇中諸書絕少稱引不知是否卽十三章全文抑在十三章之外別有此二篇前人無說莫能詳也說文阜部隍字注引班固說當出是書

梁有崔瑗飛龍篇一卷亡 按當爲瑗

後漢書崔駰傳駰涿郡安平人也中子瑗字子玉早孤銳志好學年十八至京師從侍中賈逵質正大義逵善待之瑗因留游學後歸家順帝初舉茂才遷汲令漢安初爲濟北相卒年六十六張懷瓘書斷云以順帝漢安二年卒

唐書經籍志飛龍篇篆草勢合三卷崔瑗撰唐書藝文志崔瑗飛龍篇篆草勢合三卷

按范書本傳言瑗所著有草書勢張懷瓘書斷引草書勢文又云子玉草草入神小篆入妙篆書勢及是書本傳不載今亦不傳

梁有蔡邕聖皇篇一卷亡

蔡邕有勸學篇見前張懷瓘書斷曰漢靈帝熹平年詔蔡邕作聖皇篇篇成詣鴻都門上時方修飾鴻都門伯喈待詔門下見役人以聖帚成字心有悅焉歸而爲飛白之書又引聖皇篇文曰程邈刪古立隸文

唐書經籍志聖草章一卷蔡邕撰

唐書藝文志蔡邕聖草章一卷

按兩唐志作聖草章或唐人書寫有此名然如唐元度論十體書及宋朱長文墨池編皆云聖皇篇則又似舊志寫誤而新志仍之也鴻都篇賦蔡中郎嘗受詔於盛化門差次錄第熹平四年五月靈帝自造皇義篇五十章其詔撰爲是篇當亦在其時

梁有黃初篇一卷亡

不著撰人唐書經籍志黃初章一卷唐書藝文志黃初篇一卷小學考曰無名氏黃初篇七錄一卷按篇首有黃初句作者當在魏時梁有吳章篇一卷亡不著撰人

唐書經籍志吳章一卷

唐書藝文志吳章篇一卷小學考曰無名氏吳章篇七錄一卷佚按吳章篇與陸機之吳章當是二書唐志但列吳章篇一卷而不列陸機吳章蓋誤爲一書

按此似卽陸機之吳章不知何人取凡將篇以下八種合爲一帙八卷本志既載原本二卷於前又附載七錄合編之本於此此亦非爲重複例得互見也謝氏以爲別是一家恐未然

梁有蔡邕女史篇一卷亡

蔡邕有勸學篇聖皇篇並見前後漢書本傳所著有獨斷勸學釋誨敍樂女

訓篆勢凡若干篇傳於世

小學考曰蔡氏女史篇七錄一卷此篇當以四字或三字為句使於女子初學成誦者首有女史句故以名篇後世女千字文所由昉也

嚴氏全後漢文編曰太平御覽北堂書鈔引蔡邕女訓文選女史箴注及書鈔御覽引蔡邕女誡

按本志此條云有司馬相如凡將篇班固太甲篇在昔篇崔援飛龍篇蔡邕聖皇篇黃初篇吳章篇蔡邕女史篇合八卷蓋合此六家八種之書為一帙者也有上敝梁字此猶陸澄任昉集合雜傳地記之書叢書家之濫觴歟

梁又有幼學二卷朱育撰亡
朱育有毛詩答雜問見前詩類

唐書經籍志初學篇一卷朱嗣卿撰
唐書藝文志朱嗣卿幼學篇一卷
小學考曰隋志云朱育唐志云朱嗣卿嗣卿蓋育字也

梁又有始學十二卷吳郎中項峻撰
吳志薛綜傳右國史華覈上疏曰臣聞五帝三王皆立史官敍錄功美垂之無窮大吳受命建國南土大皇帝末年命太史令丁孚郎中項峻始撰吳書孚峻俱非史才其所撰作不足紀錄

唐書經籍志始學篇十二卷項峻撰
唐書藝文志項峻始學篇十二卷

馬國翰輯本序曰峻於吳志無傳僅見薛綜傳華覈上疏數語此外無可考見今從初學記太平御覽等書輯得六節
侯康補三國藝文志曰初學記卷九藝文類聚卷十一引顏峻始學篇按顏當作項御覽七十八引文相同正作項又御覽三百八十八引項氏始學篇注其為項氏自注為他人注則不可考矣

按前已著錄始學篇一卷不著撰人此十二卷據御覽所引似是前一卷之注本
梁又有月儀十二卷亡
不著撰人

小學考曰無名氏月儀七錄十二卷伏按月儀隋志已亡今所傳法帖晉索靖月儀章云正月具書君白大旗布氣景風微發云云二月具書君白俠鍾應氣融風扇物云云凡十二月皆有某月具書君白句似後人作禮通語按當為後人作札後禮二字似寫誤未知即七錄所載月儀否此索靖所書用章草體又有唐无名書月儀正月孟春二月仲春云云並刻入金壇王氏鬱岡齋帖

按嚴氏可均重編王羲之集有月儀見御覽二十九又梁昭明太子集有錦帶書十二月啓而書錄解題云錦帶書一卷梁元帝撰比事儷語若法帖中章草月儀之類也則又以為梁元帝撰未詳孰是南史任昉傳昉幼而聰敏八歲能屬文自製月儀辭義甚美是六朝文士製月儀者不一家

雖帝胄王者亦為之此十二卷大抵彙合諸家所作以為一編者歟
發蒙記一卷晉著作郎束皙撰

晉書本傳束皙字廣微陽平元城人漢太子太傅疏廣之後也王莽末廣曾孫孟達避難自東海徙居沙鹿山南因去疎之足遂改姓焉皙博學多聞司空張華召為賊曹屬轉著作佐郎遷博士尚書郎趙王倫為相國請為記室皙辭疾罷歸教授門徒年四十卒皙才學博通所著三魏人士傳七代通紀晉書紀志遇亂亡失其五經通論發蒙記行於世齊書文學傳序曰王褒僅約束皙發蒙滑稽之流亦可奇璋

嚴可均全晉文編曰束皙有發蒙記一卷通典引發蒙記總論王肅聖證論二條其一論春夏封諸侯其一論嫁娶時月

馬國翰輯本序曰隋志小學有發蒙記一卷晉著作郎束皙撰地理記又有發蒙記一卷束皙撰兩書同名而分著之歟抑一書兩載失於釐定歟疑不能明書佚已久陶宗儀說郭輯錄凡十五條內一條為發蒙記九條未詳所據姑依錄之復蒐采十一條補錄於後按地理類亦載束皙發蒙記注云記物產之異不知與此是一是二蕭子顯與僕約並稱為滑稽之流者亦不知所指為是書為彼書也

啓蒙記三卷晉散騎常侍顧愷之撰
晉書文苑傳顧愷之字長康晉陵無錫人也

啓蒙記三卷晉散騎常侍顧愷之撰
晉書文苑傳顧愷之字長康晉陵無錫人也

父悅之尚書左丞悅之與顯慶及嗣康之有周易難
王輔嗣義見前易類 愷之博學有才氣桓温引
爲大司馬參軍後爲殷仲堪參軍義熙初爲
散騎常侍愷之有三絕才絕書絕癡絕年六
十二卒於官所著文集及啓矇記行於世
唐日本國書目啓蒙記三卷晉散騎常侍顧
愷之撰

汪師韓文選理學權輿曰選注所引羣書有
顧愷之啓蒙記

啓疑記三卷顧愷之撰

唐書經籍志啓疑三卷顧凱之撰

唐書藝文志顧凱之啓疑三卷

冊府元龜學較部顧愷之爲散騎常侍撰啓
疑三卷

疑三卷

馬國翰輯本序曰隋志啓蒙記三卷啓疑記

三卷並題顧愷之撰唐志有啓疑三卷啓蒙

記不著錄今併佚從裴松之魏志注北堂書

鈔太平御覽等書輯得十節其說亦涉神怪

非訓蒙之正體姑依隋志編入小學類焉

按啓疑記晉書本傳不載似即啓蒙之異

名

千字文一卷梁給事郎周興嗣撰

梁書文學傳周興嗣字思纂陳郡項人漢太

子太傅周堪後也世居姑孰年十三游學京

師積十餘載遂博通記傳善屬文本州舉秀

才除桂陽郡丞高祖革命拜安成王國侍郎

直華林省擢員外散騎侍郎進直文德壽光

省時高祖以三橋舊宅爲光宅寺敕興嗣爲

寺碑自是銅表銘及次韻王羲之書千字並
使興嗣爲文每奏高祖輒稱善加賜金帛累
遷給事中直西省左衛率普通二年卒

太平御覽文部著書篇梁書曰武帝取鍾王

真迹授周興嗣令選不復者千字韻而文之

興嗣一宿而上鬚髮皆白被賞遇後興嗣曰

疾武帝親爲之合樂

張彥遠法書要錄唐武平一徐氏法書記曰

梁大同中武帝敕周興嗣撰千字文使殷鐵

石模次羲之之迹以賜八王

唐書經籍志千字文又一卷周興嗣撰

唐書藝文志周興嗣次韻千字文一卷

宋史藝文志千字文一卷梁周興嗣次韻

顧炎武曰知錄曰宋史李至傳言千字文乃

梁武帝得鍾繇書破碑千餘字命周興嗣次

韻而成山堂考索同本傳以爲王羲之而此

以爲鍾繇則異矣

閻若璩潛邱劄記曰千字文周興嗣次韻梁

書以爲羲之宋史以爲鍾繇要梁書近而得

其真或曰興嗣當梁武帝初敕撰文能不

染佛氏一語信有勁骨者按本傳興嗣固先撰光

宅寺碑文矣

按法書要錄載武平一之記蓋其始因鍾

繇之殘碑而次韻其後復取右軍手迹以

成文當時原有鍾王二本也

千字文一卷梁國子祭酒蕭子雲注

梁書蕭子恪傳子恪蘭陵人齊豫章文獻王

嶷第二子也子雲字景喬子恪第九弟齊建

武四年封新浦縣侯天監初降爵爲子起家
祕書郎累遷太清元年爲侍中國子祭酒三
年三月宮城失守東奔晉陵餒卒於顯靈寺
僧房年六十二

唐日本國見在書目千字文一卷梁國子祭

酒蕭子雲注

顧炎武曰知錄曰千字文元有二本梁書蕭

子範傳曰子範除大司馬南平王戶曹屬從

事申郎使製千字文其辭甚美命記室蔡遠

注釋之舊唐書經籍志曰千字文一卷蕭子

範撰又一卷周興嗣撰是興嗣所次者一千

字文而子範所製者又一千字文也乃隋書

經籍志云千字文一卷梁給事中周興嗣撰

千字文一卷梁國子祭酒蕭子雲注梁書謂

子範作之而蔡遠爲之注釋今以爲子雲注

子雲乃子範之弟則異矣陳書沈衆傳是時

梁武帝製千字詩衆爲之注解是又不獨興

嗣子範二人矣

小學考曰按蕭子雲兄弟一作千文一注千

文自是兩事隋志遺子範千文一卷故顧氏

疑之然非有錯誤也

按張彥遠法書要錄云蕭子雲自云善効

鍾元常王逸少而微變字體常答敕云臣

子雲奉敕使臣寫千字文今已上呈云云

其語亦略見梁書本傳末署侍中國子祭

酒南徐州太守臣子雲啓上本傳唯云領

南徐州大中不云太守又云其書迹雅

爲高祖所重嘗論子雲書曰筆力勁駿心

手相應巧踰杜度美過崔寔當與元常並
驅爭先其見賞如此是子雲嘗奉敕書千
字文矣書中或有注文則當時所注亦
不止蔡薏胡肅二家也

千字文一卷胡肅注

胡肅始末未詳

小學考曰胡氏肅注千字文隋志一卷佚按
此以爲胡肅自是寫誤

篆書千字文一卷

不著篆者姓名

唐書經籍藝文志篆書千字文一卷

小學考曰亡名氏篆書千字文隋志一卷佚

演千字文五卷

不著撰人

唐書經籍藝文志演千字文五卷

小學考曰無名氏演千字文隋志一卷佚按
以爲一卷亦寫誤也

按錢塘梁玉繩警記曰隋書文苑傳潘徽
爲萬字文唐藝文志有演千字文五卷按
梁氏之意疑此卽潘徽萬字文之異名亦
近似也

草書千字文一卷

不著撰人

小學考曰無名氏草書千字文隋志一卷佚

古今字詁三卷張揖撰

張揖有埤倉見前

太平御覽文部王隱晉書曰魏太和六年博
士河間張揖上古今字詁其中部曰紙今帛

也其字從巾古以織白依書長短隨事截絹
數重者卽名幡紙字從糸此形聲也後和帝
元興中中常侍蔡倫以故布擣作紙故字
從巾是其聲雖同糸巾爲殊不得言古之紙
爲今紙 按此卽其所詁紙帛古今字之一則也

魏書江式傳式上論書表曰魏初博士清河
張揖著埤倉廣雅古今字詁究諸博廣綴拾
遺漏增長事類抑亦於文爲益者也然其字
詁方之許篇古今體用或得或失矣陳留郡
鄆淳亦與揖同時有名於揖

顏氏家訓勉學篇吾初讀莊子蝮二首韓非
子曰蝮有蝮者一身兩口爭食相齧遂相殺
也茫然不識此字何音後見古今字詁此亦
古之虺字也積年凝滯豁然霧解

唐書經籍志古文字詁二卷張揖撰一本改正
作揖

唐書藝文志張揖古文字訓二卷
侯康補三國藝文志曰古今字詁見於匡謬
正俗釋文兩漢書注史記索隱文選注一切
經音義者甚多任大椿小學鉤沈備載之獨
汗簡屢引張揖集古文當卽由唐志古文字
訓之名而省任氏未采 按郭忠恕汗簡引張揖集
古文九條通志藝文略亦載集古文張揖撰而不著卷數
似卽古今字詁之殘本而宋時僅存者

馬國翰輯本序曰揖既作廣雅以綴爾雅之
遺作埤倉以補三倉之缺復以古今字體不
同因取而詁之隋志三卷唐志作古今字訓
二卷今佚輯錄爲卷據江式所云似其全書

有與許氏說文相戾者要其勤於小學叔重
後當首屈一指也凡六十一條

按漢書藝文志孝經類有古今字一卷不
著撰人稚讓或取其書而詁之故曰古今
字詁亦或益以後出孳生之字王隱言其
書有巾部江式云方之許篇則依準說文
爲部分從可知已太和六年表上之或亦
與廣雅同時所進者

梁有難字一卷張揖撰

唐書藝文志張揖雜字一卷

沈濤銅熨斗齋隨筆曰隋志云梁有難字一
卷錯誤字一卷並張揖撰亡而一切經音義
卷十四卷二十並云孤張揖雜字作瘠則張
揖所著爲雜字而非難字難雜字形相近觀
隋志與錯誤字並列以別於古今字詁則揖
之所著當爲難字而非雜字若雜字卽在字
詁中矣元應書雜字恐難字傳寫之誤又曰
唐藝文志有張揖雜字一卷恐亦難字傳寫
之誤

任大椿小學鉤沈曰爾雅釋文文選注一切
經音義並引張揖雜字凡七條

馬國翰輯本序曰隋志作難字唐志云雜字
今佚陸氏釋文引張揖雜字元應一切經音
義亦引張揖雜字或止標張揖史記索隱及
集韻亦引張揖說皆此書佚文並據輯錄其
中如詁字云詁者古今之異語也訓字云訓
者謂字有意義也皆非難字則唐志題雜字
爲是也揖注三倉外自作廣雅埤倉古今字

詰於字學形聲可稱詳備又復為此書以雜字名者雜采成編不復類次要是補三書所缺遺也

按沈氏以為難字馬氏以為雜字然馬說近得其似考稚讓之前有郭訓雜字指一卷疑此為郭氏書而作

又按册府元龜學較部張揖撰坤倉二卷古今字詰三卷又云揖撰三倉難字一卷

詰訓三卷此當是三倉詰訓三卷難字一卷之寫誤册府所据即隋志其所謂又云

者亦即隋志所注之七錄而本志無三倉訓詰之目據玉海引隋志似佚敝在坤倉

之前據册府則又似佚敝在此條難字之上也

梁有錯誤字一卷張揖撰亡

册府元龜學較部張揖撰誤字一卷

按廣韻引字誤凡四條不著姓名任氏小學鉤沈備錄之證以册府元龜所載蓋即

張揖字誤也册府此條亦据隋志所注之七錄有字誤無錯誤字按廣韻誤正也與

是通陳書姚察傳誤正文字作此誤此書因錯誤字而誤正之其名當是錯誤字誤

廣韻省文作字誤今本隋志敝誤字册府元龜譌敝作誤字

又按稚讓之書今雖不可概見然就其名書之意而尋釋之則猶有可言者廣雅廣

爾雅之遺坤倉坤三倉之字以賈叔郎隸寫之三倉或未盡其說及前漢相傳之古

今字或無所發明也於是又從而訓詰之又為雜字以補所缺遺為字誤以揭其錯誤若汗簡所引之集古文則甚似古今字

詰之別本殆後人所錄不在所著之內洪氏曉讀書齋四錄曰六書至漢末揖實集

其大成非呂忱呂靜等所能及不其然歟揖與蘇林同為魏初博士並及見服子慎

子慎著通俗文序稱之見顏氏家訓書證篇而魏志於蘇林則附見劉劭傳惟揖則

志與注皆不之及

梁有異字一卷朱育撰亡

朱育有幼學二卷見前吳志虞翻傳注會稽典錄曰孫亮時有山陰

朱育少好奇字凡所特達依體像類造作異字千名以上

任大椿小學鉤沈曰玉篇廣韻引異字苑凡五條廣韻十一模籀字注異字苑曰籀以籒

東物也按此字今俗通用三國時以為異字馬國翰輯本序曰郭忠恕汗簡引朱育集字

朱育集古字朱育集奇字朱育字略凡二十一條玉篇廣韻引異字苑七條異字音二條

要是一書而引者意為標題故互有參差也今並輯各依所引錄之

按玉篇廣韻所引則其書本名異字苑本志似敝苑字奇字為六體之一即古文而

異者也似亦可云異字特達猶言創獲似以奇字為本而小變其體類附以訓詰凡千餘字吳志載孫休為四子造作名字下

詔普告天下或亦當時時尚而為是書歟梁有字屬一卷賈魴撰亡

賈魴有滂熹篇見前唐書經籍志字屬篇一卷賈魴撰

唐書藝文志賈魴字屬篇一卷按說文屬連也此似下文李彤字偶之類

雜字解詰四卷魏掖庭右丞周氏撰

錢大昕十駕齋養新錄曰隋志小學類雜字解詰四卷魏掖庭右丞周氏撰掖庭左右丞

漢制皆宦者為之魏承漢制則周氏亦必宦者如注爾雅之李巡亦中黃門也

任大椿小學鉤沈曰廣韻選注史記索隱漢書注書鈔藝文御覽北戶錄引雜字解詰凡

一十四條一切經音義引周成難字七條侯康補三國藝文志曰康按史記高祖功臣

表索隱引周成難字解詰此外諸書有但稱周成難字者有但稱難字解詰者有稱難字

稱周成稱周成難字者皆即一書而或少省其文或小易其名難字之為難字正與張揖

書同未知本有二名抑後人傳寫之誤但必非兩書明矣小學鉤沈分錄之殆非也

馬國翰輯本序曰類聚御覽諸書並題周成難字解詰或作周成難字則周氏即周成明

矣元應一切經音義引作周成難字難字或難字之譌抑或篇中有難字之目今輯二十

餘節凡引作難字者詳注於下按此周氏當為周成之寫誤故下文不具其官而直稱周成也雜字解詰四卷亦似

七錄解文字七卷之殘本元應音義所稱周成難字其中如帑字嬾字鞞字鞞字皆見於三倉說文諸字書何得謂之難字知難字實難字之謬

又按後漢郭顯卿有雜字指魏初張揖亦有雜字此其類也或取兩家書而增長附益之

梁有解文字七卷周成撰

唐書經籍志解文字七卷周成撰

唐書藝文志周成解文字七卷

汪師韓文選理學權輿曰選注所引羣書有周成雜字或稱解字文

錢大昕十駕齋養新錄曰隋志有雜字解詁

四卷魏掖庭右丞周氏撰又云梁有解文字

七卷周成撰亡似周氏與周成非即一人唐

藝文志有周成解文字七卷而無周氏書且

兩志所載周成書俱無雜字之名未知即此

書否

沈濤銅熨斗齋隨筆曰一切經音義屢引周

成難字隋志小學類云梁有解文字七卷周

成撰亡唐藝文志同無所謂周成難字者周

成難字疑解文字七卷中之子目

按此解文字七卷似其總名七卷之中有

雜字解詁四卷至隋僅存而其餘三卷亡

矣唐時全書復出故兩唐志著錄解字文

七卷不復重出雜字解詁四卷也選注引

解字文與舊唐志合似其本名本志及新

唐志似誤倒其文諸書明引周成雜字周

成解字文則周氏實爲周成無疑

梁有字義訓音六卷古今字苑十卷曹侯彥撰

亡

魏志曹真傳真太祖族子也明帝時至大司

馬進封邵陵侯諡曰元侯子爽嗣帝追思真

功詔悉封真五子義訓則彥喟皆爲列侯彥

爲散騎常侍侍講又齊王本紀嘉平元年春

正月太傅司馬宣王奏免大將軍爽爽弟中

領軍義武衛將軍訓散騎常侍彥官以侯就

第

太平御覽刑法部三十國春秋曰魏帝謁陵

曹爽及弟義訓彥皆從高祖命授兵召公卿

於廟堂奏皇太后廢爽丁酉斬爽義訓彥夷

三族

小學考曰按字義訓音七錄稱曹侯彥撰者

蓋以彥嘗爲列侯也

法書要錄梁庾元威論書曰許慎穿鑿賈氏

乃奏說文曹產開拓許侯爰成字苑說文則

形聲具舉字苑則品類周悉追悟典墳字弗

全體周禮以難斯爲筭纏禮記以相近爲禴

祈致令衆議叢殘音辭躋互蓋繇程邈變隸

流傳未一鄭公詩譜頗顯其源且書文一反

草木相從凡五百六十七部合一萬五千九

百一十五字即日世中所行十分裁一而今

點畫失體深成怪也

按曹侯彥謝氏謂即是曹彥證以庾氏曹

產作字苑之言則所考良信產蓋彥字之

寫誤也太平御覽六百四十八載曹彥議

復肉刑一篇餘無所見其書廣說文之字

故云開拓許侯其後葛稚川作要用字苑

似即刪存是書而爲之者

雜字指一卷後漢太子中庶子郭顯卿撰

郭顯卿始末未詳

唐書經籍志字旨篇一卷郭玄撰

唐書藝文志郭訓字旨篇一卷

小學考曰唐志作郭訓隋志別有古文奇字

一卷俱作郭顯卿疑訓字顯卿也按古今奇字

一卷別見於後

侯康補後漢書藝文志郭訓雜字指一卷古

文奇字二卷隋志作郭顯卿唐志作郭訓而

書名正同則一人也郭忠恕汗簡屢引郭顯

卿字指

馬國翰輯本序曰郭顯卿里居不詳據隋志

知仕爲太子中庶子據唐志知本名訓而以

字行也汗簡引二十九條廣韻引一條作郭

調字指調爲訓字之誤

按舊唐志又作郭玄文選注傳寫又誤郭

爲鄭以爲鄭玄字指汪氏輯選注羣書目

錄遂以鄭康成字指列目孫氏志祖校正

以爲誤是也侯氏補志亦載鄭康成字指注曰存

疑

字指二卷晉朝議大夫李彤撰

李彤始末未詳一本作彤別有聖賢家墓記一卷詳

見史部地理類

小學考曰李善文選注引字指云條燭電光

也礧大聲也繒瀝屬一切經音義引字指云

礮雷大聲也鷓鴣其鳴自呼飛但南不北

形如雌雉翡翠南方取之因其生子漸下其

巢頂可取之皆取其羽也俱李彤字指而非

郭顯卿雜字指也史記惠景間侯表索隱引

李彤

任大椿小學鉤沈曰廣韻爾雅釋文文選注

一切經音義引字指凡十一條

梁有單行字四卷李彤撰亡

小學考曰李氏彤單行字七錄四卷佚

汪師韓文選理學權輿曰選注所引羣書有

李彤單行字

梁又有字偶五卷亡

冊府元龜學校部李彤撰字指二卷單行字

二卷字偶五卷位至朝議大夫

小學考曰李氏彤字偶七錄五卷佚按字偶

者猶後人所謂雙字駢字也

馬國翰輯本序曰李彤字里未詳據隋志知

其官朝議大夫而已隋志載字指二卷梁有

單行字四卷又字偶五卷唐志皆不著錄佚

已久文選注引字指四條又引李彤字說及

字說者數條汗簡引三條或作李彤集字或

作李彤字略他書引有止稱李彤者並此書

之佚文合輯一帙又文選注引單行字二條

御覽引李彤四部一條附著於後

以上自三倉至此皆古今字書及解詁訓

釋之屬其中如蔡邕勸學篇女史篇朱育

幼學篇無名氏月議束皙發蒙記顧愷之

啓蒙記不皆爲字書楊方少學九卷其體

制不可考亦似非字書

說文十五卷許慎撰

許慎有五經異義見前論語類

慎子召陵萬歲里公乘冲上書有曰先帝詔

侍中騎都尉賈逵修理舊文殊藝異術王教

一帝苟有可以加於國者靡不悉集臣父故

太尉南閣祭酒慎本從逵受古學博問通人

考之於遠作說文解字六藝羣言之詰皆通

其意而天地鬼神山川草木鳥獸蟲蟲雜物

奇怪王制禮儀世間人事莫不畢載凡十五

卷十三萬三千四百四十一字慎前以詔書

校書東觀教小黃門孟生李喜等以文字未

定未奏上今慎已病遣臣齋詣闕云云建光

元年九月己亥朔二十日戊午上召上書者

汝南許冲詣左掖門外會令并齋所上書十

月十九日中黃門饒喜以詔書賜召陵公乘

許冲布四十四匹即日受詔朱雀掖門敕勿謝

後漢書儒林傳慎撰五經異義又作說文解

字十四篇皆傳於世 按此言十四篇不敷其序自

一篇也

唐封演聞見記曰後漢和帝時始獲七千三

百八十四字安帝時許慎特加搜采九千之

文始備著爲說文凡五百四十部皆從古爲

證備論字體詳舉音訓其鄙俗所傳涉於妄

者皆許字之所不取故說文至今爲字學之

宗

唐書經籍志說文解字十五卷許慎撰

唐書藝文志許慎說文解字十五卷 宋史藝

文志同

四庫提要曰是書成於和帝永元十二年凡

十四篇合目錄一篇爲十五篇分五百四十

部爲文九千三百五十三重文一千一百六

十三注十三萬三千四百四十字推究六書

之義分部類從至爲精密而訓詁簡賅猝不

易通又音韻改移古今異讀諧聲諸字亦每

難明故傳本往往譌異宋雍熙三年詔徐鉉

萬湍王惟恭句中正等重加刊定凡字爲說

文注義序例所載而諸部不見者悉爲補錄

又有經典相承時俗要用而說文不載者亦

皆增加別題之曰新附字其本有正體而俗

書譌變者則辨於注中其遠戾六書者則別

列卷末或注義未備更爲補釋亦題臣鉉等

案以別之音切則一以孫愐唐韻爲定以篇

帙繁重每卷各分上下即今所行毛晉刊本

是也

又簡明目錄說文解字三十卷漢許慎撰宋

徐鉉等補注補音併增加新附字原本合目

錄爲十五篇鉉等重校乃每卷各分爲二其

書爲小篆之祖作小篆而不從其偏旁是爲

備規錯矩至於八分隸行草書則各自爲體

或相沿或不相沿不能盡繩以小篆或據小

篆以改隸至於怪不可識則非可行之道也

嘉慶十四年陽湖孫星衍重刊宋本說文序

曰毛晉初印本依宋大字本翻刊後以繁傳

刊補反多紕繆朱學士筠視學安徽閱文人

之不能識字因刊舊本說文廣布江左右其

學由是大行按其本亦同毛氏近有刻小字宋本者改大其字又依毛本校定無復舊觀吾友錢明經姑姚修撰文田嚴孝廉可均鈕居士樹玉及予手校本皆檢錄書傳所引說文異字異義參考本文至嚴孝廉爲說文校議引證最備今刊宋本依其舊式卽有譌字不敢妄改庶存闕疑之意古人云誤書思之更是一適思其致誤之由有足證古本者舊本既附以孫愐音切雖不合漢人聲讀傳之既久亦姑仍之以傳記所引文字異同別爲條記附書而行又屬顧文學廣圻手摹篆文辯白然否校勘付梓 書目答問姓名略云說文之學嚴氏段氏鈕氏爲最

張氏書目答問說文解字十五卷宋徐鉉校定附字平津館小字本小學彙函重刻孫本蘇州浦氏重刻孫本廣州新刻陳昌治編錄一篆一行本孫本最善陳本最便

按惠氏後漢書補注引楊慎六書索隱曰說文有孔子說楚莊王說左氏說韓非說淮南子說司馬相如說董仲舒說京房說衛宏說揚雄說劉歆說桑欽說杜林說賈逵說傅毅說譚長說王育說尹彤說張林說黃頴說周盛說遠安說歐陽喬說寧嚴說爰禮說徐巡說莊都說張徹說以上皆惠氏引楊氏所考或云歐陽喬卽歐陽高莊爲漢明帝諱當是嚴都爲後人所改徹爲武帝諱當是張徹之誤今覆檢本書又有天老說伊尹說史籀說老子說墨翟說

師曠說孟子說公羊說穀梁說甘氏說呂不韋說劉向說宋弘說班固說官溥說司農說博士說又有引復說者不著其姓又對字下引漢文帝說壘字引亡新卽甄豐及王莽說 又三國志注引魏略諸書數稱許氏字指蓋當時有此名亦可證郭訓雜字指李彤字指皆取字之指意指趣以名其書

又按許冲上書言先帝詔侍中云云至靡不悉集此一段皆言賈侍中在和帝時修理舊文之大略陶宗儀書史會要云賈逵和帝時修理倉頡舊史史疑文字之誤與許冲言相會是賈侍中有修理倉頡舊文之書亦當時承詔所作而本傳不載 或總括於所著經傳義詁百餘萬言之中許冲既言賈逵修理舊文又言臣父慎本從逵受古學博采通人考之於逵作說文解字梁庾元威論書亦云許慎穿鑿賈氏乃奏說文是說文據賈氏書爲藍本從可知已封氏聞見記謂和帝時始獲七千三百八十四字似卽指賈侍中所定字數說文諸部中凡十七引賈侍中說當卽其書此一說也又賈魴三倉之作亦在和帝之時三倉百二十三章章六十字凡七千三百八十字視封氏所舉僅多出四字耳亦頗似三倉之字數三倉之首爲倉頡篇故云倉頡舊文豈三倉之書定於賈侍中歟侍中定本皆篆文古籀爲許氏所依據初亦不名爲三倉自賈魴隸寫其書乃有三倉之目是許

氏廣三倉之字爲說文歟此又一說也考范書賈逵傳和帝永元十三年卒年七十二朝廷愍惜除兩子爲太子舍人而不著其名賈魴非其子姓卽其族人與許君同爲門弟子者歟今并附識其疑於此

梁有演說文一卷庾儼默注亡

庾儼始末未詳册府元龜學校部梁有演說文一卷庾儼撰此作儼又作撰未詳孰是

小學考曰按隋志說文十五卷下云梁有演說文一卷庾儼默注亡焦竑經籍志云梁有演說文一卷誤以梁有爲姓名黃虞稷書目及近人補宋元藝文志皆沿其誤按近人謂盧氏文昭也

馬國翰輯本序曰郭忠恕汗簡引二十五條作庾儼演說文或作庾儼字書儼下誤做默字稱字書仍謂演說文也據輯錄之文收異體皆許書之所未備隋志以注名其解說當必博綜惜不得窺其全豹也

按唐日本國書目載說文解字十六卷似并此一卷在內吳徐整有孝經默注與此稱默注者同汗簡稱庾儼不誤馬氏反以爲做默字非也 論語集注默讀謂不言而在露心也默注卽默識猶言心得

說文音隱四卷

不著撰人

唐書經籍志說文音隱四卷唐書藝文志音隱四卷按此節去說文二字又不

次於說文之後列之黃初篇吳章篇下讓甚

沈濤銅熨斗齋隨筆曰顏氏家訓書證篇引說文云蒼牛藻也讀若威音隱塢瑰反濤案音隱書名隋志有說文音隱四卷之推蓋引是書

鎮洋畢沅輯本序曰唐以前傳注家多稱說文解字音隋志有說文音隱即是也因據錄之以資考證許君之書今所存者有徐鉉等校定音並唐韻也有徐鍇繫傳音朱勗所加也有五音韻譜音則錯所加也皆唐以後所改更於古音無涉是編所輯雖寡要為探本之誼云

小學考曰按隋志以是編列於呂忱字林之下按當云上也云四卷而不詳撰著姓名時代近畢尚書作說文解字舊音云唐以前傳注引說文解字音疑即此音隱也

字林七卷晉弦令呂忱撰

魏書江式傳式上表曰晉世義陽王典祠令仕城按當是任城呂忱表上字林六卷尋其況趣附託許慎說文而按偶章句隱別古籀奇惑之字文得正隸不差篆意也按晉書宗室傳安平獻王字季子義陽成王望武帝受禪封於始七年薨孫奇襲爵泰康九年貶為三縱亭侯又職官志王置典書典祠典衛令各一人是忱為義陽王典祠令在大康九年以前魏晉時人也

張懷瓘書斷曰晉呂忱字伯雍博識文字撰

字林五篇萬二千八百餘字字林則說文之

流小篆之工亦叔重之亞也

封氏聞見記曰後漢許慎為說文凡五百四十部晉有呂忱更按羣典搜求異字復撰字林七卷亦五百四十部凡一萬二千八百二十四字諸部皆依說文說文所無者是忱所益

張參五經文字序例曰後有呂忱又集說文之所漏略著字林五篇以補之今制國子監置書學博士立說文石經字林之學舉其文義歲登下之亦古之小學也說文體包古今先得六書之要有不備者求之字林

唐日本國見在書目字林二卷呂忱撰

唐書經籍志字林十卷呂忱撰

唐書藝文志呂忱字林七卷

宋史藝文志呂忱字林五卷

陳氏書錄曰字林五卷晉愷令呂忱撰太乙

山僧雲勝注案隋唐志皆七卷三朝國史志

惟一卷董氏藏書志三卷其書集說文之漏

略者凡五篇然雜糅錯亂未必完書也

任大椿字林考逸自序曰唐六典載書學博士以石經說文字林教士字林之學閱魏晉

陳隋至唐極盛故張懷瓘以為說文之亞今

字書傳世者莫古於說文玉篇而字林實承

說文之緒開玉篇之先字林不傳則許氏以

後顧氏以前六書相傳之脈中闕弗續余為

是編蒐羅散佚忱書體例略見於茲諸家異

說多所考鏡云

字林音義五卷宋揚州督護吳恭撰

吳恭始末未詳

册府元龜學較部吳恭為揚州督護撰字林音義五卷

宋李燾五音韻譜序曰隋志又有宋揚州督

護吳恭字林音義五卷忱書今間有音獨無

吳恭姓名

汪師韓文選理學權輿曰選注所引羣書有

吳恭字林音義

古今字書十卷

字書三卷

字書十卷

皆不著撰人

唐日本國見在書目字書廿卷冷泉院 謂其

國之冷泉院本也冷泉院蓋合併為廿卷唐時冷泉院火

圖籍蕩然其後國人佐世在與故有此見在書目之作其

時為唐僖宗乾符二年云

唐書經籍藝文志字書十卷

海寧陳續輯本敘錄曰隋志列字書之目凡

三一曰古今字書十卷二曰字書三卷三曰

字書十卷不言何人字書亦不知何時字書

也嘗考顏氏家訓引字書云云知六朝間人

固所常用今一無所存唯見於羣籍所引而

陸氏釋文李氏文選注釋氏一切經音義引

之尤多鱣於暇日集為是編用資考據各書

所引語有不同知其不出於一家矣 任氏小

學編沈中亦輯存上下二卷凡二百九十餘條

按此大抵鈔諸家字學之書以便日用猶

漢時閭里書師并合倉頡爰歷博學三篇

章為一帙也諸家字學遞有所出故其本

亦各有所存以其舊粹一編又所據皆有原本故撰述家亦喜用之近所傳大藏音義唐本玉篇玉燭寶典其中引字書至多皆爲任氏陳氏所未見輯之猶可數卷此數種書傳入內地已閱十年必有人起而爲之者

又按南史范岫傳岫字懋賓濟陽考城人梁天監中爲祠部尚書卒官所著字訓行於世又劉杳傳杳博綜羣書范岫撰字書音訓往訪於杳疑此三書之中或有范岫書在其間焉

字統二十一卷楊承慶撰 按楊當爲陽魏書陽尼傳尼字景文北平無終人爲國子祭酒有書數千卷所造字釋數十篇未就而卒其從孫太學博士承慶遂撰爲字統二十卷行於世

封氏聞見記曰後魏楊承慶者復撰字統二十卷凡一萬三千七百三十四字亦憑說文爲本其論字體時復有異唐書經籍志字統二十卷楊承慶撰唐書藝文志楊承慶字統二十卷

小學考曰按一切經音義引字統引承慶云云其說支離已甚實開王安石字說之先聲馬國翰輯本序曰承慶不詳何人顧氏玉篇引之當是齊梁時人今佚輯得三十七節節不知原書體例姑依說文部居編次詮解字義新而不詭於理王荊公字說蓋本於此然不及其確當也

任大椿小學鉤沈曰字統後魏楊承慶撰玉篇廣韻九經字樣集韻龍龜手鑑列子釋文御覽引凡三十一條

沈濤銅熨斗齋隨筆曰經籍志字統二十一卷楊承慶撰案魏書陽尼傳承慶爲尼從孫乃姓陽非姓楊也諸書引楊承慶字統皆承隋志之誤

玉篇三十一卷陳左將軍顧野王撰 按本志別集類題左衛將軍此左下敝衛字

陳書本傳野王字希馮吳郡吳人也徧觀經史精記嘿識天文地理著龜占候蟲篆奇字無所不通梁大同四年除太學博士高祖作宰爲諮議參軍天嘉元年補撰史學士太建六年領大著作掌國史知梁史事兼東宮通事舍人時宮僚有濟陽江總吳國陸瓊北地傅釋吳興姚察並以才學顯著論者推重焉遷黃門侍郎光祿卿十三年卒時年六十三贈右衛將軍野王少以篤學知名所撰著玉篇三十卷行於世

南史蕭子顯傳子顯子序愷愷才學譽望時論以方其父先是太學博士顧野王奉令撰玉篇簡文嫌其書詳略未當以愷博學於文字尤善使更與學士刪改

封氏聞見記曰梁朝顧野王撰玉篇三十卷凡一萬六千九百一十六字

唐書經籍志玉篇三十卷顧野王撰唐書藝文志顧野王玉篇三十卷 宋史藝文志同

朱彝尊玉篇重刊本序曰顧氏玉篇本諸許氏稍有升降損益迨唐上元之末處士孫強稍增多其字既而釋慧力譏象文道士趙利正譏解疑至宋陳彭年吳銳邱雍輩又重修之於是廣益者衆而玉篇非顧氏之舊矣

四庫提要曰重修玉篇三十卷梁大同九年黃門侍郎兼太學博士顧野王譌唐上元元年富春孫強增加字宋大中祥符六年陳彭年吳銳邱雍等重修凡五百四十二部

光緒十年出使日本大臣遵義黎庶昌古逸叢書敍目曰影舊鈔卷子原本玉篇零本三卷半此真顧黃門原帙逸千三百年而幸存注文之詳奚翹溢出大廣益會本十倍雖僅僅十分之一足可視爲瓊寶 按此稱三卷半者其後又得系部前半卷增刊之實四卷也

日本國人森立之等經籍訪古志曰此本之傳遠在孫強增加字已前真爲顧氏原帙每注中有野王按語與慧琳經音 按即大藏音義亦云一切經音義凡百卷唐元和十二年撰爲中國佚書所引合其爲可貴珍品非宋本可得而比肩也

日本使署隨員楊守敬跋曰右玉篇卷子本四卷皆千年以上物也所載義訓皆博引經傳其自下己意者則加野王按三字按顧氏玉篇經蕭愷等刪改行世至唐上元間有孫強增加之本又有玉篇鈔十三卷見日本國見在書目是則增損顧氏之書在唐代已有數家然就此四卷核之則爲顧氏原本無疑

今孫強本已無傳僅存陳彭年大廣益本據廣益本於祥符牌後雙行夾注云注四十萬七千五百有三十字余以其本合大字注文并計之實只二十萬有奇絕無注文四十萬之事今見此本始悟其所云注四十萬者為顧氏原本之數故盈三十卷云云

影舊鈔卷子原本玉篇零卷見存目錄 古逸叢書之十一

言部至幸部為一卷即本書第九卷
放部至方部為一卷即本書第十八之後分

水部首尾缺為一卷即本書第十九卷
系部至索部為一卷即本書第二十七卷

凡存部四十三存字一千三百七十
字類敘評三卷侯洪洩撰

侯洪洩始末未詳

通志藝文略字類敘評三卷侯洪洩撰 按此又作洪伯未詳孰是

小學考曰侯氏洪洩字類敘評隋志三卷佚
按任氏小學鈎沈從文選詠懷詩注及廣韻輯存字類各一條似非此書

要字苑一卷宋豫章太守謝康樂撰

小學考曰隋志要字苑一卷稱宋豫章太守謝康樂撰考宋書謝靈運傳不言其為豫章太守又靈運襲封康樂公後降為侯此疑別是一人名康樂非即靈運也

任大椿小學鈎沈曰爾雅釋文廣韻顏氏家訓史記索隱南史劉沓傳北戶錄注一切經

音義引字苑三十六條

按兩唐志有葛洪要用字苑一卷顏氏家訓書證篇本證篇音辭篇數引之疑此是葛稚川書本志此條似有誤誤册府元龜云謝靈運為臨川內史撰要字一卷册府所据皆正史蓋即本志此條而附會其說不可信也

梁有常用字訓一卷殷仲堪撰

殷仲堪有毛詩雜義見前詩類册府元龜學較部殷仲堪為荊州刺史撰常用字訓一卷

顏氏家訓書證篇殷仲堪常用字訓亦引服虔俗說

梁有要用字對誤四卷梁輕車參軍鄒誕生撰鄒誕生始末未詳

小學考曰按隋志史部史記音三卷梁輕車錄事參軍鄒誕生撰即其人也

按日本書目有周字對語二卷蓋即此書而用譌為周此對誤實對語之譌

要用雜字三卷鄒里撰亡

小學考曰鄒氏里要用雜字隋志三卷佚按鄒里始末未詳疑即鄒誕生之名要用雜字亦疑與要用字對語為一書而佚出者蓋既為對語又集其非對語者為雜字皆取時俗要用之字其體亦類推可知也

梁有文字要記三卷王義撰亡
王義小學篇見前
唐書經籍志文字要說一卷王氏注

唐書藝文志王氏文字要說一卷

小學考曰按唐志有王氏文字要說即此書通志藝文略分為二亦謬 按鄭漁仲類此謬者甚多皆未細覈隋唐三志之故也

汪師韓文選理學權輿曰選注所引羣書有字說疑即王氏文字要說之書

俗語難字一卷祕書少監王劭撰

隋書本傳劭字君懋太原晉陽人也少沈默好讀書仕齊累遷太子舍人待詔文林館中書舍人齊滅入周不得調高祖受禪為員外散騎侍郎拜著作郎煬帝嗣位遷祕書少監數載卒官其采摭經史謬誤為讀書記三十卷時人服其精博

册府元龜學較部隋王劭為祕書少監撰難字三卷

小學考曰王氏劭俗語難字隋志一卷佚

按史通雜說篇或問曰王劭齊志多記當時鄙言為是乎為非乎對曰古往今來名目各異區分壤隔稱謂不同所以晉楚方言齊魯俗語六經諸子載之多矣如今之所謂者若中州名漢關右稱羌易臣以奴呼母云姊主上有大家之號師人致兒郎之說凡如此例其流甚多必尋其本源莫詳所出閱諸齊志則了然可知由斯而言劭之所錄其為弘益多矣足以開後進之蒙蔽廣來者之耳目微君懋吾幾面牆於近事矣而子奈何妄加譏諍者哉按此疑後人從齊志二十卷及齊書紀傳一百卷

中鈔出別行者亦或從讀書志三十卷中析出者齊志中有自注故疑此錄其注文爲是書也

又按兩唐志有李少通俗語難字一卷或書名相同或即是書而誤題撰人又日本書目要略一卷王劭撰要略或即後人鈔節是書之異名

雜字要三卷密州行參軍李少通撰

北史李公緒傳公緒字穆叔趙郡平棘人魏末爲冀州司馬齊天保初以侍御史徵不就誓心不仕雅好著書子少通有學行按北齊天保之末至隋開皇之初凡二十三年蓋即此李少通李概兄子也李概有音韻洗疑見後

唐書宰相世系表趙郡李氏東祖房公緒字穆叔後魏冀州司馬子少通邵州司戶參軍按少通當爲少通北史有明文蓋終於邵州司戶參軍也

通志藝文略雜字要三卷隋李少通撰

按兩唐志有雜字要三卷不著撰人似即此書而誤雜爲難也又隋書房彥謙傳云初開皇中平陳之後天下一統論者咸云將致太平彥謙私謂所親趙郡李少通曰主上性多忌剋不納諫諍太子卑弱諸王擅威天下雖安方憂危亂少通初不謂然及仁壽大業之際其言皆驗按彥謙玄齡之父李少通玄齡父友也別有今字辨疑見後

文字整疑一卷

不著撰人

小學考曰無名氏文字整疑隋志一卷佚

按文字整疑者不知何人作文字整之書因從而舉其疑

正名一卷

不著撰人

本志小學類攷曰孔子曰必也正名乎名謂書字名不正則言不順言不順則事不成錢大昕考異曰鄭康成論語注云正名謂正書字也古者曰名今世曰字禮記曰百名以上則書之於策孔子見時教不行故欲正其文字之誤後魏書世祖始光二年初造新字千餘詔書引孔子名不正則事不成之語江式論書表亦引孔子曰必也正名乎此漢儒相承之詰訓許氏說文序云於其所不知蓋闕如也則亦以正名爲正文文字矣許君在鄭之前知其說不始於鄭氏也

按劉向別錄於諸子名家者流亦引孔子必也正名之言亦漢人之詰訓故朱子從其說以爲名實之名此之正名實爲文字篇攷之言亦不爲此一卷而發日本書目有正名要錄二卷司馬知羊撰頗似此書亦似錄劉炫五經正名之要又或是北魏新字千餘之本詳見魏書太武本紀

文字集略六卷梁文貞處士阮孝緒撰

梁書處士傳阮孝緒字士宗陳留尉氏人也年十三徧通五經屏居一室家人莫見其面親友因呼爲居士天監十二年與吳郡范元琰俱徵並不到大同二年卒時年五十八門徒誅其德行諡曰文貞處士所著七錄等書

二百五十卷行於世南史隱逸傳同七錄序目附錄曰文字集略一帙三卷序錄一卷

梁庾元威論書曰近有居士阮孝緒撰古今文字三卷窮搜正典次丹陽五官邱陵撰文字指要二卷精加撻發惟此兩書可稱要用唐釋元應一切經四分律音義曰醒經史所無未詳何出近世梁時處士阮孝緒作文字集略有醒醐二字此書甚淺俗音體並無所據也

唐日本見在書目文字集略六卷阮孝緒撰唐書經籍志文字集略一卷阮孝緒撰唐書藝文志阮孝緒文字集略一卷

馬國翰輯本序曰文字集略隋志六卷唐志一卷今佚輯錄四十餘條引者或省文作字略釋元應於醒醐注謂其書甚淺俗並無所據蓋所集字有出倉雅之外者故用貶詞猶昌黎推尊石鼓遂以義之爲俗書也

任大椿小學鈎沈曰一切經音義文選注爾雅釋文音書音義引文字集略三十五條又引字略一十八條

今字辯疑三卷李少通撰

李少通有雜字要見前

唐日本書目今字弁疑三卷李少通撰弁當爲辨

按此知少通所作字學之書不止一種此與雜字要當先後類從如李彤字指與單行字字偶爲一家言本志分兩處著錄雜

亂無緒
異字同音一卷

不著撰人

唐日本國見在書目異體同音議字一卷不

著撰人

小學考曰無名氏異字同音隋志一卷佚

任大椿小學鈎沈曰廣韻引異字音二條

梁有釋字同音三卷宋散騎常侍吉文甫撰

吉文甫始末未詳

唐世系吉氏出自姑姓黃帝裔孫伯儵封於

南燕賜姓曰媯其地東郡燕縣是也後改爲

吉

小學考曰吉氏文甫釋字同音隋志三卷佚

按日本書目有異形同字一卷同音異訓

一卷釋字一卷皆不著撰人似即此書又

冊府元龜云吉文甫爲散騎常侍撰釋字

同音三卷又有異字同音一卷是此兩書

冊府皆以爲吉文甫撰亦近似之

字宗三卷辭立撰

薛立始末未詳

小學考曰薛氏立字宗隋志三卷佚

文字譜一卷

不著撰人

小學考曰無名氏文字譜隋志一卷佚

梁有古今文字序一卷劉敞撰亡

梁書處士傳劉訂字彥度平原人也善玄言

精釋典曾與族兄劉敞聽講於鍾山諸寺因

共卜築卒於畝舍畝字士光博學有文才不

娶不仕與族弟訐並隱居求志遨遊林澤以
山水書籍相娛而已嘗隨兄霽沓從宦天監
十八年疾卒時年三十二親故誄其行迹諡
曰貞節處士

按二劉並與文貞處士同志友善此序一

卷或亦因文字集略而作冊府元龜云劉

欽著古今文字二卷位至安定屬國都尉

以爲漢之劉歆謬誤實甚

梁有文字通略一卷焦子明撰亡

焦子明始末未詳

冊府元龜學較部焦子明撰文字略統一卷

文字辯嫌一卷彭立撰

彭立始末未詳

唐書經籍志文字辨嫌一卷彭立撰

唐書藝文志彭立文字辨嫌一卷

辨字一卷戴規撰

戴規始末未詳

唐書經籍志辨字一卷戴規撰

唐書藝文志戴規辨字一卷

按日本書目韻林二卷戴規撰則所作又

有韻林本志不載又有字樣一卷戴行方

撰行方頗似戴規之字字樣亦似此書之

異名

雜字音一卷

不著撰人

小學考曰無名氏雜字音隋志一卷佚

借音字一卷

不著撰人

小學考曰無名氏借音字隋志一卷佚

按日本書目借音三卷不著撰人又曰借

音一卷釋道高撰此一卷或即道高之書

道高亦不知何時人也

音書考源一卷

不著撰人

小學考曰無名氏音書考源隋志一卷佚

以上自說文至玉篇皆依仿許氏增長附

益者字類敘評以下則雜字書而略及音

聲是爲一類

聲韻四十一卷周研撰

周研始末未詳

小學考曰周氏研聲韻隋志四十一卷佚按

陸法言切韻序稱周思言音韻思言疑即研

之字

按南齊時有汝南周顒撰四聲切韻行於

時見南史本傳封氏聞見記云周顒好爲

體語因此切字皆有紐紐有平上去入之

異考顒與沈約同爲京朝官而稍在約前

顒子捨捨子弘正字思行弟弘直字思方

與陸法言稱周思言者相會似研爲顒之

從孫與思行思方爲昆季行此或祖述其

先世遺書即南史所謂四聲切韻之書歟

又按玉篇卷末附沙門神珙五音聲論及

四聲五音九弄反紐圖爲言等韻者所祖

疑出是書按韻學之書當以李登聲類呂

靜韻集爲之首而本志以是書列於其前

者豈以此總彙五音四聲爲韻學之綱領

歛抑周研本漢魏間人猶在李呂之前歛聲類十卷魏左校令李登撰

隋書潘徽傳徵撰韻纂序曰李登聲類李靜韻集始判清濁纒分宮羽而全無引據過傷淺局詩賦所須卒難爲用

封氏聞見記魏時有李登者撰聲類十卷凡一萬一千五百二十字以五聲命字不立諸部

唐書經籍志聲類十卷李登撰

唐書藝文志李登聲類十卷

侯康補三國藝文志曰魏書江式傳云呂靜放李登聲類之法作韻集宮商徵羽各爲一篇據此則聲類亦分五音故潘徽傳云然也

馬國翰輯本序曰登字里未詳官左校令見北史江式傳其書發明聲韻配合宮商呂靜韻集本之隋唐志並十卷今佚輯錄二百餘條隱依今韻排次案音韻之學萌芽漢代鄭康成注六經始有譬況假借以證音字至魏孫炎爲鄭學之徒注爾雅用反切音益加詳而未有專書登與炎同時作爲此編其韻書之權輿乎

陳鱣輯本敍錄曰聲類唐已後失傳鱣從羣書所引采集得二百一十條因元本部分不可考見姑依陸法言書次第錄爲一卷漢儒說經皆云讀若某自孫炎變讀若之例而反音與李與孫同時故聲多用反音其書以五音命字封演云凡一萬一千五百二十字較

說文增多二千一百六十七字故說文本一

咥字而此別出吼咥咥三字皆訓爲噉說文本一擬字而此別出唳字蓋佛書盛行僞體雜見是其證矣所集雖不及原書五十分之一然吉光片羽要可珍重

按任氏小學鉤沈中亦輯存一卷凡二百四十餘條大藏音義續音義原本玉篇玉燭寶典引聲類文尤多昔年陶孝邈學使嘗寫出數百條未及編訂而卒

韻集十卷

不著撰人

馬國翰輯呂靜韻集序曰隋志呂氏韻集之上復出韻集十卷不著姓名今無可考

韻集六卷晉安復令呂靜撰

魏書藝術傳江式上表曰晉世任城呂忱表上字林六卷忱弟靜別放故左校令李登聲類之法作韻集五卷使宮商角徵羽各爲一篇而文字與兄便是魯衛音讀楚夏時有不同

顏氏家訓音辭篇韻集以成仍宏登合成兩韻爲奇益石分作四章不可依信

唐日本國見在書目韻集五卷呂靜撰

唐經籍志同

唐書藝文志呂靜韻集五卷

陳鱣輯本敍錄曰靜書今不傳其部次不可考惟顏氏家訓指其成仍宏登合成兩韻爲奇益石分作四章段氏若膺云今廣韻本於唐韻唐韻本於陸法言切韻法言切韻顏之

推同撰然則顏氏所執略同今廣韻成在十四清仍在十六蒸別爲二韻宏在十三耕登在十七登亦別爲二韻而呂靜韻集成仍爲一韻宏登爲一韻故曰合成兩韻今廣韻爲奇同在五支益石同在二十二昔而韻集爲奇別爲二韻益石別爲二韻故曰分作四章皆與顏氏說不合故以爲不可依信今按宏登爲一韻與古韻合此韻集之勝於顏陸輩也鱣按韻集以五音命字尙無所謂四聲者顏氏以當日之韻繩之宜乎不相合矣諸書所引多魏晉間俗字大約與其兄字林相表裏也采錄成編次之聲類之後

馬國翰輯本序曰呂靜韻集隋志六卷與江式言五卷者異或併序目數之歟唐志五卷與江表合今佚輯得七十餘條錄爲一帙任氏小學鉤沈輯存六十五條

四聲韻林二十八卷張諒撰

張諒始末未詳

唐書經籍志四聲部三十卷張諒撰

唐書藝文志張諒四聲部三十卷

按四聲起於齊永明之時此蓋齊梁時編韻之書本志二十八卷視唐志尙缺二卷考日本書目韻林二卷戴規撰疑卽從此書佚出或張諒與戴規同撰者

韻集八卷段弘撰

段弘始末未詳

陳鱣輯本敍錄曰隋經籍志韻集十卷又有韻集八卷段弘撰知當時作韻集者不

止呂靜一人也

馬國翰曰隋志於呂靜韻集上復出韻集十卷不著姓名下列有韻集八卷段弘撰皆無可考

按宋書符瑞志元嘉十一年五月齊郡獲白雀青州刺史段宏以獻十三年七月濟南獲白兔青州刺史段宏以獻又文帝本紀元嘉十年春正月甲寅淮南太守段宏爲青州刺史夏四月戊戌青州刺史段宏加冀州刺史封陽縣侯不知卽此段弘否也亦見廬陵王義真傳云鮮卑人

羣玉典韻五卷

不著撰人

小學考曰無名氏羣玉韻典隋志五卷佚按此作韻典似寫誤

按此蓋韻書中之數典者也隋潘徽爲韻纂序謂李登聲類全無引據詩賦所須卒難爲用蓋聲類唯載音聲附以訓詁故潘徽有是言實則李書乃韻學之正軌也此則專爲詩賦所須與前韻林相似亦如顏真卿韻海鏡源之類或謂排韻隸事始於韻海竊謂始於是書及張諒韻林潘徽韻纂皆在唐以前顏氏特以廣博勝前人耳元陰時夫韻府羣玉其名或本諸此

梁有文章音韻二卷王該撰

王該始末未詳

宋王觀國學林曰南史陸厥傳曰齊永明時盛爲文章沈約謝朓王融以氣類相推較周

顯善識聲韻約等文皆用宮商以平上去入爲四聲有平頭上尾蠶腰鶴膝五字之中音韻悉異兩句之內角徵不同不可增減世呼爲永明體庾肩吾傳曰齊永明中王融謝朓沈約文章始用四聲以爲新變至是轉拘聲韻彌爲麗靡復踰往時觀國案四聲切韻始自齊梁雖云麗靡而江左文章拘於聲調氣格卑弱間有作者大抵類俳陸法言論聲韻曰吳楚則時傷輕淺燕趙則多傷重濁秦隴則去聲爲入梁益則平聲似去或參宮參羽或半徵半商以此觀之則理致頗深實難遽曉

宋沈括夢溪筆談曰古入文章自應律度未以音韻爲主自沈約增崇韻學其論文則曰欲使宮羽相變低昂殊節若前有浮聲則後須切響一簡之內音韻盡殊兩句之中輕重悉異妙達此旨可以言文自後浮巧之語體製漸多如傍犯蹉對假對雙聲疊韻之類詩又有正格偏格類例極多故有三十四格十九圖四聲八病之類

按此明是王該撰而小學考題曰無名氏文章音韻似誤讀志文也日本書目有文章四聲譜文章儀式文章要決近於是類之書凡數十家此二卷當亦在其間

梁有五音韻五卷亡

小學考曰王氏該五音韻七錄五卷佚

按本志此條注云梁有文章音韻二卷王該撰又五音韻五卷亡則不著撰人也謝

氏以爲王該撰亦或近似韻略一卷楊休之撰 楊當爲陽

北齊書列傳陽休之字子烈右北平無終人也少勤學魏莊帝立解褐員外散騎侍郎累遷太常少卿元象初錄荊州軍功封新泰縣開國伯齊受禪別封始平縣開國男天統初爲光祿卿吏部尚書除儀同三司加開府特進三領中書監封燕郡王周武平齊除納言中大夫太子少保進位上開府隋開皇二年罷任終於洛陽年七十四所著文集又撰幽州人物志並行於世

顏氏家訓音辭篇陽休之造切韻殊爲疎野唐書經籍志韻略一卷楊休之撰

唐書藝文志陽休之韻略一卷 按兩志又有陽休之辯嫌音二卷本志不載

小學考曰陸法言切韻序亦稱陽休之韻略沈濤銅熨斗齋隨筆曰顏氏家訓陽休之撰切韻殊爲疏野世但知陸法言撰切韻不知陽休之亦有切韻也隋經籍志韻略一卷陽休之撰楊當作陽蓋卽切韻之一名耳任大椿小學鈎沈曰廣韻文選注一切經音義御覽引韻略凡十條 馬氏玉函山房輯本同續修音韻決疑十四卷李槃撰

北史李靈傳靈趙郡平棘人也族裔孫公緒公緒弟槃字季節少好學性倨傲每對諸兄弟露髻披服略無少長之禮爲齊文襄大將軍府行參軍閒緩不任事每被譏訶除殿中侍御史修國史後爲太子舍人爲副使聘於

江南江南多以僧寺停客出入常袒露還坐事解後卒於并州功曹參軍撰戰國春秋及音譜並行於世又自簡詩賦二十四首謂之達生丈人集音譜四卷見後

顏氏家訓書證篇趙郡士族有李穆叔季節兄弟李普濟亦為學問又音辭篇曰李季節著音韻決疑時有錯失

唐日本國見在書目音譜決疑十卷齊太子舍人李節撰按季字又曰音譜決疑二卷李槩撰

沈濤銅熨斗齋隨筆曰顏氏家訓音辭篇云北人以舉莒為矩唯李季節云齊桓公與管仲於臺上謀伐莒東郭牙望見桓公口開而不閉故知所言者莒也然則莒舉必不同呼此為知音矣案季節語當在音韻決疑中隋經籍志云修續音韻決疑十四卷李槩撰季節即李槩之字

按此似即所修所續音譜之識疑故日本書目亦僞音譜決疑猶今之考異也舊本附於音譜之後合為一家言本志雜置於此殊為不倫

纂韻鈔十卷

不著撰人

小學考曰無名氏纂韻鈔隋志十卷佚

按此不知何人撰纂韻若干卷此鈔節其書亦疑是韻纂之寫誤隋書文學潘徽傳徵撰集字書為韻纂三十卷此列在劉善經之前亦頗似鈔節潘氏書

四聲指歸一卷劉善經撰

隋書文學傳河間劉善經博物洽聞尤善詞筆歷仕著作佐郎太子舍人著酬德傳三十卷諸劉譜三十卷四聲指歸一卷行於世唐日本國見在書目四聲指歸一卷劉善經撰

四聲一卷梁太子少傅沈約撰

沈約有論法見前論語類梁書本傳約又撰四聲譜以為在昔詞人累千載而不寤而獨得胸衿其妙旨自謂入神高祖雅不好焉帝問周捨曰何謂四聲捨曰天子聖哲是也然帝竟不遵用

南齊書陸厥傳沈約答厥書曰宮商之聲有五文字之別累萬以累萬之繁配五聲之約高下低昂非思力所舉又非止若斯而已也十字之文顛倒相配字不過十巧歷已不能盡何況復過於此者乎靈均以來未經用之於懷抱固無從得其髣髴矣若斯之妙而聖人不向耶此蓋曲折聲韻之巧無當於訓義非聖哲立言之所急也是以子雲譬之雕蟲篆刻云壯夫不為自古辭人豈不知宮羽之殊商徵之別雖知五音之異而其中參差變動所味實多故鄙意所謂此秘未覩者也南史陸厥傳曰沈約等文皆用宮商將平上去入四聲制韻世呼為永明體沈約宋書謝靈運傳後又論其事又曰約論四聲妙有詮辨而諸賦亦往往與聲韻乖時有王斌者不知何許人著四聲論行於時

封氏聞見記曰周顒好為體語因此切字皆有紐紐有平上去入之異永明中沈約文詞精拔盛解音律遂撰四聲譜文章八病有平頭上尾蜂腰鶴膝以為自靈均以來此秘未觀時王融劉綸范雲之徒皆稱才子慕而扇之由是遠近文學轉相祖述而聲韻之道大行古之為詩取其宜達情致激揚政化含徵韻商意非急切故能包含氣骨元氣大全詩騷以降是也自聲病之興動有拘制文章之體格壞矣

玉海藝文曰世謂倉頡制字孫炎作音沈約撰韻同為椎輪之始四庫存目提要曰案梁書南史沈約傳並載約撰四聲譜隋志載其書一卷而唐志已不著錄觀陸法言切韻序歷述呂靜夏侯該陽休之周思言李季節杜臺卿六家之韻獨不及約書是隋開皇時其書已不顯李涪作刊誤但詬陸韻而不及沈書則僖宗時已佚矣

四聲韻略十三卷夏侯詠撰

夏侯詠始末未詳

隋陸法言切韻序曰呂靜韻集夏侯該韻略陽休之韻略周思言音韻李季節音譜杜臺卿韻略等各有乖互

唐書經籍志四聲韻略十三卷夏侯詠撰唐書藝文志夏侯詠四聲韻略十三卷

小學考曰李涪刊誤曰梁夏侯詠撰四聲韻略十二卷隋志十三卷陸法言切韻序僞夏侯該韻略該字疑即詠之誤

按顏氏家訓書證篇云謝吳疑是謝吳之誤夏侯該並讀數千卷書舊注云一本作諺又作詠按作該者與陸法言同近而可證自當從陸氏為得其實該別有漢書音二卷見史部

音譜四卷李燦撰

李燦有續修音韻決疑見前

小學考曰陸法言切韻敍傳李季節音譜即此書

任大椿小學鉤沈曰音譜宋李概撰廣韻引見凡十四條又引聲譜十一條按此傳宋者非也聲譜或即音譜

韻英三卷釋靜洪撰

靜洪始末未詳

小學考曰釋靜洪韻英隋志三卷佚

按唐釋慧琳大藏音義引韻英文唐藝文志云玄宗韻英五卷天寶十四載撰詔集賢院寫付諸道采訪使傳布天下疑因此韻英而重修之

以上自周研聲韻至此皆韻書之屬別為一類

通俗文一卷服虔撰

服虔有左氏傳解讀見前春秋類

顏氏家訓書證篇通俗文世間題曰河南服虔字子慎造虔既是漢人其敍乃引蘇林張揖蘇張皆是魏人且鄭玄以前全不解反語通俗反音甚會近俗阮孝緒又云李虔所造河北此書家藏一本遂無作李虔者晉中經

簿及七志並無其目竟不得知誰制然其文義允愜實是高才般仲堪常用字訓亦引服虔俗說今復無此書未知即是通俗文為當有異近代或更有服虔乎不能明也按蘇林張揖並在魏初林建安中為五官將軍太和中為博士揖卒年無考林年八十餘景初末卒當建安之初林年將四十矣揖年當相去不遠此二人必及見服子慎服序引蘇張不足疑也

唐日本國見在書目通俗章一卷服虔撰又曰通俗文一卷不著撰人

唐書經籍志續通俗文二卷李虔撰

唐書藝文志李虔續通俗文二卷

武進臧玉林經義雜記曰隋志通俗文一卷服虔撰敍次在梁沈約四聲李概音譜釋靜洪韻英之下則隋志亦不以為漢之服子慎也按此所云猶未達本志類中分類之例此在韻書之

後別為一類以是書為之首未嘗不以為漢之服子慎也

陽湖洪亮吉更生齋文甲集復臧鏞堂問通俗文書曰前人疑此書出李虔不過因晉中經簿所無唐志明標李虔續通俗文言續則非始自李虔可知君家先人經義雜記又以隋志次此書於沈約四聲等書之後而證其為李虔不知隋志亦唐人所修與徐堅元應

相距不遠今初學記所引則次於說文一切經音義所引則皆在三倉釋名以上則唐人亦皆以此書為服虔所造也至若反音不妨為後人所入或專系李虔續書中語與通俗文之為服虔書無礙也此書自劉昭續漢志

注後徵引者不下十餘家惟文選注及太平御覽所采最夥按洪氏駁經義雜記但取證於徐堅元應以為之說亦未悟本志類中分類之例

馬氏玉函山房輯本序曰唐志無服虔書有李虔當是子慎作此書一卷李虔續之為二卷服與鄭元同時鄭之徒孫炎正用反切則服書反語不足為異又考晉書孝友傳李密一名虔字令伯則李虔即李密也

孫祠書目服虔通俗文一卷臧鏞堂集本又任大椿小學鉤沈本

訓俗文字略一卷後齊黃門侍郎顏之推撰證俗音字略六卷

北齊書文苑傳顏之推字介珉邪臨沂人也世善周官左氏學之推習禮傳博覽羣書無不該洽為湘東王釋左常侍釋自立以為散騎侍郎奏舍人事後為周軍所破將妻子來奔顯祖除為奉朝請累遷黃門侍郎齊亡入周大象末為御史上士隋開皇中太子召為學士尋以疾終有文三十卷家訓二十篇並行於世

又曰之推曾撰觀我生賦文致清遠其詞有曰予一生而三化備荼苦而藜辛向使潛於草茅之下甘為畎畝之人毋讀書而學劍莫抵掌以膏身委明珠而樂賤辭白璧以安貧堯舜不能榮其樸素桀紂無以汙其清塵此窮何由而至茲辱安所自臻而今而後不敢怨天而泣麟也自注云在陽都值侯景殺簡文而篡位於江陵逢孝元覆滅至此齊滅而

行於世

又曰之推曾撰觀我生賦文致清遠其詞有曰予一生而三化備荼苦而藜辛向使潛於草茅之下甘為畎畝之人毋讀書而學劍莫抵掌以膏身委明珠而樂賤辭白璧以安貧堯舜不能榮其樸素桀紂無以汙其清塵此窮何由而至茲辱安所自臻而今而後不敢怨天而泣麟也自注云在陽都值侯景殺簡文而篡位於江陵逢孝元覆滅至此齊滅而

三爲亡國之人 按此賦蓋作於北周時故云三爲亡國之人其後入隋且四爲亡國之人矣

又曰之推在齊有二子長曰思魯次曰愨楚不忘本也 唐六典尙書省主事注隋煬帝二年去令

史名每十令史置一主事雜用才術之士顏愨楚以文學名家爲內史主事又北史藝術張胃玄傳云內史通事顏

愨楚按取名愨楚者愨江陵之陷也或作敏楚非也顏氏家訓及家廟碑亦並作愨楚

唐日本國見在書目證俗音字略一卷顏敏楚撰

唐書經籍志證俗音略二卷顏愨楚撰筆墨法一卷不著撰人

唐書藝文志顏之推筆墨法一卷張推證俗音三卷顏愨楚證俗音略一卷 按筆墨法疑是

此兩書中篇名張推當是顏之推之寫誤

宋史藝文志顏之推證俗音字四卷又字始三卷字始亦疑是篇名

崇文總目正俗音字四卷齊黃門侍郎顏之推撰正時俗文字之謬援諸書爲據凡三十五目

任大椿小學鉤沈曰北戶錄注引證俗音凡十二條又廣韻引證俗文凡四條

按是書諸史記載不一考顏魯公家廟碑之推撰證俗音字五卷則其書實五卷此

六卷又訓俗文字略一卷大抵有敘錄及愨楚所撰節略本在其中其後或亦刪存

入家訓家訓中書證音辭兩篇似卽此書之大略

梁有詰幼二卷顏延之撰廣詰幼一卷宋給事中荀楷撰亡

顏延之有逆降義見前三禮類荀楷始末未詳

宋書本傳延之閒居無事爲庭誥之文今刪其辭辭存其正著於篇曰庭誥者施於閨庭

之內謂不遠也吾年居秋方慮先草木故遽以未聞誥爾在庭者立履之方規鑿之明已

列通人之規不復續論今所載咸其素畜云云

唐書經籍志詰幼文三卷顏延之撰

唐書藝文志顏延之詰幼文三卷嚴可均全宋文編曰顏延之庭誥見本傳又

略見藝文類聚太平御覽弘明集凡六條馬氏玉函山房輯本序曰七錄有詰幼二卷

顏延之撰廣詰幼一卷荀楷撰唐志復有詰幼文三卷而皆無庭誥之目藝文類聚初學

記太平御覽均引顏延之庭誥言心性學品及詩易春秋之要與顏之推家訓相似亦其

詰誠子弟之書也又從釋文後漢書注廣韻輯得詰幼文四條內一條顏延之荀楷並引

廣詰幼之佚說可見者僅此不能成卷亦附著之

按兩唐志詰幼文三卷其後一卷卽卽荀楷所廣者本志作詰幼唐志作詰幼似皆

詰幼之誤詰幼亦似庭誥異名文字音七卷晉葛長王延撰王延始末未詳

唐書經籍志雜文字音七卷王延撰

唐書藝文志王延雜文字音七卷小學考曰王氏延文字音隋志七卷佚

汪師韓曰文選注引羣書有王延文字音梁有纂文三卷亡

不著撰人宋書何承天傳承天刪減禮論並前傳雜論纂文並傳於世前傳雜論並見史部雜史類

唐書經籍志纂文三卷何承天撰

唐書藝文志何承天纂文三卷馬國翰輯本序曰此書括綜倉雅纂取異訓

張揖廣雅類也今佚搜輯散句以類排比琳琅滿紙古香盎然宜沈約與劉杳舉論張仲

師及長頸王事而歎其奇博也 按馬氏並姓苑佚文亦輯入之姓苑別見史部譜系類任氏小學鉤沈亦輯存一卷凡八十餘條

翻真語一卷王延撰

王延有文字音見前按此大抵從佛書中翻出猶翻譯名義之類謝氏小學考失載

真言鑒誠一卷不著撰人

按釋家以佛氏語爲真言此殆譯其可爲鑒誠者本志子部雜家有真言要集十卷

蓋卽其類小學考亦不載

字書音同異一卷不著撰人

敘同音義三卷

不著撰人

唐書經籍志敘同音三卷藝文志同

小學考曰無名氏敘同音義隋志三卷佚

河洛語音一卷王長孫撰

王長孫始末未詳

小學考曰王氏長孫河洛語音隋志一卷佚

魏書咸陽王禧傳曰孝文引見朝臣詔斷北

語一從正音禱贊成其事於是詔年三十已

上習性已久容或不可卒革三十已下見在

朝廷之人語音不聽仍舊若有故為當降爵

黜官若仍舊俗恐數世之後伊維之下復成

披髮之人朕嘗與李沖論此沖言四方之語

竟知誰是帝者言之即為正矣何必改舊從

新沖之此言應合死罪乃謂沖曰卿實負社

稷沖免冠陳謝

按謝氏綴以此文者意謂此書作於北魏

孝文時其或然歟魏書文帝本紀太和十

九年六月己亥詔不得以北俗之語言於

朝廷若有違者免所居官文帝銳意用夏

變夷其見於本紀者又如此

以上自通俗文至此皆字書兼音韻者韻

書之支流也別為一類

國語十五卷

國語十卷

鮮卑語五卷

國語物名四卷後魏侯伏侯可悉陵撰

國語真歌十卷

國語雜物名三卷侯伏侯可悉陵撰

國語十八傳一卷

國語御歌十一卷

鮮卑語十卷

國語號令四卷

國語雜文十五卷

鮮卑號令一卷周武帝撰

雜號令一卷

侯伏侯可悉陵有國語考經見前考經類

周書本紀高祖武皇帝諱邕字禰羅突太祖

第四子也武成二年夏四月壬寅即皇帝位

在位十九年年三十六

魏書孟威傳威字能重河南洛陽人尤曉北

土風俗明解北人之語高祖敕在著作以備

推訪

北齊書祖珽傳珽字孝徵范陽狄道人也陳

元康薦珽才學并解鮮卑語乃給筆札就禁

所具草二日內成其文甚麗神武以其工而

且速散參相府珽天性聰明事無難學文章

之外又善音律解四夷語云云

又高乾傳高祖每申令三軍常鮮卑語

又孫纂傳纂字彥舉樂安人也高祖署為相

府主簿專文筆能通鮮卑語兼宣傳號令當

煩劇之任大見賞重

隋書李德林傳周武帝嘗於雲陽宮作鮮卑

語謂羣臣曰我常日唯聞李德林名及見其

與齊朝作詔書移檄我正謂其是天上人豈

言今日得其驅使復為我作文書極為大異

本志篇敘曰後魏初定中原軍容號令皆本國語後染華俗多不能通故錄其本言相傳教習謂之國語今取以附音韻之末

按顏氏家訓教子篇云齊朝有一士大夫嘗謂吾曰我有一兒年已十七頗曉書疏

教其鮮卑語稍欲通解又省事篇云近世

有兩人朗悟士也天文繪畫某博鮮卑語

略得梗概蓋當北齊後周時士人學鮮卑

語者不少矣

又按宋洪邁容齋隨筆曰古樂府有敕勒

歌以為齊高歡攻周玉壁而敗悲憤疾發

使斛律金唱勒勒歌歡自和之其歌本鮮

卑語云云按敕勒歌當在此國語真歌國

語御歌兩書中兩書所載皆是類焉

以上國語十三部除可悉陵周武帝兩家

三部外餘皆不著撰人今并錄於此不復

分析志序言附諸音韻之末則別為一類

從可知矣

古文官書一卷後漢議郎衛敬仲撰

後漢書儒林傳衛宏字敬仲東海人也少與

河南鄭興俱好古學從九江謝曼卿受毛詩

因作毛詩序善得風雅之旨于今傳於世後

從大司空杜林更受古文尚書作訓旨時濟

南徐巡師事宏後從林受學亦以儒術顯由

是古學大興光武以為議郎

唐書經籍志詔定古文官書一卷衛宏撰

唐書藝文志衛宏詔定古文字書一卷

金檀段玉裁經韻樓集曰韓退之言李少溫

子服之以科斗書衛宏官書相贈見於隋經籍志曰古文官書一卷唐藝文志古文字書一卷字者官之譌字也唐初元應衆經音義引衛宏詔定古文官書三條曰昇得同體曰枹梓同體曰圖畫同體史記正義曰衛宏官書數體呂忱或字多奇然則其書體製蓋同張揖古文字詁而字體爲古文籀文唐人以爲難得至唐季其書亡矣郭忠恕多假託易稱衛宏字說非真宏說也漢書儒林傳注引衛宏詔定古文官書序秦既焚書云云尚書正義藝文類聚引此文略同乃系之衛宏古文奇字序奇字者官書二字之誤也儒林傳注又引衛宏古文官書序伏生老不能正言云云經典釋文序錄史記袁盎鼂錯列傳正義亦引此文而今本漢書譌爲衛宏定古文尚書今本史記譌爲衛宏詔定古文尚書今本釋文譌爲古文尚書尚字皆官字之誤也侯康補後漢書藝文志曰段氏定當作官書洪氏頤煊讀書叢錄定當作尚書竊謂衛宏有古文尚書訓旨見於本傳而古文官書韓文公時尙存則作隋志者必目觀其書列之小學決非無據按作志者未必一一目觀其書而後著錄特目觀當時書目以爲援據耳似宜分尚書官書爲二種若史記正義漢書儒林傳注釋文序錄所引皆事涉尚書則其出古文尚書無疑段氏必欲盡改爲官書未免武斷至如尋得同體諸條及汗簡所引衛宏字說與集韻云馴衛宏通作駝異古國名衛宏說與杞同

此明爲小學之書則還以系之官書可也又如藝文類聚四十九引衛宏古文官書曰太常主導贊助祭者云云此與釋名體例旁及官制者略同而與尚書絕無涉亦斷不能系之古文尚書者也至於或稱古文奇字或稱古文字書或稱古文字說殆卽官書之異名歟

馬國翰輯本序曰此書辨定古文以爲官式說文引三節集韻引一節書正義史記正義漢書注御覽引其序互有同異元應一切經音義引三節而引古文者二百餘節與所引詔定古文官書體例不異知皆引自一書省字稱古文也並據合錄每字下反音甚詳則東漢初已有切字鄭氏經音所本世謂始於孫炎非篤論也

按後漢書馬援傳注東觀記曰援上書臣所假伏波將軍印書伏字犬外嚮城臯令印臯字爲白下羊丞印四下羊尉印白下人人下羊卽一縣長吏印文不同恐天下不正者多符印所以爲信也所宜齊同薦曉古文字者事下大司空正郡國印章奏可按其時竇融爲大司空此事頗與詔定官書相會衛敬仲從杜伯山學漆書古文本曉古文字其卽馬伏波所薦者歟是書緣起或由於此本志列是書於諸家體勢之首體勢者如書勢書法字樣字形之類後史以爲藝術之屬此蓋備以作符印幡信之程式猶先漢六體中之繆篆蟲書馬

竹吾云辨定古文以爲官式斯則得之末後言反音云云則轉非篤論不可信也

古今奇字一卷郭顯卿撰

郭顯卿有雜字旨見前

唐書經籍志古文奇字二卷郭訓撰

唐書藝文志郭訓字旨篇一卷古文奇字二卷

任氏小學鈞沈曰一切經音義引古文奇字二條云樛初狡反鏗下瓜反犁刃也又道行般若經音義云蠶三倉音帝郭訓古文奇字以爲古文逝字

按漢書藝文志曰六體者古文奇字注古文謂孔子壁中書奇字卽古文而異者也揚雄傳云劉歆子棻嘗從雄學作奇字文心雕龍練字篇云揚雄以奇字纂訓吳志虞翻傳注山陰朱育少好奇字奇字者蓋漢小學六體之一也唐志及元應引並云古文奇字與本志作古今者異未詳孰是而本志列之於此則亦體勢之一種

六文書一卷

不著撰人

唐日本國見在書目六文字一卷

按周書藝術趙文深傳文深字德本南陽宛人也少學楷隸太祖以隸書紕繆命文深與黎季明沈遐等依說文及字林刊定六體成一萬餘言行於世頗似此書若是則此六文書大抵如唐張懷瓘六體論所謂大篆小篆八分隸書行書草書非漢之

六體也

四體書勢一卷晉長水校尉衛恆撰

晉書衛瓘傳瓘字伯玉河東安邑人也子恆字巨山少辟司空齊王府轉太子舍人尚書郎祕書丞太子庶子黃門郎恆善草隸書為四體書勢及瓘為楚王瑋所構恆聞變以何劭嫂之父也從牆孔中詣之以問消息劭知而不告恆還經廚下收入正食因而遇害贈長水校尉諡蘭陵真世子

唐書經籍志四體書勢一卷衛恆撰

唐書藝文志衛恆四體書勢一卷

嚴可均全後漢文編曰蔡邕篆勢晉書衛恆傳藝文類聚初學記太平御覽並引之今見本集隸勢或是衛恆作本集有之姑不刪按蔡中郎隸書勢嚴氏亦未考定失之眉註

馬國翰錄本序曰晉書本傳無多敘述惟稱恆作四體書勢並載其辭案隋唐志小學類並著一卷之目今少行本據本傳參校裴松之三國志注藝文類聚初學記太平御覽等書所引凡字句異同悉注於下恆於四體自作古隸二勢篆述蔡邕草述崔瑗合而諷誦如出一手按此謂自作古隸二勢非也

按晉書本傳載四體書勢全文以唐張懷瓘書斷參考之惟首一篇汲冢古文以前人無作古文書勢者故恆自作之謂之字勢其他篆隸二體皆取蔡邕篆勢隸勢之文章草一體則取崔瑗草書勢故其序曰愧不足廁前賢之作冀以存古人之象古

雜體書九卷釋正度撰

無別名謂之字勢其下邕作篆勢曰云云又其下作隸勢曰云云此作字上或鼓去邕字或蒙上文省去邕字要皆邕所作非恆作也考舊本蔡中郎集有隸書勢書斷上篇亦明引蔡邕隸勢其文與晉書同特有所刪節耳或以范書本傳不載隸勢遂以隸勢為衛恆作疑本集誤收非也又四體書勢書斷咸附著於篇曰衛恆古文贊曰蔡邕大小篆贊曰蔡邕隸書勢曰崔瑗草書勢其文並略與晉書同此尤足證明者也

梁釋慧皎高僧傳釋僧祐世居建業凡獲信施悉以治定林建初及修繕諸寺并建無遮大集捨生齋等及造立經藏搜校卷軸使夫寺廟廣開法言無墜成其力也天監十七年五月二十六日卒於建初寺弟子正度立碑頌德東莞劉勰製文按劉勰即撰文心彫龍者梁書文學傳云勰早孤家貧不婚娶依沙門僧祐居處今定林寺經藏總所定也

唐書經籍志雜字書八卷釋正度作

按任氏小學鉤沈從一切經音義輯存字體四條字體或即是書正度殆即僧祐之弟子始末未詳

古今八體六文書法一卷 藝文 唐書經籍志古今八體六文書法一卷 藝文

志同

按北史江式傳式六世祖瓊字孟瑀晉馮翊太守善蟲篆詁訓永嘉大亂棄官居涼土世傳家業祖強字文威涼州平內徙代京上書三十餘法各有體例又式上古今文字表云臣六世祖瓊家世陳留往晉之初與從父兄俱受學於衛凱古篆之法倉雅方言說文之誼當時並收善譽而祖遇洛陽之亂避地河西數世傳習太延中牧犍內附臣亡祖文威杖策歸國奉獻五世傳掌之書古篆八體之法時蒙褒錄敘列於儒林官班文省家號世業云云即上文所謂上書三十餘法各有體例者也頗似此書

又按南史文學顏協傳時又有會稽謝善助能為八體六文方寸千言為梁湘東王府錄事參軍亦似此書漢書藝文志注章昭曰八體一曰大篆二曰小篆三曰刻符四曰蟲書五曰摹印六曰署書七曰殳書八曰隸書班固曰六體者古文奇字篆書隸書繆篆蟲書

古今篆隸雜字體一卷蕭子政撰 蕭子政有周易義疏見前 按日本書目載古今篆隸文體一卷蕭子良撰文選北山移文注亦引蕭子良古今篆隸文體疑此是蕭子良書封氏聞見記云南齊蕭子良撰古文之書五十二種鵠頭蚊脚懸針垂露龍爪仙人芝英倒雍蛇

書蟲書偃波飛白之屬皆狀其體勢而爲之名雖義涉浮淺亦書家之前流也近代小篆八分草書行書等並見施用餘多不行又兩唐志有蕭子雲五十二體書一卷蓋古今體勢之書能書者類多摩寫故相傳不一家焉

古今文等書一卷
不著撰人

按日本書目有古今字一卷不著撰人似即此書

篆隸雜體書二卷
不著撰人

文字圖二卷
不著撰人

不著撰人

按梁庾元威論書云齊末王融圖古今雜體有六十四書少年崇做家藏紙貴湘東王遣沮陽令章仲定爲九十一種次功曹謝善助增其九法合成百體余經爲正陽侯書十牒屏風作百體間以采墨當時衆所驚異自爾絕筆惟留草本而已其百體者懸針書至小科隸五十種皆純墨璽文書至十二時書五十種皆采色其外復有大篆小篆銘鼎摹印刻符石經象形篇章震書倒書反左書等及宋中庶宗炳出九體書所謂繚素書簡奏書牋表書弔記書行狎書檄書箋書半草書全草書此九法極真草書之次第焉刪捨之外所存猶一百二十體云云按此則宋齊梁之時圖古

今文字者有宗炳王融章仲謝善助庾元威凡五家此二卷蓋即其類不知何人作也庾元威始末未詳所撰有字府又依宗炳法畫瑞應圖南齊書祥瑞志云永明中庾溫撰瑞應圖疑元威即溫之子溫於諸庚列傳中亦未見

古今字圖雜錄一卷祕書學士曹憲撰

曹憲有廣雅音見前論語類

按此似即去取文字圖雜錄成編者兩唐志有曹憲文字指歸四卷或即指歸之佚本

婆羅門書一卷
不著撰人

不著撰人

本志篇敘曰自後漢佛法行於中國又得西域胡書能以十四字貫一切音文省而義廣謂之婆羅門書與八體六文之義殊別今取以附體勢之下

梁書林邑國傳其大姓號婆羅門

唐釋道世法苑珠林傳記篇曰婆羅門是高行人

梁釋慧皎高僧傳釋慧叡冀州人少出家篤學音譯訓詁殊方異義無不必曉陳郡謝靈運篤好佛理殊俗之音多所達解迺詒叡以經中諸字并衆音異旨於是著十四音訓敍條例梵漢昭然可了使文字有據焉

唐釋智昇開元釋教錄云優婆塞支謙三國魏時人學婆羅門書譯出經八十八部

鄭樵通志七音略曰切韻之學起自西域舊所傳十四字貫一切音文省而音博謂之婆

羅門書然猶未也其後又得三十六字母而音韻之道始備又藝文略曰婆羅門書四卷隋志一卷按此四卷似即慧叡十四音訓之書

錢大昕隋書考異曰經籍志婆羅門書一卷按華嚴字母之法蓋濫觴於此其初本十四音後乃益爲四十二也

梁有扶南胡書一卷
不著撰人

不著撰人

梁書諸夷傳扶南國在日南郡之南海西大灣中去日南可七千里在林邑西南三千餘里又有毘騫國去扶南八千里傳其王身長丈二頭長三尺自古來不死莫知其年王神聖國中人善惡及將來事王皆知之是以無敢欺者南方號曰長頸王按梁書劉昫傳昫沈約言何承天纂文載長頸王事即此王亦能作天竺書書可三千言說其宿命所由與佛經相似並論善事按其書似爲何承天所見故記其事於纂文中

按此不知是否卽長頸王所作顏氏家訓省事篇云近世有兩人朗悟士也鮮卑語胡書略得梗概皆不通孰是北朝人亦多有習胡書者胡書似不止此扶南一種日本書目有翻胡語七卷注云冷善院蓋其院之所翻者亦此類之書也

外國書四卷
不著撰人

不著撰人

按慧皎高僧傳竺曇摩羅刹此云法護世居敦煌郡年八歲出家事外國沙門竺高

座隨師至西域游歷諸國外國異言三十
六種書護皆遍學貫綜訓詁音義字體無
不備識惠帝時卒後孫綽製道賢論以天
竺七僧方竹林七賢以護匹山巨源論云

護公德居物宗巨源位登論道二公風德
高遠足為流輩矣其見美後代如此疑此
卽法護從外國傳錄三十六種書也

以上自古文官書至此皆體勢之屬附以
婆羅門書胡書外國書志敘言之甚明別
為一類

秦皇東巡會稽刻石文一卷

史記秦始皇本紀二十八年始皇東行郡縣
上鄒嶧山立石與魯諸生議刻石頌秦德乃
上泰山立石封祠祀禪梁父刻所立石登之
眾立石頌秦德南登琅琊作琅琊臺立石刻
頌秦德二十九年東游登之罘刻石三十二
年之碣石刻碣石門三十七年出游錢唐臨
浙江上會稽祭大禹望於南海而立石刻頌
秦德二世皇帝元年春東行郡縣到碣石並
海南至會稽而盡刻始皇所立刻石石旁著
大臣從者名以章先帝成功盛德焉
漢書藝文志春秋家奏事二十篇秦時大臣
奏事及刻石名山文也

南史范雲傳秦望山上有秦始皇刻石此文
三句一韻人多作兩句讀之並不得韻又皆
大篆人多不識雲取史記讀之如流

按秦皇刻石文附著奏事二十篇中此一
卷乃會稽石刻楊本一種非其全也本志

集部總集類梁有秦帝刻石文一卷不知
是否卽是此書

一字石經周易一卷梁有三卷唐書經籍志今字
石經易篆三卷篆字似誤
一字石經尚書六卷唐志云今字石經尚書五卷新志尚
書下有本字疑十字之誤

一字石經魯詩六卷唐志不著錄
一字石經儀禮九卷唐志云今字石經儀禮四卷
一字石經春秋一卷梁有一卷唐志云今字石經左傳
經十卷此梁有一卷似十卷之誤

一字石經公羊傳九卷惠棟九經古義曰春秋公羊有嚴
顏二家蔡邕石經所定嚴氏春秋也兩唐志同
一字石經論語一卷梁有二卷唐經籍志云蔡邕注藝
文志雜出兩部

後漢書靈帝本紀熹平四年春三月詔諸儒
正五經文字刻石立於太學門外

又宦者呂強傳時宦者汝陽李巡等五人稱
為清忠皆在里巷不爭威權巡以為諸博士
試甲乙科爭第高下更相告言至有行賂定
蘭臺漆書經字以合其私文者乃白帝與諸
儒共刻五經文於石於是詔蔡邕等正其文
字自後五經一定爭者用息

又儒林傳序曰熹平四年靈帝乃詔諸儒正
定五經刊於石碑為古文篆隸三體書法以
相參檢樹之學門使天下咸取則焉注謝承
書曰碑立太學門外瓦屋覆之四面欄障開
門於南河南郡設吏卒視之楊龍驤洛陽記
載朱超石與兄書云石經文都似碑高一丈

許廣四尺駢羅相接 按此謂古文篆隸三體蓋經
錢氏養新錄已糾之見後

又盧植傳熹平四年拜九江太守以疾去官
作尚書章句三禮解詁時始立太學石經以
正五經文字植乃上書曰臣少從通儒故南
郡太守馬融受古學頗知今之禮記特多回
穴臣前以周禮諸經發起批認敢率愚淺為
之解詁而家乏無力供繕寫上願得將能書
生二人共詣東觀就官財糧專心研精合尚
書章句考禮記失得庶裁定聖典刊正碑文
按其事始未許可禮記馬融之本與小戴各不同時馬本
初行未必遽用石刻所據殆猶是小戴之本歟

又蔡邕傳建寧中召拜郎中校書東觀遷議
郎邕以經籍去聖久遠文字多謬俗儒穿鑿
疑誤後學熹平四年乃與五官中郎將堂谿
典光祿大夫楊賜諫議大夫馬日磾議郎張
馴韓說太史令單颺等奏求定六經文字靈
帝許之邕乃自書冊於碑一本冊作丹使工鐫
刻立於太學門外於是後儒晚學咸取正焉
及碑始立其觀視及摹寫者車乘日千餘兩
填塞街陌 注引洛陽記曰太學在洛城南開陽門外
講堂長十丈廣二丈堂前石經四部木碑凡四十六版西
行尚書周易公羊傳十六碑存十二碑毀南行禮記十五
碑悉崩壞東行論語二碑二碑毀禮記碑上有諫議大夫
馬日磾議郎蔡邕名

又儒林張馴傳馴字子儵濟陰定陶人也少
游太學辟公府舉高第拜議郎與蔡邕共奏
定六經文字

本志篇敘曰又後漢鑄刻七經著於石碑皆蔡邕所書相承以爲七經正字

長洲顧藹吉隸辨曰石經之傳疑有五經六經七經之不同後漢書靈帝紀儒林傳宦者傳皆云五經而蔡邕傳張馴傳云六經隋志又云七經其目有周易尙書魯詩儀禮春秋公羊論語而蔡邕傳注所引洛陽記則又有禮記按禮記本自有碑洛陽伽藍記云禮記十五碑悉毀壞豈當時無傳揚之本故不得列於目耶以愚論之靈帝紀儒林宦者盧植傳所云五經者以儀禮禮記爲一經春秋公羊爲一經與周易尙書魯詩爲五經實則七經也蔡邕張馴傳所云六經者益以論語而爲六也按唐書經籍志有今字石經論語二卷蔡邕注隸書唐謂之今字隸釋載論語殘碑有蓋毛包周有無不同之說此卽邕所注者蓋當時詔定者五經邕乃奏定六經益之以論語張馴與邕共奏定六經故其傳亦曰六經也然則漢碑乃有八經

侯康補後漢書藝文志曰康按石經經數諸家互有論辨惟顏氏隸辨之文較確至一字之爲漢立三字之爲魏立自趙明誠洪景伯以來久有定論故不復及云

張氏書目答問漢熹平石經殘字六百七十五字翁方綱重摹南昌府學石本紹興府再摹石本漢石經殘字考翁方綱撰復初齋集本又馮登府補考自刻本

梁有今字石經鄭氏尙書八卷亡

梁有毛詩二卷亡

唐書經籍藝文志今字石經鄭玄尙書八卷今字石經毛詩三卷

侯康補三國藝文志曰唐志所云今字者皆

一字蓋指隸書一體也一字本漢時所建而

毛詩鄭氏尙書後漢不立學官必無刊石之

理全祖望謂是黃初時邯鄲淳補修引魚豢

魏略儒宗傳序曰黃初元年之後新王乃始

掃除太學灰炭補舊石碑之闕壞云云爲證

按見魏志王肅傳注謂是時淳方以博士給事

中是補正熹平隸字舊刻者淳也且謂隋志

以正始石經爲一字其誤卽原於此全氏并

欲以隋志之魯詩儀禮春秋石經盡歸之邯

鄲淳則未敢從蓋漢碑本有八種也

又曰全氏之意以熹平黃初所立石經皆一

字正始所立乃是三字諸家但知有熹平正

始二刻全氏細釋史注乃知復有黃初補刻

也

一字石經典論一卷

魏志明帝本紀太和四年春二月戊子詔太

傅三公以文皇帝典論刻石立於廟門之外

又齊王本紀景初三年二月西域重譯獻火

浣布詔大將軍太尉臨試以示百僚注引搜

神記曰漢世西域獻火浣布中間久絕至魏

初時人疑其無有文帝以爲火性酷烈無含

生之氣著之典論明其不然之事絕智者之

聽及明帝立詔三公曰先帝昔著典論不朽

之格言其刊石於廟門之外及太學與石經

並以永示來世至是西域使至而獻火浣布

焉於是刊滅此論而天下笑之臣松之昔從

征西至洛陽歷觀舊物見典論石在太學者

尚存而廟門外無之按征西卽宋武時在晉義熙

中

太平御覽文部西征記曰太學堂前石碑四

十版表裏隸書尙書周易公羊傳禮記四部

石塊相連多崩敗又有魏文典論六碑今四

存二敗按此西征記或謂卽戴延之撰時亦在晉安帝

義熙十二年也

後魏羊銜之洛陽伽藍記曰魏文帝作典論

六碑至太和十七年猶有四存按太和十七年

當齊武帝永明十七年

本志子部儒家典論五卷魏文帝撰

侯康補三國藝文志曰裴松之既僞刊滅此

論又云典論石在太學者尙存伽藍記亦云

猶有四存隋志亦有一字石經典論一卷意

當時所謂刊滅者第刊去火浣布一條至於

六碑則仍立於太學故裴松之羊銜之等並

得見焉

三字石經尙書九卷梁有十三卷兩唐志不載

三字石經尙書五卷兩唐志三字石經尙書古篆三卷

三字石經春秋三卷梁有十二卷兩唐志三字石經

左傳古篆十三卷

晉書衛恆傳恆作四體書勢曰魏初傳古文

者出於邯鄲淳恆祖敬侯凱寫淳尙書後以

示淳而淳不別至正始中立三字石經轉失

淳法因科斗之名遂效其形

太平御覽文部西征記曰國子堂前有列碑
南北行三十五版刻之表裏書春秋經尙書
二部大篆隸科斗三種字碑長八尺今有十
八版存餘皆崩

本志篇敘曰後漢鑄刻七經著於石碑皆蔡
邕所書魏正始中又立一字石經相承以爲
七經正字後魏之末齊神武執政自洛陽徙
於鄴都行至河陽值岸崩遂沒於水其得至
鄴者不盈太半至隋開皇六年又自鄴京載
入長安置於祕書內省議欲補緝立於國學
尋屬隋亂事遂寢廢營造之司因用爲柱礎
貞觀初祕書監臣魏徵始收聚之十不存一
其相承傳拓之本猶在祕府并秦帝刻石附
於此篇云

經義考曰魏石經本屬三字惟典論一卷乃
一字爾世傳經爲邯鄲淳所書而晉書衛恆
傳謂正始中立三字石經轉失淳法其非淳
書明矣趙至傳云年十四詣洛陽游太學遇
嵇康於學寫石經徘徊不能去嵇紹亦曰至
入太學觀先君在學寫石經古文然則正始
石經實康等所書也

錢大昕十駕齋養新錄曰經籍志稱一字石
經者凡七部三字石經者三部其編次一字
在三字之前是一字爲漢刻三字爲魏刻也
其序說云後漢鑄刻七經皆蔡邕所書魏正
始中又立一字石經此一字當爲三字之誤
蓋蔡中郎所書祇有隸體魏刻乃有古文篆
隸三體漢刻本無一字之名魏晉而下稱漢

刻爲一字取別於魏之三字耳其誤始於范
蔚宗而隋志因之

孫星衍魏三體石經遺字考序曰隸續所載
三字石經蓋魏正始中立石宋皇祐時蘇望
得搨本摹刻於洛陽古文三百七篆文二百
十七隸書二百九十五凡八百一十九爲尙
書大誥呂刑文侯之命春秋左氏桓莊宣襄
四公經文亦有傳蘇氏又以尙書春秋左氏
錯雜成文命爲左傳不加分別蒙就隸續所
載理而董之

張氏書目答問魏三體石經殘字考二卷孫
星衍撰平津館叢書本又馮登府補考本

以上自秦王東巡刻石文至此皆漢魏石
經附以典論別爲一類志序亦言之甚明
也

右一百八部四百四十七卷通計亡書合一百三
十五部五百六十九卷實著錄一百一十一部附著亡書
十七部通計 百四十八部

凡六藝經緯六百二十七部五千三百七十一卷
通計亡書合九百五十部七千二百九十卷 實在
著錄六百四十五部附著亡書三百四十三部通計九百八十
八部

按經部總敘有曰至後漢好圖讖晉世重
玄言穿鑿妄作日以滋生先王正典雜之
以祆妄大雅之論汨之以放誕陵夷至於
近代去正轉疎無復師資之法學不心解
專以浮華相尙豫造雜難擬爲讎對遂有
芟角反對互從等諸翻競之說馳騁煩言

以素彙敘譏譎成俗而不知變此學者之
蔽也按所謂豫造雜難擬爲讎對者似卽
諸經雜疑難雜答問之屬易書詩禮春秋
論語五經諸家皆有之唯禮家此類尤多
芟角反對互從等諸翻競之說則不知何
謂先儒亦罕見有是說大抵說經家之名
目猶漢人通論援孟子明事謂之博文唐
人科試掩兩端開一行謂之帖經之類者
歟

隋書經籍志考證卷十一

史部一

正史類

史記一百三十卷目錄一卷漢中書令司馬遷撰
 太史公自序曰太史公有子曰遷遷生龍門
 仕爲郎中奉使西征巴蜀以南略邛笮昆明
 還報命是歲天子始建漢家之封而太史公
 留滯周南不得與從事發憤且卒執遷手而
 泣曰余先周室之太史也自上世常顯功名
 於虞夏典天官事今史記放絕余爲太史而
 弗論載廢天下之史文余甚懼焉汝其念哉
 遷俯首流涕曰小子不敏請悉論先人所次
 舊聞弗敢闕卒三歲而遷爲太史令紬史記
 石室金匱之書五年而當太初元年十一月
 朔旦冬至天曆始改建於明堂諸神受紀於
 是論次其文七年而遭李陵之禍幽於縲紲
 乃喟然而歎曰是余之罪也夫是余之罪也
 夫身毀不用矣退而深惟曰夫詩書隱約者
 欲遂其志之思也卒述陶唐以來至於麟止
 自黃帝始張守節曰字子長左馮翊人也徐
 廣曰龍門在馮翊夏陽縣
 西京雜記曰漢承周史官至武帝置太史公
 太史公司馬談世爲太史談死子遷以世官
 復爲太史公作景帝本紀極言其短及武帝
 之過帝怒而削去之後坐舉李陵降匈奴奴
 故下遷蠶室有怨言下獄死宣帝以其官爲
 令行太史公文書事而已不復用其子孫
 漢書本傳罔羅天下放失舊聞著十二本紀

作十表八書三十世家七十列傳凡百三十
 篇五十二萬六千五百字爲太史公書藏之
 名山副在京師遷之自序云爾而十篇缺有
 錄無書遷既被刑之後爲中書令尊寵任職
 遷既死後其書稍出宣帝時遷外孫平通侯
 楊惲祖述其書遂宣布焉至王莽時求封遷
 後爲史通子又贊曰劉向揚雄博極羣書皆
 稱遷有良史之才服其善敘事理辯而不華
 質而不俚其文直其事核不虛美不隱善故
 謂之實錄

漢書藝文志六藝春秋家太史公百三十篇
 十篇有錄無書

後漢書班彪傳彪既才高而好述作遂專心
 史籍之間武帝時司馬遷著史記自太初以
 後闕而不錄後好事者頗或綴集時事然多
 鄙俗不足以踵繼其書彪乃繼采前世遺事
 傍貫異聞作後傳數十篇因斟酌前史而譏
 正其得失其略論曰唐虞三代詩書所及世
 有史官以司典籍暨於諸侯國自有史故孟
 子曰楚之檣杅晉之乘魯之春秋其事一也
 定哀之間魯君子左邱明論集其文作左氏
 傳三十篇又撰異同號曰國語二十篇由是
 乘檣杅之事遂闕而左氏國語獨章又有記
 錄黃帝以來至春秋時帝王公侯卿大夫號
 世本十五篇春秋之後七國並爭秦并諸侯
 則有戰國策三十三篇漢興定天下太中大
 夫陸賈記錄時功作楚漢春秋九篇孝武之
 世太史令司馬遷采左氏國語刪世本戰國

策據楚漢列國時事上自黃帝下訖獲麟作
 本紀世家列傳書表凡百三十篇而十篇缺
 焉遷之所記從漢元至武以絕則其功也至
 於采經摭傳分散百家之事甚多疎略不如
 其本務欲以多聞廣載爲功論議淺而不篤
 其論術學則崇黃老而薄五經序貨殖則輕
 仁義而羞貧窮道游俠則賤守節而貴俗功
 此其大敝傷道所以遇極刑之咎也然善述
 序事理辯而不華質而不俚文質相稱蓋良
 史之才也誠令遷依五經之法言同聖人之
 是非意亦庶幾矣夫百家之書猶可法也若
 左氏國語世本戰國策楚漢春秋太史公書
 今之所以知古後之所由觀前聖人之耳目
 也司馬遷序帝王則曰本紀公侯傳國則曰
 世家卿士特起則曰列傳又進項羽陳涉而
 黜淮南衡山細意委曲條例不經若遷之著
 作采獲古今貫穿經傳至廣博也一人之精
 文重思煩故其書刊落不盡尚有盈辭多不
 齊一若序司馬相如舉郡縣著其字蕭曹陳
 平之屬及董仲舒並時之人不記其字或縣
 而不郡者蓋不暇也

張晏漢書注曰遷沒之後亡景紀武紀禮書
 樂書兵書漢興以來將相年表日者列傳三
 王世家龜策列傳傳斬列傳元成之間褚先
 生補闕作武紀三王世家龜策日者傳言辭
 鄙陋非遷之本也師古曰序日本無兵書張
 云亡失此說非也
 史通六家篇史記家者其先出於司馬遷自

五經間行百家競列事跡錯糅前後乖舛至遷乃鳩集國史采訪家人上起黃帝下窮漢武紀傳以統君臣書表以譜年爵合百三十卷因魯史舊名目之曰史記自是漢世史官所續皆以史記為名又正史篇云孝武之世太史公司馬談欲錯綜古今勒成一史其意未就而卒子遷乃述父遺志作十二本紀十表八書三十世家七十列傳凡百三十篇而十篇未成有錄而已張晏漢書注曰十篇遷歿後亡失此說非也

唐書經籍志史記一百三十卷司馬遷作唐書藝文志司馬遷史記一百三十卷

玉海藝文類東萊呂氏曰以張晏所列亡篇之目校之史記或其篇具在或草具而未成非皆無書也唯武紀終不見

殿本史記考證尙書臣張照曰班固作史時十篇雖亡而或後人得之若河內女子舜典二十八字之類亦屬事之所有至孝武本紀更與餘篇不同自敘目內並不云孝武本紀也遷死於武帝之前安得有孝武之稱目云作今上本紀夫既曰今上本紀則自當有目無書且遷作本紀自黃帝以至武帝則自當無書而有其目班固云十篇缺並不載何十篇缺則固意數今上本紀與否尙未可知後人奮起補之補之而又全錄封禪書以為孝武本紀愚陋妄謬極矣恐褚先生亦不至於此張晏所謂褚先生補者亦臆說也

王鳴盛十七史商榷曰漢書所謂十篇有錄

無書者今惟武紀灼然全亡三王世家日者龜策傳為未成之筆但可云缺不可云亡其餘皆不見所亡何篇

錢大昕十駕齋養新錄曰古人書目錄皆在篇末太史公之自序班孟堅之敘傳即目錄也今史漢目錄出於後人增加考隋書經籍志史記一百三十卷之下注云目錄一卷則史記之有目錄隋時已然

按史記三王世家褚先生曰臣幸得以文學為侍郎好覽觀太史公之列傳又龜策傳曰臣以通經術受業博士治春秋以高第為郎得宿衛出入殿中十有餘年竊好

太史公傳又漢書儒林詩家王式傳沛褚少孫亦來事式應博士弟子選又曰褚生為博士由是魯詩有褚氏學又武帝本紀索隱引張晏云褚先生穎川人仕元成間韋稜云褚顛家傳褚少孫梁相褚大弟之孫宣帝時為博士寓居沛事大儒王式故號先生續太史公書褚少孫事跡見於史漢傳注者大略如此蓋在漢時以魯詩名家兼習春秋者也今本史記固非史公原本亦非褚少孫所補之原本十篇之內有

史公原文不盡出少孫所補而少孫所補有見於十篇之外者少孫之外亦有後人竄入者陽湖趙翼廿二史劄記言之詳矣又按少孫及後人所補今可考見者為武帝本紀三代世表贊建元以來侯者年表禮書樂書曆書陳涉世家贊外戚世家梁

孝王世家三王世家張丞相列傳田叔列傳滑稽列傳日者列傳龜策列傳凡十有五篇又匈奴傳末張晏云自狐鹿姑單于以下皆劉向褚先生所錄班彪又撰而次之所以漢書匈奴傳有上下兩卷則褚所補且有在漢書者蓋褚既補史公書之外又有所續焉

史記八十卷宋南中郎外兵參軍裴駟注宋書裴松之傳松之河東聞喜人也子駟南中郎參軍注司馬遷史記行於世駟自序曰故中散大夫徐廣為作音義具列異同聊以愚管增演徐氏采經傳百家並先儒之說豫是有益悉皆抄內刪其游辭取其要實或義在可疑則數家兼列以徐為本號曰集解正義曰徐廣音義辨諸家異同故以徐為本也

唐司馬貞索隱序曰逮至晉末有中散大夫東莞徐廣始考異同作音義十三卷宋外兵參軍裴駟又取經傳訓釋作集解合為八十卷雖粗見微意而未窮討論又索隱後序曰中兵郎裴駟亦名家之子也作集解注本合為八十卷見行於代仍云亦有音義前代久已散亡

唐張守節正義論注例曰徐中散作音義校集諸本異同或義理可通者稱一本云又一本云自是別記異文裴氏亦引之為注也

唐書經籍志史記八十卷裴駟集解唐書藝文志裴駟集解史記八十卷

宋史藝文志司馬遷史記一百三十卷裴駙等集注

四庫提要曰史記集解一百三十卷宋裴駙撰駙以徐廣史記音義粗有發明殊恨省略乃采九經諸史并漢書音義及衆書之目別撰此書其所引證多先儒舊說張守節正義嘗備述所引書目次然如國語多引虞翻注孟子多引劉熙注韓詩多引薛君注而守節未著於目知當日援據浩博守節不能偏數也原本八十卷隋唐志著錄並同此本爲毛晉汲古閣所刊析爲一百三十卷原第遂不可考然注文猶仍舊本自明代監本以索隱正義附入其後又妄加刪削舛遂多至坊本流傳脫誤尤甚此本總勝明人監本也會稽章宗源隋書經籍志考證曰今本一百三十卷非裴氏之舊陳振孫所見已然按章氏考證十三卷唯有史部一種已詳見于卷首錄第五

史記音義十二卷宋中散大夫徐野民撰

徐野民名廣有毛詩背隱義見經部詩類裴駙解序曰考校此書文句不同有多有少莫辨其實而世之惑者定彼從此是非相質真僞舛雜故中散大夫東莞徐廣研核衆本爲作音義具列異同兼述訓解粗有所發明而殊恨省略正義曰徐作音義十三卷裴駙爲注散入百三十篇索隱後序曰宋中散大夫徐廣作音義一卷唯諸記同異於義少有解釋

唐書經籍志史記音義十三卷徐廣撰唐書藝文志徐廣史記音義十三卷

錢大昕養新錄曰史記諸年表皆不記干支注干支出於徐廣六國表周元王元年徐廣曰乙丑秦楚之際月表秦二世元年徐廣曰壬辰是也十二諸侯年表共和元年亦當有徐廣曰庚申字今刊本乃於最上添一格書干支而刪去徐廣注讀者遂疑爲史公本文曾不檢照後二篇亦太疏矣考徐注之例唯於每王之元年記干支此表每十年輒書甲戌甲申甲午甲辰甲寅甲子字不特非史公正文并非徐氏之例其爲後人竊入鑿鑿可據且史公以太陰紀年故命太初之元爲闕逢攝提格依此上推共和必不值庚申則庚申爲徐注又何疑焉小學考曰按隋世諱廣故隋志以字著廣爲邈之弟邈爲羣經音甚精而廣特作史記音義此列傳所以稱爲家世好學者歟索隱序集解序正義俱作十三卷索隱後序又作一十卷未知孰是

史記音三卷梁輕車錄事參軍鄒誕生撰

鄒誕生有要用字對語見經部小學類司馬貞索隱序曰南齊輕車錄事鄒誕生亦作音義三卷音則微殊義乃更略又後序曰音則尙奇義則罕說唐書經籍志史記音義三卷鄒誕生撰此作鄒誕生寫誤也唐書藝文志鄒誕生史記音三卷

古史考二十五卷晉義陽亭侯譙周撰

譙周有論語注見經部論語類蜀志本傳凡所著述撰定五經論古史考書之屬百餘篇晉書司馬彪傳初譙周以司馬遷史記書周秦以上或采俗語百家之言不專據正經周於是作古史考二十五篇皆憑舊典以糾遷之謬誤彪復以周爲未盡善也條古史考中凡百二十二事爲不當多據汲冢紀年之義亦行於世按蜀志本傳周卒於泰始六年之冬後十一年爲大康二年汲冢竹書始出是汲冢紀年爲周所不及見然晉書引司馬彪之言則甚可信而陳壽記其師卒之歲亦不當有誤豈今本蜀志泰始當爲大康周卒於泰康六年得見汲冢紀年因據以爲是考歟史通正史篇晉散騎常侍巴西譙周以遷書周秦以上或采家人諸子不專據正經於是作古史考二十五篇皆憑舊典以亂其繆今則與史記並行於代焉又摸擬篇曰當秦有天下地廣殷周變諸侯爲帝王目宰輔爲丞相而譙周撰古史考思欲擯抑馬記師放孔經其書李斯之弃市也乃云秦殺其大夫李斯以諸侯之大夫名天子之丞相以此而擬春秋所謂貌同而心異也唐書經籍志雜史類古史考二十五卷譙周撰唐書藝文志雜史類譙周古史考二十五卷宋高似孫史略曰古書有周考七十六篇顏

師古曰考周事也按見漢志小許家此是班氏自注非顏師古說誰之名書蓋取此考中載呂不韋為秦子楚行千金貨於華陽夫人請立子楚為嗣及子楚立封不韋洛陽十萬戶號文信侯以詐獲爵故曰竊也其所紀往往如此史略見近刻古漢叢書亦從日本國傳刻者也

章宗源輯本序曰史通外篇稱古史考與史記並行於代觀知幾所言雖與史記並論證以史考之名檢其逸篇體例實異正史唐志列於雜史者是也文選王元長曲水詩注引公孫述竊位蜀人任永記目盲一事蔚宗書亦載之是又兼及後漢事不獨糾遷書矣史記集解諸書所引或祇稱譙或稱史考或稱考古史今以本傳為正晉書司馬彪復條古史考中凡百二十二事隋唐志俱不著錄其軼文亦無引之者

又隋志考證曰毛詩正義引伏羲作瑟杜佑通典注引無句作聲諸語既與世本作篇相類至史記索隱所引周紀不啻秦紀處父等事詞意多主辨駁體裁實異正史唐志列諸雜史類得之

孫氏平津館叢書校刊序曰故友章孝廉所輯古史考一册略為整理付之剞劂此其手定稿之一也

按是書專為考史記百三十篇而作每篇皆有所考就所存佚文觀之其體例略可想見蜀人任永一事或其論辨中語所引世本作篇則其考補之辭本志列史記一

類之末正得體裁章氏一再言唐志入雜史為得實未得也

漢書一百一十五卷漢護軍班固撰太山太守應劭集解應劭當為蔡讓

班固有太甲篇在昔篇見經部小學類應劭別見後條

太平御覽文部史傳類後漢書曰班彪續司馬遷後傳數十篇未成而卒明帝命其子固續之固以史遷所記乃以漢氏繼百王之末非其義也大漢當可獨立一史故上自高祖下終王莽為紀表傳志九十九篇按此文與范書異不知誰家後漢書今輯本以觀漢記及七家後漢書皆無之

范書本傳固以彪所續前史未詳乃潛精研思欲就其業既而有人上書顯宗告固私改作國史者有詔下郡收固繫京兆獄盡取其家書先是扶風人蘇朗僞言圖讖事下獄死固弟超恐固為郡所覈考不能自明乃馳詣闕上書得召見具言固所著述意而郡亦上其書顯宗甚奇之召詣校書部除蘭臺令史與陳宗尹敏孟異共成世祖本紀遷為郎中校祕書固又撰功臣列傳載記二十八篇奏之帝乃復使終成前所著書固以為漢紹堯運以建帝業至於六世史臣乃追述功德私作本紀編於百王之末廁於秦項之列太初以後闕而不錄故探撰前記綴集所聞以為漢書起元高祖終於孝平王莽之誅十有二世二百三十年綜其行事傍貫五經上下洽

通為春秋考紀表志傳凡百篇固自永平中始受詔潛精積思二十餘年至建初中乃成當世甚重其書學者莫不誦誦焉

又列女班昭傳兄固著漢書其八表及天文志未及竟而卒和帝詔昭就東觀藏書閣踵而成之及書始出多未能通者同郡馬融伏於閣下從昭受讀後又詔融兄續繼昭成之按馬援傳援兄子嚴嚴七子唯續融知名續字季則博觀羣籍通論語明尚書治詩善九章算術順帝時至護光校尉遷度遼將軍融自有傳云

史通六家篇漢書家者其先出於班固馬遷撰史記終於今上自太初已下闕而不錄班彪因之演成後記以續前篇至子固乃斷自高祖盡於王莽為十二紀十志八表七十列傳勒成一史目為漢書尋其創造皆準子長但不為世家改書曰志而已自東漢以後作者相仍皆襲其名號無所變革歷觀自古史之所載也尚書記周事終秦穆春秋述魯史止哀公紀年不逮於魏亡史記唯論於漢始如漢書者究西都之首末窮劉氏之廢興包舉一代撰成一書言皆精練事甚該密故事者尋討易為其功自爾迄今無改斯道又正史篇曰史記所書年止漢武太初已後闕而不錄其後劉向子歆及諸好事者若馮商衛衡揚雄史岑梁審肆仁晉馮段肅金丹馮衍韋融蕭奮劉恂等相次撰續迄於哀平間猶名史記至建武中司徒掾班彪以為其言鄙俗不足以踵前史又雄歆褒美偽新

誤後惑衆不當垂之後代於是采其舊事旁觀異聞作後傳六十五篇其子固以父所撰未盡一家乃起元高皇終乎王莽爲漢書百篇固後坐竇氏事卒於洛陽獄書頗散亂莫能綜理其妹曹大家博學能屬文奉詔校欒又選高才郎馬融等十人從大家受讀其八表及天文志等猶未克成多是待詔東觀馬續所作而古今人表尤不類本書始自漢末迄乎陳世爲其注解者凡二十五家至於專門受業遂與五經相亞 按此所載漢人續史記者凡十五家又有稽少孫見匈奴傳注

玉海藝文曰劉昭補志序云續志昭表以是推之八表其班昭所補天文志其馬續所成歟 按續漢書天文志有明文云孝明帝使班固續漢書而馬續制述天文志

音書蔡謨傳謨博學於禮儀宗廟制度多所議定總應劭以來注班固漢書者爲之集解 蔡謨有喪服譜見經部禮類

顏師古漢書敘例曰漢書舊無注解唯服虔應劭各爲音義自別施行至典午中朝晉灼集爲一部凡十四卷有臣瓚者又總集諸家音義凡二十四卷蔡謨全取臣瓚一部散入漢書自此以來始有注本但意浮功淺不加隱括屬輯乖舛錯亂實多或乃離析本文隔其辭句穿鑿妄起職此之由與未注之前大不同矣謨亦有兩三處錯意然於學者竟無弘益 按漢書注本自蔡謨始顏氏云云即指本志此書而言史記索隱序云蔡謨集注之時已有二十四家之說

亦謂此本也

唐日本國見在書目漢書一百一十五卷漢護軍班固撰太山太守應劭集解按所錄多本隋志故亦云應劭集解

唐書經籍志漢書一百十五卷班固作又一百二十卷顏師古注

唐書藝文志班固漢書一百一十五卷顏師古注漢書一百二十卷

宋史藝文志班固漢書一百卷顏師古注

四庫簡明目錄曰漢書一百二十卷漢班固撰其妹昭續成之唐顏師古注然地理志藝文志中有固自注或併引爲師古非也固原書次第備見於敘傳之中而南史劉之遴傳別有漢書真本之說頗倒其篇目竄亂其字句實爲謬妄故今所傳本悉不從之遴說焉

章氏考證今存顏師古注本較應劭本多五卷唐志兩本並存而脫應劭集解四字 按章氏以此爲應劭本不知實蔡謨本也

漢書集解音義二十四卷應劭撰 按應劭當爲臣瓚後漢書應奉傳奉汝南南頓人也仕至司隸校尉子劭字仲遠少篤學博覽多聞靈帝時舉孝廉辟車騎將軍何苗掾中平三年舉高第再遷六年拜太山太守與平元年前太尉曹嵩及子德從琅邪入太山劭遣兵迎之未到而徐州牧陶謙素怨嵩子操數擊之乃使輕騎追嵩德並殺之於郡界劭畏操誅棄郡奔冀州牧袁紹爲駁議三十篇又刪定律令爲漢儀建安元年奏上獻帝善之二年詔拜

劭爲袁紹軍謀校尉時始遷都於許舊章墮沒乃綴集所聞著漢官禮儀故事初父奉爲司隸時並下諸官府郡國各上前人像贊劭乃連綴其名錄爲狀人紀又論當時行事著中漢輯序撰風俗通凡所著述百三十六篇又集解漢書皆傳於時後卒於鄴弟子瑒璆並以文才稱 按風俗通佚文曰余爲營陵令在事五月遷太山太守魏志武紀興平元年注郭頌魏晉語曰嵩在泰山華縣太祖令泰山太守應劭送家詣兗州劭兵未至陶謙遣騎掩捕嵩家圍門皆死劭懼棄官赴袁紹後太祖定冀州劭時已死按曹操入鄴定冀州在建安九年八月劭卒當在是年八月之前

顏師古漢書敘例曰漢書舊無注解唯服虔應劭等各爲音義自別施行有臣瓚者莫知氏族考其時代則在晉初又總集諸家音義稍以己之所見續廁其末舉駁前說喜引竹書自謂甄明非無差爽凡二十四卷分爲兩帙今之集解音義則是其書而後人見者不知臣瓚所作乃謂之應劭等集解王氏七志阮氏七錄並題云然斯不審耳

又諸家注釋名氏爵里曰應劭字仲瑗一字仲援一字仲遠汝南南頓人後漢蕭令御史營令泰山太守 按蕭令御史范書本傳略去營令當是營陵令此故陵字范書亦節去但云再遷也

唐書經籍志漢書集解音義二十四卷應劭撰

唐書藝文志應劭漢書集解音義二十四卷按兩志相承題爲應劭實非也

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

爲漢儀建安元年奏上獻帝善之二年詔拜

錢大昕養新錄曰隋經籍志漢書集解音義二十四卷應劭撰按顏氏漢書敘例云云知

隋志所載即臣瓚所集非出於應劭一人隋志多承阮錄舊文則應劭下當有等字傳寫失之也按應劭原本當亡於永嘉之亂其卷數亦莫得而詳此二十四卷實臣瓚書特相承題為應劭耳

小學考曰按集解隋志已與本書並著仍別出此書者當如今索隱已附史記而別有單行本歟抑集解附本書而此更有音義歟其連稱集解音義或併將集解文字而音訓之不特為史文作音訓歟按本志應劭兩書實與

臣瓚本也顏監發之甚詳謝氏又何疑而為是說乎侯康補後漢書藝文志曰隋志有應劭書無臣瓚書據顏氏序例蓋誤以瓚書為應書也按諸書引應劭地理風俗記似即音義中之語

漢書音訓一卷服虔撰

服虔有左氏傳解讀見經部春秋家

唐書經籍志漢書音訓一卷服虔撰

唐書藝文志服虔漢書音訓一卷

元李治敬齋古今對曰霍去病傳為粟姚校尉服虔曰音飄搖此二字集韻皆收入去聲杜詩悉作平聲則實用服注也

又曰漢書陳涉傳曰藉弟令無斬而戍死者固什六七注引服虔曰藉猶借也弟使也與史記服注不同史記服注曰藉假也第次第也治曰服說次第非也第本訓但云亦且意此言藉第令無斬猶云假且使不殺

王鳴盛十七史商榷曰裴駟史記集解於左

氏傳引服虔注亦襲取服虔漢書注漢書音義七卷章昭撰

章昭有毛詩答雜問見經部詩類

唐書經籍志漢書音義七卷韓章撰

唐書藝文志章昭漢書音義七卷

李治古今註曰漢書刑法志中刑用刀鋸其次用鑿鑿章昭曰鑿贖刑也鑿贖刑也章以鑿為贖刑誤矣贖復何事於鑿章氏考證曰章昭舊唐志訛作韓章

漢書音二卷梁潯陽太守劉顯撰

梁書本傳顯字嗣芳沛國相人好學博涉多通天監初舉秀才累遷尚書儀曹侍郎兼中書舍人步兵校尉與河東裴子野南陽劉之遴吳郡顧協連職禁中遞相師友時人莫不慕之顯博聞強記過於裴顧遷尚書左丞國

子博士雲慶邵陵王長史尋陽太守大同九年卒年六十三第三子臻早著名顏氏家訓書證篇漢書田官賀上江南本皆作胥字沛國劉顯博覽經籍編精班漢梁代謂之漢聖顯子臻不墜家業讀班史呼為田官梁元帝嘗問之答曰此無義可求但臣家舊本以雌黃改胥為官元帝無以難之北史

文苑劉臻傳精於兩漢書時人稱為漢聖

漢書音二卷夏侯詠撰

夏侯詠有四聲韻略見經部小學類

唐書經籍志漢書音義二卷夏侯詠撰一本

無音義二字詠作侯蓋詠之寫誤

唐書藝文志夏侯詠漢書音二卷兩志皆作詠

亦似詠之誤

小學考曰夏侯詠無考

章氏考證曰愚按應劭已下四書劭與服虔章昭漢書師古注皆引其語惟夏侯詠未見按應劭至此有五家章氏漏劉顯一家遂以為四書

漢書音義十二卷國子博士蕭該撰

北史儒林傳蕭該蘭陵人梁鄱陽王恢之孫少封攸侯荊州平與何妥同至長安性篤學詩書春秋禮記並通大義尤精漢書甚為貴游所禮開皇初賜爵山陰縣公拜國子博士奉詔與妥正定經史然各執所見遞相是非久而不能就上譴而罷之該後撰漢書音義為當時所貴

唐日本國見在書目漢書音義十二卷隋國子博士蕭該撰

唐書經籍志漢書音義十二卷蕭該撰

唐書藝文志蕭該漢書音十二卷

宋史藝文志經部小學類蕭該漢書音義三卷

宋宋祁筆記曰余曾見蕭該漢書音義若干篇時有異議然本書十二篇今無全本顏監集諸家漢書注獨遺此不收疑顏當時不見此書今略紀於後云

章氏考證曰隋書蕭該傳該撰漢書音義為當時所貴章懷後漢書隗囂傳劉伯升傳引

按史記兩漢注所引蕭該音義皆宋景文校漢書時所采入實不止章氏所舉兩條

往曾見有輯本一卷不記誰所錄也
漢書音十二卷廢太子勇命包愷等撰

北史儒林傳包愷字和樂東海人其兄愉明
五經愷悉傳其業及從王仲通受史記漢書
尤稱精究大業中爲國子助教於時漢書學
者以蕭包二人爲宗遠近聚徒教授者數千
人卒門人起墳立碣焉

本志篇敘曰史記漢書師法相傳並有解釋
梁時明漢書有劉顯章稜陳時有姚察隋代
有包愷蕭該並爲名家史記傳者甚微

唐書經籍志漢書音義十二卷包愷撰

唐書藝文志包愷漢書音十二卷
小學考曰按隋志注曰廢太子勇命愷等爲
之非一人手也

漢書集注十三卷晉灼撰

顏師古漢書序例曰漢書舊無注解唯服虔
應劭等各爲音義自別施行至典午中朝爰
有晉灼集爲一部凡十四卷又願以意增益
時辨前人當否號曰漢書集注屬永嘉喪亂
金行播遷此書雖存不至江左自東晉迄於
梁陳南方學者皆弗之見又曰晉灼河南人
晉尙書郎

唐書經籍志漢書集注十四卷晉灼注

唐書藝文志晉灼漢書集注十四卷又音義
十七卷

小學考曰按隋志但載其集注唐志並載音
義十七卷

章氏考證曰釋慧遠華嚴音義引有漢書集

注而不題晉灼名未知卽灼書否唐志十四
卷又音義十七卷隋志不著錄

按錢大昕十駕齋養新錄曰晉灼集解十
四卷不載於隋志則師古所謂東晉迄於
梁陳南方學者皆未之見王阮既未著錄
故隋志遺之也又養新錄云隋書經籍
志遺漏晉灼漢書集解十四卷宋孝王關
東風俗傳按風俗傳誠如所云若晉灼集
解明明著錄十三卷唯缺其一卷耳錢氏
一再言遺漏未詳其旨豈此十三卷非晉
灼書歟兩唐志何以又著錄相同耶至顏
氏謂此書雖存南方弗見則其書行於北
方至隋南北混壹故隋志始著於錄其事
本無可疑不知錢氏何以云爾新唐志別
出音義十七卷據顏氏說集諸家音義爲
集注卽此書之別本非集注之外別有音
義也

漢書注一卷齊金紫光祿大夫陸澄撰

南齊書本傳澄字彥淵吳郡吳人也少好學
博覽無所不知行坐眠食手不釋卷仕宋至
御史中丞入齊累遷國子祭酒隆昌元年以
老疾轉光祿大夫加散騎常侍未拜卒年七
十諡靖子當世稱爲碩學

唐書經籍志漢書新注一卷陸澄撰

唐書藝文志陸澄漢書新注一卷
按其後又云梁有陸澄注漢書一百二卷
亡此殆從百二卷中抄出者歟抑百二卷
之外別有此雜注一卷兩唐志誤雜注爲

新注歟

漢書續訓三卷梁北平諮議參軍韋稜撰
梁書韋叡傳叡京兆杜陵人自漢丞相賢以
後世爲三輔著姓叡第三子稜字威直性恬
素以書史爲業博物彊記當世之士咸就質
疑起家安成王府行參軍稍遷治書侍御史
太子僕光祿卿著漢書續訓三卷南史韋叡附
傳云位終光祿卿著漢書續訓二卷

唐書經籍志漢書續訓二卷韋稜撰

唐書藝文志韋稜漢書續訓二卷

錢大昕隋書考異曰經籍志漢書續訓三卷
梁北平諮議參軍韋稜撰北平當作平北

漢書訓纂三十卷陳吏部尙書姚察撰

陳書本傳察字伯審吳興武康人也梁簡文
時仕至尙書駕部郎元帝授察原鄉令陳太
建中以通直散騎常侍報聘於周使還累遷
吏部尙書陳滅入隋開皇十三年襲封北絳
郡公按察父僧坦北史藝術傳作僧坦精醫術仕梁爲
太醫正西魏克江陵隨于譚入長安入周至隋封北絳郡
公至是卒故察襲其封察往歲聘周因得與父僧
坦相見至是承襲愈更悲感年七十四大業
二年終於東都察於墳籍無所不覩專志著
書白首不倦手自抄撰無時或輟尤好研覈
古今誤正文字所著漢書訓纂三十卷說林
十卷西聘玉璽建康三鍾等記各一卷並行
於世

新唐書姚思廉傳思廉孫璿璿弟班班曾祖
察嘗撰漢書訓纂而後之注漢書者多竊取

其義爲己說班著紹訓以發明舊義云 按唐藝文志有姚瑛漢書訓四十卷

唐書經籍志漢書訓纂三十卷姚察撰

唐書藝文志姚察漢書訓纂三十卷

章氏考證曰華嚴經一切經音義杜佑通典

州郡門太平寰宇記河南道並引訓纂文史

記音義亦引之

漢書集解一卷姚察撰

按此一卷本傳及兩唐志俱不載或集諸

家違義本附訓纂之後者歟又訓纂似即

集解之異名或是前書之錄本

論前漢事一卷蜀丞相諸葛亮撰

蜀志本傳亮字孔明琅邪陽都人漢司隸校

尉諸葛豐後也豐漢書有列傳父珪字君貢漢

末爲泰山郡丞亮早孤從父玄爲袁術所署

豫章太守玄將亮及亮弟均之官會漢朝更

選朱皓代玄素與荊州牧劉表有舊往依

之玄卒亮躬耕隴畝時先主屯新野穎川徐

庶曰諸葛孔明者臥龍也將軍宜往駕顧之

先主乃詣亮凡三往乃見於是情好日密及

曹公敗於赤壁先主收江南以亮爲軍師中

郎將成都平爲軍師將軍署左將軍府事先

主卽帝位策爲丞相錄尙書事假節領司隸

校尉後主建興元年封武鄉侯開府治事領

益州牧政事無巨細咸決於亮十二年八月

卒於軍時年五十四遺命葬漢中定軍山諡

忠武侯

唐書藝文志諸葛亮論前漢事一卷又音一

卷

武威張澍輯諸葛集目錄曰澍按陳壽進集

表有云刪除復重以類相從知二十四篇者

乃是總目其詔表疏議書教戒令論記碑箋

各以事類相附不以文體次比也梁甫吟論

前漢事等文宜在雜言篇又曰論前漢事隋

志一卷亦見唐志今存論光武一篇又云澍按

隋書經籍志漢書音一卷蜀丞相諸葛亮撰亦見唐志今

按漢書音一卷唯見新唐志本志實無此文

按本傳出師表有曰親賢臣遠小人此先

漢所以興隆也親小人遠賢臣此後漢所

以傾頹也先帝在時每與臣論此事未嘗

不歎息痛恨於桓靈也此數語似即此一

書之大旨其殆與昭烈所論者歟

漢書駁議二卷晉安北將軍劉寶撰

顏師古漢書敘例劉寶字道真晉中書郎河

內太守御史中丞太子中庶子吏部郎安北

將軍侍皇太子講漢書別有駁義宋祁曰景

祐余靖校本云劉寶字道宇高平人晉吏部

侍郎餘無說

唐書經籍志漢書駁義二卷劉寶注

唐書藝文志劉寶漢書駁義二卷

定漢書疑二卷姚察撰

姚察有漢書訓纂及集解並見前

按陳書本傳陳太建初補宣明殿學士除

散騎侍郎左通直尋兼通直散騎常侍報

聘於周江左者舊先在關右者咸相傾慕

沛國劉臻竊於公館訪漢書疑事十餘條

並爲剖析皆有經據臻謂所親曰名下定無虛士此二卷疑卽劉臻所訪之十餘條歟臻卽劉顯之子顯有漢書音見前

漢書敘傳五卷項岱撰

項岱始末未詳顏氏漢書敘例云項昭不詳何郡縣人敘次在魏孟康之後吳章昭之前疑卽項昭因澤晉諱而改爲岱顏氏仍照其舊名與章昭一例者歟

唐書經籍志漢書敘傳五卷項岱撰

唐書藝文志項岱漢書敘傳八卷

章氏考證曰劉昭續漢祭祀志注引項威漢

書注威岱相似易訛舊唐志五卷新唐志八

卷

按項岱別有幽通賦注見本志總集類題

曰項氏兩唐志作項岱按班氏幽通賦亦

在漢書敘傳中項氏所注本在此五卷八

卷中後人析出別行者也然則項但注序

傳不注全書章氏舉項威恐轉爲岱字之

誤文選史述贊注引項岱五條卽此書

漢疏四卷

不著撰人

梁有漢書孟康音九卷亡

魏志杜恕傳注魏略曰孟康字公休安平人

黃初中康以於郭后有外屬并受九親賜拜

遂轉爲散騎侍郎是時散騎皆以高才英儒

充其選而康獨緣妃嬪雜在其間故於時皆

共輕之號爲阿九康既無才敏因在宥官博

讀書傳後遂有所彈駁其文義雅而切要衆

人乃更加意正始中代杜恕爲弘農太守康

之始拜衆人雖知其有志量以其未嘗宰牧不保其能也而康恩澤治能吏民稱歌焉嘉平末徙渤海太守徵入爲中書令後轉爲監顏師古漢書敘例孟康字公休安平廣宗人魏散騎侍郎弘農太守領典農校尉渤海太守給事中散騎常侍中書令後轉爲監封廣陵亭侯

史記集解序正義曰漢書音義中有全無姓名者裴氏注史記直云漢書音義按大顏以爲無名義今有六卷題云孟康或云服虔蓋後所加皆非其實未詳指歸也

唐書經籍志漢書音義九卷孟康撰

唐書藝文志孟康漢書音義九卷

小學考曰孟康漢書音義隋志注云已亡而新舊唐志俱著錄顏氏注亦多采用之

染有劉孝標注漢書一百四十卷亡

梁書文學傳劉峻字孝標平原平原人天監初召入西省與學士賀蹤典校祕書坐事免官高祖招文學之士有高才者多被引進擢以不次峻率性而動不能隨衆浮沈高祖頗嫌之故不任用游東陽紫巖山築室居焉又曰峻居東陽吳會人士多從其學普通二年卒時年六十門人謚曰玄靖先生

按史通補注篇云孝標善於攻繆博而且精固以察及泉魚辨窮河豕嗟乎以峻之才識足堪遠大而不能探蹟彪嶠網羅班馬方復留情於委巷小說銳思於流俗短書可謂勞而無功費而無當者矣是劉知

幾但知其注世說新語不知其於班書已

有注本百四十卷見載七錄者也

梁有陸澄注漢書一百二卷亡

陸澄有漢書注一卷見前
史通補注篇曰掇衆史之異同補前書之所闕若裴松之三國志陸澄劉昭兩漢書之類是也又曰陸澄所注班史多引司馬遷之書若此缺一言彼增半句皆採摘成注標爲異說有昏耳目難爲披覽

梁有梁元帝注漢書一百一十五卷亡

梁書本紀世祖孝元皇帝諱繹字世誠小字七符高祖第七子也天監七年生十三年封湘東郡王太清元年徙爲使持節都督荆雍湘司鄧寧梁南北秦九州諸軍事鎮西將軍荆州刺史三年三月侯景寇沒京師四月太子舍人蕭歆至江陵宣密詔以世祖爲侍中假黃鉞大都督中外諸軍事司徒承制餘如故簡文大寶三年三月王僧辨等平侯景傳其首於江陵承聖元年冬十一月丙子世祖卽皇帝位於江陵三年九月魏遣其柱國萬紐于謹率大衆來寇至襄陽蕭譽率衆會之十一月辛卯江陵城陷於西魏世祖見執如蕭譽營十二月辛未西魏害世祖遂崩時年四十七明年四月追尊爲孝元皇帝廟曰世祖世祖聰悟俊朗天才英發博綜羣書下筆成章出言爲論才辨敏速冠絕一時所著孝德傳忠臣傳丹陽尹傳周易講疏內典博要連山洞林玉韜補闕子老子講疏全德志懷

舊志荆南志江州記職貢圖古今同姓名錄
筮經式贊文集各若干卷注漢書一百一十五卷

金樓子著書篇注前漢書十二帙一百一十五卷

按廣宏明集二十七載梁簡文帝答湘東王書有云注漢工夫轉有次第思見此書有甚飢怒卽謂此漢書注也

東觀漢記一百四十三卷起光武記注至靈帝長水校尉劉珍等撰

後漢書文苑傳劉珍字秋孫一名寶南陽蔡陽人也少好學永初中爲謁者僕射鄧太后詔使與校書劉騶駘馬融及五經博士校定東觀五經諸子傳記百家藝術整齊脫誤是正文字永寧元年太后又詔珍與騶駘作建武已來名臣傳遷侍中越騎校尉延光四年拜宗正明年轉衛尉卒官
又李尤傳安帝時爲諫議大夫受詔與謁者僕射劉珍等俱撰漢記
史通正史篇在漢中與明帝始詔班固與睢陽令陳宗長陵令尹敏司隸從事孟異作世祖本記并撰功臣及新市平林公孫述事作列傳載記二十八篇自是以來春秋考記亦已煥炳而忠臣義士莫之撰勒於是又詔史官謁者僕射劉珍及諫議大夫李尤雜作紀表名臣節士儒林外戚諸傳起自建武訖乎永初事業垂竟而珍尤繼卒復命侍中伏無忌與諫議大夫黃景作諸王王子功臣恩澤

侯表南單于西羌傳地理志至元嘉元年復令太中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人寔壽又與議郎延篤雜作百官表順帝功臣孫程郭願及鄭衆蔡倫等傳凡百十有四篇號曰漢記熹平中光祿大夫馬日磾議郎蔡邕楊彪盧植著作東觀接續紀傳之可成者而邕別作朝會車服二志後坐事徙朔方上書求還續成十志會董卓作亂大駕西遷史臣廢棄舊文散佚及在許都楊彪頗存注記至於名賢君子自永初已下闕續魏黃初中唯著先賢表故漢記殘闕至晉無成

又史官篇漢氏中興明帝以班固爲蘭臺令史詔撰光武本紀及諸列傳載記又楊子山爲郡上計吏獻所作哀牢傳爲帝所異徵詣蘭臺斯則蘭臺之職蓋當時著述之所也自章和已後圖籍盛于東觀凡撰漢記相繼在乎其中

又曰漢魏已降史官多竊虛號有聲無實案劉曹二史皆當代所撰能成其事者蓋唯劉珍蔡邕王沈魚豢之徒耳而舊史載其同作非止一家如王逸阮籍亦預其列且叔師研尋章句儒生之腐者也嗣宗沈炯麴蘖酒徒之狂者也斯豈能錯綜時事裁成國典乎唐日本國見在書目曰而件漢記吉備大臣所將來也其目錄注云此書凡二本一本百廿七卷與集賢院見在書合一本百四十一

卷與見書不合又得零落四卷又與兩本目錄不合真備在唐國多處營求竟不得其具本今本朝見在百四十二卷隋經籍志所載數百四十三卷按而件論華言此件前件唐書經籍志東觀漢記一百二十七卷劉珍撰

唐書藝文志劉珍等東觀漢記一百二十六卷又錄一卷

宋史藝文志別史類劉珍等東觀漢記八卷書錄解題傳記類東觀漢紀十卷漢謁者僕射劉珍校書郎劉駟駮等撰其後盧植蔡邕馬日磾等皆嘗補續唐藝文志著錄者一百二十七卷今所存惟吳漢賈復耿弇寇恂馮異祭遵傅俊景丹蓋延九人列傳而已其卷第凡十而缺第七八兩卷

四庫館輯本提要曰劉昭補注司馬書引袁崧書曰劉洪與蔡邕共述律曆記又引謝承書云胡廣博綜舊儀蔡邕引以爲志又引謝沈書云蔡邕因中興以來所修者爲祭祀志詳按此三志爲史通所未言隋志稱是書訖靈帝今按列傳之文間及獻帝時事蓋楊彪所補也晉時以此書與史記漢書爲三史人多習之故六朝及唐人隸事釋書類多徵引自唐章懷太子集諸儒注范書盛行於代此書遂微北宋時尚有殘本四十三卷趙希弁讀書附志邵博聞見後錄並稱其書乃高麗所獻蓋已罕得南宋中興書目則止存鄧禹吳漢賈復耿弇寇恂馮異祭遵景丹蓋延九傳

共八卷明初即已不存本朝姚之駟撰後漢書補逸曾蒐集遺文析爲八卷隨文抄錄謬戾百出今僅據永樂大典各韻所載參考諸書補其缺逸所增者幾十之六分爲帝紀三卷年表一卷志一卷列傳十七卷載記一卷其篇第無可考者別爲佚文一卷而以漢紀與范書異同附錄於末雖殘珪斷璧零落不完而古澤斑斕罔非瓌寶

章氏考證唐志一百二十六卷書錄解題八卷宋志十卷其書以新市平林諸人列爲載記房喬修晉書劉淵等載記蓋仿其例今四庫輯本二十四卷有天文志地理志後漢書一百三十卷無帝紀吳武陵太守謝承撰吳志妃嬪傳吳主權謝夫人會稽山陰人也父吳漢尙書郎徐令弟承拜五官郎中稍遷長沙東部都尉武陵太守撰後漢書百餘卷會稽典錄曰承字偉平博學洽聞嘗所知見終身不忘

史通書志篇曰百官輿服謝拾孟堅之遺煩省篇云謝承尤悉江左京洛事缺於三吳雜說篇云謝承漢書偏黨吳越又云姜詩趙壹身止計吏而謝書有傳

唐書經籍志後漢書一百三十卷謝承撰唐書藝文志謝承後漢書一百三十三卷又錄一卷錢塘姚之駟輯本序曰謝偉平之書東漢第一良史也凡所載忠義名卿及通賢逸士其芳言懿矩半爲范書所遺惟六朝詞人多誦

說之故其軼事時見他書輒采掇彙鈔分爲四卷云

仁和孫志祖讀書勝錄曰鄉先輩姚荃園之駟撰後漢書補逸中有謝承書予憾其闕略廣爲蒐輯得五卷視姚本幾倍之矣又有影縣汪文臺南七補輯本八卷

侯康補三國藝文志曰匡謬正俗卷五謂承書失實洪亮吉亦云承書最有名又最先出而其紕謬非一端云云于謝書力加譏彈然遷固著史尙多舛誤不能摘其一二事遽毀全書況謝書久亡他書轉引不免魯魚之訛尤未可以定謝范二家優劣也姚之駟謂謝書極博蔚宗過爲刪除其說甚當蓋謝之勝范在此而不及范之精嚴亦即在此矣

章氏考證曰史無帝紀惟聞此書北堂書鈔設官部引承書有風教傳亦創見也史通論贊篇謝承曰詮愚按文選顏延年北使洛詩注永明九年策秀才文注阮嗣宗勸進表注後漢二十八將論注張景陽七命注引承書俱稱序曰蓋其敘傳中語按本志云無帝紀似謂其亡佚新唐志多出三卷似其帝紀之佚存者

後漢記六十五卷本一百卷梁有今殘缺晉散騎常侍薛瑩撰

吳志薛綜傳綜沛郡竹邑人也子瑩字道言初爲祕府中書郎孫休卽位爲散騎中常侍孫皓初爲左執法選曹尙書領太子少傅武昌左都督還爲左國史光祿勳天紀四年入晉爲散騎常侍太康三年卒

唐書經籍志後漢記一百卷薛瑩作唐書藝文志薛瑩後漢記一百卷

姚之駟輯本序曰瑩所著漢書吳志本傳不載余靖表云瑩作漢後記百卷今他本直云後漢書也瑩書大半弗存未經拂耳瞥目然讀世祖顯宗二論波屬雲委灑瀚蒼鬱洵良史手他稱是矣袁彥伯竟未采及何耶

汪氏輯本亦止十餘條

章氏考證曰唐志一百卷今存姚氏輯本一卷太平御覽皇王部引光武明帝章帝安帝桓帝靈帝六贊

續漢書八十三卷晉祕書監司馬彪撰

晉書本傳彪字紹統高陽王睦之長子也出後宣帝弟敏少篤學不倦然好色薄行爲睦所責故不得爲嗣雖名出繼實廢之也彪由此不交人事而專精學習故得博覽羣籍終其綴集之務初拜騎都尉泰始中爲祕書郎轉丞以爲漢氏中興訖於建安忠臣義士亦以昭著而時無良史記述煩雜譙周雖已刪除然猶未盡安順以下亡缺者多彪乃討論衆書綴其所聞起於世祖終於孝獻編年二百錄世十二通綜上下旁觀庶事爲紀志傳凡八十篇號曰續漢書後拜散騎侍郎惠帝末年卒時年六十餘

史通正史篇東觀漢記至晉無成泰始中祕書丞司馬彪始討論衆書綴其所聞起元光武終於孝獻爲紀志傳凡八十篇號曰續漢書

唐書經籍志後漢書八十三卷司馬彪撰唐書藝文志司馬彪續漢書八十三卷又錄一卷

章氏考證今存姚氏輯本一卷魏志武紀注司馬彪傳注引有司馬彪序傳當是續漢書分篇今有汪氏輯本

後漢書十七卷本九十七卷今殘缺晉少府卿華嶠撰

晉書華表傳表平原高唐人父歆爲魏太尉表六子虞岑嶠鑿澹嶠字叔駿才學深博少有令聞文帝爲大將軍辟爲掾屬歷車騎從事中郎泰始初賜爵關內侯元康初封宜昌亭侯誅楊駿改封樂鄉侯遷尙書後以嶠博聞多識屬書典實有良史之志轉祕書監爲內臺中書散騎著作及治禮音律天文數術南省文章門下撰集皆典統之初嶠以漢記煩穢慨然有改作之意會爲臺郎典官制事由是得徧觀祕籍遂就其緒起於光武終於孝獻一百九十五年爲帝紀十二卷皇后紀二卷十典十卷傳七十卷及三譜序傳目錄凡九十七卷嶠以皇后配天作合前史作外戚傳以繼末編非其義也故易爲皇后紀以次帝紀又改志爲典以有堯典故也而改名漢後書奏之詔朝臣會議時中書監荀勗令和嶠太常張華侍中王濟咸以嶠文實事核有遷固之規實錄之風藏以祕府後太尉汝南王亮司空衛瓘爲東宮傅列上通講事遂施行元康三年卒追贈少府諡曰簡所撰

書十典未成祕書監何劭奏嶠中子徹為佐著作郎使踵成之未竟而卒後監繆徽又奏嶠少子暢為佐著作克成十典永嘉喪亂經籍遺沒嶠書存者五十餘卷 按此則江左相傳亦不過五十餘卷而已

北齊書魏收等上十志啓曰昔子長孟堅裁勒墳史紀傳之間申以書志叔駿刪緝後劉紹統削撰季漢十志實範遷固表蓋闕焉

文心雕龍史傳篇至於後漢紀傳發源東觀袁張所製偏駁不倫辭謝之作疏謬少信若司馬彪之詳實華嶠之準當則其冠也 按袁張薛謝謂袁山松張瑩薛瑩謝承也

史通序例篇華嶠後漢多同班氏如劉平江革等傳其序先言孝道次述毛義養親此則前漢王貢傳體其篇以四皓為始也嶠言辭簡質敘致溫雅味其宗旨亦孟堅之亞歟

又正史篇曰漢記殘闕至晉無成泰始中司馬彪始為續漢書又散騎常侍華嶠刪定東觀記為漢後書帝紀十二皇后紀二典十列傳七十譜三總九十七篇其十典竟不成而卒自斯已往作者相繼為編年者四族創紀傳者五家推其所長華氏居最而遭晉室東徙三唯一存 按編年四族今惟見袁宏張璠後漢紀各三十卷餘二族未詳紀傳五家大抵是謝沈張瑩袁山松范蔚宗蕭子顯也並詳見於後亦或是劉義慶非張瑩

唐書經籍志後漢書三十一卷華嶠作

唐書藝文志華嶠後漢書三十一卷

章氏考證曰晉書本傳名漢後書隋唐志作

後漢書刊誤也范蔚宗撰史實本華嶠故亦易外戚為后紀而肅宗紀論二十八將論桓譚馮衍傳論袁安傳論劉趙淳于江劉周趙傳序班彪傳論章懷並注為華嶠之辭王允傳論章懷漏注以魏志董卓傳注參校知亦嶠辭至魏志華歆傳注世說德行方正篇注並引嶠譜敘其言皆華氏事蓋即班馬自敘之例

孫祠書目華嶠後漢書一卷章宗源集本後漢書八十五卷本一百二十二卷晉祠部郎謝沈撰

謝沈有尙書注見經部書類 晉書本傳沈除尙書度支郎何充庾冰並稱沈有史才遷著作郎撰晉書三十餘卷會卒沈先著後漢書百卷及毛詩漢書外傳其才學在虞預之右云按袁宏後漢記序稱謝沈書以沈為沈與他記載異

唐書經籍志後漢書一百二卷謝沈撰後漢書外傳十卷謝沈撰 唐書藝文志謝沈後漢書一百二卷又外傳十卷

章氏考證曰今存姚氏緝本一卷又曰沈之外傳無佚篇可引以隋志注本一百二十二卷合唐志卷數計之或外傳二十卷梁七錄所載之本外傳固附本書至隋而外傳軼唐時外傳出而缺十卷

後漢南記四十五卷本五十五卷今殘缺晉江州從事張瑩撰

張瑩始末未詳

唐書經籍志漢南紀五十八卷張瑩撰 唐書藝文志張瑩漢南紀五十八卷

章氏考證曰世說言語篇文學篇注初學記地部人事部武功部居處部文選干寶晉紀總論注北堂書鈔后妃部政術部太平御覽地部職官部兵部宗親部珍寶部引共十五事並題張瑩漢南記續漢郡國志注史記集解並引張瑩曰唐志五十八卷

按諸書所引及舊新唐志並云漢南紀本志後字似誤衍然不知何意以漢南紀名書也

後漢書九十五卷本一百卷晉祕書監袁山松撰 晉書袁瓌傳瓌字山甫陳郡陽夏人以討蘇峻功封長合鄉侯子喬嗣喬佐桓温伐蜀封湘西伯子方平嗣方平卒子山松嗣山松少有才名博學有文章著後漢書百篇歷顯位為吳郡太守孫恩作亂山松守滬濱城城陷被害

又安帝本紀隆安五年夏五月孫恩寇吳國內史袁山松死之按紀傳書官位不同然考其時無封國於吳者似當以傳所云吳郡太守為正

梁劉昭注補續漢書八志序曰沈松因循尤解功創時改見句非更搜求加藝文以矯前乘流書品采自近錄初平永嘉嗣籍焚喪塵消煙滅焉識其限借南晉之新虛為東漢之故實是以學者亦無取焉按此則袁氏後漢藝文志取資於魏晉時之簿錄大抵以魏中經晉新簿為依據

其意蓋以爲魏晉故府之所存東漢書林所必有雖不爲
典要亦不盡虛無故昔人亦莫不深惜其書之亡佚也

梁阮孝緒七錄敘目曰袁山松後漢藝文志
此下敘文八十七家亡通志校讐略曰阮孝緒作七
錄已條劉氏七略及班固漢志袁山松後漢志所亡之書
爲一錄卽指此也

唐書經籍志後漢書一百二卷袁山松作
唐書藝文志袁崧後漢書一百一卷又錄一
卷

章氏考證今存姚氏輯本一卷愚按沈約宋
書禮志引山松漢百官志水經注引山松郡
國志史通書志篇言山松有天文志通志校
讐略言有藝文志

後漢書九十七卷宋太子詹事范曄撰

宋書本傳曄字蔚宗順陽人車騎將軍泰少
子也出繼從伯弘之襲封武興縣五等侯少
游學博涉經史善爲文章能隸書曉音律始
爲高祖相國掾彭城王義康冠軍參軍歷尚
書吏部郎元嘉元年左遷宣城太守不得志
刪衆家後漢書爲一家之作畧遷左衛將軍
太子詹事二十二年與孔熙先謝綜等謀反
欲尊立彭城王義康十一月徐湛之表上其
事並伏誅曄時年四十八曄于獄中自敘有
曰既造後漢轉得統緒詳觀古今著述及評
論殆少可意者班氏最有高名旣任情無例
不可甲乙辨後贊於理近無所得唯志可推
耳博瞻可不及之整理未必愧也吾雜傳論
皆有精意深旨旣有裁味故約其辭句至於

循吏以下及六夷諸序論筆勢縱放實天下
之奇作其中合者往往不減過秦篇嘗共比
方班氏所作非但不愧之而已欲徧作諸志
前漢所有者悉令備雖事不必多且使見文
得盡又欲因事就卷內發論以正一代得失
意復未果贊自吾文之傑思殆無一字空設
奇變不窮同含異體乃自不知所以稱之此
書行故應有賞音者紀傳例爲舉其大略耳
諸細意甚多自古體大而思精未有此也恐
世人不能盡之多貴古賤今所以稱情狂言
耳

又文帝本紀元嘉二十二年十二月乙未太
子詹事范曄謀反及黨與皆伏誅丁酉免大
將軍彭城王義康爲庶人

史通書事篇范曄博采衆書裁成漢典觀其
所取頗有奇工至於方術篇及諸蠻夷傳乃
錄王喬左慈廩君槃瓠言唯迂誕事多詭越
可謂美玉之瑕白圭之玷惜哉無是可也

冊府元龜國史部采撰門曄所撰十志一皆
託謝儼搜撰垂畢遇曄敗悉蠟以覆車宋文
帝令丹陽尹徐湛之就儼尋求已不復得一
代以爲恨其志今闕

唐書經籍志後漢書九十二卷范曄撰又一
百卷皇太子賢注 此不稱其監但云皇太子非虛
唐書藝文志范曄後漢書九十二卷又章懷
太子賢注後漢書一百卷賢命劉訥言格希
玄等注

宋史藝文志范曄後漢書九十卷章懷太子

李賢注

書錄解題曰按唐藝文志爲後漢史者有謝
承薛瑩司馬彪劉義慶華嶠謝沈袁山松七
家其前又有劉珍等東觀記至蔚宗乃刪取
衆書爲一家之作其自視甚不薄謂諸傳序
論精意深旨實天下之奇作然頗有略取前
人舊文者至於論後有贊尤自以爲傑思殆
無一字虛設自今觀之幾於贊矣蔚宗父泰
祖寧皆爲時名臣蔚宗乃以怨望叛逆至於
滅族其與遷固之人禍天刑不侔矣然則豈
作史之罪哉

四庫提要曰隋志載范書九十七卷新舊唐
志作九十二卷互有不同惟宋志作九十卷
與今本合然此書歷代相傳無所亡佚考唐
志又載章懷太子注後漢書一百卷今本九
十卷中分子卷者凡十是章懷作注之時始
併爲九十卷以就成數唐志析其子卷數之
故云一百宋志合其子卷數之故仍九十其
實一也

章氏考證蔚宗所撰十志沈約言宋時已闕
其篇名可見者百官志見后妃傳禮樂輿服
志見東平王蒼傳天文五行志見蔡邕傳
後漢書一百二十五卷范曄本梁劄令劉昭注

梁書文學傳劉昭字宣卿平原高唐人晉太
尉寔九世孫也昭幼清警七歲通老莊義旣
長勤學善屬文外兄江淹早相稱賞天監初
起家奉朝請歷爲宜惠豫章王參軍臨川王
記室初昭伯父彤集衆家晉書注于寶晉記

為四十卷至昭又集後漢同異以注范曄書世稱博悉遷通直郎出為剡令卒官集注後漢一百八十卷

昭注補續漢書八志序略曰司馬續書總為八志王教之要國典之源粲然略備可得而知矣又曰范曄後漢良史誠跨衆氏序或未周志遂全闕曄遺書自序應徧作諸志前漢有者悉欲備製卷中發論以正得失書雖未明其大旨也曾臺雲構所闕過乎棧橋為山霞高不終踰乎一壑鬱絕斯作吁可痛哉徒懷續緝理漸鈞遠迺借舊志注以補之分為三十卷以合范史求于齊工執云文類比茲闕恨庶賢乎已昔褚先生補子長之削少馬氏接孟堅之不畢相成之義古有之矣引彼先志又何猜焉

史通補注篇竊惟范曄之刪後漢也簡而且周疎而不漏亦云備矣而劉昭采其所捐以為補注言盡非要事皆不急譬夫人有吐果之核棄藥之滓而愚者乃重加摺拾潔以登薦持此為工多見其無識也 按此但為史家精嚴之法而言若其書傳至今日則徵文考憲必與八志注並重

唐書經籍志後漢書五十八卷劉昭補注唐書藝文志劉昭補注後漢書五十八卷劉昭注范曄後漢書一百二十二卷章氏考證曰熙乃昭字之訛又曰以唐志卷數計之紀傳九十二卷合續志三十卷恰符一百二十二卷之數 宗按兩唐志所載五十八卷者似即所注司馬八志百二十二卷者為所

注范氏紀傳兩書合計正合本傳一百八十卷之數其卷數分合不可知已

書錄解題曰後漢志三十卷晉司馬彪撰梁劉昭補注蔚宗本書隋唐志皆九十七卷今書紀傳共九十卷蓋未嘗有志也劉昭所注乃司馬彪續漢書之八志爾序文固云范志今闕乃借舊志注以補之其與范氏紀傳自別為一書其後紀傳孤行而志不顯至本朝乾興初判國子監孫奭始建議校刊但云補亡補缺而不著其為彪書也館閣書目乃直以百二十卷併稱蔚宗撰益非是今考章懷注所引稱續漢者文與今志同信其為彪書不疑

四庫提要曰後漢書本紀十卷列傳八十卷宋范蔚宗撰唐章懷太子賢注其八志三十卷別題梁刻令劉昭注據書錄解題乃宋孫奭建議校勘以昭所注司馬彪續漢書志與范書合為一編案隋志載司馬彪續漢書八十三卷唐書亦同宋志唯載劉昭補注後漢志三十卷而彪書不著錄是至宋僅存其志故移以補後漢書之缺其不曰續漢志而曰後漢志是已併入范書之稱矣

錢氏養新錄曰昭本注范史紀傳又取司馬氏續漢志兼注之以補蔚宗之闕厥後章懷太子別注范史而劉注遂廢惟志三十卷則章懷以非范氏書故注不及焉其併于范史實始于宋孫奭之請而司馬劉二家之書幸得傳留至今與范史並列學官

按八志合于范書自劉昭注本始八志劉注合于范書章懷注則自宋孫奭始或者不察往往混稱後漢志不知與注為四家之作故諸家別白而申明之

後漢書音一卷後魏太常劉芳撰劉芳有毛詩箋音證見經部詩類魏書本傳芳撰章昭所注國語音范曄後漢書音各一卷

唐書藝文志劉芳後漢書音一卷按小學考云隋志于劉芳之音但稱後漢不知所音果范書與否不可考矣蓋未考魏書本傳也

范漢音訓三卷陳宗道先生臧兢撰臧兢始末未詳

唐書經籍志後漢書音三卷臧兢撰一本作臧唐書藝文志臧兢後漢書音三卷小學考曰按宗道先生陳書無傳

按宋張君房雲笈七籤載唐茅山昇真王先傳云琅邪王遠知年十五入華陽事貞白先生授三洞法又從宗道先生臧矜傳諸祕訣是宗道先生神仙家流也與梁陶宏景同輩競當為矜范書光武本紀更始二年注引是書亦云臧矜

范漢音三卷蕭該撰

蕭該有漢書音義見前唐書經籍志後漢書音三卷蕭該作唐書藝文志蕭該後漢書音三卷小學考曰臧氏蕭氏二家後漢音義隋志皆

著范漢所以別于二謝華嶠袁山松諸家之書至唐志皆標以後漢矣意當日命名原無范漢之目隋志改題以識別唐志則據本名以著錄耳又曰隋唐之間諸家後漢書俱在而攻治後漢作音注者皆據范書是當日范書已高出諸家諸家漸就湮沒非無故矣

後漢書讚論四卷范曄撰

唐書經籍志後漢書論贊五卷范曄撰

唐書藝文志范曄後漢書九十二卷又論贊五卷

四庫提要曰隋唐志均別有蔚宗後漢書論贊五卷宋志始不著錄疑唐以前論贊與本書別行然史通論贊篇曰馬遷自序傳後歷寫諸篇各敘其意既而班固變為詩體號之曰述蔚宗改彼述名呼之以贊固之總述合在一篇使其條貫有序蔚宗後書乃各附本事書于卷末篇目相離斷絕失序夫每卷立論其煩已多而嗣論以贊為贖彌甚亦猶文士製碑序終而續以銘曰釋氏演法義盡而宜以偈言云云則唐代范書論贊已綴卷末矣史志別出一目所未詳也

漢書續十八卷范曄撰

唐書經籍志雜史類後漢書續十三卷范曄撰

唐書藝文志雜史類范曄後漢書續十三卷按兩唐志作後漢書續則本志敘後字又本志十八卷唐志皆十三卷似有前論贊五卷在其中此續為一編者歟范自言其

論贊度越班書故有續緝其文別為一書者亦或有注如項岱注漢書敘傳之類光武本紀王莽地皇三年注例曰多所誅殺曰屠建武五年注臣賢案范曄序例云帝紀略依春秋唯字替日食地震書餘悉備于志按范曄序例今本不見章懷所引或出此書

梁有蕭子顯後漢書一百卷亡

蕭子顯有孝經義疏見經部

梁書本傳子顯采衆家後漢書考正同異為一家之書又曰子顯所著後漢書一百卷

梁有王韶後漢林二百卷亡

王韶始末未詳

按梁書王規傳規集後漢衆家異同注續漢書二百卷疑即是書蓋以司馬紹統之書為本而廣集諸家以為之注其文如林故曰後漢林志譌規為韶歟又按規卒於梁大同二年阮孝緒亦于是年十月卒是規與阮同時人或其書而附著于七錄未可知也又似據梁人別家書目詳子部從續家末

梁有韋闡後漢音二卷亡

梁書韋叡傳叡京兆杜陵人也兄纂闡並早知名纂叡皆好學闡有清操

南史韋叡傳叡兄闡為建寧令所得俸祿百餘萬還家悉委伯父處分鄉里宗事之位通直郎

魏書四十八卷晉司空王沈撰

魏志王昶傳昶太原晉陽人也其為兄子及子作名字皆依謙實以見其意故兄子默字處靜沈字處道

晉書本傳沈少孤養于從叔司徒昶事昶如父好書善屬文大將軍曹爽辟為掾累遷中書黃門侍郎治書侍御史秘書監正元中遷散騎常侍侍中典著作與荀顛阮籍共撰魏書多為時諱未若陳壽之實錄也時魏高貴鄉公好學有文才引沈及裴秀數于東堂講讌屬文及高貴鄉公將攻文帝召沈及王業告之沈業馳白帝以功封安平侯沈既不忠于主甚為衆論所非武帝受禪以佐命之勳轉驃騎將軍錄尚書事加散騎常侍統城外諸軍事封博陵縣公泰始二年薨諡曰元贈司空

太平御覽職官部王隱晉書曰王沈為祕書監著魏書多為時諱而善敘事

宋書五行志序王沈魏書志篇缺如凡厥災異但編帝紀而已又律曆志序曰自楊偉改創景初而魏書闕志

史通正史篇魏史黃初太和中始命尚書衛凱繆襲草創紀傳累載不成又命侍中章詵應璩祕書監王沈大將軍從事中郎阮籍司徒右長史孫該司隸校尉傅玄等復共撰定其後王沈獨就其業勒成魏書四十四卷其書多為時諱殊非實錄又載文篇曰歷選衆作求其穢累王沈魚象是其甚焉又直書篇曰王沈魏書假回邪以竊位又曲筆篇曰王

沈魏錄濫述貶甄之詔

唐書經籍志魏書四十四卷王沈撰

唐書藝文志王沈魏書四十七卷

章氏考證宋書五行志律曆志言王沈魏書

缺志愚按水經渠水遼水淮水注並引魏書

國志潁水注復引魏書郡國志疑沈書固有

志篇特闕五行律曆也裴松之魏志武紀注

所引多述操令若庚申庚戌丙戌丁亥令皆

以日記又有褒賞令載祀橋元文裴注不言

魏令書以類推之當亦是耳 按此當是陳羣劉

邵所撰魏令百八十餘篇中之文見晉書刑法志唐六典

刑部注 鄧克王傳注諸葛傳注各引一事后

妃傳注引六事太平御覽皇親部引卞后甄

后毛后郭后各一事而貶甄詔未見

吳書二十五卷韋昭撰本五十五卷梁有今殘缺

韋昭有漢書音義見前

吳志本傳孫亮即位諸葛恪輔政表曜為太

史令撰吳書華嚴薛瑩等皆與參同孫皓即

位以侍中常領左國史皓欲為父和作紀曜

執以和不登帝位宜名為傳鳳皇二年皓積

前後嫌忿收曜付獄華嚴連上疏救曜曰曜

以儒學得與史官吳書雖已有頭角斂贊未

述如臣頑蔽誠非其人曜年已七十餘數無

幾乞赦其一等之罪為終身徒使成書業永

足傳示垂之百世皓不許遂誅曜

吳志薛瑩傳皓下瑩獄徙廣州右國史華嚴

上疏曰大吳受命建國南土大皇帝末年命

太史令丁孚郎中項峻始撰吳書孚峻俱非

史才其所撰作不足紀錄至少帝時更差章

曜周昭瑩梁廣及臣五人訪求往事所共

撰立備有本末昭廣先亡耀負恩蹈罪瑩出

為將復以過徒其言遂委滯迄今未撰奏臣

愚淺才劣適可為瑩等記注而已若使撰合

必襲孚峻之跡懼墜大皇帝之元功損當世

之盛美瑩涉學既博文章尤妙同僚之中瑩

為冠首今者見史雖多經學記述之才如瑩

者少是以懷懼為國惜之實欲使卒垂成之

功編於前史之末奏上之後退填溝壑無所

復恨皓遂召瑩還為左國史

史通正史篇吳大帝之季年始命太史令丁

孚郎中項峻撰吳書孚峻俱非史才其文不

足紀錄至少帝時更勅韋曜周昭瑩梁廣

華嚴訪求往事相與記述並作之中曜瑩為

首當歸命侯時昭廣先亡曜瑩徒黜史官久

缺書遂無聞瑩表請召曜瑩續成前史其後

曜獨終其書定為五十五卷按此知華嚴疏救凡

兩次本傳合併記載故曰連上疏其初被罪黜得嚴疏救

而解召還史館得以續成前書其事當在鳳皇二年之前

至是年收付獄嚴又疏救以吳書未沈序贊為言而事不

可解矣以是知吳書序贊終未底于成焉

唐書經籍志偽史類吳書五十五卷韋昭撰

唐書藝文志正史類韋昭吳書五十五卷

侯康補三國藝文志曰康按吳志注引此書

甚多薛瑩傳稱章書承丁孚項峻而作孚峻

俱非史才茲考吳主傳黃武四年丞相孫卻

卒注引志林曰吳之創基卻為首相史無其

事竊嘗怪之劉聲叔博物君子也云推其名

位自應立傳項峻丁孚時已有紀注與張惠

恕不相能後章氏作史蓋惠恕之黨故不見

書則章書亦未必盡勝丁項二人耳又考齊

書禮志序云吳則太史令丁孚拾遺漢事是

丁氏吳書有禮志也章昭因之亦當有志按

唐藝文志職官類丁孚漢官儀式選用一卷蓋別為一書

與所撰吳書無涉此與王沈魏書皆非二國全史雖紀傳

亦不及備具又何有於志然諸書引三吳郡國志亦頗似

出是書

章氏考證曰昭書名吳自以吳為主裴松之

注所引稱魏為帝堅策權皓稱名文選注後

漢書注皆然惟通典禮門注稱權為上藝文

類聚服飾部太平御覽服章部布帛部人事

部皆稱吳主為上竊疑稱名非昭原本舊唐

志誤入編年類按稱聖策權皓之名者自是後人所

改章書原本安得有此此毋庸議也舊唐志以編年與偽

史合為一篇此編入偽史非編年

吳紀九卷晉太學博士環濟撰

環濟有喪服要略見經部禮類

唐書經籍志編年類吳紀十卷環濟撰

唐書藝文志編年類環濟吳紀十卷

通志校讎略曰環濟吳紀九卷唐志類于編

年是隋志類于正史非

章氏考證宋書禮志引環氏吳紀吳志張紘

傳注世說政事篇注雅量篇注品藻篇注規

箴篇注排調篇注初學記地部居處部太平

御覽兵部人事部布帛部羽族部並引題環

濟吳紀孫權和休咭皆稱名惟御覽所引稱大帝皇太子嗣主唐志十卷入編年類

梁有張勃吳錄三十卷亡

史記伍子胥傳集解引張勃索隱曰張勃晉人吳鴻臚儼之子作吳錄故裴氏引之

按張儼有默記見子部雜家晉書文苑傳張翰字季鷹吳郡吳人父儼吳大鴻臚則勃為翰之兄弟也

唐書經籍志雜史類吳錄三十卷張勃撰

唐書藝文志雜史類張勃吳錄三十卷

章氏考證唐志入雜史類史通書志篇張勃

曰錄愚按水經浪水注左傳宣公正義文選

笙賦注謝靈運登臨海嶠詩注張衡七命注

初學記獸部引文並題吳錄地理志藝文類

聚太平御覽寰宇記所引題地理志者尤夥

是知史通之言誤以吳錄總名相混不知錄

內分篇實仍名志也世說賞譽篇注引吳錄

士林曰吳郡有顧陸朱張三國之間四姓盛

焉士林二字未詳或其列傳標目如魏略儒

宗稱有志有傳其體不似編年類 按當云雜史類

三國志六十五卷敘錄一卷晉太子中庶子陳壽

撰宋太中大夫裴松之注

裴松之有集注喪服經傳見經部禮類

晉書陳壽傳壽字承祚巴西安漢人也少好

學師事同郡譙周仕蜀為觀閣令史及蜀平

司空張華舉為孝廉除佐著作郎出補平陽

令撰蜀相諸葛亮集奏之除著作郎領本郡

中正撰魏吳蜀三國志凡六十五篇時人稱

其善敘事有良史之才夏侯湛時著魏書見

壽所作使壞已書而罷張華深善之謂壽曰

當以晉書相付耳其為時所重如此授御史

治書以母憂去職後數歲起為太子中庶子

未拜元康七年病卒年六十五梁州大中正

尚書郎范頴等上表曰故治書侍御史陳壽

作三國志辭多勸戒明乎得失有益風化願

垂采錄于是詔下河南尹洛陽令就家寫其

書

宋書裴松之傳元嘉三年松之奉使湘州還

轉中書侍郎司冀二州大中正上使注陳壽

三國志松之鳩集傳記增廣異聞既成奏上

上善之曰此為不朽矣 上表題元嘉六年七月二

十四日中書侍郎西鄉侯臣裴松之上

文心雕龍史傳篇及魏代三雄記傳互出陽

秋魏略之屬江表吳錄之類或激抗難徵或

疏闊寡要唯陳壽三志文質辨洽苟張比之

於遷固非妄譽也

本志篇敘曰三國鼎峙魏氏及吳並有史官

按蜀何嘗無史官蜀志景耀元年史官景景見于是大

敘改年東觀即王崇著蜀書與陳壽頗不同見華陽國志

後賢志晉時巴西陳壽刪集三國之事唯魏

帝為紀其功臣及吳蜀之主並皆為傳仍各

依其國部類相從謂之三國志自是世有著

述皆擬班馬以為正史作者尤廣一代之史

至數十家

史通正史篇魏史王沈就其業吳則韋曜終

其書至晉受命海內大同著作陳壽乃集三

國史撰為國志凡六十五篇先是魏時京兆

魚豢私撰魏略其後孫盛撰魏氏春秋王隱

撰蜀記張勃撰吳錄異聞錯出其流最多宋

文帝以國志載事傷於簡略乃命中書郎裴

松之兼采衆書補注其闕由是世言三國志

以裴注為本焉

又補注篇曰少期集注國志以廣承祚所遺

而喜聚異同不加刊定恣其擊難坐長煩蕪

觀其書成表獻自比蜜蜂兼采但甘苦不分

難以味同萍實者矣

唐書經籍志正史類魏國志三十卷陳壽撰

裴松之注又偽史類蜀國志十五卷吳國志

二十一卷陳壽撰裴松之注 章氏考證曰舊唐

志分著魏志入正史吳蜀二志入編年甚不可解也按舊

志以此二志列偽史之首與編年合為一實非在編年

之內章氏考之不書耳

唐書藝文志正史類陳壽魏國志三十卷蜀

國志十五卷吳國志二十一卷並裴松之注

宋史藝文志陳壽三國志六十五卷裴松之

注

晁氏讀書志魏四紀二十六列傳蜀十五列

傳吳二十列傳宋文帝嫌其略命裴松之補

注博采羣說分入書中其多過本書數倍王

通數稱壽書今細觀之實高簡有法如不言

曹操本生而載夏侯惇及淵于諸曹傳中則

見嵩本夏侯氏之子也高貴鄉公書卒而載

司馬昭之奏則見公之不得其死也他皆類

是但以魏為紀而稱漢吳曰傳又改漢曰蜀

世頗譏其失至於謂其銜諸葛孔明髡父而為貶辭求丁氏之米不獲不立儀虞傳之類亦未必然也

書錄解題曰大抵本書固率略而注又蘇蕪要當會通裁定以成一家而未有奮然以為己任者豐祐南豐呂南公紹興間吳興鄭知幾嘗為之皆不傳

四庫提要曰宋元嘉中裴松之受詔為注所注雜引諸書亦時下已意綜其大旨約有六端一曰引諸家之論以辨是非一曰參諸書之說以核譌異一曰傳所有之事詳其委曲一曰傳所無之事補其缺佚一曰傳所有之人詳其生平一曰傳所無之人附以同類其中往往嗜奇愛博頗傷蕪雜取搜神記列異傳異林鑿空語怪凡十餘處悉與本事無關而深于史法有礙殊為瑕類然網羅富凡六朝舊籍今所不傳者尚一一見其大略又多首尾完具不似水經注文選注皆翦裁割裂之文故考證之家取材不竭轉相引據者反多于陳壽本書焉

魏志音義一卷盧宗道撰

盧宗道始末未詳

小學考曰盧氏宗道魏志音義隋志一卷佚

按北史盧玄傳玄字子真范陽涿人玄孫思道思道族弟恭道恭道弟懷道懷道弟宗道性蠱率動作狂俠位南營州刺史後坐酷濫除名不言其有著述未知即此宗道否也兩唐志不載又但為魏志音義而不及吳蜀其書亦似不全

論三國志九卷何常侍撰

晉書孝友傳何琦字萬倫廬江灑人司空充之從兄也好古博學居于宣城陽穀縣事母孜孜朝夕色養常患甘鮮不贍乃為郡主簿察孝廉除郎中補涇縣令及丁母憂後養志衡門不交人事耽翫典籍以琴書自娛累辭徵命公車再徵通直散騎常侍不行琦善養性以述作為事著三國評論凡所撰錄百許篇皆行于世年八十二卒

三國志評三卷徐爰撰一本作三國評志書寫誤徐爰當為徐衆

嚴可均全晉文編曰徐衆咸康中為黃門郎建元初進侍中有三國志評三卷魏志蜀志吳志傳注引三國評凡九條

唐書經籍志雜史類三國評三卷徐衆撰唐書藝文志雜史類徐衆三國評三卷

章氏考證裴松之注臧洪傳程昱傳黃權傳顧雍傳全綜傳周紡傳鍾離牧傳是儀傳並引徐衆三國評唐志有徐衆三國評三卷爰疑衆字之誤

梁有三國志序評三卷晉著作郎王濤撰亡

晉書王濤傳濤字茂高堂邑人元帝初為駙

馬都尉奉朝請弟濤字茂略有才筆歷著作郎無錫令卒

唐書藝文志雜史類王濤三國志序評三卷

晉書八十六卷本九十三卷今殘缺晉著作郎王隱撰

晉書本傳隱字處叔陳郡陳人也世寒素父銓歷陽令少好學有著述之志每私錄晉事及功臣行狀未就而卒隱以儒素自守不交勢援博學多聞受父遺業西都舊事多所諳究建興中過江太興初召隱及郭璞俱為著作郎令撰晉史預平王敦功賜爵平陵鄉侯後以著作郎虞預謗免歸于家貧無資用書遂不就乃依征西將軍庾亮于武昌亮供其紙筆書乃得成詣闕上之隱雖好著述而文辭鄙拙蕪舛不倫其書次第可觀者皆其父所撰文體混漫義不可解者隱之作也年七十餘卒于家

史通正史篇王隱受詔撰晉史為其同僚虞預所訴坐事免官乃依庾亮于武昌鎮亮給其紙墨由是獲成凡為晉書八十九卷咸康六年始詣闕奏上按史通所載卷數往往與本志不符恐皆是後人依唐志妄改如此書云八十九卷王沈魏書云四十四卷皆有可疑

又書事篇曰王隱何法盛之徒所撰晉史乃專訪州閭細事委瑣瑣言聚而編之目為鬼神傳錄其事非要其言不經

又論贊篇曰王隱曰議書志篇曰王隱後來加以瑞異稱謂篇曰時采新名列成篇題原

注音第 若王晉之十士寒儻是也

史記外戚世家索隱曰外戚紀后妃也后族亦代有封爵故也漢書則編之列傳中王隱則謂之紀而在列傳之首

唐日本國見在書目晉書七十六卷王隱撰

唐書經籍志晉書八十九卷王隱撰

唐書藝文志王隱晉書八十九卷

章氏考證曰北堂書鈔設官部引有石瑞記

當卽史通所謂瑞異其時張掖元石圖指爲

晉受魏祚之祥故因以題篇沈約州郡志鄺

氏水經注引隱書地道記是知其易志爲記

太平御覽人事部引劉升龍一事題名寒儻

傳文學部引王褒一事題名處士傳藝文類

聚靈異部王矩見京兆社靈太平廣記載蘇

詔夏侯愷亡後見鬼事自是鬼神傳中語其

他佚篇徵引衆家晉史以王隱爲最多又北

齊書宋顯傳顯從祖弟繪依準裴松之注國

志體注王隱及中興書二注皆不見前志著

錄

晉書二十六卷本四十四卷訖明帝今殘缺晉散

騎常侍虞預撰

晉書本傳預字叔寧會稽餘姚人徵士喜之

弟也本名茂歷官祕書丞著作郎從平王含

賜爵西鄉侯平蘇峻進平康縣侯遷散騎侍

郎除常侍仍領著作以年老歸卒於家預雅

好經史憎疾玄虛其論阮籍裸袒比之伊川

披髮所以胡虜遍于中國以爲過衰周之時

著晉書四十餘卷

又王隱傳時著作郎虞預私撰晉書而生長

東南不知中朝事數訪于隱並借隱所著書

竊寫之所聞漸廣是後更疾隱形于言色預

既豪族交結權貴共爲朋黨以斥隱隱竟以

謗免黜歸于家

唐書經籍志晉書五十八卷虞預撰

唐書藝文志虞預晉書五十八卷

章氏考證魏志王粲傳注引預書稽康事太

平御覽皇王部引預書上雖服膺文藝而雅

有雄霸之量數語乃宣帝紀論其論阮籍裸

袒則籍傳論也今晉書皆不取初學記北堂

書鈔設官部並引何楨傳史通人物篇言王

隱書無何楨是知王隱所不編預固有傳

晉書十卷未成本十四卷今殘缺晉中書郎朱鳳

撰訖元帝

晉書華譚傳元帝時譚爲丞相軍謀祭酒薦

干寶范珧于朝太興初爲祕書監時晉陵朱

鳳吳郡吳震並學行清修老而未調譚皆薦

爲著作佐郎

北堂書鈔設官部何法盛中興書曰華譚爲

祕書監時晉陵朱鳳吳郡吳震二人並有史

才譚薦補著作佐郎

唐書經籍志晉書十四卷朱鳳撰

唐書藝文志朱鳳晉書十四卷

章氏考證世說德行篇注言語篇注汰侈篇

注文選關中詩注安陸王碑注北堂書鈔車

部太平御覽職官部共引鳳書九事

晉中興書七十八卷起東晉宋湘東太守何法盛

撰

宋書沈約自序伯玉字德潤虔子子也世祖

時宋孝武帝廟號世祖爲江夏王義恭太宰行

參軍與奉朝請謝超宗何法盛校書東宮按

何法盛宋書無傳其在孝武時爲奉朝請爲湘東太守不

知在何時大抵宋中晚時人

南史徐廣傳時有高平郗紹亦作晉中興書

數以示何法盛法盛有意圖之謂紹曰卿名

位貴達不復俟此延譽我寒士無聞於時如

袁宏干寶之徒賴有著述流聲於後宜以爲

惠紹不與至書成在齋內廚中法盛詣紹紹

不在直入竊其書紹還失之無復兼本于是

遂行何書按晉書宋書徐廣傳皆不附是事惟南史有

之不知是否實錄

陳書文學傳何子元梁典序曰尙書述唐帝

爲堯典虞帝爲舜典馬史班漢述帝稱紀自

茲厥後因相祖習惟何法盛晉書變帝紀爲

帝典既云師古在理爲優

史通正史篇晉江左史自鄧粲孫盛檀道鸞

王韶之已下相次繼作遠則偏記兩帝近則

唯敘八朝至宋湘東太守何法盛始動成一

家首尾該備

又雜說篇曰東晉之史作者多門何氏中興

實居其最而爲晉學者曾未之知儻湮沒不

行良可惜也

又表曆篇曰法盛書載中興改表爲注名目

雖巧蕪累亦多書志篇云原夫司馬遷曰書

班固曰志華嶠曰典張勃曰錄何法盛曰說

名曰雖異體統不殊題目篇云何氏中與易志為記章宗源曰記乃說字之誤論贊篇云史記云太史公班固曰贊荀悅曰論東觀曰序謝承曰詮陳壽曰評王隱曰議何法盛曰述其名萬殊其義一揆

又因習篇曰中興書劉隗錄稱其議獄事具刑法志依檢志內了無其說鑿識篇云法盛中興荒拙少氣章宗源曰刑法志當作刑法說

唐書經籍志晉中興書八十卷何法盛撰唐書藝文志何法盛晉中興書八十卷

章氏考證曰藝文類聚初學記諸書多引法盛徵祥說開元占經引懸象說北堂書鈔設官部引百官公卿注文選注引桓元錄劉聰錄陳郡謝錄穎川庾錄濟陰卞錄書鈔設官部所引有會稽賀錄琅邪王錄濟陽江錄陳郡袁錄太原王錄順陽王錄史通所稱又有劉隗錄鬼神錄蓋典注說錄四體以易紀表志傳也

晉書三十六卷宋臨川內史謝靈運撰

南史本傳靈運陳郡陽夏人祖玄晉車騎將軍靈運襲封康樂公宋受命降公為侯文帝徵為祕書監令撰晉書粗立條流書竟不就後為臨川內史憤惋有逆志徙廣州後又事露有司奏收之文帝詔于廣州棄市時元嘉十年年四十九
宋書本傳太祖登祚以晉氏一代自始至終竟無一家之史令靈運撰晉書粗立條流書竟不就

梁書止足傳序曰靈運晉書止足傳先論晉世文士之避亂者殆非其人惟阮思曠遺榮好遁遠殆辱矣

史通論贊篇若靈運之虛張高論玉卮無當曾何足云

唐書經籍志晉書三十五卷謝靈運撰唐書藝文志謝靈運晉書三十五卷又錄一卷

章氏考證文選蕭揚州薦士表注引序曰上品無寒門下品無貴族干寶論武帝革命注引禪位表初學記職官部引志曰者凡五事器物部果木部各引一事太平御覽皇王部引世祖論人事部引愍懷妃義不受辱事

晉書一百一十卷齊徐州主簿臧榮緒撰

南齊書高逸傳臧榮緒東莞莒人也純篤好學括東西晉為一書紀錄志傳一百一十卷隱居京口教授南徐州辟西曹舉秀才不就太祖為揚州徵榮緒為主簿不到建元中司徒褚淵啓太祖曰榮緒朱方隱者昔臧質在宋以國戚出牧彭岱引為行佐非其所好謝疾求免蓬廬守志與友關康之沈深典素追古著書撰晉史十卷贊論雖無逸才亦足彌綸一代臣歲時往京口早與之遇近報其取書始方送出庶得備錄渠閣采異甄善上答曰公所道臧榮緒者吾甚志之其有史翰欲令人入天祿甚佳榮緒自號被褐先生永明六年卒年七十四初榮緒與關康之俱隱在京口世號為二隱

南史隱逸諸葛璩傳璩世居京口幼事徵士關康之博涉經史復師徵士臧榮緒榮緒著晉書稱璩有發擿之功方之壺遂

舊唐書房玄齡傳貞觀十八年玄齡與褚遂良受詔重撰晉書于是奏請以臧榮緒晉書為主參考詳洽

唐書經籍志晉書一百一十卷臧榮緒撰唐書藝文志臧榮緒晉書一百一十卷

章氏考證史通書志篇稱臧榮緒志五行太平寰宇記山南西道引榮緒地理志北堂書鈔刑法部引刑德志此其志篇可見者又按今晉書李重傳稱重議官階見百官志司馬彪傳稱彪議南郊見郊祀志張亢傳稱亢述曆贊見律曆志摯虞傳虞表論封禪見禮志議王輅兩社見輿服志依檢志內俱無其文錢宮詹晉書考異嘗辨之據唐會要言貞觀修晉書以臧榮緒為本則百官郊祀諸志當是臧氏之志也書鈔設官部文選籍田賦注北山移文注御覽皇親部時序部初學記歲時部並引之志紀傳之體其詞易見惟錄體未詳

晉書十一卷本一百二卷梁有今殘缺蕭子雲撰

蕭子雲有千字文注見經部小學類
梁書本傳子雲以晉代竟無全書弱冠便留心撰著至年二十六書成表奏之詔付祕閣又答敕云臣年二十六著晉史至二王列傳欲作論草隸法言不盡意遂不能成略指論飛白一勢而已又曰所著晉書一百一十卷

顏氏家訓雜藝篇蕭子雲每歎曰吾著齊書趙氏注曰子雲著齊書無著齊書事此蓋誤記也勒成一典文章宏義自謂可觀唯以筆跡得名亦異事也

唐書經籍志晉書九卷蕭子雲撰

唐書藝文志蕭子雲晉書九卷

章氏考證太平御覽人事部明帝以太常桓榮爲五更躬軾其閭親行養老之禮乃後漢事而題蕭子雲晉書又貞觀修書詔曰子雲學壇涸流按貞觀時所存僅十一卷九卷而已故言如此

晉史草三十卷梁蕭子顯撰

蕭子顯有孝經義疏見經部孝經類

唐書經籍志編年類晉史草三十卷蕭景暢撰

唐書藝文志編年類蕭景暢晉史草三十卷章氏考證唐志編年類有蕭景暢晉史草三十卷子顯字景陽暢乃陽字之訛太平御覽兵部引晉史草一事題稱蕭子雲與隋志不合

按蕭氏此書梁書南史本傳皆不載蓋其未成之作史略之也

梁有鄭忠晉書七卷亡

鄭忠始末未詳

梁有沈約晉書一百一十一卷亡

沈約有證法見經部論語類

宋書自序曰史臣少頗好學常以晉氏一代竟無全書年二十許便有撰述之意泰始初

征西將軍蔡興宗爲啓明帝有敕賜許自此迄今年逾二十所撰之書凡一百二十卷條流雖舉而采掇未周永明初遇盜失第五帙建元四年未終按四年下當有敕文被敕撰國史永明二年又奏兼著作郎撰次起居注自茲王役無暇搜撰

又表上宋書曰桓玄謹縱盧循馬魯之徒身爲晉賊非關後代吳隱謝混郗僧施義止前朝不宜濫入宋典劉毅何無忌魏詠之檀憑之孟昶諸葛長民志在興復情非造宋今並刊除歸之晉籍

梁書本傳約所著晉書一百一十卷按自序言百二十卷失第五帙則此稱一百一十卷者非其全也南史云百餘卷

史通采撰篇曰沈氏著書好誣先代于晉則故造奇說又雜說篇云近者沈約晉書喜造奇說稱元帝牛金之子以應牛繼馬後之徵而魏收深嫉南國幸書其短著司馬叡傳遂具錄休文所言

章氏考證世說文學篇注品藻篇注初學記器物部北堂書鈔設官部太平御覽皇親部並引之

梁有庾銑東晉新書七卷亡

南齊書文學王智深傳先是陳郡袁炳字叔明有文學爲宋司徒袁粲所知著晉書未成卒穎川庾銑善屬文見賞豫章王引至大司馬記室參軍卒按此當有敕文蓋謂袁炳著晉書未成銑續之也齊豫章文獻王巖嘗爲大司馬銑爲其記

室參軍又此爲穎川庾銑卒于齊代章氏考證照梁銑非也

梁江淹傷友人賦序曰僕之神交者有陳郡之袁炳焉有逸才有妙賞博學多聞才明敏而識奇異僕以爲天下絕倫黯與秋草同折今不復見矣又袁友人傳曰友人袁炳字叔明陳郡陽夏人其人天下之士仕歷國常侍員外郎府功曹臨湘令數百年未有此人焉好妙賞文獨絕于世又扶晉史奇功未遂不幸卒官春秋二十有八

宋書六十五卷宋中散大夫徐爰撰

徐爰有集注繫辭見經部易類

宋書本傳先是元嘉中使著作郎何承天草創國史世祖初又使奉朝請山謙之南臺御史蘇寶生踵成之六年又以爰領著作郎使終其業爰雖因前作而專爲一家之書上表宜起元義熙爲王業之始載序宜力爲功臣之斷其僞玄篡竊同于新莽雖靈武克殄自詳之晉錄及犯命干紀受戮霸朝雖揖禪之前皆著之宋策國典體大方垂不朽請外詳議伏須繼承于是內外博議太宰江夏王義恭等三十五人同爰議宜以義熙元年爲斷散騎常侍巴陵王休若尚書金部郎檀道鸞二人謂宜以元興三年爲始太學博士虞劭謂宜以開國爲宋公元年詔曰項籍聖公編錄二漢前史已有成例桓玄傳宜在宋典餘如爰議

宋書沈約自序曰徐爰因何蘇所述勒爲一

史起自義熙之初迄于大明之末

史通正史篇宋史元嘉中何承天草創紀傳自此以外悉委山謙之補承天殘缺後又命裴松之續成國史松之尋卒史佐孫沖之表求別自創立孝建初又勅蘇寶生續造諸傳元嘉名臣皆其所撰寶生被誅按見宋書王僧達傳後大明六年又命徐爰踵成前作爰因何孫山蘇所述勒為一書其減質魯爽王僧達諸傳又皆孝武自造而序事多虛難以取信

唐書經籍志宋書四十二卷徐爰撰

唐書藝文志徐爰宋書四十二卷

章氏考證開元占經引徐爰書元嘉十三年詔錢樂之作渾天儀一事今見沈約天文志而州郡志所稱何志徐志甚多律曆志序曰天文五行徐肇義熙之元南齊書百官志引何徐宋志太平御覽服章部偏霸部人事部初學記人事部藝文類聚帝王部符命部北堂書鈔帝王部亦並引之

宋書六十五卷齊冠軍錄事參軍孫嚴撰

孫嚴始末未詳

唐書經籍志宋書四十六卷孫嚴撰

唐書藝文志孫嚴宋書五十八卷

章氏考證曰文選袁陽源傲白馬篇詩注引一事作孫嚴宋書初學記地部引二事並同選注作孫嚴又禮部及御覽兵部人事部宗親部共引十三事並同隋志作孫嚴

按史通正史篇云宋史元嘉中又命裴松

宋書一百卷梁尚書僕射沈約撰

沈約有晉書見前

之續成國史松之尋卒史佐孫沖之表求別自創立為一家之書史通于列朝修史諸人備覺其全此云史佐孫沖之表求為一家之書似即此孫嚴宋書沖之其字歟宋書減質傳孫沖之太原中都人晉祕書監孫盛曾孫也官至右軍將軍巴東太守後事在劉琬傳按劉琬當為鄧琬鄧琬傳云大明八年琬為晉安王子助鎮軍長史前廢帝遣使齎藥賜子助死琬乃佐子助起兵尋陽巴東建平二郡太守孫沖之之郡始至孤石琬以沖之為子助諮議參軍領中兵加輔國將軍與陶亮並統前軍子助即偽位加左衛將軍後敗還不知所終豈即此孫沖之沖之有集十一卷見本志別集類中又為孫盛曾孫史學是其世業殆即其人或當時未及于難入齊為冠軍將軍錄事未可知也

宋書自序曰史臣於永明五年春又被勅撰

宋書六年二月畢功表上之曰宋故著作郎

何承天始撰宋書草立紀傳止于武帝功臣

篇牘未廣其所撰志唯天文律曆自此外悉

委奉朝請山謙之謙之孝建初又被詔撰述

尋值病亡仍使南臺侍御史蘇寶生續造諸

傳元嘉名臣皆其所撰寶生被誅大明中又

命著作郎徐爰踵成前作爰因何蘇所述勒

為一史起自義熙之初迄于大明之末自永

光以來至于禪讓十餘年內闕而不續一代

典文始末未舉且事屬當時多非實錄又立

傳之方取捨乖衷進由時旨退傍世情垂之

方來難以取信臣今謹更創立製成新史始

自義熙肇號終于昇明三年本紀列傳繕寫

已畢合志表七十卷臣今謹奏呈所撰諸志

須成績上謹條目錄詣省拜表奉書以聞

南史文學王智深傳齊武帝使太子家令沈

約撰宋書疑立袁粲傳以審武帝帝曰袁粲

自是宋家忠臣約又多載孝武明帝諸靈贖

事上遣左右語約曰孝武事迹不容頓爾我

昔經事宋明帝卿可思諱惡之義於是多所

省除

史通正史篇宋史至齊著作郎沈約更補綴

所遺製成新史為紀十志三十列傳六十合

百卷名曰宋書

唐書經籍藝文志沈約宋書一百卷宋史志

同

崇文總目其書雖諸志失於限斷然有博洽

多聞之益今世所傳文多舛舛參補未獲趙

倫之傳一卷今缺謝靈運傳文注譌駁

晁氏讀書志約奉詔為是書本何承天徐爰

之說頗為精詳但本志兼載魏晉失于限斷

又王劭謂其喜造奇說以誣前代如琅琊王

妃通小吏牛氏生中宗孝武于路太后處寢

息時人多有異議之類是也後梁武帝知而

不以為非

書錄解題曰本紀列傳七十卷志三十卷獨

缺到彥之傳館閣書目謂其志兼載魏晉失于限斷揆以班馬史例未足爲疵至其所創符瑞一志不經且無益其贅甚矣

四庫提要曰約表上其書謂紀傳合志表七十卷今書無表史通亦不言其有表隋志作一百卷與今本合或唐以前其表早佚今本卷帙出後人編次歟考志序稱損益前史諸志爲八門曰律曆曰禮曰樂曰天文曰五行曰符瑞曰州郡曰百官是律曆未嘗分兩門今本每卷細目作志第一律志序志第二曆上志第三曆下則後人強爲分割非約原本之舊此其明證矣

講按今本所題律志序乃八志之總序非爲律志作其書至北宋已多散失崇文目謂缺趙倫之傳陳振孫謂獨缺到彥之傳今本卷四十六有趙倫之王懿張劭傳惟到彥之傳缺與振孫所見同後有臣穆附記謂此卷體同南史傳末無論疑非約書其言良是蓋宋初已缺此一卷後人雜取高氏小史及南史以補之然南史有到彥之傳獨舍而不取又張劭傳附見其兄子暢直用南史之文而不知本書卷五十九已有張暢傳忘其重出則補綴者之疎矣

梁有宋文明中所撰宋書六十一卷亡不著撰人

按宋無文明年號自是大明之誤而大明中所撰宋書卽與徐爰同時或當時修史諸臣中別有此一本歟

又按梁書止足傳序云宋書有羊欣王徽

成其流亞今考沈約宋書羊欣張敷王徽合爲一傳不立止足傳似在當代所修國史中或卽在徐爰孫嚴及此三家之書

齊書六十卷梁吏部尚書蕭子顯撰

蕭子顯有後漢書晉史草並見前梁書本傳子顯又啓撰齊史書成表奏之詔付祕閣又曰子顯所著齊書六十卷

史通正史篇齊史江淹始受詔著述先著十志沈約復著齊紀梁天監中太尉錄事蕭子顯啓撰齊史書成表奏之詔付祕閣起昇明之年盡永元之代爲紀八志十一列傳四十二合五十九篇

又序例篇曰若沈宋之志序蕭齊之敘錄雖皆以序爲名其實例也必定其臧否徵其善惡子顯雖文傷蹇躓而義甚優長斯亦序例之美者又斷限篇曰夫能明彼斷限定其折中歷選自古唯蕭子顯近諸

唐書經籍志齊書五十九卷蕭子顯撰

唐書藝文志蕭子顯齊書六十卷

宋史藝文志蕭子顯南齊書五十九卷

晁氏讀書志初江淹已作十志沈約又有紀子顯自表別修然天文但紀災祥州郡不著戶口祥瑞多載圖讖表云天文事祕戶口不知不敢私載曾子固謂子顯于斯史喜自馳聘其更改破析刻彫藻績之變尤多而文比

七史最下云晁氏云嘉祐中以宋齊梁陳魏北齊周書詔館職校正願學官治平中曾鞏校定南齊梁陳三書所謂七史者如此

四庫提要曰原本六十卷至唐已佚一卷北宋本載有進書表見晁氏讀書志今其表已佚又文學傳無序州郡志及桂陽王傳均有缺文無從校補蓋南北史行而八書俱微世多不甚檢閱故愈久愈佚也

齊紀十卷劉陟撰

南史文學杜之偉傳梁武帝時之偉補東宮學士與學士劉陟鈔撰羣書各爲題目

史通史官篇齊梁二代又置修史學士陳氏因循無所變革若劉陟謝吳顧野王許善心之類是也

唐書經籍志齊書八卷劉陟撰

唐書藝文志劉陟齊書十三卷

齊紀二十卷沈約撰

沈約有晉書宋書並見前宋書自序曰建元四年被勅撰國史永明二年又奏兼著作郎撰次起居注

梁書本傳約遷太子家令後以本官兼著作郎又曰所著齊紀二十卷

唐日本國見在書目齊書廿卷沈約撰

唐書經籍志編年類齊紀二十卷沈約撰

唐書藝文志編年類沈約齊紀二十卷章氏考證文選奏彈劉整注引約紀一事通鑑考異引五事又二事太平御覽學部菜部各引一事

按本傳又有梁武帝本紀十四卷是則于晉宋齊梁四代之史皆有所論著矣古來史臣記述之富當無出其右者

梁有江淹齊史十三卷亡

梁書本傳淹字文通濟陽考城人也仕宋入齊建元初參掌詔冊並典國史永明初遷驃騎將軍掌國史至吏部尚書梁天監元年為散騎常侍左衛將軍封臨沮縣開國伯以疾遷金紫光祿大夫改封醴陵侯四年卒年六十二諡曰憲伯所著齊史十志行於世

南史本傳建元二年始置史官淹與司徒左長史檀超共掌其任所為條例並為王儉所駁其言不行淹任性文雅不以著述在懷所撰十三篇竟無次序

又文學檀超傳建元二年初置史官以超與驃騎記室江淹掌史職上表立條例開元紀號不取宋年封爵各詳本傳無假年表又制著十志多為左僕射王儉所不同既與物多忤史功未就徙交州于路見殺江淹撰成之猶不備也 按超所上史例南齊書文學傳備載之不知是否與江淹同上者文繁不錄

史通正史篇齊史江淹始受詔著述以為史之所難無出于志故先著十志以見其才

梁書四十九卷梁中書郎謝吳撰本一百卷

謝吳始末未詳

史通正史篇梁史武帝時沈約與給事中周興嗣步兵校尉鮑行卿祕書監謝吳相承撰錄已有百篇值承聖淪沒並從焚蕩按沈約傳約撰梁武紀十四卷其書不傳周興嗣謝吳各有梁皇帝實錄見後雜史類鮑行卿即鮑衡有乘與龍飛記二卷見唐志雜史類凡此之流似皆其史稿更名別行者承

聖梁元帝年號

唐書經籍志梁書三十四卷謝吳姚察等撰唐書藝文志謝吳姚察梁書三十四卷

錢大昕十駕齋養新錄曰吳與吳字形相涉未知孰是又曰謝宣城集有與謝洗馬吳聯句按日本國舊傳高似孫史略又作謝吳

嚴可均全梁文編曰案梁中書郎謝吳有梁書一百卷隋志僅存四十九卷御覽三百四十二引王希聘事蓋謝吳本也 按御覽此卷連引梁書者凡三條則皆是謝吳本

章氏考證唐志有謝吳姚察梁書三十四卷吳與姚察合著恐唐志有誤通志藝文略訛謝作林

按姚察有梁書帝紀七卷別見於後兩唐志三十四卷題此兩家姓名者殆後人合為一帙也唐藝文志編年類有謝吳梁典三十九卷似其史料或史稿

梁史五十三卷陳領軍大著作郎許亨撰

陳書文學傳許亨字亨道高陽新城人博通羣書多識前代舊事仕梁入陳高祖授中散大夫領羽林監遷太中大夫領大著作知梁史事高宗即位拜衛尉卿太建二年卒時年五十四初撰齊書並志五十卷遇亂亡失後撰梁史成者五十八卷子善心早知名官至尚書度支侍郎 亦見梁書許亨附傳

紀傳隨事勒成及闕而未就者目錄注為一百八卷梁室交喪墳籍銷盡所撰之書一時亡散有陳初建詔為史官補闕拾遺心識口誦依舊目錄更加修撰且成百卷已有六帙五十八卷上祕閣訖善心至德之初蒙授史任方願采訪記錄仰成先志忝職即署兼撰

陳史致此書延時未即成續禎明二年以臺郎入聘值本邑淪覆謂陳亡也家史舊書在後焚蕩今止有六十八卷在又並缺失次自入京邑以來隨見補葺略成七十卷四帝紀八卷后妃一卷三太子錄一卷為一帙十卷

宗室王侯列傳一帙十卷具臣列傳二帙二十卷外戚傳一卷孝德傳一卷誠臣傳一卷文苑傳二卷儒林傳二卷逸民傳一卷數術傳一卷藩臣傳一卷合一帙十卷止足傳一卷列女傳一卷權幸傳一卷羯賊傳二卷逆臣傳二卷叛臣傳二卷敘傳論述一卷合一帙十卷 按此止六十卷與前所云七十卷不合或其中有子卷

凡稱史臣者皆先君所言下稱名案者並善心補缺別為敘論一篇託于敘傳之末善心字務本仕陳歷隋為給事郎後為字文化及所害年六十一及越王稱制贈左光祿大夫高陽縣公諡曰文節

錢氏隋書考異曰今以許善心傳考之此書目錄凡百卷撰成上祕閣者僅六帙五十八卷蓋未成之書然卷數亦不合

按許亨所撰已成者凡五十八卷善心所續成者合為七十卷據善心言書中稱史

臣云則其本亦題其父名此五十三卷不知爲亨書爲善心書大抵皆殘本也

梁書帝紀七卷姚察撰

姚察有漢書訓纂及集解定疑並見前

陳書本傳太建中爲戎昭將軍知撰梁史事後主纂業敕兼東宮通事舍人將軍知撰史事如故陳滅入隋開皇九年詔授祕書丞別

敕成梁陳二代史又曰察所撰梁陳史雖未畢功隋文帝開皇之時遣內史舍人虞世基

索本具進上今在內殿梁陳二史本多是察之所撰其中序論及紀傳有所闕者臨亡之

時仍以體例誠子思廉博訪撰續思廉涕泣奉行大業初內史侍郎虞世基奏思廉踵陳

梁陳二代史自爾以來稍就補續

史通正史篇梁史紀傳之書未有其作陳祠部郎中姚察有志撰勒施功未周但既當朝

務兼知國史至于陳亡其書不就隋文帝嘗索梁陳事跡察具以所成每篇續奏而依違

在苒竟未絕筆皇家貞觀中其子思廉定爲梁書五十卷今行于世焉

按此帝紀七卷蓋即姚思廉藍本之僅存者本志雜史類有梁帝紀七卷不著撰人似卽此書

通史四百八十卷梁武帝撰起三皇訖梁

梁武帝有周易大義見經部易類

梁書蕭子顯傳高祖嘗從容謂子顯曰我造通史此書若成衆史可廢子顯對曰仲尼贊

易道黜八索述職方除九丘聖製符同復在

茲日時以爲名對

又文學吳均傳均除奉朝請撰齊春秋不實

坐免職尋有詔召見使撰通史起三皇訖齊

代均草本紀世家功已畢唯列傳未就普通

元年卒

又武帝本紀又造通史躬製贊序凡六百卷

史通六家篇梁武帝敕其羣臣上自太初下

終齊室撰成通史六百二十卷其書自秦以

上皆以史記爲本而別采他說以廣異聞至

兩漢已還則全錄當時紀傳而上下通達吳

味相依又吳蜀二主皆入世家五胡及拓拔

氏列于夷狄傳大抵其體皆如史記其所爲

異者唯無表而已又世家篇云及魏有天下

而揚吳益蜀不賓終亦受屈中朝見稱僞主

爲史者必題之以紀則上通帝王勝之以傳

則下同臣妾梁主敕撰通史定爲吳蜀世家

持彼僭君比諸列國去太去甚其得折中之

規乎

唐書經籍志通史六百二卷梁武帝撰

唐書藝文志梁武帝通史六百二卷

宋高似孫史略曰梁武帝通史上自三皇迄

已散佚故後有作者率莫敢措意于斯 見別史類通志條

章氏考證史通因習篇曰何法盛劉隗錄稱

其議獄事具刑法志依檢志內了無其說既

而臧氏晉書梁朝通史于大連之傳並有斯

言志亦無文傳仍虛述愚按後漢書禰衡傳

注引通史志曰岑牟鼓角士胄也史記五帝

紀正義引通史曰瞽瞍使舜滌廩舜告堯二

女一事金樓子與王篇亦載之當卽襲用通

史唐志一百七卷按唐志一百七卷不知所見何本

後魏書一百三十卷後齊僕射魏收撰

晉書本紀孝武帝太元十一年夏四月代王

拓拔珪始改稱魏安帝隆安二年十二月己

丑魏王珪卽尊位年號天興

北齊書列傳魏收字伯起鉅鹿下曲陽人也

與濟陰溫子昇河間邢子才齊魯世稱三才

仕魏入齊天保元年除中書令兼著作郎封

富平縣子二年詔撰魏史四年又詔平原王

高隆總監之署名而已始魏初鄧彥海撰代

記十餘卷其後崔浩典史游允程駿李彪崔

光李琰之徒世修其業浩爲編年體彪始分

作紀表志傳書猶未出宣武時命邢巒追述

備一代史籍表上之凡十二紀九十二列傳合一百一十卷五年三月奏上十一月復上十志天象四卷地形三卷律曆二卷禮樂四卷食貨一卷刑罰一卷靈徵二卷官氏二卷釋老一卷凡二十卷續于紀傳合一百三十卷分爲十二帙其史三十五例二十五序九十四論前後二表一啓焉武平三年薨贈司空尚書左僕射諡文貞既緣史筆多憾于人齊亡之歲收家被發棄其骨于外

魏書山偉傳國史自鄧淵崔琛崔浩高允李彪崔光以還諸人相繼撰錄恭備及偉等詔說上黨王天穆及爾朱世隆以爲國書正應代人修緝不宜委之餘人是以僞偉等更主大籍守舊而已初無述著故自崔鴻死後迄終偉身二十許年時事蕩然萬不記一後人執筆無所憑據史之遺闕偉之由也按此二十許年幸有溫子昇孝莊紀及列朝起居注不絕故猶得以藉手又有百家譜狀斟酌以成其書

史通正史篇齊天保二年敕秘書監魏收博采舊聞勒成一史又命刁柔辛元植房延祐陸仲讓裴昂之高孝幹等助其編次收所取史官權相凌忽故刁辛諸子並乏史才唯以髣髴學流憑附得進于是大徵百家譜狀斟酌以成魏書上自道武下終孝靜紀傳與志凡百三十卷收詔齊氏于魏室多不平既黨北朝又厚誣江左性情勝己喜念舊惡甲門盛德與之有怨者莫不被以醜言沒其善事遷怒所至毀及高曾書成始奏詔收于尚書

省與諸家論討前後列訴者百有餘人時尚書令楊遵彥一代貴臣勢傾朝野收撰其家傳甚美是以深被黨援諸訟史者皆獲重罰或有繫于獄中者羣怨謗聲不息孝昭世敕收更加研審然後宣布于外武成嘗訪諸羣臣猶云不實又令治改其所變易甚多由是世薄其書號爲穢史然今世稱魏史者猶以收本爲主焉

又稱謂篇曰元氏起於邊朔其君乃一部之酋長耳道武追崇所及凡二十八君自開闢已來未之有也而魏書序紀襲其虛號生則謂之帝死則謂之崩何異沐猴而冠腐鼠稱璞者矣又曰魏收遠不師古近非因俗自我作古無所憲章其撰魏書也乃以平陽王爲出帝魏孝武西入關侯宇文弼爲僭晉桓劉已下通曰烏夷夫其詔齊則輕抑關右黨魏則深誣江左愛憎出於方寸與奪由其筆端語必不經名惟駭物事非允當難以遵行如收之苟立詭名不依故實雖復刊諸竹帛終罕傳于諷誦也又書志篇云如休文宋籍廣以符瑞伯起魏篇加之釋老徒以不急爲務曾何足云

唐書經籍藝文志魏收後魏書一百三十卷宋史志同

崇文總目曰收詔于齊氏言魏室多所不平至隋開皇中敕魏澹更作魏史唐李延壽作北史並行于世與收史相亂因而卷第殊舛今所存僅九十餘篇

書錄解題曰今紀闕二卷傳闕二十二卷又三卷不全志闕天象二卷隋文帝命魏澹等更撰魏書九十二卷唐志又有張太素後魏書一百卷今皆不傳而收書獨行中興書目謂所闕太宗紀以澹書補之闕志以太素書補之

四庫提要曰收以是書爲世所詬厲號爲穢史今以收傳考之如云收受爾朱榮子金故滅其惡其實榮之凶悖收未嘗不書于冊至論中所云若修德義之風則韓彭伊霍夫何足數反言見意正史家之微詞指以虛褒似未達其文義又云楊愔高德正勢傾朝野收遂爲其家作傳其預修國史得陽休之之助因爲休之父固作佳傳案愔之先世爲楊椿楊津德正之先世爲高允高祐椿津之孝友亮節允之名德祐之好學實爲魏代聞人寧能以其門祚方昌遂引嫌不錄又云盧同位至儀同功業顯著不爲立傳崔綽位立功曹本無事跡乃爲首傳夫盧同希元义之旨多所誅戮後以义黨罷官不得云功業顯著綽以卑秩見重於高允稱其道德固當爲傳獨行者所不遺觀盧文詠辭徒以父位儀同綽僅功曹較量官秩之崇卑爭專傳附傳之榮辱魏書初定本虛同附見盧元傳崔綽自有傳後來載更審同立專傳綽改入附傳是亦未足服收也蓋收恃才輕薄有驚蜥蝶之稱其德望本不足以服衆又魏齊世近著名史籍者並有子孫孰不欲顯榮其祖父既不能一一如志遂諱

然羣起而攻平心而論人非南董豈信其一
字無私但互考諸書證其所著亦未甚遠于
是非穢史之說無乃已甚之詞乎李延壽修
北史多見館中墜簡參核異同每以收書爲
據其爲收傳論云勒或魏籍婉而有章繇而
不蕪志存實錄其必有所見矣

又簡明目錄曰魏書一百十四卷宋劉恕等
校定稱其亡佚不完者二十九篇書錄解題
又稱太宗紀補以魏澹書天文志補以張太
素書今本又闕卷十二孝靜帝紀卷十三皇
后傳不知以何書補亡以太平御覽所引魏
澹書校之疑亦取澹書也

後魏書一百卷著作郎魏彥深撰

隋書列傳魏澹字彥深鉅鹿下曲陽人也仕
齊歷周入隋爲著作郎太子學士高祖以魏
收所撰書褒貶失實平繪爲中興書事不倫
序詔澹別成魏史澹自道武下及恭帝爲十
二紀七十八傳別爲史論及例一卷並目錄
合九十二卷澹之義例與魏收多所不同又
曰澹所著魏書甚簡要大矯收繪之失上覽
而善之未幾卒時年六十五

史通正史篇隋開皇時敕著作郎魏澹與顏
之推辛德源更撰魏書矯正得失澹以西魏
爲真東魏爲僞故文恭列紀孝靖稱傳合紀
傳論例總九十二篇
又本紀篇云紀者既以編年爲主唯敘天子
一人有大事可書者則見之於年月其書事
委曲付之列傳此其義也如近代述者魏著

作李安平之徒其撰魏齊二史于諸帝篇或
雜載臣下或兼言他事巨細畢書洪纖備錄
全爲傳體有異紀文迷而不悟無乃太甚世
之譎者幸爲詳焉按隋書本傳載其序例第五條有
云司馬遷之意紀傳之體出自尚書不學春秋云故其
紀仿尚書與他家別爲一例

又雜說篇曰夫以暴易暴古人以爲嘍如彥
淵之改魏收也以非易非彌見其失矣而撰
隋史者稱澹大矯收失者何哉

唐日本國見在書曰後魏書百卷隋著作郎
魏彥撰放深字

唐書經籍志魏書一百七卷魏澹撰一本誤作
張大素撰

唐書藝文志魏澹後魏書一百七卷
宋史藝文志魏澹後魏書紀一卷本七卷章
氏考證曰本七卷語未詳澹帝紀本十二卷按本七卷者
謂本一百七卷放一百字耳

崇文總目後魏紀一卷隋魏澹撰澹退東魏
孝靜帝爲傳矯正收繪之失收天子名則書
太子名則諱澹諱皇帝名書太子字收諱太
武獻文之弑使同善終天年澹顯書之以懲
逆收書敵國皆曰死澹曰卒體裁簡正帝甚
善之然世以收史爲主故澹書亡闕今纔紀
一卷存

四庫提要曰太平御覽皇王部所載後魏書
帝紀多取魏收書而芟其字句重複太宗紀
亦與今本首尾符合其中轉增多數語夫御
覽引諸史之文有刪無增而此紀獨異其爲

收書之原本歟抑補綴者取魏澹書歟御覽
所引後魏書不專取一家如此書卷十二孝
靜帝紀亡後人所補而御覽所載孝靜紀與
此書體例絕殊又有西魏孝武紀文帝紀廢
帝紀恭帝紀則疑其取諸魏澹書又此書卷
十三皇后傳亡亦後人所補今以御覽相校
則字句多同惟中有刪節而未附西魏五后
當亦取澹書以足成之

按南史梁武帝本紀中大通六年是歲魏
孝武帝迫于其相高歡出居關中歡又別
奉清河王世子善見爲主是爲孝靜帝魏
于是始分爲兩孝武既至關中又與丞相
宇文泰不平未幾遇鳩而死按魏收仕東
魏入北齊北齊承東魏之後故據其統系
以東魏爲主魏澹仕周入隋隋承周周承
西魏故亦據其遞嬗以西魏爲主斯皆因
時世而各爲其是焉

陳書四十二卷訖宣帝陳吏部尚書陸瓊撰
陳書本傳瓊字伯玉吳郡吳人也博學善屬
文永定中州舉秀才太建中累遷太子中庶
子領大著作撰國史遷吏部尚書至德四年
卒年五十別詳後魏傳類嘉瑞記條
史通正史篇陳史初有吳郡顧野王北地傅
縉各爲撰史學士其武文二帝紀卽顧傅所
修太建初中書郎陸瓊續撰諸篇事傷煩雜
姚察就加刪改粗有條貫
按兩唐志載顧野王傅縉陳書各三卷而
是書不著錄

周史十八卷未成吏部尚書牛弘撰

隋書本傳弘字里仁安定鶉觚人也本姓賚氏父允魏侍中工部尚書臨涇公賜姓爲牛氏弘仕周襲爵隋開皇初授散騎常侍秘書監進爵奇章郡公授大將軍拜吏部尚書煬帝嗣位進位上大將軍右光祿大夫大業六年從幸江都十一月卒于江都郡年六十六贈文安侯諡曰憲

史通正史篇宇文周史大統年有秘書丞柳虬兼領著作直辭正色事有可稱至隋開皇中秘書監牛弘追撰周紀十有八篇略敘紀綱仍皆抵忤又世家篇云子顯齊書北編魏虜牛弘周史南紀蕭管考其傳體宜曰世家但近古著書通無此稱用使馬遷之目湮沒不行班固之名相傳靡易又浮詞篇云若乃心挾愛憎詞多出沒則魏收牛弘是也原注周史載元行恭等此本牛弘所撰也

右六十七部三千八十三卷通計亡書合八十部四千三十卷實在著錄六十七部附著亡書十四部通計八十二部

按是類劉顯漢書音二卷姚察漢書集解一卷定漢書疑二卷無名氏漢疏四卷盧宗道魏志音義一卷又梁有劉孝標注漢書一百四十卷王詔後漢林二百卷章闡後漢音二卷鄭忠晉書七卷宋文明中所撰宋書六十一卷凡十部章氏考證皆不載

隋書經籍志考證卷十二

史部二

古史類

紀年十二卷汲冢書並竹書同異一卷

晉書武帝本紀咸寧五年冬十月汲郡人不準掘魏襄王家得竹簡小篆古書十餘萬言藏於祕府

又東晉傳初太康二年汲郡人不準盜發魏襄王家或言安釐王家得竹書數十車大凡七十五篇七篇簡書折壞不識名題漆書皆科斗字初發冢者燒策照取寶物及官收之多燼簡斷札文既殘缺不復詮次武帝以其書付祕書校綴次第尋考指歸而以今文寫之哲在著作得觀竹書隨疑分釋皆有義證其紀年十三篇記夏以來至周幽王爲犬戎所滅以事接之三家分仍述魏事至安釐王之二十年蓋魏國之史書大略與春秋皆多相應其中經傳大異則云夏年多股益干啓位啓殺之太甲殺伊尹文丁殺季歷自周受命至穆王百年非穆王壽百歲也幽王既亡有共伯和者攝行天子事非二相共和也杜預春秋左氏經傳集解後序曰太康元年三月吳寇始平余自江陵還襄陽解甲休兵乃申抒舊意修成春秋釋例及經傳集解始迄會汲郡汲縣有發其界內舊冢者大得古書皆簡編科斗文字發冢者不以爲意往往散亂科斗書久廢推尋不能盡通始者藏在祕府余晚得見之所記大凡七十五卷多雜

碎怪妄不可訓知周易及紀年最爲分了其紀年篇起自夏殷周皆三代王事無諸國別也唯特紀晉國起自殤叔次文侯昭侯以至曲沃莊伯莊伯之十一年十一月魯隱公之元年正月皆用夏正建寅之月爲歲首編年相次晉國滅獨記魏事下至魏哀王之二十年蓋魏國之史記也推校哀王二十年是周赧王之十六年上去孔丘卒百八十一歲下去今太康三年五百八十一歲哀王二十三年乃卒故特不稱諡謂之今王其書文意大似春秋經推此足見古者國史策書之常也諸所記多與左傳符同異於公羊穀梁知此二書近世穿鑿非春秋本意審矣雖不皆與史記尙書同然參而求之可以端正學者紀年又稱殷仲壬卽位居亳其卿士伊尹仲壬崩伊尹放太甲於桐乃自立也伊尹卽位放太甲七年太甲潛出自桐殺伊尹乃立其子伊陟伊奮命復其父之田宅而分之左氏傳伊尹放太甲而相之卒無怨色然則太甲雖見放還殺伊尹而猶以其子爲相也此爲大與尙書敘說太甲事乖異不知老叟之伏生或致昏忘將此古書亦當時雜記未足以取審也爲其粗有益於左氏故略記之本志篇敘曰晉太康元年汲郡人發魏襄王家得古竹簡書字皆科斗帝命中書監荀勗令和嶠撰次爲十五部八十七卷唯周易紀年最爲分了

唐書經籍志紀年十四卷汲冢書唐藝文志同

宋史文藝志竹書三卷荀勗和嶠編

玉海藝文曰竹書紀年崇文目不著錄中興書目止有第四第六及雜事三卷下皆標云荀氏敘錄一紀年二紀令應三雜事皆殘缺按此所載唯第一卷是本書餘皆非

四庫提要曰竹書紀年二卷題沈約注反覆推勘似非束皙杜預郭璞及隋時所見本又非酈道原創劉幾李善瞿曇悉達司馬貞楊士勛王存羅泌羅萃鮑彪董道所見本豈亦明人鈔合諸書爲之歟沈約注外又有小字夾行之注不知誰作約注唯五帝三王最詳而皆全鈔宋書符瑞志語約不應既著於史又不易一字移而爲此本之注然則此注亦依托耳自明以來流傳已久姑錄之以備一說其僞則終不可掩也按今通行廣東刊本提要云汲冢古書七十五篇中有竹書紀年十三篇今世所行題沈約注亦與隋志相符又簡明目錄云是書由汲冢人發冢而得晉書具載其事沈約作注隋志亦載其名按隋志實無沈約作注之文提要及簡明目錄此數語皆與下文辨駁之語不合必有致誤

錢大昕養新錄曰今本竹書紀年乃宋以後人僞托非晉時所得之本又曰水經注引竹書紀年之文其於春秋時皆紀晉君之年三家分晉以後則紀魏君之年未有周王年者蓋古者列國皆有史官紀年之體各用其國之年孔子修春秋亦用其法今俗本紀年改用周王之年分注晉魏於下此例起於紫陽綱目唐以前無此式也況在秦漢以上

乎唯明代人空疏無學而好講書法乃有此等迂謬之識故愚以爲是書必明人所書宋龜氏陳氏馬氏書目皆無此書知非宋人僞撰也又曰此書蓋采摭諸書所引補湊成之如水經注所引無年月者則注云不知是何年漢書臣瓚注所引無年月者則注云此年未的如系古本如此則紀年歷歷何云未的又云不知何年耶又曰相傳附注出於沈約而梁書南史沈約傳俱不言曾注紀年隋唐志載紀年亦不言沈約有附注則紀年未嘗有注也又曰附注多采宋書符瑞志宋書約所撰故注亦托名休文作僞者之心如此又曰紀年實始於夏后今本乃始於黃帝亦後人僞托之一證又曰史記正義括地志引竹書云堯堯德衰爲舜所囚也又曰舜囚堯復偃塞丹朱使不與父相見也今紀年爲宋以後人所撰故不取囚堯偃塞朱之說按錢氏證明今本紀年之妄凡六條見養新錄卷十三今約略錄存於此

按竹書紀年宋時僅存殘雜本三卷中與書目及宋志所載者是也晁志陳錄馬考皆無其目錢氏已言之此外如明文淵閣書目世善堂書目亦無此書是明代並此三卷亦亡矣而獨見於范氏天一閣書目云竹書紀年二卷梁沈約附注明司馬公訂刊板藏閣中司馬公者謂其遠祖范欽欽字堯卿嘉靖十一年進士官兵部右侍郎即天一閣主人也乃知今本二卷稱沈

約注者爲欽所輯錄其小字夾行之注亦欽所爲也欽嘗刊入二十種奇書吳瑄趙標輩紛紛傳刻世遂有此一本提要及養新錄皆證爲明人作僞不知作僞者乃鄧人范欽也其後孫之駿之考定徐文靖之統箋洪頤煊之校正林春溥之補證陳詩之集注雷學淇之考訂張宗泰趙紹祖之校補韓怡之辨正陳逢衡之集證鄭環之考證遞相纂述皆未嘗以爲汲冢原書亦未嘗不取范本而勘訂之而不知即出范氏也范與鄧人豐坊同時坊僞作石經大學子貢詩傳申培詩說詭言古本以欺世范亦僞作此書以自欺欺人其附沈約之注別無他據唯欲以奇書炫俗耳

漢紀三十卷魏祕書監荀悅撰按魏當爲漢

後漢書荀淑傳淑潁川潁陰人也子儉早卒儉子悅字仲豫年十二能說春秋初辟鎮東將軍曹操府遷黃門侍郎獻帝頗好文學悅與從弟彧及少府孔融侍講禁中且夕談論累遷祕書監侍中帝好典籍常以班固漢書文祿難省乃令悅依左氏傳體以爲漢紀三十篇詔尙書給筆札辭約事詳論辨多美年六十二建安十四年卒悅自敘略曰先王以光演大業肆於時夏亦唯翼翼以監厥後永世作典夫立典有五志焉一曰達道義二曰彰法式三曰通古今四曰著功勳五曰表賢能于是天人之際事物之宜粲然顯著罔不備矣臣悅職監祕書攝

官承乏祇奉明詔竊惟其宜謹約撰舊書通而敘之總為帝紀列其年月比其時事撮要舉凡存其大體旨少所闕務從省約以副本書以為要結

漢紀目錄曰凡漢紀十二世十一帝通王莽二百四十二年建安元年上巡省幸許昌以鎮萬國外命元輔征討不庭內齊七政允亮聖業綜練典籍兼覽傳記其三年詔給事中祕書監荀悅鈔撰漢書假以不直尙書給紙筆虎賁給書吏悅于是約集舊書撮序表志總為帝紀凡在漢書者大略粗舉其紀傳所遺闕者差少而表志勢有所不能盡凡為三十卷數十餘萬言省約易習無妨本書有便于用其旨云爾會悅遷為侍中其五年書成乃奏記云 按此見漢紀卷末目錄之後不知何人所作其文凡七百餘言其體大似劉向別錄王儉七志之文後人錄入卷後者歟王氏鳴盛十七史商榷云篇首當言十一世十二帝通王莽二百三十年今云云者誤又自序是書成于建安五年袁宏後漢紀乃系之建安十年亦誤

張璠後漢紀曰悅清虛沈靜善于著述建安初被詔刪漢書作漢紀三十卷因事以明臧否致有典要其書大行于世 史通六家左傳篇曰當漢代史書以遷固為主而紀傳互出表志相重于文為煩頗難周覽至孝獻帝始命荀悅撮其書為編年體依左傳著漢紀三十篇自是每代國史皆有斯作起自後漢至于高齊如張璠孫盛干寶徐

賈當是徐廣裴子野吳均何之元王仰等其所著書或謂之春秋或謂之紀或謂之略或謂之典或謂之志雖名各異大抵皆依左傳以為的準焉 又二體篇曰荀悅依左氏成書翦截班史篇才三十歷代褒之有踰本傳按本傳似當為本書謂班書也 然則班荀二體角力爭先欲廢其一固亦難矣後來作者不出二途故晉史有王虞而副以干紀宋書有徐沈而分為表略各有其美並行於世 按竹書紀年而外漢魏以來為編年史者荀紀為之首故史通論六家二體並詳著之

唐書經籍志漢紀三十卷荀悅撰 唐書藝文志荀悅漢紀三十卷宋史志同 晁氏讀書志荀悅漢紀三十篇凡八萬三千四百三十二字辭約事該時稱嘉史 四庫提要曰史通六家篇以悅書為左傳家之首二體篇又稱其歷代寶之有逾本傳其推之甚至故唐人試士以悅紀與史漢為一科宋李燾跋曰悅為此紀固不出班書亦時有所刪潤而諫大夫王仁侍中王闓疏班書皆無之王銍作兩漢紀後序亦稱荀袁二紀於朝廷紀綱禮樂刑政治亂成敗忠邪是非之際指陳論著每致意焉反復辨達明白條暢啓告當代而垂訓無窮是宋人亦甚重其書也其中若壺關三老茂漢書無姓悅書云姓令狐朱雲請尙方劍漢書作斬馬悅紀乃作斷馬證以唐張渭詩願得上方斷馬劍斬取朱門公子頭句知漢書字誤資考證者

亦不一 後漢紀三十卷袁彥伯撰 袁彥伯名宏有集議孝經見經部孝經類 宏自序略曰嘗讀後漢書煩穢雜亂聊以暇日撰集為後漢紀其所授會漢紀謝承書司馬彪書華嶠書謝忱書漢山陽公紀漢靈獻起居注漢名臣奏旁及諸郡耆舊先賢傳凡數百卷前史闕略多不次敘錯謬同異誰使正之經營八年疲而不能定頗有傳者始見張璠所傳書其言漢末之事差詳故復探而益之

晉書文苑傳撰後漢紀三十卷傳于世 史通正史篇晉東陽太守袁宏鈔撮漢氏後書依荀悅體著後漢紀三十篇世言漢中興史者唯袁范二家而已 唐書經籍志後漢紀三十卷袁宏撰 唐書藝文志袁宏後漢紀三十卷 宋史志同 晁氏讀書志宏在晉末為一時文宗性強直雖為桓溫禮遇每不阿屈以東京史籍不倫謝承司馬彪之徒錯謬同異無所取正惟張璠紀差詳因參摭紀傳以損益之比諸家號為精密 四庫簡明日錄曰其體例全仿荀悅書其取材則以張璠漢紀為主而以謝承以下諸家益之今以三國志注後漢書注所引璠書互校其異同詳略之處皆以此書為長知其翦裁點竄具有史才非苟作者矣又提要曰荀悅書因班固舊文翦裁聯絡此書則抉擇去

取自出鑿裁抑又難于悅矣劉知幾稱袁范
二家以配蔚宗非溢美也

後漢紀三十卷張璠撰

張璠有周易集解見經部易類

魏志三少帝紀注臣松之案張璠晉之令史
出爲官長撰後漢紀雖以未成辭藻可觀
史通二體篇曰荀悅張璠丘明之黨也班固
華嶠子長之流也唯此二家各相矜尙

唐書經籍志後漢紀三十卷張璠撰

唐書藝文志張璠後漢紀三十卷

四庫提要曰隋志載璠書三十卷今已散佚
惟三國志注及後漢志注間引數條章氏考證
云世說注亦引璠紀

嚴可均全晉文編曰張璠安定人爲祕書郎
參著作有後漢紀三十卷御覽五百六十二

蜀志劉二牧傳注並引後漢紀論各一條

孫祠書目張璠後漢紀一卷章宗源集本

獻帝春秋十卷袁曄撰

吳志陸瑁傳瑁丞相遜弟也少好學篤義陳
國陳融廣陵袁迪等皆單貧有志就瑁游處
裴松之曰迪孫曄字思光作獻帝春秋云迪
與張紘等俱過江迪父綏爲太傅掾張超之
討董卓以綏領廣陵事

唐書經籍志漢獻帝春秋十卷袁曄撰

唐書藝文志袁曄漢獻帝春秋十卷

侯康補三國藝文志曰裴松之注作袁曄所
引凡二十餘條深不滿其書如袁紹傳注云
樂資袁曄之徒竟爲何人未能識別然否而

魏氏春秋二十卷孫盛撰

輕弄翰墨妄生異端以行其書正足以誣罔
視聽疑誤後生實史籍之罪人遠學之所不
取者也馬超傳注云袁曄樂資等諸所記載
穢雜虛謬殆不可勝言也及荀彧傳注斥其
虛罔張紘傳注譏其虛錯皆毀詆之辭
章氏考證曰續漢五行志注百官志注水經
濁漳水注文選西征賦注與陳伯之書注三
國志注後漢書注太平御覽共引數十事

晉書本傳盛字安國太原中都人避難渡江

起家佐著作郎歷爲陶侃庾亮庾翼桓溫參

軍與溫平蜀賜爵安懷縣侯又從入關平洛

以功進封吳昌縣侯累遷祕書監給事中年

七十二卒盛篤學不倦自少至老手不釋卷

著魏氏春秋

史通題目篇曰孫盛有魏氏春秋孔衍有漢

魏尙書此皆好奇厭俗習舊捐新雖得稽古

之宜未達從時之義

唐書經籍志魏武春秋二十卷孫盛撰

唐書藝文志孫盛魏武春秋二十卷章宗源
曰武字讓

錢大昕三國志考異曰裴松之注所引書有

孫盛異同評或作異同雜語又作異同記又

作雜記其實一書也

嚴可均全晉文編曰孫盛有魏氏春秋三國

志注引魏氏春秋評凡四十三條又引魏氏

春秋異同評十條

章氏考證唐志有魏陽秋異同八卷孫壽撰

隋志不著錄按諸書所引或題孫盛異同雜
語孫盛異同評孫盛評或稱孫盛雜語省異
同二字唐志孫壽當是孫盛之誤

沈濤銅熨斗齋隨筆曰孫盛傳著魏氏春秋

晉陽秋濤案盛避晉鄭太后諱改春秋爲陽

秋則魏氏春秋亦當改爲陽秋今隋志仍作

春秋當是後人追改

魏紀十二卷左將軍陰澹撰按本志之例唯隋官則不
書時代此當有晉字

晉書張軌傳永寧初軌出爲護羌校尉涼州

刺史威著西州化行河右以宋配陰充汜瑗

陰澹爲股肱謀主又隱逸傳索襲敦煌人也

虛靖好學不應州郡之命張茂時敦煌太守

陰澹奇而造焉

北堂書鈔設官部王隱晉書曰陰澹弱冠州

請爲治中從事

唐書經籍志魏紀十二卷魏澹撰

唐書藝文志魏澹魏紀十二卷

章氏考證魏志陳思王傳注引植銅雀臺賦

題陰澹魏紀思按澹晉代人故所撰史見引

于裴松之兩唐志訛作隋魏澹通志藝文略

同誤然隋志題左將軍官晉史亦未詳

按陰氏有武威敦煌二族亦是涼州著姓

張軌時陰充及澹旣爲謀主又有將軍陰

澹張實時有前鋒督護陰預張茂時有寧

羌護軍陰鑒張駿時有從事陰據陰氏仕

西涼張氏見於史者凡六人時中原淪沒

江左隔絕其爲左將軍敦煌太守皆張氏

所授官也

漢魏春秋九卷孔舒元撰

孔舒元名衍有凶禮一卷見經部禮類

唐書經籍志雜史類漢春秋十卷後漢春秋

六卷後魏春秋九卷孔衍撰

唐書藝文志雜史類孔衍漢春秋十卷後漢

春秋六卷後魏春秋九卷

章氏考證後漢書明帝紀注太平御覽兵部

引二事並題漢春秋魏志武紀注三少帝紀

注楚王彪傳注蜀志先主傳注黃權傳注劉

璋傳注文選三國名臣贊注北堂書鈔武功

部御覽人事部飲食部共引十一事題漢魏

春秋孔衍或作演

按漢魏春秋兩唐志作後魏春秋後字似

漢字之誤孔氏既撰漢春秋後漢春秋而

此更云漢魏者殆以托始魏武在漢獻帝

之世故歟

晉紀四卷陸機撰

陸機有吳章篇見經部小學類

初學記文部史傳篇陸士衡晉書限斷議曰

三祖實終爲臣故書爲臣之事不可如傳此

實錄之謂也而名同帝王故自帝王之籍不

可以不稱紀則追王之義

文心雕龍史傳篇曰晉代之書繁乎著作陸

機肇始而未備

史通正史篇晉史洛京時著作郎陸機始撰

三祖紀又本紀篇曰陸機晉書列紀三祖直

序其事竟不編年年既不編何紀之有又曲

筆篇曰亦有事每憑虛詞多烏有如陸機晉
史虛張拒葛之鋒

唐書經籍志晉帝紀四卷陸機撰

唐書藝文志陸機晉帝紀四卷

章氏考證太平御覽職官部人事部兵部並

引武紀初學記帝王部引文紀論文部引陸

機限斷議

晉紀二十三卷干寶撰訖愍帝

干寶有周易注見經部易類

晉書本傳中興草創未置史官中書監王導

上疏宜建立國史撰集帝紀備史官敕佐著

作郎干寶等漸就撰集元帝納焉寶於是始

領國史著晉紀自宣帝訖于愍帝五十三年

凡二十卷奏之其書簡略直而能婉成稱良

史

文選晉紀論武帝革命注何法盛晉書曰干

寶撰晉紀起宣帝迄愍五十二年評論切中

咸稱善之

史通正史篇尙書郎領國史干寶撰晉紀自

宣訖愍七帝五十二年凡二十三卷其書簡

略直而能婉甚爲當時所稱 又載言篇曰

昔干寶撰晉史以爲宜準丘明其臣下委

曲仍爲補注于時議者莫不宗之 又二體

篇云干寶著書盛譽丘明而深抑子長 又

序例篇云唯令升先覺遠述邱明重立凡例

勒成晉紀鄧孫以下遂躡其蹤史例中興于

斯爲盛 又書事篇曰昔荀悅有云立典有

五志焉而干寶之釋五志也體國經野之言

則書之用兵征伐之權則書之忠臣烈士孝
子貞婦之節則書之文誥專對之辭則書之
才力技藝殊異則書之

唐書經籍志晉紀二十二卷干寶作又六十

卷干寶撰劉協注章宗源曰梁書劉昭伯父形

集衆家晉書注干寶晉紀四十卷史通亦作劉彤唐志作

劉協恐誤

唐書藝文志干寶晉紀二十二卷劉協注干

寶晉紀六十卷又正史類干寶晉書二十二

卷

章氏考證干寶論武帝革命及晉紀總論昭

明列于文選房喬修晉書全取總論而微有

刪節魏志三少帝紀注曹爽傳注陳泰傳注

世說賢媛篇注方正篇注皆引之選注所引

有武紀惠紀懷紀愍紀北堂書鈔設官部引

一事題晉總紀唐志正史類又有干寶晉書

二十二卷自是重出

晉紀十卷晉前軍諮議曹嘉之撰

魏志楚王彪傳彪武皇帝子也嘉平元年自

殺國除爲淮南郡正光元年詔封彪世子嘉

爲常山真定王臣松之案嘉入晉封高邑公

元康中與石崇俱爲國子博士嘉後爲東莞

太守王隱晉書載吏部郎李重啓云魏氏宗

室屈滯每聖恩所存東莞太守曹嘉才幹學

義不及志翁而良素修潔性業踰之又已歷

二郡臣以爲優先代之後可以嘉爲員外散

騎侍郎

唐書經籍志晉紀十卷曹嘉之撰

唐書藝文志曹嘉之晉紀十卷

章氏考證魏志楚王彪傳注引王隱晉書作曹嘉無之字北堂書鈔設官部亦引此事作曹嘉之世說方正篇注引曹嘉之晉紀賞譽篇注文選思舊賦注顏延年五君詠注阮嗣宗勸進表注張華女史箴注初學記職官部書鈔天部設官部藝文類聚職官部御覽職官部人事部共引十一事並作曹嘉之

漢晉陽秋四十七卷訖愍帝晉榮陽太守習鑿齒撰

晉書本傳鑿齒字彥威襄陽人也宗族富盛世爲鄉豪鑿齒少有志氣博學洽聞荊州刺史桓溫辟爲從事轉西曹主簿遷別駕使至京師忤溫旨左遷戶曹參軍出爲榮陽太守是時溫覬覦非望鑿齒在郡著漢晉春秋以裁正之起漢光武終于晉愍帝于三國之時蜀以宗室爲正魏武雖受漢禪晉尙爲篡逆至文帝平蜀乃爲漢亡而晉始興焉引世祖諱炎興而爲禪受明天心不可以勢力強也凡五十四卷後以脚疾廢于里巷及襄陽陷于苻堅與道安俱輿而致焉俄以疾歸尋而襄鄆反正朝廷欲徵鑿齒使典國史會卒不果

世說文學篇習鑿齒史才不常宜武甚器之末三十便用爲荊州治中鑿齒謝朓亦云不遇明公荊州老從事耳後至都見簡文返命宣武問見相王何如答云一生不曾見此人從此忤旨出爲衡陽郡性理遂錯於病中猶

作漢晉春秋品評卓逸注引續晉陽秋曰鑿齒少而博學才情秀逸溫甚奇之自州從事歲中三轉至治中後以忤旨左遷戶曹參軍衡陽太守在郡著漢晉春秋斥溫覬覦之心也

史通探蹟篇鑿齒以魏爲僞國者蓋定邪正之途明順逆之理耳而檀道鸞稱其當桓氏執政故撰此書欲以絕彼瞻烏防茲逐鹿歷觀古之學士爲文以諷其上者多矣若齊問失德豪士于焉作賦賈后無道女史由之獻箴斯皆短篇小什可率爾而就也安有變三國之體統改五行之正朔勒成一史傳諸千載而藉以權濟物議取誠當時豈非勞而無功博而非要與夫班彪王命一何異乎求之人情理不當爾

又直書篇曰當宣景開基之始曹馬構紛之際或列營渭曲見屈武侯或發仗雲臺取傷成濟陳壽王隱咸杜口而無言陸機虞預各栖毫而靡述至習鑿齒乃申以死葛走達之說抽戈犯蹕之言歷代厚誣一朝如雪考斯人之書事蓋近古之遺直歟又論贊篇云孫安國都無足采習鑿齒時有可觀

唐書經籍志漢晉陽春秋五十四卷習鑿齒撰按春字衍

唐書藝文志習鑿齒漢晉春秋五十四卷章氏考證魏志三少帝紀注劉表傳注蜀志先主傳注諸葛亮傳注劉璋傳注二主妃子傳注類聚祥瑞部御覽兵部人事部並引之

春秋作陽秋者晉避簡文太后諱也 經義考 擬經篇周密曰簡文鄭后諱阿春故以春秋爲陽秋

晉紀十一卷訖明帝晉荊州別駕鄧粲撰

晉書列傳鄧粲長沙人少以高潔著名與南陽劉麟之南郡劉尚公同志友善並不應州郡辟命荊州刺史桓冲卑辭厚禮請粲爲別駕粲嘉其好賢乃起應召後患足疾不能朝拜求去職不聽令臥視事後以病篤乞骸骨許之粲以父竊有忠信言而世無知者乃著元明紀十篇注老子並行於世

文心雕龍史傳篇案春秋經傳舉例發凡自史漢以下莫有準的至鄧粲晉紀始立條例又擺落漢魏憲章殷周雖湘川曲學亦有心典謨及安國立例乃鄧氏之規焉

史通序例篇曰唯令升遠述丘明重立凡例鄧孫已下遂躡其蹤史例中興於斯爲盛必定其臧否徵其善惡于寶範擘理切而多功鄧粲道鸞詞煩而寡要又正史篇曰晉江左史自鄧粲以下相次繼作遠則偏記兩帝浦起龍通釋曰按東晉凡十一帝鄧粲止撰元明紀是遠兩帝也

唐書經籍志晉紀十一卷鄧粲撰

唐書藝文志鄧粲晉紀十一卷章氏考證世說注引鄧粲紀二十餘事其實譽篇注咸和中貴游子弟慕王平子謝幼輿爲達卜壺欲泰治之接咸和成帝年號是粲所紀不止訖于明帝御覽人事部張華多鬚以帛纏之陸雲見之笑不能止華雲皆卒於

惠帝時元明紀中不宜載之唐志彙記十一卷之外又有彙晉陽秋三十二卷舊唐志十二卷彙不聞撰晉陽秋當是誤增按唐志載晉陽秋實孫盛之誤詳見于後又于今升史例有云臣下委曲仍為補注史通載言篇言之已詳則凡為編年史者皆有附注章氏所舉御覽人事部引始興太守尹虞手劍功曹一事原注云尹虞字任卿長沙人也章氏謂此注未審撰人蓋與成帝惠帝時事皆郭氏本書原注史通補注篇所謂除煩則意有所憊畢載則言有所妨遂乃定彼樣格列為子注者是也

晉陽秋三十二卷訖哀帝孫盛撰

孫盛有魏氏春秋見前

晉書本傳盛著晉陽秋詞直而理正咸稱良史既而桓溫見之怒謂盛子曰枋頭誠為失利何至乃如尊君所說若此史遂行自是關君門戶事其子遠拜謝謂請刪改之時盛年老還家性方嚴有軌憲雖子孫班白而庭訓愈峻至此諸子乃共號泣稽顙請為百口切計盛大怒諸子遂竊改之盛寫定兩本寄于慕容儁太元中孝武帝博求異聞始于遼東得之以相考校多有不同書遂兩存子潛放潛豫章太守放長沙相按所謂竊改一本者大抵皆潛及放所為也

文心雕龍史傳篇曰孫盛陽秋以約舉為能又曰安國立例乃鄧氏之規焉

史通直書篇曰夫為于可為之時則從為于不可為之時則凶如董狐之書法不隱趙盾之為法受屈彼我無忤行之不疑然後能成

其良直擅名今古至若齊史之書崔弒馬遷之述漢非章昭仗正于吳朝崔浩犯諱于魏國或身膏斧鉞取笑當時或書填坑窖無聞後代夫世事如此而責史臣不能申其強項之風勵其匪躬之節蓋亦難矣是以張儼發憤私存嘿記之文孫盛不平竊撰遼東之本以茲避禍幸獲兩全足以驗世途之多隘知實錄之難遇耳

又模擬篇曰孫盛魏晉二陽秋每書年首必云某年春帝正月夫年既編帝紀而月又列帝名以此而擬春秋所謂貌同而心異也唐日本國見在書目晉陽秋三十卷訖哀帝孫盛撰

唐書經籍志晉陽春秋二十二卷鄧粲撰按此以孫盛誤為鄧粲又誤衍春字又三十二卷誤為二十二卷

唐書藝文志鄧粲晉陽秋三十二卷按此亦沿誤作鄧粲唯書名卷數不誤又曰孫盛晉陽秋二十二卷按此亦傳譌作二十二卷

宋史藝文志孫盛晉陽春秋三十卷亦衍春字玉海藝文類中與書目晉陽秋孫盛撰隋志本三十二卷今止存宣帝一卷懷帝下一卷唐人所書康帝一卷餘亡

章氏考證世說方正篇注引諸葛亮遺高祖巾幘欲以激怒冀獲曹咎之利史通浮辭篇止稱王隱讒言而不及孫盛自是所考未精按此見敘事篇非浮辭篇也且王書在前孫書在後史通據始見何得云未精 御覽皇王部引元石圖有

牛繼馬後恭妃通小吏牛金而生元帝孫盛先有是言史通獨譏沈約誤也按此見雜說篇因魏收據沈約晉書載之魏書司馬觀傳故史通並言之謂沈約不當書此不經之說也亦不得謂之誤蜀志譙周傳注吳志孫皓傳注水經河水注通典禮門文選求為諸孫置守冢表注皆引之初學記職官部引中與書稱盛著三國陽秋三國二字未詳按三國陽秋似即魏陽秋之別名

晉紀二十三卷宋中散大夫劉謙之撰

宋書劉康祖傳康祖彭城呂人世居京口伯父簡之簡之弟謙之好學撰晉紀二十卷義熙末為始興相東海人徐道期流寓廣州率羣不逞作亂攻沒州城出攻始興謙之討平之即以爲振威將軍廣州刺史後爲太中大夫

唐書經籍志晉紀二十卷劉謙之撰唐書藝文志劉謙之晉紀二十卷

章氏考證世說政事文學方正賞譽汰侈言語諸篇注文選干寶晉紀總論注書鈔藝文部設官部御覽飲食部共十事並引劉謙之晉紀

晉紀十卷宋吳興太守王韶之撰

宋書本傳韶之字休泰琅邪臨沂人曾祖虞晉驃騎將軍韶之家貧父偉之爲烏程令因居縣境好史籍博涉多聞初爲衛將軍謝琰行參軍偉之少有志尚當世詔命表奏輒自書寫泰元隆安時事小大悉撰錄之韶之因此撰晉安帝陽秋既成時人謂宜居史職即

除著作佐郎使續後事訖義熙九年善敘事辭論可觀爲後代佳史又曰詔之爲晉史敍王珣貨殖王廩作亂珣子弘厥子華並貴顯詔之懼爲所陷深結徐羨之傅亮等元嘉十二年由祠部尙書給事中爲吳興太守其卒年五十六

又曰荀伯子穎川穎陰人也少好學博覽經傳著作郎徐度重其才學舉伯子及王韶之並爲佐郎助撰晉史及著桓玄等傳 按此稱徐度似徐廣之誤

南史蕭韶傳湘東王曰昔王韶之爲隆安紀十卷說晉末之亂離

文心雕龍史傳篇至於晉代之書繇乎著作陸機肇始而未備王韶續末而不終 按史通晉陸紀列紀三祖或未及于武帝故云肇始未備又義熙十四年其後又有恭帝元熙二年始禪位于宋此紀止于義熙九年故云續末不終

唐書經籍志崇安記十卷王韶之撰唐書藝文志雜史類王韶之崇安記十卷

章氏考證按世說注初學記所引並題韶之晉安帝紀新舊唐志則稱韶之崇安記他書徵引大抵皆安帝事故題晉安帝紀義熙改元隆安當云安帝改元隆安此誤唐志諱隆故作崇類聚人部御覽職官部獸部竹部香部引四事題續晉安帝紀獸部一事吳淑事類賦注亦引之題續書林晉安帝紀書林二字未詳兩唐志又有周祗撰崇安記二卷

晉紀四十五卷宋中散大夫徐廣撰

徐廣有毛詩背隱義見經部詩類

宋書晉書本傳義熙初轉員外散騎常侍領著作郎二年尙書奏自皇代有造中興晉祀有造中興記者道風帝典煥乎史冊而太和以降世歷三朝臣等參詳宜敕著作郎徐廣撰成國史詔曰先朝至德光被未著方策宜流風緬代永貽將來者也便敕撰集十二年晉紀成凡四十六卷表上之因乞解史任不許遷祕書監 按晉書本傳稱有造中興記者或即劉謙之晉紀亦訖于哀帝者歟

唐書經籍志晉紀四十五卷徐廣撰唐書藝文志徐廣晉紀四十五卷

章氏考證世說政事篇注引一事題徐廣歷記歷乃晉字之誤雅量篇注水經河水注引廣記初學記服食部引一事題徐廣晉志御覽飲食部引作紀又晉書徐廣傳廣字行思引貞觀修書詔云行思勞而少功一若曠有可據者今考晉書實云廣字野民唐詔稱行思蓋指謝沈沈撰晉書三十餘卷見本傳行思沈字也

按史言太和以降世歷三朝者乃海西公五年簡文帝二年孝武帝二十五年此三朝總三十二年其前爲哀帝有孫盛晉陽秋其後爲安帝有王韶之隆安紀及檀道鸞續晉陽秋郭季產續晉紀兩晉編年之史本志所錄猶完備無缺焉

續晉陽秋二十卷宋永嘉太守檀道鸞撰南史文學檀超傳超高平金鄉人也超叔父道鸞字萬安位國子博士永嘉太守亦有文

學撰續晉陽秋二十卷

史通雜說篇王檀著書是晉史之尤劣者方諸前代其陸賈褚先生之比歟道鸞不揆淺才好出奇語所謂欲益反損求妍更媿者歟唐書經籍志晉陽秋二十卷檀道鸞撰唐書藝文志檀道鸞晉春秋二十卷

章氏考證史通外篇云劉遺民曹續皆於檀氏春秋有傳至於今晉書則了無其人愚按道鸞編年書不宜言有傳 按此亦膠柱之言劉遺民即劉驥之今晉書列隱逸傳史通誤也世說德行篇注陳仲弓造荀淑太史奏德星聚事在炎漢而稱道鸞晉史未詳其義 按此亦刻舟之見開元占經所引則皆日蝕星移之徵舊唐志作注注當爲續新志作晉陽秋脫續字

續晉紀五卷宋新興太守郭季產撰唐書經籍志晉續記五卷郭季產撰唐書藝文志郭季產晉續紀五卷章氏考證舊唐志作郭季產晉續紀新志作季產

按郭季產始末未詳唯宋書蔡興宗傳前廢帝時領軍王玄謨有所親故吏郭季產殆即其人又地理類有郭仲產湘州記一卷新唐志又有郭仲產荆州記二卷仲產江陵人或即其兄季產是書殆即續徐廣之紀者歟

宋略二十卷梁通直郎裴子野撰裴子野有喪服傳見經部禮類

梁書本傳初子野曾祖松之宋元嘉中受詔續修何承天宋史未及成而卒子野常欲繼成先業及齊永明末沈約所撰宋書既行子野更刪撰爲宋略二十卷其敘事評論多善約見而歎曰吾弗逮也蘭陵蕭琛北地傳昭汝南周捨咸稱重之時中書范縝上表曰伏見前冠軍府錄事參軍河東裴子野家傳素業世習儒史苑囿經籍游息文藝著宋略二十卷彌綸首尾勒成一代屬辭比事有足觀者

南史裴松之附傳沈約所撰宋書稱松之已後無聞焉子野更撰爲宋略其敘事評論多善而云戮淮南太守沈璞以其不從義師故也約懼徒跌謝之請兩釋焉歎其述作曰吾弗逮也蘭陵蕭琛言其評論可與過秦王命分路揚鑣於是吏部尙書徐勉言之於武帝以爲著作郎

史通正史篇曰世之言宋史者以裴略爲上沈書次之又論贊篇云大抵史論皆華多於實理少於文必擇其善者則干寶范曄裴子野是其最也

又雜說篇曰裴幾原刪略宋史定爲二十篇斐煩撮要實有其力而所錄文章頗傷蕪穢如文帝除徐傅官詔徐羨之傳亮也顏延之元后哀册文顏峻討二凶檄孝武擬李夫人賦裴松之上注國志表孔熙先罪許曜詞凡此諸文是尤不宜載者向若除此數文別存他說則宋年美事遺略蓋寡何乃應取而不取

宜除而不除乎但近代國史通多此累若裴氏者衆作之中所可與言史者故偏舉其事以申掎摭云

唐書經籍志宋略二十卷裴子野撰

唐書藝文志裴子野宋略二十卷宋史藝文志同

按是書見載宋志而崇文目晁志陳錄通考皆不著錄唯尤袤遂初堂書目有其目而無卷數玉海引中興書目云卷數同蓋同是二十卷也宋已後亡

四庫別史類建康實錄提要曰裴子野宋略

當時所稱良史沈約自以爲不及者今已不傳資治通鑑載有論贊數條亦多首尾不具而是書於劉宋一代全據爲藍本並子野論贊之嗣尙存什一是亦好古者所宜參證矣

章氏考證史通論贊篇云袁宏裴子野自顯姓名恐按通典選舉門引鴻臚卿裴子野論是其論贊既自顯姓名並書官爵文苑英華有雕蟲論又有總論究詳宋代始終至二千四百餘言其體蓋仿干寶晉記總論御覽樂部引先王作樂崇德以格人神論資治通鑑取子野論十一事考異中亦多取宋略史通所譏不宜載之文今逸篇中皆未之見

按提
要所舉建康實錄中佚文章氏失載

宋春秋二十卷梁吳興令王琰撰

王琰始末未詳

唐書藝文志王琰宋春秋二十卷

章氏考證初學記器物部御覽兵部木部引

三事並稱王琰宋春秋

按梁釋慧皎高僧傳序云太原王琰撰冥

齊春秋三十卷梁奉朝請吳均撰

南史文學傳吳均字叔庠吳興故鄆人也好

學有俊才梁武帝召爲待詔著作累遷奉朝請先是均將著史以自名欲撰齊書求借齊起居注及羣臣行狀武帝不許遂私撰齊春秋奏之書稱帝爲齊明帝佐命帝惡其實錄以其書不實使中書舍人劉之遴詰問數十條竟支離無對敕付省焚之坐免職尋有敕召見使撰通史未就卒梁書本傳曰普通元年卒年五十二注范曄後漢書九十卷著齊春秋三十卷南史作二十卷

史通正史篇梁天監中蕭子顯啓撰齊史書成表奏之時吳均亦表請撰齊史乞給起居注並羣臣行狀有詔齊氏故事布在流俗聞見既多可自搜訪也均遂撰齊春秋三十篇其書稱梁帝爲齊明帝惡其實詔燔之然其私本竟能與蕭氏所撰並傳於後

又模擬篇曰三傳並與各釋經義如公羊傳屢云何以書記某事也此則先引經語而繼以釋辭勢使之然非史體也如吳均齊春秋每書災變亦曰何以書記異也夫事無他議言從己出輒自問而自答之豈是敘事之理者耶以此而擬公羊所謂貌同而心異也

又編次篇曰春秋嗣子諒闇未踰年而廢者既不成君故不別加篇目是以魯公十二惡視不預其流及秦之子嬰漢之昌邑咸亦因

胡亥而得記附孝昭而獲聞而吳均齊春秋乃以鬱林爲紀事不師古何滋章之甚與

唐書經籍志齊春秋三卷吳均撰數十字

唐書藝文志吳均春秋三十卷

章氏考證初學記書鈔各引一事文選注引

十二事御覽二十四事

齊典五卷王逸撰

王逸當爲王遂之有喪服世行要記見經部

禮類

唐書經籍志儀注類齊典四卷王逸撰一本

云王逸志

唐書藝文志儀注類王逸齊典四卷

齊典十卷

不著撰人

南齊書文學檀超傳時豫章熊襄著齊典上

起十代其序云尙書堯典謂之虞書則附所

述故通謂之齊名爲河洛金匱南史文學附傳

唐書經籍志雜史類十代記十卷熊襄撰

唐書藝文志雜史類熊襄十代記十卷

章氏考證齊典十卷隋志無撰人名愚按南

齊書檀超傳豫章熊襄著齊典上起十代未

知隋志所載即襄所撰否唐志雜史類有熊

襄十代記十卷

按此證以齊書南史文學傳及兩唐志所

載書名卷數皆有可據是爲熊襄書無可

疑者本志失注撰人耳其書相傳有三名

曰河洛金匱曰齊典曰十代記

又按南齊書祥瑞志宋泰始中童謠云東陽出天子蘇侃云乃是上所居武進縣東

城里也熊襄云上舊鄉有大道相傳云秦

始皇所經呼爲天子路後遂爲帝鄉焉此

所引熊襄似即齊典中語其所載多符瑞

識記之類故名河洛金匱歟

三十國春秋三十一卷梁湘東世子蕭萬等撰

按

梁書本傳忠壯世子方等字實相世祖長子

也少聰敏有俊才善騎射尤長巧思時河東

王爲湘州刺史不受督府之令世祖拜爲都

督令南討至麻溪軍敗溺死時年二十二諡

曰忠壯世子方等注范曄後漢書未就所撰

三十國春秋及靜住子行於世南史本傳云

所撰三十國春秋及篤靜子行於世元帝即

位改諡武烈世子

史通稱謂篇金行板蕩戎羯稱制各有國家

實同王者晉世臣子黨附君親嫉彼亂華比

諸羣盜此皆苟徇私忿忘夫至公自非坦懷

愛憎無以定其得失至蕭方等始存諸國名

諡僭帝者皆稱之以王變通其理事在合宜

小道可觀見於蕭氏者矣

唐書經籍志三十國春秋三十卷蕭方撰

唐書藝文志僞史類蕭方三十國春秋三十

卷宋史志同並誤削等字

玉海藝文類中與書目三十卷方等采削諸

史以晉爲主附列漢劉淵以下二十九國又

上取吳孫皓事起宣帝迄恭帝

經義考擬經類王應麟曰通鑑晉元興三年

引方等論綱目但云蕭方誤削等字楊慎曰

佛氏有方等經猶云平等世界也故蕭氏取

以爲名按今刊本新舊唐書宋史通志皆削

去等字矣

章氏考證太平御覽時序部引燕王慕容熙

兵部引蜀王李雄秦王堅夏王勃勃吳王皓

又人事部引一事隋志刊本或誤作萬等唐

居處部各引一事隋志刊本或誤作萬等唐

志誤削等字宋志編年霸史兩類重出

戰國春秋二十卷李燦撰

詳見下霸史類

梁典三十卷劉璠撰

周書列傳劉璠字寶義沛國沛人也六世祖

敏以永嘉喪亂徙居廣陵璠少好讀書兼善

文筆仕梁入周至內史中大夫封平陽縣子

天和三年卒時年五十九著梁典三十卷行

於世子祥嗣祥字休徵後以字行初璠所撰

梁典始就未及刊定而卒臨終謂休徵曰能

成我志其在此書乎休徵始定繕寫勒成一

家行於世

史臣曰梁氏據有江東五十餘載挾策紀事

勒成不朽者非一家焉劉璠學思通博有著

述之譽雖傳疑信頗有詳略而屬辭比事

足爲清典蓋近代之佳史歟

唐書經籍志梁典二十卷劉璠撰

唐書藝文志劉璠梁典三十卷

章氏考證通典邊防門注御覽兵部人事部

宗親部各引一事文選注引二十八事唐志卷同

梁典三十卷陳始興王諮議何之元撰

陳書文學傳何之元廬江灑人也好學有才思梁天監末解褐歷仕武陵王王琳蕭莊琳敗入齊復還陳太建八年除始興王叔陵中衛府功曹參軍尋遷諮議參軍及叔陵誅按叔陵弑逆伏誅在太建十四年

之元乃屏絕人事

銳精著述以為梁氏肇自武皇終於敬帝其興亡之運盛衰之迹足以垂鑒戒定褒貶究

其始終起齊永元元年迄於王琳遇獲七十五年行事草創為三十卷號曰梁典其序略

曰梁有天下自中大同以前區寓寧晏太清以後寇盜交侵首尾而言未為盡美故開此

一書分為六意以高祖創基因乎齊末尋宗討本起自永元今以前如干卷為追述

第一高祖生自布衣長於弊俗知風教之滅否識

民黎之情僞爰逮君臨弘斯政術四紀之內實云般阜今以如干卷為太平

第二世不常夷時無恆治非自我後仍屬橫流今以如干

卷為弑亂第三泊高祖晏駕之年太宗幽辱之歲謳歌獄訟向西陝不向東都不庭之民

流逸之士征伐禮樂歸世祖不歸太宗撥亂反正治定功成今以如干卷為世祖

第四至於四海困窮五德升替則敬皇紹立仍以禪

陳今以如干卷為敬帝

第五驃騎王琳崇立後嗣雖不達天命然是其忠節今以如干卷

為後嗣主第六至在太宗雖加美諡而大寶

之號世所不遵蓋以拘於賊景故也承聖紀曆自接太清神筆詔書非宜輒改詳之後論

蓋有理焉又編年而舉其歲次者蓋取分明而易尋也若夫獫狁孔熾鯁我中原始自一

君終為二主事有相涉言成混漫今以未分之前為北魏高氏所輔為東魏宇文所挾為

西魏所以相分別也重以蓋彰殊體繁省異文其間損益頗有凡例禎明三年京城陷乃

移居常州之晉陵縣隋開皇十三年卒于家

唐書經籍志梁典三十卷何之元撰

唐書藝文志何之元梁典三十卷

章氏考證文選宣德皇后令注百僚勸進今上箋注石闕銘注御覽八事部各引數事御覽地部宗親部樂部亦引梁典四事而敝去

撰名未知為劉為何文苑英華載何之元高祖革命論一篇文近二千言新唐志又有謝

吳梁典二十九卷

按史通正史篇云廬江何之元沛國劉璠

以所聞見究其始末合撰梁典三十篇浦

起龍通釋云隋唐志皆分載二典而史通

以為二人合撰則梁典祇是一書耳足正

二志之歧出今考劉璠卒於周武帝天和

三年其書未就子休徵為寫定之休徵卒

於周靜帝大象二年是其書成於大象之

前行於北朝或未及於江左其父子皆終

於周代與南朝之何之元亦風馬牛不相

及之元之書始作於陳後主即位之歲因

始興王叔陵行弑伏誅之元為其官屬幸

而得免故屏絕人事一意著書其時在周

大象後三年隋文帝開皇二年劉璠梁典

已早成書矣實非合撰史通合字當是各

字之誤浦氏云云不足為據

梁撮要三十卷陳征南諮議陰僧仁撰

陰僧仁始末未詳

唐書經籍志梁撮要三十卷陰僧仁撰

唐書藝文志類陰僧仁梁撮要三十卷

梁後略十卷姚最撰

後周書藝術傳姚僧垣北史作僧坦吳興武康

人吳太常信之八世孫也僧垣長子察次子

最字士會博通經史尤好著述年十九隨僧

垣入關時江陵陷于西魏僧垣隨于謹入長安

隋文帝時襲父爵北絳郡公蜀王秀鎮益州為府

司馬平陳察至最自以非嫡讓封於察隋文帝許之後秀陰有異謀隋文帝令窮治其事

最竟坐誅時年六十七撰梁後略十卷行于世

史通雜述篇夫皇王受命有始有卒作者著述詳略難均有權宜當時不終一代若王韶晉隆安記姚最梁後略此之謂偏記者也又

題目篇曰魚豢姚最著魏梁二史巨細畢載

無累甚多而俱勝之以略考名責實奚其爽

歟

唐日本國見在書目梁後略十卷姚最撰

唐書經籍志梁昭後略十卷姚最撰

唐書藝文志姚最梁昭後略十卷

章氏考證史通外篇曰姚最梁後略稱高祖

而得免故屏絕人事一意著書其時在周

大象後三年隋文帝開皇二年劉璠梁典

已早成書矣實非合撰史通合字當是各

字之誤浦氏云云不足為據

梁撮要三十卷陳征南諮議陰僧仁撰

陰僧仁始末未詳

唐書經籍志梁撮要三十卷陰僧仁撰

唐書藝文志類陰僧仁梁撮要三十卷

梁後略十卷姚最撰

後周書藝術傳姚僧垣北史作僧坦吳興武康

人吳太常信之八世孫也僧垣長子察次子

最字士會博通經史尤好著述年十九隨僧

垣入關時江陵陷于西魏僧垣隨于謹入長安

隋文帝時襲父爵北絳郡公蜀王秀鎮益州為府

司馬平陳察至最自以非嫡讓封於察隋文帝許之後秀陰有異謀隋文帝令窮治其事

最竟坐誅時年六十七撰梁後略十卷行于世

史通雜述篇夫皇王受命有始有卒作者著

述詳略難均有權宜當時不終一代若王韶

晉隆安記姚最梁後略此之謂偏記者也又

曰得既在我失亦在予不及子孫知復何恨
太平御覽兵部陸納襲巴陵乘水攻城驃騎
方食甘蔗曾無遽色又大寶元年與西魏結
盟送質相約爲兄弟之親又河東王舉禦蕭
方等兵方等溺于江中共引梁後略七事又
兵部君子曰普通之末云云此乃姚最論贊
唐志作梁昭後略

按史通及御覽所引似其書起于太清侯
景之亂及元帝王琳蕭莊之事不知迄于
何時唐志題梁昭後略據史通及日本書
目皆無昭字疑新志沿舊史之駁文也或
如蔡允恭後梁春秋之類後梁爲昭明太子之後故題
此名

梁太清紀十卷梁長沙蕃王蕭韶撰

南史梁宗室傳長沙宣武王懿武帝兄也懿
子猷猷子韶字德茂初封上甲縣都鄉侯太
清初爲舍人城陷奉詔西奔及至江陵人士
多往尋覓令韶說城內事韶不能人人爲說
乃疏爲一卷客問者便示之湘東王聞而取
看謂曰昔王韶之爲隆安記十卷說晉末之
亂離今之蕭韶亦可爲太清紀十卷矣韶乃
更爲太清紀其諸議論多謝吳爲之韶既承
旨撰著多非實錄湘東王德之改超繼宣武
王封長沙王遂至郢州刺史
史通雜說篇今俗所行周史是令狐德棻等
所撰其書文而不實其迹甚寡自注云王褒
庾信等事多見于蕭韶太清紀而德棻等不
兼采以廣其書蓋以其中有鄙言故致遺

漏

唐書經籍志梁太清紀十卷蕭韶撰

唐書藝文志蕭韶梁太清紀十卷宋志傳記類
著錄同

著錄同

崇文總目太清紀十卷梁王韶撰王當爲蕭起

太清元年盡六年按梁武帝太清年號盡于三年

此稱盡六年者按元帝本紀大寶三年世祖猶稱太清六

年蓋亦本元帝旨也大寶簡文帝年號何之元梁典序所

謂大寶之號世所不遵蓋以拘于賊景故也

章氏考證通鑑考異多引太清紀太平御覽

宗親部亦引之

按隋書百官志載梁代有郡王嗣王蕃王

諸官屬通典云梁陳有郡王嗣王蕃王迄

關外侯凡十五等之號

淮海亂離志四卷蕭世怡撰梁末侯景之亂

周書列傳蕭世怡梁武帝弟鄱陽王恢之子

也以名犯太祖諱故稱字也按本名泰見北史

幼而聰慧頗涉經史梁大同元年封豐城縣

侯于謹平江陵歸王琳又奔于齊旋又歸周

封義興郡公授蔡州刺史天和三年卒於周

又曰蕭圓肅字明恭梁武帝之孫武陵王紀

之子也風度淹雅敏而好學紀稱尊號封宜

都郡王入周封棘城郡公大象末進位大將

軍隋開皇初授貝州刺史以母老請歸就養

隋文帝許之四年卒年四十六撰淮海亂離

志四卷行于世

又曰蕭大圓字仁顯梁簡文之子也幼而聰

敏神情俊悟大寶元年封樂梁郡王元帝改

封晉熙郡王梁亡入周封始寧縣公隋開皇
初拜內史侍郎出爲西河郡守卒按是書撰
人記載不一故並列三人始末于此

史通補注篇曰除煩則意有所悛畢載則言

有所妨遂乃定彼榛楛列爲子注若蕭大圓

淮海亂離志王劭齊志之類是也又難說篇

自注云王褒庾信等事多見于蕭韶太清紀

蕭大圓淮海亂離志令狐德棻撰周書了不

兼采

唐書經籍志淮海亂離志四卷蕭大圓撰

唐書藝文志雜史類蕭大圓淮海亂離志四

卷

通志校讎略曰海宇亂離志唐志類于雜史

是隋志類于編年非按此以淮海爲海宇蓋其誤

記非別有確據也侯景叛于淮南故曰淮海

錢大昕隋書考異曰淮海亂離志四卷蕭世

怡撰按北史蕭圓肅撰淮海亂離志不云世

怡所撰劉幾又以爲蕭大圓作未審孰是

世怡本名泰鄱陽王恢之子圓肅者武陵王

紀之子大圓則簡文子也

章氏考證周書北史蕭世怡傳皆不載其著

書惟蕭圓肅傳稱圓肅撰淮海亂離志四卷

新唐志入雜史類而題名蕭大圓劉知幾史

通同然大圓本傳亦不載

按是書撰人相傳不一竊以爲史通與兩

唐志相合則出于蕭大圓爲多

齊紀三十卷紀後齊事崔子發撰

北史儒林傳序曰齊氏國子學生徒數十人

耳胃子以通經進仕者唯博陵崔子發廣平宋游卿而已自外莫見其人

隋書牛弘傳時高祖又令弘與楊素蘇威薛道衡許善心虞世基崔子發等論新禮降殺輕重

史通正史篇高齊史天統初太常少卿祖孝徵述獻武起居注按齊神武帝初諡曰獻武名曰黃初傳天錄時中書侍郎陸元規常從文宜征討著皇帝實錄唯記行師不載它事自武平後史官陽休之杜臺卿祖崇儒崔子發等相繼注記逮于齊末 按隋書杜臺卿傳云撰齊記二十卷行于世

章氏考證通鑑隋高祖曰朕近覽齊書胡三省音注曰是時李百藥所撰齊書未出帝所覽者乃崔子發齊紀也文苑英華蕭穎士贈章司業書引崔子發齊紀按隋書房陵王勇傳曰朕近覽齊書見高歡維其兒子不勝忿憤安可效尤耶通鑑所取蓋本此然開皇初內史令李德林奉詔撰齊史三十八篇不傳崔氏一家

按本志總集類樂府新歌十卷秦王記室崔子發撰秦王者秦孝王俊隋文帝第三子隋書有傳子發入隋以後或終于是官也

齊志十卷後齊事王劭撰

王劭有俗語難字見經部小學類

隋書本傳高祖受禪授著作佐郎母憂去職在家著齊書時制禁私撰史為內史侍郎李元操所奏上怒遣使收其書覽而悅之於是

起為員外散騎侍郎修起居注拜著作郎劭在著作將二十年初撰齊志為編年體二十卷復為齊書紀傳一百卷及平賊記三卷或文詞鄙野或不軌不物駭人視聽大為有識所嗤鄙

史通正史篇隋祕書監王劭少仕鄴中多識故事乃憑述起居注廣以異聞造編年書號曰齊志十有六卷其序云二十卷今世間傳者唯十六卷焉

又雜說篇曰王劭論戰爭述紛擾賈其餘勇彌見所長至如敘文宣逼孝靜以受魏禪二王殺楊燕以廢乾明雖左氏載季氏逐昭公秦伯納重耳纓盈起於曲沃楚靈敗於乾谿殆可連類也又敘高祖破宇文于邙山周文自晉陽而平鄴雖左氏書城濮之役鄢陵之戰齊敗于鞍吳師入郢亦不是過也又曰如彥淵之改魏收也以非易非彌見其失而撰隋史者稱澹大矯收失者何哉且以澹著書方之君懋豈唯其間可容數人而已史臣美澹而譏劭者豈所謂通鑑乎

又敘事篇曰近有裴子野宋略王劭齊志並長於敘事無愧古人而世人議者皆雷同譽裴共詆王氏夫江左事雅裴筆所以專工中原跡穢王文由其屢鄙且幾原務飾虛詞君懋志存實錄此美惡所以為異也又忤時篇云王劭直書見讎貴族按史通雜說篇有云隋書王劭傳唯錄其詭詞妄說遂盈一篇尋又申以詆詞尤其詭惑天賦言示後者貴于辭理可觀既以無益而書豈若

遺而不載浦起龍通釋曰劭平生著述非一隋書一藥抹然而獨揚其所醜實于史體有乖揚雄著書美新最穢班史不錄獨於法言玄經書之甚詳是可識去取之則也按隋書于王劭傳可謂直書見讎之一證當時情事從可知矣史通曲筆篇又云君懋書法不隱取皆當時或有假手史臣以復私門之恥

唐書經籍志北齊志十七卷王劭撰唐書藝文志王劭北齊志十七卷又正史類王劭齊志十七卷章宗源曰自是重出嚴可均全隋文編曰廣弘明集二引隋王劭述佛志云出齊書案今所見蕭子顯齊書按當云李百藥無此篇隋志古史類有王劭齊志十卷蓋道宜所據也

章氏考證史通論贊篇題目篇載文篇補注篇言語篇敘事篇曲筆篇摸擬篇正史篇雜說篇忤時篇論王劭齊志凡十五事劭並為仰據本傳劭所著紀傳名齊書編年名齊志其齊書一百卷隋志不載

右三十四部六百六十六卷 此著錄部數不諱附著無按袁彥伯後漢紀三十卷章氏考證不載

隋書經籍志考證卷十三

史部三

雜史類類中分類凡二

周書十卷汲冢書似仲尼刪書之餘

漢書蕭何傳何曰周書曰天子不取反受其

咎師古曰周書者本與尚書同類蓋孔子所

刪百篇之外劉向所奏有七十一篇

漢書藝文志尚書家周書七十一篇周史記

師古曰劉向云周時誥誓號令也蓋孔子所

論百篇之餘也今之存者四十五篇矣 按此

引劉向云即別錄文今之存者云云則顏氏之語也

史通六家尚書篇曰又有周書者與尚書相

類即孔子刊約百篇之外凡為七十一篇上

自文武下終靈景甚有明允篤誠典雅高義

時亦有淺末恆說滓穢相參殆似後之好事

者所增益也至若職方之言與周官無異時

訓之說比月令多同斯百王之正書五經之

別錄者也

唐日本國見在書目周書八卷汲冢書 按此

亦孔晁注本

唐書經籍志周書八卷孔晁注 按此蓋孔注之

不全者故止八卷

唐書藝文志汲冢周書十卷又曰孔晁注周

書八卷

宋史藝文志經部書類汲冢周書十卷晉太

康中於汲郡得之孔晁注又別史類汲冢周

書十卷

晁氏讀書志汲冢周書十卷晉太康中汲郡

與穆天子傳同得晉孔晁注蓋孔子刪采之

餘凡七十篇然亦有記錄失實以誤後世者

陳氏書錄解題尚書家汲冢周書十卷晉五

經博士孔晁注太康中汲郡發魏安釐王家

所得竹簡書此其一也凡七十篇序一篇在

其末今京口刊本以序散在諸篇蓋以倣孔

安國尚書相傳以為孔子刪書所餘者未必

然也文體與古書不類似戰國後人依仿為

之者

宋黃震日抄曰周書自度訓至小開解凡二

十三篇皆載文王遇紂事多類兵書而文澀

難曉自文倣至五權二十三篇載文王薨武

王繼之代商其文間有明白者或類周誥自

成開解至王會解十三篇載武王崩周公相

成王事間亦有明白者多類周誥自是有蔡

公解史記解穆王警戒之書也職方氏繼之

與今周禮之職方氏相類苒良夫解訓王暨

政臣之書也玉佩解亦相類自周祝解至詮

法解不知其所指終之以器服解而器服解

之名多不可句 按篇名系以解字蓋孔晁注本所加

猶淮南子篇目高誘注本皆系以訓字

文獻經籍考巽岩李氏曰隋唐志皆稱此書

得之汲冢孔晁注解或十卷或八卷大抵不

殊按劉向班固所錄並著周書七十一篇且

謂孔子刪削之餘而司馬遷記武王克殷事

與此合必班劉司馬所見者也繫之汲冢失

其本矣書多駁辭宜孔子所不取抑戰國處

士私相綴緝託周為名孔子亦未必見

又後村劉氏曰晁子止謂其記錄失實李仁

甫謂書多駁辭按中間所載武王征四方俘

商寶玉云云皆荒唐誇誕不近人情非止于

駁而已

王應麟漢志考證今本凡七十篇始於度訓

終於器服晉孔晁注篇目比漢但闕其一唐

大衍曆議曰七十二候原於周公時訓月令

雖頗有增益然先後之次則同諡法則此書

第五十四篇也

又玉海藝文曰按晉書束皙傳及左傳正義

引王隱晉書並云竹書七十五篇其篇目皆

不言周書則繫周書於汲冢其誤明矣

經義考曰鄭棗曰古書自六籍外傳者蓋少

矣劉向班固所錄則有周書七十一篇皆文

武周公及穆宣幽靈之事度訓武稱開武祭

公苒良夫玉佩諸篇即壁中書奚加焉諡法

則周公之所制時訓明堂乃禮記所采王會

博於鳥獸草木之名史記明於治亂興亡之

跡卓有可觀他篇蓋多誇詡詭譎其書出春

秋戰國之前抑周之野史歟

又胡應麟曰周書多論紀綱制度敘事之文

極少克殷數篇外唯王會職方二篇皆典則

有法而王會雜以怪誕之文職方敘述嚴整

過王會其規模體制足以置之夏商也又曰

周書卷首十數篇後序皆以為文王作而本

解絕無明據且語與書體不合蓋戰國纂集

此書者所作攙入之冠於篇首也

四庫別史類提要曰逸周書十卷舊題汲冢

周書然考漢書藝文志先有周書七十一篇
司馬遷紀武王克商事與此書相應許慎作
說文引周書大翰若鞞雉又引周書獬有爪
而不敢以擬馬融注論語引周書月令鄭元

注周禮引周書王會注儀禮引周書比黨州
閭皆在汲冢前知為漢代相傳之舊郭璞注

爾雅稱逸周書李善文選注所引亦稱逸周
書知晉至唐初舊本尚不題汲冢舊本載嘉

定十五年丁黼跋反覆考證確以為不出汲
冢斯定論矣其載有太子晉事則當成於靈

王以後所云文王受命稱王武王周公私計
東伐俘馘殷遺暴殄原獸蓋括寶玉動至億

萬三發下車懸紂首太白又用南郊皆古人
必無之事陳振孫以為戰國後人所為似非

無見然左傳引周志勇則害上不登於明堂
又引書慎始而敬終終乃不困又引書居安

思危又稱周作九刑其文皆在今書中則春
秋時已有特戰國以後又輾轉附益故其言

駁雜耳究厥本始終為三代之遺文不可廢
也近代所行之本皆闕程寤秦陰九政九開

劉法文開保開八繇箕子耆德月令十一篇
餘亦文多佚脫考史記楚世家主父偃傳貨

殖傳引周書文及漢書唐六典所引今本皆
無之蓋皆所佚十一篇之文也

章氏考證曰逸周書稱汲冢書其誤始於隋
志按隋志亦據見存書目耳

張氏書目答問逸周書孔晁注十卷盧文弨
校抱經堂本逸周書補注二十四卷陳逢衡

撰陳氏叢書本周書集訓校釋十卷逸文一
卷朱右曾撰自刻本武昌局本逸周書管箋
十六卷丁宗洛撰刻本

按陳逢衡敘說有曰師古謂今之存者四
十五篇則在唐時已少二十六篇今止亡

十一篇較之師古時反多十五篇豈東晉
傳所謂雜書十九篇尚存於世後人乃拾

取以補之因以有汲冢之目耶是說也余
向亦疑之因十九篇中有周食田法周書

論楚事 前人必以汲冢無周書之目實不盡然也
十九篇之外又有七篇簡書折壞不識名

題與雜書合計正廿六篇疑後人即以此
廿六篇補顏氏所云四十五篇之本故書

中亦頗有與序不相應此之所疑與陳氏
相印合及讀朱氏右曾之序乃恍然知其

不然矣朱序曰其書存者五十九篇並序
為六十篇較漢志篇數亡其十有一焉注

之者晉五經博士孔晁唐初孔氏注本亡
其二十五篇師古據之以注漢志故云今

其存者四十五篇師古之後又亡其三故
今孔注祇有四十二篇也然晉唐之世書

有二本劉知幾史通不言有所闕佚與師
古說殊唐藝文志汲冢周書十卷孔晁注

周書八卷二本並列尤明證也其合四十
二篇之注於七十一篇之本而亡其十一

篇者未知何代要在唐以後矣朱氏之言
如此其言顏監據孔晁注殘本為說及後

人以無注本補孔本之亡皆確不可易也

又按汲冢本有周書即雜書十九篇是或
亦合不識名題之七篇嚴氏可均全三代文編
曰古文周書亦汲冢所得今僅文選思玄

賦注赭白馬賦注引有二條或以逸周書
當之非也此真汲冢周書也

古文瓊語四卷汲冢書

晉書束皙傳竹書敍目瓊語十一篇諸國卜
夢妖怪相書也

史通六家春秋篇曰汲冢瓊語記太丁時事
目為夏殷春秋瓊語又有晉春秋記獻公十

七年事

又惑經篇云案汲冢竹書晉春秋及紀年之
載事也如重耳出奔惠公見獲書其本國皆

無所隱又曰瓊語春秋載魯國閔公時事言
之甚詳

又申左篇曰晉太康年中汲冢獲書全同左
氏原注云汲冢所得尋亦亡佚亦惟紀年瓊

語師春在馬案紀年瓊語載春秋時事多與
左氏同師春多載春秋時筮者繇辭將左氏

相校遂無一字差舛故束皙云若使此書出
於漢世劉歆不作五原太守矣 按劉歆事見漢

書本傳亦略見儒林傳藝文類聚二十七引劉歆初賦
序曰歆好左氏春秋欲立於學官時諸儒不聽歆乃移書

太常責讓深切為朝廷大臣所非求出補吏後從五原太
守志意不得經歷故晉之域感今思古遂作此賦云

唐書經籍藝文志古文瓊語四卷

嚴可均全三代文編曰案晉書束皙傳太康
二年汲冢人不準盜發魏襄王墓得竹書數

十車其瑣語十一篇諸國卜夢妖怪相書也
隋志古文瑣語四卷汲冢書舊新唐志同宋
以後不著錄今輯羣書引見省併重複得二
十五事彙爲一篇凡十九條又附錄六條

馬國翰輯本序曰古文瑣語見晉書束皙傳
其書久佚搜輯爲卷書中如仲壬崩伊尹放
太甲而自立四年與尚書孟子皆抵牾不合
然其紀周晉齊宋佚事有足備史考者亦未
可盡以荒誕概之也按所輯凡十五條

章氏考證水經澮水注藝文類聚后妃部人
部葉部北堂書鈔后妃部政術部太平御覽
皇王部人事部刑法部服章部獸部羽族部
共引瑣語十三事唐志卷同

江都陳逢衡竹書紀年集證說曰瑣語紀
年二書互相出入當時簡編散亂輒以其言
之相似者附入之御覽八十三引瑣語仲壬
崩伊尹放太甲乃自立四年則是殺尹一事
出瑣語不出紀年也又曰今本紀年后啓殺
益太甲誅伊尹文丁殺季歷皆出汲冢瑣語
當時又謂之夏殷春秋其絃及晉獻公至晉
平公者則又謂之晉春秋故朱熊窺屏一事
劉知幾謂是晉春秋而御覽引此作瑣語可
據也陳氏于紀年卷末亦附存瑣語十餘條亦各附以
集證云

孫祠書目汲冢瑣語一卷洪頤煊集本
春秋前傳十卷何承天撰

春秋前傳九卷何承天撰當爲前傳雜語
何承天有禮論見經部禮類

南史本傳承天刪減禮論凡三百卷並前傳
雜語並傳於世宋書本傳作雜論似寫誤

唐書經籍志春秋前傳十卷何承天撰春秋
前傳雜語十卷何承天撰

唐書藝文志何承天春秋前傳十卷又春秋
前傳雜語十卷

王謨漢魏遺書鈔曰隋唐志並載有何承天
春秋前傳十卷春秋前雜傳九卷唐志作前
傳雜語唐人類書俱未見稱引無憑鈔錄

按此蓋記春秋以前事既仿左氏爲傳十
卷復仿國語爲雜語合爲一家之言唐志
所題與南史本傳合今從之

春秋後傳三十一卷晉著作郎樂資撰
樂資始末未詳

史通六家左傳篇逮孔子云沒經傳不作於
時史籍唯有戰國策及太史公書而已至晉
著作郎魯國樂資乃追采二史撰爲春秋後
傳其書始以周貞王續前傳魯哀公後至王
赧入秦又以秦文王之繼周終於二世之滅
合成三十卷

唐書經籍志春秋後傳三十卷樂資撰
唐書藝文志樂資春秋後傳三十卷
浦起龍史通通釋曰樂資晉書無傳采國策
遷史爲書上接春秋下迨漢初亦名爲傳
章氏考證水經渭水注後漢書襄楷傳注史
記田敬仲世家索隱初學記天部地部御覽
地部兵部共引春秋後傳十事朱氏經義考
誤以孔衍後語入後傳

王謨漢魏遺書鈔曰何承天春秋前傳及雜
語唐宋人類書俱未見稱引即所引樂資後
傳亦甚寥寥今祇從水經注鈔出一條又初
學記二條書鈔二條御覽六條若玉海引春
秋後傳五條與記事文體不類疑當即本書
序例故列卷首而以史記索隱所引樂資說
數條附焉

戰國策三十二卷劉向錄

七略別錄護左都水使者光祿大夫臣向言
所校中戰國策書中書餘卷錯亂相糅苦又
有國別者八篇少不足臣向因國別者略以
時次之分別不以序者以相補除復重得三
十三篇本字多誤脫爲半字以趙爲肖以齊
爲立如此類者多中書本號或曰國策或曰
國事或曰短長或曰事語或曰長書或曰修
書臣向以爲戰國時游士輔所用之國爲之
策謀宜爲戰國策其事繼春秋以後訖楚漢
之起二百四十五年間之事皆定以殺青書
可繕寫其下敘曰云云皆言戰國時事凡千餘言具在
本書不錄

漢書藝文志六藝春秋家戰國策三十三篇
記春秋後又司馬遷傳贊云春秋之後七國
並爭秦兼諸侯有戰國策故司馬遷據左氏
國語采世本戰國策

史通六家國語篇暨縱橫互起力戰爭雄秦
兼天下而著戰國策其篇有東西二周秦齊
燕楚三晉宋衛中山合十二國分爲三十三
卷夫謂之策者蓋錄而不序故即簡以爲名

第二十三三頁

二十五史補編 隋書經籍志考證

第二十三三頁

五七一

或云漢代劉向以戰國游士為之策謀因謂之戰國策

唐書經籍志戰國策三十二卷劉向撰

唐書藝文志劉向戰國策三十二卷

晁氏讀書志子部縱橫家戰國策劉向校定三十三篇東西周各一秦五齊六楚趙魏各四韓燕各三宋衛中山各一舊有五號向以為皆戰國時游士策謀改定今名其事則上繼春秋下訖楚漢之起凡二百四五十年之間崇文總目多闕至曾鞏校書訪之士大夫家其書始復完歷代以其紀諸國事載於史類予謂其紀事不皆實錄難盡信蓋出於學

縱橫者所著當附于此

王應麟漢志考證姚氏宏校定綜四百八十六條太史公所采九十餘條其事異者止五六條

四庫提要子部儒家陸賈新語條云司馬遷作史記取戰國策九十三條皆與今文合

四庫提要曰劉向序稱中書餘卷錯亂相糅莒原注云莒字未詳據所云云則向編此書本哀合諸國之記刪併重複排比成帙所謂三十三篇者實非其本來次第也又曰漢藝文志戰國策與史記為一類歷代史志因之晁公武讀書志始改入子部縱橫家文獻通考

因之按班固稱司馬遷作史記據左氏國語采世本戰國策則戰國策當為史類更無疑義且子之為名本以稱人因以稱其所著必為一家之言乃當此目戰國策乃劉向哀合諸記并為一編作者既非一人又均不得其

主名所謂子者安指乎公武改隸子部是以記事之書為立言之書以雜編之書為一家之書殊為未允今仍歸之史部雜史類中

戰國策二十一卷高誘撰注

陳振孫書錄解題曰誘注淮南子自序言自誘之少從同縣盧君受其句讀盧君者植也與之同縣則誘乃涿郡涿人又言建安十年辟司空掾東郡濮陽令十七年遷監河東則誘乃漢末人其出處略可見

嚴可均全後漢文編曰高誘涿郡涿人建安中曹操辟為司空掾除東郡濮陽令遷監河東有戰國策注三十二卷呂氏春秋注二十六卷淮南子注二十一卷

唐日本國見在書目戰國策三十三卷劉向撰高誘注

唐書經籍志戰國策三十二卷高誘注

唐書藝文志高誘注戰國策三十二卷

宋史藝文志子部縱橫家高誘注戰國策三十三卷

崇文總目曰又有高誘注本二十卷今缺第一第五第十一至二十止存八卷

曾鞏校定序曰此書有高誘注者二十一卷或曰二十二篇崇文總目存者八卷今存者十篇

書錄解題戰國策三十卷司馬遷史記所本劉向所校者也但無撰人名氏後漢高誘注自東周至中山十二國凡三十三篇

四庫提要曰今本雖三十三卷皆顯曰高誘

注而有誘注者僅二卷至四卷六卷至十卷與崇文目八篇數合又最末三十二三兩卷合前八卷與曾鞏序十篇數合而其餘二十三卷則皆宋姚宏所補注也

戰國策論一卷漢京兆尹延篤撰

後漢書本傳篤字叔堅南陽舞人也少從穎川堂溪典受左氏傳又從馬融受業博通經傳及百家之言舉孝廉為平陽侯相以師喪棄官奔赴五府並辟不就桓帝以博士徵拜議郎與朱穆邊韶共著作東觀稍遷侍中左馮翊京兆尹殺梁冀客以病免歸教授家巷後遭黨事禁錮永康元年卒於家篤論解經傳多所駁正後儒服虔等以為折中謝承書曰延篤字叔固釋文敘錄京兆尹延篤受左氏於賈逵之孫伯升因而注之又司馬貞史記索隱後序曰太史公之書古今為注解者絕省音義亦稀始後漢延篤乃有音義一卷

唐書經籍志戰國策論一卷延篤撰

唐書藝文志延篤戰國策論一卷

章氏考證史記高祖紀又魯鄒列傳蘇秦列傳匈奴傳索隱文選求立太宰碑注曹公與孫權書注檄吳將校部曲注阮籍詠懷詩注並引延篤戰國策注顏氏家訓書證篇引稱延篤戰國策音義

侯康補後漢書藝文志曰據諸書所引全非論體顏黃門稱戰國策音義其名似勝隋唐志

楚漢春秋九卷陸賈撰

漢書藝文志楚漢春秋九篇陸賈所記又司馬遷傳贊曰漢興伐秦定天下有楚漢春秋故司馬遷據左氏國語采世本戰國策述楚漢春秋接其後事迄於大漢按大漢當爲天漢之誤

又列傳陸賈楚人也以客從高祖定天下名有口辨居左右常使諸侯中國初定尉佗平南越因王之高祖使賈賜佗印爲南越王賈卒拜佗爲王令稱臣奉漢約歸報高帝大悅拜賈爲太中大夫孝惠時呂太后用事欲王諸呂畏大臣及有口者賈自度不能爭之迺病免以好時田地善往家焉呂太后時爲陳平畫呂氏數事游漢廷公卿間名聲藉甚及誅呂氏立孝文賈頗有力孝文卽位欲使人之南越丞相平乃言賈爲太中大夫往使尉佗去黃屋稱制令比諸侯皆如意指陸生竟以壽終又傳贊曰陸賈位止大夫致仕諸呂不受憂責從容平勃之間附會將相以彊社稷身名俱榮其最優乎

後漢班彪傳彪論前史得失曰漢興定天下太中大夫陸賈記錄時功作楚漢春秋九篇史記集解序索隱曰楚漢春秋漢太中大夫楚人陸賈所撰記項氏與漢高祖初起及說惠文間事

史通六家春秋篇晏子虞卿呂氏陸賈其書篇第本無年月而亦謂之春秋又題目篇曰案呂陸二氏各著一書唯次篇章不繫時月此乃子書雜記而皆號曰春秋考名責實奚

其爽歟

又雜述篇曰史氏流別殊途並驚權而爲論其流有十一曰偏記夫皇王受命有始有卒作者著述詳略難均有權記當時不終一代若陸賈楚漢春秋此之謂偏記者也

又雜說篇曰案劉氏初與書唯陸賈而已子長述楚漢之事專據此書然觀遷之所載往往與舊不同如酈生之初謁沛公高祖之長歌鴻鵠非唯文句有別遂乃事理皆殊

唐書經籍志楚漢春秋九卷陸賈撰唐書藝文志陸賈楚漢春秋九卷

王應麟漢志考證曰洪氏曰陸賈書記當時事而所言多與史不合顏師古屢辨之若高祖之臣別有絳灌南宮侯張耳淮陰舍人謝公

經義考曰按楚漢春秋顏師古漢書注李善文選注皆引之則唐時尙存又太平御覽亦引之則宋初猶未亡也

章氏考證文心雕龍史傳篇曰漢滅嬴項武功積年陸賈稽古作楚漢春秋史記序索隱云高祖功臣侯者年表楚漢春秋與史記漢書不同者陸賈記事高祖惠帝時漢書是後定功臣等列及陳平受呂后命而定或已改邑號故人名亦別愚按水經渭水注藝文類聚地部史記劉敬叔孫通傳索隱太平御覽兵部人事部刑法部服章部凡十一事引楚漢春秋多班馬所不載亞父酈生丁公事詞義相殊因學紀聞引四事及漢書注引十事

史記索隱引十二事集解一事皆足考異文選讓太常博士注引云漢定天下論羣臣破敵禽將活死不衰絳灌樊噲是也功成名立臣爲爪牙百世無邪世世相屬絳侯周勃是也此可作高祖臣別有絳灌之證

高郵郝泮林輯本序曰楚漢春秋今散佚不可復得彙刻叢書中亦未見輯本泮林因其書與左傳國語世本國策均爲龍門作史屬稿所據惟世本及陸書無傳故既輯世本成帙復於此書留意焉

孫祠書目楚漢春秋一卷洪頤煊集本

古今注八卷伏無忌撰

後漢書伏湛傳湛琅琊東武人也九世祖勝字子賤所謂濟南伏生者也湛高祖父孺武帝時客授東武因家焉湛以建武三年代鄧禹爲大司徒封陽都侯六年徙封不其侯二子隆翁嗣爵卒子光嗣光卒子晨嗣晨卒子無忌嗣無忌亦傳家學博物多識順帝時爲侍中屯騎校尉永和元年詔無忌與議郎黃景校定中書五經諸子百家藝術元嘉中桓帝復詔無忌與黃景崔寔等共撰漢記又自采集古今刪著事要號曰伏侯注無忌卒子質嗣官至大司農質卒子完嗣尙桓帝女陽安長公主女爲孝獻皇后曹操殺后誅伏氏國除初自伏生已後世傳經學清靜無競故東州號爲伏不鬪云章懷太子注曰其書上自黃帝下盡漢質帝爲八卷見行於今唐書經籍志古今注八卷伏無忌撰

唐書藝文志子部雜家伏侯古今注三卷

章氏考證劉昭續漢志注多引伏侯古今注禮儀志載光武明章和殤安順沖質諸帝山陵祭祀志載後漢災異郡國志載戶口墾田之數亦自光武迄質帝又記後漢官制數事又後漢書注初學記服食部鳥部御覽各徵部器物部亦各引數事唐志三卷入子部雜家

馬國翰玉函山房輯本序曰伏侯古今注隋志著錄雜史類八卷唐志入雜家三卷今佚從後漢書注北堂書鈔藝文類聚初學記開元占經白孔六帖太平御覽等書采輯成編多言符瑞災異而於漢諸帝名諱山陵爲詳

荊泮林輯本跋曰漢伏侯字無忌濟南伏生之後也其書八卷隋志尙存唐志僅存三卷列之雜家而伏侯注反在崔豹後蓋失考也今哀輯諸書鈔見周秦以上事所見者惟孔子生一條及秦錢半兩蒲脯鹿馬二事而已

按郭氏以伏侯字無忌不知所據豈誤以伏侯爲名乎其所輯分帝號陵寢祭祀漢制天文郡國災異瑞應等目又各分子目

侯康補後漢書藝文志曰後漢書諸本紀注又劉昭注續漢志屢引之他列傳亦間引或稱伏侯或不稱伏侯核其文義皆出伏書非

出崔豹書也史記索隱屢引古今注而不著名姓其不見崔豹書者當皆出此然今世所行崔書亦非原帙索隱所引終難定其爲崔

爲伏耳

越絕記十六卷子貢撰

本志篇敍曰又有越絕相承以爲子貢所作唐書經籍志越絕書十六卷子貢撰唐書藝文志子貢越絕書十六卷宋史藝文志霸史類越絕書十五卷或云子貢所作崇文總目越絕書十五卷子貢或曰子胥舊有內絕八外傳十七今文題闕舛纒二十篇又載春申君疑後人竄定世或傳二十篇者非是

宋趙希弁讀書附志越絕書十五卷越復讐之書也或以爲子貢所作或疑似子胥所作皆無所據故曰越絕誰所作吳越賢者所作也隋經籍志十六卷崇文總目十五卷希弁考其所以第一卷荆平王內傳第二卷外傳

記吳地第三卷吳內傳第四卷計倪內經第五卷諸羅內傳第六卷外傳策考第七卷外傳記范伯內傳陳成恆第八卷外傳記地傳第九卷外傳計倪第十卷外傳記吳王占夢

第十一卷外傳記寶劍第十二卷內經九術外傳記軍氣第十三卷外傳枕中第十四卷外傳春申君德序外傳第十五卷篇敍外傳此十五卷也然第一卷有所謂越絕外傳本

事一篇此其爲十六卷歟

書錄解題曰越絕書十六卷無撰人名氏相傳以爲子貢者非也其書雜記吳越事下及秦漢直至建武二十八年蓋戰國後人所爲

而漢人又附益之耳越絕之義曰聖人發一

隅辯士宜其辭聖文絕于彼辯士絕于此故題曰越絕雖則云然而終未可曉也

又隨齋批注越者國之氏也絕者絕也謂句踐時也絕者絕也絕惡反之於善越專其功故曰越絕並見本書又文簡批編尾云越絕書諱不可讀如樂架之有啞鍾漁父辭劍事見于此書沈濤銅鬘斗齋隨筆曰新安程大昌謚文簡卜居吳興之安吉曾孫聚字儀甫號隨齋與直齋同時

同里書錄解題問附隨齋批注即程榮也元時人四庫提要載記類越絕書十五卷不著撰人名氏書中吳地傳稱句踐徙瑯琊到建武二十八年凡五百六十七年則後漢初人也書

末敍外傳記以庾詞隱其姓名其云以去爲姓得衣乃成是袁字也厥名有米覆之以庚是康字也禹來東征死葬其疆是會稽人也又云文詞屬定自於邦賢以口爲姓承之以

天是吳字也楚相屈原與之同名是平字也然則此書爲會稽袁康所作同郡吳平所定也王充論衡按書篇曰東番鄒伯奇臨淮袁

太伯袁文術會稽吳君高周長生之輩位雖不至公卿誠能知之囊囊文雅之英雄也觀

伯奇之元思太伯之易章句文術之箴銘君高之越紐錄長生之洞歷劉子政揚子雲不能過也所謂吳君高殆即平字所謂越紐錄

殆即此書歟楊慎丹鉛錄胡侍珍珠船田藝蘅留青日札皆有是說核其文義一一脗合

隋唐志皆云子貢作非其實矣其文縱橫曼衍與吳越春秋相類而博麗奧衍則過之中

如計倪內經軍氣之類多雜術數家言皆漢人專門之學非後來所能依託此本與吳越春秋皆大德丙午紹興路所刊卷末一跋諸本所無惟申明復仇之義不著姓名詳其詞意或南宋人所題

又簡明目錄曰越絕書十五卷漢袁康撰其友吳平同定隋志稱子貢作者謬也原本二十五篇今佚五篇其事與吳越春秋相出入而文章博奧偉麗則趙煜弗及也

吳越春秋十二卷趙曄撰

趙曄有韓詩譜見經部詩類

後漢書儒林傳曄著吳越春秋

本志篇敍曰漢初得戰國策其後陸賈作楚漢春秋又有越絕相承以爲子貢所作後漢趙曄又爲吳越春秋其屬辭比事皆不與春秋史記漢書相似蓋率爾而作非史策之正也

唐書經籍志吳越春秋十二卷趙曄撰

唐書藝文志趙曄吳越春秋十二卷

宋史藝文志別史類趙曄吳越春秋十卷又

見霸史類

晁氏讀書志吳越春秋十二卷後漢趙曄撰吳起泰伯盡夫差越起無余盡句踐內吳外越本末咸備

文獻經籍考中興書目吳越春秋十卷內吳外越以紀其事吳起泰伯至闔廬越起無余止句踐按十卷本止闔廬者始缺後句踐二卷也

元國子監書庫官徐天祐音注序曰曄去古

未遠又山陰人故其綜述視他書所記二國事爲詳然不類漢文

經義考擬經篇錢福曰吳越春秋作於東漢趙曄後世補亡之書耳大抵本國語史記而附以所傳聞者爲之其大旨誇越之多賢以矜其故都而所編傳乃內吳而外越則又不可曉矣所載孔子子貢事不可據而其謀則在當時游說之至高者也若胥之忠蠡之智

種之謀包胥之論策孫武之論兵越女之論劍陳音之論弩句踐臣吳之別辭伐吳之戒語五大夫之自效世亦何可少哉

四庫載記類提要曰是書前有舊序稱隋唐志皆十二卷今存者十卷殆非全書又云史記注有徐廣所引吳越春秋語而索隱以爲今無此語他如文選注引季札見遺金事吳地記載闔廬時夷亭事及水經注嘗載越事數條類皆援據吳越春秋今煜本成無其文云云考證頗爲詳悉煜所述雖稍傷曼衍而詞頗豐蔚其中有近于小說家言自是漢晉間稗官雜記之體徐天祐以爲不類漢文是以馬班史法求之非其倫也

又簡明目錄曰記吳越二國興亡始末中或參以小說家言隋志十二卷今佚二卷漢魏叢書併爲六卷彌失其真

吳越春秋削繁五卷楊方撰

楊方有五經鈎沈見經部論語類

晉書本傳方補高梁太守在郡積年著五經鈎沈更撰吳越春秋皆行於世

唐書經籍志吳越春秋削煩五卷楊方撰

唐書藝文志楊方吳越春秋削煩五卷

吳越春秋十卷皇甫遵撰

皇甫遵始末未詳

唐書經籍志吳越春秋傳十卷皇甫遵撰

唐書藝文志皇甫遵吳越春秋傳十卷

宋史藝文志別史類皇甫遵注吳越春秋十卷

崇文總目吳越春秋傳十卷唐皇甫遵注初趙曄爲吳越春秋十卷其後有楊方者以曄所撰爲繁又刊削之爲五卷遵乃合二家之書考定而注之

無名氏序趙氏吳越春秋曰楊方有吳越春秋削繁五卷皇甫遵有吳越春秋傳十卷此二書今人罕見

按皇甫遵崇文總目以爲唐人而本志載其書唐藝文志列之褚無量盧彥卿之間則唐初人也

吳越記六卷

不著撰人

唐日本國見在書目吳越記七卷

唐書經籍藝文志吳越記六卷

按經義考五經家張氏遐五經通義佚又擬經類張氏遐吳越春秋外紀佚皆無卷數亦不著張遐始末今考江寧顧樞三所作後漢藝文志稿本云饒州府志張遐字

子遠江西餘千人侍徐穉過陳蕃穉指之曰此張遐也通易理所著有太極說五經

通義又引餘干縣志云遐試五經補博士撰吳越春秋外紀乃知經義考所載據江西志而遺漏其志文也通義為漢人課試之學遐因試五經故有五經通義之書劉向嘗哀輯諸家通義為一書見經部論語類後其吳越春秋外紀疑即此吳越記其在順桓之世蓋趙曄之後又有此一家餘干在兩漢曰餘汗屬揚州豫章郡

南越志八卷沈氏撰

宋書沈懷文傳懷文吳興武康人也弟懷遠為始興王濬征北長流參軍坐事徙廣州終世祖世不得還前廢帝世流徙者並聽歸本官至武康令撰南越志傳於世唐書經籍志地理類南越志五卷沈懷遠撰唐書藝文志地理類沈懷遠南越志五卷宋史志同崇文總目七卷

玉海地理類中與書目南越志五卷宋沈懷遠載三代至晉南越區域事蹟

書錄解題地理類南越志七卷宋武康令吳興沈懷遠撰此五嶺諸書之最在前者也

章氏考證水經浪水注文選西京賦吳郡賦注所引南越志多記異物太平御覽羽族部

鱗介部木部竹部菜茹部百卉部所引亦同若地部州郡部及太平寰宇記則惟徵引疆

域事蹟亦有足與正史相證又寰宇記嶺南道引有續南越志一事乃唐人續撰

嘉慶乙亥歲嚴可均輯本序曰各書徵引稱南越志或稱南越記南越書則隋志之志即

記沈氏即懷遠然何以入雜史類所未詳也各書引志尚多章孝廉宗源嘗從水經注等書寫出二百許事余為覆檢遺漏又從齊民要術等書寫出數十事省併復重得百五十八事定著二卷以懷遠宋人即依宋書州郡志次第編錄諸引草木鳥獸蟲魚有不著郡縣名者分類別繫於後別有鄧德明南越記五代人續南越志附載於後

小史八卷

不著撰人

按宋晁載之伯宇續談助抄股芸小說引小史一條云陸士衡河北都督已遭開搆內懷憂澣聞其鼓吹謂司馬孫游曰我今聞之不如聞華亭鶴唳當即此小史為股芸所引則其書猶在梁已前唐殿中丞高峻抄節歷代為高氏小史書名與此相同而冠以高氏欲以別於此書歟

漢靈獻二帝紀三卷漢侍中劉芳撰殘缺梁有六

卷

劉芳當為劉艾始末未詳

唐書經籍志編年類漢靈獻二帝紀六卷劉艾撰

唐書藝文志編年類劉艾漢靈獻二帝紀六卷

侯康補後漢書藝文志曰艾官侍中在獻帝興平年間獻帝本紀興平元年使侍中劉艾出讓有司是也據三國志董卓傳注引獻帝紀知其曾為陝令據范書董卓傳知其曾為

卓長史據魏武紀建安元年注引張璠漢紀十九年注引獻帝起居注知其又為宗正據廿一年注引獻帝傳知其又以宗正使持節御史大夫而隋志但稱侍中者豈其著書在興平間耶今考後漢書靈紀獻紀董卓傳注三國志武紀董卓張楊賈詡馬孫堅諸傳注屢引此書皆與平及建安初年事惟賈詡傳引一條云後以段熲為大鴻臚光祿大夫建安十四年以壽終此或後來又有增益艾官至行御史大夫以後更不見其事蹟蓋未嘗入魏獻帝之名當是後人追加耳按袁宏後漢紀建安元年八月封彭城相劉艾等為列侯實有功也亦見范書董卓傳注是艾初為陝令後為董卓長史遷侍中出為彭城相封列侯又入為宗正者也其為宗正在建安元年至二十一年猶以宗正為使持節行御史大夫奉使册封魏公為魏王

章氏考證唐志六卷入編年類魏志董卓張楊劉焉孫堅諸傳注各引靈帝紀後漢書靈紀注引三事並稱劉艾紀魏志諸紀傳注引獻帝紀又諸書引獻帝傳初學記鳥部引一事稱劉艾漢帝傳御覽車部引獻帝傳董卓以地動問蔡邕云云與魏志注引獻帝紀同按初學記引稱漢帝傳似是劉艾書之本名至魏明帝青龍二年山陽公薨之後乃更名獻帝傳始入晉以後與靈帝紀合為一帙乃定名曰靈獻二帝紀本志篇敘有曰靈獻之世天下大亂史官失其常守博達之士愍其廢絕各記聞見以備遺亡是

後羣才景慕作者甚衆即謂此以下諸書是也 獻帝傳載山陽公薨事時已入魏十四年或爲 艾書所本有或出後人增補莫得而詳矣

山陽公載記十卷樂資撰

樂資有春秋後傳見前

後漢書獻帝本紀建安二十五年春正月魏王曹操薨子丕襲位三月改元延康冬十月乙卯皇帝遜位魏王丕稱天子奉帝爲山陽公邑一萬戶位在諸侯王上奏事不稱臣受詔不拜以天子車服郊祀天地宗廟祖臘皆如漢制都山陽之濁鹿城四皇子封王者皆降爲列侯明年劉備稱帝於蜀孫權亦自王於吳於是天下遂三分矣魏青龍二年三月庚寅山陽公薨自遜位至薨十有四年年五十四諡孝獻皇帝八月壬申以漢天子禮葬於禪陵置園邑令丞太子早卒孫康立五十二年晉太康六年薨子瑾立四年太康十年薨子秋立二十年永嘉中爲胡賊所殺國除魏志文帝紀建安二十二年立爲魏太子太祖崩嗣位爲丞相魏王改建安二十五年爲延康元年冬十月丙午漢帝以衆望在魏乃召羣公卿士告祠高廟使兼御史大夫張音持節奉璽綬禪位庚午王升壇即祚改延康爲黃初黃初元年十一月癸酉以河內之山陽邑萬戶奉漢帝爲山陽公行漢正朔以天子之禮郊祭上書不稱臣京都有事于太廟致昨封公之四子爲列侯又明帝紀青龍二年三月庚寅山陽公薨帝素服發哀遣使持

節典護喪事夏四月丙寅詔有司以太牢告祠文帝廟追諡山陽公爲漢孝獻皇帝葬以漢禮又陳留王紀景元元年夏六月己未故漢獻帝夫人節薨帝臨于華林園使使持節追諡夫人爲獻穆皇后及葬車服制度皆如漢氏故事 范書后紀獻穆皇后諱節魏公曹操之中女也建安十八年操進三少憲節華爲夫人小者待年于國十九年並拜爲貴人及伏皇后被弑明年立節爲皇后魏受禪遣使求璽綬后怒不與如此數輩乃呼使者入親數譴之以璽綬抵軒下因涕泣橫流曰天不祚爾左右皆莫能仰視后在位七年魏氏既立以后爲山陽公夫人自後四十一年魏景初元年薨今葬禪陵 按景初當爲景元陳留王武帝孫子后爲姑姪其時司馬氏專政已一再行廢立且殺高貴鄉公矣天不祚爾之言后親見之

晉書武帝本紀泰始元年冬十二月己巳賜山陽公劉康子弟一人爲駙馬都尉二年十一月罷山陽公國督軍除其禁制三年十二月山陽公劉康來朝四年二月庚子增置山陽公國相郎中令陵令雜工宰人鼓吹車馬各有差 宋書荀伯子傳伯子上表有云晉太始九年詔賜山陽公劉康子弟一人爵關內侯此一事晉書不載 太康六年九月景子山陽公劉康薨十年六月庚子山陽公劉瑾薨又懷帝本紀永嘉元年夏五月馬牧帥汲桑聚衆反陷鄴城燒鄴宮火旬日不滅入掠平原山陽公劉秋遇害十二月戊寅并州人田蘭薄盛等斬汲桑于樂陵 蜀志馬超傳注山陽公載記曰超與備言常

呼備字關羽怒請殺之臣松之案超以窮歸備受其爵位何容傲慢而呼備字且備之入蜀羽鎮荊州未嘗在益土也韋暉樂資等諸所記載穢雜虛謬若此之類殆不可勝言也 唐書經籍志編年類山陽義記樂資撰 不著卷數

唐書藝文志編年類樂資山陽公載記十卷 章氏考證魏志袁紹傳注蜀志馬超傳注後漢書靈紀注獻紀注董卓傳注太平御覽儀飾部文選籍田賦注恨賦注並引山陽公載記新唐志十卷入編年類舊唐志作山陽義記無卷數

按載記之目班氏始以繫平林新市公孫述隗囂之流卽後世霸史僞史之類山陽公乃亦被以此名所未喻也 袁宏後漢紀序稱漢山陽公紀無載字

漢末英雄記八卷王粲撰殘缺梁有十卷

王粲有尙書釋問見經部書類

唐書經籍志漢書英雄記十卷王粲等撰

唐書藝文志王粲漢書英雄記十卷

四庫傳記類存目漢末英雄記一卷舊題魏王粲撰案粲卒于建安中其時黃星雖兆玉步未更不應名書以漢末似後人之所追題然考粲從軍詩中已稱曹操爲聖君則儼以魏爲新朝此名不足怪矣隋志著錄作八卷注云殘缺其本久佚此本乃王世貞雜抄諸書成之凡四十四人大抵取於三國志注爲多如水經載白狼山曹操敲馬鞍作十片事

本習見之書乃漏而不載又如築易京本公孫瓚事乃於瓚外別出一張瓚以此事屬之不知據何誤本尤疎舛之甚矣

按續漢郡國志會稽郡注引英雄交爭記言初平三年事似其書本名英雄交爭記其中不盡王粲一人之作故舊唐志題王粲等

九州春秋十卷司馬彪撰記漢末事

司馬彪有續漢書見前正史類

晉書本傳泰始中為祕書郎轉丞作九州春秋

秋

史通六家國語篇當漢氏失馭英雄角力司馬彪又錄其行事因為九州春秋州為一篇

合為九卷尋其體統亦近代之國語也

唐書經籍志九州春秋九卷司馬彪撰

唐書藝文志司馬彪九州春秋九卷

宋史藝文志別史類司馬彪九州春秋十卷

又霸史類十卷

書錄解題曰九州春秋九卷晉司馬彪紹統

撰漢末州部之亂司冀徐青荆揚涼益幽

凡盜賊僧叛皆紀之

經義考擬經篇中與書目曰紀漢末州郡之

亂司冀徐青徐荆揚涼幽各一篇又云劉氏峻

九州春秋抄一卷供見胡元瑞經籍會通

章氏考證魏志董卓袁紹賈詡崔琰傳注文

選注通鑑考異白帖多引之宋志別史霸史

兩類重出通志略有九州春秋抄一卷劉孝

標注太平御覽兵部引九州春秋二事並有

注文未知即孝標撰否

按范書獻帝本紀建安十八年春正月庚寅復禹貢九州注引獻帝春秋曰時省幽

并州以其郡國并於冀州省司隸校尉及

涼州以其郡國并為雍州省兗州并荊州

益州於是有兗豫青徐荆揚冀益雍也九

數雖同而禹貢無益州有梁州然梁益亦

一地也魏志本紀十八年春正月詔書并

十四州復為九州漢末九州之緣起如此

陳氏書錄言九州復有司隸涼幽無豫雍

而其數凡十豈本書果如是乎而中興書

目所言又異莫衷壹是要當以獻帝春秋

所言為近明陳第世善堂書目猶有九州

春秋九卷

魏武本紀四卷梁并曆五卷

不著撰人

唐書經籍志編年類魏武本紀三卷又雜史

類魏武本紀年曆五卷新志編年類魏武本紀四

卷雜史類同

章氏考證藝文類聚服飾部上儉率茵緝取

溫無有緣飾太平御覽學部吾讀介推之避

晉封申包胥之逃楚賞未嘗不廢書而歎二

事並引魏武本紀唐志雜史編年兩類重出

然紀并曆為五卷與梁七錄合

按史記三代世表太史公讀諫記黃帝以

來皆有年數稽其曆譜牒終始五德之傳

南史陶宏景傳梁武帝使造年曆至己巳

歲而加朱點實太清三年也此云梁并曆

五卷其一為年曆其體亦猶是也

魏尚書八卷孔衍撰梁十卷成按此成字史駁文

孔衍有凶禮見經部禮類又有漢魏春秋見

前古史類

史通六家尚書篇自宗周既殞書體遂廢迄

乎漢魏無能繼者至晉廣陵相魯國孔衍以

為國史所以表言行昭法式至于人理常事

不足備列乃刪漢魏諸史取其美詞典言足

為龜鏡者定以篇第纂成一家由是有漢尚

書後漢尚書漢魏尚書凡為二十六卷

唐書經籍志漢尚書十卷孔衍撰後漢尚書

六卷孔衍撰後魏尚書十四卷張溫撰按新

志此題張溫撰誤也一本後魏又誤作後漢

唐書藝文志孔衍漢尚書十卷後漢尚書六

卷後魏尚書十四卷按此題後魏尚書之誤當

為漢魏與前漢魏春秋之名相同史通亦云漢魏尚書

章氏考證按隋志注云魏尚書梁十卷合兩

漢十六卷與史通二十六卷正符新唐志十

四卷四字誤增又曰孔衍漢尚書十卷後漢

尚書六卷隋志不著錄

魏晉世語十卷晉襄陽令郭頒撰

魏志三少帝紀注臣松之案張璠虞溥郭頒

皆晉之令史璠頒出為官長溥鄱陽內史璠

撰後漢紀辭藻可觀溥著江表傳亦粗有條

貫惟頒撰魏晉世語乏全無宮商量為鄙

劣以時有異事故頗行於世干寶孫盛等多

采其言以為晉書其中虛錯往往有之

世說方正篇注郭頒西晉人時世相近為魏

晉世語事多詳覈孫盛之徒皆采以著書

唐書經籍志魏晉代語十卷郭頌撰

唐書藝文志郭頌魏晉代說十卷

錢大昕三國志考異曰裴松之注所引書有

郭頌世語頌一作班晉襄陽合隋志稱魏晉

世語

章氏考證魏志三少帝紀注劉放傳注諸葛

誕傳注水經湘水注世說方正篇賢媛篇注

皆引之舊唐志作魏晉代語避唐世字諱新

唐志作代說說字誤

魏末傳二卷

不著撰人

魏志曹爽傳注臣松之案魏末傳云何晏取

其同母妹為妻此措紳所不忍言雖楚王之

妻嫂不是甚也已設令此言出於舊史猶將

莫之或信況底下之書乎又諸葛誕傳注臣

松之案魏末傳所言率皆鄙陋

章氏考證魏末傳無撰名魏志明紀注曹爽

傳注諸葛誕傳注藝文類聚初學記太平御

覽多引之

按諸書所引又有漢末傳亦無撰人疑與

此同出一家

梁又有魏末傳并魏氏大事六卷亡一本作三卷

不著撰人

按此蓋梁代所有與魏大事并合為帙者

呂布本事一卷毛范撰

毛范始末未詳

册府元龜國史部采撰門毛范撰呂布本事

一卷

按呂布字奉先五原九原人建安三年三

月兵敗曹操縊殺之范書與劉焉袁術同

卷三國魏志與張邈同卷布事多在張邈

傳中陳壽評曰呂布有虓虎之勇而無英

奇之略輕狡反覆唯利是視自古及今未

有若此不夷滅也斯其定評矣

晉諸公讚二十一卷晉祕書監傅暢撰

晉書傅玄傳玄北地泥陽人也子咸咸從父

弟祇祇子暢字世道年未弱冠有重名以選

入侍講東宮為祕書丞尋沒於石勒勒以為

大將軍右司馬諳識朝儀恆居機密勒甚重

之作晉諸公敘贊二十二卷咸和五年卒按

晉成帝咸和五年為後趙石勒建平元年 子詠過江

為交州刺史

魏志傅嘏傳注魏晉世語曰暢字世道祕書

丞沒在胡中著晉諸公贊

唐書經籍志晉諸公贊二十二卷傅暢撰

唐書藝文志傅暢晉諸公贊二十二卷

章氏考證魏志三少帝紀注世說賢媛篇通

典職官門注各引數事水經穀水注引一事

題傅暢晉書左傳莊公正義引一事題晉語

諸公贊語字誤增他書徵引或稱傅暢晉贊

省諸公二字

按本傳稱敘贊者各為敘傳於前而系以

贊猶劉中壘列女傳贊之體世說諸篇注

引之甚多

晉後略記五卷晉下邳太守荀綽撰

晉書荀勗傳勗潁川潁陰人漢司空爽曾孫

也勗子輯輯子綽字彥舒博學有才能撰晉

後書十五篇傳於世永嘉末為司空從事中

郎沒於石勒為勒參軍

唐書經籍志晉後略記五卷荀綽撰

唐書藝文志荀綽晉後略五卷

章氏考證世說賞譽篇注術解篇注水經穀

水注御覽地部皇親部職官部服用部資產

部菜茹部共引晉後略十一事

按宋志史鈔類有荀綽晉略九卷不知是

否即是此書崇文目遂初堂晁志陳錄玉

海諸簿錄家皆不載也

晉書鈔三十卷梁豫章內史張緬撰

梁書本傳緬字元長范陽方城人車騎將軍

弘策子也襲洮陽縣侯召補國子生起家祕

書郎累遷豫章內史御史中丞中大通三年

卒年四十二緬少勤學自課讀書手不輟卷

尤明後漢及晉代衆家客有執卷質緬者隨

問便對略無遺失性愛填籍聚書至萬餘卷

鈔晉書衆家異同為晉鈔三十卷

北齊書宋顯傳顯弟綽好撰述魏時張緬晉

書未入國繪依準裴松之注國志體注王隱

及中興書按此謂其不見是書而別注兩家其意略

相同也

史通雜說篇曰臧氏晉書稱苻堅之竊號也

雖置字狹于石虎至於人物則過之案後石

之時張據瓜涼李專巴蜀自遼而左人屬慕

容涉漢而南地歸司馬逮於苻氏則兼而有

之禹貢九州實得其八而言地劣於趙是何言歟張緬抄撮晉史不求異同而備揭此言不從沙汰罪又甚矣

唐書經籍志晉書鈔三十卷張緬撰

唐書藝文志張緬晉書鈔三十卷

晉書鴻烈六卷張氏撰

按高誘注淮南子云鴻大也烈明也以為大明道之言也疑此亦張緬所鈔附於晉鈔之後者

宋中興伐逆事二卷

不著撰人

唐書經籍志故事類中興伐逆事二卷 藝文志同

按此殆即宋孝武伐元凶勅之事蹟也詳見宋書二凶傳

宋拾遺十卷梁少府卿謝綽撰

嚴可均全梁文編曰謝綽陳郡陽夏人天監初廷尉卿終少府卿有宋拾遺十卷

史通雜述篇國史之任記事記言視聽不該必有遺逸于是好奇之士補其所亡若顧協瓊語謝綽拾遺此之謂逸事者也又書事篇云裴松補陳壽之闕謝綽拾沈約之遺又忤時篇云休文所闕謝綽裁其拾遺又書志五行篇云近者宋氏年惟五紀地止江淮書滿百篇號為餘富作者猶廣之以拾遺加以

語錄按孔思尚宋齊語錄十卷見唐志

唐書經籍志宋拾遺錄十卷謝綽撰

唐書藝文志謝綽宋拾遺錄十卷

章氏考證初學記地部職官部禮部器物部服食部北堂書鈔武功部御覽人事部禮儀部疾病部共引九事作宋拾遺記唐六典注引一事作宋拾遺錄

左史六卷李燧撰

李燧有音韻決疑見經部小學類

唐書藝文志李燧左史六卷

按李燧以東魏末為殿中侍御史修國史此殆其所作史稿取左史記言之意歟

魏國統二十卷梁祚撰

魏書儒林傳梁祚北地泥陽人居趙郡篤志好學歷治諸經尤善公羊春秋鄭氏易常以教授有儒者風著述不倦辟祕書中散稍遷祕書令撰并陳壽三國志名曰國統行於世年八十七太和二年卒

唐書經籍志編年類國紀十卷梁祚撰

唐書藝文志編年類梁祚魏書國紀十卷

章氏考證世說容止篇注初學記人部文部御覽兵部人事部四夷部共引梁祚魏國統十三事新唐志作魏書國紀書字誤增紀當為統舊唐志跋魏字通志略誤認為後魏遂與後魏紀魏典並列

梁帝紀七卷

不著撰人

唐書經籍志編年類皇帝紀七卷藝文志編年類同

章氏考證曰梁帝紀七卷無撰名按正史類有姚察梁帝紀七卷此恐重出

梁太清錄八卷

史通雜說周書篇自注曰其王褒庾信等事多見於蕭韶太清記蕭大圓淮海亂離志裴政太清實錄杜臺卿齊記而令狐德棻了不兼采以廣其書蓋以其中有鄙言故致遺略又諸史篇自注云案裴政梁太清實錄稱元帝使王琛聘魏長孫儉謂宇文曰王琛眼睛全不轉公曰瞎奴使癡人來豈得怨我此真宇文之言無媿實錄矣

不著撰人

唐書經籍志起居注類梁太清實錄八卷

唐書藝文志實錄類梁太清實錄八卷

章氏考證史通雜說注王褒庾信等事多見於裴政太清實錄太平御覽人事部梁太清實錄曰中宗諱釋字世誠聲若撞鐘辨如河瀉舊唐志八卷新唐志十卷無撰名

按史通一再言裴政太清實錄則是書裴政所撰也隋書列傳裴政字德表河東聞喜人仕梁元帝歷周入隋至襄州總管卒官年八十九著承聖降錄十卷北史作承聖實錄亦十卷不言有太清實錄按梁元帝承聖改元之前三年猶稱太清年號此

太清錄其即裴政之承聖實錄歟

梁承聖中與略十卷劉仲威撰

陳書本傳仲威南陽涅陽人也祖蚪父之避仲威少有志氣頗涉文史梁承聖中為中書侍郎蕭莊偽署御史中丞隨莊入齊終於鄴中 按南史劉之亨傳末云仲威為之亨弟之遇之子與

梁承聖中與略十卷劉仲威撰

陳書本傳仲威南陽涅陽人也祖蚪父之避仲威少有志氣頗涉文史梁承聖中為中書侍郎蕭莊偽署御史中丞隨莊入齊終於鄴中

按南史劉之亨傳末云仲威為之亨弟之遇之子與

中

陳書異之亨之遜弟也

按承聖梁元帝即位改元也止於三年是書記元帝中興當起於元帝為湘東王鎮江陵之時而陳書南史皆不載仲威撰是書

梁末代記一卷

不著撰人

唐書經籍志編年類梁末代記一卷藝文志編年類同

梁皇帝實錄三卷周興嗣撰記武帝事

周興嗣有千字文見經部小學類

梁書文學傳天監中興嗣為員外散騎侍郎佐撰國史十二年遷給事中撰史如故普通二年卒所撰皇帝實錄皇德記等百餘卷

唐書經籍志起居注類梁皇帝實錄三卷周興嗣撰

唐書藝文志實錄類周興嗣梁皇帝實錄二卷

梁皇帝實錄五卷梁中書郎謝吳撰記元帝事

謝吳有梁書四十九卷見前正史類

唐書經籍志起居注類梁皇帝實錄五卷失注撰人

唐書藝文志實錄類謝吳梁皇帝實錄五卷棲鳳春秋五卷臧嚴撰

梁書文學傳臧嚴字彥威東莞莒人也孤貧勤學行止書卷不離於手侍湘東王讀嚴於學多所諳記尤精漢書諷誦略皆上口王遷江州為鎮南諮議參軍卒官按元帝本紀大同

六年為使持節都督江州諸軍事鎮南將軍江州刺史太清元年徙鎮荊州首尾八年臧蓋卒於斯時

唐書經籍志編年類棲鳳春秋五卷臧嚴撰唐書藝文志編年類臧嚴棲鳳春秋五卷經義考擬經類胡應麟曰棲鳳蓋以配獲麟可笑也

陳王業曆一卷陳中書郎趙齊旦撰

陳書列傳趙知禮字齊旦天水隴西人也涉獵文史高祖引為記室參軍恆侍左右深被委任當時計畫莫不預焉高祖平侯景梁元帝授為中書侍郎封始平縣子天嘉元年進爵為伯累遷右衛將軍領前軍將軍六年卒時年四十七諡曰忠南史本傳同

唐書經籍志王業曆二卷趙弘禮撰

唐書藝文志趙弘禮王業曆二卷弘並當為知

按自周書至此別分為一類是雜史之前半篇也

史要十卷漢柱陽太守衛颯撰約史記要言以類相從

後漢書循吏傳衛颯字子產河內修武人也家貧好學問隨師無糧常傭以自給王莽時仕郡歷州宰建武二年辟大司徒鄧禹府舉

能案劇除侍御史襄城令政有名迹遷桂陽太守視事十年郡內清理二十五年徵還光武欲以為少府會颯被疾不能拜起勅以桂

陽太守歸家須後詔書居二歲載病詣闕自陳困篤乃收印綬賜錢十萬後卒於家

唐書經籍志史記要傳十卷衛颯撰

唐書藝文志衛颯史記要傳十卷典略八十九卷魏郎中魚豢撰

侯康補三國藝文志曰魚豢京兆人魏郎中史通正史篇魏時京兆魚豢私撰魏略事止明帝又題目篇云魚豢著魏史巨細畢載蕪累甚多而勝之以略考名責實奚其爽歟又稱謂篇曰魚豢沒吳蜀號謚呼權備姓名唐書經籍志典略五十卷魚豢撰又正史類魏略三十八卷魚豢撰

唐書藝文志魚豢魏略五十卷新志典略不著錄此魏略五十卷即舊志之典略

錢大昕三國志考異曰魚豢魏略今已不存其諸傳標目多與它史異如東里袞見游說傳董遇賈洪邯鄲淳薛夏隗禧蘇林樂詳七人為儒宗傳常林吉茂沐並時苗四人為清介傳脂習王修龐涓文聘成公英郭憲單固七人為純固傳孫賓碩祝公道楊阿若鮑出四人為勇俠傳王思諸人為苛吏傳並見裴氏注田疇管寧徐庶胡昭諸人為知足傳見梁書是也王粲孫欽阮瑀陳琳路粹諸人合傳焦先扈累寒貧諸人合傳當亦有目今不可考矣若秦朗孔桂之為佞幸傳則沿遷固之舊目也

章氏考證曰魚豢魏略祇記曹魏故以魏名若典略所載惟裴松之三國志注章懷後漢書注專引漢末及三國事至史記蘇秦傳索隱初學記地部文部獸部藝文類聚禮部職官部雜文部北堂書鈔帝王部政術部設官

部文選魏都賦注別賦注太平御覽地部兵部人事部禮儀部樂部服章部工藝部布帛部資產部獸部藥部皆春秋戰國秦漢時事紀載既廣體裁亦雜與魏略斷代為書者一為正史一為雜史隋志闕著魏略新唐志闕著典略惟舊唐志兼載之

侯康補三國藝文志杭世駿諸史然疑曰唐書志藝文稱魚豢魏略有五十卷並不言有典略隋志則並魏略亦無三國志注引魏略又引典略即一書也太平御覽直稱魏略焉康按隋志無魏略而有典略杭氏似並典略志之要其二書為一則確論也裴注及御覽引此書甚多史記索隱前後漢書注皆屢引之輯之尚可哀然成帙

按此八十九卷即舊唐志之魏略三十八卷典略五十卷也兩書合并凡八十八卷本志或有錄一卷故多出一卷耳杭氏侯氏所考良信章氏謂新唐志缺著典略誠然謂本志缺著魏略則考之未審也史漢要集二卷晉祠部郎王茂撰抄史記入春秋者不錄

王茂始末未詳
唐書經籍志史漢要集二卷王茂撰
唐書藝文志王茂史漢要集二卷
章氏考證曰史漢一本作史記
三史略二十九卷吳太子太傅張溫撰
吳志本傳溫字惠恕吳郡人也父允以輕財重士名顯州郡為孫權東曹掾卒溫少修節

操容貌奇偉權徵拜議郎選曹尚書徙太子太傅甚見信重時年三十二以輔義中郎將使蜀蜀甚重其才還使入豫章部伍出兵事業未究權既陰衡溫稱美蜀政又嫌其聲名太盛衆庶炫惑恐終不為己用思有以中傷之會暨監事起遂因此發舉幽之有司下令斥還本郡以給廝吏將軍略統表理溫權終不納後六年溫病卒二弟祇白亦有才名與溫俱廢注引會稽典錄曰諸葛亮初聞溫敗未知其故思之數日曰吾已得之矣其人於清濁太明善惡太分

唐書經籍志三史要略三十卷張溫撰
唐書藝文志張溫三史要略三十卷
按三史者史記漢書東觀漢記也蜀孟光尤銳精於三史魏晉之時三史之學盛行於世

史記正傳九卷張瑩撰
張瑩有後漢紀見前正史類
唐書經籍志史記正傳九卷張瑩撰
唐書藝文志張瑩史記正傳九卷
後漢略二十五卷張緬撰
張緬有晉書鈔見前

梁書本傳緬尤明後漢及晉代衆家抄後漢衆家異同為後漢紀四十卷
唐書經籍志後漢書略二十五卷張緬撰
唐書藝文志張緬後漢書略二十五卷又編年類張緬後漢略二十七卷
章氏考證唐志作後漢書略二十五卷編年

類又有緬後漢略二十七卷自是重出太平御覽州郡部引一事題後漢要略人事部引一事題後漢典略皆不著張緬名
漢皇德紀三十卷漢有道徵士侯瑾撰起光武至冲帝

後漢書文苑傳侯瑾字子瑜敦煌人也少孤貧依宗人居性篤學恆傭作為資暮還輒燃柴以讀書離古然字州郡屢召公車有道徵並稱疾不到徙入山中覃思著述案漢記撰中興以後行事為皇德傳三十篇行於世西河人敬其才而不敢名之皆稱為侯君云
宋書大且渠蒙遜傳元嘉十四年河西王茂虔奉表獻方物並獻漢皇德傳二十五卷
唐書經籍志編年類漢皇德紀三十卷侯瑾撰

唐書藝文志編年類侯瑾漢皇德紀三十卷
章氏考證太平御覽皇王部人事部禮儀部獸部引漢皇德傳四事又資產部侯瑾字子瑜云其文同范書稱漢皇德頌唐志入編年類

洞紀四卷韋昭撰記庖犧已來至漢建安二十七年章昭有毛詩答雜問見經部詩類
吳志本傳鳳皇二年曜因獄史上辭曰囚昔見世間有古曆注其所紀載紀按此似既字之寫誤多虛無在書籍者亦復錯謬囚尋按傳記考合異同采摭耳目所及以作洞紀起自庖犧至於秦漢凡為三卷當起黃武以來別為一卷事尚未成

史通表曆篇如韋昭洞紀陶弘景帝代年曆皆因表而作用成其書非國史之流

唐書經籍志洞紀九卷韋昭撰

唐書藝文志韋昭洞紀四卷

章氏考證陸德明莊子說劍篇釋文初學記

樂部北堂書鈔樂部太平御覽皇王部並引

韋昭洞紀又作洞曆記開元占經引十八事

皆紀周漢日蝕星變事

按建安盡於二十五年此稱二十七年者

以接吳黃武改元之歲也是歲於魏為黃

初三年於蜀則章武二年吳未改元之前

仍稱建安之號故是書止於二十七年

續洞紀一卷臧榮緒撰

臧榮緒有晉書見前正史類

玉海藝文雜史類韋昭洞紀記包義以來至

漢建安二十七年臧榮緒續一卷

按是書南齊書高佚傳及南史隱佚傳皆

略而不言其續韋氏書則大抵訖於宋齊

之際

帝王世紀十卷皇甫謐撰起三皇盡漢魏

晉書本傳謐字士安幼名靜安定朝那人漢

太尉嵩之曾孫也就鄉人席坦受書勤力不

怠帶經而農遂博綜典籍百家之言始有高

尚之志以著述為務自號玄晏先生後得風

痺疾猶手不輟卷武帝頻下詔徵為議郎著

作郎並不取太康三年卒時年六十八所著

帝王世紀年曆等並重於世門人擊虞張軌

牛綜席純皆為晉名臣

司馬貞補三皇本紀序曰近代皇甫謐作帝王世紀徐整三五曆記皆論三皇以來事

唐書經籍志帝王世紀十卷皇甫謐撰

唐書藝文志皇甫謐帝王世紀十卷

宋史藝文志編年類皇甫謐帝王世紀九卷

玉海藝文雜史類中與書目曰晉正始初安

定皇甫謐以漢紀殘闕始博案經傳旁觀百

家著帝王世紀并年曆合十二篇起太昊迄

漢獻帝又曰帝王世紀中與書目九卷闕周

中一卷按正始為魏齊王芳年號此稱晉正始者猶漢

書敘例稱魏建安也或是泰始之誤其謂漢記殘缺者指

東觀漢記也

章氏考證尚書堯典正義曰晉書皇甫謐傳

云姑子外弟梁柳得古文尚書故作帝王世

紀往往載孔傳五十八篇之書今晉書謐傳

無此語當是逸晉書又周易繫辭正義引謐

紀太皞神農黃帝少皞帝堯舜事禮記正

義初學記藝文類聚帝王部並引之御覽皇

王部所引尤詳又御覽州郡部載謐所紀都

邑其書徵引春秋傳世本戰國策國語秦本

紀漢地理志體裁主於考證初學記引魏武

晉爵魏文受禪御覽引高貴鄉公為成濟所

害陳留王就國治鄴正符隋志盡漢魏之語

宋人書目謂訖漢獻帝誤也後魏書元延明

傳稱延明注帝王世紀前志未見著錄謐又

有年曆六卷見唐志隋志不著錄

嘉慶十七年長洲宋翔鳳輯本序目曰帝王

世紀唐已後亡矣今由舊書略加搜采粗分

卷帙校定其文燦然可誦自開闢至三皇弟

一五帝弟二夏弟三殷弟四周弟五秦弟六

前漢弟七後漢弟八魏弟九星野及歷代墾

田戶口數第十又補遺數條 又海寧錢保塘續

補一卷考異一卷

帝王世紀音四卷虞綽撰

隋書文學傳虞綽字士裕會稽餘姚人也博

學有俊才仕陳為太學博士陳亡晉王廣引

為學士大業初轉為祕書學士後以與楊玄

感游徒且未至長安而亡變姓名游東陽為

吏所執坐斬江都時年五十四

帝王世紀十卷來與撰

來與始末未詳

唐書經籍志帝王本紀十卷來與撰

唐書藝文志來與帝王本紀十卷

玉海藝文曰沈約謚例序云吳與人乘與撰

帝王世紀其一篇是謚法今隋唐志作帝王

本紀隋書又作來與未知孰是

章氏考證玉海引沈約謚例序曰吳與人乘

與撰帝王世紀其一篇是謚法今代所異者

又曰采乘與帝王世紀謚法篇之異者以為

書隋唐志皆作來與未識孰是與書有謚法

篇則亦分類為篇也

按本志傳記篇別有訪來傳十卷來與撰

則確為來氏非乘氏沈隱侯引其書則晉

宋時人

續帝王世紀十卷何茂材撰

何茂材始末未詳

唐日本國見在書目續帝王紀十卷何茂林撰

唐書經籍志續帝王代紀十卷何集撰

唐書藝文志何茂林續帝王代紀十卷 明修

宋本又作茂林

章氏考證曰舊唐志作何集新唐志作何茂

林太平御覽兵部慕容超與晉人戰於臨洺

大敗其將封融奔晉人事部張天錫疾篤二

姬自殺錫葬以夫人禮二事引何集續帝王

世紀

按兩唐志並列於皇甫氏世紀之次章氏

所舉二事又皆是晉世事知其續皇甫氏

書御覽引作何集與唐經籍志同是其人

名集茂材茂林茂林皆其字之傳譌者不

得而詳矣

十五代略一卷吉文甫撰起庖犧至晉

吉文甫有釋字同音見經部小學類

唐書經籍志十五代略十卷吉文甫撰

唐書藝文志吉文甫十五代略十卷

按兩唐志皆十卷本志一卷似寫誤

帝王要略十二卷環濟撰紀帝王及天官地理喪

服

環濟有喪服要略見經部禮類

唐書經籍志帝王略要十二卷環濟撰

唐書藝文志環濟帝王略要十二卷

章氏考證左傳正義文選注太平御覽初學

記北堂書鈔諸書徵引皆記官爵服章至帝

王地理所記未見逸句又按隋志禮類有環

濟喪服要略一卷雖此書分篇必別有單行

本故入經部非重出也

周載八卷東晉臨賀太守孟儀撰略記前代下至

秦本三十卷今亡

孟儀始末未詳

唐書經籍志周載三十卷孟儀注

唐書藝文志孟儀注周載三十卷

章氏考證唐志作孟儀注周載三十卷陸游

南唐書曰後主嘗得周載江東初無此書人

無知者以訪徐鍇一一條對無所遺忘初學

記人事部及太平御覽共引孟儀周載三事

漢書鈔三十卷晉散騎常侍葛洪撰

葛洪有喪服變除見經部禮類

抱璞子自序曰又鈔五經七史百家之言兵

事方伎短雜奇要三百一十卷別有目錄按

此目錄今不得而見矣又所謂七史者其時惟有史記漢

書東觀漢記及陳壽三志陸機晉紀耳若別見之本則有

荀悅漢紀謝承後漢書華嶠書薛瑩書司馬彪書魚豢魏

略王沈魏書章昭吳書王崇蜀書譙周後漢記不知葛氏

所鈔七史為何指也

晉書本傳又鈔五經史漢百家之言方技雜

事三百一十卷

唐書藝文志葛洪漢書鈔三十卷又有史記鈔

十四卷後漢書鈔三十卷舊唐志惟有後漢書鈔三十卷

拾遺錄二卷偽秦姚萇方士王子年撰

王子年名嘉有歌一卷見經部異說家

晉書藝術王嘉傳又著拾遺錄十卷其記事

史通雜述篇曰逸事者皆前史所遺後人所

記求諸異說為益實多及妄者為之則苟載

傳聞而無證擇由是真偽不別是非相亂如

郭子橫之洞冥王子年之拾遺全構虛辭用

驚愚俗此其為弊之甚者也

唐書經籍志拾遺錄三卷王嘉撰

唐書藝文志王嘉拾遺錄三卷

按唐張柬之跋洞冥記云虞義造王子年

拾遺錄則是書虞義撰也義不詳何許人

疑即南齊虞義義有集見別集類此二卷

三卷其原書之殘本歟

王子年拾遺記十卷蕭綺撰

蕭綺始末未詳

唐書經籍志王子年拾遺記十卷蕭綺錄

唐書藝文志王嘉拾遺錄三卷又拾遺記十

卷蕭綺錄

宋史藝文志小說家王子年拾遺記十卷晉

王嘉撰

晁氏讀書志曰王子年拾遺記十卷梁蕭綺

敘錄晉王嘉字子年嘗著書百二十篇載伏

義以來異事前世奇詭之說書逸不完綺拾

掇殘闕輯而敘之

陳氏書錄小說家拾遺記十卷晉隴西王嘉

子年撰蕭綺序錄又曰名山記一卷亦稱王

子年即前之第十卷大抵皆詭誕

玉海藝文記志篇中與書目別史類晉王嘉

撰著拾遺記十卷事多詭怪今行於世梁蕭

綺序云本十九卷書後殘缺綺因刪集為十

卷

四庫小說家簡明目錄曰拾遺記十卷秦王嘉撰原本十九卷二百二十篇經亂佚闕梁蕭綺掇拾殘文編爲十卷併爲序錄錄卽論贊之別名也所記上起三皇下迄石虎事蹟十不一真而詞條豔發摛華採藻者挹取不窮

華夷帝王世紀三十卷楊暉撰

楊暉始末未詳

唐書經籍志華夷帝王紀三十七卷楊暉撰唐書藝文志楊暉華夷帝王紀三十七卷

按此言華夷者大抵合北朝諸國以爲之紀也

正史削繁九十四卷阮孝緒撰

阮孝緒有文字集略見經部小學類

七錄序目附記曰正史削繁十四帙一百三十五卷序錄一卷

唐書經籍志正史削繁十四卷阮孝緒撰唐書藝文志阮孝緒正史削繁十四卷

按顏氏家訓書證篇引正史削繁音義一條則其書亦兼音義隋時尙存九十四卷至唐僅存十四卷

童悟十二卷

不著撰人

唐書經籍志儀注類童悟十三卷藝文志同

按通志藝文略載此於儀注類書儀門中與兩唐志分類同蓋以爲書啟簡札之用

或亦便於童蒙助其穎悟云爾

帝王世錄一卷甄鸞撰

四庫天文算法類提要曰鸞精於步算仕北周爲司隸校尉漢中郡守

嚴可均後周文編曰甄鸞天和中爲司隸大夫

按甄鸞周書無傳法苑珠林傳記篇云笑道論一部三卷周武帝敕前司隸毋極伯甄鸞詮衡佛道二教作則嘗封無極伯又

本志曆數家七曜本起三卷後魏甄叔遵撰唐藝文志云甄鸞七曜本起曆五卷則叔遵爲鸞之字考魏代有甄叔雍名密中

山無極人見魏書甄琛傳叔雍叔遵似昆季行則鸞亦中山無極人故西魏封爲無極伯與甄琛甄密同族惟鸞則仕西魏入

北周者也又按此似劉歆三統曆之世經

先聖本紀十卷劉縉撰

梁書文學劉昭傳昭子縉字言明亦好學通三禮大同中爲尙書祠部郎尋去職不復仕南史文學傳著先聖本紀十卷行於世

唐書經籍志先聖本紀十卷劉縉撰唐書藝文志劉縉先聖本紀十卷

章氏考證太平御覽人事部引伊尹許由各一事文選王文憲集序竟陵王行狀注並引子產一事或題先聖本紀或云聖賢本紀

年曆帝紀三十卷姚恭撰

姚恭始末未詳疑是姚察

唐書經籍志年曆帝紀二十六卷姚恭撰唐書藝文志姚恭年曆帝紀二十六卷

帝王諸侯世略十一卷

不著撰人

王霸記三卷潘傑撰

潘傑始末未詳

歷代記三十二卷

不著撰人

唐書經籍志歷代記三十卷庾和之撰

唐書藝文志庾和之歷代紀三十卷

章氏考證歷代記三十二卷無撰名唐志作庾和之撰三十卷北堂書鈔天部石遵襲位

鄴中暴風震雷雨雹如斗金石皆消御覽天部咎徵部引同又御覽地部吳建衡二年有

神人乘白鹿從山出因名神人山二事並引歷代記

隋書六十卷未成祕書監王劭撰

王劭有齊志見前古史類

隋書本傳劭撰隋書八十卷多錄口勅又采迂怪不經之語及委巷之言以類相從爲其

題目辭義繁雜無足稱者遂使隋代文武名臣列將善惡之迹堙沒無聞

北史王慧龍傳論曰劭爰自幼童迄於白首好學不倦究極羣書縉紳洽聞之士無不推其博物雅好著述久在史官既撰齊書兼修隋典好詭怪之說尙委曲之談文詞鄙穢體統煩雜直愧南董才無遷固徒煩翰墨不足觀采經營符瑞雜以妖訛爲河朔清流而乾沒榮利得不以道而頌其家聲惜矣 史通曲筆篇云君惡書法不隱取皆當時或有假手史臣以復私

門之恥不然何惡直醜正盜情主人之甚乎

史通六家尙書篇隋祕書監太原王劭錄開皇仁壽時事編而次之以類相從各爲其目勒成隋書八十卷尋其義例皆準尙書若乃帝王無紀公卿缺傳則年月失序爵里難詳斯並昔之所忽而今之所要如君懋隋書雖欲祖述商周憲章虞夏觀其所述乃似孔子家語臨川世說可謂畫虎不成反類犬也故其書受嗤當代良有以焉

又載文篇曰王劭齊隋二書其所取也文皆詣實理多可信至於悠悠之飾辭皆不之取此實得去邪從正之理捐華摭實之義也又雜說雜識篇曰夫所謂直筆者不掩惡不虛美書之有益於褒貶不書無損於勸戒但舉其宏綱存其大體而已非謂絲毫必錄瑣細無遺者也如宋孝王王劭之徒其所記也喜論人帷薄不修言貌鄙事許以爲直吾無取焉

唐書經籍志隋書八十卷王劭撰

唐書藝文志正史類王劭齊志十七卷又隋書八十卷

按自衛颯史要至此又別爲一類蓋雜史之後半篇也本志篇敍云自後漢以來學者多鈔撮舊史自爲一書或起自人皇或斷之近代亦各其志而體制不經又有委巷之說迂怪妄誕真虛莫測然其大抵皆帝王之事通人君子必博采廣覽以酌其要故備而存之謂之雜史蓋以此一類並

附合於雜史卽後來史鈔之屬也

右七十二部九百一十七卷通計亡書七十三部九百三十九卷實在著錄七十一部附著亡書一部通計七十二部

按無名氏小史八卷帝王諸侯世略十一卷毛范呂布本事一卷張氏晉書鴻烈六卷劉仲威梁承聖中興略十卷趙齊且陳王業曆一卷臧榮緒續洞紀一卷虞綽帝王世紀晉四卷吉文甫十五代略一卷甄鸞帝王世錄一卷潘傑王霸記三卷凡十一部章氏考證皆不載

隋書經籍志考證卷十四

史部四

霸史類

趙書十卷一曰二石集記石勒事僞燕太傅長史田融撰

二石傳二卷晉北中郎參軍王度撰

二石僞治時事二卷王度撰

田融王度始末並未詳

嚴可均全晉文編曰王度太原人仕石虎爲中書著作郎

晉書載記曰石勒據襄國稱趙又曰石勒字世龍上黨武鄉羯人也其先匈奴別部羌渠之首又石季龍勒之從子也名犯太祖廟諱

故稱字焉又曰始勒以成帝咸和三年僭立二主四子勒子弘虎子世運鑿凡二十三年以穆帝永和五年滅爲冉閔所滅

又石勒載記太興二年勒僞稱趙王令記室佐明稽程機撰上黨國記中大夫傅彪賈蒲

江軌撰大將軍起居注參軍石泰石同石謙

孔隆撰大單于志

史通正史篇後趙石勒命其臣徐光宗歷傳

暢鄭愔等撰上黨國記起居注趙書其後又

令王蘭陳宴程陰徐機等相次撰述至石虎

田融宋尙書庫部郎郭仲產北中郎參軍王

度追撰二石事集爲鄴都記趙記等書又雜

說篇自注云田融趙史謂勒爲前石虎爲後

石

唐書經籍志偽史類趙石記二十卷田融撰
二石記二十卷田融撰二石偽事六卷王度
隋嗣等撰

唐書藝文志偽史類田融趙石記二十卷又
二石記二十卷王度隋嗣二石偽事六卷二
石書十卷 按舊新二志既著趙石記二十卷又別出
二石記二十卷似是重復新志二石書十卷似即本志二
石傳二卷隋嗣似隨嗣之誤蓋合陳氏鄴中記二卷為一
帙也

章氏考證開元占經北堂書鈔太平御覽並
引趙書皆稱前石後石亦有稱石勒石虎者
當是徵引所改也又占經御覽引二石偽事
六事書鈔儀飾部引二石遺事二事

漢之書十卷常璩撰

晉書叛逆傳桓温伐蜀李勢降温停蜀三旬
舉賢旌善偽散騎常侍常璩等皆蜀之良也
並以爲參軍

晉書載記李特字玄休巴西宕渠人其先廩
君之苗裔也又曰始李特以惠帝太安元年
起兵凡六世 特弟流特子雄雄子班班弟期又李氏
諸子壽壽子勢 四十六年以穆帝永和三年滅

史通正史篇蜀初號曰成後改稱漢李勢散
騎常侍常璩撰漢書十卷後入晉祕閣改爲
蜀李書

顏氏家訓書證篇曰蜀李書一名漢之書

唐書經籍志蜀李書九卷常璩撰

唐書藝文志常璩漢之書十卷蜀李書九卷

四庫提要載記類曰璩字道將江原人李勢

時官至散騎常侍晉書載勸勢降桓温者即
璩蓋亦譙周之流也隋經籍志羈史類中載
璩撰漢之書十卷唐志尙著錄今已久佚

章氏考證陸氏經典序錄藝文類聚鳥部御
覽人事部珍寶部各徵部共引七事皆稱蜀
李書新唐志蜀李書九卷又有漢之書十卷
重出

按通志藝文略作漢志書不詳所據殆臆
改也

華陽國志十二卷常璩撰

本書序志篇曰司馬相如嚴君平揚子雲陽
成子元鄭伯邑尹彭城譙常侍任給事等各
集傳記以作本紀略舉其隅而陳君承祚別
爲耆舊始漢及魏煥乎可觀迺考諸舊記先
宿所傳並南裔志驗以漢書取其近是及所
自聞以著斯篇又略言公孫述蜀書咸熙以
來喪亂之事 咸熙賈勳末年號 約取耆舊士女
英彥又肇自開關終乎永和三年凡十篇號

曰華陽國記其序曰巴志第一漢中志第二
蜀志第三南中志第四公孫劉二枚志第五
劉先主志第六劉後主志第七大同志第八
李特雄期壽勢志第九先賢士女總贊論第
十後賢志第十一序志第十二

唐書經籍志華陽國志三卷按按十字常璩撰

唐書藝文志常璩華陽國志十三卷

宋史藝文志常璩華陽國志十二卷

陳氏書錄雜史類華陽國志二十卷蓋十二之
誤晉散騎常侍蜀郡常璩道將撰志巴蜀地

理風俗人物及公孫述劉焉劉璋先後主以
及李特等事迹未卷爲序志云肇自開關終
於永和三年

玉海藝文記志篇華陽國志十二卷記漢以
來巴蜀人物後漢書注華陽黑水惟梁州孔
安國注曰北距華山之陽故常璩敘蜀事謂
之華陽國志

四庫簡明目錄曰華陽國志十二卷附錄一
卷世所行本十卷中缺二子卷今以影寫宋
本補足並附以張佳允所補一卷其書述巴
蜀之事始於開關終於晉永和三年文詞典
雅具有史裁

梁有蜀平記十卷蜀漢僞官故事一卷亡
並不著撰人

常熟丁國鈞補晉藝文志曰此書當是記桓
温平李勢事

燕書二十卷記慕容僞事僞燕尙書范亨撰
范亨始末未詳 按亨後入魏崔浩嘗引爲史佐同撰
國書三十卷見史通正史篇其後殆不免於難也

晉書載記慕容氏據遼東稱燕僞始僭號又
曰前燕慕容廆字奕洛瓌昌黎棘城鮮卑人
也秦漢之際爲匈奴所敗分保鮮卑山因以
爲號廆子皝皝子儁儁子暉爲苻堅所誅始
廆以武帝太康六年稱公至暉四世凡八十
五年以海西公太和五年滅

又曰慕容垂據鄴稱後燕垂字道明皝之第
五子也垂子寶寶子盛寶弟熙爲馮跋所殺
垂以孝武帝太元八年僭立至熙四世凡二

十四年以安帝義熙二年滅

史通正史篇前燕有起居注杜輔全錄以為燕紀後燕建興元年董統受詔草創後書著本紀並佐命功臣王公列傳合三十卷慕容垂稱其敘事富贍足成一家之言但褒述過美有慙董史之直其後申秀范亨各取前後二燕合成一史

唐書經籍志燕書二十卷范亨撰

唐書藝文志范亨燕書二十卷 宋史藝文志同

章氏考證通鑑考異所引燕書有武宣記文明記征虜仁傳慕容翰傳太平御覽天部所引有烈祖後記此其分篇之可見者又水經河水注濁漳水注灤水注御覽人事部各引一事舊唐志入編年類誤按舊唐志乙部史錄十三家編年類二簡史類三而書中合并為一篇篇末明著云編年五十五家雜僞國史二十家未嘗無分別實不誤也

南燕錄五卷記慕容德事僞燕尚書郎張詮撰

張詮始末未詳

晉書載記慕容德據滑臺稱南燕德字玄明號之少子也德兄子超為劉裕所滅即宋武帝也德以安帝隆安四年僭立至超二世凡十一年以義熙六年滅

唐書經籍志南燕書五卷張銓撰

唐書藝文志張銓南燕書十卷

章氏考證北堂書鈔地理部太平寰宇記河南道引二事並稱南燕錄初學記職官部御覽人事部引二事並作張詮南燕書新唐志

作張銓南燕書十卷

南燕錄六卷記慕容德事僞燕中書郎王景暉撰 史通正史篇南燕有趙郡王景暉嘗事德超撰二主起居注超亡仕於馮氏官至中書令仍撰南燕錄六卷按本志起居注類末尚有南燕起居注一卷

唐書經籍志南燕錄六卷王景暉撰暉暉暉之寫誤

唐書藝文志王景暉南燕錄六卷

章氏考證初學記地部引王景暉南燕書

南燕書七卷游覽先生撰

游覽先生不詳何人

燕志十卷記馮跋事魏侍中高閭撰

魏書本傳閭字閻士漁陽雍奴人少好學博綜經史貞君九年徵拜中書博士文明太后

臨朝賜爵安樂子以功進爵為侯世宗踐阼以光祿大夫致仕景明三年卒於家諡曰文

晉書載記馮跋殺離班據和龍稱北燕跋字

文起長樂信都人也殺慕容熙立高雲為主

雲為其幸臣離班桃仁所殺跋斬班仁以孝

武太元二十年僭號於昌黎至宋元嘉七年

死弟弘殺跋子翼自立後為魏所伐東奔高

句驪居二年高句驪殺之凡二世二十有八

載

史通正史篇曰韓顯宗記馮氏 按魏書韓麒麟

傳麒麟昌黎棘城人子顯宗字茂親仕為鎮南廣陽王嘉

諧議參軍撰馮氏燕志孝友傳各十卷傳於世又高祖謂

顯宗曰見卿所撰燕志大勝比來之文然著述之功我所

不見當更訪之監令云是顯宗撰是書高閭監其事本

志以監令者為主故歸之高閭史通紀實故稱顯宗

唐書經籍志燕志十卷不注撰人

唐書藝文志高閭燕志十卷

章氏考證初學記居處部御覽天部兵部人

事部引高閭燕志三事

秦書八卷何仲熙撰記苻健事

何仲熙始末未詳

晉書載記苻健據長安稱秦又苻洪字廣世

略陽臨渭氏人也其先蓋有扈氏之苗裔世

為西戎酋長晉永和六年洪自稱大將軍大

單于三秦王為石虎將麻秋鳩死子健永和

七年僭稱天王大單于建元皇始在位四年

死

秦記十一卷宋殿中將軍裴景仁撰梁雍州主簿

席惠明注

宋書沈曇慶傳大明元年曇慶為徐州刺史

時殿中員外將軍裴景仁助戍彭城本倉人

多悉戎荒事曇慶使撰秦記十卷敘苻氏僭

僞本末其書傳於世

晉書載記苻健弟雄早卒雄子堅字永固在

位十七年為姚萇殺時太元十年也堅

子不在位二年為晉揚威將軍馮該所斬堅

族孫登在位九年為姚興所敗被殺始健以

晉穆帝永和七年僭立至登五世凡四十有

四歲以孝武帝太元十九年滅 史臣曰永固平

燕定劉擒代吞涼跨三分之二居九州之七雖五胡之盛

莫之比也

史通正史篇前秦史官初有趙淵車敬梁熙章譚相繼著述苻堅嘗取而觀之見苻太后幸李威事怒而焚滅其本後著作郎董誼追錄舊語十不一存及宋武帝入關曾訪秦國事又命梁州刺史吉翰問諸仇池並無所獲先是秦祕書郎趙整參撰國史值秦滅隱於商洛山著書不輟有馮翊車頻助其經費整卒翰乃啓類纂成其書以元嘉九年起至二十八年方罷定爲三卷疑是三十卷之譌而年月失次首尾不倫河東裴景仁又正其訛僻刪爲秦紀十一篇

唐書經籍志秦記十一卷裴景仁撰杜惠明注

唐書藝文志裴景仁秦記十一卷杜惠明注章氏考證世說排調篇注御覽人事部引二事題裴景仁秦書初學記御覽地部引三事題裴景仁苻書御覽人事部引一事作景仁前秦記藝文類聚人事部章部木部服飾部並題秦記御覽人事部服章部工藝部共七事亦引秦記不著撰名舊唐志席惠明作杜惠明新唐志亦作杜又諸書引車類秦書數十事

秦紀十卷記姚萇事魏左民尙書姚和都撰
晉書孝武帝本紀太元九年夏四月苻堅將姚萇背堅起兵於北地自立爲王國號秦十一年八月姚萇殺苻堅而僭卽皇帝位
又載記後秦姚弋仲南安赤亭羌人也子襄襄弟萇萇子興與子泓泓降於劉裕裕送泓於建康市斬之萇以孝武太元九年僭立至

泓三世以安帝義熙十三年而滅凡三十二年
史通正史篇後秦扶風馬僧虔河東衛隆景並著秦史及姚氏之滅殘缺者多泓從弟和都仕魏爲左民尙書又追撰秦紀十卷
涼記八卷記張軌事僞燕右僕射張諮撰
張諮始末未詳或作張讚

晉書列傳張軌字士彥安定烏氏人漢常山景王耳十七代孫也家世孝廉以儒學顯軌仕爲散騎常侍征西軍司以時方多難陰圖據河西於是求爲涼州永寧初出爲護羌校尉涼州刺史時鮮卑反叛寇盜從橫軌到官卽討破之斬首萬餘級威著西州化行河右愍帝拜軌侍中太尉涼州牧西平公在州十三年卒諡曰武公子寔在位六年卒元帝賜諡曰元子駿年幼弟茂攝事茂在位五年無子駿嗣位太寧元年駿猶稱建興十二年駿雖稱臣於晉而不行中興正朔在位二十二年卒穆帝追諡忠成公子重華在位十一年卒穆帝賜諡曰敬烈子耀靈嗣耀靈伯父祚害之祚既立始行革命之事改建興四十二年爲和平元年祚篡立三年爲其下所殺耀靈弟玄靚立廢和平之號復稱建興四十四年在位九年爲其叔父天錫所害孝武帝諡曰敬悼公天錫駿少子也卽位凡十三年降於苻堅自軌爲涼州至天錫凡九世七十六年後苻堅敗於淮灑天錫歸國至桓玄時以爲護羌校尉涼州刺史尋卒又孝武本紀太元

元年秋七月苻堅將苻萇陷涼州刺史張天錫盡有其地九年夏四月封張天錫爲西平公
史通正史篇前涼張駿十五年命其西曹邊瀏集內外事以付秀才索綏作涼國春秋五十卷又張重華護軍劉慶在東苑專修國史二十餘年著涼記十二卷
唐書經籍志涼記十卷張證撰
唐書藝文志張諮涼記十卷
章氏考證世說言語篇注引張天錫二事作張資涼州記愚按張諮涼記史通亦缺載
涼書十卷記張軌事僞涼大將軍從事中郎劉景撰
魏書劉昂傳昂字延明敦煌人也隱居酒泉不應州郡之命弟子受業者五百餘人李暹私署徵爲儒林祭酒從事中郎遷撫夷護軍著涼書十卷行於世蒙遜平酒泉拜祕書郎號玄處先生牧犍尊爲國師世祖平涼州太武帝也時爲宋元嘉十六年拜樂平王從事中郎年七十餘還鄉至涼州遇疾而卒
史通正史篇建康太守索暉從事中郎劉昂又各著涼書
唐書藝文志劉昂涼書十卷
章氏考證曰劉昂隋志作劉景避唐嫌名也
西河記二卷記張重華事晉侍御史喻歸撰
晉書張重華傳重華以永和二年自稱使持節大都督太尉護羌校尉涼州牧西平公假涼王赦其境內尊其母嚴氏爲太王太后所生母馬氏爲王太后詔遣侍御史俞歸拜重

華護羌校尉涼州刺史假節重華上疏獻捷又遣使進重華為涼州牧是時御史俞歸至涼州重華方謀為涼王不肯受詔使親信人

沈猛謂歸曰我家主公奕世忠於晉室而不

如鮮卑矣臺加慕容凱燕王今甫授州主大將軍何以加勸有功忠義之臣乎明臺今且移河右共勸州主為涼王大夫出使苟利社稷專之可也歸對曰王者之制異姓不得稱

王九州之內爵不得過公漢高一時王異姓尋皆誅滅蓋權時之宜非舊體也至於夷狄不從此例春秋時吳楚稱王而諸侯不以

為非者蓋蠻狄畜之也假令齊魯稱王諸侯豈不伐之故聖上以貴公忠賢是以爵以上

公位以方伯鮮卑北狄豈足為比哉吾又聞之有殊勳絕世者亦有不世之賞若今便以

貴公為王者設貴公以河右之衆南平巴蜀東掃趙魏修復舊都以迎天子天子復以何

爵何位可以加賞幸三思之猛具宜歸言重華遂止

武威張澍輯本序曰隋志西河記二卷元和姓纂東晉有喻歸撰西河記三卷廣韻作二

卷喻作諭音樹蓋記張重華事也十六國春秋晉遣侍御史喻歸拜重華護羌校尉涼州

刺史假節重華謀為涼王不肯受詔使親信人與歸言歸折之西河記作於此時也今存

者祇數則余撮而錄之以備佚簡姑臧記二事並附於末

按此蓋喻氏奉使時所記兩唐志不載別

按此蓋喻氏奉使時所記兩唐志不載別

有段龜龍西河記二卷疑即喻書而誤屬之段氏

涼記十卷記呂光事偽涼著作佐郎段龜龍撰段龜龍始末未詳

晉書孝武帝本紀太元十年八月姚萇殺苻堅而僭即皇帝位九月呂光據姑臧自稱涼州刺史十四年二月呂光僭號三河王二十

一年六月呂光僭即天王位又載記呂光據姑臧稱涼及曰後涼呂光字世明略陽氏人父婆樓佐命苻堅官至太尉

光以孝武太元十二年定涼州十五年僭立光子纂纂從弟隆降於姚興後以謀反為興

所誅凡十有三載以安帝元興三年滅史通正史篇曰段龜龍記呂氏

唐書藝文志段龜龍涼記十卷張澍輯本序曰段龜龍涼州記乃記呂光事

也藝文類聚初學記太平御覽諸書引或作西涼記或作涼州記余輯得二十餘事內有

張謩涼州記二則赫連氏涼書三則蒙遜涼書二則亦附於末

涼書十卷高道讓撰北史高崇傳崇渤海蓀人襲父爵開陽男子

謙之字道讓專意經史多所該涉襲爵釋褐奉朝請除國子博士與袁翻常景鄴道元溫

子昇之徒咸申款舊以父舅氏沮渠蒙遜曾據涼土國書漏闕謙之乃修涼書十卷行於

世涼國盛事佛道為論貶之因稱佛是九流

佛義對之竟不能屈後坐事靈太后詔於獄賜死時年四十二永安中贈征虜將軍營州刺史諡曰康

晉書載記段業據張掖稱北涼後四年沮渠蒙遜殺段業自稱涼又曰沮渠蒙遜臨松盧水胡人也其先世為匈奴左沮渠遂以官為氏焉以安帝隆安元年自稱州牧義熙八年

僭立後八年而宋氏受禪以元嘉十年死在偽位三十三年子茂虔立六年為魏所擒合

三十九載而滅宋書大沮渠蒙遜傳元嘉十六年閏八月拓跋燾攻涼州茂虔兄子萬年為虜內應茂虔

見執涼書十卷沮渠國史北史宗欽傳欽字景若金城人少好學有儒

者風仕沮渠蒙遜為中書郎世子洗馬太武平涼州入魏賜爵臥樹男拜著作郎在河西

撰蒙遜記十卷無足可稱又段承根傳云崔浩引承根陰仲達俱為著作浩誅承根與宗

欽等俱死蓋與于崔浩史福同在死者百二十八人之內者也

史通正史篇宗欽記沮渠氏按此即高謙之所謂國書漏闕因據以重

修即高書之藍本也宋書大且渠蒙遜傳元嘉十四年河西王茂虔奉表獻方物並

獻涼書十卷不知是否即此抑劉昫所作十卷也

托跋涼錄十卷

不著撰人

晉書載記曰禿髮烏孤據廉川稱南涼又曰南涼禿髮烏孤河西鮮卑人也其先與後魏同出八世祖匹孤率其部自塞北遷於河西匹孤卒子壽闡立壽闡之母因寢而產於被中鮮卑謂被爲禿髮因而氏焉又曰烏孤在位三年卒弟利鹿孤立在位三年死弟儁檀嗣儁檀在位十三年降於乞伏熾熾歲餘爲熾熾燒死自烏孤以安帝隆安元年僭立至儁檀三世凡十九年以安帝義熙十年滅史通史官篇曰南涼主烏孤初定霸基欲造國紀以其參軍郎韶或作郭韶爲國紀祭酒使撰錄時事又正史篇曰失名記禿髮氏唐書經籍藝文志拓跋涼錄十卷

錢大昕隋書考異曰拓跋涼錄十卷不著撰人常是記南涼事禿髮即拓跋聲之轉也錢塘梁玉繩警記曰魏氏拓跋魏書言北俗謂土爲托謂后爲跋故以爲氏南齊書言魏是李陵後匈奴女名托跋妻李陵其俗以母名爲姓二說不同然皆非也御製全韻詩魏太武一篇注云拓跋氏居于北漠當爲蒙古部落拓跋自系蒙古語之圖卜謂正及中也

敦煌實錄十卷劉景撰

劉景即劉昺有涼書十卷見前

魏書本傳李暠徵爲儒林祭酒著涼書十卷敦煌實錄二十卷行於世

晉書安帝本紀隆安四年是歲河右諸郡奉涼武昭王李玄盛爲秦涼二州牧涼公年號

庚子又載記序曰李玄盛據敦煌稱西涼

又涼武昭王列傳王諱暠字玄盛隴西成紀人姓李氏漢前將軍廣之十六世孫也在位十三年薨子士業嗣爲沮渠蒙遜所害玄盛以安帝隆安四年立至宋少帝景平元年滅據河右凡二十四年

北史序傳昭王以緯世之量爲羣雄所奉兵無血刃遂啓霸業乃修敦煌舊塞薨諡曰武昭王後主諱歆字士業武昭王第二子在位四年爲沮渠蒙遜所敗闔亡據河右凡二世二十一年世子重耳奔於江左遂仕於宋後歸魏位弘農太守即皇室七廟之始也宋書大沮渠蒙遜傳元嘉十四年河西王茂虔奉表獻方物並獻敦煌實錄十卷

史通雜說篇交趾遠居南裔越裳之俗也燉煌僻處西域昆戎之鄉也求諸人物自古關載蓋由地居下國路絕上京史官注記所不能及也既而士燮著錄劉昺裁書則磊落英才粲然盈囑者向使兩賢不出二郡無記彼邊隅之君子何以取聞於後世乎是知著述之功其力大矣豈與夫詩賦小技校其優劣者哉

又雜述篇曰史氏流別其類有十其五曰郡書郡書者矜其鄉賢美其邦族施於本國頗得流行置於他方罕聞愛異其有如常璩之詳審劉昺之該博而能傳諸不朽見美來裔者蓋無幾焉

唐書經籍志雜傳類燉煌實錄二十卷劉延

明撰

唐書藝文志爲史類劉昺燉煌實錄二十卷

又雜傳記類重出一部

章氏考證續漢五行志注白帖卷三十一太平寰宇記御覽兵部人事部宗親部樂部資產部羽族部太平廣記夢類共引燉煌實錄十二事唐志二十卷舊唐志入雜傳類

十六國春秋一百卷魏崔鴻撰

魏書崔光傳光東清河鄆人也從子鴻字彥鸞少好讀書博綜經史孝昌初拜給事黃門侍郎尋加散騎常侍齊州大中正卒鴻弱冠便有著述之志見晉魏前史皆成一家無所措意以劉涓子勒慕容儼苻健慕容垂姚萇慕容德赫連屈子張軌李雄呂光乞伏國仁禿髮烏孤李暠沮渠蒙遜馮跋等並因世故跨僧一方各有國書未有統一鴻乃撰爲十六國春秋勒成百卷因其舊記時有增損褒貶焉其表又稱別作序例一卷年表一卷後永安中鴻子元爲祕書郎乃奏其父書曰臣亡考鴻刊著趙燕秦夏涼蜀等遺載爲之贊序褒貶評論先朝之日草構悉了唯有李雄蜀書搜索未獲闕茲一國遲留未成去正光三年購訪始得討論適訖而先臣棄世凡十六國名爲春秋一百二卷今繕寫一本乞藏祕閣

史通正史篇十六國史或當代所書或他邦所錄魏世黃門侍郎崔鴻乃考覈衆家辨其同異除煩補缺錯綜綱紀易其國書曰錄主

紀曰傳都謂之十六國春秋勒爲一百二卷
鴻歿後永安中其子繕寫奏上請藏諸祕閣
由是偽史宣布大行於時

又探蹟篇曰自二京板蕩五胡稱制崔鴻鳩
諸僞史聚成春秋其所列者十有六家而已

魏收云鴻世仕江左故不錄司馬劉肅之書
又恐識者尤之未敢出行於外

原注以上並取
語見鴻本傳案于時中原乏主海內橫流逖彼

東南更爲正朔適使素王再出南史重生終
不能別有異同忤非其議安得以僞書無錄

而猶罪歸彥鸞者乎觀鴻書之紀綱皆以晉
爲主亦猶班書之載吳項必繫漢年陳志之

述孫劉皆宗魏世何止獨遺其事不取其書
而已哉

又表曆篇曰當晉氏播遷南據揚越魏宗勃
起北雄燕代其間諸僞十有六家不附正朔

自相君長崔鴻著表頗有甄明比于史漢羣
篇其要爲切者矣

唐書經籍志十六國春秋一百二十卷崔鴻
撰

唐書藝文志崔鴻十六國春秋一百二十卷
兩志並衍十字

四庫載記類簡明目錄曰十六國春秋一百
卷舊題魏崔鴻撰考鴻書自崇文總目已不

著錄此本乃明屠喬孫項琳之所僞作故以
晉宋之號繫年與史通合而無表則與史通

不合無贊無序亦與魏書不合然皆摭諸書
所引鴻書聯貫排比而成與他僞書究不同

也又有別本十六卷載何鏗漢魏叢書中十
六國各爲一錄

纂錄一十卷

不著撰人

按此繫十六國春秋之後明是纂錄其書
特不知出於何人耳崇文總目有十六國

春秋略二卷通鑑考異所引書又有十六
國春秋鈔疑皆出於是書

戰國春秋二十卷李概撰

李概有續修音韻決疑見經部小學類

北史李公緒附傳公緒弟概著戰國春秋行
於世

唐書經籍志編年類戰國春秋二十卷李概
撰

唐書藝文志僞史類李概戰國春秋二十卷
章氏考證元和姓纂曰木端木之後避仇改

爲木氏有木概著戰國策春秋疑字誤增通志

同誤見七錄通志氏族略依姓纂稱爲木氏
然他書皆稱李季節廣韻序有李季節音譜

兩唐志並作李概隋志古史類已見此重出
按氏姓之書有附會譌誤極可笑者此以李概爲木概既

然案鄧名世古今氏姓書辨證有出就氏引漢藝文志古
有出就鞠著書二十五篇言兵要依檢漢志乃是出就鞠

二十五篇班氏從諸子析出入之兵技巧者也以出就二
字爲出就氏而去其足以鞠爲出就氏之名其譌尤甚於

此
按魏書崔鴻十六國春秋表曰晉自永寧
以後所在稱兵建邦命氏者成爲戰國春

秋十有六家晉書載記亦云大凡劉元海
以惠帝永興元年據離石稱漢爲之禍首

提封天下十喪其八其爲戰國者一百三
十六載蓋始於惠帝是年終於宋元嘉十

六年概之時已後百餘年矣其所謂戰國
春秋者殆即記十六國之事本志入霸史

次十六國春秋之後自得部居其古史類
別出一條失於刪除

漢趙記十卷和苞撰

晉書劉曜載記曜命起鄴明觀立西宮建凌
霄臺又將營壽陵侍中和苞上書諫曜大悅

封苞平輿子領諫議大夫
嚴可均全晉文編曰和苞仕劉曜爲侍中封

平輿子領諫議大夫
晉書載記序曰劉元海以惠帝永興元年據

離石稱漢爲之禍首又曰劉元海新興匈奴
人冒頓之後也名犯高祖廟諱故稱其字焉

初漢高祖以宗女爲公主以妻冒頓約爲兄
弟故其子孫遂冒姓劉氏元海在位六年死

子和立未幾劉聰殺之聰元海第四子也聰
立九年死子粲爲其大將軍靳準所殺劉曜

者元海族子也元帝大興元年僭即皇帝位
國號曰趙在位十年爲石勒所執後殺之始

元海以懷帝永嘉四年僭位至曜三世凡二
十有七載以成帝咸和四年滅

史通正史篇十六國史前趙劉聰時領左國
史公師或撰高祖本紀及功臣傳二十人甚
得良史之體凌修譖其訕謗先帝聰怒而誅

之劉曜時平輿子和苞撰漢趙記十篇事止當年不終隳滅

唐書經籍志漢趙記十卷和苞撰

唐書藝文志和苞漢趙記十四卷

宋史藝文志和苞漢趙記一卷

章氏考證初學記居處部御覽兵部人事部禮儀部共引和苞漢趙記七事愚按苞稱劉聰名稱曜爲今上案爲太子是其史例新唐志十四卷

按是書爲十六國之始不置篇首而列於此此亦提要所謂編次無法之一端焉宋志一卷殆後人輯錄本

吐谷渾記二卷宋新亭侯段國撰

段國始末詳

晉書四夷傳吐谷渾慕容廆之庶長兄也其父涉歸分部落一千七百家以隸之及涉歸卒廆嗣位而二部馬鬪廆怒曰先公分建有別奈何不相遠離而令馬鬪耶吐谷渾曰馬爲畜耳鬪其常性何怒於人乖別甚易當去汝於萬里之外矣於是遂行謂其部落曰我兄弟俱當享國廆及曾玄纔百餘年耳我玄孫已後庶其昌乎於是乃西附陰山屬永嘉之亂始度隴而西其後子孫據有西零已西甘松之界極乎白蘭數千里逐水草廬帳而居吐谷渾年七十二卒子吐延嗣吐延卒子葉延嗣葉延曰禮云公孫之子得以王父字爲氏吾始祖自昌黎光宅於此今以吐谷渾爲氏尊祖之義也其後世嗣不絕

張澍段氏沙州記輯本序曰按魏書阿豺立自號沙州刺史部內有黃沙周回數百里不生草木因號沙州宋新亭侯段國所纂沙州記即隋志之吐谷渾記也原二卷今亡佚甚多特就所見鈔之又錄太平寰宇記吐谷渾始末以補其國

按魏書吐谷渾傳阿豺者其七世孫也兼并羌氏地方數千里遣使通宋獻其方物時當宋文帝元嘉之初段國撰記其亦在元嘉中歟又按寰宇記云吐谷渾自晉永嘉之末始西渡洮水建國於羣羌之故地至唐龍朔三年爲土蕃所滅凡三百五十年

梁有翟遼書二卷亡

不著撰人

晉書孝武帝本紀太元八年冬十月乙亥諸將及苻堅戰於肥水大破之俘斬數萬計獲堅輿輦及雲母車十二月前句町王翟遼背苻堅舉兵於河南慕容垂自鄴與遼合遂攻堅子暉於洛陽九年二月慕容垂自洛陽與翟遼攻苻堅子丕於鄴十一年春正月壬午翟遼襲黎陽執太守滕恬之三月太山太守張願以郡叛降於翟遼秋八月翟遼寇譙龍驤將軍朱序擊走之十二年春正月翟遼遣子劍寇陳穎朱序擊走之夏四月高平人翟暢執太守徐含遠以郡降於翟遼冬十一月松滋太守王遐之討翟遼於洛口敗之十三年秋七月翟遼將翟發寇洛陽河南太守郭

給距破之十四年夏四月翟遼寇滎陽執太守張卓十五年春正月龍驤將軍劉牢之及翟遼張願戰於太山王師敗績八月龍驤將軍朱序攻翟遼於滑臺大敗之張願來降十六年六月慕容垂襲翟劍於黎陽敗之劍奔於慕容永十八年三月翟劍寇河南

北史僭偽列傳慕容永進據長子僭稱帝號又曰先是丁零翟叛垂後遣使謝罪垂不許遼怒遂自號大魏天王屯滑臺與垂相擊死子劍代之垂攻劍於滑臺劍敗降永永以劍爲車騎大將軍東郡王歲餘謀殺永永誅之

按晉書北史載翟遼事如此又苻堅載記云護軍從事中郎丁零翟斌反於河南斌兄子眞眞子遼亦略見慕容垂載記及朱序傳遼蓋羌人故史亦稱丁零羌與慕容垂慕容泓慕容冲姚萇呂光乞伏國仁等並爲苻堅之叛臣而遼死於垂劍死於永永於太元十九年爲垂所誅劍死當在太元十八九年父子作亂首尾凡十二年而滅

梁有諸國略記二卷亡

梁有永嘉後纂年記二卷亡

並不著撰人

梁有段業傳一卷亡

不著撰人

晉書安帝本紀隆安元年三月呂光建康太守段業自號涼州牧三年二月段業自稱涼

王五年夏五月沮渠蒙遜殺段業自號大都督北涼州牧

又載記序曰段業據張掖稱北涼又沮渠蒙遜載記段業京兆人也博涉史傳爲杜進記室從征塞表後涼呂光署爲建康太守蒙遜推爲使持節大都督龍驤大將軍涼州牧建康公改呂光龍飛二年爲神璽元年僭稱涼王後爲蒙遜所殺業儒素長者無他權略威禁不行羣下擅命尤信卜筮讖記巫覡徵祥故爲姦佞所誤云

天啓記十卷記梁元帝子諱據湘州事

不著撰人

南史忠壯世子方等傳元帝即位改諡武烈世子封子莊爲永嘉王及魏剋江陵莊年甫七歲爲人家所匿後王琳迎送建鄴及敬帝立出質于齊敬帝太平二年陳武帝將受禪王琳請莊於齊以主梁嗣自益城濟江二月卽帝位於鄆州年號天啓置百官王琳總其軍國明年莊爲陳人所敗其御史中丞劉仲威奉以奔壽陽遂入齊齊武平元年授特進開府儀同三司封梁王齊朝許以興復竟不果而齊亡莊在鄆飲氣而死

周書蕭詧傳初江陵滅梁元帝將王琳據湘州志圖匡復及詧立琳乃遣其將潘純陁侯方兒來寇詧出師禦之純陁等退歸夏口詧之四年詧遣其大將軍王操率兵略取王琳之長沙武陵南平等郡五年王琳又遣其將雷文柔襲陷監利郡太守蔡大有死之尋而

琳與陳人相持稱藩乞師於詧詧許之師未出而琳軍敗附於齊

陳書武帝本紀永定二年三月王琳立梁永嘉王蕭莊於鄆州文帝天嘉元年二月丙申太尉侯瑱敗王琳于梁山攻齊兵于博望生擒齊將劉伯球盡收其資儲船艦俘誠以萬計王琳及其主蕭莊奔於齊

齊書王琳傳琳字子珩會稽山陰人也本兵家仕梁元帝以功封建寧縣侯爲湘州刺史魏平江陵長沙蕃王蕭詔及上游諸將推琳主盟琳乃移湘州軍府就鄆城帶甲十萬奉永嘉王莊纂梁祚于鄆州莊封琳安城郡公

後兵敗與莊同降鄆郡都昭帝封琳巴陵郡王後爲陳將吳明徹殺於壽陽贈十五州諸軍事揚州刺史侍中特進開府錄尚書事諡曰忠武王琳輕財愛士得將卒之心少任將帥屢經喪亂雅有忠義之節雖本圖不遂鄆人亦以此重之待遇甚厚及敗爲陳軍所執吳明徹欲全之而其下將領多琳故吏爭來致請並相資給明徹由此忌之故及於難當時田夫野老知與不知莫不爲之歎歎流泣觀其誠信感物雖李將軍之恂恂善誘殆無以加焉琳十七子長子敬在齊襲王爵

唐書經籍志編年類天啓記十卷守節先生撰

唐書藝文志僞史類守節先生天啓記十卷按本志注梁元帝子諱不知何謂考蕭莊爲梁元帝之孫豈之孫之誤歟唐志作守

節先生撰亦不知何許人也

右二十七部三百三十五卷通計亡書合三十三部三百四十六卷敘曰自晉永嘉之亂皇綱失馭九州君長據有中原者甚衆或推奉正朔或假名竊號然其君臣忠義之節經國字民之務蓋亦勤矣而當時臣子亦各紀錄後魏克平諸國據有嵩華始命司徒崔浩博采舊聞綴述國史諸國記注盡集祕閣爾朱之亂並皆散亡今舉其見在謂之霸史無錫浦起龍史通通釋曰十六國史通所闕者惟夏赫連勃勃西涼李暠西秦乞伏國仁也而隋唐二志亦此三國無書此著錄部數不誤附著亡書六部通計部數亦不誤

按七錄序目記傳錄第七曰僞史部凡二十六種二十七秩一百六十一卷本志著錄並亡書據云三十三部三百四十六卷視七錄增益七部一百八十五卷則卷首總序所謂舊錄所遺辭義可采有所弘益者咸附入之之類焉亦皆據隋代見存書目纂入也

按游覽先生南燕書七卷何仲熙奏書八卷無名氏纂錄十卷段國吐谷渾記二卷又梁有蜀平記十卷蜀漢僞官故事一卷翟遼書二卷諸國略記二卷永嘉後纂年記二卷段業傳一卷凡十部章氏考證皆不載

隋書經籍志考證卷十五

史部五

起居注類

穆天子傳六卷汲冢書郭璞注

郭璞有毛詩拾遺見經部詩類

晉侍中中書監光祿大夫濟北侯臣荀勗序

曰古文穆天子傳者太康二年汲縣民不準

盜發古冢所得書也皆竹簡素絲編以巨勗

前所考定古尺度其簡長二尺四寸以墨書

一簡四十字汲冢者戰國時魏地也案所得紀

年蓋魏惠成王子今王之冢也於世本蓋襄

王也案史記六國年表自今王二十一年至

秦始皇三十四年燔書之歲八十六年及至

太康二年初得此書凡五百七十九年其書

言周穆王游行之事春秋左氏傳曰穆王欲

肆其心周行于天下將皆使有車轍馬跡焉

此書所載則其事也王好巡守得盜驪耳

之乘造父爲御以觀四荒北絕流沙西登崑

命見西王母與太史公記同汲郡收書不謹

多毀落殘缺雖其言不典皆是古書頗可觀

覽謹以二尺黃紙寫上請事平以本簡書及

所新寫並付祕書繕寫藏之中經副在三閣

謹序

春秋經傳集解後序正義引王隱晉書束皙

傳曰周王遊行五卷說周穆王游行天下之

事今謂之穆天子傳

晉書束皙傳竹書敍目曰穆天子傳五篇言

周穆王游行四海見帝臺西王母

晉書郭璞傳璞又注三倉方言穆天子傳並傳於世

本志篇敍曰晉時得汲冢書有穆天子傳體

制與今起居注正同蓋周時內史所記王命

之副也

唐書經籍志穆天子傳六卷郭璞注一本注誤

作撰

唐書藝文志郭璞穆天子傳六卷

宋史藝文志別史類郭璞注穆天子傳六卷

晁氏讀書志傳記類穆天子傳六卷晉太康

二年汲縣民盜發古冢所得凡六卷八千五

百一十四字詔荀勗和嶠等以隸字寫之郭

璞注本謂之周王遊行記勗之時古文已不

能盡識時有缺者又轉寫益誤殆不可讀

陳氏書錄解題穆天子傳六卷晉武帝時汲

冢所得書其體制與起居注正同郭璞爲之

注

玉海藝文傳記類穆天子傳中與書目六卷

拾遺記曰穆王三十二年巡行天下有書史

十人記其所行之地

四庫小說家提要曰按晉書束皙傳云穆天

子傳五篇又雜書十九篇周食田法周書論

楚事周穆王美人盛姬死事按今盛姬載穆

天子傳第六卷蓋即束皙所謂雜書之一篇

也尋其文義應歸此傳束皙傳別出之非也

此書紀事有月日而無年又文多斷缺所紀

雖多夸言寡實然所謂西王母者不過西方

一國君所謂懸圃者不過爲飛鳥百獸之所

飲食爲大荒之圃澤無所謂神仙怪異之事

所謂河宗氏者亦僅國名無所謂魚龍變見

之說較山海經淮南子猶爲近實列子周穆

王篇所載與此傳相出入蓋當時流俗有此

載記如後世小說野乘之類故列禦寇得撫

拾其文耳世所傳汲冢書師春之類久已亡

佚逸周書又屬誤入紀年僞妄顯然其真存

於今者惟此傳矣

又簡明目錄曰穆天子傳六卷汲冢古本晉

郭璞注所紀周穆王西行之事爲經典所不

載而與列子周穆王篇互相出入知當時委

巷流傳有此雜記舊史以其編紀日月皆列

起居注中今改隸小說以從其實

臨海洪頤煊校刊序曰案史記穆王在位五

十五年此書所載尋其甲子不過四五年間

事耳雖殘編斷簡其文字古雅信非周秦以

下人所能作尤足與經史相證據晁志云書

凡六卷八千五百一十四字今本僅六千六

百二十二字則又非晁氏所見之本矣

漢獻帝起居注五卷

不著撰人

袁宏後漢紀序曰聊以暇日撰集爲後漢紀

其所撥會有漢山陽公紀漢靈獻起居注

本志篇敍曰起居注者錄紀人君言行動止

之事春秋傳曰君舉必書書而不法後嗣何

觀周官內史掌王之命遂書其副而藏之是

其職也漢武帝有禁中起居注後漢明德馬

爲女史之職然皆零落不可復知今之存者有漢獻帝及晉代已來起居注皆近侍之臣所錄

唐書經籍藝文志漢獻帝起居注五卷

章氏考證魏志武紀注文紀注董卓傳注郎原傳注蜀志先主傳注續漢禮儀祭祀五行百官輿服志注後漢書獻紀董卓傳注初學記太平御覽職官部通典禮門注並引獻帝起居注共數十事

侯康補三國藝文志曰唐六典漢獻帝及西晉以後諸帝皆有起居注皆史官所錄康按此書隋志不著撰人後漢書及續漢書志三國志諸注屢引之魏文帝紀注引一條云建安十五年爲司徒趙溫所辟太祖表溫辟臣子弟選舉故不以實使侍中守光祿勳郗慮持節奉策免溫官稱曹操爲太祖則此書成於魏時也

按袁宏言靈獻起居注則晉時尙有靈帝起居注至隋而僅存此帙獻帝於少帝昭寧元年九月爲董卓所立改元永漢未幾仍稱中平六年靈帝末年之號也明年改元初平初平盡四年改元興平興平盡二年改元建安建安盡二十四年改元延康延康元年之十月遜位首尾凡三十二年自遜位之後自不得再有起居注起居注所記自不得連及山陽就封之後故其記後事別有漢獻帝傳山陽公記諸書在焉書中稱太祖書名題獻帝稿爲魏人手筆史

通正史篇云及在許都楊彪頗存注記意卽是彪所存彪卒于魏文帝黃初六年其改稱太祖稱獻帝則皆在魏明帝青龍二

年之後矣

晉泰始起居注二十卷李軌撰

李軌有周易音見經部易類
晉書武帝本紀泰始六年秋七月乙巳詔曰自泰始以來大事皆撰錄祕書寫副後有其事輒宜綴集以爲常

本志篇敘曰今之存者有晉代已來起居注皆近侍之臣所錄今依其先後編而次之

唐書經籍志晉太始起居注二十卷李軌撰
唐書藝文志李軌晉泰始起居注二十卷

章氏考證蜀志諸葛瞻傳注藝文類聚太平御覽果部並引晉泰始起居注

按晉武受魏禪改元泰始時蜀漢亡已二年吳孫皓甘露元年猶未混一也泰始紀元凡十年

晉咸寧起居注十卷李軌撰

唐書藝文志李軌咸寧起居注二十二卷

章氏考證藝文類聚服飾部鳥部引一事題晉咸寧起居注初學記服食部北堂書鈔衣冠部太平御覽服食部並引之唐志二十二卷

按武帝改元咸寧時孫皓天冊元年也咸寧紀元凡五年

晉泰康起居注二十一卷李軌撰

唐書經籍志晉太康起居注二十二卷李軌

撰藝文志同

章氏考證初學記職官部藝文類聚食物部御覽職官部兵部車部器物部飲食部並引太康起居注唐志二十二卷又書鈔設官部御覽皇親部職官部並引晉武帝起居注

按泰康元年三月平吳天下一統因而大赦改元泰康泰康紀元凡十年後改元太

熙太熙元年四月武帝崩惠帝立武帝在位二十六年改元四

晉元康起居注一卷

不著撰人

按惠帝元康紀元凡九年在永平之後本志引七錄別有永平元康永寧起居注六卷此一卷卽七錄之佚存者

梁有永平元康永寧起居注六卷亡

唐書經籍志晉永平起居注八卷李軌撰藝文志同

按惠帝卽位不踰年改元永熙明年正月詔改永熙爲永平元年是年三月以誅楊駿等大赦改元爲元康元康紀元凡九年明年正月改元永康永康二年正月趙王倫篡位四月反正大赦改元爲永寧永寧紀元止於明年十二月其後又改太安永安建武永興光熙惠帝在位十七年凡十改元章氏考證云初學記服食部引永安起居注記太康四年事恐誤
又按兩唐志八卷似卽此六卷及後惠帝起居注二卷合并爲帙者亦皆李軌所撰

錄歟

梁又有惠帝起居注二卷亡

不著撰人

玉海藝文記注類魏志注案陸機惠帝起居

注宋書傅亮與蔡廓書引陸士衡起居注

章氏考證宋書蔡廓傳魏志張燕傳注各引

一事題陸機晉惠帝起居注又魏志趙儼傳

注世說言語篇文學篇賞譽篇注北堂書鈔

儀飾部武功部御覽皇親部服章部服用部

共引惠帝起居注十三事不著撰人

按陸機本傳元康中累遷太子洗馬著作

郎其撰起居注當在斯時然不知是否即

此二卷也

梁又有永嘉建興起居注十三卷亡

不著撰人

唐書經籍志晉愍帝起居三十卷李軌撰

按懷帝紀元永嘉凡六年愍帝紀元建興

凡四年皆為劉聰所弑舊唐志作三十卷

似即此十三卷又但稱愍帝則又似別為

一本為李軌所撰錄者

晉建武大興永昌起居注九卷梁有二十卷

不著撰人

唐書經籍志晉建武大興永昌起居注二十

二卷藝文志同

章氏考證太平御覽服用部引建武起居注

一事職官部引大興起居注二事儀飾部引

永昌起居注一事

按元帝本紀建武元年三月辛卯即晉王

位改元建武次年三月愍帝崩問至景辰

即皇帝位改元大興大興紀元凡四年明

年改元永昌是年四月王敦舉兵入京師

閏十一月己丑帝崩在位凡六年改元三

晉元康起居注一卷

不著撰人

按其前已有元康起居注一卷此重出其

目篇敘言晉代起居注依其先後編而次

之則是篇部居最有條理按元帝之後為

明帝明帝在位三年改元太寧疑此即太

寧起居注

晉咸和起居注十六卷李軌撰

晉咸康起居注二十二卷

李軌見前

唐書經籍志晉咸和起居注十八卷李軌撰

晉咸康起居注二十二卷李軌撰藝文志同

章氏考證藝文類聚果部太平御覽器物部

羽族部並引晉咸和起居注唐志十八卷又

類聚歲時部布帛部器物部木部並引晉咸

康起居注

按咸帝咸和紀元凡九年改元咸康凡八

年咸康起居注本志不著撰人據兩唐志

亦李軌所撰也

晉建元起居注四卷

不著撰人

唐書經籍志晉建元起居注四卷藝文志同

章氏考證北堂書鈔設官部太平御覽職官

部並引晉建元起居注

按康帝在位二年改元建元

晉永和起居注十七卷梁有二十四卷

晉升平起居注十卷

並不著撰人

唐書經籍志晉永和起居注二十四卷晉永

平起居注十卷按永平為升平之誤章氏謂舊唐志

缺升平起居注者非也藝文志作升平不誤

章氏考證初學記樂部寶器部並引晉永和

起居注白帖御覽亦引之

按穆帝即位年二歲太后臨朝攝政改元

永和凡十二年明年正月帝加元服始親

萬幾改元升平凡五年崩

晉隆和與寧起居注五卷

不著撰人

唐書經籍志晉崇和與寧起居注五卷

唐書藝文志晉隆和與寧起居注五卷

錢塘梁著庭立紀聞曰唐人避諱改隆和為

崇和

按哀帝即位紀元隆和凡一年明年改元

與寧凡三年崩

晉泰和起居注六卷梁十卷

不著撰人

唐書經籍志晉太和起居注六卷藝文志同

按海西公紀元太和凡五年明年十一月

桓溫宣崇德太后令廢帝為東海王後降

封為海西公徙居吳縣勅吳國內史刁彝

防衛又遣御史顧允監察之帝知天命不

可再深慮橫禍乃杜塞聰明無思無慮終

日酣暢耽於內寵有子不育庶保天年時人憐之爲作歌焉太元十一年十月甲申薨於吳時年四十五

又按本志以此六卷次咸安起居注之後與志序言依先後編次之例不符當是轉寫之誤今移易之

晉咸安起居注三卷

不著撰人

唐書經籍志晉咸安起居注三卷藝文志同

按簡文帝以海西公太和六年十一月己酉以會稽王爲桓溫所立元帝少子也改元咸安明年七月乙未崩咸安紀元凡二年實止於九月也

晉寧康起居注六卷
晉泰元起居注二十五卷梁五十四卷
並不著撰人

唐書經籍志晉寧康起居注六卷晉太元起居注五十二卷藝文志同

章氏考證世說賞鑒篇注御覽車部並引晉泰元起居注又曰藝文類聚儲宮部御覽皇親部並引晉孝武起居注章氏既載泰始成寧泰康起居注三部又別出晉武帝起居注既載建元寧康泰元起居注亦三部又別出康帝孝武帝起居注皆注云不著錄此但以諸書稱引偶異未嘗詳考歷朝年號遂以爲別是一書眩惑殊甚也

按孝武帝即位年十歲崇德太后臨朝紀元寧康凡三年明年正月帝加元服皇太后歸政大赦改元太元太元二十一年秋

九月崩
晉隆安起居注十卷
晉元興起居注九卷
晉義熙起居注十七卷梁三十四卷
並不著撰人

唐書經籍志晉崇寧起居注十卷晉元興起居注九卷晉義熙起居注十七卷梁三十四卷

同按隆安作崇寧者唐宋人避諱改也梁書庭立紀閭曹晉之章氏又別出崇寧起居注十卷注云不著錄見唐志豈不知晉代無崇寧之號乎

章氏考證太平御覽果部引晉隆安起居注一事藝文類聚舟車部北堂書鈔舟部藝文部儀飾部太平御覽天部服章部器物部果部菜茹部香部並引晉義熙起居注

按安帝紀元隆安凡五年改元元興凡三年元興元年三月桓玄反入京師明年十二月玄篡位以帝爲平固王帝蒙塵於尋陽次年又爲玄偏至江陵南郡及督護馮遷斬桓玄又復蒙塵於桓振賊營明年正月反正大赦改元義熙義熙十四年十二月崩帝不惠自少及長口不能言雖寒暑之變無以辨也凡所動止皆非己出故桓玄之篡因此獲全劉裕將爲禪代密使王韶之縊帝而立恭帝

晉元熙起居注二卷

不著撰人

唐書經籍志晉元熙起居注二卷藝文志同

按恭帝本紀義熙十四年十二月戊寅安

帝崩劉裕矯詔立帝是日即位明年改元元熙元熙二年夏六月壬戌劉裕至於京師甲子遂禪位遜於琅琊第劉裕以帝爲零陵王居於秣陵宋永初二年九月丁丑弑帝於內房年三十六謚恭皇帝

晉起居注三百一十七卷宋北徐州主簿劉道會撰梁有三百二十二卷

劉道會始末未詳道會亦作道書唐書藝文志故事類有劉道會先朝故事二十卷

唐書經籍志晉起居注三百二十卷劉道會撰
唐書藝文志劉道會晉起居注三百二十卷章氏考證曰昔人徵引晉代起居注其不著年號而統稱晉者逸篇最多證以隋唐志所載蓋原本卷數至三百二十二卷宜徵引之多也北堂書鈔太平御覽尤多引之其書自武帝至安帝總記兩晉當是合諸家而成一書多晉書紀志列傳所不載者章氏此輯本頗可觀惜乎其不傳

流別起居注三十七卷

不著撰人

金樓子聚書篇曰爲揚州刺史時就吳中諸士大夫寫得起居注又得徐勉起居注

梁書徐勉傳勉勤著述雖當機務下筆不休嘗以起居注煩雜乃加刪撰爲別起居注六百卷爲下流字南史本傳乃撰爲流別起居注六百六十卷

唐書藝文志流別起居注四十七卷

按此及唐藝文志所載似皆徐勉之殘本
徐勉有梁選部別見後職官類

梁有晉宋起居注鈔五十一卷晉宋先朝起居
注二十卷亡

並不著撰人

唐書藝文志何始真晉起居鈔敘注字五十

一卷晉起居注鈔二十四卷

章氏考證唐志有何始真晉起居鈔晉起居

注鈔二書俱不言宋

按何始真宋季時人有春秋左氏區別見

經部春秋類此大抵鈔合晉宋兩朝記注

梁書孔休源傳徐勉對武帝曰孔休源諳

練故實自晉宋起居注誦略上口似即謂

是書歟若是則梁代盛行其書其後一部

二十卷唐志作二十四卷者疑別為一家

之書

宋永初起居注十卷

不著撰人

唐書經籍志宋永初起居注六卷藝文志同

按宋武帝以晉恭帝元熙二年六月受禪

改元熙二年為永初元年至三年五月崩

永初紀元凡三年實首尾二年

宋景平起居注三卷

不著撰人

唐書經籍志宋景平起居注三卷藝文志同

按少帝即位明年改元景平次年五月乙

酉司空徐羨之中書監傅亮江州刺史檀

道濟揚州刺史王弘領軍謝晦以皇太后

令廢為營陽王幽於吳郡六月癸丑徐羨

之等使中書舍人邢安泰弒帝於金昌亭

年十九景平紀元凡一年實首尾二年

宋元嘉起居注五十五卷梁六十卷

不著撰人

文苑英華裴子野宋略總論曰曾祖太中大

夫西鄉侯以文帝之十二年受詔撰元嘉起

居注按裴松之卒於元嘉二十八年子野所撰蓋元嘉

十二年以前之注記為所撰定者非盡出松之手也

唐書經籍志宋元嘉起居注六十卷

唐書藝文志宋元嘉起居注七十一卷

章氏考證初學記藝文類聚北堂書鈔太平

御覽並引元嘉起居注或題文帝元嘉起居

注或題元嘉十年起居注二十九年起居注

又引元嘉十三年十八年事題曰宋起居注

按文帝以少帝景平二年八月丁酉即位

改景平二年為元嘉元年三十年二月甲

子為元凶劼所弒崩

宋孝建起居注十二卷

宋大明起居注十五卷梁三十四卷

並不著撰人

唐書經籍志宋大明起居注八卷

唐書藝文志宋孝建起居注十七卷宋大明

起居注十五卷

章氏考證通典樂門引孝建起居注又太平

御覽四夷部引孝建二年事兩條題宋起居

注

按孝武帝文帝第三子也為南中郎將江

州刺史都督四郡軍事元凶弒逆率衆入

討是年四月戊辰至於新亭己巳即皇帝

位五月丙申克定京邑劼及始興王濬諸

同逆並伏誅明年改元孝建凡三年次年

改元大明八年閏五月庚申崩

梁又有景和起居注四卷亡

不著撰人

宋書前廢帝本紀帝諱子業孝武帝長子也

大明八年閏五月庚申世祖崩即皇帝位明

年改元永光永光元年秋八月癸酉帝自率

宿衛兵誅太宰江夏王義恭尚書令驃騎大

將軍柳元景尚書僕射顏師伯廷尉劉德願

改元為景和元年帝凶悖日甚誅殺相繼內

外百司不保首領十一月戊午夜明帝與左

右阮佃夫王道隆李道兒密結帝左右壽寂

之妻產之謀共廢帝寂之懷刃直入妻產之

為副帝欲走寂之追而殞之時年十七

按前廢帝在位首尾凡十九月景和之前

為永光而是年十二月丙寅明帝即位又

改元泰始一歲凡三改元

梁又有明帝在藩注三卷亡

不著撰人

宋書明帝本紀明皇帝諱彧文帝第十一子

也元嘉二十五年封淮陽王二十九年改封

湘東王廢帝永光元年以衛將軍南豫州刺

史鎮姑熟景和未入朝被留停都廢帝誅害

宰輔殺戮大臣疑畏諸父並拘之殿內遇上

無禮收付廷尉一宿被原將加禍害者前後

非一既而害上意定明且便應就禍上先已與腹心阮佃夫等密共合謀殞廢帝於後堂十一月二十九日夜也

宋泰始起居注十九卷梁二十三卷
宋泰豫起居注四卷

並不著撰人

宋書本紀明帝即位詔曰改景和元年為泰始元年泰始八年以疾患未痊改元泰豫泰豫元年四月己亥崩

章氏考證初學記御覽職官部並引宋泰始起居注又初學記寶器服食部御覽兵部引泰始二年事題曰宋起居注

梁有宋成徽起居注二十卷亡成當為元

宋書後廢帝本紀帝諱昱明帝長子也泰豫元年四月己亥明帝崩即皇帝位明年改元元徽昱天性好殺以此為懼一日無事輒慘不樂內外百司人不自保殿省憂惶夕不及旦齊王順天人之心潛圖廢立與直閣將軍王敬則謀結昱左右楊玉夫楊萬年陳奉伯等二十五人謀共取昱元徽五年七月七日夜玉夫與萬年入內以昱防身刀斬之奉伯提昱首與敬則馳至領軍府以首呈齊王齊王奉太后令奉迎安成王皇太后令曰昱窮凶極暴自取灰滅故密令蕭領軍潛運明略廢昏立明雖曰罪招能無傷悼棄同品庶顧所不忍可特追封蒼梧郡王

梁有昇明起居注六卷亡
不著撰人

宋書順帝本紀帝諱準明帝第三子也泰始七年封安成王元徽五年七月戊子夜廢帝殞奉迎即皇帝位改元昇明昇明三年夏四月辛卯天祿永終禪位於齊遷居丹陽宮齊王踐阼封帝為汝陰王建元元年五月己未殂於丹陽宮時年十三諡曰順帝

梁又有齊建元起居注十二卷亡

齊書高帝本紀帝諱道成字紹伯姓蕭氏南蘭陵人漢相國蕭何二十四世孫也受宋帝禪夏四月甲午即皇帝位改昇明三年為建元元年四月三月壬戌崩武帝立

按本志此條在永明起居注之後其例蓋以亡書列見存書之次耳然先後編次雜亂與序言不符今移列於此以順時代據南史沈約傳及宋書自敘似沈約所撰次也

齊永明起居注二十五卷梁有三十四卷

沈約宋書自序永明二年又奏兼著作郎撰次起居注

齊書文學王遂之傳遂之以國子博士兼著作撰永明起居注又周顒傳顒侍文惠太子轉太子僕兼著作撰起居注

唐書藝文志齊永明起居注二十五卷

按齊武帝以建元四年三月即位明年改元永明永明十一年七月戊寅崩鬱林王立

梁有隆昌延興建武起居注四卷亡

齊書本紀鬱林王昭業文惠太子長子也太

子薨立為皇太孫武帝崩太孫即位改元隆昌隆昌元年七月二十二日尚書令西昌侯鸞使蕭譙等領兵入壽光閣殺之時年二十一以王禮葬 又曰海陵王昭文文惠太子第二子也立以為帝是年七月丁酉即位改元延興十月辛亥以皇太后令廢為海陵王十一月乃殞之年十五諡曰恭王 又曰明帝諱鸞始安貞王道生子也太后令人篡高帝第三子是年冬十月癸亥即位改元建武史臣曰隆昌延興建武一歲三改年號也

按建武紀元凡四年明年四月又改元永泰是年七月崩東昏侯立改元永元凡二年永泰永元記注不著錄

梁有中興起居注四卷亡

齊書本紀和帝諱寶融明帝第八子也永元元年封南康王為荊州刺史東昏侯永元三年三月乙巳即位於江陵改元中興次年三月車駕東歸至姑熟丙辰禪位於梁四月丁卯梁王奉帝為巴陵王宮於姑熟戊辰薨年十五尊為齊和帝

按本志及七錄所載起居注自晉武帝迄齊約略備具唯晉惠帝缺永熙永康太安永安建武永興光熙七年齊明帝缺永泰一年東昏侯缺永元兩年

梁大同起居注十卷

隋書百官志梁武受命之初官班多同宋齊之舊祕書省著作郎一人佐郎八人掌國史集注起居著作郎謂之大著作梁初周捨表

子野皆以他官領之

唐書藝文志梁大同七年起居注十卷

章氏考證太平御覽休徵部寰宇記江南西道並引梁大同起居注皆紀九年事御覽又

一事引梁起居注為大同六年事又御覽地部寰宇記劍南西道江南西道嶺南道引天

監起居注

按梁武帝紀元凡天監十八年普通七年

大通二年中大通六年大同十一年中大

同一年太清三年其後簡文帝大寶一年

豫章王天正一年元帝承聖三年敬帝紹

泰一年太平二年此十卷新唐志明云大

同七年則大同十一年之著紀尙不能全

其所亡佚者多矣

後魏起居注三百三十六卷

魏書高祖孝文帝本紀太和十四年二月戊

寅初詔定起居注制十五年春正月初分置

左右史官

又李伯尚傳高祖時為通直散騎侍郎勅撰

太和起居注亦見北史敘傳

又房景先傳景先為司徒祭酒員外郎侍中

穆紹啓景先撰世宗起居注

又崔鴻傳景明三年為員外郎勅撰起居注

正光元年遷司徒左長史修高祖世宗起居

注 又曰鴻撰十六國春秋世宗詔使呈上其書有與國

初相涉言多失體且既未訖迄不奏聞鴻後與起居乃妄

載其表曰云云

又王遵業傳遵業為著作佐郎與司徒左長

史崔鴻同撰起居注遷右軍將軍慰勞蠕蠕

乃詣代京采拾遺文以補起居所闕

北史魏收傳宣武時命邢巒追撰孝文起居

注書至太和十四年旬又命崔鴻王遵業補

續焉下訖孝明事甚委悉按自太和十四年始定

起居注之制故又命追撰自孝文帝延興元年以來迄太

和十四年凡廿二年之記注以補前所未具

北齊書陽休之傳莊帝時李神雋監起居注

啓休之與河東裴伯茂范陽盧元明河間邢

子明等俱入撰次魏書文苑溫子昇傳莊帝建義初

為南主客郎中修起居注

後周書張軌傳魏孝武西遷兼著作佐郎修

起居注

又柳蚪傳魏大統十六年遷中書侍郎修起

居注

又薛寶傳魏廢帝元年領著作佐郎修國史

尋拜中書侍郎修起居注

史通史官篇元魏置起居令史每行幸宴會

則在御左右記錄帝言及賓客酬對後別置

修起居注二人多以餘官兼掌

唐書經籍志後魏起居注二百七十六卷藝

文志同

按後魏自東晉孝武帝太元十年丙戌道

武帝始建號改元後為明元帝太武帝太

武帝之十五年滅北涼沮渠氏而後諸國

皆亡是為北朝一統之始時南朝宋文帝

元嘉十六年也太武帝之後為南安王文

成帝獻文帝孝文帝宣武帝孝明帝孝莊

帝東海王節閔帝安定王孝武帝孝武帝

之三年始分為東西魏東魏一世孝靜帝

孝靜之十六年北齊高氏代之時梁武帝

太清三年也西魏歷四世孝武帝文帝廢

帝恭帝恭帝三年後周宇文氏代之時為

陳武帝永定元年丁丑之歲凡一百七十

二年其有起居注則自孝文帝始其書為

南朝所攢斥至隋始著於錄

陳永定起居注八卷

陳書劉師知傳初世祖勅師知撰起居注自

永定二年秋至天嘉元年冬為十卷

按陳武帝於梁敬帝太平二年冬十月乙

亥受禪即位改梁太平二年為永定元年

至三年六月丙午崩文帝立

陳天嘉起居注二十三卷

陳天康光大起居注十卷

陳書本紀世祖文皇帝即位明年改永定四

年為天嘉元年至七年二月詔改天嘉七年

為天康元年是年四月癸酉崩太子立明年

改天康二年為光大元年光大二年十一月

甲寅慈訓太后廢為臨海郡王出居別第太

建二年四月薨時年十九

陳太建起居注五十六卷

陳書本紀光大二年十一月慈訓太后令廢

帝為臨海王以高宗宣皇帝入纂高祖兄始

興昭烈王道談第二子文帝弟也明年正月

甲午即位改元太建太建十四年春正月甲

寅崩皇太子叔寶立

陳至德起居注四卷

陳書本紀後主即位明年改太建十五年爲至德元年至五年正月改爲禎明元年至三年正月甲申隋總管賀若弼韓擒虎入宮城是夜後主爲隋軍所執丙戌晉王廣入京城三月己巳後主與王公百司發自建業入於長安隋仁壽四年十一月壬子薨於洛陽時年五十二追贈大將軍封長城縣公諡曰煬按陳代注記大抵略具惟禎明一朝不著於錄兩唐志唯有陳起居注四十一卷不著年號似殘佚所餘哀爲一帙者

後周太祖號令三卷

周書文帝本紀帝姓宇文氏諱泰魏孝武帝永熙三年七月丁未魏帝從洛陽率輕騎入關太祖乃奉帝都長安披草萊立朝廷軍國之政咸取太祖決焉是年十二月魏孝武帝崩太祖與羣公定策尊立魏南陽王寶炬爲嗣是爲文皇帝文帝大統十七年三月崩廢帝立廢帝三年太祖與公卿定議廢帝尊立齊王廓是爲恭帝恭帝三年冬十月乙亥太祖崩于雲陽宮年五十二諡曰文公孝閔帝受禪追尊爲文王廟曰太祖武成元年追尊爲文皇帝

章氏考證曰此號令三卷似宜列諸律令而入起居注類未詳其義

按經部小學家有周武帝鮮卑號令一卷雜號令一卷武帝爲文帝之子其書以語言文字爲主此非鮮卑語以軍國大事爲

隋開皇起居注六十卷

唐六典注曰漢獻帝及西晉以後諸帝皆有起居注並史官所錄自隋置爲職員列爲侍臣專掌其事每季爲卷送付史官史通云煬帝立起居置起居舍人二員開皇時尙未有專官也史通史官篇曰又案晉令著作郎掌起居集注撰錄諸言行勳伐舊載史籍者至隋以吏部散官及校書正字閑于述注者修之納言兼領其事又曰右者人君外朝則有國史內朝則有女史內之與外其任皆同隋世王劭上疏請依古法復置女史之班具錄內儀付于外省文帝不許遂不施行

唐書藝文志隋開皇元年起居注六卷

按隋文帝以周大定元年二月甲子受禪即位改大定爲開皇元年至二十年十月廢皇太子勇及太子諸子爲庶人立晉王廣爲太子明年改元仁壽仁壽四年七月丁未崩此六十卷題曰開皇則不及仁壽新唐志僅存元年注記六卷又按王劭傳劭在文帝時爲員外散騎侍郎修起居注又云劭在著作將二十年專典國史則出於劭爲多也其後仁壽四年及煬帝大業十三年恭帝義寧皇泰首尾二年之注記皆不著錄殆亡於江都之亂矣

南燕起居注一卷

史通正史篇南燕有趙郡王景暉嘗事德超撰二主起居注
本志篇敘曰其僞國起居唯南燕一卷不可別出附之於此

右四十四部一千一百八十九卷 實存著錄四十二部附著亡書十二部通計五十四部

按此篇梁有亡書凡十二部而不計其數其後諸篇亦或計或不計爲例不一豈轉寫佚之歟

又按七錄敘目第二曰記傳錄卽史部也所載無正史古史雜史起居注四類唯有國史部二百一十六種注歷部五十九種知本志於此四類皆從隋代見存書目之例仍取七錄此兩部所有附注於其間也又本志此四類著錄並亡書合計少於七錄兩部所載凡三十二部而多出一千七卷

又按本志所注梁有永嘉建興起居注十三卷宋明帝在藩注三卷宋元徽起居注二十卷昇明起居注六卷齊建元起居注十二卷隆昌延興建武起居注四卷中興起居注四卷凡七部章氏考證皆失載

隋書經籍志考證卷十六

史部六

舊事類

漢武帝故事二卷

不著撰人

晉葛洪西京雜記序曰洪家復有漢武帝禁中起居注一卷漢武故事二卷世人希有之者今并五卷爲一秩庶免漏沒焉并所鈔西京雜記二卷及起居注故事三種爲一秩五卷也

唐書經籍志漢武故事二卷

唐書藝文志漢武故事二卷

宋史藝文志班固漢武故事五卷

崇文總目雜史類漢武故事五卷班固撰本題二篇今世誤析爲五卷

宋晁載之續談助鈔郭子橫漢武洞冥記跋

曰張柬之言昔葛洪造漢武內傳西京雜記

王儉造漢武故事並操觚鑿空恣情迂誕而

學者耽閱以廣聞見亦各其志庸何傷乎又

曰右鈔世所傳班固所撰漢武故事其事與

漢書時相出入而文不逮疑非固所撰也

晁氏讀書志傳記類漢武故事一卷世言班

固撰唐張柬之書洞冥記後漢武故事王

儉造

四庫提要小說家曰漢武故事一卷舊本題

漢班固撰然史不云固有此書隋志著錄傳

記類中按此偶誤爲傳記類也亦不云固作晁公

武引張柬之洞冥記跋謂出於王儉唐初去

齊梁未遠當有所考也所言亦多與史記漢

書相出入而雜以妖妄之語然如藝文類聚

三輔黃圖太平御覽諸書所引甲帳珠簾王

母青雀茂陵玉腕諸事稱出漢武故事者乃

皆無之又文選西征賦注引漢武故事二條

其一爲柏谷亭事此本亦無之其一爲衛子

夫事此本雖有之而文反略于李善之注考

隋志載此書二卷諸家著錄並同錢曾讀書

敏求記亦尙作二卷稱所藏凡二本一是錫

山秦汝操繡石書堂本一是陳文燭晦伯家

本又與秦本互異今兩存之云云今皆未見

此本爲明吳琯古今逸史所刻併爲一卷僅

寥寥七八頁蓋已刊削非兩家之本矣

按此書爲葛稚川家所傳而諸家著錄皆

不考其所始六朝人每喜鈔合古書而王

儉有古今集記疑儉鈔入集記中故張柬

之以爲王儉造殆亦不探其本意爲之說

歟兩唐志尙不云班固稱班固者自崇文

總目始則莫詳其所據矣

西京雜記二卷

不著撰人

晉葛洪序曰洪家世有劉子駿漢書一百卷

無首尾題目但以甲乙丙丁紀其卷數先公

傳云歆欲撰漢書編錄漢事未得締構而亡

故書無宗本止雜記而已失前後之次無事

類之辨後好事者以意次第之始甲終癸爲

十秩秩十卷合爲百卷洪家具有其書試以

此記考校班固所作殆是全取劉書有小異

同耳班固所不取不過二萬許言今鈔出爲

二卷名曰西京雜記以裨漢書之闕爾後洪

家遭火書籍都盡此兩卷在洪巾箱中常以

自隨故得猶在劉歆所記世人希有縱復有

者多不備足見其首尾參錯前後倒亂亦不

知何書罕能全錄恐年代稍久歆所撰遂沒

並洪家此書二卷不知出所故序之云爾

唐書經籍志西京雜記一卷葛洪撰又地理類

重出一部

唐書藝文志葛洪西京雜記二卷又地理類重

出一部二卷

宋史藝文志傳記類葛洪西京雜記六卷

晁氏讀書志雜史類西京雜記二卷晉葛洪

撰初序言洪家有劉子駿漢書百卷乃當時

欲撰史錄事而未得締思無前後之次雜記

而已後學者始甲乙之終癸爲十卷以其書

校班史殆全取劉書耳所餘二萬許言乃鈔

撮之析二篇以裨漢書之闕猶存甲乙亥次

江左人或以吳均依託爲之

陳氏書錄解題傳記類西京雜記六卷晉句

漏令丹陽葛洪稚川撰其卷末言洪家有劉

子駿書百卷先父傳之歆欲撰漢書雜錄漢

事未及而亡試以此記考校班固所作殆是

全取劉書少有異同耳固所不取不過二萬

餘言今鈔出爲二卷所謂先父者歆之於向

也而館閣書目以爲洪父傳之非是 按抱經

堂校刊本作先公傳云且劉歆之時未有漢書名目館閣

書目所言是陳氏之說非也 唐藝文志亦只二卷

今六卷者後人分之也按洪博聞深學江左

絕倫所著書幾五百卷本傳具載其目不聞有此書而向歆父子亦不聞其嘗作史傳於世使班固有所因述亦不應全沒不著也殆有可疑者豈惟非向歆所傳亦未必洪之作也

四庫提要小說家西京雜記六卷舊題晉葛洪撰黃伯思東觀餘論稱此書中事皆劉歆所說葛稚川采之其稱余者皆歆本文云云今檢書後有洪跋伯思所說蓋據其文案隋志載此書二卷不著撰人名氏指為葛洪者實起於唐故唐經籍志注晉葛洪撰段成式西陽雜俎語資篇云庾信作詩用西京雜記事旋自追改曰此吳均語恐不足用晁公武稱江左人或以為吳均依託蓋即據成式所載庾信語也今考晉書葛洪傳載洪所著並無西京雜記之名則作洪撰者自屬舛誤特是向歆父子作漢書史無明文是以陳振孫等皆深以為疑然庾信指為吳均別無他證段成式所述信語亦未見於他書流傳既久未可遽更今姑從原跋兼題劉歆葛洪姓名以存其舊其中所述雖多為小說家言而撫采錄富取裁不謁李善注文選徐堅作初學記已引其文杜甫詩用事謹嚴亦多采其語詞人沿用數百年久成故實固有不可遽廢者焉

又簡明目錄曰舊本或題漢劉歆撰或題晉葛洪撰實則梁吳均撰託言葛洪得劉歆漢書遺稿錄班固所不載者為此書也 謹按此

與提要所言吳均未有他證兼題劉歆葛洪之說不符豈別有所據乎然葛氏序末又附有漢武禁中起居注一卷漢武故事二卷與此雜記合為一帙五卷亦是吳均託言者歟是必不然

盧氏抱經堂校刊序曰此書或以為晉葛洪著或以為梁吳均撰余則以此漢人所記無疑也說苑新序二書皆在劉向前向校而傳之後人因名為劉向撰今此書之果出於劉歆別無可考即當以葛洪之言為據洪非不能自著書者何必假名於歆書中稱成帝好蹴鞠羣臣以為非至尊所宜家君作彈棋以獻此歆謂向家君也洪奈何以一小書之故至不憚父人之父求以取信於世也耶若吳均者亦通人其著書甚多皆見於梁書本傳知其亦必不屑託名於劉歆且其文即俊拔有古氣要未可與漢西京埒則其不出於均又明甚隋志載此書於舊事不著姓名新舊唐書始題葛洪且入之地理類似全未寓目也夫冠以葛洪以洪抄而傳之猶說苑新序之稱劉向固亦無害其文則非洪所自撰凡虛文可以偽為實事難以空造如梁王之集游士為賦廣川王之發冢藏所得豈皆虛耶至陳振孫疑向歆父子不聞作史此又不然歷朝撰造哀然成編所云百卷特前史官之舊向傳之歆歆欲編錄而未成其見於洪之序者如此本不謂其父子皆嘗作史也洪以為本之劉歆則吾亦從而劉歆之耳又何疑焉

按書錄解題謂向歆父子不聞作史雖博雅如杭東里人者亦信其說而不以為非按史記匈奴傳末索隱引張晏云自狐鹿孤單于已下皆劉向褚先生所錄班彪又撰而次之所以漢書匈奴傳有上下二卷此劉向嘗續匈奴傳也漢書地理志云成帝時劉向略言其地分丞相張禹使屬潁川朱贛條其風俗猶未宜究此劉向撰地理分野為地理志之始基史通史官篇云司馬遷既沒後之續史記者若褚先生劉向馮商揚雄之徒並以別職來知史務則劉向亦嘗領史職而馮商為向弟子頗著列傳見藝文志春秋家史通正史篇又云史記所書年止漢武太初以後闕而不錄其後劉向向子歆及馮商等相次撰續迄於哀平間猶名史記至建武中司徒掾班彪以為不足踵前史又雄歆褒美偽新誤後惑衆不當垂之後代後漢書班彪傳亦云司馬遷之後好事者頗或綴集時事章懷注曰好事者謂揚雄劉歆之徒也此皆非向歆父子作史之明證乎陳氏謂不聞作史傳於世特今不傳耳若兩漢之際二班之時其史見在即列朝相傳之國史為彪固之所依據者也歆本傳云為義和京兆尹典儒林史卜之官則凡褚少孫以下史通所舉十五家之補續至劉歆時皆典領之葛稚川家所得乃其草具未修之初稿猶班彪有別錄蔡邕集漢事之類稚川

深於三史之學有史記兩漢書鈔七十餘卷見前雜史類故能知其梗概鈔班書之所無者以爲此記其中亦有數條如趙飛燕女弟居昭陽殿之類見班書而刊除不盡者武帝欲殺乳母一事亦見褚少孫所補滑稽列傳中是實爲稚川所錄盧學士之序可爲定論毋庸疑也

漢魏吳蜀舊事八卷

不著撰人

唐書經籍志漢魏吳蜀舊事八卷藝文志同

章氏考證北堂書鈔設官部引漢故事衣冠部引魏舊事太平御覽職官部引魏故事初學記中宮部書鈔設官部御覽兵部晉書禮志並引漢魏故事又水經溫水注引江東舊事魏志紀傳諸注引魏武故事

按此不知何人集兩漢三國舊事以爲一編唐藝文志載漢建武故事三卷永平故事二卷本志不著錄似卽此漢舊事之別本或卽此八卷中佚出者

晉朝雜事二卷

不著撰人

唐書經籍志晉朝雜事二卷藝文志同

章氏考證北堂書鈔天部歲時部初學記政理部御覽天部時序部人事部刑法部舟部獸部共引晉朝雜事凡十三事

按梁書處士傳庾詵字彥寶新野人也幼聰警篤學經史百家無不該綜高祖少與詵善普通中詔爲黃門侍郎稱疾不赴中

晉宋舊事一百三十五卷

不著撰人

唐書經籍志晉宋舊事一百三十卷藝文志同

章氏考證初學記歲時部服食部御覽時序部服章部並引晉宋舊事

按舊事卽故事故事自東漢以來皆錄在尙書宋書張茂度傳茂度子永爲尙書中兵郎先是尙書中條制餼雜元嘉十八年欲加治撰徙永爲刪定郎掌其任是永嘗刪定尙書故事疑卽是書其稱晉宋者殆起於晉以來之條制歟

晉要事三卷

不著撰人

唐書藝文志晉要事三卷

章氏考證初學記中宮部書鈔設官部儀飾部御覽服章部並引晉氏要事各一事

按舊唐志有晉故事三卷亦無名氏似卽此書新唐志又別有晉氏故事三卷似重出

晉故事四十三卷

不著撰人

本志篇敘曰漢時蕭何定律令張倉制章程叔孫通定儀法條流派別制度漸廣晉初甲令已下至九百餘卷晉武帝命車騎將軍賈

充博引羣儒刪采其要增律十篇其餘不足經遠者爲法令施行制度者爲令品式章程者爲故事各還其官府搢紳之士撰而錄之遂成篇卷又刑法篇序云晉初賈充杜預刪定有律有令有故事

晉書刑法志曰賈充等撰律令兼刪定當時制詔之條爲故事三十卷與律令並行

唐書經籍志晉故事四十三卷藝文志同

章氏考證初學記寶器部太平御覽珍寶部並引晉故事又曰晉書禮志引咸寧三年武皇帝故事

按晉書刑法志云其常事品式章程各遠其府爲故事又曰凡律令六十卷故事三十卷泰始三年事畢表上是晉初賈杜所定者止三十卷此四十三卷殆後續修增益亦莫詳其爲完書否也

晉建武故事一卷

不著撰人

唐書經籍志晉建武已來故事三卷藝文志同

章氏考證初學記武部王敦死祕不發喪云云御覽兵部同藝文類聚粟部獸部引咸和六年合一事御覽獸部引咸和七年一事並稱晉建武故事愚按王敦死在太寧二年餘三年皆在咸和而入建武故事未審其義唐志三卷無晉字按新唐志三卷無晉字者乃漢之建武故事在應劭漢朝駁漢諸王奏事之前此晉建武以來故事三卷在上下文也

按元帝爲晉王改元建武明帝卽位改元

太寧成帝改元咸和兩唐志所載並云建武已來故事三卷蓋其書不止建武一年之事故諸書所引有太寧咸和時事此一卷題建武故事非其全也成帝本紀咸康六年秋七月乙卯初依中興故事朔望聽政於東堂中興故事卽此書

晉咸和咸康故事四卷晉孔愉撰

晉書本傳愉字敬康會稽山陰人也吳平遷於洛惠帝末歸鄉里建興初始出應元帝召爲丞相掾仍除駙馬都尉參丞相軍事以討華軼功封餘不亭侯帝爲晉王使長兼中書郎累遷尚書僕射後爲會稽內史棄官居山陰湖南侯山年七十五咸康八年卒諡曰貞三子閻汪安國

唐書經籍志晉建武咸和咸康故事四卷孔愉撰一本誤作俞

唐書藝文志孔愉晉建武咸和咸康故事四卷

曲阜孔繼汾闕里文獻考曰古者朝廷之政令百司奉之藏於官府各修其職守而弗忘春秋傳曰吾視諸故府則其事也二十五代孫晉餘不亭侯愉有晉建武咸和咸康故事四卷

按本志但題咸和咸康兩唐志則並題建武蓋東晉元明成三朝之故事與前之建武已來故事三卷大抵略同惟此多一卷耳本傳不載是書當是官尚書時所集錄

晉修復山陵故事五卷車灌撰

晉書穆帝本紀永和十二年三月姚襄入於許昌以太尉桓溫爲征討大都督以討之秋八月己亥桓溫及姚襄戰於伊水大敗之襄走平陽徙其餘衆三千餘家於江漢之間執周成而歸使揚武將軍毛穆之督護陳午輔國將軍河南太守戴施鎮洛陽十一月遣兼司空散騎常侍車灌龍驤將軍袁眞等持節如洛陽修五陵十二月庚戌以有事於五陵告於太廟帝及羣臣皆服總於太極殿臨三日

又叛逆桓溫傳溫欲修復園陵移都洛陽表疏十餘上不許進溫征討大都督委以專征之任溫自江陵北伐師次伊水姚襄屯水北距水而戰溫結陣而前親被甲督弟冲及諸將奮擊襄大敗自相殺死者數千人越北芒而西走追之不及遂奔平陽溫屯故太極殿前徙入金墉城謁先帝諸陵陵被侵毀者皆繕復之兼置陵令遂旋軍

通鑑輯覽永和十二年秋八月桓溫敗姚襄於伊水遂入洛陽修謁諸陵置戍而還冬十一月遣司空車灌如洛陽修五陵注官景文武惠五帝陵也

唐書經籍志修復山林故事五卷車灌撰林當爲陵一本誤作東灌

唐書藝文志車灌修復山陵故事五卷

章氏考證初學記服食部太平御覽文部服用部器物部布帛部資產部並引修復山陵故事唐志卷同

按晉五陵者宣帝高原陵景帝峻平陵文帝崇陽陵武帝峻陽陵惠帝太陽陵也其見於本紀者元帝大興二年春正月丁卯崇陽陵毀五月癸丑太陽陵毀穆帝永和七年九月峻陽太陽二陵崩八年二月峻平崇陽二陵崩帝皆素服哭臨三日亦累詔遣使修復至是車灌以本官兼司空奉使乃集爲故事灌嘗爲豫章太守有集五卷見別集類他始末未詳

交州雜事九卷記士燮及陶璜事

不著撰人

士燮有春秋左氏經注見經部春秋類吳志本傳燮弟壹領合浦太守次弟翽領九真太守翽弟武領海南太守兄弟並爲列郡雄長一州偏在萬里威尊無上出入鳴鑼擊備具威儀笳鼓吹車騎滿道胡人夾轂焚燒香者常有數十妻妾乘輜輶子弟從兵騎當時貴重震服百蠻尉佗不足論也燮董督七郡在郡四十餘歲黃武五年卒孫權以交阯縣遠乃分合浦以北爲廣州呂岱爲刺史交阯以南爲交州戴良爲刺史又遣陳時代燮爲交阯太守而燮子徽自署交阯太守發宗兵拒良呂岱被詔誅徽兄弟六人皆伏誅壹薨及壹子匡後出權原其罪及燮質子歐皆免爲庶人數歲壹薨坐法誅歐病卒無子妻寡居詔在所月給俸米賜錢四十萬晉書陶璜傳璜字世英丹陽秣陵人也父基吳交州刺史璜仕吳歷顯位孫皓時爲使持

節都督交州諸軍事前將軍交州牧武平九
德新昌土地阻險夷獠勁悍歷世不賓瑣征
討開置三郡及九真屬國三十餘縣皓既降

晉手書遺瑣息融勅瑣歸順瑣流涕數日遣
使送印綬詣洛陽帝詔復其本職封宛陵侯
改爲冠軍將軍在南三十年威恩著於殊俗
及卒舉州號哭如喪慈親後瑣子蒼梧太守

威領刺史在職甚得百姓心威弟淑子綬後
並爲交州自甚至綬四世爲交州者五人云
唐書經籍志交州雜故事九卷藝文志同

章氏考證藝文類聚雜器物部初學記政理
部太平御覽器物部並引交州雜事各一事
唐志作雜故事卷同 按此所引皆太康四年刺史

陶璜表送林邑王范熊所獻方物運續其文實止一事也

晉八王故事十卷

不著撰人

晉書汝南王亮楚王瑋趙王倫齊王冏長沙
王乂成都王穎河間王顥東海王越列傳序
曰有晉諸王或出擁旄節蒞嶽牧之榮或入

踐台階居端揆之重然而付託所委任乖
方政令不恆賞罰斯濫或有才而不任或無
罪而見誅朝爲伊周夕爲莽卓機權失於上

橫亂作於下楚趙諸王相仍構擣徒與晉陽
之甲竟匪勤王之師遂使昭陽興廢有甚奔
莩乘輿幽繫更同羗里胡羯陵侮宗廟丘墟

良可悲也向使八王之中一藩繫賴如梁王
之禦大敵若朱虛之除大慙則外寇焉敢憑
陵內難奚由竊發縱令天子暗劣鼎臣奢放

雖或顛沛未至土崩又曰西晉之政亂朝危
雖由時主然而煽其風速其禍者咎在八王
又曰自惠皇失政難起蕭牆骨肉相殘黎元

塗炭胡塵驚而天地閉戎兵接而宗廟隳支
屬肇其禍端戎羯乘其間隙悲夫詩所謂誰
生厲階至今爲梗其八王之謂矣

又武十三王列傳贊曰重以八王繼亂九服
沸騰嗚呼列代之崇建維城用藩王室有晉
之分封子弟實樹亂階

唐書經籍志晉八王故事十二卷盧琳撰
唐書藝文志盧琳晉八王故事十二卷
章氏考證世說方正篇雅量篇言語篇賞譽

篇品藻篇容止篇賢媛篇輕詆篇尤悔篇諸
注水經河水注史記項羽紀索隱文選舞鶴
賦注北堂書鈔藝文部設官部元和郡縣志

河南道太平寰宇記太平御覽服章部羽族
部並引晉八王故事唐志十二卷題盧琳撰
按汪師韓文選注引書目有晉氏八王故

事又有八王故事注則書中有注文
晉四王起事四卷晉廷尉盧琳撰

晉書盧欽傳欽范陽涿人也祖植漢侍中父
毓魏司空欽子琨琨子志志兄子琳志長子
誡 按琳當惠帝時嘗與志侍帝於蕩陰敗績之後者史

不言其何官諱有集見別集類
晉書熊遠傳遠爲御史中丞時尙書刁協用
事衆皆憚之尙書郎盧琳將入直遇協於大

司馬門外協醉使琳避之琳不廻協令威儀
牽梓墜馬至協車前而後釋遠奏免協官

唐書經籍志四王起居四卷盧琳撰唐書爲
唐書藝文志盧琳晉八王故事十二卷又晉
四王起事四卷

章氏考證水經蕩水注北堂書鈔衣冠部酒
食部御覽兵部服章部服用部器物部珍寶
部布帛部飲食部果部並引晉四王起事御

覽兵部又引一事與八王故事同
按諸書所引多惠帝征成都王穎六軍敗
績於蕩陰之事似所謂四王者爲齊王冏

成都王穎河間王顥長沙王乂惠帝永寧
元年趙王倫篡位四王同起兵以討之者
也後皆自相吞滅死於非命又晉書八王

傳序曰趙倫齊冏之輩河間東海之徒家
國俱亡身名並滅云云豈又此四王歟不
得而詳矣晉書八王傳所載殆即據此兩

書唐志謂兩書皆盧琳所撰而八王故事
多出二卷則本志記載未審也盧琳惟見
盧志熊遠傳各一事此殆其爲廷尉時而

作他始末未詳
大司馬陶公故事三卷

不著撰人
晉書陶侃傳侃字士行本鄱陽人也吳平徙
家廬江之尋陽成帝時累官使持節侍中太

尉都督荆江雍梁交廣益寧八州諸軍事荆
江二州刺史封長沙郡公年七十六薨贈大
司馬策諡曰桓侃在軍四十一載雄毅有權

明悟善決斷自南陵迄於白帝數千里中路
不捨遺時武昌號爲多士殷浩庾翼等皆爲

佐吏尚書梅陶曰陶公機神明鑒似魏武忠
順勤勞似孔明陸抗諸人不能及也謝安每
言陶公雖用法而恆得法外意

又成帝本紀咸和九年六月乙卯太尉長沙
公陶侃薨辛未加平西將軍庾亮都督江荆
豫益梁雍六州諸軍事

唐書經籍志大司馬陶公故事三卷藝文志同
章氏考證北堂書鈔酒食部御覽兵部器物
部並引陶公故事書鈔類聚作陶侃

郗太尉為尚書令故事三卷郗當為郗
不著撰人

晉書郗鑒傳鑒字道徽高平金鄉人漢御史
大夫慮之玄孫也元帝初鎮江左承制假鑒
龍驤將軍兖州刺史明帝初即位王敦專制
表為尚書令鑒遂與帝謀滅敦以尚書令領
諸屯營封高平侯更封南昌縣公進位太尉
年七十一薨贈太宰諡曰文成

又成帝本紀咸康五年八月辛酉太尉南昌
公郗鑒薨

唐書經籍志郗太尉為尚書令故事二卷
唐書藝文志郗太尉為尚書令故事二卷郗
亦當為郗

桓玄偽事三卷
不著撰人

桓玄有繫辭注見經部易類
晉書安帝本紀隆安二年秋七月兖州刺史

王恭豫州刺史庾楷荊州刺史殷仲堪廣州
刺史桓玄南蠻校尉楊佺期等舉兵反八月

桓玄大敗王師於白石九月加太傅會稽王
道子黃鉞遣征虜將軍會稽王世子元顯等
討桓玄破庾楷於牛渚斬王恭於是遣太常
殷茂喻仲堪及玄玄等走於尋陽冬十月壬
午仲堪等盟於尋陽推桓玄為盟主三年十
二月桓玄襲江陵殷仲堪楊佺期並遇害元
興元年春正月以後將軍元顯為征討大都
督以討桓玄二月丁卯桓玄敗王師於姑孰
三月辛未王師敗績於新亭元顯等並遇害
壬申桓玄自為侍中丞相錄尚書事俄又自
稱太尉揚州牧總百揆二年秋八月玄又自
號相國楚王冬十一月壬午玄遷帝於永安
宮癸未移太廟神主於琅瑯國十二月壬辰
玄篡位以帝為平固王辛亥帝蒙塵於尋陽
三年春二月建武將軍劉裕等舉義兵三月
乙未玄衆潰而逃五月癸酉冠軍將軍劉毅
及桓玄戰於嶧嶧洲又破之壬午督護馮遷
斬玄於貊盤洲乘輿反正於江陵

唐書經籍志桓公偽事二卷應德詹撰一本
云應德詹撰

唐書藝文志偽史類桓玄偽事二卷
章氏考證初學記文部太平御覽文部並引
桓玄偽事

按舊唐志題應德詹一云德詹不詳何人
晉東宮舊事十卷
不著撰人

宋書張邵傳桓玄篡位邵父敞先為尚書以
答事徵謬降為廷尉卿及武帝討玄邵白敞

表獻誠款帝大悅命署其門曰有犯張廷尉
者以軍法論後以敞為吳郡太守
又張茂度傳茂度吳郡吳人張良後也父敞
晉侍中尚書吳國內史南史云張裕字茂度
父敞晉侍御史度支尚書吳國內史

顏氏家訓書證篇或問曰東宮舊事何以呼
鷓尾為祠尾答曰張敞者吳人不甚稽古隨
宜記注遂鄉俗訛謬造作書字耳吳人呼祠
祀為鷓祀故以祀代鷓字諸如此類專輒不
少又問東宮舊事六色屬縵是何等物當作
何音云云

唐書經籍志東宮舊事十一卷張敞撰
唐書藝文志張敞東宮舊事十卷

章氏考證初學記諸書引東宮舊事多載皇
太子初拜太子納妃所用器物其文甚瑣不
足具錄顏氏家訓所記諸字今逸篇中俱未
見惟藝文類聚禮部引太子正會儀御覽皇
親部引太元二十八年皇太子納妃二事可
與晉書禮志補缺後漢書劉盆子傳注引一
事作東宮故事

秦漢已來舊事十卷
不著撰人

唐書經籍志秦漢已來舊事八卷藝文志同
按唐藝文志以是書為是類之首大抵與
漢魏吳蜀舊事皆六朝以來故府相傳之
舊笈疑賈杜刪削之餘為當時所不用者

章氏考證以初學記器物部及白帖卷十四所引有王
朗奏故事一條或以為秦故事出於是書並疑是書為

朗奏故事一條或以為秦故事出於是書並疑是書為

朗奏故事一條或以為秦故事出於是書並疑是書為

王昶所撰然考其文乃言元日朝賀端門及殿下設百華燈樹之事不必定異秦制疑王昶奏故事之誤非秦故事也

尚書大事二十卷范汪撰

范汪有祭典見經部三禮類

唐書經籍志尚書大義二十一卷不著撰人又大義當爲大事

唐書藝文志范汪尚書大事二十一卷

章氏考證唐志二十一卷北堂書鈔儀飾部引納后禮文太平御覽禮儀部尚書符太常

問釋奠祀先聖太常王彪之答凡二事

按范汪爲范寧之父晉書本傳皆不載其所著考汪由武陵內史徵拜中書侍郎初

學記職官載中書之職出納帝命掌尚書奏事又引宋志云魏黃初間中書置通事

郎次黃門郎黃門郎已署過通事乃署名

帝省讀書可晉改通事郎爲中書侍郎東晉又改爲通事郎尋復爲中書郎以後因

之則大抵爲中書侍郎時記其事之大者爲是書也

河南故事三卷應思遠撰

晉書應詹傳詹字思遠汝南南頓人魏侍中

璩之孫鎮南大將軍劉弘詹之祖舅也請爲長史謂之曰君器識弘深後當代老子於荆

南矣仍委以軍政弘著績漢南詹之力也遷南平太守假詹督南平天門武陵三郡軍事

及洛陽傾覆天門武陵溪蠻並反詹討降之時政令不一諸蠻怨望並謀背叛詹召蠻酋

破銅券與盟由是懷詹數郡無虞其後天下

大亂詹境獨全百姓歌之曰亂離既普殆爲灰朽僥倖之運賴茲應后歲寒不凋孤境獨

守拯我塗炭惠隆丘阜潤同江海恩猶父母咸和六年卒年五十三諡曰烈又成帝本紀

咸和元年秋七月癸丑使持節都督江州諸軍事江州刺史平南將軍觀陽伯應詹卒八

月以給事中前將軍丹陽尹溫嶠爲平南將軍假節都督江州刺史

唐書經籍志江南故事三卷不著撰人唐書藝文志應詹江南故事三卷

章氏考證唐志有應詹江南故事三卷通志略兩載之江南作征南

天正舊事三卷釋撰亡名按當是釋亡名撰梁書簡文本紀大寶二年八月戊午侯景遣

衛尉卿彭儒廂公王僧貴率兵入殿廢太宗爲晉安王幽於永福省矯爲太宗詔禪於豫

章王棟大赦改年又侯景傳廢太宗迎豫章王棟即皇帝位改元爲天正元年

南史梁武諸子傳昭明太子長子華容公歡封豫章郡王薨子棟嗣棟字元吉及簡文見

廢侯景奉以爲主年號天正未幾行禪讓禮棟封淮陰王及二弟橋樑並鎖於密室景敗

走兄弟相扶出元帝別勅宜猛將軍朱買臣使行忍酷並沈於水

梁書武陵王紀傳紀字世詢高祖第八子也爲使持節都督益梁等十三州諸軍事安西

將軍益州刺史及太清中侯景亂紀不赴援

高祖崩後紀乃僭號於蜀改年曰天正永豐

侯撝謂所親曰昔桓玄年號大亨識者謂之二月了而玄之敗實在仲春今年曰天正在

文爲一止其能久乎又曰紀年號天正與蕭棟暗合僉曰天字二人也正字一止也棟紀

僭號各一年而滅唐書藝文志僧亡名天正舊事三卷

按梁代豫章武陵二王皆改元曰天正此大抵記其事跡本志別集類有後周沙門

釋亡名集十卷本姓宋名闕南郡人嘗仕梁元帝梁亡出家此書蓋即其所作歟

皇儲故事二卷不著撰人

按藝文類聚儲宮部所載疑皆出於是書梁舊事三十卷內史侍郎蕭大環撰錢氏考異曰環

當作團蕭大環有淮海亂離志見前古史類周書本傳大圓性好學務於著述撰寓記三

卷士喪儀注五卷要決兩卷梁舊事三十卷唐書藝文志蕭大圓梁魏舊事三十卷

章氏考證唐志作梁魏舊事太平寰宇記江南道引三事並作梁陳舊事

東宮典記七十卷左庶子宇文愷撰隋書本傳愷字安樂本朔方人徙京兆杞國

公忻之弟也在周以功臣子封安平郡公好學博覽書記解屬文多伎藝入隋拜太子左

庶子煬帝時爲工部尚書進位開府金紫光祿大夫年五十八卒官諡曰康

又陸爽傳爽字開明魏郡臨漳人也仕齊入周至高祖受禪轉太子洗馬與左庶子宇文愷等撰東宮典記七十卷開皇十一年卒官時年五十三子法言敏學有家風

唐書經籍志東宮典記七十卷宇文愷等撰一本作宇文禮等志誤也

唐書藝文志儀注類陸開明宇文愷東宮典記七十卷

開業平陳記二十卷

不著撰人

隋書裴矩傳矩字弘大河東聞喜人仕齊入周參高祖相府記室事及受禪為給事郎奏舍人事伐陳之役領元帥記室既破丹陽晉王廣令矩與高頴收陳圖籍賜爵開喜縣公後歸唐授左庶子轉詹事民部尚書舊唐書本傳矩年且八十而精爽不衰以曉習故事甚見推重貞觀元年卒諡曰敬撰開業平陳記十一卷行於代

唐書經籍志雜史類隋開業平陳記十二卷裴矩撰

唐書藝文志雜史類裴矩隋開業平陳記十二卷

冊府元龜國史部采撰篇裴矩為吏部尚書撰開皇平陳記十二卷

章氏考證唐志十二卷入雜史類通鑑隋記考異引平陳記一事

右二十五部四百四卷此著錄部數不誤附著無

按七錄序目記傳錄第三曰舊事部凡八

十七種一百二十七帙一千三十八卷本志據見存載二十五部其中如天正舊事梁舊事東宮典記開業平陳記四種必非七錄所有其或見於七錄者大抵不過二十一種耳尚有六十六種本篇無一部附出據後職官篇所云乃盡削之矣又按無名氏皇儲故事二卷章氏考證失載又是類本志列史部第六章氏乃改列第九以下諸類皆不從本志編次未詳其旨豈欲以此示別裁乎抑校刊之誤也

隋書經籍志考證卷十七

史部七

職官類類中分類凡三

漢官解詁三篇漢新汲令王隆撰胡廣注

後漢書文苑傳王隆字文山馮翊雲陽人也王莽時以父任為郎後避難河西為竇融左

護軍建武中為新汲令

又胡廣傳廣字伯始南郡華容人也為郡散

吏安帝時太守法雄舉為孝廉拜尚書郎五

遷尚書僕射後以定策立桓帝封育陽安樂

鄉侯廣自在公台三十餘年歷事六帝禮任

甚優每遜位辭病及免退田里未滿歲輒復

升進凡一履司空再作司徒三登太尉又為

太傅其所辟命皆天下名士與故吏陳蕃李

成並為三司時人榮之年八十二熹平元年

薨諡文恭侯自終及葬漢興以來人臣之盛

未嘗有也作百官箴四十八篇其餘所著詩

賦及諸解詁凡二十二篇

續漢百官志序故新汲令王隆作小學漢官

篇劉昭曰案胡廣注隆此篇曰願見新汲令

王文山小學為漢官篇略道公卿內外之職

旁及四夷博物條暢多所發明足以知舊制

儀品蓋法有成易而道有因革是以聊集所

宜為作詁解各隨其下綴續後事令世施行

庶明厥旨增助來哲多聞之覽焉

唐書經籍志漢官解故事三卷

唐書藝文志王隆漢官解詁三卷胡廣注

陽湖孫星衍輯本序曰隋志漢官解詁三篇

漢新汲令王隆撰胡廣注唐志作三卷後漢書胡廣傳所著詩賦銘頌箴弔及諸解詁凡二十二篇不言此書卷數續漢志補注引廣注述此書始末極詳王隆漢官篇凡將急就四字一句故在小學中今以陰書爲正文列廣注於下末附胡廣漢制度十條又孫祠書目曰胡廣漢官解詁一卷星衍集刊本

按此即胡廣傳所謂諸解詁若干篇之一當時編入本集二十二卷中御覽二百廿一引胡廣集曰給事中常侍從左右無員位次侍中常侍或名儒或國親其文即漢官解詁也

又按本志題漢官解詁王隆撰胡廣注篇序亦云漢末王隆作漢官解詁諸書引文多以謂廣注漢官解詁御覽稱王隆漢官解詁又稱胡廣注漢官解詁汪氏師韓文選注引書目云漢官解詁故王隆撰漢官解詁故注胡廣撰豈王隆本自有解詁胡廣又從而詁解歟竊疑其不然

漢官五卷應劭注

應劭有漢書集解見前正史類唐書藝文志應劭漢官五卷宋高似孫史略曰漢官不知何人作應劭所注舊五卷今存其一
通志藝文略漢官五卷應劭注今存一卷按今存一卷者見書錄解題乃應劭漢官儀非漢官注也
孫星衍輯本序曰隋志漢官五卷應劭注續漢志劉昭補注引漢官不標名應劭者悉是

目錄不知何人所撰別爲一卷以存其舊按續漢志注又引漢官名帙當亦在是書或以爲在漢官儀中

侯康補後漢藝文志曰按隋志於漢官稱應劭注漢官儀稱應劭撰疑漢官即王隆小學篇劭與胡廣皆有注也本傳但指其自撰者故祇有一書謂祇有漢官禮儀故事即漢官儀也見後

按初學記十二引漢官應劭注御覽二百廿九引應劭漢官注一百六十四引應劭漢官解詁似劭注胡廣書故亦稱解詁是漢官解詁者應劭非胡廣也諸稱胡廣注解詁或因是而傳譌歟又南齊書禮志序曰胡廣撰儀禮應劭察實成禮識時事此舊儀之一也

漢官儀十卷應劭撰

後漢書本傳建安二年詔拜劭爲袁紹軍謀校尉時始遷都於許舊章壇沒書記罕存劭慨然歎息乃綴集所聞著漢官禮儀故事凡朝廷制度百官典式多劭所立又爲狀人紀著中漢輯序撰風俗通凡所著述百三十六篇
續漢書曰劭又著中漢輯序漢官儀及禮儀故事凡十一種百三十六卷朝廷制度百官儀式所以不亡者由劭記之按漢官儀蓋其十一種之一也建安之初劭在鄴依袁紹不在許下范書云制禮典式多劭所立一若身親其事者司馬彪書云所以不亡者由劭記之則明顯多矣十一種之書今多不可考
南齊書百官志序曰胡廣舊儀事惟簡撮應

劭官典殆無遺憾又禮志序曰胡廣撰舊儀應劭察實成綴識時事

唐日本國見在書目漢官職十卷漢應劭撰唐書經籍志漢官儀十卷應劭志

唐書藝文志應劭漢官五卷漢官儀十卷宋史藝文志應劭漢官儀一卷崇文總目同

陳氏書錄解題漢官儀一卷後漢軍謀校尉汝南應劭仲遠撰按唐志有漢官五卷漢官儀十卷今惟存此一卷載三公官名及名姓州里而已其全書亡矣李埴季允嘗續補一卷

玉海藝文類漢官儀十卷中興書目云今存一卷載光武以來三公百官名氏按此似即續漢百官志注所引應劭漢官名帙也

章氏考證續漢禮儀志注引應劭漢官儀所載馬第伯封禪儀記宋書禮志引應劭漢官鹵簿圖唐六典注數引漢官儀鹵簿篇此其分篇可見者

侯康補後漢書藝文志續漢百官志注引應劭漢官名帙亦此書子目又御覽二百三十七引漢官宰尹下其文與北堂書鈔引漢官儀略同則所引者必應劭漢官非王隆漢官宰尹蓋亦其篇名而又分上下也

孫星衍輯本序曰後漢書應劭傳云初劭父奉爲司隸時並下諸官府郡國各上前人像贊劭乃連綴其名錄爲狀人紀今諸書引漢官儀有諸人姓名狀人紀者疑亦其書中篇名陳氏書錄有漢官儀一卷今不傳諸書引

有作應劭漢官應劭漢官儀亦有彼此互舛不可分別今併錄爲二卷又孫祠書目應劭漢官儀二卷星衍集刊本

嚴可均全後漢文編輯本二卷卷上凡二百十三條卷下凡九十六條

漢官典職儀式選用二卷漢衛尉蔡質撰

續漢書律曆志注蔡邕戍邊上章曰臣邕叔父故衛尉質時爲尙書按時當熹平二年質奉機密趨走日下遂由端右出相外藩按蔡邕傳注皆爲下邪相還引鞶鞶旬日之中登蹕

上列父子一門兼受恩寵一旦被章父子家屬徙充邊方完全軀命喘息相隨按事在光緒元年明年大赦宥還本郡質以後殆不復出

蔡中郎集邕與人書曰邕薄祐早喪二親年逾三十鬢髮二色叔父親之猶若幼童陸則對坐食則比豆

後漢書蔡邕傳邕與叔父從弟同居三世不分財鄉黨高其義又曰邕叔父衛尉質章懷太子曰質字子文著漢職儀按從弟名谷見本傳

晉書蔡豹傳豹陳留圉城人高祖質漢衛尉左中郎將邕之叔父也

唐書藝文志蔡質漢官典儀一卷

宋史藝文志儀注類蔡質漢官典儀一卷

陳氏書錄解題漢官典儀一卷漢衛尉蔡質撰雜記官制及上書謁見禮志隋志有漢官典職儀式二卷今存一卷李埴亦補一卷其續者皆出於史中采拾

高似孫史略曰應劭有漢官儀又有漢官簿圖漢官儀注漢官名秩蔡質有漢官典儀其言儀者多涉故事往往如衛宏漢舊儀者也

孫星衍輯本序曰隋志漢官典職儀式選用

二卷唐志作漢官典儀一卷諸書所引又有作蔡質漢官典職漢官典職儀者皆後人省文也陳氏書錄漢官典儀一卷李埴續補一卷俱不傳今錄成一卷名從隋志又孫祠書目蔡質漢官典職一卷星衍集刊本

按續漢志注屢引蔡質漢儀而禮儀志注臣昭曰漢立皇后國禮之大而志無其儀良未可了今取蔡質所記靈帝立宋皇后儀以備闕南齊書禮志亦云太尉胡廣撰舊儀應劭蔡質成綴識時事其書蓋亦博綜典儀與胡廣應劭兩家相同此二卷則後人從蔡氏漢儀全書中錄出其曰選用明是選錄之本取其合於時宜者而用之也唐藝文志又有丁孚漢官儀式選用一卷與此相同

卷與此相同

梁有荀攸魏官儀一卷亡

魏志荀彧傳彧潁川潁陰人也從子攸字公達何進徵拜黃門侍郎與何顛等謀刺董卓事遂就而覺收繫獄顛髮懼自殺攸言論飲食自若會卓死得免棄官歸復辟公府舉高第攸以蜀漢險固人民殷盛乃求爲蜀郡太守道絕不得至駐荊州太祖徵爲汝南太守入爲尙書郎又以爲軍師冀州平表封陵樹

亭侯轉爲中軍師魏國初建爲尙書令從征孫權道薨正始中追諡曰敬侯注引魏書曰薨時建安十九年年五十八

又衛凱傳魏國既建拜侍中與王粲並典制度受詔典著作又爲魏官儀

南齊書百官志序曰建官設職備於歷代先賢往學以之雕篆者衆矣若夫胡廣舊儀事惟簡撮應劭官典殆無遺恨王朗奏議屬霸國之初基陳矯增曹由軍事而補闕今則有魏氏官儀魚豢中外官也按魚豢中外官當在魏略中

唐書經籍志魏官儀一卷荀攸撰唐書藝文志荀攸等魏官儀一卷

冊府元龜掌禮部儀注篇魏荀攸魏國初建爲尙書令撰魏官儀一卷一說衛凱爲尙書令詔典著作爲魏官儀

章氏考證初學記文部太平御覽服章部並引魏官儀

按魏志武紀建安十八年五月丙申天子使御史大夫邳慮持節策命公爲魏公加九錫秋七月始建魏社稷宗廟十一月初

置尙書侍中六卿注引魏氏春秋曰以荀攸爲尙書令涼茂爲僕射毛玠崔琰常林徐亦何夔爲尙書王粲杜襲衛凱和洽爲侍中魏官儀之作卽在其時時荀攸爲魏國尙書令衛凱爲魏國侍中其明年荀攸卒衛凱卒年未詳大抵在明帝時或魏文受禪之後凱復增損爲定故史傳歸之於

觀歟

梁有韋昭官儀職訓一卷

韋昭有毛詩答雜問及辯釋名並見經部詩類論語類

吳志本傳鳳皇二年曜因獄吏上辭曰又見劉熙所作釋名物類衆多難得詳究故時有得失而爵位之事又有非是愚以官爵今之所急不宜乖誤因自忘至微又作官職訓及辯釋名各一卷按此本附於辯釋名之後故諸書引官職訓皆云辨釋名本亦辨劉熙之乖誤也

侯康補三國藝文志曰康按後漢書曹節傳北堂書鈔藝文類聚太平御覽俱引韋昭辨釋名皆考論官制則官儀職訓疑即在辨釋名中而本傳稱各一卷隋志亦分錄豈當時本自別行耶

馬國翰辯釋名輯本序曰韋昭辨釋名今輯錄二十五節其二十三節皆論辯官制先列釋名原文後加辨曰以別之今釋名內無釋官篇當是後人緣昭辨而刪之歟

按是書兩唐志皆不著錄崇文總目有官職訓一卷不著撰人似即此書兩書本合爲一帙著錄家乃分別以歸類

晉公卿禮秩故事九卷傅暢撰

傅暢有晉諸公讚見前雜史類
晉書武帝本紀泰始三年九月甲申詔曰古者以德詔爵以庸制祿雖下士猶食上農外足以奉公忘私內足以養親施惠今在位者祿不代耕非所以崇化之本也其議增吏俸

賜王公以下帛各有差太康四年六月增九卿禮秩

魏志傅嘏傳注世語曰暢著晉諸公讚及晉公卿禮秩故事

晉書傅玄附傳暢語識朝儀作晉諸公讚二十二卷又爲公卿故事九卷

唐書經籍志晉公卿禮秩九卷傅暢撰

唐書藝文志博暢晉公卿禮秩故事九卷章氏考證宋書禮志曰傅暢故事三公安車駕三特進駕二卿一續漢輿服志注太傅司空司徒著進賢三梁冠大司馬將軍著武冠

文選褚淵碑文志諸公給虎賁三十人持班劍焉竟陵王行狀注汝南王亮秦王東吳王晏梁王彤皆劍履上殿入朝不趨並引晉公卿禮秩省故事二字藝文類聚北堂書鈔同

晉新定儀注十四卷
不著撰人
魏志三少帝紀陳留王咸熙元年夏五月庚申相國晉王奏復五等爵甲戌改年

晉書文帝本紀魏咸熙元年秋七月帝奏尙書僕射裴秀議官制太保鄭冲總而裁焉始建五等爵

又裴秀傳魏咸熙初釐革憲司時荀顛定禮儀賈充正法律而秀改官制焉秀議五等之爵自騎督已上六百餘人皆封于是秀封濟川侯地方六十里邑千四百戶以高苑縣濟川墟爲侯國

按章氏考證云儀注類有傅瑗晉新定儀注四十卷其意蓋以書名相同疑此十四卷即四十卷而重出其目也然彼四十卷是五禮之儀注晉初爲荀顛所修此則百官之儀注乃裴秀所定名雖同而實不同也其是否爲裴秀原書抑或出於東晉人之所補作則無從而知之矣

注四十卷其意蓋以書名相同疑此十四卷即四十卷而重出其目也然彼四十卷是五禮之儀注晉初爲荀顛所修此則百官之儀注乃裴秀所定名雖同而實不同也其是否爲裴秀原書抑或出於東晉人之所補作則無從而知之矣

梁有徐宜瑜晉官品一卷亡

徐宜瑜晉博士見通典始末未詳
通典職官官品曰魏秩次多因漢制更制九品晉宋齊並因之又曰晉官品第一品至第九品凡內文武官六千八百三十六人內八百九十四人外五千九百四十二人內外諸色職掌一十一萬一千八百三十六人

章氏考證文選竟陵王行狀注白帖卷七十五並引魏晉官品各一事云相國丞相綠綬又云中郎將冠如將軍

汪師韓文選注引書目曰晉官屬名疑即徐宜瑜晉官品按晉官屬名四卷別見于後非此書也

梁有荀綽百官表注十六卷亡
荀綽有晉後略記見前雜史類

晉書荀勗傳時又議省州郡縣半吏以赴農功勗議以爲省吏不如省官官省不如省事省事不如清心昔蕭曹相漢載其清靜致畫一之歌此清心之本也漢文垂拱致刑措此省事也光武并合吏員縣官國邑裁置十一此省官也魏太和中遣王人四出減天下吏員正始中亦并合郡縣此省吏也云云通典職官曰泰元六年改制減費損吏士職員凡七百人

元當是泰康之誤

南齊書百官志序曰荀勗欲去事煩唯論并省定制成本之晉令後代承業案爲前准肇域官品區別階資

按齊書志序及通典所云則百官表泰康

六年荀勗所上也本傳但節錄其語不載

其全後荀綽取以爲注歟然綽傳不言注

此書疑仍是荀勗之誤章氏考證云續漢

百官輿服志注及北堂書鈔設官部多引

之

梁有千寶司徒儀一卷亡

千寶有周易注見經部易類

晉書本傳寶以家貧求補山陰令遷始安太守王導請爲司徒右長史

南齊書百官志司徒領天下州郡名數戶口簿籍置左右長史左西掾屬主簿祭酒令

史以下晉世王導爲司徒右長史千寶撰立

官府職儀已具

唐書經籍志儀注類司徒儀注五卷千寶撰

唐書藝文志職官類千寶司徒儀注五卷

嚴可均全晉文編曰太平御覽二百九引千

寶司徒儀三條

章氏考證北堂書鈔設官部引千寶司徒儀

有從事中郎之職掾屬之職左長史之職司

馬之職錄事之職錄事參軍之職記室之職

中兵參軍之職御覽職官部有右長史之職

行參軍之職各舉其所掌

梁有宋職官記九卷亡

不著撰人

通典職官宋官品第一至第九品內外文武

官六千一百七十二人八百二十三人內五

千三百四十九人外內職掌門亭長孝經師

月令律令師及書佐等一千四百六十一人

都計內外官及職掌人七千六百三十三人

宋書百官志刺史官屬有孝經師一人主試經月令師一

人主時節祠祀符令師一人平律

梁有晉百官儀服錄五卷亡

不著撰人

梁有大興二年定官品事五卷亡

不著撰人

晉書元帝本紀建武元年三月辛卯即晉王

位諸參軍拜奉車都尉掾屬駙馬都尉辟掾

屬百餘人時人謂之百六掾乃備百官立宗

廟社稷於建康明年三月癸丑愍帝崩問至

景辰即皇帝位改元大興大興二年五月壬

戌詔曰天下凋弊加以災荒百姓困窮國用

並匱天生蒸黎而樹之以君選建明哲以左

右之當深思以救其弊昔吳起爲楚悼王明

法審令捐不急之官除廢公族疏遠以附益

將士而國富兵強且當去非急之務非軍事

所須者皆省之六月罷御府及諸郡丞置博

士員五人

按此爲江左初定之官制見於本紀者大

略如此其書久亡故杜佑通典亦不載東

晉官品事

梁有百官品九卷亡

不著撰人

按此亦似東晉之官品自魏陳羣爲吏部

尙書制九品官人之法歷代因之此殆以

每品爲卷者歟

百官階次一卷

不著撰人

南齊書百官志序曰蔚宗選擇簿梗概

唐書經籍志百官階次一卷范曄撰一本作沈

暉誤也

唐書藝文志范曄百官階次一卷

按范曄有後漢書見前正史類宋書本傳

不載有是書齊書文學檀超傳超與江淹

掌史職上表立條例有云百官依范曄按

范書志未及成而誅死所謂依范曄者即

指此書齊志云梗概者謂其略而不詳具

也

齊職儀五十卷齊長水校尉王珪之撰

南齊書文學王遂之傳遂之琅邪臨沂人也

從弟珪之有史學撰齊職儀永明九年其子

中軍參軍顯上啓曰臣亡父故長水校尉珪

之以宋元徽二年被敕使纂集古設官歷代

分職凡在墳策必盡詳究是以等級掌司咸

加編錄黜陟遷補悉該研記述章服之差兼

冠佩之飾屬值啓運軌度維新故太宰臣淵

奉宣敕旨使速洗正刊定未畢臣私門凶禍

不揆庸微謹冒啓上凡五十卷謂之齊職儀

詔付祕閣

又百官志曰諸臺府郎令史職吏以下具見

長水校尉王珪之職儀

唐書經籍志齊職儀五十卷范曄撰按范曄死於宋元嘉中此不知何以題其名豈王珪之據其遺稿而纂次成書歟

唐書藝文志王珪之齊職官儀五十卷

章氏考證陳書袁樞傳齊職儀曰凡尚公主必拜駙馬都尉魏晉以來因為瞻準唐六典

注太平御覽職官部皆引齊職儀初學記藝文類聚所引俱見御覽唐志作齊職官儀

梁有王珪之齊儀四十九卷亡

按此似即前書之別本本志以七錄所載書名卷數與前書微異因而注出歟王遂

之附傳亦不言別有齊儀南史及兩唐志亦俱不載

齊職儀五卷

不著撰人

按此似王珪之之節錄本珪之書上溯歷代此大抵取其關於當代者錄之

梁選簿三卷徐勉撰

梁書本傳勉字修仁東海郟人也篤志好學起家齊國子生太尉文憲公王儉時為祭酒

每稱勉有宰輔之量梁天監二年除尚書吏部郎參掌大選六年遷吏部尚書勉居選官

彝倫有序尋又除尚書僕射中衛將軍自小選迄於此職常參掌衡石甚得士心在選曹

撰選品五卷大同元年卒時年七十諡曰簡肅公又本紀大同元年十一月丁未中衛將軍特進右光祿大夫徐勉卒

南史本傳天監初官名互有省置勉撰立選簿奏之有詔施用其制開九品為十八班自

是貪冒苟進者以財貨取通守道淪退者以貧寒見沒矣又曰勉多識前載齊世王儉居

職已後莫有逮者又曰在選曹撰選品三卷

唐書經籍志梁選簿三卷徐勉撰

唐書藝文志徐勉梁選簿三卷

章氏考證太平御覽職官部引梁選簿唐六典注太視令衛尉寺太市令東宮食官丞嗣

王府行參軍並引梁選簿或作部梁書五卷唐志三卷

梁勳選格一卷

不著撰人

隋書百官志天監七年革選徐勉為吏部尚書定為十八班又著作正令史集書正令史

尚書度支三公正令史以下至晉安練葛屯主為三品蘊位又門下集書主事通正令史

中書正令史以下至山陰獄官為三品勳位按此所載似即是書之大略言以此類為

蘊官勳官之選格其中定為三品歟蘊似

應字之轉音梁書徐勉傳云撰選品五卷疑此本在五卷中而佚其蘊官選格一卷

歟按史文屢言革選其詳其事大抵是更革變革之

意宋齊梁魏之傳殿中將軍官直衛左右督孝武太元

中革選名家以參顧問是更革其選法變革其故事也

職官要錄三十卷陶藻撰

陶藻始末未詳

通典職官三署郎官篇梁陶藻職官要錄以

漢三署郎故事通為尚書郎循名失實疑誤後代

唐日本國見在書目職官要錄三十卷陶勉撰疑勉其名彥藻其字

唐書經籍志職官要錄三十卷陶藻撰一本又作藻

唐書藝文志陶彥藻職官要錄三十六卷

宋史藝文志陶彥藻職官要錄七卷又職官要錄補遺十八卷崇文總目者錄三十卷又有職官

要錄抄三卷錢縠校勘曰隋志作陶藻古字同

玉海官制類中與書目梁陶彥藻撰職官要錄隋唐志皆云三十卷今殘闕後求得七卷

又有補遺十八卷與前七卷首尾互見

章氏考證通典職官門引陶藻職官要錄太平御覽職官部數引陶氏職官要錄唐志作

彥藻三十六卷

梁官品格一卷

不著撰人

按梁書裴子野傳子野又勅讓百官九品二卷似即此書佚其一卷歟

百官階次三卷

不著撰人

南齊書百官志序曰蔚宗選簿梗概欽明階次詳悉虞通劉寅因荀氏之作矯舊增新今

古相校

唐書經籍志宋百官階次三卷荀欽明撰

唐書藝文志荀欽明宋百官階次三卷

章氏考證唐六典注員外郎美遷為尚書郎

又特進江左皆兼官晉傅咸奏特進品第二

執皮帛坐侍臣之下二事並引宋百官階次

按荀欽明始末未詳據齊志則在范蔚宗

之後殆以范書太略因別爲是編虞通劉

寅所增演當亦在此三卷中虞通似卽虞

通之有妬記見後雜傳類劉寅嘗爲齊安

陸王子敬長史見南史隱逸宗測傳又爲

魚復侯子響鎮軍長史爲子響所殺贈侍

新定將軍名一卷

不著撰人

梁書武帝本紀天監七年二月乙丑增置鎮

衛將軍以下各有差

隋書百官志天監七年又詔以將軍之名高

卑舛雜命更加釐定於是司奏置一百二

十五號將軍凡十品二十四班亦以班多爲

貴其制品十取其盈數二十四以法氣序制

簿悉以大號居後以爲選法自小選大也前

史所記以位得從公故將軍之名次於台槐

之下至是備其班品敘於百司之外其不登

二品應須軍號者凡十四號別爲八班以象

八風所施甚輕又有武安等一百九號將軍

亦爲十品二十四班止施於外國

又大通三年有司奏曰天監七年改定將軍

之名有因有革普通六年又置百號將軍更

加刊正雜號之中微有移異大通三年又奏

移諸班戎夷之號亦加附擬選序則依此承

用途以定制轉則進一班黜則退一班班卽

階也凡二百四十號爲四十四班其將軍施

於外國者凡一百二十五號二十八班

按本志又有沈約新定官品二十卷見後

與此同時故皆云新定而此蓋大通三年

第三次所更定者隋書百官志所載將軍

吏部用人格一卷

不著撰人

按此大抵故府所留遺者晉陽秋曰魏陳

羣爲吏部尙書制九格登用皆由中正考

之簿世然後授任此頗近似又新唐書柳

沖傳魏太和時詔諸郡中正各列本土姓

族次第爲舉選格名曰方司格人到於今

稱之此尤近似蓋本志通例每以北朝人

書爲一類之殿此以上皆歷朝官制官儀

之屬以是書列之末簡焉唐經籍志譜牒類

後魏方司格一卷本志不載

官族傳十四卷何晏撰

何晏有論語集解見經部論語類

魏志曹爽傳爽秉政以何晏爲尙書典選舉

注引魏略曰晏爲尙書主選舉其夙與之有

舊者多被拔擢

唐書藝文志譜牒類官族傳十五卷不著撰

人

按晏在正始中爲吏部尙書凡十年是書

當作於其時猶宋劉湛爲選曹撰百家譜

以功銓序齊王儉梁徐勉任大選各撰百

家集譜百官譜也唐藝文志譜牒類有徐勉百

百官春秋五十卷王秀道撰

官譜本志不載

王秀道始末未詳

唐書經籍志百官春秋十三卷王道秀撰

唐書藝文志王道秀百官春秋十三卷

經義考擬經篇王氏道彥百官春秋隋志五

十卷佚或作王道秀按此又以爲王道彥未詳所

撰

章氏考證唐志作王道秀十三卷唐六典注

初晉中書置主書用武官宋改用文吏此引

王道秀百官春秋又初學記武部引百官春

秋一事云大駕公卿奉引太僕執轡大將軍

陪乘光武東京郊祀法駕則河南尹奉引奉

車都尉執轡侍中參乘此與御覽兵部所引

漢春秋同

百官春秋二十卷

不著撰人

唐書藝文志宋百官春秋六卷

章氏考證隋志又有百官春秋二十卷唐志

有宋百官春秋六卷俱無撰名初學記職官

部唐六典注著作佐郎太常丞並引宋百官

春秋亦不著撰名

魏晉百官名五卷

晉百官名三十卷

皆不著撰人

唐書經籍志百官名四十卷

唐書藝文志百官名十四卷

錢大昕三國志考異曰裴松之所引書有晉

百官名表云不知誰所撰也皆有題目亦作百官名志

章氏考證初學記武部北堂書鈔武功部太平御覽兵部服章部並引魏百官名魏志鍾會傳注唐六典著作佐郎注引咸熙百官名常道鄉公咸熙百官名

又魏志蘇則傳注任城王彰傳注鍾會傳注

蜀志諸葛亮傳注世說德行言語雅量識鑒

賞譽品藻規箴排調簡傲紕繆篇諸注文選

贈蔡子篤詩注贈馮文熊詩注贈顧交阯詩

注謝平原內史表注勸進表注謝詢表注竟

陵王行狀注並引晉百官名

又魏志臧霸傳注引晉武帝百官名御覽職

官部引晉武帝太始官名晉懷帝永嘉官名

通典職官門唐六典郡水使者注引元康百

官名又唐志有陸機晉惠帝百官名

晉官屬名四卷

不著撰人

唐書經籍志晉官屬名四卷藝文志同

章氏考證世說雅量篇注引明帝東宮寮屬

名又任誕篇注排調篇注引晉東宮官名又

言語篇注排調篇注引征西寮屬名又文學

篇注引庾亮寮屬名雅量篇注引庾亮啓參

佐名又方正篇注引齊王官屬名又黜免篇

品藻篇注引大司馬寮屬名官屬名賞譽篇

注引伏滔大司馬寮屬名

按諸書所引百官名及官屬名大抵皆敍

爵里人品或取時君舉主褒美之詞或錄

輿論鄉評中正之說其體略如山公啓事

為當時中正選曹之簿籍好事者哀錄成編其可考見者惟陸機惠帝百官名伏滔大司馬寮屬名二家而已章氏於書名偶異如晉武帝百官名晉明帝東宮官屬名之類皆別出其目以為隋志不著錄竊以謂此等皆在本志此三書中特諸書稱引互有不同耳未必各為一書其別本單行者惟陸機惠帝百官名三卷見於唐志爾

又按庾亮寮屬名參佐名即征西寮屬名

晉代為征西將軍者惟亮為最著為大司

馬者惟陶侃桓溫為最著唐余知古渚宮

舊事曰桓溫在鎮三十年參佐習鑿齒袁

宏謝安王坦之孫盛孟嘉王珣羅友郗超

伏滔謝奕顧愷之王子猷謝元羅含范汪

郝隆車允韓康等皆海內奇士當世伏其

知人似亦本之大司馬寮屬名者也齊王

則司馬攸及子問也

陳百官簿狀二卷

不著撰人

唐書經籍志太建十一年百官簿狀二卷藝文志同

按此亦如百官名之類通志氏族略曰魏

立九品置中正州大中正主簿郡中正功

曹各有簿狀以備選舉晉宋齊梁因之即

此百官簿狀是也據唐志唯存太建十一

年一部耳

陳將軍簿一卷

不著撰人

唐書經籍志太建十一年百官簿狀二卷藝文志同

按此亦如百官名之類通志氏族略曰魏

立九品置中正州大中正主簿郡中正功

曹各有簿狀以備選舉晉宋齊梁因之即

此百官簿狀是也據唐志唯存太建十一

隋書百官志陳承梁皆循其制有戎號擬官

自一品至於九品凡二百三十七鎮衛驃騎車騎等三號將軍擬官品第一秩中二千石前鋒武毅開邊等十號將軍擬官品第九秩四百石其封爵亦為九等之差郡王第一品秩萬石關中關外侯第九品視六百石

唐書經籍志陳將軍簿一卷藝文志同

按通典玉海諸書所載職官以官制官名

分類此自官族傳以下迄於是書皆官名

之屬別為一類

新定官品二十卷梁沈約撰

沈約有證法見經部論語類

隋書百官志梁武受終多循齊舊然而定諸

卿之位各配四時置戎秩之官百有餘號

又曰天監七年以太常卿宗正卿司農卿三

卿是為春卿太府卿少府卿太僕卿三卿是

為夏卿衛尉卿廷尉卿大匠卿三卿是為秋

卿光祿卿鴻臚卿太舟卿三卿是為冬卿

又曰天監初武帝命尚書刪定郎濟陽蔡法

度定令為九品秩定帝於品下注一品秩為

萬石第二第三為中二千石第四第五為二

千石至七年革選徐勉為吏部尚書定為十

八班位不登二品者又為七班皆王國郡縣公

侯國官屬也又置三品蘊位三品勳位其州二

十三並列其高下選擬略視內職郡守及丞

各為十班縣制七班用人各擬內職云又改

定將軍之名詳見前新定將軍名條下

唐書藝文志沈約梁新定官品十六卷梁百

官人名十五卷似官品與官人名舊時連合為秩者隋代僅存此二十卷

按此與新定將軍名皆天監七年事故新唐志次徐勉梁選簿之後將軍名當亦備載於此書以普通六年大通三年兩次釐定遂別為一帙見前沈隱侯是書梁書南史本傳皆不載

又按梁代為官制官品者不止一家梁書儒林沈峻傳時中書舍人賀琛奉勅撰梁官乃啓峻及孔子祛補西省學士助撰錄書成入兼中書通事舍人子祛兼司文侍郎云云考賀琛為中書舍人在普通中時沈約已卒或重修約書兼撰百官人名附於後或沈約為沈峻之誤莫能詳也

梁尚書職制儀注四十一卷

不著撰人

梁書儒林周興嗣傳所撰皇帝實錄皇德記起居注職儀等百餘篇

又良吏丘仲孚傳仲孚為尚書左丞撰尚書具事雜儀行於世按仲孚為左丞當在天監中

章氏考證酉陽雜俎續集貶誤篇梁職儀曰八座尚書以紫紗裏手版垂白絲於首如筆

按通志藝文略梁尚書職制儀注四十一卷郭衍撰考隋有郭衍以材武得幸於煬

帝史不言其有著述其後一條云職令古

今百官注十卷郭衍撰蓋亦從本志寫錄豈所見隋志果如是乎疑因後一條而誤注撰人也

職令古今百官注十卷郭衍撰

郭演亦作郭演之始末未詳

魏書高祖紀太和十五年十一月乙亥大定官品戊寅考諸牧守十七年六月乙巳詔曰六職備於周經九列炳於漢晉務必有恆人守其職比百秩雖陳事典未敘自八元樹位躬加省覽遠依往籍近采時宜作職員令二十一卷事迫戎期未善周悉雖不足綱範萬度永垂不朽且可釋滯目前釐整時務須待軍回更論所闕權可付外施行其有當局所疑而令文不載者隨事以聞當更附之

又十八年九月壬申朔詔曰三載考績自古通經朕今三載一考各令當曹考其優劣為三等六品以下尚書重問五品以上朕將親與公卿論其善惡上上者遷之下下者黜之中中者守其本任壬午帝臨朝堂親加黜陟十九年冬十月壬戌詔諸州牧精品屬官考其得失為三等之科以聞將親覽而升降焉十二月乙未朔引見羣臣於光極堂宣示品令為大選之始

又官氏志曰自太祖至高祖初其內外百官屢有減置或事出當時不為常目如萬騎飛鴻常忠直意將軍之徒是也舊令亡失無所依據太和中高祖詔羣僚議定百官著於令又曰太和二十三年高祖復次職令及帝崩世宗初班行之以為永制前世職次皆無從品魏氏始置之亦一代之別制也按每品分正從自此始

南齊書魏虜傳王免之誅事見免傳子肅奔虜宏以為鎮南將軍豫州刺史宏死諡孝文帝是年王肅為虜制官品百司皆如中國凡九品品各有二肅初奔虜自說其家被誅事狀宏為之垂涕以第六妹偽彭城公主妻之封肅平原郡公為宅舍以香塗壁遂見信用通典職官序曰後魏至孝文太和中王肅來奔為制官品百司位號皆準南朝改次職令以為永制又官品篇曰後魏置九品品各置從凡十八品自四品以下每品分為上下階凡三十階

唐書經籍志職員令百官古今注十卷郭演之撰一本刪去員字

唐書藝文志郭演職令古今百官注十卷

通志藝文略職令古今百官注十卷郭衍撰此作郭衍未詳所據

高似孫史略曰漢官不知何人作應劭所注其後丁孚有漢官儀式荀攸有魏官儀王珪之有齊職儀梁有職制儀注視漢官簡繁殊不侔唯郭演有古今百官注十卷最為嚴整章氏考證太平御覽職官部光祿少卿第四品用肅勤明敏兼識古典者宗正少卿第四品用懿清沖和識參教典者廷尉少卿第四品用思理平斷明刑識法者鴻臚少卿第四品用雅學詳明當樞達理者司徒少卿第三品用勤有能幹者太府少卿第四品用勤篤有幹細務無滯者並引後魏職令按章氏此條錄在刑法類之末注云不著錄謂本志刑法篇無後魏職

令之目也按後魏令唐李林甫注六典時已云無考是其書唐時已亡惟有律令二十篇在焉御覽所引職令蓋卽是書今移列於此

按魏書王肅傳云父免及兄弟並爲肅隨所殺肅自建業來奔是歲太和十七年也按其時爲齊武帝永明十一年職員令爲肅所撰定蓋魏令中之一篇唐六典禮部注引後魏職品令亦是其書此十卷乃郭演從職品令刪取成編故冠以職令字郭演舊唐志作郭演之疑是太原郭祚之族祚與王肅同時亦與肅同參政令者也又按自沈約新定官品至此三家又似別爲一類而無名義之可言亦似編類之後續有所補入者總之亦是編次無法之一端也

右二十七部三百三十六卷通計亡書合三十六部四百三十三卷 實在著錄二十七部附著亡書十部通計三十七部

按七錄序目記傳錄第四曰職官部凡八十一種一百四帙八百一卷本志並亡書據云三十六部內陳百官簿狀二卷陳將軍名一卷非七錄所有止三十四部尙有四十七部不見錄是篇篇敍有云宋齊已後其書益繇而篇卷零疊易爲亡散又多瑣細不足可紀故刪其見存可觀者編爲職官篇是於見存之中又復有所刪存卽卷首總序所云舊錄所取文義淺俗無益教理者並刪去之之謂也其於經部無所

刪所刪自史部始史部之刪可考見者自前篇與是篇始 又是篇無名氏齊職儀五卷梁勳選格一卷梁官品格一卷新定將軍名一卷吏部用人格一卷又梁有宋職官記九卷晉百官儀服錄五卷大興二年定官品事五卷百官品九卷王珪之齊儀四十九卷凡十部章氏考證皆不載又是類本志列史部第七章氏改爲第十

隋書經籍志考證卷十八 史部八

儀注類類中分類凡三 漢舊儀四卷衛敬仲撰

衛敬仲名宏有古文官書一卷見經部小學類

後漢書儒林傳宏作漢舊儀四篇以載西京雜事

唐書經籍志漢書儀四卷衛宏撰書當爲舊字之誤

唐書藝文志衛宏漢書舊儀四卷

宋史藝文志衛宏漢舊儀三卷

陳氏書錄解題漢官舊儀三卷漢議郎東海衛宏敬仲撰或云胡廣按宏本傳不名漢官今此惟三卷而又有漢官之目未知果當時本書否

四庫提要政書典禮類曰案永樂大典載漢官舊儀一卷不著撰人名氏考衛宏漢舊儀隋唐志皆四卷宋志三卷書錄解題始作漢官舊儀今永樂大典此卷雖以漢官標題而篇目自皇帝起居皇后親蠶以及璽綬之等爵級之差靡不條繫件舉與宏傳所云西京雜事相合又前後漢書注中凡引用漢舊儀者並與此卷所載相同則其爲衛氏本書更無疑義或後人以其多載官制增題官字歟原本節目淆亂字句舛譌殆不可讀茲綜覈參訂其原有注者仿劉昭注百官志之例通爲大書稱本注以別之又考前後漢書紀志

注中別有徵引舊儀數條並屬郊天祫祭耕籍飲酎諸大典此卷未採入蓋流傳既久脫佚者多謹復蒐擇甄錄別為一卷附諸卷尾以補本書之未備云

又簡明目錄曰漢官舊儀一卷補遺一卷漢衛宏撰原本久佚今從永樂大典錄出所記皆西漢典禮本曰漢舊儀後來輾轉傳寫與應劭漢官儀混淆為一遂妄增官字於書名中非其舊也

孫氏平津館輯本序曰永樂大典本作漢官舊儀今以聚珍版二卷本為定依宏本傳作漢舊儀以諸書所引校證於下別為補遺二卷漢舊儀本有注魏晉唐人引漢儀注悉是此書今不復分別其原注仍為小字云又孫祠書目漢舊儀二卷補遺二卷漢衛宏撰星衍集刊本

梁有衛敬仲漢中興儀一卷亡

按衛氏既撰集西漢舊儀復以當時所行典禮別為一卷附於後舊當與前四卷合為一帙至隋而此一卷佚矣考范書張純傳云純在朝歷世明習故事建武初舊章多闕自郊廟婚冠喪紀禮儀多所正定又曹褒傳褒父充建武中為博士從巡狩岱宗定封禪禮還受詔議七廟三雍大射養老禮儀又梁統傳統子松明習故事與諸儒修明堂辟雍郊祀封禪禮又東平王蒼傳蒼與公卿共議南北郊冠冕車服制度及光武廟登歌八佾舞數又樊儵傳儵與

公卿雜定郊祀禮儀又儒林董鈞傳鈞永平中為博士時草創五郊祭祀及宗廟禮樂威儀章服鈞參議多見從用凡此皆中興儀之大略其皆在是書歟後胡廣立漢制度亦曰舊儀此五卷為伯始之先聲

晉新定儀注四十卷晉安成太守傅瑗撰
宋書傅亮傅亮北地靈州人也祖成司隸校尉父瑗以學業知名位至安成太守與郗超善云

世說識鑒篇注傅氏譜曰瑗字叔玉歷護軍長史安成太守

晉書文帝本紀魏咸熙元年秋七月帝奏司空荀顛定禮儀尚書僕射裴秀議官制太保

鄭冲總而裁焉

又荀顛傳及蜀平文帝命顛定禮儀顛上請

羊祜任愷庾峻應貞孔穎共刪改舊文撰定

晉禮

又摯虞傳時荀顛撰新禮使虞討論得失而後施行

又刁協傳中興建拜尚書左僕射於時朝廷

草創憲章未立朝臣無習舊儀者協久在中

朝諳練舊事凡所制度皆稟於協焉深為當

時所稱許

又荀崧傳元帝踐阼徵拜尚書僕射使崧與

刁協共定中興禮儀

又蔡謨傳謨博學於禮儀宗廟制度多所議

定

又禮志序曰及晉國建文帝又命荀顛因魏

代前事撰為新禮參考今古更其節文羊祜任愷庾峻應貞並共刊定成一百六十五篇奏之太康初尚書僕射朱整奏付尚書郎摯虞討論既訖以元康元年前上所陳唯明堂五帝二社六宗及吉凶王公制度凡十五篇有詔可其議後虞與傅咸續其事竟未成功中原覆沒逮於江左僕射刁協太常荀崧補緝舊文光祿大夫蔡謨又踵修其事云

梁書徐勉傳勉上五禮表有曰至乎晉氏爰定新禮荀顛制之於前摯虞刪之於後既而中原喪亂罕有所遺江左草創因循而已釐革之風是則未暇

唐書藝文志傅瑗晉新定儀注四十卷

章氏考證左傳襄公正義引魏晉儀注北堂

書鈔車部引晉儀注各一事又曰藝文類聚

禮部初學記中宮部禮部並引晉元康儀又

曰宋書後魏書禮志初學記御覽樂部資產

部並引晉先蠶儀注

按晉代撰五禮者有荀顛羊祜任愷庾峻

應貞孔穎摯虞傅咸刁協荀崧蔡謨諸家

瑗為成之從子其所撰四十卷大抵在蔡

謨之後矣亦或非其全也

晉雜儀注十一卷

不著撰人

唐書經籍志晉雜儀注二十一卷藝文志同

按兩唐志皆二十一卷似此敝二字

晉尚書儀十卷

不著撰人

按新唐志有徐廣晉尚書儀曹新定儀注四十一卷又有無名氏晉尚書儀曹吉禮儀注三卷舊唐志同新志又有晉尚書儀曹事九卷大抵與此十卷皆殘缺不全者甲辰儀五卷江左撰

唐書經籍志甲辰儀注五卷藝文志同

章氏考證藝文類聚儲宮部北堂書鈔禮儀部太平御覽皇親部並引甲辰儀唐志作甲辰儀注唐六典注祕書令史品第八引魏甲辰儀輔國將軍品第三游擊將軍品第四引魏甲辰令

按唐六典注有魏甲辰儀又有甲辰令魏志武紀注引魏武庚申令庚戌令丙戌令丁亥令皆以干支標目此云江左撰則大抵東晉人鈔錄魏令中之涉於儀品者為是書首一卷從甲辰令中鈔出故曰甲辰儀其後數卷當以庚申儀庚戌儀丙戌儀丁亥儀等為目未必五卷皆是甲辰儀也

封禪儀六卷

不著撰人

按唐書藝文志令狐德棻皇帝封禪儀六卷舊唐書本傳德棻宜州華原人隋鴻臚少卿熙之子也博涉文史早知名由隋入唐仕高祖太宗高宗至國子祭酒兼崇賢館學士賜爵彭城公加金紫光祿大夫乾封元年卒年八十四諡曰憲考五代史志上於顯慶元年後十年改元乾封此殆以其人尚存故不著撰人猶雜家著錄北堂

書鈔五行家著錄龜上五兆決皆不書虞世南孫思邈之例歟章氏亦以此疑令狐德棻撰然不知是否也

宋儀注十卷

宋儀注二十卷

宋尚書雜注十八卷本二十卷

皆不著撰人

宋書何承天傳宋臺建召為尚書祠部郎與傅亮共撰朝儀

又王准之傳准之曾祖彪之位尚書令祖臨之父納之並御史中丞彪之博聞多識練悉朝儀自是家世相傳並詣江左舊事臧之青箱世人謂之王氏青箱學准之兼明禮傳贍於文辭元嘉中歷位侍中都官尚書領吏部出為丹陽尹准之究識舊儀問無不對時大將軍彭城王義康錄尚書事每歎曰何須高論玄虛正得如王准之兩三人天下便治矣撰儀注朝廷至今遵用之十年卒宋書卷首目錄作王准之其本名也書中因避諱改准之

又張永傳永為尚書中兵郎先是尚書中條制繁雜元嘉十八年欲加治撰徒永為刪定郎掌其任

又恩倖徐爰傳世祖至新亭大將軍江夏王義恭南奔爰時在殿內誑劭追義恭因得南走時世祖將即大位軍府造次不曉朝章爰素諳其事既至莫不喜悅以兼太常丞撰立儀注又曰爰頗涉書傳尤悉朝儀元嘉初使入侍左右預參顧問既長於附會又飾以典

文故為太祖所任遇大明世委寄尤重朝廷大禮儀非爰議不行雖復當世碩學所解過人者既不敢立異議所言亦不見從

唐書經籍志宋儀注三十六卷宋儀注二卷唐書藝文志宋尚書儀注三十六卷宋儀注二卷

章氏考證南齊書輿服志云宋明帝泰始四年更制五輅儀修五冕朝會饗獵各有所服事見宋注又通典樂門引宋廢帝元徽二年儀注又引元徽三年儀注各一事又宋書禮志引元嘉六年太廟蒸嘗儀注又大明四年尚書右丞荀萬秋奏籍田儀注又有司奏南郊親奉儀注凡此皆儀注中篇目章氏皆別出其目以謂本志不著錄謬矣若此者每類之中時或有之今悉約略彙附於各本書條下

宋東宮儀記二十三卷宋新安太守張鏡撰

宋書張茂度傳茂度名裕吳郡吳人子演太子中舍人演弟鏡新安太守皆有盛名並早卒

南齊書張岱傳岱字景山吳郡吳人也祖敞晉度支尚書父茂度宋金紫光祿大夫岱少與兄太子中舍人寅新安太守鏡征北將軍永弟廣州刺史辯俱知名謂之張氏五龍鏡少與光祿顏延之隣居顏談議飲酒喧呼不絕而鏡靜翳無言聲後延之於籬邊聞其與客語取胡床坐聽辭義清玄延之心服謂賓客曰彼有人焉由此不復酣叫寅鏡名最高永辯岱不及也又張融傳張氏知名前有敷

演鏡暢後有充融卷稷又張緒傳緒父寅叔父鏡

唐書經籍志故事類東宮儀記二十二卷張鏡撰

唐書藝文志儀注類張鏡宋東宮儀記二十二卷

章氏考證南齊書輿服志引宋元嘉東宮儀記通典禮門亦稱元嘉中東宮儀記初學記

服食部引宋東宮儀記御覽服章部引張鏡宋東宮儀按梁書昭明太子傳亦引張鏡東宮儀記

按張鏡祖敞在晉末撰東宮舊事十卷見前舊事篇古人當官蒞職每各有所記述

以考其職業敞當為東宮官屬故有舊事之作鏡兄岱為太子中舍人鏡在當時或

亦同為宮寮故因其家學而為此儀記可謂克繩祖武者已史稱其兄弟並早卒殆

卒於元嘉時其時所謂東宮太子者元凶劼也

徐爰家儀一卷

徐爰有集注繫辭見經部易類

唐書藝文志徐爰家儀一卷

章氏考證太平御覽時序部服用部並引徐爰家儀各一事

按此不與後趙李家儀為類而列於宋梁二代東宮儀之間殆不可解疑是太子家

儀為太子家令所有事考徐爰傳爰為高祖所知少帝在東宮入侍左右太祖又見

親任元嘉十二年轉南臺侍御史始興王

濬後軍參軍復侍太子於東宮此太子即元凶劼劼時年十二始出居東宮爰或為

劼作是儀其後或轉寫跋太子二字或惡劼猶稱太子削去二字俱未可知不然本

志雖編次不善亦何至以私家之儀雜廁於皇室儲宮之列揆以事理自不當爾

東宮新記二十卷蕭子雲撰

蕭子雲有千字文注見經部小學類

梁書本傳子雲年三十方起家為祕書郎遷太子舍人撰東宮新記奏之勅賜束帛又曰

所著東宮新記二十卷唐書藝文志蕭子雲東宮雜事二十卷

章氏考證唐志作東宮雜事文選新漏銘注天監六年上造新漏以臺舊漏給官漏銘云

咸和七年會稽山陰令魏丕造即會稽內史王舒所獻漏也此作蕭子雲東宮雜記又梁

書王僧孺傳尚書僕射王晏使僧孺撰東宮新記按王僧孺所撰者乃齊武帝永明中齊代之東宮

新記非此書也

梁吉禮儀注十卷明山賓撰

梁賓禮儀注九卷賀瑒撰

本注曰案梁明山賓撰吉儀注二百六卷錄六卷嚴植之撰凶儀注四百七十九卷錄四

十五卷陸璣撰軍儀注一百九十卷錄二卷司馬駿 諸本皆誤為案撰嘉儀注一百一十二

卷錄三卷並亡存者唯士吉及賓合十九卷按此注遺漏賀瑒儀注卷目似傳寫之失其凶禮卷數與梁書徐勉表上目錄亦各不相符今無從而知之矣

梁書武帝本紀高祖六藝備閑能事畢究造制旨諸經義講疏立五館置五經博士天監

初則何修之賀瑒嚴植之明山賓等覆述制旨並撰吉凶軍賓嘉五禮凡一千餘卷高祖

稱制斷疑焉又徐勉傳普通六年上修五禮表略曰伏尋

所定五禮起齊永明三年太子步兵校尉伏曇容表求制一代禮樂於是參議置新舊學

士十人止修五禮諮稟衛將軍丹陽尹王儉學士亦分住郡中製作歷年猶未克就及文

憲薨殂遺文散逸後又以事付國子祭酒何胤經涉九載猶復未畢建武四年胤還東山

齊明帝勅委尚書令徐孝嗣舊事本末隨在南第永元中孝嗣于此遇禍又多零落當時

鳩斂所餘權付尚書左丞蔡仲熊驍騎將軍何修之共掌其事時修禮局住在國子學中

門外東昏之代頻有軍火其所散失又逾太半天監元年修之啓審省置之宜勅使外詳

於是尚書僕射沈約等參議請五禮各置舊學士一人人各自舉學士二人相助鈔撰其

中有疑者依前漢石渠後漢白虎隨源以開請旨斷決乃以舊學士右軍記室參軍明山

賓掌吉禮中軍騎兵參軍嚴植之掌凶禮中軍田曹行參軍兼太常丞賀瑒掌禮征虜

記室參軍陸璣掌軍禮右軍參軍司馬駿掌嘉禮尚書左丞何修之總參其事修之亡後

以鎮北諮議參軍伏暉代之後又以暉代嚴植之掌凶禮順尋遷官以五經博士繆昭掌

凶禮復以禮儀深廣記載殘缺宜須博論其盡其致更使鎮軍將軍丹陽尹沈約太常卿張充及臣三人同參厥務臣又奉別敕總知其事末又使中書侍郎周捨庾于陵二人復豫參知若有疑義所掌學士當職先立議通諮五禮舊學士及參知各言同異條牒啓聞決之制旨疑事既多歲時又積制旨裁斷其數不少莫不網羅經誥玉振金聲義貫幽微理入神契前儒所不釋後學所未聞凡諸奏決皆載篇首具列聖旨爲不刊之則又曰五禮之職事有繁簡及其列畢不得同時

嘉禮儀注以天監六年五月七日上尙書合十有二秩百一十六卷五百三十六條

賓禮儀注以天監六年五月二十日上尙書合十有七秩一百三十三卷五百四十五條

軍禮儀注以天監九年十月二十九日上尙書合十有八秩一百八十九卷二百四十條

吉禮儀注以天監十一年十一月十日上尙書合二十有六秩二百二十四卷一千五百條

凶禮儀注以天監十一年十一月十七日上尙書合四十有七秩五百一十四卷五千六百九十三條

大凡一百二十秩一千一百七十六卷八千

一十九條又列副祕閣及五經典書各一通

繕寫校定以普通五年二月始獲完畢今春

輿駕將親六師搜尋軍禮閱其條章靡不該備所謂郁郁文哉煥乎洋溢信可以頒之天下者矣輒具載撰修始末並職掌人所成卷

帙條目之數謹拜表以聞詔曰經禮大備政

典載弘今詔有司案以行事也又詔曰勉表

如此因革允釐憲章孔備功成業定於是乎

在可以光被八表施諸百代俾萬世之下知

斯文在斯主者其按以遵行勿有失墜 按五

經典書似即五禮總序之文列之卷首分爲五篇者歟

章氏考證曰隋志所記梁五禮卷數與梁書

明山賓等本傳及徐勉五禮表所載不盡合

藝文類聚初學記禮部引梁五禮籍田儀注

先蠶儀注

按唐經籍志載明山賓等儀注十二部藝

文志載十七部皆是書之佚存者文繁不

錄

皇典二十卷梁豫章太守丘仲孚撰

南史文學丘靈鞠傳靈鞠吳興烏程人也仲

曷容表定禮樂於是詔尙書令王儉制定新

禮立治禮學士及職局置舊學四人新學六

人正書令史各一人幹一人祕書省差館書

弟子二人因集前代撰治五禮吉凶軍賓嘉

也

梁書處士傳尙書令王儉受詔撰新禮未就

而卒又使特進張緒續成之緒又卒屬在司

徒竟陵王子良子良以讓胤乃置學士二十

人佐胤撰錄

又徐勉傳勉上五禮表有曰及文憲薨殂遺

文散逸後又以事付國子祭酒何胤經涉九

載猶復未畢建武四年胤還東山齊明帝勅

委尙書令徐孝嗣云云

唐書藝文志何點理禮儀注九卷

章氏考證曰政典十卷何允撰 按此作政典寫

誤也

唐志有何點理禮儀注九卷

按章氏以理禮儀注謂即是書而不言其

所以然今考是書本名當是治禮儀注唐

人諱治故曰理而本志改治爲政總集類

李文博治道集改爲政道集與此治禮改

政禮相同而又敝儀注二字也微唐志幾

莫能詳其由來然則是書乃治禮館之儀

注雜事齊志所載即是書之緣起何胤本

傳及徐勉五禮表所云乃其事之本末也

唐志作何點點爲胤之兄栖隱不預是事

胤則身歷其事者凡九年是出於胤爲多

也

梁有何胤士喪儀注九卷亡

唐書藝文志何胤喪服治禮儀九卷

按此或胤在齊時所修五禮之一篇後人

析出別行者唐志作喪服治禮儀注則又

似依儀禮喪服傳之制度以為儀注自為

一家之學在五禮之外者

雜儀注一百八十卷

不著撰人

唐書經籍志雜儀注一百八卷

唐書藝文志雜儀注一百卷

按南史范岫傳岫博涉多通尤悉魏晉以

來吉凶故事沈約嘗稱曰范公好事該博

胡廣無以加南鄉范雲謂人曰諸君進止

威儀當問范長頭以岫多識前代舊事也

岫字懋賓濟陽考城人仕齊入梁至祠部

尚書金紫光祿大夫卒官所著禮論雜儀

字訓行於世雜儀卽雜儀注疑此書是范

岫作也

陳尙書雜儀注五百五十卷

陳吉禮一百七十一卷

陳賓禮六十五卷

陳軍禮六卷

陳嘉禮一百二卷

皆不著撰人

陳書儒林沈文阿傳紹泰元年高祖以文阿

為國子博士尋領步兵校尉兼掌儀禮自泰

清之亂臺閣故事無有存者文阿父峻梁武

世嘗掌朝儀頗有遺稿于是斟酌裁撰禮度

皆自之出所撰儀禮八十餘卷行於世

又沈洸傳高祖入輔除國子博士與沈文阿

同掌儀禮

又張崖傳天嘉元年為尙書儀曹郎廣沈文

阿儀注撰五禮

又沈不害傳天嘉中為尙書儀曹郎遷國子

博士領羽林監敕治五禮著治五禮儀一百

卷

又列傳劉師知好學有當世才善儀體工文

筆臺閣故事多所詳悉紹泰初高祖入輔以

師知為中書舍人掌詔誥是時兵亂之後禮

儀多闕高祖為丞相及加九錫並受禪其儀

注並師知所定也

又周弘正傳天嘉中授金紫光祿大夫廢帝

嗣位領都官尙書總知五禮事

隋書禮儀志序梁武始命羣儒裁成大典沈

約周捨徐勉何佟之等咸在參詳陳武克平

建業多準梁舊仍詔尙書左丞江德藻員外

散騎常侍沈洸博士沈文阿中書舍人劉師

知等或因行事隨事取捨陳書南史江德藻傳皆不載與知五禮事

唐書經籍志陳吉禮儀注五十卷雜撰陳賓

禮儀注六卷張彥志陳尙書曹儀注二十卷

雜志 陳諸帝后崩儀注五卷陳雜吉儀志三

十卷志當為注陳皇太子妃薨儀注五卷儀曹

志陳雜儀注凶儀十三卷陳皇太后崩儀注

四卷儀曹撰陳雜儀注六卷又有梁陳大行皇

帝崩儀注八卷

唐書藝文志陳吉禮儀注五十卷陳雜吉儀

注三十卷陳雜儀注六卷陳諸帝后崩儀注

五卷陳雜儀注凶儀十三卷陳皇太后崩儀

注四卷儀曹撰陳皇太子妃薨儀注五卷儀

曹撰 張彥陳賓禮儀注六卷

按陳代五禮皆因行事而臨時定儀祇如

故事之類未嘗刊定為全書本志所載無

凶禮兩唐志無軍禮嘉禮大抵各據見存

者錄之如梁陳大行皇帝儀注則又出後

人所鈔存者

後魏儀注五十卷

不著撰人

魏書禮志序曰自永嘉擾攘神州蕪穢禮壞

樂崩人神殲殄太祖南定燕趙日不暇給仍

世征伐務恢疆宇雖馬上治之未遑制作至

於經國軌儀互舉其大但事多粗略且兼闕

遺高祖稽古率由舊則斟酌前王擇其令典

朝章國範煥乎復振早年懃世叡慮未從不

爾劉馬之迹夫何足數

又崔辯傳辯長子景儁好古博涉高祖賜名

為逸為員外散騎侍郎與著作郎韓興宗參

定朝儀雅為高祖所知重

北史王肅傳自晉氏喪亂禮樂崩亡孝文釐

革制度變更風俗其間樸略未能淳也肅明

練舊事虛心受委朝儀國典咸自肅出陳書

徐陵傳陵答魏收曰昔王肅至此為魏始制禮儀

又郭祚傳時孝文銳意典禮兼銓鏡九流又

遷都草創征討不息內外規略號為多事祚

與黃門宋弁參謀帷幄隨其才用各有委寄

祚承稟注疏特成勸劇時議定新令詔祚與侍中黃門參議刊正

又邢祐附傳祐從子蚪字神彪少爲三禮鄭氏學爲尙書殿中郎孝文因公事與語問朝

親宴饗禮蚪以經對大合上旨帝崩尙書令王肅多用新儀蚪往往折以五經正禮爲尙

書左丞多所糾正臺閣肅然

魏書劉芳傳世宗以朝儀多闕其一切諸儀

悉委芳修正於是朝廷吉凶大事皆就諮訪焉又曰高祖自襲練暨於啓祖山陵練除始

末喪事皆芳撰定又曰芳從子懋聰敏好學博綜經史芳甚重之凡所撰朝廷軌儀皆與

參量詔懋與諸才學之士撰成儀令

又常景傳景字永昌河內人也爲門下錄事太常博士先是太常劉芳與景等撰朝令未

及班行別典儀注多所草創未成芳卒景纂成其事及世宗崩召景還修儀注又勅撰太和之後朝儀已施行者凡五十餘卷時靈太

后詔依漢世陰鄧二后故事親奉廟祀與帝交獻景乃據正以定儀注朝廷是之又曰侍

中崔光安豐王延明受詔議定服章勅景參修其事仕至車騎將軍右光祿大夫祕書監

儀同三司封濮陽縣子武定八年薨

唐書經籍志後魏儀注三十二卷常景撰

唐書藝文志常景後魏儀注五十卷

後齊儀注二百九十卷

不著撰人

隋書禮儀志後齊則左僕射陽休之度支尙

書元修伯鴻臚卿王暉國子博士熊安生等並習於儀禮者平章國典以爲時用

隋書魏澹傳澹在齊時與魏收陽休之熊安生同修五禮

北史魏收傳齊後主卽位除尙書右僕射總議監五禮事收奏請趙彥深和士開徐之才

共監先以告士開士開驚辭以不學收曰天下事皆由王五禮非王不決士開謝而許之

多引文士令執筆儒者馬敬德熊安生權會實主之

唐書經籍志北齊吉禮七十二卷趙彥琛撰

北齊王太子喪禮十卷趙彥琛撰

唐書藝文志趙彥琛北齊吉禮七十二卷北齊皇太后喪禮十卷

按唐志載吉禮喪禮兩種皆此二百九十九卷中佚出者舊志云王太子新志云皇太后亦莫詳其孰是也趙隱字彥深南陽宛

人武平四年仕至司徒封宜陽王七年卒年七十北齊書有傳

雜嘉禮三十八卷

不著撰人

按此次後魏北齊五禮之後或是北朝人之書

國親皇太子序親簿一卷

不著撰人

新唐書儒學柳沖傳晉太元中散騎常侍河

東賈弼撰姓氏簿狀弼傳子匪之匪之傳子希鏡希鏡傳子執執更作姓氏英賢又著百

家譜傳其孫冠冠撰梁國親皇太子序親簿四篇

唐書經籍志譜牒類國親皇太子親傳四卷

賈冠撰

唐書藝文志譜牒類賈冠國親皇太子親傳四卷

按賈冠仕履未詳其祖父執爲梁太府卿則大抵梁陳時人原書四卷此一卷蓋其殘本故並不知爲何人作此實譜牒類之書而雜廁于此殆不可解

隋朝儀禮一百卷牛弘撰

牛弘有周史見前正史類

隋書禮儀志高祖命牛弘辛彥之等采梁及北齊儀注以爲五禮

又曰初高祖思定典禮太常卿牛弘奏曰聖

教陵替國章殘闕漢晉爲法隨俗因時未足

經國庇人弘風施化且制禮作樂事歸元首

江南王儉偏隅一臣私撰儀注多違古法就

廬非東階之位凶門豈設重之禮兩蕭累代

舉國遵行後魏及齊風牛本隔殊不尋究遙

相師祖故山東之人浸以成俗西魏以降師

旅弗追賓嘉之禮盡未詳定今休明啓運憲

章伊始請據前經革茲俗弊詔曰可弘因奏

徵學者撰儀禮百卷悉用東齊儀注以爲準

亦微采王儉禮修畢上之詔遂班天下咸使

遵用焉其喪紀自上王公下逮庶人著令皆

爲定制無相差越

又表矩傳其年文獻皇后崩太常舊無儀注

矩與牛弘據齊禮參定之
又明克讓傳詔與太常牛弘等修禮議樂當
朝典故多所裁正焉

又辛彥之傳彥之與天水牛弘同志好學高
祖受禪歲餘拜禮部尚書與秘書監牛弘撰
新禮又曰彥之撰禮要一部新禮一部行於
世

又牛弘傳開皇三年拜禮部尚書奉勅修撰
五禮勒成百卷行於當世又曰高祖又令弘
與楊素蘇威薛道衡許善心虞世基崔子發
等並詔諸儒論新禮降殺輕重弘所立議衆
咸推服之

又文帝本紀開皇五年春正月戊辰詔行新
禮又仁壽二年閏十月己丑詔尚書左僕射
楊素右僕射蘇威吏部尚書牛弘內史侍郎
薛道衡秘書丞許善心內史舍人虞世基著
作郎王劼等修定五禮

唐書經籍志隋吉禮五十四卷高頴等撰隋
書禮七卷高頴等撰 按此書字當是吉字或嘉字
之誤

唐書藝文志高頴隋吉禮五十四卷牛弘潘
徽隋江都集禮一百二十卷 按潘徽江都集禮
乃別爲一書見經部論語類未實與牛弘無涉此牛弘下
當有敍文今不可考見矣

按高頴蓋與楊素等同爲領修者而本傳
不載其事唐志所載似卽此一百卷之佚
存本

以上皆漢晉六朝以來歷代之儀注是爲

一類

大漢輿服志一卷魏博士董巴撰

魏志文紀注獻帝傳載禪代衆事有侍中辛
毗劉曄散騎常侍傅巽衛臻尚書令桓階尚
書陳矯陳羣給事中博士騎都尉蘇林董巴
等奏

司馬彪續漢五行志序曰故泰山太守應劭
給事中董巴散騎常侍譙周並撰建武以來
災異

劉昭補注續漢志序曰司馬彪書總爲八志
車服之本卽依董蔡所立謂續漢書輿服志卽依
董巴及蔡邕之志也

嚴可均三國文編曰董巴建安黃初間爲博
士有大漢輿服志一卷晉書律曆志引董巴
曆議

侯康補三國藝文志曰董巴魏博士宋百官
志下初學記職官部引董巴漢書輿服志
文略同御覽卷二百三十引董巴中宮傳按
亦似中官傳之誤 董巴始未撰者可考見者如右

唐書經籍志輿服志一卷董巴撰

唐書藝文志董巴大漢輿服志一卷
章氏考證左傳桓公正義文選射雉賦秋興
賦思元賦注左太沖詠史詩傅長虞贈何劭
王濟詩注後漢書光武紀明帝紀注臧宮傳
宦者傳注並引董巴輿服志初學記服食部
御覽儀飾服章部引巴志佩綬采組之制最
爲詳悉有注文徵引漢官儀巴以魏人及見
胡廣應劭之書故秦御史服楚冠一事巴稱

太傅胡公說知注文乃巴自撰也

侯康補志又曰康按隋書禮儀志史記李將
軍傳索隱初學記器用部北堂書鈔衣冠部
藝文類聚禮部雜文部御覽車部俱引此書
後漢宦者傳敍注引云禁門曰黃闔中人主
之故曰黃門索隱引云黃門丞至密近使聽
察天下謂之中貴人使者其事皆與輿服無
涉蓋又有所旁及也按此蓋中官傳之文

按董巴譙周皆有後漢書故其五行輿服
二志爲司馬彪所本而又有中官傳見於
御覽也此蓋其殘缺之餘與中官傳合爲
一帙故又有引漢書其文同輿服志者亦
有引輿服志其文似中官傳者

魏晉論議十三卷何晏撰

何晏有論語集注見經部論語類

唐書經籍志魏明帝論議二卷何晏撰晉論
議八卷晉簡文論議四卷

唐書藝文志何晏魏明帝論議二卷晉論議
八卷晉簡文論議四卷

按此十三卷之中有三家之書本志誤合
爲一唐志始分別著錄何晏死曹爽之難
安得有晉之論議此鄭漁仲所謂見前不
見後之類微唐志幾莫辨其致誤之由矣
三書皆合諸家之議以成編世說文學篇
云桓公見謝安石作簡文論議看竟擲與
坐上諸客曰此是安石碎金卽此簡文論
議四卷中之一事 三書據唐志共十四卷此云
十三卷者隋時尙缺一卷也

汝南君諱議二卷

不著撰人

吳志張昭傳昭字子布彭城人也少與東海王朗俱發名友善弱冠察孝廉不就與朗共論舊君諱事州里才士陳琳等皆稱善之裴松之曰時汝南主簿應劭議宜為舊君諱論者皆互有異同事在風俗通昭著論曰客有見大國之議士君子之論云起元建武已來舊君名諱五十六人為後生不得協也取乎經論譬諸行事義高辭麗甚可嘉羨愚意編淺竊有疑焉云云

春秋成十年經疏漢末有汝南應劭作舊君諱議云昔者周穆王名滿晉厲公名州滿又有王孫滿是同名不諱云云 按此引應劭之言是議其不當諱也疑時人有是說而應劭辨之此正是風俗通釋時俗嫌疑之一端

錢大昕隋書考異曰經籍志汝南君諱議二卷按三國志張昭傳注云汝南主簿應劭議宜為舊君諱論者互有異同張昭著論非之漢人以郡守為君也

侯康補後漢書藝文志曰康按應劭議既載風俗通而隋志別為一書者蓋諸家議論又自別行也左傳成十年疏引應劭舊君諱議今以張昭傳注覈之則所引乃張昭之言非應劭之言因其書翊於應劭故以應劭統之按孔疏引文見前實與張昭所論不同昭論中無晉厲公名州滿之語

按意林引風俗通云彭城孝廉張子矯議

云若君臣不得相襲作名周穆王諱滿至定王時有王孫滿厲王諱胡莊王之子名胡按此即張昭論中之語而子布誤為子矯也然則張昭之論亦嘗編入風俗通此二卷疑亦在風俗通中故裴松之馬總皆云然而唐志不重出其目也

決疑要注一卷摯虞撰

晉書本傳虞字仲治當為仲治京兆長安人舉賢良拜中郎擢太子舍人元康中為吳王友時荀顗撰新禮使虞討論得失而後施行後歷光祿勳太常卿懷帝時洛京荒亂人饑相食虞素清貧遂以餒卒

世說文學篇注虞從惠帝至長安遂流離鄂杜間永嘉五年洛中大饑遂餓而死

晉書禮志序曰及晉國建文帝命荀顗定新禮成一百六十五篇太康初尚書僕射朱整奏付尚書郎摯虞討論之虞表所宜增損以元康元年以上之凡十五篇有詔可其議後虞與傅咸續續其事竟未成功中原覆沒虞之決疑注是其遺事也亦見南齊書禮志序

唐書藝文志摯虞決疑要注一卷

章氏考證文選西京賦注引左城右平語

車服雜注一卷徐廣撰

徐廣有毛詩背隱義見經部詩類 晉書本傳桓玄輔政以為大將軍文學祭酒義熙初奉詔撰車服儀注 宋書本傳義熙初高祖使撰軍服儀注 軍服當為車服南史本傳宋武帝使撰車服儀注

唐書經籍志車服雜注一卷徐廣撰

唐書藝文志徐廣車服雜注一卷

章氏考證左傳桓公正義初學記職官部北堂書鈔武功部設官部並引廣車服儀制後漢書明帝紀注宋書禮志引作車服注儒林傳序注書鈔衣冠部引作輿服雜注文選東京賦注書鈔車部引作車服志

禮儀制度十三卷王遂之撰

王遂之即王逸有喪服世行要記十卷詳經部禮類

南齊書文學傳昇明末右僕射王儉重儒術遂之以著作郎兼尚書左丞參定齊國禮儀又王儉傳昇明二年太祖為太尉引為右長史恩禮隆密專見任用時大典將行儉為佐命禮儀詔策皆出於儉齊臺建遷右僕射領吏部時年二十八又曰朝廷初基制度草創儉識舊事問無不答上歎曰詩云維嶽降神生甫及申今亦天為我生儉也

按此蓋齊初建國時王儉所定之禮儀制度也宋書順帝本紀昇明三年三月甲辰崇太傅為相國總百揆封十郡為齊公備九錫之禮丁巳以齊國初建給錢五百萬後未幾為齊王又未幾即受禪是書之作即在其時而王遂之以著作兼左丞得與其事隋書禮儀志牛弘奏曰江南王儉偏隅一臣私撰儀注多違古法又曰弘亦微采王儉禮按儉後奉詔修五禮未成雖有存彙亦悉在於館無由別出隋志所謂王

儉禮者意亦即是此書也 干遠之別有齊典

見前古史類

古今輿服雜事二十卷梁周遷撰

周遷始末未詳

唐書經籍志古今輿服雜事十卷周遷撰

唐書藝文志周遷古今輿服雜事十卷

章氏考證文選閒居賦注陸士衡挽歌注初

學記武部並作周遷輿服雜事記又初學記

藝文類聚禮部太平御覽資產部引作古今

輿服雜事餘書引多省古今二字唐志十卷

晉鹵簿圖一卷鹵簿儀二卷

陳鹵簿圖一卷

齊鹵簿儀一卷

諸衛左右廂旗圖樣十五卷

並不著撰人

唐書經籍志大駕鹵簿一卷藝文志同

章氏考證史記司馬相如傳索隱引中朝鹵

簿圖隋書禮儀志太平御覽車部獸部並引

晉中朝大駕鹵簿隋禮儀志又引晉氏鹵簿

按唐志惟有大駕鹵簿一卷續漢輿服志

曰乘輿大駕公卿奉引太僕御大將軍參

乘屬車八十一乘備千乘萬騎西郡行祠

天郊甘泉備之官有其注曰甘泉鹵簿劉

昭曰蔡邕表志曰甘泉鹵簿國家舊章而

幽僻藏蔽莫之得見此鹵簿之最古者蔡

中郎猶未得見其儀唐張彥遠歷代名畫

記曰古之祕畫珍圖有大駕鹵簿圖三卷

又曰諸鹵簿圖篇目至多不備錄其云三

卷疑卽此類之書

以上自大漢輿服志至此皆禮儀之雜碎

考是爲一類

內外書儀四卷謝元撰

宋書隱逸雷次宗傳元嘉十五年徵次宗至

京師以儒學開館於雞籠山聚徒教授置生

百餘人時國子學未立上留心藝術使丹陽

尹何尚之立玄學太子率更令何承天立史

學司徒參軍謝元立文學凡四學並建

又何承天傳承天與尚書左丞謝元素不相

善二人競伺二臺之違累相糺奏時承天爲御

史中丞故曰二臺 元嘉二十一年元新除太尉

諮議參軍未拜爲承天所糺上大怒遣元長

歸田里禁錮終身元時又以事舉承天承天

坐白衣領職元字有宗陳郡陽夏人臨川內

史靈運從祖弟也以才學見知卒於禁錮

唐書藝文志謝允書儀二卷

章氏考證內外書儀四卷謝元撰唐志有謝

允書儀二卷

按唐志作謝允允字令度亦陳郡陽夏人

位宣城內史南史附見謝裕傳裕字景仁

避宋武帝諱以字行允其父也允爲安之

從子其爲宣城當在晉時史不言其有著

述自是謝元之誤而又佚其二卷歟

書儀二卷蔡超撰

蔡超有集注喪服經傳見經部禮類

書筆儀二十一卷謝朓撰

梁書本傳朓字敬冲陳郡陽夏人也祖弘微

父莊並有名前代朓仕宋歷齊入梁天監五

年累授中書監司徒衛將軍是冬薨年六十

六諡曰靖孝朓所著書及文章並行於世按

南史謝弘微傳云諡曰靖孝武初朓爲吳興云則孝

字當屬下文梁書誤也

唐日本國見在書目書筆儀二十一卷謝朓

撰

唐書經籍志書筆儀二十卷謝朓撰按此作謝

朓未詳

唐書藝文志謝朓書筆儀二十卷

宋長沙檀太妃薨弔答書十二卷

宋書宗室傳長沙景王道憐高祖中弟也道

憐六子第二子義慶出繼臨川烈武王道規

初太祖少爲道規所養及長沙太妃檀氏臨

川太妃曹氏薨祭皆給鸞輅九旒黃屋左纛

輜輶車挽歌一部前後部羽葆鼓吹虎賁班

劍百人

按南齊書王僧虔傳高平檀珪與僧虔書

有曰檀珪祖姑嬪長沙景王按檀珪爲檀

道濟從孫檀太妃者道濟兄弟行也太妃

爲臨川嗣王義慶本生母義慶好文義爲

宗室之表招聚文學之士近遠必至此弔

答書大抵爲臨川王所選錄亦爲總集之

屬或當時好事者錄以爲儀式故入之此

篇歟

弔答儀十卷王儉撰

王儉有喪服古今集記見經部禮類

南齊書本傳儉手筆典裁爲當時所重

唐書經籍志弔答書儀十卷王儉撰

唐書藝文志王儉弔答書儀十卷又有皇室書

儀七卷

書儀十卷王弘撰

宋書本傳弘字休元琅琊臨沂人曾祖導晉

丞相弘少好學以清恬知名弱冠為會稽王

道子驃騎主簿入宋為侍中中書監太保錄

尚書事揚州刺史封華容縣公元嘉九年薨

年五十八諡曰文昭公弘明敏有思致既以

民望所宗造次必存禮法凡動止施為及書

翰儀體後人皆依倣之謂為王太保家法南

史王僧孺傳宋太保王弘好買藥十八州諸日對千客可

不犯一人之諱

章氏考證太平御覽時序部引之

皇室儀十三卷鮑行卿撰

南史鮑泉傳泉東海人也時又有鮑行卿以

博學大才稱位後軍臨川王錄事參軍兼中

書舍人遷步兵校尉上玉璧銘武帝發詔褒

賞好韻語撰皇室儀十三卷乘輿龍飛記二

卷

唐書經籍志皇室書儀十三卷鮑行卿撰

唐書藝文志鮑卿皇室書儀十三卷

按舊唐志編年類乘輿龍飛記二卷鮑卿

卿撰新志雜史類同此書舊志作行卿新

志作衡卿則行卿即衡卿非兩人也唐志

編年類又有鮑衡卿宋春秋二十卷南史

附傳不載本志亦不錄

吉書儀二卷王儉撰

王儉有弔答儀見前

唐書藝文志王儉吉儀二卷

書儀疏一卷周捨撰

周捨有禮疑義見經部禮類

梁書本傳捨常留省內罕得休下國史詔詰

儀體法律軍旅謀謨皆兼掌之

新禮三十卷鮑泉撰

鮑泉有六經通數見經部論語類

梁書本傳泉博涉史傳兼有文筆於儀禮尤

明撰新儀四十卷行於世南史本傳云撰新

儀三十卷

唐書經籍志雜儀三十卷鮑泉撰雜當為新景

唐書藝文志鮑泉新儀三十卷

文儀二卷梁修端撰

梁修端始末未詳

趙李家儀十卷錄一卷李穆叔撰

北史李靈傳靈趙郡平棘人也裔孫公緒字

穆叔性聰敏博通經傳魏末為冀州司馬屬

疾去官齊天保初以侍御史徵不就沈冥樂

道誓心不仕雅好著書撰禮質疑五卷喪服

章句一卷古今略記二十卷玄子五卷及典

言趙記趙語等書並傳於世

唐世系趙郡李氏東祖房下公緒字穆叔後

魏冀州司馬乘官賜號潛居公

按唐世系趙郡李氏出自秦司徒曇次子

璣字伯衡秦太傅三子雲牧齊牧為趙相

封武安君始居趙郡又曰趙郡李氏定著

六房其一曰南祖二曰東祖三曰西祖四

曰遼東五曰江夏六曰漢中其曰趙李家

儀者所以別于隴西李氏自著其族望也

書儀十卷唐瑾撰

北史唐永傳永北海平壽人也子瑾字附璘

博涉經史雅好屬文周文召拜尚書員外郎

相府記室參軍累遷戶部尚書開府儀同三

司賜姓宇文氏時燕公于謹勳高望重朝野

所屬白周文言瑾學行兼修願與之同姓結

為兄弟庶子孫承其餘論有益義方周文歎

異者久之更賜瑾姓万鈕于氏謹乃深相結

納敦長幼之序瑾亦廷羅子孫行弟姪之敬

其為朝望所宗如此累以功封姑臧子臨淄

縣伯論平江陵功進爵為公六官建按周文帝

于西魏恭帝三年依周禮建六官以周文為太師大冢宰

數遷為司宗中大夫兼內史卒於官贈小宗

伯諡曰方瑾性方重有風格又好施與朝野

稱之撰新儀十篇

言語儀一卷

不著撰人

嚴植之儀二卷

嚴植之有孝經注見經部孝經類

按梁書南史儒林傳惟云天監二年詔求

通儒治五禮有司奏植之治凶禮撰凶禮

儀注四百七十九卷此外無聞焉而唐藝

文志載嚴植之南齊儀注二十八卷及本

志是書皆本傳所未及

邇儀四卷馬樞撰

陳書本傳樞字要理扶風郿人也博極經史尤善佛經及周易老子義梁邵陵王綸爲南徐州刺史引爲學士侯景之亂隱於茅山有終焉之志天嘉元年文帝徵爲度支尙書辭不應命太建十三年卒時年六十撰道覺論二十卷行於世

婦人書儀八卷

不著撰人

唐書經籍志婦人書儀八卷唐瑾撰

唐書藝文志唐瑾婦人書儀八卷

章氏考證周書唐瑾傳瑾撰新儀十篇唐志有唐瑾婦人書儀八卷案隋志別有無名氏婦人書儀八卷疑唐志誤合

按唐瑾有書儀十卷見前唐志題唐瑾必非無因或此卽前十卷之殘本或十卷之外別有是書均未可知也本志不知何人作故不注姓名唐毋睨等撰四部書錄因續考知爲唐瑾撰耳

僧家書儀五卷釋曇瑗撰

明馮惟訥詩紀續高僧傳曰曇瑗金陵人以戒律處世住持爲要陳宣帝敕瑗通誨國僧以爲僧正

嚴可均全陳文編曰釋曇瑗金陵人住光宅寺有集六卷

要典雜事五十卷

不著撰人

按舊新唐志有王景之要典三十九卷似卽此書之殘臚則此書王景之撰也景之

不知何許人
以上自謝元內外書儀至此皆宋以來諸名家文筆之儀式附以方外及要典雜事爲一類

右五十九部二千二十九卷通計亡書合六十九部三千九十四卷 按所載亡書僅六部尙有四部不見非數目寫誤卽有所佚故凡著錄五十九部附注六部通計六十五部

按七錄序日記傳錄第五曰儀典部凡八十種二百五十二帙二千二百五十六卷 本志著錄并亡書據云六十九部內陳隋及後魏後齊諸禮儀及陳齊鹵簿圖儀李穆叔唐瑾馬樞曇瑗等儀共十五部知非七錄所有除此則本志所著少於阮氏所載約略尙有二十六部皆削而不錄也 又按無名氏晉雜儀注十一卷雜凶禮四十二卷陳尙書雜儀注五百五十卷陳軍禮六卷陳嘉禮一百二卷後齊儀注二百九十卷雜嘉禮三十八卷王遂之禮儀制度十三卷鹵簿儀二卷陳鹵簿圖一卷齊鹵簿儀一卷諸衛左右廂旗圖樣十五卷宋長沙檀太妃薨弔答書十二卷周捨書儀疏一卷鮑泉新儀三十卷梁修端文儀二卷李穆叔趙李家儀十卷無名氏言語儀一卷嚴植之儀二卷馬樞邇儀四卷無名氏婦人書儀八卷曇瑗僧家書儀五卷無名氏要典雜事五十卷梁有衛敬仲漢中興儀一卷凡廿四部章氏考證皆缺載

又是類本志在史部第八章氏乃改爲第十一

隋書經籍志考證卷十九

史部九

刑法類中分類凡二

律本二十一卷杜預撰

杜預有喪服要集見經部禮類

晉書文帝本紀魏咸熙元年秋七月帝奏中

護軍賈充正法律案與司空荀勗定禮儀僕射裴秀

定官制同奏者也

又武帝本紀泰始四年春正月景戌律令成

封爵賜帛各有差戊子詔律令既就班之天

下將以簡法務本惠育海內宜寬有罪使得

自新其大赦天下長吏郡丞長史各賜馬一

匹

又刑法志文帝為晉王惠前代律令本注煩

雜陳羣劄雖經改革而科網本密又叔孫

郭馬杜諸儒章句但取鄭氏又為偏黨未可

承用於是令賈充定法律令與太傅鄭冲司

徒荀顛中書監荀勗中軍將軍羊祜中護軍

王業廷尉杜友守河南尹杜預散騎侍郎裴

楷潁川太守周權齊相郭頤都尉成公綏尚

書郎柳軌及吏部令史榮邵等十四人典其

事就漢九章增十一篇合二十篇六百二十

條二萬七千六百五十七言泰始三年表上

賞帛萬餘匹武帝親自臨講使裴楷執讀四

年正月大赦天下乃班新律

又杜預傳預與車騎將軍賈充等定律令既

成預為之注解乃奏之詔班於天下

唐六典刑部郎中員外郎注晉氏受命命賈

充等十四人增損漢魏律為二十篇一刑名

二法例三盜律四賊律五詐偽六請賊七告

勅八捕律九繫訊十斷獄十一雜律十二戶

律十三擅興律十四毀亡十五衛宮十六水

火十七廐律十八關市十九違制二十諸侯

凡一千五百三十條

唐書經籍志刑法律本二十一卷賈充等撰

唐書藝文志賈充杜預刑法律本二十一卷

案晉志言叔孫郭馬杜諸儒章句者為叔

孫宣郭令卿馬融鄭玄及西漢之杜周號

大杜律杜延年號小杜律章句十有餘家

可考者惟此後漢應劭撰具律本章句為

漢議即此律本十餘家之章句也漢魏相

傳之律本章句大都亡於永嘉之亂故此

篇以晉代之律本章句為首焉

漢晉律序注一卷晉儀長張斐撰

雜律解二十一卷張斐撰

晉書刑法志泰始四年正月班新律其後明

法掾張斐又注律表上之

嚴可均全晉文編曰張斐斐一作裴一作裴

或作聚泰始中明法掾後為儀長有漢晉律

序注一卷雜律解二十一卷

南齊書孔稚圭傳江左相承用晉世張杜律

二十卷永明七年尚書刪定郎王植撰定律

章表奏之曰張斐杜預同注一章而生殺永

殊臣謹取張注七百三十一條杜注七百九

十一條或二家兩釋於義乃備者又取一百

七條其注相同者取一百三條集為一書

唐書經籍志律解二十一卷張斐撰

唐書藝文志張斐律解二十卷

章氏考證史記平準書案隱北堂書鈔藝文

類聚太平御覽刑法部並引張斐律序又書

鈔引晉律注御覽引晉律每句下皆為注文

而不著張斐未知是斐本注否又一切經音

義引張斐解晉律

案漢晉律序注一卷似即在斐所解新律

二十篇之首亦即在下文律解二十一卷

之內不知本志何以分而為二其曰漢晉

者殆以晉律就漢九章而成歟又雜律解

雜當是新字之誤

梁有杜預雜律七卷亡

杜預見前

案此似即前律本二十一卷之別本又或

如蔡法度條抄晉宋齊梁律之體以為是

書雜律亦似新律之誤

晉宋齊梁律二十卷蔡法度撰

梁律二十卷梁義興太守蔡法度撰

梁書武帝本紀天監元年八月丁未詔中書

監王瑩等八人參定律令二年夏四月癸卯

尚書刪定郎蔡法度上梁律二十卷

隋書刑法志梁武帝承齊舊律之餘刑政多

僻既即位時欲議定律令得齊時舊郎濟陽

蔡法度家傳律學云齊武時刪定郎王植之

集注張杜舊律合為一書凡一千五百三十

條事未施行其文殆滅法度能言之於是為

為兼尚書刪定郎使損益植之舊本以為梁

律天監元年八月下詔以尚書令王亮侍中王瑩尚書僕射沈約吏部尚書范雲長兼侍中柳惲給事黃門侍郎傅昭通直散騎常侍孔藹御史中丞樂藹太常丞許懋等參議斷定定爲二十篇一曰刑名二曰法例三曰盜劫四曰賊叛五曰詐僞六曰受賂七曰告劾八曰討捕九曰繫訊十曰斷獄十一曰雜十二曰戶十三曰擅興十四曰毀亡十五曰衛宮十六曰水火十七曰倉庫十八曰廩十九曰關市二十曰違制大凡定罪二千五百二十九條二年四月癸卯法度表上新律乃以法度守廷尉卿詔班律於天下

唐書經籍志梁律二十卷蔡法度撰唐書藝文志蔡法度梁律二十卷又條鈔晉宋齊梁律二十卷案此加條鈔二字則不待煩言而可知其書是梁律二十卷爲承詔所脩定其前二十卷乃其私家所撰述也

案唐六典刑部注云宋及南齊律之篇目及刑名之制略同晉氏南齊書孔稚圭傳亦云江左相承用晉世張杜律謂卽用杜預張斐之律本章句也故宋書齊書皆不立刑法志而本志亦無此二代之律唐志有齊宗躬永明律八卷據孔稚圭傳卽與王植之律相同其篇目亦與晉律無異似卽蔡法度所據之藍本也

後魏律二十卷
不著撰人
魏書刑法志世祖卽位以刑禁重神廳中詔

司徒崔浩定律令正平元年詔少傅游雅與中書侍郎胡方回等改定律制高祖太和三年詔中書令高閭集中祕官等修改舊文隨例增減又勅羣官參議厥中經御刊定五年冬訖凡八百三十二章門房之誅十有六大辟之罪二百三十五刑三百七十七通鑑太和三年使高允議定律令拜中書監時年九十餘而據律評刑志識無損

又崔鴻傳鴻稍遷尚書都兵郎中詔太師彭城王勰以下公卿朝士儒學才明者三十人議定律令於尚書上省鴻與光俱在其中時論榮之

後魏楊銜之洛陽伽藍記曰中書舍人常景字永昌河內人也敏學博通知名海內太和十九年爲高祖所器拔爲律學博士刑法疑獄多訪於景正始初詔刊律令永作通式勅景共治書侍御史高僧裕羽林監王元龜尚書郎祖瑩員外散騎常侍李琰之等撰集其事又詔太師彭城王勰青州刺史劉芳入預其議景討正科條商榷古今甚有倫序見行於世今律二十篇是也

唐六典刑部注後魏初置四部大人坐庭決辭訟以言語約束刻契記事無刑名之制至太武帝始命崔浩定刑名於漢魏以來律除髡鉗五歲四歲刑增二歲刑大辟有幪腰斬殊死棄市四等凡三百九十條門房誅四條大辟一百四十條五刑二百三十一條始置枷拘罪人文成時又增律條章至孝文時定

律凡八百三十三章門房之誅十有六大辟之罪二百三十五刑三百七十七
又曰後魏初命崔浩定令後命游雅等成之史失篇目

案是書至唐開元時祕府已無存故舊新唐志皆不著錄本志亦有律而無令李林甫注六典其令之篇目已不可知則其時律目亦無可考故六典注亦略而不具焉

北齊律十二卷目一卷

不著撰人

北齊書封述傳太寧元年徵授大理卿河清三年勅與錄尚書趙彥深僕射魏收尚書陽休之國子祭酒馬敬德議定律令述久爲法官明解律令議斷平允深爲時人所稱隋書刑法志北齊文宣始命羣官議造齊律積年不成其決獄猶依魏舊武成卽位以律令不成頻加催督河清三年尚書令趙郡王叡等奏上齊律十二篇一曰名例二曰禁衛三曰婚戶四曰擅興五曰違制六曰詐僞七曰鬪訟八曰賊盜九曰捕斷十曰毀損十一曰廩牧十二曰雜其定罪九百四十九條其制刑名五一曰死刑二曰流刑三曰刑罪卽耐罪也四曰鞭五曰杖六凡爲十五等當加者上就次當減者下就次又列重罪十條一曰反逆二曰大逆三曰叛四曰降五曰惡逆六曰不道七曰不敬八曰不孝九曰不義十曰內亂其犯此十惡者不在八議論贖之限

是後法令明審科條簡要又勅仕門之子弟常講習之齊人多曉法律蓋由此也

唐書經籍志北齊律二十卷趙郡王獻撰二十當爲十二獻當爲叙

唐書藝文志趙郡王叡北齊律二十卷案此卷數亦沿舊志之誤

案趙郡王叡齊神武帝弟琛之子也累以功加封浮陽郡公潁川郡公宣城郡公仕

至司空攝錄尚書事太尉後主初爲胡太后及和士開陸媪劉桃枝等所害年三十

六北齊書有傳

陳律九卷范泉撰

陳書武帝本紀永定元年冬十月癸未立刪定郎治定律令

隋書刑法志陳氏承梁季喪亂刑典疏闊及武帝卽位思革其弊乃下詔搜舉良才刪改

科令於是稍求得梁時明法吏令與尚書刪定郎范泉參定律令又勅尚書僕射沈欽吏部尚書徐陵兼尚書左丞宗元饒賀朗參知其事制律三十卷其篇目條綱輕重簡繁一用梁法

唐書藝文志范泉等陳律九卷

周律二十五卷

不著撰人

周書武帝本紀保定三年二月庚子初頒新律

隋書刑法志周文帝於大統十年之後大統西魏文帝年號以河南趙肅爲廷尉卿撰定律

律肅積思累年遂感心疾而死乃命司憲大

夫拓拔迪掌之至保定三年三月庚子乃就

謂之大律凡二十五篇一曰刑名二曰法例

三曰祀享四曰朝會五曰婚姻六曰戶禁七

曰水火八曰興繕九曰衛宮十曰市廛十一

曰鬪競十二曰劫盜十三曰賊叛十四曰毀

亡十五曰違制十六曰關津十七曰諸侯十

八曰廐牧十九曰雜犯二十曰詐僞二十一

曰請求二十二曰告言二十三曰逃亡二十

四曰繫訊二十五曰斷獄大凡定罪一千五

百三十七條班之天下其大略滋章條流苛

密比於齊法煩而不要

唐書經籍志周大律二十五卷趙肅等撰

唐書藝文志趙肅等周律二十五卷

周大統式三卷

不著撰人

周書文帝紀魏大統元年三月太祖以戎役

屢興民吏勞弊乃命所司斟酌今古參考變

通可以益國利民便時適治者爲二十四條

新制奏魏帝行之七年冬十一月太祖又奏

行十二條制恐百官不勉於職事又下令申

明之十年秋七月魏帝以太祖前後以上二

十四條及十二條新制方爲中興永式乃命

尚書蘇綽更損益之總爲五卷頒於天下於

是搜簡賢才以爲牧守令長皆依新制而遣

焉數年之間百姓便之

隋書刑法志周文帝之有關中也霸業初基典章多闕大統元年命有司斟酌今古通變

可以益時者爲二十四條之制奏之七年又

下十二條制十年魏帝命尚書蘇綽總三十

六條更損益爲五卷班於天下其後以河南

趙肅爲廷尉卿撰定律律云云

唐六典刑部曰凡文法之名有四一曰律二

曰令三曰格四曰式律以正刑定罪令以設

範立制格以禁違正邪式以軌物程事注曰

後周文帝初輔魏政大統十年命尚書蘇綽

總三十六條更損益爲五卷謂之大統式

唐書藝文志蘇綽大統式三卷

隋律十二卷

不著撰人

隋書刑法志高祖既受周禪開皇元年乃詔

尚書左僕射渤海公高頊上柱國沛公鄭譯

清河郡公楊素大理前少卿平源縣公常明

刑部侍郎保城縣公韓濟比部侍郎李諤兼

考功侍郎柳雄亮等更定新律奏上之蠲除

前代鞭刑及梟首醜裂之法置十惡之條多

探後齊之制而頗有損益一曰謀反二曰謀

大逆三曰謀叛四曰惡逆五曰不道六曰大

不敬七曰不孝八曰不睦九曰不義十曰內

亂三年因覽刑部奏斷獄數猶至萬條以爲

律尚嚴密故人多陷罪又敕蘇威牛弘等更

定新律除死罪八十一條流罪一百五十四

條徒杖等千餘條定留唯五百條凡十二卷

一曰名例二曰衛禁三曰職制四曰戶婚五

曰廐庫六曰擅興七曰盜賊八曰鬪訟九曰

詐僞十曰雜律十一曰捕亡十二曰斷獄自

是刑網簡要疏而不失

又李德林傳開皇元年勅令與太尉任國公于翼高頴等同修律令事訖奏聞別賜金帶駿馬賞損益之多也

唐書經籍志隋律十二卷高頴等撰

唐書藝文志高頴等隋律十二卷

隋大業律十一卷

不著撰人

隋書刑法志煬帝即位以高祖禁網深刻又勅修律令除十惡之條三年新律成凡五百條爲十八篇詔施行之謂之大業律一曰名例二曰衛宮三曰違制四曰請求五曰戶六曰婚七曰擅興八曰告劾九曰賊十曰盜十一曰鬪十二曰捕亡十三曰倉庫十四曰廩牧十五曰關市十六曰雜十七曰詐僞十八曰斷獄

北史隋煬帝本紀大業三年夏四月甲申頒律令大赦天下

唐書經籍志隋大業律十八卷藝文志同

晉令四十卷

不著撰人

晉書刑法志文帝爲晉王命賈充等定律律二十篇六百二十條蠲其苛穢存其清約事從中興歸於益時其餘未宜除者若軍事田農酤酒未得皆從人心權設其法太平常除故不入律悉以爲令施行制度以此設教遠令有罪則入律其常事品式章程各還其府爲故事凡律令合二千九百二十六條六十

卷故事三十卷泰始三年事畢表上

藝文類聚刑法部杜預律序曰律以正罪名令以序時制二者相頌爲用也

唐六典刑部注令教也命也晉命賈充等撰令四十篇一戶二學三貢士四官品五吏員

六俸廩七服制八祠九戶調十佃十一復除

十二關市十三捕亡十四獄官十五鞭杖十

六醫藥疾病十七喪葬十八雜上十九雜中

二十雜下二十一門下散騎中書二十二尙

書二十三臺祕書二十四王公侯二十五

軍吏員二十六選吏二十七選將二十八選

雜士二十九宮衛三十贖三十一軍戰三十

二軍水戰三十三至三十八皆軍法三十九

四十皆雜法宋齊略同晉氏

唐書經籍志晉令四十卷賈充等撰

唐書藝文志賈充杜預刑法律本二十一卷

又晉令四十卷

嚴可均全晉文編宋書禮志初學記北堂書

鈔太平御覽諸書引晉令凡四十二條

梁令三十卷錄一卷

梁科三十卷

不著撰人

梁書武帝本紀天監二年夏四月癸卯尙書

刪定郎蔡法度上梁律二十卷令三十卷科

四十卷

隋書刑法志天監二年四月癸卯法度表上

新律又上令三十卷科三十卷

唐六典刑部注梁初命蔡法度等撰梁令三

十篇一戶二學三貢士贈官四官品五吏員

六服制七祠八戶調九公田公用儀迎十醫

藥疾病十一復除十二關市十三劫賊水火

十四捕亡十五獄官十六鞭杖十七喪葬十

八雜上十九雜中二十雜下二十一宮衛二

十二門下散騎中書二十三尙書二十四三

臺祕書二十五王公侯二十六選吏二十七

選將二十八選雜士二十九軍吏三十軍賞

又曰梁易故事爲梁科三十卷蔡法度所刪

定

本志篇敍曰晉初賈充杜預刪而定之有律

有令有故事梁時又取故事之宜於時者爲

梁科

唐書經籍志梁令三十卷蔡法度撰梁科二

卷蔡法度撰

唐書藝文志蔡法度梁律二十卷又梁令三

十卷梁科二卷

北齊令五十卷

北齊權令二卷

並不著撰人

隋書刑法志河清三年尙書令趙郡王叡上

齊律十二篇又上新令四十卷大抵采魏晉

故事又曰其不可爲定法者別制權令二卷

與之並行後平秦王高歸彥謀反須有約罪

律無正條於是遂有別條權格與律並行大

理明法上下比附欲出則附依輕議欲入則

附從重法姦吏因之舞文出沒至於後主權

倖用事不附之者陰中以法網紀紊亂卒至

於亡

唐六典刑部注北齊令趙郡王叡等撰令五

十卷取尚書二十八曹爲其篇名又撰權令

二卷兩令並行

唐書經籍志北齊令八卷趙郡王獻撰 獻當

爲叙

唐書藝文志趙郡王叡北齊律二十卷令八

卷

案唐六典尚書省左司郎中右司郎中注

云尚書郎北齊有吏部考功主爵殿中儀

曹三公駕部祠部主客虞曹屯田起部左

中兵左外兵右中兵右外兵都兵都官二

千石比部水部膳部度支倉部左民右民

金部庫部凡二十八曹郎此令五十卷之

篇目即取是以命名也

陳令三十卷范泉撰

陳科三十卷范泉撰

隋書刑法志武帝即位得梁時明法吏令與

尚書刪定郎范泉參定律令制律三十卷令

四十卷采酌前代條流冗雜綱目雖多博而

非要

通典刑制篇陳武帝令尚書刪定郎范泉此

泉字之誤參定律令又令徐陵等知其事制律

三十卷科三十卷唐六典刑部注云律三十卷令三

十卷科三十卷

唐書經籍志陳令三十卷范泉等撰陳科三

十卷范泉志

唐書藝文志范泉等陳律九卷又陳令三十

卷陳科三十卷

隋開皇令三十卷目一卷

不著撰人

隋書裴政傳政明習故事開皇元年詔與蘇

威等修定律令政采魏晉刑典下至齊梁沿

革輕重取其折衷同撰著者十有餘人凡疑

滯不通皆取決於政

唐六典刑部注隋開皇命高頴等撰令三十

卷一官品上二官品下三諸省臺職員四諸

寺職員五諸衛職員六東宮職員七行臺諸

監職員八諸州郡縣鎮戍職員九命婦品員

十祠十一戶十二學十三選舉十四封爵俸

廩十五考課十六宮衛軍防十七衣服十八

鹵簿上十九鹵簿下二十儀制二十一公式

上二十二公式下二十三田二十四賦役二

十五倉庫廩牧二十六關市二十七假寧二

十八獄官二十九喪葬三十雜

唐書經籍志隋開皇令三十卷裴正等撰

唐書藝文志牛弘等隋開皇令三十卷

隋大業令三十卷

不著撰人

隋書煬帝本紀大業三年四月甲申頒律令

大赦天下關內給復三年

唐六典刑部注隋開皇定律蠲除前代梟首

輓裂及鞭刑又依北齊置十惡煬帝以開皇

律令猶重除十惡之條更制大業律其五刑

之內降從輕典者二百餘條末年嚴刻生殺

任情不復依例及楊玄感反誅九族復行輓

裂梟首磔而射之

唐日本國見在書目隋大業令三十卷

案隋書刑法志煬帝即位又勅修律令此

大業令當時與大業律同者煬帝於十

惡之條一身備具故惡其害已而去之

以上自杜預律本至此皆晉以來歷朝律

令科格之屬本志篇敘所謂自律已下世

有改作事在刑法志是也而刑法志所載

律令篇目或具或不具

漢朝議駁三十卷應劭撰

應劭有漢書集解見前正史類

後漢書本傳劭又刪定律令爲漢儀 晉書刑

法志引作漢議建安元年奏之又集駁議三十

篇以類相從凡八十二事其見漢書二十五

漢記四 卽東觀記 皆刪鉅潤色以全本體其

二十六博采古今瓌璋之士文章煥炳德義

可觀其二十七臣所創造豈豈自謂必合道

衷心焉憤邑聊以藉手是用敢露頑才廁於

明哲之末雖未足綱紀國體宣洽時雍庶幾

觀察增闡聖聽惟因萬機之餘暇游意省覽

焉獻帝善之二年詔拜劭爲袁紹軍謀校尉

案此蓋與漢議二百五十篇同上者其取資於漢書者二

十五事漢記四事古今人文章可觀者二十六事自造二

十七事合爲八十二事凡三十卷云

又曰初安帝時河間人尹次穎川人史玉皆

坐殺人當死次兄初及玉母軍並詣官曹求

代其命因縊而物故尚書陳忠以罪疑從輕

議活次玉劭後追駁之據正典刑有可存者

其議曰尚書稱天秩有禮五服五章哉天討有罪五刑五用哉而孫卿亦云凡制刑之本將以禁暴惡且懲其末也凡爵列官秩賞慶刑威皆以類相從使當其實也若德不副位能不稱官賞不酬功刑不應罪不祥莫大焉殺人者死傷人者刑此百王之定制有法之成科高祖入關雖尚約法然殺人者死亦無寬降夫時化則刑重時亂則刑輕書曰刑罰時輕時重此之謂也今次王公以清時釋其私憾阻兵安忍僵屍道路朝恩在寬幸至冬獄而初軍愚狷妄自投斃昔召忽親死子糾之難而孔子曰經於溝瀆人莫之知朝氏之父非錯刻峻遂能自隕其命班固亦云不如趙母指括以全其宗傳曰僕妾感慨而致死者非能義勇顧無慮耳夫刑罰威獄以類天之震耀殺戮也溫慈和惠以放天之生殖長育也是故春一草枯則為災秋一木華亦為異今殺無罪之初軍而活當死之次王其為枯華不亦然乎陳忠不詳制刑之本而信一時之仁遂廣引入議求生之端夫親故賢能功貴勤賓豈有玉次當罪之科哉若乃大以情原心定罪此為求生非謂代死可以生也敗法亂政悔其可追劭凡為駁議三十篇皆此類也 案此即其自撰二十七篇之一范氏錄入本傳以見大凡

文心雕龍議對篇曰迄至有漢始立駁議駁者雜也雜議不純故曰駁也漢世善駁則應劭為首又曰仲瑗博古而詮貫有敘

唐書經籍志漢朝駁義三十卷應劭撰
唐書藝文志應劭漢朝議駁三十卷又故事類應劭漢朝駁三十卷
章氏考證唐志故事類又有應劭漢朝駁三十卷自是重出
梁有建武律令故事一卷亡一本作二卷不著撰人
唐六典刑部注編錄當時制勅永為法則以為故事漢建武有律令故事上中下三篇皆刑法制度也
唐書經籍志漢建武律令故事三卷 藝文志同
梁有應劭律略論五卷亡
應劭當為劉邠有孝經注見經部孝經類
魏志本傳明帝即位出為陳留太守徵拜騎都尉與議郎庾嶷荀詵等定科令作新律十八篇著律略論
唐書經籍志律略論五卷劉邠撰
唐書藝文志劉邠律略論五卷
案太平御覽刑法部引劉邠律略曰刪舊科采漢律為魏律懸之象魏嚴氏編三國文以為此十三字即是劉邠新律序略中語晉書刑法志及通典載劉邠新律序略言新律增損篇目及取去從違之故皆出是書然則是書即所作新律序論也新律即魏律大抵與漢律皆亡於永嘉之亂故本志著錄托始於杜預晉律 晉志自李愷法經以下云云似皆本是書

晉雜議十卷
不著撰人
唐書藝文志故事類晉雜議十卷
章氏考證晉雜議十卷唐志入故事類
案晉代雜議略見於晉書刑法志中大抵議復肉刑為多舊新唐志儀注類又有荀顛等晉雜議十卷疑亦是書不盡專為刑法故或入故事或入儀注也
晉彈事十卷
不著撰人
唐書經籍志晉彈事九卷藝文志同
案本志集部總集類梁有諸彈事等十四部亡此晉代彈事十卷似即十四部之僅存者
南臺奏事二十二卷
不著撰人
唐書經籍志南臺奏事二十二卷藝文志同又故事類九卷似別曹之奏事
玉海藝文類漢南臺奏事唐志刑法二十二卷隋志無漢字順帝永建元年九月辛亥初令三公尚書入奏事 案此云隋志無漢字者蓋以新唐志蒙上漢字又列於應劭漢朝議駁之前明其為漢代之書也
案玉海載此書繫以順帝本紀一條蓋著其朔而未明其故似有所闕略也三公尚書者續漢百官志注云漢舊儀三公曹主斷獄蔡質漢儀云典天下歲盡集課事五曹尚書之一也東漢尚書曹在南宮謝承

書云條在南宮鄭宏傳云著之南宮是也唐六典注云後漢尚書亦稱臺閣故曰南臺此南臺奏事即三公曹奏事故入刑法其書蓋昉於順帝初年桓焉傳云順帝即位拜太傅與太尉朱寵並錄尚書事焉復入授經禁中因讎見建言宜引三公尚書入省事帝從之省事猶視事也然則此事自焉發之也

漢名臣奏事三十卷

不著撰人

文心雕龍奏啓篇自漢以來奏事或稱上疏儒雅繼踵殊采可觀若夫賈誼之務農蠶錯之兵事匡衡之定郊王吉之觀禮溫舒之緩獄谷永之諫仙理既切至辭亦通暢可謂識大體矣後漢羣賢嘉言罔伏楊秉耿介於災異陳蕃憤懣於尺一骨鯁得焉張衡指摘於史職蔡邕銓列於朝儀博雅明焉若乃案劾之奏所以明憲清國漢置中丞總司按劾觀孔光之奏董賢則實其奸回路粹之奏孔融則誣其覺惡名儒之與險士固殊心焉又章表篇云左雄奏議臺閣爲式胡廣章奏天下第一並當時之傑筆也

本志集部總集類注梁有漢名臣奏三十卷陳長壽撰

唐書經籍志漢名臣奏三十卷陳壽撰又二十九卷

唐書藝文志漢名臣奏二十九卷不著撰人陳壽漢名臣奏事三十卷案二十九卷者別是一

家在陳壽之前

玉海藝文類中與書目漢名臣奏二卷一卷孔光元壽二年八月奏篇凡三一卷唐林在新莽時奏篇凡十

陳氏書錄解題章奏類漢名臣奏一卷案漢名臣奏事三十卷中與書目僅存其二一爲孔光一爲唐林今惟唐林而已所言皆莽朝事無足論者姑以存古云爾

章氏考證唐志二十九卷又有陳壽漢名臣奏事三十卷史記惠景侯者年表集解引杜業奏漢書揚雄傳注張衡奏初學記天部蔡邕奏政禮部唐林奏當爲政理服食部大司空朱游奏藝文類聚祥瑞部丞相薛宣對北堂書鈔設官部張禹奏翟方進奏後漢書張衡傳注蔡邕言渾天蔡邕傳注張文上疏文選晉紀總論注陳風對問太平御覽皇親部杜業奏禮儀部黃瓊上言百穀部丞相薛宣張禹奏禮儀部黃瓊上言百穀部丞相薛宣奏資產部太尉屬應劭司農屬孫嵩司空掾孔曲等議唐武后臣軌上引並稱漢名臣奏隋志總集類重出玉海引中與書目言孔光奏一卷唐林奏一卷今孔光奏未見

魏主奏事十卷

不著撰人

章氏考證文選古詩十九首注出不由里門而大道者名曰第太平御覽居處部云侯食邑不滿萬戶不得作第其舍在里中不稱宅並引魏王奏事史記韓信盧綰傳集解魏武

帝奏事云今邊有小警輒露檄插羽飛羽檄之意也漢書高帝紀注後漢書光武紀西羌傳注文選關中詩注並引之又御覽居處部引魏武制度奏

侯康補三國藝文志史記陳豨傳漢書高祖紀十年後漢書光武紀更始二年西羌傳論諸注俱引魏武奏事御覽一百八十一引魏公奏事

魏名臣奏事四十卷目一卷陳壽撰

陳壽有三國志見前正史類

文心雕龍奏啓篇魏代名臣文理迭興若高堂天文王觀教學王朗節省甄毅考課亦盡節而知治矣

本志總集類注梁有魏名臣奏三十卷陳長壽撰

唐書藝文志故事類魏名臣奏事三十卷不著撰人

錢大昕三國志考異裴松之注所引書有魏名臣奏不詳撰人

章氏考證唐志入故事類三十卷脫陳壽名魏志明紀注引散騎常侍何曾表三少帝紀注太尉華歆表公孫度傳注中領軍夏侯獻表張魯傳注董昭表王朗傳注朗節省奏蘇

則傳注文帝令問雍州刺史張既並既答崔林傳注安定太守孟達薦王雄表又侍中辛毗奏高柔傳注柔上殺鹿疏徐邈傳注黃門侍郎杜恕表卍邱儉傳注雍州刺史張既表初學記歲時部大司農董遇議藝文類聚禮

部蔣濟奏樂部王朗表北堂書鈔儀飾部中書監劉放奏太平御覽時序部太尉司馬懿奏地部執金吾龐延奏職官部黃門杜恕奏禮儀部秦靜議高堂隆議服用部高堂隆奏獸部郎中黃觀上疏並引魏名臣奏隋志總集類又有陳長壽魏名臣奏三十卷當是重出長字誤增

案漢名臣奏唐藝文志所載陳壽之前別有二十九卷之本魏名臣奏有正始中詔撰之本亦在壽書之前見陳羣傳注其書不盡屬刑法章氏所舉諸引證可見故有入故事者有入總集者本志既從他書目著之此類復從七錄附著於總集亡書中實亡而未亡前後失於釐訂也

魏臺雜訪議三卷高堂隆撰

魏志本傳高堂隆字升平泰山平陽人魯高堂生後也建安十八年太祖召為丞相軍議掾後為歷城侯相黃初中為堂陽長選為平原王傅王即尊位是為明帝以隆為給事中博士駙馬都尉陳留太守散騎常侍賜爵關內侯侍中領太史令遷光祿勳卒
唐書經籍志儀注類魏臺雜訪議三卷高堂隆撰儀當為議又以避諱改為崇而誤致堂字
唐書藝文志故事類魏臺雜訪議三卷不著撰人又儀注類高堂隆魏臺雜訪議三卷
章氏考證唐志儀注故事兩類重出宋書禮志曰前後但見讀春夏秋冬四時令至於服黃之時獨闕不讀不解其故文選謝惠連擣

衣詩注玉簪以玉為笄也後漢書牟長傳注物故之義高堂隆答曰物無也故事也史記索隱何奴傳同藝文類聚歲時部王肅對用未社丑臘議初學記歲時部高堂隆對用未祖丑臘義御覽時序部同服食部弁柝有笄無纓御覽時序部華歆常以臘日宴子弟王郎慕之其法由來漸矣並引魏臺訪議
侯康補三國藝文志曰宋書禮志隋書禮儀志及唐宋人諸類書皆引之
魏廷尉決事十卷

不著撰人

唐書藝文志故事類魏廷尉決事十卷

章氏考證唐志二十卷又故事類重出北堂書鈔酒食部太平御覽飲食部文部刑法部器物部並引廷尉決事

侯康補三國藝文志御覽七百六十三引廷尉決事曰廷尉高文惠上民傳晦詣民籍牛場上盜黍為牛所覺以斧擲折晦脚物故依律牛應棄市監粟超議晦既夜盜牛本無殺意宜減所死一等必出此書也文惠高柔字也黃初四年為廷尉又六百四十六亦引廷尉決事然無以定其為魏

案決事亦稱決事比始於前漢董仲舒仲舒作春秋斷獄崇文總目作春秋決事比是也亦即決事比例應劭作漢議輒撰具廷尉板令決事比例是也范書陳忠傳忠父寵在廷尉上除漢法溢於甫刑者未施行忠略依寵意奏上二十三條為決事比

以省請讞之敝舊唐志刑法家有廷尉決事二十卷無魏字新志列於漢代諸書中是此二十卷者為漢人書其故事類所載魏廷尉決事十卷書名卷數並相符合即此書也章氏以為一書又以為故事類重出非是魏志鍾毓傳毓為廷尉聽君父已沒臣子得為理謗及士為侯其妻不復配嫁毓所創也此二事當在是書

晉駁事四卷

不著撰人

唐書經籍志晉駁事四卷藝文志同

案此蓋與應仲瑗漢朝議駁同一體類晉書孫鑠傳鑠為大司馬石苞掾遷尚書郎在職駁議十有餘事為當時所稱當在是書

晉雜制六十卷

不著撰人

晉書刑法志至惠帝之世政出羣下每有疑獄各立私情刑法不定獄訟繁滋尚書裴頠表陳之而曲議猶不止及於江左元帝為丞相時朝廷草創議斷不循法律人立異議高下無狀主簿熊遠奏曰自軍興以來臨事改制朝作夕改至於主者不敢任法每輒關諮委之大官非為政之體若每隨物情輒改法制此為以情壞法愚謂宜令錄事更立條制諸立議者皆當引律令經傳不得直以情言是時帝以權宜從事尚未能從而河東衛展為晉王大理考擿故事有不合情者又上書

曰今施行詔書傷順破教者衆不得不蕩其穢匿通其圯滯今詔書宜除者多有便於當今著爲正條則法差簡易元帝令曰自元康以來事故著臻法禁滋漫大理所上宜朝堂會議蠲除詔書不可用者此孤所虛心者也

案刑法志所載卽此雜制之所由起是蓋於晉令之外別有此權宜之制大抵元帝爲晉王時從大理衛展所請著爲此書晉書衛恆傳云恆族弟展爲晉王大理詔有考子證父或鞭父母問子所在展以爲恐傷正教並奏除之中興建爲廷尉此所云詔有卽詔書所有亦卽展所謂詔書宜除者多此其一也

晉刺史六條制一卷

不著撰人

宋書百官志刺史班行六條詔書其一條曰強宗豪右田宅踰制以強凌弱以衆暴寡其二條曰二千石不奉詔書違承典制背公向私旁詔守利侵漁百姓聚斂爲姦其三條曰二千石不卹疑獄風厲殺人怒則加罰喜則任賞煩擾苛暴剝戮黎元爲百姓所疾山崩石裂妖祥譎言其四條曰二千石選署不平苟阿所愛蔽賢寵頹其五條曰二千石子弟恃怙榮勢請託所監其六條曰二千石違公下比阿附豪彊通行貨賂割損正令歲終則乘傳詣京師奏事成帝綏和元年改爲牧哀帝建平二年復爲刺史前漢世刺史乘傳周行郡國無適所治後漢世所治始有定處止

八月行部不復奏事京師晉江左猶行郡縣詔棗據追遠詩曰先君爲鉅鹿太守迄今三紀忝私爲冀州刺史班詔次于郡傳是也牧二千石刺史六百石

通典職官州郡門曰晉制刺史三年一入奏甲午詔書曰刺史銜命國之外臺其非所部而在境者刺史并糾之

案漢書百官表云武帝元封五年初置部刺史掌奉詔條察州師古曰漢官典職儀云刺史班宣周行郡國省察治狀黜陟能否斷治冤獄以六條問事非條所問卽不省一條強宗豪右云云與宋書百官志同蓋其制始於漢武歷後漢魏晉宋猶承用之故通典但載漢制別無魏晉六條之制也

齊五服制一卷

不著撰人

通志藝文略儀禮喪服類南齊五服制一卷案通志略云南齊未詳所據考唐六典刑部注載晉令第七曰服制梁令第六亦曰服制疑此一卷爲齊代令篇之佚存者鄭氏列之儀禮喪服豈類例之謂歟

陳新制六十卷

不著撰人

案唐六典刑部注曰編錄當時制勅永爲法則以爲故事此陳氏一代之制勅猶故事之類也

以上自應劭漢朝議駁至此皆刑法之支

流篇彼所謂故事駁議又多零失今錄其見存可觀者編爲刑法篇是也

右三十五部七百一十二卷通計亡書合三十八部七百三十六卷 著錄部數不誤附著亡書三部通計部數亦不誤

案七錄序目記傳錄第六曰法制部四十七種九十五帙八百八十六卷本志著錄并亡書三十八部內後魏律刊於正始之初時爲梁武帝天監三年北人著述南朝多不齒數北爲虜庭法令之書雖當阮氏之世恐亦未必存錄他如北齊律陳律周律大統式隋律大業律北齊令權令陳令陳科隋開皇令大業令陳新制凡十三部皆在梁普通之後必非七錄所及除此則本志所錄少於七錄約略尙有二十三部又隋大業令三十卷晉雜制六十卷晉刺史六條制一卷齊五服制一卷陳新制六十卷梁有杜預雜律七卷凡六部章氏考證並失載又本志編次是類在史部第九章氏乃改爲第十二

隋書經籍志考證卷二十

史部十

雜傳類中分類凡一十五

三輔決錄七卷漢太僕趙岐撰摯虞注

後漢書本傳岐字邠卿京兆長陵人也初名嘉字臺卿娶扶風馬融兄女仕州郡辟司空掾為大將軍梁冀所辟舉理劇為皮氏長西歸京兆尹延篤復以為功曹先是中常侍唐衡兄玆為京兆虎牙都尉岐數為貶議玆深毒恨延熹元年玆為京兆尹收岐家屬宗親陷以重法盡殺之岐遂逃難四方北海孫賓石藏之複壁中數年後諸唐死滅因赦乃出九年應司徒胡廣之命拜并州刺史坐黨事免靈帝初復遭黨錮十餘歲中平元年徵拜議郎及獻帝西都稍遷太僕李傕專政使太傅馬日磾撫慰天下以岐為副與平初奉使荊州督租糧以老病遂留荊州曹操時為司空舉以自代就拜為太常年九十餘建安六年卒岐多所述作著要子章句三輔決錄傳於時

命操筆者書之近從建武以來暨於斯今其人既亡行乃可書玉石朱紫由此定矣故謂之決錄矣

魏志荀彧傳注三輔決錄曰嚴象字文則京兆人少聰博有膽智以督軍御史中丞詣揚州討袁術會術病卒因為揚州刺史建安五年為孫策廬江太守李術所殺時年三十八象同郡趙岐作三輔決錄恐時人不盡其意故隱其書唯以云象案此似三輔決錄序注擊仲治之辭也

晉書摯虞傳虞京兆長安人少事皇甫謐才學通博著述不倦注解三輔決錄有決疑要注見前條注篇

史通書志篇曰譜牒之作盛於中古漢有趙岐三輔決錄晉有摯虞族姓記江左有兩王百家譜中原有方司殿格蓋氏族之事盡在是矣又補注篇云若摯虞之三輔決錄陳壽之季漢輔臣周處之陽羨風土常璩之華陽士女文言美辭列於章句委曲敘事存於細書

唐日本國見在書目三輔決錄七卷漢太僕趙岐撰摯虞注

唐書經籍志三輔決錄七卷趙岐撰摯虞注唐書藝文志趙岐三輔決錄十卷摯虞注

侯康補後漢傳藝文志曰康案范書隗囂傳注引一條云平陵之王惠孟鏘鏘激昂露迹困於東平則其書似有韻語作贊然他不多見今於諸書所引者尙夥然每與摯虞注相

紊亂

張澍二酉堂輯本序曰案岐纂決錄據其自序並昔人徵引逸篇其書不類譜牒至摯虞之注與陳壽等三書亦不相侔史通書志補注篇所考未為精確大抵簡者為錄詳者為注又決錄多作韻語即史通所謂文言美句也諸書徵引錄與注不盡分晰余鈔撮特分別之隋志七卷舊唐志亦七卷新唐志十卷故多於前今定為二卷

弗泮林輯本題識曰三輔決錄惟陶宗儀說郭輯有一卷僅得十五事而已泮林隨遇輒錄摯仲治注一併輯之計決錄九十四事注三十六事而以邠卿事蹟錄冠卷首

海內先賢傳四卷魏明帝時撰

唐書經籍志海內先賢傳四卷魏明帝撰唐書藝文志海內先賢傳五卷魏明帝撰章氏考證舊唐志四卷新唐志五卷世說德行篇注穎川先輩為海內所師者定陵陳碑叔穎川荀淑長社鍾皓北堂書鈔政術部陳寔為海內高名在位之臣歸以公相位並引海內先賢傳其書所紀多東漢先賢太平御覽職官部引董卓議廢帝盧植正色不順事稱魏明帝先賢傳省海內二字

侯康補三國藝文志曰世說注後漢書注藝文御覽俱引之其中記申屠蟠事許劭事足補史傳之闕記王允死難事與史不同記李膺宗陳穉叔荀淑鍾皓三君嘗言荀君清識難尙陳鍾至德可師比史傳多釋叔一人皆

足以備參考者也

案魏明帝有甄表狀聖賢羣輔錄曰魏文帝初爲丞相魏王所旌表二十四賢後明帝乃述撰其狀見文帝令及甄表狀侯氏補志曰魏文旌表二十四賢備在羣輔錄無公沙穆陳寔父子而甄表狀有之蓋又有所推廣矣案甄表狀所推廣者不知若干人此大抵因甄表狀而續增爲傳者疑羣輔錄所載漢魏間諸賢如三君八俊之類皆是也新唐志多出一卷疑卽後海內名士傳一卷合爲一書

四海耆舊傳一卷

不著撰人

唐書經籍志四海耆舊傳一卷李氏撰

唐書藝文志韋氏四海耆舊傳一卷

章氏考證新唐志題韋氏舊唐志作李氏羣

輔錄注公沙孚事引北海耆舊傳北字疑誤

案羣輔錄稱北海公沙穆則公沙氏本北

海人稱北海不誤此云四海似以東西南

北分篇北海爲其中之一篇章氏又別舉

北堂書鈔政術部劉盛設官部董政各一

事並引南海先賢傳以謂本志不著錄者

亦似此書之篇目也

海內士品一卷

不著撰人

唐書經籍志海內士品錄二卷魏文帝撰

唐書藝文志魏文帝海內士品錄三卷

章氏考證海內士品一卷無撰名唐志魏文

帝三卷藝文類聚服飾部北堂書鈔儀飾部

太平御覽服用部並引海內士品曰徐孺子

嘗事江夏黃公卒孺子往會葬無行資資磨

鏡具賃磨取資然後得達祭畢而還

案本志子部名家士操一卷魏文帝撰案

魏武諱操文帝不當以操名書似卽此士

品之誤祇是一書也

先賢集三卷

不著撰人

唐書經籍志海內先賢行狀三卷李氏撰

唐書藝文志李氏海內先賢行狀三卷

章氏考證海內先賢行狀唐志著題李氏世

說德行篇注引荀淑鍾皓陳紀三事稱先賢

行狀他書所引亦多省海內二字惟太平御

覽人事部引王烈戴良徐孺子仇覽四事稱

海內先賢行狀職官部引故宗正南陽劉奉

先爲督郵事稱漢魏先賢行狀

案此先賢集卽唐志之海內先賢行狀章

氏依唐志之書名而無不著錄三字蓋亦

以爲卽是此書其不依本志作先賢集者

偶誤也 史通正史篇言東觀漢記殘缺無成魏黃

初中唯著先賢表疑卽此先賢集也

以上五家爲總錄之類第一

兗州先賢傳一卷

不著撰人

唐林寶元和姓纂仲長氏見纂要又曰山陽

仲長氏後漢尙書郎仲長統著昌言代居高

平晉太宰參軍仲長穀著山陽先賢傳

唐書經籍志兗州山陽先賢讚一卷仲長統

撰 唐書藝文志仲長統山陽先賢傳一卷

章氏考證舊唐志有仲長統兗州山陽先賢

讚一卷新唐志無兗州二字据元和姓纂稱

晉太宰參軍長仲穀著山陽先賢傳則唐志

作仲長統誤案此稱長仲穀據姓纂孫輯本之寫誤

案此兗州先賢傳卽山陽先賢傳非舊唐

志明著兗州二字必誤認二書仲長穀始

末未詳

徐州先賢傳一卷徐州先賢傳讚九卷劉義慶撰

宋書宗室傳臨川烈武王道規高祖少弟也

仕晉爲征西大將軍荊州刺史封南郡公晉

義熙八年薨高祖受命追封臨川王道規無

子以長沙景王第二子義慶爲嗣義慶幼爲

高祖所知永初元年襲封臨川王元嘉八年

爲使持節都督荊雍等七州諸軍平西將軍

荊州刺史在州八年爲西土所安撰徐州先

賢傳十卷奏上之性簡素寡嗜欲受任歷藩

無浮淫之過二十一年薨於京邑時年四十

二諡曰康王又文帝本紀元嘉二十一年春

正月戊午衛將軍臨川王義慶薨

唐書經籍志徐州先賢傳一卷徐州先賢傳

九卷

唐書藝文志王義慶徐州先賢傳九卷又一

卷劉義慶徐州先賢傳贊八卷 案此並有跋誤

章氏考證新唐志王義慶徐州先賢傳九卷

又一卷愚案王義慶乃臨川王劉義慶誤刪

臨川劉三字又訛慶作度舊唐志脫落撰名

初學記地部范蠡扁舟浮五湖文選謝靈運

廬陵王墓詩注云楚老者彭城之隱人也並

引徐州先賢傳太平御覽人事部徐盛琅邪

莒人也客居吳以敦直勇氣聞孫權每選出

戰者盛常在前此引劉義慶徐州先賢贊

案宋氏漢楚元王之後世為彭城人後居

京口彭城屬徐州京口亦曰南徐州皆宋

室之鄉國也故臨川王為是書

海岱志二十卷齊前將軍記室崔慰祖撰

齊書南史文學傳崔慰祖字悅宗清河東武

城人也好學聚書萬卷為始安王遙光撫軍

墨曹行參軍轉刑獄兼記室遙光據東府反

慰祖詣闕自首繫尚方卒慰祖著海岱志

起太公迄西晉人物為四十卷半未成臨卒

與從弟緯書云常欲更注遷固二史采史漢

所漏二百餘事在廚篋可檢寫之以存大意

海岱志良未周悉可寫數本付護軍諸從事

人一通及友人任昉徐寅劉洋裴揆令後世

知吾微有素業也時年三十五案本志顯前將

軍記室者始安王遙光於明帝建武元年為前將軍揚州

刺史二年進號撫軍將軍見齊書宗室傳又東晉侯本紀

永元元年八月丙午揚州刺史始安王遙光據東府反詔

曲赦京邑中外戒嚴尚書令徐孝嗣以下屯衛宮城遣領

軍將軍蕭坦之率六軍討之戊午斬遙光傳首慰祖死當

在是年

唐書經籍志海岱志十卷崔慰祖撰

唐書藝文志崔慰祖海岱志十卷

交州先賢傳三卷晉范瑗撰

范瑗始末未詳

唐書經籍志交州先賢傳四卷范瑗撰

唐書藝文志范瑗交州先賢傳四卷

案史通雜說篇交趾遠居南裔燉煌僻處

西域既而士燮著錄劉炳裁書則交州人

物志自士燮此殆續士之書合為一編者

益部者舊傳十四卷陳長壽撰

陳長壽即陳壽有三國志見前正史類

晉書本傳壽又撰古國志五十篇益部者舊

傳十篇傳於世

華陽國志後賢志益部自建武後蜀郡鄭伯

邑太尉趙彥信及漢中陳申伯祝元靈廣漢

王文表皆以博學洽聞作巴蜀者舊傳壽以

為不足經遠乃并巴漢撰為益部者舊傳十

篇散騎常侍文立表呈其傳武帝善之又序

志曰陳君承祚別為著舊始漢及魏煥乎可

觀

唐書經籍志益部者舊傳十四卷陳壽撰

唐書藝文志陳壽益部者舊傳十四卷

章氏考證愚案裴松之顏師古注史皆引陳

壽益部者舊傳其書所載列女見於水經江

水注初學記服食部御覽地部人事部共引

十二事餘所載多漢魏者舊不能具錄

案嘉興沈濤銅熨斗齋隨筆云隋經籍志

益部者舊傳十四卷陳長壽撰長壽疑亦

術之一字以此書為漢中陳術字申伯所

撰殊不然也

續益部者舊傳二卷

不著撰人

華陽國志後賢志常寬字泰恭蜀郡江原人

也治毛詩三禮春秋尚書尤耽意大易博涉

史漢彊識多聞舉秀才為侍御史除繁令去

官以湘州叛亂南入交州鳩合經籍研精著

述依孟陽宗盧師矩著典言五篇撰蜀後志

及後賢傳續陳壽者舊作梁益篇元帝踐阼

嘉其德行拜武平太守在官三年去職卒於

交州章氏攷證云梓潼士女志常寬續陳壽舊作梁

益篇今攷士女志無此文蓋後賢志也

唐書藝文志益州者舊雜傳記二卷

侯康補三國藝文志隋志有續益部者舊傳

二卷唐志有益州者舊雜傳記二卷皆無撰

人考蜀志李譔傳稱時又有漢中陳術字申

伯博學多聞著益部者舊傳及志華陽國志

漢中侍女讚亦同則此書陳術撰也隋志續

字疑衍楊戲傳稱益部者舊雜記載王嗣常

播衛繼三人劉焉先主楊洪諸傳注皆引益

部者舊雜記或稱者舊傳雜記雖不系以陳

術大約皆術書則此書又名雜記唐志之名

本於此

案後賢志陳壽傳明云漢中陳申伯祝元

靈諸人皆撰者舊傳壽以為不足經遠則

陳術在陳壽之前壽撰志亦附其人於

李譔傳後術之書為壽藍本中之一也本

志唐志皆列此書於陳壽之後名之曰續

與後賢志常寬傳合是出於寬為多寬即

常璩所稱族祖武平府君者是也所撰蜀後志見地理類是書亦名梁益篇云章氏亦以此爲常寬書

又案沈氏銅熨斗齋隨筆云隋志續益部耆舊傳二卷或即承祚之書以此書爲陳壽撰則失之愈遠

諸國清賢傳一卷

不著撰人

唐書經籍志諸國先賢傳一卷藝文志同

章氏考證諸國清賢傳一卷唐志清作先

魯國先賢傳二卷晉大司農白爽撰

通志氏族略白氏非姓楚白公勝之後也漢書白生魯人爲楚元王博士晉有白爽

晉書劉頌傳咸寧中詔頌與散騎郎白爽巡

撫荆揚

又山濤傳咸寧初濤以老疾上表陳情章表

數十上久不攝職爲左丞白爽所奏

唐書經籍志魯國先賢志十四卷白爽撰魯

國先賢志二卷白雜撰案白雜似白爽之誤舊唐

志載此二卷於雜傳類之末蓋以爲別本重出者也揚州

岑氏刊本削去之

唐書藝文志白爽魯國先賢傳十四卷

章氏考證兩唐志十四卷藝文類聚聚職官部

雜文部初學記人事部北堂書鈔帝王部設

官部太平御覽封建部職官部兵部人事部

珍寶部並引魯國先賢傳傳或作志太平寰

宇記河南道引白爽魯記又曰舊唐志雜傳

類總目稱爽先賢者舊三十九家乃因白爽

而誤割裂爲書名也案此乃齊嘉慶異之爽亦非

非書名與白爽無涉章氏之說非也

楚國先賢傳十二卷晉張方撰

張方亦作張方賢始末未詳

唐書經籍志楚國先賢志十二卷楊方撰

唐書藝文志張方楚國先賢傳十二卷

章氏考證新唐志無贊字舊唐志作先賢志

題楊方撰愚案文選應璩百一詩注藝文類

聚禮部並引張方楚國先賢傳無稱楊方者

世說德行篇注引百里奚初學記居處部引

熊宜僚太平御覽鱗介部引宋玉此所記乃

上及春秋戰國裴松之章懷注史所引則皆

漢魏晉時事

案文選百一詩注張方賢楚國先賢傳則

此破賢字書錄解題地理類唐吳從政刪

鄒閔甫楚國先賢傳爲襄沔記三卷案魏

晉時有鄒湛字潤甫南陽新野人見晉書

文苑傳閔甫或其昆季行其先賢傳隋唐

志皆不見疑卽在是書十二卷中

汝南先賢傳五卷魏周斐撰

周斐始末未詳宋晁載之續談助鈔殷芸小說載汝

南中正周裴表裴當爲裴蓋嘗爲本郡中正者

聖賢羣輔錄重合令子與居宋里樸陽令子

羽居東觀里東海太守子仲居宜唐里兗州

刺史子明居西商里穎陽令子良居遂興里

右郡決曹掾南周燕少卿之五子號曰五龍

各居一里子孫並以儒素退讓爲業天下著

姓見周氏譜及汝南先賢傳案錄在西漢時王

氏五侯之前卽此周斐之遠祖也

唐書經籍志汝南先賢傳三卷周斐撰斐乃

斐之誤

唐書藝文志周斐汝南先賢傳五卷

章氏考證史通外篇注作汝南先賢行狀世

說注諸書所引皆稱傳唯御覽人事部引胡

定在喪雪覆其屋事作行狀

侯康補三國藝文志諸書引者甚多如周乘

之器識世說賞鑒注闕敞之貞廉藝文卷六十

六黃浮李宣之公正御覽二百六十八九陳華王

恢之義烈御覽二百六十八四百二十一李鴻李

先般輝之孝友御覽四百十四許嘉之志節御

覽三百四十三六百四十九郭亮之幼慧御覽三百

八十五薛勤之知人御覽四百四十四史傳皆佚

其事且有不知姓名者胥賴此書以傳惟載

及侯瑾藝文八十萬玄藝文九十六胡定御覽四百

廿六劉巴御覽四百五十七諸人事皆非汝南人

疑引書者輒轉傳訛也

陳留者舊傳二卷漢議郎周稱撰

應劭風俗通姓氏篇楚鬻熊之後有周氏周

援也從國卷聲今市語韋氏爲周家漢有周

稱纂陳留風俗傳張澍二酉堂輯本

通志氏族略周氏音倦非姓風俗通楚鬻熊

之後望出陳留漢有周稱撰陳留風俗傳

唐顏師古匡謬正俗曰周稱陳留風俗傳自

序云周公之後周公爲秦博十避地南山漢

祖聘之不就惠太子卽位以周公爲司徒自

周公至稱傳世十一案班書述四皓但有周

公非圈公也公當秦之時避地而入商洛深山則不為博士明矣又漢初不置司徒安得以圈公為之乎且呼惠帝為惠太子無意義孟舉之說實為鄙野

又漢書王貢兩龔鮑傳注曰四皓更無姓名可稱後代皇甫謐圈稱之徒竟為四人施安姓氏自相錯互語又不經

史通雜述篇曰若圈稱陳留者舊周妻汝南先賢此之謂郡書者也

唐書藝文志圈稱陳留風俗傳三卷 又見地理類

章氏考證元和姓纂後漢末有圈稱字幼舉撰陳留風俗傳廣韻注同稱字幼舉顏師古匡謬正俗書為孟舉誤

又曰唐志圈稱陳留風俗傳三卷地理類又見無者舊之目隋志則地理類作風俗傳此作者舊傳据元和姓纂及廣韻祇言圈稱著風俗傳也隋志者舊名疑有誤 案隋志分出風俗傳中之者舊二卷入此類非誤也

侯康補後漢書藝文志曰案圈稱不知當漢何代水經注卷八引陳留風俗傳曰孝安帝以建光元年封元舅宋俊為侯國則稱安帝以後人也 案廣韻姓纂並云後漢末有圈稱則大抵桓靈時人

案袁宏後漢紀桓帝永興元年十一月太尉袁湯致仕湯初為陳留太守喪善筱舊以勸風俗嘗曰不值仲尼夷齊西山餓夫柳下東國黜臣致聲名不泯者篇籍使然

也乃使戶曹吏追錄舊聞以為者舊傳其時代與圈稱甚相近即是書之緣起稱或嘗仕本郡所謂戶曹吏者疑即是圈稱也

陳留者舊傳一卷魏散騎侍郎蘇林撰

蘇林有孝經注見經部

唐書經籍志陳留者舊傳三卷蘇林撰

唐書藝文志蘇林陳留者舊傳三卷

章氏考證唐志三卷魏志高柔傳注引高靖高祖父固固子慎慎子式事後漢書吳祐傳注引祐事初學記居處部范丹事並引陳留者舊傳不著蘇林名惟御覽職官部引仇香事稱蘇林廣舊傳廣舊當是著舊之訛而不著陳留地名

侯康補三國藝文志曰康案圈稱亦有此書後人引陳留者舊傳者甚多未知為圈書為蘇書矣惟御覽卷二百六十九引蘇林廣舊傳蓋廣圈稱之書而作故以廣舊名玉海藝文亦云魏蘇林廣舊傳一卷

陳留先賢像贊一卷陳英宗撰

陳英宗始末未詳

唐書經籍志陳留先賢像贊一卷陳英志撰 刊本改為陳英宗撰

唐書藝文志陳英宗陳留先賢傳像贊一卷

案後漢書蔡邕傳邕遂死獄中搢紳諸儒莫不流涕兗州陳留聞皆畫像而頌焉此書中之一事也

陳留志十五卷東晉刻合江敏撰

江敏一作江微又作江微始末並未詳唐書經籍志陳留志十五卷江微撰

唐書藝文志江敏陳留人物志十五卷

章氏考證續漢郡國志注所引皆記地理世說賞鑒篇注清河太守阮武賢媛篇注衛尉卿阮共水經渠水注開封令阮簡文選求立

太宰碑注齊國內史阮略史記留侯世家商山四皓並引陳留志多記人物初學記人部引雍邱婁望平邱李銓事皆著江微名御覽人事部同引之

濟北先賢傳一卷 不著撰人

羣輔錄曰膠東令盧汎昭字興先樂城令剛戴祈字子陵陰令剛徐晏字孟平涇令盧

夏隱字叔世州別駕蛇丘劉彬字文曜右濟北五龍少並有異才皆稱神童當桓靈之世時人號為五龍見濟北英賢傳 案盧剛蛇丘皆濟北縣也

唐書經籍志濟北先賢傳一卷藝文志同 章氏考證後漢書吳祐傳注戴宏為郡督郵府君異其對教署主簿此引濟北先賢傳羣輔錄載濟北五龍稱英賢傳

盧江七賢傳二卷 不著撰人

唐書經籍志盧江七賢傳一卷藝文志同 章氏考證藝文類聚寶玉部陳翼為魯陽尉號魯陽金尉部陳衆辟州從事號白馬從事太平御覽兵部陳翼對漢武鄉名不覽佩

不著撰人

唐書經籍志盧江七賢傳一卷藝文志同 章氏考證藝文類聚寶玉部陳翼為魯陽尉號魯陽金尉部陳衆辟州從事號白馬從事太平御覽兵部陳翼對漢武鄉名不覽佩

刀生毛學部文黨投斧高木至長安受經並引廬江七賢傳七賢二字未詳案文黨即文翁

案七賢當是先賢之誤志敏有曰後漢光

武始詔南陽撰作風俗故沛三輔有蒼舊

節士之序魯廬江有名德先賢之贊郡國

之書由是而作又曰魯沛三輔序贊並亡

則廬江先賢尚存此二卷其即東漢相傳

之舊歟

東萊耆舊傳一卷王基撰

王基有毛詩駁見經部詩類

唐書藝文志王基東萊耆舊傳一卷

襄陽耆舊記五卷習鑿齒撰

習鑿齒有漢晉陽秋見前古史類

唐書經籍志襄陽耆舊傳五卷習鑿齒撰

唐書藝文志習鑿齒襄陽耆舊傳五卷

宋史藝文志習鑿齒襄陽耆舊記五卷

晁氏讀書志襄陽耆舊記五卷晉習鑿齒撰

前載襄陽人物中載其山川城邑後載其牧

守隋經籍志曰耆舊記唐藝文志曰耆舊傳

觀其書紀錄叢脞非傳體也名當從經籍志

玉海地理類中與書目襄陽耆舊傳記五卷

載先賢事迹及山川地理未有賀鑄題疑記

述無倫貫非全書云

章氏考證續漢郡國志注引襄陽耆舊傳文

選南都賦注引文同稱耆舊記劉昭所見在

隋志前知稱傳之名其來已久三國志注多

省文稱襄陽記水經注後漢書注亦同省文

會稽先賢傳七卷謝承撰

謝承有後漢書見前正史類

唐書經籍志會稽先賢傳五卷謝承撰

唐書藝文志謝承會稽先賢傳七卷

章氏考證初學記人事部陳業設官部沈勳

太平御覽職官部茅開人事部闕澤淳于長

通服用部董昆凡六人並引會稽先賢傳

侯康補三國藝文志曰御覽屢引之所記凡

闕澤沈勳茅開淳于長陳業董昆嚴遵諸人

事多史傳之佚文嚴遵二條足補後漢書本

傳之闕陳業二條足以證吳志虞翻傳注吉

光片羽皆可寶也案淳于長下當有通字疑即淳于

叔通之兄

會稽後賢傳記二卷鍾離岫撰

元和姓纂鍾離氏有鍾離岫撰會稽後賢傳

案漢有魯相鍾離意會稽山陰人范書有傳意七世孫牧

吳志有傳岫蓋牧之後東晉時人始末未詳章氏引通志

氏族略以為楚人非也蓋別一族也

元和郡縣志鍾離岫撰會稽後賢傳

唐書經籍志會稽後賢傳三卷鍾離岫撰

唐書藝文志鍾離岫會稽後賢傳三卷

章氏考證世說方正篇注品藻篇注初學記

職官部藝文類聚鱗介部太平御覽人事部

服用部引孔羣孔愉孔怛丁潭謝貞女五人

並稱會稽後賢傳

會稽典錄二十四卷虞預撰

虞預有晉書見前正史類

晉書本傳預著晉書四十餘卷會稽典錄二

十篇諸虞傳十二篇皆行於世

史通采撰篇曰郡國之記譜牒之書務欲於

其州里誇其士族如江東五僑始自會稽典

錄

又雜述篇曰汝穎奇士江漢英靈人物所生

載光郡國故鄉人學者編而記之若圈稱陳

留者舊周斐汝南先賢陳壽益部耆舊虞預

會稽典錄此之謂郡書者也

唐書經籍志會稽典錄二十四卷虞預撰

唐書藝文志虞預會稽典錄二十四卷

章氏考證吳志虞翻傳注引典錄載山陰朱

育對太守漢陽興言會稽人士最詳史通言

江東五僑逸篇中未見徵引

會稽先賢像贊五卷

不著撰人

唐書經籍志會稽先賢像傳贊四卷賀氏撰

會稽太守像贊二卷賀氏撰又見集部總集類

唐書藝文志賀氏會稽先賢傳像贊四卷賀

氏會稽太守像贊二卷

嚴可均先唐文編曰會稽先賢像贊隋志有

五卷無名氏太平御覽六百八十五引之

章氏考證唐志並題賀氏撰北堂書鈔設官

部三引會稽先賢贊皆言董昆清貧守約署

上計吏一事

案本志地理類有會稽記一卷賀循撰似

與此本為一書著錄家分人物名官之類

入傳記遂割裂而不相統攝若是則唐志

題賀氏者循也循有喪服要見經部禮類

漢世要記一卷

不著撰人

案宋書南史江夏文獻王義恭傳孝建二年為揚州刺史撰要記五卷起前漢訖晉太元表上之詔付祕閣疑此唯存其前一卷失去敘錄故不見撰人書名唯云漢世要記

吳先賢傳四卷吳左丞相陸凱撰

吳志本傳凱字敬風吳郡吳人丞相遜族子也黃武初為永興諸暨長歷仕孫亮孫休孫皓至鎮西大將軍都督巴邱領荊州牧進封嘉興侯寶鼎元年為左丞相建衡元年卒時年七十二

唐書經籍志吳國先賢贊三卷又集部總集類吳國先賢贊論三卷

唐書藝文志陸凱吳國先賢傳五卷吳國先賢像贊三卷

嚴可均三國文編曰陸凱有吳先賢傳四卷初學記十七引先賢傳贊凡三條

侯康補三國藝文志初學記十七引吳先賢傳故揚州別駕從事戴矯贊奮武將軍顧承贊上虞令史肖贊知是書每傳必有贊也

東陽朝堂像贊一卷晉南平太守留叔先撰

留叔先始末未詳案陳書有留異東陽長山人殆叔先之後長山郡治也

唐書藝文志留叔先東陽朝堂書贊一卷一本留作劉書贊蓋畫贊之誤

章氏考證東陽朝堂像贊唐志作畫贊

案續漢郡國志注應劭漢官曰郡府聽事

壁諸尹畫贊肇自建武迄於陽嘉注其清濁進退所謂不隱過不虛譽甚得述事之實後人是瞻足以勸懼雖春秋采毫毛之善貶纖介之惡不避王公無以過此尤著明也又范書應劭傳劭父奉為司隸校尉並下諸官府郡國各上前人像贊劭乃連綴其名錄為狀人紀此朝堂像贊即郡府聽事壁畫像之贊其制蓋始於光武東陽晉時屬揚州刺史為諸郡之勝名士多以為美遷焉

豫章烈士傳三卷徐整撰

徐整有毛詩譜見經部詩類

唐書藝文志徐整豫章烈士傳三卷

章氏考證初學記人事部御覽資產部載舒令施陽北堂書鈔術部別駕從事孔恂功曹羊茂設官部侍御史周騰四人並引豫章烈士傳

侯康補三國藝文志曰徐整豫章烈士傳御覽凡五引之無徐整名一云周騰字叔達為御史卷六一云孔恂字巨卿為別駕二百六十三一云華茂為功曹二百六十四一云施陽字季儒為舒令八百三十六一云羊茂為東郡太守八百五十五皆史傳之佚文也孔恂羊茂謝承後漢書有之又初學記十七載施陽事引稱徐整豫章烈士傳侯氏改為烈士蓋本此

豫章舊志三卷晉會稽太守熊默撰

豫章舊志後撰一卷熊默撰

熊默熊欣始末並未詳案晉元帝時有熊遠豫章

南昌人默與欣殆亦郡人

唐書經籍志豫章舊志八卷徐整撰

唐書藝文志徐整豫章舊志八卷又豫章烈士傳三卷

章氏考證唐志有徐整撰八卷無熊默續漢郡國志注引新吳上蔡永修縣江淮南昌縣建威縣葛鄉昌邑城慨口四事又匡俗事以世說規箴篇注水經廬江注所引為詳後漢書馮衍傳注周生豐為豫章太守事藝文類聚祥瑞部太守孔竺夏侯嵩事鳥部李儀事並引豫章舊志又曰北堂書鈔歲時部載吳龍領事引豫章舊志太平御覽天部太守陳蕃事引豫章舊志

侯康補三國藝文志曰此書隋志作晉熊默撰三卷唐志作徐整撰八卷書似宜入地理類而隋唐志俱入雜傳原書既亡無可考核案漢魏六朝地理之書大抵略如華陽國志之體有建置有人物有傳有贊而注意於人物者為多自來著錄之家務欲各充其類以人物為重者則入之傳記以土地為重者則入之地理亦或一書而兩類互見不避複重或裁篇而分類錄存不嫌割裂各隨其意各存其是初無一定之例也是書唐志八卷題徐整者以徐整之烈士傳熊默之舊志熊欣之後撰合為一編著其始作者姓名耳新志別有烈士傳三卷則又沿前志分篇別出之舊實重複也

零陵先賢傳一卷

零陵先賢傳一卷

不著撰人

唐書經籍志零陵先賢傳一卷藝文志同

章氏考證三國志注所引皆記劉曹時事藝

文類聚祥瑞部引周不疑亦系魏人惟水經

湘水注引鄭產乃漢末先賢

長沙舊傳贊三卷晉臨川王郎中劉彧撰

劉彧始末未詳晉書簡文三子傳臨川獻王郁年十

七而薨久之追謚獻世子孝武寧康初追封郡王以武陵

威王曾孫寶為嗣寶入宋降為西豐侯寶在晉為臨川郡

王凡四十有七年劉彧為其國郎中在斯時也

唐書經籍志長沙舊邦傳贊三卷劉成撰

唐書藝文志劉彧長沙舊邦傳贊四卷

章氏考證水經洛水注祝良為洛陽令趙楷

為郡太守初學記藝文類聚天部文虔補戶

曹掾三事並引長沙耆舊傳隋志脫去耆字

新唐志四卷舊唐志三卷並訛作舊邦傳贊

劉彧舊唐志作劉成

桂陽先賢書贊一卷吳左中郎將張勝撰 書當為

畫

張勝始末未詳

唐書經籍志桂陽先賢書贊五卷張勝撰

唐書藝文志張勝桂陽先賢書贊五卷

嚴可均三國文編曰吳張勝為左中郎有桂

陽先賢書贊一卷御覽四百二十一引羅陵

畫贊類聚八十五引成武丁畫贊凡二條

章氏考證水經汝水注北堂書鈔酒食部藝

文類聚百穀部太平御覽兵部人事部藥部

引張熹程曾成武丁朱陽羅陵蘇耽事並作

桂陽先賢傳蘇耽種藥事類聚作先賢記

侯康補三國藝文志水經汝水注引一條記

張熹自焚求雨事御覽引成武丁三百四十五

羅陵四百廿一胡滕八百廿四又九百八十四成子

八百四十程曾八百六十三諸人事中惟胡滕一

條見後漢書寶武傳餘多未見程曾非後漢

書儒林傳之程曾蓋別一人又御覽三百六

十七及九百七十引桂陽先賢傳核其文義

蓋卽一書也

案隋時僅存其所集畫贊一卷至唐而全

書復出故唐宋人類書亦并引其傳文

武昌先賢志二卷宋天門太守郭緣生撰

郭緣生始末未詳疑是晉郭翻之後翻武昌人也

唐書經籍志武昌先賢傳三卷郭延生撰

唐書藝文志郭緣生武昌先賢傳三卷

章氏考證兩唐志皆作先賢傳太平御覽人

事部郭緣生武昌先賢傳曰郭翻字長翔為

人非己耕不食非妻織不衣

以上自兖州先賢傳至此凡三十三部為

一類志敘所謂郡國之書是也是為第二

類

蜀文翁學堂像題記二卷

不著撰人

漢書循吏文翁傳景帝末為蜀郡守修起學

官於成都市中繇是大化蜀地遊於京師者

比齊魯焉至武帝時乃令天下郡國皆立學

校自文翁為之始云大翁終於蜀吏民為立

祠堂歲時祭祀不絕

唐書經籍志益州文翁學堂圖一卷 藝文志

同

宋沈作喆寓簡曰王逸少帖云成都學有文

翁高駘石室及漢太守張收畫三皇五帝三

代君臣與仲尼七十弟子畫皆精妙可觀

藝文御覽禮儀部任豫益州記曰文翁學堂

在大城南昔經火災蜀郡太守高勝修復繕

立皆圖畫聖賢古人之像

玉海藝文類益州記云成都學有周公禮殿

舊記云漢獻帝時立又曰益州太守高駘修

周公禮殿記初平五年九月 案初平五年即興

平元年也爾雅翼云蜀之禮殿門有漢世所圖摩鳳

歷代名畫記敘畫之源流曰蜀郡學堂義存

勸戒之道又敘古之祕畫珍圖曰益州學堂

圖十卷畫古聖帝賢臣七十子後代又增漢

晉帝王名臣蜀之賢相牧守似東晉時人所

作

元和郡縣志劍南道成都文翁學堂李膺記

曰堂構制雖古而巧異特奇壁上悉圖古之

聖賢梁上則刻文宣及七十弟子齊永明劉

瑱更圖焉朱齡石平譙蹤勒宋武微文於石

壁之上代王更以丹青增飾古畫仍加豆盧

辨蘇綽之像

歐陽修集古錄跋曰文翁學生題名凡一百

有八人文學祭酒典學從事各一人司儀主

事各二人左生七十二人右生三十人 王象

之輿地碑記曰漢文翁學生題名可見者凡一百十二

人

董道廣川書跋曰文翁講堂石室左温故右時習太守陳留高朕修立增二石室昔人疑朕非臣下制名可稱流俗謂為高勝余嘗至其處求字畫得之實為朕字 案流俗又以為朕字又作朕字

洪适隸釋曰益州太守高朕修周公禮殿記今在成都殿再作石室在文翁石室之東又東即周公禮殿規模古質井斗異制柱皆削方上狹下廣刻記於東南之一柱自興平甲戌至於乾道丁亥千有三年殿宇巋然如故宋祁文翁祠碑曰公為禮殿以舍孔子及七十二子之像殿右廡作石室舍公像其中後人又作高朕像進偶公室

聖賢高士傳贊三卷嵇康撰周續之注

嵇康有春秋左氏傳音見經部春秋家

魏志王粲附傳注康兄喜為康傳曰撰錄上古以來聖賢隱逸遁心遺名者集為傳贊自混沌至於管寧凡百一十有九人蓋求之於宇宙之內而發之乎千載之外者矣故世人莫得而名焉又晉書本傳撰上古以來高士為之傳贊欲友其人於千載也 南史隱逸阮孝緒傳劉劭評覽孝緒所作高隱傳曰昔嵇康所贊缺一自疑

宋書隱逸傳周續之字道祖鴈門廣武人也其先過江居豫章建昌縣豫章太守范寧於郡立學續之詣寧受業數年通五經并緯候既而入廬山事沙門釋慧遠時彭城劉遺民遁跡廬山陶淵明亦不應徵命謂之尋陽三

隱續之終身不娶妻布衣蔬食常以嵇康高士傳得出處之美因為之注景平元年卒於鍾山時年四十七通毛詩六義及禮論公羊傳皆傳於世

史通雜說篇莊周著書以寓言為主嵇康述高士傳多引其虛辭至若神有混沌編諸首錄苟以此為實則其流甚多又曰嵇康高士傳取莊子楚辭二漁父事合成一篇夫以園吏之寓言騷人之假說而定為實錄斯已謬矣況此二漁父者較年則前後別時論地則南北殊壤而輒併之為一豈非惑哉苟如是則蘇代所言雙擒蚌鵝伍胥所遇渡水蘆中斯並漁父善事亦可同歸一錄矣夫識理如此何為而薄周孔哉 又案撰篇浮詞篇品藻篇亦論此書及皇甫謚書並深致不滿云

唐書經籍志高士傳三卷嵇康撰上古以來聖賢高士傳贊三卷周續之撰唐書藝文志嵇康聖賢高士傳八卷周續之上古以來聖賢高士傳贊三卷嚴可均全晉文編曰唐志以傳屬嵇康以贊屬周續之據康兄喜為康傳云集為傳贊是傳與贊皆康撰唐志誤也宋代不著錄今檢羣書得五十二傳五贊凡六十一人定著一卷附康集之末馬氏玉函山房亦輯存一卷

又曰文選顏延年皇太子釋奠會詩注嵇康高士傳孔子問項橐曰居何在曰萬流居是也注曰言與萬物同流匹也案周續之注僅存此條

案唐志所載蓋無注本一部注本一部也張氏書目答問云嚴可均輯嵇康高士傳未刊案今見新彫文編中

高士傳六卷皇甫謚撰

皇甫謚有帝王世紀見前雜史類

謚自序有曰史班之載多所闕略梁鴻頌逸名蘇順敘高士或錄屈節雜而不純又近取秦漢不及遠古謚采古今八代之士身不屈於王公名不耗於終始自堯至魏凡九十餘人雖執節若夷齊去就若兩龔皆不錄也唐書經籍志高士傳七卷皇甫謚撰唐書藝文志皇甫謚高士傳十卷宋書藝文志同

晁氏讀書志高士傳十卷晉皇甫謚撰纂自陶唐至魏八代二千四百餘載世士高節者其或以身殉名雖如夷齊兩龔皆不錄凡九十六人而東漢之士居三之一自古名節之盛議者獨推焉觀此尤信陳氏書錄解題高士傳十卷晉徵士安定皇甫謚士安撰序稱自堯至魏咸熙二千四百餘載得九十餘人今自被衣至管寧惟八十七人

四庫提要曰高士傳三卷晉皇甫謚撰案南宋李石續博物志曰劉向傳列仙七十二人皇甫謚傳高士亦七十二人知謚書本數僅七十二人此本所載乃多至九十六人考讀書志亦作九十六人而書錄解題稱八十七人是宋時已有二本皆竄亂非其舊矣

又簡明目錄曰謚原書本七十二人見續博物志此本乃九十六人蓋原書散佚後人摭太平御覽所引鈔合成編而益以御覽所引嵇康高士傳十條後漢書隱逸傳十條故真偽參半人數轉多於原書也

案今本序文稱九十餘人者據李石言則亦非其本真也

逸士傳一卷皇甫謐撰

晉書本傳又撰帝王世紀年曆高士逸士等傳並重於世

唐書藝文志皇甫謐高士傳十卷又逸士傳一卷

章氏考證魏志武紀注引汝南王儁事荀彧傳注許子將言慈明外朗叔慈內潤世說品藻篇注尤詳文選反招隱詩注演連珠注七啓

注陶徵士誄注郭有道碑文注並引逸士傳集父一事世說排調篇注同

逸民傳七卷張顯撰

本志子部雜家類注梁有析言論二十卷晉議郎張顯撰

嚴可均全晉文編曰張顯泰始初爲議郎有析言二十卷

唐書經籍志逸人傳三卷張顯撰

唐書藝文志張顯逸人傳三卷

章氏考證水經穎水注卞隨投洞水而死太平御覽逸民部曹子臧以國致成公爲君周黨徵議郎以病辭並引張顯逸民傳唐志作逸人三卷案御覽列張顯逸民傳於嵇康虞般伯之間

案後漢梁鴻始爲逸民傳此殆續梁氏書

高士傳二卷虞槃佐撰

虞槃佐佐或作佑有孝經注見經部孝經類唐書經籍志高士傳二卷虞槃佐撰一本虞作虞誤

唐書藝文志虞槃佐高士傳二卷

章氏考證太平御覽逸民部皇甫士安朱沖劉兆伍朝郭文舉共五事引虞槃佐高士傳

人事部宗少文清心簡務稱虞敬叔高士傳文選蕭公行狀注何點躡草屨乘柴車作虞

孝敬高士傳案虞槃佐東晉人宗少文名炳卒於宋文帝元嘉二十年見宋書隱逸傳何點卒於梁天監三年

見梁書處士傳皆虞所不及虞敬叔虞敬蓋在槃佐之後別有其人非一人也虞孝敬又有高僧傳亦稱高士

傳見後其非此書尤信

至人高士傳贊二卷晉廷尉卿孫綽撰

孫綽有集解論語見經部論語類

章氏考證水經穎水注稱孫綽之敍高士傳文選左太冲詠史詩注引孫綽楡中散傳

嚴可均全晉文編曰孫綽有至人高士傳贊二卷初學記十七存原憲一條

高隱傳十卷阮孝緒撰

阮孝緒有文字集略見經部小學類

成遁卦有道歎曰此謂肥遁無不利象實應德心迹并也孝緒曰雖獲遁卦而上九爻不發升遐之道便當高謝許生乃著高隱傳上

自炎黃終於天監之末斟酌分爲三品凡若干卷

南史隱逸傳乃著高隱傳分爲三品言行超逸名氏弗傳爲上篇始終不耗姓名可錄爲

中篇挂冠人世栖心塵表爲下篇又曰初孝緒所著高隱傳中篇一百三十七人劉敞劉

訐覽其書曰昔嵇康所贊缺一自擬今四十之數將待吾等成耶對曰所謂荀君雖少後

事當付鍾君若素車白馬之日輒獲麟於二子敞訐果卒乃益二傳及孝緒亡訐兄黎錄

其遺行次篇末成絕筆之意云

七錄序目附記曰高隱傳一帙十卷序例一卷

唐書經籍志高隱傳二卷阮孝緒撰

唐書藝文志阮孝緒高隱傳十卷

高隱傳十卷

不著撰人

案兩唐志有習鑿齒逸人高士傳八卷袁淑真隱傳二卷本志皆不著疑此卽兩家

之書誤合爲一而失注撰人者

卷

晁氏讀書志釋家類高僧傳六卷蕭梁僧惠敏撰分譯經義解兩門案此云惠敏音聲相似轉寫偶異若此者類多非兩人也

案文選竟陵王行狀注引虞孝敬高士傳

曰何點常躡草屨乘柴車則此之所謂高

僧大抵如何點何胤周顒之流之善於佛

理者為多周氏立空假義為釋家稱重是

義解類中之尤善者故亦稱高士傳而本

志敘次於此不與後名僧傳高僧傳相類

從

止足傳十卷

不著撰人

梁書止足傳序曰前史漢張良功成身退病臥卻粒其後薛廣德及二疏等去就以禮有可稱焉魚豢魏略知足傳方田徐於管胡則其道本異錢大昕三國志考異曰魚豢魏略以田疇管寧徐庶胡昭諸人為知足傳見梁書謝靈運晉書

唯阮思曠遺榮好遁遠殆辱矣宋書止足傳

有羊欣王微咸其流亞齊時沛國劉瓛字子

珪辭祿懷道棲遲養志不戚戚於貧賤不耽

耽於富貴儒行之高者也梁有天下小人道

消賢士大夫相招在位其量力守志則當世

罔聞時或有致事告老或有寡志少欲國史

書之亦以為止足傳云

唐書經籍志止足傳十卷王子良撰 王上校

竟陵二字

唐書藝文志宗躬止足傳十卷齊竟陵文宣王子良止足傳十卷

案諸史有止足傳自魚豢魏略始其別為

一書据唐藝文惟宗躬及蕭子良二家然

考宗躬與蕭子良同時其與王植同修永

明律子良為監領似亦嘗為王府官屬疑

祇是一書故舊唐志無宗躬止足傳之目

新志似重出也子良本傳不言有是書或

編入四部要略一千卷中此十卷大抵是

子良書亦即宗躬書也

續高士傳七卷周弘讓撰

南史周朗傳朗汝南安成人族孫顒顒子捨

捨弟子弘正弘正弟弘讓性簡素博學多通

始仕不得志隱於句容之茅山頻徵不出晚

仕侯景為中書侍郎人問其故對曰昔王道

正直得以禮進退今乾坤易位不至將害於

人吾畏死耳始彭城劉孝先亦辭辟命隨兄

孝勝在蜀武陵僭號仕為世子府諮議參軍

二隱並獲譏於代弘讓承聖初為國子祭酒

二年為仁威將軍城句容以居之命曰仁威

壘陳天嘉初以白衣領太常卿光祿大夫加

金章紫綬 案齊宗測續皇甫謚高士傳三卷此不知

續誰氏書

唐書經籍志續高士傳八卷周弘讓撰

唐書藝文志周弘讓續高士傳八卷

以上自蜀文翁學堂像至此凡一十二部

為聖賢高士之類唐經籍志綜而目之曰高逸是為第三類

孝子傳贊三卷王昭之撰昭當為詔

王昭之有晉紀見前古史類

南史本傳詔之撰孝子傳三卷行於世

唐書經籍志孝子傳十五卷王昭之撰 岑氏刊本加讚字

唐書藝文志王昭之孝子傳十五卷又讚三

卷

章氏考證唐志十五卷贊三卷藝文類聚鳥

部初學記天部北堂書鈔衣冠部太平御覽

人事部刑法部載李陶竺彌周青三人並引

王昭之孝子傳詔初學記作故案作詔者非也

高郵茆泮林古孝子傳輯本曰隋志王昭之

孝子傳三卷唐志十五卷宋書王昭之傳不

載南史稱孝傳三卷今存周青李陶竺彌三

事又初學記卷一載竺彌事引王歆孝子傳

孝子傳十五卷晉輔國將軍蕭廣濟撰

蕭廣濟始末詳

唐書經籍志孝子傳十五卷蕭廣濟撰

唐書藝文志蕭廣濟孝子傳十五卷

章氏考證世說德行篇注王祥初學記人事

部閔損鄧展殷暉杜孝藝文類聚人部嬌皓

產業部郭原平獸部蕭固鳥部蕭芝鱗介部

陳元太平御覽地部三洲人兵部魏陽人事

部五郡孝子邢渠隗通辛繕文讓申屠君遊

宿倉舒王驚伏恭朱百年郭世道何子平施

延並引蕭廣濟孝子傳

案章氏載是書止十卷不知所見為何本

茆輯古孝子傳又有伍襲王脩桑虞三人

見御覽九百六 五百六十三 七百五十六 又
杜牙一人見白帖鹿其以鄧展展勤爲兩
人則誤也

孝子傳十卷宋員外郎鄭緝之撰

鄭緝之始末未詳

唐書經籍志孝子傳贊十卷鄭緝之撰

唐書藝文志鄭緝之孝子傳贊十卷

章氏考證世說德行篇注吳隱之一事法苑

珠林忠孝篇丁蘭吳達蕭固三事並引鄭緝

之孝子傳唐志作傳贊

案法苑珠林忠孝篇引鄭緝之孝感通傳

則其書有篇目

孝子傳八卷師覺授撰

宋書宗室臨川王義慶傳元嘉十二年普使

內外羣官舉士義慶爲荊州刺史上表曰處

士南郡師覺才學明敏操介清修業均井深

志困冰霜臣往年辟爲州祭酒未行其志若

朝命遠暨玉帛遐臻異人間出何遠之有

南史孝義傳師覺授字覺授南陽涅陽人也

與外兄宗少文並有素業以琴書自娛於路

忽見一人持書一函題曰至孝師君苦前俄

而不見捨車奔歸聞家哭聲一叫而絕良久

乃蘇後撰孝子傳八卷宋臨川王義慶辟爲

州祭酒主簿並不就乃表薦之會卒

唐林寶開元姓纂師氏狀云本姓師氏避晉

景王諱改爲師氏宋有帥覺授一云名曷著

孝子傳臨川王義慶辟爲州祭酒不就入宋

書孝義傳孫星衍校輯曰案南史作師覺授

宋書不載

唐書經籍志孝子傳八卷師覺授撰

唐書藝文志師覺授孝子傳八卷

章氏考證案元和姓纂覺授一名曷姓帥在

入聲質部据此則師乃帥字之誤然諸書皆

作師初學記人事部趙徇藝文類聚人部程

曾烏部吳叔和災異部魏連太平御覽時序

部王祥兵部仲由子子崔人事部老萊子閔

損北宮女嬰兒子並引師覺授孝子傳唐志

卷同高郵師氏古孝子傳輯本同

孝子傳二十卷宋躬撰

宋躬或作宗躬始末未詳

唐書經籍志孝子傳十卷宗躬撰

唐書藝文志宗躬孝子傳二十卷

章氏考證法苑珠林忠孝篇吳中書郎咸沖

廬陵王虛之吳郡陳遺藝文類聚人部吳坦

之張景允華寶何子平太平御覽地部宗承

人事部邱傑韓靈珍夏侯訢章俊伍襲繆斐

紀邁王靈芝賈恩孫棘郭巨桑虞並引宋躬

孝子傳舊唐志新唐志二十卷宋宗躬 高郵

師氏古孝子傳輯本略同

案南齊書孔稚圭傳永明中世祖留心法

令詔獄官詳正舊注使兼監臣宋躬兼平

臣王植等抄撰同異又南史袁象傳有江

陵令宗躬又本志別集類有齊平西諮議

宗躬集十三卷然則躬在南齊時爲廷尉

監江陵令平西將軍府諮議參軍者也

孝子傳略二卷

不著撰人

章氏考證唐志有亡名雜孝子傳二卷又曰

初學記諸書所引孝子傳有不著名者疑是

省文未必即此二卷之句

孝德傳三十卷梁元帝撰

梁元帝有漢書注見前正史類

金樓子著書篇孝德傳三卷三十卷金樓合

衆家孝子傳成此序曰夫天經地義聖人不

加原始要終莫逾孝道能使甘泉自誦鄰火

不焚地出黃金天降神女感通之至良有可

稱

梁書本紀所著孝德傳三十卷

唐書經籍志孝德傳三十卷梁元帝撰

唐書藝文志梁元帝孝德傳三十卷

章氏考證藝文類聚人部引梁元帝孝德傳

有皇王篇贊天性篇贊太平御覽逸民部繆

斐學部張楷太平廣記神類魏陽雍共引孝

德傳三事

孝友傳八卷

不著撰人

唐書經籍志孝友傳八卷梁元帝撰

唐書藝文志申秀孝友傳八卷

案魏書韓麒麟傳麒麟子顯宗撰馮氏燕

志孝友傳各十卷章氏疑此爲韓氏書或

近似之舊唐志題梁元帝是因上下文牽

涉寫誤新志作申秀未詳

曾參傳一卷

不著撰人

以上自王韶之孝子傳贊至此凡九部為一類唐經籍志別其目曰孝友是為第四類

忠臣傳三十卷梁元帝撰

梁元帝有孝德傳見前

金樓子著書篇忠臣傳三卷三十卷金樓自為序序曰夫天地之大德曰生聖人之大寶曰位因生所以盡孝因位所以立忠事君事父資敬之禮寧異為臣為子率由之道斯一忠為令德竊所景行且孝子列女逸民咸有列傳至於忠臣曾無述製今將發篋陳書備加論討

南史隱逸阮孝緒傳湘東王著忠臣傳先簡孝緒而後施行

梁書本紀所著忠臣傳三十卷南史本紀著孝德忠臣傳各三十卷

唐書經籍志忠臣傳三十卷梁元帝撰

唐書藝文志梁元帝為湘東王時嘗紀錄忠臣玉海藝文類元帝為湘東王時嘗紀錄忠臣

義士及文章之美者筆有三品忠孝全者用金管書之德行精粹者用銀管書之文章瞻逸者以斑竹管書之

章氏考證藝文類聚人部引忠臣傳有記託篇贊初學記人事部作受託篇諫爭篇贊執法篇

贊死節篇序諫爭篇序又有忠臣傳總序上忠臣傳表王筠答湘東王示忠臣傳牋初學

記文部劉宏與晉武帝同年少同硯書引忠臣傳一事

顯忠錄二十卷梁元帝撰 案此照梁元帝因上下文而寫誤也

魏書孝文五王傳清河獻王懌字宣仁幼而

敏惠博涉經史兼綜羣言有文才善談理太和二十一年封肅宗初為太尉侍中領軍元

又太后之妹夫也恃寵驕盈懌裁之以法每抑黜之為又所疾又黨人通直郎宗準愛希

又旨告懌謀反禁懌門下訊問左右及朝貴貴人分明乃得雪釋焉懌以忠而獲謗乃鳩

集昔忠烈之士為顯忠錄二十卷以見意焉正光元年七月又與劉騰囚懌於門下省誣

懌罪狀遂害之時年三十四 孝明帝本紀正光元年秋七月丙子侍中元又劉騰奉帝幸前殿廢皇太后

詔復子明辟乃幽太后於北宮殺太傅領太尉清河王懌總勅禁旅決事殿中

又韓子熙傳子熙為清河王懌常侍遷郎中令為懌所眷遇及元又害懌久不得葬子熙

為之憂悴屏處田野每言王若不得復封以禮遷葬誓以終身不仕後靈太后返政以元

又為尙書令解其領軍子熙伏闕上書曰竊維故主太傅清河王職綜樞衡位居論道盡

忠貞以奉公竭心膂以事國自先皇崩殂陛下冲幼負辰常朝義同分陝王之忠誠款篤

節義純貞非但蘊藏胸襟實乃形於文翰搜括史傳撰顯忠錄區區十篇分卷二十既欲

彰忠心於萬代豈可為逆亂於一朝迄追遺志足明丹款書奏靈太后義之乃引子熙為

中書舍人後遂剖騰棺賜又死

唐書經籍志顯忠錄二十卷元懌撰 一本誤為元懌

唐書藝文志元懌顯忠錄二十卷

章氏考證唐志題元懌顯忠錄隋志作梁元帝誤

丹陽尹傳十卷梁元帝撰

梁元帝有孝德傳忠臣傳並見前

金樓子著書篇丹陽尹傳一奏十卷金樓為尹京時自撰序曰自二京版蕩五馬南渡固

乃上燭天文下應地理爾其地勢可得而言東以赤山為成皋南以長淮為伊維北以鍾

山為華阜西以大江為黃河既變淮海為神州亦即丹陽為京尹雖得人之盛頗愧前賢

而盼遇之深多用宰輔若夫德以位成位以德敘每念忝列京河茲焉四載求瘼餘晨頗

多暇景今縉采英賢為丹陽尹傳 梁書本紀天監十三年封湘東郡王初為寧遠將軍會稽太守入為侍

中宣威將軍丹陽尹普通七年出為使持節都督荆湘等六州諸軍事荊州刺史

南史隱逸阮孝緒傳湘東王著忠臣傳丹陽尹並先簡孝緒而後施行

梁書本紀所著丹陽尹傳十卷

唐書經籍志丹陽尹傳十卷梁元帝撰

唐書藝文志梁元帝丹陽尹傳十卷 英藩可錄二卷張萬賢撰邵武侯新注一本藩作蕃

同 張萬賢及邵武侯新始末未詳 唐書經籍志英藩可錄事二卷殷系撰

唐書藝文志殷系英藩可錄事三卷一云張萬賢撰

案唐經籍志以是書與魏徵自古諸侯王善惡錄二卷章懷太子列藩正論三十卷

相類從目之曰列藩蓋歷代藩臣傳之屬通志藝文略載此書於傳記名士類似非

其倫殷系亦不知何許人張萬賢疑即撰楚國先賢傳之張方賢因方誤為万遂以

為萬賢猶蕭方等誤為蕭萬等也
高才不遇傳四卷後齊劉畫撰

北齊書儒林傳劉畫字孔昭渤海阜城人也少孤貧愛學與儒者李寶鼎同鄉里受其三

禮又就馬敬德習服氏春秋俱通大義河清初冀州舉秀才入京考策不第撰高才不遇

傳三篇在皇建太寧之朝又頻上書言亦切直多非世要終不見收采自謂博物奇才言

好矜大而容止舒緩舉動不倫由是竟無仕進天統中卒於家年五十二

北史儒林傳畫求秀才十年不得發憤撰高才不遇傳冀州刺史鄺伯偉見之始舉畫時

年四十八刺史隴西李瑛亦嘗以畫應詔唐書經籍志高才不遇傳四卷劉畫撰

唐書藝文志劉畫高才不遇傳四卷章氏考證後漢書鄭玄傳注引畫論鄭玄曰

辰為龍已為蛇歲至龍蛇賢人嗟玄以讖合之蓋謂此也案鄭氏本傳云建安五年春夢孔子告

之曰起今年歲在辰來年歲在巳既寤以讖合之知命當終有頃寢疾其年六月卒

良吏傳十卷鍾旼撰

梁書文學鍾旼傳旼字仲偉潁川長社人與兄旼弟嶼並好學有思理旼字長岳官至府

參軍建康平南史不傳令著良吏傳十卷唐書經籍志良吏傳十卷鍾旼撰旼氏刊本作

良史誤唐書藝文志鍾旼良吏傳十卷章氏考證元和郡縣志亦言鍾旼著良吏傳

唐志卷同太平御覽職官部王堂為汝南太守桓虞為南陽郡守高玩除南陽令司馬備

補洛陽令陳登為東陽長袁彭為南陽太守吳隱之轉廣州刺史鄭純為永昌太守並引

鍾旼良吏傳以上自忠臣傳至此凡六部為一類唐經籍志分為三目曰忠節曰列藩曰良吏是

為第五類海內名士傳一卷不著撰人

案此疑即前海內先賢傳之佚出者又按世說賞譽篇曰王夷甫語樂令名士

無多人故當容平子知注引王澄別傳曰澄風韻邁達志氣不羣從兄戎兄夷甫名

冠當年四海人士一為澄所題目則二兄不復措意云已經平子其見重如此是以

名聞益盛天下知與不知莫不傾注澄後事迹不逮朝野失望及舊游識見者猶曰

當今名士也又品藻篇注晉陽秋曰初王澄有通朗稱而輕薄無行兄夷甫有盛名

時人許以人倫鑒識常為天下士目曰阿平第一子嵩第二處仲第三庚數字子嵩王

敦字處仲此海內名士傳似即王澄王衍輩所作亦稱天下士目世說此兩篇所載中朝諸名士或亦本之是書澄及衍為王

敦石勒所害其書袁宏時已先行故本志列於袁書之前

正始名士傳三卷袁敬仲撰袁敬仲當為袁宏有集議孝經詳見經部孝經類

晉書文苑傳宏撰竹林名士傳三卷世說文學篇曰袁彥伯作名士傳成見謝公

謝公笑曰我嘗與諸人道江北事特作狡獪耳彥伯遂以著書注曰宏以夏侯太初何平

叔王輔嗣為正始名士阮嗣宗嵇叔夜山巨源向子期劉伯倫阮仲容王濬仲為竹林名

士裴叔則樂彥輔王夷甫庾子嵩王安期阮千里衛叔寶謝幼輿為中朝名士又方正篇

注夏侯玄被收鍾毓為廷尉執玄手曰太初何至於此玄正色曰雖復刑餘之人不可得

交孝標案郭頌魏晉世語事多詳覈孫盛之徒皆采以著書並云玄距鍾會而袁宏名士

傳最後出不依前史以為鍾毓可為謬矣唐書經籍志名士傳三卷袁宏撰一本題為袁

尚誤唐書藝文志袁宏名士傳三卷宋史藝文志袁宏正始名士傳三卷

崇文總目正始名士傳三卷袁氏撰其中卷

竹林名士三逸上卷增荀粲下卷增阮修
章氏考證水經清水注文選顏延年五君詠
注沈休文游沈道士館詩注褚淵碑文注並
引袁彥伯竹林名士傳太平御覽人事部引
袁宏七賢序

江左名士傳一卷劉義慶撰

劉義慶有徐州先賢傳見前
章氏考證世說賞譽篇注杜又清標令上謝
鯤通簡有識品藻篇注王承言理比南陽樂
廣又劉真長曰杜宏治膚清衛叔寶神清容
止篇注杜宏治可方衛玠共引江左名士傳
五事

竹林七賢論二卷晉太子中庶子戴逵撰

戴逵有五經大義見經部論語類
世說任誕篇陳留阮籍譙國嵇康河內山濤
三人年皆相比康年少亞之預此契者沛國
劉伶陳留阮咸河內向秀琅邪王戎七人常
集於竹林之下肆意酣暢故世謂竹林七賢
注晉陽秋曰於時風譽扇于海內至於今詠
之

羣輔錄曰魏步兵校尉阮籍中散大夫嵇康
晉司徒山濤建威參軍劉伶始平太守阮咸
散騎常侍向秀司徒王戎魏嘉平中並居河
內山陽共為竹林之游世號竹林七賢見晉
書魏書袁宏戴逵為傳孫統又為贊
唐書經籍志竹林七賢論二卷戴逵撰
唐書藝文志戴逵竹林七賢論二卷
章氏考證世說注引竹林七賢論二十餘事

七賢傳五卷孟氏撰

北齊羊銜之洛陽伽藍記曰奉朝請孟仲暉
者武城人也御覽釋部引作武威 父資為金城
太守暉志性聰朗學兼釋氏四諦之義窮其
指歸恆與沙門論議時號為元宗先生武定
五年暉為洛州開府長史
唐日本國見在書目竹林七賢傳五卷孟氏
撰

唐書經籍志七賢傳七卷孟仲暉撰
唐書藝文志孟仲暉七賢傳七卷

文士傳五十卷張隱撰

張隱當為張鷟始末未詳
梁鍾嶸詩品曰張鷟文士逢文即書
唐書經籍志文士傳五十卷張鷟撰
唐志藝文志張鷟文士傳五十卷
崇文總目文士傳十卷張隱撰

玉海藝文類唐志齊張鷟文士傳五十卷文
選注引之又曰舊志云文林傳五十卷張隱
撰傳於元帝詔藏案此兩條文有跋誤張鷟文士傳
裴松之注三國志時已引之當是西晉人必非齊人此齊
字誤衍元帝詔藏或是晉元帝梁元帝
又中興書目曰文士傳五卷載六國以來文
士起楚華原終魏阮瑀崇文目十卷終宋謝
靈運已疑其不全今又缺其半 案載及謝靈運

必非張鷟本書

章氏考證文選注後漢書注諸所徵引文士
傳或作張鷟或作張隱魏志王粲傳注曰張
鷟假為之辭不覺其虛之自露也凡鷟虛偽
妄作不可覆疏案裴氏謂鷟假為王粲說劉琮降曹
操之辭也

按御覽三百六十五引文士傳有張敦桓
驕劉楨阮瑀王弼杜育六條不著撰名中
與書目云終阮瑀知為張鷟是書裴松之
鍾嶸並云張鷟則作張隱者非也

以上自海內名士傳至此亦如篇首總錄
之屬凡六部為一類蓋其例於七錄之外
又取他家書目所有者以續其後此類及
以後三類皆是也推尋章法約略可見是
為第六類

列士傳二卷劉向撰

劉向有洪範五行傳論見經部尚書家
本志篇敘曰漢時劉向典校經籍始作列士
列女之傳皆因其志尚率爾而作不在正史
唐書藝文志劉向列士傳二卷

玉海藝文類隋志劉向列士傳二卷唐志同
後漢書注水經注文選注引列十傳

章氏考證後漢書申屠剛傳注羊角哀左伯
桃文選盧子諒覽古詩注朱亥鄒陽獄中上
書注徐衍鮑焦藝文類聚天部荆軻人部田
光服飾部魏公子無忌木部延陵季子北堂
書鈔武功部專諸衣冠部馮諼御覽居處部
慶忌兵部莫邪人事部干將子孔融並引列

士傳或作烈士唐志卷同案孔融可證

案論衡須頌篇有曰宣帝之時畫圖漢列

士或不在于畫上者子孫恥之又初學記

職官部引蔡質漢官典職曰尙書奏事於

明光殿省中畫古烈士重行書贊劉光祿

既爲列女傳頌圖又取烈士之見於圖畫

者以爲之傳而七略藝文及本傳皆不載

惟見於此然真偽不可知矣唐卷子本彫

玉集亦引列士傳載伯夷叔齊事

陰德傳二卷宋光祿大夫范晏撰

宋書范泰傳泰字伯倫順陽山陰人也長子

昂早卒次子暲宜都太守次晏侍中光祿大

夫次暲太子詹事謀反伏誅又范曄傳末云

曄少時兄晏常云此兒進利終破門戶終如

晏言 案晏爲范蔚宗之兄常爲徐羨之故吏見宋書盧

陵王義眞傳

唐書經籍志陰德傳二卷范晏撰

唐書藝文志范晏陰德傳二卷

章氏考證太平御覽禮儀部引范晏陰德傳

陳翼殯長安魏少公事與廬江七賢傳所載

同而語較詳唐志卷同

悼善傳十一卷

不著撰人

唐書經籍志悼善列傳四卷藝文志同

雜傳三十六卷任昉撰本一百四十七卷亡

梁書本傳昉字彥昇樂安博昌人漢御史大夫

夫敖之後也仕齊入梁爲御史中丞祕書監

領前軍將軍天監六年出爲寧朔將軍新安

太守視事期歲卒於官時年四十九贈太常

諡曰敬子坊墳籍無所不見聚書至萬餘卷

率多異本撰雜傳二百四十七卷

唐書藝文志任昉雜傳一百二十卷

章氏考證文選王文憲集序注任昉雜傳魏

德公謂郭林宗曰經師易獲人師難遭

案雜傳地理總集爲書者自齊陸澄始本

志地理類云梁任昉增陸澄之書八十四

家以爲此地記若干卷則此雜傳亦增陸

氏之書可知也陸氏雜傳見後

以上自列士傳至此凡四部爲一類如前

例是爲第七類

東方朔傳八卷

不著撰人

漢書東方朔傳朔字曼倩平原厭次入武帝

初待詔公車尋待詔金馬門爲常侍郎拜太

中大夫給事中後勅免爲庶人待詔宦者署

復爲中郎與枚皋郭舍人俱在左右談調而

已著論設客難又設非有先生之論朔之文

辭此二篇最善其餘有封泰山責和氏璧等

凡劉向所錄朔書具是矣世所傳他事皆非

也師古曰謂如東方朔別傳及俗用五行時

日之書皆非實事也

又傳贊曰劉向言少時數問長老賢人通於

事及朔時者皆曰朔口諧倡辨喜爲庸人誦

說故今後世多傳聞者又曰朔之談諧逢占

射覆其事浮淺行於衆庶童兒牧豎莫不眩

耀而後世好事者因取奇言怪語附著之朔

故詳錄焉師古曰言此傳所以詳錄朔之辭

語者爲俗人多以奇異妄附於朔故耳欲明

傳所不記皆非其實也而今之爲漢書學者

猶更取他書雜說假合東方朔之事以博異

聞良可歎矣

唐書經籍志東方朔傳八卷藝文志同

章氏考證漢書傳注謂如朔別傳皆非實事

愚案藝文類聚諸書引朔別傳類皆奇言詭

語惟文選報任少卿書注引朔對武帝刑不

上大夫之言最爲莊論御覽兵部引朔上書

人事部朔形容公孫丞相倪大夫等語與漢

書本傳同世說規箴篇注引朔南陽步廣里

人本傳稱平原厭次人此可考異

案史記滑稽列傳附載褚少孫所補六事

中有東方朔事與漢書互有同異似卽本

之別傳少孫自言臣爲郎時好讀外家傳

語案外家傳語卽別傳之流然則此別傳

豈猶是前漢所傳爲褚少孫劉子政班孟

堅所見者歟

卍邱儉記三卷

不著撰人

魏志本傳儉字仲恭河東聞喜人父興將作

大匠封高陽鄉侯儉襲父爵爲平原侯文學

明帝時爲尙書郎羽林監洛陽典農荊州幽

州刺史與太尉司馬宣王討公孫淵定遼東

進封安邑侯遷左將軍監豫州諸軍領刺史

至鎮東將軍都督揚州正元二年正月與揚

州刺史文欽矯太后詔罪狀大將軍司馬景

王舉兵反衆潰射殺傳首京都夷三族欽亡入吳

唐書經籍志卅邱儉記三卷藝文志同

侯康補三國藝文志魏志明帝紀注引卅邱儉志記云時以儉爲宣王副也宣王時伐遼東當卽出此書未知爲儉記事之作抑他人記儉事也 案晉書宣帝本紀云晉國初建追尊曰宣王案晉國初建於文王平蜀之後儉之時未有此稱號紀注引文云爲宣王副則非儉自記從可知矣

魏志管輅傳輅字公明平原人也正始九年舉秀才正元二年八月爲少府丞明年二月卒年四十八弟辰臣松之案辰撰輅傳所載輅術數纔十一二耳近有閻續伯者名續該微通物有良史風爲天下補綴遺脫敢以所聞列於篇左又曰前長廣太守陳承祐口受城門校尉華長駿語云昔其父爲清河太守時召輅作吏駿與少小後以鄉里遂加恩意常與同載周旋具知其事云諸要驗三倍於傳辰旣短才又年縣小又多在田舍故益不詳辰仕宦至州主簿部從事大康之初物故

唐書經籍志管輅傳二卷管辰撰

唐書藝文志管輅傳注弟辰撰輅別傳有章氏考證魏志管輅傳注弟辰撰輅別傳有辰序言臣松之取閻纂所補綴遺脫數事世說注諸書皆引輅別傳

案魏志傳注載辰是傳特多似全錄其文并其序亦載之

管輅傳三卷管辰撰

雜傳四十卷賀蹤撰本七十卷亡

梁書文學劉峻傳天監初召入西省與學士賀蹤典校祕書

又任防列傳防聚書至萬餘卷率多異本防卒後高祖使學士賀蹤共沈約勘其書目

唐書經籍志雜傳四十卷不著撰人 藝文志同

陸澄有漢書注見前正史類

南齊書本傳澄家多墳籍人所罕見撰地理書及雜傳死後乃出 地理書見後地理類此十九卷或非其全

案陸澄在賀蹤之前而此列於賀氏之後是亦所謂編次無法之一端也類此者甚多不復具舉

雜傳十一卷一本作雜卷誤

不著撰人

案唐經籍志有雜傳六十五卷藝文志作六十九卷又九卷皆不著撰人此十一卷或在陸氏任氏賀氏之外別爲一家或即三家之書之佚出者

又案本志載雜傳四家章氏輯諸書引見雜傳記爲本志所不著錄者凡若干種大都皆在此四家集錄之中今并附記於後

間有重複互收者不錄他如梁武帝孝子傳三十卷荀伯子荀氏家傳十卷會稽邵氏家傳十卷王邵皇隋靈感志十卷自成卷帙或不在其內焉

廣州先賢傳七卷陸胤又七卷劉芳吳郡錢塘先賢傳五卷吳均 荊州先賢傳三卷高範 廣陵列士傳一卷華隔 江表傳二卷虞溥逸人高士傳八卷習鑿齒真隱傳二卷袁淑 孝子傳三卷徐廣 李固別傳七卷 梁冀傳二卷 曹瞞傳一卷 吳人案藝文類聚百穀部引破山曹瞞傳 桓玄傳二卷 諸葛亮隱沒五事一卷 郭沖蜀志諸葛傳注全引之

諸王傳一卷 殷氏家傳三卷殷敬 列女傳序贊一卷孫夫人列女傳八卷劉熙紫陽真人周君傳一卷華嶠 紫虛元君魏夫人內傳一卷項宗

以上凡二十家見新唐志皆有卷數者

青州先賢傳 武陵先賢傳 漢末名士錄 逸人傳孫盛高士傳魏謙 孝子傳周景式孝子圖劉向揚雄家牒 裴氏家記博暢袁氏家傳 袁氏世紀 陶氏家傳 嵇氏世家 陳氏家傳 竇氏家傳 沈氏家傳 祖氏家傳 孫氏世錄 謝車騎家傳 顧愷之家傳 顏延之家傳 李先生傳 顧脩內傳 錄異傳 志怪曹毗

以上凡二十五家皆散見諸書者卷數並無考

荀彧別傳 荀勗別傳 鄭玄別傳 邴原別傳 程曉別傳 孫資別傳 嵇康別傳 嵇喜 吳質別傳 潘尼別傳 潘岳別傳 劉廙別傳 郭泰別傳 盧湛別

傳 樂廣別傳 謝靈任 覬別傳 鍾會母
傳 鍾會 王弼別傳 何劭 華佗別傳 趙雲
別傳 費禕別傳 孫惠別傳 顧譚別
傳 陸機 虞翻別傳 陸機 陸雲別傳

以上凡二十四家章氏曰見三國志注
董卓別傳 楊孚 鍾離意別傳

以上二家章氏曰見續漢志補注

鄒鑿別傳 王又別傳 桓彝別傳 王
丞相別傳 阮光祿別傳 劉尹別傳

范宣別傳 王獻之別傳 王恭別傳
司馬徽別傳 向秀別傳 衛玠別傳

顧和別傳 王含別傳 孫放別傳 庾
翼別傳 桓溫別傳 顧凱之別傳 王

長史別傳 王中郎別傳 鄒超別傳
王胡之別傳 王司徒別傳 鍾雅別傳

陸玩別傳 江惇別傳 殷浩別傳 王
珉別傳 王敦別傳 謝鯤別傳 王述

別傳 謝玄別傳 樊英別傳 左思別
傳 郭璞別傳 諸葛恢別傳 周顛別

傳 孔愉別傳 蔡司徒別傳 王彪之
別傳 羅府君別傳 祖約別傳 阮孚

別傳 羊曼別傳 王劭王蒼別傳 石
勒傳 王彬別傳 王舒別傳 王澄別

傳 王邃別傳 卞壺別傳 虞光祿傳
鄒惜別傳 案當是鄒惜之誤 陳達別傳

賀循別傳 桓沖別傳 桓豁別傳 周
處別傳 賈充別傳 鄒疊別傳 范汪

別傳 蔡充別傳 案當是蔡克司馬晞傳

王雅別傳 荀粲別傳 司馬無忌傳
高座別傳 浮圖澄別傳 支遁傳

以上凡六十九家章氏曰見世說新語
注

明先生別傳 陳寔別傳

以上二家章氏曰見文選注

李邵別傳 夏仲御別傳 孟嘉別傳
陳武別傳 孫登別傳 王廙別傳 許

遜別傳 郭翻別傳 諸葛恪別傳 曹
肇曹毗傳 蔡琰別傳 王蘊別傳 王

濛別傳 張載別傳 禰衡別傳 張華
別傳 蒲元別傳 羅含別傳 裴楷別

傳 婁承先別傳 馬融別傳 故綜別
傳 衝波傳 杜蘭香別傳 曹毗 孔融別

傳 荀采傳 魯女生別傳 陶侃別傳
董正別傳 王威別傳

以上凡三十家章氏曰見藝文類聚

王徽別傳 桓階別傳 傅宣別傳 孟
宗別傳 許肅別傳 庾袞別傳 山濤

別傳 袁宏似即從宏竹林七賢傳中析出者見前正
始名士傳中 趙穆別傳

以上八家章氏曰見初學記

庾亮別傳 顏含別傳 王湛別傳 傅
咸別傳 王允別傳 盧植別傳 葛洪

別傳 鄒衍別傳 蔡邕別傳 孫略別
傳 邊讓別傳 杜祭酒別傳 吳猛別

傳 以上凡一十三家章氏曰見北堂書鈔

石虎別傳 雷煥別傳 徐邈別傳 羊
祜別傳 張純別傳 桓石秀別傳 祖

遜別傳 江祚別傳 陸績別傳 管寧
別傳 何晏別傳 傅覬別傳 何禎別

傳 趙至別傳 智瓊傳 潘勗別傳
諸葛亮別傳 張衡別傳 曹植別傳

李陵別傳 王祥別傳 江濛別傳 趙
岐別傳 李燮別傳 潘京別傳 楊彪

別傳 張蕪別傳 馬鈞別傳 賈逵別
傳 桓譚別傳 徐延年別傳

以上凡三十一家章氏曰見太平御覽

又曰三國志注諸書所見篇目太平御
覽備彙其全初學記等亦或各互見又

如蔡邕郭泰鍾離意鄭玄董卓別傳後
漢書注亦引之今錄從簡略故不重載

藝文舟車部御覽禮儀部引衝波傳各
一事衝波二字未詳其義 案御覽禮儀服

章方術舟車獸羽族鳥部凡七引衝波傳其羽
族部一條并有注文俱不知何人作也

以上自東方朔傳至此凡六部為一類亦
如前例是為第八類

玄晏春秋三卷皇甫謐撰

皇甫謐有高士傳逸士傳並見前

晉書本傳謐沈靜寡欲始有高尚之志以著
述為務自號玄晏先生撰帝王世紀年曆高

士逸士等傳玄晏春秋並重於世

唐書經籍志玄晏春秋二卷皇甫謐撰

唐書藝文志皇甫謐玄晏春秋二卷

章氏考證史記匈奴傳索隱引士安讀漢書不詳撐犂孤塗之言北堂書鈔武功部謚年十七未通經史編荆爲盾執枝爲戈藝文類聚葉部初學記服食部謚與衛倫言及於味御覽人事部云十二月乙丑夕夢至京師學部云十七年余長七尺四寸疾病部夏四月余瘡於河南並引元晏春秋觀此書體例似用編年法如後世年譜之類

孔子弟子先儒傳十卷

不著撰人

唐書經籍志孔子弟子傳五卷先儒傳五卷唐書藝文志先儒傳五卷孔子弟子傳五卷章氏考證唐志孔子弟子傳五卷別有先儒傳五卷當卽一書而誤分爲二

以上兩部又爲一類如前例自海內名士傳至此凡四節似皆從梁陳隋別家書目續加采獲而雜廁于此不復編次其部居

故雜亂如此此其例不畫一凡長篇累牘者大率如是其後地理五行鑿家尤顯見者也是爲第九類

李氏家傳一卷

不著撰人

世說賞譽篇注李氏家傳曰膺岳峙淵清峻貌貴重華夏稱曰穎川李府君穎類如玉山汝南陳仲舉軒軒如千里馬南陽朱公叔颯颯如行松柏之下

章氏考證世說賞譽篇注引李氏家傳太平廣記名賢類又引有李膺家錄

案本志敘諸家家傳以李氏爲之首在當時寓尊王之義史臣命意所在歟般芸小說亦引李膺家傳家錄各一條見晁伯宇續談助錄本

桓任家傳一卷任當爲氏

不著撰人

章氏考證北堂書鈔設官部延康元年初置散騎之官遷桓範爲侍郎又魏太子始立桓範以文學舉爲舍人御覽職官部桓範爲交州刺史謝表並引桓氏家傳

王朗王肅家傳一卷

不著撰人

章氏考證魏志王朗傳注朗除會稽秦始皇舊祀又與沛國名士劉陽交二事引朗家傳太原王氏家傳二十三卷

不著撰人

唐書世系表王氏出自姬姓周靈王太子晉以直諫廢爲庶人其子宗敬爲司徒時人號曰王家因爲氏裔孫翦秦大將軍生賁賁生離離二子元威元避秦亂遷於琅邪後徙臨沂 又曰太原王氏出自離次子威漢揚州刺史九世孫霸居太原晉陽後漢連聘不至又曰霸長子般後漢中山太守食邑祁縣 又曰太原王氏世居祁縣後徙平州

唐書經籍志譜牒類王氏家傳二十二卷半 本作二十一卷

唐書藝文志雜傳記類王氏家傳二十一卷 章氏考證唐志二十一卷無太原二字世說

品藻篇注王禕之少知名仕至中書郎未三十而卒贈散騎常侍此作王氏世家据晉書禕之固太原王氏

案南史王玄謨傳云玄謨太原祁人六世

祖宏河東太守縣竹侯以從叔司徒允之難棄官北居新興仍爲新興雁門太守其自序云爾又王懿太原祁人自言漢司徒允弟幽州刺史懋七世孫祖宏仕石季龍父苗仕苻堅皆至二千石史稱自序云爾又曰自言則皆本之是傳可知北史載王慧龍王松年王劭等傳亦似本之此書

褚氏家傳一卷褚說等撰

褚說始末未詳

唐書經籍志譜牒類褚氏家傳一卷褚結撰褚陶注藝文志雜傳記類著錄同

章氏考證世說賞譽篇注褚氏家傳曰陶聰

惠絕倫年十三作鷗水碓二賦仕至中尉史記孝武紀索隱章稜之云褚少孫宣帝代爲博士號爲先生續太史公書此作褚說家傳案褚說唐志作結蓋音聲之誤褚陶字季雅吳郡錢塘人州郡辟不就吳平召補尚書郎遷九真太守轉中尉年五十五卒見

晉書文苑傳案陶注說書則說在陶前當是漢吳時人

薛常侍家傳一卷

不著撰人

唐書經籍志薛常侍傳二卷荀伯子撰 唐書藝文志荀伯子荀氏家傳十卷又薛常

侍傳二卷

册府元龜國史部荀伯子又撰薛常侍傳二卷

常熟丁國鈞補晉書藝文志曰薛常侍家傳一卷見隋志案薛兼官至散騎常侍見晉書兼傳兩唐志作二卷云荀伯子撰無家字

案吳志薛綜傳綜字敬文沛郡竹邑人也仕至選曹尚書太子少傅赤烏六年卒子翊官至威南將軍翊弟瑩字道言至光祿勳天紀四年晉軍征皓皓奉書請降其文

瑩所造也瑩既至洛陽特先見皎為散騎常侍太康三年卒著書八篇名曰新議又晉書薛兼傳兼字令長丹陽人祖綜父瑩兼與同郡紀瞻廣陵閔鴻吳郡顧榮會稽賀循齊名號為五儁歷尚書太子太傅至

太常進爵安陽鄉侯自綜至兼三世傳東宮談者美之明帝即位加散騎常侍是歲卒子顯先兼卒無後蓋三世傳東宮兩世為常侍者也唐志二卷疑亦有薛瑩傳在其內荀伯子穎川穎陰人仕晉入宋至東陽太守元嘉十五年卒官年六十一宋書有傳荀嘗於晉義熙中佐徐廣撰晉紀詳見古史類中此或其修史時所作歟

江氏家傳七卷江祚等撰

晉書江統傳統字應元陳留圉人祖蕤以義行稱為譙郡太守封亢父男父祚南安太守太平御覽人事部江祚別傳曰祚為南安太守民思其德生子多以為名字

唐書經籍志譜牒類江氏家傳七卷江統撰

唐書藝文志雜傳記類江氏家傳七卷江統撰

章氏考證舊唐志江統撰新唐志江統撰愚案藝文類聚職官部北堂書鈔設官部並引江氏家傳言江統庚子嵩雅敬君德東海王越請君為別駕與君書稱統為君則傳非統所撰御覽人事部引江統年十三棄五木之戲方術部江統諫愍懷禁土之令工藝部江偉善書人得其手疏莫不藏之飲食部江蕤年七歲葬父有酒肉斂容不食又江統上疏諫西園賣醯菜共引家傳五事

案統諫愍懷禁土之令及西園賣醯菜亦見本傳乃統為太子洗馬時所上五事之二也江統未詳似統字之誤

庾氏家傳一卷庾斐撰

庾斐始末未詳

案元和姓纂云庾氏堯時掌庾大夫以官命氏後漢始居潁川有潁川庾氏漢末又有新野庾氏案本志別有漢南庾氏家傳三卷漢南即謂新野此一卷或潁川庾氏之家傳或即後三卷之別出者

裴氏家傳四卷裴松之撰

裴松之有集注喪服經傳見經部禮類

南史裴松之傳松之子騫宋南中郎參軍騫子昭明齊廬陵太守昭明子子野梁鴻臚卿子野少時集注喪服續裴氏家傳各二卷行於世

唐書經籍志譜牒類裴氏家記三卷裴松之

撰藝文志傳記類著錄同

章氏考證世說文學篇注裴榮有風姿才氣任誕篇注裴穎娶王戎長女並引裴氏家傳梁書裴子野傳子野續裴氏家傳三卷唐志裴松之裴氏家記三卷蜀志孟光傳注傅暢裴氏家記載裴潛弟僞僞子越事

案裴松之注史自引傅暢裴氏家記蓋即晉諸公贊中之一節後松之為家傳至曾孫子野又從而續之也

虞氏家記五卷虞覽撰

虞覽始末未詳

唐書經籍志譜牒類虞氏家傳五卷虞寬撰

唐書藝文志雜傳記類虞氏家傳五卷 不注名氏一本題曰虞覽

章氏考證藝文類聚居處部虞潭為右衛將軍起堂養親作詩言志北堂書鈔政術部虞潭為南康內史年荒出私米賑餓御覽禮儀部虞潭母太夫人薨給徘徊車謁者送喪禮儀光備並引虞氏家記唐志作家傳 案虞潭晉書有傳吳騎都尉翻之孫也母孫氏見晉書列女傳父忠翻第五子附見吳志虞翻傳

曹氏家傳一卷曹毗撰

曹毗有論語釋見經部論語類

唐書經籍志譜牒類曹氏家傳一卷曹毗撰

章氏考證太平御覽職官部曹氏傳曰左擁起於碎吏武帝以為殿中侍御史

范氏家傳一卷范汪撰

范汪有祭典見經部禮類

章氏考證世說注引范汪別傳太平御覽亦引之

紀氏家紀一卷紀友撰

晉書紀瞻傳瞻字思遠丹陽林林人也祖亮吳尚書令父陟光祿大夫瞻少以方直知名吳平徙家歷陽元帝即位歷侍中尚書驃騎將軍散騎常侍開府儀同三司封臨鄉侯諡曰穆長子景早卒景子友嗣官至廷尉

韋氏家傳一卷

不著撰人

唐書經籍志譜牒類韋氏家傳三卷皇甫謐撰

唐書藝文志雜傳記類皇甫謐韋氏家傳三卷

案兩唐志皆以為皇甫謐撰又多出二卷

疑此一卷非其全也謐有高士逸士傳玄

晏春秋並見前

何顯使君家傳一卷

不著撰人

後漢書黨錮傳何顯字伯求南陽襄鄉人也少游學洛陽顯雖後進而郭林宗賈偉節等與之相好顯名太學及陳蕃李膺之敗顯以與蕃膺善為宦官所陷乃變姓名亡匿汝南間所至皆親其豪傑有聲荆豫之域袁紹慕

之私與往來結為奔走之友是時黨事起天下多離其難顯嘗私入洛陽從紹計議其窮困閉扃者為求援救以濟其患有被掩捕者則廣設權計使得逃隱全免者甚眾及黨錮解顯辟司空府累遷及董卓秉政逼顯以為長史託疾不就乃與司空荀爽司徒王允等共謀卓會爽薨顯以它事為卓所繫憂憤而卒穎川荀彧為尚書令遣人西迎叔父爽并致顯屍而葬之爽之冢傍亦見魏志荀攸傳及注

唐書經籍志何顯傳一卷藝文志同

章氏考證太平御覽人事部疾病部引何顯別傳頌有人倫鑒謂張仲景將為名醫卒如其言 章氏從唐志題何顯傳以謂隋志不著錄者非也

明氏家訓一卷偽燕衛尉明友撰

嚴可均全晉文編曰明友仕前燕為黃門郎將死誠其子曰吾所以在此朝者非要貴也直是避禍全身耳葬可埋圓石於吾墓前首引之云晉有微臣明友之家以遂吾本志也注云北堂書鈔一百六十引三十國春秋

案前燕慕容暉滅於晉太和五年友為其衛尉黃門郎東晉時人也

明氏世錄六卷梁信武記室明榮撰

明榮始末未詳

唐書經籍志譜牒類明氏世錄五卷明榮撰

藝文志雜傳記類六卷

案南史明僧紹傳僧紹字休烈平原高人

其先吳太伯之裔百里奚子孟明以名為

姓其後也祖玩州中從事父略給事中僧

紹宋齊時累徵不起齊永明中卒兄僧胤宋冀州刺史子慧照齊巴州刺史僧胤弟僧嵩宋青州刺史僧紹子元琳璋山賓山賓仕梁為北兗州刺史子震餘姚山賓賓弟少遐梁青州刺史太清之亂奔魏仕北齊卒於太子中庶子子罕司空記室明氏南渡雖晚並有名位自宋至梁為刺史者六人案史所據似即此世錄明榮與明山賓同時人其書至梁止於北齊時其後尚有明克讓最知名見隋書北史山賓之子也

陸史十五卷

不著撰人

南史陸吳傳吳字明霞吳郡吳人梁天監中仕至金紫光祿大夫特進卒弟照學涉有思理位太子家令撰晉書未就又著陸史十五卷陸氏驪泉志一卷並行於世

史通雜述篇曰高門華胄奕世載德才子承家思顯父母由是紀其先烈貽厥後來若揚

雄家牒殷敬世傳孫氏譜記陸宗系歷此之謂家史者也

唐書經籍志譜牒類陸史十五卷陸照撰藝文志雜傳記類著錄同

案陸氏為江左四大姓之一自漢末陸績

公紀以來代有聞人李延壽修南史諸列

傳往往參以各家傳南史第四十八卷

所載陸澄陸慧曉陸吳三族皆吳郡吳人

大都節節取陸史入宋以後之事也

王氏江左世家傳二十卷王褒撰此傳字似誤加

周書本傳襲字子淵 案梁書王規附傳云字子漢

此作子淵因漢之王褒而誤北史作子深又沿周書而避

唐諱之誤 琅邪臨沂人曾祖儉齊侍中太尉

南昌文憲公祖憲梁侍中金紫光祿大夫南

昌安侯父規梁侍中左民尚書南昌章侯並

有重名於江左襲襲爵南昌縣侯事梁武帝

元帝入周至長安授車騎大將軍儀同三司

封石泉縣子邑三百戶仕歷宣州刺史卒年

六十四 宋鄧名世古今姓氏書辨證後周光祿大夫少

司空石泉侯襲生子戴字玉鉉石泉威明侯

南史王筠傳筠仕梁至簡文即位為太子詹

事與諸兒書論家門集云史傳安平崔氏及

汝南應氏並累葉有文才所以范蔚宗云崔

氏雕龍然不過父子兩三世耳非有七葉之

中名德重光爵位相繼人人有集如吾門者

也沈少傅約常語人云吾少好百家之言身

為四代之史自開闢以來未有爵位蟬聯文

才相繼如王氏之盛也汝等仰觀堂構思各

努力

世說雅量篇注丹陽記曰王氏烏衣之起吳

時烏衣營處所也江左初立琅邪諸王所居

宋鄧名世古今姓氏書辨證曰琅邪王氏自

漢諫議大夫王吉以下更魏晉南朝一家正

傳六十三人三公令僕五十餘人侍中八十

人吏部尚書二十五人

案南史載王弘王曇首王誕王華王惠王

彧王裕之王鎮之王韶之王悅之王准之

列傳凡四卷而系以論曰昔晉初渡江王

導卜其家世郭璞曰淮流絕王氏滅 晉書

王導傳末亦云初導渡淮使郭璞筮之卦成璞曰吉

無不利淮水絕王氏滅其後子孫繁衍竟如璞言

觀夫晉氏以來諸王冠冕不替蓋亦人倫

所得豈唯世祿之所傳乎及於陳亡之年

淮流實竭曩時人物掃地盡矣斯乃興亡

之兆已有前定天之所廢豈智識之所謀

乎蓋晉宋齊梁及南史所載諸王列傳皆

取證於是書案王氏人物至唐猶盛唐世系載之

詳矣

孔氏家傳五卷

不著撰人

章氏考證世說言語篇注後漢書孔融傳注

太平御覽人事部並引孔融家傳皆記融事

藝文類聚雜器物部引融坐上客常滿樽中

酒不容語北堂書鈔酒食部融每旦以饘一

盛魚一首以祭並作孔融別傳

案晉書載孔愉孔汪孔安國孔祗孔坦孔

嚴孔羣孔沈諸列傳云會稽山陰人其先

世居梁國曾祖潛太子少傅漢末避地會

稽因家焉祖竺吳豫章太守父恬湘東太

守從兄侃大司農俱有名江左又南史有

孔靖孔琇之孔奂孔琳之孔覲諸列傳亦

會稽山陰人疑此五卷是會稽孔氏晉書

南史之所取資者

崔氏五門家傳二卷崔氏撰

唐書藝文志崔氏世傳七卷崔鴻撰

章氏考證北堂書鈔設官部崔瑗上疏太平

御覽職官部崔寔除五原太守又崔瑗為汲

令人事部崔瑗座右銘並引崔氏家傳無五

門二字唐志作崔氏世傳七卷題崔鴻撰愚

案崔瑗為汲令御覽人事部又載之題崔鴻

崔氏家傳則隋志注崔氏撰當改為崔鴻

案崔鴻有十六國春秋見前霸史類唐世

系云崔氏定著十房一曰鄭州二曰鄆陵

三曰南祖四曰清河大房五曰清河小房

六曰清河青州房七曰博陵安平房八曰

博陵大房九曰博陵第二房十曰博陵第

三房綜其實則止於鄭州鄆陵南祖清河

博陵五房也魏崔光崔鴻清河人漢崔瑗

崔寔博陵人所謂五門者即唐表所載是

也此二卷或非其全故不見崔鴻但知為

崔氏章氏云當改崔鴻謬矣

暨氏家傳一卷

不著撰人

唐書經籍志譜牒類暨氏家傳一卷 藝文志

雜傳記類著錄同

通志氏族略有不得其本系者則有暨氏音

訖吳有尚書暨暨唐天寶中有暨晃弟昱望

出餘杭渤海

宋鄧名世古今姓氏書辨證暨音吉唐有暨

佐時上元中准制改為周氏今餘杭與閩中

多此姓而音訛為潔氏

王應麟姓氏急就篇暨氏吳有暨暨陳有暨

慧景 案北史隋煬帝本紀云及陳平執尚書都令史暨

第二十五史補編 隋書經籍志考證

第三二一三頁

五六一

慧元豐中進士唱名有暨陶主司三呼去聲不應蘇頌進曰當以入聲呼之果出應神宗問何以知之頌對三國時吳有暨豔造營府之論恐其後問陶鄉里乃崇安人上喜曰果吳人也唐藝文志有暨氏家傳

案暨豔見吳志張温傳云字子休吳郡人温引致之以爲選曹郎至尙書爲怨家所譖自殺疑此卽其別傳歟
周齊王家傳一卷姚氏撰

周書列傳齊煬王憲字毗賀突太祖第五子也宣帝嗣位以憲屬尊望深忌憚之乃詔王至伏壯士執而縊殺之時年三十五北史云年四十又殺上大將軍安邑公王與上開府獨孤熊開府豆盧紹等皆以昵于憲也帝旣誅憲無以爲辭故託與等與憲結謀遂加其戮時人知其冤酷咸云伴憲死也
史臣曰齊王奇姿傑出獨牢籠於前載以介弟之地居上將之重智勇冠世攻戰如神敵國繫以存亡鼎命由其輕重比之異姓則方召韓白何以加茲挾震主之威屬道消之日斯人而嬰斯戮君子是以知周祚之不永也昔張耳陳餘賓客厮役所居皆取卿相而齊之文武僚吏其後亦多至台牧異世同符可謂賢矣
又藝術姚僧垣傳僧垣次子最授齊王憲府水曹參軍掌記室事特爲憲所禮接賞賜隆厚宣帝嗣位憲以嫌疑被誅隋文帝作相追復官爵最以陪游積歲恩顧過隆乃錄憲功

續爲傳送上史官

案本志題姚氏者据後周書姚僧垣附傳乃姚最所撰也最爲察之弟有梁後略見前古史類

爾朱家傳二卷王氏撰

唐書經籍志譜牒類爾朱氏家傳二卷王郡撰

唐書藝文志雜傳記類王劭爾朱氏家傳二卷

通志氏族略代北複姓有爾朱氏其先契胡部落大人世爲酋帥居爾朱川因以爲氏後魏有爾居羽健從駕平晉陽定中山有功割秀容三百里封之以爲世業

案北史列傳第三十六載爾朱榮及其子弟兆彥伯仲遠世隆天光等共十人合爲一傳云榮字天寶北秀容人高祖羽健曾祖鬱德祖代勤父新興相繼爲領民酋長云云似卽本之家傳唐志謂王劭撰豈隋之王劭歟劭有北齊志隋書見前古史雜史類末

周氏家傳一卷

不著撰人

案此與北朝人家傳相類從亦似北人元和姓纂河南周氏後魏官氏志云獻帝次兄普氏改爲周氏西魏幽州總管濟北穆公周搖賜姓車非氏隋復本姓北史周搖傳搖字世安河南洛陽人其先與魏同源初姓普及洛陽改爲周氏似卽据此家傳

歟

令狐氏家傳一卷

不著撰人

唐書經籍志譜牒類令狐家傳一卷令狐德棻撰

唐書藝文志雜傳記類令狐德棻令狐家傳一卷

案唐志云令狐德棻撰唐書本傳德棻宜州華原人隋鴻臚少卿熙之子也先居燉煌代爲河西右族有封禪儀六卷見前儀注類北史載令狐整令狐熙諸傳似皆本之於此

新舊傳四卷

不著撰人

案此合新舊二傳以爲一編不知誰氏本志子部雜家亦有新舊傳四卷唐藝文志亦著錄雜家豈彙合北朝人雜傳如陸澄任昉之類歟

漢南家傳三卷

不著撰人

唐書經籍志譜牒類庾氏家傳三卷庾守業撰

唐書藝文志雜傳記類漢南庾氏家傳三卷庾守業撰

案此敝庾氏二字微新唐志莫詳其爲誰氏矣元和姓纂新野庾氏漢末居南陽後分緒防爲新野遂爲郡人此曰漢南卽新野也新野庾氏最著聞者有庾易庾域庾

黔婁庾於陵庾肩吾庾誦庾曼倩庾康庾
信庾季才南北史並有傳此題庾守業當
是隋唐間人始未詳

何氏家傳三卷

不著撰人

唐書經籍志譜牒類何妥家傳二卷 唐藝文

志雜傳記類著錄同

章氏考證後漢書何敞傳注引何氏家傳載
何比干爲丹陽都尉事本始元年自汝陰徙
平陵世爲名族三輔決錄亦載此事魏志劉
劭傳注引何楨事題廬江何氏家傳唐志有
何妥家傳二卷

案何妥西城郿縣人西城郡隋屬梁州其
先或與平陵何氏廬江何氏同族有周易
講疏見經部易類

以上自李氏家傳至此凡二十九部皆漢
以來南北朝諸家家傳是爲第十類

童子傳二卷王瑱之撰

王瑱之始未詳

金樓子聚書篇隱士王瑱之經餉書如童子
傳之例是也

章氏考證初學記人事部近代有樂安任嘏
者十二就師學不再問一年通三經御覽人
事部魯國孔林十歲詣臺魯相劉公稱其辯
並引王瑱之童子傳

幼童傳十卷劉昭撰

劉昭有後漢書注見前正史類
梁書文學傳昭著幼童傳十卷

唐書經籍志幼童傳十卷劉昭撰

唐書藝文志劉昭幼童傳十卷

章氏考證初學記天部晉明帝人事部梁國
楊氏子北堂書鈔天部穎川庾天祐後漢書
列女傳注蔡琰御覽人事部漢昭帝又魏太
祖又秦舞陽又張元又謝瞻並引劉昭幼童

傳

訪來傳十卷來與撰

來與有帝王本紀見前雜史類

案此不與前諸家家傳爲類而列於梁元
帝懷舊志之前似來氏集其知友之來訪
者以爲之傳猶交游傳之類

懷舊志九卷梁元帝撰

梁元帝有孝德傳忠臣傳丹陽尹傳並見前
梁書本紀所著懷舊志一卷南史本紀懷舊

傳二卷

金樓子著書篇懷舊志一裘一卷金樓撰序
曰吾自北守琅臺東探禹穴觀濤廣陵面金

湯之設險方舟宛委眺玉笥之干霄臨水登
山命儔嘯侶中年承乏攝牧神州戚里英賢
南冠髦俊蔭真長之弱柳觀茂宏之舞鶴清

酒繼進甘果徐行長安羣公爲其延譽扶風
長者刷其羽毛於是駐伏熊迴駟馬命鄒滿
召王祥余顧而言曰斯樂難常誠有之矣日
月不居零露相半素車白馬往矣不追春華

秋實懷哉何已獨軫魂交情深宿草故備書

爵里陳懷舊焉

周書顏之儀傳之儀父協梁元帝爲湘東王

引協爲其府記室參軍元帝後著懷舊志及
詩並稱贊其美

顏氏家訓文章篇吾家世文竄操行見於梁
史文士傳及孝元懷舊志又曰王籍入若耶
溪詩云蟬噪林逾靜鳥鳴山更幽江南以爲
文外獨絕簡文吟詠不能忘之孝元諷味以

爲不可復得至懷舊志載於籍傳

南史齊竟陵王子良子昭胃昭胃次子賁起
家湘東王法曹參軍及亂王爲檄賁讀至偃
師南望無復儲胥露寒河陽北臨或有穹廬
氈帳迺曰聖製此句非爲過似如體目朝廷
非關序賦王聞之大怒收付獄遂以餓終又
追戮賁尸乃著懷舊傳以謗之極言詆毀

唐日本國見在書目懷舊志九卷梁元帝撰
唐書藝文志梁元帝懷舊志九卷

知己傳一卷盧思道撰

隋書本傳思道字子行范陽人也師事河間
邢子才就魏收借異書才學兼著仕北齊後
周至隋開皇初歷散騎侍郎奏內史侍郎事

卒於京師年五十二
史通雜述篇曰普天率土人物弘多求其行
事罕能周悉則有獨舉所知編爲短部者若

戴逵竹林名士王粲漢末英雄蕭世誠懷舊
志盧子行知己傳此之謂小錄者也又曰大
抵偏記小錄之書皆記即日當時之事求諸
國史最爲實錄然皆言多鄙樸事罕圓備終

不能成其不刊徒爲後生削棄之資焉 案劉

氏謂最爲實錄亦不盡然如懷舊志記賁賁之事豈實錄

平實有辨林詳見子部小說家

唐書經籍志知已傳一卷盧思道撰

唐書藝文志盧思道知已傳一卷

冊府元龜國史部采撰篇盧思道爲黃門侍郎待詔文林館撰知已傳一卷

章氏考證胡應麟甲乙剩言曰余從都下得

隋盧思道知已傳二卷上自伊尹下至六代

由君相父子妻子友朋以及鬼神禽畜涉於

知己者皆錄第諸葛孔明與先主最相知以

爲有君自取之一語爲大不知己不錄蓋有

激乎其言之也案此則是書明時尙存宋史

志不載自屬闕漏但應麟謂此書惟隋志有

之自唐以下不復有也亦失考

案本傳載周武帝平齊之後同郡某某舉

兵作亂思道預焉柱國宇文神舉討平之

思道罪當斬已在死中神舉素聞其名引

出令作露布因嘉而有之除掌教上士其

事頗有類於堂阜脫囚其爲是書殆以此

全德志一卷梁元帝撰

梁元帝有孝德傳忠臣傳丹陽尹傳懷舊志

並見前

梁書本紀所著全德志一卷南史本紀古今

全德志一卷

金樓子著書篇全德志一表一卷金樓自撰

序曰老子言全德歸厚莊周云全德不刑呂

覽稱全德之人故以全德創其名也此志陸

大夫爲首伊人有學有辨不夭不貧寶劍在

前鼓瑟從後連環炙輶雍容卒歲駟馬高車

優游燕喜既令公侯踞掌復使要荒蹶角入

室生光豈非盛矣若乃河宗九策事等神鉤

陽雍雙壁理歸元感南陽樊重高閣連雲北

海公沙門人成市咨此八龍各傳一藝夾河

兩郡家有萬石人生行樂止足爲先但使樽

酒不空坐客恆滿寧與孟嘗聞琴承睫淚下

中山聽樂悲不自禁同年而語也

又論曰物我俱忘無貶廊廟之器動寂同遣

何累經綸之才雖坐三槐不妨家有三徑但

接五侯不妨門垂五柳使良園廣宅面水帶

山饒甘果而足花卉森筠篁而玩魚鳥九月

肅霜時饗田畷三春捧爾乍酬蠶妾酌斗酒

而歌南山烹羔豚而擊西缶或出或處並以

全身爲貴優之游之咸以忘懷自逸若此衆

君子可謂得之矣

唐書經籍志全德志一卷梁元帝撰

唐書藝文志梁元帝全德志一卷

同姓名錄一卷梁元帝撰

梁書本紀古今同姓名錄一卷

金樓子著書篇同姓名錄一表一卷金樓

撰

唐書經籍志同姓名錄一卷梁元帝撰

唐書藝文志梁元帝同姓名錄一卷

四庫子部類書提要曰古今同姓名錄二卷

梁孝元皇帝撰是書見於梁書本紀及隋志

者皆作一卷唐陸善經續而廣之故晁氏讀

書志書錄解題皆作三卷其本皆不傳此本

爲永樂大典所載又元人葉森所增補者也

雖輾轉附益已非其舊然幸其體例分明不
相淆雜凡善經及森所綴入者皆一一標注
尙可考見元帝之原本

第十一類

以上自童子傳至此凡七部自爲一類爲

列女傳十五卷劉向撰曹大家注

劉向有列士傳見前

七略別錄曰臣向與黃門侍郎歆所校列女

傳種類相從爲七篇以著禍福榮辱之效是

非得失之分畫之於屏風四堵

漢書本傳成帝即位石顯等伏辜更生乃復

進用改名向領校中五經祕書向睹俗彌奢

淫而趙衛之屬起微賤踰禮制師古曰趙皇后

昭儀衛婕妤也向以爲王教由內及外自近者

始故采取詩書所載賢妃貞婦與國顯家可

法則及孽嬖亂亡者序次爲列女傳凡八篇

以戒天子

漢書藝文志諸子略儒家劉向所序六十七

篇新序說苑世說列女傳頌圖也

後漢書列女傳扶風曹世叔妻者同郡班彪

之女也名昭字惠班一名姬博學高才世叔

早卒有節行法度和帝數召入宮令皇后諸

貴人師事焉號曰大家及鄧太后臨朝與聞

政事以出入之勤特封子成關內侯官至齊

相昭年七十餘卒皇太后素服舉哀使者監

護喪事所著賦頌銘誄問注凡若干篇案列

女傳注即在此所云注之內

唐書經籍志列女傳二卷劉向撰案此蓋無法

注

本

唐書藝文志劉向列女傳十五卷曹大家注
宋史藝文志劉向古列女傳九卷

崇文總目列女傳八篇一曰母儀二曰賢明
三曰仁智四曰貞順五曰節義六曰辨通七
曰孽嬖八曰傳頌

宋曾鞏序錄曰曹大家注列女傳離其七篇
為十四與頌義凡十五篇而益以陳嬰母及
東漢以來凡十六事非向書本然也

陳氏書錄解題古列女傳九卷漢護都水使
者光祿大夫劉向子政撰其七篇篇十五人

為一百五人第八篇為頌義隋唐志及崇文
總目皆十五卷蓋以七篇分為上下并頌為

十五卷而自陳嬰母以下十六人附入其中
或與向同時或在向後者皆好事者所益也

王回曾鞏二序辨訂詳矣向書傳於世鮮矣
惟此書獨全其稱詩萃首柏舟大車之類與

今說詩者乖異蓋齊魯韓之學固不盡與毛
氏同也案楚元王以魯申公為博士又自傳詩號元王

詩與申公同出劉光祿同家世魯詩者也故列女傳所載
皆魯詩說

四庫簡明目錄古列女傳七卷續列女傳一
卷漢劉向撰續傳則不知誰作曾鞏以為班

昭晁公武曰項原皆影附無據也舊合為一
編宋王回乃以有頌無頌離析其文為今本

凡分七目曰母儀賢明仁智貞慎節義辨通
孽嬖

侯康補後書藝文志唐志錄列女傳十六家

大家注十五篇無錄然其書今在康案顏氏

家訓卷六引大家注云衿交頌也初學記卷

十三引大家注云少采降三采也以秋分祀
夕月以迎陰氣也案唐藝文志於傳記類別分女訓

十七家大家注本首列其目侯志乃云無錄非也又謂其
書今在則為列女傳在耳非注本猶在也 又案侯氏說

乃誤采曾鞏序錄之駁文曾序亦失考甚矣
張氏書目答問附圖列女傳七卷續一卷阮

福刻仿宋本顧之遠小讀書堆本亦精無圖
列女傳七卷趙母注

世說賢媛篇趙母嫁女女臨去救之曰慎勿
為好女曰不為好可為惡邪母曰好尚不可

為其況惡乎注列女傳曰趙姬者桐鄉令東
郡虞陸妻穎川趙氏女也才敏多覽既沒

大皇帝敬其文才詔入宮省上欲自征公孫
淵姬上疏以諫作列女傳解號趙母注賦數

十萬言赤烏六年卒
唐書藝文志趙母列女傳七卷

列女傳八卷高氏撰
高氏不詳何人

列女傳頌一卷劉歆撰
劉歆有爾雅注見經部論語家

顏氏家訓書證篇列女傳劉向造其子歆又
作頌終於趙悼后而傳有更始韓夫人明德

馬后及梁夫人嫔皆由後人所屬非本文也
唐日本國見在書目列女傳頌一卷劉歆撰

宋王回序曰傳如太史公記頌如詩之四言
世所行班氏注向書併頌為十五篇其十二

傳無頌三傳同時人五傳其後人通題曰向
撰題其頌曰向子歆撰與漢史不合史有頌

圖在八篇中也
宋曾鞏序錄曰隋書以頌義為劉歆作與向

列傳不合今驗頌義之文蓋向之自敘又藝
文志有向列女傳頌圖明非歆作也 案向歆

各自為頌不得案合必如所云則本志尚有曹植列女傳
頌一卷亦將謂與向傳不合非植撰乎

晁氏讀書志曰公武案隋經籍志有劉向列
女傳十五卷又有劉歆列女傳頌王回疑頌

非歆作蓋因顏籀之言爾未必然也
四庫提要曰其頌本向所作曾鞏及王回所

言不誤而晁公武執隋志之文詆其誤信顏
籀之注不知漢志舊注凡稱師古曰者乃籀

注其不題姓氏者皆班固之自注以頌圖屬
向乃固說非籀說也考顏氏家訓稱列女傳

劉向所造其子歆又作頌是謂頌為歆作始
於六朝修隋志時去之推僅四五十年襲其

誤耳豈可遽以駁漢書乎
案本志載劉歆此頌本自一帙與其父書

各不相涉宋代相傳曹大家注本乃以向
列女傳原有之頌歸之劉歆自是舛誤然

謂本志因顏氏而襲其誤則不然本志豈
因是而虛列其目耶歆之頌顏氏既見之

唐時又流傳外藩文選思玄賦李善注引
劉歆列女傳頌曰材女修身廣觀善惡今

列女傳頌一卷曹植撰

魏志武文世王公傳武皇帝二十五男卞皇后生文皇帝任城威王彰陳思王植蕭懷王熊植字子建建安十六年封平原侯十九年徙封臨菑文帝卽王位與諸侯並就國黃初二年監國謁者灌均希指奏植醉酒悖慢貶爵安鄉侯其年改封甄城三年立爲王四年徙封雍邱明帝太和元年徙封浚儀二年復還雍邱三年徙封東阿六年二月以陳四縣封植爲陳王邑三千五百戶十一年中而三徙都常汲汲無歡遂發疾薨時年四十一小子志嗣徙封濟北王 明紀太和六年十一月庚寅

陳思王植薨

唐書藝文志曹植列女傳頌一卷

章氏考證文選新刻漏銘注曹植列女傳頌曰尙卑貴禮來世作程

嚴氏全三國文編曰陳王植有列女傳頌一卷文選石闕銘注引之初學記卷十引母儀

頌賢明頌

列女傳贊一卷繆襲撰

魏志劉邵傳邵同時東海繆襲亦有才學多所述敘官至尙書光祿勳注文章志曰襲字熙伯辟御史大夫府歷事魏四世正始六年六十卒

列女後傳十卷項原撰

項原始末未詳

唐書經籍志列女後傳十卷顏原撰

唐書藝文志項宗列女後傳十卷

章氏考證後漢書曹娥傳注引項原列女傳無後字藝文類聚食物部太平御覽地部人事部百穀部引十二事皆云列女後傳不著項原名

案隋唐三志所載撰人姓名各不同惟章懷太子引作項原與本志合

列女傳六卷皇甫謐撰

皇甫謐有高士逸士傳玄晏春秋章氏家傳並見前

晉書本傳謐又撰高士逸士列女等傳並重

於世

唐書經籍志列女傳六卷皇甫謐撰

唐書藝文志皇甫謐列女傳六卷

章氏考證藝文類聚人事部引一事太平御覽人事部引三事題皇甫謐列女後傳初學記亦引之無後字又御覽人事部引十三事亦無後字

列女傳七卷蔡母遂撰

開元姓纂會稽蔡母氏後漢蔡母俊爲會稽主簿因居焉後漢交趾刺史蔡母聞與荀爽事陳太邱魏有蔡母廣明與管寧爲友晉有蔡母倪江左有蔡母遂爲邵陽太守

唐書經籍志列女傳七卷蔡母遂撰

唐書藝文志蔡母遂列女傳七卷

烏程嚴可均全晉文編曰蔡母遂爵里未詳有孟子注七卷通典九十五哀帝與寧中有蔡母遂駁尙書奏事一條案此則東晉穆哀時人案蔡母遂或作遂晉書無傳據姓纂望出

會稽本志儒家及總集引梁七錄有蔡母遂注孟子九卷注左思三都賦三卷列女傳要錄三卷

不著撰人

案南史庾仲容傳仲容字子仲穎川鄆陵人博學有盛名抄子書三十卷諸集三十卷衆家地理書二十卷列女傳三卷並行於代此卷數相同其卽仲容所抄者歟

女記十卷杜預撰

杜預有喪服要集見經部禮類晉書本傳預既立功之後從容無事又撰女記讚

史通雜說篇杜元凱撰列女記博采經籍前

史顯錄古老明言而事有可疑猶闕而不載斯豈非理存雅正心嫉邪僻者乎君子哉若人也長者哉若人也

唐書經籍志女記十卷杜預撰

唐書藝文志杜預列女記十卷

章氏考證太平御覽人事部漢安國侯王陵母淑鬲二寡婦陳侯氏女縑玉光武帝姊新野公主共引杜預女記四事

美婦人傳六卷

不著撰人

案太平御覽人事部有美婦人上下兩卷似多本於是書

妬記二卷虞通之撰

南史文學丘巨源傳時又有虞通之虞蘇皆有學行通之蘇皆會稽餘姚人通之善言易

至步兵校尉

宋書后妃傳孝武王皇后父偃偃子藻尙太祖第六女臨川長公主公主性妬而藻別愛左右人吳崇祖前廢帝景和中主讒之於廢帝藻坐下獄死主與王氏離婚宋氏諸主莫不嚴妒太宗每疾之湖熟令袁滔妻以妒忌賜死使近臣虞通之撰妒婦記亦見南史王藻傳

唐日本國見在書目妬記二卷不著撰人唐書藝文志虞通之后妃記四卷又妬記二卷

晁氏袁本讀書志補妬記一卷曰古有妬事久已亡之不知何人輯傳記中婦人嚴妬事以補亡自商周至於唐初

章氏考證世說賢媛篇注經語篇注藝文類聚人部果部並引妬記凡七事御覽所引略同郡齋讀書志曰古有妬記久已亡之

案書錄解題小說家四庫存目雜家並有王績補妬記八卷因古有虞通之妬記不傳故補之其書中亦采妬記文云云則今所傳八卷中亦有妬記佚文也

以上自列女傳至此凡一十三部別爲一類是第十二類

道人善道開傳一卷康泓撰

梁釋慧皎高僧傳單道開姓孟燉煌人少懷栖隱誦經四十餘萬言絕穀餌柏實服松脂以石虎建武十二年從西平來虎賁給甚厚至虎太寧元年與弟子南渡許昌晉昇平三

年來之建業俄而至南海後入羅浮山獨處

茅茨蕭然物外春秋百餘歲卒於山舍弟子有康泓者昔在北閩開弟子鼓開在山每有神仙去來乃遙心敬挹及後從役南海親與相見側席鑽仰稟聞備至乃爲之傳讚云

晉書藝術傳單道開不畏寒暑晝夜不臥視其行動狀若有神年百餘歲卒於羅浮山舍勅弟子以尸置石穴中弟子乃移入石室陳郡袁宏爲南海太守與弟穎叔及沙門支法防共登羅浮山至石室口見道開形骸如生香火瓦器猶存宏曰法師業行殊羣正當如蟬蛻耳乃爲之贊云

案高僧傳袁宏作贊在興寧元年上距昇平三年凡五歲

錢大昕隋書考異曰經籍志道人善道開傳一卷案善當爲單案法苑珠林二十七引冥祥記云趙沙門單或作善字道開不知何許人也別傳云燉煌人姓孟是善爲其名或傳譌以爲姓遂改爲單耳

名僧傳三十卷釋寶唱撰

寶唱自序有曰大梁之有天下也威加赤縣功濟蒼生皇上化範九疇神游八正頂戴法橋服膺甘露竊以外典鴻文布在方冊九品六藝尺寸罔遺而沙門淨行獨無紀述玄宗

敏德名絕終古擁歎長懷靡茲永歲律師僧祐著述諸紀振發弘要案此蓋指僧祐所作釋迦譜及薩婆多師實傳各五卷也

寶唱不敏豫班二落禮誦餘日据拾遺漏又後序云豈敢爲僧之董狐庶無曲筆耳

唐釋智昇開元釋教錄梁沙門釋寶唱揚郡

莊嚴寺僧也俗姓岑氏吳郡人僧祐律師之高足也博識洽聞罕有其匹武帝甚相崇敬

天監中頻勅撰集皆愜帝旨十五年又勅撰經律異相一部唱又別撰名僧傳等七部唐釋道世法苑珠林傳記篇名僧傳并序目三十一卷梁帝勅莊嚴寺沙門釋寶唱撰集唐書經籍志名僧傳三十卷釋寶唱撰

唐書藝文志子部釋氏類僧寶唱名僧傳三十卷

高僧傳十四卷釋僧祐撰僧祐當爲慧皎亦通作惠開元釋教錄梁沙門釋惠皎未詳氏族會稽上虞人學通內外博訓經律住嘉祥寺春夏弘法秋冬著述以唱公所撰名僧頗多浮穴因開例成廣著高僧傳一部始於漢明帝永

平十年終至梁天監十八年凡四百五十三載二百五十七人傍出附見者二百三十九人都合四百九十六人開其德業大爲十例

曰譯經曰義解曰神異曰習禪曰明律曰遺身曰誦經曰興福曰經師曰唱導其序略云前代所撰多曰名僧竊謂名之與高如有優劣至若實行潛光則高而不名寡德適時則名而不高名而不高本非所紀高而不名則

備之今錄故省彼名音代以高字謹詳覽此傳義例甄著文詞婉約實可以傳之不朽永爲龜鏡矣

梁釋龍光寺沙門僧果高僧傳後記云梁末承聖二年癸酉慧皎法師避侯景難來至涪城甲戌歲二月捨化春秋五十有八

釋教錄又曰高僧傳十四卷序錄一卷傳十

三卷共成十四天監十八年撰見長房內典
二錄其本見在 隋翻經學士賈昂房撰歷代三寶記
三卷見本志子部雜家大唐貞觀內典錄十卷見唐志釋

家
法苑珠林傳記篇高僧傳一部十四卷并目錄梁朝會稽嘉祥寺沙門釋慧皎撰

唐書經籍志高僧傳十四卷釋惠皎撰
唐書藝文志釋氏類僧惠皎高僧傳十四卷

宋史志同
元講經沙門慶吉祥至元法寶勘同總錄高僧傳十四卷總十科梁會稽嘉祥寺沙門慧皎撰出長房錄

案唐日本書目亦誤題僧祐撰考僧祐所撰法苑珠林傳記篇全載其目無高僧傳開元釋教錄亦不云僧祐有是書此實為惠皎之書釋藏有本今海山仙館叢書刻之章氏考證以為本志不著錄者似是而非也

江東名德傳三卷釋法進撰

慧皎高僧傳釋法進或曰道進或曰法迎姓唐涼州張掖人精苦習誦有超邁之德為沮渠蒙遜所重遜卒子景環立景環卒弟安周立是歲饑荒死者無限進屢從求乞以賑貧餓國蓄稍竭進不復求乃淨洗浴取刀鹽至餓人所處投身餓者前云施汝共食衆雖飢困義不忍受進即自割肉柱鹽以啖之兩股肉盡心悶不能自割須臾弟子來至王人復至號叫相屬因纒之還宮明晨乃絕出城北

闡維之即於其處起塔三層樹碑於右云疑非此法進始錄之

慧皎高僧傳序曰自漢之梁紀歷彌遠羣英間出迭有其人衆家紀錄載各異沙門法濟偏彼高逸一致沙門法安但列志節一行沙門僧寶止命游方一科沙門法進迺通撰論傳而辭事闕略並皆互有繁簡出沒成異考之行事未見其歸

案法進所撰疑別有其書非此江東名德傳也晉孫綽有名德沙門論名德沙門贊嚴氏全晉文編並輯存其文此三卷疑即孫氏書本志此處傳寫似有訛誤
法師傳十卷王巾撰

文選頭陀寺碑文注姓氏英賢錄曰王巾字簡棲琅邪臨沂人也有學業為頭陀寺碑文詞巧麗為世所重起家鄆州從事征南記室天監四年卒

慧皎高僧傳序曰齊竟陵文憲王三寶記傳或稱佛史或號僧錄既三寶共敘辭旨相關混濫難求更為蕪味琅邪王巾所撰僧史意似該綜而文體未足
冊府元龜國史部采撰門王巾撰法師傳十卷

錢塘梁玉繩警記曰王簡栖之名文選注作巾說者謂巾閒居服故字簡栖困學記聞引說文通釋以為王巾案山音徹草木初生也與簡栖之字不配吳白華侍郎云中疑當作𠄎即古左字詩簡兮左手執籥其名與字或

取此

案慧皎序所言則其書亦名僧史以竟陵王子良三寶記為藍本

衆僧傳二十卷裴子野撰

裴子野有喪服傳見經部禮類

梁書本傳子野又勅撰衆僧傳二十卷行於世

本志子部雜家衆僧傳二十卷裴子野撰

唐書經籍志名僧錄十五卷裴子野撰

唐書藝文志釋氏類裴子野名僧錄十五卷

章氏考證隋志子部雜家重出唐志道家有子野名僧錄十五卷

薩婆多部傳五卷釋僧祐撰

僧祐自序曰大聖遷輝歲紀綿邈法僧不墜其唯律乎初集律藏一軌共學中代異執五

部各分既分五部則隨師傳習唯薩婆多部偏行齊土蓋源起天竺流化闡寶前聖後賢

重明疊耀皆秉持律儀闡揚法化舊記所載五十三人自茲已後叡哲繼出並嗣徽於在

昔垂軌於當今遺風餘烈炳然可尋遂搜訪古今撰薩婆多記其先傳同異則並錄以廣

聞後賢未絕則製傳以補闕總其新舊九十餘人使英聲與至教永被懋賞其日月惟新

此撰述之大旨也

又法集總目曰尊崇律本故銓師資之傳又曰薩婆多部相承傳五卷右一部第四帙

慧皎高僧傳釋僧祐本姓俞氏其先彭城下邳人父世居於建業祐年數歲入建初寺禮

拜因踴躍樂道不肯還家父母許入道師事

僧範道人法達又受業於沙門法穎穎既一

時名匠為律學所宗祐乃竭思鑽求無懈昏

曉遂大精律部有邁先哲今上深相禮遇年

衰脚疾救聽乘輿入內殿為六宮受戒臨川

王宏南平王偉儀同袁昂永康定公主貴嬪

丁氏並崇其戒範盡師資之敬凡白黑門徒

一萬一千餘人天監十七年五月二十六日

卒於建初寺春秋七十四弟子正度立碑頌

德東莞劉綽製文初祐集經藏既成使人抄

撰要事為三藏記法苑記世界記釋迦譜宏

明集等皆行於世

又明律篇傳論曰大集經云我滅度後遺法

分為五部顛倒解義隱覆法藏名曇無邈即

曇無德也讀誦外書受有三世善能問難說

一切性皆得受戒名薩婆即薩婆多也 案此

蓋即彼教五部中之第二部傳習戒律者也其流入中國

自晉末法顯始見後法顯傳

開元釋教錄曰祐洞明律藏兼善文藻搜集

記錄撰為部裘庶尋覽之者功深而博達實

法門之綱要釋氏之元宗也自蕭齊末爰及

梁代撰釋迦譜等三部自外法苑集世界記

師資傳以非入藏故闕而不論 案此三書唐開

元時猶未編入釋藏也

法苑珠林傳記篇薩婆多師資傳五卷梁朝

揚州建安寺沙門釋僧祐撰

唐書經籍志薩婆多部傳四卷釋僧祐撰

唐書藝文志釋氏類僧祐薩婆多師資傳四

卷

梁故草堂法師傳一卷

不著撰人

案舊新唐志有陶弘景草堂法師傳一卷

又有蕭回理草堂法師傳一卷而文選北

山移文注引梁簡文帝草堂傳云汝南周

顒以蜀草堂寺林壑可懷乃於鍾嶺雷次

宗學館案起於宋元嘉中 立寺因名草堂亦

號山茨章氏考證皆引之蓋以此三家皆

近似之也考南史顒本傳益州刺史蕭惠

開攜顒入蜀為府參軍又云顒長於佛理

於鍾山西立隱舍休沐則歸之是鍾山草

堂寺起於顒然顒無草堂法師之號又卒

於齊永明中不當云梁故考藝文類聚七

十六有王筠撰國師草堂法師智者約法

師碑梁書孝義傳云江紆第三叔祿與草

堂寺智者法師善蓋即其人也智者約法師

當在唐釋道宣續高僧傳中今未得見

尼傳二卷皎法師撰

皎法師當為寶唱有名僧傳見前

寶唱比邱尼傳序有曰像法東流淨檢為首

錄載數百碩德係興善妙淨珪窮苦行之節

法辨僧果盡禪觀之妙至若僧端僧基之立

志貞固妙相法令之弘震曠遠若此之流往

往間出並淵深岳峙金聲玉振年代推移清

規稍遠英風將絕於千載志事未集乎方冊

每懷慨歎其歲久矣始乃博采碑頌廣搜記

集或訊之傳聞或訪之故老詮敘始終為之

立傳起晉咸和訖梁普通凡六十五人不尚

繁華務存要實嚴氏全梁文編云見釋藏功字號

開元釋教錄曰梁釋寶唱又別撰尼傳四卷

又曰比邱尼傳四卷述晉宋齊梁四代尼

唐書經籍志比邱尼傳四卷釋寶唱撰

唐書藝文志釋氏類僧寶唱名僧傳三十卷

又比邱尼傳四卷宋志釋氏類五卷

晁氏讀書志傳記類比邱尼傳四卷梁僧寶

唱撰起晉升平訖梁天監得尼六十五人為

之傳以檢淨為首寶唱金陵人藝文志有其

目案此言起訖與自序不合又檢淨誤倒其文

至元法寶勘同總錄比邱尼傳四卷凡五十

六人梁莊嚴寺沙門寶唱撰 案此言人數亦誤

倒其文

明三藏目錄功字號比邱尼傳四卷

大清龍藏彙記此土著述門俠字號比邱尼

傳四卷共計五十連

按皎法師即慧皎所著唯高僧傳一部見

前別無他書開元釋教錄及法苑珠林傳

記篇所載並同此實寶唱撰今釋藏有之

不知何以誤為皎法師也

法顯傳二卷

法顯行傳一卷

慧皎高僧傳釋法顯姓龔平陽武陽人有三

兄並齟齬而亡其父恐禍及顯三歲便度為

沙彌及受大戒志行明敏常慨經律舛闕誓

志尋求以晉隆安三年與同學慧景等發自

長安案其時長安為後秦姚興所據 西渡流沙經

三十餘國至中天竺得僧祇律薩婆多律雜阿比曇方等泥洹經等顯留三年學梵語梵書躬自書寫於是持經像附商舶循海而還至京師就外國禪師佛馱跋陀於道場寺譯出百餘萬言後至荊州卒於辛寺春秋八十六其游履諸國別有大傳

魏書釋老志又沙門法顯慨律藏不具自長安游天竺歷三十餘國隨有經之處譯而寫之十年乃於南海師子國隨商人汎舟東下晝夜昏迷將二百日乃至青州長廣郡不其勞山南下乃出海焉是神瑞二年也 案當晉安帝義熙十一年 法顯所經諸國傳記之今行於世亦見本志道佛篇

法苑珠林傳記篇歷游天竺記傳一卷東晉平陽沙門釋法顯撰

宋史藝文志道家釋氏類法顯傳一卷

至元法寶勘同總錄法顯傳一卷亦云歷游天竺記傳東晉沙門法顯自說游天竺事明三藏目錄兵字號法顯傳一卷

大清龍藏彙記書字號法顯傳一卷計三十四連

案是書今存一卷亦名佛國記明胡震亨刻入祕笈彙函常熟毛晉并為津逮祕書別見後地理類

梁武皇帝大捨三卷嚴嵩撰

嚴嵩始末未詳

南史梁武帝本紀大通元年初帝創同泰寺至是開大通門以對寺之南門取反語以協

同泰自是晨夕講義多由此門三月辛未幸寺捨身甲戌還宮大赦改元大通以符寺及門名 中大通元年初九月癸巳幸同泰寺設四部無遮大會上釋御服披法衣行清淨大捨以便省為房素牀瓦器乘小車私人執役甲午升講堂法座為四部大衆開涅槃經題癸卯羣臣以錢一億萬奉贖皇帝苦薩大捨僧衆默許乙巳百辟詣寺東門奉表請還臨宸極三請乃許帝三答書前後並稱頓首冬十月己酉又設四部無遮大會道俗五萬餘人會畢帝御金輅還宮御太極殿大赦改元 中大通元年三月庚戌幸同泰寺講金字三慧經仍施身 御覽釋部引梁書云捨身為奴

夏四月丙戌皇太子以下奉贖仍於同泰寺解設法會大赦改元是夜同泰寺災 御覽引梁書云寺為天火所燒略盡 太清元年三月庚子幸同泰寺設無遮大會上釋御服法衣行清淨大捨名曰羯磨以五明殿為便房設素木牀葛帳土瓦器乘小輿私人執役乘輿法服一皆屏除乙巳帝升光嚴殿講堂坐師子御覽引梁書下有座字講金字三慧經捨身夏四月庚午羣臣以錢一億萬奉贖皇帝苦薩僧衆默許戊寅百辟詣鳳莊門奉表三請三答頓首並如中大通元年故事丁亥服袈裟御輦還宮幸太極殿如即位禮大赦改元 案此所載則大通中大通中大同太清四年號皆因幸同泰寺捨身而大赦改元也 唐藝文志有道宣注羯磨二卷懸曼尼衆羯磨二卷

南史文學杜之偉傳中大通元年梁武帝幸同泰寺捨身勅勉撰儀注勉以先無此禮召之偉草具其儀 案此則捨身自中大通元年始南史本紀於大通元年亦書幸寺捨身似不然勉勉勉也 唐韓愈佛骨表有曰梁武帝在位四十八年前後三度捨身施佛宗廟之祭不用牲牢晝日一食止於菜果其後竟為侯景所逼餓死臺城國亦尋滅事佛求福乃更得禍由此觀之佛不足信亦可知矣 案此亦云前後三度捨身施佛則南史書大通元年幸寺捨身者似誤衍也蓋止於中大通中大同及太清三次耳是書分為三卷或由此册府元龜國史部采撰篇梁嚴嵩撰梁武帝大捨三卷

案本志子部雜家又有皇帝苦薩清淨大捨記三卷謝吳撰書名撰人並與此不同未詳是一是二 以上自善道開傳至此凡一十二部皆釋氏傳記之屬別為一類法顯傳以下似又從別家書目采入者是為第十三類

列仙傳贊三卷劉向撰續孫綽贊 劉向有列士傳列女傳並見前讚續未詳孫綽有至人高士傳贊亦見前 太平御覽道部仙經篇劉向列仙傳敘曰列仙傳漢光祿大夫劉向所撰也成帝時向既司典籍見上頗修神仙事遂修上古以來及三代秦漢博采諸家言神仙事 案此序似本七志敘錄

今本列仙傳總贊曰余嘗得秦大夫阮倉撰

仙圖自六代迄今七百餘人始皇好遊仙之事庶幾有獲故方士霧集祈祀彌布殆必因迹託虛寄空爲實不可信用也若周公黃錄記太白下爲王公歲星變爲寧壽公等所見非一家聖人所以不開其事者以其無常然雖有時著蓋道不可棄距而閉之尙貞正也而論語云怪力亂神其微旨可知矣 案此贊提要疑晉郭元祖撰其稱周公黃錄殆是譌緯中篇目

抱朴子論仙篇曰向本不解道術至於撰列仙傳自刪秦大夫阮倉書中出之或所親見然後記之非妄言也

又曰劉向博學則究微極妙經深涉遠思理則清澄真僞研覈有無其所撰列仙傳仙人七十有餘誠無其事妄造何爲乎遂古之事何可親見皆賴記籍傳聞於往耳列仙傳炳然其必有矣然書不出周公仲尼世人終不信多謂劉向非聖人其所撰錄不可孤據尤所以使人歎息者也向爲漢世名儒其所記述庸可棄哉 案此所云則在西晉時已多有不信是書爲劉向所撰者

又神仙傳序曰弟子滕升嘗問古之仙者豈有其人乎余答云秦阮倉所記有數百人劉向所纂七十一人

顏氏家訓書證篇列仙傳劉向所造而贊云七十四人出佛經由後人所屬非本文也 本志篇敘曰又漢時阮倉作列仙圖劉向典校經籍始作列仙列士列女之傳皆因其志向率爾而作不在正史

唐書經籍志列仙傳贊二卷劉向撰 唐書藝文志道家神仙類劉向列仙傳二卷 宋史志三卷

陳氏書錄解題列仙傳二卷漢劉向撰凡七十二人每傳有贊似非向本書西漢人文章不爾也館門書目三卷六十二人崇文總目作二卷七十二人與此合

四庫道家簡目錄曰列仙傳二卷舊本題劉向撰自赤松子至元俗凡七十一人人係一贊篇末又爲總贊全如列女傳之體然漢志載劉向六十七篇無此書疑魏晉間方士所依託故葛洪神仙傳已引之其總贊引孝經援神契亦七略不載之書疑卽隋志所謂郭元祖列仙傳贊也

又提要曰隋志載列仙傳贊三卷劉向撰續孫綽贊案續續上似脫一字蓋有續傳一卷故爲三卷也今無從校補姑仍其舊 案續是姓非名魏有秦車都尉續弘遠東人少好學問多所關涉見魏志公孫度傳此蓋續下彼一字耳

仁和孫志祖讀書勝錄曰世說文學篇注引列仙傳贊曰歷觀百家之中以相檢驗得仙者百四十六人其七十四人已在佛經故撰得七十可以多聞博識者選觀焉案撰得七十下脫二人二字蓋百四十六人除七十四人外尚有七十二人也今本止七十七人未有總贊一篇亦無出佛經之語蓋爲後人綴輯非向書之舊文選吳都賦海賦思玄賦登江中孤嶼詩注引列仙傳文又西京賦天台賦

注引列仙傳贊今本皆無之 金山錢熙祚跋曰世說注所引今列仙傳無此文又諸書所引有老萊子馬明生西王母趙麻亦無之

陽湖孫星衍平津館鑒藏記洪頤煊曰漢書郊祀志應劭注引列仙傳崔文子一條司馬相如傳應劭注引列仙傳陵陽子明一條俱與今本絕不相同世說新語規箴篇注東方朔列傳作楚人今本作平原厭次人非劉向所撰原本

嚴可均全晉文編曰孫綽有列仙傳贊三卷初學記二十三引老子贊世說輕詆篇注引商丘子贊各一條

列仙傳贊二卷劉向撰晉郭元祖贊 郭元祖始末未詳

四庫提要曰列仙傳二卷舊題劉向撰其篇末之贊今概以爲向作隋志載列仙傳三卷孫綽贊又列仙傳二卷晉郭元祖贊此本二卷較孫綽所贊少一卷又世說新語載孫綽商邱子胥贊曰所收何物殆非真豬儻遇風雲爲我龍據此本商邱子胥贊亦非此語然則此本之贊其郭元祖所撰歟

嚴可均全晉文編曰郭元祖爵里未詳有列仙傳贊二卷道藏本列仙傳載其贊凡七十一條

神仙傳十卷葛洪撰 葛洪有喪服變除見經部禮類 晉書本傳洪究覽典籍尤好神仙導養之法從祖玄吳時學道得仙號曰葛仙公以其煉

丹祕術授弟子鄭隱洪就隱學悉得其法後師事南海太守鮑玄玄亦內學逆占將來見洪深重之以女妻洪洪傳玄業所著神仙良吏隱佚集異等傳各十卷年八十一卒顏色如生體亦柔軟舉尸入棺甚輕如空衣世以爲尸解得仙云

唐書經籍志神仙傳十卷葛洪撰

唐書藝文志道家神仙類葛洪神仙傳十卷

宋史志同

四庫道家提要曰是書據洪自序蓋於抱朴子內篇既成之後因其弟子滕升問神仙有無而作所錄凡八十四人序稱秦大夫阮倉所記凡數百人劉向所撰又七十一人今復抄集古之仙者見於仙經服食方百家之書先師所說者儒所論以爲十卷又稱劉向所述殊甚簡略而自謂此傳有愈於向今考其書惟容成公彭祖二條與列仙傳重出餘皆補向所未載其中如黃帝之見廣成子盧敖之遇若士皆莊周之寓言淮南王安謀反自殺李少君病死具載史記漢書亦實無登仙洪一概濫載未免附會至謂許由巢父服箕山石流黃丹今在中岳中山若二人晉時尚存洪目觀而記之者尤爲虛誕又簡明目錄曰神仙傳十卷所錄凡八十四人證以諸書所引確爲古本

說仙傳一卷朱思祖撰

朱思祖始末未詳

案御覽道部引道書神仙家書至多獨不

見說仙傳及朱思祖名目其書久亡故兩唐志亦不錄

養性傳二卷

不著撰人

唐書經籍志養性傳二卷

唐書藝文志神仙家張湛養生要集十卷養性傳二卷

性傳二卷

案新唐志所載頗似張湛所撰惟其例凡一人有數種書同在一類者則必於其次

加一又字此無又字則又似是非非矣通

志氏族略漢有巫都著養性經范書王充傳造養性

書十六篇抱朴子遐覽篇王喬養性治身經三卷皆

神仙家此類之書

漢武內傳三卷

不著撰人

唐書經籍志漢武帝傳二卷

藝文志神仙家著錄同

宋史藝文志傳記類漢武內傳二卷不知作者

者

宋晁伯宇續談助抄本題識曰右抄世所傳

漢武內傳其言淺陋又什有五六皆增贅漢

武故事與十洲記其上卷之末有天寶五載

終南山道士王遊巖記云右從淮南王至稷

丘君凡八事附之

晁氏讀書志漢武內傳二卷不題撰人記王

母降

玉海藝文類中與書目曰漢武帝內傳二卷

載西王母事後有淮南王公孫卿稷邱君八

事乃唐終南元都道士遊巖所附也

明白雲霧道藏目錄詳注漢武內傳漢武外

傳東方朔述不著卷數

四庫提要小說家異聞類漢武帝內傳一卷

舊題漢班固撰隋志著錄二卷不著撰人宋

志亦注云不知作者此本題班固撰不知何

據殆後人因漢武故事偽題班固遂併此歸

之歟其文排偶華麗與王嘉拾遺記陶弘景

真誥體格相同考徐陵玉臺新詠序郭璞游

仙詩葛洪神仙傳張華博物志並引其文則

其書在齊梁以前其殆魏晉間文士所爲乎

此蓋明人刪竄之本非完書也

孫氏平津館鑿藏記漢武帝內傳一卷外傳

一卷皆不題作者姓名在道藏海宇號外傳

隋唐志不載唐宋類書亦無引及者洪頤煊

曰外傳卽內傳之下卷由編道藏者不知而

誤題之耳

案唐張柬之跋洞冥記云昔葛洪造漢武

內傳西京雜記案葛稚川西京雜記序末

云洪家復有漢武帝禁中起居注一卷漢

武故事二卷世人希有之者束之云云殆

因是而誤記歟

太元真人東鄉司命茅君內傳一卷弟子李遵撰

當爲東嶽上卿司命此說誤

太平御覽道部真人門茅君傳曰盈字叔申

成陽人也父祚有三子盈固衷盈少稟奇操

入恆山讀老易在山中六年後師事西城王

君積十七年專一不懈歸家復數十年以漢

元帝時天官下迎來渡江東治句山天皇大帝遣授黃金紫玉策爲太元真人東岳上卿司命神君晉興寧三年七月四日夜初降楊君家以後數數來降弟子迎候仙人李遵撰傳光顯於世 案神仙家之言大都荒誕所云天帝策封之類往往託之凡筆陶弘景眞語眞靈位業圖皆是也

南史陶弘景傳弘景止於句容之句曲山恆曰此山下是第八洞宮名金陵華陽之天周回百五十里昔漢有咸陽三茅君得道來掌此山故謂之茅山

宋張君房雲笈七籤道教經法傳授部太元真人茅君諱盈師西城王君受上清玉佩金璫二景璿璣之道以漢宣帝地節四年三月昇天又曰太元真人東嶽上卿司命眞君傳弟子中候仙人李道字安林撰 案御覽作迎候此作中候未詳又李道當是李遵之誤

唐書經籍志茅君內傳一卷
唐書藝文志神仙家李遵茅君內傳一卷又曰李遵茅三君內傳一卷茅三君當是三茅君之寫誤三茅君者盈及弟固衷三人皆以爲得仙云

宋史藝文志神仙家李遵三茅君內傳一卷
清虛真人王君內傳一卷弟子華存撰

華存別有內傳詳見於後
太平御覽道部三洞珠囊曰王褒字子登前漢王陵七世孫服青精餼飯趨步峻峯如飛鳥視見甚遠太上大道君賜王君號青虛真人案此言太上大道君者即太上老君亦即謂老子也又陶弘景登眞隱決曰清虛王真人漢元帝

時辭家入華陰山九年平帝時修行道成太上遣賜以爲太素清虛真人治王屋山南岳魏夫人師之撰傳顯於世

唐書經籍志清虛真人王君內傳一卷 藝文志神仙家同

宋書藝文志神仙家南嶽夫人清虛王君內傳一卷

清虛真人裴君內傳一卷清虛當爲清靈不著撰人

太平御覽道部眞誥曰裴元仁右扶風陽夏人也漢文帝二年始生焉裴君傳道將入室弟子鄧雲登太華山入西洞元石室中積三十二年忽見五老人賜裴君神芝之術亦號清虛真人

又裴君傳曰西元三山洞周千里西山有相連各一宮非人跡所及裴君周君分處其內唐書經籍志清虛眞君內傳一卷鄭子雲撰 眞下敝人王二字

唐書藝文志神仙家鄭雲千清虛真人裴君內傳一卷

章氏考證舊唐志題鄭子雲新志作鄭雲千十卷御覽道部引之 案此云新唐志作十卷不知何本必誤也

案雲笈七籤云清靈真人裴君傳弟子鄧雲子撰考眞靈位業圖諸眞稱號絕少重複相同者此清虛真人因前一條寫誤鄭子雲鄭雲千似皆鄧雲子之誤是傳雲笈七籤亦載之

正一真人三天法師張君內傳一卷 不著撰人

華陽國志漢中志漢末沛國張陵學道於蜀鶴鳴山造作道書自稱太清玄元以惑百姓陵死子衡傳其業衡死子魯傳其業魯字公祺以鬼道見信於益州牧劉焉

後漢書劉焉傳焉爲益州牧沛人張魯母有姿色兼挾鬼道往來焉家遂任魯以爲督義司馬遂與別部司馬張修將兵掩殺漢中太守蘇固斷絕斜谷殺使者魯既得漢中遂復殺張修而并其衆魯字公旗初祖父陵順帝時客於蜀學道鶴鳴山中造作符書以惑百姓受其道者輒出米五斗故謂之米賊 漢中志作米道亦稱五斗米道

陵傳子衡衡傳於魯魯遂自號師君其來學者初名爲鬼卒後號祭酒祭酒各領部衆衆多名曰理頭皆校以誠信不聽欺妄有病但令首過而已諸祭酒各起義舍於路同亭傳縣置米肉以給行旅食者量腹取足過多則鬼能病之犯法者先加三原然後行刑不置長吏以祭酒爲理民夷信向朝廷不能討遂就拜魯鎮夷中郎將領漢寧太守通其貢獻魯自在漢川垂三十年曹操征之魯降拜鎮南將軍封關中侯邑萬戶將還中國待以客禮封魯五子皆爲列侯魯卒諡曰原侯子富嗣案張道陵初起始未見於正史者如此

太平廣記神仙類神仙傳曰張道陵者本太學書生博通五經著作道書二十四篇

太平御覽道部上元寶經曰太清正一真人張道陵沛國人本大儒漢延光四年始學道至漢末於鳴鶴山仙官來降授以正一盟威之教化領民之法號天師別有傳行於世又真誥曰張陵字輔漢沛國豐人也本大儒晚學長生之道得九鼎丹經聞蜀中多名山乃入鳴鶴山著道書二十餘篇仙去

唐書經籍志三天法師張君內傳一卷王萇撰

唐書藝文志神仙家王萇三天法師張君內傳一卷

案王萇始末未詳考晉書王羲之傳云羲之次子凝之仕歷會稽內史王氏世事張氏五斗米道凝之彌篤孫恩之攻會稽寮佐請爲之備凝之不從方入靖室請禱出語諸將佐曰吾已請大道許鬼兵相助賊自破矣既不設備遂爲孫恩所害又王獻之傳獻之遇疾家人爲上章道家法應首過其事見前問其有何得失對曰不覺餘事惟憶與郗家離婚獻之前妻郗曇女也俄而卒於官然則此王萇殆琅邪王氏之族世奉五斗米道者真靈位業圖有三天都護王長卽其人不詳何時

太極左仙公葛君內傳一卷

不著撰人

晉書葛洪傳洪丹陽句容人從祖玄吳時學道得仙號葛仙公以其煉丹祕術授弟子鄭隱

抱朴子遐覽篇昔左慈字元放於天柱山中精思積久乃神人授以金丹仙經會漢末大亂不遑修煉而避地來渡江東志欲投名山以修斯道從祖仙公又從元放受之凡受太清丹經三卷及九鼎丹經一卷金液經一卷子師鄭君者仙公之弟子也又於從祖受之太平御覽道部神仙傳曰葛玄字孝先從左氏受九丹金液經常餌朮語弟子張奉曰當尸解去

唐書經籍志太極左仙公葛君內傳一卷呂先生注

唐書藝文志神仙家呂先生太極左仙公葛君內傳一卷

宋史藝文志神仙家吳先主孫氏太極左仙公神仙本起內傳一卷案此題吳先主孫氏豈吳大帝時敕撰者若是則唐志書呂先生皆吳先主之謬也章氏考證靈佑宮道藏目錄有太極葛仙公傳一卷

仙人馬君陰君內傳一卷

不著撰人

太平御覽道部真人傳曰馬明生者齊國臨淄人也本姓帛名和字君賢爲縣吏捕賊受傷遇太真元君與藥卽愈隨至泰山石室中太真乃授以長生之方後隨安期先生服餌仙去又真誥曰馬明生後師安期生服太清丹在世五百年漢靈帝光和中去世又神仙傳曰陰長生新野人後漢陰皇后之屬籍也少居富貴不好榮利知馬明生得度

世之術乃尋求之遂相見執御者之禮事之十餘年不懈明生曰子真得道矣乃入青城山授以太清神丹經告別後於平都山仙去又陰君自序曰漢延光五年新野山北之子受仙君神丹要訣道成去世於是寫丹經一篇付弟子使世世當有所傳又著詩三篇以示將來

唐書經籍志仙人馬君陰君內傳一卷趙昇撰

唐書藝文志神仙家趙昇等仙人馬君陰君內傳一卷

宋史藝文志神仙家馬陰二君內傳一卷案真靈位業圖有三天都護王長趙昇王長卽撰張天師傳者見前趙昇即是人也亦未詳何時

仙人許遠遊傳一卷

不著撰人

晉書王羲之傳羲之既去官與東土人士盡山水之游弋釣爲娛又與道士許邁共修服食采藥石不遠千里徧遊東中諸郡又曰羲之所與共遊者許邁邁字叔玄一名映丹陽句容人家世士族而邁恬靜不慕仕進時南海太守鮑靚案卽葛洪傳之鮑玄隱跡潛遁人莫知之邁乃往候之探其至要永和二年入臨安西山登巖茹芝矜爾自得終焉之志乃改名玄字遠遊著詩十二首論神仙之事義之造之未嘗不彌日忘歸相與爲世外之交玄遺羲之書曰自山陰南至臨安多有金

堂玉室仙人芝草左元放之徒漢末諸得道者皆在焉義之自爲之傳述靈異之跡甚多不可詳記玄自後莫測所終好道者皆謂之羽化矣

唐書經籍志許先生傳二卷王羲之撰

唐書藝文志神仙人家王羲之許先生傳一卷

宋史藝文志神仙人家許邁傳一卷

章氏考證藝文類聚太平御覽並引許邁別傳唐志有王羲之許先生傳一卷

靈人辛亥子自序一卷

陶弘景真誥幽微篇辛元子自敘元子字延期隴西定谷人漢明帝諫議大夫上洛雲中趙國三郡太守辛隱之子元子少好道遵奉法戒至心苦行享年不永沒命於長梁之津西王母見我苦行鄴都北帝愍我道心告勅司命傳檄三官攝取形骸還魂復真使我願胎位爲靈神於今二百餘年矣

唐書經籍志靈人辛亥子自序一卷辛亥子撰

唐書藝文志神仙人家靈人辛亥子自序一卷

案此自序不知何時何人從亂筆錄存者

陶隱居嘗節取入真誥題記其後云辛亥子所言說冥中事亦多矣今粗書羸者耳

不復一一具說案所載元子自敘并詩凡十則

劉君內記一卷王珍撰

後漢書方術傳劉根者潁川人也隱居嵩山中諸好事自遠而至就根學道太守史所以

根爲妖妄收執詣郡云云

葛洪神仙傳劉根者字君安京兆長安人也

少明五經漢成帝綏和二年舉孝廉除郎中

後棄世學道入嵩高山石室王莽時頻使使

請根根不肯往衛府君使府掾王珍問起居

珍數得見請問根學仙時本末根乃教珍守

一行氣存神等法根後入雞頭山仙去

通志藝文略道家傳記類劉真人內傳一卷

漢王珍遇劉根事又劉君內記一卷王珍賢

撰案此自是重出又衍賢字

候康補後漢書藝文志曰劉根別傳類聚御

覽屢引之皆神仙人家言本傳不載本傳稱太

守史祁以根爲妖妄別傳則載太守高府君

從根求消除疫氣之術蓋在史前也

陸先生傳一卷孔稚珪撰

南齊書本傳稚珪字德璋會稽山陰人也仕

宋入齊歷都官尙書太子詹事加散騎常侍

永元三年卒年五十五

太平御覽道部三洞珠囊曰陸元德吳興東

遷人宋文帝召入內服膺尊異時太后王氏

雅信黃老降母后之尊執門徒之禮

道學傳
云陸修靜字元德

蓮社高賢傳陸修靜吳興人早爲道士置館

廬山時遠法師居東林其處流泉匝寺下入

於溪每送客過此輒有虎號鳴因名虎溪後

送客未嘗過獨陶淵明與修靜至語道契合

不覺過溪因相與大笑世傳爲三笑圖宋泰

始三年羽化於京師賜諡簡寂以故居爲觀

雲笈七籤宋廬山簡寂先生諱修靜以元

徽五年三月二日潛化有詔諡曰簡寂先生

門人得道者孫游嶽李果之最著後孔德璋

與果之書論先生云先生道冠中都化流東

國帝王稟其規人靈宗其教而委世潛化游

景上元微言既絕大法將謝法師稟神定之

資居入室之品學悟之美門徒所歸宜其整

緝遺蹤提綱振紀光先師之餘化纂妙道之

遺風可以導引末俗開曉後途者矣

闕里文獻孔氏著述考自劉向作列仙傳由

是志奇好異之士往往作爲傳記先聖二十

九代孫齊散騎常侍稚珪有陸先生傳一卷

案稚珪父靈產事道精篤吉日於靜室四

向朝拜涕泗滂沱東出過錢塘北郭輒於

舟中遙拜杜子恭墓南史隱逸杜京產傳京產

高祖子恭以世傳五斗米道不替又晉書孫恩傳

恩父泰世奉五斗米道師事錢唐杜子恭子恭有祕

術神效云

又稚珪從褚伯玉受道法見南齊書高逸

傳蓋其家亦與王氏世事道者故爲陸修

靜作傳雲笈七籤載簡寂陸先生傳其即

是傳歟

以上自劉向列仙傳至此凡一十六部爲

一起

列仙讚序一卷郭元祖撰

郭元祖有列仙傳贊見前

案此一卷當是前二卷之序目亦或在前二卷中以書名卷數稍不同遂又別出其

目

集仙傳十卷

不著撰人

宋洪邁容齋五筆曰集仙傳所載神女成公智瓊傳見於太平廣記者蓋晉張敏之作也蓋後人取張敏是作入集仙傳而太平廣記引之

章氏考證集仙傳太平廣記引之

案其書采張敏文則在西晉之後南史江祿字彥遐濟陽考城人篤學有文章梁時為唐侯相卒撰列仙傳十卷行於世疑卽是書偶傳譌爲集仙傳歟

洞仙傳十卷

不著撰人

唐書經籍志洞仙傳十卷見素子撰唐書藝文志神仙家見素子洞仙傳十卷宋史神仙家同

章氏考證洞仙傳太平廣記引之

王喬傳一卷

不著撰人

後漢書方術傳王喬河東人顯宗世爲葉令有神術或云此卽古仙人王子喬也注引劉向列仙傳曰王子喬周靈王太子晉也好吹笙作鳳鳴游伊洛間道士浮邱公接上嵩山三十餘年後來於山上告桓良曰告我家七月七日待我緱氏山頭果乘白鶴駐山巔望之不得到舉手謝時人而去

史通雜說篇曰案應劭風俗通載楚有葉君祠卽葉公諸梁廟也而俗云孝明帝時有河

東王喬爲葉令嘗飛鳧入朝及干寶搜神記乃隱應氏所通而收流俗怪說既而未求漢事旁取令升之書簡編一定膠漆不移遂令俗之學者說鳧履登朝則云漢書舊記遮彼虛詞成茲實錄語云三人成市虎斯言其得之者乎又曰馬遷持論稱堯世無許由應劭著錄云漢代無王喬其言讞矣

唐書經籍志王喬傳一卷新志神仙家著錄同章氏考證御覽時序部漢永和元年十二月夜王喬墓上采薪者見人衣冠曰我王喬也汝莫取我墓樹忽不見此稱蔡邕王喬錄侯康補後漢書藝文志御覽卷三十三引蔡邕王喬錄

案蔡中郎集有王子喬碑御覽所引卽碑文中語而稱爲錄或別有記錄歟碑略謂潁川城外有王氏墓紹胤不繼荒而不祀歷載彌年莫之能紀永和元年當臘之夜附居者王伯聞墓上有哭聲甚哀明見大鳥跡在祭祀處咸以爲神後有大冠絳衣杖竹策立冢前呼樵孺子尹永昌曰我王子喬也爾勿復取吾墓前樹忽不見時令泰山萬熹爲造廟近遠祈禱獲祚延熹八年秋八月遣使者致祀國相東萊王璋與長史邊乾樹石紀頌而中郎爲之辭於是王喬遂有墓有祠有碑頌并有此傳記行於世然與范書所載明帝時葉令飛鳧實各爲一事續漢郡國志南陽郡葉縣注皇覽曰縣西北去城三里葉公諸梁冢近縣祠之曰葉君卽後

人傳會其說合爲一事故史通別辨白之章侯兩家以蔡氏王喬錄卽是傳或當然然亦竊疑後人取列仙傳搜神記蔡氏碑范氏傳諸說彙次成編焉

關令內傳一卷鬼谷先生撰鬼谷先生有鬼谷子別見子部從橫家漢書藝文志道家關尹子名喜爲關吏老子過關喜去吏而從之

劉向列仙傳關令尹喜者周大夫也善內學星宿服精華隱德行仁時人莫知老子西遊喜先見其氣知真人當過候物色而跡之果得老子老子亦知其奇爲著書與老子俱至流沙之西服巨勝實莫知其所終亦著書九篇名關令子唐書經籍志關令尹喜傳一卷鬼谷先生撰四皓注

唐書藝文志神仙家鬼谷先生關令尹喜傳一卷四皓注案四皓見漢書張良傳此與鬼谷先生皆無識道流託以爲重尤誕妄可笑者

南嶽夫人內傳一卷不著撰人太平御覽道部南岳魏夫人傳曰夫人姓魏諱華存字賢安任城人晉司徒文康公魏舒女也少讀老莊春秋三傳五經百子事常別居一園獨立閑處服餌胡麻父母偪之強適太保公掾南陽劉幼彥疇昔之志存而不虧後幼彥爲修武令隨之縣舍閑齋別寢守靜

後幼彥爲修武令隨之縣舍閑齋別寢守靜

日進在世八十三年以晉成帝咸和九年託形劍化又內傳云晉成帝時服金屑得道

又真誥曰南岳魏夫人以成帝咸和九年稱疾隱化位為紫虛元君領上真司命南岳夫人與寧中降楊君自此後數數來降也王清

虛令弟子范逸作內傳顯於世案此並是凡筆中語與寧中以下云云則陶隱居之詞王清虛令弟子云云亦是凡語

又葛洪神仙傳中候上仙范逸字度世舊名冰服虹景丹得道撰魏夫人傳

唐書經籍志紫虛元君南岳夫人內傳一卷范逸撰

唐書藝文志神仙家范逸紫虛元君南岳夫人內傳一卷

蘇君記一卷周季通撰

太平御覽道部蘇林傳曰林字子元濮陽曲水人也父秀合德隱居於恆山林少稟異操至趙師琴高先生授煉氣益命之道又師華山仇先生授還神之術曰子真人也當學真道乃致林於涓子

又葛洪神仙傳曰蘇仙公名林字子元周武王時人也少孤以仁孝聞居貧常自牧牛得道

陶弘景真靈位業圖玄洲上卿太極中候大夫蘇君名林字子玄涓子弟子周君師案此云周君師者即周季通也

雲笈七籤道教經法傳授部玄洲上卿蘇君諱林師涓子受上清三一之法以漢宣帝神

爵二年三月六日登天

又御覽道部周君內傳曰紫陽真人周義山字季通汝陰人也漢丞相勃七世孫父遂陳留內史君年十六隨浚在郡為人沈重喜怒不形好獨坐靜處精思微密

唐書經籍志蘇君記一卷周季通撰

唐書藝文志神仙家周季通蘇君記一卷

宋史藝文志神仙家周季通玄洲上卿蘇君記一卷

通志藝文略玄洲上卿蘇君記一卷漢周季通撰又曰周義山後漢人居紫陽山

案是傳雲笈七籤中載之亦見道藏目錄

嵩高寇天師傳一卷

不著撰人

魏書釋老志世祖時道士寇謙之字輔真南雍州刺史讚之弟自云寇恂之十三世孫早好仙道有絕俗之心少修張魯之術後遇仙人成公興守志嵩岳精專不懈以神瑞二年十月乙卯忽遇大神集止山頂稱太上老君授以天師之位賜以雲中音誦新科之誠二十卷令宜新科清整道教除去三張偽法租米錢稅及男女合氣之術大道清虛豈有斯事專以禮度為首而加之服食閉練授謙之服氣導引口訣之法遂得辟穀氣盛體輕顏色殊麗弟子十餘人皆得其術始光初奉其書而獻之崔浩獨異其言因師事之受其法術上疏贊明其事於是世祖崇奉天師宣揚新法宣布天下道業大行太平真君九年謙

之卒葬以道士之禮諸弟子以為尸解變化而去不死也案此言三張偽法者謂張陵張衡張魯也三張之始託太上老君以為之說謙之自願其教欲變其法乃亦託太上老君之言當時君相不以為妄反尊信而祇奉之亦可怪矣

唐書經籍志嵩高少室寇天師傳三卷宋都能撰

唐書藝文志神仙家宋都能嵩高少室寇天師傳三卷

華陽子自序一卷

華陽子梁陶弘景自號有毛詩序注見經部詩類

唐書經籍志華陽子自序一卷茅墟女撰一本作虞

唐書藝文志神仙家華陽子自序一卷茅墟玄案茅墟玄始末未詳新唐志類從於辛亥子自序之次疑亦得之於皀筆處玄錄以成編

太上真人內記一卷李氏撰

李氏不知何人

案太上真人即所謂太上老君也亦即老子太史公有列傳此與辛亥子自序華陽子自序皆似降皀所語李氏錄以為記其苗裔也

道學傳二十卷

不著撰人

陳書馬樞傳樞為梁邵陵王綸學士遇侯景

第三三九頁

五三七

之亂紛舉兵援臺乃留書二萬卷以付樞樞肆志尋覽殆將周遍乃喟然歎曰此求志之士望塗而息豈天之不惠高尙何山林之無聞甚乎乃隱於茅山有終焉之志撰道覺論二十卷行於世

唐書經籍志學道傳二十卷馬樞撰

唐書藝文志神仙家馬樞學道傳二十卷

章氏考證太平御覽人事部道部引道學傳共數十事文選江文通雜詩注初學記道釋部亦引之

案本傳載道覺論二十卷蓋即此書或道

學轉寫誤以為覺耳樞別有邇儀四卷詳

見前儀注篇

以上自郭元祖列仙贊序至此凡十一部為一起前一起從一家目錄中纂入此又別從一家目錄續入也前後兩起綜二十七部皆神仙家傳記之屬唐經籍志目之曰仙靈是為第十四類其中如辛玄子自序南岳夫人內傳華陽子自序太上真人內記凡錄自亂

筆者實為鬼神之屬當與後周子良冥通記靈鬼志

鬼神列傳之類為伍

宣驗記三十卷劉義慶撰一本作十三卷

劉義慶有徐州先賢傳見前

章氏考證太平御覽及廣記並引宣驗記宣或作冥初學記藝文類聚鳥部引鸚鵡救火天神嘉感一事與御覽羽族部同

應驗記一卷宋光祿大夫傅亮撰

宋書本傳亮字季友北地靈州人也祖咸司

隸校尉亮仕晉為中書黃門侍郎宋國初建

除侍中中書令高祖有受禪意而難於發言

乃集朝臣燕飲從容言曰桓玄篡鼎命已

移我首唱大義復興皇室南征北伐平定四

海功成業著遂荷九錫今年將衰暮崇極如

此物戒盛滿非可久安今欲奉還爵位歸老

京師羣臣惟盛稱功德莫曉此意日晚坐散

亮還外乃悟旨而宮門已閉亮於是叩屏請

見高祖即開門見之亮入便曰臣暫宜還都

高祖達解此意無復他言直云須幾人自送

亮曰須數十人便足於是即便奉辭亮即出

已夜見長星竟天亮拊髀曰我常不信天文

今始驗矣至都即徵高祖入輔時宋祖為宋王

都壽陽宋紀元熙二年四月徵王入輔六月至京師晉帝

禪位於王永初元年以佐命功封建城縣公食

邑二千戶太祖登降加散騎常侍左光祿大

夫元嘉三年收付廷尉伏誅時年五十三

案傅亮為宋武佐命後以與徐羨之謝晦

行廢立殺少帝為文帝所誅此應驗記一

卷似即其夜見長星而作當時用以勸進

者歟

冥祥記十卷王琰撰

王琰有宋春秋見前古史類

法苑珠林敬佛篇太原王琰者年在幼稚於交阯賢法師所受五戒以觀音金像令供養遂奉還揚都寄南潤寺琰晝寢夢像立於坐隅意甚異之即馳還還其夕南潤失像十餘盜毀鑄錢至宋大明七年秋夕放光照三尺

許合家目覩後以此像寄多寶寺琰適荆楚

垂將十載嚴氏南齊文編王僧虔為王琰乞郡啓云

太子舍人王琰在職三載蒙贊仰希江郭所統小郡不

知像處及還揚都夢在殿東衆小像內的的

分明詰旦造寺如夢便獲時齊建元元年也

故琰冥祥記自序云此像常自供養庶必永

作津梁循復其事有感深懷沿此微覲綴成

斯記云

又傳記篇冥祥記一部十卷齊王琰撰

唐書經籍志冥祥記十卷王琰撰

唐書藝文志子部小說家王琰冥祥記十卷

章氏考證太平廣記多引冥祥記御覽兵部

蟲豸部亦各引一事

案法苑珠林引冥祥記凡一百二十餘篇

其書言因果靈異故道世摭據特多

列異傳三卷魏文帝撰

魏志本紀帝諱丕字子桓武帝太子也中平

四年冬生於譙建安十六年為五官中郎將

副丞相二十二年立為魏太子太祖崩嗣位

為丞相魏王改建安二十五年為延康元年

十一月受禪改元黃初七年五月崩年四十一

本志篇敘曰魏文帝作列異傳以序鬼物奇

怪之事相繼而作者甚衆

章氏考證後漢書光武紀注初學記服食部

並引魏文帝列異傳他書所引多不著魏文

名魏志華歆傳注引歆為諸生寄宿事臣松

之案晉陽秋魏舒少時寄宿事亦如之

侯康補三國藝文志裴注三國志凡兩引此

書華歆傳引一條記歆自知當爲公蔣濟傳引一條記濟亡兒爲泰山錄事惟濟於齊王時始徙領軍將軍而書中已有濟爲領軍之語則非出自文帝又御覽卷七百七引一條

景初時事卷八百八十四引一條甘露時事皆在文帝後豈後人又有增益耶又據史記封禪書索隱引一條記秦穆公獲陳寶水經渭水注後漢書光武紀注引一條記秦文公時梓樹化爲牛則所載不獨時事也

案唐經籍志有列異傳三卷張華撰藝文志小說家有張華列異傳一卷意張華續文帝書而後人合之御覽所引文帝後事當出張華初學記果木部引文帝列異傳言袁本初時事則實出文帝

感應傳八卷王延秀撰

宋書何尚之傳元嘉十三年尚之爲丹陽尹立宅南郭外置玄學聚生徒太原王延秀等並慕道來游謂之南學

慧皎高僧傳序曰太原王延秀撰感應傳嚴可均全宋文編曰王延秀太原人泰始中爲祠部郎宋書禮志有重議郊祀明堂應告廟議各一篇

本志子部雜家感應傳八卷晉尙書郎王延秀撰案梁書傅昭傳太原王延秀薦昭於丹陽尹袁粲則延秀宋季尙存此晉當爲宋兩唐志雜史類有王延秀史要二十八卷

唐書經籍志感應傳八卷王延秀撰

唐書藝文志小說家王延秀感應傳八卷

古異傳三卷宋永嘉太守袁王壽撰

袁王壽始末未詳

唐書經籍志石異傳三卷袁仁壽撰一本作右異傳袁王壽撰

唐書藝文志小說家袁王壽古異傳三卷册府元龜國史部采撰篇袁生壽撰古異傳三卷

案唐經籍志及册府元龜所載書名撰人各不同未詳孰是魏晉皆有石異之事詳見子部五行家或近似之

甄異傳三卷晉西戎主簿戴祚撰

唐封演聞見記載祚江東人晉末從劉裕西征姚泓

唐書經籍志甄異傳三卷戴異撰此作戴異撰唐書藝文志小說家戴祚甄異傳三卷

章氏考證曰隋志地理類有戴延之西征記二卷又有戴祚西征記一卷唐志惟有戴祚無延之據封氏聞見記言祚晉末從劉裕西征姚泓水經洛水注言延之從劉武王西征是祚與延之本一人祚乃其名而以字行太平御覽地部服用部疾病部器物部木部果部太平廣記夢類並引甄異傳藝文類聚樂部果部御覽服用部妖異部並引作甄異記

案晉書職官志武帝置西戎校尉於長安宋書百官志西戎校尉晉初置長安帝義熙中又置治中據此所題則治中之下又有主簿蓋宋武既克長安以祚留爲西戎校尉府主簿宋書廬陵王義真傳義真

初封桂陽縣公從征進長安及高祖東還留義真行都督雍涼秦三州之河東平陽河北三郡諸軍事安西將軍領護西戎校尉雍州刺史即其府主也

述異記十卷祖沖之撰

南齊書文學傳祖沖之字文遠范陽薊人也少稽古有機思宋孝武使直華林學省解褐南徐州從事公府參軍婁縣令謁者僕射入齊轉長水校尉永元二年卒年七十二

唐書經籍志述異記十卷祖沖之撰

唐書藝文志小說家祖沖之述異記十卷章氏考證初學記人部武功部御覽人事部並引祖沖之述異記案任昉亦有述異記故諸書所引不著名祖沖之者不采入

異苑十卷宋給事劉敬叔撰

宋史五行志晉安帝義熙七年晉朝拜授劉毅世子毅以王命之重當設饗宴親吏佐臨視至日國僚不重白默拜於廡中人將反命毅方知大以爲恨免郎中令劉敬叔官

史通雜述篇陰陽爲炭造化爲工流形賦象於何不有求其怪物有廣異聞若祖台志怪干寶搜神劉義慶幽明劉敬叔異苑此之謂雜記者也

四庫提要小說家異苑十卷宋劉敬叔撰敬叔宋書南史俱無傳明胡震亨始采諸書補作之稱敬叔彭城人起家中兵參軍元嘉三年爲給事黃門郎太始中卒又稱嘗爲劉毅郎中令以事忤毅爲所奏免官今案書中自

初封桂陽縣公從征進長安及高祖東還留義真行都督雍涼秦三州之河東平陽河北三郡諸軍事安西將軍領護西戎校尉雍州刺史即其府主也

述異記十卷祖沖之撰

南齊書文學傳祖沖之字文遠范陽薊人也少稽古有機思宋孝武使直華林學省解褐南徐州從事公府參軍婁縣令謁者僕射入齊轉長水校尉永元二年卒年七十二

唐書經籍志述異記十卷祖沖之撰

唐書藝文志小說家祖沖之述異記十卷章氏考證初學記人部武功部御覽人事部並引祖沖之述異記案任昉亦有述異記故諸書所引不著名祖沖之者不采入

異苑十卷宋給事劉敬叔撰

宋史五行志晉安帝義熙七年晉朝拜授劉毅世子毅以王命之重當設饗宴親吏佐臨視至日國僚不重白默拜於廡中人將反命毅方知大以爲恨免郎中令劉敬叔官

史通雜述篇陰陽爲炭造化爲工流形賦象於何不有求其怪物有廣異聞若祖台志怪干寶搜神劉義慶幽明劉敬叔異苑此之謂雜記者也

四庫提要小說家異苑十卷宋劉敬叔撰敬叔宋書南史俱無傳明胡震亨始采諸書補作之稱敬叔彭城人起家中兵參軍元嘉三年爲給事黃門郎太始中卒又稱嘗爲劉毅郎中令以事忤毅爲所奏免官今案書中自

初封桂陽縣公從征進長安及高祖東還留義真行都督雍涼秦三州之河東平陽河北三郡諸軍事安西將軍領護西戎校尉雍州刺史即其府主也

述異記十卷祖沖之撰

稱義熙十三年余爲長沙景王驃騎參軍以宋書長沙景王道憐傳考之時方以驃騎將軍領荊州刺史與敬叔所記相合而震亨傳中未之及則偶疏也其書皆言神怪之事卷數與隋志合史通謂晉書載武庫火漢高祖斬蛇劍穿屋飛去乃據此書載入亦復相合惟中間太平御覽所引傳承亡俄一條此本失載又稱宋高祖爲宋武帝裕直舉其國號名諱亦不似當時臣子之詞疑已有所佚脫竄亂然核其大致尙爲完整且其詞旨簡澹無小說家猥瑣之習斷非六朝已後所能作故唐人多所引用其有裨於考證亦不少矣又簡明目錄曰所記皆神怪之事遺詞簡古而意態具足不類唐人小說之冗沓

案此與續異苑兩唐志宋志皆不見而此有傳本乃胡震亨刊入祕冊彙函者今在津逮祕書中卷末題記謂從書賈得宋紙舊抄本與友人姚叔祥等參互考訂成善本云

續異苑十卷

不著撰人

搜神記三十卷干寶撰

干寶有周易注見經部易類

晉書本傳寶父先有所寵侍婢母甚妬忌及父亡母乃生推婢於墓中寶兄弟年小不之審也後十餘年母喪開墓而婢伏棺如生載還經日乃蘇言其父常取飲食與之恩情如生在家中吉凶輒語之考校悉驗地中亦不

覺爲惡既而嫁之生子又寶兄嘗病氣絕積日不冷後遂寤云見天地間鬼神如夢覺不自知死寶以此遂撰集古今神祇靈異人物變化名爲搜神記凡二十卷以示劉惔惔曰卿可謂鬼之董狐寶既博采異同疑爲闕字遂混虛實因作序以陳其志云

太平御覽文部著書篇晉書曰干寶表曰臣前聊欲略記古今怪異非常之事會聚散逸使同一貫博訪知之者片紙殘缺事事各畢唐書經籍志搜神記三十卷干寶撰

唐書藝文志小說家干寶搜神記三十卷宋史藝文志小說家干寶搜神總記十卷四庫小說家提要曰此本爲胡震亨祕冊彙函所刻然胡應麟甲乙剩言曰姚叔祥見余家藏書目中有干寶搜神記大駭曰果有是書乎余應之曰此不過從法苑御覽藝文初學書抄諸書中錄出耳豈從金函石匱幽巖土窟掘得耶大抵後出異書皆此類也斯言允矣

又簡明目錄曰搜神記二十卷舊題晉干寶撰證以古書所引或有或無其第六第七卷乃全鈔續漢書五行志一字不更殆亦出於依託然猶爲多見古書之人聯綴舊文傳以他說故核其體例儼然唐以前書非諦審詳稽不能知其僞也

案本傳云二十卷本志及唐志皆三十卷疑連後記在內故唐志不別出後記也宋志總記十卷則其爲合并抄節可知自崇

文目晁志陳錄馬考皆不載是書故姚叔祥見而駭之也

搜神後記十卷陶潛撰

南史隱逸傳陶潛字淵明或云字深明名元亮尋陽柴桑人晉大司馬侃之曾孫也少有高趣宅邊有五柳樹故嘗著五柳先生傳時人謂之實錄親老家貧起爲州祭酒彭澤令解印綬去職賦歸去來以遂其志義熙末徵爲著作佐郎不就元嘉四年卒世號靖節先生

梁釋慧皎高僧傳序有曰宋臨川康王義慶宣驗記及幽明錄太原王琰冥祥記太原王延秀感應傳朱君台徵應傳陶淵明搜神錄並傍出諸僧敘其風素而皆是附見亟多疏闊又卷末附載王曼穎書云掘出君台之記錄在元亮之說則梁人相傳皆以爲陶淵明書矣

唐日本國見在書目搜神後記十卷陶潛撰四庫提要小說家搜神後記十卷舊題晉陶潛撰中記桃花源事一條全錄本集所載詩序惟增注漁人姓黃名道真七字又載干寶父婢事亦全錄晉書刪掇之跡顯然可見又潛卒於元嘉四年而此有十四十六兩年事陶集以干支代年號而此書題永初元嘉其爲僞託固不待辨然其書文詞古雅非唐以後人所能隋志已稱陶潛則贗撰嫁名其來已久又陸羽茶經引一條封演聞見記引兩條亦與此本所載相合知今所傳刻猶古本矣其中丁令威化鶴阿香雷車諸事唐宋詞

人並遞相援引承用至今題陶潛撰者固妄要不可謂非六代遺書也

靈鬼志三卷荀氏撰

荀氏不詳何人

唐書經籍志靈鬼志三卷荀氏撰

唐書藝文志小說家荀氏靈鬼志二卷 一本仍作三卷

仍作三卷

章氏考證世說方正篇容止篇傷傷篇忿狷篇注並引靈鬼志謠徵似謠徵乃志中分篇

御覽兵部人事部方術部疾病部雜物部獸部所引靈鬼志皆記怪異惟兵部及藝文類

聚軍器部北堂書鈔武功部引關中歌陳安曰隴上健兒字陳安面狹頭細腹中寬丈八

蛇矛左右盤此與志鬼不類 案此所引非其全文故不類 又法苑珠林兇術篇救厄篇病苦篇引靈鬼

志各一事

志怪二卷祖台之撰

晉書王國寶傳國寶素驕貴使酒怒尙書左丞祖台之攘袂大呼以盤饜樂器擲台之台

之不敢言爲御史中丞褚粲所彈詔以國寶縱肆情性甚不可長台之懦弱非監司體並

坐免官台之字元辰范陽人也官至侍中光祿大夫撰志怪書行於世

唐書經籍志志怪四卷祖台之撰

唐書藝文志小說家祖台之志怪四卷

案法苑珠林忠孝篇引祖台之志怪一事

又蟲寓篇邪淫篇引志怪傳二事病苦篇

引志怪集一事

志怪四卷孔氏撰

孔氏不詳何人

唐書經籍志志怪又四卷本注云孔氏撰

唐書藝文志小說家孔氏志怪四卷

章氏考證文苑英華顧況戴氏廣異記序稱

孔慎言神怪志世說方正篇巧藝篇排調篇

自新篇注初學記州郡部鳥部藝文類聚木

部太平御覽鱗介部並引孔氏志怪不著慎

言名

神錄五卷劉之遴撰

梁書本傳之遴字思貞南陽涅陽人也父虬

齊國子博士之遴起家寧朔主簿歷南郡太

守太府卿都官尙書太常卿太清二年侯景

亂之遴避難還鄉未至卒於夏口年七十二

唐書經籍志神錄五卷劉之道撰此作之道誤

唐書藝文志小說家劉之遴神錄五卷

齊諧記七卷宋散騎侍郎東陽無疑撰

廣韻東字注宋有員外郎東陽無疑撰齊諧

記七卷

古今姓氏書辨證元和姓纂云祖氏家傳祖

崇之娶東陽元旋女又宋員外郎東陽無疑

撰齊諧記十卷

唐書經籍志齊諧記七卷東陽無疑撰

唐書藝文志小說家東陽無疑齊諧記七卷

馬國翰輯本序曰東陽無疑不詳何人其書

名取莊子齊諧志怪之語所記皆神異事隋

志入雜傳唐志入小說並七卷今佚采輯成

帙考梁吳均有續齊諧記一卷以東陽先有

此書故吳記言續焉 按章氏考證謂此書今存未喻也

續齊諧記一卷吳均撰

吳均有齊春秋見前古史類

唐日本國見在書目續齊諧記三卷吳均撰

唐書經籍志續齊諧記一卷吳均撰

唐書藝文志小說家吳均續齊諧記一卷 諸本多誤作吳筠

本多誤作吳筠

崇文總目小說家續齊諧記三卷吳均撰

陳氏書錄小說家續齊諧記一卷梁奉朝請

吳均撰齊諧志怪本莊子語也唐志又有東

陽無疑齊諧志今不傳此書殆續之者歟

四庫小說家提要曰是書隋志著錄杜公瞻

荆楚歲時記注歐陽詢藝文類聚已引其文

隋志雜傳類均書之前有宋東陽無疑齊諧

記七卷均續其書所記皆神怪之事然李善

注文選章詢劉禹錫嘉話張彥遠歷代名畫

記皆引之是在唐時已援爲典據亦小說之

表表者矣惟劉阮天台一事徐子光注李潛

蒙求引續齊諧記之文述其始末甚備而今

本無此條豈原書久佚後人於太平廣記內

鈔合成編故偶有遺漏歟

又簡明目錄曰此書卷帙不多而所載異聞

恆爲唐人引用

幽明錄二十卷劉義慶撰

劉義慶有徐州先賢傳宣驗記並見前

唐書經籍志幽明錄三十卷劉義慶撰

唐書藝文志小說家劉義慶幽明錄三十卷

章氏考證此書見引甚多幽明或作幽冥史

通言唐修晉書多取幽明錄今考太平御覽

所引如人事部石勒問佛圖澄撥劉曜兆謝

安石夢乘桓溫輿行見白雞而止魏武帝夢

三馬其一槽王茂宏夢人以百萬錢買大兒

長豫此類皆晉書所取資唐志三十卷入子

部小說

補續冥祥記一卷王曼穎撰

梁書南平王偉傳偉太祖第八子也初封建

安郡王性多恩惠尤感窮乏太原王曼穎卒

家貧無以殯殮友人江革往哭之其妻兒對

革號訴革曰建安王當知必為營埋言未訖

而偉使至給其喪事得周濟焉

梁釋慧皎與王曼穎書曰一日以所撰高僧

傳相簡意存鍼艾擅越既學兼孔釋解貫玄

儒抽入綴藻內外淹勃披覽餘暇脫助詳閱

故忘鄙俚用簡龍門今以所著讀論十科重

以相簡如有紕謬請備勘酌

案慧皎與曼穎往還書見高僧傳未知其與皎法師相契為參訂其高僧傳

其卒時江革猶稱建安則在天監十七年改封南平之前

蓋梁初積學之士過世無悶者歟

唐書經籍志續冥祥記十一卷王曼撰

此敘穎字

唐書藝文志小說家王曼穎續冥祥記十一

卷

案王瑛先有冥祥記十卷此補續其書唐

志殆合為一編故十一卷瑛亦太原人仕

梁為吳興令曼穎固同族亦同時人也法

苑珠林亦數引之

漢武洞冥記一卷郭氏撰

郭氏不詳何人

唐日本國見在書目漢武洞冥記四卷郭子

橫撰

唐書經籍志漢別國洞冥記四卷郭憲撰

武字

唐書藝文志神仙家郭憲漢武帝別國洞冥

記四卷

宋史藝文志郭憲洞冥記四卷又小說家漢

武帝洞冥記四卷東漢郭憲撰

崇文總目漢武帝列國洞冥記一卷

不著撰人

宋晁載之續談助抄本題記曰右抄郭子橫

所撰漢武洞冥記子橫之論以為漢武明雋

特異之主東方朔因滑稽誕誕以匡諫洞心

於道教使冥跡之與昭然顯著故撰記名之

洞冥而張柬之言隨其父在江南拜父友孫

義強李知續二公言似非子橫所撰其父乃

言後梁尚書蔡天寶當是天寶

與岳陽王啓稱湘東昔造洞冥記一卷即洞冥記梁元帝

時所作其後上官儀應詔詩中用影娥池學

士時無知者祭酒彭陽公令狐德棻召東之

等十餘人問此出何書東之對在江南見洞

冥記云漢武穿影娥池於望鶴臺西於是天

下學徒無不繕寫而尋劉歆阮籍七錄

案此阮孝緒誤為阮籍

了無題目貞觀中撰文思博

要藝文類聚紫臺丹笥之祕罔不成集亦無

采摭則此書偽起江左行於永禎明矣

案永禎當是永徽之誤

案東之所稱湘東所造洞冥

記一卷而此分為四然則此書亦未知定何

人所撰也

案是書舊本有唐張柬之跋晁伯宇所引即其文也伯宇公武從父有封邱集見晁志

晁氏讀書志漢武洞冥記五卷後漢郭憲子

橫撰其序言漢武明雋特異之主東方朔因

滑稽浮誕以匡諫洞心於道教使冥跡之與

昭然顯著故曰洞冥

陳氏書錄小說家洞冥記四卷拾遺一卷東

漢光祿大夫郭憲子橫撰題漢武別國洞冥

記其別錄又於御覽中抄出然則四卷亦非

全書也唐藝文入神仙家

此言別錄即拾遺也

四庫提要小說家漢武洞冥記四卷舊本題

後漢郭憲撰憲字子橫汝南宋人官至光祿

勳事蹟具後漢書方術傳是書隋志止一卷

唐志始作四卷文獻通考有拾遺一卷晁公

武引憲自序今憲序與拾遺俱已佚惟存此

四卷核以諸書所引皆相符合蓋猶舊本考

范史載憲初以不臣王莽至焚其所賜之衣

逃匿海濱後以直諫忤光武帝時有闕東航

航郭子橫之語蓋亦剛正忠直之士徒以灑

酒救火一事遂抑之方術傳中其事之有無

已不可定至於此書所載皆怪誕不根之談

又詞句縟豔亦迥異東京或六朝人依託為

之然所言影娥池事唐上官儀用以入詩時

稱博洽後代文人詞賦引用尤多蓋以字句

妍華足供采摭至今不廢良以是耳

又簡明目錄曰是猶唐以前之偽書

案本志一卷但云郭氏後世神仙家必欲附託漢人何不直云與漢武東方朔同時之郭舍人乎爾乃託之東漢郭憲殊為不倫 又南史顧野王傳野王撰續洞冥記一卷今本四卷中容或有顧氏所續者

嘉瑞記三卷陸瓊撰

陸瓊有陳書見前正史類

南史本傳初瓊父雲公奉梁武勅撰嘉瑞記瓊述其旨而續焉自永定訖於至德勒成一家之言案自永定下云云似謂其所作陳書四十二卷非謂此書南史此處似有敘誤 沈約符瑞志自古載至宋末其齊梁二代之嘉瑞缺如也瓊所續殆即續此二代歟

祥瑞記三卷

不著撰人

案舊新唐志雜家有顧野王祥瑞圖十卷疑即是書而不具其圖者 又疑此為齊書祥瑞志之所本在蘇偏庚溫二家之外者或亦出於沈隱侯為符瑞之餘

符瑞記十卷許善心撰

許善心有梁史見前正史類

案舊新唐志雜家有許善心皇隋瑞文十四卷疑即是書

靈異錄十卷

不著撰人

案此疑即許善心靈異之別本詳見後方

靈異記十卷

不著撰人

北史許善心傳大業七年善心復徵守給事郎帝嘗言及文帝受命之符因問鬼神之事勅善心與崔祖濬撰靈異記十卷 崔祖濬名曠 隋書隱逸附見其父崔廓傳

唐日本國見在書目靈異記十卷

章氏考證隋書許善心傳煬帝勅善心與崔祖濬撰靈異記十卷與志相符志脫撰名

研神記十卷蕭繹撰

梁元帝金樓子著書篇研神記一帙一卷金樓自為序付劉鬱纂次 梁書王規傳規子夔與沛國劉靈南陽宗懷俱為中興佐命同參帷幄

南史隱逸阮孝緒傳湘東王著忠臣傳集釋氏碑銘丹陽尹錄研神記並先簡孝緒而後施行

唐日本國見在書目研神記一卷梁湘東王撰

唐書經籍志研神記十卷梁元帝撰

唐書藝文志小說家梁元帝妍神記十卷

旌異記十五卷侯君素撰

北史文苑李文博傳開皇中又有魏郡侯白字君素好學有捷才性滑稽尤辨俊舉秀才為儒林郎文帝令於祕書修國史著旌異記十五卷行於世

法苑珠林傳記部旌異傳一部二十卷隋朝

相州秀才儒林郎侯君素奉文皇帝勅撰

唐書經籍志旌異記十五卷侯君素撰 按此作君集誤也

唐書藝文志小說家侯君素旌異記十五卷

章氏考證太平御覽釋證部引侯君素旌異記廣記釋證類亦引之

案法苑珠林受齋篇引一事又智慧篇引侯君素集二事蓋即旌異記文也是當時亦編入本集

近異錄二卷劉質撰

劉質始末未詳按宋書劉延孫傳延孫彭城呂人世祖即位封東昌縣侯大明六年卒子質嗣太宗泰始中有罪國除不知即此劉質否也

唐書經籍志近異錄二卷劉質撰

唐書藝文志小說家劉質近異錄二卷

鬼神列傳一卷謝氏撰

謝氏不詳何人

唐書經籍志鬼神列傳二卷謝氏撰

唐書藝文志小說家謝氏鬼神列傳二卷

章氏考證太平御覽兵部引謝氏鬼神列傳

志怪記三卷殖氏撰

殖氏不詳何人

章氏考證北堂書鈔帝王部客星通座又宗

正卿會稽謝謨夜飲忽見人被髮求飲二事並引志怪記而不著殖氏又衣冠部引一事

稱志怪錄御覽人事部禮儀部各引一事並稱志怪集

案氏姓諸書有直氏開元姓纂云南越有

植氏鄧名世辨證曰植氏天竺胡人之姓

蓋釋種也此殖氏莫詳其得姓之由 左

二十六傳有殖緯杜預曰齊人今來在衡齊人

而仕衛者此可爲殖氏得姓之一證

舍利感應記三卷王劭撰

王劭有俗語難字見經部小學家

隋書高祖本紀仁壽元年六月乙丑頒舍利於諸州

法苑珠林舍利篇舍利者西域梵語此云骨身恐濫凡夫死人之骨故存梵本之名舍利有三種一是骨舍利其色白二是髮舍利其色黑三是內舍利其色赤若是佛舍利椎打不碎若是弟子舍利椎擊便破矣

又曰舍利感應記二十卷隋著作郎王劭撰皇帝昔在潛龍有婆羅門沙門來詣宅上出舍利一裹曰檀越好心故留與供養沙門既去求之不知所在其後周氏滅佛法隋室受命乃興復之皇帝每曰我與由佛故於京師造浮屠以報舊願其下安置舍利夜有神光若冶爐之燄仁壽元年六月十三日奉送舍利於三十州同時起塔皇帝曰今佛法重興必有感應其後處處表奏皆如所言又是年十月宮內凡得舍利十九多放光明自是遠近道俗所有舍利率奉獻焉二年正月二十三日復分布五十三州建立靈塔其四十州已來皆有靈瑞不可備列具存大傳云

嚴可均全隋文編曰廣弘明集十七引王劭舍利感應記三十四條舍利感應別錄四十四條

案法苑珠林所謂具存大傳者蓋即是書然則是書原編二十卷此三卷或其別本

珠林備載前後詔書及百官慶舍利感應表其事亦大抵略具矣

真應記十卷

不著撰人

周氏冥通記一卷

不著撰人

華陽陶隱居集進周氏冥通記啓曰臣弘景啓去十月將末忽有周氏事既在齋禁無由即得啓聞今謹撰事蹟凡四卷如別上呈云云又附注曰周子良隱居高弟天監中白日尸解隱居檢平日冥降事跡爲四卷進之唐書經籍志周氏冥通記一卷陶弘景撰

崇文總目小說家周子良冥通錄三卷 宋志小說家四卷

通志藝文略傳記冥異類周子良冥通錄三卷記梁隱士周子良與神仙感應事

四庫提要道家存目冥通記四卷梁周子良撰首有陶弘景所作子良傳稱子良字元獻本汝南縣人寓居丹陽年十二從弘景於永嘉受仙靈錄老子五千文西嶽公禁虎豹符

十一年從還茅山受五嶽圖三星內文十四年乙未歲五月二十三日遂通真靈後一年卒年二十其說荒誕不經此書所記遇仙之事起乙未五月十三日至丙申七月末逐日

縷載亦弘景真誥之流也然其文頗古雅時有與字黃生義府第二卷末附載此書訓釋

一篇各有考證亦頗賅洽 集靈記二十卷顏之推撰

顏之推有訓俗文字略見經部小學家唐書經籍志集靈記十卷顏之推撰

唐書藝文志小說家顏之推集靈記十卷

章氏考證太平御覽服用部引集靈記琅邪王諱亡後數年見形於妻事

冤魂志三卷顏之推撰

唐顏真卿家廟碑北齊給事黃門侍郎待詔文林館平原太守隋東宮學士諱之推字介著家訓廿篇冤魂志三卷

法苑珠林傳記篇承天達性論不著卷數 冤魂志一卷誠殺訓一卷右三部齊光祿大夫顏之推撰 按此則其書首爲論一卷次志一卷訓一卷如此合爲三卷也誠殺訓略見顏氏家訓歸心篇此蓋別爲一卷

唐書經籍志冤魂志三卷顏之推撰 唐書藝文志小說家顏之推冤魂志三卷

宋史藝文志小說家顏之推還冤志三卷 崇文總目小說家還冤志三卷顏之推撰 陳氏書錄小說家北齊還冤志三卷顏之推撰

四庫提要小說家還冤志三卷此書隋志不著錄文獻通考作北齊還冤志考書所記上始周宣王杜伯之事不得目以北齊卽之推亦始本梁人後終隋代更不得目以北齊殆

因舊本之首題北齊黃門侍郎顏之推撰遂誤以冠於書名上歟自梁武以後佛教彌昌士大夫率販禮能仁盛談因果之推家訓有

歸心篇於罪福尤爲篤信故此書所述皆釋

家報應之說強魂魄憑厲氣而爲變理固
有之尙非天堂地獄幻杳不可稽者比也其
文字亦頗古雅殊異小說之冗濫謹案還魂志
似卽此冤魂志之異名提要謂隋志不載者似未然

以上自宣驗記至此凡三十六部皆禎祥
變怪之屬唐經籍志目之曰鬼神是爲第
十五類終焉

右二百一十七部一千二百八十六卷通計亡書
合二百一十九部一千五百三卷 按正二百七部其
亡書兩部似卽指任昉賀鑒二雜傳

按七錄序日記傳錄第八曰雜傳部二百
四十一種一千四百四十六卷第九曰鬼
神部二十九種二百五卷兩部合二百七
十種本志并爲是類止於二百七種除去
七錄已後之書繁雜莫知其限 則其所不載
者約略尙有百餘種也此百餘種大都皆在四
家雜傳中 韋氏所舉二百二十八部合以本志所
載共有四百三十五部六朝所有雜傳記之書亦約
略說之矣

按無名氏先賢集三卷漢世要記一卷高
隱傳十卷海內名士傳一卷韋氏家傳一
卷周氏家傳一卷漢南家傳三卷列女傳
要錄三卷美婦人傳六卷續異苑十卷靈
異錄十卷真隱記十卷熊欣豫章舊志後
撰一卷范汪范氏家傳一卷紀友紀氏家
紀一卷明岌明氏家訓一卷姚氏周齊王
家傳一卷來輿訪來傳十卷高氏列女傳
八卷劉歆列女傳頌一卷繆襲列女傳贊

一卷康淑善道開傳一卷僧祐高僧傳十
四卷法進江東名德傳三卷王巾法師傳
十卷法顯傳二卷法顯行傳一卷嚴嵩梁
武帝大捨三卷郭元祖列仙傳贊二卷
朱思祖說仙傳一卷孔稚珪陸先生傳一
卷郭元祖列仙贊序一卷李氏太上真人
內記一卷傅亮應驗記一卷王劭舍利感
應記三卷凡三十五部章氏考證皆遺之
又此類在本志爲史部第十章氏乃改爲
第十三列史部之末

隋書經籍志考證卷二十一

史部十一

地理類中分類凡三

山海經二十三卷郭璞注

郭璞有毛詩拾遺見經部詩類

漢書藝文志數術形法家山海經十三篇

劉歆校上序錄曰侍中奉車都尉光祿大夫

臣秀領校祕書言校祕書太常屬臣望所校

山海經凡三十二篇今定爲一十八篇已定

末云建平元年四月丙戌待詔太常屬臣望

校治侍中光祿勳臣龔侍中奉車都尉光祿

大夫臣秀領主省儒林傳云時光祿勳王襲五官中

郎將房鳳奉車都尉劉歆共校書三人皆侍中 臣望未

詳 續洋學沉山海經篇目考曰劉秀表云三十二篇二

當爲四卽就此三十四篇并爲十三篇此云一十八篇乃

後人妄改非本文

山海經目錄曰大荒東經第十四大荒南經

第十五大荒西經第十六大荒北經第十七

海內經第十八注云此海內經及大荒經本

皆逸在外 諸本皆作進在外誤也 何義門讀書記

曰十八篇不知起於何時畢氏以爲此五篇亦劉秀所增

無確據要當在郭璞之前大抵亦起於漢代蓋漢時相傳

有兩本其一十三篇其一十八篇

晉書郭璞傳璞注釋爾雅三倉方言穆天子

傳山海經皆傳於世

璞自序略曰此書跨世七代歷載三千雖暫

顯於漢而尋亦寢廢其山川名號所在多有

舛謬與今不同師訓莫傳遂將淹泯道之所

存俗之所喪悲夫余有懼焉故爲之創傳疏其壅闕關其蕪蕪領其玄致標其洞涉庶幾令逸文不墜於世奇言不絕於今夏后之迹靡刊於將來八荒之事有聞於後裔不亦可乎

顏氏家訓書證篇或問山海經夏禹及益所記而有長沙零陵桂陽諸暨如此郡縣不少以爲何也答曰史之闕文爲日久矣加復秦人滅學董卓焚書典籍錯亂非止於此皆由後人所屬非本文也

本志篇敘曰漢初蕭何得秦圖書故知天下要害後又得山海經相傳以爲夏禹所記

唐日本國見在書目山海經廿一卷郭璞注見十八卷

唐書經籍志山海經十八卷郭璞撰 按據當爲注

唐書藝文志郭璞注山海經二十三卷

晁氏讀書志山海經十八卷大禹製晉郭璞傳漢侍中奉車都尉劉秀校定表言禹別九州而益等類物善惡著此書皆聖賢之遺事古文明著者也十父嘗考之於其書有曰長沙零陵雁門皆郡縣又自載禹鯀似後人因其名參益之

陳氏書錄解題曰洪慶善補注楚辭引山海經淮南子以釋天問而朱晦翁則曰古今說天問者皆本此二書今以文意考之疑此二書本皆緣解天問而作可以破千載之惑按是說不盡然四庫提要已言之詳見下方

玉海地理類中與書目山海經十八卷晉郭璞傳凡二十三篇每卷有贊

四庫提要小說家異聞類山海經十八卷隋唐二志皆云二十三卷今本乃少五卷蓋後人併其卷帙以就劉秀奏中一十八篇之數非闕佚也山海經之名始見史記大宛傳贊云禹本紀山海經所有怪物余不敢言也觀楚詞天問多與相符合古無是言屈原何由杜撰朱子楚詞辨證謂其反因天問而作似乎不然王應麟王會補傳引朱子之言謂山海經記諸異物飛走之類多云東向或曰東首疑本因圖畫而述之古有此學如九歌天問皆其類云云則得其實矣

又簡明目錄口是書或稱夏禹撰或稱伯益撰其中乃有帝啓周文王及秦漢地名則妄不待辨然司馬遷已稱之則亦周秦以來古書也其注爲晉郭璞作隋志以來皆列地理之首然侈談神怪百無一真是直小說之祖耳入之史部未允也

鎮洋畢沅山海經篇目考曰山海經三十四篇禹益所作十三篇漢時所合十八篇劉秀所增十八篇郭璞所注隋經籍志云二十三卷舊唐書云十八卷案即用劉秀十八篇篇爲一卷也

又新校正序曰山海經作於禹益述於周秦其學行於漢明於晉而知之者魏鄙道元也五藏山經三十四篇實是禹書禹與伯益主名山川定其秩祀量其道里類別草木鳥獸

今其事見於夏書禹貢爾雅釋地及此經南山經已下三十四篇 按向歆校書合五藏山經舊爲二十六篇者爲五篇次以海外經四篇海內經四篇是爲二十三篇也列子引夏革云呂不韋引伊尹書云多出此經二書皆先秦人著夏革伊尹

又皆商人是故知此三十四篇爲禹書無疑也海外經四篇海內經四篇周秦所述也禹鑄鼎象物使民知神姦案其文有國名有山川有神靈奇怪之所寄是鼎所圖也鼎亡於秦故其先時人猶能說其圖以著於冊劉秀

又釋而增其文是大荒經以下五篇也大荒經四篇釋海外經海內經一篇釋海內經當是漢時所傳亦有山海經圖類與古異秀又依之爲說即郭璞張駿見而作贊者也劉秀之表山海經云可以考禎祥變怪之物見遠國異人之謠俗郭璞之注山海經云不怪所

可怪則幾於無怪矣怪所不可怪則未始有可怪也秀璞此言足以破疑山海經者之感又曰山海經非語怪之書其川流沿注至今實明可信郭璞之世所傳地理書尙多不能遠引今觀其注釋山水不案道里其有名同實異即云今某地有某山未知此是非鄙道元作水經注以經傳所紀方土舊稱考驗此

經山川名號案其涂數十得者六始知經云東道里信而有徵雖今古世殊未嘗大異後之撰述地里有徵之沅是以謂其功百倍於璞也然鄙書所著僅述水道所逕而其他山川紀傳所稱足爲經證者亦間有郭璞

所未詳道元所未取又沅之有功於此經者也又經所言草木治疾多足證發內經海外海內經八篇多雜劉秀校注之辭詳郭意亦不能照水經注多連引其文今率細書以別之

張氏書目答問山海經十八卷畢沅校山海經箋疏十八卷郝懿行疏郝勝於畢

水經三卷郭璞注
漢書儒林傳孔氏有古文尙書孔安國以今文字讀之因以起其家安國爲諫大夫授都尉朝朝授膠東庸生庸生授清河胡常常授號徐敖教授王璜平陵塗暉子眞子眞授河南桑欽君長王莽時諸學皆立劉歆爲國師璜暉等皆貴顯按此言璜暉等桑欽在其中歆蓋爲孔氏第六傳弟子王莽時與其師塗暉並貴顯氏以爲成帝時人亦相去不甚遠

唐六典工部注桑欽水經所引天下之水一百三十七江河在焉

唐書經籍志水經二卷郭璞撰

唐書藝文志桑欽水經三卷一作郭璞撰

通志氏族略桑氏嬴姓秦大夫子桑之後也

公孫枝字子桑以字爲氏漢有御史大夫桑弘羊成帝時有桑欽撰水經三卷按三卷者當

是水經二卷附禹貢山水澤地所在一卷

晁氏讀書志水經四十卷漢桑欽撰欽成帝時人本經三卷後魏酈道元注

陳氏書錄解題水經三卷桑欽撰桑欽不知何人酈道元目以爲漢人晁公武曰成帝時

人當有所據唐志注或云郭璞撰又杜氏通典案水經晉郭璞注二卷後魏酈道元注四十卷皆不詳所撰者名氏亦不知何代之書又曰景純注解又甚疎略亦爲迂怪云云

鎮洋畢沅山海經篇目考曰海內東經篇中自岷三江首至漳水入章武南多有漢郡縣名此是水經隋志云水經三卷郭璞注舊唐志云水經二卷郭璞撰此水經當卽海內東經中文也按此似未必然又有水經四十卷酈善長注乃桑氏之經杜佑不知郭注是海內東經中文以郭璞爲注桑氏之書其謬甚矣

按海內東經篇末言水道者凡二十七條其文與桑氏水經相同篇中有郭注三十餘條又他篇亦有水道者亦有郭氏注文皆可刺取水經世途有水經郭氏注一本本志依以著錄通典詆其疏略迂怪無怪其然矣

嘉定錢大昕三史拾遺曰漢書地理志稱古文者十一皆古文尙書家說與水經所載禹貢山澤所在無不脗合相傳水經出於桑欽欽卽傳古文尙書者則水經爲桑欽所作信矣

戴東原以水經有廣魏縣斷爲魏人所作大昕謂水經郡縣間有與西漢互異者乃後人附益改竄猶爾雅周公作而有張仲孝友之語史記司馬遷作而有揚雄之語也然則志何以別有桑欽說曰禹貢山水澤地所在一篇本古文家相傳之學而欽引以附水經之末水經則欽自出新意爲之故不可合而爲一

按書錄解題引杜佑說謂水經後漢順帝後人所作四庫提要以戴震說謂三國時人所作皆不信爲桑

欽之書故錢氏爲是說以證明之宋高似孫史略云水經三卷漢中大夫桑欽撰稱中大夫不知何據按此實爲桑欽書故通典及唐藝文云二卷三卷皆桑氏之卷第也注其書者惟酈氏一家晉書載郭璞注釋諸書亦但有山海經無水經不知何人取郭氏山海經注移而爲水經之注是猶應劭漢書集解後人移入漢記新唐志編年類遂有應劭等注荀悅漢紀三十卷也然非畢氏治經詳加勘校亦莫明其故矣

黃圖一卷記三輔宮觀陵廟明堂辟雍郊時等事不著撰人

唐日本國見在書目黃圖一卷

唐書經籍志三輔黃圖一卷藝文志同

玉海地理類三輔黃圖序曰孔子作春秋築一臺新一門必書於經今哀秦漢以來宮殿門闕樓觀池苑在三輔者著於篇東都

不與焉

四庫提要曰三輔黃圖六卷不著撰人名字蓋六朝舊笈而唐人刪補故晉灼注漢書引之而其中又有唐地名也所記皆漢代三輔古蹟而於宮殿苑囿之制條分縷晰至爲詳備

陽湖孫星衍輯本序曰三輔黃圖始見於隋經籍志不著撰人如淳晉灼多引其文劉昭注郡國志引黃圖云下邳縣并鄭桓帝西巡復之則爲漢末人其書亦名西京黃圖舊有敍不傳故臣瓚引西京黃圖序民摩錢取屑

也舊書有圖特以文為標識故其詞甚簡今書中所稱舊圖云云者標識之辭下有文複出者圖說是也漢人著書存者絕少今刺取舊文依隋志成為一卷又孫祠書目曰三輔黃圖又一卷星衍及莊逵吉集刊本

鎮洋畢沅校刊序曰三輔黃圖隋唐志云一卷即所謂舊圖也舊圖唐已佚久矣

洛陽記四卷

不著撰人

章氏考證水經穀水注文選東京賦注後漢書堅譚傳注通典職官門注初學記地部北堂書鈔酒食部太平御覽地部並引洛陽記不著撰名

按兩唐志有戴延之洛陽記一卷此或因戴氏記而附益者戴有甄異傳見前雜傳家似即後西征記二卷之一

洛陽記一卷陸機撰

陸機有吳章篇見經部小學類

唐書經籍志洛陽記一卷陸機撰

唐書藝文志陸機洛陽記一卷

章氏考證水經穀水注文選開居賦注後漢書光武紀注藝文類聚太平御覽居處部寰宇記河南道並引陸機洛陽記

洛陽宮殿簿一卷

不著撰人

唐日本國見在書目洛陽宮殿簿一卷

唐書經籍志洛陽宮殿簿三卷藝文志同

章氏考證世說巧藝篇注文選東京賦注藝

文類聚初學記居處部後漢書劉寬傳注寰宇記河南道並引洛陽宮殿簿

按是書徵引頗多其名稱少異者有洛陽故宮名洛陽宮門名洛陽宮殿名洛陽宮閣名洛陽宮殿記洛陽宮舍記疑皆是是書之篇目當時為是類之書者亦不止一家洛陽伽藍記云太和中中書舍人常景

共青州刺史劉芳造洛陽宮殿門閣之名經途里邑之號則北魏遷都經始之簿籍非此書

洛陽圖一卷晉懷州刺史楊佺期撰

晉書本傳佺期弘農華陰人漢太尉震之後也少仕軍府咸康中拜廣威將軍河南太守戍洛陽進號龍驤將軍後為都督雍梁秦三州諸軍事雍州刺史隆安三年桓玄舉兵討佺期佺期死之傳首京都梟於朱雀門又安帝本紀隆安二年秋七月王恭庾楷股仲堪桓玄楊佺期等舉兵反九月王師破庾楷斬王恭十月仲堪等盟於尋陽推桓玄為主三年十二月桓玄襲江陵荆州刺史股仲堪南蠻校尉楊佺期並遇害

唐張彥遠歷代名畫記曰古之祕畫珍圖則有洛陽圖一名楊宮圖狀楊佺期撰按楊宮或是楊公之誤

唐書經籍志洛陽圖一卷楊佺期撰

唐書藝文志楊佺期洛陽圖一卷

錢大昕隋書考異曰洛陽圖一卷晉懷州刺史楊佺期撰按晉無懷州當是雍州之譌章氏考證文選開居賦注續漢郡國志寰

宇記河南道並引楊佺期洛陽記後漢儒林傳序注藝文類聚居處部並引楊龍驤洛陽記晉書佺期嘗為龍驤將軍故有此稱

述征記二卷郭緣生撰 郭緣生有武昌先賢志見前雜傳類 唐書經籍志述征記二卷郭象撰此稱郭象豈緣生亦名象歟未審是非

唐書藝文志郭緣生述征記二卷 章氏考證水經注引郭緣生述征記渭水注稱郭著他書如北堂書鈔藝文部衣冠部太平御覽居處部文部禮儀部或稱郭氏或稱緣生其記中多載漢代及魏晉碑碣又水經渠水注巨洋水注初學記地部州郡部並引郭緣生述征記

按御覽地部魚山條又稱郭衍生述征記因音同而異据所存諸佚文似緣生從宋武北征慕容超西征姚泓時所記並在晉義熙中也

西征記二卷戴延之撰

戴延之即戴祚有甄異傳見前雜傳家 唐書經籍志西征記一卷戴祚撰 唐書藝文志戴祚西征記二卷 章氏考證水經河水注多引戴延之西征記他如廣韻注史記高祖紀正義御覽州郡部後漢書班固傳注楊賜傳注亦引之或祇稱戴延之記水經洛水注僊人穴僊尸稱延之從劉武王西征記他書皆省從劉武王四字案延之記漢魏太學石經時為考古者所

義熙中也

武北征慕容超西征姚泓時所記並在晉

義熙中也

武北征慕容超西征姚泓時所記並在晉

義熙中也

武北征慕容超西征姚泓時所記並在晉

援据至今猶稱引其佚文卽是書也兩唐志又有洛陽記一卷疑亦在此二卷中其時裴松之亦從宋武入關見魏志齊王紀注故松之亦有述征記蓋當時各有記述焉

婁地記一卷吳顧啓期撰

顧啓期始末未詳

章氏考證文選謝靈運遊赤石詩注浪山海中南極之觀嶺窮髮之人舉帆揚越以爲標的藝文類聚草部婁門東南有華墩陂中生千葉蓮花太平御覽地部太湖東小山名洞庭山東頭北面一穴西頭南面一穴西北一穴儂乃得入並引顧啓期婁地記

陽湖洪亮吉三國疆域志曰揚州吳郡婁漢舊縣吳侯國

風土記三卷晉平西將軍周處撰

晉書本傳處字子隱義興陽羨人也未弱冠膂力絕人不修細行縱情肆慾州曲患之處自知爲人所惡乃入吳尋二陸時機不在見雲具以情告遂勵志好學有文思期年州府交辟仕吳爲東觀左丞孫皓未爲無難督吳平入洛遷新平廣漢太守楚內史散騎常侍御史中丞後西征氏人齊萬年戰沒追贈平西將軍處著默語三十篇及風土記并撰集吳書元帝爲晉王策諡曰孝又惠帝本紀元康七年正月癸丑周處及齊萬年戰於六陌處死之唐書經籍志風土記十卷周處撰唐書藝文志周處風土記十卷

史通補注篇曰若摯虞三輔決錄陳壽季漢輔臣周處陽羨風土常璩華陽士女文言美詞列於章句委曲敘事存於細書按此則書亦稱陽羨風土記也

章氏考證曰諸書引風土記有分析正文注文者有但引注文者有但引正文者有正文及注同引而脫去注曰二字者然分別觀之自可考見

烏程嚴可均輯本序曰處著默語風土記吳書今默語吳書隻字不傳而風土記引見各書者尙多采得二百三十餘事省併復重定著一卷其正文協韻如古賦而故實皆載於注注卽子隱自撰徵用者多取注而略正文故今所輯注居十之九其書撰於吳時故稱大吳惜其久亡所得見者僅十之二三然而亭邑古跡山水節候風俗舟車器服物產果實草木鳥獸蟲魚品類略備原次無可考卽以此區分焉又曰隋志三卷舊新唐志作十卷以史能之咸淳昆陵志考之知石晉後有續補本或舊志誤据而新志沿之故卷數增多耳

吳興記三卷山謙之撰

山謙之略見沈約宋書自序詳正史類吳志孫皓傳寶鼎元年分吳丹陽爲吳興郡注皓詔曰今吳郡陽羨永安餘杭臨水及丹陽故鄣安吉原鄉於潛諸縣地勢水流之便悉注烏程既宜立郡以鎮山越且以藩衛明陵奉承大祭不亦可乎其亟分此九縣爲吳

興郡治烏程

宋王象之輿地紀勝曰吳興記山謙之作烏程嚴可均輯本敘曰隋志有山謙之吳興記三卷舊新唐志不著錄因徧檢各書寫出六十餘事省併復重得四十四事定著一卷山謙之宋書無傳禮志三太祖詔學士山謙之草封禪儀隋志別集類梁有宋棘陽令山謙之集十二卷亡官闕可考僅此孫皓寶鼎元年分吳丹陽二郡置吳興郡歷晉宋齊梁皆領十縣故謙之記兼十縣事宋書州郡志吳興領縣烏程東遷武康長城原鄉故鄣安吉餘杭臨安於潛今編輯依其次第云

按宋書禮志耕籍篇元嘉二十年太祖將親耕以其久廢使何承天撰定儀注史學生山謙之已私鳩集因以奏聞考其時置儒玄文史四科科置學士十人而何承天領史學謙之初以史學生爲史學學士出爲棘陽令孝武初以奉朝請受詔修史使踵成何承天宋書以疾卒大抵是晉司徒河內山濤之後所撰又有南徐州記丹陽記見後

吳郡記一卷顧夷撰

顧夷有周易難王輔嗣義見經部易類後漢書順帝本紀永建四年是歲分會稽爲吳郡亦詳見後朱育會稽土地記條下章氏考證後漢書楚王英傳注引顧夷吳地記史記高祖紀集解引顧夷曰餘杭者秦始皇經此立爲縣漢書伍被傳注後漢書彭修

傳注北堂書鈔酒食部初學記地部並引吳地記不著顧夷名

京口記二卷宋太常卿劉損撰

宋書劉粹傳粹沛郡蕭人也家在京口族弟損字子騫衛將軍毅從父弟也元嘉中歷職義興太守太祖以損綏撫有才稱為良守官至吳郡太守卒贈太常

宋王象之輿地紀勝曰東漢末年吳王孫權初鎮丹徒謂之京城後遷建業於此置京口鎮晉元帝渡江於京口僑置徐兗二州晉朝常號北府宋文帝以南徐州治京口自吳至陳京口常為重鎮南史劉延孫傳先是武帝遣京口要地去都密邇自非宗室近戚不得居之

唐書經籍志京口記二卷劉損之撰
唐書藝文志劉損之京口記二卷

章氏考證藝文類聚地部水部居處部菓部北堂書鈔初學記地理部云有龍目湖秦始皇改名丹徒又御覽地部並引稱劉損京口記按損為損之誤輿地碑記曰京口舊記山謙

之劉損之皆作山謙之記未見逸篇 按輿地碑記目即從輿地紀勝中析出紀勝本文實云潤州舊記山謙之劉損之皆作輯碑目者改為京口舊記以山劉時非潤州之名也然劉所作京口記既然矣山所作不名京口名南徐州也章氏云未見佚篇蓋未悟京口即南徐州詳見下方

南徐州記二卷山謙之撰

山謙之有吳興記見前

宋書州郡志晉永嘉大亂幽冀青并兗州及

徐州之淮北流民相率過淮亦有過江在晉陵郡界者晉成帝咸和四年司空郗鑒又徙流民之在淮南者於晉陵諸縣 案晉陵即毘陵亦即開陵今常州府從入內地所以遠寇 其徙過江南及留在江北者並立僑郡縣以司牧之徐兗二州或治江西北北又僑立幽冀青并四州安帝義熙七年始分淮北為北徐淮南猶為徐州後又以幽冀合徐青并合兗武帝永初二年加徐州曰南徐而淮北但曰徐文帝元嘉八年更以江北為南兗州江南為南徐州治京口割揚州之晉陵兗州之九郡僑在江南者屬焉故南徐州備有徐兗幽冀青并揚七州郡邑領郡十七縣六十三

史通書志篇曰帝王建國本無恆所作者記事亦在相時漢則漢有三輔典近則隋有東都記於南則有宋南徐州記晉宮闕名於北則有洛陽伽藍記都都故事蓋都邑之事盡在是矣

唐書經籍志南徐州記二卷山謙之撰
唐書藝文志山謙之南徐州記二卷
宋王象之輿地紀勝曰潤州舊記唐山謙之劉損之皆作 按此誤以山劉為唐人京口南徐州即今鎮江府唐時為潤州其云皆作者即此與前書是也

章氏考證文選七發注藝文類聚山部太平御覽地部並引山謙之南徐州記世說捷悟篇注徐州人多勁悍號精兵排調篇注徐州都督北府之號自晉王舒起史記絳侯周勃世家正義丹徒峴龍目湖並引南徐州記不

著山謙之名
會稽土地記一卷朱育撰

朱育有毛詩答雜問見經部詩類

吳志虞翻傳注會稽典錄曰孫亮時山陰朱育仕郡門下書佐太守濮陽興問曰吾聞秦始皇二十五年以吳越地為會稽郡治吳漢封諸侯王以何年復為郡而分治於此育對曰劉賈為荆王賈為英布所殺又以劉濞為吳王景帝四年濞反誅乃復為郡治於吳元鼎五年除東越因其地為治并屬於此而立東郡都尉後徙章安陽朔元年又徙治鄞或有寇害復徙句章到永建四年劉府君上書浙江之北以為吳郡會稽遠治山陰自永建四年歲在己巳以至今今年積百二十九歲府君稱善是歲吳之太平三年歲在丁丑

唐書經籍志雜傳家會稽記四卷朱育撰
唐書藝文志雜傳記類朱育會稽記四卷
章氏考證世說言語篇注東陽長山靡迤而長縣因山得名又山陰邑在山陰故以名焉此引會稽土地志不著朱育名
案本志土地記一卷兩唐志合土地人物為一書故四卷又以其書記人物為多故入之傳記其人物則會稽典錄所載虞翻對太守王朗問朱育對太守濮陽興問各言本郡古今來人士當在其書亦大略可觀已

會稽記一卷賀循撰

賀循有喪服要見經部三禮類

章氏考證史記越世家正義少康少子號曰於越越國之稱始此御覽地部石質山其形似質在宛委山上並引賀循會稽記

案本志雜傳類有會稽先賢像贊五卷不著撰人兩唐志並云賀氏撰似其舊本與此爲一書凡六卷後人分析言地域山川者入此類遂分屬兩篇又宋書州郡志會稽始寧令下引賀續會稽記或循之後別有修纂者又疑續爲循字之誤又或續上有循字循蓋續朱育之書也

隋王入河記六卷宋侍中沈懷文撰隋當爲隨

宋書本傳懷文字思明吳興武康人也爲尙書殿中郎隨王誕鎮襄陽出爲後軍主簿與諮議參軍謝莊共掌辭令領義成太守大明中爲侍中懷文與顏竣周朗素善竣以失旨見誅朗亦以忤意得罪懷文屢經犯忤上倍不悅大明六年免官收付廷尉賜死時年五十四

唐書經籍志隋王入河記十卷沈懷文撰

唐書藝文志沈懷文隨王入河記十卷

嘉定錢大昕隋書考異曰隋王入河記六卷隋當作隨此校書人妄改

案宋書文五王傳竟陵王誕文帝第六子

也元嘉二十年十一月封廣陵王二十六年出爲都督後將軍雍州刺史改封隨郡王上欲大舉北討以襄陽外接關河欲廣其資力乃罷江州軍府文武悉配雍州湘州入臺稅租雜物悉給襄陽及大舉北伐

命諸蕃出師莫不奔敗乃徵誕還京師時懷文殆以後軍主簿隨王至襄陽爲此記

荆州記三卷宋臨川王侍郎盛弘之撰

盛弘之始末未詳
通典州郡門序曰凡言地理者多矣在辨區域徵因革知要害察風土纖介畢書樹石無漏盈盈百軸豈所謂撮機要者乎如誕而不經偏記雜說何暇編舉注曰謂辛氏三秦記常璩華陽國志羅含湘中記盛弘之荆州記之類皆自述鄉國靈怪人賈物盛參以他書則多紕謬既非通論不暇取之矣

章氏考證弘之書見引最多文選注初學記藝文類聚太平御覽皆引之如藝文居處部穀城門石人腹銘曰摩兜韃慎莫言御覽文部冠軍縣張唐墓碑背曰白楸之棺易朽之裳銅錢不入瓦器不藏嗟矣後人幸勿見傷並出弘之荆州記

神壤記一卷記蔡陽山水黃閔撰

黃閔始末未詳章氏云後漢書南蠻西南夷傳注御覽地部樂部書鈔樂部並引黃閔武陵記

案續漢郡國志河南尹蔡陽有鴻溝水有廣武城有號亭號叔國有隴城之薄亭有敖亭有費澤注云鴻溝即官渡水廣武東西二城在三皇山或謂三皇山漢祖與項籍語處數亭即秦

敖倉費澤即蔡澤蓋古戰場也又御覽地部人事部引王韶之神境記云蔡陽縣蘭巖山有雙鶴昔有夫婦隱此山化成鶴又九嶷有青澗中有黃色蓮花又云蔡陽有靈源

山有石髓紫芝神境記蓋亦記蔡陽山水古蹟與此相類特不知黃閔與王韶之孰先孰後耳此疑武陵記之一

豫章記一卷雷次宗撰

雷次宗有毛詩序義見經部詩類

唐書藝文志雷次宗豫章記一卷

宋史藝文志雷次宗豫章古今記三卷

崇文總目豫章古今誌三卷雷次宗撰又與

地碑記目云豫章事實雷次宗撰

四庫提要存目豫章古今記一卷不著撰人考隋志有雷次宗豫章記一卷是編首引次宗語末云次宗於元嘉六年撰豫章記則必非雷書所紀至唐而止分郡記寶瑞記寺觀記鬼神記變化記神祀記山石記冢墓記翹俊記等九部記載寥寥絕無體例疑依託者雜鈔成之也按此似即從說郛鈔出者

章氏考證藝文軍器部載雷孔章爲豐城令得龍淵太阿二劍晉書張華傳即取資此記然水經贛水注引次宗言鸞岡鶴嶺以舊說爲繁風捕影之論是次宗亦不專尙奇異也寰宇記江南西道引次宗豫章記十二事其不著次宗名者不錄入焉

蜀王本紀一卷揚雄撰

揚雄有方言見經部論語類

華陽國志序志曰司馬相如嚴君平楊子雲陽成子玄鄭伯邑尹彭城譙常侍任給事等各集傳記以作本紀略舉其隅又曰蜀紀言三皇乘祗車出谷口秦宓曰今之斜谷也及

武王伐紂蜀亦從行史記周貞王之十六年秦厲公城南鄭此谷道之通久矣而說者以爲蜀王因石牛始通不然也本紀既以炳明而世俗間橫有爲蜀傳者言蜀王蠶叢之間周迴三千歲又云荆人鼈靈死屍化西上後爲蜀帝周葺弘之血變成碧珠杜宇之魄化爲子鵲案蜀紀帝居房心決事參伐參伐則蜀分野言蜀在帝議政之方帝不議政則王氣流於西故周失紀綱而蜀先王七國皆王蜀又稱帝此則蠶叢自王杜宇自帝皆周之叔世安得三千歲且太素資始有生必死自古以來未聞死者能更生當世或遇有之則爲怪異子所不言況能爲帝王乎碧珠出不一處地之相距動數千里一人之血豈能致此子鵲鳥四海有之何必在蜀漢末時漢中祝元靈性滑稽用州牧劉焉談調之末與蜀士燕胥聊著翰墨當時以爲極歡後人有以爲惑恐此之類必起於元靈之由也惟智者辨其不然

史通因習篇曰國之有僞其來尙矣如杜宇作帝句踐稱王而揚雄撰蜀紀子貢作越絕考斯所作咸是僞書謂僞之書猶云僞史也又雜說篇云揚雄法言好論司馬遷且晒子長愛奇多雜今觀其蜀王本紀稱杜魄化而爲鵲荆屍變而爲鼈其言如何其鄙哉所謂非言之難而行之難也

唐書經籍志蜀王本紀一卷揚雄撰
唐書藝文志揚雄蜀王本紀一卷

章氏考證按杜宇作帝死化子規見文選蜀都賦注荆尸鼈令見思玄賦注至如武都山精化爲女子朱提男子從天而下自稱望帝五丁秦迎女山崩化爲石秦襄王時宕渠郡獻長人二十五丈六尺此類亦杜宇鼈令之流

嚴可均全漢文編曰揚雄有蜀王本紀一卷今輯諸書引見者凡二十六條

孫祠書目蜀王本紀一卷洪頤煊集本

按蜀在周時稱王稱帝故記其事者相承稱爲本紀諸書言揚雄載諸怪異事多以爲譏今考常璩序志則自司馬相如以下八家皆無是說舊傳揚雄書中屢有祝元靈燕胥之語皆出二人之所起集矢於子雲非其的矣祝元靈名龜南鄭人劉焉授爲葭萌長撰漢中耆舊傳司馬相如有凡將篇見小學家嚴君平有老子注見道家陽成子玄疑卽陽城子長爲王莽作樂經見樂類鄭伯邑名廬尹彭城名貢謙常侍名周任給事名熙皆後漢魏晉時人與燕胥並見華陽國志近刻古逸叢書雕玉集亦引揚雄蜀王本紀此嚴洪所未及見

三巴記一卷譙周撰

譙周有論語注見經部論語類

華陽國志巴志漢獻帝初平元年征東中郎將安漢趙穎建議分巴爲二郡穎欲得巴舊名故白益州牧劉璋以墊江以上爲巴郡江南龐羲爲太守治安漢以江州至臨江爲永

寧郡胸忍至魚復爲固陵郡巴遂分矣建安六年魚復塞允白璋爭巴名璋乃改永寧爲巴郡以固陵爲巴東徙羲爲巴西太守是爲三巴

唐書經籍志三巴記一卷譙周撰

唐書藝文志譙周三巴記一卷

章氏考證玉篇巴部閬白水東南遠如巴字藝文類聚樂部閬中有渝水寶民銳氣善舞高祖使樂人習之故樂府中有巴渝舞太平御覽人事部禮儀部並引巴國將軍曼子事俱見譙周三巴記續漢郡國志引有巴漢志侯康補三國藝文志曰譙周三巴記續漢書郡國志巴郡下屢引之案宋書州郡志益州巴西郡亦兩引譙周巴志

珠崖傳一卷僞燕聘晉使蓋泓撰

蓋泓始末未詳

漢書武帝本紀元鼎六年遂定南越地以爲南海蒼梧鬱林合浦交阯九真日南珠崖儋耳郡應劭曰珠崖儋耳二郡在大海中崖岸之邊出真珠故曰珠崖張晏曰異物志二郡在海中東西千里南北五百里珠崖言珠若厓矣臣瓚曰茂陵書珠崖郡治潭都去長安七千三百二十四里師古曰潭音審

晉書地理志交州部漢武帝元封中置儋耳珠崖二郡昭帝始元五年罷儋耳并珠崖元帝元初三年又罷珠崖郡吳赤烏五年復置平吳後省珠崖入合浦

章氏考證太平御覽果部引珠崖傳珠崖故

事各一條

陳留風俗傳三卷 圈稱撰

圈稱有陳留耆舊傳二卷 見前雜傳類

唐書經籍志陳留風俗傳三卷 闕稱撰 此稱

闕誤也

唐書藝文志圈稱陳留風俗傳三卷 又見於

雜傳記類

按此風俗傳與耆舊傳本為一書前世著

錄家乃分出耆舊傳二卷入雜傳而此連

風俗傳并入於地理務欲各充其類故也

唐經籍志總入此類新志則兩頭互見

鄴中記二卷 晉國子助教陸翻撰

陸翻始末未詳

唐書藝文志陸翻鄴中記二卷

陳氏書錄解題鄴中記一卷 不著名氏記自

魏而下及僧偽都鄴者六家宮殿事迹

四庫載記類簡明目錄曰鄴中記一卷 晉陸

翻撰原本久佚今從永樂大典錄出所記皆

石虎逸事中載及北齊高歡高洋二條 又有

引隋杜臺卿玉燭寶典一條 似後人誤以鄴

都故事竄入蓋諸書引此二書往往相亂也

春秋土地名三卷 晉裴秀客京相璠撰

章氏考證曰春秋土地名經部春秋類已見

此系重出

衡山記一卷 宋居士撰 宋當為宗

南史隱逸宗測傳測字敬微一字茂深家居

江陵少靜退不樂人間徵辟一無所就永明

中欲遊名山長子賓為南郡丞付以家事遂

往廬山止祖少文舊宅與同志庾易劉虬宗

人尚之等往來講說建武二年卒續皇甫謐

高士傳三卷 嘗游衡山七嶺 著衡山廬山記

章氏考證南齊書高逸傳宗測宋徵士炳孫

也少靜退辟徵不就嘗游衡山著衡山記 隋

志宋當作宗文選江文通雜體詩注藝文類

聚及御覽地部並引衡山記

遊名山志一卷 謝靈運撰

謝靈運有晉書見前正史類

宋書本傳靈運出為永嘉太守郡有山水

素所愛好出守既不得志遂肆意游遨徧歷

諸縣動踰旬朔民間聽訟不復關懷所至輒

為詩詠以致其意在郡一周稱疾去職靈運

父祖並葬始寧縣并有故宅及墅遂移葬會

稽修營別業傍山帶江盡幽居之美與隱士

王弘之孔淳之等縱放為娛及為侍中以病

東歸而游娛宴集以夜續晝復為御史中丞

傅隆所奏坐以免官與族弟惠連東海何長

瑜穎川荀雍太山羊璿之以文章賞會共為

山澤之游時人謂之四友靈運因父祖之資

生業甚厚奴僮既衆義故門生數百鑿山浚

湖功役無已尋山陟嶺必造幽峻巖障千重

莫不備盡嘗自始寧 武進李兆洛地理韻編曰今

上虞縣西南五十 南山伐木開逕直至臨海從

者數百人臨海太守王琇驚駭謂為山賊徐

知是靈運乃安在會稽亦多徒衆驚動縣邑

太守孟顛事佛精懇而為靈運所輕言論毀

傷遂構讎隙因靈運橫恣百姓驚擾乃表其

異志發兵自防露板上言靈運馳出京都詣

闕上表自陳太祖知其見誣不罪也不欲使

東歸以為臨川內史在郡游放不異永嘉云

章氏考證文選謝靈運游赤石詩石壁精舍

詩登石門詩斤竹岡詩登臨海嶠詩南樓詩

注並引靈運遊名山志藝文類聚山部引石

門事與選注語異

嚴可均全宋文編曰謝靈運遊名山志今見

於文選注初學記御覽者凡一十二條

聖賢冢墓記一卷 李彤撰

李彤有字指見經部小學家

唐書藝文志李彤聖賢冢墓記一卷

章氏考證文選邱希範與陳伯之書注引聖

賢冢墓記寰宇記淮南道引古今冢墓記又

引古今葬地記

案史記五帝本紀索隱云皇覽書名也記

先代冢墓之處侯氏補三國藝文志曰御

覽禮儀部引皇覽冢墓記二十餘條水經

注引皇覽十三條言冢墓者十之九冢墓

者即皇覽四十餘部中之一云云疑此從

皇覽抄出者又疑即皇覽之佚本李彤卒

年無考或魏時與修皇覽至晉初猶存為

朝議大夫歟

又案馬氏玉函山房字指輯本曰御覽二

十五又九百十五引李彤四部曰 用鳥山

俗傳曰風死其上每至七月九日臨窆羣鳥常來集

其上嗚呼也 四部者豈即字指二卷單行

字四卷字偶五卷并此書共一十二卷合

爲四部一帙歟
佛國記一卷沙門釋法顯撰

法顯有別傳兩部見前雜傳類

明胡震亨刻書跋曰此書舊名法顯傳法顯

傳原有兩種其一種二卷者已亡其一種止

一卷則今書是也傳尾有晉人記云先所略

者勸令詳載顯復具敘始末應是一卷者後

出句詳備二卷者遂廢不行耳

四庫提要曰是書胡震亨刻入祕冊彙函中

從舊題曰佛國記而震亨附跋則以爲常名

法顯傳今考水經注引此者皆曰法顯傳則

震亨之說似爲有據然隋志雜傳類中載法

顯傳二卷法顯行傳一卷不著撰人地理類

載佛國記一卷注曰沙門釋法顯撰一書兩

收三名互見則亦不必定改法顯傳也

又簡明目錄曰法顯於晉義熙中自長安遊

天竺經歷三十餘國歸與天竺禪師參互辨

定以成此書中多自尊其教之詞不足與辨

其山川道里則未嘗不可資考核也

遊行外國傳一卷沙門釋智猛撰

慧皎高僧傳釋智猛京兆新豐人少襲法服

每聞外國道人說天竺國土有釋迦遺跡及

方等衆經遂以僞秦宏始六年姚興年號時爲

晉安帝元興三年 發跡長安西入流沙歷鄯善

龜茲於闐諸國至波淪國屬賓國奇沙國迎

維羅衛國華氏國阿育王舊都以甲子歲發

天竺還於涼州 甲子歲爲宋文帝元嘉元年往反凡

二十一年 以元嘉十四年入蜀十六年七月

造傳記所游歷元嘉末卒於成都余歷尋游
方沙門記列道路時或不同知游往天竺非
止一路故傳述見聞難以例也 本志道佛篇晉
元熙中新豐沙門智猛西行到華氏城至高昌

唐書經籍志外國傳一卷釋智猛撰

唐書藝文志僧智猛遊行外國傳一卷

交州以南外國傳一卷

不著撰人

唐書經籍志交州已來外國傳一卷 藝文志

著錄同

章氏考證曰唐志南訛作來

案梁書諸夷列傳序海南諸國大抵在交

州南及西海大海洲上相去或四五百里

遠者二三萬里其西與西域諸國接漢元

鼎中遣伏波將軍路博德開百越置日南

郡其徼外諸國自武帝以來皆朝貢後漢

桓帝世大秦天竺皆由此道遣使貢獻及

吳孫權時遣宣化從事朱應中郎康泰通

焉其所經過及傳聞則有百數十國因立

記傳云云是朱應康泰嘗撰外國傳御覽

三百五十九引康泰吳時外國傳又七百

八十言康泰表上扶南土俗引凡十二條

疑卽是書此一卷或非其全

十洲記一卷東方朔撰

東方朔有別傳見前雜傳類

唐日本國見在書目十洲記一卷東方朔撰

唐書藝文志

唐書藝文志神仙家東方朔十洲記一卷

宋晁載之續談助鈔書跋曰右鈔世所傳漢
太中大夫東方朔所撰海內十洲記朔之自
序其略曰漢武帝既聞王母言八方巨海之
中有十洲始知朔非世俗庸人是延之曲
室而親問十洲所在案朔雖多怪誕然不至
於著書妄言若此之甚疑後人借朔以求信

耳然李善注文選郭景純遊仙詩已云東方

朔十洲記則亦近古所傳也

四庫小說家提要曰十洲者祖洲瀛洲懸洲

炎洲長洲元洲流洲生洲鳳麟洲聚窟洲也

後又附滄海島方丈洲扶桑蓬邱崑崙五條

大抵恍惚支離不可究詰蓋六朝詞人所依

託觀其引衛叔卿事知出神仙傳後引五岳

眞形圖事知出漢武內傳也然自隋志已

著於錄李善注文選陸德明莊子釋文屢引

其文唐人詞賦引用尤多固錄異者所不能

廢也

神異經一卷東方朔撰張華注

張華有博物志別見子部雜家

唐日本國見在書目神異經一卷東方朔撰

張華注

唐書經籍志神異經二卷東方朔撰

唐書藝文志神仙家東方朔神異經二卷張

華注

四庫小說家提要曰凡四十七條皆荒外之

言怪誕不經然隋志載此書已稱東方朔撰

張華注則其僞在隋以前觀其詞華縟麗格

近齊梁當由六朝文士影撰而成與洞冥拾

遺諸記先後並出故陸鍾石闕銘徐陵玉臺新詠序並引用之流傳既久不妨過而存之

明區大任百越先賢志楊孚字孝元南海人章帝朝舉賢良對策上第拜議郎南海屬交趾部刺史競事珍獻孚乃枚舉物性靈悟指爲異品以諷切之著爲南裔異物志後爲臨海太守復著臨海水土記世服孚高識不徒博雅又云孚家江濟北岸案後漢無臨海郡臨海立郡始于吳孫亮太平二年此有誤說

章氏考證後漢書賈琮傳注馬融傳注北堂書鈔酒食部並引楊孚異物志又曰水經葉渝河注溫水注並引楊氏南裔異物志又曰藝文類聚鳥部引一條稱楊孝元交州異物志又一引稱楊孝先交趾異物志

南海曾劍輯本序曰考楊孚爲漢章帝時議郎而臨海置於吳太平二年又續漢五行志注引楊孚董卓傳據此則議郎歷漢末至吳時尙存蓋百餘歲人矣而史志猶稱爲漢議郎其不仕吳可知粵人著作見於史志以議郎爲始爰刺取羣書以宋爲斷稱楊孚撰者得若干條編爲一帙其不著撰名惟稱異物志者雖灼知爲議郎書亦別爲一帙附於後案章帝至董卓伏誅之後已百餘年此甚可疑區志曾序所云恐皆非事實別無可考姑存錄之

南州異物志一卷吳丹陽太守萬震撰
萬震始末未詳

唐書經籍志南州異物志一卷萬震撰

唐書藝文志萬震南州異物志一卷章氏考證世說汝後篇注珊瑚生大秦國左傳定公正義象身數倍牛漢書武紀注能言鳥有三種文選江賦注鸚鵡螺狀如覆杯並引萬震南州異物志史記大宛傳正義引大月氏天竺事祇稱萬震南州志

侯康補三國藝文志曰藝文類聚御覽屢引之其中有用四字韻語者意此書體例每物各爲一贊語而別以散文詳釋其形狀如戴凱之竹譜之類諸書或引散文或引贊文御覽七百九十引扶南海隅一條有小注即其附注也

蜀志一卷東京武平太守常寬撰常寬有續益部耆舊傳二卷見前雜傳家華陽國志後賢志常寬撰蜀後志及後賢傳又後賢志序曰西州自奉聖督後俊偉備儻之士或羽儀上京策勳王府甄名史錄伴于先賢會遇喪亂札構華夏顛墜典籍多缺族祖武平府君愍其若斯乃操簡援翰拾其遺闕然但言三蜀巴漢未列又務在舉善不必珍異又大同志序曰族祖武平府君作蜀後志書其大同及其喪亂然逮在李氏未相條貫又其始末有不詳第

發蒙記一卷東晉撰記物產之異東晉別有發蒙記一卷見經部小學家章氏考證隋志經部小學類有東晉發蒙記

一卷此疑重出然注特言記物產之異或名同而書殊史記匈奴傳索隱駢列其母腹而生般本紀正義鼈三足曰熊初學記獸部西域有火鼠之布東海有不灰之木御覽兵部師子五色而食虎于巨木之岫並引東晉發蒙記此類與諸異物志相仿故亦入地理類

地理書一百四十九卷錄一卷陸澄合山海經已來一百六十家以爲此書澄本之外其舊事並多零失見存別部自行者唯四十二家今列之于上今案列之于上者止三十九家則已佚脫其三家今無從而知之矣 陸澄詳見雜傳類

本志篇敘曰齊時陸澄聚一百六十家之說依其前後遠近編而爲部謂之地理書又曰陸澄所記之內而又別行者錄在其書之上案四十二家今惟見三十九家尙有一百二十一家其書名撰人皆在陸書今不可見矣 又澄合百六十家之書而編卷止于百四十有九知其中零雜小部不盈一卷者多矣

史通書志篇曰自沈瑩著臨海水土周處撰陽羨風土厥類衆夥諒非一族是以地理爲書陸澄集而難盡唐書經籍志地理書一百五十卷陸澄撰唐書藝文志鄧基陸澄地理志一百五十卷鄧基未詳豈與陸澄同編是書者歟

案章氏考證云隋志注言陸澄合山海經已來諸家見存別部自行者二十四家今志中所列共三十九家自是于陸澄所合

外增著十五家云云以四十二家爲二十四家故有此誤會謂增著十五家也又附注云交州異物志扶南異物志臨海水土物志涼州異物志四家志本著在陸澄書下故計增著者惟十五家也其語更不可曉反覆推尋蓋此四家本志著在陸任二記之後者章乃移列於是書之前乃就已書編次而言與本志考證無涉甚無謂也恐其疑誤後人故附識于此 本志此類清亂已甚章氏又復亂之治絲而紊益無端緒

以上就陸澄所記爲斷編爲一類其例拘掣特甚

三輔故事二卷晉世撰

不著撰人

唐書經籍志故事類三輔舊事一卷章氏撰唐書藝文志故事類章氏三輔舊事一卷又地理類三輔舊事三卷

武威張澍二酉堂輯本序曰唐志地理類有三輔舊事三卷不著纂人名故事類有章氏三輔舊事一卷然案漢書郊祀志注續漢祭

祀志注史記始皇本紀索隱後漢書劉盆子傳注或稱三輔故事或稱舊事而初學記藝文類聚諸書亦故事舊事互引劉昭已引其辭唐志題爲章氏据後漢書章彪傳肅宗建

初七年車駕西狩行太常數召彪入問三輔舊事禮儀風俗彪因建言追錄高帝中宗功臣彪著書十二篇號章卿子然括地志引付留事言魏太祖馬驚是舊事未必爲章氏所

著也又文選西京賦注陶徵士誄注引二事稱三輔三代舊事其書大抵與漢宮闕疏三輔宮殿簿漢官典職三輔黃圖漢舊儀漢廟記同禮又曰隋志三輔故事晉世纂二卷今就所別錄各爲卷帙

章氏考證隋志稱此書撰自晉世唐志題爲章氏後漢書帝數召章彪問三輔舊事羣輔錄載順豹義爲章氏三君又章孟達爲扶風三達之一是章氏固三輔聞人也選注引二事稱三輔三代舊事三代二字未詳

案本志雜傳篇云後漢光武始詔南陽撰作風俗故沛三輔有耆舊節士之序後有作者則章彪因章帝問而爲書此或晉人

增補章氏之書引稱三代者殆以時代分篇選注所引非全文不見有三代事故以爲疑試思三輔三代之事當多於蜀王本紀可推類見之矣

湘州記二卷庾仲雍撰

庾仲雍始末未詳似卽新野庾氏有江記漢水記各

五卷見後又有荆州記見文選注藝文類聚引

宋書州郡志湘州刺史晉懷帝永嘉元年分

荆州之長沙衡陽湘東邵陵零陵營陽建昌

江州之桂陽八郡立治臨湘成帝咸和三年

省安帝義熙八年復立十二年又省宋武帝永初三年又立文帝元嘉八年省十七年又立二十九年又省孝武孝建元年又立領郡十縣六十二

唐書藝文志湘州記四卷不著撰人

章氏考證初學記天部地理部御覽天部地部並引庾仲雍湘州記又御覽地部引君山一事稱庾穆之湘州記又曰藝文類聚山部引一事稱庾仲雍湘中記

案宋晁載之續談助鈔般芸小說引庾穆之湘州記云賈誼宅今爲陶侃廟云云似庾穆之卽仲雍也

吳郡記二卷晉本州主簿顧夷撰

章氏考證前已著顧夷吳郡記一卷此疑重出

日南傳一卷

不著撰人

漢書地理志日南郡故秦象郡武帝元鼎六年開更名有小水十六并行三千一百八十里屬交州師古曰言其在日之南所謂開北戶以向日者

宋書州郡志交州刺史部日南秦象郡漢武元鼎六年更名吳省晉武帝太康三年復立領縣七

唐書經籍志日南傳一卷藝文志同

章氏考證太平御覽兵部引日南傳南越王尉佗攻安陽王遣太子始降安陽與安陽王女眉珠通入庫鉅截神弩亡歸報佗佗復攻安陽王弩折兵挫浮海奔竄

江記五卷庾仲雍撰

漢水記五卷庾仲雍撰

庾仲雍有湘州記見前

唐書經籍志江記五卷庾仲雍撰漢水記五

卷庚仲雍撰尋江源記五卷庚仲雍撰 案尋

江源記似卽江記之異名

唐書藝文志庚仲雍江記五卷又漢水記五

卷尋江源記五卷

章氏考證水經江水注引二事稱庚仲雍江

水記文選殷仲文鮑明遠詩注引稱庚仲雍

江嗣

又曰初學記地部藝文類聚水部史記夏本

紀正義並引庚仲雍漢水記水經沔水注引

稱仲雍漢中記

居名山志一卷謝靈運撰

謝靈運有遊山志見前

宋書本傳少帝即位司徒徐羨之等出靈運

爲永嘉太守在郡一周稱疾去職永寧縣有

故宅及墅遂移籍會稽脩營別業傍山帶江

盡幽居之美有終焉之志作山居賦並自注

以言其事 案山居賦當在是志賦及注多至六七千

言

册府元龜國史地理部謝靈運爲御史中丞

免官東還永嘉撰遊名山志一卷居名山志

一卷 案本傳靈運未嘗爲御史中丞又作山居賦在始

寧非永嘉蓋本傳有復爲御史中丞傳隆所奏坐以免官

之語又有靈運既東還靈運去永嘉還始寧時之語遂有

此誤會之說不可信也 册府類此者觸目皆是亦有爲

他書所未有者

章氏考證水經漸江水注引謝康樂山居記

西征記一卷戴祚撰

戴祚卽戴延之有西征記二卷見前

章氏考證封氏聞見記御覽羽族部並引戴

祚西征記案隋志有戴延之西征記二卷此

又著戴祚西征記一卷祚與延之本一人隋

志兩見當系重出

廬山南陵雲精舍記一卷

不著撰人

藝文類聚山部周景式廬山記曰匡俗周威

王時生而神靈廬于此山世稱廬君故山取

號焉

案廬山亦曰匡廬晉宋之時慧遠法師巖

栖于此一時名士如宗炳雷次宗周續之

劉遺民咸依遠而居南陵雲精舍不知何

人所居藝文類聚又有張野廬山記慧遠

亦有廬山紀略六朝人爲廬山記者不一

家疑此是山記中佚存者

永初山川古今記二十卷齊都官尙書劉澄之撰

宋書順帝本紀昇明元年八月以驃騎長史

劉澄之爲南豫州刺史

又宗室傳營浦侯遵考高祖族弟也曾祖淳

皇曾祖武原令混之弟祖巖父涓子彭城內

史遵考元徽元年卒論曰元公子澄之順帝

昇明末貴達澄之弟琨之爲竟陵王誕司空

主簿誕作亂以爲中兵參軍終不受乃殺之

追贈黃門郎詔謝莊爲之誄云 通鑑輯覽齊高

帝建元元年五月齊主蕭道成弑汝陰王滅其族遂殺宋

宗室無少長皆死劉澄之遵考之子也與緒淵善淵爲之

同請故遵考之族得免 唐書藝文志劉澄之永初山川古今記二十

卷

章氏考證初學記天部文部御覽地部州郡

部居處部文選苦熱行注水經夏水河水獲

水汾水穀水注及寰宇記並引之或省永初

字或省山川字或省山川古今字又澄之鄺

氏注或稱劉中書

案宋武受禪改元永初永初之時拓地稍

廣宋書州郡志序言所據諸書有永初郡

國故篇中時以爲言是書蓋總名永初郡

國記故初學記御覽引劉澄之揚州記荆

州記江州記豫州記梁州記廣州記交州

記而本志亦別出司州山川古今記三卷

皆是書之篇目也是書明著二十卷而章

氏云一卷別以御覽諸書所引廣州記等

六部分著于後皆以爲本志不著錄何其

謬歟章氏唯欲自謝博覽于本志多所竄亂地理類

尤甚焉

元康三年地記六卷

不著撰人

章氏考證續漢郡國志注引晉元康地道記

文選謝靈運斤竹澗詩注藝文類聚地部並

稱元康地記元康惠帝年號與太康地記自

各爲一書續漢志注所引稱元康者甚多固

非太康之訛又隋志有元康六年戶口簿記

司州記二卷

不著撰人

晉書地理志漢武帝初置司隸校尉所部郡

凡七魏氏受禪置司州所部郡五晉定司州

統郡一十二

宋書州郡志司州刺史漢之司隸校尉也晉江左以來淪沒戎寇雖永和太元王化暫及太和隆安還復漣陷牧司之任示舉大綱而已武帝北平關洛河南底定置司州刺史治虎牢領河南滎陽弘農實土三郡合二十七縣又有河內東京兆二僑郡河內寄治河南領十縣東京兆寄治滎陽領六縣少帝景平初司州復沒北虜文帝元嘉末僑立於汝南尋亦省廢明帝復於南豫州之義陽郡立司州漸成實土焉領郡四縣二十并帖省置諸郡舊事一卷

不著撰人

案晉書溫嶠傳咸和初代應詹為江州刺史持節都督平南將軍鎮武昌嶠陳豫章十郡之要宜以刺史居之尋陽濱江都督應鎮其地今以州帖府進退不便且古鎮將多不領州皆以文武形勢不同故也宜選單車刺史別撫豫章專理黎庶其言以州帖府謂以刺史帖都督府以都督兼刺史也帖之義蓋如此江左以來有此名目地記二百五十二卷梁任昉增陸澄之書八十四家以為此記其所增舊書亦多零失見存別部行者惟十二家今列之於上 案自三輔故事至并帖省置諸郡舊事實有十三部十二家當是十三家之誤 章氏云志所列共十三家志增一家案陸澄條下章謂本志增著十五家此又謂本志增著一家然本志所增著者皆在此條之後其前實未嘗有所增著本注及篇敘一再言之甚明也

任昉有雜傳見前雜傳家

梁書南史本傳昉撰地記二百五十二卷本志篇敘曰齊時陸澄聚一百六十家之說編為地理書任昉又增陸澄之書八十四家謂之地記今任陸二家所記之內而又別行者各錄在其書之上自餘次之于下唐書經籍志地記二百五十二卷任昉撰唐書藝文志任昉地記二百五十二卷以上又就任昉所集編為一類

案陸任二家所合二百四十四家之書梁

時皆在焉自江陵覆沒悉為煨燼以迄于隋僅存五十四部今惟見五十二部 然有二家之書在則所謂零失者實未嘗失所謂見存者亦皆是見存也見存之書本當著錄否則仍用附注之例如釋文載張璠周易集解之法使後人得見其書名豈不甚善爾乃拘滯于隋人目錄之例以見存別部為斷致其餘一百九十二家之名目渺無可稽豈不惜哉

又任陸二家所載之百九十二家既無從而知之矣今觀章氏從諸書所引唐志所有輯存本志不著錄者凡一百五十七部除未經釐剔及誤收唐人洺州記蘇州記與遠古久亡之秦地圖即蕭何所收者漢代相傳之輿地圖置不復錄外猶有如干種或為二家所有或為本志所遺要皆是隋以前之地記也今併附記如左以見大凡漢宮闕簿三卷 關中記一卷潘岳 洛陽

記一卷戴延之後魏洛陽記五卷常景等吳

地記一卷張勃 南兗州記一卷阮昇之亦云阮敘之齊地記二卷吳讓寧容德青州刺史徐地錄一卷劉芳 交廣二州記二卷王範 西河舊事一卷武威張樹有輯本 分吳會丹陽三郡記三卷 晉太康土地記十卷 陽湖洪亮吉有集本太康州郡縣名五卷 古今地名三卷 職貢圖一卷梁元帝 異物志一卷陳所暢

以上一十六部見舊新唐志

漢宮殿名 漢宮闕疏 三輔宮殿名 長安圖 洛陽故宮名 洛陽宮舍記 晉宮閣名 建康宮殿簿 地理風俗記 應劭十三州記 應劭十三州記 冀州風土記 盧植冀州記 裴秀似即所著禹貢地域圖之一冀州記 荀綽 中山記 張曜 上黨記 三齊略記 齊地記 伏琛齊地記 解道康 兗州記 荀綽 洛陽記 華延儀 河南十二縣境簿 汝南記 杜預初學記 人事部引之似女記之誤 安成記 王烈之亦作王孚 仇池記 郭仲產 隴西記 亦云隴右記 三秦記 辛氏張樹 西堂有輯本 秦州記 郭仲產 蜀記 段氏巴蜀記 袁休明益州記 譙周益州記 任預南中八郡志 魏完 廣州記 裴淵廣州記 顧徽 始興記 王欽之 云王韶之 始安郡記 交州記 劉欣期南海

會創有集本 交州記 姚文感 交州外域記 沙州記 段國即吐谷渾記二卷也張氏二西堂有

集本見前編史 吳人外國圖似即康泰朱應等

所傳○南雍州記郭仲產湘中記羅含湘州

記甄烈湘州榮陽記 宜都記袁山松武陵

記黃園○荆州記范汪荆州記庾仲雍荆州

土地志 荆州圖副記 江陵記伍端休武

昌記史笈○尋陽記張僧鑒 豫章記 張僧鑒

南康記鄧德明南康記王韶之臨川記 荀伯

子建安記蕭子開○九江壽春記 後漢朱陽

壽陽記 王玄謨 宣城記紀義 丹陽記山謙之

江乘地記○三吳郡國志 章昭三吳土地

記顧長生吳地記董覽 吳郡地理記 王僧虔

吳縣記 顧徽吳郡綠海四縣記 吳郡臨

海記川瀆記 虞仲翔吳興山墟名 張充之亦

云張元之又云王韶之烏程縣可均輯本歸安鄭元

慶湖錄殘編輯本錢塘記劉道真○會稽舊志

會稽記孔靈符似名燧會稽郡十城地志

○東陽記鄭緝之永嘉記鄭緝之 甘州記 文

選謝靈運七里瀨詩注甘州記曰桐廬縣有七里瀨

瀨下數里至殿陵瀨案此云甘州記未詳 ○異物

志薛珣異物志譙周巴蜀異物志 南方異

物志 荆揚已南異物志薛瑩 廬陵異物

志曹叔雅○嵩山記盧元明 太山記 鄒山

記 南岳記 徐靈期 勾將山記袁山松羅浮

山記袁彥伯登羅山疏竺法真 廬山紀略慧

謙章氏云今存一卷廬山記張野廬山記 周景

式天台山銘序支遁名山略記 山圖陶弘

記裴松之 北征記孟與 北征記徐齊民從征

記伍緝之 征齊道里記 邱淵之 入東記 吳均

鄭氏湖錄殘編輯本東征記 西征記盧思道

以上一百十六部見諸書所引莫詳其

篇卷

山海經圖讚二卷郭璞注

郭璞有山海經注水經注並見前

唐張彥遠歷代名畫記曰古之祕畫珍圖則

有山海經圖六又鈔圖一大荒經圖二十六

唐書藝文志郭璞注山海經二十三卷又山

海經圖贊二卷宋史藝文志郭璞山海經贊

二卷

鎮洋畢沅山海經篇目考曰山海經有古圖

有漢所傳圖十三篇中海外海內經所說之

圖當是禹鼎也大荒經已下五篇所說之圖

當是漢時所傳之圖也以其圖有成湯有王

亥僕牛等知之又微與古異也据藝文志山

海經在形法家本劉向七略以有圖故在形

法家又郭璞注中有云圖亦作牛形又云亦

在畏獸畫中

又曰圖贊二卷郭璞撰隋書舊唐書經籍志

並云中與書目云山海經十八卷晉郭璞傳

凡二十三篇每卷有贊案今見藏本也

烏程嚴可均輯本序曰玉海引中與書目云

山海經十八卷凡二十三篇每篇有贊今世

所見惟道藏本卷一至十三有贊與經文次

羣書所引得六十七首益以藏本共得二百

六十六首凡南山經二十四首西山經五十

三首北山經三十首東山經十八首中山經

四十九首海外南經十六首海外西經十六

首海外北經十五首海外東經八首海內南

經六首海內西經十一首海內北經九首海

內東經四首大荒東經二首大荒西經二首

大荒北經一首海內經二首仍依史志分爲

二卷就中尚多舛誤無從考定也

孫祠書目山海經圖贊二卷晉郭璞撰道藏

本

張氏書目答問山海經箋疏十八卷圖贊一

卷郭璞贊郝懿行疏郝氏遺書本別行山海

經圖贊一卷藝海珠塵及他叢書多有之

山海經音二卷

不著撰人

唐書經籍志山海經音二卷

唐書藝文志郭璞注山海經二十三卷又山

海經圖贊二卷山海經音二卷

畢沅山海經篇目考山海經音二卷郭璞撰

隋書舊唐書經籍志並云 案二志並不著撰人

案音古本別行今見注中當是後人所合

水經四十卷酈善長注

北史酈範傳範字世則范陽涿鹿人也子道

元字善長襲父爵永寧侯例降爲伯自太傅

掾爲侍書御史冀州鎮東府長史試守魯陽

二十五史補編 隋書經籍志考證

第三六一頁

五九

道元于陰盤驛亭水盡力屈與其弟道缺二子俱被害道元好學歷覽奇書撰注水經四十卷行于世

唐六典工部注桑欽水經所引天下之水百三十七江河在焉鄺善長注水經引其枝流一千二百五十二桑欽水經詳見于前

唐書經籍志水經四十卷鄺道元撰

唐書藝文志鄺道元注水經四十卷

宋史藝文志桑欽水經四十卷鄺道元注

仁和趙一清水經注釋序目曰案李林甫唐六典注云桑欽水經所引天下之水一百三十七王應麟玉海云自河水至斤江水非經水常流不在記注之限

案鄺道元曰水出山而流入海者命曰經水 末卷載禹貢山水澤地所在凡六十案今本經水凡百十六較唐六典少二十一

一篇證以本注及雜采他籍得澄洛滹沱派滋伊瀘澗洛豐涇汭渠獲洙澱日南弱黑十八水而灑下常有灑餘清濁漳大小遼原分爲二刪去無注無名之沅西水合一百三十七水與唐六典數合也

四庫簡明目錄曰水經注四十卷後魏鄺道元作自明以來傳刻舛誤經注混淆今以永樂大典所載舊本重爲校正補其佚脫者二千一百二十八字刪其妄補者一千四百四十八字正其臆改者三千七百一十五字雖宋本原佚之五卷不可復補較諸明刻亦可謂還其舊觀矣

案此即休寧戴震校本

又曰水經注釋四十卷國朝趙一清撰是書

用全祖望之說謂水經注原本注中有注本雙行夾寫今混爲一殊爲無據然厥此義例亦使經緯分明便于尋覽其考補原佚五卷中二十一水亦確有佐證案此謂全氏無據者欲行戴校永樂大典本之言也或云此戴震語

全氏七校水經注四十卷補遺一卷附錄二卷光緒十四年十二月布政使銜分巡寧紹台兵備道新授湖南案察使無錫薛福成序曰宋元以來此書已無善本明朱鬱儀所校訛錯淆亂國初顧閎胡黃諸老並治水經拾遺訂謬時有所得何義門沈釋旃繼之而集其成於全謝山先生先生閱覽碩學水經一書尤生平所致力者校于揚校于杭校于粵經七校而始有完書剖別經注改易次第采諸家之長補原文之佚神明煥發頓還舊觀當時定本未及刊行輾轉流落入于有力者之手而先生之功轉晦其後趙東潛戴東原各有校本多所是正而不知皆先生爲之先導也余備兵浙東訪求先生手藁不可得同年董君覺軒家藏是編復以王氏重錄本殷氏張氏殘鈔本校之其分別大小注乃先生之創見大注亞經文一格小注亞大注一格歲戊子乃以董君之本命書院高材生合趙戴二本重加校訂而仍請董君總核之數月畢功付諸削氏 是爲寧波崇實書院新影本其補遺一卷爲散見羣書之豐水等十三篇附錄上卷則全氏趙氏序跋原記亦十三篇下卷乃平定張穆所作全氏水經注辨誤凡十八條謂戴氏竊據謝山書說言大典本以欺

廟記一卷

不著撰人

唐書經籍志廟記一卷藝文志著錄同

章氏考證漢書郊祀志注五帝廟在長安東北外戚傳注趙父家在雍門西上官桀安家並在霍光家東文選注二十二祈年宮在城外秦穆公造望年宮在華陰漢武帝造後漢書和帝紀注曹參家在長陵道旁北近蕭何冢史記秦本紀正義囊泉宮秦孝公造祈年觀德公起蓋在雍州城南通典禮門五帝廟在長安東北初學記居處部飛羽殿或云飛雨殿又長安有披香殿鴛鴦殿並引廟記太平寰宇記亦引十餘事不著撰名案梁書吳均傳均著廟記十卷

案册府元龜國史采譏地理篇云楊街之撰洛陽伽藍記五卷廟記一卷據此則又似楊街之撰豈街之伽藍記但記洛陽廟記則合西京宮殿陵墓爲一書歟

地理書鈔二十卷陸澄撰

陸澄有地理書見前

章氏考證太平寰宇記江南東道山南東道並引陸澄地理書鈔

案梁書文學庾仲容傳仲容鈔衆家地理書二十卷疑卽鈔陸氏之書此或是歟

兩

唐志有雜記十二卷似即此書以二十爲十二誤倒
其文也

地理書鈔九卷任昉撰

任昉有地記見前兩唐志有雜地記五卷似即是書
之殘贖

地理書鈔十卷劉黃門撰

劉黃門未詳疑是梁劉瓛有京師寺塔記見後

章氏考證文選西征賦注引劉澄之地記水經河水
後漢書獻帝紀注引劉澄之地記水經河水
獲水穀水伊水沫水夏水漾水沅水沅水末水贛
水注並引劉澄之語不著書名 案章氏以劉黃
門謂即劉澄之不言所出未詳所據豈以水經注稱劉中
書誤記爲黃門歟若是則水經注等所引乃澄之永初郡
國記非此書也

案陸任二家所集但依其前後遠近編而

爲部有如今之叢書重複互見時所恆有

後人鈔節其書省併複重故有上三家書

鈔而失注鈔誤者姓名耳 唐藝文志有地理

志書鈔十卷即此書也

洛陽伽藍記五卷後魏楊銜之撰

銜之自序有曰至晉永嘉惟有寺四十二所
逮皇魏受圖光宅嵩洛京城表裏凡有一千
餘寺暨永熙多難皇輿遷鄴諸寺僧尼亦與
時徙至武定五年余行役重覽洛陽城郭崩
毀宮室傾覆寺觀灰燼廟塔丘墟牆被蒿艾
巷羅荆棘野獸穴于荒階山鳥巢於庭樹遊
兒牧豎躑躅于九達農夫耕老藝黍于雙闕
始知麥秀之感非獨殷墟黍離之悲信哉周

室恐後世無傳故撰斯記然寺數最多不可

遍寫今之所錄止大伽藍其中小者取其詳

異世諦事因而出之先以城內次及城外凡

爲五篇 案東魏孝靜帝武定五年爲遷鄴後之十四年

南朝梁武帝太清元年也

史通補注篇曰除煩則意有所悛畢載則言

有所妨遂乃定彼棊格例爲子注若蕭大園

淮海亂離志羊銜之洛陽伽藍記是也

法苑珠林傳記篇洛陽地伽藍記一部五卷

元魏鄴都期城郡守楊銜之撰

唐書經籍志洛陽伽藍記五卷楊銜之撰

唐書藝文志道家釋氏類楊銜之洛陽伽藍

記五卷

宋史藝文志楊銜洛陽伽藍記三卷

晁氏讀書志洛陽伽藍記三卷元魏羊銜之

撰後魏遷都洛陽一時王公大夫多造佛寺

或捨其私第爲之故僧舍之多爲天下最街

之載其本末及事迹甚備

陳氏書錄解題洛陽伽藍記五卷後魏撫軍

司馬楊銜之撰專記洛陽城內外寺院爾朱

之亂城郭邱墟追述斯記

四庫提要曰楊銜之里貫未詳據書中所稱

知管官撫軍司馬耳魏自太和十七年作都

洛陽一時篤崇佛法刹廟甲于天下及永熙

之亂城郭邱墟武定五年銜之行役洛陽感

念廢興因摺拾舊聞追敘古蹟以成是書以

城及四門之外分敘五篇其文穠麗秀逸煩

而不厭可與酈道元水經注肩隨其兼敘爾

朱榮等變亂之事委曲詳盡多足與史傳參

證其他古迹藝文及外國土風道里采摭繁

富亦足以廣異聞據史通言則銜之此記實

有自注世所行本皆無之不知何時佚脫然

自宋以來未聞有引用其注者則其刊落已

久今不可復覩矣又簡明目錄曰楊或作羊

未詳孰是

按書中自言莊帝永安中爲奉朝請嚴氏

北齊文編曰楊銜之一姓羊北平人魏末

爲撫軍府司馬歷祕書監出爲期城太守

齊天保中卒于官

荆南地志二卷蕭世誠撰

蕭世誠梁元帝姓字也有漢書注見正史類

金樓子著書篇荆南志一秩二卷金樓自撰

梁書本紀所著荆南志一卷南史本紀荆南

地記一卷

唐書藝文志梁元帝荆南地志二卷

章氏考證太平御覽地部華容方臺山出

雲母土人候雲所出處于下掘取無不大獲

此引蕭世誠荆南志又高沙湖一事枝江縣

一事寰宇記山南東道四事並引荆南志又

石首縣陽岐山一事御覽稱荆南記

巴蜀記一卷

不著撰人

案章氏据水經若水注引袁休明巴蜀志

或即此書

交州異物志一卷楊孚撰

唐書經籍志交州異物志一卷楊孚撰一本

誤作文州

唐書藝文志楊孚交州異物志一卷

按本志前已著異物志一卷後漢議郎楊孚撰此即其書因有交州二字遂別出其目

元康六年戶口簿記三卷

不著撰人

案元康晉惠帝年號宋書州郡志序今以太康元康定戶永初郡國諸書互相考覆

元嘉六年地記三卷

不著撰人

案元嘉宋文帝年號是歲三月立皇子劼爲皇太子五月于雍州置馮翊郡九月于秦州置隴西宋康二郡見本紀是記蓋猶在劉澄之永初郡國志之前

九州郡縣名九卷

不著撰人

案魏志武紀建安十八年春正月詔書并十四州復爲九州荀綽有九州記司馬彪有九州春秋此或從兩書鈔出者大抵是三國時郡縣名

扶南異物志一卷朱應撰

梁書諸夷傳海南諸國大抵在交州南自漢武帝以來皆朝貢及吳孫權時遣宣化從事朱應中郎康泰通焉其所經及傳聞則有百數十國因立記傳又文學劉杳傳杳少好學博綜羣書沈約任防以下每有遺忘皆訪問焉嘗于約坐語約

云何承天纂文奇博其書載長頸王事此何出杳曰長頸是毗騫王朱建安扶南以南記云古來至今不死案此則朱應字建安其書亦稱扶南以南記梁書海南諸國傳扶南國在日南郡之南海西大灣中去日南可七千里在林邑西南三千餘里又有毗騫國去扶南八千里傳其王身長丈二頭長三尺自古來不死莫知其年王神聖國中人善惡及將來事王皆知之是以無敢欺者南方號曰長頸王云云皆朱建安扶南以南記之文也

唐書經籍志扶南異物志一卷朱應撰

唐書藝文志米應扶南異物一卷案此作米應寫誤也

章氏考證通典邊防門注引大宛馬大月氏牛二事史記大宛傳正義引秦國二事並稱宋膺異物志省扶南二字朱作宋應作膺未詳孰是

侯康補三國藝文志曰南史稱朱應官吳宣化從事與中郎康泰經過傳聞百數十國因立記傳而隋志獨載此書者意他卷盡亡而此卷塵存也又梁書劉杳傳稱長頸是毗騫王朱建安扶南以南記云古來至今不死疑即此書

臨海水土物志一卷沈瑩撰

吳志孫皓傳天紀四年春晉安東將軍王渾復斬丞相張悌丹陽太守沈瑩等所在戰克注于寶晉紀曰吳丞相軍師張悌軍孫震丹陽太守沈瑩帥衆三萬濟江與討吳護軍張翰揚州刺史周浚成陣相對沈瑩領丹陽

銳卒刀盾五千號曰青巾兵前後屢陷墜陣于是以馳淮南軍三衝不動退引亂因而乘之吳軍以次土崩將帥不能止大敗于版橋獲悌震瑩等襄陽記曰晉來伐吳悌使悌督沈瑩諸葛靚率衆三萬渡江逆之至牛渚沈瑩曰晉治水軍於蜀久矣今傾國大舉萬里齊力必悉益州之衆浮江而下我上流諸軍無有戒備名將皆死幼少當任恐邊江諸城盡莫能禦也晉之水軍必至於此矣宜畜衆力待來一戰若勝之日江西自清上方雖壞可還取之今渡江逆戰勝不可保若復摧喪則大事去矣悌不從遂渡江戰吳軍大敗

沈瑩事蹟見于吳志傳注者如此蓋與張悌同殉國難者也

吳有沈瑩字仲山吳郡人孫權時以奉使有稱封永安鄉侯至少府瑩與荀名皆从玉或昆季行荀之時但有吳郡瑩之時分置吳與大抵是吳與武康人

史通書志篇曰自沈瑩著臨海水土周處撰陽羨風土厥類衆夥諒非一族唐書經籍志臨海水土異物志一卷沈瑩撰唐書藝文志沈瑩臨海水土異物志一卷章氏考證後漢書東南夷傳注廣韻鱗字鱉字注文選思玄賦江賦江文通雜體詩注初學記藝文類聚歲時部御覽地部時序部四夷部鱗介部寰宇記江南東道一切經音義多引之或稱臨海水土志臨海風土記臨海異物志臨海記

孫祠書目臨海記一卷洪頡煊集本案吳志孫亮太平二年二月以會稽東部

爲臨海郡宋書州郡志臨海太守本會稽東部都尉也吳太平二年立領縣五此蓋郡志之最先者史通敘是書於周處之前二人同時仕於吳故皆有風土記之作晉戴凱之竹譜嘗引是書本志既次於朱應之後唐志亦與萬震朱應相類從是吳之沈瑩爲多通志藝文略乃云隋沈瑩撰殊爲眩惑殆隋下敍志字耳 又諸書所引有吳郡臨海記是吳郡亦有臨海地名不知與此是一是

益州記三卷李氏撰

南史鄧元起傳涪令李膺字公胤廣漢人有才辨西昌侯蕭藻爲益州以爲主簿使至梁武帝悅之謂曰今李膺何如昔李膺對曰今勝昔問其故對曰昔事桓靈之主今逢堯舜之君帝嘉其對以如意擊席者久之乃以爲益州別駕著益州記三卷行於世

唐書藝文志李充益州記三卷

章氏考證唐志作李充誤後漢書公孫述傳注南蠻西南夷傳注元和郡縣志劍南道寰宇記劍南西道御覽四夷部並引李膺益州記水經江水青衣水若水注引益州記不著撰名 案鄺李單地同時此所引自是別家益州記未必即是此記

又曰太平寰宇記劍南東道引數事並稱李膺蜀記

湘州記一卷郭仲彥撰彥當爲彥

史通正史篇敘十六國史云燕太傅長史田

融宋尚書庫部郎郭仲產北中郎參軍王度追撰二石事集爲鄴都記趙記等書

唐余知古渚宮舊事曰郭仲產爲南郡王從事宅在江陵枇杷寺南元嘉末起齋屋以竹爲柵竹遂漸生枝葉條長數尺扶疏翳翠鬱然如林仲產以爲吉祥俄而同義宣之謀被誅焉案南郡王義宣反事在宋孝武孝建元年

崇文總目湘州記一卷郭仲產撰

書錄解題曰唐吳從政刪郭仲產襄陽記等書爲襄沔記

章氏考證太平御覽飲食部寰宇記嶺南道並引郭仲產湘州記

按新唐志有郭仲產荆州記二卷諸書所引又有南雍州記秦州記仇池記則所作不止此一卷也南雍州即陳錄所云襄陽記

湘州圖副記一卷

不著撰人

唐書經籍志湘州圖記一卷

唐書藝文志湘州圖副記一卷

四海百川水源記一卷釋道安撰

慧皎高僧傳釋道安姓衛氏常山扶柳人也家世英儒早失覆蔭爲外兄孔氏所養年十二出家神性聰敏而形兒甚陋游學至鄴遇佛圖澄事澄爲師後至襄陽又後從苻堅入長安晉太元十年二月八日無疾而卒孫綽爲名德沙門論云道安博物多才通經名理又爲之贊曰物有廣贍人固多宰淵淵釋安專能兼倍飛聲汧隴馳名淮海形雖草化猶

若常在本志道佛篇常山沙門衛道安欲令玄宗所在流布分遺弟子各趨諸方法性詣揚法和入蜀道安與慧遠之襄陽

唐書經籍志四海百川水記一卷釋道安撰唐書藝文志僧道安四海百川水源記一卷又一卷

京師寺塔記十卷錄一卷劉瑋撰

法苑珠林傳記篇京師塔寺記一部二十卷梁朝尚書兵部郎中兼史學士臣劉瑋奉敕撰瑋沛國沛人嘗官黃門郎見周書劉瑋傳瑋之兄也

南史循吏郭祖深傳梁武帝溺情內教朝政縱弛祖深輿楸詣闕上封事其略曰陛下昔歲尙學置立五館行吟坐詠誦聲溢境比來慕法普天信向家家齋戒人人懺禮不務農桑空談彼岸謹上封事二十九條時帝大弘釋典將以易俗故祖深尤言其事以爲都下佛寺五百餘所窮極宏麗僧尼十餘萬資產豐沃所在郡縣不可勝言道人又有白徒尼則皆蓄養女皆不貫人籍天下戶口幾亡其半恐方來處處成寺家家剃落尺土一人非復國有案梁書無郭祖深傳李延壽以其封事切於時事愛不能釋故特爲一傳附循吏之末然竊有疑焉梁武能事畢究雖有求言之詔而臣下稀復進諫諫上事被旨詰責固已事矣祖深此奏雖具恐當時未必上也不然此亦史家徵事選言之要務梁書何故棄而不取乎

華山精舍記一卷張光祿撰

張光祿始末未詳

章氏考證太平御覽地部華山精舍記曰老

子枕中記云吳西界有華山可以度難父老
云山頂有池上生千葉蓮花服之羽化因名
華山長林森天荒楚蔽日案此見地部十一江東
諸山中又有花山一條云陸道瞻吳郡記曰吳縣有花山
太康中生千葉蓮花于上故曰花山又輿地志曰山上有
石鼓晉隆安中鳴乃有孫恩之亂山在縣西六十三里蓋
華山即花山非四岳也御覽分而為二亦失之不考此張
光祿意蘇州府縣志或有之

南雍州記六卷鮑至撰

南史鮑泉傳泉東海人也時又有鮑行卿行
卿弟客卿位南康太守客卿三子檢正至並
才藝知名為湘東王五佐

又庾肩吾傳肩吾初為晉安王國常侍王鎮
雍州被命與劉孝威江伯搖孔敬通申子悅
徐防徐攜王囿孔鑠鮑至等十人抄撰衆書
豐其果饌號高齋學士王為皇太子開文德
省置學士肩吾子信徐攜子陵吳郡張長公
北地傳弘東海鮑至等充其選

唐書藝文志鮑堅南雍州記三卷堅當為至
章氏考證通典州郡門注鮑至南雍州記曰
城內有蕭相國廟相傳謂為城隍神唐志作
鮑堅三卷

案梁書簡文帝本紀天監五年封晉安郡
王普通四年為使持節都督雍梁南北秦
四州竟陵隨郡諸軍事雍州刺史鮑至是
志當作於斯時時為高齋學士也曰南雍
州者晉孝武始于襄陽僑立雍州宋齊梁
並因之詳見晉宋地理州郡志

案唐經籍志有南雍州記三卷郭仲產撰
仲產宋時人在鮑氏之前此六卷其前三
卷蓋仲產之書書錄解題云唐吳從政刪
郭仲產襄陽記鮑堅南雍州記等書為襄
沔記

京師寺塔記二卷釋曇景撰景當為宗

慧皎高僧傳序曰彭城劉俊益部寺記沙門
曇宗京師寺記並傍出諸僧敘其風素

又高僧唱導科傳釋曇宗姓號秣陵人出家
止靈味寺少而好學博通衆典唱說之功獨
步當世辨口適時應變無盡嘗為孝武唱導
行菩薩五法禮竟帝乃笑謂宗曰朕有何罪
而為懺悔宗曰昔虞舜至聖猶云予遠爾躬
湯武亦云萬姓有罪在予一人聖王引咎蓋
以軌世陛下德邁往代齊聖虞殷履道思冲
寧得獨異帝大悅後終子所住著京師塔寺
記二卷

按此蓋宋時所作劉珍之前以上從一家
書目抄入此以下又從別家書目抄入

張騫出關志一卷

史記衛青霍去病附傳將軍張騫以使通大
夏還為校尉從大將軍有功封為博望侯後
三歲為將軍出右北平失期當斬贖為庶人
其後使通烏孫為大行而卒家在漢中
漢書本傳張騫漢中人也建元中為郎應募
使月氏還拜大中大夫初騫行時百餘人去
十三歲唯二人得還騫身所至者大宛大月
氏大夏康居而傳聞其旁大國五六具為天

子言其地形所有語皆在西域傳騫以校尉
從大將軍擊匈奴知水草處軍得以不乏迺
封為博望侯是歲元朔六年也後二年為衛
尉與李廣俱出右北平擊匈奴而騫後期當
斬贖為庶人後二年拜為中郎將使烏孫既
至分遣副使使大宛康居月氏大夏與烏孫
使數十人馬數十匹報謝還拜大行歲餘卒
案元朔六年後二年又後二年又餘餘是騫卒于元狩六
年或元鼎元年

華陽國志張騫漢中成固人也為人強大有
謀能涉遠為武帝開西域五十三國窮河源
南至絕遠之國于是廣漢緣邊之地通西南
之塞豐絕域之貨令帝無求不得無思不服
至今方外開通騫之功也
後漢書西域傳論曰西域風土之載前古未
聞也漢世張騫懷致遠之略班超奮封侯之
志終能立功西遐羈服外域又曰佛道神化
與自身毒而二漢方志莫有稱焉張騫但著
地多暑溼乘象而戰其精文善法導達之功
靡所傳述
册府元龜國史地理部張騫為郎使月氏撰
出關記一卷

通志藝文略地理行役類張騫出關志一卷
章氏考證崔豹古今注曰酒杯藤出西域國
人寶之不傳中土張騫出大宛得之事出張
騫出關志洪遵泉志外國品亦引騫出關志
外國傳五卷釋曇景撰
開元釋教錄沙門釋曇景不知何許人于蕭

齊代譯摩耶經等二部羣錄直云齊世譯出
既不顯年未詳何帝

案法苑珠林敬佛篇云昔法盛曇無竭再
往西方有傳五卷釋教錄云沙門釋法勇

梵名曇無竭宋永初元年與沙門僧猛曇
朗之徒二十五人遠適西方元嘉末年遂

于揚都所歷事跡別有記傳云云曇景唐
智昇撰釋教錄時已不詳其終始或即與

曇無竭同行二十五人之內者
歷國傳二卷釋法盛撰

慧皎高僧曇無識附傳時高昌有沙門法盛
亦經往外國立傳凡有四卷又有竺法維釋

僧表亦經往外國云
開元釋教錄沙門釋法盛高昌人也亦于涼

代譯投身餓虎經一卷故高僧曇無識傳末
云于時有高昌沙門法盛亦經往外國有傳

四卷案此云涼代謂沮渠蒙遜也時當宋元嘉中唐
日本書目載法盛是書亦云四卷

唐書經籍志歷國傳二卷釋法盛撰
唐書藝文志僧法盛歷國傳二卷

西京記三卷
不著撰人

周書薛寶傳寶河東汾陰人也幼覽篇籍好
屬文仕西魏入周位驃騎大將軍開府儀同

浙州刺史封郃陽縣侯卒諡曰理撰西京記
三卷引據該洽世稱其博聞焉

唐書經籍志西京記三卷薛寶撰
唐書藝文志薛寶西京記三卷寶並當寶

京師錄七卷

不著撰人

案此亦似周隋人所錄記當時之制度

尋江源記一卷

不著撰人

章氏考證太平寰宇記山南東道兩引尋江

源記

案唐經籍志尋江源記五卷庾仲雍撰又

一卷不著名氏蓋即此書

後園記一卷

案初學記居處部載晉潘尼後園頌為晉

武帝後園校射而作又有梁元帝遊後園

詩晚景遊後園詩藝文類聚六十五有齊

謝朓遊後園賦似此為洛陽後園記又晉

書涼武昭王李玄盛傳隆安中有赤氣起

於後園起嘉納堂以圖贊所志時白狼白

兔白雀白雉白鳩皆棲其園圍其羣下以

為白祥金精所誕皆應時雍而至又有神

光甘露連理嘉禾衆瑞請史官記其事玄

盛從之則又似西涼李氏燉煌後園記

江表行記一卷

不著撰人

章氏考證寰宇記江西南道江表記曰江中

有繁洲長三里與蕪湖相接

案此似北朝聘使所作

淮南記一卷

不著撰人

章氏考證寰宇記江西南道淮南記曰吳初

以周輪屯牛渚晉謝尚亦鎮此城御覽地部莫
邪山亦引淮南記一條

案晉書文苑伏滔傳滔從桓温伐袁真至
壽陽以淮南屢叛著論二篇名曰正淮論

其上篇曰淮南者三代揚州之分也當春
秋時吳楚陳蔡之與地戰國之末楚全有

之而考烈王都焉漢書地理志九江郡壽春邑
楚考烈王自陳徙此秦併天下建立郡縣是

為九江劉項之際號曰東楚爰自戰國至
于晉之中興六百有餘年保淮南者九姓

稱兵者十一人皆亡不旋踵禍溢于世而
終莫戒焉案九姓十一人者據論所載則

其始為楚考烈王漢黥布淮南王長長子
安東漢初李憲三國初袁術魏王淩世邱

儉諸葛誕晉祖約及袁真其事並見史漢
三國志晉書袁真事見桓温傳其後之稱

兵犯順者晉安帝隆安中豫州刺史庾楷
與王恭桓玄等五人合從向闕宋泰始中

刺史殷琰為晉安王子助城守逾時其最
為痛酷者侯景因之以反噬最可悼惜者

王琳城陷而身亡諸書所引有漢朱陽九
江壽春記宋王玄謨壽陽記此記不知在

何時

古來國名二卷

不著撰人

案晉書陳壽傳壽撰古國志五十篇此或

從而抄出者
十三州志十卷闕闕撰

魏書本傳駟字玄陰敦煌人也博通經傳聰

明過人注王朗易傳學者藉以通經撰十三

州志行于世蒙遜甚重之拜祕書考課郎中

加奉車都尉牧健待之彌重拜大行遷尚書

姑臧平樂平王丕鎮涼州引為從事中郎王

薨之後還京師家甚貧敝不免飢寒卒無後

晉書地理志至漢平帝元始二年郡國一百

一十有一凡為十三部涼益荆揚青豫兗徐

幽并冀十一州交趾朔方二刺史合十三部

後漢省朔方刺史合之于司隸凡十三部其

與漢不同者司隸校尉部治河南朔方隸于

并州

史通雜述篇曰地理書者若朱贛所采漢于

九州闕駟所書彈子四國斯則言皆雅正事

無偏黨者矣

唐書經籍志十三州志十四卷闕駟撰

唐書藝文志闕駟十三州志十四卷

武威張澍輯本序曰後魏敦煌闕玄陰撰十

三州志隋志十卷唐志十四卷顏師古漢地

理志注多引之其言曰中古以來說地理者

多矣或解說經典或纂述方志競為新異妄

有穿鑿安處附會頗失其真今並不錄獨有

取于闕氏可知其書之精審所惜散佚不傳

他書徵引者亦復寥寥余搜集傳注都為一

卷斷珪碎璧彌覺可珍云

張氏書目答問闕駟十三州志二卷張澍輯

二酉堂本

慧生行傳一卷

魏書釋老志熙平元年詔遣沙門惠生使西

域采諸經律正光三年冬還京師所得經論

一百七十部行于世

本志道佛篇後魏熙平中遣沙門慧生使西

域采諸經律得一百七十部

案熙平正光當梁武帝天監普通之時首

尾凡七年羊銜之洛陽伽藍記備載此記

年月與史文頗不同

宋武北征記一卷戴氏撰

宋書武帝本紀初僞燕主鮮卑慕容德僭號

于青州德死兄子超襲位前後屢為邊患義

熙五年二月大掠淮北執陽平太守劉千載

濟南太守趙元驪略千餘家三月公抗表北

討四月發京師五月至下邳六月拔臨朐超

遁還廣固六年二月丁亥屠廣固超踰城走

獲之送京師斬于建康市亦見晉書本紀

嘉定錢大昕隋書考異曰宋武北征記一卷

戴氏撰戴名延之見水經注

章氏考證元和郡縣志河南道後漢書呂布

傳注並引宋武北征記

案戴延之即戴祚有西征記二卷又一卷

並見于前案宋武西征姚泓入長安在晉

安帝義熙十二年此北征慕容超猶在其

前七年是役也延之以僚屬從故為此記

同時從行者裴松之孟奧徐齊民並有北

征記伍緝之有從征記邱淵之有征齊道

里記見章氏輯諸書所引

林邑國記一卷

不著撰人

晉書南蠻傳林邑國本漢時象林縣則馬援

鑄柱之處也去南海三千里後漢末縣功曹

姓區有子曰連殺令自立為王子孫相承其

後王無嗣外孫范熊代立熊死子逸自立孫

權以來不朝中國至武帝太康中始來貢獻

云

唐書經籍志林邑國記一卷藝文志同

章氏考證水經葉榆河注引林邑記又溫水

注引云馬援樹兩銅柱於象林南界與西屠

國分漢之南疆通典邊防門同

案宋書文帝本紀元嘉二十三年六月交

州刺史檀和之伐林邑國剋之二十四年

秋七月乙卯以林邑所獲金銀寶物班賚

各有差此次宋武北征記之後或其時檀

和之等所上者歟又晉書南方草木狀引東

方朔林邑記似林邑記不止此一家

涼州異物志一卷

不著撰人

唐書藝文志涼州異物志二卷

武威張澍輯本序曰異物有志在昔繁矣隋

志有萬震南州異物志史記正義引宋膺異

物志而涼州異物志著于隋唐志隋一卷唐

二卷博物志水經注均引作涼土異物志惜

不傳作者姓氏觀其寫致數詞頗諧聲律采

藻精華方諸萬氏又未嘗不歎其散佚也宋

膺異物隱匿鮮章史注所引多說西方且月

氏羊尾文與涼州異物志全同太平廣記引

涼州異物志羊子生土中文亦與宋膺異物志同疑涼州異物志即宋膺所纂漢晉之時敦煌宋氏俊才如林文采多麗實其然乎以無左證未能質言耳間有音注仍舊存之偶得事比亦注于末案宋膺似是朱應之傳譌朱應有扶南異物志詳見于前

閻象傳二卷閻先生撰

閻先生不詳何許人

案閻與祕閉並通識緯家有孔子閉房記閉或作祕又作閻舊唐書音樂志汜水初呈祕象温洛薦表昌圖魏都賦云藏氣識緯閻象竹帛此皆言河圖洛書也梁釋僧祐世界記序云雖復夏革說地不過戶牖之間鄒子談天甫在奧突之內鍊石既詛鼈足亦詭俗書徒繁竟無顯說世士蒙昧莫詳厥體是以憑惠獨慮閻六合之相持桓譚拒問率五藏以爲喻其言閻六合似卽說地勢之大略謂閻藏不發之象歟憑惠不知何人憑似馮字之誤又說文象鼻牙南越大獸豈卽言秦之象郡漢之象林者歟

又漢志陰陽家有閻邱子十三篇名快魏人漢書人表第四等有閻邱光錢塘梁玉繩曰孫侍御曰光乃先字之誤漢人稱先生每軍稱先閻邱先生齊宣王時人見說苑善說篇或曰人表傳寫敝生字案漢志載其書于三鄒子之後大抵亦是談天地言終始之學者此二卷豈猶是十三篇之

殘賸歟閻先生卽閻邱先生歟
司州山川古今記三卷劉澄之撰

劉澄之有永初山川古今記見前
案永初山川古今記據宋書州郡志卽永初郡國記不僅記山川一門也此三卷殆卽前二十卷之佚出者

江圖一卷張氏撰

張氏不詳何人

章氏考證尙書禹貢正義張須元緣江圖陸氏釋文亦稱張須元緣江圖覆案釋文作張須元非元字禹貢所附釋文乃誤爲元章氏又誤以爲正義所引通典州郡門注稱張須元江圖史記夏本紀索隱稱張須元江圖案此當卽隋志所稱張氏江圖據書疏似須元乃雙名通典注則須爲單名索隱作張須與須字似相似而訛張彥遠名畫記曰江圖張氏一

江圖二卷劉氏撰

劉氏不詳何人
唐張彥遠歷代名畫記曰古之祕畫珍圖則有江圖三劉氏又一張氏謂劉氏江圖三卷張氏一卷也

唐書藝文志江圖二卷

章氏考證文選蕭賦注陶淵明夜行塗口詩注寰宇記劍南西道並引江圖不著撰名唐志有江圖二卷亦無撰名張彥遠名畫記曰江圖劉氏三

案御覽三百三十五引吳時緣江戍圖今書家有傳長江萬里圖者不過寫其風景

輿地家有長江圖則開方計里徵實之學焉

廣梁南徐州記九卷虞孝敬撰

虞孝敬有高僧傳見前雜傳類

案此爲廣州梁州南徐州三記合并爲帙者似梁代地記之殘賸

水飾圖二十卷

不著撰人

太平廣記伎巧類杜寶大業拾遺曰煬帝別敕學士杜寶修水飾圖經十五卷新成以三月上巳日會羣臣於曲水以觀水飾有神龜負八卦出河授伏羲及屈原沈汨羅水巨靈開山長鯨吞舟等總七十二勢皆刻木爲之或乘山或乘平洲或乘磐石或乘宮殿木人長二尺許衣以綺羅裝以金碧及作雜禽獸魚鳥皆能運動如生隨曲水而行又間以妓航木人奏音聲皆得成曲及爲百戲跳劍舞輪昇竿擲繩皆如生無異奇幻出于意表又作小舸子木人乘此船以行酒如斯之妙皆出自黃袞之思寶時奉勅撰水飾圖經及檢校良工圖畫既成奏進勅遺寶共黃袞相知于苑內造此水飾故得委悉見之袞之巧性今古罕儔

隋書何稠傳大業時有黃巨者不知何許人也及弟袞俱巧思絕人煬帝每令其兄弟直少府將作於時改創多務巨袞每參典其事凡有所爲何稠先令二人立樣當時工人皆稱其善莫能有所損益巨官至朝散大夫袞

甄固傳一卷
不著撰人

至散騎侍郎

漢書高帝本紀五年二月詔曰故粵王亡諸

世奉粵祀秦侵奪其地使其社稷不得血食

諸侯伐秦亡諸身帥閩中兵以佐滅秦項羽

廢而弗立今以為閩粵之王閩中地勿使失

職師古曰閩越今泉州建安是其地也

又武帝本紀元鼎六年秋東越王餘善反攻

殺漢將吏遣橫海將軍韓說中尉王溫舒出

會稽樓船將軍楊僕出豫章擊之元封元年

冬十月詔曰南越東甌咸伏其辜東越殺王

餘善降詔曰東越險阻反覆為後世患遷其

民于江淮間遂虛其地

晉書地理志揚州建安郡故秦閩中郡漢高

帝五年以立閩越王及武帝滅之徙其人名

為東冶又名東城後漢改為侯官郡尉及

吳置建安郡統縣七

宋書州郡志江州建安太守本閩越秦立為

閩中郡漢武帝世閩越反滅之徙其民于江

淮間後有遁於山谷者頗出立為冶縣屬會

稽司馬彪云章安是故冶然則臨海亦治地

也案臨海郡治章安故云張勃吳錄云閩越王治

鑄地蓋句踐治鑄之所故謂之冶後分治地

為會稽東南二郡都尉東部臨海是也南部

建安是也吳孫休永安三年分南部立為建

安郡

北荒風俗記二卷

不著撰人

章氏考證太平寰宇記河北道有隋北蕃風

俗記曰厥稽部渠長突地稽率八部衆內附

處之柳城

諸蕃風俗記二卷

不著撰人

章氏考證通典邊防門注金姓相承三十餘

葉稱隋東蕃風俗記洪遵泉志外國品有三

佛齊國錢泥國錢並引諸蕃風俗記

案兩唐志有裴矩高麗風俗一卷似即此書之佚存者矩在煬帝

時領護西域諸蕃互市事有西域圖見後

男女二國傳一卷

不著撰人

南史夷貊傳扶桑國者齊永元元年其國有

沙門慧深來至荊州說云扶桑東千餘里有

女國

隋書西域傳女國在葱嶺之南其國代以女

為王王姓蘇毗字末羯女王之夫號曰金聚

不知政事國內丈夫唯以征伐為務開皇六

年遣使朝貢其後遂絕

突厥所出風俗事一卷

不著撰人

隋書北狄傳突厥之先平涼雜胡也姓阿史

那氏後魏太武滅沮渠氏阿史那以五百家

奔茹茹世居金山工于鐵作

北史云居金山之陽為蠕蠕鐵工金山狀如兜鍪俗呼兜鍪為突

厥因以為號後魏之末有木杆可汗擊茹茹

滅之西破挹怛東走契丹北方戎狄悉歸之

抗衡中夏

北史突厥傳突厥者其先居西海之右獨為

部落蓋匈奴之別種也或曰突厥本平涼雜

胡又曰突厥之先出於索國在匈奴之北又

傳論曰四夷之為中國患也久矣北狄尤甚

種類實繁迭雄邊塞年代遐邇非一時也五

帝之世則有獯鬻三代則獫狁兩漢則匈奴

當塗典午則烏桓鮮卑後魏及周則蠕蠕突

厥此其酋豪相繼互相君長者也及蠕蠕衰

而突厥始大至于木杆遂雄朔野

章氏考證通典邊防門引有突厥本末記

古今地譜二卷

不著撰人

案史記夏本紀正義引古今地名似其書

本為古今地名譜此級名字歟梁陶弘景著

古今州郡記或即從其書鈔出者

輿地志三十卷陳顧野王撰

顧野王有玉篇見經部小學家

陳書南史本傳所撰著玉篇三十卷輿地志

三十卷行于世

本志篇敘曰陳時顧野王抄撰衆家之言作

輿地志

唐書經籍志輿地志三十卷顧野王撰

唐書藝文志顧野王輿地志三十卷

章氏考證王象之輿地碑記目曰寶雲寺南

高基顧野王曾于此修輿地志並建屋立像

曰顧侍郎祠通典州郡門注及太平御覽寰

宇記引輿地志甚多

序行記十卷姚最撰

姚最有梁後略見前古史類

唐書經籍志述行記二卷姚最撰

唐書藝文志姚最述行記二卷

章氏考證周書儒林傳案當云藝術傳姚僧垣

撰行記三卷子最傳不載撰序行記唐志有

姚最述行記三卷案當云二卷元和郡縣志河

東道周建德五年從行討齊師次洪洞百雉

相臨四周重複控據要險城主張元靜率其

所部肉袒軍門又云晉陽宮西南有小城內

有殿號大明宮又云高齊天保中大起樓觀

穿鑿池塘自洋以下皆遊集焉至今為北都

之勝概並引姚最序行記三事又見寰宇記

河東道

案周書武帝本紀建德五年冬十月己酉

帝總戎東伐以齊王憲陳王純為前軍齊

王攻洪洞永安二城並拔之與李吉甫所

引序行記文合惟不載張元靜降耳姚為

齊王府參軍掌記室事所謂從行者即從

齊王為前軍時也明年遂入鄴北齊亡

魏永安記三卷溫子昇撰

魏書文苑傳溫子昇字鵬舉自云太原人晉

大將軍嶠之後也世居江左祖恭之避難歸

國家于濟陰冤句因為其郡縣人焉子昇初

受學于崔靈恩劉蘭熙平初補御史永熙中

為侍讀兼中書舍人鎮南將軍金紫光祿大

夫散騎常侍中軍大將軍領本州大中正齊

文襄王引為大將軍府諮議參軍及元僅劉

思逸荀濟等作亂文襄疑子昇知其謀乃餓

諸晉陽獄食敝襦而死撰永安記三卷 案子

昇死時當在東魏孝靜帝武定五六年

史通敘事用晦篇子昇取譏于君懋非不幸

也注王劭齊志曰時議恨邢子才不得掌輿

魏之書悵快溫子昇亦若此而撰永安記率

是支言

唐書藝文志故事類溫子昇魏永安故事三

卷

案魏書孝莊紀帝諱子攸彭城王勰第三

子肅宗孝昌二年進封長樂王及武泰元

年春二月肅宗崩大都督爾朱榮將向京

師謀欲廢立以帝家有忠勳且兼民望陰

與帝通榮乃率衆來赴夏四月帝與兄弟

夜北渡河丁酉會榮于河陽戊戌南濟河

即帝位改武泰為建義元年榮以兵權在

己遂有異志乃害靈太后及幼主次害王

公已下二千餘人汝南王悅北海王顓臨

淮王彧前後奔蕭衍九月乙亥以平葛榮

大赦改為永安元年冬十月蕭衍以北海

王顓為魏王年號孝基二年五月癸酉元

顓陷滎陽甲戌車駕北巡乙亥幸河內丙

子元顓入洛秋七月元顓敗走癸酉斬元

顓傳首京師三年九月辛卯天柱大將軍

爾朱榮上黨王天穆自晉陽來朝戊戌帝

殺榮天穆于明光殿是夜爾朱世隆榮妻

鄉郡長公主率榮部曲焚西陽門出屯河

陰冬十月爾朱世隆爾朱兆共推長廣王

暉為主號年建明十有二月爾朱兆爾朱

度律襲京城禁衛不守帝出雲龍門兆逼

帝幸永寧佛寺甲寅爾朱兆遷帝于晉陽

甲子帝崩于城內三級佛寺時年二十四

此莊帝永安首尾三年之大略也又案子

昇本傳云子昇嘗為上黨王天穆行臺郎

中元顓入洛又為顓中書舍人及帝殺爾

朱榮子昇預謀當時赦詔子昇詞也爾朱

兆入洛懼禍逃匿永熙中為侍讀然則此

三年中洛下大亂子昇皆親歷其事此殆

所記事蹟當入雜史不知本志何以列之

於此

國都城記二卷

不著撰人

章氏考證元和郡縣志河南道太平御覽州

郡部寰宇記河南道並引國都城記寰宇記

又引二事稱魯國郡記皆無撰名史記五帝

本紀夏本紀正義各引一事稱徐才宗國都

城記又周本紀晉世家孔子世家正義俱稱

宗國都城記唐志有顧野王十國都城記十

卷周明帝國都城記九卷

案章氏所考此書作者有三家周明帝徐

才顧野王徐才疑即徐之才又初學記州

郡部引皇甫謐國都城記此二卷不知誰

家之書

周地圖記一百九卷

不著撰人

唐書經籍志周地圖九十卷

唐書藝文志周地圖一百三十卷

章氏考證文選為曹洪與魏文書注後漢書

劉焉傳注元和郡縣志山南道並引周地圖

記太平御覽寰宇記尤多引之

冀州圖經一卷

不著撰人

章氏考證太平御覽地部引冀州圖經寰宇

記多引冀州圖省經字

齊州圖經一卷

不著撰人

齊州記四卷李叔布撰章氏考證云一卷不知所見何本

李叔布始末未詳

唐書經籍志齊州記四卷李叔布撰

唐書藝文志李叔布齊州記四卷

幽州圖經一卷

不著撰人

案冀州齊州幽州隋以前皆屬北朝以上

四書大抵皆北朝人作寰宇記數引舊圖

經似卽此類

魏聘使行記六卷

不著撰人

宋書索虜傳晉義熙十三年高祖西伐長安

虜主拓拔嗣遣使求和自是使命歲通

南齊書魏虜傳宋明帝末年始與虜和好元

徽昇明之世虜使歲通

梁書儒林范縝傳齊永明年中與魏氏和親

歲通聘好特簡才學之士以爲行人縝及從

弟雲蕭琛琅邪顏幼明河東裴昭明相繼將

命皆著名鄰國縝子胥有口辨大同中常兼

主客郎對接北使

唐書經籍志魏聘使行記五卷藝文志同

案其後東魏之初屬爾朱元顥大亂之後

北齊獻武文襄專政內憂未已故與梁通

好魏書靜帝本紀備載使命多以他官兼

散騎常侍充使始于天平四年七月爲李

諸盧元明李業興三人迄武定五年四月

李偉此十一年中南北使命尤慎重其事

云後以侯景之亂遂絕 魏書皆云實獻此史通所

謂矣其厚頌者

又案此六卷疑與下李諧行記一卷封君

義行記一卷合爲一書皆是李繪所集其

後散佚故別有李繪撰封君義行記一卷

也詳見下文 北齊書李渾傳云渾子湛爲

太子舍人兼常侍聘陳使副又曰渾與弟

繪偉俱爲聘梁使主湛又爲使副是以趙

郡人士目爲四使之門案此四人並同時

殆以父子兄弟咸以奉使著名故繪集爲

此記雖未得明文而其事固可想見矣案

史言使主者爲使事之主卽正使也

聘北道里記三卷江德藻撰

陳書文學傳江德藻字德藻濟陽考城人也

父革梁度支尚書德藻好學美風儀仕梁入

陳爲祕書監尚書左丞兼中書舍人天嘉四

年與中書侍郎劉師知使齊著北征道里記

三卷後爲通直散騎常侍自求宰縣出補新

喻令六年卒于官年五十七

章氏考證寰宇記淮南道西陽雜俎續集貶

誤篇並引江德藻聘北道里記

李諧行記一卷

梁書武帝本紀大同二年十二月壬申魏請

通和詔許之三年七月癸卯魏遣使來聘

魏書孝靜帝本紀天平四年先是蕭衍因益

州刺史傅和請通好秋七月甲辰遣兼散騎

常侍李楷 案當爲諧 兼吏部郎中盧元明兼

通直散騎李鄴使于蕭衍

北史李崇傳崇頓邱人也從弟平平子諧字

處和幼有風采襲父爵彭城侯文辨爲時所

稱歷位中書侍郎天平末魏欲與梁和好朝

議將以崔悽爲使主悽曰文采與識悽不推

李諧口頗顧顧諧乃大勝于是以諧兼常侍

盧元明兼吏部郎李業與兼通直常侍聘焉

梁武使朱异覘客异言諧元明之美諧等見

及出梁武目送之謂左右曰朕今日遇勅敵

卿輩常言北間都無人物此等何處來謂异

曰過卿所談是時鄴下言風流者以諧及隴

西李神儁范陽盧元明北海王元景弘農楊

遵彥清河崔瞻爲首初通梁國妙簡行人神

儁位已高故諧等五人繼踵而遵彥遇疾道

還竟不行既南北通好務以俊又相矜銜命

接客必盡一時之選無才地者不得與焉梁

使每入鄴下爲之傾動貴勝子弟盛飾聚觀

禮贈優渥館門成市宴日齊文襄使左右覘

之賓司一言制勝文襄爲之拊掌魏使至梁

亦如梁使至魏梁武親與談說甚相愛重諧

使還後卒于大司農魏書本傳云武定二年卒年四十九

案魏書載諧與梁主客郎范胥及梁武問答諸條李業與傳朱异及梁武問答經義似即本於是記

聘遊記三卷劉師知撰

南史本傳劉師知沛國相人也梁紹泰初陳武帝入輔以為中書舍人梁敬帝在內殿師知常侍左右及將加害師知執帝衣行事者加刃焉陳武帝受命任遇甚重天康元年豫文帝願命後坐事于北獄賜死 案師知使齊事陳書及南史本傳皆不載蓋江德藻為使主已詳于德藻傳此略之也

章氏考證陳書江德藻傳天嘉四年德藻與中書郎劉師知使齊著北征道里記三卷隋志別有劉師知聘遊記三卷

朝覲記六卷

不著撰人

案此亦如魏聘使行記六卷皆後人真錄為書者

封君義行記一卷李繪撰

魏書孝靜帝本紀興和三年八月甲子遣兼散騎常侍李騫使于蕭衍

北齊書封述傳述字君義渤海蓀人也梁散騎常侍陸晏子沈警來聘以述兼通直郎使梁 案李騫為使主述為之副故本紀但載李騫不及封述

北齊書李渾傳渾趙郡柏人人也弟繪字敬

文魏靜帝天平初世宗用為丞相司馬 世宗者齊文襄帝澄也 武定初兼常侍為聘梁使主

梁武帝問繪高相今在何處黑獺若為形容高相作何經略繪敷對明辨梁武稱佳前後行人皆通啓求市繪獨守清尚梁人重其廉潔使還拜平南將軍高陽內史天保初為司徒右長史卒諡曰景 又魏書李騫本紀興和四年夏四月丙寅遣兼散騎常侍李繪使于蕭衍又武定元年秋八月壬午遣兼散騎常侍李渾使于蕭衍據此則李繪傳載武定初為聘梁使主者為其兄渾事非繪事繪為使猶在其前一年傳當云興和末也

章氏考證酉陽雜俎續集貶誤篇引李繪封君義聘梁記梁主客賀季指馬上立射二事

案南史梁武帝本紀大同六年秋七月遣散騎常侍陸晏子報聘七年夏四月戊申東魏人來聘蓋即李騫封述為使報陸晏子之聘也時為東魏孝靜帝興和三年其後梁使明少遐報聘明年四月東魏乃以李繪為使主使梁是封君義為使在李繪之前一年非與繪同時將命者此題封君義行記則撰人書名已具而又注李繪撰

明是撰錄其書似與前李諧行記皆為繪所撰集疑即在魏聘使行記之中此其佚出別行之本也亦詳見於前

又案南齊書劉繪傳繪以才辨奉勅接魏使事畢當撰記繪曰無論潤色未易但得我語亦難矣案此則南北朝奉使接伴兩國必有所記其書至多以上數種乃其僅

存者耳所記不必地理故亦有變例列之傳記雜錄者

與駕東行記一卷薛泰撰

薛泰始末未詳

唐書經籍志與駕東幸記一卷薛泰撰

唐書藝文志薛泰與駕東幸記一卷

章氏考證太平御覽地部覆船山酒罌山引梁武與駕東行記唐志作東幸記

案御覽引梁武與駕東行記考梁書南史本紀大同十年三月甲午與駕幸蘭陵庚子謁建陵有紫雲蔭陵上食頃乃散帝望陵流涕所霑草皆變色陵旁有枯泉至是而流水香潔辛丑哭于修陵壬寅于皇基寺設法會詔賜蘭陵老少位一階并加頒賚因賦還舊鄉詩己酉幸京口城北固樓因改名北顧庚戌幸回賓亭宴帝鄉故老及所經近縣奉迎候者少長數千人各賚錢二千夏四月乙卯至自蘭陵蓋見于本紀者如此亦此記之大略也薛泰殆當時扈從者

北伐記七卷諸葛穎撰

巡撫揚州記七卷諸葛穎撰

隋書文學傳諸葛穎字漢丹陽建康人也起家梁邵陵王參軍侯景亂奔齊歷太子舍人待詔文林館周平齊不得調杜門不出十餘年晉王廣素聞其名引為參軍記室王為太子除藥藏郎及即位遷著作郎從征吐谷渾加正議大夫從駕北巡卒于道撰駕駕北巡

記三卷幸江都道里記一卷洛陽古今記一卷馬名錄二卷並行于世

唐書經籍志巡摠揚州記七卷諸葛穎撰

本從新志改為巡摠

唐書藝文志諸葛穎巡撫揚州記七卷

行本

嘉定錢大昕隋書考異經籍志北伐記七卷

巡撫揚州記七卷案穎傳云撰鸞駕北巡記

三卷幸江都道里記一卷蓋即此兩書而書

名卷數俱不合案此殆亦如區宇圖志為煬帝別敕

增行者

案隋書煬帝本紀開皇元年立為晉王八

年大舉伐陳及陳平而江南高智慧等相

聚作亂徒上為揚州總管鎮江都後數載

突厥寇邊復為行軍元帥出靈武無虜而

還及太子勇廢立為皇太子仁壽初奉詔

巡撫東南此兩書在開皇仁壽時作隋書

文學柳晉傳晉有晉王北伐記十五卷亦

在其時兩唐志無北伐記

大魏諸州記二十一卷

不著撰人

魏書孝文本紀太和十年二月甲戌初立黨

鄰里三長定民戶籍

南齊書魏虜傳永明四年造戶籍分置州郡

雍州涼州秦州沙州涇州華州岐州河州西

華州寧州陝州洛州荊州鄧州北豫州東荆

州南豫州西兗州東兗州南徐州東徐州青

州齊州濟州二十五州在河南案正二十四州

蓋彼一州錢氏考異已言之湘州懷州秦州東雍

州肆州定州瀛州朔州并州冀州幽州平州

司州十三州在河北錢氏考異曰河南有秦州河

北又有秦州亦必有誤湘當作相凡分魏晉舊司豫

青兗冀并幽秦雍涼十州地及宋所失淮北

為三十八州矣案此所載太和時疆域彼一州錢氏

攷異謂其後有光州符三十八州之數

唐書經籍志魏諸州記二十卷

唐書藝文志後魏諸州記二十卷

章氏考證太平御覽木部都安縣引大魏諸

州記寰宇記河北道潞縣引後魏諸州記水

經注多引魏土地記史記趙世家正義亦引

魏土地記元和郡縣志河東道引後魏風土

記寰宇記亦引後魏風土記數事又御覽地

部寰宇記河北道引後魏輿地風土記

并州入朝道里記一卷蔡允恭撰

周書蕭詧附傳蔡大寶濟陽考城人弟大業

有五子允恭最知名起家著作佐郎太子舍

人梁滅入陳拜尚書庫部郎陳亡入隋授起

居舍人

舊唐書文苑傳蔡允恭荊州江陵人也父大

業後梁左民尚書允恭仕隋歷起居舍人江

都之難從字文化及西上沒于竇建德及平

東夏太宗引為秦府參軍兼文學館學士貞

觀初除太子洗馬尋致仕卒于家有集十卷

又撰後梁春秋十卷案此書不載者似已編入本

集十卷中也

趙記十卷

不著撰人

北史李靈附傳李公緒字穆叔趙郡平棘人

雅好著書撰趙記八卷趙語十二卷並行於

世

章氏考證北齊書李公緒撰趙語十三卷語

當作記御覽州郡部李公緒趙記曰趙孝成

王造壇臺之名為趙都朝諸侯故曰信都寰

宇記河東道李穆叔趙記曰轅陽東北有五

指山上有一手一足之迹其大如箕指數俱

全史記趙世家正義龍山有四麓各有一穴

大如車輪春風出東秋風出西夏風出南冬

風出北不相奪倫此稱邢子勵趙記

案李公緒有趙李家儀見前儀注篇章氏

謂趙語當作趙記不知本傳別有趙記八

卷無庸遷就其說李氏為趙郡之甲族此

穆叔記其鄉國之書邢子勵未詳不知在

前在後矣

代都略記三卷

不著撰人

案元魏始居代晉書愍帝本紀建興三年

二月進封代公猗盧為代王此其始基也

至成帝咸康中猗盧孫昭成帝什翼犍即

位國號代年號建國建國三十九年為苻

堅所破後十年道武帝拓跋珪即位王位

年號登國後十二年改元天興定國號曰

魏遷都平城此大抵記天興以前都代京

時事隋書牛弘傳弘奏議云後魏代都造

明堂出自李冲殆即此記中之一事

世界記五卷釋僧祐傳

僧祐有薩婆多部傳見前雜傳類
僧祐自序略曰竊維方等大典多說深空唯
長鈴樓炭辯章世界而文博倘廣難卒檢究
且名師法匠職競玄義事源委積未必曲盡
祐以庸固志在拾遺故抄集兩經以立根本
兼附雜曲互出同異撰爲五卷名曰世界集
記將令三天階序煥若披圖六趣羣分照如
臨鏡庶溺俗者發蒙服道者瑩解共見慧眼
之因俱成覺智之業焉又法集總目云區辨
六趣故述世界之記 案以長阿含經樓炭經所說
世界爲主附以他雜說成是記

法苑珠林傳記篇世界記一十卷梁朝揚州
建安寺沙門釋僧祐撰
州郡縣簿七卷
不著撰人
玉海地理郡國類隋州郡縣簿七卷又曰隋
開皇三年廢諸郡大業三年改州爲郡又曰
大凡郡一百九十縣一千二百五十五
大隋翻經婆羅門法師外國傳五卷
不著撰人
隋區宇圖志一百二十九卷
不著撰人
隋書隱逸崔廓傳廓子蹟煬帝時爲起居舍
人大業五年受詔與諸儒撰區宇圖志二百
五十卷奏之帝不善之更令虞世基許善心
衍爲六百卷
太平御覽文部著書篇隋大業拾遺曰大業

之初敕內史舍人豆盧威起居舍人崔祖濬
等三十餘人撰區宇圖志一部五百餘卷新
成奏之
唐張彥遠歷代名畫記區宇圖一百二十八
卷每卷有圖虞茂氏撰 案虞世基字茂世會稽餘
姚人隋書有傳其名與字兩犯唐諱故此云虞茂氏唐志
亦沿舊題節去世字

唐書經籍志區宇圖一百二十八卷虞茂撰
唐書藝文志虞茂區宇圖一百二十八卷
章氏考證太平寰宇記河北道御覽地部並
引隋區宇圖志
隋西域圖三卷裴矩撰
裴矩有開業平陳記見前舊事篇
隋書本傳煬帝時西域諸蕃多至張掖與中
國交市帝令矩掌其事矩知帝方勤遠略諸
商胡至者矩誘令言其國俗山川險易撰西
域圖記三卷入朝奏之其序略曰臣旣因撫
納監知關市尋討書傳訪采胡人或有所疑
卽譯衆口依其本國服飾儀形王及庶人各
顯容止卽丹青模寫爲西域圖記共成三卷
合四十四國仍別造地圖窮其要害云云
章氏考證太平寰宇記四夷引隋西域圖記
二事

隋諸州圖經集一百卷郎蔚之撰
隋書北史郎蔚傳茂字蔚之恆山新市人也
仕齊入周至隋煬帝卽位爲尚書左丞與崔
祖濬撰州郡圖經一百卷奏之賜帛百段以
書付祕府帝親征遼東以茂爲晉陽宮留守

除名爲民徒且末郡十年追還京兆歲餘而
卒年七十五
唐書經籍志隋圖經集記一百卷郎蔚之撰
唐書藝文志郎蔚之隋圖經集記一百卷
章氏考證太平御覽州郡部引隋圖經集記
地部居處部多引隋圖經省集記二字寰宇
記亦引之甚多

隋諸郡土俗物產一百五十一卷
不著撰人

太平御覽文部著書篇隋大業拾遺曰大業
之初勅內史舍人豆盧威起居舍人崔祖濬
及龍川贊治侯倬等三十餘人撰區宇圖志
又著丹陽郡風俗乃見以吳人爲東夷度越
禮義及屬辭比事失修撰之意帝不悅遣內
史舍人柳陸宣勅責威等云昔漢末三方鼎
立大吳之國已稱人物故晉武帝云江東之
有吳會猶江西之有汝穎衣冠人物千載一
時及永嘉之末華夏衣纓盡過江表此乃天
下之名都自陳平之後碩學通儒文人才子
莫非彼至爾等著其風俗乃爲東夷之人度
越禮義于爾等可乎然于著述之體又无次
序各賜杖一頓卽日勅追祕書學士十八人
修十郡志內史侍郎虞世基總檢于是世基
命學士各序一郡風俗奏擬請體式學士著
作郎虞綽序京兆郡風俗學士宣惠尉陵敬
序河南郡風俗袁朗序蜀郡風俗學士宣德
郎杜寶序吳郡風俗四人先成以簡呈世基
世基具狀以四序奏聞去取聽勅帝曰學士

修書頗得人意各賜物二十段付世基擇善

用之世基乃鈔吳郡序付諸頭以為體式及

圖志第一副本新成八百卷奏之帝以部帙

太少更遣子細重修成一千二百卷卷頭有

圖別造新樣紙卷長二尺敍山川則卷首有

山水圖敍郡國有郭邑圖敍城隍有公館圖

其圖上山水城邑題書字及細字並用歐陽

肅書即率更令詢之長子工于草隸為時所

重 案此言一千二百卷者蓋合上圖經圖志而重修之

仍名區宇圖志其體如今之通志合郡縣風俗山川人物

土產為一編是所謂正御書與通行者不同故本志仍分

載三書止于三百八十卷也

本志篇敍曰隋大業中普詔天下諸郡條其

風俗物產地圖上于尚書故隋代有諸郡物

產土俗記一百三十一卷三十一似五十一之訛

區宇圖志一百二十九卷諸州圖經集一百

卷其餘記注甚衆

唐書經籍志諸郡土俗物產記十九卷 藝文

志同

西域道里記一卷

不著撰人

諸蕃國記十七卷

不著撰人

方物志二十卷許善心撰

許善心有梁史見前正史篇

隋書本傳大業四年撰方物志奏之

玉海地理異域圖書門許善心撰方物志二

十卷大業四年奏之

并州總管內諸州圖一卷

不著撰人

隋書宇文弼傳時朝廷以晉陽為重鎮并州

總管必屬親王其長史司馬亦一時高選

以上自山海經圖讚至此凡八十四部志

敍所謂任陸二家所記之餘次之于下者

也蓋從七錄及陳隋諸家書目編為是類

當時合任陸所載實有三百二十八部今

僅見一百三十八部

右一百三十九部一千四百三十二卷通計亡書

合一百四十部一千四百三十四卷 案此則原本尙

有亡書一部二卷今不見已傳寫失之矣著錄部數不誤

案七錄序目記傳錄第十曰土地部七十

三種一百七十一帙八百六十九卷本志

增著六十七種梁後新出者為多焉

又無名氏廬山南陵雲精舍記一卷司州

記二卷并帖省置諸郡舊事一卷巴蜀記

一卷元康六年戶口簿記三卷元嘉六年

地記三卷九州郡縣名九卷京師錄七卷

後園記一卷古來國名二卷水飾圖二十

卷甌閩傳一卷男女國傳一卷古今地譜

二卷齊州圖經一卷幽州圖經一卷朝觀

記六卷代都略記三卷州郡縣簿七卷大

隋翻經婆羅門法師外國傳五卷西域道

里記一卷諸蕃國記十七卷并州總管內

諸州圖一卷黃閔神壤記一卷任昉撰地

理書鈔九卷劉瑒京師寺塔記十卷釋曇

景京師寺塔記二卷又外國傳五卷慧生

行傳一卷閻先生闕象傳二卷虞孝敬廣
梁南徐州記九卷李諧行記一卷劉師知
聘遊記三卷諸葛穎北伐記七卷蔡允恭
并州入朝道里記一卷釋僧祐世界記五
卷凡三十六部章氏考證皆遺之又此在
本志為史部第十一類章氏乃次于起居
注類後改為第六類

隋書經籍志考證卷二十二

史部十二

譜系類中分類凡四

世本王侯大夫譜二卷

不著撰人

顏氏家訓書證篇世本出左邱明所書 原注

云此說出皇甫謐帝王世紀 而有燕王喜漢高祖

皆由後人所屬非本文也案此誤以兩本合一本

為說

史通正史篇楚漢之際有好事者錄自古帝

王公侯卿大夫之世終乎秦末號曰世本十

五篇

春秋左氏傳宣公正義曰世本傳寫多誤其

本末必然昭公正義又曰司馬遷采世本為

史記而今之世本與遷言不同世本多誤不

足依憑

長洲何焯義門讀書記曰漢書古今人表權

輿于世本 案是說最足發人深省人表之末有燕王

喜太子丹至于秦二世子嬰項羽陳勝胡廣司馬欣唯無

漢高祖此固不當載也似所據即楚漢之際之本

鄆縣全祖望困學紀聞箋曰世本有三漢志

世本十五篇而隋志有世本王侯大夫譜二

卷不著作者又劉向世本二卷宋衷世本四

卷則所謂王侯大夫譜者疑即漢志之世本

蓋古經也孔疏所見之世本未必即史公所

見之世本 案漢志之世本訖于春秋時本志下文明

著劉向撰者是也史記索隱引系本有韓趙魏三家之世

其時在戰國是為楚漢時之本即此王侯大夫譜是也顏

之推劉知幾孔穎達所見即此本志以楚漢時作者遠
在劉向之先故著于其前而未核向之書乃古史官所作
更在楚漢之前不當以撰錄人敘先後也全氏論書之先
後故有是說本志以人為次第遂適與相反耳

武威張澍輯本序曰王侯大夫譜云趙孝成

王丹生悼襄王偃偃生今王遷是作者猶值

趙王遷時 案趙王遷之末年秦始皇之十九年也自

此至漢高祖元年凡二十二年此作者亦即史通所謂楚

漢之際之好事者焉 隋書經籍志云世本王侯

大夫譜二卷尙書釋文引王侯世本余集得

魯譜宋譜齊譜衛譜秦譜晉譜鄭譜陳譜蔡

譜楚譜韓譜趙譜魏譜吳譜燕譜杞譜滕譜

曹譜邾譜邾譜為一卷 案張輯世本凡五篇篇為

一卷而附以注釋此其編入第五卷也 此楚漢時本但

有世系無居篇作篇氏姓諡法之類唐志有世本別錄一

卷似即此書

世本二卷劉向撰

劉向有洪範五行傳論見經部尙書家

劉向別錄曰世本古史官明于古事者之所

記也錄黃帝以來帝王諸侯及卿大夫系諡

名號凡十五篇與左氏合也

漢書藝文志六藝春秋家世本十五篇古史

官記黃帝以來訖春秋時諸侯大夫

又司馬遷傳贊曰孔子作春秋左邱明為之

傳又纂異同為國語又有世本錄黃帝以來

至春秋時帝王公侯卿大夫祖世所出故司

馬遷據左氏國語采世本

章氏考證皇甫謐帝王世紀謂世本左邱明

所書趙岐孟子注引古紀世本錄諸侯之世
滕有考公元公疑所謂古紀者當即左邱明
原本史通外篇云楚漢之際好事者所錄隋
志載世本王侯大夫譜二卷無撰人名又世
本二卷劉向撰是自有兩本一在周代一在
楚漢之際皆十五篇故同為二卷劉向之撰
當是注文

案此二卷即漢志之十五篇章氏以為注

文非也 蓋亦惑于全氏之說以前二卷為漢志之

世本而于此二卷注劉向撰者又不可解故強為是

說以通之試問劉向果有注本何以諸書但引宋衷

不引劉向耶

世本四卷宋衷撰

宋衷有周易注見經部易類

史記燕召公世家索隱曰譙周曰系本謂燕

自宣侯已下皆父子相傳案今系本無燕代

系宋忠依太史公書以補其闕尋徐廣作音

尚引系本蓋近始散佚耳 章氏考證曰據司馬貞

此言譙周徐廣所見世本乃古本真所見乃宋忠撰本

按索隱釋系本者譙周諱也

唐書經籍志世本四卷宋衷撰

唐書藝文志宋衷世本四卷

宋高似孫史略曰世本十五篇太史公因之

以作史記者是後世本凡三其一曰世本劉

向所作者二卷其一亦曰世本宋衷所作者

四卷其一曰帝譜世本宋均所作者七卷又

有世本王侯大夫譜二卷案世本敘歷代君

臣世系是書不復見予閱諸經疏惟春秋左

氏傳疏所引世本者不一因采掇彙次為一書題曰古世本案此則高氏有輯本

武威張澍世本集注序曰孔穎達尚書正義

以世本經暴秦為儒者所亂劉恕通鑑外紀

以為世本經秦漢儒者改易要之係秦漢以前書中壘孟堅以為出古史官者近之其書

至宋時已不傳余繙閱細帙有引用者輒著錄之乃集得作篇居篇氏姓篇帝繫篇王侯

大夫譜篇共五篇聊以管穴裨益宋注

金谿王謨輯本敍錄曰此書本極斷爛易致混淆轉寫多誤尤難釐訂今所抄輯率據史

記與正義索隱參互考訂略仿原書體例編為二卷而以帝王諸侯卿大夫世系為上卷

氏姓篇居篇作篇為下卷

江都秦嘉謨世本輯補曰古來述世本者莫如司馬遷韋昭杜預今以史記及國語韋注

左傳杜解三書為本復得孫氏星衍所藏澹生堂抄輯世本二卷洪氏飴孫所編四卷詳

加增校補輯成編曰帝繫篇曰紀曰王侯譜曰世家曰大夫譜曰傳曰氏姓曰居篇曰作

篇曰諡法凡十篇云

孫嗣書目世本七卷洪飴孫集本

張氏書目答問世本一卷孫馮翼輯問經堂

本又高郵蒯氏輯十種古書本又校輯世本

二卷雷學淇自刻本又世本輯補十卷秦嘉謨原刻本

案本志載世本三部諸家遂以謂世本有三其實止有二本章氏所謂一在周代一

在楚漢之際是也注其書者有宋衷宋均

王氏三家見唐藝文志又有孫檢注見史記索隱引漢魏所傳世本注本盡在此矣

本志誤以王侯大夫譜著錄于前遂使後人疑不能釋章氏合三部以為之說頭緒

仍未疏通今反覆審定分別明著如右

漢氏帝王譜三卷

不著撰人

本志篇敍曰漢初得世本敍黃帝已來祖世所出而漢又有帝王年譜

唐書經籍志漢氏帝王譜二卷藝文志同

案漢志春秋家有漢大年紀五篇曆譜家

有帝王諸侯世譜二十卷皆是類之書

梁有宋譜四卷亡

不著撰人

宋書武帝本紀高祖武皇帝諱裕字德輿小

名寄奴彭城縣綏里人漢高帝弟楚元王交

之後也交後凡十八世至晉武原令混始過

江居晉陵郡丹徒縣之京口里混生東安太守靖靖生郡功曹翹是為皇考高祖以晉哀

帝興寧元年癸亥三月壬寅夜生

南史本紀宋高祖武皇帝彭城縣綏輿里人

姓劉氏漢楚元王交之二十一世孫也彭城

楚都故苗裔家焉

又劉濟產傳道產長子延孫孝武初位侍中

封東昌縣侯劉氏之居彭城者分為三里帝

室居綏輿里左將軍劉懷肅居安上里豫州

刺史劉懷武居叢亭里三里及延孫所居呂

縣凡四劉雖同出楚元王由來不序昭穆延

孫于帝室本非同宗大明元年詔與之合族

使諸王序親

南齊書劉俊傳俊彭城安上里人也彭城劉

同出楚元王分為三里以別宋氏帝族

案唐書世系表劉氏定著七房一曰彭城

劉氏有云漢高祖七世孫宣帝生楚孝王

翳翼後五世茂字叔盛司空太中大夫徙居叢亭里是叢亭里之劉氏出自楚孝王

非楚元王餘三里皆不著

梁有劉湛百家譜二卷亡

宋書本傳湛字弘仁南陽涅陽人博涉史傳

譜前世舊典景平元年拜尚書吏部郎元嘉

中召為太子詹事加給事中領本州大中正

與殷景仁並被任遇累遷領軍將軍丹陽尹

金紫光祿大夫散騎常侍時彭城王義康專

秉朝權湛委心自結欲因宰相之力以回主

心傾黜景仁獨當時務義康威傾內外湛愈

推崇之無復人臣之禮上不能平十七年十

月詔收付廷尉于獄伏誅時年四十九

南史王僧孺傳始晉太元中員外散騎侍郎

賈弼撰十八州譜宋太保王弘領軍劉湛並

好其書湛為選曹始撰百家譜以助餘序而

傷於寡略案此則是譜撰于少帝景平元年也

北齊書文苑顏之推傳之推撰觀我生賦并

自注有曰中原冠帶隨晉渡江者百家故河

東有百家譜按河東謂賈氏也

齊帝譜屬十卷

不著撰人

南齊書本紀太祖高皇帝諱道成字紹伯姓蕭氏小諱鬪將漢相國蕭何二十四世孫也何子鄴定侯延生侍中彪彪生公府掾章章生皓皓生仰仰生御史大夫望之又云蕭何居沛侍中彪免官居東海蘭陵縣中都里晉元康元年分東海爲蘭陵郡中朝亂淮陰令整過江居晉陵武進縣之東城里寓居江左者皆僑置本土加以南名于是爲南蘭陵之蘭陵人皇考諱承之位右軍將軍元嘉二十四年殂太祖以元嘉四年丁卯歲生漢書蕭望之傳注師古曰近代譜牒妄相託附乃云望之蕭何之後追次昭穆流俗學者共祖述焉但鄴侯漢室宗臣功高位重子孫胤緒具詳表傳長倩鉅儒達學名節並隆博覽古今能言其祖市朝未變年載非遙長老所傳耳目相接若其實承何後史傳寧得弗詳漢書既不敘論後人焉所取信不然之事斷可識矣

南史齊高帝本紀論曰據齊梁紀錄並云出自蕭何又編御史大夫望之以爲先祖之次案何及望之于漢俱爲勳德而望之本傳不有此陳齊梁所書便乖實錄近祕書監顏師古博考經籍注解漢書已正其非今隨而改削云

案唐世系載蕭氏與齊書本紀略同知顏氏云近代譜牒者卽此書也

百家集譜十卷王儉撰

王儉有喪服古今集記見經部禮類

南齊書文學賈淵傳先是譜學未有名家淵祖弼之廣集百氏譜記專心治業晉太元中朝廷給弼之令史書吏撰定繕寫藏祕閣及左民曹淵父及淵三世傳學凡十八州士族譜合百帙七百餘卷該究精悉當世莫比永明中衛軍王儉抄次百家譜與淵參懷撰定南史王僧孺傳領軍將軍劉湛爲選曹始撰百家譜以助銓序而傷于寡略齊衛將軍王儉復加去取得繁省之衷

唐書經籍志百家集譜十卷王儉撰唐書藝文志王儉百家集譜十卷

梁有王邃之續儉百家譜四卷南族譜二卷百家譜拾遺一卷亡

王邃之亦誤作王逸有喪服世行要記見經部禮類

案邃之與王儉同時儉撰喪服集記邃之難儉爲要記儉撰百家譜邃之又續其書南族譜者新唐書柳沖傳柳芳曰過江則爲僑姓王謝袁蕭爲大東南則爲吳姓朱張顧陸爲大山東則爲郡姓王崔盧李鄭爲大關中則亦號郡姓袁裴柳薛楊杜首之蓋謂過江後僑寄士族諸姓也梁王僧孺撰譜亦以東南僑寄諸族別爲一篇梁又有齊梁帝譜四卷亡

不著撰人

梁書蕭子恪傳子恪蘭陵人齊豫章文獻王嶷第二子也天監元年高祖在文德殿從容

謂曰我欲與卿兄弟有言齊梁雖曰革代義異往時我與卿兄弟雖復絕服二世宗屬未遠與卿兄弟便是情同一家又曰卿是宗室情義異佗方坦然相期卿無復自外之意小待自當知我寸心案豫章文獻王齊高帝第二子武帝弟也

唐書世系表蕭氏齊梁房整字公齊晉淮南令按當爲淮陰過江居南蘭陵武進之東城里整第二子鑄濟陰太守生副子州治中從事生道賜宋南臺治書侍御史三子尙之順之崇之順之字文緯齊丹陽尹臨湘懿侯十子懿敷衍暢融宏偉秀愴恢衍梁高祖武帝也號齊梁房

章氏考證唐志有齊梁宗簿二卷似別一書按兩唐志實三卷似帝譜一卷宗簿三卷合爲此四卷

案唐表稱齊梁房者似卽此齊梁帝譜託始于晉淮陰令整柳芳所謂過江僑姓王謝袁蕭爲大其始亦南族譜中之大姓也與齊同祖梁書武帝本紀云皇考順之齊高帝族弟也參預佐命封臨湘縣侯歷侍中衛尉太子詹事領軍將軍丹陽尹高祖以宋孝武大明八年甲辰歲生於秣陵縣同夏里三橋宅

梁又有梁帝譜十三卷亡

不著撰人

唐書世系表梁高祖武帝八子統綱續續綜續繪紀統昭明太子綱簡文皇帝也統五子歆譽警警歡字孟孫豫章安王晉後梁

宣帝歸後梁明帝琮隋莒國公

案唐表載此亦統屬于齊梁房然既曰梁帝譜則託始于武帝可知此類皆二代宗正卿之黃籍梁陳之際所留遺還有增修者未必皆見于七錄也

百家譜三十卷王僧孺撰

百家譜集鈔十五卷

南史本傳僧孺東海郟人魏衛將軍肅八世孫也工屬文多識古事入直西省知撰譜事先是尚書令沈約以為晉咸和初蘇峻作亂文籍無遺後起咸和二年以至於宋所書並皆詳實並在下省左戶曹前廂謂之晉籍有東西二庫此籍既並精詳實可寶借位官高卑皆可依案宋元嘉二十七年始以七條徵發既立此科人姦互起偽狀巧籍歲月滋廣以至于齊患其不實于是東堂校籍置郎令史以掌之競行姦貨以新換故昨日卑細今日便成士流凡此姦巧並出愚下不辨年號不識官階或注隆安在元興之後或以義熙在寧康之前此時無此府此時無此國元興唯有三年而猥稱四五詔書甲子不與長曆相應校籍諸郎亦所不覺不才令史固自妄言臣謂宋齊二代士庶不分雜役減闕職由于此竊以晉籍所餘宜加寶愛武帝以是留意譜籍州郡多離其罪因詔僧孺改定百家譜始晉太元中平陽賈弼撰十八州一百一十六郡合七百一十二卷宋劉湛為選曹始撰百家以助銓序齊王儉復加去取僧孺之

撰通范陽張等九族以代雁門解等九姓其東南諸族別為一部不在百家之數焉普通二年卒撰百家譜集鈔十五卷東南譜集抄十卷

梁書文學劉杳傳王僧孺被敕撰譜訪杳血脈所因杳云桓譚新論云太史三代世表旁行邪上並效周譜以此而推當起周代僧孺歎曰可謂得所未聞

唐書經籍志百家譜三十卷王僧孺撰

唐書藝文志王僧孺百家譜三十卷

章氏考證元和姓纂皮姓閭姓引僧孺百家譜

案唐志惟載百家譜三十卷證以本傳似合兩書為三十卷本志別出集抄十五卷似重複

百家譜二十卷賈執撰

唐書世系賈氏表魏太尉肅侯詡六世鈞生弼散騎侍郎二子躬之匪之躬之宋太宰參軍子希鏡南齊外兵郎生稅義與太守生執梁太府卿 案希鏡名淵見齊書文學傳淵子棣長與棣名義相會似即稅之字

新唐書儒學柳沖傳柳芳曰魏氏立九品置中正尊世胄卑寒士其州大中正主簿郡中正功曹皆取著姓士族為之以定門胄品藻

人物晉末因之有司選舉必稽譜牒而考其真偽故官有世胄譜有世官賈氏王氏譜學出焉晉太元中散騎常侍河東賈弼撰姓氏譜狀十八州百十六郡合七百一十二篇甄

析士庶無所遺缺弼傳子匪之匪之傳子希鏡希鏡傳子執執又著百家譜廣兩王所記執傳其孫冠王氏之學本於賈氏按唐表執為希鏡之孫希鏡為躬之子與柳芳言世次不同又宋書王僧孺傳元凶劾既害僧孺并殺僧孺門客太學博士賈匪之

唐書經籍志百家譜五卷賈執撰

唐書藝文志賈執百家譜五卷

案賈執齊梁書南史並無傳唯今所傳劉孝儀集有彈賈執文云南康嗣王府行參軍知譜事賈執蓋其初為是官與王僧孺同事譜局後至太府卿也

百家譜十五卷傅昭撰

梁書本傳昭字茂遠北地靈州人晉司隸校尉咸七世孫也仕齊為尚書左丞領本州大中正梁天監五年累遷散騎常侍金紫光祿大夫昭博極古今尤善人物魏晉以來官宦簿伐姻通內外舉而論之無所遺失居身行己不負閭室京師後進宗其學重其道人人自以為不逮大通二年九月卒年七十五諡曰貞子

百家譜世統十卷

不著撰人

百家譜鈔五卷

不著撰人

通志藝文略譜系總譜類百家譜鈔五卷賈執撰 此殆以唐志有賈執百家譜五卷因并此譜鈔五卷亦歸之賈執非別有證據也鄭之師心自用多類此不

可信也

姓氏英賢譜一百卷賈執撰

賈執有百家譜見前

新唐書柳沖傳柳芳曰晉河東賈弼諱姓氏簿狀傳子匪之匪之傳子希鏡希鏡傳子執

執更作姓氏英賢一百篇又著百家譜

元和姓纂河東賈氏晉有散騎常侍賈弼生

匪之宋太宰參軍希鑑齊外兵郎撰永明氏族稱生執梁少府太傅講學撰姓氏英賢傳

案此永明氏族下似有跋文

唐書經籍志姓氏英賢譜一百卷賈執撰

唐書藝文志賈執百家譜五卷又姓氏英賢譜一百卷

宋鄧名世古今姓氏書辨證曰賈氏希鑑生

稅義與太守稅生執梁太府卿精世譜學撰

姓氏英賢傳 案唐世系希鏡子名稅此又作稅與種

長之字義亦相通不知果爲稅爲稅也

章氏考證唐書柳沖傳賈執作姓氏英賢一

百篇無譜字文選頭陀寺碑注太平御覽宗

親部並稱姓氏英賢錄廣韻注今高密有東

鄉姓又路中大夫後以路中爲氏又安期生

今琅邪人又凡閭氏今東莞有之又東莞有

五王氏此稱賈執英賢傳省姓氏二字殷敬

順列子釋文引吳郡有庚桑姓稱爲士族稱

賈達姓氏英賢訛執爲達訛賢爲覽脫去譜

字

案四庫提要有曰隋書經籍志有賈執姓

氏英賢譜一百卷其書久佚據李善文選

注所引前列爵里後詳事蹟蓋以譜牒傳

記今爲一書者也案四庫著錄有宋章定

名賢氏族言行類彙六十卷明凌迪知萬

姓統譜一百四十六卷並見子部類書類

皆是書之流裔焉

梁有王司空新集諸州譜十一卷亡

通志藝文略譜系郡譜類新集諸州譜十二

卷司空王儉撰

案齊書王儉傳永明七年薨詔曰故侍中

中書令太子少傅領國子祭酒衛軍將軍

開府儀同三司南昌公儉可追贈太尉侍

中中書監公如故諡文憲公當時任彥昇

爲王文憲集序備著一生官位及南史所

載儉實未嘗爲司空鄭氏云司空王儉不

知何據殆意爲之說也

又案此王司空疑是王僧虔儉之叔父也

仕齊位侍中特進左光祿大夫永明三年

薨贈司空諡簡穆文選王文憲集序亦云

叔父司空簡穆公南齊書載其誠子書有

云且論注百氏荊州八表又云八表所載

凡有幾家荊州八表者似當時舊有荊州

譜僧虔集此譜時爲所依據者歟亦或是

諸州譜中之最著聞者由是推尋似出王

僧虔爲多蓋作于宋時必非王儉也

梁又別有諸姓譜一百一十六卷益州譜四十

卷關東關北譜三十三卷亡

並不著撰人

通志藝文略譜系總譜類諸姓譜一百十六

卷梁司空王儉撰

案鄭氏以前書題王司空謂爲王儉已辨

於前此又云梁司空王儉案儉卒於齊武

帝永明七年時梁武帝方爲王儉衛將軍

官屬何由爲梁之司空乎此其自欺欺人

之言也

梁又別有梁武帝總責境內十八州譜六百九

十卷亡一本作總責

梁書王僧孺傳僧孺入直西省知撰譜事集

十八州譜七百一十卷案此總責總責皆總集之

誤

通典食貨鄉黨篇梁武帝以沈約上言留意

譜籍詔御史中丞王僧孺改定百家譜由是

有令史書吏之職譜局因此而置

唐書柳沖傳柳芳曰劉洪讓百家譜文傷寡

省王儉又廣之王僧孺演益爲十八篇東南

諸族自爲一篇不入百家數

元和姓纂東陽路氏梁天監十八州譜路氏

一卷東陽鉅鹿譜案以上文例之此譜字當爲並字

舊望

唐書經籍志十八州譜七百一十二卷王僧

孺撰

唐書藝文志王僧孺百家譜三十卷又十八

州譜七百一十二卷

以上自宋譜至此凡廿一部爲南朝譜學

後魏辨宗錄二卷元暉業撰暉當爲暉

魏書景穆十二王傳濟陰王小新成和平二

年封薨子鬱襲鬱長子弼弼子暉業字紹遠

少險薄長乃變節涉子史亦頗屬文而慷慨有志節歷位司空太尉加特進領中書監錄尚書事齊初降封美陽縣公開府儀同三司特進暉業之在晉陽也無所交通居常閑暇乃撰魏藩王家世號為辨宗錄四十卷行于世

北齊書本傳乃撰魏藩王家世號為辨宗錄四十卷行于世位望隆重又以性氣不倫每被猜忌天保二年從駕至晉陽宮文宣殺之又魏收傳云濟陰王暉業撰辨宗錄三十卷

唐書經籍志後魏辨宗錄二卷元暉業撰唐書藝文志元暉業後魏辨宗錄二卷

章氏考證案此卷數隋唐二志與後魏書北齊書本傳過相懸絕必有訛誤

後魏皇帝宗族譜四卷

不著撰人

魏書孝文帝本紀太和二十年春正月丁卯詔改姓為元氏

又官氏志至獻帝時七分國人使諸兄弟各攝領之乃分其氏以兄為紇骨氏後改為胡氏次兄為普氏後改為周氏次兄為拓跋氏後改為長孫氏弟為達奚氏後改為奚氏次弟為伊婁氏後改為伊氏次弟為丘敦氏後改為丘氏次弟為侯氏後改為亥氏七族之與自此始也又命叔父之胤曰乙旃氏後改為叔孫氏又命疏屬曰車焜氏後改為車氏凡與帝室為十姓百世不通婚太和以前國之喪葬祠禮非十族不得與也高祖革之各

以職司從事 案此言後改為某氏云云者皆太和時所改也

本志篇敘曰後魏遷洛有八氏十姓咸出帝族 案八氏者官氏志載太和十九年詔穆隆賀劉樓子稽尉八姓皆太祖已降勳著當世位靈王公者

唐書世系表元氏出自拓拔氏黃帝生昌意昌意少子惛居北十一世為鮮卑君長平文帝帝鬱律二子什翼犍烏孤什翼犍昭成皇帝也始號代王至道武皇帝改號魏至孝文皇帝更為元氏

唐書藝文志後魏皇帝宗族譜四卷

魏孝文列姓族牒一卷

不著撰人

後魏官氏志太和十九年詔曰代人諸胄先無姓族比欲制定姓族事多未就令司空公穆亮領軍將軍元儼中護軍廣陽王嘉尚書陸琇等詳定北人姓務令平均隨所了者三月一列簿帳送門下以聞于是升降區別矣 本志篇敘曰後魏遷洛有八氏十姓咸出帝族又有三十六族則諸國之從魏者九十二姓世為部落大人者並為河南洛陽人 唐書經籍志後魏譜二卷藝文志同

後齊宗譜一卷

北齊書神武本紀齊高祖神武皇帝姓高名歡字賀六渾渤海蓀人也六世祖隱晉玄菟太守隱生慶慶生泰泰生湖三世仕慕容氏及慕容寶敗國亂湖率眾歸魏為右將軍湖生四子第三子謚仕魏位至侍御史坐法徙

居懷朔鎮謚生皇考樹及神武生而皇妣韓氏殂養于同產姊婿鎮獄隊尉景家神武既累世北邊故習其俗遂同鮮卑

按唐世系高氏表與本紀所載合而藝文志有齊高氏譜六卷蓋即唐時所續修者

益州譜三十卷

冀州姓族譜二卷 舊新唐志七卷

洪州諸姓譜九卷 舊新唐志同

吉州諸姓譜八卷

江州諸姓譜十一卷

諸州雜譜八卷

袁州諸姓譜八卷 舊新唐志七卷

揚州譜鈔五卷

並不著撰人

本志篇敘曰後魏遷洛其中國土人則第其門閭有四海大姓郡州姓縣姓及周太祖入關諸姓子孫有功者並令為其宗長仍撰譜錄紀其所承又以關內諸州為其本望

案益州譜前已注梁有四十卷亡此又著錄三十卷者蓋北朝人之書此類大抵皆魏太和已後及宇文氏時所作至隋僅存此數種新唐書柳沖傳云魏太和時詔諸郡中正各列本土姓族次第為舉選格則亦似中正所上者

以上自後魏辨宗錄至此凡一十二部為

北朝人譜學

京兆韋氏譜二卷

不著撰人

南史韋叡傳叡京兆杜陵人也世爲三輔著姓叡子正子鼎字超盛少通曉博涉經史

明陰陽逆刺尤善相術仕梁爲中書侍郎入陳累遷太府卿初鼎爲聘周使遇隋文帝謂

曰觀公容貌不久必大貴貴則天下一家歲一周天老夫當委質願深自愛及陳亡驛召

入京授上儀同三司待遇甚厚每公宴鼎恆預焉性簡貴雖爲亡國之臣未嘗俯仰當世

時吏部尙書韋世康兄弟顯貴隋文帝從容謂鼎曰世康與公遠近對曰臣宗族南徒昭

穆非臣所知帝曰卿百代卿族豈忘本也命官給酒肴遣世康請鼎還杜陵鼎乃自楚太

傅孟以下二十餘世並考論昭穆作韋氏譜七卷示之歡飲十餘日乃還開皇十三年除

光州刺史卒于長安年七十九
唐書經籍志韋氏譜十卷韋鼎等撰 一本作一卷

唐書藝文志韋氏譜十卷韋鼎撰案此十卷唐代續修本

謝氏譜一十卷
不著撰人

章氏考證世說德行文學言語方正品藻簡傲輕詆篇諸注並引謝氏譜此書爲劉孝標

所引自是晉宋間人所撰唐志謝氏家譜一卷卷數既不合且列于唐人諸譜間乃別是

一書撰在唐時
楊氏血脈譜二卷

楊氏家譜狀并墓記一卷

楊氏支分譜一卷
並不著撰人

楊氏譜一卷
不著撰人

唐書經籍志楊氏譜一卷藝文志同
章氏考證世說識鑒篇注楊氏譜曰楊朗祖

翼典軍校尉父淮冀州刺史
北地傅氏譜一卷
不著撰人

章氏考證世說識鑒篇注傅氏譜曰傅瓌北地靈州人歷安成太守

蘇氏譜一卷
不著撰人

唐書經籍志蘇氏譜一卷藝文志同
章氏考證史記蘇秦傳案隱蘇氏譜曰蘇氏

兄弟五人更有蘇辟蘇鵠
述系傳一卷姚最撰

姚最有梁後略見前古史篇
氏族要狀十五卷
不著撰人

齊書南史文學傳賈淵字希鏡平陽襄陵人也祖弼之晉員外郎父匪之驃騎參軍世傳

譜學昇明中齊高帝嘉淵世學取爲驃騎參軍竟陵王子良使淵撰見客譜建武初遷長

水校尉僧人王泰寶買襲琅邪譜尙書令王宴以啓明帝淵坐被收當極法子棲長謝罪

稽顙流血朝廷哀之免淵罪數年爲北中郎參軍中興元年卒年六十二撰氏族要狀及

人名書並行于世
新唐書柳沖傳柳芳論曰晉河東賈弼讓姓

氏簿狀傳子匪之匪之傳子希鏡希鏡撰氏要狀十五篇尤所諳究傳子執執更作姓

氏英賢又著百家譜並見前 執傳其孫冠冠撰梁國親皇太子序親簿四篇見前儀注類

唐書經籍志氏族要狀十五卷賈希鏡撰
唐書藝文志賈希鏡氏族要狀十五卷

章氏考證元和姓纂云齊外兵郎賈希鑑撰永明氏族狀

姓苑一卷何氏撰
何承天有禮論三百卷見經部禮類

新唐書柳沖傳柳芳曰宋何承天有姓苑二篇
唐書經籍志姓苑十卷何承天撰

唐書藝文志何承天姓苑十卷崔日用姓苑略一卷

崇文總目姓苑十卷何承天撰姓苑略一卷崔日用撰

通志氏族略曰宋何承天撰姓苑與後魏河南官氏志二書尤以爲姓氏家所宗

陳氏書錄解題曰姓苑二卷不著名氏古有何承天姓苑今此以李爲卷首當是唐人所爲案此似唐人輯本疑即崔日用之節略本

章氏考證廣韻引何氏姓苑最多元和姓纂亦引之唐志何承天姓苑十卷

複姓苑一卷
不著撰人

宋鄧名世古今姓氏書辨證晉傅餘頌著複姓錄自云傳說之後留居傅巖為傅餘氏

通志氏族略姓氏英賢傳云傳說為相子孫留傅巖者號傅餘氏晉傅餘頌撰複姓錄又曰顧著複姓錄自云本出傅氏又曰傅餘氏者傅氏餘子之族也元和姓纂云傅餘顧複姓錄有尙方氏

又曰案古人著複姓之書多矣未有能明其義者也有中國之複姓有夷狄之複姓中國之複姓所以明族有重複之義二字具二義也以中國無衍語一言見一義夷狄多侈辭數言見一義夷狄有複姓者侈辭也一言不能具一義必假數言而後一義具焉其于氏也則有二字氏有三字氏有四字氏其于音也有二合音有三合音有四合音觀譯經潤文之義則知侈辭之道焉臣昔論中國亦有二合之音惟無三合四合之音今論中國亦有二字之氏惟無三字四字之氏此亦形聲之道自然相應者也

齊永元中表簿五卷

不著撰人

唐書經籍志永元中表簿六卷 一本作永和議唐書藝文志齊永元中表簿六卷

案南史王僧孺傳梁天監中僧孺直文德省撰起居注中表簿唐志又有梁大同四年中表簿三卷梁親表譜二卷又賈冠撰國親皇太子親傳四卷此書蓋即其類亦譜學之支流也

以上自京兆韋氏譜至此凡一十三部皆

家譜及姓氏之屬蓋又從別家書目鈔入者也

竹譜一卷

不著撰人

唐書經籍志農家竹譜一卷戴凱之撰唐書藝文志農家戴凱之竹譜一卷 宋史志三卷

宋晁載之續談助抄書跋曰右鈔武昌戴凱之所撰竹譜而率為韻語舊于竹譜下注云并序而無之又其文脫錯殆不可讀

晁氏讀書志竹譜一卷戴凱之撰凱之字慶預武昌人哀輯竹事四字一讀有韻類賦頌李邕鄂云未詳何代人

四庫譜錄類提要曰竹譜一卷舊題晉戴凱之撰晁公武引李淑云不知何代人考隋志譜系類中有竹譜一卷不著名氏舊唐志載

入農家始題戴凱之名然不著時代左圭百川學海題曰晉人不知其何所本然觀其以崙韻年船以邦韻同功猶存古讀注中音訓皆引三倉他所援引如虞豫會稽典錄常

寬蜀志徐廣雜記沈瑩臨海水土異物志郭璞山海經注爾雅注亦皆晉人之書而尚書

篠簜既數猶引鄭篠箭竹簞大竹之注似在孔傳未盛行之前雖題為晉人別無顯證而

李善注文選段公路北戶錄皆各引一條足證為唐以前書惟酉陽雜俎稱竹譜竹類三十九今本乃七十種稍有不符疑酉陽雜俎傳寫誤也其書以四言韻語記竹之種類而

自為之注文皆古雅所引黃圖一條今本無之與徐廣注史記所引黃圖均為今本不載者其事相類亦足證作是書時黃圖舊本猶未改修矣

又簡明目錄曰晉竹譜一卷戴凱之撰并自注所記竹類七十有餘皆敘以四言韻語詞旨古雅非唐以後人所能其注中所引晉以前書多存古義亦足以資考證

案宋書鄧琬傳琬奉晉安王子勛起兵反攻之凱之戰敗遁走又南齊書武帝本紀江州刺史晉安王子勛反遣其將戴凱之為南康相上進擊圍郡城凱之以數千人固守城陷凱之奔走案子勛反時在宋明帝泰始二年梁鍾嶸詩品云宋參軍戴凱人實貧羸而才章富健案所謂參軍者其

即為晉安王參軍歟後殆以南康相為齊武帝破敗遁走莫知其所終蓋稿為宋人非晉人本志別集類注云梁又有戴凱之集六卷亡列宋末司徒袁粲集之前詩品

稱戴凱無之字六朝人大率如此不得以此為疑

錢譜一卷顧烜撰

陳書顧野王傳野王吳郡吳人也父烜梁信威臨賀王記室兼本郡五官掾以儒術知名案梁書臨賀王正德傳大通四年為信武將軍吳郡太守此其為記室及五官掾時也又顧野王傳侯景之亂野王丁父憂則其卒在太清二三年

唐書經籍志農家錢譜一卷顧烜撰

唐書藝文志農家類錢譜一卷

宋史藝文志小說家類協錢譜一卷 協當爲
烜

宋紹興十九年鄱陽洪遵泉志序曰泉之興
蓋自燧人氏至黃帝成周其法浸具秦漢而
降制作相踵歲益久類多湮沒無傳梁顧烜
始爲之書凡歷代造立之原若大小重輕之
度皆有倫序使後乎此者可以概見唐封演
畫從而廣之

晁氏讀書志類書類梁顧烜嘗撰錢譜一卷
又曰皇朝董道撰續錢譜言梁顧烜唐封演
之譜漫汗蔽固不可用

四庫提要譜錄類曰考錢譜始見于隋志不
云誰作案此館臣看書不細之過也 其書今不傳
傳者以宋洪遵泉志爲最古

章氏考證唐志入子部農家洪遵泉志多引
烜譜

錢圖一卷

不著撰人

以上三部附是類末四庫提要譜錄類鈔
曰古人學問各守專門其著述具有源流
易于配隸六朝以後作者漸出新裁體例
多由創造古來舊目遂不能該附贅懸疣
往往牽強隋志譜系本陳族姓而未載竹
譜錢圖唐志農家本言種植而雜列錢譜
是皆明知其不安而限于無類可歸又復
窮而不變故支離顛舛遂至於斯是其例
之不善前人已具言之矣

右四十一部三百六十卷通計亡書合五十三部
一千二百八十卷 著錄部數不誤附著亡書十二部通計
部數亦不誤

案七錄序日記傳錄第十一曰譜狀部四
十二種四百二十三帙一千六十四卷本
志所載南朝譜學之前皆七錄所有其後
如謝氏譜楊氏譜傅氏蘇氏譜氏族要狀
姓苑復姓苑中表譜竹譜皆在七錄以前
或亦爲阮氏所錄餘皆從他家書目采入
計七錄四十二種見于本志者約略止三
十有四

又無名氏齊帝譜屬十卷百家譜世統十
卷百家譜鈔五卷益州譜三十卷吉州諸
姓譜八卷江州諸姓譜十一卷諸州雜譜
八卷揚州譜鈔五卷楊氏血脈譜二卷楊
氏家狀并墓記一卷楊氏支分譜一卷錢
圖一卷傅昭百家譜十五卷姚最述系傳
一卷又梁有宋譜四卷梁帝譜十三卷王
司空新集諸州譜十一卷又別有諸姓譜
一百一十六卷益州譜四十卷關東關北
譜三十三卷凡二十部章氏考證皆不載
又本志編是類爲史部第十二章氏乃改
列史部第七

隋書經籍志考證卷二十三

史部十三

簿錄類

七略別錄二十卷劉向撰

劉向有洪範五行傳論詳見經部尙書家
漢書成帝本紀河平三年秋八月光祿大夫
劉向校中祕書謁者陳農使使求遺書于天
下師古曰言令陳農爲使而使之求遺書也
何義門讀書記曰劉向校中祕書孟堅大書于帝紀尊經
籍也案此乃西京一代之創制後世因而革故特書

又楚元王附傳更生中廢十餘年成帝即位
石顯等伏辜更生乃復進用更名向向以故
九卿召拜爲中郎使領護三輔都水遷光祿
大夫上方精于詩書觀古文詔向領校中五
經祕書書數十上以助觀覽補遺闕

又藝文志曰漢興大收篇籍廣開獻書之路
迄孝武世書缺簡脫禮壞樂崩聖上喟然而
稱曰朕甚閱焉于是建藏書之策置寫書之
官下及諸子傳說皆充祕府至成帝時以書
頗散亡使謁者陳農求遺書于天下詔光祿
大夫劉向校經傳諸子詩賦步兵校尉任宏
校兵書太史令尹咸校數術侍醫李柱國校
方技每一書已向輒條其篇目撮其指意錄
而奏之案劉光祿既總領其事又分任六藝諸子詩賦
三略也通志校讐略不明其故謂三略之外劉概不與何
其謬歟

梁阮孝緒七錄敘目曰至孝成之世命光祿
大夫劉向及子俊歆等讐校篇籍每一篇已

輒錄而奏之又曰昔劉向校書輒為一錄論其指歸辨其訛謬隨竟奏上皆載在本書時又別集衆錄謂之別錄即今之別錄是也孫星衍續古文苑校文曰案後當作向本傳云長子伋以易教授官至都守不云曾受詔校書阮此言疑出別錄七略也

本志篇敘曰古者史官既司典籍蓋有目錄以為綱紀體制堙滅不可復知孔子刪書別為之序各陳作者所由韓毛二詩亦皆相類漢時劉向別錄劉歆七略剖析條流各有其部推尋事迹疑則古之制也

唐書經籍志七略別錄二十卷劉向撰唐書藝文志劉向七略別錄二十卷

烏程嚴可均全漢文編輯本曰劉向有七略別錄二十卷各書所引別錄七略多同今以題劉向者俱入于別錄凡一百一條又附錄一條

孫祠書目劉向別錄一卷洪頤煊集本馬氏玉函山房亦輯存一卷

七略七卷劉歆撰

劉歆有爾雅注見經部論語家

漢書劉向附傳河平中受詔與父向領校祕書講六藝傳記諸子詩賦數術方技無所不究向死後哀帝初即位大司馬王莽舉歆宗室有才行貴幸復領五經卒父前業歆乃集六藝羣書種別為七略又傳贊曰七略剖判藝文總百家之緒又藝文志曰會向卒哀帝復使向子侍中奉

車都尉歆卒父業歆于是總羣書而奏其七略故有輯略有六藝略有諸子略有詩賦略有兵書略有術數略有方技略師古曰輯與集同謂諸書之總要

應劭風俗通佚文曰案劉向別錄讎校一人讀書校其上下得謬誤為校一人持本一人讀書若怨家相對為讎

又曰劉向別錄曰殺青書可繕寫殺青者直治竹作竹簡書之耳新竹有汗善朽蠹凡作簡者皆于火上炙乾之陳楚間謂之汗汗者去其汗也吳越曰殺殺亦治也劉向為孝成皇帝典校書籍二十餘年皆先書竹為易刊定可繕寫者以上素也今東觀書竹素也首應兩汗字或引作汗

阮孝緒七錄敘目曰會向亡哀帝使歆嗣其前業乃徙溫室中書于天祿閣上歆遂總括羣篇奏其七略又曰向子歆撮其指要著為七略其一篇即六篇之總最故以輯略為名又曰向歆七略實有六條劉氏之世史書甚寡附見春秋誠得其例詩賦不從六藝詩部蓋由其書既多所以別為一略

又古今書最曰七略書三十八種六百三家一萬三千二百一十九卷五百七十二家亡三十一家存北史文苑樊遜傳北齊天保七年詔令校定羣書遜乃議曰案漢中壘校尉劉向受詔校書每一書竟表上輒言臣向書長水校尉臣參書太常博士書中外書合若干本以相比

校然後殺青又曰向之故事見存府閣案故事似即別錄輯略中之一篇

唐書經籍志七略七卷劉歆撰唐書藝文志劉歆七略七卷

烏程嚴可均全漢文編輯本凡五十三條其後四條不類七略今姑附此云孫祠書目七略一卷洪頤煊集本馬氏亦有一本或出章氏

案劉氏父子三人同校書而一時相與共事者謁者陳農步兵校尉任宏太史令尹咸侍醫李柱國長社尉杜參見藝文志又有五官中郎將房鳳光祿勳王龔見儒林傳又有蘇竟見後漢書本傳又有太常屬臣望見劉秀上山海經表又有太中大夫卜圭臣富參射聲校尉立見管子書錄又有臣敘或云敘即歆之誤見鄧析書錄此四人未言同校

又案阮氏七錄序自言別錄體製至為明析是知別錄即七略之別本言別有此錄本云爾方之四庫全書別錄為總目提要七略乃簡明目錄也總目提要有附存之目別錄亦有附見之條如易有子夏之傳救氏之注儀禮有大小戴及自定之本禮記亦有小戴四十九篇之次第其在諸子之中則揚雄太玄亦記其篇目并及其子揚信字子烏與父玄文之事又錄東方朔所著書凡此皆諸書明著見於劉向別錄者而皆不見於七略也他如所集五經通

義五經要義及楚辭十六篇當亦附著于別錄中 諸書引文有稱爲劉向別傳者皆即此別錄也重烏與玄文之事御覽亦引云別傳

又案七略三十八種之書盡在藝文志三十八種之流別亦盡在于志故其書雖亡其流風餘韻猶約略可尋其輯略中言六藝授受源流班氏亦取以入儒林傳 從荀悅漢紀何晏論語集解序釋文敘錄參考而知亦嘗著于漢志條理卷首序錄中

又案別錄佚文今所傳尚有戰國策管子晏子孫卿子韓非子列子鄧析子諸敘奏劉秀上山海經表凡八篇諸家輯本皆未錄入似皆未嘗詳勘七錄序目之言也 諸家輯本皆不從藝文志入手故不能得其體要未爲善本

晉中經十四卷荀勗撰 晉書本傳勗字公曾潁川潁陰人漢司空爽曾孫也仕魏辟大將軍曹爽掾參文帝大將軍軍事武帝受禪封濟北郡公固辭爲侯拜中書監加侍中領著作俄領祕書監與中書令張華依劉向別錄整理記籍及得汲冢中古文竹書詔勗撰次之以爲中經列在祕書太康十年卒贈司空諡曰成又武帝本紀太康十年十一月景辰守尙書令左光祿大夫荀勗卒

梁阮孝緒七錄敘目曰魏晉之世文籍逾廣皆藏在祕書中外三閣魏祕書郎鄭默刪定舊文時之論者謂爲朱紫有別晉領祕書監

荀勗因魏中經更著新簿雖分爲十有餘卷者總以四部別之惠懷之亂其書略盡

又古今書最曰晉中經簿四部書一千八百八十五部二萬九百三十五卷其中十六卷佛經書簿又曰一千一百一十九部亡七百六十六部存

本志序曰魏氏代漢采掇遺亡祕書郎鄭默始制中經祕書監荀勗又因中經更著新簿分爲四部總括羣書一曰甲部紀六藝及小學等書二曰乙部有古諸子家近世子家兵書兵家術數三曰丙部有史記舊事皇覽部雜事四曰丁部有詩賦圖贊汲冢書大凡四部合二萬九千九百四十五卷但錄題及言盛以縹囊書用細素至于作者之意無所論辯惠懷之亂京華蕩覆渠閣文籍靡有子遺隋書牛弘傳弘上表請開獻書之路曰晉氏承魏文籍尤廣祕書監荀勗定魏內經更著新簿屬劉石馮陵從而失墜此則書之四厄也

唐書經籍志中書簿十四卷荀勗撰 此作中書簿疑舊時亦有此名

唐書藝文志荀勗晉中經簿十四卷 章氏考證魏志王肅傳注蜀志秦宓傳注周禮天官正義釋文敘錄漢書貨殖傳注北堂書鈔儀飾部太平御覽文部並引晉中經簿裴松之稱晉武帝中經簿中經簿有孔子三朝八卷子儀本草經一卷劉表注易十卷又有周生烈子子夏易傳計然萬物錄 案隋書

音樂志沈約奏答曰晉中經簿無復樂書

晉義熙已來新集目錄三卷

不著撰人

唐書經籍志義熙已來雜集目錄三卷邱深之撰

唐書藝文志邱深之晉義熙以來新集目錄三卷

冊府元龜學校部目錄類邱深之撰義熙以來雜集目錄三卷

案邱深之即邱淵之唐人避諱故曰深世說識鑿篇寵禮篇注引邱淵之文章錄文學篇注引邱淵之文章敘言語篇注引邱淵之新集錄是邱淵之所撰乃新集文章錄錄也亦稱新集錄亦云雜集目錄皆哀諸家文集之目錄以爲一編當與後諸家文章志相類從列之此實不類也宋書顧琛附傳云丘淵之字思玄吳興烏程人太祖從高祖北伐留彭城爲冠軍將軍徐州刺史淵之爲長史太祖即位以舊恩歷顯官侍中都官尙書吳郡太守卒于太常追贈光祿大夫

宋元徽元年四部書目錄四卷王儉撰

王儉有喪服集記見經部禮類

南齊書本傳儉又撰定元徽四部書目

隋書牛弘傳弘上表曰永嘉之後竊竊競興其建國立家雖傳名號憲章禮樂寂滅無聞劉裕平姚收其圖籍五經子史纔四千卷皆赤軸青紙文字古拙並歸江左

七錄序目曰宋祕書丞王儉更撰目錄又古
今書最曰宋元徽元年祕閣四部書目錄二
千二十卷一萬五千七十四卷

本志序曰元徽元年祕書丞王儉又造目錄
大凡萬五千七百四卷

唐書經籍志永徽元年書目四卷王儉撰案
永徽當爲元徽本已刊正

唐書藝文志王儉宋元徽元年四部書目錄
四卷

今書七志七十卷王儉撰

宋書後廢帝本紀元徽元年八月祕書丞王
儉表上所撰七志三十卷

南齊書本傳解褐祕書郎太子舍人超遷祕
書丞上表求校填籍依七略撰七志四十卷
上表獻之表辭甚典

文選任彥昇王文憲集序曰元徽初遷祕書
丞于是采公曾之中經刊弘度之四部依劉
歆七略更撰七志又曰所撰古今集記今書

七志爲一家言不列于集

太平御覽文部著書篇齊春秋曰王儉字仲
寶以四部衆書盈溢機閣自劉歆七略以來
應更區別乃著七志上之時人以比相如封

禪焉

七錄序目曰儉又依別錄之體撰爲七志中
朝遺書收集稍廣然所亡者猶大半焉又曰

王儉七志改六藝爲經典次諸子次詩賦爲
文翰次兵書爲軍書次數術爲陰陽次方技
爲術藝以向歆雖云七略實有六條故別立

圖譜一志以至七限其外又條七略及二漢
藝文志中經簿所闕之書并方外之佛經道
經各爲一錄雖繼七志之後而不在其數
釋文敘錄次第篇五經六籍聖人設教訓誘
機要寧有短長然時有澆淳隨病投藥不相
沿襲豈無先後所以次第互有不同如禮記
經解之說以詩爲首七略藝文志所記用易
居前阮孝緒七錄亦同此次而王儉七志孝
經爲初原其後前義各有旨

本志敘曰儉又別撰七志一曰經典志紀六
藝小學史記雜傳二曰諸子志紀今古諸子
三曰文翰志紀詩賦四曰軍書志紀兵書五
曰陰陽志紀陰陽圖緯六曰術藝志紀方技
七曰圖譜志紀地域及圖書其道佛附見合
九條然亦不述作者之意但于書名之下每
立一傳而又作九篇條例編乎首卷之中文
義淺近未爲典則又七錄序目曰七志以衆史合于
春秋蓋猶用七略之例

唐書經籍志今書七志七十卷王儉撰賀縱
補

唐書藝文志王儉今書七志七十卷賀縱補
注 錢塘汪師韓文選理學樞輿曰文選注引羣書有賀
縱七志補

通志校讎略古人編書皆記其亡闕王儉作
七志已又條劉氏七略及二漢藝文志魏中
經簿所闕之書爲一志

章氏考證後漢書方術傳注文選海賦注應
璩百一詩注東道彥雜詩注張季鷹雜詩注

謝宜遠張子房詩注九日遊戲馬臺詩注並
引今書七志經典序錄亦引之

案賀縱有雜傳見前雜傳類是書本紀作
三十卷本傳作四十卷至梁賀縱補注乃
七十卷

梁天監六年四部書目錄四卷殷鈞撰
梁書本傳殷鈞字季和陳郡長平人也天監
初拜駙馬都尉起家祕書郎太子舍人司徒
主簿祕書丞鈞在職啓校定祕閣四部書更
爲目錄累遷散騎常侍國子祭酒中大通四
年卒年四十九諡曰貞子

七錄序目古今書最曰祕書丞殷鈞撰祕閣
四部書少于文德書故不錄其數也 文德殿
四部目錄見後

梁東宮四部目錄四卷劉遵撰
梁書劉孺傳孺字孝稚彭城安上里人也弟
遵字孝陵少清雅有學行工屬文起家著作
郎太子舍人累遷晉安王宣惠雲麾二府記
室甚見賓禮轉南徐州治中王後爲雍州復
引爲安北諮議參軍帶郿縣令中大通二年
王立爲皇太子仍除中庶子遵自隨藩及在
東宮以舊恩偏蒙寵遇同時莫及大同元年
卒官皇太子深悼惜之

南史昭明太子傳太子引納才學之士賞愛
無倦恆自討論墳籍或與學士商榷古今繼
以文章著述率以爲常于時東宮有書幾三
萬卷名才並集文學之盛晉宋以來未之有
也

案劉遵初爲昭明太子舍人後爲簡文帝東宮中庶子所著目錄本傳不載其事不知何時或當在中大通以後

梁文德殿四部目錄四卷劉孝標撰

劉孝標有漢書注見前正史類

梁書文學劉峻傳峻字孝標天監初召入西省與學士賀縱典校祕書

又任昉傳天監二年出爲義興太守尋轉御史中丞祕書監自齊永元以來祕書閣四部

篇卷紛雜昉手自讎校由是篇目定焉又曰昉聚書至萬餘卷率多異本昉卒後高祖使學士賀縱共沈約勘其書目官所無者就昉家取之

七錄序目曰齊末兵火延及祕閣有梁之初缺亡甚衆爰命祕書監任昉躬加部集又于文德殿內別藏衆書使學士劉孝標等重加校進乃分數術之文更爲一部使奉朝請祖暉撰其名錄其尙書閣內別藏經史雜書華林園又集釋氏經論自江左篇章之盛未有踰于當今者也

又古今書最曰梁天監四年文德正御四部及術數書目錄合二千九百六十八卷二萬三千一百六卷

本志敘曰梁初祕書監任昉躬加部集又於文德殿內別藏衆書華林園中總集釋典又曰梁有祕書監任昉殷鈞四部目錄又文德殿目錄其術數之書更爲一部使奉朝請祖暉撰其名故梁有五部目錄

案此則任昉撰祕

閣書目劉峻撰文德殿書目各爲一錄

隋書牛弘傳弘上表曰及侯景渡江破滅梁室祕省經籍雖從兵火其文德殿內書史宛然猶存蕭繹據有江陵遣將破平侯景收文德之書及公私典籍重本七萬餘卷悉送荊州及周師入郢釋悉焚之于外城所收十纜

一二此則書之五厄也名畫記曰元帝將降衆名畫法書及典籍二十四萬卷遣後閣舍人高善寶焚之于講等收四千餘軸歸長安

按舊新唐志有丘賓卿梁天監四年書目四卷疑卽是書丘賓卿始末未詳疑是私家書目適與文德殿目錄同年所成者

七錄十二卷阮孝緒撰

阮孝緒有文字集略見經部小學類

自序有曰孝緒少愛墳籍長而弗倦臥病閑居傍無塵雜晨光纔啟緗囊已散霄漏既分綠裘方掩猶不能窮究流略探盡祕奧每披錄內省多有缺然其遺文隱記頗好搜集凡自宋齊已來王公搢紳之館苟能蓄聚墳籍必思致其名簿凡在所遇若見若聞校之官目多所遺漏遂總集衆家更爲新錄其方內經史至于術伎合爲五錄謂之內篇方外佛道各爲一錄謂之外篇凡爲錄有七故名七錄天下之遺書祕記庶幾窮于是矣有梁普通四年歲維單閏仲春十有七日于建康禁中里宅始述此書通人平原劉沓從余遊因說其事沓有志積久未獲操筆聞余已先著鞭欣然會意凡所抄集盡以相與廣其聞見

實有力焉斯亦康成之傳釋盡歸子慎之書也

又古今書最曰新集七錄內外篇圖書凡五十五部六千二百八十八種八千五百四十七卷四萬四千五百二十六卷

南史隱逸傳武帝禁畜讖緯孝緒兼有其書或勸藏之答曰昔劉德重淮南祕要適爲更生之禍杜瓊所謂不知如此言美矣客有求之答曰己所不欲豈可嫁禍于人乃焚之所著七錄行于世

本志序曰普通中有處士阮孝緒沈靜寡慾篤好墳史博采宋齊已來王公之家凡有書記參校官簿更爲七錄一曰經典錄紀六藝二曰記傳錄紀史傳三曰子兵錄紀子書兵書四曰文集錄紀詩賦五曰技術錄紀數術六曰佛錄七曰道錄其分部題目頗有次序剖析辭義淺薄不經

又簿錄篇敘曰漢時劉向別錄劉歆七略剖析條流各有其部自是之後不能辨其流別但記書名而已博覽之士疾其渾漫故王儉作七志阮孝緒作七錄並皆別行大體雖準向歆而遠不逮矣

史通點煩篇曰阮孝緒七錄書有文德殿者丹筆寫其字

唐書經籍志七錄十二卷阮孝緒撰

唐書藝文志阮孝緒七錄十二卷

通志校讎略曰阮孝緒作七錄已亦條劉氏七略及班固漢志袁山松後漢志魏中經晉

四部所亡之書為一錄 案此見七錄序目中題曰古今書最是也

又圖譜略曰宋齊之間羣書失次王儉于是作七志以為之紀六志收書一志專收圖譜謂之圖譜志又曰王儉之志阮孝緒不能續之孝緒作七錄散圖而歸部錄雜譜而歸記注又曰孝緒之錄雖不專收猶有總記內篇有圖七百七十卷外篇有圖百卷

章氏考證隋志依七錄凡注中稱梁有今亡者皆阮氏舊有書舜典正義孝經序正義論語序正義史記天官書留侯世家申韓列傳正義經典序錄並引阮孝緒七錄今存廣弘明集內阮氏七錄一卷 案七錄序自其內篇五篇大致遵文德殿五部目錄之例

魏闕書目錄一卷

不著撰人 魏書高祖本紀太和十九年六月癸丑詔求天下遺書祕閣所無有裨益時用者加以優賞 魏有祕書丞盧昶撰甲乙新錄見北史儒林孫惠蔚傳

本志序曰後魏始都燕代南略中原粗收經史未能全具孝文徙都洛邑借書于齊祕府之中稍以充實案王融傳有廢使遺求書事 通志校讎略曰古人工書有記故本所記而求之魏人求書有闕目錄一卷

案此一卷因借書而流傳江左時當齊明帝建武中

陳祕閣圖書法書目錄一卷

不著撰人

唐張彥遠歷代名畫記敘畫之興廢曰天嘉中陳主肆意搜求所得不少及隋平陳命元帥記室參軍裴矩高頴收之得八百餘卷 陳天嘉六年壽安殿四部目錄四卷

不著撰人

本志敘曰元帝克平侯景收文德之書及公私經籍歸于江陵大凡七萬餘卷周師入郢成自焚之陳天嘉中又更鳩集考其篇目遺闕尚多

唐書經籍志陳天嘉四部書目四卷 藝文志同

陳德教殿四部目錄四卷 陳承香殿五經史記目錄二卷

並不著撰人

案德教殿册府元龜學校部引隋志作五經省

開皇四年四部目錄四卷

不著撰人

隋書高祖本紀開皇三年三月丁巳詔購求遺書于天下

北史牛弘傳開皇初授散騎常侍祕書監弘以典籍遺逸上表請開獻書之路曰今御書單本合一萬五千餘卷部帙之間仍有殘缺比梁之舊目止有其半至於陰陽河洛之篇醫方圖譜之說彌復為少若猥發明詔兼開購賞則異典必致觀闕斯集上納之于是下詔獻書一卷賚縑一疋一二年間篇籍稍備

本志敘曰隋開皇三年祕書監牛弘表請分遣使人搜訪異本每書一卷賞絹一匹校寫既定本即歸主于是民間異書往往間出

北史儒林劉炫傳炫除殿內將軍時牛弘奏購求天下遺逸之書炫遂偽造書百餘卷題為連山易魯史記等錄上送官取賞而去後有人訟之經赦免死坐除名

唐書經籍志隋開皇四年書目四卷牛弘撰又曰及隋氏平陳南北一統祕書監牛弘奏請搜訪遺逸著定書目凡三萬餘卷

唐書藝文志牛弘隋開皇四年書目四卷 開皇八年四部書目錄四卷

香廚四部目錄四卷

並不著撰人

本志敘曰及平陳已後經籍漸備檢其所得多太建時書紙墨不精書亦拙惡于是總集編次存為古本召天下工書之士京兆韋儒南陽杜穎等于祕書內補續殘缺為正副二本藏于宮中其餘以實祕書內外之間凡三萬餘卷

案平陳在開皇九年此八年四部書目不知何人所編兩唐志有王劭隋開皇二十年書目四卷此香廚四部目錄疑即是歟 隋大業正御書目錄九卷

不著撰人

本志序曰煬帝即位祕閣之書限寫五十副本分為三品上品紅琉璃軸中品紺琉璃軸下品漆軸于東都觀文殿東西廂構屋以貯

之東屋藏甲乙西屋藏丙丁又于內道場集道佛經別撰目錄案佛經目錄別見子部雜家

玉海藝文類隋西京嘉則殿有書三十七萬卷煬帝命祕書監柳顧言等詮次除其重複猥雜得正御本三萬七千餘卷納于東都脩文殿又寫五十副本簡為三品分置西京東都宮省官府其正御書皆裝剪華綺寶軸錦標于觀文殿前為書室十四間窗戶緋幔咸極珍麗

文獻經籍考煬帝即位增祕書省官百二十員並以學士補之帝好讀書著述自為揚州總管置王府學士至百人常令脩撰以至為帝前後近二十載脩撰未嘗暫停自經術文章兵農地理醫卜釋道乃至捕搏鷹狗皆為新書無不精洽共成三十一部萬七千卷

法書目錄六卷

不著撰人
唐書經籍志法書目錄六卷虞和撰
唐書藝文志虞蘇法書目錄六卷亦復見于經部小學類

南史文學丘巨源附傳時有虞通之虞蘇皆有學行皆會稽餘姚人蘇位中書郎廷尉少好學居貧屋漏恐溼墳典乃舒被覆書書獲全而破大溼時人以此高風

唐竇蒙述書賦注宋中書侍郎虞蘇上明皇帝表論古今妙蹟正行草楷紙色標軸真偽卷數無不畢備表本行于世真蹟故起居舍人李造得之本志集部總集類有上法書表一卷虞

和撰

案張彥遠法書要錄載虞蘇論書表題為梁人今案表文實宋明帝泰始六年所上也蘇于泰始三年奉詔與前將軍巢尚之司徒參軍徐希秀淮南太守孫奉伯料簡法書至是年裝治畢事乃詣中書省表上南史附傳不載其事此目錄六卷殆隨表上進者又述書賦注云梁傅昭亦撰法書目錄梁書殷鈞傳云鈞受詔料簡西省法書古迹別為品目則為法書目錄者不止一家此與兩唐志相同當是虞氏為多

雜儀注目錄四卷

不著撰人

案本志儀注篇有雜儀注一百八十卷陳尚書雜儀注五百五十卷又有雜凶禮四十二卷雜嘉禮三十八卷唐志又有諸王國雜儀諸府州郡儀其類不一此四卷大抵即是類之書之目錄然不知何以分析入此

雜撰文章家集敘十卷荀勗撰

荀勗有晉中經見前

唐書經籍志新撰文章家集五卷荀勗撰唐書藝文志荀勗初撰文章家集敘五卷章氏考證雜撰文章家集敘十卷唐志作新撰五卷

文章志四卷摯虞撰

摯虞有決疑要注見前儀注篇晉書本傳虞撰文章志四卷

唐書經籍志文章志四卷摯虞撰

唐書藝文志摯虞文章志四卷章氏考證魏志陳思王傳注劉季緒名脩著詩賦頌六篇文選與楊德祖書注同世說文學篇注崔烈靈帝時官至司徒太尉後漢書桓彬傳注桓麟文見在者十八篇有碑九首說一首沛相郭府君書一首並引摯虞文章志

案本志集部總集篇梁有文章流別集六十卷志二卷論二卷摯虞撰此四卷似即其志及論也

續文章志二卷傅亮撰

傅亮有應驗記一卷見前傳記篇

唐書經籍志續文章志二卷傅亮撰

唐書藝文志傅亮續文章志二卷

章氏考證文選海賦注廣川木元虛為海賦北堂書鈔設官部陸雲才藻並引傅亮文章志無續字世說文學篇注潘岳選言簡章清綺絕倫容止篇注左思貌醜頽不持儀飾汰侈篇注石崇資產累巨萬金宅室與馬僭擬王者並引續文章志不著傅亮名

晉江左文章志三卷宋明帝撰

宋書明帝本紀上好讀書愛文義在藩時撰

江左以來文章志行于世

南齊書文學丘靈鞠傳靈鞠著江左文章錄序起太興訖元熙案太興晉元帝改元元熙恭帝改元蓋東晉一代之錄也似明帝在藩時使靈鞠為此書或但為此書之序不得而詳矣

唐書藝文志宋明帝晉江左文章志二卷

章氏考證世說言語文學方正賞譽識鑒品藻規箴容止雅量任誕諸篇注並引宋明帝文章志

宋世文章志二卷沈約撰

沈約有諡法見經部論語類

梁書南史本傳約所著宋文章志三十卷

唐書藝文志沈約宋世文章志二卷

案本傳載是書三十卷隋唐志並云二卷

卷數懸殊必有一誤

書品二卷

不著撰人

案張彥遠法書要錄載梁庾肩吾書品袁

昂書評又寶蒙述書賦注載梁武帝時撰

書評梁邵陵王綸亦撰書評是六朝人撰

書品書評者不一家此大抵庾肩吾書品

為多唐經籍志小學家書品一卷庾肩吾

撰藝文志同其書載周秦以來能書者凡

一百二十三人分為九品而各繫以論法

書要錄全載其文亦有別本單行四庫全

書子部藝術類著錄

名手畫錄一卷

不著撰人

唐書藝文志子部雜藝術類名手畫錄一卷

案張彥遠歷代名畫記敘畫之興廢有曰

晉桓玄性貪好奇天下法書名畫必使歸

己及玄篡逆晉府真蹟玄盡得之何法盛

晉中興書曰劉牢之遣子敬宣詣玄請降

玄大喜陳書畫共觀之玄敗宋高祖先使

合兩唐志又有丘寶卿天監四年書目四卷則部數卷數適相符合或所敘即此也

案七錄敘目記傳錄第十二曰簿錄部三十六種六十二帙三百三十八卷本志所載自七錄以下十部皆北魏及陳隋時書

非阮氏所及載法書目錄以下十部皆晉以來文章書畫目當為七錄所有而其中如摯虞文章志七錄在總集不在此類然

則本志所載見于七錄者約略不過十八部而已尙遺十八部今明見於七錄序目者猶有四五種可考而此并無一種附注

于行間知此一類但據隋代見存目錄寫入並不依據七錄自亂其例草草了事是誠錢少詹所謂難辭絳屨之咎矣

又案自二劉錄略之後東都明章之世校書郎班固傅毅典掌祕籍並依七略為書

部撰集東觀藏書閣新記仁壽閣新記石室蘭臺亦各有典籍魏祕書郎鄭默撰中

經吳蜀皆置東觀郎之職亦各有所作而其名不著若此者皆祖七略皆久佚不傳大都皆亡于初平永嘉之亂此外如阮氏

七錄序目所載有晉元帝書目即李充四部目錄也晉義熙四年祕閣四部目錄案崇

文總目錄云東晉三千一十四卷李充校孝武增益三萬餘卷徐度校案徐度為徐廣之誤晉書廣傳云孝武世除祕書郎典校祕書省增置省職轉員外散騎侍郎仍領校書蓋孝武時始領校後十餘歲至安帝義熙四年訖事也宋祕書丞殷淳撰大四部目宋書本傳云四十卷唐藝文志四部書目序錄

臧喜入宮載焉南齊高帝科其尤精者錄古來名手不以遠近為次但以優劣為差

自陸探微至范惟賢四十二人為四十二等二十七帙三百四十八卷聽政之餘且夕披玩此一卷實近似之

又案宋郭若虛圖畫見聞志載自古及今評畫者有名畫集南齊高帝撰古畫品錄

謝赫撰昭公錄梁武帝撰述畫記後魏孫暢之撰續畫品錄陳姚最撰今惟謝赫姚

最兩家書尙傳四庫藝術類著于錄此一卷總不出此數家又本志序云煬帝即位

聚魏已來古迹名畫于殿後起二臺東曰妙楷臺藏古跡西曰寶蹟臺諸本皆鈔蹟字今從張彥遠名畫記校補藏古畫此一卷或是寶蹟臺所藏之目錄隋已前撰名畫錄者盡於此矣

正流論一卷

不著撰人

冊府元龜學校部目錄類隋書又有正流論

一卷無撰人姓名案此疑是摯虞文章流別論之七

章氏考證嘉興錢儀吉補曰集部總集類又

有正流論一卷蓋一書也案此條為錢氏所補即

卷首錢泰吉題識稱吾兄衍石者是也不知當補者尙有

百七十餘條

右三十部二百一十四卷案是篇所載正二十九部二

百十卷考玉海引本志文德殿目錄之下有古今四部書目五

卷梁劉杳撰案劉氏書目已歸阮氏并入于七錄阮序言之甚

明殆其後又復別行歟疑跋此一家而卷數又多出一卷不相

三十九卷元嘉八年祕閣四部目錄祕書監
謝靈運撰 齊永明元年祕閣四部目錄祕
書丞王亮監謝靈運並見本志總序 梁文德殿

目錄之外又有任昉祕閣書目凡此皆七
錄所有者又如玉海所引劉昫古今四部
書目五卷唐志所載丘賓卿梁天監四年
書目四卷王劭隋開皇二十年書目四卷
凡此又隋唐時所有者又隋書許善心傳
云開皇十七年除祕書丞時祕藏圖籍尚
多淆亂善心放阮孝緒七錄更製七林各
為總序冠于篇首又于部錄之下明作者
之意區分其類例焉此亦隋唐時所當有
北朝魏祕書丞盧昶撰甲乙新錄 見北史
儒林孫惠蔚傳北齊後周亦各有述敘其名
不顯著後世無傳焉自漢魏以來簿錄家
之書為本志所不載者大都略盡于斯因
并附識于此

又魏闕書目錄一卷陳祕閣圖書法書目
錄一卷陳德教殿四部目錄四卷陳承香
殿五經史記目錄二卷開皇八年四部書
目錄四卷香廚四部目錄四卷雜儀注目
錄四卷書品二卷凡八部章氏考證皆不
載又本志是類居史部之末為第十三章
氏乃改為史部第八

凡史之所記八百一十七部一萬三千二百六十
四卷通計亡書合八百七十四部一萬六千五百
五十八卷 實在著錄八百三部附著亡書六十四部通計八
百六十七部

隋書經籍志考證卷二十四

子部一

儒家

晏子春秋七卷齊大夫晏嬰撰

史記管晏列傳管仲卒後百餘年而有晏子
晏平仲嬰者萊之夷維人也事齊靈公莊公
景公以節儉力行重于齊三世顯名于諸侯
太史公曰吾讀晏子春秋詳哉其言之也既
見其著書欲觀其行事故次其傳至其書世
多有之是以不論論其軼事方晏子伏莊公
尸哭之成禮然後去豈所謂見義不為無勇
者耶至其諫說犯君之顏此所謂進思盡忠
退思補過者哉假令晏子而在余雖為之執
鞭所忻慕焉

七略別錄謹左鄧水使者光祿大夫臣向言
所校中書晏子十一篇臣向謹與長社尉臣
參校讎太史書五篇臣向書一篇參書十三
篇凡中外書三十篇為八百三十八章除復
重二十二篇六百三十八章定著八篇二百
一十五章外書無有三十六章中書無有七
十一章中外皆有以相定中書以天為芳又
為備先為牛章為長如此類者多謹願略櫛
皆已定以殺青書可繕寫晏子名嬰諡平仲
萊人萊者今東萊地也晏子博聞彊記通於
古今事齊靈公莊公景公以節儉力行盡忠
極諫道齊國君得以正行百姓得以附親不
用則退耕于野用則必不詘義不可脅以邪
白刃雖交胸終不受崔杼之劫諫齊君懸而

至順而刻及使諸侯莫能詘其辭其博通如

此蓋次管仲內能親親外能厚賢居相國之
位受萬鍾之祿故親戚待其祿而衣食五百
餘家處士待而舉火者亦甚衆晏子衣苴布
之衣麋鹿之裘駕敝車疲馬盡以祿給親戚
朋友齊人以此重之晏子蓋短其書六篇皆
忠諫其君文章可觀義理可法皆合六經之
義又有復重文辭頗異不敢遺失復列以為
一篇又有頗不合經術似非晏子言疑後世
辯士所為者故亦不敢失復以為一篇凡八
篇其六篇可常置旁御觀謹錄臣向昧死
上 案管晏敘錄幸得以宋本傳觀于此篇可以見劉光
祿校書之大致雖復重文辭之異及明知其不然而亦不
敢失墜慎之至也其于孟子并錄外書合為十一篇亦此
意鄭漁仲不探其本謂劉向父子胸中無倫類夫無倫類
者何能定為七略乎斯真所謂呿呿大樹爾
漢書藝文志晏子八篇名嬰諡平仲相齊景
公孔子稱善與人交有列傳 仲尼弟子列傳曰
孔子之所嚴事於周則老子於衛蘧伯玉於齊晏平仲於
楚老萊子於鄭子產於魯孟公綽嬰齊集解曰大戴禮君
擇臣而使之臣擇君而事之有道順命無道衡命蓋晏平
仲之行也
唐書經籍志晏子春秋七卷晏嬰撰 藝文志
同
宋史藝文志晏子春秋十二卷
崇文總目晏子春秋十二卷晏嬰撰晏子八
篇今亡此書蓋後人采嬰行事為之以為嬰
撰則非也

晁氏讀書志墨家晏子春秋十二卷齊晏嬰也嬰相景公此書著其行事及諫諍之言昔司馬遷讀而高之而莫知其所為書或曰晏子為之而人接焉或曰晏子之後為之唐柳宗元謂遷之言不然以為墨子之徒有齊人者為之墨好儉晏子以儉名于世故墨子之徒尊著其事以增高為己術者且其旨多尚同兼愛非樂節用非厚葬久喪非儒明鬼皆出墨子又往往言墨子聞其道而稱之此甚顯白自向歆彪固皆錄之儒家非是案班彪但為後傳未有志表等此插入彪是柳氏行文失實之處後宜列之墨家今從宗元之說

玉海藝文類中與書目曰晏子春秋十二卷或以為後人采嬰行事為書故卷多於前志陳氏書錄解題晏子春秋十二卷齊大夫平仲晏嬰撰漢志八卷但曰晏子隋唐七卷始號晏子春秋今卷數不同未知果本書否案太史公已稱晏子春秋七略之前已有此名陳乃謂始子隋唐志非也

四庫全書傳記名人類提要曰劉向班固俱列之儒家惟柳宗元以為墨子之徒為之薛季宣浪語集又以為孔叢子詰墨諸條今皆見晏子書中則嬰之學實出于墨蓋嬰雖略在墨翟之前而史角止魯實在惠公之時見呂氏春秋仲春紀當染篇故嬰能先宗其說也漢志隋志皆八篇案隋志實七卷陳氏晁氏書目乃皆十二卷蓋篇帙已多有更改矣此為明李氏綿眇閣刻本內篇分諫上諫下問

上問下雜上雜下六篇外篇分上下二篇與漢志八篇之數相合猶略近古焉

又曰晏子一書由後人摭其軼事為之雖無傳記之名實傳記之祖也舊列子部今移入于此

又簡明目錄曰晏子春秋八卷撰人名氏無考舊題晏嬰撰者誤也書中皆述嬰遺事實魏徵諫錄李絳論事集之流與著書立說者迥別列之儒家于宗旨固非列之墨家于體裁亦未允改隸傳記庶得其真

元和顧廣圻校刊序曰嘗謂古書無唐以前人注者易多脫誤晏子春秋其一也孫伯淵觀察始校定為撰音義盧抱經先生羣書拾補中晏子即據其本引伸觸類頗復增益最後觀察得元刻本以贈吳山尊學士于是學士屬廣圻重刻于揚州別錄前有邵凡每篇有章次題目外篇每章有定著之故悉復劉向之舊洵為是書傳一善本已

孫祠書目晏子春秋八卷一仿元寫本一明李氏緜眇閣刊本一星衍校刊本附音義二卷

張氏書目答問晏子春秋七卷孫星衍音義二卷岱南閣本經訓堂本又吳轟仿宋本

曾子二卷目一卷魯國會參撰

史記仲尼弟子列傳曾參南武城人字子輿少孔子四十六歲孔子以為能通孝道故授之業作孝經死於魯正義韓詩外傳云曾子曰吾嘗仕為吏祿不過鍾釜尚猶欣欣而喜

者非以為多也樂道養親也親沒之後吾嘗南遊於越得尊官堂高九仞椽提三尺駟轂百乘然猶北向而泣者非為賤也悲不見吾親也

大戴記衛將軍文子篇盧辯注曰曾參魯之南武城人齊聘以相楚迎以令尹晉迎以上卿不應其命也

漢書藝文志曾子十八篇名參孔子弟子

唐書經籍志曾子二卷曾參撰藝文志同

宋史藝文志曾子二卷

晁氏讀書志曾子者魯曾參也舊稱曾參所撰其大孝篇中乃有樂正子春事當是其門人所纂耳漢書藝文志曾子十八篇隋志二卷目一卷唐志二卷今此書亦二卷凡十篇蓋唐本也視漢亡八篇視隋亡目一篇考其書已見於大戴禮世人久不讀之文字謬誤為甚乃以大戴禮參校之其所是正者至于千有餘字云

又袁州本讀書志曰今世傳曾子二卷十篇本也有題曰傳紹述本豈樊宗師歟余從父詹事公嘗病世之人莫不尊事孟子而不知子思中庸者蓋寡知子思中庸者雖寡而知讀曾子者殆未見其人也是以文字回舛繆誤乃以家藏曾子與溫公所藏大戴參校頗為是正而盧注遂行於曾子云

玉海藝文類中與書目曰參與弟子公明儀樂正子春單居離曾元曾華之徒論述立身孝行之要天地萬物之理合十篇自脩身至

天間皆見於大戴禮蓋後人摭出爲二卷劉清之集錄七篇內篇一外篇雜篇各三

陳氏書錄解題曾子二卷凡十篇具大戴禮後人從其中錄出別行慈湖楊簡注

四庫禮類大戴禮記提要曰漢書藝文志曾子十八篇久逸是書猶存其十篇自立事至天圓篇題上悉冠以曾子者是也

又儒家簡明目錄曰曾子一卷宋汪暉編曾子宋時尙有傳本暉蓋以其未備而重輯之凡十二篇其強立篇名頗爲杜撰然宋代舊本已佚存之尙具曾子之崖略也

曾子注釋四卷儀徵阮元撰歸安嚴杰題記曰宮保師注釋是書正諸家之得失辯文字之異同可謂第一善冊師於中西天算考覈尤深天員一篇更非他人之所能及

張氏書目答問曾子注釋四卷阮元撰文選樓本學海堂本即大戴禮之十篇

子思子七卷魯穆公師孔伋撰

史記孔子世家孔子生鯉字伯魚先孔子死伯魚生伋字子思年六十二嘗困於宋子思作中庸亦見孔叢子居衛篇

漢書古今人表第二等上中仁人子思錢塘梁玉繩考曰子思亦稱孔思貌無鬚眉年八十二葬孔子冢南

又藝文志子思二十三篇名伋孔子孫爲魯繆公師

隋書音樂志梁武天監元年尙書僕射沈約奏曰漢初典章滅絕諸儒摭拾溝渠牆壁之

開得片簡遺文與禮事相關者卽編次爲禮皆非聖人之言中庸表記坊記緇衣皆取子思子案禮記釋文引劉瓛云緇衣公孫尼子作瓛與沈約同時其學推爲當時馬鄭與約不同如此

唐書經籍志子思子八卷孔伋撰藝文志七卷宋志同

晁氏讀書志子思子七卷魯孔伋子思撰載孟軻問牧民之道何先子思曰先利之孟軻曰君子之教民者亦仁義而已何必曰利子思曰仁義者固所以利之也上仁則下不得其所上不義則下樂爲詐此爲不利大矣故易曰利者義之和也又曰利用安身以崇德也此皆利之大者也温公采之著於通鑑又袁本讀書志曰子思子一卷周孔伋字子思撰四庫書目中無之

鄧名世古今姓氏書辨證曰子思子有公丘懿子衛人與子思論人主自臧則衆謀不進事

王應麟漢志考證曰沈約謂禮記中庸表記坊記緇衣皆取子思子文選注引子思子民以君爲心君以民爲體又引詩云昔吾有先正其言明且清國家以寧都邑以成初學記引東戶季子之時道上雁行而不捨遺耕耜餘糧宿諸畝首今有一卷乃取諸孔叢子非本書也

四庫簡明目錄曰子思子一卷宋汪暉編晁公武讀書志載有子思子七卷暉此書乃止一卷而分爲九篇其割裂古經強立篇名與

所輯曾子相等亦以舊本久亡存之耳案唐馬總意林載子思子九條明陳第世善堂書目猶有子思子七卷孫祠書目子思子一卷洪頤煊集本

公孫尼子一卷尼似孔子弟子漢書藝文志公孫尼子二十八篇七十子之弟子又雜家公孫尼一篇

王充論衡養性篇曰周人世頌以爲人性有善有惡在所養也密子賤漆雕公孫尼子之徒亦論情性與世子相出入皆言性有善有惡孟子作性善之篇以爲人性皆善及其不善物亂之也

又曰自孟子以下至劉子政鴻儒博生聞見多矣然而論情性竟無定是唯世頌公孫尼子之徒頗得其正

隋書音樂志梁武天監元年尙書僕射沈約奏答曰樂記取公孫尼子

陸氏經典釋文禮記音義曰劉瓛云緇衣公孫尼子所作也

禮樂記正義曰公孫尼子次撰樂記通天地貫人情辨政治

唐書經籍志公孫尼子一卷公孫尼撰藝文志同

王應麟漢志考證曰公孫尼子二十八篇七十子之弟子隋志一卷云似孔子弟子沈約謂樂記取公孫尼子劉瓛云緇衣公孫尼子作也馬總意林引之

馬氏玉函山房輯本序曰馬總意林引六節

沈約云樂記取公孫尼子劉獻云緇衣公孫尼子作除二篇今存載記外餘皆佚矣茲從意林御覽及春秋繁露北堂書鈔初學記諸書輯錄王充謂其說情性與世頌相出入皆言性有善有惡與孟子性善之旨不合然董廣川引公孫之養氣與孟子養氣互相發明則其異同可考也中有兩引尼書即樂記語可證沈說之有據朱子嘗舉樂記天高地卑下六句以爲漢儒醇如仲舒如何說得到這裏去想必古來流傳得此個文字如此此雖不以沈說爲信而觀於廣川誦述則當日之心實見折服以斯斷尼書焉可矣

孫氏書目公孫尼子一卷洪頤煊集本

孟子十四卷齊卿孟軻撰趙岐注

趙岐有三輔決錄見史部雜傳類史記孟荀列傳太史公曰余讀孟子書至梁惠王問何以利吾國未嘗不廢書而歎也曰嗟乎利誠亂之始也孟軻鄒人也受業子思之門人索隱曰王邵以人爲衍字則以軻親受業子門也 案此引王邵即隋王邵讀書記之語 道既通遊事齊宣王宣王不能用適梁惠王不果所言則見以爲迂遠而關於事情當是之時秦用商君富國彊兵楚魏用吳起戰勝弱敵齊威王宣王用孫子田忌之徒而諸侯東面朝齊天下方務於合從連衡以攻伐爲賢而孟軻乃述唐虞三代之德是以所如者不合退而與萬章之徒序詩書述仲尼之意作孟子七篇

又魏世家惠王三十一年徙治大梁三十五年惠王數敗于軍旅卑禮厚幣以招賢者鄒衍淳于髡孟軻皆至梁

漢書藝文志孟子十一篇名軻鄒人子思弟子有列傳 王肅聖證論曰學者不知孟軻字案子思書及孔叢子有孟子居則是軻也軻少居坎軻字子居也

案孔叢子作子車或云子與

趙岐題辭曰孟子鄒人也名軻字則未聞也或曰孟子魯公族孟孫之後生有淑質夙喪其父幼被慈母三遷之教長師孔子之孫子思治儒術之道通五經尤長於詩書則慕仲尼周流憂世遂以儒道遊于諸侯思濟斯民時君終莫能聽納其說于是退而論集所與高第弟子公孫丑萬章之徒難疑答問又自撰其法度之言著書七篇二百六十一章三萬四千六百八十五字又有外書四篇性善辨文說孝經爲正其文不能宏深不與內篇相似似非孟子本真後世依仿而託之者也逮至亡秦焚滅經術其書號爲諸子故篇籍得不泯絕漢興開延道德孝文皇帝欲廣游學之路論語孝經孟子爾雅皆置博士後罷傳記博士獨立五經而已迄今諸經通義得引孟子以明事謂之博文案以上似本之劉向別錄余少蒙義方訓涉典文知命之際嬰戚於天遘屯離蹇詭姓遁身經營八紘之內十有餘年心勦形瘵何勤如焉嘗息肩施擔于濟岱之間或有溫故知新雅德君子矜我劬瘁瞻我皓首訪論稽古慰以大道予困吝之下

精神遐漂靡所濟集聊欲係志于翰墨得以亂思遺老也唯六籍之學先覺之士釋而辨之者既以詳矣儒家惟有孟子闕遠微妙緼奧難見宜在條理之科于是乃述己所聞證以經傳爲之章句具載本文章別其旨分爲上下凡十四卷

後漢書本傳岐少明經有才藝多所述著作要子章句三輔決錄傳於時宋吳仁傑兩漢刊誤補遺曰刊誤曰要當作孟古書無要子就令有之而岐所作孟子章句傳之至今本傳何得反不記也仁傑案古文要作與與與相近疑孟與通岐傳作睪子章句而訛作睪耳水經清漳水出大睪谷注云大要谷類此 案陸氏說文序云許叔重讀孟爲猛則此以孟爲睪者漢人音聲之誤也

唐書經籍志孟子十四卷孟軻撰趙岐注

唐書藝文志趙岐注孟子十四卷注云孟軻晁氏袁本讀書志孟子十四卷魯孟軻撰漢趙岐注自爲章旨析十四篇案此書韓愈以爲弟子所會集非軻自作今考于軻之書則知愈之言非妄發也其書載孟子所見諸侯皆稱諡如齊宣王梁惠王梁襄王滕定公滕文公魯平公是也夫死然後有諡軻著書時所見諸侯不應皆死且惠王元年至平公之卒凡七十七年孟子見惠王王目之曰叟必已老矣決不見平公之卒也故予以愈言爲然

陳氏書錄解題曰前志孟子本列于儒家然

趙岐固嘗以爲則象論語矣自韓文公稱孔子傳之孟軻軻死不得其傳天下學者咸曰孔孟孟子之書固非荀楊以降所可同日語也今國家設科取士語孟並列爲經而程氏諸儒訓解二書常相表裏故今合爲一類曰語孟類

四庫經部四書類提要曰是注卽岐避難北海時在孫賓家夾柱中所作漢儒注經多明訓詁名物惟此注箋釋文句乃似後世之口義與古學稍殊然孔安國馬融鄭玄之注論語今載於何晏集解者體亦如是蓋易書文皆最古非通其訓詁則不明詩禮語皆徵實非明其名物亦不解論語孟子詞旨顯明惟闕其義理而止所謂言各有當也其中如謂宰子子貢有若緣孔子聖德高美而盛稱之孟子知其太過故貶謂之污下之類紕繆殊甚以屈原憔悴爲徵於色以寧戚扣角爲發於聲之類亦比擬不倫然朱子作孟子集注或問於岐說不甚措擊至於書中人名惟益成括告子不從其學於孟子之說季孫子叔不從其二弟子之說餘皆從之書中字義惟折枝訓按摩之類不取其說餘亦多取之蓋其說雖不及後來之精密而開闢荒蕪俾後來得循途而深造其功要不可泯也胡熈拾遺錄據李善文選注引孟子曰墨子兼愛摩頂致於踵趙岐曰致至也知今本經文及注均與唐本不同今證以孫奭音義所音岐注亦多不相應蓋已非舊本至於盡心下篇夫

子之設科也注稱孟子曰夫我設教授之科云云則顯爲予字今本乃作夫子又萬子曰注稱萬子萬章也則顯爲子字今本乃作萬章是又注文未改而經文誤刊者矣又簡明目錄曰岐注頗爲朱子集注所采卽誤解曹交之類亦取之

又曰孫奭孟子音義稱一遵趙注而以今本校之不相符者凡六十有九條皆今本注文所無惟孟子注之單行者世有傳鈔宋本尙可稽考僞正義刪改其文非復趙岐原書故與音義不相應也

儀徵阮元校勘記序曰漢人孟子注存於今者惟趙岐一家趙岐之學以較馬鄭許服諸儒稍爲固陋然屬書離辭指事類情於詁訓無所戾七篇之微言大義藉是可推且章別其指令學者可分章尋求于漢儒傳注別開一例功亦勤矣僞正義盡刪章旨吳中舊有北宋蜀大字本劉氏丹桂堂巾箱本相州岳氏本盱郡重刊廖瑩中世綵堂本皆經注善本也賴吳寬毛辰何焯何焯朱奩余蕭客先後傳校迄休寧戴震授曲阜孔繼涵安邱韓岱雲鈺版於是經注譌可正闕可補云

案經義考引應劭曰孟子著書中外十一篇蓋中書七篇外書四篇劉光祿典校是書時當亦如晏子之外篇不敢失墜應氏據別錄之言歟元馬廷鸞外書序曰坊間有四家孟子注曰揚子雲也韓文公也李習之也熙時子也中興史志以爲依託信

也孟子外書四篇趙臺卿不取也故不顯于世四家注依託不足傳而孟子外書不可不傳也故序而存之也仁和孫志祖讀書勝錄云近刻孟子外書四篇摺拾諸子書中所引孟子逸文以成篇詞旨淺陋通儒疑之案藝海珠塵中所刻曰性善辨凡十五章曰文說十七章曰孝經二十章曰爲正八章末注曰以下闕首有馬廷鸞序卽撰通考之馬端臨父也固非趙氏所見之本亦恐非馬氏所序之舊矣

孟子七卷鄭玄注

鄭玄有易注見經部易家

唐書經籍志孟子又七卷鄭玄注

唐書藝文志鄭玄注孟子七卷

臨海洪頤煊讀書叢錄曰史記五帝本紀堯知子丹朱之不肖索隱引鄭玄曰肖似也不似言不如人也疑卽孟子注

遵義鄭珍學錄曰孟子注隋志七卷唐後亡惟史記五帝本紀索隱引鄭玄曰一條是其遺文僅見者

歷城馬國翰曰後漢書本傳詳列所著書不言孟子而隋志有孟子七卷鄭玄注唐志亦有鄭玄注孟子七卷未知何據或爲鄭學者依託其說而成此書歟今佚傳記絕無徵引茲取玄注諸書中所引孟子及隱括孟子義者輯錄以補闕遺

孟子七卷劉熙注

劉熙有諡法注見經部禮類

唐書經籍志孟子又七卷劉熙注

唐書藝文志劉熙孟子注七卷

經義考曰劉熙注孟子李善文選注凡三引之

馬國翰輯本序曰熙子後漢書無傳附見三

國吳志程秉薛綜二傳中知熙嘗居交州焦

循孟子正義引綜傳以為相傳安南太守者

亦以其在交州而譌非南安之誤也晉李石

續博物志云漢博士劉熙熙注孟子隋唐志

並云七卷今佚史記漢書文選等注尚有徵

引而經文往往與今本不同蓋所據之本劉

與趙異宋熙時子傳孟于外書第三篇引劉

氏熙一則案熙注七卷無外書不知熙時子

何据姑依錄之

張氏書目答問孟子劉熙注一卷宋翔鳳輯

浮溪精舍本

案經義考言李善三引劉熙注今考選注

所引凡二十餘條其琴賦注引劉向孟子

注云樓牽也一條證以重刊宋本亦是劉

熙注余氏蕭客古經解鈎沈載劉向孟子

注亦因此一條而誤 近出唐本玉篇亦引此注

為馬氏宋氏所未見

梁有孟子九卷蔡母遂撰亡

蔡母遂有列女傳見史部雜傳家

唐書經籍志孟子又七卷蔡母遂注

唐書藝文志蔡母遂注孟子七卷

烏程嚴可均全晉文編曰蔡母遂爵里未詳

有孟子注七卷

馬國翰輯本序曰遂字及爵里均無考周廣

業孟子古注考云宋裴駟注史記兩引其說

知為晉人案裴氏所引遂注列女傳文也隋

志云梁有孟子注九卷唐志載七卷蓋其書

亡于隋至唐復得之而缺其二卷也今佚惟

通典文選注引凡五節宋熙時子所注孟子

外書其孝經篇亦引蔡母氏四節蓋在唐佚

篇二卷中劉貢父得外書于湮散之餘佚說

幸存也茲並輯錄其說伯夷隘柳下惠不恭

與驅蛇龍而放之菹焦循作孟子正義取之

而頗有所發明附屬節下益以著古義之可

珍云

書目答問曰拜經樓叢書輯刻晉蔡母遂孟

子外書注一卷

孫卿子十二卷楚蘭陵令荀況撰

七略別錄曰勸學篇第一至賦篇第三十二

右孫卿新書定著三十二篇護左都水使者

光祿大夫臣向言所校讎中孫卿書凡三百

二十二篇以相校除復重二百九十篇定著

三十二篇皆以定殺青簡書可繕寫孫卿趙

人名況方齊宣王威王之時聚天下賢士于

稷下尊寵之若鄒衍田駢淳于髡之屬甚衆

號曰列大夫皆世所稱咸作書刺世是時孫

卿有秀才年五十始來游學諸子之事皆以

為非先王之法也孫卿善為詩禮易春秋至

齊襄王時孫卿最為老師齊向修列大夫之

缺而孫卿三為祭酒焉齊人或讒孫卿乃適

楚楚相春申君以為蘭陵令人或謂春申君

曰湯以七十里文王以百里孫卿賢者也今

與之百里地楚其危乎春申君謝之孫卿去

之趙後客或謂春申君曰伊尹去夏入殷殷

王而夏亡管仲去魯入齊魯弱而齊強故賢

者所在君尊國安今孫卿天下賢人所去之

國其不安乎春申君遣人聘孫卿孫卿遺春

申君書刺楚國因為歌賦以遺春申君春申

君恨復固謝孫卿孫卿乃行復為蘭陵令春

申君死而孫卿廢因家蘭陵李斯嘗為弟子

已而相秦及韓非號韓子又浮丘伯皆受業

為名儒又有魯人大毛公武威張倉亦以詩春秋受以

上言孫卿始末為一段以下論孫卿著書別為一段 孫

卿之應聘於諸侯見秦昭王昭王方喜戰伐

而孫卿以三王之法說之及秦相應侯皆不

能用也至趙與孫贖議兵趙孝成王前孫贖

為變詐之兵孫卿以王兵難之不能對也卒

不能用孫卿道守禮義行應繩墨安貧賤孟

子者亦大儒以人之性善孫卿後孟子百餘

年以為人性惡故作性惡一篇以非孟子蘇

秦張儀以邪道說諸侯以大貴顯孫卿退而

笑之曰夫不以其道進者必不以其道亡至

漢興江都相董仲舒亦大儒作書美孫卿孫

卿卒不用于世老于蘭陵疾濁世之政亡國

亂君相屬不遂大道而營乎巫祝信禩祥鄙

儒小拘如莊周等又滑稽亂俗于是推儒墨

道德之行事與壞序列箸數萬言而卒葬蘭

陵而趙亦有公孫龍為堅白異同之辨處子

之言魏有李悝盡地力之教楚有尸子長廬

子羊子皆著書然非先王之法也皆不循孔氏之術唯孟軻孫卿爲能尊仲尼蘭陵多善爲學蓋以孫卿也長老至今稱之曰蘭陵人喜字爲卿蓋以法孫卿也嚴可均曰案上文至漢興江都相以下十七字當在此句下孟子孫卿董先生皆小五伯以爲仲尼之門五尺童子皆羞稱五伯如人君能用孫卿庶幾于王然世終莫能用而六國之君殘滅秦國大亂卒以亡觀孫卿之書其陳王道甚易行疾世莫能用其言悽愴甚可痛也嗚呼使斯人卒終于閭巷而功業不得見于世哀哉可爲實涕其書比于記傳可以爲法謹第錄臣向昧死上言案史記列傳之文此敘無不盡之且多有出于史文之外者于本書亦綜攬其大旨略具故全錄也 其中謂孫卿在孟子後百餘年最爲可疑故宋唐仲友刻書序辨之仲友又謂向言孫卿齊宣王時游稷下四庫提要亦以爲言則誤解其文向言齊宣王者敘稷下之事威王在宣王之前此二字似衍下文云是時謂孫卿之時非齊宣王之時孫卿實以襄王時年五十游稷下三爲祭酒焉仲友又疑孫頤非趙孝成王時楊倞注書亦有是說則莫得而詳矣四庫提要曰晁公武讀書志謂史記所云年五十爲年十五之譌意其或然竊以爲未必然也

爲宗則孔氏之道幾乎息矣有志之士所爲痛心疾首也故孟軻闢其前荀卿振其後觀其立言指事根極理要敷陳往昔倚挈當世撥亂與理易于反掌真名世之士王者之師其書亦所以羽翼六經增光孔氏非徒諸子之言也孟子有趙氏章句而荀子未有注解亦復編簡爛脫傳寫謬誤雖好事者時亦覽之至于文義不通屢掩卷焉夫理曉則愜心文舛則忤意未知者謂異端不覽覽者以脫誤不終所以荀氏之書千載而未光焉輒用申抒鄙思敷尋義理其所徵據則博求諸書但以古今字殊齊楚言異事資參考不得不廣以文字煩多故分舊十二卷三十二篇爲二十卷又改孫卿新書爲荀子其篇第亦頗有移易使以類相從云

唐書經籍志孫卿子十二卷荀況撰唐書藝文志荀卿子十二卷楊倞注荀子二十卷宋史藝文志荀卿子二十卷戰國趙人荀況書楊倞注荀子二十卷陳氏書錄解題曰荀子二十卷楚蘭陵令趙國荀況撰漢志作孫卿子云齊稷下祭酒其曰孫者避宣帝諱也至楊倞始改爲荀卿案此云避宣帝諱本顏氏漢藝文志注也四庫提要曰漢人或稱曰孫卿則以宣帝諱避嫌名也嚴可均全三代文編云時相尊而號爲卿方音改易又稱孫卿案太史公稱荀卿劉氏班氏皆曰孫卿似因避諱而改爲多也宋淳熙八年初請郎權發遣台州軍州事唐仲友後序曰崇文總目言卿楚人楚禮爲客卿與遷書向序駁益難信据遷傳參卿書其大略可觀卿名況趙人以齊襄王時游稷下距孟子至齊五十年矣於列大夫三爲祭酒去之楚春申君以爲蘭陵令以讒去之趙與臨武君議兵入秦見應侯昭王以聘反乎楚復爲蘭陵令既廢家蘭陵以終 案此文頗嚴臨武君事見本書議兵篇楊倞言之詳矣 案春申君之死在秦始皇九年史公言之甚明卿卒當在是年之後年八十餘下至漢興二十餘年

在勸學而其學主於修禮徒以恐人特質而廢學故激為性惡之說受後儒之詬厲要其宗法聖人誦說王道終以韓愈大醇小疵之評為定論也

嘉定錢大昕跋曰自仲尼既沒儒家以孟荀為最醇太史公敘列諸子獨以孟荀標目宋儒所營議者唯性惡一篇宋儒言性雖主孟氏然必分義理與氣質而二之則已兼取孟荀二義至其教人以變化氣質為先實暗用荀子化性之說然則荀子書詎可以小疵嘗之哉

嘉善謝墉序曰小戴所傳三年問全出禮論篇樂記鄉飲酒義所引俱出樂論篇聘義子貢問貴玉賤珉亦與德行篇大同大戴所傳禮三本篇亦出禮論篇勸學篇即荀子首篇而以宥坐篇末見大水一則附之哀公問五義出哀公篇之首則知荀子所著載在二戴記者尚多而本書或反缺佚

烏程嚴可均鐵橋漫稿曰孔子之道在六經自七十子後紹明聖學振揚儒風者無逾孟子荀子而孟子配食於孔子廟堂荀子有性惡一篇為宋儒所詬病前明黜其從祀此非萬世之公議也臣竊維荀子自是孟子後第一人案荀子非但傳禮傳樂也又傳詩傳春秋申公受詩于浮丘伯浮丘伯荀子弟子是魯詩荀子所傳也韓詩外傳引荀子以說詩者四十餘事是韓嬰亦荀子私淑弟子也子夏五傳至荀子荀子傳大毛公是毛詩亦荀

子所傳也荀子大略篇言春秋賢穆公善胥命是為公羊春秋之學瑕丘江公受穀梁春秋及詩于申公是穀梁春秋荀子所傳也左邱明作傳以授曾申曾申五傳至荀子荀子傳張蒼是左氏春秋荀子所傳也劉向稱孫卿善為詩禮易春秋今觀非相大略二篇是善為易古籍闕亡其受授不得盡知也孔子之道在六經自尚書外皆由荀子得傳臣學淺位卑不合上議敬具草置之篋中謂荀子當從祀實萬世之公議也案嚴氏此議援謝氏序錢氏跋於宋人一切苛刻之論一掃而空之

光緒十年出使日本大臣遵義黎庶昌校刊古佚叢書敘目曰影宋台州本荀子二十卷朱子按唐仲友為一重大公案其第四狀云仲友以官錢開荀揚文中子韓文四書貼黃云仲友所印四子曾送一本與臣臣不合收受已行估計價值還納本州軍資庫訖此即四種之一卷末有劉向敘目題荀卿新書十二卷三十二篇又有王子韶同校呂夏卿重校銜名熙寧元年國子監劄子及校勘官十五人銜名又有仲友後序蓋淳熙八年繕雕熙寧官本板心所題姓名即第六狀云蔣輝供共王定等一十八人在局開雕者是仲友雖為朱子所劾而此書校刻實精錢遵王稱為字大悅目信然

梁有王孫子一卷亡
漢書藝文志王孫子一篇一曰巧心
王應麟漢志考證王孫子七錄一卷馬總意

林引之太平御覽藝文類聚亦引之

嚴可均輯本序曰漢志儒家王孫子一篇一曰巧心隋志一卷意林亦一卷僅有目錄而所載王孫子文爛脫校意林者乃割莊子雜篇以充之實非王孫子也唐志不著錄今從北堂書鈔等書采出二十四事省併復重僅得五事愛是先秦古書繕寫而為之敘曰王孫姓也不知其名巧心亦未詳釋其言蓋七十子之後言治道者漢志儒五十三家今略存十家而子思曾子公孫尼子魯仲連子賈山五家尙未全亡王孫子得見者僅三百九十九字耳然而君人者可懸諸坐隅夫為國而不受諫不節財而暴民如國何又四錄堂目錄王孫子一卷可均輯

馬國翰輯本序曰王孫氏其名不傳事蹟亦無考以漢隋志敘次其書知為戰國時人亦曰巧心蓋其書之別稱如揚子之法言文中子之中說矣意林存目而無其書藝文類聚太平御覽引其佚說而彼此殊異參互考定完然可讀者尙得五節錄為一卷書主愛民為說如衛靈楚莊趙簡子之事又春秋內外傳所未載者且舉孔子子貢之論以為斷其人蓋七國之翹楚也

董子一卷戰國時董無心撰

王充論衡福虛篇儒家之徒董無心墨家之徒纏子相見講道纏子稱墨家右鬼神是引秦穆公有明德上帝賜之九十年董子難以堯舜不賜年桀紂不夭死

漢書藝文志董子一篇名無心難墨子

唐書經籍志董子二卷董無心撰

唐書藝文志董子一卷董無心撰宋史藝文志

同 崇文總目墨家同

晁氏讀書志董子一卷周董無心撰皇朝吳

祕注無心在戰國時著書關墨子

玉海藝文類董子戰國時人宋朝吳祕注一

卷中與書目一卷與學墨者纏子辨上同兼

愛上賢明鬼之非纏子屈焉論衡引董子難

纏子

錢大昕三史拾遺曰董無心蓋六國時人王

充論衡應劭風俗通俱引董無心說

馬國翰輯本序曰無心不詳何人明陳第世

善堂書目有之今復求索不可得矣唯王充

論衡福虛篇引其與纏子論難一節又文選

注意林引纏子內有董無心語循公孫龍與

孔穿論臧三耳兩家書並載之例取補缺遺

存其說可與詰墨競爽孟子所謂聖人之徒

與

又纏子輯本序曰纏子不詳何人漢隋唐志

皆不著錄馬總意林始載纏子一卷引其書

二節中言與儒者董無心論難王充論衡亦

載董無心難纏子之說文選注引纏子亦載

董無心言蓋本董子之書墨家取為纏子如

孔穿與公孫龍論臧三耳孔叢子公孫龍兩

書並載之類也

案意林載纏子一卷云纏子脩墨氏之業

以教於世廣韻纏字注纏又姓漢書藝文

志有纏子著書宋邵思姓解亦云漢藝文

志有纏子書孫氏志祖讀書脞錄曰廣韻

注所云不知所據蓋漢志實無纏子廣韻

殆以纏子即董子故云然而唐日本國見

在書目墨家載有纏子一卷則唐時兩本

並行其文稍有出入如云董無心欲事纏

子又云纏子不能應不過各尊其學而已

魯連子五卷錄一卷魯連齊人不仕稱為先生

史記列傳魯仲連者齊人也好奇偉倜儻之

畫策而不肯仕官任職好持高節游于趙為

平原君折梁客新垣衍尊秦為帝之說平原

君欲封魯連魯連辭使者三終不肯受又置

酒以千金為壽魯連笑曰所謂貴于天下之

士者為人排患釋難解紛亂而無取也即有

取者是商賈之事也而連不忍為也遂辭平

原君而去終身不復見其後齊田單攻聊城

不下魯連遺燕將書燕將自殺聊城既克田

單欲爵之魯連逃隱于海上曰吾與富貴而

詘于人寧貧賤而輕世肆志焉太史公曰魯

連其指意雖不合大義然余多其在布衣之

位蕩然肆志不詘于諸侯談說于當世折卿

相之權

漢書古今人表第二等上中魯仲連梁玉繩

考曰魯仲連始見戰國齊策魯氏伯禽之

後仲連齊人亦曰魯連亦曰魯仲子亦曰魯

連先生葬青州高苑縣西北五里

又藝文志魯仲連子十四篇有列傳

唐書經籍志魯連子五卷魯仲連撰 藝文志

一卷

宋史藝文志魯仲連子五卷戰國齊人

玉海藝文類中與書目五卷退隱海上論蕃

此書

王氏漢志考證春秋正義史記正義文選注

太平御覽引之

嚴可均全上古三代文編曰魯仲連齊人邯

鄲圍解案此下當有聊城已拔四字 趙勝田單欲

封之皆不受逃隱海上莫知所終有魯連子

漢志儒家十四篇隋志意林舊唐志皆五卷

新唐志一卷宋志五卷已後不著錄今輯凡

三十條又遺燕將書二條文與國策不同知

史記載此書取之魯連子非本國策

馬國翰輯本序曰戰國策載其六篇其卻秦

軍說燕將二篇史記亦載文句不同參互校

訂又搜采意林御覽等書得佚文二十五節

合錄一卷指意在於勢數未能純粹合聖賢

之義然高才遠致讀其書想見其為人矣 案

勢數疑書中之篇目今佚文中猶存對平原君問一條

孫氏書目魯連子一卷洪頤煊集本

新語二卷陸賈撰

陸賈有楚漢春秋見史部雜史類

太史公曰余讀陸生新語書十二篇固當世

之辯士

漢書藝文志陸賈二十三篇 又七略兵權謀家

有陸賈毋氏以其重復省之

又本傳賈時時前說稱詩書高帝罵之曰乃

公居馬上得之安事詩書賈曰馬上得之寧

可以馬上治乎且湯武逆取而以順守之文武並用長久之術也昔者吳王夫差智伯極武而亡秦任刑法不變卒絕趙氏鄭氏曰秦之先造父封于趙城其後以為姓 鄉使秦以并天下行仁義法先聖陛下安得而有之高帝不憚有慚色謂賈曰試為我著秦所以失天下吾所以得之者及古成敗之國賈凡著十二篇每奏一篇高帝未嘗不稱善左右呼萬歲稱其書曰新語師古曰其書今見存

唐張守節史記正義曰七錄云新語二卷陸賈撰

唐書經籍志新語二卷陸賈撰

唐書藝文志陸賈新語二卷宋志雜家著錄同

崇文總目雜家同

王氏漢志考證今存道基術事輔政無為資賢至德懷慮七卷案此非完本嚴氏校錄言之詳矣四庫提要曰漢書賈本傳稱賈著新語十二篇藝文志儒家二十七篇蓋兼他所論述計之隋志二卷此本卷數與隋志合篇數與本傳合然王充論衡本性篇引陸賈今本無其文又穀梁傳至漢武帝時始出而道基篇末乃引穀梁傳曰時代尤相抵牾其殆後人依託非賈原本歟案穀梁傳漢初魯申公已傳之陸大夫容或見其書又玉海稱今存七篇此本十有二篇乃反多于宋本亦不可解或後人因不完之本補綴五篇以合本傳舊目也 案此未見李廷梧之序故有此疑嚴氏已言之見後 今但據其書論之則大旨皆崇王道黜霸術歸本于

脩身用人其稱引老子者惟思務篇引上德不德一語餘皆以孔氏為宗所援據多春秋論語之文漢儒自董仲舒外未有如是之醇正也流傳既久其真其贗存而不論可矣所載衛公子鱗奔晉一條與三傳皆不合莫詳所本中多闕文亦無可校補所稱文公種米曾子駕羊諸事皆不知其何說又據整喟報之語訓話亦不可通古書佚亡今不盡見闕所不知可也

嚴可均校錄序曰崇文總目晁志陳錄皆不著王伯厚云今存七篇蓋宋時此書佚而復出出亦不全至明弘治間莆陽李廷梧得十二篇足本刻于桐鄉縣治或疑明本反多于王伯厚所見恐是後人補綴今知不然者羣書治要載有八篇其辨惑本行明誠思務四篇皆非王伯厚所見而與明本相同足知多出五篇是隋唐原本至論衡本性篇引陸賈曰天地生人也一條今十二篇無此文論衡但云陸賈不云新語或當在漢志之二十三篇中又穀梁傳曰仁者以治親義者以利尊乃是穀梁舊傳故今傳無此文因知瑕邱江公所受于魯申公者其本復經改造非穀梁赤之舊也漢代子書新語最純最早貴仁義賤刑威述詩書春秋論語紹孟荀而開賈董卓然儒者之言史遷目為辨士未足以盡之其詞皆協韻流傳既久轉寫多訛今據明各本以治要之八篇及文選注意林等書改正刪補疑者闕之間有管見一二輒附案語不

敢臆定又四錄堂類集總目曰陸賈新語二卷均可輯案明程榮漢魏叢書所刻即據弘治十五年李廷梧刊本其篇目曰道基第一術事第二輔政第三無為第四辨惑第五慎微第六資質第七至德第八懷慮第九本行第十明誠第十一思務第十二王氏所見七篇蓋缺辨惑慎微本行明誠思務五篇中多斷爛末篇缺文尤多嚴氏所校之本今亦未見

又案西京雜記載陸賈答樊將軍噲問瑞應一事今不見於是書又晉稽含南方草木狀引陸賈南越行記兩事陸大夫于高帝存文時兩使南越宜有行記當皆在漢志二十三篇中又新語中不甚言兵事兵權謀所書陸賈不知若干篇亦當在二十三篇中

賈子十卷錄一卷漢梁太傅賈誼撰

史記屈賈列傳賈生名誼雒陽人也年十八以能誦詩屬書聞於郡中吳廷尉為河南守聞其秀才召置門下甚幸愛孝文帝初聞河南守吳公治平為天下第一乃徵為廷尉廷尉乃言賈生年少頗通諸子百家之書文帝召以為博士是時賈生年二十餘最為少諸生以為能不及也孝文帝說之超遷一歲中至大中大夫賈生以為漢興二十餘年天下和洽固當改正朔易服色法制度定官名興禮樂乃悉草具其儀法色尚黃數用五為官名悉更秦之法孝文帝初即位謙讓未遑也諸律令所更定及列侯悉就國其說皆自

賈生發之於是天子議以爲賈生任公卿之位絳灌東陽馮敬之屬盡害之於是天子亦疏之不用其議乃以賈生爲長沙王太傅數年徵見孝文帝方受釐坐宣室因感鬼神事而問鬼神之本賈生因具道所以然之狀至夜半文帝前席既罷曰吾久不見賈生自以爲過之今不及也居頃之拜爲梁懷王太傅懷王文帝少子愛而好書故令賈生傳之文帝復封淮南厲王子四人皆爲列侯賈生諫以爲患之興自此起矣賈生數上疏言諸侯或連數郡非古之制可稍削之文帝不聽居數年懷王騎墜馬而死集解徐廣曰文帝十一年賈生自傷爲傅無狀哭泣歲餘亦死年三十三孝武皇帝立案此稱孝武皇帝非史公本文舉賈生之孫二人至郡守而賈嘉最好學世其家與余通書至孝昭時列爲九卿案未句爲後人所續

漢書傳贊曰劉向稱賈誼言三代與秦治亂之意其論甚美通達國體雖古之伊管未能遠過也使時見用功化必盛爲庸臣所害甚可悼痛案此數語必是別錄之言追觀孝文玄默躬行以移風俗誼之所陳略施行矣及欲改定制度以漢爲土德色尙黃數用五及欲試屬國施五餌三表以係單于其術固已疏矣誼亦天年早終雖不至公卿未爲不遇也凡所著述五十八篇掇其切于世事者著於傳云

又儒林傳漢興北平侯張蒼及梁太傅賈誼

皆修春秋左氏傳誼爲左氏傳訓故授趙人貫公爲河間獻王博士釋文敘錄云左丘明作傳以授曾申五傳至荀況況傳武威張蒼著傳洛陽賈誼傳其孫嘉嘉傳趙人貫公

又藝文志賈誼五十八篇

唐書經籍志賈子九卷賈誼撰

唐書藝文志賈誼新書十卷宋志雜家著錄同

崇文總目賈子九卷漢賈誼撰傳本七十二篇劉向刪定爲五十八篇案此說必本于別錄

隋唐皆九卷今別本或爲十卷四庫提要曰考今隋唐志皆作十卷無九卷之說蓋校刊隋唐書者未見

崇文總目反據今本追改之明人傳刻古書往往如是也

案傳唐書明代不甚行故不爲所改與崇文目同

晁氏讀書志新書十卷漢賈誼撰誼著事勢連語雜事凡五十八篇考之漢書誼之著述未嘗散軼然與班固所載時時不同固既云

掇其切于世者容有潤益刊削無足怪也獨其說經多異義而詩尤甚以騶虞爲天子之宥官以靈臺爲神靈之靈與毛氏殊不同學者不可不知也案賈之時詩唯有魯齊韓三家毛學不行無怪其然矣

陳氏書錄解題曰賈子十一卷漢志五十八篇今書首載過秦論末爲弔湘賦餘皆錄漢書語耳且略節本傳于第十一卷中其非漢書所有者輒淺駁不足觀決非誼本書也

宋黃氏日鈔曰賈誼天資甚高議論甚偉一時無與比者其後經畫漢世變故皆誼遺策四庫提要曰今本僅五十六篇又問孝一篇

有錄無書實五十五篇已非北宋本之舊又首載過秦論而未無弔湘賦亦無附錄之第十一卷且併非南宋時本矣其書多取誼本傳所載之文割裂其章段顛倒其次第而加以標題殊駭亂無條例疑過秦論治安策等本皆爲五十八篇之一後原本散佚好事者因取本傳所有諸篇離析其文各爲標目以足五十八篇之數故餽釘至此其書不全真亦不全僞陳振孫以爲決非誼書非篤論也且其中爲漢書所不載者雖往往類說苑新序韓詩外傳然如青史氏之記具載胎教之古禮修政語上下兩篇多帝王之遺訓保傅篇容經篇並敷陳古典具有原本其解詩之騶虞易之潛龍亢龍亦深得經義安可盡以淺駁不粹目之哉雖殘闕失次要不能以斷爛棄之矣

杭東里人盧文弨校刊序曰此書必出于其徒之所纂集篇中稱懷王問于賈君又勸學一篇語其門人皆可爲明證但多爲鈔胥所增竄凡漢書所有者此皆割裂傾倒致不可讀唯傳職輔佐容經道術論政諸篇在漢書外者古雅淵奧非後人所能僞爲陳氏反謂其淺駁豈可謂之知言者哉

鹽鐵論十卷漢廬江府丞桓寬撰案此府丞當是郡丞明入校刊者妄改

漢書昭帝本紀始元六年二月詔有司問郡國所舉賢良文學民所疾苦議罷鹽鐵榷酤又贊曰始元元鳳之間匈奴和親百姓充實

舉賢良文學問民所疾苦議鹽鐵而罷榷酤
又食貨志昭帝即位六年詔郡國舉賢良文
學之士問以民所疾苦教化之要皆對願罷
鹽鐵酒榷均輸官毋與天下爭利示以儉節
然後教化可興御史大夫桑弘羊難以爲此
國家大業所以制四夷安邊足用之本不可
廢也迺與丞相千秋共奏罷酒酤

又車千秋傳昭帝世國家少事百姓稍益充
實始元六年詔郡國舉賢良文學士問以民
所疾苦于是鹽鐵之議起焉

又傳贊曰所謂鹽鐵議者起始元中徵文學
賢良問以治亂皆對願罷郡國鹽鐵酒榷均
輸務本抑末毋與天下爭利然後教化可興
御史大夫弘羊以爲此迺所以安邊竟制四

夷國家大業不可廢也當時相詰難頗有其
議文至宣帝時汝南桓寬次公治公羊春秋
舉爲郎至廬江太守丞博通善屬文推行鹽
鐵之議增廣條目極其論難著數萬言亦欲

以究治亂成一家之法焉其辭曰觀公卿賢
良文學之議異乎吾所聞汝南朱生言案

本書作朱子伯當此之時英俊並進賢良茂陵
唐生文學魯國萬生之徒六十有餘人咸聚

闕庭舒六藝之風陳治平之原知者贊其虛
仁者明其施勇者見其斷辯者聘其辭斷斷

焉行行焉雖未詳備斯可略觀矣中山劉子
推案本書作子雍言王道矯當世反諸正彬彬
然弘博君子也九江祝生奮史魚之節發憤
邁譏公卿介然而不撓可謂不畏疆圉矣

桑大夫據當世合時變上權利之略雖非正
法鉅儒宿學不能自解博物通達之士也然

攝公卿之柄不師古始放於末利處非其位
行非其道果隕其性以及厥宗師古曰性生也
謂與上官榮謀反誅也車丞相履伊呂之列當軸

處中括囊不言容身而去彼哉彼哉若夫丞
相御史兩府之士不能正議以輔宰相成同
類長同行阿意苟合以說其上斗筲之徒何
足潤也

又藝文志桓寬鹽鐵論六十篇師古曰寬字
次公汝南人也孝昭帝時丞相御史與諸賢
良文學論鹽鐵事寬撰次之

唐書經籍志鹽鐵論十卷桓寬撰
唐書藝文志桓寬鹽鐵論十卷宋史志同
陳氏書錄解題曰鹽鐵論凡六十篇事其末

曰雜論班書取以爲論贊
王氏漢志考證曰今十卷本論第一至雜論
第六十

四庫提要曰鹽鐵論十二卷凡六十篇篇各
標曰實則反覆問答諸篇皆首尾相屬後罷
榷酤而鹽鐵則如舊故寬是書惟以鹽鐵爲

名蓋惜其議不盡行也書末雜論一篇述汝
南朱子伯之言記賢良茂陵唐生文學魯國

萬生等六十餘人而最推中山劉子雍九江
祝生于桑弘羊車千秋深著微詞蓋其著書

之大旨所論皆食貨之事而言皆述先王稱
六經故諸史皆列之儒家明嘉靖癸丑華亭
張之象爲之注

又簡明目錄曰所論者食貨之政而諸史皆
列之儒家蓋古之儒者主于誦法先王以適
實用不必言心言性而後謂之聞道也

新序三十卷錄一卷劉向撰
劉向有洪範五行傳論見經部尙書家
七略別錄曰新序三十卷河平四年都水使

者諫議大夫劉向上言見馬總意林 四庫館校
刊曰案此蓋秦上新序之文故馬氏錄以弁首而今失之
又曰新序總一百八十三章陽朔元年二月

癸卯上見王氏漢書藝文志攷證此兩條皆別錄佚文
諸家輯本皆不載故各注其所出
漢書藝文志劉向所序六十七篇新序說苑

世說列女傳頌圖也
又楚元王附傳向領校中五經祕書乃集合
上古以來符瑞災異之記號曰洪範五行傳

論奏之又睹俗奢淫序次爲列女傳以戒天
子及采傳記行事著新序說苑凡五十篇奏
之以助觀覽

唐書經籍志新序三十卷劉向撰
唐書藝文志劉向新序三十卷
宋史藝文志雜家劉向新序十卷

崇文總目新序十卷漢劉向撰成帝校祕
書因采載戰國秦漢問事爲三十卷上之其
二十卷今亡案撰字下當有向爲二字

晁氏讀書志新序十卷劉向撰向典校祕書
因采傳記行事百家之言刪取正辭美義可
勸戒者爲新序說苑共五十篇新序陽朔元

年上世傳本多亡闕皇朝曾子固在館中日

校正其訛舛而綴輯其放逸久之新序始復全

宋高似孫子略曰先秦古書甫脫熾劫一入

向筆采擷不遺至其正紀綱迪教化辨邪正

黜異端以為漢規監者盡在此書茲說苑新

序之旨也嗚呼向誠忠矣向之書誠切矣

陳氏書錄解題曰新序十卷漢護都水使者

光祿大夫劉向子政撰舜禹以來迄于周嘉

言善行往往在焉其書最為近古四庫館輯錄

曰案此云舜禹以來迄于周疑有脫誤

王氏漢志考證新序三十卷曾鞏校定十卷

雜事至善謀

四庫提要曰隋志新序三十卷唐志同曾鞏

校書序云今可見者十篇蓋鞏所校錄宋初

殘闕之本也晁公武謂曾子固綴輯散佚新

序始復全者誤矣今本雜事五卷刺奢一卷

節士二卷善謀二卷即曾鞏校定之舊崇文

總目云所載戰國秦漢間事以今考之春秋

時事尤多漢事不過數條大抵采百家傳記

以類相從故頗與春秋內外傳戰國策太史

公書互相出入要其推明古訓衷之于道德

仁義在諸子之中猶不失為儒者之言葉大

慶考古質疑頗摘其誤切中其失

又簡明目錄曰唐以前本皆三十卷宋以後

本皆十卷蓋不知為合併為殘缺也所錄皆

春秋至漢初軼事可為法戒者雖傳聞異詞

姓名時代或有抵牾要其大旨主于正紀綱

迪教化不失為儒者之言

嚴均可全漢文編曰新序三十卷見存十卷

不錄錄其佚文凡五十二條 其中第十二條言

吳漢事必非新序本文

案晉書陸喜傳喜自序曰劉向省新語而

作新序斯言也必得之于別錄蓋漢時舊

傳有新語因而重編定著為新序猶中祕

書有說苑雜事重編為新說苑也此新序

之所本可以補別錄之軼聞

說苑二十卷劉向撰

七略別錄護左都水使者光祿大夫臣向言

所校中書說苑雜事及臣向書民間書誣虛

文昭翠書拾補曰案論語焉可諷也漢書薛宣傳作可憐

蘇林曰憐同也兼也晉灼曰憐音譚疑此譚與憐同義

校讎其事類衆多章句相溷或上下謬亂難

分別次序除去與新序復重者其餘者淺薄

不中義理別集以為百家案漢志小說家未有百

家百三十九卷 後今以類相從案後當為復一

條別篇目更以造新事十萬言以上凡二十

篇七百八十四章號曰新苑皆可觀臣向味

死翠書拾補曰當有書上二字 鴻嘉四年三月已

亥上 案末句見王氏漢志考證 又新苑疑新說苑彼

說字其言所校中書說苑雜事則說苑雜事乃中祕書之

舊名相傳有此說部之書此重編其書故曰新說苑猶重

編國語號新國語見漢志春秋家也

唐書經籍志說苑三十卷劉向撰

唐書藝文志劉向新序三十卷又說苑二十

卷宋志雜家二十卷 崇文總目說苑五卷漢劉向撰向成帝時典

祕書采傳記百家之言撮其正辭美義可為

勸戒者以類相從為說苑二十篇今存者五

卷

晁氏讀書志說苑二十卷以君道臣術建本

立節貴德復思政理尊賢正諫法誠善說奉

使權謀至公指式談叢雜言辨物修文為目

鴻嘉四年上之闕第二十卷 案袁本云缺第十

三卷 曾子固校書自謂得十五篇于士大夫

家與崇文舊書合為二十篇而鉞之然止是

析十九卷作修文上下篇耳

陳氏書錄解題曰向序言更造新事凡二十

篇七百八十四章號曰新苑今本南豐曾鞏

序言崇文總目存者五篇從士大夫得十五

篇與舊為二十篇未知即當時篇章否新苑

之名亦不同

王氏漢志考證說苑二十卷君道至反質崇

文總目存者五篇曾鞏復得十五篇與舊為

二十篇李德芻云闕反質一卷鞏分修文為

上下以足二十卷後高麗進一卷遂足

四庫提要曰晁公武謂闕第二十卷今本修

文篇後有反質篇陸游渭南集記李德芻之

言謂得高麗所進本補成完書則宋時已有

此本公武偶未見也其書皆錄遺聞佚事足

為法戒之質者其例略如詩外傳葉大慶考

古質疑摘其所載諸人時代先後邈不相及

黃朝英緗素雜記摘其與新序矛盾殆摺拾

衆說各據本文偶爾失于參校也然古籍散

佚多類此以存如漢志河間獻王八篇隋志

已不著錄而此書所載四條尙足見其議論醇正不愧儒宗其他亦多可采擇雖間有傳聞異詞固不以微瑕累全璧矣

又簡明目錄曰說苑與新序體例相同大旨亦復相類其所以分爲兩書之故莫之能詳案此由未見說苑序錄之文故也中有一事而兩書異詞者蓋采羣書各據其所見既莫定其孰是寧傳疑而兩存也

嚴可均鐵橋漫稿書說苑後略曰盧抱經羣書拾補所載宋本有劉向敘一首諸本皆無之向敘言二十篇七百八十四章今本君道至反質凡六百三十九章羣書拾補有佚文二十四事當是二十四章都計六百六十三章視向敘少一百二十一章非完書也向所類事與左傳及諸子間或時代抵牾或一事而兩說三說兼存韓非子亦如此良由所見異詞所聞異詞所傳聞異詞不必同李斯之法別黑白而定一尊淺學之徒少所見多所怪謂某事與某書違異某人與某人不相值生二千載後而欲畫一二千載以前人之事甚非多聞闕疑之意善讀書者豈宜然乎又全漢文編曰說苑二十卷今見存不錄錄其佚文凡二十四條

案史通采撰篇云班固漢書全同太史案

此言非是 太初已後雜引劉氏新序說苑七略之辭今考新序說苑載漢事無多不知何時何人妄有刪除矣惜哉

揚子法言十五卷解一卷揚雄撰李軌注

揚雄有方言李軌有周易音並見經部論語類易類

漢書本傳雄見諸子各以其知舛馳大氏詆訾聖人卽爲怪迂析辯詭辭以撓世事 宋邢曰司馬溫公云大氏下脫不字 雖小辨終破大道

而或衆使溺于所聞而不自知其非也及太史公記六國歷楚漢訖麟止不與聖人同是非頗謬于經故人時有問雄者常用法應之誤以爲十三卷象論語號曰法言法言文多

不著獨著其目曰學行第一吾子第二修身第三問道第四問神第五問明第六寡見第七五百第八先知第九重黎第十淵窻第十一君子第十二孝至第十三又曰雄以爲傳莫大于論語作法言自雄之沒至今四十餘年其法言大行

又藝文志揚雄所序三十八篇太玄十九法言十三樂四箴二案樂四疑卽經部樂類所載之樂經四卷箴二卽九州二十五官箴仿虞人箴而作者鄭樵校讎略謂之樂箴以兩書爲一書謬誤如此 今行本太玄十九有作太廟十九者其謬

唐書經籍志揚子法言又十三卷李軌注 唐書藝文志李軌注法言三卷案此似敝十字 晁氏讀書志李氏注法言十三卷漢揚雄撰 晉祠部郎中李軌注

陳氏書錄解題法言注十三卷音義一卷晉尚書郎李軌宏範注此本歷景祐嘉祐治平三降詔更監學館兩制校定然後板行與建寧四注本不同

四庫提要曰漢書藝文志注云法言十三雄本傳具列其目凡所列漢人著述未有若是之詳者蓋當時甚重其書也自程子始謂其曼衍而無斷優柔而不決蘇軾始謂其以艱

深之詞文淺易之說至朱子作通鑑綱目始書莽大夫揚雄死雄之人品著作遂皆爲儒者所輕若北宋之前則大抵以爲孟荀之亞故司馬光作潛虛以擬太玄而又采李軌柳宗元宋咸吳祕四家之說以注此書

又簡明目錄曰雄長揚諸賦文章殊絕訓練諸書于小學亦深惟此書摹仿論語徒爲貌似不知司馬光何取而注之殆以尊聖人談王道持論猶近正歟

經義考擬經篇李氏軌法言解隋志一卷存錢塘梁玉繩筆記曰揚子雲作法言二字見莊子人間世非取論語法語之言也

張氏書目答問法言李軌注十三卷音義一卷秦恩復仿宋大字本又徐養原校李廣芸刻本

梁有揚子法言六卷侯芭注亡一本作侯苞 侯芭有韓詩翼要見經部詩類 漢書揚雄傳鉅鹿侯芭常從雄居受其太玄法言焉 案芭下敝子字子棠芭字也詳見經部詩類韓詩翼要條

唐書經籍志揚子法言六卷揚雄撰 藝文志同 案此卷數與七錄相符卽此書 經義考擬經篇侯氏芭法言注七錄六卷佚 番禺侯康補後漢書藝文志曰御覽九百二

十二引揚子法言曰朱鳥翹翹歸其肆矣侯苞注曰朱鳥燕別名肆恣肆也

揚子法言十三卷宋衷撰撰當爲注

宋衷有周易注見經部易家

唐日本國見在書曰揚雄法言十三卷宋衷注

注

唐書經籍志揚子法言又十卷宋衷注

唐書藝文志宋衷注法言十卷

四庫提要曰考自漢以來有侯苞注六卷宋衷注十三卷李軌解一卷辛德源注二十三卷又有柳宗元注宋咸廣注吳祕注司馬光集注

錢塘汪師韓文選理學權輿曰選注所引羣書有宋衷法言注

揚子太玄經九卷宋衷注

揚雄宋衷並見前

劉向別錄曰揚雄經目有玄首玄衝玄錯玄測玄舒玄營玄數玄文玄規玄圖玄告玄問合十二篇殿本附三劉刊誤所引蕭該漢書音義

劉向別傳曰揚信字子烏雄第二子幼而聰慧雄竿玄經不會子烏令作九數而得之雄又擬易羝羊觸藩彌日不就子烏曰大人何不云荷戟入榛御覽三百八十五案此兩條殿氏

輯別錄本皆不載故注所出別傳即別錄王儉作七志每人各次以傳即依別錄之體也考劉中疊卒于成哀之間

揚雄于哀帝時方草太玄書尙未成何由于別錄中載其篇目又考別錄載揚雄書唯詩賦略中賦四篇因成帝時

奏御得著于錄者其時子烏已死劉氏于著錄四賦因

而附記其事歟 玄舒蓋即玄攤又有玄問合十二篇與本書本傳並異三劉刊誤已辨之然別錄所記在子雲未成書之時容有與定本互異之處斯不足怪也 法言問神篇云苗而不秀者吾家之童烏乎九齡而與我玄文

桓譚新論曰揚子雲爲郎居長安素貧比歲亡其兩男哀痛之皆持歸葬于蜀以此困乏雄察達聖道明于死生宜不下季札然而慕怨死子不能以義割恩自令多費而致困貧也 又云玄經三篇五千餘言而傳十二篇也

漢書揚雄傳哀帝時丁傅董賢用事諸附離之者或起家至二千石時雄方草太玄有以自守泊如也雄以爲賦頗似俳優淳于髡優孟之徒非法度所存賢人君子詩賦之正也

于是輟不復爲而大潭思渾天參摹而四分之極于八十一旁則三摹九据極之七百二十九贊亦自然之道也故觀易者見其卦而名之觀玄者數其畫而定之玄首四重者非卦也數也其用自天元推一晝一夜陰陽數度律曆之紀九九大運與天終始故玄三方九州二十七部八十一家二百四十三表七百二十九贊分爲三卷曰一二三與泰初曆

相應亦有顯頊之曆焉極之以三策開之以休咎絳之以象類播之以人事文之以五行擬之以道德仁義禮知無主無名要合五經苟非其事文不虛生爲其泰曼漣而不可知故有首衝錯測攤瑩數文規圖告十一篇皆以解剝玄體離散其文章句尙不存焉又曰

雄好古樂道其意欲求文章成名于後世以爲經莫大于易故作太玄用心于內不求于

外于時人皆習之唯劉歆范滂敬焉 案范滂略見後漢書杜林傳 而桓譚以爲絕倫鉅鹿侯

苞常從雄居受其太玄法言焉劉歆亦嘗觀之謂雄曰空自苦今學者有祿利然尙不能

明易又如玄何吾恐後人用覆瓿也雄笑而不應天鳳五年卒時大司空王邑納言嚴

尤聞雄死謂桓譚曰子常稱揚雄書豈能傳于後世乎 案此稱子常即謂侯苞非指桓譚由是知上文鉅鹿侯苞下跛子字譚曰必傳顧君與譚不

及見也凡人賤近而貴遠親見子雲祿位容貌不能動人故輕其書昔老聃著虛無之言

兩篇薄仁義非禮樂然後世好之者尙以爲過于五經自漢文景之君及司馬遷皆有是

言今揚子之書文義至深而論不詭于聖人若使遭遇時君更閱賢知爲所稱善則必度

越諸子矣諸儒或譏以爲雄非聖人而作經猶春秋吳楚之君僭號稱王蓋誅絕之罪也

師古曰絕謂無嗣也劉歆曰絕讀如春秋既絕之絕自雄之沒至今四十餘年其法言大行而玄

終不顯然篇籍具存 司馬光曰子雲法言解嘲等書止云太玄非自稱經侯苞之徒尊之耳

又藝文志曰揚雄所序三十八篇注云太玄十九

吳陸績述玄曰章陵宋仲子爲作解詁仲子以所解與張子布績得覽焉仲子之思慮誠

爲深篤然玄道廣遠淹廢歷載師讀斷絕難可一備故往往有違本錯誤夫玄之大義撰

著之謂而仲子失其旨歸休咎之占靡所取

定雖得文間義說大體乖矣

唐日本國見在書目揚子太玄經十三卷宋衷注

唐書經籍志揚子太玄經十二卷揚雄撰陸績注案宋衷注即在其內

唐書藝文志宋仲孚注太玄經十二卷 經義考疑經篇曰疑即宋仲子注書子爲學因譌字耳 案舊志唯載陸氏注以宋注在內故不別出新志首載陸注本又別出此本或宋氏單注本與本志同而其首有本經三卷即本傳所謂一二三是也故十二卷

宋書藝文志玄測一卷漢宋衷解吳陸績釋之 案玄測爲十一篇中第四篇宋注至宋唯存此一卷 又有宋衷解太玄義經訣十卷李沂集當是太玄經義訣轉寫誤倒其文蓋宋注而附以己說及撰書之法故曰義訣亦輯本之類也

四庫術數數學類提要曰自漢以來注其書者惟宋衷陸績最著至晉范望乃因二家之注勒爲一編雄書本擬易而作以家準卦以首準彖以贊準爻以測準象以文準文言以攤整掇圖告準繫辭以數準說卦以衝準序卦以錯準雜卦全仿周易古本經傳各自爲篇望作注時析玄首一篇分冠八十一家之前析玄測一篇分繫七百二十九贊之下始變其舊至今仍之卷端列陸績述玄一篇又列王涯說玄五篇又列釋文一卷則不知何人附入其太玄圖旁范望序末及玄首玄測之首尾凡附記九條卷末又有一跋均不署名氏當出北宋人林瑀張實之手其釋文一

卷亦不著名氏考鄭樵通志則林瑀撰疑皆張實校刊是書時所附入也

案釋文敘錄老子范望州注訓二卷字叔文會稽人吳尚書郎蓋即注太玄之范望也州字似衍案今本卷首題晉范望字叔明則文爲音聲之誤望自序有云昔在吳朝校書臺觀後轉爲郎則仕吳入晉者也而本志儒家道家皆不著其書其太玄舊第蓋仿周易以象象附六十四卦之例自此世傳其本而舊本不可見矣提要所載即相傳萬玉堂本其所附釋文有題識云此本自侯芭虞翻宋衷陸績互相增損傳行於世非後人之所作也是猶爲舊時所傳非通志略所載林瑀撰晁志載宋郭元亨太玄經疏云太玄潤色於君平案嚴遵字君平子雲師事之豈其書爲君平所及見而點定之耶是亦異聞也宋氏注今見於溫公集注尚存七十七條

梁有揚子太玄經九卷揚雄自作章句亡漢書本傳有曰爲其泰曼漙而不可知故有首衝錯測攤整數文掇圖告十一篇皆以解剝玄體離散其文章句尚不存焉師古曰玄中之文雖有章句其旨深妙尚不能盡存故解剝而離散也宋祁曰也當作之劉敞曰言此十一篇財以離散玄文未有章句也

晉范望注本序曰建安年中章陵宋衷吳郡陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

耳與顏氏所法合 又疑此九卷中附有侯芭章句 四庫術數數學類提要曰漢書藝文志稱太玄十九其本傳則云分爲三卷曰一二三又稱有首衝錯測等十一篇章句尚不存焉與藝文志十九篇之說已相違異案阮孝緒稱太玄經九卷雄自作章句疑漢志所云十九篇乃合其章句言之今章句已佚故篇數有異

楊子太玄經十卷陸績宋衷撰案當云宋衷陸績注 宋衷見前陸績有周易注見經部易類 陸績述玄曰鎮南將軍劉景升遣梁國成奇修好鄱州奇將玄經自隨時雖幅寫一通年尙暗稚未能深索玄道真故不爲也後數年專精讀之半歲間粗覺其意於是草創注解未能也章陵宋仲子爲作解詁後奇復命尋盟仲子以所解付奇與安遠將軍彭城張子布績得覽焉績智意豈能弘裕顧聖人有所不知匹夫誤有所達加緣先王詢于芻蕘之誼故遂卒有所述就以仲子解爲本其合于道者因仍其說其失者因釋而正之所以不復爲一解欲分學者瞻覽彼此論其曲直故合聯之爾績不敢苟好著作以虛譽也庶合道真使玄不爲後世所尤而已華陽國志蜀郡士女贊云吳郡陸公紀尤善于玄稱雄聖人

吳志本傳績博學多識星曆算數無不該覽虞翻舊齒名盛與績友善作渾天圖注易釋玄皆傳于世又傳評曰陸績之于揚玄是仲尼之左邱明老聃之嚴周矣

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

陸績各爲解釋然本經三卷雖有章句辭尚婉妙並宜訓解案此則自作章句者但爲本經三卷

晉范望序曰揚子雲處前漢之末值王莽用
事身勢亂世遜退無由是以朝隱官爵不徒
于是覃思耦易著玄桓譚謂之絕倫張衡以
擬五經非諸子之疇也自侯芭受業之後希
有相傳受者乃到建安年中故五業主事章
陵宋衷鬱林太守吳郡陸績各以淵通之才
窮核道真爲十篇解釋案當爲十一篇足以根
其祕奧無遺滯者已然本經三卷雖有章句
辭尙婉妙並宜訓解且此書也淹廢歷久傳
寫文字或有脫謬宋君創之于前鬱林釋之
于後二注并集或相錯雜或相理致文字猥
重頗爲繁多于教者勞于誦者勸北宋校刊范
本附記云揚氏本以七百二十九贊爲天地人三卷宋陸
無注 唐王涯說玄辨首篇云天玄二十七首自中至事
地玄二十七首自更至昆人玄二十七首自減至養
唐書經籍志揚子太玄經十二卷揚雄撰陸
績注

中思外福小福中福大禍生禍中禍極諸家
本皆無之
北宋校刊范本附記曰九贊之辭後人目爲
經辭也揚氏本以七百二十九贊分天地人
自爲三卷其辭之下宋陸無注晉范望沿宋
陸注測之義專解此贊自成一家次于逐首
辭下而削舊注日星節候上中下度數案舊
法自侯芭鄒張衡崔瑗王肅及宋陸二家所注者又有
虞翻並在范望之前與范同時又有陸凱鄒邵字伯峻有
玄思見論衡案書篇其人稍在侯芭後
案司馬溫公言知宋陸雖不注贊辭而贊
辭仍冠于其前并知揚子舊第實爲經傳
合十四篇益以陸氏述玄一篇是陸本原
第實十五卷唯子略錄意林舊目有揚雄
太玄經十五卷卷數相符本志十卷唐志
十二卷似皆非當時之舊矣
揚子太玄經十卷蔡文即注
蔡文即始末未詳
唐書經籍志揚子太玄經一十卷蔡文即注
唐書藝文志蔡文即注太玄經十卷
崇文總目太玄經十卷揚雄撰蔡文即注
案蔡文即并莫詳其時代疑即撰化清經
之蔡洪撰閔論之蔡詔見後又本志別集
類注云梁有蔡玄通集五卷亡七錄敘次
在賈充荀勗之前蓋晉初人亦近似之也
吳志張昭傳昭長子承能甄識人物拔彭
城蔡款于孤微後至衛尉注引吳錄曰款
字文德步騭傳引周昭新論又稱爲蔡文

至文至似文德之譌蔡文即或其昆季行
歟崇文總目載太玄經唯此一部而宋志
及晁陳志錄皆不著唐宋諸家集注太玄
經亦罕見稱引及之者
梁有揚子太玄經十四卷虞翻注亡
虞翻有周易注詳經部易類
吳志本傳注翻別傳曰翻放棄南方以典籍
自慰依易設象以占吉凶又以宋氏解玄頗
有繆錯更以立法案法似注字之誤并著明揚
釋宋以理其滯案其書于注文之外別有明揚一篇
明其本意釋宋一篇釋其違錯也蓋作于交州少後于陸
續殆遠處海濱未知陸亦有此注也
唐書經籍志揚子太玄經十四卷虞翻注
唐書藝文志虞翻注太玄經十四卷案十四
卷者本經三什一猶原本舊第也
北宋校刊范望注本題記曰揚氏始作之本
已畫方州部家四位定五行之數分七百二
十九贊爲天地人三玄惟宋陸注本不畫首
象其餘侯芭虞翻注本並畫首象
又太玄釋文題記曰此本自侯芭虞翻宋衷
陸績互相增損傳行于世非後人之所作也
案此不知何人從諸家注本輯出爲釋文侯芭注本不著
錄宋氏注書時已亡之矣
梁有揚子太玄經十三卷陸凱注亡
陸凱有吳先賢傳詳史部雜傳家
吳志本傳黃武初爲永興諸暨長拜建武都
尉領兵雖統軍衆手不釋書好太玄論演其
意以筮輒驗

梁有揚子太玄經七卷王肅注亡

王肅有周易注詳經部易類

魏志王朗附傳肅年十八從宋忠讀太玄而更爲之解

華陽國志揚雄贊曰其玄後世大儒張衡崔

子玉宋仲子王子雍等皆爲注解

桓子新論十七卷後漢六安丞桓譚撰

後漢書本傳譚字君山沛國相人也父成帝

時爲太樂令以父任爲郎因好音律善鼓琴

博學多通徧習五經皆詁訓大義不爲章句

能文章尤好古學數從劉歆揚雄辨析疑異

性簡易而意非毀俗儒由是多見排抵哀平

間位不過郎當王莽居攝篡弑之際天下之

士莫不競褒稱德美作符命以求容媚譚獨

自守默然無言莽時爲掌樂大夫更始立召

拜太中大夫世祖即位徵待詔上書言事失

旨不用大司空宋弘薦拜議郎給事中上書

陳時政不省時帝方信讖多以決定嫌疑又

酬賞少薄天下不時安定譚復上疏請屏讖

記輕爵重賞帝省奏愈不悅其後有詔會議

靈臺所處帝謂譚曰吾欲讖決之何如譚默

然良久曰臣不讀讖帝問其故譚復極言讖

之非經帝大怒曰桓譚非聖無法將下斬之

譚叩頭流血良久乃得解出爲六安郡丞意

忽忽不樂道病卒時年七十餘初譚著書言

當世行事二十九篇號曰新論上書獻之世

祖善焉琴道一篇未成肅宗使班固續成之

案本志異說篇有曰光武以圖讖興遂盛行于世其後詔

東平王蒼正五經章句皆命從讖俗儒趨時益爲其學言

五經者皆憑讖爲說范書賈逵傳論曰桓譚以不善讖流

亡鄭與以遜辭僥免費逵能附會文致最差貴顯世主以

此論學悲矣哉言時主不重經而重讖也

又傳注曰新論一曰本造二王霸三求輔四

言體五見徵六讖非七啓寤八祛蔽九正經

十讖通十一雜事十二道賦十三辯惑十四

述策十五閱友十六琴道本造閱友琴道各

一篇餘並有上下東觀記曰光武讀之勅言

卷大令皆別爲上下凡二十九篇琴道未畢

但有發首一章

新論佚文曰余爲新論述古今亦欲興治也

又曰譚見劉向新序陸賈新語乃爲新論

王充論衡超奇篇曰桓君山作新論論世間

事辨照善否虛妄之言僞飾之辭莫不證定

彼子長子雲論說之徒君山爲甲 又定賢

篇曰世間爲文者衆矣是非不分然否不定

桓君山之論可謂得實 又案書篇曰質定

世事論說世疑桓君山莫上也又曰君山之

論難追

唐書經籍志桓子新論十七卷桓譚撰 藝文

志同

嘉慶二十年烏程嚴可均輯本序曰其書宋

時不著錄羣書治要所載十五事當是求輔

言體見徵讖非四篇意林所載三十六事當

是十三篇惟少本造述策閱友三篇各書所

載又三百許事合并復重聯屬斷散凡百七

十二事依治要意林次第以類相從定爲三

卷諸引但琴道有篇名餘無篇名今望文分

繫仍加各篇舊名取便檢閱君山博學多通

同時劉子駿七略徵引其琴道篇揚子雲難

窮立毀所作蓋天圖其後班孟堅漢書據用

甚多王仲任論衡超奇篇佚文篤定賢篇案

書篇對作篇皆極推崇至謂子長子雲論說

之徒君山爲甲則其書漢時早有定論惜久

佚失所得見者僅此然其尊王賤霸非圖讖

無仙道綜覈古今僞僂失得以及儀象典章

人文樂律精華略具則雖謂此書未嘗佚失

可也

錢塘梁玉繩警記曰桓譚新論二十九篇其

書蓋亡于宋世故宋史志文獻通考皆無之

明陳第世善堂書目有新論二卷當是後人

所綴拾也仁和孫之騾搜采羣書輯成二卷

孫氏書目桓譚新論一卷章宗源孫馮翼集

刊本 張氏書目各問云新論一卷問經堂輯本 四錄

堂類集錄目曰桓譚新論三卷可均輯

潛夫論十卷後漢處士王符撰

後漢書本傳符字節信安定臨涇人也少好

學有志操與馬融竇章張衡崔瑗等友善安

定俗鄙庶孽而符無外家爲鄉人所賤自和

安之後世務游宦當塗者更相薦引而符獨

耿介不同于俗以此遂不得升進志意蘊憤

乃隱居著書三十餘篇以譏當時失得不欲

章顯其名故號曰潛夫論其指訐時短討譏

物情足以觀見當時風政著其五篇云爾符

竟不仕終于家

唐書經籍志潛夫論十卷王符撰

唐書藝文志王符潛夫論十卷宋史藝文志同

晁氏讀書志符在和安之世耿介不同於流俗遂不得進隱居著書三十六篇以譏當時

失得范曄取其貴忠浮修實貢愛日述赦等五篇以爲足以觀見當得風政頗潤益其文

後韓愈亦贊其述赦旨意甚明云

陳氏書錄解題雜家潛夫論十卷漢安定王

符節信撰

四庫提要曰今本凡三十五篇合敘錄爲三

十六篇蓋猶舊本卷首讚學一篇論勵志勤

修之旨卷末五德志篇述帝王之世次志氏

姓篇考譜牒之源流其中卜列相列夢列三

篇亦皆雜論方技不盡指陳時政范氏所云

舉其著書大旨爾符生卒年月不可考本傳

之末載度遼將軍皇甫規解官歸里符往謁

見事規解官歸里據本傳在延熹五年則符

之著書在桓帝時故所說多切漢末弊政范

氏以符與王充仲長統同傳韓愈因作後漢

三賢贊今以三家之書相較符書洞悉政體

似昌言而明切過之辨別是非似論衡而醇

正過之前史列之儒家斯爲不愧

蕭山汪繼培箋注序曰此書行於今者有明

程榮本何鏗本元大德本各本簡編脫亂以

意屬讀得其端緒因復是正文文字疏證事辭

依采經書爲之箋注

張氏書目答問潛夫論箋十卷汪繼培箋湖

海樓本

梁有王逸正部論八卷後漢侍中王逸撰亡

後漢書文苑傳王逸字叔師南郡宜城人也

元初中舉上計吏爲校書郎順帝時爲侍中

著楚辭章句其賦誄書論及雜文凡二十一

篇案史官賦誄書論或即此正部論當時編入本集

二十一篇中意林載王逸正部十卷者別有集二卷

見下別集類蓋阮氏七錄分此八卷入此類餘二卷入文

籍部本志仍之也

歷城馬國翰輯本序曰七錄儒家有正部論

八卷隋志云亡唐志不著錄佚已久馬總意

林載正部十卷或因庾仲容子鈔之舊目也

意林引十三節藝文御覽等書亦引之或作

王逸子即正部也今輯佚文爲卷書多助學

語亦每論當代著作如謂淮南浮僞而多恢

太玄幽虛而少效法言雜錯而無主新書繁

文而鮮用皆確當不易云案北堂書鈔引王逸折

武論當屬此書

番禺侯康補後漢書藝文志曰意林引一節

論淮南太玄法言新書云云其自負蓋出數

書之上也

梁有後序十二卷後漢司隸校尉應奉撰後序

上敘漢書二字

後漢書本傳奉字世叔汝南南頓人也少聰

明自爲童兒及長凡所經履莫不暗記讀書

五行並下爲郡決曹史著漢書後序多所述

載舉茂才拜武陵太守坐免延熹中爲車騎

將軍馮緄從事中郎軍罷緄薦爲司隸校尉

及黨事起乃慨然以疾自退追愆屈原因以

自傷著感騷三十篇數萬言諸公多薦舉會

病卒子劭

又傳注袁山松書曰奉又刪史記漢書及漢

記三百六十餘年自漢興至其時凡十七卷

名曰漢事案章懷此注列漢書後序之下不知與此

書是一是二以七錄入儒家言之則別爲一書也或者以

事蹟編爲漢事以名言確論仿劉向新序之例編爲後序

歟

華嶠書曰奉才敏善諷誦故世稱應世叔讀

書五行俱下著後序十餘篇爲世儒者

會稽章宗源隋書經籍志考證曰後漢書應

奉傳奉著漢書後序多所述載隋志子部儒

家注云梁有後序十二卷應奉撰當即范史

所稱漢書後序尋其名義似宜列諸史部又

曰漢事十七卷應奉撰史記匈奴傳索隱通

典職官門注各引應奉一條章懷雷義傳注

亦引之案此三引但稱應奉曰不著書名不知爲漢事

爲後序之文也

梁有周生子要論一卷錄一卷魏侍中周生烈

撰亡

魏志王肅附傳自魏初徵士燉煌周生烈亦

歷注經傳頗傳于世裴松之曰此人姓周生

名烈何晏論語集解有烈義例餘所著述見

晉武帝中經籍

宋鄧名世古今姓氏書辨證周生氏姓苑後

漢周生豐字偉防太山南武陽人建武七年

爲豫章太守魏初有博士周生烈燉煌人爲

論語義說即豐之後劉炳燉煌實錄云魏侍

中周生烈本姓唐外養周氏今亦存其說案

此所引皆宋何承天姓苑文何以知之以周生子及燉煌

實錄兩書皆宋文帝元嘉十四年河西王茂處所獻承天

嘗為著作郎修國史卒于元嘉二十四年之後知必為所

見也 侯氏補三國藝文志引葛洪曰周生烈學精而不

仕則魏初再以博士侍中徵不就亦稱徵士也

釋文敍錄春秋左氏家魏徵十燉煌周生烈

注解左氏傳又論語家周生烈燉煌人七錄

云字文逢本姓唐魏博士侍中

宋書大且渠蒙遜傳元嘉十四年河西王茂

虔奉表獻方物并獻周生子十三卷

唐馬總意林曰周生烈子序云六蔽鄙夫燉

煌周生烈字文逸張角敗後天下潰亂哀苦

之閒故著此書以堯舜作幹植仲尼作師誠

唐書經籍志周生烈子五卷周生子志

唐書藝文志周生烈子五卷

馬國翰輯本序曰崔鴻十六國春秋且渠茂

虔永和五年遣使如宋表獻方物並獻書一

百五十四卷有周生子十三卷七錄一卷唐

志五卷皆非茂虔所獻之原帙矣意林載十

三節序一節北堂書鈔藝文類聚白六帖太

平御覽諸書亦引之合輯二十二節別出序

于卷首其書皆讜論法言自序謂以堯舜作

幹植仲尼作師誠抗志高隱言雖大而非常

也

申鑒五卷荀悅撰

荀悅有漢紀詳史部古史類

後漢書本傳獻帝頗好文學悅與從弟彧及

少府孔融侍講禁中且夕談論累遷秘書監

侍中時政移曹氏天子恭己而已悅志在獻

替而謀無所用乃作申鑒五篇其所論辨通

見政體既成而奏之其大略曰夫道之本仁

義而已矣五典以經之羣籍以緯之詠之歌

之弦之舞之前監既明後復申之故古之聖

王其于仁義也中重而已帝覽而善之又著

崇德正論及諸論數十篇

唐書經籍志申鑒五卷荀悅注 岑氏本改正為

撰

唐書藝文志荀悅申鑒五卷

陳氏書錄解題申鑒五卷漢黃門侍郎穎川

荀悅仲豫撰其曰教化之廢推中人而墮于

小人之域教化之行引中人而納于君子之

塗古今名言也又隨齋批注曰本傳止載政

體一篇有曰前鑒既明後復申之故名

四庫提要曰隋唐志皆五卷卷為一篇一曰

政體二曰時事皆制治大要及時所當行之

務三曰俗嫌皆禮祥識緯之說四曰雜言

上下則泛論義理頗似揚雄法言後漢書取

其政體篇為政之方一章時事篇正尚主之

制復內外注記二章載入傳中又稱悅別有

崇德正論及諸論數十篇今並不傳惟所作

漢紀及此書尚存于世漢紀文約事詳足稱

良史而此書剖析事理亦深切著明蓋由其

原本儒術故所言皆不詭于正也明正德中

吳縣黃省曾為之注引據博洽多得悅旨

案趙希弁讀書附志以是書入別集類不

知何例

魏子三卷後漢會稽人魏朗撰

後漢書黨綱列傳魏朗字少英會稽上虞人

也少為縣吏兄為鄉人所殺朗白日操刃報

讎于縣中遂亡命到陳國從博士郤仲信學

春秋圖緯案仲信名巡樊英弟子也又詣太學受

五經京師長者李膺之徒爭從之初辟司徒

府再遷彭城令為九真都尉討破羣賊桓帝

美其功徵拜議郎遷尚書屢陳便宜有所補

益出為河內太守政稱三河表尚書令陳蕃

薦朗公忠亮直宜在機密復徵為尚書會被

黨議免歸家朗性矜嚴閉門整法度家人不

見惰容後寶武等誅朗以黨被急徵行至牛

渚自殺著書數篇號魏子云

太平御覽人事部烈子篇虞預會稽典錄曰

靈帝即位寶武陳蕃等欲誅宦官謀泄反為

所害朗以黨被徵乃慷慨曰丈夫與陳仲子

李元禮俱死得非乘龍上天乎於丹陽牛渚

自殺海內列名八俊

唐書經籍志魏子三卷魏朗注案注當為撰

藝文志同

馬國翰輯本序曰魏子書向列儒家隋唐志

並三卷馬總意林云十卷載十二節其薄冰

當白日與蓼蟲二條文義不完據藝文類聚

及御覽所引補訂又從御覽文選注輯得五

節合錄為一卷

梁有文檢六卷似後漢末人作亡

宋書大且渠蒙遜傳元嘉十四年河西王茂

虔奉表獻方物并獻周生子十三卷文檢六卷

案茂虔所獻書凡一十九種大抵皆西涼交州燉煌間人所撰此不著名氏亦元嘉時相傳者

牟子二卷後漢太尉牟融撰

後漢書本傳牟融字子優北海安邱人也少博學以大夏侯書教授大夏侯名勝宣帝時人也門徒數百人名稱州里以司徒茂才為豐令政為州郡最永平五年入代鮑昱為司隸校尉八年代包咸為大鴻臚十一年代鮐陽鴻為大司農是時顯宗方勤萬機公卿數朝會每輒延謀政事折獄融經明才高善論議朝廷皆服其能帝數嗟歎以為才堪宰相明年代伏恭為司空肅宗即位以融先朝名臣代趙熹為太尉與熹參錄尚書事建初四年薨又儒林傳尚書家曰中興北海牟融習大夏侯尚書案此不言其有牟子書

梁釋僧祐弘明集牟子理惑論自序曰牟子既修經傳諸子書無大小靡不好之雖不樂兵法然猶讀焉惟讀神仙不死之書抑而不信以為虛誕是時靈帝崩後天下擾亂獨交州差安北方異人咸來在焉多為神仙辟穀長生之術時人多有學者牟子常以五經難之道家術士莫敢對焉比之于孟軻距楊朱墨翟先是時牟子將母避世交趾年二十六歸蒼梧娶妻太守聞其守學謁請署吏時年方盛志精于學又見世亂無仕宦意竟遂不

就是時諸州郡相疑隔塞不通太守以其博學多識使致敬荆州遂嚴當行會被州牧優文處士辟之復稱疾不起牧弟為豫章太守為中郎將管融所殺時牧遣騎都尉劉彥將兵赴之恐外界相疑兵不得進牧乃請牟子曰君文武兼備有專對才今欲相屈之零陵桂陽假塗于通路何如案此所云州牧當是交州牧欲假道于荆州牧劉表牟子遂嚴當發會其母卒亡遂不果行久之退念以辨達之故輒見使命方世擾攘非顯己之秋也于是銳志于佛道兼研老子五千文世俗之徒多非之欲爭則非道欲默則不能遂以筆墨之間略引聖賢之言證解之名曰牟子理惑云案此牟子東漢末著梧人

唐日本國見在書目儒家牟子二卷後漢太尉牟融撰
唐書經籍志道家牟子二卷牟融撰藝文志道家著錄同
臨海洪頤煊校刊牟子序曰弘明集有漢牟融理惑論三十七篇前有自序云一名牟子理惑世說注文選注太平御覽引牟子數條雖字句異同皆在理惑論三十七篇中知隋志所載牟子即是書也案此說甚確後漢書牟融傳融代趙熹為太尉建初四年薨是書自序云靈帝崩後天下擾亂則相距已百餘年牟子非融作明矣案此說又甚確弘明集題下有注云一云蒼梧太守牟子博傳子博之名不見於史據自序則牟子本蒼梧人未嘗為

太守亦未嘗居官豈從其後而署之耶抑別有其人耶是書雖崇信佛道尚不肯于聖賢之旨故隋志列于儒家吾師淵如觀察愛其為漢魏舊帙錄出別行云

孫氏書目諸子道家牟子一卷題漢牟融撰星衍集刊本
侯氏補後漢藝文志曰康案隋志列于儒家究不若唐志列于道家之為善

案本志列是書于後漢之末部居不誤題太尉則誤前人已考訂甚明孫氏志祖讀書勝錄引胡元瑞史書估舉張文麓螺江日記並云漢兩牟融一太尉一布衣俱著書俱名牟子則猶是騎牆之見也

典論五卷魏文帝撰
魏文帝有列異傳見史部雜傳家
魏志文帝紀初帝好學以著述為務自所勒成垂百篇注引魏書曰帝初在東宮疫癘大起時人彫傷帝深感歎與素所敬者大理王朗書曰生有七尺之形死為一棺之士唯立德揚名可以不朽其次莫如著篇籍疫癘數起士人彫落余獨何人能全其壽故論撰所著典論詩賦蓋百餘篇又引胡沖吳曆曰帝以素書所著典論及詩賦餉孫權又以紙寫一通與張昭

本志經部小學類一字石經典論一卷此石刻本詳見本條
唐書經籍志典論五卷魏文帝撰
唐書藝文志魏文帝典論五卷

唐書經籍志典論五卷魏文帝撰
唐書藝文志魏文帝典論五卷

嚴可均三國文編曰魏文帝諱丕字子桓武帝長子建安十六年為五官中郎將二十二年立為魏太子二十五年正月嗣魏王位改建安為延康十一月受禪改元黃初在位七年諡曰文皇帝廟號高祖有典論五卷

又典論輯本序曰隋志儒家典論五卷小學類有一字石經典論一卷唐時石本亡至宋而寫本亦亡世所習見僅裴注之帝自敍及

文選之論文而已亡友潘陽孫馮翼字鳳卿嘗有輯本望漏甚多又以典略常典論概應

刪劉今覆檢各書寫出數十百事有篇名者十三日蓋譏曰內誠曰酒誨曰論都倫等事曰自敍曰

太子曰劍銘曰論文曰論太宗曰論孝武曰論周成漢昭曰終制曰諸物相似亂者聚其復重會其雜散依

意林次第之定著一卷其遺文墜句無所繫屬者附于後

又鐵橋漫稿典論敍曰帝席父成業十三讓而受禪曰舜禹之事吾知之矣案魏志紀注載

禪讓令有曰冀三讓而不見聽何汲汲于斯乎此云十三讓十字似衍于是晉宋齊梁陳北齊周隋唐宋

一千年中易代革命莫不踵舜禹故事繇帝之作備也顧其書如姦讒內誠酒誨終制及

辨神仙黃白之惑足為有國有家者炯戒宋人曰仁者心之德愛之理典論曰在親曰孝

施物曰仁仁者有事之實名非無事之虛稱儒家之異乎道學家以此聖人復起必不以

人廢言又四錄堂類集總目云魏文帝典論一卷可均

輯

徐氏中論六卷魏太子文學徐幹撰梁目一卷

魏志王粲附傳始文帝為五官將好文學粲與北海徐幹字偉長並見友善幹為司空軍

謀祭酒掾屬五官將文學又曰幹與陳琳應場劉楨建安二十二年卒幹同時人為中論序曰

年四十八建安二十三年春二月遭厲疾大命殞類後漢書獻帝本紀建安二十二年是歲大疫序云二十三年

三當為二裴松之注曰魏略曰建安二十三年太子又與元城令吳質書曰昔年疾疫親故多離其

災徐陳應劉一時俱逝觀古今文人類不護細行鮮能以名節自立而偉長獨懷文抱質

恬淡寡欲有箕山之志可謂彬彬君子矣著中論二十餘篇成一家之業辭義典雅足傳

于後此子為不朽矣又先賢行狀曰幹清玄體道六行脩備聰識洽聞操翰成章輕官忽

祿不耽世榮建安中太祖特加旌命以疾休息後除上艾長又以疾不行

唐馬總意林曰中論六卷徐偉長作任氏注唐書經籍志徐氏中論六卷徐幹撰藝文志

同宋史藝文志雜家徐幹中論十卷崇文總目中論六卷徐幹撰

晁氏袁本讀書志曰中論二卷後漢徐幹撰幹鄴下七子之一也仕魏王國文學建安之

間嫉時人美麗之文不能敷散道教故著中論二十餘篇辭義典雅當世嘉之

又衢本讀書志曰曾子固嘗敍其書略曰始

見館閣有中論二十篇以為盡于此矣及觀貞觀政要太宗稱嘗見幹中論復三年喪篇

而今書闕此篇因考之魏志見文帝稱幹著中論二十餘篇于是知館閣本非全書也今

此本亦止二十篇中分上下兩卷按崇文總目六卷不知何人合之李獻民云別本有復

三年制役二篇乃知子固時尙未亡特不之見爾

陳氏書錄解題中論二卷漢五官將文學北海徐幹偉長撰唐志六卷今本二十篇有序

而無名氏蓋同時人所作四庫提要曰幹北海劇人事蹟附見魏志故

相沿稱為魏人然幹歿後三四年魏乃受禪不得遽以帝統予魏陳壽作史託始曹操稱

為太祖遂併其僚屬均入魏志非其實也是書隋唐志崇文目皆六卷晁公武陳振孫並

云二卷與今本合則宋人所併矣書凡二十篇大都闡發義理原本經訓而歸之于聖賢

之道故前史皆列之儒家晁公武稱李獻民所見別本有復三年制役二篇今不可復見

矣嚴可均三國文編曰中論序元刊本有之案

此序徐幹同時人作舊無名氏意林中論六卷任氏注任嘏與幹同時多著述疑此序及

注皆任嘏作無以定之案中論舊序末云故追述其事蓋舉其顯露易知之數沈冥幽微深奧廣遠者遺之

精通君子將自贊明之也此數語則為注其書者之所作可知已

咸豐二年金山錢培名校刊跋曰今通行明程榮漢魏叢書本脫誤幾不可讀嘗以羣書治要馬總意林及唐宋人類書所引校之頗有裨益治要所錄中論十二篇其末二篇則今本所闕宛在雖不無刪節而首尾完具治要故不著篇名然文義顯然知其論復三年喪制役也據李獻民所見別本則實二十二篇今以治要合之今本文雖或闕篇則已全校以授梓用質同好

王子正論十卷王肅撰

王肅有太玄注見前

唐書藝文志王肅政論十卷

馬國翰輯本序曰晉書禮志引王景侯之論三國志肅本傳載其對帝及司馬宣王語當從本書采取又通典引王肅語及諸答問太平御覽引王肅議禮雖不顯標書目要是佚說之散見者並據輯錄其說于禮制加詳多所駁糾蓋在當日欲與鄭氏角勝拔幟自成一隊抗顏高論亦足名家矣

梁有去伐論集三卷王粲撰亡

王粲有漢末英雄記詳見史部雜史類

唐書經籍志去伐論集三卷王粲撰

唐書藝文志王粲去伐論集三卷

馬國翰曰隋唐志載王粲去伐論集三卷今佚考藝文類聚引去伐論一篇題晉袁宏書名同而撰人異案隋唐志均無宏撰去伐論之目以題稱去伐論集釋之當是王粲著論後賢多有擬議一併附入歟

案魏志本傳著詩賦論議垂六十篇去伐論當在其中此三卷不知何人集他家之為此論者凡若干篇也此亦可入之總集杜氏體論四卷魏幽州刺史杜恕撰

魏志杜畿傳畿字伯侯京兆杜陵人也文帝時爲尚書僕射封豐樂亭侯子恕嗣恕字務伯太和中爲散騎黃門侍郎在朝八年論議允直出爲弘農太守數歲轉趙相歷河東太守淮北都督護軍御史中丞幽州刺史下廷尉當死免爲庶人徙章武郡時嘉平元年也初恕從趙郡還陳留阮武亦從清河太守徵俱自薄廷尉謂恕曰相觀才性可以由公道而持之不厲器能可以處大官而求之不順才學可以述古今而志之不一此所謂有其才而無其用今向閑暇可試潛思成一家言在章武遂著體論八篇又著與性論一篇蓋與于爲己也四年卒于徙所恕奏議論駁皆可觀又傳評曰恕屢陳時政經論治體蓋有可觀焉

裴松之曰杜氏新書曰以爲人倫之大綱莫重于君臣立身之基本莫大于言行安上理民莫精于政法勝殘去殺莫善于用兵夫禮也者萬物之體也萬物皆得其體無有不善故謂之體論

唐書經籍志杜氏體論四卷杜恕撰 藝文志同

嚴可均三國文編輯本序曰恕字務伯晉征南大將軍預之父也著體論八篇一曰君二

曰臣三曰言四曰行五曰政六曰法七聽察八用兵四卷者卷凡二篇其書蓋亡于唐末羣書治要載有六千餘言不著篇名審觀知是君臣行政法聽察六篇其餘言篇用兵篇略見御覽六帖而意林以自敘終焉今錄出校定爲一卷

又鐵橋漫稿杜氏體論敘曰恕杜征南之父也著體論八篇又著與性論一篇其書未不著錄羣書治要載有六千餘言其餘散見本傳及意林六帖御覽等書所論皆剴切通明能持大體粹然儒者之言今寫出校定爲上下二卷恕又有篤論四卷各自爲書與性論不傳 案篤論見後雜家嚴氏并錄存之考訂甚駁 馬氏玉函山房亦有輯本然馬氏不見羣書治要故不及嚴氏

梁有新書五卷王基撰亡

王基有毛詩駁詳經部詩類

魏志本傳基爲大將軍曹爽從事中郎出爲安豐太守時曹爽專柄風化凌遲基著時要論以切世事又傳評曰王基學行堅白與徐邈胡質王昶皆掌統方任垂稱著績可謂國之良臣時之彥士矣

馬國翰輯本序曰王氏新書唐志不著錄散佚已久考魏志基本傳載其諫明帝答司馬景王以及料敵策戰之言凡七節又裴注引司馬彪戰略載有論胡烈表降一節雖多談兵事而具有儒術知皆從本書采取也並據補錄篇序體格無由盡循其舊而史稱學行

堅白可於此想見之矣

案本傳稱著時要論又王肅論定朝儀改易鄭玄舊說而基據持玄義常與抗衡當皆在新書中特散佚已久無由考見耳

梁有周子九卷吳中書郎周昭撰亡

吳志步騭傳末云頴川周昭著書稱步騭及嚴峻等周昭者字恭遠與韋曜薛瑩華嚴並述吳書後為中書郎坐事下獄覈表救之孫休不聽遂伏法云又傳評曰諸葛瑾步騭並以德度規檢見器當世張承顧邵虛心長者好尚人物周昭之論稱之甚美故詳錄焉案周昭此一論顧邵諸葛瑾步騭嚴峻張承五人也似亦在吳書

嚴可均三國文編曰周昭有周子新論九卷御覽二百四十一引周紹新論即昭之誤又四百六引周昭新撰亦新論之誤今存四篇一贈孫奇詩序二論步騭嚴峻等三論薛瑩等四立交並見御覽及步騭傳

馬國翰輯本序曰七錄儒家有周子九卷隋志云亡唐志不著錄佚已久御覽引論交一節稱周昭新撰白六帖引二語而已吳志載其論步騭嚴峻等猶為完篇茲據合輯其論平情準理不為低昂則在當時臧否人物當具有特識遇暴主不以善終惜哉

侯康補三國藝文志曰昭一作招抱朴子正郭篇引中書郎周恭遠論郭林宗御覽四百三引周昭新撰當皆出此書

顧子新語十二卷吳太常顧譚撰

吳志顧雍傳雍字元歎吳郡吳人也黃武四年進封醴陵侯代孫邵為丞相平尚書事為相十九年亦烏六年卒長子邵早卒邵子譚承譚字子默弱冠與諸葛恪等為太子四友從中庶子轉輔正都尉赤烏中代恪為左節度加奉車都尉代薛綜為選曹尚書祖父雍卒數月拜太常代雍平尚書事後為全琮父子所構與弟承及張休俱徙交州譚幽而發憤著新言二十篇其知難篇蓋以自悼傷也見流二年年四十二卒于交阯又傳評曰譚獻納在公有忠貞之節休承修志咸庶為善愛惡相攻流播南裔哀哉

唐書經籍志顧子新語五卷顧譚撰 藝文志作新論亦五卷

錢塘汪師韓文選理學權輿曰選注所引羣書有顧譚顧子

馬國翰輯本序曰吳志本傳云著新言二十篇隋志作新語唐志作新論皆非原目今惟太平御覽引數節又本傳載疏一篇隋志無譚集疏當在新言中如賈誼治安疏在新書董仲舒天人策在春秋繁露之類合訂為卷案嚴氏文編輯存二篇其一即本傳所載上疏安太子便魯王事其二據吳大帝傳嘉禾六年議臣下奔喪事

侯康補三國藝文志曰御覽七百六十九引顧譚新言兩條九百三十二引桓譚新言又四百六十七八百六十一俱引顧子當皆出新言惟七百五十五引顧子義訓未知是一書否案顧子義訓晉顧夷撰見後

案宋本意林引顧譚新言一條云刑者小人之防禮者君子之檢佞人之入雖燃膏莫見其清也似即知難篇文又似擬魏劉廙丁儀刑禮論南陽謝景著劉廙先刑後禮之論

見陸遜傳

梁有通語十卷晉尚書左丞殷興撰

殷興即殷基有春秋釋滯見經部春秋左氏學家

吳志顧邵傳初雲陽殷禮起乎微賤邵拔而友之為立聲譽至零陵太守裴松之曰禮子基作通語曰禮字德嗣弱不好弄潛識過人少為郡吏年十九守吳縣丞孫權為王召除郎中後與張溫俱使蜀諸葛亮甚稱歎之稍遷至零陵太守卒官文士傳曰禮子基無難督以才學知名著通語數十篇

又張溫傳權以暨監事罪溫幽之有司下令曰又殷禮者本占候召而溫先後乞將到蜀扇揚異國為之譚論又禮之還當親本職而令守尚書戶曹郎如此署置在溫而已 又趙遵傳達治九宮一算寶愛其術自關澤殷禮皆名儒善士親屈節就學達祕而不告

晉葛洪抱朴子正郭篇曰故零陵太守殷府君伯緒高才篤論之士也亦曰林宗入交將相出游方國崇私議以動衆關毀譽于朝廷其所善則風騰雨驟改價易姿其所惡則摧頓陸沈士人不齒其名賢遭亂隱遁舍光匿景未為遠矣君子行道以匡君也以正俗也于時君不可匡俗不可正林宗周旋清談聞

閻無救于世道之陵遲無解于天民之憔悴也 案此言故零陵太守殷府君即殷禮也所論郭林宗事即通語之文是禮撰通語之證與唐志所載合禮亦字伯緒惟見于此

唐書經籍志通語十卷文禮撰殷興續 文當為殷興當為基

唐書藝文志文禮通語十卷殷興續 案此沿舊志之誤也

馬總意林通語八卷不著撰人附注校語曰案史傳及類書引之或云殷基或云殷興撰未可知也舊唐志又訛為文禮

馬國翰輯本序曰興或基字之譌或晉代別有殷興就基書修而續之今據裴松之三國志注改題吳殷基撰

侯康補三國藝文志曰康案七錄有通語十卷晉尚書左丞殷興撰唐志則作文禮通語十卷殷興續是必先有其書而興續之蓋即續殷基之書而二書遂合為一故七錄直以為興撰也裴注費犛傳顧邵傳朱據傳孫和傳俱引殷基通語意林載通語八卷不署名疑亦引殷基書御覽六百十四引殷興通語此典字必興字之誤

案殷興即殷基之寫誤基續成其父書兩唐志所載最為明晰特沿舊文誤字未及刊正耳馬氏侯氏疑殷興別有其人是不然嚴氏全晉文編曰御覽二百六引古今通語則原本通語上有古今二字也

梁有典語十卷典語別二卷並吳中夏督陸景

撰亡

吳志陸遜傳遜字伯言吳郡吳人也子抗字幼節抗子晏景玄機雲分領抗兵景字士仁尚公主拜騎都尉封毘陵侯既領抗兵拜偏將軍中夏督深身好學著書數十篇天紀四年晉軍伐吳龍驤將軍王濬順流東下所至輒克二月壬戌晏為王濬別軍所殺癸亥景亦遇害時年三十一景妻孫皓適妹與景俱張承外孫也

史通自敘篇夫開國承家立身立事一文一武或出或處雖賢愚壤隔善惡區分苟時無品藻則理難銓綜故陸景典語生焉

唐書經籍志典語十卷陸景撰

唐書藝文志陸景典語十卷 嚴氏三國文編曰舊唐志有典語無典語別新唐志作典訓皆十卷其書宋不著錄而民間僅或流傳三年前開紹興王君理堂游幕山左攜有宋寫殘本二卷余未獲見之僅從羣書治要寫出七篇益以各書所載為一卷凡十七條他日理堂獲吾書合訂之以廣其傳豈非美事嘉慶十九年二月又四錄堂類集目錄曰陸景典語一卷可均輯

馬氏玉函山房輯本曰初學記卷九引陸景典語御覽七十八作陸景典略又藝文類聚二十三引吳陸景誠益疑是典語中之一篇合輯為卷凡十一條

案宋本意林有陸景典語二條嚴馬二家輯本皆未采

譙子法訓八卷譙周撰

譙周有論語注見經部 蜀志本傳凡所著述撰定法訓五經論古史考書之屬百餘篇

唐書經籍志譙子法訓八卷譙周撰 藝文志同

嚴可均全晉文編曰譙子法訓御覽四百六引齊交篇其他如齊民要術自序北堂書鈔文選注初學記御覽所引無篇名者凡二十條

馬國翰輯本序曰此書稱法訓者擬于古之格言亦如揚子雲書稱法言之類隋唐志並八卷原書散佚陶宗儀說郛輯錄十節其輓歌一節文句不全又雜入譙周喪服圖一條頗為疏略茲更蒐采得十三節合訂一卷

案宋刻全本意林有譙子法訓五條馬嚴二家輯本皆未采入張介侯氏蜀典著作類輯存二十二條亦不及意林

梁有譙子五教志五卷亡

唐書經籍志譙子五教五卷 唐書藝文志譙子法訓八卷又五教五卷譙周

宋高似孫子略曰意林目錄云譙周五教五卷並是禮記語

案尚書敬敷五教注五常之教是書命名蓋以此

袁子正論十九卷袁準撰 袁準有喪服經傳見經部禮類

魏志袁渙傳注袁氏世紀曰渙有四子侃寓與準準字孝尼忠信公正不恥下問唯恐人之不勝己以世事多險故常恬退而不敢求進著書十餘萬言論治世之務為易周官詩傳及論五經滯義聖人之微言以傳于世此準之自序也

唐書經籍志袁子正論二十卷袁準撰 藝文志同 舊志別本作政論誤也

嚴氏鐵橋漫稿輯書敘曰隋志儒家袁子正論十九卷舊唐志政論二十卷新唐志作正論各書或稱袁准或稱袁準或稱袁準蓋隸俗變準為准因譌為准止是一人正論政論亦止一書魏志袁渙傳注有準自序蓋仕魏不甚顯其正論乃魏時所作齊王芳紀青龍七年注引漢晉春秋有袁准言于曹爽云云蓋不黨司馬懿者其自序所稱論五經滯義聖人之微言即正論也今輯各書所引正論三十三事省併復重得二十六事編為一卷馬氏玉函山房輯本序曰隋志十九卷唐志二十卷或併目數之歟今佚杜佑通典引十餘節多詳禮服詩禮正義三國志注藝文類聚北堂書鈔初學記太平御覽亦引稱之或言袁準或言袁子以文辭義例推循知為正論語並據輯錄分為二卷其說五行宜祀井明堂非宗廟均有確據至論才性有善有惡則世碩揚雄之緒論也

梁又有袁子正書二十五卷袁準撰亡

唐書經籍志袁子正書二十五卷袁準撰或

作袁准非也

唐書藝文志袁子正論二十卷正書二十五卷袁準

嚴氏鐵橋漫稿輯書序曰隋志儒家梁有袁子正書二十五卷袁準撰亡準仕魏不甚顯晉受禪拜給事中晉書附袁環傳環生在準後環子喬喬子山松名甚顯著故準附環傳唐初人似未知袁准即袁準故羣書治要載正書題名曰袁准而晉書于準所著但言注喪服經不言正論正書蓋分袁準袁准為二人也準自序所稱論治世之務即正書也羣書治要載正書十七篇皆有篇名各書引正書無篇名者三十事省併復重得二十事又但引袁子審是正書文者省併復重得五事依隋唐志先正論次正書各編為一卷備子類儒家二種準所著有易詩周官傳見自序隻字不傳

又四錄堂類集目錄袁準正論一卷正書一卷可均輯又全晉文編袁子正書篇目曰禮政曰經國曰設官曰政略曰論兵曰王子主失曰厚德曰用賢曰悅近曰貴公曰治亂曰損益曰世治曰刑法曰人主曰致賢曰明賞罰已上十七篇並見羣書治要 馬氏玉函山房亦輯存一本無羣書治要

梁又有孫氏成敗志三卷孫毓撰亡

孫毓有毛詩異同評見經部詩類

唐書經籍志孫氏成敗志三卷孫毓撰 藝文志同一本作孫敷寫刊之誤也

宋高似孫子略馬總意林目錄曰孫敏成敗志三卷字休明

今本意林成敗志三卷注云孫毓字仲校刊附注曰案釋文毓字休朗北海平昌人晉豫州刺史隋志晉汝南太守又云長沙太守武帝咸寧間人有毛詩評左傳注等書又有七廟諱議見通典此云字仲蓋有脫誤隋唐志三卷今佚

馬國翰輯本序曰此書以成敗立名蓋欲昭法戒以訓世也隋志注云梁有三卷亡唐志復以三卷著目今已佚意林僅載二節又杜佑通典引孫毓奏議十餘條茲取其論冠服二條附錄以與成人之義有關也

梁又有古今通論二卷松滋合王嬰撰亡 此題松滋合似當屬下文蔡洪

王嬰始末未詳

唐書經籍志古今通論三卷王嬰撰

唐書藝文志王嬰古今通論三卷

宋高似孫子略馬總意林目錄曰王嬰通論三卷

錢塘汪師韓文選理學權輿曰選注所引羣書有王嬰古今通論

馬國翰輯本序曰王嬰字里未詳隋志儒家敘次其書于孫毓成敗志後題松滋合知為晉人嘗令松滋其它不可考矣隋志云梁有二卷亡唐志著錄三卷前亡後存卷數增多意唐人得其遺篇而分之否則有所附益也今佚唯意林載二節搜采他書並輯為卷書

唐書經籍志袁子正書二十五卷袁準撰或

主考核而時涉緯識如說地里數用河圖之類後漢諸儒風尚如此然則蓋晉初人也梁有蔡氏化清經十卷蔡洪撰

晉書文苑王沉附傳元康初松滋令吳郡蔡洪字叔開有才名作孤奮論 案孤奮論當在本集

世說言語篇注蔡洪集錄曰洪字叔開吳郡人有才辯初仕吳朝太康中本州從事舉秀才王隱晉書曰洪仕至松滋令唐書經籍志清化經十卷蔡洪撰

唐書藝文志蔡洪清化經十卷

馬國翰輯本序曰其書稱經蓋擬易而作曰化清亦楊泉太玄類也隋志注云梁有十卷亡唐志復著錄十卷今佚唯馬總意林載其三節初學記廣韻太平御覽等書亦間引之或稱化清論或稱清論意者經後立論如易之有傳其實一書也茲并輯錄附考事蹟合爲一卷又曰書鈔一百三十六引清化論清化二字誤倒

案集部別集類注云梁又有松滋令蔡洪集二卷則上文松滋令三字當在此條蔡洪之上寫者亂之也

梁有通經二卷晉丞相從事中郎王長元撰亡王長元當爲王長文

晉書列傳王長文字德叔廣漢鄰人也少以才學知名而放蕩不羈州府辟命皆不就閉門自守不交人事著書四卷擬易名曰通玄經有文言卦象可用卜筮時人比之揚雄太

玄同郡馬秀曰揚雄作太玄惟桓譚以爲必

傳後世晚遭陸績玄道遂明長文通玄經未

遭陸績君山耳後成郡王穎引爲江源令梁

王彤爲丞相引爲從事中郎終于洛

華陽國志後賢志王長文字德備天姿聰警

高暢敏識治五經博綜羣籍獨講學著無名

子十三篇依則論語又著通經四篇亦有卦

名擬易玄以爲春秋三傳傳經不同每生訟

議乃據經撰傳著春秋三傳十二篇又撰約

禮以除煩舉要凡十篇皆行于時元康初試

守江原令大將軍梁王彤招爲從事中書郎

賈氏之誅從彤有功封關內侯再爲中書郎

除洛陽令固辭不拜聞益州亂以通經筮得

老蠶緣枯桑之卦歎曰桑無葉蠶以卒也吾

蜀人殄于是矣拜蜀郡太守暴疾卒時年六

十四

新論十卷晉散騎常侍夏侯湛撰

晉書本傳湛字孝若譙國譙人也幼有盛才

與潘岳友善少爲太尉掾泰始中舉賢良對

策中第拜郎中累年不調後選補太子舍人

轉尚書郎出爲野王令居邑累年朝野多歎

其屈除中書侍郎補南陽相惠帝即位以爲

散騎常侍元康初卒年四十九著論三十餘

篇別爲一家之言

世說文學篇注文士傳曰湛字孝若譙國人

魏征西將軍夏侯淵曾孫也有盛才文章巧

思名亞潘岳歷中書侍郎

唐書經籍志新論十卷夏侯湛撰

唐書藝文志夏侯湛新論十卷

馬國翰輯本序曰夏侯子新論隋唐志並載

十卷今佚唯見太平御覽引六節而已考本

傳載有抵疑一篇與東方朔答客難班固答

賓戲體例不殊當是原書佚篇之一茲並輯

錄案御覽引稱夏侯子亦稱夏侯子新論書

題據加姓氏以別乎華譚新論梅子新語也

案嚴氏三國文編謂魏夏侯玄有夏侯子馬氏此所輯御

覽六條內一舟之覆一條魯人有善相馬者一條一燈之

行一條嚴氏皆以爲夏侯玄撰

案宋刻全本意林有夏侯湛新論一條嚴

氏文編據御覽引其首二句馬氏輯本引

四句而分爲兩條不知其下尚有八句漏

未寫入焉

梁有楊子物理論十六卷晉徵士楊泉撰亡

北堂書鈔六十三晉錄曰會稽相朱則上書

言楊泉清操自然徵聘終不就詔拜泉郎中

嚴可均全三國文編曰楊泉字德淵梁國人

吳處士入晉徵爲郎中不就有太玄經十四

卷物理論十六卷集二卷

唐書經籍志物理論十六卷楊泉撰

唐書藝文志楊泉物理論十六卷

平津館輯本桐城馬瑞辰序之曰楊子物理

論不見宋藝文志則其書自宋已佚之矣章

逢之孝廉曾有輯本今淵如觀察重加校正

補所未備其中引傅子爲尤多其不言傅子

者亦多出于傅子傅子一百四十卷今僅從

永樂大典錄出一卷楊子是書正足與傅子

相表裏已楊泉字德淵隋志稱徵士亦稱處士曰為楊子列入儒家蓋晉之隱君子閉戶著書者案今本意林所載物理論祇前十二條是本文其下六十八條皆是傅子嚴氏可均嘗校而正之此所輯猶沿其誤故馬序以為引傅子尤多錢氏輯本已釐剔刪正矣

海寧錢保塘輯本序曰周氏廣業嚴氏可均謂意林所載傅子物理論互有錯簡因取孫氏輯本校之去其誤收傅子數十條以齊民要術五行大義天中記所引略加補正而以意林錯簡入傅子者八條錄附焉第周氏言物理論見引他書搜輯遺文去其重複得文段完整者百數十條四千餘字而諸賦不與焉此卷祇得三千餘字知尚有遺佚惜未得周氏輯本一勘之也藝文類聚載楊泉諸賦或稱吳或稱晉初學記又稱西晉泉蓋由吳歷晉晉初徵拜郎中終不應命故隋志稱曰徵士又曰處士案隋志又稱處士見集部

錢塘汪師韓文選理學權輿曰選注所引羣書有物理子疑即楊泉物理論

梁有楊子太玄經十四卷楊泉撰亡

楊泉見前
梁元帝金樓子雜記篇曰桓譚有新論華譚又有新論揚雄有太玄經楊泉又有太玄經談者多誤動形言色或云桓譚有新論何處復有華譚揚子有太玄經何處復有太玄經此皆由不學使之然也
唐書經籍志太玄經十四卷楊泉撰劉緝注

唐書藝文志楊泉太玄經十四卷劉緝注馬國翰輯本序曰此書仿楊子雲太玄為之亦擬易之類也馬總意林載六節考太平御覽亦有引太玄經而不見子雲書中者皆此書之佚文也併輯為卷其占法卦名均不可見文辭清麗亦可讀玩鄭樵通志藝文略但作太玄無經字以意刪去茲仍梁隋之舊題焉案通志略儒家太玄經十四卷楊泉撰實有經字

案御覽九百十九引文云望視之兔白蹄之豕短喙之狗修頸之馬此四句與初學記廿九引蔡氏清論同清論即化清經蔡洪與楊泉同時亦皆為吳之耆舊各有擬玄之作而文句略同者蓋古有是言也劉緝不知何時人本志引七錄不云有注疑在唐時 高似孫子略以劉緝注列揚雄太玄經條下其謬如此

梁有新論十卷晉金紫光祿大夫華譚撰亡

晉書本傳譚字令思廣陵人也太康中揚州刺史嵇紹舉譚秀才除郎中累遷廬江內史以討平石冰黨功封都亭侯建興初元帝命為鎮東軍諮祭酒譚博學多通在府無事乃著書三十卷名曰辨道上賤進之帝親自覽焉太興初轉祕書監加散騎常侍及王敦作逆譚疾甚不能入省坐免卒于家贈光祿大夫金章紫綬諡曰胡
唐書經籍志新論十卷華譚撰
唐書藝文志華譚新論十卷
馬國翰輯本序曰此書建興中為鎮東軍諮

祭酒時所作本傳云三十卷名曰辨道隋唐志作新論並十卷今惟初學記太平御覽各引一節北堂書鈔通典並引華譚集尚書二曹論篇以論稱蓋本新論之一後人收入全集耳又本傳載其答陳總王濟及或問三篇文辭清雋辨論明晰應皆采從本書並據輯錄金樓子云桓譚有新論華譚亦有新論案此特指書名相同而姓名易涉于誤者言也夏侯湛梅子劉晝所著書並稱新論顧子新語顧譚撰唐志亦作新論

案嚴氏全晉文編唯據初學記十七所引新論一條宋刻全本意林載一條嚴馬二家皆遺之

梁有梅子新論一卷亡

初學記職官部梅陶自序曰余居中丞曾以法鞭皇太子傅親友莫不致諫余笑而應之曰堂高由陛皇太子所以得崇于上由吾奉王者法于下也豈其枉道取媚于是太子禮敬之如師亦見御覽刑法部十五小有異同世說方正篇注晉諸公贊曰梅頤字仲真汝南西平人永嘉流人名曰頤領軍司馬頤弟陶字叔貞王敦諮議參軍嚴氏文編載其鴈島賦序云余既遭王敦之難遂見息錄居于武昌
宋高似孫子略馬總意林目錄曰梅子新書一卷案其語晉人也
嚴可均全晉文編曰梅陶元帝初為王敦諮議參軍後除章郡太守成帝初為尚書拜光祿大夫有新論一卷

馬國翰輯書序曰梅氏名字里爵皆無考據其書盛稱阮籍知爲晉人而已唐志不著錄馬總意林云梅子一卷今佚意林僅引一節又從太平御覽得二節御覽引有梅陶書又引梅陶自敘似梅子即梅陶然隋志不標名未敢懸定別采入梅陶集中案此則馬氏尙有諸集輯本或謂馬氏玉函山房所刻經史子三部佚書皆韋宗源所輯而集部之書終于不見今觀此序則韋氏實有所輯不知歸于誰氏

案梅子自宋高似孫以來皆莫詳其名字爵里唯嚴氏知爲梅陶而亦不著其字里蓋偶未見世說注之文也陶兄頤元帝時豫章內分即釋文敘錄所載梅頤奏上孔傳古文尙書者頤爲頤之誤也頤當永嘉流入江左時爲領軍司馬其後爲豫章內史云

志林新書三十卷虞喜撰梁有廣林二十四卷又後林十卷虞喜撰亡

虞喜有周官禮駁難見經部禮類

晉書儒林傳喜專心經傳爲志林三十篇凡所所述數十萬言行于世

唐書經籍志志林新書二十卷虞喜撰後林新書十卷虞喜撰

唐書藝文志虞喜志林新書二十卷又後林新書十卷

宋高似孫子略馬總意林目錄曰虞喜志林二十四卷案此是廣林卷數疑非意林原目

嚴氏全晉文編曰虞喜有志林三十卷廣林

二十四卷後林十卷吳志孫策傳注引志林一條孫權傳注引三條諸葛恪傳注引一條凡五條

馬氏玉函山房輯本序曰志林新書隋志三十卷唐志二十卷今佚明陶宗儀說郛輯入十三節更采三國志注文選注史記索隱正義太平御覽等書補錄三十七節合爲一卷書多雜論故事長於考據諸書引並作志林省新書二字

又曰隋志注云梁有廣林二十四卷後林十卷唐志不載廣林逸已久考杜佑通典引虞喜說凡二十節除標題釋滯通疑八節明標廣林者一節他皆稱虞喜曰循其文義皆雜論禮服知爲一書語引者舉一例餘不標廣林者省文也茲據輯錄

又曰通典引虞喜釋滯三節引虞喜通疑五節隋唐志載虞喜所著書皆無其目其史志佚之耶抑爲志林廣林篇目耶疑不能明也今別爲編次附廣林後焉

梁有千子十八卷于寶撰亡

于寶有周易注見經部易家

唐書經籍志正言十卷于寶撰立言十卷于寶撰

唐書藝文志于寶正言十卷又立言十卷宋刻全本意林曰千子十卷名寶字令升案此爲宋本第六卷引文一條在杜夷幽求子之後華譚新論之前杜夷于寶華譚三家皆高似孫子略所抄意林目錄中所無嚴氏所校意林缺目亦然

馬氏玉函山房輯本序曰隋志注云梁有千子十八卷于寶撰亡唐志有于寶正言十卷又立言十卷今佚洪邁容齋隨筆載馬總意林引用子書之目有于子今意林中亦缺考杜佑通典載寶駁招魂議一篇又荆楚歲時記太平御覽並引于寶陰陽自然變化論佚說之存僅此案宋刻全本意林有千子一條馬氏未見嚴氏全晉文編亦未采于子佚文今可考見者唯此馬氏所輯議論各一篇或當在本集五卷中未必是千子本文也

梁有閔論二卷晉江州從事蔡詔撰亡

蔡詔始末未詳

唐書藝文志蔡詔閔論二卷

梁有顧子十卷晉揚州主簿顧夷撰亡

顧夷有周易難王輔嗣義見經部易家

唐書經籍志顧子義訓十卷顧夷撰藝文志同

馬國翰輯本序曰顧夷晉書無傳字里未詳

隋志稱顧子十卷唐志作顧志義訓十卷今

佚北堂書鈔初學記太平御覽諸書引之刪

除重復得十二節或有一書兩引而文句異

者由非出一人之手或于門類中截取要略

也茲並訂正爲卷書多規擬論孟與門人語

直書子謂子華假遇紫陽定議以荆楚之僭

然趨步之殷懷亦正可于此見之

案宋刻全本意林有義記十卷注云名夷

蓋即顧子義訓也載其語六條馬氏輯本

所未及見者

要覽十卷晉郡儒林祭酒呂竦撰晉下似有竦文

呂棟始末未詳
唐書經籍志要覽五卷呂棟撰
唐書藝文志呂棟要覽五卷 通志藝文略作正覽似誤

案兩唐志雜家並有陸士衡要覽三卷玉海藝文中與書目曰陸機要覽一卷機自序云直省之暇乃集要術三篇上曰連璧集其嘉名取其連類中曰述聞實述予之所聞下曰析名乃搜同辨異也其書至南宋猶傳呂棟要覽兩唐志止五卷此十卷疑有陸氏要覽在內或呂氏集合諸家通名之曰要覽以助郡文學諸生者 宋志類事家又有陸機會要一卷

正覽六卷梁太子詹事周捨撰

周捨有禮疑義詳見經部禮類
唐書經籍志正覽六卷周捨撰
唐書藝文志周捨正覽六卷

案梁元帝金樓子后妃篇載其母宣修容事云及在幼學親承慈訓初授孝經正覽論語毛詩不知是否即此正覽也考周捨于梁初為太子洗馬太子右衛率左衛率遷詹事始終皆兼為宮僚或其初為是書以進太子元帝幼時亦諷誦之未可知也又案高似孫子略云唐志有陸景典訓譙子法訓周捨正覽劉徽欬器圖之類非合登子錄如此者數家裁之案正覽等三書不登子錄將歸于何錄乎其意蓋以抄節前言往訓不足以自為一子也

梁有三統五德論二卷曹思文撰亡

曹思文有孝經注詳見經部

案此論五德終始或據劉歆三統曆之世經以為之說古有五德終始之術大戴記之五帝德篇王符潛夫論之五德志篇皆其類在漢志為諸子陰陽家之屬
又案七錄序目子兵錄第三曰陰陽部一種一表一卷蓋即是書作二卷者非也本志以陰陽家之書惟七錄僅存此一部而隋時已亡故不能為類附諸此篇之末
以上從七錄及隋代書目編次以下八家則又從別家書目續入者

諸葛武侯集誠二卷

諸葛武侯有論前漢事一卷詳見史部正史篇

蜀志本傳注魏氏春秋曰亮作八務七戒六恐五懼皆有條章以訓厲臣子又陳壽重編諸葛故事集目錄曰訓厲第六
梁劉勰文心雕龍詔策篇曰戒者慎也教者效也若諸葛孔明之詳約理得而辭中教之善者也

晉書涼武昭王李暠傳于是寫諸葛亮訓誠以勸諸子曰吾負荷艱難寧濟之勳未建雖外總良能憑股肱之力而戎務孔殷坐而待旦以維城之固宜兼親賢故使汝等未及師保之訓皆弱年受任常懼弗克以貽咎悔古今之事不可以不知苟近而可師何必遠也覽諸葛亮訓厲應璩奏諫尋其終始周孔之

教盡在中矣為國足以致安立身足以成名質略易通寓目則了雖言發往人道師于此且經史道德如采菽中原勤之者則功多汝等可不勉哉

本志集部總集篇諸葛武侯誠一卷女誠一卷

唐書經籍志集誠二卷諸葛亮撰
唐書藝文志諸葛亮集誠二卷

武威張澍諸葛集輯本目錄曰澍案梁書武侯儒家集誠二卷當即隋志總集武侯誠一卷也 案文似為誤當是隋志儒家武侯集誠二卷當即總集武侯誠一卷 十六國春秋李玄盛嘗寫諸葛亮誠訓以示其子弟今存誠子誠外生三條

嚴氏全三國文編曰諸葛亮有論前漢事一卷集誠二卷女誠一卷

按武侯集誠即本集第六篇名訓厲者也不知何時何人抄出別行故史志各著于錄其即始于西涼李暠傳所載云云似即此書序文唐初重修晉書以李氏為皇祖所自出史官廣其事蹟為立佳傳因從本書采獲著于篇者歟

衆賢誠十三卷

不著撰錄人姓名

本志集部總集篇衆賢誠集十卷殘缺
唐書經籍志總集類衆賢誠集十五卷 藝文志總集類著錄同
女篇一卷

不著撰人

案此一類之書皆與總集類互見此女篇一卷以總集類校之似即彼所載女誠一卷或以為諸葛武侯撰恐未然又蔡中郎有女史篇見經部小學家此或敍史字

女鑒一卷

不著撰人

本志集部總集篇女鑒一卷

婦人訓誠集十一卷

不著撰人

本志集部總集篇婦人訓誠集十一卷并錄

梁十卷宋司空徐湛之撰

唐書經籍志總集類婦人訓誠集十卷徐湛

撰

唐書藝文志史部雜傳女訓類徐湛之婦人

訓誠集十卷

案宋書徐湛之傳字孝源東海郟人高祖

外孫永初三年封枝江縣侯累遷尚書僕

射領護軍將軍元嘉末元凶劬入弑見害

年四十四世祖即位追贈司空謚曰忠烈

公史不著其有是書略之也

婦嬖訓一卷婦當為婦

不著撰人

本志集部總集篇婦嬖訓一卷馮少胃撰

案晉書馮統傳統字少胃安平人也博涉

經史識悟機辨得幸于武帝數遷至左衛

將軍承顏悅色寵愛日隆賈充苟勸並與

之親善充女之為皇太子妃也統有力焉

及妃之將廢統勸乾沒救請故得不廢伐

吳之役統領汝南太守以郡兵隨王潛入

秣陵遷御史中丞轉侍中太康七年統疾

詔以為散騎常侍尋卒亦不著其有是書

不知即此馮少胃否也

又案世說賢媛篇曰王汝南少無婚自求

郝普女有令姿淑德生東海遂為王氏母

儀又曰王司徒婦鍾氏女太傅曾孫太傅

鍾繇也亦有俊才女德鍾郝為婦嬖雅相

親重鍾不以貴陵郝郝亦不以賤下鍾東

海家內則郝夫人之法京陵家內範鍾夫

人之禮此婦嬖訓為馮少胃所撰者或即

鍾郝二人事錄以為世法歟 王汝南者名湛

字處仲仕至汝南太守東海者湛子承字安期東海

內史王司徒名渾龔父爵京陵侯湛之兄也

曹大家女誠一卷

曹大家有列女傳注詳見史部雜傳類

後漢書列女傳作女誠七篇有助內訓其辭

曰鄙人愚暗受性不敏蒙先君之餘寵賴母

師之典訓年十有四執筆箒于曹氏于今四

十餘載矣戰戰兢兢常懼黜辱以增父母之

羞以益中外之累夙夜劬心勤不告勞而今

而後乃知免耳吾性疏頑教導無素恆恐子

穀負辱清朝 三輔決錄注曰齊相子穀頗隨時俗注

云曹成壽之子也司徒掾察孝廉為長垣長母為鄧太后

師徵拜中散大夫子穀即成之字也 聖恩橫加猥賜

金紫漢官儀曰二千石金印紫綬 實非鄙人庶幾

所望也男能自謀矣吾不復以為憂也但傷

諸女方當適人而不漸訓誨不聞婦禮懼失

容它門取恥宗族吾今疾在沈瀆性命無常

念汝曹如此每用惆悵問作女誠七章願諸

女各寫一通庶有補益裨助汝身去矣其勸

勉之卑弱第一夫婦第二敬慎第三婦行第

四專心第五曲從第六和叔妹第七馬融善

之令妻女習焉昭女妹曹豐生亦有才惠為

書以難之辭有可觀 案第五第六篇兩引女憲文

蓋古有其書猶漢書班婕妤傳婕妤諷竊象女師之

篇師古曰皆古箴戒之書也案班婕妤大家之祖姑也

梁劉勰文心雕龍詔策篇曰戒者慎也馬援

以下各貽家戒班姬女戒足稱母師也

本志集部總集篇女誠一卷曹大家撰 唐書

經籍志儒家著錄同

唐書藝文志史部雜傳女訓類曹大家女誠

一卷

宋史藝文志史部傳記類班昭女戒一卷

陳氏書錄解題曰女誠一卷漢曹世叔妻班

昭撰固之妹也俗號女孝經

案范書列女傳全載其文故其書至今猶

傳或又取以為女四書之首

貞順志一卷

不著撰人

本志集部總集篇貞順志一卷

文選干令升晉紀總論注列女傳宋鮑女宗

曰貞順婦人之至行也 案列女傳第四曰貞順傳

宋鮑女宗見第二賢明傳中今本無此語蓋有所缺佚也

案唐藝文志雜傳女訓類有諸葛亮貞潔

記一卷武威張樹輯諸葛集目錄云樹案隋書經籍志女訓有諸葛武侯貞潔記一卷今案本志實無此目蓋誤以唐藝文為隋經籍又誤以貞順志為貞潔記也貞潔記似別為一書

又案晉書涼武昭王李暠傳末云玄盛前妻同郡辛納女貞順有婦儀先卒玄盛親為之誄玄盛暠字也唐修晉書史官以其為皇室七廟之一故字而不名疑此貞順志即為辛氏而作與諸葛武侯集誄見前同出于西涼李氏因而傳譌為諸葛亮貞潔記然則唐志之貞潔記亦即此書為唐室先世遺籍歟

以上八家七錄皆編入文集錄之雜文部中而陳隋時別家書目有列之儒家者故本志據以附此類其後至集部又據七錄入總集類中忘其前後重復也其文亦此略而彼詳足以驗其所據之非一書矣

右六十二部五百三十卷通計亡書合六十七部六百九卷案此所記部數甚謬實為四十四部亡書三十部通計七十四部也

案七錄序目子兵錄第一曰儒部凡六十六種七百五帙六百四十卷本志所載七十四種除去武侯集誄以下八種正合六十六種之數然三統五德論七錄別為一類不在儒家若是則本志又少一部矣

隋書經籍志考證卷二十五

子部二

道家

鬻子一卷周文王師鬻熊撰

史記周本紀西伯遵后稷公劉之業則古公季之法士多歸之伯夷叔齊在孤竹往歸之太顛閔天散宜生鬻子辛甲大夫之徒皆往歸之

又楚世家楚之先祖出自帝顓頊高陽高陽者黃帝之孫昌意之子也高陽生稱稱生卷章卷章生重黎重黎為帝嚳高辛居火正帝嚳命曰祝融共工氏作亂帝嚳使重黎誅之而不盡帝乃以庚寅日誅重黎而以其弟吳回為重黎後復居火正為祝融吳回生陸終陸終生子六人其六曰季連非姓楚其後也季連生附沮沮生穴熊其後中微或在中國或在蠻夷弗能紀其世周文王之時季連之苗裔曰鬻熊子事文王蚤卒其子曰熊麗熊麗生熊狂熊狂生熊繹當周成王之時舉文武勤勞之後嗣而封熊繹于楚蠻封以子男之田姓非氏居丹陽楚子熊繹與魯公伯禽衛康叔子牟晉侯燮齊太公子呂俱俱事成王

劉向別錄曰鬻子名熊封于楚案此條見周本紀集解封于楚者為鬻子曾孫熊繹與藝文志引文畢疑鬻誤節其文

漢書藝文志鬻子二十二篇名熊為周師自文王以下問焉周封為楚祖又小說家鬻子

說十九篇後世所加

又古今人表第三等粥熊錢塘梁玉繩考曰粥熊始見列子天瑞篇本作鬻熊祝融十二世孫楚先封鬻夏商間因為姓名熊亦曰鬻熊子亦曰鬻子年九十見文王為文武師周封為楚祖

梁劉勰文心雕龍諸子篇鬻熊知道而文王咨詢餘文遺事錄為鬻子子之肇始莫先于茲

唐書經籍志小說家鬻子一卷鬻熊撰案此列小說家具有別裁

唐書藝文志鬻子一卷逢行珪注鬻子一卷注云鄭縣尉

宋史藝文志雜家鬻熊子一卷崇文總目鬻子一卷藝文志二十二篇其八篇亡特存此十四篇耳

晁氏讀書志漢志二十二篇今存者十四篇唐逢行珪注永徽中上于朝敍稱見文王時行年九十而書載周公封康叔事蓋著書時百餘歲矣

陳氏書錄解題曰鬻熊為周文王師封于楚為始祖漢志云爾書凡二十二篇今書十五篇陸佃農師所校

又曰鬻子注一卷唐鄭縣尉逢行珪注止十四篇蓋中間以二章合而為一故視陸本又少一篇此書甲乙篇次皆不可曉二本前後亦不同姑兩存之

高似孫子略曰其書辭意大略淆雜藝文志

敘鬻子著書二十二篇
間柳伯存嘗言子書起
珪爲之序凡十篇子家
明宋濂諸子辨曰鬻子
所傳者出祖無擇所著
八篇已亡信矣其文庶
疑第年代久邈篇章外
氏擬爲戰國處士所託
著或者其徒名政者六
昔者文王有問于鬻子
四庫提要雜家鬻子
崇文總目作十四篇
陳振孫稱陸佃所校
珪注凡十四篇蓋即
漢書藝文志道家鬻
家鬻子說十九篇是
鬻子凡三條皆黃老
疑卽道家二十二篇
新書所引六條文格
子說也又曰此本或
仿賈誼所引撰爲賸
佚脫錯亂之狀而誼
合豈非有心相避而
檢驗生其信心歟且
又每篇寥寥數言詞
姑以流傳既久存備
序及永徽四年進書
居未詳

帝而假之子解為膠西王印太傅因家于齊焉世之學老子者則細儒學儒學亦細老子道不同不相為謀豈謂是耶李耳無為自化清靜自正太史公曰老子所貴道虛無因應變化于無為故著書辭稱微妙難識莊子散道德放論要亦歸之自然申子卑卑施之于名實韓子引繩墨切事情明是非其極慘澹少恩皆原于道德之意而老子深遠矣 案釋文敘錄引史記云字聯索隱曰名耳字聃今作字伯陽非正也

漢書古今人表今本老子列第一等上上聖人仲尼之次錢塘梁玉繩考曰老子列第四等生即皓然故號老子名耳字聃今本史記有字伯陽句乃後人妄竄索隱辨之葬槐里唐乾封元年追號太上玄元皇帝天寶二年加號大聖祖天寶八年加號聖祖大道玄元皇帝宋大中祥符六年加號太上老君混元上德皇帝今本老子有列在第一等者考舊唐書禮儀志天寶元年詔史記古今人表玄元皇帝昇入上聖宋趙希弁讀書附志言徽宗詔史記老子傳升列傳之首自為一帙前漢古今人表列于上聖是唐宋人改刊非班氏原本也

嚴可均三代文編曰老子姓李名耳即老聃楚國苦縣人為周柱下史孔子嘗問禮一云即老萊子楚人案史記本傳亦兩說兼存實則禮記之老聃非即道德經之老子讀者必能辨之 案此以老聃老子各為一人未見前人辯

論及之太史公曰老子隱君子也老子之子名宗為魏將封于段干則此老子為六國時人矣 魏嵇康聖賢高士傳曰河上公不知何許人也謂之丈人案此則河上公即河上丈人之證隱德無言無德而稱焉安邱先生等從之脩其黃老業

梁元帝金樓子立言篇曰河上公序言周道既衰老子疾時王之不為政故著道德經二篇西入流沙至魏晉之間詢諸大方復失老子之旨乃以無為為宗背禮違教傷風敗俗至今相傳猶未祛其惑皇甫士安云世人見其書云谷神不死是謂玄牝故好事者遂假託老子以談神仙老子雖存道德尚清虛然博貫古今垂文述而之篇案此以論語編比于我老彭為老子與嚴氏之說不同 及禮傳所載孔子慕焉是也而今人學者乃欲棄禮學絕仁義云獨任清虛可以致治其遠老子親行之言釋文敘錄班固云道家者清虛以自守卑弱以自持此人君南面之術也漢文帝竇皇后好黃老言有河上公者居河之涓結草為菴以老子教授文帝徵之不至自詣河上責之河上公乃躡身空中文帝改容謝之于是作老子章句四篇以授文帝言治身治國之要又曰河上公章句四卷不詳名氏案此言河上公事唐劉知幾謂其采葛洪神仙傳之說頗失辨正者也 河上公即河上丈人詳見下條 唐書經籍志老子二卷河上公注 唐書藝文志河上公注老子道德經二卷

宋史藝文志河上公老子道德經注一卷 崇文總目老子道德經二卷李耳撰河上公注

晁氏讀書志曰太史公稱河上丈人通老子再傳而至蓋公蓋公即齊相曹參師也而晉葛洪曰河上公者莫知其姓名漢孝文時居河之濱侍郎裴楷言其通老子孝文詰問之即授素書道德經章句兩說各不同當從太史公也案此言極是並詳見下條 其書頗言吐故納新按摩導引之術近神仙家劉子玄稱其非真殆以此歟傳交謂常善救人故無棄人常善救物故無棄物四句古本無有獨得于公耳

明白雲霽道藏目錄詳注曰道德真經注四卷河上公章句解又曰斯經原係上下二篇自河上公分為八十一章乃曰上經法天天數奇其章三十七下經法地地數耦其章四十四 案此即今本恐非梁元帝所見及本志唐志所載之舊矣

四庫提要曰惟是文帝駕臨河上親受其書無不入祕府之理何以劉向七略載注老子者三家獨不列其名唐書劉子玄傳稱老子無河上公注欲廢之而立王弼前此陸德明作經典釋文雖敘錄之中亦采葛洪神仙傳之說頗失辨正而所釋之本則不用此注而用王弼二人皆一代通儒必非無據詳其詞旨不類漢人殆道流之所依託歟相傳已久所言亦頗有發明姑存以備一家可耳

梁有戰國時河上丈人注老子經二卷亡

史記樂毅列傳樂氏之族有樂瑕公樂臣公
嬰駟案一作巨公 趙且為秦所滅亡之齊高密
樂臣公善脩黃帝老子之言顯聞于齊稱賢
師

太史公曰樂臣公學黃帝老子其本師號曰
河上丈人不知其所出河上丈人教安期生
安期生教毛翁公毛翁公教樂瑕公樂瑕公
教樂臣公案隱曰日本亦作巨公 樂臣公教蓋公
蓋公教于齊高密膠西為曹相國師 案御覽

道部引太霄瑱書有齊人樂子長疑即樂巨公之字
晉皇甫謐高士傳河上丈人者不知何國人
也明老子之術自匿姓名居河之涓著老子
章句故世號曰河上丈人當戰國之末諸侯
交爭馳說之士咸以權勢相傾唯丈人隱身
修道老而不虧傳業于安期生為道家之宗
焉

本志篇敘有曰自黃帝以下聖哲之士所言
道者傳之其人世無師說漢時曹參始薦蓋
公能言黃老文帝宗之自是相傳道學衆矣
案漢書藝文志老子鄰氏經傳四篇姓李
名耳鄰氏傳其學老子傅氏經說三十七
篇述老子學老子徐氏經說六篇字少季
臨淮人傳老子此三家皆不知何時人似
鄰氏猶侯芭之于揚雄其最先歟河上丈
人或在三家之後或別有所受自為一
派俱莫得而詳特是據史記及本志篇敘
則河上丈人凡五傳而至蓋公漢文帝之

宗黃老乃得之于蓋公非受之于河上公

也考嵇康聖賢高士傳有河上公無河上
丈人皇甫謐高士傳有河上丈人無河上
公雖二家之書皆為後人所輯錄非其原
編然嵇傳稱河上公謂之丈人則可知河
上公即河上丈人非兩人矣或據本志以
為兩河上公各一人兩老子注各一書戰
國時河上公書至隋已亡今所傳漢河上
公書耳是說也似沿本志之誤蓋本志以

見存有河上公注惑于神仙傳之說遂以
為漢文帝時人又見七錄有河上丈人注
阮氏或題戰國時人遂別為一家而附著
于下陸氏釋文亦引神仙傳之言故自來
相傳有漢河上公實不然也嚴氏于考訂
最密其全秦文編載安期先生曰先生姓
安名期琅邪阜鄉亭人師事河上公善黃
老亦善為長短說賣藥海邊與蒯徹善嘗
干始皇又干項王云云則又可知河上丈
人即河上公并嵇傳所稱安邱先生者亦
即安期生也案安期生亦見劉向列仙傳皇甫謐

高士傳氏姓諸書皆以安期為複姓嚴氏云姓安名
期殆別有所據 又案唐孔穎達毛詩正義謂漢人
就經為注始于馬融之注周禮此但指六藝傳注家
言之耳若諸子之中則漢志載老子鄰氏經傳傅氏
徐氏經說各若干篇皆經注合為一編者西漢劉光
祿之前已有之矣

梁有漢長陵三老卮丘望之注老子二卷亡
後漢書耿弇傳弇扶風茂陵人也父況以明

經為郎與王莽從弟倣其學老子于安丘先

生注嵇康聖賢高士傳曰安丘望之字仲都
京兆長陵人少持老子經恬淨不求進宦號
曰安丘丈人成帝聞欲見之望之辭不肯見
為巫醫于人間也案此所引嵇康高士傳嚴氏三國
文編輯本遺之而有御覽引一條云長靈安丘生病篤弟
子公沙都來省之與安共至于庭樹下聞李香開日見雙
赤李著枯枝自墜掌中安食之所苦盡除案長靈安丘生
似即此長陵三老安丘望之也

皇甫謐高士傳安邱望之少治老子經號曰
安邱丈人成帝聞欲見之辭不肯見上以其
道德深重常宗師焉望之不以見敬為高愈
日損退為巫鑿于民間著老子章句故老氏
有安邱之學扶風耿況王汲等皆師事之從
受老子終身不仕道家宗焉
釋文敘錄卮丘望之章句二卷字仲都京兆
人漢長陵三老

唐書經籍志老子章句二卷安邱望之撰
唐書藝文志安邱望之老子章句二卷
梁有漢隱士嚴遵注老子二卷亡
漢書王貢兩龔鮑傳序曰漢興有園公綺里
季夏黃公甬里先生此四人者當秦之世避
而入商雒深山事在留侯傳其後谷口有鄭
子真蜀有嚴君平皆修身自保君平卜筮于
成都市以為卜筮者賤業而可以惠衆人有
邪惡非正之間則依蓍龜為言利害與人子
言依于孝與人弟言依于順與人臣言依于
忠各因勢導之以善從吾言者已過半哉日

後漢書耿弇傳弇扶風茂陵人也父況以明

二十五史補編 隋書經籍志考證

閱數人得百錢足自養則閉肆下簾而授老子博覽亡不通依老子嚴周之指著書十餘萬言揚雄少時從游學而以仕京師顯名數為朝廷在位賢者稱君平德君平年九十餘以其業終蜀人愛敬至今稱焉及雄著書言當世士稱此二人又曰自園公綺里季夏黃公角里先生鄭子真嚴君平皆未嘗仕然其風聲足以激貪厲俗近古之逸民也 師古曰地理志謂君平為嚴遵三輔決錄曰君平名尊 宋祁曰綺里季下當有公字角不成字當作角

釋文敘錄老子嚴遵注二卷字君平蜀都人漢徵士當是處士

武威張澍蜀興著作類曰案君平注如益我貨者損我神生我名者殺我生又言為禍匠默為害工進為妖式退為孽容理甚淵微案君平注久佚不知張氏何由得之張以指歸說目為老子注序此注殆亦指歸之言歟指歸見後

案唐岷山道士張君相集三十家老子注

其首兩家曰河上公曰嚴遵嚴本莊氏與

莊忌莊助莊安樂莊尤同以避明帝諱改

焉張氏集注見阮文達四庫未收書目

梁有虞翻注老子二卷亡

虞翻有周易注詳經部易家

吳志本傳翻又為老子論語國語訓注皆傳于世

于世

釋文敘錄老子虞翻注二卷

老子道德經二卷王弼注

王弼有周易注詳經部易家

魏志鍾會傳初會弱冠與山陽王弼並知名弼好論儒道辭才逸辨注易及老子何劭為其傳曰弼幼而察惠年十餘好老氏通辨能言注老子為之指略致有理統

釋文敘錄弼年二十四卒注易上下經作易略例又注老子又曰其後談論者莫不宗尚玄言唯王輔嗣妙得虛無之旨今依王本又曰王弼注二卷又作老子指略一卷 唐日本國見在書目老子一卷王弼注

唐書經籍志玄言新記道德二卷王弼注 唐書藝文志王弼注新記玄言道德二卷 宋史藝文志王弼老子注二卷

崇文總目道德經一卷王弼注

宋政和乙未嵩山鬼說之題記曰王弼老子道德經二卷真得老子之學歟蓋嚴君平指歸之流也弼本深于老子而易則未矣其于易多假諸老子之旨而老子無資于易者其有餘不足之迹斷可見也弼題是書曰道德經不析乎道德而上下之猶近于古歟嘗謂弼之子老子張湛之于列子郭象之于莊子杜預之于左氏范甯之于穀梁毛萇之于詩郭璞之于爾雅完然成一家之學後世雖有作者未易加也予既繕寫弼書并以記之

宋乾道庚寅左從事郎充鎮江府府學教授熊克跋曰克伏誦成平聖語有曰王弼所注言簡意深真得老氏清淨之旨克自此求弼所注甚力而近世希有蓋久而後得之往歲攝建寧學官嘗以刊行既又得晁以道先生

所題本不分道德而上下之亦無篇目喜其近古分教京口復鏤板以傳

陳氏書錄解題老子注二卷魏王弼撰魏晉之世玄學盛行弼之談玄冠于流輩故其注易亦多玄義晁說之曰弼本深于老子而易則未也世所行老子分道德經為上下卷此本不分道德經且無章目當是古本 案所見當是晁氏本也當云不分道德經

明白雲霧道藏目錄詳注曰道德真經四卷 山陽王弼注言陰陽道理案此又不知何時分為四卷

四庫提要曰老子注二卷魏王弼撰此本從明萬曆中華亭張之象三經晉注中錄出後有晁說之跋又有熊克重刊跋稱近世希有久而後得之則在宋時已希逢善本矣然二跋皆稱不分道德經而今本經典釋文實上卷題道經音義下卷題德經音義與此本及跋皆不合蓋傳刻釋文者反據俗本增入然則經典釋文之遭妄改固已久矣

又簡明目錄曰弼以老莊說易論者互有異同至于解老則用其所長故是注詞義簡遠妙得微契老子注本此為最古

遵義黎庶昌古佚叢書跋目曰集唐字老子注二卷日本有摹刻張參五經文字唐玄度九經字樣甚精與石本無異又有南總地名

字惠考訂晁以道本王輔嗣老子道德經注今合以局刻華亭張氏本集張唐二家經字為之

案王氏注本唯崇文總目及唐日本國書目所載一卷殆猶是相傳古本志二卷已非其舊今黎氏重刊晁本雖不標道經德經名目而分爲上下卷又分爲八十一章上卷三十七章自三十八章以下爲下卷恐皆非本來面目而題晉王弼撰案弼卒于齊王芳正始十年曹爽何晏等被殺之後爲司馬懿專政之始是安得謂之晉人乎

梁有老子道德經二卷張嗣注亡
張嗣始末未詳

釋文敍錄老子張嗣注二卷

案晁志載唐張君相集三十家注中有張嗣一家列張憑之後釋文次袁真張憑之間

梁有老子道德經二卷蜀才注亡

蜀才卽范長生有周易注見經部易家

釋文敍錄老子蜀才注二卷

唐書經籍志老子二卷蜀才注

唐書藝文志蜀才注老子二卷

老子道德經二卷鍾會注

鍾會有周易盡神論周易無互體論詳見經部易家

魏志本傳會博學精練名理弱冠與山陽王弼並知名會爲其母傳曰夫人張氏性矜嚴明于教訓會雖童稚勸見規誨年四歲授孝經七歲誦論語八歲誦詩十歲誦尙書十一誦易十二誦春秋左氏傳國語十三誦周禮

禮記十四誦成侯易記十五使入太學雅好

書籍涉歷衆書特好易老子

釋文敍錄老子鍾會注二卷

唐書經籍志老子二卷鍾會注

唐書藝文志鍾會注老子二卷

錢塘汪師韓文選理學權輿曰選注所引有鍾會老子注

烏程嚴可均四錄堂類集總目鍾會等注老子一卷可均輯

案會父定陵成侯繇有易說有老子訓會母又特好易及老子則會于易老固家學也嚴氏輯本今未見

梁有老子道德經二卷晉太傅羊祜解

晉書本傳祜字叔子泰山南城人也蔡邕外孫景獻皇后同產弟仕魏爲祕書監封鉅平

子武帝受禪進爲侯位尙書右僕射衛將軍

帝將有滅吳之志以祜爲都督荊州諸軍事

咸寧初除征南大將軍開府儀同三司寢疾

求入朝既至洛陽疾漸篤乃舉杜預自代尋

卒時年五十八追贈侍中太傅諡曰成祜所

著文章及爲老子傳並行于世

釋文敍錄老子羊祜解釋四卷字叔子泰山

平陽人晉太傅鉅平成侯

唐書經籍志老子二卷羊祜注老子解釋四

卷羊祜撰

唐書藝文志羊祜注老子二卷又解釋四卷

梁有老子經二卷東晉江州刺史王尚述注亡

釋文敍錄老子王尚述二卷字君曾琅邪人

東晉江州刺史封杜忠侯

唐書經籍志老子二卷王尚注

唐書藝文志王尚注老子二卷

案釋文及兩唐志所載則其人姓王名尚其書稱述不稱注本志述下加注字非也

高似孫子略作王尚楚其所據蓋通志略也

梁有老子二卷晉郎中程詔集解亡

釋文敍錄老子程詔集解二卷鉅鹿人東晉

郎中關內侯

唐書經籍志老子二卷程詔集注

唐書藝文志程詔集注老子二卷一本作詔

梁有老子二卷郎鄆氏注亡

釋文敍錄老子郎鄆氏注二卷不詳何人

梁有老子二卷常氏注亡

釋文敍錄老子常氏注二卷不詳何人

梁有老子二卷孟氏注亡

釋文敍錄老子孟氏注二卷或云孟康康字

公休安平廣宗人魏中書監廣陵亭侯

案孟康有漢書音義詳見史部正史類中

唐張君相集老子三十家注有大孟小孟

二家大孟疑卽此

梁有老子二卷盈氏注亡

釋文敍錄老子盈氏注二卷不詳何人

案本志經部論語類注云梁有盈氏注論

語十卷亡釋文敍錄亦云不詳何人似卽

此盈氏非兩人也

老子道德經二卷晉一卷晉尙書郎孫登注

晉書孫楚傳楚子纂纂子統綽並知名統幼

與綽及從弟盛過江為餘姚令子騰位至廷尉騰弟登少善名理注老子子行于世仕至尚書郎早終

釋文敍錄老子孫登集注二卷字仲山太原中都人東晉尚書郎

唐書經籍志老子二卷孫登注

唐書藝文志孫登注老子二卷

老子道德經二卷劉仲融注

劉仲融始末未詳唐張君相三十家集注有劉仁會列盧景裕之次

唐書藝文志劉仲融注老子二卷

案晉書劉隗傳隗彭城人伯父訥訥子疇疇兄子劭劭族子黃老太元中為尚書郎

有義學注慎子老子並傳于世此或其書仲融其字歟黃老似非其名疑其上有跋文又有

劉法先見後顧歡義疏條

梁有老子道德二卷巨生解亡

釋文敍錄老子巨生內解二卷不詳何人

梁有老子道德經二卷晉西中郎將袁真注亡

晉書桓温傳太和四年温率弟南中郎冲西中郎袁真步騎五萬北伐至枋頭先使袁真

伐譙梁開石門以通運真討譙梁皆平之而不能開石門軍糧竭盡温焚舟步退慕容垂

以八千騎追之戰于襄邑温軍敗績死者三萬人温甚恥之歸罪于真表廢為庶人真怨

温誣已據壽陽以自固潛通苻堅慕容暉温發州人築廣陵城移鎮之袁真病死其將朱

輔立其子瑾以嗣事慕容暉苻堅並遣軍援

瑾温遣桓伊及弟子石虔等逆擊大破之瑾衆潰生擒之并其宗族數十人及朱輔送于京都斬之瑾所侍養乞活數百人悉坑之以妻子為賞 又文苑伏酒傳温從温伐袁真至壽陽以淮南屢叛著論二篇名曰正淮云

又廢帝海西公本紀太和四年冬十月豫州刺史袁真以壽陽叛五年春正月乙亥袁真

子雙之愛之害梁國內史朱憲汝南內史朱斌二月癸酉袁真死陳郡太守朱輔立真子

瑾嗣事求救于慕容暉夏四月辛未桓温部將竺瑤破瑾于武丘八月癸丑桓温擊袁瑾

于壽陽敗之六年春正月苻堅遣將王鑒來援袁瑾將軍桓伊逆擊大破之丁亥桓温剋

壽陽斬袁瑾 釋文敍錄老子袁真注二卷字彥仁陳郡人東晉西中郎將豫州刺史

唐書經籍志老子二卷袁真注 唐書藝文志袁真注老子二卷

梁有老子道德經二卷張憑注亡 張憑有論語注見經部

釋文敍錄老子張憑注二卷 唐書經籍志老子二卷張憑注

唐書藝文志張憑注老子二卷 梁有老子道德經二卷釋惠琳注亡

惠琳有孝經注詳見經部 釋文敍錄老子釋惠琳注二卷

唐書藝文志僧惠琳注老子二卷 梁有老子道德經二卷釋惠嚴注亡

梁釋慧皎高僧傳釋慧嚴姓范豫州人年十二為諸生博曉詩書十六出家精練佛理從

什公受學訪正音義多所異問後還京師止東安寺宋高祖素所知重及文帝在位情好尤密嚴後著無生滅論及老子略注等以宋

元嘉二十年卒于東安寺春秋八十一帝詔曰嚴法師器識淵遠學道之匠奄爾遷神痛

悼子懷可給錢五萬布五十疋 釋文敍錄老子釋慧嚴注二卷陳留人本姓范宋世沙門

唐書經籍志老子二卷釋惠嚴注 唐書藝文志僧惠嚴注老子二卷

梁有老子道德經二卷王玄載注亡 王玄載有孝經注見經部

南齊書本傳玄載夷雅好玄言 釋文敍錄老子王玄載注二卷

老子道德經二卷盧景裕撰 盧景裕有周易注詳見經部易類盧氏注者是也

魏書儒林傳景裕避地大寧山不營世事居無所業惟在注解又曰先是景裕注周易尚

書孝經論語禮記老子 唐書藝文志盧景裕梁曠等注老子二卷梁曠見後此蓋非盧氏一家之書

老子音一卷李軌撰 李軌有周易音詳見經部易類

唐書藝文志李軌老子音一卷 梁有老子音一卷晉散騎常侍戴逵撰亡

戴逵有五經大義詳見經部論語類

釋文敍錄老子戴逵音一卷

老子四卷梁曠撰老子下有敍文

北史薛慎傳慎起家丞相府墨曹參軍周文于行臺省置學取丞郎及府佐德行明敏者充生悉令旦理公務晚就講習先六經後子史又于諸生中簡德行淳懿者侍讀書慎與隴西李瓌李伯良辛詔武功蘇衡譙郡夏侯裕安定梁曠梁禮河南長孫璋河東裴舉薛同榮陽鄭朝等十二人並應其選周文雅好談論并簡名僧深識玄宗者一百人于第內講說又命慎等十二人兼學佛義使內外俱通由是四方競為大乘學周書附見薛善傳唐書經籍志老子道德經品四卷梁曠注唐書藝文志梁曠道德經品四卷

案唐藝文志載盧景裕梁曠等注老子由是知梁曠為北朝人曠惟見周書北史薛慎傳安定人周文帝侍讀十二人之一也又有南華論二十五卷見後他始末未詳此書唐志題道德經品似與南華論略同或皆在周文相府與諸人品論玄義集以為書者宋書竟陵王誕傳有山陽內史梁曠家在廣陵似別一人

老子指歸十一卷嚴遵注

嚴遵有老子注二卷見前

道德指歸說目莊子曰昔者老子之作也變化所由道德為母效經列首天地為象上經配天下經配地陰道八陽道九以陰行陽故

七十有二首以陽行陰故分為上下以五行

八故上經四十而更始以四行八故下經三十有二而終矣陽道奇陰道偶故上經先而下經後陽道大陰道小故上經衆而下經寡

陽道左陰道右故上經覆來下經覆往反覆

相過淪為一形冥冥混混道為中主重符列

驗以見端緒下經為門上經為戶智者見其

經效則通乎天地之數陰陽之紀夫婦之配

父子之親君臣之義萬物敷矣案此篇相承題

曰道德指歸說目武威張對蜀典著作類亦錄存其文題

曰莊遵老子注序莊氏分七十一首與相傳河上公分

八十一章又不同矣

漢書王貢兩龔鮑傳序曰君平卜筮于成都

裁日閱數人得百錢足自養則閉肆下簾而

授老子博覽亡不通依老子嚴周之指著書

十萬餘言

晉常璩華陽國志曰嚴遵字君平成都人也

雅性澹泊學業加妙專精大易耽于老莊著

指歸為道書之宗

唐殷敬順列子釋文曰嚴遵字君平作指歸

十四篇演解五千文

唐谷神子注本曰嚴君平者蜀郡成都人也

姓莊氏故稱莊子東漢章和之間班固作漢

書避明帝諱更之為嚴莊嚴亦古今之通語

君平生西漢中葉王莽篡漢遂隱遁場和蓋

上世之真人也

釋文敍錄嚴遵注二卷又作老子指歸十四

卷

唐書經籍志老子指歸十四卷嚴遵志老子

指歸十三卷馮廓撰

唐書藝文志嚴遵指歸十四卷馮廓老子指

歸十三卷

宋史藝文志嚴遵老子指歸十三卷

晁氏袁州本讀書志老子指歸十三卷漢嚴

遵撰谷神子注本理國修身清淨無為之說

又備本讀書志曰其章句頗與諸本不同如

以曲則全章末十七字為後章首之類按唐

志有嚴遵指歸四十卷案此十四卷之寫誤也又

馮廓注指歸十三卷此本卷數與廓注同題

谷神子而不顯姓名疑即廓也

明白雲霧道藏目錄詳注曰道德真經指歸

卷七之十三內缺一之六嚴君平解

四庫提要曰道德指歸論六卷此書為胡震

亨祕冊彙函所刻後以版歸毛晉編入津逮

祕書止存六卷案晁氏稱其章句頗與諸本

不同則是書原有經文陸游集有是書跋稱

為道德經指歸古文亦以經文為言此本乃

不載經文體例互異又簡明目錄曰此本僅

存說德經者六卷

海寧吳壽暘拜經樓藏書題跋記曰真經道

德指歸十三卷題蜀郡嚴遵字君平撰谷神

子注卷首為總序並元德纂疏又曰晁氏所

云十三卷谷神子注今道藏尚有之原未嘗

佚闕所稱莊子曰即君平也

老子指趣三卷卍邱望之撰

唐書經籍志老子道德經指趣四卷安邱望之撰

唐書藝文志安邱望之老子章句二卷又道德經指趣三卷

老子義綱一卷顧歡撰

顧歡有尙書百問詳見經部尙書家

南齊書高逸傳歡年二十餘從豫章雷次宗諮玄儒諸義太祖輔政悅歡風教徵爲揚州主簿遣中使迎歡及踐阼乃至稱山谷臣顧歡上表曰臣聞舉網提綱振裘持領綱領既理毛目自張然則道德綱也物勢目也上理其綱則萬機時序下張其目則庶官不曠是以湯武得勢師道則阼延秦項忽道任勢則身戮夫天門開闔自古有之四氣相新絺裘代進今火澤易位三靈改憲天樹明德對時育物搜揚仄陋野無伏言是以窮谷愚夫敢露偏管謹刪撰老子獻治綱一卷

唐書經籍志老子道德經義疏四卷顧歡撰

老子義疏理綱一卷失注撰人

唐書藝文志顧歡道德經義疏四卷又義疏治綱一卷案義疏別見于後義疏治綱即此義綱也

梁有老子道德論二卷何晏撰亡

何晏有孝經注詳見經部

魏志曹爽附傳晏少以才秀知名好老莊言作道德論

世說文學篇曰何晏注老子未畢見王弼自說注老子旨何意多所短不復得作聲但應諾諾遂不復注因作道德論注引文章敘錄

曰自儒者論以老子非聖人絕禮棄學晏說與聖人同著論行于世也

又曰何平叔注老子始成詣王輔嗣見王注精奇迺神伏曰若斯人可與論天人之際矣因以所注爲道德二論

文心雕龍論說篇曰魏之初霸術兼名法博嘏王粲校練名理迄至正始務欲守文何晏之徒始盛玄論于是聘周當路與尼父爭塗矣詳觀蘭石之才性仲宣之去伐輔嗣之兩例平叔之二論並師心獨見鋒穎精密蓋人倫之英也

傳嘏論才性即鍾會所集四本論見世說文學篇王粲去伐論見前儒家王弼兩例即易老略例平叔二論即此道德論也

唐書經籍志老子道德論二卷何晏撰

唐書藝文志老子何晏講疏四卷又道德論二卷講疏四卷本志不著錄道德論即道德論高似孫子略又作老子指略論

梁有老子序次一卷葛儂公撰亡

葛儂公有太極左仙公葛君內傳見史部雜傳類

唐書經籍志老子道德經序訣二卷葛洪撰

唐書藝文志葛洪老子道德經序訣二卷案葛洪葛玄之從孫也此或誤題爲洪或洪注玄書廣爲二卷序訣爲序註之誤皆未可知也

嚴氏全三國文編曰葛玄字孝先丹陽句容人大帝時方士有道德經序見老子河上公注本又略見御覽六百六十作五千文序

番禹侯康補三國藝文志曰玉海藝文引葛

玄序史記老子傳案隱引葛玄曰初學記卷廿三御覽六百六十七並引道德經序訣

案唐藝文志有威玄英老子開題序訣義疏七卷于是知此乃葛仙公所講老子開題義玄英之疏其卽爲是書而作歟

梁有老子雜論一卷何王等注亡

何晏王弼並見前

晉書王衍傳正始中何晏王弼等祖述老莊立論以爲天地萬物皆以無爲爲本衍甚重之

魏志鍾會附傳注何劭爲弼傳曰弼年十餘好老子通辨能言時裴徽爲吏部郎弼年未弱冠往造焉徽一見而異之問弼曰夫無者誠萬物之所資也然聖人莫肯致言而老子申之無已者何弼曰聖人體無無又不可以訓故不說也老子是有者也故恆言無所不足弼天才卓出當其所得莫能奪也其論道附會文辭不如何晏自然有所拔得多晏也

注老子爲之指略致有理統注道略論注易

往往有高麗言

世說文學篇曰何晏爲吏部尙書有位望時談客盈坐王弼未弱冠往見之晏聞弼名因條向者勝理語弼曰此理僕以爲極可得復難否弼便作難一坐人便以爲屈于是弼自爲客主數番皆一坐所不及注引魏氏春秋曰弼論道約美不如晏自然出拔過之

案此似卽此書之緣起

晁氏讀書志老子略論一卷魏王弼撰凡十

八章 案此似即此書之不全者唐經籍志有老子指例略二卷不著撰人次何晏道德論之後唐藝文志卷同以爲王弼撰皆即此何王雜論也

案魏志荀彧傳注零陵先賢傳曰彧第三

兄衍衍子紹紹子融字伯雅與王弼鍾會俱知名與弼會論易老義傳于世 王弼別傳曰弼與鍾會善每服弼之高致又曰弼注易穎川人荀融雖弼大衍義又曰弼爲人滲而不識物情初與王黎荀融善黎奪其黃門耶于是恨黎與融亦不終

案荀融老子義或在是書中是書題

何王等注則不僅二家之言世說文學篇注管諸公贊曰自魏太常夏侯玄步兵校尉阮籍等皆著道德論或亦在是書

梁有老子私記十卷梁簡文帝撰

梁簡文帝有毛詩十五國風義見經部詩類

義二十卷行于世南史本紀遺之

南史何敬容傳太清元年遷太子詹事是年簡文頻于玄圃自講老莊二書學士吳孜時寄詹事府每日入聽敬容謂孜曰昔晉氏喪亂頗由祖尙虛玄胡賊遂覆中夏今東宮復襲此殆非人事其將爲戎乎俄而侯景難作其言有徵也

釋文敍錄老子近代有梁武帝父子及周弘正講疏世頗行之案武帝講疏見後隋時尙存此隋時已亡也周弘正疏本志不載

唐書經籍志老子私記十卷梁簡文帝撰

唐書藝文志神仙家梁簡文帝老子私記十

唐書藝文志神仙家梁簡文帝老子私記十

唐書藝文志神仙家梁簡文帝老子私記十

唐書藝文志神仙家梁簡文帝老子私記十

卷

梁有老子玄示一卷韓莊撰亡

韓莊或作韓莊始末未詳

唐書經籍志老子玄旨八卷韓莊撰

唐書藝文志韓莊玄旨八卷

錢塘汪師韓文選理學權輿曰選注所引羣書有韓莊解老子

案此書名撰人卷數史志著錄皆互有異

同其書大抵集諸家玄義之文以爲一書故有多至八卷者

梁有老子玄譜一卷晉柴桑令劉遺民撰亡

宋書隱逸周續之傳續之入廬山事沙門釋慧遠時彭城劉遺民遁跡廬山陶淵明亦不應徵命謂之尋陽三隱

蓮社高賢傳劉程之字仲思彭城人漢楚元王之後妙善老莊旁通百氏初解褐爲府參軍性好佛理乃之廬山傾心自託劉裕以其不屈乃旌其號曰遺民及雷次宗周續之宗炳張詮畢穎之等同來廬山程之遂于西林澗北別立禪坊養志安貧精研玄理兼持禁戒義熙六年卒年五十九

嚴可均全晉文編曰劉程之字仲思彭城人漢楚元王交之後初爲府參軍歷宜昌柴桑令去職與周續之陶潛皆不應徵命號尋陽三隱劉裕以其不屈旌其號曰遺民有玄譜一卷集五卷

釋文敍錄劉遺民玄譜一卷字遺民彭城人東晉柴桑令

釋文敍錄劉遺民玄譜一卷字遺民彭城人東晉柴桑令

釋文敍錄劉遺民玄譜一卷字遺民彭城人東晉柴桑令

釋文敍錄劉遺民玄譜一卷字遺民彭城人東晉柴桑令

釋文敍錄劉遺民玄譜一卷字遺民彭城人東晉柴桑令

釋文敍錄劉遺民玄譜一卷字遺民彭城人東晉柴桑令

唐書經籍志老子玄譜一卷劉道人撰

唐書藝文志劉遺民玄譜一卷又神仙家劉道人老子玄譜一卷

梁有老子玄機三卷宗塞撰亡

宗塞始末未詳

案此疑是宗測之音誤南史隱逸傳測善易老游名山齋老子莊子二書自隨測別有衡山記詳見史部地理類

梁有老子幽易五卷又老子志一卷山琮撰亡

山琮始末未詳

案高似孫子略錄本志所載諸子云何晏序決隋志及上文作次一卷葛仙翁雜論一卷何王等私記十卷梁簡文帝玄示一卷韓莊玄譜一卷劉遺民玄機三卷宗塞幽易五卷山琮志一卷皆誤讀本志此一段注文頗舛特甚附識于此毋爲所惑

老子義疏一卷顧歡撰

顧歡有老子義網見前

太平御覽道部道士篇道學傳曰劉法先彭城人也時顧歡著道經義于孔德璋多有與奪法先與書討論同異顧道屈服又傳授篇云法先爲宋明帝崇靈館主帝先師陸元德元德卒又師事法先盡北面之禮案陸元德即孔德璋爲撰陸先生傳者詳見史部雜傳類德璋字字也

釋文敍錄顧歡堂語四卷一作老子義疏

唐書經籍志老子道德經義疏四卷顧歡撰

唐書藝文志顧歡道德經義疏四卷

案明白雲霧道藏目錄云道德真經八卷

案明白雲霧道藏目錄云道德真經八卷

案明白雲霧道藏目錄云道德真經八卷

案明白雲霧道藏目錄云道德真經八卷

吳郡徵士顧歡注疏言清淨臨民之術案此即唐張君相集三十家注非顧氏此書也阮文達嘗奏進于朝詳見學經室外集梁有老子義疏一卷釋慧觀撰亡

梁釋慧皎高僧傳釋慧觀姓崔清河人十歲便以博見知名弱年出家游方受業適廬山謬稟慧遠聞什公入關乃自南徂北訪異覈同詳辨新舊什亡後南適荊州宋武南伐至江陵與觀相遇敕與西中郎游即文帝也俄而還京止道場寺觀既妙善佛理探究老莊又精通十誦博采諸部元嘉中卒春秋七十

一著辨宗論頓悟漸悟義傳于世

老子義疏五卷孟智周私記

孟智周始末未詳

唐書經籍志老子義疏四卷孟智周撰

唐書藝文志孟智周義疏五卷

案唐張君相集三十家注中有大孟小孟或謂大孟即孟康小孟即此

老子義疏四卷韋處玄撰

韋處玄始末未詳

案唐藝文志神仙家有韋處玄集解老子西昇經二卷白雲霧道藏目錄有華陽韋處玄西昇經集注六卷蓋西昇經亦冠以老子二字疑此是西昇經非道德經而韋處玄亦疑是華陽陶隱居弘景之弟子

老子講疏六卷梁武帝撰

梁武有易大義見經部易家

梁書本紀洞達儒玄造制旨老子講疏

南史儒林顧越傳越特善莊老尤長論難武帝嘗于重雲殿自講老子僕射徐勉舉越論義越抗首而請音響若鐘容止可觀帝深贊美之

梁書朱异傳大同六年异啓于儀賢堂奉述高祖老子義勅許之及就講朝士及道俗聽者千餘人爲一時之盛

金樓子著書篇老子義疏一表十卷奉述制旨案所奉述者即述此書也

唐日本國見在書目老子義疏八卷梁武帝撰

唐書經籍志老子講疏六卷梁武帝撰又有四卷不著撰人據新志亦是梁武書

唐書藝文志梁武帝講疏四卷又講疏六卷

老子義疏九卷戴詵撰

戴詵始末未詳

太平御覽道部道士篇老氏聖紀曰孟道養字孝元初名援平昌人時有劉綏戴詵相造研論玄理各歎伏以爲邁絕

唐書藝文志戴詵義疏六卷

案舊新唐志經部論語類有戴詵述義二十卷新志子部神仙家又有戴詵老子西昇經義一卷而本志又有莊子義疏八卷

見後又詵與劉綏同時綏爲梁劉昭次子見梁書文學傳此列于梁武帝書後敘次亦合

老子節解二卷

不著撰人

釋文敍錄曰節解二卷不詳作者或云老子

所作一云河上公作

唐書經籍志老子節解二卷藝文志同

案宋史藝文志有葛玄老子道德經節解二卷或此書爲葛仙公所撰未可知也

老子章門一卷

不著撰人

唐書經籍志老子章門一卷藝文志同

案本志著錄六藝之例以注釋家爲首次集注次音義次雜義雜論次義疏講疏其有圖譜者則取以爲殿焉道家一類惟老莊二家篇籍最多故其次第亦悉如編纂六藝之例

文子十二卷文子老子弟子七略有九篇梁七錄十卷亡

劉向別錄曰墨子書有文子文子子夏之弟子問于墨子

漢書人表第五等文子錢塘梁玉繩曰文子不傳其名字困學紀聞十辨文子非周平王時人檢文子道德平王問一條無周字末云寡人敬聞命其非周王甚審通考引周氏涉筆以爲楚平王極礪士仁篇有王良更足驗爲楚平王時人班氏疑文子書有依托而于此表列周平王時蓋疑以傳疑之意也

又藝文志文子九篇老子弟子與孔子並時而稱周平王問似依託者也

唐柳宗元辨文子曰文子書十二篇其傳曰老子弟子其辭時有若可取其旨意皆本老子然考其書蓋駁書也其渾而類者少竊取

他書以合之者多凡孟子輩數家皆見剽竊
曉然而出其類其意緒文辭又互相抵而不
合不知人之增益之歟或者衆爲聚斂以成
其書歟然觀其往往有可立者又頗惜之憫
其爲之也勞今刊去謬惡濫雜者取其似是
者又頗爲發其意藏于家

唐書經籍志文子十二卷

唐書藝文志文子十二卷又曰天寶元年詔

號文子爲通玄真經

宋史藝文志文子十二卷舊書目云周文子

撰

晁氏讀書志李暹注文子十二卷其傳曰姓

辛葵丘濮上人號曰計然范蠡師事之本受

業于老子錄其遺言爲十二篇云按劉向錄

文子九篇而已唐志錄暹注與今篇次同豈

暹析之歟李暹師事僧般若流支蓋元魏人

也

陳氏書錄解題文子十二卷題默希子注案

史記貨殖傳徐廣注計然范蠡師名鉞裴駙

曰計然葵邱濮上人姓辛字文子默希子引

以爲據案此默希子沿李暹之誤說也然自班固

時已疑其依託况又未必當時本書乎至以

文子爲計然之字尤不可信柳子厚亦辨

其爲駁書而亦頗有取焉默希子不著名氏

晁公武曰唐徐靈府自號也

玉海藝文類曰今本十二篇道原至上禮元

魏李暹注唐徐靈府注朱玄注

明宋濂諸子辨曰文子非計然之所著也予

嘗考其言壹祖老聃大概道德經之義疏爾
蓋老子之言宏而博故是書難以黃老名法
儒墨之言以明之毋怪其駁且難也黃氏屢
發其僞以爲唐徐靈府作亦不然其殆文姓
之人祖老聃而託之者歟抑因裴氏姓辛字
文子之說誤指爲范子計然十五卷者歟案
范子計然十五卷見唐藝文志農家

四庫提要曰漢志道家文子九篇隋志載文
子十二卷二志所載不過篇數有多寡耳無
異說也因史記貨殖傳有范蠡師計然語又
因裴駙集解有計然姓辛字文子語北魏李
暹作文子注遂以計然文子合爲一人文子
乃有姓有名謂之計鉞謬之甚矣

又簡明目錄曰文子不知其名字漢志但稱
老聃弟子而已或曰計然者誤也書凡十二
篇皆述老聃之說柳宗元稱其多竊取他書
以合之然要是唐以前之古本也

金山錢熙祚文子校勘記曰漢志道家文子
九篇注云老子弟子與孔子並時而稱周平
王問似依託也案今文子道德篇平王問一
條無周字末云寡人敬聞命其非周王甚明
初疑楚平王正與孔子相值何以班氏憤憤
至此既取文子反覆尋釋知其以淮南子割
裂補湊而成平王問一條本漢志而去周字
以掩其依託之迹斷非班氏所見本也淮南
子雖亦雜采諸書然首尾條貫自成機杼今
取一篇之文離爲數段或割取它篇以附益
之不論指意之合于老氏與否而並以爲老

子之言何老子之多言若是也且以僞儻不
羈之文句節而字省之遂至一節之中文氣
斷續一行之內語意背馳又淮南引老子文
並有故曰二字今託爲老子言而于此等悉
仍其舊豈老子自著之而自引之乎疏謬若
此亦可謂不善作僞者矣獨怪唐人所引文
子並與今同而自唐以來歷千餘年未有發
其覆者惟柳子厚謂其意緒文詞互相抵而
不合或爲聚斂以成其書亦不知其出淮南
者十之九取它書者不過十之一也惟是淮
南一書傳寫已久間有淮南誤而文子尙不
誤者存以互校不爲無益若謂淮南取諸文
子則顛倒甚矣

案宋濂諸子辨有淮南子多本文子之語
故錢氏云爾梁氏人表考云班氏所見文
子或是誤本遂疑文子書有依託蓋以今
本文子無周字爲真本也不幾更爲顛倒
乎今本文子陳直齋亦云未必當時本書
錢氏分篇校勘將其剽竊之迹一一指出
證明文子取淮南非淮南取文子斷非班
氏所見之本孫氏問字堂集有文子序謂
今本十二卷實七略舊本斯不然矣 子略
載文子云李白進訓注十二卷以李暹二字誤爲李
白進三字一若李白所進者豈校勘之失歟
鷓鴣冠子三卷楚之隱人
劉向別錄曰鷓鴣冠子常居深山以鷓鴣爲冠故
號鷓鴣冠子
漢書藝文志鷓鴣冠子一篇楚人居深山以鷓

爲冠師古曰以鷓鴣羽爲冠又兵權謀家注曰省鷓冠子

應劭風俗通姓氏篇曰鷓冠氏齊人以鷓冠爲姓鷓冠子著書晉徐漢時長沙武陵蠻也楚莊王時屬于楚詳見後漢書南蠻傳此鷓冠子或其種人未可知也齊今之渠縣

太平御覽逸民部袁淑真隱傳鷓冠子或曰楚人隱居幽山衣弊履穿以鷓爲冠莫測其名因服成號著書言道家事馮煖常師事之煖後顯于趙鷓冠子懼其薦己也乃與煖絕

唐書經籍志鷓冠子三卷鷓冠子撰
唐書藝文志鷓冠子三卷

宋史藝文志鷓冠子三卷不知姓名漢志云楚人居深山以鷓羽爲冠因號云

崇文總目今書十五篇述三才變通古今治亂之道唐世嘗辨此書後出非古所謂鷓冠子者

晁氏袁本讀書志曰鷓冠子著書十五篇論三才變通古今治亂之道唐柳宗元嘗辨此書非古而韓愈獨稱焉二人皆名儒未知孰是

又舊本讀書志曰唐韓愈稱愛其博選學問篇而柳宗元以其多取賈誼鵬賦非斥之案四庫書目鷓冠子三十六篇 案三下當有卷字與愈合已非漢志之舊今書乃八卷前三卷十三篇與今所傳墨子書同中三卷十九篇愈所稱兩篇皆在宗元非之者篇名世兵亦

在後兩卷有十九論多稱引漢以後事皆後人雜亂附益之今削去前後五卷止存十九篇庶得其真其辭雜黃老刑名意皆鄙淺宗元之評蓋不誣

陳氏書錄解題鷓冠子三卷陸佃解今書十九篇韓吏部稱十有六篇故陸謂非其全也韓公頗道其書至柳柳州則曰盡鄙淺言也好事者僞爲其書反用鷓賦以文飾之其好惡不同如此自今考之柳說爲長

明宋濂諸子辨曰其書晦澁後人又雜以鄙淺言讀者往往厭之不復詳究其義所謂天用四時地用五行天子執一以守中央此亦黃老家之至言使其人遇時其成功必如韓愈所云黃氏又謂韓愈獵取二語之外餘無留良者亦非知言也士之好妄論人也如是哉陸佃解本十九篇與晁氏削去前後五卷者合予家所藏但十五篇云

四庫雜家提要曰劉勰文心雕龍稱鷓冠綿亟發深言韓愈集有讀鷓冠子一首稱其博選篇四稽五至之說學問篇一壺千金之語且謂其施于國家功德豈少柳宗元集有鷓冠子辨一首乃詆爲言盡鄙淺謂其世兵篇多同鵬賦據司馬遷所引賈生二語以決其僞然古人著書往往偶用舊文古人引證亦往往偶隨所見如谷神不死四語今見老子中而列子乃稱爲黃帝書克己復禮一語今在論語中左傳乃謂仲尼稱志有之元者善之長也八句今在文言傳中左傳乃記爲

穆姜語司馬遷惟稱賈生蓋亦此類未可以單文孤證遽斷其僞惟漢志作一篇而隋志以下皆作三卷或後來有所附益則未可知耳其說雖涉刑名而大旨本原于道德其文亦博辨宏肆自六朝至唐劉勰最號知文而韓愈最號知道二子稱之宗元乃以爲鄙淺過矣此本爲陸佃所注凡十九篇

列子八卷鄭之隱人列禦寇撰東晉光祿勳張湛注

七略別錄曰天瑞弟一黃帝弟二周穆王弟三仲尼弟四一日極知 湯問弟五力命弟六楊朱弟七一日達生 說符弟八右新書定著八篇護左都水使者光祿大夫臣向言所校中書列子五篇臣向謹與長杜尉臣參校讎太常書三篇太史書四篇臣向書六篇臣參書二篇內外書凡二十篇以校除復重十二篇定著八篇中書多外書少章亂布在諸篇中或字誤以盡爲進以賢爲形如此者衆及在新書有棧音 校讎從中書已定皆以殺青書可繕寫列子者鄭人也與鄭繆公同時蓋有道者也其學本于黃帝老子號曰道家道家者秉要執本清虛無爲及其治身接物務崇不競合于六經而穆王湯問二篇迂誕怪詭非君子之言也至于力命篇一推分命楊子之篇唯貴放逸二義乖背不似一家之書然各有所明亦有可觀者孝景皇帝時貴黃老術此書頗行于世及後遺落散在民間未有傳者且多寓言與莊周相類故太史公

司馬遷不爲列傳謹第錄臣向昧死上護左都水使者光祿大夫臣向所校列子書錄永始三年八月壬寅上

漢書藝文志列子八篇名圍寇先莊子莊子稱之

呂氏春秋不二篇曰列子貴虛高誘曰列子體道人也壺子弟子案壺子者壺邱子林也

皇甫謐高士傳列禦寇者鄭人也隱居不仕鄭穆公時子陽爲相專任刑列禦寇乃絕迹窮巷面有飢色或告子陽曰列禦寇蓋有道之士也居君之國而窮君無乃不好士乎子陽使官載粟數十乘以與之禦寇出見使再拜而辭之居一年鄭人殺子陽其黨皆死禦寇安然獨全終身不仕著書八篇言道家之意號曰列子

宋書良吏王歆之傳高平張祐以吏才見知祐祖湛晉孝武世以才學爲中書侍郎光祿勳嚴氏全晉文編曰張湛字處度孝武時中書侍郎累遷光祿勳有列子注八卷

唐柳宗元辨列子曰劉向古稱博極羣書然其錄列子獨曰鄭穆公時人穆公在孔子前幾百歲列子書言鄭國皆云子產鄆析不知向何以言之如此史記鄭繻公二十四年楚悼王四年圍鄭鄭殺其相駟子陽子陽正與列子同時是歲魯穆公十年不知向言魯穆公遂誤爲鄭耶不然何乖錯至如其後張

湛徒知怪列子書言穆公後事亦不能推知其時王氏漢志考證曰或謂鄭繻公字誤爲繻公然

其書亦多增竄非其實要之莊周爲放依其辭其稱夏棘徂公紀褚子季咸等皆出列子居亂世遠于利禍不得逮于身而其心不窮易之遁世無悶者其近是歟余故取焉其文辭類莊子而尤質厚少爲作好文者可廢耶其楊朱力命疑其楊子書其言魏牟孔穿皆出列子後不可信然觀其辭亦足通知古之多異術也讀之者慎取之而已矣

唐書藝文志張湛注列子八卷又曰天寶元年詔號列子爲沖虛真經

宋史藝文志張湛注列子八卷又有張湛列子音義一卷

晁氏讀書志列子沖虛至德真經八卷晉張湛注唐號沖虛真經皇朝加至德之號

王氏漢書藝文志考證東萊呂氏曰以列子所載楊朱遇老子老子中道而歎一章觀之則朱受學于老子不疑朱之言見于列子者固多後人所附益爲我之說亦略可見也

又曰列子多引黃帝書蓋古之微言傳久而差者玄牝一章今見老子此戰國秦漢所以並言黃老也 石林葉氏曰天瑞黃帝篇與佛書相表裏

明宋濂諸子辨曰其書決非禦寇所自著必後人會粹而成者中載孔穿魏公子牟及西方聖人之事皆出禦寇後至于楊朱力命二篇則爲我之意多疑即古楊朱書其未亡者

刪附于此禦寇先莊周周著書多取其說若書事簡勁宏妙則似勝于周問嘗熟讀其書又與浮屠言合中國之與西竺相去一二萬里而其說若合符節何也豈其得于心者亦有同然歟近世大儒謂華梵譯師皆竊莊列之精微以文西域之卑陋者恐未爲至論也

四庫提要曰柳宗元辨列子言魏牟孔穿皆出列子後不可信其後高似孫緯略遂疑列子爲鴻濛雲將之流並無其人今考湯問篇中有鄒衍吹律事不止魏牟孔穿其不出禦寇之手更無疑義然考尸子廣擇篇曰墨子貴兼孔子貴公皇子貴衷田子貴均列子貴虛料子貴別囿其學之相非也數世矣是當時實有列子非莊周之寓名又穆天子傳出子晉太康中爲漢魏人之所未睹而此書周穆王篇所敘駕八駿造父爲御至巨蒐登崑崙見西王母于瑤池事一一與傳相合此非劉向之時所能僞造可信確爲秦以前書唯其書皆稱子列子曰則決爲傳其學者所追記其雜記列子後事正如莊子記莊子死管子稱吳王西施商子稱秦孝公耳不足爲怪張湛注書于天瑞篇首所稱子列子字知爲追記師言而他篇復以載及後事爲疑未免不充其類矣

又曰據湛自序其母爲王弼從姊妹湛往來外家故亦善談名理其注亦弼注老子之亞又曰亦肩隨向郭之注莊譚案湛序湛當爲王弼外甥之孫此似誤會

案通志氏族略云列禦氏不詳其本鄭穆公時列禦寇著書以列禦為氏與漢志注名園寇者相違異然氏之書原于譜學譜學則自為一途別有所据不能執此概以為必無存而不論可矣

莊子二十卷梁漆園吏莊周撰晉散騎常侍向秀注本二十卷今闕案此當有散誤

史記老莊列傳莊子者蒙人也名周周嘗為蒙漆園吏與梁惠王齊宣王同時其學無所不闕然其要本歸于老子之言故其著書十餘萬言大抵率寓言也作漁父盜跖胠篋以詆訾孔子之徒以明老子之術畏累虛亢桑子之屬皆空語無事實然善屬書離辭指事類情用剝剝儒墨雖當世宿學不能自解免也其言洗洋自恣以適己故自王公大人不能器之楚威王聞莊周賢使使厚幣迎之許以為相莊周謂楚使者曰千金重利卿相尊位也子獨不見郊祭之犧牛乎養食之數歲衣以文繡以入太廟當是之時雖欲為孤豚豈可得乎子亟去無污我我寧游戲污瀆之中自快無為有國者所羈終身不仕以快吾志焉

劉向別錄曰莊子宋之蒙人也又曰又作人姓名使相與語是寄辭于其人故莊子有寓言篇末二句似司馬貞索隱之詞觀上文可知也

漢書人表第六等曰嚴周梁玉繩考曰嚴周字子休楚莊王之後亦曰莊叟亦曰莊生墓在濠州東二里唐天寶元年號為南華真人

宋宣和元年詔封微妙元通真君配享混元皇帝元至元三年加封南華至極雄文弘道真君

又藝文志莊子五十二篇名周宋人

陸氏釋文曰莊子者姓莊名周 太史公云字子

休梁國蒙縣人也六國時為梁漆園吏與魏

惠王齊宣王楚威王同時 李頤云與齊愨王同時

齊楚嘗聘以為相不應時人皆尚游說莊生

獨高尚其事優遊自得依老氏之旨著書十

餘萬言以逍遙自然無為齊物而已大抵皆

寓言歸之于理不可案文責也

晉書向秀傳秀字子期河內懷人也清悟有

遠識少為山濤所知雅好老莊之學莊周著

內外數十篇歷世方士雖有觀者莫適其旨

統也秀乃為之隱解發明奇趣振起玄風讀

之者超然心悟莫不自足一時也始秀欲注

嵇康曰此書詎復須注正是妨人作樂耳及

成示康曰殊復勝否康善鍛秀為之佐相對

欣然傍若無人又共呂安灌園于山陽康既

被誅秀應本郡計入洛後為散騎侍郎轉黃

門侍郎散騎常侍在朝不任職容迹而已卒

于位

世說文學篇注秀別傳曰秀與嵇康呂安為

友後秀將注莊子先以告康安康安成曰此

書詎復須注徒棄人作樂事耳及成以示二

子康曰爾故復勝不安乃驚曰莊周不死矣

後注周易大義可觀而與漢世諸儒互有彼

此未若隱莊之絕倫也秀本傳或言秀遊託

數賢蕭屑卒歲都無注述唯好莊子聊應崔謨所注以備遺忘云

釋文敘錄曰莊子言多詭誕或似山海經或

類占夢書故注者以意去取其內篇衆家並

同自餘或有外而無雜向秀注二十卷二十

六篇一作二十七篇一作二十八篇亦無雜

篇

唐書經籍志莊子二十卷向秀注

唐書藝文志向秀注莊子二十卷

梁有莊子十卷東晉議郎崔譔注亡

釋文敘錄莊子崔譔注十卷二十七篇清河

人晉議郎內篇七外篇二十

唐書經籍志莊子十卷崔譔注

唐書藝文志崔譔注莊子十卷

案世說文學篇注引向秀本傳云聊應崔謨所注以備遺忘是崔注在向注之前故

釋文敘錄及唐經籍志並以崔氏為注莊

第一家唐藝文列向秀之後失之

莊子十六卷司馬彪注本二十一卷今闕

司馬彪有續漢書詳見史部正史篇

晉書本傳泰始中為祕書郎轉丞注莊子作

九州春秋

釋文敘錄漢書藝文志莊子五十二篇即司

馬彪所注是也又曰司馬彪注二十一卷五

十二篇內篇七外篇二十八雜篇十四解說

三

唐日本國見在書目莊子二十一卷梁漆園

吏莊周撰後漢司馬彪注

唐書經籍志莊子二十一卷司馬彪注

唐書藝文志司馬彪注莊子二十一卷

孫氏書目司馬彪注莊子一卷孫馮翼集本
高郵荊泮林輯本序曰司馬彪莊子見晉書
本傳及隋唐志泮林幼讀郭象注本繼復思
得司馬注讀之繙閱之餘遇一字一句往往
見寶輯之寢久遂錄之成帙後知已為孫君
鳳卿問經堂叢書所載及見其書至天員篇
詘然中止細案之似為未完未定之書其中
未及細審者正復不少疏略可議茲更輯增
得十之二三其略加更訂處視孫本差為完
善

莊子三十卷目一卷晉太傅主簿郭象注梁七錄
三十三卷

郭象有論語體要詳見經部

晉書本傳先是注莊子者數十家莫能究其
旨統向秀于舊注外而為解義妙演奇致大
暢玄風唯秋水至樂二篇未竟而秀卒秀子
幼其義零落然頗有別本遷流象為人行薄
以秀義不傳于世遂竊以為己注乃自注秋
水至樂二篇又易馬蹄一篇其餘衆篇或點
定文句而已其後秀義別本出故今有向郭
二莊其義一也世說文學篇同
又向秀傳莊周著內外數十篇歷世莫適論
其旨統秀乃為之隱解惠帝之世郭象又述
而廣之儒墨之迹見鄙道家之言遂盛焉
世說文學篇注文士傳曰象少有才理慕道
好學託志老莊時人咸以為王弼之亞又曰

象作莊子注最有清辭適旨

釋文敍錄曰然莊生宏才命世辭趣華深正
言若反故莫能暢其弘致後人增足漸失其
真故郭子玄云一曲之才妄竄奇說若闕弈
意修之首危言游梟子胥之篇凡諸巧雜十
分有三漢書藝文志莊子五十二篇即司馬
彪孟氏所注是也言多詭誕或似山海經或
類占夢書故注者以意去取其內篇衆家並
同自餘或有外而無雜唯子玄所注特會莊
生之旨故為世所貴又曰郭象注三十三卷
三十三篇內篇七外篇十五雜篇十一
唐書經籍志莊子十卷郭象注
唐書藝文志郭象注莊子十卷
四庫提要曰莊子注十卷晉郭象撰考世說
注引逍遙游向郭義各一條今本無之讓王
篇惟注三條漁父篇惟注一條盜跖篇惟注
三十八字說劍篇惟注七字似不應簡略至
此疑有所脫佚又列子生物者不生化物者
不化二句張湛注曰莊子亦有此文併引向
秀注一條而今本莊子皆無之是併正文亦
有所遺漏蓋其亡已久今不可復考矣
又簡明目錄曰世說新語稱象攘竊向秀注
後向注復出遂兩本並行今乃向佚而郭存
以陸德明莊子釋文所引向注互校攘竊之
跡灼然可見然象亦有所補綴改定不可目
為秀書故今仍題象名焉

集注莊子六卷梁有莊子三十卷晉丞相參軍李
頤注亡

釋文敍錄李頤集解三十卷三十篇字景真
穎川襄城人晉丞相參軍自號玄道子一作
三十五篇為音一卷

唐書經籍志莊子集解二十卷李頤集解
唐書藝文志李頤莊子集解二十卷

案此著錄六卷即李氏集解之殘本唐時
復出二十卷亦非其全

梁有莊子十八卷孟氏注錄一卷亡

孟氏不知何人

釋文敍錄漢書藝文志莊子五十二篇即司
馬彪孟氏所注是也又曰孟氏注十八卷五
十二篇不詳何人

案司馬彪注本二十一卷有音三卷在內
也此無音故止于十八卷孟氏似即注老
子之大孟或云即孟康

莊子音一卷李軌撰

李軌有周易音詳經部易類

釋文敍錄李軌音一卷汪氏選注目錄有莊子七
賢音義此下所載是也唐初有合為一編者

莊子音三卷徐邈撰

莊子集音三卷徐邈撰

徐邈有易音詳經部易類

釋文敍錄徐仙民李弘範作音皆依郭本又
曰徐邈音三卷

莊子注音一卷司馬彪等撰

司馬彪見前

釋文敍錄曰司馬彪為音三卷
唐書藝文志司馬彪又注音一卷

高郵許林輯司馬彪莊子注序曰又以隋
唐志皆有司馬莊子音一卷今亦輯存數條
莊子音三卷郭象注

郭象見前

釋文敍錄郭象爲音三卷

梁有向秀莊子音一卷亡

向秀見前

釋文敍錄向秀爲音三卷

案向秀郭象司馬彪三家之音據釋文敍

錄當時皆附本注之後者亦或爲後人所

撰莫得而詳矣

莊子外篇雜音一卷

莊子內篇音義一卷

並不著撰人

案釋文敍錄爲莊子音者又有李頤一家

疑此是也

莊子講疏十卷梁簡文帝撰本二十卷今闕

梁簡文帝有老子私記見前

梁書本紀所著老子義二十卷莊子義二十

卷並行于世 案南史本紀不載老莊義或已在長春

殿義記百卷中故李延壽刪除之長春義記見經部論語

後五經總義類中

陳書徐陵傳陵十二通莊老義爲通直散騎

侍郎梁簡文在東宮撰長春殿義記使陵爲

序又令于少傅府述所製莊子義

唐書經籍志莊子講疏三十卷梁簡文撰

唐書藝文志梁簡文帝莊子講疏三十卷

莊子講疏二卷張機撰亡機當爲譏又撰下當有敍文

張譏有周易講疏見經部易家

陳書儒林傳譏幼聰俊有思理年十四通孝

經論語篤好玄言爲士林館學士及侯景寇

逆于圍城之中猶侍哀太子武德後殿講老

莊陳後主在東宮令于温文殿講莊老高宗

幸宮臨聽所撰老子義十一卷莊子內篇義

十二卷外篇義二十卷雜篇義十卷

莊子講疏八卷

不著撰人

案舊新唐志有莊子疏七卷亦無撰人似

即此書

莊子文句義二十八卷本三十卷今闕

不著撰人

案舊新唐志有陸德明莊子文句義二十

卷似即此書陸德明有周易并注音七卷

見經部亦有周易文句義疏若干卷見唐

志書名與此相同故以爲近似其書

又以上著錄見存義疏四家皆兼疏內外

雜三篇者而是書在其末此又近似陸氏

之可見者其後又著錄專疏內篇及論并

論音爲莊子一類之終竟所附亡書次見

存之後其章法如是

梁有莊子義疏十卷又莊子義疏三卷宋處士

李叔之撰亡李當爲王

釋文敍錄王叔之義疏三卷字穆缺一字琅

邪人宋處士亦作注

唐書經籍志莊子疏十卷王穆撰莊子音一

卷王穆撰

唐書藝文志王穆莊子疏十卷又音一卷

冊府元龜學校部注釋類王叔之字穆夜撰

莊子義疏三卷

嚴氏全宋文編曰王叔之字穆仲琅邪人晉

宋間處士有莊子義疏三卷

案本志別集類有宋王叔之集七卷即其

人也敍之爲叔之之誤其字或作穆又作

穆夜又作穆仲其書據釋文唐志則有注

有疏有音此兩書引七錄皆曰義疏必有

誤

莊子內篇講疏八卷周弘正撰

周弘正有周易義疏見經部易家

陳書本傳弘正十歲通老子周易又曰弘正

特善玄言兼明釋典雖碩學名僧莫不請質

疑滯所著老子疏五卷莊子疏八卷行于世

又南史周朗附傳云弘正善清談梁末爲玄宗之冠

莊子義疏八卷戴詵撰

戴詵有老子義疏見前

南華論二十五卷梁曠撰本三十卷

梁曠有老子道德經品見前

唐書經籍志南華仙人莊子論三十卷梁曠

撰

唐書藝文志神仙家梁曠南華仙人莊子論

三十卷

案此似集魏晉以來論莊子如阮籍達莊

論李充釋莊論王坦之廢莊論之類以爲

一書其前道德經品四卷亦此之流

南華論音三卷

不著撰人

莊成子十二卷

莊成子不知何人

梁有蹇子一卷今亡

蹇子不知何人

玄言新記明莊部二卷梁藻撰

梁藻始末未詳

案此殆亦如梁曠南華論之流以上莊子

之類

守白論一卷

不著撰人

公孫龍子曰公孫龍六國時辨士也疾名實

之散亂因資材之所長爲守白之論假物取

譬以守白辨謂白馬爲非馬欲推是辨以正

名實而化天下焉又曰公孫龍趙平原君之

客也案篇首至化天下焉一段似劉向別錄語非公孫

龍本文

莊子天下篇曰桓園公孫龍辨者之徒飾人

之心易人之口能勝人之口不能服人之心

辨者之困也唐成玄英疏曰姓桓名園姓公

孫名龍並趙人皆辨士也客游平原君之家

而公孫龍著守白論見行于世通鑑輯覽注守

白即堅白堅執其說而守之也

列子仲尼篇樂正子輿曰公孫龍之爲人也

行無師學無友佞給而不中漫衍而無家好

怪而妄言欲惑人之心屈人之口與韓檀等

肆之張濇曰韓檀人姓名共習其業莊子云

桓園公孫龍能勝人之口不能服人之心辯

者之固案桓園當爲桓園亦即韓檀也辨者之固成玄
英疏本固作固

史記孟荀列傳趙亦有公孫龍爲堅白同異

之辯集解曰駟案晉太康地記云汝南西平

縣有龍淵水可用淬刀劍特堅利故有堅白

之論云黃所以爲堅也白所以爲利也或辨

之曰白所以爲不堅黃所以爲不利案堅白

論在今本第五篇

又平原君列傳平原君厚待公孫龍公孫龍

善爲堅白之辯及鄒衍過趙言至道乃絀公

孫龍集解劉向別錄曰齊使鄒衍過趙平原

君見公孫龍及其徒棊母子之屬論白馬非

馬之辨以問鄒子鄒子曰不可彼天下之辨

有五勝三至而辭正爲下辨者別殊類使不

相害序異端使不相亂抒意通指明其所謂

使人與知焉不務相迷也故勝者不失其所

守不勝者得其所求若是故辨可爲也及至

煩文以相假飾辭以相悖巧譬以相移引人

聲使不得及其意如此害大道夫繳紛爭言

而競後息不能無害君子坐皆稱善

漢書藝文志名家公孫龍子十四篇趙人師

古曰卽爲堅白之辯者

文心雕龍諸子篇公孫之白馬孤犢辭巧理

拙魏牟比之鴟鳥非妄貶也

唐書經籍志名家公孫龍子三卷公孫龍撰

唐書藝文志名家公孫龍子三卷陳嗣古注

公孫龍子一卷賈大隱注公孫龍子一卷

宋史藝文志名家公孫龍子一卷趙人

宋趙希弁讀書附志公孫龍子三卷唐藝文

志列于名家陳嗣古賈大隱皆嘗爲之注今

不辨矣孔叢子第四卷有公孫龍子一卷

陳氏書錄解題名家公孫龍子三卷趙人公

孫龍爲白馬非馬堅白之辨者也其爲說淺

陋迂僻不知何以感當時之聽漢志十四篇

今書六篇首敍孔穿專文意重複

王氏漢書藝文志考證曰列子釋文龍字子

乘莊子謂惠子曰儒墨楊乘與夫子爲五果

孰是邪楊楊朱也乘公孫龍也淮南鴻烈曰

公孫龍粲于辭而質名楊子曰公孫龍詭辭

數萬東萊呂氏曰告子彼長而我長之彼白

而我白之斯言也蓋堅白同異之祖孟子累

章辨析歷舉玉雪羽馬人五白之說借其矛

而伐之

四庫雜家提要曰龍戰國時人司馬貞史記

索隱謂龍卽仲尼弟子者非也其書漢志著

錄十四篇至宋時亡八篇今僅存跡府白馬

指物通變堅白名實凡六篇其首章與孔穿

辨論事孔叢子亦有之其書大旨疾名器乖

實乃假指物以混是非借白馬而齊物我冀

時君有悟而正名實故諸史皆列于名家蓋

其持論雄贍實足以聳動天下故當時莊列

荀卿並著其言爲學術之一特品目稱謂之

間紛然不可數計龍必欲一一核其真而理

究不足以相勝故言愈辨而名實愈不可正

然其書出自先秦義雖恢誕而文頗博辯陳

嗣古賈士隱注各一卷今俱失傳此本之注乃宋謝希深所撰文義淺近殊無可取案是書改題守白論列之道家諸史未有之例也

任子道論十卷魏河東太守任昉撰

後漢書鄭玄傳其門人山陽鄒慮東萊王基清河崔瑛著名于世又樂安國淵任昉時並童幼玄稱淵為國器假有道德其餘亦多所鑒拔皆如其言注昉字昭光魏黃門侍郎也案昭光當為昭先

魏志王昶傳注任昉別傳曰昉字昭先樂安博昌人世為著姓夙習早成太祖創業召海內至德昉應其舉為臨菑侯庶子相國東曹屬尚書郎文帝時為黃門侍郎累遷東郡趙郡河東太守所在化行有遺風餘教昉為人淳粹愷悌虛己若不足恭敬如有畏其修身履義皆沈默潛行不顯其美故時人少得稱之著書三十八篇凡四萬餘言昉卒後故吏東郡程威趙國劉固河東上官崇等錄其事行及所著書奏之詔下祕書以貫羣言

唐書經籍志任子道論十卷任昉撰

唐書藝文志神仙家任子道論十卷任昉撰

此任昉二字本注文傳寫誤作大字通志略道家遂誤連下文云任昉顯道士論三卷殊為感惑今附訂于此

番禺侯康補三國藝文志曰王昶傳注稱其著書三十八篇凡四萬餘言當即此書也初學記卷十七引任昉道德論歷城馬國翰輯本序曰馬總意林載任子十

卷注云名奕考諸史志無任奕著書之目奕蓋昉之譌意林載十七節又從北堂書鈔初學記太平御覽輯得九節參互考訂並附別傳為卷初學記引作任昉道德論他皆引作任子茲依隋唐志題任子道論既訂名奕之譌因改題魏任昉焉

案高似孫子略抄意林目錄云任子十卷題其名曰任弁則又因奕而譌為弁也嚴氏三國文編輯存任昉道論十一條不取意林則以意林稱任奕以為別是一人今考嚴輯十一條中同意林者三條是任奕實為任昉之誤馬氏考訂可信

梁有渾輿經一卷魏安成令桓威撰亡

魏志王粲附傳景初中下邳桓威出自孤微年十八而著渾輿經依道以見意從齊國門下書佐司徒署吏後為安成令

唐書經籍志渾輿經一卷姬威撰岑氏本從新志改為姬威

唐書藝文志神仙家姬威渾輿經一卷案宋本隋志因避諱書作相傳寫或譌作相書唐志又譌為姬

新志又因姬而譌為姬

唐子十卷吳唐滂撰

唐書世系唐氏表漢尚書令林王莽封建德侯林六世孫翔為丹陽太守因家焉二子固滂固吳尚書僕射案此滂為固之弟固有國語注見經部春秋家

唐馬總意林曰唐子十卷名滂字惠潤生吳太元二年

唐書經籍志唐子十卷唐滂撰藝文志同馬氏玉函山房輯本序曰滂字惠潤生吳太元二年見意林注據本書言大晉應期一舉席卷云云則撰述之成定在吳亡入晉之後也意林載十九節又從北堂書鈔藝文類聚文選注太平御覽諸書采輯除已見意林者得佚說八節合訂一卷其書論政談兵不盡述道家之言案此言意林載十九節據福州重刊案珍本也其本第五卷第十二葉所載傅子十二條據昭文張氏本皆是唐子之文馬氏此輯遺之

侯氏補三國藝文志曰意林引唐子有大晉應期一舉席卷之語則滂已入晉又稱滂生于太元二年下距吳亡時年僅三十其入晉宜也而隋志仍系之吳豈其入晉不仕猶當為吳人耶

案唐滂始末不概見據世系則為固之弟固見吳志闕澤傳云黃武四年卒注引吳錄云時年七十餘則其兄卒于是年審矣卒後至太元二年凡二十七年滂乃生兄弟年紀相去幾及百歲殊非事理意林稱生吳太元二年者疑生為成字之音誤謂其書成于是年歟今本意林傅子物理論中論三家文皆屬越嚴氏校錄已言之而傅子與唐子又有錯簡其稱大晉應期云云或是傅子非唐子本文

梁有蘇子七卷晉北中郎參軍蘇彥撰亡蘇彥始末未詳高似孫子略馬總意林目錄曰蘇子八卷自

云魏人

宋刻全本意林曰蘇子十八卷名淳衛人也

唐書經籍志蘇子七卷蘇彥撰藝文志同

嚴氏全晉文編曰蘇彥孝武時為北中郎參

軍隋志道家梁有蘇子七卷晉北中郎參軍

蘇彥撰亡舊新唐志皆七卷宋不著錄蓋唐

末復亡羣書引見尚多釋其詞費商韓而詆

孟子亦各言其志也然而誤矣漢志從橫家

別有蘇子三十一篇蘇秦撰王伯厚謂即鬼

谷子未審信否近有為鬼谷子篇目考者采

御覽等書所引蘇子三條指為蘇秦則尤誤

又四錄堂類集總目云蘇子一卷可均輯

案嚴氏輯存十二條馬氏玉函山房亦輯

一卷凡十三條宋刻全本意林第六卷引

蘇子二條其一條嚴馬二家輯本皆遺之

梁有宣子二卷晉宜城令宜聘撰亡宜聘當為宣

舒

陸氏經典釋文敘錄宜舒字幼驥陳郡人晉

宜城令為通知來藏往論見易家張璠集解二十

二家中

唐書經籍志宣子二卷宜聘撰藝文志同

案舊新唐志經部易類有宜聘通易象論

一卷即所通知來藏往論也又本志別集

類注云梁有宜舒集五卷舊唐志作宜聘

集新志作宜聘集一宜舒也隋唐三志或

以為宜聘或以為宜聘据釋文敘錄則為

宜城令者實宜舒非聘亦非聘也其所以

致誤之由則以其字幼驥轉寫脫幼字又

誤以驥為聘以聘為聘耳 舊唐志易家又有

誤作宣駘者

又案魏晉六朝人以周易老莊為三玄談

玄義者馳聘其說宜舒所作通易論或亦

編入是書中

梁有陸子十卷陸雲撰亡

晉書陸機傳機字士衡吳郡人也太康末與

弟雲俱入洛雲字士龍少與兄機齊名號曰

二陸刺史周浚召為從事以公府椽為太子

舍人出補浚儀令拜吳王晏郎中令入為尚

書郎侍御史太子中舍人中書侍郎成都王

穎表為清河內史機之敗也穎并殺雲時年

四十二所著文章若干篇又撰新書十篇並

行于世初雲嘗夜行迷路至一家便寄宿見

一少年美風姿共談老子辭致深遠後知此

數十里中無人居卻尋昨宿處乃王弼家雲

本無玄學自此談老殊進

世說賞譽篇注陸雲別傳曰雲大司馬抗之

第五子機母弟也儒雅有俊才口敏能談博

聞彊記善著述後為成都王穎所害

唐馬總意林抱朴子曰陸子十篇誠為快書

其辭之富者雖覃思不可損也其理之約者

雖鴻筆不可益也

唐書經籍志陸子十卷陸雲撰藝文志同

馬氏玉函山房輯本序曰晉書本傳稱又撰

新書十篇行于世隋唐志道家皆載陸子十

卷即新書也今佚初學記太平御覽引二節

魏志注引陸氏異林一節記鍾繇事云叔父

清河太守說如此清河陸雲也陸氏蓋雲之

猶子考陸機傳二子蔚夏或其所作稱清河

說定為新書中語又本傳紀雲作新書下引

路行遇王弼事云雲本無玄學自此談老殊

進此作書之繇且文筆與異林所引同亦陸

子佚文也並采錄之

案宋版全本意林第六卷引陸子文一條

馬氏遺之

杜氏幽求新書二十卷杜夷撰

晉書儒林傳杜夷字行齊廬江灑人也世以

儒學稱爲郡著姓博覽經籍百家之書算曆

圖緯靡不畢究閉門教授生徒千人惠懷時

累辭徵辟尋以胡寇渡江元帝爲丞相以爲

儒林祭酒又除國子祭酒皇太子三至夷第

執經問義夷雖逼時命未嘗朝謁國有大政

恆就夷諮訪焉明帝太寧元年卒年六十六

贈大鴻臚諡曰貞子著幽求子二十篇行于

世

文心雕龍諸子篇若夫陸賈典語賈誼新書

揚雄法言劉向說苑王符潛夫崔寔政論仲

長昌言杜夷幽求成敘經典或明政術雖標

論名歸乎諸子何者博明萬事爲子適辨一

理爲論彼皆蔓延雜說故入諸子之流

唐日本國見在書目幽求子廿卷杜夷撰

唐書經籍志幽求子三十卷杜夷撰

唐書藝文志神仙家杜夷幽求子三十卷

馬國翰輯本序曰杜夷晉書有傳何法盛晉

書稱其秉操真素故以幽求子自號其書隋

志道家有杜氏幽求新書二十卷唐志作幽求子三十卷原書久佚北堂書鈔文選注御覽引之又三國志魏杜畿傳注引杜氏新書七條皆紀畿及子理與恕言行當是夷稱述其先德之美引者不稱幽求省文也又御覽引杜子新語一則新語蓋新書之誤並據輯錄其說道清淡以無為為家宗尚老氏書入道家以此

案杜畿傳注所引杜氏新書乃京兆杜陵之杜氏嚴氏均可以為即篤論之末篇詳見雜家此廬江灑縣之杜氏唐世系及元和姓纂古今姓氏書辨證皆不載似與京兆杜氏別為一族未必即彼之杜氏新書也

又案高似孫子略載意林篇目無幽求子干寶于子華譚新論孫綽孫子凡四家宋刻全本意林第六卷皆有之而引幽求子文凡五條前四條馬氏未及采焉又御覽人事部幼智篇引杜祭酒別傳即夷也

抱朴子內篇二十一卷音一卷葛洪撰

葛洪有喪服變除見經部禮類

抱朴子外篇自序曰洪年二十餘乃計作細碎小文妨棄功日未若立一家之言乃草創子書會遇兵亂流離播越有所亡失連在道路不復投筆十餘年至建武中乃定凡著內篇二十卷又曰其內篇言神僊方藥鬼怪變化養生延年禳邪卻禍之事屬道家晉書本傳洪究覽典籍尤好神僊導養之法

其自序曰洪考覽奇書既不少矣率多隱語難可卒解自非至精不能究自非篤勤不能悉見也道士弘博洽聞者寡而意斷妄說者衆至于時有好事欲有所修為倉卒不知所從而意之所疑又無足諮今為此書粗舉長生之理其至妙者不得宣之于翰墨蓋粗言較略以示一隅世儒莫信神仙之書不但大而笑之又將謗毀真正故予所著子言黃白之事名曰內篇自號抱朴子因以名書

唐書經籍志抱朴子內篇二十卷葛洪撰唐書藝文志抱朴子內篇十卷葛洪案明修宋板亦作二十卷知行本跋二字

宋史藝文志雜家葛洪抱朴子內篇二十卷晁氏讀書志洪元帝時累召不就止羅浮山鍊丹著書推明飛昇之道導養之理黃白之事二十卷名曰內篇

陳氏書錄解題曰洪所著書內篇言神仙黃白變化之事此二十卷者內篇也

明宋濂諸子辯曰抱朴子內篇二十卷言神仙黃白變化之事洪深溺方技家言謂神仙決可學學之無難金丹砂黃金為藥而服之即令人壽與天地相畢乘雲駕龍上下太清其他雜引黃帝御女及三皇內文劾召鬼神之事皆誕妄不可訓昔漢魏伯陽約周易作參同契上中下篇其言修煉之術甚具洪乃時與之戾不識何也洪博聞深洽江左絕倫為文辭雖不近古紆徐蔚茂旁引而曲證必達己意乃已要之洪亦奇士使舍是而學六

藝夫執禦之哉惜也

四庫提要曰隋志載內篇二十一卷音一卷新唐志載內篇十卷卷數互異此本為明烏程盧舜治以宋本及王府道藏二本參校視他本為完整所列篇數與洪自序卷數相符知為足本其書內篇論神仙吐納符錄剋治之術純為道家之言謹案純為神仙家言

嚴氏全晉文編曰葛洪有抱朴子內篇二十一卷今見存二十卷不錄錄其佚文凡五十二條

又鐵橋漫槩自編四錄堂類集總目曰抱朴子內篇校勘記一卷繼昌與可均同撰抱朴子內篇佚文一卷繼昌與可均同輯案繼昌字謙龜其時官江寧布政使

梁有顧道士新書論經三卷晉方士顧谷撰亡顧谷始末未詳

唐書經籍志顧道士論二卷顧谷撰藝文志神仙家著錄同三卷

常熟丁國鈞補晉書藝文志曰此書玉燭寶典曾載一條餘書鮮有引者舊唐志作顧道士論凡二卷

孫子十二卷孫綽撰

孫綽有集解論語見經部

世說言語篇注孫綽遂初賦序曰余少慕老莊之道仰其風流久矣卻感於陵賢妻之言悵然悟之乃經始東山建五畝之宅帶長阜倚茂林執與坐華幕擊鐘鼓者同年而語其樂哉劉義慶曰孫綽賦遂初築室吠川自言

見止足之分

唐書經籍志孫子十二卷孫綽撰藝文志同

宋史藝文志雜家孫綽子十卷崇文總目道家

孫子十卷孫綽撰

陳氏書錄雜家孫子十卷題晉孫綽與公撰

恐依託唐志及中興書目並無之余從程文

簡家借錄案此謂唐志無之非也唐志在道家耳

嚴氏全晉文編目曰孫綽有孫子十二卷今

見書鈔御覽文選注諸書所引凡二十三條

馬氏玉函山房輯本序曰隋唐志道家並有

孫子十二卷引或稱孫綽子今佚輯得二十

餘節書詮元旨有飄飄欲仙之致

案高似孫子略載意林篇目遺漏孫子一

家宋刻意林第六卷有之在虞喜志林後引

孫子文凡三條嚴馬輯本皆未采

苻子二十卷東晉員外郎苻朗撰

晉書孝武帝本紀太元九年冬十月苻堅青

州刺史苻朗帥衆來降

又苻堅載記苻朗字元達堅之從兄子也性

宏達神氣爽邁幼懷遠操不屑時榮堅嘗目

之曰吾家千里駒也徵拜鎮東將軍青州刺

史封樂安男不得已起而就官有若素士耽

翫經籍手不釋卷每談虛語玄不覺日之將

夕在任甚有稱績後遣詣謝玄于彭城求降

玄表上詔加員外散騎侍郎既至揚州風流

邁于一時超然自得志凌萬物所與晤言不

過一二人而已後忤王忱王國寶數年國寶

譖而殺之臨刑志色自若著苻子數十篇行

于世亦老莊之流也

世說排調篇注裴景仁秦書曰朗苻堅從兄

堅爲慕容冲所圍朗降謝玄用爲員外散騎

侍郎著苻子數十篇蓋老莊之流也朗於高

忤物不容于世後衆譏而殺之

宋刻全本意林第六卷苻子二十卷名朗

唐日本國見在書目苻子六卷苻朗撰

唐書經籍志苻子三十卷苻朗撰藝文志同

嚴氏全晉文編輯本序曰道家祖黃老蓋三

皇五帝之道也變而爲列禦寇莊周則楊朱

之爲我也又變而房中術而金丹而符籙而

齋醮每降益下而道家幾乎熄矣于是乎秦

漢以來未有著書象道德經者其象列子莊

子僅有苻朗苻朗者秦苻堅之從兄子也隋

唐志苻子三十卷宋不著錄路史徵引皆取

諸類書余從類書寫出八十二事省併重復

得五十事定著一卷備道家之一種其言具

有名理本傳稱老莊之流非過許也又曰有

篇名者二曰方外曰家策其家策篇稱抱朴

子非葛洪也洪與朗不相值又四錄堂類集

總目曰苻子一卷可均輯

馬氏玉函山房輯本序曰楊慎丹鉛總錄以

苻子與秦子並論以爲不特世無其書並罕

知其姓名王世貞駁之謂其書道藏有之今

徧檢道藏全目實無苻子余州大言欺人耳

茲輯得四十餘節文筆頗似抱朴子據本書

有朗棄千金之劍把苻子而趨抱朴子趨謂

曰何夫子棄大而存小之語似抱朴朗之門

人也案此竟有疑抱朴子爲苻子門人者嚴氏已辨之

矣馬氏又云書中多春秋遺事足資考證是以寓言爲

事實猶未悟其書之旨歸矣

梁有賀子述言十卷宋太學博士賀道養撰

賀道養有春秋序注見經部春秋左氏學家

唐書經籍志賀子十卷賀道養撰藝文志同

梁有少子五卷齊司徒左長史張融撰

南齊書本傳融字思光吳郡吳人也仕宋爲

中書郎入齊累遷黃門郎太子中書子司徒

左長史建武四年病卒年五十四融玄義無

師法而神解過人白黑談論鮮能抗拒

又高逸顧歡傳司徒從事中郎張融作門律

云道之與佛逗極無二吾見道士與道人戰

儒墨道人與道士辨是非昔有鴻飛天首積

遠難亮越人以爲鳧楚人以爲乞人自楚越

鴻常一耳以示太子僕周顒顒難之往復文

多不載案此蓋即少子之濼也張周難答往復今略

見弘明集中

梁釋僧祐弘明集孔稚珪答竟陵王啓曰民

于釋老非敢異同昔嘗明一同之義經以此

訓張融融乃著通源之論其名少子少子所

明會同道佛融之此悟出于民家云云

嚴氏全齊文編曰張融字思光一名少子宋

會稽太守暢子也南齊書本傳載融門律自

序一篇弘明集載張融以門律致書周顒等

諸游生一篇又答周顒書并問難凡十條

馬氏玉函山房輯本序曰七錄載少子五卷

唐志不著目佚已久梁釋僧祐采入弘明集

南齊顧歡傳亦引其略稱門律本傳載有問律自序問律疑即門律並據輯錄其書究明二氏大旨謂百聖同投本末無異周與顧往復論難倒兵乃已史稱融玄義神解過人自序其文不阨非途非路亦可謂善自寫照矣

案是書亦名門律門律云者其與周山茨及諸生書有繩墨弟姪故為門律之語又云復為子弟留地所以製是門律以律其門非佛與道門將何律孔稚圭答竟陵王書亦云民積世門業依奉老李又云門業有本不忍頓棄大抵釋家之稱門律門業猶儒家之稱家學及家世傳業者歟宋志神仙家有張融三破論一卷列陶弘景之前疑即是書殘贖 竟陵王子良主持佛義甚力張孔皆為其家屬故有此和同之論其實二人皆家世奉道者

梁有養生論三卷嵇康撰亡
嵇康有春秋左氏傳音見經部
晉書本傳康好老莊常修養生服食之事以為神仙稟之自然非積學所得至于導養得理則安期彭祖之倫可及乃著養生論又向秀傳秀又與康論養生辭難往復蓋欲發康高致也

嚴氏全三國文編曰嵇康有集十五卷養生論見本集文選及藝文類聚七十五又本集有答向子期難養生論
梁有攝生論二卷晉河內太守阮侃撰亡

世說賢媛篇注陳留志曰阮共字伯彥尉氏人清真守道動以禮讓仕魏至衛尉卿少子侃字德如有俊才而飭以名理風儀雅潤與嵇康為友仕至河內太守宋書符瑞志晉武帝太康二年六月丁卯白晝二見河內南陽太守阮侃以獻釋文敘錄詩家為詩音者有阮侃字德恕陳留人河內太守

梁有無宗論四卷亡

不著撰人 慧皎高僧傳云慧觀著辯宗論頓悟漸悟義行于世疑即此書之緣起慧觀有老子義疏見前

梁有聖人無情論六卷亡

不著撰人

案魏志鍾會傳注王弼別傳曰何晏以為聖人無喜怒哀樂其論甚精鍾會等述之弼與不同以為聖人茂于神人者神明也通于五情也神明茂故能體沖和以通無五情同故不能無哀樂以應物然則聖人之情應物而無累于物者也今以其無累便謂不復應物失之多矣案中庸章句喜怒哀樂情也聖人無喜怒哀樂論似即此聖人無情論也大抵始于何晏而鍾會等述之王弼非之其後尚論者又演益之為六卷

夷夏論一卷顧歡撰梁二卷

顧歡有老子義綱老子義疏並見前南齊書高逸傳佛道二家立教既異學者互相非毀歡著夷夏論意黨道教宋司徒袁粲託為道人通公以駁之歡答之明僧紹又作

正二教論吳與道士孟景翼造正一論司徒從事中郎張融作門律太子僕周顒難之歡口不辨善于著筆又傳論曰顧歡論夷夏優老而劣釋案此所載袁粲以下諸論似皆編入是書太平御覽道部道士篇道學傳曰顧歡又作夷夏辨或及三科論明釋老異同

唐書藝文志釋家顧歡夷夏論二卷

馬國翰輯本序曰顧歡夷夏論隋志著目一卷云梁二卷隋代已非完帙唐志不著錄案此說非也 今佚唯齊書及南史本傳載其略茲據錄之

梁又有談衆三卷亡

不著撰人

案此似衆人談玄之言
簡文談疏六卷晉簡文帝撰

晉書本紀簡文皇帝諱昱字道萬元帝之少子也幼而岐嶷為元帝所愛及長清虛寡欲尤善玄言永昌元年元帝封為琅邪王咸和元年徙封會稽王海西公太和六年桓溫圖廢立以皇太后詔奉迎咸安元年冬十一月己酉即皇帝位二年秋七月乙未崩年五十三廟號太宗帝雖神識恬暢而無濟世大略故謝安稱為惠帝之流清談差勝耳沙門支道林嘗言會稽有遠體而無遠神謝靈運述其行事亦以為赧獻之輩云
案晁載之續談助抄般若小說引簡文談疏一事又世說新語諸篇述簡文語及稱

撫軍稱會稽王者特多似皆本之是書嚴氏全梁文編以談疏六卷爲梁簡文帝撰蓋誤寫入也

無名子一卷張太衡撰

張太衡始末未詳

唐書經籍志無名子一卷張太衡撰

唐書藝文志神仙家張太衡無名子一卷

玄子五卷

不著撰人

案北齊書北史李公緒傳公緒雅好著書撰玄子五卷似卽此書李別有趙記詳見

史部地理類

游玄桂林二十一卷目一卷張機撰機當爲譏

張譏有莊子講疏見前

陳書本傳譏篤好玄言性恬靜常慕閑逸所居宅營山池植花果講周易老莊而教授焉

吳郡陸元朗朱孟博一乘寺沙門法才法雲

寺沙門慧休至真觀道士姚綏皆傳其業所撰周易尚書毛詩孝經論語老子莊子義玄

部通義各若干卷又撰游玄桂林二十四卷後主嘗勅人就其家寫入祕閣

本志經部論語附五經總義類遊玄桂林九卷張機撰

唐書經籍志七經雜解類游玄桂林二十卷張譏撰

唐書藝文志經解類張譏游玄桂林二十卷

又神仙家張譏玄書通義十卷

廣成子十三卷商洛公撰張太衡注疑近人作

商洛公張太衡並未詳

唐書經籍志廣成子十二卷商洛公撰

唐書藝文志廣成子十二卷商洛公撰張太衡注

衡注

案晁氏志有東坡廣成子解一卷取莊子

中黃帝問道于廣成子一章爲之解此則

猶王士元亢倉子之補亡也大抵皆張太

衡所僞託廣成子見今本列仙傳以爲老

子在黃帝時號廣成子神仙家野言也

右七十八部合五百二十五卷實在著錄五十六部附著七書四十七部通計一百三部

案七錄序目子兵錄第二曰道部凡六十

九種七十六帙四百三十一卷本志存佚

并計一百三部所增益者三十二部

隋書經籍志考證卷二十六

子部三

法家

管子十九卷齊相管夷吾撰

七略別錄護左都水使者光祿大夫臣向言

所校讎中筭子書三百八十九篇太中大夫

卜圭書二十七篇臣富參書四十一篇射聲

校尉立書十一篇太史書九十六篇凡中外

書五百六十四篇以校除復重四百八十四

篇定著八十六篇殺青而書可繕寫也筭子

者穎上人也名夷吾號仲父少時嘗與鮑叔

牙游鮑叔知其賢鮑叔事齊公子小白管子

事公子糾及小白立爲桓公子糾死管仲囚

鮑叔薦管仲管仲既任政于齊齊桓公以霸

九合諸侯一匡天下管仲之謀也鮑叔既進

管仲而已下之子孫世祿于齊有封邑者十

餘世常爲名大夫管子既相以區區之齊在

海濱通貨積財富國彊兵與俗同好醜俗所

欲因予之俗所否因去之其爲政也善因禍

爲福轉敗爲功貴輕重慎權衡管仲聘于周

不敢受上卿之命以讓高國是時諸侯爲管

仲城穀以爲之采邑春秋書之褒賢也管仲

富擬公室有三歸反坫齊人不以爲侈管仲

卒齊國遵其政常彊于諸侯孔子曰微管仲

吾其披髮左衽矣太史公曰余讀管子牧民

山高乘馬輕重九府詳哉其言之也九府書

民間無有山高一名形勢凡管子書務富國安民道約言要可以曉合經義臣向謹錄第

上

漢書藝文志道家筭子八十六篇名夷吾相齊桓公九合諸侯不以兵車也有列傳又兵權謀家注曰省管子

又刑法志齊桓公任屨管仲問行伯用師之道管仲于是作內政而寓軍令焉其教已成外攘夷狄內尊天子以安諸夏

又食貨志太公為周立九府太公退又行之于齊至管仲相桓公通輕重之權桓公遂用區區之齊合諸侯顯伯名師古曰周官大府王府內府外府泉府天府職內職金職幣皆掌財幣之官故云九府 史記索隱曰九府蓋錢之府藏其書論鑄錢之輕重故云輕重九府

唐書經籍志管子十八卷管夷吾撰 日本書目廿一卷

唐書藝文志管子十九卷管仲又尹知章注管子三十卷

宋史藝文志管子二十四卷齊管夷吾撰 又尹知章注管子十九卷

崇文總目管子十八卷管夷吾撰劉向校錄管子十九卷唐國子博士尹知章注案吳兢書目凡三十卷今存十九卷自列勢解篇而下十一卷亡

晁氏袁本讀書志管子十八卷管夷吾撰書富國之要述輕重九府取人之制劉向校八十一篇今亡一篇當是八十六篇今亡十一篇五

十八篇有注解案杜佑指略序云房玄齡所注或云唐尹知章注未詳

又衢本讀書志管子二十四卷劉向所定凡九十六篇今亡十篇當是八十六篇世稱齊管仲撰而其書載管仲將沒對桓公之語疑後人續之杜佑云唐房玄齡注而注頗淺陋恐非玄齡或云尹知章也

陳氏書錄解題曰管子二十四卷唐房玄齡注漢志八十六篇列于道家唐志著之法家之首今篇數與漢志合而卷視隋唐為多管子似非法家而世皆稱管商豈以其操術用心之同故耶然以為道則不類今從隋唐志

王應麟漢書藝文志考證石林葉氏曰其間頗多與鬼谷子相亂管子自序其事亦泛濫不切疑皆戰國策士相附益蘇氏古史謂多中韓之言非管子之正

四庫提要曰劉恕通鑑外紀引傅子曰管仲之書過半便是後之好事者所加乃說管仲死後事輕重篇尤復鄙俗葉適水心集亦曰管子非一人之筆亦非一時之書以其言毛

嬾西施吳王好劍推之當時春秋末年今考其文大抵後人附會多于仲之本書其他姑無論即仲卒于桓公之前而篇中處處稱桓公其不出仲手已無疑義書中稱經言者九篇稱外言者八篇稱內言者九篇稱短語者十九篇案其中缺第十八篇 稱區言者五篇稱

雜篇者十一篇案當為十三篇 稱管子解者五篇稱管子輕重者十九篇意其中孰為手撰孰為記其緒言如語錄之類孰為述其逸事如家傳之類孰為推其義旨如箋疏之類當

時必有分別觀其五篇明題管子解者可以類推必由後人混而一之致滋疑竇耳 案以劉光祿錄管子之例推之其分篇別目之故亦從可知

突原本八十六篇今亡十篇考李善注陸機猛虎行稱管子近亡數篇則唐初已非完本此本二十四卷為萬曆壬午趙用賢所刊在近代猶善本也舊有房玄齡注晁公武以為

尹知章考唐志無玄齡注有尹知章注三十卷殆後人以知章人微玄齡名重改題之以炫俗耳注文淺陋頗不足采 馬國翰內業輯本序曰漢志儒家有內業十五篇注云不知作書者考管子第四十九篇標題內業皆發明大道之蘊旨與他篇不相類蓋古有成書而管子述之案漢志孝經十一家有弟子職一篇今亦在管子第五十九

以此例推知皆誦述前人故內業在區言五弟子職在雜篇十明非管子所自作也 案漢志弟子職一篇應劭曰管仲所作管子書

嚴氏鐵橋漫藁書管子後曰七略管子在法家引見史記管晏傳正義隋唐志已下著錄皆同惟漢志在道家余觀內業篇蓋參同契所自出實是道家餘篇則儒家陰陽家法家名家農家兵家無所不賅今若改入雜家尚為允當不然寧從漢志其書八十六篇至梁

隋時亡謀失正言封禪言昭修身問霸牧民解問乘馬輕重內輕重庚十篇宋時又亡王言一篇又曰先秦諸子皆門弟子或賓客或子孫撰定不必手著聞收藏家有宋蔡潛道

時必有分別觀其五篇明題管子解者可以類推必由後人混而一之致滋疑竇耳 案以劉光祿錄管子之例推之其分篇別目之故亦從可知

此本二十四卷為萬曆壬午趙用賢所刊在近代猶善本也舊有房玄齡注晁公武以為尹知章考唐志無玄齡注有尹知章注三十卷殆後人以知章人微玄齡名重改題之以炫俗耳注文淺陋頗不足采

馬國翰內業輯本序曰漢志儒家有內業十五篇注云不知作書者考管子第四十九篇標題內業皆發明大道之蘊旨與他篇不相類蓋古有成書而管子述之案漢志孝經十一家有弟子職一篇今亦在管子第五十九

以此例推知皆誦述前人故內業在區言五弟子職在雜篇十明非管子所自作也 案漢志弟子職一篇應劭曰管仲所作管子書

嚴氏鐵橋漫藁書管子後曰七略管子在法家引見史記管晏傳正義隋唐志已下著錄皆同惟漢志在道家余觀內業篇蓋參同契所自出實是道家餘篇則儒家陰陽家法家名家農家兵家無所不賅今若改入雜家尚為允當不然寧從漢志其書八十六篇至梁

隋時亡謀失正言封禪言昭修身問霸牧民解問乘馬輕重內輕重庚十篇宋時又亡王言一篇又曰先秦諸子皆門弟子或賓客或子孫撰定不必手著聞收藏家有宋蔡潛道

時必有分別觀其五篇明題管子解者可以類推必由後人混而一之致滋疑竇耳 案以劉光祿錄管子之例推之其分篇別目之故亦從可知

商君書五卷秦相衛鞅撰

殘本未得見之 案史記正義引七略云管子十八篇在法家篇數與漢志懸殊細釋之蓋七錄之誤也舊唐志亦十八卷與七錄本同本志十九卷與新唐志同知篇字亦卷字之誤在法家三字則張守節之詞也其下又引七略云晏子春秋七篇在儒家皆以七錄為七略今劉歆七略輯本皆取此兩條以為七略佚文未之思也 其後申韓列傳正義又引阮孝緒七略兩條亦七錄之誤與此同 張氏書目答問管子尹知章注二十四卷舊題唐房玄齡注明趙用賢校本即管韓合刻本又管子義證八卷洪頤煊撰

又秦本紀孝公元年衛鞅入秦二年衛鞅說孝公變法修刑內務耕稼外勸戰士之賞罰孝公善之甘龍杜摯等弗然相與爭之卒用鞅法百姓苦之居三年百姓便之二十二年封鞅為列侯號商君二十四年孝公卒子惠文君立是歲誅衛鞅車裂以徇秦國 漢書藝文志商君二十九篇名鞅姬姓衛後也相秦孝公有列傳 又兵權謀家有公孫鞅二十七篇

又刑法志陵夷至于戰國韓任申子秦用商鞅連相坐之法造參夷之誅增加肉刑大辟有鑿顛抽脅鑊烹之刑參夷三族也 又食貨志及秦孝公用商君壞井田開阡陌急耕戰之賞雖非古道猶以務本之故傾鄰國而雄諸侯然王制遂滅僭差亡度庶人之富者累鉅萬而貧者食糟糠有國彊者兼州域而弱者喪社稷

晉書刑法志李悝著法經六篇商君受之以相秦 魏書刑法志商君以法經六篇入說于秦設參夷之誅連相坐之法 唐書經籍志商子五卷商鞅撰 唐書藝文志商君書五卷商鞅或作商子 宋史藝文志商子五卷秦公孫鞅撰鞅封于晁氏讀書志商子五卷秦公孫鞅撰鞅封于商故以名其書本二十九篇今亡者三篇太史公讀鞅開塞書索隱曰開謂刑嚴峻則政化開塞謂布恩惠則政化塞今考其書司馬

貞蓋未嘗見之而妄為之說耳開塞乃其第七篇謂道塞久矣今欲開之必刑九而賞一刑用于將過則大邪不生賞施于告姦則細過不失大邪不生細過不失則國治矣由此觀之鞅之術無他特特告許而止耳故其法不告姦者與降敵同罰告姦者與殺敵同賞此秦俗所以日壞至于父子相夷而鞅不能自脫也

陳氏書錄解題商子五卷或稱商君者其封邑也漢志二十九篇今二十六篇又亡其一四庫提要曰漢志稱商君二十九篇三國志先主傳注亦稱商君書其稱商子則自隋志始譌案當云舊唐志 此本自更法至定分目凡二十有六似即晁氏之本然其中第十六篇第二十一篇又皆有錄無書則併非宋本之舊矣

又簡明目錄曰周氏涉筆謂其書多附會後事擬取他詞非本所論著今案開卷稱孝公之諡則謂不出鞅手良信然其詞峻厲而刻深雖非鞅作亦必其徒述說之非秦以後人所為漢志二十九篇至宋佚其三篇今有錄無書者又二篇

嚴氏全三代文編曰商君書二十九篇今見存二十四篇羣書治要三十六有六法一篇六法當作立法其佚篇也又四錄堂類集總目商子五卷均可校案羣書治要題作商君子 梁有申子三卷韓申不害撰亡 史記老莊申韓列傳申不害者京人故鄭之

賤臣學術以干韓昭侯用為相內修政教外應諸侯十五年終申子之身國治兵彊無侵韓者申子之學本于黃老而主刑名著書二篇號曰申子太史公曰申子卑卑施之于名實原于道德之意又韓世家昭侯八年申不害相韓修術行道國內以治諸侯不來侵伐二十二年申不害死

劉向別錄曰京今河南京縣也 又曰今民間所有上下書二篇中書六篇皆合二篇已備過太史公所記也 又曰申子學號刑名刑名者循名以責實其尊君卑臣崇上抑下合于六經也宣帝好觀其君臣篇 又曰孝宣皇帝重申不害君臣篇使黃門郎張子喬正其字

唐馬總意林劉向云申子名不害河東人鄭時賤臣挾術以干韓昭侯秦兵不敢至學本黃老急刻無恩非霸王之事 案此似亦別錄文諸家輯本未采

漢書藝文志申子六篇名不害京人相韓昭侯終其身諸侯不敢侵韓 唐書經籍志申子三卷申不害撰藝文志同 馬國翰輯本序曰馬總意林引六節首有劉向一節是七略別錄語茲更搜輯合二十四節 嚴可均鐵橋漫稿申子序曰淮南要略云申子者韓昭釐之佐韓晉別國也地墩民險而介于大國之間晉國之故禮未滅韓國之新法重出先君之令未收後君之令又下新故

相反前後相繆百官背亂不知所用故刑名之書生焉泰俗訓云今商鞅之開塞申子之三符韓非之孤憤注申不害治韓有三符驗之術也案三符當是申子篇名申子七錄云三卷舊新唐志意林皆三卷宋不著錄明陳第世善堂書目有三卷今復不著錄余從羣書治要寫出一篇刺取各書引見之文依意林次第之其篇名可考者曰君臣曰大體及三符也餘三篇不知也又自編四錄堂類集總目曰申子一卷可均輯亦編入全上古三代文編第四卷

慎子十卷戰國時處士慎到撰

史記孟荀列傳自騶衍與齊之稷下先生如淳子髡慎到環淵接子田駢騶奭之徒各著書言治亂之事以干世主豈可勝道哉又曰慎到趙人田駢接子齊人環淵楚人皆學黃老道德之術因發明序其指意故慎到著十二論環淵著上下篇而田駢接子皆有所論焉裴駮集解徐廣曰今慎子劉向所定有四十一篇案史公言則慎子書中有十二論與環淵接子田駢皆道家言也此三家並見漢書藝文志道家騶衍騶奭見陰陽家 漢書古今人表第六等慎子梁玉繩考曰慎子即慎到亦作順趙人葬曹州濟陰縣西南四里又案戰國策楚有慎子為襄王傅魯亦有慎子見孟子 又藝文志慎子四十二篇名到先申韓申韓稱之

應劭風俗通姓氏篇慎氏慎到為韓大夫著慎子三十篇武威張澍輯注曰慎到趙人藝文志作著書四十二篇仲瑗云三十篇疑訛案除去道家之十二論正合三十篇之數或漢時有兩本又案左哀十六年吳伐慎白公敗之九域志慎楚縣白公之邑故白公救慎是以邑為氏者案慎到為韓大夫唯見于此

荀子修身篇楊倞注齊宣王時處士慎到其術本黃老而歸刑名先申韓其意相似多明不尚賢不使能之道著書四十一篇 馬總意林慎子十二卷名到學本黃老膝輔注 唐書經籍志慎子十卷慎到撰膝輔注 藝文志同

宋史藝文志慎子一卷慎到撰 通志藝文略慎子一卷戰國時處士慎到撰 漢有四十二篇隋唐分為十卷今亡九卷三十七篇 陳氏書錄解題曰漢志四十二篇唐志十卷今麻沙刻本纔五篇固非全書慎到趙人中興館閣書目乃曰劉陽人劉陽在今潭州吳時始置縣與趙南北了不相涉蓋據書坊所稱不知何謂也崇文總目言三十七篇 案此下當有亡字以崇文目所載亦一卷與通志略館閣書目之語同也

文獻經籍考周氏涉筆曰稷下能言者如慎到最為屏去繆悠剪削枝葉本道而附于情立法而責于上非田駢尹文之徒所能及五

篇雖簡約而明白純正統本貫末孟子言王政不合慎子言名法不用而騶忌一說遇合不知何所明也

王氏漢書藝文志考證曰館開書目一卷案漢志四十二篇今三十七篇亡惟有威德因循民雜德立君人五篇滕輔注

四庫雜家提要曰莊子天下篇曰慎到之道非生人之行而至死人之理云云是慎子之學近乎釋氏然漢志列之法家今考其書大旨欲因物理之當然各定一法而守之不求于法之外亦不寬于法之中則上下相安可以清淨而治然法所不行勢必刑以齊之道德之爲刑名此其轉關所以申韓多稱之也今本分五篇而又多刪削蓋明人捃拾殘廢重爲編次觀孝子不生慈父之家忠臣不生聖君之下二句前後兩見知爲雜錄而成失除重複矣

嚴氏鐵橋漫叢慎子序曰漢志法家慎子四十二篇隋唐志皆十卷滕輔注書錄解題稱麻沙刻本纔五篇余所見明刻本亦皆五篇今從羣書治要寫出七篇有注即滕輔注其多出之篇曰知忠曰君臣其威德篇又多出二百五十三字雖亦節本視陳振孫所見本爲勝因刺取各書引見之文校補譌脫其遺文短段不能成篇者凡四十四事附于後滕輔東漢人藝文類聚六十有漢滕輔祭牙文亦作滕撫又作騰撫後漢書滕撫字叔輔有傳元和姓纂滕本滕氏因避難改爲騰氏後

漢相騰撫蓋滕騰一姓輔撫一聲故二文隨作矣東晉亦有滕輔隋志梁有晉太學博士滕輔集五卷慎子注爲漢爲晉未敢定之又四錄堂類集總目慎子一卷可均校

金山錢熙祚守山閣刊本跋曰羣書治要有慎子七篇今所存五篇具在用以相校知今本又經後人刪節非其原書今以治要爲主更據唐宋類書所引隨文補正其無篇名者別附于後雖不能復還舊觀而古人所引搜羅略備舊本後有佚文不知何人所輯張氏書目答問慎子一卷附逸文嚴可均校輯守山閣本又墨海金壺本

韓子二十卷目一卷韓非撰
史記老莊申韓列傳韓非者韓之諸公子也喜刑名法術之學而其歸本于黃老非爲人口吃不能道說而善著書與李斯俱事荀卿斯自以爲不如非非見韓之削弱數以書諫韓王韓王不能用于是韓非疾治國不務脩明其法制執勢以御其臣下富國彊兵而以求人任賢反舉浮淫之蠹而加之于功實之上以爲儒者用文亂法而俠者以武犯禁寬則寵名譽之人急則用介冑之士今者所養非所用所用非所養悲廉直不容于邪枉之臣親往者得失之變故作孤憤五蠹內外儲說林說難十餘萬言然韓非知說之難爲說難者甚具終死于秦不能自脫人或傳其書至秦秦王見孤憤五蠹之書曰嗟乎寡人得見此人與之游死不恨矣李斯曰此韓非之

所著書也秦因急攻韓韓王始不用非及急迺遣非使秦秦王悅之未信用李斯姚賈害之毀之曰韓非韓之諸公子也今王欲并諸侯非終爲韓不爲秦此人之情今王不用久留而歸之此其遺患也不如以過法誅之秦王以爲然下吏治非李斯使人遺非藥使自殺韓非欲自陳不得見秦王後悔之使人赦之非已死矣申子韓子皆著書傳于後世學者多有余獨悲韓子爲說難而不能自脫耳太史公曰韓子引繩墨切事情明是非其極慘礪少恩皆原于道德之意

又秦始皇本紀十四年韓非使秦秦用李斯謀留非非死雲陽韓王請爲臣
又韓世家王安五年秦攻韓韓急使韓非使秦秦留非因殺之九年秦虜王安盡入其地爲潁川郡韓遂亡
馬總意林劉向云秦始皇重韓非書曰寡人得與此人游死不恨矣李斯姚賈害之與藥令自殺始皇悔遣救之已不及案重刊宋本有序一篇皆節史記文爲之或疑爲劉向別錄然首末不類疑是王儉七志之文此真別錄節文也
漢書藝文志韓子五十五篇名非韓諸公子使秦李斯害而殺之
唐張守節史記正義曰韓非見王安不用忠良令國削弱故觀往古有國之君則得失之變異而作韓子二十卷
唐司馬貞史記索隱曰非所著書篇名孤憤憤孤直不容于時也五蠹蠹政之事有五也

內外儲說內儲言明君執術以制臣下利之在已故曰內也外儲言明君觀聽臣下之言行以斷其賞罰實罰在彼故曰外也儲蓄二事所謂明君也說林者廣說諸事其多若林故曰說林也說難者說前人行事與己不同而詰難之又說音稅言游說之道為難故曰說難其書詞甚高故特載之 言史公特載說難篇

唐日本國見在書目韓子十卷

唐書經籍志韓子二十卷韓非撰藝文志同

宋史志同

陳氏書錄解題曰韓子二十卷韓諸公子韓非撰漢志五十五篇今同所謂孤憤說難之屬皆在焉

王氏漢書藝文志考證曰今本二十卷五十六篇沙隨程氏曰非書有存韓篇故李斯言非終為韓不為秦也後人誤以范睢書廁于其間乃有舉韓之論通鑑謂非欲覆宗國則非也又曰韓安國受韓子雜家說

又玉海藝文諸子篇曰今本五十六篇注不詳名氏案王氏一再言五十六篇者殆非後人雜入之范睢舉韓一篇計之 魏書劉昫傳注韓子行于世唐藝文志尹知章又注韓子卷七

四庫提要曰非之著書當在未入秦前入秦之後計其間未必有暇著書今書冠以初見秦次以存韓皆入秦後事且存韓一篇終以李斯駁非之議及斯上韓王書其事與文皆為未畢疑非所著書本各自為篇非歿之後

其徒收拾編次以成一帙故在韓在秦之作均為收錄併其私記未完之藁亦收入書中名為非撰實非非所手定也 案今本次第必非劉氏七略之舊自七略別錄亡後遂不可復知

又曰漢志五十五篇七錄二十卷篇數卷數皆與今本相符惟王應麟漢藝文志考作五十六篇殆傳寫字誤也其注不知何人作者元至元三年何犴本稱舊有李瓚注鄙陋無取盡為削去云云則注者當為李瓚然瓚為何代人犴未之言玉海已稱韓子注不知誰作諸書亦別無李瓚注韓子之文不知犴何所據也 案今重刊乾道本其注文有至多者有極少僅存一二語者蓋劫竊以下二十二篇則不著一字似以注本合無注本與周書同也注者當在宋乾道之前

又簡明目錄曰舊本多所佚脫明趙用賢始得宋槧校補又周孔教家大字刻本與趙本亦同視他刻為完善

張氏書目答問韓非子二十卷附識誤三卷吳鼎校刻本又明趙用賢校管韓合刻本又明周孔教刻大字本

梁有韓氏新書三卷漢御史大夫鼂錯撰亡韓氏當為讀氏

史記袁盎鼂錯列傳鼂錯者潁川人也學申商刑名于軹張恢先所與雒陽宋孟及劉禮同師漢書作劉帶以文學為太常掌故錯為人隋直刻深孝文時天下無治尚書者詔太常遣錯受尚書伏生所還因上便宜事以書稱說詔以為太子舍人門大夫家令遷中大夫

景帝即位以為內史遷御史大夫請諸侯之罪過削其地收其枝郡奏上上令公卿列侯宗室集議莫敢難獨竇嬰爭之由此與錯有卻錯所更令三十章諸侯皆諍譁疾錯吳楚七國反以誅錯為名及竇嬰袁盎進說上令斬錯錯衣朝衣斬東市

漢書本傳錯舉賢良文學對策高第由是遷中大夫又言宜削諸侯事及法令可更定者書凡三十篇孝文雖不盡聽然奇其材當是時太子善錯計策爰盎諸大功臣多不好錯景帝即位為內史錯數請間言事輒聽法令多所更定又云所更令三十章諸侯謹譁七國反上以竇嬰袁盎言斬錯錯殊不知適使中尉召錯給載行市錯衣朝衣斬東市贊曰鼂錯銳于為國遠慮而不見身害悲夫錯雖不終世哀其忠

又本紀孝景三年春正月吳王濞膠西王卬楚王戊趙王遂濟南王辟光菑川王賢膠東王雄渠皆舉兵反大赦天下遣太尉周亞夫大將軍竇嬰將兵擊之斬御史大夫鼂錯以謝七國又百官公卿表孝景二年八月丁巳左內史晁錯為御史大夫三年正月壬子錯有罪要斬

又藝文志鼂錯三十一篇案此三十一篇蓋即本傳所謂宜削諸侯事及法令可更定者三十篇也故列之法家

唐書經籍志晁氏新書三卷晁錯撰唐書藝文志晁氏新書七卷注云晁錯案此七卷者似并其集三卷錄一卷合為一編也

王氏漢書藝文志考證呂氏曰申商之學亦世有傳授太史公曰賈誼晁錯明申商蘇氏曰錯不足道也而誼亦爲之唐志晁氏新書七卷隋志梁有三卷文選賓戲注引朝錯新書

馬國翰輯本序曰漢志法家電錯三十一篇馬總意林載三卷僅錄三節文選注太平御覽引四節或作朝子佚文可見者僅此考本傳載其上言對策凡五篇又言宜削諸侯及法令可更定者書凡三十篇則五篇皆新書中文可知並輯錄之

正論六卷漢大尚書崔寔撰

後漢書崔駰傳駰涿郡安平人也中子瑗瑗子寔字子真一名台字元始少沈靜好典籍父卒隱居墓側桓帝初以郡舉徵詣公車除爲郎明于政體吏才有餘論當世便事數十條名曰政論指切時要言辨而確 寔正也當世稱之仲長統曰凡爲人主宜寫一通置之坐側其後召拜議郎遷大將軍冀司馬與邊韶延篤等著作東觀出爲五原太守以病徵拜議郎復與諸儒博士共雜定五經梁冀誅以故吏免官禁錮數年拜遼東太守母喪服竟召拜尚書寔以世方阻亂稱疾不視事數月免歸建寧中病卒又論曰寔之政論言當世理亂雖量錯之徒不能過也

唐馬總意林正論五卷崔元始
唐書經籍志崔氏政論五卷崔寔撰 藝文志
六卷

嘉定錢大昕隋書經籍志考異曰案後漢書崔寔作政論無大尚書之名此志大尚書崔寔凡再見其一詳後農家四民月令條

嚴氏鐵橋漫槩崔氏政論敘曰隋志法家正論五卷漢大尚書崔寔撰舊唐志意林亦五卷新唐志作六卷各書引見或作政論或作正論又作本論止是一書其書成于守遼東後故有僕前爲五原太守及今遼東耕犁等語本傳繫于桓帝初除爲郎時蓋就始創稿言之其本北宋時已佚故崇文總目不著錄郡齋讀書志直齋書錄解題亦無之通志略載有六卷虛列書名不足據余從羣書治要寫出七篇本傳及通典各寫出一篇凡九篇略依意林次第之刺取各書引見校補譌脫定著二卷其遺文墜句不能成篇者附于末治要專取精實其朕語美詞芟除淨盡然于當時積敝亦臚列無遺也又四錄堂類集總目崔寔政論二卷可均輯亦編入全後漢文編中

梁有法論十卷劉邵撰亡

劉邵有孝經注見經部又有律略論五卷見史部刑法類
魏志本傳凡所撰述法論人物志之類百餘篇

唐書經籍志劉氏法言十卷劉邵撰 言當爲論

唐書藝文志劉氏法論十卷注云劉邵
梁有政論五卷魏侍中劉廙撰亡
魏志本傳廙字恭嗣南陽安衆人也兄望之

有名于世荊州牧劉表辟爲從事以正諫不合爲表所害廙懼遂歸太祖太祖辟爲丞相掾屬轉五官將文學魏國初建爲黃門侍郎徙署丞相倉曹屬廙著書數十篇及與丁儀共論刑禮皆傳于世文帝即王位爲侍中賜爵關內侯黃初二年卒注廙別傳云時年四十二

唐書經籍志劉氏正論五卷劉廙撰 藝文志
作政論卷同注云劉實字之誤也

嚴氏鐵橋漫槩劉氏政論敘曰隋志法家梁有政論五卷魏侍中劉廙撰亡舊新唐志著于錄至宋復亡今所見僅羣書治要載有八篇題爲劉廙別傳而目錄作政論據裴松之所引別傳似與政論各爲一書則目錄作政論者是也各書都未徵引治要有此彌復可貴因錄出以廣其傳其篇目曰備政正名慎愛審愛欲失疑賢任臣下視又四錄堂類集總目曰劉廙政論一卷可均校

侯康補三國藝文志曰廙有先刑後禮論見陸遜傳當出此書即本傳所謂與丁儀共論刑禮傳于世者也李善注三都賦序引劉廙答丁儀刑禮書

案侯氏謂先刑後禮論當出此書考表注引別傳有廙表論治道一篇在太祖時所上似亦此書之一事別傳蓋全載政論魏鄭公從別傳中摘出故治要篇首標目曰劉廙別傳

梁有阮子正論五卷魏清河太守阮武撰亡

魏志杜恕傳注阮武者亦拓落大才也案阮氏譜武父謚字士信徵辟無所就造三禮圖傳于世杜氏新書曰武字文業關達博通淵雅之士位至清河太守

世說賞譽篇注杜篤新書曰阮武字文業陳留尉氏人父謚侍中陳留志曰武魏末清河太守族子籍年總角未知名武見而偉之以為勝已知人多此類著書十八篇謂之阮子終于家案此稱杜篤新書者似因杜氏新書篤論之譌

唐馬總意林阮子四卷

唐書經籍志阮子正論五卷阮武撰

唐書藝文志阮子政論五卷注云阮咸 咸嘗為武

馬國翰輯本序曰馬總意林載阮子四卷錄存五節而已復搜輯御覽文選注得數節合錄一卷

嚴氏全三國文編曰阮武字文業陳留尉氏人仕至清河太守有正論五卷御覽作政論北堂書鈔文選注御覽引凡六條意林六條未

世要論十二卷魏大司農桓範撰梁有二十卷

魏志曹爽傳正始十年正月車駕朝高平陵爽兄弟皆從司馬宣王部勒兵馬先據武庫出屯洛水浮橋大司農沛國桓範聞兵起矯詔開平昌門拔取劍戟略將門候南奔爽後公卿朝臣廷議以爽與何晏鄧颺張當等謀圖神器範黨同罪人皆為大逆不道于是收爽義訓晏颺謚軌勝範當等皆伏誅夷三族

又傳注魏略範字元則沛國人世為冠族建安末入丞相府延康中為羽林左監明帝時為中領軍尚書征虜將軍東中郎將使持節都督青徐諸軍事免還復為兗州刺史正始中拜大司農範嘗抄撮漢書中諸雜事自以意斟酌之名曰世要論蔣濟為太尉嘗與範會社下羣卿列坐有數人範懷其所撰欲以示濟謂濟當虛心觀之範出其書以示左右左右傳之示濟濟不肯視範心恨之因論他事乃發怒謂濟曰我祖薄德公輩何似耶濟性雖強毅亦知範剛毅脫而不應

唐馬總意林第六卷世要十卷桓範字元則魏大司農

唐書經籍志桓氏代要論十卷桓範撰

唐書藝文志桓氏世要論十二卷注云桓範

嚴氏鐵橋漫槩桓氏世要論序曰各書徵引或稱政要論或稱桓範新書或稱桓範世論或稱桓公世論或稱桓子或稱魏桓範或稱桓範論或稱桓範要集互證之止是一書宋時不著錄羣書治要載有政要論十四篇據各書徵引補改闕誤凡十六篇曰為君難曰臣不易曰治本曰政務曰節欲曰詳刑曰兵要曰擇將曰簡騎曰辨能曰尊嫡曰諫爭曰決壅曰讚象曰銘誅曰序作定著一卷而遺文散段附于後範字士則一作元則以不附

司馬氏夷三族被收時自稱義士其後王浚卬丘儉諸葛誕相繼死難而魏祚移矣魏略言範以此書示蔣濟濟不肯視文人相輕自

古而然距今千六百年佚書復出與濟之萬機論比並有過之無不及又四錄堂類集總目桓範世要論一卷可均輯

馬國翰輯本序曰桓範世要論北堂書鈔初學記文選注太平御覽等書引之輯錄二十五節附考事蹟為一卷案馬氏玉函山房所輯書皆不及見羣書治要故未為詳盡此所輯散文視嚴氏多出十一條然亦在原本十六篇中也

案宋刻全本意林第六卷有世要論四條嚴馬二家皆未及見

梁有陳子要言十四卷吳豫章太守陳融撰亡

吳志陸瑁傳瑁字子璋丞相遜弟也少好學

篤義陳國陳融留濮陽逸沛郡蔣纂廣陵

袁迪等皆單貧有志就瑁游處瑁割少分甘

與同豐約 逸至長沙太守與父也吳志有與傳迪孫

曄撰獻帝春秋見史部古史篇

唐書經籍志陳子要言十四卷陳融撰 藝文

志同

馬國翰輯本序曰融陳國人附見吳志陸瑁

傳僅載里居隋志題吳豫章太守此官爵之

可見者七錄法家載陳子要言十四卷隋志

云亡唐志復著錄今惟太平御覽引二節附

考為卷

案宋刻全本意林引要言一條云食穀而

鄙田衣帛而笑蠶豈不惑耶御覽百穀部

亦引此條作是惑也

梁又有蔡司徒難論五卷晉三公令史黃命撰亡

蔡司徒黃命並始末未詳

案晉書職官志列曹尚書篇漢成帝置三公曹主斷獄唐六典刑部郎中注魏晉宋齊並以三公郎曹掌刑獄此言三公令史者三公曹之令史主刑獄事者也唐六典六部郎中各有令史書令史或數人或十餘人令史猶今稿書書令史猶今清書也又案是書舊新唐志及通志略高似孫子略皆不載諸書亦罕見引述蔡司徒似即蔡謨晉書本傳謨始為司徒左長史康帝即位以左光祿大夫領司徒又遷侍中司徒謨辭不拜穆帝臨軒遣使徵謨使者十餘反不至公卿奏謨悖慢傲上罪同不臣請送廷尉正刑書皇太后詔免為庶人史臣曰蔡謨度德而處弘斯止足實以刑書斯為過矣此豈當時論難斯事者歟史又稱其文筆論議有集行于世豈為所論難刑獄雜事如駁議之類為令史黃命所哀錄阮氏從本集析出者歟

右六部合七十二卷 實在著錄六部附著亡書七部通計一十三部

案七錄序目子兵錄第四曰法部十三種十五帙一百一十八卷本志所載存佚併計亦止于十三部無所增益

隋書經籍志考證卷二十七

子部四

名家

鄧析子一卷析鄭大夫

春秋左氏傳定公九年鄭駟歎殺鄧析而用其竹刑杜預曰鄧析鄭大夫欲改鄭所鑄舊制不受君命而私造刑法書之于竹簡故云竹刑孔穎達曰昭六年子產鑄刑書于鼎今鄧析別造竹刑明是改鄭所鑄舊制若用君命遣造則是國家法制鄧析不得獨專其名知其不受君命而私造刑書書之于竹謂之竹刑駟歎用其刑書則其法可取殺之不為作此書也下云棄其邪可也則鄧析不當私作刑書而殺蓋別有當死之罪駟歎不矜免之耳

列子仲尼篇鄧之圃澤多賢東里多才圃澤有伯豐子者行過東里遇鄧析張湛注曰鄧析鄭國辨智之士執兩可之說而時無抗者作竹書子產用之也 案此則鄧析為鄭之東里人與子產同里非者也

七略別錄臣所校中鄧析書四篇臣敘書一篇案臣敘據崇文總目似臣歎之譌凡中外書五篇以相校除復重為一篇皆定殺青而書可繕寫也鄧析者鄭人也好刑名操兩可之說設無窮之辭當子產之世數難子產之治記或云子產起而戮之于春秋左氏傳昭公二十年而子產卒子太叔嗣為政定公八年太叔卒駟歎嗣為政明年乃殺鄧析而用其竹刑

君子謂子然于是乎不忠苟有可以加于國家棄其邪可也靜女之三章取彤管焉竿旄何以告之取其忠也故用其道不棄其人詩之蔽芾甘棠勿剪勿伐召伯所茇思其人猶愛其樹也況用其道不恤其人乎子然無以勸能矣以上皆引左傳文 竹刑簡法也久遠世無其書子產卒後二十年而鄧析死傳說或稱子產誅鄧析非也其論無厚者言之異同與公孫龍同類謹第上案此言記或云又言傳說者列子力命呂覽離謂及孫卿書皆有子產殺鄧析之言故引左傳以明之 嚴氏全漢文編附記曰案此敘意林荀子楊倞注高似孫子略皆作劉向或據書錄解題改屬劉歆檢書錄解題無此說宗案此查據通考所引崇文總目之言耳然崇文此條有謬誤其稱劉歆或因上文而率意牽連也不足為據

漢書藝文志鄧析二篇鄭人與子產並時師古曰列子及孫卿並云子產殺鄧析據左傳昭公二十年子產卒定公九年駟歎殺鄧析而用其竹刑則非子產所殺也 唐馬總意林鄧析子一卷二篇劉向云非子產殺鄧析推春秋驗之 唐日本國見在書目鄧析子一卷鄭大夫鄧析撰

唐書經籍志鄧析子一卷鄧析撰藝文志同 宋史藝文志鄧析子二卷鄭人 崇文總目鄧析子一卷戰國時人 案此說甚謬 漢志二篇初析著書四篇劉歆有目一篇凡五案有自當是自有之誤歎復校為二篇案此稱歎

復校蓋本上文漢志以漢志本劉歆七略也又豈以別錄引左氏傳遂斷以為歆歟然其前無是說殆不可信

晁氏讀書志鄧析子二卷二篇文字訛缺或以繩為繩以巧為功頗為是正其謬左傳曰

駟獸殺析而用其竹刑班固錄析書于名家之首則析之學蓋兼名法家也今其書大旨

許而刻真其言也無可疑者而其間時勦取他書頗駁雜不倫豈後人附益之歟

王氏漢書藝文志考證今無厚轉辭二篇韓非子曰堅白無厚之辭章而憲分之法息淮

南鴻烈曰鄧析巧辨而亂法荀子非十二子與惠施並言

四庫法家提要曰漢志二篇今本仍分無厚轉辭二篇而併為一卷然其文節次不相屬

似亦掇拾之本也其言有同于申韓亦同于黃老其大旨主于勢統于尊事覈于實于法

家為近故竹刑為鄭所用也至于聖人不死大盜不止一條其文與莊子同析遠在莊子

以前不應預有勦說而莊子所載又不云鄧析之言或篇章殘闕後人據莊子以足之歟

嚴氏鐵橋漫稿鄧析子校本敘曰先秦古書佚失者多鄧析幸而廬存即言不盡醇要各

有所見自成一家左氏好惡合于聖人而于鄧析比之靜女彤管召伯甘棠或非過譽流

傳久遠轉寫多訛因據各書引見改補五十餘事疑者闕之舊三十二章今合并為三十

一章節次或不相屬而詞指完具各書徵引匙出此外唯御覽八十苻子引鄧析言曰古

詩云堯舜至聖身如脯腊桀紂無道肌膚二尺今本無之當是佚脫或如呂氏春秋淮南所載元不在二篇中亦未可知也

尹文子二卷尹文周之處士遊齊稷下

莊子天下篇不累于俗不飾于物不苟于人

不伎于衆願天下之安寧以活民命人我之

養畢足而止以此白心古之道術有在于是

者宋鉞尹文聞其風而悅之作爲華山之冠

以自表崔譔曰尹文齊宣王時人著書一篇

華山上下均平作冠象之表己心均平也案

宋鉞即孟子宋經有宋子十八篇見漢志小說家

世本氏姓篇尹文氏齊有尹文子著書五篇

武威張樹勳注曰澗案高誘呂氏春秋正名

篇注尹文齊人作名書一篇在公孫龍前公

孫龍稱之

劉向別錄曰尹文子與宋鉞俱游稷下 又曰其學本于黃老大較刑名家也 案此條見仲長氏序諸家輯別錄本末宋漢書藝文志尹文子一篇說齊宣王先公孫龍

下之安寧以活于民命人我之養畢足而止以此白心見侮不辱此其道也而劉向亦以其學本于黃老大較刑名家也近為誣矣余

黃初未始到京師繆熙伯以此書見示意甚玩之而多脫誤聊試條次撰定爲上下篇亦未能究其詳也案此以莊子之說駁劉向入刑名家

爲非其意蓋以爲墨氏之學也

唐馬總意林尹文子二卷序云文子出于周之尹氏齊宣王時居稷下余黃初未始到京

師繆熙伯以此書見示聊定之注云此仲長統序文永樂大典本校輯曰案統卒于漢獻

帝延康元年安得于魏黃初未定此書恐序出僞託案玉海但云山陽仲長氏李淑鄆書目始云

仲長統此或宋元安改非馬總本文 又今本意林有劉歆注三字宋本無之

文心雕龍諸子篇情辨以澤文子擅其能辭約而精尹文得其要

唐書經籍志尹文子二卷尹文子撰 藝文志一卷

宋史藝文志尹文子一卷齊人

晁氏讀書志仲長氏所定尹文子序稱文子當齊宣王時居稷下學于公孫龍而漢志敘

此書在龍書上顏師古謂文嘗說齊宣王在龍之前案此班氏注非顏說 史記云公孫龍客

于平原君君相趙惠文王惠文王元年齊宣王沒已四十餘歲矣則知文非學于龍者也李獻臣云仲長氏統也熙伯繆襲字也陳氏書錄解題今本稱仲長氏撰定魏黃初

未得于繆熙伯又言與宋鉞田駢同學于公孫龍則不然也龍書稱尹文乃借文對齊宣王語以難孔穿其人當在龍先班志言之是矣

玉海藝文諸子篇中與書目尹文子二卷齊人劉向以其學本于黃老居樓下與宋鉞彭蒙田駢等同學于公孫龍魏黃初末山陽仲長氏得其書始詮次爲上下二篇

又漢志考證曰李獻臣云仲長氏卽統也洪氏曰劉歆云其學本于黃老今其文僅五千言亦非純本黃老者頗流而入于兼愛

四庫雜家提要曰前有魏黃初末山陽仲長氏序稱條次撰定爲上下篇此本亦題大道上篇大道下篇與序相符而通爲一卷蓋後人所合併也莊子天下篇以尹文田駢並稱

顏師古注漢書謂齊宣王時人考劉向說苑載文與宣王問答顏蓋據此 講案此用晁氏說亦以爲顏注非也 然呂氏春秋又載其與潛王問答事殆宣王稷下舊人至潛王時猶在歟

其書本名家者流大旨指陳治道欲自處于虛靜而萬事萬物則一一綜覈其實故其言出入于黃老申韓之間周氏涉筆謂其自道以至名自名以至法蓋得其實

張氏書目答問尹文子一卷附校勘記佚文守山閣本又湖海樓本又金壺本

士操一卷魏文帝撰

魏文帝有列異傳見史部雜傳家
唐書經籍志士操一卷魏文帝撰

唐書藝文志魏文帝士操一卷

案魏武諱操文帝安得以操名書此必士品之誤魏文有海內士品一卷見史部雜傳類而卽其書實重復也

梁有刑聲論一卷亡

不著撰人

案刑聲二字莫詳其義且列之名家更不解其何謂魏志劉廙傳云廙與丁儀共論刑禮傳于世吳志陸遜傳權徵遜輔太子南陽謝景善劉廙先刑後禮之論遜呵景曰禮之長于刑久矣廙以細辨而詭先聖之教皆非也君今侍東宮宜遵仁義以彰德音若彼之談不須講也此刑聲論或刑禮論之誤歟

人物志三卷劉邵撰

劉邵或作劉邵又作劉劭有孝經注見經部魏志本傳凡所撰述法論人物志之類百餘篇

魏書劉炳傳炳注周易韓子人物志黃石公三略並行于世

史通自序篇曰五常異稟百行殊軌能有兼偏知有長短苟隨才而任使則片善不遺必求備而後用則舉世莫可故劉邵人物志生焉

唐書經籍志人物志三卷劉邵撰又三卷劉邵撰劉炳注

唐書藝文志劉邵人物志三卷劉炳注人物志三卷

宋史藝文志卽郡人物志二卷 卽郡二卷並寫刊之誤

晁氏袁本讀書志人物志三卷魏劉劭撰凡一十二篇僞涼劉炳注以人物情性志氣不同當審察材理各等列云

又衢本讀書志曰劭以人之材器志尙不同當以九徵八觀審察而任使之凡十二篇通考引作十六非也 劭邳慮所薦慮譖殺孔融者不知在劭書爲何等而劭受其知也

陳氏書錄解題人物志三卷魏散騎常侍鄆郡劉劭孔才撰梁儒林祭酒燉煌劉炳注梁史無劉炳中與書目云爾晁氏云僞涼人案中與書目所見本蓋以涼誤爲梁耳

四庫雜家提要曰劭書凡十二篇首尾完具其書主于論辨人才以外見之符驗內藏之器分別流品研析疑似故隋志以下皆著錄于名家然所言究悉物情而精覈近理視尹文之說兼陳黃老申韓公孫龍之說惟析堅白同異者迥乎不同蓋其學雖近乎名家其理則弗乖于儒者也炳注不涉訓詁惟疏通大意而文詞簡古猶有魏晉之遺

梁有士緯新書十卷姚信撰亡

姚信有周易注見經部易家

唐書經籍志士緯十卷姚信撰

唐書藝文志姚信士緯十卷

馬國翰輯本序曰士緯新書十卷吳姚信撰今佚從意林藝文類聚初學記太平御覽諸書輯錄如以吳季札讓國爲開篡殺之路非

所謂從忠教也謂揚雄智似蘧瑗而高不及謂周勃之動不如霍光說皆嚴確書中推尊孟子亦識仁義為中正之途而其論清高之士則以老莊為上君子貢為下疑非其倫此其所以不能醇乎儒術乎

案姚氏仕吳嘗為選部尚書故有此論士之作通志藝文略云士緯新書十卷姚信撰梁人蓋以本志注梁有遂以為梁人也

梁又有姚氏新書二卷與士緯相似亡

案此殆是十卷之外所遺後人錄附本書者

梁又有九州人士論一卷魏司空盧毓撰亡

魏志本傳毓字子家涿郡涿人也父植有名于世續漢書曰植有四子毓最小子毓十歲而孤以學行見稱文帝為五官將召署門下賊曹崔琰舉為冀州主簿丞相法曹議令史轉西曹議令史魏國既建為吏部郎累遷青龍中詔由侍中為吏部尚書使毓自選代曰得如卿者乃可毓舉常侍鄭冲帝曰文和吾自知之更舉吾所未聞者乃舉阮武孫邕帝于是用邕前此諸葛誕鄧颺等馳名譽有四窻八達之請帝疾之時舉中書郎詔曰得其人與否在盧生耳選舉莫取有名如畫地作餅不可啖也毓對曰名不足以致異人而可以得常士常士畏教慕善然後有名非所當疾也愚臣既不足以識異人又主者正以循名案常為職但當有以驗其後會司徒缺毓舉處

士嘗寧帝不能用更問其次毓對曰敦篤至行則太中大夫韓暨亮直清方則司隸校尉崔林貞固純粹則太常常林帝乃用暨毓于

人及選舉先舉性行而後言才黃門李豐嘗以問毓毓曰才所以為善也故大才成小善小才成小善今稱之有而不能為善是不中器也豐等服其言齊王時曹爽秉權以侍中何晏代之爽等見收太傅司馬宣王使毓行司隸校尉治其獄復為吏部尚書轉為僕射故典選舉正元三年疾病遜位遷為司空累進爵封容城侯甘露二年薨諡曰成侯唐書經籍志九州人士論一卷盧毓撰唐書藝文志盧毓九州人士論一卷

梁又有通古人論一卷亡

不著撰人 案左定五年傳正義引張奐古今人論云云疑即是書矣東漢人有集見集部

右四部合七卷 實在著錄者四部附著亡書五部通計九部

案七錄序目子兵錄第五曰名部九種九帙二十三卷本志所載存佚併計亦止于九部無所增益與前法家類相同也

隋書經籍志考證卷二十八

子部五

墨家

墨子十五卷目一卷宋大夫墨翟撰

呂氏春秋當染篇魯惠公使宰讓請郊廟之禮于天子桓王使史角往惠公止之其後在于魯墨子學焉高誘注曰惠公魯孝公之子隱公之父墨子名翟魯人作書七十一篇以墨道開之 錢塘梁玉繩呂子校補曰桓王當作平王惠公卒于平王四十八年與桓王不相接竹書紀年請禮在平王四十二年 以上言墨學之初始如此

史記太史公自序談為太史公仕于建元元封之間啟學者之不達其意而師悖乃論六家之要指曰夫陰陽儒墨名法道德此務為治者也直所從言之異路有省不省耳墨者儉而難遵是以其事不可徧循然其疆本節用不可廢也又曰墨者亦尚堯舜道言其德行曰堂高三尺土階三等茅茨不剪采椽不刮食土簋啜土刑糲梁之食藜藿之羹夏日葛衣冬日鹿裘其送死桐棺三寸舉音不盡其哀教喪禮必以此為萬民之率使天下法若此則尊卑無別也夫世異時移事業不必同故曰儉而難遵要曰疆本節用則人給家足之道也此墨子之所長雖百家弗能廢也又孟荀列傳曰蓋墨翟宋之大夫善守禦為節用或曰並孔子時或曰在其後索隱曰案別錄云墨子書有文子文子夏之弟子問于墨子如此則墨子者在七十子後也 范書

張衡傳注衡集云公輸班與墨翟並當子思時出仲尼後漢書藝文志墨子七十一篇名翟爲宋大夫

在孔子後又曰墨家者流蓋出于清廟之守茅屋采椽是以貴儉養三老五更是以兼愛選士大射是以上賢宗祀嚴父是以右鬼順四時而行是以非命以孝視天下是以上同此其所長也及蔽者爲之見儉之利因以非禮推兼愛之意而不知別親疏又兵技巧家注曰省墨子

本志篇敘曰墨者強本節用之術也上述堯舜夏禹之行茅茨不剪糲梁之食桐棺三寸貴儉兼愛嚴父上德以孝示天下右鬼神而非命漢書以爲本出清廟之守然則周官宗伯掌建邦之天神地祇人鬼肆師掌立國祀及兆中廟中之禁令是其職也愚者爲之則守于節儉不達時變推心兼愛而混于親疏也以上史漢隋三史言墨學之大略如此

韓非子顯學篇世之顯學儒墨也墨之所至墨翟也自墨子之死也有相里氏之墨有相夫氏之墨有鄧陵氏之墨故墨之後墨離爲三取舍相反不同而皆自謂真墨墨不可復生將誰使定後世之學乎陶淵明集載三墨曰不累于俗不餽于物不尊于名不伎于衆此宋劔尹文之墨裘褐爲衣跣躡爲服日夜不休以自苦爲極者相里勤五侯子之墨俱誦經而背誦不同相爲別墨以堅曰此苦獲己齒鄧陵子之墨以上言墨學流裔如此

唐書經籍志墨子十五卷墨翟撰藝文志同宋史志亦同通志藝文略墨子十五卷宋大夫墨翟撰又三卷樂臺注唐志不載當考案樂臺當爲樂臺案宋明相傳有三卷十三篇者或舊爲樂臺注本未可知也

晁氏讀書志墨子十五卷宋墨翟撰戰國時爲宋大夫著書七十一篇以貴儉兼愛尊賢右鬼非命尙同爲說云荀孟皆非之而韓愈獨謂辨生于末學非二師之道本然也陳氏書錄解題墨子三卷宋大夫墨翟撰孟子所謂邪說誠行與楊朱同科者也韓吏部推尊孟氏而讀墨一章乃謂孔墨相爲用何哉漢志七十一篇館閣書目有十五卷六十一篇者多訛脫不相聯屬又二本止存十三篇者當是此本也

明宋濂諸子辨墨子三卷上卷親士修身所染法儀七患辭過三辨七篇號曰經中卷尙賢三篇下卷尙同三卷皆號曰論共十三篇四庫雜家提要曰墨子十五卷舊題宋墨翟撰然其書中多稱子墨子則門人之言非所自著又諸書多稱墨子名翟因樹屋書影則曰墨子姓翟母夢烏而生因名之曰烏以墨爲道今以姓爲名以墨爲姓是老子當姓老耶其說不著所出未足爲據也墨家者流史罕著錄蓋以孟子所闢無人肯居其然佛氏之教其清淨取諸老其慈悲則取諸墨韓愈送浮屠文暢序稱儒名墨行墨名儒行以

佛爲墨蓋得其真而讀墨子一篇乃稱墨必用孔孔必用墨開後人三教歸一之說未爲篤論特在彼法之中能自奮其身而時時利濟于物亦有足以自立者故其教得列于九流而其書亦至今不泯耳第五十二篇以下皆兵家言其文古奧或不可句讀與全書爲不類疑因五十一篇言公輸般九攻墨子九拒之事其徒因采摭其術附記其末觀其稱弟子禽滑釐等三百人已持守固之器在宋城上是能傳其術之徵矣淮南泰族篇云墨子服役者百八十人皆可使赴火蹈刃死不還踵化之所致也又簡明目錄曰其書歷代著錄列爲九流之一觀其近理亂真之處然後知儒墨異同之所以然則亦不必廢觀也

鎮洋畢沅校注序曰墨子七十一篇隋以來爲十五卷目一卷宋亡八篇爲六十三篇後又亡十篇爲五十三篇即今本也四庫館本亦同世之譏墨子以其節葬非儒說墨者既以節葬爲夏法非儒則由墨氏弟子尊其師之過其稱孔子諱及諸毀詞是非翟之言也案他篇亦稱孔子亦稱仲尼又以爲孔子言亦當而不可易是翟未嘗非孔子孟子距楊墨蓋必當時爲墨學者流爲橫議或類非儒篇所說孟子始嫉之故韓愈云辨生于末學各務售其師之說非二師之道本然其知此也今惟親士修身及經上經下疑翟自著餘篇稱子墨子耕柱篇并稱子禽子則是門人小子記錄所聞且其魯問篇曰凡入國必擇務

二十五史補編 隋書經籍志考證

而從事焉國家昏亂則語之尚賢尚同國家貧則語之節用節葬國家烹音湛澗則語之非樂非命國家淫僻無禮則語之尊天事鬼國家務奪侵凌則語之兼愛是亦通達經權不可嘗議又其備城門諸篇皆古兵家言有實用焉又司馬遷班固以為翟宋大夫葛洪以為宋人者以公輸篇有為宋守之事高誘注呂氏春秋以為魯人則是楚魯陽漢南陽縣在魯山之陽本書多有魯陽文君問答又亟稱楚四竟非魯衛之魯不可不察也先秦之書字少假借後乃偏旁相益若本書四竟之字作竟之類實足以證聲音文字訓詁之學

陽湖孫星衍後序曰墨子與孔異者其學出于夏禮司馬遷班固皆不知墨學之所出淮南王知之其作要略訓云墨子學儒者之業受孔子之術以為其禮煩擾而不說厚靡靡財而貧民服傷生而害事故背周道而用夏政其識過于遷固古人不虛作諸子之教或本夏或本殷故韓非著書亦載棄灰之法墨子有節用節用禹之教也又有明鬼是致孝鬼神之義兼愛是盡力溝洫之義其節葬亦禹法也尸子稱禹之喪法死于陵者葬于陵死于澤者葬于澤桐棺三寸制喪三月高誘注淮南子齊俗云三月之服是夏后氏之禮孔子生于周故尊周禮而不用夏制孟子亦周人而宗孔故于墨非之勢則然矣若覽其文亦辨士也親士修身經上經下及說凡六

篇皆翟自著經上下略似爾雅釋詁文而不解其意指備城門諸篇具古兵家言惜其脫誤難讀而弁山先生于此書悉能引据傳注類書匡正其失又其古字古言通以聲音訓故之原豁然解釋時則有盧學士抱經翁洗馬覃谿及星衍三人者不謀同時共為其學皆折衷于先生云

隨巢子一卷巢似墨翟弟子

漢書藝文志隨巢子六篇墨翟弟子又古今人表第四等隨巢子梁玉繩考曰隨巢子惟見本書藝文志墨家隨巢當是氏或謂氏隨名巢無據案本志注云巢似墨翟弟子則氏隨名巢然亦不知何所據也

文心雕龍諸子篇墨翟隨巢意顯而語質史記太史公自序正義曰韋云墨翟之術尚儉後有隨巢子傳其術也

唐書藝文志隨巢子一卷

宋鄧名世古今姓氏書辨證隨巢氏漢藝文志有隨巢子六篇注云墨翟弟子謹案姓書未有此氏而當時有胡非子隨巢子皆師墨氏則隨巢合為人氏

馬國翰輯本序曰漢志墨家有隨巢子六篇隋唐志皆以一卷著錄今佚意林引其二節又從諸書所引輯十三節以類編次多言災祥禍福其論鬼神之能亦即中庸體物而不可遺之意而謂鬼神賢于聖人過為奇語醇駁分焉已

胡非子一卷非似墨翟弟子

漢書藝文志胡非子三篇墨翟弟子又古今人表第四等胡非子梁玉繩曰胡非子惟見本書藝文志墨家胡非復姓廣韻注云胡公之後有公子非因為氏則胡非子齊人也

應劭風俗通姓氏篇胡非氏胡公之後有公子非其後子孫因以胡非為氏戰國有胡非子著書張澍輯注曰胡非子墨翟弟子藝文志有胡非子三篇

唐書藝文志胡非子一卷胡非子撰

唐書藝文志胡非子一卷

馬國翰輯本序曰漢志墨家胡非子三篇隋唐志皆著錄一卷今佚馬總意林亦載一卷而止引其說五勇一篇文句多敝略校太平御覽所引補足又搜輯三節合為卷五勇與莊子相出入說弓矢亦本韓非子矛盾之喻戰國文字相襲往往而然也案韓非子在戰國之末于戰國諸子中為最後胡非子為墨翟弟子則遠在其前當是韓非聽胡非也

梁有田休子一卷田休當為田儀

呂氏春秋首時篇墨者有田鳩欲見秦惠王留秦三年而弗得見客有言于楚王者往見楚王楚王說之與將軍之節以如秦至因見惠王高誘曰田鳩齊人學墨子術惠王孝公之子嗣也亦見淮南子漢應篇

漢書藝文志田休子三篇先韓子蘇林曰休音仇又古今人表第四等田休子梁玉繩曰田儀

子惟見本書藝文志墨家呂覽首時言墨者田鳩見秦惠王注田鳩齊人韓子外儲說左上及問田篇亦稱之鳩佚音近疑爲一人馬國翰輯本序曰漢志墨家田佚子三篇隋志云梁有田佚子一卷唐志不著錄佚已久案韓非子引田鳩說二節家宛斯先生釋史云田鳩卽田佚呂氏春秋亦引墨者田鳩事合以藝文類聚白六帖文選注御覽所引輯得八節

右三部合一十七卷實在著錄三部附著亡書一部通計四部

案七錄序目子兵錄第六曰墨部四種四帙一十九卷本志存佚併計亦四部無所增益與法名家同

隋書經籍志考證卷二十九

子部六

從橫家

鬼谷子三卷皇甫謐注鬼谷子周世隱于鬼谷

史記蘇秦列傳蘇秦者東周雒陽人也東事師于齊而習之于鬼谷先生集解徐廣曰潁川陽城有鬼谷蓋是其人所居因爲號颯案風俗通義曰鬼谷先生六國時從橫家索隱曰鬼谷地名也扶風池陽潁川陽城並有鬼谷墟蓋是其所居因爲號又樂臺注鬼谷子書云蘇秦欲神祕其道故假名鬼谷又張儀列傳張儀者魏人也始嘗與蘇秦俱事鬼谷先生

藝文類聚隱逸篇袁淑真隱傳曰鬼谷先生不知何許人也隱居韜志居鬼谷山因爲稱蘇秦張儀師之遂立功名先生遺書責之史記蘇秦列傳集解颯案戰國策曰乃發書陳篋數十得太公陰符之謀伏而讀之簡練以爲揣摩期年揣摩成鬼谷子有揣摩篇也索隱曰王劭云揣摩摩意是鬼谷之二章名非爲一篇也高誘曰揣定也摩合也定諸侯使讎其術以成六國之從也江邃曰揣人主之情摩而近之其意當矣案今本鬼谷子中卷揣摩第七摩篇第八

唐書經籍志鬼谷子二卷蘇秦撰又三卷尹知章注

唐書藝文志鬼谷子二卷注云蘇秦尹知章注鬼谷子三卷

宋史藝文志鬼谷子三卷

冊府元龜學校部注釋類皇甫謐累徵不起注鬼谷子三卷皇甫謐有帝王世紀見史部雜史類晁氏讀書志鬼谷子三卷鬼谷先生撰長于養生治身蘇秦張儀師之敍謂此書卽授之二子者言掉闔之術凡十三章本經持樞中經三篇梁陶弘景注隋志以爲蘇秦書唐志以爲尹知章注案此稱隋志似誤未知孰是陸龜蒙詩謂鬼谷先生名詞通考引作訓不詳所從出

陳氏書錄解題鬼谷子三卷戰國時蘇秦張儀所師事者號鬼谷先生名氏不傳于世此書漢志亦無有隋唐志始見之唐志則直以爲蘇秦撰不可考也隋志有皇甫謐注今本稱陶弘景注

王氏漢書藝文志考證從橫家蘇子三十二篇鬼谷子三卷樂壹注云蘇秦欲神祕其道故假名鬼谷也史記正義戰國策云得太公陰符之謀簡練以爲揣摩鬼谷子有陰符七術有揣及摩二篇乃蘇秦書明矣

又曰鬼谷子不著錄尹知章序謂此書卽授秦儀者掉闔之術十三章一云二十二章本經持樞中經三篇一云受轉丸法三章秦儀復往見先生乃正席而坐嚴顏而言告二子以全身之道劉氏涇曰老之翕張儒之闔關其與鬼谷往來如環鬼幽而顯者也谷抑而應者也藏幽顯一扣一應信如其名哉說苑引鬼谷子曰人之不善而能矯之者難矣案見說

苑善說篇

玉海藝文諸子類史記正義鬼谷名在雒州陽城縣北五里七錄有蘇秦書樂壹注云秦欲神祕其道故假名鬼谷也鬼谷子三卷有陰符七術有揣及摩二篇戰國策云得太公陰符之謀伏而誦之簡練以為揣摩期年揣摩成案鬼谷子乃蘇秦書明矣

又曰中興書目三卷周時高士無鄉里族姓名字以其所隱自號鬼谷先生蘇秦張儀事之授以捭闔下至符言等十有二篇及轉圓本經持樞中經等篇亦以告儀秦者也一本始末皆陶弘景注一本捭闔反應內捷抵巇四篇不詳何人訓釋中下二卷與弘景所注同 案中興書目所載有陶注中下二卷本唐志亦二卷知七錄亦有二卷本也中興目又有失名注上卷四篇本合為一編

四庫雜家提要曰胡應麟筆叢謂漢志有蘇秦三十一篇張儀十篇必東漢人本二書之言蒼粹為此而託于鬼谷若子虛亡是之屬其言頗為近理然亦終無確證隋志稱皇甫謐注則為魏晉以來書固無疑耳說苑引鬼谷子一語今本不載疑非其舊然今本一卷已佚其轉丸肘篋二篇惟存捭闔至符言十二篇劉向所引或在佚篇之內不足以致疑也高似孫子略稱其一闕一闕為易之神一翕一張為老氏之術出于戰國諸人之表誠為過當宋濂潛溪集詆為蛇鼠之智又謂其文淺近不類戰國時人又抑之太甚柳宗元

辨鬼谷子以為言益奇而道益隘差得其真蓋其術雖不足道其文之奇變詭偉要非後世所能為也

又簡明目錄鬼谷子一卷舊本題鬼谷子撰唐志則以為蘇秦撰莫能詳也其書為縱橫家之祖原本十四篇今佚其二舊有樂壹等四家注今並不傳

張氏書目答問鬼谷子陶宏景注一卷秦恩復校刻兩本案一本三卷十四篇附篇目考

案晁志引陸魯望詩謂鬼谷先生名淵通

考又引作訓道藏目錄云鬼谷子姓王名謂始即訓與訓之傳寫不一者 晉平公時人并謂受道于老君宋人偽子華子又謂鬼谷子姓劉名務滋楚人宋潛溪諸子辨云鬼

谷子一名玄微子皆不知其何所據其書實蘇子之遺樂壹之言唐志之載徵實可信特未必漢志三十一篇之舊耳王氏漢

志考既已證明為蘇秦書玉海諸子篇亦具言之其識卓矣而于漢志考證中又別

出不著錄之鬼谷子一條以自污其書是亦不可以已乎

梁有補闕子十卷元帝撰亡

梁元帝有漢書注見史部正史類

梁書南史本紀所著補闕子十卷

金樓子著書篇補闕子一秩十卷金樓為序

付鮑泉東里撰 鮑泉有六經通數詳見經部論語篇 後五經總義類

唐書經籍志補闕子十卷梁元帝撰

唐書藝文志梁元帝補闕子十卷 嚴氏鐵橋漫齋闕子輯本序曰漢志從橫家闕子一篇隋志梁有補闕子十卷元帝撰亡舊新唐志著于錄今散見各書所引皆稱闕子不稱補闕子非梁補也

馬氏玉函山房闕子輯本序曰漢志縱橫十家有關子一篇隋志云梁有補闕子十卷元帝撰亡蓋梁時闕子書已不傳故元帝補之隋時未見其書至唐初蒐得而著于目今併佚矣

梁有湘東鴻烈十卷元帝撰亡

金樓子立言篇裴幾原問曰西伯拘而闢易仲尼厄而作春秋孫子之遇龐涓韓非之值秦后虞卿窮愁不韋遷蜀士羸疾行夷齊齊隱皆心有不悅爾乃著書夫子實尊千乘襄帷萬里地得周旦聲齊燕爽豪匹四君威同五伯玳簪之客雁行接踵珠劍之賓肩隨鱗次下帷著書其義何也殊為抵牾良用于邑子答曰吾于天下亦不賤也所以一沐三握髮一食再吐哺何者正以名節未樹也吾嘗欲稜威瀚海絕幕居延出萬死而不顧必令威振諸夏然後度聊城而長望向陽關而凱入盡忠盡力以報國家此吾之上願焉次則清酒一壺彈琴一曲有志不遂命也如何脫略刑名蕭散懷抱而未為也但性過抑揚恆欲權衡稱物所以隆暑不辭熱凝冬不憚寒著鴻烈者蓋為此也又問之曰子何不詢之有識其著此書曷為區區自勤如此子答

曰夫荷旃被毳者難與道純綿之緻密羹藜含糗者不足論太宰之滋味故服絺絺之涼者不苦盛暑之鬱煩襲貂狐之煖者不知至寒之淒愴予之術業豈賓客之能闕斯蓋以莛撞鐘以蠡測海也予嘗切齒淮南不韋之書謂爲賓遊所製每至著述之間不令賓客閱之也裴幾原子野之字即撰宋略者

案此一編似卽湘東鴻烈之序文淮南內篇號曰鴻烈意蓋仿其名稱以此爲內篇歟而自爲著述不令賓客參預則謂異于淮南也稱湘東則在未卽位之前此與補闕子兩書雖曰梁有而皆非七錄所載詳見篇末

其列于縱橫家者豈其文辨仿戰國策士之所爲亦略如補闕子者歟諸書罕見引述莫得而詳金樓子著書篇未見記錄則殘缺之餘不免遺漏也

鬼谷子三卷樂一注一當爲壹或作樂樂字之誤也又一本作樂注致壹字

鬼谷子見前樂壹始末未詳

史記蘇秦列傳索隱曰樂臺注鬼谷子書云蘇秦欲神祕其道故假名鬼谷

唐馬總意林鬼谷子五卷樂氏注名壹總案其序云周時有豪士隱者居鬼谷自號鬼谷先生無鄉里族姓名字又注云此蘇秦作書記之也鬼之言遠猶司馬相如假無是公云爾案一本無注文此所注似非馬總本文 五卷似三卷之誤

唐書經籍志鬼谷子又三卷樂臺注

唐書藝文志樂臺注鬼谷子三卷 玉海引唐志作樂壹

宋高似孫子略鬼谷子注其書者樂臺皇甫謐陶弘景尹知章知章唐人

玉海藝文諸子篇唐志縱橫家鬼谷子樂壹注三卷隋志云樂一

又曰史記正義七錄有蘇秦書樂壹注云秦

欲神祕其道故假名鬼谷也鬼谷子三卷樂壹注字正魯郡人案此皆正義引七錄文也今本史記蘇張列傳皆不見似所據爲正義單行本歟案兩漢唯

有魯國至晉始有魯郡是樂壹大抵晉人

四庫雜家簡明目錄曰鬼谷子舊有樂壹等

四家注今並不傳

右二部合六卷實在著錄二部附著亡書二部通計四部

案七錄序目子兵錄第七曰縱橫部二種

二帙五卷本志存佚并計四部增入二部

又案七錄序目載此類止二種五卷二種

者蓋卽鬼谷子書二部耳其一部二卷無

上卷四篇南宋時猶存中與書目言之已

詳見前 又一部三卷卽樂壹注本史記正

義引七錄亦載之甚悉亦見前 是爲五卷

又玉海引史記正義云七錄有蘇秦書知

一本二卷者七錄題蘇秦書也唐志二卷

題蘇秦本此正義全引七錄此兩條文故

尋釋可見由是知本志所注梁有補闕子

湘東鴻烈各十卷皆不在七錄之內是必

從梁代別家書目采入然後知本志注梁有云云者不盡是七錄一書亦有在七錄

之外者非詳加考索不能知也

又案醫家本草類中附注梁有亡書十餘種而陶隱居本草前後兩見寒食散類中梁有徐叔嚮之書亦前後兩見所據非七錄一書尤信又別集類宋王韶之集總集類王僧綽頌集木連理頌亦皆然並足與此相證明也

隋書經籍志考證卷三十

子部七

雜家類中分類凡四

尉繚子五卷梁并錄六卷尉繚梁惠王時人

劉向別錄曰繚為商君學又一引云為南君學

漢書藝文志尉繚二十九篇六國時又兵形

勢家尉繚三十一篇

唐書經籍志尉繚子六卷尉繚子撰

唐書藝文志尉繚子六卷

王氏漢書藝文志考證曰雜家尉繚二十九

篇兵形勢又有尉繚三十一篇隋志尉繚子

五卷今本首篇稱梁惠王問意者魏人歟秦

始皇紀大梁人尉繚來說秦王

四庫兵家提要曰其人當六國時不知其本

末或曰魏人以天官篇有梁惠王問知之或

又曰齊人鬼谷子之弟子劉向別錄又云繚

為南君學未詳孰是也漢志雜家有尉繚二

十九篇隋志作五卷唐志作六卷亦並入于

雜家又兵形勢家別有尉繚三十一篇今雜

家之尉繚亡而兵家獨傳云

錢塘梁玉繩警記曰諸子中有尉繚子疑即

尸子所謂料子貴別者也漢志雜家尉繚二

十九篇先尸子兵家尉繚三十一篇先魏公

子蓋兩人皆尸佼所稱非為始皇國尉者

案秦始皇本紀十年大梁人尉繚來說秦

王曰以秦之彊諸侯譬如郡縣之君臣但

恐諸侯合從翕而出不意此乃智伯夫差

湣王之所以亡也願大王毋愛財物賂其

豪臣以亂其謀不過亡三十萬金則諸侯

可盡秦王從其計見尉繚充禮衣服食飲

與繚同繚曰秦王為人蜂準長目鷲鳥膺

豺聲少恩而虎狼心居約易出人下得志

亦輕食人我布衣然見我常身自下我誠

使秦王得志于天下天下皆為虜矣不可

與久游乃亡去秦王覺固止以為秦國尉

卒用其計策而李斯用事正義曰秦國尉

若漢太尉大將軍之比也此尉繚在六國

之末梁氏以漢志雜家兵家所載敘次並

在其前以為別是一人別詳見于兵家

尸子二十卷目一卷梁十九卷秦相衛鞅上客尸

佼撰其九篇亡魏黃初中續

史記孟子荀卿列傳趙有公孫龍劇子魏有

李悝楚有尸子長盧阿之吁子焉自孟子至

于吁子世多有其書故不論其傳云

劉向別錄曰太史公曰楚有尸子疑謂其在

蜀今案尸子書晉人也名佼秦相衛鞅客也

衛鞅商君謀事畫計立法理民未嘗不與佼

規也商君被刑佼恐并誅乃亡逃入蜀自為

造此二十篇凡六萬餘言卒因葬蜀

漢書藝文志尸子二十篇名佼魯人秦相商

君師之鞅死逃入蜀

又古今人表第五等尸子錢塘梁玉繩考曰

尸子始見穀梁隱五名佼商君師之鞅死逃

入蜀卒因葬蜀案史記集解引劉向別錄云

佼晉人後書呂強傳注同當是也乃史作楚

人藝文志作魯人蓋因其逃亡在蜀魯後屬

楚故耳

後漢書宦者呂強傳注尸子晉人也名佼作

書二十篇十九篇陳道德仁義之紀一篇言

九州險阻水泉所起也

唐書經籍志尸子二十卷尸佼撰藝文志謂

宋史藝文志儒家人子一卷尸佼撰

王氏漢藝文志考證李淑書目存四卷館閣

書目止存二篇合為一卷爾雅疏引廣澤仁

意綽子篇穀梁傳引尸子宋書禮志引尸子

陽湖孫星衍輯本序曰尸子著書于周末凡

二十篇藝文志列之雜家後亡九篇魏黃初

中續之至南宋而全書散佚章孝廉宗源刺

取書傳輯成此帙寄予補訂後歸家郎中馮

翼所越數年莊進士述祖以惠氏棟輯本見

詒許民部宗彥又得羣書治要錄十三篇寄

余及余閱書傳亦頗有舊編遺漏者因屬洪

明經頤煊重編為二卷再刊于濟南篇目曰

勸學曰貴言曰四儀曰明堂曰分曰發蒙曰

恕曰治天下曰仁意曰廣曰綽子曰處道曰

神明曰廣澤曰止楚師曰君治

蕭山汪繼培輯本序曰尸子近所傳者有震

澤任氏本元和惠氏本陽湖孫氏本迺集平

昔疏記以相比較稍加釐訂以羣書治要所

載十三篇為上卷其不載治要散見諸書者

為下卷案劉向別錄稱尸子書凡六萬餘言

今茲撰錄蓋十失其八可為歎息劉繩謂其

兼綜雜術通而文鈍今原書散佚未究大

惜諸家徵說率皆采擷精華翦落枝葉單詞

賸誼轉可寶愛

孫氏書目尸子二卷一惠棟集本一孫馮翼刊本一星衍重刊本

張氏書目答問尸子二卷章宗源輯湖海樓注本問經堂本平津館本 又三卷附錄一卷任兆麟輯心齋十種本

呂氏春秋二十六卷秦相呂不韋撰高誘注

史記列傳呂不韋者陽翟大賈人也往來販賤賣貴家累千金秦昭王四十二年以其次子安國君為太子安國君有所甚愛姬曰華陽夫人無子安國君中男名子楚為秦質子于趙趙不甚禮子楚居處困不得意呂不韋賈邯鄲見而憐之曰此奇貨可居乃往見子楚為子楚行千金以奇物玩好西游秦獻華陽夫人夫人言于安國君請立子楚為嫡嗣安國君許之昭王薨太子安國君立為王華陽夫人為王后子楚為太子秦王立一年薨諡為孝文王太子子楚代立是為莊襄王莊襄王元年以不韋為丞相封為文信侯食河南洛陽十萬戶莊襄王即位三年薨太子政立為王尊不韋為相國號稱仲父當是時魏有信陵君楚有春申君趙有平原君齊有孟嘗君皆下士喜賓客以相傾不韋以秦之疆羞不如亦招致士厚遇之至食客三千人是時諸侯多辨士如荀卿之徒著書布天下不韋乃使其客人人著所聞集論以為八覽六論十二紀二十餘萬言以為備天地萬物古今之事號曰呂氏春秋布咸陽市門懸千金

其上延諸侯游士賓客有能增損一字者予千金始皇十年十月以嫪毐事免就國河南歲餘諸侯賓客使者相望于道請文信侯秦王恐其為變乃賜文信侯書曰君何功于秦秦封君河南食十萬戶君何親于秦號稱仲父其與家屬徙處蜀呂不韋自度稍侵恐誅乃飲酖而死 秦始皇本紀十二年文信侯不韋死竊葬其舍人臨者晉人也逐出之秦人六百石以上奪爵還五百石以下不臨還勿奪爵自今以來操國事不道如嫪毐不韋者籍其門視此

又十二諸侯年表曰呂不韋者秦莊襄王相亦上觀尚古刪拾春秋集六國時事以為八覽六論十二紀為呂氏春秋

漢書藝文志呂氏春秋二十六篇秦相呂不韋輯智略士作

高誘注書序曰此書所尚以道德為標的以無為為綱記以忠義為品式以公方為檢格與孟軻孫卿淮南揚雄相表裏也是以著在錄略誘正孟子章句作淮南孝經解畢訖家有此書尋釋案省大出諸子之右既有脫誤小儒又以私意改定猶慮傳義失其本真少能詳之故復依先儒舊訓輒乃為之解焉以述古儒之旨凡十七萬三千五百四十四言

史記索隱曰八覽者有始孝行慎大先讖審分審應離俗時君也六論者開春慎行貴直不苟以順士容也十二紀者記十二月也其書有孟春等紀二十餘萬言二十六卷也案二十六卷今散入史記中者作三十餘卷非也此索隱單

行本也

唐書經籍志呂氏春秋二十六卷呂不韋撰唐書藝文志呂氏春秋二十六卷呂不韋撰高誘注

宋史藝文志呂不韋呂氏春秋二十六卷高誘注

晁氏讀書志十二紀者本周公書後儒置于禮記善矣而目之為呂令者誤也

陳氏書錄解題曰秦相呂不韋撰後漢高誘注其書有十二紀八覽六論十二紀者即今禮記之月令也

王氏漢藝文志考證東萊呂氏曰不韋春秋成于始皇八年案呂氏春秋維秦八年歲在涒灘秋甲子朔朔之日良人請問十二紀此其書成之歲月也

四庫提要曰藝文志載呂氏春秋二十六篇今本凡十二紀八覽六論紀所統子目六十一覽所統子目六十三論所統子目三十六

實一百六十篇漢志蓋舉其綱也其十二紀即禮記之月令願以十二月割為十二篇每篇之後各間以他文四篇惟夏令多言樂秋

令多言兵似乎有義其餘則絕不可曉先儒無說莫之詳矣又每紀皆附四篇而季冬紀獨五篇末一篇標識年月題曰序意為十二

紀之總論殆所謂紀者猶內篇而覽與論者為外篇雜篇歟唐劉知幾作史通內外篇而

自序一篇亦在內篇之末外篇之前蓋其例也不韋固小人而是書較諸子之言獨為醇

也

正大抵以儒為主而參以道家墨家故多引六籍之文與孔子曾子之言其他如論音則引樂記論鑄劍則引考工記雖不著篇名而其文可案所引莊列之言皆不取其放誕恣肆者墨翟之言不取其非儒明鬼者而縱橫之術刑名之說一無及焉其持論頗為不苟論者鄙其為人因不甚重其書非公論也自漢以來注者惟高誘一家訓詁簡質于引證頗舛之處皆引據駁正不蹈注家附會之失又簡明目錄曰不韋人不足稱道而是書哀合羣言大抵據儒書者十之八九參以道家墨家之近理者十之一二較諸子為頗醇高誘所注亦多明古義 案高誘有戰國策注詳見史部雜史類

淮南子二十一卷漢淮南王安撰許慎注

漢書諸侯王表淮南厲王長高帝子高帝十一年十月庚午立二十三年孝文六年謀反廢徙蜀死雍又孝文十六年四月丙寅王安以厲王子阜陵侯紹封四十二年元狩元年謀反自殺
又武帝本紀元狩元年冬十一月淮南王安衡山王賜謀反誅黨與死者數萬人
又列傳淮南王安為人好書鼓琴不喜弋獵狗馬馳聘亦欲以行陰德拊循百姓流名譽招致賓客方術之士數千人作為內書二十一篇外書甚衆時武帝方好藝文以安屬諸父甚尊重之初安入朝獻所作內篇新出上愛祕之

又藝文志淮南內二十一一篇王安淮南外三十三篇又兵權謀家注曰省淮南王又六藝易家淮南道訓二篇淮南王安聘明易者九人號九師說又詩賦略淮南王羣臣賦四十四篇 又河間獻王傳云王脩學好古得書多與漢朝等是時淮南王安亦好書所招致率多浮辯

西京雜記曰淮南王著鴻烈二十一篇鴻大也烈明也言大明禮教也號淮南子一曰劉安子自云中挾風霜之氣揚子雲以為一出入字直百金

史通自序篇曰昔漢世劉安著書號曰淮南子其書牢籠天地博極古今上自太公下至商鞅其錯綜經緯自謂兼于數家無遺力矣 唐書經籍志淮南商詁二十一卷劉安撰商詁當是開註

唐書藝文志許慎注淮南子二十一卷注云淮南王劉安

宋史藝文志許慎注淮南子二十一卷 宋蘇頌校上淮南子序曰是書有後漢太尉祭酒許慎東郡濮陽令高誘二家之注隋唐目錄皆別傳行今校崇文舊書與蜀川印本臬臣家書凡七部並題曰淮南子二注相參不復可辨惟集賢本卷末前賢題載云許標其首皆是開詁鴻烈之下謂之記上高題卷首皆謂之鴻烈解經解經之下曰高氏注每篇下皆曰訓案解經甚不可曉或是解詁之誤又分數篇為上下以此為異崇文總目亦云如此又謂高氏注詳于許氏本書文句亦有小異

臣頌據文推次頗見端緒高注篇名皆有故曰因以題篇之語其間奇字並載音讀許于篇下纘論大意卷內或有假借用字以周為舟以楯為循以而為如以恬為憺如是非一又其詳略不同誠如總目之說互相考證去其重複共得高注十三篇許注十八篇云案十八篇當為八篇十字衍 又每篇下著訓字始于高氏注本許注本無訓字今引淮南本文者不曰淮南某某篇而曰淮南某某訓誤之甚矣

晁氏袁本讀書志曰淮南內書二十一篇後漢許慎注慎標其首皆曰問詁案諸詁當詁次曰淮南鴻烈自名注曰記上第七第十九闕陳氏書錄解題淮南鴻烈解二十一卷漢淮南王安與賓客撰後漢太尉許慎叔重注案太尉下有跋文案唐志又有高誘注今本既題許慎記上而詳序文則是高誘不可曉也嘉定錢塘既亭述古錄曰宋時許注既佚遂以零落僅存者驪入高注正統道藏本即宋時驪入之本校通行高注增入十三四其間當有許氏注

孫氏書目淮南子許慎注一卷孫馮翼集本張氏書目答問許叔重淮南子注一卷孫馮翼輯問經堂本 會稽陶方琦淮南許注異同詁序曰繆稱齊俗道應詮言兵略人間泰俗要略此八篇全無高注亦無故曰因以題篇字斯盡為許氏殘說故注獨簡質宋本題漢太尉祭酒許慎記上其繆稱篇題首有淮南鴻烈問詁要略

篇亦題問詰二字知繆稱至要略八篇稿爲

許注舊本無疑吾友陶孝邈學使亦字子珍發已十

餘年矣子許注淮南蒐輯甚力最後得高麗傳來大藏音

義百卷續音義十卷及日本所有唐本玉篇玉燭寶典諸

佚書大有所獲約略寫出五六百條二十一篇之中皆有

許氏之注因取許高二注之異同而詁訓之別自爲學云

案范書儒林傳唯載慎五經異義說文解

字二書詳見經部論語小學二類中此注

不載又安帝時慎子萬歲里公乘冲表上

說文解字并上古文孝經說亦不載紀述

甚略

淮南子二十一卷高誘注

高誘有呂氏春秋注見前

誘序曰淮南王安辯達善屬文天下方術之

士多往歸焉于是遂與蘇飛李尙左吳田由

雷被毛被伍被晉昌等八人及諸儒大山小

山之徒共講論道德總統仁義而著此書其

旨近老子淡泊無爲蹈虛守靜出入經道言

其大也則燾天載地說其細也則淪于無垠

及古今治亂存亡禍福世間詭異環奇之事

其義也著其文也富物事其類無所不載然

其大較歸之于道號曰鴻烈鴻大也烈明也

以爲大明道之言也故夫學者不論淮南則

不知大道之深也是以先賢通儒述作之士

莫不援采以驗經傳以父諱長故其所著諸

長字皆曰脩光祿大夫劉向校定撰其名之

淮南又有十九篇者謂之淮南外篇自誘之

少從故侍中同縣盧君受其句讀誦舉大義

會遭兵災天下棋峙亡失書傳廢不尋修二

十餘載建安十年辟司空掾除東郡濮陽令

視時人少爲淮南者懼遂凌遲于是以朝餉

事畢之間乃深思先師之訓參以經傳道家

之言比方其事爲之注解悉載本文并舉音

讀至十七年遷監河東復更補足淺學寡見

未能備悉其所不達注以未聞唯博物君子

覽而詳之

唐書經籍志淮南子注解二十一卷高誘撰

淮南鴻烈音二卷高誘撰岑刻本作何誘或何氏

所撰集未可知也

唐書藝文志高誘注淮南子二十一卷又淮

南鴻烈音二卷

宋史藝文志淮南子鴻烈解二十一卷淮南

王安撰高誘注淮南子十三卷

宋洪邁容齋續筆曰今所存者二十一卷蓋

內篇也壽春有八公山正安所延致賓客之

處傳記不見姓名而高誘序以爲蘇飛等八

人然惟左吳雷被伍被見于史

玉海藝文著書類隋志二十一卷許慎高誘

注唐志中與書目同蘇頌去其重複共得高

注十三篇許注十八篇

四庫簡明目錄曰安書原分內外篇此二十

一卷其內篇也大旨原本道德而縱橫曼衍

多所旁涉故漢志列之雜家誘注或題許慎

撰蓋慎注散佚誤以誘注當之今詳爲考定

仍題誘名

會稽陶方琦淮南許注異同詰序有曰考淮

南之注傳者唯許高二家惟後漢馬融傳言

融會注淮南子隋志不錄書已早佚然高誘

之師爲盧植植之師即爲馬融誘自序云從

故侍中同縣盧君受其句讀誦舉大義是高

誘當親見馬氏注本所云深惟先師之訓即

指馬本故音訓之詳稿非魏晉以後可逮

案高氏注本每篇篇名皆繫以訓字與孔

晁注周書繫以解字同例引二書本文者

往往誤連訓解字以爲篇名相沿不覺也

論衡二十九卷後漢徵士王充撰

後漢書本傳充字仲任會稽上虞人也受業

太學師事扶風班彪好博覽而不守章句家

貧無書常游洛陽市肆閱所賣書一見輒能

誦憶遂博通衆流百家之言後歸鄉里屏居

教授仕郡爲功曹以數諫爭不合去充好論

說始若詭異終有理實以爲俗儒守文多失

其真乃閉門潛思絕慶弔之禮戶牖牆壁各

置刀筆著論衡八十五篇二十餘萬言釋物

類同異正時俗嫌疑刺史董勤辟爲從事轉

治中自免還家友人同郡謝夷吾上書薦充

才學肅宗特詔公車徵病不行年漸七十志

力衰耗乃造養性書十六篇裁節嗜慾頤神

自守永元中病卒

謝承書曰夷吾薦充曰充之天才非學所加

雖前世孟軻孫卿近漢揚雄劉向司馬遷不

能過也

袁山松書曰充所作論衡中土未有傳者蔡

邕入吳始得之恆祕玩以爲談助其後王朗

為會稽太守又得其書及還許下時人稱其才進或曰不見異人當得異書問之果以論衡之益由是遂見傳焉

唐章懷太子傳注抱朴子曰時人嫌蔡邕得異書或搜其帳中隱處果得論衡抱數卷持去邕丁寧之曰唯我與爾共之勿廣也

史通自敘篇曰儒者之言博而寡要得其糟粕失其菁華而流俗鄙夫貴遠賤近傳茲抵牾自相欺惑故王充論衡生焉

唐書經籍志論衡三十卷王充撰

唐書藝文志王充論衡三十卷宋史志同

晁氏讀書志曰世謂漢文章溫厚爾雅及其東也已衰觀此書與潛夫論風俗通義之類比西京諸書驟不及遠甚乃知世人之言不誣

陳氏書錄解題曰充著書八十五篇釋物類同異正時俗嫌疑蔡邕王朗初傳之時以為不見異人當得異書自今觀之亦未見其奇也

四庫雜家雜說類提要曰充自紀謂在縣為掾功曹在都尉府位亦掾功曹在太守為列掾五官功曹從事又稱永和三年徙家辟詣揚州部丹陽九江廬江後入為治中章和二年罷州家居其書凡八十五篇而第四十四招致篇有錄無書實八十四篇充書大旨詳于自紀一篇蓋內傷時命之坎珂外疾世俗之虛偽故發憤著書其言多激刺孟問孔二篇至于奮其筆端以與聖賢相軋可謂諄矣

又露才揚己好為物先至于述其祖父頑狠以自表所長慎亦甚焉其他論辨如日月不圓諸說雖為高洪所駁載在晉志大抵訂譌砭俗中理者多至其文反覆詰難頗傷詞費則充所謂宅舍多土地不得小戶口衆簿籍不得少失實之事多虛華之語衆指實定宜辨爭之言安得約徑者固已自言之矣充所作別有譏俗書政務書晚年又作養生書今皆不傳唯此書存儒者頗病其蕪雜然終不能廢也

又簡明目錄曰原本八十五篇今佚其一大旨不為不自然激而過當至于問孔刺孟無所畏忌轉至于不可以訓又務求盡意不惜繁詞其文亦冗漫而無制瑕瑜不掩分別觀之可也

梁有洞序九卷錄一卷應奉撰亡

應奉有漢書後序見前儒家

范書傳論曰應氏七世才聞而奉劭采章為盛及撰著篇籍甄紀異知雖云小道亦有可觀者焉

案范書本傳云奉著漢書後序多所述載注引袁山松書曰奉又刪史記漢書及漢紀三百六十餘年自漢興至其時凡十七卷名曰漢事豈即是書章懷錄以補范史之闕歟其曰又似非漢書後序之書也又案范書應劭傳云初父奉為司隸時並下諸官府郡國各上前人像贊劭乃連綴其名錄為狀人紀又論當時行事著中漢

輯序案中漢輯序似漢事亦似即此洞序為其子所緒成者歟

又案王充論衡超奇篇曰會稽周長生者文士之雄也作洞曆十篇自黃帝至漢朝鋒芒毛髮之事莫不紀載與太史公表紀相似類也上通下達故曰洞曆兩唐志雜史類載周樹洞曆紀九卷是也其後吳章昭作洞紀蓋即其類此名洞序大抵亦似上通下達之意與洞曆洞紀相似不知七錄何以入之雜家

風俗通義三十一卷錄一卷應劭撰梁三十卷

應劭有漢書集解見史部正史類

劭自序略曰至于俗間行語衆所共傳積非習貫莫能原察今王室大壞九州幅裂亂靡有定生民無幾私懼後進益以迷昧聊以不才舉爾所知方以類聚凡三十一卷謂之風俗通義言通于流俗之過謬而事該之于義理也

後漢書應奉附傳奉子劭撰風俗通以辯物類名號釋時俗嫌疑文雖不典後世服其洽聞

史通自敘篇曰民者冥也冥然無知率彼愚蒙牆面而視或訛音鄙句莫究本源或守株膠柱動多拘忌故應劭風俗通生焉

唐日本國見在書目風俗通三十二卷應劭撰

唐書經籍志風俗通義三十卷應劭撰

唐書藝文志應劭風俗通義三十卷 宋史志

陳氏書錄解題風俗通義十卷漢泰山太守汝南應劭仲遠撰唐志二十卷案當為三十卷今惟存十卷餘略見庾仲容子鈔

玉海藝文著書類中與書目十卷案隋志本三十一卷今存十卷皇霸正失愆禮過譽十反聲音窮通祀典怪神山澤

四庫雜家雜說類曰崇文總目讀書志書錄解題皆十卷與今本同明吳瑄刻古今逸史又刪其半則更闕略矣各卷皆有總題題各有散目總題後略陳大意而散目先詳其事以謹案云云辨證得失皇霸為目五正失為目十一愆禮為目九過譽為目八反為目十音聲為目二十有八窮通為目十二祀典為目十七怪神為目十五山澤為目十九其

書因事立論文辭清辨可資博洽大致如王充論衡而敘述簡明則勝充書之冗漫舊本屢經傳刻失于校讎頗有譌誤如十反類中分范茂伯邳朗伯為二事而佚其斷語窮通類中孫卿一事有書而無錄怪神類中城陽景王祠一條有錄而無書今並釐正又宋陳彭年等脩廣韻王應麟作姓氏急就篇多引風俗通姓氏篇是此篇至宋末猶存今本無之不知何時散佚然考丁黼跋則宋寧宗時已同今本不知王氏何以得見是篇或即從廣韻注中輾轉援引歟永樂大典通字韻中尚載有風俗通姓氏一篇首題馬總意林字所載與廣韻注多同而不及廣韻注之詳蓋

馬總節本也然今本意林無此文當又屬佚脫今采附風俗通之末存梗概焉謹案姓氏篇北宋時已佚失王氏因學紀聞引宋景文曰風俗通姓氏篇今從羣書摘出以四聲編次為二卷以是知宋人引據此篇如邵思姓解通志氏族略鄂名世辨證王氏意就篇皆措拾景文輯本也

又簡明目錄曰風俗通義後漢書本傳作風俗通流俗省文也原本三十卷謹案此處當有今存十卷四字卷為一篇分子目一百三十四其姓氏一篇自宋已佚然散見永樂大典中今哀為一篇附錄于末其書考論典禮類白虎通義糾正流俗類論衡不名一體故列之於雜說

杭東里人盧文弨羣書拾補曰風俗通佚文者十卷外之所遺也嘉定錢詹事曉徵采集類富仁和孫侍御詒穀復因其本重加訂補縱不能盡還舊觀然碎金斷璧終可寶愛嗜古者所不忍遺也

錢氏養新錄十四應氏風俗通義隋志稱三十一卷錄一卷今世所傳十卷則已失其三之二矣予嘗采輯佚文一冊盧學士紹弓見而喜之為刊入羣書拾補中頃歲續有所得惜學士已逝不及增入矣

嚴氏全後漢文編曰案風俗通義三十卷見存十卷不錄錄其佚文為六卷篇目可見者曰音聲曰論數曰姓氏曰災異凡六百七條又張氏二酉堂叢書有風俗通姓氏篇輯注二卷亦善本也

常熟曾樸補後漢書藝文志曰是書宋時已殘缺據蘇魏公集稱魏公以官私兩本互校次為十卷則今四庫本即魏公互校本也考魏公校本序引意林載風俗通義篇目除今存皇霸正失等十篇之外曰心政曰古制曰陰教曰辯惑曰析當曰恕度曰嘉號曰穢稱曰恃遇曰姓氏曰諱篇曰釋忘曰輯事曰服妖曰喪祭曰宮室曰市井曰數紀曰新泰曰獄法凡二十目皆錢孫盧嚴諸家所未及其御覽所引論數當即數紀篇盧嚴兩家據續漢五行志云故泰山太守應劭撰武已來災異疑在劭所著中漢輯序中是書篇目諸家皆未及見不知蘇魏公集中引述特詳也是井可以補意林之缺意林于諸書篇目及序文之切要者皆著錄之散佚不完甚可惜也

案本志史部儀注類有汝南君諱議二卷裴松之注吳志張昭傳云其事見風俗通馬總意林引風俗通亦載是事詳見本條蓋卽三十一卷中之佚出者亦卽原目之諱篇以是知張昭所議一篇今見于傳注者亦是書佚文也

仲長子昌言十二卷錄一卷漢尚書郎仲長統撰魏志劉邵附傳邵同郡東海繆襲襲友人山陽仲長統漢末為尚書郎早卒著昌言詞佳可觀者裴松之曰襲撰統昌言表稱統字公理少好學博涉書記贍于文辭年二十餘游學青徐并冀之間與交者多異之大司農常林與統共在上黨為臣道統性儻敢直言

第四六九頁

第二十五史補編 隋書經籍志考證

第四六九頁

第四六九頁

第四六九頁

第四六九頁

第四六九頁

不矜小節每列郡命召輒稱疾不就漢帝在許尚書令荀彧聞統名啓召以為尚書郎後參太祖軍事復遠為郎延康元年卒時年四十餘統每論說古今世俗行事發憤歎息以為論名曰昌言凡二十四篇

范書本傳尚書令荀彧舉為尚書郎後參丞相曹操軍事每論說古今及時俗行事恆發憤歎息因著論名曰昌言凡三十四篇十餘萬言獻帝遜位之歲統卒時年四十一友人東海繆襲常稱統才章足繼西京董賈劉揚今簡撮其書有益政者略載之云曰理亂篇損益篇法誠篇

太平御覽文部著書篇抱朴子曰仲長統作昌言未竟而亡後董襲撰次之案董當為繆葛氏誤記也其書蓋繆熙伯為編次表進者

唐書經籍志仲長子昌言十卷仲長統撰唐書藝文志儒家仲長子昌言十卷仲長統宋史藝文志仲長統昌言二卷

崇文總目仲長子昌言二卷漢仲長統撰案本傳統著論名昌言凡三十四篇十餘萬言隋唐書目十卷今所存十五篇分為二卷餘皆亡

嚴氏鐵橋漫藁昌言敘曰隋志雜家仲長子昌言十二卷錄一卷舊唐志作十卷新唐志移入儒家崇文總目存十五篇分為二卷郡齋讀書志書錄解題不著錄明陳第世善堂書目有二卷疑即十五篇本今所見刻本僅明胡維新兩京遺編有理亂損益法誠三篇

歸有光諸子彙函有理亂損益二篇皆出本傳無所增多余從羣書治要寫出九篇益以本傳三篇以意林次第之刺取各書引見補正脫譌定著二卷其遺文墜句于原次無考依各書先後附于末本傳著論三十四篇十餘萬言今此收輯纔萬餘言亡者蓋十八九而治要所載又頗刪節斷續孤離殆所不免然其闡陳善道指捫時敝割切之忱踴厲震盪之氣有不容摩滅者繆熙伯方之董賈劉揚非過譽也神仙家言儒者所弗道而昌言有其一篇故是雜家續漢祭祀志下注補有答鄧義社主難一篇劉昭不云昌言亦附于末

又全後漢文編曰本傳云統常以為凡游帝王者欲以立身揚名耳而名不常存人生易滅優游假仰可以自娛欲卜居清曠以樂其志論之曰使居有良田廣宅背山臨水溝池環而竹木周布云云據文選閒居賦注引昌言曰溝池自周竹木自環二語知即三十四篇之一疑在自敘篇或當以下居名篇胡維新兩京遺編題為樂志論而出之昌言外非也又四錄堂類集總目仲長統昌言二卷可均輯馬氏玉函山房亦有輯本二卷不及見羣書治要也

蔣子萬機論八卷蔣濟撰
蔣濟有郊丘議見經部禮類
魏志本傳文帝即王位轉為相國長史及踐阼出為東中郎將濟請留詔曰高祖歌曰安

得猛士守四方天下未寧要須良臣以鎮邊境如其無事乃還鳴玉未為後也濟上萬幾論帝善之

唐書經籍志萬機論八卷蔣濟撰
唐書藝文志蔣子萬機論十卷蔣濟撰

宋史藝文志蔣子萬機論十卷魏蔣濟撰

玉海藝文類館開書目蔣子萬機論十卷凡五十五篇雜論立政用人兵家之說及考論前賢故事雜問

陳氏書錄解題蔣子萬機論二卷太尉平阿蔣濟子通撰案館閣書目十卷五十五篇今惟十五篇恐非全書也

嚴氏全三國文編輯本序曰隋志雜家蔣子萬機論八卷舊唐志同新唐志作十卷書錄解題二卷至明而二卷本亦亡焦竑國史經籍志以八卷入儒家以二卷入雜家虛列書名又誤分為兩種不足據今從羣書治要寫出三篇曰政略曰刑論曰用奇益以各書所徵引者凡二十二條定著一卷又四錄堂類集目錄蔣濟萬機論一卷可均輯馬氏玉函山房亦輯存一卷止十六條無羣書治要又宋刻意林第六卷有蔣子萬機論一條嚴氏未采

案本傳黃初五年車駕幸廣陵濟表水道難通上三州論以諷又鍾會傳云中護軍蔣濟著論謂觀其眸子足以知人皆在所上萬幾論之後考別集類無蔣濟集疑八卷者其初進本十卷者後所增益此二論并其他疏議見于諸書所引者或附在其

後二卷未可知也

梁有篤論四卷杜恕撰亡

杜恕有體論見前儒家

魏志杜畿附傳恕在章武徒所著體論八篇

又著與性論一篇蓋與于爲己也又曰恕奏

議論駁皆可觀掇其切世大事著于篇

唐書經籍志篤論四卷杜恕撰

唐書藝文志杜恕篤論四卷

嘉定錢大昕三國志考異曰裴松之注所引

書有杜氏新書不詳撰人似是家傳之類

嚴氏全三國文編輯本序曰隋志雜家梁有

篤論四卷杜恕撰亡舊新唐志著于錄至宋

復亡魏志本傳稱恕所著有體論與性論無

篤論據意林引篤論水性勝火人性勝志考

實性行二事證知與性即篤論之首篇據意

林及御覽證知裴松之所引杜氏新書即篤

論之末篇其書前數篇出恕手後述敘家世

歷官引及魏書并引及王隱晉書證知東晉

時編附故稱新書猶今之全書而篤論其總

名也故七錄唐志有篤論無新書余既校輯

體論因并采錄篤論依意林次第編定之本

傳三疏皆當在篤論中又四錄堂類集總曰

杜恕體論一卷篤論一卷可均輯案杜氏新書

似即杜氏之一家言體論與性論篤論全在其中猶李氏

家書載李邵奏疏劉廙別傳載廙政論之類嚴氏謂猶今

全書是也謂篤論之末篇又謂篤論其總名似未然蓋篤

論爲新書中之一種新書其總名也 劉廙別傳詳見法

家李氏家書詳見集部總集

馬氏玉函山房輯本序曰史稱恕奏議論駁

皆可觀而隋志無恕集知所謂奏議論駁統

在篤論史又稱其議論允直此篤論之所繇

名也意林引凡五節其第二三節並見本傳

據以補錄末二節乃後人敘述之詞別爲附

錄又采得御覽數節合錄爲卷

梁有芻蕘論五卷鍾會撰亡

鍾會有周易盡神論見經部易家

唐書經籍志芻蕘論五卷鍾會撰

唐書藝文志鍾會芻蕘論五卷

通志藝文略諸子儒術類芻蕘語論五卷鍾

會撰

嚴氏全三國文編曰鍾會有芻蕘論五卷今

見于初學記文選注白孔六帖太平御覽者

凡七條案宋本意林第六卷尚有芻蕘論二條

番禺侯康補三國藝文志曰文選魏都賦注

御覽俱引之中載東方朔與公孫弘書後人

編朔集者即從此采出案侯氏所舉選注御覽諸

條嚴氏皆輯存之未見有東方朔書

案魏志本傳云及會死後于會家得書二

十篇名曰道論而實刑名家也其文似會

不知是否即此芻蕘論也

梁有諸葛子五卷吳太傅諸葛恪撰亡

吳志本傳恪字元遜瑾長子也少知名弱冠

拜騎都尉與顧譚張休等侍太子登講論道

藝並爲賓友從中庶子轉左輔都尉試守節

度拜撫越將軍領丹陽太守撫慰山越得甲

士數萬以功拜威北將軍封都鄉侯遷大將

軍代陸遜領荊州事權疾困領太子太傅及

孫弘滕胤呂據孫峻屬以後事孫亮即位更

拜太傅東興之捷進封陽都侯加荆揚州牧

督中外諸軍事後數出軍百姓騷動大小呼

嗟衆庶失望孫峻因民之多怨衆之所嫌搆

恪欲爲變與亮謀置酒請恪峻伏兵帷中酒

數行亮還內峻起如廁著短服出曰有詔收

諸葛恪恪驚起拔劍未得而峻刀交下峻曰

所取者恪也今已死悉令復刀乃除地更飲

恪子棟建外甥張震等皆夷三族時孫亮建興

二年冬十月也吳錄曰恪時年五十一

又傳注江表傳曰恪少有才名發藻岐嶷辯

論應機莫與爲對權見而奇之謂瑾曰盡田

生玉真不虛也

又史評曰諸葛恪才氣幹略邦人所稱然驕

且吝周公無觀況在于恪矜己陵人能無敗

乎若躬行所與陸遜及弟融之書則悔吝不

至何尤禍之有哉

宋高似孫子略抄意林目錄曰諸葛子著略

一卷宋刻全本意林曰諸葛子一卷諸葛恪

案子略所抄稱著略者似節略之別名馬總所見祇此

嚴氏全三國文編曰諸葛恪有諸葛子五卷

御覽三百五十引諸葛子一條云若能力兼

三人身與馬如膠漆手與箭如飛蟲誠宜寵

異

馬氏玉函山房輯本序曰諸葛子唐志不著

錄佚已久北堂書鈔太平御覽引三節考恪

傳載其與陸遜及弟公安督融二書又諸大

臣諫伐魏著論衆意一篇恪無文集當皆采自本書中並據輯錄爲一卷夫恪抱才氣而以驕矜致敗陳壽評云若躬行所與陸遜及弟融之書則悔吝不至何尤禍之有蓋惜其人未嘗不取其言也

案宋本意林第六卷有諸葛子一條嚴馬二家皆未采又抱朴子外正郭篇引故太傅諸葛元遜論郭林宗一條當亦采自本書

傅子百二十卷晉司隸校尉傅玄撰

晉書本傳玄字休奕北地泥陽人也祖燮漢漢陽太守父韓魏扶風太守案范書傳燮傳燮子幹知名位至扶風太守此韓當爲幹玄少孤貧博學善屬文解鍾律魏時舉秀才除郎中與東海繆施俱以時譽選入著作撰集魏書累遷弘農太守五等建封鶉觚男武帝受禪以散騎常侍進爵爲子加駙馬都尉遷侍中御史中丞泰始五年遷太僕轉司隸校尉坐免官尋卒年六十二諡曰剛玄少時避難河內專心誦學後雖顯貴而著述不廢撰論經國九流及三史故事評斷得失各爲區別名爲傅子爲內外中篇凡有四部六錄合百四十首數十萬言并文集百餘卷行于世玄初作內篇成子咸以示司空王沈沈與玄書曰省足下所著書言富理濟經綸體存崇儒教足以塞楊墨之流遁齊孫孟子往代每開卷未嘗不歎息也不見賈生自以過之乃今不及信矣其後追封清泉侯子咸嗣案王沈有魏書

見正史類

唐書經籍志傅子一百二十卷傅玄撰藝文志同

宋史藝文志傅子五卷晉傅玄撰

崇文總目傅子五卷晉傅玄撰集經史治國之說評斷得失各爲區別本傳載內外中篇凡四篇亡錄合一百四十篇今亡一百一十七亡錄爲六錄之寫誤

玉海藝文諸子篇中與書目傅子五卷今存二十三篇餘皆闕

四庫儒家提要曰隋唐志皆載傅子一百二十卷馬總意林亦同是唐世尙爲完本崇文總目僅載二十三篇故宋志止有五卷其後惟尤袤遂初堂書目尙見其名元明之後藏書家遂不著錄今檢永樂大典中散見頗多且所標篇目咸在謹采掇哀次得文義完具者十有二篇曰正心曰仁論曰義信曰通志曰舉賢曰重爵祿曰禮樂曰貴教曰檢商賈曰校工曰戒言曰假言又文義未全者十二篇曰問政曰治體曰授職曰官人曰曲制曰信直曰矯違曰問刑曰安民曰法刑曰平役賦曰鏡總敘篇目視崇文總目較多其一疑問刑法刑本屬一篇永樂大典誤分爲二耳謹依文編綴總爲一卷其有大典未載而見于他書者復蒐輯得四十餘條別爲附錄繫于後玄此書所論皆關切治道開啓儒風精意名言往往而在以視論衡昌言皆當遜之殘編斷簡收拾于闕佚之餘者尙得以考見

其什一是亦可爲寶貴也

嘉慶二十一年烏程嚴可均輯本序曰宋初傅子尙有殘本五卷乾隆中始從永樂大典寫出二十四篇俱有篇名并無篇名者六條及文選注御覽諸子瓊林三十六條合爲一卷即今世所行聚珍本也嘉慶庚午歲余從羣書治要校補大典本二千五百許字益以藝文類聚之釋法北堂書鈔之大本得二十八篇案其中二篇見治要無篇目又從三國志注寫出六千餘字廣爲二卷至乙亥歲余校意林以各書互證知意林甚羸越凡所載傅子皆揚泉物理論也所載徐幹中論僅前二條又半條是中論其第三條之下半條及第四條乃傅子也所載物理論僅前四條是物理論其第五條至九十七條皆傅子也其第九十八條至末乃中論也余既作意林考正一卷手寫數過頗得傅子端緒遂徧蒐各書所引見得數百條依意林九十五事次第類附而排比之爲補遺二卷與前所定二卷合爲四卷繕寫插架與聚珍本相輔而行或問補遺與前二卷小有重複竊恐未安曰補遺就意林欲見傅子原次耳合而編之請俟來者又問傅子爲內外中篇有四部六錄云何區別曰內篇撰論經國九流外篇三史故事評斷得失中篇魏書底本而以自敘傳終焉四部六錄莫考崇文總目作四篇無錄蓋誤又四錄堂類集目錄傅子四卷均可輯道光二十三年金山錢熙祚輯本跋曰崇文

總目僅存二十三篇永樂大典所載乃有二十四篇或疑問刑法本一篇而誤分爲二然以羣書治要考之刑法在禮樂後問刑在問政後截然二篇不相淆紊惟鏡總敘篇未見他書引稱而與韓非子觀行篇同文或大典誤韓爲傅然不可定矣癸卯夏得道藏本意林讀之見其所引傅子物理論二書互相參錯既正其譌謬因思諸書引傅子文多出大典之外復爲理而董之依意林治要二書區別先後以類相從定有篇名者爲上卷無篇名者爲下卷而中卷則皆三國時事有紀有傳名爲子而實史故別出之不使相雜廁焉

光緒七年海寧錢保塘輯本序曰傅子篇卷之富最諸子體例之創亦迥異諸子往見羣書治要中載傅子一卷取校官本多未載因重爲編輯零章佚句均爲收入分爲二卷意林所載與物理論錯簡者附錄于後藝文類聚所收有誤標傅子二條錄之而校正于後官本誤收韓子申鑒各一條刪之晉書本傳多載玄論治之文可與傅子相發明則并錄之 案此謂誤收韓子即鏡總敘篇見初學記鏡部敘事 中引作韓子云云然後知所謂鏡總敘者初學記之標目也

又曰羣書治要載傅子一卷不錄篇名而以所載他書例之其先後均依原書次第因以官本所錄篇名依治要所載次第別編之凡有篇名者二十五篇

案傅子輯本最多始四庫館以永樂大典輯存一本其時魏鄭公羣書治要五十卷越在東洋尚未流傳內地後嚴氏以治要重輯之又考出意林錯簡而再輯之金山錢氏海寧錢氏亦各有其本嚴本刊入全晉文編錢本一在指海叢書一與重訂物理論自刻清風室本也十年前見同郡傅吉之太守以禮 傅子之後也自言在閩中亦有輯本視諸本爲備未見

嘿記三卷吳大鴻臚張儼撰

吳志孫皓傳寶鼎元年正月遣大鴻臚張儼五官中郎將丁忠弔祭晉文帝及還儼道病死注吳錄曰儼字子節吳人也弱冠知名歷顯位以博聞多識拜大鴻臚使于晉時相儼曰今南北通好以君爲有出境之才故相屈行對曰皇皇者華蒙其榮耀無古人延譽之美磨厲鋒鏑思不辱命既至車騎將軍賈充尙書令裴秀侍中荀勗等欲傲以所不知而不能屈尙書僕射羊祜尙書何禎並結縞帶之好 案本志別集類有吳侍中張儼集是其初嘗官侍中

蜀志諸葛亮傳注漢晉春秋曰亮聞孫權破曹休魏兵東下關中虛弱十一月上言曰先帝慮漢賊不兩立王業不偏安故託臣以討賊也于是有散關之役此表亮集所無出張儼默記 又曰吳大鴻臚張儼作默記其述佐篇論亮與司馬宣王二相優劣 史通直書篇曰張儼發憤私存嘿記之文

唐書經籍志默記三卷張儼撰

唐書藝文志張儼默記三卷 嚴氏全三國文編曰張儼字子節吳人官大鴻臚有默記三卷集一卷蜀志諸葛亮傳注引默記述佐篇亦見御覽四百四十五北堂書鈔十三引默記

馬氏玉函山房輯本序曰張儼默記今惟蜀志諸葛傳注引其述佐篇及武侯後出師表一篇初學記亦引一節哀錄爲卷

侯氏補三國藝文志曰初學記卷九引張儼默記兩條皆記漢光武事侯志又載張儼誓論三十卷通志略諸家亦載之皆沿唐志之誤也詳見下張顯析言論條

案宋刻全本意林第六卷有默記一條嚴馬二家皆未見

裴氏新言五卷吳大鴻臚裴玄撰

吳志嚴峻傳峻字曼才彭城人也與裴玄張承論管仲季路傳于世玄字彥黃下邳人也亦有學行官至太中大夫問子欽齊桓晉文夷惠四人優劣欽答所見與玄相反覆各有文理案與玄當爲玄與 欽與太子登游處登稱其翰采孫登傳登遺表云裴欽博記論采足用

唐書經籍志新言五卷裴玄撰

唐書藝文志裴玄新言五卷 馬國翰輯本序曰裴氏新言隋志以爲梁有今亡唐志復著錄五卷今佚輯錄八節中一條論管仲魯伯氏駢邑三百吳志嚴峻傳所謂與裴玄張承論管仲季路者佚說厘存至

問子欽齊桓晉文夷惠四人優劣則泯絕不可見已

侯康補三國藝文志曰文選羊叔子讓開府表注引裴氏新語藝文類聚卷四引裴玄新語御覽八百十四引裴玄新言據此三條皆考證故事其體例與風俗通古今注略同亦有用書也餘見御覽引者尙多或稱新語或稱新言或稱新書

案宋刻全本意林第六卷有裴玄新言二條其文甚美馬輯本未及采
又案此兩書以下始注梁有字似原本爲大字傳寫誤入注文也

梁有新義十八卷吳太子中庶子劉廙撰亡
劉廙始末未詳疑即嚴峻傳之裴欽以孫登傳證之
彌復近似詳見前一條

唐書經籍志新義十八卷劉欽撰
唐書藝文志劉欽新義十八卷
嚴氏全三國文編曰劉廙一作欽爲太子中庶子有新義十八卷御覽四百六引劉欽新議凡三條

馬氏玉函山房輯本序曰七錄雜家有劉廙新義十八卷吳志無廙傳字里無考據隋志知爲吳太子中庶子而已唐志復著錄題作劉廙案此所見唐志不知何本今其書佚從書鈔類聚御覽所引得四節或作劉欽或作劉欽或同唐志作劉欣皆誤也

梁有析言論二十卷晉議郎張顯撰亡
張顯有逸民傳見史部雜傳類

唐馬總意林目錄曰張顯析言十卷
唐書經籍志誓論三十卷張儼撰案此即張顯析言論之誤

唐書藝文志張儼默記三卷又誓論三十卷案此沿舊唐志之誤

又曰張明誓論二十卷案舊唐志以張顯爲張儼又以析言論爲誓論蓋以析言二字合一字而變爲誓字新志不察遂以誓論三十卷次于張儼默記之後以爲一家之書又著張明誓論二十卷以爲別是一家其實皆張顯析言論之誤也其作張明者寧鄉黃本驥遵諱錄曰唐中宗名顯以光昭字代蓋承唐人舊文非別一人此之誤誤自舊唐志始非詳勘莫能知也

馬國翰輯本序曰張顯字里皆無考所著析言論二十卷隋志注云梁有又云亡唐志不載佚已久茲從北堂書鈔藝文類聚太平御覽輯得四節案此言唐志不載者蓋唐志錯誤殊甚實令人無由知覺耳

案宋刻全本意林第六卷引張顯析言二條馬氏未采嚴氏全晉文編但據御覽輯存析言一條亦未及采又意林御覽諸書但稱析言蓋其書仿仲長統昌言裴玄新言之類無論字此論字亦後世誤加

梁有桑邱先生書二卷晉征南軍師楊偉撰亡
魏志曹爽傳正始五年爽伐蜀不得進爽參軍楊偉爲爽陳形勢宜急還不然將敗世語曰偉字世英馮翊人明帝治宮室偉諫曰今作宮室斬伐生民墓上松柏毀壞碑獸石柱辜及亡人傷孝子心不可以爲後世之法則

宋書大且渠蒙遜傳元嘉十四年河西王茂虔奉表獻方物并獻乘邱先生三卷案乘邱先生即此桑邱先生也生下當有書字

嚴氏全晉文編曰楊偉字世英馮翊人仕魏文帝明帝爲尙書郎後參大將軍曹爽軍事入晉爲征南軍師有景初曆三卷桑邱先生書二卷時務論十二卷

馬國翰輯時務論序曰偉于晉書無傳惟律曆志載其所造景初曆稱魏尙書郎隋志雜家梁有桑邱先生書二卷題晉征南軍師楊偉蓋本魏臣後仕于晉故隋志題晉官號也桑邱先生書泯絕不可復覩矣

時務論十二卷楊偉撰
楊偉見前

宋書大且渠蒙遜傳元嘉十四年河西王茂虔奉表獻方物并獻時務論十二卷
唐書經籍志時務論十二卷楊偉撰
唐書藝文志楊偉時務論十二卷

馬國翰輯本序曰隋志雜家有時務論十二卷唐志亦載之今佚惟北堂書鈔太平御覽引有三節並取史志注所載偉言附之
梁有古世論十七卷亡
不著撰人

梁有桓子一卷亡
桓子未詳

案太平御覽圖書綱目載有桓子
梁有秦子三卷吳秦著撰亡
秦著始末未詳

唐書經籍志秦子三卷秦菁撰藝文志同
侯康補三國藝文志曰意林載秦子二卷所
引數條中有顧彥先難語彥先者顧榮之字
榮仕吳爲黃門郎後及事晉元帝秦菁與之
同時亦吳末人也藝文御覽屢引此書多意
林所無

馬國翰輯本序曰菁于史傳無考楊慎丹鉛
總錄引二條與苻子同列云二子之姓名人
罕知況見其書乎馬總意林亦不載云云案
意林載其書五節升菴言不載者疎也茲即
據意林爲本復從書鈔類聚御覽諸書輯得
十餘節

梁有劉子十卷亡

唐書經籍志劉子十卷劉縯撰藝文志同

宋史藝文志劉子三卷題劉晝撰又有奚克讓

劉子音釋三卷又音義三卷

晁氏讀書志劉子三卷齊劉晝孔昭撰唐袁
政注凡五十五篇言修心治身之道而辭頗
俗薄或以爲劉縯或以爲劉孝標未知孰是
趙希弁讀書附志劉子五卷劉晝字孔昭之
書也或云劉縯所撰或曰劉歆之制或謂劉
孝標之作袁孝政爲序之際已不能明辨之
矣

陳振孫書錄解題劉子五卷劉晝孔昭撰播
州錄事參軍袁孝政爲序凡五十五篇案唐
志十卷劉縯撰今序云晝傷已不遇天下陵
遲播遷江表故作此書時人莫知謂爲劉縯
或曰劉歆劉孝標作孝政之言云爾終不知

晝爲何代人其書近出傳記無稱莫詳其始
末不知何以知其名晝而字孔昭也

玉海藝文諸子篇劉子北齊劉晝字孔昭撰
袁孝正爲之序并注凡五十五篇清神至九
流中興書目三卷泛論治國修身之要雜以
九流之說

明宋濂諸子辨曰劉子五卷五十五篇不知
何人作唐志十卷直云梁劉縯撰今考縯所
著文心雕龍文體與此正類其可徵不疑袁
孝政謂劉晝傷已不遇天下陵遲播遷江表
故作此書非也孝政以無傳記可憑復致疑
于劉歆劉縯劉孝標所爲黃氏遂謂孝政所
託亦非也其書本黃老言雜引諸家之說以
足成之絕無甚高論然亦時時有可喜者

四庫簡明目錄劉子十卷是書或題劉歆或
題劉縯或題劉孝標惟袁孝政序定爲劉晝
然其書晚出至唐志始著錄九流一篇全襲
隋書經籍志之文疑卽孝政所僞作而自爲
之注也然雜采古籍融貫成篇雖風格稍卑
而詞采秀倩卽出孝政之手亦唐代古書也
孫氏平津館鑒藏記劉子十卷目錄前題劉
子新論梁通事舍人劉縯撰播州錄事參軍
袁孝政注自清神至九流五十五篇巾箱本
字畫清勁是宋刻之佳者此書陳氏晁氏俱
據袁孝政序文作北齊劉晝撰此本無袁序
而題作劉縯與唐志同案劉子新論之名爲前人
所未言

嚴氏鐵橋漫叢書劉子後曰劉子五十五篇

北齊劉晝撰聞有宋巾箱本未之見也今得
明初崇德書院所刊行墨疎古閱之豁目爽
心可稱善本前有序簡而覈惜不題名劉子
言治國修身之道有大醇無小疵晁公武乃
云詞頗俗薄毋乃輕詆近人編書目者又云
九流一篇全襲隋書經籍志之文隋書非僻
書盡覆檢之豈其然乎案九流一篇似蘊括漢藝
文志及太史公六家要指之說而申以己意者也與隋經
籍志實不相涉

案劉晝有高才不遇傳詳見史部雜傳家
此劉子似非劉晝書在北齊孝昭時著書
名帝道又名命箱壁言者非此之類且其
時當南朝陳文帝之世已在梁普通後四
十餘年阮氏七錄作于普通四年而是書
見載七錄其非晝所撰更可知袁孝政序
今不存據陳氏宋氏所引則亦未嘗定以
爲劉晝然其言天下陵遲播遷江表必有
所本亦非晝非縯非孝標之遭際七錄列
是書于吳晉人之間似猶爲東晉時人其
書亦名新論與魏晉時風尙尤近日本書
目載劉子十卷又五卷又三卷則三本並
行由來久矣

梁有何子五卷亡

宋書南史孝義傳何子平廬江潯人也曾祖
楷晉侍中

唐書經籍志何子五卷何楷撰

唐書藝文志何子五卷注云何楷

案何楷晉書無傳唯宋書南史何子平傳

載其官爲侍中又云子平祖父會稽王道子驃騎諮議參軍父子先建安太守則楷之子若孫也又云子平始居會稽蓋江左僑居于此與何尙之何偃何求何點何修之同爲一族皆楷之後也

立言六卷蘇道撰

蘇道始末未詳

唐書藝文志蘇道立言十卷

梁有孔氏說林二卷孔衍撰

孔衍有凶禮一卷詳見經部禮類

唐書經籍志說林五卷孔衍撰

唐書藝文志孔衍說林五卷

曲阜孔繼汾闕里文獻著述考曰凡事不拘乎一類而言不衷于一途者前史列之于雜家二十二代孫廣陵太守衍有說林五卷梁錄二卷

錢塘汪師韓文選理學權輿曰選注所引羣書有孔衍說林

抱朴子外篇三十卷葛洪撰梁有五十一卷

葛洪有抱朴子內篇二十卷詳見道家

抱朴子自序篇曰乃草創子書至建武中乃定凡著內篇二十卷外篇五十卷內篇屬道家其外篇言人間得失世事臧否屬儒家

晉書本傳洪自序曰予所著子言黃白之事名曰內篇其駁難通釋名曰外篇大凡內外一百一十六篇

唐日本國見在書目抱朴子外篇五十卷

唐書經籍志抱朴子外篇五十卷葛洪撰

唐書藝文志抱朴子外篇二十卷葛洪

宋史藝文志抱朴子外篇五十卷

晁氏讀書志抱朴子外篇十卷晉書內外通有一百一十六篇今世所傳者四十篇而已外篇頗言君臣理國用刑之道故附于雜家云

陳氏書錄道家曰抱朴子二十卷者內篇也

館閣書目有外篇五十卷

四庫道家簡目錄曰抱朴子內篇純爲道家之言外篇則論時政得失人事臧否多作排偶之體而詞旨辯博饒有有理故隋志以內篇入道家外篇入雜家然外篇大旨亦以黃老爲宗今併入于道家

嚴氏鐵橋漫彙代繼蓮龜抱朴子佚文曰余手校抱朴子因緝檢羣書所引見往往有今本所無者隨見隨錄省併復重得百四十五事輒依本書大例以其言神仙黃白事者爲內篇佚文其餘駁難論釋爲外篇佚文各一卷

又全晉文編曰抱朴子外篇今見存五十卷不錄錄其佚文有備闕篇軍術篇篇名凡四十五條又篇名闕者五十八條

金樓子十卷梁元帝撰

梁元帝有漢書注見史部正史類

帝自序略曰先生曰余于天下爲不賤焉竊念臧文仲既沒其言立于世曹子桓云立德著書可以不朽杜元凱言德者非所企及立言或可庶幾故戶牖懸刀筆而有述作之志

矣常笑淮南之假手每嗤不韋之託人由是年在志學躬自搜纂以爲一家之言今纂開闢以來至乎耳目所接即以先生爲號名曰金樓子蓋士安之玄晏稚川之抱朴者焉

南史本紀著金樓子補闕子各十卷

唐日本國見在書目金樓子十卷蕭世誠撰

唐書經籍志金樓子十卷梁元帝撰

唐書藝文志梁元帝金樓子十卷

宋史藝文志湘東王繹金樓子十卷

晁氏讀書志金樓子十卷梁元帝撰釋書十五篇論歷代興亡之跡箴戒立言志怪雜說自鈇著書聚書通曰金樓子者在藩時自號金樓本云十篇跋五字今從袁本

陳氏書錄解題金樓子十卷梁元帝釋世誠爲湘東王時所述也雜記古今聞見末一卷爲自序

四庫提要曰是書明初漸已湮晦明季遂竟散亡今檢永樂大典各韻尙頗載其遺文惟所列僅十四篇與晁公武十五篇之數不合其篇端序述亦惟戒子后妃捷對志怪四篇尙存餘皆脫逸然中間與王戒子聚書說蕃立言著書捷對志怪八篇皆首尾完整其他文雖攙亂而幸其條目分明尙可排比成帙

謹詳加哀綴參考互訂釐爲六卷其書于古今聞見事迹治忽貞邪成爲苞載附以議論勸戒兼資惟永明以後豔語盛行此書亦文格綺靡不出爾時風氣至于自稱五百年運

余何敢讓儼然上比孔子尤爲不經是則瑕

諭不掩亦不必曲爲諱爾譚案帝又數言余于天下爲不曉也則在當時居然以周公自命

以上諸子之屬爲一類四庫提要所謂雜學之屬是也

博物志十卷張華撰

晉書本傳華字茂先范陽方城人也學業優博郡守鮮于嗣薦爲太常博士除佐著作郎兼中書郎晉受禪拜黃門侍郎封關內侯及吳平封廣武縣侯惠帝時進壯武郡公歷侍中中書監司空後爲趙王倫孫秀詐稱詔害之夷三族時年六十九華彊記默識四海之內若指諸掌家無餘財唯有文史溢于几案祕書監摯虞撰定官書皆資華之本以取正焉天下奇祕世所希有者悉在華所由是博物洽聞世無與比著博物志十篇行于世

晉王嘉拾遺記曰張華字茂先挺生聰慧之賦好觀祕異圖緯之部摺采天下遺逸自書契之始考驗神怪及世間閭里所說造博物志四百卷奏于武帝帝詔詰問卿才綜萬代博識無倫自記事采言亦多浮妄將恐惑亂于後生繁蕪于耳目可更刪截浮疑分爲十卷又曰帝常以博物志十卷置于函中暇日覽焉

唐日本國見在書目博物志十卷張華撰
唐書經籍志小說家博物志十卷張華撰
唐書藝文志小說家張華博物志十卷宋志雜家著錄同

晁氏袁本讀書志小說家博物志十卷晉張

華茂先撰周日用注載歷代四方奇物異事首卷有理略後有讚文

又衢本讀書志周盧注博物志十卷盧氏注六卷晉張華撰兩本前六卷略同無周氏注者稍多而無後四卷周名日用

陳氏書錄解題博物志十卷晉司空范陽張華茂先撰多奇聞異事華能辨龍鮮識劍氣其學固然也又小說家周盧注博物志十卷盧氏注六卷

玉海藝文記志篇張華博物記中興書目十卷采錄雜說異聞有周日用盧氏注釋聞見于下

四庫小說家簡目錄曰博物志十卷舊題晉張華撰實則原本散佚後人采其遺文哀合成編雜取他說附益之故證以諸書所引或有或無或合或不合也

又提要曰晁公武稱卷首有理略後有贊文今本卷首第一條爲地理稱地理略自魏氏曰以前云云無所謂理略謹案此似晁志跋地字讚文惟地理有之亦不在卷後又曰書中間有附注或稱盧氏或稱周日用寥寥數條殆非完本或亦後人偶爲摘附歟

金山錢錫之跋曰今世相傳博物志十卷凡三十八類分析處都無義理惟十禮居刻仿宋連江葉氏本不分門類段目次序與俗本大異然以唐類宋書所引校之脫簡自一二字至數行不等其它前後復見雜出不倫者甚夥至太妃夢見商之庭產棘條掇拾周書

程寤大聚武順度邑四篇文連屬爲一尤巨謬也竊意宋初原書尙存故御覽廣記引博物志往往出今本外黃葉園遽以葉本爲全書而疑散見于它所稱引者爲張公雜記亦執持太過矣予既主葉本雜采宋以前諸書補正其脫誤并輯逸文附諸卷末云

案魏書常景傳云景刪正晉司空張華博物志則北朝別有常氏刪節本其人當南朝齊梁之間本志所載不知爲原書爲常氏本也注其書者盧氏周日用之外又有御覽獸部二十四引如淳注博物志一條如淳馮翊人魏陳郡丞即注漢書者其卒年不可考豈與張茂先同時及見其書而附注之歟 御覽此條有云淳同鄉人吉孟景福中征遼東時爲運船吏景福當爲景初即魏明帝景初二年大尉司馬宣王征公孫淵事也知如淳爲魏明帝以後人

張公雜記一卷張華撰梁有五卷與博物志相似小小不同

唐書藝文志張公雜記一卷注云張華梁又有雜記十卷何氏撰亡何氏不知何人

案此亦是張公雜記爲何氏譌錄之別本雜記十一卷張華撰

四庫著錄張華博物志提要曰又劉昭續漢志注律曆志引博物記一條輿服志引博物記一條五行志引博物記二條郡國志引博物記二十九條齊東野語謂博物記當是秦

二

二

二

漢間古書張華取其名而為志楊慎丹鉛錄亦稱據後漢書注博物記乃唐蒙所作今觀裴松之三國志注引博物記四條又于魏志涼茂傳中引博物記一條灼然二書更無疑義 謹案凡此所引博物記皆出以上三部之雜記律曆志注引凡三條又百官志注禮儀志注亦引之

仁和孫志祖讀書脞錄曰楊升菴丹鉛錄云漢有博物記非張華博物志也周公謹云不知誰著考後漢注始知博物記為唐蒙作志祖案續漢書郡國志犍為郡下有蜀都賦注斬鑿之跡今存昔唐蒙所造本謂唐蒙開道事也其下乃引博物記縣西百里有牙門山升菴誤以唐蒙所造連下博物記為讀云唐蒙作博物記函莽甚矣胡元瑞丹鉛新錄亦未加駁正覆案郡國志犍為楊氏誤讀劉昭注文

案此所載知博物志之外本有博物記亦名張公雜記且不止一種綜七錄本志所有凡三本日本書目博物志十卷之次又有博物章十卷其書或當時相傳或後人所錄晉書本傳載海鳧毛白龍鮓武庫雉雊臨平石鼓豐城劍氣華陰赤土六事末云華之博物多此類不可詳載似皆取資于此類雜記之書 又案馬氏玉函山房輯存唐蒙博物記一卷鑿空無據為丹鉛錄所誤也所輯凡五十餘節于續漢禮儀志注三國志注所引皆未之及若再加輯補益以本傳六事附以御覽如淳注一事援本志此三書為據

改題張公雜記則庶乎其不謬矣 梁有子林二十卷孟儀撰亡

孟儀有周載八卷見史部雜史類 唐書經籍志子林二十卷孟儀撰 唐書藝文志孟儀子林二十卷

案此為梁庾仲容子鈔之先聲是可知意林之先有子鈔子鈔之先有子林四庫提要雜家別為一類曰雜纂雜纂之體蓋始于此書東晉時也

廣志二卷郭義恭撰

郭義恭始末未詳

唐書藝文志郭義恭廣志二卷

通志藝文略廣志二卷郭義恭撰又十卷

案此蓋廣博物志之書諸書引見頗多馬氏玉函山房輯存一本而佚其輯書序今案所輯凡二百六十餘條編為上下二卷

依今本博物志次第以言地理者為之首又言陸佃埤雅引廣志小學篇則其書亦分篇目通志略載別本十卷則相傳有兩本

部略十五卷

不著撰人

唐書藝文志部略十五卷

案南齊書竟陵文宣王子良傳永明五年正位司徒移居雞籠山西邸集學士抄五經百家依皇覽例為四部要略十卷此部略疑即四部要略之省名十五卷者或千卷之殘贖或部首之總最

又魏書裴景融傳出帝時韶饒鄒部要略令景融專典竟無所成則又疑裴氏未成之書

博覽十三卷

不著撰人

唐書經籍志博覽十五卷藝文志同

案通志藝文略載博覽十三卷此據本志其後又有博覽十五卷則從唐志錄入也據其書者見卷數不同前後兩出必以為兩書矣其實止一書蓋唐志所載漢魏六朝人之書根源皆在隋志其書名撰人偶有同異正足以為考鏡之資至于卷數分合多寡則傳本不同各據所見寫刊之誤

又時所恆有尤不可以拘泥鄭氏不究此例往往有此重複疑誤後學毋為所淆也 諫林五卷齊晉陵令何望之撰望之當為望之 宋書何尚之傳尚之廬江潯人也弟悠之義與太守悠之弟愉之新安太守愉之弟翌之都官尚書

宋書後廢帝本紀元徽元年秋七月丁丑散騎常侍顧長康長水校尉何翌之表上所撰諫林上自虞舜下及晉武凡十二卷

唐書經籍志諫林十卷何望之撰 唐書藝文志何望之諫林十卷

述政論十三卷陸澄撰

陸澄有漢書注詳見史部正史類 唐書經籍志述正論十三卷陸澄撰 唐書藝文志陸澄述正論十三卷

案通志藝文略儒家述政論十三卷裴元撰以爲裴元書不知何據而陸澄是書則終于不見豈別有所考隋唐三志皆誤耶殆不足信

古今注三卷崔豹撰

崔豹有論語集義詳見經部

唐書經籍志古今注五卷崔豹撰

唐書藝文志崔豹古今注三卷又史部儀注類崔豹古今注一卷宋史志三卷

陳氏書錄曰古今注三卷晉太傅丞崔豹正

熊撰又曰中華古今注三卷後唐太學博士

馬縞撰蓋推廣崔豹之書也

玉海藝文記注類中與書曰古今注三卷晉

太傅丞崔豹撰雜取古今名物各爲考釋凡

八門輿服都邑音樂鳥獸魚蟲草木雜注問

答釋義中華古今注三卷五代唐馬縞撰初

崔豹進古今注原釋事物創始之意縞復增

益注釋以明之凡六十六門

四庫提要曰古今注三卷舊本題晉崔豹撰

中華古今注三卷舊本題後唐太學博士馬

縞撰豹書無序跋縞書前有自序稱晉崔豹

古今注博識雖廣殆有闕文洎乎黃初莫之

聞見今添其注以釋其義然今互勘二書自

宋齊以後事二十九條外其魏晉以前之事

豹書惟草木一類及鳥獸類吐綬鳥一名功

曹七字爲縞書所無縞書惟服飾一類及開

卷五條爲豹書所闕其餘所載並皆相同不

過次序稍有後先字句偶有加減縞所謂增

注釋絕無其事考太平御覽所引書名有

豹書而無縞書文選通考雜家類又祇有縞

書而無豹書知豹書久亡縞書晚出後人摭

其中魏以前事贗爲豹作又檢校永樂大典

所載蘇鶯演義與二書相同者十之五六則

不特豹書出于依託即縞書亦不免于勦襲

特以相傳既久姑存以備一家耳

又簡明目錄曰古今注三卷晉崔豹撰中華

古今注三卷五代馬縞撰二書皆考證名物

而文相同者十之九故兩存其書且并爲一

帙以便互考焉

案漢伏無忌有古今注詳見史部雜史類

此蓋沿用其名

古今訓十一卷張顯撰

張顯有析言論見前

唐書藝文志張明誓論二十卷古今訓十卷案

張明誓論即張顯析言論詳見于前古訓即此古今訓也

馬國翰曰晉議郎張顯著析言論古今訓二

書隋志并入雜家唐志不載佚已久茲從諸

書輯得析言論四節又從陸德明釋文得古

今訓一條不能成卷附錄于後

古今善言三十卷宋車騎將軍范泰撰

宋書本傳泰字伯倫順陽山陰人也祖汪晉

安北將軍徐兗二州刺史父寧豫章太守泰

仕晉襲爵陽遂鄉侯高祖受命拜金紫光祿

大夫散騎常侍領國子祭酒加位特進侍中

左光祿大夫領江夏王師泰博覽籍好爲

文章愛獎後生孜孜無倦撰古今善言二十

四篇傳于世元嘉五年卒年七十四追贈車

騎將軍諡曰宣侯第四子暉太子詹事謀反

伏誅

唐日本國見在書目古今善言廿一卷 不著撰人

唐書經籍志古今善言三十卷范泰撰

唐書藝文志范泰古今善言三十卷 宋史志

同

馬國翰輯本范泰古今善言水經注卷三十

六太平御覽四百三十一又六百九十三各

引一條

善諫二卷宋領軍長史虞通之撰

虞通之有妬記詳見史部雜傳籍

唐書經籍志善諫二卷虞通之撰

唐書藝文志虞通之善諫二卷

闕文十三卷陸澄撰

陸澄有述政論見前

唐書經籍志儒家缺文十卷陸澄撰

唐書藝文志雜家陸澄述正論十三卷又闕

文十卷

案南齊書本傳云澄博覽無所不知行坐

眠食手不釋卷家多墳籍人所罕見此闕

文所由來歟大抵如羣書拾補補隅錄之流

政論十三卷陸澄撰

案此即述政論已見于前此殆從別家書

目采入見書名微異以爲別是一書實重

複也

記聞二卷宋後軍參軍徐益壽撰

徐益壽始末未詳
唐書經籍志記開三卷徐益壽撰
唐書藝文志徐益壽記開三卷
新舊傳四卷
不著撰人

唐書藝文志新舊傳四卷

案史部雜傳類諸家家傳中已有是書而

唐志入雜家未審孰是

釋俗語八卷劉霽撰

梁書孝行傳劉霽字士烜平原人也家貧與弟杳歆相篤勵學博涉多通天監中起家奉朝請稍遷宣惠晉安王府參軍西昌相尙書主客郎海鹽令建康正母卒廬慕思慕不已服未終而卒年五十二著釋俗語八卷弟杳在文士傳歆在處士傳

唐書經籍志小說家釋俗語八卷劉齊撰

唐書藝文志小說家劉齊釋俗語八卷 齊並當爲霽

稱謂五卷後周大將軍盧辯撰

周書本傳辯字景宣范陽涿人累世儒學兄景裕爲當世碩儒辨少好學博通經籍舉秀才爲太學博士以大戴禮未有解詁辨乃注之魏孝武入關事起倉卒辨不及至家單馬從至長安授給事中黃門侍郎領著作尋除太常卿太子少傅進爵范陽公轉少師尙書右僕射世宗卽位進位大將軍薨又北史本傳云諡曰獻隋開皇初以辯前代名德追封沈國公

唐書藝文志盧辯稱謂五卷

錢塘梁田庭立紀聞曰爾雅釋親一篇頗略

孔鮒小爾雅揚雄方言劉熙釋名張揖廣雅

多有補益後周盧辯撰稱謂五卷惜今不傳

備遺記三卷

不著撰人

纂要一卷戴安道撰亦云顏延之撰

戴安道名逵有五經大義見經部論語類顏

延之有逆降義見經部禮類

唐書經籍志小學類纂要六卷顏延之撰

唐書藝文志小學類顏延之纂要六卷

錢塘汪師韓文選理學權輿曰選注所引羣

書有顏延之纂要解 案此稱纂要解可以知其書

有解有纂解者或卽解戴氏之書歟

馬氏玉函山房輯本序曰此書雜載訓詁仿

爾雅爲之隋志雜家一卷戴安道撰亦云顏

延之撰唐志顏延之纂要六卷改入小學類

今佚哀輯爲卷又曰諸書引者亦多作顏延

之唯徐堅初學記引纂要復引梁元帝纂要

太平御覽因之凡有五節體製與諸引顏延

年者無異意顏書本一卷元帝增之故爲六

卷徐稱纂要者顏之本書稱梁元帝纂要帝

所續歟 案任氏大樞小學鈎沈中亦輯纂要一十九條

方類六卷

不著撰人

俗說三卷沈約撰梁五卷

雜說二卷沈約撰

袖中記二卷沈約撰袖中略集一卷沈約撰

珠叢一卷沈約撰

沈約有證法見經部論語類

唐日本國見在書目袖中書十一卷沈約撰

袖中記二卷同撰袖中抄一卷

唐書經籍志袖中記一卷不著撰人

唐書藝文志沈約袖中記二卷

宋史藝文志沈約袖中記三卷又小說家沈

約俗說一卷

案梁書本傳云所著邇言十卷行于世南

史本傳約子旋字士規集注邇言行于世

或謂此是爾雅注之誤或當然邇言不見載于

本志此俗說五卷雜說袖中記各二卷珠

叢一卷凡十卷亦不見于本傳似卽邇言

之篇目其袖中略集一卷則又似後人節

錄非其本書唐宋時唯存袖中記宋又有

俗說一卷皆其殘贖也沈旋集注爾雅見經部

論語類

又日本書目有袖中書十一卷似俗說雜

說珠叢皆在其中以袖中書在前故以爲

名耳又有袖中記二卷與本志相同卽袖

中書之單行本袖中抄一卷卽本志之袖

中略集也 馬氏玉函山房輯存俗說一卷

采璧三卷梁中書舍人庾肩吾撰

梁書文學傳肩吾字子慎八歲能賦詩爲兄

於陵所友愛初爲晉安王國常侍累遷太子

率更令中庶子太清中侯景寇陷京都景矯

詔遣肩吾使江州喻當陽公大心因逃赴江

陵未幾卒

南史庾易傳易字幼簡新野人也徙居江陵子黔婁黔婁弟於陵於陵弟肩吾字慎之間道奔江陵歷江州刺史領義陽太守封武康縣侯卒贈散騎常侍中書令

唐日本國見在書目彩璧六卷梁庾肩吾撰唐書經籍志采璧記三卷庾肩吾撰

唐書藝文志庾肩吾采璧三卷

物始十卷謝吳撰

謝吳亦作謝昊有梁書四十九卷見史部正史類

唐書經籍志物始十卷謝昊撰

唐書藝文志謝昊物始十卷

宜覽二十二卷

不著撰人

案隋書于仲文傳仲文撰略覽二十卷疑即此書

玉府集八卷

不著撰人

案日本國書目有玉府新書五十卷不著姓名此八卷似其殘贖志略類書內有玉府新書三卷梁齊逸人撰亦似此書又梅鼎祚文紀引玉府新書有杜預與子就書一條嚴氏輯入杜預佚文中則是書亦間有引述者

鴻寶十卷

不著撰人

烏程嚴可均全梁文編曰張纘字伯緒緬弟三弟天監中尚富陽公主拜駙馬都尉封利亭侯補國子生除秘書郎太清中歷使持節

平北將軍寧蠻校尉雍州刺史岳陽王贊不受代見殺元帝承制贈侍中中衛將軍開府儀同三司諡簡憲公有鴻寶十卷本傳作一百卷

案梁書本傳云纘好學兄緬有書萬餘卷晝夜披讀殆不輟手祕書郎有四員宋齊以來爲甲族起家之選待次入補其居職例數十百日便遷任纘固求不徙欲遍觀閣內圖籍嘗執四部書目曰若讀此畢乃可言優仕矣如此數載方遷官又曰讚著鴻寶一百卷嚴氏以爲即此鴻寶然考鍾嶸詩品云李充翰林疎而不切王微鴻寶密而無裁則王微亦有鴻寶微有集見別集類宋人文中

顯用九卷

不著撰人

墳典三十卷盧辯撰

盧辯有稱謂五卷見前隋書儒林辛彥之傳彥之隴西狄道人也博涉經史周閔帝受禪與少宗伯盧辯專掌儀制高祖受禪改封任城郡公位上開府歷隨州洛州刺史開皇十一年卒官諡曰宣撰墳典一部六官一部

唐書經籍志儒家墳典三十卷盧辯撰

唐書藝文志儒家盧辯墳典三十卷

案盧辯于周閔帝時與辛彥之同官是書蓋與彥之同撰周書北史載盧辯撰六官不載別有墳典而隋書儒林傳并六官皆

歸于彥之此猶論語集解本志云何晏撰晉書歸之鄭沖華林徧略本志云徐僧權

兩唐志云徐勉也

玉燭寶典十二卷著作郎杜臺卿撰

隋書本傳臺卿字少山博陵陽曲人也父弼齊衛尉卿臺卿少好學博覽書記解屬文仕齊奉朝請歷中書黃門侍郎周武平齊歸鄉里以禮記春秋講授子弟開皇初被徵入朝臺卿嘗采月令蠲類廣之爲書名玉燭寶典十二卷至是奏之賜絹二百匹臺卿患聾不堪吏職請修國史上許之拜著作郎十四年致仕數載終于家

臺卿自序略曰昔因典掌餘暇考校藝文禮記月令最爲備悉遂分諸月各以冠篇首先引正注逮及衆說續書月別之下增廣其流史傳百家時多兼采詞賦綺靡動過其意除非顯著一無所取載土風者體民生而積習論俗誤者冀勉之以知方始自孟陬終于大呂以中央戊己附季夏之末合十二卷總爲一部至如雷雲霜雨減降參差鳥獸魚蟲鳴躍前後春生夏長草榮樹實孟仲之際晏早不同者或敘其發初或錄其尤盛或據在周維或旁施邊裔縱令小舛差可弘通若乃鄭俗秦聲楚言越服須觀同異的辨華戎並存舊命無所改創其單名互出即文不審則注稱今案以明之若事涉疑殆理容河漢則別起正說以釋之世俗所行節者雖無故實伯升之諺載于經史多觸類援引名爲附說又

有序說終篇括其首尾案爾雅四氣和爲玉燭周書武王說周公推道德以爲寶典將令此作義兼衆美以玉燭寶典爲名焉

唐日本國見在書目玉燭寶典十二卷隋著作郎杜臺卿撰

唐書經籍志玉燭寶典十二卷杜臺卿撰

唐書藝文志農家杜臺卿玉燭寶典十二卷

宋志農家著錄同

陳氏書錄史部時令類玉燭寶典十二卷隋

著作郎博陵杜臺卿少山撰以月令爲主觸

類而廣之博采諸書旁及時俗月爲一卷頗

號詳洽開皇中所上

日本國人澀江全善森立之經籍訪古志曰

玉燭寶典十二卷貞和四年抄本隋著作郎

杜臺卿撰缺第九一卷每册末有貞和四年

某月日校合畢面山叟記五卷末有嘉保三

年六月七日書寫并校畢舊跋案此書元明

諸家書目不載之則彼士蚤已亡佚耳此本

爲佐伯毛利氏獻本之一聞加賀侯家藏卷

子本未見 黎氏刊寶典卷後附記曰嘉保三年宋哲

宗紹聖三年貞和四年元順帝至正八年也

光緒十年出使日本大臣遵義黎庶昌刻古

佚叢書敘目曰覆舊鈔卷子本玉燭寶典十

一卷原十二卷今缺第九卷其書用小戴記

月令爲主博引經典集證之較周書月令解

呂覽四時紀淮南時則訓加詳此爲專書故

也開皇中奏上號爲詳洽陳直齋書錄解題

猶載之其亡當在宋已後耳

典言四卷後魏人李穆叔撰

李穆叔名公緒有趙李家儀十卷見史部儀

注篇

北齊書北史本傳公緒雅好著書撰典言十

卷行于世

唐書經籍志儒家典言四卷李若等撰

唐書藝文志儒家李穆叔典言四卷

典言四卷後齊中書郎荀士遜等撰

北齊書北史文苑傳荀士遜廣平人也好學

有思理爲文清典見賞知音武定末舉司州

秀才齊皇建中爲主書轉中書舍人遷侍郎

與李若等撰典言行于世齊亡年卒

案齊書北史李公緒傳云撰典言十卷蓋

與荀士遜李若等同撰本志分別爲兩家

各四卷似卽一書而題名互異故兩唐志

唯載四卷不別出爲兩部本開元羣書四

錄考訂如此也北齊書文苑傳序云及在

武平李若荀士遜李德林薛道恆爲中書

侍郎隋書文苑傳傳德儻與頓邱李若俱

見稱重時人爲之語曰京師灼灼崔儻李

若李若見于史者如此

補文六卷

不著撰人

案此或亦如陸澄闕文之類又在此典言

之後李公緒典言本十卷豈此六卷補前

書四卷之未備者歟

四時錄十二卷

不著撰人

唐書經籍志四時錄十二卷王氏撰

唐書藝文志農家王氏四時錄十二卷

宋史藝文志農家四時錄四卷不知作者

玉海律曆時令篇崇文目有四序總要十二

卷四時錄四卷

正訓二十卷

內訓二十卷

並不著撰人

隋書辛德源傳德源字孝基隴西狄道人也

博覽書記少有重名仕齊爲中書舍人齊滅

入周爲宣納上士高祖受禪祕書監牛弘奏

與著作郎王劭同修國史德源每于務隙撰

集注春秋三傳三十卷注揚子法言二十三

卷蜀王秀奏以爲掾轉諮議參軍卒官又撰

政訓內訓各二十卷

唐書經籍志儒家正訓二十卷辛德源志內

訓二十卷辛德源王劭等撰

唐書藝文志儒家辛德源正訓二十卷又史

部傳記女訓類辛德源王劭等內訓二十卷

崇文總目正訓十卷不著撰人名氏案唐志

有正訓二十卷辛德源撰而此題云陸機撰

又止十卷據隋以前書錄皆無陸機正訓之

目晉史機傳亦不言嘗有此書而德源所著

今世已亡疑是其遺書案宋志有陸機正訓十卷

卽崇文目所言者不足據也

嘉定錢大昕隋書考異曰經籍志正訓二十

卷內訓二十卷皆不著撰人蓋辛德源所撰

也本傳正作政

雜略十三卷

不著撰人

北齊書文苑傳後主三年祖珽奏立文林館更召引文學士謂之待詔文林館珽又奏撰御覽奏追通直散騎侍郎韋道遜等入館修書

又文苑顏之推附傳韋道遜京兆杜陵人與兄道密道建道儒並早以文學知名道遜武平初為尙書左中兵加通直散騎侍郎入館加通直常侍

唐書經籍志新略十卷韋道孫撰
唐書藝文志韋道孫新略十卷

案兩唐志次是書于庾肩吾徐陵之間新略為雜略之誤本志于北朝人之書類不著作者姓名此為韋道遜所撰無疑遜與孫同

清神三卷

不著撰人

前言八卷

不著撰人

會林五卷

不著撰人

案梁書徐勉傳以孔釋二教殊途同歸撰會林五十卷此五卷或其殘帙或斂十字勉有梁選簿見史部識官篇

對林十卷

不著撰人

道言六卷吐羅羨撰

隋書張暕傳暕字士鴻河間鄭人也父羨少好學多所通涉仕魏為蕩難將軍從武帝入關累遷銀青光祿大夫周太祖引為從事中郎賜姓叱羅氏歷司職大夫雍州刺史儀同三司賜爵虞鄉縣公復入為司成中大夫典國史周代公卿類多武將唯羨以素業自通

甚為當時所重後以年老致仕于家及高祖受禪欽其德望以書徵之及謁見勅令勿拜扶升殿上降榻執手與之同坐宴語久之賜詔答之俄而卒年八十四贈滄州刺史諡曰定撰老子莊子義名曰道言五十二篇

道術志三卷

不著撰人

述伎藝一卷

不著撰人

案此似即邯鄲淳藝經文選注數引之諸書要略一卷魏彥深撰

魏彥深名澹有後魏書見史部正史類文府五卷

不著撰人

陳書徐陵傳陵字孝穆東海郟人也仕梁入陳歷官侍中安右將軍左光祿大夫太子少傅南徐州大中正封建昌縣侯後主至德元年卒年七十七贈右將軍特進諡曰章

唐日本國見在書目文府十卷不著撰人

唐書經籍志文府七卷徐陵撰宗道寧注

唐書藝文志徐陵文府七卷宗道寧注

案兩唐志則是書為徐陵撰或亦如詩之有玉臺新詠十卷也日本書目所載或原本本此五卷似非其全唐志七卷為宗道寧注本道寧始末未詳

梁有文章義府三十卷

不著撰人

案日本書目文府十卷之後又有文府十卷文府二卷文府雜體八卷文府啓法二卷文府四聲五卷皆不著撰人疑即是書之散見者又本志總集類梁有漢書文府三卷亡疑亦其類

語對十卷朱澹遠撰

語麗十卷朱澹遠撰

梁元帝金縷子聚書篇曰前在荊州又得州民朱澹遠送異書又著書篇曰語對三帙三十卷案此語對似即朱氏所與修者至隋僅存其一帙也

唐日本國見在書目語麗十一卷朱澹遠撰

唐書經籍志語麗十卷朱澹遠撰

唐書藝文志朱澹遠語麗十卷又語對十卷

宋史藝文志類事類朱澹遠語麗十卷

陳氏書錄類書類語麗十卷梁湘東王功曹參軍朱澹遠撰采摭書語之麗者為四十門案前志但有雜家而無類書新唐書志始別出為一類此書乃猶列雜家要之實類書也但其分門類無倫理澹遠又有語對一卷不傳

對要三卷

不著撰人

案此似即前對林語對之節要本

雜語三卷

不著撰人

案南齊書劉善明傳太祖踐阼以善明為

淮南宣城二郡太守善明至郡上表陳事

十一條又撰聖賢雜語奏之託以諷諫上

答曰省所獻雜語並列聖之明規衆智之

深軌卿能憲章先範纂縷情識忠款既昭

淵誠肅著當以周旋無忘聽覽也或即此

雜語三卷歟

衆書事對三卷

不著撰人

案唐徐堅初學記凡三百十三篇每篇皆

有事對疑即取資于是類之書

廊廟五格二卷王彬撰

王彬始末未詳

案晉有王彬晉書附其兄王廙傳齊亦有

王彬南史附王僧虔傳皆不言其有是書

名數八卷

不著撰人

唐書經籍志名數十卷徐陵撰

唐書藝文志徐陵名數十卷

案徐陵有文府見前

新言四卷裴立撰

裴立始末未詳

案此或是裴玄新言五卷之別本而譌玄為立也

善說五卷

不著撰人

君臣相起發事三卷

不著撰人

案舊新唐志儒家並有唐章懷太子君臣

相起發事三卷則是書為章懷太子撰然

不應錄入本志或本有是書為章懷所傳

錄者歟

物重名五卷

不著撰人

真注要錄一卷

不著撰人

天地體二卷

不著撰人

雜事鈔二十四卷

不著撰人

案唐日本國見在書目雜鈔廿卷亦不著

撰人疑即是書

雜書鈔四十四卷

不著撰人

案此猶在北堂書鈔之前似即虞永興所

据之藍本唐日本國書目有而部書鈔十

卷亦不著作者疑即是書之佚存者而部

彼國語大意謂此部別部歟

子抄三十卷梁黠令庾仲容撰

南史庾悅傳悅字仲豫潁川鄆陵人族弟仲

文仲文族孫仲容字子仲專精篤學初為安

西法曹行參軍轉太子舍人永康錢唐武康

令後為尚書左丞坐推糺不直免官遇太清

亂游會稽卒仲容博學有盛名抄子書三十

卷行于代

唐貞元二年撫州刺史戴叔倫意林敍曰有

梁潁川庾仲容為子書抄三十卷略其要會

而立言之本或不求全大理評事扶風馬總

元會增損庾書詳擇前體裁成三軸目曰意

林

又河東柳伯存意林序曰子書起于鸞熊而

部帙繁廣尋覽頗難梁朝庾仲容抄成三帙

汰其沙石籤其糝糠而猶蘭蓀雜于蕭艾瑤

璵隱于璞石扶風馬總精好前志務于簡要

又因庾仲容之抄略存為六卷題曰意林

唐書經籍志子抄三十卷庾仲容撰 一本作

庾子容談

唐書藝文志庾仲容子鈔三十卷宋史藝文志

同

宋高似孫子略曰梁諮議參軍庾仲容子鈔

百十有七家仲容所取或數句或一二百言

是有以契其意入其用而他人不可共享者

也馬總意林一遵庾目多者十餘句少者一

二言比子鈔更為取之嚴錄之精且約也

晁氏讀書志載馬總意林曰初梁庾仲容取

諸家書術數雜說凡一百七家鈔其要語為

三十卷總以其繁略失中增損成三軸

陳氏書錄解題子鈔三十卷梁尚書左丞潁

川庾仲容子仲撰所取諸子之書百有五家

其間頗有與今世見行書不同者而亡者亦

多矣

玉海藝文諸子篇中與書目子鈔三十卷梁庾仲容鈔諸子凡百有五家輯爲是書一云一百七家

案庾氏之前有晉臨賀太守孟儀子林二十卷庾同時稍前又有沈約子鈔十五卷其目皆不可考庾鈔之目或云百十七家或云百七家百五家嚴氏從子略所載意林目錄定爲一百九家作意林闕目錄錄言之甚詳見鐵橋漫彙後有傅宋槧全本意林者第六卷中尙有杜夷幽求子干寶千子華譚新論孫綽孫子四家可考見者實有一百十三家嚴氏爲子略所誤矣然子略言仲容子抄百十七家或得之于本書其尙有四家今莫得而詳

子鈔二十卷

不著撰人

案此似卽沈約三十卷本之佚存者

梁有子鈔十五卷沈約撰亡

沈約有俗說等五書見前

唐書經籍志子鈔三十卷沈約撰

唐書藝文志沈約子鈔三十卷

論集八十六卷殷仲堪撰梁九十六卷梁又有雜論五十八卷雜論十三卷亡

殷仲堪有毛詩雜義見經部詩家

唐書經籍志總集類雜論九十五卷殷仲堪撰

唐書藝文志殷仲堪論集九十六卷又總集

類殷仲堪雜論九十五卷

案論集與雜論祇是一書耳故卷數亦略

相同本志新唐志記錄紛紜乃若此

以上自博物志至此皆雜家之不名一體

者爲一類其中亦略有分別以類相從故

撰人如沈約盧辯皆前後兩見四庫提要

所謂雜考雜說雜品雜纂之屬此皆有之

皇覽一百二十卷繆下等撰梁六百八十卷一本

作繆下皆繆之誤也

三國魏志文帝紀初帝好學以著述爲務使

諸儒撰集經傳隨類相從凡千餘篇號曰皇

覽

又魏志劉傳黃初中爲散騎侍郎受詔集

五經羣書以類相從作皇覽

又魏志曹爽傳注魏略曰桓範延康中爲羽

林左監以有文學與王象等典集皇覽

又魏志楊俊傳注魏略曰王象受詔撰皇覽

使象領祕書監象從延康元年始撰集數歲

成藏于祕府合四十餘部部有數十篇通合

八百餘萬字

史記五帝本紀索隱曰皇覽書名也宜皇王

之省覽故曰皇覽是魏人王象繆襲等所撰

也又曰皇覽記先代冢墓之處

太平御覽文部著書篇三國典略曰祖斑等

上言昔魏文帝命章誕諸人撰著皇覽包括

羣言區分義別

本志總敘曰魏祕書郎鄭默始制中經祕書

監荀勗又因中經更著新簿分爲四部三曰

丙部有史記舊事皇覽簿案皇覽簿者載皇覽之

目錄也魏中經以此爲丙部中之一類晉新簿仍之

玉海藝文承詔撰述篇曰類事之書始于皇

覽建雲臺者非一枝成珍裘者非一腋言集

之者衆也注云章誕諸人撰

番禺侯康補三國藝文志曰史記索隱卷一

云皇覽記先代冢墓之處康案御覽禮儀部

三十九引皇覽冢墓記二十餘條水經注引

皇覽十三條言冢墓者十之九冢墓蓋卽四

十餘部中之一御覽卷五百九十又引皇覽

記太公陰謀疑亦書中篇名也論語三省章

釋文稱皇覽引魯讀六事則兼及經義此魏

文帝紀所謂撰集經傳隨類相從者蓋後世

謂類書之濫觴故無所不包矣

孫氏書目皇覽一卷魏繆襲等撰孫馮翼集

本

張氏書目答問皇覽一卷魏繆襲等撰問經

堂輯本

案漢獻帝建安二十五年改元延康是歲

十月遜位卽爲魏黃初元年是書始草創

于是年閱數載成訖當在黃初中與其事

者不知若干人可見者劉卽桓範章誕王

象繆襲五人而王象繆襲其尤著者也由

是而風會所趨六朝之帝室皇枝名卿碩

彥靡不延攬文學抄撰衆書齊梁時尤盛

當時各有其本類多散佚不傳此百二十

卷殆猶是原編殘帙然舊新唐志皆不載

則已亡于隋末之亂矣

又案御覽數引皇覽逸禮即漢藝文志所謂禮古經多三十九篇劉歆移書太常博士稱逸禮三十九是也王莽時立博士漢末尚未亡故皇覽亦具載之又陳思王傳注臣松之案田巴事出魯連子亦見皇覽文多不載是皇覽中有魯連子又說郭中有繆襲尤射一篇文多殘缺亦皇覽佚文也孫氏輯本未見當盡取之矣繆襲有列女傳贊見史部雜傳類

梁又有皇覽一百二十三卷何承天合亡何承天有禮論三百卷詳見經部禮類唐書經籍志類事家皇覽一百二十二卷何承天撰

唐書藝文志類書類何承天并合皇覽一百二十二卷

梁又有皇覽五十卷徐爰合皇覽目四卷亡徐爰有集注繫辭見經部易家唐書經籍志類事家皇覽又八十四卷徐爰并合

唐書藝文志類書類徐爰并合皇覽八十四卷

案徐爰此本梁代存五十卷唐時復出乃八十卷目錄四卷視梁本多三十卷然亦疑本志此條五字為八字之誤

梁又有皇覽抄二十卷梁特進蕭琛抄亡梁書本傳琛字彥瑜蘭陵人父惠訓從伯惠開琛少而朗悟有縱橫才辨仕齊歷給事黃門侍郎梁臺建為御史中丞累遷琛常言少

壯三好音律書酒年長以來二事都廢惟書籍不衰中大通元年改授侍中特進金紫光祿大夫卒年五十二諡曰平子案魏志文帝本紀稱皇覽凡千餘篇當是千餘卷至梁存六百八十卷至隋存一百二十卷至唐惟有何徐兩家抄合本而魏時原本亡蕭琛所抄者亦亡比及于宋則抄合本亦俱不存矣

帝王集要三十卷崔安撰安當為宏

北史崔宏傳宏字玄伯清河東武城人魏司空林之六世孫也少有儁才號冀州神童仕苻堅慕容垂道武帝聞其名遣求及至以為黃門侍郎與張袞對總機要草創制度議國號為魏時命有司制官爵撰朝儀協音樂定律令申科禁宏總而裁之以為永式常引問古今舊事王者制度宏陳古人制作之體及往代廢興之由甚合上意賜爵白馬侯明元帝時拜天部大人進爵為公泰常三年卒追贈司空諡文貞公子浩襲案魏明元帝泰常三年晉安帝義熙十四年晉末宋初時也

唐書藝文志崔宏帝王集要三十卷

案魏書北史皆不言宏撰是書而微露其端又宏子浩傳云天師寇謙之每與浩言聞其論古治亂之跡常自夜達旦且竦意斂容無有懈倦因謂浩曰吾行道隱居不營世務忽受神中之訣當兼修儒教輔助泰平真君繼千載之絕統而學不稽古臨事闡味卿為吾撰列王者治典并論其大要

浩乃著書二十餘篇上推太初下盡秦漢變弊之跡大旨先以復五等為本云云亦頗似此書或本為崔浩而傳譌為崔宏又轉寫誤為崔安歟

類苑一百二十卷梁征虜刑獄參軍劉孝標撰梁七錄八十二卷

劉孝標名峻有漢書注見史部正史類梁書安成康王秀傳秀于高祖布衣昆弟精意術學搜集經記招學士平原劉孝標使撰類苑書未及畢而已行于世

又文學劉峻傳安成王秀好峻學及遷荊州引為戶曹參軍給其書籍使抄錄事類名曰類苑未及成復以疾去

南史劉懷珍附傳初梁武帝招文學之士有高才者多被引進擢以不次峻率性而動不能隨衆沈浮武帝每集文士策經史事時范雲沈約之徒皆引短推長帝乃悅加其賞賚曾策錦被事咸言已罄帝試呼問峻峻時貧悴冗散忽請紙筆疏十餘事坐客皆驚帝不覺失色自是惡之不復引見及峻類苑成凡一百二十卷帝即命諸學士撰華林編略以高之竟不見用乃著辨命論以寄其懷又為自序比馮敬通云沈約傳云約嘗侍譙鎮豫州獻梁徑寸半帝奇之問曰梁事多少與約各疏所憶少帝三事出謂人曰此公護前不讓即蓋死帝以其言不遜欲抵其罪徐勉固諫乃止唐書經籍志類事家類苑一百二十卷劉孝標撰

唐書藝文志類書類劉孝標類苑一百二十卷

案梁七錄八十二卷殆所謂書未成而已行于世之未完本也其後三十八卷則已在普通四年七錄成書之後矣

華林遍略六百二十卷梁綏安令徐僧權等撰

南史文學徐伯陽傳伯陽字隱忍東海人也

父僧權梁東宮通事舍人領祕書以善書知名

唐書述敘書錄曰梁則滿齋徐僧權沈熾文朱昇等

署記其後寶蒙述書賦曰押署繼尾則僧權似長松挂劍

滿齋如盤石臥虎注云徐僧權中山人南史王錫傳普

通初魏始連和使劉善明來聘引宴之日勅使左右徐僧

權于坐後言則書之

又劉峻傳峻撰類苑成一百二十卷帝即命

諸學士撰華林遍略以高之

又文學何思澄傳天監十五年勅太子詹事

徐勉舉學士入華林撰遍略勉舉思澄顧協

劉杳王子雲鍾嶼等五人以應選八年乃書

成合七百卷

唐杜寶大業雜記祕書監柳顧言曰梁主以

隱士劉孝標撰類苑一百二十卷自言天下

之事畢盡此書無一物遺漏梁武心不伏即

勅華林園學士七百餘人人撰一卷其事類

數倍多于類苑

唐日本國見在書目華林遍略六百廿卷梁

綏安令徐僧權等撰

唐書經籍志類事家華林編略六百卷徐勉撰

唐書藝文志類書類徐勉華林編略六百卷要錄六十卷

不著撰人

唐書經籍志類事家要錄六十卷藝文志類書類著錄同

案此列華林編略之後似乎即編略之節錄本以本部居言之則近似然考舊新

唐志之敘次則又不然也

壽光書苑二百卷梁尚書左丞劉杳撰

梁書文學傳杳字士深平原平原人也天監

初為太學博士少好學博綜羣書沈約任防

以下每有遺忘皆訪問焉王僧孺被勅撰譜

范岫撰字書音訓又訪杳焉佐周捨撰國史

入華林撰編略代表子野知著作郎事歷仕

至尚書左丞大同二年卒官時年五十自少

至長多所著述

又文學傳序曰高祖旁求儒雅詔采異人文

章之盛煥乎俱集其在位者則沈約江淹任

防並以文采妙絕當時至若彭城到沈吳興

邱遲東海王僧孺吳郡張率等或入直文德

通講壽光皆後來之選也

又張率列傳率字士簡吳郡吳人天監初直

文德待詔省敕使抄乙部書七年有勅直壽

光省治丙丁部書抄

唐書經籍志類事家壽光書苑二百卷劉杳撰香當為香

唐書藝文志類書類劉杳壽光書苑二百卷

一本亦誤作香

案梁書南史劉杳傳皆不言杳撰是書事其他諸傳亦罕有言及之者唯張率傳略見端倪耳審是則是書分甲乙丙丁四部似猶在華林編略之前又到洽傳勅使抄甲部

書或亦是壽苑也

科錄七十卷元暉撰一本作元暉誤七十卷亦似疑二百字

魏書常山王遵傳遵昭成子壽鳩之子也案

道武帝拓跋珪昭成帝什翼健之嫡孫也遵子素素

子可悉陵可悉陵弟忠忠子暉字景襲少沈

敏頗涉文史世宗即位拜尚書主客郎給事

黃門侍郎再遷侍中領右衛將軍冀州刺史

肅宗即位徵拜尚書左僕射暉頗愛文學招

集儒士崔鴻等撰錄百家要事以類相從名

為科錄凡二百七十卷上起伏羲迄于晉宋

凡十四代暉疾篤表上之神龜元年卒贈使

持節都督中外諸軍事司空公諡曰文憲案

魏孝明帝神龜元年梁天監十七年也

史通六家史記篇曰梁武帝勅羣臣自上太

祖下終齊室撰成通史六百二十卷其後元

魏濟陰王暉業又著科錄二百七十卷其斷

限亦起自上古而終于宋其編次多依放

通史而取其行事尤相似者共為一科故以

科錄為號無錫浦起龍通釋曰案本文誤以撰人為

濟陰王暉業郭延年辯之謂暉業所撰乃辯宗錄非科錄

也史通既誤王伯厚玉海再誤云

唐書經籍志史部雜傳類祕錄二百七十卷

元暉等撰案此類篇末部凡云右雜傳一百九十四

部褒先賢書舊三十九家孝友十家科錄一家科錄即謂此書今作祕錄者寫刊之誤也

唐書藝文志史部雜傳記類元暉等祕錄二百七十卷

王氏困學紀聞考史篇曰元魏濟陰王暉業起上古迄宋著料錄二百七十卷其書無傳案此稱濟陰王暉業亦沿史通之誤元暉業後魏辯宗錄二卷見史部譜系篇史通蓋因此而誤記也

書圖泉海二十卷陳張式撰

張式始末未詳

唐書經籍志類事家書圖泉海七十卷張氏撰

唐書藝文志類事類張氏書圖泉海七十卷案兩唐志題張氏氏蓋式之誤本志別集類有陳右衛將軍張式集十四卷蓋終于是官又陳後主集載所作詩序數言座有張式等諸人則後主時與親近流連文酒者也其書本名淵海唐人避諱改為泉本志僅存二十卷唐時乃多出五十卷

聖壽堂御覽三百六十卷

不著撰人

北齊書後主本紀武平三年二月庚寅以侍中祖斑為左僕射是月勅撰玄洲苑御覽後改名聖壽堂御覽八月聖壽堂御覽成勅付史閣後改為脩文殿御覽

又文苑傳序曰祖斑輔政說後主屬意斯文奏立文林館又奏撰御覽詔斑及特進魏收太子太師徐之才中書令崔劼散騎常侍張

雕中書監陽休之監撰斑等奏追通直散騎侍郎韋道遜等入館撰書并勅通直郎蕭放齊州錄事參軍蕭懋趙州功曹參軍顏之推等同入撰例

又文苑顏之推傳之推撰觀我生賦自注曰齊武平中署文林館待詔者僕射陽休之祖孝徵以下三十餘人之推專掌其撰修文殿御覽續文章流別等皆詣進賢門奏之

太平御覽文部著書篇三國典略曰齊王在晉陽尚書右僕射祖斑上言昔魏文帝命章誕諸人撰著皇覽包括羣言區分義別陛下聽覽餘日眷言細素究蘭臺之籍窮冊府之文以為觀書貴博博而貴要省日兼功期于易簡前者修文殿令臣等討尋舊典撰錄諸書謹罄庸短登即篇次放天地之數為五十部象乾坤之策成三百六十卷昔漢時諸儒集論經傳奏之白虎閣因名白虎通竊緣斯義仍曰修文殿御覽今繕寫已畢并目上陳伏願天鑒賜垂裁覽齊王命付史閣初齊武

城令宋士素錄古來帝王言行要事三卷名為御覽置于齊王巾箱陽休之創意取芳林遍略加十六國春秋六經拾遺錄魏史等書以士素所撰之名稱為玄洲苑御覽后改聖壽堂御覽至是斑等又改為修文殿上之徐之才謂人曰此可謂林上之林屋下之屋也唐日本國見在書目修文殿御覽三百六十卷祖孝徵撰唐書經籍志類事家修文殿御覽三百六十

卷

唐書藝文志類事類祖孝徵等修文殿御覽三百六十卷宋藝文志類事類著錄同

陳氏書錄解題類書類修文殿御覽三百六十卷北齊尚書左僕射范陽祖斑孝徵等撰斑之行事姦貪凶險盜賊小人之尤無良者言之則汙口舌而其所編集乃至令傳于世然斑嘗以他人所賣編略賈錢受杖又嘗盜官編略一部坐獄論罪今書毋乃亦編略之舊以為己功耶編略者梁徐僧權所為也又案隋志作聖壽堂御覽卷數同聖壽者實齊後主所居

長洲玉鏡二百三十八卷

不著撰人

北史文苑虞綽傳綽仕陳為太學博士及陳亡晉王廣引為學士大業初轉為祕書學士奉詔與祕書郎虞世南著作佐郎庾自直等撰長洲玉鏡等書十餘部綽所筆削帝未嘗不稱善案虞綽別有帝王世紀音見史部雜史類

唐杜寶大業雜記曰大業二年六月學士祕書監柳顧言學士著作佐郎王曹等撰長洲

玉鏡一部四百卷帝謂顧言曰此書源本出自華林遍略然無復可加事當典要其卷雖少其事乃多于遍略對曰梁主以劉孝標撰類苑一百二十卷自言無一物遺漏梁武心不伏即勅華林園學士七百餘人撰一卷其事類數倍多于類苑今文籍又富梁朝是以取事多于遍略然梁朝學士取事意各不同至如寶劍出自昆吾溪照人如照水切玉如切泥序劍者盡錄爲劍事序溪者亦取爲溪事撰玉者亦編爲玉事以此重出是以卷多至如玉鏡則不然帝曰誠如卿說

唐書經籍志類事家長洲玉鏡一百三十八卷虞綽等撰

不著撰人

舊唐書列傳虞世南字伯施越州餘姚人隋內史侍郎世基弟也父勃陳太子中庶子俱有重名世南篤志勤學少與兄世基受學于吳郡顧野王仕陳入隋大業中爲祕書郎後陷于宇文化及竇建德太宗滅建德引爲秦府參軍累遷及卽位轉著作郎兼弘文館學士祕書監賜爵永興縣子貞觀十二年致仕授銀青光祿大夫卒年八十一諡文懿

于世

唐書經籍志類事家書鈔一百七十三卷虞世南撰岑氏刊本上加北堂二字

唐書藝文志類書類虞世南北堂書鈔一百七十三卷

宋史藝文志類事類虞世南北堂書鈔一百六十卷

晁氏讀書志類書類北堂書鈔一百七十三卷唐虞世南仕隋爲祕書郎時抄經史百家之事以備用分八十部八百一類北堂者省之後堂世南抄書之所也家一百二十卷

陳氏書錄類書類北堂書抄一百六十卷唐祕書監餘姚虞世南伯施撰其書成于隋世

玉海藝文類書類中興書目北堂書鈔一百六十卷虞世南于省後堂集羣書中事可爲文用者號北堂書鈔分一百六十門

四庫類書類簡明目錄曰北堂者隋祕書省之後堂此書猶未入唐時所作也凡八百一類多摘錄字句而不盡注所出不及藝文類聚首尾完具又原本爲明陳禹謨所竄改亦非其舊然所引多古書故考證家猶援以爲據焉

張氏書目答問校明初寫本北堂書鈔五十五卷嚴可均校四錄堂本罕見今通行刻本一百六十卷乃明陳禹謨刪補者案嚴氏鐵橋

漫齋載所校是書書後凡五篇備言其事文多不錄

以上自皇覽至此爲類事之屬至唐經籍志始別爲一類元暉科錄唐志列史部較

爲得之

釋氏譜十五卷

不著撰人

梁釋慧皎高僧傳祐集經藏既成使人抄撰要事爲三藏記法苑記世界記釋迦譜及弘明集等皆行于世

梁書文苑劉勰傳總依沙門僧祐居處積十餘年遂博通經論因區別部類錄而序之今定林寺經藏總所定也

案釋藏始于此

釋藏百字二號僧祐法集總目曰顯明覺應故敍釋迦之譜又曰釋迦譜五卷

唐釋智昇開元釋教錄曰沙門釋僧祐洞明律藏兼善文藻搜集記錄撰爲部裘庶尋覽者功省而博達實法門之綱要釋氏之元宗也自蕭齊未爰及梁代撰釋迦譜等三部又曰釋迦譜十卷于齊代撰別有五卷本與廣

略異長房錄云四卷恐誤也

案此言與廣略異者唐釋道宣有釋迦譜略一卷見法苑珠林傳記篇珠林又有僧祐釋迦譜四卷即誤據費長房開皇三寶錄此四卷殆卽廣釋迦譜不知何人作非僧祐撰也有廣有略故云本與廣略異

唐書藝文志釋氏類僧祐釋迦譜十卷

宋史藝文志釋氏類僧祐釋迦譜五卷

晁氏讀書志釋氏類僧祐釋迦譜十卷梁釋僧祐撰僧祐以釋迦譜記雜見于經論覽者難通因纂成五卷又取內外族姓及弟子名氏附于後

案僧祐有薩婆多部傳詳見史部傳記篇今釋藏經府羅將相五字號有釋迦譜十

卷見龍藏彙記其別五卷惟開元釋教錄載之與本志十五卷合 又案此十五卷蓋後人取三部之書合而為一者也總名之曰釋氏譜其別五卷不知是否亦僧祐書

內典博要三十卷

不著撰人

梁元帝金樓子著書篇內典博要三秩三十卷

梁書南史元帝本紀帝著內典博要百卷

法苑珠林傳記篇內典博要一部四十卷湘

東王記室虞孝敬撰顏同皇覽類苑之流後

得出家改名惠命

唐日本國見在書目內傳博要三十卷又內

傳博要抄五卷皆不著撰人傳當為典

唐書經籍志道釋家內典博要三十卷虞孝

景撰

唐書藝文志釋氏類虞孝敬高僧傳六卷又

內典博要三十卷高僧傳詳見史部雜傳家

淨住子二十卷齊竟陵王蕭子良撰

南齊書武帝諸子傳竟陵文宣王子良字雲

英武帝第二子也帝即位封竟陵郡王子良

少有清向禮才好士居不疑之地傾意賓客

天下才學皆游集焉永明五年正位司徒移

居雞籠山招致名僧講論佛法造經唄新聲

道俗之盛江左未有又與文惠太子同好釋

氏甚相友悌子良敬信尤篤數于邸國營齋

戒大集朝臣衆僧至于賦食行水或躬親其

事世頗以為失宰相體勸人為善未嘗厭倦以此終致盛名隆昌元年薨年三十五所著內外文筆數十卷

文選任彥昇竟陵王行狀曰貴而好禮怡寄

典墳雖牽以物役孜孜無怠乃撰四部要略

淨住子並勒成一家懸諸日月弘洙泗之風

闡迦維之化豈古人所謂立言于世沒而不

朽者歟

廣弘明集二十七淨住子序略曰是故衆僧

于望晦再說禁戒謂之布薩外國云布薩此

云淨住亦名長養亦名增進所謂淨住身口

意身潔意如戒而住故曰淨住子者紹繼為

義以沙門淨身口七支不起諸惡長養增進

菩提善根如是修習成佛無差則能紹續三

世佛種是佛之子故云淨住子

法苑珠林傳記篇淨住子二十卷齊司徒竟

陵文宣王蕭子良撰

唐書經籍志道釋家淨住子二十卷蕭子良

撰王融頌

唐書藝文志釋氏類蕭子良淨住子二十卷

王融頌

嚴氏全齊文編曰案淨住子有專行本明張

溥刻竟陵王集全載之凡三十一章每章有

王融頌

因果記十卷

不著撰人

唐書經籍志史部雜傳鬼神類因果記十卷劉泳撰

唐書藝文志小說家劉泳因果記十卷

案劉泳始末未詳新唐志于撰人時代先

後頗有次第是書列之王曼穎顏之推之

間則梁陳時人也

歷代三寶記三卷費長房撰

開元釋教錄隋開皇三寶錄一十五卷內題

云歷代三寶記開皇十七年與善寺翻經學

士成都費長房撰

法苑珠林傳記篇開皇三寶錄一部一十五

卷隋朝翻經學士成都費長房撰

唐書經籍志道釋家歷代三寶記三卷 不著

撰人

唐書藝文志釋氏類費長房歷代三寶記三

卷長房成都人隋翻經學士

嘉興沈濤銅熨斗齋隨筆曰隋志子部雜家

歷代三寶記三卷費長房撰今釋藏中有其

書藏本分十五卷則隋志作三卷者誤其第

十五卷載表文一篇云始自姬周莊王甲午

佛誕西域後漢明皇永平丁卯經度東歲迄

今開皇太歲丁巳歷一千二百八十一載其

間靈瑞帝王名僧代別顯彰名開皇三寶錄

凡十五卷云

真言要集十卷

不著撰人

唐書經籍志道釋家真言要集十卷釋賢明

撰

唐書藝文志釋氏類僧賢明真言要集十卷通志藝文略釋家詮述類真言要集十卷唐

僧賢明撰

案賢明始末未詳當在續高僧傳中未得見之

義記二十卷蕭子良撰

蕭子良有淨住子見前

法苑珠林傳記篇雜義記二十卷齊司徒文

宣王蕭子良撰

案釋藏百字二號有梁釋僧祐撰齊太宰

竟陵文宣王法集錄序一篇不言卷數似即為此書作也

感應傳八卷晉尚書郎王延秀撰晉當為宋

衆僧傳二十卷裴子野撰

高僧傳六卷虞孝敬撰

案此三部並詳見史部雜傳家蓋所據書

目有入雜傳者有入雜家者各就所見而

一例寫入不覺其重複與儒家類最後所

載之八部相同也

皇帝菩薩清淨大捨記三卷謝吳撰

謝吳亦作謝吳有梁書四十九卷見史部正

史類

太平御覽釋部談數曰梁高祖崇信佛道于

建業起同泰寺又于故宅立光宅寺皆窮極

工巧殫竭財力百姓怨苦殆不聊生自以其

身施同泰寺為奴朝廷共斂珍寶贖之有事

佛精苦者輒加以菩薩之號其下書皆云皇

帝菩薩

案史部雜傳類有梁武皇帝大捨三卷嚴

高撰與此書名撰人各不同似乎別為一

書然亦疑嚴嵩即謝嵩謝嵩見南史孝義

謝貞傳貞之族兄也唐人因武昭王李嵩

避諱改為謝吳又轉寫為謝吳貞傳云

魏克江陵貞入長安嵩逃難番禺或因逃

難時改姓嚴貞母出家于宣明寺及陳武帝

受禪嵩還鄉里供養貞母將二十年嵩之

事蹟可見者如此又據本志正史類仕梁

為中書郎據史通正史篇則嘗為祕書監

據謝宣城集有與謝洗馬吳聯句則又官

太子洗馬嵩之仕履可見者又如此然皆

無確證不知是一是二疑不能定姑識于

此通志校讎略云隋志分類不考故亦有重複者梁

皇大捨記既出雜傳又出雜家則亦以為一書矣然

鄭氏但約略言之非實有確據不足採為定論

寶臺四法藏目錄一百卷大業中撰

不著撰人

廣弘明集隋煬帝寶臺經藏願文曰菩薩戒

弟子楊廣和南至尊拯溺百王混一四海平

陳之日道俗無虧深慮靈像尊經多同煨燼

結鬘繩墨湮滅溝渠是以遠命衆軍隨方收

聚未及期月輕舟總至乃命學司依名次錄

并延道場義府覃思證明所用意推比多

得本類莊嚴修葺其舊維新寶臺四藏將十

萬軸因發弘誓永事流通仍書願文悉連卷

後

本志佛經篇曰開皇元年高祖普詔天下任

聽出家仍令計口出錢營造經像而京師及

并州相州洛州等諸大都邑之處並官寫一

切經置于寺內而又別寫藏于祕閣天下之

人從風而靡競相景慕民間佛經多于六經

數十百倍大業時又令沙門智果于東都內

道場撰諸經目分別條貫以佛所說經為三

部一曰大乘二曰小乘三曰雜經其餘似後

人假託為之者別為一部謂之疑經又有菩

薩及諸深解與義贊明佛理者名之為論及

戒律並有小大及中三部之別又有學者錄

其當時行事名之為記凡十一種今舉其大

數列于此篇曰大乘經曰小乘經曰雜經曰

雜疑經曰大乘律曰小乘律曰雜律曰大乘

論曰小乘論曰雜論曰記凡一千九百五十

部六千一百九十八卷

案梁代華林園中總集釋典僧祐劉勰又

為定林寺經藏此釋藏之始當時亦各有

目錄而本志不見此隋代釋藏目錄本志

據其大數附錄于四部之後十一種各有

部數卷數具載本書文繁不錄

玄門寶海一百二十卷大業中撰

不著撰人

唐書經籍志類事家玄門寶海一百二十卷

諸葛穎撰

唐書藝文志類書類諸葛穎玄門寶海一百

二十卷

案諸葛穎有北伐記巡撫揚州記詳見史

部地理類此書次隋法藏目錄之後疑是

隋代道藏目錄本志所據以為道經篇者

以上自釋氏譜至此皆釋家之屬兩唐志

皆附于道家之後

右九十七部合二千七百二十卷 實在著錄一百六

部附著亡書二十四部通計一百三十部

案七錄敘目子兵錄第八曰雜部五十七種二百九十七帙二千三百三十八卷本志存佚并計凡一百三十部除去七錄五十七部從別家書目增益者七十三部

隋書經籍志考證卷三十一

子部八

農家

汜勝之書二卷漢議郎汜勝之撰

漢書藝文志農家者流汜勝之十八篇成帝時為議郎師古曰劉向別錄云使教田三輔有好田者師之徒為御史

太平御覽資產部汜勝之書曰衛尉前上蠶法今上農法民事人所忽略尉尉之可謂忠國愛民之至 案此似當時詔書褒美之文又似劉

光祿別錄之語汜勝之與劉光祿同時人也

晉書食貨志太興元年詔曰昔漢遣輕車使者汜勝之督三輔種麥而關中遂穰

廣韻二十九凡汜字注汜又姓出燉煌濟北二望皇甫謐云本姓凡氏遭秦亂避地于汜

水因改焉漢有汜勝之撰書言種植之事子輯為燉煌太守因家焉

唐書經籍志汜勝之書二卷汜勝之撰

唐書藝文志汜勝之書二卷

通志氏族略汜氏周大夫食采于汜因以為氏漢有汜勝之為黃門侍郎撰農書十二篇

案此則漢志所載十八篇為農書十二篇蠶書六篇也

王氏漢書藝文志考證曰月令注引農書曰

士長冒概陳根可拔耕者急發正義云農書

先師以為汜勝之書周禮草人注化之使美

若汜勝之術也疏云漢時農書有數家汜勝

為上後漢劉般傳注文選注爾雅釋文初學

記太平御覽諸書皆引之

錢塘汪師韓文選注引羣書目錄曰汜勝之書亦稱田農書

馬氏玉函山房輯本序曰漢志農家汜勝之十八篇隋唐志並二卷今無傳本散見賈思

總齊民要術中輯錄猶得十四篇又從黍稷篇別出種稗從種穀篇別出區田法為篇十六又從文選注藝文類聚御覽所引綴為雜

篇上下十八篇之書猶完依隋志分為二卷書言樹藝之法親切詳明鄭康成注禮亟引之賈公彥謂漢時農書汜勝為上洵不虛也

孫氏書目汜勝之書二卷洪頤煊集本

四人月令一卷後漢大尚書崔寔撰

崔寔有政論見前法家

後漢書本傳寔與邊韶延篤等著作東觀出

為五原太守五原土宜麻泉而俗不知織績

民冬月無衣積細草而臥其中見吏則衣草

而出寔至官斥賣儲峙為作紡績織紉練縹

之具以教之民得以免寒苦 案本傳唯載此

事與是書略相關

唐書經籍志四人月令一卷崔寔撰

唐書藝文志崔寔四人月令一卷一本作崔寔

誤也

朱氏經義考擬經篇案四民月令其書雖佚

而賈思總齊民要術引之特多合以太平御

覽所載好事者尚可以摺撫成卷也

錢氏十駕齋養新錄曰予初讀隋書經籍志

四人月令一卷漢大尚書崔寔撰疑其有誤

後讀洪氏隸續載劉寬碑陰有大尚書河南

張祇字子戒一人洪云碑有大尙書張祇祝陸碑亦云拜大尙書考東京官制惟鴻臚司農長秋有大字尙書六人分爲六曹初無大尙書及觀祝陸後碑但云拜尙書尙書僕射乃知大尙書者以其長于諸曹故加大以別之然後向者之疑始釋蓋當時官曹有此稱未著于令甲也

嚴氏鐵橋漫稿輯本敘曰隋志農家四人月令一卷後漢大尙書崔寔撰舊唐志同新唐志作崔暹誤宋不著錄近人任兆麟王謨皆有輯本編次不倫且多罣漏王本又誤以齊人月令謂即四民月令而所采齊民要術有今本所無者六事其文不類未知何據余既輯崔寔政論二卷因兼及此書蒐錄遺佚得二百許事省并復重逐月分章爲十二章定著一卷有注疑即崔寔撰徵用者都以注爲正文今加注字間隔之而王本所采齊民要術六事附後俟考又齊人月令一卷唐孫思邈撰本今亡並附于後免與崔寔書混又四錄堂類集總目曰崔寔四民月令一卷可均

輯

禁苑實錄一卷

不著撰人

唐書經籍志禁苑實錄一卷藝文志同

通志藝文略月令歲時類苑實錄一卷又

食貨種藝類苑實錄一卷

齊民要術十卷賈思勰撰

賈思勰始末未詳

自序略曰今采摭經傳爰及歌謠詢之老成驗之行事起自耕農終于醴醢資生之業靡不畢書號曰齊民要術凡九十二篇分爲十卷卷首皆有目錄于文雖煩尋覽差易其有五穀果蔬非中國所植者存其名目而已種植之法蓋無聞焉捨本逐末賢哲所非日富歲貧飢寒之漸故商賈之事闕而不錄花草之流可以悅目徒有春華而無秋實匹諸浮僞蓋不足存鄙意曉示家童未敢聞之有識故丁寧周至言提其耳每事指斥不尙浮辭覽者無或嗤焉

唐書經籍志齊民要術十卷賈思勰撰毀思字

唐書藝文志賈思勰協齊民要術十卷 宋藝文志同 通志藝文略誤以爲後漢人

晁氏讀書志齊民要術十卷元魏賈思勰撰

記民俗歲時治生種蒔之事凡九十二篇

陳氏書錄解題齊民要術十卷後魏高陽太守賈思勰撰起自耕農終于醴醢資生之業

靡不畢書凡九十三篇其曰治生之道不仕則農蓋名言也

文獻經籍考巽若李氏序孫氏齊民要術音

義解釋曰賈思勰著此書專主民事又旁推

撫異聞多可觀在農家最巽然出其類而近

世學者忽焉第奇字錯見往往艱讀今運使

祕丞孫公爲之音義解釋略備又曰此書李

淳風嘗演之淳風書遽亡韓諤又撮思勰所

記別著四時纂要五卷云

四庫提要曰賈思勰始末未詳惟知其官爲

高陽太守而已自序稱起自耕農終于醴醢

凡九十二篇今本乃終于五穀果蔬非中國

物者案此自序亦明言之非由錯誤也自序又稱商

賈之事闕而不錄今本貨殖一篇乃列于第

六十二莫知其義書中第三十篇爲雜說而

卷端又列雜說數條不入篇數一名再見其

例殊乖其詞亦鄙俗不類疑後人所竄入然

陳振孫稱其治生之道不仕則農爲名言正

見于卷端雜說中則宋本已有之矣

又簡明目錄曰書凡九十二篇于農圃衣食

之法纖悉畢備又文章古雅援據博奧農家

諸書無能出其上者其注不題撰人以文獻

通考所載李燾序證之知爲孫氏所作其名

則不可考矣

歸安陸心源羣書校補曰齊民要術今所見

皆祖明胡震亨刊本脫落舛譌空格墨釘幾

不可讀余所蓄黃蕘圃校殘宋本可以正譌

補敝甚多惟黃氏所見宋本至卷七作秦州

春酒麴法止惜無全本耳今校補以宋本爲

正云

案魏書有賈思伯字士休齊郡益都人弟

思同字士明孝明帝時並爲侍講授靜帝

杜氏春秋思伯諡文貞思同諡文獻已在

魏之季世當南朝梁武帝天監普通大同

之時思勰或與之同時同族爲郡守以後

不仕而農者歟

春秋濟世六常擬議五卷楊瑾撰

楊瑾始末未詳

通志藝文略春秋濟世六常擬議五卷隋楊瑾撰

梁有陶朱公養魚法一卷七

史記越世家范蠡事越王句踐既苦身戮力與句踐深謀二十餘年竟滅吳報會稽之恥北渡兵于淮以臨齊晉號令中國以尊周室句踐以霸而范蠡稱上將軍還反國范蠡以為大名之下難以久居且句踐為人可與同患難與處安為書辭句踐乃裝其輕寶珠玉自與其私徒屬乘舟浮海以行終不反于是句踐表會稽山以為范蠡奉邑范蠡浮海出齊變姓名自謂鴟夷子皮耕于海畔苦身戮力父子治產居無幾何致產數千萬齊人聞其賢以為相范蠡喟然歎曰居家則致千金居官則至卿相此布衣之極也久受尊名不祥乃歸相印盡散其財以分與知友鄉黨而懷其重寶間行以去止于陶以為此天下之中交易有無之路通為生可以致富矣于是自謂陶朱公復約要父子耕畜廢居候時轉物逐什一之利居無何則致貲累巨萬故范蠡三徙成名于天下非苟去而已所止必成名卒老死于陶故世傳曰陶朱公

所交易也乃治產積居與時逐而不責于人故善治生者能擇人而任時十九年之中三致千金再分散與貧交疏昆弟此所謂富好行其德者也後年衰老而聽子孫子孫修業而息之遂至巨萬故言富者皆稱陶朱公案隱曰服虔云陶今定陶也

會稽典錄曰范蠡字少伯越之上將軍也本是楚宛三戶人伴狂僮負俗文種為宛令遣吏謁奉後與文種俱入越

文選張景陽七命注陶朱公養魚經曰威王聘朱公問之曰公家累億金何術乎朱公曰夫為生之法五水畜第一所謂水畜者魚池也

以六畝地為池池有九洲即求懷子鯉魚以二月上旬庚日內池中養鯉者鯉不相食易長又貴也

唐書經籍志養魚經一卷范蠡撰

唐書藝文志范蠡養魚經一卷

宋史藝文志陶朱公養魚經一卷

馬氏玉函山房輯本序曰括地志言陶即陶山在齊州平陽縣界陶與齊近故齊君聘而問之書言威王者齊威王也梁七錄作陶朱公養魚法唐藝文志作范蠡養魚經今佚唯齊民要術及引之陶宗儀說郛馬第百七

有此書蓋亦從要術錄出而要術所引又有作魚池法茲據訂正思綱謂如朱公收利未可頓求然依法為池養魚必大豐足終天靡窮斯以無費之利也余甚疑乎其言

案唐段

公路北戶錄亦引之

梁有卜式養羊法養豬法各一卷七

漢書卜式傳式河南人也以田畜為事畜羊百餘入山牧十餘年羊致千餘頭買田宅時漢方事匈奴式上書願輸家財半助邊不報數歲復持錢二十萬與河南太守以給徙民

乃賜式外繇四百人式又盡復與官是時富豪皆爭匿財唯式尤欲助費上于是以式終長者乃召拜式為中郎賜爵左庶長田十頃

布告天下尊顯以風百姓初式不願為郎上曰吾有羊在上林中欲令子牧之式既為郎布衣草躡而牧羊歲餘羊肥息上過其羊所

善之式曰非獨羊也治民亦猶是矣以時起居惡者輒去毋令敗羣上奇其言欲試使治民拜式緱氏令緱氏便之遷成皋令將漕最

上以式朴忠拜為齊王太傅轉為相會呂嘉反式上書願與子男及臨苗習弩博昌習船者請行死之以盡臣節上賢之下詔賜式爵

關內侯黃金四十斤田十頃布告天下使明知元鼎中徵式代石慶為御史大夫式既在位言郡國不便鹽鐵而船有筭可罷上由是不說式明年當封禪式又不習文章貶秩為

太子太傅以兒寬代之式以壽終

太平御覽獸部十五博物志曰商邱子有養豬法卜式有養豬羊法

馬國翰曰養羊法一卷卜式撰式河南人以田畜為事官至御史大夫左遷太子太傅事蹟具漢書本傳其論牧羊如治民頗得持要

之旨七錄有卜式養羊法一卷隋志注云亡

考賈思勰齊民要術養羊篇中引卜式蓋遺法也茲據輯錄畜牧而求肥息者或有取于斯焉

案卜式牧羊史有明文其牧豕無聞焉據御覽引博物志知此養豬法亦其所撰七錄蓋合爲一卷耳詳見于後此與養魚經頗古似猶爲先漢時所傳漢志雜占家有釣種生魚鼈八卷形法家有相六畜三十八卷疑皆是此兩書之佚存者

梁有月政畜牧種法一卷亡

不著撰人

通志藝文略食貨家養類卜式月政畜牧種法一卷案此蓋承上文亦以爲卜式書未必實有依據也

馬國翰曰家政法一卷撰人名氏闕隋唐志皆無此書之目唯賈思勰齊民要術引之輯得十一節言種葵蓼芋蔗之候與夫養羊雞之法案隋志豎方家梁有家政方十二卷亡又農家類有月政畜牧種法一卷亡此書名家政似與家政方同而初不及醫療書之

所言頗與月政畜牧種法合而書題實作家政疑不能定姑依賈氏題錄列于農家焉
右五部一十九卷 實在著錄五部附著亡書四部通計九部
案七錄敘目子兵錄第九曰農部一種一帙三卷一種者蓋卽此所載陶朱公養魚法以下四書合而爲一也三卷者當以養魚法爲一卷卜式養羊法養豬法爲一卷

月政畜牧種法爲一卷也除此則汜勝之書以下五部皆本志所增益不知七錄于此一類何以收載如是之寡也

隋書經籍志考證卷三十二

子部九

小說家

燕丹子一卷丹燕王喜太子

史記刺客荆卿列傳燕太子丹者故嘗質于趙而秦王政生于趙其少時與丹驩及政立爲秦王而丹質于秦秦王之遇太子丹不善故丹怨而亡歸歸而求爲報秦王者

史記燕召公世家今王喜二十三年太子丹質于秦亡歸燕見秦且滅六國秦兵臨易

水禍且至太子丹陰養壯士二十人使荆軻

獻督亢地圖于秦因襲刺秦王秦王覺殺軻

使將軍王翦擊燕二十九年秦攻拔我薊燕

王亡徙居遼東斬丹以獻秦三十三年秦拔

遼東虜燕王喜卒滅燕

唐書經籍志燕丹子三卷燕太子撰

唐書藝文志燕丹子一卷燕太子

宋史藝文志燕丹子三卷

文獻經籍考中與藝文志燕丹子三卷丹燕

王喜太子此書載太子丹與荆軻事

周氏涉筆曰燕丹荆軻事既卓偉傳記所載

亦甚崛奇今觀燕丹子三篇與史記所載皆

相合似是史記事本也然烏頭白馬生角機

橋不發史記則以怪誕削之進金擲醜膽千

里馬肝截美人手史記則以過當削之聽琴

姬得隱語史記則以微所聞削之司馬遷不

獨文字雄深至于識見高明超出戰國以後

其書芟削百家誣謬亦豈可勝計哉今世祇

謂太史公好奇亦未然也

明宋濂諸子辯曰燕丹子三卷丹燕王喜太子此書載其事為詳其辭氣頗類吳越春秋越絕書決為秦漢間人所作無疑考其事與司馬遷史記往往皆合獨烏頭白馬生角等事皆不之載周氏謂遷削去之理或然也夫丹不量力而輕撩虎鬚荆軻持一劍之勇而許人以死卒至身滅國破為天下萬世笑其事本不足議獨其書敘事有法而文采爛然亦學文者之所不廢哉

四庫存目提要曰燕丹子三卷不著撰人名氏所載皆燕太子丹事漢志法家有燕十事十篇注云不知作者雜家有荆軻論五篇注云司馬相如等論荆軻事無燕丹子之名至隋書經籍志始著錄于小說家唐李善注文選始援引其文宋志尙著于錄至明遂佚今檢永樂大典載有全本蓋明初尙存然其文實割裂諸書燕丹荆軻事雜綴而成其可信者已見史記其他多鄙誕不可信殊無足采謹仰遵聖訓附存其目隋志作一卷唐志宋志及文獻通考並作三卷永樂大典所載併為一卷而實作三篇故今仍以三卷著錄孫氏平津館岱南閣兩本校刊序曰燕丹子三卷世無傳本惟見永樂大典紀相國既錄入四庫子部小說類存目中乃以抄本見付燕丹子之著錄始自隋經籍志然裴駭注史記引劉向別錄云督亢膏腴之地司馬貞索隱引劉向云丹燕王熹之太子則劉向七

略有此書不可以藝文志不載而疑其後出藝文志法家有燕十事十篇雜家有荆軻論五篇據注言司馬相如等論荆軻事則俱非燕丹子也古之愛士者率有傳書由身沒之後賓客紀錄遺事報其知遇如管晏呂氏春秋皆不必其人自著此書題燕太子丹撰者舊唐書之誣亦不得以此疑其僞也其書長于敘事嫻于詞令審是先秦古書亦略與左氏國策相似且多古字古義國策史記取此為文削其烏白頭馬生角及聽琴聲之事而增徐夫人七首夏無且藥囊足證此書作在史遷劉向之前或以為後人割裂諸書雜綴成之未必然矣

案漢志雜家荆軻論五篇注云軻為燕刺秦王不成而死司馬相如等論之疑此其前三篇也史記集解索隱引劉向別錄二語似亦荆軻論敘錄中文然皆無確證姑識其疑孫序云云似紀文達初意欲文淵閣著錄嗣以奉詔列入存目故付外別傳之也唐日本國書目燕丹子一卷晉處士裴啓撰日本書目大致依據本志以本志此一段注文校之則因裴啓語林相涉而誤晉處士之前敝去語林書題目一條也不知者將誤認燕丹子為裴啓所撰矣因并附誌于此

梁有青史子一卷亡

漢書藝文志青史子五十七篇古史官記事也

文心雕龍諸子篇曰青史曲綴以街談通志氏族略以官為氏者有青史氏英賢傳云晉太史董狐之子受封青史之田因氏焉漢書藝文志有青史子著書鄧名世古今姓氏書辨證漢藝文志有青史氏其書五十七篇世以史書總謂之青史其說蓋起于此

王氏漢書藝文志考證風俗通義引青史子書大戴禮保傅篇引青史氏之記馬氏玉函山房輯本序曰漢志小說十五家青史子五十七篇古史官記事也隋唐志不著錄佚已久考大戴記賈誼新書並引青史氏之記此佚說之僅存者據輯校錄書中言胎教之法歷弧之禮巾車之道具有典則班氏列入小說家必有所見然不可考矣

梁又有宋玉子一卷錄一卷楚大夫宋玉撰通志藝文略宋玉子一卷楚大夫宋玉撰錢塘梁玉繩人表考曰宋玉見人表第五等玉始見史屈原列傳鄢人一云宜城人屈原弟子體貌閒麗楚襄王稱為先生家在唐州北陽縣烏程嚴可均全上古三代文編曰宋玉鄢人師事屈平為頃襄王大夫案宋玉有集別詳集部是書唯通志略據本志著于錄而敝其錄一卷餘皆不見紀載諸書亦罕有引述者梁又有羣英論一卷郭頌撰亡郭頌有魏晉世語詳見史部雜史類

案此當如漢末英雄記之類似即魏晉世語中雜論

梁又有語林十卷東晉處士裴啓撰亡

世說文學篇裴郎作語林始出大為遠近所傳時流年少無不傳寫各有一通注裴氏家傳曰裴榮字榮期河東人父稱豐城令榮期少有風姿才氣好論古今人物撰語林數卷號曰裴子檀道鸞謂裴松之以為啓作語林榮儻別名啓乎

又輕詆篇注續晉陽秋曰晉隆和中河東裴啓撰漢魏以來迄于今時言語應對之可稱者謂之語林時人多好其文遂流行

馬氏玉函山房輯本序曰裴子語林久亡從諸書所引輯錄其有數引不同並據刪補釐為二卷文筆清雋劉義慶作世說新語取之甚多則亦小說之佳品也

案宋晁載之續談助抄股芸小說引語林六條

雜語五卷

不著撰人

唐書藝文志雜語五卷

案唐志云侯白啓顏錄十卷雜語五卷北史文苑李文博附傳開皇中又有魏郡侯白字君素性滑稽尤辯俊好為俳諧雜說人多愛狎之唐志次侯白啓顏錄之後則亦侯白所撰為多本志不知作者故列于晉人中侯白別有旌異記見史部雜傳家晁氏續談助抄股芸小說引雜語一條

郭子三卷東晉中郎郭澄之撰

晉書文苑傳郭澄之字仲靜太原陽曲人也少有才思機敏兼人調補尚書郎出為南康相劉裕引為相國參軍至從事中郎封南豐侯卒于官

南齊書文學賈淵傳淵世傳譜學宋孝武世見遇勅淵注郭子賈淵詳見史部譜系類

唐書經籍志郭子三卷郭澄之撰賈泉注

唐書藝文志賈泉注郭子三卷注云郭澄之馬氏玉函山房輯本序曰郭澄之晉書文苑有傳隋唐志小說家並載郭子三卷今佚從諸書所引采輯成帙書中吐屬清雋其注唐志題賈泉未知何人也

案晁氏續談助抄股芸小說引郭子二條

雜對語三卷

要用語對四卷

文對三卷

並不著撰人

案雜家有對林十卷亦不著撰人此三書計其卷數疑即對林之篇目而分析著錄者如沈約通言本志雜家分著為四種是也

瓊語一卷梁金紫光祿大夫顧協撰

南史本傳協字正禮吳郡吳人晉司空和六世孫也初為揚州議曹從事舉秀才累遷湘東王參軍兼記室普通中有詔舉士湘東王表薦之即召拜通直散騎侍郎兼中書通事舍人在省十六載卒官武帝悼惜之贈散騎

常侍諡曰溫子協博極羣書于文字及禽獸草木尤稱精詳撰異姓苑五卷瓊語十卷文集十卷並行于世案晉書南史方草木狀引東方朔瓊語疑兼入此十卷中

又文學何思澄傳梁天監十五年勅太子詹事徐勉舉學士入華林撰編略勉舉思澄顧協等五人以應選又顏協傳云湘東王出鎮荊州以協為記室時吳郡顧協亦在蕃邸與協同名才學相亞府中稱為二協

史通雜述篇曰國史之任記事記言視聽不該必有遺逸于是好奇之士補其所亡若和矯汲家紀年葛洪西京雜記顧協瓊語謝綽拾遺此之謂逸事者也

笑林三卷後漢給事中邯鄲淳撰

魏志王粲傳注魏略曰淳一名竺字子叔法書要錄作子淑潁川人博學有才章又善蒼雅

蟲篆許氏字指初平時從三輔客荊州荆州內附太祖素聞其名召與相見甚敬異之時

五官將博延英儒亦宿聞淳名因啓淳欲使

在文學官屬中會臨菑侯植亦求淳太祖遣

淳詣植及黃初初以淳為博士給事中

北史江式傳式上論書表有曰陳留邯鄲淳

與張揖同時博聞古藝特善蒼雅許氏字指

八體六書精究閑理有名于揖以書教諸皇

子又建三字石經于漢碑西

唐書經籍志笑林三卷邯鄲淳撰

唐書藝文志邯鄲淳淳笑林三卷

馬氏玉函山房輯本序曰此書皆記可笑之

事隋唐志並三卷今從藝文類聚太平御覽及廣記諸書輯錄為卷凡二十六條

侯氏補三國藝文志曰後漢書文苑傳注引笑林藝文類聚八十五引笑林皆唐初人所引當出淳書若他書所引容有出何自然笑林者也何自然笑林三卷見唐志當是唐人

案文心雕龍諸譚篇曰至魏文因俳說以著笑笑書或即是書淳奉詔所撰者或

淳因笑書別為笑林亦未可知晁氏續談助抄殷芸小說引笑林二事則確為是書

笑苑四卷

不著撰人

隋書魏澹傳澹除太子舍人廢太子勇深禮

遇之屢加優錫令注庚信集復撰笑苑詞林

集世稱其博物魏澹有後魏書見史部正史類

解頤二卷楊松玠撰當為陽玠松

史通雜述篇曰街談巷議時有可觀小說厄

言猶賢乎已故好事君子無所棄諸若劉義

慶世說表榮期語林孔思尙語錄陽玠松談

藪此之謂瑣言者也

崇文總目談藪八卷楊松玠撰

宋史藝文志楊松玠八代談藪二卷

陳氏書錄史部傳記類談藪二卷北齊祕書

省正字北平陽玠松撰事綜南北時更八代

隋開皇中所述也

案陽玠松當是陽休之之族人北平無終

人或作松玠或作松玠唐志目錄類有楊

松珍史目三卷則又作松珍今依史通及

陳錄正兩唐志無解頤并無談藪史通以談藪為小說之瑣言陳氏列之史部而

崇文目及宋志皆入小說家與本志部居合知解頤即談藪之異名故談藪亦不見于本志也玠松所著此書及諸史目之外

又有帝紀十卷帝王世紀之類見日本書目雜史家

世說八卷宋臨川王劉義慶撰

世說十卷劉孝標注

臨川王劉義慶有徐州先賢傳劉孝標名峻

有漢書注並見史部雜傳正史二類中

南史宋臨川烈武王道規附傳義慶著世說

十卷行于世

史通雜說篇曰近者宋臨川王義慶著世說

新語上敘兩漢三國及晉中朝江左事劉峻

注釋摘其瑕疵偽跡昭然理難文飾而皇家

撰晉史多取此書遂采康王之妄言違孝標

之正說以此書事奚其厚顏

又補注篇曰孝標善于攻謬博而且精固已

察及泉魚辨窮河豕嗟乎以峻之才識足堪

遠大而不能探蹟彪嶠羅班馬方復留情

于委巷小說銳思于流俗短書可謂勞而無

功費而無當者矣

唐書經籍志世說八卷劉義慶撰續世說十

卷劉孝標撰

唐書藝文志劉義慶世說八卷劉孝標續世

說十卷

宋史藝文志劉義慶世說新語三卷

晁氏讀書志世說新語十卷重編世說十卷

宋劉義慶撰梁劉孝標注記東漢以後事分三十八門唐藝文志云劉義慶世說八卷劉

孝標續十卷而崇文總目止載十卷當是孝

標續義慶元本八卷通成十卷耳家本有二

一極詳一殊略略有稱改正未知誰氏所定

然其目則同劉知幾頗言此書非實錄予亦

云

趙希弁讀書附志世說新語三卷宋臨川王

義慶撰梁劉孝標注讀書志引唐藝文志及

崇文總目有十卷八卷之疑又云一本極詳

一本殊略未知孰為正希弁所藏本有紹興

八年董弁題其後云右世說三十六篇世所

傳釐為十卷或作四十五篇而未卷但重出

前九卷中所載余家舊本蓋得之王原叔家

後得晏元獻公手自校本盡去重複其注亦

小加翦截最為善本云

陳氏書錄解題世說新語三卷敘錄三卷宋

臨川王劉義慶撰梁劉峻孝標注敘錄者近

世學士新安汪藻彥章所為也首為考異繼

列人物世譜姓氏異同末記所引書目案唐

志作八卷劉孝標續十卷自餘諸家所藏卷

第多不同敘錄詳之此本董令升刻之嚴州

以為晏元獻公手自校本定刪去重複者 案今

本注文不知是否為晏元獻所翦截

高似孫緯略曰義慶采摭漢晉以來佳事佳

話為世說新語極為精絕而猶未為奇也梁

劉孝標注此書引援詳確有不言之妙如引

漢魏吳諸史及子傳地理之書皆不必言只如晉氏一朝史及晉諸公別傳譜錄文章凡一百六十六家皆出于正史之外紀載特詳聞見未接實爲注書之法

四庫提要曰黃伯思東觀餘論謂世說之名肇于劉向其書已亡故義慶所集名世說新書段成式酉陽雜俎引王敦澡豆事尙作世說新書可證不知何人改爲新語蓋近世所傳相沿已久不能復正矣所記分三十八門上起後漢下迄東晉皆軼事瑣語足爲談助唐志稱八卷劉孝標續十卷晁公武謂家有詳略二本今其本皆不傳惟書錄解題三卷與今本合至振孫載汪藻錄錄則佚之久矣自明已來世俗所行凡二本一爲王世貞所刊注文多所刪節殊乖其舊一爲袁慶所刊蓋卽從陸游刊本翻影者義慶所述本小說家言劉知幾史通繩之以史法擬不于倫未爲通論孝標所注特爲典贍其糾正義慶之紕繆尤爲精覈所引諸書今已逸其十之九惟賴是注以傳故與三國志注水經注文選注同爲考證家所引據焉

又簡明目錄曰其書敘述名雋爲清言之淵藪孝標所注徵引賅博考證家亦取材不竭案漢志儒家劉向所序六十七篇新序說苑世說列女傳頌圖也世說久亡臨川王與劉向同出楚元王交之後向爲元王五世孫義慶爲向兄陽城節侯安民十八世孫義慶是書仿裴啓語林而作而以其先

世亡書之名以名之

梁有俗說一卷亡

不著撰人

案馬竹吾輯沈約俗說序謂此俗說亦劉孝標所撰名與沈書同以其列于劉注世說之後耳非別有確證也

又案說部諸書引俗說至多東漢人如王充論衡應劭風俗通義亦時引之則漢時相傳有俗說其來久矣漢志小說家有百家百三十九篇本在說苑雜事中劉光祿撰集說苑乃以其淺薄不中義理別集以爲百家附小說家之末俗說殆卽其書此一卷或猶是漢以來相傳之殘贖未可知也御覽圖書綱目亦載有俗說又有俗說苑

小 說 十 卷 梁 武 帝 敕 安 右 長 史 殷 芸 撰 梁 目 三 十 卷

南史殷鈞傳鈞字季和陳郡長平人晉荆州刺史仲堪五世孫也宗人芸字灌蔬儻不拘細行然不妄交游門無雜客勵精勤學博洽羣書齊時爲宜都王行參軍天監中位祕書監司徒左長史後直東宮學士省卒梁書本傳云大通三年卒官時年五十九

史通雜記篇曰劉敬叔異苑稱晉武庫失火漢高祖斬蛇劍穿屋而飛其言不經故梁武帝令殷芸編諸小說 案此殆是梁武作通史時事凡此不經之說爲通史所不取者皆令殷芸別集爲小說是此小說因通史而作猶通史之外乘也

唐書經籍志小說十卷殷芸撰

唐書藝文志殷芸小說十卷

宋晁載之續談助抄書跋曰右抄殷芸小說其書載自秦漢迄東晉江左人物雖多與諸史時有異同然皆細事史官所宜略又多取劉義慶世說及語林志怪等已詳事故鈔之特略然其目小說則宜爾也至于裴令公目若巖電事世說語林所言各殊而俱收並錄並無考訂則其書兩可

晁氏讀書志殷芸小說十卷宋殷芸撰述秦漢以來雜事予家本題曰劉餗李淑以爲非陳氏書錄解題殷芸小說十卷宋殷芸撰鄆鄆書目云或題劉餗非也今此書首題秦漢魏晉宋諸帝注云齊殷芸撰非劉餗明矣故其序事止宋初蓋于諸史傳記中鈔集或稱商芸者宜祖廟未祧時避諱也 案晁陳二家于書及撰人本末皆未詳考但從流俗不根之說或稱宋或稱齊而不以爲非案殷芸生于宋季仕齊入梁且三十年乃卒謂之齊人可乎

案是書爲小說家之最著聞者今惟見晁氏續談助抄節本凡七十餘條各注所出并注明分卷門目原書體製秩然可見今并錄于後以存大略

原書分卷篇目 第一卷曰秦漢晉宋諸帝與陳錄所記同 第二卷周六國前漢人物 第三四卷後漢人物第五六卷魏人物第七卷吳蜀人物第八九十卷並晉中朝江左人物本志注云梁目三十卷其分卷當

亦如此此十卷蓋合并非關缺失

原書引用書名 晉勅 宋武手勅 簡

文談疏 小史 鬼谷先生書 張良書

鄭劭對潁川太守問 東方朔傳 馬

融別傳 鄭玄別傳 李膺家傳 李膺

家錄 徐穉別傳 許劭別傳 禰衡別

傳 魏武楊彪傳 司馬徽別傳 羊琇

別傳 裴頠別傳 阮瞻別傳 顧元仙

瀨鄉記 山謙之吳興記 盛弘之荊州

記 庾穆之湘中記 襄陽記不著名 志

咸澈心記 吳孫時僧 俞益期 豫章人與

東晉韓康伯同時 郭子 雜記 雜語 語

林 世說 異苑 幽明錄 志怪 笑

林 俳諧文 詳見集部總集類末

小說五卷

不著撰人

案舊新唐志劉義慶世說八卷之外又有

小說十卷此或是其殘佚本

邇說一卷梁南臺治書伏極撰極當為捶又捶當為挺

通志藝文略又誤為伏極

南史儒林伏曼容傳曼容平昌安邱人晉著

作郎滔之曾孫也子暉暉子挺字士標博學

有才思齊末州舉秀才梁武帝師至挺迎謁

于新林引為征東行參軍數遷為晉陵武康

令除南臺書侍御史被劾懼罪變服出家名

僧挺後還俗侯景亂中卒著邇說十卷挺弟

捶亦有才名為邵陵王記室參軍

案南史載挺是書十卷梁書文學傳同此

云一卷或十卷之誤 辯林二十卷蕭賁撰

南史齊武帝諸子竟陵文宣王子良傅子良

子昭胄梁受禪降封昭胄子同為監利侯同

弟賁字文奐形不滿六尺神識耿介幼好學

有文才能書善畫于扇上圖山水咫尺之內

便覺萬里為遙矜慎不傳自娛而已好著述

嘗著西京雜記六十卷起家湘東王法曹參

軍得一府歡心及亂王為檄賁讀至偃師南

望無復儲胥露寒河陽北臨或有穹廬氈帳

迺曰聖製此句非為過似如體目朝廷非關

序賦王聞之大怒收付獄遂以餓終又追戮

賁尸及著懷舊傳以謗之極言詆毀 案湘東

此檄且載梁書元帝本紀 非為過非似微之誤非關序

賦賦似賦之誤

金樓子著書篇辯林二秩二十卷四庫館校

輯曰案隋書經籍志辯林二十卷注蕭賁撰

唐書經籍志辯林二十卷蕭賁撰

唐書藝文志蕭賁辨林二十卷

案金樓子立言篇亦有詆毀蕭賁一條末

云本名渙兄弟共以其儉因呼為賁據南

史蓋以其字文奐遂以為名渙亦詆毀之

辭非其實又著書篇載奇字二秩二十

卷金樓子蕭賁撰碑集十帙百卷付蘭陵

蕭賁撰此辨林大抵亦付蕭賁撰而獨不

注豈轉寫佚失歟

辨林二卷席希秀撰

席希秀始末未詳

通志藝文略辨林二卷席希秀撰 瓊林七卷周獸門學士陰顯撰

梁書陰子春傅子春武威姑臧人也曾祖隨

宋高祖南遷至南平因家焉子春大寶二年

卒于江陵孫顯少知名釋褐奉朝請歷尚書

金部郎後入周撰瓊林二十卷

册府元龜學校撰集門陰顯撰瓊林二十卷

古今藝術二十卷

不著撰人

唐張彥遠歷代名畫記曰古之祕畫珍圖有

古今藝術圖五十卷既畫其形又說其事隋

煬帝造

唐書經籍志雜藝術類古今術藝十五卷藝

文志雜藝術類著錄同

案此殆即五十卷之但說其事而無其圖

者

雜書鈔十三卷

不著撰人

案前雜家有雜書抄四十四卷亦不著撰

人此雜抄小說家之書似前人所為歟

又案本志不立藝術類故附著于小說兵

家二類中此列于古今藝術之後或雜抄

諸書之言藝術者斯則亦未可知耳

座右方八卷庾元威撰

庾元威始末未詳

唐書經籍志座右方三卷庾元威撰

唐書藝文志庾元威座右方三卷

案張彥遠法書要錄載梁庾元威論書云

余少值明師留心字法所以坐右作午蠶字不依義獻妙蹟又曰余經爲正階侯書十牒屏風作百體間以采墨當時衆所驚異自爾絕筆惟留草本而已其所云云或即自言撰座右方之大略也歟庾元威始末略詳經部小學家文字圖條下

座右法一卷

不著撰人

案日本國見在書目有座右銘一卷崔子玉撰唐張懷瓘書斷云後漢崔瑗字子玉善草草師于杜度又妙小篆南史王儉傳儉爲叔父僧虔所養幼篤學手不釋卷賓客或相稱美僧虔曰我不患此兒無名正恐名太盛耳乃手書崔子玉座右銘以貽之又僧虔本傳云弱冠雅善隸書宋昇明二年爲尙書令嘗爲飛白書題尙書省壁曰圓行方止物之定質修之不已則溢高之不已則慄馳之不已則躓引之不已則迭是故去之宜疾當時嗟賞以比坐右銘蓋即比所書座右銘也日本書目多同隋志題曰崔子玉撰其即是書亦或出王僧虔所書者歟

魯史欵器圖一卷儀同劉徽注徵當爲碑

荀子宥坐篇孔子觀于魯桓公之廟有欵器焉孔子問于守廟者曰此爲何器對曰此蓋爲宥坐之器孔子曰吾聞宥坐之器者虛則欵中則正滿則覆顛爲弟子曰注水焉弟子挹水而注之中而正滿而覆虛而欵孔子喟

然而歎曰烏有滿而不覆者哉楊倞注曰宥與右同言人君可置坐右以爲戒也或曰宥與侑同勸也文子曰三皇五帝有勸戒之器名侑卮注云欵器也欵器傾欵易覆之器也說苑敬謹篇孔子觀于周廟而有欵器也文與荀子略同亦見淮南子及家語

上武帝嘉歎焉

晉書杜預傳周廟欵器至漢東京猶在御座漢末喪亂不復存形製遂絕預創意造成裴

造欵器獻之與周廟不異

南海器用部唐文粹李德裕作欵器賦云周公始作茲器告于神明難守者成難持者盈隋書曆志曰高祖受禪之初擢張賓爲華州刺史使與儀同劉暉索盧縣公劉祐前太史上士馬顯等議造新曆

隋書北史藝術劉祐傳開皇初祐與張賓劉暉馬顯定曆又張胄玄傳胄玄直太史參議曆事太史令劉暉等甚忌之然暉言多不中上令楊素與術士數人立議六十一事皆舊法久難通者令暉與胄玄等辨折之暉杜口

一無所答胄玄通者五十四焉由是擢拜員外散騎侍郎兼太史令暉及黨與八人皆斥逐之

嚴氏全隋文編曰劉暉仕周入隋位儀同太史令開皇十七年除名

唐書經籍志儒家魯史欵器圖一卷劉徽撰

唐書藝文志儒家劉徽魯史欵器圖一卷

案隋唐三志皆以暉爲徽若無本志儀同二字豈不以爲魏晉時之劉徽矣然隋書北史皆無劉暉傳亦未有暉注此圖明文唯本志于隋人書但書官位不書時代此與五行家書儀同臨孝恭同例而唐志敘次皆在梁人之後北朝人之前以是證知非劉徽也徽亦以曆術名家見後曆數類通志略題隋儀同劉徽稱隋儀同是也稱劉徽亦非也

器華圖三卷後魏丞相士曹行參軍信都芳撰

信都芳有樂書詳見經部樂類

北齊書方技傳芳又撰次古來渾天地動欵器漏刻諸巧事并畫圖名曰器準

魏書安豐王延明傳又以河間人信都芳工算術引之在館共撰古今樂事九章十二圖又集器準九篇芳別爲之注皆行于世

北史藝術傳芳爲安豐王延明召入賓館延明家有羣書欲抄集五經算事爲五經宗及古今樂事爲樂書又聚渾天欵器地動銅鳥

案即相風鳥漏刻候風案即律管吹灰事諸巧事并圖畫爲器準並令芳算之會延明南奔芳乃自撰注

魏書樂志曰正光中侍中安豐王延明受詔監修金石令其門生信都芳考算之屬天下

多難終無制造芳後乃撰延明所集樂說并諸器物準圖二十餘事而注之

唐書藝文志曆算類信都芳器準三卷

水飾一卷

不著撰人

馬氏玉函山房輯本序曰隋志地理類有水飾圖二十卷又小說家有水飾一卷並不著撰人姓名考太平廣記二百二十六引大業雜記拾遺水飾圖經條載煬帝別勅學士杜寶修水飾圖經十五卷新成以三月上巳日令羣臣于曲水以觀水飾因並記水飾七十二勢之目及妓航酒船水中安機等事云皆出自黃袞之思然則水飾創自黃袞圖經修于杜寶彰彰可據今二書並佚即就采撫以存一家亦開河迷樓之類也

案自古今術藝至此皆藝術之流大抵因漢志小說家有小道可觀之語遂雜入之此類然漢志之論小說家流也曰出于稗官此之所錄豈稗官之類乎

右二十五部合一百五十五卷實在著錄二十五部附著亡書五部通計三十部

案七錄序目子兵錄第十曰小說部十種十二帙六十三卷本志自燕丹子至瓊林存佚併計凡二十三部增益者十三部自古今藝術以下七種皆七錄所不載者也

隋書經籍志考證卷三十三

子部十

兵家類中分類凡四

司馬兵法三卷齊將司馬穰苴撰

史記太史公自序司馬法所從來尚矣太公孫吳王子集解徐廣曰王子成甫能紹而明之切近世極人變作律書第三又曰自古王者而有司馬法穰苴能申明之作司馬穰苴列傳第四

又列傳司馬穰苴者田完之苗裔也齊景公時晉伐阿甄而燕侵河上齊師敗績景公患之晏嬰乃薦田穰苴曰穰苴雖田氏庶孽然其人文能附衆武能威敵願君試之景公召穰苴與語兵事大說之以爲將軍將兵扞燕晉之師晉師聞之爲罷去燕師聞之度水而解于是追擊之遂取所亡封內故境而引兵歸景公與諸大夫郊迎勞師成禮尊爲大司馬田氏日以益尊于齊已而大夫鮑氏高國之屬害之譖于景公景公退穰苴苴發疾而死田乞田豹之徒由此怨高國等其後及田常殺簡公盡滅高子國子之族至常曾孫和因自立爲齊威王用兵行威大放穰苴之法而諸侯朝齊齊威王使大夫追論古者司馬兵法而附穰苴于其中因號曰司馬穰苴兵法太史公曰余讀司馬兵法閱廓深遠雖三代征伐未能竟其義如其文也亦少喪矣若夫穰苴區區爲小國行師何暇及司馬兵法之揖讓乎世既多司馬兵法以故不論著穰

苴之列傳焉

漢書藝文志六藝禮類軍禮司馬法百五十五篇又兵家敘曰兵家者蓋出古司馬之職王官之武備也又曰及湯武受命以師克亂而濟百姓動之以仁義行之以禮讓司馬法是其遺事也又兵權謀篇末注曰出司馬法入禮也謂七略本在兵家也

本志經部禮類敘曰漢河間獻王好古愛學收集餘燼又得司馬穰苴兵法一百五十五篇及明堂陰陽之記並無敢傳之者又曰梁有司馬法三卷亡案七錄以司馬法入禮類本志所據見存書目則列之兵家之首故禮類以爲亡而兵家則著于錄

唐李衛公問對曰世傳兵家流分權謀形勢陰陽技巧四種皆出司馬法也

唐書經籍志司馬法三卷田穰苴撰

唐書藝文志田穰苴司馬法三卷

宋史藝文志司馬兵法三卷齊司馬穰苴撰

王氏漢書藝文志考證曰司馬法周之政典也周禮疏云齊景公時大夫穰苴作司馬法至齊威王大夫等追論古法又作司馬法附于穰苴漢武帝詔及周禮注疏並引司馬法左傳疏服虔引謀帥篇他所引其文或不見今五篇中又曰大宗伯所掌軍禮之別有五孔叢子有問軍禮之篇

四庫提要曰隋唐諸志皆以爲穰苴之所自撰者非也其言大抵據道依德本仁祖義三代軍政之遺規猶藉存什一于千百班固序

兵權謀十三家獨以此書入禮類豈非以其說多與周官相出入爲古來五禮之一歟隋唐志俱三卷世所行本以篇頁無多并爲一卷

又簡明目錄曰司馬法一卷舊本題齊司馬穰苴撰證以史記蓋齊威王諸臣集古兵法爲之而附穰苴于其中非穰苴作也其時去古未遠三代遺規往往于此書見之

嘉定王鳴盛蛾術編說錄曰司馬法漢志百五十五篇宋元豐間存五篇編入武經七書內仁本天子之義二篇最純

武威張澍校輯序曰案孫子注云司馬法者周大司馬之法也周武既平殷亂封太公于齊故其法傳于齊晉張華以司馬法爲周公所作當得其實漢志原書百五十五篇今存五篇佗書所引亦有不見五篇中者皆佚文也吾鄉階州邢兩民太守曾輯是書刊之浙中字多錯謬仍有闕漏余爲補而正之以授學侶

孫氏書目司馬法一卷星衍仿宋刊本司馬法輯注五卷逸文一卷邢澍集本孫序有云御覽引古司馬兵法文與今本多同又引穰苴兵法不在此

張氏書目答問司馬法三卷附逸文指海本孫子兵法二卷吳將孫武撰魏武帝注梁三卷

史記列傳孫子武者齊人也以兵法見于吳王闔廬曰子之十三篇吾盡觀之矣于是闔廬知孫子能用兵卒以爲將西破彊楚入郢

北威齊晉顯名諸侯孫子與有力焉

又律書吳用孫武申明軍約賞罰必信卒伯諸侯兼列邦土雖不及三代之誥誓然身寵君尊當世顯揚可不謂榮焉

藝文類聚政治部吳越春秋曰孫子者吳人名武善爲兵法僻隱幽居世人莫知其能子胥明于識人乃薦孫子吳王問以兵法每陳一篇王不覺口之稱善

唐書世系表孫氏又有出自媯姓齊田完字敬仲四世孫桓子無字無字子書字子占齊大夫伐莒有功景公賜姓孫氏食采于樂安生憑字起宗齊卿憑生武字長卿以田鮑四族謀爲亂奔吳爲將軍三子馳明敵明食采于富春自是世爲富春人明生贖史記孫武傳武既死後百餘歲有孫贖漢志兵權謀家齊孫子八十九篇圖四卷蓋即孫贖也文嘗舉以珣孫子敘錄曰贖武之孫也

劉向別錄曰孫子書以殺青簡編以縹絲繩漢書藝文志兵權謀家吳孫子兵法八十二篇圖九卷

魏武帝孫子兵法序略曰聖賢之于兵也戰而時動不得已而用之吾觀兵書戰策多矣孫武所著深矣孫子者齊人也名武爲吳王闔廬作兵法十三篇試之婦人卒以爲將西破彊楚入郢北威齊晉后百歲餘有孫贖是武之后也審計重舉明畫深圖不可相誣而但世人未之深亮訓說文煩富行于世者失其旨要故撰爲略解焉

魏志武紀注孫盛異同雜語曰太祖博覽羣書特好兵法注孫武十三篇傳于世

唐杜牧注孫子序曰武書大略用仁義使機權曹公所注解十不釋一蓋惜其所得自爲新書爾

唐張守節史記正義曰魏武帝云孫子爲吳王作兵法十三篇七錄云孫子兵法三卷案十三篇爲上卷又有中下二卷

唐日本國見在書目孫子兵書三卷魏武解孫子兵書一卷魏祖略解唐書經籍志孫子兵法十三卷孫武撰魏武帝注

唐書藝文志魏武帝注孫子三卷宋史志同晁氏讀書志魏武注孫子一卷案漢志孫子兵法八十二篇今魏武所注止十三篇杜牧以爲武書數十萬言魏武削其繁剩筆其精粹成此書云

陳氏書錄解題孫子三卷吳孫武撰漢志八十一篇魏武帝削其繁冗定爲十三篇世之言兵者祖孫氏然孫武事吳闔廬而不見于左氏傳未知其果何時人也 案晁陳二家之說殊失之不考

四庫提要曰史記孫子列傳載武之書十三篇而漢志乃載孫子八十二篇圖九卷故張守節正義以十三篇爲上卷又有中下二卷杜牧亦謂武書本數十萬言皆曹操削其繁剩筆其精粹以成此書然史記稱十三篇在漢志之前不得以後來附益者爲本書牧之

言固未可以為據也武書為百代談兵之祖
葉適以其人不見于左傳疑其書乃春秋末
戰國初山林處士之所為然史載闔閭謂武
曰子之十三篇吾盡觀之矣則確為武所自
著非後人嫁名于武也

嚴氏全三代文編曰孫武齊人避亂奔吳吳
王闔廬以為客將軍案漢志孫子兵法八十
二篇圖九卷史記孫武傳云十三篇正義引
七錄云孫子兵法三卷案十三篇為上卷又
有中下二卷如正義說則唐時故書尚存故
諸家徵引多有出十三篇外者皆中下卷文
也十三篇見存不錄錄其佚文凡二十二條
通典一百二十九引孫子九地篇又曰周禮
注文選注引孫子八陳御覽三百二十八引
孫子兵法占

陽湖孫星衍校刊序曰孫子為吳將兵功歸
子胥故春秋傳不載其名蓋功成不受官也
越絕書稱巫門外大家吳王客孫武冢是其
證也文登畢以珣鈇錄曰武蓋以客卿將兵
也

又校刊孫子十家注序曰兵家言惟孫子十
三篇最古魏武始為之注云撰為略解謙言
解其物略也又孫氏書目孫子一卷魏武帝
注星衍仿宋刊本孫子十家注十三卷星衍
校道藏刊本附畢以珣鈇錄一卷孫子遺說
一卷宋鄭友賢輯為十家注作

張氏書目答問孫子魏武帝注三卷平津館
校本孫子十家注十三卷岱南閣校本

孫子兵法一卷魏武王凌集解

魏志本傳凌字彥雲太原祈人也叔父允為
漢司徒誅董卓卓將李傕郭汜等為卓報仇
入長安殺允盡害其家凌及兄晨時皆年少
踰城得脫亡命歸鄉里凌舉孝廉為發于長
中太守太祖辟為丞相掾屬文帝踐阼歷
兗州青州揚州刺史都督揚州進封南鄉
侯車騎將軍就遷為司空司馬宣王既誅曹
爽進凌為太尉後與外甥兗州刺史令狐愚
密協計謀廢立嘉平三年宣王將中軍討凌
凌勢窮出迎送還京都至項飲藥死
孫氏校刊孫子十家注序曰書中或多出杜
佑而置在其孫杜牧之後杜佑實未嘗注孫
子其文即通典也多與曹注同而文校備疑
佑用曹公王凌諸人古注故有王子曰即凌
也

孫武兵經二卷張子尚注

張子尚始未詳
通志藝文略孫武兵經三卷張子尚注
孫氏校刊孫子十家注序曰兵家言唯孫子
十三篇最古稱為兵經比于六藝案稱兵經者
見于此

鈔孫子兵法一卷魏太尉賈詡鈔

魏志本傳詡字文和武威姑臧人也察孝廉
為郎董卓入洛陽詡以太尉掾為平津都尉
遷討虜校尉卓婿中郎將牛輔屯陝詡在輔
軍卓敗輔又死衆恐懼李傕郭汜張濟等欲
解散間行歸鄉里詡說催汜等西攻長安臣

松之曰自古兆亂未有如是之甚者長安陷詡為左
馮翊拜尚書典選舉後去催託段熲又去從
張繡說繡歸太祖太祖表詡為執金吾遷冀
州牧徙為太中大夫文帝即位以為太尉進
爵魏壽鄉侯年七十七薨諡曰肅侯
唐日本國見在書目孫子兵法書一卷臣詡
撰

梁有孫子兵法二卷孟氏解詡

孟氏不詳何人案十家注一魏武二梁孟氏則梁人
也

唐書經籍志孫子兵法又二卷孟氏解

唐書藝文志孟氏解孫子兵法二卷

梁有孫子兵法二卷吳處士沈友撰亡

吳志孫權傳建安九年注吳錄曰是時權大
會官僚沈友有所是非令人扶出謂曰人言
卿欲反友知不得脫乃曰主上在許有無君
之心者可謂非反乎遂殺之友字子正吳郡
人年十一華歆行風俗見而異之曰自桓靈
以來雖多英彥未有幼童若此者弱冠博學
多所貫綜善屬文辭兼好武事注孫子兵法
又辯于口每所至衆人皆默莫與為對咸言
其筆之妙舌之妙刀之妙三者皆過絕于人
權以禮聘既至論王霸之略當世之務權斂
容敬焉陳荆州宜并之計納之正色立朝清
議峻厲為庸臣所譖誣以謀反權亦以終不
為己用故害之時年二十九
唐書經籍志孫子兵法又二卷沈友注
唐書藝文志沈友注孫子兵法二卷

梁又有孫子八陣圖一卷亡

唐張彥遠歷代名畫記曰古來祕畫珍圖有

孫子八陣圖一卷

通志藝文略兵家營陣類孫子八陣圖一卷

案漢書藝文志孫子兵法有圖九卷此或

是九卷之遺又案此列沈友書後或即沈

所增演附于注本之後者

吳起兵法一卷賈詡注

賈詡有鈔孫子兵法一卷見前

史記列傳吳起者衛人也好用兵嘗學于曾

子事魯君齊人攻魯魯以為將將而攻齊大

破之魯人或惡吳起魯君疑之謝吳起起聞

魏文侯賢欲事之文侯問李克曰吳起何如

人哉李克曰起貪而好色然用兵司馬穰苴

不能過也于是文侯以為將擊秦拔五城乃

以為西河守文侯卒起事其子武侯封起為

西河守公叔為相害吳起武侯疑之起懼得

罪遂去之楚楚悼王素聞起賢至則相楚明

法審令于是南平百越北併陳蔡卻三晉西

伐秦諸侯患楚之彊楚之貴戚盡欲害吳起

及悼王死宗室大臣作亂而攻吳起起走之

王尸而伏之擊起之徒因射刺吳起并中悼

王太子立乃使令尹盡誅射吳起而并中王

尸者坐射起而夷宗死者七十餘家

漢書刑法志春秋之後滅弱吞小並為戰國

雄桀之士因勢輔時作為權詐以相傾覆吳

有孫武齊有孫臏魏有吳起秦有商鞅皆禽

攻伐代為雌雄世方爭于功利而馳說者以

孫吳為宗

漢書藝文志兵權謀家吳起四十八篇有列

傳

唐書藝文志賈詡注吳子兵法一卷注云吳

起

宋史藝文志吳起吳子三卷又朱服校定吳

子二卷

晁氏讀書志吳子三卷魏吳起撰言兵家機

權法制之說唐陸希聲類次為之說圖國料

敵治兵論將變化勵士凡六篇

四庫簡明目錄曰吳子一卷周吳起撰隋唐

志皆作一卷與今本同惟晁氏讀書志作三

卷然六篇之目則與今本合亦真古書也

孫氏平津館校刊序曰隋書經籍志載吳起

兵法一卷賈詡注賈注已佚或即太平御覽

所引注文又孫氏書目吳子一卷星衍仿宋

刊本

張氏書目答問吳子一卷平津館校本

案春秋左氏傳序正義引別錄云左邱明

授曾申申授吳起起授其子期期授楚人

鐸椒鐸椒作抄撮八卷授虞卿虞卿作抄

撮九卷授荀卿荀卿授張倉是吳起為左

氏再傳弟子本春秋古學家經師且家世

傳業者而當時乃盛傳其兵法史記言受

學于曾子乃曾申非子輿氏也

吳孫子牝八變陣圖二卷
唐張彥遠歷代名畫記曰古之祕畫珍圖有

吳孫子牝牝八變陣圖二卷 案此則本志發牝

唐日本國見在書目孫子兵法八陳圖二卷

嚴氏全三代文編曰文選注引孫子曰長陳

為甄周禮車僕注引孫子八陳有華車之陳

賈疏云孫子兵法有此言也案隋志有孫子

八陳圖一卷牝八陳圖二卷此二條是其遺

文

案舊新唐志有吳孫子三十二壘經一卷

似即此書否則亦必是書之別本

續孫子兵法二卷魏武帝撰

唐日本國見在書目續孫子兵法二卷魏武

帝撰

唐書藝文志魏武帝續孫子兵法二卷

案魏武既注十三篇或取其篇外餘文以

續其後杜牧所謂魏武創其繁冗筆其精

粹者或指是書即七錄之中下二卷歟賈

詡所抄一卷殆亦此類

孫子兵法雜占四卷

嚴氏全三代文編曰太平御覽三百二十八

引孫子占案隋志有孫子兵法雜占四卷此

其遺文

案張彥遠名畫記云古來祕畫珍圖有吳

孫子兵法雲氣圖一卷雲氣雜占之一端

或在是書

梁有諸葛亮兵法五卷亡

諸葛亮有論前漢事詳見史部正史篇
蜀志本傳亮性長于巧思損益連弩木牛流

馬皆出其意推演兵法作八陳圖咸得其要云

崇文總目諸葛亮兵機法五卷

宋史藝文志諸葛亮行兵法五卷

武威張澍輯諸葛集篇目曰澍案隋書經籍志諸葛亮兵法五卷崇文總目兵機法五卷

隋志之兵法即總目之兵機法也故其卷數同今存四條

嚴氏全三國文編曰案諸葛氏集目錄兵要第十二傳運第十三軍令上中下三篇第二十二至二十四今輯書鈔御覽諸書凡兵法二條兵要七條軍令五條作木牛流馬法當在傳運篇中見蜀志傳注亦見類聚及御覽

侯氏補三國藝文志曰通典御覽並引諸葛亮兵法兵要大約即一書而異名耳御覽復引諸葛亮軍令當亦出此書通志略又載武侯十六策將苑平朝陰府二十四機六軍鏡心訣及後世所傳新書皆出依託今不取案

宋志又有用兵法一卷行軍指掌二卷占風雲氣圖一卷兵書七卷手訣一卷文武奇編一卷奇編即十六策

案武侯兵法陳壽重編故事集盡收載之此五卷似即兵要傳運軍令五篇其南征第三北出第四不知亦在其中否也皆後人從本集析出別行如集誠論前漢事之類

梁又有慕容氏兵法一卷亡

慕容氏不知何人

常熟丁國鈞補晉書藝文志附錄曰慕容氏

兵法一卷見七錄此書當是記偽燕事其為當時所撰抑出後人追錄莫可審定

案慕容氏前燕始于廆及皝及儁及暉後燕自垂及寶及盛及熙南燕自德及超並詳見史部霸史類

皇帝兵法一卷宋武帝所傳神人書

唐書藝文志宋高祖兵法要略二卷

通志藝文略黃帝兵法一卷宋武帝所傳神人書此作黃帝未詳孰是

嚴氏全宋文編曰開元占經二十一引宋武

兵法曰太白癸惑一南一北為死喪

案宋武所傳神人書宋書南史本紀皆不載其事疑即下文所載下邳神人所撰名

黃石公三略之書也

梁有雜兵法三十四卷兵法序二卷亡

不著撰人

唐書經籍志雜兵法二十四卷藝文志同雜或誤為新

錢塘汪師韓文選理學權輿曰選注所引羣書有雜兵法

案漢志兵技巧家有雜家兵法五十七篇

七略列兵書之末蓋合權謀形勢陰陽技巧四者而一之此或是其殘廢未可知也

舊唐志次張良經之後魏武帝兵法之前明是漢代之書以上似為一段

太公六韜五卷梁六卷周文王師姜望撰

史記齊太公世家太公望呂尚者東海上人其先祖嘗為四嶽佐禹平水土甚有功虞夏

之際封于呂或封于申姓姜氏夏商之時申呂或封枝庶子孫或為庶人尚其後苗裔也

本姓姜氏從其封姓故曰呂尚呂尚為文武師武王平商王天下于是封師尚父于齊營邱東就國及周成王少時管蔡作亂淮夷畔

周乃使召康公命太公曰東至海西至河南至穆陵北至無棣五侯九伯實得征之齊由此得征伐為大國都營邱蓋太公之卒百有餘年子丁公呂伋立

又周本紀武王即位太公望為師既克殷罷兵西歸于是封功臣謀士而師尚父為首封尚父于營邱曰齊

漢書藝文志道家太公二百三十七篇謀八十一篇言七十一篇兵八十五篇呂望為周師尚父本有道者或有近世又以為太公術者所增加也

又兵權謀家注曰省伊尹太公似七略以兵八十五篇入兵權謀家班氏以其重復省之此亦班氏所定東觀仁壽圖新記之例變通七略舊例者也凡藝文志所載出入省併與七略不同者皆東京所定新例

唐書經籍志太公六韜六卷藝文志同

宋史藝文志六韜六卷不知作者

晁氏讀書志六韜六卷周呂望撰案漢志無此書梁隋唐始著錄分文武龍虎豹犬六目

兵家權謀之書也元豐中以六韜孫子吳子司馬法黃石公三略尉繚子李衛公問對頒行武學令習之號七書云

陳氏書錄解題六韜六卷武王太公問答其辭鄙俚世俗依託也又曰今武舉以七書試

士謂之武經其間孫吳司馬法或是古書三略尉繚子亦有可疑六韜及李靖問對偽妄明白而立之學官置師弟子伏而讀之未有言其非者何也何蘧春渚紀聞言其父去非爲武學博士受詔校七書以六韜問對爲疑白司業朱服服言此書行之已久未易遽廢遂止

文獻經籍考周氏涉筆曰六韜不知出何時其屑屑共議以家取國以國取天下殆似丹徒布衣太原宮監所經營者戰國諸子窺測古聖妄誕率類此

王氏漢志考證儒家周史六韜六篇師古曰卽今之六韜莊子金板六韜釋文曰本又作六韜謂文武虎豹龍犬今六韜六卷六十篇尙書正義以爲後人所作非實事也館閣書目謂周史六韜恐別是一書

四庫提要曰莊子徐無鬼篇稱金版六韜經典釋文曰司馬彪崔謨云金版六韜皆周書篇名本又作六韜謂太公六韜文武虎豹龍犬也則戰國之初原有是名然卽以爲太公六韜不知所據漢志兵家不著錄惟儒家有周史六韜六篇班固自注曰惠襄之間或曰顯王時或曰孔子問焉則六韜別爲一書顏師古注以今之六韜當之毋亦因陸德明之說而牽合附會歟三國志先主傳注始稱開暇歷觀諸子及六韜商君書益人志意隋志始載太公六韜唐宋諸志皆引之今考其書大抵詞意淺近不類古書殆未必漢時舊本

嘉與沈濤銅熨斗齋隨筆曰周史六韜漢志列之儒家則非今之六韜也六乃大字之誤古今人表第六等有周史大破破當爲破莊子則陽篇仲尼問于太史大破蓋卽其人此乃其所著書故班氏有孔子問焉之說顏氏以爲太公之六韜誤矣今之六韜當在太公二百三十七篇之內案此證極精覈

嘉定錢大昕隋書考異曰經籍志太公六韜五卷周文王師姜望撰案三代以前男子無稱姓者稱太公望曰姜望此魏晉以後俚俗之言

嚴氏全三代文編曰今所行六韜六卷是宋元豐間刪定凡六十篇見存不錄錄其佚文凡文韜八條武韜四條虎韜一條犬韜四條佚文不得原次者四十七條 治要通典御覽所引並與今本不同

孫氏祠堂書目儒家六韜六卷星衍校刊本附孫同元輯逸文一卷 孫氏猶沿顏氏誤說故以此書入儒家以爲七略舊例如是序文主持甚力見平津館叢書

太公陰謀一卷梁六卷

史記齊太公世家周西伯昌之脫美里歸與呂尙陰謀修德以傾商政其事多兵權與奇計故後世之言兵及周之陰權皆宗太公爲本謀周西伯政平及斷虞芮之訟而詩人稱西伯受命曰文王伐崇密須犬夷大作豐邑天下三分其二歸周者太公之謀計居多又曰武王伐紂遷九鼎修周政與天下更始師

尙父謀居多

漢書藝文志道家太公二百三十七篇或有近世又以爲太公術者所增加也又曰謀八十一篇

唐書經籍志太公陰謀三卷藝文志同

嚴氏全三代文編曰漢志太公謀八十一篇在道家隋志歸兵家有陰謀六卷今輯續漢郡國志注羣書治要太平御覽諸引陰謀者凡五條又開元占經引陰祕凡十四條梁又有太公陰謀三卷魏武帝解

魏武帝有孫子兵法注又有續孫子兵法二卷並見前

通志藝文略太公陰謀一卷又三卷魏武帝注

太公陰符鈴錄一卷

唐日本國見在書目太公陰錄符一卷 案當是陰符錄陰符鈴之誤

通志藝文略兵陰陽家太公陰符鈴錄一卷

嚴氏三代文編曰太公有陰符鈴錄一卷案陰符謂陰符之謀詩大明疏引太公授兵鈴之法曰踐爾兵革審權矩應詐縱謀出無孔案正義并引其法云踐行也矩法也當親行汝兵革審其權謀之法孔道也應敵之變詐縱己之謀所出無常道善

大公知權變者兵法須知彼己當預爲之備所以貴權謀故善太公能審之 案正義引此蓋據師謀之說也師謀尙書中候之篇名故其文格如此有鄭氏注卽此注是也末後數語又似孔穎達引申之詞

案陰符鈴卽兵鈴廣韻二十四鹽鈴字注

云兵鈴以閉房神府以備非常其語不可曉亦似識緯家之說此殆從周書陰符九卷中錄出者据中候說則是書為伐紂時所作然不可考矣

太公金匱二卷

劉歆七略曰太公金匱玉匱雖近世之文然多善者案此非太公本真從可知矣

唐日本國見在書目太公明金匱用兵要記一卷明字蓋望字之誤

唐書經籍志太公金匱二卷藝文志同

嚴氏全三代文編曰御覽三百九十引金人銘注皇覽云出太公金匱路史後紀五云世謂太公作金人案太公金匱公對武王之言明黃帝所作開元占經卷六卷十一引尚書金匱疑即太公金匱異名今輯錄諸書凡三十九條

孫氏祠堂書目儒家太公金匱一卷洪頤煊集本

太公兵法二卷梁三卷

漢書藝文志道家太公二百三十七篇或有近世又以為太公術者所增加也又曰兵八十五篇

史記留侯世家下邳圯上老父出一編書曰讀此則為王者師且日視其書乃太公兵法也良因異之嘗習誦讀之又曰良數以太公兵法說沛公沛公善之常用其策良為他人言皆不省良曰沛公殆天授故遂從之不去正義曰七錄云太公兵法一表三卷太公姜

子牙周文王師封齊侯也

嚴氏全三代文編曰漢志兵八十五篇在道家隋志歸兵家有太公兵法三卷五行大義引太公兵書通典引覆軍誡法開元占經太平御覽數引太公兵法今輯錄凡二十條

案四庫存目有太公兵法一卷不知何時偽造

太公兵法六卷梁有太公雜兵書六卷

嚴氏全三代文編曰隋志兵家有太公兵法三卷又六卷

案此太公兵法六卷即梁有太公雜兵書六卷本志以書名不同故注于其下而不云亡蓋亦以為一書也

太公伏符陰陽謀一卷

通志藝文略兵陰陽家太公伏符陰陽謀一卷

嚴氏全三代文編曰隋志又有太公伏謀陰陽謀一卷案此作伏謀不知何本疑寫刊之誤

案唐日本書目太公謀卅六甲法一卷兩

唐志有太公陰謀三十六用一卷似即此書五行家有黃帝式經三十六用一卷是

甲為用字之誤其稱陰謀或亦八十一篇之遺文選王元長詩注引太公伏符陰謀

曰武王伐紂四海神河伯皆曰天伐殷立周謹來受命願獻時雨初學記天部言之

尤詳嚴氏並輯入金匱中然後知史記曆書所謂諸神受紀者本于此

黃帝兵法孤虛雜記一卷

唐書藝文志黃帝兵法孤虛推記一卷

通志藝文略兵陰陽家黃帝兵法孤虛雜記一卷

案此列在太公諸兵書中殆亦以為太公述黃帝之法歟雜記新唐志作推記義亦通未詳孰是孤虛別見於後

太公三宮兵法一卷梁有太一三宮兵法立成圖二卷

唐書經籍志黃帝太公三宮法要訣一卷藝文志同

唐張彥遠歷代名畫記曰古之祕畫珍圖有太一三宮用兵成圖二卷跋立字

通志藝文略兵陰陽家太公三宮兵法一卷太一三宮兵法立成圖一卷

案王氏小學紺珠謂天宮地宮人宮為三宮然則亦如六韜所謂天陳地陳人陳之類也漢志兵陰陽家有太壹兵法一篇此

推演為立成圖立成者立其成法為一定之詞術家常有此言也

太公書禁忌立成集二卷

太公枕中記一卷

通志藝文略兵陰陽家太公書禁忌立成集二卷又兵書家太公枕中記一卷

周書陰符九卷

唐書藝文志太公陰謀三卷又金匱二卷六韜六卷周書陰符九卷

嚴氏全三代文編曰案周書陰符隋志不云太公據戰國策蘇秦得太公陰符之謀史記

作周書陰符明是一書也

又曰案陰符謂陰符之謀蓋即漢志之太公謀八十一篇云周書者周時史官紀述猶六毀稱周史 案此猶據顏氏舊說以漢志儒家之周史六毀謂即今之六韜與孫氏所據同也詳見前諸引周書陰符或但稱周書驗知非逸周書錄附太公之末與六韜陰謀金匱互出入不嫌複見也凡十二條案今傳陰符經一篇疑出是書

周呂書一卷

唐書藝文志太公陰謀三卷又周書陰符九卷周呂書一卷

案自太公六韜至此凡十三部附載梁有二部魏武注一部證以新唐志所載皆太公之書其間真偽不可知漢志道家已云或有近世為太公術者所增加降而至于此又豈班氏之所云云乎是又為一段黃石公內記敵法一卷

黃石公事見史記留侯世家亦略見下條

案唐日本書目有黃帝用兵勝敵法一卷疑此亦當是黃石公內記勝敵法故勝字

黃石公三略三卷下邳神人撰成氏注

史記留侯世家留侯張良者其先韓人也秦滅韓良年少悉以家財求客刺秦王為韓報仇以大父父五世相韓故得力士為鐵椎重百二十斤秦皇帝東遊良與客狙服處曰狙伺候也擊秦皇博浪沙中誤中副車秦皇帝大怒大索天下求賊甚急為張良故也良乃更名姓亡匿下邳嘗從容步游下邳圯上有一

老父衣褐至良所出一編書曰讀此則為王者師矣後十年與十三年孺子見我濟北穀城山下黃石即我矣遂去無他言不復見後十三年從高帝過濟北果見穀城山下黃石取而葆祠之留後死并葬黃石每上家伏臘祠黃石

唐書經籍志黃石公三略三卷三略訓三卷唐書藝文志黃石公三略三卷又成氏三略訓三卷

宋史藝文志成氏注三略三卷

晁氏讀書志黃石公三略三卷題曰黃石公上中下三略其書論用兵機權之妙嚴明之決明妙審決軍可以死易生國可以存易亡經籍志云下邳神人撰世傳此即圯上老人以一編書授漢張良者

陳氏書錄解題曰世傳張子房受書圯上老人曰濟北穀城山下得黃石即我也故遂以黃石為圯上老人然皆傳會依託也

王氏困學紀聞諸子篇魏李蕭遠運命論張良受黃石之符誦三略之說言三略者始見于此漢光武詔引黃石公紀未有三略之名

又雜識篇云東坡以圯上老人為隱君子四庫提要曰黃石公事見史記三略之名始見于隋經籍志云下邳神人撰成氏注唐宋

藝文志所載並同相傳其源出于太公圯上老人以一編書授張良者即此蓋自漢以來言兵法者往往以黃石公為名然大抵出于附會是書文義不古當亦後人所依託鄭瑗

井觀瑣言亦謂其非圯橋授受之書然後漢光武帝詔書引黃石公柔能制剛弱能制強之語實出書中軍讖之文其為漢詔援據此書或為此書剽竊漢詔均無可考疑以傳疑亦姑過而存之焉

又簡明目錄曰其文不類秦漢問書謂之北宋以前舊本則可矣

梁又有黃石公記三卷黃石公略注三卷 略注上或做記字或做三字

後漢書臧宮傳光武詔報臧宮馬武曰黃石公記曰柔能制剛弱能制彊章懷太子曰即張良于下邳圯所見老父出一編書者

文選關中詩注郭有道碑文注運命論注引黃石公記序曰張良慮若源泉深不可測又曰黃石者神人也

初學記天部黃石公記云黃石鎮星之精也黃者鎮星色也石者星質也 關元占經填星占注引黃石公三略同

案此黃石公記據選注占經言亦即三略此黃石公略注似即前成氏三略注蓋梁目所載一無注本一注本本志特注其與見存異同耳非以為別是一書故不云亡

黃石公三奇法一卷梁有兵書一卷通志藝文略兵陰陽家黃石公三奇法一卷

案遁甲書有三奇名目似即所謂奇門也抱朴子對俗篇云運三棋以定行軍之興

亡推九符而得禍福之分野疑即此三棋而亦為奇本志五行風角類中有黃石公

北斗三奇法一卷疑即是書 梁有兵書一卷而不注云亡似即此三奇法亦但注其異同耳

張良經與三略往往同亡一本三略作三洛似誤

史漢功臣侯表留文成侯張良以廐將從起下邳以韓申徒下韓國漢表作申都漢傳作司徒入武關設策降秦王嬰解上與項羽之隙為漢王請漢中地常為計謀平天下侯萬戶高帝六年正月丙午封十六年薨高后三年侯不疑嗣十年孝文五年坐與門大夫殺故楚內史贖為城旦國除

唐書經籍志張良經一卷張良撰張氏七篇七卷張良撰

唐書藝文志張良經一卷張氏七篇七卷注云張良

案史漢世家列傳云留侯從上擊代出奇計下馬邑及立蕭相國服虔曰何時未為相國

良勸高祖立之所與從容天下事甚衆非天下所以存亡故不著蓋史傳所載皆其大事關天下存亡者其他計議言論雖多皆從略也又漢藝文志云漢興張良韓信序

次為兵法凡百八十二家刪取要用定著三十五家觀于此必有書傳記述其事者此張良經及張氏七篇不知是一是二或猶為漢代相傳晉書天文志言范蠡鬼谷先生張良並有州郡躓次之說當亦是在

書中又宋晁載之續談助抄般芸小說有張子房與四皓書四皓答書注曰出張良

書嚴氏文編謂後人擬作不知是否亦在此書太平御覽圖書綱目有兵法七書在元豐武經七書之前疑即唐志之張氏七篇也

又案此注云張良經與三略往往同亡蓋

七錄語也豈舊時三略在張良經中合為一書故云同亡言張良經亡而三略與之偕亡歟此之三略為張良所傳非世所傳之三略歟文選運命論云張良受黃石之符誦三略之說李康魏明帝時人其所言三略即張良經中之三略非成氏所注之三略歟

黃石公五壘圖一卷 通志藝文略兵家營陣類黃石公五壘圖一卷

黃石公陰謀行軍祕法一卷梁有黃石公祕經二卷

初學記職官部黃石公陰謀祕法曰熒惑火之精御史之象主禁令刑罰收捕糾正

唐書經籍志黃石公陰謀乘斗魁剛行軍祕一卷藝文志同

大將軍兵法一卷 不著撰人 案此與張良並類從于黃石公諸書中似

此大將軍者韓信也漢志兵家敘云張良韓信敘次兵法又兵權謀家韓信三篇師古曰淮陰侯此或猶是其書 黃石公兵書三卷 錢塘汪師韓文選理學權輿曰選注所引羣

書有黃石公兵書 案前黃石公三奇法條下云梁有兵書一卷疑即此書

又案黃石公書自內記敵法至此本志著錄凡六部附著梁有四部又因類附入張良經大將軍各一部是又一段

兵書接要十卷魏武帝撰梁有兵書接要別本五卷又有兵書要論七卷亡 魏武帝有孫子兵法注又有續孫子兵法太公陰謀解並見于前汪氏文選注引書目又有司馬法注本志無之

魏志武紀注孫盛異同雜語云太祖博覽羣書特好兵法鈔集諸家兵法名曰接要傳于世

唐日本國見在書目兵書要三卷兵書接要三卷魏武帝撰兵書論要一卷魏武帝撰

唐書經籍志兵法捷要七卷魏武帝撰一本作兵書接要 唐書藝文志魏武帝兵書接要七卷 一作捷要 又此條下注云孫武因上文寫誤

汪師韓文選注引羣書目錄曰兵書接要魏武帝鈔集孫志祖曰案舊唐志兵法捷要七卷魏武帝撰捷要即節要也魏諱節改耳案

接捷古亦通漢志道家摠子二篇史記孟荀列傳作接子 侯康補三國藝文志曰魏志本紀注文選魏都賦注引皆作接要與隋志同唐志作捷要 御覽卷八卷十一引凡四條又作輯要 兵法接要三卷魏武帝撰

案前條已云梁有別本五卷此則見存別本三卷也

三宮用兵法一卷

不著撰人

案上文有太公三宮兵法太一三宮兵法

此列在魏武書中殆即魏武之三宮用兵

法而失注撰人者

兵書略要九卷魏武帝撰梁有兵要二卷

唐日本國見在書曰兵書要略魏武帝撰不

著卷數

通志藝文略兵書略要九卷魏武帝撰

嚴氏全三國文編曰魏武帝有兵書要略九

卷太平御覽三百五十七引兵書要略曰衛

枚毋謹譁唯令之從 案鮑刻本御覽引此條作魏

文帝而卷首圖書綱目唯有魏武兵書輯略故嚴氏定為

魏武帝也

案舊唐志有兵法要略十卷魏文帝撰一

本兵法作兵書 新志魏文帝兵書要略十卷

似即此書而以爲文帝考日本書曰通志

略皆無之似舊志之誤新志仍之也 梁

有兵要二卷殆即略要之別本故不云亡

魏武帝兵法一卷

魏志武紀注魏書曰太祖自統御海內芟夷

羣醜其行軍用師大較依孫吳之法而因事

設奇譎敵制勝變化如神自作兵書十萬餘

言諸將征伐皆以新書從事臨事又手爲節

度從令者克捷違教者負敗

蜀志諸葛傳注建興六年十一月上言曰曹

操智計殊絕于人其用兵也髣髴孫吳先帝

每稱操爲能

太平御覽人事部容止篇益部耆舊傳曰張

松爲人短小然識遠精果有材幹劉璋乃遣

詣曹公曹公不甚禮楊修深器之修以公所

撰兵書示松飲讌之間一省即便闕誦

案此似即新書杜牧言魏武注解孫子十

不釋一蓋惜其所得自爲新書唐日本國

書目載魏武帝兵書十三篇似亦仿孫子

十三篇而以篇爲卷此一卷或合併也

梁有魏時羣臣表伐吳策一卷諸州策四卷軍

令八卷

不著撰人

侯氏三國藝文志曰此三書隋志並在亡書

之內通典一百四十九引魏武軍令船戰令

步戰令御覽兵部亦引之又有魏書曹公令

疑即所謂軍令八卷者也

案魏志傅叡傳云時論者議欲伐吳三征

獻策各不同詔以訪叡注引司馬彪戰略

曰嘉平四年四月孫權死征南大將軍王

昶征東將軍胡遵鎮南將軍毌邱儉等表

請征吳朝廷以三征計異詔訪尙書傅叡

叡對云云此所載羣臣表伐吳策似即其

事諸州策亦即其類唐六典刑部注魏命

陳羣等撰州郡令尙書官令軍中令合若

干篇此軍令八卷蓋當時行本其後亦編

入魏令中別其名曰軍中令自魏武兵書

接要至此皆曹魏一代新撰兵書是又爲

一段

又案本志此類大致依仿漢藝文之例以

上自司馬法至此尋其章法似是兵權謀

之類

梁有尉繚子兵書一卷

漢書藝文志兵形勢家尉繚三十一篇

本志雜家尉繚子五卷梁并錄六卷尉繚梁

惠王時人

宋史藝文志尉繚子五卷戰國時人

舊新唐

志皆入雜家見前

晁氏讀書志尉繚子五卷尉繚子未詳何人

書論兵主刑法案漢藝文志有二十九篇今

逸五篇首篇稱梁惠王問意其魏人歟其卒

章有曰古之善用兵者能殺卒之半其次殺

其十三其下殺其十一能殺其半者威加海

內殺十三者力加諸侯殺十一者令行士卒

嗚呼觀此則爲術可知矣

陳氏書錄曰尉繚子六國時人案漢志雜家

有二十九篇兵形勢家又有三十一篇今書

二十三篇未知果當時本書否

明宋濂諸子辯曰尉繚子二十四篇較之漢

志雜家二十九篇已亡五篇 案此沿晁志之說

失之不考當援漢志兵形勢家三十一篇爲據

其論兵

曰兵者凶器也爭者逆德也將者死官也故

不得已而用之無天于上無地于下無王于

後無敵于前一人之兵如狼如虎如風如雨

如雷如霆震震冥冥天下皆驚由是觀之其

威烈可謂莫之嬰矣及究其所以爲用則曰

兵不攻無過之城不殺無罪之人夫殺人之

父兄利人之貨財臣妾人之子女此皆盜也

又曰兵者所以誅暴亂禁不義也兵之所加

者農不離其田業賈不離其肆宅士大夫不

離其官府故兵不血刃而天下親嗚呼又何

其仁哉戰國談兵者有言及此君子蓋不可

不與也宋元豐中是書與孫吳司馬法三略

六韜問對頒行武學號為七書

四庫提要曰漢志兵形勢家別有尉繚三十

一篇故胡應麟謂兵家之尉繚即今所傳特

今書止二十四篇與所謂三十一篇者數不

相合則後來已有所亡佚非完本矣其書大

指主于分本末別賓主明賞罰所言往往合

于正如云兵不攻無過之城云云皆戰國談

兵者所不道晁志有張載注尉繚子一卷則

講學家亦取其說然書中兵令一篇于誅逃

之法言之極詳可以想見其節制則亦非漫

無經略高談仁義者矣其書坊本無卷數今

酌其篇頁仍依隋志之目分為五卷 案此則

舊時通行本亦一卷與本志此條相合

張氏書目答問周秦諸子鬻子子華子皆偽

書六韜關尹鄧析燕丹偽而近古尉繚子尤

謬不錄案本志無關尹子知其偽在隋以後

案是書梁時有兩本一五卷本有錄一卷

入雜家一一卷本入兵家五卷二十四篇

一書

兵林六卷東晉江都相孔衍撰

孔衍有凶禮見經部禮類

唐書經籍志兵林六卷孔衍撰

唐書藝文志孔衍兵林六卷

闕里文獻孔氏著述考兵者所以禁暴止邪

也二十二代孫晉廣陵太守衍有兵林六卷

案孔衍終官廣陵相此題江都相蓋以隋

唐時地名名之也唐日本書目有兵林玉

府三卷不著撰人似即此書

兵林一卷

不著撰人

案此或是孔氏之別本唐日本書目又有

兵林正府一卷似即此書玉府正府未詳

孰是

玄女戰經一卷

玄女別見下一條

藝文類聚火部玄女戰經曰諸見聖烽火煙

火傳言虜且起欲知審來不以言者時所加

之得陽者不來得陰者為來法 亦見御覽兵部

條雖篇屬氏皆輯入玄女兵法中

案此與下文玄女兵法隔越不相屬豈原

本果如此雜亂耶抑轉寫之誤耶

武林一卷王略撰

王略始末未詳宋有王略明帝泰始初為博士有昭

太后附廟議嚴氏文編輯之不知是否即其人也

唐日本國見在書目武林一卷王略撰

唐書藝文志王略武林一卷

黃帝問玄女兵法四卷梁三卷

唐書經籍志黃帝問玄女法三卷玄女撰

唐書藝文志黃帝問玄女法三卷

嚴氏全三代文編曰玄女未詳或云天帝女

一云即西王母有玄女戰經一卷黃帝問玄

女兵法四卷皆五行家依託後漢書皇甫嵩

傳注引玄女三宮戰法又曰黃帝問玄女兵

法書鈔類聚御覽事類賦注路史後紀引凡

十二條

孫氏祠堂書目黃帝問玄女兵法一卷洪頤

煊集本

秦戰鬪一卷

不著撰人

通志藝文略兵書家秦戰鬪一卷

案此列黃帝玄女之後似為嬴秦而在梁

武帝之前則又似苻秦之書

梁主兵法一卷

梁武帝兵書鈔一卷梁武帝兵書要鈔一卷

梁武帝有周易大義見經部易家

唐日本國見在書目梁武帝兵法二卷梁武

帝勅抄要用兵法一卷

唐書藝文志梁武帝兵法一卷

通志藝文略梁武帝兵法一卷兵書鈔一卷

兵書要鈔一卷

案梁武帝有金策三十卷詳見于後此三

書似皆後人抄節之本

玉韜十卷梁元帝撰

梁元帝有漢書注見史部正史類

金樓子著書篇玉韜一秩十卷金樓出牧渚宮時撰

又立言篇曰吾少讀兵書三十餘年搜纂數千止爲一帙菁華領襲備在其中

又雜記篇曰余六歲能爲詩其後著書之中唯玉韜最善

梁書本紀所著玉韜十卷南史本紀同

唐書經籍志玉韜十卷梁元帝撰

唐書藝文志梁元帝玉韜十卷

金韜十卷

不著撰人

隋書藝術傳劉祐滎陽人也開皇初爲大都督封索盧縣公其所占候合如符契高祖甚親之初與張賓劉輝馬顯定曆後奉詔撰兵書十卷名曰金韜上善之

唐書經籍志金韜十卷劉祐撰

唐書藝文志劉祐金韜十卷

錢氏隋書考異曰經籍志金韜十卷不著撰人蓋劉祐所撰見藝術傳

金策十九卷

不著撰人

梁書武帝本紀又撰金策三十卷南史本紀撰金海三十卷

案南史作金海金海爲隋蕭吉撰詳見後

文當從梁紀作金策此十九卷蓋散佚不全本隋代見存書目或不知爲梁武書故

不著撰人

兵書要略五卷後周齊王宇文憲撰

後周齊煬王憲有別傳詳見史部雜傳篇

後周書本傳憲常以兵書繁廣難求指要乃自刊定爲要略五篇至是表陳之高祖覽而稱善

唐書經籍志兵書要略十卷宇文憲撰

唐書藝文志後周齊王憲兵書要略十卷

兵書七卷

不著撰人

案唐藝文志後周齊王憲兵書要略十卷

之後有隋高祖新撰兵書三十卷舊志作新授本志無隋高祖書疑此七卷其殘帙

兵書要術四卷伍景志撰

伍景志始末未詳

通志藝文略兵書要術四卷任景志撰此作任未詳孰是

兵記八卷司馬彪撰一本二十卷

司馬彪有續漢書見史部正史篇

唐書經籍志兵記十二卷司馬彪撰

唐書藝文志司馬彪兵記十二卷

錢氏三國志考異卷首曰裴松之注所引書有司馬彪續漢書司馬彪九州春秋司馬彪

戰略

嚴氏全晉文編曰司馬彪有戰略二十卷隋

唐志作兵記

常熟丁國鈞補晉書藝文志曰司馬彪戰略

見裴氏三國志注御覽引書綱目又有司馬

彪戰略彪有兵記二十卷戰略戰經疑皆其

書篇目也

兵書要序十卷趙氏撰

趙氏不詳何人

通志藝文略兵書要序十卷趙氏撰

兵法五卷

雜兵書十卷梁有雜兵書八卷三家兵法要集三

卷戎略機品二卷亡

並不著撰人

大將軍一卷

不著撰人

案前黃石公諸書中已有大將軍兵法一

卷此大將軍不知何人疑即前書而見于

別家書目者

雜兵圖二卷

兵略五卷

並不著撰人

軍勝見十卷許昉撰

許昉始末未詳

唐日本國見在書目軍勝十卷

唐書經籍志許子新書軍勝十卷藝文志同

戎決十三卷許昉撰

案此蓋亦許子新書之一種晉書天文志

雜氣篇有云凡軍勝之氣如隄如坂前後

磨地或如火光將軍勇士卒猛此軍勝見

及戎決大抵皆如是之類

陣圖一卷

不著撰人

唐日本國見在書目陣圖一卷

陰策二十二卷大都督劉祐撰

劉祐有金箱見前

隋書藝術傳祐奉詔撰兵書十卷名曰金箱
上善之復著陰策二十卷

陰策林一卷

不著撰人

案此似即從陰策中抄出林占之屬用以
占出軍勝負者

承神兵書二十卷

不著撰人

唐書經籍志承神兵書八卷藝文志同

案承神兵書大抵如上文所載宋武所傳

神人書下邳神人黃石公書玄女戰經玄

女兵法及下文真人水鏡黃帝蚩尤風后

行軍祕術太一兵書之類彙為一書言承

神傳授之兵書云爾

真人水鏡十卷

不著撰人

唐日本國見在書目真人水鏡十卷 不著撰人

唐書經籍志真人水鏡十卷陶弘景撰

唐書藝文志陶弘景真人水鏡十卷

案陶弘景有毛詩序注詳見經部詩類是

書梁書南史隱逸傳及陶翊所撰隱居先

生本起錄皆不載兩唐志又有握鏡三卷

戰略二十六卷金城公趙暉撰

隋書本傳暉字賢通天水西人也深沈有器

局略涉書史周太祖引為相府參軍事從破

洛陽又帥所領與齊人前後五戰陳將吳明

徹屢為寇患前後十六戰每挫其鋒後從上

柱國于翼伐陳克陳十九城而還以功封平

定縣男歷太宗伯高祖踐阼暉授驪絨進位

大將軍賜爵金城郡公拜尚書右僕射為陝

州冀州刺史開皇九年卒年六十八

通志藝文略戰略二十六卷金城公趙暉撰

金海三十卷蕭吉撰

蕭吉有樂論見經部樂類

隋書北史藝術傳著金海三十卷

唐書經籍志金海四十七卷蕭吉撰

唐書藝文志蕭吉金海四十七卷 日本書目三

十七卷

兵書二十五卷

不著撰人

案自尉繚子至此亦似依仿漢志為兵形

勢之類大抵雜抄諸家書日多不齊一

雜撰陰陽兵書五卷莫珍寶撰

莫珍寶始末未詳

通志藝文略兵陰陽家陰陽兵書五卷莫珍

元撰 此作珍元未詳孰是

案細覈本志章次節目此書實為兵陰陽

之首而列于黃帝老子之前莫明其故其

曰雜撰豈雜取漢志十六家之遺佚而撰

集成書不以撰集人序時代歟五行類以後

人所集風角要占十二卷列漢京房翼奉之前蓋與

此同例實為舛謬也

黃帝兵法雜要決一卷

黃帝軍出大師年命立成一卷

嚴氏全上古文編曰案隋志黃帝兵法雜要

訣一卷五行大義第五篇引黃帝兵訣此省

詞開元占經引黃帝兵法黃帝用兵要法用

兵要訣太平御覽引黃帝出軍訣

又曰漢書胡建傳引黃帝李法隋志黃帝兵

法共八種李法律法兵律在其中今輯李法

一條兵法五條出軍訣一條 案律法兵律不見

似有所漏別有黃帝占三卷詳見後天文家 八種者此

下所載七種并上文黃帝兵法孤虛雜記一種也

案類聚御覽天部並引黃帝占軍訣類聚

居處部引黃帝軍氣訣初學記武器器物

部類聚軍器部祥瑞部並引黃帝出軍訣

似皆出此二書

黃帝複姓符二卷許昉撰

許昉有軍勝見及戎決並見前

通志藝文略兵陰陽家黃帝複姓符一卷許

昉撰

梁有辟兵法一卷

不著撰人

案漢志兵陰陽家有辟兵威勝方七十篇

此或其殘佚僅存者

黃帝太一兵曆一卷

唐書藝文志黃帝太一兵曆一卷

案漢志兵陰陽家有黃帝十六篇太壹兵

法一篇此不知是否合兩家之遺說為一

書初學記禮部引黃帝太一密推藝文類

聚三十九引作察推疑即是書

黃帝蚩尤風后行軍祕術二卷梁有黃帝蚩尤兵

法一卷亡

史記五帝本紀黃帝者少典之子姓公孫名曰軒轅軒轅之時神農氏世衰諸侯相侵伐暴虐百姓而神農氏弗能征于是軒轅乃習用干戈以征不享諸侯咸來賓從而蚩尤最為暴莫能伐炎帝欲侵陵諸侯諸侯咸歸軒轅軒轅乃脩德振兵教熊羆貔貅羆虎以與炎帝戰于阪泉之野三戰然後得其志蚩尤作亂不用帝命于是黃帝乃徵師諸侯與蚩尤戰于涿鹿之野遂禽殺蚩尤而諸侯咸尊軒轅為天子代神農氏是為黃帝天下有不順者黃帝從而征之平者去之披山通道未嘗寧居而邑于涿鹿之阿遷徙往來無常處以師兵為營衛舉風后力牧常先大鴻以治民正義曰鄭玄云風后黃帝之三公也案黃帝仰天地置列侯衆官以風后配上台天老配中台五聖配下台謂之三公也餘詳見余所輯漢志條理道家兵家兩類中

抱朴子極言篇黃帝講占候則詢風后番攻戰則納五音之策漢志數術五行家有五音奇駭用兵二十三卷蓋言納音之術即此所謂納五音之策也
唐日本國見在書目黃帝蚩尤兵法一卷
通志藝文略兵陰陽家黃帝蚩尤風后行軍祕術二卷黃帝蚩尤兵法一卷又營陣類有風后遊機圖經風后握奇八陣圖各一卷案今傳握機經一篇疑出是書

案漢志兵陰陽家有黃帝十六篇圖三卷風后十三篇圖二卷又兵形勢家有蚩尤

二篇此不知是否合三家之遺說為一書
梁有一卷雖不云風后而亦是此書

老子兵書一卷

老子惟有道德經見前道家

唐日本國見在書目孝子寶訣一卷 孝為老

字之誤

通志藝文略兵陰陽家老子兵書一卷

吳有道占出軍決勝負事一卷梁二卷又黃帝出軍雜用決十二卷風氣占軍決勝戰二卷太史令全範撰全當為吳

對敵權變一卷吳氏撰

吳志吳範傳範字文則會稽上虞人也以治曆數知風氣聞于郡中舉有道詣京都世亂不行會孫權起東南範委身服事每有災祥輒推數言狀其術多效遂以顯名權以為騎都尉領太史令數從訪問欲知其決範祕惜其術不以至要語權權由是恨之及後論功行封以範為都亭侯詔臨當出權恚其愛道于己也削除其名黃武五年病卒于是業絕權募三州有能舉知術數如吳範趙達者封千戶侯卒無所得

吳錄曰皇象工書嚴武圍碁宋壽占夢曹不與畫鄭姬相人及吳範劉惔趙達八人世皆稱妙謂之八絕云惔達吳志有傳惔明五官占數尤明太乙達治九宮一算之術

案吳範舉有道見本傳傳載其占出軍決勝負事尤顯著者數條常出是書由是知吳有道即吳範範為太史令終其身知此

注作全範者亦吳範之誤其黃帝出軍雜用決十二卷當為範所演集餘三書似皆記當時占驗之事或為吳人所錄魏志陶謙傳注引謝承書有揚州從事會稽吳範當即其人猶在孫權未起之時也太平御覽引書目錄有吳軌占候風氣祕訣蓋即此類之書而範誤為軌

對敵占風一卷

不著撰人

案五行家有兵法風角式一卷疑即是書

梁有黃帝夏氏占氣六卷亡

通志藝文略兵陰陽家黃帝夏后氏占氣六卷

卷

案夏氏有日旁氣圖一卷別見後天文家通志略作夏后氏未詳所據豈今本隋志缺后字乎何以漢書天文志亦稱夏氏不云夏后氏也

梁有兵法風氣等占三卷亡

不著撰人

對敵權變逆順一卷

不著撰人

唐日本國見在書目兵書對敵權變逆順法武王代殷法一卷案代當為伐是書蓋載武王伐殷之事耳

唐書藝文志太公六韜六卷當敵一卷

案太平御覽天部引太公對敵權變逆順法曰夫軍出逢天無雲而雨此天泣也軍沒不還則是書亦託之太公由是證知唐

志所載太公諸書有當敵一卷即此書其事其文嚴氏所輯太公陰謀金匱諸篇亦略可見矣

兵法權儀一卷

不著撰人

通志藝文略兵陰陽家兵法權儀一卷

案劉熙釋名云儀宜也得事宜也蓋與宜

通

六甲孤虛雜決一卷

不著撰人

梁有孫子戰鬪六甲兵法一卷

孫子有兵法見前

文登畢以珣孫子欽錄曰隋唐志又有孫子

牝八變陳圖三十二壘經戰鬪六甲兵法案

漢志惟云孫子八十二篇而隋唐志于十三

篇之外又有數種可知具在八十二篇之內

也

六甲孤虛兵法一卷

孤虛法十卷梁有兵法遁甲孤虛斗中域法九卷

不著撰人

史記龜策傳褚先生曰日辰不全故有孤虛

集解曰駟案甲乙謂之日子丑謂之辰六甲

孤虛法甲子句中無戌亥戌亥即為孤辰巳

即為虛甲戌句中無申酉申酉為孤寅卯即

為虛甲申句中無午未午未為孤子丑即為

虛甲午句中無辰巳辰巳為孤戌亥即為虛

甲辰句中無寅卯寅卯為孤申酉即為虛甲

寅句中無子丑子丑為孤午未即為虛劉歆

七略有風后孤虛二十卷正義曰案歲月日時孤虛並得上法也

後漢書方術傳序曰其流又有孤虛之術章

懷太子曰孤謂六甲之孤辰若甲子句中戌

亥無干是為孤也對孤為虛前書藝文志有

風后孤虛二十卷

案風后孤虛二十卷見漢志數術五行家

此以上四書梁有九卷似即著錄之孤虛

法十卷或為漢時留遺或為後人推演無

以詳知范書方術趙彥傳南陽宗資為討

寇中郎將彥為陳孤虛之法從孤擊虛以

討之彥推遁甲教以時進兵一戰破賊此

其事之有驗見于正史者

兵書雜占十卷梁有兵法日月風雲背向雜占十

二卷兵法三卷虛占三卷

並不著撰人

案虛占當是孤虛占斂孤字然考藝文略

亦作虛占則宋本已然矣四庫提要兵家

序曰其間孤虛王相之說難以陰陽五行

風雲氣色之說又難以占候故兵家恆與

術數相出入術數恆與兵家相出入此類

是已

梁有京氏征伐軍候八卷

京氏似即京房有周易章句見經部易家

案漢書本傳永光建昭間西羌反日蝕久

青亡光陰霧不精房數上疏先言其將然

天子以所言屢中數召見問蓋西羌之反

房先言其然或其門弟子如任良段嘉姚

平桑弘輩錄其奏對及占候為是書未可知也又藝文志災異孟氏京房六十六篇

京氏段嘉十二篇或後人取其易傳中占

候之涉于軍事者推演其說為是書亦未

可知也御覽答徵部引京房曰若出軍之

日無雲而雨此天泣軍沒不還雨不沾衣

名曰鬼泣其軍必敗似出此書與天部引太

公對敵機變逆順法略同 開元占經引京房

諸占頗及軍事或亦出是書

兵書雜曆八卷

不著撰人

通志藝文略兵陰陽家兵書雜曆八卷

太一兵書一十一卷梁二十卷

史記天官書中宮天極星其一明者太一常

居也其一曰天一正義曰泰一天帝之別名

也劉伯莊云泰一天神之最尊貴者也又曰

太一一星次天一南亦天帝之神主使十六

神知風雨水旱兵革饑饉疾疫占以不明及

移為災也

王氏漢志考證武經總要曰太一者天帝之

神也其星在天一之南總十六神知風雨水

旱金革凶饑陰陽二局存諸祕式星文之次

舍分野之災祥貴乎先知逆為之備用軍行

師主客勝負蓋天人之際相參焉

唐書經籍志太一兵法一卷 藝文志同 按此

一卷與本志卷數懸殊或非其流

案漢志兵陰陽家有太壹兵法一篇天一

兵法三十五篇又數術天文家泰壹雜子

星二十八卷泰壹雜子雲雨三十四卷五

行家泰一陰陽二十三卷泰一二十九卷

此或取諸家言兵占者彙次爲是書或後

世太一家之言兵占者也

兵法內術二卷

兵法要訣九卷闕一卷

軍國要略一卷

兵法要錄二卷

並不著撰人

用兵撮要二卷

用兵撮術一卷

並不著撰人

唐書經籍志用兵撮要二卷

唐書藝文志用兵撮要二卷用兵要術一卷

用兵祕法雲氣占一卷

五家兵法一卷

並不著撰人

兵法三家軍占祕要一卷李行撰

李行始末未詳

氣經上部占一卷

天大芒霧氣占一卷

並不著撰人

案隋書藝術庚季才傳季才上言引氣經

云天不能無雲而雨皇王不能無氣而立

初學記天部引望氣經曰十月癸巳霧赤

爲兵青爲殃則此芒霧氣占亦名望氣經

亦卽氣經上部占一類之書所謂上部占

者大抵是氣經言兵占之事在上一部也

鬼谷先生占氣一卷

鬼谷先生有鬼谷子見前從橫家

五行候氣占災一卷

不著撰人

乾坤氣法一卷

不著撰人

案五行家亦有乾坤氣法一卷注云許辯

撰辯不知何人此或卽辯書 本志天文

家有雜望氣經八卷此以上五書及下雜

匈奴占對敵占似卽雜望氣經之散見者

雜匈奴占一卷漢武帝王朔注漢武帝下有倣文

史記天官書曰夫自漢之爲天數者星則唐

都氣則王朔占歲則魏鮮又望雲氣篇曰王

朔所候決于日旁日旁雲氣人主象皆如其

形以占故北夷之氣如羣畜穹閭南夷之氣

類舟船幡旗大水處敗軍場破國之虛下有

積錢金寶之上皆有氣不可不察又曰雲氣

各象其山川人民所聚積漢天文志同

世說文學篇注東方朔傳曰孝武皇帝時未

央宮前殿鍾無故自鳴三日夜不止詔問太

史待詔王朔朔言恐有兵氣

通志藝文略兵陰陽家雜匈奴占一卷漢王

朔撰

案王朔字里無考班書李廣傳廣以不侯

問望氣王朔蓋武帝時以望氣官太史待

詔卽漢官所謂靈臺待詔也其所著當在

漢志天文家漢日旁氣行事占驗三卷十

三卷兩書中天官書天文志皆引其說開

元占經日占類亦引王朔曰八條此雜匈

奴占殆卽行事占驗之一篇亦或是望氣

經之一種

對敵占一卷

不著撰人

案上文有對敵占風一卷此在望氣一類

之中當是對敵占氣或倣氣字

雜占八卷

不著撰人

案此八卷疑卽天文家所載梁有雜望氣

經八卷

梁有推元嘉十二年日時兵法二卷逆推元嘉

五十年太歲計用兵法一卷

並不著撰人

案此爲宋文帝元嘉時人所作猶京房逆

刺占災異房傳所謂西羌反先言其將然

之類然考宋書文帝本紀元嘉十二年惟

有九月蜀郡賊張尋爲寇一事小醜陸梁

無關軍國豈所推卽爲此事歟元嘉五十

年則爲後廢帝元徽元年太歲在癸丑是

年亦平靖無軍與事不知此所推云何也

又疑五十年爲三十年之誤

兵殺曆一卷

不著撰人

案五行家有雜殺曆九卷蓋言煞氣此殆

其中之一卷

又案自雜撰陰陽書至此亦似依仿漢志

爲兵陰陽之類

馬梁譜一卷梁二卷

不著撰人

南史梁簡文帝本紀所著馬梁譜一卷

太平御覽兵部通俗文曰矛丈八者謂之槊

梁簡文帝馬梁譜序曰馬槊爲用雖非遠法

近代相傳稍已成藝鄧蔗縈魏后之庭武而

猶質桓馬入丹陽之寺雄而未巧聊以餘暇

復撰斯法搜采抑揚斟酌煩簡

北史藝術蔣少游傳始孝文時趙國李幼序

洛陽邱何奴並工握槊此蓋胡戲近入中國

胡王有弟一人遇罪將殺之弟從獄中爲此

戲以上之意言孤則易死也宣武以後大盛

于時案北魏孝文宣武兩帝當南朝宋季及齊代至梁

初天監之時

案梁書羊侃傳大同三年車駕幸樂游苑

侃預宴時少府奏新造兩刃槊成長丈四

尺圍一尺三寸高祖因賜侃馬令試之侃

執槊上馬左右擊刺特盡其妙又南史柳

世隆傳齊永明時世隆爲尙書令常自云

馬槊第一清談第二彈琴第三蓋尤善于

馬槊此梁簡文帝所謂近代相傳稍已成

藝之略可見者

梁有騎馬都格一卷騎馬變圖一卷馬射譜一

卷亡

並不著撰人

文選赭白馬賦注郎淳淳藝經曰馬射左邊

爲月支二枚馬蹄三枚也李善曰月支馬蹄

皆射帖名也

通志藝文略藝術類騎馬都格一卷梁朝書
籍騎馬變圖一卷見隋志馬射譜一卷見隋
志

案張氏名畫記載南齊毛惠遠榮陽陽武

人官至少府卿善畫馬有騎馬變勢圖傳

于代似即此騎馬變圖敍勢字亦卽爲毛

惠遠所畫歟

碁勢四卷

不著撰人

案廣韻勢形勢也碁勢猶書勢塞勢之類

梁有術藝略序五卷孫暢之撰亡

孫暢之有毛詩引辯詳見經部詩類

案通志藝文略又有伎術錄一卷孫暢之

撰始後人節錄是書者張氏名畫記載引

孫暢之述書記當出是書

梁有圍碁勢七卷湘東太守徐泓撰亡

南史恩倖徐爰傳爰子希秀淮南太守希秀

子泓甚閑吏職而在事刻薄于人少恩仕齊

歷位臺郎秣陵建康令湘東太守徐爰南瑣邪

開陽人有繫辭注見經部易家

世本作篇曰堯造圍棋丹朱善之武威張澍

輯注曰澍案路史堯生丹朱驚狼媚克帝悲

之爲制弈棋以閑其情博物志堯作圍棋以

教丹朱

顏氏家訓雜藝篇曰圍碁有手談坐隱之目

頗爲雅戲但令人耽憤廢喪實多不可常也

梁有齊高碁圖二卷亡

南史齊高帝本紀帝博學善屬文工草隸書

弈碁第二品

梁有圍碁九品序錄五卷范汪等撰亡

范汪有祭典見經部禮類

世說方正篇注范汪碁品曰江彪與王恬等

碁第一品王導第五品太平御覽工藝部晉中興

書曰王恬字敬豫與濟陽江彪俱善弈碁爲中興第一

恬導次子見導傳

唐書經籍志雜藝術類碁品五卷范汪等注

唐書藝文志雜藝術類范汪等注碁品五卷

梁有圍碁勢二十九卷晉趙王倫舍人馬朗等

撰亡

馬朗始末未詳

案范汪馬朗皆晉人而七錄列于齊高碁

圖之後似此兩書皆南齊人取范馬以下

諸家之碁品碁勢集錄爲書故云范汪等

馬朗等

梁有碁品敍略三卷亡

不著撰人

梁有建元永明碁品二卷宋員外殿中將軍褚

思莊撰亡

南史齊高帝本紀帝性寬常與直閣將軍周

覆給事中褚思莊共碁累局不倦覆乃抑上

手不許易行其弘厚如此

又蕭惠基傳惠基善弈棋當時能碁人琅邪

王抗第一品吳郡褚思莊會稽夏赤松第二

品赤松思速善于大行思莊戲遲巧于鬪碁

宋文帝時羊玄保爲會稽帝遣思莊入東與

玄保戲因製局圖還于帝前覆之齊高帝使

思莊與王抗交賂自食時至日暮一局始竟上倦遣還省至五更方決抗睡于局後寢思莊達旦不寐時或云思莊所以品第至高緣其用思深久人不能及抗思莊並至給事中永明中勅使抗品第竟陵王子良使惠基掌其事

南齊書王謐傳明帝好圍碁置圍碁州邑以建安王休仁爲圍碁州都大中正謐與太子右率沈勃尙書水部郎庾珪之彭城丞王抗四人爲小中正朝請褚思莊傳楚之爲清定訪問張氏名畫記云宋袁倩畫王抗碁圖

又良政虞願傳明帝好圍碁碁甚拙去格七八道物議共欺爲第三品與第一品王抗圍碁依品賭戲抗每饒借之曰皇帝飛碁臣抗不能斷帝終不覺以爲信然好之愈篤願又曰堯以此教丹朱非人主所宜好也 北史藝術薛少游傳始孝文時有范寧兒者善圍碁曾與李彪使齊齊令江南上品王抗與寧兒制勝而還 輿字下有跋文 又御覽工藝部引齊書此條作武帝

梁有天監碁品一卷梁尙書僕射柳惲撰亡一本誤作揮

梁書本傳惲字文暢河東解人也仕齊爲驃騎從事中郎梁天監元年除相國長史兼侍中與僕射沈約等共定新律惲立行貞素以貴公子早有令名善弈棋帝每勅侍坐仍令定碁譜第其優劣歷散騎常侍左民尙書持節都督廣交桂越四州諸軍事仁武將軍平越中郎將廣州刺史祕書監左軍將軍吳興

太守天監十六年卒時年五十三史不言其尙書僕射官

南史柳元景附傳梁武帝好弈碁使惲品定碁譜登格者二百七十八人第其優劣爲碁品三卷惲爲第二焉

沈約棋品序略曰聖上聽朝之餘因日之暇迴景紆情降臨小道以爲疑神之性難限入玄之致不窮今撰錄名氏隨品詳書俾粹理深情永垂芳于來葉 見本集其所序即此天監碁品也

雜博戲五卷

不著撰人

世本作篇曰烏曹作博武威張澍輯注曰澍案中與書築作博說文博局戲六箸十二棋也廣韻引世本作簿山堂肆考古者烏曹作博以五木爲子有鼻盧雉犢塞爲勝負之采博頭有刻鼻形者爲最勝盧次之雉犢又次之塞爲最下

唐書藝文志藝術類雜博戲五卷

案御覽工藝部博類載薛孝通譜序孝通

魏書北史有傳疑此是其書 西京雜記載寶

嬰客安陵許博昌善六博作六博經一篇此博書之

最古者

投壺經一卷

不著撰人

鄭氏三禮目錄曰禮記投壺第四十名曰投壺者以其記主人與賓客燕飲諱論才藝之禮也此于別錄屬吉禮亦實曲禮之正篇也

太平御覽工藝部邯鄲淳藝經曰投壺法十二籌以象十二月之數魏略曰邯鄲淳作投壺賦千餘言奏之文帝以爲工賜帛十匹 此一卷或即邯鄲之賦序

案晁志載唐上官儀奉敕刪定投壺經采周顛郝同梁簡文帝數家爲之郝同似郝

沖見後 此一卷不知誰氏

梁東宮撰太一博法一卷

不著撰人

案御覽工藝部博類遁甲經曰天一游亭六行亭亭天一之貴神也戰鬪博戲漁獵但可背不可向也御覽于博類之中載此一條疑即本之是書豈以術數爲博法言當背天一向太一歟五行家有戰鬪博戲等法一卷亦此之類

雙博法一卷

不著撰人

案雙博法似即雙陸法晁志有雙陸格一卷不題撰人其法左右十二梁設二朋朋各十五子一白一黑用明瓊二各以其采由右歸左子單則他子得擊兩子則曰成梁他子雖相當不得故武后夢雙陸不勝狄仁傑所以云無子也案武后時已行雙陸則陳隋之際當有其書

皇博法一卷

不著撰人

唐書經籍志藝術皇博經一卷魏文帝撰唐書藝文志藝術類魏文帝皇博經一卷

案魏文帝有列異傳見史部雜傳家此疑從皇覽抄出猶皇覽逸禮皇覽冢墓記之類

梁有大小博法一卷投壺經四卷投壺變一卷晉左光祿大夫虞潭撰投壺道一卷郝冲撰亡

晉書虞潭傳潭字思與會稽餘姚人吳騎都尉翻之孫也明帝時歷官侍中右光祿大夫開府儀同三司進爵武昌縣侯年七十九卒于位贈左光祿大夫侍中如故諡曰孝烈

郝冲始末未詳 晁志載唐上官儀奉敕制定投壺經采周顛郝同梁簡文帝數家之書郝同似即郝冲

顏氏家訓雜藝篇曰古為大博則六箸小博則二莞今無曉者比世所行一莞十二碁數術淺短不足可翫鮑宏博經博局之戲所擲戲謂之瓊趙注曰莞即瓊也

又曰投壺之禮近世愈精古者實以小豆為其矢之躍也今則惟欲曉益多益喜乃有倚竿帶劍狼壺豹尾龍首之名其尤妙者有蓮花曉河南周瓚弘正之子會稽賀徽賀革之子並能一箭四十餘驍賀又嘗為小障置壺其外隔障投之無所失也至鄴以來亦見廣寧蘭陵諸王有此校具舉國遂無投得一驍者 西京雜記言武帝時郭舍人投壺激矢令還一矢百餘反謂之為驍

唐書經籍志雜藝術類投壺經一卷郝冲撰 潭注撰大小博法一卷不著撰人 唐書藝文志雜藝術類郝冲虞潭注投壺經一卷魏文帝皇博經一卷大小博法二卷案

此大小博法次皇博經以從類亦無撰人與舊志同

武進臧琳經義雜記曰隋書經籍志梁有大博法一卷投壺經四卷投壺變一卷晉左

光祿大夫虞潭撰投壺道一卷郝冲撰唐藝文志作郝冲虞潭注投壺經一卷則書名姓氏卷帙無不誤矣案唐代所傳別本如此與梁目不同非誤也 虞郝之書今皆不傳太平御覽載

投壺變文頗譌闕難讀今並錄其原注以待通數者解之 御覽載投壺變文凡八十餘言并注文非其全也

烏程嚴可均全晉文編曰虞潭有大小博法

一卷投壺經四卷投壺變一卷 案臧氏嚴氏皆以大小博法歸之虞潭似未然

梁有擊壤經一卷亡

不著撰人

太平御覽工藝部釋名曰擊壤野老之戲也逸士傳曰堯時有壤父五十人擊壤于康衢藝經曰擊壤古戲也又曰壤以木為之前廣后銳長尺四闊三寸其形如履將戲先側一壤于地遙于三四十步以手中壤敲之中心者為上

案自馬獎譜至此據見存書目依七錄之例編次其中梁有十五部皆七錄雜藝一類之書詳見卷末

象經一卷周武帝撰

周武帝有鮮卑號令一卷見經部小學類

周書本紀天和四年五月己丑帝制象經成集百僚講說

北史郎茂傳隋文帝為亳州總管命掌書記

周武帝為象經隋文從容謂茂曰人主之所為也感天地動鬼神而象經多亂法何以致久茂竊歎曰此言豈常人所及陰自結納

舊唐書呂才傳太宗嘗覽周武帝所撰三局象經不曉其旨太子洗馬蔡允恭年少時嘗

為此戲太宗召問亦廢而不通乃召才使問焉才尋釋一宿便能作圖解釋允恭覽之依然記其舊法與才正同由是才遂知名

唐書經籍志雜藝術類象經一卷周武帝撰 唐書藝文志雜藝術類周武帝象經一卷

博塞經一卷邵綱撰

邵綱始末未詳

後漢書梁冀傳冀能格五六博注楚辭曰珉蔽象碁有六博王逸注云投六箸行六碁故云六博鮑宏博經曰用十二碁六碁白六碁

黑所擲頭顏氏家訓引作般謂之瓊瓊有五采刻為一畫者謂之塞刻為兩畫者謂之白刻為三畫者謂之黑一邊不刻者五塞之間謂之五塞 又曰前書吾邱壽王善格五音義

云塞也說文曰塞行碁相塞謂之塞鮑宏塞經曰塞有四采塞白乘五是也至五即格不得行故謂之格五

唐書經籍志雜藝術類小博經一卷鮑宏撰 博塞經一卷鮑宏撰

唐書藝文志雜藝術類鮑宏小博經一卷博塞經一卷

案兩唐志載鮑宏小博經博塞經各一卷

章懷太子注范書亦引鮑宏博經纂經與

唐志合此云邵綱疑誤或邵綱校錄其書

猶荆州占明是劉表劉毅之書本志天文

家題爲宋通直郎劉嚴撰也鮑宏字潤身

東海刻人梁信州刺史泉之弟仕梁元帝

入周至隋歷均州刺史晉爵平搖縣公卒

年九十六隋書北史並有傳

碁勢十卷沈敏撰

沈敏始末未詳

案此疑即齊太子右率沈勃與王抗等四

人明帝以爲圍碁小中正者詳見前建元

永明碁品條

碁勢十卷二卷成

不著撰人

案此注云二卷成不知何謂

碁勢十卷王子冲撰

王子冲始末未詳

碁勢八卷

碁圖勢十卷

並不著撰人

碁九品序錄一卷范汪等注

范汪見前

案上文注云梁有圍碁九品序錄五卷范

汪等撰亡此一卷蓋又据別家書目抄入

碁後九品序一卷袁遵撰

袁遵始末未詳

唐書經籍志雜藝術類圍碁後九品序錄一

卷不著撰人藝文志同

圍碁品一卷梁武帝撰

梁武帝有兵法兵書鈔兵書要鈔並見前

唐書經籍志雜藝術類碁評一卷梁武帝撰

唐書藝文志梁武帝碁評一卷

案此似即七錄所載之天監碁品据隋代

見存書目抄入者唐志作棋評即棋品也

碁品序一卷陸雲撰案當爲陸雲公

梁書文學傳陸雲公字子龍吳郡人也好學

有才思州舉秀才累遷中書黃門郎雲公善

弈棋嘗夜侍御坐冠觸燭火高祖笑謂曰燭

燒卿貂高祖將用雲公爲侍中故以此言戲

之也太清元年卒時年三十七

南史陸慧曉附傳雲公子瓊字伯玉幼聰慧

大同末雲公受梁武帝詔校定棋品到溉朱

异以下並集瓊時年八歲于客前覆局由是

都下號曰神童

案前載柳惲所撰者爲天監棋品此陸雲

公所撰乃大同棋品也

碁法一卷梁武帝撰

梁書本紀帝六藝備閑碁登逸品

通志藝文略藝術類梁武碁評一卷梁武碁

法一卷

案藝文類聚七十四有梁武帝圍棋賦疑

即是書或別有言圍棋之法或碁勢碁圖

碁譜之類

彈碁譜一卷徐廣撰
徐廣有毛詩背隱義見經部詩類

後漢書梁冀傳注藝經曰彈碁兩人對局白

黑碁各六枚先列碁相當更先彈也其局以

石爲之

西京雜記曰成帝好蹴鞠羣臣以蹴鞠勞體

非至尊所宜帝曰朕好之可擇似而不勞者

奏之家君作彈碁以獻帝大悅賜青羔裘紫

絲履服以朝勤

世說巧藝篇曰彈碁始自魏宮內用妝奩戲

劉孝標曰傅玄彈碁賦序曰漢成帝好蹴鞠

劉向以謂勞人體竭人力非至尊所宜御乃

因其體作彈碁今觀其道蹴鞠道案玄此言

則彈碁之戲其來久矣且梁冀傳云冀善彈

碁格五而此云起魏世謬矣

顏氏家訓雜藝篇曰彈碁亦近世雅戲消愁

釋憤時可爲之

案御覽工藝部載彈碁經序後序又序凡

三節皆不著名氏嚴氏並輯入先唐文中

疑皆在此譜之首末也

二儀十博經一卷

不著撰人

唐書經籍志雜藝術類二儀簿經一卷隋煬

帝撰一本二儀下敍一字似亦十博經寫刊之誤也

唐書藝文志雜藝術類隋煬帝二儀簿經一

卷

通志藝文略藝術類二儀十博經一卷二儀

博經一卷隋煬帝撰 案此一據本志一據唐志其

實止一書鄭氏往往有此重復已于雜家博覽十三卷條

象經一卷王褒注

王褒有王氏江左世家見史部雜傳家

北史文苑傳保定中除內史中大夫武帝作

象經令褒注之引據該洽甚見稱賞 周書列

傳同

太平御覽工藝部王褒為象經序曰一曰天

文以觀其象天日月星辰是也二曰地理以

法其形水火木金土是也三曰陰陽以順其

本陽數為先本于天陰數為後本于地是也

四曰時令以正其序東方之色青餘三色例

亦如之是也五曰算數以通其變俯仰則為

天地日月星變通則為水火木金土是也六

曰律呂以宣其氣在子取未在午取丑是也

七曰八卦以定其位至震取兌至離取坎是

也八曰忠孝以悼其典出則盡忠入則盡孝

是也九曰君臣以定其禮不可以貴賤賤直

而為曲不可以卑褻尊隱而無犯是也十月

文武以率其務武備七德文表四教是也十

一曰禮儀以制其則居上不驕為下盡敬進

退有度可法是也嚴氏文編可法上空二字十二

曰觀德以考其行定而後求義而後取時然

後言樂然後笑是也或升進以報德義在邊

善或黜退以貶過事在懲惡或以沈審為貴

正其瞻視或以徇齊為功明其糾察得失表

于隆替在賤畢申敬彰于勸沮處尊屈

片善崇于拱璧一言踰于華袞 亦見藝文類聚

七十四

唐書藝文志雜藝術類王褒象經一卷

象經三卷王裕注

王裕始末未詳

唐書經籍志雜藝術類象經又一卷王裕注

半本改為撰

唐書藝文志雜藝術類王裕注象經一卷

案舊唐書良吏傳王方翼并州祈人祖裕

武德初隋州刺史則裕為周隋時人不知

即此王裕否也

象經一卷何妥注

何妥有周易講疏見經部易家

唐書經籍志雜藝術類象經又一卷何妥撰

唐書藝文志雜藝術類何妥象經一卷

象經發題義一卷

不著撰人

案周書武帝本紀云帝制象經成集百僚

講說此殆所講之發題義歟

又案自馬槩譜至此蓋亦依仿漢志為兵

技巧之類

右一百三十三部五百一十二卷 實在著錄一百二

十八部附著亡書三十六部通計一百六十四部

案七錄序目子兵錄第十一曰兵部凡五

十八種六十一帙二百四十五卷又術伎

錄第十曰雜藝部凡十五種十八帙六十

六卷本志以漢志兵技巧家有射法弋法

劍道手搏蹴鞠之屬與七錄雜藝一類所

載馬槩譜騎馬都格馬射圖以下博弈擊

壤以謂寓意于兵勢髣髴其倫遂取以充

兵技巧之數并取周武帝象經以下見于

見存書目者亦以類附焉此蓋據隋代牛

弘王劭諸家書目之例七錄兩部綜凡七

十三種本志存佚并計增益者凡九十一

部所分四類雖無明文而其敘次章法約

略可見

隋書經籍志考證卷三十四

子部十一

天文家類中分類凡四

周髀一卷趙嬰注

續漢天文志注蔡邕表志曰言天體者有三家一曰周髀周髀數術具存考驗天狀多所違失故史官不用

晉虞喜安天論曰周髀宣夜或人姓名猶星家有甘石也蓋天之體轉四方地卑不動天周其上故曰周髀又曰宣夜之法絕滅渾蓋之術具存

晉書天文志序曰古言天者有三家一曰蓋天周髀者即蓋天之說也其本庖犧氏立周天歷度其所傳則周公受于殷商周人志之故曰周髀髀股也股者表也其言天似蓋笠地法覆槃天地各中高外下三光隱映以爲晝夜日所行道爲七衡六間每衡周經里數各依算術用句股重差推晷影極游以爲遠近之數皆得于表股者也故曰周髀

宋書天文志曰三天之儀紛然莫辨至揚雄方難蓋通渾渾難其八事鄭玄又難其二事爲蓋天之學者不能通也

又大且渠蒙遜傳元嘉十四年涼州刺史河西王茂虔奉表獻方物并獻周髀一卷

隋書天文志曰其後桓譚鄭玄蔡邕陸續各陳周髀考驗天狀多有所違逮梁武帝于長春殿講義別擬天體全同周髀之文蓋立新意以排渾天之論而已

唐書經籍志周髀一卷趙嬰注

唐書藝文志趙嬰注周髀一卷

宋史藝文志曆算類趙君卿周髀算經二卷四庫提要曰周髀算經二卷是書首章周公與商高問答實句股之鼻祖故御製數理精蘊載在卷首而詳釋之稱爲成周六藝之遺文古蓋天之學此其遺法蓋渾天如毳寫星象于外人自天外觀天蓋天如笠寫星象于內人自天內觀天笠形半圓有如張蓋故稱蓋天合地上地下兩半圓體即天體之渾圓矣其法失傳已久故自漢以迄元明皆主渾天隋志天文類首列周髀一卷趙嬰注舊本相承題云漢趙君卿注其自序稱爽以暗蔽注內屢稱爽或疑焉爽未之前聞蓋即君卿之名然則隋唐志之趙嬰殆即趙爽之譌歟注引靈憲乾象則其在張衡劉洪後也古者九數惟九章周髀二書流傳最古固術數家之鴻寶也

又簡明目錄曰是書爲相傳古本莫知誰作其算法爲句股之祖其推步即蓋天之術歐羅巴法實從此出注爲趙爽作隋志作趙嬰未詳孰是原本舛譌今據永樂大典所載宋本補敝字一百四十七正誤字一百一十三刪衍字一十八補圖二又有音義一卷爲宋李籍作

儀徵阮元疇人傳曰言天者三家以蓋天爲最古劉智謂顧頡造渾天黃帝爲蓋天蓋先于渾是其證已以句股量天始見于周髀後

人踵事增修愈推愈密而乃嗤古率爲舛疏毋乃既成大輅而棄樵輪

又曰趙爽字君卿一曰名嬰注周髀算經其句股方圓圖注五百餘言耳而後人數千言所不能詳者皆包蘊無遺精深簡括誠算氏之最也李籍周髀音義謂爽不知何代人今本周髀算經題云漢趙君卿注故系于漢代焉

周髀一卷甄鸞重述

甄鸞有帝王世錄見史部雜史類唐書經籍志周髀又一卷甄鸞注唐書藝文志甄鸞注周髀一卷

陳氏書錄解題曆象類周髀算經二卷音義一卷題趙君卿注甄鸞重述李淳風等注釋周髀者蓋天之書也稱周公受之商高而以句股爲術故曰周髀唐志有趙嬰甄鸞注各一卷李淳風釋二卷今日君卿者豈嬰之字耶中興書目又云君卿名爽蓋本崇文總目然皆莫詳時代甄鸞者後周司隸也音義者假承務郎李籍撰

阮氏疇人傳甄鸞後周司隸校尉也武帝時造天和曆又注周髀一卷數術記遺一卷張邱建算經一卷董泉三等數一卷夏侯陽算經一卷又九章算經九卷五曹算經五卷七曜本起曆五卷七曜曆算二卷曆術二卷論曰鸞好學精思富于論撰誠數學之大家矣又有五經算術二卷見後曆數家

案今本首題漢趙君卿注北周漢中郡守

前司隸臣甄鸞重述唐李淳風等奉勅注釋蓋相傳唐代算學官本也

周髀圖一卷

不著撰人

四庫提要曰周髀算經書內凡為圖者五而失傳者三諱舛者一謹據正文及注為之補訂

案周髀書中本有圖此一卷或別本單行或後人推演

靈憲一卷張衡撰

後漢書本傳衡字平子南陽西鄂人也世為著姓通五經貫六藝善機巧尤致思于天文陰陽曆算安帝雅聞衡善術學公車特徵拜郎中再遷為太史令遂乃研覈陰陽妙盡璇機之正作渾天儀著靈憲算罔論言甚詳明

順帝初再轉復為太史令後遷侍中永和初出為河間相視事三年上書乞骸骨徵拜尚書年六十二永和四年卒著周官訓詁又欲繼孔子易說象象殘缺者竟不能就所著靈憲應問七辨巡誥懸圖等凡三十二篇論曰

崔瑗之稱平子曰數術窮天地制作倖造化斯致可得而言歟推其範圍兩儀天地無所蘊其靈運情機物有生不能參其智

續漢天文志注臣昭以張衡天文之妙冠絕一代所著靈憲渾儀略具辰曜之本今寫載以備其理焉

隋書天文志後漢張衡為太史令鑄渾天儀總序經星謂之靈憲其大略曰星也者體生

于地精發于天紫宮為帝王之居太微為五帝之坐在野象物在朝象官居其中中央謂之北斗動系于占是司天命四布于方為二十八星日月運行歷示休咎五緯經次用彰禍福則上天之心于是見矣中外之官常明者百有二十四可名者三百二十為星二千五百微星之數萬一千五百二十庶物蠢動咸得繫命而衡所鑄之圖遇亂堙滅星官名數今亦不存

唐書經籍志靈憲圖一卷張衡撰

唐書藝文志張衡靈憲一卷

嚴氏全後漢文編曰張衡靈憲見續漢天文志注開元占經左傳正義天官書集解正義隋書天文志北堂書鈔藝文類聚初學記太平御覽廣韻二十四鹽

孫氏書目張衡靈憲一卷渾天儀一卷洪頤煊集本

案開元占經六十四引韓公賓注靈憲

渾天象注一卷吳散騎常侍王蕃撰

吳志本傳蕃字永元廬江人也博覽多聞兼通術藝始為尚書郎去官孫休即位與賀邵薛瑩虞汜俱為散騎中常侍皆加駙馬都尉時論清之遣使至蜀蜀人稱焉還為夏口監軍孫皓初復入為常侍與萬彧同官蕃體氣高亮不能承顏順旨時或注意積以見責甘露二年丁忠使晉還皓大會羣臣蕃沈醉頓伏皓疑而不悅舉蕃出外頃之請還酒亦不解蕃性有威嚴行止自若皓大怒呵左右于

殿下斬之衛將軍滕牧征西將軍留平請不能得死時年三十九

開元占經一吳時廬江王蕃渾天象說曰渾天之義傳之者寡末世之儒或不聞見各以私意為天作說故有周髀宣夜之論宣夜絕無師法周髀見行于世考驗天狀多所違失依劉洪乾象曆之法而論渾天云案此言渾象又曰渾天遭周秦之亂師徒斷絕而喪其文惟渾儀尚在靈臺是以不廢故其法可得言至于纖微委曲闕而不傳周天里數無聞焉爾而洛書甄曜度春秋考異郵皆云周天一百七萬一千里至以日景驗之遠錯甚多然其流行布在衆書通儒達士未之考正是以不敢背損舊術獨據所見故案其數更課諸數以究其意案此言渾儀

晉書天文志吳時中常侍廬江王蕃善數術傳劉洪乾象曆依其法而制渾儀立論考度又曆志曰中常侍王蕃以洪術精妙用推渾天之理以制儀象及論

隋書天文志王蕃云渾天儀者羲和之舊器積代相傳謂之璣衡其為用也以察三光以分宿度者也又有渾天象者以著天體以布星辰而渾象之法地當在天中刀勢不便故反觀刀形地為外匡于已解者無異在內詭狀殊體而合于理可謂奇巧然斯二者以考于天蓋密矣

開元占經二吳時廬江王蕃字與元為中常侍善曆數之學嘗造渾儀及渾天象說

唐書經籍志渾天象注一卷王蕃撰
唐書藝文志王蕃渾天象注一卷

阮元疇人傳論曰蕃立論考度通達平正可謂言天家之圭臬矣

嚴氏全三國文編曰王蕃渾天象說晉書宋書隋書天文志北堂書鈔一百三十開元占經一太平御覽二並引之

案隋天文志及開元占經所載則其書凡二篇一論渾象一論渾儀此題渾天象注似亦分渾天之象渾儀之注爲二篇也隋書天文志分渾天儀渾天象爲二篇云儀象二器選不相涉而何承天莫辨儀象之異亦爲乖矣

渾天義二卷

不著撰人

案兩唐志又有張衡渾天儀一卷開元占經卷一于張衡靈憲外又引張衡渾儀注渾儀圖注各一篇嚴氏文編並輯存其文疑此即張衡書而譌爲義

又案尙書璿璣玉衡疏漢武時落下閎鮮于妄人嘗爲渾天宣帝時耿壽昌始鑄銅爲之象史官施用焉張衡作靈憲說其狀蔡邕鄭玄陸績吳時王蕃晉世姜岌張衡

疑是萬衡葛洪皆論渾天之義並以渾說

爲長江南宋元嘉年皮延宗又作是渾天論太史丞錢樂鑄銅作渾天儀傳于齊梁周平江陵遷其器于長安今在太史臺矣此二卷或即張衡以下諸家所論之義後人哀錄爲是帙亦未可知也

渾天圖一卷石氏

石氏有天文占八卷別見于後

案此似後人據石氏星經演爲圖說

渾天圖一卷

渾天圖記一卷

並不著撰人

案自漢落下閎鮮于妄人耿壽昌鄧平以

來下逮魏晉六朝論渾天者衆矣晉劉智言司馬遷劉向劉歆揚雄賈逵張衡蔡邕劉洪鄭玄九家皆有所論著而開元占經所引則又有吳陸績太史令陳卓後秦姜岌晉侍中劉智宋太子率更令何承天太

史令錢樂之梁奉朝請祖暅隋掖縣丞劉焯後魏太史晁崇九家而玉海儀象篇載賀道養渾天記曰昔記天體者有三渾儀莫知其始書以齊七政蓋渾儀也二曰宣夜夏殷之制也三曰周髀非周家術也近世復有四術一曰方天興于王充二曰軒

天起于姚信三曰穹天由于虞喜皆浮說不足觀唯渾天證驗不疑此渾天圖記或即賀氏書玉海所引即此之佚文歟賀有春秋序注見經部

梁有昕天論一卷姚信撰
姚信有周易注見經部易家

宋書天文志吳太常姚信造昕天論案其說應作軒昂之軒而作昕所未詳也禮記月令疏昕天所讀爲軒言天北高南下若車之軒是矣時姚信所說

唐書經籍志昕天論一卷姚信撰

唐書藝文志姚信昕天論一卷

嚴氏全三國文編曰姚信昕天論晉書宋書隋書天文志太平御覽二並引之

馬氏玉函山房輯本序曰此論主蓋天爲說茲據晉書天文志及太平御覽所引輯錄成編

侯康補三國藝文志曰晉宋天文志俱引昕天論沈約謂應作軒昂之軒而作昕者所未詳也不知昕軒聲相近故可通用御覽卷二此論有出晉宋二志之外者

案通志藝文略云昕天論一卷梁姚信撰
梁下當有錄字

梁有安天論六卷虞喜此下數撰字

虞喜有周官禮駁難見經部禮類

晉書儒林傳喜專心經傳兼覽識緯乃著安天論以難渾蓋

宋書天文志晉成帝咸康中會稽虞喜造安天論以爲天高窮于無窮地深測于不測地有居靜之體天有常安之形論其大體當相覆冒方則俱方圓則俱圓不同之義也喜族祖河間太守登又立穹天論云天形穹隆當如雞子幕其際周接四海之表浮乎元氣之上

唐書經籍志安天論一卷虞喜撰

唐書藝文志虞喜安天論一卷

嚴氏全晉文編曰虞喜安天論見宋書天文志一隋書天文志上太平御覽二虞登穹天

論見晉書宋書隋書天文志御覽又引虞曷穹天論聳翻第六子入晉除河間相曷翻第八子入晉為濟陰太守喜其族孫也

案兩唐志皆一卷此云六卷或有當時難答論在其中又其族孫聳及曷穹天論本志不見或亦在其中

梁有圖天圖一卷

不著撰人

梁有原天論一卷

不著撰人

案唐李淳風乙巳占天象篇論天體者有八家一曰渾天即張衡靈憲是也二曰宣

夜絕無師學三曰蓋天周髀所載四曰軒

天姚信所說五曰穹天虞聳所擬六曰安

天虞喜所述七曰方天王充所論八曰四

天祇胡寓言此原天論不知誰作似與下

定天論皆泛論天體非別立一說自名一

家者也晉書隱侯魯勝傳勝撰正天論本志不見

梁有神光內抄一卷

不著撰人

案唐日本國見在書目有神光占二卷不

著姓名疑即此神光內抄一卷從神光占

內抄出者

又案抱朴子遐覽篇言道家書中有神光

占方來經一卷白雲霧道藏目錄有天老

神光經一卷左僕射衛國公李靖修言人

出行將兵攻擊勝負須察北斗星之傍輔

并自己神光占驗吉凶之法案天老黃帝

相也天老神光經亦頗似相人術唐李衛公重修其書亦疑即此書也

定天論三卷

不著撰人

開元占經天體渾宗篇梁人朱史定天論日

一千六百七十里周天六十萬二千二十一

里徑率求之得十九萬四千一百六十四里

即東西南北相去之數也求之得九萬七千

八百里即春秋分日天去地之數也夏至日

天去地上八萬一千三百九十四里冬至之

日為天去地上十萬六千二十里也 占經所

載唯此蓋略舉其隅

唐日本國見在書目定天論三卷不著撰人

案朱史有漏刻經別見下曆數類其書蓋

論天地分至遠近之差以此為定準故曰

定天或亦兼及于七曜二十八舍之算數

故多至三卷歟

天儀說要一卷陶弘景撰

陶弘景有毛詩序注見經部詩類

南史隱侯傳弘景又嘗造渾天象高三尺許

地居中央天轉而地不動以機動之悉與天

相會云脩道所須非止史官用是 梁書處士傳

用是作是用此誤倒其文

玉海天文篇隋志陶弘景天儀說要一卷中

與書目像曆一卷梁陶弘景較定推演巫咸

氏甘氏石氏等說案崇文總目天文星經五

卷梁陶弘景校合三垣列宿中外官三百十

九名各設圖象署巫咸甘德石申所記

宋史藝文志陶隱居天文星經五卷陶弘景象曆一卷

案玉海則是書即中興書目宋志之象曆

當是大象曆之譌崇文總目及宋志之天文

星經然不知是否也

玄圖一卷

不著撰人

後漢書張衡傳衡尤致思于天文陰陽曆算

常好玄經謂崔瑗曰吾觀太玄方知子雲妙

極道數乃與五經相擬非徒傳記之屬使人

難論陰陽之事漢家得天下二百歲之書也

復二百歲殆將終乎所以作者之數必顯一

世常然之符也漢四百歲玄其與矣又曰所

著靈憲懸圖凡若干篇章懷太子曰衡集作

玄圖蓋玄與懸通

嚴氏全後漢文編曰御覽文選注引張衡玄

圖曰玄者無形之類自然之根作于太始莫

之與先包含道德構掩乾坤囊籥元氣稟受

無原又曰梟羊喜獲先笑後愁

侯氏補後漢藝文志曰康案据李賢本傳注

則玄圖本在衡集中而隋志有玄圖一卷無

撰人必出張衡無疑蓋後人析出別行也

常熟會樸補後漢書藝文志考曰北堂書鈔

九十六引云圖者心之謀書之謀也稱張衡

玄圖序

案太玄十一篇中本有玄圖一篇此不知

為注解為擬作華陽國志云其玄後世大

儒張衡崔瑗等皆為注解案前史不載張

衡注玄常道將所云豈即謂此玄圖歟此實爲太玄而作觀諸書所引佚文可知隋代見存書目或以爲玄象因入此類本志仍之然不知是否即張氏玄圖也以上爲一段猶開元占經第一卷之天體渾宗也

石氏星簿經讀一卷

石氏有天文占八卷別見于後開元占經東方七宿占曰春秋緯曰列宿二十八是日月五星之所由吉凶兆之要處也故石氏簿讀皆始于角而終于軫唐日本國見在書目石氏星經簿讀二卷又簿讀三卷晉史石申造又三卷上卷魏石申中卷甘文卿下卷晉石咸案此皆唐時別本流出外藩者

唐書經籍志石氏星經簿讀一卷石申甫撰唐書藝文志石氏星經簿讀一卷注云石申宋史藝文志石氏星簿讀曆一卷玉海天文篇中與書目星簿讀曆一卷載星宿躔度應驗事案隋志石氏星簿經讀一卷唐志石氏星經簿讀石申注案當云注石申今本所載州名有徐穎蔡台之類疑後人所附益也陳氏書錄解題星簿讀曆一卷唐志稱石氏星經簿讀館閣書目以其有徐穎蔡台等州名疑後人附益今此書明言依甘石巫咸氏則非專石申書也案開元占經亟引巫咸甘石三家星讀蓋

出是書巫咸甘石並詳于後星經二卷

不著撰人

晁氏讀書志甘石星經一卷甘石申撰以日月五星三垣二十八宿常星圖象次舍有占訣以候休咎四庫存目曰星經二卷不著撰人名氏晁公武讀書志載甘石星經一卷注曰漢甘石申撰隋書經籍志星經二卷是書卷數雖與隋志合而多舉隋唐州名必非秦漢間書所載星象今亦殘闕不全不足以備考驗案今本嘗編入道藏名曰通占大象曆星經其源蓋出于此特未必此所著錄之本耳七錄載甘石天文占各八卷殆即從八卷中抄出者

甘氏四七法一卷

甘氏別有天文占八卷詳見于後唐書經籍志甘氏四七法一卷甘德撰唐書藝文志甘氏四七法一卷注云甘德案續漢書曆志曰在天成度在曆成日居以列宿終于四七阮氏疇人傳論曰陰陽之精散爲五行日月相會紀以四七則星辰是也然則所謂四七者即開元占經所載東南西北四方七宿即二十八宿也此與前石氏星經簿讀似即在七錄所載甘石天文占各八卷中後人析出別行者也巫咸五星占一卷史記殷本紀帝太戊立伊陟爲相亳有祥桑

穀共生于朝一暮大拱帝太戊懼問伊陟伊陟曰臣聞妖不勝德帝之政其有闕歟其脩德太戊從之而祥桑枯死而去伊陟贊言于巫咸巫咸治王家有成作咸艾作太戊集解孔安國曰贊告也巫咸臣名也馬融曰艾治也正義案巫咸及子賢家皆在蘇州常熟縣西海虞山上蓋二子本吳人也又封禪書湯後八世至帝太戊有桑穀生于廷一暮大拱懼伊陟曰妖不勝德太戊脩德桑穀死伊陟贊巫咸巫咸之興自此始索隱曰尙書伊陟贊于巫咸今此云巫咸之興自此始則以巫咸爲巫覡然楚辭亦以巫咸主神蓋太史以巫咸是殷臣以巫接神事太戊使讓桑穀之災所以伊陟贊巫咸故云巫咸之興自此始也

又天官書昔之傳天數者高辛之前重黎于唐虞義和有夏昆吾殷商巫咸正義曰巫咸殷賢臣也本吳人家在蘇州常熟海虞山上子賢亦在此也案古今人表巫咸在第二等殷太戊之次巫賢列第三等河寬甲之次尙書咸有一德釋文馬融曰巫男巫也名咸殷之巫也晉書天文志序曰至于殷之巫咸周之史佚格言遺記于今不朽玉海天文類景祐乾象新書云巫咸中官星九座共三十一星列肆至虎賁外官星二十座共九十五星陽門至土司紫微垣星四座共一十八星御女至鉤陳

武威張澍世本輯注曰世本巫咸作筮宋衷注巫咸不知何時人澍案古史考殷巫咸善占筮書序伊陟贊巫咸作咸又四篇外國圖云昔殷帝太戊使巫咸禱于山河說文巫咸初作巫王逸楚辭注巫咸古神巫也當殷中宗之時又越絕書云虞山者巫咸所出也虞故神出奇怪此史記正義所本隋志有巫咸五星占一卷是其人善星曆審矣

又曰澍案歸藏易黃帝將戰筮于巫咸莊子逸篇黔首多疾黃帝立巫咸以通九竅路史神農時有巫咸主筮太平御覽引世本宋注云巫咸堯臣也以鴻術為帝堯之暨郭璞巫咸山賦序本之案見藝文類聚曰蓋巫咸者實以鴻術為帝堯之暨生為上公死為貴神豈封斯山而因以名之乎是神農黃帝唐堯殷商時皆有巫咸也孫氏祠堂書目巫咸占經一卷星衍集本

案諸書言巫咸者多歧而此之巫咸為殷商時之傳天數者要以史記及人表為定開元占經引巫咸占至多其中外官星並有讚文似後人所作晁氏讀書志有司天考古星通元寶鏡一卷題曰巫咸氏豈即是書異名歟

天儀說要一卷陶弘景撰

案陶弘景是書已見于前此重出通志校讎略已言之

錄軌象以頌其章一卷內有圖

不著撰人

錢氏隋書考異曰經籍志三錄軌象以頌其

章一卷此不似書名疑有誤

案此似纂集是志時誤以所据書目中解題之文為書名而失于校勘者其文或當云錄軌象以存其意此頌字章字并疑誤中之誤

天文集占十卷晉太史陳卓定

晉書天文志天文經星篇武帝時太史令陳卓總廿右巫咸三家所著星圖大凡二百八十三官一千四百六十四星以為定紀今略其昭昭者以備天官云案晉志所載中宮二十八舍以迄天漢起沒凡四篇皆據陳卓是書

隋書天文志三國時吳太史令陳卓始立廿氏石氏巫咸三家星官著于圖錄并注占贊總有二百五十四官一千二百八十三星并二十八宿及輔官附坐一百八十二星總二百八十三官一千五百六十五星宋元嘉中

太史令錢樂之所鑄渾天圖儀以朱黑白三色用殊三家而合陳卓之數唐日本國見在書曰天文要錄十卷陳卓撰唐書經籍志天文集占七卷陳卓撰唐書藝文志陳卓天文集占七卷案晉書藝術戴洋傳元帝將登阼太史令陳卓奏用三月二十二日是卓仕吳入晉至江左時猶存御覽卷二載虞喜安天論云太史令陳季冑以先賢制木為儀名同渾天則卓字季冑也

天文要集四十卷晉太史令韓楊撰韓楊始未詳

唐書藝文志韓楊天文要集四十卷

玉海天文篇隋志天文要集四十卷晉太史令韓楊撰後漢天文志注并乾象新書引韓楊占

案開元占經日月五星占歲星熒惑填星占北方七宿占石氏中官占流星客星妖星彗星占並引韓楊凡二十餘條又逆順略例篇引韓公賓注靈憲三條公賓疑卽其字

天文要集四卷

天文要集三卷

並不著撰人

天文集占十卷梁百卷

唐書經籍志天文集占三卷藝文志同梁有石氏甘氏天文占各八卷

史記天官書昔之傳天數者高辛之前重黎于唐虞義和有夏昆吾殷商巫咸周室史佚葺弘于宋子韋鄭則裨竈在齊甘公楚唐昧趙尹泉魏石申又曰田氏纂齊三家分晉並為戰國爭于攻取兵革更起城邑數屠因以饑饉疾疫焦苦臣主共憂患其察禳祥候星氣尤急近世十二諸侯七國相王言從衡者繼踵而皋唐甘石因時務論其書傳故其占驗凌雜米鹽正義曰凌雜交亂也米鹽細碎也言皋唐甘石等因時務論其書傳中災異所記錄者故其占驗交亂細碎其語在漢書五行志中也

漢書藝文志數術者皆明堂義和史卜之職也史官之廢久矣其書既不能具春秋時魯有梓慎鄭有裨竈晉有卜偃宋有子章六國時楚有甘公魏有石申夫漢有唐都庶得龜

史記張耳陳餘列傳索隱曰天官書云齊甘公藝文志云楚有甘公齊楚不同未知孰是劉歆七略云公一名德

史記天官書集解徐廣曰或曰甘公名德本是魯人正義曰七錄云楚人戰國時作天文星占八卷石申魏人戰國時作天文八卷案此引七錄本文兩條即本志此一條而合并言之故云八卷

續漢天文志序曰魏石申夫齊國甘公皆掌天文之官仰占俯視以佐時政步變攝微通洞密至采禍福之原觀成敗之勢秦燔詩書以愚百姓六經典籍殘為灰炭星官之書全而不毀

晉書天文志序曰至于殷之巫咸周之史佚格言遺記于今不朽其諸侯之史則齊甘德魏石申夫等皆掌著天文各論圖驗其巫咸甘石之說後代所宗

玉海天文篇乾象新書云甘德中官星五十九座共二百一星平道至謁者外官星三十九座共二百九星天門至青邱紫微垣星二十座共一百一星四輔至八穀石申列舍星二十八座共一百六十六星角至軫中官星五十四座共三百一十八星招搖至郎將

外官星三十八座共二百七十一星平星至長沙紫微垣星一十二座共五十四星紫微垣至文昌

又曰說文女部引甘氏星經周禮注引甘氏歲星經史記索隱案天文志皆甘氏星經而志又兼載石氏太平御覽引甘氏天文占又諸書引石氏經石氏星經石氏星傳石氏星贊石氏星占石氏占

孫氏祠堂書目甘氏星經一卷星衍集本石氏星經一卷星衍集本

案漢藝文志續漢天文志晉志並作石申

夫夫或引作父又引作甫因史記天官書

魏石申下文云夫天運三十歲一小變遂

以此夫字誤屬上讀謂之石申夫相沿不覺自班氏已然矣

又案史記張耳陳餘傳云耳敗走欲之楚

甘公曰漢王之入關五星聚東井東井秦分也先至必霸楚雖彊後必屬漢故耳走

漢又御覽二百三十五引漢應劭漢官儀

曰當春秋時魯梓慎晉卜偃宋子韋鄭裨

竈觀乎天文以察時變其言屢中有備無患漢與甘石唐都司馬父子抑亦次焉據

此則甘石二家並漢初人太史公司馬談

學天官于唐都亦與唐都同時殆即六國

甘公之後世掌天官故亦稱甘石氏所謂

謂疇人子弟者歟其書開元占經引之尤多孫氏輯本今未見必盡取之矣又案開元占經五星占引洪範天文星辰

變占曰客有齊人甘文卿者善天文言五

星從歲星聚于東井云云其言與史記張

陳列傳略同史作甘公此作甘文卿文卿

不知是否為甘德之字又抱朴子辨問篇

云子章甘均占候之聖也則甘氏又有名

均者或猶在甘德之先也藝文志雜占家

有甘德長柳占夢二十卷

天文占六卷李暹撰

李暹始末未詳不知是否注文字之李暹見道家

天文占一卷

天文占氣書一卷

天文集要鈔二卷

天文書二卷梁有雜天文書二十五卷

雜天文橫占一卷

並不著撰人

天文橫圖一卷高文洪撰

高文洪始末未詳

唐書經籍志天文橫圖一卷高文洪撰

唐書藝文志高文洪天文橫圖一卷

天文集占圖十一卷梁有天文五行圖十二卷天文雜占十六卷亡

並不著撰人

天文錄三十卷梁奉朝請祖暅撰

南史文學祖沖之傳沖之字文遠范陽道人

也曾祖台之晉侍中祖台之有志怪見史部傳記

篇沖之稽古有機思解鍾律特善算術子暉

之字景燦少傳家業究極精微亦有巧思入神之妙般倻無以過也梁天監初位至太府

卿

北史藝術信都芳傳芳為安豐王延明召入賓館有江南人祖暅者先于邊境被獲在延明家舊明算律而不為王所待芳諫王禮遇之暅後還留諸法授芳由是彌復精密

隋書天文志梁奉朝請祖暅天監中受詔集古天官及圖緯舊說撰天文錄三十卷

唐日本國見在書目天文錄一部三十卷祖暅撰

唐書經籍志天文錄三十卷祖暅之撰

唐書藝文志祖暅之天文錄三十卷

宋史藝文志祖暅天文錄三十卷天文錄經要訣一卷注云鈔祖暅書

玉海天文篇國史志天文錄經要訣一卷鈔祖暅書御覽引天文錄乾象新書亦引之

天文志十二卷吳雲撰天文志雜占一卷吳雲撰梁有天文雜占十五卷亡

吳雲始末未詳

唐書經籍志天文雜占一卷吳雲撰

唐書藝文志吳雲天文雜占一卷

案梁有天文雜占十五卷似亦吳雲書至

隋及唐唯存一卷餘十四卷亡

天文十二卷史崇注

史崇始末未詳

唐書經籍志十二次二十八宿星占十二卷

史崇撰

唐書藝文志史崇十二次二十八宿星占十二卷

二卷

天文十二次圖一卷梁有天官宿野圖一卷亡一作天宮

並不著撰人

案此與下文著錄二十八宿十二次一卷

二十八宿分野圖一卷相同別詳于後

婆羅門天文經二十一卷婆羅門捨仙人所說

婆羅門天說三十卷

婆羅門天文一卷

捨仙人竭伽仙人並未詳小學家有婆羅門

書詳見經部

案法苑珠林傳記篇有婆羅門天文一部

二十卷梁武帝天和年摩勒國沙門釋達

流支法師譯出案梁武紀年無天和自是

天監之誤此三部蓋即其類皆從外國天

文書中譯出者

陳卓四方宿占一卷梁四卷

陳卓有天文集占見前

唐書經籍志四方星占一卷陳卓撰

唐書藝文志陳卓四方星占一卷

案集占集前人書此其當時所占猶漢志

之行事占驗也

以上自石氏星簿經贊至此皆天文書之

類為一段其中如星簿贊星經四七法五

星占四方宿占亦皆其天文書中之散見

者

黃帝五星占一卷

續漢書天文志序曰星官之書自黃帝始

晉書天文志序曰黃帝創受河圖始明休咎

故其星傳尚有存焉

王氏漢書藝文志考證天文志引星傳曰日

者德也月者刑也又曰客星守招搖蠻夷有

亂又引月南入牽牛戒月入畢五行志劉向

引星傳

嚴氏鐵橋漫纂輯書序曰黃帝占世無傳本

開元占經徵引甚多始寫出以乾象通鑑

校補疑者闕之分為三卷而為之敘錄曰古

者以太陰紀年至王莽用三統曆始以太歲

紀年余向為太初元年甲寅丙子說既考之

詳矣此書占八穀有太陰乘寅乘卯乘辰等

占而又別有太歲多非後世語其占少微有

聞如孔子巧如魯般二語知誤書人在孔子

後蓋六國時依託也漢志有黃帝雜子氣三

十三篇隋唐志有黃帝五星占一卷案唐志

實無是書如謂此書即一卷本則卷太大疑

隋唐時有別本合雜子氣彙錄之者今故不

題五星占依占經題黃帝占焉卷上日月五

星歲星熒惑填星太白七篇卷中辰星二十

八宿衆星三篇卷下流星客星妖星風雨虹

霧濛八穀飛鳥十篇又四錄堂類集總目黃

帝占三卷可均輯

孫氏祠堂書目黃帝占經一卷星衍集本

五星占一卷丁巡撰

丁巡始末未詳一本作下巡

五星占一卷梁有五星集占六卷日月五星集占

十卷

並不著撰人

案開元占經引齊伯五星占歲星占齊伯不知何人

五星占一卷陳卓撰

陳卓有天文集占四方宿占並見前

唐書經籍志五星占二卷陳卓撰

唐書藝文志陳卓五星占一卷

五星犯列宿占六卷

雜星書一卷

並不著撰人

星占二十八卷孫僧化等撰

北史藝術張深附傳永熙中詔通直散騎常

侍孫僧化與太史胡世榮太史令張寵趙洪

慶及中書舍人孫子良等在門下外省校比

天文書集廿石二家星經及漢魏以來二十

三家經占集五十五卷後集諸家撮要前後

所上雜占以類相從日月五星二十八宿中

外官及圖合為七十五卷僧化東莞人也識

星分案文占以言災異時有所中普泰中爾

朱兆惡其多言遂繫于廷尉免官永熙中孝

武帝召僧化與中散大夫孫安都共撰兵法

未就而帝入關遂罷元象中死于晉陽

案東魏孝靜帝元象中為梁武帝大同中也

唐書經籍志星占三十三卷孫僧化撰

唐書藝文志孫僧化等星占三十三卷

案北史附傳載僧化所集兩書一五十五

卷為廿石以來二十三家之占一七十五

卷名曰諸家撮要則自魏開國以來前後

諸臣所上之雜占也本志及唐志所載不

知何本皆非其全 唐六典云太史令每季錄所

見災祥送門下中書省故僧化等在門下外省校錄

是書

星占一卷

不著撰人

梁有石氏星經七卷陳卓記

陳卓有天文集占四方宿占五星占並見前

案陳卓立廿石巫咸三家星官後人別以

三色祥見天文集占條此亦從集占中析

出之別本

梁有石氏星官十九卷又星經七卷郭歷撰亡

郭歷始末未詳

天官星占十卷陳卓撰

陳卓有天文集占四方宿占五星占石氏星

經並見于前

史記天官書索隱曰案天文有五官官者星

官也星座有尊卑若人之官曹列位故曰天

官

唐日本國見在書目天官星占六卷陳卓撰

案此與四方宿占五星占亦皆其當時所

上行事占驗也

梁有天官星占二十卷吳襲撰

吳襲始末未詳

案開元占經熒惑占引吳襲天文書又填

星占太白占石氏中官占並引吳襲天官

星占吳襲吳襲未詳孰是

星占八卷梁又有星占十八卷

並不著撰人

中星經簿十五卷梁有星官簿讚十三卷又有星

書三十四卷雜家星占六卷論星一卷亡

並不著撰人

著明學十卷

雜星圖五卷

天文外官占八卷

雜星占七卷

雜星占十卷

並不著撰人

海中星占一卷梁有論星一卷

星圖海中占一卷

並不著撰人

案漢志天文家有海中星占驗等六部共

一百三十六卷亦不著撰人此三書或其

殘廢歟開元占經引海中占至多亦或出

此二書

解天命星宿要決一卷

摩登伽經說星圖一卷

星圖二卷梁有星書圖七卷

並不著撰人

彗星占一卷

不著撰人

案此與下妖星占彗字占相同詳見後方

妖星流星形名占一卷

不著撰人

晉書天文志雜星氣篇圖緯舊說及荊州占

妖星一曰彗星至二十一曰地維藏又河圖

云歲星之精流為天搭至蒼彗凡七星熒惑

散爲昭旦至赤彗凡六星填星散爲五殘至黃彗凡十星太白散爲天杵至白彗凡九星辰星散爲枉矢至黑彗凡八星總凡四十星又京房集星章所載妖星凡三十五星皆五星所生云

案晉書載四家妖星之數如此其流星別

見後方

太白占一卷

不著撰人

唐李淳風乙巳占太白一名太正一名太臬一名明星一曰長庚西方金德白虎之精白招矩之使也其性義其事言其時秋其日庚辛其辰辛酉其帝少皞其神蓐收其蟲毛其音商其味辛其臭腥其卦乾兌易曰說言乎兌戰乎乾是故太白主兵爲大將爲威勢爲斷割爲殺害故用兵必占太白

流星占一卷

不著撰人

晉書天文志流星天使也自上而降曰流自下而升曰飛大者曰奔奔亦流星也李淳風乙巳占流星者天皇之使五行之散精也飛行列宿告示休咎若星大使大星小使小星大則事大而害深星小則事小而禍淺有尾跡光爲流星無尾跡者爲飛星

石氏星占一卷吳襲撰

吳襲有天官星占二十卷見前

案開元占經石氏中官占引吳襲天官星占二條當出是書此即七錄所載天官星

占二十卷之佚存者
候雲氣一卷

不著撰人

晉書天文志雲氣篇瑞氣一曰慶雲亦曰景雲二曰歸邪三曰昌光妖氣一曰虹蜺二曰祥雲

彗孛占一卷

不著撰人

李淳風乙巳占長星狀如帚孛星圓狀如粉絮孛孛然皆逆亂凶孛之氣狀雖異爲殃一也爲兵喪除舊布新之象餘災不盡爲兵喪水旱凶饑暴疾長大見久災深短小見遠災淺

二十八宿二百八十三官圖一卷

不著撰人

案晉書天文志太史令陳卓總巫咸甘石三家所著星圖大凡二百八十三官一千四百六十四星以爲定紀隋書天文志云著于圖錄此或陳氏所著之星圖或即從天文集占十卷中析出者

荊州占二十卷宋通直郎劉嚴撰梁二十二卷

劉嚴始末未詳常熟曾補後漢藝文志曰嚴不詳何人宋書無傳唐世系表有劉彥英云宋給事中通直散騎常侍疑卽劉嚴彥蓋其字也

晉書天文志雜星篇漢末劉表爲荊州牧命武陵太守劉叡集天文象占名荊州占其雜星之體有瑞星有妖星有客星有流星有瑞氣有妖氣有日月傍氣皆略其名狀舉其

占驗次之于此云

唐日本國見在書目荊州占廿二卷 不著撰人

唐書經籍志荊州占二卷劉表撰又二十卷

劉叡撰

唐書藝文志劉表荊州占二卷劉叡荊州星

占二十卷

宋史藝文志劉表星經一卷荊州占三卷又

五行類劉表荊州占二卷

通志藝文略荊州劉石甘巫占一卷漢荊州

牧劉表命武陵太守劉意集甘石巫咸等之

占今存一卷案此避宋諱故曰意

玉海天文篇崇文總目荊州劉石甘巫占一

卷後漢志引荊州星經周禮疏引武陵太守

星傳晉志史記索隱乾象新書並引荊州占

太平御覽引荊州星占

侯氏補後漢藝文志曰康案唐志于劉叡書

外別出劉表荊州星占二卷據晉志則劉叡

書卽劉表書唐志誤分之

案劉表有易章句詳見經部易家表在荊

州二十年至于郊祀天地擬議社稷欲藉

以觀時變故有此作據續漢志注周禮疏

所稱引則表所作者謂之經叡所集者謂

之傳本志題劉嚴撰者大抵嚴纂合二劉

經傳以爲一編故別無二劉書兩唐志分

析著錄故亦無劉嚴書其卷數亦二十二

卷與七錄相符知此實非劉嚴所撰特爲

嚴所傳錄合併耳微唐志變莫辨其由來

侯氏志反以爲誤非也諸書引荊州占最多開元占經引之尤夥
翼氏占風一卷

案翼氏漢之翼奉有風角要候風角雜占五音圖別見五行家此一卷大抵從風角書中析出別行者

日月暈三卷梁日月暈圖二卷

不著撰人

案漢志天文家有漢日食月暈雜變行事占驗十三卷此即其類或即其佚存者

孝經內記二卷

不著撰人

案漢志天文家有圖書祕記十七篇晉書天文志有圖緯舊說其即此類之書又本志識緯篇有孝經內事一卷梁有孝經內事圖二卷孝經內事星宿講堂七十二弟子圖一卷亦是此類之書開元占經日占五星占歲星占熒惑占石氏中官占雜星客星彗星諸占引孝經內記又引孝經內記圖

京氏釋五星災異傳一卷

京氏日占圖三卷

京氏即京房有周易注見經部易家

案漢藝文志有災異孟氏京房六十六篇此大抵從京氏易傳中析出別行者其佚文在王氏保訓嚴氏可均所輯京氏易八卷中詳見後五行家第十三類

夏氏日旁氣一卷許氏撰梁四卷

夏氏許氏皆不知何人

玉海天文篇隋志夏氏日旁氣一卷許氏撰梁四卷前漢天文志引夏氏日月傳乾象新書引夏氏占

案班氏天文志引夏氏日月傳則夏氏六

國秦漢時人也開元占經凡日占月占客

星占妖星占皆引夏氏凡四十餘條又數

引夏氏日暈圖七錄兵家又有黃帝夏氏

占氣六卷知夏氏之書不僅言日月亦兼

言星氣此殆許氏所傳錄非其全也張氏

歷代名畫記載古來祕畫珍圖有占日雲

氣圖一卷注云京兆夏氏有蓋相傳其家

所有者似即此夏氏京兆人也其圖亦當

在此書中許氏疑即許防有軍勝見及戎

決見前兵家

日食蒞候占一卷

不著撰人

案史記天官書曰朝鮮之拔星蒞于河戒

兵征大苑星蒞招搖索隱曰蒞音佩即字

星也又史記武紀云有星蒞于東并有星蒞于三能

漢書郊祀志蒞並作字 開元占經彗星占引

董仲舒曰彗星者彗星之屬也芒偏指曰

彗芒氣四出曰彗字者字字然也謂之字

者言其暗昧不明之貌也一說云彗星所

散爲字春秋言星字者皆彗散也

魏氏日旁氣圖一卷

魏氏不詳何人 案張氏名畫記述古來祕畫珍圖有占日

雲氣圖注云京兆夏氏魏氏並有似即此

魏氏與夏氏並京兆人疑即天官書所謂

占歲之魏鮮歟漢武帝時人也開元占經

日占門引魏氏圖

日旁雲氣圖五卷

不著撰人

案天官書云漢之爲天數者星則唐都氣

則王朔又曰王朔所占決于日旁日旁雲

氣人主象皆如其形以占云云藝文志天

文家有漢日旁氣行事占驗三卷又十三

卷此所載夏氏魏氏及圖三種其原蓋出

于此開元占經日占門引日旁氣圖又引

高宗日旁氣圖高宗不知何人

天文占雲氣圖一卷

不著撰人

案此似即從陳卓李暹諸家天文占中集

出者

梁有雜望氣經八卷候氣占一卷

並不著撰人

案漢志天文家有黃帝雜子氣三十三篇

常從日月星氣二十一卷此望氣經之權

輿開元占經日占門引氣經又引雜雲氣

占荆氏氣占張氏名畫記述古來祕畫珍

圖有望氣圖一卷

梁有章賢十二時雲氣圖二卷

唐張彥遠歷代名畫記古來祕畫珍圖有章

賢十二時雲雨氣圖一卷

案章賢或是人姓名始末未詳據張氏名

書記所載則此敍一兩字漢志天文家有泰壹雜子雲兩三十四卷國章觀霓雲兩三十四卷此或其僅存者

天文洪範日月變一卷洪範占二卷梁有洪範五行星曆四卷

並不著撰人

案魏書高允傳允表曰往年被敕令臣集天文災異使事類相從約而可觀臣聞箕子陳謨而洪範作宣尼述史而春秋著漢成時光祿大夫劉向見漢祚將危權歸外戚屢陳妖眚而不見省納遂因洪範春秋災異報應者而為其傳今謹依洪範傳天文志撮其事要略其文辭凡為八篇世祖覽而善之案其時為南朝宋文帝元嘉之季此三書疑皆是其散佚僅存者允字伯恭渤海人仕至鎮軍大將軍中書監尚書散騎常侍光祿大夫進爵咸陽公太和十一年卒年九十八贈侍中司徒諡曰文又案開元占經日簿蝕篇引洪範天文日月變占五星雜星客星彗星諸篇引洪範天文星辰變占彗星篇又數引洪範天文志曰星辰變占曰據高允傳則皆似高氏之書其稱洪範天文志似亦即高所引漢書天文志也

黃道晷景占一卷梁有晷景記二卷

並不著撰人

案漢志曆譜家有太歲謀日晷二十九卷日晷書三十四卷此其類也

月行黃道圖一卷

不著撰人

案續漢書曆志賈逵論曆曰臣前上傳安等用黃道度日月弦望多近史官一以赤道度之不與日月同于今曆弦望至差一日以上輒奏以為變至以為日卻縮退行于黃道自得行度不為變願請太史官日月宿簿及星度課與待詔星象考校奏可

是以黃道度日月行始于東漢賈景伯之時此殆其遺制歟

梁有日月交會圖鄭玄注一卷

鄭玄有周易注見經部易家

唐張彥遠歷代名畫記述古來祕畫珍圖有日月交會圖一卷鄭玄注

王應麟六經天文編朱氏曰日月交會謂朔晦之間也日月皆右行于天一晝一夜日行一度月行十三度十九分之七故日一歲而一周天月二十九日有奇而一周天又逐及于日而與之會一歲凡十二會方會則月光都盡而為晦已會則月光復蘇而為朔朔後晦前各十五日日月相對則月光正滿而為望晦朔而日月之合東西同度南北同道則月揜日而日為之食望而日月之對同度同道則月亢日而月為之食是皆有常度矣

案范書本傳不言鄭有是注似後人從鄭氏天文七政論中析出者

梁又有日月本位圖一卷不著撰人

案張氏名畫記言古來祕畫珍圖有日月交會九道圖似即此本位圖續漢曆志載永元中治曆李梵鉅鹿公乘蘇統脩九道術熹平中故治曆郎梁國宗整上九道術部太子舍人馮恂亦復作九道術此九道圖之所由來並詳見余所輯後漢藝文志

志

月暈占一卷

日月食暈占四卷

日食占一卷

日月薄蝕圖一卷

日變異食占一卷

日月暈珥雲氣圖占一卷梁有君失政大雲雨日月占二卷

並不著撰人

案漢志天文家漢日食月暈雜變行事占

驗十三卷又泰壹雜子雲兩國章觀霓雲

兩各三十四卷此類皆其流裔或亦有漢

代所留遺者

二十八宿十二次一卷

二十八宿分野圖一卷

並不著撰人

晉書天文志曰班固取三統曆十二次配十二野其言最詳又有費直說周易蔡邕月令

章句所言頗有先後魏太史令陳卓更言郡

國所入宿度陳卓有天文集占見前

唐李淳風乙巳占曰天文錄云今所行十二

次者漢光祿大夫劉向之所撰也班固列為

漢志羣氏莫不宗焉而言詞簡略學者多疑輒載其本文而爲之注天文錄梁祖嘯撰

又曰在天二十八宿分爲十二次在地十二辰配屬十二國至于九州分野各有攸係上下相應故可得占而識焉州郡國邑之號並劉向所分載于漢書地理志其疆境交錯地勢寬窄或有未同多因春秋已後戰國所據取其地名國號而分配焉

王應麟六經天文編通典曰凡國之分野上配天象始于周季呂氏曰十二次蓋戰國之言星者以當時所有之國分配之星經出于戰國之末故舉當時東西周疆界以言之

案玉海云七國時甘石始配十二分野考漢志天文家有海中二十八宿國分二十八卷海人之占別爲一家之學或亦權輿于此歟漢以來費直劉向蔡邕皆言分野劉歆說春秋亦言分野故七錄春秋家有左氏分野一卷晉陳卓附益以郡國宿度梁祖嘯又注釋其書此兩書不知出誰氏張氏名畫記載古來祕畫珍圖有二十八宿分野圖一卷似即此所載之圖

五緯合雜一卷

並不著撰人

周禮大宗伯日月星辰注星謂五緯疏曰五緯卽五星東方歲星南方熒惑西方太白北方辰星中央鎮星言緯者二十八宿隨天左轉爲經五星左旋爲緯

案自黃帝五星占至此皆星氣風雲日月諸雜占之屬爲一段而編次凌雜紊如亂絲則難抄諸家書目未及整理也續漢百官志太史令一人掌天時星曆靈臺丞一人掌候日月星氣漢官曰靈臺待詔四十二人其十四人候星二人候日三人候風

十二人候氣案候氣亦候律管吹灰之氣不盡候日月星雲之氣也三人候暑景七人候鍾律一人舍人凡此皆屬于太史皆各有簿籍記其占候故有此類雜沓不倫之書其中多重複互見莫可究詰也

垂象志一百四十八卷

不著撰人

北史藝術傳庾季才字叔翼新野人也家于南郡江陵縣祖說南史有傳父曼倩光祿卿季才幼穎悟十二通易好占玄象仕梁元帝爲中書郎領太史封宜昌縣伯入周封臨穎縣伯太史中大夫加驃騎大將軍開府儀同三司隋文帝開皇元年授通直散騎常侍帝將遷都夜與高頴蘇威二人定議季才且奏臣仰觀玄象俯察圖記龜兆尤襲必有遷都且漢營此城經今將八百歲水皆鹹鹵不甚宜人願爲遷徙計帝愕然謂頴等曰是何神也遂發詔施行賜季才絹布進爵爲公謂曰朕自今以後信有大道于是令季才與其子質撰垂象志謂曰天道祕奧推測多途執見不同不欲令外人干預此事故令公父子共爲之及書成奏上賜米帛甚優仁壽三年卒

又曰撰垂象志一百四十二卷行于世錢氏隋書考異曰經籍志垂象志一百四十八卷志不著撰人蓋庾季才所撰本傳作一百四十二卷

太史注記六卷

不著撰人

續漢百官志太史令一人掌天時星曆凡國有瑞應災異掌記之丞一人明堂及靈臺丞一人掌守明堂靈臺候日月星氣皆屬太史唐六典太史令掌觀察天文稽定曆數凡日月星辰之變風雲氣色之異率其屬而占候焉每季錄所見災祥送門下中書省入起居注歲終總錄封送史館

案此列在庾季才書中或亦季才爲太史令時所錄

靈臺祕苑一百一十五卷太史令庾季才撰

庾季才有垂象志見前

北史藝術傳周武帝時季才遷太史中大夫詔撰靈臺祕苑又曰撰靈臺祕苑一百二十卷行于世

隋書天文志逮周氏克梁獲庾季才爲太史令撰靈臺祕苑一百二十卷占驗益備今略其雜星瑞星妖星客星流星及雲氣名狀次之于此云

唐書經籍志靈臺祕苑一百二十卷庾季才撰

唐書藝文志庾季才靈臺祕苑一百二十卷秀水朱彝尊曝書亭集跋曰靈臺祕苑本北

周明帝詔太史中大夫新野庾季才叔奕撰書成凡百二十卷隋志一百十五卷今止存十五卷本目錄後有編修官于大吉丁洵看詳官歐陽發王安禮姓名蓋宋自太平興國而後私習天文者有厲禁天文推測之術不欲使民知之季才完書必多與義諸人奉敕刪削而僅摘其十一若作酒醴去其漿而糟醜在矣

四庫提要曰靈臺祕苑十五卷北周庾季才原撰而宋人所重修也季才之書見于周書本傳作一百十卷此為北宋時奉敕刪訂之本祇存十五卷首以步天歌及圖次釋星驗次分野土圭次風雷雲氣之占次取日月五星三垣列宿逐次詳注大抵頗涉占驗之說不盡可憑又篤信分野次舍以州郡強為分析亦失之穿鑿附會然周以前之古帙尙藉以略見大凡存為考證之資亦無不可也又存目提要曰靈臺祕苑一百二十卷不著撰人名氏書名卷數皆與庾季才所著相同然書中所徵引故實迄于元末又所記冬至以日躔箕宿四度起算則明人所編輯仍襲季才之名耳大抵推步緯度者少測驗祥異者多體例亦頗冗沓蓋方技之流雜抄占書為之耳

案自垂象志至此為一段是篇章法約略分為四段所載靈憲渾天天文日月五星二十八舍雜星彗孛風雲諸占候皆略見于史漢書志及晉宋齊隋天文志開元占

經乙巳占等書實亡而未盡亡也

右九十七部合六百七十五卷實在著錄九十八部附

著亡書十六部通計一百一十四部

案七錄敘目術伎錄第一曰天文部四十九種六十七帙五百二十八卷本志存佚并計所增益者凡六十五部

隋書經籍志卷三十五

子部十二

曆數家類中分類凡四

四分曆三卷

不著撰人

漢書曆志劉歆三統曆世經曰四分上元至伐桀十三萬二千一百一十三歲其八十八紀甲子府首入伐桀後百二十七歲

唐書經籍志四分曆三卷藝文志同

嘉定錢大昕漢書考異曰四分之術至後漢始行今劉子駿三統術亦著其說則西京已有之矣淮南天文訓所述甲寅元亦與四分同亦見錢氏三統術衍

儀徵阮元疇人傳論曰漢書志載四分上元至伐桀十三萬二千一百一十三歲蓋四分之率本在三統以前東京諸儒特增修其法而用之耳

烏程汪曰楨古今推步諸術考曰自黃帝術顓頊甲寅元術顓頊術夏術夏術殷術真周術周術魯術乾鑿度術元命苞術古西法史記曆書術及稽覽圖命曆序諸術其日法歲實朔實皆與四分術同杜預謂今之所傳七術皆未必是時王之術祖沖之謂古之六術皆同四分是也案七曆六曆皆見漢志歷譜家所謂黃帝顓頊夏殷周魯曆是也顓頊曆有二家故云七曆

案續漢書曆志明帝永平二年詔待詔張盛等以四分法課歲餘四分之術始頗施行是元和改曆之前亦有四分曆官曆署

据以課疏密此三卷列在李梵四分曆之前其即漢以來相傳爲劉歆所見之本歟又案漢書曆志云迺詔選用鄧平所造八十一分律曆罷廢尤疏遠者十七家是四分曆即在十七家之內武帝時以爲疏遠而罷廢之也

梁有四分曆三卷漢修曆人李梵撰亡

續漢書曆志自太初元年始用三統曆施行百有餘年曆稱後天建武八年中太僕朱浮太中大夫許淑等數上書言曆不正宜當改更時分度覺差尙微上以天下初定未遑考正至元和二年太初失天益遠日月宿度相覺浸多章帝知其謬錯以問史官雖知不合而不能易故召治曆編訃李梵等綜校其狀二月甲寅遂下詔改行四分于是四分施行劉昭曰蔡邕議云梵清河人後漢書章帝本紀元和二年二月甲寅始用四分曆

阮氏疇人傳論曰四分術歲名不用超辰五星始于合伏爲術與三統異而後世皆遵用之至于昏旦中星晝夜漏刻二至晷景長短之數黃赤宿度進退之率則皆三統所未詳始見于四分者也其論術一篇錢少詹大昕謂爲精微簡要非劉洪不能作後之步天者所宜寶也

汪氏古今推步諸術考曰後漢編訃四分術上元庚辰至元和元年甲申積九千三百六十五年算上自章帝元和二年乙酉始用此

術迄獻帝延康元年庚子凡一百三十六年魏初亦用此術自文帝黃初元年庚子迄明帝青龍四年丙辰凡一十七年蜀漢亦用此術自昭烈帝章武元年辛丑迄安樂思公炎興元年癸未凡四十三年吳大帝黃武元年壬寅亦用此術一年統計乙酉至癸未大凡行用一百七十九年元史志授時術議言四分術行一百二十一年譌

案四分曆法續漢書曆志下篇備載之

梁又有三統曆法三卷劉歆撰亡

劉歆有爾雅注見經部論語類

漢書本傳歆爲義和京兆尹使治明堂辟雍封紅休侯典儒林史卜之官考定律曆著三統曆譜贊曰劉氏洪範論發明大傳著天人

之應七略剖判藝文總百家之緒三統曆譜考步日月五星之度有意其推本之也

又曆志序曰至孝成世劉向總六曆列是非作五紀論向子歆究其微眇作三統曆及譜

以說春秋推法密要故述焉

後漢書鄭興傳興善左氏傳天鳳中將門人從劉歆講正大義歆美興才使校三統曆與子衆從父受左氏春秋精力于學明三統曆章懷太子曰三統曆劉歆撰謂夏殷周曆也唐書經籍志三統曆一卷劉歆撰

唐書藝文志劉歆三統曆一卷

錢大昕三統術衍自序曰古術之可考者當以三統爲首三統之術本之太初又追前世一元五星會牽牛之初以爲太極上元參之

易象以窮其源徵之春秋以求其驗孟班堅以爲推法密要服子慎章宏嗣亦取以解春秋內外傳

阮元刻錢氏三統術衍序曰推步術見于廿四史志者以漢書劉歆三統術爲最古其日法斗分並與太初術同蓋歆即因落下闔鄧平之法而增修者也其法以統術推氣朔月食以紀術步五星以歲術求歲星太歲綱舉目張規模大備世經一篇考驗炮犧以來有涉步算之事一一符合固漢氏一代之故事而步術七十餘家之權輿也

又疇人傳論曰三代推步之書秦火而後無復遺餘及今可考而知者自歆三統始也論其爲術之善厥有數端四分以後太歲一歲一名而三統推歲星以百四十四年行百四十五次太歲與歲星恆相應有超辰之法一也四分二十四氣中節與今不殊而三統則以驚蟄爲正月中雨水爲二月節穀雨爲三月節清明爲三月中合于夏小正正月啓蟄之文二也上世積年荒遠難稽史記託始共和最爲有徵三統世經所載自文王四十二年以後歲歲相接更在共和之前考古者得有所據依三也歆父子相繼領校祕書世經所稱伊訓武成等文必真古文足以有裨經學四也至于臚列尙書春秋古來有涉步算之事一一推合以明其術之有驗于古班固稱爲推法密要後世諸儒用以說經蓋誠有取爾也惟述統母之生多傳合易卦鍾律

案以算理實多未然云

汪曰楨推步諸術考漢劉歆三統術上元庚戌至太初元年丁丑積一十四萬三千一百二十八年算上見漢書志案太初術一元有三統故名三統術以三統術說春秋即謂之春秋術杜預言劉子駿造三正術以脩春秋是又名三正也姜岌言服虔解傳用太極上元太極上元乃三統術劉歆所造元也是又名太極也其術兼以太陰紀歲皆一百四十四年而超一辰其二十四氣驚蟄雨水穀雨清明並與四分以後之法異

張氏書目答問三統術衍三卷錢大昕撰潛研堂集本董祐誠三統術衍補一卷在董方立遺書內

案杜征南長曆說云自古論春秋者或造家術或用黃帝諸曆此即家術之類也歆本作此以說春秋漢書曆志有明文或以為歆此術為王莽作王莽用三統曆則以太初曆亦稱三統曆見續漢志序因而傳譌也汪氏云王莽亦用太初曆

趙隱居四分曆一卷

趙隱居不知何人

案趙隱居疑即北涼趙叡

魏甲子元三統曆一卷

不著撰人

通志藝文略曆數正曆類魏甲子元三統曆

三卷

姜氏三紀曆一卷曆序一卷姜氏撰

晉書曆志後秦姚興時當孝武太元九年歲在甲申天水姜岌造三紀甲子元曆又曰岌以月蝕檢日宿度所在為曆術者宗焉又著渾天論以步日于黃道駁前儒之失並得其

中矣案此姚興當為姚萇汪氏諸術考已言之嚴氏全晉文編曰姜岌天水人仕姚興官爵未詳撰三紀甲子元曆

汪氏推步諸術考後秦姜岌三紀甲子元曆上元甲子至晉孝武帝太元九年甲申

後秦姚萇自雀元年積八萬三千八百四十一年算上見晉書志開元占經晉志云姚興時當太元九年歲在甲申造乃姚萇之譌若姚興時

造則當在太元十九年之後矣自武昭帝姚萇白雀元年甲申始用此術迄後主姚泓永和二年丁巳行用凡三十四年

案開元占經卷一吳太史令陳卓作渾天論與姜岌答難云云則岌與卓同時卓于

江左元帝踐阼時猶存後六十八年始為太元九年岌即于斯時猶在其年亦必八九十歲然不知何時陷于北庭而入後秦

為姚萇撰曆也殆亦永嘉建興間中朝覆沒之時歟

又案此不著于劉智正曆之後而列于吳闕澤之前者其意殆以四分三統三紀以書名相類從也然而謬矣

乾象曆三卷吳太子太傅闕澤撰

吳志本傳澤字德潤會稽山陰人也家世農夫至澤好學究覽羣籍兼通曆數由是顯名

察孝廉除錢唐長遷郴令孫權為驃騎將軍辟補西曹掾及稱尊號以澤為尚書嘉禾中為中書令加侍中赤烏五年拜太子太傅領中書如故澤以經傳文多難得盡用乃斟酌諸家刊約禮文及諸注說以授二宮為制行出入及見賓儀又著乾象曆注以正時日每朝廷大議經典所疑輒諮訪之以儒學勤勞封都鄉侯六年冬卒

晉書宋書曆志曰吳中書令闕澤受劉洪乾象法于東萊徐岳又加解注

北周甄鸞數術記遺注曰漢會稽太守劉洪付乾象曆于東萊徐岳岳授吳中書闕澤澤甚重焉為注解

唐書經籍志乾象曆三卷闕澤注闕澤撰一本作闕澤注闕澤撰本不著卷數作闕澤撰闕澤注當是劉洪撰闕澤注之誤

唐書藝文志劉洪乾象曆術三卷闕澤注梁有乾象曆五卷漢會稽都尉劉洪等注亡

續漢書曆志注袁山松書曰劉洪字元卓泰山蒙陰人魯王之宗室也延熹中以校尉應太史徵拜郎中遷常山長史以父憂去官後為上計掾拜郎中檢東觀著作律曆記遷謁者穀城門候會稽東部都尉徵還未至領山陽太守卒官洪善算當世無偶作七曜術及在東觀與蔡邕共述律曆記考驗天官及造乾象術十餘年考驗日月與象相應皆傳于世

又宋世治曆何承天曰元和中案當為光和穀

城門候劉洪始悟四分于天疏闊更以五百八十九爲紀法百四十五爲斗分而造乾象法又制遲疾曆以步月行方于太初四分轉精密矣徐幹中論曆數篇靈帝時劉洪更造乾象曆考之天文于今爲密會宮車晏駕京師大亂事不施行惜哉

吳志孫權傳黃武二年春正月改四分用乾象曆

晉書宋書曆志曰吳中書令闕澤受劉洪乾象法于東萊徐岳又加解注中常侍王蕃以洪術精妙用推渾天之理以制儀象及論故孫氏用乾象曆至于吳亡

唐書經籍志乾象曆術三卷劉洪撰 又有乾象曆三卷不著名氏新志同

元史郭守敬授時曆議乾象曆建安十一年丙戌劉洪造行三十一年至魏景初丁巳後天七刻

阮元疇人傳論曰洪創始遲疾陰陽二術後來術家莫不遵用其爲功步算大矣蔡伯喈稱洪密于用算鄭康成論乾象以爲窮幽極微非虛譽也

汪曰楨推步諸術考後漢劉洪乾象術上元己丑至建安十一年丙戌積七千三百七十八年算上見晉書志自吳大帝黃武二年癸卯始用此術迄歸命侯天紀四年庚子凡五十八年又曰此術孫吳始用之漢魏未經行用元志云行三十一年譌

案此不知合何人之注渾稱劉洪等考范書鄭玄本傳載所注諸書有乾象曆晉書

曆志云靈帝時劉洪爲乾象曆獻帝建安元年鄭玄受其法以爲窮幽極微又加注釋焉疑此五卷有鄭氏注在其間焉

梁又有闕澤注五卷亡

案闕澤注乾象曆三卷已見于前此七錄所載別本有五卷云

梁又有乾象五星幻術一卷亡

不著撰人

曆術一卷吳太史令吳範撰

吳範有占出軍決勝負事見前兵家

通志藝文略曆數曆術類曆術一卷吳太史令吳範撰

令吳範撰

汪氏推步諸術考吳吳範術無考見隋經籍志

景初曆三卷晉楊偉撰梁有景初曆術二卷景初曆法三卷又一本五卷並楊偉撰并景初曆略要二卷亡

楊偉有桑邱先牛書又有時務論並見雜家晉書宋書曆志楊偉表有曰臣之所建景初術法數則要約施用則近密治之則省功學之則易知雖復使研桑心算隸首運籌重黎司晷義和察景以考天路步驗日月究極精微盡數術之極者皆未如臣如此之妙也

魏志明帝紀景初元年春正月壬辰山在縣言黃龍見于是有司奏以爲魏得地統宜以建丑之月爲正三月定曆改年爲孟夏四月

注引魏書曰甲子詔曰其改青龍五年三月爲景初元年四月改太和曆曰景初曆案太和曆事見高堂隆

傳注引魏略其春夏秋冬孟仲季月雖與正歲不同至于郊祀迎氣祠祠蒸嘗巡狩苑田分至啓閉班宣時令中氣早晚敬授民事皆以正歲斗建爲曆數之序又齊王紀景初三年十二月詔曰烈祖明皇帝以正月棄背天下

臣子永惟忌日之哀其復用夏正雖違先帝通三統之義斯亦禮制所由變改也又夏正于數爲得天正其以建寅之月爲正始元年正月以建丑月爲後十二月

唐書經籍志魏景初曆三卷楊偉撰唐書藝文志楊偉魏景初曆三卷

阮氏疇人傳論曰乾象術推合朔用日法推遲疾用周推陰陽用日周各異其法而不相通偉術通數會通通周並以滿日法而一爲日用算省約此李淳風總法之所祖壬辰元

首有交會遲疾差數此又楊忠輔諸差郭守敬諸應之所自出至其推交會月蝕以去交度十五爲法論虧之多少以先會後交先交後會論虧起角之東西南北皆密于前術足以爲後世法者也

汪氏推步諸術考魏楊偉景初術上元壬辰至景初元年丁巳積四千零四十六年算上見晉宋二書志自明帝景初元年丁巳始用此術迄元帝咸熙二年乙酉凡二十九年晉仍用此術更名泰始術自武帝泰始元年乙酉迄恭帝元熙二年庚申凡一百五十六年

宋初仍用此術更名永初術自武帝永初元年庚申迄文帝元嘉二十一年甲申凡二十

五年北魏初亦用此術自道武帝天興元年
戊戌迄太武帝正平元年辛卯凡五十四年
統計丁巳至辛卯大凡行用二百一十五年
景初壬辰元曆一卷楊沖撰

汪氏推步諸術考案隋經籍志既有楊偉景
初術又有楊沖景初壬辰元術一卷當是複
出

案景初曆曆元本是壬辰此又云壬辰元
曆故汪氏以為複出楊沖之沖亦疑草寫
偉字之誤

正曆四卷晉太常劉智撰

劉智有喪服要問詳見經部禮類

晉書曆志武帝侍中平原劉智以斗曆改憲

推四分法三百年而減一日以一百五十為

度法三十七為斗分又曰推甲子為上元至

泰始十年歲在甲午九萬七千四百一十一

歲上元天正甲子朔夜半冬至日月五星始

于星紀得元首之端飾以浮說名為正曆

宋書曆志晉江左時侍中平原劉智推三百

年斗曆改憲以為四分法三百年而減一日

以百五十為度法三十七為斗分飾以浮說

以扶其理

唐書藝文志劉智正曆四卷薛夏訓

汪氏推步諸術考晉劉智正術上元甲子至

泰始十年甲午積九萬七千四百一十一年

算上見開元占經及晉志

河西甲寅元曆一卷涼太史趙敷撰甲寅元曆序

一卷趙敷撰

宋書大且渠蒙遜傳河西人趙敷善曆等元
嘉十四年河西王茂度奉表獻方物并獻趙
敷傳并甲寅元曆一卷

魏書曆志太祖天興初命太史令晁崇修渾
儀以觀星象仍用魏楊偉景初曆歲年積久
頗以為疏世祖平涼土得趙敷所修玄始曆
後謂為密以代景初又曰高宗踐阼乃用敦

煌趙敷甲寅之律

金樓子自序篇涼國太史令趙敷造乾度曆

三十年以心疾卒案乾鑿度術亦上元甲寅也疑此

彼鑿字

唐書經籍志河西甲寅元曆一卷李淳風撰

案此題李淳風非也

唐書藝文志趙敷河西甲寅元曆一卷

阮氏疇人傳北涼趙敷河西人也善曆晉沮

渠蒙遜元始時修元始術又傳論曰魏世祖

平涼得敷術以代景初則其術之驗于當時

可知敷于算造蓋姜岌之流亞也

汪氏推步諸術考北涼趙敷元始術上元甲

寅至元始元年壬子晉義熙八年魏永興四年積

六萬一千四百三十八年算外見魏書志開

元占經自武宣王沮渠蒙遜元始元年壬子

始用此術迄哀王沮渠茂度永和七年己卯

凡二十八年北魏亦用此術自文成帝興安

元年壬辰迄孝明帝正光三年壬寅凡七十

一年統計壬子至壬寅凡一百一十一年中

空庚辰至辛卯一十二年實行用九十九年

案自北涼亡後至魏文成帝即位始用此術其間凡十二

汪氏所謂中空者以此

宋元嘉曆二卷何承天撰梁又有元嘉曆統二卷
元嘉中論曆事六卷元嘉曆疏一卷元嘉二十六
年度日景數一卷亡

曆術一卷何承天撰梁有驗日食法三卷何承天
撰亡

何承天有禮論見經部禮類

宋書武帝本紀永初元年六月己卯改晉泰

始曆為永初曆文帝本紀元嘉二十二年春

正月辛卯朔改用御史中丞何承天元嘉新

曆

又曆志宋太祖頗好曆數太子率更令何承

天私撰新法元嘉二十二年上表進元嘉曆詔

曰承天所陳殊有理據可付外詳之有司奏

承天曆術合可施用宋二十二年普用元嘉

曆詔可

唐書經籍志宋元嘉曆二卷何承天撰

唐書藝文志何承天元嘉曆二卷

阮氏疇人傳論曰承天曆勝于前者三事欲

用定朔一也考正冬至日度二也春秋分晷

景無長短之差三也至其創立強弱二率以

調日法由唐迄宋演撰家皆墨守其說而不

敢變易可謂卓然名家者矣

汪氏推步諸術考宋何承天元嘉術上元庚

辰正月甲子朔旦雨水至元嘉二十年癸未

積五千八百零三年算外自文帝元嘉二十

二年乙酉始用此術迄順帝昇明三年己未

凡三十五年南齊仍用此術更名建元術自

高帝建元元年己未迄和帝中興二年壬午凡二十四年梁初亦用此術自武帝天監元年壬午迄八年己丑凡八年統計自乙酉至己丑大凡行用六十五年案晉用景初術更名泰始術宋又更名永初術今此術齊既更名建元術則梁亦當更名天監術而史無明文

案宋書曆志備載元嘉曆法又載何承天論曆蓋即此元嘉中論曆事六卷之大略元嘉二十六年度日景數一卷似太史注記之流或亦即疇人傳所謂春秋分景景無長短之事驗日食法三卷似卽下文論頻月合朔法

梁又有論頻月合朔法五卷亡

不著撰人

宋書曆志太史令錢樂之兼丞嚴粲奉詔看詳何承天新曆奏曰又承天法每月朔望及弦皆定大小餘于推交會時刻雖審皆用盈縮則月有頻三大頻二小比舊法殊爲異舊日蝕不唯在朔亦有在晦及二日公羊傳所謂或失之前或失之後愚謂此一條自宜仍舊員外散騎郎皮延宗又難承天若晦朔定大小餘紀首盈則退一日便應以故歲之晦爲新紀之首承天乃改新法依舊術不復每月定大小餘如延宗所難太史所上隋書曆志云承天本意欲立合朔之日遭皮延宗飾非致難故事不得行

北史藝術信都芳傳芳又私撰曆書名曰靈

憲曆算月頻大頻小食必以朔證據甚明每云何承天亦爲此法而不能精靈憲若成必當百代無異議者書未成而卒

案宋志北史所言則此論頻月合朔法亦卽何承天與諸人所論疇人傳所謂欲用定朔之事也

梁又有雜曆七卷曆法集十卷又曆術十卷亡並不著撰人

案此三書或亦何氏及元嘉時諸家所撰者

梁又有京氏要集曆術四卷姜岌撰亡

姜岌有三紀曆見前

唐書藝文志姜氏曆術三卷

案本志五行家有易律曆一卷虞翻撰蓋虞氏注京房書詳見本條此殆姜氏取京房書而推衍成編者

曆術一卷崔浩撰

崔浩有周易注詳見經部易家

魏書本傳浩上五寅元曆表曰太宗復詔臣學天文星曆易式九宮無不盡看至今三十九年晝夜無廢臣稟性弱劣力不及健婦人更無餘能是以專心思書忘寢與食至乃夢共鬼爭義遂得周公孔子之要術始知古人有虛有實妄語者多真正者少自秦始皇燒書之後經典絕滅漢高祖以來世人妄造曆術者有十餘家皆不得天道之正大誤四千小誤甚多不可言盡臣愍其如此今遭陛下太平之世除僞從真宜改誤曆以從天道是

以臣前奏造曆今始成訖云云

又高允傳司徒崔浩集諸術士考校漢元以來日月薄蝕五星行度并譏前史之失別爲魏曆以示允允曰天文曆數不可容論夫善言遠者必先驗于近日漢元年冬十月五星聚于東井此乃曆術之淺今譏漢史而不覺此謬恐後人譏今猶今之譏古浩曰所謬云何允曰案星傳金水二星常附日而行冬十月日在尾箕昏沒于申南而東井方出于寅北二星何因背日而行是史官欲神其事不復推之于理浩曰欲爲變者何所不可君獨不疑三星之聚而怪二星之來允曰此不可以空言爭宜更審之時坐者咸怪唯東宮少傅游雅曰高君長于曆數當不虛也後歲餘浩謂允曰先所論者本不注心及更考究果如君語以前三月聚于東井非十月也案此亦崔浩曆術中之一事

魏書曆志曰真君中司徒崔浩爲五寅元曆未及施行浩誅遂寢

唐書經籍志曆疏一卷崔浩撰

唐書藝文志崔浩律曆術一卷

汪氏推步諸術考北魏崔浩五寅元術無考見魏書北史本傳真君初年表上

案南朝有宋祖沖之大明曆上元甲子至大明七年癸卯積五萬一千九百三十九年算外見宋書隋書曆志自梁武帝天監九年庚寅迄陳後主禎明三年己酉爲隋所滅凡行用八十年此曆本志不著錄

神龜壬子元曆一卷後魏護軍將軍祖瑩撰

魏書本傳瑩字元珍范陽道人也年十二為

中書學生好學耽書累遷國子祭酒秘書監

以參議律曆賜爵容城縣子遷車騎大將軍

出帝登阼封文安縣子天平初加儀同三司

進爵為伯薨贈尚書左僕射司徒公冀州刺

史子挺字孝徵襲堯即撰聖壽堂御覽者見前雜家

又曆志神龜初侍中國子祭酒崔光表曰去

延昌四年冬中堅將軍屯騎校尉張洪故太

史令張明豫息盪寇將軍龍祥校書郎李業

與等三家並上新曆各求申用時太傅公清

河王臣懌等以天道至遠非率可量請立表

候景期之三載乃采其長者更議所從又蒙

敕許于是洪等與前鎮東府長史祖瑩等研

窮其事爾來三年再歷寒暑積勤構思大功

獲成謹案洪等三人前上之曆并附馬都尉

盧道虔前太極采材軍主衛洪顯殄寇將軍

太史令胡榮及雍州沙門統道融司州河南

人樊仲遵定州鉅鹿人張僧豫所上總合九

家共成一曆元起壬子律始黃鍾考古合今

謂為最密請定名為神龜曆今封以上呈肅

宗以曆就大赦改元因名正光曆班于天下

其九家共脩以龍祥業與為主 案明帝本紀大

赦則有之改元則因加元服非因曆就此改元二字誤衍

汪氏推步諸術考北魏張龍祥正光術上元

壬子至正光三年壬寅梁普通三年積一十六

萬七千七百五十年算外見魏書志初名神

龜術後改名正光術隋經籍志神龜壬子元

術一卷後魏護軍將軍祖瑩傳即此術自孝

明帝正光四年癸卯始用此術迄孝武帝永

熙三年甲寅凡一十二年西魏亦用此術自

文帝大統元年乙卯迄恭帝四年丁丑凡二

十三年東魏亦用此術自孝靜帝天平元年

甲寅迄興和元年己未凡六年北周亦用此

術自孝愍帝元年丁丑迄明帝二年戊寅凡

二年統計自癸卯至戊寅大凡行用三十六

年

魏後元年甲子曆一卷

不著撰人

案魏書曆志云張龍祥以皇魏運水德為

甲子元曆並未申用云云則此似張龍祥

所別撰者又似後李業與甲子元曆一卷

之別本

壬子元曆一卷後魏校書郎李業與撰

魏書儒林傳李業與上黨長子人也志學精

立負帙從師事徐遵明于趙魏間博涉百家

圖緯風角天文占候無不討練尤長算曆舉

孝廉為校書郎以世行趙敗曆節氣後辰下

算延昌中業與乃為戊子元曆上之于時屯

騎校尉張洪盪寇將軍張龍祥等九家各獻

新曆世宗詔令共為一曆洪等後遂共推業

與為主成戊子曆案魏書曆志云校書郎李業與亦

私造曆為戊子元曆未申用似業與所造初名戊子元曆

後合九家共定為壬子元曆此云戊子曆當是壬子曆之

誤正光三年奏行之永安三年以前造曆之

勳賜爵長子伯後以孝武帝登極封屯留縣

子累遷國子祭酒侍讀太原太守武定五年

齊文襄王引為中外府諮議參軍後坐事禁

止七年死于禁所年六十六

汪氏推步諸術考北魏張龍祥正光術初名

神龜術後改名正光術隋經籍志神龜壬子

元術一卷後魏護軍將軍祖瑩撰又有李業

與壬子元術一卷皆即此術 案此或亦即業與

所上戊子元曆

甲寅元曆序一卷趙敗撰

趙敗有河西甲寅元曆并曆序各一卷見前

通志校讎略趙敗甲寅元曆序曆數類中兩

出

錢氏隋書考異曰趙敗甲寅元曆序一卷兩

收于曆數類

魏武定曆一卷

不著撰人

唐書經籍志後魏武定曆一卷藝文志同

汪氏推步諸術考東魏武定術無考見隋經

籍志唐藝文志

案東魏孝靜帝興和四年改元武定武定

八年禪位于北齊文宣帝此武定曆當在

李業與和曆行用之後詳見後三條蓋當

時未經行用之廢曆也

齊甲子元曆一卷宋氏撰

宋景業曆一卷景業後齊散騎常侍

北史藝術傳宋景業廣宗人也明周易為陰

陽緯候之學兼明曆數魏武定初任北平太

守齊文宣天保初封長城縣子受詔撰天保

曆李廣爲之序

北齊書儒林李鉉傳天保初詔北平太守宋景業西河太守綦母懷文等草定新曆錄尙書事平原王高隆之令鉉與通直常侍房延祐國子博士刁柔參考得失

隋書曆志後齊文宣受禪命散騎侍郎宋景業叶圖讖造天保曆景業奏依據誠圖及元命苞言齊受錄之期當魏終之紀得乘三十五以爲部應六百七十六以爲章文宣大悅乃施用之

唐書經籍志北齊天保曆一卷宋景業撰又曰齊甲子曆一卷不著撰人

唐書藝文志宋景業北齊天保曆一卷北齊甲子元曆一卷汪氏推步諸術考北齊宋景業天保術上元甲子至天保元年庚午梁大寶元年積一十一萬零五百二十六年算外見隋書志開元占經自文宣帝天保二年辛未始用此術迄幼主承光元年丁酉凡二十七年

案此宋氏甲子元曆與宋景業天保曆分爲二唐志亦然其實止一書因標目互異遂以爲二書耳

又案北朝有周明克讓曆見北史本傳武成元年造自周明帝武成元年乙卯迄武帝保定五年乙酉行用凡七年本志不著錄

周天和年曆一卷甄鸞撰

甄鸞有帝王世錄詳見史部雜史篇

隋書曆志序曰逮于周武帝乃有甄鸞造甲寅元曆遂參用推步焉又曰周武帝時甄鸞造天和曆參用推步終于宣政元年

唐書經籍志曆術一卷甄鸞撰

唐書藝文志甄鸞曆術一卷
阮氏疇人傳論曰天和術以三百九十一爲章歲一百四十四爲章閏其率與祖沖之正同蓋當時南北術家南以何承天爲宗北以趙歊祖沖之爲據故卽寫沖之數也

汪氏推步諸術考北周甄鸞天和術上元甲寅至天和元年丙戌陳天康元年積八十七萬五千七百九十二年算外見隋書志開元占經章歲章閏率與祖沖之大明術同自武帝天和元年丙戌始用此術迄宣政元年戊戌凡一十三年

甲子元曆一卷李業撰

李業與有壬子元曆見前

魏書曆志孝靜世壬子曆氣朔稍違焚惑失次四星出伏曆亦乖舛與和元年十月齊獻武王入鄴復命李業與令其改正立甲子元曆事訖尙書左僕射司馬子如右僕射隆之等表上詔付外施行

魏書儒林傳與和初又爲甲子元曆時見施用

唐書藝文志李業與後魏甲子曆一卷

阮氏疇人傳論曰正光與和二術並有推上朔法自漢迄明諸家術皆無之謹案見行時憲書上朔日不宜會客作樂以業與術推之

正合蓋其說出于選擇家也

汪氏推步諸術考東魏李業與和術上元甲子至興和二年庚申梁大同六年積二十九萬三千九百九十七年算上見魏書志或作興光術譌案玉海曆法篇作興光術自孝靜帝興和二年庚申始用此術迄武定八年庚午凡一十一年北齊文宣帝天保元年庚午亦用此術一年統計庚申至庚午大凡行用一十一年

案此曆之後卽用宋景業天保曆此不列于李氏壬子元曆之後而雜廁于北周諸曆之中編次實爲無法

周大象年曆一卷王琛撰曆術一卷王琛撰王琛始末未詳隋書藤嗣王綸傳有術者王琛疑卽其人

唐書經籍志周大象曆二卷王琛撰一本作天象誤

唐書藝文志王琛周大象曆二卷
汪氏推步諸術考北周王琛大象術無考見隋經籍志唐藝文志未知卽馬顯術否也
又曰北周馬顯丙寅元術至大象元年己亥陳大建十一年積四萬一千五百五十四年算上見隋書志開元占經唐藝文志作甲寅元術譌自宣帝大成元年己亥始用此術迄靜帝大定元年辛丑凡三年隋初亦用此術自文帝開皇元年辛丑迄三年癸卯凡三年統計己亥至癸卯大凡行用五年案宣帝大成元年亦卽靜帝大象元年也

隋書志開元占經唐藝文志作甲寅元術譌自宣帝大成元年己亥始用此術迄靜帝大定元年辛丑凡三年隋初亦用此術自文帝開皇元年辛丑迄三年癸卯凡三年統計己亥至癸卯大凡行用五年案宣帝大成元年亦卽靜帝大象元年也

案隋書曆志云周武帝時甄鸞造天和曆終于宣政元年大象元年太史上士馬顯

等又上景寅元曆其術施行此既以大象標目則大抵即馬顯曆唐藝文志云王琛

周大象曆二卷馬顯周甲寅元曆一卷汪

氏云此作甲寅誤豈宣帝傳位改元大象之後王琛別作此曆未經行用者歟仰即馬

顯同撰人如李業與壬子元曆志別出祖

瑩一本也

壬辰元曆一卷

不著撰人

唐書經籍志河西壬辰元曆一卷趙啟撰

唐書藝文志趙啟河西壬辰元曆一卷

汪氏推步諸術考北涼趙啟壬辰元曆無考

見唐藝文志案金樓子自序篇云涼國太史

趙啟造乾度曆三十年以心疾卒則啟又有

乾度術與李修夏顯之術同名未知即此術

抑即元始術之異名也案杜氏春秋釋例云咸寧

中有善算者李修夏顯依曆體為術名乾度術元始術即

河西甲寅元曆也見前

案本志既不著撰人又無河西二字或周

隋之際別有一家然證以兩唐志則甚似

趙啟書也

甲午紀曆術一卷

不著撰人

案張澍蜀典故事類云四分曆之法三紀

而為一元元首必甲寅紀元或甲戌甲午

不皆甲寅此甲午紀曆術似推演姜炭三

紀曆之術而次于趙啟之後則尤近似之新造曆法一卷

不著撰人

案隋書曆志信都劉焯開張胄玄進用又

增損劉孝孫曆法更名七曜新術以奏之

與胄玄之法頗相乖爽袁充與胄玄害之

焯又罷至開皇二十年高祖以曆事付皇

太子劉焯以太子新立復增修其書名曰

皇極曆駁正胄玄之短又曰焯曆竟不行

術士咸稱其妙故錄其術云云似此即隋

志所載劉焯皇極曆其曆成于開皇二十

年在張胄玄開皇術行用之後故云新造

曆法歟唐志有劉焯皇極曆一卷疑即此

開皇甲子元曆一卷曆術一卷華州刺史張賓撰

隋書藝術來和傅和好相術所言多驗道士

張賓焦子順應門人董子華此三人當高祖

龍潛時並私謂高祖曰公當為天子善自愛

及踐阼以張賓為華州刺史子順為開府子

華為上儀同

又曆志序曰西魏入關行李業與曆逮于周

武帝乃有甄鸞造甲寅元曆大象之初太史

上士馬顯又上景寅元曆便即行用迄于開

皇四年乃改用張賓曆

又曰時高祖作輔方行禪代之事欲以符命

曜于天下道士張賓揣知上意自云洞曉星

曆因盛言有代謝之徵又稱上儀表非人臣

相由是大被知遇恆在幕府及受禪之初擢

賓為華州刺史使與儀同劉暉等十五人議

造新曆仍令太常卿盧賁監之賓等依何承天法徵節增損四年二月撰成奏上高祖下詔頒天下依法施用

汪氏推步諸術考隋張賓開皇術上元甲子已巳自甲子至開皇四年甲辰陳至德二年積四百一十二萬九千零零一年算上見隋書

志阮元曰玉海稱開皇術又名已巳元術依率推之其上元歲名日名並起甲子而不直已巳劉孝孫等駁賓術之失以五星別元為

非然則已巳蓋五星之元也曰楨案唐藝文志有劉孝孫開皇術又有李德林開皇術玉

海疑即張賓張胄元二家之術今考唐志僅別出張胄元大業術更無二張之開皇術玉

海之說當或然也自文帝開皇四年甲辰始用此術迄十六年丙辰凡行用一十三年

案唐志載劉李開皇術或當時有此別本廢不行用未必即是二張之曆玉海之說竊以為不然

案其後又有張胄玄開皇術自隋文帝開皇十七年丁巳迄煬帝大業三年丁卯行

用凡十一年見汪氏諸術考此曆本志不著錄又有張胄玄改定大業曆似即下文

見行曆一卷是也詳見本條又案張胄玄開皇曆亦元起甲子此條開皇甲子元曆一卷或當分

別為一家或即是張胄玄之曆亦未可知本志于前

後次第每多雜亂故有此疑竇也

又案自四分曆至此皆自漢迄隋之正曆附以廢曆雜曆及曆論曆序之屬為一類

七曜本起三卷後魏甄叔遵撰

甄叔遵即甄鸞有周天和年曆一卷見前

唐書經籍志七曜本起曆二卷不著撰人

唐書藝文志甄鸞七曜本起曆五卷

案通志藝文略曆數七曜曆類首載是書

題曰後漢甄叔遵撰以爲後漢人錢氏大

昭補續漢書藝文志遂取以入志不知本

志固題後魏非後漢也通志略及高似孫子略

世頗援引其實謬誤多多不足依據錢氏補志既爲

鄭漁仲所誤矣嚴氏可均校意林缺目意甚切至用

子略所抄意林篇目爲據以爲意林之目從此始全

後宋刻全本意林出其第六卷尙有幽求子千寶千

子華譚新論孫綽孫子四家爲高所遺嚴氏又爲其

所誤也豈不大可惜哉

七曜小甲子元曆一卷

七曜曆術一卷梁七曜曆法四卷

七曜要術一卷

七曜曆法一卷

推七曜曆一卷

五星曆術一卷

天圖曆術一卷

並不著撰人

陳永定七曜曆四卷

陳天嘉七曜曆七卷

陳天康二年七曜曆一卷

陳光大元年七曜曆二卷

陳光大二年七曜曆一卷

陳太建年七曜曆十三卷

陳至德年七曜曆二卷

陳禎明年七曜曆二卷

並不著撰人

案日月五星謂之七政漢藝文志曆譜家

有顛項五星曆日月宿曆是爲七曜曆之

所自始文選齊敬皇后哀策文注引淮南

高誘注云劉歆有曜曆當即七曜曆後漢

劉洪作七曜曆鄭司農作天文七政論劉

陶亦作七曜論此又兩漢人所作七曜曆

及論之最著者七曜爲曆術中之一端亦

相承別本單行此所載陳代七曜曆八部

皆有年分似即太史官曆署所存之簿籍

隋代見存書目遂取以充數本志據以抄

入是類唐志唯有吳伯善撰陳七曜曆五

卷吳伯善始末未詳

開皇七曜年曆一卷或當爲開皇年七曜曆

仁壽二年七曜曆一卷

並不著撰人

七曜曆經四卷張賓撰

張賓有開皇曆見前

春秋去交分曆一卷

不著撰人

案隋書天文志後魏末清河張子信避葛

榮亂隱海島中積三十許年專心渾儀測

候日月五星差變之數以算步之始悟日

月交道有表裏遲速五星見伏有感召向

背日行在春分後則遲秋分後則速後張

胃玄劉孝孫劉焯等依其差度爲定入交

食分及五星定見定行與天密會皆古人

所未得也此大抵言春秋二時日月去交

道之分數頗似其書姑附記于此

曆日義說一卷

不著撰人

唐書藝文志曆日義統一卷案此作義統未詳

孰是

律曆注解一卷

不著撰人

案漢藝文志曆譜家有律曆數法三卷其

文略見律曆志此或注解其書

龍曆草一卷

不著撰人

案此似有敍文考隋書曆志載劉孝孫劉

焯之辭曰魏時楊偉之意故以食朔爲真

未能詳知而制其法至宋元嘉中何承天

著曆承天本意欲立合朔之術遭皮延宗

飾非致難故事不得行至後魏獻帝時有

龍宜弟復修延與之曆又上表云日食不

在朔而習之不廢據春秋書食乃天之驗

朔也此三人者前代善曆皆有其意未正

其書謂食必以朔皆欲立定朔之術也此

龍字下或敍氏字或敍宜弟二字似即龍

氏所修延與曆草延與者後魏孝文帝即

位改元年號也其時行趙陝河西曆延與

曆廢而不用者也又案曆家以歲星謂之龍此

又似言歲星超辰之法

推漢書律曆志術一卷

不著撰人

唐書藝文志推漢書律曆志一卷

案漢書律志所據爲劉歆鍾律書曆志所

據則劉歆三統曆也推而衍之爲是書猶

錢氏三統術衍之類

推曆法一卷崔隱居撰

崔隱居不詳何人

曆疑質讞序二卷

不著撰人

案隋書藝術張胄玄傳胄玄直太史太史

令劉暉等甚忌之上令楊素與術數人立

議六十一事皆舊法久難通者令暉與胄

玄等辨析之暉杜口一無所答胄玄通者

五十四焉由是擢拜散騎侍郎兼太史令

賜物千段暉及黨與八人皆斥逐之是書

似卽其事又曆志云開皇十七年胄玄曆

成上付楊素等校其短長劉暉與國子助

教王願等執舊曆術迭相駁難其文甚多

或亦在是書

與和曆疏二卷

不著撰人

案與和曆卽東魏李業與甲子元曆見前

此或當時諸臣平議得失之奏疏或後人

疏解其曆之術法

七曜曆數算經一卷趙叡撰

趙叡有河西甲寅元曆并曆序並見前

算元嘉曆術一卷

不著撰人

案元嘉曆宋何承天撰見前宋書曆志云

漢世劉洪推檢月行作陰陽曆法元嘉二

十年太祖使著作令史吳葵依洪法制新

術令太史施用之案吳葵術題云元嘉曆

月行陰陽法其書數篇宋志著于何承天

漏刻之後疑卽此一卷是也

七曜曆疏一卷李業與撰七曜義疏一卷李業與

撰

李業與有壬子元曆甲子元曆並見前

七曜術算二卷甄鸞撰

甄鸞有周天和年曆及七曜本起並見前

唐書經籍志七曜曆算二卷甄鸞撰

唐書藝文志甄鸞七曜曆算二卷

七曜曆疏五卷太史令張胄玄撰

隋書藝術傳張胄玄勃海蓇人也博學多通

尤精術數高祖徵授雲騎尉直太史參議律

曆事時輩多出其下太史令劉暉等甚忌之

然暉言多不中胄玄所推步其精密由是擢

拜員外散騎侍郎兼太史令改定新曆胄玄

所爲曆法與古不同者有三事事皆明著其

超古獨異者有七事皆獨得于心論者服其

精密大業中卒官

唐書經籍志七曜曆疏三卷張胄玄撰

唐書藝文志張胄玄七曜曆疏三卷

案張胄玄有開皇曆又有改定大業曆自

開皇十七年行用迄于唐初本志皆不著

錄此其曆外別行日月五星之術數也

陰陽曆術一卷趙叡撰

趙叡有河西甲寅元曆及曆序又有壬辰元

曆七曜曆數算經各一卷並見前

案漢末劉洪撰七曜曆陰陽曆爲步算家

之最著聞者此與七曜曆數算經大抵依

仿其法如宋吳葵之術者也

梁有朔氣長曆二卷皇甫謐撰

皇甫謐有帝王世紀詳見史部雜史類

案元晏先生不以推步名故阮文達疇人

傳不載是書大抵亦如杜征南長曆之類

阮文達傳仁均傳論嘉定錢竹汀先生曰

氣可不定朔不可不定至唐初仁均術始

定朔至元代而定朔之術始大備云

梁有曆章句二卷亡

不著撰人

案此不知爲何代之曆豈爲三統曆而作

歟抑鄭氏所注乾象曆後人衍爲章句歟

梁有月令七十二候一卷亡

王應麟六經天文編唐大衍曆議曰七十二

候原于周公時訓月令雖頗有增益然先後

之次則同自後魏始載于曆

又玉海律曆時令篇曰隋志梁有月令七十

二候一卷月令正義曰二十四氣每三分之

七十二氣氣間五日有餘故一年七十二候

案通卦驗亦五日一候 又曰後魏正光曆

有推七十二候術因冬至後五日一候方氏

曰積六候而成月故一歲則有七十二候三

候爲一氣積六氣而成時故一歲則有二十

四氣

案魏書曆志載李業與正光興和二曆中皆有推七十二候法令時憲書亦載之

梁有三五曆說圖一卷亡

不著撰人

案三五有數說三王五帝一也三統五德二也史記天官書云夫天運三十歲一小變百年中變五百載大變三大變一紀三紀而大備此其大數也爲國者必貴三五索隱曰三五謂三十歲一小變五百歲一大變三也天官書又云爲天數者必通三五索隱曰三謂三辰五謂五星四也又曆家姜岌有三紀曆劉向有五紀論五也此之圖說莫詳其云何也又宋均注春秋合誠圖云三五五行王者改代之際會也

雜注一卷

曆注一卷

曆記一卷

雜曆二卷

雜曆術一卷梁三基推法一卷

並不著撰人

太史注記六卷

太史記注六卷

並不著撰人

案此太史署日行注記之書也續漢書曆志賈逵案今太史官候注行事史官注行事候注又云願請太史官日月宿簿及星度課與待詔考校蔡邕戍邊上章云請太史舊注考校連年隋志言馬顯謹案史曹

舊簿皆其類也天文家亦有太史注記六卷此兩書大抵涉于曆事者

見行曆一卷

不著撰人

案隋書曆志下篇仁壽四年劉焯言張胃玄所上見行曆蓋指胄玄初次所上開皇十七年行用之曆此所稱見行曆指隋末唐初見在所行之曆蓋即張胄玄重定大業曆汪氏諸術考大業術自煬帝大業四年戊辰始用此術迄恭帝義寧二年戊寅凡一十一年唐高祖武德元年戊寅亦用此術一年統計行用一十一年

八家曆一卷

不著撰人

案隋書曆志周大象元年太史上士馬顯等又上景寅元曆表云術藝之士各封異見凡所上曆合有八家精麤踳駁未能盡善去年冬孝宣皇帝乃詔臣等監考疎密更令同造謹案史曹舊簿及諸家法數乘短取長其定今術云云蓋卽後周之末馬顯造大象曆時所留遺亦卽大象曆之藍本也又此與見行曆當次于前張賓開皇曆之後雜廁于此殊爲不類又案以上自七曜本起至此皆日月五星等雜曆曆注曆疏記注之屬別爲一類漏刻經一卷何承天撰梁有後漢待詔太史霍融何承天楊偉等撰三卷亡何承天有元嘉曆并曆術驗日食法論類月

合朔法諸書並見前

宋書曆志元嘉二十年承天奏上尙書今既改用元嘉曆漏刻與先不同宜應改革案景初曆春分日長秋分日短相承所用漏刻冬至書漏率長于冬至前且長短增減進退無漸非唯先法不精亦各傳寫謬誤今二至二分各據其正則至之前後無復差異更增損舊刻參以晷影刪定爲經改用二十五箭請臺敕漏郎將考驗施用從之

南史本傳又改定元嘉曆改漏刻用二十五箭皆從之

隋書天文志宋何承天造漏法春秋二分昏旦晝夜漏各五十五刻齊及梁初因循不改

唐書經籍志刻漏經一卷何承天撰

唐書藝文志何承天刻漏經一卷

梁有後漢待詔太史霍融漏刻經一卷亡

續漢書曆志永元十四年待詔太史霍融上言官漏刻率九日增減一刻不與天相應或時差至二刻半不如夏曆密詔書下太常令史官與融以儀校天課度遠近太史令舒承梵等對案官所施漏法令甲第六常符漏品孝宣皇帝三年十二月乙酉下建武十年二月壬午詔書施行今官漏率九日移一刻不隨日進退夏曆漏隨日南北爲長短密近于官漏分明可施行其年十一月甲寅詔下晷影漏刻四十八箭立成隋書天文志漏刻篇及孝武考定星曆下漏以追天度亦未能盡其理大率二至之後九

日而增損一刻焉光武之初亦以百刻九日加減法編于甲令爲常符漏品 玉海曰梁漏刻經云九日加減一刻或秦之遺法漢代施用 至和帝

永元十四年霍融上言官曆不如夏曆漏刻隨日南北爲長短乃詔用夏曆漏刻依日行黃道去極每差二度四分爲增減一刻凡用四十八箭終于魏晉相傳不改

梁有何承天漏刻經一卷

案此即前著錄之一卷七錄別本有與霍融楊偉三家書合一帙爲三卷者至隋僅存何氏一家而兩家之書亡矣

梁有楊偉漏刻經一卷亡

楊偉有景初曆并曆術曆法諸書並見前

案楊偉漏刻經即宋書曆志所載何承天奏景初曆春分日長秋分日短云云者是也蓋自漢霍融之後楊偉改之何承天又改之七錄以楊偉列何承天之後殊失次第或本志抄寫之誤

漏刻經一卷祖暅撰

祖暅亦名暅之有天文錄詳見前天文家

隋書天文志宋何承天漏法齊及梁初因循不改至天監六年武帝以晝夜百刻分配十二辰辰得八刻仍有餘分乃以晝夜爲九十六刻一辰有全刻八焉至大同十年又改用一百八刻依尚書考靈曜晝夜三十六頃之數因而三之冬至晝漏四十八刻夜漏六十六刻夏至晝漏七十刻夜漏三十八刻春秋二分晝漏六十刻夜漏四十八刻昏旦之數各

三刻先令祖暅爲漏經皆依渾天黃道日行去極遠近爲用節日率

案此大同十年漏刻經與下天監六年所造者此更在其後也

漏刻經一卷梁中書舍人朱史撰

隋書天文志陳文帝天嘉中亦命舍人朱史造漏依古百刻爲法

唐日本國見在書目漏尅經三卷朱史撰

唐書藝文志朱史刻漏經一卷

案朱史始末未詳開元占經卷一稱梁人朱史撰定天論詳見天文家隋天文志以爲陳文帝時舍人阮氏疇人傳從之或由梁入陳至天嘉中撰此漏刻經

漏刻經一卷梁代撰梁有天監五年脩漏刻事一卷亡

並不著撰人

玉海律曆漏刻篇蕭子雲東宮雜記曰梁天監六年造新漏以臺舊漏給官漏銘云咸和七年山陰令魏丕造即會稽內史王舒所獻漏也 又通典天監六年以舊漏舛舛勅員外祖常治之漏刻成太子中舍人陸倕爲文官漏出自會稽魏丕造 積水達方導流乖則六日無辨五夜不分爰命日官草創新器變律改經一皆懲革天監六年丁亥十月十六日壬寅漏成云云

案此天監六年亦祖暅所造宋人避諱故改曰祖常隋書漏刻篇云天監六年武帝

以晝夜九十六刻一辰有全刻八焉即謂此漏也陸倕撰新漏刻銘見文選

宋景或作宗景始末並未詳

唐書經籍志刻漏經又一卷宗景撰

唐書藝文志宋景刻漏經一卷

雜漏刻法十一卷皇甫洪澤撰

皇甫洪澤始末未詳

晷漏經一卷

不著撰人

案隋書天文志漏刻篇云開皇十四年鄜州司馬袁充上晷影漏刻云云疑此一卷即是其書

又案自何承天漏刻經至此皆漢以來漏刻之屬又別爲一類鼓次前後雜亂無緒

九章術義序一卷九章算術十卷劉徽撰

晉書律志曰魏陳留王景元四年劉徽注九章

徽自序曰昔在包犧氏始畫八卦以通神明之德以類萬物之情作九九之術以合六爻之變暨于黃帝神而化之引而伸之于是建曆紀協律呂用稽道原然後兩儀四象精微之氣可得而效焉記稱隸首作數其詳未之聞也案周公制禮而有九數九數之流則九章是矣往者暴秦焚書經術散壞自時厥後漢北平侯張蒼大司農中丞耿壽昌皆以善算命世蒼等因舊文之遺殘各稱刪補故校其目則與古或異而所論者多近語也徽幼

漢北平侯張蒼大司農中丞耿壽昌皆以善算命世蒼等因舊文之遺殘各稱刪補故校其目則與古或異而所論者多近語也徽幼

習九章長再詳覽觀陰陽之割裂總算術之根原探隨之暇遂悟其意是以敢竭頑魯采其所見爲之作注

唐日本國見在書目九章九卷劉徽注

宋史藝文志注九章算經九卷魏劉徽唐李淳風注案此知唐藝文志李淳風注九章算術九卷亦即劉徽注本而增注者

四庫提要曰九章算術蓋周禮保氏之遺法舊本有注題曰劉徽所作考晉書律志稱魏景元四年劉徽注九章然注中所云晉武庫銅斛則徽入晉之後又有所增損矣

阮氏疇人傳論曰徽稱九章爲九數之流然則九數與九章自別賈公彥釋鄭氏周禮注云今有重差夕桀句股也者此漢法增之非也蓋方田粟米差分少廣商功均輸方程篇不足旁要今有重差夕桀句股者九數之篇名方田粟米差分少廣商功均輸篇不足方程句股者九章之目今有別爲一術不得以今爲指謂漢時也周三徑一于率尙納微創以六觚之面割之又割以求周徑相與之率厥後祖冲之更開密法仍是割之又割耳未能于徽法之外別立新術也江都焦里堂循謂劉徽注九章與許叔重說文解字同有功于六藝是豈尊崇之過當乎

嚴氏全三國文編曰劉徽爵里未詳有九章算術注晉書律曆志上以爲魏景元四年注案此九章術義序一卷不著撰人或九章舊序或即劉徽注書序此九章算術十卷

或即連序一卷或連重差一卷在內焉九章算術二卷徐岳甄鸞重述

甄鸞有周天和曆七曜本起七曜術算並見前

宋書律曆志曰吳中書令闕澤受劉洪乾象法于東萊徐岳字公和

太平御覽工藝部魏王朗塞勢曰余所與游處唯東萊徐先生素習九章能爲計數

唐書經籍志九章算經一卷徐岳撰九章算經九卷甄鸞撰

唐書藝文志徐岳九章算術九卷甄鸞九章算經九卷

四庫提要曰或稱漢徐岳據晉書律曆志所載魏黃初中岳與太史丞韓翊論難日月食五事則岳已仕于魏不得繫之于漢矣見數術記遺條

阮氏疇人傳徐岳字公和東萊人也著數術記遺一卷言余以天門金虎呼吸精泉羽檄星馳郊多走馬遂負帙游山蹠跡志道備歷邱嶽林壑必過乃于泰山見劉會稽博識多聞偏于術數余因受業頗染所由云云提要謂數術記遺爲後人依託

嚴氏全三國文編曰徐岳爵里未詳晉書律曆志中載岳曆議一篇

案唐釋慧琳大藏音義卷六引劉洪九章算經九章似九章之誤疑是書與乾象法岳皆受之于洪歟

九章算術一卷李遵義疏

李遵義始末未詳九章算術二卷楊淑撰

楊淑始末未詳

漢書梅福傳福上書有曰臣聞齊桓之時有以九九見者師古曰九九算術若今九章五曹之輩

九章別術二卷

不著撰人

九章算經二十九卷徐岳甄鸞等撰

徐岳甄鸞並見前

案徐岳甄鸞已有重述九章算術二卷見前此不知何人益以他家術數錄爲此帙故云徐岳甄鸞等兩唐志有徐岳算經要用百法一卷又有數術記遺一卷甄鸞注又有甄鸞所注孫子算經五曹算經張邱建算經夏侯陽算經董泉三等數各若干卷疑皆在此二十九卷中

九章算經二卷徐岳注

案此或徐岳單注本或他家增注別本

九章六曹算經一卷

不著撰人

四庫提要著錄五曹算經曰唐志始有甄鸞五曹算經隋書經籍志有九章六曹算經一卷而無五曹之目其六曹篇題亦不傳

案五曹算經爲田曹兵曹集曹倉曹金曹此六曹其一不知何曹也

九章重差圖一卷劉徽撰

劉徽有九章算術注見前

徽注九章算術序又曰徽尋九數有重差之名凡望極高測極深而兼知其遠近者必用重差句股則必以重差為率故曰重差也輒造重差并為注解以究古人之意綴于句股之下度高者重表測深者累矩孤離者三望離而又旁求者四望觸類而長之則雖幽遐詭伏靡所不入博物君子詳而覽焉

唐書經籍志九章重差一卷劉向撰九章重差圖一卷劉徽撰海島算經一卷劉徽撰

唐書藝文志劉向九章重差一卷劉徽海島算經一卷又九章重差圖一卷又李淳風注海島算經一卷

四庫簡明日錄曰海島算經一卷晉劉徽撰唐李淳風注徽書本名重差皆測望之術唐代乃改稱海島算經蓋因第一條以海島立表設問遂以卷首之字名之耳

又提要曰徽是書但附于句股之下不別為編故隋志九章算術增為十卷蓋以九章九卷合此而十也其書亦另本單行故隋唐志皆別著于錄而一書兩出兩唐志兼列劉向九章重差一卷譌劉徽為劉向而一書三出矣

九章推圖經法一卷張峻撰

張峻一作張峻始末並未詳疑即張邛建

案此殆以九章之術推算州郡圖經道里之法

綴術六卷

不著撰人

南史文學傳祖沖之字文遠范陽遼人也仕宋入齊歷長水校尉稽古有機思特善算注九章造綴術數十篇永元二年卒年七十二隋書律志備數篇古之九數圓周率三圓徑率一其術疏舛自劉歆張衡劉徽王蕃皮延宗之徒各設新率未臻折衷宋末南徐州從事史祖沖之更開密法又設開差冪開差立兼以正圓參之指要精密算氏之最者所著書名為綴術學官莫能究其深奧是故廢而不理

唐日本國見在書目錄綴術六卷不著撰人

唐書經籍志綴術五卷祖沖之撰李淳風注唐書藝文志李淳風釋祖沖之綴術五卷

阮氏疇人傳論曰沖之所著綴術唐立于學官限習四歲視五曹孫子等經限歲最久其為秘奧不易研究可知自宋以來數學衰歇是書遂亡造微之術終于不傳重可惜已

孫子算經二卷

孫子曰夫算者天地之經緯羣生之元用五常之本末陰陽之父母星辰之建號三光之表裏五行之準平四時之終始萬物之祖宗六藝之綱紀稽羣倫之聚散考二氣之降升推寒暑之迭運步遠近之殊同觀天道精微之兆基察地理從橫之長短采神祇之所在極成敗之符驗窮道德之理究性命之情立規矩準方圓謹法度約尺丈立權衡平重輕剖毫釐析黍絫歷億載而不朽施八極而無疆散之不可勝究斂之不盈掌握嚮之者富

有餘背之者貧且窶心開者幼沖而即悟意閉者皓首而難精夫欲學之者必務量能揆己志在所專如是則焉有不成者哉

唐書經籍志孫子算經三卷甄鸞撰注唐書藝文志李淳風注甄鸞孫子算經三卷宋史藝文志孫子算經三卷不知名李淳風注釋孫子算經三卷

四庫提要曰隋志有孫子算經二卷不著其名亦不著其時代唐藝文志稱李淳風注甄鸞孫子算經三卷于孫子上冠以甄鸞蓋如淳風之注周髀算經因鸞所注更加辨論也唐之選舉算學孫子五曹共限一歲習肆于後來諸算術中特為近古第不知孫子何許人朱彙尊曝書亭集五曹算經跋云相傳其法出于孫武然孫子別有算經考古者存其說可爾又有孫子算經跋云首言度量所起合于兵法地生度度量生數之文次言乘除之法設為之數十三篇中所云往往相符以是知此編非偽託也云云合二跋觀之彙尊之意蓋以為確出于孫武今考書內設問有云長安洛陽相去九百里又曰佛書二十九章章六十三字則後漢明帝以後人語

孫武春秋末人安有是語乎舊本久佚今從永樂大典所載哀集編次仍為三卷其甄李二家之注則不可復考矣案漢明帝時佛經第一譯攝摩騰所出者凡四十二章章字不一此云二十九章六十三字不知何本要當在明帝以後矣

阮氏疇人傳論曰朱竹垞以孫子算經為孫

趙數算經一卷

武作戴東原震以書中有長安洛陽相去及佛書二十九章語斷為漢明帝以後人余考章曜博奕論枯槁三百注引邯鄲淳藝經謂棊局十七道而孫子乃云棊局十九道則其人當更在漢以後矣然術數之書類多附益如卷末推孕婦所生男女鄙陋荒誕必非孫子正文或恐傳習孫子者轉展增加失其本真今但題作孫子不稱孫武而附于周末以志闕疑其書詳說乘除開方可以考見古人從橫布算之式下卷物不知數三三數之五五數之七七數之一問為九章所未及宋秦道古數學九章大衍求一法蓋出于此也

趙數有河西甲寅元曆及曆序壬辰元曆七曜曆數算經陰陽曆術各一卷並見前

案本志此類載趙氏書凡六種隋之前皆行于北朝其甲寅元曆宋元嘉中為沮渠茂虔所進蓋亦有行于南朝者阮氏疇人傳謂南北術家南以何承天為宗北以趙數祖沖之為宗案南朝有祖沖之及子暉北朝有祖瑩及子挺皆范陽遼人家世傳業南北朝曆算名家視趙氏尤盛唐初曆家有祖孝孫者或亦其後也

夏侯陽算經二卷

夏侯陽始末未詳

唐書經籍志夏侯陽算經三卷甄鸞注

唐書藝文志夏侯陽算經一卷甄鸞注

宋史藝文志夏侯陽算經三卷

陳氏書錄解題曰算經三卷夏侯陽撰大抵乘除法隋志二卷唐志一卷甄鸞注今本無注元豐京監本

四庫提要曰隋唐志直齋書錄皆不言陽為何代人考唐志載是書為甄鸞注則當在甄鸞之前而此本載陽自序有云五曹孫子述作滋多甄鸞劉徽為之詳釋則又在甄鸞後唐書選舉志所列算經十種此居其一蓋當時本懸之令甲肄習考課今傳本久佚惟永樂大典內有之今哀輯排比仍依元豐監本釐為三卷其十有二門亦從原目其法務切實用雖九章古法非官曹民事所必需亦略而不載于諸算經中最為簡要且于古今制度異同尤足考證云

阮氏疇人傳論曰夏侯陽算術皆淺顯易知切于日用于官曹典故其說尤詳洵足為考古之助矣舊以夏侯陽為隋人以張邱建有夏侯陽方倉之語斷為夏侯陽以後人以余考之有不盡合者夏侯陽稱甄鸞劉徽為之詳釋則鸞在夏侯陽之前而張邱建算經有甄鸞注則張邱建當更在鸞之前彼此互異未可是正蓋術數之書多經後人竄易要不可援據單詞定時代之先後也今姑從大觀算學所定以張邱建夏侯陽附見晉代以後知者詳之

張邱建算經二卷

張邱建始末未詳

唐書經籍志張徽邱建算經一卷甄鸞撰案

此甄鸞或其名本削去數字

唐書藝文志張邱建算經一卷甄鸞注

陳氏書錄解題曰算經三卷張邱建撰有序首言算者不患乘除之為難而患分之為難是以序列諸分之本原宣明約通之要法案唐志作一卷甄鸞注今本稱漢中郡守前司隸甄鸞注太史令李淳風等注釋算學博士劉孝孫撰細草細章者乘除法實之詳悉也四庫提要曰張邱建算經原本不題撰人時代唐志載甄鸞注則當在甄鸞之前書首邱建自序引及夏侯陽孫子之術則當在夏侯陽之後也此本乃毛晉汲古閣影鈔宋槧蓋猶北宋時秘書監趙彥若等校定刊行之本其中稱術曰者乃鸞所注草曰者孝孫所增其細字夾注稱臣淳風等謹案者不過十數處蓋有疑則釋非節節為之注也其書體例皆設為問答以參校而申明之凡一百條簡奧古質頗類九章與近術不同而條理精密實能深究古人之意故唐代頒之算學以為顯業

五經算術錄遺一卷五經算術一卷

並不著撰人

唐日本國見在書目五經算二卷不著撰人

唐書經籍志五曹算經三卷甄鸞撰 案其前已有五曹算經五卷甄鸞撰此當是五經算術之誤三卷當亦二卷之誤

唐書藝文志李淳風注五經算術二卷 不著撰人

四庫提要曰五經算術二卷北周甄鸞撰唐

李淳風注鸞精于步算嘗釋周髀等算經不

聞其有是書而隋志有五經算術一卷五經

算術錄遺一卷皆不著撰人姓名唐藝文志

則有李淳風注五經算術二卷亦不言其書

為誰所撰今考是書舉尙書孝經詩易論語

三禮春秋之待算方明者列之而推算之術

悉加甄鸞案三字于上則是書當即鸞所撰

又考淳風當貞觀初奉詔與算學博士梁述

助教王真儒等刊定算經立于學官唐選舉

志百官志並列五經算為算經十書之一與

周髀共限一年習肄及試士各舉一條為問

此書注端悉有臣淳風等謹案字然則唐時

算科之五經算即是書矣是書世無傳本惟

散見于永樂大典中雖割裂失次尙屬完書

謹依唐藝文志釐為上下二卷其中采摭經

史多唐以前舊本不特為算學家所不廢實

足以發明經史覈訂疑義于考證之學尤為

有功焉

錢氏隋書考異曰經籍志五經算術一卷不

著撰人蓋甄鸞所撰

算經異義一卷張績撰

張績始末未詳

案梁有張績著鴻寶一百卷詳見前雜家不知即此張績否也又疑即下條之張去

斤

張去斤算數一卷

張去斤始末未詳

算法一卷

不著撰人

黃鍾算法三十八卷

算律呂法一卷

並不著撰人

衆家算陰陽法一卷

婆羅門算法三卷

婆羅門陰陽算曆一卷

婆羅門算經三卷

並不著撰人

以上自九章術義序至此皆算學之屬別

為一類

右一百部二百六十三卷 實在著錄一百八部附著七

書二十六部通計一百三十四部

案七錄序目術伎錄第三曰曆筭部凡五

十種五十帙二百一十九卷本志增輯八

十四部

隋書經籍志考證卷三十六

子部十三

五行家類中分類三十三

黃帝飛鳥曆一卷張衡撰

唐書經籍志黃帝飛鳥曆一卷張衡撰

唐書藝文志張衡黃帝飛鳥曆一卷

案此張衡不知是否即東漢之張平子也

是豈風角書之最初者歟蓋亦風角鳥情

之類

黃帝四神曆一卷吳範撰

吳範有占出軍要訣等書見兵家

案王氏小學紺珠載太一式十神中第七

曰四神其即此四神歟四庫提要載太一

金鏡式經謂其法又推四神所臨分野占

水旱兵喪饑饉疾疫此蓋太一家之一端

歟

黃帝地曆一卷

案地曆似即河圖括地象之類

黃帝斗曆一卷

唐書藝文志黃帝斗曆一卷

案斗曆似即曆家之斗分隋蕭吉五行大

義引黃帝斗圖似即此斗曆

黃石公北斗三奇法一卷

黃石公見兵家

案兵家有黃石公三奇法一卷此多北斗

二字疑即一書

又案以上五書通志藝文略俱次于五行

風角家之末豈皆屬于風角者歟恐亦不

盡然也是爲類中分類之一
風角集要占十二卷

不著撰人似近人撰集古風角書

後漢書郎顛傳注風角謂候四方四隅之風以占吉凶也

唐李淳風乙巳占第十卷序曰風者是天地之號令陰陽之所使發示休咎動彰神教周禮春官保章氏以十有二風察天地之和合乖別之妖祥自此而觀即規風聲以探禍福由來尙矣

案以上據見存書目鈔入以下據七錄編次

風角要占三卷梁八卷京房撰

京房有周易注見經部易家

晉書天文志漢京房著風角書有集星章所載妖星省見于月旁互有五色方雲以五寅日見各有五星所生云

案初學記卷一引京房風雨要決占候御覽卷八引京房風角要訣其文並同知爲一書又御覽七百七十七引風角要占厭盜

賊法又八百七十二引風角占似皆出是書也

風角占三卷梁有侯公領中風角占四卷亡

侯公不知何人

風角總占要決十一卷梁有風角總集一卷風角雜占要決十二卷亡

風角雜占四卷梁有風角雜占十卷亡

風角要集十卷

風角要集六卷梁十一卷

風角要集一卷

並不著撰人

風角要候十一卷翼奉撰

漢書本傳奉字少君東海下邳人也治齊詩與蕭望之匡衡同師

案儒林傳同師少府后倉也

三人經術皆明衡爲後進望之施之政事而奉惇學不仕好律曆陰陽之占元帝初卽位

諸儒薦之徵待詔官者署數言事宴見天子

敬焉奉以中郎爲博士諫大夫年老以壽終

子及孫皆以學在儒官

唐書經籍志風角要候一卷翼奉撰

唐書藝文志翼奉風角要候一卷

宋王應麟漢書藝文志考證奉本傳注引翼

氏風角郊祀志注翼氏風角五德東方甲南

方丙西方庚北方壬中央戊蔡邕傳注翼氏

風角曰風者天之號令所以譴告人君者

案文選鮑明遠雜詩注初學記人部藝文

類聚政治部御覽刑法部並引翼氏風角

隋蕭吉五行大義數引翼奉說似卽此書

又前兵家翼氏占風一卷亦卽此書之析

出者

風角書十二卷梁十卷

並不著撰人

風角七卷章仇太翼撰

隋書藝術傳盧太翼字協昭河間人也本姓

章仇氏閑居味道不求榮利博綜羣書爰及

佛道皆得其精微尤善占候算曆之術隱于

白鹿山數年徙居林慮山五臺山與弟子數

人蕭然絕世皇太子勇聞而召之及太子廢

坐法當死高祖惜其才而不害配爲官奴久

之乃釋其後目盲以手摸書而知其字高祖

謂皇太子曰章仇翼非常人也前後言事未

嘗不中煬帝嘗從容言及天下氏族謂太翼

曰卿姓章仇四岳之胄與盧同源于是賜姓

爲盧氏太翼所言天文之事不可稱數關諸

祕密世莫得聞後數載卒于雒陽

唐林寶元和姓纂曰章仇氏齊公族姜姓之

後本章命其後避仇遂加仇字爲章仇氏河

間章仇太翼善天文煬帝賜姓盧氏

案通志藝文略作章仇太子翼得毋因章

懷太子賢而誤記歟

風角古候四卷梁有風角雜兵候十三卷亡

並不著撰人

風角鑿曆占二卷呂氏撰

呂氏不詳何人

風角要候一卷章仇太翼撰

章仇太翼有風角七卷見前

案此蓋卽前七卷之節要本

兵法風角式一卷

戰鬪風角鳥情三卷

並不著撰人

唐李淳風乙巳占第十卷序曰風角鳥情天

地之事理其所由來久矣昔楊範之占雞酒

管輅之察飛鳩並皆占等符義過合契是

知事無大小隨感必臻祥無淺深見形皆應

此則法術之所由來也

梁有風角五音六情經十三卷風角兵候十二卷亡

並不著撰人

案五音六情並翼氏術法見漢書本傳風角兵候即吳有道占出軍決勝負事之類見前兵家亦即前梁有風角雜兵候十三卷之類

風角鳥情一卷翼氏撰

翼氏即翼奉有風角要候十一卷見前風角鳥情二卷儀同臨孝恭撰

隋書北史藝術傳臨孝恭京兆人也明天文算術高祖甚親遇之每言災祥之事未嘗不中上因令考定陰陽書官至上儀同著欽器圖三卷地動銅儀經一卷九宮五墓一卷遯

甲月令十卷北史作遯甲錄元辰經十卷元辰厄一百九卷百怪書十八卷祿命書二十卷

九宮龜經一百一十卷太一式經三十卷北史作二十卷孔子馬頭易卜書一卷並行于世

唐書經籍志風角鳥情二卷劉孝恭撰唐書藝文志劉孝恭風角鳥情二卷二志劉並當為臨

陰陽風角相動法一卷梁有風角迴風卒起占五卷風角地辰一卷風角望氣八卷風雷集占一卷並不著撰人

案晉書藝術戴洋傳數言迴風卒起事

五音相動法二卷五音相動法一卷

並不著撰人

案漢志五行家有五音奇胘用兵五音奇胘刑德五音定名三種書前人皆以為言納音之法李淳風乙巳占第七十五有五音相動風占一篇即言其事

梁有風角五音占五卷京房撰

京房有風角要占見前

案五音即納音之術宋沈括夢溪筆談曰六十甲子有納音蓋六十律旋相為宮法也又曰納音與易納甲同法案六十律旋相為宮即京房律法見續漢書律志納甲則京氏易本法是皆京氏專門之學也此五卷大抵從京氏易傳及風角書中鈔出者

風角五音圖二卷

不著撰人

唐張彥遠歷代名畫記曰古之祕畫珍圖有風角五音圖

風角五音圖

風角雜占五音圖五卷翼氏撰梁十三卷京房撰翼奉撰亡

翼奉有風角要候風角鳥情京房有風角要

占風角五音占並見前

李淳風乙巳占占風圖曰凡占風之術方法甚多有難辨而難精者

又曰京房風角又有推五音風所發遠近各

以其五音之數期風來處遠近凡風發一日為其縣二日他縣三日其郡四日他郡五日

其州六日他州各以日數知災所及一云凡

風一日一夜為邑二日三日為州四日五日

為國六七日為天下又曰凡五音有納音中金木水火土定五音者有十二辰配五音者有聽聲配五音

又曰淳風案京房風角所載五音風發遠近皆以五行成數推之其云遠近及中者皆以日時多少及勢力強弱以事准之推其遠近皆變通其數觸類長之而風所從來二十四處皆須明知發止審別支干及以八卦所在發時早晚來從何處息在何時迴在何日何辰皆須審明知之

以上自風角集要占至此凡二十二部附著亡書十二部皆風角之屬是為第二類李淳風乙巳第十卷序曰自翼奉之後風角之書近將百卷或詳或略真偽參差文辭詭淺法術乖舛

黃帝九宮經一卷

魏徐岳數術記遺曰余于泰山見劉會稽因受業余問曰為算之體皆以積為名為復更有他法乎先生曰隸首注術乃有各種及余遺忘記憶數事而已其一太一太一之行去來九道其一九宮五行參數猶如循環又曰諸法隨須更位唯有九宮守一不移位依行色並應無窮

唐日本國見在書目九宮式經一卷 在鄭司

農九宮經之前似即此書

九宮經三卷鄭玄注梁有黃帝四部九宮五卷亡

九宮行棊經三卷鄭玄注

鄭玄有周易注易緯注並詳經部易家異說家

後漢書張衡傳衡以圖緯虛妄上疏曰臣聞

聖人明審律曆以定吉凶重之以卜筮雜之

以九宮又曰律曆卦候九宮風角數有徵效

世莫肯學注引易乾鑿度曰太一取其數以

行九宮鄭玄注云太一者北辰神名也下行

八卦之宮每四乃還于中央中央者北神之

所居故謂之九宮天數大分以陽出以陰入

陽起于子陰起于午是以太一下九宮從坎

宮始自此而從于坤宮自此而從于震宮自

此而從于巽宮所以行半矣還息于中央之

宮既又自此而從于乾宮又自此而從于兌

宮又自此而從于艮宮又自此而從于離宮

行則周矣上游息于太一之星而反紫宮行

起于坎宮始終于離宮也

唐書經籍志九宮行棊經三卷鄭玄撰九旗

飛變一卷鄭玄撰李淳風注

唐書藝文志鄭玄注九宮行棊經三卷李淳

風注鄭玄九旗飛變一卷

唐日本國見在書目九宮經四卷鄭司農經

案此四卷似合李注一卷在內

案范書鄭氏本傳不言有此書疑後世術

家從乾鑿度注本中鈔出別行九宮行棊

經九旗飛變似即九宮經之別名非別為

九宮行棊經三卷

不著撰人

九宮行棊法一卷房氏撰

房氏不詳何人

九州行棊立成法一卷王深撰九州當為九宮

王深當為王琛有後周大象曆見前曆譜家

唐書經籍志九宮行棊立成一卷王琛撰

唐書藝文志王琛九宮行棊立成一卷

九宮行棊雜法一卷

九宮行棊法一卷

行棊新術一卷

九宮行棊鈔一卷

九宮推法一卷

三元九宮立成二卷

並不著撰人

九宮要集一卷豆盧晃撰

豆盧晃始末未詳

九宮經解二卷李氏注

李氏不詳何人

唐書經籍志九宮經解二卷不著撰人

九宮圖一卷

九宮變圖一卷

九宮八卦式蟠龍圖一卷

九宮郡縣錄一卷

九宮雜書十卷梁有太一九宮雜占十二卷亡

並不著撰人

以上自黃帝九宮經至此凡十九部附著

射候二卷

不著撰人

案此似兵家書而雜廁于此豈太一家之言占射占候者為飛鳥曆中之一事歟術家又有射隱伏之法豈其類歟

太一飛鳥曆一卷王琛撰

王琛有九宮行棊立成見前

史記日者列傳褚先生曰孝武帝時聚會占

家問之某日可取婦乎太乙家曰大吉

四庫術數太乙金鏡式經提要曰太乙為三

式之一史記日者傳術數七家太乙家居其

一天官書中宮天極星其一明者為太一常

居而封禪書亳人繆忌奏祠太一方名天神

貴者太一鄭康成以為北辰神名又或以為

木神而屈原九歌亦稱東皇太一則自戰國

有此名漢志五行家有太一陰陽二十三卷

當即太乙家之書然已佚不傳

案漢志兵陰陽家天文家五行家雜占家

並有太一之書此以下十數種或漢志之

叢殘或後來之術業皆不可得而詳矣

太一飛鳥曆一卷

不著撰人

唐書經籍志太一飛鳥曆一卷藝文志同

太一飛鳥曆二卷

太一十精飛鳥曆一卷

並不著撰人

案唐王希明太乙金鏡式經載有三基五

福十精之類是十精為太乙家名目所有

者宋志亦有太一飛鳥十精曆一卷

不著撰人

案隋書北史藝術傳蕭吉著太一立成一卷此或是其書

太一飛鳥雜決捕盜賊法一卷

太一三合五元要決一卷梁有黃帝太一雜書十

六卷黃帝太一度厄祕術八卷太一帝紀法八卷

太一雜用十四卷太一雜要七卷雜太一經八卷

亡

並不著撰人

太一龍首式經一卷董氏注梁三卷梁又有式經

三十三卷亡

董氏不詳何人

唐書藝文志董氏大龍首式經一卷

案史記日者列傳司馬季主曰分策定卦

旋式正基索隱案式即杖也杖之形上圓

象天下方法地用之則轉天綱加地之辰

故云旋式廣雅杖榻也榻有天地所以推

陰陽占吉凶以楓子棗心木爲之漢志五

行家有羨門式二十卷羨門式法二十卷

此與下所載伍子胥范蠡諸家式經容或

有漢時所留遺者

又案白雲霧道藏目錄衆術類有黃帝太

一入式訣三卷又祕訣一卷即是類之書

蓋亦編入道藏者龍首者謂黃帝乘龍上

天時以授三子秦漢時方士野言也

太一經二卷宋琨撰

宋琨始末未詳

唐日本國見在書曰太一經二卷宋琨撰

唐書經籍志式經一卷宋琨撰一本作宋琮刊誤也

唐書藝文志宋琨式經一卷

案唐王希明撰太乙金鏡式經引宋琨是

書又引太公張良周元樂產四家之書皆

不見于本志

太一式雜占十卷梁二十卷

不著撰人

唐書藝文志太一式經雜占十卷

太一九宮雜占十卷

不著撰人

唐書藝文志太一九宮雜占十卷

四庫術數太乙金鏡式經提要曰周易乾鑿

度有太乙行九宮法南齊書高帝本紀贊所

引太一九宮占自漢高祖五年推至宋昇明

元年幾數百年而其術遂大顯于世

案前九宮類未注云梁有太一九宮雜占

十二卷亡此又著于錄似即七錄所載佚

其二卷也

黃帝飛鳥曆一卷

案漢志五行家有黃帝陰陽黃帝諸子論

陰陽各二十五卷本志此一類前後所載

黃帝書至多如斗曆地曆龍首經之類或

猶是漢以來相傳其他則莫詳所自矣

又案是篇之首已有黃帝飛鳥曆一卷張

衡撰此不著撰人或其別本然大抵與前

太一飛鳥曆略相同也

黃帝集靈三卷

唐書藝文志黃帝集靈三卷

案此集黃帝靈異之事讖緯家有孝經集

靈是其類也

黃帝絳圖一卷

唐書藝文志黃帝降國一卷降國當爲絳圖

案絳圖殆讖緯家絳圖之流絳圖亦作錄

圖

黃帝龍首經二卷

唐書藝文志黃帝龍首經二卷宋史志一卷

明白雲霧道藏目錄衆術類黃帝龍首經二

卷上經三十六占下經三十六占共七十二

占法系六壬占門

嘉慶十年臨海洪頤煊校刊序曰龍首經之

名始見于葛洪抱朴子選覽篇隋經籍志五

行類有黃帝龍首經二卷顏氏家訓雜藝篇

云吾嘗學六壬式亦值世間好匠聚得龍首

金匱玉輪玉變玉曆十許種書則此書之傳

世久矣尋書中所占諸術如第十法第四十

九法多漢時官制其第九法占知臣吏心善

惡漢書翼奉傳所述日辰爲客加時爲主人

辰正時邪則客正主人邪辰邪時正則客邪

主人正漢人本有此占法此書在漢時爲民

間日用之書故至六朝猶行于世唐宋以後

傳寫始微晁陳二家皆未及見此本上下二

卷占法七十二章吾師孫淵如觀察從道藏

中錄出云云

孫氏祠堂書目黃帝龍首經二卷星衍校道

藏刊本

黃帝式經三十六用一卷曹氏撰

曹氏不詳何人

唐書藝文志曹氏黃帝三十六用一卷

案提要言術數與兵家相出入兵家亦恆

與術數相出入唐志兵家有太公陰謀三

十六用一卷此三十六用疑亦近似之也

黃帝式用當陽經二卷當似常之誤

唐書藝文志黃帝式用當陽經一卷

晁氏讀書志常陽經一卷崇文目題曰黃帝

式用蓋六壬占卜術也

案六壬爲三式之一故亦稱式經日本書

目又作常年經或亦是書之別名通志略

列之式經之末

黃帝奄心圖一卷

案此不知何書大抵如後文玉女返閉局

之流通志藝文略五行類以黃帝集靈絳

圖龍首經奄心圖並類次于太一家之末

殆以其書名無太一二字歟

玄女式經要法一卷

玄女有戰經又有兵法見前兵家

唐書藝文志玄女式經要訣一卷

四庫術數類存目提要曰玄女經一卷舊本

題云黃帝授三子玄女經蓋術數家依託所

爲隋書經籍志有玄女式經要法一卷列之

五行家此卷詳于論嫁娶日辰其發端以天

一所在占日之吉凶以天罡加臨占與人期

會亦屬五行家言然無以證其卽玄女式經

要法否也

烏程嚴可均三代文編曰玄女式經要法一卷五行家依託也

以上自射候至此凡二十部附著梁有七

部皆太一之屬太一或作泰壹或作太乙

爲三式之一故其間亦兼及遁甲六壬其

曰式經者總名也是爲第四類

黃帝陰陽遁甲六卷

後漢書方術傳注遁甲推六甲之陰而隱遁

也

四庫術數類遁甲演義提要曰大戴禮載明

堂古制有二九四七五三六一八之文此九

宮之法所自昉而易緯乾鑿度載太乙行九

宮尤詳遁甲之法實從此起其法以九宮爲

本緯以三奇六儀八門九星視其加臨之吉

凶以爲趨避神其說者以爲出自黃帝風后

及九天玄女皆依託不待辨考漢志所列惟

風鼓六甲風后孤虛而已于奇遁尙無明文

至梁簡文帝樂府始有三門應遁甲語陳書

武帝紀遁甲之名遂見于史則其學殆盛于

南北朝陳書武帝紀下似有跋文

嘉定錢大昕養新錄曰奇門之式古人謂之

遁甲卽易八卦方位加以中央與乾鑿度太

一下行九宮之法相合史記龜策傳載宋元

王召博士衛平語所夢衛平乃援式而起仰

天而視月之光觀斗所指定日處鄉規矩爲

輔副以權衡四維已定八卦相望視其吉凶

介龜先見乃對元王曰今昔王子宿在牽牛

云云此遁甲式也

遁甲決一卷吳相伍子胥撰

史記列傳伍子胥者楚人也名員員父曰伍

奢兄曰伍尚楚平王殺奢及尚伍胥亡奔宋

奔鄭至晉復還鄭入吳吳王闔廬召爲行人

闔廬九年與孫武伐楚乘勝而前五戰遂入

郢夫差既立屢諫不聽因太宰嚭之讒賜屬

鏃之劍自剄死吳王取其尸盛以鴟夷革浮

之江中吳人憐之爲立祠于江上因命曰胥

山

四庫陰陽五行家遁甲演義提要曰漢志唯

有風鼓六甲風后孤虛于奇遁尙無明文隋

志載有伍子胥遁甲文世不概見

案漢志雜家伍子胥八篇名員春秋時爲

吳將忠直遇讒死兵技巧家伍子胥十篇

圖一卷伍子胥之書可見者惟此此遁甲

兩書猶在錢氏所舉宋元王博士衛平之

前真僞不可考唐志惟有遁甲文一卷

遁甲經要鈔一卷

不著撰人

唐日本國見在書目遁甲經要鈔一卷抱朴

子撰

案抱朴子別有遁甲肘後立成詳見後三

條

遁甲萬一決二卷

不著撰人

唐書經籍志遁甲萬一訣三卷藝文志同

晁氏讀書志遁甲萬一訣一卷題云唐李靖

所纂黃帝書案遁甲之書見于隋志凡十三家則其學之來亦不在近世矣以休生傷杜景死驚開八門推國家之吉凶通其學者以為有驗未之嘗試也

案萬一決見隋唐志皆不著撰人其書在唐以前而術家必欲實其人遂以為李靖云

遯甲九元九局立成法一卷

不著撰人

遯甲肘後立成囊中祕一卷葛洪撰

葛洪有喪服變除詳見經部禮類

抱朴子登涉篇曰案玉鈴經云欲入名山不可不知遁甲之術余少有入山之志由此乃行學遁甲書乃有六十餘卷事不可卒精故鈔集其要以為囊中立成又是篇引遁甲中經本志不見似泛言遁甲之經

遯甲囊中經一卷

不著撰人

唐書經籍志遁甲囊中經一卷藝文志同

遯甲囊中經疏一卷

遯甲立成六卷

並不著撰人

遯甲鈔三元玉曆立成一卷郭引遠撰

郭引遠一作郭弘遠始末並未詳

遯甲立成一卷

不著撰人

遯甲立成法一卷臨孝恭撰

臨孝恭有風角鳥情見前

案兩唐志有遁甲立成法三卷不著撰人似即是書孝恭撰遁甲書本有十卷也

遯甲穴隱祕處經一卷

不著撰人

黃帝九元遯甲一卷王琛撰

王琛有九宮行基立成法一卷太一飛鳥曆一卷並見前

黃帝軍出遯甲式法一卷

遯甲法一卷

遯甲術一卷

並不著撰人

陽遯甲用局法一卷臨孝恭撰

臨孝恭有風角鳥情遯甲立成法各一卷見前

案隋書藝術傳孝恭著遯甲月令十卷北史作遯甲錄似所錄不止一種惟月令為其自出新意所撰耳此前後所載兩書似皆十卷中散出者

雜遯甲鈔四卷

三元遯甲上圖一卷

並不著撰人

案唐藝文志有三元遁甲立成圖二卷不著撰人疑即是書此一卷稱上圖尚有下卷之圖唐時復出故二卷也

三元遯甲圖三卷

不著撰人

唐書經籍志三元遁甲圖三卷葛洪撰

唐書藝文志葛洪三元遁甲圖三卷

案抱朴子自序篇云晚學風角望氣三元遁甲六壬太一之法粗知其旨又不研精遂又廢焉又云又抄兵事方伎短雜奇要三百一十卷別有目錄其目錄今不傳無由考見唐志惟載三元遁甲圖三卷本志前後所載遁甲書凡六種并他類所載諸書大抵皆三百十卷中散出者也

遯甲九宮八門圖一卷

不著撰人

唐書經籍志遁甲九宮八門圖一卷藝文志同案八門者殆即所謂休生傷杜景死驚開也

遯甲開山圖三卷榮氏撰

榮氏不詳何人

唐書經籍志遁甲開山圖又二卷榮氏撰

唐書藝文志榮氏遁甲開山圖二卷

玉海陰陽五行篇文選注引遁甲開山圖榮氏解水經注引開山圖

孫氏祠堂書目遁甲開山圖一卷洪頤煊集

本

遯甲返覆圖一卷葛洪撰

葛洪有遯甲肘後立成囊中祕一卷三元遁

甲圖三卷並見前

遯甲年錄一卷

遯甲支手決一卷

遯甲肘後立成一卷

遯甲行日事一卷

並不著撰人

遯甲孤虛記一卷伍子胥撰

伍子胥有遯甲決遯甲文各一卷並見前孤虛詳見兵家

案本志兵家有六甲孤虛兵法一卷不著撰人舊新唐志兵家有伍子胥兵法一卷疑與此皆一書

遯甲孤虛注一卷

不著撰人

東方朔歲占一卷

東方朔有別傳見史部雜傳類

案開元占經八穀占所引諸條似出是書

又東方諸占不僅此一種詳見後第十五類中此亦當與後五種相類從雜置于此殊為不倫蓋所據書目如此也

斗中孤虛圖一卷

並不著撰人

遯甲九宮亭亭白姦書一卷戰鬪博戲等法一卷不著撰人

案太平御覽工藝部遁甲經曰天一游亭六行亭亭天一之貴神也戰鬪博戲漁獵但可背不可向也此所云云似即此兩書之事知此二卷當合為一書天一游亭豈即太一游九宮之比歟

玉女反閉局法三卷

宋書符瑞志玉女天賜妾也禮含文嘉曰禹卑宮室盡力溝洫百穀用成神龍女降唐日本國見在書目玉女返閉四卷玉女返

閉局抄一卷

通志藝文略五行遁甲類遁甲玉女反閉局法一卷開當為閉又有玉女遁甲秘訣一卷疑即是書又六壬類中亦有玉女書三種

宋史藝文志遁甲玉女返閉局一卷

案釋名襦煖也言温煖也又曰反閉襦之小者也卻向著之領含于項反于背後閉其襟也反閉之義蓋如此其製殆如今之小兒衣斜其領使圍裹于身而束縛之此不過謂玉女藏于反閉間耳猶肘後領中袖中枕中囊中之類玉女殆亦如玄女素女之流據符瑞志則亦祥瑞圖中之一品抱朴子遐覽篇云其變化之術大者唯有墨子五行紀其次有玉女隱微一卷此言隱遁之術大抵亦即其類歟

京房有風角要占風角五音占風角雜占五音圖並見前

唐書經籍志逆刺三卷京房撰

唐書藝文志京房刺逆三卷

案京房別有周易逆刺占災異十二卷詳見後第十三類此其別本也逆刺即逢占說見漢書東方朔傳贊顏氏注

逆刺一卷京房撰

諸家見存書目鈔入者是為第五類

以上自黃帝陰陽遯甲至此凡三十七部皆遯甲之屬其間皆不引七錄所有蓋從諸家見存書目鈔入者是為第五類

逆刺一卷京房撰

京房有風角要占風角五音占風角雜占五音圖並見前

唐書經籍志逆刺三卷京房撰

唐書藝文志京房刺逆三卷

案京房別有周易逆刺占災異十二卷詳見後第十三類此其別本也逆刺即逢占說見漢書東方朔傳贊顏氏注

逆刺占一卷

逆刺總決一卷

壬子決一卷通志作壬子似寫誤

並不著撰人

以上四部皆逆刺之屬為第六類壬子疑逆刺之音誤

鳥情占一卷王喬撰

王喬有別傳一卷詳見史部雜傳類

唐書經籍志鳥情占一卷不著撰人藝文志同

鳥情逆占一卷

不著撰人

魏志管輅傳輅字公明平原人也冀州刺史裴徽辟為文學掾遷治中別駕正始九年舉秀才正元二年八月為少府丞明年二月卒年四十八注引輅別傳曰利漕民郭恩字義博善周易春秋從輅學鳥鳴之候輅言君雖好道天才既少又不解音律恐難為師也輅為說八風之變五音之數以律呂為衆鳥之商六甲為時日之瑞反覆譴曲出入無窮義博靜然沈思馳精數日卒無所得而止又載其與人論鳥鳴事文繁不錄

唐書經籍志鳥情逆占一卷管輅撰

唐書藝文志管輅鳥情逆占一卷

鳥情書二卷

不著撰人

鳥情雜占禽獸語一卷

不著撰人

案北齊書方技張子信傅子信善易卜風角武衛奚永洛與子信對坐有鵠鳴于庭樹鬪而墮焉子信曰鵠言不善向夕若有

風從西南來歷此樹拂堂角則有口舌事
今夜有人喚必不得往云云此即鳥情雜
占禽獸語之術也

占鳥情二卷

不著撰人

案隋書藝術歌詢傳詢字敦信丹陽人煬
帝時守太史丞爲宇文化及所殺著鳥情
占一卷行于世又唐日本書目有京房占
六情百鳥鳴一卷以上三書皆無撰人或
有京房歌詢之書在其間焉

六情法一卷王琛撰

王琛有九宮行某立成法太一飛鳥曆黃帝
九宮遯甲各一卷並見前
唐李淳風乙巳占論六情法曰六情者好惡
喜怒哀樂也

唐書經籍志風角六情訣一卷王琛撰

唐書藝文志王琛風角六情訣一卷

六情鳥音內祕一卷焦氏撰

焦氏當即焦延壽有易林別詳後第十三類
中

漢書翼奉傳奉上封事曰臣聞之于師治道
要務在于知下之邪正知下之術在于六情
十二律而已北方之情好也奸行貪狼申子
主之東方之情怒也怒行陰賊亥卯主之南
方之情惡也惡行廉貞寅午主之西方之情
喜也喜行寬大己酉主之上方之情樂也樂
行姦邪辰未主之下方之情哀也哀行公正
戊丑主之執十二律而御六情于以知下參

實亦甚優矣萬不失一自然之道也唯奉能
用之學者莫能行

案翼奉與焦延壽同時故亦有六情之說
焦氏之書今惟傳易林一種見于本志者
亦唯變占及此書凡三種此以鳥音參六
情合二術爲一術唐時與變占俱亡矣

以上七部皆鳥情之屬亦風角之一端爲
第七類

孝經元辰決九卷

不著撰人

後漢書張衡傳衡作應問云占既吉而無悔
兮簡元辰而假裝章懷太子曰元辰吉辰也

案困學紀聞禮記篇祭法注司命主督察
三命孝經援神契謂命有三科有受命以
保慶方機山箋云慶一作度有遭命以譎暴有
隨命以督行孟子注云命有三名行善得
善曰受命行善得惡曰遭命行惡得惡曰
隨命孫子荆詩云三命皆有極皆本援神
契然則孝經元辰亦本之援神契其後第
十八類引七錄又有孝經元辰決一卷亡

則相傳爲此決者不止一家也

孝經元辰二卷

不著撰人

唐書經籍志孝經元辰二卷藝文志同

案經義考慈緯篇孝經元辰唐志二卷佚
蓋未考先見于隋志也術數家之書亦有
從識緯而出此其一端歟

元辰本屬經一卷

不著撰人

案此似言祿命白雲靈道藏階字號有六
十甲子本命元辰曆一卷不著撰人注云
有六十甲子姓諱似又附以五姓之說疑
即此書

推元辰厄會一卷

不著撰人

唐書經籍志推元辰厄命一卷藝文志同 厄
命當爲厄會

案此元辰厄會似即漢書李尋傳所謂漢
家有中衰厄會之象王莽傳所謂陽九之
厄百六之會是也

元辰事一卷

元辰救生削死法一卷

推元辰要祕次序一卷

並不著撰人

元辰章用二卷

不著撰人

唐書經籍志元辰章三卷無用字藝文志同

雜推元辰要祕立成六卷

元辰立成譜一卷

並不著撰人

以上十部皆元辰之屬爲第八類史記曰
者傳褚先生言孝武時聚會占七家問娶
婦日有叢辰家或引舊注云叢辰猶今之
以五行生剋擇日也漢書藝文志五行家
有鍾律叢辰日苑二十二卷叢辰似即元
辰又日者傳言宋忠賈誼對司馬季主言

八祿命論衡命義等篇亦數言星位祿命三命是元辰祿命之說秦漢時已有之方正百對一卷京房撰

京房有風角要占風角五音占風角雜占五音圖逆刺並見前

案此似卽京氏別對災異之書也考漢書元帝本紀初元三年詔舉明陰陽災異之士于是言事者衆以京房傳證之知房以孝廉應是舉次年授爲郎後三歲爲永光二年詔舉賢良直言之士或卽賢良方正史略之也又二年詔公卿大夫對時房在朝後三年拜魏郡太守去月餘徵下獄棄市本傳云永光建昭間西羌反日蝕又久青亡光陰霧不精房數上疏先言其將然近數月遠一歲所言屢中天子說之數召見問此書名方正百對或其門弟子所錄存題以此目歟藝文類聚諸書多引京房別對災異嚴氏全漢文編輯存三十二條又有律術對五條或亦在是書

晉災祥一卷京房撰

案下文梁有後漢災異十五卷晉災異簿二卷宋災異簿四卷亡豈此卽晉災異簿之佚存因上文而誤題撰人歟通志略載之陰陽家亦無撰人

災祥集七十六卷

不著撰人

地形志八十七卷庾季才撰

庾季才有垂象志見前天文家

隋書藝術傳高祖謂季才曰朕自今已後信有天道矣于是令季才與其子質撰垂象地形等志及書成奏之賜米千石絹六百段又曰撰靈臺祕苑垂象志各若干卷地形志八十七卷並行于世

案其後又出是書作八十卷與相宅圖墓爲伍得其倫矣列之此殊不類亦所據書目如此也

海中仙人占災祥書三卷

不著撰人

案漢志天文家有海中占六家凡一百三十六卷此三卷及後雜占類所載海中仙人書兩部或皆其殘贖歟

周易占事十二卷漢魏郡太守京房撰

京房有風角要占風角五音占風角雜占五音圖逆刺方正百對晉災祥並見前

案漢志易家災異孟氏京房六十六篇京氏段嘉十二篇此與後諸書似多有從易傳中析出別行者此十二卷則又似後之周易逆刺占災異十二卷也

以上自方正百對至此凡六部皆災祥之

屬爲第九類漢書陸弘夏侯始昌夏侯勝京房翼奉李尋列傳贊曰漢興推陰陽言災異者孝武時有董仲舒夏侯始昌昭宣則陸孟夏侯勝元成則京房翼奉劉向谷

永哀平則李尋田終術此其納說時君著明者也察其所言彷彿一端假經設誼依託象類或不免乎億則屢中仲舒下吏夏

侯囚執陸孟誅戮李尋流放此學者之大戒也京房區區不量淺深危言刺譏構怨彊臣罪辜不旋踵亦不密以失身悲夫

遯甲三卷梁有遯甲經十卷遯甲正經五卷太一遯甲一卷亡

並不著撰人

遯甲要用四卷葛洪撰

遯甲祕要一卷葛洪撰

遯甲要一卷葛洪撰

葛洪有遯甲肘後立成囊中祕一卷三元遯甲圖三卷遯甲返覆圖一卷並見前

案唐藝文志有遯甲祕要一卷不著撰人不知是否卽葛氏書祕要疑卽前囊中祕

日本書目有遯甲祕要一卷葛洪撰

遯甲三十三卷後魏信都芳撰

信都芳有樂書見經部樂類

北史藝術傳芳精專不已又多所關涉著樂書遯甲經

唐書藝文志信都芳遯甲經二卷

案此三十三卷似并他所著言之

三元遯甲六卷許昉撰

許昉有軍勝見戎泐黃帝複姓符並見兵家

唐書藝文志許昉三元遯甲六卷

三元遯甲六卷陳員外散騎常侍劉毗撰

劉毗始末未詳

三元遯甲二卷梁太一遯甲一卷遯甲三元三卷

三元九宮遯甲二卷梁有遯甲三元三卷亡

並不著撰人

三正遯甲一卷杜仲撰

杜仲始末未詳

唐書藝文志杜仲三元遁甲一卷

遯甲三十五卷

遯甲時下決三十三卷

陰陽遯甲十四卷

並不著撰人

遯甲正經三卷梁五卷

遯甲經十卷

並不著撰人

後漢書方術傳序注今書七志有遁甲經

唐書藝文志遁甲經十卷

晁氏讀書志曰遁甲經一卷李氏書目云此

九天玄女之術推九星八門三奇六儀之法

案此類首一條注云梁有遯甲經十卷遯

甲正經五卷亡此兩書即前注梁所有者

是也惟遯甲正經五卷亡其二卷耳既已

著錄此兩條則前注重復可刪

遯甲開山圖一卷

不著撰人

唐張彥遠歷代名畫記曰古來祕畫珍圖有

遁甲開山圖一卷王粲撰案王粲當是王琛或

從王琛新撰陰陽書三十卷析出亦未可知耳

唐書經籍志遁甲開山圖一卷王琛撰

唐書藝文志王琛遁甲開山圖一卷

錢塘汪師韓文選理學權輿曰選注所引羣

書有遁甲開山圖王琛撰

案唐已前為遁甲開山圖者唯榮氏及王

琛兩家榮氏圖已見于前故知此為王琛

之圖琛有九宮行基立法太一飛鳥曆

黃帝九宮遁甲六情決四書並見前

梁有遁甲開山經圖一卷

不著撰人

案此似即前所載榮氏之圖

遯甲九星曆一卷

遯甲三奇三卷

遯甲推時要一卷

遯甲三元九甲立成一卷

並不著撰人

唐書藝文志遁甲九星曆一卷遁甲三奇三

卷遁甲推時要一卷遁甲三元九甲立成一卷

雜遯甲九卷梁九卷遯甲經外篇一百卷六甲隱

圖并遯甲圖二卷亡

並不著撰人

陽遯甲九卷釋智海撰

智海始末未詳

唐書藝文志陽遁甲九卷不著撰人

陰遯甲九卷

不著撰人

唐書藝文志陰遁甲九卷

案此九卷似亦智海所撰晁志有曰遁甲

之書見于隋志凡十三家四庫提要亦云

隋志載有伍子胥遁甲文信都芳遁甲經

葛洪三元遁甲圖等十三家考本志載遁

甲之書實有六十九部而云十三家者蓋

據撰人可見者而言其一黃帝二伍子胥

三葛洪四郭引遠五臨孝恭六王琛七榮

氏八信都芳九詐昉十劉毗十一杜仲十

二釋智海尚闕其一似晁氏以李靖萬一

訣并計之也

以上二十三部附梁有九部又為遁甲之

屬案前第五類已載遁甲諸書四十七部

矣此又別出遁甲一類同為一類之書而

前後兩起不相統一莫詳其旨及觀元辰

一類災祥一類亦前後分兩起又醫家類

中于黃帝素問之書亦分前後兩起于是

知其編次之故矣蓋前類所載皆據諸家

見存書目鈔入不與七錄相關故其間無

一條有梁有之注此類則又據七錄所載

次第故仍注梁有諸書此皆由類例不熟

分隸不清鈔取見存及七錄動為替亂故

凌雜復沓至于如此也是又為重出遯甲

第十類

武王須臾二卷

後漢書方術傳序曰其流又有風角遁甲七

政元氣六日七分逢占日者挺專須臾孤虛

之術注須臾陰陽吉凶立成之法也今書七

志有武王須臾一卷

唐書經籍志武王須臾二卷藝文志同

案唐日本國書目五行家有武王竿方一

卷竿方即算法其即此書通志略載之五

行雜占家

六壬式經雜占九卷

不著撰人

唐六典太卜令掌卜筮之法四曰式凡式占辨三式之同異一曰雷公式二曰太乙式並禁私家畜三曰六壬式士庶通用之

唐書藝文志六壬式經雜占九卷

梁有六壬式經三卷亡

不著撰人

案唐藝文志六壬式經雜占之次有雷公

式經一卷太一式經二卷似即此六壬式

經三卷也唐六典言三式曰雷公曰太一

曰六壬

六壬釋兆六卷

不著撰人

唐書藝文志六壬釋非經六卷 非爲兆之誤一

本作擇非擇又爲釋之誤

晁氏讀書志曰隋志載六壬之書兩種今世

龜筮道息而此術獨存

四庫提要著錄六壬大全曰六壬與遁甲太

一世謂之三式而六壬其傳尤古或謂出于

黃帝玄女固屬無稽要其爲術固非後世方

伎家所能造大抵數根于五行而五行始于

水舉陰以起陽故稱壬焉舉成以該生故用

六焉其有天地盤與神將加臨雖漸近奇遁

九宮之式而由于干支而有四課則亦兩儀四

象也由發用而有三傳則亦一生三三生萬

物也以至六十四課莫不原本義爻蓋亦易

象之支流推而衍之者矣考國語伶州鳩對

七律以所稱夷則上宮大呂上宮推之皆有

合于六壬之義然特以五音十二律定數未

可即指爲六壬之源吳越春秋載伍員及范蠡雞鳴日出日昃禺中四課則時將加乘與龍蛇刑德之用一如今世所傳而越絕書載公孫聖亦有今日壬午時加南方之語其事雖不見經傳似出依託然趙曄袁康皆後漢人知其法著于漢代也其書之見于史者隋志二家

錢氏養新錄曰六壬之占載于正史者惟晉書戴洋傳然史但云洋善風角亦不稱六壬隋志五行類有六壬式經雜占九卷梁有六壬式經三卷亡六壬釋兆六卷六壬之名始見于此

案梁元帝洞林序曰韓終六壬常所寶愛

案韓終亦云韓衆秦方士見史記秦始皇

三十五年本紀是古爲六壬之最著者梁

元帝或有其書

破字要決一卷

不著撰人

顏氏家訓書證篇若潘陸諸子離合詩賦拭

卜破字經及鮑昭謎字皆取會流俗不足以

形聲論之也江陰趙曦明注曰沈氏孝證隋

書經籍志有破字要決一卷拭卜破字經未

詳段玉裁曰拭乃拭字之譌是卜者所用之

盤本亦作式破字即今之拆字也

唐日本國見在書目破字一卷子當爲字

案拭卜破字經乃泛言拭卜家所用之破

字經六朝時流俗有破字經名目也今之

爲拆字術者每字皆著一課于其端即借

課以爲之說其課即所謂六壬是也蓋拆字亦依附于六壬六壬爲三式之一故稱式卜四庫存目有神機相字法一卷即是類之書

桓安吳式經一卷

桓安吳始末未詳

唐書藝文志桓公式經一卷

案桓安吳新唐志作桓公必有轉寫之誤

無由取證疑桓宣武之字誤音誤

梁有雜式占五卷式經雜要決式立成各九卷

亡

並不著撰人

梁有式王曆二卷亡王曆當是玉曆

不著撰人

案唐日本國書目有赤松子玉曆一卷似

即此式王曆開元占經數引玉曆似即其

書蓋依託赤松子者也

梁有伍子胥式經章句起射覆式越相范蠡玉

筒式各二卷亡

伍子胥有遁甲決遁甲文遁甲孤虛記並見

前范蠡有陶朱公養魚經見前農家

案漢志雜家兵技巧兵權謀家並有伍子

胥范蠡之書文選注亦引伍子胥兵法范

蠡兵法此不知是否即李善所見之書四

庫提要言吳越春秋載伍員及范蠡雞鳴

日出日昃禺中四課一如今世所傳六壬

或後世術者因此而附益爲是書 起射覆

式或別爲一書不與式經章句合通志略于此等疑

異之處皆削而不載焉

光明符十二卷錄一卷梁簡文帝撰

梁簡文帝有毛詩十五國風義見經部詩類

南史本紀所著光明符十二卷

唐書藝文志梁主榮光明符十二卷 一本作

梁王榮榮當是綱之誤

通志藝文略五行六壬家梁簡文帝光明符十二卷

以上自武王須臾至此凡六部梁有七部

皆六壬及六壬式之屬須臾或非六壬疑

遁甲家之支流而托之武王姑以爲是類

之首是爲第十一類

龜經一卷晉掌卜大夫史蘇撰梁有史蘇龜經十卷亡

左僖十五年傳初晉獻公筮嫁伯姬于秦遇

歸妹之賸史蘇占之曰不吉杜預注曰史蘇

晉卜筮之史

漢書人表第五等中史蘇錢塘梁玉繩考

曰史蘇始見左僖十五晉語一晉卜筮之史

宋徽宗大觀三年封爲晉陽伯抱朴子辨問

篇曰史蘇辛廖卜筮之聖也

晁氏讀書志靈龜經一卷史蘇撰論龜兆之

著凶崇文總目三卷

宋史藝文志五行家史蘇五兆龜經一卷又

著龜類靈龜經一卷 不著撰人兩書似皆晁志之

靈龜經

四庫提要術數類著錄卜法詳考曰古者大事多用卜故尚書言龜者居多漢書藝文志

載龜書五十二卷夏龜二十六卷南龜書二

十八卷巨龜三十六卷雜龜十六卷則漢時

其書猶多漢文帝大橫之兆即其繇詞褚少

孫補龜策傳所述即其占法也隋書經籍志

僅載龜經一卷注晉掌卜大夫史蘇撰

案七錄載史蘇龜經十卷至隋僅存一卷

或即漢志五種龜書之遺說郭有龜經一

卷不著撰人南匯吳省蘭刊入藝海珠塵

叢書中未知即史蘇書否也五行大義論

刑篇論五靈篇並引史蘇龜經

梁有龜決二卷葛洪撰亡

葛洪有遯甲肘後立成等書六種並見前

梁有管郭近要決龜音色九宮著龜序各一卷

亡

並不著撰人

案管郭當是魏之管輅晉之郭璞此殆郭

璞以後人所作龜音色九宮著龜序不知

爲一書爲兩書

梁有龜卜要決龜圖五行九親各四卷亡

並不著撰人

案龜圖五行九親亦不知爲一書爲兩書

也

梁又有龜親經三十卷周子曜撰亡

周子曜始末未詳

史蘇沈思經一卷

史蘇有龜經見前

唐書藝文志史蘇沈思經一卷

龜卜五兆動搖決一卷

不著撰人

周禮大宗伯占人疏卜筮有金木水火土五

種之兆凡卜灼龜之四足依四時而灼之其

兆直上向背者爲木兆直下向足者爲水兆

邪向背者爲火兆邪向下者爲金兆橫者爲

土兆

案唐藝文志有孫思邈龜經一卷又五兆

算經一卷龜上五兆動搖經訣一卷此卜

字或上字之誤其即孫思邈之書思邈京

兆華原人周宣帝時隱居太白山入隋至

唐高宗永淳元年乃卒年百餘歲見舊唐

書方技傳新書隱逸傳此猶雜家載書鈔

而不著虞世南姓名同例或皆以其人尙

存故歟

以上自龜經至此凡三部附著梁有六部

皆龜卜之屬爲第十二類

周易占十二卷京房撰梁周易妖占十三卷京房

撰

京房有風角要占風角五音占風角雜占五

音圖逆刺方正百對晉災祥周易占事並見

前

晁氏讀書志元祐八年高麗進書有京氏周

易占十卷疑隋周易占十二卷是也

玉海陰陽五行類乾象新書引京房易傳妖

異占

經義考曰周易妖占晉書宋書五行志及水

經注太平御覽俱引之案開元占經引之尤多

鄆縣全祖望讀易別錄曰隋志五行家京房

周易妖占十三卷周易占事十二卷又有周易占十二卷疑即妖占占事二書之重出

周易守林三卷京房撰

周易集林十二卷京房撰七錄云伏萬壽撰

經義考曰案太平御覽引集林文云占天雨否外卦得陰為雨得陽不雨其爻發變得坎為雨得離不雨坎化為巽先雨後風

案法苑珠林至誠篇引王琰冥祥記曰宋

伏萬壽平昌人也元嘉十九年在廣陵為

衛府行參軍不知即此伏萬壽否也然考

唐藝文志有伏鼻容周易集林十二卷伏

氏周易集林一卷舊唐志同而本志皆不

見則又疑十二卷者為伏鼻容之書一卷

者或其節本或為伏萬壽撰鼻容亦仕宋

入齊至梁初卒亦平昌人殆與萬壽昆季

行有周易注見經部易家

周易飛候九卷京房撰梁有周易飛候六日七分八卷亡

漢書京房傳房治易事梁人焦延壽其說長

于災變分六十卦更直日用事以風雨寒溫

為候各有占驗房用之尤精孟康曰分卦直

日之法一爻主一日六十四卦為三百六十

日餘四卦震離兌坎為方伯監司之官所以

用震離兌坎者是二至二分用事之日又是

四時各專王之氣各卦主時其占法各以其

日觀其善惡也

後漢書郎顛傳注易稽覽圖曰甲子卦氣起

中孚六日八十分日之七鄭玄注云六以候

也八十分為一日之七者一卦六日七分也又方術傳序云其流又有七政元氣六日七分

經義考曰京氏飛候太平御覽每引之

全氏讀易別錄曰案飛候者京房以風角附

會于易之書

周易飛候六卷京房撰

唐書經籍志京氏周易飛候六卷藝文志同

案此蓋即前九卷之別本金谿王謨漢魏

遺書鈔輯存一卷嚴氏可均亦有輯本編

入京氏易八卷中

周易四時候四卷京房撰

唐書經籍志京氏周易四時候二卷藝文志

同

案此似即飛候九卷六卷中析出者或言

春夏秋冬四時或言震離兌坎四候

周易錯卦七卷京房撰

唐書經籍志京氏周易錯卦八卷京房撰藝

文志同

全氏讀易別錄曰隋志五行家京房周易錯

卦七卷案經部又有周易錯八卷疑即是書

之重出

案經部注云梁有周易錯八卷京房撰亡

蓋七錄入易部也此又從隋代見存目錄

著錄則亡而不亡不過缺一卷耳至唐

而八卷之數與七錄同

周易混沌四卷京房撰

唐書經籍志京氏周易混沌四卷藝文志同

案靈棋經以純陰鑊卦為混沌未明此或亦猶是也

周易委化四卷京房撰

唐段成式酉陽雜俎貶誤篇曰梁元帝作運

山每卦引委化集林

通志藝文略五行易占家周易委化四卷京

房撰

周易逆刺占災異十二卷京房撰

唐書藝文志費氏周易逆刺占災異十二卷

注云費直

通志藝文略五行易占家周易逆刺占災異

十二卷京房撰一云費氏案此云京房撰者據本

志一云費氏者據唐志考本志無費氏書唐志無京氏書

故鄭氏以為即是一書然舊唐志無費氏此書而京氏則

本志有明文是鄭漁仲謂為一書者良信又疑此即上

文之妖占占事

晁氏讀書志京房易傳四卷隋經籍志有京

氏占候十種七十三卷今傳者曰京氏積算

易傳三卷雜占條例法一卷名與古不同所

謂積算易傳疑隋唐志之錯卦是也雜占條

例法者疑隋志逆刺占災異是也案此謂十種

七十三卷者即此以上所載十條是也

四庫術數類提要曰房所著今惟易傳三卷

存晁氏以易傳為即錯卦雜占條例為即逆

刺災異則未免臆斷無據耳

烏程嚴可均鐵橋漫稿京氏易輯本序曰京

氏易八卷無錫王氏保訓輯本也漢魏叢書

有京氏易傳三卷王氏子三卷外采錄遺文

得四萬許言尋以病卒于都下其同年友嚴可均理而董之正其訛補其闕仍分八卷繕寫而為之序曰易以道陰陽有陰陽即有五子孟喜受易家陰陽立十二月辟卦其說本于氣以準天時明人事授之焦贛焦贛又得隱士之說五行消復授之京房京房兼而用之長于災變布六十四卦于一歲中卦直六日七分迭更用事以風雨寒溫為候各有占驗獨成一家孝元立博士迄東漢末費直行而京氏衰晉代猶有傳習者至隋志亡段嘉十二篇唐志又亡災異六十六篇之四十三篇案此謂漢志六十六篇新唐志唯存四時候飛候混沌錯卦逆刺五種二十三卷其餘四十三篇亡也歷宋入明而漢志之八十九篇僅存三卷蓋京氏學久廢絕矣易道至大無所不該王弼以道家言解易楊簡以佛家言解易尚得名家況京氏為漢易之宗聽其廢絕不可惜哉今輯易傳易占飛候五星風角等篇雖京氏占候不盡此亦大端具矣其世應飛伏建積互游魂歸魂之說晁說之能言之據叢書本三卷亦略可尋求至六日七分之法見漢書本傳孟康注僧一行大衍曆議則雖謂京氏易亡而不亡可也

律術八叢書本三卷見存不錄
案京氏之書除見存易傳三卷外本志易家有易章句兵家有征伐軍候天文家有五星災異傳日占圖及此類前載風角要占等七部此一段所載十部後文又有易律曆推偷盜書占夢書見于本志者如此其間或亦有後世術者所推演不盡出于易傳唐日本國書目又有京房占六情百鳥鳴一卷雜占一卷宋志有陳襄校定京房婚書三卷玉海引乾象新書云京房有易備易坤靈圖通卦驗通統洪氏容齋三筆有孝經雌雄圖云出京房易傳而太平御覽九百三十一引京房易緯則識緯家亦有所附託其散見于諸書記載者又如此要其遺文佚句大都略盡于王嚴二家之所輯而余未得見也

周易占一卷張浩撰
經義考曰案南史張暢子浩官至義陽王昶征北謫議參軍融之兄也張融有少子五卷見前道家
案南史張浩附見其父暢傳不言其有是書朱氏殆約略言之考兩唐志有張滿周易林七卷本志不見朱氏以張滿為東漢初人亦約略之言余竊以為即此張浩易占易林皆林占之書初無所異一卷七卷則隋唐傳本不同亦所恆有唯浩與滿則未詳孰是焉

周易雜占十一卷
並不著撰人
周易雜占九卷尚廣撰
吳志孫皓傳注于寶晉紀曰王濬治船于蜀吾彥取其流梯以呈孫皓曰晉必有攻吳之計宜增建平兵建平不下終不敢渡江皓弗從陸抗之克步闡皓意張大乃使尚廣策并天下遇同人之頤對曰吉庚子歲青蓋當入洛陽故皓不脩其政而恆有窺上國之志及皓降之歲實在庚子尚廣蓋吳晉時人也

唐書經籍志周易雜占八卷尚廣撰 藝文志著錄同
梁有周易雜占八卷武靖撰亡
武靖始末未詳
唐書經籍志武氏周易雜占八卷武氏撰下武氏字當是武靖之寫誤
唐書藝文志武氏周易雜占八卷
案七錄卜筮一類別為部分本志併入五行故此類載書特多尋其章法分為數起亦與史部雜傳家中問劉向列士傳列仙傳以下兩段章法相似 蓋所據書目不止一家各有所取故亦各有起訖跡跡略可尋案也自京房周易至此為一起

易林十六卷焦贛撰梁又本三十二卷
漢書京房傳房治易事梁人焦延壽延壽字贛貧賤以好學得幸梁王王共其資用令極意學既成為郡史察舉補小黃令以候司先知姦邪盜賊不得發愛養吏民化行縣中

周易占雜十三卷

舉最當遷三老官屬上書願留贛有詔許增秩留卒于小黃贛常曰得我道以亡身者京生也其說長于災變分六十卦更直日用事以風雨寒溫爲候各有占驗

又儒林傳京房受易梁人焦延壽延壽云嘗從孟喜問易喜死房以爲延壽易即孟氏學翟牧白生不肯皆曰非也至成帝時劉向校書考易說以爲諸易家說皆祖田何楊叔丁將軍大誼略同唯京氏爲異黨焦延壽獨得隱士之說託之孟氏不相與同

太平御覽職官部陳留風俗傳曰昭帝時蒙人焦貢爲小黃令路不拾遺囹圄空虛詔遷貢百姓揮涕守闕求索還貢天子聽增貢之秩千石貢之風化猶存其民好學多貧此其風也案此則貢爲梁國蒙縣人可補史傳之闕略小黃縣屬陳留郡故風俗傳載其事

唐王俞序曰予嘗讀班史列傳及歷代名臣譜系諸家雜說之文盛稱自夫子授易于商瞿僅十餘輩延壽經傳于孟喜固是同時當西漢元成之間凌夷厥政先生或出或處輒以易道上干梁王遂爲郡察舉詔補小黃令而邑中隱伏之事皆預知其情得以寵異蒙遷秩亦卒于官次案此則貢卒于元成之間在京房死後數年也

唐書經籍志焦氏周易林十六卷焦贛撰藝文志同

宋史藝文志著龜家焦贛易林傳十六卷崇文總目卜筮類周易林十六卷焦贛撰以

一卦轉之六十四卦各有繇言著吉凶占驗然不傳推用之法一本作十八卷似誤

晁氏讀書志經部易家焦氏易林十六卷漢天水焦贛延壽傳易于孟喜行事見儒林傳中此其所著書也費直題其前曰六十四卦變又有唐王俞序其書每卦變六十四綜四千九十六首皆爲韻語與左氏傳載鳳皇于飛和鳴鏘鏘漢書所載大橫庚子爲天王之語絕相類豈古之卜者各有此等書耶案此稱漢天水者蓋據書首僞費直題辭之語也

陳氏書錄卜筮類易林十六卷漢小黃令梁焦延壽贛撰又名大易通變唐會昌丙寅越五雲谿王俞序凡四千九十六卦其辭假出于經史其意雅通于神祇蓋一卦可以變六十四也舊見沙隨程迥所記南渡諸人以易林筮國事多奇驗求之累年寶慶丁亥始得之莆田皆韻語古雅頗類左氏所載繇辭或時援引古事間嘗筮之亦驗頗恨多脫誤嘉熙庚子從湖守王寺丞借本兩相校十得八九其中亦多重複或諸卦數爻共一繇莫可考也

經義考曰隋志五行家易林十六卷新舊唐書志崇文總目同七錄作三十二卷殆合變占十六卷言之

四庫提要數術占卜類曰延壽字贛梁人昭帝時由郡吏舉爲小黃令京房師之故漢書附見房傳黃伯思東觀餘論以爲名贛字延壽與史不符又據後漢小黃門譙君碑稱贛

之後裔疑贛爲譙姓然史傳無不作焦未可執爲確證舊本易林首有費直之語稱王莽時建信天水焦延壽其詞蓋出僞託鄭曉嘗辨之審矣案並見經義考易家 贛嘗從孟喜問

易然其學不出于孟喜漢書儒林傳記其始末甚詳蓋易于象數之外別爲占候一派者實自贛始所撰易林十六卷以一卦變六十四六十四卦之變共四千九十九有六各繫以詞皆四言韻語崇文總目言其推用之法不傳而黃伯思記王伋占程迥記宣和紹興二占皆有奇驗則其術尙有知之者惟伯思謂漢書稱延壽易分六十四卦更直日用事者乃變占法非易林法薛季宣易林序則謂易林正用直日法辨伯思之說爲謬並爲圖例以明之其說甚辨王俞序本名大易通變與諸本不同疑爲後來卜筮家所改非其舊也

又曰案漢書儒林傳陰陽災異之說始于孟喜別得書而託之田王孫焦延壽又別得書而託之孟喜其源實不出于經師朱彝尊經義考備列焦京二家之書蓋欲備易學宗派不得不爾實則以隋志列五行家爲允也案此爲焦氏林占之書非說易之書漢志著龜家周易三十八卷是其類也推之于古則連山歸藏各有繇辭亦即其類皆史卜之官所有事焦氏是書殆亦取古林之辭故有與左傳相同者

易林變占十六卷焦贛撰經義考曰李鼎祚易集解于隨卦采贛之說

云漢高帝與項籍其明徵也當屬變占中語四庫提要曰贛所撰有易林十六卷又易林變占十六卷並見隋志變占久佚惟易林尚存

案開元占經五星占歲星占中官星占外官星占客星占諸篇引焦延壽說二十餘條皆非韻語疑是變占中文

又案北堂書鈔地部引焦贛易林曰雷風泥塞常水不溫凌人隋意大雹爲災焦贛易林變占曰深水難涉塗泥在穀漫漶不進虎嘯我足初學記地部引焦贛易林曰江河淮海天之奧府衆利所聚可以饒有焦贛易林變占曰江河淮海天之都市商人受福國家富有兩書互引而各異其辭知變占亦各有繇辭據李鼎祚及瞿曇悉達所引或其中有解釋之文并及天文星占歟

易林二卷費直撰梁五卷

費直有周易注見經部易家

唐書經籍志費氏周易林二卷費直撰藝文

志同

案馬氏玉函山房輯本序云費氏有周易林二卷今佚考焦氏易林卷首載東萊費直說一節又禮記月令正義引易林一節不見焦氏易林定爲費氏易林之語案焦林卷首費直序固屬僞詞已詳于前正義一節不著姓名漢以來爲易林者焦京費氏之外又有崔篆許峻管輅郭璞伏萬壽

魯洪度諸家何由知其定爲費氏乎馬氏此輯可省

易內神筮二卷費直撰梁有周易筮占林五卷費直撰亡

左僖十五年疏筮之畫卦從下而始故以下爲內上爲外又曰筮者先爲下體而以上卦重之先爲其內後爲其外

唐書藝文志周易內卦神筮法二卷周易雜筮占四卷 並不著撰人蓋即費氏此兩書唐時傳本佚其姓名耳通志略亦云周易內卦神筮法二卷費直撰

案全氏祖望讀易別錄又有費直易外神筮二卷注云見隋志五行家今考本志實無此目全氏誤也漢書儒林傳言費直長于卦筮故有此類筮占之書

易新林一卷後漢方士許峻等撰梁十卷

後漢書方術傳許曼者汝南平輿人也祖父峻字季山善占卜之術多有顯驗時人方之前世京房自云少嘗篤病三年不愈乃謁太山請命行馮道士張巨君授以方術所著易林至今行于世

案左僖十五年傳注云凡筮者用周易則其象可推非此而往則臨時占者或取于象或取于氣或取于時日旺相以成其占此易新林之類是也

易災條二卷許峻撰

經義考曰北堂書鈔引許氏易災條云母病腹脹蛇在井旁當破餅饗井沸泥浮五色玄黃又初學記引易災條云井中有魚似蟲出

流若當井沸五色玄珠蓋亦焦氏易林類也易決一卷許峻撰

宋史藝文志許季山易決一卷

全氏讀易別錄曰後漢方士汝南許峻易決一卷案宋志有許季山易決一卷季山即峻字經義考不審而兩列之

梁有易雜占七卷許峻撰又易要決三卷亡唐書經籍志許氏周易雜占七卷許峻撰藝文志同

案易要決即前所載之易決梁時三卷至隋存一卷

周易通靈決二卷魏少府丞管輅撰

周易通靈要決一卷管輅撰

管輅有鳥情逆占見前

元胡一桂易學啓蒙翼傳曰公明精于卦筮窮極幽微占言吉凶禍福無毫髮爽雜以射覆說相一皆神妙

案兩唐志無通靈決惟有周易林四卷意即此也然此又似龜卜之書

周易集林律曆一卷虞翻撰

虞翻有周易注見經部易家

吳志本傳注翻別傳曰翻放棄南方自恨疎節骨體不媚犯上獲罪當長沒海隅生無可與語死以青蠅爲弔客使天下一人知己者足以不恨以典籍自慰依易設象以占吉凶唐書藝文志虞翻周易集林律曆一卷

案虞翻別有京房易律曆注一卷詳見于後證以別傳之言則翻亦自有占卜之書

似即此集林是也集林即集所占之卦林
爲一書此既云集林又云律曆似合兩書
爲一編者

梁有周易筮占二十四卷晉徵士徐苗撰亡

晉書儒林傳徐苗字叔胄高密淳淳于人也累
世相承皆以博士爲郡守苗少家貧晝則鉏
未夜則吟誦弱冠與弟賈就博士濟南宋鈞
受業遂爲儒宗作五經同異評又依道家著
玄微論前後所造數萬言皆有義味郡察孝
廉州辟從事治中別駕舉異行公府五辟博
士再徵並不就武惠時計吏至臺帝輒訪其
安不永寧二年卒

唐書經籍志徐氏周易筮占二十四卷徐苗
撰藝文志同

周易新林四卷郭璞撰

郭璞有毛詩拾遺見經部詩家
晉書本傳璞妙于陰陽算曆有郭公者客居
河東精于卜筮從之受業公以青囊中書
九卷與之由是遂洞五行天文卜筮之術禳
災轉禍通致無方雖京房管輅不能過也抄
京費諸家要最更撰新林十篇卜韻一篇
唐日本國見在書目周易新林占三卷郭璞
撰

梁有周易雜占十卷葛洪撰

葛洪有遁甲肘後立成等六書又龜決二卷
並見前

周易新林九卷郭璞撰梁有周易林五卷郭璞撰
亡

案此兩書似皆相傳之別本 日本書目有周
易享氏占九卷似郭氏之誤

易洞林三卷郭璞撰
晉書本傳璞既好卜筮多占驗撰前後筮驗
六十餘事名爲洞林

左莊二十二年傳疏卜人所占之語古人謂
之爲繇其辭視兆而作出于臨時之占或是
舊辭或是新造猶如筮者引周易或別造辭
其辭也韻則繇辭法當韻也郭璞撰自所卜
事謂之辭林其辭皆韻習于古也 阮文達校勘
記曰案隋書經籍志有周易新林易洞林皆郭璞撰此作
辭林誤

唐書經籍志周易洞林解三卷郭璞撰
唐書藝文志郭璞洞林解三卷

宋史藝文志著龜家郭璞周易洞林一卷
元胡一桂易學啓蒙翼傳曰景純得青囊書
遂洞五行天文卜筮之術嘗撰前後筮驗六
十餘事名爲洞林斷法用青龍朱雀勾陳騰
蛇白虎玄武六神及太歲諸煞神時日旺相
等推算靈驗無比

經義考曰郭氏洞林初學記嘗引之雙湖胡
氏撰啓蒙翼傳云世罕有其書從王楚翁才
古鈔得之則元時此書尙存也洞林之文有
三言者有四言者有七言者驗其占法靡不
奇中所謂林者自謂韻語占決之辭猶存左
氏傳遺意

案郭璞周易洞林一卷王氏漢魏遺書鈔
馬氏玉函山房並據胡氏啓蒙易傳陶氏

說郭及初學記書鈔御覽晉書本傳所載
輯存一本

周易新林一卷
周易新林二卷
並不著撰人

案兩唐志有周易新林一卷亦無撰人或
即此前一卷也

易林三卷魯弘度撰
魯弘度始末未詳

周易林十卷梁周易林三十三卷錄一卷
不著撰人

案此十卷即梁三十三卷之殘帙故不注
云亡似鈔合衆家林占之書唐日本國見
在書目有易林十八卷京房郭璞等七人
雜撰明是鈔集之書兩唐志有易林十四
卷宋志有諸家易林一卷皆不著撰人似
皆是此書之佚存者蓋至宋而僅存一卷
矣

易讚林二卷
不著撰人

通志藝文略五行易占家易贊林二卷
易立成二卷郭氏撰

經義考曰郭氏璞易立成林隋志五行家二
卷佚

案此似後人鈔郭氏新林洞林之尤驗者
以爲立成

易立成四卷
易立成一卷

並不著撰人

案玄成似亦立成之刊誤酉陽雜俎貶誤篇言梁元帝作連山每卦引立成似即此立成也

周易立成占三卷顏氏撰

顏氏不知何人

唐日本國見在書目顏氏易占三卷

案此顏氏疑是北魏末顏延之武郡人妙于易筮後為爾朱仲遠所殺見北史藝術傳兩唐志有周易立成占六卷亦似此書經部易家有顏氏周易大衍通統一卷疑亦即此顏氏也

又案自焦氏易林至此又為一起如前例

神農重卦經二卷

神農有本草別詳後醫家

宋王應麟漢書藝文志考證曰重卦之人有四說王輔嗣等以為伏羲鄭康成之徒以為神農淳于俊曰庖犧因燧皇之圖而制八卦神農演之為六十四孫盛以為夏禹史遷等以為文王楊繪曰筮非八卦之可為必六十四之然後為筮舜禹之際曰龜筮協從則何文王重卦之有乎八卦成列象在其中矣因而重之爻在其中矣案是而言重卦之始其在上古乎京房引夫子曰神農重乎八純經義考曰神農重卦經隋志二卷佚

案易緯篇目有八墳文鄭康成氏注曰公

孫氏名軒轅依大庖之制作易八墳文釋八卦之理此謂黃帝作八墳文也此重卦

經始以京房鄭氏淳于俊諸家之說乃託之神農其即八墳文之流亞歟八墳文本推演庖犧氏之制或亦稱重卦經術家詭異百出未可知也

文王幡音一卷

崇文總目卜筮類文王版詞一卷

宋史藝文志五行類文王版詞一卷

陳氏書錄卜筮類周易版詞一卷不知名氏當是漢魏以前人所為其間官名皆東京制也

全氏讀易別錄曰崇文目宋志有文王版詞一卷殆即通考所謂周易版詞者也

案刊本書往往以章為音此幡音似幡章之譌幡章又似版章之譌版章即版詞之異名輾轉傳譌遂致書名不可以解又文王之書雖為依託而史志不概見崇文目宋志但有文王版詞無文王幡音是亦幡音即版詞之一證通志略雖有幡音又有版詞乃鈔拾前後史志故致重複不足為據

易三備三卷
易三備一卷

並不著撰人

唐書經籍志易三備三卷又一卷唐書藝文志易三備三卷又三卷宋志著龜家周易三備三卷題孔子師徒所述蓋依託也

通志藝文略五行易占家周易三備三卷上備言天文中備卜筮下備地理

案玉海天文附陰陽五行類云乾象新書引京房易傳妖異占又注云京房有周易逆刺占外又有易備易坤靈圖則此兩書中或有京房所撰者在焉

易占三卷

不著撰人

案舊新唐志有杜氏新易林占三卷本志不見疑即是書杜氏或即郭璞外孫杜不愆晉書藝術有傳

易射覆二卷

易射覆一卷

並不著撰人

經義考曰易射覆隋志二卷又一卷俱佚案漢志著龜家有周易隨曲射匿五十卷蓋合諸家射覆之術錄為一編者漢書東方朔傳上嘗使諸數家射覆覆守宮孟下射之皆不能中朔自贊曰臣嘗受易請射之迺別著布卦而對曰臣以為龍又無角謂之為蛇又有足跛肢脈脈善緣壁是非守宮即蜥蜴上曰善賜帛十匹復使射他物連中是射覆亦從筮占而得故本志附

入此類此兩書或猶是漢志五十卷之殘
贖宋志有東方朔射覆經三卷通志略一

卷殆即本之此二書

周易孔子通覆決三卷顏氏撰

顏氏似即為周易立成占者見前

通志藝文略五行覆射家孔子通覆決三卷

顏氏撰

案隋書藝術傳臨孝恭撰孔子馬頭易卜

書一卷行于世臨少後于顏蓋即其類宋

志有孔子金鑑記一卷疑即是書

又案日本書目五行家有孔子識記一卷

又有識書一卷新圖識緯一卷雜書識緯

鈔一卷知此類所載如神農黃帝文王武

王孔子之書大都皆本于識緯由識緯而

輾轉附益流為術數者也

易林要決一卷

不著撰人

案此蓋以易林占卜之術法為口決與前

所載諸家易林不同凡言決者大抵皆七

言歌決 此一段所載皆雜卜法故知此非前易

之類

易要決二卷梁有周易曆周易初學筮要法各一

卷

不著撰人

案此易要決二卷似即梁之周易曆一卷

初學筮要法一卷也故不注云亡

周易隨腦二卷

不著撰人

唐書經籍志易隨一卷不著撰人易腦一卷郭

氏撰藝文志同

案通志藝文略易家周易隨十卷郭璞撰

宋志八卷注云晉人撰不知姓名又通志

五行易占家郭氏易腦一卷是易隨易腦

皆郭氏之書此蓋合而為一然證以唐志

所載而下文又有郭氏易腦經則又似此

腦字為誤衍也

易腦經一卷鄭氏撰鄭當為郭

唐書經籍志易腦一卷郭氏撰

周易玄品二卷

不著撰人

案經部易家有周易玄品二卷亦不著撰

人冊府元龜以為干寶撰不知何據全氏

讀易別錄謂隋志誤入經部蓋以複見于

此故也考易類敘次在宋齊人之間其時

玄學盛行以周易老莊為三玄此殆三玄

之一列之于此豈亦占卜之流歟若但泛

論玄義品評得失則自王輔嗣已來相沿

已久入經部不誤列此反誤矣

易律曆一卷虞翻撰

虞翻有周易集林律曆一卷見前

唐書經籍志易律曆一卷不著撰人藝文志同

宋史藝文志虞翻注京房周易律曆一卷崇

文總目周易律曆一卷京房撰

宋王欽臣談錄曰京氏律曆一卷虞翻為之

解其書雖存學者罕究公從祕府傳其書究

習遂通屢以占卦甚效案欽臣稱公者謂其父洙

也

陳氏書錄解題京氏參同契律曆志一卷虞

翻注專言占象而不可盡通字亦多誤未有

別本校案此稱參同契似後人所加非王氏傳本

經義考王弘撰曰納甲之說京氏易傳魏氏

參同契皆有之而虞氏之說較備

易曆七卷

並不著撰人

經義考曰周易曆隋志七卷易曆決疑隋志

二卷俱佚

案經義考慈緯篇曰乾坤鑿度引易曆文

云陽紀天心鄭康成注曰孔子以曆說易

名曰象今易象四篇是紀古說又易曆文

云別序聖人題錄與亡州土名號姓輔友

符鄭注曰言孔子將此應之而作識三十

六卷其言闕味不可曉要之易曆之家大

抵亦緣起于識緯易緯乾坤鑿度引之

周易卦林一卷

不著撰人

宋史藝文志易卦林一卷

經義考曰周易卦林隋志一卷佚

案東觀漢記沛獻王輔傳永平五年秋京

師少雨上御雲臺召尚席取卦具自為卦

以周易卦林卜之則漢時已有周易卦林

漢志著龜家易卦八具即卦具是也又有

周易三十八卷大筮衍易二十八卷似即

周易卦林之類此一卷或猶是漢代所遺歟

又案李石續博物志云後漢崔篆著易林六十四篇或曰卦林或曰象林兩唐志載崔篆易林十六卷本志不見其書亦名卦林或此為崔氏之書亦未可知

洞林三卷梁元帝撰

梁元帝有漢書注見史部正史類

帝自序略曰余幼學星文多歷歲稔海中之書略皆尋究巫咸之說偏得研求雖紫微迢遞如觀掌握青龍顯晦易乎窺覽羨門五將亟經玩習韓終六壬常所寶愛至如周王白雉之筮般人飛燕之下著名聚雪非關地極之山卦有密雲能擁西郊之氣交通七聖世經三古山陽王氏直解談玄河東郭生纔能射覆兼而兩之竊自許矣

金樓子自序篇余將冠方好易卜及至射覆十中乃至八九又曰余初至荊州卜雨欣然有自得之意

南史本紀承聖三年十一月丁亥魏軍至柵下庚子夜有流星墜城中帝援著筮之卦成取龜式驗之因抵于城曰吾若死此下豈非命乎又曰帝于技術無所不該常不得南信筮之遇剝之艮曰南信已至今當遣左右季心往看果如所說賓客咸驚其妙凡所占決皆然又曰著詞林三卷案詞林為洞林之誤

唐書經籍志洞林三卷梁元帝撰

唐書藝文志梁元帝洞林三卷

案今本金樓子著書篇無洞林之目唯有玉子訣一秩三卷金樓付劉綏撰豈即洞林之異名歟似不然也又洞林自序見藝文類聚金樓子著書篇亦不載則今輯本遺漏也

連山三十卷梁元帝撰

金樓子立言篇曰案周禮筮人掌三易夏曰連山殷曰歸藏周曰周易解此不同案杜子春云連山伏羲也歸藏黃帝也子曰案禮記云我欲觀殷道得坤乾焉今歸藏先坤後乾則知是殷明矣推歸藏既是殷制連山理是夏書案此似連山自序之佚文

又著書篇曰連山三秩三十卷金樓年在弱冠著此書至于立年其功始就躬親筆削極有其勞

梁書南史本紀著連山三十卷

唐段成式酉陽雜俎貶誤篇曰梁元帝易連山每卦引歸藏斗圖立成委化集林及焦贛易林案段氏以此貶是書之誤蓋膠柱之見也

唐書經籍志連山三十卷梁元帝撰

唐書藝文志梁元帝連山三十卷

雜筮占四卷

不著撰人

唐書藝文志周易雜筮占四卷

案上文注云梁有周易筮占林五卷費直撰亡案此類之書以筮占名者唯費氏與徐苗二家唐志次于內卦神筮法之後皆

以為無名氏書不知神筮法實費氏書唐代相傳與此書相連屬蓋即費氏筮占林之殘本隋時已佚其一卷并佚其姓名矣亦詳見于前

五兆算經一卷

不著撰人

唐六典太卜令掌卜筮之法一曰龜二曰兆凡五兆之策三十有六注云用三十六算六變而成卦一變為兆再變成卦二為甲乙三為丙丁四為戊己五為庚辛六為壬癸其用五行相生相剋相扶相拆大抵與卦同占

案唐藝文志有孫思邈龜經一卷又五兆算經一卷龜上五兆動搖經訣一卷龜經

本志不載動搖訣已見前亦不著撰人此亦似孫氏書

十二靈棋卜經一卷

不著撰人

宋劉敬叔異苑曰十二棋卜出自張文成受法于黃石公行師用兵萬不失一逮至東方朔密以占衆事自此以後祕而不傳晉寧康初襄城寺法味道人忽見一老公著黃皮衣竹筒盛此書以授法味無何失所在遂復流于世案此言是書之最先者蓋晉宋之時已有此不經之談也黃帝太公老子黃石公東方朔諸葛亮為流俗所附託之書不知凡幾甚可厭矣

唐日本國見在書目靈易一卷東方朔撰八

公靈棋經一卷八公靈棋卜經二卷

晁氏讀書志靈棋經二卷漢東方朔撰又云

張良劉安未知孰是晉顏幼明宋何承天注有唐李遠敍歸來子以爲黃石公書豈即以授張良者耶案南史載客從南來遺我良材寶貨珠璣金碗玉杯之繇則古之遺書也明矣凡百二十卦皆有繇辭

宋史藝文志靈棋經一卷李進注靈棋經一卷

明白雲霧道藏目錄靈棋經上下二卷宋駕部郎中顏幼明注御史中丞何承天續注又曰占數之學

四庫提要曰靈棋經二卷舊題漢東方朔撰或又以爲出自張良本黃石公所授後朔傳其術漢書所載朔射覆無不奇中悉用此書或又謂淮南王劉安所撰其說紛紜不一大抵皆術士依託之詞惟考隋經籍志即有十二靈棋卜經一卷而南史所載客從南來遺我良材之繇實爲今經中第三十七卦象詞則是書本出自六朝以前其由來亦已古矣卦凡一百二十有四合以純陰錮卦十二棋皆覆者爲混沌未明尚不在此數鬼公武僅載一百二十繇殆不及檢而偶遺之也舊傳

晉顏幼明宋何承天皆爲之注李遠爲之敍元廬山陳師凱又爲作解而宋志別有李進注靈棋經一卷則今已失傳明初劉基復仿周易象傳體作注以申明其義其後序稱靈棋象易而作以三爲經四爲緯三以上爲君中爲臣下爲民四以一爲少陽二爲少陰三爲太陽四爲老陰少與少爲耦老陰與太陽

爲敵得耦而悅得敵而爭或失其道而耦反爲仇或得其行而敵反爲用陽多者道同而助陰盛者志異而乖數語足盡茲經之要大抵與易筮相爲表裏觀其詞簡義誠異乎世之生剋制化以爲術者矣故錄而存之以備古占法之一種焉

又簡明目錄曰其法以棋十二枚以所擲面背相乘得一百二十四卦各有繇辭其文雅奧非後世術家所能僞劉基之注似亦非依託

梁有管公明算占書一卷亡
管公明即管輅有鳥情逆占周易通靈決並見前

案崇文總目卜筮類有管公明隔山照一卷宋志五行家亦載之疑即是書
梁有五行雜卜經十卷亡
不著撰人

史記龜策傳太史公曰蠻夷氏羌雖無君臣之序亦有決疑之卜或以金石或以草木各信其神以知來事案此言雜卜之最先者

唐段公路北戶錄曰愚見卜之流雜書傳有虎卜紫姑卜牛蹄卜灼骨卜烏卜雖不法于善龜亦有可以稱者子路見孔子曰猪肩牛膊可以得兆何必善龜又有螺段卜遺

案漢志善龜家有鼠序卜黃二十五卷蓋言鼠卜雞卜諸雜卜之法太平御覽方術部載諸雜卜有蠶卜虎卜雞卜烏卜樽蒲卜十二棋卜竹卜牛蹄卜雞卜卽越巫所

傳漢書郊祀志載其事十二棋卽靈棋經見前竹卜卽范書方術傳序所謂挺專者是也挺亦作筮此十卷所載大抵皆此類或亦有漢志二十五卷之殘文在其間也

又案七錄卜巫一類別爲一部據本志所載知其始于史蘇龜經十卷終于此書也

京君明推偷盜書一卷
京君明即京房有風角要占等書凡十七部並見前

案漢書京房傳房事梁人焦延壽延壽補小黃令以候司先知姦邪盜賊不得發唐王俞大易通變序亦謂邑中隱伏之事皆預知其情蓋亦因筮占而得其師亦嘗用之也房有風角要占御覽七百十七引風角要占厭盜賊法蓋別爲厭勝之法與此候伺爲術不同然亦疑在風角書中後人鈔出別行者也論衡變動篇云六情風家言風至

爲盜賊者感應之而起六情風家即風角家上文所載焦氏六情鳥音內祕一卷是也此本風角中之術也

又案自神農重卦經至此又爲一起如前例其間亦約略以類相從

以上自京房周易占至此凡三起綜五十九部附著梁有十五部皆漢以來易占林占諸雜卜之屬爲第十三類

天皇大神氣君注曆一卷
不著撰人

通志藝文略五行陰陽家天皇大神氣君注
曆一卷

案此似假託神人書天皇大神氣君之號
亦不詳為何神唐日本書目有四天王讖
一卷疑即是書似本于圖讖又范書方術
傳序言術家者流有元氣一術疑即其類

太史公萬歲曆一卷

史記自序司馬氏世典周史談為太史公太
史公學天官于唐都受易于楊何習道論于
黃子仕于建元元封之間啟學者之不達其
意而師悖乃論六家之要指太史公既掌天
官不治民有子曰遷

唐書經籍志太史公萬歲曆一卷司馬談撰

藝文志同

千歲曆祠一卷任氏撰

任氏不知何人

唐六典太卜令篇注凡陰陽雜占吉凶悔吝
其類有九決萬民之猶豫七日祠祭

唐書經籍志千歲曆祠二卷任氏撰

唐書藝文志任氏千歲曆祠二卷

萬歲曆祠二卷

不著撰人

唐書經籍志萬歲曆祠二卷藝文志同

萬年曆二十八宿人神一卷

不著撰人

六甲周天曆一卷孫僧化撰

孫僧化有星占見前天文家

唐書經籍志六甲周天曆一卷孫僧化作

唐書藝文志孫僧化六甲開天曆一卷一本
作二卷

六十甲子曆一卷

不著撰人

曆祀一卷

不著撰人

案論衡解除篇云世信祭祀謂祭祀必有
福又譏日篇云祭祀之曆亦有吉凶假令
血忌殺之日固凶以殺牲設祭必有患禍
云云案祭祀之曆似即此書及以前千歲
曆祀萬歲曆祀及後六甲祀書之類皆是
也

田家曆十二卷

不著撰人

案齊民要術所載似多本于是書今田家
相傳口頭歌訣時有所聞者當亦出于是
書

三合紀饑穰一卷

不著撰人

案史記天官書云夫自漢之為天數者星
則唐都氣則王朔占歲則魏鮮此占歲之
類也宋書大且渠蒙遜傳元嘉十四年河
西王茂虔奉表獻方物并獻皇帝王曆三
合紀一卷唐日本書目有九宮飢穰曆一
卷頗似此書
以上自天皇大神氣君注曆至此凡十部
皆五行曆紀之屬為第十四類

師曠書三卷

左襄十四年傳師曠侍于晉侯杜預曰師曠
晉樂大師子野

孟子離婁篇師曠之聰趙岐曰師曠晉平公
之樂太師也其聽至聰

漢書藝文志小說家師曠六篇見春秋其言
淺薄本與此同似因託也又兵陰陽家師曠
八篇晉平公臣

又人表第五等中師曠錢塘梁玉繩考曰
師曠始見逸書太子晉解左襄十四晉語八
晉主樂太師字子野冀州南和人生而無目
故自稱瞶臣又稱盲臣亦曰晉野葬右扶風
漆縣廣韻注以師為姓非也

後漢書方術傳序師曠之書注師曠占災異
之書也今書七志有師曠六篇

又蘇竟傳竟與劉歆歆兄子襲書曰猥以師曠
雜事輕自炫惑章懷太子曰師曠雜事雜占
之書也前書陰陽書十六家有師曠八篇也

唐書經籍志師曠占書一卷藝文志同

宋史藝文志師曠擇日法一卷

孫氏祠堂書目師曠占一卷洪頤煊集本

案據范書傳注所引七志似宋齊時小說
家之六篇猶傳而兵陰陽家之八篇亡矣

本志後文雜占類中引七錄又有師曠占
五卷此三卷殆即五卷之佚存蓋自漢至

齊六卷梁五卷隋三卷唐一卷宋僅存擇
日法今惟有洪氏輯本焉 又金樓子志怪篇

言師曠有地鏡經詳見後第二十七類

海中仙人占災祥書三卷

通志校讎略曰海中仙人占災祥書五行類中兩出

案前第九類災祥諸書中已載是書此類亦近是災祥之書而重出其目是亦可知前類所取據一家書目此又別據一家書目鈔入也

東方朔占二卷

東方朔書二卷

東方朔書鈔二卷

東方朔曆一卷

東方朔占候水旱下人善惡一卷下人當爲卜人

東方朔有歲占一卷見前第五類遁甲諸書中

漢書本傳朔之文辭凡劉向所錄朔書具是矣世所傳他事皆非也師古曰謂如東方朔別傳及俗用五行時日之書皆非實事也案顏氏此注即指此類所載者是也

又傳贊曰朔喜爲庸人誦說故今後世多傳聞者朔之談諧逢占射覆其事浮淺行于衆庶童兒牧豎莫不眩耀如淳曰逢占逢人所問而占之也師古曰此說非也逢占逆占事猶云逆刺也 范書方術傳序注前書班固曰東方朔之逢占覆射音義云逢人所問而占之也此所引音義即如淳說章懷太子用舊義也

唐書經籍志東方朔占書一卷藝文志同

四庫術數類存目提要曰東方朔占書三卷

天一閣藏本原本前後無序跋所載皆測候風雲星月及太歲六十年豐凶占驗之法其

詞皆鄙俚不文案隋志有東方朔占二卷東方朔書二卷東方朔書鈔二卷東方朔占候

水旱卜人善惡一卷蓋古來雜占之書託于朔者甚多此又僞本中之僞本也案本志及通志略皆作下人善惡幾以爲僕隸下人唯提要引作卜人確不可見卜人善惡即翼奉所謂五音六情之術

嚴氏全漢文編曰隋志五行家有東方朔歲

占一卷又有東方朔書等凡六種開元占經

引見統稱東方朔占凡九條

梁有擇日書十卷亡

不著撰人

案史記日者列傳褚先生言孝武時聚會

占七家問取婦日知七家皆兼及擇日之

術也故王充論衡讖日篇云時日之書衆

多非一此殆梁代民間日用之書

梁有太歲所在占善惡書一卷亡

不著撰人

史記天官書凡候歲美惡謹候歲始而漢魏

鮮集臘明正月旦決八風其爲天下占候竟

正月月所離列宿章昭曰離歷也日風雲占其

固然必察太歲所在在在積水毀木饑火旱

此其大經也正義曰案月列宿日風雲有變

占其國并太歲所在則知其歲豐稔水旱饑

饑又貨殖列傳案隱曰五行不說土者土穰也

案此蓋亦占歲善惡者似斂歲字或相傳

魏鮮之占法

以上自師曠書至此凡七部附著梁有二部皆雜占吉凶災祥與前第九類相似爲

第十五類 雜忌曆二卷魏光祿勳高堂隆撰

高堂隆有魏臺雜訪議見史部刑法篇案此蓋其爲太史令時所作論衡讖日詰術等篇屢言時俗禁忌之妄范書蔡邕傳邕上七事表曰近者以來更任太史志禮敬之大任禁忌之書拘信小故以虧大典則其前已早有之矣

百忌大曆要鈔一卷

百忌曆術一卷

百忌通曆法一卷梁有雜百忌五卷亡

曆忌新書十二卷

並不著撰人

太史百忌曆圖一卷梁有太史百忌一卷亡

並不著撰人

案續漢百官志太史令一人六百石凡國

祭祀喪娶之事掌奏良日及時節禁忌此

即時節禁忌之書也今時憲書載凶星諸

忌一篇凡二十九條又載百忌日甲不開

倉至癸不詞訟十條子不問卜至亥不嫁

娶十二條皆節要紀載爲民間日用所須

其初皆有專書此類是已

雜殺曆九卷

不著撰人

案此似言斂氣今欽定協紀辨方書載有

劫煞災煞月煞謂之三煞避忌最多時憲

書亦每月皆有三煞方位此其專書大抵

亦言宜忌也兵家書中有兵殺曆一卷亦

不著撰人似即從此書鈔出者
梁有秦災異一卷後漢中郎郗萌撰

郗萌有春秋災異詳見經部異說家

案此一卷似即從春秋災異十五卷中析出者

梁有後漢災異十五卷亡

不著撰人

案續漢五行志序故泰山太守應劭給事

中董巴散騎常侍譙周並撰建武以來災

異今合而論之是撰後漢災異者唯此三

家為最著又百官志云太史令凡國有瑞

應災異掌記之則亦太史之職掌此或魏

晉以來故府所留遺者觀七錄後文所載

略可尋案焉

梁有晉災異簿二卷宋災異簿四卷亡

並不著撰人

案此似亦晉宋兩朝故府所遺之簿籍

梁有雜凶妖一卷破書玄武書契各一卷

並不著撰人

案破書似即言歲破月破破日之類玄武

者今時憲書凶星詳注篇第一條載天刑

朱雀白虎天牢元武勾陳六神與吉神並

則吉與凶神並則凶蓋凶星之一也玄武

書契或專言玄武用事出游之類

以上自高堂隆雜忌曆至此凡七部附著

梁有九部皆禁忌及災祥之屬續漢百官

志云太史令奏時節禁忌凡國有瑞應災

異掌記之是皆太史官所有事此以災異

附禁忌諸書後蓋七錄舊第如此意或有
在是為第十六類 通志略以上三類之書彙次

為一曰陰陽陰陽所包者廣于本志章段節目未盡

分明故不從之也

二儀曆頭堪餘一卷

堪餘曆二卷

注曆堪餘一卷

地節堪餘二卷

堪餘曆注一卷

堪餘四卷 唐日本國見在書目黃帝金匱疏四卷陳氏撰疑

即是書漢志本稱堪輿金匱而堪輿又自來託之黃帝也

大小堪餘曆術一卷梁大小堪餘三卷案此一卷即

七錄之三卷故不注云亡

並不著撰人

史記日者列傳褚先生曰孝武帝時聚會占

家問之某日可取婦乎五行家曰可堪輿家

曰不可

漢書藝文志堪輿金匱十四卷師古曰許慎

云堪天道輿地道也

又揚雄傳注張晏曰堪輿天地總名孟康曰

堪輿神名造圖宅書者師古曰堪輿張說是

也 案圖宅書疑在漢志十四卷中論衡諸術篇數引圖

宅術

論衡譏日篇堪輿曆曆上諸神非一聖人不

言諸子不傳殆無其實天道難知假令有之

諸神用事之日也忌之何福不諱何禍 案堪

輿曆當亦在漢志十四卷中

風俗通佚文堪輿書云上朔會客必鬪爭案

劉君陽為南陽牧嘗上朔設齋饌了無鬪者

周禮保章氏注九州諸國中之封域于星亦

有分焉其書亡矣堪輿雖有郡國所入度非

古數也賈公彥曰古黃帝時堪輿亡故其書

亡矣後代有作堪輿者非古數也案此則漢志

所載堪輿已非黃帝時古堪輿之書

唐書經籍志堪輿曆注二卷

唐書藝文志地節堪輿二卷堪輿曆注二卷

宋志有堪輿經一卷太史堪輿一卷不知是否即唐志之

遺

四庫提要術數家案語曰相宅相墓自稱堪

輿家考漢志有堪輿金匱十四卷列于五行

顏師古引許慎曰堪天道輿地道其文不甚

明而史記日者列傳有武帝聚會占家問某

日可娶婦否堪輿家言不可之文隋志則作

堪餘亦皆日辰之書則堪輿占家也

案此作堪餘似音聲之誤注曆堪輿亦似

堪輿曆注之誤此八種一十五卷其間或

亦有漢志十四卷所留遺者

又案唐日本書目無堪輿書唯有黃帝金

匱經十卷此所載前五部七卷梁有一部

三卷十卷之數略相符合疑即此類散見

之書

四序堪餘二卷殷紹撰

魏書術藝傳殷紹長樂人也少聰敏好陰陽

術數游學諸方達九章七曜世祖時為算生

博士給事東宮西曹太安四年夏上四序堪

輿表曰臣以姚氏之世行學伊川時遇遊遁

大儒成公與從求九章要術與字廣明自云膠東人山居隱跡希在人間與時將臣南到陽翟九崖巖沙門釋曇影間與即北還臣獨留住依止影所求請九章影復將臣向長廣東山見道人法穆法穆時共影爲臣開述復以先師和公所注黃帝四序經文三十六卷合有三百二十四章專說天地陰陽之本其第一孟序九卷八十一章說陰陽配合之原第二仲序九卷八十一章解四時氣王休殺吉凶第三叔序九卷八十一章明日月辰宿交會相生爲表裏第四季序九卷八十一章具釋六甲刑禍福德以此等文傳授于臣山神禁嚴不得齋出尋究經年粗舉綱要以甲寅之年奉辭影等自爾至今四十五載臣前在東宮以狀奏聞奉被景穆皇帝敕臣撰錄集其要最仰奉明旨謹審先所見四序經文抄撮要略當世所須吉凶舉動集成一卷上至天子下及庶人又貴賤階級尊卑差別吉凶所用罔不畢備未及內呈先帝晏駕停廢以來逕由八載每懼殞填仆溝壑先帝遺志不得宣行夙夜悲憤理難違匿依先撰錄奏謹以上聞請付中祕通儒達士定其得失事若可施乞即班用其四序堪輿遂大行于世 案北魏文成帝太安四年當南朝宋孝武帝大明二年也

唐書經籍志黃帝四序堪輿二卷殷紹撰

唐書藝文志殷紹黃帝四序堪輿一卷

宋史藝文志商紹太史堪輿曆一卷黃帝四

序堪輿經一卷

宋王應麟漢書藝文志考證唐呂才曰案堪輿經黃帝對天老始言五姓後魏殷紹以黃帝四序經文撮要爲四序堪輿

梁堪輿天赦有書七卷雜堪輿四卷亡 案有字似當在梁下

並不著撰人

謹案時憲書吉星詳注篇天德歲德月德天德合歲德合月德合天赦天願注云百事宜用能解諸凶又載天赦上吉日云春戊寅夏甲午秋戊申冬甲子天赦蓋吉神中之一堪輿家之天赦其書乃多至七卷云

八會堪輿一卷

不著撰人

周禮占夢注必以日月星辰占夢者其術則今八會其遺象也賈公彥曰案堪輿大會有八也小會亦有八

欽定協紀辨方書義例篇有曰漢時已有堪輿八會見于經史今歷家大會八即其傳也又有小會八又有行狼了戾孤陰單陽等名要之皆爲不吉之日又考原曰大會者陽會于陰也小會者陰會于陽也

唐六典太卜令篇凡曆注之用六一曰大會二曰小會三曰雜會四曰歲會五曰除建六曰入神

錢氏隋書考異曰經籍志八會堪輿一卷案周禮疏引堪輿大會有八小會有八即此書

也與餘音同

案此似即前大小堪輿之異名又似前載梁大小堪輿三卷之佚存

雜要堪輿一卷

不著撰人

案此不知何人抄撮成編亦似前載梁有雜堪輿四卷之佚存

以上自二儀曆頭堪輿至此凡十部附梁有三部皆堪輿之屬爲第十七類

元辰五羅算一卷

不著撰人

案晁氏讀書志云秤星經以日月五星羅瞻計都紫炁月孛十一曜演十二宮宿度以推人之貴賤壽夭休咎是羅喉爲十一曜之一此五羅或即羅喉亦五星之異名歟

孝經元辰四卷梁有五行元辰厄會十三卷孝經元辰會九卷孝經元辰決一卷亡

並不著撰人

案前第八類元辰諸書中有孝經元辰決九卷孝經元辰二卷推元辰厄會一卷大抵皆此所載之別本此猶在其前所行者元辰曆一卷

不著撰人

案唐藝文志有元辰一卷似即此元辰曆敝曆字 唐志所載元辰書皆見于本志前後二類

唯此元辰一卷本志不見逐條勘驗知是此書 雜元辰祿命二卷

不著撰人

唐書藝文志雜元辰祿命二卷

四庫術數類星命溯源提要曰王充論衡稱天施氣而衆星布精天所施氣而衆星之氣在其中矣人稟氣而生含氣而長得貴則貴得賤則賤貴或秩有高下富或賁有多少皆星位尊卑大小之所授也是漢末已以星位言祿命又案語曰人生時值星貴賤見王充論衡隋志有雜元辰祿命等書則其來已久矣

澠河祿命三卷

不著撰人

唐六典太卜令篇曰凡祿命之義六一曰祿二曰命三曰驛馬四曰納音五曰澠河六曰月之宿也

唐書藝文志澠河祿命二卷

宋沈括夢溪筆談曰唐六典述五行有祿命驛馬澠河之目人多不曉澠河之義案字書澠亦作涅案古文涅深泥也術書有澠河者蓋謂陷運如今之空亡也

梁有五行祿命厄會十卷亡

不著撰人

以上自元辰五羅算至此凡五部附梁有四部與前第八類相同猶重出遁甲之類也是爲重出元辰祿命第十八類 唐藝文

志有王琛祿命書二卷本志不見

乾坤氣法一卷許辯撰

許辯始末未詳通志略列之是類之末似隋唐人

易通統卦驗玄圖一卷

不著撰人

顏氏家訓書證篇案易統通卦驗玄圖曰苦榮生于寒秋更冬歷春得夏乃成又曰莠莠不出則國多火災案月令孟夏之月苦榮秀仲冬之月莠莠出

經義考曰易統卦驗玄圖隋志一卷佚又惑緯篇曰案通卦驗大都占候之辭其占雲則杜氏編珠引之占風占日暑則太平御覽引之又顏氏家訓陸氏釋文皆引其文

案此或即易緯統卦驗之別本此題易通統卦驗又似後人通其書中之玄圖通統二字相同范書方術樊英傳注作通卦驗宋志有易玄圖一卷或即是書

易通統圖二卷

不著撰人

經義考曰易通統圖隋志二卷佚又惑緯篇曰易通統圖太平御覽引其文曰春行東方青道曰東陸夏行南方赤道曰南陸秋行西方白道曰西陸冬行北方黑道曰北陸

易新圖序一卷

不著撰人

唐書藝文志周易雜圖序一卷 此作雜圖未詳孰是

案經部易類引七錄有周易新圖一卷亦不著名氏全氏讀易別錄謂此即新圖之

易通統圖一卷

不著撰人

序唐日本書目有新圖識緯一卷疑即是書經義考曰易通統圖隋志又一卷佚案經部易家梁有周易大衍通統一卷顏氏撰列在圖譜一類中似即此書顏氏有周易立成占周易孔子通覆決並見前第十三類殆即其人也

又案玉海陰陽五行類引乾象新書注云京房又有易備易坤靈圖通卦驗通統則此類所載通卦驗及通統圖或亦出于京氏

又案唐日本國書目五行家有識書孔子識紀新圖識緯雜書識緯鈔四部各一卷似亦此類之書

易八卦命錄斗內圖一卷郭璞撰

易斗圖一卷郭璞撰

郭璞有周易新林洞林又有郭氏易立成林

易髓易腦經並見前

經義考郭氏璞易八卦命錄斗內圖隋志五行家一卷佚易斗圖隋志一卷佚

案段成式酉陽雜俎言梁元帝易連山每卦引斗圖蕭吉五行大義又引黃帝斗圖不知是否即此斗圖也

易八卦斗內圖二卷

八卦斗內圖二卷

並不著撰人

唐書藝文志周易八卦斗內圖一卷又三卷

經義考易八卦斗內圖隋志二卷又二卷佚

梁有周易八卦五行圖周易斗中八卦絕命圖
周易斗中八卦推游年圖各一卷亡

並不著撰人

經義考周易八卦五行圖七錄一卷佚周易

斗中八卦絕命圖七錄一卷佚周易斗中八

卦推游年圖七錄一卷佚

周易分野星圖一卷

不著撰人

經義考周易分野星圖隋志一卷佚

案晉書天文志上言費直說周易以十二

次配十二野引費直周易分野十二條又

載京房言州郡躔次此或本二家易傳以

爲之圖

以上自乾坤氣法至此凡十部附梁有三

部通志略名之曰易圖是爲第十九類此

類似皆本之于圖讖前五家顯而易見者

也

舉百事略一卷

不著撰人

唐書藝文志舉百事要略一卷

通志藝文略五行陰陽家舉百事要略一卷

案前載百忌曆諸書蓋言百事之所忌此

則舉百事之所宜也欽定協紀辨方書用

事篇載修造動土豎柱上梁入學會親友

諸事宜時憲書則每日分載之又載吉星

所宜二十九條皆所以便日用也此其專

書也

五姓歲月禁忌一卷

不著撰人

王氏漢志考證曰左傳史龜曰是謂沈陽可

以興兵利以伐姜不利于商姓之有五音蓋

已見于此

新唐書呂才傳近世乃有五姓謂宮也商也

角也徵也羽也以爲天下萬物悉配屬之以

處吉凶然言皆不類如張王爲商武庚爲羽

是以音相諧附至柳爲宮趙爲角則又不然

其間一姓而兩屬復姓數字不得所歸是直

野人巫師之說爾案璫輿經黃帝對天老始

言五姓且黃帝時獨姬姜數姓耳後世賜族

者淺多因官命氏因邑賜族本同末異叵爲

配宮商哉春秋以陳衛秦爲水姓齊鄭宋爲

火姓或所出之祖所分之星所居之地以著

由來非宮商角徵羽相管攝也

案五星歲月禁忌大抵謂五姓之家于歲

建月建各有禁忌論術篇所謂五音

之家是也漢志五行家有五音定名十五

卷此或其中之一事歟呂才謂其配姓不

倫其所造陰陽書不取其說此其所絀卜

宅篇之文也

又案今時憲書每年載五姓修宅五條云

宮姓屬土商姓屬金角姓屬木徵姓屬火

羽姓屬水有小通大通氣絕鬼賊害財等

名目每年分注于五姓之下下載宜某某

月不宜某某月似卽此書之簡要此書或

亦爲修造而設歟

舉百事要一卷

不著撰人

案唐書藝文志唯有舉百事要略一卷知百

事要百事略實爲一書此似前百事略之

重出以所見書目一本無要字一本無略

字遂以爲兩書而各列其目其不與前百

事略相類從則所據非一家書目可知及

刪除後遂與百事略相去止一部亦從可知

以上三書列之此前後俱不類若移列于

前雜殺曆之後則倫貫矣今又別出爲第

二十類

嫁娶經四卷

陰陽婚嫁書四卷

雜陰陽婚嫁書三卷

婚嫁書二卷

婚嫁黃籍科一卷

六合婚嫁曆一卷梁六合婚嫁書及圖各一卷

嫁娶迎書四卷

雜婚嫁書六卷

嫁娶陰陽圖二卷

陰陽嫁娶圖二卷

雜嫁娶房內圖術四卷

九天嫁娶圖一卷

並不著撰人

唐六典太卜令注凡陰陽雜占吉凶悔吝其

類有九決萬民之猶豫一曰嫁娶

唐書經籍志婚嫁書二卷藝文志同 案唐志唯

載此一部

案史記日者列傳褚先生言孝武時聚五行家堪輿家建除家叢辰家曆家人家

蓋天文家之誤太乙家凡七家問取婦日各言吉凶辯訟不決以狀聞制曰避諸死忌以五行爲主以人稟五行而生也案此七家之書皆見于漢志數術略中惟建除家不見蓋卽轉位十二神二十五卷也然無婚嫁書

蓋婚嫁在術家特其一端耳漢時不以爲專書大抵皆散見于七家諸書中也隋志藝術劉祐傳祐撰婚姻志三卷宋史藝文志載陳襄校定京房婚書三卷此類中或有京房劉祐兩家之書在其間焉

謹案欽定協紀辨方書用事篇有言嫁娶宜忌云嫁娶宜天德月德天德合月德合天赦天願三合天喜六合不將忌月破平日收日閉日劫煞災煞月煞月刑月害月厭厭對大時天吏四廢四忌四窮五墓往亡八專亥日又卷首奏議載男女合婚嫁娶用大利月及周堂日名目皆術士不經

妄說而今時憲書亦每逢良日各載宜結婚姻嫁娶卷末亦載嫁娶周堂圖或之後又議准通行歟是皆此類婚嫁書之大略也

又蕭吉五行大義論支干雜篇曰五行書云甲以女弟乙嫁庚爲妻故乙中有雜金丙以女弟丁嫁壬爲妻故丁中有雜水戊以女弟己嫁甲爲妻故己中有雜木庚以女弟辛嫁丙爲妻故辛中有雜火壬以女

弟癸嫁戊爲妻故癸中有雜土甲丙戊庚壬爲男剛強故自有德不雜乙丁己辛癸爲女柔弱不自專從夫故有雜云云是五行家亦以嫁娶爲推測比喻之辭此類或亦有其說歟莫得而詳已

以上十二部附梁有一部通志略亦彙次爲一門曰婚嫁是爲第二十一類

六甲貫胎書一卷 不著撰人 產乳書二卷 不著撰人

弟癸嫁戊爲妻故癸中有雜土甲丙戊庚壬爲男剛強故自有德不雜乙丁己辛癸爲女柔弱不自專從夫故有雜云云是五行家亦以嫁娶爲推測比喻之辭此類或亦有其說歟莫得而詳已

以上十二部附梁有一部通志略亦彙次爲一門曰婚嫁是爲第二十一類

六甲貫胎書一卷 不著撰人 產乳書二卷 不著撰人

錢氏隋書考異曰經籍志產乳書二卷不著撰人藝術傳劉祐著產乳志二卷疑卽此案劉祐有金縢陰策並見前兵家祐所撰又有觀臺飛候六卷玄象要記五卷律曆術文一卷婚姻志三卷式經四卷四時立成法一卷安曆志十二卷歸正易十卷隋書云並行于世而本志多不見也

產經一卷 不著撰人 推產婦何時產法一卷王琛撰

王琛有九宮行碁立成太乙飛鳥曆黃帝九宮遁甲六情決遁甲開山圖五書並見前唐書經籍志推產婦何時產法一卷王琛撰唐書藝文志王琛風角六情訣一卷又推產婦何時產法一卷

推產法一卷 雜產書六卷

生產符儀一卷 產圖二卷 雜產圖四卷 並不著撰人

唐六典太卜令注凡陰陽雜占吉凶悔吝其類有九一曰嫁娶二曰生產 案北史藝術許遵傳遵在北齊文宣末死子暉亦學術數遵謂曰汝聰明不及我不勞多學唯授以婦人產法豫言男女及產日無不中武成時以此數獲賞焉許暉與劉祐同時祐亦撰產乳志是當北齊周隋時產乳一術盛行于世此類之書大抵多起于其時

以上九部通志略亦類次爲一門曰產乳是爲第二十二類 唐志于王琛書外唯有崔知悌產圖一卷知悌唐初人此所載產圖二卷雜產圖四卷內或有其書

拜官書三卷 臨官冠帶書一卷 並不著撰人 仙人務子傳神通黃帝登壇經一卷

仙人務子不知何人 案仙人務子傳神通七字似術家之淺妄者所加務子疑是務成子漢志小說家有務成子十一篇五行家又有務成子災異應十四卷此一卷或猶是漢志殘闕之餘因而加以此名歟

增經一卷四等撰

四等不知何人

登壇經三卷

五姓登壇經一卷

登壇文一卷

並不著撰人

唐書經籍志登壇經一卷藝文志同

唐六典太卜令注曰凡陰陽雜占其類有九

一曰嫁娶二曰生產三曰曆注四曰屋宅五

曰祿命六曰拜官

梁有二公地基一卷雜地基立成五卷八神圖

二卷十二屬神圖一卷亡

並不著撰人

唐張彥遠歷代名畫記曰古來祕畫珍圖有

十二屬神圖

謹案欽定協紀辨方書義例篇有建除十

二神考原曰十二神者除危定執成開爲

吉建破平收滿閉爲凶又五行大義載九

宮十二神各有主名術家又有太歲十二

神博士十二神六壬所使十二神漢志五

行家有轉位十二神二十五卷其詳不可

得而聞矣二公八神並未詳疑是人神

又案是類之書其事有見于傳記者史記

淮陰侯列傳蕭何曰王必欲拜信爲大將

擇良日齋戒設壇場具禮乃可耳漢書王

莽傳莽下書曰以戊辰直定御王冠卽真

天子位師古曰于建除之次其日當定晉

書藝術戴洋傳元帝將登陬使洋擇日洋

以爲宜用三月二十四日景午大史令陳

卓奏用二十二日隋書藝術庾季才傳大

定元年正月季才上言人君正位宜用二

月其月十三日甲子昔周武王以二月甲

子定天下享年八百漢高帝以二月甲午

卽帝位享年四百故知甲子甲午爲得天

數今月甲子宜應受命上從之是皆斯類

事體之最大者陳氏書錄曰彈冠必用一

卷專爲宜游擇日蓋卽其類欽定協紀辨

方書用事篇載上冊受封宜忌上表章宜

忌襲爵受封宜忌冠帶宜忌上官赴任宜

忌臨政親民宜忌今散見于時憲書中者

亦其類也

沐浴書一卷

不著撰人

案論衡譏日篇引沐書曰子日沐令人愛

之卯日沐令人白頭夫人之所愛憎在容

貌之好醜頭髮白黑在年歲之稚老且沐

者去首垢也洗去足垢盥去手垢浴去身

垢皆去一形之垢其實等也洗盥浴不擇

日而沐獨有日爲沐立日曆者不可用也

是王充所見但有沐書無浴書此或後人

所增演南史梁簡文帝本紀有沐浴經三

卷此一卷或卽其書之佚存者欽定協紀

辨方書用事篇載沐浴宜忌曰宜除日解

神除神亥子日忌伏社日亦是書之一事

時憲書亦載洗頭日一條又每日分載宜

沐浴剃頭蓋亦本之于是書而剃頭亦沐

浴之一事王充論衡曰浴亦治面

梁有裁衣書一卷亡

不著撰人

案論衡譏日篇又曰裁衣有書書有吉凶

凶日製衣則有禍吉日則有福是漢時已

有之矣漢志雜占家有武禁相衣器十四

卷此或其中之一事歟欽定協紀辨方書

用事篇載裁製宜忌注云與裁衣同宜天

德月德天德合月德合天赦天願月恩四

相時德王日三合滿日開日復日忌月破

平日收日劫煞災煞月煞月刑月厭四廢

時憲書中亦每日載沐浴剃頭裁衣之宜

皆是書之大略歟

以上九部附梁有四部通志略目之曰登

壇而沐浴裁衣兩書不之及今考前後次

序此兩書當屬此類之末是爲第二十三

類

占夢書三卷京房撰

京房有風角要占等書凡三十餘種詳見前

第十三類周易逆刺占條下

案漢志雜占家敍曰衆占非一而夢爲大

故周有其官而詩載熊羆虺蛇衆魚旒旗

之夢著明大人之占以考吉凶蓋參卜筮

言亦參之卜筮以爲之占也漢志雜占一

門以占夢爲之首云

占夢書一卷崔元撰

崔元始末未詳

竭伽仙人占夢書一卷

婆羅竭伽仙人有天文說三十卷詳見前天

文家

占夢書一卷周宣等撰

魏志本傳宣字孔和樂安人爲郡吏太守楊沛東平劉楨數使占夢文帝亦數問之以爲中郎屬太史宣之敍夢十中八九世以比朱建平之相明帝末年卒案朱建平相書本志七錄皆不見

唐書經籍志占夢書三卷周宣撰

唐書藝文志周宣占夢書三卷又二卷

案本傳載宣爲楊沛劉楨占各一事爲文帝占三事爲或人占同夢芻狗三事末云宣之敍夢凡此類其餘效不次列則其所次列者皆本之此書太平御覽九百二十四引周宣夢書占鸚鵡一事亦傳所不次列也此一卷題周宣等則附有他家之術與唐本不同

新撰占夢書十七卷并目錄

不著撰人

案此疑是隋煬帝所敕撰者此以上五種從一家書目鈔入以下又從別一家書目鈔入

夢書十卷

解夢書二卷

並不著撰人

海中仙人占體闊及雜吉凶書三卷

案字書引黃帝素問曰肉腠癰注云動掣也案俗言肉跳者是也類篇云或作瞞與瞞瞬眈眈並同

海中仙人占吉凶要略二卷

案前第九類載海中仙人占災祥書三卷第十五類又重出一部此與前雜吉凶書三卷疑卽一書之別本稍異者

雜占夢書一卷

不著撰人

案此類載占夢書凡八部宋洪邁容齋續筆曰漢藝文志雜占十八家以黃帝長柳占夢十一卷甘德長柳占夢二十卷爲之首魏晉方伎猶或有之今人不復留意此卜雖市井妄術所在方伎亦無一箇以占夢自名者其學殆絕矣孫氏祠堂書目夢書一卷洪頤煊集本

梁有師曠占五卷亡

師曠有書三卷見前

案前第十五類載師曠書三卷卽此五卷之殘帙此所云亡實未盡亡也蓋既據見存書目著錄于前復從七錄鈔附于此耳

梁有東方朔占七卷亡

東方朔有歲占等書凡六種並見前

案日本國見在書目有東方朔書十一卷似并此及前所載爲一帙梁隋唐傳本各不同外藩傳本又不同也

梁有黃帝太一雜占十卷亡

案太一家書見前第四類此七錄載之雜占家不與前同類也

梁有和菟鳥鳴書王喬解鳥語經各一卷亡

和菟始末未詳王喬有鳥情占一卷見前

案鳥情一術七錄載之雜占家而本志所據見存書目有附入風角類者有自爲一類者本志各依其類合而次之刪除之後不復修治故鳥情之書一篇之中凡三見焉此王喬解鳥語經卽前第七類所載王喬鳥情占一卷亦亡而不亡也

梁有唳書耳鳴書目瞶書各一卷亡

並不著撰人

案漢志雜占家有唳耳鳴雜占十六卷體瞶目瞶之類殆亦在其中此猶漢時流傳者歟桂氏說文義證曰一切經音義引說文云瞶目搖動也西京雜記夫目瞶得酒食故目瞶則視之蔡邕廣連珠臣聞目瞶耳鳴近夫小戒馥案北俗謂之眼跳占小吉凶宗案流俗所行有所謂許眞君玉匣記者亦載鼻嚏耳鳴目跳諸占并繪以圖是傳久而後失之者

以上自占夢書至此凡十部附著梁有八部皆雜占家之不名一格者是爲第二十四類

梁有董仲舒請禱圖三卷亡

董仲舒有春秋繁露見經部春秋公羊家

案漢志雜占家有請雨止雨二十六卷不著撰人漢書董仲舒傳言仲舒推陰陽所以錯行故求雨閉諸陽縱諸陰其止雨反是未嘗不得所欲是請雨止雨二十六卷中容或有董氏之書此三卷或猶是漢代留遺者續漢百官志注漢官儀曰太史待

詔三十七人嘉法請雨解事各二人則亦太史官之職事也

竈經十四卷梁簡文帝撰

梁簡文帝有光明符見前第十一類

南史梁簡文帝本紀所著光明符十二卷竈

經二卷

案梁書本紀不載是書唯南史云二卷此作十四卷卷數懸殊或後人附益者多非其本書

梁又祀竈書一卷亡

不著撰人

唐書經籍志祀竈經一卷藝文志同

史記封禪書李少君以祠竈穀道卻老方見上上尊之少君言上曰祠竈則致物致物而丹砂可化爲黃金黃金成以爲飲食器則益壽益壽而海中蓬萊僊者乃可見見之以封禪則不死黃帝是也于是天子始親祠竈居久之少君死天子以爲化去不死而使黃鍾史寬舒受其方

漢書郊祀志注如淳曰祠竈可以致福李奇曰穀道辟穀不食之道也師古曰致物謂鬼物孟康曰黃鍾史寬舒二人皆方士也

案史漢所載則祠竈乃神仙家之一術始于李少君後爲其術者有黃史二人此不知卽其書否也范書陰識傳未載宣帝時陰子方黃羊祀竈事則又在黃史之後矣

梁又有六甲祀書二卷亡

不著撰人

以上自董仲舒請禱圖至此凡一部附梁有三部漢志雜占家有請禱致福十九卷此皆其類又有禳祀天文十八卷亦近似之是爲第二十五類

梁又有太玄禁經一卷亡

不著撰人

案後漢書方術傳徐登者閩中人也本女子化爲丈夫善爲巫術又趙炳字公阿東陽人能爲越方登禁溪水水爲不流炳禁枯樹樹卽生葦二人相視而笑共行其道焉元和惠棟後漢書補注孫汝澄曰越方卽封禪書所謂越巫越祝者也此太玄禁經蓋其類焉

又抱朴子至理篇曰吳越有禁咒之法甚有明驗多炁耳又釋滯篇云行炁有數法或可以治百病或可以入瘡疫或可以禁蛇虎或可以止瘡血或可以居水中或可以行水上或可以辟飢渴或可以延年命其大要者胎息而已又遐覽篇載諸道書中有斷虎狼禁山林記一卷唐日本書目有三五神禁治一切病存法一卷三五禁法十卷三五神禁一卷三五大禁咒禁法一卷皆此類之書

梁又有白獸七變經一卷亡

不著撰人

抱朴子遐覽篇曰其變化之術大者又有白虎七變法取三月三日所殺白虎頭皮生驢血虎血紫綬履組流萍以三月三日合種之

初生草似胡麻有實卽取此實種之一生輒一異凡七種之則用其實合之亦可以移形易兒飛沈在意與墨子及玉女隱微略同又曰道書中有白虎七變經一卷又有玉女隱微一卷亦言變化之術云

案此作白獸者唐人諱虎故改焉

梁又有墨子枕中五行要記一卷亡

抱朴子遐覽篇曰其變化之術大者唯有墨子五行記本有五卷昔劉安未仙去時鈔取其要以爲一卷其法用藥用符

案此稱劉安者謂淮南王也據所言則此一卷爲淮南王所鈔節神仙家不經之談不可究詰原本五卷亦見後

梁又有淮南萬畢經一卷亡

史記龜策傳褚先生曰臣爲郎時見萬畢石朱方索隱曰案萬畢術中有石朱方葛洪神仙傳曰漢淮南王篤好儒學兼占候方術作內書二十二篇又中篇八章言神仙黃白之事名爲鴻寶萬畢三章論變化之道凡十萬言

王子年拾遺記蕭綺附錄曰淮南子云含雷吐火之術出于萬畢之家方蠶羽于洪鍾炎烟火于冰水漏海螺船之屬飛珠沈霞之類千途萬品書籍之所未詳自神化以來神奇莫與爲例豈末代浮誣所能窺仰天齡修短之所效哉

唐書經籍志淮南王萬畢術一卷劉安撰

唐書藝文志淮南王萬畢術一卷

高郵茆泮林輯本序曰漢書藝文志有淮南內篇外篇而不言中篇意神仙之術說多隱秘故當時未著萬畢之名惟隋唐志有淮南萬畢經萬畢術各一卷今其書久佚散見于初學記藝文類聚太平御覽者其說詭異撮而錄之以竊擬中篇之遺蹟云

孫氏祠堂書目淮南萬畢經一卷孫馮翼集本

張氏書目答問淮南萬畢術一卷孫馮翼輯問經堂本又茆輯十種本

案抱朴子遐覽篇云道書中有萬畢高邱先生法三卷則其書有數家之說非一人之言又云諸符中有萬畢符一卷案萬畢

當是人姓名神仙家以為八公之流歟

梁又有淮南變化術一卷亡

案抱朴子遐覽篇有八公黃白經一卷又有鴻寶經一卷疑即是書

梁又有陶朱變化術一卷亡

陶朱即陶朱公范蠡自號也有玉笥式見前

第十一類

案范蠡事蹟史記越世家貨殖列傳載之甚明而神仙家又以為仙去有變化術所未喻也

梁又有三五步剛三十卷亡

不著撰人

謹案康熙字典罡音剛天罡星名參同契

注云天罡即北斗也又引白玉蟾太霄琅書序云作為符圖印訣罡咒之文蓋罡字

始見于參同契道家皆據以為說此云步剛即步罡亦即步斗亦即禹步通志略有太上三五禁氣步罡法一卷抱朴子遐覽篇有步三罡六紀經一卷又有六陰行廚龍胎石室三金五木防終符合五百卷皆是類之書

梁又有五行變化墨子五卷亡

抱朴子遐覽篇曰其變化之大者唯有墨子五行記其法用藥用符乃能令人飛行上下

隱淪無方含笑即為婦人蹙面即為老翁踞地即為小兒執杖即成林木種物即生瓜果

可食畫地為河撮壤為山坐致行廚與雲起火無所不有也又曰道書中有墨子枕中五行記五卷又曰余師鄭君弟子五十餘人唯

余見受金丹之經及三皇內文枕中五行記

梁又有淮南中經四卷亡

漢書本傳淮南王安招致賓客方術之士數千人作為內書二十一篇外書甚衆又有中

篇八卷言神仙黃白之術亦二十餘萬言安入朝每宴見談說方技

又劉向傳是時宣帝循武帝故事復與神仙方術之事而淮南有枕中鴻寶苑祕書書言

神僊使鬼物為金之術世人莫見更生父德武帝時治淮南獄得其書更生幼而讀誦以為奇獻之言黃金可成上令典尚方鑄作事

費甚多方不驗上乃下更生吏師古曰鴻寶苑祕書並道術篇名藏在枕中言常存錄之不

漏泄也

又郊祀志大夫劉更生獻淮南枕中洪寶苑祕之方令尚方鑄作事不驗更生坐論師古曰洪大也苑祕者言祕術之苑囿也

抱朴子論仙篇曰夫作金皆在神仙集中淮南王鈔出以作鴻寶枕中書又神仙傳淮南

王作中篇八章言神仙黃白之事名為鴻寶萬畢三章論變化之道凡十萬言

案淮南中篇宣帝時劉更生獻上其後典校經傳唯著淮南內外五十四篇于七略

雜家而中篇不見疑并在淮南外三十三篇中或并入方伎神仙家泰壹雜子黃冶

三十一卷中

梁又有六甲隱形圖五卷亡

不著撰人

抱朴子黃白篇曰夫變化之術何所不為蓋人身本見而有隱之之法鬼神本隱而有見

之之方能為之者往往多焉又雜應篇曰或問魏武帝曾收左元放而桎梏之而得自然

解脫以何法乎抱朴子曰左君變化無方自用六甲變化其真形不可得執也又對俗篇

曰仙經曰服丹守一與天相畢地真篇曰人能守一一亦守人所以白刃無所措其銳百

害無所容其凶若為兵寇所圍無復生地急入六甲陰中伏而守一則五兵不能犯之也

張彥遠歷代名畫記曰古之祕畫珍圖有六甲隱形圖

案前第十類遁甲諸書中梁有六甲隱圖并遁甲圖二卷似即是書之別本

梁有太史公素王妙議二卷議當爲論

宋王應麟漢志考證素王妙論藝文志不著

錄七略云司馬遷撰史記正義云二卷今僅

見于太平御覽越世家注隋志梁有太史公

素王妙議二卷

又困學紀聞雜識篇太史公素王妙論曰諸

稱富者非貴其身得志也乃貴恩覆子孫澤

及鄉里也黃帝設五法布之天下用之無窮

蓋世有能知者莫不尊親如范子可謂曉之

矣管子設輕重九府行伊尹之術則桓公以

霸范蠡行十術之計二十一年之間三致千

萬再散與貧原注史記正義七略云司馬遷撰利者

夫子所罕言又曰如不可求從吾所好太史

著論以素王名而言求富之術豈以家貧無

財賂有激而云如貨殖傳之意歟然何足以

爲妙論何氏焯箋注云妙論意者猶云戲論

也閻氏若璩云王氏所引素王妙論見太平

御覽案王氏漢志考證及此所稱史記正義引七略皆

七錄之誤云司馬遷撰者即此條七錄之文又凡正義他

所引七略亦皆七錄之誤詳見前法家管子條下

嚴氏全漢文編曰司馬遷素王妙論見太平

御覽四百四又四百七十二引凡二條

馬氏玉函山房輯本序曰隋志梁有太史公

素王妙議二卷亡今從王充論衡采得太史

公一節從御覽得素王妙論三節合錄爲卷

書題素王蓋以孔子爲嚮往而推詳貧富有

取于計然范蠡諸人則亦發憤著書與貨殖

列傳同一微意隋志入五行必有故惜不得

全書以徵之也案七錄序自此書列術伎錄雜占部

本志并入五行王氏漢志考證補入諸子略道家

案史記貨殖傳序有云耳目欲極聲色之

好口欲窮芻豢之味身安逸樂而心誇矜

勢能之榮使俗之漸民久矣雖戶說以眇

論終不能化是太史公以前已有妙論又

越世家載范蠡事集解引太史公曰素王

妙論曰蠡南陽人則太史公引素王妙論

甚明而妙論載范蠡事又甚曉然也股本

紀云伊尹從湯言素王及九主之事案隱

曰太素上皇其道質素故稱素王素王之

義本如此以孔子爲素王七十子爲素臣

乃讖緯家之言史公之時或尙未有此說

考漢志道家首載伊尹五十一篇疑素王

妙論出伊尹書即伊尹素王之事後人推

論其說故又有計然范蠡之事而史公引

之也王氏考證補入道家或以此又論衡

命祿篇引太史公曰夫富貴不欲爲貧賤

貧賤自至貧賤不求爲富貴則富貴自得

也春夏囚死秋冬旺相非能爲之也自朝

出而暮入非求之也天道自然案囚死旺

相爲術數家言或其書大旨亦近似術數

此七錄本志所以入之此類歟大抵此書

因史公論述以傳非盡出于史公也審矣

以上自太玄禁經至此凡十一部七錄皆

入之術技錄雜占部考唐日本國書目五

行家其分目有咒禁符印仙術三門此類

瑞應圖二卷

並不著撰人

西京雜記樊將軍噲問陸賈曰自古人君皆

云受命于天云有瑞應豈有是乎賈應之曰

有之瑞者寶也信也天以寶爲信應人之德

故曰瑞應無天命無寶信不可以力取也

案古來爲瑞應圖者不止一家玉海祥瑞

篇引中興書目云初世傳瑞應圖一篇云

周公所制此瑞應圖之最古者漢書藝文

志易家神輪五篇圖一七略別錄云神輪

者王道失則災害生得則四海輸之祥瑞

蓋亦瑞應圖之類晉崔豹古今注雜注篇

孫亮作琉璃屏風鏤作瑞應圖凡一百二

十種此又一瑞應圖不知何本疑即孫亮之

圖見後梁庾元威論書云宋中庶宗炳造

畫瑞應圖千古卓絕王元長頗加增定乃

有虞舜獬廌周穆狡狴漢武神鳳衛君舞

鶴五城九井螺杯魚硯金膝玉英玄圭朱

草等凡二百一十物余經取其善草嘉禾

靈禽瑞獸樓臺器服可爲翫對者盈縮其

形狀參詳其動植制一部焉是宋齊時宗

炳王融庾元威又各有一瑞應圖南齊書

祥瑞志序言永明中庾溫撰瑞應圖疑即庾元威之

圖張彥遠歷代名畫記敘古來祕畫珍

圖有古瑞應圖二卷卷數與此相同不知

即此瑞應圖否也瑞圖贊亦不知何人撰

梁有孫柔之瑞應圖記孫氏瑞應圖贊各三卷
亡

孫柔之始末未詳

唐書經籍志雜家瑞應圖記二卷孫柔之撰

瑞應圖贊三卷熊理撰

唐書藝文志雜家孫柔之瑞應圖記三卷熊

理瑞應圖贊三卷

玉海祥瑞篇中興書目曰初世傳瑞應一篇

云周公所制魏晉問孫氏熊氏合之為三篇

又曰瑞應圖十卷載天地瑞應諸物以類分

門或題王昌齡又云孫柔之

馬氏玉函山房輯本序曰案崔豹古今注孫

亮作琉璃屏風鑲作瑞應圖凡百二十種孫

柔之不詳何人或孫亮之族歟隋志五行家

梁有孫柔之瑞應圖記孫氏瑞應圖贊各三

卷今佚從諸書所引輯錄凡一百二十一條

較舊多其一種意神鼎寶鼎引者殊題常同

一瑞器也諸引不言記故止題瑞應圖而圖

實散亡不可見矣開元占經引有注語未知

誰作觀其亟引宋事又述及沈約宋書則知

梁陳儒者所為矣案占經所引注文據中興書目似

即顧野王之書詳後

祥瑞圖十一卷

不著撰人

張氏歷代名畫記曰古來祕畫珍圖有祥瑞

圖十卷起天有黃道失撰者又符瑞圖十卷

起日月揚廷光并集孫氏熊氏圖宋書符瑞志

日月揚光日者人君象也人君不假臣下之權則日月揚

光明

唐書經籍志雜家祥瑞圖十卷符瑞圖十卷

顧野王撰

唐書藝文志雜家顧野王符瑞圖十卷又祥

瑞圖十卷

玉海祥瑞篇中興書目曰野王以孫氏熊氏

所載叢舛去其重複益采圖緯起三代止梁

大同中凡四百八十二日時有援據以為注

釋

案此十一卷據諸家記載似出顧氏為多

疑相傳有兩本其一稱符瑞一稱祥瑞歟

祥瑞圖八卷侯亶撰

侯亶始末未詳

唐書藝文志雜家侯亶祥瑞圖八卷

案南史侯安都傳安都始興曲江人為郡

著姓陳武帝時以功累封桂陽郡公

仕至征南大將軍江州刺史以罪賜死太

建三年宣帝追封安都陳集縣侯子亶為

嗣不知即此侯亶否也

又案瑞應圖祥瑞圖之類七錄入雜伎錄

之雜占部本志所據見存書目亦有列之

史部雜傳家者故雜傳類末亦有嘉瑞記

祥瑞記符瑞記三種

芝英圖一卷

不著撰人

宋書符瑞志芝英者王者親近耆老養有道

則生漢章帝元和中芝英生郡國

祥異圖十一卷

災異圖一卷

並不著撰人

地動圖一卷

不著撰人

錢氏隋書考異曰經籍志子部地動圖一卷

不著撰人藝術傳臨孝恭著地動銅儀經一

卷

案後漢張衡始作候風地動銅儀詳見范

書順帝陽嘉元年本紀及本傳後大抵毀

于董卓之亂臨孝恭蓋始師其遺法而為

之者孝恭有風角鳥情見前第二類

張掖郡玄石圖一卷高堂隆撰

高堂隆有雜忌曆見前第十六類

魏志明紀青龍三年注魏氏春秋曰是歲張

掖郡刪丹縣金山玄川溢涌寶石負圖狀象

靈龜廣一丈六尺長一丈七尺一寸圍五丈

八寸立于川西有石馬七其一仙人騎之其

一羈絆其五有形而不善成有玉匣關蓋于

前上有玉字玉玦二璜一麒麟在東鳳鳥在

南白虎在西犧牛在北馬自中布列四面色

皆蒼白其南有五字曰上三天王又曰述

大金大討曹金但取之金立中大金馬一匹

在中大告開壽此馬甲寅述水凡中字六金

字十又有若八卦及列宿字彗之象焉世語

曰又有一雞象

又管寧附張瑋傳青龍四年辛亥詔書張掖

郡玄川溢涌激波奮蕩寶石負圖狀像靈龜

宅于川西巖然聳峙蒼質素章麟鳳龍馬煥

炳成形文字告命粲然著明太史令高堂隆
上言古皇聖帝所未嘗蒙實有魏之禎祥東
序之世實事班天下任令于綽連齋以問珺
珺密謂綽曰夫神以知來不追已往禎祥先
見而後廢興從之漢已久亡魏已得之何所
追興禎祥乎此石當今之變異而將來之禎
瑞也

晉書五行志魏時張掖石瑞雖是晉之符命
而于魏為妖好攻戰輕百姓飾城郭侵邊境
魏氏三祖皆有其事石圖發于非常之文此
金不從革之異也晉定大業多斃曹氏石瑞
文大討曹之應也案劉歆以春秋石言于晉
為金石同類也是為金不從革失其性也劉
向以為石白色為主屬白祥

唐書經籍志雜家張掖郡玄石圖一卷高堂
隆撰

唐書藝文志雜家高堂隆張掖郡玄石圖一
卷

案通典吉禮告禮篇魏尚書薛悌奏涼州
刺史所上靈命瑞圖當下洛陽留臺使太
尉離告太祖廟即此事也亦稱靈命瑞圖
由是知名畫記所載靈命本圖者亦即此
玄石圖也詳見後二條

張掖郡玄石圖一卷孟衆撰

孟衆始末未詳

唐書經籍志雜家張掖郡玄石圖一卷孟衆
撰

唐書藝文志雜家孟衆張掖郡玄石圖一卷

案此次高堂隆之後不云晉玄石圖兩唐
志並列在隆之前則猶在魏時似即薛悌
所謂涼州刺史所上之圖

梁有晉玄石圖一卷晉德易天圖二卷亡
並不著撰人

晉書武帝本紀泰始三年夏四月戊午張掖
太守焦勝上言氏池縣大柳谷有玄石一所
白畫成文實大晉之休祥圖之以獻詔以制
幣告于太廟藏之天府

魏志明紀青龍三年注搜神記曰初漢元成
之世先識之士有言曰魏年有和當有開石
于西三千餘里繫五馬文曰大討曹及魏之
初興也張掖之柳谷有開石始見于建安形
成于黃初文備于太和周圍七旬中高一切
蒼質素章龍馬麟鹿鳳皇仙人之象粲然咸
著此一事者魏晉代興之符也至晉泰始三
年張掖太守焦勝上言以留郡本國圖校今
石文字多少不同謹具圖上案其文有五馬
象其一有人平上幘執戟而乘之其一有若
馬形而不成其字有金中有大司馬有王
有大吉有正有開壽其一成行曰金當取之
又漢晉春秋曰氏池縣大柳谷口夜激波涌
溢其聲如雷曉而有蒼石立水中長一丈六
尺高八尺白石畫之為十三馬一牛一鳥八
卦玉珎之象皆隆起其文曰大討曹適水中
甲寅帝惡其討也使鑿去為計以蒼石室之
宿昔而白石滿焉至晉初其文愈明馬象皆
煥徹如玉焉

案張氏名畫記敘古來祕畫珍圖有靈命
本圖一卷即此所載晉玄石圖亦即焦勝
所謂留郡本國圖 國字似衍 名畫記又有
易狀圖一卷似即此晉德易天圖天當為
狀字之誤皆焦勝所并上者名畫記又有
辯靈命圖二卷或合魏晉諸家之圖而辨
明之是則本志所不載焉

天鏡二卷

不著撰人

馬氏玉函山房輯本序曰隋志五行類天鏡
二卷又云梁有天鏡地鏡日月鏡各一卷亡
據此則天鏡當有兩本也今佚開元占經引
之輯錄尚可成卷書中專言災異取照將來
之應故以鏡名與妖占飛候頗相似意京房
之徒所撰述歟

乾坤鏡二卷

不著撰人

唐日本國見在書目乾坤鏡一卷明鏡要經
一卷 案明鏡要經一卷疑即此第二卷又有乾坤經一
卷司馬遷撰

梁天鏡地鏡經各一卷亡

並不著撰人

唐日本國見在書目天鏡經一卷地鏡經一
卷

金樓子志怪篇地鏡經凡出三家有師曠地
鏡有白澤地鏡有六甲地鏡三家之經但說
珍寶光氣前嵩高道士多游名山尋丹砂于
石壁上見有古文照見寶物之祕方用以照

寶遂獲金玉 案三家地鏡經當在漢志三法積貯寶藏中

馬氏玉函山房輯本序曰隋志五行類注云梁有天鏡地鏡各一卷亡今從開元占經所引地鏡輯錄成卷其書言地石山水草木鳥獸之變異占其吉凶大較與天鏡同 案占經所引如此耳其原書當如金樓子之說

梁日月鏡四規鏡經各一卷亡

並不著撰人

抱朴子登涉篇萬物之老者其精悉能假託人形以眩惑人目而常試人惟不能于鏡中易其真形耳是以古之入山道士皆以明鏡徑九寸已上者懸于背後又雜應篇云明鏡或用一或用二謂之日月鏡或用四謂之四規四規者照之時前後左右各施一也用四規所見來神甚多或縱目或乘龍駕巾冠服彩色不與世同皆有經圖云云又遐覽篇云道書中有日月臨鏡經一卷四規經一卷梁有地鏡圖六卷亡

不著撰人

馬氏玉函山房輯本序曰隋志五行類注云梁有天鏡地鏡日月鏡四規鏡經各一卷地鏡圖六卷亡地鏡與地鏡圖各為書初學記太平御覽每引地鏡圖說鄂亦載有十餘條合輯為卷而其圖則不可見矣

望氣書七卷

雲氣占一卷梁望氣相山川寶藏祕記一卷仙寶

劍經二卷亡

並不著撰人

案管子地數篇桓公問于管子曰請問天財所出地利所在管子對曰山上有赭者其下有鐵上有鉛者其下有銀上有丹砂者其下有鈇金上有慈石者其下有銅金此山之見榮者也苟山之見榮者謹封而為禁有動封山者罪死而不赦又地鏡圖曰凡觀金玉寶劍銅鐵皆以辛之日待雨止明日平旦及黃昏夜半觀之所見光白者玉也赤者金黃者銅黑者鐵又地鏡圖曰夫寶物在城郭丘墟之中樹木為之變視柯偏有折枯是其候也史記天官書王朔望氣大水處敗軍場破國之虛下有積錢金寶之上皆有氣不可不察又漢志雜占家有三法積貯寶藏二十三卷一本作五法皆此等之書之所由來者仙寶劍經或即晉書張華傳所載豐城劍氣之事仙或是相字之誤漢志有相寶劍刀二十卷此其殘廢亦未可知也

地形志八十卷庾季才撰

庾季才有垂象志見前天文家

錢氏隋書考異曰經籍志中一書而兩出者如庾季才地形志兩收于五行類而前云八

十七卷後云八十卷

案前載八十七卷見第九類中通志略以此書列五行葬書類之首

宅吉凶論三卷

不著撰人

案論衡四諱篇曰俗有大諱四一曰諱西益宅西益宅謂之不祥不祥必有死亡相懼以此故世莫敢西益宅防禁所從來者遠矣又曰諸工伎之家說吉凶之占皆有事狀宅家言治宅犯凶神人不避忌有病死之禍是當西漢之時已有言宅舍之吉凶者此三卷大抵所論不一其人故不著姓名

相宅圖八卷

不著撰人

案周禮大司徒之職以土宜之法辨十有二土之名物以相民宅而知其利害以阜人民注云相占視也疏云使之得所也此言相宅之始續漢百官志注漢官儀曰太史待詔三十七人廬宅四人則漢時亦設官屬于太史蓋亦史卜之官之一家論術詰術篇兩引圖宅術云宅有八術以六甲之名數而第之第定名立宮商殊別宅有五音姓有五聲漢書揚雄傳注堪輿神名造圖宅書者則相宅之術始于堪輿家堪輿為術家之最古故亦托之黃帝今相傳有黃帝宅經二卷分二十四路考尋休咎以陰陽相得者為吉疑出古堪輿書張氏

名畫記敘古來祕畫珍圖有周公成壞吉
凶圖相宅園地圖陰陽宅相圖各一卷疑
出是書又蕭吉有宅經八卷疑亦即是此
書

五姓墓圖一卷梁有冢書黃帝葬山圖各四卷五
音相墓書五卷五音圖墓書九十一卷五姓圖山
龍及科墓葬不傳各一卷雜相墓書四十五卷亡
並不著撰人

唐書呂才傳曰經曰葬者藏也欲人之弗得
見也又曰卜其宅兆而安厝之以是爲感墓
之所也魂神之宅也朝市貿遷不可知石泉
類齧不可常是以謀及卜筮庶無後艱斯則
備于慎終之禮也後代葬說出于巫史一物
有失便謂災及死生多爲防禁以售其術附
妄憑妖至其書乃有百二十家

四庫術數類郭璞葬書提要曰葬地之說莫
知其所自來周官冢人墓大夫之職皆稱以
族葬是三代以上葬不擇地之明證漢書藝
文志形法家始以宮宅地形與相人相物之
書並列則其術自漢始萌然尙未專言葬法
也後漢書袁安傳載安父沒訪求葬地道逢
三書生指一處當世爲上公安從之故累世
貴盛是其術盛傳于東漢以後其特以是傳
名者則璞爲最著云案七錄及本志俱無郭氏書
案周禮春官宗伯之屬家人掌公墓之地
辨其兆域而爲之圖注曰圖謂畫其地形
及丘壟所處而藏之又曰墓大夫掌凡邦
墓之地域爲之圖注曰凡邦中之墓地民

所葬也是圖墓周有其官所由來者遠特
無所謂五音五姓之法術耳抱朴子極言
篇曰黃帝相地理則書青鳥之說御覽人
事聖人篇引圖墓書曰青鳥乃默皆聖人
也記人生死所由又禮儀冢墓篇引圖墓
書五條藝文類聚地部亦引圖墓書二條
似皆七錄所載五音圖墓書九十一卷之
遺本志著錄五姓墓圖一卷亦似其殘佚
僅存者舊新唐志載青鳥子以下十二種
皆與本志不合大抵亦是九十一卷及雜
相墓書四十五卷之佚存今相傳青鳥子
葬經一卷乃後人依託四庫存目言之詳
矣
以上自地形志至此凡四部附著梁有七
部蓋依仿漢志形法家國朝七卷宮宅地
形二十卷兩書之例以類次之者通志略
目之曰宅經葬書四庫術數類謂之相宅
相墓是爲第二十八類
相書四十六卷
不著撰人

謹案四庫術數類案語曰案相人見左傳
漢書藝文志形法有相人二十四卷其說
亦本五行故古與相宅相墓之屬均合爲
一今考左文元年傳元年春王使內史叔
服來會葬公孫敖聞其能相人也見其二
子焉叔服曰穀也食子難也收子穀也豐
下必有後于魯國杜預曰公孫敖魯大夫
慶父之子穀文伯難惠叔食子奉祭祀供

養者也收子葬子身也豐下蓋面方是爲
言相人術之最初者荀子非相篇云相人
古之人無有也學者不道也是則古之人
未嘗無有特爲儒者所不道耳晁氏讀書
志有三十二家相書三卷集許負以下宋
志有十七家集衆相書一卷皆不著撰人
疑即此四十六卷之叢殘者魏朱建平相書
或在此書中

相經要錄二卷蕭吉撰

蕭吉有樂書見經部樂類

北史藝術傳吉著金海三十卷相經要錄一
卷及相手版要決太一立成各一卷並行干
時

相經三十卷鍾武隸撰亡 此條上敘梁有二字下四
條同

鍾武隸始末未詳

案陶隱居集有相經序殘文一篇藝文類
聚有劉孝標相經序皆不言相經爲何人
所作二家之序豈皆爲是書歟恐未然也
相書十一卷樊氏許唐氏亡

樊氏始末未詳

北史藝術傳序曰相術所以辯貴賤明分理
者也昔之言相術者則有內史叔服姑布子
卿唐舉許負

太平御覽人事部第七樊氏相法曰耳門不
容麥歲至百兼富

漢書游俠傳郭解溫善相人許負外孫也又
周勃傳注應劭曰許負河內溫人老嫗也案

周勃傳載其相周亞夫事又外戚傳載其相薄太后

史通書志篇曰至若許負相經揚雄方言並當時所重見傳流俗

唐日本國見在書目許負相男女經三卷

通志藝文略許負相書三卷又許負金歌一卷

宋史藝文志許負相訣三卷許負形神心鑑圖一卷

荀子非相篇古者有姑布子卿今之世梁有

唐舉相人之形狀顏色而知其吉凶妖祥世

俗稱之楊掠注曰姑布子卿相趙襄子者唐

舉相李兌蔡澤者案唐舉相李蔡見史記蔡澤傳

崇文總目肉眼通神論三卷唐舉撰

通志藝文略唐舉相顯骨法一卷

宋史藝文略唐舉肉眼通神論三卷

武王相書一卷亡

案通志藝文略有武侯相書一卷此武王

疑武侯之寫誤

雜相書九卷相書圖七卷亡

並不著撰人

案張氏名畫記敘古來祕畫珍圖有黃帝

樊辭許氏相圖不著卷數疑在此相書圖

七卷中樊辭二家並未詳也

以上自相書至此凡二部附著梁有五部

皆依仿漢志形法家相人二十四卷之例

以類次之者是為第二十九類

相手版經六卷

不著撰人

劉熙釋名曰笏忽也君有教命及所啓白則

書其上備忽忘也畢沅疏證曰禮記玉藻曰

史進象笏書思對命鄭注云思所思念將以

告君者也對所以對君者也命所受君命也

書之于笏為失忘也即手板也

太平御覽服章部周遷車服雜事曰應仲遠

云昔荆軻逐秦王其後謁者持匕首以備不

虞從此侍官執刀劍漢高祖偃武修文始制

以手版代焉

魏志夏侯玄傳注陳長文曰漢世有相印相

笏經

梁有相手版經受版圖各一卷亡

並不著撰人

梁有韋氏相板印法指略鈔魏征東將軍程申

伯相印法各一卷亡

魏志劉卬附傳注文章敘錄曰韋誕字仲將

京兆杜陵人建安中為郡上計吏特拜郎中

稍遷侍中中書監以光祿大夫遜位年七十

五卒于家

又杜恕管寧傳程喜字申伯青龍中為青州

刺史齊王時為征北將軍

又夏侯玄傳注魏氏春秋云相印書曰相印

法本出陳長文長文以語韋仲將印工楊利

從仲將受法以語許士宗利以法術占吉凶

十可中八九仲將又問長文從誰得法長文

曰本出漢世有相印相笏經印工宗養以法

語程申伯故有一十二家相法

案魏氏春秋引相印書云云似其序文陳

羣字長文許允字士宗魏氏春秋言允善

相印七錄稱韋氏相板印法指略鈔則其

書亦兼言相手版為後人所鈔節者

以上一部附著梁有四部漢志雜占家有

武禁相衣器十四卷形法家有相寶劍刀

二十卷序云舉器物之形容以求其吉凶

此類是已是為第三十類

大智海四卷

不著撰人

案此不知何書兩唐志及藝文略皆不載

觀其與白澤圖為類似亦言怪異之物之

形相者張氏名畫記敘古來祕畫珍圖有

妖怪圖四卷疑大智海即妖怪圖之異名

兩唐志有百怪書一卷疑亦是類之書

白澤圖一卷

宋書符瑞志澤獸黃帝時巡狩至于東濱澤

獸出能言達知萬物之精以戒于民為時除

害賢君明德幽遠則來

開元占經獸休徵篇瑞應圖曰黃帝巡于東

海白澤出能言語達知萬物之精以戒于民

為除災害賢君德及幽遐則出注抱朴子云

黃帝窮神知奸者出于白澤之辭也

張氏歷代名畫記曰古來祕畫珍圖中有白

澤圖一卷三百二十事出抱朴子黃帝巡東

海而遇之

唐書經籍志白澤圖一卷藝文志著錄同

馬氏玉函山房輯本序曰孫氏瑞應圖謂白

澤能言語知萬物之精抱朴子論黃帝云窮

神姦則記白澤之辭蓋古有是說也南史梁簡文帝有新增白澤圖五卷隋唐志並有白澤圖一卷今佚從諸書所引輯得四十餘節合錄爲帙圖則佚矣書于諸物之精能詳其名狀似涉玄怪然夏禹鑄九鼎使民知神姦不逢不若如無所本豈能鑿空言之則聖人實能知鬼神之情狀也

孫氏祠堂書目白澤圖一卷洪頤煊集本

案漢志雜占家有人鬼精物六畜變怪二十一卷此兩書實近似之本志次于形法類中蓋亦以爲形狀之變異者故類從于相六畜之前是爲第三十一類

相馬經一卷

不著撰人

案晁氏讀書志相馬經一卷未詳撰人述

相馬法式并著馬之疾狀及治療之術李

氏書目有之不知卽此一卷否也

梁有伯樂相馬經二卷亡

唐日本國見在書目伯樂相馬圖七卷

唐書經籍志農家相馬經一卷伯樂撰又二

卷變爲樂之誤

唐書藝文志農家相馬經三卷伯樂相馬經

一卷案唐時相傳有兩本

晁氏讀書志雜藝術類相馬經二卷伯樂撰

錢氏三史拾遺曰漢書古今人表王良伯樂

郵無卹一人而並列此注而誤入正文者

梁氏人表考曰人表第五等郵無卹始見左

哀二王良始見孟子戰國秦策伯樂始見晉

語九亦曰伯樂氏亦曰郵無正亦曰子良亦曰郵良亦曰尤良亦曰良樂亦曰王梁亦曰孫無正亦曰孫明亦曰王子期亦曰王子於期家在濟陰定陶縣東南案通志氏族略四言秦穆公子有孫陽伯樂善相馬考莊子馬蹄篇釋文謂孫陽是伯樂姓名蓋又別爲孫氏伯樂乃其號莊子釋文又云伯樂星名主典天馬孫陽善馭故以爲名此指秦之伯樂而郵無卹之稱伯樂者緣其善馭同于孫陽遂以爲號如后羿扁鵲之比且王良亦星名史天官書王良策馬因其字子良使目爲王良說者謂死而託精于天駟星蓋郵其氏初名無卹後改無正案當是避趙嬰子名而改字子良一字子期也班氏雙注以定其疑傳寫誤爲大字耳

案此伯樂相馬經不知爲秦之伯樂趙之伯樂呂氏春秋觀表篇有云古之善相馬者若趙之王良尤盡其妙則趙之伯樂爲多御覽獸部引伯樂相馬經五條本志醫方家有伯樂治馬雜病經一卷

梁有關中銅馬法二卷亡

不著撰人

後漢書馬援傳援好騎善別名馬于交阯得

略越銅鼓乃鑄爲馬式還上之因表曰夫行

天莫如龍行地莫如馬馬者甲兵之本國之

大用安寧則以別尊卑之序有變則以濟遠

近之難昔有騏驥一日千里伯樂見之昭然

不惑近世有西河子輿亦明相法子輿傳西

河儀長孺長孺傳茂陵丁君都君都傳成紀楊子阿臣援嘗師事子阿受相馬骨法考之子行事輒有驗效臣愚以爲傳聞不如親見視景不如察形今欲形之于生馬則骨法難備具又不可傳之于後孝武皇帝時善相馬者東門京鑄作銅馬法獻之有詔立馬于魯班門外則更名魯班門曰金馬門臣謹依儀氏鞞中帛氏口齒謝氏唇鬻丁氏身中備此數家骨相以爲法馬高三尺五寸圍四尺四寸有詔置于宣德殿下以爲名馬式焉

又董卓傳卓又壞五銖錢更鑄小錢悉取洛陽及長安銅人鍾虞飛廉銅馬之屬以充鑄焉章懷太子曰明帝永平五年長安迎取飛廉及銅馬置上西門外名平樂館銅馬則東門京所作致于金馬門外者也

案關中銅馬相法前漢有東門京後漢有馬援范書馬援傳注引援銅馬相法御覽八百九十六引之尤詳此二卷不知是否合兩家之書爲一編者也

梁有周穆王八馬圖二卷亡

史記秦本紀造父以善御幸于周穆王得驥

溫驪驪驪驪耳之駟西巡狩樂而忘歸案驪

上似破赤字溫亦似盜字之誤集解曰駟案穆天

子傳穆王有八駿之乘此紀不具者也八駿

皆因其毛色以爲名號索隱曰案穆天子傳

曰赤驥盜驪白義渠黃驪騶驢驢驢驢耳山子

穆天子傳曰天子命駕八駿之乘右服驪驢

而左綠耳右騶赤驥而左白義天子主車造

父爲御次車之乘右服渠黃而左騎驪右驂盜驪而左山子

太平御覽獸部王子年拾遺記曰周穆王即位巡行天下馭八龍之駿名曰絕地翻羽奔霄越影踰暉超光騰霧挾翼

張彥遠歷代名畫記晉史道碩有八駿圖宋

史粲有八駿圖並傳于代

崇文總目小說家八駿圖一卷史道規畫錢

桐校輯曰諸家書目並上標周穆王三字

案八駿圖大抵皆後人意造六朝時相傳

可考見者以史道碩所圖爲最古然不知

卽此二卷否也

梁有齊侯大夫寧戚相牛經二卷亡

後漢書蔡邕傳邕作釋誨曰寧子有清商之

歌百里有象牛之事注淮南子曰寧戚欲干

齊桓公窮困無以自達于是爲商旅將車以

適于齊暮宿于郭門飯牛車下望見桓公乃

擊牛角而商歌桓公聞之曰異哉歌者非常

人也命後車載之三齊記載其歌曰南山矸

白石爛生不遭堯與舜禪短布單衣適至肝

從昏飯牛薄夜半長夜漫漫何時旦公悅之

以爲大夫又曰百里奚虞大夫也史記趙良

曰百里奚自鬻于秦衣褐食牛期年而後穆

公知之舉之牛口之下

魏志夏侯玄傳注魏氏春秋曰陳長文曰漢

世有相卽相笏經又有鷹經牛經馬經

唐書經籍志農家相牛經一卷寧戚撰

唐書藝文志農家寧戚相牛經一卷

晁氏讀書志雜藝術類相牛經一卷題曰寧

戚傳之百里奚漢世河西薛公得其書以相

牛千百不失其一至魏世高堂生又傳晉宣

帝其後祕之細字薛公注也

梁玉繩人表考寧戚見人表第三等始見齊

語管子小匡諸篇衛人亦曰齊寧葬萊州膠

水縣西鳴角阜

梁有王良相牛經二卷亡

案王良卽伯樂有相馬經見前諸書但言

王良善相馬不聞又善相牛初學記藝文

類聚文選注皆引相馬經亦未見有引王

良相牛經者此或非王良因上文而誤題

撰人者

梁有高堂隆相牛經二卷亡

高堂隆有雜忌曆及張掖郡玄石圖並見前

世說汰侈篇注相牛經曰牛經出寧戚傳百

里奚漢世河西薛公得其書以相牛千百不

失本以負重致遠未服輻輳故文不傳至魏

世高堂生又傳以與晉宣帝其後王愷得其

書焉

案世說注引相牛經蓋其序文中語與晁

志同據所云云則此相牛經特爲高堂生

所傳錄亦卽前寧戚之本也或高堂生亦

有所論著于其間者

梁有八公相鶴經浮邱公相鶴書各二卷亡

史記淮南王列傳索隱淮南要略云養士數

千高材者八人蘇非李尙左吳田由雷被伍

被毛被晉昌號曰八公

劉向列仙傳王子喬者周靈王太子晉也好

吹笙作鳳皇鳴游伊洛之間道士浮邱公接

以上嵩高山案神仙家以浮邱公爲王子喬之師

華陽真逸癭鶴銘曰相此胎禽浮邱著經

文選舞鶴賦注相鶴經者出自浮丘公公以

自授王子晉崔文子者學仙于子晉得其文

藏于嵩高山石室及淮南八公采藥得之遂

傳于世案此是其序文知八公所傳者卽浮丘公之書

二而一者也

唐書經籍志農家相鶴經一卷浮丘公撰

唐書藝文志農家浮丘公相鶴經一卷

宋史藝文志五行家趙浮丘公相鶴經一卷

案鶴鶴古通用字初學記鳥部及御覽所

引稱淮南八公相鶴經知鶴亦鶴字之誤

晁陳二家亦載浮丘公相鶴經一卷與史

志同無八公相鶴經之目此八公相鶴經

卽浮丘公相鶴書本一書而撰人各異宋

本意林第六卷亦但載浮丘公相鶴經一

卷無八公相鶴經也

梁有相鴨經相雞經相鵝經各二卷亡

並不著撰人

西京雜記魯恭王好鬪雞鴨及鴻鴈孔雀

鵝鶩俸穀一年費二千石

洪氏容齋續筆曰今時相馬者間有之相牛

者殆絕所謂雞狗斃者不復聞之矣劉向七

略相六畜三十八卷謂骨法之度數今無一

存

案漢志形法家有相六畜三十八卷六畜

之名數謂馬牛羊雞犬豕又有鬪雞之戲是相雞之書或當在漢志三十八卷中又御覽羽族部引江表傳曰魏文帝遣使求鬪鴨又吳志陸遜傳建昌侯慮于堂前作鬪鴨欄頗施小巧張氏名畫記載陸探微有鬪鴨圖傳于代此相鴨之所以有經歟

又御覽引俗記曰京下劉光祿養好鵝純蒼色頸長四尺許頭似龍此一雙鵝可堪五萬自後不復見有此類又引沈充鵝賦序曰先大夫俞穎川者殊精意于養鵝求得駿鵝類于張猛虎亦多好者于時有綠眼黃喙折翼赤頸焦叔明以太康中得大蒼鵝從喙至足四尺九寸體色豐麗鳴聲驚人三年而為暴犬所害惜其不終故為賦云張氏名畫記云晉史道碩善畫工人馬鵝有鵝圖傳于代此相鵝之所以有經歟

梁有相貝經二卷亡

不著撰人

說文貝海介蟲也居陸名森在水名蝸象形古者貨貝而寶龜至周而有泉至秦廢貝行錢

宋書符瑞志大貝王者不貪財寶則出

藝文類聚寶玉部相貝經曰相貝經朱仲受之于琴高琴高乘魚浮于海河水產必究仲學仙于高而得其法又獻珠于漢武去不知所之嚴助為會稽太守仲又出遺助以經尺

之貝并致此文于助云云案琴高趙人朱仲會稽人也漢初人見列仙傳此所引為相貝經之序

唐書經籍志農家相貝經一卷藝文志同

陳氏書錄解題形法類相貝經一卷不知作者宋志五行家同

明楊慎丹鉛總錄曰馬總意林引相貝經不著作者讀初學記始知為嚴助作案見初學記居處部

按隋唐志載相貝經不著撰人宋本意林

第六卷有相貝經一卷題曰琴高 高似孫

子略鈔意林目錄作貝書十卷不著名氏陶宗儀

說郭云朱仲撰汪氏文選注引目錄云嚴

助撰按貝之為物上古三代以為貨幣又

以為藥物為器具為珍飾其用至廣其書

自周秦時已有之不始于琴高朱仲亦不

始于嚴助特為助所校錄觀藝文類聚所

引序從可知矣漢武故事云上少好學招

求天下遺書親自省校使莊助司馬相如

等以類分別之則此為助校書時所傳良

信其撰人則終不可考其佚文初學記文

選注所引率不過一二語御覽鱗介部引

凡二條藝文類聚所引凡三百餘言最為

詳悉說郭則有錄無書

以上自相馬經至此凡一部附著梁有十

二部皆依仿漢志相六畜之例以類次之

者是為第三十二類

梁有祖國權衡記稱物重率術二卷亡

祖頡有天文錄見前天文家

漢書律志曰五曰權衡衡平也權重也衡所以任權而均物平輕重也又曰權者銖兩斤鈞石也所以稱物平施知輕重者也

案此是實學非如術數家之憑虛探案者與形法家固不相涉與五行家亦不相蒙

即偶及于五行不過借端發揮非五行家之正軌是當列之曆算家之末而次之于此所未喻也

梁有劉潛泉圖記三卷亡

梁書本傳潛字孝儀彭城安上里人祕書監

孝綽弟也仕至明威將軍豫章內史侯景寇

京邑失郡大寶元年病卒年六十七 案傳不

言有是書而七錄與祖頡相先後則出此劉潛為多潛卒

年在阮孝緒之後孝緒已著其書則成于普通之前或此

所謂梁有為梁代別家書日非指七錄

周禮外府注泉始蓋一品周景王鑄大泉而

有二品後數變易不復識本制至漢惟有五

銖久行王莽改貨而異作泉布多至十品今

存于民間多者有貨布大泉貨泉貨布云云

案此殆以古來泉幣為圖而記之當與錢

譜錢圖同列譜系類之末若其言銖兩涉

于算學者為多則當與前書同入曆數家

此與前一部列之于此不知是否七錄舊

第恐阮氏不如是之謬也

以上兩部附五行形法家之末實為不倫

是為第三十三類終焉

右二百七十二部合一千二十二卷 實在著錄三百三十六部附著梁有一百四十七部合計四百八十三部

案七錄序目術伎錄第四曰五行部凡八十四種第五曰卜筮部凡五十種第六曰雜占部凡十七種第七曰形法部凡四十七種綜四部合一百九十八種本志合併為一存佚并計有四百八十三部增益者凡二百八十五部視他類為特多云

又案漢志數術一略分為六類曰天文曰曆譜七錄及本志各自為篇已見于前餘四類曰五行曰著龜曰雜占曰形法七錄分目同惟著龜改為卜筮耳本志以此四類通謂之曰五行故五行類之書較他類為多其中節目亦較他類為雜究其本源皆從七錄以下陳隋間官私簿籍節節鈔入者雖如藝文略之別類分門而亦有不盡今就其所次亦節節分析釐為三十三類庶幾有端緒可尋前後章段略可循覽若其大致終不越七略七錄四類之例以為次第其起訖亦有可言者自黃帝飛鳥曆至梁簡文光明符十一類皆五行之屬也自史蘇龜經至京君明推偷盜書二類則著龜卜筮之屬自天皇大神氣君注曆至仙寶劍經十四類皆雜占家之所有事自地形志以迄相貝經五類則形法家之所由繫末附一類似因算數而誤會為數術是則不明類例之故歟

隋書經籍志考證卷三十七

子部十四

醫方家上 是篇章法顯分上下與他類不同因從而釐析之上篇五類下篇六類

黃帝素問九卷梁八卷

漢書藝文志方伎醫經家黃帝內經十八卷外經三十七卷

晉皇甫謐帝王世紀曰岐伯黃帝臣也帝使岐伯嘗味草木典主醫病經方本草素問之書成出焉

又甲乙經序曰案七略藝文志黃帝內經十八卷今有鍼經九卷素問九卷二九十八卷即內經也素問原本經脈其義深奧不可容易覽也

唐書經籍志黃帝素問八卷

晁氏讀書志曰昔人謂素問者以素書黃帝之間猶言素書也唐王珣謂漢書藝文志有黃帝內經十八卷素問即其經之九卷陳氏書錄解題曰黃帝與岐伯問答醫書之祖也案漢志但有黃帝內外經至隋志乃有素問之名

四庫提要曰漢志載黃帝內經十八篇無素問之名後漢張機傷寒論引之始稱素問晉皇甫謐甲乙經序稱素問九卷則素問之名起于漢晉間矣故隋書經籍志始著錄也然隋志所載祇八卷全元起所注已闕其第七唐寶應中王冰得舊藏之本補足此卷宋林億等校正謂天元紀大論已下卷軼獨多與

素問餘篇絕不相通疑即張機傷寒論序所稱陰陽大論之文冰取以補所亡之卷理或然也其刺法論本病論則冰本亦闕不能復補矣

又簡明目錄曰其書云出上古固未必然然亦必周秦間人傳述舊聞著之竹帛故通貫三才包括萬變雖張李劉朱諸人終身鑽仰竟無能罄其蘊奧焉

黃帝甲乙經十卷晉一卷梁十二卷

不著撰人

晉皇甫謐鍼灸甲乙經序曰案七略藝文志黃帝內經十八卷今有鍼經九卷素問九卷二九十八卷即內經也素問原本經脈其義深奧不可容易覽也又有明堂孔穴鍼灸治要皆黃帝岐伯遺事也三部同歸文多重復錯互非一乃課集三部使事類相從刪其浮辭除其重複論其精要至為十二卷

唐日本國見在書目黃帝甲乙經十二卷玄晏先生撰

唐書經籍志黃帝三部針經十三卷皇甫謐撰

唐書藝文志皇甫謐黃帝三部針經十二卷黃帝甲乙經十二卷

宋史藝文志皇甫謐黃帝三部鍼灸經十二卷即甲乙經又云林億黃帝三部鍼灸經十二卷

宋林億等甲乙經新校正序曰晉皇甫謐取黃帝素問鍼經明堂三部之書為鍼灸經十二卷又曰黃帝內經十八卷鍼經三卷最出

遠古皇甫士安能撰而集之 案皇甫氏序言鍼經九卷在內經十八卷中此言鍼經三卷在十八卷之外其說不同疑此三卷即鍼灸治要在外經三十七卷中

四庫提要曰甲乙經晉皇甫謐撰皆論鍼灸之道隋書經籍志稱甲乙經十卷注云音一卷梁十二卷不著撰人姓名考此書首有謐

自序乃謐哀合舊文而成故隋志冠以黃帝然刪除謐名似乎黃帝所自作則于文為謬舊唐志稱黃帝三部鍼經十三卷始著謐名

然較梁本多一卷其併音一卷計之歟新唐志既有黃帝甲乙經十二卷又有皇甫謐三部鍼經十三卷兼襲二志之文則更舛誤矣書凡一百一十八篇內分子目實一百二十八篇

又簡明目錄曰甲乙經八卷晉皇甫謐撰據其自序蓋合鍼經素問明堂孔穴鍼灸治要三書撮其精要以成是經言鍼灸之法最悉或曰王冰所撰靈樞經即割裂此書之文偽為古書也

黃帝八十一難二卷 不著撰人 史記列傳扁鵲者勃海郡鄭人也姓秦氏名越人少時為人舍長舍客長桑君過扁鵲獨

奇常謹遇之長桑君亦知扁鵲非常人也出入十餘年乃出其懷中藥飲以上池之水悉取其禁方書盡以與扁鵲忽然不見殆非人也扁鵲以其言飲藥視見垣一方人 案隱曰言能隔牆見人也 以此視病盡見五藏癥結特

以診脈為名耳為醫或在齊或在趙名聞天下後入咸陽秦太醫令李醜自知伎不如扁鵲也使人刺殺之至今天下言脈者由扁鵲也正義曰黃帝八十一難序云秦越人與軒轅時扁鵲相類仍號之扁鵲又家于盧國因命之曰盧醫也

晉皇甫謐帝王世紀曰黃帝有熊氏命雷公岐伯論經脈旁通問難八十一為難經 唐王勃八十一難經序曰岐伯以授黃帝黃帝歷九師以授伊尹伊尹以授湯湯歷六師以授太公太公以授文王文王歷九師以授醫和醫和歷六師以授秦越人秦越人始定立章句案此二條似非事實王勃序見漢書藝文志考證宋志有王勃醫譜纂要一卷王伯厚所據或本諸此

唐書經籍志黃帝八十一難經一卷秦越人撰 唐書藝文志秦越人黃帝八十一難經二卷 宋史藝文志扁鵲注黃帝八十一難經二卷 秦越人撰 崇文總目秦越人采黃帝內經精要之說凡八十一章編次為十三類理趣深遠非易了故名難經

晁氏讀書志秦越人生于渤海家于盧受桑君祕術洞明醫道世以其與黃帝時扁鵲相類乃號之為扁鵲采黃帝內經精要之說凡八十一章名曰難經唐楊元操編次為十三類 陳氏書錄曰難經二卷渤海秦越人撰漢志

亦但有扁鵲內外經而已隋志始有難經唐志遂題云秦越人皆不可考 四庫提要曰難經八十一篇漢書藝文志不載隋唐志始載二卷其曰難經者謂經文有疑各設問難以明之其中有此稱經云而素問靈樞無之者則今本內經傳寫舛誤也其文辨析精微詞旨簡遠讀者不能遽曉故歷代醫家多有注釋

梁有黃帝衆難經一卷呂博望注亡 太平御覽方術部玉匱鍼經序曰呂博少以醫術知名善診脈論疾多所著述吳赤鳥二年為太醫令撰玉匱鍼經及注八十一難經大行于代 晁氏讀書志曰八十一難經秦越人撰吳呂廣注 陳氏書錄曰難經二卷渤海秦越人撰濟陽丁德用補注序言太醫令呂廣重編此經 案晁陳二家皆稱呂廣似本名廣隋人避煬帝諱改為博猶廣雅改博雅之類也本志稱呂博望似即其字

黃帝鍼經九卷 不著撰人 唐書經籍志黃帝鍼經十卷藝文志同 案皇甫謐甲乙經序云七略藝文志黃帝內經十八卷今有鍼經九卷其即此書歟 是為皇甫氏未經撰集之前之傳本 梁有黃帝鍼灸經十二卷亡 不著撰人

第五九五頁

五三三

隋書經籍志考證

二十五史補編

唐書經籍志黃帝鍼灸經十二卷藝文志同

案此似即皇甫氏甲乙經之別本

梁有徐悅龍銜素鍼并孔穴蝦蟆圖三卷亡鍼下破經字

徐悅龍銜素始末並未詳

太平御覽天部抱朴子曰黃帝醫經有蝦蟆圖言月生始二日蝦蟆始生人亦不可針灸其處

唐書經籍志龍銜素針經并孔穴蝦蟆圖三卷藝文志同

通志藝文略明堂鍼灸類徐悅龍銜素鍼并孔穴蝦蟆圖三卷

案徐悅疑即徐道度徐叔嚮之族東莞徐氏以醫術傳家盛行于南北朝悅與叔嚮同撰方書並詳于後

梁有雜鍼經四卷亡不著撰人

梁有程天祚鍼經六卷灸經五卷亡

宋書魯爽傳先是程天祚為虜所沒虜主拓跋燾引置左右天祚廣平人為殿中將軍有武力元嘉二十七年助戍彭城天祚戰敗為虜所獲天祚妙善針術燾深加愛賞封為南安公燾北還蕃天祚因其沈醉偽若受使因得逃歸後為山陽太守

後應晉安王子助同舉兵反見明帝泰始二年本紀是年八月平定江郢荆雍湘五州子助等並賜死伏誅

梁有曹氏灸方七卷亡

曹氏不詳何人

梁有秦承祖偃側雜鍼灸經三卷亡

秦承祖有藥方別見于後

唐書經籍志明堂圖三卷秦承祖撰唐書藝文志秦承祖明堂圖三卷

徐叔嚮鍼灸要鈔一卷

南史張融傳融與東海徐文伯兄弟厚文伯字德秀濮陽太守熙曾孫也熙好黃老隱于秦望山有道士過家飲留一瓠齏與之曰君子孫宜以道術救世當得二千石熙開之乃扁鵲鏡經一卷因精心學之遂名震海內生子秋夫彌工其術仕至射陽令秋夫生道度叔嚮皆能精其業道度生文伯

唐書藝文志徐叔嚮鍼灸要鈔一卷

案叔嚮為熙之孫秋夫之次子史不言其字下文本草類中引七錄稱其官為宋大將軍參軍蓋宋文帝時人也

又按太平御覽方術部引張太素齊書曰徐子才字士茂高平金鄉人五葉祖仲融隱于秦望山云云文與南史張融附傳同

則熙字仲融徐氏自熙以迄齊周之時世以醫術顯之才有八代家傳效驗方蓋傳業已八世矣熙當在晉時本東海東莞人後居丹陽居錢塘在北朝者居高平金鄉北朝有徐纂字成伯文伯之弟魏孝文時中散大夫文伯子雄雄子之才並以醫術著聞于南北可謂盛矣

玉匱鍼經一卷

不著撰人

太平御覽方術部玉匱鍼經序曰呂博少以醫術知名多所著述吳赤鳥二年為太醫令撰玉匱鍼經

唐書經籍志玉匱針經十二卷不著撰人藝文志同

崇文總目金匱玉匱針經三卷呂博撰宋史藝文志呂博金匱玉匱鍼經三卷按唐志十二卷者或後人注本或分析別本或舊志誤衍十字皆不可知要之為呂廣之書不得以卷數泥也呂廣有難經注見前宋志又有呂廣金匱玉鑑經二卷似別本

赤烏神鍼經一卷

不著撰人

唐六典太醫署鍼博士一人掌教鍼生以經脈孔穴注鍼生習素問黃帝鍼經明堂脈訣兼習流注偃側等圖赤烏神鍼等經

唐書經籍志赤烏神針經一卷張子存撰

唐書藝文志張子存赤烏神針經一卷

案此似即本呂廣玉匱針經而論述之故冠以赤鳥年號御覽資產部引敦煌實錄曰張存善針有奴好逃亡存宿行針縮奴脚欲使則針解之似即此張子存河西人

岐伯經十卷

漢書人表第二等岐伯梁玉繩考曰岐伯始見黃帝內經素問靈樞史封禪書司馬相如傳亦曰天師黃帝太醫路史國名紀六以岐為國名則伯其爵也

岐伯經十卷

漢書人表第二等岐伯梁玉繩考曰岐伯始見黃帝內經素問靈樞史封禪書司馬相如傳亦曰天師黃帝太醫路史國名紀六以岐為國名則伯其爵也

岐伯經十卷

漢書人表第二等岐伯梁玉繩考曰岐伯始見黃帝內經素問靈樞史封禪書司馬相如傳亦曰天師黃帝太醫路史國名紀六以岐為國名則伯其爵也

岐伯經十卷

漢書人表第二等岐伯梁玉繩考曰岐伯始見黃帝內經素問靈樞史封禪書司馬相如傳亦曰天師黃帝太醫路史國名紀六以岐為國名則伯其爵也

岐伯經十卷

皇甫謐帝王世紀曰岐伯黃帝臣也帝使岐伯嘗味草木典主醫病經方本草素問之書咸出焉

案漢志醫經家唯有黃帝扁鵲白氏三家內外經各若干篇及旁篇凡七部白氏不知何人集韻言白與伯同疑即伯氏伯氏或即岐伯此岐伯經豈漢志白氏內外篇之留遺者歟又疑即王叔和脈經之異名脈經本纂岐伯諸家之說者也

脈經十卷王叔和撰

太平御覽方術部高湛養生論王叔和性沈靜好著述考覈遺文采摭羣論撰成脈經十卷編次張仲景方論爲三十六卷大行于世唐書藝文志脈經十卷不著撰人

宋史藝文志王叔和脈經十卷

晁氏讀書志脈經十卷晉王叔和撰按虜甘伯宗名醫傳曰叔和西晉高平人性度沈靖博通經方精意診處尤好著述其書纂岐伯華佗等論脈要訣所成敘陰陽表裏辨三部九候分人迎氣口神門條十二經二十四氣奇經八脈五臟六腑三焦四時之疴纖悉備具咸可案用凡九十七篇皇朝林億等校正阮氏四庫未收書目曰脈經十卷西晉王叔和撰宋林億等校定叔和高平人官太醫令是編從宋嘉定何大任刻本影鈔林億序云臣等博求衆本據經爲斷去取非私又云今考以素問靈樞太素難經甲乙仲景之書并千金方及翼說脈之篇以校除去重複補其

脫漏云云用力可謂勤摯世傳叔和脈訣一卷乃後人依託爲之與此絕不相同也

金山錢熙祚守山閣叢書本有跋曰西晉王叔和取素難以下諸家論脈之文分類編次爲脈經十卷宋林億稱其若網在綱有條不紊使人占外以知內視死而別生可謂推崇之至矣而西昌喻氏則謂于彙脈之中間一彙證不該不貫抑知形有盛衰邪有微甚一證恆兼數脈一脈恆兼數證故論證不論脈不備論脈不論證不明王氏彙而編之深得古人微旨又西晉時去古未遠所據醫書皆與今本不同今去叔和又千餘載古書日漸散佚賴是以略存梗概洵爲醫林中不可多得之書明有吳勉學校本刊入醫統多脫誤不可讀惟袁景從校本稍爲完善然或以意刪改彌失本真此書不著錄于四庫恐其久而遂亡故彙集諸書重爲校正付梓以廣其傳

脈經二卷

不著撰人

唐書經籍志脈經二卷

唐書藝文志脈經十卷又二卷

按晁氏讀書志脈經二卷題云黃帝論診脈之要凡二十一篇疑即此書

梁有脈經十四卷又脈生死要訣二卷亡

並不著撰人

梁又有脈經六卷黃公興撰亡

黃公興始末未詳

案崇文總目有黃氏脈訣一卷疑即此書梁又有脈經六卷秦承祖撰亡

秦承祖有藥方別見于後又有偃側雜鍼灸經見前

梁又有脈經十卷康普思撰亡

康普思始末未詳

黃帝流注脈經一卷梁有明堂流注六卷亡

不著撰人

唐書藝文志黃帝流注脈經一卷

按此流注脈經一卷即梁時明堂流注六卷之僅存者

明堂孔穴五卷梁明堂孔穴二卷新撰鍼灸穴一卷亡

並不著撰人

唐書藝文志明堂孔穴五卷

明堂孔穴圖三卷

明堂孔穴圖三卷梁有偃側圖八卷又偃側圖二卷

並不著撰人

抱朴子雜應篇曰世人多令人以針治病其灸法又不明處所分寸而但說身中孔穴榮輸之名自非舊醫備覽明堂流注偃側圖者安能曉之哉

案四庫簡明目錄明堂灸經條曰其曰明

堂者素問稱雷公問黃帝以人身經絡黃

帝坐明堂以授之故舊唐書經籍志以鍼

灸諸書別爲明堂經脈一類又錢遵王讀

書敏求記曰昔黃帝問岐伯以人之經絡

盡書其言藏于靈蘭之室洎雷公請問乃坐明堂授之後世言明堂者以此今醫家記鍼灸之穴為偶人點志其處名明堂非也案二家之說則所謂明堂者即天子明堂猶明堂班宣月令遂稱明堂月令託以為重耳

以上十四部附梁有十八部蓋依仿漢志醫經一門以類次之者兩唐志目之曰明堂經脈通志藝文略分二門曰脈經曰明堂鍼灸是為第一類

神農本草八卷梁有神農本草五卷神農本草屬物二卷神農明堂圖一卷亡

皇甫謐帝王世紀曰炎帝神農氏長于江水始教天下耕種五穀而食之以省殺生嘗味草木宜榮療疾救天傷人命百姓日用而不知著本草四卷案江水蓋姜水之傳誤

宋寇宗奭本草衍義序曰帝王世紀云黃帝使岐伯嘗味草木定本草經造醫方以療衆疾乃知本草之名自黃帝始

韓保昇蜀本草曰藥有玉石草木蟲獸而云本草者謂諸藥中草類最多也

王應麟漢志考證曰藝文志本草不著錄淮南子云神農嘗百草之滋味一日而七十毒張仲景金匱云神農能嘗百草案平帝紀元始五年舉天下通知方術本草者郊祀志成帝初有本草待詔又樓護傳少誦醫經本草方術數十萬言本草之名見于此梁七錄神農本草三卷陶弘景云疑仲景元化等所記

舊經三卷藥止三百六十五種弘景以名醫別錄亦三百六十五種合七百三十種因而注釋分為七卷唐于志寧曰世謂神農氏嘗藥以採含氣而黃帝以前文字不傳以識相付至桐雷乃載篇冊然所載郡縣多是漢時疑張仲景華佗所記云

嚴氏全上古文編曰炎帝生于姜水因姓姜以火德王稱炎帝一云有焱氏始作耒耜號神農氏一云農皇以起烈山亦號烈山氏一云厲山氏一云連山氏一云朱襄氏初都陳後居曲阜在位一百二十年傳八世五百三十年一云傳十七世一云七十世謹案漢藝

文志農家有神農二十篇兵陰陽家有神農兵法一篇五行家有神農大幽五行二十七

卷雜占家有神農教田相土耕種十四卷經方家有神農黃帝食禁七卷神仙家有神農雜子技道二十三家獨本草不見見平帝紀及樓護傳周禮醫師疏引食禁作食藥蓋食禁食藥即本草矣

孫氏祠堂書目神農本草經三卷名醫藥性吳普本草附星行集刊本

案神農本草止三卷此八卷者似後人合諸家本草為帙也注云梁有神農本草五

卷者玉海引七錄作三卷此五為三字之譌本草屬物二卷者屬物疑食物之譌漢志醫方家末有神農黃帝食禁七卷或即其遺神農明堂圖蓋即本草圖張氏名畫記敍古來祕畫珍圖有神農本草例圖一

卷例圖即圖例所以明本草之用也疑即此明堂圖也

梁有蔡邕本草七卷亡

蔡邕有月令章句見經部禮類

案范書本傳不言有是書明李時珍本草綱目卷首備載歷代諸家本草亦無蔡氏

本志後半篇據見存書目有本草經四卷

蔡英撰蓋即是書之佚存本是蔡邕為蔡

英之訛然蔡英亦不知何許人考本草自

陶弘景始廣為七卷此卷數與之相同或

當在陶氏之後矣

梁有華佗弟子吳普本草六卷亡

魏志華佗傳廣陵吳普彭城樊阿皆從佗學

普依準佗治多所全濟佗語普曰人體欲得

勞動但不當使極耳動搖則穀氣得消血脈

流通病不得生譬猶戶樞不朽是也是以古

之仙者為導引之事熊頸鳴願引輓腰體動

諸關節以求難老吾有一術名五禽之戲一

曰虎二曰鹿三曰熊四曰猿五曰鳥亦以除

疾並利蹄足以當導引體中不快起作一禽

之戲沾濡汗出因上著粉身體輕便腹中欲

食普施行之年九十餘耳目聰明齒牙完堅

後漢書方術傳注佗別傳曰吳普從佗學微

得其方魏明帝呼之使為禽戲普以年老手

足不能相及粗以其法語諸醫普今年將九

十耳不聾目不冥牙齒完堅飲食無損

唐書經籍志吳氏本草因六卷吳普撰

志同

明李時珍本草綱目序例韓保昇曰吳氏本草魏吳普撰廣陵人華佗弟子凡一卷時珍曰其書分記神農黃帝岐伯桐君雷公扁鵲華佗李氏所說性味甚詳今亦失傳

案御覽百穀部菜部藥部引吳氏本草數十條其中有引醫和者在李時珍所舉諸家之外孫氏星衍已輯入神農本草三卷之後兩唐志作本草因豈其本名歟

梁有陶隱居本草十卷亡

陶隱居名弘景有毛詩序注見經部詩類

案下文第九條注云梁有陶弘景本草集

注七卷亡案弘景與阮孝緒皆卒于梁武帝大同二年在普通四年七錄成書後十三歲七錄曾否載及弘景之書不可詳考

而此一段所注梁有亡書陶氏本草乃前後兩見不相比附豈七錄所載果如是乎然則本志所注梁有不盡是七錄觀于此尤可信也十卷或附合隱居他書或十爲七之寫誤

梁有隨費本草九卷亡

隨費始末未詳

案此似隨氏費氏兩家之書合爲九卷也

梁有秦承祖本草六卷亡

秦承祖有偃側雜鍼灸經脈經並見前

梁有王季璞本草經三卷亡

王季璞始末未詳

案下文方書類中注云梁有王季璞藥方一卷季璞亦不詳何人此季璞或其昆季

行或璞爲球之誤

梁有李謐之本草經談道術本草經鈔各一卷亡

唐書經籍志李氏本草三卷不著名藝文志同

明李時珍本草綱目序例韓保昇蜀本草曰

李當之華佗弟子修神農本草三卷而世少

行時珍曰其書散見吳氏陶氏本草中頗有

發明

案此即李當之藥錄六卷之鈔節本也前

一卷不知何人所鈔後一卷則談道術所

鈔也談道術始末未詳術亦作述據下文

方書類中載徐叔嚮談道述徐悅體療雜

病疾源三卷則與徐叔嚮徐悅同時宋時

人也藥錄別見于後

梁有宋大將軍參軍徐叔嚮本草病源合藥要

鈔五卷亡

徐叔嚮有鍼灸要鈔見前

案兩唐志有本草病源合藥節度五卷不

著撰人似即此書

梁有徐叔嚮等四家體療雜病本草要鈔十卷

亡一本家誤爲家

唐六典太醫署醫博士一人掌以醫術教授

諸生習本草甲乙脈經分而爲業一曰體療

注諸醫生既議諸經乃分業教習率二十人

以十一人學體療又曰學體療者七年成

案下文方書類中注云梁有徐叔嚮談道

述徐悅體療雜病疾源三卷似即從此書

摘出者四家者或即徐道度徐叔嚮談道

述徐悅四人歟

梁有王末鈔小兒用藥本草二卷

王末始末未詳

案下文方書類中注云梁有王末療小兒

雜方十七卷似即從十七卷中析出者又

王末疑即宋之王微詳見于後

梁有甘澹之癰疽耳眼本草要鈔九卷亡

甘澹之始末未詳

唐六典醫博士教授諸生分而爲業其二曰

瘡腫其四曰耳目口齒注云諸醫生分業教

習率二十人以三人學瘡腫二人學耳目口

齒又曰學瘡腫者五年成其目口齒之疾二

年成

唐書經籍志療癰疽耳眼本草要妙五卷不

著撰人藝文志同

案下文方書類中注梁有甘澹之療癰疽

金創耳眼諸方凡五部則甘氏長于外科

傷科者也

梁有陶弘景本草經集注七卷亡

陶弘景已有本草十卷見前第九類

弘景自序略曰隱居先生在于茅山巖嶺之

上以吐納餘暇頗游意方伎覽本草藥性以

爲盡聖人之心故撰而論之舊說皆稱神農

本經余以爲信然但軒轅以前文字未傳當

以識識相因至于桐雷乃著在編簡此書應

與素問同類但後多更脩飾之爾今之所存

有此四卷是其本經所出郡縣乃後漢時制

疑仲景元化等所記魏晉以來吳普李謐之

等更復損益或五百九十五或四百四十一

或三百一十九或三品混糅冷熱舛錯草石

不分蟲獸無辨且所主治互有得失醫家不

能備見則知識有淺深輒苞綜諸經研括煩

省以神農本草三品合三百六十五種為主

又進名醫副品亦三百六十五合七百三十

種精粗皆取無復遺落分別例條區畛物類

兼注名時用土地所出及仙經道術所須并

此序錄合爲七卷雖未足追躡前良蓋亦一

家撰製吾去世之後可貽諸知音耳

南史隱逸傳弘景性好著述尤明陰陽五行

風角星算山川地理方圓產物 案當是方國物

產醫術本草所著有本草集注

唐日本國見在書目神農本草七卷陶隱居

撰

唐書經籍志本草集經七卷陶弘景撰 集經

似集注之誤

唐書藝文志陶弘景集注神農本草七卷

明李時珍本草綱目序例曰神農本草藥分

三品計三百六十五種以應周天之數梁陶

弘景復增漢魏以下名醫所用藥三百六十

六種謂之名醫別錄凡七卷首敘藥性之源

論病名之診次分玉石一品草一品木一品

菓菜一品米食一品有名未用品以朱書

神農墨書別錄進上梁武帝其書頗有裨補

亦多謬誤 梁有趙贊本草經一卷本草經輕行本草經利

趙贊始末未詳

神農本草四卷雷公集注

晁氏讀書志曰雷公炮炙三卷宋雷斅撰胡

洽重定述百藥性味炮熬煑炙之方其論多

本之于乾寧晏先生斅稱內究守國安正公

當是官名未詳 案此等官名蓋與真靈位業圖相類

又似其自號

明李時珍本草綱目序例曰雷公炮炙論劉

宋時雷斅所著非黃帝時雷公也自稱內究

守國安正公或是官名也胡洽居士重加定

述藥凡三百種爲上中下三卷其性味炮炙

熬煑修事之法多古奧文亦古質別是一家

多本于乾寧晏先生其首序論述物理亦甚

幽玄錄載于後乾寧先生名晏封著制伏草

石論六卷蓋丹石家書也晏封唐藝文志作晏卦

列之唐代似誤宋志有郭晏封草食論六卷則其人姓郭

案本志及兩唐志皆無雷公炮炙之書以

是證知此四卷卽是其書如謂黃帝時雷

公則上古之時不聞有注本草者安得有

集注之名乎古雷公別有藥對四卷見後

甄氏本草三卷

舊唐書方技傳甄權許州扶溝人也嘗以母

病與弟立言專醫方得其旨趣隋開皇初爲

祕書省正字後稱疾免貞觀十七年權年一

百三歲太宗幸其家視其飲食訪以藥性因

授朝散大夫賜几杖衣服其年卒撰脈經鍼

方明堂人形圖各一卷 唐書經籍志本草藥性三卷甄立言撰 案此

作立言者因本草音義而傳譌也

唐書藝文志甄立言一作權 本草音義七卷

又本草藥性三卷案此兩書唐時傳譌或以爲立言

或以爲權實則音義爲立言書見下半篇藥性三卷則權

書李時珍言之詳矣

明李時珍本草綱目序例曰藥性本草卽藥

性論乃唐甄權所著也權扶溝人唐太宗時

年百二十歲帝幸其第訪以藥性因上此書

授朝散大夫其書論主治亦詳又著脈經明

堂人形圖各一卷詳見唐史

桐君藥錄三卷

陶隱居本草集注序曰舊說皆稱神農本經

但軒轅以前文字未傳當以識識相因至于

桐雷乃著在于編簡又云有桐君采藥錄說

其花葉形色

唐書經籍志桐君藥錄三卷桐君撰

唐書藝文志桐君藥錄三卷日本書目二卷

明李時珍本草綱目序例曰桐君黃帝時臣

也書凡二卷紀其花葉形色今已不傳

案御覽八百六十七引桐君錄曰酉陽武

昌晉陵皆出好茗又曰茶花狀似梔子其

色稍白似皆出後人所屬非本文也

梁有雲應將軍徐滔新集藥錄四卷亡

徐滔始末未詳

案此殆卽東海徐氏之族

梁有李謐之藥錄六卷亡 李謐之有本草經一卷見前 案前一卷爲鈔節本此其原書也同爲一

書皆曰梁有而前後隔越不相類從者則以前書稱本草此稱藥錄故也實于敘次之例無當也

梁有藥法四十二卷藥律三卷亡

不著撰人

梁有藥性藥對各二卷亡

不著撰人

陶隱居本草集注序曰又云桐君有采藥錄說其花葉形色藥對四卷論其佐使相須案

此云四卷即藥性藥對各二卷藥對蓋其總名也

又藥總訣序曰其後雷公桐君更增衍本草

二家藥對廣其主治繁其類族既世改情移

生病日深或未有此病而遂設彼藥或一藥

以治衆疾或百藥共愈一病欲以排邪還正

爲之原防故也案陶氏在梁代所見藥對猶在徐之才錄本之前

才錄本之前

唐書經籍志雷公藥對二卷

唐書藝文志徐之才雷公藥對二卷

明李時珍本草綱目序例掌禹錫曰雷公藥

對北齊時徐之才撰以衆藥名品君臣性毒

相反及所主疾病分類記之凡二卷時珍曰

陶氏前已有此書吳氏本草所引雷公是也

蓋黃帝時雷公所著之才增飾之爾案此稱

梁有蓋猶在徐之才之前非即之才之本

梁有藥目三卷亡

不著撰人

梁有神農采藥經二卷藥忌一卷亡

不著撰人

案抱朴子仙藥篇神農四經曰上藥令人

身安命延中藥養性下藥除病其稱神農

四經者陶隱居藥總訣序云神農之時未

有文字至于黃帝書記乃興于是神農本

草別爲四經蓋相傳有四家之經此殆四

家之一別其名曰采藥經上品中品爲二

卷下品多毒藥故云藥忌一卷其實仍是

本草經三卷也

又案四家之經疑即前所注梁有神農本

草五卷當是三卷之誤神農本草屬物二卷

疑是食物神農明堂圖一卷當是本草圖并

此采藥經爲四家也又采藥經疑出神仙

家抱朴子仙藥篇引神農四經文皆神仙

家言漢志神仙家有神農雜子技道二十

三卷采藥經疑即出于此

太清草木集要二卷陶隱居撰

陶隱居有本草集注兩部並見前

陶翊隱居先生本起錄曰尤好五行陰陽風

角炁候太一遁甲星曆算數山川地理方國

所產及醫方香藥分劑蟲鳥草木考核名類

莫不該悉又曰服草木雜藥法一卷

唐書經籍志太清諸草木方集要三卷太清

玉石丹藥要集三卷陶弘景撰案此合兩書總

題撰人亦見後半篇第三類

唐書藝文志陶弘景太清玉石丹藥要集三

卷太清諸草木方集要三卷

案太清者丹經之號也始自張道陵左慈

葛玄等詳見雜傳篇張君葛君內傳此與

前神農采藥經皆神仙家服食本草也

又案本草綱目序錄引掌禹錫曰藥總訣

梁陶隱居撰凡二卷論藥品五味寒熱之

性主療疾病及采蓄時月之法一本題曰

藥象口訣不著撰名案七錄本志皆無藥

總訣之目而隱居集中有藥總訣序其文

殘泐不完無由考見或即是書之異名未

可知也崇文總目有藥總訣一卷不著撰人

右本草之屬爲經方類中第一段

張仲景方十五卷仲景後漢人

張仲景有辨傷寒十卷別詳于後

太平御覽方術部高湛養生論曰王叔和撰

成脈經十卷編次張仲景方論爲三十六卷

大行于世又引張仲景方序言衛汛事

唐日本國見在書目張仲景方九卷

唐書經籍志張仲景藥方十五卷王叔和撰

唐書藝文志王叔和張仲景藥方十五卷

王氏漢志考證藝文志經方家湯液經法三

十二卷內經素問有湯液醪醴論事物紀原

湯液經出于商伊尹皇甫謐曰仲景論伊尹

湯液爲十數卷案此則仲景是書其源蓋出于漢志

之湯液經法也

梁有黃素藥方二十五卷亡

不著撰人

唐書經籍志黃素方十五卷不著名氏似較二

字

唐書藝文志謝泰黃素方二十五卷

案抱朴子雜應篇云余見崔中書黃素方

則此崔中書所撰也其人在葛稚川之前不詳其名字而新唐志以爲謝泰殆謝泰因崔中書方而重訂之如尹穆重訂范東陽方之類歟黃素不知何謂或是黃帝素

華佗方十卷吳普撰佗後漢人梁有華佗內事五卷亡

後漢書方術傳華佗字元化沛國譙人也一名萇游學徐土兼通數經曉養生之術年且百歲而猶有壯容時人以爲仙沛相陳珪舉孝廉太尉黃琬辟皆不就精于方藥處齊不過數種心識分銖不假稱量針灸不過數處裁七八九若疾發結于內針藥所不能及者乃令先以酒服麻沸散既醉無所覺因刳破腹背抽割積聚若在腸胃則斷截瀉洗除去疾穢既而縫合傳以神膏四五日創愈一月之間皆平復曹操聞而召佗常在左右操積苦頭風眩佗針隨手而差爲人性惡難得意且恥以醫見業又去家思歸乃就操求還取方因託妻疾數期不反操累書呼之又勅郡縣發遣佗特能厭事猶不肯至操大怒使人廉之知妻詐疾乃收付獄訊考驗首服荀彧請曰佗方術實工人命所懸宜加全宥操不從竟殺之佗臨死出一卷書與獄吏曰此可以活人吏畏法不敢受佗亦不強索火燒之魏志本傳佗死後太祖頭風未除太祖曰佗能愈此小人養吾病欲以自重然吾不殺此子亦終當不爲我斷此根原耳及後愛子倉

舒病困太祖歎曰吾悔殺華佗令此兒疆死也 案魏志武文世王公傳鄧哀王冲字倉舒年十三建安十三年病亡則佗之被殺在是年之前矣

唐書經籍志華氏藥方十卷華佗方吳普集唐書藝文志吳普集華氏藥方十卷注云華佗

宋史藝文志華佗藥方一卷 又曰黃氏中藏經一卷靈寶洞主探微真人撰黃氏華氏之譜

陳氏書錄解題中藏經一卷漢譙郡華佗元化撰其序稱應靈洞主少室山鄧處中自言爲華先生外孫莫可考也

孫氏祠堂書目華氏中藏經三卷漢華佗撰一元趙孟頫寫本缺中卷一明江澄中刊本一明古今醫統本一星衍依趙孟頫兩寫本校足刊本

張氏書目答問華氏中藏經一卷平津館本案當爲三卷

案華氏之書今惟傳中藏經醫統本八卷平津館本三卷上虞徐氏近刻本八卷附

華氏內照法一卷凡五篇似卽內事五卷之遺皆論五藏六府者也

梁又有歌奉方六卷亡 歌奉始末未詳

案後漢書耿弇傳弇扶風茂陵人耿氏自中興已後迄建安之末大將軍二人將軍九人卿十三人尙公主三人列侯十九人中郎將護羌校尉及刺史二千石數十百人遂與漢興衰云此歌奉殆卽其族漢魏

時人歎 又疑是董奉見吳志士變傳注引神仙傳云奉字君異侯官人亦見明區大任百越先賢傳

集略雜方十卷 不著撰人 雜藥方一卷梁有雜藥方四十六卷 不著撰人

案此一卷卽四十六卷之殘帙故不注云亡

雜藥方十卷

不著撰人

唐書經籍志雜藥方十卷陳山提撰

唐書藝文志陳山提雜藥方十卷

案陳山提始末未詳唐志列之宋齊人之間卽卽是書

右漢魏以來諸家方書爲經方類中第二段

段

寒食散論二卷梁有寒食散湯方二十卷寒食散方一十卷亡

並不著撰人

世說言語篇何平叔云服五石散非唯治病亦覺神明開朗注引秦丞相寒食散論曰寒食散之方雖出漢代而用之者寡靡有傳焉魏尙書何晏首獲神效由是大行于世服者相尋也案注稱秦丞相者當是秦承祖之誤此論二卷或卽其書

太平御覽方術部晉書曰斬卻性明敏有才術本草經方誦覽通究裁方治療意出衆表創制五石散方晉朝士大夫無不服餌皆獲

奇效

案御覽又引何顛別傳曰王仲宣年十七嘗遇張仲景仲景曰君有病宜服五石湯是五石散及湯出于仲景故秦承祖以為出漢代御覽引晉書謂靳邵創制殆未然邵或又節度之耳

梁有皇甫謐曹欽論寒食散方二卷亡 欽當為

皇甫謐有甲乙經見前

晉書皇甫謐傳武帝頻下詔敦逼不已謐上疏自稱草莽臣言久嬰篤疾軀半不仁右腳偏小十有九載又服寒食藥違錯節度辛苦荼毒于今七年隆冬裸袒食冰常暑煩悶咳逆浮氣流腫四肢酸重謐言辭切至遂見聽許謐初服寒食散而性與之忤每委頓不倫嘗悲悲叩刃欲自殺叔母諫之而止

魏志武文世王公傳武帝二十五男東平靈王徽正始三年薨子翕嗣臣松之案翕入晉封廩邱公魏宗室之中名次甄城公 案甄城公志陳思王植之子也泰始二年翕遣世子琨奉表來朝詔曰翕秉德履道魏宗之良今琨遠至其依世子印綬加騎都尉賜服一具錢十萬隨才敍用翕撰解寒食散方與皇甫謐所撰並行于世

黟縣俞正變癸已存案曰通鑑注言寒食散始于何晏又云煉鍾乳硃砂等藥為之言可避火食故云寒食言服者食宜涼衣宜薄惟酒微溫飲非不火食其方漢張機制在金匱

要略中發解制度備見隋巢元方諸病源候

卷六所載皇甫謐語皇甫謐深受其毒故知之最詳

寒食散對療一卷釋道洪撰

道洪始末未詳

解寒食散方二卷釋智斌撰梁解散論二卷

智斌始末未詳

案此解寒食散方即梁目之解散論也此注其異名故不云亡類此者時或有焉

解寒食散論二卷

不著撰人

梁有徐叔嚮解寒食散方六卷亡

徐叔嚮有鍼灸要鈔本草病源合藥要鈔四家體療雜病本草要鈔三書並見前

梁有釋慧義寒食解雜論七卷亡

梁釋慧皎高僧傳釋慧義姓梁北地人少出家風格秀舉志業強正初游學于彭宋之間備通經義後出京師宋武加接尤重永初元年住車騎范泰所立祇洹寺後與慧叡同住烏衣寺元嘉二十一年終于寺春秋七十三

案高僧傳不言有是書不知是否即此慧

義然慧皎傳例于諸僧所撰外學之書多

從其略或為其略而不載焉今姑識于此

自後又有人為之解釋者詳下四條 則其

書頗盛行

雜散方八卷

不著撰人

梁有解散方解散論各十三卷亡

並不著撰人

梁有徐叔嚮解散消息節度八卷亡

徐叔嚮有解寒食散方六卷見前

唐書經籍志寒食散方并消息節度二卷解

寒食散方十三卷徐叔和撰 案舊志叔嚮皆誤

作叔和

唐書藝文志徐叔嚮解寒食方十五卷

案舊唐志以此八卷合前六卷為二部合

十五卷新志并而為一亦十五卷視本志

兩部卷數多出一卷此梁本與唐志不同

者然前六卷無消息節度二卷此八卷即

為全書而前為別本之不全者同為一家

之書而前後歧出不相屬恐七錄不若是

之冗複是必從他家書目采入與前陶隱

居本草同也

梁有范氏解散方七卷亡

常熟丁國鈞晉書藝文志曰七錄醫方類有

范汪東陽方一百七十六卷隋志東陽外無

別有姓范者此解散方七卷亦為汪書可以

意決當為百七十餘卷中傳錄別行之本

梁有解釋慧義解散方一卷亡

不著撰人

案慧義解散雜論七卷見前此不知何人

解釋其書

右寒食散方為經方類之第三段黟縣俞

正變癸已存案曰隋書經籍志載寒食散

方論甚多又曰寒食散本避傷寒卒病法

也士大夫不問疾否服之為風流則始于

何晏魏晉人服散至死不悟寔人子飢寒
致病謬云散發其時以為笑謔晉人之散
唐宋人之丹其為鄙惡直近時鴉片烟之
比云案晉書裴秀傳服寒食散當飲熱酒而飲冷酒
疑此服散致死之一事

湯丸方十卷
雜丸方十卷

並不著撰人

梁有百病膏方十卷

不著撰人

唐書經籍志百病膏方十卷藝文志同

梁有雜湯丸散酒煎薄帖膏湯婦人少小方九
卷

不著撰人

唐書經籍志雜湯丸散酒方八卷藝文志同

梁有羊中散雜湯丸散酒方一卷

羊中散即羊欣有藥方三十卷見後

案此殆從三十卷中析出別行者

梁有療下湯丸散方十卷

不著撰人

案此似亦羊中散書

石論一卷

不著撰人

案後半篇有服石論一卷似即此書

醫方論七卷

不著撰人

梁有張仲景辯傷寒十卷亡

張仲景有藥方十五卷見前

宋林億校上傷寒論序名醫別錄曰仲景南
陽人名機仲景其字也舉孝廉官至長沙太
守以宗族二百餘口建安紀年以來未及十
稔死者三之二而傷寒居其七乃著論二十
二篇證外合三百九十七法除重複定有一
百一十三方

湖廣舊志方技門張機字仲景棘陽人學醫
于同郡張伯祖盡得其傳靈帝時舉孝廉官
至長沙太守少時與同郡何顯客游洛陽顯
謂人曰仲景之術精于伯祖著傷寒論十卷
行世華佗讀而喜曰此真活人書也又著金
匱玉函經推為醫中亞聖又曰晉王叔和纂
次仲景傷寒論為三十六卷行于世 吳江徐
大椿傷寒類方曰後漢張機傷寒論乃晉王叔和蒐采成
書本非機所編次

唐書藝文志王叔和張仲景藥方十五卷又

傷寒卒病論十卷案卒讀如猝然之猝

宋史藝文志張仲景傷寒論十卷

陳氏書錄解題傷寒論十卷漢長沙太守南

陽張機仲景撰建安中人其文辭簡古奧雅

又名傷寒卒病論凡一百一十二方古今治

傷寒者未有能出其外者也

南昌喻昌尚論張仲景傷寒論重編三百九

十七法曰張仲景卒病傷寒論十六卷其卒

病論六卷已不可復睹即傷寒論十卷亦劫

火之餘僅得之口授其篇目先後差錯賴有

三百九十七法一百一十三方之名目可為

校正晉太醫令王叔和附以己意編集成書

共二十二篇今世所傳乃宋直祕閣林億所
校正宋人成無己所詮注

四庫提要曰傷寒論注十卷漢張機撰晉王

叔和編金成無己注前有宋高保衡孫奇林

億等校上序稱自仲景于今八百餘年惟王

叔和能學之云云而明方有執作傷寒論條

辨則詆叔和所編與無己所注多所改易竄

亂併以序例一篇為叔和偽託而刪之國朝

喻昌作尚論篇于叔和編次之舛序例之謬

及無己所注林億等所校之失攻擊尤詳皆

重為考定自謂復長沙之舊本其書盛行于

世而王氏成氏之書遂微然叔和為一代名

醫又去古未遠其學當有所受無己于斯一

帙研究終身亦必深有所得似未可概從屏

斥盡以為非夫子改大學為一經十傳分

中庸為三十三章于學者不為無裨必以謂

孔門之舊本如是則終無確證可憑也今大

學中庸列朱子之本于學官亦列鄭玄之本

于學官原不偏廢又烏可以後人重定此書

遂廢王氏成氏之本乎

梁有療傷寒身驗方徐方伯辯傷寒各一卷傷

寒總要二卷亡

徐方伯始末未詳志藝文略作徐文伯

案東海徐氏有徐文伯徐成伯徐嗣伯並

昆季行皆善醫方伯殆亦其羣從別有辨

腳弱方一卷見後此條前後四書或非徐氏

梁有支法存申蘇方五卷亡

太平御覽方術部千金方序曰沙門支法存

嶺表人性敦方藥自永嘉南渡士大夫不習水土多患腳弱惟法存能拯濟之案脚弱即軟脚病時有仰道士亦嶺表僧善療此疾天下聞名云見明程伊醫林外傳

梁有王叔和論病六卷張仲景評病要方一卷

七

王叔和有脈經張仲景有藥方十五卷辨傷寒十卷並見前

晁氏讀書志金匱玉函經八卷漢張仲景撰晉王叔和集設答問雜病形證脈理參以療治之方仁宗朝王洙得于館中用之甚效合二百六十二方案此似即王叔和論病張仲景評病要方二書合併為帙者也至宋王洙始得而傳之猶是王叔和編定仲景方論三十六卷中之一其八卷者疑評病要方是二卷也

陳氏書錄解題金匱要略三卷張仲景撰王叔和集林億等校正此書王洙于館閣蠶簡中得之曰金匱玉函要略方上卷論傷寒中論雜病下載其方并療婦人乃錄而傳之今書以逐方次于證候之下以便檢用所論傷寒文多節略故但取雜病以下止服食禁忌二十五篇二百六十二方而仍其舊名案王洙所傳者八卷見晁氏志今尚有傳本此三卷又後人所錄別本并下半篇所載瘧婦人方二卷亦入之焉林億校八卷又補注要略三卷並見陳錄

宋史藝文志金匱玉函八卷王叔和集金匱要略方三卷張仲景撰王叔和集又有張仲景脈經一卷五藏榮衛論一卷療黃經一卷口齒論一卷與

金匱要略皆後人從三十六卷中析出別行非王叔和原編舊第宋志又有張叔和新集病總要略三卷即金匱要略之異名

南昌喻昌尚論篇曰張仲景著卒病傷寒論

十六卷其卒病論六卷已不可復睹案王叔和論病六卷似即喻氏所謂卒病論即在叔和所編三十六卷中也後人與評病要方今為金匱玉函經八卷

四庫提要曰欽定醫宗金鑑乾隆十四年奉敕撰首為訂正傷寒論注十七卷次為訂正金匱要略注八卷蓋醫書之最古者無過素問次則八十一難經然皆有論無方素問有半夏湯等一二方然偶然及之非其通例也

其有論有方者自張機始講傷寒及雜證者亦以機此二書為宗然傷寒論為諸醫所亂幾如爭大學之錯簡改本愈多而義愈晦病其說之太雜金匱要略雖不甚聚訟然注者罕所發明又病其說之不詳是以首訂二書糾譌補漏以標證之正軌焉

梁有徐叔嚮談道述徐悅體療雜病疾源三卷

徐叔嚮有鍼灸要鈔本草病源合藥要鈔四家體療雜病本草要鈔解寒食散方并消息節度凡五書並見前談道述有本草經鈔徐悅有鍼經并穴穴蝦蟆圖亦見前

案前載張仲景辨傷寒之後次以療傷寒身驗方徐方伯辨傷寒及傷寒總要三書知為傷寒論而作此三人之書次論病評病要方之後亦即為仲景卒病論而作可

知其書名與前病源合藥四家體療雜病相同似當時合為一帙簿錄家分別著錄焉通志略載是書但云徐悅撰不及前兩人似誤讀

此條注文也

梁有甘澹之癰疽部黨雜病疾源三卷府藏要三卷亡

甘澹之有癰疽耳眼本草要鈔九卷見前

右雜湯丸酒煎薄帖及傷寒方論癰疽治療之類為經方家之第四段

肘後方六卷葛洪撰梁二卷陶弘景補關肘後百一方九卷亡

葛洪有喪服變除見經部三禮類陶弘景有本草集注太清草木集要見前

抱朴子雜應篇曰余所撰百卷名曰玉函方皆分別病名以類相續不相雜錯其救卒參卷皆單行徑易約而易驗雖陌之間顧盼皆藥乘急之病無不畢備家有此方可不用醫醫多承襲世業有名無實但養虛聲以圖財利寒白退士所不得使使之者乃多誤人未若自閑其要勝于所迎無知之醫且暴急之病而遠行借問率多枉死矣

太平御覽方術部晉中興書曰葛洪自號抱朴子善養生之術撰經用救驗方三卷號曰肘後方又撰玉函方一百卷于今行用

陶隱居集肘後百一方序曰太歲庚辰隱居曰余宅身幽嶺迄將十載雖每植德施工多止一時之設可以傳芳遠裔者莫過于撰述見葛氏肘後救卒方殊足申一隅之思夫方

術之書卷帙徒煩拯濟蓋寡就欲披覽回感

多端抱朴此製實為深益然尚有闕漏未盡

其善輒更采集補闕凡一百一首以朱書甄

別為肘後百一方于雜病單治略為周遍矣

昔應璩為百一詩以箴規心行今予撰此蓋

欲輔衛我躬且佛經云人用四大成身一大

輒有一百一病是故身宜自想上自通人下

逮衆庶莫不各加繕寫而究括之故備論節

度使曉然無滯一披條領無使過差也 案序

言太歲庚辰乃東晉侯永元二年也

太平御覽方術部梁書曰陶弘景好著述性

好醫方專以拯濟欲利益羣品故修撰神農

本草經三卷為七卷廣肘後為百一之製世

所行用多獲異效焉

唐書經籍志肘後救卒方四卷葛洪撰補肘

後救卒備急方六卷陶弘景撰

唐書藝文志葛洪肘後救卒方六卷陶弘景

補肘後救卒備急方六卷

宋史藝文志葛洪肘後備急百一方三卷

陳氏書錄曰肘後百一方三卷晉葛洪撰梁

陶隱居增補本名肘後救卒方率多易得之

藥凡八十六首陶併七首加二十二首共為

一百一首取佛書人有四大一大輒有一百

一病之義名之

理者也 姚大夫集驗方十二卷 北史藝術傳姚僧垣字法衛吳興武康人吳

太常信之八世孫也父菩提梁高平令嘗嬰

疾疹歷年乃留心醫藥梁武帝召與討論方

術言多會意由是頗禮之僧垣幼通洽年二

十四即傳家業仕梁為太醫正及魏軍剋荆

州隨于謹至長安屢遷周大象二年除太醫

下大夫至上開府儀同大將軍封長壽縣公

隋開皇初進爵北絳郡公三年卒年八十五

僧垣醫術高妙為當時所推前後效驗不可

勝紀聲譽既盛遠聞邊服至于諸蕃外域咸

請託之僧垣乃參校徵效者為集驗方十二

卷又撰行記三卷行于世長子察南史有傳

唐書經籍志雜藥方一百七十卷范汪方尹

穆撰 唐書藝文志尹穆纂范東陽雜藥方一百七

十卷注云范汪 梁又有阮河南藥方十六卷阮文叔撰亡

魏志杜恕傳注陳留阮武者亦拓落大才也

案阮氏譜武父讖字士信徵辟無所就造三

禮圖傳于世杜氏新書曰武字文業位止清

河太守武弟炳字叔文河南尹精意醫術撰

藥方一部 唐書經籍志阮河南方十六卷阮炳撰

唐書藝文志阮河南方十六卷注云阮炳又

曰阮河南藥方十七卷 梁又有釋僧深藥方三十卷亡

太平御覽方術部千金方序曰僧深齊宋間

道人善療腳弱氣之疾撰錄法存等諸家醫

方三十餘卷經用多效時人號曰深師方焉

明程伊醫林外傳引作腳弱氣此弱下跛脚字

唐書經籍志僧深集方三十卷釋僧深撰

唐書藝文志僧深集方三十卷

梁又有孔中郎雜藥方二十九卷亡

晉書孔愉傳愉會稽山陰人也中子汪字德

澤好學有志行孝武帝時位至侍中時如千

秋以佞媚見幸于會稽王道子汪屢言之于

帝帝不納遷尚書太常卿以不合意求出為

假節都督交廣二州諸軍事征虜將軍平越

中郎將廣州刺史甚有政績為嶺表所稱太

元十七年卒 案孔愉有晉咸和咸康故事四卷見史

部舊也篇史載汪事不言其有是書此稱孔中郎者即指其刺史兼官平越中郎將也

曲阜孔繼汾孔氏著述考二十六代孫晉都督交廣二州諸軍事廣州刺史汪有雜藥方二十九卷

梁又有宋建平王典術一百二十卷亡

不著撰人

案宋書文九王傳建平宜簡王宏字休度文帝第七子也元嘉二十一年年十一封

建平王少而閑素篤好文籍太祖寵愛殊常為立第于雞籠山盡山水之美建平王

國職高他國一階宏少而多病大明二年薨時年二十五又百官志王國置典醫丞

典府丞各一人此蓋建平王國典醫丞所作名其書曰典術云

太平御覽圖書綱目載王建平典術似傳謬也

梁又有羊中散藥方三十卷羊欣撰

宋書本傳欣字敬元泰山南城人仕晉入宋為新安義興太守自免歸除中散大夫素好

黃老兼善醫術撰藥方十卷元嘉九年卒年七十三

太平御覽方術部宋書曰羊欣性好文儒兼善醫藥撰方三十卷為代所宗焉

梁又有褚澄雜藥方二十卷齊吳郡太守褚澄撰亡

南齊書褚淵傳淵字彥回河南陽翟人也淵弟澄字彥道尚宋文帝女廣江公主拜駙馬

都尉歷官清顯善醫術建元中為吳郡太守

豫章王感疾太祖召澄為治立愈遷左民尚書侍中領右軍將軍永明元年卒

南史張融傳融謂徐文伯嗣伯曰褚侍中澄當貴亦能療人疾

唐書經籍志雜藥方十二卷褚澄撰

唐書藝文志褚澄雜藥方十二卷

案宋儲泳祛疑說云褚澄察脈如神著書十篇曰尊生秘經宋史藝文志有褚澄褚

氏遺書一卷四庫提要曰其書分受形本氣平脈津潤分體精血除疾審微辨書問

子十篇大旨發揮人身氣血陰陽之奧宋史始著于錄前有後唐清泰二年蕭淵序

云黃巢時羣盜發家得石棄之先人偶見載歸後遺命即以褚石為槩又有釋義堪

序云石刻得之蕭氏家中凡十有九片其一即蕭淵序也又有嘉泰元年丁介跋稱

此書初得蕭氏父子護其石而始全繼得僧義堪筆之紙而始存今得劉義先錄之

木而始傳則始刻于嘉泰中也其書于靈樞素問之理頗有發明李時珍王肯堂俱

採用之又簡明目錄曰其論寡婦僧尼之異治發前人所未發論吐血便血戒飲寒

涼尤為精識案此即儲氏所謂尊生秘經或即此二十卷中之方論未可知也

秦承祖藥方四十卷見三卷

秦承祖有偃側雜鍼灸經脈經本草三書並見前世說言諸書注又引寒食散論見前第三段之第一條

太平御覽方術部宋書曰秦承祖性耿介專好藝術于方藥不問貴賤皆治療之多所全獲當時稱之為上手撰方二十卷大行于世

唐六典醫博士注宋元嘉二十年太醫令秦承祖奏置醫學博士以廣教授至三十年省

唐書經籍志藥方十七卷秦承祖撰

唐書藝文志秦承祖藥方四十卷

案此條注見三卷者據隋代見存書目所載也見存三卷而云四十卷知此書世有全本故變例著錄全卷疑前載三書及寒

食散論皆編入此書

梁有陽昞藥方二十八卷亡

陽昞始末未詳

梁有夏侯氏藥方七卷亡

夏侯氏不知何人

梁有王季琰藥方一卷亡

王季琰始末未詳前注梁有王季琰本草經三卷疑即其人

梁有徐叔嚮雜療方二十一卷徐叔嚮雜病方六卷亡

徐叔嚮有鍼灸要鈔本草寒食散方等書凡六種並見前

唐書經籍志雜療方二十卷徐叔和撰體療雜病方六卷徐叔和撰案和當為嚮因向字之誤也

唐書藝文志徐叔嚮雜藥方二十卷又體療雜病方六卷

梁有李諧之藥方一卷亡

李諡之有本草經一卷藥錄六卷並見前
梁有徐文伯藥方二卷亡

南史張融傳融與東海徐文伯兄弟厚文伯

字德秀濮陽太守熙曾孫也熙生子秋夫秋

夫生道度道度生文伯文伯亦精其業兼有

學行儻不屈意于公卿不以醫自業融謂

文伯曰昔王微稽叔夜並學而未能般仲堪

之徒故所不論得之者由神明洞澈然後可

至故非吾徒所及且褚侍中澄當貴亦能救

人疾卿此更成不達答曰惟達者知此可崇

不達者多以爲深累既鄙之何能不恥之文

伯爲效與嗣伯相埒嗣伯其從弟也見後

北史藝術徐審傳審子成伯與兄文伯等皆

善醫藥文伯仕南齊位東莞太山蘭陵三郡

太守子雄員外散騎侍郎醫術爲江左所稱

事並見南史雄子之才見後半篇
胡洽百病方二卷梁有治卒病方一卷亡
胡洽始末未詳

醫兼其職
梁有遼東備急方三卷都尉臣廣上

臣廣始末未詳

梁有殷荆州要方一卷殷仲堪撰亡

殷仲堪有毛詩雜義見經部詩類

晉書本傳仲堪父病積年衣不解帶躬學醫

術究其精妙執藥揮淚遂眇一目又曰仲堪

善取人情病者自爲診脈分藥

俞氏療小兒方四卷

俞氏不知何人

唐六典醫博士以醫術教授諸生分而爲業

一曰體療二曰瘡腫三曰少小注云諸生分

業教習率二十人以三人學少小五年成

唐書經籍志少小節療方一卷俞寶撰

唐書藝文志俞氏治小兒方四卷俞寶小女

節療方一卷

案俞寶或即俞氏之本名或其後子姓鈔

節其書者

梁有范氏療婦人藥方十一卷亡

范氏有解散方七卷見前第三段

常熟丁國鈞補晉書藝文志曰范氏療婦人

藥方十一卷見七錄考隋志醫方類無別有

姓范者此亦爲范汪書當爲東陽方百七十

餘卷中傳錄別行之本可以意決

案兩唐志有婦人方十卷皆不著撰人似

即此書

梁有徐叔嚮療少小百病雜方三十七卷亡

徐叔嚮有鍼灸要鈔等諸書凡八種並見前

梁有療少小雜方二十卷療少小雜方二十九
卷亡

並不著撰人

唐書經籍志少小方十卷少小雜方二十卷

唐書藝文志少女方十卷少小雜方二十卷

案舊志作少小與本志所注同新志作少

女未詳孰是

梁有范氏療小兒藥方一卷亡

范氏有解散方七卷療婦人方十一卷並見

前

常熟丁國鈞補晉書藝文志曰范氏療小兒

藥方一卷見七錄此與解散方療婦人藥方

三種當爲范汪東陽方百七十餘卷中別行

之本阮孝緒据所見各著于錄耳

梁有王末療小兒雜方十七卷亡

王末有鈔小兒用藥本草二卷見前第一段

案命名曰末于義何取疑是宋王微後人

因避諱而改爲末歟微有集別見集部宋

書本傳云微報廬江何偃書曰至于生平

好服上藥起年十二時病虛耳所撰服食

方中粗言之矣自此始信攝養有徵故門

冬昌朮隨時參進寒溫相補欲以扶護危

羸見冀白首家貧乏役至于春秋令節輒

自將兩三門生入草采之吾實倦游醫部

頗曉和藥尤信本草欲其必行是以躬親

意在取精云云案服食方本志不見而本

草則有鈔取爲小兒服食者二卷在焉以

其自幼疾疹故用意于小兒方藥尋繹所

至類似其人并疑所謂服食方者亦即是書而所鈔本草二卷舊亦在是書中也今姑附識其疑于此 又晉謝道愷言從兄弟有封胡羯末末為謝川小字見晉書謝萬傳疑末亦王徽小字

徐嗣伯落年方三卷

南史張融傳漢陽太守熙生子秋夫秋夫生道度叔嚮叔嚮生嗣伯皆精其業嗣伯字叔紹亦有孝行善清言位正員郎諸府佐彌為臨川王映所重又傳論曰徐氏妙理通靈蓋非常所至雖古之和鵠何以加諸

唐書經籍志徐氏落年方三卷徐嗣伯撰

唐書藝文志徐嗣伯雜病論一卷又徐氏落年方三卷

案落年二字未詳其義後半篇有墮年方二卷徐大山撰唐日本書目作隨手方知墮年為隨手之誤疑此因墮年而作落年為誤中之誤似即徐嗣伯之隨手方大山日本書目作太山蓋徐文伯嘗為太山太守兄弟二人各有隨手方也

梁有徐叔嚮療腳弱雜方八卷亡

徐叔嚮見前

唐書經籍志腳弱方八卷徐叔嚮撰

唐書藝文志徐叔嚮腳弱方八卷

案徐氏唯叔嚮著書最多本志所載有鍼灸要鈔一卷本草病源合藥要鈔五卷四

家體療雜病本草要鈔十卷解寒食散方

六卷解散消息節度八卷與談道述徐悅

體療雜病疾源三卷雜療方二十一卷雜病方六卷療少小百病雜方三十七卷并此腳弱方凡十種一百五卷唯鍼灸要鈔據隋代見存書目餘皆從梁代目錄鈔入其間亦不無重複互見者今并彙次其目于此

梁有徐方伯辨腳弱方一卷亡

徐方伯有辨傷寒三卷見前

案通志藝文略載此書及辨傷寒兩書皆作徐文伯豈所見隋志果如是今本作方伯為轉寫之誤歟

梁有甘濬之療癰疽金創要方十四卷甘濬之療癰疽毒惋雜病方三卷

甘濬之有癰疽耳眼本草要鈔九卷見前

唐書經籍志療癰疽金創要方十四卷甘濬之撰

唐書藝文志甘濬之療癰疽金創要方十四卷

案其後三卷唐志不載毒惋通志略作惋其義未詳疑是毒蛇之誤

梁有甘伯齊療癰疽金創方十五卷亡

甘伯齊始末未詳唐有甘伯宗撰名醫傳七卷見新

唐志或其軍從也

唐書經籍志療癰疽金創要方十二卷甘伯

齊撰

唐書藝文志甘伯齊療癰疽金創要方十二

卷

陶氏效驗方六卷梁五卷梁又有療目方五卷

陶氏弘景有本草集注太清草木集要肘後百一方並見前

陶隱居肘後百一方序曰余又別撰效驗方五卷具論諸病證候因藥變通而並是大治非窮居所資若華軒鼎室亦宜修省耳

南史逸隱傳所著本草集注效驗方肘後百

一方

唐書經籍志效驗方十卷陶弘景撰

唐書藝文志陶弘景效驗方十卷案二志皆十卷者并療目方五卷在內也

梁又有甘濬之療耳眼方十四卷亡

甘濬之有癰疽耳眼本草要鈔九卷癰疽部

黨雜病疾源三卷府藏要三卷療癰疽金創要方十四卷療癰疽毒惋雜病方三卷並見前

案甘氏所著見于本志所注者前後凡六種四十六卷皆外科傷科之書其間亦不無重複互見今并彙次于此其書至隋代存一部唐時復出二部

右自肘後方已下皆晉宋齊梁諸家之方書為經方之第五段

梁又有神枕方一卷亡

不著撰人

案下文有墨子枕內五行紀要一卷注云

梁有神枕方一卷疑此即是此蓋墨子五行紀要之異名也詳見後方

梁又有雜戎狄方一卷宋武帝撰亡

案兵家載皇帝兵法一卷注云宋武帝所

傳神人書而宋書南史本紀皆不載其事
此雜戎狄方兩史本紀亦不見或義熙中
滅南燕慕容超後秦姚泓時所得因而傳
之歟

梁又有摩訶出胡國方十卷摩訶胡沙門撰

摩訶胡沙門不知何人

又范曄上香方一卷雜香膏方一卷亡

范曄有後漢書見史部正史類

南史范泰附傳曄性精微有思致觸類多善

衣裳器服莫不增損制度世人皆法學之撰
和香方其序之曰麝本多忌過分必害沉實
易和盈斤無傷零藿虛燥唐膠漆淫甘松蘇
合安息鬱金奈多和羅之屬並被珍于外國
無取于中土又棗膏昏鈍甲煎淺俗非唯無
助于馨烈乃當彌增于尤疾也所言悉以此
類朝士麝本多烈比庚仲文零藿虛燥比何
尚之詹唐黏溼比沈演之棗膏昏鈍比羊玄
保甲煎淺俗比徐湛之甘松蘇合比慧琳道
人沉實易和以自比也

右自神枕方已下皆附之末簡為經方家
之第六段

以上自神農本草八卷至此凡六段二十
七部附梁有九十部蓋依仿漢志經方一
門之例以類次之者是為第二類

彭祖養生經一卷

列仙傳彭祖者殷大夫也姓錢名鏗帝顛頃
之孫陸終氏之中子歷夏至殷末八百餘歲
常食桂芝善導引行氣歷陽有彭祖仙窟前

世禱請風雨莫不輒應

唐書藝文志彭祖養生經一卷

明白雲霧道藏目錄詳注彭祖攝生養生論

注云食息起居四時調養法

烏程嚴可均全上古三代文編曰彭祖姓彭

名翦一云名鏗一云姓錢名鏗陸終第三

子祝融之孫顛頃之玄孫歷事唐虞夏至商

為守藏史年七百餘歲一云八百歲有養生

經一卷

又曰淮南子說林訓莫壽于殤子而彭祖為

天矣高誘注一說彭祖蓋黃帝時學仙者葛

洪神仙傳彭祖諱鏗帝顛頃之玄孫至殷末

年已七百六十七歲而不衰老遂往流沙之

西非壽終也諱案經傳無神仙之說論語竊

比于我老彭包曰老彭殷賢大夫釋文引鄭

曰老老聘彭彭祖皇侃疏曰老彭彭祖也年

八百歲故曰老彭也老彭亦有德無位皇習

見神仙家言故以八百歲釋老非經意也鄭

語史伯曰祝融後八姓大彭豕韋為商伯彭

姓彭祖豕韋諸稽商滅之韋昭曰大彭陸終

第三子曰錢為彭姓封于大彭謂之彭祖又

曰彭祖大彭也史記楚世家陸終生子六三

曰彭祖索隱引世本三曰錢鏗是為彭祖周

書膏麥解皇天哀禹賜以彭壽思正夏略竹

書紀年帝啓十五年武觀以西河叛彭伯壽

帥師征西河合而斷之知彭祖國名即大彭

夏商為方伯古五霸之一唐虞封國傳數十

世八百歲而滅于商此其實事論語之老彭

未知何人即如鄭說或是彭祖國之支族入
仕商因以名名之後世傳會乃謂彭祖以房

中術壽八百歲此不經之談也

又曰道藏臨字五號有攝生養生論此秦漢

已後養生家言託之彭祖又盡字號有彭祖

導引圖一篇御覽七百二十引神仙傳彭祖

云養生之道一篇文選嵇叔夜養生論注引

彭祖養生要皆後人依託宗案養生要似即從張

湛養生要集中采出者非其本名也

養生要集十卷張湛撰

唐書經籍志養生要集十卷張湛撰 又見道

家

唐書藝文志張湛養生要集十卷 又見神仙家

常熟丁國鈞補晉書藝文志曰張湛養生要

集見隋志疑此係魏書列傳中之張湛非注

列子者

案晉張湛孝武帝時光祿勳晉書無傳有

列子注見前道家魏張湛太武帝時中書

侍郎賜爵南浦男寧遠將軍當南朝宋文

帝元嘉中在其後二三十年然魏書北史

列傳皆不言其有是書丁氏之說疑以存

疑而已

又案晉張湛為王弼外甥之孫習于道家

之言晉書袁山松傳時張湛好為齋前種

松柏南史陶弘景傳特愛松風庭院皆植

松與弘景有同好亦養生家靜攝之一事

又范寧傳寧常患目痛就中書侍郎張湛

求方湛因嘲之有損讀書減思慮專內視

簡外觀且晚起夜早眠非但明目乃亦延年之語純爲養生之言由是知此書出于晉之張湛爲多

玉房祕訣十卷

不著撰人

唐書經籍志玉房祕訣八卷冲和子撰

刻本作房祕訣跋玉字又誤錄爲祿

唐書藝文志冲和子玉房祕訣十卷注云張

鼎

案張鼎自號冲和子所著別有太清璿璣

文七卷見下篇第三類中始末未詳抱朴

子釋滯篇選覽篇言房中之法有玄女經

素女經彭祖經子都經合成經各一卷此

類殆皆在此十卷中也張鼎有補孟詵食療本

草初唐時人似神仙家流

以上三部蓋依仿漢志房中一門之例以

類次之者是爲第三類抱朴子釋滯篇曰

房中之法十餘家或以補救傷損或以攻

治衆病或以采陰益陽或以增年延壽其

大要在于還精補腦之一事耳此法乃真

人口口相傳本不書也雖服名藥而復不

知此要亦不得長生也人復不可都絕陰

陽陰陽不交則坐致壅閼之患故幽閉怨

曠多病而不壽也任情肆意又損年命唯

有得其節宣之和可以以不損若不得口訣

之術萬無一人爲之而不以此自傷終也

玄素子都容成公彭祖之屬蓋載其僉事

終不以至要者著于紙上者也又曰房中

之術近有百餘事焉又微旨篇曰彭祖之法最其要者其他經多煩勞難行而其爲益不必如其書人少有能爲之者口訣亦有數千言云其言皆恍惚不經案七略方技四家房中在其三特方技之一術欲其制節禁度以期和平壽考而種子方養陽方所從出焉與神仙家不相蒙後世乃合而一之

墨子枕內五行紀要一卷梁有神枕方一卷疑此即是

神枕方前第八條

案五行變化墨子五卷神仙家鈔出一卷

名曰墨子枕中五行要記皆變化之術詳

見前五行家第廿六類中此一卷與前名

目略同或是黃冶藥物之類亦神仙家鈔

出者

如意方十卷

不著撰人

唐書藝文志梁武帝坐右方十卷如意方十

卷

案南史梁簡文帝本紀載所著有如意方

十卷則實爲簡文帝所撰唐志坐右方十

卷之下敝簡文帝三字耳

練化術一卷

不著撰人

案下篇載煉化雜術一卷陶隱居撰蓋即

此書

神仙服食經十卷

雜仙餌方八卷服食諸雜方二卷

並不著撰人

唐書經籍藝文志神仙服食方十卷神仙服

食藥方十卷

案此八卷二卷唐時行本并合爲一即服

食藥方十卷也

梁有仙人水玉酒經一卷

不著撰人

案唐藝文志王超仙人水鏡圖訣一卷注

云貞觀人似即因是書而爲圖訣水鏡疑

水經之誤道藏目錄如字號有軒轅黃帝

水經藥法一卷則頗似此書也

老子禁食經一卷

案日本書目有老子神仙服食經崇文總

目有老子服食經皆一卷疑即此書

以上七部附梁有一部蓋依仿漢志神仙

家之例以類次之者是爲第四類

崔氏食經四卷

魏書崔浩傳浩母盧氏諶孫女也盧諶有集見

集部浩著食經敍曰余自少及長耳目聞見

諸母諸姑所修婦功無不蘊習酒食朝夕養

舅姑四時祭祀雖有功力不任僮使常手自

親焉昔遭喪亂饑饉仍臻不能具其物用十

餘年間不復備設先妣慮久廢忘後生無知

見而少不習業書乃占授爲九篇文辭約舉

婉而成章聰辨強記皆此類也親沒之後值

國龍興之會平暴除亂拓定四方余備位台

鉉與參大謀賞獲豐厚牛羊蓋澤貴累巨萬

衣則重錦食則梁肉遠惟平生思季路負米之時不可復得故序遺文垂示來世

唐書經籍志食經九卷崔浩撰

唐書藝文志崔浩食經九卷

通志藝文略崔氏食經四卷崔浩撰

案崔浩有周易注見經部易家唐志載此

書九卷蓋以篇爲卷此四卷似合并唐日

本書日亦四卷注云崔禹錫撰似因劉禹

錫傳信方而譌

食經十四卷梁有食經二卷又食經十九卷亡

並不著撰人

梁有劉休食方一卷齊冠軍將軍劉休撰亡

南齊書本傳休字弘明沛郡相人也初爲駙

馬都尉奉朝請宋明帝湘東國常侍明帝頗

有好尚尤嗜飲食休多藝能爰及鼎味問無

不解後宮孕者帝使筮其男女無不如占齊

建元初爲御史中丞四年出爲豫章內史加

冠軍將軍卒年五十四

食饌次第法一卷

不著撰人

梁有黃帝雜飲食忌二卷

不著撰人

案漢志經方家之末有神農黃帝食禁七

卷嚴氏以爲本草未有確證案食禁即食

忌此二卷或即漢志七卷之遺通志略無忌

字豈所見隋志果如是乎

四時御食經一卷

不著撰人

唐書藝文志四時御食經一卷

案此似即魏武四時食制嚴氏全三國文

編曰文選海賦注初學記卷三十太平御

覽九百三十六七八九至四十引魏武四

時食制凡十四條舊唐志又有四時食法

一卷趙氏撰新志作趙武似皆因曹氏魏

武而傳譌非別一書御覽引用書目與四

時食制分別著目亦非也

梁有太官食經五卷又太官食法二十卷亡

並不著撰人

唐書經籍藝文志太官食法一卷太官食方

十九卷

通志藝文略梁太官食經五卷梁太官食法

二十卷

案鄭氏以此二書皆屬之梁代未詳所據

然亦頗近似

梁有食法雜酒食要方白酒并作物法十二卷

家政方十二卷

並不著撰人

案食法雜酒食要方白酒并作物法此不

似書名似誤鈔梁目解題之文亦即似家

政方十二卷解題之語也詳見下文

食圖四時酒要方白酒方七日麵酒法雜酒食

要法雜藏釀法雜酒食要法酒并飲食方饜及

鑊蟹方羹臠法鮓臠胸法北方生醬法各一卷

亡雜酒食要法凡兩見似有歧誤

並不著撰人

案此云各一卷者食圖一卷四時酒要方

一卷白酒方一卷七日麵酒法一卷雜酒

食要法一卷雜藏釀法一卷雜酒食要法

一卷酒并飲食方一卷饜及鑊蟹方一卷

羹臠法一卷鮓臠胸法一卷北方生醬法

一卷凡十二卷證以前一條所載似即家

政方之篇目其首一卷爲食物之圖故云

食圖而此之食圖即前條之食法也此四

時酒要方即前條之雜酒食要方也此白

酒方即前條之白酒也此七日麵酒法以

下諸種即前條作物法之省文也蓋亦如

前條誤鈔梁目解題之文非家政方之篇

目即作物法之子卷斷可識矣天文家云錄

軌象以頌其章一卷亦誤鈔解題之語與此相同

療馬方一卷梁有伯樂療馬經一卷疑與此同

案梁目伯樂療馬經即此療馬方亦即下

篇伯樂治馬雜病經一卷也本志注其疑

似者唯此與前墨子枕內五行紀要各一

條此亦可知修志者唯見書目不見本書

故有此疑辭也

以上自崔氏食經至此凡五部附梁有二

十部除去覆重十三部止有七部皆飲饌及獸

醫之屬附諸篇末者爲第五類是爲上篇

醫方家下

黃帝素問八卷全元起注

全元起當爲全元起始末未詳

南史王僧孺傳僧孺多識古事侍郎金元起

欲注素問金當爲全訪以砭石僧孺答曰古

人當以石爲針必不用鐵說文有此砭字許

人當以石爲針必不用鐵說文有此砭字許

慎云以石刺病也東山經高氏之山多針石郭璞云可以爲砭針春秋美疾不如惡石服子慎注云石砭石也季世無復佳石故以鐵代之爾

唐日本國見在書目黃帝素問十六卷全元起注

唐書藝文志全元起注黃帝素問九卷宋史藝文志素問八卷隋全元起注

陳氏書錄曰隋志又有全元起素問注八卷嘉祐中林億高保衡承詔校定補注王砭注本亦頗采元起之說附見其中

四庫提要曰全元起所注已闕其第七王冰寶應中人乃自謂得舊藏之本補足此卷又曰冰本頗更其篇次然每篇之下必注全元起本第幾字猶可考見其舊第

脈經二卷徐氏撰

徐氏不詳何人

華佗觀形察色并三部脈經一卷

華佗有方十卷內事五卷見上篇經方類第二卷

脈經決二卷徐氏新撰

徐氏不詳何人

唐書經籍志脈經訣三卷徐氏撰

唐書藝文志徐氏脈經訣三卷

脈經鈔二卷許建撰

許建吳始末未詳

黃帝素問女胎一卷

不著撰人

案此似論胎脈本之于素問者三部四時五藏辨診色決事脈一卷

不著撰人

唐書經籍藝文志三部四時五藏辨候診色脈經一卷

脈經略一卷

辨病形證七卷

五藏決一卷

並不著撰人

論病源候論五卷目一卷吳景賢撰

吳景賢亦作吳景始末未詳

唐書經籍志諸病源候論五十卷吳景撰

唐書藝文志吳景諸病源候論五十卷巢氏諸病源候論五十卷注云巢元方

宋史藝文志巢元方巢氏諸病源候論五十卷

晁氏讀書巢氏病源候論五卷隋巢元方等撰元方大業中被命與諸醫共論衆病所起之源皇朝舊制監局用此書課試醫生昭陵時詔校本刻牘頒行宋綬爲序

陳氏書錄曰巢氏病源論五十卷隋太醫博士巢元方等撰大業六年也惟論病證不載方藥今案千金方諸論多本此書業醫者可

以參考

書宋志有巢元方巢氏諸病源候論五十卷又無吳氏書惟新唐志二書並載書名卷數並同不應如是之相複疑當時本屬官書元方與景一爲監修一爲編撰故或題景名或題元方名實止一書新唐志偶然重出觀晁公武稱隋巢元方等撰足證舊本所列不止一名然則隋志吳景作吳景賢賢或監字之誤其作五卷亦當較一十字如止五卷不應目錄有一卷矣

又簡明目錄曰凡六十七門一千七百二十論但論病源不載方藥唐王叢作外臺祕要宋太平興國中撰聖惠方皆采是書冠諸門之首則歷代實爲圭臬矣

服石論一卷

不著撰人

案上篇著錄石論一卷亦無名氏似即其

書

癰疽論方一卷

五藏論五卷

瘡論并方一卷

并不著撰人

以上十五部亦如上篇醫經之例爲第一類

神農本草經三卷

唐書經籍藝文志神農本草三卷

案此三卷本或猶是相傳本經之舊本草經四卷蔡英撰

蔡英始末未詳

案此似即上篇所注梁有蔡邕本草七卷也此或非其全也

藥目要用二卷

不著撰人

唐書經籍藝文志藥目要用二卷

案上篇注云梁有藥目三卷亡此或其節

要本

本草經略一卷

不著撰人

本草二卷徐大山撰太山當爲太山下並同

徐大山即徐文伯有藥方見上篇文伯嘗爲太

山東莞陶陵三郡太守故有此稱

本草經類用三卷

不著撰人

案兩唐志有藥類二卷似即此書

本草音義三卷姚最撰

姚最有梁後略見史部古史類

北史藝術姚僧垣傳僧垣次子最年十九隨

僧垣入關未習醫術天和中齊王憲秦遣最

習之憲又謂最曰博學高才何如王褒庾信

王庾名重兩國吾視之蔑如接待資給非爾

家比也勿不存心且天子有勅彌須勉勵最

于是始受家業十許年中略盡其妙每有人

告請効驗甚多

本草音義七卷甄立言撰

舊唐書方技傳甄權許州扶溝人也嘗以母

病與弟立言專醫方得其旨趣立言武德中

累遷太常丞尋卒撰本草音義七卷古今錄

驗方五十卷甄權有甄氏本草見上篇

唐書藝文志甄立言本草音義七卷注云一

作權

謝氏小學考曰唐志立言下注云一作權通

志藝文略則直作甄權誤

本草集錄二卷

本草鈔四卷

本草雜要決一卷

并不著撰人

本草要方三卷甘濬之撰

甘濬之有癰疽耳眼本草要鈔等書凡六種

並見上篇經方家第五段

案此似即上篇所注梁有九卷之佚存本

依本草錄藥性三卷錄一卷

不著撰人

唐六典太醫令注醫博士教諸醫生讀本草

者即令識藥形而知藥性博士月一試太醫

令丞季一試太常丞年終總試

案唐制大率仍前代據六典所載則藥性

之書爲博士弟子課試之學此從來本草

錄諸家所言性味大抵是太醫署肆業之

書又頗似甄權藥性本草也

靈秀本草圖六卷原平仲撰

原平仲始末未詳

唐張彥遠歷代名畫記曰古之祕畫珍圖有

靈秀本草圖六卷起赤箭終蜻蜒源平仲撰

此作源未詳孰是

唐書經籍志靈秀本草圖六卷原平仲撰

唐書藝文志原平仲靈秀本草圖六卷

芝草圖一卷

不著撰人

唐書經籍藝文志芝草圖一卷

入林采藥法二卷

不著撰人

太常采藥時月一卷四時采藥及合目錄四卷

并不著撰人

唐六典太常卿以八署分而理焉其六曰太

醫署太醫令掌諸醫療之法凡藥有陰陽配

合子母兄弟根葉花實草石骨肉之異及有

毒無毒陰乾采造時月皆分別焉皆辨其所

出州土每歲貯納擇其良者而進焉又曰凡

醫師醫正醫工療人疾病每歲常合傷寒時

氣瘧痢傷中金鎗之藥以備人之疾病者

又曰殿中監之屬尚藥奉御掌合和御藥凡

藥有上中下三品上藥爲君養命以應天中

藥爲臣養性以應人下藥爲佐療病以應地

遞相宣攝而爲用凡合藥宜用一君三臣九

佐方家之大經也必辨其五味三性七情然

後爲和劑之節其用又有四焉曰湯丸膏散

唐書經籍藝文志四時采取諸藥及合和四

卷

案太醫署屬太常故此兩書以太常名大

抵是其簿籍爲醫正醫師醫工之職業而

尙藥局亦有其事焉

藥錄二卷李密撰
北齊書李元忠傳元忠趙郡柏人人也族弟

密字希邕平棘人密少有節操屬爾朱兆殺逆陰結豪右以兵從高祖舉義遙授并州刺史封容城縣侯除建州襄州刺史天保初以舊功授散騎常侍卒密性方直有行檢因母患疾名醫治療不愈精習經方洞曉針藥母疾得除當世皆服其名解由是亦以醫術知名亦見北史李齊傳後

諸藥異名八卷沙門行矩撰本十卷今闕

行矩一作行智始末未詳

唐書經籍志諸藥異名十卷釋行智撰

唐書藝文志僧行智諸藥異名十卷

案明李時珍本草綱目每藥必備載釋名一條蓋權輿于是書

諸藥要性二卷

不著撰人

種植藥法一卷

不著撰人

唐六典太醫署太醫令之屬藥園師二人生

八人藥園師以時種蒔收采諸藥注曰京師

置藥園一所擇良田三頃取庶人十六已上

二十已下充藥園生業成補藥園師

種神芝一卷

不著撰人

抱朴子黃白篇云曰夫芝菌者自然而生而

仙經有以五石五木種芝芝生取而服之亦

與自然芝無異俱令人長生

案此與種植藥法似皆為藥園師生所職

業兩唐志有種芝經九卷

右亦如上篇之例皆本草之屬為經方家之一門

藥方二卷徐文伯撰

徐文伯有藥方見上篇經方家第五段

案上篇注云梁有徐文伯藥方二卷亡此

復著錄亦二卷實未亡也

解散經論并增損寒食節度一卷

不著撰人

張仲景療婦人方二卷

張仲景見上篇經方家

案書錄解題曰金匱要略三卷下卷載方

并療婦人蓋後人已析入金匱要略中也

仲景之書自王叔和編次三十六卷之後

其原編舊第遂不可考今則并叔和所編

之篇目亦不可見本志所載有仲景方十

五卷論傷寒十卷王叔和論病六卷評病

要方一卷并此二卷凡三十四卷明方有

執言仲景有序例一篇為三十五尚闕其

一若以叔和論病及評病要方兩書合并

為金匱玉函經八卷計之則正合三十六

卷之數然不知是否如此也

徐氏雜方一卷少小方一卷療小兒丹法一卷

徐氏不詳何人

案兩唐志有徐嗣伯雜病論一卷本志不

見疑即是書新唐志雜病論之後又次以

徐氏落年方三卷并疑此三書即上篇所

載徐嗣伯落年方三卷也

徐大山試驗方二卷

大山當為太山有本草二卷見前

徐文伯療婦人瘕一卷

徐文伯有藥方二卷兩見于前

說文瘕女病也桂氏義證曰馥案華氏中藏

經瘕瘕論云瘕者系于氣也瘕者系于血也

御覽引宋書徐文伯傳明帝宮人患腰痛牽

心衆醫以為肉瘕文伯曰此髮瘕以油投之

即吐得物如髮引之長三尺頭已成蛇懸柱

上水滴盡一髮而已病都差馥案隋書經籍

志徐文伯療婦人瘕一卷

案南史張融附傳亦載此事而誤瘕為瘕

此一卷即載其事蓋其治驗之一端

徐大山巾箱中方三卷

徐太山有本草及試驗方並見前

藥方五卷徐嗣伯撰

徐嗣伯有落年方見上篇經方家

墮年方二卷徐大山撰

唐日本國見在書目徐太山隨手方一卷

案徐太山即徐文伯此墮年為隨手之誤

墮隨二字易混年手草寫相似通志略亦

作墮年則宋本已然微日本書目幾莫辨

其致誤之由矣

効驗方三卷徐氏撰

徐氏不詳何人

雜要方一卷

不著撰人

玉函煎方五卷葛洪撰

葛洪有肘後方見上篇經方家

抱朴子雜應篇曰余所撰百卷名曰玉函方皆分別病名以類相續不相雜錯

太平御覽方術部晉中興書曰葛洪撰經用救驗方三卷號曰肘後方又撰玉函方一百卷于今行用

案此稱煎方者蓋從玉函百卷中鈔出編為五卷也

小品方十二卷陳延之撰

陳延之始末未詳

唐書經籍志小品方十二卷陳延之撰

唐書藝文志陳延之小品方十二卷

陳氏書錄曰外臺祕要方四十卷唐王濬撰

天寶十一年也其書博采諸家方論如肘後

千金世尚多有之至于小品深師崔氏許仁

則張文仲之類今無傳者猶問見于此書案

深師方及崔中書黃素方並見前許仁則似即高陽許智

藏之族陳隋時人張文仲唐武后時人又選注引經方小

品即此書

千金方三卷范世英撰

范世英始末未詳

唐書藝文志范世英千金方三卷

案千金方之名始于唐初孫思邈本志五行家已載思邈龜上五兆動搖決一卷五

兆算經一卷以其人尚存故不著姓名此

亦疑孫氏千金方三十卷敍十字而又誤

題撰人為范世英或世英鈔千金方為三

卷其前敍千金方三十卷一條也

徐王方五卷

徐王八世家傳効驗方十卷
徐氏家傳祕方二卷
并不著撰人

唐書經籍志徐王八代効驗方十卷徐之才撰徐氏家祕方二卷徐之才撰

唐書藝文志徐之才徐王八代効驗方十卷又家祕方三卷

北史藝術徐審傳審字成伯丹陽人也家本

東莞與兄文伯等皆善醫藥審因至青州慕

容白曜平東陽獲之送京師仕獻文孝文至

大鴻臚卿封金鄉縣伯正始元年以老為光

祿大夫卒諡曰靖子踐字景昇襲爵位建興

太守文伯仕南齊位三郡太守子雄員外散

騎侍郎醫術為江左所稱雄子之才幼而雋

發仕梁豫章王綜鎮北主簿及綜入魏之才

為魏軍所止綜入魏旬月位至司空魏聽綜

收斂僚屬乃啓魏帝云之才大善醫術兼有

機辨詔徵之才孝昌二年至洛勅居南館禮

遇甚優審子踐啓求之才還宅之才藥石多

效又闕涉經史發言辨捷朝賢競相要引為

之延譽武帝時封昌安縣侯天平中齊神武

徵赴晉陽常在內館既博識多聞于方術尤

妙針藥所加應時必効文宣登阼封池陽縣

伯武平中仕至尚書令封西陽郡王年八十

卒贈司徒公錄尚書事諡曰文明弟之範亦

醫術見知位太常卿

明李樞醫學入門姓氏考曰徐熙南宋東海

人官至濮陽太守世醫徐秋夫道度文伯徐

雄之才等皆其子孫也又曰之才撰藥對之才弟之範以醫官太常卿之範子敏齊亦工醫

案此稱徐王者以之才仕北齊封西陽王故也前五卷為之才自撰後十卷又二卷皆其所集錄徐氏自濮陽太守熙以醫術名家傳子秋夫秋夫傳子道度叔觀道度

傳子文伯叔觀傳子嗣伯文伯傳子雄皆仕于南朝者其入北朝則有文伯之弟審

審子踐雄子之才之範之範子敏齊凡七代十一人此云八世者或自熙至之才之

父雄八人其家學者言之之才同時昆季踐及之範以下皆不在其內也歟

藥方五十七卷後齊李思祖撰本百一十卷案當為後魏

北史藝術傳李脩字思祖本陽平館陶人也父亮少學醫術未能精究太武時奔宋又就

沙門僧坦略盡其術針灸授藥罔不有効徐竟間多所救恤脩兄元孫隨舉衆敬赴平陽

亦遵父業而不及以功拜奉朝請脩略與兄同晚入代京歷位中散令以功賜爵下蔡子

遷給事中太和中常在禁內文明太后時有不豫脩侍針藥多効集諸學士及工書者百

餘人在東宮撰諸藥方百卷皆行于世案魏書云百餘卷後卒于太醫令贈青州刺史

唐書經籍志雜湯丸散方五十七卷孝思撰

唐書藝文志孝思雜湯丸散方五十七卷二

志並誤李爲孝又做祖字也

案李脩在魏書術藝傳末云遷洛爲前軍將軍領太醫令後數年卒案孝文遷洛在太和十九年後數年仍當在孝文宣武之時遠在北齊之前此列在徐王書後題曰後齊皆非也太平御覽方術部引後魏書載其診高允事作李循誤也今魏書高允傳作李脩

稟邱公論一卷

不著名氏

案曹翁入晉改封廩邱公有寒食散方與皇甫謐書合并爲帙見上篇經方家此即曹翁所論之一卷也

太一護命石寒食散二卷宋尙撰

宋尙始末未詳

案此或是神仙家之寒食散方也

皇甫士安依諸方撰一卷

案上篇注云梁有皇甫謐曹欽論寒食散方二卷亡此與前所載稟邱公論一卷即梁有之二卷實未亡也而敘次雜亂乃如此

序服石方一卷

不著撰人

案此或即皇甫氏曹氏寒食方論之序又或是前載服石論一卷之序

服玉方法一卷

不著撰人

唐書經籍藝文志服玉法并禁忌一卷

劉涓子鬼遺方十卷龔慶宣撰

太平御覽方術部龔慶宣鬼遺方序曰劉涓子不知何許人也晉末于丹陽郊外較射忽見一物高二丈許因射而中之走而電激聲若風雨夜不敢追明旦率門人弟子隣伍數十人尋其蹤跡至山見一小兒問之何往小兒云主人昨夜爲涓子所射今欲取水以洗瘡因問小兒主人是誰答曰是黃父鬼乃將小兒還未至聞擣藥聲遙見三人一人臥一人開書一人擣藥比及隨叫突而前三人並走道一帙癰疽方并一白藥人有癰者塗之隨手而愈

唐日本國見在書目劉涓子十一卷龔慶宣撰龍當爲雙

唐書經籍志劉涓子男方十卷龔慶宣撰一本又作南方疑皆是鬼字之誤

唐書藝文志劉涓子男方十卷

崇文總目劉涓子鬼遺方十卷又曰劉涓子鬼論一卷

陳氏書錄曰劉涓子神仙遺論十卷東蜀刺史李頎錄案中與書目引崇文總目云宋龔慶宣撰劉涓子者晉末人于丹陽縣得鬼遺方一卷略治癰疽之法慶宣得而次第之今案唐志有龔慶宣劉涓子男方十卷未知即此書否卷或一版或數行名爲十卷實不多也

明程伊醫林外傳曰涓子從宋武帝北征有被創者以藥塗之隨手而愈論者謂聖人作

事天必助之蓋天以此授武帝也涓子用方

爲治千無一失演爲十卷號鬼遺方歸安陸心源羣書校補曰劉涓子男方十卷宋龔慶宣撰舊新唐志同直齋書錄有劉涓子神仙遺論十卷似卽一書今祇存鬼遺方五卷石門顧脩刊入讀書齋叢書中神仙遺論一卷惟見錢氏讀書敏求記六朝著述傳世日希余藏有舊鈔本今錄如左以補顧刻之缺

案晉書譙忠王尙之傳王國寶之誅也彭城內史劉涓子以同黨被收尙之爲言于會稽王道子得釋宋書宗室傳營浦侯遵考高祖族弟也曾祖淳皇曾祖武原令混之弟官至正員郎祖巖海西令父涓子彭城內史蓋卽此劉涓子爲宋武帝共高祖從父王國寶被誅事在晉安帝隆安二年時涓子爲彭城內史後十三歲義熙六年從宋武北征慕容超以所得藥療被創軍士則其在丹陽射獵得此方書在是年之前其事固在晉末與龔氏序言合此其人之略可考見者今本首有齊永元元年龔慶宣序永元爲東昏侯年號則齊末梁初人知與涓子非同時不得謂之宋人其首一卷爲黃父曰以下論說凡四十九條所謂鬼論神仙遺論者卽此餘載方一百五十五首其改稱神仙遺論殆李頎錄本始編爲五卷則宋已後人爲之也

療癰經一卷

療三十六癩方一卷

并不著撰人

說文癰腫也瘰癧腫也桂氏義證曰顏注急就篇瘰久瘡也一切經音義瘰癧屬也中有蟲頸腋急處皆有或作漏血如水上也隋書經籍志療三十六瘰方一卷 明李樾曰瘰音漏瘡久成孔也

王世榮單方一卷

北史藝術傳王顯字世榮陽平樂平人自言本東海郟人王朗之後也父安上少與李亮同師俱受醫藥而不及亮案李亮李脩之父見前李思祖藥方條 顯少歷本州從事雖以醫術自通而明敏有決斷才用後宣武詔撰藥方三十五卷班布天下以療諸疾累遷御史中尉以營療功封魏國縣伯及宣武崩明帝即位朝宰託以侍療無効執之禁中詔削爵位徙朔州臨執呼寃直閣以刀鑲撞其腋下傷中吐血至右衛府一宿死 唐日本國見在書目雜藥方一卷中尉王榮撰敬世字

案王顯與李脩同時其卒後李脩十餘年時為南朝梁武帝天監十五年也此一卷殆卽三十五卷中之一

集驗方十卷姚僧垣撰一本作僧垣誤又作僧垣尤誤

姚僧垣有姚大夫集驗方十二卷見上篇經方家

案姚氏集驗方隋唐時相傳有兩本其一十二卷上篇所載者是其一十卷與舊新唐志著錄同卽此是也

集驗方十二卷

不著撰人

案此似卽上篇所載姚大夫集驗方十二卷之本日本書目載姚氏集驗方亦有兩本皆十二卷與本志同

備急草要方三卷許證撰卓當爲單證當爲澄

北史藝術許智藏傳智藏高陽人也祖道幼時號名醫世相傳授智藏以醫自達仕陳入隨爲員外散騎侍郎宗人許澄亦以醫術顯澄父爽仕梁爲中軍長史隨柳仲禮入長安與姚僧垣齊名澄有學識傳父業尤盡其妙歷位尙藥典御諫議大夫封賀川縣伯父子俱以藝術名重于周隋二代史失其事故附云

明李樾歷代醫學姓氏考許澄智藏宗人以醫術與姚僧垣齊名拜士承局三司 案士承局三司周隋時罕見有此官名疑是上儀同三司之誤隋從四品官也

藥方二十一卷徐辨卿撰

徐辨卿始末未詳

案北史藝術徐之才傳之才長子林字少卿太尉司馬次子同卿太子庶子之才以

其無學術每歎曰終恐同廣陵散矣弟之範亦醫術見知位太常卿特聽襲之才爵西陽王此辨卿與之才之子少卿同卿似同輩或之範之子敏齊之字歟李樾醫學姓氏考云徐敏齊之範之子丁醫博覽多藝隋贈朝散大夫

名醫集驗方六卷

不著撰人

唐書經籍藝文志名醫集驗方三卷名醫別錄三卷陶氏撰

陶氏弘景有本草集注太清草木集要肘後百一方効驗方療目方凡五書並見上篇經方家

唐書經籍藝文志名醫別錄三卷皆不著名氏並類從于本草之內

案明李時珍本草綱目序例云神農本草三百六十五種梁陶弘景復增漢魏以下名醫所用藥三百六十五種謂之名醫別錄然則此爲陶氏新集本草其後作集注並散入七卷之中以朱書神農墨書別錄爲識別其首常有漢魏已來名醫姓名故宋林億校上傷寒論序引名醫別錄言張仲景本末唐甘伯宗輯名醫傳七卷本于此書今皆不可得見矣汪氏文選注引羣書目錄有名醫別錄本草名醫案本草名醫卽是書之姓名考也

又案此當移列于前神農本草經三卷之次

刪繁方十三卷謝士泰撰

唐日本國見在書目刪繁論十卷謝云泰撰唐書經籍志刪繁方十二卷謝士泰撰一本作士文

唐書藝文志謝士泰刪繁方十二卷案士泰當是士泰之誤日本書目以士爲

云唐志又轉泰爲太以太爲文新唐志別有謝泰黃素方二十五卷見上篇經方類中疑卽此謝士泰始末並未詳也

吳山居方三卷
吳山居不知何人

新撰藥方五卷
不著撰人

療癰疽諸瘡方二卷秦政應撰
秦政應始末未詳

單復要驗方二卷釋莫滿撰
莫滿始末未詳

案單復之義聞之醫學名家駱氏衛生曰單者如生甘草湯甘桔湯之類以一二品爲法也復者如五苓散合小柴胡湯爲柴

苓湯平胃散合五苓散爲胃苓湯之類是也

釋道洪方一卷
道洪有寒食散對療一卷見上篇經方家

小兒經一卷
不著撰人

散方一卷雜散方八卷
并不著撰人

案上篇寒食散類中亦著錄雜散方八卷疑卽一書

療百病雜九方三卷釋曇鸞撰
曇鸞始末未詳

案陶隱居集有答釋曇鸞書云去月耳聞音聲茲辰眼受文字將由頂禮歲積故使

真隱來儀正爾整拂藤蒲具陳花水端襟敘思矜聆警錫也則曇鸞乃梁時高僧也療百病散三卷
不著撰人

案此似亦爲前一家之書

雜湯方十卷成毅撰
成毅始末未詳

雜療方十三卷
雜藥酒方十五卷

并不著撰人
趙婆療潔方一卷

趙婆不知何時人
案說文水部濕字注引桑欽說潔水出高唐蓋桑欽古文尙書說也康熙字典潔說

文本作濕後以濕爲乾溼之濕云云則潔爲古文濕字亦通爲溼字此療潔方卽療濕方之異名歟又疑爲療字之誤字典云

療癰筋結病也又瘍繞頸項索索也方書云療癰或在耳後頸項缺盆手少陽三焦

經主之或在胸及胸之側皆爲馬刀瘡足少陽膽經主之明李梴醫學入門音字云

潔音楷則療癰之療爲多宋志有療癰方一卷或卽是書

議論備豫方一卷于法開撰

世說文學篇注名德沙門題目曰于法開才辯縱橫以數術弘教高逸沙門傳曰法開初以義學著名後與支遁有競故遁居郟縣更

學醫術

梁釋慧皎高僧傳于法開不知何許人事于法蘭爲弟子又祖述者婆娑妙通醫法住白山靈鷲寺每與支道林爭卽色空義袁帝時徵入京講放光經謝安王文度悉皆友善年六十卒于山寺

扁鵲陷冰丸方一卷

扁鵲有黃帝八十一難見上篇醫經類漢書郊祀志成帝末年頗好鬼神亦以無繼嗣故多上書言祭祀方術者皆待詔祠祭

上林苑中長安城旁費用甚多谷永說上曰臣聞明于天地之性不可惑以神怪知萬物之情不可罔以非類諸背仁義之正道不遵

五經之法言而盛稱奇怪鬼神廣崇祭祀之方求報無福之利及言世有僊人服食不終

之藥遣興輕舉登遐倒景覽觀縣圃浮游蓬萊耕耘五德朝種暮穫與山石無極黃治變化堅冰淖溺化色五倉之術者皆姦人惑衆

挾左道懷詐僞以欺罔世主聽其言洋洋滿耳若將可遇求之盪盪如係風捕景終不可

得晉灼曰方士詐以藥石若陷冰丸投之冰上冰卽消液因假爲神仙道使然也

案此據谷永及晉灼言則漢武宣時方士所作而託之扁鵲且非真正方藥乃左道

惑衆之術當與後神仙黃白方諸書爲伍列之于此非其類也

扁鵲肘後方三卷

案宋藝文志有扁鵲療黃經三卷又枕中祕訣三卷似皆由此書輾轉傳述者

療消渴衆方一卷謝南郡撰

謝南郡不知何人

唐日本國見在書目治消渴方一卷

案此當是治三消病之諸方也

論氣治療方一卷釋曇鸞撰

曇鸞有療百病雜丸方見前

唐書經籍志調氣方一卷釋鸞撰

唐書藝文志僧鸞調氣方一卷志並彼曇字

案宋志神仙家魏曇鸞法師服氣要訣一

卷疑即是書知曇鸞乃北魏僧來游江南

者

梁武帝所服雜藥方一卷

梁武帝淨業賦序有曰朕蔬食不噉魚肉復

斷房室不與嬪侍同屋而處四十餘年矣于

是四體小惡問上省師劉澄之姚菩提疾候

所以劉澄之云澄之知是飲食過所致答劉

澄之云我是布衣甘肥恣口劉澄之云官昔

日食那得及今日食姚菩提含笑搖頭云唯

菩提知官房室過多所以致爾于時久不食

魚肉亦斷房室以其智非和緩術無扁華默

然不言不復詰問猶令爲治劉澄之處酒姚

菩提處丸服之病逾增甚以其無所知故不

復服因爾有疾常自爲方不服醫藥亦四十

餘年矣

案此似梁代太醫署所留遺者劉澄之不

知是否即撰永初山川郡國記者見史部

地理記似別爲一人姚菩提即姚僧垣之

父察及最之祖父也

大略丸五卷

靈壽雜方二卷

并不著撰人

案此二種亦似梁代太醫署所留遺者

經心錄方八卷宋侯僕撰侯當爲侯

舊唐書方技傳宋俠者洛州清漳人北齊東

平王文學孝正之子也亦以醫術著名官至

朝散大夫藥藏監撰經心錄十卷行于代

唐書經籍志經心方八卷宋俠撰

唐書藝文志宋俠經心方十卷

黃帝養胎經一卷療婦人產後雜方三卷

并不著撰人

以上自神農本草經三卷至此凡八十三

部亦如上篇經方之例爲第二類

黃帝明堂偃人圖十二卷

黃帝鍼灸蝦蟆忌一卷

明堂蝦蟆圖一卷

鍼灸圖要決一卷

鍼灸圖經十一卷本十八卷

十二人圖一卷

鍼灸經一卷

并不著撰人

案上篇載黃帝鍼經九卷梁有黃帝鍼灸

經十二卷徐悅龍銜素鍼并孔穴蝦蟆圖

三卷雜鍼經四卷又載明堂孔穴及偃側

圖等凡七部與此類所載不無重複互見

莫得而詳焉

扁鵲偃側鍼灸圖三卷流注鍼經一卷

扁鵲即秦越人有八十一難經見上篇醫經類

案宋史藝文志有扁鵲鍼傳一卷疑即此

流注鍼經一卷之留遺而譌經爲傳也或

別爲一家與三卷之圖不相屬今姑比附

于此

曹氏灸經一卷

曹氏不詳何人

案王伯厚氏漢藝文志考證引王勃難經

序言岐伯以內經授黃帝歷世相傳授至

秦越人始定立章句詳見上篇八十一難經條

又言秦越人歷九師以授華佗華佗歷六

師以授黃公黃公以授曹元曹元不知何

許人疑即此曹氏也上篇注云梁有曹氏

灸方七卷亡此一卷其散佚僅存者

偃側人經二卷秦承祖撰

秦承祖有藥方等書凡四種見上篇經方家

案上篇醫經類中注云梁有秦承祖偃側

雜鍼灸經三卷亡此二卷即其亡而不亡

者

華佗枕中灸刺經一卷

華佗有方十卷內事五卷見上篇經方類又

有觀形察色并三部脈經一卷見本篇醫經

家

謝氏鍼經一卷

謝氏不詳何人疑即前撰消渴方之謝南郡

殷元鍼經一卷

殷元始未詳

案兩唐志有殷子嚴本草音義二卷殷子嚴不詳何人或即此殷元之字要用孔穴一卷九部鍼經一卷

不著撰人

唐六典太醫署鍼博士掌教鍼生以經脈孔穴使識浮沉澁滑之候又以九鍼爲補瀉之法注一曰鑱鍼長一寸六分大其頭銳其末令不得深入主熱在皮膚者二曰圓鍼長一寸六分主療分間氣三曰鍔鍼長二寸半主邪氣出入四曰鋒鍼長一寸六分刃三隅主決癰出血五曰劍鍼令其末如劍鋒廣二分半長四寸主決大癰腫六曰圓利鍼且圓且銳長一寸六分主取四肢癰暴痺七曰豪鍼長一寸六分主寒熱痺在胛者八曰長鍼長七寸主取深邪遠痺九曰火鍼長四寸主取火氣不出關節凡此九鍼以法九州九野之分九鍼之形及所主疾病畢矣

釋僧巨鍼灸經一卷

僧匡始末未詳

三奇六儀鍼要經一卷

不著撰人

黃帝十二經脈明堂五藏人圖一卷

案此似即前十二人圖亦即今所傳明堂銅人圖也

以上自黃帝明堂偃人圖至此凡一十九部又是醫經之屬因從別家書目或別處簿籍節節鈔取故致隔越若移列全元起素問之次徐氏脈經之前則與上半篇編

次之例一律自然有條不紊矣是又爲重出醫經之類

老子石室蘭臺中治癩符一卷

說文癩惡疾也从疒蠶省聲桂氏義證曰史記刺客列傳豫讓又漆身爲厲索隱癩惡瘡病也凡漆有毒近之多患瘡腫若癩病然故豫讓以漆塗身令其若癩耳然厲聲相近古多假厲爲賴隋書經籍志老子石室蘭臺中治癩符一卷

案以符治病今尙有之燒灰入水又畫符于水中使病人焚香禱祝而飲之或效或否六朝時有直服其所畫之符有人食符致病名醫治療下紙一捲余嘗于他書中見其所載如此

龍樹菩薩藥方四卷

通志藝文略龍樹菩薩藥方四卷又曰龍樹眼論一卷

晁氏讀書志龍樹眼論三卷佛經龍樹大士者能治眼疾假其說集治七十二種目病之方

案晁志所載三卷似即此四卷而佚其論一卷歟

西域諸仙所說藥方二十三卷目一卷本二十五卷

通志藝文略西域諸仙所說藥方二十三卷香山仙人藥方十卷

通志藝文略香山仙人藥方二十卷西錄波羅仙人方三卷錄當爲域

通志藝文略西域波羅仙人方三卷西域名醫所集要方四卷本二十卷

通志藝文略西域名醫所集要方四卷

婆羅門諸仙藥方二十卷

婆羅門藥方五卷

通志藝文略婆羅門諸仙藥方二十卷婆羅門藥方五卷

案婆羅門西域高行人之通稱本志所載有字書一卷見經部小學家又有外國傳五卷天文一卷算法三卷陰陽算曆一卷算經三卷其稱主名者則有婆羅門捨仙人所說天文經二十一卷婆羅門竭伽仙人天文說三十卷占夢書一卷並見地理天文曆數五行家并此凡十一種

耆婆所述仙人命論方二卷目一卷本三卷

通志藝文略耆婆所述仙人命論方二卷案宋史藝文志載耆婆脈經三卷耆婆六十四問一卷耆婆要用方一卷耆婆五藏論一卷大抵皆本于是書而增長附益者

慧皎高僧傳言于法開祖述耆婆妙通醫法則其人在東晉以前日本書目又有耆婆疾耆散方一卷耆婆脈訣十二卷釋羅什注

乾陀利治鬼方十卷新錄乾陀利治鬼方四卷本

五卷闕

乾陀利始末未詳通志藝文略乾陀利治鬼方十卷新錄乾陀利治鬼方四卷

案四庫提要載巢氏諸病源候論曰第二

十六卷猫鬼病候見于北史及太平廣記者惟周齊時有之又載王濂外臺祕要曰其二十八卷載猫鬼野道方與巢氏病源同亦南北朝時鬼病唐以後絕不復聞云云蓋已略見于巢王二家之書

右自龍樹菩薩至此皆外國方書為一段
伯樂治馬雜病經一卷

伯樂有相馬經二卷見五行家第三十二類案上篇之末載療馬方一卷注云梁有伯樂療馬經一卷疑與此同此即前之療馬方亦即相馬經之下卷也

治馬經三卷俞極撰亡此亡字衍

俞極始末未詳

治馬經四卷

治馬經目一卷

治馬經圖二卷

馬經孔穴圖一卷

雜撰馬經一卷

并不著撰人

唐六典殿中省尚乘局之屬獸醫七十人掌療馬病注曰凡馬病灌而行之觀其病之所發療馬病有五勞一曰筋勞二曰骨勞三曰皮勞四曰氣勞五曰血勞久步則生筋勞久立則生骨勞久汗不乾則生皮勞汗未差燥而飼飲之則生氣勞驅馳無節則生血勞有傷寒者有傷熱者有瘍者咸據經方以療焉
治馬牛駝驢等經三卷目一卷
不著撰人

右自伯樂治馬雜病經至此皆獸醫之屬為一段

香方一卷宋明帝撰

宋明帝有論語補闕見經部

雜香方五卷

不著撰人

案日本書目有諸香方一卷疑即是書

龍樹菩薩和香法二卷

龍樹菩薩有藥方四卷見前

唐日本國見在書目龍樹井和香方一卷

右香方三種為一段

食經三卷馬琬撰

馬琬始末未詳

唐日本國見在書目食經三卷馬院撰

會稽郡造海味法一卷

不著撰人

案南齊書虞悅傳悅會稽餘姚人也仕宋入齊為豫章內史悅治家富殖奴婢無游

手雖在南土而會稽海味無不畢致善為

滋味和齊皆有方法云云此或即虞氏所

傳或會稽郡職貢之程式為尚食局簿籍

之一種

論服餌一卷

不著撰人

淮南王食經并目百六十五卷大業中撰 王當為

玉

不著撰人

宋晁伯宇續談助鈔大業雜記曰大業五年

吳郡送扶芳二百樹其樹蔓生纏繞它樹葉圓而厚凌冬不凋夏月取其葉微火炙使香煮以飲碧潑色香甚美令人不渴先有壽禪師仁壽間常在內供養造五色飲以扶芳葉為青飲拔楔根為赤飲酪漿為白飲烏梅漿為玄飲江筴一作桂 為黃飲又作五香飲第一沈香飲次丁香飲次檀香飲次澤蘭香飲次甘松香飲皆有別法以香為主尚食直長謝諷造淮南王食經有四時飲春有扶芳飲桂飲江筴一作桂 飲竹葉飲薺苳飲桃花飲夏有酪飲烏梅飲加蜜沙糖飲薑飲加蜜穀葉飲皂李飲麻飲麥飲秋有蓮房飲瓜飲香茅飲加沙糖茶飲麥冬飲葛花飲檳榔飲冬有茶飲白草一作革 飲苟杞飲人參飲茗飲魚桂飲蘇子飲並加米糲 集韻楓音佩研米以糲也

唐書經籍志淮南王食經一百三十卷諸葛穎撰淮南王食目十卷淮南王食經晉十三卷

唐書藝文志諸葛穎淮南王食經一百三十卷晉十三卷食目十卷王當為玉

案唐杜寶大業雜記載尚食直長謝諷造

淮南王食經唐六典尚食奉御 案隋制作典

御掌供天子之常膳隨四時之禁適五味

之宜凡天下諸州進甘滋珍異皆辨其名

數而謹其儲供直長為之貳注曰隋開皇

初置尚食直長四人從七品下大業三年

加置六人增品為正第七上蓋官尚食局

直長他始末未詳唐志題諸葛穎撰或其
所典領者類有北伐記巡撫揚州記見史
部地理類是書稱淮南者考隋書煬帝本
紀開皇元年立爲晉王拜柱國并州總管
尋授武衛大將軍進位上柱國河北道行
臺尚書令六年轉淮南道行臺尚書令蓋
卽淮南總管府豈謝諷始作于是時其後
重修而仍用其初名歟

膳羞養療二十卷

不著撰人

案此列淮南玉食經之次似亦隋代故府
所遺遺者唐六典尚食局食醫掌和齊所
宜注曰周禮有食醫中士二人掌和王之
六食六飲六膳百羞百醬八珍之齊後周
置主食主膳等隋尚食局有食醫案隋志
尚食局屬門下省疑此其簿籍也
右食經又爲一段

以上自老子治癩符至此凡二十七部又
是經方之屬案上篇第二類經方之末附
以香方第四類神仙家之末附以食經馬
經蓋依據梁七錄之例故倫貫有彼此篇
爲脩志者所自纂乃先之以馬經次香方
次食經與前篇迴殊此皆由類例不熟故
分隸部居動輒雜亂無章焉是又爲重出
經方附焉經香方食饌之類

金匱錄二十三卷目一卷京里先生撰

京里先生始末未詳

唐書經籍志金匱仙藥錄三卷京里先生撰

神仙服食經十二卷京里先生撰

唐書藝文志京里先生金匱仙藥錄三卷神

仙服食經十二卷錢塘汪師韓曰文選注引羣書有

金匱仙藥錄

案唐志載兩書共十五卷卽此二十三卷

之佚存又白雲齋道藏目錄有京里先生

神仙服餌丹石行藥法一卷卽是書之

僅存

煉化雜術一卷陶隱居撰

陶隱居有本草集注等書凡五種見上篇經

方家又下篇有名醫別錄見前

案上篇神仙類中梁簡文如意方之次載

煉化術一卷不著撰人頗似此書

玉衡隱書七十卷目一卷周弘讓撰

周弘讓有續高士傳見史部雜傳篇

案弘讓爲周弘正之弟以仕不得志隱于

句容之茅山此殆其隱居茅山時所作舊

新唐志及通志略醫家道書兩類中皆不

見亡佚久矣

太清諸丹集要四卷陶隱居撰

陶隱居見前

唐書經籍志太清諸丹藥錄集四卷

唐書藝文志太清諸丹藥要錄四卷二志皆

不著名氏

案上篇本草類末有太清草木集要二卷

兩唐志又有太清玉石丹藥要集三卷草

木玉石分爲二書此似集合一編者

雜神丹方九卷

合丹大師口訣一卷

并不著撰人

合丹節度四卷陶隱居撰

陶隱居見前

陶翊隱居先生本起錄曰合丹藥諸法式節

度一卷皆細書大卷貪易提錄若大書可得

數四云

合丹要略序一卷孫文韜撰

宋高似孫刻錄引真誥曰孫韜字文藏會稽

剡人入山師潘四明參受真法陶隱居手爲

題握中祕訣門人罕能見唯傳韜及柏闈二

人

書畫譜書家傳書史會要曰道士孫文韜一

名韜字文藏會稽剡縣人陶真白弟子也其

書初學楊許後學大王殊有深分有所書九

錫碑及舊館壇碑在茅山

仙人金銀經并錢生方一卷

不著撰人

狐剛子萬金決二卷葛仙公撰

葛仙公名玄有老子序次見道家

唐書經籍志狐子方金訣二卷葛仙公撰

唐書藝文志葛仙公錄狐子方金訣二卷方

因俗寫方之誤

案狐剛子不知何人崇文總目小說家有

狐剛子感應類從譜靈圖感應歌各一卷

又道書類有狐剛子粉圖四卷唐志稱狐

子本志下文亦有狐子雜決三卷又稱剛

子崇文自有剛子丹訣一卷張道陵撰又

一卷不著撰人疑是神仙家藥物之別名
未必實有其人也

雜仙方一卷

不著撰人

神仙服食經十卷

不著撰人

案上篇亦載神仙服食經十卷

神仙服食神祕方二卷

不著撰人

神仙服食藥方十卷抱朴子撰

抱朴子葛洪有肘後方玉函煎方並見上下

篇經方家

唐書經籍志太清神仙服食經五卷又一卷

抱朴子撰

唐書藝文志抱朴子太清神仙服食經五卷

案新唐志又有太清神仙服食經五卷不

著撰人兩書合併似即此十卷也

神仙餌金丹沙祕方一卷

不著撰人

衛叔卿服石雜方一卷

太平御覽道部四三洞珠囊曰衛叔卿中山

人服雲母子度世入山見父叔卿語曰吾齋

書室西北墉大柱下有玉函中有書取而案

台服之度世歸果如言餌五色雲母仙去

金丹藥方四卷

雜神仙丹經十卷

并不著撰人

雜神仙黃白法十二卷

不著撰人

漢書郊祀志成帝時谷永說上曰秦始皇初

并天下甘心于神僊之道遺徐福韓終之屬

多齋童男童女入海求神采藥因逃不還天

下怨恨漢興新垣平齊人少翁公孫卿樂大

等皆以僊人黃治祭祀事鬼使物其後皆以

術窮詐得誅夷伏辜晉灼曰黃者鑄黃金也

道家言治丹砂令變化可鑄作黃金也

抱朴子黃白篇曰神仙經黃白之方千有餘

首黃者金也白者銀也或題篇曰庚辛庚辛

亦金也然率多深微難知其可解分明者少

許爾又遐覽篇云道經中有黃白要經八公

黃白經各一卷枕中黃白經五卷宋志神仙家

有神仙庚辛經一卷

唐書經籍藝文志黃白祕法二十卷 二十篇

十二之誤

神仙雜方十五卷

神仙服食雜方十卷

神仙服食方五卷

并不著撰人

服食諸雜方二卷

不著撰人

案上篇亦載服食諸雜方二卷

服餌方三卷陶隱居撰

陶隱居詳見前名醫別錄條

案南史隱逸傳弘景所著合丹法式祕密

不傳唯弟子得之今案本志上下篇所載

如太清草木集要煉化雜術太清諸丹集

要合丹節度及此書凡五種皆其弟子傳
出者

真人九丹經一卷

太極真人九轉還丹經一卷

太極真人即葛仙公玄有內傳一卷見史部

雜傳家

抱朴子金丹篇曰案黃帝九鼎神丹經云黃

帝服之遂以昇仙又云黃帝以傳元子又云

合時當祭祭時自有圖法一卷又云第一之

丹名曰丹華第二名曰神丹第三亦曰神丹

四曰還丹五曰餌丹六曰鍊丹七曰柔丹八

曰伏丹九曰寒丹又有立成丹亦有九首似

九鼎而不及也

又遐覽篇曰從祖仙公從左元放受太清丹

經三卷及九鼎丹經一卷

練寶法二十五卷目三卷本四十卷闕

不著撰人

太清璇璣文七卷冲子跋和字撰字 一本又誤作冲子

唐書經籍志太清璇璣文七卷冲和子撰

唐書藝文志冲和子太清璇璣文七卷

案冲和子有玉房祕訣見上篇房中家

陵陽子說黃金祕法一卷

列仙傳曰陵陽子明者銍鄉人也好釣魚于

旋溪得白龍子明懼解釣拜而放之後得白

魚腹中有書教子明服食之法子明遂上黃

山采五石脂沸水而服之三年龍來迎去止

陵陽山上百餘年抱朴子仙藥篇又有陵陽子仲儀

亦即此陵陽子

唐書經籍志陵陽子祕訣一卷明月公撰
唐書藝文志明月公陵陽子祕訣一卷

案王逸楚辭遠游篇章句文選甘泉賦張揖注思玄賦江賦琴賦七命注數引陵陽子明經其言類皆服氣道引之術又抱朴子黃白篇云凡方書所名藥物又或與常藥物同而名異者如河上姁女非婦人也陵陽子明非男子也則陵陽子明又爲藥物之異名此稱陵陽子及明月公者或皆是丹竈家之寓言而列仙傳之說固不足憑也

神方二卷

不著撰人

唐書經籍志神臨藥祕經一卷黃公撰

唐書藝文志黃公神臨藥祕經一卷

宋史藝文志神仙家黃老神臨藥經一卷

案神臨藥祕經者大抵謂神降臨時所示之丹藥得之乩壇中也陶氏真誥二十卷中或當有此事

狐子雜決三卷

狐子卽狐剛子有萬金決二卷見前

唐書經籍藝文志狐子雜決三卷

太山八景神丹經一卷

不著撰人或是徐太山之書

太清神丹中經一卷

不著撰人

唐書經籍藝文志太清神丹中經三卷

案抱朴子金丹篇云太清神丹其法出于

元君元君者老子之師也太清觀天經有九篇其上三篇不可教授其中三篇世無足傳常沉之三泉之下其下三篇正是丹經上中下凡三卷也案兩唐志載是書三卷與葛氏所言合似卽此書又謂余從祖

仙公從左元放受太清丹經三卷又謂江東先無此書書出左元放元放以授余從祖從祖以授鄭君鄭君以授余故他道士了無知者蓋亦傳于抱朴子者焉
養生注十一卷目一卷
不著撰人

養生術一卷翟平撰

翟平始末未詳

龍樹菩薩養性方一卷

龍樹菩薩有藥方四卷見前

引氣圖一卷

不著撰人

道引圖三卷立一坐一臥一

不著撰人

晁氏讀書後志道引養生圖一卷梁陶弘景撰分三十六勢如鴻鶴徘徊鸞鸞戢羽之類各繪圖于其上田偉家本少八勢

通志藝文略道家道引類道引圖三卷陶弘景撰宋志神仙家一卷

案此據晁鄭二家所載似出弘景爲多弘景所著見前名醫別錄條服餌方條凡經方家書五種神仙家書六種

養生經一卷

養生要術一卷
養生服食禁忌一卷
養生傳二卷

并不著撰人

帝王養生要方二卷蕭吉撰

蕭吉有樂譜見經部樂家

北史藝術傳吉著金海相經要錄宅經葬經樂譜及帝王養生方二卷並行于世

以上自京里先生金匱錄至此凡四十三部亦如上篇神仙家之例爲第三類

上篇

依漢志神仙家爲第四類

素女祕道經一卷并玄女經素女方一卷

高誘注淮南子曰素女黃帝時方術之女也抱朴子極言篇曰黃帝論道養則資玄素二

女

孫氏平津館素女經四季方序曰素女方一卷見隋書經籍志其名不載漢藝文志然卽神仙家黃帝雜子十九家方二十卷之一也

其書隋唐猶有傳本王濂取入外臺祕錄卷十七中云出古今錄驗真古書也書稱黃帝與素女高陽負問答述交接之禁忌敍四時

之藥物以爲房中卻病之術文句有韻以逆爲迎以知爲愈皆古字古義審非後人僞作

房中之術古有傳書容成務成堯舜陰道俱一家之學班氏所云樂而有節則和平壽考

迷者弗顧以生疾而隕性命誠哉斯言千金翼方卷五云行房法一依素女經云云亦此

書佚文并附識之

彭祖養性一卷

案上篇已載彭祖養性經一卷

鄭子說陰陽經一卷

案此列彭祖之後殆即依托春秋時之鄭子梁氏玉細漢書人表考鄭子列第四等始見春秋宣四年經昭十七年傳自言祖少昊葬沂州郟城縣南十里通志藝文略五行雜占家又有鄭子占鳥語經一卷亦依託也

序房內祕術一卷葛氏撰

唐書經籍志玉房祕術一卷葛氏撰

唐書藝文志葛氏房中祕術一卷

案葛氏即葛稚川有肘後方玉函煎方神

仙服食藥方並見前

玉房祕決八卷

不著撰人

案上篇已載玉房祕決十卷亦不著名氏舊唐志八卷與此同注云冲和子撰新志十卷與上篇同注云張鼎並詳見于前

徐太山房內祕要一卷

案徐太山即徐文伯本志所載有本草二卷藥方二卷試驗方二卷療婦人瘕一卷巾箱中方三卷墮年方二卷 善隨手方之說又有辨傷寒三卷辨腳弱方一卷本志題徐方伯通志略作徐文伯似通志為得其實并此一卷凡九種一十七卷

新撰玉房祕訣九卷

不著撰人

案此稱新撰似隋煬帝時所勅撰者

以上自素女祕道經至此凡八部亦如上篇房中家之例為第四類 上篇依漢志房中

家為第三類此反是

四海類聚方二千六百卷

不著撰人

唐書經籍志類聚方二千六百卷

唐書藝文志類聚方二千六百卷

通志藝文略隋朝四海類聚方二千六百卷

四海類聚單要方三百卷

不著撰人

唐書經籍志四海類聚單方十六卷隋煬帝撰

唐書藝文志隋煬帝勅撰四海類聚單方十六卷

六卷

通志藝文略隋煬帝勅撰四海類聚單方三百卷唐只存十六卷

案晁載之鈔杜寶大業雜記云製成新書凡三十一部總一萬七千餘卷入觀文殿

寶廚此兩書與新撰玉房祕訣淮南玉食經殆即三十一部中之四部

右二書以總括古今單複方書故以居是類之殿是為下篇下篇似雜采太醫署尚

食局諸官府所有簿籍以充數猶經部樂家取太樂署部籍以充類其間與上篇重

復有顯而易見者有不可盡曉者其編次

凡醫經一類經方一類此與上篇相同者

也又重出醫經一類重出經方一類與前

兩類別為起訖此與上篇違異者也其後

則為神仙家一類房中家一類與上篇之

例又復倒置蓋下篇為脩志者所自纂不

復步趨于七錄而類例不熟率意比附故

致如此通志校讎略有編次不明論曰班

固藝文志出于七略者也七略雖疎而不

濫若班氏步步趨趨不離于七略未見其

失也間有七略所無而班氏雜出者則蹟

矣案鄭氏以此言譏班氏全非其實若移

以譏本志之于七錄則稿不可易矣

右二百五十六部合四千五百一十卷實在著錄二百五十三部附著錄有一百廿九部通計三百八十二部

案七錄錄目術技錄第八口醫經部凡八

種第九日經方部凡一百四十種綜兩部

一百四十八種本志合而為一曰醫方上

半篇存佚併計一百八十五部下半篇皆

見存一百九十七部增益者凡二百三十

四部與五行家相埒考隋書牛弘傳開皇

初授散騎常侍祕書監以典籍遺逸上表

請開獻書之路有曰今御書部帙殘缺比

梁之舊目止有其半至于陰陽河洛之篇

醫方圖譜之說彌復為少臣以載籍須令

大備不可王府所無私家乃有云云蓋隋

代蒐書于五行醫方兩類有意廣為收聚

故本志亦于此二類所載視他類為特多

凡諸子合八百五十三部六千四百三十七卷實

在著錄一千一百七十四部附著錄有四百七十九部通計一

千六百五十三部

隋書經籍志考證卷三十八

集部一

楚辭類

楚辭十二卷并目錄後漢校書郎王逸注

王逸有正部論見子部儒家

逸自序略曰屈原履忠被譖憂悲愁思獨依

詩人之義而作離騷上以諷諫下以自慰遭

時亂亂不見省納不勝憤懣遂復作九歌以

下凡二十五篇楚人高其行義瑋其文采以

相教傳至于孝武帝恢廓道訓使淮南王安

作離騷經章句則大義粲然後世雄俊莫不

瞻慕舒肆妙慮續述其詞遠至劉向典校經

書分爲十六卷孝章即位深弘道藝而班固

賈逵復以所見改易前疑各作離騷經章句

其餘十五卷闕而不說又以壯爲狀義多乖

異事不要括今臣復以所識所知稽之舊章

合之經傳作十六卷章句雖未能究其微妙

然大指之趣略可見矣

後漢書文苑傳逸著楚辭章句行于世

本志敘曰楚辭者屈原之所作也自周室衰

亂詩人寢息諂佞之道與諷刺之辭廢楚有

賢臣屈原被讒放逐乃著離騷八篇言己離

別愁思申抒其心自明無罪因以諷諫冀君

覺悟卒不省察遂赴汨羅死焉弟子宋玉痛

惜其師傷而和之其後賈誼東方朔劉向揚

雄嘉其文采擬之而作蓋以原楚人也謂之

楚辭然其氣質高麗雅致清遠後之文人咸

不能逮始漢武帝命淮南王爲之章句且受

詔食時而奏之其書今亡後漢校書郎王逸
集屈原以下迄于劉向逸又自爲一篇并敘
而注之今行于世

唐書經籍志楚辭十六卷王逸撰

唐書藝文志王逸注楚辭十六卷

宋史藝文志楚辭十六卷楚屈原等撰又十

七卷後漢王逸章句

四庫提要曰哀屈宋諸賦定名楚辭自劉向

始也初向集屈原離騷九歌天問九章遠游

卜居漁父宋玉九辯招魂景差大招而以賈

誼惜誓淮南小山招隱士東方朔七諫嚴忌

哀時命王褒九懷及向所作九歎共爲楚辭

十六篇是爲總集之祖王逸又益以己作九

思一篇與班固二敘爲十七卷而各爲之注

其九思之注宋洪興祖疑其子延壽所爲逸

注雖不甚詳核而去古未遠多傳先儒之訓

詁故李善注文選全用其文抽思以下諸篇

注中往往隔句用韻如哀憤結縉慮煩冤也

哀悲太息損肺肝也心中結屈如連環也之

類不一而足蓋仿周易象傳之體亦足以考

證漢人之韻而吳棫以來談古韻者皆未徵

引是尤宜表而出之矣

錢塘汪師韓文選理學權輿曰文選有周屈

原平離騷經九歌六首九章一首卜居漁父

案文選所錄凡百三十家以下子夏毛詩

序爲之首次屈原楚辭十首餘百二十八

家本志載有其集者百一十有三今就汪

氏所次文選撰人目錄附記諸家本集條

下此選家之首出省文章之瓌寶亦考鏡
之所必資也謹發其凡于此

又案王逸自序稱臣則當時嘗進于朝其

本十六卷自序言之甚明是爲經進本其

十七卷者蓋私家別行本也又本志作十

二卷與唐宋志及今傳本皆不合然考下

文皇甫遵解本七卷何偃刪注本十一卷

而郭景純注本本志三卷唐志乃十卷是

知卷數分合多不齊一無從覈實置之不

論可矣

楚辭三卷郭璞注

郭璞有毛詩拾遺詳見經部詩類

晉書本傳璞又注三倉方言穆天子傳山海

經及楚辭

唐書經籍志楚辭十卷郭璞撰

唐書藝文志郭璞注楚辭十卷

梁有楚辭十一卷宋何偃刪王逸注亡

何偃有毛詩釋詳見經部詩類

案此殆刪補王逸注本唐志不載蓋亡于

江陵淪陷之時

楚辭九悼一卷楊穆撰

楊穆始末未詳

唐書經籍志楚辭九悼一卷楊穆撰

唐書藝文志楊穆楚辭九悼一卷

四庫提要楚辭類小序曰楊穆有九悼一卷

至宋已亡

案後漢書梁統傳統安定烏氏人子松松

弟棟少習孟氏易弱冠能教授後坐兄松

事與弟恭俱徙九真既徂南土歷江湖濟沉湘感悼子胥屈原以非辜沈身迺作悼騷賦繫玄石而沈之傳注引東觀漢記載

其文宋洪興祖補注楚辭九思篇曰揚雄有廣騷梁竦有悼騷不知王逸奚罪其文不以二家之述為離騷之兩派也此九悼

一卷疑即梁竦悼騷而楊穆為之注歟後周有楊穆字紹叔弘農華陰人仕至車騎將軍都督并州刺史附見其弟楊寬傳不知是否即此楊穆也

參解楚辭七卷皇甫遵訓撰皇甫遵有吳越春秋傳詳見史部雜史類案此殆取王逸郭璞何偃三家注本而參考為訓解也

楚辭音一卷徐邈撰徐邈有周易音詳見經部周易類唐書經籍志楚辭音一卷徐邈撰唐書藝文志徐邈楚辭音一卷

楚辭音一卷宋處士諸葛氏撰諸葛氏始末未詳册府元龜學校部注釋門宋諸葛氏撰楚辭音一卷

案此疑即諸葛璩字幼玖琅邪陽都人世居京口事徵士關康之復師徵士臧榮緒榮緒著晉書有發擿之功者也見梁書處士傳南史隱逸傳

楚辭音一卷孟奧撰孟奧始末未詳

唐書經籍志楚辭音一卷孟奧撰唐書藝文志孟奧楚辭音一卷

楚辭音一卷不著撰人

楚辭音一卷釋道騫撰

本志敘曰隋時有釋道騫善讀楚辭能為楚聲音韻清切至今傳楚辭者皆祖騫公之音

唐書經籍志楚辭音一卷釋道騫撰唐書藝文志僧道騫楚辭音一卷

朱子楚辭集注序有曰然自原著此辭至漢未久而說者已失其趣如太史公蓋未能免而劉安班固賈逵之書世復不傳及隋唐間

為訓解者尚五六家又有僧道騫者能為楚聲之讀今亦漫不復存無以考其說之得失

離騷草木疏二卷劉沓撰劉沓有壽光書苑見子部雜家

梁書文學傳沓博識彊記自少至長多所著述撰要雅五卷楚辭草木疏一卷高士傳二卷東宮新舊記三十卷古今四部書目五卷

並行于世唐書經籍志離騷草木蟲魚疏二卷劉沓撰唐書藝文志劉沓離騷草木蟲魚疏二卷

宋吳仁傑離騷草木疏序曰昔劉沓為草木疏二卷見于本傳其書今亡矣沓疏凡王逸所集者皆在焉

右十部二十九卷通計亡書十一部四十卷案此部數不誤

案七錄敘目文集錄第一曰楚辭部凡五

種五帙二十七卷本志存佚併計十一部增輯者凡六部

隋書經籍志考證卷三十九之一

集部二之一

別集類一楚漢

楚蘭陵令荀況集一卷殘缺梁二卷

荀況有荀卿子書詳見子部儒家

漢書藝文志詩賦略孫卿賦十篇敍曰春秋之後周道衰壞聘問歌詠不行于列國學詩之士逸在布衣而賢人失志之賦作矣大儒孫卿及楚臣屈原離譏憂國皆作賦以諷咸有惻隱古詩之義

晉摯虞文章流別論曰賦者敷陳之稱古詩之流也前世為賦者有孫卿屈原尚頗有古之詩義案流別論佚文嚴氏可均皆輯入西晉文編

梁劉勰文心雕龍詮賦篇曰賦也者受命于詩人拓宇于楚辭也于是荀況禮智宋玉風鈞爰錫名號與詩畫境六義附庸蔚成大國

遂客主以首引極聲貌以窮文斯蓋別詩之原始命賦之厥初也至于草區禽族庶品雜類則觸興致情因變取會斯又小制之區眇奇巧之機要也觀夫荀結隱語數自環又諧隱篇云魏代以來嘲隱化為謎語謎也者迴護其辭使昏迷也荀卿蠶賦已兆其體又才略篇云荀況學宗而象物名賦文質相稱固巨儒之情也

唐書經籍藝文志趙荀況集二卷舊新唐志著錄往往相同故合併為一條

朱子楚辭辯證曰荀卿成相之篇本擬工誦箴諫之辭其言奸臣蔽主擅權馴致移國之禍千古一轍可為流涕荀子成相篇楊倞注曰漢書藝文志謂之成相雜辭蓋亦賦之流也

王氏漢書藝文志考證曰荀子賦篇禮知雲蠶箴五篇又有侘詩 案荀卿遺書申君書曰天下不治請陳侘詩注侘與詭同侘異激切之詩也蓋即遺書申君賦

會稽章學誠校讐通義曰漢書藝文志荀卿賦十篇居詩賦第三種之首當日必有取義也案荀卿之書有賦篇列于三十二篇之內不知所謂賦十篇者取其賦篇與否

嘉善謝墉序荀子曰漢志又孫卿賦十篇今所存僅禮智雲蠶箴五篇 烏程嚴可均全三代文編曰荀卿有集二卷荀子有禮賦智賦雲賦蠶賦箴賦國策及韓詩外傳有為書謝春申君今存凡六篇 案成相辭三篇或亦編入本集

謹案四庫提要言劉向哀楚辭為總集之祖而不言別集始于何人以余考之亦始于劉中壘也中壘詩賦略五篇皆諸家賦集詩歌集固別集之權輿至輯東方朔所著諸篇于別錄諸體畢備 見下東方集條則明明為別集之類或謂集始于東漢蓋但據後漢書儒林文苑傳所載篇籍約略言之實則劉中壘之時已具此體類矣楚漢諸集大抵以七略藝文志所載為本而附益以他文其集錄人姓名皆不可考此集亦不知起于何時觀劉氏以賦篇成相辭編入荀子書則其時尚無是集也

楚大夫宋玉集三卷

宋玉有宋玉子見子部小說家

史記屈原列傳屈原既死之後楚有宋玉唐勒景差之徒者皆好辭而以賦見稱然皆祖屈原之從容辭令終莫敢直諫 漢書地理志始楚賢臣屈原被譏放流作離騷諸賦以自傷悼後有宋玉唐勒之屬慕而述之皆以顯名

又藝文志宋玉賦十六篇楚人與唐勒並時在屈原後也敍曰孫卿屈原咸有惻隱古詩之義其後宋玉唐勒漢興枚乘司馬相如下及楊子雲競為侈麗閎衍之辭沒其風諭之義是以楊子悔之曰詩人之賦麗以則辭人之賦麗以淫

文章流別論曰孫卿屈原頗有古之詩義至宋玉則多淫浮之病矣 梁沈約宋書謝靈運傳論曰周室既衰風流彌著屈平宋玉導清源于前

文心雕龍詮賦篇曰于是荀況禮智宋玉風鈞爰錫名號與詩畫境又曰觀夫荀結隱語事數自環宋發奇巧談實始淫麗又雜文篇曰宋玉含才頗亦負俗始造對問以申其意放懷寥廓氣實使之又夸飾篇云文辭所被夸飾恆存自宋玉景差夸飾始盛又才略篇云戰代任武而文士不絕諸子以道術取資屈宋以楚辭發采

唐書經籍藝文志楚宋玉集二卷 宋洪邁容齋三筆曰宋玉高唐神女二賦其

爲寓言託興甚明予嘗卽其詞而味其旨蓋所謂發乎情止乎禮義真得詩人風化之本玉之意可謂正矣今人詩詞顧以襄王藉口考其實則非是

陳氏書錄解題曰宋玉集一卷楚大夫宋玉撰史記屈原傳言楚人宋玉唐勸景差之徒蓋皆原之弟子也而玉之辭賦獨傳至以屈宋並稱于後世餘人皆莫能及案隋志集三卷唐志二卷今書乃文選及古文苑中錄出者未必當時本也

汪氏文選撰人篇目曰周宋玉有風賦高唐賦神女賦登徒子好色賦九辯五首招魂對楚王問此例詳見前楚辭條下

嚴氏全三代文編曰宋玉有集三卷案漢書藝文志宋玉賦十六篇今存者風賦大言賦小言賦諷賦高堂賦神女賦登徒子好色賦釣賦笛賦九辯招魂凡十一篇對楚王問高唐對不在此數如九辯爲九篇則多出漢志三篇所未審也或云笛賦有宋意送荆卿之語非宋玉作然隋唐已前本集有之誤收久矣不必刪耳又原本北堂書鈔三十三引宋玉集序案嚴氏所輯有全文完善無缺者有殘文唯存一二語者今唯就其所分篇目皆以篇數計之并發其凡于此

漢武帝集一卷梁二卷

漢書孝武皇帝本紀元狩元年冬十月行幸雍祠五時獲白麟作白麟之歌
又六年夏四月乙巳廟立皇子闕爲齊王且

爲燕王胥爲廣陵王初作詰 史記三王世家太史公曰文辭爛然甚可觀也案隱曰武帝策此三王皆自手製

又元鼎四年六月得寶鼎后土祠旁秋馬生澠注水中作寶鼎天馬之歌

又元封二年夏四月祠泰山至瓠子臨決河命從臣將軍以下皆負薪塞河隄作瓠子之歌六月甘泉宮內中產芝九莖連葉作芝房之歌

又五年冬行南巡狩至于盛唐自尋陽浮江親射蛟江中獲之舳艫千里薄樅陽而出作盛唐樅陽之歌

又太初四年春貳師將軍廣利斬大宛王首獲汗血馬來作西極天馬之歌

又太始三年二月行幸東海獲赤雁作朱雁之歌

又四年四月幸不其祠神人于交門宮若有鄉坐拜者作交門之歌

又本紀贊曰漢承百王之弊高祖撥亂反正文景務在養民至于稽古禮文之事猶多闕焉孝武初立卓然罷黜百家表章六經遂疇咨海內舉其俊茂與之立功興大學修郊祀改正朔定曆數協音律作詩樂建封禪禮百神紹周後號令文章煥焉可述

又儒林傳太常孔臧等議曰臣謹案詔書律令下者明天人分際通古今之誼文章爾雅訓辭深厚

又藝文志上所自造賦二篇思古曰武帝也

案此似班氏本法 何義門讀書記曰上所自造賦不以冠趙幽王之上而介于壽王兒寬之中此漢人所以近古也 章學誠校讎通義曰上所自造賦必武帝時人標目劉向從而著之 案詩賦略第一篇二十家尋其章法皆楚騷之體師範屈宋者也故此止二篇

又外戚傳上思懷李夫人不已爲作詩又自爲賦傷悼 王子年拾遺記曰武帝思懷李夫人不可復得因賦落葉哀蟬之曲

初學記職官部漢武帝集曰武帝作柏梁臺詔羣臣二千石有能爲七言者乃得上坐案所載皇帝首倡餘自梁王以迄郭舍人東方朔凡二十五人

藝文類聚雜文部漢武帝集曰奉車子侯暴病一日死上甚悼之乃自爲歌詩案事見漢書郊祀志服虔曰子侯嘗去病子也

漢武故事帝行幸河東祀后土作秋風辭又曰上好辭賦每行幸及奇獸異物輒命相如等賦之上亦自作詩賦數百篇下筆卽成初不留思

文心雕龍明詩篇曰孝武愛文柏梁列韻又云聯句共韻則柏梁餘製又詔策篇曰兩漢詔誥職在尚書王言之大動入史策其出如綽不反若汗是以淮南有英才武帝使相如視草又云武帝崇儒選言弘策封三王文同訓典勸戒淵雅垂絕後代及制誥嚴助卽云厭承明廬蓋寵才之恩也又哀弔篇曰漢武封禪而霍子侯暴亡帝傷而作詩亦哀辭之類也

唐書經籍藝文志漢武帝集二卷

玉海聖文御集篇曰西都號令文章煥焉可

述史氏稱焉故武帝之文則以集著又曰孝

武右文紀述至富哀為鉅集乃出後代

明馮惟訥詩紀輯存瓠子歌秋風辭天馬歌

李夫人歌落葉哀蟬曲柏梁詩凡六篇

汪氏文選撰人篇曰漢武帝有詔一首賢良

詔一首秋風辭

嚴氏全漢文編曰武帝諱徹景帝中子四年

封膠東王七年立為皇太子後三年正月即

位改元十一在位五十四年諡曰孝武皇帝

廟號世宗有集二卷今輯存李夫人賦秋風

辭制詔册書策書勅書壘書報書及雜文綜

一百篇編為二卷

漢淮南王集一卷梁二卷

淮南王安有淮南子見子部雜家

漢書本傳時武帝方好藝文以安屬為諸父

辯博善為文辭甚尊重之每為報書及賜常

召司馬相如等視草迺遣初安入朝使為離

騷傳旦受詔日食時上又獻頌德及長安都

國頌每宴見談說得失及方技賦頌昏暮然

後罷

劉向別錄曰淮南王有熏籠賦

漢書藝文志淮南王賦八十二篇又六藝略

樂家注云出淮南劉向等琴頌七篇 案淮南

琴頌當在此八十二篇中班氏以其重複出之

唐書經籍志漢淮南王安集二卷

王氏漢書藝文志考證曰淮南王有成相篇

見藝文類聚

馮氏詩紀曰淮南王有八公操一篇 疑即漢

志所謂琴頌之一

嚴氏全漢文編曰淮南王有集二卷藝文類

聚初學記御覽有屏風賦嚴助傳有上書諫

伐南越凡二篇

梁又有賈誼集四卷錄一卷亡

賈誼有賈子十卷見子部儒家

史記屈賈列傳自屈原沈汨羅後百有餘年

漢有賈生為長沙王太傅過湘水投書以弔

屈原

劉向別錄曰賈生弔屈原賦因以自諭自恨

也

漢書本傳賈生年十八以能誦詩書屬文稱

于郡中及為博士年二十餘最為少每詔令

議下諸老先生未能言誼盡為之對人人各

如其意所出為傳三年有服飛入誼舍止于

坐隅服似梟不祥鳥也誼自傷悼以為壽不

得長迺為賦以自廣數上疏陳政事多所匡

諫

又傳贊曰劉向稱賈誼言三代與秦治亂之

意其論甚美通達國體雖古之伊管未能遠

過也又曰凡所著述五十八篇 案此五十八篇

見漢志儒家非謂是集也

又藝文志賈誼賦七篇

王逸楚辭章句惜誓者不知誰所作也或曰

賈誼疑不能明也惜者哀也誓者信也約也

言哀惜懷王與己信約而復背之也古者君

臣將共為治必以信誓相約然後言乃從而

身以親也蓋刺懷王有始而無終也

魏文帝典論曰余觀賈誼過秦論發周秦之

得失通古今之滯義洽以三代之風潤以聖

人之化斯可謂作者矣

文章流別論曰楚辭之賦賦之善者也故揚

子稱賦莫深于離騷賈誼之作則屈原儔也

文心雕龍詮賦篇曰秦世不文頗有雜賦漢

初辭人順流而作陸賈扣其端賈誼振其緒

又云賈誼鵬鳥致辨于情理又哀弔篇曰自

賈誼浮湘發憤弔屈體同而事覈辭清而理

哀蓋首出之作也又奏啓篇曰若夫賈誼之

務農可謂識大體矣又議對篇曰若賈誼之

遍代諸生可謂捷于議也又體性篇曰吐納

英華莫非情性是以賈生俊發故文潔而體

清又事類篇曰觀夫屈宋屬篇號依詩人雖

引古事而莫取舊辭唯賈誼鵬賦始用鸚冠

之說案此或為鸚冠子轉與鸚賦之語又才略篇曰

賈誼才穎陵軼飛議愜而賦清豈虛至哉

唐書經籍藝文志前漢賈誼集二卷

崇文總目賈誼集二卷

王氏漢書藝文志考證朱文公曰賈太傅以

卓然命世英傑之才俯就騷律所出三篇惜

誓弔屈原服為皆非一時諸人所及古文苑有

早雲笥廣賦

明張溥漢魏六朝百三家賈長沙集輯本一

卷凡賦四篇騷一篇疏六篇過秦論上中下

三篇

汪氏文選撰人篇目漢賈誼有鵬鳥賦過秦論弔屈原文

嚴氏全漢文編曰賈誼有集四卷案賈生諸疏散見新書者十六篇小有異同見存不錄錄其所無者曰旱雲賦虞賦鵬鳥賦惜誓上疏陳政事上疏請封建子弟上疏諫封淮南諸子說積儲諫除盜鑄錢令使民放鑄過秦論弔屈原文凡十一篇又曰過秦論文選分上中下三篇史記秦始皇本紀但為一篇不分上中下而次第全異文亦小異最為古本今據錄之又曰弔屈原文史漢本傳並以爲賦今據文選編入并錄其序蓋本集所題如此

梁又有漢晁錯集三卷錄一卷

晁錯有晁氏新書三卷見子部法家

漢書本傳孝文時天下亡治尙書者獨聞齊有伏生故秦博士治尙書年九十餘老不可徵迺詔太常使人受之太常遣錯受尙書伏生所還因上書稱說再遷爲博士案此尙書博士在三家未起之先拜爲太子家令以其辨得幸太子太子家號曰智囊上言兵體三章文帝嘉之賜璽書寵答焉後舉賢良時賈誼已死對策者百餘人唯錯爲高第繇是遷中大夫錯又言宜削諸侯事及法令可更定者書凡三十篇孝文雖不盡聽然奇其才 案此言書三十篇卽藝文志法家載錯三十一篇本志法家梁有晁氏新書三卷是也與是集無涉也

文心雕龍奏啓篇曰自漢以來奏事或稱上疏儒雅繼踵殊采可觀若夫賈誼之務農鼂錯之兵事理既切至辭亦通暢可謂識大體矣又議對篇曰漢文中年始舉賢良鼂錯對策蔚爲舉首觀鼂氏之對證驗古今辭裁以辯事通而瞻超升高第信有徵矣

嚴氏全漢文編曰鼂錯有集三卷漢書本傳有賢良文學對策上書言皇太子宜知術數上書言兵事言守邊備塞務農力本當世急務二事復言募民徙塞下食貨志又有說文帝令民入粟受爵復奏勿收農民租吳王濞傳又有說景帝削吳請誅楚王戊凡九篇

梁又有漢弘農都尉枚乘集二卷錄一卷亡

漢書本傳枚乘字叔淮陰人也爲吳王濞郎中吳王之初怨望謀爲逆也乘奏書諫吳王不納乘等去而之梁從孝王游及吳與六國反以誅鼂錯爲名漢斬錯以謝諸侯枚乘復說吳王令還兵疾歸吳王不用乘策卒見禽滅漢既平七國乘由是知名景帝召拜乘爲弘農都尉乘久爲大國上賓與英俊並游得其所好不樂郡吏以病去官復游梁客皆善屬辭賦乘尤高孝王薨乘歸淮陰武帝自爲太子聞乘名及卽位乘年老迺以安車蒲輪徵乘道死

又藝文志枚乘賦九篇

文章流別論曰七發造于枚乘借吳楚以爲客主此因膏梁之常疾以爲匡勸雖有甚秦之辭而不沒其諷諭之義也其流遂廣其義

遂變率有辭人淫麗之尤矣

文心雕龍明詩篇曰古詩佳麗或稱枚叔觀其結體散文直而不野婉轉附物悒悒切情實五言之冠冕也案謂古詩十九首也或云不盡是枚叔又證賦篇曰枚乘菟園舉要以會新又雜文篇曰枚乘摛豔首製七發腴辭雲構夸麗風騷蓋七竅所發發乎嗜欲始邪末正所以戒膏梁之子也又云自七發以下作者繼踵觀枚氏首唱信獨拔而偉麗矣又才略篇曰枚乘之七發鄒陽之上書膏潤于筆氣形于言矣又章句篇曰若乃改韻從調所以節文辭氣賈誼枚乘兩韻輒易亦各有其志也然兩韻輒易則聲韻微蹙

唐書經籍藝文志枚乘集二卷宋史志一卷

陳氏書錄解題曰枚叔集一卷漢弘農都尉淮陰枚乘撰叔其字也隋志梁時有二卷亡唐志復著錄今本乃于漢書及文選諸書鈔出者

汪氏文選撰人篇目漢枚叔乘有七發八首奏書諫吳王重諫吳王舉兵

嚴氏全漢文編曰枚乘有集二卷案漢志枚乘賦九篇文選謝朓休沐重還道中詩注引枚乘集有臨瀟池遠詠賦今亡本傳及說苑西京雜記初學記藝文類聚文選古文苑諸書有梁王菟園賦柳賦上書諫吳王上書重諫吳王七發凡五篇 案文選西京賦注謝玄暉詩注並引枚乘樂府詩

漢中書令司馬遷集一卷

司馬遷見史部正史類又有素王妙論見子部五行家

漢書本傳遷既被刑之後爲中書令尊寵任職故人益州刺史任安予遷書責以古賢臣之義教以慎于接物推賢進士爲務遷報之又東方朔傳是時朝廷多賢材上復問朔方今公孫丞相兒大夫董仲舒夏侯始昌司馬相如吾邱壽王主父偃朱買臣嚴助汲黯膠倉終軍嚴安徐樂司馬遷之倫皆辯知閎達溢于文辭先生自視何與比哉

又公孫弘等傳贊曰漢之得人于茲爲盛儒雅則公孫弘董仲舒兒寬文章則司馬遷相如

又藝文志司馬遷賦八篇

文心雕龍書記篇曰漢來筆札辭氣紛紜觀史遷之報任安東方朔之難公孫楊惲之酬會宗子雲之答劉歆志氣盤桓各含殊采並抒軸乎尺素抑揚乎寸心

唐書經籍藝文志司馬遷集二卷

汪氏文選撰人篇目漢司馬子長遷有報任少卿書

嚴氏全漢文編曰司馬遷字子長河內人元封中爲太史令天漢中坐罪宮刑後爲中書令有史記一百三十卷集一卷藝文類聚有悲士不遇賦本傳有報任少卿書高士傳有與摯伯陵書凡三篇附素王妙論二條又曰摯峻字伯陵京兆長安人隱于阱山見高士傳有報司馬子長書案董仲舒先有士不遇賦

漢太中大夫東方朔集二卷

東方朔有別傳見史部雜傳篇

漢書本傳朔上書陳農戰疆國之計因自認不得大官欲求試用辭數萬言終不見用因著論設客難以自慰諭又設非有先生之論朔之文辭此二篇最善其餘有封泰山責和氏璧及皇太子生祿屏風殿上柏柱平樂觀賦獵八言七言上下從公孫弘借車凡劉向所錄朔書具是矣師古曰劉向別錄所載案此言上書陳農戰疆國之計辭數萬言者即漢志雜家東方朔二十篇是也自著論設客難以下諸篇皆劉向所錄見于別錄然則七略別錄載有朔集審矣其文諸體皆有明是後世別集之類由是知別集之體亦始于向也又文選對都賦注引東方朔六言詩此八言疑六言之謬

文心雕龍詮賦篇曰賈誼振其緒枚馬同其風皋朔以下品物畢圖又雜文篇曰自宋玉對問以後東方朔效而廣之名爲客難託古慰志疏而有辨又諧隱篇曰昔楚莊齊威性好隱語至東方曼倩尤巧辭述但謬辭詆戲無益規補又詔策篇曰戒者慎也君父至尊在三罔極漢高祖之勅太子案見古文苑東方朔之戒子亦顧命之作也

史通雜說篇曰漢書東方朔傳委瑣煩碎不類諸篇且不述其亡歿歲時及子孫繼嗣正如司馬相如司馬遷揚雄傳相類尋其傳體必曼倩之自敘也但班氏脫略故世莫之知唐書經籍藝文志東方朔集二卷明呂兆禧輯本一卷凡七諫據地歌戒子詩

柏梁詩應詔上書諫起上林苑諫止董偃入宣室臨終諫天子劾董偃罪狀與公孫弘書

與公孫弘借車馬書與友人書侏儒對化民有道對劇武帝對劇羣臣對伯夷叔齊對善哉瞿所對上天子壽上壽謝過割肉自責答客難答驃騎難早頌非有先生論逸句綜二十六篇

張氏百三家集輯本一卷凡七諫疏書序論設難頌銘詩綜十五篇

汪氏文選撰人篇目漢東方曼倩朔有答客難非有先生論

嚴氏全漢文編曰東方朔有集二卷今存七諫嗟伯夷上書自薦諫除上林苑化民有道對對詔臨終諫天子與公孫弘借車書與友人書非有先生論隱真論答客難答驃騎難十洲記序早頌寶璽銘誡子凡六七篇附東方朔占九條

梁有漢光祿大夫吾邱壽王集二卷亡

漢書本傳吾邱壽王字子贛趙人也年少以善格五召待詔詔使從中大夫董仲舒受春秋高材通明遷侍中中郎坐法免上書謝罪願養馬黃門上不許後願守塞捍寇難復不許久之上疏願擊匈奴詔問狀壽王對良善復召爲郎稍遷拜爲東郡都尉上以壽王爲都尉不復置太守是時軍旅數發年歲不熟多盜賊詔賜壽王璽書曰子在朕前之時知略幅湊以爲天下少雙海內寡二及至連十餘城之守任四千斤之重師古曰郡守都尉皆二

千石以壽王爲都尉不置太守兼總二任故云四千石也
職事並廢盜賊從橫甚不稱在前時何也壽
王謝罪因言其狀後徵入爲光祿大夫侍中
丞相公孫弘奏言民不得挾弓弩上下其議
壽王對以爲不便書奏上以難丞相弘弘詘
服焉及汾陰得寶鼎武帝嘉之薦見宗廟臧
于甘泉宮羣臣皆上壽賀曰陛下得周鼎壽
王獨曰非周鼎上召問之壽王對上王善賜
黃金十斤後坐事誅

又東方朔傳迺使太中大夫吾丘壽王與待
詔能用算者二人舉籍阿城以南盤壓以東
宜春以西提封頃畝及其賈直欲除以爲上
林苑吾丘壽王奏事上大說稱善遂起上林
苑如壽王所奏云

又劉向傳向上事曰孝武帝時兒寬有重罪
繫案道侯韓說諫曰前吾丘壽王死陛下至
今恨之今殺寬後將復大恨矣上感其言
又藝文志吾丘壽王賦十六篇 諸子略儒家有

吾丘壽王六篇
文心雕龍議對篇曰迄至有漢始立駁議駁
者雜也雜議不純故曰駁也至如吾丘之駁
挾弓得事要矣

王氏漢書藝文志考證吾丘壽王賦十五篇
藝文類聚有壽王驃騎論功論而賦不傳
嚴氏全漢文編曰吾丘壽王有集二卷本傳
有挾弓弩議對一篇藝文類聚有驃騎論功
論一篇又文選注北堂書鈔有失題佚文各
一條

漢文園令司馬相如集一卷文園令上當有孝字
司馬相如有凡將篇見經部小學家
史漢本傳相如爲郎事孝景帝爲武騎常侍
非其好也會景帝不好辭賦是時梁孝王來
朝從游說之士鄒陽枚乘嚴忌夫子之徒相
如見而說之因病免客游梁得與諸侯游士
居數歲乃著子虛之賦又數歲上讀子虛賦
善之乃召問相如相如曰此乃諸侯之事未
足觀請爲天子游獵之賦上令尙書給筆札
相如以子虛虛言也爲楚稱烏有先生者烏
有此事也爲齊難亡是公者亡是人也欲明
天子之義故虛籍此三人爲詞以推天子諸
侯之苑囿其卒章歸之于節儉因以風諫奏
之天子天子大悅又奉使諭告巴蜀民難蜀
父老嘗從上至長楊獵天子好自擊能豕馳
逐野獸因上疏諫上善之還過宜春宮奏賦
以哀二世行失見上好仙因奏大人賦既病
免天子曰司馬相如病甚可往從悉取其書
使所忠往而相如已死家無遺書問其妻對
曰長卿時時著書人又取去長卿未死時爲
一卷書曰有使來求書奏之其遺札書言封
禪事所忠奏焉天子異之相如它所著若遺
平陵侯書與五公子相難草木書篇不采采
其尤著公卿者云
又傳贊曰相如雖多虛辭濫說然要其歸引
之于節儉此亦詩之風諫何異揚雄以爲靡
麗之賦勸百而諷一猶騁鄭衛之聲曲終而
奏雅不已戲乎

又藝文志司馬相如賦二十九篇敘曰揚子
曰如孔氏之門人用賦也則賈誼登堂相如
入室矣如其不用何又諸子雜家荆軻論五
篇軻爲燕刺秦王不成而死司馬相如等論
之

西京雜記曰長卿素有消渴疾及返成都悅
文君之色遂以發痼疾乃作美人賦以自刺
而終不能改卒以此疾至死文君爲誄傳于
世 又曰相如將聘茂陵人女爲妾卓文君乃作白頭吟
以自絕相如乃止

蜀志秦宓傳宓與治中同郡王商書請立司
馬相如祠堂曰蜀本無學士文翁遣相如東
受七經還教吏民于是蜀學比于齊魯地理
志曰文翁倡其教相如爲之師漢家得士盛
于其世仲舒之徒不達封禪相如制其禮夫
能制禮造樂移風易俗非禮所稱有益于世
者乎 案此引地理志見秦地城分風俗篇皆成帝時劉
向朱轅之說也班氏取以附地理志之末言風俗者莫先
焉諸書引地理風俗記即此

晉李充翰林論曰盟檄發于師旅相如喻蜀
父老可謂德音者矣

宋書謝靈運傳論曰屈平宋玉導清源于前
賈誼相如振芳塵于後英辭潤金石高義薄
雲天又曰相如巧爲形似之言

文心雕龍詮賦篇曰相如上林繁類以成豔
頌贊篇云相如屬筆始替荆軻哀弔篇云相
如之弔二世全爲賦體桓譚以爲其言惻愴
讀者歎息及卒章要切斷而能悲也檄移篇

云相如之難蜀老文曉而喻博有移檄之骨焉封禪篇云相如封禪蔚爲唱首爾其表權興序皇王炳元符鏡鴻業驅前古于當今之下騰休明于列聖之上歌之以禎瑞贊之以介邱絕筆茲文固維新之作也風骨篇云相如賦仙氣號凌雲蔚爲辭宗迺其風力逾也才略篇云相如好書師範屈宋洞入夸豔致名辭宗然覆取精意理不勝辭故揚子以爲文麗用寡者長卿誠哉是言也

史通序傳篇曰司馬相如始以自敘爲傳然其所敘者但記自少及長立身行事而已逮于祖先所出則蔑爾無聞又曰相如自序乃記其客游臨邛竊妻卓氏以春秋所諱持爲美談雖事或非虛而理無可取載之于傳不其愧乎又雜說篇曰馬卿爲自敘傳具在其集中子長因錄斯篇卽爲列傳班氏仍舊會無改奪尋固于馬揚傳末皆云遷雄之自敘如此至于相如篇下獨無此言蓋止憑太史之書未見文園之集故使言無畫一其例不純

唐書經籍藝文志司馬相如集二卷
明汪士賢二十名家集輯本一卷凡賦六篇
琴歌二首書二篇檄一篇難一篇附白頭吟
張氏百三名家集輯本一卷凡賦書檄難封禪文琴歌綜十二篇
汪氏文選撰人篇目漢司馬長卿相如有子虛賦上林賦長門賦上疏諫獵喻巴蜀檄難蜀父老封禪文

嚴氏鐵橋漫彙序曰司馬長卿集隋志唐志皆二卷今世所見有明汪士賢呂兆禧二本蓋從史記漢書文選古文苑新輯者又有張溥本增多答盛擊問報卓文君書餘同汪呂案長卿集魏晉時早有散亡隋唐之二卷當是六朝重輯其多出于今本者僅僅耳何以明之漢志長卿賦二十九篇今存子虛上林哀秦二世大人長門美人六賦徧索羣書惟得魏都賦張載注引梨賦一句北堂書鈔引魚菹賦有題無文餘二十一賦莫考其諸體軼篇遺句絕無引見者足證隋唐本非魏晉以前舊集如謂不然二十九賦加雜文并遺

平陵侯書與五公子相難少木書不當四五卷乎今彙聚羣書所載重加編次仍爲二卷凡將篇專行久亡僅存五事亦附集末校讐酌定而爲之敘錄曰三百篇後屈原爲辭賦之宗宋玉亞之長卿之與宋玉在伯仲之間揚子雲云如孔氏之門用賦也相如入室此爲定論集雖殘剩二千年內邈焉寡儔然而長卿不徒以辭賦見後世鮮有知之者蜀志秦宓與王商書云云如宓此言蜀地經師長卿爲鼻祖而史漢敘儒林授受不一及之以辭賦揜其名耳古之振奇人文章必從經出故援蜀志以發其端又四錄堂類集總目曰司馬長卿集二卷可均校編

案本志載是集實一卷嚴氏云隋志二卷豈所見本異耶又隋唐時集本有相如自序卽史記列傳史通有明文則亦本集中

之一篇也

漢膠西相董仲舒集一卷梁二卷

董仲舒有春秋繁露見經部春秋公羊家漢書本傳仲舒以賢良對策相江都膠西兩國輒事驕王數上疏諫爭教令國中所居而治及去位歸居終不問家產業以修學著書爲事藝文志儒家董仲舒百二十三篇

文心雕龍議對篇曰仲舒對策祖述春秋本陰陽之化究列代之變煩而不厭者事理明也又才略篇曰仲舒專儒子長純史而麗縵成文亦詩人之告哀也

唐書經籍藝文志董仲舒集二卷宋史志一卷

崇文總目同

陳氏書錄解題董仲舒集一卷漢膠西相廣川董仲舒撰案隋唐志皆二卷今惟錄本傳中三策及古文苑所載士不遇賦詣公孫弘記室書二篇而已其敘篇略本傳語亦載古文苑案古書舊序往往略本傳語若此者疑皆王儉七志之文後人錄以冠諸篇首

明張溥百三家董膠西集輯本一卷凡賦一篇策三篇章一篇書一篇對三篇頌一篇春秋陰陽一篇案春秋陰陽凡七十條從漢書五行志錄出者

四庫存目提要曰董子文集一卷漢董仲舒撰隋志載仲舒集一卷注云梁有二卷亡舊新唐志仍載二卷宋志一卷後兩本並佚明正德己亥巡案御史盧雍行部至景州爲仲舒故里因修復廣川書院祀仲舒並哀其遺

文成是集然自采錄本傳外僅益以西京雜記古文苑所載數篇 案汪士賢所刻二十名家集輯本一卷即據此本凡九篇李東陽爲之序

嚴氏全漢文編曰董仲舒有集二卷案文選

北山移文注引董仲舒集有七言琴歌二首

今亡本傳食貨志五行志匈奴傳贊春秋繁

露抱朴子古文苑諸書有士不遇賦舉賢良

對策郊祀對說武帝使關中民種麥又言限

民名田廟毀火災對雨雹對粵有三仁對奏

江都王求雨請雨書詣公孫弘記室書論禦

匈奴山川頌救日食祝請雨祝止雨祝李少

君家錄凡十七篇

梁又有漢太常孔臧集二卷亡

漢書功臣侯表裴夷侯孔聚以執盾前元年

從起碭以左司馬入漢爲將軍三以都尉擊

項籍屬韓信高帝六年正月丙午封三十年

薨孝文九年侯臧嗣四十五年元朔三年坐

爲太常衣冠道橋壞不得度免 師古曰前元年

謂初起之年即秦胡亥元年也

又藝文志太常裴侯孔臧賦二十篇 又儒家

太常裴侯孔臧十篇注云父聚高祖時以功臣封臧嗣爵

文選兩都賦序注孔臧集曰臧仲尼之後少

以才博知名稍遷御史大夫辭曰臣代以經

學爲宗乞爲太常專修家業武帝遂用之

連叢子曰臧嘗爲賦二十四篇四篇別不在

集似其幼時之作也 案孔叢子連叢子皆作于魏

時其言四篇別不在集則其在集者即七略藝文志所載

賦二十篇魏時孔臧集如此也由是證知西漢人之集有

即據詩賦略所載以爲別集單行者亦有不盡爲賦諸體皆有如劉中壘所錄東方朔集者而詩賦略五篇則漢時一大總集合之爲總集分之即爲別集孔臧集其一也

唐書經籍藝文志孔臧集二卷

嚴氏全漢文編曰孔臧孔鮒從曾孫文帝九年嗣父聚爵裴侯元朔二年拜太常五年坐

事免連叢子有諫格虎賦楊柳賦鴉賦蓼蟲

賦與侍中從弟安國書與子琳書凡六篇

漢騎都尉李陵集二卷

漢書李廣傳廣隴西成紀人也廣子當戶蚤

死有遺腹子陵字少卿少爲侍中建章監善

騎射愛人謙讓下士甚得名譽武帝以爲有

廣之風拜爲都尉將勇敢五千人教射酒泉

張掖以備胡天漢二年將步兵五千人出居

延北行三十日至浚稽山與單于相直戰敗

不得脫遂降匈奴羣臣皆罪陵上以問太史

令司馬遷遷盛言陵事親孝與士信常奮不

顧身以殉國家之急其素所畜積也有國士

之風今舉事一不幸全軀保妻子之臣隨而

媒孽其短誠可痛也且陵提步卒不滿五千

深輅戎馬之地抑數萬之師虜救死扶傷不

暇悉舉引弓之民共攻圍之轉鬪千里矢盡

道窮士張空拳冒白刃北首爭死敵得人之

死力雖古名將不過也身雖陷敗然其所摧

敗亦足暴于天下彼之不死宜欲得當以報

漢也上以遷誣罔爲陵游說下遷腐刑歲餘

族陵家母弟妻子皆伏誅隴西士大夫以李

氏爲愧陵在匈奴單于以女妻之立爲右校

王貴用事在匈奴二十餘年元平元年病死宋顏延之庭誥曰李陵衆作摠雜不類是假託非盡陵制至其善篇有足悲者

梁鍾嶸詩品曰夏歌曰鬱陶乎予心楚謠曰

名子曰正則雖詩體未全然是五言之濫觴

也逮漢李陵始著五言之目又云漢都尉李

陵詩其源出于楚辭文多悽怨者之流陵名

家子有殊才生命不諧聲頽身喪使陵不遭

辛苦其文亦何能至此

史通雜說篇曰李陵集有與蘇武書詞采壯

麗音句流靡觀其文體不類西漢人殆後來

所爲假稱陵作也遷史缺而不載良有以焉

編于李集中斯爲謬矣

唐書經籍藝文志李陵集二卷

明馮氏詩紀輯存與蘇武詩三篇別蘇武歌

一篇

汪氏文選撰人篇曰漢李少卿陵有與蘇武

詩三首答蘇武書

嚴氏全漢文編曰李陵有集二卷今存令一

條表一條與蘇武書八條重報蘇武書一篇

又蘇武報李陵書三條

梁有漢丞相魏相集二卷錄一卷亡

漢書本傳相字弱翁濟陰定陶人也徙平陵

少學易爲郡卒史舉賢良對策高第爲茂陵

令揚州刺史諫大夫再爲河南太守宣帝即

位徵爲大司農遷御史大夫代韋賢爲丞相

封高平侯相明易經有師法好觀漢故事及

便宜章奏以爲古今異制方今務在奉行故

事而已數條漢興已來國家便宜行事及賢臣賈誼董仲舒等所言奏請施行之上故事詔書凡二十三事又數表采易陰陽及明堂月令奏之數陳便宜上納用焉時丙吉爲御史大夫同心輔政視事九歲神爵三年薨諡曰憲侯

又藝文志六藝略樂家雅琴趙氏七篇宣帝時丞相魏相所奏雅琴龍氏九十九篇劉向別錄云亦魏相所奏也

唐書經籍藝文志魏相集二卷

嚴氏全漢文編魏相有集二卷今存賢良對策上封事薦張安世上封事奪霍氏權上書諫擊匈奴右地上書自陳條奏便宜表奏采

易陰陽明堂月令凡七篇

梁有漢左馮翊張敞集一卷錄一卷亡

漢書本傳敞字子高本河東平陽人徙茂陵敞後隨宣帝徙杜陵以鄉有秩補太守卒史

再遷太僕丞以諫昌邑王顯名擢爲豫州刺史以數上事有忠言宣帝徵爲太中大夫與

于定國並平尚書事復出爲函谷關都尉山陽太守膠東相拜京兆尹免爲庶人復召敞

拜冀州刺史太原太守元帝初即位徵以爲左馮翊會病卒敞本治春秋以經術自輔其

政頗雜儒雅敞孫竦王莽時至郡守封侯博學文雅過于敞然政事不及也竦死敞無後

又儒林傳漢興北平侯張倉及梁太傅賈誼京兆尹張敞大中大夫劉公子皆修春秋左

氏傳

又藝文志六藝小學家敍曰倉頡多古字俗師失其讀宣帝時徵齊人能正讀者張敞從受之傳至外孫之子杜林爲作訓詁云

又郊祀志時美陽得鼎獻之下有司議多以爲宜薦見宗廟如元鼎時故事張敞好古文

字案鼎銘勒而上議曰臣愚不足以述古文竊以傳記言之此鼎殆周之所以褒顯大臣

大臣子孫刻銘其先功臧之于宮廟鼎細小又有款識不宜薦見于宗廟制曰京兆尹議

是案治左氏者不虛張敞一人治有讀驚者實敞爲之首也

文心雕龍書記篇曰戰國以前君臣同書秦漢立議始有表奏王公國內亦稱奏書張敞

奏書于膠后其義美矣又練字篇曰及宣成二帝徵集小學張敞以正讀傳業揚雄以奇

字纂訓並貫練雅頌總閱音義

唐書經籍藝文志張敞集二卷

嚴氏全漢文編曰張敞有集二卷今存告衆舜教上書諫昌邑王上書自請治膠東勃海

盜賊奏書諫膠東王太后數出游獵詣公車上書上書請令入穀贖罪爲霍氏上封事上

疏諫用方術奏劾黃霸條奏昌邑王居處狀美陽鼎不宜薦見議答兩府入穀贖罪難

問爲膠東相與朱邑書與嚴延年書答宋登遺蟹醬書凡一十五篇

漢諫議大夫王褒集五卷

漢書本傳褒字子淵蜀人也宣帝時益州刺史王襄欲宣風化于衆庶使褒作中和樂職

宣布詩褒旣爲刺史作頌又作其傳上徵褒詔褒爲聖主得賢臣頌其意令褒與張子僑等並待詔數從放獵所幸宮觀褒爲歌頌第

其高下以差賜帛議者多以爲淫靡不急上曰不有博奕者乎爲之猶賢乎已辭賦大者

與古詩同義小者辯麗可喜辟如女工有綺穀音樂有鄭衛今世俗猶皆以此虞悅耳目

辭賦比之尙有仁義風諭鳥獸草木多聞之觀賢于倡優博奕遠矣頃之擢褒爲諫大夫

其後太子體不安苦忽忽善忘不樂詔使褒等皆之太子宮虞侍太子朝夕誦讀奇文及

所自造作疾平復迺歸太子喜褒所爲甘泉及洞簫頌令後宮貴人左右皆誦讀之後方

士言益州有金馬碧雞之寶可祭祀致也宣帝使褒往祀焉于道病死上閱惜之

案樂雜頌佚文蓋死于歸道中

又何武傳宣帝時天下和平四夷賓服神爵五鳳之間婁蒙瑞應而益州刺史王襄使辯

士王褒頌漢德作中和樂職宣布詩三篇武年十四五與成都楊覆衆等共習歌之是時

宣帝循武帝故事求通達茂異士召見武等于宣室上曰此盛德之事吾何足以當之哉

以褒爲待詔師古曰中和者言政教隆平得中和之道也樂職謂百官萬姓樂得其常道也宣布德化周洽徧于四海也

又藝文志王褒賦十六篇

王逸楚辭章句曰九懷者諫議大夫王褒之所作也懷者思也言屈原雖見放逐猶思念

其君憂國傾危而不能忘也褒讀屈原之文追而愍之故作九懷以裨其辭史官錄第遂列于篇案此稱史官錄第者即謂劉中疊錄上楚辭之篇第也

文心雕龍詮賦篇曰子淵洞簫窮變于聲貌又書記篇曰古有鐵券以堅信誓王褒髡奴則券之楮也又才略篇曰王褒構采以密巧為致附聲測貌冷然可觀

唐書經籍藝文志王褒集五卷宋史志同

張溥百三家王諫議集輯本一卷凡賦騷論頌移約文八篇

汪氏文選撰人篇目漢王子淵褒有洞簫賦

聖主得賢臣頌四子講德論

嚴氏全漢文編曰王褒有集五卷今存洞簫賦九懷四子講德論聖主得賢臣頌甘泉宮頌碧雞頌僅約責髡奴辭凡八篇責髡奴辭古文苑以為後漢黃香作

漢諫議大夫劉向集六卷

劉向有洪範五行傳論見經部尚書家

漢書楚元王附傳宣帝循武帝故事招選名儒俊材置左右更生以通達能屬文辭與王褒張子僑等並進對獻賦頌凡數十篇案此即藝文志所載劉向賦三十三篇也成帝即位更生乃復進用更名向數奏封事數上疏言得失陳法戒時上無繼嗣政由王氏災異寢甚向獨謂陳湯曰災異如此而外家日盛其漸必危劉氏遂上封事極諫每召見數言權在外家常譏刺王氏其言多痛切發于至誠年七

十二卒卒後十三歲而王氏代漢

又傳贊曰仲尼稱才難不其然與自孔子後綴文之士衆矣唯孟軻孫況董仲舒司馬遷劉向揚雄此數公者皆博物洽聞通達古今其言有補于世傳曰聖人不出其間必有命世者豈近是乎嗚呼向言山陵之戒于今察之哀哉指明梓柱以推廢興昭矣豈非直諫多聞古之益友與案梓柱者向封事有曰今王氏先

祖墳臺在濟南者其梓柱生枝葉扶蘇上出屋根垂地中雖立石起柳無以過此之明也

又藝文志曰劉向賦三十三篇又六藝略樂家附注曰出淮南劉向等琴頌七篇

七略別錄曰向有芳松枕賦有合賦有麒麟角杖賦有行過江上弋雁賦行弋賦弋雌得雄賦

班固兩都賦序曰大漢初定日不暇給至于武宣之世乃崇禮官考文章內設金馬石渠之署外興樂府協律之事以興廢繼絕潤色鴻業是以衆庶悅豫福應尤盛白麟赤鴈芝房寶鼎之歌薦于郊廟神雀五鳳甘露黃龍之瑞以為年紀故言語侍從之臣若司馬相如虞丘壽王東方朔枚皋王褒劉向之屬朝夕論思日月獻納而公卿大臣御史大夫倪寬太常孔臧太中大夫董仲舒宗正劉德太子太傅蕭望之等時時問作或以抒下情而通諷諭或以宣上德而盡忠孝雍容揄揚著于後嗣抑亦雅頌之亞也故孝成之世論而錄之蓋奏御者千有餘篇而後大漢之文章

炳焉與三代同風案孝成以下云云即劉中疊輯詩賦略之事班氏此序雖不為詩賦略而作而適足以為詩賦略之序此後世樂部之緣起也

王逸楚辭章句曰九歎者護左都水使者光祿大夫劉向之所作也向以博古敏達典校經書辯章舊文追念屈原忠信之節故作九歎也

又楚辭天文篇敘曰昔屈原所作凡二十五篇世相教傳而莫能說天問以其文義不次又多奇怪之事自太史公口論道之多所不逮至于劉向揚雄援引傳記以解說之亦不能詳悉所闕者衆日無聞焉

宋書謝靈運傳論曰屈平宋玉導清源于前賈誼相如振芳塵于後自茲以降情志愈廣王褒劉向揚班崔蔡之徒異軌同奔遞相師祖雖清辭麗曲時發乎篇而蕪音累氣固亦多矣

文心雕龍徵聖篇曰徵之周孔則文有師矣是以子政論文必徵于聖又體性篇曰子政簡易故趣昭而事博又才略篇曰劉向之奏議旨切而調緩又云自卿淵以前多俊才而不課學雄向以後頗引書以助文

唐書經籍藝文志劉向集五卷宋史志同

黃氏日鈔曰楚元王以好學禮賢開國故戊雖以叛誅而辟疆德向皆世濟其美漢之宗英于斯為盛

玉海藝文曰中興書目劉向集五卷集者云晉八卷隋本六卷今所有十八篇案晉八卷者

謂中經簿也

陳氏書錄劉中壘集五卷漢中壘校尉劉向子政撰前四卷封事並見漢書九款見楚辭末請兩華山賦見古文苑

張溥百三家劉子政集輯本一卷凡賦疏上書封事議對頌銘序騷綜二十二篇附以洪範五行傳

嚴氏全漢文編輯本五卷第一卷曰請兩華山賦雅琴賦圍棋賦九款凡四篇第二卷曰使外親上變事條災異封事極諫用外戚封事理甘延壽陳湯疏諫營昌陵疏復上奏災異奏劾甘忠可對成帝甘泉泰時問日食對說成帝定禮樂誠子歆書凡十一篇第三卷曰戰國策管子晏子孫卿書韓非子列子鄧析書關尹子子華子說苑敍錄高祖頌杖銘熏鑪銘五紀說五紀論凡十五篇注云關尹子子華子疑皆是宋人偽託今姑錄之第四卷別錄佚文第五卷新序佚文說苑佚文

梁有漢射聲校尉陳湯集二卷亡

漢書本傳湯字子公山陽瑕丘人也少好書博達善屬文西至長安為太官獻食丞數歲舉茂才復以薦為郎數求使外國久之遷西域副校尉與甘延壽俱出建昭三年矯制發城郭諸國兵斬鄆支單于闐氏太子名王以下千五百一十八級生虜百四十五人降虜千餘人封關內侯拜射聲校尉後奪爵為士伍數歲大將軍王鳳奏以為從事中郎又免為庶人卒王莽秉政追諡湯為破胡壯侯封

湯子馮為破胡侯勳為討狄侯

又劉向傳向雅奇陳湯智謀與相親友

嚴氏全漢文編曰陳湯有集二卷今存上疏自理上封事請徙初陵各一篇

梁有丞相章玄成集二卷亡

漢書章賢傳賢字長孺魯國鄆人也其先章孟家本彭城為楚元王傅傳子夷王及孫王戊戊荒淫不遵道孟作詩風諷後去位徙家于鄆又作在鄆詩一篇孟卒于鄆或曰其子孫好事述先人之志而作是詩也自孟至賢五世賢兼通禮尚書以詩教授號稱鄆魯大儒宣帝時代蔡義為丞相封扶陽侯諡曰節侯少子玄成字少翁以父任為郎常侍騎少好學修父業以明經擢為諫大夫父賢病薨受扶陽侯爵遷太常坐免官又削爵為關內侯玄成自傷貶黜父爵作詩自劾責久之召拜為淮陽中尉受詔與太子太傅蕭望之及五經諸儒雜論同異于石渠閣條奏其對及元帝即位以玄成為少府太子太傅御史大夫永光中代于定國為丞相貶黜十年之間遂繼父相位封侯故國榮當世焉玄成復作詩自著復玷缺之艱難因以戒示子孫為相七年守正持重不及父賢而文采過之建昭三年薨諡曰共侯文心雕龍明詩篇曰漢初四言章孟首唱臣諫之義繼軌周人 玄成二詩亦見本傳

漢諫議大夫谷永集二卷

廟議毀廟遷主議復言罷文昭太后寢祠園凡六篇

漢書本傳永字子雲長安人也少為長安小史後博學經書建昭中御史大夫繁延壽除補屬舉為太常承數上疏言得失擢光祿大夫安定太守涼州刺史北地太守徵入為大司農病卒永于經書汎為疏達與杜欽杜鄴略等不能洽淡如劉向父子及揚雄也其于天官京氏易最密故善言災異前後所上四十餘事略相反覆專攻上身與後宮而已黨于王氏上亦知之不甚親信也本名並以尉氏樊並反更名永云 案本傳不言為諫議大夫官此題諫議大夫似因上文劉向王褒而誤

又游俠樓護傳護字君卿與谷永俱為五侯上客長安號曰谷子雲筆札樓君卿唇舌言其見信用也

王充論衡別通篇曰若董仲舒唐子高谷子雲丁伯玉策既中實文說美善博覽膏腴之所生也又効力篇曰谷子雲唐子高章奏百上筆有餘力極言不諱文不折乏非夫才知之人不能為也

唐書經籍藝文志谷永集五卷

嚴氏全漢文編曰谷永有集二卷今存舉方正對策復言災異復對又對三月雨雪對黑龍見東萊對日食對星隕對又日食對災異對門牡自亡對日蝕上書上疏訟陳湯上疏薦薛宣請賜諡鄭寬中上疏理梁王立受降

議塞河議諫成帝微行說成帝距絕祭祀方術說王音謝王鳳書與王譚書與王音書戒段會宗書凡二十五篇

梁有漢涼州刺史杜鄴集二卷亡

漢書本傳鄴字子夏本魏郡繁陽人也武帝時徙茂陵鄴少孤其母張敞女鄴壯從敞子吉學問得其家書以孝廉爲郎王商爲大司馬除鄴主簿舉侍御史哀帝即位遷爲涼州刺史數年以病免元壽元年舉方正對策未拜病卒鄴言民訛言行籌及谷永言王者買私田彗星隕石牡飛之占語在五行志初鄴從張吉學吉子竦又幼孤從鄴學問亦著于世尤長小學鄴子林清靜好古亦有雅材建武中歷位列卿至大司空其正文字過于鄴竦故世言小學者由杜公案漢末傳小學者張氏杜氏揚雄此三家最著而張敞爲之始焉

唐書經籍藝文志杜鄴集五卷

嚴氏全漢文編杜鄴有集二卷今存舉方正直言對災異對說王音說王商臨終作墓石文凡五篇

梁有漢騎都尉李尋集二卷亡

漢書本傳尋字子長平陵人也治尙書與張孺鄭寬中同師案儒林傳同師平陵張山拊寬中等守師法教授尋獨好洪範災異又學天文月令陰陽哀帝初即位召尋待詔黃門遷侍郎以尋言且有水災故拜尋爲騎都尉使護河隄後以助夏賀良事下吏坐誣罔不道滅死一等徙敦煌郡

又五行志序末有曰是以撤仲舒別向歆傳載睦孟夏侯勝京房谷永李尋之徒所陳行事案傳載當爲傳載顏氏曰傳讀曰附謂附著訖于王莽舉十二世以傳春秋著于篇

嚴氏全漢文編曰李尋有集二卷今存對詔問災異又對問災異塞河議奏記翟方進說王根凡五篇

漢司空師丹集一卷梁三卷錄一卷

漢書本傳丹字仲公琅邪東武人也治詩事匡衡舉孝廉爲郎元帝末爲博士免建始中州舉茂才復補博士成帝末至太子太傅哀帝即位爲左將軍尙書代王莽爲大司馬封高樂侯徙爲大司空書數十上多切直之言免爲庶人廢歸鄉里者數年平帝即位王莽白太皇太后封丹爲義陽侯月餘薨諡曰節侯

唐書經籍藝文志師丹集五卷

嚴氏全漢文編師丹有集三卷今存上書言封丁傅建言限民田奴婢劾奏董宏共皇廟議凡四篇

漢光祿大夫息夫躬集一卷

漢書本傳躬字子微河內河陽人也少爲博士弟子受春秋通覽記書哀帝初即位與長安孫寵俱上書召待詔躬與寵謀告東平王雲及其后日夜祠祭祀詎上欲求非望下有司案驗雲及后皆坐誅擢躬爲光祿大夫左曹給事中是時侍中董賢愛幸上欲侯之遂下詔云躬寵因賢以聞封賢爲高安侯寵方

陽侯躬宜陵侯使護三輔都水免官遣就國以祝盜方事坐祝詛逮繫洛陽詔獄欲掠問躬躬仰天大譁因僱仆吏就問云咽已絕血從鼻耳出食頃死家屬徒合浦初躬待詔數危言高論自恐遭害著絕命辭後數年乃死如其文案其文亦見本傳躬封侯事亦見哀帝本紀及後幸董賢傳

又傳贊曰仲尼惡利口之覆邦家江充造蠱太子殺息夫作姦東平誅皆自小覆大繇疏陷親可不懼哉

唐書經籍藝文志息夫躬集五卷

嚴氏全漢文編息夫躬有集一卷今存上疏詆公卿大臣上言開京渠奏開匈奴烏孫建言厭應變異凡四篇

漢太中大夫揚雄集五卷

揚雄有方言見經部小學家雄答劉歆書曰雄先作縣郎銘王何頌階闕銘及成都城四壘銘蜀人有楊莊者爲郎誦之于成帝成帝好之以爲似相如雄遂以此得外見此數者皆都水君常見故不復奏雄爲郎之歲自奏少不得學而心好沈博絕麗之文願不受三歲之奉且休脫直事之繇得肆心廣意以自克就有詔可不奪奉尙書賜筆墨錢六萬得觀書于石渠如是後一歲作繡補靈節龍骨之銘詩三章成帝好之遂得盡意

劉歆七略曰揚雄賦四篇甘泉賦永始三年待詔臣雄上羽獵賦永始三年十二月上長

楊賦綏和元年上案河東賦永始三年三月七上者七略佚文不具焉

漢書本傳雄博覽無所不見願嘗好辭賦先是蜀有司馬相如作賦甚弘麗溫雅雄心壯之每作賦常擬之以爲式又怪屈原文過相如至不容作離騷投江而死悲其文讀之未嘗不流涕也以爲君子得時則大行不得時則龍蛇遇不遇命也何必滿身哉迺作書往往撫離騷文而反之自嶮山投諸江流以弔屈原名曰反離騷又旁離騷作重一篇名曰廣騷又旁惜誦以下至懷沙一卷名曰畔牢愁孝成帝時客有薦雄文似相如者上方郊祀甘泉泰畤汾陰后土以求繼嗣召雄待詔承明之庭正月從上甘泉還奏甘泉賦以風天子異焉其三月將祭后土還上河東賦以勸其十二月羽獵雄從故聊因校獵賦以風明年上將大誇胡人以多禽獸令胡人手搏之自取其獲上親臨觀焉雄從至射熊館還上長楊賦以風哀帝時雄方草太玄有以自守泊如也或嘲雄而雄解之號曰解嘲客有難玄太深衆人之不好也雄解之號曰解難其意欲求文章成名于後世以爲箴莫善于虞箴作州箴賦莫深于離騷反而廣之辭莫麗于相如作四賦皆斟酌其本相與依放而馳騁去

又藝文志揚雄賦十二篇又篇末附注云入揚雄八篇王氏考證曰蓋七略所載止四賦甘泉河東校獵長楊也

後漢崔瑗敘箴曰昔揚子雲讀春秋傳虞人箴而善之于是作九州及二十五官箴規匡救言君德之所宜斯乃體國之宗也 案漢志儒家揚雄所敘條下注云樂四箴二蓋箴二卷與太玄法言樂箴四種班孟堅之時合而爲帙者

後漢書胡廣傳初揚雄依虞箴作十二州二十五官箴其九箴亡闕 案王氏考證館閣書目二十四箴一卷州箴十二衛尉等箴十二蓋至宋僅存廿四亡其十三篇也

梁沈約注制旨連珠曰竊聞連珠之作始自子雲放易象論動模經語班固謂之命世桓譚以爲絕倫

文心雕龍詮賦篇曰子雲甘泉構深瑋之風銘箴篇云揚雄稽古始範虞箴作卿尹州牧二十五誅碑篇云揚雄之誅元后文實煩穢沙麓撮其要而掣疑成篇注云有敘誤安有累德述尊而闕略四句乎哀弔篇云揚雄弔屈思積功寡意深文略故辭韻沈腿雜文篇云揚雄覃思文閣業深綜述碎文瑣語肇爲連珠其辭雖小而明潤矣又曰揚雄解嘲雜以諧謔迴環自釋頗亦爲工封禪篇云揚雄劇秦影寫長卿詭言遜辭故兼包神怪然骨掣靡密辭貫圓通自稱極思無遺力矣書記篇云子雲之答劉歆志氣槩桓體性篇云子雲沈寂故志隱而味深才略篇云子雲屬意辭人最深觀其涯度幽遠揀選詭麗而竭才以鑽思故能理贍而辭堅矣

唐書經籍藝文志揚雄集五卷宋史志六卷

晁氏讀書志揚雄集三卷古無雄集皇朝譚愈好雄文患其散在諸篇籍離而不屬因綴輯之得四十餘篇案此三卷似五卷之寫誤

陳氏書錄曰揚子雲集五卷漢黃門郎成都揚雄子雲撰大抵皆錄漢書及古文苑所載蓋古本已不存好事者于史傳類書中鈔錄以備一家之作充藏書之數而已又曰二十四箴一卷揚雄撰今廣德軍所刊本校集中無司空尚書博士太常四箴集中所有皆據古文苑而此四箴或云崔駰或云崔子玉疑不能明也

四庫提要曰隋唐志皆載雄集五卷其本久佚宋譚愈始取漢書及古文苑所載四十餘篇仍輯爲五卷已非舊本明萬曆中遂州鄭樸又取雄所撰太玄法言方言書及類書所引蜀王本紀琴清英諸條與諸文賦合編之釐爲六卷而以逸篇之目附卷末即此本也 又汪氏二十名家集張氏百三家集亦各有輯本

汪氏文選撰人篇曰漢揚子雲雄有甘泉賦羽獵賦長楊賦解嘲趙充國頌劇秦美新嚴氏鐵橋漫彙重編揚子雲集敘曰揚子雲集隋唐志皆五卷亡于唐末宋譚愈輯爲三卷或作五卷余未見之明鄭樸補輯爲六卷即四庫所收也余又重編爲四卷凡六十一篇卷視隋唐差少篇視鄭樸增多拾遺訂誤皆注明出處以便覆查疑者闕之漢志著錄賦十二篇今得蜀都甘泉河東羽獵長楊殿靈太玄逐貧酒反騷十篇其廣騷畔牢愁僅

見篇名似即反騷之子目據許氏說文引解嘲響若氏隴謂之賦則視漢志亡其一篇案子雲自敘言旁離騷作重一篇曰廣騷旁借謂以下至懷沙一卷曰畔牢愁則明明為二篇與反騷為三篇嚴氏全漢文編以此二篇數在十二篇之內是十二篇之目已全文編之言是也此所云云蓋駁文而失于刊正者 後漢胡廣傳稱十二州箴二十五官箴其九篇亡闕今除初學記之潤州箴御覽之河南尹箴誤入不錄外得整篇二十八如後漢原數案此已較宋二十四篇為完善 又五篇有缺文四篇亡知所謂亡闕者有亡有闕非九篇俱亡之謂蜀都賦為集中鉅製校讎再四從順良難連珠及琴清英皆不全覈靈賦與桓譚書為益州刺史作節度章段疇零存崖略將欲復隋唐本之舊斷斷不能視鄭樸本則後來者居上矣繕寫而為之敍錄曰自古言儒術者曰孟荀曰荀揚而桓譚陸績推揚為聖人未免過當要是荀子後第一人宋儒以劇秦美新為詢病大書莽大夫春秋責備賢者于世教有功固非鮮淺然而革除之際實難言之漢承秦賈生過秦千古名論新承漢子雲不劇漢而劇秦有微詞焉亦非苟作後儒學問文章會不及子雲千一其于仕莽悲其遇焉可也又白編四錄堂類集總目揚子雲集四卷可均校編

漢太中大夫劉歆集五卷

劉歆有爾雅注見經部論語家

漢書劉向傳向三子少子歆最知名父子俱

好古博見彊志過絕于人及歆親近欲建立左氏春秋及毛詩逸禮古文尚書皆列于學官哀帝令歆與五經博士講論其義諸博士或不肯置對歆因移書太常博士責讓之其言甚切諸儒皆怨恨 案儒林傳五官中郎將房鳳光祿勳王龔奉車都尉劉歆三人共移書 又王莽傳平帝時莽為大司馬以劉歆典文章

古文苑遂初賦序曰遂初賦者劉歆所作也歆少通詩書能屬文成帝召為黃門侍郎中壘校尉侍中奉車都尉光祿大夫歆好左氏春秋欲立于學官時諸儒不聽歆乃移書太常博士責讓深切為朝廷大臣非疾求出補吏為河內太守又以宗室不宜典三河徒五原太守是時朝政已多失矣歆以論議見排擯志意不得之官經歷故晉之域感今思古遂作斯賦以歎征事而寄己意 亦見藝文類聚案此文章敘錄之文也不知出誰氏

傅子曰或問劉歆劉向孰賢傅子曰向才學俗而志忠歆才學通而行邪詩之雅頌書之典謨文質足以相副玩之若近尋之益遠陳之若肆研之若隱浩浩乎其文章之淵府也文心雕龍檄移篇曰劉歆之移太常辭剛而義辨文移之首也又議對篇曰如吾邱之駁挾弓劉歆之辨祖宗雖質文不同得事要矣又事類篇曰揚雄百官箴頗酌于詩書劉歆遂初賦歷敘于紀傳又章句篇曰若乃改韻易調所以簡文辭氣貫誼枚乘兩韻輒易劉歆桓譚百句不遷亦各有其志也

唐書經籍藝文志劉歆集五卷 張氏百三家劉子駿集輯本一卷凡賦書議各三篇奏說論各一篇附洪範五行傳佚文汪氏文選撰人篇目漢劉子駿歆有移書讓太常博士

嚴氏全漢文編輯本二卷第一卷曰遂初賦甘泉宮賦燈賦上山海經表孝武廟不毀議惠景及太上皇寢園議功顯君喪服議移太常博士書答文學與揚雄書從取方言新序論斛銘凡十二篇第二卷曰三統曆說七略佚文鍾律書佚文凡三篇 漢成帝班婕妤好集一卷

漢書外戚傳孝成班婕妤帝初即位選入後宮始為少使蛾而大幸為婕妤居增成舍再就館有男數月失之成帝游于後庭嘗欲與婕妤同輦載婕妤辭曰觀古圖畫賢聖之君皆有名臣在側三代末主迺有嬖女今欲同輦得毋近似之乎上善其言而止太后聞之喜曰古有樊姬今有班婕妤其後失寵求其養太后長信宮上許焉婕妤退處東宮作賦自傷悼至成帝崩婕妤充奉園陵薨因葬園中 又成帝本紀贊曰臣之姑充後宮為婕妤晉灼曰班彪之姑也續列女傳曰左曹越騎校尉班况之女

鍾嶸詩品曰逮漢李陵始著五言之目自王揚枚馬之徒辭賦競爽而吟詠靡聞從李都尉迄班婕妤百年間有婦人焉一人而已詩

人之風頓已缺喪又曰漢婕妤班姬詩其源出于李陵團扇短章辭旨清捷怨深文綺得匹婦之致侏儒一節可以知其工矣

文心雕龍明詩篇曰至成帝品錄三百餘篇朝章國采亦云周備而辭人遺翰莫見五言所以李陵班婕妤見疑于後代也案成帝品錄三百餘篇者藝文志歌詩二十八家三百一十四篇其中無五言詩故後世疑李班之詩或非本原

唐吳兢樂府古題要解曰婕妤怨者為漢成帝班婕妤作也婕妤徐令彪之姑况之女美而能文初為帝所寵愛後幸趙飛燕姊姊冠于後宮婕妤自知恩薄懼得罪求供養皇太后于長信宮因為賦及執扇詩以自傷後人傷之為婕妤怨及擬其詩

汪氏文選撰人篇目漢班婕妤有怨歌行嚴氏全漢文編班婕妤有集一卷今存自悼賦擣素賦報諸姪書凡三篇

梁有班昭集三卷亡

班昭即曹大家有列女傳注見史部雜傳家後漢書列女傳昭博學高才和帝數召入宮令皇后諸貴人師事焉號曰大家每有貢獻異物輒詔大家作賦頌又曰所著賦頌銘誄問注哀辭書論上疏遺令凡十六篇子婦丁氏為撰集之又作大家讚焉

唐書經籍藝文志曹大家集二卷舊志別列類之末新志列唐人之前

汪氏文選撰人篇目後漢曹大家班昭有東征賦

嚴氏後漢文編輯本有東征賦賦縷賦大雀賦蟬賦為兄超求代疏上鄧太后疏歌器頌女誡凡八篇

案曹大家實後漢人列之于此者或七錄以二班同出一家故變例附其祖姑之次歟

梁有王莽建新大尹崔篆集一卷亡

後漢書崔駰傳駰涿郡安平人也高祖父朝昭帝時侍御史生子舒歷四郡太守舒小子篆王莽時為郡文學以明經徵詣公車太保甄豐舉為步兵校尉投劾歸莽嫌諸不附己者多以法中傷之時篆兄發以佞巧幸于莽位至大司空母師氏能通經學百家之言莽寵以殊禮賜號義成夫人金印紫綬文軒丹轂顯于新世後以篆為建新大尹篆不得已乃歎曰吾生無妄之世值澆弊之君上有老母下有兄弟安得獨潔己而危所生哉遂單車到官後稱疾去建武初朝廷多薦言之者幽州刺史又舉篆賢良篆自以宗門受莽偽寵慚愧漢朝遂辭歸不仕客居滎陽閉門潛思著周易林六十四篇用決吉凶多所占驗臨終作賦以自悼名慰志篆生毅隱身不仕毅生駰與班固傳毅同時齊名云

又傳注曰莽改千乘郡曰建新守曰大尹

唐書經籍藝文志崔篆集一卷

嚴氏全漢文編崔篆有集一卷後漢書崔駰傳載慰志賦一篇

梁有保成師友唐林集一卷亡

漢書鮑宣附傳自成帝至王莽時清名之士沛郡則唐林子高唐尊伯高皆以明經飭行顯名于世兩唐皆仕王莽封侯貴重歷公卿位唐林數上疏諫正有忠直節

又王莽傳始建國三年為太子置師友各四人以故尚書令唐林為胥附天鳳四年五月莽曰保成師友祭酒唐林孝弟忠恕敬上愛下博通舊聞德行醇備至于黃髮靡有愆失其封林為建德侯位特進見禮如三公賜第一區錢三百萬授凡杖焉

論衡超奇篇曰觀谷永之陳說唐林之宜言劉向之切議以知為本筆墨之文將而送之豈徒彫文飾辭句為華葉之言哉精誠由中故其文語感動人深又効力篇曰谷子雲唐子高章奏百上筆有餘力

玉海藝文類中與書目曰漢名臣奏二卷其一卷唐林在新莽時奏凡十篇

嚴氏全漢文編唐林有集一卷今存上哀帝疏請復師丹爵邑又奏事凡二篇

梁有中謁者史岑集二卷亡

後漢書文苑王隆附傳初王莽末沛國史岑子孝亦以文章顯莽以為謁者著頌誄復神說疾凡四篇

又傳注曰岑一字孝山著出師頌文選出師頌注云漢有二史岑字孝山者當和潔之際字子孝者仕莽末章懷此注誤為一人又案班彪傳注云好事者謂揚雄劉歆陽城衛籍少孫史孝山之徒也此史孝山亦當為史子孝章懷誤兩人為一人前後凡兩見

博物志元始元年中謁者沛郡史岑上書訟

王宏奪董賢璽綬之功案王宏即王閔王莽叔父

平阿侯譚之子略見漢書元后傳又見東觀漢記范書張

步傳王氏之良也

史通正史篇史記所書年止漢武其後劉向

向子歆及諸好事者若揚雄史岑等相次撰

續迄于哀平間猶名史記案此則史岑于漢末嘗

續太史公書史通史官篇云司馬遷既沒後之續史記者

若褚先生劉向馮商揚雄之徒並以別職來知史務是王

莽時嘗為史官劉歆所典領也

唐書經籍志後漢史岑集二卷藝文志同

右楚漢人文迄王莽凡楚二家漢十五家

附注梁有十一家王莽時三家又比附後

漢班昭一家綜三十二家是為別集類分

篇第一

隋書經籍志考證卷三十九之二

集部二之二

別集類二後漢

梁有後漢東平王蒼集五卷亡

後漢書光武十王傳光烈皇后生顯宗東平

憲王蒼蒼建武十五年封東平公十七年進

爵為王少好經書雅有智思顯宗甚愛重之

及即位拜為驃騎將軍置長史掾史員四十

人位在三公上是時中興三十餘年四方無

虞蒼以天下化平宜修禮樂乃與公卿共議

定南北郊冠冕車服制度及光武廟登歌八

佾舞數語在禮樂輿服志注云其志今亡蓋謂范

氏之志也 在朝數載自以至親輔政聲望日

重意不自安上疏歸職帝優詔不聽其後數

陳乞辭甚懇切五年乃許還國而不聽上將

軍印綬以驃騎長史為東平太傅掾為中大

夫令史為王家郎十五年行幸東平帝以所

作光武本紀示蒼蒼因上光武受命中興頌

帝甚善之以其文典雅特令校書郎賈逵為

之訓詁肅宗即位尊重禮踰于前世諸王

莫與為比朝廷每有疑政輒驛使諮問蒼悉

心以對皆見納用建初八年正月薨詔告中

傅封上蒼自建武以來章奏及所作書記賦

頌七言別字歌詩並集覽焉立四十五年子

懷王忠嗣傳國至魏受禪以為崇德侯

南齊書樂志永平三年東平王蒼造光武廟

登歌一章二十六句其辭稱述功德

本志經部異說篇敘曰起王莽好符命光武

以圖讖興遂盛行于世漢時又詔東平王蒼

正五經章句皆命從讖俗儒趨時益為其學

篇卷第目轉加增廣言五經者皆憑讖為說

案范書樂備傳永平元年拜長水校尉與公卿雜定郊祀

禮儀以讖記正五經異說蓋即東平王在朝議修禮樂之

時時并詔東平定五經章句樊儵與其事而本傳略之也

北堂書鈔卷七十引劉蒼集序曰體長大美

鬚眉又引東平王集曰言出為論下筆成章

唐書經籍志漢東平王集二卷

唐書藝文志東平王蒼集二卷

明馮氏詩紀輯存武德舞歌詩一篇

嚴氏全後漢文編東平王有集五卷今見于

本傳吳良傳東觀記續漢志袁紀通典諸書

有疏議上書上言凡九篇

案漢藝文志小學家有別字十三篇東平

王所作別字蓋即其類崑山顧氏元和惠

氏言別字之義甚詳已備著于漢志條理

中文繁不錄

梁有後漢桓譚集五卷亡

桓譚有新論見子部儒家

新論道賦篇佚文曰余少時好離騷博觀他

書輒欲反學又曰余少好文見揚子雲工為

賦頌欲從之學子雲曰能讀千賦則善為之

矣又云諺曰侏儒見一節而長短可知孔子

言舉一隅足以三隅反觀吾小時二賦亦足

以揆其能否又曰余少時為奉車郎從孝成

帝出祠甘泉河東見部先置華陰靈宮宮

武帝所造欲以懷集仙者王喬赤松子故名

殿曰存仙端門南向山署曰望仙門余居此焉竊有樂高眇之志卽書壁爲小賦以頌二仙之行

後漢書本傳譚博學多通能文章尤好古學數從劉歆揚雄辯析疑異傅皇后父孔鄉侯晏深善于譚譚說以脩己正家避禍之道故傅氏終全于哀帝之時及董賢爲大司馬聞譚名欲與之交譚先奏書于賢說以輔國保身之術賢不能用遂不與通著書言當世行事曰新論琴道一篇未成肅宗使班固續成之所著賦誄書奏凡二十六篇元和中肅宗行東巡狩至沛使使者祠譚冢鄉里以爲榮文心雕龍才略篇曰桓譚著論富號猗頓宋弘稱薦爰比相如而集靈諸賦編淺無才故知長于諷論不及麗文也

唐書經籍志後漢桓譚集二卷藝文志同

嚴氏全後漢文編桓譚有集五卷本傳有陳時政疏抑讖重賞疏各一篇北堂書鈔藝文類聚有仙賦并序一篇文選注有上便宜陳便宜啓事答揚雄書各一條

後漢司隸從事馮衍集五卷

後漢書本傳衍字敬通京兆杜陵人也祖野王元帝時大鴻臚衍幼有奇才年九歲能誦詩至二十而博通羣書王莽時諸公多薦舉之者衍辭不肯仕時天下兵起莽遣更始將軍廉丹討伐山東丹辟衍爲掾丹與赤眉戰死衍乃亡命河東更始遣尙書僕射鮑永行大將軍事安集北方以衍爲立漢將軍領狼

猛長屯太原後審知更始歿乃與永罷兵幅巾降于河內帝怨衍等不時至永以立功得贖罪遂任用之而衍獨見黜頃之以爲曲陽令後爲司隸從事數爲人讒毀得罪西歸故郡閉門自保不敢復與親故通建武末上書自陳猶以前過不用衍不得志退而作賦自厲名其篇曰顯志顯志者言光明風化之情昭章玄妙之思也顯宗卽位又多短衍以文過其實遂廢于家衍娶北地女任氏悍忌不得畜媵妾兒女常自操井臼老竟逐之遂培塿于時居貧年老卒于家所著賦誄銘說問交德語慎情書記說自序官錄說策五十篇肅宗甚重其文

又傳注曰衍集有與新陽侯陰就書又與陰就書與婦弟任武達書與宣孟書有問交一篇慎情一篇又曰衍集見有二十八篇

文心雕龍才略篇敬通雅好辭說而坎壈盛世顯志自序亦蚌病成珠矣又銘箴篇曰至如敬通雜器準履戒銘而事非其物繁略遠中又論說篇曰敬通之說鮑鄧事緩而文繁所以歷聘而罕遇也

史通正史篇史記所書年止漢武太初已後闕而不錄其後劉向子歆及諸好事者若馮商衛衡揚雄史岑梁審肆仁晉馮段肅金丹馮衍韋融蕭奮劉恂等相次撰續迄于哀平間猶名史記至建武中司徒掾班彪以爲其言鄙俗不足以踵前史案此殆指好事者以下諸人而言非一概斥爲鄙俗也 又雄歆褒美僞新

誤後惑衆不當垂之後代者也 案此則馮衍亦嘗修史續太史公書本傳不載其事元和惠棟後漢書補注亦無述焉班彪之時前代修史諸人尙有衍及晉馮段肅三人晉段二人至明帝永平之初彪子固猶奏記于東平王蒼見固傳段肅又注穀梁傳與劉向同經見經部春秋家 又班彪集輯本有與金昭卿書疑卽金丹字

唐書經籍藝文志馮衍集五卷

張氏百三家集馮敬通曲陽集輯本一卷凡賦疏奏記牋書論銘一十七篇

元和惠棟後漢書補注潛夫論曰衍篤學重義諸儒號曰德行雍雍馮敬通北堂書鈔九十八引馮敬通自序文選注引德語任昉文章緣起曰誥漢司隸從事馮衍作

嚴氏全後漢文編馮衍有集五卷今見于本傳傳注及袁紀選注初學記類聚御覽有賦上疏上書說書德語銘凡二十七篇編爲一卷

案馮衍傳建武末上疏自陳有曰昔在更始太原執財貨之柄居倉卒之間據位食祿二十餘年而財產歲狹居處日貧又顯志賦自序亦云歷位食祿二十餘年又傳末述其自言云衍少事名賢經歷顯位懷金垂紫揭節奉使凡此所云歸降之後末見斯事似皆在建武之前知其當哀平王莽之時嘗與劉歆同事修史或亦爲國師公官屬其後出守太原所謂少事名賢經歷顯位者殆以此其謂更始太原二十餘年者蓋并王莽時言之不然更始至建武

不過二三年間事安得有二十餘年乎而范書皆不載其事反謂王莽時諸公多薦舉行辭不肯仕自相矛盾欲蓋彌彰矣今并識其疑異于此

後漢徐合班彪集二卷梁五卷

後漢書本傳彪字叔皮扶風安陵人也祖況

成帝時越騎校尉父稚哀帝時廣平太守彪性沈重好古年二十餘更始敗三輔大亂時隗囂擁衆天水彪乃避難從之囂問彪從橫之事彪疾囂言又傷時方艱乃著王命論以為漢德承堯有靈命之符王者興非詐力所致欲以威之而囂終不寤遂避地河河西河西大將軍竇融以為從事深敬待之接以師友之道彪乃為融畫策事漢總河西以拒隗囂及融徵還京師光武問曰所上章奏誰與參之融對皆從事班彪所為帝雅聞彪名因召入見舉司隸茂才拜徐令以病免後數應三公之命輒去彪既才高而好述作遂專心史籍之間乃繼采前史遺事傍貫異聞作後傳數十篇因斟酌前史譏正得失而略論之後辟司徒王況府王音肅 察廉為望都長建武三十年年五十二卒官所著賦論書記奏事合九篇二子固超

文心雕龍才略篇曰二班兩劉奕葉繼采舊說以為固文優彪歆學精向然王命清辨新序該練瑋壁產于崑岡亦難得而踰本矣又哀弔篇曰自賈誼浮湘發憤弔屈首出之作也班彪蔡邕並敏于致語然影附賈氏難為並驅耳

唐書經籍志班彪集二卷藝文志三卷

文選經籍考夾漈鄭氏曰善學司馬遷者莫如班彪彪續遷書自武昭至于後漢其書不可得而見所可見者元成二帝贊耳皆于本紀之外別紀所聞可謂深入太史公之奧闢矣 案叔皮論贊今可見者尚有章賢龍方進元后三傳不盡如鄭氏所指二篇

汪氏文選撰人篇目曰後漢班叔皮彪有北征賦王命論

嚴氏全後漢文編曰班彪有集五卷今諸書所引有覽海賦北征賦冀州賦悼騷復護羌校尉疏上言宜復置烏桓校尉上言宜選東宮及諸王國官屬奏事上事奏議答北匈奴與京兆丞郭季通書與金昭卿書王命論史記論凡一十四篇

案史言竇融所上章奏皆班彪所為然則

融傳及袁宏紀所載上書歸誠上書請征隗囂與隗囂書並在河西時事大抵皆叔皮之辭

又案漢書藝文志春秋家章昭注曰馮商受詔續太史公十餘篇在班彪別錄案班彪別錄本傳及他傳記罕見記述惟章氏

得見之疑即叔皮所集諸家之史稿馮商為其中之一此外如史通所舉劉向以下十四家又褚少孫一家凡十六家所脩所續之史胥在其間歟此雖非其自撰亦絕大手筆且泯沒無聞久矣因并附記于此

本傳言不足顯繼前書史通言雖欲褒美偽新皆據此別錄故有是斷語

梁又有司徒掾陳元集一卷

後漢書本傳元字長孫蒼梧廣信人也父欽習左氏春秋王莽從欽受左氏學以欽為厭難將軍元少傳父業為之訓誥以父任為郎案此為王莽時後其父為莽僞令自殺 建武初元與桓譚杜林鄭興俱為學者所宗時議欲立左氏傳博士范升奏以為左氏淺末不宜立元聞之乃詣闕上疏疏奏下其議范升復與元相辨難凡十餘上皇帝卒立左氏學太常選博士四人元為第一帝以元新忿爭乃用其次司隸從事李封于是諸儒以左氏之立論議謹譁自公卿以下數廷爭之會封卒左氏復廢元以才高著名辟司空李通府通罷復辟司徒歐陽歆府歆當世便事郊廟之禮帝不能用以病去年老卒于家子堅卿有文章又儒林歐陽歆傳歆封為夜侯坐事下獄死獄中歆掾陳元上書追訟之言甚切至帝乃賜棺木贈印綬賻練二千匹子復嗣

嚴氏全後漢文編陳元有集一卷本傳有上疏難范升奏左氏不宜立博士上疏駁江馮奏司隸督察三公議各一篇

案蜀志尹默傳默專精左氏春秋自劉歆條例鄭衆父子賈逵陳元方注說成略誦述此方字史衍文卽謂此陳元也元方穎川陳紀之字遠在其後釋文錄錄春秋家亦誤衍方字

梁又有王隆集二卷亡

後漢書文苑傳王隆字文山馮翊雲陽人也王莽時以父任爲郎後避難河西爲竇融左護軍建武中爲新汲令能文章所著詩賦銘書凡二十六篇

續漢書百官志序曰故新汲令王隆作小學漢官篇劉昭注案胡廣注隆此篇曰願見故新汲令王文山小學爲漢官篇略道公卿內外之職旁及四夷博物條暢多所發明足以知舊制儀品是以聊集所宜爲作詁解孫氏平津館輯本序云漢官篇仿凡將急就四字一句故在小學中

唐書經籍藝文志王文山集二卷

惠氏後漢書補注曰案胡廣漢官解詁序言王文山小學漢官篇多所發明而本傳不載案王文山無他著述漢官篇當在本集然本傳載其集惟詩賦銘書四類則又似集外別行者

梁又有雲陽令朱勃集二卷亡

後漢書馬援傳援同郡朱勃字叔陽年十二能誦詩書常候援兄況勃衣方領能矩步辭言嫻雅援裁知書見之自失况知其意乃自酌酒慰援曰朱勃小器速成智盡此耳卒當

從汝稟學勿畏也朱勃未二十右扶風請試守渭城宰及援爲將軍封侯而勃位不過縣令援後雖貴常待以舊恩而卑侮之勃愈身自親及援遇讒唯勃能終焉肅宗卽位追賜勃子氣二千斛

東觀漢記曰朱勃扶風平陵人章帝下詔曰告平陵令丞縣人故雲陽令朱勃建武中以伏波將軍爵士不傳上書陳狀不顧罪戾懷旌善之志有烈士之風其以縣見穀二千石賜勃子若孫勿令遠詣闕謝

唐書經籍藝文志朱勃集二卷

嚴氏全後漢文編朱勃有集二卷今見袁紀載勃詣闕上書理馬援一篇亦見援傳

梁又有後漢處士梁鴻集二卷亡

後漢書逸民傳梁鴻字伯鸞扶風平陵人也父讓王莽時爲城門校尉封脩遠伯使奉少昊後寓于北地而卒鴻受業太學家貧而尚節介博覽無不通而不爲章句學畢歸鄉里勢家慕其高節多欲女之鴻並絕不娶同縣孟氏有女狀肥醜而黑力舉石臼擇對不嫁至年三十父母問其故女曰欲得賢如梁伯鸞者鴻聞而聘之及嫁七日乃更爲椎髻著布衣操作而前鴻大喜曰此真梁鴻妻也能奉我矣字之曰德曜名孟光共入霸陵山中以耕織爲業詠詩書彈琴以自娛仰慕前世高士而爲四皓以來二十四人作頌因東出關過京師作五噫之歌肅宗聞而非之求鴻不得乃易姓運期名燿字侯光與妻子居齊

魯之間有頃又去適吳將行作詩至吳依大家皋伯通居廡下爲人賃舂每歸妻爲具食不敢于鴻前仰視舉案齊眉伯通察而異之曰彼傭能使其妻敬之如此非凡人也乃方舍之于家鴻潛閉著書十餘篇及卒伯通等爲求葬地葬之于要離冢傍妻子歸扶風初鴻友人京兆高恢隱于華陰山中及鴻東游思恢作詩二人遂不復相見云傳注引高士傳曰恢字伯通與卓伯通音字相同故鴻依之其詩云鳥嚙喫兮友之期念高子兮僕懷思想念恢兮爰集茲情見乎

唐書經籍藝文志梁鴻集二卷

馮氏詩紀輯存五噫歌適吳詩思友詩惠氏後漢書補注東觀記曰鴻少孤以童幼詣太學受業治禮詩春秋耕耘織作以供衣食彈琴誦書以娛其志嘗閉門吟咏書記遂潛思著書十餘篇

又曰鴻所作頌今不傳惟李善文選十九卷引梁鴻安邱嚴平頌此其一也

嚴氏全後漢文編曰安邱嚴平頌蓋頌安邱望之嚴君平二人也皇甫謐高士傳序云梁鴻頌逸民卽此見雪賦注補亡詩注

後漢車騎從事杜篤集一卷

後漢書文苑傳杜篤字季雅京兆杜陵人也高祖延年宣帝時御史大夫篤少博學不修小節居美陽與美陽令游數從請託不諧頗相恨令怨收篤送京師會大司馬吳漢薨光武詔諸儒誅之篤于獄中爲誄辭最高帝美

之賜帛免刑篤以關中表裏山河先帝舊京不宜改營洛邑乃上奏論都賦後仕郡文學掾以目疾二十餘年不闕京師女弟適扶風馬氏建初三年車騎將軍馬防擊西羌請篤為從事中郎戰沒于射姑山所著賦誄弔書贊七言女誡及雜文凡十八篇又著明世論十五篇馬防傳云防賓客奔漢四方學至京兆杜篤之徒數百人常為食客居門下

文心雕龍才略篇曰杜篤賈逵亦有聲于文跡其為才崔博之末流也又誄碑篇曰杜篤之誄有譽前代吳誄雖工而他篇頗疏豈以見稱光武而改盼千金哉

唐書經籍藝文志杜篤集五卷
嚴氏全後漢文編杜篤有集一卷今存祇禋賦首陽山賦論都賦書摛賦衆瑞賦衆瑞頌通邊論展武論連珠迎鍾文禱祝吳漢誄弔比干文凡十四篇又曰篤有明世論十五篇通邊論展武論即十五篇之二
後漢車騎司馬傅毅集二卷梁五卷

後漢書文苑傳傅毅字武仲扶風茂陵人也少博學永平中于平陵習章句因作迪志詩以顯宗求賢不篤士多隱處故作七激以為諷建初中肅宗博召文學之士以毅為蘭臺令史拜郎中與班固賈逵共典校書毅追美孝明皇帝功德最盛而廟頌未立乃依清廟作顯宗頌十篇奏之由是文雅顯于朝廷車騎將軍馬防外戚尊重請毅為軍司馬及馬氏敗免官歸永元元年車騎將軍竇憲復請

毅為主記室崔駰為主簿及憲遷大將軍復以毅為司馬班固為中護軍憲府文章之盛冠于當世毅早卒著詩賦誄頌祝文七激連珠凡二十八篇

文章流別傳曰傅毅顯宗頌文與周頌相似而難以風雅之意

文心雕龍明詩篇曰古詩佳麗或稱枚叔其孤竹一篇則傅毅之詞黃叔琳曰謂古詩十九首丹冉孤生竹篇也又雜文篇曰傅毅七激會清要之工又頌贊篇曰至于班傅之北征西巡變為序引豈不褒過而謬體哉又誄碑篇曰傅毅所製文體倫序至于序述哀情則觸類而長毅之誄北海云白日幽光雲霧杳冥始序致感遂為後式景而效者彌取于工矣

唐書經籍藝文志傅毅集五卷
馮氏詩紀輯存迪志詩一篇

汪氏文選撰人篇曰後漢傅武仲毅有舞賦嚴氏全後漢文編傅毅有集五卷今諸書所引有洛都賦反都賦舞賦雅琴賦扇賦與荆文委書七激顯宗頌寶將軍北征頌西征頌扇銘明帝誄北海王誄凡一十三篇

案本志總集篇又有神雀賦一卷後漢傅毅撰似合諸家神雀頌為一編詳見本條

後漢大將軍護軍司馬班固集十七卷
班固有太甲篇在昔篇漢書見經部小學史部正史類

漢書敘傳曰彪有子曰固弱冠而孤作幽通之賦以致命遂志李善曰幽通謂與神遇也

後漢書班彪傳彪二子固超固九歲能屬文誦詩賦及長博貫載籍九流百家之言無不窮究所學無常師不為章句舉大義而已永平初東平王蒼以至戚為驃騎將軍輔政開東閣延英雄時固始弱冠奏記說蒼薦故司空掾桓梁京兆祭酒晉馮扶風掾李育京兆督郵郭基涼州從事王雍弘農功曹史殷肅注云固集殷作殷六人蒼納之自為郎後遂見親近時京師脩起宮室濬繕城隍而關中耆老猶望朝廷西顧固感前世相如壽王東方之徒造構文辭終以諷勸乃上兩都賦盛稱洛邑制度之美以折西賓淫侈之論及肅宗雅好文章固愈得幸數入讀書禁中或連日繼夜每行巡狩輒獻上賦頌朝廷有大議使難問公卿辯論于前賞賜恩寵甚渥固自以二世才術位不過郎感東方朔揚雄自論以不遭蘇張范蔡之時作賓戲以自通焉後遷玄武司馬天子會諸儒講論五經作白虎通德論令固撰集其事又作典引篇述敘漢德又曰所著典引賓戲應讓詩賦銘誄頌書文記論議六言在者凡四十一篇 又王逸離騷序

曰班固賈逵各作離騷章句

文章流別傳曰昔班固為安豐戴侯頌與魯頌體意相類案寶融封安豐侯

鍾嶸詩品曰自王揚枚馬之徒詞賦競爽而吟咏靡聞詩人之風頓已缺喪東京二百載中惟有班固詠史質木無文又曰孟堅才流而老于掌故觀其詠史有感歎之詞

文心雕龍詮賦篇曰孟堅兩郡明約以雅贍又祝盟篇曰班固之祀濠山祈禱之誠敬也銘箴篇曰若班固燕然之勒序亦盛矣雜文篇曰班固賓戲含懿采之華

史通申左篇班固集有難左氏九條三評等科

本志總集篇梁有項氏注幽通賦一卷又曰梁有班固典引一卷蔡邕注

唐日本國見在書目班固集十二卷

唐書經籍志班固集十卷又總集類幽通賦一卷班固撰曹大家注

唐書藝文志班固集十卷又總集類曹大家注班固幽通賦一卷

馮氏詩紀輯存詩歌七篇

張氏百三家集班蘭臺集輯本一卷凡賦表奏記牋書議符命設難頌銘論哀辭連珠文詩二十九篇

汪氏文選撰人篇目後漢班孟堅固有兩都賦幽通賦答賓戲典引公孫弘傳贊漢書述高紀述成紀述韓彭等傳封燕然山銘述高紀等三篇即漢書敘傳中篇目文選分類標目謂之史述贊實非贊也其云贊者以范書論贊之例例之耳然班書既云傳贊不得又云述贊

嚴氏全後漢文編輯本三卷凡賦頌詩歌疏議箋奏記書論序連珠銘典引弈旨哀辭祝文凡三十二篇附班超遺文五篇班勇遺文四篇

梁有魏郡太守黃香集二卷亡

後漢書文苑傳黃香字文彊江夏安陸人也

年九歲失母思慕憔悴殆不免喪鄉人稱其至孝年十二太守劉護召署門下孝子博學經典究精道術能文章京師號曰天下無雙

江夏黃童初除郎中肅宗詔香詣東觀讀所未嘗見書後召詣安福殿言政事拜尚書郎

數陳得失累遷左丞尚書令延光元年遷魏郡太守後坐水潦事免數月卒于家所著賦

牋奏書令凡五篇

文心雕龍書記篇曰黃香奏牋于江夏亦肅恭之遺式矣

唐書經籍藝文志黃香集二卷

嚴氏全後漢文編黃香有集二卷今見本傳諸書者有九宮賦讓東郡太守疏留為尚書

令上疏樂成王萇罪議天子冠頌屏風銘凡六篇案頌銘在本傳所載賦讓奏書令之外罪議或在奏之內凡此岐異莫得而詳矣

又前漢王褒輯文內云賈聲奴辭古文苑以為黃香作今案本傳亦不相屬而王褒有儻約實相近故嚴氏不从文苑也

後漢長岑長崔駰集十卷

後漢書本傳駰字亭伯涿郡安平人也年十三能通詩易春秋博學有偉才盡通古今訓詁百家之言善屬文少游太學與班固傳毅

同時齊名常以典籍為業未遑仕進之事時人或譏其太玄靜將以後名失實駰擬揚雄

解嘲作達旨以答焉元和中肅宗始脩古禮巡狩方岳駰上四巡頌以稱漢德辭甚典美後侍中竇憲以為上客竇太后臨朝憲以重

戚出納詔命駰獻書誠之及憲為車騎將軍辟駰為掾憲擅權驕恣駰數諫之及出擊匈奴道路愈多不法駰為主簿前後奏記數十

指切長短憲不能容因察駰高第出為長岑長駰自以遠去不得意遂不之官而歸永元

四年卒于家所著詩賦銘頌書記表七依婚禮結言達旨酒警合二十一篇

文心雕龍銘箴篇曰崔駰品物贊多戒少又雜文篇曰崔駰達旨吐典言之裁又曰崔駰

七依入博雅之巧又才略篇曰傅毅崔駰光采比肩

唐書經籍藝文志崔駰集十卷

馮氏詩紀輯存安豐侯詩

張氏百三家集崔亭伯集輯本一卷凡賦著述書箴箴銘頌議論七雜文詩三十五篇

惠氏後漢書補注曰鄭仲師有婚禮謁文駰因之作婚禮結言蓋納徵問名之辭也

嚴氏全後漢文編輯本一卷凡賦論議奏記箋書達旨博徒論明帝頌四巡頌七依箴銘婚禮結言綜四十篇

常熟曾樸補後漢書藝文志曰北堂書鈔一百二十三引刀劍韜銘嚴氏失采又書鈔九十七有三言詩

後漢侍中賈逵集一卷梁二卷

賈逵有毛詩議難見經部詩家

後漢書本傳顯宗時有神雀集宮殿官府冠羽有五采色帝異之以問臨邑侯劉復復不能對薦遠博物多識帝乃召見遠問之對曰

昔武王終父之業鸞在岐宣帝威懷戎狄神雀仍集此胡降之徵也帝勅蘭臺給筆札使作神雀頌拜為郎與班固並校祕書應對左右肅宗立降意儒術詔逵入講北宮白虎觀南宮雲臺又曰逵所著經傳義詁及論難百餘萬言又作詩頌誄書連珠酒令凡九篇學者宗之後世稱為通儒又東平王蒼傳蒼上光武受命與頌帝甚善之以其文典雅特令校書郎賈逵為之訓詁

又傳論曰鄭賈之學行乎數百年中遂為諸儒宗

王充論衡佚文篇永平中神爵羣集孝明詔上神爵頌百官上頌文比瓦石惟班固賈逵傳毅楊終侯諷五頌金玉孝明覽焉

王逸離騷經敘曰孝章即位深弘道藝而班固賈逵復以所見改易前疑各作離騷經章句

北堂書鈔九十六賈逵集序曰弱冠誦春秋能為古今學

唐書經籍藝文志賈逵集二卷嚴氏全後漢文編曰賈逵有集二卷今見本傳者有條奏左氏長義案當為大義詳見春秋家左氏長經條劉愷傳有賈逵上書北堂書鈔有永平頌文選注有連珠凡四篇

案續漢書曆志首一篇曰賈逵論曆所載凡四篇皆章帝和帝時論列奏上者嚴氏從曆志已輯邊韶蔡邕等文獨于賈氏此四篇棄而不取則失之眉睫也

後漢校書郎劉駒駘集一卷梁二卷錄一卷

後漢書宗室北海靖王興傳建武三十年封興子復為臨邑侯又曰初臨邑侯復好學能文章永平中每有講學事輒令復典掌焉與班固賈逵共述漢史傳毅等皆宗事之復子駒駘及從兄平望侯毅並有才學永寧中鄧太后召毅及駒駘入東觀與謁者僕射劉珍著中興以下名臣列士傳駒駘又自造賦頌書論凡四篇

唐書經籍藝文志劉駒駘集二卷

嚴氏全後漢文編劉駒駘有集二卷今見文選注北堂書鈔類聚御覽後漢書注有玄根賦上書諫鑄錢事與竇季瑋書與李子堅書郡太守箴凡五篇又曾氏補志六帖十引駒駘詩梁又有樂安相李尤集五卷亡

後漢書文苑傳李尤字伯仁廣漢雒人也少以文章顯和帝時侍中賈逵薦尤有相如揚雄之風召詣東觀受詔作賦拜蘭臺令史稍遷安帝時為諫議大夫受詔與謁者僕射劉珍等俱撰漢記後廢太子為濟陰王尤上書諫爭順帝立遷樂安相年八十三卒所著詩賦銘誄頌七款哀典凡二十八篇華陽國志廣漢人士贊明帝召作東觀辟雍德陽諸館賦銘范書云和帝時懷戎頌百二十銘著政事論七篇帝善之文章流別傳曰李尤為銘自山河郡邑至于刀筆罕契無不有銘而文多穢病討論潤色言可采錄

文心雕龍銘箴篇曰李尤積篇義儉辭碎著龜神物而居博奕之中衡斛斗量而在杼曰之未曾名品之未暇何事理之能閑哉又才略篇曰李尤賦銘志慕鴻裁而才力沈隳垂翼不飛

文選竟陵文宣王行狀注李尤集序曰尤好為銘贊門階戶席莫不有述

宋史藝文志李尤集二卷案此大抵亦是輯本馮氏詩紀輯存九曲歌曾氏補後漢藝文志云書鈔百二十一有武功歌

張氏百三家蘭臺令李伯仁集輯本一卷凡賦七銘序詩九十三篇

嚴氏全後漢文編曰李尤有集五卷今搜輯羣書有函谷關賦辟雍賦德陽殿賦平樂館賦東觀賦七款凡六篇又華陽國志云尤作百二十銘今得八十四銘其餘三十七銘亡曾氏補後漢志曰書鈔百十二引平視賦水經河水注一引孟津銘類聚九亦引御覽七百五十四引博銘初學記人事部引九賢管徵君頌嚴失采案初學記但有人部無人事部人部賢人篇有李尤九賢郭有道頌管徵君頌陳太師頌華太尉頌稿中散頌凡五條蓋頌郭泰管寧陳寔華歆嵇康也並在李尤之後尤安得為之作頌此李尤蓋李充之誤充東晉時人即為晉元帝撰四部書目者嚴氏以九賢頌五條輯入全晉文編李充佚文之內此非嚴失采實曾失考矣嚴氏考訂精實非前後檢照未可輕議其失也又御覽所引博銘亦見李充文內

梁又有大鴻臚贖章集二卷亡

後漢書竇融傳融扶風平陵人也玄孫章字伯向少好學有文章與馬融崔瑗更相推薦

時學者稱東觀爲老氏藏室道家蓬萊山太僕鄧康薦章入東觀爲校書郎順帝初章女

年十二能屬文以才貌選入掖庭有寵與梁皇后並爲貴人擢章爲羽林郎將遷屯騎都

尉章謙虛下士收進時輩甚得名譽貴人早卒帝追思之無已詔史官樹碑頌德章自爲

之辭貴人歿後帝禮待之無衰遷少府轉大鴻臚建康元年梁后稱制章自免卒于家

唐書經籍藝文志竇章集二卷
嚴氏全後漢文編輯存移書勸萬龔一篇
曾氏補後漢志曰北堂書鈔三十三引薦馬融文嚴失采

後漢濟北相崔瑗集六卷梁五卷
崔瑗有飛龍篇見經部小學家

後漢書崔駰傳駰中子瑗早孤銳志好學盡能傳其父業年十八至京師從侍中賈逵質

正大義達善待之瑗因留游學遂明天官曆數京房易傳六日七分諸儒宗之與馬融張

衡特相友好漢安初大司農胡廣少府竇章共薦瑗宿德大儒從政有迹不宜久在下位

由此遷濟北相時李固爲太山太守美瑗文雅奉書禮致殷勤歲餘光祿大夫杜喬爲八

使徇行郡國以減罪奏瑗徵詣廷尉瑗上書自認得理出會病卒瑗高于文辭尤善爲書

記箴銘所著賦碑銘箴頌七蘇南陽文學官志歎辭移社文悔祈草書勢七言凡五十七

篇其南陽文學官志稱于後世諸能爲文者皆自以弗及

又傳論曰崔氏世有美才兼以沈淪典籍遂爲儒家文林駰瑗雖先盡心于貴戚而能終

之以居正則其歸旨異夫進趣者乎李固高潔之士也與瑗鄰郡奉贊以結好由此知杜

喬之効殆其過矣
文章流別傳曰揚雄依虞箴作十二州二十

五官箴而傳于世不具九官崔氏累世彌縫其闕又曰後世以來之器銘之嘉者有王莽

鼎銘崔瑗机銘
文心雕龍頌贊篇曰崔瑗文學蔡邕樊渠並

致美乎序而簡約乎篇又書記篇曰後漢書記則崔瑗尤善雜文篇曰崔瑗七蘇植義純

正又哀弔篇曰漢武封禪而霍子侯暴亡帝傷而作詩亦哀辭之類也及後漢汝陽王亡

崔瑗哀辭始變前式卒章五言頗似歌謠亦彷彿乎漢武也

唐張懷瓘書斷曰子玉文章蓋世善草草師于杜度點畫之間莫不調暢又曰子玉書遺

跡絕少又妙小篆今有張平子碑又曰子玉章草入神小篆入妙

唐書經籍藝文志崔瑗集五卷
汪氏文選撰人篇曰後漢崔子玉瑗有座右

銘
嚴氏全後漢文編崔瑗有集六卷今存上言

察舉孝廉與葛元甫書雜帖七蘇南陽文學頌箴箴尙書箴博士箴東觀箴關都尉箴河

隄謁者箴郡太守箴北軍中候箴司隸校尉箴中壘校尉箴凡九篇 座右銘竇大將軍鼎

銘遺葛龔珮銘三珠釵銘杖銘柏枕銘和帝誄竇貴人誄司農卿鮑德誄汲縣太公廟碑

河間相張平子碑草書勢凡二十九篇
曾氏補後漢志云廣韻上平十虞引崔子玉

清河王誄嚴失采
後漢劉珍集二卷錄一卷

劉珍有東觀漢記見史部正史類
後漢書文苑傳著誄頌連珠凡七篇又撰釋

名三十篇以辯萬物之稱號云 今傳劉熙釋名詳見經部論語家

文心雕龍雜文篇曰自揚雄連珠以下擬者間出杜篤賈逵之曹劉珍潘勗之輩欲穿明珠多貫魚目

唐書經籍藝文志劉珍集二卷
嚴氏全後漢文編曰劉珍有集二卷今見袁

宏紀者有上言鄧太后宜獻廟一篇見太平御覽者有東觀漢記光武敍章帝敍和帝敍

殤帝敍四篇 又曾氏補志云書鈔一百引劉珍遺碑又十六引劉珍曰二句

後漢河間張衡集十一卷梁十二卷又一本十四卷同下破相字

張衡有靈憲見子部天文家
後漢書本傳衡少善屬文游于三輔因入京

師觀太學遂通五經貫六藝雖才高于世而無驕尙之情常從容淡靜不好交接俗人永

元中舉孝廉不行連辟公府不就時天下承

平日久自王侯以下莫不踰侈衡乃擬班固兩都作二京賦因以諷諫精思博會十年乃成順帝初再轉復為太史令衡不慕當世所居之官輒積年不徙自去史職五載復還乃設客問作應問以見其志陽嘉元年復造候風地動儀驗之以事合契若神自書典所記未之有也初光武善識顯宗肅宗因祖述焉自中興之後儒者爭學圖緯兼復附以妖言衡以圖緯虛妄非聖人之法乃上疏請禁絕之及遷侍中帝引在左右嘗問衡天下所疾惡者宦官懼其毀已皆共目之衡乃詭對而出閣豎恐終為其患遂共譏之衡常思圖身之事以為吉凶倚伏幽微難明乃作思玄賦以宜寄情志著周官訓詁崔瑗以為不能有異于諸儒也所著詩賦銘七言靈憲應問七辯巡詣懸圖凡三十二篇永初中劉珍劉駒駮等著作東觀漢記因定漢家禮儀上言請衡參論其事會並卒而衡常歎息欲終成之及為侍中上疏請得專事東觀收檢遺文畢力補綴又條上司馬遷班固所敘與典籍不合者十餘事又以為王莽本傳但應載篡事而已至于編年月紀災祥宜為元后本紀又更始居位人無異望光武初為其將然後即真宜以更始之號建于光武之初書數上竟不聽及後之著述多不詳與時人追恨之案靈憲懸圖並見子部天文家

文心雕龍明詩篇曰張衡怨篇清典可味仙詩緩歌雅有新聲又云四言五言平子得其

雅詮賦篇曰張衡二京迅發以宏富雜文篇曰張衡應問密而兼雅又云張衡七辯結采綿靡論說篇曰張衡譏世韻似俳說

唐書經籍藝文志張衡集十卷
宋史藝文志張衡集六卷
馮氏詩紀輯存怨篇同聲歌定情歌四愁詩思玄詩五篇
張氏百三家張河間集二卷凡賦誥疏策表書七設難議說銘贊誄樂府詩綜三十八篇汪氏文選撰人篇目後漢張平子衡有二京賦南都賦思玄賦歸田賦四愁詩
農氏文編輯本四卷凡賦東巡詔對策表奏封事疏議書應問七辯序贊銘誄及靈憲渾天儀玄圖凡三十八篇
曾氏補後漢志曰案玉燭寶典五引逍遙賦嚴未采又御覽二十浩浩陽春發楊柳何依依百鳥自南歸翔翔萃我枝稱張衡歌 案玉燭寶典近始從日本傳出漢中夏嚴氏未及見也

梁又有郎中籍順集二卷錄二卷籍當為蘇後漢書文苑傳蘇順字孝山京兆霸陵人也和安間以才學見稱好養生術隱處求道晚乃仕拜郎中卒于官所著賦論誄哀辭雜文凡十六篇
文章流別傳曰哀辭者誄之流也崔瑗馬融蘇順等為之率以施于童孺天折不以壽終者

文心雕龍誄碑篇曰孝山崔瑗辨絜相參觀其序事如傳辭靡律調固誄之才也

唐書經籍藝文志蘇順集二卷
嚴氏全後漢文編藝文類聚有蘇順歎懷賦和帝誄文選注有陳公誄初學記有賈逵誄凡四篇

梁又有後漢太傅胡廣集二卷錄一卷亡
胡廣有漢官解詁見史部職官篇
後漢書本傳廣舉孝廉既到京師試以章奏安帝以廣為天下第一性溫柔謹素常遜言恭色達練事體明解朝章雖無審直之風屢有補闕之益故京師諺曰萬事不理問伯始天下中庸有胡公及其李固定策大議不全又與中常侍丁肅婚姻以此譏毀于時初揚雄依虞箴作十二州二十五官箴其九箴亡闕後涿郡崔駰及子瑗又臨邑侯劉駒駮增補十六篇廣復繼作四篇文甚典美乃悉撰次首目為之解釋名曰百官箴凡四十八篇其餘所著詩賦銘頌箴箴及諸解詁凡二十二篇熹平六年靈帝思感舊德乃圖書廣及太尉黃瓊于省內詔議郎蔡邕為其頌云案此則漢官解詁亦在二十二篇中

謝承書曰廣有雅才學究五經古今術藝皆畢覽之又曰太傅胡廣博綜舊儀立漢制度蔡邕因為志譙周後改定以為禮儀志續漢書曆志注蔡邕戍邊上章曰自臣在布衣常以為漢書十志下盡王莽而止世祖以來唯有紀傳無續志者臣所師事故太傅胡廣知臣頗識其門戶略以所有舊事與臣雖未備悉粗見首尾

文心雕龍銘箴篇曰揚雄稽古始範虞箴及崔胡補綴總稱百官指事配位鑿鑿可徵信所謂追清風于前古攀辛甲于後代者也又章表篇曰胡廣章奏天下第一當時之傑筆也觀伯始謁陵之章足見其典文之美也

唐書經籍藝文志胡廣集二卷

嚴氏全後漢文編曰胡廣有漢官解詁三卷集二卷今存上書駁左雄察舉議諫探策立后疏書漢官解詁百官箴敍侍中箴邊都尉箴陵令箴印衣銘綬箴銘徵士法高卿碑弔夷齊文凡十二篇

後漢黃門郎葛龔集六卷梁五卷一本七卷

後漢書文苑傳葛龔字元甫梁國寧陵人也和帝時以善文記知名性慷慨壯烈勇力過人安帝永初中舉孝廉爲太官丞上便宜四事拜蕩陰令辟太尉府病不就州舉茂才爲臨汾令居二縣皆有稱績著文賦碑誄書記十二篇

又傳注曰龔善爲文奏或有請龔奏以干人者龔爲作之其人寫之忘自載其名因并寫龔名以進之故時人爲之語曰作奏雖工宜去葛龔事見笑林

唐書經籍藝文志葛龔集五卷

嚴氏全後漢文編曰葛龔字元甫州舉茂才爲臨汾令入拜黃門郎有集七卷今存遂初賦與梁相張府君箋薦黃鳳文薦郝彥文薦戴昱文讓州辟文與張略書答竇章書喪伯父還傳記凡九篇

後漢司空李固集十二卷梁十卷

後漢書本傳固字子堅漢中南鄭人司徒郃之子也少好學究覽墳籍結交英賢四方有志之士多慕其風而來學京師咸歎曰是復爲李公矣陽嘉二年有地動山崩火災之異公卿舉固對策詔又特問當世之敝爲政所宜順帝覽其對多所納用以固爲議郎大將軍梁商請固爲從事中郎歷荊州刺史太山太守將作大匠大司農沖帝即位以固爲太尉與梁冀參錄尚書事及質帝遇鳩固引司徒胡廣司空趙戒大鴻臚杜喬皆以爲宜立清河王蒜冀不從乃說太后先策免固竟立桓帝後歲餘甘陵劉文魏郡劉鮪各謀立蒜爲天子梁冀因此誣固下獄誅時年五十四固所著章表奏議教令對策記銘凡十一篇弟子趙承等悲歎不已乃共論固言迹以爲德行一篇桓帝本紀建和元年十一月清河劉文反殺國相謝嵩欲立清河王蒜爲天子事覺伏誅嵩坐貶爲尉氏侯徙桂陽自毅前太尉李固杜喬皆下獄死

又傳注謝承書曰固所授弟子潁川杜訪汝南鄭遂河內趙承等七十二人相與哀歎悲憤以爲眼不復瞻固形容耳不復聞固嘉訓乃共論集德行一篇唐志史部傳記類有李固別傳七卷

唐書經籍藝文志李固集二卷

嚴氏全後漢文編輯存對策上疏上書議教奏記書勅凡十九篇
曾氏補後漢志曰水經江水一注引固與弟

圖書卷子殘本文館詞林九十九引恤奉高令喪事教又祀胡母先生教嚴均未采案水經注所引與弟圖書乃別一李固嚴氏後漢文編已輯入八十六卷中辨證極明即此一條亦足見嚴氏考訂之密其序云肆力九年而粗定又肆力十八年而竣事非虛言也文館詞林兩篇近始傳于日本則嚴氏所未見其文亦首尾完具足以補所未備焉

案文館詞林載其祀胡母先生教有曰自宣尼沒七十子亡經義乖散秦復火之然胡母子都稟天淳和沈淪大道深演聖人之旨始爲春秋制造章句是故嚴顏有所祖述徵徵後生得以光啓斯所謂法施于人者也故宣尼豫表之日胡母生知事情匿書自藏不敢有聲案儒林傳云孝文本好利名之學及至孝景不任儒費太后又好黃老術諸博士具官待問未有進者蓋其時經學不講故胡母生匿書自藏豫表二字未詳其義又曰太守以不材嘗學春秋胡母章句每讀其書思觀其人

正徐彥曰胡母生雖以公羊經傳授董氏猶自別作條例故何氏取之則其書亦為何邵公所祖述也此文于春秋公羊家頗有本末可尋又亡佚已久為諸家所未見故附識于此

後漢南郡太守馬融集九卷

馬融有周易註見經部易家

後漢書本傳永初時鄧太后臨朝駕兄弟輔政而俗儒世士以為文德可興武功宜廢遂寢蒐狩之禮息戰陳之法故滑賊從橫乘此無備融乃感激以為文武之道聖賢不墜五才之用無或可廢元初二上廣成頌以諷諫重述蒐狩之義安帝東巡岱宗上東巡頌帝奇其文陽嘉二年詔舉敦樸徵詣公車對策善鼓琴好吹笛所著賦頌碑誄書記表奏七言琴歌對策遺令凡二十一篇初融懲于鄧氏不敢復違忤勢家遂為梁冀草奏李固又作大將軍西第頌以此頗為正直所羞文章流別傳曰頌詩之美者也若馬融廣成上林之屬純為今賦之體而謂之頌失之遠矣

文心雕龍頌贊篇曰馬融之廣成上林雅而似賦何弄文而失質乎雜文篇曰馬融七厲植義純正又云唯七厲敍賢歸于儒道雖文非拔萃而意實卓爾矣又才略篇曰馬融鴻儒思洽識高吐納經範華實相符

唐書經籍藝文志馬融集五卷

張氏百三家馬季長集輯本一卷凡賦疏頌

書十二篇而繫以忠經序及文汪氏文選撰人篇目曰後漢馬季長融有長笛賦

嚴氏全後漢文編曰馬融有集九卷今存琴賦長笛賦圍棋賦樗蒲賦龍虎賦舉敦樸對策飛章誣李固上疏乞自劾上書請赦龐參梁懂延光四年日蝕上書又上書陳星字奏馬賢事與竇伯向書與謝伯世書書序似秦晉篇序非總序廣成頌竇大將軍西第頌遺令自敍凡二十篇又曰張溥本有忠經序案忠經及序皆宋人依託不錄曾氏補後漢志曰玉燭寶典三引上林頌嚴未采案此亦嚴所未見也

案賈公彥序周禮廢與有云周禮後出者以始皇特惡之故也是以馬融傳云秦自孝公已下用商君之法云云至年六十有六目瞑意倦自力補之謂之周官傳也此一段凡四百餘言皆賈所引馬氏周官傳序篇中亦雜有賈氏之說或以賈疏稱馬融傳謂為史傳見范書本傳無此文則又以為別家後漢書所載謬之甚矣馬序所云知所作諸經疏皆在六十歲守武都七年中而周禮注成書最後此其佚事之僅見者嚴氏失采此文則甚為可惜也又案范書鄭玄傳云范升陳元李育賈逵之徒爭論古今學後馬融答北地太守劉瓛及玄答何休義據通深由是古學遂明則馬氏有答劉瓛論古學書當在是集而惜乎亡散無徵也

梁有外黃令高彪集二卷錄一卷亡

後漢書文苑傳高彪字義方吳郡無錫人也家本單寒至彪為諸生游太學有雅才常欲從馬融訪大義融疾不獲見乃覆刺遺融書而去後郡舉孝廉試經第一除郎中校書東觀數奏賦頌奇文因事諫靈帝異之時京兆第五永為督軍御史使督幽州百官大會祖餞于長樂觀議郎蔡邕等皆賦詩彪乃獨作箴邕等甚美其文以為莫尚也後遷內黃令帝勅同僚臨送祖于上東門詔東觀畫彪像以勸學者彪到官有德政上書薦縣人申屠蟠等病卒于官文章多亡子岱亦知名唐書經籍藝文志高彪集二卷

惠氏後漢書補注外黃令高君碑曰光和七年六月丙申卒碑作外黃傳云內黃令蓋傳之誤案本志亦作外黃與碑合又申屠蟠陳留外黃人范書有傳是亦足以證非內黃也嚴氏全後漢文編曰高彪有集二卷今存覆刺遺馬融書督軍御史箴清誠凡三篇曾氏補後漢志曰書鈔一百引五經為府藏雜藝為庖廚稱高彪集案此文體似清誠或其佚句

梁有王逸集二卷錄一卷亡

王逸有正部論見子部儒家後漢書文苑傳逸著楚辭章句行于世其賦誄書論及雜文凡二十一篇又作漢詩百二十三篇

文心雕龍才略篇曰王逸博識有功而絢采

無力

唐書經籍藝文志王逸集二卷

馮氏詩紀輯存琴思楚歌一篇

張氏百三家王叔師集輯本一卷凡賦序論

騷詩廿二篇

嚴氏全後漢文編輯本一卷凡機婦賦荔支

賦九思折武論并楚辭章句篇敘合二十一

篇

梁有司徒掾桓麟集二卷錄一卷亡

後漢書桓榮傳榮沛國龍亢人也玄孫柳柳

父麟字元鳳早有才惠桓帝初為議郎入侍

講禁中以直道悟左右出為許令病免會母

終麟不勝喪未祥而卒年四十一所著碑誄

讚說書凡二十一篇

又傳注曰案摯虞文章志麟文見在者十八

篇有碑九首誄七首七說一首沛相郭府君

書一首

皇甫謐高士傳京兆摯恂伯陵十二世孫也

摯峻字伯陵見前漢司馬遷集 治五經通百家之

言善屬文涓濱弟子扶風馬融沛國桓麟自

遠方至者十餘人恂以女妻融後果為大儒

文冠當世三輔稱焉 案此則摯與馬季長同師摯

恂

文心雕龍雜文篇曰自桓麟七說以下左思

七諷以上枝附景從十有餘家或文麗而義

賤或理粹而辭駁

唐書經籍藝文志桓麟集二卷

馮氏詩紀輯存答客四言詩一首

嚴氏全後漢文編桓榮少子郁郁孫麟辟司

徒掾為議郎許令以母喪哀毀卒有集二卷

今存七說八條太尉劉寬碑一篇附桓彬七

說桓儼遺書

後漢徵士崔琦集一卷梁二卷

後漢書文苑傳崔琦字子璋涿郡安平人濟

北相瑗之宗也少游學京師以文章博通稱

初舉孝廉為郎河南尹梁冀聞其才請與交

冀行多不軌琦數引古今成敗以戒之冀不

能受乃作外戚箴琦以言不從失意復作白

鵠賦以為風冀因遣琦歸後除為臨濟長不

敢之職解印綬去冀遂令刺客陰求殺之客

見琦耕于陌上懷書一卷息輒偃而詠之客

哀其志以實告琦得脫走冀後竟捕殺之所

著賦頌銘誄箴弔論九各七言凡十五篇 惠

氏補注華嶠書魏知琦刺已大怒幽之室谷數月得出傳

不載也

唐書經籍藝文志崔琦集二卷

嚴氏全後漢文編崔琦有集一卷今存七獨

四皓頌序外戚箴三篇琦傳有白鵠賦亡

案崔琦舉孝廉為郎除臨濟長不知本志

何以題為徵士疑此徵士別有其人轉寫

致誤以兩條為一條歟范書文苑蘇順附

傳有扶風曹衆伯師著誄書論四篇又有

曹朔不知何許人作漢頌四篇本志皆不

見或徵士曹衆集附曹朔頌為一編未可

知也

梁又有鄼炎集二卷錄二卷

後漢書文苑傳鄼炎字文勝范陽鄼食其之

後也炎有文才解音律言論給捷多服其能

理靈帝時州郡辟命皆不就有志氣作詩二

篇後風病恍惚性至孝遭母憂病甚發動妻

始產而驚死妻家訟之收繫獄炎病不能理

對熹平六年遂死獄中時年二十八尚書盧

植為之誄讚以昭其懿德

古文苑鄼炎遺令有曰嗟哉邈之遺孤其名

曰止孤人之孤也斷齒其少矣汝之孤也曾

未滿兩旬汝無自以為微弱物有微弱于汝

者及其長而繁焉消息汝躬調和汝體思乃

考言念乃考訓必博學以著書以續受父業

我十七而作鄼篇矣二十四而州書矣二十

七而作七平矣其賦頌誄自少為之注云鄼篇

州書皆字學之書七平蓋七發之類 又曰下邳衛府

君我之諸曹掾督郵濟北寧府君我繇之成

就陳留韓府君察我孝廉陳留楊使君辟我

右北平從事祭酒注云四人皆舉辟炎者 又云熹

平六年冬十二月乃裂裳書 惠氏後漢書補注

當于是月死獄中也

北堂書鈔盧植鄼文勝誄曰自斷未成童著

書十餘箱文體思奧爛有文章箴縷百家

鍾嶸詩品曰文勝託詠靈芝懷寄不淺

唐書經籍藝文志鄼炎集二卷

馮氏詩紀輯存見志詩二首見本傳

嚴氏全後漢文編曰鄼炎有集二卷今存對

事一篇遺令書四首並見古文苑

曾氏補後漢志曰書鈔一百二十一引角賦

嚴失采

梁又有陳相邊韶集一卷錄一卷亡

後漢書文苑傳邊韶字孝先陳留浚儀人也以文學知名教授數百人桓帝時為臨穎侯相徵拜太中大夫著作東觀再遷北地太守入拜尚書令後為陳相卒官著詩頌碑銘書策凡十五篇

史通正史篇至元嘉元年復令太中大夫邊韶大軍營司馬崔寔議郎朱穆曹壽雜作孝穆崇二皇及順烈皇后傳又增外戚傳入安思等后儒林傳入崔篆諸人

唐書經籍藝文志邊韶集二卷

嚴氏全後漢文編曰邊韶有集一卷今存塞賦上言四分曆之失對嘲河激頌老子銘并序凡五篇

梁又有益州刺史朱穆集二卷錄一卷亡

後漢書朱暉傳暉南陽宛人也章和時尚書令子頡脩儒術安帝時至陳相頡子穆字公叔初舉孝廉順帝末梁冀辟之使典兵事甚見親任及桓帝即位順烈太后臨朝穆以冀勢地親重望有以扶持王室因推災異奏記以勸戒冀冀舉穆高第為侍御史穆常感時澆薄慕尚敦篤乃作崇厚論又著絕交論亦矯時之作梁冀驕暴不悛朝野嗟毒穆以故吏懼其釁積招禍復奏記諫冀不納而縱放日滋穆又奏記極諫冀終不悟然亦不甚罪也擢穆為冀州刺史徵詣廷尉輸作左校太學書生劉陶等數千人詣闕上書訟穆乃赦

之徵拜尚書穆既深疾宦官及在臺閣旦夕

共事志欲除之乃上疏言漢故事中常侍參選士人建武以後乃悉用宦者請悉罷更選海內清淳之士明達國體者以補其處帝不納憤懣發疽延熹六年卒時年六十四策詔褒贈益州太守案朱公叔鼎銘載詔曰今使灌調者中郎楊實贈益州刺史印授此云太守非也 所著論策奏教書詩記嘲凡二十篇初穆父卒穆與諸儒考依古義諡曰貞宣先生及穆卒蔡邕復與門人共述其體行諡為文忠先生

又傳論曰朱穆見比周傷義偏黨毀俗志抑朋游之私遂著絕交之論蔡邕以為穆貞而孤又作正交而廣其志焉

又傳注曰穆集載絕交論又與劉伯宗絕交書及詩蓋因此而著論也袁山松書曰穆著論甚美蔡邕嘗至其家自寫之

唐書經籍藝文志朱穆集二卷

惠氏後漢書補注朱公叔鼎銘曰再拜博士高第作侍御史矯枉董直罔肯阿順以黜其位潛于郎中羣公並表乃遷議郎登于東觀纂業前史案穆為侍御史以不肯阿順免官復為郎中及遷議郎與邊韶崔寔曹壽增脩漢記范史皆不載也 案朱公叔鼎銘蔡邕撰見後蔡中郎集

後漢京兆尹延篤集一卷梁二卷錄一卷

延篤有戰國策論見史部雜史類 後漢書本傳篤少從唐溪典受左氏傳又從馬融受業博通經傳及百家之言能文章有名京師桓帝以博士徵拜議郎與朱穆邊韶共著作東觀論解經傳多所駁正後儒服虔等以為折中所著詩論銘書應訊表教令凡二十篇傳注曰訊問也蓋答客難之類 釋文錄京兆尹延篤受左氏于賈逵之孫伯升因而注之

史記索隱序曰太史公之書古今為注解者絕省音義亦稀始後漢延篤乃有音義一卷 延叔擊左氏注史記音本志皆不著錄

史通正史篇崔寔曹壽又與議郎延篤雜作百官表順帝功臣孫程郭願及鄭衆蔡倫等傳凡百十有四篇號曰漢記

唐書經籍藝文志延篤集二卷

嚴氏全後漢文編延篤有集二卷今存 張免書與張免書與高彪書與段紀明書貽劉祐書與李文德書仁孝論七篇 梁又有司農卿皇甫規集五卷亡 後漢書本傳規字威明安定朝那人郡將知規有兵略命為功曹舉上計掾沖質之間舉賢良對策梁冀忿其刺己以為下第拜郎中託疾免歸以詩易教授門徒三百餘人積十四年後梁冀誅拜泰山太守為中郎將持節監關西兵徵還拜議郎坐繫廷尉赦歸家徵拜度遼將軍永康元年徵為尚書遷弘農太

守封壽成亭侯讓封不受再轉爲護羌校尉
熹平三年以疾召還未至卒于穀城年七十
一所著賦銘碑贊禱文弔章表教令書檄牋
記凡二十七篇

唐書經籍藝文志皇甫規集五卷

武威張澍二酉堂輯本序曰司農卿皇甫規
集五卷七錄隋唐志卷數同本傳言所著凡
二十七篇今輯得十一篇而趙壹報書蔡邕
薦章並綴諸末

嚴氏全後漢文編曰皇甫規爲護羌校尉卒
贈司農卿有集五卷本傳有建康元年舉賢
良方正對策永康元年舉賢良方正對詔問
日食又有求自效疏上疏言西羌事上疏自
訟上疏薦張奐自代上言宜豫黨錮凡七篇
又御覽諸書有與劉司空箋與馬融書追謝
壹趙書女師箴凡四篇

梁又有太常卿張奐集二卷錄一卷亡

後漢書本傳奐字然明敦煌酒泉人也少游
三輔師事太尉朱寵學歐陽尚書初牟氏章
句浮辭繁多有四十五萬餘言奐減爲九萬
言注云時牟卿受書于張堪爲博士故有牟氏章句以
爲前漢之牟卿案牟卿見漢書儒林傳習大夏侯尚書亦
不言其有章句且牟卿所從受者乃周堪亦非張堪而張
奐所減定牟氏章句爲東漢初博士牟長之書范書儒林
傳有明文章體此注非是經義考據以著錄牟卿章句一
家亦失之不考後辟大將軍梁冀府乃上書桓
帝奏其章句詔下東觀以疾去官復舉賢良
對策第一擢拜議郎永壽元年遷安定屬國

都尉延熹二年梁冀誅奐以故吏免官禁錮
奐與皇甫規友善奐既被錮凡諸交舊莫敢
爲言唯規薦舉前後七上在家四歲復拜武
威太守遷度遼將軍九年徵拜大司農復拜
爲護匈奴中郎將舊制邊人不得內移唯免
因功特聽徙屬弘農華陰故始爲弘農人焉
後遷少府轉太常以黨罪禁錮歸田里時禁
錮者多不能守靜或死或徙免閉門不出養
徒千人著尚書記難三十餘萬言光和四年
卒年七十八所著銘頌書教誡述志對策章
表二十四篇長子芝字伯英最知名芝及弟
昶字文舒並善草書至今稱之

唐書經籍藝文志張奐集二卷
武威張澍二酉堂輯本序曰然明以賢良爲
將率卒使冀驍伯德服乃威化屠各鮮卑失
其酋豪非由學該羣籍兼立志節用能還鑪
立功閉門守靜乎獨其記難章句不傳于後
弗知仲威之源淵太尉朱寵字仲威見鄒陽傳以
爲歎息隋唐志載太常卿集二卷本傳言所
著二十四篇今采輯羣書都爲一卷其子伯
英文舒書銘亦附于末

嚴氏全後漢文編張奐有集二卷今存扶藻
賦及上書上言奏記書遺令凡十五篇附芝
書四篇昶碑銘一篇

梁又有王延壽集三卷亡

後漢書文苑王逸傳逸子延壽字文考有儻
才少游魯國作靈光殿賦後蔡邕亦造此賦
未成及見延壽所爲甚奇之遂輟翰而已曾

有異夢意惡之乃作夢賦以自厲後溺水死
時年二十餘

又傳注張華博物志曰王子山與父叔師到
泰山從鮑子真學算到魯賦靈光殿歸渡湘
水溺死文考一字子山也

文心雕龍詮賦篇曰延壽靈光合飛動之勢
又才略篇曰延壽繼志壞穎獨標其善圖物
寫貌豈枚乘之遺術歟

惠氏後漢書補注博物志曰魯靈光殿初成
案此下似有跋文逸語其子汝寫狀歸吾欲爲
賦文考遂以韻寫簡其父曰此卽爲賦吾固
不及矣又水經注曰子山年二十而得惡夢
二十一溺死于湘浦一作二十四

汪氏文選撰人篇目後漢王文考延壽有魯
靈光殿賦

嚴氏全後漢文編曰王延壽魯靈光殿賦并
序見文選又藝文類聚有夢賦王孫賦亦見
初學記御覽案其文賦闕也古文苑隸釋有桐
柏淮源廟碑延熹六年正月凡四篇並全文無
所缺佚

梁又有五原太守崔寔集二卷錄一卷亡
崔寔有政論見子部法家又有四民月令見
農家

後漢書崔駰附傳寔與邊韶延篤等著作東
觀及卒大鴻臚袁隗樹碑頌德所著碑論箴
銘答七言祠文表記書凡十五篇答下似缺識
字

文心雕龍書記篇曰崔寔奏記于公府則崇

讓之德音矣又雜文篇曰崔寔客譏整而微質又才略篇曰傅毅崔駰光采比肩瑗寔踵武能世厥風者矣

唐日本國見在書目崔寔集二卷

嚴氏全後漢文編曰寔有政論五卷四民月令一卷集二卷今輯大赦賦答譏諫大夫箴太醫令箴凡四篇政論佚文四民月令佚文各一卷

梁又有上計趙壹集二卷錄一卷亡

後漢書文苑傳趙壹字元叔漢陽西縣人也恃才倨傲為鄉黨所擯後屢抵罪幾至死友人救得免壹貽書謝恩為窮鳥賦一篇又作刺世疾邪賦以舒其怨憤光和元年舉郡上計河南尹羊陟司徒袁逢共稱薦之名勳京師士大夫想望其風采及西還州郡爭致禮命十辟公府並不就終于家著賦頌箴誄書論及雜文十六篇

鍾嶸詩品曰元叔散憤蘭蕙指斥囊錢苦言切句良亦勤矣斯人也而有斯困悲夫

文心雕龍才略篇曰趙壹之辭賦意繁而體疏

唐書經籍藝文志趙壹集二卷

惠氏後漢書補注文士傳曰壹肩高二尺高自抗竦為鄉黨所擯今集中有解擯賦嚴氏全後漢文編趙壹有集二卷今輯存迅風賦解擯賦刺世疾邪賦窮鳥賦報羊陟書報皇甫規書非草書凡七篇

後漢諫議大夫劉陶集三卷梁二卷錄一卷

後漢書本傳陶字子奇一名偉潁川潁陰人濟北真王勃之後游太學舉孝廉除順陽長以病免陶明尚書春秋為之訓詁推三家尚書及古文是正文字三百餘事名曰中文尚書

惠氏補注北宋本作七百餘事藝文志曰劉向以中文校三家經文字異者七百有餘蓋古文與今文異者本有此數故陶從而正也

頃之拜侍御史靈帝宿聞其名數引納之時張角謀反陶上疏言之帝殊不悟方詔陶次第春秋條例明年張角反亂海內鼎沸帝思陶言封中陵鄉侯三遷侍中徙京兆尹拜諫議大夫時天下日危陶憂致崩亂復上疏陳當今要急八事大較言天下大亂皆由宦官官事急共譏陶與賊通情收陶下黃門北寺獄掠按日急遂閉氣而死陶著書數十萬言又作七曜論匡老子反韓非復孟軻及上書言當世使事條教賦奏書記辯疑凡百餘篇

文心雕龍誄碑篇曰至如崔駰諫趙劉陶誄黃並得憲章工在簡要

唐張懷瓘書斷曰後漢杜伯山嘗于西河得漆書古文尚書一卷靈帝時劉陶刪定古文今文尚書號中文尚書以北山本為正陶亦工古文

唐書經籍志劉陶集二卷

唐書藝文志劉白集二卷此白字乃刊誤

惠氏後漢書補注曰韓非有解老喻老之篇故陶作書匡老子之失反韓非之說而折之于孟子也

嚴氏全後漢文編曰劉陶有集三卷今從袁宏紀及本傳輯存上疏陳事上疏言張角上疏陳要急八事上書訟朱穆上議改鑄大錢凡五篇

梁又有外黃令張升集二卷錄一卷亡

後漢書文苑傳張升字彥真陳留尉氏人富平侯放之孫也放湯六代孫也少好學多關覽而任情不羈仕郡為綱紀以能出守外黃令遇黨錮去官後竟見殺年四十九著賦誄頌碑書凡六十篇

文心雕龍哀弔篇曰蘇順張升并述哀文雖發其情華而未極心實

唐書經籍藝文志張升集二卷

嚴氏全後漢文編張升有集二卷今存白鳩賦與任彥堅書友論凡三篇其友論一作反論一作反論語皆誤又或引作張叔皮論尤誤

梁又有侯瑾集二卷亡

侯瑾有漢皇德紀見史部雜史類

後漢書文苑傳瑾作矯世論以譏刺當時而徙入山中覃思著述以莫知于世故作應賓難以自寄又案漢記撰中興以後行事為皇德傳三十篇行于世餘所作雜文數十篇多亡失西河人皆稱為侯君云

唐書經籍藝文志侯瑾集二卷

嚴氏全後漢文編曰瑾桓帝時徵有道復徵博士皆不至有集二卷今存箴賦皇德頌序各一篇

梁又有盧植集二卷亡

盧植有禮記注見經部禮類

後漢書本傳植常懷濟世志不好辭賦時皇
后父大將軍竇武援立靈帝初秉機政朝議
欲加封爵植雖在布衣以武素有名譽乃獻
書以規之謂宜辭大賞以全身名又宜徵王
侯愛子宗室賢才簡其良能為彊幹弱枝之
道武並不能用作尚書章句三禮解詁時始
立太學石經上書請詣東觀研精尚書禮記
失得刊正碑文又言古文厭抑流俗降在小
學中與以來通儒達士班固賈逵鄭興父子
並敦悅之宜為毛詩左氏周禮置博士立學
官光和元年有日食之異上封事諫陳八事
植素善蔡邕邕前徙朔方植獨上書請之所
著碑誄表記凡六篇 諸書引盧植冀州風土記七
錄本志皆不見或在本集六篇中

唐書經籍藝文志盧植集二卷

嚴氏全後漢文編盧植有禮記解詁二十卷

集二卷今存上書上封事奏事獻書規寶武

鄺文勝誄凡五篇

梁又有議郎廉品集二卷亡

廉品始末未詳 魏志杜恕傳有樂安廉昭以才能好
言事為尚書即似廉氏為樂安人昭或其後歟

嚴氏全後漢文編曰廉品為議郎有集二卷

太平御覽五百三十卷引廉品大難賦

後漢司空荀爽集一卷梁三卷錄一卷

荀爽有周易傳見經部易類

後漢書本傳延熹元年太常趙典舉爽至孝

拜郎中對策陳便宜奏聞即棄官去後司空

袁逢舉有道不應及逢卒爽制服三年當世
往往化以為俗時人多不行妻服雖在親憂
猶有弔問喪疾者又私謚其君父及諸名士
爽皆引據大義正之經典雖不悉變亦頗有
改著禮易傳詩傳尚書正經春秋條例又集
漢事成敗可為鑒戒者謂之漢語又作公羊
問及辯讖并它所論敘題為新書凡百餘篇
今多所亡缺

荀悅漢紀曰臣悅叔父故司空爽著詩傳皆

附正義無他說通人學者多好尚之然希得

立于學官也

又申鑒俗嫌篇曰世稱緯仲尼之作也臣悅

叔父故司空爽辯之蓋發其偽也有起于中

興之前終張之徒之作乎

唐書經籍藝文志荀爽集二卷

嚴氏全後漢文編輯存對策陳便宜奏記讓

孝廉貽李膺書與郭叔書女誡凡五篇

案荀氏經說惟易傳見載本志公羊問見

七錄其漢語章氏考證謂晉灼引四事此

集一卷梁三卷不及新書十分之一二據

本傳所載有宜為舉主行服宜為妻行服

不宜在親憂弔問喪疾不宜為君父名士

私諡諸論議又徐幹中論引荀爽壽天論

范書朱穆傳注云穆子野字子遠見荀爽

薦文則又有壽天論薦朱野文凡斯皆不

可知矣

後漢野王令劉梁集三卷梁二卷錄一卷

後漢書文苑傳劉梁字曼山一名岑東平寧

陽人也梁宗室子孫而少孤貧賣書于市以
自資常疾世多利交以邪曲相黨乃著破羣
論時之覽者以為仲尼作春秋亂臣知懼今
此論之作俗士豈不愧心其文不存又著辯
和同之論桓帝時舉孝廉除北新城長特召
入拜尚書郎累遷後為野王令未行光和中
病卒孫楨亦以文才知名劉楨有集見後文士傳
云梁之子也

唐書經籍藝文志劉梁集二卷

嚴氏全後漢文編劉梁有集三卷今存除北

新城長告縣人教七舉辨和同論凡三篇書

鈔引劉梁碑附

梁又有鄭玄集二卷錄一卷亡

鄭玄有周易注見經部易類

後漢書本傳初中興之後范升陳元李育賈

逵之徒爭論古今學後馬融答北地太守劉

瓌及玄答何休義據通深由是古學遂明嘗

疾篤自慮以書戒子益恩又著天文七政論

魯禮禘祫義六藝論毛詩譜駁許慎五經異

義答臨孝存周禮難凡百餘萬言

太平御覽百穀部鄭玄別傳曰玄年十六號

曰神童民有獻嘉禾者欲表府文辭鄙略玄

為改作又著頌一篇侯相高其才為脩冠禮

又見文部頌類云嘉瓜異本同實著頌二篇

唐書經籍藝文志鄭玄集二卷

遵義鄭珍鄭學錄曰鄭玄集唐志二卷案康

成平生雜著必皆萃此集中自佚其書而注

釋以外文字十不存一惜哉乾隆間盧氏見曾刻周易鄭注後附康成集其首為相風賦考此賦藝文類聚卷六十八所載是晉傅玄作不知何以誤歸康成或因名同一時失檢歟

嚴氏全後漢文編鄭玄有集二卷今輯存皇后敬父母議戒子益恩書周易尙書大傳序詩譜敘孝經注敘論語敘自敘凡八篇附六藝論三十八條

曾氏補後漢志曰北堂書鈔九十四引舊君名諱論嚴失采案舊君名諱論起于同時應劭本志史部儀注類汝南君諱議二卷即其事也諸家論斯事者其多豈鄭氏亦有此議歟嚴氏未采不能無疑

案賈公彥序周禮廢與既引馬融周官傳序其後又引鄭玄序云云至周公定之致隆平龍鳳之瑞此一段凡三百四十餘言皆鄭氏周禮序中有加○間隔者乃寫刊之誤相承如此阮氏校勘記已言之嚴氏失采此文則甚為可惜也嚴氏輯唐以前文自不經意于唐人疏序而不知其中有馬鄭周官序在焉以是知輯佚欲其一無遺漏事必有所不能者矣

後漢左中郎將蔡邕集十二卷梁有二十卷錄一卷

蔡邕有月令章句見經部禮類後漢書本傳邕少博學師事太傅胡廣好辭章數術天文妙操音律閑居玩古不交當世感東方朔客難及揚雄班固崔駰之徒設疑

以自通乃斟酌羣言隄其是而矯其非作釋誨以戒厲熹平中連上疏上封事陳七事又對詔問又上書自陳及徙朔方又上書自陳奏其所著十意分別首日連置章左所著詩賦碑誄銘贊連珠箴箴箴論議獨斷勸學釋誨敘樂女訓家執祝文章表書記凡百四篇傳于世案勸學見經部小學家

文心雕龍銘箴篇曰蔡邕銘思獨冠古今橋公之鉞吐納典謨朱穆之鼎全成碑文溺所長也又誄碑篇曰自後漢以來碑碣雲起才錄所斷莫高蔡邕觀楊賜之骨鯁訓典陳郭二文詞無擇言周胡衆碑莫非精允其敘事也該而要其縝采也雅而澤清詞轉而不窮巧義出而卓立察其為才自然而至又雜文篇曰蔡邕釋誨體奧而文炳又才略篇曰張衡通瞻蔡邕精雅文史彬彬隔世相望是則竹柏異心而同貞金玉殊質而皆寶也案裴啓語林曰衡之初死蔡邕母始孕此二人相貌類時人方邕是衡之後身故劉勰有是言

唐日本國見在書目蔡邕集廿卷又雜家獨斷一卷注云今案蔡邕撰案獨斷集外別行見于著錄者莫先于此其云今案者知其前不著撰人也

唐書經籍藝文志蔡邕集二十卷崇文總目蔡邕文集五卷又史部儀注類獨斷二卷蔡邕撰通志藝文略蔡邕外文一卷又儀注類蔡邕獨斷二卷宋史藝文志蔡邕集十卷又史部故事類蔡

邕獨斷二卷

晁氏讀書志蔡中郎集十卷所著文章百四篇今錄止存九十篇而銘墓居其半或曰碑銘或曰神誥或曰哀贊其實一也嘗自云為郭有道碑獨無愧辭則其他可知已又經部經解類獨斷二卷漢左中郎將蔡邕纂雜記自古國家制度及漢朝故事王莽無髮蓋見于此

陳氏書錄曰蔡中郎集十卷唐志二十卷今本闕亡之外纔六十四篇其間有稱建安年號及為魏宗廟頌述者非邕文也卷末有天聖癸亥歐陽靜所書辨證甚詳以為好事者雜編他人之文相混非本書又史部禮注類獨斷二卷言漢世制度禮文車服及諸帝世次而兼及前代禮樂

四庫簡明日錄曰蔡中郎集六卷邕集久佚今因哀輯而成者凡有二本一為張溥百三家集本一為陳留新刻本此即陳留本也凡詩文九十四首與張本互有增損張本薦董卓表一篇此本刪去考劉克莊後村詩話已論邕此表則宋本已有之此本蓋為鄉曲諱也又子部雜家雜考類獨斷二卷皆考論舊制綜述遺文與白虎通義風俗通義俱為講漢學者之資樞風俗通義多說雜事不及二書之字字皆為典據焉

汪氏文選撰人篇目曰後漢蔡伯喈邕有郭林宗碑文陳仲弓碑文嚴氏鐵橋漫叟重編蔡中郎集敘曰漢魏六

朝文集傳于今世者多近代新輯蔡邕集則舊本殘闕北宋增補前明又屢增補者也案隋志十二卷梁有二十卷錄一卷舊新唐志二十卷崇文總目五卷書錄解題通考宋志十卷晁氏志亦十卷云九十篇已上本皆不存天聖中歐靜本十卷六十四篇明初小板九行本十卷外傳一卷及錫山活字本蘭雪堂活字別本即歐靜本增補六篇凡六十九篇俞汝成增入獨斷復增補為九十二篇汪士賢刪獨斷餘同俞本張溥復刪補為百二十四篇搜羅尚未賅備又失落楊賜第一碑而劉鐘南碑各本皆未刪案本傳所著詩賦碑誄獨斷勸學等凡百四篇是晉宋古本獨斷在集中隋志無獨斷入集故不載 案兩志亦然續漢禮儀志上注有車駕上原陵記案此似即所擬禮意中之一事 隸釋有陳球碑劉寬後碑皆鉅篇北堂書鈔文選注御覽徵引短篇章段為張溥所望漏者甚多今統鈔六朝唐宋各書所載以校勘明刻本正其譌誤補其闕遺得百四十六篇重加編次為十四卷錄一卷卷數少于梁唐篇數溢于本傳皆注明出處以便覆覈其注稱本集者明初小板本也本集有而各書未引見者二十五篇此等處亦考出其繆密人所難能 或當是舊本其中或雜以他人之文既無顯據宜仍其舊張溥本有琴贊俟考出處說郭載月令問答明堂月令月令篇名皆月令章句之文其書久亡明刻本入集今亦附集末東漢學問文章首

推班張崔蔡實則蔡在崔上蔡之月令章句靈紀十意四十二列傳不存集雖存而殘缺不全收聚散亡尚見古本崖略蔡文不盡此而盡于此又自編四錄堂類集總目蔡中郎集十四卷錄一卷可均校編 曾氏補志曰楊氏外集有琴贊考書鈔一百九則蔡康作也 馮氏詩紀輯存飲馬長城窟行等詩六首其樊惠退歌即樊渠頌琴歌即釋譚文除此二首合以嚴氏輯文是蔡集之善本 張氏書目答問蔡中郎集六卷聊城楊氏仿宋本附獨斷二卷通行三本皆遜此本嚴可均校補蔡中郎集十四卷錄一卷未刊 案今刊入全後漢文編中皆獨斷二卷故止十二卷其錄一卷亦省之 案范書本傳有篆勢無隸勢嚴輯本隸勢篇下注云案此篇當是衛恆作本集有之 姑不刪考衛恆四體書勢惟首一篇汲冢古文贊為恆所自作以汲冢書新出前人無有為古文書執者故也其餘篆隸二執皆取之蔡邕草書執取之崔瑗恆序言之甚明唐張懷瓘書斷亦引蔡邕隸執此尤為顯證或多以為衛恆作嚴氏亦為所惑皆以晉書所載四體書執中間敝一邕字故也 梁又有士孫瑞集二卷亡 後漢書王允傳允見董卓禍毒方深篡逆已兆密謀共誅之乃上執金吾士孫瑞為南陽太守將兵出武關道以討袁術為名實欲分路征卓而後拔天子還洛陽卓疑而留之允

乃引內瑞為博士又曰士孫瑞字君策扶風人頗有才謀瑞以允自專討董卓之勞故歸功不侯所以獲免于難 免權備禍濟長安殺王允之難也 後為國三老光祿大夫每三公缺楊彪皇甫嵩皆讓位于瑞興平二年從駕東歸為亂兵所殺 獻帝本紀興平二年十一月庚午午權郭汜等追乘輿戰于東澗王師敗績殺衛尉士孫瑞 魏志獻帝紀注曰時尚書令士孫瑞為亂兵所殺 魏志董卓傳初平三年四月司徒王允尚書僕射士孫瑞卓將呂布共謀誅卓遂殺卓夷三族裴松之曰三輔決錄注瑞字君策扶風人世為學問瑞少傳家業博達無所不通仕歷顯位卓既誅遷大司農為國三老每三公缺瑞嘗在選中天子都許追論瑞功封瑞子萌澹津亭侯 唐林寶元和姓纂士孫氏漢書平陵士孫張為博士揚州牧明梁邱易六代孫時後漢弘農太守生瑞尚書令瑞生萌字文始議郎灌津侯生賢穎 案漢書儒林易家梁丘賀傳賀子臨臨授五鹿充宗充宗授平陵士孫張仲方為博士至揚州牧光祿大夫給事中家世傳業由是梁丘有士孫之學蓋世傳易至漢魏時猶未失墜者平陵右扶風縣也 唐書經籍藝文志士孫瑞集二卷 嚴氏全後漢文編曰士孫瑞字君策扶風人中平末以處士擢鷹揚校尉獻帝初為執金吾出為南陽太守未行留拜尚書僕射大司農衛尉國三老光祿大夫尚書令興平二年從駕東歸為亂兵所殺有集二卷書鈔有理

王允等事通典有日蝕行冠禮議藝文類聚有劍銘各一條

後漢泰山太守應劭集二卷梁四卷

應劭有漢書集解見史部正史類

後漢書應奉傳奉子劭博覽多聞為駁議三十篇又刪定律令為漢儀二百五十篇又綴

集所聞為漢官禮儀故事錄郡國所上前人像贊為狀人紀論當時行事著中漢輯序撰

風俗通凡所著述百三十六篇又集解漢書

皆傳于時弟子瑒瑒並以文才稱應氏諸子

宦學並有才名至瑒七世通顯

又傳論曰應氏七世才聞而奉劭采章為盛

及撰著篇籍甄紀異知雖云小道亦有可觀

者焉

唐書經籍藝文志應劭集四卷

嚴氏全後漢文編應劭有集四卷今輯存賁

藥物表奏上刪定律令駁韓卓募兵鮮卑議

鮮卑胡市議追駁尚書陳忠議舊名諱議營

陵令到官移書申約吏民風俗通義序凡八

篇

梁又有別部司馬張超集五卷亡

後漢書文苑傳張超字子並河間鄭人也留

侯良之後有文才靈帝時從車騎將軍朱儁

征黃巾為別部司馬著賦頌碑文薦檄棧書

謁文嘲凡十九篇超又善于草書妙絕時人

世共傳之

唐書經籍藝文志張邵集五卷 玉海藝文謂此

即張超而誤為邵

宋史藝文志張超集三卷

嚴氏全後漢文編張超有集五卷今引見諸

書有誦青衣賦與某公牋與太尉朱雋書尼

父頌揚四公頌靈帝河間舊廬碑凡六篇

後漢少府孔融集九卷梁十卷錄一卷

孔融有春秋雜疑難見經部春秋左氏學家

後漢書本傳魏文帝深好融文辭歎曰揚班

儔也慕天下有上融文章者輒賞以金帛所

著詩頌碑文論議六言策文表檄教令書記

凡二十五篇

魏志王粲傳注典論曰今之文人魯國孔融

廣陵陳琳山陽王粲北海徐幹陳留阮瑀汝

南應瑒東平劉楨斯七子者于學無所遺于

辭無所假咸自騁騁驥于千里仰齊足而並

馳又曰孔融體氣高妙有過人者然不能持

論理不勝辭至于難以嘲戲及其所善揚班

之儔也

文心雕龍才略篇曰孔融氣盛于為筆又誄

碑篇曰後漢碑碣莫高蔡邕孔融所創有慕

伯喈張陳兩文辨給足采亦其亞也又詔策

篇曰孔融之守北海文教麗而罕于理乃治

體乖也又論說篇曰孔融孝廉但談嘲戲又

章表篇曰文舉之薦禰衡氣揚采飛又書記

篇曰文舉屬章半簡必錄

唐書經籍藝文志孔融集十卷

四庫提要曰孔北海集一卷漢孔融撰案魏

文帝典論論文稱孔氏卓卓信含異氣筆墨

之性殆不可勝其集隋志九卷梁十卷錄一

卷新舊唐書皆十卷蓋猶梁時之舊本宋史

始不著錄此本乃明人所掇拾凡表一篇疏

一篇上書三篇奏事二篇議一篇對一篇教

一篇書十六篇碑銘一篇論四篇詩六篇共

三十七篇生聖人優劣論蓋一文而析為兩

篇實三十六篇也張溥百三家亦載是集而

較此本少二篇大抵摺拾史傳類書多斷簡

殘章首尾不具不但非隋唐之舊即蘇軾所

稱楊氏四公贊今本亦無之則宋人所及見

者今已不具矣然人既國器文亦鴻寶雖闕

佚之餘彌可珍也其六言詩見于本傳今所

傳三章詞多凡近又皆盛稱曹操功德斷以

融之生平可信其義不出此即使舊本有之

亦必黃初間購求遺文贗託融作以頌曹操

未可定為真本也

汪氏文選撰人篇目後漢孔文舉融有薦彌

衡表論盛孝章書二篇

嚴氏全後漢文編曰融與劉楨王粲陳琳阮

瑀徐幹應瑒為建安七子有春秋雜疑難五

卷集十卷今輯存疏議教書論碑銘三十九

篇編為一卷

後漢侍御史虞翻集二卷梁三卷錄一卷

虞翻有周易注見經部易家

吳志本傳州舉茂才漢召為侍御史曹公為

司空辟皆不就翻與少府孔融書并示以所

著易注融答書曰觀象雲物察應寒溫原其

禍福與神合契可謂探賾窮通者也會稽東

部都尉張紘又與融書曰虞仲翔前頗為論

者所侵美寶爲質彫摩益光不足以損及徒
交州雖處罪放而講學不倦門徒常數百人
又爲老子論語國語訓注皆傳于世又評曰
虞翻古之狂固難免乎末世然權不能容
非曠字也

唐書經籍志後漢虞翻集三卷

唐書藝文志吳虞翻集三卷

嚴氏全三國文編曰虞翻有周易注九卷周
易集林律曆一卷國語注二十一卷論語注
十卷老子注二卷太玄經注十四卷集三卷
隋志以翻屬後漢今考翻卒在權稱尊號之
後宜編入吳傳注及御覽諸書有上吳主書
奏上易注奏鄭玄解尚書違失事因追與客
書與丁固同僚書與徐陵書與士仁書與所
親書與某書與弟書又與弟書凡十二篇

案本志易家稱吳侍御史與此稱後漢者

異考本傳翻仕孫策孫權未嘗爲侍御史

亦未嘗入漢朝應召爲侍御史而其後孫

亮時會稽太守濮陽興書佐朱育皆稱翻

爲侍御史見傳注引會稽典錄 韋昭注國語

稱故侍御史釋文敘錄亦稱後漢侍御史

豈後人以翻仕吳不得志因以漢所授官

號稱之歟翻實始終于吳稱後漢殊不然

也

又案傳注引會稽典錄有虞仲翔對太守

王朗問十一篇嚴氏未采失之眉睫亦有

朱育對太守濮陽興問一篇嚴亦未采則

三國文編中並失去朱育一家殊可惜也

後漢討虜長史張紘集一卷梁二卷錄一卷

吳志列傳張紘字子綱廣陵人少游學京都

還本郡舉茂才公府辟皆不就避難江東孫

策創業遂委質焉表爲正議校尉建安四年

策遣紘奉表至許宮留爲侍御史少府孔融

等皆與親善策薨曹公表權爲討虜將軍領

會稽太守欲令紘輔權內附出紘爲會稽東

部都尉後權以紘爲長史紘建計宜出都秣

陵權從之令還吳迎家道病卒時年六十紘

著詩賦銘誄十餘篇 案吳志紘徙涪秣陵城石頭

改秣陵爲建業在建安十六年紘之卒當在此兩年中

又傳注吳書曰紘入太學事博士韓宗治京

氏易歐陽尚書又于外黃從濮陽閻受韓詩

及禮記左氏春秋大將軍何進太尉朱雋司

空苟爽三府辟爲掾皆不就權初承統每有

異事密計及章表書記與四方交接常令紘

與張昭草創撰作紘以破虜有破走董卓扶

持漢室之勳討逆平定江外建立大業宜有

紀頌以昭公義既成呈權權省讀悲感曰君

眞識孤家門閥閱也 破虜將軍張紘討逆將軍孫

策紀其事而係以頌也又曰紘見構榴枕愛其文

爲作賦陳琳在北見之以示人曰此吾鄉里

張子綱所作也紘既好文學又善楷篆書與

孔融書自書融遺紘書曰前勞手筆多篆書

每舉篇見字欣然獨笑如復覩其人也

唐書經籍藝文志張紘集一卷

嚴氏全後漢文編曰張紘吳志有傳隋志及

藝文類聚御覽皆列于後漢今從之紘有集

二卷今存環材枕賦環材枕銘爲孫會稽黃
衰術僭號書與孔融書臨困授子靖留牋凡
五篇傳注有構榴枕賦未知卽環材枕賦否
也

梁有後漢處士彌衡集二卷錄一卷亡

後漢書文苑傳彌衡字正平原般人也少

有才辨而氣尚剛傲好矯時慢物與平中避

難荆州建安初來游許下唯善孔融楊修融

深愛其才衡始弱冠而融年四十遂與爲交

友上疏薦之融既愛衡才數稱述于曹操操

欲見之而衡素相輕疾而數有恣言乃召爲

鼓史後送與劉表表及荆州士大夫先服其

才名甚寶禮之文章言議非衡不定後復侮

慢于表表送與黃祖祖亦善待焉衡爲作書

記輕重疏密各得體宜祖長子射爲章陵太

守尤善于衡人有獻鸚鵡者射舉卮于衡曰

願先生賦之衡覽筆而作文無加點辭采甚

麗後大罵黃祖祖志卽時殺焉射徒跳來救

不及時年二十六其文章多亡云

文心雕龍哀弔篇曰彌衡之弔平子綉麗而

輕清又書記篇曰彌衡代書親疏得宜斯又

尺牘之偏才也又才略篇曰孔融氣盛于爲

筆彌衡思銳于爲文有偏美焉

唐書經籍藝文志彌衡集二卷

汪氏文選撰人篇目後漢彌正平衡有鸚鵡

賦

嚴氏全後漢文編彌衡有集二卷今存鸚鵡

賦魯夫子碑顏子碑弔張衡文凡四篇又選

注引彌衡書一條

後漢尚書右丞潘勗集二卷梁有錄一卷亡

魏志衛覬傳建安末尚書右丞河南潘勗亦與覬並以文章顯文章志曰勗字元茂初名芝後避諱改名勗或曰勗獻帝時為尚書郎遷右丞詔以勗前在二千石曹才敏兼通明習舊事勗并領本職數加特賜二十年遷東海相未發留拜尚書左丞其年病卒時年五十餘魏公九錫策命勗所作也

又武紀建安十八年五月丙申天子使御史大夫郝慮持節策命公為魏公加九錫裴松之曰後漢尚書左丞潘勗之辭也勗字元茂陳留中牟人

太平御覽文部殷洪小說曰魏國初建潘勗為策命文自漢武以來未有此制勗乃依商周憲章唐虞辭義溫雅與典詰同風 案殷洪當是殷雲之誤其云漢武以來見漢書武紀元朔元年有司奏議言九錫者蓋始于此其見諸行事則自王莽始

文心雕龍銘箴篇曰潘勗符節要而失淺又才略篇曰潘勗憑經以聘才故絕羣于錫命唐書經籍藝文志潘勗集二卷

汪氏文選撰人篇曰後漢潘元茂勗有冊魏公九錫文

嚴氏全後漢文編潘勗有集二卷今存玄遠賦冊魏公九錫文擬連珠尚書令荀彧碑凡四篇

後漢丞相倉曹屬阮瑀集五卷梁有錄一卷亡 魏志王粲傳陳留阮瑀字元瑜少受學于蔡

邕建安中都護曹洪欲使掌書記瑀終不為

屈太祖以為司空軍謀祭酒管記室軍國書檄多瑀與陳琳所作瑀以十七年卒文帝書與元城令吳質曰元瑜書記翩翩致足樂也又傳注典略曰太祖嘗使瑀作書與韓遂時太祖適近出瑀隨從因于馬上具草書成呈之太祖嗔筆欲有所定而竟不能增損臣松之案魚氏典略摯虞文章志並云瑀建安初辭疾避役不為曹洪屈得太祖召即投杖而起又典略載太祖初征荊州使瑀作書與劉備及征馬超又使瑀作書與韓遂此二書今具存案瑀子籍習書有傳蓋陳留尉氏人也

鍾嶸詩品曰魏倉曹屬阮瑀詩平典不失古體

文心雕龍才略篇曰琳瑀以符檄擅聲又哀弔篇曰胡阮之弔夷齊褒而無間仲宣所制譏呵實工然則胡阮嘉其清王子傷其隘各其志也 案胡廣王粲並有弔夷齊文

唐書經籍藝文志阮瑀集五卷 馮氏詩紀輯存樂府琴歌及詠史詩七哀詩等凡十篇

張氏百三家阮元瑜集輯本一卷凡賦論書牋文詩十九篇

汪氏文選撰人篇曰魏阮元瑜瑀有與孫權書

嚴氏全後漢文編阮瑀有集五卷今存紀征賦止欲賦箴賦鸚鵡賦謝曹公牋為曹公作書與孫權為曹公與劉備書文質論弔伯夷

凡九篇 魏太子文學徐幹集五卷梁有錄一卷亡

徐幹有中論見子部儒家 魏志王粲傳注典論曰今之文人北海徐幹如幹之玄緩漏卮圓扇橋賦雖張蔡不過也然于他文未能稱是

晉殷基通語逸文曰才貴精學貴講實勝文石建文勝質蔡邕文質彬彬徐幹庶幾也 鍾嶸評魏文學徐幹詩曰偉長與公幹往復雖曰以蕙扣鍾亦能開雅矣

文心雕龍才略篇曰徐幹以賦論標美又詮賦篇曰偉長博通時逢壯采哀弔篇曰建安哀辭惟偉長差善行女一篇時有惻怛

唐書經籍藝文志魏徐幹集五卷唐志入魏代者非也並詳後丁儀丁廙集條下

馮氏詩紀輯存答劉公幹詩情詩雜詩凡五篇九首

嚴氏全後漢文編曰徐幹為五官將文學有中論六卷集五卷今存齊都賦西征賦序征賦哀別賦嘉夢賦冠賦團扇賦車渠椀賦七喻失題凡十篇

魏太子文學應瑒集一卷梁有五卷錄一卷亡 魏志王粲傳始文帝為五官將及平原侯植皆好文學粲與汝南應瑒字德璉並見友善

太祖辟為丞相掾屬轉為平原侯庶子後為五官將文學成著文賦數十篇瑒以建安二十二年卒文帝書與元城令吳質曰德璉常斐然有述作意其才學足以著書美志不遂

良可痛息

又傳注華嶠漢書曰瑒祖奉為世儒者延熹中至司隸校尉子劭亦博學多識官至泰山太守劭弟珣字季瑜司空掾即瑒之父也

文心雕龍才略篇曰應瑒學優以得文又序志篇曰詳觀近代之論文者若應瑒文論華而疏略

唐書經籍藝文志魏應瑒集二卷案此入魏代亦非

馮氏詩紀輯存公讌詩五官中郎將建章臺集詩別詩鬪雞詩凡五篇六首

張氏百三家應德璉集一卷凡賦書論雜文詩二十篇

汪氏文選撰人篇目魏應德璉瑒有建章臺詩原作建立宋臺詩誤也

嚴氏全後漢文編曰應瑒為五官中郎將文學有集五卷今存愁霖賦靈河賦正情賦撰征賦西征賦西狩賦馳射賦校獵賦神女賦車渠碗賦疎迷迭賦楊柳賦鸚鵡賦騷賦報龐惠恭書釋賓文質論弈勢凡一十八篇

後漢丞相軍謀掾陳琳集三卷梁十卷錄一卷

魏志王粲傳廣陵陳琳字孔璋前為何進主簿進欲誅宦官太后不聽進乃召四方猛將並使引兵向京城欲以劫恐太后琳諫進進不納其言竟以取禍琳避難冀州袁紹使典文章袁氏敗琳歸太祖太祖謂曰卿昔為本初移書但可罪狀孤而已惡惡止其身何乃上及父祖耶琳謝罪太祖愛其才而不咎與

阮瑀並為司空軍謀祭酒管記室軍國書檄多琳瑀所作琳徒門下督著文賦數十篇建安二十二年卒文帝書與元城令吳質曰孔璋章表殊健微為繁富注又引典論曰琳瑀之章表書記今之備也

又傳注典略曰琳作諸書及檄草成呈太祖太祖先苦頭風是日疾發臥讀琳所作翕然而起曰此愈我病數加厚賜

又吳志張紘傳注吳書曰紘見陳琳作武庫賦應讖論與琳書深歎美之琳答書

文心雕龍檄移篇曰陳琳之檄豫州壯有骨鯁雖奸闖擄養章密太甚發邱摸金誣過其虐然抗辭書聲傲然露骨矣敢指曹公之鋒

幸哉免袁黨之戮也又書記篇曰陳琳諫辭稱掩目捕雀引俗說而為文辭者也

唐書經籍藝文志陳琳集十卷宋史藝文志同崇文總目陳琳文集九卷

陳氏書錄解題陳孔彰集十卷魏丞相軍謀掾廣陵陳琳孔彰撰魏文帝典論以孔融王

粲徐幹陳琳阮瑀瑒劉楨七人所謂建安七子者也今諸家詩文散見于文選及諸類

書其以集傳者仲宜孔璋而已案陳氏稱魏丞相軍謀議讓甚此丞相即曹操也魏當為漢

馮氏詩紀輯存飲馬長城窟行游覽宴會詩三篇四首

張氏百三家陳記室集一卷凡賦上書書牋檄版文設難樂府詩二十二篇

汪氏文選撰人篇目魏陳孔璋琳有答東阿

王牋上魏文帝書檄豫州檄吳將校嚴氏全後漢文編輯本一卷凡大畧賦止欲賦武庫賦神武賦神女賦大荒賦迷迭賦馬瑤勒賦柳賦鸚鵡賦諫何進召外兵答東阿王箋更公孫瓚與子書答張紘書為曹洪與魏太子書為袁紹檄豫州檄吳將校部曲應譏章端碑十九篇

魏太子文學劉楨集四卷錄一卷

劉楨有毛詩義問十卷見經部詩類

魏志王粲傳粲與東平劉楨等咸著文賦數十篇注引典論曰琳瑀之章表書記今之備也應瑒和而不壯劉楨壯而不密又魏略曰建安二十三年太子又與吳質書曰孔璋章表殊健公幹有逸氣但未逾耳至其五言詩妙絕當時

鍾嶸詩品曰魏文學劉楨詩其源出于古詩仗氣愛奇動多振絕真骨凌霜高風跨俗但氣過其文影潤恨少然自陳思以下楨稱獨步

文心雕龍才略篇曰劉楨情高以會采又書記篇曰公幹箋記麗而規益子桓弗論故世所共遺若略取名實則有美于為詩矣

唐書經籍藝文志魏劉楨集二卷案此入魏代亦非

馮氏詩紀輯存公讌詩雜詩鬪雞射雉失題凡八篇十四首

張氏百三家劉公幹集一卷凡賦書碑詩十七篇

七篇

汪氏文選撰人篇目魏劉公幹楨有公讌詩贈五官中郎將詩贈徐幹詩贈從弟詩雜詩一首雜詩本二首此錄其一也

嚴氏全後漢文編曰劉楨為平原侯庶子五官將文學有毛詩義問十卷集四卷今存大暑賦黎陽山賦魯都賦遂志賦清慮賦瓜賦與曹植書諫曹植書答魏太子不借廓落帶書處士國文甫碑凡十篇

後漢丞相主簿繁欽集十卷梁錄一卷亡

魏志王粲傳自穎川邯鄲淳繁欽等亦有文采裴松之曰繁音婆典略曰欽字休伯以文才機辨少得名于汝穎欽既長于書記又善為詩賦其所與太子書記喉轉意率皆巧麗為丞相主簿建安二十三年卒

文選繁休伯與文帝牋注文章志曰繁欽字休伯穎川人少以文辨知名以豫州從事稍遷至丞相主簿病卒文帝集序云上西征余守譙繁欽從時薛訪車子能喉轉與笳同音欽牋還與余而盛歎之雖過其實而其文甚麗亦見汪氏文選撰人篇目

唐書經籍藝文志繁欽集十卷

馮氏詩紀輯存四五言詩凡六篇

嚴氏全後漢文編曰繁欽有集十卷今有暑賦抑檢賦明賦愁思賦一作秋思弭愁賦述征賦述行賦一作遂行避地賦征天山賦

一作撰征賦建章鳳闕賦三胡賦秦賦柳賦與

魏太子箋為史叔良作移零陵檄川里先生訓視頌祝贊尚書箴威儀箴嘲應德蓮文丘

雋碑凡二十二篇

後漢丞相主簿楊修集一卷梁二卷錄一卷

後漢書楊震傳震弘農華陰人也中子秉秉子賜賜子彪彪子修字德祖好學有俊才為丞相曹操主簿操忌修且以袁術之甥慮為後患遂因事殺之修所著賦頌碑贊詩哀辭表記書凡十五篇

又傳注續漢書曰人有白修與臨淄侯曹植飲醉共載從司馬門出謗訕鄴陵侯章太祖聞之大怒故遂收殺之時年四十五矣

魏志陳思王植傳注典略曰修建安中舉孝廉除郎中丞相請署倉曹屬主簿是時軍國多事修總知外內事皆稱意自魏太子以下並爭與交好臨淄侯植後以驕縱見疏而植故連綴修不止修亦不敢自絕至二十四年秋公以修前後漏泄言教交關諸侯乃殺殺之修臨死謂故人曰我固自以死之晚也其意以為坐曹植也修死後百餘日而太祖薨

文心雕龍才略篇曰路粹楊修懷筆記之工唐書經籍藝文志楊修集二卷汪氏文選撰人篇目後漢楊德祖修有答臨淄侯牋

嚴氏全後漢文編楊修有集二卷今存節游賦出征賦許昌宮賦神女賦孔雀賦答臨淄侯箋司空荀爽述贊凡七篇

後漢侍中王粲集十一卷

王粲有尚書釋問四卷見經部書類魏志本傳魏國既建拜侍中博物多識問無

不對時舊儀廢弛與造制度粲恢典之性善算作算術略盡其理善屬文學筆便成無所改定時人常以為宿構然正復精意覃思亦不能加也著詩賦論議垂六十篇文帝書與元城令吳質曰仲宣獨自善于辭賦惜其體弱不起其文至于所善古人無以遠過也

又傳注典論曰粲長于辭賦如粲之初征登樓槐賦征思雖張蔡不過也又典略曰粲才既高辯論應機鍾繇王朗等雖各為魏卿相至于朝廷奏議皆閉筆不能措手

又傳評曰昔文帝陳王博好文采同聲相應才士並出惟粲等六人最見名目而粲特處常伯之官與一代之制然其沖虛德宇未若徐幹之粹也

宋書樂志太和初侍中繆襲安世歌本漢時歌名魏國初建故侍中王粲作登歌安世詩專以思詠神靈及鑿享之意又曰漢巴渝舞之曲四篇其辭既古莫能曉其句度魏初乃使王粲改創其辭又曰魏國初建使王粲改作登歌及安世巴渝詩又曰王粲所撰安世詩今亡

文章流別傳曰後世器銘之佳者有王莽鼎銘崔瑗机銘朱公叔鼎銘王粲視銘又曰王粲所與蔡子篤睦及文叔良類士孫文始萌楊德祖修詩及為潘文則作思親詩其文當而整皆近乎雅矣

鍾嶸詩品曰魏侍中王粲詩其源出于李陵發愀愴之詞文秀而質羸在曹劉間別構一

體方陳思不足比魏文有餘

文心雕龍詮賦篇曰仲宣靡密發端必適又

雜文篇曰仲宣七釋致辯于事理又才略篇

曰仲宣溢才捷而能密文多兼善辭少瑕累

摘其詩賦則七子之冠冕乎

金樓子雜記篇曰王仲宣昔在荊州著書數

十篇荊州壞盡焚其書今存者一篇知名之

士咸重之見虎一毛不知其斑案此所云他書

不概見其事莫得而詳其所存一篇亦不知何書

顏氏家訓勉學篇曰吾初入鄴與博陵崔文

彥交游嘗說王粲集中難鄭玄尙書事崔轉

爲諸儒道之始將發口懸見排蹙云文集止

有詩賦銘誄豈常論經書事乎且先儒之中

未聞有王粲也崔笑而退竟不以粲集示之

唐書經籍藝文志王粲集十卷宋史志八卷

晁氏讀書志王粲集八卷粲著詩賦論議垂

六十篇今集有八十一首案唐志粲集十卷

今亡兩卷其詩文反多于史所紀二十餘篇

案史所言篇數或以卷分或以類分晁氏以首數爲篇數

似不然又云亡兩卷者蓋卽尙書問析出別行其後鄭

氏門人田瓊韓益爲解釋之卽七錄所載尙書釋問四卷

是也詳見本條

馮氏詩紀輯存樂府及四五言詩十二篇二

十六首

張氏百三家王侍中集一卷凡賦書檄七記

論連珠贊銘祭文樂府詩綜五十六篇

汪氏文選撰人篇目魏王仲宣粲有登樓賦

公讎詩詠史詩七哀詩贈蔡子篤詩贈士孫

文始詩贈文叔良詩從軍詩五首雜詩一首

嚴氏全後漢文編王粲有去伐論集三卷漢

末英雄記十卷集十一卷今存賦書檄七釋

頌贊論荊州文學官志做連珠銘弔綜四十

六篇編爲二卷

案王粲傳云魏國既建拜侍中又武紀建

安十八年十一月初置尙書侍中六卿注

引魏氏春秋曰以王粲杜襲衛覬和洽爲

侍中是王粲爲魏國侍中非漢侍中經部

書類題魏侍中魏下當增國字此題後漢

侍中則全非事實矣

梁有魏國郎中令路粹集二卷錄一卷亡

魏志王粲傳注典略曰粹字文蔚少學于蔡

邕初平中隨車駕至三輔建安初以高才與

京兆嚴像擢拜尙書郎粹後爲軍謀祭酒與

陳琳阮瑀等典記室及孔融有過太祖使粹

爲奏承指數致融罪融誅之後人觀粹所作

無不嘉其才而畏其筆也至十九年粹轉爲

祕書令從大軍至漢中坐違禁賤請驢伏法

太子素與粹善聞其死爲之歎惜及卽位特

用其子爲長史案此則路粹官至祕書令本志引七

錄題尙書令未詳孰是

文心雕龍奏啓篇曰觀孔光之奏董賢則實

其奸回路粹之奏孔融則誣其覺惡名儒之

與儉士固殊心焉

唐書經籍藝文志魏路粹集二卷案此入魏代

亦非
嚴氏全後漢文編曰路粹有集二卷今惟存

枉狀奏孔融爲曹公與孔融書各一篇並見

融傳

梁有行御史大夫袁渙集五卷錄一卷亡

魏志本傳渙字曜卿陳郡扶樂人也父滂爲

漢司徒渙初爲郡功曹後辟公府舉高第遷

侍御史劉備之爲豫州舉渙茂才後避地江

淮間爲袁術所命呂布擊術于阜陵渙往從

之布破歸太祖拜爲沛南部都尉遷梁相病

去官後徵爲諫議大夫丞相軍祭酒魏國初

建爲郎中令行御史大夫事居官數年卒

唐書經籍藝文志魏袁渙集五卷案此入魏代

亦非

嚴氏全後漢文編袁渙有集五卷今存與主

簿孫徵等教說曹公與曹子建書凡三篇

梁有魏國奉常王修集二卷亡

魏志本傳修字叔治北海營陵人也初平中

北海相孔融召以爲主簿守高密令舉孝廉

不行復署功曹守膠東令融每有難常賴修

以免袁譚在青州辟修爲治中從事袁紹又

辟除卽墨令紹譚死遂詣太祖爲司空掾行

司金中郎將遷魏郡太守魏國既建爲大司

農郎中令徙奉常病卒官

唐書經籍藝文志魏王修集三卷案此入魏代

亦非

嚴氏全後漢文編王修有集三卷今存四孤

議奏記曹公陳黃白異議誠子書各一篇

後漢尙書丁儀集一卷梁二卷錄一卷
後漢黃門郎丁廙集一卷梁二卷錄一卷

魏志王粲傳自穎川邯鄲淳繁欽陳留路粹沛國丁儀丁廙弘農楊修河內荀緯等皆有文采而不在此七人之列 謂此亦七人而不在文帝所論建安七子之列也建安七子亦云鄴下七子見前孔融集條

又陳思王植傳植既以才見異而丁儀丁廙楊修等爲之羽翼太祖狐疑幾爲太子者數矣而植任性而行不自彫勵飲酒不節文帝御之以術矯情自飾宮人左右並爲之說故遂定爲嗣植嘗乘車行馳道中開司馬門出太祖大怒公車令坐死由是重諸侯科禁而植寵日衰太祖既慮終始之變以楊修頗有才策又袁氏之甥也于是以罪誅修文帝即王位誅丁儀丁廙并其男口

又傳注魏略曰丁儀字正禮沛郡人也父冲宿與太祖親善太祖嘗德之聞儀爲令士辟爲掾與臨淄侯親善數稱其奇才太祖既有意立植而儀又共贊之及太子立欲治儀罪轉儀爲右刺姦掾欲儀自裁而儀不能乃對中領軍夏侯尚叩頭求哀尚爲涕泣而不能救後遂因職事收付獄殺之廙字敬禮儀之弟也文士傳曰廙少有才姿博學洽聞初辟公府建安中爲黃門侍郎

唐書經籍藝文志魏丁儀集二卷丁廙集二卷案此入魏代亦非

嚴氏全後漢文編輯存丁儀厲志賦周成漢昭論刑禮論凡三篇又丁廙蔡伯喈女賦彈棊賦二篇

案舊唐志以袁渙應場徐幹劉楨路粹丁儀丁廙王修八家皆入之魏代新唐志因之不知此八人皆卒于建安之時其時雖魏國已建而漢天子猶在位所謂魏公魏王者猶是漢之諸侯王故比之諸侯王官屬仍隸後漢此本志據七錄限斷之例之最善者唐志不究其所以然邊爾更易稍疏甚矣其他諸家記載于漢魏之際亦復多所依違莫衷一是唯本志此類及嚴氏文編則具有斷制無所遷就可爲定讞

梁又有婦人後漢黃門郎秦嘉妻徐淑集一卷鍾嶸詩品曰漢上計秦嘉妻徐淑詩夫妻事既可傷文亦悽怨爲五言者不過數家而婦人居二徐淑別之作亞于團扇矣馮氏詩紀曰秦嘉字士會隴西人有留郡贈婦詩三首其序云嘉爲上計掾其妻徐淑寢疾還家不獲面別贈詩云爾又有贈婦詩一首述昏詩二章徐淑有答秦嘉詩一首嚴氏鐵橋漫稿後漢秦嘉妻徐淑傳序曰嘉字士會後漢桓帝時人官黃門郎作秦嘉妻傳其文多拾成言可補范書列女傳之闕其略曰隴西秦嘉妻者同郡徐氏女也名淑有才章適嘉嘉仕郡淑居下縣有疾嘉舉上計掾將行以車迎淑爲別而與淑書淑答書以疾未能行嘉重報淑淑又報嘉書嘉遂行入洛尋除黃門郎居數年病卒于津鄉亭初淑生一女無子及嘉奉使淑乞子而養之尋

守寡時猶豐少兄弟將嫁之誓而不許爲書與兄弟竟毀形不嫁哀慟傷生亡後子還所生朝廷通儒移其鄉邑錄淑所養子還繼秦氏之祀淑所著詩文有集一卷

又全後漢文編曰秦嘉字士會隴西人桓帝時仕郡舉上計掾入洛除黃門郎病卒于津鄉亭有與妻徐淑書重報妻書各一篇徐淑有集一卷今存答夫秦嘉書一篇又報嘉書一篇爲誓書與兄弟一篇

案秦嘉有詩文傳世而本志無其集古來文集多附載他人往還之作或嘉之詩文并在徐淑集中未可知也元和姓纂曰後漢上計掾秦嘉集錄下邳皮仲固撰則嘉亦有集抑姓纂嘉下邳妻字亦即徐淑集而皮仲固爲之敘也

梁又有後漢董祀妻蔡文姬集一卷亡

後漢書列女傳陳留董祀妻者同郡蔡邕之女也名琰字文姬博學有才辯又妙于音律適河東衛仲道夫亡無子歸寧于家與平中天下喪亂文姬爲胡騎所獲沒于南匈奴左賢王在胡中十二年生二子曹操素與邕善痛其無嗣乃遣使者以金璧贖之而重嫁于祀祀爲屯田都尉犯法當死文姬詣曹操請之時公卿名士及遠方使驛坐者滿堂操謂賓客曰蔡伯喈女在外今爲諸君見之及文姬進蓬首徒行叩頭請罪曹辭辨旨甚酸哀衆皆爲改容操感其言乃追原祀罪時且寒賜以頭巾履襪操因問曰聞夫人家先多

墳籍猶能憶識之。不文姬曰：昔亡父賜書四

千許卷，流離塗炭，罔有存者。今所謂憶裁四

百餘篇耳。操曰：今當使十吏就夫人寫之。文

姬曰：妾聞男女之別，禮不親授。乞給紙筆，真

草唯命。于是繕書送之。文無遺誤。後感傷亂

離，追懷悲憤，作詩二章。案范書：此傳載其詩之後

絕無一語。其文似不完。故其所著若干篇，及其餘事，皆不

得而詳。丁廙有蔡伯喈女賦，當在此時。作同作者，當不

止丁廙一人。王粲得蔡氏家書之事，雖中郎有是言，觀

于此傳，亦未必實有其事也。

魏文帝集蔡伯喈女賦序曰：家公與蔡伯喈

有管鮑之好，乃命使者周近持玄璧于匈奴

贖其女，還以妻屯田都尉使者。

宋書藝文志：經部樂類蔡琰胡笳十八拍四

卷。

隋書經籍志考證卷三十九之三

集部二之三
別集類三三國

魏武帝集二十六卷。梁三十卷。錄一卷。梁又有武

皇帝逸集十卷。亡

魏武帝集新撰十卷

魏志本紀注：魏書曰：太祖御軍三十餘年，手

不捨書畫，則講武策，夜則思經傳，登高必賦

及造新詩，被之管絃，皆成樂章。

又文帝紀注：論自敘曰：上雅好詩書文籍，

雖在軍旅，手不釋卷，每每定省，從容常言人

少好學，則思專長，則善忘，長大而能勤學者，

唯吾與袁伯業耳。袁遺字伯業，袁紹從兄。見魏紀初

平元年表。氏注。

鍾嶸詩品曰：曹公古直，甚有悲涼之句。

文心雕龍時序篇曰：建安之末，區宇方輯，魏

九卷兵法一卷。集三十卷。逸集十卷。今存賦

策表奏上書，上事教令書序家傳四時食制

祀故太尉橋玄文，凡一百五十篇。編為三卷。

魏文帝集十卷。梁二十三卷。

魏文帝有典論，見經部小學家子部儒家。

魏志本紀初帝好文，學以著述為務，自所勒

成垂百篇。

又本紀評曰：文帝天資文藻，下筆成章，博聞

強識，才藝兼該。

又本紀注：魏書曰：帝八歲能屬文，有逸才，博

貫古今，經傳諸子百家之書，初在東宮，疫癘

大起，時人彫傷，帝深感歎，與素所敬者大理

王朗書曰：生有七尺之形，死為一棺之土，唯

立德揚名，可以不朽。其次莫如著篇籍，疫癘

數起，士人彫落，余獨何人能全其壽？故論撰

所著典論詩賦，蓋百餘篇。胡沖吳曆曰：帝以

素書所著典論及詩賦餉孫權，又以紙寫一

通與張昭。

鍾嶸詩品曰：魏文帝詩，其源出於李陵，頗有

仲宣之體。則所訂百許篇，率皆鄙質。如偶語

惟西北有浮雲，十餘首，殊美贍，可翫。始見其

工矣。不然，何以銓衡羣彥，對揚厥弟者耶？

文心雕龍才略篇曰：魏文之才，洋洋清綺，舊

談抑之，謂去植千里。然子建思捷而才儻，詩

麗而表逸，子桓慮詳而力緩，故不競于先鳴。

而樂府清越，典論辨要，迭用短長，亦無憎焉。

但俗情抑揚，雷同一響，遂令文帝以位尊，減

才思，王以勢窘，益價未為篤論也。又銘箴篇

篇。

汪氏文選撰人篇目：魏武帝操有樂府二道。

嚴氏全三國文編曰：魏武帝有孫子略解一

曰魏文九寶器利辭鈍序志篇云近代論文若魏文述典密而不周

唐書經籍藝文志魏文帝集十卷

宋史藝文志魏文帝集一卷

玉海藝文類中與書目曰魏文帝集六卷賦詩各二書表詔一雜文一

馮氏詩紀輯存樂府十八篇二十二首詩十六篇二十首

張氏百三家魏文帝集二卷凡賦詔令策教表書序論議連珠銘文哀策誄制樂府詩綜一百九十餘篇

汪氏文選撰人篇曰魏文帝不有芙蓉池詩樂府二首與吳質書與鍾大理書典論論文嚴氏全三國文編魏文帝有典論五卷列異傳三卷集二十三卷今存賦制詔策令教上書議書敍論連珠銘誄哀策文受禪告天文凡一百六十九篇編為四卷繫以典論佚文

魏明帝集七卷梁五卷或九卷錄一卷

魏志本紀注魏書曰帝好學多識特留意于法理自在東宮不交朝臣不問政事唯潛思書籍而已

鍾嶸詩品曰曹公古直甚有悲涼之句韻不如丕亦稱三祖

文心雕龍時序篇明帝纂戎制詩度曲徵篇章之士置崇文之館何劉羣才迭相照耀

唐書經籍藝文志魏明帝集十卷

馮氏詩紀輯存樂府十篇

嚴氏全三國文編曰魏明帝諱叡字元仲文

帝太子黃初七年五月即位改元三太和青龍景初在位十三年諡曰明皇帝廟號烈祖有集七卷唐志作十卷今存賦詔聖書露布論哀册文凡九十篇

梁又有高貴鄉公集四卷亡

高貴鄉公有春秋左氏傳音見經部春秋家魏志本紀甘露元年夏四月丙辰帝幸太學問諸儒夏連山殷歸藏周易之書易博士淳于俊對講易畢復命講尚書博士庾峻對復命講禮記博士馬照對二年五月辛未帝幸辟雍會命羣臣賦詩侍中和道尚書陳騫等作詩稽留有司奏免官詔曰吾以暗昧愛好文雅廣延詩賦以知得失而乃爾紛紜良用反仄其原造等主者宜勅自今以後羣臣皆當玩習古義修明經典稱朕意焉

案太學講義見載本紀者尚千數百言蓋節錄非本文此必陳承辭從本集或當時注記所有采以入史者

又本紀評曰高貴公才慧夙成好問尚辭蓋亦文帝之風流也注引魏氏春秋曰公神明爽備德音宣朗罷朝司馬景王私曰上何如主也鍾會對曰才同陳思武類太祖

又注紀魏氏春秋曰甘露元年二月丙辰帝宴羣臣於太極東堂與侍中荀顛尚書崔贊袁亮鍾毓給事中中書令虞松等並講述禮典遂言帝王優劣之次因問顛等夏少康漢高祖功德誰先顛等對以高祖為優帝曰宜高夏康而下漢祖諸卿具詳論之翌日丁巳講業既畢顛亮等議少康為優宜如詔旨中

書令松進曰少康之事去世久遠自古及今議論之士莫有言者德美隱而不宣陛下既垂心遠鑒考詳古昔又發德音贊明少康之美使顯于千載之上宜錄以成篇永垂于後于是侍郎鍾會退論次焉嘉廷錢大昕三國志考異曰案少康之論意常在司馬氏也聰明太露終為權臣所忌失顯真自晦之義能處此者其後周武帝乎

案此論當在本集

又紀注傅暢晉諸公贊曰帝常與中護軍司馬望侍中王沈散騎常侍裴秀黃門侍郎鍾會等講宴於東堂并屬文論名秀為儒林大人沈為文籍先生望會亦各有名號帝性急請召欲速秀等在內職到得及時以望在外特給追鋒車虎賁卒五人每有集會望輒奔馳而至

文心雕龍時序篇曰少主相仍唯高貴英雅願盼合章動言成論于時正始餘風篇體輕澹而嵇阮應繆並馳文路矣又諸讒篇曰讒者隱也漢世隱書十有八篇歆固編文錄之歌末自魏代以來化為謎語謎也者迴護其辭使昏迷也或體目文字或圖象品物纖巧以弄思淺察以衍辭義欲婉而正辭欲隱而顯荀卿蠶賦已兆其體至魏文陳思約而密之高貴鄉公博舉品物雖有小巧用乖遠大然文辭之諧讒譬九流之有小說云

案此則文帝集陳思王集及是集皆有謎語一類惟此集又博舉品物尤多于前云

初學記職官部魏高貴鄉公集曰幸華林賜

羣臣酒酣上援筆賦詩羣臣以次作二十四人不能著詩授罰酒黃門侍郎鍾會爲上金樓子雜記篇高貴鄉公賦詩給事中甄欽陶成嗣各不能著詩受罰酒

唐書經籍藝文志魏高貴鄉公集二卷

嚴氏全三國文編曰公諱髦字彥士文帝孫東海王霖子正始五年封郟縣高貴鄉公嘉平六年十月即位改元二正元甘露在位六年爲司馬昭所弒有集四卷今存賦詔顏子論及魏志紀注引帝集自敘始生禎祥凡十四篇 其東堂會羣臣論夏少康漢高祖優劣嚴氏編入鍾會集魏氏春秋所載卽鍾會撰次是論之序文

案張彥遠歷代名畫記曰曹髦之迹獨高

魏代有祖二疏鬪盜跖圖黃河流勢圖新豐放雞犬圖傳于代又有於陵子黔婁夫妻圖宋郭若虛圖畫見聞志云魏曹髦有卞莊子刺虎圖案帝被弒年僅二十以弱冠之年而才藝流傳後世有如此鍾會對司馬師言才同陳思非虛譽也

魏陳思王曹植集三十卷

陳思王有列女傳頌見史部雜傳篇

植文章序曰故君子之作也儼乎若高山勃乎若浮雲質素也如秋蓬擿藻也如春葩汜乎洋洋光乎膈膈與雅頌爭流可也余少而好賦其所尚也雅好慷慨所著繁多雖觸類而作然蕪穢者衆故刪定別撰爲前錄七十八篇 案傳注引典略臨苗侯植與楊修書云今往僕少小所著辭賦一通相與修答書云僕受顧賜教使刊定似

卽此的錄嘗以屬楊修審定者時爲建安十九年徙封臨苗之後事也

魏志本紀明帝景初中詔曰陳思王昔雖有過失既克己慎行以補前闕且自少至終篇籍不離于手誠難能也其收黃初中諸奏植罪狀公卿已下議尙書中書祕書三府大鴻臚者皆削除之撰錄植前後所著賦頌詩銘雜論凡百餘篇副藏內外案此稱前後所著蓋非前錄自定之七十八篇合爲百餘篇也 晉書曹志傳志曰先王有手所作目錄

鍾嶸詩品曰陳思王詩其源出於國風骨氣奇高詞采華茂情兼雅怨體被文質繁溢今古卓爾不羣嗟乎陳思之于文章也譬人倫之有周孔麟羽之有龍鳳音樂之有琴瑟女工之有黼黻俾爾懷鉛吮墨者抱篇章而景慕嘆餘暉以自燭故孔氏之門如用詩則公幹升堂思王入室景陽潘陸自可坐於廊廡之間矣張協字景陽有集見西晉人集中

文心雕龍明詩篇暨建安之初五言騰踊文帝陳思縱轡以聘節王徐應劉望路而爭馳並憐風月狎池苑述恩榮鼓酣宴慷慨以任氣磊落以使才造懷指事不求纖密之巧驅辭逐貌唯取昭晰之能此其所同也又曰四言五言兼善則子建仲宣又章表篇曰陳思之表獨冠羣才觀其體瞻而律調辭清而旨顯應物制巧隨變生趣執轡有餘故能緩急應節矣又封禪篇曰陳思魏德假論客主問答迂緩且已千言勞深勸寡颺炎缺焉又誄

碑篇曰陳思叨名而體實繁緩文皇誄末旨言自陳其乖甚矣雜文篇曰陳思七啓致美于宏壯陳思客問辭高而理疎頌贊篇云陳思所綴以皇子爲標謂所作皇太子生頌也論說篇云曹植辯道體同書鈔序志篇云詳觀近代之論文者若陳思序書辨而無當 唐日本國見在書目魏曹植集三十卷 唐書經籍藝文志魏陳思王集二十卷又三十卷案此兩本疑前後錄分編或猶是景初舊第

宋史藝文志曹植集十卷

晁氏讀書志曹植集十卷魏曹植子建也太祖子文帝封植爲陳王卒年三十一 案文帝當云明帝三十一三當爲四 案魏志景初中撰錄植所著賦頌詩銘雜論凡百餘篇隋志三十卷唐志二十卷今集十卷比隋唐本有亡逸者而詩文二百篇返溢于本傳所載不曉其故

陳氏書錄曰陳思王集二十卷卷數與前志合其間亦有采取御覽書鈔類聚諸書中所 有者意皆後人附益然則亦非當時全書矣 其間或引摯虞流別集此書國初已亡猶是 唐人舊傳也

四庫提要曰曹子建集十卷目錄後有嘉定六年癸酉字猶從宋寧宗時本翻影蓋卽通考所載也凡賦四十四篇詩七十四篇雜文九十二篇合二百十篇殘篇斷句錯出其間棄婦篇見玉臺新詠鏡銘八字反覆顛倒皆叶韻成文實爲迴文之祖見藝文類聚皆未

收入亦不免有所舛漏

汪氏文選撰人篇目魏曹子建植有洛神賦

責躬詩應詔詩公議詩送應氏詩三良詩七

哀詩贈徐幹詩贈丁儀詩贈王粲詩贈丁儀

王粲詩贈白馬王詩贈丁翼詩樂府四首朔

風詩雜詩六首情詩七啓求自試表求通親

親表與楊德祖書與吳季重書王仲宣誄

嚴氏文編卷首敍目曰曹植集十卷明郭萬

程刻本又二卷明張溥百三家集本又四錄

堂類集總目陳思王集十卷可均校編又全

三國文編輯本七卷凡賦五十六篇及令章

表疏書序頌畫贊論說銘誄雜文百四十三

篇馮氏詩紀樂府詩各一卷

張氏書目答問曹子建集十卷明仿宋刻附

音義本明安氏活字版本漢陽朝宗書室活

字版本

梁又有司徒華歆集二卷亡

魏志本傳歆字子魚平原高唐人也初爲郡

吏靈帝時舉孝廉除郎中病去官何進徵爲

尙書郎董卓遷天子長安歆求出爲下邳令

袁術留歆歆說術進軍討卓術不能用太傅

馬日磾安集關東辟爲掾東至徐州詔拜豫

章太守孫策略地江東乃幅巾迎策策死太

祖在官渡徵拜議郎參司空軍事入爲尙書

轉侍中代荀彧爲尙書令表爲軍師魏國既

建爲御史大夫文帝卽王位拜相國封安樂

鄉侯及踐阼改爲司徒明帝卽位進封博平

侯轉拜太尉太和五年薨諡曰敬侯子表嗣

魏書曰歆時年七十五

唐書經籍志魏華歆集二十卷藝文志三十

卷 案兩志卷數與七錄懸殊必有一誤卽益以漢魏名

臣奏恐亦無二三十卷之多也

嚴氏全三國文編華歆唐有集三十卷今存

請敍鄭小同表諫伐蜀疏請受禪上言奏討

孫吳凡四篇

魏司徒王朗集三十四卷梁三十卷

王朗有左氏釋駁見經部春秋家

魏志本傳朗著易春秋孝經周官傳奏議論

記咸傳于世

文心雕龍奏啓篇曰魏代名臣文理迭興若

高堂天文王朗節省亦盡節而知治矣又銘

箴篇曰王朗雜箴乃置巾履得其戒慎而失

其所施觀其約文舉要憲章戒銘而水火井

竈繁辭不已志有偏也又才略篇曰王朗發

憤以託志亦致美于序銘

唐書經籍藝文志王朗集三十卷

嚴氏全三國文編輯存表疏上事奏議書論

雜箴貧窶語塞勢凡三十二篇

梁又有司徒陳羣集五卷亡案司徒當爲司空

魏志本傳羣字長文潁川許昌人也祖父寔

父紀叔父譙皆有盛名魯國孔融高才倨傲

年在紀羣之間先與紀友後與羣交更爲紀

拜由是顯名劉備臨豫州辟羣爲別駕後隨

紀避難徐州屬呂布破太祖辟爲司空西曹

掾屬以司徒掾舉高第爲治書侍御史參丞

相軍事魏國既建爲御史中丞轉侍中領丞

相東西曹掾文帝卽王位封昌武亭侯徙爲

尙書制九品官人之法羣所建也及踐阼進

爵穎鄉侯明帝卽位晉封穎陰侯爲司空錄

尙書事青龍四年薨諡曰靖侯 明紀青龍四年

十二月癸巳司空陳羣薨

又傳注魏書曰羣前後數密陳得失每上封

事輒削其草時人及其子弟莫能知也論者

或譏羣居位拱默正始中詔羣臣上書以爲

名臣奏議朝士乃見羣諫事皆嘆息焉

魏何晏論語集解序曰近故司空陳羣太常

王肅博士周生烈皆爲義說 案汪氏文選理學

權輿曰選注所引羣書有陳羣論語義說是其書唐初猶

傳李善得見而據之本志不著錄何氏集解所引止三條

馬氏玉函山房輯以備一家云

通典選舉門魏文帝爲魏王時三方鼎立士

流播遷四人錯雜詳覈無所延康元年吏部

尙書陳羣以天朝選用不盡人才乃立九品

官人之法州郡皆置中正以定其選擇州郡

之賢有識鑒者爲之區別人物第其高下又

制郡口十萬以上歲察一人其有秀異不拘

戶口其武官之選俾護軍主之黃初三年始

除舊漢限年之制令郡國貢舉勿拘老幼儒

通經術吏達文法則皆試用 杜佑曰案九品之

制初因後漢建安中天下與兵衣冠士族多離于本土欲

徵源流雖委悉魏氏革命州郡縣俱置大小中正各以

本處人任諸府公卿及臺省郎吏有德充才盛者爲之區

別所管人物定爲九等其有言行脩著則升進之儻或道

義虧缺則降下之是以吏部不能審定天下士庶人才故

委中正銓第等級悉之授受謂免乖戾及其弊也唯能知其闊闊非復辨其賢愚所以劉毅云上品無寒門下品無勢族南朝至于梁陳北朝至于周隋選舉之法雖互相損益而九品及中正至開皇中方罷 案九品官人之法始于陳羣行于魏晉南北朝最久而譜學家一派亦由是斷而復故附著其大略于此

唐書經籍藝文志陳羣集三卷

嚴氏全三國文編輯存投壺賦受命述及上表漢鴻臚陳紀碑孝女曹娥碑凡五篇

魏給事中邯鄲淳集二卷梁有錄一卷

後漢列女曹娥傳注會稽典錄曰上虞長度尚弟子邯鄲淳字子禮時甫弱冠時謂漢桓帝元嘉元年也而有異才尚先使魏朗作曹娥碑文成未出會朗見尚與之飲宴而子禮方至督酒尚問朗碑文成未朗辭不才因試使子禮爲之操筆而成無所點定朗嗟嘆不暇遂毀其草其後蔡邕又題八字曰黃絹幼婦外孫齏白

文心雕龍才略篇曰丁儀邯鄲亦合論述之美又封禪篇曰至于邯鄲受命響響前聲風末力寡輯韻成頌雖文理順序而不能奮飛

唐書經籍藝文志邯鄲淳集二卷
馮氏詩紀輯存答贈臨菑侯詩一篇

嚴氏全三國文編輯存投壺賦受命述及上表漢鴻臚陳紀碑孝女曹娥碑凡五篇

梁又有劉廙集二卷亡

劉廙有政論見子部法家
魏志本傳廙著書數十篇及與丁儀共論刑禮皆傳于世

吳志孫皓傳注江表傳曰初丹陽刁玄使蜀得司馬徽與劉廙論連命曆數事

又陸遜傳黃龍元年徵遜輔太子南陽謝景善劉廙先刑後禮之論遜呵景曰禮之長于刑久矣廙以細辯而詭先聖之教皆非也君

今侍東宮宜遵仁義以彰德音若彼之談不須講也

文心雕龍書記篇曰劉廙謝恩喻切以至箋之爲善者也

唐書經籍藝文志劉廙集二卷

嚴氏全三國文編輯劉廙有政論五卷集二卷今存表疏上言奏議箋答難戒弟書凡二十篇附政論佚文八篇

梁又有侍中吳質集五卷亡

魏志王粲附傳吳質濟陰人以文才爲文帝所善官至振威將軍假節都督河北諸軍事封列侯

又傳注魏略曰質字季重以才學通博爲五官將及諸侯所禮愛出爲朝歌長遷元城令始質爲單家少遊傲貴戚問不與鄉里相沉浮故雖已出官本國猶不與之士名及魏有

天下文帝徵質與車駕會洛陽到拜北中郎

將封列侯使持節督幽并諸軍事治信都及文帝崩質思慕作詩太和四年入爲侍中其年夏卒質先以怙威肆行諍曰醜侯質子應仍上書論枉至正元中乃改諡威侯

唐書經籍藝文志吳質集五卷

汪氏文選撰人篇目魏吳季重質有答魏太子箋與魏太子箋答東阿王書

嚴氏全三國文編輯存魏都賦箋書論凡七篇備氏輯存思慕詩一首

梁又有新城太守孟達集三卷亡

蜀志劉封傳初劉璋遣扶風孟達副法正各將兵迎先主蜀平後以達爲宜都太守建安二十四年命達北攻房陵進攻上庸遣封下

統達軍自關羽圍樊城襄陽連呼封達發兵自助封達不承羽命會羽覆敗先主恨之又

封與達忿爭不和封尋奪達鼓吹達既懼罪又忿志封遂發表辭先主率所領降魏魏文帝善達之姿才容觀以爲散騎常侍建武將軍封平陽亭侯合房陵上庸西城三郡達領

新城太守遣征南將軍夏侯尚右將軍徐晃與達共襲封封破走還成都達字子敬改字子度

魏志文紀延康元年秋七月蜀將孟達率衆降明紀太和元年十二月新城太守孟達反

詔驃騎將軍司馬宣王討之二年春正月宣王攻破新城斬達傳其首達反事詳見明紀注又

略見劉曄傳

唐書經籍藝文志孟達集三卷一本或誤作達

嚴氏全三國文編蜀孟達字子度扶風人初字子敬避先主叔父諱改先主領荊州以為宜都太守後降魏為散騎常侍建武將軍封平陽亭侯領新城太守徙安定復還新城建興中丞相亮數書招之遂通款事露司馬懿討斬之有辭先主表在魏奏薦王雄在魏與劉封書在魏與諸葛亮書兵到又告諸葛亮凡五篇

梁又有魏徵士管寧集三卷錄一卷亡

魏志本傳寧字幼安北海朱虛人也與平原華歆同縣邴原相友俱游學于異國並敬善陳仲弓天下大亂與原及平原王烈等至于遼東文帝即位徵以為太中大夫明帝詔以為光祿勳自黃初至于青龍徵命相仍並固辭不受正始二年特具安車蒲輪束帛加璧聘焉會卒年八十四

又傳注傅子曰寧以衰亂之時世多妄變氏族者遠聖人之制非禮命姓之意故著氏姓論以原本世系文多不載

唐書經籍藝文志管寧集二卷
嚴氏全三國文編曰寧避亂遼東三十七年文帝時還就徵以為太中大夫固辭明帝及齊王屢徵不出正始二年卒有集三卷今存辭疾上書辭徵命上疏辭辟別駕文答桓範書凡四篇

魏光祿勳高堂隆六卷梁十卷錄一卷隆下啟集字

高堂隆有魏臺雜訪議見史部刑法篇

魏志本傳評曰高堂隆學業修明志存匡君

因變陳戒發于懇誠忠矣哉及至必改正朔俾魏祖虞所謂意過其通者歟

又傳注習鑿齒曰高堂隆可謂忠臣矣君侈每思諫其惡將死不忘憂社稷正辭動于昏主明戒驗于身後譽謬足以勵物德音沒而彌彰可不謂忠且智乎詩云聽用我謀庶無大悔又曰曾是莫聽大命以傾其高堂隆之謂也

唐書經籍藝文志高堂隆集十卷

嚴氏全三國文編高堂隆有集十卷今存對詔表疏上言奏議對問凡二十九篇編為一卷

梁又有光祿勳劉邵集二卷魏一卷亡 魏當為錄

劉邵有孝經注見經部孝經類

魏志本傳黃初中受詔集五經羣書以類相從作皇覽明帝時與議郎庾嶷荀詵等定科令作新律十八篇著律略論嘗作趙都賦明帝美之詔邵作許都洛都賦時外興軍旅內營宮室邵作二賦皆諷諫焉景初中受詔作都官考課七十二條又作說略一篇又以為宜制禮作樂以移風俗著樂論十四篇事成未上會明帝崩不施行正始中執經講學凡所撰述法論人物志之類百餘篇
又傳評曰劉邵該覽學籍文質周洽
文心雕龍才略篇曰劉邵趙都能攀于前修
唐書經籍藝文志劉邵集二卷
嚴氏全三國文編劉邵有八人物志三卷法論

十卷集二卷今存趙都賦嘉瑞賦龍瑞賦疏議序七華飛白序勢凡十三篇本傳有許都賦洛都賦及樂論十四篇文俱佚

魏散騎常侍繆襲集五卷梁有錄一卷

繆襲有列女傳贊見史部雜傳類
晉書樂志漢時有短簫鏡歌之樂其曲列于鼓吹多敍戰陳之事及魏受命改其十二曲使繆襲為辭述以功德代漢

宋書樂志魏鼓吹曲十二篇繆襲造第一曲

初之平言魏也第二曲戰榮陽言曹公也第三曲獲呂布言曹公東圍臨淮生擒呂布也第四曲克官渡言曹公與袁紹戰破之于官渡也第五曲舊邦言曹公勝袁紹于官渡還

謙收藏士卒死亡也第六曲定武功言曹公初破鄴武功之定始乎此也第七曲屠柳城言曹公越北塞歷白檀破三郡烏桓于柳城也第八曲平南荆言曹公南平荊州也第九曲平關中言曹公征馬超定關中也第十曲

應帝期言文帝以聖德受命應運期也第十一曲邕熙言君臣邕穆庶績成熙也第十二曲太和言魏明帝繼體承統太和改元德澤流布也

文心雕龍樂府篇曰軒岐鼓吹並入樂府繆襲所製亦有可算焉

鍾嶸詩品曰熙伯挽歌唯以造哀爾

唐書經籍藝文志繆襲集五卷

馮氏詩紀錄存鼓吹曲十二篇挽歌一篇

汪氏文選撰人篇目魏繆熙伯襲有挽歌一

首

嚴氏全三國文編曰繆襲有列女傳贊一卷
集五卷今存賦表奏對奏議贊祭儀凡一十
四篇

梁又有散騎常侍王象集一卷亡

魏志揚俊傳俊河內人也以兵亂避地并州
本郡王象少孤特為人僕隸年十七八見使
牧羊而私讀書因被筮楚俊嘉其才質即贖
象著家娉娶立屋然後與別文帝踐阼俊仕
歷南陽太守時王象為散騎常侍疏薦俊宜
還朝宣力輦轂初臨苗侯與俊善太祖適嗣
未定密訪羣司俊稱臨苗猶美文帝常以恨
之黃初二年車駕至宛發怒收俊象請俊叩
頭流血帝不許俊曰吾知罪矣遂自殺衆冤
痛之案楊俊之死不以罪蓋與楊修丁儀丁廙同為臨
苗故也 又衛覬傳末云黃初時散騎常侍河內王象亦
與覬並以文章顯

又傳注魏略曰王象字義伯既為俊所知援
果有才智建安中與同郡荀緯等俱為魏太
子所禮待及王粲陳琳阮瑀路粹等亡後新
出之中惟象才最高魏有天下拜象散騎侍
郎遷為常侍封列侯受詔撰皇覽使領祕書
監象既性氣和厚又文采溫雅用是京師歸
美稱為儒宗及文帝殺楊俊象自恨不能濟
俊遂發病死

嚴氏全三國文編象以救楊俊不許發病死
有集一卷今惟見薦楊俊一篇
梁又有光祿大夫韋誕集三卷錄一卷亡

韋誕有韋氏相板印法指略鈔見子部五行
家

魏志劉邵附傳邵同時光祿大夫京兆韋誕
等亦著文賦頗傳于世

又傳注文韋敍錄曰初邯鄲淳衛覬及誕並
善書有名覬孫恆撰四體書勢其序篆書曰
韋誕師淳而不及太和中誕為武都太守以
能書留補侍中魏氏寶器銘題皆誕書云
三輔決錄佚文曰韋誕字仲將除武都太守
以書不得之郡轉侍中典作魏書號散騎書
一名大魏書凡五十篇 案此蓋決錄注文其稱散
騎書者當時雖仲將所書又云大魏書五十篇者似因與
脩王沈魏書之事其間似有跋文也

世說巧藝篇注文韋敍錄曰誕有文學善屬
辭衛恆四體書勢曰誕善楷書魏宮多誕所
題明帝立凌霄觀觀誤先釘榜乃籠盛誕轆轤
長綆引上使就題之去地二十五丈誕甚危
懼乃戒子孫絕此楷法著之家令

唐張懷瓘書斷曰誕伏膺于張芝兼邯鄲淳
之法諸書並善尤精題署青龍中洛陽許鄴
三都宮觀始成詔令仲將大為題署以為永
制給御筆墨皆不任用因曰蔡邕自矜能書
兼斯喜之法非流紈體素不安下筆夫工欲
善其事必先利其器若用張芝筆左伯紙及
臣墨兼此三具又得臣手然後可以建徑丈
之勢方寸千言嘉平五年卒

宋刻全本意林第六卷韋仲將筆墨法一卷
唐書經籍藝文志韋誕集三卷又經部小學

類筆墨法一卷

嚴氏全三國文編韋誕有集三卷今存賦奏
駁頌誄及墨方筆方凡八篇

梁又有散騎常侍麴元集五卷亡
麴元始末未詳

唐書經籍藝文志麴元集五卷

嚴氏全三國文編曰麴元為散騎常侍有集
五卷藝文類聚三十六有魏麴元譏許由一
篇又三十七及御覽五百九十六有元弔夷
齊文一篇

按麴元不知何許人魏有麴信蜀有麴竺
麴芳並東海胸人殆其族歟類聚弔夷齊
文有王粲阮瑀麴元三家劉勰謂仲宣傷
其隘譏呵實工今觀麴作實亦與之同御
覽此卷又有麴元弔比干文嚴氏不取或
審定非元文

梁又有游擊將軍卞蘭集二卷錄一卷亡

魏志武宣下皇后傳后瑯邪開陽人文帝母
也本倡家后弟秉以功封都鄉侯進封開陽
侯秉薨子蘭嗣少有才學為奉車都尉游擊
將軍加散騎常侍薨

又傳注魏略曰蘭獻賦贊述太子德美由是
遂見親近明帝時蘭見外有二難而帝留意
于宮室常因侍從數切諫帝雖不能從猶納
其誠款後苦酒消渴以亡

唐書經籍藝文志卞蘭集二卷
嚴氏全三國文編輯存贊述太子賦許昌宮
賦七牧座右銘凡四篇

梁又有隰陽侯李康集二卷錄一卷亡

太平御覽文部詩類魏書曰李康字蕭遠性介立不和俗為鄉里所嫉故官不進嘗作游九疑詩明帝異其文問左右斯人安在吾欲擢之因起家為隰陽長卒

文選運命論注宋劉義慶集林曰李康字蕭遠中山人也著遊山九吟魏明帝異其文遂起家為尋陽長政有美績病卒汪氏文選撰人篇目魏李蕭遠康有運命論

文心雕龍論說篇曰李康運命同論衡而過之案論衡先有命運等篇

唐書經籍藝文志李康集二卷

嚴氏全三國文編曰李康字蕭遠中山人明帝時為尋陽長後封關陽侯有集二卷今存獨樓賦遊山九吟序運命論凡三篇世說德行篇注有李康家誠乃李乘之誤李乘即李景晉李重之父也今定以家誠編入晉文案魏書及後林所載自不得有封侯之事不知嚴氏何以云爾

梁又有陳郡太守孫該集二卷錄一卷亡

魏志劉鄩傳鄩同時陳郡太守任城孫該等亦著文賦頗傳于世

又傳注文章敍錄曰該字公達彊志好學年二十上計掾召為郎中著魏書遷博士司徒右長史復還入著作景元二年卒官

唐書經籍藝文志孫該集二卷

嚴氏全三國文編曰該為司徒右長史著作郎出為陳郡太守有集二卷今存三公山神

祠賦琵琶賦各一篇

梁又有尚書傅巽集二卷錄一卷亡

魏志劉表傳表大將蒯越從事中郎韓嵩及東曹掾傅巽等說劉琮歸太祖太祖軍到襄陽琮舉州降以琮為青州刺史封列侯蒯越等侯者十五人

又傳注傅子曰巽字公悌環偉博達有知人鑒辟公府拜尚書郎後客荊州以說劉琮之降賜爵關內侯文帝時為侍中太和中卒弟子巽

唐書經籍藝文志傅巽集二卷

嚴氏全三國文編傅巽字公悌北地泥陽人黃初中為侍中遷尚書有集二卷今存槐賦蚊賦七誨奢儉論筆鋒凡五篇

魏章武太守殷褒集一卷梁二卷

殷褒始末未詳

唐書經籍藝文志殷褒集二卷

宋郭茂倩樂府詩集殷氏世傳曰殷褒為滎陽令廣築學館會集朋徒民知禮讓乃歌之曰滎陽令有異政脩立學校人易性令我子弟恥訟爭

唐書經籍藝文志殷褒集二卷

嚴氏全三國文編曰殷褒字元祚為章武太守有集二卷藝文類聚五十三有薦同郡朱儉表又二十三有誠子書

魏司空王昶集五卷梁有錄一卷王氏出太原琅琊二族者各注條下以識別之此太原王氏也

魏志本傳昶字文舒太原晉陽人也少與同

郡王凌俱知名文帝在東宮昶為太子文學中庶子及踐阼徙散騎侍郎為洛陽典農亮州刺史明帝即位加揚烈將軍賜爵關內侯昶雖在外任心存朝廷以為魏承秦漢之弊法制苛碎不大釐改國典以準先王之風而望治化復興不可得也乃著治論略依古制而合於時務者二十餘篇又著兵書十餘篇言奇正之用青龍中奏之其為兄子及子作名字皆依謙實以見其意故兄子默字處靜沈字處道其子渾字玄沖深字道沖遂書戒之曰欲使汝曹立身行己遵儒者之教履道家之言故以玄默沖虛為名欲使汝曹顧名思義不敢違越也正始中轉在徐州封武觀亭侯遷征南將軍假節都督豫諸軍事嘉平初太傅司馬宣王既誅曹爽乃奏博問大臣得失昶陳治略五事詔書褒賞因使撰百官考課事遷征南大將軍儀同三司進封京陵侯進位驃騎將軍遷司空持節都督如故甘露四年薨諡曰穆侯子渾嗣

唐書經籍藝文志王昶集五卷

嚴氏全三國文編存謝朓表考課疏卿考課事尚書侍中考課事陳治略五事奏吳蜀事狀白晉文王牋檄吳將校部曲家誠三戲論凡八篇案三戲論謂投壺博奕也似亦家誠中之一則

案太原王氏自司空昶而大瑯邪王氏自晉初太保祥而大二王盛于魏晉六朝天下莫與比倫焉本志總集篇注云梁又有

太原王氏家碑誄頌贊銘集二十六卷史部雜傳篇又有太原王氏家傳二十三卷其人文從可知已

魏衛將軍王肅集五卷梁有錄一卷

王肅有周易注見經部易類

魏志本傳其所論殿朝廷典制郊祀宗廟喪紀輕重凡百餘篇

宋書樂志散騎常侍王肅私造宗廟詩頌十二篇不被歌 玉海樂舞篇齊志云王肅作宗廟詩頌十二篇不入于樂

唐書經籍藝文志王肅集五卷

嚴氏全三國文編曰肅有詩書論語三禮左氏解及撰定父朗所作易傳皆列于學官又有聖證論家語解各若干卷政論十卷集五卷 案又有尙書議駁毛詩議駁奏事問答祭法明堂議國語章句太玄經注各若干卷並見本志經部子部今存賦表疏議答難答問教書序頌賀正儀納徵辭家誡凡三十五篇編爲一卷

梁又有桓範集二卷亡

桓範有世要論見子部法家

唐書經籍藝文志桓範集二卷

嚴氏全三國文編有世要論十二卷集二卷今存兗州刺史謝表薦管寧表薦徐宜表陳兵事與管寧書凡五篇繫以世要論佚文合爲一卷

梁又有中領軍曹叡集五卷錄一卷亡

魏志曹真傳真字子丹太祖族子也明帝時爲大將軍封邵陵侯子爽嗣又詔封真五子

義訓則彥禮皆爲列侯齊王卽位爽以大將軍加侍中輔少主弟羲爲中領軍爽飲食車服擬于乘輿作窟室綺疏四周數與何晏等會其中縱酒作樂羲深以爲大憂數諫止之又著書三篇陳驕淫益溢之致禍敗辭旨甚切不敢斥爽託以戒諸弟以示爽爽知其爲已發也甚不悅羲或以時諫喻不納涕泣而起後與爽訓等皆誅夷時正始十年也

傅子佚文曰安鄉亭侯曹羲爲領軍將軍慕周公之下士賓客盈坐

晉書王接傳接父蔚世脩儒史之學魏中領軍曹羲作至公論蔚善之而著至機論

唐書經籍藝文志曹羲集五卷

嚴氏全三國文編曰曹羲爲司馬懿所誅有集五卷今存爲兄爽表司馬懿爲太傅大司馬申蔣濟叔嫂服議九品議至公論肉刑論凡五篇

魏尙書何晏集十一卷梁十卷錄一卷

何晏有孝經注見經部

魏志曹爽附傳晏以才秀知名好老莊言作道德論及諸文賦著述凡數十篇

又管輅傳注輅別傳曰表使君問何平叔一代才名其實何如輅曰其說易生義美而多僞僞則神虛輅以爲少功之才也表使君曰吾素與平叔共說老莊及易常覺其辭妙于理不能折之又時人吸習皆歸服之焉益令不了相見得清言然後灼灼耳又曰何尙書神明清微自言不解易中九事

南齊書張緒傳緒長于周易言精理奧見宗一時常云何平叔所不解易中七事諸卦中所有時義是其一也

梁書儒林伏曼容傳曰何晏疑易中九事以吾觀之晏了不學也故知平叔有所短 番禺侯康補三國藝文志引王應麟曰晏以老莊談易係小子觀采頤所不解者豈止七事哉 案九事七事自來傳說不一無以詳知其易說或當編入本集

世說規箴篇曰何晏令管輅作卦云不知位至三公不卦成輅稱引古義深以戒之注名士傳曰是時曹爽輔政識者慮有危機晏有重名與魏姻戚內雖懷憂而無復退也著五言詩以見志蓋因輅言懼而賦詩

鍾嶸詩品曰平叔鴻雁之篇風規見矣宜居中品

文心雕龍明詩篇曰及正始明道詩雜仙心何晏之徒率多浮淺又才略篇曰何晏景福克光于後進

唐書經籍藝文志何晏集十卷

馮氏詩紀輯存五言詩二首

汪氏文選撰人篇目魏何平叔晏有景福殿賦

嚴氏全三國文編曰何晏有論語集解十卷老子道德論二卷集十一卷今存賦奏議論

魏志王粲傳汝南應瑒爲五官將文學建安二十二年卒瑒弟瑒子貞成以文章顯瑒

官至侍中

又傳注文章敘錄曰璩字休璉博學好屬文善為書記文明帝世歷官散騎常侍齊王即位稍遷侍中大將軍長史曹爽秉政多違法璩為詩以諷焉其言雖頗諧合多切時要世共傳之復為侍中典著作嘉平四年卒追贈衛尉

晉書涼武昭王李玄盛傳于是寫諸葛亮訓誡以助諸子曰覽諸葛訓厲應璩奏諫尋其終始周孔之教盡在中矣案訓厲為諸葛集篇目奏諫或亦是此集中篇名

文選百一詩注張方賢楚國先賢傳曰汝南應休璉作百一篇詩譏切時事編以示在事者咸皆怪愕或以為應焚棄之何晏獨無怪也然方賢之意以有百一篇故曰百一李充翰林論曰應休璉五言詩百數十篇以風規治道蓋有詩人之旨焉又孫盛晉陽秋曰應璩作五言詩百三十篇言時事頗有補益世多傳之據此二文不得以一百一篇而稱百一也今書七志曰應璩集謂之新詩以百言為一篇或謂之百一詩然以字名詩義無所取據百一詩序云時謂曹爽曰公今聞周公巍巍之稱安知百慮有一失乎百一之名蓋興于此也 案本集有百一詩序可據而張方賢李充孫盛王儉記述紛紛乃若此至唐初李善始考定其實斯亦異已

鍾嶸詩品曰魏侍中應璩詩祖襲魏文善為古語指事殷勤雅意深篤得詩人激刺之旨

文心雕龍明詩篇曰若乃應璩百一獨立不懼辭譎義貞亦魏之遺直也又才略篇曰休璉風情則百一標其志

本志總集篇注梁又有應貞注應璩百一詩八卷百一詩二卷晉蜀郡太守李彪撰亡

唐書經籍藝文志應璩集十卷 蓋即應璩集馮氏詩紀張氏百三家集嚴氏文編皆輯有應璩雜詩侍公宴詩與桓元則書佚句共十句雜詩似即新詩亦即應璩百一詩之佚文並錄附于後似皆應璩之誤

馮氏詩紀輯存百一詩三首雜詩三首三叟詩一首又曰唐藝文志有應璩集十卷初學

記載璩雜詩云貧子語窮兒無錢可把撮耕自不得粟采彼北山葛篋瓢恆自在無用相呵喝

張氏百三家應休璉集一卷凡牋書詩四十餘篇末附應璩遺句云有酒流如川有肴積如岑注云此二句一作應璩侍公宴詩

汪氏文選撰人篇曰魏應休璉璩有百一詩與滿公琰書與曹長思書與岑文瑜書與從弟君苗書

嚴氏全三國文編輯存牋四篇書二十九篇又曰應璩未詳有集十卷文選七命注引璩與桓元則書曰敢不策勵敬尋後塵 桓範字元則汪氏文選注引書目有應璩與桓元則書是汪所見者乃應璩非應璩也

按應休璉有從弟曰君苗曰君胄陸雲與

兄書云君苗兄文輒欲自焚其筆視豈即璩之字歟然本志無璩集唐志無璩集

而卷數皆同為十卷馮氏張氏所采璩之詩句又甚似百一詩佚文則璩之集為多梁又有王弼集五卷錄一卷亡

王弼有易注見經部易家魏志鍾會傳注何邵為弼傳曰弼幼而察惠

年十餘好老氏吏部郎裴徽見而異之尋亦為傳假何晏所知淮南人劉陶善論縱橫為當時所稱每與弼語嘗屈弼弼天才卓出當其所得莫能奪也性和理樂游宴解音律善投壺願以所長笑人故時為士君子所疾弼與鍾會善會論議以校練為家然每服弼之高致

唐書經籍藝文志王弼集五卷

嚴氏全三國文編曰弼有周易注六卷略例一卷老子注二卷集五卷今存戲答荀融書一篇難何晏聖人無喜怒哀樂論一篇並見魏志鍾會傳注

梁又有中書令劉階集二卷亡劉階始末未詳

案此疑是劉放魏志本傳放字子棄涿郡人文帝即位為祕書令改祕書為中書以放為監太原孫資為令遂掌機密放善為書檄三祖詔命有所招喻多放所為齊王

嘉平二年薨諡曰敬侯與此題中書令者頗合或即其集嚴氏文編編書鈔引魏名

臣奏一條 又疑是劉陶見劉暉傳未又疑是劉備

見陳思王傳注然皆非中書令官也或又疑桓階魏志有傳嚴氏文編亦輯其佚文數篇然亦非中書令

官也

梁又有太常卿傅嘏集二卷錄一卷亡

魏志本傳嘏字蘭石北地泥陽人傅介子之後也伯父巽黃初中為侍中尚書嘏弱冠知名司空陳羣辟為掾正始初遷尚書郎黃門侍郎何晏等與嘏不平因微事免嘏官太傅

司馬宣王請為從事中郎曹爽誅為河南尹遷尚書正元二年春卅邱儉文欽作亂嘏及王肅勸司馬景王自行以嘏守尚書僕射俱東以功進封陽鄉侯是歲薨時年四十七追贈太常諡曰元侯嘏常論才性同異鍾會集而論之注傅子曰嘏既達治好正而有清理識要好論才性原本精微妙能及之鍾會年甚少嘏以明智交會又曰嘏自少與裴徽荀

魁善徽趙早亡又與何曾陳泰荀顛鍾毓並善相與綜朝事俱為名臣案嘏論才性同異詳見後鍾會集

又傳評曰劉廙以清鑒著傳嘏以才達顯臣松之以為傳嘏識量名輩實當時高流而此評但云用才達顯既于題目為拙又不足以見嘏之美也

唐書經籍藝文志傳嘏集二卷

嚴氏全三國文編傳嘏字蘭石一字昭先吳弟充之子今存對詔表議難劭考課法論皇初頌凡五篇

梁又有樂安太守夏侯惠集二卷錄一卷亡

魏志夏侯淵傳淵字妙才沛國譙人惇族弟也建安二十四年戰死漢中黃初中賜淵中

子霸太和中賜霸弟爵皆關內侯霸弟威威弟惠官至樂安太守文章敍錄曰惠字稚權幼以才學見稱善屬奏議歷散騎黃門侍郎與鍾毓數有辯駁事多見從遷燕相樂安太守年三十七卒

唐書經籍藝文志夏侯惠集二卷

嚴氏全三國文編夏侯惠字稚權征西將軍淵子為散騎黃門侍郎遷燕相樂安太守有集二卷今存景福殿賦薦劉邵表各一篇

魏校書郎杜摯集二卷

魏志劉劭傳劭同時郎中令河東杜摯等亦著文賦頗傳于世文章敍錄曰摯字德魯初上筋賦署司徒軍謀吏後舉孝廉除郎中轉補校書摯與卅邱儉鄉里相親故為詩與儉求仙八藥一丸欲以感切儉求助也摯竟不得遷卒于祕書

唐書經籍志杜摯集一卷藝文志二卷

馮氏詩紀錄存卅邱儉詩一篇

嚴氏全三國文編錄存筋賦并序一篇

梁有卅邱儉集二卷錄一卷亡

卅邱儉有別傳三卷詳見史部雜傳類

唐書經籍藝文志卅邱儉集二卷

馮氏詩紀錄存答杜摯詩一篇

嚴氏全三國文編儉為平原侯文學明帝初為尚書郎至鎮東將軍都督揚州正元二年

儉明元郭太后詔討司馬師衆潰見殺有集二卷今存承露盤賦罪狀司馬師表諫明帝治宮室疏上疏上言與曹爽書薦裴秀報弟

書承露盤銘凡八篇

梁有征東軍司馬江奉集二卷亡

江奉始末未詳

唐書經籍藝文志江奉集二卷

案魏有江衛嚴氏文編云爵里未詳文選齊安陸昭王碑文注有衛與荀仲茂賤案荀仲茂荀閔字荀彧之兄子不知李善所據何書疑即據是集是集或本江衛而轉寫謄為江奉歟

魏太常夏侯玄集三卷

魏志齊王本紀嘉平六年二月庚戌中書令李豐與皇后父光祿大夫張緝等謀廢易大臣以太常夏侯玄為大將軍事覺諸所連及者皆伏誅

又夏侯傳尚字伯仁淵從子也封昌陵鄉侯子玄嗣玄字太初少知名弱冠為散騎黃門侍郎嘗進見與皇后弟毛曾並坐玄恥之不悅形之于色明帝恨之左遷羽林監正始初曹爽輔政玄爽之姑子也累遷散騎常侍中護軍頃之為征西將軍假節都督雍涼州與曹爽共與略谷之役時人譏之爽誅徵為大鴻臚數年徙太常玄以爽抑絀內不得意中書令李豐等謀誅大將軍以玄代之大將軍微聞其謀事下有司收玄等皆夷三族玄格量弘濟臨斬東市顏色不變舉動自若時年四十六

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

又傳注世語曰玄世名知人為中護軍援用武官參戟牙門無非俊傑多牧州典郡立法

垂教于今皆為後式又魏氏春秋曰玄嘗著樂毅張良及本無肉刑論辭旨通遠咸傳于世

世說文學篇注晉諸公贊曰自魏太常夏侯玄步兵校尉阮籍等皆著道德論

唐書經籍藝文志夏侯玄集二卷

嚴氏全三國文編玄字太初淵從孫嘉平六年為司馬師所殺夷三族有集三卷今存皇胤賦時事議答司馬宣王書肉刑論答李勝難肉刑論樂毅論辨樂論凡七篇又從太平御覽輯存夏侯子佚文凡三條

梁有車騎將軍鍾毓集五卷錄一卷亡

魏志鍾繇傳繇字元常穎川長社人也仕漢入魏至太傅封定陵侯子毓嗣毓字稚叔年十四為散騎侍郎機捷談笑有父風遷黃門侍郎散騎常侍中魏郡太守御史中丞侍中廷尉聽君父已沒臣子得為理謗及士為侯其妻不復配嫁毓所創也正元中為尚書青州刺史加後將軍都督徐州荆州景元四年薨追贈車騎將軍諡曰惠侯毓弟會又管輅傳注輅別傳曰魏郡太守鍾毓清逸有才難輅易二十餘事自以為難之至精也世說言語篇注魏志曰繇字元常家貧好學為周易老子訓又鍾會為母傳曰夫人明于教訓觀見規誨十一誦易十四誦成侯易記成侯繇諡也是毓子易回家學也

唐書經籍藝文志鍾毓集五卷

嚴氏全三國文編鍾毓有集五卷今存果然賦諫西征疏奏誅李豐等與曹爽書止增兵

伐蜀凡四篇

魏步兵校尉阮籍集十卷梁十三卷錄一卷

魏志王粲附傳陳留阮瑀字元瑜為丞相倉曹掾屬建安十七年卒子籍才藻豔逸而個儻放蕩行己寡欲以莊周為模則官至步兵校尉

晉書本傳籍字嗣宗陳留尉氏人也志氣宏放任性不羈太尉蔣濟辟之謝病歸復為尚書郎少時又以病免及曹爽輔政召為參軍宣帝為太傅命為從事中郎復為景帝大司馬從事中郎高貴鄉公即位封關內侯徙散騎常侍籍少有濟世志屬魏晉之際天下多故名士少有全者籍由是不與世事遂酣飲為常文帝輔政拜東平相到郡旬日而還帝引為大將軍從事中郎開步兵廚營人善釀有貯酒三百斛乃求為步兵校尉遺落世事雖去佐職恆游府內朝宴必與焉會帝讓九錫公卿將勸進使籍為其辭籍沈醉忘作臨詣府使取之見籍方據案醉眠使者以告籍便書案使寫之無所改竄辭甚清壯為時所重嘗登廣武觀楚漢戰處登武牢山望京邑而嘆于是賦豪傑詩景元四年冬卒時年五十四籍能屬文初不留意作詠懷詩八十餘篇為世所重著達莊論彼無為之貴又著大人先生傳亦籍之胸懷本趣也

籍為世所重

文選阮嗣宗詠懷詩顏延年沈約等注顏延年曰說者阮籍在晉文帝常慮禍患故發此詠耳又曰嗣宗身仕亂朝常恐罹謗遇禍因茲發詠故每有憂生之嗟雖志在譏刺而文多隱避百代之下難以情惻故粗明大意略其幽旨也

鍾嶸詩品曰晉步兵阮籍詩其源出於小雅無雕蟲之功而詠懷之作可以陶性靈發幽思言在耳目之內情寄八荒之表洋洋乎會于風雅使人忘其鄙近自致遠大頗多感慨之詞厥旨淵放歸趣難求顏延之注解快言其志

文心雕龍明詩篇曰嵇志清峻阮志遙深又才略篇云阮籍使氣以命詩

唐日本國見在書目阮嗣宗集五卷又阮步兵集十卷

唐書經籍藝文志阮籍集五卷

宋史藝文志阮籍集十卷 一本阮籍誤作阮林又經部易家阮嗣宗通易論一卷案此一卷似即從本集中析出者元胡一桂曰易通論一卷凡五篇

崇文總目阮步兵集十卷阮籍撰

晁氏讀書志阮籍集十卷籍志氣宏放博覽羣籍尤好莊老屬文不留思嗜酒能嘯善彈琴當其得意忽忘形體雖不拘禮數而發言玄遠

陳氏書錄別集類阮步兵集十卷魏步兵校尉陳留阮籍嗣宗撰籍瑀之子也 又詩集

類阮步兵集四卷其題皆曰詠懷首卷四言十三篇餘皆五言八十篇通爲九十三篇文選所收十七篇而已

馮氏詩紀曰京師曹氏家藏阮步兵詩一卷唐人所書與世所傳多異孔宗翰亦有本與此多同凡詩歌八十七首

張氏百三家阮步兵集一卷凡賦箋奏記書論傳贊誄文帖二十篇詠懷三首又八十二首歌二首

汪氏文選撰人篇目晉阮嗣宗籍有詠懷詩十七首勸晉王賡奏記詣蔣公

嚴氏全三國文編曰阮籍有集十三卷今存賦箋奏記書贊論傳帖誄弔凡二十篇又卷首敍錄曰阮籍集十卷明黃省曾刻本又一卷張溥百三家集本

案太平御覽地部七金門山引阮籍宜陽記曰金山之竹堪爲笙管案宜陽記當在本集洪氏魏疆城記曰司州弘農郡宜陽漢舊縣

又御覽經史圖書綱目有阮籍奏記疑是奏記之寫誤又世說文學篇注引晉諸公贊言阮籍著道德論疑卽通老論今惟存佚文三條

魏中散大夫嵇康集十三卷梁十五卷錄一卷

嵇康有左氏傳音見經部春秋家

魏志王粲附傳注魏氏春秋曰初康采藥汲郡山中遇隱者孫登登曰子才多識寡難乎免于今之世及遭呂安事爲詩自責曰欲寡其過謗議沸騰性不傷物頻致怨憎昔慚柳

下今愧孫登內負宿心外覩良朋康所著諸文論六七萬言皆爲世所玩詠又郗原傳注荀綽冀州記曰鉅鹿張鶴字遠叔遠東太守著自然好學論在嵇康集今本集中有難張遠叔自然好學論難張遠叔宅無吉凶攝生論答張遠叔釋雜宅無吉凶攝生論凡三篇而張之本論俱亡矣

晉書本傳康有奇才遠邁不羣著養生論又爲君子無私論蓋其胸懷所寄以高契難期每思鄧實山濤將去選官舉康自代康乃與濤書告絕東平呂安以事繫獄辭相證引遂復收康康性慎言行一旦縲紲乃作憂憤詩又曰康善談理又能屬文其高情遠趣率然玄遠撰上古以來高士爲之傳贊欲友其人于千載也又作太師箴亦足以明帝王之道焉復作聲無哀樂論甚有條理

鍾嶸詩品曰晉中散嵇康詩頗似魏文過于峻切訐直露才傷淵雅之致然託喻清超良有鑒裁亦未失高流矣

文心雕龍明詩篇曰嵇志清峻又曰四言五言叔夜合其潤才略篇云嵇康師心以遺論書記篇云嵇康絕交實志高而文偉

唐書經籍藝文志嵇康集十五卷案此十五卷或并左傳音聖賢高士傳稽荀錄及他家贈答詩文合爲一編者

崇文總目嵇康集十卷宋史志同

遇害

陳氏書錄曰嵇中散集十卷魏中散大夫譙嵇康叔夜撰所著文論六七萬言今存于世者僅如此唐志猶有十五卷

馮氏詩紀曰山濤爲吏部舉康自代康答書言不堪流俗非薄湯武大將軍司馬昭聞之而怒景元三年以鍾會譖殺之今存秋胡行七首幽憤詩一首贈秀才入軍十九首酒會詩七首雜詩一首答二郭三首與阮德如一首遊仙詩一首述志詩二首六言十首思親詩一首以上凡五十三首百三家集作五十四首又嵇喜答嵇康四首郭遐周贈嵇康三首郭遐叔贈五首阮德如答二首合前正符宋本六十八首之數其相傳本集所有如此也

張氏百三家嵇中散集一卷凡賦書設難論贊箴誡二十二篇樂府詩五十四篇

四庫提要曰嵇中散集十卷舊本題晉嵇康撰案康爲司馬昭所害時當塗之祚未終則康當爲魏人不當爲晉人晉書立傳實房喬等之舛誤本集因而題之非也隋志載康集十五卷新舊唐書並同至書錄解題則已作十卷宋時已無全本矣王楙野客叢書云昆陵賀方回家所藏繕寫嵇康集十卷有詩六十八首今此本凡詩四十七篇賦一篇書二篇雜著二篇論九篇箴一篇家誡一篇而雜著中嵇荀錄一篇有錄無書實共詩文六十二篇又非宋本之舊蓋明嘉靖乙酉吳縣黃省曾所重輯也

汪氏文選撰人篇目晉嵇叔夜康有琴賦幽憤詩贈秀才入軍詩雜詩一首與山巨源書養生論又文選注引書目有嵇康文集錄

嚴氏全三國文編曰康向魏宗室長樂亭主

除郎中拜中散大夫景元二年以答山濤書

忤司馬昭尋坐呂安事誅有集十五卷今存

琴賦酒賦蠶賦懷香賦卜疑與山巨源書與

呂長悌絕交書琴贊養生論答向子期難養生論聲無哀樂論釋私論管蔡論明膽論難

張遼叔自然好學論又難宅無吉凶攝生論

又答釋難論太師箴燈銘家誠附嵇康集目錄一條凡二十一篇編為五卷附聖賢高士

傳贊一卷

梁又有魏徵士呂安集二卷錄一卷亡

魏志王粲附傳注魏氏春秋曰初康與東平

呂昭子巽及巽弟安親善會巽淫安妻徐氏

而誣安不孝囚之安引康為證康義不負心

保明其事安亦至烈有濟世志力鍾會勸大

將軍因此除之遂殺安及康 案嵇康集載康與

呂長悌絕交書即言其事可謂黠無天日寃沈海底者矣

巽之內其足食乎昭字子展明帝時為鎮北將軍領冀州

刺史見杜恕傳

又杜恕傳注世語昭長子巽字長悌為相國

掾有寵于司馬文王次子安字仲悌與嵇康

善與康俱被誅

晉書嵇康傳東平呂平服康高致每一相見

輒千里命駕康友而善之後安為兄所枉訴

以事繫獄辭相證引遂復收康

唐書經籍藝文志呂安集二卷

嚴氏全三國文編曰呂安字仲悌東平人徵

十景元中坐事與嵇康俱誅有集二卷今惟

見諸書引安獨體賦二條

魏司徒鍾會集九卷梁十卷錄一卷

鍾會有周易盡神論見經部易家

魏志本傳初以鄧艾為太尉會為司徒皆持

節都督諸軍如故威未受命而斃會嘗論易

無互體才性同異

世說文學篇鍾會撰四本論始畢甚欲使嵇

公一見畏其難懷不敢出於戶外遙擲便回

急走注魏志曰會論才性同異傳于世四本

者言才性同才性異才性合才性離也尚書

傅嘏論同中書令李豐論異侍郎鍾會論合

屯騎校尉王廣論離 傅嘏有集見前李豐見魏志

夏侯玄傳王廣字公淵王凌子見凌傳

文心雕龍檄移篇鍾會檄蜀徵驗甚明壯筆

也

唐書經籍藝文志鍾會集十卷

張氏百三家鍾司徒集一卷凡賦檄奏書記

傳十一篇繫以芻蕘論一條

汪氏文選撰人篇目魏鍾士季有檄蜀文

嚴氏全三國文編曰會以定蜀功進司徒封

縣侯尋謀據蜀為亂兵所殺有老子注二卷

芻蕘論五卷集十卷今存賦上言書檄論傳

凡十三篇繫以芻蕘論七條

魏汝南太守程曉集二卷梁錄一卷

入魏文帝時至衛尉進封安鄉侯分封少子

及孫曉列侯曉嘉平中為黃門侍郎時校事

放橫曉上疏言其狀于是遂罷校事官曉遷

汝南太守年四十餘薨

又傳注世語曰曉字季明有通識又別傳曰

曉大著文章多亡失今之存者不能十分之

一

文心雕龍議對篇曰若乃程曉之駁校事

實允當可謂達議體矣

唐書經籍藝文志程曉集二卷

嚴氏全三國文編程曉字季明東郡東阿人

衛尉昱之孫黃初中封列侯嘉平中為黃門

侍郎後為汝南太守有集二卷今存請罷校

事官疏與傅玄書女典篇凡三篇

案文編又云藝文類聚四有程曉詩或

晉受禪後其人尚在或別是一人也俟考

今案馮氏詩紀云程曉古文苑作晉人有

贈傅奕詩二首嘲熱客一首不知即此程

曉否也其嘲熱客詩足為世之好交遊驚

馳逐不知檢束者戒焉

以上三國曹魏人文凡一十九家附梁有

二十五家綜四十四家四十六部

蜀丞相諸葛亮集二十五卷梁二十四卷

諸葛亮有論前漢事見史部正史篇

蜀志本傳亮初躬耕隴畝好為梁父吟又曰

亮言教書奏多可觀別為一集集錄曰開府

作牧第一權制第二南征第三北出第四計

算第五訓厲第六綜覈上第七綜覈下第八

雜言上第九雜言下第十貴和第十一兵要第十二傳連第十三與孫權書第十四與諸葛瑾書第十五與孟達書第十六廢李平第十七法檢上下第十八十九科令上下第二十一軍令上中下第二十二至二十四右二十四篇凡十萬四千一百一十二字傳注云漢賊不兩立王業不偏安之表亮集所無出張儉賦記

臣壽等言臣前在著作郎侍中領中書監濟北侯臣荀勗中書令關內侯臣和嶠奏使臣定故蜀丞相諸葛亮故事輒刪除複重隨類相從凡爲二十四篇篇名如右論者或怪亮文采不豔而過于丁寧周至臣愚以爲咎繇大賢也周公聖人也考之尙書咎繇之謨略而雅周公之誥煩而悉何則咎繇與舜禹共談周公與羣下矢誓故也亮所與言盡衆人凡士故其文指不得及遠也然其聲教遺言皆經事綜物公誠之心形于文墨足以知其人之意理而有補于當世謹錄寫上詣著作泰始十年二月一日癸巳平陽侯相臣陳壽上

華陽國志後賢志陳壽傳中書監荀勗令張華又表令次定諸葛亮故事集爲二十四篇時壽良亦集故頗不同案此則晉初有陳壽二家所集本壽良字文叔蜀郡成都人仕晉至散騎常侍大長秋亦見後賢志

文心雕龍詔策篇戒者慎也教者效也若諸葛孔明之詳約理得而辭中教之善者也又

章表篇曰孔明之辭後主志盡文暢表之英也

唐日本國見在書目雜家諸葛武侯上事九卷案此亦從本集析出表奏疏議之屬

唐書經籍藝文志蜀諸葛亮集二十四卷

宋史藝文志諸葛亮集十四卷

玉海藝文類中與書目曰亮集十四卷後二卷錄傳及碑記其前十二篇章句頗多字數乃少

張氏百三家諸葛丞相集一卷凡詔表奏疏公文教書牋議法論記碑令詩七十五篇

汪氏文選撰人篇目季漢諸葛孔明亮有出師表一首

武威張澍輯本序曰晉書陳壽傳壽撰蜀相諸葛亮集奏之即蜀志之二十四篇也非獨哀其文並其言與事而亦載之隋志二十五卷唐志二十四卷中與書目十四卷明王士禛集武侯全書二十卷楊時偉以王書蕪累更撰諸葛全書十卷亦無財擇本朝朱璣輯諸葛武侯集二十卷遂寧張鵬翻之忠武志全襲之庸俗詩文盈汗篇牘侯之著作反多遺漏張氏又增白浮鳩一篇乃吳人苦孫皓之暴而吟者亦混簡編其疏可如澍搜采散逸較諸本增益倍蓰編文集四卷附錄二卷別撰諸葛故事五卷都爲十一卷昔司空張華謂李密曰孔明言教何碎密曰昔舜禹皋陶相與語故得簡大雅誥與凡人言宜碎大雅當是大雅之誤孔明與言者無己敵言教是

以碎耳嗚呼讀忠武文者當以是求之案此所云王士禛楊時偉朱璣張鵬翻四家之書並詳見四庫提要史部傳記名類中四本之外又有明崇禎時武侯三十六世孫義輯本二十三卷道藏輯要中刻之

嚴氏全三國文編輯本二卷凡教軍令表疏上書上言公文箋書誡甘戚論文亡正義算計兵要兵法木牛流馬法并黃陵廟記陰符經序等依託之文綜五十五篇九十一首

張氏書目答問諸葛忠武侯文集四卷附錄二卷諸葛故事五卷張澍編沔縣祠堂本

梁又有蜀司徒許靖集二卷錄一卷亡蜀志本傳靖字文休汝南平輿人少與從弟劭俱知名並有人倫臧否之稱靈帝時郡舉計吏察孝廉除尙書郎典選舉董卓秉政補御史中丞靖懼誅奔豫州刺史孔伋伯仲依揚州刺史陳禕吳郡都尉許貢會稽太守王朗孫策東渡江走交州既至交阯太守士燮厚加敬待陳國袁徽以寄寓交州尙書荀彧書曰許文休英才偉士智略足以計事自

流宕已來與羣士相隨每有患急常先人後己與九族中外同其飢寒其紀綱同類仁恕惻怛皆有效事不能復一一陳之耳後劉璋使使招靖靖來入蜀璋以爲巴郡廣漢太守南陽宋仲子于荊州與蜀郡太守王商書曰文休儻瑰璋有當世之具足下當以爲指南建安十六年轉在蜀郡十九年先主克蜀以爲左將軍長史先主爲漢中王靖爲太傅及卽尊號策爲司徒靖雖年逾七十愛樂人

物誘納後進清談不倦丞相諸葛亮皆爲之拜章武二年卒始靖兄事穎川陳紀與陳郡袁煥平原華歆東海王朗等親善歆朗及紀并子羣魏初爲公輔大臣咸與靖書申陳舊好情義款至

唐書經籍藝文志蜀許靖集二卷

嚴氏全三國文編蜀許靖有集二卷蜀志本傳注及先主傳注有奔孔伯自表因衆瑞上表勸進與曹公書凡三篇案自表在董卓時勸進表在漢中王太傅時與曹公書在流寓交州時書中備言經歷艱苦當時亂離情狀亦從可知矣

梁又有蜀征北將軍夏侯霸集二卷亡

魏志夏侯淵附傳黃初中賜淵中子霸爵關內侯正始中爲討蜀護軍右將軍進封博昌亭侯素爲曹爽所厚聞爽誅自疑亡入蜀以淵舊勳赦霸子徙樂浪郡

又傳注魏略曰霸字仲權淵爲蜀所害故霸嘗切齒有報蜀意黃初中爲偏將軍子午之役霸召爲前鋒後爲右將軍屯隴西其養士和戎並得其歡心正始中代夏侯儒爲征蜀護軍統屬征西時征西將軍夏侯玄于霸爲從子而玄于曹爽爲外弟及司馬宣王誅曹爽遂召玄玄來東霸聞爽被誅而玄又徵以爲禍必轉相及心既內恐又霸先與雍州刺史郭淮不和而淮代玄爲征西霸益不安故遂奔蜀南趣陰平而失道入窮谷中糧盡殺馬步行足破臥巖石下使人求道未知何之蜀聞之乃使人迎霸初建安五年時霸從妹

年十三四在本郡出行樵采爲張飛所得飛知其良家女遂以爲妻產息女爲劉禪皇后故淵之初亡飛妻請而葬之及霸入蜀禪與相見釋之曰卿父自遇害于行間耳非我先人之手刃也指其兒子以示之曰此夏侯氏之甥也厚加爵寵

蜀志後主傳延熙十二年春正月魏誅大將軍曹爽等右將軍夏侯霸來降

華陽國志劉後主延熙十二年魏嘉平元年也魏誅大將軍曹爽右將軍夏侯霸來降淵子也拜車騎將軍

晉書羊祜傳祜泰山南城人美鬚眉善談論郡將夏侯威異之以兄霸之子妻之及霸之降蜀也姻親多告絕祜獨安其室恩禮有加焉

唐書經籍藝文志魏夏侯霸集二卷 案舊志列于魏人桓範鍾離之問新志同

案七錄題征北將軍尋蜀志未見自是爲車騎將軍之後終于是官歟

以上三國季漢人文凡一家附梁有二家 綜三家三部

吳輔義中郎將張溫集六卷

張溫有三史略見史部雜史類

吳志本傳將軍略統表理溫曰溫雖智非從橫武非虓虎然其弘雅之素英秀之德文章之采論議之辯卓犖冠羣煒燁曜世世人未有及之者也故論溫才即可惜言罪則可恕若忍威烈以赦盛德有賢才以敦大業固明

朝之休光四方之麗觀也權終不納

又傳注會稽典錄曰餘姚虞俊嘆曰張惠恕才多智少華而不實怨之所聚有覆家之禍吾見其兆矣諸葛亮聞俊憂溫意未之信及溫放黜亮乃嘆俊之有先見臣松之以爲莊周云名者公器也不可以多取張溫之廢豈其取名之多乎多之爲弊古賢既知之矣是以遠見之士退藏于密不使名浮于德不以華傷其實既不能被褐韞寶挫廉逃譽使才

映一世聲蓋人上沖用之道庸可暫替溫則反之能無敗乎權既疾溫名盛而略統方驟言其美至云卓犖冠羣煒燁曜世世人未有及之者也斯何異燎之方盛又搗膏以熾之哉

唐書經籍藝文志吳張溫集五卷

嚴氏全三國文編吳張溫字惠恕吳郡人黃武初徵拜議郎選曹尙書徙太子太傅以輔義中郎將使蜀還斥免有三史略二十九卷集六卷本傳有奉使至蜀詣闕拜章一篇文選注類聚御覽有表二條自理一條

梁有士燮集五卷亡

士燮有春秋經注見經部春秋家之首

唐書經籍藝文志吳士燮集五卷

案史通雜說篇云交阯遠居南裔越裳之俗也敦煌僻處西域昆戎之鄉也求諸人物自古闕載蓋由地居下國路絕上京史官記注所不能及也既而士燮著錄劉兩

裁書則磊落英才粲然盈囑者矣向使兩

賢不出二郡無記彼邊隅之君子何以取聞于後世乎是知著述之功其力大矣豈與夫詩賦小技校其優劣者哉按劉昫裁書謂敦煌實錄見史部霸史類士燮著錄則本志及七錄皆不見當在是集集中有言交州人物如傳記之類者劉子玄氏所見或本諸此

吳偏將軍駱統集十卷梁有錄一卷

吳志本傳統字公緒會稽烏傷人也孫權以將軍領會稽太守統年二十試爲烏程相召爲功曹行騎都尉妻以從兄輔女統志在補察苟所見聞夕不待旦常勸權以尊賢接士勤求損益權納用焉出爲建忠郎將以隨陸遜破蜀軍于宜都遷偏將軍黃武初封新陽亭侯後爲濡須督數陳便宜前後書數十上所言皆善尤以占募在民間長惡敗俗生離叛之心急宜絕置權與相反覆終遂行之年三十六黃武七年卒

唐書經籍藝文志吳駱統集十卷

嚴氏全三國文編吳駱統有集十卷本傳有民戶損耗上疏一篇張溫傳有表理張溫一篇北堂書鈔未改本有陳諸將舟船飾嚴箋梁又有太子少傅薛綜集三卷錄一卷亡

吳志本傳綜字敬文沛郡竹邑人也少依族人避地交州從劉熙學士燮既附孫權召綜爲五官中郎除合浦交阯太守還都守謁者僕射出爲建昌侯慮長史慮卒入守賊曹尙書遷尙書僕射正月乙未權勅綜祝祖不得

用常文案此言正月乙未上有跋文以其事考之孫權傳則似黃龍三四五年綜承詔卒造文義信辭燦爛權曰復爲兩頭使滿三也綜復再祝辭令皆新衆咸稱善亦烏三年徙選曹尙書五年爲太子少傅領選職如故六年春卒凡所著詩賦難論數萬言名曰私載又定五宗圖述二京賦解皆傳于世孫皓嘗追歎綜遺文且命綜子瑩繼作云

又傳注吳錄曰薛氏世典州郡爲著姓綜少明經善屬文有秀才吳書曰權賜綜紫綬囊時綜以名儒居師傅之位仍兼選舉甚爲優重

唐書經籍志吳薛綜集二卷藝文志三卷

嚴氏全三國文編吳薛綜有集三卷今存表疏文移頌凡十一篇述鄭氏禮五宗圖一篇吳選曹尙書暨監集二卷梁三卷錄一卷

吳志張溫傳權既陰銜溫稱美蜀政思有以中傷之會暨監事起遂因此發舉監字子休亦吳郡人也溫引致之以爲選曹郎至尙書監性狷厲好爲清議見時郎署混濁清雜多非其人欲臧否區別賢愚貫彈射百僚選三署率皆貶高就下降損數等其守故者十未能一其居位貪鄙志節卑汚者皆以爲軍吏置營府以處之而怨憤之聲積浸潤之譖行矣說言監及選曹郎徐彪專用私情憎愛不由公理監彪皆坐自殺溫宿與監彪同意數交書疏問往還卽罪溫幽之有司下令斥免

唐書經籍藝文志吳暨監集二卷

嚴氏全三國文編曰暨監字子休吳郡人爲選曹郎進尙書爲怨家所誣自殺有集三卷御覽三百四十八引暨監集雜移一條云角岑既調射者又工多獲鴉鳥能無懇傷

案王應麟姓氏急就篇云元豐中進士唱名有暨陶主司三呼去聲不應蘇頌進曰當以入聲呼之果出應神宗問何以知之頌對三國時吳有暨監造營府之論恐其後問陶鄉里乃崇安人上喜曰果吳人也案營府之論卽所置營府以處志節卑汚之士者宋蘇魏公猶見之其論當在是集中今泯滅無聞矣

梁又有姚信集二卷錄一卷亡

姚信有易注見經部易家

唐書經籍藝文志姚信集十卷案此十卷或并他所著士繹新書合爲一表者

武進張惠言易義別錄曰吳興志有德祐文集輯易注一卷明人爲之

嚴氏全三國文編曰信字元道寶鼎初爲太常有士緯十卷姚氏新書二卷集二卷吳志陸績傳注引姚信集有請喪陸績女鬱生表一篇晉宋隋書天文志有昕天論一篇藝文類聚二十三有誠子一篇

梁又有謝承集四卷今亡丞當爲承

謝承有後漢書見史部正史篇

唐書經籍藝文志謝承集四卷

嚴氏全三國文編曰吳謝承字偉平會稽山

陰人孫權謝夫人之弟為吳郡督郵拜郎中遷長沙東部都尉武陵太守有後漢書一百三十卷集四卷初學記類聚御覽諸書有賀靈龜表上丹砂表與步子山書三夫人箴凡四條

吳人楊厚集二卷梁又有錄一卷

楊厚始末未詳

唐書經籍志吳楊厚集二卷

唐書藝文志漢楊厚集二卷

通志藝文略吳楊文厚集二卷

案唐藝文志載是集於後漢劉珍張衡之間以為漢之楊厚考順帝時有侍中楊厚廣漢新都人家世圖緯深于陰陽消復之術桓帝時卒范書及華陽國志並有傳此明著吳人楊厚又引七錄有錄一卷不致舛誤其非蜀人楊厚可知通志略以為楊文厚豈今本隋志攷文字歟不可知已

吳丞相陸凱集五卷梁有錄一卷

陸凱有吳先賢傳見史部雜傳篇

吳志本傳凱乃心公家義形于色表疏皆指事不飾忠懇內發建衡元年疾病皓遣中書令董朝問所欲言凱陳姚信樓玄賀邵張悌郭遠薛瑩滕修及族弟喜抗皆社稷之楨幹國家之良輔願重留神思訪以時務各盡其忠拾遺萬一

又傳末附記曰子連從荊揚來者得凱所陳二十事博問吳人多云不聞凱有此表又案其文殊甚切直恐非皓之所能容忍也或以

為凱藏之篋箭未敢宣行病困皓遣董朝省問欲言因以付之虛實難明故不著于篇然愛其指擿皓事足為後戒故鈔列于凱傳左云

唐書藝文志陸凱集五卷一本作陸凱刊誤也經籍志不載

嚴氏全三國文編陸凱有吳先賢傳四卷太玄經注十三卷集五卷今存上表言宜優卹功臣後上表諫吳主皓重表諫起宮疏悼王蕃疏諫吳主皓疏吳主皓不遵先帝二十事奏重備西陵奏事凡八篇附吳先賢傳贊三條

吳侍中胡綜集二卷梁有錄一卷

吳志本傳綜字偉則汝南固始人也少孤將母避難江東孫策領會稽綜年十四為門下循行留吳與孫權共讀書策薨權為討虜將軍以綜為金曹從事從討黃祖拜鄂長權為車騎將軍都京召綜還為書部與是儀徐詳俱典軍國密事為解煩右部督加建武中郎將魏拜權為吳王封綜儀詳皆為亭侯黃武八年夏黃龍見夏口于是權稱尊號因瑞改元又作黃龍大牙常在中軍諸軍進退視其所向命綜作賦蜀聞權踐阼遣使重申前好綜為盟文文義甚美權下都建業詳綜並為侍中進封鄉侯兼左右領軍時魏降人或云魏都督河北振威將軍吳質頗見猜疑綜乃偽為質作降文三條此文既流行而質已為侍中矣後拜綜偏將軍兼左執法領辭訟凡

自權統事諸文詰策命鄰國書符略皆綜之所造也赤烏六年卒子冲嗣 胡冲有吳朝人士品秩狀八卷吳曆六卷本志不著錄見唐志雜史類

又傳評曰是儀徐詳胡綜皆孫權時幹興事業者也儀清恪貞素詳敷通使命綜文采才用各見信任辟之廣夏其椽椽之佐乎

唐書經籍藝文志胡綜集二卷

嚴氏全三國文編吳胡綜有集二卷今存黃龍大牙賦中分天下盟文請立諸王表議奔喪偽為吳質作降文太子賓友目凡六篇

梁又有東觀令華覈集五卷錄一卷亡 一本作華覈誤

吳志本傳覈字永先吳郡武進人也始為上虞尉典農都尉以文學入為祕府郎遷中書丞孫皓即位封徐陵亭侯後遷東觀令領右國史覈上疏辭讓皓答曰得表以東觀儒林之府當講校文藝處定疑難漢時皆名學碩儒乃任其職乞更選英賢聞之以卿研精墳典博覽多聞可謂悅禮樂敦詩書者也當飛翰聘藻光贊時事以越揚班張蔡之疇怪乃謙光厚自菲薄宜勉脩所職以邁先賢勿復紛紛皓以覈年老勅令草表覈不敢又勅作草文停立待之覈為文章對覈前後陳便宜及貢薦良能解釋罪過書百餘上皆有補益天册元年以微禮免數歲卒所論事章疏咸傳于世

又傳評曰胡冲以為華覈文賦之才有過于韋曜而典誥不及也予觀覈數獻良規期于

自盡庶幾忠臣矣

唐書經籍志華嚴集三卷藝文志五卷

嚴氏全三國文編曰華嚴有集五卷今存車賦奏薦陸胤表薦陸禕聞蜀亡詣宮門上表諫吳主皓盛夏興工疏上務農禁侈疏乞赦樓玄疏疏請召還薛瑩疏救章曜奉勅草對凡十一篇

吳侍中張儼集一卷梁二卷錄一卷

張儼有默記見子部雜家

唐書經籍藝文志張儼集二卷

嚴氏全三國文編曰張儼字子節吳人官大鴻臚有默記三卷集一卷文士傳有賦犬一條藝文類聚有請立太子師傳表一篇又蜀志諸葛亮傳注引默記述佐篇北堂書鈔引默記佚文一條

梁又有章昭集二卷錄一卷亡

章昭有毛詩答問見經部詩類

吳志本傳皓收曜付獄華嚴連上疏救曜曰曜自少勤學雖老不倦探綜墳典温故知新及意所經識古今行事外吏之中少過曜者又華嚴傳末云曜覈所論事章疏咸傳于世也

又傳評曰薛瑩稱章曜篤學好古博見羣籍有記述之才胡冲以為華嚴文賦之才有過于曜而典誥不及也

晉書樂志漢時有短簫鑿歌之樂其曲列于鼓吹多序戰陳之事及魏受命改其十二曲使繆襲為辭是時吳亦使章昭製十二曲名

以述功德受命

宋書樂志章昭于孫休世上鼓吹鑿歌十二曲表曰當付樂官善歌者習歌曰炎精缺者言漢室衰武烈皇帝孫聖奮迅猛志念在匡救王迹始乎此也曰漢之季者武烈皇帝悼漢之微痛卓之亂與兵奮擊功蓋海內也曰據武師者言大皇帝權卒武烈之業而奮征也曰烏林者言曹操既破荆州從流東下大皇帝命將周瑜逆擊之于烏林而破走也曰秋風者言大皇帝說以使民民忘其死曰克皖城者言曹操志圖兼并令朱光為廬江太守上親征光破之于皖城也曰關背德者言蜀將關某背棄吳德大皇帝引師浮江而擒之也曰通荆門者言大皇帝與蜀交好齊盟終復初好也曰章洪德者言大皇帝章其大德遠方來附也曰從曆數者言大皇帝從圖籙之符而建大號也曰承天命者言上以聖德踐位道化至德盛也曰玄化者言上脩文訓武則天而行仁澤流洽天下喜樂也

唐書經籍藝文志章昭集二卷

馮氏詩紀輯存鼓吹鑿歌十二曲

汪氏文選撰人篇目吳章弘嗣昭有博奕論

案吳志孫和傳和常言當世士人宜講修術學校習射御以周世務而但交游博奕以妨事業非進取之謂乃命侍坐者八人各著論以矯之于是中庶子章曜退而論奏和以示賓客案此則當時奉令而作者凡八人文選所錄止章昭一家其時間澤薛綜張純封備嚴維吾樂顯譚等皆為太子侍從意此數人亦皆有所作

嚴氏全三國文編曰章昭字弘嗣陳壽避司馬文王諱追改名曜孫皓鳳凰二年忤旨下獄誅有國語注二十二卷吳書五十五卷集二卷今存雲陽賦上鼓吹鑿歌表因獄吏上辭國語解絃博奕論凡五篇

吳中書令紀騫集三卷梁有錄一卷

吳志孫皓傳元興元年是歲十二月晉文帝為魏相國遣使齋書陳時勢利害以申喻皓甘露元年三月皓遣光祿大夫紀陟五官中郎將弘璆報書陟璆至洛遇晉文帝崩十一月乃遣還十二月晉受禪案騫陟並相通范書鄧覽章懷太子注云東觀記作鄧陟與此相類

又傳注吳錄曰陟字子丹陽人初為中書郎孫休時父亮為尚書令而陟為中書令每朝會詔以屏風隔其坐出為豫章太守陟子孚皓封都亭侯孚弟瞻字思遠入仕晉驃騎將軍晉書紀瞻傳瞻丹陽秣陵人也祖志與尚書令父陟光祿大夫

唐書經籍志吳紀騫集三卷藝文志二卷

嚴氏全三國文編曰紀騫丹陽人尚書令亮子累官至中書令有集三卷太平御覽有上吳主皓表一條

梁又有陸景集一卷亡

陸景有典語見子部儒家

吳志陸抗傳抗子晏晏弟景玄機雲分領抗兵景深身好學著書數十篇也

嚴氏全三國文編曰陸景有典語十卷典語別二卷集一卷藝文類聚北堂書鈔有與兄

書三條誠盈一篇

以上三國孫吳人文凡八家附梁有七家

綜一十五家

大凡三國人文二十八家附梁有三十四

家通計六十二家六十四部是為別集類

分篇第三內魏武帝一家三部

隋書經籍志考證卷三十九之四

集部二之四

別集類四言

晉宣帝集五卷梁有錄一卷

晉書本紀宣皇帝諱懿字仲達河南溫縣人
姓司馬氏漢建安六年郡舉上計掾魏武為
丞相辟為文學掾歷文帝明帝至齊王時累
遷侍中持節都督中外諸軍錄尚書事進太

傅嘉平元年進丞相加九錫三年策命為相

國進封安平郡公並固讓不受是年秋八月

戊寅崩于京師時年七十三諡曰文貞後改

諡文宣先是預作終制作顧命三篇晉國初

建追尊曰宣王武帝受禪上尊號曰宣皇帝

廟號高祖

又曰魏武聞帝有狼顧相欲驗之乃召使前

行令反顧面正向後而身不動及平公孫文

懿大行殺戮誅曹爽之際支黨皆夷及三族

男女無少長姑姊妹之適人皆殺之明帝時

王導侍坐帝問前世所以得天下導乃陳帝

創業之始及文帝末高貴鄉公事明帝以面

覆牀曰若如公言晉祚復安得長遠迹其猜

忍蓋有符于狼顧也 公孫淵字文懿惟見于此唐

人避諱故稱其字

唐書經籍志晉宣帝集十卷藝文志五卷

馮氏詩紀晉書曰高祖伐公孫淵過溫見父

老故舊讎飲累日悵然有感為讎飲歌一篇

嚴氏全晉文編晉宣帝有集五卷據三國志

紀傳注及晉書御覽諸書有遺詔令教上書

上言奏事議書凡一十五篇

晉文帝集三卷

晉書本紀文帝諱昭字子上景帝母弟也魏

正元二年景帝崩進位大將軍加侍中都督

中外諸軍錄尚書事輔政景元四年進封晉

公加九錫以相國總百揆咸熙元年進爵為

王二年天子命帝冕十有二旒建天子旌旗

出警入蹕如帝者之儀秋八月辛卯崩年五

十五諡曰文王武帝受禪追尊曰文皇帝廟

號太祖

唐書經籍志晉文帝集一卷藝文志二卷

嚴氏全晉文編文帝有集三卷今存讓證兄

司馬師為武公表請魏帝親征諸葛誕表奏

收成濟與鄭表書與王基書報王基書與山

濤書與鍾會書凡八篇

齊王攸集二卷梁三卷

晉書文六王傳文帝文明皇后生武帝齊獻

王攸攸字大猷少而岐嶷及長清和平允親

賢好施愛經籍能屬文善尺牘為世所楷才

望出武帝之右宣帝每器之景帝無子命攸

為嗣武帝踐阼封齊王時朝廷草創而攸總

統軍事撫寧內外莫不景附焉遷驃騎將軍

開府辟召禮同三司轉鎮軍大將軍加侍中

行太子少傅數年授太傅獻箴于太子世以

為工咸寧二年代賈充為司空太康三年詔

以爲大司馬都督青州明年策攸就國攸知

荀勗馮統構已憤怨發疾歐血薨年三十六

子罔立攸以禮自拘鮮有過事就人借書必

子罔立攸以禮自拘鮮有過事就人借書必

手刊其謬然後反之加以至性過人有觸其諱者輒泫然流涕武帝亦敬憚之每引之同處必擇言而後發

唐書經籍志晉齊王集二卷

唐書藝文志齊王攸集二卷

嚴氏全晉文編輯存令教議書及太子箴凡八篇

晉王沈集五卷太原

王沈有魏書見史部正史篇

晉書本傳沈好書善屬文魏高貴鄉公好學有文才引沈及裴秀數于東堂講譙屬文號沈爲文籍先生秀爲儒林丈人

唐書經籍藝文志晉王沈集五卷

嚴氏全晉文編王沈有魏書四十八卷集五卷今存賦五篇表教書頌祭文凡十四篇

梁有鄭表集二卷亡

晉書本傳表字林叔榮陽開封人也高祖衆漢大司農父泰揚州刺史有高名表早有識鑒魏武帝初封諸子爲侯精選賓友表與徐幹俱爲臨菑侯文學案陳思王初封臨菑侯後爲廣平太守以德化爲先善作條教郡中愛之魏景元初疾病失明屢乞骸骨不許拜光祿大夫武帝踐阼進爵密陵侯泰始九年薨年八十五諡曰元有子六人長子默嗣次質舒翽稱予位並列卿鄭氏孝經注或疑爲鄭傳撰即此鄭稱表第五子也

唐書經籍藝文志鄭表集二卷

晉宗正嵇喜集一卷殘缺梁二卷錄一卷 一本嵇

作稽非也

魏志王粲附傳注稽氏譜曰康兄喜字公穆

晉揚州刺史宗正喜爲康傳曰家世儒學

晉書嵇康傳康兄喜有當世才歷太僕宗正

又忠義稽含傳祖喜徐州刺史

唐書經籍藝文志嵇喜集二卷

嚴氏全晉文編曰嵇喜字公穆譙國鉅人魏中散大夫嵇康兄爲衛軍司馬入晉拜揚州刺史遷太僕宗正有集二卷魏志王粲傳注引所作稽康傳

晉散騎常侍應貞集一卷梁五卷

魏志王粲附傳始文帝爲五官將及平原侯植皆好文學粲與汝南應瑒等並見友善場弟璩璩子貞咸以文章顯貞咸熙中參相國軍事注文章敍錄曰貞字吉甫少以才聞能談論正始中夏侯玄盛有名勢貞常在玄坐作五言詩玄嘉玩之舉高第歷顯位晉武帝爲撫軍大將軍以貞參軍事晉室踐阼遷太子中庶子散騎常侍又以儒學與太尉荀勗撰定新禮事未施行

晉書文苑傳貞字吉甫汝南南頓人魏侍中璩之子也自漢至魏世以文章顯軒冕相襲爲郡盛族貞善談論以才學稱武帝踐阼遷給事中帝于華林園宴射貞賦詩最美太始五年卒文集行于世

又史臣曰應貞宴射之文極形言之美華林羣藻罕或疇之

釋文敍錄曰晉張璠周易集解二十二家有

應貞明易論

唐書經籍藝文志應貞集五卷

馮氏詩紀輯存華林園詩九章

汪氏文選撰入篇目晉應吉甫貞有華林集詩

嚴氏全晉文編應貞有集五卷今存臨丹賦安石榴賦蒲桃賦釋左雜論七華杖箴朱杖銘華覽革林凡九篇

晉司隸校尉傅玄集十五卷梁五十卷錄一卷亡

傅玄有傅子見子部雜家

晉書本傳玄博學善屬文解鍾律數上書陳便宜多所匡正又曰玄少時避難于河內專心誦學後雖顯貴而著述不廢撰傅子數十萬言并文集百餘卷行于世

太平御覽文部藝文流別論曰傅子集古今七篇品之署曰七林案此條嚴氏輯流別論遺之

文心雕龍樂府篇曰逮于晉世則傅玄曉音創定雅歌以詠祖宗又才略篇曰傅玄篇章義多規鏡

唐書經籍藝文志傅玄集五十卷

宋史藝文志傅玄集一卷

馮氏詩紀曰休奕諸詩文句多闕不能盡析姑從類次之其不成章者列于卷末凡五十三篇七十三首

又曰晉書樂志武帝受命泰始二年詔郊祀明堂禮樂權用魏儀但改樂章使傅玄爲之辭凡一十九篇又泰始五年傅玄造四廂樂

歌三篇又曰武帝令傅玄製鼓吹曲二十二首又泰始九年傅玄造正德舞歌大豫舞歌各一篇又有宣武舞歌四首宣文舞歌二首又有鞞舞歌五首鐸舞歌一首 案晉宋齊書樂志所載樂章或不盡著撰人馮氏據諸書皆一一考訂之故不取史志唯以詩紀爲斷其下成公綏荀勗張華諸家並同此

張氏百三家傳鶉觚集一卷凡賦墓誌疏奏議序論贊銘誡頌設難誄祝文九十五篇樂府三十八篇詩二十五篇

汪氏文選撰人篇目晉傅休奕玄有雜詩一首

嚴氏全晉文編輯存賦五十三篇擬騷表疏議客難七謨序頌古今畫贊箴銘口誡墓誌誄祝文凡四十篇綜九十三篇編爲二卷

晉著作郎成公綏集九卷殘缺梁十卷

晉書文苑傳成公綏字子安東郡白馬人也幼而聰敏博涉經傳性寡欲不營資產家貧歲飢嘗晏如也少有俊才辭賦甚麗閑默自守不求聞達時有孝烏每集其廬舍綏謂有反哺之德以爲祥禽乃作賦美之又以爲賦者貴能分賦物理敷演無方天地之盛可以致思矣歷觀古人未之有賦豈獨以至麗無文難以辭贊不然何其闕哉乃爲天地賦綏雅好音律嘗當暑承風而嘯冷然成曲因爲嘯賦張華雅重綏每見其文歎伏以爲絕倫薦之太常徵爲博士歷祕書郎轉丞遷中書郎每與華受詔並爲詩賦又與賈充等參定

法律泰始九年卒年四十三所著詩賦雜筆十餘卷行世

又史臣曰子安幼標明敏少蓄清思懷天地之寥廓賦辭人之所遺特購新情豈常均之所企

文心雕龍詮賦篇曰太冲安仁策勳于鴻規士衡子安底績于流制又才略篇曰成公子安選賦而時美

唐書經籍藝文志成公綏集十卷

馮氏詩紀輯存中宮詩二首行路詩游仙詩各一首又曰晉書樂志武帝太始五年使傅玄荀勗張華等各造正旦行禮及王公上壽酒食舉樂歌詩後又詔成公綏亦作焉綏造王公上壽酒歌一篇正旦大會行禮歌十五章

張氏百三家成公子安集一卷凡賦頌銘箴誄七唱雜文三十篇樂歌二篇詩二篇

汪氏文選撰人篇目晉成公子安綏有嘯賦嚴氏全晉文編曰成公綏有集十卷今存天地賦以迄螳螂賦凡二十四篇七唱頌贊錢神論箴銘誄戒火文隸書體十二篇綜三十六篇

梁又有裴秀集三卷錄一卷亡

魏志裴潛傳潛字文行河東聞喜人子秀成熙中爲尚書僕射注文章敘錄曰秀字季彥弘通博濟八歲能屬文遂知名大將軍曹爽辟累遷散騎常侍尚書僕射令光祿大夫成熙中晉文王始建五等命秀典爲制度封廣

川侯晉室受禪進左光祿大夫改封鉅鹿公遷司空著易及樂論又畫地域圖十八篇傳行于世盟會圖及典治官制皆未成年四十八泰始七年薨諡元公配食宗廟

晉書本傳秀少好學有風操叔父徽有盛名賓客甚衆秀年十歲有詣徽者出則過秀魏成熙初釐革憲司時荀勗定禮儀賈充正法律而秀改官制焉武帝受禪詔以秀爲司空秀儒學洽聞且留心政事當禪代之際總納言之要其所裁當禮無違者又以職在地官以禹貢山川地名從來久遠多有變易後世說者或彊牽引漸以暗昧于是甄擿舊文疑者則闕古有名而今無者皆隨事注列作禹貢地域圖十八篇奏之藏于祕府案此圖必亡于永嘉之亂秀創制朝儀廣陳刑政朝廷多遵用之以爲故事在位四載爲當世名公服寒食散當飲熱酒而飲冷酒泰始七年薨初秀以尚書三十六曹統事準例不明宜使諸卿任職未及奏而薨其友人料其書記得表草言平吳之事乃封以上聞

唐書經籍藝文志裴秀集三卷

馮氏詩紀輯存大錯詩一篇

嚴氏全晉文編裴秀有集三卷本傳載平吳表草禹貢九州地域圖序北堂書鈔載表事與山濤書凡四篇

晉金紫光祿大夫何植集一卷梁五卷植當爲植

太平御覽文部文士傳曰何植字元幹青龍元年天子特詔曰揚州別駕何植有文章才

試使作許都賦成封上不得令人見楨遂造賦上甚異之嚴氏錄入魏明帝集載此詔云使作許都賦成上不封得令人見

唐書經籍藝文志何楨集五卷

嚴氏全晉文編曰何楨字元幹廬江灑人魏太和中爲揚州別駕正始中爲弘農太守歷幽州刺史拜廷尉入晉爲尚書光祿大夫有集五卷今存許都賦佚文及表議贊敍凡五篇

梁又有袁準集二卷錄一卷亡

袁準有喪服經傳見經部禮類

唐書經籍藝文志袁準集二卷

嚴氏全晉文編袁準有儀禮喪服經注一卷袁子正論十九卷正書二十五卷集二卷藝文類聚有招公子一名觀殊俗才性論魏志齊王紀注有獻言于曹爽宜捐淮漢已南凡三篇

晉少傅山濤集九卷梁五卷錄一卷又一本十卷齊奉朝請表津注

晉書本傳濤字巨源河內懷人也少有器量介然不羣性好莊老每隱身自晦與嵇康呂安善後遇阮籍便爲竹林之游著忘年之契魏正元初可隸舉秀才除郎中歷驃騎王昶從事中郎趙國相尙書吏部郎大將軍從事中郎行軍司馬咸熙初封新沓子泰始初進爵爲伯咸寧初轉太子少傅加散騎常侍尙書僕射加侍中領吏部拜司徒太康四年薨年七十九諡曰康

唐書經籍藝文志山濤集五卷

嚴氏全晉文編山濤有集九卷今惟見本傳所載表疏四篇通典載答詔問鄒詵事二條及諸書所引啓事五十一條

案別有山公啓事見後總集類或亦編入

十卷本中也齊奉朝請表津始末未詳本

志所載爲詩文集注者始見于此

梁又有向秀集二卷錄一卷亡

向秀有莊子注見子部道家

晉書本傳秀清悟有遠識少爲山濤所知既爲莊子隱解發明奇趣又與嵇康論養生辭難往復蓋欲發康高致焉康既被誅秀應本郡計入洛秀乃自此役作思舊賦

世說言語篇注向秀別傳曰秀少爲同郡山濤所知又與譙國嵇康東平呂安友善並有拔俗之韻其進止無不同而造事營生業亦不異常與嵇康偶鍛于洛邑與呂安灌園于山陽不慮家之有無外物不足拂其心弱冠著儒道論棄而不錄好事者或存之或云是其族人所作困于不行乃告秀欲假其名秀笑曰可復爾耳

文心雕龍指瑕篇曰崔瑗之誅李公比行于黃虞向秀之賦嵇生方罪于李斯與其失也雖寧僭毋濫然高厚之詩不類甚矣凡巧言易標拙辭難隱斯言之玷實深白圭

釋文敍錄曰晉張璠周易集解有向秀易義

璠序云依向秀本

唐書經籍藝文志向秀集二卷

汪氏文選撰人篇目晉向子期秀有思舊賦

嚴氏全晉文編向秀有集二卷今惟本傳及文選所載思舊賦嵇中散集載難養生論各一篇

梁又有平原太守阮種集二卷錄一卷亡

晉書本傳種字德猷陳留尉氏人漢侍中胥卿八世孫也弱冠有殊操爲嵇康所重康著養生論所稱阮生即種也察孝廉爲公府掾詔舉賢良方正直言之士于是太保何曾舉種賢良對策種與濟陰鄒詵東平王康俱居上第即除尙書郎然毀譽之徒或言對者因緣假託帝乃更延羣士庭以問之策奏帝親覽焉又擢爲第一轉中書郎進止有方正已

率下朝廷咸憚其威容每爲駁議事皆施用遂爲楷則遷平原相卒于郡

唐書經籍藝文志阮種有集二卷今唯見本傳

嚴氏全晉文編阮種有集二卷今唯見本傳所載泰始七年舉賢良對策廷試對策各一篇

梁又有阮侃集五卷錄一卷亡

阮侃有攝生論二卷見子部道家

唐書經籍藝文志阮侃集五卷

案阮侃事蹟不概見惟世說賢媛篇注引陳留志知爲魏衛尉阮共之少子亦與嵇康爲友康集載宅無吉凶攝生論與張遼叔相反覆者意侃集其論爲二卷七錄列之道家或亦編入本集五卷中也又阮種字德猷侃字德如皆陳留尉氏人殆與種

兄弟行德如妹爲魏領軍許允婦奇醜而才識在允之上交禮竟允無復入理桓範謂允曰阮家既嫁醜女與卿故當有意卿宜察之遂相敬重云

晉太傅羊祜集一卷殘缺梁二卷錄一卷

羊祜有老子傳見子部道家

晉書本傳祜蔡邕外孫博學能屬文善談論時高貴鄉公好屬文在位者多獻詩賦祜在其間焉又曰祜歷職二朝任典樞要政事損益皆諮訪焉其嘉謨讜議皆焚其草故世莫得聞又曰祜樂山水每風景必造峴山置酒言詠終日不倦嘗慨然嘆息願謂從事中郎鄒湛等曰自有宇宙便有此山由來賢達勝士登此遠望如我與卿者多矣皆湮沒無聞使人悲傷湛曰公德冠四海道嗣前哲令聞令望必與此山俱傳至若湛輩乃當如公言耳祜所著文章及爲老子傳並行于世襄陽百姓于峴山祜平生游憩之所建碑立廟焉李充翰林論曰表宜以遠大爲本不以華藻爲先若諸葛之表劉主裴公之辭侍中羊公之辭開府可謂德音矣案裴公似謂裴成公頌也久任侍中又使專任門下頗辭讓不辟士書裴秀附傳祜本傳云開府累年謙讓不辟士

文心雕龍章表篇曰羊公之辭開府有譽于前談

唐書經籍藝文志羊祜集二卷

汪氏文選撰人篇目曰晉羊叔子祜有讓開府表

嚴氏全晉文編曰羊祜有集二卷今見諸書所引有鴈賦讓開府表讓封南城侯表請伐吳疏與從弟琇書與吳都督陸抗書誠子書凡七篇

梁又有蔡玄通集五卷亡

蔡玄通始末未詳

梁又有太宰賈充集五卷錄一卷亡

晉書本傳充字公閭平陽襄陵人父達魏豫州刺史陽里亭侯充襲父爵爲侯拜尚書郎典定科令兼度支考課辯章節度事皆施用與裴秀王沈羊祜荀勗同受腹心之任文帝又命充定律律晉受禪以建明大命更封魯郡公累遷司空太尉錄尚書事太康三年四月薨年六十六追贈太宰諡曰武配饗廟庭又史臣曰賈充以諂諛陋質刀筆常材幸屬昌辰濫叨非據抽戈犯順曾無猜憚之心杖鉞推亡遽有知難之請非唯魏朝之悖逆抑亦晉室之罪人者歟然猶身極寵光任兼文武存荷台衡之寄沒有從享之榮可謂無德而祿殃將及矣逮乎貽厥乃乞丐之徒嗣惡稔之餘基縱姦邪之凶德煽茲哲婦索彼惟家雖及誅夷曷云塞責昔當塗闕翦公閭實肆其勞典午分崩南風亦盡其力可謂君以此始必以此終信乎其然矣 賈后名南風充女也

唐書經籍藝文志賈充集二卷

馮氏詩紀輯存與李夫人聯句一首

嚴氏全晉文編賈充有集五卷今惟本傳及

裴頠傳有表三篇議一篇

梁又有荀勗集三卷錄一卷亡

荀勗有晉中經見史部簿錄篇 晉書本傳勗岐嶷夙成年十餘歲能屬文既長博學達于從政時將發使聘吳並遣當時文士作書于孫皓文帝用勗所作皓既報命和親帝謂勗曰君前作書使吳思順勝十萬之衆也武帝受禪領著作與賈充共定律令既掌樂事又脩律呂並行于世時帝知太子闇弱恐後亂國遣勗及和嶠往觀之勗還盛稱太子之德而嶠云太子如初于是天下貴嶠而賤勗帝將廢賈妃勗與馮紇等諫請故得不廢時議以勗傾國害時孫資劉放之匹云

唐書經籍藝文志荀勗集二十卷案十字衍

馮氏詩紀輯存從武帝宴華林園詩二篇又曰晉書樂志泰始中使傅玄荀勗張華各造正旦大會行禮及王公上壽酒食舉樂歌詩勗乃更作行禮詩四篇又爲正旦大會王公上壽歌詩并食舉樂歌詩合十三篇又造正德大豫舞歌二首

嚴氏全晉文編荀勗有集三卷藝文類聚載有蒲萄賦餘所引有表奏議書及上穆天子傳序凡十六篇

晉征南將軍杜預集十八卷

杜預有喪服要集見經部禮類

晉書本傳預博學明于興廢之道常言德不可以企及立功立言可庶幾也泰始中守河

南尹受詔爲黜陟之課拜度支尚書奏立籍田建安邊論處軍國之要又作人排新器與常平倉定穀價較鹽運制課調內以利國外以救邊者五十餘條皆納焉又以時曆差舛不應甚度奏上二元乾度曆行于世咸寧四年秋大霖雨蝗蟲起預上疏多陳農要事在食貨志在內七年損益萬機不可勝數朝野稱美號曰杜武庫言其無所不有也及鎮荊州數請伐吳表陳至計孫皓既平于公家之事知無不爲凡所興造必考度終始鮮有敗事好爲後世名常言高岸爲谷深谷爲陵刻石爲二碑記其勳績一沈萬山之一立峴山之上曰焉知此後不爲陵谷乎又爲遺令欲以儉自完子孫一以遵之

又史臣曰杜預不有生知用之則習振長策而攻取兼儒風而轉戰孔門稱四則仰止其三春秋有五而獨擅其一不其優歟

唐書經籍藝文志杜預集二十卷

張氏百三家杜征南集一卷凡奏疏表議書序論說譜令雜文凡三十一篇

汪氏文選撰人篇目晉杜元凱預有左氏傳序

嚴氏全晉文編杜預有春秋左氏經傳集解三十卷春秋釋例十五卷集十八卷諸書所引有表奏疏議答問書七規一作七矯律序春秋左氏傳序後序長曆宗譜遺令集要自述凡二十八篇又北堂書鈔一百十九引杜預集序一條

晉輔國將軍王濬集一卷殘缺梁二卷錄一卷

晉書本傳濬字士治弘農湖人也家世二千石博涉典墳州郡辟河東從事後參征南軍事羊祜雅知濬有奇略密表爲益州刺史尋拜龍驤將軍大舉伐吳受孫皓降拜輔國大將軍領步兵校尉封襄陽侯濬自以功大而爲王渾父子及豪強所抑屢爲有司所奏每進見陳其功伐之勞及見枉之狀或不勝忿憤徑出不辭帝每容恕之時人咸以濬功重報輕博士秦秀等並表訟濬之屈帝乃遷濬鎮軍大將軍加散騎常侍領後軍將軍後又轉濬撫軍大將軍開府儀同三司加特進太康六年卒時年八十諡曰武

唐書經籍藝文志王濬集二卷

馮氏詩紀輯存祖道應令詩一篇

嚴氏全晉文編王濬有集二卷今惟見本傳及書抄御覽所載上疏請平吳上書自理復上表自理凡三篇

晉徵仕皇甫謐集二卷錄一卷仕當爲士

皇甫謐有帝王世紀見史部雜史類

晉書本傳謐博綜典籍百家之言以著述爲務著禮樂聖真之論或勸謐脩名廣交謐以爲居田里之中亦可以樂堯舜之道何必崇接世利事官鞅掌然後爲名乎作玄守論以答之時魏郡召上計掾舉孝廉景元初相國辟皆不行其後鄉親勸令應命謐爲釋勸論以通志焉其後武帝頻下詔敦逼不已謐上疏稱草莽臣自陳久嬰篤疾辭切言至遂見

聽許歲餘又舉賢良方正並不取自表就帝借書帝送一車書與之著論爲葬送之制名曰篤終所著詩賦誄頌論難甚多並行于世

又史臣曰皇甫謐素履幽貞閑居養疾留情筆削敦悅丘墳軒冕未足爲榮貧賤不以爲恥確乎不拔斯固有晉之高者歟泊乎篤終立論薄葬昭儉既戒奢于季氏亦無取乎王孫可謂達存亡之機矣

唐書經籍藝文志皇甫謐集二卷

馮氏詩紀輯存女怨詩殘文一條

汪氏文選撰人篇目曰晉皇甫士安謐有三都賦序

嚴氏全晉文編皇甫謐有集二卷今見本傳及藝文御覽所載有讓徵聘表答辛曠書玄守論釋勸論篤終論帝王世紀漢高祖論光武論高士傳焦先論列女傳龐娥親論三都賦序高士傳序自序闕題凡十三篇

晉侍中程咸集三卷

唐書經籍藝文志程咸集二卷

嚴氏全晉文編曰程咸字延休魏正元中爲司隸校尉府主簿入晉歷黃門郎散騎常侍左通直郎累遷至侍中有集二卷今見通典類聚書鈔所引有已出女不從坐議王昌前母服議華林園詩序凡三篇

梁有光祿大夫劉毅集二卷錄一卷亡

晉書本傳毅字仲雄東萊掖人漢陽城景王章之後魏末同郡王基薦毅於公府太常鄭袤舉博士文帝辟爲相國掾武帝受禪爲尚

書郎駙馬都尉散騎常侍國子祭酒司隸校尉教言議切直無所屈撓爲朝野之所式瞻遷尙書左僕射以光祿大夫致仕爲青州大中正太康六年卒

唐書經籍藝文志劉毅集二卷

嚴氏全晉文編劉毅有集二卷今見本傳通典羣書治要所引有表疏上言駁奏凡五篇

案羣書治要中有晉書二卷也

梁有晉侍中庾峻集二卷錄一卷亡

晉書本傳峻字山甫潁川鄆陵人也少好學有才思歷郡功曹舉計掾州辟從事太常鄭袤舉博士時重莊老而輕經史峻懼雅道陵遲乃潛心儒典屬高貴鄉公幸太學問尙書義峻援引師說發明經旨申暢疑滯對答詳悉案亦見魏志本紀時峻爲尙書博士也 遷祕書丞武帝踐阼賜爵關中侯遷司空長史祕書監御史中丞侍中諫議大夫常侍帝講詩中庶子何劭論風雅正變之義峻起難往反四坐莫能屈是時風俗趨競禮讓陵遲峻上疏曰云云又疾世浮華不修名實著論以非之九年卒案當是泰始九年也

唐書經籍藝文志庾峻集三卷

嚴氏全晉文編庾峻有集二卷本傳有上疏請易風俗與禮讓類聚有祖德頌御覽有遺勅子珉凡三篇

晉巴西太守郤正集一卷

蜀志本傳正字令先河南偃師人也祖父儉靈帝時益州刺史爲盜賊所殺父揖留蜀爲

孟達營都督隨達降魏爲中書令史正本名纂少以父死母嫁單榮隻立而安貧好學博覽墳籍弱冠能屬文入爲祕書吏轉爲令史遷郎至令澹于榮利而尤耽意文章自司馬王揚班傅張蔡之儔遺文篇賦及當世美書善論益部有者則鑽鑿推求略皆寓目自在內職與宦人黃皓比屋周旋經三十年不爲皓所愛憎官不過六百石而免于憂患依則先儒假文見意號曰釋譏其文繼于崔駰達

旨景耀六年後主從譙周之計遣使請降于鄧艾其書正所造也明年正月鍾會作亂成都後主東遷洛陽時擾攘倉卒蜀之大臣無翼從者惟正及殿中督汝南張通捨妻子單身隨侍後主賴正相導宜適舉動無闕乃慨然嘆息恨知正之晚時論嘉之賜爵關內侯

泰始中除安陽令八年詔以正爲巴西太守咸寧四年卒凡所著述詩論賦之屬垂百篇又傳評曰譙周詞理淵通爲世碩儒有董揚之規郤正文辭燦爛有張蔡之風加其行止君子有取焉二子處晉事少在蜀事多故著于篇

唐書經籍藝文志郤正集一卷

嚴氏全晉文編錄存爲後主作降書姜維論釋譏凡三篇

晉散騎常侍薛瑩集三卷

薛瑩有後漢記見史部正史類

吳志薛綜傳綜子珣珣弟瑩孫皓建衡三年皓追歎瑩父綜遺文且命瑩繼作瑩獻詩一

篇出爲武昌左部督下獄徙廣州右國史華覈疏請瑩還續修吳書遂召還爲左國史復以徵事爲人所白徙廣州未至召還復職是時法政多謬舉措煩苛瑩每上便宜陳緩刑簡役以濟育百姓事或施行天紀四年晉軍征皓奉書于司馬佃王渾王濬請降其文瑩所造也瑩既至洛陽特先見鉞爲散騎常侍答問處當皆有條理太康三年卒著書八篇名曰新議

又傳注于寶晉紀曰武帝從容問瑩曰孫皓之所以亡者何也瑩對曰歸命侯臣皓之君吳也昵近小人刑罰妄加大臣大將無所親信人人憂恐各不自保危亡之覺實由于此帝遂問吳士存亡者之賢愚瑩各以狀對

唐書經籍志晉薛瑩集二卷

唐書藝文志吳薛瑩集二卷 列吳薛綜集三卷之前綜瑩之父也敘次失常

嚴氏全晉文編薛瑩有後漢紀一百卷新議八篇集三卷今存爲吳主皓請降書後漢紀

光武明帝章帝安帝桓帝靈帝贊各一篇條例吳事一則 案世說規箴篇注引條例吳事曰孫休在位悉悉無有遺事唯唯唯可譏殆即薛瑩所條之一事又吳志第二十評曰薛瑩稱王蕃樓玄賀邵章曜四人云云亦是條列吳事中之四事嚴氏皆未采或亦當在國史中也 又條列吳事或即新議八篇新議本志及七錄皆不見疑編入本集

梁又有散騎常侍陶潛集二卷錄一卷亡

晉書陶璜傳璜字世英丹陽秣陵人仕吳爲

梁又有散騎常侍陶潛集二卷錄一卷亡

晉書陶璜傳璜字世英丹陽秣陵人仕吳爲

梁又有散騎常侍陶潛集二卷錄一卷亡

晉書陶璜傳璜字世英丹陽秣陵人仕吳爲

交州牧孫皓既降手書勅璜歸順詔復其本職封宛陵侯璜在南三十年感恩著于殊俗璜弟濬吳鎮南大將軍荆州牧濬弟抗濬子湮湮弟猷並有名

吳志孫皓傳天紀三年夏郭馬反攻殺廣州督虞授自號都督交廣二州諸軍事安南將軍八月遣徐陵督陶濬將七千人從西道命交州牧陶璜部伍所領共擊馬陶濬至武昌聞晉軍大出停駐不前四年春晉軍所在戰克三月戊辰陶濬從武昌還即引見問水軍消息對曰蜀船皆小今得二萬兵乘大船戰自足擊之于是合衆授濬節鉞明日當發其夜衆悉逃走而王濬順流將至司馬卞王渾皆臨近境皓用光祿勳薛瑩中書令胡冲等計分遣使奉書于濬卞渾請命 案晉書載晉事甚略吳志載濬事如此所謂合衆授節鉞者蓋即授鎮南大將軍荆州牧之官入晉終于散騎常侍者

唐書經籍藝文志陶濬集二卷

案吳志孫皓傳注江表傳載皓將敗與舅何植書曰得陶濬表云武昌以西並復不守不守者非糧不足非城不固兵將背戰耳濬之佚文得考見者唯此一表

普通事郎江偉集六卷

唐書經籍藝文志江偉集五卷
馮氏詩紀曰江偉爵里無考有正元二年答弟廣平賀蜡詩一首藝文類聚作晉人然晉無正元之號或誤也
嚴氏全晉文編曰江偉陳留襄邑人仕魏官

爵未詳武帝時爲通直郎有集六卷藝文類聚有答弟廣平賀蜡詩序襄邑令傅渾頌各一篇

案偉之詩序云正元二年冬臘家君在陳郡余別在國舍不得集會弟廣平作詩以貽余余答之云案正元魏高貴鄉公年號也是詩蓋猶在魏時作文選齊安陸昭王碑文注引江衛與荀仲茂歲似卽此江偉也

梁有宜舒集五卷亡

宜舒有宣子二卷見子部道家

唐書經籍志宜聘集三卷

唐書藝文志宜聘集三卷 宣聘宜聘皆宜舒之譌 詳見道家

嚴氏全晉文編曰宜舒字幼驥陳郡人爲宜城令有集五卷經典敍錄有通知來藏往論今亡通典九十二有申袁華從母服論一篇 梁有散騎常侍曹志集二卷錄一卷亡

魏志陳思王植傳植發病薨遺令以小子志保家之主也欲立之志嗣徙封濟北王累增邑并前九百九十戶注引志別傳曰志字允恭好學有才行晉武帝爲中撫軍迎常道鄉公子鄴志夜與帝相見帝與語從暮至旦甚器之及受禪改封甄城公詔以爲樂平太守

歷章武趙郡遷散騎常侍國子博士祭酒及齊王攸常之藩下禮官議崇錫之典志嘆曰安有如此之才如此之親而不得樹本助化而遠出海隅者乎乃建議以諫辭旨甚切帝

大怒免志官後復爲散騎常侍太康九年卒諡曰定公

晉書本傳志譙國譙人魏陳思王之孽子也武帝受禪詔曰前濟北王曹志履德清純才高行潔好古博物爲魏宗英咸寧初詔曰甄城公志篤行履素達學通識宜在儒林以弘胄子之教齊王攸將之國博士秦秀等以齊王宜內匡朝政不可之藩志又常恨其父不得志於魏因愴然嘆息乃奏議以爲當如博士等議議成當上見其從弟高邑公嘉嘉曰兄議甚切百年之後必書晉史目下將見責耶案嘉有晉紀十卷見史部古史籍

唐書經籍藝文志曹志集二卷

嚴氏全晉文編曹志有集二卷本傳載奏議齊王攸之藩藝文類聚載肉刑論各一篇

梁有鄒湛集三卷錄一卷亡

鄒湛有周易統略見經部易家

晉書文苑傳湛少以才學知名爲征南從事中郎深爲羊祜所器重所著詩及論事議二十五首爲時所重子捷字太應亦有文才又史臣曰鄒湛之持論實南陽之人傑 唐書經籍藝文志鄒湛集四卷

嚴氏全晉文編鄒湛有集三卷今僅見文選注所引爲諸葛穆答晉王令一條

晉汝南太守孫毓集六卷

孫毓有毛詩異同評見經部詩類

唐書經籍志孫毓集二卷藝文志五卷

嚴氏全晉文編孫毓有毛詩異同評十卷春

秋左氏傳注二十八卷孫氏成敗志三卷集六卷藝文類聚有賀封諸侯王表通典載廟志議諸禮議凡十二篇五禮駁一篇書鈔有七誘綜凡一十五篇

晉處士楊泉集二卷錄一卷

楊泉有物理論見子部儒家金樓子立言篇曰楊泉賦序曰古人作賦者多矣而獨不賦蠶乃為蠶賦是何言歟楚蘭陵令荀況有蠶賦近不見之有文不如無述也

唐書經籍藝文志楊泉集二卷

嚴氏全三國文編曰吳楊泉有太玄經十四卷物理論十六卷集二卷書鈔類聚御覽文選注引有五湖賦贊善賦養性賦蠶賦織機賦草書賦請辭凡七篇

梁有司徒王渾集五卷亡太原

晉書本傳渾字玄冲太原晉陽人也父昶魏司空渾沈雅有器量襲爵京陵侯仕魏至越騎校尉武帝受禪泰始中遷東中郎將督淮北諸軍事鎮許昌數陳損益多見納用轉征虜將軍監豫州諸軍假節領刺史都督揚州鎮壽春及大舉伐吳渾率師出橫江既而王濬破石頭降孫皓明日渾始濟江登建業宮醜酒高會自以先據江上破皓中軍案甲不進致在王濬之後意甚愧恨有不平之色頻奏濬罪狀時人譏之以平吳功進爵為公齊王攸當之濬渾上書諫不納太熙初遷司徒惠帝常訪渾元會問郡國計吏方俗之宜渾

奏陳其事帝然之詔錄尚書事元康七年薨年七十五諡曰元

唐書經籍藝文志王渾集五卷

嚴氏全晉文編王渾有集五卷本傳及通典諸書所載有表奏奏對上書凡九篇

梁有冀州刺史王深集五卷亡太原

魏志王昶傳昶為子作名字皆依謙實以見其意故其子渾字玄冲深字道冲遂書戒之曰欲思汝曹顧名思義不敢遠越也注案晉書曰渾弟深冀州刺史深弟湛字處冲汝南太守案晉書無王深傳其事述遺文亦罕見著錄

唐書經籍藝文志王深集四卷

晉徵士閔鴻集三卷

晉書陸雲傳雲幼時吳尚書廣陵閔鴻見而奇之曰此兒若非龍駒當是鳳雛後舉雲賢良時年十六

唐書經籍藝文志晉閔鴻集二卷

嚴氏全三國文編吳閔鴻廣陵人仕吳為尚書入晉徵不就有集三卷初學記御覽書鈔文選注有親蠶賦琴賦羽扇賦芙蓉賦與劉子雅書凡五篇

梁有光祿大夫裴楷集二卷錄一卷亡

晉書裴秀傳秀河東聞喜人也從弟楷字叔則父徵魏冀州刺史楷明悟有識量弱冠知名尤精老易少與王戎齊名鍾會薦之于文帝辟相國掾遷吏部郎楷風神高邁容儀儁爽博涉羣書特精理義時人謂之玉人又稱見裴叔則為近玉山昭曠人也平吳之後帝

乃修太平之化每延公卿與論政道楷陳三五之風次序漢魏盛衰之迹帝稱善坐者嘆服焉惠帝時封臨海侯為中書令侍中與張華王戎並管機要加光祿大夫儀同三司卒年五十五諡曰元

又史臣曰秀則聲蓋朋僚稱為領袖則機神幼發日以清通俱為晉代名臣良有以也

唐書經籍藝文志裴楷集二卷

嚴氏全晉文編裴楷有集二卷今惟見本傳所載與石崇書一條

晉司空張華集十卷錄一卷

張華有博物志見子部雜家

晉書本傳華學業優博辭藻溫麗朗瞻多通器識弘曠時人罕能測之初末知名著鶴鶴賦以自寄陳留阮籍見之嘆曰王佐之才也由是聲名始著及兼中書郎朝議表奏多見施用武帝嘗問漢宮室制度及建章千門萬戶華應對如流聽者忘倦畫地成圖左右屬目帝甚異之名重一世衆所推服晉史及儀禮憲章並屬于華多所損益當時詔誥皆所草定惠帝時懼后族之盛作女史箴以為諷初陸機兄弟志氣高爽自以吳之名家初入洛不推中國人士見華一面如舊欽華德範如師資之禮焉華見害後作誄又為詠德賦以悼之華著博物志及文章並行于世

鍾嶸詩品曰晉司空張華詩其源出于王粲其體華豔與託不奇巧用文字務為研治雖名高曩代而疏亮之士猶恨其兒女情多風

雲氣少謝康樂云張公雖復千篇猶一體耳今置之中品疑弱處之下科恨少季孟之間矣

文心雕龍樂府篇曰張華新篇亦充庭萬又詔策篇云魏晉詰策職在中書劉放張華互管斯任施命發號洋洋盈耳又章表篇云晉初筆札則張華爲僞其三讓公封理周辭要引義比專必得其偶世珍鶴鶴莫顧章表又才略篇云張華短章奕奕清暢其鶴鶴寓意卽韓非之說難也

唐日本國見在書曰張華集十卷

唐書經籍藝文志張華集十卷

宋史藝文志張華集二卷又詩一卷

崇文總目小象千字詩一卷張華撰一名小象賦

晁氏讀書志張華集三卷晉張華茂先也范陽人惠帝時爲司空趙王倫孫秀黨謀害之華博物洽聞世無與比集有詩一百二十哀辭册文二十一賦三

陳氏書錄解題張司空集三卷前二卷爲四言五言詩後一卷爲祭祀哀誄等文

馮氏詩紀輯存詩二十篇凡四十三首又曰晉書樂志有張華四廂樂歌十六首又有冬至初歲小會歌宴會歌中宮所歌宗親會歌各一首又有凱歌二首正德大豫舞歌二首張氏百三家輯本序曰晁氏載張司空集有詩百二十哀詞册文廿一賦三今余所綴輯賦數過之文不及全詩歌八十餘中間拂舞

白紵舞杯槃舞諸篇晉代無名氏之作藏書家本亦有繁之張司空集者然觀其壯健頓挫類非司空溫麗之素餘詩平雅近代詩家深貶其博學爲累豈所謂聽古樂而臥乎壯武文章賦最著深文次之詩又次之大抵去漢不遠猶存張蔡之遺凡賦八篇表二篇議三篇哀策二篇誄三篇箴四篇銘二篇書三篇問序贊各一篇樂歌三十一首詩四十五首

汪氏文選撰人篇曰晉張茂先華有鶴鶴賦勵志詩答何劭詩雜詩一首情詩二首女史箴

嚴氏全晉文編曰案張溥本有環材枕賦環材枕箴今編入張紘集又有豆羹賦今編入張翰集今輯存賦六表一議三書四問序贊各一篇四銘三誄三哀策文二并縱橫篇凡三十篇

晉尙書僕射裴頠集九卷

晉書裴秀傳秀河東聞喜人二子濬頠濬嗣位卒少弟頠嗣頠字逸民弘雅有遠識博學稽古自少知名御史中丞周弼見而嘆曰頠若武庫五兵縱橫一時之傑也累遷侍中時天下暫寧頠奏修古學刻石寫經皇太子既講釋奠祀孔子飲饗射侯甚有儀序又令荀藩終父勛之志鑄鍾鑿磬以備郊廟朝享禮樂頠通博多聞兼明醫術荀勗之修律度也檢得古尺短世所用四分有餘頠上言宜改諸度量若未能悉革可先改太醫權衡此若

差遠遂失神農岐伯之正藥物輕重分兩乖互所可傷天爲害尤深古壽考而今短折者未必不由此也卒不能用樂廣嘗與頠清言欲以理服之而頠辭論豐博廣笑而不言時人謂頠言談之林藪遷尙書加光祿大夫每受一職未嘗不殷勤固讓表疏十餘上博引今古成敗以爲言覽之者莫不寒心遷尙書

左僕射頠深患時俗放蕩不尊儒術何晏阮籍素有高名于世口談浮虛不遵禮法尸祿耽寵仕不事事至王衍之徒聲譽太盛位高勢重不以物務自嬰遂相放效風教陵遲乃著崇有之論以釋其蔽王衍之徒攻難交至並莫能屈又著辯才論古今精義皆辨釋焉未成而遇禍初趙王倫諂事賈后頠甚惡之倫數求官頠與張華復固執不許由是深爲倫所怨倫又潛懷篡逆欲先除朝望因廢賈后之際遂誅之時年三十四惠帝反正追復本官諡曰成

魏志裴潛傳注臣松之案陸機惠帝起居注稱頠雅有遠量當朝名士也又曰民之望也頠理具淵博膽于論難著崇有貴無二論以矯虛誕之弊文辭精富爲世名論

世說文學篇裴成公作崇有論時人攻難之莫能折唯王夷甫來如小屈時人卽以王理難裴理還復申注晉諸公贊曰自魏太常夏侯玄步兵校尉阮籍等皆著道德論于是侍中樂廣吏部郎劉漢亦體道而言約尙書令王夷甫講理而才虛散騎常侍戴奧以學道

為業後進庚散之徒皆希慕簡曠頹疾世俗尚虛無之理故著崇有二論以折之才博喻廣學者不能究後樂廣與頽清閒欲說理而頽辭喻豐博廣自以體虛無笑而不復言文心雕龍論說篇曰夷甫裴頠交辯于有無之域獨步當時流聲後代然滯有者全繫于形容貴無者專守于寂寥徒銳偏師莫詣正理動極神源其般若之絕境乎

唐書經籍藝文志裴頠集十卷

嚴氏全晉文編裴頠有集九卷諸書引見有表疏上言諫議答問及崇有論女史箴凡一十三篇案頠有辨才論未成見本傳又有貴無論見魏志裴潛傳注今亡

梁有太子中庶子許孟集三卷錄一卷亡

唐書經籍藝文志許孟集二卷

案此似即許猛也魏志夏侯玄傳中領軍高陽許允與玄親善後玄等事覺徒允為鎮北將軍假節督河北諸軍事未發以放散官物收付廷尉徒樂浪道死世語曰允

二子奇字子泰猛字子豹並有治理才學晉元康中奇為司隸校尉猛幽州刺史傳

暢晉諸公贊曰猛禮樂儒雅當時最優嚴氏文編曰許猛字子豹高陽人魏鎮北將軍許允次子泰康初吏部郎守國子博士

元康中為幽州刺史晉書禮志及通典引猛所作王昌前母服議答或問答步熊問

凡六條

梁有太宰何邵集二卷錄一卷亡邵當為劭

晉書何曾傳曾陳國陽夏人也二子遵劭劭嗣字敬祖少與武帝同年有總角之好帝為王太子以劭為中庶子及即位轉散騎常侍甚見親待遷侍中尚書惠帝即位累遷尚書左僕射劭博學善屬文陳說近代事若指諸掌永康初遷司徒趙王倫篡位以劭為太宰及三王交爭劭以軒冕而游其間無怨之者優游自足不貪權勢常語鄉人王詮曰僕雖名位過幸少無可書之事惟與夏侯長容諫授博士可傳史冊耳所撰荀粲王弼傳及諸奏議文章並行于世永康元年薨贈司徒諡曰康

鍾嶸詩品評石崇曹摅何劭詩曰季倫顏遠並有英篇篇而論之朗陵為最 劭父曾封朗陵公劭襲爵石崇曹摅並有集見後

唐書經籍藝文志何劭集二卷

馮氏詩紀輯存應詔詩贈張華詩游仙詩雜詩各一篇

汪氏文選撰人篇目曰晉何敬祖劭有游仙詩贈張華詩雜詩一首

嚴氏全晉文編何劭有集二卷晉書楊駿傳有劭所作武帝遺詔魏志荀彧鍾會傳注引

劭所撰荀粲傳王弼傳各一篇

梁有光祿大夫劉頌集三卷錄一卷亡

晉書本傳頌字子雅廣陵人漢廣陵厲王胥之後也世為名族少能辯物理為時人所稱文帝辟為相府掾武帝踐阼拜尚書三公郎累遷中書侍郎黃門郎議郎守廷尉河內太

守淮南相在郡上疏詔答曰得表陳封國之制宜如古典任刑齊法宜復肉刑及六州將士之役居職之宜諸所陳聞具知卿之乃心為國也動靜數以開元康初從淮南王入朝詔以頌為三公尚書又上疏論律令事為時論所美轉吏部尚書趙王倫專政以為光祿大夫尋病卒諡曰貞永康元年詔以頌誅賈謐督攝衆事有功追封梁鄒縣侯

又史臣曰子雅束髮登朝竭誠奉國廣陳封建深中機宜詳辯刑名該覈政體雖文慚華婉而理貴切要游目西京望賈誼而非遠眷言東國顧郎頭而有餘

文心雕龍奏啓篇曰劉頌殷勤于時務體國之忠規也

唐書經籍藝文志劉頌集三卷

嚴氏全晉文編劉頌有集三卷今見本傳及刑法志通典類聚羣書治要諸書有除淮南相在郡上疏上疏議復肉刑上疏言斷獄宜守律令趙王倫加九錫議駁凡四篇

梁有劉寔集二卷錄一卷亡

劉寔有春秋條例見經部春秋左氏學家晉書本傳寔博通古今以世多進趣廉遜道闕乃著崇讓論以矯之弟智為潁川太守平原管輅嘗謂人曰吾與劉穎川兄弟語神思

清發昏不假寐自此之外殆白日欲寢矣

唐書經籍藝文志劉寔集二卷

嚴氏全晉文編曰劉寔有集二卷今唯見本傳所載崇讓論亦見羣書治要二十九通典

十六

晉散騎常侍王佑集三卷錄一卷太原

晉書王湛傳湛司徒渾之弟也湛子承承族子嶠嶠父佑以才智稱爲楊駿腹心駿之排汝南王亮退衛瓊皆佑之謀也位至北軍中候

又王濟傳濟爲侍中時渾爲僕射主者處事或不當濟性峻厲明法繩之濟素與從兄佑不平佑黨頗謂濟不能顧其父由是長同異之言出爲河南尹未拜坐鞭王官吏免官而王佑始見委任

又楊駿傳駿弟璠濟皆有雋才深慮盛滿其切諫駿斥出王佑爲河南太守

唐書經籍志王祐集二卷

唐書藝文志王祐集三卷二志作王祐皆非也

梁有晉驃騎將軍王濟集二卷亡太原

晉書王渾傳渾次子濟字武子少有逸才風姿英爽氣蓋一時好弓馬勇力絕人善易及莊老文辭秀茂伎藝過人有名當世與姊夫和嶠及裴楷齊名尙常山公主年二十起家拜中書郎累遷侍中與侍中孔恂王恂楊濟同列爲一時秀彥每侍見未嘗不諮論人物及萬幾得失濟善于清言脩飾辭令諷議將順朝臣莫能尙焉然外雖弘雅而內多忌刻好以言傷物儕類以此少之以其父之故每排王濬時議譏焉後以忤旨左遷又坐事免官尋使白衣領太僕年四十六先渾卒追贈驃騎將軍

鍾嶸詩品曰永嘉以來清虛在俗王武子輩詩貴道家之言爰泊江表玄風尙備眞長仲祖桓庾諸公猶相襲

文心雕龍銘箴篇曰王濟國子引廣事雜案濟以諫齊王攸之國忤旨左遷國子祭酒據此所云則其集有國子祭酒博士等箴今已不傳矣

釋文敘錄曰張璠周易集解引王濟易義

唐書經籍藝文志王濟集二卷

馮氏詩紀輯存平吳後三月三日華林園詩一篇

嚴氏全晉文編王濟有集二卷今初學記通

典文選注孫楚傳所引有槐樹賦太常郭奕

諡議鍾夫人序德頌銓孫楚品狀凡四條

華嶠集八卷梁二卷

華嶠有後漢書見史部正史篇

晉書本傳嶠博聞多識轉秘書監加散騎常

侍班同中書寺爲內臺中書散騎著作及治

禮音律天文數術南省文章門下撰集皆典

統之後爲臺郎典官制事所著論議難駁詩

賦之屬數十萬言其所奏官制太子宜還宮

及安邊等祭明堂辟雍浚導河渠巡禹之舊

跡置邵水官修蠶宮之禮置長秋事多施行

嶠三子頤徹暢暢有才思所著文章數萬言

遭寇亂避難荊州爲賊所害時年四十

唐書經籍志華嶠集一卷藝文志二卷

嚴氏全晉文編華嶠有集八卷魏志華歆傳

注世說德行篇注太平御覽引譜序凡五條

餘見諸書所引有表奏及後漢書江革毛義

論丁鴻論郎顛論王允論凡九篇

晉祕書丞司馬彪集四卷梁三卷錄一卷

司馬彪有續漢書見史部正史篇

晉書本傳彪篤學不倦而專精學習故得博

覽羣籍終其綴集之務注莊子作九州春秋

續漢書秦始初武帝親祠南郊彪上疏定議

語在郊祀志

又史臣曰紹統成藩之胤研機載籍綜緝遺

文垂諸不朽

唐書經籍藝文志司馬彪集三卷

馮氏詩紀輯存贈山濤詩雜詩各一首

汪氏文選撰人篇目晉司馬紹統彪有贈山

濤詩

嚴氏全晉文編司馬彪有集四卷本傳及續

漢祭祀志注太平御覽載有駁祀六宗表與

山巨源書續漢書敘續漢書光武紀論和帝

紀論凡五篇

梁又有尙書庚儵集二卷錄一卷亡

唐書經籍藝文志庚儵集三卷

嚴氏全晉文編曰庚儵字女默潁川鄆陵人

侍中峻從弟案庚儵有集見前仕魏未詳入晉

爲尙書有集二卷藝文類聚初學記太平御

覽引儵冰井賦大槐賦安石榴賦凡三篇

梁又有國子祭酒謝衡集二卷亡

晉書謝衡傳陳國陽夏人也父衡以儒素

顯仕至國子祭酒衡有集見後江左人文中龔弟袁

衷第三子安即文靖江左柱石數世賴之衡爲謝氏發

之初史略無其事并其字亦不傳也

世說方正篇注永嘉流人名曰謝哀字幼儒陳郡人父衡博士又曰歷侍中吏部尚書吳國內史

鄧氏古今姓氏書辯證陳郡陽夏謝氏典農

中郎將續生衡國子祭酒二子鯤哀哀六子奕據安萬石鐵

晉書王接傳接論汲冢書詳其得失摯虞謝衡皆博物多聞咸以為允當 案衡在惠帝時曾與掣仲洽諸人討論汲冢竹書詳見後來曾集條下衡之事迹可見者惟此

唐書經籍藝文志謝衡集二卷

嚴氏全晉文編謝衡陳國陽夏人秦康初國子博士惠帝時進祭酒有集二卷晉宋書禮志及通典引王昌前母服議蘇宙事議為皇太孫服齊衰期議凡三篇

晉漢中太守李虔集一卷梁二卷錄一卷

晉書孝友傳李密字令伯犍為武陽人也一名虔父早亡母改醮密時年數歲感戀彌至祖母劉氏躬自撫養密奉事以孝謹聞有暇則講學忘疲師事譙周周門人之游夏少仕蜀為郎數使吳有才辯吳人稱之蜀平秦始初徵為太子洗馬密以祖母年高無人奉養遂不應命上疏願乞終養帝覽之曰士之有名不虛然哉乃停召後劉終服闋復以洗馬徵至洛出為溫令密有才能常望內轉而朝廷無援乃遷漢中太守自以失分懷怨及賜餼東堂詔普令賦詩末章曰人亦有言有因有緣官無中人不如歸田明明在上斯語

豈然武帝忿之于是都官從事奏免密官後卒于家二子賜與賜少能屬文為玄鳥賦詞甚美與亦有文才為諸葛孔明羊叔子碣文甚有辭理

華陽國志後賢志必治春秋左傳博覽五經多所通涉機警辨捷辭義響起及上疏陳情武帝覽之曰宓不容有名也嘉其誠款賜奴婢二人下郡縣供其祖母奉膳年六十四卒著述理論論中和仁義儒學道化之事凡十篇安東將軍胡熊與皇甫士安深善之又與士安論夷齊及司馬文中杜超宗郡令先文廣休等議論往返言經訓詁釋河內趙子聲譏詩賦之屬二十餘篇

唐書經籍藝文志李虔集十卷

汪氏文選撰人篇目晉李令伯密有陳情表嚴氏全晉文編輯存陳情事表薦壽良表與中山王牋凡三篇又曰密少子與一名安永與中為太傅掾有諸葛丞相故宅碣表晉太傅鉅平成侯羊公碑各一篇

晉司隸校尉傅咸集十七卷梁三十卷錄一卷

晉書傅玄傳玄字成字長虞剛簡有大節風格峻整識性明悟疾惡如讎推賢樂善好屬文論雖綺麗不足而言成規鑒穎川庾純常嘆曰長虞之文近乎詩人之作矣咸寧初襲父爵清泉侯拜太子洗馬累遷尚書右丞冀州刺史司徒左長史時帝留心政事詔訪朝臣政之損益咸在位多所執正轉車騎司馬尚書左丞惠帝即位為御史中丞再為本部

中正以議郎長兼司隸校尉咸累上事稱引故事條理灼然朝廷無以易之吳郡顧榮常與親故書曰傅長虞為司隸勁直忠果劾案驚人雖非周才偏亮可貴也元康四年卒官時年五十六詔贈司隸校尉諡曰貞

李充翰林論曰駁不以華藻為先世以傅長虞每奏駁事為邦之司直矣 文心雕龍奏啓篇曰傅咸勁直而按辭堅深又議對篇曰漢世善駁則應劭為首晉代能議則傅咸為宗然仲瑗博古而銓貫有敘長虞識治而屬辭枝繁又才略篇曰傅玄篇章義多規鏡長虞筆奏世執剛中並植幹之實才非羣華之韓萼也

鍾嶸詩品曰長虞父子繁富可嘉

唐書經籍藝文志傅咸集三卷 馮氏詩紀曰春秋正義傅咸七經詩王羲之寫然今所存者孝經論語毛詩周易周官左傳六經耳并贈答雜詩十篇凡十六篇二十首

張氏百三家輯本序曰傅氏諸賦不尚綺麗長虞短篇時見正性又曰休奕四部六錄文集百餘湮闕者多長虞著述不富傳文亦與父埒為彪為固不能短長凡賦及賦序疏表奏上書牋教草書尺牘頌箴銘碑誄七十五篇詩十五篇

汪氏文選撰人篇目晉傅長虞咸有贈何劭王濟詩

嚴氏全晉文編傅咸有集三十卷案張溥本

有燭銘今據御覽改入傳玄集凡賦三十六篇表七篇上言上書奏劾奏事上事十四篇教牋各二篇書草五篇詩序五篇頌銘箴碑誄七篇綜七十六篇

梁又有太子中庶子棗據集二卷錄一卷亡

晉書文苑傳棗據字道彥潁川長社人也本姓棘其先避讎改焉據善文辭弱冠辟大將軍府出爲山陽令遷尚書郎轉右丞賈充伐吳爲從事中郎軍還徙黃門侍郎冀州刺史太子中庶子太康中卒時年五十餘所著詩賦論四十五首遇亂多亡失子腆弟嵩並以文章顯騰及嵩並有集見後

唐書經籍藝文志棗據集二卷

馮氏詩紀輯存答阮德猷詩游覽詩雜詩無題詩凡四篇

汪氏文選撰人篇目晉棗道彥據有雜詩一首

嚴氏全晉文編棗據有集二卷藝文類聚諸書有表志賦逸民賦登樓賦船賦追遠詩序凡五篇

梁又有劉寶集三卷亡

劉寶有漢書駁義見史部正史篇

唐書經籍藝文志劉寶集三卷

嚴氏全晉文編劉寶爲安北將軍有漢書駁議二卷集三卷通典八十八引寶所作孫爲祖持重議一篇

晉馮翊太守孫楚集六卷梁十二卷錄一卷

晉書本傳楚字子荆太原中都人也才藻卓

絕爽邁不羣多所陵傲缺鄉曲之譽年四十餘始參鎮東軍事文帝遣符邵孫郁使吳吳志孫皓傳及晉書文帝紀並作徐紹孫或將軍石苞

令楚作書遺孫皓要其北面稱臣永爲魏藩邵等至吳不敢爲通後遷佐著作郎復參石苞驃騎軍事楚既負其材氣頗侮易于苞又與郭奕忿爭遂湮廢積年初參軍不敬府主楚既輕苞遂制施敬自楚始也征西將軍扶風王駿與楚舊好起爲參軍轉梁令遷衛軍司馬惠帝初爲馮翊太守太康三年卒案當是元康初楚與同郡王濟友善濟爲本州大中正訪問銓邑人品狀至楚濟曰此人非卿所能目吾自爲之乃狀楚曰天才英博亮拔不羣楚少所推服惟雅敬濟初除婦服作詩以示濟濟曰未知文生于情情生于文覽之悽然增伉儷之重三子衆洵纂惟纂子統綽並知名統綽亦並有集見後東晉人文中

又史臣曰孫楚體英絢之姿超然出類見知武子覽其貽孫皓之書諒曩代之佳筆也而負才陵傲蔑苞忿奕遠遜讓之道十年沈廢蓋自取矣

鍾嶸詩品曰子荆零雨之外雖有累札良亦無聞

文心雕龍才略篇曰孫楚縵思每直置以疏通

唐書經籍藝文志孫楚集十卷

馮氏詩紀輯存除婦服詩征西官屬送于陟陽侯作詩及贈答祖道等詩凡六首

張氏百三家孫馮翊集一卷凡賦論頌贊銘碑疏牋書哀文四十篇詩六篇

汪氏文選撰人篇目晉孫子荆楚有送于陟陽侯詩又有與孫皓書

嚴氏全晉文編輯存賦十七篇上言奏牋書頌贊銘論屈建文誄碑哀文辭祭文二十八篇綜四十五篇

晉散騎常侍夏侯湛集十卷梁有錄一卷

夏侯湛有新論見子部儒家

晉書本傳湛幼有盛才文章宏富善構新詞而美容觀與潘岳友善泰始中舉賢良對策上第拜郎中累年不調乃作抵疑以自廣後出爲野王令優游多暇乃作昆弟誥

又史臣曰孝若揆蔚春華時標麗藻觀其抵疑詮理本窮通于自天作誥敷文流英聲于孝悌旨深致遠殊有大雅之風烈焉

世說文學篇夏侯湛作周詩成示潘安仁安仁曰此非徒溫雅乃別見孝悌之性注引湛集敘曰周詩者南陔白華華黍由庚崇丘由儀六篇有其義而亡其辭湛續其亡故云周詩也案同時東晉亦有補亡詩詳見後

文心雕龍才略篇曰夏侯孝若具體而皆微

唐書經籍藝文志夏侯湛集十卷

馮氏詩紀輯存周詩一條又山路吟江上泛歌離親詠長夜謠寒苦謠凡六篇

張氏百三家夏侯常侍集一卷凡賦二十三篇抵疑昆弟誥序贊傳十五篇詩七篇

汪氏文選撰人篇目晉夏侯孝若湛有東方

朔書贊

嚴氏全晉文編輯存賦二十五篇謠歌辭對策十篇昆弟詰疑敘贊傳碑銘并新論佚文十九篇

梁又有弋陽太守夏侯淳集二卷亡

晉書夏侯淳傳淳字孝冲亦有文藻與湛俱知名官至弋陽太守遭中原傾覆子姪多沒胡寇唯息承渡江

唐書經籍藝文志夏侯淳集十卷

嚴氏全晉文編夏侯淳有集二卷藝文類聚文選注有懷思賦筆賦彈碁賦馳射賦凡四篇

梁又有散騎侍郎王讚集五卷亡

文選雜詩注臧榮緒晉書曰王讚字正長義陽人也博學有俊才辟司空掾歷散騎侍郎卒

晉書李胤傳胤以太子少傅累遷為司徒太

康三年薨太子命舍人王贊誄之文義甚美鍾嶸詩品評晉馮翊守孫楚晉著作王贊詩曰子荆零雨之外正長朔風之後雖有累札良亦無聞宜居中品 零雨朔風之詩即文選所錄是

唐書經籍志王讚集三卷藝文志二卷馮氏詩紀輯存三月三日侍皇太子宴詩又侍宴始平王祖道楚淮南二王及雜詩凡四篇

汪氏文選撰人篇目晉王正長瓚有雜詩一首

嚴氏全晉文編曰王讚太康中為太子舍人惠帝時拜侍中永嘉中為陳留內史加散騎常侍有集五卷藝文類聚八十六載有黎樹頌其敘云太康十年黎樹四枝其條與中枝合生于園圃皇太子令侍臣作頌云

晉衛尉卿石崇集六卷梁有錄一卷

晉書石苞傳苞渤海南皮人也第六子崇字季倫少敏惠勇而有謀年二十餘為修武令有能名伐吳有功封安陽鄉侯好學不倦穎悟有才氣累遷散騎常侍侍中南中郎將荆

州刺史又數遷至衛尉與潘岳諂事賈謐謐與之親善號二十四友謐誅以黨與免官後與歐陽建潘岳謀誅趙王倫孫秀秀覺矯詔收崇岳建等皆被害時年五十二惠帝復降詔以卿禮葬之

唐日本國見在書目石季倫集五卷唐書經籍藝文志石崇集五卷

馮氏詩紀輯存大雅吟楚妃歎王明君辭思歸引答曹嘉詩贈答棗腆詩凡八篇

汪氏文選撰人篇目晉石季倫崇有王明君詞思歸引序

嚴氏全晉文編石崇有集六卷諸書所引有思歸歎表奏楚妃歎序琵琶引序金谷詩序許巢論奴券凡九篇

晉尚書郎張敏集二卷梁五卷唐書經籍藝文志張敏集二卷宋史藝文志同

宋洪邁容齋五筆曰故籠中得舊書一帙題為晉代名臣文集凡十四家有張敏者太原

人仕歷平南參軍太子舍人濟北長史其一

篇曰頭責子羽文極為尖新古來文士皆無此作其文九百餘言頗有東方朔客難劉孝標絕交論之體太平廣記所載神女成公智瓊傳蓋敏之作

嚴氏全晉文編曰張敏太原中都人咸寧中為尚書郎領秘書監太康初出為益州刺史有集二卷初學記有奇士劉披賦藝文類聚有神女賦北堂書鈔有神女傳世說排調篇注有頭責秦子羽文凡四篇 案秦子羽者張敏姊夫也其文作于泰始元年

梁又有黃門郎伏偉集一卷亡伏偉始末未詳

晉黃門郎潘岳集十卷

晉書本傳岳字安仁滎陽中牟人也少以才穎見稱鄉邑號為奇童謂終賈之儔也早辟司空太尉府舉秀才泰始中武帝躬耕籍田岳作賦以美其事出為河陽令轉懷令調補

尚書度支郎遷廷尉評以公事免楊駿引為太傅主簿駿誅除名未幾遷為長安令作西征賦述所經人物山水文清旨詣尋為著作

郎轉散騎侍郎岳性輕躁趨世利與石崇諂事賈謐構愍懷之文岳之辭也謐二十四友岳為其首謐晉書限斷亦岳之辭也其母數

謂之曰爾當知足而乾沒不已乎而岳終不能改既仕宦不達乃作閑居賦趙王倫輔政

孫秀為尚書令誣岳與石崇歐陽建謀奉淮南王允齊王冏為亂誅之夷三族岳辭藻絕

麗尤善爲哀誄之文

李充翰林論曰潘安仁之爲文也猶翔禽之羽毛衣被之綃縠案鍾嶸詩品知此下尙有淺于陸機之語

世說文學篇曰夏侯湛作周詩潘安仁因此作家風詩注云岳家風詩載其宗祖之德及自成也

又曰孫興公云潘文爛若披錦無處不善陸文若排沙簡金往往見寶注續文章志曰岳爲文選言簡章清綺絕倫晉陽秋曰岳善屬文清綺絕世蔡邕未能過也

鍾嶸詩品曰晉黃門郎潘岳詩其源出于仲宣翰林歎其翩翩然如翔禽之有羽毛衣服之綃縠猶淺于陸機謝混云潘詩爛若舒錦無處不佳陸文如披沙簡金往往見寶嶸謂益壽輕華故以潘爲勝翰林篇論故歎陸爲深余常言陸才如海潘才如江案輕華謂張華也詳見後陸機集條下據世說益壽云云乃孫綽之言也

文心雕龍詮賦篇曰太冲安仁策勳于鴻規又祝盟篇曰潘岳之祭庾婦奠祭之悲哀也黃氏注云潘集有爲諸婦祭庚新婦文又誄碑篇曰

潘岳構意專師孝山巧于序悲易入新切所以隔代相望能徵厥聲者也後漢蘇順字孝山有集見前又哀弔篇曰建安哀辭惟偉長差

善行女一篇時有惻怛及潘岳繼作實踵其美觀其慮善辭變情洞悲苦敘事如傳結言羣詩促節四言鮮有緩句故能義直而文婉體舊而趣新金鹿澤蘭莫之能繼也黃注潘

集有金鹿哀辭澤蘭哀辭又指瑕篇曰潘岳爲才善于哀文然悲內兄則云感口澤傷弱子則云心如疑禮文在尊極而施之下流辭雖足哀義斯替矣又才略篇曰潘岳敏給辭自和暢鍾美于西征賈餘于哀誄非自外也

唐書經籍藝文志潘岳集十卷宋史藝文志七卷

馮氏詩紀輯存關中詩家風詩悼亡詩等十四篇四十四首

張氏百三家潘黃門集一卷凡賦表議頌贊箴訓碑哀文祭文誄五十二篇詩十四篇諸一篇

汪氏文選撰人篇目曰晉潘安仁岳有籍田賦射雉賦西征賦秋興賦閒居賦懷舊賦寡婦賦笙賦關中詩金谷集詩悼亡詩三首贈陸機詩河陽縣詩懷縣詩楊州誄楊仲武誄夏侯常侍誄馬汧督誄哀永逝文

嚴氏全晉文編輯存賦二十有二表一議二訓頌替箴各一誄十四碑三哀策文等十二弔祭禱神文各一凡六十一篇

又文編卷首敘目曰潘岳集六卷明人纂輯本案舊藏叢書中有明河東呂兆禧校潘黃門集六卷殆即此本也凡賦三卷十九篇詩一卷十四篇四十五首議頌箴贊訓誄哀文哀辭碑弔祭合二卷三十篇其本與汪氏賢二十名家集相似又兩唐志有潘岳關中記

一卷本志不著錄或亦編入本集

晉太常卿潘尼集十卷

魏志衛凱傳建安末尙書右丞河南潘勗亦

以文章顯文章志曰勗子滿平原太守亦以學行稱滿子尼字正叔尼別傳曰少有清才文辭溫雅尼嘗贈陸機詩機答之其四句曰猗歟潘生世篤其藻仰儀前文丕隆祖考位終大常尼從父岳爲孫秀所殺尼岳文翰並見重于世

晉書潘岳傳岳從子尼字正叔少與岳俱以文章見知性靜退不競唯以勤學著述爲事著安身論以明所守太康中舉秀才爲博士元康初拜太子舍人上釋奠頌數遷著作郎爲乘輿箴及趙王倫篡位孫秀專政忠良之士皆罹禍酷尼遂疾篤取假拜掃墳墓聞齊王問起義乃赴許昌引爲參軍事平封安昌公歷黃門侍郎散騎常侍中祕書監永興末爲中書令時三王戰爭皇家多故尼職居顯要從容而已雖憂虞不及而備嘗艱難永嘉中遷太常卿洛陽將沒攜家還鄉里道

遇賊不得前病卒于塢壁年六十餘又史臣曰安仁蔑棄倚門之訓乾沒不逞之間斯才也而有斯行也天之所賦何其駁歟正叔合咀藝文履危居正安其身而後動契其心而後言著論究人道之綱裁箴縣乘輿之鑿可謂玉質而金相者矣

太平御覽文部文士傳曰潘尼曾與同僚飲主人有琉璃盃使客賦之尼于坐立成文心雕龍銘箴篇曰潘尼乘輿義正體蕪唐書經籍藝文志潘尼集十卷

馮氏詩紀輯存詩二十篇二十六首

張氏百三家潘太常集一卷凡賦頌箴論序
銘碑二十三篇詩二十首

汪氏文選撰人篇目晉潘正叔尼有贈陸機
詩贈河陽詩贈侍御史王元暉詩迎大駕詩

嚴氏全晉文編輯存賦十四詩序三頌二論
一箴二銘一碑二碣一凡二十六篇

晉頓丘太守歐陽建集二卷

晉書石崇傳時趙王倫專權崇甥歐陽建與
倫有隙孫秀以求綠珠不得乃勸倫誅崇建

遂與潘岳皆被害建字堅石世為冀方右族
雅有理思才藻美瞻擅名北州時人為之語

曰渤海赫赫歐陽堅石辟公府歷山陽令尚
書郎馮翊太守甚得時譽及遇禍莫不悼惜

之年三十餘臨命作詩文甚哀楚
唐書經籍藝文志歐陽建集二卷

馮氏詩紀輯存臨終詩答裴腆詩
汪氏文選撰人篇目曰晉歐陽堅石建有臨

終詩
嚴氏全晉文編輯歐陽建有集二卷藝文類聚

六十三載有登檣賦世說文學篇注有言盡
意論凡二篇 案世說云王丞相過江左止道聲無哀

樂養生言盡意三理而已然宛轉關生無所不入案聲無
哀樂論養生論稽叔夜諸人所撰也言盡意論則歐陽堅

石所作蓋亦名論
梁有宗正劉許集二卷錄一卷亡

魏志劉放傅放子正臣松之案頭責子羽曰
士卿劉許字文生正之弟也與張華六人並

稱文辭可觀意思詳序晉惠帝世許為越騎

校尉案頭責子羽文見前張敏集

世說排調篇注晉百官名曰劉許字文生涿
鹿郡人父放魏驃騎將軍許惠帝時為宗正

卿
唐書經籍志劉許集二卷藝文志劉許集二

卷
梁有散騎常侍李重集二卷亡

晉書本傳重字茂曾江夏鍾武人也少好學
有文辭為始平王文學上疏陳九品遷太子

舍人尚書郎太熙中遷廷尉平駁廷尉奏耶
耶驪等文多不載再遷中書郎每大事及疑

議輒參以經典處決多皆施行為尚書吏部
郎平陽太守永康初趙王倫用為相國左司

馬以憂偏成疾而卒時年四十八追贈散騎
常侍諡曰成

唐書經籍志李重集二卷
唐書藝文志李重集二卷黃當為重

嚴氏全晉文編李重有集二卷書抄類聚通
典御覽諸書有疏奏奏駁雜奏議薦曹嘉表

吏部尚書箴序凡八篇
梁有光祿大夫樂廣集二卷錄一卷亡

晉書本傳廣字彥輔南陽清陽人也僑居山
陽寒素為業性沖約有遠識與物無競尤善

談論每以約言析理以厭人之心王戎為荆
州刺史聞廣為夏侯玄所賞乃舉為秀才又

薦于賈充拜太尉掾歷太子舍人元城令累
遷侍中河南尹廣善清言而不長于筆將讓

尹請潘岳為表岳曰當得君意廣乃作二百

句語述己之志岳因取次比便成名筆時人

咸云若廣不假岳之筆岳不取廣之旨無以

成斯美也廣與王衍俱宅心事外名重于時

故天下言風流者謂王樂為稱首焉是時王

澄胡母輔之等亦皆任放為達或至裸體廣

聞而笑曰名教內自有樂地何必乃爾代王

戎為尚書令始戎薦廣而終踐其位時人美

之成都王穎廣之壻也穎與長沙王乂遷難

廣以憂卒
唐書經籍藝文志樂廣集二卷

梁有阮渾集三卷錄一卷亡
阮渾有周易論見經部易家

唐書經籍藝文志阮渾集二卷
晉侍中嵇紹集二卷錄一卷

魏志王粲傳注嵇康子紹字延祖少知名山

濤啓以為祕書郎稱紹平簡溫敏有文思又

曉音當成濟者帝曰紹如此便可以為丞不

足復為郎也遂歷顯位晉諸公贊曰紹與山

濤子簡弘農楊準同好友善而紹最有忠正

之情以侍中從惠帝北伐成都王穎王師敗

績百官奔步惟紹獨以身扞衛遂死于帝側

故累見褒崇追贈太尉諡曰忠穆公

唐書經籍藝文志嵇紹集二卷

馮氏詩紀輯存贈石季倫詩一篇

嚴氏全晉文編嵇紹有集二卷晉書忠義傳

載有上惠帝疏陳準諡議張華不宜復爵議

諫齊王問書世說言語篇有敘趙至凡五篇

梁有錢唐令楊建集九卷亡

楊建始末未詳

梁有長沙相盛彥集五卷亡

晉書孝友傳盛彥字翁子廣陵人也少有異才年八歲詣吳太尉戴昌昌贈詩以觀之彥于坐答之辭甚慷慨仕吳至中書侍郎吳平陸雲薦之于刺史周浚本邑大中正劉頌又舉彥為小中正太康中卒

嚴氏全晉文編曰彥入晉為長沙相本邑小

中正有集五卷書鈔御覽有擊壤賦藏疆賦

與劉頌書通典有通桑梓敬義凡四篇

梁有左長史楊又集三卷錄一卷亡

楊又有卦序論見經部易家

嚴氏全晉文編楊又有集三卷類聚御覽有

雲賦刑禮論凡二篇

晉尚書盧播集一卷梁二卷錄一卷

阮籍集籍與晉文王書薦盧播曰伏見鄆州別駕同郡盧播年三十二字景宜少有才秀

之異長懷淑茂之量研精墳典聰鑒物理潛心圖籍文學之宗敷藻載述良史之表誠後

門之秀偉當時之利器

晉書周處傳處與振威將軍盧播雍州刺史

解系攻齊萬年于六陌自旦及暮斬首萬計

絃絕矢盡播系不救處遂力戰而沒

唐書經籍藝文志盧播集二卷

嚴氏全晉文編盧播字景宣陳留人為本州別駕元康中遷梁王彤征西長史進振威將軍後為尚書有集二卷藝文類聚三十六引

播阮籍銘一篇

梁又有樂肇集五卷錄一卷亡

樂肇有周易象論見經部易家

唐書經籍藝文志樂肇集五卷

梁又有南中郎長史應亨集二卷亡

唐書經籍藝文志應亨集二卷

嚴氏全晉文編曰應亨應貞從孫為著作郎

累遷南中郎長史有集二卷書鈔有讓著作

表初學記御覽有與州將箋應翔像贊序贈

四王冠詩序凡五篇 案亨讓著作表云自司隸校

尉奉至臣父五世著作不絕邦族以為美談則後漢應奉

之六世孫也奉有漢書後序見子部儒家

晉國子祭酒杜育集二卷

世說品藻篇注晉諸公贊曰杜育字方叔襄城鄆陵人杜襲孫也育幼便岐嶷號神童及

長美風姿有才藻時人號曰杜聖累遷國子祭酒洛陽將沒為賊所殺

釋文敘錄曰杜育字方叔襄城人國子祭酒為易義

唐書經籍藝文志杜育集二卷

馮氏詩紀輯存贈摯仲治詩一篇

嚴氏全晉文編曰育初與石崇等為賈謐二

十四友永興中拜汝南太守永嘉中進右將軍後為國子祭酒有易義若干卷集二卷類

聚書鈔御覽有菴賦菴賦各一篇

晉太常卿摯虞集九卷梁十卷錄一卷

摯虞有決疑要注見史部儀注篇

晉書本傳虞少事皇甫謐才學通博著述不倦嘗以死生有命富貴在天怵迫之徒不知

所守蕩而積憤或迷或放故借之以身假之以事作思游賦舉賢良與夏侯湛等十七人策為下第武帝又詔會東堂策問時吳寇新

平天下又安上太康頌以美晉德又表論封

禪見禮志又議玉輅兩社事見輿服志性愛

人士有表薦者恆為其辭

文心雕龍才略篇曰摯虞述懷必循規以溫雅

唐書經籍志摯虞集二卷藝文志十卷

馮氏詩紀輯存答杜育詩雍州詩二篇

張氏百三家輯本序曰仲洽為玄晏高弟知名當世遭亂餒死傷哉貧也張茂先聚書三十

乘仲洽撰定官書皆資以取正茂先宛死仲洽致賤齊王事漸表白可云不負知己集

詩甚少賦亦遠遜茂先議禮諸文最稱宏辯

與杜元凱東廣微並生一時勢猶鼎足二荀弗如也東堂策對其生平致身之文中少壯

氣沿為卑響靡靡之句當日作者得毋自恨其率爾乎凡賦策表奏議駁書牋頌箴贊銘

誥五十三篇文章流別論十二條對一篇詩二篇騷一篇

嚴氏全晉文編輯存賦騷誥冊文對策表奏議駁對箋書頌贊銘箴決疑理疑文章流別

論凡六十篇

梁又有祕書監繆徵集二卷錄一卷亡

魏志劉邵傳邵同時東海繆文文章志曰襲

歷仕魏四世正始六年卒子悅字孔擇晉光

祿大夫襲孫紹播徵胤等並皆顯達

晉書賈充傳充無子以外孫韓謐為嗣襲封魯公權過人主渤海石崇歐陽建榮陽潘岳吳國陸機陸雲蘭陵繆徵等皆傳會于謐號曰二十四友

又張軌傳祕書監繆世徵少府摯虞夜觀星象相與言曰天下方亂避難之國唯涼土耳

案此作繆世徵其字歟又疑世應之誤

唐書經籍藝文志繆徵集二卷

案嚴氏文編云繆世應一作應世爵里未詳當在惠帝時書鈔六十二引有所作石鑿碑一條按世應頗似徵之字疑即其人

晉齊王府記室左思集二卷梁有五卷錄一卷

晉書文苑傳左思字太冲齊國臨菑人也家世儒學少學鍾胡書及鼓琴並不成遂感激勤學兼善陰陽之術貌寢口訥而辭藻壯麗不好交游惟以閒居為事造齊都賦一年乃成復欲賦三都會妹芬入宮移家京師乃詣著作郎張載訪岷邛之事遂構思十年門庭藩溷皆著紙筆遇得一句即便疏之自以所見不博求為祕書郎及賦成時人未之重思以其作不謝班張恐以人廢言安定皇甫謐有高譽思造而示之謐稱善為其賦序張載為注魏都劉逵注吳蜀而序之陳留衛瓘又為思賦作略解自是之後盛重于時司空張華見而歎曰班張之流也使讀之者盡而有餘久而更新于是豪貴之家競相傳寫洛陽為之紙貴初陸機入洛欲為此賦聞思作之

撫掌而笑與弟雲書曰此間有僮父欲作三都賦須其成當以覆酒壺耳及思賦出機絕歎服以為不能加也遂綴筆焉祕書監賈謐請講漢書謐退居宜春里專意典籍齊王問命為記室督及張方縱暴都邑舉家適冀州數歲以疾終

鍾嶸詩品曰迄于有晉太康中三張二陸兩潘一左勃爾復興踵武前王風流未沫亦文章之中興也又曰晉記室左思詩其源出於公幹文典以怨頗為精切得諷諭之致雖野于陸機而深于潘岳謝康樂常言左太冲潘安仁詩古今難比

文心雕龍明詩篇曰四言五言兼善則子建仲宣偏美則太冲公幹又詮賦篇曰仲宣偉長太冲安仁士衡子安景純彥伯亦魏晉之賦首也又雜文篇曰枚乘七發以下作者繼踵自桓麟七說以下左思七諷以上枝附影從十有餘家或文麗而義賤或理粹而辭駁又指瑕篇云左思七諷說孝而不從反道若斯餘不足觀矣又才略篇云左思奇才業深覃思盡銳于三都拔萃于詠史無遺力矣
本志總集篇梁有齊都賦二卷并晉左思撰案此有破誤詳見本條又曰梁有張載及晉侍中劉逵晉懷令衛瓘注左思三都賦三卷纂母遽注三都賦三卷
唐書經籍志左思集五卷又總集類齊都賦一卷左太冲撰齊都賦音一卷李軌撰又三都賦三卷左太冲撰

唐書藝文志左思集五卷又總集類左太冲齊都賦一卷李軌齊都賦音一卷左太冲三都賦三卷

馮氏詩紀輯存贈妹九嬪悼離詩詠史詩八首招隱詩雜詩嬌女詩凡五篇十四首

汪氏文選撰人篇目晉左太冲思有三都賦詠史詩招隱詩雜詩

嚴氏全晉文編左思有集五卷今存齊都賦

五條及三都賦并序白髮賦七諷凡七篇梁又有晉豫章太守夏靖集二卷錄一卷亡

唐書經籍藝文志夏侯靖集二卷

按晉書熊遠傳遠豫章南昌人太守會稽

夏靜辟為功曹及靜去職遠送至會稽以歸蓋即此夏靖會稽人也靜與靖通兩唐

志作夏侯靖非是

梁又有吳王文學鄭豐集二卷錄一卷亡

吳志孫權赤烏二年注文士傳曰鄭胄字敬先沛國人仕吳為執金吾子豐字曼季有文

學操行與陸雲善與雲詩辭往返司空張華

辟未就卒案武帝諸子中有吳敬王晏太康十年封

洛京傾覆遇害年三十一此稱吳王文學殆太康十年以後豐嘗為此吳王文學據者陸機兄弟嘗為吳王郎中令

蓋與之同時

唐書經籍藝文志鄭豐集二卷

馮氏詩紀陸士龍詩後附鄭曼季答詩四篇

凡二十首

嚴氏全晉文編曰鄭豐字曼季沛國人司空

張華辟未就有答陸士龍詩序三篇並見陸

雲集

梁又有大司馬東曹掾張翰集二卷錄一卷亡

晉書文苑傳張翰字季鷹吳郡吳人也父儼

吳大鴻臚翰有清才善屬文而縱任不拘時

人號爲江東步兵齊王冏辟爲大司馬東曹

掾冏時執權翰謂同郡顧榮曰天下紛紛禍

難未已夫有四海之名者求退良難吾本山

林間人無望于時子善以明防前以智慮後

榮執其手愴然曰吾亦與子采南山蕨飲三

江水耳翰因見秋風起乃思吳中菰菜葦羹

鱸魚膾曰人生貴得適志何能羈宦數千里

以要名爵乎遂命駕而歸著首邱賦文多不

載府以其輒去除吏名翰任性自適不求當

世年五十七卒其文筆數十篇行於世

鍾嶸評張翰潘尼詩曰季鷹黃花之唱正叔

綠繁之良雖不具美而文采高麗並得虬龍

片甲鳳皇一毛

文心雕龍才略篇曰曹據清靡于長篇季鷹

辨切于短韻各其善也

唐書經籍藝文志張翰集二卷

馮氏詩紀輯存周小史詩一首雜詩二首秋

風歌一首

汪氏文選撰人篇目晉張季鷹翰有雜詩一

首

嚴氏全晉文編張翰有集二卷案翰有首邱

賦今亡藝文類聚有杖賦豆羹賦初學記有

詩序凡三篇又類聚十七有張翰不用舌論

一篇韓偓里未詳疑翰之誤

梁又有清河王文學陳略集二卷錄一卷亡

陳略始末未詳清河康王暹嗣王暹並見晉書武十

三王傳

唐書經籍藝文志陳略集二卷

梁又有揚州從事陸冲集二卷錄一卷亡

陸冲始末未詳

唐書經籍藝文志陸冲集二卷

馮氏詩紀輯存陸冲雜詩二首文不完自述其

長途旅行

嚴氏全晉文編曰陸冲爲揚州從事有集二

卷藝文類聚卷一有冲風賦

晉平原內史陸機集十四卷梁四十七卷錄一卷

陸機有吳章篇見經部小學家

晉書本傳機年二十而吳滅退居舊里閉門

勤學積有十年以孫氏在吳而祖父世爲將

相有大勳於江表深慨孫皓舉而棄之乃論

權所以得皓所以失又欲述其祖父功業遂

作辯亡論二篇及齊王冏矜功自伐受爵不

讓作豪士賦以刺焉又以聖王經國義在封

建因采其遠指著五等論機天才秀逸辭藻

宏麗張華嘗謂之曰人之爲文常恨才少而

子更患其多弟雲嘗與書曰君苗見兄文輒

欲燒其筆硯後爲洪著書稱機文猶玄圃之

積玉無非夜光焉五河之吐流泉源如一焉

其弘麗妍瞻英銳漂逸亦一代之絕乎其爲

人所推服如此然好游權門與賈謚親善以

進趣獲譏所著文章凡二百餘篇並行於世

李充翰林論或問曰何如斯可謂之文谷曰

孔文舉之書陸士衡之議斯可謂成文矣又

曰在朝辯政而議奏出宜以遠大爲本陸機

議晉斷亦名其美矣

鍾嶸詩品曰陸機爲太康之英安仁景陽爲

輔五言之冠冕文辭之名世也又曰晉平原

相陸機詩其源出于陳思才高辭瞻舉體華

美氣少於公幹文劣於仲宣尙規矩不貴綺

錯有傷直致之奇然其咀嚼華英厭飲膏澤

文章之淵泉也張公歎其大才信矣

文心雕龍明詩篇曰晉世羣才稍入輕綺張

潘左陸比肩詩衢采綉於正始力柔於建安

或析文以爲妙或流靡以自妍此其大略也

又頌贊篇云陸機積篇惟功臣最顯其褒貶

雜居固未代之訛體也黃注云陸集有漢高祖功

臣頌又雜文篇云自楊雄連珠以下擬者間

出唯士衡運思理新文敏而裁章置句廣于

舊篇豈慕朱仲四寸之璫乎又哀弔篇云陸

機之弔魏武序巧而文繁又論說篇云陸機

辯亡效過秦而不及又檄移篇云陸機之移

百官言約而事顯武移之要者也又議對篇

云陸機斷議亦有鋒穎而腴辭弗翦頗累文

骨亦各有美風骨存焉又書記篇云劉廙謝

恩喻切以至陸機自理情周而巧箋之爲善

者也

本志總集篇梁有連珠一卷陸機撰何承天

注亡案文選有陸士衡演連珠劉孝標注七錄本志皆

不見

唐書經籍藝文志陸機集十五卷宋史藝文志十卷

晁氏讀書志陸機集十卷機所著文章三百餘篇案三百或二百之誤 今存詩賦論議箋表碑誄百七十餘首以晉書文選校正外餘多舛誤

馮氏詩紀輯存樂府一卷三十八篇四十五首詩一卷四十五篇八十首 張氏百三家賦存文一卷樂府詩一卷

汪氏文選撰人篇目晉陸士衡機有歎逝賦文賦讖玄圃詩招隱詩斥邱令詩答賈謐詩與十龍詩贈顧彥先詩贈顧交阯詩贈車騎詩答張士然詩為顧贈婦詩贈馮文熊詩贈士龍詩赴洛詩赴洛道中詩從梁陳詩樂府十七首挽歌三首園葵詩擬古十二首謝內史表豪士詩序漢高功臣頌辯亡論五等諸侯論演連珠五十首弔魏武文

四庫未收書目曰陸士衡文集十卷案宋慶元庚申奉議郎知華亭縣事徐民瞻合刻二陸文集取張華之語目之曰晉二俊文集此即彭鈔民瞻之本與七閣所收陸士龍集相合計賦二十五篇為四卷詩五十八篇為二卷樂府十首百年歌十首為一卷演連珠一首七徵一首為一卷頌箴贊表文誄哀辭共十篇為一卷議論碑五首為一卷共一百七十四首與晁志數正同知民瞻所刻即公武之本也文句譌敝北宋時已如此而機集之傳于今者莫古于此本矣

嚴氏文編敘錄曰陸機集十卷明都穆二俊文集本其序言宋舊本其實從羣書纂輯非舊本也又全晉文編輯本四卷凡七十四篇張氏書目答問陸士衡集十卷明汪士賢刻漢魏六朝二十名家集本

晉清河太守陸雲集十二卷梁十卷錄一卷

陸雲有陸子十卷見子部道家

晉書本傳雲六歲能屬文清正有才理少與兄機齊名雖文章不及機而持論過之號曰二陸所著文章三百四十九篇行于世

抱朴子佚文曰嵇君道問二陸優劣抱朴子曰吾見二陸之文百許卷似未盡也又嵇君道曰每讀二陸之文未嘗不廢書而歎恐其卷盡也

文心雕龍鎔裁篇曰士衡才優而綴辭尤繁士龍思劣而雅好清省及雲之論機亟恨其多而稱清新相接不以爲病蓋崇友于耳又才略篇曰陸機才欲窺深辭務索廣故思能入巧而不制繁士龍朗練以識檢亂故能布采鮮淨敏于短篇

唐書經籍藝文志陸雲集十卷宋史藝文志同

晁氏讀書志同

崇文總目陸雲集八卷

陳氏書錄解題陸士龍集十卷晉清河內史陸雲撰太康平吳二陸入洛張茂先所謂利獲二俊者也遜抗之後而有機雲可謂代不乏人矣然皆不免其身才者身之累也況居亂世乎機好游權門抑又有以取之耶

馮氏詩紀輯存詩二卷凡二十九篇一百三十七首附鄭曼季答詩四篇

張氏百三家賦存文一卷詩一卷

四庫提要曰陸士龍集十卷史謂其文章不及機而持論過之今觀集中諸啓其執辭諫諍陳議鯁切誠近於古之遺直至其文藻麗密詞旨深雅與機亦相上下平吳二俊要亦未易優劣也唐志作十卷則隋時十二卷本已不復見至南宋時十卷之本又漸湮沒慶元間信安徐民瞻始得之于祕書省與機集並刊以行然今亦未見宋刻世所行者惟此

本史稱雲所著三百四十九篇此僅錄二百餘篇蓋明人所重編敘次頗爲叢雜

汪氏文選撰人篇目晉陸士龍雲有大將軍讜會詩為顧贈婦詩答兄詩答張士然詩

嚴氏文編敘錄曰陸雲集十卷宋刊本又明都穆二俊文集本又全晉文編輯本五卷凡五十四篇

張氏書目答問陸士龍集十卷明汪士賢刻

二十名家集本

梁又有少府丞孫極集二卷錄一卷亡

唐書經籍藝文志孫極集二卷

嚴氏全晉文編曰藝文類聚三十六有孫承

嘉遜賦一篇承爵里未詳案吳志孫桓傳注桓從孫丞字顯世文士傳曰丞作螢火賦行于世仕孫皓爲黃門侍郎吳平赴洛爲范陽

涿令永安中陸機請爲司馬與機俱被害晉

涿令永安中陸機請爲司馬與機俱被害晉

涿令永安中陸機請爲司馬與機俱被害晉

涿令永安中陸機請爲司馬與機俱被害晉

涿令永安中陸機請爲司馬與機俱被害晉

涿令永安中陸機請爲司馬與機俱被害晉

涿令永安中陸機請爲司馬與機俱被害晉

涿令永安中陸機請爲司馬與機俱被害晉

書陸機傳作孫拯未知即其人否

案晉書陸機附傳云孫拯者字顯世吳郡富春人也能屬文孫皓世侍臣多得罪惟

拯與顧榮以智全機既為孟玖等所誣收拯考掠兩踝骨見終不變辭門生費慈幸

意二人詣獄明拯拯臂遺之曰吾義不可誣枉知故卿何宜復爾二人曰僕亦安得

負君拯遂死獄中而慈意亦死其人其事固足為千載痛傷者也此孫極大抵是孫

拯之誤故七錄附其集於二陸之後拯殆以少府丞為陸機後將軍河北大都督司

馬歟馮氏詩記輯存拯贈陸士龍詩十章晉中書郎張載集七卷梁一本二卷錄一卷

晉書本傳載字孟陽安平人也父收蜀郡太守載性閑雅博學有文章太康初至蜀省父

道經劍閣載以蜀人特險好亂因著銘以作誠益州刺史張敏見而奇之乃表上其文張

敏有集見前武帝遣使鑄之於劍閣山焉載又為權論又為濛汜賦司隸校尉傅玄見而嗟

歎以車迎之言談盡日為之延譽遂知名起家佐著作郎數遷至中書侍郎領著作載見

世方亂無復進仕意遂稱疾告歸卒於家又史臣曰孟陽鑲石之文見奇於張敏濛汜

之詠取重於傅玄為名流之所挹亦當代之文宗矣

鍾嶸詩品曰孟陽詩乃遠慚厥弟而近超兩傳

文心雕龍銘箴篇曰張載劍閣其才清采迅

足駭駭後發前至勒銘岷漢得其宜矣

唐書經籍志張載集三卷馮氏詩紀輯存詩十篇十四首

張氏百三家輯本一卷凡賦論頌銘詩一十八篇

汪氏文選撰人篇目曰晉張孟陽載有七哀詩擬四愁詩劍閣銘

嚴氏全晉文編張載有集七卷存濛汜池等賦七篇頌二論一銘三凡一十三篇

晉黃門郎張協集三卷梁四卷錄一卷晉書張載傳載弟協字景陽少有儒才與載

齊名辟公府掾數遷至河間內史于時天下已亂所在寇盜協遂棄絕人事屏居草澤守

道不競以屬詠自娛擬諸文士作七命世以為工永嘉初復徵為黃門侍郎託疾不就終

於家協弟元字季陽才藻不逮二兄亦有屬綴時人謂載協元陸機雲曰二陸三張

又史臣曰景陽摛光王府棊蓀相耀泊乎二陸入洛三張減價考覈遺文非徒語也

鍾嶸詩品曰晉黃門郎張協詩其源出於王粲文體華淨少病累又巧構形似之言雄於

潘岳靡於太沖風流調達實曠代之高手辭采葱蒨音韻鏗鏘使人味之齶不倦

文心雕龍才略篇曰孟陽景陽才綺而相埒可謂魯衛之政兄弟之文也

唐書經籍志張協集二卷馮氏詩紀輯存詠史詩一首雜詩十一首游仙詩一首

張氏百三家輯本一卷凡賦銘七命及詩一十七首序曰晉代文人有二陸三張之名景

陽詩獨勁出二子守道嫉衆貪位高尚之懷每形詩詠時或疵其玄之尙白及觀二鳳齊

傾金谷並損華亭上蔡嗟呼歎晚然後知達人蚤識長謠二疏高歌招隱所以能自脫於

巫山之火也案長謠二疏即所作詠史詩高歌招隱其兄載招隱詩有云不見巫山火芝艾豈相離故此云爾

汪氏文選撰人篇目曰晉張景陽協有詠史詩雜詩十首七命一篇

嚴氏全晉文編張協有集四卷今存賦六篇七命一篇頌一篇銘七篇

晉著作郎束皙集七卷梁五卷錄一卷束皙有發蒙記見經部小學家

晉書本傳皙嘗為勸農及甦諸賦文頗鄙俗時人薄之而性沈退不慕榮利作玄居釋以

擬客難張華見而奇之又上議大興田農在著作得觀竹書隨宜分釋皆有義證所著五

經通論發蒙記補亡詩文集數十篇行於世云

又王接傳秘書丞衛恆考正汲冢書未迄而遭難佐著作郎束皙述而成之事多證異義

時東萊太守陳留王庭堅難之亦有證據皙又釋難而庭堅已亡散騎侍郎潘滔謂接曰

卿才學理議足解二子之紛可試論之接遂詳其得失摯虞謝衡皆博物多聞咸以為允

當

文心雕龍諸讖篇曰魏晉滑稽盛相驅扇懿

文之士未免枉轡潘岳醜婦之屬束皙賣餅之類尤而效之蓋以百數

唐書經籍藝文志束皙集五卷 宋史藝文志一卷

馮氏詩紀輯存補亡詩六首曰南陔曰白華

曰華黍曰由庚曰崇邱曰由儀

張氏百三家東廣徵集一卷凡賦論議對奏

書牋文雜文補亡詩二十五篇序曰晉世笑

東先生勸農及糞諸賦文辭鄙俗今雜置賦

苑反覺其質致近古由彼彫績少也玄居釋

痛言周漢衰時禍福無報朝卿夕鼎烹功

名之士可為嚙指出血集中敷議爾雅之文

不愧典冊補亡詩志大而辭淺欲以續經罷

不勝任也

汪氏文選撰人篇目晉束廣微哲有補亡詩

嚴氏全晉文編束哲有集七卷今存賦奏議

書玄居釋補亡詩序失題弔文發蒙記論凡

二十篇為一卷

梁又有征南司馬曹據集三卷錄一卷亡

魏志曹休傳休太祖族子也子肇肇子興張

隱文士傳曰肇孫據字顏遠少厲志操博學

有才藻仕晉辟公府歷洛陽令齊王冏輔政

據與齊人左思俱為記室督從中郎出為襄

陽太守征南司馬值天下亂據討賊向吳戰

死

晉書良吏傳曹據字顏遠譙國譙人也少好

學善屬文太尉王衍見而器之永嘉二年高

密王簡鎮襄陽以據為征南司馬其年流人

干適等聚眾寇掠城邑簡遣參軍崔曠討之

令據督護曠曠奸凶人也譎據前戰期為後

繼既而不至據獨與適戰軍敗死之

鍾嶸評石崇曹據詩曰季倫顏遠並有英篇

文心雕龍才略篇曰曹據清靡于長篇

唐書經籍藝文志曹據集二卷

馮氏詩紀輯存思友詩感舊詩贈石崇詩

汪氏文選撰人篇目曰晉曹顏遠據有思友

人詩感舊詩

嚴氏全晉文編曹據有集二卷藝文類聚文

選注有述志賦感舊賦圍棋賦凡三篇

梁又有散騎常侍江統集十卷錄一卷亡

晉書本傳統字應元陳留圉人也祖蕤譙郡

太守封亢父男父祚安南太守統靜默有遠

志與鄉人蔡克俱知名襲父爵除山陰令時

關隴屢為氏羌所擾孟觀西討自揜氏帥齊

萬年統深惟四夷亂華宜杜其萌乃作徙戎

論帝不能用未及十年而夷狄亂華時服其

深識遷中郎轉太子洗馬太子頗闕朝覲又

奢費過度多諸禁忌統上書諫陳五事朝廷

善之及太子廢徙許昌薨統作誄敘哀為世

所重後為博士尚書郎參大司馬齊王冏事

冏驕荒將敗統切諫成都王穎請為記室多

所箴諫申論陸雲兄弟辭甚切至累遷黃門

侍郎選騎常侍永嘉四年避難奔於成皋病

卒凡所造賦頌表奏皆傳於後

又史臣曰江統風操行良有可稱陳留多

士斯為其冠徒戎之論實是經國遠圖然運

距中衰陵替有漸假其言見用恐速禍招怨

無救於將顛也逮愍懷廢徒冒禁拜辭所謂

命輕鴻毛義貴熊掌

唐書經籍藝文志江統集十卷 宋史藝文志一卷

嚴氏全晉文編江統有集十卷今存祖淮賦

函谷關賦酒誥疏議書徒戎論銘凡十四篇

梁又有著作郎胡濟集五卷錄一卷亡

唐書經籍藝文志胡濟集五卷

嚴氏全晉文編曰胡濟元康中為尚書郎領

著作有集五卷今存灑谷賦黃甘賦奏薦伍

朝改葬前母服議凡四篇

晉中書令卞粹集一卷梁五卷

晉書卞壺傳壺濟陰宛句人也父粹以清辨

察察稱兄弟六人並登宰府世稱卞氏六龍

玄仁無雙玄仁粹字也惠帝初為尚書郎楊

駿執政人多附會而粹正直不阿及駿誅超

拜右丞封成陽子稍遷至右軍將軍張華之

誅粹以華培免官齊王冏輔政為侍中中書

令進爵為公及長沙王又專權粹立朝正色

又忌而害之 長沙王又傳河間王顯潛使侍中馮蓀

河南尹李含中書令卞粹等與父並誅之

唐書經籍藝文志卞粹集二卷

嚴氏全晉文編卞粹有集五卷晉宋書禮志

引王昌前母服議為皇太后孫服議各一篇

梁又有光祿勳閻邱沖集二卷錄一卷亡

世說品藻篇注荀綽兖州記曰閻邱沖字賓

卿高平人家世二千石沖清平有鑒識博學

有文義累遷太傅長史操持文案必引經誥飾以文采未嘗有滯性尤通達不矜不假至於白首而清名令望不渝于始爲光祿勳京邑未潰乘車出爲賊所害時人皆痛惜之

唐書經籍藝文志閔邱冲集二卷

馮氏詩紀輯存三月三日應詔詩二首招隱詩一首

嚴氏全晉文編曰閔邱冲懷帝初爲光祿勳有集二卷晉書禮志有武悼楊皇后服議一篇

晉太傅從事中郎庚敷集一卷梁五卷錄一卷

晉書庚峻傳峻潁川鄆陵人二子玟敷敷字子嵩雅有遠韻爲陳留相未嘗以事嬰心從容酣暢寄通而已嘗讀老莊曰正與人意闇同太尉王衍雅重之敷見王室多難終知嬰禍乃著意賦以豁情衍賈誼之服鳥也從子亮見賦問曰若有意也非賦所盡若無意也復何所賦答曰在有無之間耳遷吏部郎參東海王越太傅軍事轉軍諮祭酒越府多僞異敷在其中常自袖手敷有重名爲搢紳所推石勒之亂與王衍俱被害年五十 案敷有數音以其字子嵩言之則敷音當讀如鬼

唐書經籍藝文志庚敷集二卷

嚴氏全晉文編庚敷有集五卷本傳有意賦藝文類聚有幽人箴凡二篇

梁又有太子中舍人阮瞻集二卷錄一卷亡

晉書阮籍傳籍兄子咸咸子瞻字千里清心寡欲自得于懷讀書不甚研求而默識其要

遇理而辨詞不足而旨有餘見司徒王戎戎問曰聖人貴名教老莊明自然其旨同異瞻曰將毋同戎咨嗟良久卽命辟之時人謂之三語掾太尉王衍亦雅重之東海王越鎮許昌以瞻爲記室參軍與王承謝鯤鄧攸俱在越府永嘉中爲太子舍人瞻素執無鬼論物莫能難每自謂此理足可以辨正幽明後病卒于倉垣時年三十

唐書經籍藝文志阮瞻集二卷

嚴氏全晉文編阮瞻有集二卷初學記書鈔

御覽有上巳會賦一篇

梁又有太子洗馬阮脩集二卷錄一卷亡

晉書阮籍傳籍兄子咸咸子瞻弟孚從子脩字宜子好易老善清言嘗有論鬼神有無者皆以人死者有鬼脩獨以爲無曰今見鬼者云着生時衣服若人死有鬼衣服亦有鬼耶論者服焉性簡任不修人事家無儋石之儲晏如也與兄弟同志常自得於林阜之間王衍當時談宗自以論易略盡然有所未了研之終莫悟每云不知比沒當見能通之者不衍族子敦謂衍曰阮宣子可與衍曰吾亦聞之但未知聲塵之處定何如耳及與修談言寡而旨暢衍乃歎服焉脩居貧年四十餘未有室王敦等斂錢爲婚皆名士也時慕之者求入錢而不得脩所著述甚寡嘗作大鵬贊王敦引爲鴻臚丞轉太傅行參軍太子洗馬避亂南行至西陽期思縣爲賊所害時年四十二

唐書經籍藝文志阮脩集二卷 舊志岑氏刻本誤作阮循

馮氏詩紀輯存上巳會詩一篇

嚴氏全晉文編阮脩有集二卷本傳有大鵬

贊北堂書鈔有患雨賦凡二篇

梁又有廣威將軍裴邈集二卷錄一卷亡

魏志裴潛傳潛河東聞喜人子秀嗣文章敏

錄曰秀少子頽頽從父弟邈字景聲有雋才

爲太傅司馬越從事中郎監中外營諸軍事

又劉輿傳時稱越府有三才潘滔大才劉輿長才裴邈清

才

晉書裴秀傳末曰初裴王二族盛於魏晉之

世時人以爲八裴方八王徽比王祥楷比王

衍康比王綏綽比王澄瓚比王敦遐比王導

頽比王戎邈比王玄云

唐書經籍藝文志裴邈集二卷

嚴氏全晉文編曰藝文類聚初學記御覽引

裴邈文身斂銘文身刀銘各一篇

晉太傅郭象集二卷梁五卷錄一卷 錢氏隋書考異

曰錢延福曰太傅下敝主簿二字

郭象有論語體略見經部論語家

晉書本傳象少有才理好老莊能清言太尉

王衍每云聽象語如懸河瀉水注而不竭州

郡辟召不就常閑居以文論自娛及爲東海

王越主簿任職當權熏灼內外由是素論去

之著碑論十二篇

唐書經籍藝文志郭象集五卷

嚴氏全晉文編郭象有集二卷今惟見莊子

注序一篇

梁又有廣州刺史稽含集十卷錄一卷亡

晉書忠義稽紹傳紹康之子也從子含字君道祖喜徐州刺史父蕃太子舍人含好學能屬文家在鞏縣亳丘自號亳丘子門曰歸厚之門室曰慎終之室舉秀才除郎中時弘農王粹以貴公子尚主館宇甚盛圖莊周于室廣集朝士使含為之贊合援筆為用文以謂託非其所可弔不可贊粹有愧色齊王問辟為參軍襲爵武昌鄉侯長沙王又召為記室督尚書郎後鎮南將軍劉弘表為平越中郎將廣州刺史假節未發會弘卒含性剛躁素與弘司馬郭勣有隙勣夜掩殺之時年四十四懷帝即位諡曰憲

唐書經籍藝文志稽含集十卷

馮氏詩紀輯存悅晴詩伉儷詩各一篇

嚴氏全晉文編曰稽含有南方草木狀三卷集十卷今存賦十六篇誥上言詩序草木狀序銘誄弔文失題九篇凡二十五篇 案今所傳南方草木狀三卷殆編入此集故隋唐志皆不別著于錄

晉安豐太守孫惠集八卷梁十一卷錄一卷

晉書本傳惠字德施吳國富陽人父祖並仕吳惠好學有才識寓居蕭沛之間永寧初赴齊王問義討趙王倫以功封晉興縣侯問驕矜僭侈惠獻言諷以五難四不可勸令歸藩辭甚切至問不納惠懼罪辭疾去東海王越舉兵下邳惠以書干越越即以爲記室參軍

專掌文疏豫參謀議越遷太傅以爲軍諮祭酒數咨訪得失每造書檄越或驛馬催之應命立成皆有文采轉彭城內史廣陵相廣武將軍安豐內史以迎大駕功封臨湘縣公元帝初以廬江何銳爲安豐太守惠權留郡境銳以他事收惠下人推之惠既非南朝所授常慮讒間因此大懼遂攻殺銳奔入蠻中尋病卒年四十七

吳志宗室孫資傳注資曾孫惠字德施惠別傳曰惠與陸機鄉里親厚及機雲眈見殺甚傷恨之又曰惠以書干越詭其姓名自稱南岳逸民秦祕之勉以勤王匡世之略辭義甚美越省其書勝題道衢推求其人惠乃出見惠文翰凡數十篇真孫聖兒光之子也

唐書經籍藝文志孫惠集十卷

嚴氏全晉文編孫惠有集十一卷今存賦諫書檄三馬哀辭序祭金鼓文凡十篇

梁又有松滋令蔡洪集二卷錄一卷亡

蔡洪有化清經見子部儒家

晉書文苑王沈傳沈有俊才出於寒素不能隨俗沈浮爲時豪所抑鬱鬱不得志作釋時論元康初松滋令蔡洪作孤奮論與釋時意同讀之者莫不歎息焉

唐書經籍志蔡洪集三卷藝文志二卷

嚴氏全晉文編蔡洪有集二卷藝文類聚御覽有圍碁賦鬪鴨賦世說賞譽篇注有與刺史周俊書凡三篇又洪有孤奮論見文苑王沈傳亡

晉平北將軍牽秀集四卷梁三卷錄一卷

晉書本傳秀字成叔武邑觀津人也祖招魏雁門太守秀博辯有文才性豪俠弱冠得美名爲太保衛瓘尚書崔洪所知數遷爲司空張華長史後奔成郡王穎諂事黃門孟玖證成陸機之罪惠帝西幸長安以爲尚書河間王顥以爲平北將軍鎮馮翊爲顯長史楊騰殺之於萬年

魏志牽招傳招子嘉嘉子秀荀綽冀州記曰秀有雋才在馮翊遇害世人玩其辭賦惜其才幹

唐書經籍藝文志牽秀集五卷

嚴氏全晉文編牽秀有集四卷今存相風賦黃帝頌老子頌彭祖頌王喬赤松頌皇甫陶碑凡六篇

梁又有車騎從事中郎蔡克集二卷錄一卷亡

晉書蔡謨傳謨陳留考城人也世爲著姓父克字子尼少好學博涉書記爲邦族所敬爲成郡王穎大將軍記室督丞相東曹掾克以朝政日弊遂絕不仕東嬴公騰爲車騎將軍鎮河北以克爲從事中郎知必不就以軍期致之克不得已至數十日騰爲汲桑所攻城陷克見害

唐書經籍藝文志蔡克集二卷

嚴氏全晉文編曰蔡克一作蔡克有集二卷晉書梁王彤傳永康二年彤薨博士陳留蔡充議諡一篇又重議一篇通典八十二有沖太孫殤服議一篇

梁又有游擊將軍索靖集三卷亡

晉書本傳靖字幼安敦煌人也累世宦族靖少有志操之量與鄉人汜衷張翹索紉索永俱詣太學馳名海內號稱敦煌五龍四人並早亡惟靖該博經史兼通內緯州辟別駕郡舉賢良方正對策高第傳玄張華皆厚與之相結拜駙馬都尉尚書郎與襄陽羅尚河南潘岳吳郡顧榮同官咸器服焉靖與尚書令衛瓘俱以善草書知名武帝愛之在臺積年除雁門太守魯相酒泉太守惠帝即位賜爵關內侯太安末河間王顥舉兵向洛陽拜靖使持節監洛城諸軍事游擊將軍與賊戰大破之靖亦被傷而卒追贈太常時年六十五後又贈司空進封安樂亭侯諡曰莊靖著五行三統正驗論辯理陰陽氣運又撰索子晉詩各二十卷又作草書狀

唐書經籍藝文志索靖集二卷 宋史藝文志一卷

嚴氏全晉文編索靖有集三卷今存書三條月儀帖十八條草書狀一篇

梁又有隴西太守閻纂集二卷錄一卷亡

晉書閻續傳續字續伯巴西安漢人也僑居河南新安少游英豪多所交結博覽墳典該通物理為太傅楊駿舍人轉安復令國子祭酒鄒湛以續才堪著作薦於祕書監華嶠嶠曰此職閑重貴勢多爭之不暇求其才遂不能用河間王顥引為西戎校尉司馬有功封平樂鄉侯愍懷太子之廢也續與棺詣闕

上書理太子之寃不省及皇太孫立續復上疏請著令宜開來防以安後嗣又陳宜選擇東宮師傅又陳賈誼二十四友宜皆齊黜以肅風教朝廷善其忠烈擢為漢中太守卒於官時年五十九

唐書經籍藝文志閻纂集二卷

嚴氏全晉文編曰閻續有表疏五篇按隋志梁有隴西太守閻纂集二卷未知即此閻續否也 案續與纂通似無可疑者猶後文嚴巨集文士傳云著楷太守七錄作交趾太守此但漢中隴西之不合耳未足為異也

梁又有秦州刺史張輔集二卷錄一卷亡

晉書本傳輔字世偉南陽西鄂人漢河間相衡之後也少有幹局與從母兄劉喬齊名初補藍田令轉山陽令累遷尚書封宜昌亭侯轉御史中丞馮翊太守河間王顥以為秦州刺史為天水帳下督富整所殺初輔常著論云管仲不如鮑叔又論班固不如司馬遷又論魏武不如劉備樂毅滅於諸葛亮辭多不載

唐書經籍藝文志張輔集二卷

嚴氏全晉文編張輔有集二卷通典有上司徒府言楊俊本傳有與孫秀箋類聚御覽有名士優劣論凡三篇

梁又有交趾太守殷巨集二卷錄一卷亡

吳志顧邵傳注文士傳曰雲陽殷基以才學知名著通語數十篇有三子巨字元大有才器初為吳偏將軍統家部曲城夏口吳平後

為蒼梧太守 案殷基亦作殷興有春秋釋滯見經部

唐書經籍藝文志殷巨集二卷

嚴氏全晉文編曰殷巨入晉歷蒼梧交趾二郡太守有集二卷藝文類聚有鯨魚燈賦奇布賦凡二篇

梁又有太子洗馬陶佐集五卷錄一卷亡

陶佐始末未詳

唐書經籍藝文志陶佐集五卷

梁又有東晉都陽太守虞溥集二卷錄一卷亡 案此稱東晉非是

晉書本傳溥字允源高平昌邑人也專心墳籍郡察孝廉除郎中補尚書都令史尚書令衛瓘尚書褚裒並重之稍遷公車司馬令除都陽內史大脩庠序廣招學徒移告屬縣乃具為條制于是至者七百餘人溥乃作誥以獎訓之風化大行注春秋經傳撰江表傳及文章詩賦數十篇卒于洛時年六十二子勃過江上江表傳于元帝詔藏於祕書

唐書經籍藝文志虞溥集二卷 溥或作博或作浦並寫刊之誤也

嚴氏全晉文編曰虞溥有江表傳若干卷集二卷晉書禮志有王昌前母服議駁下粹議本傳載移告屬縣獎訓學徒誥凡四篇獎訓誥御覽作厲學篇

梁又有益陽令吳商集五卷亡

吳商有禮難等書見經部禮類

唐書經籍藝文志吳商集五卷

嚴氏全晉文編曰吳商有集五卷通典載其

議及答問論難等凡六篇續漢祭祀志注載

禮祀六宗說一篇

梁又有仲長敖集二卷亡

仲長敖始末未詳

唐書經籍藝文志仲長敖集二卷

嚴氏全晉文編曰仲長敖爵里未詳有集二

卷藝文類聚二十一載有覈性賦一篇

梁又有晉太常卿劉弘集三卷錄一卷亡

晉書本傳弘字和季沛國相人也祖馥魏揚

州刺史父靖鎮北將軍弘有幹略政事之才

少家洛陽與武帝同居永安里又同年共研

席以舊恩起家太子門大夫遷率更令寧朔

將軍監幽州諸軍事以勳德兼茂封宣城公

太安中轉使持節南蠻校尉荊州刺史永興

中拜侍中鎮南大將軍開府儀同三司進軍

騎將軍卒贈新城郡公諡曰元 案始終不著為太常史略之缺

魏志劉馥傳馥子靖靖子熙晉陽秋曰劉弘

字叔和熙之弟也其在江漢值王室多難得

專命一方盡其器能推誠羣下厲以公義簡

刑獄務農桑每有興發手書郡國丁寧款密

故莫不感悅顛倒奔赴咸曰得劉公一紙書

賢于十部從事也晉諸公贊曰于時天下雖

亂荊州安全弘有劉景升保有江漢之志不

附太傅司馬越越甚銜之會病卒子璠北中

郎將

唐書經籍藝文志劉弘集三卷

嚴氏全晉文編劉弘有集三卷今存表教箋

書凡十篇

梁又有開府山簡集二卷錄一卷亡

晉書山濤傳濤河內懷人也有五子該淳允

謨簡簡字季倫性溫雅有父風初為太子舍

人累遷尚書左僕射領吏部上疏欲令朝臣

各舉所知以廣得才之路朝廷從之永嘉三

年為征南將軍都督荆湘廣交四州假節鎮

襄陽于時天下分崩朝野危懼簡優游卒歲

唯酒是耽尋加督寧益軍事及洛陽陷沒簡

為賊嚴巖所逼乃遷於夏口招納流亡江漢

歸附年六十卒追贈征南大將軍儀同三司

唐書經籍藝文志山簡集二卷

嚴氏全晉文編山簡有集二卷今存上懷帝

疏與王衍書凡二篇

梁又有兗州刺史宗岱集二卷

宗岱或作宋岱有周易論見經部易家

太平御覽文部語林曰宋岱為青州刺史著

無鬼論甚精人莫能屈 宋晁伯宇續談助鈔殷雲

小說云宋岱為青州刺史禁淫祀著無鬼論人莫能屈鄒

州化之注云出雜記

本志總集篇明真論一卷晉兗州刺史宗岱

撰

唐書經籍藝文志宗岱集三卷

梁又有侍中王峻集二卷錄一卷亡

王峻始末未詳

唐書經籍藝文志王峻集二卷

按馮氏詩紀載王浚從幸洛水餞王公歸國詩一篇浚司空沈子也字彭祖襲父爵

博陵郡公太康初與諸王侯俱就國是詩

蓋作于其時浚歷仕至懷帝時為大司馬

加侍中大都督督幽冀諸軍事因亂擁衆

自立謀將僭號石勒詐而殺之晉書附見

其父傳後或即此王浚而誤為峻歟

梁又有濟陽內史王曠集五卷錄一卷亡 琅邪

晉書王羲之傳羲之司徒導之從子也父曠

淮南太守元帝之過江也曠首創其議

唐書世系表王氏避秦亂徙瑯邪臨沂都鄉

南仁里晉宗正卿即邱貞子覽第四子正晉

尚書郎三子曠曠彬 覽太保王祥弟原有集見後

江左人文中

唐書經籍藝文志王曠集五卷

嚴氏全晉文編曰王曠王廙弟惠帝時侍中

出為丹陽太守永嘉中為淮南內史有集五

卷魏志裴潛傳注有與東海王越書御覽三

百三十七有與揚州論討陳敏計二條 案顧

榮傳廣陵相陳敏反南渡江逐揚州刺史劉繇丹陽內史

王曠則此題澤陽當為丹陽懷帝永嘉三年紀又稱淮南

內史

晉散騎常侍裴嵩集一卷梁二卷錄一卷

晉書文苑裴嵩傳嵩穎川長社人也子腆弟

嵩字臺產才藝尤美為太子中庶子散騎常

侍為石勒所殺又王浚傳浚欲討石勒使嵩當諸

軍屯易水又曰劉琨為劉聰所迫諸將亂游士多歸于浚

浚日以彌盛乃設壇告類建立皇太子備置衆官浚自領

尚書令以裴嵩裴嵩並為尚書又使嵩監司冀并兗諸軍

事行安北將軍此嵩為散騎常侍以後事也後與浚並為

石勒所殺時愍帝建興二年也

太平御覽文部文士傳曰棘嵩見陸雲作逸民賦嵩以為丈夫出身不為孝子則為忠臣必欲建功立策為國宰輔遂作官人賦以反雲之賦

唐書經籍藝文志棗高集二卷

梁又有襄陽太守棗腆集二卷錄一卷亡

晉書文苑棗據傳據子腆字玄方亦以文章顯永嘉中為襄城太守

唐書經籍藝文志棗腆集二卷

馮氏詩紀輯存贈答石季倫詩各一篇

晉太尉劉琨集九卷梁十卷劉琨別集十二卷

晉書本傳琨字越石中山魏昌人漢中山靖王勝之後也琨少得雋朗之目與范陽祖納俱以雄豪著名年三十六為司隸從事時征虜將軍石崇河南金谷澗中有別廬冠絕時輩引致賓客日以賦詩琨預其間文詠頗為當時所許祕書監賈謐參管朝政京師人士無不傾心石崇歐陽建陸機陸雲之徒並以文才降節事謐琨兄弟亦在其間號曰二十四友累以勳封廣武侯進司空都督并冀幽三州諸軍事為石勒所敗奔匈奴段匹磾匹磾與琨結婚約為兄弟啗血載書期討石勒元帝初轉侍中太尉後為匹磾所拘自知必死為五言詩贈其別駕盧謐詩託意非常

據暢幽憤遠想張陳感鴻門白登之事用以激謐謐素無奇略以常辭酬和殊乖琨心大興元年為匹磾所害時年四十八謐曰愍

鍾嶸詩品曰郭景純用儻上之才變創其體越石仗清剛之氣贊成其美然彼衆我寡未能動俗

文心雕龍祝盟篇曰劉琨鐵誓精貫霏霜而無補于晉反為仇讎故知信不由衷盟無益也又章表篇曰劉琨勸進陳事之美表也

唐書經籍藝文志劉琨集十卷宋史藝文志同

崇文總目劉琨集十卷又曰劉琨詩集十卷

陳氏書錄解題曰劉司空集十卷晉司空中山劉琨越石撰前五卷差全可觀後五卷闕

誤或一卷數行或斷續不屬殆類鈔節者未

卷劉府君誄尤多訛未有別本可以正

馮氏詩紀輯存答盧謐詩八首重贈盧謐詩

一首扶風歌一首胡姬年十五一首

張氏百三家輯本一卷凡表牋書盟文誄詩

四十餘篇序曰劉司空集在宋時已多闕誤

今日欲觀全書未可得也晉元渡江無心北

伐越石再三上表辭雖勸進義切復讎讀者

苟有胸腹能毋慷慨

汪氏文選撰人篇目晉劉越石琨有答盧謐

詩贈盧謐詩扶風歌勸進表

嚴氏全晉文編劉琨有集十卷別集十二卷

今存表八篇上言一篇薦任光文一篇牋三

篇書七篇檄誄盟文各一篇

晉司空從事中郎盧謐集十卷梁有錄一卷

盧謐有雜祭法見經部禮類

晉書盧欽附傳謐清敏有理思好老莊善屬

文注莊子及文集皆行於世

魏志盧毓傳注毓植之第四子毓子欽珽珽次子志志子謐字子諒温嶠表稱謐清飭有文思謐別傳曰謐善著文章

鍾嶸詩品曰晉太尉劉琨中郎劉湛詩其源出于王粲劉湛當為盧謐善為悽戾之辭自有清拔之氣琨既體良才又罹厄運故善敘喪亂多感恨之辭中郎仰之微不逮者矣

文心雕龍才略篇曰劉琨雅壯而多風盧謐情發而理昭亦遇之於時勢也

唐書經籍藝文志盧謐集十卷舊志誤作盧謐

馮氏詩紀輯存贈劉琨詩重贈劉琨等詩凡

八篇二十七首

汪氏文撰撰人篇目晉盧子諒謐有覽古詩

贈劉琨詩贈崔溫詩答魏子悌詩時興詩

嚴氏全晉文編盧謐有集十卷今存賦十篇

表書各一篇誄二篇祭法六條

晉祕書丞傅暢集五卷梁有錄一卷

傅暢有晉諸公贊見史部雜史類

唐書經籍藝文志傅暢集五卷

嚴氏全晉文編傅暢有集五卷今惟見御覽

引自敘二條

右晉中朝人文凡五十四家附梁有七十

家通計一百二十四家一百二十六部是

為別集類分篇第四內山濤劉琨二家各有別

本一部

隋書經籍志考證卷三十九之五

集部二之五

別集類五東晉

梁又有晉明帝集五卷錄一卷亡

晉書本紀帝諱紹字道畿元帝長子元帝為

晉王立為晉太子及即尊號立為皇太子有

文武才略欽賢愛客雅好文辭當時名臣自

王導庾亮溫嶠桓彝阮放等咸見親待嘗論

聖人真假之意導等不能屈又習武藝善撫

將士於時東朝濟濟遠近屬心焉永昌元年

閏月庚寅即皇帝位改元太寧在位三年崩

年二十七帝聰敏有機斷尤精物理時兵凶

歲飢死疫過半虛弊既甚事極艱虞屬王敦

挾震主之威將移神器帝崎嶇遵養以弱制

強潛謀獨斷廓清大禮改授荆湘等四州以

分上流之勢撥亂反正強本弱枝雖享國日

淺而規模弘遠矣

文心雕龍時序篇曰元皇中興披文建學逮

明帝秉哲雅好文會升儲御極孳孳講藝練

情於誥策振采於辭賦庚以筆才逾親溫以

文思益厚揄揚風流亦彼時之漢武也

唐書經籍藝文志晉明帝集五卷

嚴氏文編曰晉明帝有集五卷今存蟬賦及

詔册書凡二十九篇編為一卷

梁又有簡文帝集五卷錄一卷亡

簡文帝有談疏六卷見子部道家

晉書本紀帝少有風儀善容止留心典籍不

以居處為意凝塵滿席湛如也遺詔以桓溫

輔政溫威振內外帝雖處尊位拱默守道而已又史臣曰簡皇以虛白之姿在屯如之會政自桓氏祭則寡人

文心雕龍時序篇曰簡文勃興淵乎清峻微言精理函滿玄席澹思濃采時灑文囿

唐書經籍藝文志晉簡文帝集五卷

嚴氏全晉文編簡文帝有集五卷今存詔表奏箋書凡十二篇

梁又有孝武帝集二卷錄一卷亡

晉書本紀帝諱曜字昌明簡文帝第三子也

咸安二年秋七月乙未立為皇太子是日簡文帝崩帝即位改元二曰寧康曰太元在位

二十四年為張貴人所弑暴崩時年三十五

又王珣傳孝武帝雅好典籍珣與殷仲堪徐

逸王恭郗恢等並以才學文章見昵於帝

又殷仲堪傳仲堪善屬文孝武帝召為太子

中庶子甚相親愛帝嘗示仲堪詩乃曰勿以

己才而笑不才

又徐邈傳孝武帝始覽典籍招延儒學之士

邈處西省前後十年帝宴集酣樂之後好為

手詔詩章以賜侍臣或文詞率爾所言穢雜

邈每應時收斂還省刊削皆使可觀經帝重

覽然後出之是時侍臣被詔者或宣揚之故

時議以此多邈案謝邈傳亦有是事疑即徐邈本

而傳譌為謝邈也 又徐邈弟廣孝武世典校秘書省增

置省職崇文總目舊序云東晉三千一十四卷李充校孝

武增益三萬餘卷徐度校徐度似徐廣之誤蓋當時亦體

漢孝成故事大收篇籍也

文心雕龍時序篇曰元皇中興披文建學明帝秉哲雅好文會及成康促齡穆哀短祚簡

文勃興淵乎清峻至孝武不嗣安恭已矣自

中朝貴玄江左稱盛因談餘氣流成文體是

以世極述邈而辭意夷泰詩必柱下之指歸

賦乃漆園之義疏故知文變染乎世情與廢

繫乎時序者矣

嚴氏全晉文編孝武帝有集二卷今存詔書帖凡三十八篇

梁又有彭城王紘集二卷亡

晉書宗室傳彭城穆王權宣帝弟植之子也

武帝受禪封彭城王薨子元王植立薨子康

王釋立釋子紘字偉德元帝即位拜散騎侍

郎翊軍校尉前將軍既嗣立拜國子祭酒散

騎常侍大宗正祕書監有風疾性理不恆或

欲上疏陳事歷示公卿又杜門讓還章印貂

蟬著杜門賦以顯其志由是更拜光祿大夫

領大宗師常侍如故後疾甚馳聘無度詔解

職養疾咸康八年薨

唐書經籍藝文志彭城王集八卷案此八卷似

與下謙王集三卷互誤

嚴氏全晉文編彭城王紘有集二卷御覽六

百五十七引晉書有上言宜勅作樂賢堂佛

像頌一篇 案晉書藝文傳彭城王紘上言樂賢堂有

先帝手畫佛像經歷寇難而此堂猶存宜勅作頌帝下其

議議疑之

梁又有譙烈王集九卷錄一卷亡

晉書宗室傳譙剛王遜宣帝弟進之子也武

帝受禪封譙王次子閔王承渡江嗣父遜為譙王承子烈王無忌字公壽咸和中拜散騎侍郎屯騎校尉中書黃門侍郎建元初遷御史中丞出為輔國將軍長沙江夏相南郡河東太守隨桓溫伐蜀以勳進號前將軍永和六年薨

本志總集類梁有晉中丞司馬無忌奏事十三卷亡

唐書經籍藝文志晉譙王集三卷案譙王不止一人此但題譙王若非七錄明著其謚幾莫辨為何人之作矣 又此三卷似與前彭城王集八卷卷數互易 又章氏考證謂世說注引司馬無忌傳蓋即此譙烈王別傳也

嚴氏全晉文編譙王無忌有集九卷北堂書鈔有圓竹扇賦宋書禮志有京兆府君遷主議通典有王允之表郡名與祖名同乞改授議凡三篇

晉會稽王司馬道子集八卷梁九卷

晉書簡文三子傳會稽文孝王道子字道子少以清澹為謝安所稱年十歲封琅邪王後封會稽王安帝即位累進太傅揚州牧領司徒元興元年桓玄奏道子醜縱不孝當棄市詔徙安成郡使御史杜竹林防衛竟承玄旨耽殺之時年三十九玄收追贈丞相

唐書經籍志晉會稽王集八卷 宋刻本不著卷數

唐書藝文志晉會稽王道子集八卷

嚴氏全晉文編會稽王道子諡曰文孝王世

說言語篇注作孝文王有集八卷今存疏啓書七篇

梁又有鎮東從事中郎傅毅集五卷亡 傅毅始末未詳

唐書經籍志傅毅集五卷

晉衡陽內史曾瓌集三卷梁四卷錄一卷 瓌當為瓌始末未詳

唐書經籍藝文志曾瓌集五卷

嚴氏全晉文編曰曾瓌為衡陽內史有集三卷通典卷九十有為舊君服議一篇

梁又有驃騎將軍顧榮集五卷錄一卷亡

晉書本傳榮字彥先吳國吳人也為南土著姓祖雍吳丞相父穆宜都太守榮機神明悟弱冠仕吳為黃門郎太子輔義都尉吳平與陸機兄弟同入洛時人號為三俊例拜為郎中歷尚書郎太子中舍人廷尉正中書侍郎以討葛旗功封嘉興伯後還吳元帝鎮江東以為軍司加散騎常侍凡所謀畫皆以諮焉榮既南州望士躬處右職朝野甚推敬之永嘉六年卒官以討陳敏功表贈侍中驃騎將軍開府儀同三司諡曰元及帝為晉王追封為公開國食邑千戶

唐書經籍志晉顧榮集二卷藝文志五卷

嚴氏全晉文編顧榮有集五卷今存上安東將軍箋上書言南土人士與親故書與楊彥明書鄉人書凡五篇

晉司空賀循集十八卷梁二十卷錄一卷

賀循有喪服要見經部禮類

晉書本傳循操尚高厲言行進止必以禮讓又曰少玩篇籍善屬文

又史臣曰元帝樹基淮海夢想羣材其康熙績顧紀賀薛等並南金東箭世胄高門而循位登保傅朝望特隆遂使鸞蹕降臨承明下拜雖西漢之恩崇張禹東都之禮重桓榮弗是過也 晉書列傳二十八以顧榮紀贈賀循薛兼為一卷也

又王導傳元帝徙鎮建康導進計曰顧榮賀循此土之望未若引之以結人心二子既至則無不來矣帝乃使導躬造循榮二人皆應命而至由是吳會風靡百姓歸心也導又言顧榮賀循紀瞻周玕皆南土之秀願盡優禮帝納焉

唐書經籍藝文志賀循集二十卷

嚴氏全晉文編賀循有集二十卷今存上表上言答問答難議書論祭儀宗義葬禮喪服要記等凡四十一篇

梁又有散騎常侍張杭集二卷錄一卷亡 杭當為元

晉書張載傳載安平人也載弟協協弟元字季陽才藻不逮二昆亦有屬綴又皆音樂伎術時人謂載協亢陸機雲曰二陸三張中興初過江拜散騎侍郎祕書監荀崧舉元領佐著作郎出補烏程令入為散騎常侍復領著作述曆贊一篇見律曆志

唐書經籍藝文志張杭集二卷 新志一本作三卷

梁又有車騎長史賈彬集三卷錄一卷亡

賈彬或作賈霖始末並未詳

唐書經籍藝文志賈霖集三卷

嚴氏全晉文編賈彬為車騎長史有集三卷

藝文類聚初學記引箏賦一篇

晉光祿大夫衛展集十二卷梁十五卷

晉書衛瓘傳瓘河東安邑人也子恆恆族弟

展字道舒歷尚書郎南陽太守永嘉中為江

州刺史累遷晉王大理詔有考子證父或鞭

父母問子所在展以為恐傷正教並奏除之

中興建為廷尉上疏宜復肉刑語在刑法志

卒贈光祿大夫

唐書經籍藝文志衛展集十四卷

嚴氏全晉文編衛展有集十五卷初學記有

陳諺言表刑法志及通典有上書言祖父不

合從坐上言宜復肉刑凡三篇

梁又有東晉太尉荀俎集三卷錄一卷亡 俎當為組

晉書荀勗傳勗潁川潁陰人有子其達者

韓藩組組字大章弱冠太尉王衍見而稱之

曰夷雅有才識初為司徒左西屬累遷至愍

帝時進封臨潁縣公位太尉領豫州牧及西

都守不守組乃遣使移檄天下共勸進元帝以

組為司徒錄尚書事永昌初遷太尉未拜薨

年六十五諡曰元

唐書經籍藝文志荀俎集二卷 新志別本作一

卷

嚴氏全晉文編荀俎有集三卷今存表二篇

議一篇

晉祕書郎張委集九卷梁五卷

張委始末未詳

案嚴氏全宋文編云太平御覽三百五十

八有張委九愍一篇張委爵里未詳御覽

列於顏延之後殷球之前知是宋人宗案

或即此張委未可知也

梁又有關內侯傅珉集一卷亡

傅珉始末未詳

梁又有光祿大夫周顥集二卷錄一卷亡

晉書周浚傳浚汝南安成人也以平吳功封

成武侯代王渾為使持節都督揚州諸軍事

安東將軍卒於位三子顥嵩謨嗣爵字伯

仁少有重名神采秀徹人士宗附之弱冠襲

父爵拜祕書郎累遷尚書吏部郎元帝鎮江

左為軍諮祭酒中興建補吏部尚書左僕射

領吏部王敦搆逆與戴若思俱被害時年五

十四敦卒追贈左光祿大夫議同三司諡曰

康

唐書經籍藝文志周顥集二卷

嚴氏全晉文編周顥有集二卷本傳載讓太

子少傅表刑法志及通典載復肉刑議凡二

篇

晉太常謝鯤集六卷梁二卷

晉書本傳鯤字幼輿陳國陽夏人少知名通

簡有高識不修威儀好老易能歌善鼓琴王

衍稽紹並奇之左將軍王敦引為長史以討

杜弢功封咸寧亭侯為敦大將軍長史敦不

臣之迹顯於朝野鯤知不可以道匡弼乃優

游寄寓不屑政事從容諷議卒歲而已每與

畢卓王尼阮放羊曼桓彝阮孚等縱酒後敦

出鯤為豫章太守卒官年四十三敦死後追

贈太常諡曰康

唐書經籍志謝鯤集二卷

唐書藝文志謝鯤集二卷

嚴氏文編曰謝鯤爵里未詳藝文類聚三引

琨秋夜長一條以為宋人下文稱蘇彥何瑾

伏系之皆為宋人知諸宋字皆晉之誤琨與

混形相近今姑編於謝混之後俟考

案晉書王廙傳明帝與大將軍溫嶠書曰

痛謝琨未絕於口世將復至於此並盛年

儒才不遂其志廙明古多通鯤達有識致

史文於此數語之中已見鯤互見舊新唐

志亦鯤琨互異知琨即為鯤即此謝鯤非

兩人謝衡之子也 衡有集見前中朝人文中

又溫嶠傳亦以鯤為琨 又世說嘗嘗篇注有謝鯤

元化論序嚴氏未采又有樂廣別傳

晉驃騎將軍王廙集十卷梁三十四卷錄一卷 珉

邪

王廙有周易注見經部易家

晉書本傳廙少能屬文多所通涉工書畫善

音樂射御博奕雜伎元帝即位上疏曰臣少

好文學志在史籍而飄放選外常與桀寇為

對臣犬馬之年四十三矣未能上報天施而

響負屢彰恐先朝露填溝壑令微情不得上

達謹竭其頑獻中興賦一篇雖未足以宣揚

盛美亦是嗟歎之義也又曰臣還京都陛下見臣白兔命臣作賦

唐張彥遠歷代名畫記曰虞善屬詞工書畫過江後爲晉代書畫第一又曰虞畫爲晉明帝師書爲右軍法時右軍亦學畫於虞虞畫孔子十弟子贊云余兄子羲之幼而岐嶷必將隆余堂構今始年十六學藝之外書畫過目便能就余請書畫法余畫孔子十弟子圖以勵之嗟爾羲之可不勸哉畫乃吾自畫書乃吾自書吾餘事雖不足法而書畫固可法欲汝學書則知積學可以致遠學畫可以知師弟子行己之道又各爲汝贊之注云見虞本集案此即所作畫贊序也嚴氏輯文遺之又嚴氏據初學記十七輯存宰我贊四句即此十贊中之一

唐書經籍藝文志王廙集十卷

嚴氏全晉文編王廙有集三十四卷今存洛都賦思逸民賦笙賦白兔賦春可樂中興賦上疏書帖宰我贊保傅箴婦德箴凡十篇梁又有華譚集二卷亡

華譚有新論見子部儒家

晉書本傳譚好學不倦爽慧有口辯爲鄰里所重太康中刺史嵇紹舉譚秀才將行別駕陳總餞之因問曰思賢之主以求才爲務進取之士以功名爲先何仲舒不仕武帝之朝賈誼失分漢文之世此吳晉之滯論可辯此理而後別至洛陽武帝親策之時九州秀孝策無逮譚者譚素以才學爲東土所推同郡劉頌時爲廷尉見之歎息曰不圖鄉里乃有

如此才也爲甄城令過濮水作莊子贊以示功曹而廷掾張延爲作答教其文甚美譚異而薦之又舉寒族周訪爲孝廉領郡大中正薦于寶范珖於朝爲祕書監時晉陵朱鳳吳郡吳震並舉行清修老而未調譚皆薦爲著作佐郎戴若思弟逸譚女壻也譚平時常抑若思而進逸若思每銜之迨用事恆毀譚於帝由是官塗不至每懷缺望云

唐書經籍藝文志華譚集二卷二志皆列之西晉人中非是

嚴氏全晉文編華譚有集二卷今存尙書二曹論舉秀才對策上箋求退對別駕陳總問遺顧榮等書移前松滋令袁甫并新論佚文凡七篇

晉御史中丞熊遠集十二卷梁五卷錄一卷

晉書本傳遠字孝文豫章南昌人也有志向州舉秀才除監軍華軼司馬領武昌太守寧遠護軍元帝作相引爲主簿累遷御史中丞侍中補會稽內史王敦作逆諷朝廷徵遠還拜太常敦深憚其正而有謀引爲長史數月病卒

唐書經籍藝文志熊遠集五卷

嚴氏全晉文編熊遠有集十二卷今存表疏奏議啓凡九篇

梁又有湘州秀才谷儉集一卷亡

晉書甘卓傳卓遷湘州刺史中興初以邊寇未靜學校陵遲特聽不試孝廉而秀才猶依舊策試卓上疏以爲答問損益當須博古通

今明達政體必求諸墳索乃堪其舉臣所忝州往遭寇亂學校久替人士流播不得比之餘州策試之由常藉學功謂宜同孝廉例中與期限疏奏朝議不許卓於是精加隱括備禮舉桂陽谷儉爲秀才儉辭不獲命州厚禮遣之諸州秀才聞當考試皆憚不行惟儉一人到臺遂不復策試儉恥其州少士乃表求試以高第除中郎儉少有志行寒苦自立博涉經史於時南土凋荒經籍道息儉不能遠求師友唯在家研精雖所得實深未有名譽又恥銜耀取遂歸終身不仕卒於家

嚴氏全晉文編曰谷儉字士風湘州桂陽人中興初刺史甘卓舉秀才策試高第除中郎尋歸不復仕有集一卷太平御覽引角賦通典有夫沒歸宗未嫁而亡爲服議凡二篇梁又有大鴻臚周嵩集三卷錄一卷亡

晉書周浚傳浚汝南安成人三子顯嵩嵩字仲智狷直果俠每以才氣陵物元帝作相引爲參軍及帝爲晉王拜奉朝請以諫稱尊號忤旨出爲新安太守更拜御史中丞是時帝以王敦勢盛漸疎忌王導等嵩上疏奏帝感悟故導等獲全王敦既害顯而使人弔嵩用爲從事中郎後誣嵩及周筵潛相署置遂害之又王敦傳明帝下詔罪狀敦曰周嵩亮直謹言敢

唐書經籍藝文志周嵩集三卷

嚴氏全晉文編曰嵩爲王敦所害敦平追贈大鴻臚有集三卷今惟見本傳載上晉王疏

諫疎忌王導等疏凡二篇

晉弘農太守郭璞集十七卷梁十卷錄一卷

郭璞有毛詩拾遺見經部詩家

晉書本傳璞好經術博學有高才而訥於言

論辭賦爲中興之冠著江賦其辭甚偉爲世

所稱後復作南郊賦帝見而嘉之數言便宜

多所匡益明帝在東宮與溫嶠庾亮並有布

衣之好璞亦以才學見重埒於嶠亮論者美

之自以才高位卑乃著客傲所撰注數十萬

言所作詩歌誄頌亦數萬言皆傳於世

世說文學篇注續晉陽秋曰魏正始中王弼

何晏好莊老玄勝之談而世遂貴焉至過江

佛理尤盛故郭璞五言始會合道家之言而

韻之其後許詢孫綽轉相祖尚

鍾嶸詩品曰永嘉時貴黃老稍尙虛談於時

篇什理過其辭淡乎寡味爰及江表微波尙

傳郭景純用儒上之才變創其體又曰晉弘

農太守郭璞詩憲章潘岳文體相輝彪炳可

翫始變永嘉平淡之體故稱中興第一翰林

以爲詩首但游仙之作辭多慷慨乖遠玄宗

而云奈何虎豹姿又云戢翼棲榛梗乃是坎

壘詠懷非列仙之趣也

文心雕龍明詩篇曰江左篇製溺乎玄風嗤

笑徇務之志崇盛亡機之談袁孫已下雖各

有彫采而辭趣一揆莫與爭雄所以景純仙

篇挺拔而爲俊矣又詮賦篇曰景純綺巧釋

理有餘雜文篇云景純客傲情見而采蔚才

略篇云景純艷逸足冠中興郊賦既穆穆以

大觀仙詩亦飄飄而凌雲矣

唐書經籍藝文志郭璞集十卷 宋史藝文志六

卷

馮氏詩記輯存贈溫嶠贈潘尼游仙詩無題

詩十九首

張氏百三家郭弘農集輯本凡賦疏表序設

難哀策文爲一卷山海經圖贊爾雅圖贊及

詩爲一卷

汪氏文選撰人篇目晉郭景純璞有江賦游

仙詩

嚴氏全晉文編輯存巫咸山賦江賦鹽池賦

井賦流寓賦南郊賦登百尺樓賦蜜蜂賦蚍

蜚賦龜賦凡十篇表一篇疏五篇奏二篇客

傲爾雅方言山海經注序爾雅圖贊四十八

山海經圖贊二百六十六元皇帝哀策文編

爲四卷

晉張駿集八卷殘缺

晉書張軌傳軌安定烏氏人漢常山王耳十

七代孫也以惠帝永寧初出爲護羌校尉涼

州刺史由是遂霸河西在州十五年卒子寔

嗣在位六年卒弟茂攝州事在位五年卒寔

子駿嗣位駿字公庭幼而奇偉十歲能屬文

卓越不羈有計略勤脩庶政總御文武咸得

其用遠近嘉詠號曰積賢君自軌據涼州屬

天下之亂所在征伐軍無寧歲至駿境內漸

平在位二十二年卒時年四十私諡曰文公

穆帝追諡忠成公

文心雕龍章表篇曰劉琨勸進張駿自序文

致耿介並陳事之美表也

馮氏詩記輯存雍露行東門行各一篇

嚴氏全晉文編輯前涼張駿建興末封霸城侯

太寧二年嗣茂位劉曜拜爲涼州牧涼王猶

奉愍帝年號稱建興十二年後又稱藩於李

雄石勒至咸和八年猶稱建興二十一年至

永和二年卒在位二十三年有集八卷本傳

載上疏請討石虎李期下令境中御覽載山

海經圖贊二條凡三篇

晉大將軍王敦集十卷瑣耶

晉書叛逆傳王敦字處仲司徒導之從父兄

也眉目疎朗性簡脫有鑒裁學通左氏尤好

清談時人莫知惟族兄戎異之洗馬潘滔見

而目之曰處仲蜂目已露但豺聲未振若不

噬人亦當爲人所噬明帝太寧二年病死有

司議曰王敦滔天作逆有無君之心宜依崔

杼王凌故事剖棺戮尸以彰元惡於是發瘞

出口焚其衣冠踣而刑之懸於南桁觀者莫

不稱慶史臣曰琅邪之初鎮建業龍德猶潛

雖當壁膺圖預定於冥兆豐功厚利未被於

黎氓王敦歷官中朝威名夙著作牧淮海望

實逾隆遂能弼成王度光佐中興此功固不

細也既而負勳高而圖非望恃勢偪而肆驕

陵震隙起自刁劉禍難成於錢沈興晉陽之

甲纒象魏之兵蜂目既露豺聲又發擅竊國

命殺害忠良遂欲篡盜乘輿逼遷龜鼎賴嗣

君英略股肱戮力用能運茲廟算殄彼凶徒

載清天步

唐書經籍藝文志王敦集五卷

嚴氏全晉文編曰王敦祥弟覽之孫有集十

卷今存表疏書凡十篇

梁有吳興太守沈充集二卷亡

晉書叛逆王敦傳永昌元年敦率衆內向以

誅劉隗爲名又上表罪狀刁協敦黨吳興人

沈充起兵應敦敦以沈充錢鳳爲謀主諸葛

瑤鄧嶽周撫李恆謝雍爲爪牙充等並凶險

驕恣共相驅扇殺戮自己又大起營府侵人

田宅發掘古墓剽掠市道士庶解體咸知其

禍敗焉後周光斬錢鳳吳儒斬沈充並傳首

京師於是戮敦尸與充首同日懸於南桁又

曰充字士居好兵書頗以雄豪聞於鄉里敦

引爲參軍充因薦同郡錢鳳敦以爲鏡曹參

軍數得進見知敦有不臣之心因進邪說遂

相朋構專弄威權言成禍福充敗歸吳興亡

失道誤入其故將吳儒家儒誘充殺之

嚴氏全晉文編曰沈充吳興武康人爲王敦

參軍遷吳興太守從敦舉兵敗歸爲故將吳

儒所殺有集二卷類聚御覽引充鵝賦序一

篇
梁有散騎常侍傅純集二卷錄一卷亡

傅純始末未詳

唐書經籍藝文志傅純集二卷

嚴氏全晉文編曰傅純元帝初爲太常博士

累遷散騎常侍有集二卷類聚有雉賦通典

有議及難凡四篇

晉光祿大夫梅陶集九卷梁二十卷錄一卷亡

梅陶有梅子新論一卷見子部儒家

唐書經籍藝文志梅陶集十卷

馮氏詩紀輯存怨詩行一篇

嚴氏全晉文編梅陶有集二十卷御覽有鵬

鳥賦序自敘陶侃傳有與曹識書凡三篇

梁又有金紫光祿大夫荀邃集二卷錄一卷亡

晉書荀助傳助子藩藩子邃字道玄解音樂

善談論弱冠辟趙王倫相國掾數遷至愍帝

時加左將軍爲陳留相襲父爵西華縣公東

渡江元帝以爲軍諮祭酒拜侍中歷太常尙

書卒贈金紫光祿大夫諡曰靖

唐書經籍藝文志荀邃集二卷舊志誤作荀

晉散騎常侍王覽集九卷梁五卷覽當爲鑿

晉書本傳鑿字茂高堂邑人也父濬御史中

丞鑿少以文筆著稱初爲元帝琅邪國侍郎

時杜弢作逆江湘流弊王敦不能制朝廷深

以爲憂鑿上疏勸帝征之帝深納焉即命中

外戒嚴會弢已平而中止中興建拜駙馬都尉

奉朝請出補永興令卒時年四十一文集傳

於世弟濤

唐書經籍藝文志王鑿集五卷

馮氏詩紀輯存七夕詩一篇

嚴氏全晉文編曰書鈔御覽有竹簟賦本傳

有勸親征杜弢疏凡二篇

梁又有晉著作佐郎王濤集五卷亡

王濤有三國志序評見史部正史類

唐書經籍藝文志王濤集五卷
梁又有廷尉卿阮放集十卷錄一卷亡

晉書阮籍附傳阮孚族弟放字思度少與平

並知名中興除太學博士太子中舍人庶子

時雖戎車屢駕而放侍太子常說老莊不及

軍國明帝甚友愛之轉黃門侍郎吏部郎除

監交州軍事揚威將軍交州刺史到州少時

卒朝廷甚悼惜之年四十四追贈廷尉

唐書經籍藝文志阮放集五卷

梁又有宗正卿張俊集五卷錄一卷亡 俊當爲

俊

文選張士然表注孫盛晉陽秋曰張俊字士

然吳國人也元康中吳令謝詢表爲孫氏置

守家人俊爲其文詔從之晉百官名曰俊爲

太子庶子 汪氏文選撰人篇目曰晉張士然俊求爲

諸孫置守家表

唐書經籍志張俊集二卷 一本又誤作張峻

唐書藝文志張俊集二卷 一本又誤作張峻

嚴氏全晉文編曰張俊字士然吳國人有爲

吳令謝詢求爲諸孫置守家人表又曰張俊

一作俊爲宗正卿有集五卷藝文類聚九十

五引白兔頌一篇案嚴氏以張俊張峻爲二人蓋未

詳考張俊即張峻之誤也然非唐藝文志明條宋本亦

幾無以證正矣俊官中朝至太子庶子過江左至宗正獻

又王廙奏中興賦表曰及臣遷京都陛下見臣白兔命臣

作賦云云此白兔頌當亦作於其時 又通志藝文略作

張俊是宋本隋書不誤

梁又有汝南太守應頌集二卷亡

應頌始末未詳
唐書藝文志應頌集二卷

嚴氏全晉文編曰應頌為汝南太守有集二卷藝文類聚五有祝祖文一篇

梁又有金紫光祿大夫張闔集二卷錄一卷亡

晉書本傳闔字敬緒丹陽人吳輔吳將軍昭之曾孫也少有志操太常薛兼進之於元帝言闔才幹貞固當今之良器即引為安東參軍轉丞相從事中郎帝為晉王拜給事黃門侍郎以佐翼勳賜爵丹陽縣侯遷侍中帝踐阼出補晉陵內史免官後詔為大司農遷尚書蘇峻之役王導潛與闔謀招集三吳義兵以討峻峻平賜爵宜陽伯遷廷尉以疾解職拜金紫光祿大夫尋卒時年六十四闔牋表文議傳於世

唐書經籍藝文志張闔集三卷

嚴氏全晉文編張闔有集三卷今存表議難凡三篇

梁又有揚州從事陸沈集二卷錄一卷亡

陸沈始末未詳案前注梁有揚州從事陸沈集二卷錄一卷此陸沈似即陸沖故唐經籍志不重出

唐書藝文志陸沈集二卷

梁又有驃騎將軍卞壺集二卷錄一卷亡

晉書本傳壺字望之濟陰冤句人也父粹中書令封成陽公為長沙王又所害壺弱冠有名譽永嘉中除著作郎襲父爵累遷御史中丞以滅王含功封建寧縣公明帝不豫領尚書令與王導等俱受顧命成帝即位皇太后臨朝與庾亮對直省中共參機要亮徵蘇峻壺固爭不得峻果稱兵六軍敗績壺苦戰死

之時年四十八贈侍中驃騎將軍開府儀同三司諡曰忠貞二子珍肝見父沒相隨赴賊同時見害贈散騎侍郎肝奉車都尉

又史臣曰卞壺束帶立朝以匡正為己任褻裳衛主蹈忠義以成名遂使臣死於君子死於父惟忠與孝萃其一門古稱社稷之臣忠貞之謂矣

唐書經籍藝文志卞壺集二卷

嚴氏全晉文編曰卞壺有集二卷今存表奏議牋凡十一篇

梁又有光祿勳鍾雅集一卷亡

晉書本傳雅字彥胃潁川長社人好學有才思舉四行除汝陽令入為佐著作郎尚書郎避亂東渡元帝以為丞相記室參軍累遣侍中蘇峻之難王師敗績雅與劉超並侍衛天子明年並與超為賊所害賊平追贈光祿勳嚴氏全晉文編曰鍾雅傳有奏改太廟祝文奏劾尚書梅陶各一篇

梁又有衛尉卿劉超集二卷亡

晉書本傳超字世瑜琅邪臨沂人漢城陽景王章之後也超少有志尚為琅邪國記室掾以忠謹清慎為元帝所拔遂從渡江轉安東府舍人專掌文檄以左右勤勞賜爵原鄉亭侯中興建為中書舍人拜騎都尉奉朝請時臺閣初建庶績未康超職典文翰而畏慎靜密彌見親待後從明帝征錢鳳封零陵伯蘇峻謀逆超為右衛將軍與侍中鍾雅並遇害追贈衛尉諡曰忠超天性謹慎歷事三帝恆

在機密並蒙親遇而不敢因寵驕諂故士人皆安而敬之

又史臣曰鍾雅正直當官劉超勤肅奉上屬巨猾滔天幼君危偪乃崎嶇寇難契關艱虞雖高赫在難彌恭苟息繼之以死方之二子曾何足云又贊曰鍾劉入仕忠貞攸履竭其股肱繼之以死

唐書經籍藝文志劉超集二卷

嚴氏全晉文編劉超有集二卷御覽書鈔淳化開帖存表二條書一條

梁又有衛將軍戴邈集五卷錄一卷亡

晉書戴若思傳若思名淵唐人避諱故稱其字廣陵人也弟邈字望之少好學尤精漢史才不逮若思儒博過之弱冠舉秀才遷太子洗馬永嘉中元帝版行邵陵內史丞相軍諮祭酒於時凡百草創學校未立邈上疏言之於是始脩禮學代劉隗為丹陽尹王敦作逆加左將軍及敦得志而若思遇害邈坐免官敦誅拜尚書僕射卒官贈衛將軍諡曰穆

唐書經籍藝文志戴邈集五卷

嚴氏全晉文編戴邈有集五卷今惟本傳及宋書禮志載上表請立學校一篇

協共定中興禮儀轉太常大寧初以平王敦功更封平樂伯遷右光祿大夫開府儀同三司錄尚書領祕書監年雖衰老而孜孜典籍世以此嘉之咸和三年薨年六十七贈侍中諡曰敬

嚴氏全晉文編荀崧有集一卷今存疏議答問書凡六篇

晉大將軍溫嶠集十卷梁錄一卷

晉書本傳嶠字太真司徒羨弟愴之子也羨太原祁人懷帝時司徒性聰敏有識量博學能屬

文少以孝悌稱於邦族風儀秀整美於談論大將軍劉琨妻嶠之從母也屢為琨將兵討石勒為之謀主琨所憑恃焉屬二都傾覆元帝初鎮江左琨使嶠奉表勸進帝器而嘉之王導周顛謝琨庾亮桓彝等並與親善會琨為段匹磾所害除散騎侍郎歷驃騎王導長史遷中庶子太子與為布衣之交數陳規諷又獻侍臣箴甚有弘益明帝即位拜侍中機密大謀皆所參綜詔命文翰亦悉豫焉王敦平封建寧縣開國公是時天下凋弊國用不足詔公卿以下詣都坐論時政之所先嶠因奏軍國要務七事多納之帝疾篤與王導鄒鑿庾亮陸曄卞壺等同受顧命咸和初代應詹為江州刺史持節都督平南將軍鎮武昌蘇峻反京師傾覆而庾亮來奔乃遣督護王愨期奉陶侃為盟主於是列上尚書陳峻罪狀灑泣登舟移告四方征鎮侃雖為盟主而處分規略一出於嶠及賊滅拜驃騎將軍開

府儀同三司加散騎常侍封始安郡公還鎮武昌未旬而卒時年四十二贈侍中大將軍持節都督刺史公如故諡曰忠武陶侃上表曰故大將軍嶠忠誠著於聖世勳義感於神人非臣筆墨所能稱陳臨卒之際與臣書別臣藏之篋笥時時省視每一思述未嘗不中夜撫膺臨飯酸噎人之云亡嶠實當之謹寫嶠書上呈案是書今不傳

唐書經籍藝文志孔坦集五卷
曲阜孔繼汾闕里文獻考孔氏別集有先聖二十六代孫晉廷尉坦集十七卷梁錄宋史皆五卷錄一卷案宋史當是唐書之誤
嚴氏全晉文編曰孔坦有集十七卷今存對策表奏議書凡五篇
梁又有臧沖集一卷亡
臧沖始末未詳
梁又有晉鎮南大將軍應瞻集五卷亡

又史贊曰太真懷貞勤宣乃誠謀敦翦峻奮節擢名

應詹有河南故事見史部舊事篇
晉書本傳詹弱冠知名性質素弘雅犯而弗校以學藝文章稱司徒何劭見之曰君子哉若人及洛陽傾覆王澄為荊州詹攘袂流涕勸澄赴援澄使詹為檄下筆便成辭義壯烈見者慷慨然竟不能從也元帝雅重其才云又史臣曰應詹行業律修文史足用入居列位則嘉謀屢陳出撫藩條則惠政斯洽

唐書經籍藝文志溫嶠集十卷
嚴氏全晉文編溫嶠有集十卷今存蟬賦表疏奏軍國要務七事上言議教箋書移告四方征鎮釋奠頌侍臣箴凡二十二篇

唐書經籍志應詹集三卷藝文志五卷
嚴氏全晉文編應詹有集五卷今存表疏上言書凡七篇

晉侍中孔坦集十七卷梁五卷錄一卷

晉書孔愉傳愉會稽山陰人也其先世居梁國會祖潛漢末避地會稽因家焉愉從子坦字君平少方直有雅望通左氏傳解屬文元帝為晉王以為世子文學數遷至咸和初為尚書左丞平蘇峻封晉陵男遷侍中廷尉卒年五十一諡曰簡

晉太僕卿王嶠集八卷太原

晉書王湛傳湛子承承族子嶠字開山父佑以才智稱嶠少有風尚并司二州交辟不就永嘉末攜其二弟避亂渡江時元帝鎮建鄴教曰王佑三息始至名德之冑並有操行宜蒙飾敍後為王敦參軍爵九原縣公明帝時累遷御史中丞祕書監拜廬陵太守卒官諡

曰穆案本傳不言驕為太僕卿或其贈官史略之歟

唐書藝文志王嶠集二卷

梁有衛尉荀闔集一卷亡

晉書荀勗傳勗子藩藩子邃闔闔字道明亦有名稱京師為之語曰洛中英英荀道明與邃俱渡江明帝從容問王廙曰二荀兄弟孰賢廙答以闔才明過邃歷御史中丞侍中尚書封射陽公太寧二年卒贈衛尉諡曰定

梁有鎮北將軍劉隗集二卷亡

晉書本傳隗字大連彭城人楚元王交之後也少有文翰起家秘書郎稍遷冠軍將軍彭城內史避亂渡江元帝以為從事中郎隗雅習文史善求人主意帝深器遇之遷丞相司直委以刑憲彈奏不畏彊禦晉國既建拜御史中丞太興初長兼侍中賜爵都鄉侯代薛兼為丹陽尹與尚書令刁協並為元帝所寵欲排抑豪強諸刻碎之政皆云隗協所建拜鎮北將軍都督青徐幽平四州軍事假節鎮泗口初隗以王敦威權太盛終不可制勸帝出腹心以鎮方隅故以譙王承為湘州續用隗及戴若思為都督敦甚惡之及敦作亂以討隗為名詔徵隗還京師及入見與刁協奏請誅王氏不從有懼色率眾屯金城及敦剋石頭隗攻之不拔入宮告辭帝雪涕與之別至淮陰為劉遐所襲攜妻子及親信二百餘人奔於石勒勒以為從事中郎太子太傅卒年六十一

又刁協傳及王敦構逆上疏罪協帝使協出

督六軍既而王師敗績協與劉隗俱侍帝於

太極東除帝執協隗手流涕嗚咽勸令避禍

協曰臣當守死不敢有貳帝曰今事逼矣安

可不行乃令給協隗人馬使自為計協年老

不堪騎乘素無恩紀募從者皆委之行至江

乘為人所殺送首於敦敦聽刁氏收葬之帝

痛協不免密捕送協首者誅之

文心雕龍奏啓篇曰若夫傳成勁直而按辭

堅深劉隗切正而劾文闕略各其志也

本志總集篇梁有劉隗奏五卷亡

唐書經籍藝文志劉隗集三卷

嚴氏全晉文編劉隗有集二卷今存上言奏

劾及答王敦書凡九篇

梁有大司馬陶侃集二卷錄一卷亡

陶侃有大司馬故事見史部舊事篇

晉書本傳侃性聰敏勤於吏職恭而近禮愛

好人倫闔外多事千緒萬端罔有遺漏遠近

書疏莫不手答筆翰如流未嘗壅滯引接疎

遠門無停客常語人曰大禹聖者乃惜寸陰

至於衆人當惜分陰豈可逸游荒醉生無益

於時死無聞於後是自棄也諸參佐或以談

戲廢事者乃命取其酒器蒲博之具悉投之

於江將吏則加鞭朴曰擣捕者牧豬奴戲耳

老莊浮華非先王之法言不可行也君子當

正其衣冠攝其威儀何有亂頭養望自謂宏

達耶

唐書經籍藝文志陶侃集二卷

嚴氏全晉文編陶侃有集二卷今存相風賦

表疏書凡十二篇

晉丞相王導集十一卷梁十卷錄一卷頌邪

晉書王祥傳祥琅邪臨沂人漢諫議大夫吉

之後也弟覽字玄通母朱遇祥無道屢以非

理使祥覽輒與祥俱又虐使祥妻覽妻亦趨

而共之孝友恭恪名亞於祥晉初封即丘子

以太中大夫歸老有六子裁基會正彥琛裁

字士初撫軍長史初呂虔有佩刀工相之以

為必登三公可服此刀虔謂祥曰苟非其人

刀或為害卿有公輔之量故以相與祥固辭

彊之乃受祥臨薨以刀授覽曰汝後必興足

稱此刀覽後奕世多賢才興於江左裁子導

別有傳

又本傳導字茂弘光祿大夫覽之孫也父裁

鎮軍司馬元帝為琅邪王與導素相親善契

同友執及徒鎮建康情好日隆朝野傾心號

為仲父帝嘗從容謂導曰卿吾之蕭何也咸

和五年薨時年六十四諡曰文獻案咸和當為

咸康初導渡淮使郭璞筮之卦成璞曰吉無

不利淮水絕王氏滅其後子孫繁衍竟如璞

言導六子悅恬洽協勸晉

又咸帝本紀咸康四年夏六月改司徒為丞

相以太傅王導為之五年秋七月庚申使持

節侍中丞相領揚州刺史始興公王導薨八

月壬午復改丞相為司徒

又史臣曰茂弘策名枝屏叶情交好負其才

智特彼江湖思建剋復之功用成翼宣之道

於時王敦內侮蘇峻連兵實賴元宰濟運忠

於時王敦內侮蘇峻連兵實賴元宰濟運忠

謨竟翦谷沙之寇提挈三世終始一心稱爲仲父蓋其宜矣恬珣踵德副呂虔之贈刀也唐書經籍藝文志王導集十卷舊志誤作王道嚴氏全晉文編曰王導有集十一卷通典御覽並引王丞相集今存教表疏議啓箋書銘凡二十一篇

晉太尉郗鑒集十卷錄一卷

郗當爲郗郗鑒有尙書令故事見史部舊事篇

晉書本傳鑒少孤貧博覽經籍躬耕隴畝吟咏不倦以儒雅著名明帝以其有器望萬幾動靜輒問之乃詔鑒特草上表疏以從簡易

案成帝本紀元康五年八月辛酉太尉南昌公郗鑒薨蓋後王導一月而卒

唐書經籍藝文志郗鑒集十卷新志亦誤作郗嚴氏全晉文編郗鑒有集十卷本傳有討蘇峻誓師文藝文類聚以爲庾闡作今編入闡集存疏議駁書凡四篇

晉太尉庾亮集二十一卷梁二十卷錄一卷

庾亮有雜鄉射等議見經部禮類

晉書本傳亮美容善談論性好莊老風格峻整動由禮節閨門之內不肅而成時人或以爲夏侯太初陳長文之倫也中興初侍講

東宮其所論釋多見稱述與溫嶠俱爲太子布衣之好時帝方任刑法以韓子賜皇太子

亮諫以申韓刻薄傷化不足留聖心太子甚納焉時王敦在蕪湖帝使亮詣敦籌事敦與

亮談論不覺改席而前退而歎曰庾元規賢

於裴頌遠矣

文心雕龍章表篇曰羊公之辭開府有譽於前談庾公之讓中書信美於往載序志顯類

有文雅焉又才略篇云庾元規之表奏靡密以閑暢又程器篇云庾元規才華清英勳庸

有聲故文藝不稱苦非臺岳則正以文才也唐書經籍藝文志庾亮集二十卷

汪氏文選撰人篇目晉庾元規亮有讓中書令表

嚴氏全晉文編庾亮有集二十一卷今存表疏議教凡十篇

梁又有庾預集十卷錄一卷亡

虞預有晉書見史部正史篇

晉書本傳預少好學有文章雅好經史憎疾玄虛其論阮籍裸袒比之伊川被髮所以胡虜遍於中國以爲過衰周之時所著詩賦碑誄論難數十篇

唐書經籍藝文志虞預集十卷

嚴氏全晉文編虞預有集十卷今存表疏議奏記箋書及晉書宣帝述凡九篇

梁又有平越司馬黃整集十卷錄一卷亡

黃整始末未詳

唐書經籍藝文志黃整集十卷

嚴氏全晉文編曰黃整永和初爲平越司馬有集十卷通典六十七引羣臣敬太后議一篇

案此似范堅集之誤晉書范汪傳汪叔堅

字子常博學善屬文永嘉中避亂江東拜佐著作郎撫軍參軍討蘇峻賜爵都亭侯

累遷尙書右丞成帝時遷護軍長史卒官子啓父子並有文筆傳於世堅蓋范寧之

從祖也兩唐志有范宣集十卷考其前後次敘亦似卽此范堅之集而誤堅爲宣范

宣亦有集別見於後嚴氏文編輯存范堅蠟燈賦安石榴賦各一篇駁議一篇又此

作庾堅者因下文庾冰庾闡而寫誤歟通志略亦作

見經部春秋左氏學家

庾堅是宋本隋書已如此

晉司空庾冰集七卷梁二十卷錄一卷

晉書庾亮附傳冰字季堅兄亮以名德流訓冰以雅素垂風諸弟相率莫不好禮爲世論

所重亮常以爲庾氏之寶歷中書監揚州刺史都督揚豫兗三州征虜將軍假節是時王

導新喪人情惘然冰兄亮既固辭不入衆望歸冰冰既當重任經綸時務不舍晝夜賓禮

朝賢升擢後進由是朝野注心咸曰賢相康帝時出爲都督江荆寧益梁交廣七州豫州

之四郡軍事領江州刺史假節鎮武昌尋卒時年四十九贈侍中司空諡曰忠成

宋書天竺迦毗黎國傳先是晉世庾冰始創議欲使沙門敬王者後桓玄復述其義並不

果行

唐書經籍藝文志庾冰集二十卷

嚴氏全晉文編庾冰有集二十卷今存爲成

帝詔及詔草疏書凡七篇
晉給事中庾闡集九卷梁十卷錄一卷

晉書文苑傳庾闡字仲初潁川鄆陵人好學
九歲能屬文爲太宰西陽王蒙掾累遷尙書
郎蘇峻之難闡出奔郗鑒爲司空參軍峻平
以功賜爵吉陽縣男數遷爲零陵太守入湘
川弔屈原徵拜給事中復領大著作吳國內
史虞潭爲太伯立碑闡製其文又作揚都賦
爲世所重年五十四卒諡曰貞所著詩賦銘
頌十卷行於世

唐書經籍藝文志庾闡集十卷

馮氏詩紀輯存孫登隱居詩臨曲水三月三
日觀石鼓登楚山衡山江都遇風采藥詩游
仙詩凡九篇十八首

嚴氏全晉文編曰庾闡亮族人有集十卷今
存賦箋檄頌贊論戒文盟文弔文凡二十二
篇揚都賦存八條又有揚都賦注四條未審
他人爲之注抑闡自注也

晉著作郎王隱集十卷梁二十卷錄一卷

王隱有晉書見史部正史篇
唐書經籍藝文志王隱集十卷

嚴氏全晉文編王隱有集二十卷今存議論
銘各一篇

晉散騎常侍干寶集四卷梁五卷

干寶有易注見經部易家

晉書本傳寶少勤學博覽書記爲春秋左氏
義外傳注周易周官凡數十篇及雜文集皆
傳於世

文心雕龍才略篇曰孫盛干寶文勝爲史準
的所擬志乎典訓戶牖雖異而筆采略同

唐書經籍藝文志干寶集四卷

汪氏文選撰人篇目晉干令升寶有晉革命
論晉紀總論

嚴氏全晉文編干寶有集五卷今存表議論
序及司徒儀三條凡九篇

晉太常卿殷融集十卷

晉書殷仲堪傳仲堪陳郡人也祖融太常史
部尙書

世說文學篇注中與書曰殷融字洪遠陳郡
人桓彝有人倫鑒見融甚歎美之著象不盡
意大賢須易論理義精微談者稱焉兄子浩

亦能清言每與浩談有時而屈退而著論融
更居長爲司徒左西屬飲酒善舞終日嘯詠
未嘗以世務自嬰累遷吏部尙書太常卿卒

唐書經籍藝文志殷融集十卷

嚴氏全晉文編曰殷融字洪遠陳郡長平人
咸和初爲庾亮都督府司馬後爲丹陽尹遷
尙書程帝時拜太常卿吏部尙書有集十卷

今存上言奏議凡六篇 案殷浩父奕字洪喬融爲
奕之弟浩之叔父也

梁有衛尉張虞集十卷亡

張虞始末未詳

唐書經籍藝文志張虞集五卷

嚴氏全晉文編曰張虞咸康中東陽太守累
遷爲衛尉卿有集十卷今存請旌孝子許孜
疏一篇見晉書孝友傳

梁有光祿大夫諸葛恢集五卷錄一卷亡

晉書本傳恢字道明琅邪陽都人祖誕魏司

空恢弱冠知名試守卽丘長轉臨沂令避地

江左名亞王導庾亮於時潁川荀闡字道明
陳留蔡謨字道明與恢俱有名譽號曰中興

三名人爲之語曰京都三明各有名蔡氏儒
雅荀葛清討周馥有功封博陵亭侯數遷元

帝從事中郎兼統記室時四方多務箋疏殷
積恢斟酌酬答咸稱折中於時王氏爲將軍

而恢兄弟及顏含並居顯要劉超以忠謹掌
書命時人以帝善任一國之才討王含功進

封建昌伯累遷吏部尙書散騎常侍尙書令
成帝踐阼加侍中金紫光祿大夫卒年六十

二諡曰敬恢兄頤字道回亦爲元帝所器重
終於太常

唐書經籍藝文志諸葛恢集五卷

嚴氏全晉文編諸葛恢有集五卷今惟類聚
御覽引表四條

晉車騎將軍庾翼集二十二卷梁二十卷錄一卷

庾翼有春秋公羊論見經部春秋家
文心雕龍詔策篇曰教者效也言出而民效

也若諸葛孔明之詳約庾稚恭之明斷並理
得也而辭中教之善也

唐書經籍藝文志庾翼集二十卷

嚴氏全晉文編庾翼有集二十二卷今存表
疏教書十三篇

晉司空何充集四卷梁五卷
晉書本傳充字次道廬江灑人魏光祿大夫

禎之曾孫也充風韻淹雅文義見稱初解大

將軍王敦掾少與王導善早歷顯官蘇峻平

封都鄉侯穆帝時至驃騎將軍都督揚豫徐

州領揚州刺史錄尚書事輔幼主爲宰相永

和二年卒年五十五贈司空諡曰文穆

唐書經籍藝文志何充集五卷

嚴氏全晉文編何充有集五卷今存表疏奏

議書凡七篇

梁又有御史中丞郝默集五卷亡

郝默始末未詳

唐書經籍藝文志郝默集五卷

梁又有征西諮議甄述集十二卷亡

甄述始末未詳

唐書經籍藝文志甄述集五卷

案晉書王尼傳尼初爲護軍府軍士胡毋

輔之與王澄傅暢劉輿荀邃裴遐迭送屬河

南功曹甄述及洛陽令曹據請解之據等

以制旨所及不敢蓋卽此甄述初爲河南

尹功曹與曹據同官後渡江爲征西將軍

府諮議參軍也此征西或是庾亮

梁又有武昌太守徐彥則集十卷亡

徐彥則始末未詳

嚴氏全晉文編曰徐彥永和初爲武昌太守

有集十卷隋志注作徐彥則通典九十九有

徐彥與征西桓温牋

晉散騎常侍王愨期集七卷梁十卷錄一卷

王愨期有公羊傳注見經部春秋家

嚴氏全晉文編王愨期有集十卷今存懷秋

賦及議凡四篇

梁又有司徒左長史王濛集五卷亡大原

王濛有論語義見經部

晉書外戚傳濛祖佑北軍中候濛以清約見

稱善隸書美姿容與沛國劉惔齊名友善簡

文帝之爲會稽王也嘗與孫綽商略諸風流

人綽言曰劉惔清蔚簡令王濛温潤恬和而

濛性和暢能言理辭簡而有會

唐書經籍藝文志王濛集五卷

嚴氏全晉文編王濛有集五卷今存議箋各

二篇

梁又有丹陽尹劉恢集二卷錄一卷亡

案此似劉惔集之誤也惔字真長沛國相

人尙明帝女廬陵公主歷官至丹陽尹年

三十六卒世說諸篇稱劉尹者是也晉書

有傳兩唐志有劉惔集二卷舊志或誤作惔

與此卷數相合又世說賞譽篇數稱王劉

卽此王濛劉惔當時言風流者舉濛惔爲

宗也觀七錄敘次則此爲惔非恢審矣唐

志亦以此二家相類從嚴氏文編輯存惔

答范汪問及酒箴各一篇

又案本志是處既確有劉惔集亦確有劉

恢集因誤惔爲恢遂致去一條兩唐志於

劉惔集二卷之外別有劉恢集五卷是其

證也世說賞譽篇注宋明帝文章志曰劉

恢字道生沛國人識局明濟有文武才王

司馬年三十六卒贈前將軍嚴氏文編云

劉恢爲丹陽尹蓋沿本志此一條誤文未

及詳究也馮氏詩紀輯恢詩一首嚴氏亦

輯存其文二條

梁又有益州刺史袁喬集七卷亡

袁喬有論語注見經部

晉書袁瓌附傳瓌子喬博學有文才注論語

及詩并諸文筆皆行於世

唐書經籍藝文志袁喬集五卷

嚴氏全晉文編袁喬有集七卷御覽有江賦

序本傳有與褚裒書勸桓温伐蜀議凡三篇

晉尙書令顧和集五卷梁有錄一卷

晉書本傳和字君孝侍中衆之族子也總角

便有清操族叔榮雅重之曰此吾家麒麟與

吾宗者必此子也王導爲揚州辟從事累遷

御史中丞尙書令多所獻納永和七年以疾

篤辭位拜左光祿大夫儀同三司卒年六十

四追贈侍中空諡曰穆

唐書經籍藝文志顧和集五卷

嚴氏全晉文編顧和有集五卷今存表疏奏

議凡八篇

梁又有尙書僕射劉遐集五卷亡

劉遐始末未詳

唐書經籍藝文志劉遐集五卷

嚴氏文編曰劉遐爲尙書僕射永和初爲吏

部尙書見褚裒傳案晉書別有劉遐傳非卽

此通典一百四右將軍王遐司馬劉曇父名

引其冬夏至寢鼓兵議一篇

梁又有徵士江淳集三卷錄一卷亡淳當為淳

江淳有公羊音見經部春秋家

晉書江統附傳統次子淳孝友淳粹高節邁

俗性好學儒玄並綜每以為君子立行應依

禮而動雖隱顯殊途未有不傍禮教者也若

乃放達不羈以肆縱為貴者非但動違禮法

亦道之所棄也乃著通道崇檢論世咸稱之

邑里宗其道有事必諮而後行東陽太守阮

裕長山令王濛皆一時名士並與淳游處深

相欽重及卒友朋相與刊石立頌以表德美

云

梁皇侃論語義疏敍錄曰晉江熙集解論語

有江惇說

唐書經籍志江惇集五卷

唐書藝文志江惇集五卷

梁又有魏興太守荀述集一卷亡

荀述始末未詳

梁又有平南將軍賀翹集五卷亡

賀翹始末未詳

梁又有李軌集八卷亡

李軌有周易音見經部易家

案李軌在晉代著述頗多可謂一大作手

其學長於音訓明習故事有周易尚書毛

詩三禮音春秋左氏穀梁音老子音莊子

音二京賦音二都賦音齊都賦音又有小

爾雅略解法言解又有泰始咸寧泰康永

平永嘉建興咸和咸康歷代起居注自武

帝以迄成帝七朝注記皆其所撰似嘗官

著作郎終於祠部郎中案軌字弘範江夏

人李充字弘度亦江夏人似與充為昆季

行而本志依七錄敍次列其集於李充之

前則充猶稍在其後者也其所撰可考見

者凡二十三種晉書不為立傳文苑李充

傳亦未附見其人若非釋文敍錄略載巔

末幾無從而知之矣此唐修晉書無怪為

後人所指摘也

晉李充集二十二卷梁十五卷錄一卷

李充有論語集解見經部

晉書文苑傳充善楷書妙參鍾索世咸重之

幼好刑名之學深抑虛浮之士嘗著學箴又

注尚書及周易旨六篇釋莊論上下二篇詩

賦表頌等雜文二百四十首行於世

唐書經籍藝文志李充集十四卷

馮氏詩紀輯存嘲友人詩七月七日詩送許

從詩三首

嚴氏全晉文編曰李充有翰林論五十四卷

集二十卷今存賦頌誠箴銘弔文及翰林論

凡十五篇

晉司徒蔡謨集十七卷梁四十三卷

蔡謨有喪服譜見經部禮類

晉書本傳謨博學於禮儀宗廟制度多所議

定文筆論議有集行於世

梁皇侃論語義疏敍錄曰晉江熙集解十三

家有蔡謨說

唐張彥遠歷代名畫記曰明帝善書畫最善

畫佛像蔡謨集云帝畫佛於樂賢堂經歷寇

亂而堂獨存顯宗效著作為頌顯宗成帝廟號

也效當是敍之誤其事亦見蔡謨傳

唐書經籍藝文志蔡謨集十卷

嚴氏全晉文編蔡謨有集四十三卷今存表

疏上言奏議檄書問難論凡三十二篇

晉揚州刺史殷浩集四卷梁五卷錄一卷

晉書本傳浩字深源陳郡長平人也父羨光

祿勳浩識度清遠弱冠有美名尤善玄言與

叔父融俱好老易融與浩口談則辭屈著篇

則融勝浩由是為風流談論者所宗征西將

軍庾亮引為記室參軍累遷司徒左長史後

稱疾不起屏居墓所將十年於時擬之管葛

王濛謝尚猶伺其出處以卜江左興亡建元

初簡文帝時在藩始綜萬幾徵為建武將軍

揚州刺史出為中軍將軍假節督揚豫徐兗

青五州後姚襄反為襄所敗坐廢為庶人徙

東陽之信安縣浩少與桓溫齊名而每心競

溫既以雄豪自許每輕浩浩不之憚也至是

溫謂鄒超曰浩有德有言向使作令僕足以

儀刑百揆朝廷用違其才耳浩雖被黜放口

無怨言夷神委命談詠不輟永和十二年卒

案浩廢於永和十年二月見穆帝本紀

唐書經籍藝文志殷浩集五卷

嚴氏全晉文編殷浩有集五卷今存遺王羲

之書遺褚裒書易象論凡三篇

梁又有吳興孝廉鈕滔集五卷錄一卷亡

鈕滔始末未詳

唐書經籍藝文志鈕滔集五卷

案本志下文晉代婦人集中有松陽令鈕滔母孫瓊集二卷似即此鈕滔

梁又有宣城內史劉系之集五卷錄一卷亡

劉系之始末未詳

唐書經籍藝文志劉系之集五卷

案通典八十二九十五有劉系之問荀訥二條又九十六九十八劉系之問王冀二條訥翼皆穆帝時太常

庾赤王集四卷王當為玉既是魏竊不得例以篆法

晉書庾亮傳亮弟懌懌子統字長仁少有令名司空太尉辟皆不就調補撫軍會稽王司馬出為建威將軍寧夷護軍尋陽太守年二十九卒時人稱其才器甚痛惜之

世說賞譽篇曰簡文目庾赤玉省率治除謝仁祖云庾赤玉胸中無宿物注赤玉庾統小字衛將軍懌子也少有令名仕至尋陽太守

晉尋陽太守庾純集八卷純當為統

唐書經籍藝文志庾統集二卷

嚴氏全晉文編曰庾統為尋陽太守有集八卷隋志誤作庾純初學記十七引三人贊之朱明張臣尉贊凡二條

案此即庾赤玉集之別本

梁有驃騎司馬王脩集二卷錄一卷亡太原

晉書外戚王濬傳濬子脩字敬仁小字荀子案世說新語作荀子 明秀有美稱號曰流奔清舉年十二作賢全論案當為人濬以示劉惔曰敬仁此論便足以參微言 案懷下當更有懷

字起家著作郎琅邪王文學轉中軍司馬末拜而卒年二十四臨終歎曰無愧古人年與之齊矣案後漢王延壽魏王弼並卒年二十四亦各有集見前

唐書經籍藝文志王脩集二卷

嚴氏全晉文編曰世說文學篇引王脩集有賢人論

梁有衛將軍謝尚集十卷錄一卷亡

晉書本傳尚字仁祖豫章太守鯤之子也鯤臨國陽夏人有集見前幼有至性神悟夙成及長開率穎秀辨悟絕倫脫略細行不為流俗之事遂知名善音樂博綜衆藝司徒王導深器之比之王戎常呼為小安豐辟為掾襲父爵成亭侯累遷鎮西將軍鎮壽陽尚於是采拾樂人并制石磬以備太樂江表有鍾石之樂自尚始也升平初又進都督豫冀幽并四州徵拜衛將軍未至卒於溧陽時年五十諡曰簡

唐書經籍藝文志謝尚集五卷

馮氏詩紀輯存大道曲一篇

嚴氏全晉文編謝尚有集十卷今存談賦一條及議書三篇

梁有青州刺史王俠集二卷亡

王俠一作王浹始末並未詳

唐書經籍藝文志王浹集二卷

案晉書穆帝本紀永和五年夏四月石季龍死子世嗣僞位五月石遵廢世自立六月石遵揚州刺史王浹以壽陽來降兩唐

志亦皆作王浹疑即此王俠又唐志與王度集相類從度亦仕石氏歸降者與此王俠尤相近殆歸晉終於青州刺史歟

晉西中郎將王胡之集十卷梁五卷錄一卷項邪

晉書王廙傳廙子頤之頤之弟胡之字脩齡弱冠有聲譽歷郡守侍中丹陽尹素有風眩疾發動甚數而神明不損石季龍死朝廷欲綏輯河洛以胡之為西中郎將司州刺史以疾固辭未行而卒

世說品藻篇注王胡之別傳曰胡之好談諧善屬文辭為當世所重

唐書經籍藝文志王胡之集五卷

嚴氏全晉文編王胡之有集十卷今存表疏牋書凡四篇

晉中書令王洽集五卷錄一卷項邪

晉書王導傳洽字敬和導諸子中最知名與荀羨俱有美稱弱冠歷散騎中書郎數遷至領軍尋加中書令固讓表疏十上穆帝詔曰敬和清裁貴令昔為中書郎吾時尙小數呼見意甚親之今所以用為令既機任須才且欲時時相見其講文章待以友臣之義而累表固讓甚違本懷其催洽令拜苦讓遂不受升平二年卒於官年三十六

唐書經籍藝文志王洽集三卷

嚴氏全晉文編王洽有集五卷今存表書凡四篇

梁有宜春令范保集七卷亡

范保始末未詳

唐書經籍藝文志范保集七卷亡

案懷下當更有懷

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

唐書經籍藝文志范保集七卷亡

梁有徵士范宣集十卷錄一卷亡

范宣有擬周易說見經部易家

晉書儒林傳宣少尚隱遁加以好學手不釋卷以夜繼日遂博綜衆書尤善三禮著禮易論難皆行於世

唐書經籍藝文志范宣集五卷 案二志上文已有范宣集十卷此又云范宣集五卷蓋前十卷爲范聖集

之誤本志又誤爲范聖集已詳於前此五卷與本志前後較次相對勘似即此范宣集十卷也

嚴氏全晉文編曰通典及宋書禮志有范宣

答殷浩等問及議論凡七篇

梁有建安太守丁纂集四卷錄一卷亡

丁纂始末未詳

唐書經籍藝文志丁纂集二卷

案晉書蔡謨傳穆帝臨軒遣侍中紀璩黃

門郎丁纂徵謨拜司徒自旦至申使者十餘反而謨不至或即此丁纂時爲黃門郎

後至建安太守歟

晉金紫光祿大夫王羲之集九卷梁十卷錄一卷

項邪

晉書本傳羲之字逸少司徒導之從子也祖

正尚書郎案正字士則太保解弟覽之第四子父曠

淮南太守曠有集見前羲之幼知名尤善隸書爲古今之冠起家祕書郎征西將軍庾亮請

爲參軍遷長史亮臨終上疏稱羲之清貴有

鑒裁遷寧遠將軍江州刺史羲之既少有美譽朝廷公卿皆愛其才器頻召爲侍中吏部

尚書皆不就復授護國將軍既拜又苦求宜

城郡不許乃以爲右軍將軍會稽內史時殷浩與桓温不協羲之以國家之安在於內外

和因與浩書以誠之浩不從及浩北伐羲之以爲必敗以書止之言甚切至浩遂行果爲

姚襄所敗復圖再舉又遣浩書又與會稽王

箋陳浩不宜北伐并論時事性不樂京師初

渡浙江便有終焉之志會稽有佳山水名士

多居之謝安未仕時亦居焉孫綽李充許詢

支遁等皆以文義冠世並築室東土與羲之

同好嘗與同志宴集於會稽山陰之蘭亭羲

之自爲之敝以申其志或以潘岳金谷詩序

方其文義之比於石崇聞而甚喜素與王述

不協及述爲揚州刺史羲之恥爲其下遂稱

病去郡謝萬爲豫州都督又遣萬書誠之萬

不能用故敗年五十九卒贈金紫光祿大夫

諸子遵父先志固讓不受

唐張彥遠歷代名畫記曰王羲之王廙從子

廙畫爲明帝師書爲右軍法右軍亦學畫於

廙書既爲古今之冠冕丹青亦妙穆帝升平

五年卒有雜獸圖臨鏡自寫其圖扇上畫小

人物傳於前代

唐書經籍藝文志王羲之集五卷 又有許先生

傳即仙人許遠游傳見史部雜傳家

宋史藝文志蘭亭詩一卷 崇文總目總集類王右

軍蘭亭詩集一卷王羲之編

馮氏詩紀蘭亭集詩一卷凡右將軍王羲之

四五言詩各一首琅邪王友謝安二首司徒

左西屬謝萬二首前餘杭令孫統二首左司

馬孫綽二首中軍參軍孫嗣一首散騎常侍

郗曇一首穎川庾友一首庾蘊一首行參軍

曹茂之一首上虞令華茂一首榮陽桓偉一

首陳郡袁嶠之二首王玄之一首王凝之二

首王肅之二首王徽之二首王渙之一首王

彬之二首王蘊之一首行參軍王豐之一首

郡功曹魏滂一首鎮軍司馬虞說一首郡五

官謝繹一首行參軍徐豐之二首徐州西平

曹肇一首孫綽後序

張氏百三家王右軍集二卷錄一卷序曰殷

洪源與桓温不協王逸少移書苦諫欲書廉

蘭於屏風又曲止北伐皆不見聽果敗於姚

襄謝豫州才非將帥遠逸少之言後亦狼狽

世謂其形神在名山滄海之間於天下事抑

何明若觀火也琅邪南渡江左粗安王謝雖

賢未敢以區區吳越經緯天下褚裒殷浩志

奢才短動而輒蹶若復不守江東遠慕諸葛

伍員之憂爲期彌促卒觀喪晉釁發強臣非

由外寇逸少早識善察百年此數札者誠東

晉君臣之良藥非同平原辨亡令升論晉追

覽既往奮其縱橫也

嚴氏全晉文編曰王羲之有集十卷今存用

筆賦臨護軍教與會稽王箋與桓温箋與殷

浩書遺謝安書與謝萬書與人書與所知書

蘭亭詩敝臨河敝游四郡記自誓文書論題

筆陳圖後月儀筆經凡二十一篇雜帖六百

三十一條編爲五卷 案雜帖即張彥遠法書要錄

所載右軍書記一卷是也

晉散騎常侍謝萬集十六卷梁十卷

謝萬有紫辭注見經部易家

晉書謝安傳安弟萬才器備秀雖器量不及安而善自衒曜故早有時譽工言論善屬文敘漁父屈原季主賈誼楚老巽勝孫登嵇康四隱四顯爲八賢論其旨以處者爲優出者爲劣以示孫綽綽往反以體公識遠者則出處同歸云

唐書經籍藝文志謝方集十卷 案此因寫爲方而誤爲方也

嚴氏全晉文編曰謝萬有集十六卷今存春游賦與子朗等疏七賢嵇中散贊駙馬都尉劉真長誄又世說文學篇注引萬集載其敘四隱四顯爲八賢之論初學記十七引萬八賢頌屈原一條楚老一條蓋即繫於論後也其論今亡

晉司徒長史張憑集五卷梁有錄一卷

張憑有論語注見經部

世說文學編曰謝太傅問主簿陸退張憑何以作母誄而不作父誄退答曰故當是丈夫之德表於事行婦人之美非誄不顯注陸氏譜曰退憑婿也

唐書經籍藝文志張憑集五卷憑或作馮同

馮氏詩紀輯存合歡詩雜詩二篇五首

嚴氏全晉文編張憑有集五卷宋書禮志及通典載憑議答問凡五篇

涼有高涼太守楊方集二卷亡

楊方有五經鉤沈見經部論語家

晉書本傳方少好學有異才著五經鉤沈撰

吳越春秋并雜文筆皆行於世

唐書經籍藝文志楊方集二卷

嚴氏全晉文編楊方有集二卷初學記有箠篋賦御覽有薦張道順文凡二篇

晉徵士許詢集三卷梁八卷錄一卷

晉書王羲之傳孫綽李充許詢支遁等皆以文義冠世並築室東土與羲之同好又曰劉惔爲丹陽尹許詢嘗就惔宿牀惟新麗飲食豐甘詢曰若此保全殊勝東山

世說言語篇注續晉陽秋曰許詢字玄度高陽人魏中領軍允玄孫總角秀惠衆稱神童長而風清簡素司徒掾辟不就蚤卒

世說文學篇簡文稱許掾云玄度五言詩可謂妙絕時人注續晉陽秋曰詢有才藻善屬文自司馬相如王褒揚雄諸賢世尙賦頌皆體則詩騷旁綜百家之言及至建安而詩章大盛逮乎西朝之末潘陸之徒雖時有質文

而宗歸不異也正始中王弼何晏好莊老玄勝之談而世遂貴焉至過江佛理尤盛故郭璞五言始會合道家之言而韻之詢及太原孫綽轉相祖尙又加以三世之辭而詩騷之體盡矣詢綽並爲一時文宗自此作者悉體之至義熙中謝混始改

唐書經籍藝文志許詢集三卷

馮氏詩紀輯存竹扇詩一首

嚴氏全晉文編曰許詢高陽新城人咸安中徵士有集八卷書鈔御覽引黑塵尾銘白塵

尾銘各一篇

晉征西將軍張望集十卷梁十二卷錄一卷

張望始末未詳

唐書經籍藝文志張望集三卷

馮氏詩紀曰張望爵里無考一作晉人有蜡除詩一首貧士詩一首馮氏編入宋代之末非也嚴氏全晉文編曰張望爲征西將軍有集十二卷書鈔有枕賦類聚有鸞鵠賦御覽有蜘蛛賦凡三篇

晉餘姚令孫統集二卷梁九卷錄一卷

晉書孫楚傳楚太元中都人也子纂纂子統綽並知名統字承公幼與綽及從弟盛過江誕任不羈而善屬文時以爲有楚風家於會稽性好山水乃求爲鄞令轉在吳寧居職不留心碎務縱意游肆名山勝川靡不窮究後爲餘姚令卒

唐書經籍藝文志孫統集五卷

嚴氏全晉文編孫統有集九卷世說輕詆篇注有高柔集敘政事篇注有吏部郎虞存誄凡二篇

梁又有晉陵令戴元集三卷錄一卷亡

戴元始末未詳

晉衛尉卿孫綽集十五卷梁二十五卷

孫綽有論語集解見經部

晉書孫楚附傳綽博學善屬文少與高陽許詢俱有高尙之志居於會稽游放山水十有餘年乃作遂初賦以致其意絕重張衡左思之賦每云三都二京五經之鼓吹也嘗作天

台山賦辭致甚工時大司馬桓溫欲經緯中國以河南粗平將移都洛陽朝廷畏溫不敢為異而北土蕭條人情疑懼雖並知不可莫敢先諫綽乃上疏言之桓溫見綽表不悅曰致意與公何不尋君遂初賦知人家國事耶綽少以文才垂稱於時文士綽為其冠溫王郗庾諸公之薨必須綽為碑文然後刊石焉又史臣曰統綽棟華秀發名顯中興可謂無忝爾祖統竟淪跡下邑窮觀勝地會其心焉綽獻直論辭都不懼元子有匪躬之節元子桓溫字豈徒文雅而已哉

鍾榮詩品曰永嘉時貴黃老尚虛談於時篇什理過其辭淡乎寡味爰及江表微波尙傳孫綽許詢桓庾諸公時皆平典似道德論建安風力盡矣

又評晉驃騎王濟征南將軍杜預廷尉孫綽徵士許詢詩云永嘉以來清虛在俗王武子輩詩貴道家之言爰泊江表玄風尙備眞長仲祖謂劉懷王濛也桓庾諸公猶相襲世稱孫許彌善恬淡之詞

文心雕龍誄碑篇曰孫綽爲文志在碑誄溫王郗庾辭多枝雜桓彝一篇最爲辨裁又才略篇曰孫綽規旋以矩步故倫序而寡狀

唐書經籍藝文志孫綽集十五卷新志或誤作孫紳

馮氏詩紀輯存表哀詩并序一篇三月三日詩秋日詩各一首情人碧玉歌二首

張氏百三家孫廷尉集一卷凡賦疏論序碑

銘頌贊誄詩合三十三篇

汪氏文選撰人篇目曰晉孫興公綽有天台山賦

嚴氏全晉文編曰孫綽有集二十五卷今存游天台山賦望海賦遂初賦序諫移都洛陽

疏議箋序頌贊至人高士傳贊名德沙門論目難謝萬八賢論喻道論道賢論以天竺七僧方當世之竹林七賢銘誄丞相王導碑太宰郗

鑒碑太尉庾亮碑太傅諸哀碑司空庾冰碑凡四十四篇附孫子佚文二十三條編爲二

卷

晉太常江道集九卷

晉書本傳道字道載陳留圉人也少孤與從弟灌共居甚相友悌由是獲當時之譽爲蔡

謨參軍何充功曹試守太末令稍遷吳令又爲殷浩長史軍中書檄皆以委道升平末至

太常在職多所匡諫著阮籍序贊逸士箴及詩賦奏議數十篇行於世卒年五十八

唐書經籍藝文志江道集五卷

馮氏詩紀輯存詠秋詠貧各一首

嚴氏全晉文編江道有集九卷今存風賦述歸賦并賦羽扇賦竹賦表疏奏逸民箴凡十

篇

梁有謝沈集十卷亡

於世其才學在虞預之右云

唐書經籍藝文志謝沈集五卷

嚴氏全晉文編謝沈有集十卷通典引祥禪議及答問三篇

晉李顥集十卷錄一卷

李顥有卦象數旨六卷見經部易家

晉書文苑李充傳充子顥亦有文義多所述

唐書經籍藝文志李顥集十卷

馮氏詩紀輯存經渦路詩涉湖詩夏日詩感冬篇凡四首

嚴氏全晉文編曰李顥有尙書注十卷集十卷今存雪賦雷賦悲四時賦感興賦凌仙賦

龜賦鏡論阮彥倫誄凡八篇

晉光祿勳曹毗集十卷梁十五卷錄一卷

曹毗有論語釋見經部

晉書文苑傳毗少好文籍善屬辭賦時桂陽張碩爲神女杜蘭香所降毗因以二篇詩嘲

之并續蘭香歌詩十篇甚有文采又著揚都賦亞於庾闡以名位不至著對儒以自釋凡

所著文筆十五卷傳於世

唐書經籍藝文志曹毗集十五卷

馮氏詩紀輯存詠史詩詠冬詩夜聽擣衣詩正朝詩霖雨詩凡五篇又曰晉書樂志永嘉之亂俗官樂器皆沒於劉石是後累代增益至太元中破苻堅獲其樂工於是四廂金石始備使曹毗王珣增造宗廟歌詩凡十三首毗造十一首珣造二首

嚴氏全晉文編曹毗有集十五卷今存賦十三篇對儒詩序黃帝贊神女杜蘭香傳請雨文綜凡一十九篇又有玉鼎頌見宋書符瑞志亡案諸書引曹毗志怪似即所記杜蘭香事

梁又有郡主簿王篋集五卷亡

王篋始末未詳

唐書經籍藝文志王篋集五卷

案本志雜史類史漢要集二卷晉祠部郎

王篋撰鈔史記入春秋者不錄疑即此王篋也

晉沙門支遁集八卷梁十三卷

梁釋慧皎高僧傳支遁字道林本姓關氏陳

留人或云河東林慮人幼有神理聰明秀徹

家世事佛隱居餘杭山年二十五出家初至

京師太原王濛甚重之曰造微之功不減輔

嗣殷融謝安王洽劉恢殷浩許詢郗超孫綽

桓彥表王敬仁何次道王文度謝長遐袁彥

伯等並一代名流皆著塵外之狎遁常在白

馬寺與劉系之等談莊子逍遙篇於是退而

爲注羣儒莫不歎服王羲之時在會稽請住

靈嘉寺意存相近行道僧衆百餘常隨稟學

時或有惰者遁乃著座右銘以勸之時論以

遁才堪經濟而潔己拔俗有遠兼濟之道遁

乃作釋曠論又作卽色游玄論聖不辨知論

道行旨歸學道誠等太和元年終春秋五十

有三遁善草隸郗超爲之序傳袁宏爲之銘

贊周曇寶爲作誄凡遁所著文翰集有十卷盛行於世

唐書經籍藝文志沙門支遁集十卷

阮氏寧經室外集曰支遁集二卷晉釋支遁

撰案隋志八卷注云梁十三卷唐志十卷宋

志不著錄讀書敏求記及述古堂書目作二

卷知缺佚多矣是編依毛辰汲古閣舊鈔本

過錄上卷詩凡十八首下卷書銘及贊凡十

五首錢遵王跋稱支公養馬愛其神駿胸中

未必無事在皎然云山陰詩友喧四座佳句

縱橫不廢禪云云晉代沙門多墨名而儒行

若支遁尤矯然不羣宜其以辭翰著也

嚴氏全晉文編曰支遁居吳之支山後居剡

之沃州哀帝徵講於東安寺尋歸太和初卒

有集十三卷釋藏弘明集高僧傳載書論序

贊銘凡二十六篇又文編卷首敘錄曰支遁

集二卷釋藏本

梁又有劉彧集十六卷亡

劉彧有長沙舊傳贊見史部雜傳篇

張重華酒泉太守謝艾集七卷梁八卷

晉書張重華傳重華以永和二年自稱持節

大都督太尉護羌校尉涼州牧西平公假涼

王牧府相司馬張耽言於重華曰主簿謝艾

兼資文武明識兵略若授以斧鉞委以專征

必能折衝禦侮重華召艾以爲中堅將軍大

破石虎將麻秋等封福祿伯善待之諸寵貴

惡其賢共毀譖之乃出爲酒泉太守後以使

持節軍師將軍復破麻秋以爲太府左長史

進封福祿縣侯又以爲都督征討諸軍軍事行衛將軍

宋書大且渠蒙遜傳元嘉十四年涼州刺史

河西王茂虔奉表獻方物并獻謝艾集八卷

文心雕龍鎔裁篇曰昔謝艾王濟西河文士

張駿以爲艾繁而不可刪濟略而不可益若

二子者可謂練鎔裁而曉繁略矣案張駿有集

見前重華之父也

唐書經籍藝文志謝艾集八卷 舊志或譌作謝

文

嚴氏全晉文編曰謝艾敦煌人仕張重華至

使持節都督征討諸軍軍事行衛將軍後爲張

祚所殺有集七卷十六國春秋及御覽有獻

晉帝表上疏言趙長張祚事密令與楊初凡

三篇

梁又有撫軍長史蔡系集二卷亡

蔡系有論語釋見經部

唐書經籍藝文志蔡系集二卷

梁又有護軍將軍江彬集五卷錄一卷亡 彬嘗

爲影

晉書江統傳統子彪字思玄本州辟舉秀才

爲溫嶠別駕郗鑒司馬庾冰庾翼長史又數

遷代王彪之爲尙書僕射哀帝卽位疑周貴

人名號所宜彪議見禮志帝欲於殿庭立鴻

祀彪以爲禮廢日久儀注不存中興以來所

不行謂宜停之爲僕射積年簡文帝爲相每

訪政事彪多所補益轉護軍將軍領國子祭

酒卒官

又史臣曰彪位隆端右竭誠獻替惇遺忽榮利聿修天爵雖出處異塗俱難兄弟矣

唐書經籍藝文志江霖集五卷霖並當爲影
嚴氏全晉文編曰江彪有集五卷晉書禮志
通典載其議及答訪凡四篇

晉范汪集一卷梁十卷

范汪有祭典見經部禮類

唐書經籍藝文志范汪集八卷

嚴氏全晉文編范汪有集十卷今存表疏議

書答問并祭典棋品凡九篇 案諸書引范汪荆
州記當是爲庾亮桓溫佐吏時所作或在本集

晉尙書僕射王述集八卷太原

晉書王湛傳湛子承承子述字懷祖少襲父

爵藍田縣侯歷會稽內史代殷浩爲揚州刺

史加征虜將軍都督揚州徐州之琅邪諸軍

事衛將軍尋遷散騎常侍尙書令簡文帝每

言述才既不長直以直率便敵人耳謝安亦

歎美之太和二年卒年六十六諡曰簡

唐書經籍藝文志王述集五卷

嚴氏全晉文編王述有集八卷今存表疏議

箋教凡九篇

梁又有王度集五卷錄一卷亡太原

王度有二石傳二卷二石僞治時事二卷見

史部霸史類

唐書經籍藝文志王度集五卷

嚴氏全晉文編曰王度太原人仕石虎爲中

書著作郎高僧傳廣弘明集有奏禁奉佛一

篇初學記有扇上銘一篇

梁又有中領軍庾亮集二卷錄一卷亡

晉書庾亮傳亮三子彬羲蘇字道季好學

有文章叔父翼將遷襄陽蘇年十五以書諫
翼甚奇之升平中代孔嚴爲丹陽尹表除重
役六十餘事太和初代王恪爲中領軍卒官

唐書經籍藝文志庾亮集二卷

嚴氏全晉文編庾亮有集二卷今惟見本傳

諫叔父翼徙鎮襄陽書一篇

梁又有將作大匠喻希集一卷亡

嚴氏全晉文編曰喻希字益期豫章人升平

末爲治書侍御史累遷至將作大匠有集一

卷水經注藝文書鈔御覽有與韓豫章牋凡

六條案韓康伯爲豫章太守也

案宋晁伯宇續談助鈔股芸小說云俞益

期豫章人與韓康伯道至交州聞馬援故

事云云未注云出俞益期牋此一節與嚴

氏所輯文小有異同諸書引俞益期牋其

源蓋出於此皆誤以喻爲俞

梁又有吳興太守孔嚴集十一卷錄一卷亡

晉書孔愉傳愉從子坦嚴嚴字彭祖少仕州

郡歷尙書左丞多所匡益太和中拜吳興太

守以疾去職卒於家

世說品藻篇注中興書曰孔嚴字彭祖會稽

山陰人有才學歷丹陽尹尙書西陽侯在朝

多所匡正爲吳興太守太得民和後卒於家

案此作孔嚴與史異

唐書經籍藝文志孔嚴集五卷

孔繼汾闕里文獻考曰孔氏別集有先聖二

十六代孫晉吳興太守嚴集五卷梁錄十一

卷錄一卷

嚴氏全晉文編孔嚴有集十一卷本傳有諫
鴻祀通典有與王彪之論蔡謨諡書各一篇
晉大司馬桓溫集十一卷梁有四十三卷又有桓
溫要集二十卷錄一卷亡

晉書叛逆傳溫字元子宣城太守彝子也少

與沛國劉惔善惔嘗稱之曰孫仲謀晉宣王

之流亞也選尙南康長公主拜駙馬都尉襲

爵萬寧男與庾翼友善恆相期以寧濟之事

翼嘗薦溫於明帝曰桓溫少有雄略願陛下

弗以常人遇之常增畜之宜委以方召之任

託其弘濟艱難之勳翼卒卽代爲荊州刺史

永和二年平蜀封臨賀郡公後殷浩至洛陽

經涉數年屢戰屢敗器械都盡乃奏廢浩自

此內外大權一歸於溫矣升平中改封南郡

公哀帝初加侍中大司馬都督中外諸軍事

假黃鉞揚州牧錄尙書事移鎮姑孰溫既負

其才力久懷異志欲先立功河朔還受九錫

及枋頭覆敗名實頓減於是參軍郗超進廢

立之計乃廢帝爲海西公而立簡文帝及帝

崩遣詔家國事一稟之於溫如諸葛武侯王

丞相故事溫初望簡文臨終禪位於己不爾

便爲周公居攝事既不副所望故甚憤怨與

弟仲書曰遺詔使吾依武侯王公故事耳孝

武卽位徵溫入輔溫入朝停京師十有四日

歸於姑孰遂寢疾諷朝廷加己九錫累相催

促謝安王坦之聞其病篤密緩其事錫文未

及成而薨時年六十二追贈丞相第六子玄

嗣爵

文心雕龍檄移篇曰鍾會檄蜀徵驗甚明桓公檄胡觀覈尤切並壯筆也

唐書經籍藝文志桓溫集二十卷

馮氏詩紀輯存八陳圖詩一首

汪氏文選撰人篇目曰晉桓元子溫有薦譙元彥表

嚴氏全晉文編曰桓彝譙國龍亢人漢五更榮之九世孫仕至宣城內史成帝初死蘇峻之難彝子溫孝武初卒諡曰宣武有集四十三卷要集二十卷今存表疏檄胡文牋書凡十八篇

梁又有豫章太守車灌集五卷錄一卷亡

車灌有脩復山陵故事見史部舊事篇

唐書經籍藝文志車灌集五卷

晉尙書僕射王坦之集七卷梁五卷錄一卷亡太原

晉書王湛傳湛司徒渾之弟也子承承子述述子坦之字文度弱冠與郗超俱有重名時人爲之語曰盛德絕倫郗嘉賓江東獨步王文度簡文帝爲撫軍將軍辟爲掾累遷參軍從事中郎仍爲司馬加散騎常侍出爲大司馬桓溫長史父憂服闋徵拜侍中襲父爵領左衛將軍坦之有風格尤非時俗放蕩不敦儒教頗尙刑名學著廢莊論簡文帝臨崩詔大司馬桓溫依周公居攝故事坦之自持詔入於帝前毀之帝曰天下儻來之運卿何所嫌坦之曰天下宣元之天下陛下何得專之帝乃使坦之改詔焉溫薨坦之與謝安共輔

幼主遷中書令領丹陽尹俄督徐兗青三州

北中郎將徐兗二州刺史鎮廣陵將之鎮上

表言僕射臣安中軍臣沖並智竭忠貞周旋

舉動皆應諮此二臣又言宜數引侍臣詢求

謙言帝納之初謝安愛好聲律期功之慘不

廢妓樂頗以成俗坦之非而苦諫之書往反

數四安竟不從坦之又嘗與殷康子書論公

謙之義康子及袁宏並有疑難坦之標章擿

句一一申而釋之莫不厭服又孔叡著通葛

論坦之與書贊美之其忠公慷慨標明賢勝

皆此類也卒年四十六臨終與謝安桓沖書

言不及私惟憂國家之事朝野甚痛惜之追

贈安北將軍諡曰獻

唐書經籍藝文志王坦之集五卷

嚴氏全晉文編王坦之有集七卷今存表書論凡六篇

晉左光祿王彪之集二十卷梁有錄一卷琅琊

晉書王廙傳廙弟彬彬子彪之字叔武年二

十鬚髮皓白時人謂之王白鬚初除佐著作

郎東海王文學尙書郎累遷尙書左丞司徒

左長史御史中丞侍中廷尉孝武帝時爲尙

書令與謝安共掌朝政安每曰朝之大事衆

不能決者諮王公無不得利加光祿大夫儀

同三司未拜疾篤太安二年卒年七十三諡

曰簡

唐書經籍藝文志王彪之集二十卷

馮氏詩紀輯存四五言詩各一首

嚴氏全晉文編曰王彪之字叔虎見淳化閣

帖七本傳作叔武乃唐人避諱改耳有集二

十卷晉書禮志通典初學記御覽諸書所引

有廬山賦水賦并賦閩中賦納皇后禮文納

采問名納吉納徵請期迎后版文殯書冊文

整市教上書上言奏議啓答問牋書序贊凡

四十三篇

晉中書郎郗超集九卷梁十卷郗當爲郗

晉書郗鑒傳鑒高平金鄉人鑒子愔愔子超

字景興一字嘉賓少卓犖不羈有曠世之度

交游士林每存勝拔善談論義理精微情事

天師道而超奉佛桓溫辟爲參軍溫英氣高

邁罕有所推與超言常謂不能測遂傾意禮

待超亦深自結納溫懷不軌欲立霸王之基

超爲之謀溫定計廢立亦超始謀也遷中書

侍郎司徒左長史年四十二先惜卒初超雖

實黨桓氏以惜忠於王室不令知之將亡出

一箱書付門生曰本欲焚之恐公年尊必以

傷愍爲弊我亡後若大損眠食可呈此箱不

爾便燒之惜後果哀悼成疾門生依旨呈之

則悉與溫往返密計惜於是大怒曰小子死

恨晚矣更不復哭凡超所與交友皆一時美

秀雖寒門後進亦拔而友之及死之日貴賤

操筆而爲誄者四十餘人

唐書經籍藝文志郗超集十五卷新志或誤郗

嚴氏全晉文編郗超有集十卷今存與桓溫

箋與親友書凡四篇

梁有南中郎桓嗣集五卷亡

晉書桓彝傳彝沛國龍亢人漢五更榮之九世孫也有五子溫雲豁祕沖沖長子嗣字恭祖少有清譽與豁子石秀並為桓氏子姪之冠督荊州三郡豫州四郡軍事建威將軍江州刺史莅事簡約轉西陽襄城二郡太守鎮夏口後領江夏相卒官追贈南中郎將諡曰靖子

唐書經籍藝文志桓嗣集五卷

梁又有平固令邵毅集五卷錄一卷亡

邵毅始末未詳

唐書經籍藝文志邵毅集五卷

梁又有太學博士滕輔集五卷錄一卷亡

滕輔始末未詳

唐書經籍藝文志滕輔集五卷

晉苻堅丞相王猛集九卷錄一卷

晉書苻堅載紀王猛字景略北海劇人也家於魏郡環姿儁偉博學好兵書謹重嚴毅氣度雄遠細事不干其慮自不參其神契略不與交通是以浮華之士咸輕而笑之隱於華陰山懷佐世之志斂翼待時苻堅將有大志聞猛名招之一見便若平生語及興廢大事異符同契若玄德之遇孔明也及堅僭位以猛為中書侍郎轉始平令遷尚書左丞咸陽內史京兆尹吏部尚書太子詹事尚書左僕射輔國將軍司隸校尉加騎都尉居中宿衛時猛年三十六歲中五遷又遷尚書令太子太傅加散騎常侍轉司徒錄尚書事進爵清河郡侯鎮冀州入為丞相中書監都督中外

諸軍事後數年復授司徒軍國內外事無鉅細莫不歸之猛宰政公平流放尸素拔幽滯顯賢才外脩兵革內崇儒學勸課農桑教以廉恥於是兵彊國富垂及升平猛之力也其年寢疾死年五十一贈侍中丞相餘如故諡曰武侯

嚴氏全晉文編曰王猛有集五卷苻堅載記

及十六國春秋有渭原誓及上疏遺書凡九篇嚴氏謂此集五卷未詳所撰

梁有顧夷集五卷亡

顧夷有周易難王輔嗣義見經部易家

世說文學篇曰謝萬作八賢論與孫興公往返小有利鈍謝後以示顧君齊顧曰我亦作知卿當無所名

唐書經籍藝文志顧夷集五卷

梁有散騎常侍鄭襲集四卷亡

南史宋鄭鮮之傳鮮之祭陽開封人祖襲大司農經為江乘令因居縣境

嚴氏全晉文編曰鄭襲寧康初散騎常侍有集四卷通典有喪遇閭議難范寧論喪遇閭各一篇

梁有撫軍掾劉暢集一卷亡

世說品藻篇注劉瑾集序曰瑾南陽人父暢娶王羲之女生瑾劉瑾別有集見後

案此集與韓康伯集相屬康伯嘗為簡文

撫軍掾劉暢殆與同時亦為會稽王撫軍

將軍掾屬者

晉六常卿韓康伯集十六卷

韓康伯即韓伯有繫辭注見經部易家

晉書本傳伯清和有思理留心文藝舅殷浩稱之曰康伯能自標置居然是出羣之器穎

川庾詠名重一時少所推服常稱伯及王坦之曰思理倫和我敬韓康伯志力彊正吾愧

王文度自此以還吾皆百之矣王坦之著公謙論袁宏作論以難之伯覽而美其辭旨以

為是非既辨誰與正之遂作辨謙以折中云

唐書經籍藝文志韓康伯集五卷

嚴氏全晉文編韓伯有集十六卷今存議答

問辨謙論王述碑凡四篇

梁有黃門郎范啓集四卷亡

晉書范堅傳堅子啓字榮期雖經學不及堅而

以才義顯於當世於時清談之士庾詠韓

伯袁宏等並相知友為祕書郎累居顯職終

於黃門侍郎父子並有文筆傳於世

唐書經籍藝文志范起集五卷起當為啓

梁有豫章太守王恪集十卷亡

王恪始末未詳

案晉書外戚傳王遐簡順皇后父驃騎將軍述之從叔也長子恪領軍將軍恪子欣

之豫章太守秩中二千石不知是否即此

王恪

梁有零陵太守陶混集七卷亡

陶混始末未詳

梁有海鹽令祖撫集三卷亡

祖撫始末未詳

梁有吳興太守殷康集五卷錄一卷亡

梁有吳興太守殷康集五卷錄一卷亡

晉書殷顓傳顓陳郡人祖融太常卿父康吳與太守融有集見前

唐書經籍藝文志殷康集五卷

嚴氏全晉編文曰康爲武康令遷吳興太守有集五卷御覽八百五十九引殷康集有爲武康縣教又御覽四百三十及三十一引明慎二條

晉太傅謝安集十卷梁十卷錄一卷

晉書本傳安字安石尚從弟也尚鯉之子並有集見前父哀太常卿安少有重名寓居會稽

與王羲之許詢支遁游處出則漁弋山水入則言詠屬文無處世意有司奏安被召歷年不至禁錮終身遂棲遲東土時安弟萬爲西中郎將總藩任之重安雖處衡門其名猶出萬之右自幼有公輔之望處家常以儀範訓子弟及萬廢黜始有時進志時年已四十餘矣桓溫請爲司馬尋除吳興太守徵拜侍中遷吏部尚書中護軍溫嘗以安所作簡文諡議以示坐賓曰此謝安石碎金也尋爲尚書僕射領吏部後將軍總關中書事人皆比之王導謂文雅過之時苻堅強盛諸將敗退相繼安遣弟石及兄子玄等應機征討所在剋捷拜衛將軍開府儀同三司封建昌縣侯安征後率衆號百萬次於淮肥京師震恐加安征討大都督既破賊進太保安方欲混一文軌上疏求自北征乃進揚江荆司豫徐兗青冀幽并寧益雍梁十五州軍事加黃鉞其本官悉如故後會稽王道子專權頗相扇構安出

鎮廣陵之步丘築壘曰新城以避之遇疾薨年六十六贈太傅諡曰文靖又以平苻堅勳更封廬陵郡公孝武本紀太元十年八月丁酉使持節侍中書監大都督十五州諸軍事衛將軍太保謝安薨

又史臣曰建元之後時政多虞巨猾陸梁權

臣橫恣其有兼將相於中外系存亡於社稷負屨資之以端拱鑿井賴之以晏安者其惟謝氏乎文靖始居塵外高謝人間嘯詠山林

浮泛江海當此之時蕭然有陵霞之致暨於

魏晉而襲圭組去衡泌而踐丹墀庶績於是

是用康彝倫以之載穆苻堅百萬之衆已瞰

吳江桓溫九五之心將移晉鼎衣冠易慮遠

邇崩心從容而杜姦謀宴衍而清羣寢宸居

獲太山之固維揚去累卵之危斯爲盛矣

世說文學篇曰支道林許謝盛德共集王家

許詢謝安王濛謝顯謂諸人今日可謂彥會時

既不可留此集固亦難常當共言詠以寫其

懷許便問主人有莊子不不得漁父一篇謝看題便各使四坐通支道林先通作七百許語敍致精麗才藻奇拔衆咸稱善於是四坐各言懷畢謝問曰卿等盡不皆曰今日之言少不自竭謝後纔難因自敍其意作萬餘語才峯秀逸既自難干加意氣擬託蕭然自得四坐莫不厭心支謂謝曰君一往奔詣故復自佳耳文字志曰安神清秀悟善談玄理唐書經籍藝文志謝安集五卷嚴氏全晉文編謝安有疏議簡文帝諡議遺

王坦之書與某書與支遁書凡六篇

梁又有中軍參軍孫嗣集三卷錄一卷亡

晉書孫綽傳綽子嗣有綽風文章相亞位至中軍參軍早亡

唐書經籍藝文志孫嗣集三卷

梁又有司徒左長史劉袞集三卷亡

劉袞始末未詳

晉御史中丞孔欣時集八卷梁七卷

孔欣時始末未詳

晉伏滔集十一卷并目錄梁五卷錄一卷

晉書文苑傳伏滔字玄度平昌安丘人也有才學少知名大司馬桓溫引爲參軍深加禮

接每宴集必命滔同游從溫伐袁真至壽陽

以淮南屢叛著論二篇名曰正淮壽陽平以

功封聞喜縣侯除永世令溫薨征西將軍桓

豁引爲參軍領華容令太元中拜著作郎專

掌國史領本州大中正遷游擊將軍著作如

故卒官

唐書經籍藝文志伏滔集五卷

嚴氏全晉文編伏滔有集十一卷今存望濤

賦長笛賦登故臺詩序正淮論上下論青楚

人物帝堯功德銘凡七篇案伏滔有大司馬察屬

名世說賞鑿篇注引之當在本集又諸類書引北征記

晉榮陽太守習鑿齒集五卷

習鑿齒有漢晉陽秋見史部古史篇

晉書本傳鑿齒少有志氣博學洽聞以文筆

著稱桓溫辟爲從事江夏相袁喬深器之數

稱其才溫出征伐或從或守所在任職每處

機要莅事有績善尺牘論議温甚器遇之時清談文章之士韓伯伏滔等並相友善温弟祕亦有才氣素與鑿齒相親善使至京師簡文爲相王亦雅重焉後以脚疾廢於里巷臨終上疏曰臣每謂皇晉宜越魏繼漢不應以魏後爲三恪而身微官卑無由上達懷抱愚情三十餘年今沈淪重疾性命難保區區之情竊所悼惜謹力疾著論一篇寫上如左願陛下考尋古義求經常之表超然遠覽不以臣微賤廢其所言子辟疆才學有父風

唐書經籍藝文志習鑿齒集五卷
馮氏詩紀輯存詠燈一首
嚴氏全晉文編習鑿齒有集五卷今存臨終上疏與謝安書與燕王書與桓祕書與釋道安書晉承漢統論漢晉春秋論諸葛武侯宅銘凡二十七篇

晉祕書監孫盛集五卷殘缺梁十卷錄一卷
孫盛有魏氏春秋晉陽秋並見史部古史篇
晉書本傳盛博學善言名理於時殷浩檀名一時與抗論者惟盛而已盛嘗詣浩談論對食奮擲塵尾毛悉落飯中食冷而復煖者數四至暮忘食理竟不定盛又著醫卜及易象妙於見形論浩等竟無以難之篤學不倦自少至老手不釋卷著魏氏春秋晉陽秋并造詩賦論難復數十篇

文心雕龍才略篇曰孫盛干寶文勝爲史志乎典訓而筆采略同
唐書經籍藝文志孫盛集十卷

嚴氏全晉文編曰盛字安國統從弟也有集十卷今存鏡賦奏事教書論及魏氏春秋評魏氏春秋異同評晉陽秋評老子疑問反訊凡六十九篇

晉東陽太守袁宏集十五卷梁二十卷錄一卷
袁宏有集議孝經見經部

晉書文苑傳宏有逸才文章絕美會爲詠史詩是其風情所寄爲桓温府記室温重其文筆專綜書記後爲東征賦末列稱過江諸名德而獨不載桓彝時伏滔先在温府又與宏善苦諫之宏笑而不答温知之甚忿宏賦又不及陶侃亦爲侃子胡妖所寤後爲三國名臣頌從桓温北征作北征賦皆其文之高者又見漢時傅毅作顯宗頌辭甚典雅乃作頌九章頌簡文之德上之於孝武撰後漢記竹林名士傳詩賦誄表等雜文凡三百首傳於世

又王彪之傳桓温疾諷朝廷求九錫袁宏爲文以示彪之彪之視訖歎其文辭之美謂宏曰卿固大才安可以此示人時謝安見其文又頻使宏改之宏遂逡巡其事既屢引日乃謀於彪之彪之曰聞彼病日增亦當不復支久自可更小遲迴宏從之温亦尋薨 又儒林
范弘之傳弘之與會稽王道子駿曰温又逼脅袁宏使作九錫備物光赫其文具存朝廷長怖莫不景從惟謝安王坦之以死守之故得稽留耳
世說文學篇桓宣武北征袁虎時從被責免官會須露布文喚袁倚馬前令作手不輟筆

俄得七紙皆可觀王東亭在側極歎其才袁虎云當令齒舌間得利 袁虎宏小字東亭王珣也
梁皇侃論語義疏鼓錄曰晉江熙論語集解有袁宏說

鍾嶸詩品曰彦伯詠史雖文體未適而鮮明緊健去凡俗遠矣

文心雕龍詮賦篇曰彦伯梗概情韻不匱又才略篇曰袁宏發軔以高驥故卓出而多偏唐書經籍藝文志袁宏集二十卷

馮氏詩紀輯存從征行方頭山一首詠史二首擬右失題各一首

汪氏文選撰人篇目曰晉袁彦伯宏有三國名臣序贊

嚴氏全晉文編曰袁宏有集二十卷今存東征賦北征賦各四條耐宴賦夜酣賦表書後漢紀序七賢序三國名臣序贊單道開贊去

伐論明謙論祖述碑桓温碑銘孟處士銘祭牙文羅山疏凡十八篇

梁又有晉黃門郎顧淳集一卷亡

晉書顧和傳和子淳歷尚書吏部郎給事黃門侍郎左衛將軍顧和有集見前

梁又有尋陽太守熊鳴鶴集十卷亡

晉書熊遠傳遠弟緒名亞於遠終於鄱陽太守縉子鳴鶴位至武昌太守熊遠有集見前

梁又有車騎司馬謝韶集三卷亡

晉書謝萬傳萬子韶字穆度少有名時謝氏尤彥秀者稱封胡羯末封謂朗胡謂朗羯謂玄末謂川皆其小字也韶朗川並早卒惟玄

以功名終詔至車騎司馬案世說有胡兒羯奴末婢之稱唯封不見其下一字四人之中唯川無集

嚴氏全晉文編曰世說輕詆篇注引謝啟金昌亭詩序啟爵里未詳案隋志注梁有車騎司馬謝韶集三卷啟韶形近或即其人案晉書列女謝道韞傳亦言封胡羯末云封謂謝啟與謝萬傳

末稱謝韶者異是啟為韶之誤無疑

梁又有金紫光祿大夫王獻之集十卷錄一卷亡琅邪

晉書王羲之傳羲之有七子知名者五人玄之凝之徽之操之獻之獻之字子敬少有盛名高邁不羈雖閑居終日容止不怠風流為一時之冠起家州主簿祕書郎轉丞以選尚新安公主為謝安衛將軍長史尋除建威將軍吳興太守徵拜中書令卒官安僖皇后立以后父追贈侍中特進光祿大夫太宰諡曰憲時議者以為羲之草隸江左中朝莫有及者獻之骨力遠不及父而頗有媚趣云

唐張彥遠歷代名畫記曰獻之草隸繼父之美丹青亦工桓溫嘗請畫扇誤落筆因就成鳥駁牴牛極妙絕又書牴牛賦於扇上此扇義熙中猶在太元十一年卒年四十三

馮氏詩紀輯存桃葉歌二首

嚴氏全晉文編王獻之有集十卷今存表疏啓書及保母磚志凡六篇雜帖八十七條

梁又有琅邪內史袁質集二卷錄一卷亡

晉書袁瓌傳瓌陳郡陽夏人魏郎中煥之曾孫也從祖準準子冲冲子耽耽子質字道和

自漢至質五世並以道素繼業惟其父耽以雄豪著及質又以孝行稱官至琅邪內史東陽太守

唐書經籍藝文志袁質集二卷

梁又有太宰從事中郎袁邵集五卷錄一卷亡

袁邵始末未詳

唐書經籍藝文志袁邵集三卷舊志或誤作袁紹

梁又有車騎長史謝朗集六卷錄一卷亡

晉書謝安傳安弟萬萬弟石石兄子朗朗字長度父據早卒朗善言玄理文義豔發名亞於玄總角時病新起體甚羸未堪勞於叔父安前與沙門支遁講論遂至相苦其母王氏再遣信令還安欲留使竟論王氏因出云新婦少遭艱難一生所寄惟在此兒遂流涕攜朗去安謂坐客曰家嫂辭情慷慨恨不使朝士見之朗終於東陽太守世說簡傲篇注謝據小字虎子奕弟也

唐書經籍藝文志謝朗集五卷

梁又有車騎將軍謝頤集十卷錄一卷亡頤當為玄

晉書謝安傳安兄奕三子泉靖玄玄字幼度

少穎悟與從兄朗俱為叔父安所器重及長

有經國才略為大司馬桓溫掾征西桓豁司馬領南郡相監北征諸軍事時苻堅彊盛邊

境數被侵寇朝廷求文武良將安乃以玄應

舉數以功封東興縣侯及苻堅自率衆號百萬次於項城詔以玄為前鋒都督與叔父征

虜將軍石從弟輔國將軍瑛西中郎將桓伊龍驤將軍檀玄建威將軍戴熙揚武將軍陶隱等距之玄與琰伊等以精銳八千進決戰肥水南堅中流矢陣斬苻融堅衆奔潰肥水

為之不流聞風聲鶴唳皆以為王師以勳封康樂縣公後以疾轉授散騎常侍左將軍會稽內史玄既與疾之郡太元十三年卒官時年四十六追贈車騎將軍開府儀同三司諡曰獻武

又史臣曰康樂才兼文武志存匡濟淮肥之役勅寇望之而土崩渦潁之師中州應之而

席卷方欲西平羣洛北定幽燕廟算有餘良

圖不果降齡何促功敗垂成拊其遺文經綸

遠矣贊曰偉哉獻武功宣授斧剋翦凶渠幾

清中寓

唐書經籍藝文志謝玄集十卷

嚴氏文編輯存疏五篇書五條

案兩唐志謝朗集五卷之後次以謝玄集

十卷唐志無謝頤集本志無謝玄集此謝頤列謝朗之後確為謝玄之誤徧檢晉書無謝頤不知何以誤玄為頤也本志此處似致誤一條通志藝文略亦作謝頤則北宋本已然矣

晉新安太守郝愔集四卷殘缺梁五卷郝當為郡

晉書郝鑿傳鑿二子愔愔字方回少不交

競襲爵南昌公拜中書侍郎為驃騎何充征

北褚裒長史再遷黃門侍郎臨海太守會弟曇卒益無處世意在郡優游頗稱簡默與姊

夫王羲之高士許詢並有邁世之風俱棲心絕穀修黃老之術後以疾去職乃築室章安有終焉之志十許年間人事頓絕簡文帝輔政徵為會稽內史及帝踐阼累遷鎮軍將軍都督浙江東五郡軍事以年老乞骸骨因居會稽徵拜司空固辭不起太元九年卒年七十二追贈侍中司空諡曰文穆 案本傳不言為新安太守或有所略也

唐書經籍藝文志郭愔集王卷郭當為愔

嚴氏全晉文編鄧愔有集五卷通典有上言魏隲事一篇又論喪遇閏一篇淳化閣帖有雜帖四條

梁又有吳郡功曹陸法之集十九卷亡

陸法之始末未詳

晉太常卿王岷集十卷梁錄一卷珉邪 岷當為珉

晉書王導傳導第三子洽洽二子珉珉珉字季琰少有才藝善行書名出珉右時有外國沙門名提婆妙解法理為珉兄弟講毗曇經珉時尚幼講未半便云已解即於別室與法門法綱等數人自講法綱歎曰大義皆是但小未精耳歷著作散騎郎國子博士黃門侍郎侍中代王獻之為長兼中書令二人素齊名世謂獻之為大令珉為小令太元十三年卒年二十八追贈太常

梁皇侃論語義疏錄曰晉江熙集解十三家有王珉說

嚴氏全晉文編王珉有集十卷今存告廟議答徐邈書雜帖論序高座師凡四篇

晉中散大夫羅含集三卷

晉書文苑傳羅含字君章桂陽耒陽人也為庾亮荊州部從事桓溫征西參軍溫與寮屬讌會合從至溫問衆坐曰此何如人或曰可謂荆楚之才溫曰此自江左之秀豈唯荆楚而已累遷宜都太守散騎常侍中廷尉長沙相年老致仕加中散大夫年七十七卒所著文章行於世

唐書經籍藝文志羅含集三卷

嚴氏全晉文編曰羅含有集三卷廣弘明集有答孫安國書更生論凡二篇 案諸類書引羅含湘中記或編入本集

梁有太宰長史庾清集二卷亡 清當為清

晉書庾冰傳冰七子希襲友蘊情邈柔希為后之戚屬冰女又為海西公妃故希兄弟並顯貴太和中希為北中郎將徐兗二州刺史蘊廣州刺史友東陽太守情太宰長史邈會稽王參軍柔散騎常侍情最有才器桓溫深忌之及海西公廢溫陷情及柔以武陵王黨殺之

世說識鑒篇曰庾公云逸少國舉故庾倪為碑文云拔萃國舉注倪庾情小字也徐廣晉紀曰情字少彥司空冰子皇后兄也有才具仕至太宰長史桓溫以其宗彊使下邳王晃誣與謀反而誅之案此則其集中有王逸少碑文

唐書經籍藝文志庾清集二卷

梁有大司馬參軍庾悠之集三卷亡 晉書庾希傳桓溫諷有司劾希以罪免家於

暨陽及海西公廢桓溫陷情及柔殺之希聞難與弟邈及子攸之逃於海陵陂澤中與武遵聚衆於海濱夜入京口城討桓溫兵敗被擒希邈及子姪五人斬於建康市案悠之史作攸之希之子冰之孫也似亦同死於五人之中矣

梁有司徒右長史庾凱集二卷亡

庾凱始末未詳

文心雕龍雜文篇曰至於陳思客問辭高而理疎庾凱客咨意榮而文悴斯類其衆無所取裁矣 或改庾凱為庾凱然散作客咨今亦無可考故仍從原文或凱集有客咨一篇也

唐書經籍藝文志庾凱集二卷軌並當為凱

晉國子博士孫放集一卷殘缺梁十卷

晉書孫盛傳盛子放字齊莊幼稱令慧年七八歲在荊州與父俱從庾亮獵亮曰君亦來耶應聲答曰無小無大從公於邁亮又問欲齊何莊耶放曰欲齊莊周亮曰不慕仲尼耶答曰仲尼生而知之非希企所及亮大奇之曰王輔嗣弗過也終於長沙相

唐書經籍藝文志孫放集十五卷

嚴氏全晉文編曰放字齊莊盛次子國子博士出為長沙太守水經廬江水注有廬山賦初學記御覽有西寺銘序

晉聘士殷叔獻集四卷并目錄梁三卷錄一卷

晉書殷顛傳顛字伯通陳郡人也弟仲文叔獻別有傳 案殷仲文見晉書顛傳殷叔獻今本晉書無其傳案顛字伯通則仲文叔獻皆其字

唐書經籍藝文志殷叔獻集三卷

晉湘東太守庾肅之集十卷錄一卷

晉書文苑傳庾闡傳闡子肅之亦有文藻著稱

歷給事中相府記室湘東太守太元中卒

唐書經籍藝文志庾肅之集十卷

嚴氏全晉文編庾肅之有集十卷初學記類

聚御覽有雪贊山贊水贊玉贊松贊凡五篇

梁有晉北中郎參軍蘇彥集十卷亡

蘇彥有蘇子七卷見子部道家

唐書經籍藝文志蘇彥集十卷

馮氏詩紀輯存七夕詠織女詩西陵觀濤詩

各一篇

嚴氏全晉文編蘇彥有集十卷書鈔類聚御

覽有芙蓉賦浮萍賦秋夜長鵝詩序舜華詩

序女貞頌序語箴隱貞銘邛竹杖銘楠榴枕

銘柏枕銘凡十一篇

梁有太子左率王肅之集三卷錄一卷亡瑛邪

世說排調篇注王氏譜曰肅之字幼恭右將

軍義之第四子歷中書郎驃騎咨議 案右軍

七子知名者五人肅之不在五人之列

梁有黃門郎王徽之集八卷亡瑛邪

晉書王羲之傳羲之子徽之字子猷性卓犖

不羈爲大司馬桓溫車騎桓沖參軍雅性放

誕好聲色嘗與弟獻之讀高士傳獻之賞井

丹高潔徽之曰未若長卿慢世也其傲達若

此時人皆欽其才而穢其行後爲黃門侍郎

棄官東歸與獻之俱病篤未幾獻之卒月餘

徽之亦卒

書一篇

梁有徵士謝敷集五卷錄一卷亡

晉書隱逸傳謝敷字慶緒會稽人也性澄靖

寡欲入太平山十餘年鎮軍郗愔召爲主簿

臺徵博士皆不就

嚴氏全晉文編曰文選褚淵碑文注引謝敷

答郗敬輿書出三藏記集六有安般守意經

序凡二篇

梁有太常卿孔汪集十卷亡

孔汪有孔中郎雜藥方見子部醫家

孔繼汾闕里文獻考孔氏別集有先聖二十

六代孫晉都督交廣二州諸軍事廣州刺史

汪集十卷

嚴氏全晉文編孔汪有集十卷宋書禮志引

四府君郊配議通典有答范甯問凡二篇

梁有陳統集七卷亡

陳統有難孫毓毛詩評四卷毛詩表隱二卷

見經部

梁有太常王愷集十五卷亡太原

晉書王坦之傳坦之四子愷愉國寶忱愷字

茂仁少踐清階襲父爵太元末爲侍中領右

衛將軍多所獻替及王恭等討國寶愷並

請解職以與國寶異生又素不協故得免禍

國寶既死出愷爲吳國內史愷爲丹陽尹及

桓玄等至江寧愷領兵守石城玄等走復爲

吳郡病卒追贈太常

梁有右將軍王忱集五卷錄一卷亡太原

知名與王恭王珣俱流譽一時歷位驃騎長

史嘗造其舅范甯甯謂曰卿風流備望真後

來之秀太元中出爲荊州刺史都督荆益寧

三州忱自恃才氣放酒誕節慕王澄之爲人

澄字平子衍之弟也 又年少居方伯之任談者

憂之及鎮荊州威風肅然殊得物相和桓玄時

在江陵常以才雄駕物忱每裁抑之玄憚而

服焉性任達不拘末年尤嗜酒一飲連月不

醒或裸體而游每數三日不飲便覺形神不

相親數年卒官贈右將軍諡曰穆

嚴氏全晉文編曰王忱有集五卷宋書禮志

載忱郊祀明堂議一篇

梁有太常殷允集十卷亡

世說賞譽篇注中與書曰殷允字子思陳郡

人太常康第六子案康似融之誤 恭素謙退有

儒者之風歷吏部尚書

唐書經籍藝文志殷允集十卷

嚴氏全晉文編曰殷融陳郡長平人融子允

孝武時爲豫章太守後拜太常有集十卷御

覽通典書鈔類聚有石榴賦與徐邈書杖銘

祭徐孺子文凡四篇

晉徵士戴逵集九卷殘缺梁十卷錄一卷亡

戴逵有五經大義見經部論語篇

晉書隱逸傳逵少博學好談論善屬文能鼓

琴工書畫其餘巧藝靡不畢綜總角時以雞

卵汁澆白瓦屑作鄭玄碑又爲文而自鑄之

辭麗器妙時人莫不驚歎性不樂當世常以

唐書經籍藝文志戴逵集十卷

嚴氏全晉文編曰逵有集十卷今存流火賦離興賦棲林賦三篇書五篇贊九篇放逵為非論釋義論答周居士難釋疑論各一篇凡二十篇附竹林七賢論三十三條

梁有晉光祿大夫孫厥集十卷亡似孔厥之誤

案闕里文獻考云孔氏別集有先聖二十

七代孫晉廷尉厥集十一卷案孔厥集隋

唐志皆不見似即此集誤孔為孫也晉書

孔羣傳羣子沈沈子厥位吳興太守廷尉

與文獻考稱官位合 南史孔琳之傳琳之父

歐光祿大夫 與此所題官位亦合 似出孔厥

為多

梁又有尙書左丞徐禪集六卷亡

徐禪始末未詳

嚴氏全晉文編曰徐禪咸康中為博士永和

初轉尙書郎累遷尙書左丞有集六卷晉宋

書禮志及通典載禪有上事及雜議告廟文

凡八篇

晉太子前率徐邈集九卷并目錄梁二十卷錄一

卷

徐邈有周易音見經部易家

晉書儒林傳邈姿性端雅勤行勵學博涉多

聞以慎密自居少與鄉人臧壽齊名下帷讀

書不游城邑及孝武帝始覽典籍招延儒學

之士謝安始舉以應選處西省前後十年每

被顧問輒有獻替多所匡益帝宴集酣樂之

後好為手詔詩章以賜侍臣或文詞率爾所

言穢雜邈每應時收斂還省刊削皆使可觀

經帝重覽然後出之是時侍臣被詔者或宣

揚之故時議以此多邈及遷中書侍郎專掌

綸詔帝甚親昵之邈蒞官簡惠達於從政論

精議密當時多諮稟之觸類辨釋問則有對

又史臣曰邈協和主相刊削繁辭可謂將順

其美匡救其惡 案宋書邈弟廣與東莞臧熾合傳此

臧熾知為臧熾之誤

唐書經籍藝文志徐邈集八卷

嚴氏全晉文編徐邈有集二十卷晉宋禮志

及通典諸書有奏議書答問凡二十五篇

晉給事中徐乾集二十一卷并目錄梁二十卷錄

一卷

徐乾有穀梁傳注見經部春秋家

嚴氏全晉文編徐乾有集二十一卷宋書禮

志及通典有褚爽表稱太子名議殷祭議各

一篇

梁又有晉冠軍將軍張玄之集五卷錄一卷亡

晉書謝玄傳玄以疾轉授左將軍會稽內史

時吳興太守晉寧侯張玄之亦以才學顯自

吏部尙書與玄同年之郡而玄之名亞於玄

時人稱為南北二玄論者美之 案玄之妹亦與

謝道韞齊名

世說言語篇注續晉陽秋曰張玄之字祖希

吳郡太守澄之孫也少以學顯歷吏部尙書

出為冠軍將軍吳興太守卒於郡 案諸書引張

玄之吳興山墟名烏程嚴均可有輯本隋唐志皆不見當

編入本集

梁又有員外常侍荀世之集八卷亡

荀世之始末未詳

梁又有袁崧集十卷亡

袁崧即袁山松有後漢書見史部正史篇

晉書袁瓌附傳山松少有才名博學有文章

矜情秀遠善音樂舊歌有行路難曲辭頗疏

實山松好之乃文其辭句婉其節制每因酣

醉縱歌之聽者莫不流涕初羊曇善唱樂桓

伊能挽歌及山松行路難繼之時人謂之三

絕

馮氏詩紀輯存詠菊一首

嚴氏全晉文編袁崧有集十卷書鈔類聚御

覽引有歌賦酒賦圓扇賦答桓南郡書白鹿

詩序及後漢書光武紀論章帝紀論獻帝紀

論凡八篇 案諸書引袁山松宜都記勾將山記或編

入本集

梁又有黃門郎魏邊之集五卷亡

世說賞譽篇曰魏隱兄弟少有學義注魏氏

譜曰隱字安時會稽上虞人歷義興太守御

史中丞弟邊黃門郎

梁又有驃騎參軍卞湛集五卷亡

卞湛始末未詳

唐書經籍藝文志卞湛集五卷

梁又有金紫光祿大夫褚爽集十六卷錄一卷

亡

晉書外戚傳褚爽字弘茂小字期生恭思皇

后父也祖哀父歆爽少有令稱謝安甚重之

嘗曰若期生不佳我不復論士矣為義興太

守早卒以后父追贈金紫光祿大夫

世說識鑿篇注續晉陽秋曰爽河南人太傅

哀之孫祕書監詔之子 案外戚祕傳末云子歆

字幼安則詔當為歆 俊邁有風氣好老莊之言

當世榮譽弗之屑也唯與殷仲堪善累遷中

書郎義興太守女為恭帝皇后

嚴氏全晉文編褚爽有集十六卷藝文類聚

四引爽禊賦

晉豫章太守范寧集十六卷

范寧有古文尙書注見經部書類

晉書本傳寧少篤學多所通覽時以浮虛相

扇儒雅日替寧著論以為其源始於王弼何

晏二人之罪深於桀紂拜中書郎在職多所

獻替有益政道時更營新廟博求辟雍明堂

之制寧據經傳奏上皆有典證孝武帝雅好

文學甚被親愛朝廷疑議輒諮訪之為豫章

太守臨發上疏言得失又陳時政帝善之既

免官家於丹陽猶勤經學終年不輟

本志總集類范寧啓事三卷梁十卷

唐書經籍藝文志范寧集十五卷

嚴氏全晉文編范寧有集十六卷本傳及通

典類聚諸書引表疏奏議啓教書答問序論

凡二十四篇

梁有晉餘杭令范弘之集六卷亡

晉書儒林傳范弘之字長文安北將軍汪之

孫也襲爵武興侯雅正好學以儒術該明為

太學博士時衛將軍謝石薨請諡下禮官議

弘之議云案諡法因事有功曰襄貪以敗官

曰墨宜諡曰襄墨公又論殷浩宜加贈諡不

得因桓溫之黜以為國典仍多岐溫移鼎之

迹時謝族方顯桓宗猶盛尙書僕射王珣溫

故吏也素為溫所寵三怨交集乃出弘之為

餘杭令將行與會稽王道子棧又與王珣書

詞雖亮直終以溫謝之故不調卒於餘杭令

年四十七 南史范泰傳泰第四子暉最知名出繼從

伯弘之後襲封武興縣五等侯

又史臣曰弘之抗言立論不避朝權貶石抵

溫斯為當矣遂乃厄於三怨以至陵遲悲夫

嚴氏全晉文編范弘之有集六卷今惟存本

傳所載謝石諡議與會稽王棧與王珣書凡

三篇

晉司徒王珣集十一卷并目錄梁十卷錄一卷亡

案此亡字衍 珣那

晉書王導傳導第三子治最知名治二子珣

珣珣字元琳弱冠與陳郡謝玄為桓溫掾俱

為溫所敬重時溫經略中夏竟無寧歲軍中

機務並委珣焉從討袁真封東亭侯孝武帝

雅好典籍珣與殷仲堪徐邈王恭郗恢等並

以才學文章見昵於帝帝崩哀册諡議皆珣

所草王恭謂珣曰比來視君一似胡廣隆安

初仕至尙書令衛將軍散騎常侍四年以疾

解職歲餘卒年五十二贈車騎將軍開府諡

曰獻穆桓玄與會稽王道子書曰珣神情朗

悟經史明徹風流之美公私所寄雖偏嫌謗

才用不盡然君子在朝弘益自多時事艱難

忽爾喪失歎懼之深豈但風流相悼而已玄

輔政改贈司徒

世說文學篇注續晉陽秋曰珣學涉通敏文

高當世

唐書經籍藝文志王珣集十卷

馮氏詩紀曰晉書樂志太元中使曹毗王珣

增造宗廟歌詩珣造簡文皇帝孝武皇帝歌

二首

嚴氏全晉文編王珣有集十一卷今存奏書

序贊銘哀策文祭文凡九篇

晉處士薄蕭之集九卷梁十卷

薄蕭之亦作薄肅之始末並未詳

唐書經籍藝文志薄蕭之集十卷

梁又有晉安北參軍薄要集九卷亡

薄要始末未詳

案本志春秋家有薄叔玄問穀梁義四卷

馬國翰曰叔玄與范寧同時治穀梁之學

者也案薄叔玄似即此薄要為范汪安北

參軍即范寧穀梁集解序所為門生故吏

之一歟

梁又有薄邕集七卷亡

薄邕始末未詳

梁又有延陵令唐邁之集十一卷錄一卷亡

唐邁之始末未詳

晉孫恩集五卷

晉書叛逆傳孫恩字靈秀琅邪人孫秀之族

也世奉五斗米道恩叔父泰師事錢唐杜子

恭子恭有祕術往往神效泰傳其術誑誘百

姓後謀作亂會稽王道子誅之恩逃於海聚

亡命自海攻上虞襲會稽害內史王凝之等
遂據會稽隆安四年復寇刑浦害內史謝琰
又寇扈濱害吳國內史袁山松浮海向京口
又集衆欲向京都北寇廣陵陷之劉裕緣海
要截累戰敗之復大破恩於扈濱遂遠進海
中及桓玄用事恩復寇臨海臨海太守辛景
討破之恩窮蹙赴海自沈餘衆復推恩妹夫
盧循爲主自恩初入海前後數十戰殺百姓
數萬人

案孫恩至不足道不知何人爲編其集至
隋時猶行於世甚可怪也

梁有晉殿中將軍傅綽集十五卷亡

傅綽始末未詳

梁有驍騎將軍弘戎集十六卷亡

弘戎始末未詳

嚴氏全晉文編曰北堂書鈔太平御覽各卷

中引弘君舉食檄四條君舉始末未詳案隋

志注梁有驍騎將軍弘戎集十六卷疑即此

梁有御史中丞魏叔齊集十五卷亡

魏叔齊始末未詳

案世說排調篇注引魏氏譜有魏顛字長

齊會稽人仕至山陰令叔齊或其昆季行

大抵與魏邊之同族邊之會稽上虞人有

集見前

梁有司徒右長史劉寧之集五卷亡

劉寧之始末未詳

晉臨海太守辛德遠集五卷梁四卷

辛德遠名昂始末未詳

晉書安帝本紀元興元年三月臨海太守辛
景擊孫恩斬之唐人避諱改昂爲景

又叛逆孫恩傳恩復寇臨海臨海太守辛景
討破之恩窮蹙赴海自沈

唐書經籍藝文志辛炳集四卷

嚴氏全晉文編曰辛炳爵里未詳御覽三百

三十七有辛炳洛戌時與桓郎賤一條云桓

宣武令下官將千二百人奄襲某營值天洪

雨器仗沾濕斬廣深丈餘鹿角五重樓櫓嚴

設自四更三唱攻逼至小食時不剋 案此則

兩書爲桓溫故吏也

常熟丁國鈞補晉書藝文志曰辛德遠集舊

唐志作辛炳集炳德遠名即本書孫恩傳之

臨海太守辛景也

梁又有晉車騎參軍何瑾之集十一卷亡

何瑾之始末未詳

嚴氏全晉文編曰何瑾一作瑾之爲車騎參

軍有集十一卷類聚御覽有悲秋夜一篇

梁又有太保王恭集五卷錄一卷亡太原 自魏

王昶以迄於恭有集見本志凡十六人

晉書本傳恭字孝伯光祿大夫蘊子 蘊王長

史漢之次子孝武定皇后之兄也少有美譽清

操過人自負才地高華恆有宰輔之望與王

忱齊名友善慕劉惔之爲人太元中累遷中

書令領太子詹事孝武帝以恭后兄深相欽

重以恭都督兗青冀幽并徐州晉陵諸軍事

平北將軍兗青二州刺史假節鎮京口旋改

號前將軍及帝崩會稽王道子執政寵昵王

國寶委以機權恭每正色直言道子深憚而
忿之於是國難始結恭乃謀誅國寶抗表京

師內外戒嚴用王珣計請解職道子收國寶
賜死深謝愆失恭乃還京口譙王尙之復說

道子以藩伯強盛宰相權弱宜多樹置以自

衛道子然之乃以其司馬王愉爲江州刺史

割庾楷豫州四郡使愉督之由是楷怒說恭

曰尙之兄弟專弄相權欲假朝威貶削方鎮

及其議未成宜早圖之恭以爲然復以謀告

殷仲堪桓玄玄等從之推恭爲盟主剋期同

赴京師恭乃舉兵上表以討王愉司馬尙之

兄弟爲辭朝廷使會稽世子元顯及王珣謝

琰等距之恭兵敗單騎奔曲阿湖浦尉收送

京師斬之桓玄執政上表理恭詔贈侍中太

保諡曰忠簡腰斬湖浦尉

嚴氏全晉文編王恭有集五卷今存表書各

二篇

梁又有殷觀集十卷錄一卷亡

晉書本傳觀字伯通陳郡人也祖融太常卿

父康吳興太守殷融殷康並有集見前觀性通率

有才氣少與從弟仲堪俱知名太元中以中

書郎擢爲南蠻校尉莅職清明政績肅舉及

仲堪得王恭書將與兵內伐告觀欲同舉觀

不平之曰夫人臣之義慎保所守朝廷是非

宰相之務豈藩屏之所圖也晉陽之事宜所

不豫仲堪要之轉切說怒曰吾進不敢同退

不敢異仲堪甚以爲恨猶密諫仲堪辭甚切

至仲堪志望無厭謂觀言爲非觀知仲堪當

逐異已樹置所親因出行散託疾不還仲堪出省之謂曰兄病殊可憂說曰我病不過身死但汝病在滅門幸熟爲慮勿以我爲念也仲堪不從卒與楊佺期桓玄下同下覬遂以憂卒隆安中贈冠軍將軍弟仲文叔獻又史臣曰仲堪反常之舉殷覬以正色折之求諸古烈何以加焉史文皆覬頭互見今從本志晉荊州刺史殷仲堪集十二卷并目錄梁十卷錄一卷亡

殷仲堪有毛詩雜義見經部詩家

晉書本傳仲堪能清言善屬文每云三日不讀道德論便覺舌本間強其談理與韓康伯齊名士咸愛慕之爲晉陵太守時所下條教甚有義理在荊州答桓玄論四倍玄屈之每語子弟云人物見我受任方州謂我豁平昔時意今吾處之不易貧者士之常焉得登枝而捐其本爾其存之

唐書經籍藝文志殷仲堪集十卷

嚴氏全晉文編殷仲堪有集十二卷今存游園賦將離賦太子令表奏牋書答問贊論銘誄合社文凡十七篇案梁臯侃論語義疏引殷仲堪說或在本集

晉驃騎長史謝景重集一卷

晉書謝朗傳朗子重字景重明秀有才名爲會稽王道子驃騎長史

南史謝晦傳晦陳郡陽夏人晉太常哀之玄孫也哀子奕據安萬鐵並著名前史據子朗字長度位東陽太守朗子重字景重位會稽

王道子驃騎長史案晉書萬石石弟鐵永嘉太守晉桓玄集二十卷

桓玄有繫辭注見經部易類

晉書叛逆傳玄形貌瓌奇風神疏朗博綜藝術善屬文常負其才地以雄豪自處衆咸憚之及篡位義兵起出奔於道作起居注敘其距義軍之事自謂經略指授策無遺策諸將違節度以致虧喪非戰之罪於是不遑與羣下謀議唯就思誦述宣示遠近史部舊事篇有桓玄僞事三卷疑卽此起居注

世說文學篇桓玄嘗登江陵城南樓云我今欲爲王孝伯作誄孝伯王恭字也因吟嘯良久隨而下筆一座之間誄以之成又曰玄初并

西夏領荆江二州二府一國於時始雪五處俱賀五版並入玄在聽事上版至卽答版後皆粲然成章不相採雜注晉安帝紀曰玄文翰之美高於一世玄集載王孝伯誄云唐書經籍藝文志桓玄集二十卷

馮氏詩紀輯存登荆山詩南陵彈詩各一首

嚴氏全晉文編桓玄有集二十卷今存鳳賦鶴賦鸚鵡賦教疏箋書論難序誄及矯詔僞詔下書受禪下書封晉帝爲王受禪告天文凡三十五篇

梁有晉丹陽令卞範之集五卷錄一卷亡令當爲尹

晉書叛逆傳卞範之字敬祖濟陰宛句人也識悟聰敏見美於當世太元中自丹陽丞爲始安太守桓玄少與之游及玄爲江州引爲

長史委以心膂之任潛謀密計莫不決之後玄將爲篡亂以範之爲丹陽尹範之與殷仲文陰撰策命玄僭位以爲侍中進號後將軍封臨汝縣公其禪詔卽範之文也義軍起隨玄西走斬於江陵劉毅傳毅推鋒進江陵執玄下範之等五人皆斬之

嚴氏全晉文編曰北堂書鈔有卞範之杖贊無患枕贊二篇

梁有光祿勳卞承之集十卷錄一卷亡

晉書叛逆傳桓玄曾祖以上名位不顯故不欲序列且以王莽九廟見譏於前史遂以一廟矯之祕書監卞承之曰祭不及祖知楚德之不長也又曰義熙三年東陽太守殷仲文與永嘉太守駱球謀反欲建桓胤爲嗣曹靖之桓石松卞承之劉延祖等潛相交結劉裕以次收斬之并誅其家屬

嚴氏全晉文編曰卞承之字敬宗安帝時爲光祿勳有集十卷今存鸚鵡賦序溝井贊無患枕贊杜樹贊甘焦贊懷香贊

晉東陽太守殷仲文集七卷梁五卷

殷仲文有孝經注見經部

晉書叛逆傳仲文少有才藻桓玄將爲亂使總領詔命玄九錫仲文之辭也仲文善屬文爲世所重謝靈運嘗云若殷仲文讀書半袁豹則文才不減班固言其文多而見書少也世說文學篇注續晉陽秋曰仲文雅有才藻著文數十篇

唐書經籍藝文志殷仲文集七卷

馮氏詩紀輯存南州桓公九井詩一首送東陽太守詩一首

汪氏文選撰人篇目晉殷仲文有桓公九井詩自解表

嚴氏全晉文編殷仲文有集七卷今惟見本傳及文選所載抗表自解一篇

晉司徒王謐集十卷錄一卷項邪

晉書王導傳第四子協元帝撫軍參軍襲爵武岡侯早卒無子以弟劭子謐為嗣謐字稚遠少有美譽與譙國桓胤太原王綏齊名

拜祕書郎襲父爵遷祕書丞歷中軍長史黃門郎侍中及桓玄舉兵詔謐銜命詣玄玄深敬昵焉以為中書監領司徒及玄將篡以謐兼太保奉璽冊詣玄玄篡封武昌縣開國公初劉裕為布衣衆未之識也惟謐獨奇貴之常謂裕曰卿當為一代英雄及裕破桓玄謐以本官加侍中領揚州刺史錄尚書事謐既受寵桓氏常不自安懼而出奔裕遣人追躡既還委任如先加班劍二十人義熙三年卒年四十八追贈侍中司徒謐曰文恭

唐書經籍藝文志王謐集十卷
嚴氏全晉文編王謐有集十卷今存疏議書答難凡七篇

梁有晉光祿大夫伏系之集十卷錄一卷亡

晉書文苑伏滔傳孝武帝嘗會於西堂滔豫坐還下車先呼子系之謂曰百人高會天子先問伏滔在坐不此故未易得為人作父如此定何如也系之亦有文才歷黃門郎侍郎

侍中尚書光祿大夫

世說龍禮篇注邱淵之文章錄曰伏系字敬魯仕至光祿大夫

馮氏詩紀伏系之爵里無考有味椅桐詩一篇文殘缺案馮氏列之宋代又以為無考皆非也

嚴氏全晉文編伏系之伏滔子有集十卷御覽十二有雪賦類聚三有秋懷賦凡二篇

晉右軍參軍孔璠集二卷

孔璠亦作孔璠之始未詳

唐書經籍藝文志孔璠之集二卷

嚴氏全宋文編曰孔璠之爵里未詳疑是孔琳之昆季藝文類聚八十二有艾賦艾贊各一篇案嚴氏編入宋文蓋據藝文類聚所題孔琳之有集見後宋代人文中

晉衛軍諮議湛方生集十卷錄一卷

湛方生始末未詳

唐書經籍藝文志湛方生集十卷

馮氏詩紀輯存廬山神仙詩諸人共講老子詩懷歸謠秋夜詩游園詠等詩凡九篇

嚴氏全晉文編曰湛方生為衛軍諮議參軍有集十卷藝文類聚載有風賦懷春賦秋夜賦游園詠懷歸謠上貞女解修學校教七歡及序贊銘弔鶴文凡十八篇

晉光祿大夫祖台之集十六卷梁二十卷

祖台之有志怪二卷見史部雜傳類

嚴氏全晉文編祖台之有集二十卷類聚初學記書抄御覽文選注有荀子耳賦與王忱書議錢耿殺妻事道論語命凡五條

晉通直常侍顧愷之集七卷梁二十卷

顧愷之有啓矇記見經部小學類

晉書文苑傳愷之博學有才氣嘗為箏賦每重嵇康四言詩因為之圖恆云手揮五絃易目送歸鴻難桓溫引為大司馬參軍甚見親昵後為殷仲堪參軍亦深被眷接尤善丹青圖寫特妙謝安深重之以為有蒼生以來未有也所著文集及啓矇記行於世

世說文學篇曰或問顧長康君箏賦如何嵇康琴賦顧曰不賞者以後出相遺深識者亦以高奇見貴

又巧藝篇注曰愷之歷畫古賢皆為之贊

唐張彥遠歷代名畫記曰顧愷之小字虎頭晉陵無錫人多才藝尤工丹青傳寫形勢莫不妙絕嘗畫中興帝相列像妙極一時著魏晉名臣畫贊評量甚多又有論畫一篇皆模寫要法義熙初為散騎常侍

馮氏詩紀輯存神情詩一首

嚴氏全晉文編顧愷之有集二十卷藝文類聚諸書有雷電賦觀濤賦冰賦湘中賦湘川賦箏賦鳳賦表箋序畫贊父悅之傳祭牙文凡十五篇

按四庫提要曰張彥遠名畫記徵引繁富佚文舊事往往而存如顧愷之論畫一篇

魏晉勝流名畫贊一篇畫雲臺山記一篇皆他書之所不載案此三篇嚴氏輯文皆遺之甚可惜也又張彥遠中晚唐時人尚見顧集而經籍藝文兩志皆不載蓋民間

所有官庫所無也

晉太常卿劉瑾集九卷梁五卷

世說品藻篇注劉瑾集曰瑾字仲章南陽人祖宗父暢暢娶王羲之女生瑾瑾有才力歷尚書太常卿案劉暢亦有集見前

唐書經籍藝文志劉瑾集八卷

嚴氏全晉文編曰劉瑾元與末為太常卿有集九卷初學記有甘樹賦以為宋人今從隋志通典有殷祭議又議凡三篇

晉左僕射謝混集三卷梁五卷

晉書謝安傳安次子琰琰字混字叔源少有美譽善屬文初孝武帝為晉陵公主求婿謂王珣曰主婿但如劉真長王子敬便足如王處仲桓元子誠可才小富貴使豫人家事謂劉悛王獻之王敦桓溫也珣對曰謝混雖不及真

長不減子敬帝曰如此便足遂尚主襲父爵望蔡公歷中書令中領軍尚書左僕射領選以黨劉毅誅國除及宋受禪謝晦謂劉裕曰陛下應天受命登壇日恨不得謝益壽奉璽絨裕亦歎曰吾甚恨之使後人不得見其風流益壽混小字也安帝本紀義熙八年九月己卯太尉劉裕害右將軍兗州刺史劉滂尚書左僕射謝混庚辰裕矯詔大赦己丑劉裕率師討殺裕參軍王鎮惡臨江陵城殺自殺

宋書謝靈運傳論曰有晉中興玄風獨振為學窮於柱下博物止乎七篇馳騁文辭義單乎此自建武暨乎義熙歷載將百雖綴響聯辭波屬雲委莫不寄言上德託意玄珠適麗

之辭無聞焉爾仲文始革孫許之風謂孫綽許詢叔源大變太元之氣

世說文學篇注續晉陽秋曰魏正始中王弼何晏好莊老玄暢之談至過江佛理尤盛故郭璞五言始會合道家之言而韻之許詢孫綽轉相祖尚自此作者悉體之至義熙中謝混始改

鍾嶸詩品曰晉宋之際殆無詩乎義熙中以謝益壽殷仲文為華綺之冠殷不兢矣

文心雕龍才略篇曰殷仲文之孤興注云孤疑作秋謝叔源之閑情並解散辭體縹緲浮音雖滔滔風流而大澆文意

馮氏詩紀輯存游西池詩送二王在領軍府集詩各一首誠族子靈運等五人詩一篇其事見謝弘微集條下在宋代人文中

汪氏文選撰人篇目宋謝叔源混有游西池詩案以為宋人非也

嚴氏全晉文編謝混有集五卷宋書禮志三載其殷祭議一篇

晉秘書監滕演集十卷錄一卷

宋書傅亮傳義熙元年亮直西省典掌詔命轉領軍長史以中書郎滕演代之七年亮復代演直西省又曰高祖登庸之始文筆皆是記室參軍滕演演字彥將南陽西鄂人官至黃門郎秘書監義熙八年卒

唐書經籍藝文志滕演集一卷

晉司徒長史王誕集二卷誕邪

宋書南史本傳誕字茂世祖恬晉中軍將軍

案恬王導第二子也父混太常卿誕少有才藻晉孝武帝崩從叔尚書令珣為哀策文出本

示誕曰猶恨少序節物誕攬筆便益之接其秋冬代變後云霜繁廣除風迴高殿珣歎美因而用之襲爵雒鄉侯為會稽王世子後軍長史琅邪內史及桓玄得志將見誅誕甥桓修為陳請乃徙廣州後得還為宋武帝太尉

長史盡心歸奉帝甚仗之北伐廣固領齊郡太守後為吳國內史義熙九年卒年三十九以南北從征追封作唐縣五等侯

宋書傅亮傳高祖登庸之始文筆皆是記室參軍鄧演北征廣固悉委長史王誕案宋武北征慕容超於廣固事在晉義熙五六年

嚴氏全晉文編曰王誕宋書有傳藝文類聚六十有伐廣固祭牙文亦以為宋人今以卒年為斷編入晉文

梁有晉太尉諮議劉簡之集十卷亡

宋書南史劉康祖傳康祖彭城呂人也世居京口父虔之伯父簡之有志幹為宋武帝所知帝將謀興復收集才力之士嘗再造簡之會有客不得語簡之悟其意使虔之往見之及虔之至武帝已剋京口虔之即投義軍簡之聞之殺耕牛會眾以赴之簡之歷官至通直常侍少府太尉諮議參軍簡之弟謙之好學撰晉紀二十卷案劉謙之晉紀見史部古史篇

世說方正篇劉簡之作桓宣武別駕後為東曹參軍頗以剛直見疎注劉氏譜曰簡字仲約南陽人祖喬豫州刺史父挺潁川太守簡仕

至大司馬參軍

唐書世系表南陽劉氏裔孫虞魏侍中關內

侯子阜嗣阜生喬喬生挺挺二子簡耽 案晉

書劉挺劉耽俱附見劉喬傳簡不及焉據世系表耽之兄

晉丹陽太守袁豹集八卷梁十卷錄一卷

晉書袁瓌附傳瓌從子質質子湛湛弟豹字

士蔚博學善文辭有經國才為劉裕所知為

太尉長史丹陽尹卒 袁質有集見前

宋書袁湛傳湛陳郡陽夏人也父質琅邪內

史弟豹為謝安所知好學博聞多覽典籍籍為

劉毅撫軍參軍毅時建議大田豹上議其事

善言雅俗每商較古今兼以誦詠聽者忘疲

高祖遣益州刺史朱齡石伐蜀使豹為檄文

義熙九年卒官年四十一以參伐蜀之

謀封為南昌縣五等子

唐書經籍藝文志袁豹集十卷

嚴氏全晉文編曰宋書禮志三引袁豹四府

君還主議宋書袁湛傳引大田議為宋公檄

蜀文凡三篇

梁又有晉廬江太守殷遵集五卷錄一卷亡

殷遵始末未詳

梁又有與平令荀軌集五卷亡

荀軌始末未詳

晉西中郎長史羊徽集九卷梁十卷錄一卷

宋書羊欣傳欣字敬元泰山南城人也義興

中弟徽被遇於高祖高祖曰羊徽一時美器

徽字敬猷世譽多欣高祖鎮京口以為記室

參軍掌事八年遷中書郎直西省後為太祖

西中郎長史河東太守宋書王韶之傳云西晉耶

管詔語義熙中傳亮羊徽相代在職

唐書經籍藝文志羊徽集一卷

嚴氏全晉文編羊徽有集十卷藝文類聚有

木槿賦一篇

晉國子博士周祗集十一卷梁二十卷錄一卷

唐書經籍藝文志周祗集十卷

嚴氏全晉文編曰周祗字穎文陳郡人義熙

初為國子博士有集二十卷宋書劉敬宣傳

有與劉裕書諫伐蜀藝文類聚有月賦枇杷

賦執友箴祭梁鴻文以為宋人今從隋唐志

列於晉案周祗有隆安記二卷兩唐志雜史類選諸作

崇安或在本集

梁又有晉相國主簿殷闡集十卷錄一卷亡

晉書殷仲文傳仲文素有名望忽遷為東陽

太守何無忌甚慕之東陽無忌所統 時無忌

為會稽內史督江東五郡軍事 仲文許當便道脩

謁無忌故益欽遲之令府中文人殷闡孔寧

之徒撰義構文以俟其至

嚴氏全晉文編曰殷闡義熙初會稽內史何

無忌引為掾屬後為相國主簿有集十卷藝

文類聚三十八有祭王東亭文一篇 案晉書

安帝本紀義熙十四年夏六月劉裕為相國進封宋公殷

闡為主簿即在是時

梁又有太常傅迪集十卷亡

晉書劉柳傳柳歷尚書左右僕射時右丞傅

迪好廣讀書而不解其義柳唯讀老子而已

迪每輕之柳云卿讀書雖多而無所解可謂

書簾矣時人重其言

宋書傅亮傳亮北地靈州人也祖咸司隸校

尉咸有集見前父瓌以學業知名與郗超善超

嘗造瓌瓌見其二子迪及亮超曰卿小兒才

名位官當遠踰於兄然保家傳祚終在大者

迪字長猷亦儒學官至五兵尚書永初二年

卒追贈太常

南史傅亮傳曰亮之方貴兄迪每深誠焉而

不能從

案永初宋武受禪改元之號此集當入宋

人中與謝瞻集為伍

晉始安太守卞裕集十三卷梁十五卷

卞裕始末未詳

唐書經籍藝文志卞裕集十四卷

馮氏詩紀輯存送桓竟陵詩失題詩殘文各

一首

梁又有韋公藝集六卷亡

韋公藝始末未詳

晉毛伯成集一卷

世說言語篇曰毛伯成既負其才氣常稱寧

為蘭摧玉折不作蕭敷艾榮注征西寮屬名

曰毛玄字伯成潁川人仕至征西行軍參軍

本志總集篇毛伯成詩一卷伯成東晉征西

將軍案將軍為參軍之誤此詩一卷當在是集中

案鍾嶸品齊參軍毛伯成齊朝請吳邁遠

齊朝請許謠之詩云伯成文不全佳亦多

惆悵以為齊人誤也

晉沙門支曇諦集六卷

梁釋慧皎高僧傳釋曇諦姓康其先康居人漢靈帝時移附中國獻帝末亂移止吳興案吳興立郡在孫時獻帝時未有此郡 譚父彤嘗為

冀州別駕譚十歲出家學不從師悟自天發游覽經籍過目斯記晚入吳虎邱寺講禮易

春秋各七遍法華大品維摩各十五遍又善屬文翰集有六卷亦行於世性愛林泉後還

吳興入故章崑山閑居澗飲二十餘載以宋元嘉末卒於山春秋六十餘

唐書經籍志沙門曇諦集六卷

唐書藝文志僧曇諦集六卷

嚴氏全晉文編曰支曇諦本康居人居吳興烏程之千秋里後徙故鄣之崑山義熙七年

卒案丘道護作曇諦誄以為義熙七年五月卒道護與曇諦友善必有誤高僧傳七神

僧傳三作宋元嘉末卒恐未可據隋志曇諦集丘道護集皆列於晉不列於宋足以明之

曇諦有集六卷類聚御覽有廬山賦赴火蛾賦燈贊靈鳥山銘序凡存四篇

晉沙門釋惠遠集十二卷

慧皎高僧傳釋惠遠本姓賈氏雁門樓煩人也少為諸生博綜六經尤善莊老師事道安

後至潯陽之廬山江州刺史桓伊為起東林寺居焉彭城劉遺民豫章雷次宗雁門周續

之新蔡畢穎之南陽宗炳張萊民張季碩等並棄世遺榮依遠游止遠卜居廬阜三十餘

年影不出山迹不入俗每送客游履常以虎谿為界焉晉義熙十二年八月初六終年八

十三尋陽太守阮侃於山西嶺鑿墳開塚謝靈運為造碑銘宗炳又立碑寺門初遠善屬文章所著論序銘贊詩書集為十卷五十餘篇見重於世

唐書經籍志沙門惠遠集十五卷

唐書藝文志僧惠遠集十五卷

馮氏詩紀輯存廬山東林雜詩報羅什偈廬山諸道人詩諸沙彌詩凡四篇

嚴氏全晉文編曰慧遠慕客雋時師事道安後隨道安奔襄陽孝武初襄陽陷移居廬山

有集十二卷今存書十三篇論五篇廬山記游山記各一篇序五篇頌贊各一篇銘三篇編為二卷

晉姚萇沙門釋僧肇集一卷

慧皎高僧傳僧肇京兆人家貧以傭書為業遂因繕寫歷觀經史備盡墳籍志好玄微每

以莊老為心要後見舊維摩經歡喜頂受因此出家從鳩摩羅什入長安姚興命肇與僧

叡等入逍遙園助詳定經論晉義熙十年卒於長安年三十一

嚴氏全晉文編曰僧肇師事鳩摩羅什於姑臧尋從入長安弘始中為姚興所害有集一卷釋藏及弘明集高僧傳有答劉遺民書及

論序羅什法師誄凡十一篇

晉王茂略集四卷

唐書經籍藝文志王茂略集四卷

案王濤字茂略王鑒弟也本志前載王鑒集原作王覽非是 條下注云梁又有晉著作

佐郎王濤集五卷亡此殆即五卷之殘本實亡而未盡亡也 兩唐志與王濤集亦前後兩見豈別有其人乎抑唐時兩本並行誤以為兩人也

晉曹毗集四卷

曹毗有集見前

案前載晉光祿勳曹毗集十卷注云梁十五卷錄一卷此四卷殆其別本

晉宗欽集二卷

唐書經籍志後魏宗欽集二卷藝文志同

案北魏太武帝時宗欽撰蒙遜記十卷見史部霸史類欽仕北涼且渠氏涼亡入魏

死崔浩之難其時並在宋元嘉中又欽仕且渠蒙遜為世子洗馬時上東宮侍臣箴

入魏後與高允書贈詩十二首及允答書并詩相褒美見魏書本傳馮氏詩紀嚴氏

文編皆錄存之兩唐志載其集入後魏人中本志後魏諸人集無宗欽知即是集誤

以為晉人也 以上三家似又從別家見存書目錄入

梁有晉中軍功曹殷曠之集五卷亡

晉書殷仲堪傳仲堪子簡之率弘僮客隨義軍躡桓玄死簡之食其肉桓振之役簡之

沒陳弟曠之有父風任至刻令 梁有太學博士魏說集十三卷亡

魏說始末未詳

案世說排調篇注引魏氏譜曰魏覲字長齊會稽人祖胤處士父說大鴻臚卿似即

此魏說後至大鴻臚歟

梁有征西主簿丘道護集五卷錄一卷亡

唐張懷瓘書斷曰齊建元時有邱道護善隸書便書素時司馬珣之以道護素書洛神賦示羊欣欣嗟咨其工以為勝己道護烏程人也官至相國主簿案此謂齊建元時非也

唐張彥遠法書要錄南齊王僧虔論書曰羊欣邱道護並親授於子敬邱殊在羊欣前

嚴氏全晉文編曰丘道護義熙中為征西主簿有集五卷廣弘明集二十六有道人支曇諦誄一篇

梁有柴桑令劉遺民集五卷錄一卷亡

劉遺民有老子玄譜見子部道家

慧皎高僧慧遠傳彭城劉遺民等並棄世遺榮依遠游止遠乃於精舍無量壽像前立誓共期西方乃令劉遺民著其文有云息心貞信之士百有二十三人集於廬山之陰般若雲臺精舍阿彌陀像前以香華敬薦而誓焉

嚴氏全晉文編劉遺民有集五卷釋藏高僧傳有廬山精舍誓文致僧筆書各一篇

梁有郭澄之集十卷亡

郭澄之有郭子見子部小說家

晉書文苑傳澄之少有才思所著文集行於世

梁有徵士周桓之集一卷桓之當為桓之

周續之有高士傳注見史部雜傳類

宋書南史隱逸傳續之居豫章就太守范寧受業居學數年通五經五緯號曰十經名冠

同門稱為顏子既而閑居讀老易入廬山事

慧遠宋武踐阼問禮記傲不可長子我九齡射於矍圃三義辨析精奧稱為名通

嚴氏全晉文編曰周續之有集一卷隋志作周桓之乃傳寫之誤通典有答孟氏問三條

廣弘明集有答戴處士書難釋論存凡三篇

梁有孔瞻集九卷亡

孔瞻始末未詳

晉江州刺史王凝之妻謝道韞集二卷

晉書列女傳王凝之妻謝氏字道韞安南將軍奕之女也聰識有才辨初適凝之還甚不樂叔父安曰王郎逸少子不惡汝何恨也答曰一門叔父則有阿大中郎羣從兄弟復有封胡羯末不意天壤之中乃有王郎及遭孫

恩之亂夫及諸子為賊所害 其事見王羲之傳後自爾罄居會稽家中莫不嚴肅所著詩賦誄頌並傳於世

馮氏詩紀輯存登山詩詠松詩詠雪聯句凡

三首

嚴氏全晉文編謝道韞有集二卷藝文類聚五十五有論語贊一篇

梁有婦人晉司徒王渾妻鍾夫人集五卷

晉書列女傳王渾妻鍾氏字琰潁川人魏太傅繇曾孫也父徽黃門郎琰數歲能屬文及長聰慧弘雅博覽記籍美容止善嘯詠禮儀法度為中表所則既適渾生濟渾弟湛妻郝

氏亦有德行琰雖貴門與郝雅相親重郝不以賤下琰琰不以貴陵郝時人稱鍾夫人之

禮郝夫人之法云

世說貴媛篇注王氏譜曰鍾夫人名琰之太傅繇之孫黃門侍郎鍾琰女 案此琰字當是徽之誤 婦人集曰夫人有文才其詩賦頌誄行

於世

唐書經籍藝文志鍾夫人集二卷

嚴氏全晉文編曰藝文類聚三十四有鍾琰遐思賦又九十二有鶯賦存凡二篇

梁有晉武帝左九嬪集四卷亡

晉書后妃傳左貴嬪名芬兄思別有傳芬少好學善綴文名亞於思武帝聞而納之泰始八年拜修儀受詔作愁思之文因為離思賦後為貴嬪姿陋無寵以才德見禮體羸多患

常居薄室帝每游華林輒回轎過之言及文義辭對清華左右侍聽無不稱美泰始十年

武元楊皇后崩芬獻誄咸寧二年納悼后芬於座受詔作頌及帝女萬年公主薨帝痛悼不已詔芬為誄其文甚麗帝重芬詞藻每有

方物異寶必詔為賦頌以是屢獲恩賜焉答兄思詩書及雜賦頌數十篇並行於世

太平御覽皇親部左貴嬪集有離思賦相風賦孔雀賦松柏賦涪瀋賦納皇后頌楊后登

阼頌芍藥花頌鬱金頌菊花頌神武頌四言詩四首武元皇后誄萬年公主誄案此所載止十四篇非其全錄

唐書經籍志九嬪集一卷致左字

唐書藝文志左九嬪集一卷

馮氏詩紀藝文類聚曰宋袁淑俳諧集左氏

詩形管集作左九嬪有啄木詩四言一首感離詩五言一首感離一作離思答左思贈妹之作也案此則左九嬪之稱蓋本之形管集形管集本志總集篇不見

嚴氏全晉文編左九嬪有集四卷今存賦六篇頌四篇贊十二篇誄二篇附以目錄凡存二十四篇御覽引左貴嬪集目錄有相風賦楊皇后登阼頌芍藥花頌神武頌今並亡

梁有晉太宰賈充妻李扶集一卷亡
晉書賈充傳初充前妻李氏淑美有才行生二女褒裕褒一名荃裕一名濬父豐誅李氏坐流徙後娶城陽太守郭配女即廣城君也武帝踐阼李以大赦得還帝特詔充置左右夫人充母亦勅充迎李氏郭槐怒攘袂數充曰刊定律令爲佐命之功我有其分李那得與我並充乃答詔託以謙沖不敢當兩夫人盛禮實畏槐也乃爲李築室於永年里而不往來荃裕每號泣請充充竟不往及充薨後李氏二女乃欲令其母耐葬賈后弗之許也及后廢李氏乃得合葬

世說賢媛篇賈充前婦是李豐女豐被誅案李豐死事見魏志夏侯玄傳 離婚徙邊後遇赦得還充先已取郭配女武帝特聽置左右夫人李氏別住外不肯還充舍郭氏語充欲就省李充曰彼剛介有才氣卿往不如不去郭氏於是盛威儀多將侍婢既至入戶李氏起迎郭不覺腳自屈因跪再拜又曰賈充妻李氏作女訓行於世李氏女齊獻王妃郭氏女惠

帝后充卒李郭女各欲令其母合葬經年不決賈后廢李氏乃耐葬遂定

又注婦人集曰充妻李氏名婉字淑文豐誄徒樂浪又曰李氏至樂浪遺二女典式八篇晉諸公贊曰李氏有才德世稱李夫人訓者充別傳曰李氏有淑性令才也

梁有晉武平都尉陶融妻陳窈集一卷亡陶融陳窈始末並未詳

嚴氏全晉文編曰陳窈武平都尉陶融妻有集一卷藝文類聚初學記引有箏賦一篇

梁有晉都水使者妻陳芬集五卷亡使者下做二字

嚴氏全晉文編曰陳玢都水使者徐藻妻有集五卷御覽九百七十有石榴賦類聚二十二有與妹劉氏書存凡二篇

案晉書儒林徐逸傳逸東莞姑幕人也祖澄之爲州治中屬永嘉之亂與鄉人臧琨等率子弟并閭里士庶千餘家南渡江家於京口父藻都水使者是陳玢者徐逸徐廣之母也 臧琨當是臧榮緒之先 又嚴氏文編刊本與妹劉氏書屬之陳玢今從蔣氏文編刊本

寫失也

梁有晉海西令劉驎妻陳珍集七卷亡 驎當爲

晉書列女傳劉臻妻陳氏者亦聰辯能屬文嘗正旦獻椒花頌又撰元日及冬至進見之儀行於世

唐書經籍藝文志劉臻妻陳氏集五卷

嚴氏全晉文編曰陳珍海西令劉臻妻有集七卷類聚御覽初學記有答舅母書椒花頌獻春頌五時畫扇頌進見儀存凡五篇

梁有晉劉柔妻王邵之集十卷亡劉柔王邵之始末並未詳馮氏詩紀有劉和妻王氏正朝詩一首疑後人避諱改柔爲和

嚴氏全晉文編曰王邵之劉柔妻有集十卷藝文類聚有懷思賦春賦姜源頌啓母塗山頌靈壽杖銘夫誄凡六篇

梁有晉散騎常侍傅伉妻辛蕭集一卷亡傅伉或作傅統與辛蕭始末並未詳

嚴氏全晉文編曰辛蕭散騎常侍傅統妻有集一卷藝文類聚有芍藥花頌菊花頌燕頌凡存三篇

案馮氏詩紀有傅充妻辛氏元正詩一首辛氏似即此辛蕭傅充傅伉似皆傳統之輾轉寫誤者

梁有晉松陽令鈕滔母孫瓊集二卷亡

鈕滔孫瓊始末並未詳

嚴氏全晉文編曰孫瓊松陽令鈕滔母有集二卷類聚御覽初學記有悼艱賦箜篌賦及與人書四篇公孫夫人序贊一篇存凡七篇

案本志注云梁有吳興孝廉鈕滔集五卷錄一卷殆即此鈕滔又唐志史部傳記類

有孫夫人列女傳序贊一卷丁氏補晉書藝文志謂即此孫瓊今考嚴氏輯文所載公孫夫人序贊即列女傳序贊之一蓋孫瓊自撰列女傳序贊記同時列女本志不

著錄當在本集二卷中

梁有晉成公道賢妻龐馥集一卷亡

成公道賢及龐馥始末並未詳

梁有晉宣城太守何殷妻徐氏集一卷亡

何殷及徐氏始末並未詳

右晉江左人文凡一百一家附梁有一百

四十九家通計二百五十家二百五十一

部是為別集類分篇第五 內桓溫一家二部

又別出庾赤玉王茂略曹毗三家別本三部又誤入

後魏文宗欽一家實正二百四十六家一百五十部

隋書經籍志考證卷三十九之六

集部二之六

別集類六宋

宋武帝集十二卷梁二十卷錄一卷

宋書南史本紀高祖武皇帝諱裕字德輿小

字寄奴彭城縣綏輿里人漢高帝弟楚元王

交之後也晉恭帝元熙二年六月受禪改元

永初在位三年年六十七

太平御覽文部御製篇宋書曰高祖過彭城

置酒命紙為詩曰先蕩臨淄穢卻清河洛塵

華陽有逸驥桃林無伏輪于是羣才並作也

宋書謝晦傳謂此詩乃晦代作

顏師古匡謬正俗五余家嘗得宋高祖集十

卷是宋元嘉時祕閣官書

唐日本國見在書目劉裕帝集十五卷

唐書經籍藝文志宋武帝集二十卷

嚴氏全宋文編曰宋武帝有集二十卷案傅

亮傳云高祖登庸之始文筆皆是參軍滕演

北征廣固悉委長史王誕滕王二人並有集見前

自此之後至于受命表策文語皆亮辭也然

帝既有集難盡分別今除文選藝文類聚確

指為王誕傅亮外仍編入武帝集中凡制詔

勅策令下書表上言牋書檄銘兵法凡六十

九篇編為一卷

宋文帝集七卷梁十卷亡

宋書南史本紀太祖文皇帝諱義隆小字車

兒武帝第三子也永初元年封宜都王位鎮

西將軍荊州刺史加都督時年十四博涉經

史善隸書景平二年七月中少帝廢百官備

法駕奉迎入奉皇統八月即位改元元嘉元

嘉三十年二月甲子元凶劭搆逆帝崩于合

殿年四十七帝聰明仁厚雅重文儒躬勤政

事孜孜無怠加以在位日久惟簡靖為心于

時政平訟理朝野悅睦自江左之政所未有

也昔漢時東京常稱建武永平故事自茲厥

後亦每以元嘉為言斯固盛矣

南史隱逸顧歡傳歡為術數多效驗初以元

嘉中出都寄住東府忽題柱云三十年二月

二十一日因東歸後元凶弑逆是其年月日

也

唐書經籍藝文志宋文帝集十卷

馮氏詩紀輯存登景陽樓詩北伐詩各一篇

嚴氏全宋文編文帝有集十卷今存詔手勅

策命書答詰讓太子劭凡一百十五篇編為

三卷

宋孝武帝集二十五卷梁三十一卷錄一卷

孝武帝詳見史部孝建起居注大明起居注

條

宋書南史本紀帝諱駿字休龍小字道民少

機穎神明爽發讀書七行俱下才藻甚美雄

決愛武長于騎射

宋書鮑照傳上好為文章自謂人莫能及又

始平王子鸞傳子鸞母殷貴妃寵傾後宮班

亞皇后諡曰宣上痛愛不已擬漢武李夫人

賦又諷有司立新廟又建平王宏傳宏薨上

痛悼甚至自為墓誌銘并誄 又撰江夏王義恭

傳及臧質魯爽王僧達傳見宋書及史通

梁裴子野雕蟲論曰宋初迄於元嘉多為經

史大明之代實好斯文高才逸韻頗謝前哲

波沆相尚滋有篤焉自是閭閻年少貴游總

角罔不擯落六藝吟咏情性深心主卉木遠

致極風雲其興浮其志弱巧而不要隱而不

深討其宗途亦有宋之遺風也

鍾嶸詩品曰孝武詩彫文織采過為精密為

南平建平二藩希慕見稱輕巧矣

文心雕龍時序篇曰孝武多才英采雲構

陳氏書錄解題詩集類宋武帝集一卷孝武

駿也宋下當有孝字

馮氏詩紀輯存丁督護歌迄華林聯句凡一

十九篇二十五首案此似即陳錄所載詩集一卷也

嚴氏全宋文編曰孝武帝有集三十一卷今

存華林清暑殿賦傷宜貴妃擬漢武李夫人

賦制詔賜戒答教表頌贊銘墓誌祈晴文凡

一百十四篇編為二卷

梁又有宋廢帝景和集十卷錄一卷亡

前廢帝詳見史部景和起居注條

宋書南史本紀帝諱子業幼而猜急在東宮

每為孝武所責孝武西巡帝啓參承起居書

跡不謹上詰讓之子業啓事陳謝上又答曰

書不長進此是一條耳聞汝素都懈怠猜戾

日甚何以頑固乃爾耶又曰帝少好讀書頗

識古事粗有文才自造孝武帝諫及雜篇章

往往有辭采其餘事跡分見諸列傳又論曰

廢帝之事行著於篇霍光書昌邑之過未足

舉其毫釐假以中才之君有一於此足以致

實況乎兼斯衆惡不亡其可得乎

嚴氏全宋文編前廢帝有集十卷今存詔手

詔勅凡十一篇

案本紀永光元年秋八月癸酉帝自率宿

衛兵誅太宰江夏王義恭尚書令驃騎大

將軍柳元景尚書僕射顏師伯廷尉劉德

願改元為景和元年是歲十一月二十九

日夜即為阮佃夫等十一人所殺此以景

和名集殆以別於後廢帝亦集類之別有

名稱所自始也

梁又有明帝集三十三卷亡

宋明帝有周易義疏及泰始秦豫起居注見

經部易家史部起居注類

宋書本紀帝少而和令風姿端雅好讀書愛

文藝才學之士多蒙引進參侍文籍應對左

右末年好鬼神多忌諱宮內禁忌尤甚移林

治壁必先祭土神使文士為文詞祝策如大

祭饗其餘事迹別見衆篇

梁裴子野雕蟲論序曰宋明帝博好文章才

思朗捷常讀書奏號稱七行俱下每有禎祥

及行幸讜集輒陳詩展義且以命朝臣其戎

士武夫則託請不暇困於課限或買以應詔

焉於是天下向風人自藻飾雕蟲之藝盛於

時矣

文心雕龍時序篇有宋武愛文文帝彬雅秉

文之德孝武多才英采雲構自明帝以下文

理替矣

馮氏詩紀曰明帝有昭太后室宣太后室樂

舞歌各一首又泰始歌舞曲十篇

嚴氏全宋文編明帝有集三十三卷今存詔

令書報書凡六十二篇

宋長沙王道憐集十卷錄一卷道憐當為義欣

宋書南史宗室傳長沙景王道憐武帝中弟

也謝琰為徐州命為從事史後以軍功封新

淪縣男從武帝征廣固改封竟陵縣公武帝

受命遷太尉封長沙王永初三年薨子義欣

嗣位豫州刺史鎮壽陽境內畏服道不拾遺

遂為威藩強鎮薨諡曰成王子悼王瑾嗣傳

爵至子纂齊受禪國除

唐書經籍志宋長沙王集十卷

唐書藝文志宋長沙王義欣集十卷

嚴氏全宋文編曰義欣長沙王道憐長子永

初三年嗣封元嘉十六年薨宋書本傳有陳

江淮事宜一篇又索虜傳有元嘉七年出鎮

彭城檄司寇二州一篇又王敬之傳有元嘉

九年為豫州刺史上言申季歷治績一篇

案本志作道憐新唐志作義欣考本傳不

言道憐能文章而諸列傳頗載義欣文是

此集為義欣非道憐唐藝文志為得其實

也

梁有宋臨川王道規集四卷錄一卷亡

宋書南史宗室傳臨川烈武王道規字道則

武帝少弟也倜儻有大志預謀誅桓玄以起

義勳封華容縣公累遷荊州刺史加都督善

於刑政士庶畏而愛之進號征西大將軍開

府儀同三司義熙八年薨於都年四十三贈司徒進封南郡公武帝受命贈大司馬追封臨川王無子以長沙景王第二子義慶嗣史臣曰烈武王肇羣才揚盛策一舉礎勅寇非曰天時抑亦人謀也降年不永遂不得與大業始終惜矣哉

宋臨川王義慶集八卷

臨川王有徐州先賢傳贊見史部雜傳篇

宋書南史本傳義慶幼為武帝所知常曰此吾家豐城也在荊州撰徐州先賢傳奏上之又擬班固典引為典敍以述皇代之美愛好文義文辭雖不多然足為宗室之表太尉袁淑吳郡陸展東海河長瑜鮑照等並為辭章之美引為佐史國臣文帝每與義慶書常加意斟酌焉

唐書經籍志宋臨川王義慶集八卷

唐書藝文志臨川王義慶集八卷

馮氏詩紀輯存游蠶湖詩殘篇一首

嚴氏全宋文編臨川王義慶有世說八卷集八卷本傳及類聚御覽有篋篋賦鶴賦山雞賦薦庾實龔祈師覺授等表啓事黃初妻趙罪議凡六篇

宋江夏王義恭集十一卷梁十五卷錄一卷又有江夏王集別本十五卷亡

宋書南史武三王傳江夏文獻王義恭幼而明穎姿顏美麗高祖特所鍾愛諸子莫及也元嘉元年封江夏王涉獵文義而驕奢不節文帝與書戒之至孝武時進位太傅領大司

馬進太宰領司徒時孝武嚴暴義恭虛不見容乃卑辭曲意附會每有祥瑞輒上賦頌大明元年有三脊茅生石頭西岸又勸封禪上甚悅大明中撰國史孝武自為義恭作傳義恭作要記五卷起前漢迄晉太元表上之詔付祕閣及孝武崩前廢帝狂悖無道義恭與柳元景謀廢立永光元年八月廢帝率羽林兵於第害之并四子時年五十三又傳論曰江夏王高祖寵子位居上相大明之世親禮冠朝屈體降身歸於卑下得使唐朝暴主顧無猜色歷載踰十以尊威自保及在永光幼主南面公旦之重屬有所歸自謂踐冰之慮已除太山之安可恃曾未云幾而礫體分肌古人以隱微致戒斯為篤矣唐書經籍志宋江夏王集十三卷唐書藝文志江夏王義恭集十五卷馮氏詩紀輯存樂府詩凡七首嚴氏全宋文編江夏王義恭有集十五卷今存感春賦華林清暑殿賦桐樹賦白馬賦表奏議答詔啓事書敍頌贊凡三十五篇梁又有宋衡陽王義季集十卷錄一卷亡宋書武三王傳衡陽文王義季幼而夷簡無鄙近之累元嘉元年封衡陽王十六年代臨川王義慶都督荆湘八州荊州刺史義季素拙書上聽使餘人書啓事唯自署名而已二十二年進督豫州遷徐州刺史義季嗜酒酣縱成疾太祖累詔不改以至於終二十四年薨於彭城年二十三

唐書經籍志宋衡陽王集十卷唐書藝文志衡陽王義季集十卷嚴氏全宋文編衡陽王義季有集十卷今存傷劉道產啓與江夏王義恭書各一篇宋南平王鐔集五卷

南史文帝諸子傳南平穆王鐔字休玄文帝第四子也元嘉十六年年九歲封南平王少好學有文才未弱冠擬古三十餘首時人以為亞迹陸機二十二年為南豫州刺史元凶弑立以為侍中錄尚書事及義軍入宮鐔與始興王濬俱歸孝武濬即伏法上迎鐔入營進侍中司空鐔既歸義最晚常懷憂懼為人負才狡競每與兄弟計度藝能與帝又不能和食中遇毒尋薨時年二十三贈司徒加以楚穆之諡

金樓子說蕃篇曰劉休元好學有文才為水仙賦當時以為不減洛神擬古詩時人謂陸士衡之流也余謂水仙不及洛神擬古勝於士衡矣以今輯本及御覽文部合校

唐書經籍志宋南平王集五卷唐書藝文志南平王鐔集五卷

馮氏詩紀輯存擬古詩五首又三婦艷詩白紵曲過歷山湛長史草堂七夕詠牛女秋歌凡十首又有壽陽樂九曲

汪氏文選撰人篇目曰文選有宋劉休元鐔擬古詩二首

嚴氏全晉文編南平王鐔有集五卷宋書索虜傳有答移魏若庫仁樹蘭一篇

梁有宋竟陵王誕集二十卷七

宋書文五王傳竟陵王誕字休文文帝第六子也元嘉二十年十一月十一封廣陵王二十六年改封隨郡王孝武即位改封竟陵王明年南郡王義宣舉兵反有荆江竟豫四州之力勢震天下上即位日淺朝野大懼上欲奉乘輿法物以迎義宣誕固執不可然後處分上流平定誕之力也初討元凶與上同舉兵有奔牛之捷至是又有殊勳上性多猜頗相疑憚後出為南兖州刺史鎮廣陵大明三年舉兵拒命乃遣車騎大將軍討斬之年二十七貶姓留氏

馮氏詩紀古今樂錄曰襄陽樂者宋隨王誕所作也誕始為襄陽郡元嘉二十六年仍為雍州刺史聞諸女歌謠因而作之凡九曲嚴氏全宋文編竟陵王誕有集二十卷今惟存本傳所載奉表自陳一篇

梁有建平王休祐集十卷休祐當是休度之誤

宋書文九王傳建平宣簡王宏字休度文帝第七子也元嘉二十一年十一月十一封建平王少而閑素篤好文籍太祖寵愛殊常為立第於雞籠山盡山水之美建平國職高他國一階宏為人謙儉周慎禮賢接士明曉政事孝武時歷衛將軍中書監尚書令大明二年薨年二十五上痛悼甚至自為墓誌銘并誄子景素嗣
唐書經籍志宋建平王集十卷宋建平王小集十五卷

唐書藝文志建平王宏集十卷又小集六卷嚴氏全宋文編宋書本傳及禮志樂志通典有駁丘邁之閏月周忌議讜言陳時務議廟樂議天子為皇后父服議天子屬車十二乘議凡六篇

梁有新渝侯義宗集十二卷七

宋書宗室傳長沙景王道憐高祖中弟也道憐六子義欣義慶義融義宗義寶義恭義宗幼為高祖所愛字曰伯奴賜爵新渝縣男永初元年進爵為侯歷官至征虜將軍南兖州刺史元嘉二十一年卒官諡曰惠侯愛士樂施兼好文籍世以此稱之

唐書經籍志宋劉義宗集十五卷

唐書藝文志新渝侯義宗集十二卷

梁有宋散騎常侍祖柔之集二十卷七

祖柔之始末未詳

宋豫章太守謝瞻集三卷

南史謝晦傳晦陳郡陽夏人晉太常哀之玄孫也哀子據據子朗朗子重重生絢瞻晦瞻遜瞻字宜遠一名瞻字通遠晦次兄也六歲能屬文為紫石英贊果然詩為當時才士歎異與從叔琨宋書作混是也族弟靈運俱有盛名嘗作喜霽詩靈運寫之琨詠之王弘在坐以為三絕歷宋武帝相國從事中郎豫章太守永初二年疾篤還都卒年三十五瞻文章之美與從叔琨族弟靈運相抗
文選謝宣遠張子房詩注沈約宋書曰姚泓新立關中亂義熙十三年正月公以舟師進

討軍頓留項城經張良廟王儉七志曰高祖游張良廟並命僚佐賦詩瞻之所造冠於一時

唐書經籍藝文志謝瞻集二卷

汪氏文選撰人篇目曰文選有宋謝宣遠瞻戲馬臺詩庚西陽集別詩張子房詩答靈運詩安城答靈運詩凡五篇馮氏詩紀所載未有逸出在五篇之外者

嚴氏全宋文編謝瞻有集三卷藝文類聚八十七有枇杷樹賦本傳有臨終遺弟晦書凡二篇案瞻傳有紫石英贊今亡

梁有宋征虜將軍林子集七卷七

沈約宋書自序林子字敬士田子弟也年十三遇家禍案林子父穆夫為孫恩之黨恩敗見誅伏草澤後歸高祖盡室移京口高祖分宅給焉博覽衆書留心文義從高祖剋京城進平郡邑高祖踐阼以佐命功封漢壽縣伯位輔國將軍永初三年薨年四十六元嘉二十五年諡曰懷伯所著詩賦贊三言箴祭文樂府表牋書記白事啓事論老子一百二十一首太祖後讀林子集歎息曰此人作公應繼王太保謂太保王弘也亦有集見後

梁書沈約傳約吳興武康人也祖林子宋征虜將軍

唐書經籍藝文志沈林子集七卷

宋太常卿孔琳之集九卷并目錄梁十卷錄一卷晉書孔羣傳羣子沈與魏觀虞球虞存謝奉並為四族之儁沈子厥厥子琳之以草書擅

名又為吳興太守侍中

宋書南史本傳琳之字彥琳會稽山陰人彊正有志力好文義解音律能彈棊妙善草隸為桓玄太尉南閣祭酒數遷宋臺建除侍中永初二年為御史中丞明憲直法無所屈撓奏劾尚書令徐羨之百僚震肅莫敢犯禁武帝甚嘉之遷祠部尚書景平元年卒追贈太常

唐書經籍藝文志孔琳之集十卷別本舊唐志或重出一部篇刊之誤也

曲阜孔繼汾闕里文獻考曰孔氏別集有先聖二十八代孫宋祠部尚書琳之集十卷隋志九卷

嚴氏全宋文編孔琳之有集十卷今存奏議答難書凡九篇

宋王敍之集七卷梁十卷錄一卷

王敍之即王叔之有莊子義疏見子部道家

唐書經籍藝文志王敍之集十卷

馮氏詩紀王叔之爵里無考有游羅浮山詩擬古詩各一首

嚴氏全宋文編曰王叔之有集十卷按隋志有宋王敍之集七卷梁十卷舊唐志作王叔之羣書引見作升之叔之叔元淑之與敍之名凡五異疑止一人今從釋文敍錄列叔之名類聚書鈔御覽有翟雉賦遂隱論懷舊序傷孤鳥詩序續劉伯倫酒德頌舟贊笏贊甘橘贊蘭菊銘凡九篇

宋太中大夫徐廣集十五卷錄一卷

徐廣有毛詩背隱義見經部詩類

宋書本傳廣父漢都水使者兄邈太子前衛率家世好學至廣尤精性好讀書老猶不倦史臣曰臧臧徐廣傳隆裴松之何承天雷次宗並服膺聖哲不為雅俗推移立名於世宜矣

唐書經籍藝文志徐廣集十五卷

嚴氏全晉文編曰初學記書鈔有徐廣秋賦悼亡賦鈞賦晉宋書禮志本傳通典有表議

答問總凡十四篇

宋祕書監盧繁集一卷殘缺梁十卷錄一卷

盧繁或作虞繁始末並未詳

嚴氏全宋文編曰虞繁隋志作虞繁仕晉官爵未詳入宋為祕書監有集十卷藝文類聚八十一御覽九百九十四載繁有蜀葵賦一篇

宋侍中孔寧子集十一卷并目錄梁十五卷錄一卷

宋書王華傳會稽孔寧子先為高祖太尉主簿陳損益曰云云後為太祖鎮西諮議參軍以文義見賞太祖即位為黃門侍郎領步兵校尉元嘉二年病卒史臣曰元嘉初誅滅宰相蓋王華孔寧子之力也夫殺人而取其璧不知在己與累傾物而移其寵不忌自我難持若二子永年亦未知來禍所止也 案元嘉初誅寧相者謂徐美之傅亮謝晦也事在元嘉三年寧子已前一年卒華四年五月亦卒

唐書經籍藝文志孔寧子集十五卷

馮氏詩紀輯存權歌行一篇

嚴氏全宋文編曰孔寧子會稽山陰人義熙初為何無忌會稽掾屬後為武帝太尉主簿永初中為文帝鎮西諮議丁艱去職景平末會稽太守褚淡之起為將軍文帝即位以為黃門侍郎領步兵校尉進侍中元嘉二年卒有集十五卷宋書王華傳有陳損益一篇初學記類聚有虜牛賦并頌水贊凡四篇

宋建安太守卞瑾集十卷梁十卷 案此注梁十卷則著錄必非十卷可知

卞瑾始末未詳

唐書經籍藝文志卞瑾集十卷

宋太常卿蔡廓集九卷并目錄梁十卷錄一卷

宋書南史本傳廓字子度濟陽考城人晉司徒謨之曾孫也博涉羣書言行以禮起家著作佐郎後為宋武帝太尉參軍以方梗閑素為武帝所知宋臺建為侍中武帝以廓剛直補御史中丞多所糾奏百寮震肅數遷為祠部尚書元嘉二年卒年四十七

唐書經籍藝文志蔡廓集十卷

嚴氏全宋文編蔡廓有集十卷今存奏議書凡六篇

梁又有宋王詔之集二十四卷亡 瑛那

王詔之有晉紀十卷見史部古史類 宋書南史本傳晉帝自孝武以來常居內殿武官主書於中通呈以省官一人管詔詔住西省因謂之西省郎傅亮羊徽相代在職義熙十一年宋武帝以詔之博學有文辭補通

直郎領西省事晉安帝之崩武帝使詔之與帝左右密加酖毒恭帝即位遷黃門侍郎領著作西省如故凡諸詔奏皆其辭也又宋七廟歌辭詔之制也文集行於世

唐書經籍志王詔之集二十四卷藝文志二十卷

馮氏詩紀輯存贈潘綜吳達舉孝廉詩六首詠雪離合詩一首又宋書樂志曰武帝永初中詔廟樂用王詔之所造七廟登歌七首又有七廟享神登歌一首并以歌章太后其辭亦詔之造又曰黃門侍郎王詔之造四廟樂歌五篇凡三十二章又造舞歌二篇

嚴氏全宋文編王詔之有集二十四卷今存詠雪離合一篇爲晉恭帝禪詔禪策禪書禪位各一篇啓駁教各一篇

宋尙書令傅亮集三十一卷梁二十卷錄一卷

傅亮有應驗記一卷見史部雜傳篇

宋書南史本傅亮博涉經史尤善文辭武帝登庸之始文筆皆是參軍滕演北征廣固悉委長史王誕自此之後至於受命表策文誥皆亮辭也 案自此之後當在晉義熙六年四月遷都之後也

初亮見世路屯險著論名曰演慎既居宰輔兼總重權少帝失德內懷憂懼直宿禁中賭夜蛾赴燭作感物賦以寄意初奉迎大駕道路賦詩三首其一篇有悔懼之辭自知傾覆求退無由又作辛有穆生董仲道贊稱其見微之美云

鍾嶸詩品曰季友文余嘗忽而不察今沈特

進撰詩載其數首亦復平矣 案此特進謂沈約也其所撰詩即集鈔十卷見後總集篇

唐書經籍藝文志傅亮集十卷

馮氏詩紀輯存從武帝平閩中詩案當爲關中從征詩奉迎大駕道路賦詩冬至詩凡四首

張氏百三家傳光祿集一卷凡賦六篇宋國封建禪代詔策文九篇教三表四奏一碑銘

三演慎論一書三贊二詩四序曰晉宋禪受成於傅季友表策文誥誦言滿堂九錫諸篇固傅氏之丹書帶礪也無能救死何哉

汪氏文選撰人篇目曰文選有宋傅季友亮脩張良廟教修楚元王墓教謁五陵表求加贈劉前軍表

嚴氏全宋文編曰傅亮有集三十一卷張溥本有進劉裕侍中車騎將軍詔封豫章郡公詔封宋公詔進宋王詔禪宋詔禪策禪宋璽

書今考前二詔必非亮作唯宋公宋王二詔當屬亮而無左證禪代詔策則王詔之作也

今存喜雨賦登陵驛館賦登龍岡賦征思賦感物賦芙蓉賦立學詔策加宋公九錫文教表奏書贊演慎論碑凡二十五篇

梁又有宋征南長史孫康集十卷亡

唐書經籍藝文志孫康集十卷

嚴氏全宋文編曰孫康太原中都人晉長沙太守放孫放有集見前東晉人文中 元嘉中爲起

部郎遷征南長史有集十卷北堂書鈔一百三十四有團扇銘一篇

梁又有左軍長史范述集三卷亡

范述始末未詳宋書隱逸傳有中書郎范述當即其人

宋太常卿鄭鮮之集十三卷梁二十卷錄一卷

宋書南史本傳鮮之字道子滎陽開封人祖襲爲江乘令因居縣境下帷讀書絕交游之務初爲桓偉輔國主簿宋武帝起義兵數遷

爲御史中丞性剛直甚得司直之體武帝踐阼遷太常都官尙書以從征功封龍陽縣五

等子元嘉三年王弘入爲相舉爲尙書右僕射四年卒時年六十四追贈散騎常侍金紫

光祿大夫文集傳於世

唐書經籍藝文志鄭鮮之集二十卷

馮氏詩紀輯存行經張子房廟詩殘文一首嚴氏全宋文編鄭鮮之有集二十卷今存表議啓事書論祭牙文凡九篇

宋徵士陶潛集九卷梁五卷錄一卷

陶潛有搜神後記見史部雜傳類

宋書南史隱逸傳潛自以曾祖晉世宰輔恥復屈身後代自宋武帝王業漸隆不復肯仕

所著文章皆題其年月義熙以前明書晉氏年號自永初以來唯云甲子而已與子書以言其志并爲訓戒又爲命子詩以貽之其妻翟氏志趣亦同能安苦節夫耕於前妻鋤於後云

鍾嶸詩品曰宋徵士陶潛詩其源出於應璩又協左思風力文體省靜殆無長語篤意真

古辭輿惋愜每觀其文想其人德世歎其實直至於歎言酌春酒日暮天無雲風華清靡

豈直爲田家語耶古今隱逸詩人之宗也

唐日本國見在書目陶潛集十卷

唐書經籍志陶淵明集五卷

唐書藝文志陶潛集二十卷又集五卷

宋史藝文志陶淵明集十卷

崇文總目陶潛集十卷

晁氏讀書志陶潛集十卷晉陶淵明元亮也

一名潛潯陽人蕭統云淵明字元亮晉書云

潛字元亮宋書云潛字淵明或云字深明名

元亮按集孟嘉傳與祭妹文皆自稱淵明當

從之今集有數本七卷者梁蕭統編以序傳

顏延之誄載卷首十卷者北齊陽休之編以

五孝傳聖賢羣輔錄序傳誄分三卷益之詩

篇次差異案隋經籍志潛集九卷又云梁有

五卷錄一卷唐藝文志潛集五卷今本皆不

與二志同獨吳氏西齋書目有潛集十卷疑

卽休之本也休之本出宋庠家云江左名家

舊書其次第最有倫貫獨四八日後八儒三

墨二條似後人妄加

陳氏書錄解題陶靖節集十卷晉彭澤令潯

陽陶潛淵明撰或云淵明字元亮大司馬侃

曾孫自號五柳先生世稱靖節徵士

四庫類書存目曰聖賢羣輔錄二卷一名四

八目舊附載陶潛集中唐宋以來相沿引用

承譌踵謬莫悟其非又曰五孝傳及四八目

實北齊陽休之所增蕭統舊本無是也統序

稱深愛其文故加搜校則八卷以外不應更有

有佚篇至書以聖賢羣輔爲名而魯三桓鄭

七穆晉六卿魏四友以及仕莽之唐林唐遵

叛晉之王敦並列簡編名實相迂理乖風教

亦決非潛之所爲昔宋庠校正此集僅知八

儒三墨二條爲後人所竄入而全書之僞竟

不能明潛之受誣已逾千載 又雜家書子提要

曰四八目一書凡古來帝王輔佐有數可紀者靡不俱載

而鑿子堪輕子玉湯七大夫慶誦伊尹澹里且東門虛南

門嬖西門疵北門側皆具有姓名獨不見收

四庫簡明日錄曰今所傳六朝別集惟此與

謝朓集爲原書然亦北齊陽休之所編增入

聖賢羣輔錄五孝傳贊二書已非昭明太子

八卷之舊宋庠校正又未能辨二書之依託

遂流傳至今今刪除二書仍存八卷雖未必

合昭明之原第而黜僞存真庶幾猶爲近古

焉

汪氏文選撰人篇目曰文選有晉陶淵明潛

經曲阿詩夜行塗口詩挽歌一首雜詩二首

貧士詩一首山海經詩一首擬古詩一首歸

去來辭

張氏書目答問陶淵明文集十卷汲古閣仿

宋大字本何氏成都刻繙毛本陶靖節詩注

四卷宋湯漢注拜經樓校本 案其本至多宋庠

之時已云有數十本今則陳陳相因悉數之不能盡

梁又有張野集十卷亡

張野始末未詳

嚴氏全宋文編曰張野仕晉入宋官爵未詳

世說文學篇注有遠法師銘一篇案高僧慧遠

傳云南陽宗炳張萊民張季頌並棄世遺榮依遠游止疑

張萊民卽野之字御覽諸書引張野廬山記蓋卽此張野

廬山記不詳若干卷當編入是集

梁又有宋零陵令陶階集八卷亡

陶階始末未詳

梁又有東莞太尉張元瑾集八卷亡

張元瑾始末未詳

梁又有光祿大夫王曇首集二卷錄一卷亡 瑗

晉書王導傳導第三子洽洽長子珣珣五子

弘虞柳孺曇首宋世並有高名

宋書南史本傳曇首太保弘少弟也幼有素

尚辟琅邪王大司馬屬與從弟球俱詣宋武

帝至彭城大會戲馬臺賦詩曇首文先成爲

文帝鎮西長史武帝謂文帝曰曇首輔相才

也汝可每事諮之及文帝卽位以爲侍中領

驍騎將軍遷太子詹事元嘉七年卒時年三

十七贈光祿大夫九年以預誅徐羨之等謀

追封豫寧縣侯諡曰文侯子僧緯嗣

唐書經籍藝文志王曇首集二卷

嚴氏全宋文編王曇首有集二卷本傳有南

臺不開門啓淳化閣帖有與釋某書各一篇

宋太常卿范泰集十九卷梁二十卷錄一卷

范泰古今善言見子部雜家

宋書南史本傳武帝受命議建國學以泰領

國子祭酒泰上表陳獎進之道又言事者多

以錢貨減少國用不足欲更造五銖錢泰又

諫以謂損多益少帝在位多諸愆失泰上

封事極諫帝雖不納亦不加譴徐羨之傅亮等與秦素不平及少帝廬陵王義真見害秦謂所親曰吾觀古今多矣未有受遺顧託而嗣君見殺賢王嬰戮者也元嘉二年秦表賀

元正并陳旱災多所獎勵三年旱災未已加以疾疫秦又上表勸戒秦博覽篇籍好為文章撰古今善言及文集傳於世

唐書經籍藝文志范泰集二十卷

馮氏詩紀輯存經漢高廟鸞鳥詠老凡三首

嚴氏全宋文編范泰有集二十卷今存表陳封事議書序贊祭文凡二十篇

宋中書郎荀昶集十四卷梁十五卷錄一卷

荀昶有集議孝經見經部

唐書經籍藝文志荀昶集十四卷

馮氏詩紀輯存擬相逢狹路間擬青青河畔草各一首

梁又有卞伯玉集五卷錄一卷亡

卞伯玉有繫辭注見經部易類

唐書經籍藝文志卞伯玉集五卷

馮氏詩紀曰初學記有卞伯玉中書郎詩一首馮氏編入齊代非也

嚴氏全宋文編卞伯玉有集五卷類聚御覽有大暑賦菊賦齋賦祭孫叔敖文凡四篇

梁又有中散大夫羊欣集九卷亡

羊欣有羊中散藥方三十卷見子部醫家

南齊書王僧虔傳太祖善書及即位篤好不已僧虔上羊欣所撰能書人名一卷

案能書人名當在本集今見張彥遠法書要錄中

嚴氏全宋文編羊欣有集八卷今惟見淳化閣帖書一篇

王弘有書儀十卷見史部儀注篇

宋書南史本傳弘少好學以清悟知名與尚書僕射謝混善博練政體留心庶事斟酌時宜每存優允弟曇首亡文帝嗟悼不已見弘

流涕又傳論曰語云不有君子其能國乎晉自中原沸騰介居江左以一隅之地抗衡上國年移三百蓋有憑焉其初諺云王與馬共

天下蓋王氏人倫之盛實始是矣及夫休元弟兄並舉棟梁之任下逮世嗣無虧文雅之

風其所以簪纓不替豈徒然也

唐書經籍藝文志王弘集二十卷

嚴氏全宋文編王弘有集二十卷今存表奏疏議書十三篇

梁又有金紫光祿大夫沈演集十卷演下或跋之

字

宋書南史本傳沈演之字臺真吳興武康人也高祖充晉車騎將軍吳國內史案沈充王敦

黨有集見前沈氏家世為將而演之折節好學讀老子日百遍以義理業尚知名襲父別爵

吉陽縣五等侯舉秀才為嘉興令累遷侍中左右衛將軍吏部尚書領太子右衛率元嘉

二十六年卒年五十三追贈散騎常侍金紫光祿大夫諡曰貞

嚴氏全宋文編沈演之有表議嘉禾頌白鳩頌凡四篇

梁又有廣平太守范凱集八卷亡

春秋穀梁傳序疏案晉書范寧字武子順陽縣人為豫章太守長子名泰字伯倫中子名

雍字仲倫小子名凱字季倫

宋沙門釋惠琳集五卷梁九卷錄一卷

惠琳即慧琳有孝經注一卷見經部

慧皎高僧釋道淵附傳淵弟子慧琳善諸經及莊老俳諧好語笑長於製作故集有十卷

而為性傲誕頗自矜伐宋世祖雅重琳引見常昇獨榻顏延之每以致譏帝輒不悅著白

黑論乖於佛理衡陽太守何承天與琳比狎雅相激揚著達性論並拘滯一方詆呵釋教

顏延之及宗炳難駁二論各萬餘言琳既自毀其法被斥交州世云淵公見麻星者即其

人也

宋書天竺迦毗黎國附傳宋世名僧有道士沙門慧琳為之誅慧琳有才章兼外內之學

嘗著均善論案即白黑論行於世舊僧謂其貶黜釋氏欲加擯斥太祖見論賞之元嘉中途

參權要勢傾一時注孝經及莊子逍遙篇文論傳於世

案梁皇極論語義疏引惠琳說則琳又有論語注

唐書經籍志沙門惠琳集五卷

唐書藝文志僧惠琳集五卷

嚴氏全宋文編釋慧琳有集九卷宋書天竺迦毗黎國傳有均善論廣弘明集有龍光寺

竺道生法師誄武丘法綱法師誄凡三篇

梁又有宋范晏集十四卷亡

范晏有陰德傳見史部雜傳篇

宋司徒府參軍謝惠連集六卷梁五卷錄一卷

宋書南史謝方明傳方明陳郡陽夏人祖鐵

永嘉太守父冲中書侍郎家在會稽 案晉太

常裏六子奕據安萬石鐵鐵蓋太傅安之最少弟也 方

明仕至會稽太守永嘉三年卒官子惠連十

歲能屬文族兄靈運知賞之云每有篇章對

惠連輒得佳語惠連先愛幸會稽郡吏杜德

靈及居父憂贈以五言詩十餘首乘流還歸

路諸篇是也坐廢不豫榮伍尙書僕射殷景

仁愛其才言次白文帝言臣小兒時便見此

文而論者云是惠連其實非也文帝曰若此

便應通之元嘉七年方爲司徒彭城王義康

法曹行參軍義康修東府城壘中得古冢

爲之改葬使惠連爲祭文留信待成其文甚

美又爲雪賦以高麗見奇靈運見其新文每

曰張華重生不能易也文章行於世年三十

七卒既早亡輕薄多尤累故官不顯

又謝靈運傳靈運與族弟惠連東海何長瑜

穎川荀雍太山羊璿之以文章賞會共爲山

澤之游時人謂之四友惠連又有才悟而輕

薄不爲父方明所知方明爲會稽郡靈運造

之過視惠連大相知賞謂方明曰阿連才悟

如此而尊作常兒遇之

鍾嶸詩品曰小謝才思富捷恨其蘭玉風凋

故長轡未騁秋懷搗衣之作雖復靈運銳思

亦何以加焉又工爲綺麗歌謠風人第一謝

氏家錄云康樂每對惠連輒得佳語後在永

嘉西堂思詩竟日不就寤寐間忽見惠連即
成池塘生春草故常云此語有神助非吾語
也

唐書藝文志謝惠連集五卷宋史藝文志同

晁氏讀書志謝惠連集五卷宋謝惠連方明

子也

陳氏書錄詩集類謝惠連集一卷宋司徒參

軍謝惠連撰本集五卷今惟詩二十四首惠

連得名早死時才三十七歲

馮氏詩紀輯存四五言詩二十九篇凡三十

六首

張氏百三家輯本序錄曰謝法曹集文字頗

少唯祭古冢文簡而有意曹子建伏軾而問

憫體辭不逮也雪賦雖名高麗與希逸月賦

僅雁序耳詩則秋懷搗衣二篇居最詩品云

康樂銳思無以復加若西陵遇風則非敵矣

乘流遵歸路諸篇一生坎壈所由今逸不存

豈自悔失言先絕其傳歟凡賦贊箴連珠祭

文樂府詩合四十七篇

汪氏文選撰人篇目曰文選有宋謝惠連雪

賦泛湖玩月詩秋懷詩西陵遇風詩詠牛女

詩擣衣詩祭古冢文

嚴氏全宋文編謝惠連有集六卷文選類聚

有雪賦等五篇雪贊等六篇連珠目錄口箴

祭禹廟文祭周居士文祭古冢文綜凡一十

七篇又文編卷首箴錄曰謝惠連集一卷明

刻本
石門顧脩覺刻書目謝惠連集一卷明汪士

賢刊漢魏六朝二十名家集本
梁又有宋太常謝弘微集二卷亡

宋書南史本傳謝密字弘微陳郡陽夏人晉

西中郎萬之曾孫襲爵建昌縣侯叔父混風

格高峻少所交納惟與族子靈運瞻晦弘

微並以文義賞會常共宴處在烏衣巷故謂

之烏衣之游瞻等才辭辨富弘微每以約言

服之混特所敬貴號曰微子謂瞻等曰汝諸

人雖才義豐辨未必皆愜衆心至於領會機

賞言約理要故當與我共推微子常言微子

吾無間然又嘗因酣晏之餘爲韻語以獎勸

靈運等唯弘微獨盡褒美文帝即位爲黃門

郎與王華王曇首殷景仁劉渙等號曰五臣

遷尙書吏部郎參機密歷右衛將軍侍中元

嘉十年卒年四十二贈太常

唐書經籍藝文志謝弘微集二卷

宋臨川內史謝靈運集十九卷梁二十卷錄一卷

謝靈運有晉書見史部正史類

晉書謝玄傳玄以破苻堅功封康樂縣公子

琨嗣早卒子靈運嗣琨少不惠而靈運文藻

豔逸玄嘗稱曰我尙生琨琨那得不生靈運

永熙中爲劉裕世子左衛率

宋書南史本傳靈運少好學博覽羣書文章

之美與顏延之爲江左第一縱橫俊發過於

延之深密不如也從叔祖混特加愛之奉使

慰勞宋武帝於彭城作撰征賦少帝時出爲

永嘉太守既不得志肆意游遨所至輒爲詩

咏以致其意及去職與隱士王弘之孔淳之

等放蕩爲娛有終焉之志每有一詩至都下貴賤莫不競寫宿昔間士庶皆偏名動都下作山居賦并自注以言其事所著文章傳於世

南史傳論曰謝氏自晉以降雅道相傳可謂德門者矣靈運才名江左獨振而猖獗不已自致覆亡人各有能茲言乃信惜乎

鍾嶸詩品曰宋臨川太守謝靈運詩其源出於陳思雅有景陽之體故尙巧似而逸蕩過之頗以繁蕪爲累嶸謂若人與多才高博寓目輒書內無乏思外無遺物其繁富宜哉然

名章迥句處處間起麗典新聲絡繹奔會譬猶青松之拔灌木白玉之映塵沙未足貶其高潔也初錢塘杜明師夜夢東南有人來入其館是夕即靈運生於會稽其家以子孫難得送靈運於杜治養之十五方還都故名客

兒原注云治音稚奉道之家靖室也
唐書經籍藝文志謝靈運集十五卷 宋史藝文志九卷

馮氏詩紀輯存樂府詩二卷
張氏百三家謝康樂集二卷凡賦表箋書游名山志論頌贊銘七濟誄爲一卷樂府詩爲一卷

汪氏文選撰入篇目宋謝靈運有述祖德詩戲馬臺詩方山詩北固詩西射堂詩池上樓詩南亭詩帆海詩石壁精舍詩石門詩南山往北山詩斤竹澗詩廬陵墓詩還舊園詩臨海嶠詩酬惠連詩初發都詩過始興暨詩富

春渚詩七里瀨詩江中孤嶼詩初去郡詩石首城詩憶山中詩彭蠡湖口詩華子岡詩樂府一首南樓詩田南樹園詩齋中讀書詩石門新營詩擬鄴中詩八首
嚴氏全宋文編輯存賦表箋書論七濟游名山志序頌贊銘誄祭文凡四十二篇補爲四卷又文編卷首敍錄曰謝靈運集四卷明沈道初刻本
顧氏彙刻書目曰謝康樂集四卷明汪士賢刊漢魏二十名家集本
宋給事中丘深之集七卷梁十五卷
邱深之即邱淵之有晉義熙以來新集目錄見史部簿錄家
唐書經籍志邱淵之集六卷
唐書藝文志邱淵之集六卷
案諸類書引邱淵之征齊道里記當編入本集蓋義熙五六年間從宋武帝北征慕容超時所作也
梁又有義成太守祖企之集五卷亡
祖企之始末未詳
案昭明太子陶淵明傳云時周續之入廬山劉道民亦道跡匡山淵明又不應徵命謂之潯陽三隱後刺史檀詔苦請續之出州與學士祖企謝景夷三人共在城北講禮加以讎校所住公廨近於馬隊是故淵明示其詩云周生述孔業祖謝響然臻馬隊非講肄校書亦已勤案祖企似卽此祖企之後官義成太守歟

梁又有荆州西曹孫韶集十卷亡
孫韶始末未詳
梁又有殷淳集二卷亡
宋書本傳淳字粹遠陳郡長平人曾祖融祖允並晉太常案融允並有集見前 淳少好學有美名少帝景平初爲祕書郎衡陽王文學祕書丞中書黃門侍郎高簡寡慾早有清尙愛好文義未嘗違捨在祕書閣撰四部書目凡四十卷行於世元嘉十一年卒年三十二朝廷痛惜之又曰元凶妃卽淳女也
唐書經籍藝文志殷淳集三卷
梁又有揚州刺史殷景仁集九卷亡
宋書南史本傳景仁陳郡長平人也曾祖融晉太常景仁學不爲文敏有思致口不談義深達理體至於國典朝儀舊章記注莫不撰錄識者知其有當世之志也嘗建議請百官舉才以所薦能否黜涉武帝甚知之文帝卽位與王華王曇首劉湛四人並爲侍中遷尙書僕射中書令護軍將軍領吏部代彭城王義康爲揚州刺史卒年五十一贈侍中司空諡曰文成公
嚴氏全宋文編曰景仁名鐵以字行元嘉十七年卒有集九卷宋書本傳有辭侍中表章太后生母蘇氏喪禮議各一篇廣弘明集有文殊像贊一篇文殊師利贊一篇
梁又有國子博士姚濤之集二十卷錄一卷亡
姚濤之始末未詳
唐書經籍藝文志姚濤之集二十卷

唐書經籍藝文志姚濤之集二十卷

唐書經籍藝文志姚濤之集二十卷

唐書經籍藝文志姚濤之集二十卷

唐書經籍藝文志姚濤之集二十卷

梁又有周禮集十一卷亡

周禮始末未詳

殷闡之集一卷

殷闡之始末未詳

案本志前注云梁有晉相國主簿殷闡集

十卷錄一卷亡列在晉末與此時代相近

疑此即其殘本惟前作殷闡此作闡之者

六朝人名往往如此此不足以爲疑也

宋徵士宗景集十六卷梁十五卷 卽宗炳唐人避諱

改

宋書南史隱逸傳宗炳字少文南陽涅陽人也

也妙善琴書圖畫精於言理每游山水往輒

忘歸入廬山就釋慧遠考尋文義宋受禪及

元嘉中頻徵並不應元嘉二十年卒年六十

九

梁書宗夬傳夬南陽涅陽人也世居江陵祖

景宋時徵太子庶子不就有高名

唐書經籍藝文志宗炳集十五卷

嚴氏全宋文編宗炳有集十六卷今存議書

序頌明佛論凡八篇 案明佛論蓋爲慧琳白黑論

何承天達性論而作卽慧皎高僧傳所謂顏延之宗炳難

駁二論各萬餘言者是也

宋徵士雷次宗集十六卷梁二十九卷錄一卷

雷次宗有毛詩序義見經部詩家

宋書南史隱逸傳次宗少入廬山事沙門慧

遠篤志好學隱退不交世務與子姪書以言

所守

唐書經籍藝文志雷次宗集三十卷

嚴氏全宋文編曰次宗本傳有與子姪書通

典有答袁悠問蔡廓問論甥姪凡四篇

宋奉朝請伍輯之集十二卷

伍輯之始末未詳

唐書經籍藝文志伍輯之集十一卷

馮氏詩紀曰伍輯之爵里無考有勞歌二篇

嚴氏全宋文編曰伍輯之仕晉爵里未詳入

宋爲奉朝請有集十二卷藝文類聚初學記

有園桃賦柳花賦各一篇案諸類書引伍輯之從

征記似與郭緣生載延之裴松之邱淵之並從宋武帝北

征西征者義熙中同爲宋武官屬也

梁有宋南蠻主簿衛令元集八卷亡

衛令元始末未詳

唐書經籍藝文志衛令元集八卷

梁有范曄集十五卷錄一卷亡

范曄有後漢書見史部正史類

宋書本傳曄性精微有思致觸類多善衣裳

器服莫不增損制度世人皆法學之獄中與

諸甥姪書以自序其略又曰曄自序並實故

存之

鍾嶸詩品曰宋記室何長瑜羊曜璠詹事范

曄詩乃不稱其才亦爲鮮卑矣

馮氏詩紀輯存樂游應詔詩臨終詩各一首

汪氏文選撰人篇目曰文選有宋范蔚宗曄

樂游應詔詩後漢書皇后紀論二十八將論

官者傳論逸民傳論光武紀贊

嚴氏全宋文編范曄有集十五卷本傳所載

有探時旨上言一篇作彭城王義康與徐湛

之書一篇獄中與諸甥姪書一篇和香方序

一篇藝文類聚又有雙鶴詩序凡存五篇

梁有撫軍諮議范廣集一卷亡 范廣當作范廣淵

唐人避諱節去淵字

宋書范曄傳元嘉元年冬曄弟廣淵時爲司

徒祭酒又范泰傳泰少子廣淵善屬文世祖

撫軍諮議參軍領記室坐曄事從誅

梁有右光祿大夫王敬集五卷錄一卷亡 當爲

王敬弘 瑛邪

宋書南史本傳王裕之字敬弘晉驃騎將軍

虞之曾孫司州刺史胡之孫也名與宋武

帝諱同故以字行王屢王胡之並有集見前敬弘

少有清尚仕晉入宋至尙書僕射侍中左光

祿大夫開府議同三司元嘉二十四年薨於

餘杭之舍亭山年八十八順帝時追諡文貞

公敬弘性恬靜樂山水所居舍亭山林澗環

周備登臨之美故時人謂之王東山

嚴氏全宋文編曰隋志梁有右光祿大夫王

敬集五卷錄一卷當是左光祿大夫王敬弘

轉寫有誤跋耳今存表奏書凡六篇並見本

傳及隱逸王弘之傳案王弘之其從弟也

梁有任豫集六卷亡

任豫有禮論條牒禮論帖見經部禮類

嚴氏全宋文編曰任豫有集六卷類聚御覽

有藉田賦一篇案諸書引任豫益州記隋唐志皆不

著或編入本集

宋御史中丞何承天集二十卷梁三十二卷亡

何承天有禮論見經部禮類

宋書南史本傳承天五歲喪父母徐廣姊也
聰明博學故承天幼漸訓義儒史百家莫不
該覽爲御史中丞時魏軍南伐文帝訪羣臣
捍禦之略承天上安邊論凡陳四事其一移
遠就近以實內地其二浚復城隍以增阻防
其三纂偶車牛以飾戒械其四計丁課仗勿
使有闕博見古今爲一時所重時帝每有疑
議必先訪之信命相望於道承天性褊促嘗
對主者厲聲曰天何言哉四時行焉百物生
焉文帝知之應遣先戒曰善候伺顏色如其
不悅無須多陳文集傳於世

唐書經籍志何承天集三十卷藝文志二十
卷
馮氏詩紀宋書樂志曰鼓吹鐃歌十五篇何
承天晉義熙中私造
張氏百三家何衡陽集一卷凡賦表議奏論
問書頌贊及鼓吹鐃歌十五首
嚴氏全宋文編何承天有集三十二卷今存
木瓜賦表奏議書答渾天象論安邊論達性
論序頌贊凡三十九篇

宋太中大夫裴松之集十三卷梁二十一卷
裴松之有集注喪服經傳見經部禮類
宋書南史本傳松之博覽墳籍立身簡素所
著文論及晉紀並傳於世
唐書經籍藝文志裴松之集三十卷
嚴氏全宋文編裴松之有集二十一卷今存
表奏議答及難郭冲條諸葛亮五事凡七篇
案諸類書引裴松之述征記西征記北征記當編入本集

梁又有王韶之集十九卷亡

王韶之有集二十四卷已見前

嚴氏全宋文編曰王韶之集隋志重出前作
十九卷後作二十四卷案此言前後當互易

案前後兩部皆注云梁有卷數各不同部
居亦別異是亦可證所據梁有書目非止
七錄一家矣

梁又有宋光祿大夫江湛集四卷錄一卷亡

宋書南史本傳湛字微淵濟陽考城人湘州
刺史夷子也愛好文義喜彈碁鼓琴兼明算
術歷侍中左衛將軍吏部尚書上將廢太子
劾使湛具詔草及劾入弑湛直上省聞叫噪
之聲乃匿傍小屋中兵士得之湛據窗受害
時年四十六孝武卽位追贈左光祿大夫開
府儀同三司諡曰忠簡公

宋太尉袁淑集十一卷并目錄梁十卷錄一卷
宋書南史本傳淑字陽源陳郡陽夏人丹陽
尹豹之子也案袁豹有集見前卷 不爲章句之
學而博涉多通好屬文辭采逾豔縱橫有才
辨元嘉二十六年累遷尚書吏部郎其秋大
舉北征淑侍坐從容曰今當鳴鑿中岳席捲
趙魏檢玉岱宗今其時也臣逢千載之會願
上封禪書一篇文帝笑曰盛德之事我何足
以當之魏軍南伐至瓜步文帝使百官議防
禦之術淑上議其言甚誕淑喜誇每爲時人
所嘲後遷太子左衛率元凶爲逆命淑同載
淑辭不上劾命左右殺之孝武卽位贈侍中
太尉諡曰忠憲公又詔淑及徐湛之江湛王

僧綽下天與四家長給廩祿淑文集行於世
又袁湛傳弟豹豹子洵洵弟淵淵弟淑別有傳

又臨川王義慶傳義慶愛好文義招聚文學
之士近遠必至太尉袁淑文冠當時義慶在
江州請爲衛軍諮議參軍

又何尚之傳元嘉二十九年尚之致仕於方
山著退居賦以明所守而議者咸謂尚之不
能固志太子左衛率袁淑與尚之書言其事
既而尚之還攝職任事上待之愈隆於是袁
淑乃錄古來隱士有迹無名者爲真隱傳以
嗤焉宋書隱逸傳序曰陳郡袁淑集古來無
名高士以爲真隱傳 案真隱傳唐志二卷本志不
見當編入本集

唐書經籍藝文志袁淑集十卷
馮氏詩紀輯存效子建白馬篇等詩五首
張氏百三家袁忠憲集序曰陽源禦虜議史
譏其誕然文采逾豔才辨鮮及卽不得爲儀
秦從橫方諸燕然勒銘廣成作頌意似欲無
多讓詩章雖寡其摩古之篇風氣竟信建安
此人不死顏謝未必能出其上也凡賦議章
書傳雜文詩凡二十篇

汪氏文選撰人篇目曰文選有宋袁陽源淑
做白馬篇一首做古詩一首
嚴氏全宋文編袁淑有集十一卷藝文類聚
諸書有秋晴賦正晴賦桐賦及謝表議書游
新亭曲水詩序弔古文真隱傳佚文俳諧集
佚文總凡十五篇

宋祕書監王微集十卷梁有錄一卷環邪

宋書南史本傳微字景玄太保弘弟光祿大夫孺之子也少好學善屬文工書解音律及醫方卜筮陰陽數術之事起家司徒祭酒主簿始興王友父憂去職微素無宦情後數遷除積稱疾不就既為始興王濬府吏濬數相存慰微奉答箋書輒飾以辭采微為文好古言頗抑揚袁淑見之謂為訴屈報何偃書有云至於生平好服上藥起年十二時病虛耳所撰服食方中粗言之矣自此始知攝養有微又云吾實倦游醫部頗曉和藥尤信本草欲其必行 案所撰服食方書本志醫家類不見或在

本集 微常住門屋一間尋書玩古如此者十餘年元嘉二十年卒時年二十九所著文集傳於世世祖即位詔曰微棲志真深文行悼治生自華宗身安隱素足以資茲邱園悃是薄俗不幸蚤世朕甚悼之可追贈祕書監

唐書經籍藝文志王微集十卷

馮氏詩紀曰王微有雜詩二首四氣詩詠愁各一首或作王徽案別有王徽仕宋文帝時廷尉交州刺史

汪氏文選撰人篇目曰文選有宋王景元微雜詩一首

嚴氏全宋文編王微有集十卷本傳及初學記大觀本草有與江湛書與從弟僧綽書報何偃書以書告弟僧謙靈茯苓贊禹餘糧贊桃飴贊黃連贊遺令凡九篇 案張彥遠歷代名

畫記有微畫一篇嚴氏未采

梁又有宋太子舍人王僧謙集二卷亡瑛耶

宋書王微傳弟僧謙亦有才譽為太子舍人遇疾微躬自處治而僧謙服藥失度遂卒微深自咎恨發病不復自治哀痛謙不能已以書告靈有曰吾素好醫術不使弟得全又尋思不精致有枉過念此一條特復痛酷痛酷奈何吾罪奈何又云萬世不復一見奈何惟十紙手迹封拆儼然又云弟懷隨和之寶未及光諸文章欲收作一集不知忽忽當辦此不今已成服吾臨靈取常所共飲楮酌自釀酒寧有仿像不寃痛寃痛僧謙卒後四句而微終

案景元卒時年二十九則其弟病卒猶不及其兄之年兄書作於成服之時集尚未編其後殆力疾緒成之或其子姓為編輯成之

梁又有金紫光祿大夫王僧綽集一卷亡瑛耶

宋書南史王曇首傳曇首子僧綽幼有大成之度衆便以國器許之好學練悉朝典襲封豫寧縣侯尚文帝長女東陽獻公主累遷侍中時年二十九元嘉末文帝大相付託朝政大小皆參焉會巫蠱事洩上先召僧綽具言

之及將廢立使尋求前朝舊典勅於東宮夜饗將士僧綽密以啓聞上又令撰漢魏以來廢諸王故事劾弒立轉僧綽吏部尚書及檢文帝巾箱得僧綽所啓饗士并廢諸王事乃收害焉時年三十一世祖追贈散騎常侍金紫光祿大夫諡曰愍侯

梁又有征北行參軍顧邁集二十卷亡

宋書沈慶之傳慶之從弟法系討蕭簡於廣州前征北參軍顧邁被徙在城內善天文云荆州有大兵城內由此固守法系攻拔之斬蕭簡廣州平

又劉穆之傳穆之孫瑀為始興王濬南徐州別駕瑀性陵物不欲人居己上時濬征北府行參軍吳郡顧邁輕薄而有才能濬待之甚厚深言密事皆與參之瑀乃折節事邁邁以瑀之款盡濬所言密事悉以語瑀瑀與邁共進射堂下瑀忽顧左右索單衣幘邁問其所瑀曰公以家人待卿相與言無所隱而卿於外宣洩致使人無不知我是公吏何得不啓因而白之濬大怒啓太祖徙邁廣州邁在廣州值蕭簡為亂為之盡力與簡俱死 案劉瑀亦有集見後

梁又有魚復令陳超之集十卷亡

陳超之始末未詳

梁又有平南將軍何長瑜集八卷亡

宋書謝靈運傳族弟惠連幼有才悟不為父方明所知時方明為會稽郡靈運至會稽造方明過視惠連大相知賞時東海何長瑜教惠連讀書亦在郡內靈運又以為絕倫謂方明曰阿連才悟如此而尊作常兒遇之何長瑜當今仲宣而給以下客之食尊既不能禮賢宜以長瑜還靈運遂載之而去長瑜文才之美亞於惠連臨川王義慶招集文士長瑜自國侍郎至平西記室參軍嘗於江陵寄書與宗人何勛以韻語序義慶州府僚佐云陸

與宗人何勛以韻語序義慶州府僚佐云陸

展染鬚髮欲以媚側室青青不解人星星行復出如此者五六句而輕薄少年遂演而廣之凡厥人士並爲題目皆加劇言苦句其文流行義慶大怒白太祖除爲廣州所統會城令廬陵王紹鎮尋陽以長瑜爲南中郎行參軍掌記室之任行至板橋遇暴風溺死
馮氏詩紀輯存嘲府僚詩離合詩各一首
宋員外郎荀雍集二卷梁四卷

宋書謝靈運傳靈運既東還與族弟惠連東海何長瑜穎川荀雍太山羊璿之以文章賞會共爲山澤之游時人謂之四友雍字道雍官至員外散騎郎長瑜文才之美亞於惠連雍璿之不及也案羊璿之亦有作羊濟之者字曜璿臨川內史爲司空竟陵王誕所遇誣敗坐誅

唐書經籍藝文志荀雍集十卷
馮氏詩紀輯存臨川亭詩一首
梁又有宋國子博士范演集八卷亡
范演始末未詳

梁又有錢唐令顧昱集六卷亡
顧昱始末未詳

案宋書孔覲傳泰始初上流反叛時鄧琬挾晉安王子助反於江州也覲與孔璋等據會稽五郡應之及吳郡吳興義興晉陵四郡平定太宗留吳喜等東平會稽喜等至錢唐錢唐令顧昱及孔璋等奔渡江東殆卽此顧昱也

梁又有臨成令韓濬之集八卷亡
韓濬之始末未詳疑卽泰山羊濬之見前荀雍集條

下

梁又有南陽太守沈亮之集七卷亡案卽沈亮
宋書自序林子第二子亮字道明清操好學善屬文歷南陽太守後爲隨王誕後軍中兵領義成太守元嘉二十七年卒官年四十七所著詩賦頌贊三言誄哀辭祭告請雨文樂府挽歌連珠教記白事箋表籤議一百八十九首
嚴氏全宋文編沈亮有集七卷宋書自序有陳府事啓陳營創城府功課救荒議發冢不赴救議修治石碣籤凡五篇
梁又有國子博士孔欣集九卷亡
孔欣始末未詳

唐書經籍志孔欣集八卷藝文志十卷
馮氏詩紀曰孔欣爵里無考有置酒高樓上一首相逢狹路間一首祠太廟一首又品藻篇升菴詩話曰南朝孔欣樂府相逢狹路間云云此詩高趣可並淵明欣早歲辭榮不負其言矣

嚴氏全宋文編曰孔欣會稽山陰人仕晉入宋爲國子博士後去職景平中會稽太守褚淡之以爲參軍有集十卷御覽三百五十一引七誨一篇又曰南史沈道虔傳有武康令孔欣之與此同時未審是兩人否
梁又有臨海太守江玄叔集四卷亡

宋書良吏傳江秉之字玄叔濟陽考城人祖適晉太常秉之初爲劉穆之參軍高祖主簿少帝時歷都官郎出爲永世烏程令以善政

著名東土復爲建康令山陰令新安太守元嘉十二年轉在臨海並以簡約見稱十七年卒於官

梁又有尙書郎劉覆集十一卷亡
劉覆始末未詳
梁又有太子中舍人張演集八卷亡演或作寅
宋書張茂度傳茂度吳郡吳人名與高帝諱同故稱字茂度子演太子中舍人演弟鏡新安太守皆有盛名並早卒
又張邵傳邵字茂宗會稽太守裕之弟也裕卽茂度子敷演鏡有名於世案此又謂張邵子與茂度傳異又張暢傳云暢少與從兄敷演鏡齊名爲後進之秀

南史張裕傳亦卽張茂度傳裕子演演四弟鏡永辯俗俱知名時謂之張氏五龍又曰演鏡兄弟中名最高餘並不及又張融傳云張氏前有敷演鏡暢後有充融卷稷案永辯鏡暢並有集見後融集在齊代中

梁又有南昌令蔡眇之集三卷亡
蔡眇之始末未詳
梁又有太學博士顧雅集十三卷亡
顧雅始末未詳

梁又有巴東太守孫仲之集十一卷仲當爲沖孫沖之疑卽孫嚴有宋書六十五卷見史部正史類

梁又有太尉諮議參軍謝元集一卷亡
謝元有內外書儀四卷見史部儀注類
嚴氏全宋文編曰謝元靈運從祖弟有集一

卷宋書禮志四有掖庭不舉祭議王弘傳有刑法議凡二篇

梁又有南海太守陸展集九卷亡

宋書臨川王義慶傳義慶招聚文學之士近遠必至吳郡陸展東海何長瑜鮑照等並為辭章之美引為佐史國臣

又良吏陸徽傳徽吳郡吳人也元嘉二十九年仕至益州刺史卒弟展賦質車騎長史尋陽太守質敗從誅

梁又有棘陽令山謙之集十二卷亡

山謙之有吳興記南徐州記見史部地理類

梁又有廣州刺史楊希集九卷亡楊當為羊

宋書南史羊玄保傳玄保泰山南城人兄子希字泰聞少有才氣大明初為尚書左丞歷御史中丞泰始三年出為寧朔將軍廣州刺史四年行晉康太守劉思道不受命率所領攻希殺之贈輔國將軍

嚴氏全宋文編曰羊希有奏劾謝沈北征上計殤服議刊革山澤舊科議與孫誥書凡存五篇

梁又有員外常侍周始之集十一卷亡

周始之始未詳

梁又有主客郎羊崇集六卷亡

宋書羊玄保傳傳玄保兄子希為廣州刺史為劉思道襲而殺之希子崇字伯遠尚書主客郎丁母憂哀毀過禮及聞廣州亂即日便徒跌出新亭不能步涉頓伏江渚門義以小船致之於是進路父葬畢不勝哀卒

梁又有太子舍人孔景亮集三卷亡

孔景亮始未詳

宋中書郎袁伯文集十一卷并目錄

袁伯文集始未詳

唐書經籍藝文志袁伯文集十卷

馮氏詩紀袁伯爵里無考有楚妃歎述山貧各一首

嚴氏全宋文編曰袁伯文為中書郎有集十

一卷文選謝莊宣貴妃誄注引伯文美人賦

梁有宋丞相諮議蔡超集七卷亡

蔡超有集注喪服經傳經部禮類

宋東中郎長史孫緬集八卷并目錄梁十一卷

南史隱逸漁父傳太康孫緬為尋陽太守緬字伯緒太子僕與會之子也有學義宋明帝

甚知之位尚書左丞東中郎司馬案太康疑太原之誤

唐書經籍藝文志孫緬集十卷

嚴氏全宋文編曰孫緬字伯緒太康人大明初太常丞出為尋陽太守泰始中遷尚書左丞東中郎司馬宋書禮志有股祭議親執爵

議各一篇

梁又有宋賀道養集十卷亡

賀道養有春秋序注見經部春秋左氏學家

唐書經籍藝文志賀道養集十卷

嚴氏全宋文編賀道養有集十卷太平御覽

卷二有渾天記一篇

梁又有太子洗馬謝登集六卷亡

謝登始未詳

梁又有新安太守張鏡集十卷亡

張鏡有宋東宮儀記見史部儀注篇

嚴氏全宋文編弘明集十二有張鏡答南譙王義宣書一篇

梁又有兼中書舍人褚詮之集八卷錄一卷亡

褚詮之始未詳

唐書經籍藝文志褚詮之集八卷

案本志總集類百賦音十卷宋御史褚詮之撰即此褚詮之或即以御史兼中書舍人者

宋特進顏延之集二十五卷梁三十卷又有顏延之逸集一卷亡

顏延之有逆降義見經部禮類

宋書南史本傳晉義熙十二年武帝北伐有宋公之授府遣延之慶殊命行至洛陽周視

故宮室盡為禾黍悽然詠黍離篇道中作詩二首為謝晦傅亮所賞為始安太守之郡道

經汨潭為湘州刺史張邵祭屈原文以致其意後又出為永嘉太守甚怨憤乃作五君詠

以述竹林七賢山濤王戎以貴被黜詠嵇康云鸞翻有時鍛龍性誰能馴詠阮籍云物故

不可論途窮能無慟詠阮咸云屢薦不入官

一麾乃出守詠劉伶云輅精日沈飲誰知非

荒宴此四句蓋自序也閑居無事為庭語之

文以訓子弟延之與謝靈運俱以辭采齊名

而遲速縣絕文帝嘗各勅擬樂府北上篇延

之受詔便成靈運久之乃就是時論者以二

人自潘岳陸機之後文士莫及江右稱潘陸

江左稱顏謝焉所著並傳於世

宋書謝靈運傳論曰爰逮宋氏顏謝騰聲靈運之興會標舉延年之體裁明密並方軌前秀垂範後昆

鍾嶸詩品曰宋光祿大夫顏延之詩其源出於陸機尚巧似體裁綺密情喻淵深動無虛散一句一字皆致意焉又喜用古事彌見拘束雖乖秀逸是經綸文雅才雅才減若人則蹈於困躓矣湯惠休曰謝詩如芙蓉出水顏如錯采鏤金顏終身病之

唐書經籍藝文志顏延之集三十卷 宋史藝文志五卷

馮氏詩紀輯存四五言詩及秋胡詩五君詠凡二十四篇又宋書樂志曰元嘉二十二年詔顏延之造天地郊夕牲迎送神饗神雅樂登歌三篇

張氏百三家顏光祿集輯本序曰延年文莫長於庭誥詩莫長於五君枯中散任誕魏朝獨家戒恭謹教子以禮顏誥立言意亦類是三十不婚以文出仕歷四主陪兩王浮沈上下老不改性詆尚之為朽木斥慧琳為刑餘顏彪之呼亦牛馬應之其閱世久矣遠弔屈大夫近友陶徵士風流固可相見云凡賦詔表書序七釋庭誥頌贊箴連珠諡議哀册文誄祭文銘狀樂府詩總六十一篇

汪氏文選撰人篇目曰宋顏延年延之有赭白馬賦曲水讌詩皇太子釋奠詩秋胡詩五君詠觀北湖田收詩赫山詩曲阿後湖詩拜

陵廟詩贈王太常詩呈從兄詩直東宮詩和謝監詩北使洛詩還梁城詩巴陵樓詩宋郊祀歌曲水詩序陽給事誄陶徵士誄宋皇后哀策文祭屈原文

嚴氏全宋文編顏延之有集三十卷逸集一卷今存行殯賦豬白馬賦寒蟬賦贈諡袁淑詔賜卹袁淑遺孤詔庭誥策秀才文表諡議天馬狀書答問七釋詩序頌贊釋何衡陽達性論重釋達性論又釋達性論範連珠大箴箴家傳銘誄哀策祭文凡三十七篇又敍錄曰顏延之集一卷明刻本又明刻二十名家集本 案皇尚論語義疏引顏延之說隋唐志皆不見或編入本集

宋東揚州刺史顏峻集十四卷并目錄

宋書南史本傳峻字士遜延之長子也早有文義為宋孝武帝撫軍主簿甚被嘉遇峻亦盡心補益元凶弒立孝武舉兵入討轉諮議參軍領軍錄事任總內外并造檄書孝武踐阼歷侍中左衛將軍封建城縣侯大明元年歷東揚州刺史峻藉蕃朝之舊每極陳得失上自卽吉之後宮內頗有醜論又多所興造諫爭懇切並無所回避上意甚不悅多不見從及王僧達被誅謂為峻所讒構臨死陳峻前後忿懣恨言不見從僧達所言頗相符合乃使御史中丞庾徵之奏峻免官峻頻啓謝罪并乞性命上愈怒及竟陵王誕為逆因此陷之言通於誕召庾徵之於前立奏奏成詔先打折足然後於獄賜死峻文集行於世

又顏延之傳長子峻為孝武參軍及義師入討峻造書檄劾召延之示以檄文問曰此筆誰造延之曰峻之筆也又問何以知之曰峻筆體臣不容不知劬又曰言詞何至乃爾延之曰峻尚不顧老臣何能為陛下劬意乃釋由是得免

唐書經籍藝文志顏峻集十三卷

馮氏詩紀輯存七廟迎神辭一首古意一首嚴氏全宋文編顏峻有集十四卷今存表奏議為世祖檄京邑几贊序凡九篇

宋大司馬錄事顏測集十一卷并目錄

宋書南史顏延之傳文帝常問以諸子才能延之曰峻得臣筆測得臣文魯得臣義躍得臣酒何尚之嘲曰誰得卿狂答曰其狂不可及又曰峻弟測宋書作測亦以文章見知官至江夏王義恭大司馬錄事參軍以兄貴為憂先竣卒

唐書經籍藝文志顏測集十一卷

嚴氏全宋文編顏測有集十一卷御覽引顏測集有大司馬江夏王賜絹葛啓藝文類聚有石榴賦梔子贊存凡三篇

宋護軍將軍王僧達集十卷梁有錄一卷瑣邪

宋書南史本傳僧達太保弘少子幼聰敏好學善屬文為太子舍人宣城太守元凶弒立孝武發尋陽僧達赴義即以爲長史及卽位為尚書右僕射僧達自負才地三年間使望宰相嘗答詔曰亡父亡祖司徒司空其自負若此後爲護軍將軍不得志大明中以歸順

功封寧陵縣五等侯累遷中書令僧達屢經
犯忤以為終無悛心因高閹等為亂事陷之
收付廷尉獄賜死年三十六

鍾嶸詩品曰宋豫章太守謝瞻宋僕射謝混
見前東晉末非宋人 宋太尉袁淑宋徵君王徽

宋征虜將軍王僧達詩其源出於張華才力

苦弱故務其清淺殊得風流媚趣課其實錄
則豫章僕射宜分庭抗禮徵君太尉可託乘

後車征虜卓卓殆欲度驂騑前

唐書經籍藝文志王僧達集十卷宋史藝文志

同

馮氏詩紀輯存釋奠詩答顏延年和琅邪王
七夕朱櫻等詩凡五篇

汪氏文選撰人篇目曰文選有宋王僧達答

顏延年詩依古詩一首祭顏光祿文

嚴氏全宋文編王僧達有集十卷今存答詔

表謝啓書祭顏光祿文凡七篇

梁又有國子博士羊戎集十卷亡

宋書南史羊玄保傳玄保子戎有才氣而輕

薄少行檢玄保嘗嫌其輕脫云此兒必亡我

家官至通直郎與王僧達謗議時政賜死死

後孝武帝引見玄保玄保謝曰臣無日禪之

明以此上負上美其言

梁又有江寧令蘇寶生集四卷亡

宋書王僧達傳蘇寶生名寶生本寒門有文

義之美元嘉中立國子學為毛詩助教為太

子所知官至南臺侍御史江寧令坐知高閹

反不即啓聞與閹共伏誅

又恩倖徐爰傳先是元嘉中使著作郎何承
天章創國史世祖初又使奉朝請山謙之南
臺御史蘇寶生踵成之

又戴法興傳世祖南中郎典籤董元嗣為元
凶考掠死追贈員外散騎侍郎使文士蘇寶
生為之誄焉

史通正史篇孝建初又勅蘇寶生續造諸傳

元嘉名臣皆其所撰

梁又有兗州別駕范義集十二卷亡

宋書竟陵王誕傳誕為都督六州南兗州刺

史據廣陵反以州別駕范義為中軍長史加

右司馬范義母妻子並在城內有勸義出降

義曰我人吏也且豈能作何康活耶義字明

休濟陽考城人也早有世譽

又蔡興宗傳竟陵王誕據廣陵為逆事平興

宗奉旨慰勞州別駕范義與興宗素善在城

內同誅與宗至廣陵躬自收殮致喪還豫章

舊墓 案此知范義為豫章人東晉范宣之後歟范宣有

集見前

梁又有吳興太守劉瑀集七卷亡

宋書劉穆之傳穆之東莞莒人漢齊悼惠王

肥後也世居京口穆之為宋武佐命卒於晉

義熙十三年贈侍中司徒高祖受禪進封南

康郡公諡曰文宣公中子式之式之第三子

瑀字茂琳少有才氣為太祖所知初為始興

王濬南徐州別駕從事史瑀性陵物護前不

欲人居己上後為御史中丞甚得志彈蕭惠

開云非才非望非勳非德彈王僧達云蔭藉

高華人品尤末朝士莫不畏其筆端大明二
年累遷吳興太守疽發背卒諡曰剛子

唐書經籍志劉瑀集七卷藝文志十卷

嚴氏全宋文編劉瑀有集七卷今存奏彈蕭

惠開奏彈王僧達與顏竣書與親故書凡四
篇

案劉瑀既以計誘吳郡顧邁邁坐宣洩徒

死廣州見本傳 又以故智誘羊希希亦坐

漏泄免官見羊玄保傳魏文帝云文人類不

獲細行若瑀者陰賊乃至如此是焉得謂

之剛乎

梁又有本郡孝廉劉氏集九卷亡

劉氏不詳何人

案此稱本郡者不知何郡以下文稱本州

秀才劉遂之例例之則為彭城郡與宋武

帝同郡因稱本郡此殆阮氏七錄沿宋人

卷

宋會稽太守張暢集十二卷殘缺梁十四卷錄一

宋書南史本傳暢字少微吳郡吳人吳興太

守邵兄偉之子也少與從兄敷演鏡齊名為

後進之秀演鏡並有集見前 累遷太子中庶子

孝武鎮彭城為安北長史沛郡太守元嘉二

十七年索虜托跋靺南侵暢於城上與魏尚

書李孝伯語孝伯辭辯北土之美暢隨宜應

答吐屬如流音韻詳雅風儀華潤孝伯及左

右人並相視歎息後為南譙王義宣司空長

史南郡太守三十年元凶弑立義宣發哀之

日即便舉兵暢位居僚首舉哀畢改服出射堂簡人音姿容止莫不矚目見者皆願爲盡命事平徵爲吏部尚書封夷道縣侯義宣爲逆暢於兵亂自歸下廷尉見原起爲都官尚書轉侍中孝建二年出爲會稽太守大明元年卒官時年五十諡曰宣子

唐書經籍藝文志張暢集十四卷

嚴氏全宋文編張暢有集十四卷宋書本傳有棄彭城南歸議注云宋書暢有二傳一在四十六一在五十九張永傳有爲南譙王義宣與從弟

永書初學記有河清頌廣弘明集有若邪山敬法師誄存凡四篇

梁又有司空何尚之集十卷亡

宋書南史本傳尚之字彥德廬江灑人也以操立見稱爲陳郡謝混所知與之游處爲宋武帝征西主簿從征長安賜爵都鄉侯尚之雅好文義從容賞會甚爲文帝所知元嘉十三年爲丹陽尹立宅南郭外置玄學聚生徒東海徐秀廬江何曇黃回穎川荀子華太原孫宗昌王延秀魯郡孔惠宜並慕道來游謂之南學國子學建領祭酒累遷尚書令領太子詹事二十九年致仕於方山著退居賦以明所守文帝不許復攝職愛尚文義老而不休與太常顏延之論議往反傳於世大明四年薨於位年七十九贈司空侍中中書令如故諡曰簡穆公子偃

嚴氏全宋文編何尚之有集十卷今存華林清暑殿賦表奏上言答問議書列敘元嘉贊

揚佛敎事凡十五篇

宋吏部尚書何偃集十九卷梁十六卷

何偃有毛詩釋見經部詩家

宋書南史本傳元凶弑立以偃爲侍中掌詔誥時尚之爲司空尚書令偃居門下父子並處權要時爲寒心而尚之及偃善攝機宜曲得時譽世祖即位任遇無改時責百官讜言偃以爲宜重農卹本并官省事考課以知能否增俸以除吏姦責成良守久於其職都督刺史宜別其任侍中顏竣與偃俱在門下文義賞會相得甚歡素好談玄注莊子逍遙篇傳於世

唐書經籍藝文志何偃集八卷

馮氏詩紀輯存擬古詩冉冉孤生竹一篇

嚴氏全宋文編何偃有集十九卷今存月賦及議書銘六篇

梁又有廬江太守周朗集八卷亡

宋書南史本傳朗字義利汝南安成人也兄嶠以貴戚顯朗少而愛奇雅有風氣爲江夏王義恭太尉參軍元嘉二十七年春朝議北侵魏當遣義恭出鎮彭城爲諸軍大統府主簿羊希從行與朗書戲之勸令獻奇進策朗報書援引古義辭意周備孝武即位除建平王宏中軍錄事參軍時普責百官讜言朗上書陳述得失多自矜誇書奏忤旨自解去職後爲廬陵內史稱疾去官尋丁母憂每哭必慟其餘頗不依居喪常節大明四年上使有司奏其居喪無禮詔鎖付邊於是傳送寧州

於道殺之年三十六族孫顯

又史臣曰宋時徒置乞言之旨空下不諱之令慕古飾情義非側席文士因斯各存炫藻周朗辯博之言多切治要而意在摛詞文實忤主文詞之爲累一至此乎

嚴氏全宋文編曰周朗有上書獻讜言報羊希書各一篇見宋書本傳又略見通典廣弘明集魏書島夷劉駿傳以爲周般

宋侍中沈懷文集十二卷殘缺梁十六卷

沈懷文有隨王入沔記見史部地理類

宋書南史本傳懷文少妙玄理善爲文章嘗爲楚昭王二妃詩見稱於世隱士雷次宗被徵居鍾山後南還廬岳何尚之設祖道文義之士畢集爲連句詩懷文所作尤美辭高一座隨王誕鎮襄陽與譚議參軍謝莊共掌辭令弟懷遠官至武康令撰南越志及懷文集並傳於世

唐書經籍藝文志沈懷文集十三卷

嚴氏全宋文編沈懷文有集十六卷本傳載上言皇子不宜置邸舍省錄尚書議揚州移治會稽議孔靖傳載舉起湖田議御覽有侍中趙倫之碑存凡五篇

宋北中郎長史江智深集九卷并目一卷

宋書南史本傳江智深南史避諱淵作深濟陽考城人歷著作郎隨王誕後軍參軍在襄陽時諸議謝莊主簿沈懷文與智淵友善懷文每稱之曰人所應有盡有人所應無盡無者其江智淵乎誕將爲逆智淵悟其機請假先

反誕事發即除中書侍郎智淵愛好文雅辭采清瞻孝武深相待恩禮冠朝後恩寵大衰出爲新安王子鸞北中郎長史南海太守行南徐州事大明七年以憂卒年四十六

唐書經籍志江智淵集十卷

唐書藝文志江智淵集十卷

馮氏詩紀輯存宣貴妃挽歌一篇

宋太子中庶子殷琰集七卷

宋書南史本傳琰字敬珉陳郡長平人也少爲文帝所知見遇與琅邪王景文相埒明帝泰始元年晉安王子勛反以琰爲豫州刺史十人前右軍杜叔寶等並勸琰同逆琰素無部曲無以自立受制於叔寶等二年正月帝遣輔國將軍劉劭西討圍攻至十二月琰始降並撫宥之無所誅戮後除少府加給事中卒官琰性和雅靜素寡嗜慾諳前世舊事事兄甚謹少以名行見稱在壽陽被攻圍積時爲城內所懷附揚州刺史王景文征西將軍蔡興宗司空褚彥回並相與友善

唐書經籍藝文志殷琰集八卷

嚴氏全宋文編曰殷琰隋志作太子中庶子與本傳終於少府不同琰有集七卷御覽引琰宣貴妃誄一篇

梁又有宋武陵太守袁顥集八卷亡案顥當爲顥

宋書袁湛傳湛陳郡陽夏人也湛弟豹豹子

洵洵長子顥別有傳少子觀好學善屬文有

清譽於世官至司徒從事中郎武陵內史蚤

卒

南齊書袁家傳家祖洵吳郡太守父觀武陵

太守觀兄顥在雍州起事見誅宋明帝投顥

屍江中不聽斂葬豕與舊奴一人微服潛行

求屍四十餘日乃得密瘞石頭後岡身自負

土懷其父集未嘗離身案南史作懷其文集則所

懷爲袁顥集也本志無袁顥集疑此處傳寫有誤

南史袁家傳家顥弟觀之子也觀好學美才

早有清譽仕宋位武陵內史

梁又有荀欽明集六卷亡

荀欽明有百官階次見史部職官類

唐書經籍藝文志荀欽明集六卷

梁又有安北參軍王詢之集五卷亡

王詢之始末未詳

梁又有越騎校尉戴法興集四卷亡

宋書南史恩倖傳戴法興會稽山陰人家貧

父以販紵爲業兄延壽延興並修立好學法

興爲尚書倉部令史後爲孝武征虜將軍記

室掾南中郎典籤帝於巴口建義轉參軍督

護及即位爲南臺侍御史兼中書通事舍人

封吳昌縣男與魯郡巢尚之等爲孝武腹心

耳目所委寄法興頗知古今素見親待前廢

帝即位遷越騎校尉廢帝年漸長凶志轉成

欲有所爲法興每相禁制帝意不能平遂免

法興官於家賜死法興能爲文章頗行於世

鍾嶸詩品評宋御史蘇寶生宋中書令史陵

修之宋典祀令任曇緒宋越騎戴法興詩曰

蘇陵任戴並著篇章亦爲搢紳之所嗟咏人

非文才是愈甚可嘉焉

嚴氏全宋文編戴法興有集四卷宋書曆志有法興議祖冲之新曆一篇

宋黃門郎虞通之集十五卷梁二十卷

虞通之有妬記二卷見史部雜傳類

唐書經籍藝文志虞通之集五卷

馮氏詩紀輯存贈傅昭詩一首編入齊代

嚴氏全宋文編曰藝文類聚初學記有虞通

之爲江數讓尚公主表明堂頌各一篇

宋司徒左長史沈勃集十五卷梁二十卷

宋書沈演之傳演之吳興武康人也演之子

睦坐與弟西陽王文學勃忿鬪不睦徙始興

郡勃免官禁錮勃好爲文章善彈琴能圍棋

而輕薄逐利歷尚書殿中郎泰始中爲太子

右衛率加給事中時欲北討使勃還鄉里募

人多受貨賄上怒下詔徙付梁州廢帝元微

初以例得還結事阮佃夫王道隆等復爲司

徒左長史爲廢帝所誅順帝即位追贈本官

南史後廢帝本紀孝武帝二十八子明帝殺

其十六餘皆帝殺之吳興沈勃多寶貨往劫

之揮刀獨前左右未至勃時居喪在廬帝望

見之便投鋌不中勃知不免手搏帝耳唾罵

之曰汝罪踰桀紂屠戮無日遂見害帝自鬱

割

唐書經籍藝文志沈勃集十五卷

嚴氏全宋文編沈勃有集二十卷藝文類聚

有勃秋羈賦

宋金紫光祿大夫謝莊集十九卷梁十五卷

宋書南史本傳莊字希逸陳郡陽夏人太常

弘微子也弘徽名密有集見前 七歲能屬文通

論語及長韶令美容儀分左氏經傳隨國立

篇製木方丈圖山川土地各有分理離之則

州別郡殊合之則寓內為一元嘉二十九年

累遷太子中庶子時南平王樂獻赤鸚鵡普

詔羣臣為賦太子左衛率袁淑文冠當時作

賦畢示莊及見莊賦歎曰江東無我卿當獨

秀我若無卿亦一時之傑也遂隱其賦凶凶

弑立孝武入討密送檄書與莊令加改治宣

布莊遺腹心門生具慶奉啓事密詣孝武陳

誠莊有口辯孝武嘗問顏延之曰謝希逸月

賦何如答曰美則美矣但莊始知隔千里兮

共明月帝以語莊莊應聲曰延之作秋胡詩

始知生為久別離沒為長不歸帝撫掌竟曰

王玄謨問莊何者為雙聲何者為疊韻答曰

玄護為雙聲傲礪為疊韻其捷速如此大明

中河南獻舞馬詔羣臣為賦莊所上甚美又

使莊作舞馬歌令樂府歌之前廢帝即位繫

於左向方明帝定亂得出使為赦詔其文甚

工後為尋陽王師加中書令金紫光祿大夫

泰始二年卒年四十六諡曰憲子所著文章

四百餘首行於世

鍾嶸詩品曰希逸詩氣候清雅不逮於王袁

然與屬閒長良無鄙促也案此王袁大抵謂同時

之王僧達袁淑也

唐日本國見在書目謝莊集廿卷

唐書經籍藝文志謝莊集十五卷宋史藝文志

一卷

馮氏詩紀輯存詩十四篇又宋明堂歌九首

通典曰孝武建元元年使謝莊造郊廟舞樂

明堂諸樂歌詩南齊書樂志曰明堂辭五帝

漢郊祀歌皆四言宋孝武使謝莊造辭莊依

五行數木數用三火數用七土數用五金數

用九水數用六周頌我將祀文王言皆四其

一句五一句七莊歌太祖亦無定句莊又撰

世祖廟歌二首宋書張永傳大明四年立明堂永以

本官兼將作大匠

張氏百三家謝光祿集一卷凡賦詔表奏章

啓事牋書帖議贊哀策文誄墓誌銘樂府詩

聯句共六十一篇

汪氏文選撰人篇目宋謝希逸莊有月賦宋

孝武貴妃誄

嚴氏全宋文編謝莊有集十九卷今存月賦

曲池賦赤鸚鵡舞馬賦雜言咏雪山夜憂

吟懷園引泰始元年大赦詔章表奏議啓牋

書贊誄諡策文哀策文墓誌銘凡三十六篇

梁又有金紫光祿大夫謝協集三卷亡

謝協始末未詳

梁又有三巴校尉張悅集十一卷亡

宋書張暢傳暢吳郡吳人弟悅亦有美稱歷

侍中臨海王子頊前軍長史南郡太守晉安

王子助建僞號召拜為吏部尚書與鄧琬共

輔偽政及事敗悅殺琬歸降復為太子中庶

子後拜雍州刺史泰始六年明帝於巴郡置

三巴校尉以悅補之加持節輔師將軍領巴

郡太守未拜卒案宋書張暢有二傳其一作說又鄧

琬傳云初前廢帝使荆州錄送前軍長史荆州行事張悅

下至濠口琬稱子助命釋其桎梏迎以所乘之車以為司

馬加征虜將軍加琬冠軍將軍二人共掌內外眾事

嚴氏全宋文編張悅有集十一卷藝文類聚

六十九有悅瑋瑁塵尾銘一篇

梁又有揚州從事賀頌集十一卷亡

賀頌始末未詳

梁又有領軍長史孔邁之集八卷亡

孔邁之始末未詳

梁又有撫軍參軍賀弼集十六卷亡

宋書竟陵王誕傳誕初閉城拒使記室參軍

賀弼固諫再三誕怒抽刃向之乃止或勸弼

出降弼曰公舉兵向朝廷此事既不可從荷

公厚恩又義無違背唯當死明心耳乃服藥

自殺弼字仲輔會稽山陰人也有文才贈車

騎將軍山陽海陵二郡太守長史如故

梁又有本州秀才劉遂集二卷亡

劉遂始末未詳

案南齊書劉獻傳獻沛國相人宋大明四

年舉秀才兄璩亦有名先應州舉云云其

言先應州舉者先弟獻應州刺史舉秀才

似卽此劉璩轉寫誤為遂獻稱本州者案

宋書州郡志沛郡屬徐州刺史與宋室彭

城郡同屬徐州又同為國姓故宋人稱本

州與前稱本郡孝廉劉氏集同例然不知

是否也

宋建平王景素集十卷

宋書文九王傳建平宜簡王宏大明二年薨

子景素嗣景素少愛文義有父風好文書籍招集才義之士傾身禮接以收名譽由是

朝野翕然莫不屬意焉為南徐州刺史鎮京口時後廢帝狂悖日甚或言景邑已潰亂勸令速入景素因舉兵兵敗被殺其後故主簿何昌寓故記室王摛等上書訟其冤齊受禪景素故秀才劉璉又上書述其德美陳冤云

案本志既以宋代帝王集彙次於前則是集當列於建平王休度集之次原作休祐非是蓋別家見存書目亦有依時代編次者故本志為所淆奪例不盡一也又唐藝文志建平王宏集十卷之外又有小集六卷本志無之小集疑即是集

宋征虜記室參軍鮑照集十卷梁六卷

南史宋臨川烈武王道規傳道規嗣子義慶招聚才學之士東海何長瑜鮑照等並有辭章之美引為佐史國臣又曰鮑照字明遠東海人文辭贍逸嘗為古樂府文甚適麗元嘉中河濟俱清當時以為美瑞照為河清頌其序甚工文帝以為中書舍人 案此當云孝武帝

宋書作世祖是也 上好為文章自謂人莫能及照悟其旨為文多鄙言累句當時咸謂照才盡實不然也臨海王子頊為荊州照為前軍掌書記子頊敗為亂兵所殺

齊虞炎集序曰鮑照字明遠本上黨人家世貧賤少有文思宋臨川王愛其才以為國侍郎王薨始與王濬又引為侍郎孝武初除海虞令遷太學博士兼中書舍人時上多以忌

文自高趨侍左右深達風旨以此賦述不復盡其才思出為秣陵令又轉永嘉大明五年除前軍行參軍侍臨海王鎮荆州掌知內命尋遷前軍刑獄參軍事宋明帝初江外拒命及義嘉敗 宋書晉安王子助傳泰始二年正月長

史鄧琬奉子助為帝即僞位於尋陽年號義嘉荆土震擾江陵人宋景因亂掠城為景所殺時年五十餘身既遇難篇章無遺流遷人間者往往見在儲皇博采羣言游好文藝片辭隻韻罔不收集照所賦述雖乏精典而有超麗爰命陪趨備加研訪年代稍遠零落者多今所存者儻能半焉 案此言儲皇者即齊文惠太子也時在齊武帝永明中照遇難後二十餘年也炎亦有集見後

鍾嶸詩品曰宋參軍鮑照詩其源出於二張蓋謂四晉張協張華 善製形狀寫物之詞得景陽之諷詭含茂先之靡嫵骨節強於謝混驅邁疾於顏延總四家而擅美跨兩代而孤出嗟其才秀人微故取湮當代然貴尚巧似不避危仄頗傷清雅之調故言險俗者多以附照

唐書經籍藝文志鮑照集十卷 唐日本國見在書目云鮑集十卷殆即此集 宋史藝文志鮑照集十卷 崇文總目鮑照詩集一卷

晁氏讀書志鮑照集十卷照上黨人臨海王子頊敗為亂兵所殺事見沈約宋書而李延壽以世祖為文帝集有唐虞炎序云為宋景所害儻見於他書乎唐人避武后諱改照為

昭 案晁氏糾南史之誤是也而以虞炎為唐人則失之矣

陳氏書錄曰鮑參軍集十卷宋前軍行參軍東海鮑照明遠撰世多云鮑昭以避唐武后諱也沈約宋書李延壽南史皆作鮑照而館開書目直以為鮑昭且云上黨人非也 案此以上黨人為非知未見虞炎之序

馮氏詩紀輯存樂府一卷詩二卷 汪氏文選撰人篇目曰宋鮑明遠昭有蕪城賦舞鶴賦詠史詩行樂詩還都道中詩樂府八首數詩既月詩擬古詩三首學劉公幹詩君子有所思詩 四庫提要曰照沒於亂兵遺文零落齊散騎侍郎虞炎始編次成集隋志著錄十卷而注曰梁六卷然則後人又續增矣此本為明正德庚午朱應登所刊云得自都穆家卷數與隋志合而冠以炎序未審即隋志舊本否考其編次既以樂府別為一卷而采桑梅花落行路難亦皆樂府乃列入詩中唐以前本不應荒陋至此斷為明人所重編又往往曰某字集作某是采自他書之明證然文章皆有首尾詩賦亦往往有自序自注與六朝他集從類書采出者不同殆因相傳舊本而稍為竄亂歟

嚴氏文編卷首敍錄曰鮑照集十卷一影寫宋刻本一明都穆集本 梁又有宋武康令沈懷遠集十九卷亡沈懷遠有南越志見史部雜史類

嚴氏全宋文編沈懷遠有集十九卷初學記有長鳴雞贊博羅縣箴竹銘各一條

梁又有裴駟集六卷亡

裴駟有史記集解見史部正史類

嚴氏全宋文編曰裴駟有史記集解序一篇

梁又有刪定郎劉鯤集五卷亡

劉鯤或作劉緄始末並未詳

唐書經籍藝文志劉緄集五卷

嚴氏全宋文編曰劉緄秦始初太學博士案

隋志梁有刪定郎劉緄集五卷疑即此今存

祀孝武昭后二廟議一篇見宋書禮志

梁又有宜都太守費脩集十卷亡

費脩始末未詳

宋太中大夫徐爰集六卷梁十卷

徐爰有繫辭注見經部易類

唐書經籍藝文志徐爰集十卷

嚴氏全宋文編徐爰有集十卷初學記有籍

田賦本傳有議國史限斷表宋書禮志及通

典諸書有皇子出後告廟議渾儀論旄頭說

食箴家儀等凡二十四篇

梁又有宋護軍司馬孫勃集六卷亡

孫勃始末未詳

梁又有右光祿大夫張永集十卷亡

南史張裕傳裕字茂度吳郡吳人子演演四

弟鏡永辯岱俱知名時謂之張氏五龍永字

景雲涉獵書史能為文章善隸書曉音律騎

射雜藝觸類兼善又有巧思益為文帝所知

紙墨皆自營造上每得永表啓輒執玩咨嗟

自歎供御者不及也大明時歷廷尉侍中

右光祿大夫南兗州刺史封孝昌縣侯後免

官削爵發病卒宋書本傳元徽三年卒年六

十六順帝昇明二年追贈侍中右光祿大夫

鍾嶸詩品平齊征北將軍張永詩曰張景雲

雖謝文體頗有古意案鍾氏以張永列在齊高帝

之後以為齊人誤也

嚴氏全宋文編張永有集十卷本傳有將士

休假議一篇

梁又有陽羨令趙繹集十六卷亡

趙繹始末未詳

宋庾蔚之集十六卷梁二十卷

庾蔚之有喪服三十一卷見經部禮類

唐書經籍藝文志庾蔚之集十一卷

嚴氏全宋文編曰宋書禮志及通典有庾蔚

之議及喪服佚文凡七十五篇禮志又引庾

亮之皇子出後告廟儀一篇亮之孝建中為

太常丞官位時代與庾蔚之相值未知是一

人是二人也

梁又有太子中舍人徵不就王素集十六卷亡

項邪

宋書隱逸傳王素字休業琅邪臨沂人少有

志行家貧母老初為廬陵國侍郎母憂去職

乃輕身往東陽隱居不仕頗營田園之資得

以自立愛好文義不以人俗累懷世祖即位

詔徵太子舍人太宗泰始六年又召為太子

中舍人並不就山中自蠅蟲聲清長聽之使

人不厭而其形甚醜素乃為蠅蟲賦以自況

七年卒年五十四

馮氏詩紀輯存學阮步兵體一首

宋豫章太守劉惔集八卷梁十卷

宋書符瑞志泰始六年十二月壬辰木連理

生豫章南昌太守劉惔之以聞

南史宋明帝本紀帝末年好鬼神多忌諱泰

始泰豫之際左右失旨往往有刳斷截禁

中懷懷若踐刀劍夜夢豫章太守劉惔反遣

就郡殺之

唐書經籍藝文志劉惔集十卷

梁又有宋起部郎費鏡運集二十卷亡

費鏡始末未詳

梁又有光祿大夫孫覿集十一卷亡

南史王僧虔傳泰始中僧虔為會稽太守中

書舍人阮佃夫家在東請假歸客勸僧虔以

佃夫要幸宜加禮接僧虔曰我立身有素豈

能曲意此輩彼若見惡當拂衣去耳佃夫言

於宋明帝使御史中丞孫覿奏僧虔坐免官

嚴氏全宋文編曰孫覿泰始中尚書左丞累

遷至光祿大夫有集十一卷南齊書江謐傳

有覿重奏江夏王女服一篇

梁又有太尉從事中郎蔡頤集三卷亡

蔡頤始末未詳

梁又有司空劉緄集二十卷錄一卷亡 緄當為

勳

宋書南史本傳劉緄字伯猷彭城安上里人

也少有志節兼好文義初仕為廣州增城令

大明初從平竟陵王誕封金城縣五等侯明

帝時從討晉安王子助及豫州刺史殷琰封鄱陽侯累遷散騎常侍中領軍勳以世路糾紛有懷足止經始鍾嶺之南以為栖息聚石蓄水髣髴丘中朝士雅素者多往游之明帝臨崩顧命以為守尚書右僕射元徽初桂陽王休範為亂奄至建鄴加勳使持節鎮軍將軍鎮扞石頭勳戰敗死之年五十七贈司空諡曰忠昭公

嚴氏全宋文編劉勳有條對賈友北攻懸瓠書見宋書本傳又有與殷琰書再與殷琰書見琰傳

梁又有青州刺史明舊集十卷亡舊當為僧宋書明帝本紀泰始二年夏四月壬午以散騎侍郎明僧嵩為青州刺史

南齊書高逸傳明僧紹字承烈平原高人也弟僧嵩亦好學宋孝武見之迎頌其名時人以為榮泰始初為青州刺史

南史明僧紹傳僧紹長兄僧胤僧胤次弟僧嵩亦好學宋大明中再使魏於時新誅司空劉誕案即竟陵王誕也 孝武謂曰若問廣陵之事何以答之對曰周之管蔡漢之淮南帝大悅及至魏魏問曰卿銜此命當緣上國無相踰者耶答曰聰明特達舉袂成帷比屋之毗又無下僕晏子所謂看國善惡故再辱此庭位至青州刺史又云僧紹弟慶符為青州則其字慶符也

梁又有吳興太守蕭惠開集七卷亡

宋書南史本傳惠開南蘭陵人征西將軍思

話子也少有風氣涉獵文史家雖貴戚而居服簡素初為祕書郎著作轉太子舍人與汝南周朗同官友善以偏奇相尚襲封陽縣侯數遷為御史中丞拜益州刺史惠開素有大志至蜀欲廣樹經略善於敘述聞其言者皆以為大功可立才疎意廣竟無成功明識過人嘗三千沙門一閱其名退無所失仕至少府給事中泰始七年卒年四十九

嚴氏全宋文編蕭惠開有集七卷宋書本傳有求解職表南史本傳有斬吉翰子啓

梁又有沈宗之集十卷亡 沈宗之始末未詳案總集類梁又有詳譜文一卷沈宗之撰

梁又有大司農張辯集十六卷亡 宋書張茂度傳茂度吳郡吳人名與高帝諱同故稱字茂度子演演弟鏡皆有盛名鏡弟永永弟辯太宗亦見任遇歷尚書吏部郎廣州刺史大司農案演鏡永並有集見前所謂張氏五龍者唯辯弟傳集不見

嚴氏全宋文編張辯有集十六卷法苑珠林有廬山招提寺釋僧瑜贊高僧傳有釋曇鑒贊各一篇

梁又有金紫光祿大夫王瓚集十五卷錄一卷亡瓚邪

宋書王敬弘傳敬弘同高祖諱故稱字子恢之新安太守中大夫恢之弟瓚之世祖大明中吏部尚書金紫光祿大夫諡曰貞子 案王敬弘亦有集見前梁書王峻傳祖瓚之金紫光祿大夫父

秀之吳興太守 梁又有郭坦之集五卷亡 郭坦之始末未詳 梁又有會稽主簿辛湛之集八卷亡 辛湛之始末未詳 梁又有太子舍人朱年集二卷亡 朱年當為朱百年

宋書隱逸傳朱百年會稽山陰人也少有高情攜妻孔氏入會稽南山以伐樵采筍為業頗能言理時為詠往往有高勝之言郡命功曹州辟從事舉秀才並不就隱跡避人唯與同縣孔凱友善南史作孔數百年家素貧母冬月無絮自此不衣綿帛嘗就凱宿凱以臥具覆之百年不覺也既覺引臥具去體謂凱曰綿定奇温因流涕悲慟凱亦為之傷感除太子舍人不就孝建元年卒山中年八十七妻孔氏時人美之以比梁鴻妻 南齊書竟陵文獻王子良傳昇明三年子良為都督五郡會稽太守郡民朱百年有至行先卒賜其妻米百斛錢一民給其葬蘇

梁又有東海王常侍鮑德遠集六卷亡 鮑德遠始末未詳

案宋代諸王無封東海王者唯廬江王禕傳云禕文帝第八子元嘉二十二年十歲封東海王明帝踐阼改封廬江自元嘉十一年鮑德遠為其國常侍在泰始之前

梁又有會稽郡丞張緩集六卷亡

歟

張緩始末未詳

宋寧國令劉蒼集七卷

劉蒼始末未詳

宋江州從事吳邁遠集一卷殘缺梁八卷亡

南史文學檀超傳又有吳邁遠者好為篇章

宋明帝聞而召之及見曰此人連絕之外無

所復有邁遠好自誇而蚩鄙他人每作詩得

稱意語輒擲地呼曰曹子建何足數哉超聞

而笑曰昔劉季緒才不逮於作者而好詆訶

人文章季緒瑣瑣焉足道哉

案劉季緒名脩此

所云云皆魏志陳思王傳注之言也至於邁遠何為

者乎

案南史上文附載豫章熊羆事此云又有吳邁遠

者明邁遠亦是豫章郡人為本州從事也

鍾嶸詩品曰齊朝請吳邁遠詩善於風人答

贈

案此云齊朝請考齊書文學邱巨源傳巨源與袁粲

書言吳邁遠族誅之罰則操筆大輒似邁遠為桂陽王休

範造檄文因而族誅事在後廢帝元徽二年無由入齊為

奉朝請鍾嶸氏誤也

馮氏詩紀輯存飛來雙白鶴權歌行陽春歌

胡笳曲長相思長別離杞梁妻楚朝曲古意

贈今人游廬山臨終詩十一篇

宋宛胸令湯惠休集三卷梁四卷

宋書徐湛之傳元嘉二十四年湛之出為南

兖州刺史廣陵城舊有高樓湛之更加脩整

招集文士盡游玩之適一時之盛也時有沙

門釋惠休善屬文辭采綺豔湛之與之甚厚

世祖命使還俗本姓湯位至揚州從事史

過其才世遂匹之鮑照恐商周矣羊曜瑤云

是顏公忌照之文故立休鮑之論案此又以湯

惠休為齊人或亦誤也

唐書經籍藝文志湯惠休集三卷

馮氏詩紀曰湯惠休字茂遠初入沙門名惠

休孝武命使還俗本姓湯位至揚州刺史今

存怨詩行江南思楊花曲白紵歌秋風秋思

楚明妃曲贈鮑侍郎凡八篇十一首

案此揚

州刺史下當有從事史三字

梁又有南海太守孫奉伯集十卷亡

宋書明帝本紀泰始四年三月戊辰以譙南

太守孫奉伯為交州刺史案譙南當是淮南之誤

歷代名畫記明帝時虞麟巢尚之徐希秀孫奉伯編次

圖書裝背為鈔

又后妃傳後廢帝江皇后泰始五年太宗訪

求太子妃而卜筮最吉故為太子納之諷朝

士州郡令獻物多者將直百金始興太守孫

奉伯止獻琴書其外無餘物上大怒封藥賜

死既而原之

南史循吏孫謙傳謙東莞莒人也從子康字

思約父奉伯位少府卿淮南太守又謝莊傳前

廢帝將誅莊孫奉伯說帝曰死人之所同政復一往之苦

不足為因莊少長富貴且繫之尚方使知天下苦則然後

殺之未晚帝曰卿言有理繫於左尚方明帝定亂得出

南齊書祥瑞志泰始七年明帝遣前淮南太

守孫奉伯往淮陰監元會奉伯與太祖同寢

夢上乘龍上天於下捉龍腳不得覺謂太祖

梁又有右將軍成元範集十卷亡

成元範始末未詳

梁又有奉朝請虞喜集十一卷亡

虞喜始末未詳

案東晉有虞喜見晉書儒林傳此殆同姓

名歟

梁又有延陵令唐思賢集十五卷亡

唐思賢始末未詳

梁又有戴凱之集六卷亡

戴凱之有竹譜見史部譜系類

鍾嶸詩品曰晉處士郭泰機晉常侍顧愷之

宋謝世基宋參軍顧邁宋參軍戴凱詩觀此

五子文雖不多氣調警拔吾許其進則鮑照

江淹未足逮止越居中品僉曰宜哉又曰戴

凱人實貧羸而才章富健

宋司徒袁粲集十一卷并目錄梁九卷

宋書南史本傳粲字景倩陳郡陽夏人太尉

淑兄子也父濯揚州秀才蚤卒祖母哀其幼

孤名之曰愷孫清整有風操自遇甚厚嘗著

妙德先生傳以續嵇康高士傳後以自況幼

慕荀奉倩為人明帝初請改為粲字景倩其

外孫王筠又云明帝多忌諱反語袁愷為殞

門帝意惡之乃令改焉粲負才向氣愛好虛

遠雖位任隆重不以事務經懷獨步園林詩

酒自適嘗作五言詩云訪迹雖中字循寄乃

滄洲蓋其志也明帝臨崩粲為尚書令與褚

淵劉劭並受顧命加衛將軍中書監開府儀

同三司領司徒順帝即位出鎮石頭時齊高

帝方革命粲自身受顧託不欲事二姓密有異圖事泄謂其子最曰本知一木不能支大廈之崩但以名義至此耳最抱父乞先死粲曰我不失忠臣汝不失孝子仍求筆作啓云臣義奉大宋策名兩舉今便歸魂墳壙永就山丘遂父子俱殞年五十八最字文高時年十七

唐書經籍藝文志袁粲集十卷

嚴氏全宋文編袁粲有集十一卷今存臨終啓與釋道明書妙德先生傳駁顧歡夷夏論凡四篇

梁又有婦人牽氏集一卷亡

牽氏始末未詳

梁又有宋後宮司儀韓蘭英集四卷亡

南齊書武穆裴皇后傳吳郡韓蘭英婦人有文辭宋孝武世獻中興賦被賞入宮明帝世用爲宮中職寮世祖謂齊武帝也以爲博士教六宮書學以其年老多識呼爲韓公

金樓子箴戒篇曰齊鬱林王初欲廢明帝其文則內博士韓蘭英所作也蘭英號韓公總內事善於文章始入爲後宮司儀 又曰齊鬱林王時有顏氏女夫嗜酒父母奪之入宮爲列職帝以春夜命後宮司儀韓蘭英爲顏氏賦詩曰絲竹猶在御愁人獨向隅棄置將已矣誰憐微薄軀帝乃還之

鍾嶸詩品評齊鮑令暉齊韓蘭英詩曰蘭英綺密甚有名篇又善談笑齊武謂韓云借使二媛生於上葉則玉階之賦執素之詞未詎

多也

案宋書后妃傳其後太宗留心後房擬外百官備位置內職後宮司儀一人官品第三準左僕射銓人士蓋宋時爲後宮司儀至齊武帝時爲後宮博士至鬱林王時又總知內事則入齊久矣鍾氏以爲齊人是本志以其集題宋後宮云云故列於宋代之末

右宋代人文凡五十七家附梁有一百十家通計一百六十七家一百六十七部是爲別集類分篇第六 內江夏王顏延之二家各二部又重出王韶之一家實止一百六十四家

隋書經籍志考證三十九之七

集部二之七

別集類七齊

齊文帝集一卷殘缺梁十一卷

齊書南史文惠太子長懋傳字雲喬小字白澤武帝長子也武帝年未弱冠而生太子姿容豐美爲高帝所愛仕宋歷中書黃門侍郎高帝受禪封南郡王江左嫡皇孫封王始自

此也武帝卽位爲皇太子初高帝好左氏春秋太子承旨諷誦以爲口實及正位東儲善立名尙解聲律工射從容有風儀音韻和辯引接朝士人人自以爲得意會稽虞炎濟陽范岫汝南周顥陳郡袁廓並以學行才能應對左右永明五年冬太子臨國學親臨策試

諸生於坐問少傅王儉曲禮無不敬義儉及竟陵王子良等各有酬答太子又以此義問諸學生謝幾卿等一十人並以筆對太子又問王儉周易乾卦說卦義儉又諮太子孝經仲尼居曾子侍義臨川王映諮孝爲德本義

太子並應機酬答甚有條貫與竟陵王子良俱好釋氏立六疾館以養窮人十年豫章王嶷薨太子見上友于既至造碑文奏之未及

鐫勒十一年春正月疾篤上表告辭薨於東宮崇明殿時年三十六斂以袞冕之服諡曰文惠鬱林立追尊爲文帝廟稱世宗

文選竟陵王行狀有曰文皇帝養德東朝同符作者爰造九言實該百行命公注解衛將軍王儉綴而序之注云竟陵王集有皇太子

九言言德言賢言親言生言辭言昭言真言
節言義又曰竟陵王集有皇太子九言注解
又云衛將軍王儉爲九言序贊

唐日本國見在書目惠文太子集十卷 案此
轉寫誤作惠文

嚴氏全齊文編曰文惠太子追尊爲文帝有
集十一卷今惟南齊書本傳所載疾篤上表
一篇

梁又有齊晉安王子懋集四卷錄一卷亡

子懋有春秋苑見經部

齊書南史本傳子懋武帝第七子也諸子中
最爲清恬有意思廉讓好學永明八年撰春

秋例苑三十卷奏之爲雍州刺史時啓求所

好書武帝曰知汝常以書讀在心足爲深欣

也賜以杜預手所定左傳及古今善言

梁又有隨王子隆集七卷亡

齊書南史本傳隨郡王子隆字雲興武帝第

八子也性和美有文才娶尚書令王儉女爲

妃武帝以子隆能屬文謂儉曰我家東阿也

海陵王延興元年歷中軍大將軍侍中子隆

年二十一而體過充壯常使徐嗣伯合蘆茹

丸以自銷損猶無益明帝輔政謀害諸王武

帝諸子中子隆最以才貌見憚故與鄱陽王

鏞同夜先見殺文集行於世 又海陵王本紀延

興元年九月癸未誅新除司徒鄱陽王鏞中軍大將軍隨

郡王子隆

馮氏詩紀齊隨郡王蕭子隆有經劉瓛墓下

詩一首

嚴氏全齊文編曰隨郡王子隆歷侍中荊州
刺史中軍大將軍爲明帝所害有集七卷今
存山居序一篇

齊竟陵王子良集四十卷

竟陵王有淨住子見子部雜家

齊書南史本傳子良少有清尚禮才好士善

立勝事夏月客至爲設瓜飢及甘果著之文

教士子文章及朝貴辭翰皆發教撰錄及正

位司徒移居雞籠山西邸集學士鈔五經百

家依皇覽例爲四部要略十卷又與文惠太

子同好釋氏子良敬信尤篤所著內外文筆

數十卷雖無文采多是勸戒

文選任彥昇撰行狀曰天才博瞻學綜該明

至若曲臺之禮九師之易樂分龍趙詩析齊

韓陳農所未究河間所未輯有一於此罔不

兼綜者與昔沛獻訪對於雲臺東平齊聲於

揚史淮南取貴於食時陳思見稱於七步方

斯蔑如也又曰山宇初構超然獨往其卉木

之奇泉石之美公所製山居四時序言之已

詳所造箴銘積成卷軸門階戶席寓物垂訓

從諫如順流虛己若不足至於言窮藥石若

味滋旨貴而好禮怡寄典墳雖牽以物役孜

孜無怠弘洙泗之風闡迦維之化豈古人所

謂立言於世沒而不朽者歟又注曰竟陵王

集有皇太子九言注解

南齊書樂志曰永明樂歌者竟陵王子良與

諸文士造奏之人爲十曲

唐書經籍藝文志齊竟陵王集三十卷

馮氏詩紀輯存侍宴游園行宅登山等詩凡
五首

張氏百三家南齊竟陵王集二卷凡啓奏序

淨住子淨行法門七要及詩五十六篇題詞

曰蕭雲英著內外文筆數十卷史謂其無文

采多勸戒比覽遺文斥臺使憂早診獄園泉

鑄動見規啓仁哉言乎其痼癘乃心也雲

英敬信釋氏撰淨住子淨行法門三十一條

苦言勸諷愍泣如雨射雉二啓奏告君父不

離福業觀其惻隱懇誠身行津渡斷欲以王

公努力建道場之幡擊甘露之鼓爲黔首先

唱而天年不永其誰爲乎齊武二十三男中

多賢令文惠竟陵居長表率皆病短折晉安

諸王安能復存父夢曇華子罹刀配未知西

昌毒固在報應何等也

嚴氏全齊文編竟陵王子良有集四十卷今

存梧桐賦表啓書賓僚七要詩序淨住子序

眼銘耳銘口銘凡二十八篇

梁又有齊聞喜公蕭遙欣集十一卷亡

齊書南史宗室傳始安王道生高帝次兄也

子遙光遙光弟遙欣字重暉鬚鬣中便巍然

明帝謂江祐曰遙欣雖幼觀其神采殊有局

幹必成令器年十五六便博覽經史弱冠拜

中書郎明帝入輔遙欣與遙光等參預政事

凡所談薦皆得其人建武元年封聞喜縣公

遷荊州刺史加都督改封曲江公永元元年

卒年三十一贈司空諡康公

梁又有領軍諮議劉祥集十卷亡

齊書南史本傳祥字顯徵東莞苦人穆之曾孫也少好文學性韻剛疎輕言肆行不避高下仕宋入齊建元中爲正員郎永明初撰宋書譏斥禪代尙書令王儉密以啓聞上銜而不問爲臨川王驃騎從事中郎於朝士多所貶忽著連珠十五首以寄其懷有以祥連珠啓上上令御史中丞任遐奏其過惡付廷尉上別勅祥曰我當原卿性命令卿萬里思愆卿能改革當令卿得還乃徙廣州不得意終日縱酒少時卒年三十九

鍾嶸詩品評齊黃門謝超宗潯陽太守邱靈鞠給事中郎劉祥司徒長史檀超正員郎鍾憲諸稽令顏則秀才顧則心詩曰檀謝七君並祖襲顏延欣欣不倦得士大夫之雅致乎嚴氏全齊文編劉祥有集十卷南齊書本傳有對獄鞫辭及連珠十五首

齊太宰褚彥回集十五卷

齊書南史本傳褚淵字彥回河南陽翟人祖秀之宋太常父湛之驃騎將軍尙宋武帝女淵少有世譽復尙文帝女姑姪二世相繼拜駙馬都尉除著作佐郎累遷祕書丞襲爵都鄉侯明帝即位改封零都伯歷中書令護軍將軍與袁粲受顧命輔幼主加尙書令進爵爲侯及袁粲事平進中書監司空齊臺建求爲齊官高帝謙而不許建元元年進位司徒改封南康郡公高帝遺詔以爲錄尙書事薨年四十八詔贈太宰侍中錄尙書公如故諡曰文簡世頗以名節譏之百姓語曰可憐石

頭城寧爲袁粲死不作褚淵生

南齊書樂志曰宋昇明中太祖爲齊王令司空褚淵造太廟登歌二章

唐書經籍志齊褚彥回集十五卷

唐書藝文志褚淵集十五卷

嚴氏全齊文編褚淵有集十五卷今存秋傷賦爲宋順帝禪位詔及奏議啓書凡十篇

梁又有齊黃門侍郎崔祖思集二十卷亡

齊書南史本傳祖思字敬元清河東武城人魏中尉崔琰七世孫也少有志氣好讀書年十八爲郡昌令齊高帝在淮陰祖思聞風自結爲上輔國主簿甚見親待豫參謀議自相國從事中郎遷齊國內史高帝受禪除給事中黃門侍郎武帝即位啓陳政事後爲青冀二州刺史未幾卒

嚴氏全齊文編崔祖思有集二十卷今惟存本傳所載國名啓陳政事啓二篇

梁又有中軍佐鍾嶸集十二卷亡

南史文學鍾嶸傳鍾嶸潁川長社人晉侍中雅七世孫也父蹈齊中軍參軍

梁又有餘杭令丘巨源集十卷錄一卷亡

齊書南史文學傳丘巨源蘭陵蘭陵人也宋初土斷屬丹陽後屬蘭陵少舉丹陽郡孝廉爲宋孝武所知大明五年勅助徐爰撰國史江夏王義恭取掌書記明帝即位使參詔詔引在左右自南臺御史爲王景文鎮軍參軍元徽中桂陽事起使於中書省撰符檄事平除奉朝請巨源望有封賞旣而不獲乃與尙

書令袁粲自陳竟不被申沈攸之事起高帝又使爲尙書符荊州以此又望賞異自是意常不滿後除武昌太守拜竟不樂江外行武帝問之巨源曰古人云寧飲建鄴水不食武昌魚臣年已老寧死於建鄴乃以爲餘杭令明帝爲吳興巨源作秋胡詩有譏刺語以事見殺

馮氏詩紀輯存詠扇詩二首聽鄰伎詩一首嚴氏全齊文編丘巨源有集十卷今存爲尙書符荊州馳檄數沈攸之罪惡與袁粲書各一篇

齊太尉王儉集五十一卷梁六十卷項那

王儉有喪服古今集記見經部禮類

齊書南史本傳儉祖曇首父僧綽並宋光祿大夫案皆有集見前儉生而僧綽遇害爲叔父僧虔所養幼有神采專心篤學手不釋卷宋明帝時爲祕書丞上表求校墳籍依七略撰七志上表獻之表辭甚典又撰定元徽四部書目少有宰相之志物議咸相推許時大典將行儉爲佐命禮義詔策皆出於儉褚淵唯爲禪詔文使儉參治之朝廷初基制度草創儉問無不決上每曰詩云惟嶽降神生甫及申今天爲我生儉也儉寡嗜欲惟以經國爲務手筆典裁爲當時所重撰古今喪服集記并文集並行於世又王擢傳儉嘗集文學士總校虛實類物隸之謂之隸事隸事自此始也

南齊書樂志曰永明二年尙書殿中曹奏太祖高皇帝廟神室奏高德宣烈之舞未有歌

詩郊應須歌辭案郊下殿配字穆皇后廟神室亦未有歌辭詔尙書令王儉造太廟二室及郊配辭又曰白紵辭五曲尙書令王儉造

南史王僧虔傳僧虔著書賦儉爲注序甚工文選任彥昇撰集序略曰公字仲寶自晉中興以來六世名德海內冠冕古語云仁人之利天道運行故呂虔歸其佩刀郭璞誓以淮水公之生也誕授命世期歲而孤叔父司空簡穆公早所器異年始志學家門禮訓皆折衷於公孝友之性豈伊橋梓夷雅之體無待

韋弘初宋明帝居蕃與公母武康公主素不協及卽位有詔廢毀舊塋投棄棺柩公以死固請誓不遵奉表啓酸切義感人神太宗聞而悲之遂無以奪也宋末艱虞百王澆季禮案舊宗樂傾故軌自朝章國紀典彝備物奏議符策文辭表記素意所不蓄前古所未聞皆取定俄頃神無滯用及國學初興華夷慕

義經師人表允資望實立言必雅未嘗顯其所長持論從容未嘗言人所短弘長風流許與氣類防行無異操才無異能得奉名節迄將一紀一言之譽東陵倅於西山一盼之榮鄭璞踰於周寶士感知已懷此何極公自幼及長述作不倦固以理窮言行事該軍國豈直彫章縉采而已哉防嘗以筆札見知恩以薄技效德是用綴緝遺文永貽世範爲如干秩如干卷所撰古今集記今書七志爲一家言不列於集集錄如左案此序蓋著於本集目錄之前者是此集明明有錄爲梁任昉撰而本志失載也

南史任昉傳儉出自作文令昉點正昉因定數字儉歎曰後世誰知子定吾文

又任彥昇竟陵王行狀曰文皇帝養德東朝爰撰九言實該百行命公注解衛將軍王儉綴而序之李善曰竟陵王集云衛將軍王儉爲九言序贊

鍾嶸詩品曰至如王師文憲既經國遠圖或忽是彫蟲案梁書文學鍾嶸傳永明中爲國子生明周易衛軍王儉領祭酒頤資接之此稱王師者蓋以此唐書經籍藝文志王儉集六十卷

馮氏詩紀輯存四五言詩八首又太廟二室及郊配辭三首白紵辭五首張氏百三家王文憲集一卷凡賦表議奏啓章牋書經義問答贊碑文連珠哀策詩樂歌綜五十三篇

汪氏文選撰人篇目曰文選有齊王仲寶儉褚淵碑文嚴氏全齊文編王儉有集六十卷今存高松賦靈丘竹賦策齊公九錫文策命齊王再命璽書奏勸受禪及章表議啓牋書答王遂之問竟陵王山居贊連珠哀策文碑文冠禮祝辭凡五十三篇編爲三卷

梁又有齊東海太守謝顥集十六卷亡南齊書謝朓傳朓陳郡陽夏人祖弘微宋太常父莊金紫光祿大夫朓四兄颺朓顥從世謂謝莊名兒爲風月景山水顥字仁悠少簡靜解褐祕書郎累至太祖驃騎從事中郎建元初爲吏部郎至太尉從事中郎永明初高

選文學以顥爲竟陵王友至北中長郎史卒南史謝莊附傳宋末爲豫章太守至石頭遂白服登烽火樓坐免官詣齊高帝自占謝言辭清麗容儀端雅左右爲之傾目宥而不問永明中歷吏部郎有簡秀之目卒於北中郎長史

梁又有謝朓集十卷亡一本作簡誤齊書南史本傳顥弟朓字義潔年七歲王景文見而異之言於宋孝武召見於人衆中朓舉止閑祥應對合旨僕射褚彥回以女妻之仕齊累遷中書侍郎衛軍王儉引爲長史雅相禮遇拜吏部尙書領右軍將軍兄朓在吳興論啓公事稽晚朓輒代朓爲啓上知非朓手跡被問兒原承泰元年卒於太子詹事年四十五贈金紫光祿大夫諡簡子齊武帝起

禪林寺勅朓撰碑文梁又有豫州刺史劉善明集十卷亡齊書南史本傳劉善明平原人父懷民宋世爲齊北海二郡太守善明少而靜處讀書年四十刺史劉道隆辟爲治中從事父謂之曰我已知汝立身復欲見汝立官也善明應辟仍舉秀才宋孝武見其策強直甚異之歷北海太守尙書金部郎冀州刺史直閣將軍宋後廢帝新立羣臣執政善明獨事齊高帝委身歸誠爲高帝驃騎諮議太尉右司馬高帝踐阼爲淮南宣城二郡太守封新塗伯善明至郡上表陳事凡一十一條又撰聖賢雜語奏之託以諷諫上答曰省所獻雜語並列聖

二

二

二

二

之明規衆智之深軌卿能憲章先範纂錄情識忠款既昭淵誠肅著當以周旋無忘聽覽也又諫起宣陽門表陳宜明守宰賞罰立學校制齊禮廣開賓館以接荒民上又優詔答之少與崔祖思友善祖思爲青冀二州善明遺書敘舊因相助以忠概及聞祖思死慟哭得病建元二年卒年四十九贈左將軍豫州刺史諡烈伯

嚴氏全齊文編劉善明有集十卷南齊書本傳有上表陳事遺崔祖思書弘明集有答釋僧巖書再答三答凡五篇

梁又有侍中褚賁集十二卷亡

南齊書褚淵傳淵長子賁字蔚先解褐祕書郎昇明中爲太祖太尉從事中郎歷齊世子中庶子領翊軍校尉建元初仍爲宮官歷侍中世祖永明六年上表稱疾讓封與弟綦世以爲賁恨淵失節於宋室故不復仕

南史附傳賁少耿介父背袁粲等附高帝賁深執不同終身愧恨之有棲退之志位侍中彥回薨服闋武帝以爲侍中領步兵校尉左戶尚書常謝病在外上以此望之遂諷令辭爵與弟綦仍居墓下永明七年卒

梁又有徵士劉蚪集二十四卷

南齊書高逸傳劉蚪字靈預南陽涅陽人也徙居江陵少而好學抗節須得祿便隱宋太始中仕至晉平王驃騎記室當陽令罷官歸家靜處斷穀餌朮及胡麻精信釋氏禮佛長齋注法華經自講佛義建元初州辟爲別駕

永明三年詔徵通直郎建武二年詔徵國子博士並不就其年卒年五十八南史本傳云一字德明晉豫州刺史喬七世孫嚴氏全齊文編曰蚪卒諡文範先生有集二十四卷南齊書本傳有答竟陵王子良書釋藏有無量義經序

梁又有司徒主簿徵不就庾易集十卷亡

南齊書高逸傳庾易字幼簡新野新野人也徙居屬江陵志性恬隱不交外物以文義自樂安西長史袁彖欽其風通書致遺建元初刺史豫章王辟臨川王映又表薦之永明三年詔徵太子舍人建武二年復徵爲司徒主簿並不就卒

又劉蚪傳建元初豫章王爲荊州教群蚪與同郡宗測新野庾易並遣書禮請蚪等各修牋答而不應辟命永明三年刺史廬陵王子卿表蚪及同郡宗測宗尙之庾易劉昭五人請加蒲車束帛之命

梁又有顧歡集三十卷亡

顧歡有尙書百問見經部書類南史隱逸傳歡好學年六七歲知推六甲家貧父使田中驅雀歡作黃雀賦而歸及長篤志不倦好黃老通解陰陽書爲數術多効驗齊高帝踐阼上表進政綱一卷詳見子部道家詔稱美之會稽孔珪嘗尋歡共談四本歡曰蘭石危而密宣國安而疎士季似而非公深謬而是總而言之其失則同於是著三名論以正之尙書劉澄臨川王常侍朱廣之並立

論難與之往復而廣之才理尤精詣也四本論詳見三國鍾會集條初歡以佛道二家教異學者互相非毀乃著夷夏論詳見子部道家歡口不辯善於著論又注王弼易二繫學者傳之知將終賦詩言志及卒武帝詔歡諸子撰歡文義三十卷案梁皇侃論語疏引顧歡說隋唐志不見當編入本集

馮氏詩紀輯存臨終言志詩一首

嚴氏全齊文編顧歡有集三十卷今存本傳所載獻治綱表夷夏論答袁粲駁夷夏論題東府柱凡四篇

梁又有劉瓛集三十卷亡

劉瓛有周易乾坤義見經部易家南齊書本傳瓛所著文集皆是禮義行於世南史本傳梁武帝少時嘗經伏膺及天監元年下詔爲瓛立碑諡曰貞簡先生所著文集行於世初瓛講月令畢謂學生嚴植之曰江左以來陰陽律數之學廢矣吾今講此曾不得其彷彿學者美其退讓案月令講義殆亦編入本集

嚴氏全齊文編曰劉瓛字子珪小名阿稱沛國相人晉丹陽尹懷六世孫有集二十卷南齊書本傳有與張融王思遠書一篇案本志

致去丹陽尹劉懷集詳見東晉劉懷集條

梁又有射聲校尉劉璉集三卷亡

齊書南史劉瓛傳瓛與兄璉先後舉秀才璉字子璩方軌正直儒雅不及瓛而文采過之宋泰豫中爲明帝挽郎舉秀才爲建平王景

素征北主簿深見禮遇齊建元初爲武陵王
暉冠軍征虜參軍文惠太子召璉入侍東宮
每上事輒削草尋署中兵兼記室參軍大司
馬軍事射聲校尉卒官

嚴氏全齊文編劉璉有集三卷宋書建平王
宏傳有上書理建平王景素一篇

齊中書郎周顥集八卷梁十六卷

周顥有周易論見經部易類
齊書南史本傳顥少爲族祖朗所知 朗有集
見前卷 宋明帝頗好言理以顥有辭義引入
殿內親近宿直帝所爲慘毒之事顥不敢顯
諫輒誦經中因緣罪福事帝亦爲小止齊高
帝輔政引接顥顯善尺牘沈攸之送絕交書
高帝口授令顥裁答顯音辭辯麗出言不窮
宮商朱紫發口成句汎涉百家長於佛理著
三宗論言空假義西涼州智林道人遺顥書
深相贊美兼善老易與張融相遇輒以玄言
相滯彌日不解兼著作撰起居注始著四聲
切韻行於時

南齊書文學陸厥傳永明末盛爲文章吳興
沈約陳郡謝朓琅邪王融以氣類相推轂汝
南周顥善識聲韻約等文皆用宮商以平上
去入爲四聲以此制韻不可增減世呼爲永
明體 案周沈同時故各有四聲之作周之四聲切韻本
志不著錄經部小學家韻書之首有周研聲韻若干卷疑
即其書

唐書經籍藝文志周顥集二十卷
嚴氏全齊文編周顥有集十六卷今存言議

各一篇與杜京產書與何點書答張融書難
門律四條重答難門律九條鈔成實論序凡
七篇

梁又有齊左侍郎鮑鴻集二十卷錄一卷亡
鮑鴻始末未詳

案齊書百官志唯王國官有左右常侍侍
郎此左侍郎之上疑有跋文

梁又有雍州秀才韋瞻集十卷亡

韋瞻始末未詳 余昔年代陶孝選學使輯湖北通志
藝文志有韋瞻事蹟當時不留稿今無從考補矣

梁又有正員郎劉懷慰集十卷錄一卷亡

南齊書良政傳劉懷慰字彥泰平原平原人
也仕宋至尙書駕部郎與宗從善明等同爲

太祖心腹懷慰與沈攸之有舊令爲書戒喻
攸之太祖省之稱善齊臺建置齊郡治瓜步

以懷慰爲輔國將軍齊郡太守上謂之曰齊
邦是王業所基吾方以爲顯任經理之事一

以委卿懷慰至郡修治城郭安集居民不受
禮謁民有餉其新米一斛者懷慰出所食麥

飯示之曰且食有餘幸不煩此因著廉吏論
以達其意太祖聞之手勅褒賞進督秦沛二

郡在郡二年遷正員郎領青冀二州中正懷
慰本名聞慰世祖卽位以與舅氏名同敕改

之永明九年卒年四十五懷慰與濟陽江淹
陳郡袁象善亦著文翰永明初獻皇德論云

南史劉懷珍傳論曰懷珍宗族文質斌斌自
宋至梁時移三代或以隱節取高或以文雅

見重古人云立言立德斯門其有之乎又篇

目云懷珍從子懷慰懷慰子霽杳歆懷珍族
弟善明從父弟峻從孫訐敬峻訐並有集見梁代
善明集見前

梁又有永嘉太守江山圖集十卷亡
江山圖始末未詳

案南齊書高逸顧歡傳歡吳郡鹽官人卒
於剡還葬舊墓木連理生墓側縣令江山
圖表狀又祥瑞志云永明元年八月鹽官
縣內樂村木連理蓋卽其事則江山圖武

帝初爲鹽官令

梁又有驃騎記室參軍荀憲集十一卷亡
荀憲始末未詳

齊前軍參軍虞義集九卷殘缺梁十一卷
南史王僧孺傳司徒竟陵王子良開西邸招

文學僧孺與太學生虞義丘國賓蕭文琰丘
令楷江洪劉孝孫並以善辭藻游焉義字士

光會稽餘姚人盛有才藻卒於晉安王侍郎
文選虞子陽詩注虞義集敍曰義字子陽會

稽人也七歲能屬文後始安王引爲侍郎尋
兼建安征虜府主簿功曹又兼記室參軍事

天監中卒

鍾嶸詩品評梁常侍虞義詩曰子陽詩奇句
清拔謝朓嘗嗟誦之

唐書經籍藝文志虞義集十一卷
馮氏詩紀輯存詩十首編入梁代

汪氏文選撰人篇目曰文選有梁虞子陽義
咏霍將軍詩

嚴氏全齊文編曰虞義字士光建武初爲前

軍參軍卒於晉安王侍郎有集十一卷藝文類聚有與蕭令王僕射書為袁象求諡一篇廣弘明集二十三有廬山香爐峯寺景法師行狀一篇刊本無後一篇文編目有之

梁又有平陽令章沈集十卷亡

章沈始末未詳

梁又有車騎參軍任文集十一卷亡

任文始末未詳

梁又有卞鑠集十六卷亡

南史文學丘巨源傳初袁仲明與劉融卞鑠俱為袁粲所賞恆在坐席粲為丹陽尹取鑠為主簿好詩賦多譏刺世人坐徙巴州

梁又有婁幼瑜集六十六卷亡

婁幼瑜有喪服經傳義疏見經部禮類

梁又有長水校尉祖沖之集五十一卷亡

祖沖之有綴術見子部曆數家

齊書南史文學傳沖之稽古有機思宋孝武使直華林學省始元嘉中用何承天所製曆

比古十一家為密沖之以為尙疎乃更造新法上表言之孝武令朝士善曆者難之不能

屈文惠太子在東宮見沖之曆法啓武帝施行文惠尋薨又寢轉長水校尉造安邊論欲

開屯田廣農殖建武中明帝欲使沖之巡行四方興造大業可以利百姓者會連有軍事

竟不行著易老莊義釋論詒孝經注九章造綴術數十篇

嚴氏全齊文編祖沖之有集五十一卷宋書曆志及本傳載上新曆表辯載法與難新曆

各一篇南史本傳有安邊論亡

案祖沖之所著易義老子義莊子義論語釋孝經釋九章注諸書本志皆不見維綴術六卷載之曆數家觀史文連綴所著於

傳末似與所造新曆皆編入本集五十卷中

齊中書郎王融集十卷堪邪

齊書南史本傳融字元長祖僧達中書令有集見前卷 母臨川太守謝惠宣女惇敏婦人

也教融書學少而神明警惠博涉有文才舉秀才累遷太子舍人啓齊武帝求自試從叔

儉初有儀同之授贈儉詩及書儉甚奇之永明末武帝欲北使使毛惠秀畫漢武北伐圖

使融掌其事融因此上疏開張北侵之議九年上幸芳林園禊宴朝臣使融為曲水詩序

文藻富麗當世稱之上以融才辯十一年使兼主客接魏使房景高宋弁因問曲水詩序

云在北聞主客此製勝於顏延年實願一見融乃示之後日宋弁謂融曰昔觀相如封禪以知漢武之德今覽王生詩序用見齊主之盛融曰皇家盛明豈直比蹤漢武更慚鄙製無以遠匹相如融躍於名利自恃人地三十

內望為公輔及為中書郎撫案歎曰為爾寂寂鄧禹笑人及魏軍動竟陵王子良板融寧朔將軍軍主融文辭捷速有所造作援筆可

侍子良特相友好情分殊常特為謀主武帝病篤融欲矯詔立子良詔草已立西昌侯鸞入奉太孫上殿子良不得立鸞林深怨融即

位十餘日收下廷尉融獄辭中言所上甘露頌及銀甕啓三日詩序接虜使語辭竭思稱揚云云詔於獄賜死融請救於子良子良憂懼不敢救時年二十七文集行於世

南史王摛傳永明八年天忽黃色照地衆莫能解司徒法曹王融上天頌摛曰是非金天所謂榮光武帝大悅 鍾嶸詩品曰至乎吟咏性情亦何貴於用事思君如流水既是即目高臺多悲風亦惟所見清晨登隴首羌無故實明月照積雪詎出經史觀古今勝語多非補假皆由直尋顏延謝莊尤為繁密於時化之故大明泰始中文章殆同書鈔近任昉王元長等辭不貴奇競須新事爾來作者浸以成俗遂乃句無虛語語無虛字拘攣補納蠹文已甚但自然英旨罕值其人詞既失高則宜加事義雖謝天才且表學問亦一理乎

又曰千百年中不聞宮商之辨四聲之論齊有王元長者嘗謂余云宮商與二儀俱生自古詞人不知之唯顏憲子乃云律呂音調而其實大謬唯見范曄謝莊頌之耳常欲進知音論未就王元長創其首謝朓沈約揚其

波云云

唐日本國見在書目王融集十卷

唐書經籍藝文志王融集十卷 宋史藝文志七

卷

崇文總目王融文集七卷

馮氏詩紀輯存樂府歌辭四十首四五言雜

詩五十六首

張氏百三家王寧朔集一卷凡賦疏表策問
啓書序淨住子頌哀策文集銘樂府詩聯句
九十餘篇題詞曰長元曲水詩序有名當世
北使欽囑擬於相如封禪昭明登之文選玄
黃金石斐然盈篇即詞涉比偶而壯氣不沒
其焜燿一時亦有蘇也竟陵王宗子長賢元
長投許情分法門贊頌如祚麓夫南齊王業
太孫壞之孝武多男西昌賊之設元長志遂
竟陵當陽蕭氏福祚可世也

汪氏文選撰人篇目曰文選有齊王元長融
策秀才文五首又五首曲水詩序

嚴氏全齊文編王融有集十卷今存擬風賦
桐樹賦策秀才文表疏啓書下獄答辭曲水
詩序淨住子頌哀策文集銘凡五十八篇

齊吏郎部謝朓集十二卷謝朓逸集一卷 一本作
非

齊書南史本傳朓字玄暉陳郡陽夏人祖述
吳興太守父緯散騎侍郎朓少好學有美名

文章清麗爲隨王子隆鎮西功曹轉文學子
隆在荊州好辭賦朓尤被賞愛流連晤對不

舍日夕長史王秀之以朓年少相勸欲以啓
聞朓知之因事求還道中爲詩寄西府曰常

恐鷹隼擊時菊委嚴霜寄語尉羅者寥廓已
高翔是也仍除新安王中軍記室箋辭子隆

執筆便成文無點易明帝輔政以爲驃騎諮
議領記室掌霸府文筆又掌中書詔誥出爲

宣城太守數遷爲尙書吏部郎善草隸長五

言沈約常云二百年來無此詩也敬皇后遷

耐山陵朓撰哀策文齊世莫有及者東昏失

德江祐與弟祀密謂朓欲行廢立始安王

遙光遙光又遣親人劉渢致意於朓朓自以

受恩明帝不肯答遙光大怒乃稱勅召朓仍

回車付廷尉與徐孝嗣江祐劉暄等連名啓

誅朓又使御史中丞范岫奏收朓下獄死年

三十六朓及殷叡素與梁武以文章相得云

鍾嶸詩品齊吏部郎謝朓詩其源出於謝混

微傷細密頗在不倫一章之中自有玉石然

奇氣秀句往往警逾足使叔源失步明遠變

色善自發詩端而未篇多躡此意銳而才弱

也至爲後進士子之所嗟慕朓極與余論詩

感激頓挫過其文
唐日本國見在書曰謝吏集一卷又曰謝朓
集十卷吏下當做部字
唐書經籍藝文志謝朓集十卷
宋史藝文志謝朓集十卷又詩一卷
崇文總目謝玄暉文集十卷謝朓撰
晁氏讀書志謝朓集十卷齊謝朓玄暉也明
帝初自中書郎出爲東海太守東昏時爲江
祐黨譖害之尤長五言詩文選所錄朓詩僅
二十首集中多不載今附入
陳氏書錄曰謝宣城集五卷齊中書郎陳郡
謝朓玄暉撰集本十卷樓焯知宣州止以上
五卷賦與詩刊之下五卷皆當時應用之文
衰世之事可采者已見本傳及文選餘視詩
劣焉無傳可也

馮氏詩紀輯存樂府詩四卷又齊粵祭歌八

首南齊書樂志曰建武二年粵祭明堂謝朓

造辭一依謝莊凡迎神八章世祖武皇帝三

章青帝三章赤帝三章黃帝三章白帝三章

黑帝三章送神五章

張氏百三家謝宣城集題辭曰李青蓮論詩

目無往古惟於謝玄暉三四稱服泛月登樓

篇咏數見至欲攜之上華山問青天余讀青

蓮五言詩情文駿發亦有似玄暉者知其興

歎難再誠心儀之非臨風空憶也梁武帝極

重謝詩云三日不讀即覺口臭簡文與湘東

書推爲文章冠冕述作楷模劉孝綽日置几

案沈休文每稱未有其見貴當時又復如是

今反覆誦之益信古人知言雖漸啓唐風微
遜康樂要已高步諸謝矣
四庫提要曰謝宣城集五卷齊謝朓撰朓以
中書郎出爲宣城太守以選復爲中書郎又
出爲晉安王鎮北諮議南東海太守行南徐
州事遷爲尙書吏部郎被誅其官實不止於
宣城太守然詩家皆稱謝宣城殆以北樓吟
咏爲世盛傳耶張溥刻百三家集合朓詩賦
五卷爲一卷此本五卷卽紹興二十八年樓
焯所刻前有焯序猶南宋佳本也
又簡明目錄曰原本十卷宋樓焯惟刻其詩
五卷觀其附載王融和詩知不由綴拾成也
朓詩爲沈約所推賞而鍾嶸則抑揚參半要
皆愛憎之私趙紫芝詩稱輔嗣易行無漢學
玄暉詩變有唐風於文質升降之際獨得其

平

汪氏文選撰人篇目齊謝玄暉眺有新亭渚詩游東田詩銅雀臺詩答呂法曹詩在郡臥病詩夜發新林詩酬王晉安詩出新林浦向板橋詩敬亭山詩休沐詩登三山詩京路夜發詩鼓吹曲一首出尚書省詩中書省詩觀朝雨詩郡內登望詩孫權故誠詩八公山詩和徐都曹詩怨情詩辭隨王牋皇后哀策文嚴氏全齊文編據本集文選藝文類聚輯存賦九篇教二章一表三牋一啓三諡策文一哀策文一墓誌銘四祭文三凡二十八篇又文編卷首敍錄曰謝朓集五卷一明刻本一吳騫刻本

梁又有王巾集十一卷亡瑛邪

王巾或作王中有法師傳十卷見史部雜傳家

鍾嶸詩品評齊記室王巾齊綏遠太守卞彬齊端溪令卞錄詩曰王巾二十詩並愛奇嶮絕慕袁彥伯之風雖不宏綽而文體勦淨去平美遠矣

文選頭陀寺碑文注王簡棲爲頭陀寺碑文詞巧麗爲世所重碑在鄂州題云齊國錄事參軍琅邪王巾製

嚴氏全梁文編曰王少卒於梁天監四年似當入梁而隋志注列於齊謝朓之下豈入梁不仕者耶有集十一卷今惟存文選頭陀寺碑文一篇

齊司徒左長史張融集二十七卷梁十卷又有張

融玉海集十卷大澤集十卷金波集六十卷亡

張融有少子見子部道家

齊書南史本傳融弱冠有名後浮海至交州於海中作海賦文辭詭激獨與衆異後以示鎮軍顧顛之顛之曰卿此賦實超玄虛但恨不道鹽耳融即求筆注曰漉沙構白熬波出素積雪中春飛霜暑路此四句後所足也自序有曰吾文章之體多爲世人所驚夫文豈有常體但以有體爲常當使常有其體又曰吾之文章體亦何異何嘗顛溫涼而錯寒暑綜哀樂而橫歌哭哉政以屬辭多出比事不羈不阡不陌非途非路耳又曰吾義亦如文吾無師無友不文不句頗有孤神獨逸耳又曰吾昔嗜僧言多肆法辯臨卒又戒其子曰吾文體英絕變而屢奇既不能遠至漢魏故無取嗟晉宋豈吾天挺蓋不隲家聲融文集數十卷行於世自名其集爲玉海司徒褚淵問其故融云蓋玉以比德海崇上善耳張氏知名前有敷演鏡暢後有充融卷稷案融會稽太守暢子也暢有集見前卷

又傳論曰有晉自宅淮海張氏無乏賢良及宋齊之間雅道彌盛其前則云敷演鏡暢蓋其尤著者也然景胤敬愛之道少微立履所由其殆優矣謂敷及暢也思光行已卓越非常俗所遵齊高帝所云不可有二不可無一斯言其幾得矣

鍾嶸詩品曰思光紆緩誕放縱有乖文體然亦捷疾豐饒差不局促

唐書經籍藝文志張融玉海集六十卷

馮氏詩紀輯存白日歌蕭史曲憂且吟別詩凡四首

張氏百三家張長史集一卷凡賦牋書門論門律自序誠子詩凡一十四篇題詞曰張氏世理音辭修儀範思光獨詭越驚人似一狂士然孝親敬嫂感德重義人倫之際何聲塵也自序文章云不阡不陌非途非路後有狀者不如其善自狀也海賦文辭詭激欲前無木華雖體製未諧藩籬已判傳詩絕少落落如之白雲清風孤臺明月想見其人案張融別詩云白雲山上盡清風松下歇欲識離人悲孤蓬見明月

四庫提要別集類小序曰集始於東漢荀況諸集後人追題也其自製名者始於張融玉海集

嚴氏全齊文編張融有集二十七卷又玉海集十卷大澤集十卷金波集六十卷今存海賦牋書門律自序白日歌序遺令戒子防墓評凡十三篇案經部論語類聚有當家語二卷魏博士張融撰亡此防墓評疑即其佚文又疑是聖證論中之張融評也

梁又有齊羽林監庾詔集十卷亡

庾詔始末未詳

梁又有黃門郎王僧祐集十卷亡瑛邪

南史王弘傳弘弟子遠遠子僧祐字胤宗幼聰悟叔父微撫其首曰兒神明意用當不作率爾人亦爲從兄儉所重舉秀才爲驃騎法

曹雅好博古善老莊不尙繁華工草隸善鼓琴亭然獨立不交當世沛國劉獻上書薦爲著作佐郎遷司空祭酒謝病不與公卿游齊高帝謂王儉曰卿從可謂朝隱答曰臣從非敢妄同高人直是愛閑多病耳齊武帝數閱武僧祐獻講武賦時何點王思遠之徒請交並不降意自天子至於侯伯未嘗與一人游卒於黃門郎子籍

馮氏詩紀輯存贈王儉詩曰汝家在市門我家在南郭汝家饒賓侶我家多烏雀

案此四句見本傳

梁又有太常卿劉俊集二十卷錄一卷亡齊書南史本傳俊字士操彭城安上里人父勳宋司空勳有集見前卷隨父征竟陵王誕於廣陵以功拜駙馬都尉與齊武帝同直殿內並爲宋明帝所親待由是與武帝款好本名忱宋明帝多忌反劉忱爲臨離改名俊焉齊高帝霸業初建俊先致誠節歷仕高帝武帝鬱林王明帝至東昏即位爲散騎常侍領驍騎將軍五兵尙書卒年六十一贈太常常侍都尉如故諡曰敬

嚴氏全齊文編劉俊有集二十卷今惟存本傳所載蒙山采銅啓一篇

梁又有祕書王寂集五卷亡現邪

齊書王僧虔傳僧虔第九子寂字子玄性迅動好文章讀范滂傳未嘗不歎挹王融敗後賓客多歸之建武初欲獻中興頌兄志謂曰汝膏梁年少何患不達不鎮之以靜將恐貽

譏寂乃止初爲祕書郎卒年二十一齊金紫光祿大夫孔稚珪集十卷

孔稚珪有陸先生傳見史部雜傳家

齊書南史本傳稚珪少學涉有美譽高帝爲驃騎以稚珪有文翰取爲記室參軍與江淹對掌辭筆永明中勅與公卿八座共刪法律文爲二十卷錄敍一卷稚珪表上其事又請立律學助教依五經例報從之建武初以魏連歲南侵征役不息百姓死傷乃上表陳通和之策帝不納稚珪風韻清疎好文詠飲酒七八斗與外兄張融情趣相得又與琅邪王思遠廬江何點點弟胤並款交不樂世務居宅盛營山水憑几獨酌傍無雜事門庭之內草萊不剪中有蛙鳴以此當兩部鼓吹云鍾嶸詩品評齊司徒長史張融詹事孔稚珪詩曰德璋生於封谿而文爲雕飾青於藍矣

案張融嘗爲封谿令

唐日本國見在書目孔稚珪集十卷

唐書經籍藝文志孔稚珪集十卷宋史藝文志同

崇文總目同

晁氏讀書志孔稚珪集十卷稚珪道隆孫會稽山陰人爲東南冠族少知名有文采辭章

清拔獨冠當世集有序云所爲文章雖行於世竟未撰集今據其遺佚分爲十卷然莫知其爲誰序也

陳氏書錄解題孔德璋集十卷齊太子詹事

孔稚圭德璋撰北山移文其所作也

馮氏詩紀輯存白馬篇二首且發青林游太

平山各一首

張氏百三家孔詹事集一卷凡表奏啓書碑北山移文祭文詩十八篇題辭曰汝南周顥結舍鍾嶸後出爲山陰令秩滿入京復經此山稚珪代山移文絕之昭明取入文選中孔周二傳俱不載此事豈調笑之言無關紀錄如嵇康於山濤徒有其書交未嘗絕也汪氏文選撰人篇目文選有齊孔德璋稚珪北山移文

孔氏闕里文獻考孔氏別集有先聖二十九代孫齊散騎常侍稚珪集十卷

嚴氏全齊文編孔稚珪南史作孔珪有集今存表奏啓北山移文碑文祭文凡十三篇

齊後軍法曹參軍陸厥集八卷梁十卷

南齊書文學傳厥字韓卿吳郡吳人揚州別駕閑子也少有風概好屬文五言詩體甚新奇永明九年詔百官舉士司徒左西掾顧暲之表薦焉州舉秀才爲王晏少傅主簿遷後軍行參軍永安九年始安王遙光反厥父閑被誅厥坐繫尙方尋有赦令厥恨父不及感慟而卒年二十八文集行於世鍾嶸詩品評梁秀才陸厥詩曰觀厥文緯具識丈夫之形狀自製未優非言之失也

唐書經籍藝文志陸厥集十卷

馮氏詩紀輯存蒲坂行齊歌行南郡歌邯鄲行左馮翊歌京兆歌李夫人及貴人歌各一首中山王孺子妾歌二首臨江王節士歌一首又奉答內兄希叔五首案自蒲坂行至臨江王

節士歌皆擬漢書藝文志詩賦略中所載之題詳見余所輯漢志條理第五卷中

汪氏文選撰人篇目曰文選有齊陸韓卿厥答內兄希叔詩孺子妾歌

嚴氏全齊文編陸厥集十卷今惟存齊書南史所載與沈約論聲韻書一篇

齊太尉徐孝嗣集十卷梁七卷

齊書南史本傳孝嗣字始昌東海郟人也祖湛之宋司空父聿之著作郎並為太子劾所殺孝嗣在孕得免幼而挺立風儀端簡八歲襲爵枝江縣公見宋孝武帝升階流涕迄於就席帝甚愛之尙康樂公主拜駙馬都尉除著作郎齊建元初國除累遷五兵尙書武帝勅儀曹令史陳淑王景之朱玄真陳義民撰江左以來儀典令諸受孝嗣竟陵王子良好佛法使孝嗣及廬江何胤掌知齊講及衆僧明帝謀廢鬱林孝嗣即還家草太后令以廢立功封枝江縣侯明帝即位進爵為公位尙書令孝嗣愛好文學器量弘雅不以權勢自居故見容明帝之世時連年魏軍動國用虛乏孝嗣表立屯田明帝崩受遺託加中書監永元初輔政進位司空其冬入華林省東昏侯遣茹法珍賜藥卒和帝中興元年贈太尉二年諡曰文忠改封餘干縣公

鳩斂所餘權付尙書左丞蔡仲熊驍騎將軍何佟之共掌其事

唐書經籍藝文志徐孝嗣集十二卷

馮氏詩紀輯存白雪歌一首

嚴氏全齊文編徐孝嗣有集十卷今見本傳及齊書禮志通典有表立屯田奏劾蕭元蔚等嗣君廟見議冠婚禮議四篇

梁又有侍中劉暄集一十一卷亡

齊書南史江祐傳明帝遺詔轉祐尙書左僕射弟衛尉祀為侍中敬皇后弟劉暄為衛尉與始安王遙光尙書令徐孝嗣領軍蕭坦之六人輔政時呼為六貴東昏即位遷散騎常侍右衛將軍暄字士穆彭城人出身南陽國常侍遙光事起以討暄為名事平暄遷領軍將軍封平都縣侯其年左右小人茹法珍梅蟲兒徐世標譖暄有異志乃見殺和帝中興元年贈散騎常侍撫軍將軍開府儀同三司梁又有通直常侍裴昭明集九卷亡

書禮志通典有議皇太子納徵禮郊殷議各一篇

梁又有虞炎集七卷亡

南齊書文學陸厥附傳會稽虞炎永明中以文學與沈約俱為文惠太子所遇意盼殊常官至驃騎將軍南史作驍騎是也

又孝義公孫僧遠傳太祖即位遣兼散騎常侍虞炎十二部使行天下建元三年表列僧遠等二十三人詔並表門閭

馮氏詩紀輯存玉階怨一首又附見謝朓集詩三首

嚴氏全齊文編曰虞炎會稽人初為博士累遷散騎侍郎驍騎將軍有集七卷齊書禮志及通典有郊壇瓦屋議宋本鮑照集有虞炎序各一篇

梁又有吏部郎劉瑱集十卷亡

南史劉劭傳勳彭城安上里人也劭子俊俊弟繪弟瑱瑱字士温少有行業文藻豪隸丹青並為當世所稱時有榮陽毛惠遠善畫馬瑱善畫婦人並為當世第一瑱妹為齊鄱陽王妃瑱仕齊歷尙書吏部郎義興太守先繪卒

馮氏詩紀輯存上湘度琵琶碁詩一首

梁又有梁國從事中郎劉繪集十卷亡

南史劉劭傳勳子俊俊弟繪字士章初為齊高帝行參軍豫章王嶷鎮江陵繪為參軍以文義見禮歷中書郎掌詔誥勅助國子祭酒何胤撰脩禮儀永明末都下人士盛為文章

談義皆湊竟陵王西邸繪爲後進領袖時張融以言詞辯捷周顒彌爲清綺而繪音采不

瞻麗雅有風則時人爲之語曰三人其宅夾清漳張南周北劉中央言其處二人間也魚

復侯子響誅後豫章王嶷欲求葬之召繪爲表言其事繪須臾便成嶷歎曰禰衡何以過

此唯足八字云提攜鞠養俯見成人後魏使至繪以辭辯被勅接使事畢當撰語辭繪謂

人曰無論潤色未易但得我語亦難矣數遷爲建安王車騎長史行府國事及梁武起兵

東昏見殺城內遺繪及國子博士范雲等齋其首詣梁武帝於石頭轉大司馬從事中郎

卒案此大司馬即梁武帝故是集顯梁國從事中郎南齊書本傳繪聰警有文義善隸書撰能書

人名自云善飛白言論之際頗好於詔中興二年卒年四十五案齊和帝中興二年亦即梁武帝

天監元年蓋卒於是年四月禪位之前也梁書劉孝綽傳父繪齊大司馬霸府從事中

郎繪齊世掌詔誥孝綽年未志學繪嘗使代草之

鍾嶸詩品評齊寧朔將軍王融齊中庶子劉繪詩曰元長士章並有盛才詞美英淨至於

五言之作幾乎尺有所短譬應變將略非武侯所長未足以貶臥龍

馮氏詩紀輯存樂府二首詩五首嚴氏全齊文編劉繪有集十卷魚復侯傳有

爲豫章王嶷乞收葬蝻子響表南史齊宗室傳有與始安王遙光箋禮志有難何修之南

北郊性色議凡三篇齊侍中袁象集五卷并錄

齊書南史本傳象字偉才陳郡陽夏人父覲武陵太守覲有集見前象少有風氣好屬文及

玄言觀臨終與兄顓書曰史公才識可喜足懋先基矣史公象小字也舉秀才仕宋爲齊

高帝太傅相國主簿祕書丞議駁檀超國史入齊爲中書郎兼御史中丞數遷爲侍中隆

昌元年卒年四十八諡靖子馮氏詩紀輯存贈庾易一首游仙詩二首

嚴氏全齊文編袁象有集五卷齊書本傳有駁檀超國史條例議南史袁湛附傳有荷蔣

之兄弟罪議謝超宗傳有奏劾超宗凡三篇齊中書郎江免集九卷并錄

江免始末未詳唐書經籍藝文志江免集十一卷舊志嘗刊本

作汪免馮氏詩紀曰江朝諸免有綠水曲一首齊平西諮議宗躬集十三卷

宗躬有孝子傳見史家雜傳家唐書經籍藝文志宗躬集十二卷

齊太子舍人沈麟士集六卷沈麟士有喪服經傳義疏見經部禮類

南史隱逸傳麟士幼而俊敏及長博通經史有高尙之心居貧織簾誦書口手不息鄉里

號爲織簾先生宋元嘉末文帝令僕射何尙之抄撰五經訪舉學士縣以麟士應選尙之

謂子偃曰山藪故多奇士沈麟士黃叔度之

流也汝其師之或勸之仕答曰魚縣獸檻天上一契聖人玄晤所以每履吉先吾誠未能

景行坐忘何爲不希企日損乃作玄散賦以絕世重陸機連珠每爲諸生講之以楊王孫

皇甫謐深達生死而終禮矯俗乃自爲終制遺令

嚴氏全齊文編曰沈麟士一作麟士宋侍中懷文族子元嘉末舉學士尋稱疾歸終宋至

齊累徵不就梁受禪與何點同徵又不就天監二年卒年八十五齊書作八十六今從南

史案鄭元慶湖錄金石考載沈氏述祖德碑云天監癸未蓋碑文作於臨卒之年也有集

六卷今存與沈約書辭表薦一篇答張永使者辭功曹一篇終制遺令一篇沈氏述祖德

碑一篇凡四篇烏程蔣鑿文編目錄附注曰述祖德碑其文謬妄百出乃沈氏後人僞撰

右南齊人文凡一十六家附梁有三十六家通計五十二家五十六部是爲別集類

分篇第七內謝朓一家二部張融一家四部

隋書經籍志考證卷三十九之八

集部二之八

別集類八

梁武帝集二十六卷梁三十二卷

梁武帝詩賦集二十卷

梁武帝雜文集九卷

梁武帝別集目錄二卷

梁武帝有周易大義見經部易家

金樓子與王篇梁高祖武帝晚年探賸索

隱窮理盡性究覽墳籍神悟知機讀書不待

溫故一閱皆能誦憶所以馳騁古今備該內

外辯解聯環論精堅白六義四始尤解禮體

登高必賦莫非警策弱冠升朝令聞籍甚太

尉王儉欽上風雅司徒竟陵王待上賓友之

禮范雲時為司徒記室深慕上德自結神游

又曰作連珠五十首以明孝道

又說蕃篇曰竟陵蕭子良好文學我高祖王

元長謝玄暉張思光何憲任昉孔廣江淹虞

炎何憫周顒之儔皆當時之傑號士林也

梁書南史本紀齊竟陵王子良開西邸招文

學高祖與沈約謝朓王融蕭琛范雲任昉陸

倕等並游焉號曰八友天情睿敏下筆成章

千賦百詩直疏便就皆文質彬彬超邁今古

爰自在田及登寶位躬製贊序詔誥銘誄箴

頌牋奏凡諸文集又百二十卷歷觀古昔人

君恭儉莊敬藝能博學罕或有焉

隋書音樂志初武帝之在雍鎮有童謠云襄

陽白銅蹄反縛揚州兒識者言白銅蹄謂馬

也白金色也及義師之興實以鐵騎揚州之

士皆面縛果如謠言故即位之後更造新聲

帝自為之詞三曲又令沈約為三曲以被管

絃帝既篤敬佛法又制善哉大樂大歡大道

仙道神王龍王滅過惡除愛水斷苦轉等十

篇名為正樂皆述佛法又有法樂童子伎童

子倚歌梵唄設無遮大會則為之

梁書劉孝綽傳高祖為藉田詩使僕射徐勉

先示孝綽時奉詔作者數十人

又羊侃傳大同三年車駕幸樂游苑侃預宴

高祖製武宴詩三十韻以示侃侃即席應詔

又王僧孺傳高祖製春景明志詩五百字勅

在朝之人沈約已下同作

又江革傳時高祖盛於佛教朝賢多啓求受

戒革精信因果而高祖未知謂革不奉佛教

乃賜革覺意詩五百字云惟當勤精進自彊

行勝脩豈可作底突如彼必死囚以此告江

革并及諸貴游又手敕云世間果報不可不

信豈得底突如對元延明耶革因啓乞受苦

薩戒底突元延明事亦見本傳

又蕭子雲傳子雲答敕曰臣年二十六著晉

史至二王列傳欲作論草隸法言不盡意十

許年來始見勅旨論書一卷商略筆勢洞澈

字體又以逸少之不及元常猶子敬之不及

逸少自此研思方悟隸式唐寶篆述書賦注云梁

武帝撰書評又云今見帶名行書及制草雜批等四十餘

紙又宋郭若虛圖畫見聞志載梁武帝撰昭公錄畫畫品

錄之類也與書評當編入本集

又蕭子顯傳中大通三年子顯啓撰高祖集

并普通北伐記其年遷國子祭酒於學遞述

高祖五經義

又文學任孝恭傳孝恭進直壽光省為司文

侍郎勅造製建陵寺刹下銘又啓撰高祖集

序文並富麗

沈約武帝集序略曰我皇誕縱自天生知在

御清明內發疏通外典爰始貴游篤志經術

究淹中之雅旨盡曲臺之奧義莫不因流極

源披條振瀆若前疑往滯舊學罕通而超然

直詣妙拔終古善發談端精於持論置壘難

踰摧鋒莫擬有同成誦無假含豪興絕節於

高唱振清辭於蘭畹至於春風秋月送別望

歸皇王高宴心期促賞莫不超挺容與濬發

神衷及登庸歷試辭翰繁蔚賡記風動表議

雲飛懷君人之大德有事君之小心為下奉

上形於辭旨雖密奏忠規遺稿必削而國謨

藩政存者猶多逮乎俯應歸運仰脩乾錄載

筆握簡各有司存如綸之旨時或染翰暨於

設虞靈囿樂在鎬鹿鳴四牡皇華棠棣之

歌伐木采薇出車秋杜之讌皆誌志擣藻廣

命羣臣上與日月爭光下與鍾石比韻事同

觀海義等窺天觀之而不測游之而不知者

矣竊維左史記言右史記事君舉必書無論

大小況乎感而後思思而後積積而後滿滿

而後言若斯而已哉謹因事立名隨源編次

周書蕭大園傳保定二年開麟趾殿招集學

士大園預焉梁武集四十卷止一本江陵平

也

後藏祕閣大圖既入麟趾方得見之乃手寫焉

南史沈約傳約子旋旋次子衆字仲師好學有文辭仕梁爲太子舍人時梁武帝制千文詩衆爲之注解

本志總集類圍棋賦一卷梁武帝撰又曰梁武連珠一卷沈約注梁武帝制旨連珠十卷梁邵陵王綸注梁武帝制旨連珠十卷陸緬注

唐書經籍藝文志梁武帝集十卷

玉海聖文御集類唐志梁武帝集四十卷案此似有跋文

馮氏詩紀輯存樂府一卷三十八篇詩一卷

三十三篇聯句一篇題云清暑殿效伯梁體帝與新安太守任昉侍中徐勉丹陽丞劉沆黃門侍郎柳愷吏部郎中謝覽侍中張卷太子中庶子王峻御史中丞陸杲右軍主簿陸倕司徒主簿劉洸司徒左西屬江曹凡十一人

張氏百三家輯本序曰帝兼文武之才制旨

二百餘卷五禮一千餘卷通史六百卷後世無由誦讀今得其詔令書勅諸篇置帝王集中則魏晉風烈間有存者凡賦詔勅制册覆書令檄表書序記連珠箴銘雜文凡百九十余篇樂府詩聯句六十餘首

嚴氏全梁文編曰帝姓蕭諱衍齊高帝族孫永明初爲巴陵王南中郎法曹行參軍歷衛將軍王儉東閣祭酒數遷至明帝即位封建陽男歷輔國將軍雍州刺史又數遷至和帝

時假黃鉞進中書監大司馬錄尚書驃騎大將軍揚州刺史都督中外諸軍事封梁公加

九錫位相國進封梁王以中興二年四月受禪改元七年監普通大通中大通大同中大

同太清在位四十八年有周易尚書毛詩禮記大義講疏鍾律緯孝經義疏孔子正言通

史老子講疏兵書鈔金策圍棋品各若干卷集三十二卷詩賦集二十卷雜文集九卷別

集目錄二卷今存賦四篇制七篇詔一百四十七篇勅三十七篇策一册一覆書一宣旨

二令三表二議二檄一書十答三天象論一輿駕東行記一序二連珠四凡百箴一硯銘

迴文一論蕭子雲書草書狀觀鍾繇書法十二意各一碑文一卽位告天文捨道事佛疏

文各一懺文二斷酒肉文四鍾律緯四綜凡二百四十七篇編爲七卷又卷首敘目曰梁武帝集八卷明閻光世蕭梁文苑本

梁武帝淨業賦三卷

帝自序略曰朕布衣之時唯知禮義不知信

向烹宰衆生以接賓客隨物肉食不識菜味及至南面富有天下遠方珍羞貢獻相繼海

內異食莫不畢至方丈滿前百味盈俎乃方食輟筋對案流泣恨不得以及溫清朝夕供

養何以獨甘此膳因亦蔬食不啖魚肉復斷房室不與嬪侍同屋而處四十餘年矣既不

食衆生無復殺害障既不御內無復欲惡障除此二障意識稍明內外經書讀便解悟從是以來始知歸向禮云人生而靜天之性也

感物而動性之欲也有動則心垢有靜則心淨外動既止內心亦明始自覺悟患累無所

由生也乃作淨業賦云爾

嚴氏文編曰梁武帝有淨業賦三卷釋藏策字七號廣弘明集二十九上載之并賦序

梁簡文帝集八十五卷陸置撰并錄

梁書本紀太宗幼而敏睿識悟過人六歲使屬文高祖驚其早就弗之信也乃於御前面

試辭采甚美高祖歎曰此子吾家之東阿讀書十行俱下九流百氏經目必記篇章辭賦

操筆立成博綜儒書善言玄理引納文學之士賞接無倦恆討論篇籍繼以文章雅好題詩其序云余七歲有詩癖長而不倦然傷於

輕豔當時號曰宮體

又史臣曰太宗幼年聰睿令聞風標天才縱逸冠於今古文則時以輕華爲累君子所不

取焉受制賊臣弗展所蘊終罹懷愍之酷哀哉

南史本紀所著文集一百卷行於世又曰帝自幽繫之後賊乃撤內外侍衛使突騎圍守

牆垣悉有枳棘無復紙乃書壁及板鄣爲文自序云有梁正士蘭陵蕭世讚立身行道終

始若一風雨如晦雞鳴不已弗欺暗室豈況三光數至於此命也如何又爲文數百篇崩後王偉觀之惡其辭切即使刮去有隨偉入者誦其連珠三首詩四篇絕句五篇文並悽愴云

又論曰太宗敏睿過人神采秀發多聞博達富瞻詞藻然文豔用寡華而不實體窮淫麗義罕疏通哀思之音遂移風俗以此而貞萬國異乎周誦漢莊矣我生不辰載離多難始同牖里之拘終類望夷之禍悠悠蒼昊其可問哉

又陸泉傳吳郡吳人也子暉字洞元少篤學多所該覽善屬文簡文居藩爲記室參軍撰帝集序稍遷太子中庶子掌管記禮遇甚厚初簡文在雍州撰法寶聯璧置與羣賢並抄掇區分者數歲中大通六年而書成命湘東王爲序其作者有侍中國子祭酒南蘭陵蕭子顯等三十人以比王象劉邵之皇覽焉案法寶聯璧序云二百二十卷梁書南史本紀皆云三百卷本志不著錄湘東王序見唐弘明集嚴氏輯入梁元帝集序末載作者名位年紀自蕭子顯以下迄於蕭愷凡三十七人時陸軍年十八爲最少云

周書北史蕭大園傳大園梁簡文帝之子也江陵覆沒隨于謹客長安保定二年封始寧縣公邑千戶尋加車騎大將軍儀同三司并賜田宅奴婢牛馬粟帛等俄而開麟趾殿招集學士大園預焉梁武帝集四十卷簡文集九十卷各止一本江陵平後並藏祕閣大園既入麟趾方得見之乃手寫二集一年並畢識者稱歎之
唐日本國見在書目梁簡文帝集八卷 案八下似數十字
唐書經籍藝文志梁簡文帝集八十卷

宋史藝文志梁簡文帝集一卷
陳氏書錄解題梁簡文帝集五卷案隋志八十五卷唐已闕五卷中與書目止存一卷詩百篇又闕其三首今五卷皆詩總二百四十四篇

張氏百三家輯本序曰梁簡文帝朱邸日久會逢清宴兼以昭明爲兄湘東爲弟文辭競美增榮棠棣儲極既正宮體盛行但務綺博不避輕華人挾曹丕之資而風非黃初之舊亦時世使然乎帝誠常陽書立身須謹重文章須放蕩是則其生平所處也凡賦詔令教移表疏章啓書序論七勵頌銘碑連珠墓誌銘誄哀辭雜文祭文疏文八十餘篇爲一卷樂府六十餘篇詩一百八十篇爲一卷 馮氏詩紀輯存樂府一卷詩二卷篇數略同

嚴氏全梁文編曰帝諱綱武帝第三子天監六年封晉安王中大通三年五月立爲皇太子太清三年五月卽位明年改元大寶在位二年爲侯景所廢幽於永福省遇弑明年侯景伏誅追謚曰簡文皇帝廟號太宗有毛詩十五國風義長春義記老子私記莊子講疏談疏竈經各若干卷 案談疏六卷爲晉簡文帝之書詳見子部道家 集八十五卷今存賦二十三篇詔六令六教九章二表十八移文一啓四十二書十九勸醫論一七勵一序九頌五連珠一銘十三草堂傳一誄一哀辭一墓誌銘十三碑九雜文七疏文三凡一百九十一篇編爲七卷又卷首敘錄曰梁簡文帝集十四

卷明閻光世蕭梁文苑本
梁元帝集五十二卷
梁元帝小集十卷

梁元帝有漢書注見史部正史類
金樓子自序篇于六歲解爲詩奉敕爲詩曰池萍生已合林花發稍稠風入花枝動日映水光浮因亦稍學爲文也

梁書本紀世祖聰悟俊朗天才英發既長好學博綜羣書下筆成章出言爲論才辨敏速冠絕一時性不好聲色頗有高名與裴子野劉顯蕭子雲張纘及當時才秀爲布衣之交著述辭章多行於世所著文集五十卷
南史本紀魏師至凡二十八日徵兵四方未至而城見剋在幽逼求酒飲之製詩四絕梁王督遣尙書傳準監行刑帝謂之曰卿幸爲我宣行準捧詩流淚不能禁進土囊而殞之

又論曰歷觀書契以來蓋亦廢興代有未見三葉遘愆若蕭宗之酷善乎鄭文貞公論之曰元帝篤志藝文采浮華而棄忠信戎昭果毅先骨肉而後寇讎口誦六經心通百氏有仲尼之學有公且之才適足以益其驕矜增其禍患何補金陵之覆沒何救江陵之滅亡哉案梁元帝嘗以周孔自命故魏鄭公有是言
周書蔡大寶傳蕭督令大寶使江陵梁元帝見之甚悅乃示所制玄覽賦令注解焉三日而畢
金樓子著書篇集三秩三十卷四庫館輯錄曰案梁書本紀文集五十卷隋書經籍志作

五十二卷又有小集十卷疑作此書時方三十卷非訛也

唐書經籍志梁元帝集五十卷梁元帝集十卷

唐書藝文志梁元帝集五十卷又小集十卷陳氏書錄詩集類梁元帝詩一卷即湘東王

釋

張氏百三家集輯本凡賦詔令敕教表啓書

檄論議序贊銘碑墓誌祭文騷一百三十七

篇樂府二十一首詩九十七首馮氏詩紀輯存

樂府詩二卷篇數略同

嚴氏全梁文編曰帝諱繹武帝第七子天監

十三年封湘東王以大寶三年十一月即位

於江陵改元承聖在位三年爲西魏所擒遇

害明年追尊爲孝元皇帝廟號世祖有漢書

注孝德傳忠臣傳顯忠錄丹陽尹傳懷舊志

全德志研神記同姓名錄補闕子湘東鴻烈

金樓子玉韜連山洞林各若干卷案顯忠錄非

元帝書詳見史部雜傳家集五十二卷小集十卷

南史五十劉毅字仲寶隨湘東王在藩十餘

年當時文檄皆其所爲張溥本有秋興賦臨

秋賦今據藝文類聚編入簡文帝集凡春賦

玄覽賦等八篇詔七勅四令九教二表五議

一檄一啓二十四書二十論三序十三贊六

銘十一碑十七祭文三附山水松竹格綜一

百三十五篇又文編卷首敍錄曰梁元帝集

八卷明閻光世蕭梁文苑本案唐志有職貢圖

一卷本志不著錄或在本集

梁昭明太子集二十卷

昭明太子有孝經講義見經部

梁書南史本傳昭明太子美姿容善舉止讀

書數行並行過目皆憶每游宴祖道賦詩至

十數韻或作劇韻皆屬思便成無所點易帝

大弘佛教親自講說太子亦素信三寶徧覽

衆經自立三諦法義案即本集所載二諦義法身

義二篇也性寬和容衆引納才學之士賞愛

無倦恆自討論墳籍或與學士商榷古今繼

以文章著述率以爲常中大通三年四月乙

巳薨年三十一諡曰昭明詔司徒左長史王

筠爲哀冊文所著文集二十卷

又劉孝綽傳孝綽再爲太子洗馬掌東宮管

記又數遷爲太子僕復掌管記時昭明太子

好士愛文孝綽與陳郡殷芸吳郡陸倕琅邪

王筠彭城到洽等同見賓禮太子文章繁富

羣才咸欲撰錄太子獨使孝綽集而序之

劉孝綽撰集序曰粵我大梁之二十一載盛

德備乎東朝承華肇建濫齒時髦居陪出從

逝將二紀譬彼登山徒仰峻極同夫觀海莫

澄波瀾但職官書記預聞盛藻歌詠不足敢

忘編次謹爲一秩十卷第目如左日升松茂

與天地而偕長壯思英詞隨歲月而增廣如

其後錄以俟賢臣案此見嚴氏全梁文編序凡八百

三十言而不注所出序云大梁之二十一載則編於普通

三年又云一秩十卷第目如左則初編爲十卷錄一卷也

簡文帝上昭明太子別傳文集表曰臣以不

肖妄作明離出入銅龍瞻仰故實思所以掄

揚盛軌宣記德音謹撰昭明太子別傳文集

請備之延閣藏諸廣內永彰茂實式表洪徽

簡文帝昭明太子集序曰至於登高體物展

詩言志控引解騷包羅比興銘及盤盂贊通

圖象七高愈疾之旨表有殊健之則碑窮典

正每出則車馬盈衢議無失禮纒成則列藩

擊缶近逐情深言隨手變麗而不淫案此亦

見嚴氏文編亦不注所出序凡一千三百五十六言歷敘

昭明十四德其下尙有敘文故卷數無由考見大抵簡文

正位東宮後爲撰集其遺二十卷與別傳五卷同上者也

唐書經籍藝文志梁昭明太子集二十卷宋

史藝文志五卷

陳氏書錄解題昭明太子集五卷梁太子蕭

統德施撰

張氏百三家輯本序曰昭明簡文同母令德

文學友於曹子桓兄弟弗如也昭明薨簡文

敘其遺集頌德十四合之史傳俱非虛美南

史所云埋鴉啓豐蕩舟寢疾世疑其誣於是

論昭明者斷以姚書爲實矣昭明述作文選

最有名後人見其選即可以知其志凡賦疏

令書啓序七契贊陶靖節傳解二諦義解法

身義三十五篇樂府七篇詩二十四篇馮氏

詩紀輯存樂府詩一卷篇數略同

四庫提要曰昭明太子集六卷案梁書本傳

二十卷隋唐志並同宋志僅載五卷已非其

舊此本爲明嘉興葉紹泰所刊凡詩賦一卷

雜文五卷賦每篇不過數句蓋自類書采掇

而成皆非完本

又簡明目錄曰此本較張溥本多七召等十三篇而少與明山賓令等五篇蓋兩本皆出撥拾故互有出入其詩亦誤收簡文帝作五首當由不知玉臺新詠所題皇太子乃簡文非昭明也 講案七召亦似誤收嚴氏嘗辯之詳見後何遜集條

又子部類書存目曰錦帶一卷舊題梁昭明太子蕭統撰書錄解題又云梁元帝撰比事儷語在法帖中章草月儀之類詳其每篇自敘之詞皆山林之語非帝胄所宜言且詞氣不類六朝亦復不類唐格疑宋人案月令集為駢句以備賤啓之用後來附會題為統作耳今刻本昭明集中亦有之題曰十二月啓然昭明集乃後人所輯非其原本未可據以為信也

嚴氏全梁文編曰昭明太子統武帝長子宣帝建號追尊為昭明皇帝廟號高宗有正序文章英華文選各若干卷集二十卷今存賦六篇令六疏一啓十二錦帶書十二月啓一書七七契一序三贊三陶淵明傳祭達摩大師文令旨解二諦義令旨解法身義綜凡四十四篇編為三卷又卷首敘錄曰梁昭明太子集六卷一明閻光世蕭梁文苑本一明楊慎五卷本

梁有晉安成王集三十卷亡晉當為梁
梁書南史本傳安成康王秀字彥達文帝第七子也武帝父順之齊高帝族弟預佐命封臨湘縣侯歷官丹陽尹武帝即位追尊為文皇帝 仕齊為著

作佐郎歷太子舍人天監元年封安成郡王二千戶十七年累遷使持節都督雍州刺史薨年四十四册贈侍中司空諡曰康秀於武帝布衣昆弟及為君臣小心畏敬過於疏賤者帝益以此賢之時諸王並下士建安安成二王尤好人物世以二安重士方之四豪案建安王即簡文帝也 秀精意學術搜集經記招學士平原劉孝標使撰類苑書未及畢而已行於世及薨故吏夏侯寬等表立墓碑誌有詔許焉常世高才游王門者東海王僧孺吳郡陸倕彭城劉孝綽河東裴子野各製其文欲擇用之而成稱實錄遂四碑並建古未之有也

嚴氏全梁文編曰梁書安成王秀傳有臨江州下給船教臨荆州下招隱逸教凡二篇
梁岳陽王督集十卷

後周書蕭督傳督字理孫蘭陵人也梁武帝之孫昭明太子第三子幼而好學善屬文尤長佛義特為梁武帝所嘉賞梁普通六年封曲江縣公大通三年進封岳陽郡王大同元年除使持節都督雍州刺史後與江陵構隙恐不能自固西魏大統十五年 時為梁武帝太清三年 乃遣使稱藩請為附庸太祖策命督為梁王魏恭帝元年太祖令柱國于謹伐江陵督以兵會之及江陵平太祖立督為梁主居江陵東城資以江陵一州之地其襄陽所統盡歸於我督乃稱皇帝於其國年號大定恥其威略不振常懷憂憤乃著憫時賦以見

意督疆土既狹居常快快遂以憂憤發背在位八載年四十四保定二年二月薨其羣臣諡曰宣皇帝廟號中宗督篤好文義所著文集十五卷內典華嚴般若法華金光明義疏四十六卷並行於世 又梁大寶傳大寶文辭贈述督之章表書記教令詔册並大寶專掌之

隋書外戚蕭歸傳歸父督初封岳陽王鎮襄陽侯景之亂其兄河東王譽與其叔父湘東王釋不協為釋所害及釋嗣位督稱藩於西魏乞師請討釋周太祖以督為梁主遣柱國于謹等率騎五萬襲釋滅之督遂都江陵有荆郡其西平州延袤三百里之地稱皇帝於其國車服節文一同王者仍置江陵總管以兵戍之

馮氏詩紀輯存建除等雜詩凡十首
嚴氏全梁文編後梁宣帝蕭督有集十卷今存愍時賦游七山寺賦圍棋賦櫻桃賦臨雍州下教連珠凡六篇
梁王蕭歸集十卷

後周書蕭督傳督以憂憤發背而殂高祖又命其太子歸嗣位年號天保歸字仁遠督之第三子也機辯有文學善於撫御能得其歡心在位二十三載年四十四隋開皇五年五月薨其羣臣諡曰孝明皇帝廟號世宗歸孝悌慈仁有君人之量性尤儉約御下有方境內稱治所著文集及孝經周易義記及大小乘幽微並行於世
隋書外戚傳歸後辯有才學兼好內典著孝

經周易義記及大小乘幽微十四卷行於世
唐書經籍藝文志後梁明帝集一卷 舊志岑
刻本誤作後魏

嚴氏全梁文編後梁明帝蕭歸有集十卷隋
書外戚傳有臨終上隋文帝表一篇

梁邵陵王綸集六卷

梁齊南史本傳邵陵攜王綸字世調武帝第
六子也少聰穎博學善屬文尤工尺牘天監
十三年封邵陵郡王普通五年以西中郎將
權攝南兖州坐事免官奪爵大通元年復封
爵中大通四年爲侍中揚州刺史坐免爲庶
人頃之復封爵太清二年加征討大都督率
衆討侯景三年春進位司空臺城陷奔禹穴
大寶元年綸至郢州刺史南平王恪上綸爲
假黃鉞都督中外諸軍事二年二月爲西魏
兵所害年三十三後元帝追諡曰攜
又史臣曰綸聰警有才學性險躁屢以罪黜
及太清之亂忠孝獨存斯可嘉矣

唐書經籍志梁邵平王集四卷 平當爲陵

唐書藝文志邵陵王綸集四卷

馮氏詩紀輯存詩六首

嚴氏全梁文編邵陵王綸有集六卷今存贈
言賦及教表啓書墓誌銘碑文祀魯山神文
凡一十篇

梁武陵王紀集八卷

梁書本傳武陵王紀字世詢高祖第八子也
少勤學有文才屬辭不好輕華甚有骨氣天
監十三年封爲武陵郡王歷授持節都督益

梁等十三州諸軍事益州刺史太清中侯景
亂紀不赴援高祖崩後乃僭號於蜀改元天
正司馬王僧略直兵參軍徐怿並固諫紀以
爲貳於己皆殺之太清五年夏四月紀率軍
東下至巴郡以討侯景爲名將圖荆陝世祖
命陸法和等破之獲紀及其第三子圓滿俱
殺之於破口時年四十六有司奏絕其屬籍

世祖許之賜姓饕餮氏

唐書經籍志梁武陵王集八卷

唐書藝文志武陵王紀集八卷

馮氏詩紀輯存詩六首

嚴氏文編卷首敍錄曰梁宣帝邵陵王豫章

王武陵王南康王合集一卷明閻光世蕭梁

文苑本集豫章王綜南康王績本志皆無集

梁蕭琮集七卷

梁蕭琮集七卷

周書蕭睿傳管子歸開皇五年薨隋文帝又
命其太子蕭琮嗣位年號廣運琮字溫文性
倜儻不羈博學有文義兼善弓馬初封東陽
王尋立爲皇太子及嗣位之二年徵琮入朝
琮率其臣下二百餘人朝於長安琮叔父嚴

及弟巖等虜居民奔於陳隋文帝於是廢梁

國拜琮爲柱國封莒國公自晉初卽位歲在

乙亥至是歲在丁未凡三十有三歲 時陳後

主禎明元年隋文帝開皇七年後二年陳亦亡後梁及陳

皆三十三年而亡琮卒於隋煬帝時入隋久矣嘗歸琮三

集當移後蕭欣集之前

隋書外戚蕭歸傳高祖受禪備禮納其女爲

晉王妃煬帝嗣位以皇后之故甚見親重拜

琮內史令改封梁公琮之宗族總麻以上並
隨才擢用於是諸蕭昆弟布列朝廷琮雖羈
旅見北間豪貴無所降下嘗與賀若弼深相
友善弼既被誅復有童謠云蕭蕭亦復起帝
由是忌之遂廢於家未幾而卒贈左光祿大
夫

唐日本國見在書曰蕭琮集二卷

馮氏詩紀曰蕭琮有奉和月夜觀星詩一首

嚴氏文編後梁後主蕭琮有集七卷今惟見

國清百錄所載與釋智顛書一篇

梁又有安成煬王集五卷亡

梁書安成康王秀傳 秀有集見前 秀世子機

字智通普通元年襲封安成郡王歷會稽太

守給事中太子洗馬中書侍郎丹陽尹湘州

刺史大通二年薨於州時年三十機美姿容

善吐納家既多書博學彊記然而好弄尙力

遠士子近小人爲州專意聚斂無治績頓被

案劾及將葬有司請諡高祖詔曰王好內怠

政可諡曰煬所著詩賦數千言世祖集而序

之

金樓子著書篇安成煬王集一秩四卷四庫

館校錄曰案隋書經籍志安成煬王集五卷

梁司徒諮議宗史集九卷并錄史當爲夫

梁書南史本傳夫字明敷南陽涅陽人世居

江陵祖景宋時徵太子庶子不就有高名卽

宗炳有集見宋人文中夫少勤學有局幹弱冠舉

郢州秀才仕齊爲臨川王常侍時竟陵王子

良集學士於西邸並見圖畫夫亦預焉永明

中與魏和親夫與尚書郎任昉同接魏使皆時選也齊鬱林之爲南郡王居西州使夫管

書記夫既以筆札見知亦以真正見許及文惠太子薨王爲皇太孫夫仍管書記太孫即位多失德夫頗自疎少帝見誅舊寵多被其禍唯夫與傅昭以清正得免梁武受禪歷太子右衛率五兵尚書參掌大選天監三年卒

時年四十九

唐書經籍藝文志宗夫集十卷 舊志亦誤作宗史

馮氏詩紀輯存荊州樂三首遙夜吟一首別蕭諮議衍一首

梁國子博士丘遲集十卷并錄梁十一卷

梁書文學傳遲字希範吳興烏程人也父靈鞠有才名齊太中大夫遲八歲便屬文靈鞠嘗謂氣骨似我黃門郎謝超宗徵士何點並見而奇之州辟從事舉秀才除太學博士累遷殿中郎高祖平京邑霸府開引爲驃騎主簿甚被禮遇時勸進梁王及殊禮皆遲文也高祖踐阼拜散騎中書侍郎待詔文德殿時高祖著連珠詔羣臣繼作者數十人遲文最美天監四年臨川王宏北伐遲爲諮議參軍領記室時陳伯之在北與魏軍來距遲以書喻之伯之遂降還拜中書郎遷司徒從事中郎七年卒官年四十五所著詩賦行於世

南史文學傳遲辭采麗逸時有鍾嶸著詩評云范雲婉轉清便如流風回雪遲點綴映媚似落花依草雖取賤文通而秀於敬子其見

稱如此案今本詩評末句云故當淺於江淹而秀於任昉

唐書經籍藝文志丘遲集十卷

馮氏詩紀輯存侍宴樂游苑等詩凡十一道張氏百三家丘中郎集輯本序曰南史文學傳首吳興丘氏靈鞠在宋孝武時獻殷貴妃挽歌特蒙嗟賞希範於梁王踐阼之日勸進殊禮專典文字革命諸文連珠唱和世不多見其最有聲者與陳將軍伯之一書耳凡賦表啓教書銘誄十三篇詩十一篇

汪氏文選撰人篇目文選有梁邱希範遲樂游苑詩漁浦潭詩與陳伯之書

嚴氏全梁文編丘遲有集鈔四十卷 案見後總集類 集十一卷文選有與陳伯之書藝文類聚有思賢賦還林賦教表啓硯銘誄凡十三篇

梁又有謝朓集十五卷亡

謝朓有書筆儀見史部儀注類

梁書本傳朓父莊宋光祿大夫有名前代莊有集見前 朓幼聰慧莊器之常置左右十歲能屬文莊游土山使朓命篇攬筆便就宋孝武帝游姑孰勅莊攜朓從駕詔爲洞井讚於坐奏之帝曰奇童也著書及文章並行於世嚴氏全梁文編謝朓有集十五卷本傳有與弟淪書藝文類聚二十六有與王儉書各一篇

梁金紫光祿大夫江淹集九卷梁二十卷江淹後集十卷

江淹有齊史見史部正史篇

梁書南史本傳淹少孤貧常慕司馬長卿梁伯鸞之爲人不事章句之學留情於文章早爲高平檀超所知常升以上席甚加禮焉宋建平王景素好士淹隨景素在南兖州廣陵令郭彥文得罪辭連淹言受金淹被繫獄自獄中上書景素即日出之尋舉南徐州秀才對策上第時少帝即位多失德景素鎮京口成勸因此舉事日夜謀議淹知禍機將發乃贈詩十五首以諷焉齊高帝輔政沈攸之作亂及桂陽之役是時軍書表記皆使淹具草相府建補記室參軍高帝讓九錫及諸章表皆淹製也齊建元二年始置史官淹與司徒左長史檀超共掌其任參掌詔策淹少以文章顯晚節才思微退時人謂之才盡凡所著述百餘篇自撰爲前後集并齊史十志並行於世嘗欲爲赤縣經以補山海之闕竟不咸鍾嶸詩品曰文通詩體總雜善於摹擬筋力於王微成就於謝朓故君子貴自立不可隨流俗 案此據馮氏詩紀所引今本詩品無末二句而有夢郭璞事 又江文通卒於梁天監四年而鍾氏詩品稱爲齊光祿並時之人而記載失實乃如此

本志總集篇江淹擬古一卷羅潛注

唐日本國見在書目江文通集一十卷

唐書經籍志江淹前集十卷江淹後集十卷

唐書藝文志江淹前集十卷後集十卷

宋史藝文志江淹集十卷又子部小說家江淹銅劍贊一卷

晁氏讀書志江淹集十卷淹著述百餘篇自撰爲前後集今集二百四十九篇魏晉間名人詩文行於世者往往羨於史所載曹植王粲及淹皆是也豈後人妄益之歟案此晁志誤會也詳見後漢王粲集條下

陳氏書錄解題江文通集十卷梁散騎常侍江淹文通撰

四庫提要曰江文通集四卷淹自序傳稱自少及長未嘗著書惟集十卷考傳中所序官階止於中書侍郎校以史傳正當建元之初則永明以後所作尙不在其內今舊本散佚行於世者惟歙縣汪士賢太倉張溥二本此本乃乾隆戊寅淹鄉人梁寶以汪本張本參核異同又益以睢州湯斌家抄本參互成編汪本闕賦二篇銅劍讚一篇詩二篇張本闕表一篇此皆補完其餘字句皆備錄異同亦均校正較他本爲善也案自序傳蓋作於齊初與史傳所載略同其自編前集十卷後集不知編於何時梁有二十卷合前後爲一編也

又子部譜錄類存目曰銅劍讚一卷梁江淹撰齊永明中掘地得古銅劍淹因詮次劍事考古人鑄兵用銅後世鑄兵用鐵原委以爲之讚雖文止一篇然宋史藝文志文獻通考皆著於錄故附存其目焉

汪氏文選撰人篇目曰文選有梁江文通淹恨賦別賦香爐峯詩望荆山詩雜體詩三十首詣建平王上書

嚴氏全梁文編江淹有齊史十二卷集二十

卷後集十卷今輯存七卷又卷首敘錄曰江淹集十卷一明汪士賢二十名家集本一揚州江氏刻本

張氏書目答問江文通集彙注十卷明胡人驥注刻本

梁尙書僕射范雲集十一卷并錄

梁書南史本傳雲字彥龍南鄉舞陰人晉平北將軍汪六世孫也汪有集見東晉文中 性機警有識善屬文使尺牘下筆輒成時人每疑其宿構仕宋入齊爲竟陵王子良會稽太守丹陽尹府主簿子良爲南徐州南兗州雲並隨府遷每陳朝政得失於子良動相箴諫諫書存者百有餘紙言皆切至齊武帝視之咨嗟良久曰不意范雲乃爾子良爲司徒又補記室初梁武與雲俱在竟陵王子良邸情好歡甚後遂參贊謀謨毗佐大業拜黃門侍郎與沈約同心翊贊及受禪遷散騎常侍吏部尙書封霽城縣侯雲以舊恩超居佐命盡誠翊亮知無不爲帝亦推心仗之所奏多允尋遷尙書右僕射二年卒時年五十三贈侍中衛將軍僕射侯如故禮官請諡曰宣勅賜諡曰文有集三十卷

鍾嶸詩品曰梁衛將軍范雲詩清便宛轉如流風迴雪

唐書經籍藝文志梁范雲集十二卷

馮氏詩紀輯存雜詩凡三十八首

汪氏文選撰人篇目曰文選有梁范彥龍雲贈張徐州詩贈王中書詩效古詩一首

嚴氏全梁文編范雲有集十一卷本傳作三十卷藝文類聚有爲柳司空讓尙書令初表第二表除始興郡表凡三篇

梁太常卿任昉集三十四卷

任昉有雜傳見史部雜傳家

南史本傳昉幼而聰敏早稱神悟八歲能屬文自製月儀辭義甚美齊永明初衛將軍王儉每見其文必三復殷勤以爲當時無輩曰自傅季友以來始復見於任子若孔門是用其入室升堂於是令昉作文及見曰正得吾腹中之欲乃出自作文令昉點正昉因定數字儉拊几歎曰後世誰知子定吾文其見知如此後爲司徒竟陵王記室參軍時琅邪王融有才僞自謂無對當時見昉之文悅然自失昉尤長載筆頗慕傅亮才思無窮當時王公表奏無不請焉昉起草即成不加點竄沈約一代辭宗深所推挹梁武帝剋建鄴竊府初開以爲驃騎記室參軍專主文翰每制書草沈約輒求同署嘗被急召昉出而約在是後文筆約參製焉梁臺建禪讓文詰多昉所具昉好獎進士友得其延譽者多見升擢故衣冠貴游多與交好坐上客恆有數十時人慕之號曰任君言如漢之三君也爲家誠殷勤甚有條貫既以文才見知時人云任筆沈詩昉聞甚以爲病晚節轉好著詩欲以傾沈用事過多屬辭不得流便自爾都下士子慕之轉爲穿鑿於是才盡之談矣所著文章數十萬言盛行於時東海王僧孺嘗論之

以為過於董牛楊子防樂人之樂憂人之憂
虛往實歸忘貧去吝行可以厲風俗義可以
厚人倫能使貪夫不取懦夫有立其見重如
此撰雜傳二百四十七卷地記二百五十二
卷文章三十三卷

鍾嶸詩品曰彥昇少年為詩不工故世稱沈
詩任筆防深恨之晚節愛好既篤文亦適變
善證事理拓體淵雅得國士之風防既博物
動輒用事所以詩不得奇少年士子效其如
此弊矣

本志總集篇梁有文章始一卷任防撰 案即
文章緣起詳見本條

唐日本國見在書目任防集廿八卷

唐書經籍藝文志任防集三十四卷 宋史藝
文志六卷

明萬曆庚寅河東呂兆禧輯本跋曰近構李
特哀沈文不及任集慕古者闕焉爰蒐載集
得詩若文七十有奇篇次為六卷 案所輯凡賦
詩詔令等文七十三篇馮氏詩紀輯存四五言詩二十篇
二十二首與此略同

張氏百三家任中丞集輯本凡賦詔聖書冊
令教表彈文啓牋書策問序議哀策文碑墓
銘行狀弔文五十八篇詩聯句二十二篇題
辭曰王僧孺之傳任敬子也曰少孺速而未
工長卿工而未速異哉貶前修而昂任君其
東海之溢美乎 案藝文類聚有王僧孺撰太常敬子
任府君傳 江南文勝古學日微方軌詞苑代
有名人大抵采死翟之毛扶焚象之齒生意

盡矣居今之世為今之言遠時抗往則聲華
不立投俗取妍則爾雅中絕求其儷體行文
無傷逸氣者江文通任彥昇庶幾近之然後
知僧孺所稱非盡謬也昭明文選載彥昇令
表序狀彈文生平筆長可悉推見

汪氏文選撰人篇目曰梁任彥昇防有哭范
僕射詩贈郭桐廬詩宣德皇后令策秀才文
三首讓宣城郡公表讓封侯表薦士表讓襲
封表立太宰碑表答七夕詩啓修卜墓啓辭
奪禮啓彈曹景宗彈劉整到記室牋勸今上
牋王文憲集序劉先生夫人墓誌齊文宣行
狀案昭明取當代人文惟此為獨多

嚴氏全梁文編輯本四卷凡賦詔九錫文禪
位策聖書令策秀才文教表奏彈文議牋啓
書文章緣起序王文憲集序哀策文碑銘行
狀弔文綜六十四篇又卷首敍錄曰任彥昇
集二卷明刻本

梁有晉安太守謝集十卷亡
梁書謝朓傳朓次子簪頗有文才仕至晉安
太守卒官案謝朓有集見前墓與墓通

梁有撫軍將軍柳愔集二十卷亡愔當為愔
梁書本傳愔字文通河東解人也父世隆齊
司空愔仕齊為西戎校尉梁南秦二州刺史
及高祖起義兵愔舉漢中應之高祖踐阼論
功封曲江縣侯高祖因譏為詩以貶曰愔爾
實冠羣后惟余實念功累遷使持節安南將
軍湘州刺史天監六年十月卒于州時年四
十六贈侍中撫軍將軍諡曰穆愔著仁政傳

及著詩賦粗有辭義

南史柳世隆傳世隆長子悅早卒次子愔好
學工製文尤曉音律少與長兄悅齊名王儉
謂人曰柳氏二龍可謂一日千里嘗預齊武
烽火樓宴帝善其詩謂豫章王嶷曰愔非徒
風韻清爽亦屬文適麗年六十卒於湘州刺
史 案南史于卒年多從省此云年六十者蓋以六年十
月之數誤也

梁有中護軍柳惲集十二卷亡

柳惲有天監棋品見子部兵家

梁書本傳惲少有志行好學善尺牘與陳郡
謝濬隣居濬深所友愛初宋世有稽元榮羊
蓋並善彈琴云傳戴安道之法惲幼從之學
特窮其妙高祖至京邑時東昏未平士猶苦
戰惲上牋陳便宜請城平之日先收圖籍及
遵漢祖寬大愛民之義高祖從之惲立行貞
素早有令名少工篇什始為詩曰亭皋木葉
下隴首秋雲飛琅邪王融見而嗟賞因書齋
壁至是預曲宴被詔賦詩嘗奉和高祖登景
陽樓中篇云太液滄波起長楊高樹秋翠華
承漢遠彫瑩逐風游深為高祖所美當時咸
共稱傳惲既善琴嘗以今聲轉葉古法乃著
清調論具有條流
南史柳惲傳惲弟惲仕齊為太子洗馬父憂
去職著述先頌申其罔極之心文甚哀麗後
試守鄱陽相聽吏屬得盡三年喪禮署之文
教百姓稱焉初惲父世隆彈琴為士流第一
惲每奏其父曲常感思復變體備寫古曲管

賦詩未就以筆捶琴坐客過以筋扣之惺驚其哀韻乃製爲雅音後傳擊琴自於此投壺梟不絕博射必命中弈棋第二品武帝謂周捨曰吾聞君子不可求備至如柳惺可謂具美分其才藝足了十人惺著十杖龜經性好醫術盡其精妙

陳氏書錄詩集類柳吳興集一卷梁吳興太守河東柳惺文暢撰僅有十八首

馮氏詩紀曰柳惺少有志學工爲詩亭皋木葉之句見擣衣詩五首之二章輯存十五篇二十二首

嚴氏全梁文編柳惺有集十二卷弘明集有答釋法雲書難范縝神滅論一篇

梁有豫州刺史柳惺集六卷亡

梁書柳惺傳惺第四弟惺亦有美譽歷侍中鎮西長史天監十二年卒贈寧遠將軍豫州刺史

南史本傳惺弟愷字文深少有大意好玄言通老易梁武帝舉兵至姑熟惺與兄惺及諸友朋於小郊候接歷位給事黃門侍郎與琅邪王峻齊名俱爲中庶子後爲鎮北始興王長史王移鎮益州復請愷帝曰柳惺風標才氣恐不能久爲少王臣王祈請數四不得已以爲鎮西長史蜀郡太守在蜀廉恪爲政益部懷之始興忠武王濟武帝第十一子天監八年秋爲鎮北將軍南兗州刺史九年春遷鎮西將軍益州刺史愷爲長史帶太守首尾凡四年而卒

嚴氏全梁文編柳惺有集六卷藝文類聚有

賦體弘明集有答釋法雲書難范縝神滅論凡二篇

梁尙書令柳忱集十三卷亡

梁書本傳忱字文若愷第五弟也齊和帝即位爲尙書吏部郎南平太守尋遷侍中高祖踐阼論建義功封州陵伯累遷湘州刺史祕書監天監十年卒時年四十一追贈中書令諡曰穆

南史本傳忱兄弟十五人多少亡唯第二兄愷第三兄惺第四兄愷及忱三兩年間四人迭爲侍中復居方伯當世罕比

梁有義興郡丞何憫集三卷亡

南史何承天傳承天東海郟人也曾孫遜遜從叔憫字彥夷亦以才著聞宦游不達作拍張賦以喻意末云東方曼倩發憤於侏儒遂與火頭食子稟賜不殊位至臺郎

梁有撫軍參軍韋溫集十卷亡

韋溫始末未詳

梁有鎮西錄事參軍到洽集十一卷亡

梁書本傳洽字茂宏彭城武原人宋驃騎將軍彥之曾孫也少知名清警有才學士行謝朓文章盛於一時見洽深相賞好日引與談論每謂洽曰君非直名人乃亦兼資文武朓爲吏部欲薦之洽觀世方亂深相拒絕遂築室嚴阿幽居者積歲樂安任防有知人之鑒

與洽兄沼溉並善嘗訪洽於田舍見之歎曰此子日下無雙遂申拜親之禮天監初沼溉俱蒙擢用洽尤見知賞從弟沈亦與齊名高

祖問待詔丘遲曰到洽何如沈溉遲對曰正情過於沈文章不減溉加以清言殆將難及即詔爲太子舍人御華光殿詔洽及沈蕭琛任防侍讌賦二十韻詩以洽辭爲工高祖謂防曰諸到可謂才子防對曰臣嘗竊議宋得其武梁得其文天監九年數遷國子博士奉勅撰太學碑普通五年遷給事黃門侍郎領尙書左丞時鸞與欲親戎軍國容禮多自洽出六年遷御史中丞彈糾無所顧望號爲勁直七年出爲雲麾長史尋陽太守大通元年卒於郡年五十一贈侍中諡曰理子昭明太子與晉安王綱令曰明北竟到長史相係凋落傷恒悲惋下能已已到子風神開爽文義可觀當官莅事介然無私皆海內之俊又東序之祕寶洽文集行於世案昭明稱明北竟者謂明山實也

南史到彥之傳彥之彭城武原人楚大夫屈到後也洽美容質善言吐弱年聽伏曼容講未嘗傍膝伏深歎之直待詔省勅使抄甲部書爲十二卷文集行於世

嚴氏全梁文編到洽有集十五卷今存奏劾劉孝綽周弘正補太學博士議各一篇見梁書劉孝綽傳陳書周弘正傳

梁有太子洗馬劉苞集十卷亡

梁書文學傳苞字孝嘗彭城人也祖勅末司空父愷齊太子中庶子苞少好學能屬文歷太子洗馬掌書記侍講壽光殿自高祖即位引後進文學之士苞及從兄孝綽從弟孺同

郡到溉弟洽從弟沆吳郡陸倕張率並以文藻見知多預讜坐雖仕進有前後其賞賜不殊天監十年卒時年三十臨終呼友人南陽劉之遴託以喪事士友咸歎惜之

南史劉勔附傳苞一字孟嘗俊弟子也叔父繪嘗歎服之家有舊書例皆殘蠹手自編輯篋盈滿梁初侍講壽安殿及從兄孝綽等並以文藻見知受詔詠天泉池荷及采菱調下筆即成 案劉勔及子懷俊弟繪弟瓊並有集見前孝綽集見後

馮氏詩紀輯存侍宴樂游苑詩一首望夕雨一首

梁有南徐州秀才諸葛璩集十卷亡

梁書處士傳璩字幼琅邪陽都人世居京口幼事徵士關康之博涉經史復師徵士臧榮緒榮緒著晉書稱璩有發摘之功方之壺遂璩性勤於誨誘後生就學者日至居宅狹陋無以容之太守張友為起講舍旦夕孜孜講誦不輟時人益以此宗之累辭徵聘天監中舉秀才不就七年卒於家璩所著文章二十卷門人劉勔集而錄之南史作劉勔

梁特進沈約集一百一卷并錄

沈約有證法見經部論語類

梁書南史本傳約祖林子宋征虜將軍 有集

見前 父璞淮南太守元嘉末被誅約年十三而遭家難流寓孤貧篤志好學晝夜不釋卷遂博通羣籍善屬文齊文惠太子入居東宮為步兵校尉管書記直永壽省校四部圖書

梁武在西邸與約有舊建康城平勳業既就天人允屬約嘗扣其端勸早定大業帝命草其事約乃出懷中詔書并諸選置帝初無所改帝召范雲謂曰生平與沈休文羣居不覺有異人處今日才智縱橫可謂明識我起兵於今三年矣功臣諸將實有其勞然成帝業者乃卿二人也天監中奏尚書八條事約居處儉素立宅東田囑望郊阜嘗為郊居賦以序其事約歷仕三代該悉舊章博物洽聞當世取則謝玄暉善為詩任彥昇工於筆約兼而有之然不能過也文集一百卷行於世 梁書王筠傳約製郊居賦構思積時猶未都畢乃要筠示其草筠讀至雌霓五激反 連蹀約撫掌欣抃曰僕常恐人呼為霓五雞反 次至墜石礎星及冰懸墀而帶坻筠皆擊節稱贊約曰知音者希真賞殆絕所以相要政在此數句耳

鍾嶸詩品曰觀休文衆製五言最優詳其文體察其餘論固知憲章鮑明遠也所以才閑於經綸而長於清怨永明相王愛文 謂齊竟陵王子良也王元長等皆宗附之約於時謝朓未適江海才盡范雲名級故微故約稱獨步雖文不至其工麗亦一時之選也見重閭里誦詠成音嶸謂約所著既多今翦除淫雜收其精要尤為中品之第矣故當詞密於范意淺於江也 又曰昔曹劉殆文章之聖陸謝為體貳之才銳精研思千百年中而不聞宮商之辨四聲

之論齊有王元長者嘗謂余云宮商與二儀俱生自古詞人不知之唯見范曄謝莊頗識之耳王元長創其首謝朓沈約揚其波三賢或貴公子孫幼有文辨於是士流景慕務為精密巖積細微專相凌架故使文多拘忌傷其真美余謂文製本須諷讀不可蹇礙但令清濁通流口吻調利斯為足矣至平上去入余病未能蜂腰鶴膝閭里已具

顏氏家訓文章篇沈隱侯曰文章當從三易易見事一也易識字二也易讀誦三也邢子才常曰沈侯文章用事不使人覺若胸臆語也深以此服之又曰邢子才魏收俱有重名時俗準的以為師匠邢賞服沈約而輕任昉魏收愛慕任昉而毀沈約每於談議辭色以之鄰下紛紜各有朋黨祖孝徵嘗謂吾任沈之是非乃邢魏之優劣也

唐日本國見在書目沈約集百卷又曰沈約八詠一卷 約當是約之誤馮氏詩紀金華志曰八詠詩南齊隆昌元年太守沈約所作題于玄暢樓時號絕倡後人因更玄暢樓為八詠樓云

唐書經籍志沈約集一百卷沈約集略三十卷

唐書藝文志沈約集一百卷又集略三十卷 宋史藝文志沈約集九卷又詩一卷 崇文總目無詩一卷

陳氏書錄解題沈約集十五卷別集一卷又九卷梁特進吳興沈約休文撰約有文集百卷今所存惟此而已十五卷者前二卷為賦

餘皆詩也別集雜錄詩文不分卷九卷者皆詔草也館閣書目但有此九卷及詩一卷凡四十八首

馮氏詩紀輯存樂府一卷詩二卷又梁雅樂歌十一首南郊登歌二首北郊登歌二首明堂登歌五首宗廟登歌七首三朝雅樂歌六首相和歌辭五首鼓吹曲十二首大壯大觀舞歌二首鞞舞歌六首

張氏百三家沈隱侯集二卷凡賦詔勅制疏表章彈文啓書序論義頌贊銘連珠記碑哀策文諡議墓誌銘行狀文疏一百七十九篇爲一卷樂府一百六首詩一百三十五首爲一卷題詞有曰休文大手史書居長傳者獨宋文集百卷僅存十三云

汪氏文選撰人篇目曰沈休文約有饒呂僧珍詩別范安成詩鍾山詩宿東山詩沈道士館詩定山詩新安江詩和謝宣城詩詠月詩冬節後至丞相第詩愁臥詩湖中雁詩三月三日詩彈王源宋書謝靈運論恩倖傳論齊安陸王碑文

嚴氏全梁文編沈隱侯有諡法四聲音書宋書齊紀高祖紀宋世文章志邇言俗說雜說袖中記袖中略集珠叢各若干卷集鈔十卷集一百一卷今存賦十一篇制五篇詔三十敕三令一答詔一章三表廿三疏一上言一奏彈六諡議三議一啓十八書十二論十一記二序四佛義三頌一贊六連珠二銘五哀策文一墓誌銘六碑七行狀三雜文十凡一

百八十一篇編爲八卷又卷首敘錄曰沈約集四卷明沈道初刻本案又有明萬曆癸丑武陵楊鶴所刻武康四先生集本四卷似即據沈道初本凡賦及樂府詩爲二卷詔勅等雜文二卷蒐輯既不備編次亦未善

梁又有謝綽集十一卷亡

謝綽有宋拾遺見史部雜史類

嚴氏全梁文編曰謝綽有宋拾遺十卷集十一卷弘明集卷十有答釋法雲書難范縝神滅論一篇

梁中軍府諮議王僧孺集三十卷

王僧孺有百家譜見史部譜系類

梁書本傳僧孺六歲能屬文既長好學家貧常傭書以養母所寫既畢諷誦亦通仕齊爲太學博士尙書僕射王晏深相賞好晏爲丹陽尹召補功曹使撰東宮新記僧孺與樂安任昉遇竟陵王西邸以文學友會昉贈詩推重天監中直文德省撰中表簿及起居注是時高祖製春景明志詩五百字勅在朝之人沈約已下同作高祖以僧孺詩爲工僧孺好墳籍聚書至萬餘卷率多異本與沈約任昉家書埒少篤志精力於書無所不睹其文麗逸多用新事人所未見者世重其富文集三十卷兩臺彈事不入集內爲五卷及東宮新記並行於世

南史本傳司徒竟陵王子良開西邸招文學僧孺與太學生虞羲丘國賓蕭文球丘令楷江洪劉孝孫並以善辭藻游焉而僧孺與高

平徐夤俱爲學林工屬文善楷隸多識古事入直西省知撰譜事武帝因詔僧孺改定百家譜

唐日本國見在書目王僧孺集十六卷 隋似孺之變體

唐書經籍藝文志王僧孺集三十卷

馮氏詩紀輯存樂府詩共三十七首

張氏百三家王左丞集一卷凡賦體表廢啓教書序碑墓誌銘傳誄祭文佛事文二十八篇樂府詩三十六首

嚴氏全梁文編王僧孺有總集十八州譜六百九十卷百家譜三十卷百家譜集鈔十五卷兩臺彈事五卷集三十卷今存賦體教表廢啓書論序傳誄墓誌碑銘禮佛發願文等凡三十篇

梁尙書左丞范縝集十一卷

梁書儒林傳范縝字子真南鄉舞陰人晉安北將軍汪六世孫縝少孤貧年未弱冠從沛國劉歊學卓越不羣歊甚奇之親爲之冠在歐門下積年博通經術尤精三禮性質直好危言高論不爲士友所安唯與外弟蕭琛善琛名曰口辨每服縝簡詣齊竟陵王子良盛招賓客縝亦預焉仕齊至宜都太守母憂去職義師至縝墨經來迎高祖與縝有西邸之舊見之甚悅以爲晉安太守徵爲尙書左丞後坐王亮事徙廣州在南累年追還京以爲中書郎國子博士卒官文集十卷

南史范雲附傳雲從父兄縝年二十九髮白

幡然乃作傷暮詩白髮詠以自嗟齊竟陵王子良精信釋教而縝盛稱無佛子良問曰君不信因果何得富貴貧賤縝答曰人生如樹花同發隨風而墮自有拂簾幌墜於茵席之上自有關籬牆落於糞溷之中墮茵席者殿下是也落糞溷者下官是也貴賤雖殊途因果竟在何處子良不能居然深怪之退論其理著神滅論出朝野誼譁子良集僧難之而不能屈太原王琰乃著論譏縝曰嗚呼范子曾不知其先祖神靈所在欲杜縝後對縝又對曰嗚呼王子知其先祖神靈所在而不能殺身以從之其險詣皆此類也子良使王融謂之曰神滅既自非理而卿堅執之恐傷名教以卿之大美何患不至中書郎耶而故乖刺爲此可使毀棄之縝大笑曰使范縝賣論取官已至今令僕矣何但中書郎耶文集十五卷

鍾嶸詩品曰齊雍州刺史張欣泰梁中書郎范縝詩並希古勝文鄙薄俗製賞心流亮不失雅宗

嚴氏全梁文編范縝有集十一卷今存擬騷招隱士及表書各一篇又神滅論答曹思文難神滅論各一篇

案弘明集載梁武帝敕答臣下神滅論有曰神滅之論朕所未詳又勅答曹思文云縝既背經以起義乖理以致談滅聖難以聖責乖理難以理詰如此則言語之論略或可息又有釋法雲奉救難范縝神滅論

與王公朝貴書當時王公朝貴答書詰難者有臨川王宏南平王偉長沙王淵業蕭景蕭昂蕭珍蕭肅蕭琛蕭靡沈約伏嘔何炯曹景宗謝舉韋叡范岫王茂王瑩范孝才王志王揖王泰王緝王珍國王暕王彬王緘嚴植之賀瑒袁昂徐勉王僧孺王僧恕陸倕陸杲陸煦殷鈞庾曼隆曹思文丘仲孚馬元和蔡撙司馬筠柳惔庾黔婁明山賓司馬襲柳愔謝綽庾詠王琳張緬陸璣沈宏顏繕孫搢劉洽王仲欣沈緄張翻徐緄王靖王筠沈績凡六十三人嚴氏並輯入全梁文編案此皆在梁初所難其在齊時相反覆如王瑛諸人者更不知其凡幾自來著論詰難紛紜者常無逾於此其本論見梁書本傳末一段問答乃自敘其本意非特當時之藥石亦後世之炯戒千古名言也

梁護軍將軍周捨集二十卷

周捨有禮義疑見經部禮類

南史本傳捨雖居職屢遷而常留省內罕得休下國史詔詰儀體法律軍旅謀謨皆兼掌之日夜侍上預機密二十餘年未嘗離左右與徐勉同參國政勉小嫌中廢捨專掌權轄雅量不及勉而清簡過之兩人俱稱賢相時議國史疑文帝紀傳之名捨以爲帝紀之籠百事如乾象之包六爻今若追而爲紀則事無所包若直書功德則傳而非紀應於上紀之前略有仰述從之初帝說意中原羣臣咸

言不可唯捨贊成之大通中累獻捷帝思其功下詔述其德美捨集二十卷

又隱逸傳南嶽鄧先生名郁荊州建平人隱居衡山極峻之嶺斷穀三十餘載梁武帝敬信殊篤天監十四年無疾而終帝後令周捨爲鄧玄傳具序其事

又庾肩吾傳簡文與湘東王書論文體曰至如近世謝朓沈約之詩任昉陸倕之筆斯文章之冠冕述作之楷模張士簡之賦謂張率也有集見後周升逸之辯亦成佳手難可復遇

唐書經籍藝文志周捨集二十卷

馮氏詩紀輯存上雲樂一篇還田舍一篇又鞞舞歌三首鐸舞曲一首

嚴氏全梁文編周捨有集二十卷今存議七篇鼎銘一首

梁有祕書張熾金河集六十卷亡

張熾始末未詳

案庾肩吾書品下之下有張熾而不著其爵里攷張熾始自名其集曰玉海曰大澤曰金波詳見前卷此又自號爲金河集與融之金波集卷數相同似卽金波集張熾爲祕書時所錄合玉海大澤諸集爲一編歟審如是則前後所注梁有必有一條非七錄者矣

梁有劉歊集八卷亡

劉歊有古今文字序見經部小學類

南史劉懷慰傳懷慰子霽香歊幼有識慧六歲誦論語毛詩意所不解便能問難十二

讀莊子逍遙篇曰此可解耳客問之隨問而答皆有情理家人每異之謂爲神童及長博學有文才不娶不仕與族弟許並隱居求志天監十七年忽著革終論初許之疾歎盡心救療及卒哀傷爲之誄又著悲友賦以序哀情又梁書處士傳云歎精心學佛有道人釋寶誌者時人莫測也遇歎於興皇寺驚起曰隱居學道清淨登佛如此三說云嚴氏全梁文編劉歎有集八卷梁書南史本傳有革終論

梁有玄貞處士劉許集一卷亡許當爲許

梁書處士傳劉許字彥度平原人也父靈真齊武昌太守許數歲父母繼卒爲伯父所養長兄絜爲之娉妻剋日成婚許聞而逃匿事息乃還本州刺史張稷辟爲主簿不就主者檄召許乃挂檄於樹而逃善玄言尤精釋典曾與族兄劉歎聽講於鍾山諸寺因共卜築宋熙寺東澗有終焉之志天監十七年卒於歎舍年三十一臨終執歎手曰氣絕便斂歎畢即埋靈筵一不須立勿設饗祀無求繼嗣歎從而行之宗人至友相與刊石立銘諡曰玄貞處士

南史劉懷珍附傳陳留阮孝緒博學隱居不交當世恆居一鹿牀環植竹木寢處其中時人造之未嘗見也許經一造孝緒即顧以神交許族兄歎又履高操三人日夕招攜故都下謂之三隱 案許歎卒于天監十七年阮氏卒于大同二年後二劉卒十八九年

嘉定錢大昕隋書考異曰經籍志玄真處士劉許集一卷許當爲許

梁蕭洽集二卷

梁書蕭介傳介蘭陵人性高簡少交游惟與族兄琛從兄絜素及洽從弟淑等文酒賞會時人以比謝氏烏衣之游洽字宏稱介從父兄也幼敏悟七歲誦楚辭略上口及長好學博涉亦善屬文仕齊入梁至普通初歷通直散騎常侍洽少有才思高祖令製同泰大愛敬二寺刹下銘其文甚美出爲臨安太守還拜司徒左長史又勅撰當塗堰碑辭亦瞻麗六年卒官時年五十五集二十卷行於世南史蕭思話傳思話南蘭陵人子惠開惠明惠基惠基子洽司徒左長史卒於官文集二十卷行於世

唐書經籍藝文志蕭洽集二卷

梁隱居先生陶弘景集三十卷陶弘景內集十五卷

陶弘景有毛詩序注見經部詩家

南史隱逸傳弘景性好著述尙奇異顧惜光景老而彌篤以歷代皆取其先妣母配地祇以爲神理宜然碩學通儒咸所不悟武帝既早與之游及即位恩禮愈篤書問不絕國家每有吉凶征討大事無不前以諮詢月中常有數信時人謂爲山中宰相自知亡日爲告逝詩所著學苑百卷孝經論語集注帝代年歷本草集注效驗方肘後百一方古今州郡記圖像集要及玉櫃記七曜新舊術疏占

候合丹法式其祕密及撰而未訖又十部唯弟子得之

陳禎明二年侍中尙書令江總撰陶貞白先生集序曰若夫德行博敏孔室四科經術深長鄭門六藝丹陽陶先生備斯矣至如紫臺青簡綠帙丹經玉版祕文瑤臺怪牒靡不貫彼精微殫其旨趣蓋非常之絕技命世之異人也文集缺亡未有編錄門人補輯若逢遼東之本好事研搜如誦河西之篋奉勅校之鉛槧緘以緹緗藏彼鴻都副在延閣唐書經籍藝文志陶弘景集三十卷

明白雲霧道藏目錄詳注華陽陶隱居集二卷注云貞白先生集又注云仙詩案此似卽宋傳嘗所輯而白氏之言如此豈別有其本專載仙詩歟莫得而詳已

馮氏詩紀輯存詩六首華陽頌十五首

張氏百三家陶隱居集一卷凡賦表啓書序論誌頌銘碑文二十九篇詩六首

儀徵阮元寧經室外集華陽陶隱居集二卷梁陶弘景撰弘景有真誥四庫全書已著錄此其生平雜文及與武帝往復論書之割據集中尋山誌云先生去世後久無人編錄文集至陳武帝貞明二年勅令侍中尙書令江總始撰文集先生以梁大同二年解駕至是五十二載矣文章頗多散落云云然考隋志梁隱居先生陶弘景集三十卷又內集十五卷至唐志僅載三十卷疑所作內集已佚自是以後傳述愈微晁公武陳振孫皆未著錄

是本從明道藏本錄出卷首載昭臺弟子傳
霄編集大洞弟子陳桷校勘蓋亦道家者流
惟集前有江總序一首似尚存其舊餘則存
什之一二而已殘膏剩馥足以沾溉後人蓋
弘景在道家亦號學者其著述與抱朴抗衡
所謂列仙之儒也

嚴氏全梁文編輯存雲上之仙風賦水仙賦
十賢文解官表與梁武啓尋山誌難沈約均
聖論華陽頌瘞鶴銘及書序碑請雨詞遺令
凡三十篇案瘞鶴銘題華陽真逸撰黃長睿
東觀餘論董道書跋以為陶隱居胡仔漁隱
詩話引西清詩話云道藏陶隱居外傳號華
陽真逸云又卷首序錄曰陶弘景集二卷一
道藏本傳霜編一明黃淮序刻本案此作傳霜
似刊誤

金山錢熙祚指海叢書刊本跋曰陶隱居集
二卷從明道藏錄出考元劉大彬茅山誌有
傳霄重編隱居集霄字子昂晉陵人主常州
天慶觀高宗召主太乙宮祠乞還茅山紹興
二十九年立春日化南宋初距弘景時六百
餘年掇拾遺文存什一于千百蕭綸陶隱居
碑銘載其與親友書雲笈七籤本起錄載其
與從兄書茅山誌載其請雨詞又許長史舊
館壇碑後尚有碑陰記古今刀劍錄首有自
序此本均未采入搜而補之以俟好古者

梁徵士魏道微集三卷

魏道微始末未詳
唐書經籍藝文志魏道微集三卷

梁黃門郎張率集三十八卷

梁書南史本傳率字士簡吳郡吳人祖永宋
右光祿大夫有集見前 率年十二能屬文常
日限為詩一篇稍進作賦頌至年十六向作
二千餘首有虞訥者見而誶之率乃一旦焚
毀更為詩示焉託云沈約訥便句句嗟稱無
字不善率曰此吾作也訥慚而退起家齊著
作佐郎建武三年舉秀才除太子舍人與同
郡陸倕陸厥幼相友又與任昉定交天監初
直文德待詔省勅使抄乙部書又撰古婦人
事二十餘條勒成百卷使工書人琅邪王深
吳郡范懷約褚洵等繕寫以給後宮率取假
東歸論者謂為傲世率懼乃為待詔賦奏之
甚見稱賞手勅答曰省賦殊佳相如工而不
敏枚舉速而不工卿可謂兼二子於金馬矣
又侍宴賦詩帝乃別賜率詩曰東南有才子
故能服官政余雖慚古昔得人今為盛率奏
詩往返六首尋以祕書丞掌集書詔策四年
三月禊飲華光殿其日河南國獻舞馬詔率
與到洽周興嗣為賦帝以率及興嗣為工七
年有勅直壽光省治丙丁部書抄累遷黃門
侍郎新安太守大通元年卒年五十三率少
好屬文而七略及藝文志所載詩賦今亡其
文者並補作之所著文衡十五卷文集三十
卷南史云四十卷行於世
唐書經籍藝文志張率集三十卷
馮氏詩紀輯存四五七言雜言諸體詩二十
四首

嚴氏全梁文編輯張率有文衡十五卷集三十
八卷本傳有河南國獻舞馬賦初學記有繡
賦凡二篇

梁南徐州治中王罔集三卷

王罔始末未詳
唐書經籍藝文志王罔集三卷
馮氏詩紀王罔爵里無考有和簡文往虎窟
山寺詩一篇長安有狹邪行一篇

梁都官尚書江革集六卷

梁書本傳革字休映濟陽考城人幼而聰敏
有才思六歲解屬文讀書精力不倦詣太學
補國子生舉高第齊中書郎王融吏部謝朓
雅相欽重司徒竟陵王引為西邸學士僕射
江革以革才堪經國令參掌機務詔語文檄
皆委以具中興元年高祖入石頭時吳興太
守袁昂據郡距義師乃使革製書於昂辭義
典雅高祖深歎賞之因令與徐勉同掌書記
數遷歷都官尚書再遷為度支尚書謝病還
家除光祿大夫領步兵校尉南北齊二州大
中正優游閑放以文酒自娛大同元年卒諡
曰彊子有集二十卷行於世革歷官八府長
史四王行事三為二千石傍無姬侍家徒壁
立世以此高之長子行敏好學有才俊官至
通直郎早卒有集五卷革次子德藻有聘北道里
記三卷見史部地理類
唐書經籍藝文志江革集十卷
馮氏詩紀江革爵里無考有贈何記室聯句
不成一首又贈何記室一首

嚴氏全梁文編江革有為蕭僕射與袁昂書見梁書袁昂傳案昂傳作高祖手書考江革傳則書乃革所製也

梁奉朝請吳均集二十卷

吳均有齊春秋見史部古史類

梁書南史文學傳均有俊才沈約嘗見均文頗相稱賞天監初柳惲為吳興召補主簿日引與賦詩均文體清拔有古氣好事者或數之謂為吳均體均嘗不得意贈惲詩而去久之復來惲遇之如故薦之臨川靖惠王王稱之於武帝即日召之賦詩悅焉著文集二十卷

顏氏家訓文章篇吳均集有破鏡賦破鏡乃凶逆之獸事見漢書為文幸避此名也漢書郊祀志有言古天子嘗以春解祠祠黃帝用一梟破鏡孟康曰梟為名食母破鏡獸名食父黃帝欲絕其類故使百吏祠皆用之破鏡如竊而虎眼案即梟鏡之貌也

唐書經籍藝文志吳均集二十卷

宋史藝文志吳均詩集三卷

崇文總目吳均集十卷

晁氏讀書志吳均集三卷梁吳均叔庠也史稱均有集二十卷唐世搜求止得十卷案此則晁氏所見唐志作十卷與崇文目同今本作二十卷似後人據隋志案改也

今又亡其七矣舊題誤曰吳筠筠乃唐人此詩殊不類而其中有贈周興嗣柳貞陽輩詩固已知其非筠又有蕭子雲贈吳朝請入東詩蓋均在武帝時為奉朝請則知為均也無疑矣蕭子雲詩八蕭子顯

朱異王筠王僧孺詩各一附顏之推譏均集中有破鏡賦今已亡之

張氏百三家吳朝請集序曰文中子云吳均孔珪古之狂者也其文怪以怒今叔庠集文鮮絕奇者獨併說責壁二文頗詭博不經似得之枚乘七發行以排調與朱元思書盛稱富陽桐廬山水微矜摹擬則士龍鄧縣明遠大雷波瀾尚存謂之怪怒殆以此哉詩什疊疊樂府尤高凡賦表書檄併說連珠一十三篇樂府三十篇詩六十七篇馮氏詩紀輯存樂府詩篇數略同

嚴氏全梁文編吳均有集二十卷今見於藝文類聚初學記太平御覽文苑英華者有賦五篇表一篇書三篇檄江神責周穆王璧一篇食移一篇餅說一篇連珠二條

梁光祿大夫庾曇隆集十卷并錄

唐書經籍志庾景興集十卷

唐書藝文志庾曇隆集十卷

嚴氏全梁文編曰庾曇隆齊建武初通直散騎常侍入梁為太中大夫遷光祿大夫有集十卷今存啓二篇書一篇

案南史江淹傳齊少帝初兼御史中丞奏彈永嘉太守庾曇隆則齊時嘗居是官舊唐志作庾景興似其字齊有庾景之字景行新野人景興或其昆季行

梁儀同三司徐勉前集三十五卷徐勉後集十六卷并序錄

徐勉有梁選簿見史部職官類

梁書本傳勉幼孤貧早勵清節年六歲時屬霖雨家人祈霽率爾為文見稱者宿及長篤志好學起家國子生太尉文憲公儉時為祭酒每稱勉有宰輔之量高祖義兵至京邑勉於新林謁見使管書記天監中王師北伐候驛填委勉參掌軍書敏勞夙夜既閑尺牘兼善辭令雖文案填積坐客充滿應對如流手不停筆又該綜百氏皆為避諱每有奏表輒焚藁草博通經史多識前載朝儀國典婚冠吉凶勉皆與圖議普通六年上修五禮表善屬文勤著述雖當機務下筆不休凡所著左丞彈事五卷齊時撰太廟祝文二卷前後二集四十五卷又為婦人集十卷皆行於世大同三年故佐史尚書左丞劉覽等詣闕陳勉行狀請刊石紀德詔立碑於墓云

南史本傳凡所著前後二集五十卷又為人章表集十卷左丞彈事五卷齊時撰太廟祝文二卷

藝文類聚雜文部梁王僧孺詹事徐府君集序曰君年十八見召為國子生未嘗投刺權門驅車咸里遨遊梁董去來賈郭時春秋猶少人爵未崇而清風嘉譽震灼朝野非直俯致貴仕故可坐享通侯而縶馬懸車閉門高枕聊為詭遇識此行藏及皇運聿興重氛載廓君藏器待時合猶符契位隨德顯任與時隆自網繆軒陸十有餘載行稱表綴言成模楷九德無遺百行備舉至於專心六典精贖

必深汎游羣籍菁華無棄擲札含豪必弘靡麗摛綺縠之思鬱風霞之情質不傷文麗而有體

唐書經籍志徐勉前集三十五卷徐勉後集十六卷

唐書藝文志徐勉前集三十五卷後集十六卷

馮氏詩紀輯存采菱曲迎客曲送客曲等詩凡八首

嚴氏全梁文編徐勉有前集三十五卷後集十六卷今存萱草花賦鵲賦五禮表及疏議

啓各一篇書三篇答客喻一篇墓誌銘四篇碑一篇綜凡十五篇

梁吏部郎王錫集七卷并錄瑛邪

梁書王份傳份仕齊入梁位侍中特進左光祿長子琳司徒左長史錫字公暇琳之第二子也幼而警悟母義與公主年七八歲隨公

主入宮高祖嘉其聰敏常爲朝士說之精力不倦致損右目十二爲國子生舉清茂除祕

書郎與范陽張伯緒齊名以戚屬封永安侯累遷中書郎給事黃門侍郎尚書吏部郎中

時年二十四稱疾不拜便謝遣胥徒拒絕賓客掩扉覃思室宇蕭然中大通六年卒時年

三十六贈侍中諡貞子 案王份兄免爲雍州刺史爲齊武帝所誅免子瑛及弟乘兄子誦翊衍奔魏蕭子紹

紹弟理誦子孝康備康翊子淵凡十人並仕於魏皆王導之後也蓋瑛邪王氏又有流入北朝者唯蕭爲最著云

南史王份傳份長子琳齊代娶梁武帝妹義

與長公主有子九人並知名長子銓字公衡雖學業不及弟錫而孝行齊焉時人以爲銓錫二王可謂玉昆金友錫再遷太子洗馬時

昭明太子尚幼武帝勅錫與張纘入宮與太子游狎情兼師友又勅陸倕張率謝舉王規

王筠劉孝綽到洽張緬爲學士十人盡一時之選

唐書經籍藝文志王錫集七卷

馮氏詩紀輯存大言應令細言應令各一首嚴氏全梁文編王錫有宿山寺賦一篇見廣弘明集

梁尚書左僕射王暕集二十一卷 瑛邪 或作暕者非

梁書本傳暕字思晦父儉齊太尉南昌文憲公暕年數歲而風神驚拔有成人之度時文

憲作宰賓客盈門見暕相謂曰公才公望復在此矣弱冠選尚淮南長公主拜駙馬都尉

晉安王文學廬陵王友祕書丞明帝詔求異士始安王遙光表薦暕曰竊見祕書丞暕年

二十一七葉重光海內冠冕暕先達領袖後進居無虛雜家有賜書辭賦清新屬言玄

遠天監中再爲侍中吏部尚書歷左僕射領國子祭酒普通四年冬暴疾卒年四十七諡

曰靖 唐書經籍藝文志王暕集二十卷

馮氏詩紀輯存觀樂應詔一首詠舞一首嚴氏全梁文編王暕有集二十一卷弘明集

有答釋法雲書難范縝神滅論

梁平西刑獄參軍劉孝標集六卷 劉孝標名峻有漢書注見史部正史類

梁書南史本傳峻游東陽紫巖山築室居焉爲山栖志其文甚美初梁武帝招文學之士

擢以不次峻率性而動不能隨衆浮沈帝頗嫌之故不任用乃著辨命論以寄其懷論成

中山劉沼致書以難之凡再反峻並爲申析以答之會沼卒不見峻後報者乃爲書以序

其事其文論並多不載峻又嘗爲自序自比馮敬通而有同之者三異之者四云峻自以

少時未開晤晚更厲精明慧過人博極羣書文藻秀出故其自序云覺中濟濟皆升堂亦有愚者解衣裳言其少年魯鈍也

南史任昉傳昉有子東里西華南容北叟並無術業墜其家聲兄弟流離不能自振生平

舊交莫有收卹西華冬月著葛屨練裙道逢平原劉孝標泫然矜之謂曰我當爲卿作計

乃著廣絕交論以譏其舊交到溉見其論抵之於地終身恨之

文選廣絕交論注劉瑤梁典云乃廣先公叔絕交論後漢朱穆有集見第二卷又辯命論注梁

典曰辯命論蓋以自喻云孝標植根溜石流寓魏庭冒履艱危僅至江左負才矜地自謂

坐致雲霄豈圖遠巡十稔而榮慚一命因茲著論故辭多憤激雖文越典謨而足杜浮競也

張氏百三家劉戶曹集序曰玄靖先生一世書淫上有好文之君朝多同學之彥而引見

無階山栖竟老德祖見忌於曹操敬通缺望於光武豈非命耶辯命六蔽善言天人自序三同四異悲憤交集而又重以悍室司晨若敖將餒詩窮而工其然乎凡啓書序志論十二篇詩四篇馮氏詩紀篇數同

汪氏文選撰人篇目曰文選有梁劉孝標峻答劉秣陵書辯命論廣絕交論

嚴氏全梁文編劉峻有世說注十卷集六卷今存啓書辯命論廣絕交論山栖志相經序自序凡一 三篇

梁鴻臚卿裴子野集十四卷

裴子野有喪服傳見經部禮類

梁書南史本傳子野少好學善屬文撰宋略二十卷蘭陵蕭琛言其評論可與過秦王命分路揚鑣於是徐勉言之武帝勅掌中書詔詰子野與沛國劉顯南陽劉子遴陳郡殷芸陳留阮孝緒吳郡顧協京兆韋稜皆博學深相賞好顯尤推重之時長平侯蕭勸范陽張纘每討論墳籍咸折衷於子野普通七年大舉北侵勸子野為移魏文受詔立成武帝以其事體大召徐勉周捨劉子遴朱异集壽光殿觀之時並歎服俄又為書喻魏相元叉及奏武帝深嘉焉自是諸符檄皆令具草子野為文典而速不尚靡麗之詞其制作多法古與今文體異當時或有詆訶者及其末翕然從之文集二十卷行於世又欲撰齊梁春秋始草創未就而卒及葬湘東王為之墓誌銘陳於藏內邵陵王又立墓誌埋於羨道羨道

列誌自此始焉

陳吏部尚書姚察曰阮孝緒嘗言仲尼論四科始乎德行終乎文學有行者多尚質樸有文者少蹈規矩若夫憲章游夏祖述回騫體兼文行於裴幾原見之矣

唐書經籍藝文志裴子野集十四卷馮氏詩紀輯存詩三首

嚴氏全梁文編裴子野有集十四卷今存寒夜賦游華林園賦臥疾賦喻虜檄文彫蟲論宋略總論泰始三畔論明帝誅諸弟論選舉論樂志敘碑文行狀凡十四篇

梁仁威府長史司馬裴集九卷

梁書本傳裴字元素南史作元表河內温人也父燮善三禮齊國子博士裴少傳家業強力專精手不釋卷其禮文所涉書略皆徧視沛國劉瓛為儒者宗嘉其學深相賞好少與樂安任防善防亦雅重焉初為國子生起家奉朝請天監初詔通儒治五禮有司舉裴治嘉禮是時制定禮樂裴所議多見施行裴學尤精於事數國家吉凶禮當世名儒明山賓賀瑒等疑不能斷者皆取決焉累遷尚書右丞出為仁威長史長沙內史御史中丞十七年遷明威將軍晉安王長史未幾卒王命記室庾肩吾集其文為十卷所撰嘉禮儀注一百一十二卷 案晉安王即簡文帝也嘉禮儀注詳見史部儀注類

唐書經籍藝文志司馬裴集九卷

嚴氏全梁文編司馬裴有嘉禮儀注一百十

二卷錄三卷集九卷通典有東宮樂議一篇弘明集有答釋法雲書難范縝神滅論一篇梁蕭子暉集九卷

梁書南史蕭子恪傳子恪字景冲齊豫章文獻王嶷第二子也兄弟十六人並仕梁有文學者子恪子質子顯子暉五人子暉字景光子雲弟也少涉書史亦有才文嘗預重雲殿聽制講三慧經退為講賦奏之甚見稱賞卒於驃騎長史案豫章文獻王齊高帝第二子暉高帝之孫亦于梁為宗室五人中子恪文集不傳子質并不見於史子顯有集二十卷本志亦不見惟子暉子雲二人集在焉五人外又有子範有集見後子範外又有子政撰周易義疏見經部史亦無其傳不知是否在十六人之內也

唐書經籍藝文志蕭子暉集十一卷馮氏詩紀輯存春霄冬曉春游詩凡三首嚴氏全梁文編蕭子暉有集九卷藝文類聚有冬草賦反舌賦各一篇

梁始興內史蕭子範集十三卷梁書南史本傳子範字景則子恪第六弟也齊永明十年封新陽縣侯天監初降爵為子除後軍記室參軍數遷為大司馬南平王戶曹屬從事中郎王愛文學士子範偏恩遇嘗曰此宗室奇才也使製千字文其辭甚美王命記室蔡遠注釋之自是府中文筆皆使草

定遷護軍臨賀王正德長史正德為丹陽尹復為信威長史歷官十餘年不出蕃府而諸弟並登顯列意不能平及是為到府牋曰上

蕃首僚於茲再忝河南雖伏自此重叨老少異時盛衰殊日雖佩恩寵還羞年鬢子範少與弟子顯子雲才名略相比而風采容止不逮故宦途有優劣每讀漢書杜緩傳云六弟五人至大官惟中弟欽官不至最知名常吟諷之以況己也後為始興內史太中大夫祕書監簡文即位其年葬簡皇后使製哀策文理哀切帝謂武陵侯蕭諮曰此段莊陵萬事零落惟哀冊尚有典刑勅賚米千石子範無居宅尋遇疾卒於招提寺僧房賊平元帝追贈金紫光祿大夫諡曰文前後文集三十卷

唐書經籍藝文志蕭子範集三卷案本志十三卷似三十卷之誤此三卷似又跋十字

馮氏詩紀輯存羅敷行等詩凡九首

嚴氏全梁文編蕭子範有千字文一卷集三三卷藝文類聚初學記本傳有賦四篇表三篇牋一篇七誘冠子箴凡十篇

梁建陽令江洪集二卷

梁書文學吳均傳先是有廣陵高爽濟陽江洪會稽虞慈並工屬文並有文集洪為建陽令坐事死

南史王僧孺傳齊司徒竟陵王子良開西邸招文學僧孺與太學生虞羲丘國賓蕭文琰丘令楷江洪劉孝孫並以善辭藻游焉子良嘗夜集學士刻燭為詩四韻者則刻一寸以此為率蕭文琰曰頓燒一寸燭而成四韻詩何難之有乃與令楷江洪等共打銅鉢立韻響滅則詩成皆可觀覽

鍾嶸詩品曰梁建陽令江洪詩雖無多亦能自適出

馮氏詩紀曰江洪有巴陵王四咏九首咏歌姬咏舞女和新浦侯咏竹咏鶴咏紅牋江行咏荷咏美人治裝凡八首

梁鎮西府記室鮑幾集八卷

梁元帝集薦鮑幾表曰臣誠識愧知才職非選舉竊以進賢上賞閉賢顯戮敢緣斯義用舉所知伏見鮑幾門庭雍睦立身貞退博涉文史頗閑刀筆忠公抗直出宰廉平雅志弘深安貧專靜解巾入仕三十餘年自游臣府一紀於茲前宰東邑實有二魯之風近處南臺欲尊兩鮑之則

梁書鮑泉傳東海人也父機湘東王諮議參軍

南史鮑泉傳泉父幾字景玄家貧以母老詣吏部尚書王亮干祿亮一見嗟賞舉為春陵令後為明山賓所薦為太常丞以外兄傳昭為太常依制總服不得相臨改為尚書郎終於湘東王諮議參軍

隋書鮑宏傳宏東海郊人也父機以才學知名仕梁官至治書侍御史

唐書經籍鮑幾集八卷

唐書藝文鮑幾集八卷

馮氏詩紀輯存咏伍子胥詩一首

案幾幾機記載不一似當以梁元帝薦表及南史新唐志作幾為近此題鎮西府記室者考元帝本紀大同三年進號鎮西將

軍蓋即湘東王鎮西諮議領記室參軍也

梁尚書祠部郎虞瞻集十卷

虞瞻始末未詳

金樓子聚書篇曰法書初得韋護軍叡餉數卷次又殷貞子鈞餉爾後又遣范普市得法書又使潘菩提市得法書並是二王書也郡五官虞瞻大有古迹可五百許卷併留之案江左虞氏大抵皆吳虞翻仲翔氏之後會稽餘姚人梁元帝稱郡五官似即會稽郡五官據其初為是官也案梁書元帝本紀天監十三年封湘東王初為寧遠將軍會稽太守瞻為郡職當在斯時

唐書經籍藝文志虞瞻集六卷

嚴氏全梁文編曰虞瞻天監中為治書侍御史遷尚書祠部郎有集十卷梁書良吏傳有奏彈伏晒一篇

梁新田令費昶集三卷

南史文學何思澄傳王子雲太原人及江夏費昶並為閩里才子昶善為樂府又作鼓吹曲武帝重之勅曰才意新拔有足嘉異昔郎儔博物卞蘭巧辭東帛之賜實惟勸善可賜絀十四

馮氏詩紀輯存巫山高芳樹有所思長門怨采菱曲思公子發白馬行路難等樂府詩一十六首

梁蕭機集二卷機當為幾

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

梁書本傳機字德玄齊曲江公遙欣子也年十歲能屬文性溫和與物無競清貧自立好學善草隸書湘州刺史楊公則曲江之故吏

也每見幾謂人曰康公此子可謂桓靈寶重
出及公則卒幾爲之誅時年十五沈約見而
奇之謂其舅蔡攄曰昨見賢甥楊平南誄文
不減希逸之作始驗康公積善之慶釋褐著
作佐郎廬陵王文學數遷至中書侍郎尚書
左丞末年專尚釋教爲新安太守郡多山水
特其所好適性游履遂爲之記卒于官子爲
字元專亦有文才

梁東陽郡丞謝瑱集八卷

謝瑱始末未詳

唐書經籍藝文志謝瑱集十卷

馮氏詩紀曰謝瑱爵里無考有和蕭國子詠

李花一首案此謝瑱似即謝瑱之誤

梁通直郎謝琛集五卷

謝琛始末未詳

唐書經籍藝文志謝琛集五卷

南史何承天附傳承天曾孫遜字仲言八歲

能賦詩弱冠州舉秀才南鄉范雲見其對策

大相稱賞因結忘年交謂所親曰頃觀文人

質則過儒麗則傷俗其能含清濁中今古見

之何生矣沈約嘗謂遜曰吾每讀卿詩一日

三復猶不能已其爲名流所稱如此梁天監

中兼尚書水部郎南平王引爲賓客掌記室

事後薦之武帝與吳均俱進俸後稍失意帝

曰吳均不均何遜不遜未若吾有朱异信則

異矣自是疎隔希復得見卒于仁威廬陵王

記室東海王僧孺集其文爲八卷初遜文章

與劉孝綽並見重時謂之何劉梁元帝著論
論之云詩多而能者沈約少而能者謝朓何
遜

唐日本國見在書目何孫集八卷

唐書經籍藝文志何遜集八卷

宋史藝文志何遜詩集五卷

晁氏讀書志何遜集二卷梁何遜仲言也東

海人終水部員外郎與劉孝綽以文章見重

於世謂之何劉王僧孺集其文爲八卷今亡

佚不全

宋黃伯思東觀餘論曰隋經籍志唐藝文志

何遜集皆八卷晉天福本但有詩兩卷今世

傳本是也獨春明宋氏有舊本八卷特完因

借傳之然少陵嘗引昏鴉接翅歸金粟裏搔

頭等語而此集無有猶當有軼者集中若團

團月隱洲輕燕逐風花遠岸平沙合連山遠

霧浮岸花臨水發江燕遶橋飛游魚上急瀨

薄雲巖際宿等語子美皆采爲己句但小異

耳故曰能詩何水曹信非虛賞案此言隋經籍

志八卷與今本隋志所載不合

陳氏書錄解題何仲言集三卷梁水部郎何

遜仲言撰本傳集八卷館閣書目同今所傳

止此

張氏百三家何記室集輯本序曰仲言文名

齊劉孝綽詩名齊陰子堅今集中文頗少爲

衡山侯與婦一書詞林見賞亦閨房語耳未

可方阿士也子堅長於近體然風格遠不逮

仲言不知何以比肩同聲也少陵佳句多從

仲言脫出是以有能詩何水曹之句後世詩
人即慕仲言蓋古人詩名有因後人而益貴
者陰何其類也凡賦牋書七召共五篇樂府

四篇詩九十二篇聯句十二篇馮氏詩紀輯存

二卷篇數同

四庫提要曰何水部集一卷梁何遜撰遜官

至水部員外郎故自唐以來稱何水部王僧

孺嘗輯遜集爲八卷黃伯思東觀餘論有遜

集跋稱爲春明宋氏本蓋宋敏求家所傳其

卷數尙與梁書相符今舊本久亡所謂八卷

者不可復覩此本爲明正德丁丑松江張紘

所刊首列遜小傳凡詩九十五首附載范雲

劉孝綽同作擬古二首聯句十三首末載黃

伯思跋跋後附七召一篇末復有紘跋稱舊

與陰鏗集借刻紘以二家體裁各別不當比

而同之公暇獨取是集刪其繁蕪同寅昆陵

陸懋之永嘉李昇之捐俸共刻然則是集又

經紘刊削有所去取歟

嚴氏全梁文編曰何遜有集七卷初學記藝

文類聚諸書有窮鳥賦與建安王謝秀才牋

爲孔導辭建安王牋爲衡山侯與婦書存凡

四篇明張紘所刻集本有七召張溥本從之

七召出文苑英華三百五十二在簡文帝七

勵之後無名氏前不言何遜作葉紹泰又編

入昭明太子集皆無確據也今編入梁闕名

類又卷首敍錄曰何遜集一卷項道暉刻本

梁有安西記室劉綬集四卷亡經爲綴

梁書文學劉昭傳昭平原高唐人晉太尉

九世孫也昭子縉縉弟綏字含度少知名歷官安西湘東王記室時西府盛集文學綏居其首除通直郎俄遷鎮南湘東王中錄事復隨府江州卒 案元帝本紀大同元年進號安西將軍六年為鎮南將軍江州刺史太清元年徙荊州刺史綏蓋卒于元帝都督江州時在太清之前

南史文學劉昭傳縉弟綏為湘東王中錄事性虛遠有氣調風流跌宕名高一府常云不須名位所須衣食不用身後之譽唯重目前知見

金樓子著書篇乙部繁華傳一秩三卷金樓使劉綏撰又丙部玉子訣一秩三卷金樓付劉綏撰案此二書本志皆不見

馮氏詩紀輯存詩八首又品藻篇引歷代吟譜云其生平之所作者為英華集二十卷文選二十篇歷代吟譜宋蔡傳選見四庫詩文評存目

嚴氏全梁文編劉綏有集四卷藝文類聚初學記有綏照鏡賦一篇 梁有沙門釋智藏集五卷亡

馮氏詩紀曰釋智藏姓顧氏吳郡吳人太初六年案齊梁二代皆無太初年號此誤也 敕住興皇寺梁武授戒時時謗稟皇太子尤加敬接廣弘明集有梁開善寺藏法師奉和武帝三教詩一篇

嚴氏全梁文編曰釋智藏本名淨藏吳人天監末居鍾山開善寺續高僧傳六有辭會啓一篇

案別集類注梁有者終於此二集智藏卒

年不可知劉綏則卒於阮孝緒之後疑此二集亦未必定在七錄也 梁太常卿陸倕集十四卷

南史陸慧曉傳慧曉吳郡吳人三子僚任倕並有美名時人謂之三陸初授慧曉兗州三子依次第各作一讓表辭並雅麗時人歎服倕字佐公少勤學善屬文幼為外祖張岱所異十七舉本州秀才刺史竟陵王子良開西邸延英俊倕預焉梁天監初為右軍安成王主簿與樂安任昉友為感知己賦以贈昉防因此名以報之及昉為中丞簪裾幅湊預其讌者殷芸到溉劉苞劉孺劉顯劉孝綽及倕而已號曰龍門之游雖貴公子孫不得預焉

梁武帝雅愛倕才乃敕撰新漏刻銘其文甚美又詔為石闕銘勅褒之累遷太常卿梁書本傳曰普通七年卒年五十七文集二十卷行於世 唐日本國見在書目陸倕集八卷

唐書經籍志陸子倕集二十卷子字衍 唐書藝文志陸倕集二十卷

馮氏詩紀輯存和昭明太子鍾山講解一篇 贈京邑僚友一篇贈任昉一篇 汪氏文選撰人篇目文選有梁陸佐公倕石闕銘新漏刻銘

嚴氏全梁文編陸倕有集十四卷今存感知己賦思田賦賦體教章表啓書銘碑釋奠文請雨文凡二十四篇

梁廷尉卿劉孝綽集十四卷

南史劉劭傳劭彭城安上里人也子繪繪子孝綽字孝綽本名冉幼聰敏七歲能屬文舅王融深賞異之與同載以適親友號曰神童融每曰天下文章若無我當歸阿士阿士孝綽小字也父繪齊時掌詔誥孝綽時年十四繪嘗代使草之父黨沈約任昉范雲等聞其名命駕造焉昉尤相賞好天監初起家著作佐郎為歸沐詩贈任昉昉報章相引重武帝時因宴幸令沈約任昉等言志賦詩孝綽亦見引嘗侍宴於坐作詩七首武帝覽其文篇篇嗟賞昭明太子好士愛文孝綽與殷芸陸倕王筠到洽等同見禮後武帝為籍田詩使徐勉先示孝綽時奉詔作者數十人帝以孝綽詩工歷太子僕兼廷尉卿湘東王諮議黃門侍郎尚書吏部郎臨賀王長史晚年忽忽不得志後為祕書監大同五年卒官年五十九

九孝綽少有盛名而仗氣負才多所陵忽意有不合極言詆訾由此多忤於物前後五免辭藻為後進所宗時重其文每作一篇朝成暮徧好事者咸傳誦寫流聞河朔亭苑柱壁莫不題之文集數十萬言行於時兄弟及羣從子姪當時有七十人並能屬文近古末之有也

又論曰劉劭出征久撫所在流譽悛至性過人繪辭義克舉諸子各擅彫龍當年方駕文采之盛殆難繼乎 唐書經籍藝文志劉孝綽集十二卷 舊志卷刊本作十一卷

又論曰劉劭出征久撫所在流譽悛至性過人繪辭義克舉諸子各擅彫龍當年方駕文采之盛殆難繼乎 唐書經籍藝文志劉孝綽集十二卷 舊志卷刊本作十一卷

宋史藝文志劉子綽集一卷子當爲孝

陳氏書錄詩集類劉孝綽集一卷梁祕書監

彭城劉孝綽撰宋僕射勛之孫本傳稱文集

數十萬言今所存止此

張氏百三家劉祕書集題詞曰王元禮七葉

之中爵位文才蟬聯不絕劉孝綽一家子姓

能文者七十人門世之盛足使安平無雀汝

南無應孝綽文集數十萬言存者無幾零落

之歎無異元禮書啓表序文采較優詩乃兄

弟爾凡表啓書序碑十六篇樂府六篇詩五

十九篇馮氏詩紀輯存樂府詩篇數略同

嚴氏全梁文編劉孝綽有集十四卷今存表

一篇議一篇啓九篇書三篇序一篇碑銘二

篇凡十七篇

梁都官尚書劉孝儀集二十卷

南史劉勳附傳孝綽弟潛字孝儀幼孤與兄

弟相助以學並工屬文孝綽嘗云三筆六詩

三卽孝儀六謂孝威也舉秀才累遷尚書殿

中郎勅令製雍州平等寺金像碑文甚宏麗

晉安王綱鎮襄陽引爲安北功曹史及王爲

皇太子仍補洗馬遷中舍人梁書本傳云中

大同元年入守都官尚書太清元年出爲豫

章內史二年侯景寇京邑三年宮城不守孝

儀爲前歷陽太守莊鐵所偏失郡大寶元年

病卒時年六十七有文集二十卷行於世

唐書經籍藝文志劉孝儀集二十卷

張氏百三家劉豫章集輯本凡賦表彈文啓

書連珠碑銘三十六篇樂府一篇詩十一篇

馮氏詩紀輯存樂府詩篇數同

嚴氏全梁文編劉潛有集二十卷藝文類聚

太平御覽文苑英華所載有歎別賦一篇表

十二篇彈文一篇啓二十一篇書一篇連珠

一篇不等寺刹下銘一篇雍州金像寺無量

壽佛像碑一篇凡三十九篇

梁太子庶子劉孝威集十卷

南史劉勳附傳孝綽第六弟孝威氣調爽逸

風儀俊舉初爲安北晉安王法曹後爲太子

洗馬中舍人庶子率更令並掌管記大同中

白雀集東宮孝威上頌甚美太清中遷中庶

子兼通事舍人及侯景寇亂隨司州刺史柳

仲禮至安陸卒

唐日本國見在書目劉孝威集十卷

唐書經籍志劉孝威前集十卷劉孝威後集

十卷

唐書藝文志劉孝威前集十卷後集十卷

宋史藝文志劉孝威集一卷

崇文總目劉孝威詩一卷

張氏百三家劉庶子集輯本題辭曰劉士章

文章談義領袖後進七子三女多擅才學孝

綽品藻羣弟嘗云三筆六詩謂孝儀孝威第

五弟孝勝第七弟孝先無預焉侯景寇亂孝

儀遣子入援身受賊偏失郡病亡孝威因蹟

危城自拔得出崎嶇西上亦抱疾不起假使

時清國晏兄弟連騎續玄圃之舊游領高齋

之述作重篇大帙必偉觀聽而長鯨疾驅逃

死不暇林焚池竭遺章闕如就所披涉則孝

儀筆勝孝威詩勝伯兄之言良不謬也凡啓

書贊十五篇樂府二十四篇詩三十三篇馮

氏詩紀輯存樂府詩篇數略同

嚴氏全梁文編劉孝威有集十卷藝文類聚

太平御覽有啓十二篇書二篇贊二篇凡一

十六篇

梁東陽太守王揖集五卷

梁書王筠傳筠祖僧虔齊司空簡穆公父揖

太中大夫

南史王曇首傳曇首子僧綽僧綽弟僧虔僧

虔子慈慈弟志志家居建康禁中里馬蕃巷

兄弟子姪皆篤實謙和時人號馬蕃諸王爲

長者志弟揖位太中大夫揖子筠揖弟彬彬

弟寂案曇首及僧綽及寂並有集見宋齊人文中僧綽

子齊太尉文憲公倫揖之從昆季也

嚴氏全梁文編曰王揖梁書作揖齊司空僧

虔子仕齊入梁歷黃門侍郎太中大夫出爲

東陽太守有集五卷弘明集卷十有答釋法

雲書難范縝神滅論一篇

梁黃門郎陸雲公十卷

梁書文學傳雲公字子龍吳郡人也祖閑州

別駕父完寧遠長史雲公九歲讀漢書略能

記憶從祖僊與沛國劉顯質問十事雲公對

無所失顯歎異之既長好學有才思州舉秀

才累遷宜惠武陵王平西湘東王行參軍雲

公先製泰伯廟碑吳興太守張纘罷郡經途

讀其文歎曰今之蔡伯喈也纘言之於高祖

入直壽光省除著作郎累遷中書黃門郎太

清元年卒年三十七文集行於世

唐書經籍藝文志陸雲公集四卷

嚴氏全梁文編雲公有集十卷初學記有星

賦廣弘明集有御講般若經序藝文類聚有

太伯碑存凡三篇

梁國子祭酒蕭子雲集十九卷

蕭子雲有千字文注見經部小學類

梁書南史本傳子雲年十二齊建武四年封

新浦侯自製拜章便有文采及長勤學有文

藻撰晉書及東宮新記並表奏之梁初郊廟

未革牲醴樂辭皆沈約撰至是承用子雲啓

宜改之勅答曰此是主者守株宜急改也仍

使子雲撰定勅曰郊廟歌辭應須典語大語

不得雜用子史文章淺言而沈約所撰亦多

舛謬子雲作成勅並施用

隋書音樂志曰梁氏之初其樂歌詩辭並沈

約所製普通中薦蔬之後改諸雅歌蕭子雲

製辭

唐書經籍藝文志蕭子雲集二十卷

馮氏詩紀輯存詩六首又三朝雅樂歌六首

相和歌五首

嚴氏全梁文編蕭子雲有集十九卷藝文類

聚有歲暮直廬賦廣弘明集有玄圃講賦本

傳有請改郊廟樂辭啓答勅改撰樂辭答勅

論書存凡五篇

梁征西府長史楊眺集十一卷并錄一本眺作眺

梁書楊公則傳公則天水西縣人也仕齊入

梁至衛尉卿封寧都縣侯諡曰烈公則性好

學雖居軍旅手不輟卷士大夫以此稱之子

臆嗣有罪國除高祖以公則勳臣特詔聽庶

長子眺嗣眺固讓歷年乃受 南史臆作眺眺作眺

眺

唐書經籍藝文志楊眺十卷

柔楊眺見於史者唯此史不著其歷官始

末不知是否即此人也

梁太子洗馬王筠集十一卷并錄王筠中書集十

一卷并錄王筠臨海集十一卷并錄王筠左佐集

十一卷并錄王筠尚書集九卷并錄 瑛邪

南史王曇首附傳曇首孫志弟揖揖子筠

字元禮一字德柔幼而警悟七歲能屬文年

十六爲芍藥賦其辭甚美及長清靜好學與

從兄泰齊名仕爲尚書殿中郎沈約每見筠

文咨嗟嘗謂曰昔蔡伯喈見王仲宣稱曰王

公之孫吾家書籍悉當相與僕雖不敏請附

斯言自謝眺諸賢零落平生意好殆絕不謂

疲暮復逢於君約於郊居宅閣齋請筠爲草

木十咏書之壁皆直寫文辭不加篇題約謂

人曰此詩指物程形無假題署筠又嘗爲詩

呈約約即報書歎咏以爲後進擅美筠又能

用強韻每公宴並作辭必研麗約嘗啓上言

晚來名家無先筠者又於御筵謂王志曰賢

弟子文章之美可謂後來獨步謝眺常見語

云好詩圓美流轉如彈丸近見其數首方知

此言爲實累遷太子洗馬中舍人後爲中書

郎奉勅製開善寺寶誌法師碑文辭甚麗逸

又勅撰中書表奏三十卷及所上賦頌都爲

一集大通二年爲司徒左長史三年昭明太

子薨勅製哀策文復見嗟賞尋出爲臨海太

守歷祕書監太府卿度支尚書及簡文即位

爲太子詹事及遇亂舊宅先爲賊所焚乃寓

居蕭子雲宅夜忽有盜攻懼墜井卒時年六

十九家人十二口同遇害筠性弘厚不以藝

能高人而少擅才名與劉孝綽見重當時其

自序云少好抄書老而彌篤躬自抄錄大小

百餘卷又與諸兒書論家門集云云 詳見史

部雜傳類王氏江左世家傳 自撰其文章以一官

爲一集自洗馬中書中庶吏部左佐臨海太

府各十卷尚書三十卷凡一百卷行於世

又論曰王曇首之才器王僧綽之忠直其世

祿不替也豈徒然哉仲寶雅道自居早懷伊

呂之志竟而逢時遇主自致宰輔之隆所謂

衣冠禮樂盡在是矣齊有人焉於斯爲盛其

餘文雅儒素各稟家風箕裘不墜亦云美矣

唐日本國見在書目王中書集十卷

唐書經籍藝文志王筠洗馬集十卷中庶子

集十卷左右集十卷右當爲佐 臨海集十卷

中書集十卷尚書集十一卷

張氏百三家王詹事集輯本序曰沈隱侯之

知王元禮猶蔡伯喈之知王仲宣當日兩人

情好相得詩文互賞郊居佳句唯元禮能讀

詳見前沈約集條 好詩彈丸非隱侯莫爲知音

也隱侯遺文頗廣元禮則寥寥存無論洗

馬以來諸集斷闕即傳中所稱芍藥賦與草

木十詠俱歸烏有其筆法似詩優於文凡賦

表賡書序記碑文哀策文十七篇樂府七篇
詩二十八篇馮氏詩紀輯存樂府詩篇數同

嚴氏全梁文編曰藝文類聚弘明集諸書有
王筠蜀葵花賦一篇表五牋一書六記一序
二哀册文一碑二凡存十七篇

梁西昌侯蕭深藻集四卷并錄

南史長沙宣武王懿文帝長子也懿子業業
弟藻字靖藝仕齊位著作佐郎天監元年封

西昌縣侯為益州刺史再遷侍中藻性謙退
不求聞達善屬文尤好古體自非公宴未嘗

妄有所為縱有小文成輒棄本推善下人常
如弗及帝每稱其小字歎曰子弟並如迦葉

吾復何憂性恬靜宗室衣冠莫不楷則簡文
尤敬愛之歷雍兗二州刺史太子詹事丹陽

尹尚書左僕射中書令開府儀同三司南徐
州刺史侯景亂據京口因感氣疾不食而薨

梁書本傳曰太清三年薨時年六十七案長
沙王懿武帝兄也梁書鄧元起傳為益州刺史以母

老乞歸詔以西昌侯蕭深藻代之唐人避諱改為深藻史
文或并去淵字其兄長沙王淵業或亦作深業或但作業

梁中書郎任孝恭集十卷

梁書南史文學傳任孝恭字孝恭臨淮人也
精力勤學外祖邱悅與武帝有舊帝聞其有

才學召入西省撰史初為奉朝請進直壽光
省為司文侍郎俄兼中書通事舍人勅遣製

建陵寺刹下銘又啓撰武帝集序文並富麗
自是專掌公家筆翰孝恭為文敏速若不留

思每奏稱善累賜金帛少從蕭寺雲法師讀

經論明佛理至是蔬食持戒信受甚篤而性
頗自伐以才能尚人于流輩中多有忽略世
以此少之太清三年侯景寇逼走入東府城

陷景斬劉之文集行於世
唐日本國見在書目任孝恭集十一卷 恭為
恭之寫誤又總集家任司文孝恭集一卷

唐書經籍藝文志任孝恭集十卷 經部尚書家
又有古文大義二十卷本志不著錄

嚴氏全梁文編任孝恭有集十卷藝文類聚
有表一篇檄文一篇移文二篇啓四篇書一

篇碑文祭文贊文各一篇凡存十二篇其武
帝集序建陵寺刹下銘文並佚

梁平北府長史鮑泉集一卷

鮑泉有六經通數見經部論語類

南史本傳泉父幾終於湘東王諮議參軍有
集見前 泉性警悟博涉史傳兼有文筆少事

元帝早見擢任謂曰我文之外無出卿者
金樓子著書篇丙部補闕子一秩十卷金樓

為序付鮑泉東里撰案補闕子見子部從橫家
唐書經籍藝文志鮑泉集一卷

馮氏詩紀輯存奉和湘東王春日等詩九首

南史張弘策傳弘策范陽方城人梁文獻皇
后之從父弟也子緬緬弟續字伯緒出繼從

伯弘籍武帝舅也續年十一尚武帝第四女
富陽公主拜駙馬都尉封利亭侯續好學兄

緬有書萬餘卷晝夜披誦殆不輟手與琅邪
王錫齊名王錫有集見前 普通初魏使劉善明

求識續與錫善明見而嗟服河東裴子野相
推重因為忘年交數遷為尚書僕射在職議

南郊御乘素輦適古今之衷又議印綬官若
備朝服宜並著綬時並施行改為湘州刺史

述職經塗作南征賦太清二年授雍州刺史
前刺史岳陽王督不受代後遂害之元帝承

制贈開府儀同三司諡簡憲公元帝少時續
便推誠委結及即位追思之為詩序云簡憲

之為人也不事王侯負才任氣見余則申旦
達夕不能已已懷夫人之德何日忘之梁書

本傳云年五十一著鴻寶一百卷文集二十卷案梁書后妃傳續為晉司空張華八世孫

唐書經籍藝文志張續集十卷
馮氏詩紀輯存大言應令細言應令各一首

嚴氏全梁文編張續有集十一卷藝文類聚
及本傳陸雲公傳丁貴嬪傳河東王譽傳周

書蕭督傳所載有秋雨賦南征賦離別賦懷
音賦妬婦賦瓜賦擬若有人兮及表啓書哀

策文墓誌銘存凡十六篇

梁尚書僕射張綰集十一卷并錄
南史張弘策附傳續第緒字孝卿少與續齊

名湘東王釋嘗策之百事緒對闕其六號百
六公大同中為豫章內史在那述制旨禮記

正言義城西開士林館與朱异賀琛遞述制
旨禮記中庸義太清三年為吏部尚書宮城

陷奔江陵位尚書右僕射魏剋江陵朝士皆
俘入關綰以疾免梁書本傳云後卒於江陵
年六十三

周書蕭管傳管之在藩及居帝位以蔡大寶為股肱王操為腹心張綰以舊齒處顯位沈重以儒學蒙厚禮多所獎拔咸盡其器能

唐書經籍藝文志張綰集十卷
嚴氏全梁文編張綰有集十一卷藝文類聚有龍樓寺碑文一篇

梁度支尚書庾肩吾集十卷

庾肩吾有采璧見子部雜家

南史庾易傳易子黔婁字子貞子貞弟於陵字子介子介弟肩吾八歲能詩賦為兄於陵所友愛初為晉安王國常侍王每徒鎮肩吾常隨府在雍州被命與劉孝威江伯搖孔敬通申子悅徐昉徐摛王固孔鑠鮑至等十人抄撰衆籍豐其果饌號高齊學士王為皇太子開文德省置學士肩吾子信徐摛子陵吳郡張長公北地傅弘東海鮑至等充其選及簡文即位以為度支尚書文集行於世

文學傳初太宗在藩雅好文章士時肩吾與東海徐摛吳郡陸杲彭城劉遵劉孝儀儀弟孝威同被賞接

又論曰庾易劉虬取高一代其所以行已事兼隱德諸子學業之美各著家聲

唐日本國見在書目庾肩吾集十卷

唐書經籍藝文志庾肩吾集十卷宋史藝文志二卷

張氏百三家庾度支集輯本序曰庾幼簡志性恬靜風齊臺尚後漢靈後向長見范書逸民傳向亦作尚
長子子貞孝感北辰次子介清重洗馬一家行義誠足與劉子珪明休烈同傳南

史與劉顯明情親同傳也子慎後出文采尤高子

山繼之宮體競貴子每讀八關齋夜賦詩深羨中庶府君能陪帝子又惟一時彥聚城門高唱何偏以病老死沙門為題臺城不祥若有先識焉湘東誌墓稱為瑚璉其知子慎實

深書品序論王光祿答齊太祖類瑛邪王僧虔論書見法書要錄 凡表章啓書品序後序書品

論銘四十一篇樂府八詩七十六曲水聯句一八關齋夜賦四城門聯句十六其題云東城

門病南城門老西城門死北城門沙門同賦者殿下徐防孔叢諸葛燈王靈嗣李鏡遠并中庶府君凡七人 馮氏

詩紀輯存一卷篇數同
嚴氏全梁文編庾肩吾有集十卷初學記藝文御覽諸書有章表三篇啓二十三篇書一篇銘二篇書品鈔錄十一篇存凡四十篇

梁太常卿劉之遴前集十一卷劉之遴後集二十一卷

劉之遴有神錄五卷見史部雜傳家
梁書本傳之遴父虬齊國子博士諡文範先生有集見前卷之遴八歲能屬文十五舉茂才

對策沈約任昉見而異之吏部尚書王瞻辟為太學博士時張稷新除尚書僕射託任昉為讓表昉令之遴代作操筆立成御史中丞

樂藹即之遴之舅憲台奏彈皆之遴草焉之遴篤學明審博覽羣籍時劉顯章稜並強記

之遴每與討論咸不能過也累遷太常卿之遴好古愛奇時鄱陽嗣王範得班固所上漢書真本獻之東宮皇太子令之遴與張纘到

既陸襄等參校異同之遴具畢狀十事 南史云數十事 好屬文多學古體與裴子野劉顯常共討論書籍因為交好是時周易尚書禮記毛詩並有高祖義疏惟左氏傳尚缺之遴

乃著春秋大意十科左氏十科三傳同異十科合三十事以上之高祖大悅詔答之太清二年侯景亂之遴避難還鄉未至卒於夏口

簡明目錄曰漢書次第備見於敘傳之中而南史劉之遴傳別有漢書真本之說顯倒其篇目亂其字句實為謬妄按梁書本傳亦載是事不備見于南史其事甚可怪意之遴與劉顯諸人亦未必信其真也特史文略其斷詳耳

南史劉虬附傳侯景以蕭正德為帝之遴時

落景所將使授璽絨之遴預知乃剃髮披法服以免尋避難還鄉湘東王釋嘗嫉其才學

聞其西上至夏口乃密送藥殺之不欲使人知乃自製誌銘厚其賻贈

唐書經籍志劉之遴前集十卷劉之遴後集三十卷

唐書藝文志劉之遴前集十一卷後集三十卷

馮氏詩紀輯存酬江總詩一首
嚴氏全梁文編劉之遴有前集十一卷後集二十一卷今存啓書具古本漢書異狀十事

劉顯墓誌銘凡八篇
梁豫章世子侍讀謝郁集五卷

謝郁始末未詳
唐書經籍藝文志謝郁集五卷

嚴氏全梁文編曰謝郁會稽人爲豫章世子侍讀有集五卷梁書何敬容傳有致書戒敬容一篇

梁安成蕃王蕭欣集十卷

周書蕭督附傳蕭欣武帝弟安成康王秀之孫煬王機之子也秀機並有集見前幼聰警博綜墳籍善屬文督踐位以欣襲機封歷侍中中書令尙書僕射尙書令歸之二十三年卒贈司空欣與柳信當言歸之世俱爲一時文宗有集三十卷又著梁史百卷遭亂失本又曰督居帝位及歸纂業親賢並用宗室則蕭欣蕭翼

唐書經籍藝文志蕭欣集十卷

馮氏詩紀曰蕭欣爵里無考有還宅詩一首見梁詞人麗句

嚴氏全梁文編蕭欣有集十卷初學記有賜甘露啓一篇

梁中書舍人朱超集一卷

朱超始末未詳

馮氏詩紀曰朱超爵里無考又曰朱超朱超道朱越各詩集所載名多互見疑是一人之作今從詩彙併載而于各題下仍分注本名以俟考訂朱超有采蓮曲贈王僧辯詩夜泊巴陵詩對雨詩咏同心芙蓉舟中望月咏孤石咏貧咏剪綵花城上烏獨棲鳥凡十一篇朱超道有別劉孝先詩別席中兵詩歲晚沈疴詩和元帝懷荆楚詩咏鏡凡五篇又題朱越朱超道者有蕩子行未歸一篇

案此敍於蕭欣甄玄成之間似亦在後梁官中書舍人者

梁護軍將軍甄玄成集十卷并錄

周書蕭督附傳甄玄成字敬平中山人博達經史善屬文少爲簡文所知以錄事參軍隨督鎮襄陽轉中記室參軍掌書記頗參政事以江陵甲兵殷盛遂懷貳以密書與梁元帝申其誠款遂有得其書者進之於督督深信佛法常願不殺誦法華經人玄成素誦法華經遂以此獲免督後見之常曰甄公好得法華經力歷位中書侍郎御史中丞祠部尙書吏部尙書督之六年卒贈侍中護軍將軍有文集二十卷

唐書經籍藝文志甄玄成集十卷

嚴氏全梁文編後梁甄玄成有集十卷初學記有車賦一篇

梁散騎常侍沈君攸集十三卷攸當爲游

周書蕭督附傳沈君攸吳興人博學有詞采位至散騎常侍歸之十二年卒有文集十卷弟君公有幹局文章典正特爲歸所重歷都官尙書爲義興王暉師從暉奔陳授侍中太子詹事隋平陳以暉同謀渡江伏誅又蕭琮傳末曰琮父歸纂業親賢並用宗室則蕭欣蕭翼文章則劉孝勝范迪沈君游君公柳信言唐書經籍藝文志沈君攸集十二卷馮氏詩紀曰沈君攸後梁人爵里無考有采桑采蓮曲薄暮動弦歌等詩凡十首

案本傳云文集十卷本志云十三卷兩唐志十二卷似有其弟君公之集在其間也

又案梁書不及後梁以後梁屬于西魏周隋統于北朝故周書附載其事蹟北史亦裁爲附庸本志前載岳陽王督集梁王蕭歸集蕭琮集張綰集四家若移列于蕭欣集之前以見此八家皆後梁君臣之集則有條不紊矣

梁臨安恭公主集三卷武帝女

南史梁宗室臨川王宏傳帝諸女臨安安吉長城三主並有文才而安吉最得令稱藝文類聚雜文部梁簡文帝臨安公主集序曰四德之美戚里仰以爲風七行之奇濯龍規以爲則若夫託勾陳之貴出玉臺之尊鳳儀間潤神姿照朗愛敬之道夙彰柔嫻之才必備鳳桐遐遠清管遼亮湘川寂寞淚滌藏疑北渚之句尙傳仙靈之典不泯況復文同積玉韻比風飛謹求散佚貽厥于後案文則其集爲簡文帝所

唐書經籍藝文志臨安公主集三卷

梁征西記室范靖妻沈滿願集三卷

范靖及沈滿願始末並未詳唐書經籍志范靖妻沈滿願集五卷藝文志三卷

馮氏詩紀曰按唐藝文志有范靖妻沈滿願集三卷樂府及玉臺新詠所載有昭君歎二首又挾琴歌映水曲登樓曲越城曲晨風行戲繡咏殘燈咏五采竹火籠咏步搖花存凡

十一首又品藻篇引詩話補遺稱陳范靜妻沈滿願以爲陳人而馮氏仍編于梁代之末

梁太子洗馬徐悱妻劉令嫺集三卷

梁書南史劉孝綽傳孝綽兄弟及羣從諸子姪當時有七十人並能屬文近古未之有也其三妹一適琅邪王叔英一適吳郡張曠一適東海徐悱並有才學悱妻文尤清拔所謂劉三娘者也悱僕射徐勉子爲晉安郡卒喪還京師妻爲祭文辭甚悽愴勉本欲爲哀文既觀此文于是闌筆 案徐悱事蹟見徐勉傳文選有徐悱瑛邪城詩一首昭明錄本朝人文惟約沈任叅江淹劉峻范雲邱遲陸倕及徐悱凡八家悱最爲年少後起者選注引何之元梁典曰徐勉第三息悱字敬業晉安內史有學業最知名卒於郡府

唐書經籍藝文志徐悱妻劉氏集六卷

馮氏詩紀曰徐悱妻劉氏孝綽之妹稱劉三娘玉臺新咏作劉令嫺有答外二首又有和婕妤怨及贈答等詩凡十一首

嚴氏全梁文編曰劉令嫺彭城人祕書監孝綽第三妹適僕射徐勉子晉安太守悱有集三卷藝文類聚三十八載令嫺祭夫文

右梁代人文并後梁凡六十五家附梁有十九家通計八十四家九十七部是爲別集類分篇第八內武帝玉璽並一家五部元帝江淹陶弘景徐勣劉之遴並一家二部

海陶弘景徐勣劉之遴並一家二部

隋書經籍志考證卷三十九之九

集部二之九

別集類九後魏

後魏孝文帝集三十九卷

魏書本紀高祖孝文帝諱宏顯祖獻文皇帝之長子皇興元年生三年立爲皇太子五年秋八月丙午卽皇帝位太和二十三年夏四月丙午朔崩於穀塘原之行宮時年三十三時爲南朝齊東昏侯永元元年也帝雅好讀書手不釋卷五經之義覽之便講學不師授探其精奧史傳百家無不該涉善談莊老尤精釋義才藻富瞻好爲文章詩賦銘頌任興而作有大文筆馬上口授及其成也不改一字自太和十年已後詔册皆帝之文也自餘文章百有餘篇

又曰太和十有八年春正月癸亥車駕南巡

戊辰經殷比干之墓祭以太牢十一月丁丑

車駕幸鄴甲申經比干之墓傷其忠而獲戾

親爲弔文樹碑而刊之

又劉芳傳高祖遷洛路由朝歌見殷比干墓

愴然悼懷爲文以弔之芳爲注解表上之詔

曰覽卿注殊爲富博但文非屈宋理慚張賈

既有雅致便可付之集書

北史儒林傳序孝文欽明稽古篤好墳籍坐

輿據鞍不忘講道劉芳李彪諸人以經書進

崔光邢辯之徒以文史達其餘涉獵典章閑

集詞翰莫不靡以好爵勸以賞眷於是斯文

鬱然比隆周漢

又文苑傳序曰及太和在運銳情文學固以

頡頏漢徹跨躡曹丕氣韻高遠豔藻獨構衣

冠仰止咸慕新風律調頗殊曲度遂改辭罕

泉源言多胸臆潤古彫今有所未遇是故雅

言麗則之奇綺合繡聯之美眇歷歲年未聞

獨得

唐書經籍藝文志後魏文帝集四十卷

馮氏詩紀曰北魏孝文帝改姓元氏遷都洛

陽風移俗易北朝之盛未有過之者也今存

縣瓠方丈竹堂饗侍臣與彭城王鄭懿鄭

道昭邢辯宋弁聯句一篇

嚴氏後魏文編曰孝文帝改元三延興承明

太和在位二十九年有集三十九卷魏書本

紀云好爲文章自太和十年已後詔册皆帝

之文也今錄太和十年已前詔册爲一卷十

年已後別爲四卷

後魏司空高允集二十一卷

高允有天文洪範日月變等書見子部天文

家

魏書北史本傳允性好文學博通經史天文

術數尤好春秋公羊曾作塞上翁詩有混欣

戚遺得喪之致文成時轉太常卿上代都賦

因以規諷亦二京之流也時中書博士索敞

與侍郎傅默梁祚論名字貴賤著議紛紜允

遂著名字論以釋其惑甚有典證獻文時允

以老疾頻上表乞骸骨詔不許於是乃著告

老詩又以昔歲同徵零落將盡感逝懷人作

徵士頌蓋止於應命其有命而不至則闕焉

其著頌者中書侍郎固安侯范陽盧玄子真以下凡三十四人舉其梗概從獻文北伐大捷而還至武川鎮上北伐頌帝覽而善之自文成迄於獻文軍國書檄多允作也未乃薦高閻以自代太和二年九年將九十矣扶引就內改定皇誥文成馮皇后撰皇誥十八篇見后妃傳又被勅論集任世酒之敗德以為酒訓孝文覽而悅之常置左右後又被召在方山作頌允所製詩賦詠頌箴論表贊誄左氏釋公羊釋毛詩拾遺論雜解議何鄭膏肓事凡百餘篇別有集行於世尤明算法為算術三卷又史臣曰依仁游藝執義守詰其司空高允乎宜事光寵四世終享百齡有魏以來斯人而已殿本考證曰玉篇詰同哲守詰即明哲保身之義也

唐書經籍藝文志後魏高允集二十卷

馮氏詩紀曰高允歷事五帝出入三省五十餘年初無譴咎有羅敷行王子喬歌各一篇答宗欽四言詩一篇十八章詠貞婦彭城劉氏四言詩一篇八章

張氏百三家高令公集輯本凡賦表疏上書書頌論酒訓祭文十二篇詩四篇題詞曰集中文字如上書東宮諫起宮室矯頹俗五異及樂平王著論皆耿介有聲餘亦整而不汚漢初張丞相著壽吉祥事略彷彿案漢北平侯張蒼年百餘歲高允卒年九十八惜年代久遠筆札絕少試列之北朝文苑中雖遜步崔公而開疆邢魏固當日之先正也

嚴氏後魏文編高允有集二十一卷今存鹿苑賦上天文災異八篇表承詔議興學校表

諫皇太子營立田園諫文成帝起宮室又諫不釐改風俗答宗欽書筮論塞上公亭詩序徵士頌北伐頌酒訓祭岱宗文凡一十三篇

案北史崔浩傳末云浩父宏始因苻氏亂欲避地江南為張願所獲本圖不遂乃作詩以自傷而不行於時蓋懼罪也浩誅中書侍郎高允受勅收浩家書始見此詩允

知其意允孫綽錄于允集則是集似其孫高綽所編次附有崔宏詩

後魏司農卿李諧集十卷

李諧有行記見史部地理類

魏書本傳諸風流閑潤博學有文辨當時才俊咸相欽賞元顥入洛以為給事黃門侍郎

顥除名乃為述身賦所著文集別有集錄行於世北史本傳云文集十餘卷

唐書經籍藝文志李諧集十卷

嚴氏後魏文編李諧有集十卷今惟見魏書本傳所載述身賦一篇

後魏太常卿盧元明集十七卷

魏書盧玄傳玄范陽涿人也曾祖謚晉司空劉琨從事中郎劉琨盧諶並有集見前西晉人卷末

祖父並仕慕容氏皆以儒雅稱神龜四年辟召儒儒以玄為首司徒崔浩玄之外兄玄子

度世度世子昶昶第五子元明字幼章涉歷羣書兼有文義風采開潤進退可觀永安初

臨淮王彧引為兼屬仍領部曲出帝登陴以

郎任行禮封城陽縣子遷中書侍郎永熙末居洛東緱山乃作幽居賦焉天平中副李諧

使蕭衍南人稱之還拜尚書右丞散騎常侍監起居又兼黃門郎元明善自標置不安交游飲酒賦詩遇興忘返性好玄理作史子新論數十篇北史作雜論新當為雜文筆別有集錄

唐書經籍藝文志盧元明集六卷

馮氏詩紀輯存晦日泛舟應詔詩四句

嚴氏後魏文編元明卒贈太常卿有集十七卷魏書本傳云作幽居賦今亡初學記太平

御覽有劇鼠賦隋書崔廓傳有嵩高山廟記案廓子頤答詔云臣見魏大司農盧元明撰

嵩高山廟記案魏書及北史元明未嘗為大司農當是漏落

後魏司空祭酒袁躍集十三卷

魏書文苑傳袁躍字景騰陳郡項人尚書麟弟也博學儁才性不矯俗篤於交友釋褐司

空行參軍歷尚書都兵郎中加員外散騎常侍將立明堂躍上議當時稱其博洽蠕蠕主

阿那瓌亡破來奔朝廷於之送復其國既而每使朝貢辭旨頗不盡禮躍為朝臣書與瓌

陳以禍福言辭甚美後遷太傅清河王懌文學雅為懌所愛賞懌之文表多出於躍卒贈

冠軍將軍吏部郎中所制文集行於世北史袁躍附傳同

唐書經籍藝文志袁躍集九卷

後魏著作佐郎韓顯宗集十卷

韓顯宗有燕志見史部霸史類

魏書北史韓麒麟傳麒麟子顯宗有才學孝文嘗謂顯宗曰校卿才能可居中第謂程靈蚪曰卿與顯宗復有差降可居下上顯宗以上表矜伐白衣守諮議既失意乃為五言詩贈御史中尉李彪以申憤結太和二十三年卒撰馮氏燕志及孝友傳各十卷所作文章頗傳于世

唐書經籍藝文志韓宗集五卷 舊志以避諱節去顯字新志因之

馮氏詩紀曰韓延之字顯宗南陽堵陽人仕晉奔姚興入魏為武牢鎮將賜爵魯陽侯一云韓顯宗字茂親有贈中尉李彪詩一首案

韓延之晉宋時人晉書魏書北史並有傳馮氏以為即此韓顯宗非也

嚴氏後魏文編韓顯宗有集十卷今唯存本傳所載上書陳時務上言時務兩篇

後魏散騎常侍溫子昇集三十九篇
溫子昇有永安記見史部地理類

魏書北史文苑傳子昇博覽百家文章清婉為廣陽王淵賤客在馬坊教諸奴子書作侯山祠堂碑文常景見而善之故詣淵曰頃見

溫生是大才士淵由是稍知之熙平初中尉東平王匡召辭人以充御史同時射策者八

百餘人子昇與盧仲宣孫纂等二十四人為高第遂補御史時年二十二臺中文筆皆子

昇為之正光末廣陽王淵為東北道行臺召為郎中軍國文翰皆出其手莊帝之殺爾朱

榮也子昇豫謀當時赦詔子昇詞也梁使張

皋寫子昇文筆傳于江表梁武稱之曰曹植陸機復生於北土恨我辭人數窮百六陽夏守傅標使吐谷渾見其國主牀頭有書數卷乃是子昇文也濟陰王暉嘗云江左文人宋有顏延之謝靈運梁有沈約任昉我子昇足以陵顏轅謝合任吐沈楊遵彥作文德論以為古今辭人皆負才遺行澆薄險忌惟邢子才王元景溫子昇彬彬有德素齊文襄引為

大將軍諮議及元瑾劉思逸荀濟等作亂文襄疑子昇知其謀方使之作神武碑文既成

乃俄諸晉陽獄食弊襦而死棄屍路隅沒其家口太尉長史宋游道收葬之又為集其文

筆為三十五卷又撰永安記三卷 案三十五卷永安記三卷為三十八卷并錄一卷為三十九與本志卷數適合

唐書經籍藝文志溫子昇集三十五卷
張氏百三家溫侍讀集輯本凡詔勅表上書

銘碑墓誌上梁文二十五篇樂府六篇詩三篇挽歌一篇題辭曰史言溫鵬舉外靜內險

好預事故終致禍敗今據史魏莊帝殺爾朱榮元瑾等背齊文襄作亂鵬舉皆預謀此二

事者柔順文明志存討賊設令功成無患不庶幾其先大將軍之誅王敦乎鵬舉初困馬

坊常公拂拭始稱才士縛於葛榮和督脫之逃死入京貧薄狼顧時恐不及上黨善怒幾

遭鞭撻後復賞愛捐其前忿徐紇小人亦畏才藻不輕下筆溫生雖窮天下豈少知己哉

元顯之變策復京師計之上也上黨即不能

為桓文鵬舉之言管狐許之矣北人不稱其多知而徒矜斬將塞旗於文墨之間猶皮相也吐谷小國畜書牀頭梁武知文歎窮百六濟陰塞士何以得此表碑具在顯少絕作陵顏轅謝合任吐沈亦確確自雄北方語耳桐華引仙露槐影麗輕烟鵬舉逸句尙佳世以其詩少即云不長於詩寒山片石當不其然

馮氏詩紀錄樂府詩篇數同

嚴氏後魏文編溫子昇有集三十九卷今存孝莊帝孝靜帝詔三篇孝武帝勅一篇章一篇表六篇彈文一篇為廣陽王上書又上言

言狀各一篇銘一篇碑六篇墓誌銘二篇上梁祝文一篇凡二十五篇

後魏太常卿陽固集三卷
魏書北史陽尼傳尼北平無終人也從孫承慶撰字統二十卷見經部小學家 承慶從弟固

字敬安性倣儻不拘小節少任俠好劍客年二十六始折節好學博覽篇籍有文才孝文

時數遷書侍御史多所劾奏宣武廣訪得失固上讜言表初帝委任羣下不甚親覽好桑

門之法尙書令高肇以外戚權寵專決朝事又咸陽王禧等並有釁故宗室大臣相見疎

薄而王畿人庶勞弊益甚固乃作南北二都賦稱恆代田漁聲樂侈靡之事節以中京禮

儀之式因以諷諫宣武末中尉王顯大不悅固奏免固官遂闔門自守著演蹟賦以明幽

微通塞之事又作刺譏疾嬖幸詩二首明帝時累遷前軍將軍正光四年九月卒年五十

七贈輔國將軍太常少卿諡曰文初固著終制一篇務從儉約臨終又勅諸子一遵先制長子休之

唐書經籍藝文志陽固集三卷

馮氏詩紀輯存刺讒詩疾倖詩各一篇

嚴氏後魏文編曰陽固本傳有演蹟賦上讒言表各一篇又云有南北二都賦文繁不錄今亡

右後魏人文凡八家八部是爲別集類分篇第九本又有宗欽集本志誤入東晉人未見前

隋書經籍志考證卷三十九之十

集部二之十

別集類十北齊

北齊特進邢子才集三十一卷

北齊書本傳邢邵字子才河間鄆人少時有避遂不行名十歲能屬文日誦萬餘言一覽

便無所遺文章典麗既瞻且速年未二十名動衣冠嘗與右北平陽固河東裴茂等至北海王所舍宿飲相與賦詩凡數十首釋巾爲

魏宣武挽郎除奉朝請著作佐郎自孝明之後文雅大盛邵彫蟲之美獨步當時每洛中

貴人拜職多憑邵爲謝表永安初爲中書侍郎所作詔語文體宏麗太昌中累遷太常卿

中書監攝國子祭酒三職並是文學之首當世榮之世宗幸晉陽路中頻有甘露之瑞朝

臣皆作甘露頌尚書符令邵爲之序及文宣帝崩勅撰哀策後授特進卒邵博覽籍籍無

不通曉晚年尤以五經章句爲意窮其指要吉凶禮儀公私諸稟實疑去惑爲世指南每

公卿會議事關典故邵援筆立成證引該洽帝命朝章取定俄頃與濟陰温子昇爲文士

之冠世論謂之温邢鉅鹿魏收雖天才豔發而言事在二人之後故子昇死後方稱邢魏

焉有書甚多而不甚校讎見人校書常笑曰何愚之甚天下書至死讀不可遍焉能始復

校此且誤書思之更是一適妻弟李季節才學之士名概有音韻決疑等書見經部小學類中謂

子才曰世間人多不聰明思誤書何由能得

子才曰若思不能得便不勞讀書有集三十卷見行於世

後魏羊銜之洛陽伽藍記曰永熙中詔國子祭酒邢子才撰景明寺碑文子才志性通敏

風情雅潤文宗學府騰班馬而孤上英規勝範凌許郭而獨高及皇居徙鄴勅與温子昇

撰麟趾新制十五篇省府以之決疑州郡用爲治本所製詩賦詔策章表碑頌贊記五百

篇皆傳於世鄴國欽其模楷朝野以爲美談唐書經籍志北齊邢子才集三十卷

唐書藝文志北齊邢邵集三十卷張氏百三家邢特進集輯本序曰温鵬舉魏

伯起邢子才爲北朝文人稱首楊遵彥文德論云古今辭人皆負才遺行惟子才王元景

温子昇彬彬有德素然則温邢在當日兼以行顯非伯起驚蛩蝶比也子才異同交安贊

愚並接抱此天姿與物無忤然在坐作表袁翻怒爲小兒言論相輕崔暹奪其帝聽甚哉

入世之不易也凡賦詔表奏等文二十九篇樂府一首詩七首馮氏詩紀輯樂府詩篇數同

嚴氏北齊文編邢邵有集三十卷今存新宮賦一篇文宣帝受禪赦詔一篇表八篇奏立

明堂太學文宣諡議各一篇議四篇上言一篇書二篇序一篇甘露頌一篇銘二篇哀策

文一篇碑四篇墓誌一篇北齊尚書僕射魏收集六十八卷

魏收有後魏書見史部正史類北齊書本傳魏節閔帝立妙簡近侍試收爲

封禪書收下筆便就不立臺草文將千言所改無幾孝武嘗大發士卒狩于嵩少之南旬有六日時天寒朝野嗟怨帝與從官及諸妃主奇伎異飾多非禮度收欲言則懼欲嘿不能已乃上南狩賦以諷焉時年二十七雖富言淫麗而終歸雅正帝手詔報焉甚見褒美初神武固讓天柱大將軍魏帝勅收為詔令遂所請欲加相國問收相國品秩收以實對帝遂止收既未測主相之意以前事不安求解詔許焉久之除帝兄子廣平王贊開府從事中郎收不敢辭乃為庭竹賦以致己意時孝武猜忌神武尋而神武與晉陽之甲帝西入關收副王所使梁在途作聘游賦辭甚美盛侯景叛入梁寇南境文襄時在晉陽令收為檄五十餘紙不日而就又檄梁朝令送侯景初夜執筆三更便成文過七紙文襄善之魏帝曾季秋大射普令賦詩收詩末云尺書徵建鄴折簡召長安文襄壯之顧諸人曰在朝今有魏收便是國之光采雅俗文墨通達縱橫我亦使才子子昇時有所作至於詞氣並不及之吾或意有所懷忘而不語語而不盡意有未及收呈草皆以周悉此亦難有侯景既陷梁鄴陽王範時為合州刺史文襄勅收以書喻之範得書乃率部伍西上文襄謂收曰今定一州卿有其力猶恨尺書徵建鄴未效耳文襄崩文宣如晉陽時將受禪楊愔奏收置之別館令撰禪代詔冊諸文遺徐之才守門不聽出三臺成文宣曰臺成須有

賦收上皇居新殿臺賦其文甚壯麗帝曾游東山勅收作詔宣揚威德譽喻關西俄頃而訖詞理宏壯帝對百僚大嗟賞之收無子魏太常劉芳孫女中書郎崔肇師女夫家坐事帝並賜收為妻時比之賈充置左右夫人然無子後病甚恐身後嫡媵不平乃放二姬及疾瘳追憶作懷離賦以申意及帝崩于晉陽與陽休之參議吉凶之禮并掌詔語文宣諡及廟號陵名皆收議也及孝昭居中宰事命收禁中為諸詔文始收與溫子昇邢邵稍為後進邵既被疎出子昇以罪幽死遂大被任用獨步一時議論更相訾毀各有朋黨自武定二年已後國家大事詔命軍國文詞皆收所作每有警急受詔立成敏速之工邢溫所不逮其參議典禮與邢相埒收以子侄少年申以戒厲著枕中篇後主即位復掌詔語有集七十卷收稍與子才爭名文宣貶子才曰爾才不及魏收收益得志自序云先稱溫邢後曰邢魏然收內陋邢心不許焉又高德政傳德政勸顯祖行禪代之事敦勸不已仍白帝追魏收收至令撰禪讓詔冊九錫建臺及勸進文表

唐書經籍藝文志魏收集七十卷張氏百三家魏特進集輯本序曰論邢魏者以魏衍任樂安邢洸隱侯余謂伯起生平文體得之樂安固多若問史才隱侯宋書亦其兄事也魏齊文詔典司最久世罕流傳作賦大才雅自期許乃新殿南狩庭竹離懷諸篇亦未得見使無魏書幾無以表著後代矣且謗深陳壽而福踰崔浩尤從來史官之極幸者也凡詔冊啓移文書議雜文祭文十五篇樂府四篇詩八篇馮氏詩紀錄樂府詩篇數同嚴氏北齊文編魏收有集七十卷今存魏孝靜帝禪位詔冊命齊王九錫文禪位冊太子監國冬會議上魏書十志啓與李德林書論齊書起元事為侯景叛移梁朝文枕中篇祭文願文凡一十四篇案藝文類聚五十八又有魏收檄梁文據文苑英華及通鑑實杜弼撰又收傳有南狩賦聘游賦皇居新殿臺賦懷離賦庭竹賦北史文苑傳有庫狄干碑序今並亡

北齊儀同劉逖集二十六卷北齊書文苑傳劉逖字子長彭城叢亭里人也祖芳魏太常卿逖少而聰敏魏末徵詣霸府發憤自勵專精讀書晉陽都會之所霸朝人士攸集成務于宴集逖在游宴之中卷不離手亦留心文藻頗工詩詠武成時至中書侍郎歷為聘陳使主聘周使副二國始通禮儀未定逖與周朝議論往復斟酌古今事多合禮兼文詞可觀甚得名譽使還拜儀同三司武成崩出為江州仁州刺史徵還待詔文林館重除散騎常侍奏門下事未幾與崔季舒等同時被戮時年四十九所制詩賦及雜文文筆三十卷又後主本紀武平四年冬十月辛丑殺侍中崔季舒張彪散騎常侍劉逖封孝琰黃門侍郎裴澤郭遵案其事見崔季舒傳又恩倖韓鳳傳鳳於權要

之中尤嫉人士崔季舒等冤酷皆風所爲

北史文苑傳序曰河清天統之辰杜臺卿劉

逖魏騫亦參詔勅唯撰述除官詔旨其關涉

軍國文翰多是魏收作之

唐書經籍藝文志劉逖集四十卷

馮氏詩紀曰劉逖有對雨詩秋朝野望詩浴

溫泉詩清歌發詩凡四首

嚴氏北齊文編曰劉逖有薦辛德源表一篇

見隋書德源傳

右北齊人文凡三家三部是爲別集類分

篇第十

隋書經籍志考證卷三十九之十一

集部二之十一

別集類十一後周

後周明帝集九卷

周書本紀世宗明皇帝諱毓太祖長子也魏

大統十四年封寧都郡公十六年行華州事

拜宜州刺史魏恭帝三年授大將軍鎮隴右

孝閔帝受禪進柱國轉岐州刺史晉公護廢

即天王位三年秋八月己亥改天王稱皇帝

改元武成明年夏四月帝因食遇毒崩亦爲

宇文護所弑詳見護傳年二十七帝寬明仁厚敦

陸九族有君人之量幼而好學博覽羣書善

屬文詞采溫麗及即位集公卿以下有文學

者八十餘人于麟趾殿刊校經史又摺采衆

書自羲農以來訖於魏末敍爲世譜凡五百

卷云所著文章十卷又曰遇毒後庚子大漸

詔曰云云即帝口授也

唐書經籍藝文志後周明帝集十卷 別本作

一卷似十字之誤

唐書藝文志後周明帝集五十卷案舊志是集

之後即次以陳後主集五十卷新志據舊志寫錄因上下

文而錯誤歟

馮氏詩紀曰北周明帝在位四年有貽韋居

士詩過舊宮詩和王褒咏摘花各一篇

嚴氏後周文編明帝有集十卷隋志作九卷

今存詔十三篇勅一篇

後周趙王集八卷

周書文帝十三子傳趙僖王招字豆盧突幼

聰穎博涉羣書好屬文學庾信體詞多輕豔

魏恭帝三年封正平郡公武成初進爵趙國

公建德三年進爲王大象元年出就國二年

宣帝不豫徵招及陳越代滕五王赴闕比招

等至而帝已崩隋文帝輔政將遷周鼎招密

欲圖之以匡社稷後事覺陷以謀反其年秋

誅招及其子國除招所著文集十卷行於世

又靜帝本紀大象二年六月戊午趙王招陳

王純越王達代王盛滕王迺來朝案當爲越王

盛代王達此誤 秋七月庚子詔趙陳越代滕五

王入朝不趨劍履上殿壬子趙王招越王盛

以謀執政被誅

庾信趙國公集序曰柱國公發言爲論下筆

成章逸態橫生新情振起文參曆象即入天

官之書韻涉絲桐咸歸總章之觀論其壯也

則鵬起半天語其細也則鶴巢蚊睫自魏建

安之末晉太康以來彫蟲篆刻其體三變人

人自謂握靈蛇之珠抱荆山之玉矣公斟酌

雅頌諧和律呂若使言乖節目則曲臺不顧

聲止操縵則成均無取遂得棟梁文囿冠冕

詞林大雅扶輪小生承蓋案此稱趙國公集蓋作

于建德三年未進千爵之前

唐日本國見在書曰後周趙王集十卷

唐書經籍志後周趙王集十卷

唐書藝文志後周趙王集十卷

馮氏詩紀趙王招文帝第七子有從軍行一

首

後周滕簡王集八卷

周書文帝十三子傳滕聞王道案北史亦作聞似簡之誤字爾固突少好經史解屬文武成初封滕國公建德三年進爵為王大象元年出就國二年朝京師其年冬為隋文帝所害并其子國除道所著文章頗行于世

又靜帝本紀大象二年十二月甲子大丞相

隋國公楊堅進爵為王以十郡為國辛未代

王達滕王道並以謀執政被誅

唐書經籍志後周滕王集十二卷

唐書藝文志後周滕簡王集十二卷

馮氏詩紀滕王道文帝第十三子有至渭源詩一首

嚴氏後周文編滕王道諡曰簡王有集九卷文苑英華有庾信集序初學記有道教實花序各一篇

後周儀同宗懷集十二卷并錄

周書北史本傳懷字元懷南陽涅陽人少聰敏好讀書普通六年舉秀才梁元帝鎮荊州令兼記室使製龍川廟碑元帝歎美之元帝重牧荊州以為別駕江陵令及即位擢為尚書侍郎封信安縣侯累遷吏部尚書初侯景平後梁元帝議還建鄴惟懷勸都洛宮以其鄉里在荊州故也及江陵平與王褒等入關周文帝以懷名重南土甚禮之孝閔帝踐阼拜車騎大將軍儀同三司明帝即位又與王褒等在麟趾殿刊定羣書保定中卒年六十四有集二十卷行於世

唐書經籍志後周宗懷集三十卷藝文志十卷

馮氏詩紀宗懷有和歲首寒望詩早春詩春望詩麟趾殿詠新井凡四篇

案宗懷有荆楚歲時記一卷至今猶傳本志不別著錄或當編入是集中

後周沙門釋忘名集十卷忘當為亡

唐日本國見在書目無名師集十卷又有無名集十卷又十八卷或別是一人

唐書經籍志沙門亡名集十卷

唐書藝文志僧亡名集十卷

法苑珠林傳記篇周朝武帝時沙門釋亡名著至道論淳德論遺執論不殺論去是非論修空論影喻論法界寶人銘獸食想文僧崖菩薩傳韶法師傳驗善知識傳凡十二卷

馮氏詩紀曰釋亡名俗姓宋氏南郡人本名闕弱齡遁世吟嘯邱壑長富才華事梁元帝深見禮待梁亡遠客岷蜀會周氏跨有并洛齊王鎮蜀素加禮供秩滿還雍遂勒歸謁帝朝省總議將徵拔之然雅亮卓然會無易節多所著述有集十卷行于世今存五苦詩五首謂生苦老苦病苦死苦愛離也又五盛陰詩一首以佛書有五陰譬喻言皆空虛也又有無名法師過徐君墓詩一首疑亦亡名作

嚴氏後周文編曰釋亡名俗姓宋南郡人本名闕逮事梁元帝官爵未詳梁亡出家為夏州三藏字文護迎還咸陽不知所終續高僧傳有答宇文護書又列六不可十歎息書又

寶入銘法苑珠林作自誠存凡三篇

案寶入銘序云余十五而尚文三十而重勢位值京都喪亂冠冕淪沒知識零落殆盡乃喟然歎曰夫以迴天倒日之力一旦草彫岱山磐石之固忽焉燼滅定知世相無常浮生虛偽譬如朝露其停幾何不如修禪定足以養志誦讀經足以自娛富貴名譽徒榮人耳乃棄其簪弁剃其鬚髮衣

納杖錫聽講談玄戰國未寧安身無地思

絕苦本莫知其津誓欲枯木其形死灰其

慮降此患累以求虛寂云云蓋憫江陵之

覆亡自擬以枯木死灰其心志亦重可悲

矣又答宇文護書云不曾妻息五十二年自捨俗緣十有五載則梁亡之歲年五十二後十五年為周武帝天和三年時年已六十七矣可見者如此

後周小司空王褒集二十一卷并錄堪邪

王褒有王氏江左世家傳見史部雜傳篇

梁書王規附傳規子褒字子漢七歲能屬文

與沛國劉毅南陽宗懷俱為中興佐同參帷

幄褒至尚書左僕射參掌選事世祖承聖三

年江陵陷入于周褒著幼訓以誠諸子其一

章有云吾始乎幼學及于知命既崇周孔之教兼循老釋之談江左以來斯業不墜汝能脩之吾之志也

周書北史本傳褒曾祖儉祖籍父規並有重

名於江左褒識量淵通志懷沈靜美風儀善談笑博覽史傳尤工屬文梁武帝嘉其才藝

以弟鄱陽王恢之女妻之元帝與褒有舊相得甚歡及魏征江陵元帝出降褒遂與衆俱

出見柱國于謹褒曾作燕歌行妙盡關寒塞

苦之狀元帝及諸文士並和之而競爲淒切

之詞至此方驗焉褒與王克劉毅宗懷殷不

害等數十人俱至長安明帝即位篤好文學

時褒與庾信才名最高特加親待帝游宴命

褒賦詩談論恆在左右建德以後頗參朝議

凡大詔册皆令褒具草後遷少司空周書作

小仍掌綸誥初褒與梁處士汝南周弘讓相

善及讓兄弘正自陳來聘帝許褒等通親知

音問褒贈弘讓詩并致書焉

唐書經籍志王褒集三十卷藝文志二十卷

馮氏詩紀王褒樂府有燕歌行等十八篇詩

二十九篇

張氏百三家王司空集輯本凡詔表啓書序

箴銘碑祭文頌文幼訓二十五篇樂府詩四

十七篇題詞有曰周朝著作王庾齊稱其麗

密相近而子淵微弱平日作燕歌行能盡塞

北苦寒梁朝君臣競和其詞竟成符讖今觀

子淵詩文多燕歌類建章樓閣長安陵樹傷

心久矣

嚴氏後周文編曰案王褒傳建德以後凡大

詔册皆令褒具草張溥據之以建德元年三

月癸亥詔三年二月乙卯詔六月戊午詔凡

三首編入褒集然建德詔見存三十二首而

張溥僅取三首何所據乎今以建德詔編入

武帝集褒有集二十一卷今存表四啓二與

周弘讓書象經序服要記序論箴銘碑銘祭

文幼訓頌文凡二十六篇

後周少傅蕭瑄集十卷

周書北史本傳瑄字智遐蘭陵人梁武帝弟

安成王秀之子也秀有集見前年十二入國學

博觀經史雅好屬文在梁封永豐縣侯歷巴

西梓潼二郡守及侯景作亂武陵王紀稱尊

號封瑄秦郡王紀率衆東下以瑄爲益州刺

史守成都周文帝知蜀兵寡弱遣大將軍尉

遲迴總衆討之瑄以城降授侍中開府儀同

三司封歸善縣公周閔帝踐阼進爵黃臺郡

公武成中明帝令諸文儒于麟趾殿校定經

史仍撰世譜瑄亦預焉後置露門學以瑄與

唐瑾元偉王褒等四人俱爲文學博士歷少

保少傅改封蔡陽郡公建德二年卒時年五

十九諡曰襄瑄善草隸名亞于王褒算數醫

方咸亦留意所著詩賦雜文數萬言頗行于

世

唐書經籍藝文志蕭瑄集十卷

馮氏詩紀蕭瑄有婦婦吟日出行勞歌和武

陵王望道館上蓮山等詩凡五首

嚴氏後周文編蕭瑄有集十卷周書本傳有

請歸養表一篇

後周開府儀同庾信集二十一卷并錄

北史文苑傳庾信字子山南陽新野人幼而

俊邁聰敏絕倫博覽羣書尤善春秋左氏傳

父肩吾爲梁太子中庶子東海徐摛爲右衛

入禁闥恩禮莫與比隆既文並綺豔故世號

徐庾體焉當時後進競相模範每有一文都

下莫不傳誦聘于東魏文章辭令盛爲鄴下

所稱還爲東宮學士領建康令臺城陷後奔

於江陵梁元帝除御史中丞右衛將軍封武

康縣侯聘於西魏屬大軍南討遂留長安周

孝閔帝踐阼封臨清縣子除司水下大夫弘

農郡守驃騎大將軍開府儀同三司司憲中

大夫進爵義城縣侯拜洛州刺史徵爲司宗

中大夫明帝武帝並雅好文學信特蒙恩禮

至於趙滕二王周旋款至有若布衣之交羣

公碑誌多相託焉唯王褒頗與信埒自餘文

人莫有逮者信雖位望顯常作鄉關之思

乃作哀江南賦以致其意大象初以疾去職

隋開皇元年卒有文集二十卷

又文苑傳序曰梁自大同之後雅道淪缺漸

乖典則爭馳新巧簡文湘東啓其淫放徐陵

庾信分路揚鑣其意淺而繁其文匿而彩詞

尙輕險情多哀思格以延陵之聽蓋亦亡國

之音也

周書傳論曰王褒庾信奇才秀出牢籠于一

代是時世宗雅詞雲委滕趙二王彫章間發

咸築宮虛館有如布衣之交由是朝廷之人

閭閻之士莫不志味于遺韻眩精于末光猶

邱陵之仰嵩岱川流之宗溟渤也然則子山

之文發源于宋末盛行於梁季其體以淫放

爲本其詞以輕險爲宗故能誇目侈於紅紫

以則辭人之賦麗以淫若以庾氏方之斯又詞賦之罪人也

周滕簡王適序曰自梁朝筮仕周氏馳驅至今歲在屠維龍居淵獻春秋六十有七齒雖著舊文更新奇才子詞人莫不師教王公名貴盡為虛襟又曰妙善文詞尤工詩賦窮緣情之綺靡盡體物之瀏亮誅奪安仁之美碑

有伯喈之情箴似揚雄書同阮籍昔在揚都有集十四卷值太清罹亂百不一存及到江陵又有三卷即重遭軍火一字無遺今之所撰止入魏以來爰洎皇代凡所著述合二十卷分成兩帙付之後爾余與子山風期款密情均縞紵契比金蘭欲余製序聊命翰札云

案序云歲在屠維龍居淵獻則為己亥之歲是歲為周宣帝即位之次年改元大成未幾禪位於靜帝改元大象一歲凡兩改元序蓋作于是年時信年六十有七明年滕王被害又明年辛丑即為隋開皇元年信卒于是年六十有九

北史魏澹傳隋初除太子舍人廢太子勇深禮之令注庾信集世稱博物

唐日本國見在書目庾信集廿卷

唐書經籍藝文志庾信集二十卷

宋史藝文志庾信集二十卷又哀江南賦一卷又曰王道珪注哀江南賦一卷張庭芳注哀江南賦一卷

晁氏讀書志庾信集二十卷周庾信子山也孝閔時終司憲中大夫信在梁與徐陵文並綺麗世號徐庾體集有滕王適序案信終于司

宗中大夫隋開皇初卒此云孝閔時終司憲中大夫非也

陳氏書錄解題庾開府集二十卷周司憲中大夫南陽庾信子山撰信肩吾之子仕梁及周其在揚都有集四十卷及江陵又有三卷皆兵火不存今集止自入魏以來所作而哀江南賦實為首冠案此亦云司憲中大夫誤與晁志同或宋本集首所題如此也揚都有集四十卷據滕王序自是十四卷之誤

四庫提要曰庾開府集箋注十卷周庾信撰國朝吳兆宜注信駢偶之文集六朝之大成道四傑之先路自古迄今屹然為四六宗匠初在南朝與徐陵齊名王通中說曰徐陵庾信古之夸人也其文誕令狐德棻周書至詆其誇目蕩心斥為詞賦之罪人然此自指臺城應教之日二人以宮體相高耳至信北遷以後閱歷既久學問彌深所作皆華實相扶情文兼至抽黃對白之中灑氣舒卷變化自如則非陵之所能及矣張說詩曰蘭成追宋玉舊宅偶詞人筆涌江山氣文驕雲雨神其推挹甚至杜甫詩曰庾信文章老更成凌雲健筆意縱橫後來嗤點流傳賦不覺前賢畏後生則諸家之論甫固不以為然矣北史本傳稱有集二十卷與周滕王之序合隋志作二十一卷皆已久佚元末明初尚有重編之本今亦未見此本雖冠以滕王適序實由諸書鈔撮而成非其原帙也又曰庾子山集注十六卷錢塘倪璠撰

右後周人文凡八家八部是為別集類分篇第十一

隋書經籍志考證卷三十九之十二 集部二之十二

別集類十二 陳後主集三十九卷

陳書本紀後主諱叔寶字元秀小字黃奴宣帝嫡長子也天嘉三年立為安成王世子太建元年立為皇太子十四年正月甲寅宣帝崩乙卯始興王叔陵作逆伏誅丁巳即皇帝位明年改元至德後五年改元禎明禎明二年十一月隋遣晉王廣衆軍來伐三年春正月乙丑隋總管賀若弼韓擒虎自南北道並進甲申進攻宮城南自掖門而入後主自投于井及夜為隋軍所執三月己巳後主與王公百司發自建業入于長安隋仁壽四年十一月壬子薨於洛陽時年五十二追贈大將軍封長城縣公諡曰煬葬河南洛陽之芒山

又史臣侍中鄭國公魏徵曰古人有言亡國之主多有才藝考之梁陳及隋信非虛論然則不崇教義之本偏尚淫麗之文徒長澆偽之風無救亂亡之禍矣

又文學傳序曰後主嗣立雅尚文詞傍求學藝煥乎俱集每臣下表疏及獻上賦頌者躬自省覽其有辭工則俾筆賞激加其爵位是以搢紳之徒咸知自勵

又姚察傳後主所製文筆卷軸甚多乃別寫一本付察有疑悉令判定察亦推心奉上事在無隱後主嘗從容謂朝士曰姚察達學洽聞手筆典裁精當自古尤難輩匹在于今世

足爲師範且訪對甚詳明聽之使人忘倦

南史本紀後主荒於酒色常使張貴妃孔貴人等八人夾坐江總孔範等十人預宴號曰狎客先令八婦人擊采箋製五言詩十客一時繼和遲則罰酒君臣酣飲從夕達旦以此爲常及聞隋軍臨江但奏伎縱酒作詩不輟既至京師隋文帝給賜甚厚數得引見班同三品後監守者奏言叔寶云既無秩位每預朝集願得一官號隋文帝曰叔寶全無心肝及從東巡登芒山侍飲賦詩曰日月光天德山川壯帝居太平無以報願上東封書并表請封禪隋文帝優詔謙讓不許後從至仁壽宮常侍宴及出隋文帝目之曰此敗豈不由酒將作詩工夫何如思安時事當賀若弼度京口彼人密啓告急叔寶爲飲酒遂不省之高頴至日猶見啓在牀下未開封此亦是可笑蓋天亡也昔苻氏所征得國皆榮貴其主苟欲求名不知違天命與之官乃遠天也

隋書樂志曰後主嗣位尤重聲樂遣宮女習北方蕭鼓謂之代北酒酣則奏之又於清樂中造黃驪留及玉樹後庭花金釵兩鬢垂等曲與幸臣等製其歌詞綺豔相高極于輕薄男女唱和其音甚哀

唐書經籍志陳後主集五十卷藝文志五十卷案二志作五十卷五十五卷者似并沈后集十卷在內也

宋史藝文志陳后主集一卷

崇文總目陳后主集十卷

張氏百三家輯本序曰世言陳後主輕薄最甚者莫如黃鸝留玉樹後庭花金釵兩鬢垂等曲今曲不盡傳惟見玉樹一篇寥落寡致不堪男女唱和即歌之亦未極哀也史稱後主標德儲宮繼業允望遵典故典弘六藝金馬石渠稽古雲集梯山航海朝貢歲至辭雖誇詡審其平日固與鬱林東昏殊趨矣使其生當太平次爲諸王步竟陵之文藻賤臨川之黷貨開館讀書不失令譽乃繫以大寶困之萬幾豈所堪乎鶴不能亡國而國君不可好鶴後主蓋與衛懿公同類而悲矣漢武李夫人歌與落葉哀蟬曲憂傷過于後代而四夷服威陳主詞非絕淫亡且忽焉哀而不起者在聲音之間乎非獨篇章已也詔命書銘秋東氣多即作者亦不自知日暮矣凡賦詔勅制策書銘二十八篇樂府三十四篇詩二十九篇馮氏詩紀輯存樂府詩篇數同又附錄小說家所載隋渠詩小窗詩寄碧玉詩戲贈沈后詩各一首其詞不類皆後人依託云

嚴氏全陳文編後主有集三十九卷今存棗賦夜亭度雁賦各一篇報尙書八座奏治始興王叔陵罪制一篇詔二十勅十册文一宣旨誠諭一書一墓銘一題墓銘後一綜凡三十八篇

陳後主沈后集十卷

陳書皇后列傳後主沈皇后諱婺華儀同三司望蔡貞憲侯君理女也太建三年納爲皇太子妃後主即位立爲皇后后性端靜寡嗜

慾聰敏彊記涉獵經史工書翰後主遇后既薄而張貴妃寵傾後宮後宮之政並歸之后澹然未嘗有所忌怨而居處儉約衣服無錦繡之飾左右近侍纔百許人唯尋閱圖史誦佛經爲事陳亡與後主俱入長安及後主薨后自爲哀辭文甚酸切隋煬帝每所巡幸恆令從駕及煬帝爲字文化及所害后自廣陵過江還鄉里不知所終

南史后妃傳后數上書諫爭後主將廢之而立張貴妃會國亡不果又曰及煬帝被殺后自廣陵過江于金陵天靜寺爲尼名觀音貞觀初卒

馮氏詩紀曰平陳錄及朝野僉載有後主戲贈沈后沈后答後主詩各一首爲後人依託也

嚴氏全陳文編後主沈后有集十卷國清百錄有與釋智顓手書一篇

陳大匠卿杜之偉集十二卷

陳書文學傳杜之偉字子大吳郡錢塘人也家世儒學以三禮專門之偉幼精敏有逸才七歲受尙書稍習詩禮略通其學十五遍觀文史及儀禮故事時輩稱其早成僕射徐勉嘗見其文重其有筆力中大同元年梁武帝幸同泰寺捨身案梁武帝初捨身在大通元年此云中大同史駁文勅勉撰儀注勉以臺閣先無此禮召之偉草具其儀乃啓補東宮學士與學士劉陟等抄撰羣書各爲題目所撰富教政道二篇皆之偉爲序梁皇太子釋奠於國

陳書皇后列傳後主沈皇后諱婺華儀同三司望蔡貞憲侯君理女也太建三年納爲皇太子妃後主即位立爲皇后后性端靜寡嗜

慾聰敏彊記涉獵經史工書翰後主遇后既薄而張貴妃寵傾後宮後宮之政並歸之后澹然未嘗有所忌怨而居處儉約衣服無錦繡之飾左右近侍纔百許人唯尋閱圖史誦佛經爲事陳亡與後主俱入長安及後主薨后自爲哀辭文甚酸切隋煬帝每所巡幸恆令從駕及煬帝爲字文化及所害后自廣陵過江還鄉里不知所終

南史后妃傳后數上書諫爭後主將廢之而立張貴妃會國亡不果又曰及煬帝被殺后自廣陵過江于金陵天靜寺爲尼名觀音貞觀初卒

馮氏詩紀曰平陳錄及朝野僉載有後主戲贈沈后沈后答後主詩各一首爲後人依託也

嚴氏全陳文編後主沈后有集十卷國清百錄有與釋智顓手書一篇

陳大匠卿杜之偉集十二卷

陳書文學傳杜之偉字子大吳郡錢塘人也家世儒學以三禮專門之偉幼精敏有逸才七歲受尙書稍習詩禮略通其學十五遍觀文史及儀禮故事時輩稱其早成僕射徐勉嘗見其文重其有筆力中大同元年梁武帝幸同泰寺捨身案梁武帝初捨身在大通元年此云中大同史駁文勅勉撰儀注勉以臺閣先無此禮召之偉草具其儀乃啓補東宮學士與學士劉陟等抄撰羣書各爲題目所撰富教政道二篇皆之偉爲序梁皇太子釋奠於國

陳書皇后列傳後主沈皇后諱婺華儀同三司望蔡貞憲侯君理女也太建三年納爲皇太子妃後主即位立爲皇后后性端靜寡嗜

慾聰敏彊記涉獵經史工書翰後主遇后既薄而張貴妃寵傾後宮後宮之政並歸之后澹然未嘗有所忌怨而居處儉約衣服無錦繡之飾左右近侍纔百許人唯尋閱圖史誦佛經爲事陳亡與後主俱入長安及後主薨后自爲哀辭文甚酸切隋煬帝每所巡幸恆令從駕及煬帝爲字文化及所害后自廣陵過江還鄉里不知所終

南史后妃傳后數上書諫爭後主將廢之而立張貴妃會國亡不果又曰及煬帝被殺后自廣陵過江于金陵天靜寺爲尼名觀音貞觀初卒

馮氏詩紀曰平陳錄及朝野僉載有後主戲贈沈后沈后答後主詩各一首爲後人依託也

嚴氏全陳文編後主沈后有集十卷國清百錄有與釋智顓手書一篇

陳大匠卿杜之偉集十二卷

陳書文學傳杜之偉字子大吳郡錢塘人也家世儒學以三禮專門之偉幼精敏有逸才七歲受尙書稍習詩禮略通其學十五遍觀文史及儀禮故事時輩稱其早成僕射徐勉嘗見其文重其有筆力中大同元年梁武帝幸同泰寺捨身案梁武帝初捨身在大通元年此云中大同史駁文勅勉撰儀注勉以臺閣先無此禮召之偉草具其儀乃啓補東宮學士與學士劉陟等抄撰羣書各爲題目所撰富教政道二篇皆之偉爲序梁皇太子釋奠於國

陳書皇后列傳後主沈皇后諱婺華儀同三司望蔡貞憲侯君理女也太建三年納爲皇太子妃後主即位立爲皇后后性端靜寡嗜

慾聰敏彊記涉獵經史工書翰後主遇后既薄而張貴妃寵傾後宮後宮之政並歸之后澹然未嘗有所忌怨而居處儉約衣服無錦繡之飾左右近侍纔百許人唯尋閱圖史誦佛經爲事陳亡與後主俱入長安及後主薨后自爲哀辭文甚酸切隋煬帝每所巡幸恆令從駕及煬帝爲字文化及所害后自廣陵過江還鄉里不知所終

學時樂府無孔子顏子登歌詞尚書參議令

之偉製其文俗人傳習以為故事侯景反之

偉逃竄山澤及高祖為丞相素聞其名召補

記室參軍遷中書侍郎領大著作高祖受禪

除鴻臚卿尋轉大匠卿遷大中大夫永定三

年卒年五十二之偉為文不尚浮華而溫雅

博瞻所製多遺失存者十七卷

嚴氏全陳文編之偉有集十二卷陳書文

學傳有求解著作啓一篇

陳金紫光祿大夫周弘讓集九卷

陳周弘讓後集十二卷

周弘讓有續高士傳見史部傳記類

陳書周弘正傳弘正幼孤及弟弘讓弘直俱

為叔父侍中護軍捨所養 周捨有集見梁文中

弘正知玄象善占候大同末嘗謂弟弘讓曰

國家厄運數年當有兵起吾與汝不知何所

逃之及梁武納侯景弘正謂弘讓曰亂階此

矣王僧辯之討侯景也弘正與弘讓自拔迎

軍僧辯得之甚善即日啓元帝遣使迎之謂

朝士曰晉氏平吳喜獲二陸今我破賊亦得

兩周今古一時足為連類弘讓性簡素博學

多通

唐書藝文志周弘讓集十八卷

馮氏詩紀曰周弘讓弘正之弟始仕不得志

隱居茅山晚仕侯景為中書侍郎獲譏于世

今存詩四首

嚴氏全陳文編周弘讓有集九卷後集十二

卷今存山蘭賦奏宋齊故事答王褒書與徐

陵書凡四篇

陳侍中沈炯前集七卷一本作炯者非也

陳沈炯後集十三卷

陳書南史本傳炯字初明吳興武康人也少

有儒才為當時所重仕梁為尚書左民侍郎

吳令侯景之難景將宋子仙逼令掌書記及

子仙敗王僧辯購得之自是羽撤軍書皆出

於炯及簡文遇害四方岳牧上表於江陵勸

進僧辯令炯制表其文甚工當時莫有逮者

陳武帝南下與僧辯會白茅灣登壇設盟炯

為其文侯景平梁元帝封原鄉侯徵為給事

黃門侍郎魏剋江陵被虜甚見禮遇授儀同

三司以母在東恆思歸國恐以文才被留閉

門卻掃無所交接時有文章隨即毀棄不令

流布嘗獨行經漢武通天臺為表奏之陳己

思鄉之意少日便與王克等並獲東歸紹泰

二年至都歷司農卿御史中丞陳武帝受禪

加通直散騎常侍帝嘗稱炯宜居王佐軍國

大政多預謀謨文帝又重其才欲使炯立功

加明威將軍遺還鄉里收徒衆以疾卒于吳

中時年五十九贈侍中諡曰恭子有集二十

卷行於世

姚思廉曰沈炯仕于梁室年在知命冀郎署

之薄官止邑宰之卑職及下筆盟壇屬辭勸

表激揚旨趣信文人之偉者歟

李延壽曰沈炯才思之美足以繼踵前良然

仕于梁朝年已知命主非不文而位裁邑宰

及于運逢交喪驅馳戎馬所在稱美用捨信

有時焉

藝文類聚雜文部陳劉師知侍中沈府君集

序略曰余與夫子齒義懸絕降德忘年交情

彌至增榮廣價知己難忘夫盛烈清微便傳

乎帝載遺文餘論被在乎民謠斯所以沒而

猶彰死且不朽今乃撰西還所著文章名為

後集

唐日本國見在書目沈炯集十卷沈炯後集

十卷

唐書經籍藝文志沈炯前集六卷後集十三

卷

宋史藝文志沈炯集七卷一本誤作燭

張氏百三家沈侍中集輯本序曰勸進三表

長聲慷慨絕類劉越石陳情辛宛又有李令

伯風至為陳太傅讓表義正辭壯即阮嗣宗

上晉王箋曷加焉恭子雋才雅慕忠孝冒危

履險情深指哀行經通天臺上表漢武亦雀

臺雍邱憑弔常事何至發夢帝宮還身故壞

鄧晨有云忠信感靈其事異其志悲矣存詩

頗少詠十二神尤驚創體亦戲謔類耳江南

文體入陳更衰非徐僕射沈侍中代無作者

乃故崎嶇其遇俾光詞苑斯文之際天豈無

意乎凡賦表啓書銘碑哀策文祭文盟文二

十二篇樂府二篇詩十六篇 馮氏詩紀輯存樂

府詩篇數同

嚴氏全陳文編沈炯有前集七卷後集十三

卷今存歸魂賦幽庭賦各一篇表九篇書記

銘哀策文碑文盟文祭文各一篇凡十八篇

又曰張溥誤取文苑英華書二首又誤取梁書王僧辯傳之啓二首編入沈炯集並無據也

陳沙門釋標集二卷當作釋慧標

陳書虞寄傳時陳寶應據有閩中結婚留異潛有逆謀寄每陳逆順之理微以諷諫及留異稱兵寶應資其部曲寄乃因書極諫及寶應敗走凡諸賓客微有交涉者皆伏誅唯寄以先識免禍初沙門慧標涉獵有才思及寶應起兵作五言詩以送之曰送馬猶臨水離騎稍引風好看今夜月當入紫微宮寶應得之甚悅慧標賚以示寄寄一覽便止正色無言標退寄謂所親曰標公既以此始必以此終後竟坐是誅

陳沙門釋洪偃集八卷

馮氏詩紀曰釋惠標涉獵有文思陳寶應反以預謀坐誅今存詠山詠水詠孤石贈陳寶應詩四篇六首

馮氏詩紀曰釋洪偃俗姓謝氏會稽山陰人風神秀穎弱齡悟道梁太宗在東朝愛其備秀欲令還俗引爲學士偃執志不從會講重雲抗言高論甚爲武帝所優禮梁亂避地於縉雲陳武革命乃復出都天嘉五年卒偃始離俗迄於還化惟學是務每緣情觸興輒敘其致而文采灑落罕有嗣者今存游故苑等詩凡三篇

陳沙門釋瑗集六卷當作釋曇瑗

釋曇瑗有僧家書儀見史部儀注類

唐書經籍志沙門曇瑗集六卷

唐書藝文志僧曇瑗集六卷馮氏詩紀續高僧傳曰瑗每上鍾阜諸寺修造道賢觸興賦詩覽物懷古洪偃法師傲寄泉石偏見朋從把臂郊柯同游故苑瑗題樹爲詩今存此一首案即與洪偃同游故苑詩也

嚴氏全陳文編釋曇瑗有集六卷廣弘明集有瑗答津律師書與梁朝士書各一篇

陳沙門釋靈裕集四卷

法苑珠林傳記篇隋朝相州大慈寺沙門釋靈裕撰安民論十二卷陶神論十卷因果論二卷聖迹記一卷

唐書經籍志沙門靈裕集二卷

唐書藝文志僧靈裕集二卷

馮氏詩紀續高僧傳曰靈裕俗姓趙定州曲陽人有道行甚爲齊文宣隋文帝之所尊禮而清貞潔己屢謝時榮初居相州大慈寺末又住演空寺大業元年終有臨終詩二首案靈裕終于隋煬帝大業元年則入隋久矣此題陳沙門者或從陳代諸家書目鈔入不及詳考也

陳尚書僕射周弘正集二十卷

周弘正有周易義疏見經部易家南史周朗附傳弘正幼爲伯父捨所養十歲通老子周易捨每與談論輒異之曰觀汝情理警發後世知名當出吾右河東裴子野深相賞納請以女妻之普通中初置司文義郎直壽光省以弘正爲司義侍郎大通三年昭

明太子薨其嗣華容公不得立乃以晉安王

綱爲皇太子弘正奏記請抗目夷上仁之義

執子臧大賢之節其抗直守正如此常自稱

有才無相僕射徐勉掌選以其陋不堪爲尚

書郎乃獻書於勉其言甚切時於城西立士

林館弘正居以講授聽者傾朝野弘正啓梁

武帝周易疑義凡五十條又講釋乾坤二繫

復詔答之後有罪應流徙勅以賜干陞利國

未去寄繫尙方于獄上武帝講武詩降勅原

罪仍復本位元帝嘗著金樓子曰余于諸僧

重招提琰法師隱士重華陽陶貞白士大夫

重汝南周弘正其于義理情轉無窮亦一時

之名士也弘正善清談梁末爲玄宗之冠所

著周易講疏論語莊子老子孝經疏若干卷

集二十卷行於代

唐書經籍藝文志周弘正集二十卷

馮氏詩紀曰周弘正仕梁入陳宣帝時爲尙

書右僕射今存詩十三篇

陳鎮南府司馬陰鏗集一卷

陳書文苑阮卓附傳時有武威陰鏗字子堅梁左衛將軍子春之子幼聰慧五歲誦詩賦日千言及長博涉史傳尤善五言詩爲當時所重釋褐梁湘東王法曹參軍侯景之亂鏗爲賊所擒或救之獲免陳天嘉中爲始興王府中錄事參軍文帝嘗譙羣臣賦詩徐陵言之帝即日召鏗預讎使賦新成安樂宮宮鏗援筆便就帝甚歎異之累遷招遠將軍晉陵太守員外散騎常侍頃之卒有文集三卷行

於世

宋黃伯思東觀餘論曰陰鏗風格流麗與孝穆子山相長雄沈宋近體之椎輪也

晁氏讀書志陰鏗集一卷陳陰鏗字子堅有

集三卷隋志已亡其二今所存者十數詩而

已杜少陵贈李白詩有云李侯有佳句往往

似陰鏗今觀斯集白蓋過之遠矣甫之慎許

可乃如此

陳氏書錄詩集類陰鏗集一卷陳散騎常侍

南平陰鏗子堅撰財三十餘篇杜子美云李

侯有佳句往往似陰鏗今考之未見鏗之所

似太白者太白固未易似也子美云爾殆必

有說

馮氏詩紀品藻篇竹林詩評曰陰鏗之作體

用兼優神采融澈辭精意切名之弗浮也

韓子蒼曰陰鏗與何遜齊名號陰何今何遜

集五卷其詩清麗簡遠正稱其名鏗詩至少

又淺易無他奇其格律乃似隋唐間人所為

疑非出於鏗雖然自隋唐以來謂鏗詩矣

武威張澍陰常侍集輯本序曰子堅以清麗

之格與何遜齊名而孝穆子山並深懃服梁

陳之際蓋一作者鏗子灝官虎門博士著瓊

林二十卷灝子宏道官臨渙令雜采子夏孟

喜等十六家之說為易新傳疏十卷今瓊林

易傳湮沒無傳而子堅詩句猶得于塵邈之

餘留其光氣雖散佚過半精華不存而尋其

梗概可於灰裏撥之宜為少陵野老吟誦不

置與余從文苑英華及諸類書哀集得三十

五首較馮北海詩紀多一篇復參校其字之同異彼而刊之以餉同好者

陳左衛將軍顧野王集十九卷

顧野王有玉篇見經部小學家

陳書南史本傳野王九歲能屬文嘗制日賦

領軍朱异見而奇之十二隨父之建安撰建

安地記二篇長而徧觀經史精記默識無所

不通所撰玉篇輿地志符瑞圖顧氏譜傳分

野樞要續洞冥記玄象表各若干卷並行于

世又撰通史要略一百卷國史紀傳二百卷

未就而卒有文集二十卷

馮氏詩紀顧野王有羅敷行芳樹有所思隴

頭水長安道陽春歌豔歌行七篇凡九首

嚴氏全陳文編顧野王有集十九卷今存舞

影賦箏賦笙賦拂塵箴賦上呈玉篇啓玉篇

序虎邱山序凡七篇

陳沙門策上人集五卷

策上人始末未詳

陳尚書左僕射徐陵集三十卷

徐陵有文府見子部雜家

南史徐摛傳摛字士秀東海郟人也屬文好

為新變不拘舊體初為梁皇太子家令兼管

記摛文體既別春坊盡學之宮體之號自斯

而始長子陵字孝穆八歲能屬文及長博涉

史籍梁簡文在東宮置學士陵充其選簡文

撰長春殿義記使陵為序太清二年使魏會

齊受魏禪而侯景入寇梁元帝復通使於齊

陵累求復命終拘留不遣乃致書于齊僕射

楊遵彥不報及西魏平江陵齊送貞陽侯明為梁嗣乃遣陵隨還太尉王僧辯初拒境不

納明往復致書皆陵辭也及明入僧辯得陵

大喜以為尚書吏部郎兼掌詔誥陳武帝受

禪領大著作初後主為文示陵云他日所作

陵嗤之曰都不成辭句後主銜之至是諡曰

章僞侯案陳書本傳云諡曰章無僞字

陳書本傳陵少而崇信釋教經論多所精解

後主在東宮令陵講大品經義學名僧自遠

雲集自有陳創業文檄軍書及禪讓授詔策

皆陵所製而九錫尤美為一代文宗亦不以

此矜物未嘗詆訶作者其於後進之徒接引

無倦世祖高宗之世國家有大手筆皆陵草

之其文頗變舊體緝裁巧密多有新意每一

文出好事者已傳寫成誦遂被之華夷家藏

其本後逢喪亂多散失存者三十卷

又史臣曰徐孝穆挺五行之秀稟天地之靈

聰明特達籠罩今古及締構興王遭逢泰運

位隆朝宰獻替謀猷蓋亮直存矣

唐日本國見在書目徐陵筆集十卷徐陵集

三十卷

唐書經籍藝文志徐陵集三十卷

宋史藝文志徐陵詩一卷

崇文總目徐陵文集二卷

陳氏書錄詩集類徐孝穆集一卷陳太子太

傅東海徐陵孝穆撰本傳稱其文喪亂散失

存者二十卷今惟詩五十餘篇

馮氏詩紀輯存樂府十四篇詩二十二篇

張氏百三家徐僕射集輯本序曰陳世祖時安成王任威福孝穆爲御史中丞彈之下殿高宗議北伐孝穆舉吳明徹大將裴忌副之克淮南數十州地周昌強諫張華知人殆有兼稱非徒以太史之辭干將之筆豪詔東海也案安成王瑛即高宗宣皇帝也其勸進梁元帝表與代貞陽侯數書感慨興亡聲淚並發至羈旅篇牘親朋報章蘇李悲歌猶見遺則夫三代以前文無聲偶八音自諧司馬子長所謂鏗鏘鼓舞也浸淫六季制句切響千英萬傑莫能跳脫所可自異者死生氣別耳歷觀駢體前有江任後有徐庾皆以生氣見高遂稱俊物玉臺一序與九錫並美天上石麟青睛慧相亦何所不可哉所輯文凡八十二篇樂府詩三十六篇

四庫提要曰徐孝穆集箋注六卷陳徐陵撰吳江吳兆宜注隋志載陵集本三十卷久佚不傳此本乃後人從藝文類聚文苑英華諸書內采掇而成陵文章綺麗與庾信齊名世號徐庾體陳書本傳稱其緝裁巧密多有新意爲一代文宗其集舊無注本兆宜既箋庾信集因并取陵集箋之未及卒業其同里徐文炳續爲補緝成是編嚴氏全陳文編曰今本陵集有陳武帝即位詔陳武帝下州郡璽書陳武帝即位告天文並見武紀未定是徐陵作宜編入武帝文今存鴛鴦賦詔九錫文禪位策禪位璽表議啓書移文檄文玉臺新詠序頌銘哀策墓誌德

政碑佛寺碑法師碑凡七十九篇編爲六卷又文編卷首敍錄曰徐陵集四卷明人纂輯本

陳右衛將軍張式集十四卷

張式有書圖泉海見子部雜家唐書經籍藝文志張式集十三卷

陳尙書度支郎張正見集十四卷

陳書文學傳張正見字見隨清河東武城人也幼好學有清才梁簡文帝在東宮正見年十三獻頌簡文深贊賞之嘗預講筵請決疑義太清初射策高第梁元帝立拜通直散騎侍郎遷彭澤令屬梁季喪亂避地于匡俗山高祖受禪詔正見還都累遷尙書度支郎撰史著士太建中卒時年四十九有集十四卷其五言詩尤善行於世

唐日本國見在書目張正見集三卷

唐書經籍藝文志張正見集四卷

宋史藝文志張正見集一卷

馮氏詩紀輯存樂府一卷詩一卷品藻篇滄浪詩話曰六朝人詩唯張正見最多而最無所發明所謂雖多亦奚以爲

張氏百三家張散騎集輯本凡賦三篇啓一篇樂府四十一篇詩四十四篇序曰張見蹟本集十四卷詩賦間存賦三首又語致蕭條則散騎著作得稱集者特有詩耳史云見蹟詩尤善五言篇中蜀郡隨金馬天津應玉衡

天路橫秋水星橋轉夜流其著者也夫陳隋詩格風氣開唐五言聲響尤爲近之憎者病

其雖多奚爲喜者謂其聲骨雄整

嚴氏全陳文編張正見有集十四卷藝文類聚初學記有石賦山賦衰桃賦謝賜錢啓凡四篇

陳司農卿陸瑒集二卷

陳書文學傳陸瑒字溫玉吳郡吳人吏部尙書瓊之從父弟也父令公梁中軍宣城王記室參軍瑒幼孤好學有志操州舉秀才解褐宣惠始興王參軍直嘉德殿學士文帝留心史籍以瑒博學善占誦引置左右常使製刀銘瑒援筆卽成無所點竄帝嗟賞久之副琅邪王厚聘齊至鄴而厚卒瑒自爲使主時年二十餘風神詔亮占對閑敏齊士大夫甚傾心焉太建初兼東宮管記丁母憂去官五年卒時年三十四太子甚傷悼之自製誌銘至德二年追贈司農卿瑒寡嗜慾鮮於競游心經籍晏如也所製文筆行不存後主求其遺文撰成二卷有弟瑜

陳少府卿陸玠集十卷玠當爲玠

陳書文學傳陸瑜從父兄玠字潤玉梁大匠卿晏之子弘雅有識度好學能屬文舉秀才對策高第超授衡陽王文學直天保殿學士遷長沙王友領記室後主在東宮聞其名徵爲管記仍除中舍人甚見親待尋以疾失明將還鄉里太子解衣贈之爲之流涕太建八年卒年三十七至德二年追贈少府卿有集十卷

唐書經籍藝文志陸珍集五卷案珍爲玠字之

誤北齊陽玠松有解頤二卷見子部小說家玠亦或作珍
或作玠誤與此同

馮氏詩紀曰陸玠有雜言詠粟一首 玠亦當
爲玠

陳光祿卿陸瑜集十一卷并錄

陳書文學陸球傳瑛弟瑜字幹玉少篤學美詞藻舉秀才數遷爲東宮學士兄瑛時爲管記並以才學娛侍左右時人比之二應太建二年太子釋奠於太學宮臣並賦詩命瑜爲序文甚瞻麗累遷尙書祠部郎東宮管記洗馬中舍人瑜幼長讀書晝夜不廢聰敏彊記一覽無遺嘗受莊老於汝南周弘正學成實論于僧滔法師並通大旨時皇太子好學欲博覽羣書以子集繁多命瑜抄撰未就而卒年四十四太子爲之流涕親製祭文遣使弔祭仍與詹事江總書論述其美詞甚傷切至德二年追贈光祿卿有集十卷

又陸瓊傳瓊第三子從典有異才爲從父瑜特所賞愛及瑜將終家中墳籍皆付從典從典乃集瑜文爲十卷仍製集序其文甚工唐書經籍藝文志陸瑜集十卷

馮氏詩紀陸瑜有仙人篇伯勞歌獨酌謠存凡三篇

嚴氏文編陸瑜有集十卷初學記有琴賦一篇

陳護軍將軍蔡景歷集五卷

陳書南史本傳景歷字茂世濟陽考城人也少俊爽家貧好學善尺牘工草隸仕梁爲諸

王府佐海陽令侯景亂客游京口景平陳武帝素聞其名以書要之景歷對使人答書筆不停輟文不重改帝得書甚加欽賞即日板

征北府中記室參軍武帝將討王僧辯召令草檄景歷援筆立成辭義感激事皆稱旨及

受禪遷祕書監中書通事舍人掌詔誥文帝即位以定策功封新都縣子進爵爲侯宣帝

即位累遷通直散騎常侍兼御史中丞守度支尙書卒官年六十贈太常卿諡曰敬太建

十三年改葬重贈中領軍禎明元年配享武帝廟庭三年車駕親幸其宅重贈侍中中撫

軍將軍諡曰忠敬子慕所立碑景歷屬文不尙彫靡而長于敘事應機敏速爲當時所稱

有文集三十卷 案陳書南史未見所歷官有護軍將軍疑是領軍撫軍將軍之誤

嚴氏全陳文編蔡景歷有集五卷陳書劉師知傳有大行俠御服議二條本傳有答陳征

北書存凡三篇

陳沙門釋嵩集六卷

釋嵩始末未詳

陳御史中丞褚玠集十卷

陳書文學傳褚玠字溫理河南陽翟人也早有令譽先達多以才器許之及長美風儀善

占對博學能屬文詞義典實不好豔靡起家王府法曹歷太子庶子中書侍郎太建中除

戎昭將軍山陰令坐免官皇太子愛玠文辭令入直殿省十二年遷御史中丞卒於官時年五十二玠剛毅有膽決及爲御史中丞甚

有直繩之稱自梁末喪亂朝章廢弛司憲因循守而勿革玠方欲改張大爲條例綱維略

舉而編次未訖故不列於後焉及卒太子親製銘以表惟舊至德二年追贈祕書監所製

章奏雜文二百餘篇皆切事理由是見重於時

唐書經籍藝文志褚介集十卷介當爲玠

馮氏詩紀曰褚玠有門雜東郊道詩一篇曹子建名都篇曰門雜東郊道走馬長楸間

嚴氏全陳文編褚玠有集十卷初學記有風裏蟬賦一篇

陳安右府諮議司馬君卿集二卷

司馬君卿始末未詳

陳著作佐郎張仲簡集一卷

張仲簡始末未詳

右陳代人文凡二十四家二十六部是爲別集類分篇第十二內周弘讓沈炯二家各有後集一部

隋書經籍志考證卷三十九之十三

集部二之十三

別集類十三

煬帝集五十五卷

隋書本紀煬皇帝諱廣一名英小字阿摩高祖第二子也少敏慧好學善屬文在周以高祖勳封雁門郡公開皇元年立為晉王及太子勇廢立為皇太子高祖崩即皇帝位明年改元大業大業十二年秋七月甲子幸江都宮十三年二月河南諸郡相繼皆陷五月甲子唐公起義師於太原十一月景辰唐公入京師辛酉遙尊帝為太上皇立代王侑為帝改元義寧上起宮丹陽將遜於江左義寧二年三月右屯衛將軍宇文弼及等作亂入犯宮闈上崩于溫室時年五十史臣曰煬帝爰在弱齡早有令聞南平吳會北卻匈奴昆弟之中獨著聲績于是矯情飾貌肆厥姦回故得獻后鍾心文皇革慮天方肇亂遂登儲兩踐峻極之崇基承不顯之休命地廣三代威揚八紘負其富強之資思逞無厭之欲恃才矜己傲狠險躁淫荒無度海內騷然普天之下莫匪仇讎左右之人皆為敵國終然不悟同彼望夷遂以萬乘之尊死於一夫之手子弟同就誅夷骸骨棄而莫掩社稷頽隕本枝殄絕自肇有書契以迄於茲宇宙崩離生靈塗炭喪身滅國未有若斯之甚也

晉為之冠王以師友處之每有文什必令其潤色然後示人嘗朝京師還作歸藩賦命晉為序初王屬文為庾信體及見晉已後文體遂變又文學傳庾自直解屬文於五言詩尤善性恭慎不妄交游特為帝所愛帝每有篇章必先示自直令其詆訶自直所難帝輒改之或至於再三俟其稱善然後方出又文學傳序曰煬帝初習藝文有非輕側之論暨乎即位一變其風其與越國公書建東都詔冬至受朝詩及擬飲馬長城窟並存雅體歸於典制雖意在駢淫而詞無游蕩故當時綴文之士遂得依而取正焉所謂能言者未必能行蓋亦君子不以人廢言也又音樂志曰煬帝不解音律略不關懷後大製豔篇辭極淫綺令樂正白明達造新聲册萬歲樂藏鈞樂七夕相逢樂投壺樂舞席同心髻玉女行觴神仙留客擲磚續命鬪雞子鬪百草汎龍舟還舊宮長樂花及十二時等曲掩抑摧藏哀音斷絕帝悅之無已謂幸臣曰多彈曲者如人多讀書讀書多則能撰書彈曲多即能造曲此理之然也唐日本國見在書曰煬帝集廿八卷 新志一唐書經籍藝文志隋煬帝集三十卷 本作五十卷

張氏百三家輯本序曰隋煬帝志慕秦皇漢武而內行則劉聰石虎雖有文不善也隋書文苑傳稱帝意在騁淫詞無浮蕩綴文之士得依取正余疑其諛比觀全集多莊言簡戲諛似史評非誣也歸藩賦今集無有知傳者多缺他文自詔書外雅深佞佛昆曇學聖黎耶悟真自謂顏淵值宣尼尹喜逢老氏也身受法戒而烝烝無慚開士之談豈足信哉凡詔勅璽書檄令書誄願文願疏一百四篇樂府十篇詩三十二篇 馮氏詩紀輯在樂府詩數同 嚴氏全隋文編煬帝有集五十五卷今存制七條詔四十八篇勅十二篇璽書賜書令書下令下教手書下書上言遺檄遺書十三篇與釋智顓書三十五篇與諸寺僧書敍銘誄疏文願文弔文祭文十六篇綜凡一百三十首編為四卷 王祐集一卷 王祐始末未詳 盧思道有知己傳見史部雜傳家 隋書北史本傳思道聰爽俊辯通悅不羈齊文宣帝崩當朝文士各作挽歌十首擇其善者而用之魏收楊休之祖孝徵等不過得一二首惟思道獨有八篇故時人稱為八米盧 郎 因學紀聞雜識篇云或謂米當為宋何注云見猗堂 察雜記 後以事免歸家嘗於薊北悵然感慨為五言詩見意世以為工周武帝平齊追赴長安與同輩陽休之等數人作聽蟬鳴篇思道所為詞意清切為時人所重新野庚信徧覽諸同作者而深歎美之未幾母疾還鄉里

遇同郡舉兵作亂思道預焉柱國宇文神舉討平之思道罪當斬已在死中神舉素聞其名引出令作露布援筆立成文不加點神舉嘉而宥之隋文帝為丞相遷武陽太守位下不得志為孤鴻賦以寄其情開皇初以母老表請解職思道恃才地多所陵轍由是宦途淪滯既而又著勞生論指切當世有集三十卷行於世北史作二十卷

唐書經籍藝文志隋盧思道集二十卷新志一本誤作盧思道

張氏百三家盧武陽集輯本序曰盧子行自齊入周作聽蟬詩遷武陽太守作孤鴻賦淪滯官途作勞生論憂愁所寄並為時稱論北齊毀武成論後周毀天元暴揚淫昏發露詔惡君百桀紂臣百廉虎陽秋直筆殆云無隱然生官其朝沒揚其醜搜牀席以快見聞貶朽骨以恣河漢良史雖傳臣心未順異乎賈生過秦陸機辯亡矣子行詩兼工七言唐玄宗自蜀回登勤政樓歌曰庭前琪樹已堪攀塞北征人去未還即盧蘄北歌詞也唐風近隋盧薛諸體世尤宗尙含蓄意寡而音響無滯自以為昆吾莫邪爾凡賦檄表書序論誄祭文願文十一篇樂府十一篇詩十四篇鳴蟬篇在其末馮氏詩紀輯府樂詩篇目同嚴氏全隋文編盧思道有集三十卷今存納涼賦孤鴻賦表奏檄書勞生論北齊興亡論後周興亡論詩序誄祭文願文凡十三篇

金州刺史李元操集十卷

隋書北史本傳李孝貞字元操趙郡柏人人也世為著姓少好學能屬文在齊謁釋司徒府參軍與從兄儀曹郎中騷太子舍人季節博陵崔子武范陽盧詢祖為斷金之契後待詔文林館以美於詞令勸與中書侍郎李若李德林別掌宣傳詔勅周武帝平齊歷吏部下大夫隋開皇初拜馮翊太守為犯廟諱於是稱字後數歲遷蒙州刺史徵拜內史侍郎與李德林參典文翰出為金州刺史卒官所著文集二十卷行于世北史云三十卷

唐書經籍藝文志李元操集二十二卷

馮氏詩紀李孝貞字元操入隋為犯廟諱遂以字稱有巫山高鳴雁行等樂府詩凡六篇嚴氏全隋文編曰李元操本名孝貞避隋祖諱禎因改稱字有集二十卷初學記十七有為周宣帝祭比干文一篇

蜀王府記室辛德源集三十卷

辛德源有正訓內訓見子部雜家隋書本傳德源沈靜好學年十四解屬文及長博覽書記少有重名齊尙書僕射楊遵彥殿中尙書辛術皆一時名士並虛襟禮敬因同薦於文宣帝中書侍郎劉逖上表薦德源曰弱齡好古晚節逾厲枕籍六經漁獵百氏文章綺體調清華高祖受禪不得調者久之隱於林慮山鬱鬱不得志著幽居賦以自寄文多不載素與盧思道友善時相往來有集二十卷

唐書經籍藝文志辛德源集三十卷

馮氏詩紀輯存短歌行等樂詩凡九篇嚴氏全隋文編辛德源有集三十卷初學記十七有姜肱贊東晉庾統朱明張巨尉三人贊凡二篇

太尉楊素集十卷

隋書本傳素字處道弘農華陰人也與安定牛弘同志好學研精不倦多所通涉善屬文工草隸頗留意於風角周武帝命素為詔書下筆立成詞義兼美帝嘉之顧謂素曰善自勉之勿憂不富貴素應聲答曰臣但恐富貴來偏臣臣無心圖富貴平齊之役以功封清河縣子及齊平改封成安縣公宣帝即位襲父爵臨貞縣公高祖為丞相深自結納進封清河郡公高祖受禪數進取陳之計及平陳還進爵鄧國公改封越國公累遷上柱國御史大夫行軍元帥行軍總管內史尙書僕射尙書令太子太師煬帝大業二年拜司徒改封楚公其年卒官諡曰景武贈光祿大夫太尉公弘農河東等十郡太守下詔立碑素嘗以五言詩七十字贈番州刺史薛道衡詞氣宏拔風韻秀上亦為一時盛作未幾而卒道衡歎曰人之將死其言也善豈若是乎有集十卷

又史臣曰楊素少而輕俠倣儻不羈兼文武之資包英奇之略志懷遠大以功名自許考其夷凶靖亂功臣莫居其右覽其奇策高文足為一時之傑然專以智詐自立不由仁義之道阿諛時主高下其心營構離宮陷君於

奢侈謀廢家嫡致國於傾危終使宗廟邱墟
市朝霜露其禍敗之源實乃素之由也

馮氏詩紀曰晉王廣之弑立素之謀也有出
塞二首又山齋獨坐贈薛內史二首又有贈
薛內史一首贈薛播州十四首案此十四首即
七百字也每首五十字

嚴氏全隋文編楊素有集十卷今存表奏罪
議蜀王秀偽檄柳弘誅凡七篇

懷州刺史李德林集十卷

隋書北史本傳德林字公輔博陵安平人也
該博墳典陰陽緯候無不通涉善屬文辭嚴
而理暢齊天保八年舉秀才入鄴射策五條
考皆爲上授殿中將軍天保季世謝病還鄉
皇建初下詔搜揚人物復追赴晉陽撰春思
賦一篇代稱典麗天統初授給事中直中書
參掌詔誥魏收與陽休之論齊書起元事百
司會議收與德休致書往復詞多不載是時
中書侍郎杜臺卿上世祖武成皇帝頌齊主
以爲未盡善德林乃上頌十六章并序文多
不載武成覽而善之除中書侍郎仍詔修國
史齊後主留情文雅召入文林館又令與黃
門侍郎顏之推二人同判文林館事及周武
帝克齊從駕至長安授內史上士御正下大
夫大象初賜爵成安縣男高祖受顧命輔少
主以德林爲丞相府從事內郎禪代之際其
相國總百揆九錫殊禮詔策牋表璽書皆德
林之辭也高祖登阼授內史上儀同進爵
爲子開皇元年勅令同脩律令五年勅令撰

錄霸朝雜集贈其父敬族定州刺史安平縣
公以德林襲焉德林既少有才名重以貴顯
凡製文章動行於世或有不知者謂爲古人
焉德林以梁士彥及元諧之徒頗有逆意大
江之南抗衡上國乃著天命論上之後忤意
出爲湖州刺史轉懷州刺史歲餘卒官年六
十一贈大將軍廉州刺史史證曰文所撰文集
勒成八十卷遭亂亡失見十五卷行於世勅
撰齊史未成有子曰百藥大業末爲建安郡
丞

又史臣曰德林幼有操尚學富才優譽重鄴
中聲飛關右王基締構叶贊謀猷羽檄交馳
絲綸間發文誥之美時無與二君臣體合自
致青雲不患莫已知豈徒言也

唐書經籍藝文志李德林集十卷

張氏百三家李懷州集輯本序曰公輔高名
少著鄴京南北文士如魏常侍江令君皆稱
之河朔英靈史云無二凡詔册書序論十五
篇詩六篇馮氏詩紀篇目同

嚴氏全隋文編李德林有霸朝集五卷集五
十卷案本傳禪代之際其詔册牋表皆德林
之辭又案霸朝集序帝詔册皆德林作今
據之編入德林集中其餘齊天統初至武平
初詔誥入周以後詔誥開皇初詔誥未必出
一人手未敢編入今輯爲周靜帝誅尉遲迴
大赦詔以隋公爲大丞相詔隋公進爵爲王
詔勸隋公受九錫詔禪位詔策隋公九錫文
禪位册復魏收議齊書起元事書霸朝雜集

序天命論凡十八篇

吏部尚書牛弘集十二卷

牛弘有周史見史部正史類
隋書本傳弘好學博聞開皇初爲祕書監以
典籍遺逸上表請開獻書之路納之三年
請依古制修立明堂上議以時事草創未遑
制作寢不行六年除太常卿九年詔改定雅
樂又作樂府歌詞撰定圜丘五帝凱樂並議
樂事上甚善其議詔弘與姚察許善心何妥
虞世基等正定新樂事在音律志是後議置
明堂詔弘條上故事議其得失事在禮志時
高祖又令弘與楊素蘇威薛道衡許善心虞
世基崔子發等并詔諸儒論新禮降殺輕重
弘所立議衆咸推服之大業之世委遇彌隆
性寬厚篤志於學雖職務繁雜書不釋手隋
室舊臣始終信任悔吝不及唯弘一人而已
有文集十三卷行於世
又史臣曰牛弘篤好墳籍學優而仕有淡雅
之風懷曠遠之度采百王之損益成一代之
典章漢之叔孫不能尚也綱繆省闕三十餘
年夷險不渝始終無際雖開物成務非其所
長激之不清混之不濁可謂大雅君子矣
唐書經籍藝文志牛弘集十二卷
馮氏詩紀曰牛弘有奉和冬至乾陽殿受朝
應詔詩一首又隋書樂志曰開皇中詔牛弘
劉臻等詳定雅樂弘等奏博訪知音旁求儒
彥研校是非定其去就取爲一代正樂具在
本司於是并撰歌辭三十首詔并令施行牛

弘傳曰開皇九年奉詔改定雅樂又作樂府歌辭案此則諸歌辭當為牛弘所作也凡圓丘歌八首五郊歌五首感帝歌等祭歌蜡祭歌朝日歌夕月歌各一首方丘歌四首神州歌一首社稷歌四首先農歌先聖先師歌各一首太廟樂歌九首元會大饗歌十一首宴羣臣登歌一首皇后房內歌一首大射登歌一首凱樂歌三首文武舞歌二首

張氏百三家牛奇章集輯本序曰隋楊二帝猜忌好殺勳伐舊臣動遭誅廢獨牛里仁始終恩任悔吝不及賜詩贊揚內帳飲食禮愛尤殊生平文字儀禮居優南北用兵典籍淪喪里仁詳陳五厄請開購賞篇章稍備其有功藝文豈讓王儉七志阮孝緒七錄哉 案五厄者謂書之厄運有五一秦火二王莽三董卓四永嘉五江陵也其文為後世所重 凡表奏論議九篇樂府五十七首詩一首

司隸大夫薛道衡集三十卷

隋書北史本傳道衡字玄卿河東汾陰人也六歲而孤專精好學年十三講左氏傳見子產相鄭之功作國僑贊頗有詞致見者奇之齊武平初詔與諸儒修定五禮陳使傅綽聘齊以道衡兼主客郎接對之綽贈詩五十韻道衡和之南北稱美待詔文林館與盧思道李德林齊名友善齊亡入周至邛州刺史隋文帝受禪除內史舍人其年為聘陳使主江

東雅好篇什陳主尤愛彫蟲道衡每有所作南人無不吟誦焉及八年伐陳拜淮南道行臺尚書吏部郎兼掌文翰還除吏部侍郎直內史授內史侍郎即加上儀同進上開府檢校襄州總管煬帝嗣位轉潘州刺史歲餘上表求致仕上高祖文皇帝頌帝覽之不悅顧謂蘇威曰道衡致美先朝此魚藻之義也於是拜司隸大夫將置之罪道衡不悟後令自盡乃縊殺之妻子徙且末時年七十天下冤之有集七十卷行於世

北史薛辯傳論曰道衡雅道奕葉世擅文宗令望攸歸豈徒然矣而運逢季叔卒蹈誅戮痛乎 唐書經籍藝文志薛道衡集三十卷 陳氏書錄詩集類薛道衡集一卷隋內史侍郎河東薛道衡元卿撰詩凡十九篇本集三十卷所存止此大抵隋以前文集存全者亡幾多好事者於類書中抄出以備家數也史言道衡每至構文必隱空齋踟躕而臥聞戶外人聲便怒其沈思如此

馮氏詩紀輯存樂府四首詩十六首品藻篇曰小說舊聞曰隋煬帝善屬文不欲人出其右薛道衡由是得罪後因事誅之曰更能作空梁落燕泥否 宋王得臣塵史曰劉氏傳記煬帝既誅薛道衡乃云尚能道空梁落燕泥否蓋道衡詩嘗有是句也

張氏百三家薛司隸集輯本序曰玄卿才名蚤盛高祖革命久典文書儲君國相爭交引

重乃嶺表配防襄州出鎮仕路風雲豈能盡如人意煬帝宿卻成於江陵而文皇一頹致殞厥軀今觀其文鋪敘前徽頌禱為忠何故召怒蓋事非其主言違其時對子諛父猶有罪焉詩篇英麗名下無虛然得之踟躕失之馬足遺亡如國僑贊辭盤石諸制者又不知幾何也凡賦表書碑頌祭文七篇樂府詩二十篇

嚴氏全隋文編薛道衡有集三十卷今存晏喜賦及奏狀弔延法師書隋高祖文皇帝頌老氏碑祭淮文祭江文凡八篇

國子祭酒何妥集十卷

何妥有周易講疏見經部易家 隋書北史儒林傳妥少機警性勁急有口才好是非人物時蘇威兼領五職上甚親重之妥因奏威不可信任又以掌天文律度皆不稱職妥又上八事以諫書奏威大銜之其後上令妥考定鍾律妥表上末云謹具錄三調四五曲名又制歌辭如別有聲曲流宕不可以陳於殿庭者亦悉附之於後書奏別勅太常取妥節度於是作清平瑟三調聲又作八佾鞀鐸山拂四舞後出為龍州刺史為刺史篤勅於州門外以疾請還許之復知樂事時上方使蘇夔在太常參議鍾律夔有所建議朝士多從之妥獨不同每言夔之短復上封事指陳得失大抵論時政損益并指斥當世朋黨於是蘇威及吏部尚書盧愷侍郎薛道衡等皆坐得罪妥撰周易講疏孝經莊子義

疏樂要各若干卷及與沈重等撰三十六科鬼神感應等大義九卷封禪書一卷文集十卷並行於世

又史臣曰何妥通涉雋爽神情警悟雅有口才兼擅詞筆然許以爲直失儒者之風焉

唐書經籍藝文志何妥集十卷舊志一本誤作何妥

馮氏詩紀何妥有長安道昭君詞及奉勅於太常寺脩正古樂等詩凡六首

嚴氏全隋文編何妥有集十卷隋書禮儀志音樂志及本傳有定樂舞表上書諫文帝八事受禪壇議非十二律旋相爲宮議非七調議凡五篇

祕書監柳晉集五卷

隋書本傳晉字顧言本河東人也永嘉之亂徙家襄陽祖俊梁侍中北史文苑傳作俊有集見前晉少聰敏解屬文好讀書仕梁爲著作佐郎蕭督據荊州爲侍中國子祭酒吏部尚書

及梁國廢爲晉王諮議參軍王好文雅招引才學之士諸葛穎虞世南王胄朱瑒等百餘人以充學士而晉爲之冠王朝京師作歸藩賦命晉爲序詞甚典麗仁壽初引爲東宮學士以其好內典令撰法華玄宗爲二十卷奏之煬帝嗣位拜祕書監封漢南縣公從幸揚州遇疾卒年六十九諡曰康撰晉王北伐記十五卷有集十卷行於世

唐日本國見在書目柳顧言集十卷

唐書經籍藝文志柳顧言集十卷

馮氏詩紀柳晉有奉和楊子江應教應制臨渭水應令等詩凡五首

嚴氏全隋文編柳晉有集十卷今存奏增房中樂鍾磬與釋智顛書徐則畫象贊天台國清寺智者禪師碑文凡四篇

開府江總集三十卷江總後集二卷

陳書本傳總字總持濟陽考城人十世祖統

五世祖湛祖蒨並有名當代父紆在梁書孝行傳案江統江滿並有集見晉宋文中總篤學有辭采家傳賜書數千卷晝夜勤讀梁武帝撰正

言始畢製述懷詩總預同此作帝覽總詩深降嗟賞梁尚書張纘王筠劉之遴並高才碩學雅相推重爲忘年友仕梁至太子中舍人侯景寇京都總避難累年至會稽憩於龍華寺乃製修心賦略序時事後流寓嶺南積歲

天嘉四年以中書侍郎徵還朝累遷太子詹事以與太子爲長夜之飲養良娣陳氏爲女太子徵行總舍上怒免之後主即位數遷至尚書令京城陷入隋爲上開府開皇十四年卒於江都年七十六總嘗爲自敘時人謂之實錄總篤行義寬和溫裕能屬文於五言七言尤善然傷於浮豔故爲後主所愛幸多有側篇好事者相傳諷翫於今不絕後主之世總當權幸不持政務日與後主游宴後庭共陳暄孔範王瑗等十餘人當時謂之狎客由是國政日頹綱紀不立有言之者輒以罪斥之君臣昏亂以至於滅有文集三十卷行於世

又姚察傳徐陵名高一代每見察製述尤所推重尚書令江總與察尤篤厚善每有製作必先以簡察然後施用總爲詹事時嘗製登宮城五百字詩當時謂君及徐陵以下諸名賢並同此作徐公後謂江曰我所和弟五十韻寄弟集內及江編次文章無復察所和本

述徐此意謂察曰高才碩學庶光拙文今須公所和五百字用偶徐侯章也察謙遜未付

江曰若不得公此製僕詩亦須棄本復乖徐公所寄豈得見令兩失察不獲已乃寫本付

之案此則三十卷者爲其自編集中有徐姚兩人和作

南史江夷傳論曰茂遠自晉及陳雅道相係奕世載德斯之謂也而總溺於寵狎反以文雅爲敗然則士之成名所貴彬彬而已

唐日本國見在書目江令君集廿卷又江令集三十卷

唐書經籍藝文志江總集二十卷

宋史藝文志江總集七卷

陳氏書錄詩集類江總集一卷陳尚書令考城江總總持撰總在陳爲太子詹事以宮端爲長夜之飲及後主即位當權任日爲豔詩君臣昏亂以至於亡國入隋爲上開府唐志集二十卷中與書目七卷今惟存詩近百首云

張氏百三家江令君集輯本序曰後主狎客江總持居首國亡主辱竟逃明刑開府隋朝眉壽無恙春秋惡佞人有厚福若是者哉六宮謝章美人應令豔歌側篇傳誦禁庭餘則山寺穹碑法師龜石標記禪悅寂不聞有廟

堂典議關其筆札其晏居則何如也齊梁以來華虛成風士大夫輕君臣而工文墨高談法王脫略名節雞足鸛頭適為朝秦暮楚者地耳梁有江總隋有裴矩唐有馮道三人皆醜婦所羞也凡賦詔表章啓序碑贊頌銘哀策誄墓誌銘識文五十二篇樂府二十九篇詩六十一首 馮氏詩紀樂府二十六篇詩六十七首 輯爲二卷

嚴氏全隋文編江總有集三十卷後集二卷今存貞女峽賦修心賦等九篇詔令章各一篇表八篇啓五篇序四篇頌一篇贊四篇銘八篇誄一篇哀策文一篇墓誌五篇碑六篇羣臣請贖武帝捨身文一篇綜五十六篇編爲二卷

記室參軍蕭愨集九卷

北齊書文苑顏之推附傳蕭愨字仁祖梁上黃侯暉之子天保中入國武平中太子洗馬又曰愨工於詩詠會秋夜賦詩其兩句云芙蓉露下落楊柳月中疎爲知音所賞

北史文苑傳序齊後主頗好詠詩初因畫屏風勅通直郎蕭放等錄古賢烈士及近代輕豔諸詩以充圖畫帝彌重之後復追齊州錄事參軍蕭愨趙州功曹參軍顏之推同入撰錄猶依霸朝謂之館客武平三年祖瑒奏立文林館又奏撰御覽并勅放愨之推等同入館撰書

北齊邢劭蕭仁祖集序曰蕭仁祖之文可謂彫章間出昔潘陸齊軌不襲建安之風顏謝

同聲遂革太原之氣自漢逮晉情賞猶自不諧江北江南意製本應相說

顏氏家訓文章篇蘭陵蕭愨梁室上黃侯之子工於篇什嘗有秋思詩云芙蓉露下落楊柳月中疎時人未之賞也吾愛其蕭散宛然在目顏川荀仲舉琅邪諸葛漢亦以爲爾而盧思道之徒雅所不愜

唐書經籍藝文志蕭愨集九卷

馮氏詩紀蕭愨齊後主時爲齊州錄事參軍待詔文林館後入隋有屏風詩秋思詩等凡一十七首

嚴氏全隋文編蕭愨字仁祖梁武帝弟始興王憺之孫上黃侯暉之子梁末奔齊武平中爲太子洗馬歷周入隋爲記室參軍有集九卷邢劭爲集序初學記三有春賦一篇

著作郎魏彥深集三卷

魏彥深名澹有後魏書見史部正史類隋書本傳澹祖鸞父季景世以文學自業澹專精好學博涉經史善屬文詞采贍逸齊時與魏收陽休之熊安生同修五禮又與諸學士撰御覽與李德林俱修國史有文集三十卷行於世

唐書經籍藝文志魏澹集四卷 馮氏詩紀魏澹有初夏應詔詠萱草詠石榴詠鶉集詠桐凡五首

嚴氏全隋文編魏澹有集三卷今存鷹賦謝陳主餞送啓啓用敬字義魏史義例凡四篇

著作郎諸葛穎集十四卷

諸葛穎有北伐記巡撫揚州記見史部地理類

隋書北史文苑傳穎清辯能屬文仕梁入齊待詔文林館周武平齊不得調杜門不出者十餘年習易圖緯蒼雅莊老頗得其要煬帝即位甚見親幸帝嘗賜穎詩其卒章曰參翰長洲苑侍講肅成門名理窮研覈英華恣討論實錄資平允傳芳導後昆其待遇如此穎性褊急與柳晉每相忿鬪帝屢責怒之而猶不止於後帝亦薄之有集二十卷行於世

唐書經籍藝文志諸葛穎集十四卷

馮氏詩紀諸葛穎有奉和月夜觀星詩及和煬帝春江花月夜等詩凡六首

劉子政母祖氏集九卷

劉子政及祖氏始末並未詳 案自兩漢及晉宋梁皆以婦人集次各代之末而此又自亂其例

著作郎王冑集十卷 瑛那

隋書北史文苑傳冑字承基祖筠父祥並南史有傳王筠有集見梁代人文中冑少有逸才仕陳歷太子舍人陳滅晉王廣引爲博士大業初爲著作佐郎以文詞爲煬帝所重帝嘗自東都還京師賜天下大酺因爲五言詩詔羣官詩成者奏之帝覽冑詩而善之因謂侍臣曰氣高致遠歸之於冑詞清體潤其在虞世基意密理新則庾自直過此者未可以言詩也帝所有篇什多令繼和與虞綽齊名同志友善於時後進之士咸以二人爲準的後以

與楊玄感交游與虞綽徒邊肖亡匿潛還江左爲吏所捕坐誅時年五十六所著詞賦多行於世

梁書王瞻王志王峻王暕王泰王份等傳論曰王氏自姬姓以降及乎秦漢繼有英哲洎東晉王茂弘經綸江左時人方之管仲其後蟬冕交暎台衮相襲勒名帝籍慶流子孫斯爲盛族矣 案瑛邪王氏盛於六朝其有集見本志自晉王曠以迄于肖凡三十五人

唐書經籍藝文志王胄集十卷

馮氏詩紀輯存白馬篇奉和賜舖等詩凡十八首又品藻篇歷代吟譜曰煬帝嘗爲燕歌行文士皆和之著作郎王胄獨不下帝帝每啣之終坐此見害而誦其警句曰庭草無人隨意緣復能作此耶

右隋代人文凡一十七家一十八部是爲別集類分篇第十三內江總一家二部

右四百三十七部四千三百八十一卷通計亡書合八百八十六部八千一百二十六卷 實在著錄四百三十三家附注梁有四百六十九家綜九百二家九百二部 又後集外集別集等二十二部通計九百二十三部

案七錄敍目文集錄第二曰別集部七百六十八種本志存佚并計九百二種增輯者一百三十四種

隋書經籍志考證卷四十

集部三

總集類類中分類一十九

文章流別集四十一卷梁六十卷志二卷論二卷 摯虞撰 文章流別志論二卷摯虞撰

摯虞有決疑要注見史部儀注類

晉書本傳摯虞撰文章志四卷又撰古文章類聚區分爲三十卷名曰流別集各爲之論辭理愜當爲世所重

鍾嶸詩品曰摯虞文志詳而博瞻頗曰知言

文心雕龍序志篇詳觀近代之論文者多矣至如魏文述典陳思序書應瑒文論陸機文賦仲洽流別宏範翰林或臧否當時之才或銓品前修之文或汎舉雅俗之旨或撮題篇章之意又曰流別精而少功 顏師古刊謬正俗曰司馬子長撰史記自敍作書本意欲比擬尙書敍耳及班孟堅爲漢書亦放其意摯虞撰流別集全取孟堅書序爲一卷謂之漢述

本志敍曰總集者以建安之後辭賦轉繁衆家之集日以滋廣晉代摯虞苦覽者之勞倦於是采擷孔翠芟蕪繁蕪自詩賦下各爲條貫合而編之謂爲流別是後又集總鈔作者繼軌屬辭之士以爲覃奧而取則焉

唐書經籍志文章流別集三十卷摯虞撰 唐書藝文志摯虞文章流別集三十卷 四庫提要總集類序曰文籍日興散無統紀

於是總集作焉一則網羅放佚使零章殘什並有所歸一則刪汰繁蕪使秀稗咸除菁華畢出是固文章之鑒衡著作之淵藪矣三百篇既列爲經王逸所哀又僅楚辭一家故體例所成以摯虞流別爲始其書雖佚其論尙散見藝文類聚中蓋分體編錄者也 嚴氏全晉文編摯虞文章流別論今見於北堂書鈔藝文類聚太平御覽者存凡一十二條

案本志史部簿錄類有摯虞文章志四卷與本傳所載同似即此七錄所有之志二卷也本志又別著錄流別志論二卷似卽七錄之志二卷論二卷合併爲帙

文章流別本十二卷謝混撰

謝混有集見前別集類東晉人中

案此或是文章流別本爲謝益壽所刪存者轉寫敍下別字歟

續文章流別三卷孔寧撰

孔寧始末未詳

案北齊書文苑顏之推傳之推撰觀我生賦自注云齊武平中署文林館待詔者僕射陽休之祖孝徵以下三十餘人之推專掌其撰修文殿御覽續文章流別等皆詣進賢門奏之然則此書乃北齊文林館諸人所撰孔寧或亦文林待詔而文苑傳序存錄文林待詔姓名未見其人

集苑四十五卷梁六十卷

不著撰人

唐書經籍志集苑六十卷謝混撰一本混作隄
唐書藝文志謝混集苑六十卷謝混見前一條
集林一百八十一卷宋臨川王劉義慶撰梁二百
卷

劉義慶有徐州先賢傳見史部雜傳家
南史宋臨川烈武王道規附傳義慶所著世
說十卷撰集林二百卷並行於世
唐書經籍志集林二百卷劉義慶撰
唐書藝文志宋臨川王義慶集林二百卷

集林鈔十一卷
不著撰人
集鈔十卷沈約撰

沈約有謚法見經部論語類
鍾嶸詩品評宋尚書令傅亮詩曰季友文余
嘗忽而不察今沈特進撰詩載其數首亦復
平矣

梁有集鈔四十卷丘遲撰亡
丘遲有集見前別集類梁代人文中
唐書經籍志集鈔四十卷不著撰人
唐書藝文志丘遲集鈔四十卷
集略二十卷

不著撰人
撰遺六卷
不著撰人
梁又有零集三十六卷亡
不著撰人

翰林論三卷李充撰梁五十四卷
李充有論語集注見經部

鍾嶸詩品曰陸機文賦通而無貶李充翰林
疎而不切
文心雕龍序志篇詳觀近代之論文者多矣
至如魏文述典陳思序書應場文論陸機文
賦仲洽流別宏範翰林各照隅隙鮮觀衢路
又曰翰林淺而寡要宏範李軌字此當云宏度
唐書經籍志翰林論二卷李充撰

唐書藝文志文史類李充翰林論三卷
宋史藝文志文史類李充翰林論三卷 九當
爲充或又作李元又作李克
崇文總目文史類翰林論三卷李充撰
玉海藝文篇隋志總集翰林論三卷中興書
目凡二十八篇論爲文體要
嚴氏全晉文編李充有翰林論五十四卷今
初學記太平御覽引見凡八條

文苑一百卷孔道撰
南史文學邱巨源附傳時又有會稽孔廣孔
道皆才學知名道抗直有才藻陳郡謝朓年
少時游會稽還父莊問入東何見見孔道不
見重如此著三吳決錄不傳卒於衛軍武陵
王東曹掾
唐書經籍志文苑一百卷孔道撰
唐書藝文志孔道文苑一百卷
宋史藝文志孔道文苑十九卷
玉海藝文類中興書目孔道集漢以後諸儒
文章今存十九卷賦頌銘詠弔典書表論
凡十屬目錄有書寫校正官吏姓名題龍朔
二年或大中十年蓋唐祕書所藏本也

文苑鈔三十卷
不著撰人

文選三十卷梁昭明太子撰

昭明太子有集見前別集類
自序略曰余監撫餘閒居多暇日歷觀文囿
泛覽辭林未嘗不心游目想移晷忘倦自姬
漢以來眇焉悠邈時更七代數逾千祀辭人
才子則名溢於縹囊飛文染翰則卷盈乎緗
帙自非略其蕪穢集其清英蓋欲兼功太半
難矣故雜而集之遠自周室迄於聖代都爲
三十卷名曰文選云耳
又曰凡次文之體各以彙聚詩賦體既不一
又以類分類分之中各以時代相次
梁書南史本傳又撰古今典語文言爲正序
十卷文選三十卷

唐書經籍志文選三十卷梁昭明太子撰
唐書藝文志梁昭明太子文選三十卷
宋史藝文志蕭統文選六十卷李善注
晁氏讀書志李善注文選六十卷梁昭明太
子蕭統纂前有序述其所以作之意蓋選漢
迄梁諸家所著賦詩騷七詠册令教策秀才
文表上書啓彈事牋記書移檄難問對議論
序頌贊符命史論連珠銘箴詠哀辭碑誌行
狀弔祭文類之爲三十卷實常謂統著文選
以何遜在世不錄其文蓋其人既往而後其
文克定然則所錄者前人作也唐李善注析
爲六十卷
陳氏書錄解題文選六十卷梁昭明太子蕭

統德施撰唐崇賢館學士江都李善注北海太守邕之父也

四庫簡明目錄曰文選為文章淵藪善注又考證之資糧一字一句罔非瓌寶古人總集以是書為弁冕良無忝焉

錢塘汪師韓文選理學權輿序曰總集自晉有之而無以選名者梁昭明太子采自周訖梁百三十餘家之文為文選至唐而盛行杜詩曰熟精文選理舊唐書書列文選學於儒

林傳李善之注獨傳又有五臣之注竊取李氏未定之本識者鄙之與李氏同以選舉教授者曹憲許淹公孫羅並作音義而皆不傳

唐常寶鼎撰文選著作人名其書不可得見今考周四家卜子夏屈原宋玉荆軻秦一家

李斯漢十七家高祖武帝淮南小山賈誼鄒陽司馬相如枚乘東方朔王褒李陵蘇武司馬遷孔安國揚雄楊惲劉歆班婕妤後漢十六家班彪班固張衡韋孟案此當入前漢孔融

彌衡傅毅楊修馬融崔瑗朱浮王延壽蔡邕史岑潘勗曹大家季漢一家諸葛亮魏十六家武帝文帝曹植王粲陳琳阮瑀劉楨應場

應璩吳質曹冏何晏繁欽鍾會繆襲李康吳一家韋昭晉四十六家羊祜杜預張華傅咸

嵇康阮籍向秀劉伶皇甫謐束皙陸機陸雲庾亮李密成公綏潘岳潘尼張載張協孫楚

何劭孫綽郭璞劉琨盧諒干寶左思張翰曹摅趙至袁宏石崇桓溫傳玄歐陽建木華夏侯湛應貞張俊棗據郭泰機司馬彪王瓚陶

潛王康瑀殷仲文宋十三家謝靈運謝惠連謝混謝莊謝瞻鮑昭范曄顏延之袁淑王徽王僧達傅亮劉鑠齊六家謝朓王儉王融孔稚珪陸厥王少梁九家任昉江淹邱遲范雲徐悱劉峻沈約虞羲陸倕其名字爵里所未悉者史岑王康瑀二人耳更有無名氏之詩二十三篇則古樂府三首古詩十九首古辭君子行一首也案所考撰人類多前後失次今姑存其舊錄之

案文選撰人據汪氏所考實一百三十家合以無名氏之作故云百三十餘家所載文章大凡四百七十六篇六百九十餘首汪序又云選注所引諸經傳訓一百餘小舉三十七緯候圖識七十八正史雜史人物別傳譜牒地理雜術藝凡史之類幾及四百諸子之類百二十兵書二十道釋經論三十二詔表牋啓詩賦頌贊箴銘七連珠序論碑誄哀詞弔祭文雜文集幾及八百其入選之文互引者不與焉其蒼粹宏富有如此

詞林五十八卷

不著撰人

隋書魏澹潘潛除太子舍人廢太子勇深禮遇之屢加優錫令注庚信集復撰笑苑詞林集世稱其博物

唐書經籍藝文志小辭林五十三卷

案兩唐志亦不著撰人亦次於文選之後蓋即是書其稱小辭林者大抵所錄皆小

文如俳諧集之體亦笑苑之類歟魏澹有魏書見史部正史類笑苑見子部小說家

文海五十卷

不著撰人

周書北史蕭圓肅傳圓肅有文集十卷又撰時人詩筆為文海四十卷廣堪十卷行於世唐書經籍志文海集三十六卷蕭圓肅撰

唐書藝文志蕭圓肅文海集三十六卷 二志並敘肅字

馮氏詩紀品藻篇歷代吟譜曰蕭明恭風度甚雅敏而好學為文海四十卷

錢氏隋書考異曰經籍志文海五十卷不著撰人按北史蕭圓肅傳撰時人詩筆為文海四十卷即此

案蕭圓肅有淮海亂離志見史部古史類

吳朝士文集十卷梁十三卷 通志藝文略作吳朝文士

不著撰人

梁又有漢書文府三卷亡

不著撰人

巾箱集七卷

不著撰人

案南史齊宗室傅衡陽嗣王鈞高帝第十子也常手自細書寫五經部為一卷置於巾箱中侍讀賀玠問之答曰巾箱中有五經於檢閱既易且一更手寫則永不忘

諸王聞而爭效為巾箱五經巾箱五經自此始也金樓子聚書篇云又使孔昂寫得前漢後漢史記三國志晉陽秋莊子老子

肘後方離騷等合六百三十四卷悉在一
巾箱中書極精細是巾箱本始於齊初盛
于梁代此巾箱集蓋其類也

梁有文章志錄雜文八卷謝沈撰又名士雜文
八卷亡

謝沈有尚書注見經部書類
唐書經籍志名文集四十卷謝沈撰

唐書藝文志謝沈名文集四十卷

案文章志錄雜文似即從摯虞流別集中
鈔出者名士雜文似即從張騫文士傳鈔
出者唐志通謂之名文集凡四十卷似後
人增益本

婦人集二十卷

不著撰人

案世說賢媛篇注婦人集載魏許允婦阮
氏與允書陳允禍患所起辭甚酸愴文多
不錄又載賈充妻李氏王渾妻鍾夫人王
右軍夫人事凡五條並引婦人集當出是
書

梁有婦人集三十卷殷淳撰

殷淳有集二卷見前別集類宋代人文中

唐書藝文志殷淳婦人集三十卷

梁又有婦人集十一卷亡

不著撰人

案梁書徐勉傳勉又為婦人集十卷行於

世此十一卷或一卷是集錄疑即其書

雜文十六卷為婦人作

不著撰人

案魏書崔光傳時靈太后臨朝每於後園

親執弓矢光乃表上中古婦人文章因以
致諫曰謹上婦人文章錄一帙其集俱在

內伏願以時披覽仰裨未聞息轡挾之勞
納間拱之泰頤精養壽棲神翰林本志於
北朝人多不著作者姓名此書似即崔光

上靈太后者

文選音三卷蕭該撰

蕭該有漢書音義見史部正史類
隋書儒林傳該撰漢書及文選音義為當時
所貴

唐書經籍志文選音十卷蕭該撰

唐書藝文志蕭該文選音十卷

文心雕龍十卷梁兼東宮通事舍人劉勰撰

梁書文學傳勰字彥和東莞莒人早孤篤志
好學家貧不婚娶依沙門僧祐與之居處積
十餘年遂博通經論因區別部類錄而序之
今定林寺經藏總所定也天監初起家奉朝
請記室參軍出為太末令除仁威記室參東
宮通事舍人遷步兵校尉兼舍人如故昭明

太子好文學深愛接之初勰撰文心雕龍五
十篇論古今文體引而次之既成未為時流

所稱總自重其文欲取定於沈約約時貴盛
無由自達乃負其書候約出于於車前狀

若貨鬻者約便命取讀大重之謂為深得文
理常陳諸凡案後有敕與慧震沙門於定林

寺撰經證功畢遂啓求出家勸許之乃於寺
變服改名慧地未基而卒文集行於世

唐日本國見在書目雜家文心雕龍十卷劉
勰撰又總集家文心雕龍十卷注云劉勰在
雜家

唐書經籍志文心雕龍十卷劉勰撰

唐書藝文志文心雕龍十卷劉勰撰

文總目文史類同

宋史藝文志文史類劉勰文心雕龍十卷辛
處信注文心雕龍十卷

晁氏讀書志文說類文心雕龍十卷晉劉勰
撰評自古文章得失別其體製凡五十篇各
係以贊云案此以為晉人誤又袁本入別集類亦誤

陳氏書錄文史類文心雕龍十卷梁通事舍
人東莞劉勰彥和撰勰後為沙門名慧地

四庫提要詩文評類曰其書原道以下二十
五篇論文章體製神思以下二十四篇論文
章工拙合序志一篇為十五篇據序志篇稱

上篇以下下篇以上上本止二卷然隋志已作
十卷蓋後人所分又據時序篇中所言此書
實成於齊代此本署梁通事舍人劉勰撰亦
後人追題也

又簡明目錄曰舊分上下二篇上篇二十有
五論體裁之別下篇二十有四論工拙之由

合序志一篇亦為二十五篇其書於文章利
病窮極微妙摯虞流別久已散佚論文之書

莫古於是編亦莫精於是編矣

文章始一卷姚察撰

姚察有漢書訓纂見史部正史類

唐書經籍志子部雜家續文章始一卷姚察

撰

唐書藝文志子部雜家姚察續文章始一卷

案兩唐志並列於任昉文章始一卷之後
知卽續任昉書而本志敘續字也

梁有文章始一卷任昉撰亡

任昉有雜傳見史部雜傳家

任昉自序曰六經素有歌詩書誄箴銘之類

尙書帝庸作歌毛詩三百篇左傳叔向貽子

產書魯哀孔子誄孔悝鼎銘虞人箴此等自

秦漢以來聖君賢士沿著爲文章名之始故

因暇錄之凡八十四題以新好事者之目云

爾

唐書經籍志雜家文章始一卷任昉撰張績

補

唐書藝文志雜家任昉文章始一卷張績補

宋史藝文志文史類任昉文章緣起一卷

陳氏書錄文史類文章緣起一卷梁太常卿

樂安任昉彥昇撰但取秦漢以來不及六經

宋王得臣塵史曰梁任昉集秦漢以來文章

名之始目曰文章緣起自詩賦離騷至於教

約八十五題可謂博矣既載相如喻蜀不錄

揚雄劇秦錄解嘲而不收韓非說難取劉向

列女傳而遺陳壽三國志評 又曰任昉以

三言詩起晉夏侯湛唐劉存以爲始于鸞于

飛醉言歸任以頌起漢之王褒劉以始於周

公時邁任以檄起漢陳琳檄曹操劉以始於

張儀檄楚任以碑起於漢惠帝作四皓碑劉

以管子謂無懷氏封太山刻石紀功爲碑任

以銘起於始皇登會稽山劉以蔡邕銘論黃
帝有金几之銘若此者尙十餘條

四庫提要詩文評類文章緣起一卷舊題梁

任昉撰考隋志載任昉文章始一卷稱有錄

無書唐志載任昉文章始一卷注曰張績補

今檢其所列引據頗疏如以表與讓表分爲

二類騷與反騷別立兩體挽歌云起繆襲不

知雍露之在前至篇云起凡將不知倉頡之

更古崔駰達旨卽揚雄解嘲之類而別立旨

之一名崔瑗草書勢乃論草書之筆勢而強

標勢之一目皆不足據爲典要至於謝恩曰

章文心雕龍載有明釋乃直以謝恩兩字爲

文章之名尤屬未協疑爲依託然王得臣塵

史論任昉文章緣起一一與此本合知北宋

已有此本其殆張績所補後人誤以爲昉本

書歟明陳懋仁嘗爲之注國朝方熊更附益

之

梁有四代文章記一卷吳郡功曹張防撰亡

張防始末未詳

以上總集文章及評論之屬凡廿三部附

梁有十一部爲第一類

賦集九十二卷謝靈運撰

謝靈運有晉書見史部正史類

梁又有賦集五十卷宋新喻惠侯撰

新喻惠侯劉義宗有集見前別集類

梁又有賦集四十卷宋明帝撰亡

宋明帝有周易義疏見經部易類

唐書經籍志賦集四十卷宋明帝撰

唐書藝文志宋明帝賦集四十卷

梁又有樂器賦十卷亡

梁又有伎藝賦六卷亡

並不著撰人

賦集鈔一卷

不著撰人

賦集八十六卷後魏祕書丞崔浩撰

崔浩有周易注見經部易類

續賦集十九卷殘缺

不著撰人

案此次崔氏書後似卽續崔氏之集皆北

朝人之作

歷代賦十卷梁武帝撰

梁武帝有周易大義見經部易類

梁書文學周興嗣傳天監十七年興嗣復爲

給事中直西省左衛率周捨奉勅注高祖所

製歷代賦啓與嗣助焉

皇德瑞應賦頌一卷梁十六卷

不著撰人

案兩唐志有皇帝瑞應頌集十卷不著撰

人似卽此十六卷之殘贖

五都賦六卷并錄張衡及左思撰

世說文學篇孫興公云三都二京五經鼓吹

言此五賦是經典之羽翼

文選目錄曰張平子西京賦一首東京賦一

首左太沖三都賦序一首又蜀都賦一首吳

都賦一首魏都賦一首

唐書經籍藝文志五都賦五卷

雜都賦十一卷

不著撰人

梁有雜賦十六卷亡

不著撰人

案此次雜都賦之下疑亦是雜都賦跋都字又十六卷亦似前條十一卷之原本

梁又有東都賦一卷孔道作亡

孔道有文苑見前

南史文學邱巨源傳時又有會稽孔道有才

漢製東都賦于時才士稱之

梁又有二京賦二卷李軌蔡母遂撰亡賦下缺音字

音字

李軌有周易音蔡母遂有列女傳見經部易

家史部雜傳家

唐書經籍志三京賦音一卷蔡母遂撰

唐書藝文志蔡母遂三京賦音一卷

案此二卷者為李軌音一卷蔡母遂音一

卷合為一帙也唐代惟存蔡母氏一家故

止一卷其云三京似轉寫之誤

梁又有齊都賦二卷并音左思撰亡

左思有集見前別集類晉中朝人文中

晉書文苑傳思造齊都賦一年乃成

唐書經籍志齊都賦一卷左太冲撰齊都賦

音一卷李軌撰

唐書藝文志左太冲齊都賦一卷李軌齊都

賦音一卷

汪氏文選理學權輿曰選注所引羣書有左

思齊都賦及齊都賦注

嚴氏全晉文編曰水經巨洋水注初學記太平御覽引左思齊都賦佚文凡五條

案此條左思下當有李軌字轉寫失之兩

唐志可證也

梁又有相風賦七卷傅玄等撰亡

傅玄有傅子見子部雜家

藝文類聚儀飾部晉令曰車駕出入相風前

引

案藝文類聚載晉傅玄張華潘岳陶侃孫

楚相風賦凡五家今考嚴氏文編有牽秀

相風賦秀嘗為張華寮屬有集見前又有

杜萬年相風賦其序云太僕傅侯命余賦

之則與傅玄同時又有傅咸相風賦玄之

子也其序曰相風之賦蓋以富矣然辭義

大同惟中書張令以太史相風獨無文飾

故特賦之太僕寺丞武君賓樹一竹於前

庭其上頗有樞機插以雞毛於以占事知

來與彼無異斯乃簡易之至有殊太史相

風云云案相風亦云相風烏今尙有之多

施於舟船帆桅之上晉人為是賦可考見

者凡八家大抵皆在此七卷中以傅玄為

首故云傅玄等晉之後罕見有是作此殆

東晉人所集錄也 又御覽皇親部載左貴顯集

有相風賦

梁又有迦維國賦二卷晉右軍行恭軍虞于紀

撰亡

虞于紀始末未詳

本志佛經篇佛經者西域天竺之迦維衛國

淨飯王太子釋迦牟尼所說釋迦當周莊王之九年四月八日自母右脅而生姿貌奇異有三十二相八十二好捨太子位出家學道勤行精進覺悟一切種智而謂之佛亦曰佛陀亦曰浮屠皆胡言也華言譯之為淨覺云

梁又有遂志賦十卷亡

不著著人

藝文類聚陸機遂志賦序曰昔崔篆作詩以

明道述志而馮衍又作顯志賦班固作幽通

賦皆相依仿焉張衡思玄蔡邕玄表張叔哀

系此前世可得言者也崔氏簡而有情顯志

壯而泛濫哀系俗而時靡玄表雅而微素思

玄精練而何惠欲麗前人而優游清典漏幽

通矣班生彬彬切而不絞哀而不怨矣崔蔡

冲虛温敏雅人之屬也衍抑揚頓挫怨之徒

也豈亦窮達異事而聲為情變乎余備託作

者之末聊復用心焉

案漢劉歆有遂初賦魏劉楨有遂志賦此

大抵衷合諸家之作不知始于何人也

梁又有乘輿赭白馬二卷亡馬下缺賦字

不著撰人

文選嚴延年赭白馬賦序曰我太祖之造宋

也五方率職四隩入貢祕寶益於玉府文駟

列乎華廐乃有乘輿赭白特稟逸異之姿妙

簡帝心用錫聖阜注阜極也服御順志馳驟

合度齒列雖衰而藝美不貳襲養兼年恩隱

周渥注受也隱私也歲老氣殫斃於內棧少

盡其力有惻上仁乃詔陪侍奉述中旨末臣

庸蔽敢同獻賦

案同時奉詔作賦者不止嚴氏一人此殆真爲一軼歟時宋文帝元嘉十七年也

述征賦一卷

不著撰人

蔡邕述征賦序曰延熹二年秋霖雨逾月是時梁冀新誅而徐璜左悺等五侯擅貴於其處又起顯陽苑於城西人徒凍餓不得其命者甚衆白馬令李雲以直言死鴻臚陳君以救雲抵罪璜以余能鼓琴白朝廷敕陳留太守發遣余到偃師病不前得歸心憤此事遂託所過述而成賦陽湖孫氏續古文苑目錄曰漢蔡邕述行賦宋歐陽靜輯集外文 嚴氏後漢文編附注曰本集及文選魏都賦雪賦舞鶴賦注並作述行賦水經濟水注文選陸機前緩聲歌注引此賦並作述征賦

案魏文帝有述征賦曹植繁欽亦各有述行賦述征賦其佚文並見嚴氏文編此或合此數家爲一編

神雀賦一卷後漢傅毅撰

傅毅有集見別集類後漢人文中

後漢書明帝本紀永平十七年春正月甘露降於甘陵又曰是歲甘露仍降樹枝內附芝草生殿前神雀五色翔集京師西南夷哀牢僂耳僬僂磐本白狼動黏諸種前後慕義貢獻西域諸國遣子入侍夏五月戊子公卿百官以帝威德懷遠祥物顯應乃並集朝堂奉觴上壽太常擇吉日策告宗廟 又賈逵傳永平中有神雀集宮殿官府冠羽

有五采色帝異之以問臨邑侯劉復復不能

對薦遠博物多識帝乃召見逵問之對曰昔

武王終父之業鸞鷲在岐宣帝威懷戎狄神

雀仍集此胡降之徵也帝勅蘭臺給筆札使

作神雀頌

王充論衡佚文篇永平中神雀羣集孝明詔

上神雀頌百官上頌文比瓦石惟班固賈逵

傅毅楊終侯諷五頌金玉孝明覽焉

宋書符瑞志漢明帝永平十七年春神雀五

色集京師又曰漢章帝元和中神雀見郡國

案論衡言傅毅於永平中撰神雀頌符瑞

志言元和中神雀見郡國傅氏爲賦或當

在元和中也

雜賦注本三卷

不著撰人

梁有郭璞注子虛上林賦一卷亡

郭璞有毛詩拾遺見經部詩類

晉書本傳又注楚辭子虛上林賦皆傳於世

顏師古漢書敘例郭璞字景純河東人晉贈

弘農太守止注相如傳序及游獵詩賦

唐書經籍志上林賦一卷司馬相如撰

唐書藝文志司馬相如上林賦一卷

汪氏文選理學權輿曰文選舊注子虛賦上

林賦有張揖注司馬彪注郭璞注

案文選李善注本此二賦篇首題郭璞注

似以郭注爲本而別引他家及己說以附

益之實亡而未盡亡也

梁有薛綜注張衡二京賦二卷亡

薛綜有集見別集類三國人文中

吳志本傳綜又述二京解傳於世

文心雕龍指瑕篇若夫注解爲書所以明正

事理然謬於研求或率意而斷西京賦稱中

黃育獲之疇而薛綜謬注謂之闕尹是不聞

執雕虎之人也

文選李善注楊泉物理論曰平子二京文章

卓然

唐書經籍志二京賦音二卷薛綜撰

唐書藝文志薛綜二京賦音二卷

通志藝文略張衡二京賦二卷薛綜注并晉

汪氏文選理學權輿曰文選舊注二京賦有

薛綜注

案文選西京賦篇首題薛綜注李善曰舊

注是者因而留之其有乖謬臣乃具釋並

稱臣善以別之今案篇中中黃之士首獲

之僞注善曰尸子曰中黃伯曰余左執泰

行之獲而右搏雕虎戰國策范雎說秦王

曰烏獲之力焉而死夏育之勇也而死薛

注所謂闕尹者已削除之矣

梁有晁矯注二京賦一卷亡

晁矯始末未詳

通志藝文略張衡二京賦又二卷量矯注

案李善注文選但稱薛綜不及晁矯及傳

異二家蓋二家至隋唐時已無存矣

梁有武巽注二京賦二卷亡武當爲傳

通志藝文略張衡二京賦又二卷傅巽注

案本志引七錄作武巽通志略所據亦隋

志乃作傳異知武字因音聲而寫誤也傳
巽有集見別集類三國人文中

梁有張載及晉侍中劉逵晉懷令衛瓘注左思
三都賦三卷亡衛瓘當作衛權

左思有齊都賦見前張載有集見別集類劉
逵有喪服要記見經部禮類

魏志衛瓘傳注臻子楷楷子權字伯輿晉大

司馬汝南王亮輔政以權為尙書郎權作左
思吳都賦鼓及注鼓粗有文辭至於為注了

無所發明直為塵穢紙墨不合傳寫也

文選左太冲三都賦序有曰相如賦上林而

引盧橘夏熟楊雄賦甘泉而陳玉樹青葱班

固賦西都而歎以出比目張衡賦西京而述

以游海若注凡此四者皆非西京之所有也余既思

摩二京而賦三都其山川城邑則稽之地圖

其鳥獸草木則驗之方志風謠歌舞各附其

俗魁梧長者莫非其舊何則發言為詩者詠

其所志也升高能賦者頌其所見也美物者

貴依其本讚事者宜本其實匪本匪實覽者

奚信且夫任土作貢虞書所著辨物居方周

易所慎聊舉其一隅攝其體統歸諸訓詁焉

文選皇甫士安三都賦序有曰至若相如上

林揚雄甘泉班固兩都張衡二京馬融廣成

王生靈光皆近代辭賦之偉也曩者漢室內

潰四海圯裂孫劉二氏割有交益魏武撥亂

擁據幽夏故作者先為吳蜀二客盛稱其本

土險阻壞琦可以偏王而卻為魏主述其都

畿弘敞豐麗奄有諸華之意言吳蜀以擒滅

比亡國而魏以交禪比唐虞既以述逆順且

以為鑒戒蓋蜀包梁岷之資吳割荆南之富

魏跨中區之衍考分次之多少計殖物之衆

寡比風俗之清濁課人士之優劣亦不可同

言而語矣二國之士各沐浴所聞家自以為

我土樂人自以為我民良作者又因客主之

辭正之以魏都折之以王道其物土所出可

得披圖而校體國經制可得案記而驗豈誣

也哉

晉書文苑傳思賦三都成安定皇甫謐為其

賦序張載為注魏都劉逵注吳蜀而序之曰

觀中古以來為賦者多矣相如子虛擅名於

前班固兩都理勝其辭張衡二京文過其意

至若此賦擬議數家傳辭會義抑多精致非

夫研覈者不能練其旨非夫博物者不能統

其異世咸貴遠而賤近莫肯用心於明物斯

文吾有異焉故聊以餘思為其引詁亦猶胡

廣之於官箴蔡邕之於典引也

又曰陳留衛瓘案當為權又為思賦作略解

序曰余觀三都之賦言不苟華必經典要品

物殊類稟之圖籍辭義環瑋良可貴也有晉

徵士安定皇甫謐覽斯文而慷慨為之都序

中書著作郎安平張載中書郎濟南劉逵並

以經學洽博才章茂美咸皆悅玩為之訓詁

余嘉其文不能默已聊藉二子之遺忘又為

之略解祇增繁重覽者闕焉

又史臣曰太冲含豪歷載以賦三都士安見

而稱善平原觀而韜翰匪惟高步當年固以

騰華終古

唐書經籍志三都賦三卷左太冲撰

唐書藝文志左太冲三都賦三卷

嚴氏全晉文編曰世說文學篇注引左思別

傳云皇甫謐張載劉淵林衛伯輿皆不為思

賦序注凡諸注解皆思自為欲重其文故假

時人名姓可均案別傳失實晉書所棄今皇

甫序劉注在文選劉序衛序在晉書皆非苟

作別傳道聽塗說無足為憑晉書彙十八家

舊籍兼收小說獨棄別傳不采斯史識也

梁有綦母邃注三都賦三卷亡

綦母邃有二京賦音見前

梁有項氏注幽通賦失著卷數

漢書敘傳曰彪字叔皮有子曰固弱冠而孤

作幽通之賦以致命遂志劉德曰致極也陳

吉凶性命遂明己之志李善文選注曰幽通

謂與神遇也

唐書經籍志幽通賦一卷班固撰曹大家注

又一卷項岱撰

唐書藝文志項岱注幽通賦一卷

汪氏文選理學輿權曰文選舊注幽通賦有

曹大家注項岱注又曰曹項二注皆顏師古

漢書注所無

案項岱別有漢書敘傳五卷見史部正史

類此即從所注敘傳中析出者文選李善

注本中引曹大家注最多項岱注亦間存

十餘條

梁有蕭廣濟注木玄虛海賦一卷亡

蕭廣濟有孝子傳見史部雜傳家

文選李善注今書七志曰木華字玄虛華集

曰為楊駿府主簿傅亮文章志曰廣川木玄

虛為海賦文甚儻麗足繼前良李充翰林論

曰木氏海賦壯則壯矣然首尾負傷狀若文

章亦將由未成而然也

仁和孫志祖文選理學權輿補曰文選載木

玄虛海賦似非全文南史稱張融海賦勝玄

虛惜今不傳

梁有徐爰注射雉賦一卷亡

徐爰有繫辭注見經部易類

文選潘安仁射雉賦注善曰射雉賦序曰余

徙家於琅邪其俗實善射聊以講肄之餘暇

而習媒翳之事遂樂而賦之也徐爰注曰媒

者少養雉子至長狎人能招引野雉因名曰

媒翳者所隱以射者也晉邦過江斯藝乃廢

歷代迄今寡能厥事嘗覽茲賦味而莫曉聊

記所聞以備遺忘案潘安仁名岳有集見別集類晉

中朝人文中

不著撰人

唐書經籍志獻賦集十卷卞鏗撰

唐書藝文志卞鏗獻賦集十卷

案舊唐志作卞鏗新志作卞鏗卞鏗未詳

卞鏗有集見別集類南齊人文中

闡碁賦一卷梁武帝撰

梁武帝有歷代賦見前

嚴氏全梁文編曰梁武帝圍碁賦見藝文類

聚七十四

觀象賦一卷

不著撰人

魏書術藝傳張淵不知何許人也明占候曉

內外星分世祖神廟中為太史令驃騎軍謀

祭酒嘗著觀象賦

北史藝術傳張深著觀象賦其言星文甚備

文多不載

汪氏文選理學權輿曰選注所引羣書有張

泉觀象賦又引觀象賦自注

嚴氏後魏文編曰淵仕苻堅官爵未詳又仕

姚興父子為靈臺令姚泓滅仕赫連昌為太

史令太武平統萬復為太史令遷驃騎軍謀

祭酒著觀象賦并序有注見魏書本傳又見

十六國春秋六十九無注北史作張深文選

月賦注引作張泉皆避唐諱又初學記卷一

略載此賦作宋張鏡隋志有宋新安太守張

鏡集十卷豈此賦又見張鏡集耶疑初學有

誤

洛神賦一卷孫整注

文選曹子建洛神賦序曰黃初三年余朝京

師還濟洛川古人有言斯水之神名曰宓妃

感宋玉對楚王神女之事遂作此賦李善引

感甄賦記曰魏東阿王漢末求甄逸女既不

遂太祖回與五官中郎將植黃初中入朝帝

示植甄后玉鏤金帶枕植見之不覺泣時已

為郭后讒死帝意亦尋悟因以枕賚植植還

度輶轅作感甄賦後明帝見之改為洛神賦

枕賦一卷張居祖撰居當為君

張君祖始末未詳

通志藝文略枕賦一卷張君祖撰鄭氏所據即

本志此一條其所見本作張君祖也

馮氏陳詩紀曰張君祖爵里無考有答庾僧

淵詩贈沙門竺法穎詩及詠懷詩道樹經贊

三昧經贊凡九首又有庾僧淵答張君祖詩

二首並見廣弘明集案諸詩皆恬淡雅逸有

晉風歷選陳世無此作也考高僧傳有康僧

淵竺法雅者並在晉成帝時疑即此人歟廣

弘明集云陳張君祖既不能明姑列於此

嚴氏全陳文編曰張君祖未詳馮惟訥詩紀

云云或是類與庚字誤有詩序經贊凡三篇

案嚴氏亦疑為晉人故謂竺法穎或是竺法雅庾僧淵或

是康僧淵也 漢魏時有栴檀枕賦張茲諸人皆致思焉

二都賦音一卷李軌撰

李軌有二京賦音見前

案李軌既為張平子撰二京賦音此二都

賦音豈為班孟堅兩都賦而作歟抑二京

之誤即前條所謂梁有今亡者是也

百賦音十卷宋御史褚詮之撰百當為古

褚詮之有集見別集類宋代人文中

顏氏家訓勉學篇習賦誦者信褚詮而忽呂

忱江陰趙曦明注曰案漢書揚雄傳所載諸

賦注內時引諸詮之之說宋祁亦時引之經

唐書藝文志褚令之古賦音一卷案二志皆作令之又云一卷似皆寫刊之誤

錢氏隋書考異曰經籍志百賦音十卷宋御史褚詮之撰案宋子京校漢書揚雄三賦屢引諸詮音蓋即此書譌褚為諸又彼之字耳

子京未必親見此書蓋采諸蕭該漢書音義也顏氏家訓勉學篇云習賦誦者信褚詮而忽呂忱亦指此書而言案唐藝文志明修宋版作古賦音他本多作百故錢氏亦云百賦音

梁有賦音二卷郭徵之撰亡

郭徵之或作郭微之始末並未詳

唐書經籍志賦音二卷郭微之撰

唐書藝文志郭微之賦音二卷

梁有雜賦圖十七卷亡

不著撰人

案世說巧藝篇戴安道就范宣學視范所為范讀書亦讀書范抄書亦抄書唯獨好畫范以為無用不宜勞思於此戴乃畫南都賦圖范看畢咨嗟甚以為有益始重畫張氏名畫記敘古來祕畫珍圖亦有戴安道南都賦圖又有晉明帝洛神賦圖史道碩蜀都賦圖琴賦圖宋陸探微敘夢賦服乘圖史敬文西京賦圖南齊王孜嘯賦圖此十七卷大抵皆此之類

以上總集賦之屬及注解音訓圖譜凡十八部附梁有二十三部為第二類

大隋封禪書一卷

不著撰人

隋書高祖本紀開皇九年春正月陳國平六月時朝野物議咸願登封詔以後言及禪封宜即禁絕冬十一月考使定州刺史史盧通等上表請封禪上不許

又儒林傳何妥撰封禪書一卷

錢氏隋書考異曰經籍志大隋封禪書一卷

不著撰人蓋何妥所撰見儒林傳

案何妥有周易講疏見經部易類此題大隋蓋仍隋人書目舊文也隋人撰書日時

妥猶在故不著撰人而本志亦仍之

上封禪書二卷

不著撰人

案此似亦隋代所上者禮儀志開皇十四年羣臣請封禪高祖不納晉王廣又率百官抗表固請帝命有司草儀注於是牛弘

辛彥之許善心姚察虞世基等創定其禮奏之帝遂巡其事曰但當東狩因拜岱山耳本紀十五年春正月庚午上以嵩阜祠太山以謝

愨普大赦天下此二卷似即牛弘等所上又薛冑傳冑徐兗州刺史以天下太平登封告禪帝王盛烈遂遣博士登太山觀古迹撰封禪圖及儀上之高祖謙讓不許則又似冑所上者

梁有雜封禪文八卷亡

不著撰人

文心雕龍封禪篇史遷八書明述封禪者固禪祀之殊體銘號之祕祀天之壯觀矣秦皇銘岱文自李斯法家辭氣體乏弘潤然疏

而能壯亦彼時之絕采也鋪觀兩漢隆盛孝武禪號於肅然光武巡封于梁父誦德銘勳乃鴻筆耳觀相如封禪蔚為唱首爾其表權與序皇王炳元符鏡鴻業驅前古于當今之下騰休明于列聖之上歌之以禎瑞贊之以介邱絕筆茲文固維新之作也及光武勒碑則文自張純首胤典謨末同祝辭引鉤識敘離亂計武功述文德事數理舉華不足而實有餘矣凡此二家並岱宗實跡也及揚雄劇

秦班固典引事非鑄石而體因紀禪至于邯鄲受命攀響前聲風末力寡輯韻成頌陳思

魏德假論客主勞深勳寡懿炎缺焉

漢書東方朔傳劉向所錄朔之文辭有封泰山

山

吳志天璽元年吳興陽羨山有空石長十餘丈名曰石室在所表為大瑞乃遣司徒董朝兼太常周處至陽羨縣封禪國山明年改元天紀大赦

太平御覽禮儀部孫嚴宋書曰袁淑為吏部郎元嘉二十六年侍坐從容曰願上封禪書一篇案亦見宋書本傳

案梁以前為封禪文可考見者約略如右

北齊魏收亦撰封禪文則非七錄所及

梁有秦帝刻石文一卷宋會稽太守褚淡撰亡

宋書褚叔度傳南史作褚裕之叔度河南陽翟人長兄秀之秀之弟淡之字仲源亦歷顯官高祖受命為侍中後以為會稽太守元嘉二年卒年四十五諡曰質子

案經部小學類有秦皇東巡會稽刻石文一卷似即此書宋時會稽石刻猶在褚爲太守摹搨以傳然此題秦帝刻石文又列在封禪類中或併連泰山之罘諸石刻亦未可知也其文並見史記秦始皇本紀以上總集封禪文之屬凡二部附梁有二部爲第三類

集雅篇五卷

不著撰人

靖恭堂頌一卷晉涼王李暠撰

涼王李暠見史部霸史類燉煌實錄條

晉書涼武昭王列傳王字玄盛好學性沈敏

寬和美器度通涉經史尤善文義隆安中爲

涼公秦涼二州牧於敦煌南門外臨水起堂

名曰靖恭之堂以議朝政閱武事圖讚自古

聖帝明王忠臣孝子烈士貞女親爲序頌以

明鑒誠當時文武羣僚亦皆圖焉北史序傳云

當時文武羣公寮佐亦皆圖贊所志有白雀翔於靖

恭堂玄盛觀之大悅又立泮宮增高門學士

五百人

魏書劉炳傳炳隱居酒泉李暠徵爲儒林祭

酒從事中郎著敦煌實錄十卷靖恭堂銘一

卷

唐書經籍志靖恭堂頌一卷李暠撰

唐書藝文志李暠靖恭堂頌一卷

梁有頌集二十卷王僧綽撰亡

王僧綽有集見別集類宋人文中

梁有木連理頌二卷太元十九年羣臣上亡

宋書符瑞志木連理王者德澤純洽八方合

爲一則生晉孝武帝太元十一年四月琅邪

費有榆木異根連理相去四尺九寸十八年

十月臨川東興令惠欣之言縣東南溪旁有

白銀樹芳靈樹李樹並連理十九年正月丁

亥華林園延賢堂西北李樹連理

唐書經籍藝文志木連理頌二卷

以上總集雅頌之屬凡二部附梁有二部

爲第四類

詩集五十卷謝靈運撰梁五十一卷

謝靈運有賦集見前

鍾嶸詩品曰至於謝客集詩逢詩輒取曾無

品第

唐書經籍志詩集五十卷謝靈運撰

唐書藝文志謝靈運詩集五十卷

梁又有宋侍中張敷袁淑補謝靈運詩集一百

卷亡

袁淑有集見別集類宋人文中

宋書張敷傳敷字景胤吳郡吳人吳興太守

邵子也性整貴風韻甚高好讀玄書兼屬文

論少有盛名元嘉中歷祕書丞黃門侍郎司

徒左長史父喪毀瘠成疾卒年四十一世祖

即位詔贈侍中改所居爲孝張里

通志藝文略補謝靈運詩集一百卷宋張敷

袁淑補

梁又有詩集百卷并例錄二卷顏峻撰亡

顏峻有集見別集類宋人文中

唐書經籍志詩集一百卷顏峻撰詩例錄二

卷顏峻撰

唐書藝文志顏峻詩集一百卷又文史類顏

峻詩例錄二卷

梁又有詩集四十卷宋明帝撰亡

宋明帝有集見別集類

唐書經籍志詩集新撰三十卷詩集二十卷

宋明帝撰

唐書藝文志宋明帝新撰詩集三十卷詩集

二十卷

梁又有雜詩七十九卷江邃撰亡

南史江秉之傳秉之濟陽考城人宋元嘉中

臨海太守秉之宗人邃之字玄遠頗有文義

撰文釋傳於世位司徒記室參軍案文釋十卷

見唐藝文志雜家本志不著錄

梁又有雜詩二十卷宋太子洗馬劉和注亡

劉和始末未詳馮氏詩紀有晉劉和妻王氏正朝詩

不知是否即此劉和

唐書經籍志詩集二十卷劉和撰岑刊本作謝

和似因上文謝靈運寫誤

唐書藝文志劉和詩集二十卷

梁又有二晉雜詩二十卷亡

不著撰人

梁又有古今五言詩美文五卷荀綽撰亡

荀綽有晉後略記見史部雜史類

通志藝文略古今五言詩美文五卷荀綽撰

梁又有詩鈔十卷亡

不著撰人

詩集鈔十卷謝靈運撰

謝靈運有賦集詩集並見前

唐書經籍志詩異鈔十卷謝靈運撰 一本作集鈔

集鈔

唐書藝文志謝靈運詩集五十卷又詩集鈔十卷

十卷

梁有雜詩鈔十卷錄一卷謝靈運撰亡

案此似即前條詩集鈔十卷之本故唐志

不別出

古詩集九卷

不著撰人

六代詩集鈔四卷

不著撰人

唐書經籍志六代詩集鈔四卷徐陵撰 一本誤作凌

誤作凌

唐書藝文志許凌六代詩集鈔四卷徐陵六

代詩集鈔四卷

案舊唐志唯載徐陵一家新志又別出許

凌似史駁文徐陵有集見別集類陳代人

文中

又案徐陵有文府十卷見子部雜家此殆

從文府中析出別行者

梁有雜言詩鈔五卷謝朓撰亡

謝朓有集見別集類梁代人文中

詩英九卷謝靈運集梁十卷

謝靈運有賦集詩集詩集鈔雜詩鈔並見前

唐書經籍志詩英十卷謝靈運撰

唐書藝文志謝靈運詩英十卷

案鍾嶸言謝客集詩逢詩輒取曾無品第

疑出後人依託此與詩集鈔雜詩鈔似又

後人從詩集五十卷中析出而仍題謝名

者

梁又有文章英華三十卷梁昭明太子撰亡

昭明太子有文選見前

案梁書本傳云又撰古今典語文言為正

序十卷五言詩之善者為文章英華二十

卷案正序十卷本志不見文章英華即詩

苑英華別見於後此似合正序詩苑為一

編者

今詩英八卷

不著撰人

案此類從於昭明太子諸文中似即文章

英華之佚存本

古今詩苑英華十九卷梁昭明太子撰

昭明太子集答湘東王求文集及詩苑英華

書曰得疏知須詩苑英華及諸文製發函仲

紙閱覽無輟往年因暇搜采英華上下數十

年間未易詳悉猶有遺恨而其書已傳雖未

為精覈亦粗足諷覽集乃不工而並作多麗

汝既須之皆遣送也

南史本傳又撰五言詩之善者為英華集二

十卷

唐書經籍志古今詩苑英華集二十卷梁昭

明太子撰

唐書藝文志梁昭明太子古今詩苑英華二

十卷

汪氏文選理學權輿曰選注所引羣書有昭

明太子古今詩苑英華

詩續十三卷

不著撰人

唐書經籍藝文志詩續十二卷

衆詩英華一卷

不著撰人

詩類六卷

不著撰人

玉臺新詠十卷徐陵撰

徐陵有六代詩集鈔見前

陵自序略曰往世名篇當今巧製分諸麟閣

散在鴻都不藉篇章無由披覽於是然脂暝

寫弄筆晨書撰錄豔歌凡為十卷曾無忝於

雅頌亦靡濫於風人涇渭之間若斯而已

唐日本國見在書目玉臺新詠集十卷徐陵

撰瑗當為陵

唐書經籍志玉臺新詠十卷徐陵撰

唐書藝文志徐陵玉臺新詠十卷宋史藝文志

同

晁氏讀書志玉臺新詠十卷陳徐陵纂唐李

康成云昔陵在梁世父子俱事東朝特見優

遇時承平好文雅尚宮體故采西漢以來詞

人所著樂府豔詩以備諷覽且為之序

四庫提要曰案唐劉肅大唐新語曰梁簡文

為太子好作豔詩境內化之晚年欲改作追

之不及乃令徐陵為玉臺集以大其體據此

則是書作於梁時故簡文稱皇太子元帝稱

湘東王今本題陳尚書左僕射太子少傅東

海徐陵撰殆後人之所追改其書前八卷爲自漢至梁五言詩第九卷爲歌行第十卷爲五言二韻之詩雖皆取綺羅脂粉之詞而去古未遠猶有講於溫柔敦厚之遺未可概以淫豔斥之其中如曹植棄婦篇庾信七夕詩今本集皆失載據此可補闕佚又如馮惟訥詩記載蘇伯玉妻盤中詩作漢人據此知爲晉代梅鼎祚詩乘載蘇武妻答外詩據此知爲魏文帝作古詩西北有高樓等九首文選無名氏據此知爲枚乘作飲馬長城行文選亦無名氏據此知爲蔡邕作其有資考證者亦不一

又簡明目錄曰玉臺新咏大抵皆緣情之作而去古未遠猶有溫柔敦厚之遺或與韓偓香奩集並稱殊非其比或以爲選錄女子之詩則尤未睹而臆說矣

百志詩九卷干寶撰梁五卷

干寶有周易注見經部易類

唐書經籍志百志詩集五卷干寶撰

唐書藝文志干寶百志詩集五卷

通志藝文略百志詩集五卷干寶集

案百志詩大抵集古來言志之詩如張茂

先勵志詩之類存錄百家或百篇以爲是

集歟原編五卷隋九卷後有所續歟前人

無說莫能詳也

梁又有古游仙詩一卷亡

不著撰人 新出常熟丁氏補晉書藝文志以爲應貞

注似誤讀此一條注文

文選郭景純游仙詩注曰凡游仙之篇皆所以滓穢塵網錙銖縷絨霞倒景餌玉玄都梁又有應貞注應璩百一詩八卷亡應璩應貞並有集見別集類魏晉人文中文選百一詩注文章錄曰曹爽多違法度璩爲詩以諷焉

唐書經籍志百一詩八卷應璩撰

唐書藝文志應璩百一詩八卷

通志藝文略百一詩八卷應璩集

馮氏詩紀辨證篇丹陽集曰余觀楚國先賢

傳言汝南應璩作百一詩譏切時事及觀文

選所載璩百一篇略不及時事何耶又觀郭

茂倩雜體詩載百一詩五篇皆璩所作其末

篇即文選所載第四篇似有諷諫所謂苟欲

娛耳目快心樂腹腸我躬不悅歡安能慮死

亡方是時曹爽事多違法而璩爲爽長史切

諫如此而爽卒不悟以及於禍所謂百一者

庶幾百分有一補於爽也或謂以百言爲一

篇者以字數而言也或謂百者數之終一者

數之始十有百行終始如一者以士行而言

也然皆穿鑿之說何足論哉後何遜亦有擬

百一體其詩一百十字恐亦出於或者之說

然璩詩每篇字數各不同第不過四十字爾

案百一詩詳見本集條下文選注引晉陽

秋曰璩作五言詩百三十篇言時事又引

今書七志曰應璩集謂之新詩知其詩已

編入本集此因其子貞注本別行故七錄

著於雜文類中詳見篇末 貞所注百三十

篇大抵述其時事故多至八卷兩唐志不

注應貞注字固爲疎漏藝文略云應璩集

以爲集他人之詩則更失考矣百一之名

聚訟不已要當以孫盛李善之說爲據此

條文法與前類郭璞注子虛上林賦薛綜注二京賦

諸條相同故知此八卷爲應貞注本丁氏補晉書藝

文志以應貞注三字屬上文謂應貞注游仙詩似不

然

梁又有百一詩二卷晉蜀郡太守李彪撰亡

唐書經籍志百一詩集二卷李彪撰

唐書藝文志李彪百一詩集二卷

通志藝文略百一詩又二卷李彪集

案李彪李夔史志記載不一始末並未詳

此亦似注本故七錄類從於應貞之次通

志略題李彪集又以爲集他人詩恐未然

也

齊釋奠會詩十卷一當爲二

不著撰人

初學記禮部夏小正曰二月丁亥萬用入學

丁亥者吉日也萬者千戚舞也入學者太學

也謂今時大舍音釋菜也又有齊王儉侍皇

太子釋奠宴詩

南齊書禮志永明三年正月詔立學創立堂

宇有司奏宋元嘉舊事學生到先釋奠先聖

先師又有釋菜未詳今當行何禮用何樂及

禮器尙書令王儉議中朝以來釋菜禮廢今

之所行釋奠而已宜設軒縣之樂六佾之舞

性牢器用悉依上公其多皇太子講孝經親

臨釋奠車駕幸聽

又武帝本紀永明三年冬十月壬戌詔曰皇太子長懋講畢當釋奠王公已下可悉往觀禮案齊代太學釋奠始于此是集大抵亦是王文憲諸人所編上者也

唐書經籍藝文志齊釋奠會詩集二十卷

齊讌會詩十七卷

不著撰人

南齊書本紀高帝建元元年九月戊申車駕幸宣武堂宴會詔諸王公以下賦詩 二年三月己亥車駕幸樂游苑宴王公已下賦詩

又王融傳永明九年上幸芳林園禩宴朝臣使融爲曲水詩序文藻富麗當世稱之

文選王元長三月三日曲水詩序末曰有詔曰今日嘉會咸可賦詩凡四十有五人其辭云爾案齊代宴會諸詩唯此一集爲最著

青溪詩三十卷齊讌會作

不著撰人

南齊書武帝本紀永明元年春正月甲子爲築青溪舊宮詔製仗瞻履 二年秋七月癸未詔曰夫樂所自生先哲垂誥禮不忘本積代同風是以漢光遲回於南陽魏文殷勤於譙國青溪宮體天含暉則地栖寶光定靈源允集符命在昔期速初開經綸方遠繕築之勞我則未暇時流事往永惟嗟咽朕以寡薄嗣奉鴻基思存締構式表王迹考星創制揆日興功子來告畢規模昭備宜申疊落之禮以暢感慰之懷可克日小會八月丙午車駕

幸舊宮小會設金石樂在位者賦詩詔申京師獄及三署見徒量所降宥領宮職司詳賜幣帛

又五行志世祖起青溪舊宮時人反之曰舊宮者窮廐也及上崩後宮人出居之梁書南平元襄王偉傳齊世青溪宮改爲芳林苑天監初賜偉爲第偉又加穿樂命從事中郎蕭子範爲之記梁世蕭邸之盛無以過焉

唐書經籍志清溪集三十卷齊武帝命撰唐書藝文志清溪集三十卷齊武帝勅撰梁有魏晉宋雜祖饒讌會詩集二十一部一百四十三卷亡今略其數

並不著撰人

案唐經籍志有晉元正宴會詩集四卷伏滔哀豹謝靈運等撰宋元嘉西池宴會詩集三卷顏延之撰元嘉宴會游山詩集五卷不著撰人此三部即二十一部中之佚存者本志於七錄亡書皆附著於行間此蓋不勝其繁故略其數以前史部舊事職官儀注刑法雜傳譜系簿錄諸篇校以七錄敘目實已有此例而未明著於其間至是始發其凡如此

西府新文十一卷并錄梁蕭淑撰

梁書蕭介傳介蘭陵人中大同二年以侍中

邵官尙書辭疾致事拜光祿大夫性高簡少

交游惟與族兄琛從兄暉素及洽從弟淑等

文酒賞會時人以比謝氏烏衣之游

顏氏家訓文章篇吾家世文章甚爲典正不

從流俗梁孝元在蕃邸時撰西府新文紀無

一篇見錄者亦以不偶于世無鄭衛之音故

也江陰趙曦明注曰隋書經籍志西府新文

十一卷并錄梁蕭淑撰案金樓子著書篇所載諸書有自撰者有使顏協劉綏蕭賞諸人撰者此書當亦元帝所使爲之案顏氏稱家世文章不見錄于西府新文紀者即謂其父協見梁書文學傳協自釋褐至大同五年卒始終在湘東蕃邸云

唐書經籍志西府新文十卷蕭淑撰

唐書藝文志蕭淑西河新文十卷

錢氏隋書考異曰經籍志西府新文十一卷梁蕭淑撰案顏氏家訓文章篇梁元帝在蕃時撰西府新文紀志云蕭淑者當是元帝幕僚奉命撰集者

百國詩四十三卷

不著撰人

魏書北史列傳崔光清河人本名孝伯字長仁孝文賜名焉太和六年拜中書博士累遷特進車騎大將軍進司徒太保歷仕孝文宣武孝明賜爵朝陽子進爲侯封博平縣公靈太后臨朝更封爲平恩縣侯正光四年卒年七十三諡曰文宣初光太和中依宮商角徵羽本音而爲五韻詩以贈李彪彪爲十二次詩以報光光又爲百三郡國詩以答之國別爲卷爲百三卷焉案此則百三郡國詩爲崔氏自作不知本志何以編入總集蓋依仿七錄雜文之類也

唐書經籍志百國詩集二十九卷崔光撰

唐書藝文志崔光百國詩集二十九卷

文林館詩府八卷後齊文林館作

北齊書後主本紀武平四年二月景午置文林館又曰帝幼而令善及長頗學綴文置文林館引諸文士焉

又文苑傳序祖珽輔政說後主屬意斯文三年珽奏立文林館于是更召引文學士謂之待詔文林館焉珽又奏撰御覽詔珽及魏收徐之才崔劼張雕陽休之監撰珽等奏追韋道孫陸又王邵李孝基魏澹劉仲威袁爽朱才陸道閑崔子樞薛道衡盧思道崔德諸葛漢鄭公超鄭子信等人館撰書并勅蕭放蕭愨顏之推王孝式等同撰復令封孝琰鄭元禮杜臺卿王訓羊肅馬元熙劉珉李師正溫君愨入館亦令撰書復命崔季舒劉遯李孝貞李德林續入待詔尋又諸人各舉所知又有李羣魏蕭蕭溉陸仁惠江吁辛德源陸開明封孝審張德冲高行恭古道子劉顥崔德儒李元楷陽師孝劉儒行陽辟疆盧公順周子深王友伯崔君洽魏師審並入館待詔又勅右僕射段孝言亦入焉御覽成後所撰錄人亦有不時待詔付所司處分者凡此諸人亦有文學膚淺附會親識妄相推薦者十三四焉雖然當時操筆之徒搜求略盡其外如廣平宋孝王信都劉善經輩三數人論其才性入館諸賢亦十三四不逮之也待詔文林亦是一時盛事故存錄其姓名案自祖珽以迄段孝言凡六十有二

唐書經籍藝文志文林詩府六卷北齊後主

作

詩評三卷鍾嶸撰或曰詩品

梁書文學傳鍾嶸字仲偉潁川長社人晉侍中雅七世孫也父蹈齊中軍參軍鍾雅鍾雅並有集見別集類 嶸與兄岍弟嶸並好學有思理仕齊入梁至西中郎晉安王記室卒官嶸嘗品古今五言詩論其優劣名為詩評

南史文學傳嶸嘗求譽於沈約約拒之及約卒嶸品古今詩為評言其優劣云觀休文衆製五言最優齊永明中相王愛文王元長等皆宗附約于時謝朓未適江淹才盡范雲名級又微故稱獨步故當辭密于范意淺于江蓋追宿恨以此報約也

唐書藝文志文史類鍾嶸詩評三卷

宋史藝文志文史類鍾嶸詩評一卷

崇文總目文史類鍾嶸詩品三卷

趙希弁讀書附志別集類詩品三卷梁征遠

記室參軍鍾嶸撰字仲緯南史有傳

陳氏書錄文史類詩品三卷梁記室參軍穎

川鍾嶸仲偉撰以古今作者為三品而評之

上品十一人上品三十九人下品六十九人

四庫詩文評類提要曰嶸學通周易詞藻兼

長所品古今五言詩自漢魏以來一百有三

人論其優劣分為上中下三品每品之首各

冠以序皆妙達文理可與文心雕龍並稱近

時王士禎極論其品題之間多所遺失然梁

代迄今逾躡千祀遺篇舊製什九不存未可

以掇拾殘文定當日全集之優劣惟其論某

人源出某人若一一親見其師承者則不免附會耳史稱嶸求譽于沈約約弗為獎借故嶸怨之列約中品案約詩列之中品末為排抑惟序中深詆聲律之學謂蜂腰鶴膝僕病未能雙聲疊韻里俗已具是則攻擊約說顯然可見言亦不盡無因也

古樂府八卷

不著撰人

漢書藝文志自孝武立樂府而采歌謠於是

有趙代之謳秦楚之風皆感於哀樂緣事而

發亦可以觀風俗知厚薄云

宋書樂志凡樂章古辭今之存者並漢世街陌謠謳江南可采蓮烏生十五子白頭吟之屬是也

文選古樂府注曰漢武定郊祀而立樂府

案後文既有樂府歌詩自為一類則此八

卷當列後與彼為伍

文會詩三卷陳仁威記室徐伯陽撰

陳書南史文學傳徐伯陽字隱忍東海人也

父僧權梁東宮通事舍人僧權預修華林遍略見

子部雜家 伯陽敏而好學梁大同中為侯官

令陳天嘉中除司空侯安都府記室參軍太

建初與中記室李爽記室張正見左戶郎賀

徹學士阮卓黃門郎蕭詮三公郎王由禮處

士馬樞記室祖孫登比部郎賀循長史劉刪

等為文會友後有蔡凝劉助陳暄孔範亦預

焉皆一時士也游宴賦詩勒成卷軸伯陽為

其集序盛傳於世伯陽後歷鎮右新安府諮

議參軍十三年卒年六十六

陳書侯安都傳安都工隸書能鼓琴涉獵書

傳為五言詩亦頗清靡世祖即位遷司空自

王琳平後安都勳庸轉大自以功安社稷漸

用驕矜數招聚文武之士或射馭馳騁或命

以詩賦第其高下以差次賞賜之文士則褚

介馬樞陰鑑張正見徐伯陽劉祖孫登武

士則蕭摩訶裴子烈等並為之賓客 案文帝

本紀天嘉四年六月癸巳司空侯安都賜死後六年始為

宣帝太建元年徐為文會詩在司空記室之後又侯安都

為仁威將軍在梁敬帝紹泰元年入陳之後累加號至征

北大將軍此題仁威記室本傳不具當亦在大建中

唐書經籍志文會詩集四卷徐伯陽撰

唐書藝文志徐伯陽文會詩集四卷

張氏百三家張正見集題詞有曰東海徐隱

忍在陳太建時與名士十餘人游宴賦詩動

成卷軸集而敘之至今稱文會者輒頌侯司

空諸記室云隱忍詩不多見惟日出東南隅

行與游鍾山開善寺二詩盛行世間餘客詩

文少傳其最多者則推清河張見蹟云

五岳七星迴文詩一卷

不著撰人

案後文樂府歌詩類中引梁有迴文詩三

部若移列於此書之後與下雜詩圖相類

從則有倫有敘矣

梁有雜詩圖一卷亡

不著撰人 案畫家有詩圖如後漢劉褒有北風圖雲

漢圖見於張氏名畫記者不一其人詩家

亦有詩圖如唐張為主客圖宋高似孫文

選摘句圖而古今所豔稱者則莫如迴文

織錦圖此一卷次迴文詩後大抵亦是其

類

毛伯成詩一卷伯成東晉征西將軍將軍當為參軍

毛伯成有集一卷見別集類東晉人中

案此與別集類之一卷不知是一是二或

毛集多寄存他人詩亦有似乎總集歟

春秋寶藏詩四卷張肅撰

張肅始末未詳

江淹擬古一卷羅潛注

羅潛始末未詳江淹有集見別集類梁代人

文中

文選江文通雜體詩三十首序曰關西鄴下

既已罕同河外江南頗為異法今作三十首

詩數其文體雖不足品藻淵流庶亦無乖商

摧

案本志編次之例以圖譜之屬殿每類之

末此類已錄至迴文詩及雜詩圖則亦已

畢訖而又別出此三部何也蓋梁代書目

之外為見存書目所有者遂節次鈔入不

復計及自亂其例也

以上總集詩之屬及注解評論圖譜凡二

十五部附梁有三十六部 內略去二十一部

為第五類

樂府歌辭鈔一卷 不著撰人 唐藝文志樂類有鄭譯樂府歌辭八卷此

或鈔節其書

歌錄十卷

不著撰人

唐書經籍藝文志歌錄集八卷

汪氏文選理學權輿曰文選注引羣書有歌

錄集案宋郭茂倩樂府詩集亦數引之

古歌錄鈔二卷

不著撰人

晉歌章八卷梁十卷

不著撰人

吳聲歌辭曲一卷梁二卷

不著撰人

宋書樂志曰吳歌雜曲並出江東晉宋以來

稍有增廣

又曰楊泓拂舞序曰自到江南見白符舞或

言白鳥鳩舞云有此來數十年察其詞旨乃

是吳人患孫皓虐政思屬晉也又有白紵舞

案舞有巾袍之言紵本吳地所出宜是吳舞

也

梁又有樂府歌詩二十卷秦伯文撰亡

秦伯文始末未詳

梁又有樂府歌詩十二卷亡

不著撰人 舊唐志有新撰錄樂府集十一卷謝靈運

撰藝文志樂類同疑即此

梁又有樂府三校歌詩十卷亡

不著撰人 舊唐志有樂府歌詩十卷亦無撰人似即

此新志樂類有翟子樂府歌詩十卷或亦即此

案三校未詳疑是三調之異名通志略樂

府作皇府似誤

梁又有樂府歌辭九卷亡

不著撰人 舊唐志有樂府歌辭十卷亦無撰人似即此

梁又有太樂歌詩八卷歌辭四卷張永記亡

張永有集見別集類宋人文中

南史本傳永曉音律太極殿前鍾聲嘶孝武

嘗以問永永答鍾有銅滓乃扣鍾求其處鑿

而去之聲遂清越

案張永別有元嘉正聲伎錄略見經部樂

類疑此從伎錄中鈔出者

梁又有魏讌樂歌辭七卷亡

不著撰人

梁又有晉歌章十卷亡

不著撰人

案前已著錄晉歌章八卷注云梁十卷此

似即十卷之本審是則前後兩見又似前

所見者是七錄此所見乃七錄外梁有別

家書目也

梁又有晉歌詩十八卷晉讌樂歌辭十卷荀勗

撰亡

荀勗有晉中經見史部簿錄類

晉書本傳勗既掌樂事又修律呂並行於世

初勗於路逢趙賈人牛鐸識其聲及掌樂音

韻未調乃曰得趙之牛鐸則諧矣遂下郡國

悉送牛鐸果得諧者舉世伏其明識

宋書樂志晉武太始五年尙書奏使太僕傅

玄中書監荀勗黃門侍郎張華各造正旦行

禮及王公上壽酒食舉樂歌詩詔又使成公

綏亦作荀勗表曰魏氏哥詩或二言或三言

或四言或五言與古詩不類以問司律中郎

將陳頎頎曰被之金石未必皆當故勗造晉

歌皆爲四言唯公王上壽酒一篇爲三言五

言九年勗典知樂事使郭夏宋識等造正德

大豫之舞而勗及傅玄張華又各造此舞歌

詩又曰清商三調歌詩荀勗撰舊詞施用者

唐書經籍志太樂雜歌辭三卷荀勗撰太樂

歌辭二卷樂府歌詩十卷

唐書藝文志樂類荀勗太樂雜歌辭三卷又

太樂歌辭二卷樂府歌詩十卷

梁又有宋太始祭高禘歌辭十一卷亡

不著撰人

案太始宋明帝年號明帝有集見別集類

高禘祀典見續漢書禮儀志太始祭高禘

故事則無由考見矣

梁又有齊三調雅辭五卷亡

不著撰人

宋書樂志曰凡諸曲始皆徒哥既而被之絃

管又因有絃管金石造哥以被之魏世三調

哥辭之類是也案三調起于魏之三祖

又曰清商三調哥詩曰平調曰清調曰瑟調

案瑟調亦云側調

梁又有古今九代歌詩七卷張湛撰亡

張湛有列子注見子部道家

案古今九代者大都是唐虞夏商周秦漢

魏晉也

梁又有三調相和歌辭五卷亡

不著撰人

宋書樂志曰但歌四曲出自漢世無弦節作

伎最先一人倡三人和魏武帝尤好之時有

宋容華者清澈好聲善唱此曲當時特妙自

晉以來不復傳遂絕相和漢舊歌也絲竹更

相和執節者歌本一部魏明帝分爲二本十

七曲朱生宋識列和等復合之爲十三曲案

三調見前相和似即但歌之遺變故宋志首言但歌次言

相和

唐書經籍志三調相和歌辭三卷岑刊本誤作

相如

唐書藝文志樂類翟子樂府歌詩十卷又三

調相和歌辭五卷案翟子不知何人似有鼓文

案此蓋以三調及相和兩種歌辭合錄爲

一編者

梁又有三調詩吟錄六卷亡

不著撰人

梁又有奏鞞舞曲二卷亡

不著撰人

宋書樂志曰鞞舞未詳所起然漢代已施於

燕享矣傳毅張衡所賦皆其事也曹植鞞舞

歌序曰漢靈帝西園故事有李堅者能鞞舞

遭亂西隨段熲先帝聞其舊有伎召之堅既

中廢兼古曲多謬誤異代之文未必相襲故

依前曲改作新哥五篇不敢充之黃門近以

成下國之陋樂焉晉鞞舞歌亦五篇又曰鞞

舞即今之鞞扇舞也孝武大明中以鞞拂雜

晉太元十九年羣臣上

案此兩書前已附注於靖恭堂頌一卷條下此復重出豈前所云梁有爲七錄此梁有又一七錄歟是亦足證注梁有者不盡七錄一書也蓋梁有書目有以頌一類列封禪文之後者如前所載是也又有列於迴文詩之後者則此所載是也諸家部居不一律故本志鈔取亦兩歧

梁又有鼓吹清商樂府讌樂高禩鞞鐸等歌辭舞錄凡十部

並不著撰人

案唐經籍志有漢魏吳晉鼓吹曲四卷藝文志樂類同亦皆不著名字似即此十部之一又前注梁有魏晉宋雜祖饒譙會詩二十一部凡若干卷今略其數此與前同例并卷數亦從其略焉

又案此綜錄十部爲一條似亦據梁有別家書目也蓋別目亦有以樂舞歌詩次頌集之後者故本志亦依其次而連屬之

陳郊廟歌辭三卷并錄徐陵撰

徐陵有集見別集類陳代人文中

樂府新歌十卷秦王記室崔子發撰

崔子發有齊記見史部古史類

樂府新歌二卷秦王司馬殷僧首撰

陳書孝行傳殷不害字長卿陳郡長平人仕

梁武帝簡文帝元帝江陵陷與王褒庾信俱

入長安太建七年自周還朝後主即位至給

事中初不害之還也留其長子僧首因居關

中禎明三年京師陷僧首來迎不害道病卒

案此題秦王司馬者其後入隋爲秦孝王俊寮屬俊隋文帝第三子也俊于伐陳之役爲山南道行軍元帥後爲揚州總管四十四州諸軍事轉并州總管三十四州諸軍事頗有令聞僧首爲司馬當在其時以上總集樂府歌曲之屬凡八部附梁有二十九部內略去十部又雜出迴文詩一類三部重出頌集二部爲第六類

古今箴銘集十四卷張湛撰錄一卷

張湛有古今九代歌詩見前

唐書經籍志古今箴銘集十三卷張湛撰

唐書藝文志張湛古今箴銘集十三卷

梁有箴集十六卷亡

不著撰人

梁有雜箴二十四卷亡

不著撰人

唐書經籍藝文志雜箴二十四卷亡

梁有女箴一卷亡

不著撰人

梁有女史箴圖一卷亡

不著撰人

案文選張茂先女史箴注曹嘉之晉紀曰張華懼后族之盛作女史箴又藝文類聚后妃門有後漢皇甫規女師箴晉裴頠女

史箴此圖大抵爲張茂先之箴而作

梁又有銘集十一卷亡

不著撰人

梁又有陸少玄撰佛像雜銘十三卷亡

南史張率傳時陸少玄家有父澄書萬餘卷率與少玄善遂通書籍盡讀其書案陸澄有漢書注見史部正史類少玄他始末不概見

梁又有釋僧祐撰箴器雜銘五卷亡

僧祐有薩婆多部傳見史部雜傳類

以上總集箴銘之屬一部附梁有七部爲

第七類

衆賢誠集十卷殘缺

詳見子部儒家此重出儒家載十三卷此

十卷故云殘缺

梁有誠林三卷蔡母遠撰亡

蔡母遠有二京賦音三都賦注並見前

唐書經籍志儒家誠林三卷蔡母氏撰

唐書藝文志儒家蔡母氏誠林三卷

梁有四帝誠三卷王誕撰亡

王誕有集見別集類東晉人文中

梁有雜家誠七卷亡

梁有諸家雜誠九卷亡

梁有集誠二十二卷亡

並不著撰人

諸葛武侯誠一卷

詳見子部儒家云二卷

女誠一卷

不著撰人

嚴氏全三國文編曰諸葛武侯有集誠一卷

女誠一卷

案嚴氏謂武侯有女誠一卷即據本志此

條也審是疑卽集誠之第二卷唐藝文志

傳記類有諸葛亮貞潔記一卷或卽此書

又武侯之前有杜篤荀爽蔡邕皆有女誠此或哀錄

諸家爲一編

女誠一卷曹大家撰

詳見子部儒家此重出

女鑒一卷

詳見子部儒家此重出

梁有女訓十六卷亡

不著撰人

晉書賈充傳充前妻李氏淑美有才行作女

訓行於世

世說賢媛篇賈充前婦是李豐女作女訓行

於世注婦人集曰李氏名婉字淑父豐誅徙

樂浪又曰李氏至樂浪遺二女典式八篇晉

諸公贊曰李氏有才德世稱李夫人訓者

唐書經籍志女訓集六卷岑刊本誤作文訓集

唐書藝文志傳記類女訓集六卷

案此十六卷或卽典式八篇之上下或不

止李氏一家之訓又兩唐志皆六卷或此

衍十字

婦人訓誠集十一卷并錄梁十卷宋司空徐湛之

撰

婦人訓誠集十一卷并錄梁十卷宋司空徐湛之

貞順志一卷

並詳見子部儒家此重出

以上總集誠訓之屬八部附梁有六部爲

第八類

讚集五卷謝莊撰

謝莊有集見別集類宋代人文中

唐書經籍志讚集五卷謝莊撰

唐書藝文志謝莊讚集五卷

畫讚五卷漢明帝殿閣畫魏陳思王讚梁五十卷

魏陳思王畫贊序曰蓋畫者鳥書之流也昔

明德馬后美於色厚於德帝用嘉之嘗從觀

畫過虞舜之像見娥皇女英帝指戲后曰恨

不得如此人爲妃又前見唐堯之像后指堯

曰嗟乎羣臣百僚恨不得戴君如是帝顧而

咨嗟焉故夫畫所見多矣上形太極混元之

前卻列將來未形之事

又曰觀畫者見三皇五帝莫不仰戴見三季

暴主莫不悲惋見篡臣賊嗣莫不切齒見高

節妙士莫不忘食見忠節死難莫不抗首見

放臣斥子莫不歎息見淫夫妬婦莫不側目

見令妃順后莫不嘉貴是知存乎鑒戒者圖

畫也

張彥遠歷代名畫記敘畫之源流曰圖畫者

有國之鴻寶理亂之紀綱是以漢明帝宮殿

贊茲粉繪之功蜀都學堂義存勸戒之道馬

后女子尚願戴君子唐堯石勒羯胡猶觀自

古之忠孝又敘畫之興廢曰漢武創置祕閣

以聚圖書漢明雅好丹青別開畫室

又述古之祕畫珍圖曰漢明帝畫宮圖五十

卷第一起庖犧五十雜畫贊漢明帝雅好畫

圖別立畫官詔博洽之士班固賈逵輩取諸

經史事命尙方畫工圖畫謂之畫贊至陳思

王曹植爲贊傳

唐書經籍史部雜傳類畫贊五十卷漢明帝

撰

唐藝文志史部傳記類漢明帝畫贊五十卷

嚴氏全三國文編曰藝文類聚太平御覽及

名畫記引曹植畫贊序初學記類聚御覽引

曹植畫贊文自庖犧以迄班婕妤凡三十一

條

案初學記職官部蔡質漢官典職曰尙書

奏事于明光殿省中畫古烈士重行畫贊

是卽殿閣畫之一處蓋每圖有贊故曰畫

贊班賈諸儒所作也至陳思王別爲之贊

贊後而係以小傳略如華陽國志諸郡士

女贊之體名畫記稱贊傳者或以此夫

梁又有誄集十三卷謝莊撰亡

謝莊有贊集見前

以上總集贊文之屬二部附梁有誄文一

部爲第九類

七集十卷謝靈運撰

謝靈運有賦集詩集詩集鈔雜詩鈔詩英迴

文集並見前

唐書藝文志謝靈運七集十卷

七林十卷梁十二卷錄二卷卞景撰

卞景始末未詳

唐書經籍志七林集十二卷卞氏撰

唐書藝文志卞氏七林集十二卷

梁又有七林三十卷音一卷亡

不著撰人

案太平御覽文部引傅玄七謨序末云傅子集古今七篇品之署曰七林是傅子有七林之集在謝客之前疑卽是書其音一卷不知何人作

七悟一卷顏之推撰

顏之推有訓俗文字略見經部小學家

唐書經籍志七悟集一卷顏延之撰延之當爲之推

唐書藝文志顏之推七悟集一卷

案北齊書文苑傳載有文三十卷隋唐志

皆不著傳載其觀我生賦自爲之注述其生平甚悉書錄解題有稽聖賦三卷擬天

問而作其孫師古注中興書曰稱李淳風

注今不傳此七悟一卷唐志作七悟集不

知爲自撰爲集錄也以上總集七篇之屬

御覽文部曰七辭凡三部附梁有一部爲

第十類

梁有弔文集六卷錄一卷亡

梁有弔文二卷亡

並不著撰人

碑集二十九卷

雜碑集二十九卷

雜碑集二十二卷

並不著撰人

唐書經籍藝文志雜碑文二十卷

梁有碑集十卷謝莊撰亡

謝莊有贊集誄集並見前

梁有釋氏碑文三十卷梁元帝撰亡

梁元帝有漢書注見史部正史類

廣弘明集梁元帝內典碑銘集林序曰予幼

好雕蟲長而彌篤游心釋典寓目詞林頃常

搜聚有懷著述譬諸法海無讓波瀾亦等須

彌同歸一色故不擇高卑唯能是與倘未詳

悉隨而足之名爲內典碑銘集林合三十卷

庶將來君子或裨觀覽焉

南史隱逸阮孝緒傳湘東王著忠臣傳集釋

氏碑銘丹陽尹錄研神記並先簡孝緒而後

施行案忠臣傳丹陽尹傳研神記並見史部雜傳家

案金樓子著書篇碑集十秩百卷付蘭陵

蕭賁撰蓋其後所撰集此三十卷或亦合

并百卷中

梁有雜碑二十二卷碑文十五卷晉將作大匠

陳繹撰亡

陳繹始末未詳

梁有碑文十卷車灌撰亡

車灌有修復山陵故事見史部舊事類

梁又有羊祜墮淚碑一卷亡

晉書羊祜傳祜卒吳守邊將士亦爲之泣其

仁德所感如此襄陽百姓於峴山祜平生游

憩之所建碑立廟歲時饗祭焉望其碑者莫

不流涕杜預因名爲墮淚碑荊州人爲祜諱

名屋室皆以門爲稱改戶曹爲辭曹焉

梁又有桓宣武碑十卷亡

不著撰人

案桓宣武卽桓溫見晉書叛逆傳

梁又有長沙景王碑文三卷亡

不著撰人

案長沙景王道憐宋武帝中弟也見宋書

宗室傳

梁又有荊州雜碑三卷雍州雜碑四卷廣州刺

史碑十二卷亡

並不著撰人

梁又有義興周許碑一卷亡許當爲處

不著撰人

嚴氏全晉文編闕名類晉平西將軍周處碑

在宜興孝侯廟題陸機撰王羲之書唐元和

六年義興縣令陳從諫重樹據文有太興二

年語明非陸機撰反覆觀之其駢儷對偶當

屬舊文餘則唐人以新修晉書及他說添補

今以舊文當格其添補文旁注以別異之

案周處見晉書本傳有風土記見史部地

理類唐人重立周孝侯廟碑今在宜興荆

溪兩縣治傳所云長橋今亦名蛟橋亦在

治所

梁又有太原王氏家碑誄頌贊銘集二十六卷

亡

不著撰人

案本志史部雜傳類有太原王氏家傳二

十三卷與琅邪王氏並盛於魏晉南北朝

當時是集殆與家傳並行者

梁又有諸寺碑文四十六卷釋僧祐撰亡

梁又有雜祭文六卷衆僧行狀四十卷釋僧祐

撰亡

僧祐有箴銘雜器見前

僧祐法集總目有曰少受律學刻意毗尼且夕諷持四十餘載春秋講說七十餘遍既稟義先師弗敢墜失標括章條爲律記十卷并雜碑記撰爲一帙又曰法集雜記傳銘七卷案此三書蓋其所集七卷之外者僧祐所作有釋迦譜出三藏記等書此等皆其所集以取資者

以上總集弔文碑文祭文行狀之屬三部附梁有十七部爲第十一類

設論集二卷劉楷撰

劉楷始末未詳案宋齊間有三劉楷一祕書郎劉楷爲元凶劭所殺見宋書長沙景王附傳一大司農劉楷爲交州刺史見齊書武帝永明三年本紀一南中郎司馬劉楷爲司州刺史見永明九年本紀此不著時代莫能詳焉

唐書經籍志設論集三卷劉楷撰

唐書藝文志劉楷設論集三卷

梁有設論集三卷東晉人撰亡

案兩唐志有謝靈運設論集五卷疑卽此

書

梁有客難集二十卷亡

不著撰人

論集七十三卷

雜論十卷

並不著撰人

案兩唐志有殷仲堪雜論九十五卷本志

子部雜家載殷仲堪論集八十六卷注云

梁九十六卷又有雜論五十八卷雜論十

三卷亡此兩書疑與雜家重復互見

明眞論一卷晉兖州刺史宗岱撰宗當爲宋

宋岱有周易論見經部易類

案宋岱爲青州刺史時著無鬼論鄰州化之疑此卽無鬼論之異名

東西晉興亡論一卷

不著撰人

陶神論五卷

不著撰人

唐書經籍志陶神論五卷釋靈裕撰

案籍裕有集見別集類陳代人文中法苑

珠林傳記篇載靈裕撰陶神論十卷

正流論一卷

詳見史部簿錄家此重出

以上總集論之屬客難亦設論之支流故

附其中凡七部附梁有二部爲第十二類

黃芳引連珠一卷

黃芳始末未詳

通志藝文略黃芳引連珠一卷

案此似引連珠集句成文者

梁武連珠一卷沈約注

梁武帝有歷代賦沈約有集鈔並見前

金樓子與王篤梁高祖武皇帝臺城內起至

敬殿又奉爲太祖於鍾山起大愛敬寺又奉

爲獻后起大智度寺又作連珠五十首以明

孝道云

藝文類聚沈約注制旨連珠表曰竊聞連珠

之作始自子雲放易象論動模經語班固謂

之命世桓譚以爲絕倫連珠者蓋謂辭句連

續互相發明若珠之結排也

嚴氏全梁文編曰梁武連珠今存凡三條並

見藝文類聚五十七

梁武帝制旨連珠十卷邵陵王綸注

邵陵王綸有集見別集類梁代人文中

梁書文學邱遲傳時高祖著連珠詔羣臣繼

作者數十人運文最美

唐書經籍志制旨連珠四卷梁武帝撰

唐書藝文志梁武帝制旨連珠四卷

梁武帝制旨連珠十卷陸緬注

南史陸慧曉傳慧曉吳郡吳人第三子倕倕

子續早慧爲童子郎卒次緬有似于倕一看

殆不能別案梁書陸倕傳不及緬南史附載此二語

又不及其生平殆梁書喪亂亡失無從徵采故耳此與

前十卷似皆梁武撰錄諸臣工之作

唐書經籍志制旨連珠十一卷陸緬注

唐書藝文志陸緬注制旨連珠十一卷

梁有設論連珠十卷

不著撰人

梁有謝靈運連珠五卷亡

謝靈運有賦集詩集詩英回文詩集七集等

凡七種並見前

唐書經籍志連珠集五卷謝靈運撰

唐書藝文志謝靈運連珠集五卷

梁有陳證撰連珠十五卷亡

陳證始末未詳

梁又有連珠一卷陸機撰何承天注亡

陸機有吳章篇何承天有禮論並見經部小學類禮類

案南史隱逸沈麟士傳麟士隱居教授重

陸機連珠每為諸生講之是六朝盛行其

一文文選有陸士衡演連珠五十首劉孝標

注何氏之注唯見於此

梁又有班固典引一卷蔡邕注亡

班固有太甲篇在昔篇蔡邕有月令章句並

見經部小學類禮類

文選班孟堅典引序曰永平十七年臣與賈

逵傅毅杜矩展隆郗萌等召詣雲龍門小黃

門趙宣持秦始皇帝本紀問臣等曰太史遷

下贊語中寧有非耶臣對此贊賈誼過秦篇

云向使子嬰有庸主之才僅得中佐秦之社

稷未宜絕也此言非是即召臣入問本開此

論非耶將見問意開悟耶臣具對素聞知狀

詔因曰司馬遷以身陷刑之故微文刺譏貶

損當世非誼士也司馬相如至於疾病而頌

述功德言封禪事忠臣効也賢遷遠矣臣固

嘗伏誦聖論昭明好惡不遺微細緣事斷誼

動有規矩臣固不勝區區竊作典引一篇云

後漢書本傳固又作典引篇述敘漢德以為

相如封禪靡而不典揚雄美新典而不實蓋

自謂得其致焉

文心雕龍封禪篇班固典引體因紀禪又曰

典引所敘雅有懿采歷鑒前作能執厥中其

致義會文斐然餘巧故稱封禪麗而不典劇

秦典而不實豈非追觀易為明循勢易為力

歟

李善文選注蔡邕曰典引者篇名也典者常

也法也引者伸也長也尚書疏堯之常法謂

之堯典漢紹其緒伸而長之也

梁代雜文三卷

不著撰人

以上總集連珠之屬附以典引雜文凡五

部梁有五部為第十三類

詔集區分四十一卷後周獸門學士宗幹撰

宗幹或作宋幹始末並未詳

唐書經籍志詔集區別二十七卷宋幹撰

唐書藝文志史部詔令類宋幹詔集區別二

十七卷

魏朝雜詔二卷

不著撰人

案後文有後魏詔集若干卷此或謂西魏

未詳也

梁有漢高祖手詔一卷亡

不著撰人

漢書藝文志儒家高祖傳十三篇高祖與大

臣述古語及詔策也

玉海聖文御製篇隋志梁有漢高祖手詔一

卷古文苑有高祖手勅太子五條

錄魏吳二志詔二卷梁有三國詔誥十卷亡

並不著撰人

晉咸康詔四卷案晉成帝改元咸康凡八年

不著撰人

晉朝雜詔九卷

不著撰人

不著撰人

唐書經籍志史部起居注類晉書雜詔書一

百卷上書字衍

唐書藝文志起居注詔令類晉雜詔書一百

卷

梁又有晉雜詔二十八卷錄一卷亡

不著撰人

唐書經籍志起居注類晉雜詔書又二十八

卷藝文志詔令類同

梁又有晉詔六十卷亡

不著撰人

唐書經籍志起居注類晉雜詔書六十六卷

藝文志詔令類同

梁又有晉文王武帝雜詔十二卷亡

不著撰人

案下文又有晉武帝詔十二卷此大抵錄

文武兩世為晉王時之詔令晉人追尊故

稱詔

錄晉詔十四卷

不著撰人

案此大抵亦如前錄魏吳二志詔從諸家

晉書中錄出者

梁有晉武帝詔十二卷亡

梁有成帝詔草十七卷亡

梁有康帝詔草十卷亡

梁有建元直詔三卷亡案晉康帝在位二年改元建

元

梁有永和副詔九卷亡案晉穆帝紀元永和凡十二

年

梁有升平隆和興寧副詔十卷亡 案晉穆帝改元

升平凡五年哀帝隆和一年興寧三年

梁有泰元咸寧康副詔二十二卷亡 案晉孝

武帝即位改元寧康凡三年又改元太元凡二十一年寧康

在太元之前而此顛倒在後又咸寧爲武帝年號遠在晉初

此乃敘于太元之後舛誤彌甚

並不著撰人

唐書經籍志起居注類晉太元副詔二十一

卷 藝文志詔令類同 案唐志則本志此一條咸寧寧

康四字史駁文也

梁有隆安直詔五卷元興太亨副詔三卷亡 案

隆安元興太亨並晉安帝年號

並不著撰人

唐書經籍志起居注類晉崇安元興太亨副

詔八卷 藝文志詔令類同案此八卷即合梁有之直詔

五卷副詔三卷也

晉義熙詔十卷梁有義熙副詔十卷亡 案晉安帝改

元義熙凡十四年

並不著撰人

唐書經籍志起居注類晉義熙詔二十二卷

藝文志詔令類同

梁有義熙以來至于大明詔三十卷亡 案大明

宋孝武帝改元自晉義熙元年乙巳至宋大明八年甲辰首

尾凡六十年

梁有晉宋雜詔四卷亡

不著撰人

梁又有晉宋雜詔八卷王詔之撰亡

王詔之有晉紀見史部古史類

梁又有雜詔十四卷亡

不著撰人

梁又有班五條詔十卷亡

晉書武帝本紀泰始四年十二月班五條詔

書于郡國一曰正身二曰勤百姓三曰撫孤

寡四曰敦本息末五曰去人事

宋永初雜詔十三卷

不著撰人

唐書經籍志起居注類宋永初詔六卷 藝文

志詔令類同

梁有詔集百卷起漢訖宋亡

梁有武帝詔四卷亡

梁有宋元熙詔令五卷亡 案元熙晉恭帝紀元明年

禪位于宋

梁有宋永初二年五年詔三卷亡 案宋武帝受禪

紀元永初止三年此云五年蓋三年之誤

梁有永初以來中書雜詔二十卷亡

宋孝建詔一卷案宋孝武帝紀元孝建凡三年

梁有宋景平詔三卷亡 案宋少帝改元景平盡一年

宋元嘉副詔十五卷

梁有宋元嘉詔六十二卷亡 案元嘉宋文帝年號凡

三十年

並不著撰人

唐書經籍志起居注類宋元嘉詔二十一卷

藝文志詔令類同

梁又有宋孝武詔五卷宋大明詔七十卷亡 案

宋孝武孝建三年大明八年此孝武疑是孝建之誤

梁又有宋永光景和詔五卷亡 案永光景和並宋

前廢帝年號盡一年

梁又有宋泰始泰豫詔二十二卷亡 案泰始泰豫

宋明帝年號凡八年

梁又有宋義嘉偽詔一卷亡 案義嘉晉安王子勳僞

號也事在明帝泰始二年

梁又有宋元徽詔十二卷亡 案元徽後廢帝年號凡

四年

梁又有宋昇明詔四卷亡 案昇明順帝年號凡二年

禪位于齊

齊雜詔十卷

齊中興二年詔三卷 案中興二年即齊和帝禪位于梁之

歲梁武帝位改是年爲天監元年

梁有齊建元詔五卷亡 案齊高帝受禪改元建元凡

四年南史本紀云所著文詔中書侍郎江淹撰次之似謂其

文集非指此書

梁有永明詔三卷武帝中詔十卷亡 案永明齊武

帝年號凡十一年

梁有齊隆平延興建武詔九卷齊建武二年副

詔九卷亡 案鬱林王即位改元隆昌此曰隆平蓋誤海陵

王即位改元延興明帝即位又改元建武是歲一年凡三

改元

梁有天監元年至七年詔十二卷天監九年十

年詔二卷亡 案梁武帝天監紀元凡十八年此但十年

以前之詔令亡佚多矣

後魏詔集十六卷

不著撰人

案魏書常景傳延昌初受勅撰門下詔書

凡四十卷延昌宣武帝即位之十三年也
此十六卷似即其殘廢者

後周雜詔八卷
雜詔八卷

雜赦書六卷
陳天嘉詔草三卷案天嘉陳文帝紀元凡六年

並不著撰人
竊朝集三卷李德林撰

李德林有集見別集類隋代人文中

隋書本傳開皇五年勅令撰錄作相時文翰

勒成五卷謂之竊朝雜集序其事末云前奉

勅旨集納麓已還至於受命文筆當時制述

條目甚多今日收撰略為五卷云爾高祖省

讀訖明且謂德林曰自古帝王之興必有異

人輔佐我昨讀竊朝集方知感應之理昨宵

恨夜長不能早見公面必令公貴與國始終

唐日本國見在書目竊朝集三卷李德林撰

唐書經籍志竊朝雜集五卷李德林撰

唐書藝文志李德林竊朝雜集五卷

皇朝詔集九卷
皇朝陳事詔十三卷

並不著撰人

梁有雜九錫文四卷亡

不著撰人

漢書武帝本紀元朔元年注應劭曰九錫一

曰車馬二曰衣服三曰樂器四曰朱戶五曰

納陛六曰虎賁百人七曰鈇鉞八曰弓矢九

曰柎鬯張晏曰九錫經本無文周禮以為九

命春秋說有之臣瓚曰九錫備物伯者之盛
禮齊桓晉文猶不能備

困學紀聞曰周官上公九命王制有加賜不
過九命伏生大傳謂諸侯三年一貢士一適

謂之好德再適謂之賢賢三適謂之有功有
功者天子一賜以車服弓矢再賜以柎鬯三

賜以虎賁百人號曰命諸侯此言三賜而已
漢武紀元朔元年有司奏議曰古者諸侯貢

士壹適謂之好德再適謂之賢賢三適謂之
有功迺加九錫九錫始見於此遂為篡臣竊

國之資自王莽始

案九錫文王莽傳但載其事非如後世之
稱物備數一一筆之於策書也文選載潘

勛撰魏公九錫文心雕龍以為絕羣魏

文帝策命孫權九錫文略見藝文類聚晉

文帝封晉公加九錫其事見晉書文紀魏

景元四年其文不知何人作其後惠懷之

際若趙王倫齊王罔成都王穎東海王越

皆加九錫見晉書八王傳江左袁宏撰桓

溫九錫文見晉書謝安及王彪之傳其文

皆不傳桓玄傳玄矯詔封楚王加九錫殷

仲文撰文亦不傳此外如傅亮撰宋公九

錫文王儉撰齊公九錫文任昉撰梁公九

錫文並見宋齊梁諸史本紀此梁以前九

錫文之略可考見者其後若徐陵撰陳公九錫

文魏收撰齊王九錫文李德林撰隋公九錫文亦見

諸史本紀

以上總集詔令冊命之屬凡二十部附梁

有四十三部為第十四類
上法書表一卷虞和撰

虞和有法書目錄六卷見史部簿錄類
嚴氏全宋文編曰虞祿會稽餘姚人大明中

太學博士泰始中遷儀曹郎長兼博士歷中
書郎拜廷尉卿有上明帝論書表

案此表張彥遠法書要錄全載其文蓋即
其所上法書目錄之表竇蒙述書賦注所

謂表本行於世真蹟故起居舍人李造得
之者也並詳見於簿錄篇

梁中表十一卷梁邵陵王撰

邵陵王綸有制旨連珠注見前

案梁書南史王筠傳勅撰中書表表三十

卷陳書姚察傳察在祕書省奏撰中書表

集此中表似敍書字蓋即其類兩唐志有

梁中書表集二百五十卷不著撰人似梁

代故府所留遺者

梁有漢名臣奏三十卷魏名臣奏三十卷陳長

壽撰亡

陳長壽即陳壽有三國志見史部正史類本

志傳記類載益部書傳亦云陳長壽以是知為一人

案本志史部刑法家漢名臣奏事三十卷

不著撰人兩唐志並云陳壽撰刑法家又

有魏名臣奏事四十卷目一卷陳壽撰此

漢魏各三十卷蓋即刑法家所著錄者特

卷數名題稍有別異耳並詳見於史部

梁有魏雜事七卷亡
梁有晉諸公奏十一卷亡

梁有雜表奏駁三十五卷亡

並不著撰人

梁有漢丞相匡衡大司馬王鳳奏五卷亡

匡衡王鳳並見漢書列傳

案此五卷大抵從別本漢名臣奏中佚出

者唐藝文志刑法家陳壽之前別有漢名

臣奏二十九卷列漢人中不僅陳壽一家

也經籍志亦載之

梁有劉隗奏五卷亡

劉隗有集見別集類東晉人文中

案晉書本傳載其奏戴若思王籍之顏含

梁龕宋挺阮抗王含周筵劉胤李匡周顓

等諸事似皆在是書史稱其彈奏不畏疆

圍深為王氏所忌疾故不容於王敦而流

亡于石勒

梁有孔羣奏二十二卷亡

晉書孔愉傳愉從弟羣字敬林有智局志尚

不羈歷中丞性嗜酒王導嘗戒之卒於官

世說方正篇注會稽後賢記曰羣字敬休山

陰人祖竺吳豫章太守父奕全椒令羣有智

局仕至御史中丞

曲阜孔繼汾闕里文獻考孔氏別集有先聖

二十五代孫晉御史中丞羣奏二十二卷

案通志藝文略題曰漢孔羣奏二十二卷

以為漢人蓋以本志此一段上文有漢匡

衡王鳳奏而劉隗孔羣奏無晉字遂皆以

梁有晉金紫光祿大夫周閔奏事四卷亡

晉書周顓傳顓汝南安城人顓子閔字子纂

方直有父風歷衡陽建安臨川太守侍中

領軍吏部尚書尚書左僕射護軍領祕書監

卒追贈金紫光祿大夫諡曰烈

梁有晉中丞劉邵奏事六卷亡

晉書劉隗附傳隗伯父訥訥子疇疇兄子邵

有才幹辟琅邪王丞相掾咸康世歷御史中

丞侍中尚書豫章太守秩中二千石

梁有中丞司馬無忌奏事十三卷亡

司馬無忌即譙烈王也有集九卷見別集類

東晉人文中

晉書宗室傳譙烈王無忌建元初累遷御史

中丞

梁有中丞虞谷奏事六卷亡

晉書虞潭傳潭會稽餘姚人吳騎都尉翻之

孫也潭兄子驥與譙國桓彝俱為吏部郎情

好甚篤彝遣温拜驥驥使子谷拜彝谷位至

吳國內史

梁有中丞高崧奏事五卷亡

晉書本傳崧字茂琰廣陵人也少好學善史

書州舉秀才除太學博士數遷簡文帝輔政

為撫軍司馬遷侍中以公事免卒於家

又謝安傳安始為桓温司馬將發新亭朝士

咸送中丞高崧崧之曰卿累違朝旨高臥東

山諸人每相與言安石不出將如蒼生何蒼

生今亦將如卿何安甚有媿色

梁又有諸彈事等十四部亡

並不著撰人

案此與前雜祖饒讒會詩二十一部樂府

歌辭舞錄十部同例皆所謂略其數也梁

書徐勉傳撰左丞彈事五卷孔休元傳勒

成奏議彈文十五卷本志吏部刑法家有

晉彈事十卷皆此之類亦或在此十四部

中

雜露布十二卷

不著撰人

通志藝文略雜露布十二卷梁書籍

案此本志從見存書日鈔人何由知其為梁書籍乎豈以此一條

前後皆梁有亡書遂皆以為梁代之書乎鄭氏虛浮無當

類如此

梁有雜檄文十七卷亡

不著撰人

通志藝文略雜檄文十七卷見隋志

案前注

梁書籍若與此注見隋志互易則庶幾近之矣

唐封演聞見記曰露布捷書之別名也自漢

以來有之亦謂之露版魏武事奏云有警急

輒露版插羽是也

以上總集表奏之屬附以檄文露布凡三

部梁有二十九部內十四部略其數

為第十

五類

山公啓事三卷

山濤有集見別集類西晉人文中

晉書本傳詔以濤為吏部尚書前後選舉周

遍內外而並得其才又曰濤再居選職十有

餘年每一官缺輒啓擬數人詔旨有所向然後顯奏隨帝意所欲爲先故帝之所用或非舉首衆情不察以濤輕重任意或譖之於帝故帝手詔戒濤曰夫人惟才不遺疏遠卑賤天下使化矣而濤行之自若一年之後衆情乃寢濤所奏甄拔人物爲各題目時稱山公啓事濤中立於朝晚值后黨專權不欲任楊氏多有諷諫帝雖悟而不能改

史臣曰自東京喪亂吏曹湮滅西園有三公之錢蒲陶有一州之任貪饕方駕寺署斯滿時移三代世歷九王拜謝私庭此焉成俗若乃餘風稍殄理或可言委以銓綜則羣情自抑通乎魚水則專用生疑將矯前失歸諸後正惠絕臣名恩馳天口世稱山公啓事者豈斯之謂歟若盧子家之前代何足算也 案盧毓字子家再爲吏部尙書魏志有傳

世說政事篇山司徒前後選殆周遍百官舉無失才凡所題目皆如其言唯用陸亮是詔所用與公意異爭之不從亮亦尋爲賄敗

唐書經籍志山濤啓事三卷

唐書藝文志山濤啓事十卷 案此作十卷據舊志實范寧啓事之卷數新志此條啓事之下敝三卷二字

又敝范寧啓事四字以兩書誤合爲一條故卷數不符非詳勘不能知也

嚴氏全晉文編曰山濤啓事今見魏志蜀志注世說注文選注通典及諸類書所引凡五十一條

案文選應休璉與滿公琰書注引賈弼之

山公表注似即此啓事則此書舊有賈弼之注賈即爲十八州姓氏譜狀以譜學世其家者也晉太元中人又此啓事常亦編入本集本志別集類注云梁又有山濤集十卷齊奉朝請裴津注則又有裴氏注

范寧啓事三卷梁十卷

范寧有古文尙書注見經部書類晉書本傳寧由臨淮太守徵拜中書侍郎在職多所獻替有益政道孝武帝雅好文學甚被親愛朝廷疑議輒諮訪之寧指斥朝士直言無諱及爲豫章太守臨發上疏末云臣久欲粗啓所懷日復一日今當永離左右不能令心有餘恨請出臣啓事付外詳擇帝詔公卿牧守普議得失又陳時政帝善之寧之出非帝本意故所啓多合旨

唐書經籍志范寧啓事十卷 藝文志敝去此條

詳見前山公啓事條下

梁有雜薦文十二卷亡

不著撰人

梁有薦文集七卷亡

不著撰人

唐書經籍志善文四十九卷杜預撰

善文五十卷杜預撰

杜預有喪服要集見經部禮類

唐書經籍志善文四十九卷杜預撰

唐書藝文志杜預善文四十九卷

玉海藝文類唐志杜預善文四十九卷隋志

五十卷史記李斯傳注辯士隱姓名遺秦將

章邯書在善文中

雜集一卷殷仲堪撰

殷仲堪有毛詩雜義見經部詩類

案本志子部雜家載殷仲堪論集八十六卷梁九十六卷此一卷或在所集啓事之屬

梁魏周齊陳皇朝聘使雜啓九卷

不著撰人

紀中

案此六朝往來聘問諸使臣並見六史本

政道集十卷

不著撰人

隋書列傳博陵李文博性貞介鯁直好學不倦至於教義名理特所留心每讀書至治亂得失忠臣烈士未嘗不反覆吟翫開皇中爲羽騎尉特爲吏部侍郎薛道衡所知恆令在聽事幃中披檢書史并察己行事若遇治政善事即鈔撰記錄如選用疏謬即委之臧否

道衡每得其語莫不欣然從之後直祕書內

省守道居貧恆以禮法自處儕輩莫不敬憚焉道衡知其貧每延於家給以資費文博商

量古今治政得失如指諸掌稍遷校書郎出

爲縣丞數歲不得調道衡爲司隸大夫遇之

於東都尙書省甚嗟愍之遂奏爲從事後遭

離亂播遷不知所終文博本爲經學後讀史

書于諸子及論尤所該洽性長議論亦善屬

文著治道集十卷大行於世 北史文苑傳作政

道集與本志所題同

道集與本志所題同

道集與本志所題同

道集與本志所題同

道集與本志所題同

道集與本志所題同

道集與本志所題同

道集與本志所題同

道集與本志所題同

唐經籍志子部法家治道集十卷李文博撰
唐書藝文志法家李文博治道集十卷 宋志法家同又見雜家

玉海藝文雜著類中與書目李文博政道集
十卷雜載前賢所論治理之要凡一百二十
篇

嘉興沈濤銅熨斗齋隨筆曰唐柳伯存馬總
意林序曰隋代博陵李文博摭綴諸子編成
理道集十卷隋志不載當本名治道集唐人
諱治因改爲理 案沈氏以本志子部法家無是書又以此作政道集不著撰人與唐志法家所題不同遂以爲隋志不載焉

以上總集啓事之屬凡六部附梁有二部
爲第十六類

書集八十八卷晉散騎常侍王履撰

王履始末未詳

唐書經籍志書集八十卷王履撰

唐書藝文志王履書集八十卷

書林十卷

不著撰人

案此似卽應璩書林詳見於後

雜逸書六卷梁二十二卷徐爰撰

徐爰有射雉賦注見前

梁有應璩書林八卷夏赤松撰

應璩有百一詩見前

南史蕭惠基傳惠基善弈棋當時能棋者琅

邪王抗第一品吳郡褚思莊會稽夏赤松第

二品赤松思速善于大行案夏赤松齊時人其見

于史者唯此

魏志高堂隆傳注棧潛字彥皇見應璩書林

文心雕龍書記篇曰休璉好事留意詞翰

唐書經籍志書林六卷夏赤松撰

唐書藝文志夏赤松書林六卷

通志藝文略文部書類應璩書林八卷夏赤

松集

案此蓋夏赤松重編應氏之書或刪節或

注釋

梁有抱朴君書一卷葛洪撰亡

葛洪有喪服變除見經部禮類

梁有蔡司徒書三卷蔡謨撰亡

蔡謨有喪服譜見經部禮類

案葛蔡兩家書或其手蹟之僅存者後人

錄以相傳如歐公試筆之類皆集外別行

歟亦或出此兩家所傳之名尺牘也

梁有前漢雜筆十卷亡

梁有吳晉雜筆九卷亡

並不著撰人

梁有吳朝文二十四卷亡

不著撰人

案前已著錄吳朝士文集十卷注云梁十

三卷此或其書啓雜文故附于此歟

梁有李氏家書八卷亡

不著撰人

案續漢書祭祀志注引李氏家書曰司空

李郃侍祠南郊不見六宗祠奏曰云云天

文志注李氏家書曰時天有變氣李郃上

書諫五行志注曰李氏家書司空李郃上

書案李郃字孟節漢中南鄭人見後漢書

方術傳郃子固桓帝時太尉爲梁冀所陷

死小子雙河南尹雙姊文姬及其父門生

王成弟子趙承等並見列傳此李氏家書

蓋卽其家所傳又趙承等七十二人共論

固言迹以爲德行一篇當在此書又舊新

唐志傳記類有李固別傳七卷藝文類聚

太平御覽各有李郃別傳李雙別傳當亦

在此書

梁有晉左將軍王鎮惡與劉丹陽書一卷亡

案王鎮惡北海劇人苻堅丞相王猛孫也

佐宋武帝拒盧循討毅克長安後爲沈

田子所殺時晉安帝義熙十四年也贈左

將軍宋書南史並有傳劉丹陽者當是劉

穆之穆之亦爲宋武佐命時爲丹陽尹總

朝政云

後周與齊軍國書二卷

不著撰人

高澄與侯景書一卷

梁書侯景傳齊神武疾篤謂子澄曰侯景狡

猾多計反覆難知我死後必不爲汝用乃爲

書召景景知之慮及于禍太清元年乃遣其

行臺郎中丁和來上表請降及神武卒其子

澄嗣是爲文襄帝魏既新喪元帥景又舉河

南內附齊文襄慮景與西南合從方爲己患

乃以書喻景若還許以豫州刺史終其身所

部文武更不追攝闔門無恙并還寵妻愛子

景報書不從

北齊文襄紀世宗文襄皇帝諱澄字子惠神武長子也魏武定五年正月景午神武崩辛亥司徒侯景據河南反七月戊戌魏帝詔以文襄為渤海王八月議者咸云侯景猶有北望之心但信命不至耳又景將蔡遵道北歸稱景有悔過之心王以為信然謂可誘而致乃遺景書

以上總集書札之屬五部附梁有八部為第十七類

集策一卷殷仲堪撰

殷仲堪有雜集一卷見前

通志藝文略商仲堪策集一卷

策集六卷

不著撰人

唐書經籍志策集六卷謝靈運撰

唐書藝文志宋伯宜策集六卷

案兩唐志各有策集而撰人各不同未詳孰是謝靈運有賦集連珠集等凡八種見

前宋伯宜始末未詳

梁有孝秀對策十二卷亡

不著撰人

通志藝文略秀孝對策十二卷注云隋志

案秀孝對策者舉秀才對策舉孝廉對策也鄭漁仲氏所見隋志作秀孝今本作孝

秀者似後人妄改

宋元嘉策孝秀文十卷

不著撰人

唐書經籍藝文志宋元嘉策五卷

通志藝文略宋元嘉策秀孝文十卷

以上總集策對策問之屬三部附梁有一部為第十八類

誹諧文三卷

不著撰人

誹諧文十卷袁淑撰

袁淑有集見別集類宋代人文中

唐書經籍志誹諧文十五卷袁淑撰

唐書藝文志袁淑俳諧文十五卷

張氏百三家袁忠憲集輯本序曰陽源俳諧

集文皆調笑其于藝苑亦博籥之流也

嚴氏全宋文編曰藝文類聚初學記太平御覽並引袁淑俳諧集合存雞九錫文又勸進

戲驢山公九錫文大蘭王九錫文常山王九

錫文凡五篇

梁有續誹諧文集十卷亡

不著撰人

梁又誹諧文一卷沈宗之撰亡

沈宗之有集見別集類宋代人文中

案七錄隋志載誹諧文共四部殷芸小說

引誹諧文一條云孔文學中夜暴疾命門

人鑽火其夜陰瞑門人忿然曰君責人太

不以道今暗若漆何不把火照我當得鑽

火具然後得火文舉聞之曰責人當以其

道不知在何家之書

梁又有任子春秋一卷杜嵩撰亡

晉書儒林杜夷傳夷廬江潯人也著幽求子

二十篇夷兄崧字行高亦有志節惠帝時俗多浮僞著任子春秋以刺之

晉書惠帝本紀帝之為太子也朝廷咸知不堪及居大位政出羣下綱紀大壞賂路公行

勢位之家以貴陵物忠賢路絕讒邪得志更

相薦舉天下謂之互市焉高平王沈作釋時

論南陽魯褒作錢神論廬江杜嵩作任子春秋皆疾時之作也

崑山顧炎武日知錄曰晉惠帝時廬江杜嵩

作任子春秋壬子元康二年賈后弑楊太后

于金墉城之歲

案顧氏言則任子即壬子殆因觸時忌故

變其文歟

梁又有博陽秋一卷宋零陵令辛邕之撰亡

辛邕之始末未詳

法集百七卷梁沙門釋寶唱撰

寶唱有名僧傳見史部雜傳家

開元釋教錄寶昌博識洽聞武帝甚相崇敬

天監年中頻勅撰集皆愜帝旨

以上總集誹諧之屬二部附梁有四部殿

以法集一部為第十九類終焉

右一百七部二千二百一十三卷通計亡書合二

百四十九部五千二百二十四卷 實在著錄一百四

十七部附著梁有亡書二百三十四部內略去四十五部實附

著一百八十九部通計三百三十六部

案七錄敘目文集錄第三曰總集部十六

種第四曰雜文部二百七十三種兩部併

計二百八十九種本志合為總集一類蓋

自第二類賦集以下皆雜文之屬也存佚併計增輯者四十七種

凡集五百五十四部六千六百二十二卷通計亡書合一千一百四十六部一萬三千三百九十卷實著錄五百九十部附著梁有亡書六百五十九部通計一千二百四十九部

凡四部經傳三千一百二十七部三萬六千七百八卷通計亡書合四千一百九十一部四萬九千四百六十七卷實著錄三千二百十二部附著梁有亡書一千五百四十五部通計四千七百五十七部

道經三百七十七部一千二百一十六卷 凡分四部詳見卷首敘錄

案七錄敘目仙道錄外篇第二曰經戒部服餌部房中部符圖部四部四百二十五種四百五十九帙一千一百三十八卷與

本志部目略同則梁隋道藏無所更張也佛經一千九百五十部六千一百九十八卷 凡分十一部詳見卷首敘錄

案七錄敘目佛法錄外篇第一曰戒律部禪定部智慧部疑似部論記部五部二千四百一十種二千五百九十六帙五千四百卷與本志部分大異則梁代經藏之類例與隋人不同也

後序

隋書十志皆包括梁陳齊周隋五代其纂脩經籍志也以隋代官私書目所謂見存者類次為長編附以梁代之所有其四部總序之末皆援據漢書藝文志為說知其師範班書而漢魏以下典籍莫備于梁代欲綜括梁以來所有為一志以繼班氏之墜緒矯前史之未備焉其篇敘每云今據見存案見存書目不一家如牛弘王劭之所撰及本志簿錄篇所載開皇八年書目香廚四部目錄大業正御書目之類皆是也所注梁有亦不止七錄一家如丘賓卿天監四年書目殷鈞天監六年書目劉遵東宮書目劉孝標文德殿書目之類亦是也或以為梁有諸書皆七錄不盡然也詳見子部從橫家篇末卷首總敘云今考見存分為四部合條為一萬四千四百六十六部有八萬九千六百六十六卷此即其所鈔長編之數領其事者即就此數刪除其重複寫為定本而刪除不盡仍不免於重複者則以但見書目不見本書疑為別本不妨互見故也校書有本書可見修志唯書目是從各為一事亦各異其職故史志與書目似同而實異未可一例論 然書目門類各不相同書名題目亦多別異修志者于門目類例既不甚明曉于書名同異又多所拘擊故其中更有見於前復出於後著於此復注於彼者而注文不與本文相維繫率意比附於

撰人時代每多離合失次章法亦未能盡善其於七錄所載之書亦多有刪棄總集篇注云梁有魏晉宋雜祖饒讌會詩集二十一部凡如干卷今略其數知所略二十一部皆此之類是則刪繁就簡得事要矣而史部舊事職官儀注刑法雜傳譜系簿錄七篇以七錄敘目校之略其所載之書幾及三百種皆不言所略部數自亂其例以簿錄篇略去諸書數之非皆不足紀實草率了事也四部之中經部根據七錄大純小疵史部前九篇著錄無多有條不紊雜傳地理兩篇為陸澄任昉兩書所淆奪編次無法殊失體裁子部五行及醫家之後半篇收載最多紊如亂絲此四篇為全書之疵累集部別集一類有時代可循易於部署總集一類則各按文體排比本易故節次而下亦有條理統觀大致經集兩部為優史子兩部瑕不掩瑜大抵長篇累牘記載繁富夾雜于見存七錄者皆未能範我馳驅首尾一貫類例不熟故分隸不清動為他家書目所束縛而遷就依違茫無把握知當日與修是志者非專門之學不能如李淳風之於律曆五行而勝任愉快也此本志緣起事理及四部純駁之大略也四部所載存佚併計綜四千七百五十餘部散見於傳記有著其本事者有言其命意者有稱道其美詆其短者有載其文字而錄存其序目者自史漢三國以

迄李延壽南北朝十五史之中不知其幾百千條也其見於諸子雜家類書小說文集巾者亦略相等而自古迄今未有罔羅蒼萃爲一家言者亦未有注釋校勘起而修治之者夫以略而不詳之撰人亡而不見之書名茫無可考之體例亂無可理之頭緒與夫門類節次之殊古今存佚之數寫失刊誤之處避諱改更之故舉凡急索解人不得者一旦疏通證明使之原原本本粲然盈囑豈非一大快事哉前哲既未有成書 說部中有考論是志者僅數條或數十條而止予故樂爲之而不疲也夫考證之學至無窮盡識大識小或得或失各就其心目之所致吾于此書多心得之言爲前人所未發亦有駁前人舊說之未安者當其危疑莫釋堙沒無徵有累日尋思不得忽開悟於俄頃之間有一時委曲未詳而轉輾得數事之證思之思之鬼神通之有不可能然而然者亦莫之爲而爲也一書之中凡本事可考及命意所在者靡不著于篇其或疑信參半亦姑過而存之撰人始末必求其詳蓋如漢之劉歆魏之崔浩皆一代聞人而歆之後事本傳不具散見於翟義王莽傳浩之死難千古痛酷別見於史通及高允傳凡斯之類欲略見其梗概故不覺其曼衍儻亦所謂知人論世之一助乎 劉歆有傳注崔浩有周易注並見經部小學類易類取裁安處之間幾經審慎而始定訂

正疑異之處數易稿草而後成 世本一書史部譜系篇所載凡三部自來著錄之家所言皆誤今分別是正至四易稿而定其他類是者亦間有焉力撰繁冗不切之言務存簡要覈實之語其節引四庫提要簡明目錄及近人序跋者則其書尙傳于世可知也引諸家輯本序錄及孫祠書目書目答問者則其書皆亡亦或因善本足本而舉出者也又自古甄錄詩文者莫如文選自古評論詩文今存于世者莫如鍾嶸詩品劉勰文心雕龍而蒐聚詩文之遺篇佚句近而可徵者則惟馮氏詩紀嚴氏文編爲備故于別集類皆引述之以見大凡而佚文有無多寡之數亦于此可見也唯恐不出于人不得已而始謀諸己大抵四部之中可考見者十之八九其不可知者多無足重輕之書故前人置之不復道亦不引用也昔顏監集注班書謂蔡謨以來之注本大率意浮功淺吾於此書不能詳稽遠攬功誠淺矣而彌縫闕失積累餽釘意則自信其不浮也雖然豈無憾哉吾家自先贈公以來聚書至數萬卷不爲寒儉矣而唐許嵩建康實錄二十卷四庫別史類著錄昭文張海鵬亦刻之與原本書鈔續高僧傳等書求之累年不獲皆所未睹又昔年嘗見明修宋版隋書今復不可得無以証證故篇中失考之處每不能自己此新撰考證未盡之例之大略也隋唐相去不遠故二代著錄亦

略相同隋代亡書唐時復出著於羣書四錄者不知凡幾即唐書經籍藝文二志之所載是也本志所有見於二志者亦十有八九往往于本志疑滯不解之處尋求二志互相證驗則渙然冰釋得其本原蓋標題詳略之間雖一二字之異同增減足以祛疑釋滯而有餘故書中於唐宋志著錄之文必分析條舉以見其概不以為煩瑣而省略之而經籍志全鈔羣書四錄于本志尤近其爲裨益胡可勝言 舊志摛毋斐等所撰故條理井然新志欲駕而上之多所更易反形其拙若無此二志則沈霾黯昧不幾面牆而無從措手乎予既從二志參互考訂頗得端緒又從七錄敍目反覆勘驗并得脩纂取裁之所以然故于是志頗能見其會通條例節目約略可言著見於篇中者時或有焉通志藝文略紕繆多端不能辨隋唐三志之異同故類多重複疑誤後學已 予子部雜家博覽條下發之又略見史部譜系類中與夫高氏之子略割裂挂漏 略見子部道家老子類中又曆譜家後魏甄叔遵七曜本起條皆顏監所謂意浮功淺流俗短書唯關於考證者間一及之焦氏經籍志更妄誕不經無所取材焉宋史藝文志崇文總目晁志陳錄玉海通考經義考小學考時有采獲而玉海區分類別事徵實賴以觸發者尤多此外如章氏考證雖止乙部十三篇馬氏輯本亦唯經子之什一藉以取證亦

頗可觀而新雕嚴氏文編則收錄之富考據之密尤沾溉不窮焉嚴氏深于目錄考證之學所輯之書舊在四錄堂類集傳刻者止十二種見鐵橋漫錄自編四錄堂總目後輯文編多彙次於其中雖曰總集而兼包四部于子部之書所輯尤多集部則佚文皆在實爲考據淵藪所次撰人小傳多有不見於史而皆有援據無一字無來歷其書始事于嘉慶十三年致力九年而粗定又致力十八年而竣事後五十五年光緒癸巳九月刊成于粵東會垣之廣雅書局名曰全上古三代秦漢三國六朝文作者三千四百九十七人分代編次爲十五集七百四十六卷其序例目錄亦見所著鐵橋漫稿中而漫稿所載輯本序跋有在文編之外者尤足以備采擷焉文編未刻之前其鄉人蔣壑慮其亡散爲編次目錄蔣之友曾稽教諭汪曰楨序而刊行之予昔時所采獲者皆其目也其中輯本自歸藏以下不知若干種皆有自序題識于是志甚有益故并記于此又新撰考證推尋事理得所藉手之大略也始事於癸巳四月至明年歲除而稿具逾年正月接寫清本時復輟業迄丁酉六月完畢首尾凡四年有半云昔歲暮春予寫清本至子部雜家吾友陶大令文沖以常熟曾君樸新撰補後漢書藝文志十卷見貽越數日陶國學守次又以常熟丁君國鈞晉書藝文志

二冊見際二君之學與予有同志近在數百里惜不得見之其書亦各有心得之語因復刺取若干條於各類中出其姓名舊例於今人不著名氏或云避標榜之嫌耳予惟擇善而從不知其他